





*Hist. coal II 181*


JOHN CARTER BROWN  
LIBRARY

*Acquired with the Assistance of the*  
ST. MARIANA DE PAREDES  
FUND











**SOCIETAS  
JESU  
APOSTOLORUM  
IMITATRIX,**

*S I V E*  
**GESTA PRÆCLARA  
ET  
VIRTUTES EORUM,**

*Q U I*  
**è SOCIETATE JESU**

**In procuranda salute anima-  
rum, per Apostolicas Missiones, Con-  
ciones, Sacramentorum Ministeria, Evangelij  
inter Fideles & Infideles propagationem, ce-  
teraque munia Apostolica, per totum Orbem ter-  
rarum speciali zelo defudârunt.**

**AUTHORE**

**R. P. MATHIA TANNER è SOCIETATE JESU**

**Doctore Theologo,**

**PARS PRIMA**

**Societatis JESU Europææ.**

*Collegii Promissio  
P. Mathia*

*empstet a  
R. P. Jani. Trebicki  
1706.*

\*\*\*\*\*  
**PAGE, Typis Universitatis Carolo-Ferdinandæ, in Collegio Socie-  
tatis JESU ad S. Clementem, per Adalbertum Georgium Konias, Factorem.**  
**Anno M. DC. XCIV.**



DOCTUS  
JESU  
OSTENSUM  
IMITATIX.

212  
GESTA PRAECURARA  
ET  
VIRTVTIS FORMAM  
QUI

SOCIETATE JESU  
in procuranda salute animarum  
per Apostolicos Missionarios Con-  
fessores, Praedicationum Ministrum, Evangelij  
inter Filios et Infideles propagationem, co-  
ordinandam Apostolicis per totum orbem  
terram specialiter designant.

AUTHOR  
MATTHEUS TAVENNER  
Doctor Theologus

PARS PRIMA  
Societatis Jesu Propos.

AD USUM  
SOCIETATIS CLAUSTRALIS  
SOCIETATIS CLAUSTRALIS  
SOCIETATIS CLAUSTRALIS



Admodum Reverendo Patri  
in Christo Patri Nostro

THYRSO  
GONZALEZ  
SOCIETATIS JESU

Præposito Generali.



Ui laureatos, proprioque sangvi-  
ne purpuratos Societatis Nostræ Heroës, for-  
tissimos pro Christo *Martyres*, multis impul-  
sus argumentis, Supremo tum Universæ So-  
cietatis Moderatori, Admodum Reverendo  
Patri Nostro Joanni Paulo Olivæ dedicavit,  
idem ipse posthumi & nobilissimi operis hu-  
jus Autor ( quantum quidem requiescentem

jam in pace mentem ejus interpretari possumus ) Illustres alios ex Ea-  
dem Societate Viros, omni imprimis Virtutum genere conspicuos, o-  
mniumque Gentium præconio dignissimos *Confessores*, non alteri,  
quàm Admodum Reverendæ Paternitati Tuæ deferendos putâisset. Et  
ubi triumphales Eorum, profusóq; sanguine partas Laureas, pulcherri-  
mis de causis, Olivæ rectissimè sociari animadvertit; pretiosas Istorum  
maximis meritis comparatas Gloriæ Aureolas, Tibi nunc Ejusdem  
Societatis Primo Capiti optimè convenire, deberique æstimâisset.  
Imò: quanquam isthoc, quem jam diximus, Summæ in Societate Di-  
gnitatis Titulo, qui meritis Tuis unicè debebatur, non clareres, multos  
tamen Libri Autor alios, eosque insignes Titulos in promptu habuif-  
set, quibus omnibus Opus istud ob multiplicem præsertim eamque le-  
ctissimam materiam, præclarissimis gestis Tuis prorsus affinem, Tibi  
convenientissimè deberetur.

)†( 2

Ut



Ut obiter Autoris mentem, quoad licet, interpretemur: scivit Vir doctus, & sapiens: præclaras, & ad summa quæque natas Indoles nullis facile Fastis jucundiùs oblectari, quàm si in ijs res tales lectitandæ pensandæque offerantur, qualibus à se se jam præstitis, ipsæ longo jam usû essent assuetæ, vel deinceps, Majoribus etiam, præstandis toto animo intentæ. Atque hinc fortè Magnus ille Macedo tanto in pretio Homerum habebat, quem non modò in pretiosissimo scrinio, sed & in manibus oculisque (non obstante aut obturbante perpetuo bellorum tumultu) assiduè circumferebat; quòd magna illa Magni Achillis gesta venustissimè decantaret, quibus paria ipse quoq; jam gesserit, & quibus majora (nè minor illo videretur) animo jam destinàrit. Nimirum Magnitudinem suam (quanquàm non omnino, ut par erat, tam puro fine) ad Achillis fortitudinem mensurabat; ut deduceret, quantò fortissimum illum Græciæ Heroem, in bellandi præsertim gloria, jam attigerit, quantò deinceps eminere possit.

Quod si itaque præclarissimarum mentium ejusmodi est ingenium, ut similibus rerum, quales jam peregerant, aut etiam majorum, quas peragere meditantur, opportunâ memoracione mirificè oblectentur; Autòrne Opus istud, rebus sanè memorabilibus, quibus gesta Tua multipliciter concordant, refertissimum, Tibi Honorique Tuo inscribendum dubitasset? cùm præsertim, ut erat Vir mirâ quadam cuilibet gratificandi facilitate ab ipsa natura comparatissimus, Tuique imprimis observantissimus, pio cuidam Tibi faciendo gustui studuisset?

Leges utique in hoc præclaro Volumine præclara plurima, qualia Ipse jam peregisti. Speculum habes, in quo Te ipsum intueare. Ubi plurimarum paginarum lineas legendo percurreris, ipsa ante oculos Tuos Virtutum Tuarum expressa lineamenta spectabis. Invitus putabis de Te dici, quæ de alijs prædicantur; aliorum elogia legendo, nolens volens Te cum illis confundes, cùm de illis dicentur, quorum Tibi Ipse conscius eris; miraberis denique: sub aliorum Nominibus Virtutes Tuas promulgari, quas tegere frustra laboras.

Quid? quòd ingens Historiæ hujus pars Ipse fores, nisi benignâ cœli dissimulatione, pro communi totius Societatis bono, adhuc dum in terris relictus, nobisque concessus esses. Quantum enim imprimis de Te nobis dicendi campum aperirent vastissimæ illæ Regnorum Hispaniæ Regiones? quas undecim annorum curriculo Sacras Expeditiones (quibus in Hispania nihil celebrius) obeundo; quâ ferventissimè prædicando, quâ laboriosissimè catechizando, cùm summa Sedis Apostolicæ approbatione, singulari Regum Hispaniæ solatio, incredibili animorum proventu, nec minori Societatis commendatione fructuosissimè excoluisti? Quantum insuper, quod huc statim pertinet, esset



esset & istud? quòd, cùm celebrem illam in Salmanticensi Academia Theologiæ Cathedram in decimum jam annum summa cum gloria moderaris, eo ipso tempore, Divino quodam repente Spiritu afflatus, mirantibus amicis omnibus, Te ipso repentinam mentem Tuam vix sat capiente, tanto earum Expeditionum desiderio exarseris, ut finem rogandi non faceres, donec ad eas Evangelicæ prædicationis, & Apostolicorum laborum Palæstras, in quibus Zelus Doctor est, transeundi potestatem impetrares, ratus: Te Ignatiano, Xaverianoque Spiritui (quo jam tum, eoque jam adulto plenus eras) haud satis æquè responsurum, nisi de pulpito in trivium prosilires, ab Academia ad vicos, & tuguria abires, & qui ad instituendos Academicos summo cum plausu sapientiæ Oracula fundebas, ad erudiendos pusillorum rudiumque greges, in spiritu Humilitatis, prima Fidei rudimenta explanares. Quo quidem in Apostolico munere, quid egisse poteras majus aut inexpectatius? quàm spatiosissimas quinque Archi-Episcopatum, viginti-que omnino Episcopatum Dioceses indefesso labore percurrisse, tantos terrarum tractus sacræ Divini Verbi semine, cum uberrima deinde ex tot Populis reportata fructuum messe, inspersisse, nullumque pœne fuisse tam remotum, tamque obstrusum Hispaniæ angulum, quo ardentissimus Zelus Tuus non penetrârit?

Nihil hîc verò attingimus de priore illa supràque spem omnem felicissima Expeditione, quam labentis seculi anno septuagesimo Malacam profectus, adversus Mahumetanos, eosque Mauros suscepisti. Nihil putabare effecturus difficilius, nihilque prodigio similis, quàm si ex Gente illa, & genio, & sermone perquam barbara, ob inveteratam præsertim in nigris illis pectoribus duritiem, & proterviam, vel unum ab insanissima secta revocâris. Postquam tamen ad eos fortissimè perorare cœpisti, oratione mox primâ ternos, alterâ quinos, denos terciâ, deinceps per complures vices centenos felicissimè revocâsti; è quibus ternos supra tricenos, maxima cū solennitate, ab Ipso Illustrissimo D. D. Malacensium Antistite, uno die, Malacæ Sacro Fonte ablutos, cùm deinde alios octo supra videnos de ceteris electos, Illustrissimus D. D. Hispalensium Præsul Ipse quoque Hispali proprijs manibus abluendos suscepisset, tantâ id celebritate, tantâque novitate agitatum esse memorant typis vulgatæ litteræ, ut jam inde, à quo Ferdinandus Rex Castellæ Sanctissimus charissimam Urbem illam è manibus Saracenorum vindicavit, illâ celebrius nihil, majoréque pompâ & fastu apud se peractum meminerit nihil.

Ab undecennali autem illa per Universam Hispaniam Missione, cùm Majorum arbitrio Salmanticam ad repetendam Theologicam Exedram tandem revocandus viderêre, quam compluribus deinde annis titulo Primarij ac Emeriti Professoris meritissimò decorâsti, quibus



machinis, & pijs (ut ita dicamus) dolis utendum erat, tecumque pœ-  
ne pugnandum? ut absterso expeditibus Evangelicæ Prædicationis tan-  
tis per pulvere, ad destinatos Tibi honores redires? nè videlicet tanto  
Sapientiæ lumine Salmantinum Athenæum diutius vacaret? Cum-  
que illi fortiter urgerent; Tu, quoad licuit, fortius repugnares, quid  
evadebat certius? quam: utro ex duobus, Zelone inter populares in  
Trivijs, an Sapientiâ inter Doctores in Academijs pro DEO, Ejusque  
Sanctæ Ecclesiæ incremento amplius posses, prorsus esse incertum?  
Conspirabatur cum Zelo adversus novos honores Tua Modestia, &  
nisi Sapientiæ fortior omnibus Obedientia in suppetias accessisset, Ze-  
lus cum Modestia vicissent. Junxere tandem etiam post Victoriâ  
amicas manus (quas Ipse copulasti) victus Zelus cum Victrice Sapi-  
entia, & esto doceres, soli que uni Sapientiæ impendere Te posse vide-  
reris, neutri tamen defuisti, utrique Te miscuisti, utrique commodasti,  
domi Sapientiæ vacando, foris Zelo laborando, sæpe Regum volun-  
tate, sæpe Principum rogatu, sæpe Moderatorum nutu; sæpe Tu opte  
motu, jam in ipsam Regiam Madritum, jam Hispalim, jam Segoviam,  
jam Pintiam, jam Miobricam, jam Arevacam ad pristinas Missio-  
num functiones regressus, uberrimisque pro DEO & Populo labori-  
bus perfunctus. Et quod mirum! neque Zeli exercitijs obturbabat  
domi negotiosa Sapientia, neque negotiosis Sapientiæ otijs foris Zelus  
obstrepebat. Imò: quid mirum hoc erat apud tam facilem Virtutum  
Hospitem? apud quem amicissimè conveniunt Virtutes omnes?

Ceterum: Zelusne? an Sapientia plus Tibi debeat? quis decernet?  
utrique tanquam uni soli vacares, etiam cum domi solummodò labo-  
rares, pariter laborasti. Habet Sapientia, quæ pro se producat quater-  
na à Te in lucem edita Theologiæ Scholasticæ Volumina (ut alia al-  
terius generis omittamus) quæ meram, eamque profundissimam, &  
subtilissimam Sapientiam loquuntur. Sed habet & zelus quas item  
typis excusas, pro domo sua, proque amplificando Regno suo, binas  
adferat lucubrationes; quarum alterâ ad heterodoxorum, alterâ ad  
Mahumetanorum conversionem sapientissimè simul ac facillimè ma-  
nuducis. Quare: Zelone studiosior? an Sapientiæ solertior fueris?  
quis decidet?

O quæ alia, quantaque de prægrandibus meritis Virtutibusque  
Tuis huc adferre possemus! nisi brevitati, ac imprimis Modestiæ Tuæ  
consulere satius duceremus. Atque ut compendio omnia dicamus;  
Meritis Tuis, Zeloque præsertim, ac Sapientiæ Tuæ debes, quod San-  
ctissimi PATRIS NOSTRI, Conterranei Tui, primum quidem in In-  
dole & Virtute, deinde & in Dignitate Successor, ad Suprema Universæ  
Societatis, quam in Spiritu Loyolæo sapientissimè gubernas, guber-  
nacula sis evectus. Debes ipsidem: quod quo die Patrum suffragijs hæc

in



in Te Dignitas est collata, simul Pontificio vivæ Vocis Oraculo pro-  
ditum, confirmatúmque sit: Virum, cui tanta Universæ Societatis  
moles innitatur, electum esse omnino dignissimum, & capacissimum.  
Magnum Encomium! ab Innocentio XI. Sanctissimo, eoque Patre  
profectum; cuius encomijs, quia mundus non sufficit, Cælum ipsum  
per prodigia laborat.

Vidésne jam Admodum Reverende Pater ex his, quæ diximus, o-  
biter duntaxat perstrictis, plurimisque, quæ dici possent, consultò ne-  
glectis? si dicenda de Te hîc omnia forent, quàm longè Volumen i-  
stud Te ipso extendisses? in quo insuper tot, tantæque leges, quæ à no-  
bilissimis factis Tuis prorsus non abludunt. Et alienúmne quid ab  
Auctoris mente fecerimus? si in manus Tuas deferatur?

Habe ergo, habe hoc Opus, plurimis, ut vides, Titulis Tuum, Ti-  
bique planè debitum. Quod dum reverentissimè offerimus, simul  
concordibus Votis precamur, ut Divina Majestas (cujus amplifican-  
dæ Gloriæ unicissimè studes) cum pro Eiusdem, tum etiam pro hujus-  
modi Fastorum incremento, Admodum Reverendam Paternitatem  
Tuam vivere, & valere jubeat quàm diutissimè.

*Ità precatur*

*Admodum Reverendæ Paterni-  
tatis Tuæ*

*Obsequentissima*

**Provincia Bohemiæ Societatis JESU.**



# JACOBUS WILLI, SOCIETATIS JESU

Per Provinciam Bohemiæ Visitator  
& Præpositus Vice-Provincialis.



Um Librum, cui titulus est: SOCIETAS JESU Apostolorum Imitatrix, à Patre Mathia Tanner nostræ Societatis Sacerdote conscriptum, tres ejusdem Societatis Sacerdotes recognoverint, ac in lucem edi posse judicaverint: potestate à Patre Nostro Thyro Gonzalez Præposito Generali ad id mihi datâ, facultatem concedo, ut Liber Typis mandetur. In quorum fidem has literas manu mea subscriptas, & sigillo Officij mei munitas dedi. Pragæ ad S. Clementem 18. Martij Anno 1694.

L.S.

JACOBUS WILLI.

## PROTESTATIO AUTHORIS.



Nsistendo Decreto SS. D. N. URBANI VIII. ejusque confirmationi ac declarationi, observantiâ, ac reverentiâ, quâ par est; profiteor haud alio sensu, quidquid in hoc Libro in laudem cujusquam refero, quod speciem Sanctitatis, aut miraculi habere videatur, accipere, & accipi ab ullo velle, quàm quo ea solent, quæ humanâ duntaxat autoritate, non autem divinâ Catholicæ Romanæ Ecclesiæ, aut S. Sedis Apostolicæ nitantur; ijs tantummodo exceptis, quos eadem S. Sedes Sanctorum Catalogo adscripsit.

S. P. IGNA-





*S. Ignatius de Loyola Hispanus. Fundator Soc. I. E. S. U. et Dux eorum, qui portarent S. S. Nomen coram gentibus et populis infidelibus ad Fidei cognitionem, haereticos ad ejus Unitatem revocarent. Urbani VIII. in Bulla Canoniz. ejus. Obijt Roma 31 July 1556. aetat. 65.*

1.

J. Kiliam. Sc.

## S. IGNATIUS DE LOYOLA SOCIETATIS JESU FUNDATOR.

**D**UM IGNATIUM Societatis JESU Fundatorem nomino, Virum hoc ipso assero Apostolicum, & Apostolorum non tantum indefessum æmulatorem, sed vivum eorum vitæ speculum, & in alios spiritus ejusdem propagatorem Antesignanum: quem prælegit DEUS, verba sunt Urbani VIII. in Bulla de ejus canonizatione, ut eorum Dux foret, qui portarent ejus SS. nomen coram gentibus & populis, & infideles ad vera Fidei cognitionem inducerent, ac rebelles hæreticos ad illius unitatem revocarent. Quæ Societas Europæa.

re sicut in bello felices præliorum eventus, trophæa de urbibus, victoriæ de hostibus reportatæ, & omnis militum gloria ac præclare gesta, meritò Duci adscribuntur, à cujus militari arte, aciei directione, & impressionum dispositione, magis quàm ab armis & gregatiorum manibus proveniunt: ita quidquid triumphorum de gentibus cum Sociorum cohorte reportavit in Asia S. Xaverius; quidquid spoliolum in America de idololatriis retulit cum fortissima legione Josephus Anchieta; quidquid in Africa de Mauris, Schismaticis, & Mahometanis trophæorum statuit cum.



cum suis Andreas Oviedus; quidquid denique per Europam à reliquis commilitonibus bene & præclare gestum est inter Catholicos, prosperè depugnatum in hæreticos, totum IGNATIO imputandum est, & omnis gloria illi adscribenda, qui & militem omnem conscripsit, arte militari exercuit, arma tractare, ordines & signa observare, in hostem procurare, receptui canere docuit, Duces, Tribunos, Chiliarchas auctoravit, exercitum in legiones, cohortes, & manipulos divisit, aciem ordinatissimè direxit, tesseram proposuit, in hostem denique immisit, & primus impressione factâ aciem inimicam impulit, turbavit, disjecit. Quæ omnia verissimè IGNATIO attribui ex dicendis evadet manifestum, quibus virtutes ejus privatas & decora breviter perstringere contenti, ea ferè sola prosequemur, quæ Apostolorum sunt propria, & ab ipso in procuranda animarum salute primum in se ipso ad vivum expressa, deinde in Instituto divinitus sibi inspirato tam aptè Socijs præscripta, ut aptius & efficacius vix aliquid ad gloriam DEI, & Fidem Christi in omne genus hominum propagandam excogitari posse videatur. Adstruentibus idipsum diversorum Pontificum oraculis, Greg: XIII. in Bulla *Ascendente Domino*: ubi cum dixisset præcipuum Societatis finem eundem esse qui Apostolis fuit, *Catholicæ Religionis propagationem ac defensionem, animarumque in Christiana vita & doctrina profectum*, subjungit: *ad quem finem spiritus S. Ignatij excitator, media quoque, ac cujuscunque ministerij usus aptissimos accommodavit*. Sic ut non dubitaverit Patres nostros alloquens edicere: *nihil ferè in præsentia melius est, quàm vester hic Ordo sanctus, verè inquam sanctus, qui est à DEO adversus hæreses institutus*. Cujus proinde felicem statum ad totius Ecclesiæ incolumitatem pertinere agnoscens Greg: XIV. in Bulla *Ecclesiæ Catholicæ*: *Religio*, inquit, *Societatis JESU quam divina Providentia excitavit, adeò strenuè laboravit, ac sinè intermissione laborat, ut illius turbationem vel infirmitatem, ad commune Ecclesiæ damnum vel pacem; atq; integritatem ad ejusdè utilitatem maximè pertinere putemus*. Ut adeò Clemens VIII. consueverit eandem *dextrum Ecclesiæ brachium* appellare.

Natus fuit Ignatius Anno 1491. Loyolæ in Hispania, Parentibus nobilissimis Beltramo, Loyolæ & Oignes Domino, & Marinâ Saëziâ Baldâ, ex octo masculis & tribus fæminis prolibus ultimus, ad incarnati DEI & Matris Virginis venerationem in stabulo genitus.

De nomine in baptismali lustratione imponendo disceptantibus domesticis, & in Beltrami parentis nomen inclinantibus, neonatus novo prodigio in has articulatas voces prorupit: *Ignatius est nomen meum*. In ore infantis Prophetæ jam tum prædicente DEO, ignem se in terram missurum, ut accendatur. Ab infantia animum excelsum prætulit, in quo cuncta cerneret, quibus pueri nobiles spem sui magnam faciunt: ideòque velut Aulæ & Militiæ natus, in ipsa pueritia traditus est Ferdinando Regi Castellæ in honorarium ephæbum: in cujus domesticis obsequijs aliquot annos exigens, vulgato fratrum suorum bellicis in rebus egregio robore pungi cœpit, otiumque Aulæ cum tædio ferre, & militiæ desiderium Antonio Manrique Duci Nagaræ explicare. Is bellicosum Juvenis ingenium complexus, propinquitate etiam sanguinis impulsus, erudiendum suscipit quotidiano armorum ludo; in quorum tractatione brevità profecit, ut militiæ adscriptus, & per omnes illius gradus parendo primum, deinde jubendo, ad prima militiæ stipendia evectus, fortitudinis famam ubiq; collegerit. Trigésimum ætatis annum adeptus, præsidio cum milite imponitur Navarra Regni metropoli Pampelonæ, quæ magno Gallorum exercitu obsidione pressa cum defendi non posset, in arcem se cum milite recipit, volentemque timidè cum Gallis pacifici Præfectum in officio continet, cadere fortiter, si belli fors ferret, eligens, quàm turpiter cedere. Indè militem ad fortiter resistendum hortatus, propugnaculum sibi tuendum deligit, quæ maximè fervebat hostium impetus ad ascensum; id quia vehementissimè Gallorum machinis quatiebatur, vicini muri ex margine revulsus globo lapis, crus ejus sinistram verberat, sed idem retortus à muro globus dextrum penitus confringit, sternitque duplici vulnere saucium. Quo viso animus præsidiarijs concidit, & Gallus deditione munimento potitus, IGNATIUM perhumaniter, ob perspectam viri fortitudinem & virtutem habuit; ac paulò post liberum, ad exactiorem vulnerum curationem, per læticarios bajulos deportandum Loyolam dinisit. Illic malè primum repositis ab castrensi chirurgo fractæ tibi ossibus, deformem claudicationem cum perpetuo dolore minantibus, nisi divulsâ iterum suis aptè committerentur locis, carnificinam illam magno animo sustinuit, sensum ejus nec voce nec verbo testatus. Tanta nihilominus ejus fuit acerbitas, ut succumbente natu-



râ corpus variè spasmo convelli, fatiscere, stomachus, & eousque viribus defici cæperit, ut supremo vicinus articulo animum ad mortem sacris mysterijs compararet. Dies erat Apostolorum Petri & Pauli pervigilio facer, & medicorum effato IGNATIO futurus supremus; cum ipsâ nocte adfuit S. Petrus, & remedium morbo efficacissimum attulit, quo extra periculum constitutus IGNATIUS, servabatur ab Apostolo ad Sedis suæ, & universalis Ecclesiæ defensionem. Igitur receptâ valetudine, cum nihilominus unum ex ossibus deformiter sub genu extaret, ac brevius pede, altero crus remaneret, deformitatem hanc (ut erat elegantia inprimis curiosus) quovis cruciatu corrigi voluit, discissis denuo carnibus, protuberantis ossis abscissione, & quotidianâ cruris per machinam ferream ad mensuram alterius distensione: quæ omnia tam immobilis pertulit, ac si ferramentis saxum, non corpus vivi hominis scalperetur. Fuit deinde hoc vanitatis martyrium per omnem vitam IGNATIO ingens ad quævis ardua pro DEI gloria stimulus, ne plura studio placendi hominum oculis, quàm DEI fecisse videretur.

Interim dum lentius ex tot sectionibus consanescit, fallendo tempori, & discutendo tædio, multarum noctium insomnijs aucto, librum aliquem curiosum poposcit, cujus lectione illud temperaret: qui dum totâ domo diligenter perquiritur, DEI omnino nutu accidit, ut cum talium librorum ibi copia passim aliàs occurreret, nullus tunc quidem reperiretur, præter unum de vita Christi à Landolfo Carthusiano conscriptum, & alterum gesta Sanctorum enarrantem. Ad eos itaque legendos invitatus magis, quod alij omnes deessent, quàm ullo pietatis gustu accessit: sensim tamen agente intus DEO, mirari summopore, quàm miris & prolixis pœnis viri sancti, quàm crudè in propria corpora sævissent, quanta DEI amore tormenta & cruciatus Martyres tulissent! tum in animo vellicantes remorsus & exprobrationes sentire, cur non eadem pro sempiternum duraturâ mercede auderet ipse, quæ pro incertis & caducis fortunæ favoribus non refugeret? Dum tandem post longissimam voluntatis primùm, deinde tergiversantis animi luctam, magnanimus sui victor, fixissimè statuit illos sequi vivendo, quos tam mira pro DEO egisse viderat: capîtque seligere scripto ex ijs maximè heroica, quibus pro exemplari ad imitandum uteretur; siquidem unicè tum quidem ad saccum, cilicium, & speluncæ

*Societas Europea.*

rupem, ad noctes orando pervigiles, somnos nuda in humo carpandos, carnem catenâ, inediâ, verberibus frangendam, se magno ardore rapi sentiebat. Ad hæc assidue anhelantem, & invaletudinis moras desiderio novæ vitæ incusantem, nocte quâdam ardor ita vehemens totum se DEO consecrandi occupavit, ut lecto desiliens, advolutusque coram imagine DEI Matris, multo cum fletu totum se illi ejusque Filio, ad quævis ardua dicârit: sub qua oratione totum Palatium violento succussu contremuit, magis tamen IGNATII conclave, ejectis de fenestra vitris, rimisque apertum patentibus, quæ nunc etiam visuntur: Dæmonis ut creditur rabie, futuros jam tum IGNATII progressus ex ijs principiis metientis. Sed enim dum iste incassum furit, DEI parens IGNATIUM in proposito roboratura, non multò post iterum nocte oranti visendam se prolixè cum Filio infante præbuit, unaque imagines parum castas & mundanas, longâ sensuum incustodiâ animo ejus radicas, omnes in perpetuum erasit, ut inde quàm diu vixit, tanquam emortuo corpore, sensûque cujuslibet voluptatis, nè motum quidem reprobum vel minimum senserit. Firmatis utcunque viribus valè Fratri dicto, tanquam Manricum Ducem cognatum officij gratiâ invisurus, Loyolâ discedit, duobus tantum famulis equitibus assumptis; unaque omnem suorum amorem & cogitationem ita penitus ibi relinquit, ut nihil de domo & familia sua deinceps scire vellet, nullis ad quenquam de suis totos undecim annos datis literis; quas verò ab ipsis aliquando infasciculo accepit, sic ut erant colligatæ, neque inspectas, in focum cremandas injecit.

Remissis subinde domum famulis, solus, & DEI sui que jam totus, ad montem Serratum viam init; cum viator Mahometanus (qui tum adhuc frequentes per Hispaniam morabantur) illi se dat comitem, multaque in Virginitatem DEI paræ in colloquio effutens (quia eam rationibus, quibus poterat, ardentèr IGNATIUS persuadebat) fastidians tandem loquentem & iratus, subditis repente calcaribus, se proripit. Ictus graviter DEI paræ tot probris IGNATIUS, jam tum prodere divini honoris zelum luculentèr incepit: parum enim adhuc doctus discernere Christianum à jure militari, anxie deliberavit, possétne aut deberet injuriam Virginis necesse Mauri ulcisci? incertusque consilij, sententiam DEO, ut putabat, permittere statuit. Quâ se igitur in duas scindebat via, equo habenas remittit liberas, certus, si viam iniret quâ



quâ Maurus præcesserat, DEI nutum esse, ut blasphemum tollat è medio, secus, si callem teneret à blasphemo aversum. Et misertus est tyronis sui adhuc inexperti DEUS, fecitque ut præter omnem naturæ impetum, omisâ equus post Maurum viâ facili & planâ, saxosam alteram minimèque tritam, & in montem arrectam caperet: interpretante indè IGNATIO, nolle DEUM à se barbarum interfici. Comparatâ posthæc crassâ ex canabe tunicâ peregrinorum, quam fune præcinxit, cucurbitâ aquariâ, & viatorum baculo, ut primùm DEI paræ Monserrati templum attigit, confessionem totius vitæ ex scripto fusè, apud unum è PP. Benedictinis instituit, tam acerbo dolore fletuque toties abruptam, ut tres integros dies tenuerit: ac tum sub vespere, latendi causâ, vestitum pretiosum obvio pauperi impertiens, ejusdem centones, ac desuper habitum peregrini induit, noctemque illam, quæ annunciati Verbi Festum antecedebat, ante aram DEI paræ stans partim, de genibus partim precando vigilavit, & pugionem cum ense pro anathemate parieti appendens, equum Monasterio donavit. Ità omnium nudus, ac solâ deinceps victurus corrogatâ stipe, Manresam tribus à Monserrato levcis discessit, & habitationem in Nosocomio pauperum & ægrotorum impetravit, ut campum haberet domandi sui, & virtutis heroicæ exercendæ. Somnum enim in nuda semper humo brevissimum capiens, magnam noctis partem precando transigebat, sequè flagellando quotidie, interdum quinquies, ter interdum catenâ ferreâ cædebat. Oratio mentalis erat horarum septem, eaque de genibus, præter vocales preces, sacrum, & divina officia, quibus semper intererat: jejunium exceptâ Dominicâ continuum, quâ post sacram mensam modicum oleris cinere conspersi prandij nomine sumebat, reliquis diebus cibus omnis fuit frustum panis secundarij mendicatò collecti, & aquæ scyphus, idque semel in die. Accessit cilicium asperum nunquam corpore depositum, & crassior ex ferro catena lateribus præcincta, continua ægrotis & maximè putulentis præstita obsequia, quorum non semel ulceribus labra admovisse, sanièque forti naturæ violentiâ fuisse, acta publica testantur. Quibus asperitatibus, & potissimum internis ad comprimendas rebellis naturæ motiones pugnis, ità paulò post fractus & attenuatus est, ut miserum corpus vix traheret.

Sed necdum per hæc fervori suo satisfaciens, quòd contubernio plurimum impedire-

tur, quò minùs DEO se arctius jungeret, minùsque ad vexationes corporis liber esset, speculancam delegit angustam ad radices montis, 600. circiter Manresâ passibus distitam, laxatissimè priorum afflictationum spatijs, noctes totas vigilijs continuare, cibo triduum & quatrimum penitus abstinere, precationi horas plures addere: quibus præter vires penitus prostratas, torquebatur stomachi cruciatu perpetuo, linquebatur animo sæpius, ac sensibus destitutus pro mortuo reperiebatur; jacuitque semel dies aliquot finè pulsu flatuque mortuo similis, vix tandem piorum medicamentis suscitatus, & cibo refocillatus. Nec defuit occasione suæ dæmon, qui modò vanæ gloriæ stimulis, modò desperatione virium, ad vitam in tanto rigore continuandam, ac omnium molestissimè scrupulis tyronem Christi propè ad mortem exagitabat, ut non nisi aversum ab se DEUM, qui æternum perdere illum vellet, cogitare posset, impellereturque quodammodo violenter ad vitam præcipitio, ferro, aut laqueo abrumpendam. Totus ibat in lachrymas & rugitus, & clamores in cælum, ad DEUM vociferans, indè ut aliquid sibi opis adesset, quam frustra à viris Religiosis, à Confessario, à pijs exercitationibus quæreretur. Visâ tandem illi est pia vis, quam de aliquo Sancto legisse meminerat, DEO adhibenda, decrevitque tamdiu cibo abstinere, donec liberationem à DEO afflicti miserente exorasset: & produxit à Sabbatho ad alterum usque Sabbathum, nè panis quidem micâ, aut aquæ stillâ admisâ: nihil tamen propterea de usitatis alijs afflictationibus remittendo. Et progressurus erat ultra etiam, nisi Confessarius rem edoctus vetuisset, cujus simul imperium secuta est in Ignatio plena animi tranquillitas. Parabat nimirum hæc vexatione in illo DEUS magistrum curandis scrupulorum morbis peritissimum, quibus etiam remedia aptissima in aureo Exercitiorum libello præscripsit, & in sedandis conscientie jactationibus tam certum & habilem directorem, ut quem is postea non sanasset, nullâ arte sanandus crederetur. Verùm non fuit inter hæc parciore in IGNATIUM mensura DEI donorum, quam ærumnarum, in quem cælestium luminum tantam copiam profudit, & mentis aciem in prospectum divinarum rerum eousque provexit, ut assereret deinde, plura se orando unâ horâ Manresæ cognovisse, quàm quidquid Doctorum est sibi tradere potuissent. Nec defuere visiones & raptus extatici, in quibus modò adorandum SS. Trinitatis secretum, modò abdita potentie ac sapien-



pietiae divinae omnia creantis arcana, modò Christi in Eucharistia praesentia, & reliqua Fidei mysteria, tam claro certoque in lumine ejus intelligentiae revelata fuerunt, ut non dubitanter affirmaret, esto sacrae non extarent paginae, nihilominus ita firmiter certos sibi esse Fidei articulos, ut pro ijs vitam ponere paratus esset: potuitque literarum tunc expertus, de mysterio SS. Triados folijs constantem 80. librum conscribere. Praecipua ex his extasis fuit, quae toto octiduo ita DEO immersum fixumque tenuit, ut vacante ab omni corporis officio animam jaceret pro mortuo, sepeliendus omnino, nisi tenui cordis palpitatione vitae indicium dedisset. Creditumque constanter est, fuisse tum illi manifestatum non tantum genus vitae, ad quod in praesidium Ecclesiae à DEO eligeretur, sed tradita etiam ordinis, cujus designabatur auctor, praecipua lineamenta: quoties enim deinde rogabatur causam eorum, quae Societati specialia adeò, praeter exemplum aliarum Religionum constituebat; unum illud reponebat, insistere se ijs, quae in secessu Manresano à DEO didicisset. Eodem tempore admirabilem illum Exercitiorum libellum, cujus usu plures ad DEUM, summamque sanctitatem animae perductae sunt, quam apices contineat, conscripsit, ab ipsa Sede Apostolica approbatum, & plenariam indulgentiam, qui ejus meditationibus octiduo exercerentur, honoratum. Cum verò famam sanctitatis illius latè per Hispaniam sensim se fundente, undique multi ad eum confluerent, de rebus divinis verba ad eos facere ignito ex corde incepit; quorum ardorem multorum inexpectatae conversiones secutae sunt, nec pauci relicto saeculo Religiosis Ordinibus se manciparunt. Sic, ut (testantur ita Acta publica) quando Manresam venit IGNATIUS, cum aegre DEUS sat notus fuisset, cum inde abiit, magnam sui parte fuerit sancta.

Atque haec ipsa de virtute IGNATII populo-  
rum existimatio, & in dies auctiores concursus, illum Manresam discedere post decem amplius mensium commorationem compulerunt: nec minus trahebat desiderium loca  
Palestinae sacra invensendi, & populis illis infidelibus Evangelium Christi praedicandi. Itaque superatis difficultatibus, retrahere se à proposito nitentium, discedens, magnum sui omnibus desiderium reliquit, caputque jam tum spelunca, habitatione ejus veluti sacra, in veneratione haberi; quam DEUS frequentibus prodigijs hodièque ornare dignatur, quorum facile princeps censetur id, quod Anno

1627. accidit, dum in maximo hominum concursu imago Crucifixi lapidea ibi reposita, copiosum sanguinem ex latere, plagis manuum pedumque, & capitis punctationibus fudit, cujus etiamnum recentis rubent vestigia. Barcinonem digressus, dum occasionem trahendi in Italiam praestolatur, nullum sibi tempus otiosè abire passus est; cursate per Nosocomia, carceres, omni ope miseris adesse, mendicato quoque per urbem pauperibus stipem corrogare: de se verò & viatico tam esse sine cura, ut oblatam navigaturo pecuniam, in littore, priusquam navis solveret, abjecerit, in navi etiam mendicato victurus. Romae paucis diebus commoratus, Venetias nudis pedibus (ut semper hactenus) petijt; sed quia ob pestilentiae per Italiam suspicionem scrupulosissimè peregrini in urbes admitterebantur, fuit illi plerumque sub dio pernoctandum, unde corpus molestijs misere affectum tandem illum defecit. Humi proinde desertus à comitibus concidens, collegit se ad orandum, cum adest precanti vultu placido Christus, & facilem Patavium ac Venetias ingressum pollicetur: id quod cumulatè expertus est, divino etiam jussu ab Illustrissimo Venetiarum Senatore Trevisano in domum, ex publica porticu, in qua noctem acturus erat, collectus, illam coelitus voce admonito: *tu commodè plumam & stragulis operatus dormis, servus autem meus & amicus sine tecto humi, & in publico jacet.* Admissus in navim, quae novum in Cyprum Praefectum vehabat, perditissimos nautarum mores repre-  
hendere non cessabat; tantopere illis eam causam exosus, ut de illo in desertam insulam exponendo concluderint, nisi ejus littus prope jam radentibus, reflans ex improvise ventus navim in altum rejecisset, & Cyprum invitos petere coegisset. Habuit autem in ea cum sceleratissimis vectoribus lucta Christum, aspectabili formam saepius consolatorem, & secundam in terram sanctam navigationis fide-  
jussorem: cujus effectum appulsus in Cyprum continuo expertus est, deprehensam in portu navi jamjam in Palestinam vela facturam, quam etiam feliciter eo pervectus est A. 1523. Dicit non potest quantis solarijs coelitus delibuta mens IGNATII fuerit, ex visu & contactu locorum, in quibus mysteria salutis nostrae Dominus operatus est, in monte praesertim Oliveti, ad vestigia post ascensum in coelum ab eo relicta. Nam cum frustra remanere Hierosolymis, solventibus inde reliquis peregrinis, laborasset, clam omnibus ipso discessus die recurrit ad montem Olivarum, sine



custode contra Turcas, sinè viæ duce, veneraturus extremum plantarum Christi signa: ad quem reducendum missus à Cœnobitis Franciscanis famulus Armenus, cum eundem barbarè exceptum raptaret, Christus Dominus visendum se illi exhibuit, viam in aëre præiens, & ad ferenda patienter probra exhortans. Igitur in Cyprum revectus, tria Venerias propediem solutura navigia reperit, Turcicum unum, Venetum alterum probè instructum, in quod plerique peregrinorum se recipientes, rogabant navarchum, ut DEI amore IGNATIUM admitteret, cui nihil ad nauticum suppeteret, sed esset virtutibus omnibus apud DEUM dives: repulsus tamen cum commate, ad tertium exiguum, & vetustate ac tempestatibus quassum recipi impetravit, ingens pro nautico beneficium Gubernatori DEO rependente. Solventibus enim unà prosperè navibus, primâ nocte incumbens procella duas illas fluctibus haurit, solâque exilis ultima & ægra, tempestate superior Venetias incolumis pervenit.

Hic jam IGNATIUS juvandarum in Palestina animarum spe dejectus, circumspicere incepit, quo modo & loco in dies flagrantiorum suum zelum impenderet: Sed obviabat tacita quædam vox, nihil ei satis in eo genere processurum, nisi solidè ab literis munito, quibus prædicatio verbi divini, & animarum procuratio fulciretur: quod fuit principium ejus viæ, quâ illum DEUS ad vitam Societatis Apostolicam fundandam sensim inducebat. Hoc instinctu Barcinonem redit hyemè perfrigidâ, & sub tunicella telâ simplici malè tectus, pane indies emendicato victitans: & quia in Italia iter agendum erat per loca Hispano & Gallico milite infesta, tentus aliquoties & malè habitus est ab utriusque militiæ cohortibus; & quidem primum ab Hispanis tanquam explorator pessimè exceptus, qui detractis ad scrutandum, ecquid literarum occuleret? vestibus; nudum planè per media castra ad Ducem pertraxerunt; itâ interim omnium inter ludibria & probra in meditando Christi patientis nuditatem absorptum, ut se, quid fieret, diu non adverterit. Et quia graviorum tolerandorum appetens, in respondendo quæstionibus Ducis hominem bardum & stolidum consultò simulabat, non absque indignatione hujus in milites, qui stultum ab exploratore nescissent discernere, dimitti receptis vestibibus jussus est; quod ab ijs non prius factum est, quàm pugnis & calcibus illum barbarè contudissent. Ab Hispanis elapso, idem ferè à Gallis comprehenso actum

est, nisi quòd tandem illorum Dux Cantaber IGNATIUM quoque Cantabrum agnoscens, perbenignè habuit, & Genuam indemnem abire permisit. Ibi consensâ navi Hispanicâ Barcinonem perveniens, ab infima Grammaticæ schola literas in publica scholâ Vir 33. annorum, inter pueros condiscere exorsus est, ut lucrands animabus, quarum tantopere salutem deperibat, idoneus evaderet. Advertit ea res dæmonem, quantam aliquando stragem lucris suis factura esset, idèoque magis quàm unquam hætenus exercitatione virtutum & pietatis, ab hac studiorum prosecutione IGNATIUM avertere conatus est. Quoties enim ludum literarium subiret, vel assignatum à Magistro pensum memoriæ mandatet, tantis animi inundabatur lautitijs, tot diffuebat lachrymis, & in DEUM amandum rapiebatur affectibus, quor & quales unquam etiam in profundis contemplationibus fuerat expertus. Quas inter animi voluptates cum dies & hebdomadas jucundè, illis tanquam à DEO immixtis obsequens, duce-ret, deprehendit se post has nullo quàm antea doctiorem: quod satis illi erat in discernendis spiritibus jam exercitato, ad dæmonis fraudem advertendam. Quare conventum illico Magistrum de genibus negligentæ præteritæ veniam rogavit, & voto se ad proseguenda constanti diligentia studia obligavit, in qua si aliquando remitteret, pœnas à se publicas, æquè ut à pueris reposci, instantissimè petijt. Mirum dictu! depulsa momento fallacia est, & omnis ille deliciarum cœlestium, & peregrinorum luminum violentus apparatus evanuit. Quâ item cogitatione, & secuturi ex animabus solidioris lucris spe, multò post, jamque Societatis à se conditæ parens, nostrorum juvenum mulcebat fastidia, quibus propterea minùs studia sapiebant, quòd in ijs ubertatem illam liquidissimarum voluptatum minimè sentirent, quam experti aliàs fuerant in multa oratione.

Neque tamen idcirco quidquam ferè de asperitatibus suis, ceterisque exercitijs omisit IGNATIUS, nisi quòd precandi tot horas diurnas in brevius tempus contraxit, noctibus magis illi vacare solitus; nam & somnum constanter nudâ humo cepit, cilicia, verbera, aliâque retinuit, pane non alio, eoque solo, quàm ostiatim emendicato, & frigida potu vixit; quòd si largius aliquid ultra usum (quod plerumque perspectâ jam Viri sanctitate fiebat) aut melius, petenti obvenisset, id totum pauperibus alijs donabat, à quibus idcirco provisor suus & pater vocabatur. Sed



& festis, vacationumque diebus totum se miserorum in Xenodochio obsequijs, instar mediastini addicebat, ministrabatque tanquam Christo in ijs latenti. Observatus interea non raro fuit curiosius à domesticis quid noctu ageret, deprehensusque semper est in oratione defixus, nunc passis in crucem brachijs, nunc toto prostratus corpore, in dulces ubertim lachrymas dissolvi. Videbant item frequenter immensum ex eo splendorem cubiculum implere, sensimque, ut erat genibus nixus, à tè à terra (quod idem sæpius illi etiam in Templo palam istuc accidit) suspendi, unde voces & gemitus mittebat animi tenerimè in DEUM affecti: *ab DEUS! si te homines nō sent! & o DEUS infinite bone, qui me tantum sustines peccatorem?* & similes. Sed neque animarum procuracionem penitus Barcinone, quantum per studia posset, intermisit. Cum enim in Sanctimonialium suburbano Cœnobio licentiùs quidam agerent, cum periculo non obscuro, & gravi in publicum offensione, Templum illarum suæ pietatis exercitijs delegit; cuius ibi plures quotidie horas precantis devotionem, lachrymas, ardentem vultum observando sacræ Virgines, hominem primum suspicere, habere ut sanctum, demum etiam adhibere in consiliū, & perorantem de divinis audire velle. Morem gessit ille cupientibus perlubenter, & partim ardentissimis concionibus, partim exercitiorum suorum meditationibus, brevi ex discolorum sanctum Parthenonem effecit, & impuris saluatoribus aditum omnem præcludit. Fuitque istorum exinde tanta in IGNATIUM rabies, ut cum à capris terrore, minis, plagis per emissarios iteratis abstinere non posset, duos ad ipsam necandum è mancipijs Mauros submiserint, qui de Cœnobio cum pio quodam Sacerdote redeuntem aggressi, tam dirè fustibus utrumque contuderunt, ut ex ijs Sacerdos paucis diebus obierit, IGNATIUS verò in suo sanguine pro mortuo relictus, & alieno ministerio domum relatus, quovis momento animam daturus crederetur. Livebat enim toto corpore tumidus & fractus, omni que sui parte dolens, ut integrum nihil præter linguam & oculos retineret, quibus in cælum suspiceret, & laudes DEO diceret, nec moveri in linteamine suspensus sinè acerbissimo cruciatu posset. Et crescebat indies gravius malum, habitusque post 30. diem pro deposito, Sacramentis ultimis supremum iter adornabat: neque tum tamen cilicium detrahi passus, donec à Confessario juberetur, quod in magna veneratione Barcinone observatum, multos ægritudine

aliisque casibus pressos sanavit. Post 53. demum dies discrimine vitæ defunctus, ut primum in pedes erigi potuit, mox ad Parthenonem adrepsit, confirmaturus in proposito sanctitatis Virgines, esto novam sibi à scelestis necem parari non obscure adverteret. Vicit tamen hæc tam fortis charitas malitiam improborum, quorum Coriphæus Ribera quidam mercator, ad pedes Sancti provolutus, veniam ordinatæ se criminis petijt, vitamque deinceps laudabilem instituit. Per idem tempus Barcinone litis contra Germanum fratrem amissæ dolore, Lysanus quidam nomine, domi se ex trabe suspenderat, quo inter confertum populum etiam IGNATIUS accurrens, funem rescindi obtinet. Post tentatas artes omnes ad revocandum, si fortè quis superesset, in corpore spiritum, cadaver denique emortuum deprehenditur: ad cuius nihilominus latus in genua provolutus Sanctus, tantum vitæ miserimo homini à DEO flagitat, quantum ad expiandum confessione scelus sufficiat. Auditur, & ne dubium foret precibus IGNATII in vitam redisse, statim ab exomologesi peracta iterum moritur.

Biennio moratus Barcinone tantum in latina lingua profecerat, ut gradum posset ad disciplinas altiores facere. Quare ad Complutensem scholam discedens, cum plures ei vitæ sanctioris Sodales se addicere vellent, tribus admissis (quorum tamen nullus deinde constans perstitit) alios rejecit, & quidem duobus futuro illorum statu, & casibus vitæ omnibus prophetice prædictis. Nam Michaëli Rodesio affectari se volenti, *minime verò, inquit, sed vitam in seculo traduces juris peritus, & conjugatus, aliquot prolium parens, ex quibus unus pro te Religiosæ Familia, quam DEUS per m. fundaturus est, se adjunget.* Quæ omnia suo tempore evenerunt. Alteri Joanni Pasqualio, cujus mater IGNATIUM domo Barcinone receperat, *dentiavit, velle DEUM ut vitam in sæculo duceret: m. accepturus es, ait, virtutis egregia uxorem, ex qua plures tibi nascentur filij & filia, sed multa cum pariter ærumna: supremam autem ætatem in summa egestate, quæ tamen magno anime tuæ cedet bono, traduces.* Quæ omnia illi contigerunt: nam primus è filiis mutus unà & surdus in lucem venit: alter anno ætatis 22. amens effectus est, tertius profligatè vivens, repentinâ morte in oculis parentis concidit: filiarum verò cum essent quatuor, uni tantum dari dos in matrimonium potuit, tanta erat Pasqualij egestas, quæ illum propè ad mendicitatem redegit! Sed non defuit afflicto Sanctus,



ctus, plurimis in vita erigendo ad patientiam literis, & à morte visibilem illi se exhibendo, tam augustâ specie, ut à radijs ejus totum Templum, in quo comparuit, illustraretur. Compluti quarto Sodali auctus IGNATIUS, hospitium in Nosocomio delegit, obtinuitq; cubiculum pridem ob spectra & horribiles strepitus vacuum, quæ primâ statim nocte ingenti fragore, & teterrimis larvis irrupentia, fusâ ardenti oratione in perpetuum abegit. Vitam Compluti per omnia eodem virtutum & asperitatum tenore egit, quam Barcinone, solâ mendicitate vitam sustentans; sed non æquali in Philosophicis profectu. Impatientiâ siquidem ardoris in animarum salutem præproperi, vires ingenij ex affectu metitus, Philosophiâ unâ ac Theologiâ operam dabat, quæ dum multo labore ac tempore nullo ordine confusè prosequitur, nihil assequabatur: neque tunc DEUS lucem illi digerendæ in hæc studia aptius operæ meliorem fugessit, quia scilicet Complutum adduxerat, non tam ut inde doctrinam referret, quàm inferret pietatem, & ejus causâ gravia toleraret. Ergo parum se lucris ex processu literario assequi videns, totus ad procurationem salutis alienæ versus est: frequentare nosocomia, Catechesim publicè in compitis, & privatim in domibus explicare, res divinas ubique inculcare, juvenes Academicos ad pietatis exercitia incitare, commentationibus sacris in secessu erudire, eo laboris successu, ut perpetuæ morum conversiones in his, quibuscum agebat, sequerentur, audirétque in tota urbe Vir sanctus & Apostolicus. Neque erat ullus in sceleribus, quantumlibet inveteratis, ita pervicax, ut resistere spiritui per IGNATIUM loquenti posset: ex quorum genere fuit Clericus nobilis Ecclesiæ in Hispaniis primariæ, cujus vivendi ratio Academia illi fuit tam pestilens, ut sequacem multorum juvenum turbam in societatem scelerum traheret, in alium tamen prorsus hominem uno IGNATIUS quoque mutatus. Huic similia inde contingebant, fervebant hominum concursus, ad audiendum in Nosocomio IGNATIUM, etiam ex prima nobilitate; frequentabantur octavo quovis die Sacramenta, quod tam insolens tum habebatur, quàm modò ea adiri quotidie; notabantur in juvenibus ex academia diversi à pristinis mores, & animi non tantum ad insolitam modestiam compositi, sed ad Religiones etiam diversas & austeritates proclives, quos se è quibusdam ejus præceptionibus, quæ secessum & silentium poscerent, hausisse dicebant.

Hæc adeò mira per hominem vix bene Grammaticum in urbe literata fieri, multum sollicitos tenebat sacros Quæsitores, iniecitque timorem, ne sub pietatis larva pravi aliquid ab IGNATIO sensim deceptis instillaretur virtutis fuco, prout à Luthero fieri audiebant in Germania. Et binis quidem inquisitionibus in mores Viri S. dicta & facta institutis, ab omni suspitione absolutus est; tertio nihilominus ob mulierum quarundam heteroclitam pietatem, & susceptas ipso auctore peregrinationes (quas tamen magnopere disfavērat) falsò delatus, in carcerem per litteres palàm in omnium conspectu abreptus est. Quæ tamen injuria nihil auctoritati ejus vel existimationi detraxit; sed concurrebatur ad illum audiendum in carcerem, non à vulgo solum & juventute Academica, sed à Principibus etiam viris & fœminis, ac Professoribus Academicis, longèque fama de IGNATII sanctitate totâ Hispaniâ vulgabatur. Sed hoc ipsum tantò sollicitum magis & anxium reddebat Vicarium Complutensem, quod homo laicus, & in Theologia adhuc tyro, vix absque errandi periculo conscientias regere, verbum DEI prædicare posse videretur: hinc licet eatenus nihil sive in vita illius culpabile, sive in doctrina erroneum deprehensum fuisse publicè iterum sententiâ juridicè pronunciaret, vetuit nihilominus, sub excommunicationis & exilij pœna, carcere dimissum, nudis pedibus, & talari habitu cum Socijs incedere, sed communem studiosis cultum assumere: cogendis præterea cœtibus & concionibus, tradendis meditationibus, imò & privatis hortationibus tamdiu abstinere, dum residuos Theologiæ tres annos absolvisset. Quæ Vicarii jussa haud secus ac DEI exceptas vestes mendicato per urbem corrogare cepit. Accidit autem, ut in Nobilium turbam incidens, stipem ab ijs humiliter peteret, cum unus ex ipsis, Lopus nomine, monitis IGNATII de corrigenda morum suorum licentia pridem offensus, socios à largitione dehortari, hominem nequissimum, hypocritam flagitiosissimum vocare, *qui si non rogo planè dignissimus est*, inquit, *velim ipse vivus concremari*! Et probavit IGNATII innocentiam scelesti hominis eodem die vivicomburium: paucis enim horis perlatus Complutum de Philippo II. feliciter in lucem edito nuncius, totam urbem in ignes festivos excitavit, quos dum etiam Lopus ex edito sui Palacij cum servis exequitur, scintilla iræ Divinæ flatu perlata in pulveris acervum, ex eo ingenti flammâ totum Lopus.



pium involvit, incenditque; is rabiosè vociferans præcipitavit in aquam descendere, quam mox ut attigit, animam maledicam efflavit.

Videns nihilominus IGNATIUS, tacere de DEO jussus, nullum à se deinceps Compluti operæ pretium fieri posse, optimum factu censuit Salmanticam proficisci, ut studiis illic finem dum imponit, fervori simul suo, nemine obstante, indulgeret. Sed si illum actorum Compluti fama sequeretur, seu conditio temporum sancta quoque suspecta faceret, si vel minimum olerent novitatis, vix dies 15. labori solito incubuerat, pari semper conversionum fructu, cum delatus ad Inquisitores Fidei, denuo unà cum Socijs carceri mancipatur; in quo præter canosam humum lectus nullus, sedile nullum erat, insuper catenæ eidem cum socio pede uno adstrictus, quæ palmas tantum 12. sic illos disjungeret, ut movere se ulterius unus sine altero non posset. Post dies 13. & rigidum doctrinæ examen, restitutus cum Socijs in libertatem pristinam agendi docendique, facile collegit posse malevoli cujuscumque delatione in eadem incommoda revolvī; quare constituit Hispaniā relictā Parisios petere; & cum scientiæ Theologicæ defectu hæc sibi in animarum procuratione tot obstacula unice fierent, totum se illi comprehendendæ impendere. Expertus autem quotidianā stipis corrogatione, nimium quantum studia turbari, oblatam à pijs hominibus liberalem Barcinone eleemosynam lubens admisit, ut in Contubernio quopiam studiosorum locum sibi conduceret: nisi & hanc perfidia unius ex Socijs, sublevis 25. aureis consumpsisset. Necessitate igitur consiliariā, per vacationes autumnales in Belgium, & Angliam tum Catholicam excurrere, à mercatoribus Hispanis corrogabat, quod in sumptus anni sequentis sufficeret: ipsis postea, ubi hominem nosse cœperunt, ultro etiam liberaliter eleemosynas submittentibus, quibus & Socijs paulò post collectis subvenire posset. Accidit Antverpiæ, ut stipem à Petro Quadrato negotiatore Metimnensi postulanti IGNATIO, ipse liberalem sanè offerret; in quem proinde ille defixis oculis, *erit*, inquit, *cum tu Domine mi tam benignè nunc in me beneficus, religiose familia tua in patria Collegium fundabis, quam per me hominem nihili DEUS excitaturus est.* vaticinio secutus postea eventus fidem fecit. Neque tamen ita penitus studio Philosophiæ (nam & hanc repetere de integro, solidioris doctrinæ causā, visum est) vel Theologiæ abripi passus est, quin privatis cum scholæ Socijs sermocinationibus

*Societas Europæa.*

divina ardentè instillaret, & ad virtutem alligeret; diebus verò recreationum & festis, ad pia in nosocomijs misericordiæ opera obeunda, & prolixiorē devotionem inducendo, longioribus à schola ferijs non paucos in secessu commentationibus à se digestis exercebat. Quibus aliquot præstantis indolis & nobilitatis adolescentes, & unus etiam Doctor Sorbonicus, in alios penitus mutati, cum patrimonio in pauperes distracto suam nosocomijs in perpetuum operam addixissent, delatus iterum ad Ecclesiasticum tribunal, velut animorum incantator IGNATIUS, post severum examen nullius tamen noxæ reus deprehensus est. Sed gravius illi à Magistratu Academico imminēbat eadem causā periculum, nam cum eatenus diebus feriatis convenire ad Collegium S. Barbaræ soliti Scholastici ad exercitia disputationum, deinceps ad sacrorum frequentationem ab IGNATIO inducti, ad Templum pro schola, ad DEUM pro Magistro defluerent, ictus eā solitudine Doctor Penna, castigari hanc injuriam à Rectore Academicæ Jacobo Govea publicā IGNATII verberatione impetravit. Et jam armati virgis Professores omnes in Aulam, totaque Juventus Academica ad spectaculum concurrerant, cum IGNATIUS Goveam privatim conveniens, paratissimum quidem se ad publicum probrum, tam sancta in causa, fidenter ostendit, videndum tamen etiam atque etiam illi relinquere, forēne satis ex Christi lege, pro refractario punire hominem, quia solum animabus ad Christum adducendis insudasset. His ille intimè perculsus, & cæcum suum advertens impetum, IGNATIO in medium conventus adducto palam ad genua accidit, multisque lacrymis veniam rogavit: quam injuriam cumulatè olim rependit, ad consilia Lusitanæ Regis Joannis Tertij Olisipone assumptus, dum ei auctor fuit, ut in conversionem Indiarum IGNATII Socios adhiberet, quos etiam peculiari semper affectu prosecutus est, & Xaverium inter Indos laborantem singulari apud Regem patrocinio adjuvit. Crevit autem exinde tanta apud Magistros IGNATII estimatio, in quo eximiam Theologiæ mysticæ à DEO infusæ peritiam adverterant, ut ei prius Doctoris Theologi tradenda insignia deferrent, quàm cursum Philosophiæ absolvisset; quod tamen Vir sanctus constanter rejecit.

Fuere autem miræ ipsius planèque ingeniosæ artes ad animos DEO lucrandos, & cœno peccatorum extrahendos. Juvenis impudicus alienam conjugem perditè deperibat,

B



bat, flocci habens utriusque vitæ discrimen perpetuum subire, dummodo ejus amoribus potiretur. Frustra omnibus remedijs in illo pertentatis, viam observat IGNATIUS, quâ impurus leno adulteram adibat; ibi ad aquam, scelesto per pontem transmittendam, vespere mediâ hyeme opperitur, sentiēsq; venientem, aquis se glacialibus nudum collōtenus demergit, DEOq; cum fletu cruciatum hunc, ad extingvendo propudiosi Juvenis ignes sacrificat. Ubi verò hunc adventantem prospexit, tremulū sed terribilē intonans, telis ardentibus magis quā verbis, *iret porro, inclamavit, perditum animam & corpus, suūque se spurcus in luto convolveret! se verò in eo algoris cruciatu & pertinaciter hesurum, & junctis ad DEUM precibus luiturum nefarias ejus scditates; dum vel illum sua dementia, vel se quod supererat vita deficeret!* Inhorruit ad hæc infelix, & DEO cor intimè pervellente ad frugem redijt, fuitque IGNATIO, cui tanti steterat, semper amicissimus. Erat alius Sacerdos Religiosus turpissimi exempli, cujus gradus & conditio libertatem corrigendi à laico non ferebat. re igitur DEO commendatâ die quodam illi ad pedes accidit peccata, confessurus IGNATIUS, ac velut serenandæ per ejus directionem conscientiæ gratiâ, vitæ totius peccata sigillatim recenset, acri dolore & lachrymis ardens, ut ob interpolatos singultus & perpetuum fletum, vix progredi posset. Tantâ hominis pœnitudo, peccata suis longè minora deplorantis commotus Sacerdos, cui turpitudines suas vivaciter DEUS tunc exprobrabat, hōc graviore, quò Sacerdotis Cœnobitæ quā laici multò sunt lapsus graviore, duritiem suam intimè exhorruit, & mox à peracta confessione IGNATIO, cujus ex illa spiritum abundè cognoverat, animum suum pessimè laborantem aperuit, remedium petens. IGNATIUS voto potitus, Exercitijs spiritus illum excolendum suscepit, effinxitque exemplar in eo pœnitentis vitæ haud paulò clarius, quā solutæ ac perditæ antea fuisset. Doctorem quendam Theologum insignem DEO lucrari sæpius tentaverat Vir sanctus, frustrato semper conatu, dum aliquando illum invisens reperit tridiculis ludentem. Invitatus comiter ad colludendum, excusavit primū ludendi non minùs ignorantiam, quā insuetudinem: sed urgenti nihilò seciùs Doctori, ex interiore afflatu IGNATIUS, *admittam, inquit, quando ita jubes provocationem, verū eā lege, ne joco ludam vel gratis.* Cum autem mihi pauperi præter me nihil sit, meipsum depono; & si

*quidem lucro excidero, solidum mensem me tibi auctorabo ad præstanda quacunque jusseris: si verò victor evasero, una mihi tantum in remorem gerēs, quā in anima tua bonum repetam.* Accipitur, DEO ita movente, conditio, & IGNATIUS qui in omni vita globulum nunquā, vel tridiculum manu attigerat, tam feliciter lusum terminavit, ut ne semel quidem globulum annulo Doctōr trajecerit: evidenti planè auspicio Numinis, rectā IGNATIO globulum indoctè missum dirigentis: quem proinde ludi eventum in aliquid majus DEI consilio sibi paratum arguens Doctōr, manus dedit, & impositis ab IGNATIO, peractisque ipso directore sacris Exercitijs, proventum tulit vitæ deinceps sanctæ & castigatissimæ. Atque hæc eadem exercitia multis alijs saluberrimo eventu pervasa, socios illi novem ex omnium delectu præstantissimos, ad novæ Religionis foundationem pepererunt, quos ille eodem Apostolorum spiritu imbutos, in totius orbis spem sanctissimè educavit, verè in ijs ipsorumque successoribus factus Pater omnium gentium & nationum. Quam illius artem nunc prosequi incipio.

Ingressus Parisios IGNATIUS Anno 1528. Februario mense, cum illum annum humanioribus repetendis, perficiendæ in se latinis causâ tribuisset, triennium sequens Philosophiæ impendit, renunciatus publicè Magister Artium Anno 1533. Martij 13. Eo Philosophiæ cursu in S. Barbaræ inchoato, qui tunc annos tres & medium tenebat, Petro Fabro Sabaudia oriundo commendatur à Magistro Penna, ut ei prælecta publicè privatim reperat, & inculcando proniora intelligentiæ reddat. Ex hac mutua consuetudine cum brevi alter alterum intimè perspiceret, & tam IGNATIUS dotes in Fabro consilij suis aptissimas, quā Faber in IGNATIO magisteriū spiritus cum altissima sanctitate junctum suspiceret, diu tamen uterque affectus pressere tacitos, dum tandem necessitas Fabrum priorem coëgit ductui IGNATIO se committere. Pridem ille voto castitatis se DEO obstrinxerat, tum autem contrarijs illi imaginibus, & exinde verinantibus scrupulis ita misere lancinabatur, ut nihil proficientibus ullis asperitatibus, orationibus, ceterisque remedijs, deliberaverit in solitudinem quampiam secedere, ubi nihil occurrere in sensus posset, cujus obiectu impudicæ cogitationes moverentur. Quia tamen meritò dubitabat, an id Eremiticæ vitæ, his sæculis insuetum genus, DEO cordi esset, remedium ab IGNATIO petere constituit. Et hic quidem paucis præscriptis



ptis hominem nullo negotio tentationibus extricatum, licet deinceps in omnibus haberet sibi obnoxium, toto nihilominus biennio, præter ardentia quotidie de DEO & rebus cœlestibus colloquia, nihil de proposito suo aperuit, donec sensim expoliendo altiorum capacem perficeret. Tum die quodam fixum sibi esse indicat, studijs absolutis navigare in Palestinam, suamque illis infidelibus operam & vitam impendere, cum nullum excelsius vel vitæ genus esse posset Apostolicâ, neque mortis, laureâ Martyrij. Ad hæc Faber sexcentis in deligenda vitæ ratione anxietatum flatibus agitatus, quasi DEO tunc illas dissipante, rapi se penitus in idem consilium persensit, arctèque IGNATIUM complexus, illi se primus omnium socium Instituti, integrum mensem sacris Exercitijs in solitaria casa excultus, dedit, paulò post IGNATII consilio sacris ordinibus initiatus. Et fuit mirus planè divinæ Providentiæ in hoc ludus. Erant tunc unâ Parisijs IGNATIUS & Calvinus, unâ discipulos & sequaces, sed quàm diversos fines! legebant: primum ex his sibi finxit IGNATIUS Fabrum, *qui vitæ & doctrinæ suo malleo*, verba sunt Florimundi Remondi, *hæresim fortiter obtrivit*: ibidem Calvinus alium ejusdem nominis Fabrum sibi cudit, insignem oppidò suarum hæresum cyclopem.

Alterum ejusdem secum Contubernij sodalem, in futura Religionis Socium lucratus est Franciscum Xaverium, Regno Navarra oriundum, cujus sanctâ institutione id assecutus est, ut discipulum haberet Indiarum maximum Apostolum. Quod profectò semper agnovit Xaverius, solitus eum literis propè omnibus vocare animæ suæ Patrem, cui omnem suum in spiritu profectum deberet. Habebat is jam ante IGNATIUM eundem Fabrum contubernalem, & studiorum sodalem, quibus ultra honores evanidos altioremetam non figebat: unde IGNATIUM, qui postea ijs se adjunxit, mundanorum omnium contemptorem spernere, abjecti & vilis animi excelsam illius sui dejectionem arbitrari, vixque in eum oculos sinè aliqua nausea conjicere: monita verò salutaria interdum ab IGNATIO injecta, non aspernari modò, sed ipsum quoque monitorem falsè traducere. Verùm ex his ipsis IGNATIUS statim advertit, non vulgarem esse Xaverij genium, aut mediocribus contentum, indè quantò cernebat alieniorem, tantò contendebat omni officio illum demereri. Ad hoc igitur callidè observare studium hominis, ingenij famam & doctrinæ captañtis, ideòque prensare illi, jam tum Philo-

*Societas Europæa.*

sophiam publicè prælegenti, auditores, discipulos adducere, & ubique honoris illius tenues etiam tueri & provehere rationes. Quibus Xaverij nobilis indoles facillè obstricta, videre jam alijs oculis IGNATIUM, haberèque ex animo amicum familiariter confidentem: quem cum probè nosset illustribus æquè ortum natalibus, sensim advertere non ex vili & degeneri pectore, sed magno potius & excelso proficisci illum terrenorum contemptum, quo spes omnes & honores, velut suo indignos ambitu, calcaret. Optimis interim occasionibus opportunè usus IGNATIUS, validdè hominem adoriebatur, & quâ se ille tutiorem rebatur, illac IGNATIUS impressionem acriùs urgebat, illius creberrimè Christi effativeritatem varijs figuris imprimens, *quid prodest homini si mundum universum lucretur, anima verò suâ detrimentum patiatur?* Ac turbantur primùm insveta hominem monita, qui primus est motus virtutis & gratiæ, cum natura & vitiò pugnantis: at motum secuto ratiocinio, quidquid terreni & caduci animo insedit, feliciter depulsum est. Igitur ut primum docendi munere, absoluto Philosophiæ cursu, defunctus est Xaverius, IGNATIO exercendum se commentationibus sacris permisit, è quibus novus homo prodians, ejus Societati magnâ animi resignatione accessit. Tam luculentâ Xaverij jacturâ, quem honorum cupiditatibus irretitum eatenus tenebat, acerbè irritatus dæmon, multòque ampliùs quòd innumerabiles sibi ereptum iri per eum animas ex vivaci ejus indole presagiebat, omnem apud Parentem illius movit lapidem, ut Xaverium à cursu Theologico Parisijs domum revocaret. Sed cum id non procederet, eò quòd Xaverij soror Magdalena, Gandiæ in Cœnobio S. Claræ antistita, Parentem ab eacogitatione revocasset, utpote divinitus edocta, illum à DEO Indijs Apostolum, & firmam Ecclesiæ columnam destinari: aliunde Cacodæmon aggressus est Xaverij cœpta evertere. Michaëlem enim quendam Navarum, genere & animo vilem in furorem egit, qui Xaverium videns, cujus hætenus alebatur sumptibus, totum se IGNATIO addicere, futurumque ut in ejus pariter vitam egentem & humilem transfiret, decrevit uno scelere victum sibi, qui erat defecturus, & domus Xaveriæ honorem, qui erat abjiciendus, unâ stabilire, tollendo è vivis IGNATIO. Jamque in scelus obfirmatus scalas ad conclave IGNATII conscendebat, ut improvisus illum adoriretur, cum voce terribili è cælo in gradu sistitur, *quò properas infelix? & quò tendis?* quibus



bus perterrefactus & tremens, IGNATIUS ad-  
volvitur pedibus, & deliberatum confessus  
crimen veniam petit. Xaverij exemplum  
secuti adolescentes Hispani duo, summis na-  
tura & gratia dotibus instructi, Jacobus Lai-  
nes, & Alphonfus Salmeron, ille Philosophiæ  
Magisterio insignis, iste græcæ insuper & he-  
brææ peritus, uterque post S. Exercitia inge-  
nti pietatis ardore peracta, Socios IGNATIUS se-  
adjunxerunt. Accesserunt Simon Roderi-  
cius Lusitanus, & Nicolaus Bobadilla Hispa-  
nus, postquam iisdem exercitationibus spiri-  
tum suum probârunt.

Hoc tam felici sex commilitonum dele-  
ctu, vidit IGNATIUS sua jam consilia posse exi-  
re, nemodum enim erat ex his alterius consci-  
us, sed quisque putabat se solum IGNATIUS su-  
um propositum credidisse. Ut ergo omni-  
bus singulorum mentem apertam faceret, il-  
losque invicem, secum, DEOQUE copularet,  
certos singulis seorsim indixit jejuniorum,  
& afflictationum dies, quibus animum con-  
firmarent ad suscipiendam vitæ rationem di-  
vinæ gloriæ promovendæ summè idoneam,  
certo deinde die conventuri, ut quisque ede-  
ret quod deliberassent: scirent autem non  
fore se solos, sed adfuturos plures ejusdem  
propositi percipidos. Adsunt igitur condi-  
cto die mensis Julij Anno 1534. cupidissimi  
singuli Sodales suos cognoscendi; cumque  
una jam essent, & dotes invicem singulis no-  
tæ præstantiæ insitas suspicerent, quisque po-  
stremum omnium se censere, magnæque gra-  
tiæ ducere reliquis accenseri, neque dulces  
lætitia lachrymas tenere. Humi abjecti cum  
paulisper orassent, mentem illis suam IGNA-  
TIUS à DEO inditam multis aperuit, Christum  
quàm posset proximè imitari, cui præter pri-  
vatæ sanctimonix studium ita cordi fuissent  
homines, ut quidquid egit passusque est, pu-  
blicæ eorum salutis consecraret. Hanc ean-  
dem vivendi rationem observasse Apostolos,  
& primos Ecclesiæ nascentis Sanctos, neque  
obsequium Christo gratius reddi posse, quàm  
ut sanguinis sui pretioso commercio animæ  
illi redimantur. Hoc animo lustratas à se  
plures Provincias, ut campum cerneret, unde  
posset meti divinæ gloriæ animarumque fru-  
ctus uberior: & omnium maximè indoluisset  
peregrinum in Palestinam, illam Christi san-  
guine rigatam terram Lucifero servire, ideòque  
illi potissimum statuisse sementem Fidei inji-  
cere: felicem nimium! si suo quoque san-  
guine contingeret illam rigare. Interea ve-  
rò dum tempus navigandi appeteret, certum  
sibi esse DEO se penitus consecrare, nuncupa-

to illuc proficiscendi voto, paupertatis item  
voluntariæ, ac perpetuæ castitatis. Dice-  
rent proinde & ipsi suam sententiam, an ea-  
dem illis mens, idem animus esset. Consen-  
tiens omnium una vox fuit IGNATIO applau-  
dentium, nisi quòd unâ arctari Palestinâ vo-  
tum suum non placuit, quibus omnia in DEI  
gloriam ausuris, patere totius mundi ambitus  
deberet. Itaque si in Palestinam navigandi  
post unius anni Venetijs expectationem, vel  
in ea hærendi facultas intercluderetur, statue-  
runt, ut voto illius petendæ soluti tum cense-  
rentur: sed Romæ se Christi Vicario sisterent,  
quocunque gentium placuisset in animarum  
auxilium ab eo mittendi. Quia tamen nec-  
dum omnes cursum Theologiæ absolverant  
(quod necessarium videbatur) ijs concessum  
residuum biennium ad usque 25. Januarii anni  
1537. in studijs pergendi, inde Parisijs & ipsi  
Venetias peterent. Ad hæc voto & jura-  
mento firmanda, destinârunt Augusti diem  
15. assumptæ in cælum DEI paræ sacrum, sub  
cujus patrocinio illa emittere, & deinceps vi-  
vere volebant: locum verò Templum in col-  
le levæ dimidio extra urbem, *S. MARIE in  
monte Martyrum*, nuncupatum. Quod au-  
tem intercessit ad statum diem temporis,  
quotidiano jejunio, precationi, & varijs aspe-  
ritatibus, ad impetrandam DEI gratiam con-  
secrârunt.

Illic igitur præfixo die convenientes, sub-  
terraneo in sacello soli, Fabro celebrante,  
(præter quem nemo Sacerdotium susceperat)  
vota edidère. Is SS. Christi corpus mox ab  
se sumendum manu tenens, versusque ad So-  
cios, tum ipse, tum singuli deinceps voce cla-  
rà obstrinxere se DEO ad paupertatem, casti-  
tatem, ad transmittendum in terram sanctam,  
& si id non procederet, ad deferendas summo  
Pontifici operas; ad rejiciendum præterea  
quodcunque stipendium vel donum, quo  
compensaretur sacrorum administratio; id  
quod addiderunt, ad obstruendum os Luthe-  
ranis, calumniantibus Clericos Christi san-  
guinem cauponari. Nuncupatis in hunc mo-  
dum incredibili animi sensu, inter uberrimas  
lachrymas votis, Christi corpus sumpserunt:  
gaudio singulorum in unum potissimum.  
IGNATIUM redundante, ut qui sudoris tam-  
diuturni primos meteret fructus, & spes lon-  
gas videret tam ubertim à DEO fortunari. Est  
autem singulare, quod multi hujus & prioris  
sæculi observârunt Scriptores, divinæ erga  
suam Ecclesiam, & Christi in terris Vicarium  
curæ momentum. quo enim anno 1534. Rex  
Angliæ Henricus VIII. ex defensore Ecclesiæ  
trans-



Commendatâ Fabro IGNATIUS Socio-  
rum interim Parisijs curâ, anno 1535. per  
Venetias in Hispaniam paupere cultu disces-  
sit, de cujus adventu Loyolæ jam appropin-  
quantis certiores redditî fratres & agnati, ma-  
gnificè illum excipere obviam effusi para-  
bant, quorum tamen occursum per avia ipse  
declinans, Aspeitiam contendit, ut illic in  
publicum nosocomium diverteret, valetudi-  
nem curaturus. At enim honores, quos Lo-  
yolæ vitaverat, incurrit; nam oppido propi-  
or videt sibi obviam procedere supplicanti-  
um ordinem Clericorum, & ingenti numero  
agnatos: horum tamen nullis precibus indu-  
ci potuit, ut alibi quàm in S. Magdalenæ no-  
socomio hospitaretur. Quod ergo ijs resta-  
bat unum, elegantem pro ipso lectum, parém-  
que mensæ commeatum eò mittunt: sed ne-  
que illo unquam decubuit, cum nisi humi  
somnia non caperet; neque de cibis un-  
quam aliquid attigit, sed panem ostiarum quo-  
tidie palam toto trimestri, quo egit Aspeitia,  
mendicavit. Ceterum stomacho prius jam  
cæpto restitui, quàm Aspeitiam teneret, aspe-  
ritates priores omnes refumpsit, & longè ma-  
ximè studium proximi juvandi. Confectum  
itaque prodire ad tradenda Christianæ doctri-  
næ pueris capita, ad quæ frequens etiam adul-  
torum, & illustrium personarum corona cum  
afflueret, sua cuique credendi ac vivendi op-  
portuna tradebat documenta. Accidit ali-  
quando, ut puerorum unus Martinus Halar-  
tius vultu deformior, & linguâ balbus, de  
Catechismo dum respondet, risum nobilibus  
feminiis moverit; ad quas vaticidicus IGNATI-  
us, *ridetis, inquit, hunc puerum, quia sola ex-  
teriora nempè intuemini! sed hoc habetote,  
evasurum insignem DEI servum, bonoque in-  
genti animarum illustraturum præclaris labori-  
ribus Patriam.* Alterum octennem Francis-  
cum Almarium mater IGNATIO sistebat, po-  
stulans enixè ut bene illi precaretur: defixis in  
eum IGNATIUS oculis, *bono animo sis, matrem  
alloquitur, nam hic puer futurus est & ævi lon-  
gioris, & multorum pater liberorum.* Quod  
sic in utroque ad amissim exactum est, nam  
& ille vitam egit in Clero sanctam, & in ani-  
marum procurratione summè actuosam: &  
iste quindecim filiorum parens, octogesium  
ætatis annum attigit. Præter quotidianam  
Catechesim, ter quot hebdomadis IGNATIUS  
de meridie dicebat ad populum, concione in  
duas nonnunquam & tres horas productâ,  
etsi lentâ febre laborans: eratque is populi  
undique concursus, qui capi nullo tempore  
posset, hinc sub aperto cælo dicendum erat;

B 3

fed



sed vocem & latera supplebat evidenti miraculo DEUS, siquidem trecentis passibus semoti, æquè ut proximè distinctè audiebant, tamen si languidè & ægro anhelitu diceret. Nec Viri sancti labores speratus fefellit fructus: nam Cleri primum mores integrè restituti, miserabilem in modum hæctenus dissoluti: multi siquidem etiam Sacerdotes suas domi alebant concubinas, & quidem sacrilegio tam effronti, ut uxorum ornatu, locis illis proprio, eas inducerent. Ludendi libidinem, jacturam temporis, salutis, & familiaris rei infamem ita sustulit, ut toto indè sequenti triennio nullus Aspetiæ lusus fuerit visus. In cultum vestium inanem & periculosum foeminarum cum inveheretur, exortus ingens earum fletus, faciem alapis cædentium, lacerandoque suo capillitio, & abjiciendo ornatu pœnitudinem animi acerbam palam prodentium. Pari felicitate jurandi consuetudo abolita, meretrices ad pudorem adductæ, quarum aliæ vitam omnem in nosocomio ægrotarum ministerio dicarunt, aliæ relabendi metu pedites in longinqua peregrinationem susceperunt. Sodalitatem quoque instituit SS. Sacramenti, & eam curæ pauperum præfecit, quos à victu mendicando pudor ingenuus absterret; quam in rem de suo patrimonio census in perpetuum bene grandes constituit. Usus præterea induxit meridianæ precis proprijs, quos culpa lethalis obstringeret; & omnia demum, quæcunque Aspetiæ optaverat in DEI obsequium, ex voto perfecit. Neque ad hæc felicius obtinenda defuere à DEO miracula, nam & à dæmonibus plures annos obsessam solo crucis signo capiti impresso liberavit: & aliam in furorem à dæmone agi solitam, eodem remedio quieti restituit: & tertiam tabe diuturnâ ita consumptam, ut in horas animam actura videretur, crucis signo plenè sanavit, ut pagum suum Gamaram, ex quo ad Sanctum delata fuerat, per se repetierit. Erat & alius, cui nomen Bastidæ, comitiali morbo obnoxius, quem in eodem S. Magdalenæ nosocomio morantem, sæpe impetus mali solo miserrimè allidebat. ejus casui præsens aliquando IGNATIUS, brevi præmissâ precatione frontem hominis manu pressit, hic verò tactu benefico mox sibi restitutus, nunquam postea, dum vixit, ejus morbi accessu tentatus fuit. Sed & panni ipsius dum à muliere emortuo brachio planè captâ eluerentur, in vestigio suum brachio robur & vigorem contulerunt. Cum verò nocte intempestâ aliquando suo in cubiculo precibus vacaret, deprehensum est totum illud cœlesti splendore lucere.

Reparatis ex morbo viribus iter ad discessum comparanti, equos & famulos penè violentè offerebant agnati, quibus constanter rejectis, pedes viam more suo absolvit Valentiam usque, ubi in navì oneraria Genuam solvente mari se dedit, gravissimâ jactatus tempestate, quâ mercibus omnibus in mare dejectis, miraculo fuit navim nudam, vectore incolumi portum tenuisse. Genuâ pedestre iter impeditissimum habuit IGNATIUS, hyeme imbris supra modum infestâ, errore insuper viæ in Apennini transitu in præsentissimum ultimi præcipitij discrimen adductus, quo nullum unquam præsentius & terribilius se in vita expertum dicere solebat, ex quo & Bononiæ ægrotavit. Auxit verò morbi causas gravis in ipso urbis ingressu de ponte in fossam corporis lapsus, unde aquis ut erat & luto diffluens, ad captandum sui contemptum maximè frequentes urbis vicos mendicans obivit; neque tamen vel obulum unum, præter dicteria & uberes sannas, elemosynæ reportavit. Exceptus tamen Hispanorum beneficentiâ, & intra hebdomadam ex febris & tormento stomachi curatus, Venetias contendit, ubi perficiendo ad exitum cursui Theologico (annus adhuc illi deerat) intentus, studium tamen salutis alienæ, uti nec alibi unquam, deseruit. Præcipuum hujus laboris pretium fuere fructus ex traditis Exercitijs collecti; & primi quidem erant duo fratres, Jacobus, & Stephanus de Egvia, ex Navarra orti, qui meditationibus consuetis exercitijs, IGNATIO se applicare tum quidem decreverunt, post verò conditâ Societate integrè confecerunt. Accessit & Hozius Baccalaureus, sanguine & doctrinâ illustris, qui à susceptis Exercitijs continuè IGNATIO adhæsit, & septimus jam Sociorum numerum auxit, primus omnium ante firmatam à Sede Apostolica Societatem beatâ morte sublatus, & ideo in numerum primorum, veluti fundamentalium Societatis lapidum, decem Sociorum non accensus, utpote ante illius in Religiosum ordinem erectionem defunctus. Fuere & alij quàm plurimi, inter quos Petrus Contarenus, postea Bassi Episcopus, iisdem ad egregiam vitæ sanctitatem exculsi; quorum successus tam miros livido quidam oculo intuiti, denovo IGNATIUM satorem hæresum, versipellem, veneficij suspectum traducere, idcirco secretum cum ijs quos dementaret captare; nam ubicunque cœpisset detegi, salutem fugâ redemisse, ab Hispania, ex Gallijs; ubi etiam Parisijs illius effigiem, cum in profugum animadverti non posset, rogo traditam fuisse.

Ad-



Admonitus in tempore IGNATIUS, ultrò Pontificium Nuncium convenit, rogavitque causæ cognitionem institui; ex qua id demum quod alibi ubique consecutum est, pronunciatum iudicio publico innocens, adversarij autem falsitatis & calumniæ damnati.

Interim Faber relictus ab IGNATIO Parisijs Socijs Præfectus, dum condictum discessui Venetias operiuntur diem, non cessavit & ipse novos Socios IGNATII Instituto deligere; & quia illius Exercitia doctus erat peritissimè tractare, præter alios hac arte plurimos DEO & virtuti paratos, tres IGNATIO lectissimos Sodales adiunxit, quibus lectissima illa primorum Societatis Patrum decas, non accenso illis Hozio, completa fuit, Claudium Jajum Sabaudum, Paschasium Broëtum Gallo-Belgam, Joannem Codurium Gallum, omnes Theologiæ Doctoratu insignes, Sacerdotio etiam priores duos. Atque hi etiam dum alij instaurant, sua tunc primùm vota nuncuparunt, recurrente eodem assumptæ Virginis die, eodémque in Martyrum montis templo. Constitutus itineri ubi advenit dies, egressi Parisijs ad 5. Nov. Anno 1536. viam omnem dierum 50. pedites emensi sunt, vestitu paupere sed oblongo (qualis tunc Academicorum Parisiensium) scriptorum sarcinulam humeris gestantes, gravissimis & præsentissimis vitæ periculis defuncti; dum denique salvi & incolumes IGNATIO Venetijs restituti sunt 8. Jan. anni insequentis. Illic in duo distributi ab IGNATIO nosocomia, alterum insanabilium, communiter ægrotorum alterum, operam suam omnem miserorum obsequijs consecrârunt, tantâ præstantissimæ civitatis admiratione, ut tota ad hoc invisum spectaculum concurreret, ipsique adeò Senatores adventarent, novitatis famâ exciti, & pijs lachrymis pietatem spectaculi tenerimè celebrantes. Dæmon è contra in energumena, quæ culinæ nosocomij inserviebat, rabiem suam & odium in illos palàm testabatur, ad eorum conspectum in clamores inconditos & ejulatus erumpens, ac semet distorquens, *proh! quid ego non movi, ut horum Societatem disturbarem? ut eos hinc procul averterem? malè pereat, qui huc illos adduxit! probè novè quinquam sint, & quorsum tendant!*

Quia verò in Palestinam navigaturis necessarius erat summi Pontificis assensus & facultas, illius postulandæ causâ, post alterum & sesquimenssem Venetijs exactum, præter IGNATIUM navigij parandi curam habiturum, reliqui omnes peregrini Romam, etiam ut lo-

ca sacra urbis venerarentur, & ostiatim mendicatâ stipe viventes, discesserunt. Summâ comitate à Pontifice Paulo III. excepti, præter potestatem trajiciendi in terram sanctam, & Evangelium Christi ibidem prædicandi, Apostolicam benedictionem, & facultatem ad sacros Ordines à quovis Episcopo, paupertatis & doctrinæ titulo obtinendos, & in viatici auxilium aureos 60. acceperunt. Indè Venetias continuè relexerunt iter, pedites ut ante ac mendici; nam donatos à Pontifice 60. aureos, & alios 140. à mercatoribus Hispanis, in profectioem transmarinam seponendos censuerunt. Venetijs pristinæ in Nosocomijs operæ se reddiderunt, quoad votis ad pedes Nuncij Apostolici Veralli Paupertatis & Castimonie renovatis, à Vincentio Nigufantio consecrati sunt Sacerdotes Anno 1537. festo die S. Joannis Baptistæ. Primitias verò Sacrorum varijs, suo quisque delectu, celebrioribus diebus obtulerunt; dempto IGNATIO, qui ad tanti operis apparatus annum sibi solidum assignavit, quem postea in mensem 18. protulit, annoque tandem insequenti in Natali Domini, ad Christi præsepe, in Æde S. Mariæ Majoris Romæ celebravit. Posthæc cum ijs quotidie spes navigandi diffluerent, ob Reipublicæ cum Solimanni Turcarum Tyranni classe bellum navale, promissioni tamen DEO factæ, ne qua sua ex parte deessent, expectandum Venetijs uno anno, si quæ se daret occasio, censuerunt. Interea, Primitijs majore pietate habendis, & publicis prædicationibus animum paraturi, secessus singuli captant addies 40. à strepitu solitarios, in tugurijs vicinarum urbium desertis, corrogato pane & frigidâ, & humo in lectulos contenti, solâ multarum horarum precatione, & varijs pro suo quisque fervore pœnis animam saginantes. IGNATIUS in tugurium Vincentiæ adsitum migravit, visorum illic cælestium frequentia eadem quâ Manresæ, & delicijs Cælestibus pastus, eâ lachrymarum ubertate, quâ cœpti gravius affici oculi, in reliquam vitam malè habuerunt. Ex hac dierum 40. solitudine progressi, quam Christi Domini exemplo salutis alienæ procurationi præmiserant, in diversas urbes operam dividunt, in quarum fora & plateas prodeuntes, è scamno saxové fortuito plebem galeri agitatione & vocibus convocant, ut solent circumforanei ludiones: ad quam, italicè licet perperam dicentes, sed eâ vi spiritûs inflammati concionabantur, ut qui risus & jocos captaturi accurrerant, suspiria & lachrymas referrent.



ferrent. Cum enim ad unam prodirent poenitentiam suadendam, pallore ac macie exemplum edebant eorum quæ loquebantur, & concione dimissa in suam illico eremum se recipiebant. Succubuit nihilominus tot asperitatibus & laboribus Simon Rodericus, qui cum Jaio Bassani operi insudabat, nam ægritudinis malo ad extrema deductus, iussus est ab evocato medico ad emigrandum animam comparare: de quo certior factus IGNATIUS, magnâ festinatione Vincentiâ accurrit, prædicens viæ comiti Fabro, nequaquam Simonem eo morbo occubiturum. Et verò primo statim amplexu illum extra vitæ periculum ita constituit, ut paulò post integrè convalescens, labori Apostolico sese reddere potuerit. Sed paulò post idem (ut vetus habet suspicio) vel Socius ejus Jaius, gravius animo ægotans, fastidio vitæ Apostolicæ, & solitariae contra dulcedine inescatus, secessum ab IGNATIO ad Eremiticam jam urgebat, nisi eum emissio in itinere spectro DEUS ad IGNATIUM repulisset. Vix enim ab IGNATIO sese Bassano subduxerat, cum simulachrum hominis armati supra morem proceri obvium se sistit, irato acerbè vultu gladium vibrans; quo exterritus dum fugam ad hospitium Sociorum præcipitat, stupentibus istis fugientem, quia terroris causam, & insequentem videbant neminem, IGNATIUS divino monito prædoctus socio infideli procurrit obviam, pansisque in illum brachijs subridens excipit, *modicæ fidei*, inquiens, *quare dubitasti?* quibus verbis omnis ab eo in perpetuum tentatio abacta est. Dederat fortè defectionis istius cogitationi materiam Eremita Bassanensis, quocum aliquamdiu tugurio excepti duo prædicti Socij vixerant; nam solitudinis suæ supra vitam Apostolicam æstimator, multum illius sanctam quietem hujus actionibus non solum palam anteferebat, sed etiam IGNATIUM, quod habitu ac more externo nihil ab alijs discrepantem videret, apud se spernebat, unumque de vulgo Sanctorum credebat. Sed oranti deinde monstratum est cœlitus, quàm sublimi gradu sanctimonie singularis apud DEUM IGNATIUS fulgeret: id quod seipsum incusans solebat postea bonus senex alijs narrare, ut discerent à cortice nucleum differre.

Extincta sub hæc spes omnis fuit in Palestinam navigationis: quare IGNATIUS Socijs in unum Vincentiam convocatis, exsolvendâ proponit voti partem alteram restare. Hinc inter eos convenit, ut IGNATIUS, Faber, & Lainez omnium nomine Pontifici se sisterent, ad missiones quacunque orbis parte jussisset, ob-

eundas: in urbes interim reliqui spargerentur quæ Academijs florerent, unde seges sperari posset animarum uberior, & novi Socij conscriptis adjungi. Prius tamen quàm dividerentur, ad eandem servandam vitæ normam hæc omnibus tenenda præfixa sunt. 1. Mendicato ex eleemosynis vitam sustinere, & in nosocomijs hospitari. 2. Alternis hebdomadis invicem præesse. 3. Concionari per compita, ubicunque se daret occasio. 4. Christianæ Fidei rudimenta pueris magno studio tradere. 5. Nullam vel unius oboli mercedem pro quovis labore admittere. 6. Demum quidquid occurreret juvandis proximis opportunum, in opus conferre. Si quæreretur quinam essent? vel ejus Instituti tenerent regulam? nil aliud respondere, quàm *de Societate JESU* se esse. Cui nomenclationi ita constanter IGNATIUS adhæsit, ut neque in deliberationem unquam Socijs illam venire passus fuerit, quod eam cœlitus Religioni à se fundandæ à DEO ipso impostam in specu Manresano accepisset, & quidem (ut constans apud nos traditio est) in meditatione, quam de duobus vexillis inscripsit. His ita constitutis, delectu urbium habito in quas operam partirentur, Romam itineri IGNATIUS, Faber, & Lainez se dederunt, Xaverius & Bobadilla Bononiam, Ferrariam Rodericus & Jaius, Broëtus & Salmeron Senas, Patavium Codurius & Hozius petierunt. Quorum postremi ob novitatem prædicationum in compitis, suspecti Suffraganeo Patavienfi de hæresi occulta redditi, in carcerem & compedes primum conjecti, sed paulò post honorificè dimissi sunt. Hozius tamen ægritudine contractâ cum paucis indè diebus decessisset, IGNATIUS in monte Cassino, tradendis tum Exercitijs Petro Ortizio, Caroli V. in Aula Pontificia Oratori distentus, ubi de morbo Socij rescivit, magnis pro illo precibus ad DEUM institit. En autem, ut quondam S. Benedictus eodem ex loco scandentem in cœlum B. Germani animam viderat, sic vidit IGNATIUS Hozium magnâ luce ab Angelis in cœlum deduci: iterumque sub Missæ Sacrificio vidit eundem inter Beatorum choros, eodem cum ipsis splendore & gloriâ fulgentem, ex quo tantum percepit dulcedinis, ut per multos dies tenere lachrymas non posset. Ceterum IGNATIUS cum duobus Socijs Romam proficiscens, quò vicinior urbi fiebat, eò copiosius inundabatur cœli delicijs, cum apud se versaret assidue, vitam se suam suorumque omnem Christi Vicario devotum ire. Talibus incitatus flammis, paucis jam Româ mili-



liaribus à Socijs divulsus, sacram ædiculam viæ imminentem & semirutam subiit, solus illic ferventi prece pusillum Christo Societatis ipsius gregem commendans, quam ejus Vicario delatum ibat: cum repente dulcissimo occupatus raptu Patrem æternum conspexit, auditque Filio, sub crucis pondere, conspicuè itidem apparenti, commendantem cum IGNATIO Societatem: Filium verò tantæ deferentem commendationi, conjectis in IGNATIUM oculis, sereno ore concepta hæc sibi dicentem: *Ego vobis Romæ propitius ero.* Post quæ sibi redditus, magnis fiduciæ motibus simul & timoris cœpit affici, quorum illam firmabat Christi dulcissima promissio, hunc verò excitabat sub gravi crucis pondere, utique minimè frustranea apparitio, quam ipse omen credidit durorum casuum, quibus esset Romæ certò exercendus. Quare egressus sacrâ æde inflammato vultu, & gaudio impar, visâ, auditâque distinctè Socijs exposuit, ut in omnem eventum animosiores redderet.

Romam Octobri attigerunt Ann: 1537. & à Pontifice magnâ paterni amoris significatione accepti, totos se Sociosque illius obsequijs & nutui ex voto addixerunt; qui sacris paginis in Sapientiæ Academia Fabrum, Læcium Theologiæ docendæ assignavit, IGNATIO juvandis interim proximis totis viribus attendero. Nam & Viros Principes nonnullos Exercitijs excoluit, inter quos Cardinalem Contarenum, & succidaneum pro Hozio Socium Franciscum Stradam Hispanum adolescentem, magnis à natura dotibus præditum, totâ deinde Italiâ, Belgio, Hispaniâ & Lusitaniâ à concionibus notissimum, qui mox à sacra ascesi constanter IGNATIO adhæsit. Inter hæc IGNATIO tempus jam visum est remagi, in quam semper defixos habebat oculos, dandi videlicet Religiosæ Familiæ certum initium. Ad hoc Socios omnes Romam literis evocat ad sacrum Paschæ diem A. 1538. & in diversas urbis Ecclesias partitur ad conciones & catechesim habendam: 200. aureos à Pontifice & Hispanis quibusdam ad iter maritimum donatos, Orrizio restituit, quo suggerente donati fuerant, ut quando jam esset irritum Palestinæ petendæ consilium, pro sua illos prudentia dispensaret. Magnam primum excivit ad audiendum frequentiam novitas & efficacia, quam eorum verbis divinus indebat Spiritus, & secutus est fructus brevi Romæ in aliam mutata. Nam restitutus est tandem Sacramentorum frequens usus, puellis periclitantibus, orphanis, ex Ju-

*Societas Europæa.*

daïsimo & meretricio conversis, liberaliter consultum. Nemo tamen è Socijs par IGNATIO fuit, quo audito ajebant homines DEUM videri in eo loqui, tanta dictioni inerat pietatis & spiritûs vehementia, efficacia sensuum, & gravitas rationum. Ecce autem decumanam in eos procellam, quam excitavit Frater quidam Augustinianus, sub veste religiosa exquisitissimè Lutheranus. Hunc sæpius pro concione, uti erat talentis in eam rem instructissimus, dicentem, ubi audierunt diversi è Socijs, manifestos ab eo Lutheri errores, licet admodum rectè, spargi deprehenderunt: quos ignorance fortè infonti magis, quàm malitiâ ab eo depromi interpretati, hominem privatim convenire, & quæ ipsi incautè excidissent revocare, probareque mera esse Lutheri dogmata. Sed cum in homine obstinato nil proficerent, nisi ut tantò audaciùs virus in populum spargeret, cæperunt suis quoque de pulpitis opposita illis demonstrare, in quibus prævaricabatur Lutheranus. Quâ eorum constantiâ ictus homo nequam, artem commentus est sceleratam asserendi sibi Catholici nomen, adversarijs in suspensionem hæreseos conjectis. Magnâ igitur pompâ laudare pro concionibus Catholicam fidem, ejusque tuendæ obligationem: tum ad IGNATIUM paulatim delabi, monere cavendum omnibus à simulato in pastore lupo, qui diu per celeberrimas Europæ Academiâs latuisset, magnis editis stragibus animarum; Romam demum cum aliquot sibi similibus bestiis advenisse, ut suos per illam errores spargeret: meminissent hanc esse magistrorum hæreseos artem, ut sanctimoniam attritis vestibus, severo jejuno, humili sermone præferant, doctrinam aliorum in suspensionem errorum trahant, ut suos ipsi liberiùs propalent. Nè vellet Roma minùs esse provida, quàm fuerat Complutum, Salmantica, Parisij, Venetiæ, in quibus IGNATIUS damnatus hæreseos, quâ palinodiâ, quâ fugâ se rogo subduxerit, cui suo quodam cum libello fuerat addictus: & hujus rei testes Romæ adesse. Quibus calumnijs veterator tantum profecit, ut non vulgo solum, sed & primarijs Cardinalium persuasum fuerit, IGNATIUM & Socios tales esse, quales depingebantur. At enim DEI singulari curâ factum est, ut omnes tunc causæ IGNATII Compluti, Salmanticæ, Parisijs, Venetijs Cognitores, unâ Romæ adessent, & literæ simul venirent à singulis urbibus, in quibus tum Socij laborabant, cum amplissima illorum innocentie & virtutis testificatione: quibus fretus

C

IGNA-



IGNATIUS, causâ decisionem apud Gubernatorem urbis urgere, & Pontificem ipsum ad sententiam ferendam interpellare non destitit; quâ tandem per Gubernatorem in forma Juris solenniter pronunciata, & publicis tabulis comprehensâ absolutus, accusatores verò partim hæreseos, partim imposturæ condemnati, miserrimè vitam finiverunt. Et Pseudo-Augustinianus quidem arreptâ fugâ Gebennæ constitit, interque Ministellos Lutheri nomen professus, ad extremum facinorosam vitam ignis supplicio (ut tradit cœvus scriptor) quod Romæ effugerat, conclusit. Testium alter flammis addictus, cum effracto carcere evasisset, probrosè in sua statua ad Campi floræ cremata exustus est: alter verò perpetuis carceribus addictus. Porro existimationem de Sociorum & IGNATII innocentia non parùm auxit incidens proximâ hyeme annonæ caritas, quâ miserrimè oppressos pauperes, & per compita ac vicos tristi spectaculo jacentes, in domos conductas colligebant, & eleemosynis undique corrogatis, illorum supra quadringentos sustentabant. Quæ cum totâ Urbe differrentur, excitati Romani Proceres, capere benignius & victus & pecuniarum stipem submittere, quâ varijs locis, tribus millibus calamitosorum, usque ad novas fruges vita servata est.

Hâc Sociorum famâ motus idem Pontifex Paulus III. significavit IGNATIO, velle se operâ Sociorum diversis in locis uti. Quare hic tempus venisse conspicatus Societatis in Religiosum ordinem formandæ, rem tanti ad DEI gloriam momenti ardentissimè inprimis DEO commendavit, tum convocatis in Senaculum Socijs, idem summo conatu apud Pontificem urgendum proposuit, nè res tam bene cœpta unâ cum ipsorum in varias regiones dispersione dissiparetur. Omnibus autem insententiam IGNATII euntibus, quia ante omnia certa quædam vivendi forma & Regula inveniendâ erat, sub quo novæ Religionis confirmatio à Pontifice peteretur, statas quot noctibus horas (dies enim integros auxilia proximis præbita occupabant) illis præscripsit, quibus Societatis rudimenta, partésque illius præcipuas communi suffragio designarent: quæ tranquilla per noctem deliberatio tres menses tenuit. Atque ita formatum Societatis Institutum IGNATIUS per Cardinalem Gasparem Contarenum Pontifici obtulit, à quo retractandum Sacri Palatii Magistro P. F. Thomæ Badia commissum, & post bimestre examen cum summa ejusdem approbatione.

Pontifici redditum fuit: quod nihilominus Pontifex ipse relegit, & eximiâ commendatione profecutus, vivæ vocis oraculo comprobavit, additis illis verbis: *Digitus DEI hic est*, Tybure 3. Septemb: Anno 1539. Tribus subinde Cardinalibus maturè denuo expendendum traditum, rejiciendum omnino ab ijs credebatur, quod à multiplicandis Religiosorum familijs summopere abhorrent, & ipsas jam in Ecclesia constitutas, ad solos quatuor Ordines redigendas contenderent. Verum continuus ab IGNATIO precibus sollicitatum Numen exitum prosperavit, sed modis in speciem optatæ rei contrarijs. Dum enim Instituti forma à Cardinalibus ad libellam vocatur, Pontifex magnorum Principum & Antistitum rogatu, Socios in diversa misit; verum suam quisque stationem vix obtinuerat, cum Romam undique perfertur de mirabili successu, quo egregiam illorum operam divina bonitas fortunabat. Faber enim Parmam brevi tempore sanctam, ita loquendo, effecerat, & plus centum simul quâ Sacerdotibus, quâ Laicis, eodem tempore Exercitia tradebat. Nihilo minor fructus labores Lainij sequebatur Placentiæ: Paschasij & Roderici Senis: Neapoli Bobadillæ: quibus similia Balneoregij præstabat Jaius, & Strada Brixia, licet necdum Sacerdos. Quibus non tantum per Italiam, sed per universum Christianum orbem vulgatis, Joannes III. Lusitaniæ Rex de Socijs IGNATII sex à Pontifice mitti pro Indijs petebat, licet duo duntaxat, Xaverius & Rodericius concedi potuerint: & Orator Caroli V. Fabrum Wormatiæ ad Comitiam Imperij concedi, præsidio contra Latheranos futurum, flagitabat. Qui tam læti successus sapientissimo Pontifici fecere perspicuum, hanc esse venam Apostolici Spiritus ab IGNATIO profectam, quâ res Catholica contra pullulantes in Septentrione hæreses sustineri posset & fulciri. Verum obstinatè resistebat Cardinalis Gvidiccionius, ita à nova erigenda Religiosa Familia abhorrens, ut nè legere quidem oblatam ab IGNATIO normam Instituti vellet. Sed IGNATIUS majoribus votis, lachrymis & asperitatibus DEO supplicis factus, postquam omnium nomine tria millia Sacrorum dicenda cœlo vovit, expugnasse DEUM videri potuit: siquidem Cardinalis repente se, nesciens quo pacto, nisi ex vi cœlitus illata, mutatum miratus, ultro Instituti formam legendam deposcere, perpendere singula, cunctisque mirè placentibus, Cardinales duos negotij secum administratos in eundem sensum



fenſum adducere, denique apud Pontificem efficaciffimum cauſæ IGNATII patronum agere. Quare ſubmotis obſtaculis Pontifex Societatem JESU in Religionem formavit, edito diplomate cujus initium eſt, *Regimini militantis Eccleſiæ*, ſub dato 27. Sept: Anno 1540. Et licet tum vetuerit Profefſos plures 60. in Societate cenſeri, ſex tamen poſt biennium menſibus, viſo incomparabili, quem iſti ubique referebant, fructu, novo diplomate eas anguſtias penitus laxavit, 14. Martij A. 1543. quanto, quàmque exuberante IGNATII gaudio, vix cogitari, nedum verbis exprimi poſſit.

De tam proſpero rei eventu abſque mora Socios IGNATIUS certiores per literas reddidit, & Romam omnes, præter Xaverium & Rodericum, qui jam in Luſitania erant, ſub initium Quadrageſimæ Ann: 1641. evocavit, ad eligendum Generalem Præpoſitum, & Conſtitutiones ac Regulas decernendas. Deſuere tamen in eo Conventu Faber, WORMATIÆ à Cæſare detentus, & Bobadilla Neapoli, ob inſignem quam præſtabat operam à Pontifice ibidem ſuſſistere juſſus. Et de Conſtitutionibus quidem ac Regulis condendis unanimiter omnes IGNATII arbitrio negotiorum permiſerunt, id omne ratum habituri, quod ipſe ſanciviſſet: pro eligendo autem Generali tri-duum IGNATIUS indixit, ad communicandum cum DEO electionis negotium, allaturis deinde in ſchedula electi nomen ſigillo munitum. Poſt quæ apertis ſchedis, etiam abſentium, quas Romæ diſceſſuri reliquerant, omnium ſuffragijs renunciatus eſt Præpoſitus Generalis IGNATIUS. Verùm cum is ſummo-pere illorum judicio refragaretur, ſequæ oneri minimè idoneum contenderet, evicit ut electio integraretur, poſt novum quatrimum orationi & afflictationibus datum. Quo expleto, iterum votis concordibus præſentium omnium in munere confirmatus, necdum acquievit, ſed ad ſententiam ſui Confeſſarij ex Ordine S. Franciſci provocavit, apud quem poſt tridui ſeceſſum confeſſione de tota vita peractâ, totum ſe ejus arbitrio permiſit, ut ex ea, quam illi exploratiſſimam fecerat, ſui totius noti-tiâ, ex antea actis certiùs decerneret, quid de futuris poſſet conjici. At Confeſſariùs cum nihil admodum occurreret quod eo egeret examine, vetuit illum deinceps manifeſto Spiritûs divini nutui contraire: atque, ità morem DEO ac Socijs gerens IGNATIUS, munus Generalis ſuſcepit 19. Apr. An. 1541. & unâ cum Socijs, viſitatis ſeptem urbis Eccleſijs, vota Profeſſionis ad S. Pauli in Ara B.

*Societas Europæa.*

Virginis denuo ſolemniter emiſit. Viſus etiam fuit DEUS ſervum ſuum ad regendi officium velle animare, concedendo illi potestatem humanâ majorem, quâ dæmonem ex obſeſſo domeſtico famulo brevi ſuâ precatatione ejecit. Quantâ verò ſapientiâ, & exactiſſimâ ad divinæ gubernationis regulam prudentiâ Societatem rexit, quâ providentiâ Socios in partes mundi diverſas ad labores Apoſtolicos diſpensârit, nihil attinet hîc referre; curioſus talium lector fuſè hæc tractata à P. Daniele Bartoli *de vita & Inſtituto S. Ignatij*, inveniet libro 3. & conſtitutiones ipſæ tam mirabili ſapientiâ ab illo conſcriptæ loquuntur.

Suſcepto Generalis munere IGNATIUS, non idcirco à procuranda per ſuâmet ipſius etiam operam & labores, proximorum ſalute ceſſandum ſibi putavit, quin adeò ab hac illud auſpicatus eſt, dum pueris Catecheſim primis ſtatim diebus ſex ſupra quadraginta explicuit. Quantis verò totius orbis ad DEUM convertendi deſiderijs flagraret, luculenter ostendebat, quoties in ultimo affatu Socios in diverſa ad laborandum in Vineâ Domini emittens, dicere ſolebat, *ite, omnia incendite & inflamate*: igne nimirum illo divini amoris, quem Filius DEI venit mittere in terram, & voluit vehementer accendi. Utque tantò efficaciùs animos illorum ad laborandum adſtringeret, rationes accuratiſſimè ad ſe proventuum, operâ cujuſlibet collectorum, transmitti volebat, præcepto obedientiæ obſtringens per Italiam & Siciliam Superiores, hebdomadis ſingulis ad ſe diligenter perſcriberent, quidquid ad ſalutem animarum ſuis in Collegijs actum eſſet: quâ eâdem lege teneri quot menſibus voluit, qui Societatem in Germania, Hiſpania, & alibi per Europam regerent: ab ijs verò qui apud Indos præeſſent, annuatim: tanta illi erat lucri animarum ſitis & avaritia! Neque ceſſabat frequentibus episto-lis, ardore cæleſti refertis, ſtimulos eis ſub-jicere, & zelum ſingulorum ad ſtrenuè agendum incitare; quibus tantum animi ipſis accreſcebat, ut ſeipſis fortiores indies evaderent, & incredibiles illos, quos miramur fructus, toto orbe proferrent. Ipſe autem Romæ ante omnia converſioni Judæorum incubuit, annique unius ſpatio 40. ex ipſis ſacro fonte luſtrandos ad Chriſtum perduxit; evicitque apud S. Sedem, ut propriæ ædes alendis ex ea gente Catechumenis assignarentur, néve ad Chriſtum è Synagoga tranſeuntes bonis ſuis, ut antè fiebat, cedere cogerentur: li-



beri similiter invitis Parentibus Christum amplexi, nullâ hæreditatis particulâ fraudarentur. Præter hoc pueris ac puellis omni ope parentum, tecto & victu destitutis consultum cupiens, tutum eis receptum duas comparavit domos, maribus unam, fœminis alteram, orphanorum appellatione, in quibus educati ad artem cuilibet accommodam, victum deinceps sibi quærere, & publico servire possent. Nec minùs de pauperum Virginum pudore discrimini subducendo sollicitus, Cœnobium S. Catharinæ, à Funarijs nuncupatum, illarum receptui fundavit, certamque præscripsit, quoad istic agerent, vivendi rationem, dum aut nuptui traderentur, aut attonderentur in sacras moniales. Sed & ad meretriculas cœno & inferis eripiendas ejus se extendit zelus, quas ipse valetudine licet attritâ venerari, & probrosis ex domibus ereptas palàm spectante Româ comitari, securoque asylo includere. In quo monitus tempus in cassum atque operam conteri, quòd hæc prostibula licet hodie lota viderentur, cras lutum suum repetitura essent, respondit: *sat beatum se fore, si non eâ solùm, sed & totius vitæ operâ & labore, vel uni earum persuasisset, nocte unâ duntaxat peccato abstinere.* Cùm verò cœpta IGNATII contra spem omnium DEO secundante, numerus resipiscientium harum major cresceret, quàm ut eis apud piâs urbis matronas receptacula inveniri possent, ipse effossos è veteribus parietinis Domûs nostræ lapides vendi jussit, & confectos indè 100. aureos in cœmendam S. Marthæ domum contulit: quo exemplo excitata multorum pietas tantum contribuit, ut plenè ædes illæ comparari & instrui potuerint 300. facile personis, quas è fœcibus peccatorum IGNATIUS extractas illic non alebat solùm, sed in eam instituebat pietatem, cujus laudibus passim sacra pulpita personarēt, & multæ honestæ Virgines eidem contubernio aggregari optarent. Quas verò indè calumnias ab impuris lenonibus, amicas suas eripi sibi frendentibus, passus sit IGNATIUS, quæ opprobria & scurriles sannas, famosis etiam libellis per urbem sparsas, longum esset recensere, quando nec ipsum Pontificem appellare veriti sunt, criminantes ab IGNATIO mulierculas alijs eripi, ut eas suæ & Sociorum libidini vendicaret. Sed ubi publico judicio calumnia incipit accusatorum recidit, ad palinodiam publicam damnati, innocentiam infamati IGNATII instrumento solenni fateri coacti sunt.

Quia verò per id tempus Lutheri hæresis magnam in Germania stragem non in Laicis tantùm, sed & in Clero, magnâ passim inficitâ & fœdis moribus corrupto, faciebat: cœpit IGNATIUS, negotio cum Cardinali Morono & Sancta-Crucio collato, de remedio efficaci cogitare: quod optimum fore credebant Cardinales, si Romæ delectorum è Germania Juvenum Seminarium conderetur, ex quo rectam & sentiendi & agendi scientiam haurirent, quibus in patriam reversi quassatam fulcirent Fidei veritatem, & labantem Pontificis auctoritatem. Cogitationem tam Sanctam mirè probavit Pontifex Julius III. largamque ad dandum Seminario principium contulit pecuniam, IGNATIUS verò contubernio statuta & canones condidit, 24. Adolescentibus Germanis Anno 1552. die SS. Simonis & Judæ sacro in illud inductis. Id quantopere Lutheranis displicuerit, abundè prodidit nominatissimus ex illis Chemnitius, scribens, *hanc unam etsi alia deforent, ob causam, posse Societatem Germaniæ, & reformati Evangelij ruinam meritò appellari.* Nec id latebat IGNATIUM, qui Paulo IV. ob belli Neapolitani & annonæ difficultates consveta largitionis subsidia negante, Alumnos per domicilia Societatis distributos, nihilominus ex eleemosynis & mutuo sustentare perrexit: & Cardinalibus quibusdam, quòd tam accisis rebus Seminarij restitutionem desperarent, suadentibus, ut curam ejus prorsus deponeret, per me, respondit, *deponat, quem nimium gravat; sustinebo id solus, tametsi venundari me propterea opus sit.* Procuratori verò multum jam æris alieni contractum querenti prædixit, certissimò fore, ut submissis paulò post largitionibus ea nomina delerentur (quod brevè eventus comprobavit) & futurum tandem, ut Seminarium id in grandem numerum, & parem numero foundationem amplificaretur; quod itidem munificentia Gregorij XIII. cumulatè præstitum est. His accesserunt innumera alia ab IGNATIO, penes Societatis universæ gubernationem, in bonum animarum præstira: revocata ad disciplinam veterem in Catalaunia, Sicilia & Italia, complura Monialium Cœnobia: duellorum in Lusitania sublatus furor, antiquis in illa legibus suafu IGNATII ab Rege instauratis: Tribunâlis Inquisitionis promota institutio, ad arcendas ab Italia hæreses: persuasus Æthiopiarum Imperator, ut unionem cum Ecclesia Romana iniret, ad quem & literas & Socios misit: menstrua Communio, cùm ante vix annua in more esset,



fer, toto orbe propagata: impetrata à Paulo III. sanctio, nè Medici curam ægrorum sub gravi pœna assumerent, nisi prius hi medicinâ confessionis salutis suæ cavissent, ad quos primus ipse quovis abrupto negotio procurrebat, ac ne Societatis curâ abstraheretur ab alijs juvandis, diem proximo, gregi suo noctis horas sex septemve tribuebat. Tanta autem conversationi ejus & cum proximo colloquijs inerat efficacia, ut nesciatur ullum cum eo egisse, quin alius omnino ac venerat recesserit, quamlibet interdum essent perditissimi, & in malo obstinatissimi; erga quos amoris tenerritudinem præferebat planè maternam, ut in caritatem & suavitatem totus defluere videretur: unde fiebat non rarò, ut ab eo digressi, rectà ad Confessarium procurrent peccata posaturi. Sanè cùm Judæus quidam sacrum Baptisma expetens, domi nostræ interea dies aliquot mysterijs Fidei imbueretur, repente autem dæmonis astu in transversum actus, Judaïsmum pertinaciter repetere statueret, ut nec blandimentis, nec ullâ vi rationum retineri posset, IGNATIUS implorato prius DEI auxilio, pauculis his verbis illum in gradu & proposito firmavit: *mane nobiscum Isaac.* Quod idem publicis ejus concionibus fiebat, non in templis solùm, sed & in platea moneatæ veteris, & Alteriorum, in quibus ut plurimum ad populum dicebat, principiò à turba puerorum explosus & luto appetitus, sed paulatim exerente se in animos efficaciam spiritûs in eo loquentis, multis confluentium lachrymis & conversione morum auditus.

Hoc tam multiplici ad servandas animas ardore in varias longè provincias per Socios disperso, celebrabatur totâ Europâ IGNATIUS, fremente interea hæresi, & arma in ejus excidium parante, tantò periculosiora, quantò rectiora & domestica. Discipulum habebat Philippus Melanchton Lutheri corrivalis Calabrum natione, Michaëlem nomine, acutum & vafrum ingenio; hic à Magistro ad serendam inter Socios si posset hæresim conductus, Romam cùm venisset, Societatem, quam petebat, ritè probatus obtinuit. Nihil eo ad oculum sanctius, nihil modestius, ad sacram tantò frequentior, quantò nullam ijs præbebat fidem. Cùm verò sensim suos errores depromere, & in tyrones spargere cœpisset, deprehensus ab IGNATIO, & ad sacros Quæsitores continuè delatus est: quem cultu suo sæculari indutum, ubi primò domo nostrâ expulsum est, sacri Tribunalis satellites in carcerem abripuit, illud verò hæresis convictum,

triremi perpetuâ damnavit. Non tamen primo insultu perduto ab urgenda impressione absteriti sunt novatores, sed ad aliam priore deteriore artem conversi, libros multos Romam pervectos, piæ largitionis ab ignoto mecenate nomine, Domui nostræ donârunt, cistis grandibus duabus inclusos: horum pars superior, ad tegendam fraudem, scriptores exhibebat Catholicos; Lutheri, Melanchtonis, similiûmque sæx, fundum velut in insidijs tenebat. Sed & hi deprehensi, incendio omnes ab IGNATIO addicti sunt, & sic utrobique vulpinæ fraudes evanuerunt. Felicius è contrà multò in hæreticis ad DEUM reduendis negotium IGNATIO cessit, quorum multos, à Luthero præcipuè abstractos, Ecclesiæ reddidit; fuitque ea in re tam perspecta Fidei Quæsitores ejus dexteritas, ut si quos interceptissent hæresis veneno intoxicatos, maximè qui in erroribus pertinaciùs animam obstinassent, illos IGNATIO velut ad extremum conflictum traderent, nunquam frustrato eventu. Neque id mirum, sciebat enim, si quis alius, pretium animarum Christi sanguine redemptarum suo pondere æstimare, quarum lucris totam vitæ suæ & Societatis Instituti rationem attemperavit, & licet ex propensione sua in rigorem & vitæ asperitates inclinatio esset, communem tamen agendi normam, utpote actioni cum omni genere hominum magis accommodam, Apostolorum exemplo delegit. Tanta autem illius erat salutis humanæ sitis, ut diceret, datâ sibi à DEO optione, malle beatitudinis incertum vivere, & interim DEO in proximorum salute quærenda inservire, quàm certum ejusdem gloriæ statim mori.

Porro ad hunc proprium vitæ Apostolicæ effectum, qui est salus, & ad DEUM animarum conversio, quantum virtutum adduxerit apparatus, quia breviter recenseri nequitiam potest, lectorem ad ejus gesta à Patre Daniele Bartoli fusiùs edita remitto. Sanè humilitas profundissima illum induxit, ut post decennium in munere Præpositi Generalis exactum, illo se abdicare efficacissimè tentaverit, Patribus ad novam electionem faciendam undiq; ex Provincijs per literas Romam evocatis. Generalis autem creatus, primò omnium ad culinam se contulit, operam eo die coquo in eluendis ollis, afferendis lignis, ceterisque id genus foci ministerijs locaturus. Et cùm peccatorem omnium maximum se æstimaret, & ab omnibus credi & haberi percuperet, stupebat vehementer DEUM nihilominus in se tam benignè dona sua profunderet,



dere, sēque tam frequentibus revelationibus, apparitionibus, & alloquijs suis, Christi Domini & B. Virginis dignari: indē aiebat, repertum iri mortalium neminem, in quem duo extrema convenissent invicem itā opposita, ut essent sua tot peccata cum tot DEI donis. Virtutes autem & bene acta occultissima semper habebat, Confessario excepto, cujus arbitrio omnia ad minutias usque, seu bene seu perperam gesta, & dona DEI singula manifestabat. Erat autem is P. Jacobus Equia, eximia vir sanctitatis, qui arcani secreto ab IGNATIO adstrictus, cum admirabilitate eorum quæ sciebat attonitus, impetrare à se non posset, quin in genere saltem subinde sanctum, & sancto majorem diceret; de quo, dummodo paucis saltem horis ei demortuo superstes esset, ea proditurus esset, quæ attonitos omnes facerent audientes. Id ubi rescijt IGNATIUS, alium sibi mox elegit à confessionibus, cum acerbissimo boni senis dolore, injunxitque per triduum flagellationem quotidianam dum tres recitarentur psalmi, intermonente post singulos, qui eos recitabat, *meminisset deinceps in verbis esse consideratior*. Creditumque fuit à Patribus omnibus, IGNATIUM humilitati suæ consulentem impetrasse à DEO, ut Equia pauculis ante suum obitum diebus prior vitā decederet, omnisque eum illo memoria eorum exiret, ex quibus posset etiam post mortem sanctitas IGNATII deprehendi. Jam affectus interni & animi motiones tam fuerunt in eo compositæ, & rationi subjectæ, ut omnibus planè carere videretur. Die quodam in domo piorum amicorum de rebus divinis colloquente, adfuit anhelus ex cursu nuncius, & quidpiam in aurem insusurravit: *bene habet*, inquit IGNATIUS; & hoc solo illum remittens, pergit eodem ore horam integram de DEO disserere. Sub discessum rogatus, ecquid boni nuncius ille tulisset? *nihil admodum*, respondit, *nisi quod apparitores ob debitum quoddam Domum nostram omni suppellectili spoliarent: verum lectos si nobis auferent, non deerit ad quietem humus*. Cum die quodam ægrotantem vetarent medici quidquam cogitare, ex quo mœrorem perciperet, animo in DEUM toto collectus circumspexit, forēne quidpiam, quod animum suum de sereno in turbidum, & malaciam in tristitiam mutare posset; nihilque aliud deprehendit, nisi si Societatem dissipari casu aliquo contingeret: eam tamen ipsamurbationem non fore sibi molestiorem dixit, quin horæ quadrantis in DEUM collectione com-

poni posset. Senio jam & laboribus fractus, eo nihilominus in animarum salutem fuit zelo, inque DEUM expectorata fiduciā, ut identidem profiteretur, si vel innueret Christi Vicarius, solo baculo nixum in quamlibet mundi regionem iturum: sique navigandum foret, transmittendo mari fortuitam quamvis conscensurum navim, inermem licet, malo, remigio, & gubernaculo carentem. Cumque audientium nonnemo objiceret, *at hac Pater cujusmodi foret prudentia?* respondit, *impudentis debere esse prudentiam, non obedientis: & si qua prudentia pars pertineret ad obedientem, hanc esse, ne velit prudens esse, ubi desinat fieri obediens*.

Quia verò mensura amoris in proximum est charitas in ejus Conditorē DEUM, vixisse hanc vitam videtur IGNATIUS rebus omnibus mortuus præter DEUM, nullōque alterius actionis sensu, nisi dilectionis erga DEUM; cujus tamen flammis incensus redigebatur quandoque ad extrema, & observatum est morbos omnes, quibus in postremum discrimen adducebatur, ex hoc incendio ortum habuisse. Sic Anno 1550. in Natali Domini ab re sacris consequenter facta in eum languorem solutus est, ut de vita periclitaretur: quare nisi diebus summum alternis operari sacris non poterat, quibus peractis, non rarò alienis manibus in cubiculum reportandus erat, adeo penitus æstu amoris exhaustus, ut nec in tres passus valeret procedere. Corpus interim totum corde incitatus palpitante ita concutiebatur, ut rumpendum pectus cum venis omnibus videretur, oculis simul in placidas lachrymas diffluentibus: à quorum perpetui fletu cœcitatatis periculum ipsi imminebat, fuitque necesse preces Canonicas à Paulo III. Pont. breviori precum recitatione illi commutari. Atque hos animi ardores confirmavit flamma capiti sacrificantis visa imminere, ad quam extinguendam cum nonnemo accurreret, vidit IGNATIUM à sensibus alienatum toto vultu sic æstare, ut ex eo flammæ emicare viderentur: splendores item radiantis faciei, quibus eum coruscasse sæpius multi observârunt. Demum quidquid vidisset, legisset, vel audisset, gradus illi ascendendi fiebat ad DEUM; hinc oculos in cœlum creberrimè attollebat, ut eo potissimum signo designaretur à civibus, ille, aiebant, *Pater, qui cœlum susceperat continuo, & sermones de DEO perpetuo infert*. Inter hæc raptus illi in DEUM fuere propè quotidiani, videbátque sibi præsentēs vario schemate di-



vinas Personas, Christum Dominum, Virginem sanctissimam, sapissimè verò SS Trinitatem arcanissimum illud suum mysterium ità clarè ineffabilibus modis ipsi manifestantem, *ut quod præterea*, scribit ipse, *de illa caperem, nihil videretur superesse. Stanti mihi aliquando ad focum*, narrat idem de se, *redibat iterum in oculos JESUS, post etiam in Urbe ac per vicos, eunti, redeuntique à Cardinali Carpenfi, locisque alijs spectabilis aderat; quo tempore JESUM audiens ac videns, tanto amore incendebar, ut fore unquam tam potens aliquid non putarem, quod me posset ab eo sejungere.* His tot cœlitum delicijs inescato IGNATIUM animo, erat omnis in terris mora violentus labor, & licèt pro eo, quod ex se poterat in DEI gloriam proficisci ad animarum questum, obsequio (quo nihil ipsi erat in vita carius) ab se impedire non posset, ut discessum è vita peteret, precum tamen vices obibant flammæ ardentis in DEUM amoris, quæ morantem in DEUM trahebant. Unde ex sola mortis cogitatione tantum illi affluebat beatæ voluptatis, ut gaudio impar æstualet pectus extra modum, essetque necessariò animus aliò avocandus. Quare si quem audisset curas suas in annum sequentem, vel menses aliquot mittere, demirans agebat, *heu me! at unde hac vita ulterioris cupido? cum enim ex vita incerto liceat gaudere certà spe DEI quàm primùm possidendi, quomodo te ipsum juvat lubentius fallere diuturnitatis illius expectatione? cujus certus si fores, dolere te mœrore non consolabili deceret.*

Ceterum brevem ei restare in vita commorationem facilè colligebant Socij ex ejus dictis, quibus prodebat nihil sibi præterea inter homines admodum restare agendum, ijs plenè officijs defuncto, ad quæ electus à DEO fuerat. Tria verò sibi maximè optata agebat abundè fuisse præstita: 1. Societatis Institutum Christi autoritate à Sede Apostolica in perpetuum confirmatum. 2. Libellum Exercitiorum ab eodem Christi Vicario approbatum. 3. Constitutiones suas per Societatem universam in opus & usum redactas. Quod sapienter etiam advertens Pontifex Marcellus II. in quodam cum viris præstantissimis de IGNATIO & Societate colloquio, negabat ab se lectum quenquam, indè ab Apostolorum temporibus, tot fructus factorum à se operum vidisse, quot & quales vidisset superstes IGNATIUS. Societatem enim annorum vix 16. vidit toto jam orbe diffusam, omnibus ubique linguis Christum præ-

dicantem; integros populos ab Idolis Christo & Ecclesiæ per eam subjugatos; vidit in Provincijs fundata Societati plus 100. Collegia, præter illa quorum fervebat in propinquo fundatio: vidit in Antonio Criminali primitias de Societate Martyrum, & tot per Filios suos patrata ubique prodigia; vidit excellentissimam multorum ex illis sanctitatem, etiam in summorum Principum, Regum, Cæsarium, ac Pontificum oculis ità æstimatam, ut & ad Conc: Tridentinum Oratores, & in diversas Regionem Nuncij Apostolici mitterentur, & ad Insulas certatim expeterentur. Tandem ergo ad præmia fidelis operæ DEO præstitæ evocandus, Julio ineunte An. 1556. valetudine solitò gravius afflictâ, perlenfic exilij sui has fore reliquias, idemque apertè quibusdam prædixit. Sed cum Medici levem febriculam accedentem parvi ducerent, & nè remedio quidem dignarentur, ipse voti quàm primùm fruendi ex divino promisso conscius, tantò magis gaudebat, & profectiorem suam, ut eâ tacitus ac furtim propemodum defungeretur (quod optarat, & obtinuerat) cum DEO adornabat. SS. itaq; Christi Corpore resectus postridie P. Polancum Societatis Secretarium accersit, & suprema edit mandata, jubens ante omnia Pontificem adeat, ac supremam ab eo adprecationem demissè petat: quam dum iste in diem sequentem, nihil periculi pronunciantibus Medicis, differt, primo diluculo IGNATIUM animam agentem deprehendit; dùmque ad Pontificem currens cum beata adprecatione revertitur, ille interim in paucorum Patrum (quod humilitatis studio unice habebat in votis) corona, placidissimè animam efflavit, ultimâ Julij ejusdem anni, cum annum ætatis ageret 65. Sacrum ejus corpus ingenti hominum concursu elatum, priusquam tumulo conderetur, alij manibus, pedibus alij oscula figere, coronas alij precatorias admove, & per vim segmenta vestium aliqua auferre. Ipse autem quo Romæ momento obierat, matronæ nobili Margaritæ Gilliæ, Societati inprimis addictæ, luce fulgidissimâ conspicuus Bononiæ comparuit, cum dicto: *En ego, ut vides, discendo, filios meos tibi commendo.* Romæ verò quâ horâ tumulabatur, admotus puellæ strumis deformatæ Viri sancti panniculus, repente multorum in conspectu eas omnimodè sustulit.

Translata deinceps binis vicibus IGNATIUM ossa, novis semper cum prodigijs fuere; & quidem translationem primam nocte integrâ præ-



præviâ audivit P. Julius Mancinellus, vir notæ sanctitatis, celebrari ab Angelis cœlesti musicâ, suavitate vocum & Symphonix tantâ, ut se inter beatos versari crederet: in altera videre multi ex Patribus, tumbam stellis undique splendore vivido radiantibus conspersam. Donec miraculis per orbem universum per Sancti merita patris, & undique Romam prolatis, motus Pontifex Paulus V. eum de more Beatum pronunciavit, Missaq; & officio Ecclesiastico coli concessit A. 1609. Gregorius autem XV. in Sanctorum numerum Anno 1622. Martij 12, retulit. Quod autem miracula attinet, ante & post obitum, meritis ejus à DEO concessa, ea præter enarrata in ejus vita, & Bulla Canonizationis, tot & tanta extitere, hodièque in puerperis potissimum cernuntur, ut plura ex ijs contexi volumina possent. Centum ex authenticis desumpta documentis refert P. Daniel Bartoli de vita S. IGNATII lib: 5. Et permulta alia recenset Alphonsus de Andrada, opere de miraculis Sancti patris Munebregæ in Aragonia: & alia rursus in Sicilia Regalbuti, examinata in foro Ecclesiastico, & ab Episcopo loci approbata, mandata typis Panorini Anno 1668. Neque ullus intercidit annus, quin in singulis Societatis Provinciis annuæ nostræ de more literæ bene longum texant catalogum beneficiorum, quæ invocatione S. IGNATII diversis hominum necessitatibus cœlitus conceduntur.

Et hæcenus quidem gesta IGNATII pro salute animarum, conscriptos Socios, & auctoratum fortissimum militanti Ecclesiæ exercitum dedimus; declarandum nunc restat, quàm aptis eundem instruxerit in finem hunc Apostolicum Institutis, quos digesserit in ordines, quibus armis munierit, quam tesseram dixerit, quæ denique signa observare, quas leges tenere, quæ agenda perficere docuerit, ut ex his demum luculentè constet, vitam Societati ab ipso propositam, verè esse Apostolicam: possitque illi ex vero tribui id, quod eidem adscripsit Cardinalis Bandinus: *magna quidem esse ac stupenda, quæ vivens gessit Ignatius, sed præter hæc multa & majora nunc quoq; gerere; quantam enim sementem doctrinæ celestis toto orbe facit instituta ab eo Societas, quàm multos ad DEUM Ethnicos, ad Matrem hæreticos reducit, quot sapientiæ fovendæ & expolendæ gymnasia aperit, omnia Ignatio deberi.* Et in primis quidem cum mores finis constituat, tribuatque illis tum gradum efficientiæ, tum eligendorum mensuram & modum, ante

omnia finem Societati eundem, quem Christus Apostolis posuit. *Finis*, inquit, *hujus Societatis est, non solum saluti & perfectioni propriarum animarum cum divina gratia vacare, sed cum eadem impensè in salutem & perfectionem proximorum incumbere.* Conformiter ad illud Christi Domini; *venite post me* (per vitam nempe sanctam mea vestigia premedo, *si quis enim vult venire post me, abneget semetipsum, & tollat crucem suam, & sequatur me*) *& faciam vos fieri piscatores hominum.* Ideoque totum se proximorum saluti curandæ tradere pars est primaria & intima Societatis; ad quam necessaria est altera, in sui privati perficiendi præsidij sita, nè alioqui *si alijs prædicaveris, ipse reprobis efficiere.* Et quia hæc Apostolicæ vitæ forma propria est Cleri, Apostolorum Successoris, idcirco Societatem in Clerum adscribi voluit, prout eam tum Concilium Tridentinum, tum Pontifices perpetuò statum Clericalem appellant, quia ipsos privatæ vitæ profectus in proximi bonum refert, ut quisque habile alios juvandi instrumentum evadat: adeoque nihil in suis Statutis habet quod Clericatu repugnet; sed quod sæcularium Clericorum statui de suo addit, illud ipsum ejus præstantiam intra ipsius metas auget, quâ causâ Pontifices, nostros homines vocant Clericos reformatos. Id quod ex partium enumeratione patebit. In primis enim orationem ipsam, cui mentaliter quotidie peragendæ horam solidam manè ante omnes alias occupationes impendimus, noluit sistere in dulci quadam & speculativa cœlestium contemplatione, in qua veluti ultimo scopo sanctæ Religiosi alij conquiescunt, sed præcticam maximè præscripsit, quâ in affectiones mentis, ordinem rectè agendi præcipue turbare solitas, DEO & rationi perfectè subigendas incumbamus, & eam ad animum in actiones cum proximo exacuendum dirigamus. Eodem collimari jussit per duplex quotidie Examen Conscientiæ, per triduanas semestri quolibet Recollectiones, per octiduanas annuæ, & subinde mense integro continuanda Exercitia. Quibus omnibus ad naturæ impetus coercendos, affect, & passionis frangendas, judicium & voluntatem frangendam collimare suos voluit, ut sinè periculo salutis propriæ, alienis malis mederi possent, ne alioqui instar pedamenti adminiculando frugiferis vitibus, ipsimet inarescerent, ignique æterno servarentur.

Hæc eadem illi causa fuit instituendi, præter morem aliorum Ordinum, integri biennij



ennij Novitiatum, quem post absoluta studia literarum ( quibus spiritus vires aliquantum, atteri plerumque contingit ) ab omnibus Sacerdotibus solido iterum anno repeti voluit, priusquam ad agendum cum proximo emitterentur. Nec alia ipsi ratio fuit disciplinarum studia tantopere à suis exigendi, sic ut neque ad Professionem admitti quenquam sinè excellenti in humana divinæque Sapientia profectu statuerit; nisi quia videbat haud posse, citra propriæ ruinæ periculum idoneos fieri, qui ad omne genus hominum in quamlibet mundi plagam mittantur ( quod proprium est Professis ) nisi penes eminentem virtutem excellenti simul doctrinâ fulgeant: prout etiam experimento docta agnovit S. Teresa, dicere solita, si Confessarius eligendus esset aut magnæ sanctitatis sed exiguæ doctrinæ, aut è contrâ eximiæ sapientiæ cum minori virtute, hunc à se præferendum. Didicit id IGNATIUS ex ipsius Salvatoris exemplo, qui vetuit Apostolos antè in mundum universum dispergi ad mortalium conversionem, quàm imbuerentur Spiritu ex alto, & cum ejus supervientis in se virtute, acciperent unâ omnem sapientiam & scientiam loquendi magnalia DEI. Unicè siquidem intentus in vitæ Christi exemplar, licèt prius omnes Religiosorum Ordinum legisset Regulas, quamdiu tamen scribendis Constitutionibus incubuit, alium in cubiculo librum, præterquam Evangeliorum & Thomæ à Kempis, non habuit. Inde etiam hausit consilium illud admirabile, & sinè ullo priore exemplo, constituendi suam Religionem non ex solis Professis, sed diversis graduum statibus, Coadjutorum tam spiritualium quàm temporalium, & scholasticorum, quorum isti tametsi per vota simplicia veri Religiosi, ex causis tamen justis ab iisdem votis absolvi, & è Societate dimitti possint: quemadmodum inter Christi Domini Sectatores non omnes fuère Apostoli, sed quidam etiam velut Apostolorum, sub nomine Discipulorum, Adjutores: quæ omnia licèt ab Institutis aliorum Ordinum adeò diversa, & Canonibus vetustis contraria, cum Concilio Tridentino summopere probârunt Pontifices, & juxta divinæ vocationis dispositionem emanâsse pronuntiavit Greg: XIII. in Bulla, *Quacunque sacrarum Religionum. Spiritum sanctum media tam præclara, maximèque opportuna S. Sedis ministerio Socijs Ignatij tribuisse atque confirmâsse, idem asseruit bullâ: Quantò fructuosius: ea verò in dubium revocare, impugnare, directè seu indirectè, vel enervare, sub pœna Societatis Europææ.*

excommunicationis latæ sententiæ prohibuit Gregorius XIV. Constitutione: *Ecclesiæ Catholicae.* Alij verò cum Cardinali Philippo Segacensuère, *Artem quâ Societatis corpus tam pulchre, tam aptè, tam excellenter coagmentatum est, divinam prorsus, non humanam fuisse: & ejus architectum Ignatium non tam peritiâ labore partâ, quàm luce è celo impertitâ illud coagmentâsse.*

Jam cætera omnia in eundem finem solertissimè direxit, accersendo quæcunque ad uberiores ex animabus referendum facerent fructum, & removendo quæ præpedirent. Inde à necessitate vestitus proscripsit & formam & colorem, & materiam certam, sed inter fideles quidem versantibus voluit esse Clericalem, *honestum, & ad usum loci in quo vivitur accommodatum, neque professioni paupertatis repugnantem:* inter infideles autem & hæreticos, quemcunque genio incolarum & propagandæ Fidei magis accommodum. Choro etiam & Psalmodiâ suos absolvi voluit, nè in occupationibus continuis ad auxilium animarum pertinentibus impedirentur, laudantibus salutare hoc propositum summis Pontificibus, *ex motu proprio, & ex certa scientia, confirmantibus, quò acrius studijs, lectionibus, & prædicationibus intendere possint, Constitutione: Ex Sedis Apostolicæ.* Neque certam ullam in corporis afflictationibus ex obligatione subeundis, jejnijs, cilicijs, & alijs id genus mortificationibus Societati communem mensuram præscripsit ( licèt hæ non minùs in Societate, ut in gestis singulorum patebit, quàm aliâ quâvis Religione per DEI gratiam, vigeant ) sed unicuique assumendas permisit, *quæ illi videbuntur cum approbatione Superioris ad majorem sui spiritus profectum convenire:* scilicet nè nocumentum virium indè passî, à majoribus bonis agendis in procuratione animarum impedirentur, sed magis conformiter ijs, quibûscum agerent, in exterioribus se habendo, faciliùs in animos influerent. Idque conformiter ad Christi vitam, de quo motâ quæstione S. Thomas de Aquino, fueritne conducibiliùs Christum cultu austero victûq; incedere, an verò communi & familiari? negativè respondet, nam *qui cum aliquibus conversatur, inquit, convenientissimum est, ut se illis in conversatione conformet, secundum illud Apostoli 1. Corin: 9. Omnibus omnia factus sum: & ideo convenientissimum fuit, ut Christus in cibo & potu communiter se sicut alij haberet. Et iterum: dupliciter, ait, homines attrahuntur ad bonam vitam; quidam enim per speciem*



*speciem sanctitatis, alij per viam familiaritatis. Dominus autem & Joannes diviserunt sibi duas vias, Joannes, imò Dominus per Joannem, elegit sibi viam austeritatis, pro se elegit viam lenitatis. Mortificationum verò in vicem proposuit, quæ omnibus asperitatibus exterioribus palmam præripit, tum quia difficilior, tum quia majoris meriti, virtutē obedientiæ, teste S. Gregorio Magno lib. 6. in c. 15. 1. Regum: longè altioris meriti est propriam voluntatem aliënā semper subicere, quàm magnis jejunijs corpus atterere, aut per compunctionem se in secretiori sacrificio mactare. Indè illud S. IGNATII votum: Ab alijs Religiosis Ordinibus facilius patiamur, loquitur in Epistola de Obedientia, superari nos jejunijs, vigilijs, & cetera victus cultusque asperitate; sed verà ac perfectā obedientiā, abdicationēque voluntatis & judicij, maxime velim esse conspicuos, quicumque in hac Societate DEO Domino nostro deservunt. Neque ulla ex virtutibus poterat magis Societati esse necessaria, cujus alumnos volebat IGNATI, semper in procinctu stare, ad capeffendas quocunque gentium missiones, pro vocationis nostræ munere & Instituto, paratos sinè omni viatico provolare vel ad extremas orbis Regiones, prout expressè quarto voto se obligant Professi, quoties Vicarius Christi innuerit. Eadem necessitas magis colligitur ex eo, quòd S. IGNATIUS nullum genus aut modum juvandi proximi excepit, sed omnes penitus Societati proprios & præscriptos esse voluit: nam & Conciones habendas ad omne genus hominum, & spiritualiter Catechesim ad pueros & rudes, administrationem Sacramentorum, disciplinarum omnium in scholis traditionem, Missiones Castrenses, paganas, etiam ad loca infidelium & hæreticorum, conversationem privatam & allocationem civium, curam hospitalium, carcerum, ad triremes damnatorum, & quidquid ad salutem proximi curandam quovis modo faceret, proprium esse Societatis munus voluit: & quidem ità, ut neminem ab onere alicujus ex his præstandi vellet eximium, ipsos etiam peculiari regulā adstringens Coadjutores Laicos, ut datā commodā occasione evitantur pijs colloquijs proximum ad meliorem promoverē, & consilio atque exhortatione ad bona opera, præsertim ad confessionem excitare. Jam ergò cum necessariò contingat, prout necessitas vel arbitrium Superioris tulerit, de loco in locum, de uno in aliud munus, de plausibili ad ignobile, de summo ad imum transferri, manifestum evadit, quantā sapientiā B. IGNA-*

tius Obedientiæ primum in Societate locum statuerit, & quidem minimè vulgari, quæ in executione solùm eorum quæ jubentur consistit, sed exigendo etiam obedientiam voluntatis, ut idem cum superiore velimus & nolumus; imò & judicij, ut quæcunque Superior mandat ac sentit, eadem recta & vera esse, cæco quodam assensu arbitremur.

Tandem ut plenissimā libertate filij sui in agendo cum proximis versari possent, omni admittendā pro ministerijs & laboribus quibuscunque mercede vel pretio, etiam eleemosynæ nomine, illis interdixit: uti & sæcularium negotiorum, & quæ ad rationem ut vocant statūs pertinent, tractatione. Omnium autem maximè dignitatum Ecclesiasticarum admissione, ad quas repudiandas voto speciali Professos sese obligare sanxit, nisi si quempiam ad earum acceptationem contingeret præcepto sub culpa mortali à summo Pontifice adstringi. In quo non ea solùm Ignatio causa fuit, quòd Socios ex propria Instituti ratione ad diversa loca peragrandā, & vitam in quavis mundi plaga agendam obligatos, contingeret ità ad certam Ecclesiam & Diocesim alligari: sed vel maxime, quia primarijs sui cœtus capitibus ad Insulas promotis, veluti flore suo & vigore orbatam necesse foret emarcescere, perinde ut si ex corpore laboribus improbis destinato evaporēt spiritus maximè vivaces, quibus se vegetat & agit. Unde illud sapientissimi cuidam sanctissimæ Religioni Præpositi Generalis fuit responsum, dum rogatus, quem inter Ordines Religiosos munitissimum putaret adversus detrimenta primigenij vigoris? Societatem JESU nominavit, ut quæ optimum quemque retineret, non sinendo ad dignitates Ecclesiasticas abstrahi; & deterri-  
mum quemque ac reprobū ē gremio suo ejiciendi potestatem haberet. Ut taceam ingens, præ quàm in alijs Religionibus, ambitio-  
nis ad ejusmodi dignitates in Societate periculum, tædio disciplinæ, fastidio munerum opinionione propriā talentis suis inferiorum, frustratione gradūs Professorum, doctrinæ, nobilitatis stimulo; quæ in obsequio Principum passim versantibus proniora captatu essent. Et licet pauci illis honoribus potirentur, non pauci tamen ad eos grassarentur, prout videmus in Aulis Principum, si vel unus ad ejusmodi fortunatas Insulas applicuerit prosperè, sexcentos navim bonæ spei conscendere, licet in eorum oculis navim alij totidem fregerint. Semel autem vela ejusmodi auris pandentes, ministeria sibi domi deligere con-

ten-



tendent, neque admittent nisi sublime ac splendidum, quo nominis auctoritatem concilient: cujusmodi sanè non erunt Fidei Christianæ & Grammaticæ rudimenta pueris tradere, nosocomia & carceres visere, dicere ad servitia, pagos, villas, montana pedes concurrere, in alias regiones, ubi spe improbâ excidere necesse sit, demigrare, & alia quàm plurima, quorum vicissitudine vix ullum eximi in Societate contingit.

Hæc atque alia, si quis artem regendæ communitatis in salutem aliorum natæ scitè intelligens perpenderit, reverebitur in Societatis Instituti ab IGNATIO conformatione, præciosissimam sanctitatem, sublimitatem mentis Ignatianæ ad omnem humanam & divinam prudentiam exactæ: pronuntiabit illum ob tot extra exemplum aliorum Ordinum, & sancta Canonum, in Religionem suam cum summa Pontificum & Conc. Tridentini ap-

probatione inducta, inter summos Theologos accersendum: sentiet sapientiam ubi regendo parem, quam in eo agnoverunt Julius III. Pontif. Max: qui datum Ecclesiæ dedit ad instaurandas illius per orbem labe: Joannes III. Lusitanæ Rex, qui illum optavit in Petri Sede Pontificem, & cæli claves modulantem: Ferdinandus I. Imperator nisi illo consulto nihil prius Romæ ab Oratore suo tractari passus: Cardinalis à Cueva, qui de eius obitu certior factus, scripsit, Ecclesiam prædentissimi omnium capitis jacturam fecisse. Ex quibus demum omnibus manifestè concluditur, quidquid orbe toto in bonum animarum & Ecclesiæ operati sunt Xaverij, Canisij, Oviedij, Anchiætæ, & Societas demum universa, omnia S. IGNATIO deberi, tanquam vitæ Apostolicæ ad Christi prototypum Antesignano & Magistro.

*Ex Historia Societatis. Ex ejus Vita edita à P. Daniele Bartoli, P. Ludovico Carnoli, P. Petro Ribadeneira, P. Maffeo &c. Ex Nierembergij Tomo I. Hispanico de Viris Illustribus.*

## P. JACOBUS HOZIUS.

**I**acobus Hozius Malagæ in Bætica Hispaniæ Provincia natus, unus fuit è primis S. IGNATII Socijs; verùm quia ante confirmationem à Sede Apostolica, interque Religiosos Ordines assertam Societatem, vitâ decessit, nequaquam primis 10. illius Patriarchis, veluti fundamentis accenferi solet. Is primùm S. IGNATIO innotuit Compluti, cum adhuc iste initiò suæ conversionis operam daret Grammaticæ, ante suum Parisios in Galliam transitum, magno sanè animæ suæ bono: nam & ipse, studio invivendi loca sacra Dominicæ Passionis transmisit in Palæstinam, indèque reversus tunc penitus Venetias applicuit, cum IGNATIUS Socios è Gallia antegressus, eos ibidem Anno 1536. præstolabatur, varijs interim pietatis & misericordiæ in proximis operibus distentus. Renovatâ illico ex mutuo congressu familiaritate, auctor ante omnia Hozio fuit IGNATIUS, ut veller sacris Exercitiorum meditationibus spiritum instaurare: neque iste reluctatus est, quippe suâ sponte ad divina multum propensus, & in sacra scientia, in qua Baccalaurei gradum fuerat consecutus, eruditione insignis. Quia tamen pessimâ tum Venetij famâ proscindebatur IGNATIUS, spargebaturque à malevolis errare profugus toto Europæ orbe, cujus statua veluti pestilentis & infamis hæretici


in Hispanijs & Gallijs publicè concremata sit: noluit prius B. Patri se committere, ejusque attingere commentationes, quàm eas ad libellam doctrinæ SS. Patrum, (quod multis in suspensionem pravi dogmatis, malevolorum astu, venisse illum cernebat) examinaret. Itaque magno librorum apparatu stipatus cum venisset, neque ullo errorum vestigio notato, singula cum Ecclesiæ dogmatibus, & SS. Patrum sententijs apprimè congruere deprehendisset, ut primùm eas cœpit intimo usurpare mentis recessu, in eisque cælestes haurire dulcedines, è vestigio remisso rebus mortalibus nuncio, ultro se ad IGNATIUM ductum, & disciplinam applicuit. Mox autem supervenientibus ab Gallia cum Fabro Socijs, unâ cum ijs omni charitatis genere Hospitalibus deservijt, ac Romam demum, desperatâ in Palæstinam iterum transmittendi facultate, profectus est, ut suam omnes operam Christi Vicario ad nutum ex voto DEO jurato offerrent; non aliunde, quàm ex corrogatis elemosynis ad obitum usque, ac ferè solo pane & aquâ victitans. Venetias reversus, ac sacris ordinibus cum reliquis Anno sequenti 1537. initiatus, ut primam DEO hostiam quàm maximâ devotione litaret, animùmque ad munus Apostolicum fructuosè gerendum compararet, mensem ampliùs ijsdem sacris Exercitiorum commentationibus impendit cum

*Societas Europæa.*

D 2

P. Jo.





P. Iacobus Hozius, S.I. Hispanus, in procuratione salutis Animarum, vincula, & carcerem expertus; atq; in medio laborum Apostolicorum in Cælum evocatus, vilius est à Sancto Ignatio inter Cælitum agmina recipi. Obijt Patavij ante confirmatam Societatem, in Martio 1538.

W. P. Kilian sc.

P. Joanne Codurio, in ruinosa & solitaria, Tarvisio vicina casa. Hic dum tenui corrugato cibo victitat, dum mutuâ obedientiâ, factâ vicissim unius in alterum per hebdomadem potestate, verè studet humilitati, dum diurnis nocturnisque precibus dat operam, dum brevem somnum abjecto in stramine de solo carpit, tandemque corpus suum verberum acerbitate quotidianâ castigat, 40. dierum spatio simillimam Angelorum vitam inter mortales egit.

Quibus elapsis, tanquam cælestibus gravidatus muneribus ex antro illo prodijt, ut salutem proximorum, quam eatenus parturiebat, in lucem proferret; nactusque laborum suorum cum Codurio campum Patavinam civitatem, cœpit ad populum per compita &

fora collectum, ex obvio editiore loco de rebus æternis verba facere. Maximus undiq; hominum ad novitatem eatenus invisam fiebat concursus, primum tanquam ad joculatorem, non concionatorem, risus magis quam profectus captandi gratiâ, invitante præsertim ipso oris habitu neglecto atque inculto, & inscitâ barbarè loquentis lingvâ Italicâ. Verum ut animadversum est rem seriò severèque agi, nec materiam præberi joci & facetijs, sed lachrymis atque singultibus; tum demum ingens commutatio fiebat in vulgus, & urbis totius emendatio tam manifesta, ut rei novitæ commotus Episcopi Suffraganeus, nè sub pietatis specie errorum semina in populum spargerentur, Hozium unâ cum Codurio in carcerem abripi, ferro & vinculis onera-



onerari præceperit. Ea res tantâ Hozij animi cælestis solatij abundantia exultantem affecit lætitiâ, ut noctem illam totam ab risu temperare non posset. Verum postea rebus accuratius inspectis, non modò liber de custodia, verum etiam omni ad animarum procuracionem favore instructus, cum honore dimissus est. Post oblatam subinde Numini primam hostiam Vicentiæ, Patavium reversus, opus Evangelicum ex integro majore fervore assumpsit, Christianam ubique doctrinam magno animarum proventu explicando, Xenodochia procurando, & modis omnibus proximum adjuvando: sic ut totum illum annum in Apostolicis laboribus Patavij summa paupertate consumpserit. Placuit autem DEO Virum tam præclarum, neque vulgarem sanctitatem brevi tempore, in consortio IGNATII, assecutum ad se evocare, & per eum veluti Societatem universam in jus possessionis gloriæ cælestis inducere, paulò antè quàm de erigenda in Familiam Religiosam Societate deliberari cœptum est. Visusque est Hozius ipse propinquum migrationi suæ diem præsensisse, quando post multas ad populum conciones ardentiore spiritu concitatus, in forum ipsum paucis antè mortem diebus egressus, illam ex Evangelio sententiam, *omne, quia nescitis, quâ hora Dominus venturus sit*, dictioni proposuit, multaque de suprema illa hora acri oratione differuit.

Mox itaque delapsus in morbum, ad commune Nosocomium divertit, ut pauper

*Ex Historia Societatis, & Joanne Eusebio Nierembergio Tomo 1. Hispanico de Viris Illustribus*

## P. JOANNES CODURIUS.

**D** Igrosso Venetias Parisijs IGNATIO, ut necessaria transmissioni in Palæstinam collectis jam septem Socijs præpararet, Faber illis interim præesse Lutetiæ iustus, suis quàm monitis, quàm exemplis, Joannem Codurium Theologiæ Magisterio nobilem, & Sacerdotio jam præditum, ad reliquos octo aggregavit, Anno 1536. Erat is natione Gallus ex Episcopatu Ebredunensi, tantoque spiritu primam ex IGNATII Exercitijs ascesim peregit, ut triduum solidum absque omni cibo & potu jejunos exegerit. Postquam autem reliqui omnes curriculo Theologiæ expleto legitimum studijs finem imposuissent, digressus cum ipsdem pedestri itinere ab Gallia, omnium eorum incommodorum & laborum, quibus reliquos fuisse exercitos in gestis

indè & mendicus venienti occurreret Domino: minimè pavidus angore & sollicitudine conscientiæ, sed mirè tranquillus & hilaris conformatione morum, & vitæ recentis exordio. Quem Dominus brevi ægritudine confectum ad præmia laborum evocavit, A. 1538. citra 13. diem mensis Martij. Agebat tum fortè IGNATIUS in Monte Cassino, sacris commentationibus Petrum Ortizium, Caroli V. Cæsaris ad Pontificem Oratorem exercens: hic dum pro Hozio, quem ex gravi morbo periclitari cognorat DEUM supples oraret, repente animo à sensibus avocatus, vidit ejus animam, ut olim eodem loco S. Germani Episcopi Benedictus, luce clarissimâ circumfusa, eamque inter Angelorum manus eventam ad Paradisi gaudia pervolare. Cùmque ad Missæ Sacrificium aliquantò post se conferret, atque in generali confessione ea verba Introitus diceret, *Confiteor & omnibus Sanctis*, splendidissimum ejus oculis Beatorum agmen repente sese obtulit, Hozio inter illos sic coruscante, ut exuperantiâ lucis ac fulgoris scerneretur à ceteris. Nec potuit IGNATIUS præ solatij dulcedine multos exinde dies lachrymas in potestate retinere. Non minùs clara fuere signa in exangvi corpore viri sanctitatem demonstrantia, qui cùm esset in vivis subniger vultuque deformior, à morte adeò venusto atque eleganti repertus est ore, ut suos exaturare Codurius oculos, lachrymasque tenere præ voluptatis dulcedine non posset.

eorum dicemus, particeps fuit, parique fervore missiones Apostolicas in Italia obivit, maximo animarum profectu, solis interim piorum vivens eleemosynis, & cibari ostiatim emendicato. Ingens perpetuò resplenduit in eo zelus animarum, & studium altissimæ orationis & devotionis, cujus exemplis omnes ad pietatem trahebat, juvabatque tum alijs modis, tum præcipuè audiendis indefessè confessionibus: quæ etiam causa fuit, ut Margarita Caroli V. Cæsaris filia eum sibi à confessionibus delegerit. Sed parùm scilicet fuisset prædicasse populis Evangelium, nisi illius gratiâ etiam persecutionibus exerceretur. Dum enim Patavij unâ cum Hozio, ante confirmatam Societatem, totam civitatem concionibus sermonibusque permiscet, rei novitate in suspicionem hæresis adductus, cujus





P. Ioannes Coduri, S. I. Gall., e primis decem Sancti Ignatii Socijs, Innocentiâ vitæ, animarum zelo conspicuus, cuius animam Sanctus Ignatius vidit ab Angelis mox à morte in Cœlum deportari, quam obiit Romæ 29 Aug. 1541. 3. W. P. Kilian sc.

novatores passim tum in Italiam irrepebant, ab Antistitis Suffraganeo raptur in vincula, ferro manicisque innexus; donec innocentiam deprehensam magno cum honore dimissus est. Post confirmatam à Sede Apostolica Societatem, primus fuit ab IGNATIO, qui Professionis religiosæ vota solenniter edidit: quo tempore tantus in illo apparuit pietatis sensus, tanta vis atque exuberantia divinæ dulcedinis, ut cum eam celare, & diu inclusam tenere non posset, crebris indicare suspirijs & assiduis singultibus cogeretur. Quo tempore ad septem urbis Ecclesias cum Lainio invisas progressus, præcurrebat per liberos campos velut animi impotens, replebaturque omnia gemitibus & clamoribus: talisque identidem mittebat ad superos voces, lachymarum uberta-

te permistas, ut alijs exis de potestate mentis, alijs periculum videretur adire, nè se nimiam contentione disrumperet. Proximum videlicet præsagiebat exitum ex his corporis compagibus, atque ad transitum in vitam beatam animum tanto studio comparabat.

Altero siquidem mox ab erecta in ordinem religiosum Societate Anno, cum paulò antè, ipsius etiam voto, electus in Generalem fuisset S. IGNATIUS, morbo gravi, inter assiduos pro animabus labores, oppressus, ex hac vita migravit 29. Augusti, Anno 1541. Dignum autem animadversione fuit, illum, quemadmodum ipso die Decollationis S. Joannis Baptistæ (cujus etiam nomen eidem devotissimus referebat) est natus, ipsoque eodem deinde Sacerdos factus, sic ipso quoque die & x-

tate



tate, quibus ille Præcurfor Salvatoris, ad superiores transivisse, evocatum ad præmia laborum primum è decem primis Societatis Patribus. Ipso illo Decollationis S. Joannis festo ibat IGNATIUS rem divinam facturus ad S. Petri in Janiculo pro valetudine Codurij, dumque tacitus divina animo volvens cum Socio properaret, medio in ponte, qui Sixti dicitur, intentis in cælum oculis, velut à stupore defixus repente constitit: tum ad comitem Joannem Baptistam Violam, *referamus*, inquit, *nos domum, nam Codorius noster deceffit*. Comperitumque deinde est, ipso illo temporis articulo, quo S. Pater id in ponte edixerat, Codurium domi expirasse: cui videlicet DEUS visendam illius animam in cælum demigrantem, perinde tunc ostendere voluit, prout antea Hozij viderat. Nec sanè causa alia fuit, cur intellecto divinitus cari sodalis excessu domum extemplo repeteret, ac non potius ali-

quò ad piaculare pro eo Sacrum de more faciendum contenderet. Quin cum ad Fabrum scriberet, veluti de communis obitu filij, narravit decedentem Codurij animam à pio viro in oratione defixo ( ità humilitatis studio nomen suum reticebat ) conspectam esse in cælum coruscantem inter choros Angelorum deportari. Designatus idem à Summo Pontifice paulò antè fuerat Nuncius Apostolicus in Hyberniam, ad solandos, & in obedientiam sanctæ Sedis firmandos ejus populos, miserè ab hæretico Angliæ Rege Henrico oppressos; sed defuncti loco missus deinceps fuit P. Paschasius Broëttus cum P. Alphonso Salmerone. Placita nimirum DEO erat anima Codurij candidissima, quæ primævum innocentiam nitorem nunquam maculâ aliquâ infusca-

visse creditur, & ideo properavit illam educere ab hujus vitæ carcere.

*Ex Historia Societatis, & Nierembergii Tomo 1. Hispanico de Viris Illustribus.*

## P. PETRUS FABER.

**P**rinicipem inter primos Societatis Patriarchas post IGNATIUM locum, meritò sibi vindicat Petrus Faber, qui primus omnium se illi Socium adjunxit Parisijs, virtutum ejusdem Apostolicarum, atque in primis animarum zeli æmulator egregius, ideòque S. Fundatori charus præcipue & æstimatus. Natus est ignobili Allobrogum oppido Villaretò, vilibus parentibus, pecorum pastu vitam & familiam sustentantibus, à quibus & ipse pastoritijs laboribus addictus fuit. Quia tamen in summa rerum inopia pietatis erant egregij cultores, ità ab ijs Petrus educatus est, ut jam indè ab infantia DEUM timeret, & quamlibet peccati umbram refugeret; septimo autem ætatis anno peculiare ad omnem devotionem instinctus sentiret: qui demum cum ætate in eam excrevere maturitatem, ut duo decimo ætatis anno solito vehementius accensus, cum solus in agro versaretur, DEO se totum emisso perpetuæ castitatis voto dicarit. Ejus voti solvendi facultatem adjuvabat inditus à DEO ingens, & pœne immoderatus ardor studendi ( hæc enim aliquantum sub Magistro Petro Veliaro, vitâ moribusque sancto, in ludo literario delibarat ) quo pastoritiam artem nobilitate animi, & ingenuo quodam pudore refugiens, ad nobiliora studia invito etiam parente, transgressus est; & ubi maturum fuit gravi-

res aggredi disciplinas, Parisios migravit. Hic verò tantâ usus est ac tam celeri progressionē discendi, ut Magistro in Philosophia propè esset condiscipulisque miraculo, nec in abstrusioribus Aristotelis locis, è græco præsertim enucleandis, sive peritiorem, sive acutiorem ipse Professor reperiret. Sensit id maturè contubernalis, sub eodem Collegij S. Barbaræ tecto cum illo habitans IGNATIUS, in eoque morum majore facilitate quàm in Xaverio perspectâ, cœpit officiorum frequentiam, & largis præsertim è corrogato peculio subsidij, sibi hominem obligare, & salutare insidias ad DEO penitus capiendum tendere; cui vicissim Faber discendi cupido, suam in reddendis conferendisque quotidianis scholis navabat operam. Ità usu ipso crescente indies animorum conjunctione, DEUS simul augebat in Fabro opinionem de IGNATII virtute, ut totum illi se committeret, & animi arcana confideret; aculeis præsertim & scrupulis diu noctuque animum exedentibus, certam ab ejus consilijs opem expertus. Ità ex Fabri in rebus Philosophicis discipulo, ejus vicissim in spiritu factus Magister IGNATIUS, dissimulatis suis circa illum consilijs, docuit illum suam quotidie examinare conscientiam, & institutâ generali exactâ semel exomologesi, deinceps octavo quoque die confiteri, & S. Eucharistiam sumere, extirpandis animi pravitatibus & vitiorum proclivitatibus insistere, inito

certa





P. Petr. Faber, Allobrox, Villareti, ortu Pastoritio  
nat, prim, S. Ignatij Soci, Missionib, et laborib, Apo-  
stolicis per Germaniam, Hispaniam, Lusitaniã,  
notissimus Angelorum cultui addictissimus,  
Obijt Romæ, 1 Aug. 1546.

J. G. Heinsch Del.

W. P. Kellian sc.

certamine non cum universis, aut multis, sed cum singulis, donec oppositæ virtutis habitum compararet.

Inter hos ad sanctitatem conatus Faber confectis Theologiæ studiis, IGNATIUM de suscipiendo Sacerdotio consuluit: cui is auctor fuit, ut commentationibus prius quibusdam spiritualibus exerceri se, & tanto muneri animum parari vellet. Has ille acerbissimâ hyemæ, quâ Sequana fluvius duratus altissimâ glacie tutum quadrigis præbebat iter, in gelido desertoque occlusus obibat mapali, nullo unquam ignis fomento rigidum corpus refovens, licet in eum usum carbonum acervum intulisset, quem majore intus accenso spiritûs incendio humi sparfit in cubile, super quo nocte prostratus, solo se versabat in indu-

sio. Ut autem revisens illum IGNATIUS ex ore labiisque enorme collegit jejunium, & corporis macerationem (sex enim ipsos dies sine ullo cibo potuque traduxerat) non crediderim, inquit, aliquod in hoc peccatum; quin etiam existimo plurimum te hoc jejunio commoveruisse apud DEUM, veram tracturûsne sis longius, an hic terminaturus in ediam, tantisper expecta, dum post horam redeo. Quippe optasset IGNATIUS, jam inde primum in eo sibi Sodalẽ, & veluti angularem ædificij sui lapidem disponens, ut eam quoque jejunij metam, quam ipse quondam per octiduum attigerat, cum jam propè abesset, Faber attingeret: idcirco ad consulendum DEUM, proximum secessit in templum, & post horam reversus ad Fabrum, progredi longius in jejunio vetuit,



vetuit, cibumque unâ & ignem refovendo attulit. At Faber inter has meditationes maximis è cœlo suavitatibus ac splendoribus circumfluens, plenus jam DEO totum se illius famulatui & animarum saluti devovit, susceptoque Sacerdotio, IGNATIO penitus adhæsit, ætatis annis 28. sæculi 1534. primogenitus illi factus inter octo reliquos Socios, cui non modò antiquitatis facile primas, verum etiam virtutis & pietatis deferebant. Post emissam in monte Martyrum communiter ab omnibus vota, prægresso in Italiam IGNATIO, Faber collectis cum Socijs, dum studia Theologiæ & ipsi decurrerent, præfectus, duos illorum numero è Theologiæ Magistris adjecit, Joannem Codurium, & Paschasium Broëtum; ac tandem ad IGNATIUM Venetias cum omnibus tendit, magno sui Doctoribus Sorbonicis relicto desiderio, ob ingentes, quos in proximo, Academicis præcipuè, faciebat animorum motus. Ibi in publico insanabilium nosocomio aliquamdiu miseris deserviens, post delatam Pontificijs nutibus Romæ suam & Sociorum operam, Exercitia S. IGNATII 40. diebus in solitario specu repetijt, non minore quàm prius austeritate; ac tum foras in publicum erumpens, concionibus, catechesi, ceterisque Apostolicis muneribus rem Catholicam in missionibus adjuvit; subindèque Pontificis voluntate in Romana Sapientiæ Academia disciplinas publicè professus est. Nec diu post, ejusdem missu, Parmensem populum excoluit, Sodalitate nobilium præclaris legibus ibidem institutâ: unde jussus Petrum Ortizium Caroli V. apud Pontificem Oratorem, ad Cæsarem rediturum comitari, primus è Socijs Germaniam ingressus est, & Vormatiæ rem Catholicam in Conventu Imperij Principum, contra Protestantes egregiè sustinuit.

Per idem tempus confirmatâ per Christi Vicarium Societate, Conventus Patribus indicitur ab IGNATIO, pro Generali Præposito eligendo; ad quem Faber Vormatiâ discedere, agendarum rerum multitudine & necessitate prohibitus, suffragium pro ipso IGNATIO scriptum misit: & ipse interim pro eodem munere secundum IGNATIUM (si quo casu hic Generalis non fieret) suffragia Sociorum retulit. Tanta erat apud illos de Fabri sanctimonia & sapientia existimatio, ut eum propè IGNATIO exæquarent! Ipse verò novo à Cæsare Concilio Spiram, mox autem Ratisbonam indicto, Curiam ejus secutus, quacunque transiret, sacris dictionibus, Sacramentorum ad-

*Societas Europæa.*

ministracione, pijs IGNATII meditationibus Catholicos in religione & virtutis constantia firmabat. Neque paucos ab erroribus & hæresi ad Fidem reduxit, successu quem meritò admireris, ità secundo, ut nemo ex ijs qui aut Fabro confessus est semel, aut ab eo pijs exercitationibus imbutus (quos inter Doctor Cochleus fuit, perpetuus deinceps Exercitiorum laudator & suavor) ab ejus vel benevolentia desciverit unquam, vel à virtutis disciplina deflexerit. His modis dum totus frugifer Germaniam pererrat, jubetur cum Ortizio in Hispaniam proficisci: in quo itinere à Gallis unâ cum Ortizio totòque comitatu interceptus, & conjectus in carcerem, in ipsis vinculis agere cum arcis Duce & custodibus cœpit de rebus animæ, ità feliciter, ut ad peccata apud se expianda illos induxerit: præmium tam bonæ DEO navatæ operæ nactus, missionem è captivitate, & plenam omnium comitum sinè ullo pretio libertatem. Madritum delatus, non est passus unius Ortizij obsequijs, aut solius Madriti culturâ se distineri, sed complura ejus Provinciæ oppida & loca percurrit, imprimisque Cæsaraugustam, Medinam cœli, Seguntum, atque Complutum; nec modò cum viris nobilibus, sed cum plebe puerisque, quibus Christianæ legis instillabat initia, multus erat; fructu exinde tam ubere collecto, ut tum primùm intellexisse se diceret, quanti tandem à Societate sit faciendum hoc instituendæ plebis munus. Anno insequente 1542. à Pontifice in Germaniam revocatus est, ut religionis rebus indeterius semper prolabantibus se opponeret: quo ille magno Principum, Mariæ præsertim & Joannæ Caroli V. filiarum dolore discens, duos illarum à Sacello Sacerdotes Tolletum usque comitari Fabrum jussos, sanctitatis exemplis captos, bonâ earum veniâ Socios sibi & itineris & Religionis adlegit, Joannem Aragonium, & Alvarum Alphonsum.

Neque iterum in periculoso trimestri itinere defuere illi pericula, & patientiæ seges; nam & in Hispania citeriore latronum ex unguibus propè divinitus erepti sunt, & in Gallia è pœdore carceris tenebrisque, & in Sabaudia finibus è militum insolentia, & ex hæreticorum insultibus in Germania. Ingens illum expectabat Spiræ parata messis, quam in maturitatem assiduus concionibus, privatis alloquijs promovens, crescente pietate populique studio, demetendis frugibus totos dies distinebatur. Perstrepebat initio Cleri in Patrem obmurmuratio, sed ejus pruden-

E

dentia



dentia ac comitate sedata, ipsos quoque hæreticos rectæ vitæ exemplo & candore animi devinxit, ut ejus postea discessum ægrè tulerint. Concionatorem inter alios permultos de Fide suspectum, errores pro suggestu populo venditare incipientem, modò eleemosynis ad ejus monasterium submittendis, modò laudibus, ea quæ rectè in concione dixisset & ipse ex pulpito prosequendo, mirè conciliatum, ad veritatis lucem reduxit. Clerus antea solutior brevè se ipsius ope ad veterem severitatem revocavit: tantusque pietatis totâ urbe factus est progressus, ut affirmarent Parochi & Cœnobitæ, plures ad sanctam mensam ejus anni Paschate accessisse, quàm totis annis ante 20. Episcopus in corrigendis erroribus multò redditus ardentior; cujus Vicarius sacris à Fabro Exercitijs excultus, miro ardore flagrans, concubenarios Sacerdotes acerrimè persequabatur, sic ut tum primùm spes Fabro injecta sit reparandæ ad vitam religionem Germaniæ, si plures operæ adfuissent. Moguntiam subinde ad Electorem Cardinalem excurrens, varia suggestit media, quibus ea civitas in Religione conservata est: inter quæ cùm præcipuum esset morum in Clero reformatio, maximam omnium invidiam Faber incurrit, sed paulò post mirâ suâ suavitate & prudentiâ extinxit. Ibi etiam hominem olim professione Religiosum, usu exercitationeque rerum divinarum ad castam Fidem, ex hæresum corruptela traduxit: exorsusque est psalmos Davidicos pro concionibus explanare, incredibili plausu populorum, utilitate pari. Concubinis implicitos etiam ibi Parochos ad pudorem & sanctimoniam scitè traduxit: quo facto mirum quantum ei civitati salutis, quantum sibi vulgo & amoris & fiduciæ conciliavit, ut perbeatus sibi videretur, quisquis ab eo viro sive sacris imbui præceptionibus, sive saltem sacris expiari posset mysterijs: & qui linguæ ignorantia tanto bono frui non poterant, interpretem adsciscabant, per quem tuto se Patri indicare, totosque pandere non puderet. Nec minimum retulit operæ pretium è duobus Germaniæ Episcopis sacrâ IGNATII ascessi excultis, ex qua incredibiliter ad tuendos contra hæresim greges suos animati, Diœcesim uterque commissam in Religione conservârunt. Faber autem in omnem bene cœpta promovendi occasionem intentus, cùm media quædam illuc aptissima excogitasset, ad Electorem Asschaffenburgum per ferias concionum excurrit, itaque feliciter id Cardinali persuasit, ut is viri zelum

admiratus receperit, se ea omnia peculiari studio effectui daturum, perfecturumque re ipsa, ut intelligeret, quanti apud se forent ejus divina ac salutaria (sic enim loquebatur) præcepta. Rebus ex voto confectis Faber Moguntiam revolans, ad explanationem psalmorum tam utiliter pro populo institutam, latinas diebus Dominicis, ad erudiendum præcipuè Clerum, conciones adjunxit.

Hæc dum summâ contentione agit Moguntia, celeriter Coloniam, ubi Joannes & Alvarus ejus Socij morabantur, evocatur quòd Ecclesiæ illi maximum ab hæresum naufragio periculum immineret, & Elector ipse Antistes Hermannus pravè cœpisset de Religione sentire. Itaque extemplo accurrens Faber, cùm neminem reperisset qui tanto Præsuli auderet se opponere, placato prius hostijs precibusque continuis DEO, illum convenit, & peramicè liberèque sui admonuit erroris; tantumque profecit modestissimâ suâ & sapientiâ plenâ ejus confutatione, ut de Pastoris fide doctrinæque meliora sperari sint cœpta. Quibus tamen nequaquam fidendum ratus, Bonnam ad Nuncium Apostolicum, Joannem Poggium, postmodum Cardinalem creatum, provolvit, eumque de periculo, ut acrius eò vigilias intenderet, commonefecit. Indè parantem Fabrum Moguntiam, quoniam ita illius Antistes præceperat, regredi, vetuit Nuncius, & periculi magnitudinem perhorrescens, nullo modo passus est Coloniâ moveri. Cui obsecutus Pater tantum in acerrima Ecclesiæ Coloniensis egit custodia, ut testimonio Nuncij aliorumque, per eum potissimum steterit, nè præstantissimum hoc Germaniæ membrum ad Lutheri errores, in quos præceps jam inclinabatur, corrueret. In quo dum toto conatu sollicitus elaborat, præclarissimum ad eam rem Socium, suique simillimum adiutorem, DEO mittente, nactus est Petrum Canisum Neomagensem Belgam, virum jam tum eruditissimum, & Ecclesiæ contra hæreticos tuendæ studio flagrantissimum, hic demùm à se legitimè in Societatem coopratum. Venerat is studio videndi Fabrum, totius Germaniæ famâ ubique tum celebratissimum, paulò antè Moguntiam, ibique sacris ab eo commentationibus exercitus, hæc de eo ad amicum perscripserat: *Secundis ventis Moguntiam veni, virum quem quaesivi, si tamen vir est, & non potius Angelus Domini, meo magno bono reperi, quo nec vidi; nec audiui doctiorem profundiorè Theologum, aut tam illustri eximiaque virtutis hominem.*



Et iterum aliâ ad amicū epistola : *Illi nihil æquè in votis est, ac Christo cooperari in salutem animarum : nullum ex illius ore verbum, sive in usu familiarique congressione, sive dum mense accumbit prodire audio, nisi quod DEI honorem & pietatem sonat. Neque tamen ob facundiam audientibus gravis aut molestus est.* Faber interim hoc parto adjutore lætus, dum pro Nuncij Apostolici voluntate in Archi-Præsulis Coloniae curationem vigilanter incumbit, literis IGNATII jubetur cum Alvaro, Alphonso, & Aragonio in Lusitaniam discedere : qui obedientiae nutum lucris omnibus animarum præferens, quantumlibet Poggius Nuncius Apostolicus obstitet, in viam se dedit, è Belgio navigij opportunitatem aucupaturus ; quam reluctanter ventis frustra aliquamdiu in Zelandia prætolatus, Lovanium interim concessit in Octobri 1543.

Vix Lovanium attigerat, cū tertianâ prostratus est adeo pertinaci, ut Medici ejus saluti diffiderent ; aperte profitentes, nequaquam videri à natura tantam morbi ejus pertinaciam esse, id quod etiam tot res in bonum animarum Lovanij, ipso auctore, deinceps gestæ loquebantur. Cū enim Faber omni contentione discessum obedientiae studio in diem sequentem, pacato jam mari urgeret, Cornelius Vischavæus, antiquæ Sacerdos simplicitatis, Patriæ suæ salutis studiosus, voris suis à DEO hanc illi moram injici impetravit : cujus tandem post bimestre conscius factus Faber, illum ad se vocat, rogat, vota jam vertat & argumentum precandi ; & qui pertinacem febrim suis precibus advocasset, eandem denuo adhibita precatōne discutiat. Fecit imperata simplici pectore, & exinde melius factum est laboranti, ut è lecto mox surgere, suisque incedere pedibus, stupente Medico, posset. Præmium Cornelio beneficii fuit, in Societatem, quam voris maximis ambiebat, à Fabro receptio. Erat per idem tempus cum pluribus è Societate adolescentibus Lovanij Franciscus Strada, Philosophiæ studiis occupatus, cujus Faber dicendi talentum supra omnem communem modum excellens periclitatus, dicere juvenem ad Academicos pro concione, incredibili omnium ordinum deinceps accursu & motu, præcepit ; cui ipse, quia per vires necdum per se agere ad proximum poterat, nè etiam Stradæ Philosophicis studiis novi cura laboris officeret, conciones è lectulo dictabat, nihil ut Stradæ præter actionem usumque memoriæ, quibus ad miraculum valebat, operis remaneret. Prodibat

*Societas Europæa.*

igitur animosus adolescens in publicum, & Fabri dimicans armis, lachrymas concioni, & primis etiam Theologiæ Doctoribus excutiebat, tam prodigiosis successibus, ut præter incredibilem in totam urbem dimanantem utilitatem, viros præstantissimos in Societatem pertraxerit ; agique jam tum apud Carolum V. Cæsarem, de statuendo ibi Societati Collegio cœptum sit. Interim Faber dum diuturno convalescit è morbo, à Pontifice, quem Poggius de necessaria Viri apud Colonienfes longiore mora, ob præsens in hæresim defectionis periculum, admonuerat, jubetur Coloniam se referre, ad ejus prohibendas ruinas : quod idem revocatis prioribus jussis, imperabat IGNATIUS. Igitur Januario insequentis anni Coloniam rediens, in itinere Leodium, Trajectum, Aquisgranum, usque adeo concionibus suis incitavit, ut ad eum plurimi Coloniam se venturos, vel Exercitiorum causâ, vel disciplinæ, reciperent.

Conductâ mox ad habitandum Coloniae sibi & Canisio, atque Alvaro & Alphonso domo, illico advertit quantum damni suâ absentia creatum esset, ideoque toto robore institit, ut Archi-Episcopum in hæresim nuptiarum cupidine jam prorsus ruentem, cohiberet à lapsu. Is enim absente Fabro advocat è Germania Bucerum, Melanchtonem, Pistorium, Sarcerium, Lutheri sectæ primipilos, à quibus haustum ipse venenum totâ diœcesi diffundi sinebat. Ante omnia Faber literis notos sibi in Aula Cæsaris, Antonium præsertim Perenottum, postea Cardinalem, admonet, rogatque de periculo Cæsarem moneri, ejus ut jussu rapaces lupi Coloniae proscribantur : ausos siquidem impudentissimè etiam esse reformationem illam suam, quò plus haberet auctoritatis & fidei, ficto Cæsaris nomine, & gravissimorum ex Aula Ministrorum judicij confirmare. Interim verò dum responsum expectat, sæpius novos illos Evangelicos lacessivit ad certamen, in omni que congressu manifestissimis rationibus eorum confutavit insanias, tantâ doctrinæ varietate, ingenij famâ, virtutisque admiratione, ut qui sibi aliquid esse videbantur, nihil præ illo se esse sentirent, licet nequaquam ut idem saperent, superbâ perviciâ obstinatissimæ in vitiorum & libidinum libertate voluntatis impediēte, assentirentur. Repressa tamen veteratorum audacia est, ut intra Coloniae debacchari suo arbitratu non possent ; neque unquam præsentē Fabro ausus est Archi-Præsul ruptis franis hæresim palam invehere, quod



quod ab ejus confestim discessu mox attentavit, jussis ante omnia Socijs, quos unice adversarios experiebatur, Coloniâ exturbari. Ut proinde omnes rectè sentientes assererent, nisi Fabri vigiliæ intervenissent, perituram funditus fuisse Coloniæ Religionem; cui deinde sustinendæ post Fabrum, non minùs feliciter successit Canisius. Nam his minimè turbatus Faber, ut Catholicis in urbe civibus adhuc intactis à malo caveret, plurimis locis plurimas habuit conciones, & nervos omnes industriæ vel morte propositâ contulit, florem præsertim & capita Orthodoxorum, à quibus reliquorum salus pendebat, firmanda seorsim latinis sermonibus assumens, & ad communem causam tuendam ardentè provocans: ad quos affluebant præter Academicos & Doctores, ex Consularibus continenter Viri primarij, Proceres, & plerique ex Clero, cumque Episcopo Leodiensi Canonici, & totum denique civitatis robur, quod Fabri nixum præceptis, velut murus quidam oppositus, luporum arcebat incurfus. Atque indè sequebantur per se fructus alij uberrimi, ingens hominum & creberrimus ad Sacramenta Pœnitentiæ & Eucharistiæ accursus, quam Paschæ etiam tempore Viri Consulares & Nobiles cum suis Familijs, annuente Parocho, nonnisi ex Fabri manibus sumere voluerunt. Academicis nonnullis, quos hæresis importata jam pervaserat, excussi errores: Religiosa Cœnobîa suis restituta legibus, & ad arma in hostes Ecclesiæ sumenda provocata. Quibus tot contentionibus flagrantissimas admiscebat preces, abditus perpetim in Sacello S. Ursulæ (quod auream Capellam vocant) & corpore toto animoque humi stratus, multo cum imbre lachrymarum legionem illam Virginum Martyrum, in præsidium urbi vocabat; hic sacris operabatur assidue; hic rerum divinarum notitias plurimas accipiebat, quibus perversorum calumnias contemnebat: unus ipse pauperculus & humillimus peregrinus, & hospes, terrori factus robustissimis & superbissimis adversarijs. Nec Coloniæ modò imminentes terrebat lupos, sed civitates etiam longè positas epistolis admonebat, adversus fallacias & dolos nebulonum præmuniebat; ex quibus unam ad Sodalem charissimum Jacobum Lainium datam, quia sapientissimis plenam doctrinis, quæ inter hæreticos versantibus, maximè animarum medicis sunt necessaria, hic de verbo ad verbum reddendam duxi.

*Quod à me sapius per literas postulasti, ut*

*vias aliquas ijs traderem, qui velint inter hæreticos alienæ prodesse salutis, nec suæ tamen obesse, jussis ego de causis necdum respondi, tum quia nondum satis ad cogitandum spatij datum est, tum quia à rebus domesticis nulla quies, & quod ex imbecillitate præterita minùs adhuc est firma manus, ut eâ ad scribendum commodè uti queam: & quod caput est, nihil in mentem venit, quod ad rem faciat: scribam igitur duntaxat ea, quæ in buccam veniunt. Ac primum quidem ijs qui prodesse velint hujus ætatis hæreticis, videndum est, ut magnâ adversus eos charitate ferantur, eosque verè diligant, pulsus ex animo cogitationibus illis, quæ quoquo modo illorum apud nos existimationem minuant. Proximum est, ut eorum nobis animos voluntatésque captemus, sic ut ij vicissim nos ament, & de nobis optime sentiant. Id facile consequemur, si eos comiter alloquamur, & in familiari sermone de ijs duntaxat rebus agamus, de quibus inter utrosque conveniat, omni altercatione sublatâ, ubi pars videlicet altera alteram videatur abjicere vel deprimere. Agendum quippe de ijs rebus est prius, quæ voluntates conglutinent atque conjungant, quàm de ijs, ubi sententiarum inter se pugnantium diversitas nascatur. Quoniam autem hæc Lutheranorum secta filiorum est subtractionis in perditionem, & prius in eis rectè agendi pietas, quàm recta fides extinguitur, faciendus est gradus ab ijs, quæ pertinent ad rectè propendendum secundum affectum ad ea, quæ faciunt ad rectè credendum: secus utique ac olim in Ecclesiâ nascentis exordio, cum primum homines convertebantur ad fidem: quos sanè tempore fide primum, quæ est ex auditu, mentes erant imbuenda mortalium, & ab erroribus revocanda, deinde sensim deducenda ad rectè sentiendum de moribus, operibusque susceptæ Fidei consentaneis. Si quem igitur suscipiamus curandum, qui non modò pravitate erroribus, verùm etiam perditis moribus sit imbutus, omni insinuatione utendum erit, ut eum avocemus à vitijs, priusquam verbum ullum de pravis ejus opinionibus faciamus. Ac mihi quidem usu venit aliquando; ut ad me Sacerdos accederet rogans atque obsecrans, ut suas opiniones de Sacerdotum conjugio sanè falsas, si quæ esset, ratione convellerem: ego verò cum familiariter in ejus me sermonem insinuasssem, ille mihi se totum aperuit; deprehendi eum vitam agere in morte peccati, multos jam annos metreticis moribus irretitum: perfeci tamen disputationis pugnam remotâ, ut vitâ priore damnatâ ad frugem suâ voluntate rediret; qui simul à peccando discessit, Deoque adjuvante mulier-*



mulierculâ tandem caruit, continuâ suâ sponte, nullâ illatâ Catholicâ doctrinâ mentione, conciderunt errores omnes; utpote qui ex inquinatâ illius vitæ sordibus & ortum habuerunt & progressus. Quoniam autem in ceteris Lutheranorum erroribus is est ferè communis, ut humanas actiones & facta suis meritis spoliarent, omniâque in Fide reponant, idcirco faciendum nobis est, ut in eorum congressibus ab operibus ac rectè factis progrediamur ad Fidem, ijs perpetuò sermonibus inferendis, quibus eorum ad amorem ac studium excitentur. Ut cum negat hereticus Ecclesiæ licere, propositâ peccati capitalis pœnâ, quenquam alligare psalmodiæ, vel Missæ, tum isti adhibenda est cohortatio peracris, quâ cum ad orationis & Missæ, tum ad alia huiusmodi incitetur officia, quoniam iste ab audiendi Sacri psallendive pietate prius excidit, quàm à Fide. Observandum est autem sanè diligenter id, in quo Lutheranorum Duces ministrisque niti solent, cum adversus Ecclesiæ præcepta sanctionesque SS. PP. suos tumentur errores: id autem est nimia imbecillitas virium ad obtemperandum, ac tolerandum aliquid propter DEUM, itâ ut eis Ecclesiæ leges atque præcepta, supra vires, minimèque ferenda videantur. Quocirca ad istos erigendos animandósque, plenâ spiritûs cohortatione opus est, ut in spem redeant, & confidere incipiant fore, ut & ipsi queant non modò quidquid imperatur, veram etiam longè maiora DEO adjuvante præstare. Atque hic ego sic existimo, si quis efficacitate doctrinæ, aut ardore spiritûs persuadere Lutherò posset, ut excussis ex animo pravis suis inclinationibus, & recepto Religionis ornatu, sese alacri quadam parendi voluntate ad ea qua imperantur explenda converteret, fore ut eo ipsò, nullâ adhibitâ concertatione, hereticus esse desineret. Quanquam istuc quidem maiorem quandam vim spiritûs copiamque desiderat, & multo igne divino opus esset, ut ad hanc ille submissionem animi tolerantiamque, & consimiles virtutes, quas tanta hominis mutatio postulat, perveniret. Quod quoniam finè præcipua quadam DEI ope perditis in hominibus, & jam prorsus aversis, fieri nullo pacto potest, idcirco perexigua spes est etiam, ac pene nulla, reducendi id hereticorum genus ad sanam mentem. Quisquis autem nullis alijs sermonibus atque colloquijs, nisi de instituenda rectè vita, de virtutum pulchritudine, de orationis studio, de supremo vitæ die, de æternitate gehennæ, deque alijs huiusmodi rebus, quæ vel ad emendam Ethnicorum vitam pertinent, cum hereticis congregaretur, nã ille multò magis

eorum animis ac saluti consuleret, quàm si eos auctoritatum vi & rationum copiâ conaretur obruere. Denique summatim ut dicam, id hominum genus cohortationibus & opportunis monitis eget ad componendos mores suos, & ad suscipiendum metum pariter & amorem DEI, amorèque bonorum operum: ut hac veluti medicinâ suis illi imbecillitatibus medeantur, fastidiòque rerum divinarum, & evagationibus mentis innumeris, quibus inter cetera mala morbosque laborant, quæ non continuò mentis apicem intelligentiâque, sed prius pedes manûsque tum animi, tum corporis petunt. JESUS Christus Redemptor universorum divino suo spiritu eorum feriat leniatque præcordia, qui videt verbum suum in chartis scriptum, nequaquam esse ad permovendas hominum mentes satis.

Hæc inter IGNATIUS, cum jam quini præter Canisium Socij Colonix versarentur, & ingentes causæ Fabrum in Lusitaniam proficisci urgerent, postulante Rege, & annuente Pontifice, illuc se conferre iussit; qui nè tantillum ab obedientia discederet, tribus adhuc alijs Socijs Coloniam sub Kefelij gubernatione, additis, continuò in viam se dedit 12. Julij Anno 1544. mœstissimis suâ digressionis amicis, præsertim Carthusiæ Patribus; quos adeò sibi Societatique conciliârat, ut præter alias suæ benevolentix significationes, & constantem ferè nostrorum alimentationem, communiter decreverint, sui cum nostro Ordinis thesauros omnes internos & bona spiritualia communicandi, id quod publicis diplomatis testatum esse voluerunt. Lovaniò consensâ navi Veras tendentem cum ventus omnis defecisset, vix primis precibus imploratâ DEI clementiâ auram itâ secundam obtinuit, ut duas intra horas, quo totius noctis labore appulsuros nautæ desperaverant, Veras tenuerint. Claudius interim Jaius intellecto Fabri ab Germania discessu, plenas doloris & querelarum ad IGNATIUM dat literas, ut intelligeret quanto Germaniæ damno abscessisset. Ejus enim nomen ipsum, inquit, in utraque Germania Catholicos erigebat, & ad utriusque reparandâ spem Viros Principes excitabat. Eodémque auctore lectissimi quique convolabant ad Christum, & multi etiam Societatis Instituta petebant. Sed nimirum altiori spiritu movebatur in gubernatione sua IGNATIUS, cujus mandata secutus Faber vix Lusitaniam attigit, cum Joannem Nunnium Sacerdotem jam & Abbatem, qui postea Æthiopiæ Patriarcha creatus est, Societati adjunxit. Eboram per-



veniens, ubi tunc Rex cum Aula morabatur, in morbum incidit: ex quo recreatus; totum se concionibus Conimbricæ impendit, maximis hominum ex quovis statu motibus; quos testabatur præter consentientium turbam, Exercitia flagitantium vis, quorum ex recessu lectissimi quique Societati adjungebantur, ut Ludovicus Consalvius Prætoris Materie Insulæ filius, & Emmanuel Sà, viri eruditissimi, alique 30. plures, quorum plerique deinceps in culturam Indiarum, ubi longè felicior in horrea Ecclesiæ, quàm in Germania messis legebatur, missi sunt. Revocatus subinde in Regiam ita Principes & Aulam Spiritu divino implevit, ut cum deinde majoris spe proventus in Castellam dimitti petijisset, ægrè admodum potestatem discedendi obtinuerit. Huc appulsus unà cum P. Araozio mense Aprili A. 1545. Vallisoleti tunc Regni Sede, hospitium in publico Nosocomio delegit, & perpetuis concionibus, tradendâ rudibus Catechesi, visendis ægris & carceratis, tantam Societati, tum adhuc in Hispanijs ferè in publicum ignotæ, famam peperit, ut hujus per Regna illa tanto deinceps ambitu propagatæ gloria merito illi tribuatur. Illum enim sanctitate Viri permoti à confessionibus sibi delegerunt plerique Aulæ primores, inter quos Bernardinus Pimentellus Taveræ Marchio, & qui Regijs arcanis præerat, Alvarus item de Corduba Regij Princeps stabuli: ipseque Rex cum Regina tantum sacris Fabri colloquijs delectabantur, ut cum ab se nullo alio digredi ferè paterentur. Complures simul de primarijs, uti & Episcopos, ad exercendam Ignatii meditationibus mentem induxit, quos alij ex media sorte plurimi secuti, in novos repente viros, magno Aulæ miraculo, commutabantur: tantusque ex concionibus ejus existeret proventus, ut ipsemet nonnunquam admiratione perfusus, benignitate tam clementis Numinis erubesceret. Simul etiam Collegium Societati Vallisoleti, & aliud Madriti fundari obtinuit, Gandiensique lapidem fundamentalem posuit, quæ recens adlectis à se in Societatem præstantissimis operis implevit.

Anno interim 1546. Cum Pontifex ternos è Societate ad Concilium Tridentinum suo nomine Theologos mitti voluisset, Ignatius præter Lainium & Salmeronem, Fabrum designavit; qui laboribus jam pene fractus, ingenti Nobilitatis & Aulæ luctu, cui propè toti erat à confessionibus, Barcinonem discessit: dumque nec ibi à concionibus & confes-

sionibus audiendis sibi temperat, tertianâ corripitur. Ingenti verò illo parendi studio incitatus, licet necdum firmatâ valetudine, in Italiam trajiciens, Urbem sanè intempestivè intravit, cum omnia caloribus ferverent infesto Caniculæ signo, quò non rarò vel rectè valentibus mordente fidere pestifer est accessus. Hic paucis diebus morbidum corpus novus æstus adoritur, & denique interficit Anno 1546. 1. Augusti, incredibili S. Ignatii dolore & Sociorum luctu. A morte illico gloriosus comparuit Gandiæ in Hispania personæ apprimè sanctæ, multâ luce conspicuus, multâque & præclara illam docuit de Christi Domini obedientia, deque gaudio quo ipse perfrueretur in beatis sedibus, propter appetitam obedientiæ nomine mortem. Gandienses autem nuncio obitus accepto, publicâ gratulatione lætitiâque diem illum, tanquam ipsi in cœlis natalem celebrarent. Vir fuit sanè excellentissimæ virtutis, cui nihil ad perfectionis Apostolicæ culmen deesset: ejus enim conversatio perennis in cœlo, usûsque continuus cum DEO, Christo Domino, Deipara, Angelis & Sanctis, medicos etiam inter labores exstitit. Prostitutebatur autem, etiam in meditationis quiete plus sibi jucunditatis & emolumenti affluere, ex agendis cum DEO mortalium causis, quàm ex rerum consideratione altissimarum, si ab omni eam viventium vel mortuorum utilitate sejungeret. Ex qua cum summo bono conjunctione perpetua, & assiduo cœlites implorandi studio, fiebat ut semper sensu pietatis dulcissimo exundans, facillimè omnium quoque pectora compleret: unde tanta in ejus dictis vis, tantus è consuetudine familiari quæstus pietatis, tanta, quod minimè quærebat, ejus existimatio atque celebritas. Didicit etiam, afflante divino Spiritu, cum plurimus esset in Sanctis eorumque reliquijs tenerimâ pietate venerandis, memoriam cujusvis Sancti cum pietate coli, si quis primum gratias agat DEO, quòd Beatum illum ab æterno prædestinasset ad gloriam, ad eamque perduxisset: deinde si easdem SS. Matri gratias, Angelisque ejus Custodi, & ijs cœlitibus singillatim persolveret, qui ad ejus salutem & gloriam aliquid contulissent: tertio, si & ad DEUM, & Sanctum illum pro ijs, qui præcipuo illum unquam coluissent honore, preces sterneret. Quarto, Si DEUM oraret, ut ejus literarum monumenta, si quæ forent, rerumque ab eo gestarum memoriam, reliquias, custodita & conservata veller: denique si pares ejus ossibus,



bus, ubi ubi essent, tribueret venerationis honores, & ex ijs aliquid habere laboraret. Porro in colendis Beatissimis idcirco tam exquisitè erat attentus, quòd interiore præsensit adinonitu, eoque valde claro, cœlestium omnium tanti esse suffragia, ut vel unius præsidium plus efficacitatis habeat ad corrigendos hominum mores, quàm cunctorum edicta Regum, industriæque conatus.

Rationem verò piè utiliterque agendi itinera suavissimam invenit, ut ea curis & occupationibus tum liber, pijs cogitationibus & sacris precibus unicè consumeret. Quia enim SS. Angelos præcipuo cultu venerabatur, & præter feriam secundam illorum devotioni integrè consecratam, eosdem frequens diu noctûque appellabat, iter agens ubique præsentes illos cognoscebat, nusquam sinè eorum implorata custodia comitatûque prodiabat, neque negotium ullum auspicabatur. In Regni cuiuspiam & novæ ditionis ingressu, Archangelos ejus præsides sibi & incolis conciliabat: idem faciebat Urbem aliquam, oppidum, pagum, vel domum conspiciens, illive eminens appropinquans: tum descendens ad singulorum incolarum vel obviantium hominum tutelares spiritus, eorundem custodiæ clientes suos commendabat. Invocabat & Sanctos cuiusque loci Patronos & Tutelares, ut pro habitatoribus suis DEUM orarent, veniam eis delictorum precarentur, gratias efficaces ad DEI cognitionem & amorem impetrarent, partésque illorum officij in cultu divino, quas incolæ vel negligenter, vel ignorarent, ipsi ultro in se reciperent & peragerent. Eisdem egentes auxilio vel solatio, & singula nominatim calamitosorum genera commendabat: sibi que gratias similiter impetrari postulabat, ad rectè & fructuosè cum ijs agendum, & omnes DEO lucrificandos. Ità Sanctorum munitus patrocinio, indagabat vias omnes omnibus consulendi: & quocunque ingrederetur, omnem alloquijs occasionem captabat, nunquam ut verbo parceret, sed in omni congressu, in circulis ac conventibus, in foris, domibus atque vijs, in mensis, curaret quæ singulis diceret, & quæ cuivis aptè suggereret vel moneretur, ut quisquis illi se jungeret, quasi è salis tactu æternæ vitæ sapore condiretur. Aiebat enim ubique & semper hominibus consulendum esse, ubique plantandum, ubique colligendum, cum debitores simus omnibus, & ubique nos spectet DEUS, & cuiuslibet Angeli Custodes id à nobis exigant & expectent: ideoque commit-

tendum non esse, ut frustra aliquid in notitiam & conspectum nostrum veniat. Illud addebat ad præmuniendum castimonie thesaurum, & vias omnes insidijs obstruendas dignissimum præceptum: singulis in hospitij & domibus non modò statim in ingressu, ex præcepto Christi, pacem habitantibus dandam, sed etiam pietatem palàm ac liberè profitendam, tum pijs de DEO sermonibus inferendis, tum religionis apertè colendis officijs, & precibus publicè de genu dicendis: nihil enim hominem ità deinceps continere in officio, ut edita jam à se virtutis exempla: nihil ità vicissim petulantiam hominum frangere, reprimere impudentiam, cupiditates imminuere, ne quidquam improbi in oculis tuis attemptent, ut religiosi & sobrij hominis aspectum. Ea de causa jure quosdam, non tam re quàm nomine Religiosos accusabat, quos non sinè dæmonis fraude pudeat coram illis, quibuscum agunt, liberè factis etiam profiteri quod sunt, quò liberius illi quidquid collibitum fuerit in aures castas eructent. Quare indè jam à principio Faber imperaverat sibi, nè quid in congressu hominum ullo conniveret, nè quid dissimularet, sed perpetuis de DEO deque virtute colloquijs, quid profiteretur ostenderet, ut nemo se præsente auderet aut minùs aliquid pudicè facere, aut mollem aliquem inferre sermonem.

Paupertatem Evangelicam colebat ità exactè, ut ante editas adhuc Societatis constitutiones proprio se voto devinxerit, nunquam vel pro concionibus, Missæ ve Sacrificio, vel pro Sacramentorum ministracione aliquid accepturum: ac ne annuis quidem domuum redditibus se usurum, nisi obedientiâ cogere-tur: ubique in publica nosocomia solitus divertere, & pane vicitim emendicato se sustentare. Hoc ille votum inter magis insignia DEI dona computabat: cui cum adversa aliquando obrepisset cogitatio futuræ suæ in tot peregrinationibus egestatis, continuè firmo animo statuit, se quotannis rebus omnibus, quæ ad præsentem victum & cultum pertinerent, funditus exuere, nihil ut se spoliatus, nihil esset egentius. Præclaram ejus operam Moguntia navatam gratis munere aliquo pensaturus Cardinalis Elector, varia illi pretiosa, vas præsertim argenteum magni ponderis obtulerat: quæ cum Faber studio paupertatis constanter recusaret, prehenso Cardinalis suis manibus abeunte, in Breviarij thecam è zona suspensam aureos 100. injecit. Hos cum recusandi non esset locus, ne contemni-



tanti Antistitis liberalitas videretur, qui vim non modò verbis, sed manibus etiam afferebat, eos partim misit ad Socios Lovanij & Parisijs in magna egestate studijs vacantes, partim in egenos sinè cunctatione distribuit, ne reruncio quidem suis usibus impenso. Nec inutile erit audire, quæ adjumenta adhiberet ad recitandum devotè divinum officium, nè ingerentibus se ex tot negotiorum tractatione curarum reliquijs distraheretur. Inter psalmum & psalmum brevem aliquam precationem raptim jaculabatur ad DEUM, qualis erat illa solennis & frequens: *Pater cœlestis damibi spiritum bonum!* quâ totis emissâ præcordijs, sensit ad continendam mentem multum latere præsidij. Aliàs per horarum decursum mysteria Passionis ruminabat, ut cùm pervenisset ad Nonam, sentiret & ipse diros illos angores, quibus Christus illâ horâ spiritum in manus Patris tradidit. Sentiebat etiam salutare esse, deligere loci opportunitatem ad quietè orandum, nè cum mens orat, ibi versè-re, ubi sensus hauriunt quæ cogitationem aliò avocent. Secundò, attendere personas & Sanctos, quorum in officio nomina memorantur. Tertiò, sensum ipsum & affectus verborum, quibus officium contexitur. Quartò, non repentè ab negotijs transferri ad orandum, sed priùs aliquantum mentem ab ijs sevocatam velut in gradu sistere, & priùs cogitatione quàm pronuntiatione orationem inchoare. Interdum etiam mentem fallebat, fœdere cum illa velut inito, ad exhibendam uni saltè præsentì psalmo attentionem; quâ obtentâ idem fœdus renovabat ad secundum, tertium, & omnes ex ordine psalmos. Aliàs per vivacem Fidei actum identidem se in præsentia DEI, vel immixtum Angelorum choris sistebat, vigilem ex adverso sibi proponens adversarium genium, qui curioso oculo cuncta sua observaret errata. Finitâ psalmodiâ totum animum ad examinandam conscientiam, quâ satisfactione inter orandum se gessisset, revocabat; id quod & à Missæ Sacrificio, & quovis alio negotio solenne illi erat, ut singu-

*Ex Historia Societatis & ejus Vita Nicolai Orlandini, & Tomo 1. Hispanico Nierembergij de Viris Illustribus.*

las veluti operis partes retractaret, & meliùs deinceps agendas constitueret. Tanti autem faciebat exactam in Canonicis precibus attentionem, ut alijs etiam suaderet, sæpius antearum recitationem in memoriam revocarent cum flagranti desiderio eas orandi tempus; persoluto verò officio, nisi ex sententia votòque succederet, dolorem perpetuum susciperent ex vera charitate DEI, duraturum usque ad novum orationis tempus, quòd abfuerit sensus orandi inter suavissima DEI verba, & argumenta psalmorum. Usque adeò firmiter sibi persuaferat, hoc DEO res gerendas curæ magis fore, quò magis ab ijs ad DEUM curam inter orandum ipse traduceret.

Neque solùm apud vulgus, sed primæ etiam sanctitatis viros in excellentis sanctimonie opinione fuit Pater Faber. Cerrè S. Franciscus Xaverius ut primùm de ejus felici obitu in Indijs edoctus est, illum deinceps inter alios Sanctos in opem vocare non dubitavit: ut ipse de se fateatur in quadam Romæ data epistola, gravissimam in mari tempestatem se perpeßum significans, in qua ad Beatorum Cœlitum auxilium confugiens, narrat se præcipuè Petrum Fabrum invocasse, atque in ejus meritis & precibus spem collocasse. S. Franciscus Salesius Genevensium Episcopus eidem devotissimus fuit, & vitam illius non tantùm ipse assiduus evolvit, sed & alijs vitam sanctiorem meditantibus legendam persuasit. Quin etiam singulari devotione Sacellum P. Fabri memorie dicatum invisit, ut testatur vitæ Salesij libro 7. Scriptor Carolus Augustus his verbis: *Visitavit Sacellum in honorem B. P. Petri Fabri, primi Sacerdotis Theologi & Socij Divi Ignatij Loyolæ Soc: JESU erectum, atque ibi scire & videre voluit paternam domum, & posteros consanguineosque tanti Viri, multâque in ejus laudem effudit. Siquidem illius vitæ & rerum gestarum historiam à Nicolao Orlandino conscriptam, sæpius perlegebat, nec non legendo Patriæ gratulabatur, quòd in Societate JESU duos pharos, Fabrum & Jaum Subaudia DEUS accendisset.*







P. Claudius Jaius Sabaudus, è primis decem S. Ignatii socijs, ob vitæ innocentiam Angelus Dei, ob assertam in Germania Fidem orthodoxam, illius Apostolus appellatus. Obijt Viennæ Austriæ 1552. die 6. Augusti.

5.

## P. CLAUDIUS JAIUS.

**E**ptimus ordine & tempore S. IGNATII in fundanda Societate Sodalit Claudius Jaius, natione Sabaudus, diœcesis Genevensis, Illi se adjunxit Parisijs, Philosophiæ jam Magisterio & Sacerdotio insignis. In secessu Exercitiorum quadragenario probatus, toto triduo cibo omni & potu abstinuit: iisdem postea peregrinationibus & missionibus per Italiam, quibus reliqui Socij ante confirmatam Societatem, perfunctus. Hac verò in Religiosum Ordinem erectâ, prima expeditio illi obtigit Balneoregium, S Bonaventuræ natalibus nobile ppidum, quo gravis discordiæ causâ inter Clerum popu-

*Societas Europæa.*

lúmque sedandæ destinatus est. Primus ejus adventus quanquam neutri parti, (ut ferè exulceratis odio animis accidit) gratus admodum fuit; tamen ubi pro concione aliquoties auditus sui adventus rationem reddidit, omnium animos sibi adjunxit. Hinc præter opinionem tum ad audiendum verbum DEI, tum ad enuntianda peccata concursus hominum auctus, ut ne nocturna quidem defatigato Patri, totum diem excipiendis confessionibus lassato, quies esset reliqua: apertisq; nondum Templi foribus, summo manè nonnulli etiam per fenestras, locum audiendæ concioni occupaturi irrumperent. Controversiæ porro illæ, quæ sinè magna sanguinis effusione

F



effusione finire non posse credebantur, summâ omnium gratulatione paucis diebus sopita sunt: atque ut firmiore pacis fœdere sancirentur, mutuos inter amplexus veniâ vicissim postulatâ datâque, persuasa est omnibus ab Jaiio communio Corporis Christi, quorum multi complures annos odijs peracerbis impliciti, ad Sacrosanctum illud pacis symbolum non accesserant. His adjecit quotidianam Christianæ legis multitudini explanationem, & monita privatim ita religiosè excepta & observata, ut cives alios jam se, quàm fuerant hactenus, mirarentur. Brixiam indè ad Cænomanos transgressus ad extirpanda errorum zizania, quæ hæresis irrepens ita copiosè disseminaverat, ut Roma sibi indè & Italia metueret, in ijs evellendis magno animorum compendio totum ferè annum insumpsit. Evocatus sub hæc Romam ad emittenda cum reliquis primis Patribus Professionis quatuor vota solennia, Faventiam deinde Urbem excolere jubetur, ubi præter multa in obsequium DEI & commune bonum gesta, veterem Ecclesiæ morem & consuetudinem reduxit, crebrò usurpandi divina mysteria, hebdomadis minimùm singulis; sodalitate piorum virorum, qui sedulò id exemplo & industriâ suâ promoverent, erectâ: ex quo tantus poenitentium ad Patrem fuit accursus, vix ut respirandi totâ diè daretur locus, & Faventini vix ampliùs sese agnoscerent. Quin eadem Sodalitas illas sibi quoque partes imposuit, ut peculiari quodam studio opera tueretur misericordiæ: hinc medicum è suo corpore facilè principem, advocatum item & procuratorem elegit, qui sive in morborum ærumnis, sive in iudiciorum disceptationibus, operam suam gratis cuique egentissimo præberent. Alij mendicorum patrocinio suscepto pro ijs eleemosynas corrogabant: nonnulli tutorum loco orbos orbâque complexi, studiosè quærebant & vestiebant: alij alia Christianæ benignitatis officia partésque sibi deposcebant, ut viderentur omnia Faventiæ priscâ quadâm religione fervere.

In medijs his ardoribus jubetur à Pontifice Jaius unâ cum Bobadilla Ratisbonam se conferre, ad sustinendam ibi magnis passibus in ruinam tendentem rem Catholicam: qui per Bononiam itinere suscepto, brevi quo ibi substitit tempore, maximas florentissimæ civitatis utilitates exhibuit. Ratisbonam ingressus ante omnia crebrò invisebat Antistitem, & sui admonebat officij, stimulabat ad optima quæque Canonicos, & modò hunc,

modò illum spiritualibus S. IGNATII exercitationibus adjuvabat; perorabat ad Senatum ferventer, & Clerum potissimè ad sanctiora vitæ exempla excitabat. Quâ re (ut tunc mores Cleri per Germaniam fuere corruptissimi) vehementer illis exosus, dum insuper suis consilijs autoritatèque hæreticum civitati percharum tentat à concionandi munere remove, multorum subijt invidiam. Ipse verò cum cruce undique & pericula minarentur, triumphare gaudio, & minitantibus in Danubium præcipationem respondere intrepidus: *in cælum se tam facile aquâ, quàm terrâ venire posse.* Nec desuere qui ei aut mortifera exitia veneni, aut subitum molirentur exilium: quibus nihil exterritus, aggressus est explanare publicè Pauli epistolam ad Galatas, maximâ omnium ferè ordinum coronâ, ipsis etiam affluentibus Lutheranis: & quamvis ibidem duobus in templis pestilentissimæ hæreticorum conciones haberentur, ipse tamen tantâ omnium constantiâ sitique audiebatur, ut ne per autumnum quidem vindemias, quod alias fiebat, intermittere sacram illam paterentur explicationem. Quâ ejus constantiâ, & in tot adversis æquanimittate viri boni & Catholici permoti, Episcopus in primis, illum in oculis ferre, palâmque exultare, quod tantis animis facinorosis & hæreticis se opponeret, & innocentis vitæ speculo facilitatèque permirâ haud contemnendos suæ tolerantia fructus ferret. Et reverâ tam opportuni hoc tempore fuere in Germania sudores & conatus P. Claudij, Fabri & Bobadilla, ut si eos irruenti pleno torrente Lutherana hæresi divina Providentia gratiâ suâ armatos non opposuisset, brevè se integrè Lutheranam ingemuisset. Tanto studio pestilentissimi illius hæresiarchæ alamni regiones has ubique pervagabantur, tamque impunè populis quod velent persuadebant: cum contra ab ijs qui poterant & debebant, nullæ aut perexiguæ adversus intestinos hostes agerentur excubiæ, nullâ pastorum vigilantia perditorum hominum cohiberetur impietas; imò è contra hi ipsi è pastoribus lupi facti, rotas post se pessimo exemplo traherent in exitium communitates, & integra non rarò cœnobita vitæ libidinosæ æstu à Fide deficerent. Ipsorum maxime studijs & conatibus impeditum est, nè ad importunas Protestantium minas & preces Concilium particulare, pro decidendis Fidei & conciliandis differentijs, Nationis Germanicæ celebraretur, in quod desiderio pacis vehementer Carolus ipse Imperator cum Fratre Ferdi-



Ferdinando Rege Romanorum, plerique Catholici Principes & Episcopi inclinabant : quos ab ea mente avertere durissimi fuit Patribus laboris, dum modò hunc, modò illum argumentis à proposito divellere nituntur. Jaius inprimis non cessabat IGNATIUM epistolis incitare, actum esse de Religione Catholica in Germania ostendens, si Provincialis Synodus cogatur : ideòque urgendum omni ratione Pontificem ad generale Concilium indicendum. Versabatur Pater jam altero anno Ratisbonæ, quasi solus pro muro irrum-penti toto furore hæresi oppositus, quæ civitas cum libera sit, & soli subjecta Cæsari, tantò in illa vehementius res Catholica laborabat, quantò minùs Magistratus ad abigendos hæreticos cum Antistite conspirabat. Satis igitur habebat negotij Jaius hostibus retundendis, ad quod improbo labore, multarum animarum bono, germanicum perdifficile idiomà jam comprehenderat, totisque viribus nefarijs eorum conatibus se opponebat : ut si qua pars Urbis à Luthero se gloriatur intactam, ea gloriam hanc continentibus Patris vigilijs & laboribus acceptam ferre cogatur.

Igitur saluberrimis functionibus Catholicos universos, Religiosos perinde ac Laicos in officio continere, Episcopum ad castigandos formandosque denuo mores importunè prorsus & assiduè hortari, nullum insuper tempus sive publicè, sive privatim, ipsius quoque Senatûs admonendi amittere, nè stultissimis hæreticorum suffragaretur erroribus. Quibus rebus turbulentiore in eum quàm anno superiore, concitatâ tempestatè, licet in pauperem & inermem manus injicere DEO prohibente sint veriti, civitate tamen ejectû, solum vertere coëgerunt. Ille ad Episcopum se conferens, ut eum imminentis ovibus suis exitij commonefaceret, ut primùm Senatum ipsum in hæresim prolâbi accepit, promulgandi fidelibus Jubilæi causâ Urbem illico repetijt, sanguinis in Fidei causa fundendi percupidus. Ergo dum extremo conatu frustra torrenti stygio obnititur, DEUS ipse pug-nator pro sua causa illi adfuit, & quosdam ex hostibus, monitis illius refractarios egregiè ultus est. Alter horum erat Doctor Laicus, qui communionem sub utraque specie Senatui primus impudenter obtruserat, magnâ sanè Catholicorum clade : alter ex S. Francisci familia, tanto priore nequior, abjectâ religiosâ veste, etiam Lutheri ex cathedra regendam suscepit Ecclesiam, ductâ ex egregiæ disciplinæ legibus nullierculâ. Hos à conceptis

*Societas Europæa.*

Jaius revocare flagitijs sæpe conatus cum frustra sudasset, æquissimo DEI judicio Laicus paulò post acerrimo malo correptus, geminæ horæ spatio inter dirissimos cruciatus contaminatam vomuit animam : impurus verò defertor 15. interpositis vix diebus ab incestis nuptijs, in ea ipsa corporis parte, ubi DEO juratam castitatem sacrilegus violaverat, summorum dolorum cruciatu confectus interiit. Hæc inter Nuntius Apostolicus Ratisbonam transiens, Jaium Ingolstadium migrare præcepit, nam & illud, quamvis summè in obstruendo aditu vigilaret Princeps Bavarus, exitialis Lutheri lues afflârat. Hic Jaius totam traduxit ætatem, & dum multos errore liberat, eximieque simul sanctitatis & doctrinæ specimina præbet, partim Roberti Armacani Archi-Episcopi consilio, partim Doctorum Ingolstadiensium precibus compulsus, publicè docere sacras literas compellitur. Verùm à multis certatim Germaniæ Præfulibus in præsidium adversus hæreticos expetitus, Augustano Antistiti, qui postea fuit Cardinalis, Othoni Truchses concessus est. Ex itinere ab Episcopo Aistetenensi interceptus, duos apud illum menses egit, magno illius & suorum commodo : unde Dilingam delatus, sacris IGNATII commentationibus Othonem Episcopum singulari Ecclesiæ emolumento exercuit. Nam cum per id tempus Salisburgum Synodus Provincialis indiceretur, cui & Augustanum, & Aistetensem adesse oportebat, in qua præcipuè tractandum erat de concilianda opinionum inter Catholicos & Lutheranos concordia, Jaius eodè ad dicendam in Concilio sententiam invitatus, interesse omnino recusavit, negans consentaneum esse, ut quem Pontifex in Germaniam destinasset, is ejus injussu in Controversijs de Religione sententiam, quas Romanæ Sedis arbitrio dijudicari oporteret, palàm diceret. Sed & Augustano efficaciter persuasit, ut nihil de Religione, Pontificis injussu, in Conventibus Imperialibus, agi pateretur : quod demum etiam Salisburgensi & Aistetenensi ceterisque Episcopis persuasum est : & quidem ità constanter, ut Augustan, Actis Synodi subscribès adjecerit, amittere se denos Episcopatus, & patrimonium, & vitam malle, quàm ut ulla in disceptatione cum Lutheri sectatoribus consentiret. Quæ cum ex voluntate fluere omnia, & animos tantorum Antistitum contra Protestantes obfirmatos cerneret, lætus & alacer Jaius Dilingam redijt, ad animarum prædas agendas. Sed iterum subito Vormatiam



tiam ad Comitia evocatus ab Augustano, singulos Episcopos adire, & ad defensionem Religionis animare, publicâque habere conciones instituit, singulis præsertim Quadragesimæ ferijs, Principum omnium Catholicorum audiente coronâ, ipsôque Romanorum Rege Ferdinando, nec rarò Carolo Cæsare.

Indictum hæc inter est Concilium generale Tridenti, ad quod à Cardinali Othone Augustano, Theologi nomine missus Jaius, ad publicum Xenodochium, contempto splendido hospitio, divertit: maximâ tamen apud gravissimos illos Patres auctoritate, ob perpetuos suos ibidem concionum & confessionum audiendarum labores, pollens; à quibus sapientiam illius in dicenda pro publicis confessionibus sententia expertis, in gravissimis quibusque negotijs ad consilium adhibebatur. Paulò post Tergesti Episcopo vitâ functo, Ferdinandus virtutis in Jaiò & sapientiæ magnus amator & æstimator, Ecclesiam illam Jaiò omnino tradere constituit, cujus solius vigilantissimo studio contra gliscentem in vicina Germania hæresim sperabat indemnem servari posse. At verò hic ubi primum id à Rege ex datis ad se epistolis intellexit, obfirmato contra dignitates ejusmodi animo IGNATIUM continuè admonuit; & Labacensem Episcopum ad easdem infulas coram, Regis nomine, sese invitantem, magnâ humilitate ineptitudinem suam prætendens, rejecit. Non destitit tamen Ferdinandus interpellare Pontificem, ut si salvum ab hæresi Tergestum vellet, sedem illam occupari ab Jaiò, præcepto interposito, mandaret: effecissetque omnino, Pontificis & Cardinalium auribus ad rationes in contrarium ab IGNATIO allatas penitus oclusis, nisi hic ardentissimâ ad Regem scriptâ epistolâ, illum à proposito urgendo avertisset. Hoc demissionis tam raræ exemplo longè latèque vulgato, multò magis à varijs Principibus & Episcopis opera Patris expeti apud IGNATIUM cœpit, obtinuitque præ alijs futurum sibi & Filijs à confessionibus Dux Ferrariæ: ad quem perveniens, publicum nosocomium in hospitium, multum principiò renitente, sed demum annuente Duce elegit, longè sibi conducibilius & gratius esse dicens inter ægrorum prædôres & ærumnas versari, quàm inter odores Aulæ, Curiaque blanditias. Neque unquam intermisit, præter Ducalis conscientia curam, ægrorum corporibus & animis prodesse, & concionibus Urbem totam ad divina provehere, ceterisque Societatis ministerijs nobilitatem æquè ac populum adjuvare:

quem cum ad pœnitentiam seu matutinis concionibus, seu pomeridianis instructionibus excitasset, postea ad partam prædam è suggestu descendens, sinè ulla interspiratione laboris, in destinatas confessionibus sedem se conjiciebat, tantâ audiendi sedulitate & pertinaciâ, ut indè avelli, dū aliquis pœnitentium supersset, non pateretur. Nec licebat ei vel summâ hyeme inter cadentes cœlo nives à sacra vacare dictione, assiduitatem jam auditoris experto, qui cœli contemptis injurijs ad usitata pabula recurrebat.

Verùm Baviaræ Dux Guilielmus, acerrimus Catholicæ Religionis vindex, memor ingentis fructûs, & desiderij, quod Ingolstadij suis reliquerat Jaius, illum nominatim à Summo Pontifice cum duobus alijs è Societate Theologis concedi perijt, ut Ingolstadij, quod hæretici quidam magistri irrepsent, sacras literas juventuti traderent. Monitus à Pontifice IGNATIUS, Fabrum & Canisium Jaiò adjunxit, Doctorali prius Theologiæ laureâ ad auctoritatem conciliandam Bononiæ ornatos: ubi Jaius unum circiter annum S. Scripturam explanans, maximis Augustani Cardinalis apud Pontificem precibus iterum conceditur, utiliore magisque necessariam Ecclesiæ operam in Comitijs Imperialibus Augustæ præbiturus. Nam cum in ijs Conventibus perpetuò Principes Protestantes Controversijs Fidei componendis instarent, ingens & præsentissimum periculum adibat res Catholica, quod illius Principes & Antistites malorum, pertæsi, in tractatus ejusmodi & colloquia nimium proni descenderent: inde sedulo invigilabat Pontifex, ut ad ejusmodi conventus idoneos quàm maximè Theologos, quales multo usu experiebatur de Societate esse, destinaret. Hic Jaius ut in tanta Nobilium totius Germaniæ frequentia strenuam atque salutarem navaret operam, Principibus atque Episcopis in rebus Fidei consilio, alijs studio atque labore, omnibus vitæ sanctæ exemplis aderat. Non paucos ab hæresum erroribus abduxit, in iisque adolescentes aliquot præclaræ indolis & doctrinæ, innutritos in ea facce: multorum correxit mores, perque exercitia Spiritûs Sacerdotem prænobilem atque opulentum (quod ad exemplum aliorum magnoperè valuit) penitus immutavit. His ab Jaiò præclare in facie totius Conventus gestis motus Rex Ferdinandus, atque ex eo de reliquis Societatis hominibus conjectans, cum ab illo de Collegiorum nostrorum Institutis cognovisset, animum penitus induxit Collegium



gium Societati Viennæ condendi, deque ea-  
re ad Pontificem & IGNATIUM literas dedit,  
duodecim Socios præter Jaium ad illius initia  
mitti postulans. Venit cum his Viennam  
Jaius, domicilio primùm Urbani Labacensis  
Episcopi, qui Regi fuit à confessionibus, mox  
autem parte aliquâ Dominicanorum cænobij,  
dum stabilis habitatio perquiritur, receptus.  
Atque ut intelligatur quantos ad labores eò  
evocata esset Societas, quantoque hæcenus  
per Provincias illas ediderit fructus, is erat id  
temporis status. In Provincijs omnibus Re-  
gi Ferdinando subiectis, trigesima vix pars ab  
hæresis contagione immunis & pura erat, cun-  
cta hæreses variæ possidebant. Hæretico-  
rum volumina prostant, legebantur & cir-  
cumferebantur impunè ubique, & ex ijs suam  
potissimum pueri educationem & discipli-  
nam domi & in scholis hauriebant. Ingens  
erat Cænobiorum solitudo, Cænobitæ omni-  
bus ludibrio, quorum vitam in summum con-  
temptum, per tot ab ijsdem pene quotidianos  
apostasias, adductam, nemo erat qui inire vel-  
let. Nec Sacerdotum magis nomen erat in-  
pretio, & eruditus quisque à Sacris Ordinibus  
abhorrebat: constat siquidem totos 20. an-  
nos ex Viennensi tam celebri Academia (quæ  
ipsa variâ sui parte magistros impuræ religio-  
nis censebat) neminem Sacerdotio initiatum.  
Ruditas & ignorantia latè in omnibus, quibus  
religionem niti opportuisset, regnabat. Pa-  
pistarum vocabulum per ludibrium ab hære-  
ticis inditum Catholicis non ferentes, erube-  
scebant se videri quod erant; nec tamen huic  
malo, quod manabat indies latius, qui occur-  
reret, præsto erat: sic ut neque Rex exquisiti-  
simo habito delectu, viros saltem inveniret  
tot idoneos, quot Ecclesiæ Præfecturis & E-  
piscopatibus necessarij essent, cujus defectu  
omnium maximè Viennensis Sedes laborabat.  
Parochiæ vel suis destitutæ erant pastoribus,  
vel ab improbis & rudissimis, ac ferè univer-  
sim mulierculis alligatis, occupatæ: usus Sa-  
cramentorum rarissimus, & is ipse plerumque  
vitiosus; impertiendam vulgo putabant sub  
utraque specie SS. Eucharistiam, & in pecca-  
torum confessione nemo ad particularia in-  
specie descendebat, ad solam generalem sui  
accusationem absolutione ab imperitissimis  
Sacerdotibus obtentâ. Concionatores in-  
una extollenda Fide & meritis Christi toti e-  
rant, de Christiani hominis officijs, deque  
alijs obligationibus nè verbum quidem: hæ-  
reticis interim per exedras triumphantibus,  
quorum doctrinis nemo se opponere sciebat,

sed ferè solam antiquitatis præscriptionem.  
Catholici prædicatores afferebant. In has  
errorum tenebras incidit Societatis, in hære-  
ditarias Austriacæ Domûs Provincias, & Vien-  
nam primùm Anno 1551. inductæ adventus,  
quos ut corrigeret sanaretque, divino auxilio  
nixa, suos omnes nervos & curas intendit, e-  
ventu quem hodie videmus, quemque nemo  
melius, quàm ipsi Austriaci Principes & Cæ-  
sares sciverunt æstimare.

Itaque Jaius reformationem ab schola-  
puræ doctrinæ auspicandam ratus, ex qua sa-  
na Religio in omnes fidelium præceptores &  
duces, ac tandem membra reliqua singula de-  
rivaretur, quò plures haberet anfas ad hæreti-  
cos revincendos, explanandam publicè susce-  
pit epistolam ad Romanos, ex qua ferè erro-  
rum suorum firmamenta moderni novatores  
desumunt. Nicolaus Lanoyus Theologiam  
Scholasticam, Socij reliqui alia in Academiæ  
classibus tradenda assumpserunt; convocatis  
jussu Regis ex universa Austria in unum con-  
tubernium, Collegij ædibus proximum, 50.  
Juvenibus, studijs Theologiæ idoneis, quo-  
niam concionibus aptis Religionem maximè  
laborare compertum erat. Hac multiplici  
laborum varietate enixius defungentem, ela-  
pso vix aëro placuit Arbitro rerum æquissimo  
ab hac vita subducere, sub finem Julij corre-  
ptum non diuturno quidem & gravi morbo,  
sed summo languore virum: quo ad diem 6. Au-  
gusti confectus, post recepta ritè novissima  
Sacramenta in cælum abiit Anno 1552. eo-  
dem nimirum, quo in Indijs S. Franciscus Xa-  
verius decessit, publico totius Academiæ lu-  
ctu elatus, & ad S. Nicolai sepultus. Vir fuit  
facillimis naturæ moribus, ore semper juncun-  
dus & hilaris, gravitate suæ personæ consen-  
taneâ; patientiâ paupertatis ornatus, in usu  
frequenti Magnatum detricto vilique cultu  
spectandus, nec quidquam admittens, etiam si  
multa offerrentur, quo decorem paupertatis  
suæ minueret. Studio precationis & medi-  
tationis excellens, quotidie unum aliquod ca-  
put, præter aliam meditandi materiam, è Sa-  
cris Christi cruciatibus retractabat. Nihil in  
eo insolens, nihil arrogans, nihil elatum: in  
disputationibus cum hæreticis eâ vi atq; mo-  
destiâ, ut orthodoxos valde confirmans, ad-  
versariorum errores conficeret, non læderet  
voluntates. Ubi decessit, Angelus DEI, Pater  
patronusq; Catholicorum, à Canisio autem  
& laborum ejus conscijs Principibus, Germa-  
niæ Apostolus vocabatur. *Ex hist. Soc. &  
Tomo 1. Nirembergij de Viris Illustribus.*





P. Sylvester Landinus, S.I. Italus; Apostolico Zelo ad inflamanda hominum Corda, apud quos diceret, prædit, laboribus excolendæ Insulæ Corsicæ immortuus Bastiæ 3. Martij Anno 1554 ~  
6.

## P. SYLVESTER LANDINUS.

**E**Ximium prudentiæ & severitatis exemplum S. IGNATIUS in Sylvestro Landino edidit, quo eundem non tantum Religioni & DEO servavit, sed etiam ad insignem sanctimoniam gradum pervexit. Natione Italus, patriam Malgratenfis ex agro Sarzanensi erat, jamque Sacerdotio initiatus ad Societatem Romæ Anno 1547. accefferat, navus quidem ille ac probus, sed in tyrocinio mox adversam in valetudinem stomachosior, minusque valetudinarij curatoribus obsequens, quam IGNATIUS in suis requirebat. Jubet igitur ægrum perdiligenter curari, nihilque à medicis, quod conducere ad sanitatem videre-

tur, omitti; quem simul ac valetudinem recuperavit, quod suo minus domesticis profuisset exemplo, remisit in patriam: non quidem omnino ab Societate dimissum, sed ita suspensum & perplexum, quod præcipue sine Socio mitteretur, ut vehemens ejus rei suspicio conscium suæ mollicitudinis ac morositatis animum perculerit: cum interim IGNATIUS consulto & prudenter, ut sui corrigendi locum daret, ambiguum atque suspensum relinqueret. Ergo in patriam confirmaturus valetudinem tendens, toto itinere ita se tractavit ac gessit, ut videretur sapientiæ fuisse divinæ leve illud erratum in tyrone permittere, quod & ipsum ad modestiam erudiret, & peroptare



optatæ frugis seges esset in proximis. Quocunque ingrediebatur, sui vestigium reliquebat ardoris: agebat ubique de DEO, modò publicè de suggestu, modò privatim in colloquijs: avocabat homines à vitijs, & ea confessis laxabat. Ac Lucensi quidem in Urbe, uti & in oppido Massæ, cives non exiguum pondus argenti, pro navata sedulò opera, abeundi ferebant, & penè per vim unà cum jumento in viam intrudebant: ex quibus nihil prorsus attigit, mirâ suspensis admiratione, beneficis, tam inusitato continentie spectaculo. Massæ concionatorem sædissimos errores in Virginem Matrem serentem, quam non originali tantum culpæ obnoxiam, sed venialibus etiam proprio actu peccatis subjectam fuisse docebat, de superiore loco ita convicit & refutavit, ut populus ab eo deinde audiendo averfus, constanter ultro polliceretur, nunquam ei se nebuloni aures operamq; daturum. Malgratum cum pervenisset, afflictam admodum offendit patriam ex horribilis calamitate procellæ, quæ paucis antè mensibus agros populata erat, nihil ut intactum ex arboribus frugibusque relinqueret, totòque quadriennio sperari fecunditas nulla posset. Per eam igitur occasionem solari populares suos Sacramentorum & verbi divini prædicijs, improbitatem feliciter dissuadere, & non paucos ab inveterata pellicum consuetudine abducere. Habebat in publico patriæ pauperum hospitio egenus cum egenis, totâ reclamante familiâ & propinquitatē: adhibebat ad conciones vim jejuniorum & multæ orationis; itaque ad arbitrium flectebat animos, cum persæpe ter in die ad varia hominum genera diceret.

Et quoniam circa eas partes pestilentes versabantur hæretici, in eos vim suam omnem & tela convertit, ut populum ab eorum usu fraudibusque averteret: eos exagitans disputationis altercatione terrebat, exprobrabat publica dedecora, & consentaneam vitæ doctrinam, nè cui fraudi esset, redarguebat. Sacerdotes, quos minùs sibi benevolos initio fenserat, sanctimonie exemplis arctè conciliatos, ad ferenda in improbos arma, docendo, monendo, totòque suo munere ritè obeundo provocabat; nec cessabat in finitimis patriæ suæ locis, sicubi nundinæ agerentur, conventusque forenses, tum maximè admove-re faces animis verbi DEI: petebat & templa deserta, conciliatisque sibi Parochis, repentè concionem ex paganis agricolisque cogebat. Resciebat hæc singula per idone-

os internuncios pervigil in salutem filij IGNATIUS, dignumque jam ratus veniam admittæ culpæ, inter tædia cruciantis morbi optatissimas illi mittit literas, indicans eum à se in Sociorum numero retineri, ideòque potestatem eidem ad vota Religiosa nuncupanda facere. Quarum ad aspectum provolutus in genua, palmas & mentem pariter in cælum sustulit, DEOque gratias egit, quem plurimis attentisque Sacrificijs ut placaret elaborarat: totidemque postea pro re impetrata curavit. Tum verò in omnem bene gerendæ rei partem curas suas intendere, tum se incitare acrius & exardescere, tantòque impetu spiritus è cathedris tonare, ut multi ad ejus vocem ex utroque sexu abderent se in claustra, ponerentur iræ veteres, castigarent ora maledici, largior in pauperes esset civium beneficentia, & adversariorum ora clauderentur. Quibus etiam mortem minantibus, haud infractò responderebat animo, liberè se in eorum mores & doctrinam detonaturum, nec se in tam optata causa exitium formidare. Denique ejus operâ non inter privatos duntaxat peracerba odia, sed etiam integri populi inter se conciliati redivère in gratiam, transfugæ complures in sua Cœnobia remissi: cùmque diebus vix festis Missæ solennia frequentarentur, ejus hortatibus etiam profectis populus frequens accurrebat. Ipse interim sui domandi studio, nescius corpori parcere, insomnes ducebat in oratione noctes, perpetua tolerabat jejunia, & ad sedandam inedia solo pánico, non tritico, aquâ ad potum, non vino utebatur. Ità Sarzanensi exulto agro, in diocèsim transijt Lunæ, & motus incredibiles, Firizano præsertim in oppido excitavit. Diebus non plùs 20. coaluere eo dicente Sodalitates ac cætus, tam fœminarum quàm virorum: mos crebræ communionis inductus, hæreses, quæ jam altè in ijs regionibus succrescebant, perpetuâ catechismi traditione radicitus extirpatæ. Quo in genere adeò exarsit, ut aliquando contra hæreticorum turbulentam dementiam continenti oratione sex horas dixerit. Accitus deinde Romam, Fulginumque Episcopo flagitante missus, varias & illic animorum commutationes fecit. Admiranda sanè ejus erat tot inter labores in audiendis confitentibus patientia: afferebat vigiles horas antelucanis in templum aures, & ad secundam noctis nullo tædio, nullâ defatigatione lassas, accedentibus exhibebat. Ingens hominum vis ad audiendam disciplinam Christianam confluebat, simulque S. Exercitijs aliqui semper



per in secessu excolebantur : ut perbeatus sibi videretur Antistes , quòd ad præsentem sui gregis opem, talem sibi virum divina providentia submisisset. Erat enim in dicendo quasi ignem spirans , à quo concio universa copiosas in lachrymas nunquam non liquebat : sic ut in concione quadam multi de populo dicentem magnis clamoribus interpellarent , octavo quoque se die , dummodò adsit qui audire vellet , peccata confessuros : & nobiles quædam ac ætate florentes fœminæ ad sua tecta reversæ , unguenta pigmentaria , fucosque , & odoratas aquas fenestris egererent. Coacto & hîc Sodalium sub titulo Nominis JESU cœtu, diocesim universam , ità volente Episcopo lustravit , ubiq; concionibus, catechesi, ceterisque munijs populum ad pietatem ducens : tantâ interim sui incuriâ, & ad corpus flagris, jejunijs & vigilijs edomandum severitate, ut monendum per literas IGNATIUM Sodales S. Hieronymi, quorum hospitio utebatur, duxerint, ut modum immodicis ejus asperitatibus poneret.

His præclare in Umbria actis , ad Carfagnanæ incolas in Hetruriæ fines missus est : ubi Casulæ primùm animarum negotio intentus , desiderabat auxilia Sacerdotum , quòd ipse partes multorum obiens, & ad quotidianas conciones audiendi labores adjicere coactus , omnibus nullatenus, junctâ licet diu noctûque operâ, sufficeret. Eâdem enim hebdomadâ sex septemve locis , ubi è suggestu laboraverat, ibidem mox audiendis pœnitentibus desudabat , tanto hominum undiq; ab agris affluxu , ut eum ter in die quandoque in suggestum compellerent, ex quo duas ultra horas, nec rarò longiùs dicere consueverat , ut auditorum & siti satisfaceret , & inscitia. Excitati tandem novem fuere Sylvestri persuasione è vicinis Carfagnanæ oppidis Curiones , ad gratuitam & voluntariam Sacramentorum administrationem omnibus , qui concionibus Patris permoti ad ea accedere vellet : è quorum numero quaterni sacris Exercitijs perpoliti , Societatem mox votis ardentibus ab IGNATIO expetivêre. Et verò abundè laborum omnibus fuit, ut populo vel solo illo ministerio sufficerent : qui à Sylvestro ad Societatis ferè agendi normam instituti, dum fœneratoribus peccata remittere differunt, fœnerandi consuetudo vehementer ibi inlita, undique sublata est. Virginum quoque Cœnobium extrui curavit , cujus templi fundamenta ipso Natalis Virginis die jacta sunt ; P. IGNATIUM in primo lapide, tam reverens illius

adhuc viventis erat Sylvestro existimatio ! nomine inscripto. His aliisque plurimis Casulæ gestis, Camporegianum se contulit, hæresi plurimùm infectum : quâ nonnulli Sacerdotum & Medici afflati, cum ei velut officij causâ obviam venissent , necem interim illaturos minitantes, si contra eorum dogmata inveheretur : ipse mox consensu quotidie suggestu, totâ hebdomade eo ardore contra hæreses verba fecit, ut audaces illos erroneos terror ingens invaserit. In ijs Medicus ad Sylvestri vocem in eas formidines incidit , seu conscientia mordente , seu judiciorum periculo deterrente, ut consensâ mulâ cursu incitatisimo sese fugæ mandârit. Eo cursu, cum bestia viribus penitus defecta concidisset, Medicus qui ex suæ sectæ disciplina didicerat cultu fraudare Cœlites , in mulâ discrimine modò hunc, modò illum Cœlitum invocabat : facile ut appareret quanta sit vis educationis Catholicæ, quæ vel ab invito vocem veritatis extorsit. Multos ibi Sylvester hæreticos reduxit, & multos lapsantes sustinuit, ut etiam Sacerdotes nonnulli, qui Quadragesimam vorandâ carne fœdaverant , postea jejunium etiam extra illam feriâ 4. in omnem vitam sibi statuerent. Cursabat Pater huc illuc, animarum prædæ semper inhians, sinè defatigatione , & quocunque ingrediebatur, inflammabat omnia : exhibant ad eum excipiendum universi pagi & oppida , & flexo ante eum poplite obtestabantur , ut ad se quoque diverteret , feriò polliciti se convoluturos omnes ad expianda peccata , & rebus in omnibus imperata facturos.

Porro in his Apostolicis expeditionibus tribuebat Sylvestro tantam vim DEUS auctoritatẽque , ut eum Sacerdotes perinde ac populus venerarentur ac colerent , inque rebus omnibus suadentem aut monentem sequerentur ac si eorum Episcopus esset. Carregij tamen pessimè initio acceptus est ; & inter dicendum identidem petulanter interturbatus, ut etiam mediâ concione digressi nonnulli, crebris lapidibus templi valvas impeterent ; alij autem dicenti cachinnis & clamoribus obstreperent. Sed dictionibus octo dierum continenter habitis , & quidem plerumque in diem binis , versa est impietas in pietatem, risus in lachrymas, atque ad primos auroræ radios ad eum audiendum universi avidissimè concurrebant, pœnâ præconis voce omnibus pridie semper propositâ , si quis abfuisset. Et evocandi rursùm hîc fuere è vicinis locis Sacerdotes , qui pœnitentibus operam



ram darent : nec tamen fieri satis turbæ audiendo poterat. Præcipuus ejus vocis fructus fuit, pax civibus, gravissimis turbata discordijs, restituta, quibus seditione commotâ, & duas in factiones, suis sub ductoribus & vexillis, scisso oppido admodum frequenti, cædes 45. patrata jam erant, inque ijs Sacerdotum trium, tantâ impunitate ac licentiâ, ut per sacras ædes ad aras usque strictis ensibus volitarent armati. Rem propè desperatam, odiorum & acerbitas & diurnitas faciebat, 30. quippe jam simultates tenebant annum, tantâ obstinatione factionum, ut nec Ducis Ferrariensis auctoritate placari possent & componi. Quantis interim rei familiaris incommodis, quantâ animarum jacturâ damnisque, qui tot annos Sacramentorum bono suâ se sponte fraudarent, facilius est existimare, quàm dicere. Sed non tulit divina clementia ut irriti essent Patris conatus, tot jejunijs, flagris, & perpetuâ oratione adjuti : quibus ubi Sylvester flexos in pacem mutuò sancendam animos primorum advertit (significaverant enim controversias omnes ejus se arbitrio permissuros) non dubitavit de superiori loco, frequenti conventu, alterum è Ducibus factionum suo nomine compellare. Is Joannes Corsus appellabatur : qui subitâ compellatione perculsus, ex ipsa concione respondit, quid me vis Pater ? cui Pater, ut cunctis, *jubeo* ; inimicis tuis ignoscas, vicissimque, ab eis, quod ipse lacefferis, veniam petas. Ad hanc ille vocem tanquam à DEO missam, ferrum quo erat succinctus confestim abjicit, & humi stratus pacem supplex inclamat : hunc ex utraque factione imitati reliqui, ipsi quoque pacem ingeminant, pacem postulant. Tum ad eos se Sylvester è suggestu demittens, singulisque ut se imitarentur admonitis, à Ducibus osculandi & amplexandi initium facit, aliosque deinceps eodem osculo & amplexibus excipit. Præeuntem utrâque ex parte, secuti sunt reliqui, eo animi sensu, eâ amoris significatione, ut præ gaudio lachrymæ uberim fluere, & ora sibi vicissim vultusque rigarent. Maximis in miraculis res est totâ Italiâ habita : & oppidani ipsi tantam sui ex tigrilibus in agnos mutationem admirati, nè qua tam singularis beneficij memoriam oblitteraret oblivio, notandum diem pacis atque concordia, ad anniversariam gratiarum actionem, tanquam solenne festum in posteros omnes decreverunt.

Anno 1550. Ferrariensis Florentinaque  
ditionis finitima, quod passim in hac irrepressi-

*Societas Europæa.*

set hæresis, lustrare jussus, vigilijs curisque, jam notis eam penitus eliminavit. Concionibus insuper illius, vis ingens alieni æris suis Dominis reddita : virgines ad cœnobium, cujus ipse itidem construendi fuerat auctor, certis astrictæ legibus & institutis inclusæ. Quorum famâ Ferrariæ Dux Hercules, & Toletanus Cardinalis hæreticæ pravitatis Inquisitor, ab IGNATIO impetrârunt, ut diutiùs Sylvestro regiones illas excolere liceret : quod ille incredibili animorum motu, plurimoque fructu fecit : ejusque ardoribus vicini alij Præsules commoti, suas item ab eo Diœceses inspicere lustrarique voluerunt. Ij verò ad templum concursus erant quocunque veniret, ut referri videretur ubique perpetua quædam Jubilæi, vel majoris hebdomadæ celebritas : Cumque unius aures sufficere contentium, turbæ non possent, adhibebantur suprâ dicti novem Presbyteri ab Sylvestro jam edocti, & meditationibus S. IGNATII instituti. Porro concionum suarum adeò frugiferarum materiam non aliunde ducebat, quàm ex primæ eorundem Exercitiorum hebdomada : in his totus hærebat & habitabat, his suos auditores exterritos faciliè ad pœnitentiam revocabat. In itineribus obsidebatur à populis, ut sibi illico ante alios operam daret : & quidam medijs in sylvis ac montibus comprehensum non priùs dimittebant, quàm enunciantibus sua peccata remitteret : interdum etiam matres familias flentes ac supplices, ut ad suos curandos ægros accederet, plenâ fiduciâ festinabant. Dederat enim DEUS famulo suo potestatem super omne genus morborum, à quibus invocato DEI nomine, plurimos liberabat. Erat tum anni tempus, quo metendis frugibus distinebantur agricolæ ; sed tamen quoties auditum fuit Sylvestrum esse dicturum, messores ad unum omnes relicto opere confluebant. Quidam autem dum optatis frugibus quæstuoso nimis labore incubat, ceterisque ad concionem euntibus unus remanet, manipulos quos collegerat inopinatus ignis absumpsit ; à DEO procul dubio immissus, neque enim ulla alia origo humana resciri potuit. Secundis hisce rumoribus permotus Mutinensis Præsul Ægidius Foscararius, è veneranda S. Dominici Familia, qui sacri antea Palatii Magister fuerat, ab IGNATIO Sylvestrum impetrat, & suæ omnis peragrandæ Diœcesis onus imponit : imprimis autem docendi Parochos ad populum ea dicere, quæ in Exercitiorum libello primâ continentur hebdomada : quem ipsum libellum idem quondam

G

sacri



sacri Palatij Magister Censor reviderat, & primus suo chirographo verbisque gravissimis approbaverat, semperque magno in pretio & usu habebat. Ejus igitur jussu Sylvester locis 130. lustratis, & familiâ Episcopi universâ sic institutâ, ut octavo quoque die sacra Confessionis & Communionis Mysteria sibi obeunda ultro constitueret, plenus fructibus ac meritis ad alia excolenda loca discessit. Sed cum ex tam multiplici unius hominis fructu perpetuò apud se retinendæ Societatis optimus Antistes desiderio arderet, Collegium mox aîno insequente cum civibus, adjuvante plurimum Cardinali Morono, moliri cœpit; ad cujus initia promovenda missus inter alios ab IGNATIO etiam Sylvester, summo perè civitati concionibus, aliisque consuetis ministerijs profuit.

Verum non annus integrè Mutinæ illi effluerat, cum anno 1552. adest Pontificum diploma, quo cum P. Emmanuele Gomio jubetur in Insulam Corsicam, postulatu Genuensis Reipublicæ, navigare: quæ cum 70. propè annis Episcopum non vidisset, multisque ideo erroribus & virijs scateret, impetravit Respublica Insulæ Domina à Pontifice, ut eam Viri de Societate, cum auctoritate, potestatéque Sedis Apostolicæ, veluti quidam Pro-Episcopi ac Visitatores inspicerent. Genuam appulsus, relicto ad excolendam Urbem Emmanuele, cogitur Archi-Episcopi voluntate, & Pontificis assensu, Genuensem Diocesim totam percurrere, ingenti animorum & hic compendio fructuque. Nam præter Sacramentorum inductam frequentiam, desertores Catholicæ Fidei complures Sacerdotes Diœcesi expulit, hæresi infectos reduxit, & vitiosas consuetudines sustulit. Vix dabatur aliquid ad reficiendum corpus spatij, ita aliæ ex alijs occupationes animum distinebant, & ad tertiam usque horam noctis aures commissa enunciantibus præbere cogebatur. Anno demum occidente, Corsicam tenuerunt: ubi ingens iterum animorum messis collecta, & ad normam antiquitatis, veteremque sanctitatem redintegrata plurima, cum in summa ignorance divinorum, maximâque in licentia incolæ pridem viverent. Erant è Sacerdotibus qui nullius Sacramenti conficiendi rationem, ac nè consecrandi quidem Christi Corporis formam satis nôrant: nullo ferè cultûs vestitusque discrimine à Laicis sejuncti, atque eò impurius liberiisque, scortis & concubinis conjuncti. E corruptela verò Pastorum Sacerdotumque, quod

necesse erat, mira labes in populo. Contrafas & jus matrimonij, nullâ habitâ propinquitatis ratione jungebantur: plurimi superstite primâ conjuge, secundam sinè religione ducebant: superstitio, veneficia, cædes, ubique flagrant: SSS. Trinitatis Symbolum, oratio Dominica, Salutatio Angelica, imò Crucis ipsius formula plurimis ignota erat. Patres igitur distributis inter se varijs Insulæ locis, strenuè eam colere quotidianis concionibus & catechesi cœperunt. Adeò multi ad enuntianda sua facinora confluebant, vix ut restauRANDIS somno cibove viribus hora superesset. Nam antè lucem surgentes, ad densas usque confidebant tenebras: eamque defatigationem, partim matutinus quotidie, priusquam suum ad opus se conferrent opifices, concionandi labor, partim vespertina catechesis interpolabat. Festis verò diebus quadruplex sæpe concio tam frequens colligebatur è pagis, ut nunquam in ea Insula ardentiora studia grandævî senes meminerint: & Dominicis celebrata Eucharistiæ Communio, ipsam Paschalis diei solennitatem referebat. Eratq; apud omnes eo in honore & existimatione Sylvester, ut perbeati sibi viderentur, qui propius eum adire affarique possent.

Sed nè secunda nimis aura Sylvestrum efferret, providè, ut solet, divina Sapientia comparavit, ut subitâ procellâ ac tempestate percussus, in officio modestiæque contineretur. Is enim totius Insulæ cum esset profectus & plausus, Romæ sermo planè contrarius perstrepebat. Magnâ charitate Franciscani P. Sylvestrum Bastiæ, præcipuâ Insulæ urbe, exceperant, rectoque exemplo concioni quotidie & catechesi ultrò omnes intererant: at Episcopi Vicarius indè ab initio parum gratum sibi accidisse ejus & Socij adventum ostendit. Is ergo, & quidam Cœnobij desertores, aliique nonnulli perversæ vitæ, veritine Patres Visitorum nomine à Sede Apostolica missi, solutis suis moribus & vitæ frœnos disciplinæ injicerent, aut ad eandem Sedem per literas deferrent: mendacissimis anteverterunt epistolis, & extremæ eos elationis, arrogantia, intolerandæque severitatis arguerunt, qui nè Religiosis quidem Franciscanis parcendo, Sedis Apostolicæ auctoritate intemperanter abuterentur. Ad hæc Romam perferenda consultò facinorosum quendam, convictum, notatumque non semel hæresis, multaque alia ob crimina collum jam in laqueum inferentem, deligunt; qui ut literarum mendacijs coram etiam meditaris luminis



lumnijs pondus adderet, tam multis Curiam querelis, tot falsitatibus implevit, ut Cardinales præcipui, in iisque Societatis amantiſſimus Cervinus ( qui poſtea Marcellus Pontifex fuit ) IGNATIUM monendum pro amicitia putârint, Ordinis ut ſui famæ, nominique, conſuleret. Eâ re permotus IGNATIUS, ſuſpicatus id quod erat, per calumniam traduci innocentes; Sebaſtianum Romæum è Socijs probatiſſimum, cujus fidæi plurimum tribuebat, ſilentio advocat, indutum ſæculari cultu in Corſicam tranſmittit, qui Patrum in mores & acta diſſimulanter inquirat, & cùm accuratè omnia explorâſſet, ea mox & publicis & privatis conſignata teſtibus ad ſe referat. Rebus omnibus teſtiſſimè aliena ſub veſte compertis Romæus, accipit ab inſulæ Præfecto Magiſtratibûſque, & uniſerſis oppidis, itémque à Miniſtro Provinciali Franciſcanæ Familiæ, aliſiſque viris graviſſimis, tam honorifica cum laudibus teſtimonia ad Pontificem, ad Cardinales, cùm per idem tempus multa in Patrum commendationem Reſpublica Genuenſis ad Urbem ſcripſiſſet, ut Curiam multum doleret, tam facilè vel in ſuſpicionem de Viris tam ſanctis adduci potuiſſe, & IGNATIUS de tot ſuorum laudibus erubeſceret. Et jam ſecundus laborum Sylveſtro in Corſica fluebat annus, qui cùm in reſtingendis hominum moribus, & lapſa Religione revocanda, nullis laboribus parceret, nec partem ullam quietis caperet: ex altera verò parte ſexcenta ferret incommoda, quæ tentata per id tempus bello Gallico inſula augebat, poſt incredibilem animorum meſſem frugumque lætitiâ, in graviſſimum lapſus morbum, totos 25. dies præter aquam, & alimenti quod vix uncias ſex conficeret, nihil guſtavit. Ergo deſtitutus omnibus commodis & pharmacorum remedijs, admirabili patientiæ documento, dum continuè Chriſtum in ore habet, die 3. Martij ſolutus eſt corporis vinculis in urbe Baſtia, Anno 1554. ut in eo denique, pro quo tantopere deſudaverat, conquieſceret.

Vir fuit prorsus Apoſtolicus raræque pietatis, & ad reparandos animos planè factus: cujus geſta ſingillatim ſi exponerentur, volumen ingens implerent. Illum Epicoſpus Fulginenſis Iſidorus *Angelum DEI* vocabat: Mutinenſis autem Ægidius Foſcararius IGNATIO pro Sylveſtro ſibi conſeſſo, gratias referens, in hæc verba ſcripſit: *Beneficium, quod per te mihi DELLIS in conſeſſo Sylveſtro largitus eſt, videtur mihi omnium que conſecutus ſum, maximum: ac proinde profiteor debere me tibi Societas Europæa.*

*quàm plurimum, teſtificans virtutem ac pietatem ejus viri miraculo eſſe. Quæ verò DELLIS per eum efficit, majora ſunt, quàm cuiuſquam aſſequi poſſit cogitatio. Idem tanti faciebat Sylveſtrum, ut ei totum ſe regendum tradere, & obedientiam quoque vovere, certum ac fixum haberet. At P. Franciſcus Palmius Bononiâ de eodem ſcribens, venit huc, inquit, Sylveſter, ſpiritu & virtute Elia. Vitiorum eſt inſectator acerrimus, zeli vir flagrantiffimi, parcus verborum, cibi parcior, laboris multi: mihi quidem prorsus admirandus. In dicendo ſuperat expecttationem, in audiendis confeſſionibus invicta patientia: in ſumma, de omnibus ſtudet bene mereri, quâ alliciens, quâ compellens intrare in Regnum DEI: tantæque eſt Fidei & charitate, ut quidquid ſuſcipit, cedat ei feliciter. Nuper in templum pariter deſcendimus, populo expecttante concionem; genua fleximus ante SS. Euchariftiam. Ego qui credebam me illum præmonuiſſe ut ad dicendum ſe pararet, præſolabar donec exurgens ad ſuggeſtum accederet: ille, qui reipsâ non erat admonitus, me concionaturum rebatur: dùmque ita hæremus, edituo inſtante, apparet neutrum eſſe præmeditatum. Sed ille meo nutu rectâ in ſuggeſtum aſcendit, ſuo more ardens & ignem ſpirans: ingens in eâ commotio populi ardorque, & multus ſletus, ut audirentur lachrymantium ſtrepitus, & fluentes per ora lachrymæ cernerentur. Non pauci ſtatim à concione ad confeſſarij pedes adſoluti: multi virorum ac feminarum nova vita, etiam religioſa conſilia ſuſcepere. Ad ſepulturam Sylveſtri & exequias non Baſtienſis modò civitas uniſerſa, ſed & paganorum ingens multitudo pari cum veneratione & dolore confluxit, omnibus virum uti verè ſanctum habentibus. Certatim rapta veſtimentorum fruſta, reſciſſi barbæ & capitis pili, & alia id genus in reliquias conſervata, & deinceps per manus ad poſteros lapſa, apud quos hodièque viget viri memoria & admiratio. Multa eventura prædixit, in quibus & bellum illud Gallicum, & luem peſtiferam, unde afflicta eſt inſula: de pago nobili, cui ex amœnitate Belgodere nomen erat, funditus excidendo, quod evenit. In oratione, cui prolixè erat addiſtus, sæpè extra ſe rapi in extaſim deprehenſus eſt, miræque luce undique circumfuſus coruſcare. Itinera agens, cùm sæpè pluvijs & imbribus omnia inundarentur, ipſe tamen ſiccis veſtimentis, parcentibus illi aquis, pertranſibat. Nec illa miranda minùs, in ediam duriffimam, contentionem laborum, viſcera miſericordiæ, ſui contemtionem,*



modestiam, & alia Apostolici præconis ornamenta Corfi celebrant: quæ ut meritas ejus virtuti laudes rependunt, ita stimulos succes-

foribus addunt, ut ad prælatam sibi adeò illustrem facem decorè gressum accom-

modent.

*Ex Historia Societatis, & Tomo 2. Nierembergij de Viris Illustribus.*



P. Quintinus Ciarlart Belga, è Canonico Tornacensi, Religiosus Soc: Iesu factus; post præclarè in Ecclesiæ augmentum gesta, lue à pestiferorum obsequijs hausta, extinctus Tornaci Anno 1556. 28 Julij, Ætatis 49.

## P. QUINTINUS CIARLART.

**D**ater Quintinus Ciarlart in Belgij pago Baudon, altero à Montibus lapide natus, honestissimis & publico ibi munere (quod Majoris vocant) conspicuis Parentibus, DEO prius Matris ex voto, quam mundo debitus, quæ iterum gerens DEUM frequentibus orabat jejunijs, ut eâ prole, quam maximè gloriam suam amplificaret. Timorem Domini cum lacte hausit, à tenera æ-

tate delectatus longa spatia orando ducere, sæpe tolerare inedia, sæpe humi, aliàs duro super asserè cubare, in egenos omnia liberaliter, etiam domesticam suppellectilem profunderè. Ex tibiæ fractura, cujus curam virili patientiâ pertulerat, ubi consanuit, primis literis jam imbutus Lovanium, annos 15. natus transivit, & Magisterij Philosophici laurea subinde insignitus, etiam Licentiam Theologici Doctoratus adeptus est: eâ virtutis & doctri-



doctrinæ famâ, quæ illi mox Canonicatum Tornacensem, unâ cum Parochi munere conciliavit, præter aliud Sacerdotale beneficium, à Majoribus suæ familiæ fundatum. Quamquam ipse sui juris effectus, paulò post abdicatâ Parochiâ, ut irrumpenti Tornacum hæresi, & juventutem præcipuè corruptenti, toto pectore sese opponeret, ibidem sedem fixit; & jam tum zelo & spiritu IGNATIANO impulsus, scholastici titulo publicis scholis præfectus, ad formandos institutis optimis pueritiæ mores operam convertit. In Collegio Capituli S. Pauli cœpit ipse primus Dominicis diebus familiariter enucleare Evangelium, quod in unamquamque incideret, & omnibus præluce virtutum exemplo. Ter quaque hebdomade jejunare, nunquam cubare in strato, in calamitosos non alimenta solum, sed vestes & culcitras, lodices & linthea, quoties deficeret pecunia, dispensare. Indè sæpe domum redibat sinè calceis, sæpe sinè pallio vel toga, quæ in pauperes obvios, ut cuique penuria fuerat, contulisset. Obire certis diebus carceres & nosocomia: & per hyemem totis noctibus Urbem concursare, ut vitæ subsidia, quibus egerent, ad inopum turguria comportaret: cùmque facultates ipsius numerus egentium superaret, locupletiorum opem implorabat. Domi nullius admittere servitium, dum sanus erat; neque ad stratum, neque ad cubiculum aliâve componenda. Si qua simulas in urbe vel dissidium glisceret, ipse componere; vocatis ad suum convivium, quò proniùs pax fieret, dissidentibus. Adolescentibus quibus abundè ingenium, fortuna tenuis erat, nè mendicitas eos & otium corrumpere, victum præbebat, dum artem condiscerent, quâ vitam tolerarent. Quærenti aliquando forori germanæ, nihil ad se pervenire de indulgentia, quâ pauperes extraneos aspergeret, quamvis & ipsa egeret, procumbens in genua DEO gratias egit, quod sanctæ paupertatis suos etiam participes faceret: comperto tamen verè rem illi domi per angustam esse, nummos aliquot ei dilargitus est, titulo indigentia. Auctor erat locupletioribus, ut afflictâ fortunâ propinquos & familiares præ alijs eleemosynâ, non tamen ultra necessitatem, sublevarent. Miserebatur impensè faminarum, quas forma & inopia obnoxias aliorum libidini faciebant, easque ab exitio vindicare non Tornaci duntaxat, sed totâ vicinitate, Insulis & Bruxellæ, omni ope nitebatur. Subducebat eas inhonesto quasi per matronas, quibuscum ita convenie-

rat, & tuto in perfugio suis habebat impendijs, quoad artem, quâ sustinerentur, didicissent. His aliisque officijs tantæ jam tum sanctitatis opinionem vel ipsos apud hæreticos collegerat, ut quamvis cum ludibrio sponfam illum vel Bertam, propter insignem modestiam appellarent, cum tamen à sua secta abesse haud dissimulanter dolerent: qui si quando Catholicis, quòd degenerassent à moribus priscis, insultando objicerent, hi sanctitatem Quintini opponebant, ecquem illi similem ipsi de suo promere numero possent? Et agebat Ludovicus Blosius, vir pietate & doctrinâ notissimus, multos vel solâ sanctimoniam ejus famâ ad meliorem frugem redire.

Inter hæc subijt animum ejus aliquando recordatio Societatis JESU, cujus Instituti speciem aliquam olim Anno 1542. perspexerat, cùm eò se Parisijs pulsi Sociorum aliquot ad proseguenda studia contulissent. Placuit penitiùs aliquid de illa cognoscere, quamque suis opportuna esset consilij, experiri. Adscito igitur in itineris deliberationisque societatem Antonio Boucletto, viro sui simili & virtutum æmulo, Lovanium discessit; cùmque Sociorum vitæ ratio plurimum utrique probaretur, Romam eundi, seq̃e S. IGNATIO sistendi cœpère consilium. Ab eo copia utrique Societatis facta Anno 1552. & cùm Quintini virtus usu confirmata satis se efferret, anno vertente illum Collegio Romano Rectorem præfecit, simulque jussit Moralis Theologiæ quæstiones sacris ferijs primum omnium explicare. Sed ea tractatio diuturna non fuit: nam anno sequente unâ cum Boucletto Tornacum, suppetias Bernardo Oliverio, qui jam tum ibi degebat è Societate, ire jussus est. Causa maturandi hæc fuit. Serpebat toto Belgio exitiosum Lutheri Calvinique venenum, & jam Tornaci viscera permeabat, manâns indies latius ab uno civium, cui Taffinus occultus Calvini olim discipulus pestem hanc inderat: indè mentem hanc IGNATIO DEUS iniecit, ut eò Quintinum, qui Templi præcipui Canonicatu etiam tum potiebatur, destinaret, ut Sacerdotij sui proventu vitam ibi cum Boucletto degeret, & laboranti Patriæ subveniret. Tornacum delatus, aggressus est illico pomeridianis Dominicæ horis veritatis Catholicæ articulos explanare, concionante manè Oliverio, & alia omnia Societatis munia strenuè uterque obire: eò profectu, ut increbrescentè quotidie ad eorum dictiones & sacra concursu, magna breviter compositio morum in civibus, nec minor hæ-



reticorum ad Catholicum dogma conversio fit consecuta. Nec se intrâ Urbis continebant mœnia, sed vicina egressi in oppida, ubique pietatis causam diligenter prosperèq; tractabant. Singularem operam Quintinus revocandis ab impura conversatione mulieribus; iisque item, qui ad publicum supplicium ob sua flagitia damnarentur, adjuvandis conferebat. Quo in genere fuit illud insigne quòd cum nullis artibus pertinacem hæreticum, qui raptam Natali Domini die sacram Hostiam pedibus proculcârat, posset ad pœnitentiam inflectere, pro ejus salute semetipse ad religiosum totius anni jejunium devoverit. Talibus distentum in perniciem suam laboribus ferre non poterant hæretici, qui varias ejus vitæ moliti insidias, per noctem sæpius domo evocari fecerunt, postulandæ stipis obtentu, reipsa ad necem: nunquam tamen commodè ad ictum habere potuerunt. Servabatur nimirum divinitus in aliam mortis gloriam, inter obsequia excellentissimæ in proximos charitatis obeundæ, dum pestilenti lue civitatem divexante, vitam suam post proximorum charitatem habens, omnium

se confessionibus promiscuè audiendis obicit. Igitur ad ægrum quempiam accitus, accurrit illico citra omnem sui curam, vel investigationem in morbi genus; à quo lue conceptâ ut revertit domum, seque ictum sensit, abdi foribus pessulum eodem charitatis zelo jussit, neque quenquam è domesticis in eandem intrò periculi societatem admitti. Pervicit tamen P. Bernardus Oliverius, eâdem horâ ab concione domum redux, qui dilectissimi Socij, ex eodem charitatis impetu magis quam sui studiosus, ingressum extorsit, & in mutuae certamine charitatis eandem victoriam retulit, mortem à Quintino Sacramentis omnibus ab se proviso haustam. Obijt Quintinus sexto quàm cœperat languere die 28. Julij, Anno 1556. biduo duntaxat ante S. IGNATII excessum, cum ageret annum ætatis 49. Societatis vix 5. Magno Patriæ, magno Religionis incommodo, vir planè excellentibus DEI donis, humilitate præsertim & charitate insignis, postquam ipse propediem se moriturum cuidam, eumque brevi etiam secuturum, haud vanus augur prædixisset.

*Ex Victimis Charitatis P. Alegambe.*

## P. BERNARDUS OLIVERIUS.



Ansonium Belgij oppidum haud procul Tornaco, Bernardum mundo dedit Anno 1523. cujus frater Germanus cum tribus filiis è matrimonio susceptis, à morte Conjugis eandem JESU Societatem postmodum complexus est, ad quam Bernardum miris & inusitatis vijs Dominus perduxit. Lovanij studijs à Parentibus addictus, destinabatur quidem ad Ecclesiastica munia, à quibus tamen ille animo & moribus alienus, ubi Magisterio ex Philosophia, 20. annorum adolescens inauguratus, Ansonium redijt, vagari liberius, & per licentiam bonum otium ita contere cœpit, ut Parens indignatus, dolensque sumptus in vecordem filium malè collocatos, optionem illi fecerit, si Ecclesiasticum statum complecti nollet, aut fratrum exemplo victum opere aliquo exerceret, aut procul à suo conspectu, quoquò libido ferret, probrosum futurus mendicabulum, facesseret. Neque ille multum moratus, sed ipsum Patrem ex longa protervia contumaciorem; faxo, inquit, quod suades: si quo casu autem mendicandum fuerit, operam dabo, nè tuas ad feres mendicem. Datisque à matre nummis aliquot aureis, Romam iter cum

sex æqualibus socijs intendit. Fortuna illi in Helvetijs oblata est miro modo. Bivium erat ad proximam Urbem, brevior via sylvis impedita, & infesta latronibus, quam insciantes, moræ impatientiâ, invadunt, & neque à fabro, ad ipsum sylvæ ingressum commorante periculi admoniti, obliquiorem alteram, sed securiorem arripere volunt, quamvis testaretur faber, ob latronum frequentiam ab annis jam septem teri eam semitam desisse. Cum ergo nihilominus juvenili ferociâ consilium asperrarentur, ipse ultro & gratuito ad cotem arma illis exacuere, & bene abeuntibus precari: illi autem in audaciam erecti, in saltum se injicere, strictis omnes gladijs cantilantes, & præfidenter securi. Altè in sylvam provectis, ecce in herbido prato se homo procerus attollit, postque illum deinceps alter, & tertius, torvum intuentes, & oblongâ quisque hastâ præferratâ minas spirantes: indè viatores versùs gradum ciere, isti contra se ferre, quâ ducebat via, ceu metûs expertes. Igitur prædones conspecto nihil suum valere terrorem, nec justum ancipitis aleæ pretium ab armatis, sed prædæ nudis sperari posse, rursus procubère solo, & liberam gradientibus viam reliquere. Cives eâ viâ ad se deferri innoxios





P. Bernardus Oliverius, Belga, miris vijs à Deo in Societatem, ab ipsis adeo nuptijs vocatus, et in ea praelara ad salutem animarum operatus; in obsequio contagionis veneno et ipse afflatus extingvitur. Tornaci 22 Augusti Anno 1556. Aetatis 33. 8.

noxios ubi conspexere, maximâ admiratione & benevolentia receperunt : at illi breviter captâ quiete, itineris reliquum securius confecerunt. Romæ Bernardus elegantis scripturæ beneficio celeriter herum nactus est Causarum Agentem, cui scribendo navaret; tantoque opere industriam suam & artem illi probavit, ut eum & ceteris Amanuensibus citò præferebat, & filiam eidem suam unieam destinaret. Sed parabatur illi divinitus conditio potior, quam præclaro in PP. Franciscanos officio promeritus videri possit. Vetuerat Cardinalium quispiam Episcopus totâ suâ diocesi populum ab illis ære caripano ad Misfam majorem evocari, quod ita præter fas Templis Parochialibus auditore n subtrahi contenderet. Illis obstitentibus, obtenden-

tibusque præter sua privilegia, res ad forum ejus Curia Romam delata est : ibi iniquissimâ conditione omnis causæ fortuna hærebat, quia scribarum nullus, potentia in adversario metu, Franciscanis dare operam scribendo agendoque audebat. Bernardus indignum ratus, ita causam honestam, quia pauperum Religiosorum, deferri, tabulas ipse conficiendas actaque scribenda in se assumpsit, adeoque naviter præstitit, ut Cardinalis ea in causa inferior discesserit. Hoc ille successu elatus, & Patrono suo jam commendatior, nuptias cum ejus filia adornare, per literas propinquos in Belgio hortari, ut in arte scribendi liberos exercerent suos, quibus ipse propediem accersendis fortunam esset suæ similem, scriptionis industriâ, creaturus : cum ecce gravi longoque morbo



morbo correptus fortè fortuna ab homine Societatis invifitur, & per confeffionem à criminibus expiatur. Ejus falutaribus alloquijs animo in alium penitus mutatus, mox profitetur, fi confanefcat, daturum fe in eandem Societatem nomen. Confanefcit celeriter, quòque fe voto liberet, tamenfi refpectabat identidem ad nuptias, S. IGNATIO fupplex fe fiftit. Hic Juvenem bono animo juffum efle, neque ftatim admittere, neque repellere, omnino; fubitum confilium, & metu mortis fortè fufceptum experiri velle, oftentare, fpem, fimulque cunctari, alias languidè refpondere. Sed Bernardus moræ jam pertæfufus, Janitori deliberatâ fententiâ profitetur die quodam, certum fibi efle; domo noftrâ nufquam ampliùs pedem efferre: quâ constantiâ delectatus IGNATIUS, eum continuò fuis annumeravit.

Indolem illius rebus quibufvis gerendis IGNATIUS illico agnovit idoneam, ideòque facris initiatum Ordinibus, paucos poft Tyrocinij menses Romanæ Domûs Miniftrum efle juffit, ut eum per fe ipfe in vita religiofa probaret, inque modico illo Magiftratu monitis opportunis imbueret, ad ampliores gubernandi gradus. Memorabile interim IGNATII æquè ac Bernardi evenit factum! Jacebat ex morbo domi quifpiam, cui Medicus pharmacum mediâ nocte fumendum præfcripferat; id quod IGNATIUS, ut fieret, Bernardo accuratè commendârat, hic verò ægrorum Curatori ferriò itidem injunxerat. Noctis dimidio furgit IGNATIUS, & ex ægroto, ecquid potionem hauferit? fciscitatur: negat ille quidquam illius fibi oblatum fuiſſe: tum IGNATIUS neglectum officium exeitato Bernardo feveriùs exprobrare, excufantique Infirmary cunctationem, ut domo confeflim excedat, edicere, haud pati fe Sociorum in numero, qui obedientiæ focordes effent. Bernardus obtemperare continuò, fed foribus exire duntaxat, & hæere in veftibulo, quòd ulteriùs abire non juffiffet IGNATIUS: quâ constantiâ mirificè recreatus IGNATIUS, eum non admiffit tantummodo, fed eâ deinceps exiftimatione habuit, ut votis jam Societati adftrictum, Romani Rectorem Collegij haud longo intervallo Anno fcilicet 1553. renunciârit. Verùm cum ei valetudo minimè Romana in aura conftaret, paucos poft menses translatus in Siciliam, primus in Monte Regali naſcenti Collegio præficitur: fed & ibi infeftum fibi cælum cum patrio denique mutare juffus, cum Tornacenſe in Belgio Collegium naſce-

retur, illò tum fui curandi, tum ejus ordiendi gratiâ legatus eſt. Anſonium natale oppidum primùm delatus, pro foribus repertum patrem ſuum ignotus, & ut erat morbo viâque pedeftri deformatus, orat noctis unius hoſpitiũ: ille arbitratus hominem vagi generis & infidi ex fæce Zingarorum, repellere cum ſtomacho, negare, id genus perditis capitibus, apud ſe locum efle. Scificitatur ex eo Bernardus, ecquem haberet filium peregrè verfantem, ab illo ſe ipſi, ſi teſto recipiatur, nova renunciaturum. Admiſſus illico lautiorè cenâ excipitur, multâque inter veſcendum de Bernardo inaudita, inexpectata refert; quæ cum omnia congruerent cum ijs, quæ pater ſparſim aliunde cognoverat, attonitus nempe ab ore narrantis pendeat cum domeſticis patrens. Illud autem inculcabat ſtudioſius, Bernardum maxime moleſtiarum aliquando patri per nimiam licentiam creatarum pœnitere, veniâque petere, ſequæ pro illo ſpondere, poſthac omni officio indulgentiæ paternæ reſponſurum. Eò denique pedetentim deduxit ſeriem hiftoriæ, dum parens conſtanti hominis obſervatione, ipſummet adefle Bernardum agnoſceret. Tum verò in filij rucere amplexus mater, domeſtici, oppidani ſenſim omnes, ut famâ vulgari cœpta eſt, concurrare. Ipſe de ſalutaribus animæ rebus ſerere ſermones, mox etiam pro concione dicere, tantis motibus animorum, ut nemo eſſet omnium, qui non avidè ſtuderet Jeſuitæ, novo ſcilicet nec ante viſo mortaliũ generi, arcana ſui peſtoris concredere, & totius vitæ apud eum peccata deponere. Magni Hannoniæ Senefcali filia Princeps Anſoniensis, verborum ac ſententiarum pondere, quibus pro concione ferventer utebatur, perterrita, non priùs eum ſuæ admovere menſæ, quòd tamen ardentè cupiebat, eſt auſa, quàm comitatem ejus ſuavitatemque privato in aliorum congreſſu ipſa clàm obſervâſſet. Adeò dextrè noverat percuſſa concionum veluti fulgetris reorum peſtora, lenitate blandiſſimorum alloquiorum conſovere. Contemplatùs ibidem aliquando ſenos Fratris Henrici filios, cedo mihi, frater, inquit, unum ex his, qui meus poſthac ex integro ſit: illo annuente, natu ſecundum delegit ſibi agnominem Bernardum, eum ipſum, qui multo poſt tempore Provincialis Societatis Belgicæ fuit. Magnum Anſonij Bernardus per breviter quæſtū facit animorum: ſed maximum in una Virgine, Quinta ſeu Quintina Monnier, quæ concionum illius impulſu & conſilijs eum primuludum



ludum instituit, quo deinceps ab devotis Virginibus puellaris ætas ad muliebria pensa juxta ac pietatem, fructu admirabili, Tornaci præsertim inopes erudiuntur.

Tornacum indè transgressus, nè cui gravis esset, ad fratrem Germanum Jodocum, Theologiæ Licentiatum insignem, & ad S. Jacobi Curionem divertit: utque se minùs invidiæ & querelis objiceret, ad exercenda Societatis ministeria ædem S. Mariæ Magdalena, lubente rogantèque Curione, procul extrema in urbe, neque amplam eam neque celebratam elegit. At postquam ibi dicere exorsus est, incredibile dictu, quanta celeriter multitudo affluerit, quantis ad eum audendum studijs, quantis animorum motibus universi convolarint. Sic Episcopo ejus urbis postulante, cœpta ibi Societatis Colonia est, ad quam promovendam S. IGNATIUS, ut nuper retuli, Româ Quintinum & Bouclettum submisit Anno 1554. Ijs auctus Socijs, partitisque cum illis ministerijs, mirum dictu est, quàm suis concionibus commoveret omnia, non in urbe modò, verùm etiam foris, quacunque docendi gratiâ vagabatur; cui tam densus dabat aurem ubique auditor, ut intermortui sæpiùs complures è concione, propter confertissimam opprimentium se multitudinem, ac semianimes efferrentur. Ad ejus voces multa facinora ponebantur, abjiciebantur hærefes, persuadebatur Sacramentorum frequentia: tantæque aviditate currebatur ad indicanda peccata, ut per dies sæpe aliquot constanter obsiderentur Patrum aures, nec discederetur à templis, dum copia fieret ritè pectoris expiandi. Inter hæc IGNATIUS, cum læta Societatis in Belgio locis aliquot incrementa videret, novam ibi condere Provinciam, Ger-

mania Inferioris nomine, statuit, eique Bernardum præficere: sed antequam eam in rem patentes pervenissent literæ, vivis priùs Bernardus excessit, morte ex charitatis obsequio conscitâ, ut in actis P. Quintini retulimus. Supervixit quidem propè mensem integrum Bernardus, providâ Prioris Carthusianorum curâ (utî semper Ordini nostro sacra hæc Familia studuit, ibi nominatim, quot hebdomadis ad Religiosum prandium, & secundum illud ad pia colloquia Socios adhibere solita) receptus in pagi sui à contagione adhuc immunis domicilium, cum duobus Socijs: sed gliscente sensim in præcordijs veneno (ex quo jam pariter præmortuus erat Nicolaus Gvisius, Coadjutor Novitius) victus impetu, naturæ concessit, Sacramentis omnibus munitus, ad diem 22. Augusti 1556. Anno, ætatis verò 33. Societatis quinto sextove. Ajunt horum sepulchro, (nam eodem omnes conditi sunt) visa non semel civibus obscurâ nocte plurima imminere lumina splendensque, cum magna spectantium admiratione, exultationeque Sociorum. Creditus panter est intermortuâ jam voce Tornaco prædicere Bernardus eam morum temporumque vicissitudinem, quæ annis aliquot illud exercuit. Matrem se videre, supremumque affari cupientem, per internuncium securam vivere jussit: & se quidem eo die ad superos abiturum, Matris tamen salutandæ officium minimè neglecturum. Et quidem ipso mortis articulo duobus fratribus suis Henrico & Philippo procul absentijs se videndum præbuit, perque illos Ansonium convenientes visus est promissam Matri à morte salutem expeditam voluisse.

*Ex Victimis Charitatis P. Alegambe.*

## P. ALPHONSUS DE AVILA.

**I**spalis, nobilissima Urbs Hispaniæ, Patria Alphonso fuit, & Parentes nobilitate & opibus insignes, qui post ingressum in Societatem pro Alphonso Basilij nomen assumpsit. Studijs Grammaticæ Hispani imbutus, Philosophiam anno ætatis 13. auspicatus est, ex eadem Magisterij Lauream adeptus: unde post triennium Salmanticam, transmissus cum Theologiæ daret operam, singularis ingenij & doctrinæ partâ opinione, unice ad cathedras, & id genus opulenta literarum præmia aspirabat. Sed DEUS interim gratiâ suâ mentem ejus immutans, singu-

*Societas Europæa.*

larem ei affectum erga Societatem JESU indidit, ut relictis spebus omnibus, & calcatis honorum titulis eam reipsâ complecteretur Anno 1550. & toto animo crucem Christi summa cum humilitate amplecteretur, maximâ totius Universitatis admiratione, & dolore pauperum studiosorum, quibus ad proseguendas literas magnâ liberalitate subsidia suggerebat. Nec mora, vestes preciosas omnes, & mundum superbum, quo pro nobilitate abundè ipsi è Patria prospiciebatur, ad Parentes remisit, quibus ea filij mutatio subita majorem quàm dici possit dolorem & mœorem creavit: cum interim ipse conditione suâ

H

latissi-







Apostolica approbati sanctitate, summopere illum in proposito confirmavit, & parentibus errorem ita feliciter exemit, ut exinde non modicè de Filij gauderent statu, cupidissimi Societatis Instituti cognoscendi, cujus constanter deinceps mansere studiosissimi amatores & benefactores. Ipse autem tot de se reportatis victorijs videbatur omnibus terrenis rebus penitus emori, & in cœlestem quandam spiritum à DEO transformari: nam in sui implacabile odium exardescens, statuerat nullum genus corporis affligendi omittere, quod Superiores permisissent; inde flagris illud ad usque copiosum sanguinem subigebat, flagellatione toties iteratâ, quoties elucubrandâ concio, ac rursus cum ad populum dicenda esset. Vestem non admittebat nisi detritam & omnium vilissimam; cubiculum inter reliqua minimè commodum, & injurijs cœli magis expositum: lectus erat nuda tabula, somnus perparcus, proluxa oratio, noctibus præsertim, quæ diem concionis anteibant.

Ejus religiosa Obedientia, in rebus præcipuè spiritum concernentibus, erat omnino punctualis, omnibus relictis id aggrediens, ad quod vocabatur, ad quam veluti tesserâ se, & alios excitabat verbis illis: *hic & nunc*, ut nè vel momentum intervenire pateretur ad obsequium DEO exhibendum, neque vel puncto loci aut temporis differri servitium illi præstandum. Et quamvis omnibus magnâ charitate sese expenderet, magis tamen pauperibus, ægris & miserabilibus personis, quibus medicinas, cibum, vestitum, ad cupedias usque procurabat; siquæ subinde per alias occupationes illis adesse non posset, amicos & poenitentes suos submittebat, qui cibos pararent, edentibus servirent, cameras everrerent, lectos componerent; quod magnâ hominum ædificatione multi eo auctore promptè faciebant. Secundum hæc maximum ejus studium fuit in verbi divini prædicatione, quâ causâ concionatores vocabat Salvatores animarum, & Christi Successores in mundi conversione: & licet eo munere indignum se duceret, DEUS tamen tanto majore successu, prodigiosis etiam eventibus conciones illius ornabat, in quibus loquebatur ut potestatem habens, tanquam tuba DEI, & tonitru peccatorum corda percellens, & divini amoris flammâ omnes incendens. Primus è Societate fuit quem Hispalis vidit, maximo sui ex ejus præcellenti virtute profectu & ædificatione: illuc jussu S. IGNATII, Parentum magnis precibus id concedentis, cū Patre Gonzalo

*Societas Europæa,*

Gonzalez veniens, neglectâ paternâ domo stipem publicè emendicare cœpit, sub noctem in Xenodochium, quod Amoris DEI vocant, se recepturus. Verum quia seriùs, clausis jam ædium portis advenerant, hospitio exclusi, ibidem præ foribus, stratis nudâ humo corporibus quievère, & quidem longè, ut deinde referebant, jucundiùs, quàm si in molli culcitra jacuissent. Postridie agnitus à quodam suo olim condiscipulo, & parentibus proditus, coactus est in domum eorum divertere: sed protinus, Vicario summè volente, cœpit cum populo publicè agere, ac militiæ suæ adversus Satanam arma expedire, eo fructu, ut mox de Collegio Societati istic fundando cogitationes susceptæ sint. Cùm enim per id tempus homines perversi prava dogmata serere, & quæ castæ, orthodoxæque Religioni sunt inimica, spargere ibi cœpissent, tanto fervore Alphonsus perorare de pulpito aggressus est, ut ejus audiendi desiderio non tantum urbs tota, Archi-Episcopus ipse, & præter omnis statûs homines, multi etiam Religiosi, sed & de vicinia bene manè ingens hominum vis concurreret, cui capiendæ nullus locus sufficiebat; quare non rarò in publicis campis & plateis, obvio lapide conscenso, ad confluentem populum perorabat, incredibili zelo & facundiæ mixtâ modestiâ & humilitate, ut omnes Apostolico spiritu plenum conclamarent & admirarentur. Dicentis autem vehementiâ tam Hispali, quàm Granatæ, Santolucani, & alibi totum auditorium solvebatur in lachrymas, liquescebant indurata quantumlibet peccatorum corda, & miræ sequebantur conversiones. Dum prædicaret amorem inimicorum, & injuriarum oblivionem suaderet, sub ipsam concionem audiebantur palàm harum condonationes, alio quidem proclamante à se remitti parricidæ illatam patri suo mortem, alio matri, alijs denique gravissimas quasvis injurias & damna. Nec minùs insuetum quàm jucundum nobilissimæ civitati erat, videre illum conquirentem undique mancipia, Mauros, & vilissima quælibet servitia, ad doctrinam Christianam audiendam, cum quibus deinde publicas supplicationes instituebat, ita ut civitas universa mirè ad DEI amorem & virtutum opera commoveretur, mulieres passim ornatum omnem & vestes superbas abjicerent, viri pravam jurandi consuetudinem, & vitam licentiosam deponerent, totosque se operibus misericordiæ in Nosocomia præsertim largissimis elemosynis, impenderent, ac denique Magistratus ipse



ipse gravissimas leges in scelera & juramenta sanciret.

Præter innumerabiles quos à scelerum & vitiorum cæno extractos DEO lucratus est, quàm plurimos ad excellentem virtutem & sanctitatem vitæ provexit, & præclarissimis subjectis Religioforum diversas Familias dotavit. Ejus sermonibus in virum alium mutatus præstantissimæ scientiæ Doctor Salmanticensis, unaque tum Professor Theologiæ Granatæ, & Capellanus Regius, Societatem complexus est, atque in eximium & ipse concionatorem evasit. Ejusdem Evangelico recti Societati captus est Franciscus de Torre Canonicus Granatenfis, magnarum opum & nobilitatis Vir, delicijs, libertati & venationibus deditissimus, cujus vanitatum conscia civitas, ubi eum Societatem complecti vidit, prodigium quatruiduani Lazari à mortuis suscitati renovatum proclamavit. Hunc secutus est Jacobus de Bracamonte, in Regio Granatæ Consilio Fiscalis, magni spiritûs & elegantiae adolescens, sæculi vanitatibus, vestium luxui, equorum agitationi, lufui summopere deditus, cujus ad Societatem accessus vix credibilis civibus fieri potuit. Adjunxit se & Petrus Bernal, Licentiatu Legum, & celebris Advocatus Regiæ Granatenfis Cancellariæ, Cathedralicus Canonum in Universitate Professor, qui deinceps iteratò Societatis Provinciam Andaluciæ gubernavit. Similiter & Doctor Martinez, Cathedralicus Philosophiæ in eadem Universitate Magister, sobrinus Archi-Episcopi Petri de Gverrero. Hi verò tot fructus concionibus P. Alphonsi parti, effectus magis erant divini in eo spiritûsloquentis, quàm artis alicujus & eloquentiæ, quos profundissimâ suâ humilitate & studio mortificationis merebatur; quippe solitus post singulas conciones exigere à domesticis, etiam dum simul Rector ijs præesset, sibi dici errores in dictione observatos, quos humillimâ submissione audiebat, & peculiari accuratione instar Novitij emendare studebat. Quin & priusquam è pulpito diceret, exhibebat sæpe relegendas Novitio cuidam Adjutori Laico, magnæ orationis & spiritûs, ejusque judicium desuper & sensum anxie inquirebat & sequebatur. Neque solis urbibus zelum suum concludi vir DEI patiebatur, sed in pagos etiam & oppida sese effundebat, magno semper animarum proventu. Dixerat in horum quopiam, Alhama dicto, ardentèr pro concione, & tam ante quàm post illam multos exceperat pœnitentes ad usque altum

meridiem, cum sensim dilabentibus è templo omnibus, solum se cum Socio relictum vidit, quin ullus ad mensam invitaret, aut frustum panis famelicis offerret. Cùmque ædituus valvas etiam templi occludere pararet, receperunt se ad ripam fluvij Alhamam alluentis subtus densæ arboris umbram, horas Canonicas magnâ in DEUM fiduciâ recitare exorfi, cùm DEO placuit servis suis prandium Angelico ministerio submittere. Repentè siquidem oculis in silvulam conjectis, vident accedere juvenem spectabili formâ, amœno vultu, qui cum humanissima salute corbiculum eis tradidit candissimo pane, & delicatissimis cupedijs refertum, nec plura locutus ab oculis evanuit. Quibus illi, tenerrimos inter gratitudinis erga DEUM affectus, reſecti, non cessabant ejus providentiam laudando demirari, quâ necessitatibus operariorum suorum, salutem animarum unicè esurientium, tam paternè succurreret.

Reversus è missione sua Granatam plenus triumphis & spolijs de Tartaro relatis, consuetis concionibus, & charitatis operibus se reddidit, inter quæ eximium specimen dedit Apostolici zeli, in tuenda Sacerdotali dignitate, & libertate Ecclesiastica. Comprenderant Judices Curiaæ sæcularis hominem gravis criminis delatum, mortique addixerant, de quo postea rescitum est fuisse Religiosum & Sacerdotem; quod Judices non ignoraverant, cùm in unius ex ipsis suburbana domo sæpius Missam dixerit. Graviter factum hoc tulit Pater, legibus divinis & humanis repugnans, & licet conaretur sententiæ fatalis executionem interdicti comminatione sistere, nihilominus absque ulla prævia degradatione, vel Ecclesiastici juris requisitione, educebatur miser vinculis & compedibus oneratus ad patibulum, laqueo collum implexus, inter armatorum custodiam, carnifice lateri adjuncto. Cùm verò ponè Ecclesiam transfundendum esset, tentavit saltu, in eadem asyllum reperturus, evadere; sed facilè laqueo quem de collo gestabat retractus, & in eodem vestigio propè strangulatus est. Movit Alphonsus ea in pauperem Religiosum adeò crudeliter exercita sævities ad justissimum zelum, ut in medium armatorum & licitorum irrumperet, non tamen sinè gravi istorum tumultu & renitentia, ac populi clamoribus, paraturus saltem beatæ immortalitati animam morituri, cujus vitam frustra servare conatus fuerat. Et hîc quidem sacramentaliter à Patre absolutus, è furca suspensus & necatus est,



est: at Pater spiritu quodam & zelo Eliæ correptus, totâ quâ potuit vocis contentione, cælum & terram, Angelos & homines, in facinoris & spectaculi adeò indigni testes vocare, diem Judicibus præsumptuosus ante tribunal DEI dicere, citare ad ejus judicium Præto-rem, ceterosque temerariæ sententiæ & mortis auctores, ante quod comparendum illis esset, unâ cum sublato tam præposterè Religioso, ad reddendam facinoris adeò scandalosi rationem. Perculsi supra modum & consternati fuere his dictis justitiæ ministri, quæ tanto ardore, efficaciâ, & spiritûs fortitudine in eos torquebantur: sed longè magis, cum proximâ Dominicâ, pulpito majoris Ecclesiæ conscenso, concione solidâ in facti indignitatem nervosissimis rationibus & argumentis invecus, eam palam demonstravit, iterum iterumque repetendo voce fulminante: *non egistis in patibulum hominem quempiam, sed Christum ipsum, cujus personam & vices in terris ille gerebat! siquidem verò tantum delictum nequit pro merito plekti in terra, idcirco diem dico, vósque ad divini judicis tribunal evoco, ubi ego ipse, qui suasor hic incassum fui emendationis, ibi ero accusator vestri delicti!* Et verò minas & dicta servi sui effectu ipso complevit mirabiliter divina Nemesis, siquidem paucis diebus brevi ægritudine è vivis excessit P. Alphonsus, velut Advocatus pro læso prior ad Divinum tribunal contra reos se sistens, eademque nocte decessit principalis indignæ sententiæ author, & mox secutus est alter è Judicibus, ad reddendam DEO rationem, ac paulò post omnes reliqui Judices, ministri, executores, & quolibet modo sententiæ complices. Neque in his stitit vindex Numinis pœna, sed ad totas illorum familias,

*Ex Historia Societatis, & Tomo 1. Nierembergij de Viris Illustribus.*

## P. FRANCISCUS DE VILLANOVA.

**P**ater Franciscus de Villanova (unde agnomen traxit) Placentini agri in Hispania natus Anno 1509. parentibus ex vili agrestique hominum sorte, quorum facultates vix suffecere in sumptus, ut filius literas noscere & pingere doceretur: à DEO tamen in exemplar toti mundo illustrissimum assumptus, quo doceremur, quantum ad rem divinæ gloriæ bene gerendam donis humanis, naturæque præsidij, divina adjumenta præstent. Is Anno 41. ejus sæculi, Romam ab loci Curato, apud quem æditum agebat, li-

posteros, & rem familiarem transijt, nam facultatibus, domibus, universâ substantiâ paulò post omnium stupore everfi, in tantam devenere egestatem, ut viduæ unâ cum prolibus solis elemosynis mendicato corrogatis vitam sustinere cogerentur.

Sed redeamus ad P. Alphonsum, paucula de ejus suprema valetudine dicturi. Repentinâ subito & ardente correptus febris, ante omnia SS. Sacramentis in viam munitus ingens præfetulit gaudium de propinquo transitu, tanquam laborum suorum termino, & felicitatis semper duraturæ principio, ad quam spe certâ anhelabat. Die postero cum ægrotum inviseret Archi Episcopus Petrus de Gverrero, vir eximiæ sanctitatis, adfuit unâ & Medicus, instanter ab Alphonso rogatus, ediceret, quantum adhuc sibi restare censeret vitæ? qui nonnihil tergiversatus, postquam mirâ tranquillitate compositum Patris animû advertit, clarè edixit, non superesse ultra quatuor horas. Quo responso tanto exiliijt gudio, ut continuè lectulo se erigens, manum Medici arreptam osculo petierit, exclamans, *bona nova à DEO mihi attulisti, tam faustum nuncium dicendo!* conversusque ad Archi-Præsulem, extremum sibi ut bene precaretur humillimè expetijt, eamque appreciationem summâ reverentiâ, inter lachrymas copiosas adstantium excepit, amissionem tam ferventis Operarij acerbè deplorantium. Obijt uti vixit pijsimè 17. Octobris Anno 1556. cum annos ætatis complevisset non amplius 30. Mors illius toti urbi, locisque vicinis ingentem luctum peperit, elatusque est magno omnium ordinum concursu, deducente pompam funebrem ipso urbis Archi-Episcopo.

tium quarundam causâ missus, cognitâ Societate, cujus tum recens confirmatæ magna per urbem ferebatur fama, IGNATIO se adjungere magnopere cupiebat: quoties tamen eâ causâ Domum Societatis adiret, ingenti horrore retrò agebatur, non permissus à dæmone consilium exequi, adeò rebus suis periculosum. Ultimâ tamen aliquando connisus violentiâ ubi IGNATIUM convenit, receptus in Sociorum numerum, Alphonso Salmeroni datus est pijs commentationibus exereendus. Sed in his non levem spiritûs colluctationem perpeffus, quoties de libertate abdicanda, deque





P. Franciscus de Villa nova Soc. Iesu, Hispanus, humili loco et origine natus, omni Virtutum genere, humilitatis præsertim conspicuus. Innumeros ad Deum, etiam sapientissimos, ipse idiota et rudis, adduxit. Obijt Compluti 6. May. Anno 1557. Aetatis 48.

subeundo obedientiæ jugo cogitabat, in magnas redigebatur angustias; & quoniam fixum tamen & certum erat vitam divino obsequio mancipare, offerebant se eligendæ potius longinquæ & duræ peregrinationes, ægrorum in nosocomijs procuratio, aliæque ad speciem Superis gratiora, in quibus tamen salva sibi maneret sua libertas. Quæ cum observaret, haud difficilè tandemprehendit, ubi vera hominis consisteret de se victoria; statuitque id quod sibi carissimum esset, in Christi gratiam, qui pro nobis factus est obediens usque ad mortem crucis, voluntatem libertatemque suam perpetuæ obedientiæ cruci suffigere. Hac nobili palmâ reportatâ, retulit paulò post haud minùs insignem, cum jam domesticus coco datus est adjutor, cæpitque

ministerij ejus tædio odiòque tentari gravissimo. Nam ante Christi è cruce pendentis effigiem humi procumbens, voveret se quàm diu vivat, si per Moderatores liceat, eo in opere permanens. Et verò pernoscebat Ignatius, quantum ad excellentem virtutem in tyrone indolis ac facultatis esset, indè alijs super alia laboriosis exercens muneribus, coquinæ dispensatoris simul, obsonatoris, & excitatoris officia adjecit, quorum unum alteri cum impedimento esset, ut ne singula legitime ab eodem perficerentur, plectebat nihilominus velut inertem & reum publicis reprehensionibus & pœnitentijs. Quibus ille vehementer afflictus, ferebat tamen omnia æquanimiter, neque alibi quàm ad pedes Crucifixi solatium implorabat, verba illa millies pro-



profundo sensu repetens : *qui plasmasti me, miserere mei*. Neque fugiebat IGNATIUM mutatus in tristitiam & mœrorem in Villanova vultus, sed securus ejus magnanimitatis, cum quidam Patrum levationem laborum illi precarentur, respondebat: *finite illum, affatim illi est virium, ut omnia superet*. Et aliquando adjecit: *bene cum Societate actum iri, si è 60. Scholasticis, qui tunc educabantur, vel viginti post consueta studia Villanovæ similes evasissent*.

Fundaverat recens tum Conimbricæ Lusitanus Rex Societati Collegium cum Academia, & reditus copiosos alendis Scholasticis addixerat, quorum multi ex Italia, Gallia, & Germania illuc ab IGNATIO missi sunt. Hos inter fuit & Villanova, ad studia literarum ab primis Grammaticæ rudimentis ordiendamissus, licet vir jam esset 32. annorum : sed cum à cœlo complexionis suæ adversante perpetuos capitis dolores pateretur, jussus est solum patrium experiri, ac deinceps Compluti medijs quibus posset Grammaticæ studium profequi. Huc ille admirabili DEI consilio, ut ab eventu patuit, delatus, & neque tecto, neque sumptu, neque re ullâ ad vitam sustinendam provisus, misericordiâ duarum matronarum, olim in ipsum quoque IGNATIUM beneficarum, cubiculum obtinuit suis usibus in domo Magistri Losado, unius è Cathedralicis Academia. Hic ille cœpit ex templo zelum quò ardebat depromere, & literarum penitus rudis, omnibus tamen virtutem suadere, exhortari cives, Academicos ipsos & Magistros ad divina excitare, & plurimos illorum, etiam Sacerdotijs insignes, sacris IGNATI commentationibus exercere, magnâ in omnibus vitæ & morum in melius mutatione, ut novum ad se in ipso IGNATIUM accessisse Complutum agnosceret. Ex his plurimi Societati nomen dedere, centum enim & quadraginta quatuor lectissima capita, inque ijs Sacerdotes & Facultatum Doctores in eam admisit : alij postmodum fuere Archi-Episcopi, Episcopi, & in primas cathedras ac dignitates evecti. Et tamen is etiamnum Grammaticæ annos natus 34. operam dabat, in summa rerum omnium egestate, quâ neque libros necessarios sibi comparare sufficiens, cujuslibet diei lectiones ex mutato codice in crastinum describebat : ut planè miraculo adscribendum sit, potuisse tantum apud Universitatem illam habere existimationis, ut ad conspectum ejus omnes sese componerent, neque indecens aliquid agere vel loqui præsumerent. Illud verò permirum omnibus ac-

cidit, quòd ejus salutaribus monitis & consuetudine duo præcipuè Academiae Collegia, uti solita, integrè quoad omnes personas in diversas Religiones transierunt : in quibus & Jacobus de Yepes fuit ordinis S. Hieronymi, & Regis Philippi II. ac S. Terefiæ Confessarius, & vitæ scriptor, Episcopus Tarazonæ, qui profectus sui in spiritu primordia semper Villanovæ adscribebat. Tanto siquidem pondere & efficaciâ de amore DEI, de imitatione Christi, de resignatione voluntatis nostræ in divinam, de frequentatione Sacramentorum, ceterisque rebus divinis loquebatur, ut nihil auctoritati dictorum detraheret sive cognita hominis in humanis scientijs ruditas, sive naturalium & conditionis comperta vilitas. Ausus quin etiam est jam tum Societati Compluti moliri Collegium, & locum stabilem, coëmprisque ædibus Socios complures ex eleemosynis piorum alere, dum tandem plenam illi foundationem obtinuit, verissimus ejus parens & conditor ; licet & ad alia per Hispaniam erigenda Collegia, Cordubæ, Montillæ, Conchæ, Placentiæ, plurimum momenti contulerit. Denique unus ipse consulebatur ab omnibus, & in rebus animæ salutem ac profectum spectantibus, oraculum erat primis etiâ Universitatis & urbis capitibus, quo doctorem nunquam Evangelij magistrum & interpretem se audisse fatebantur.

Porro fundamentum tantæ sanctitatis, & collectæ ad animarum salutem necessariæ auctoritatis, sui victoria fuit, quæ adeò constans illi in toto vitæ cursu perseveravit, ut fassus fuerit, nihil unquam in via virtutis sibi arduum & sensibus contrarium occurrisse, quod non eò ipso fortiter aggressus DEO juvante subegisset. Et verò jam Complutensis Collegij Rector, & à sanctitate notissimus, in culinæ officijs propè assidue versabatur ; palam testatus, eos qui Rectorem esse jusserant, parum vidisse ad quod maximè esset factus, se potius ad coquinam curandam, quàm ad rearendos homines natum atque aptum. Rudituniculâ attritâque & curtâ cum assidue uteretur, staturâque pusillus, ore plus satis fusco, totus denique malè à natura tornatus, nihil haberet spectabile, quàm virtutem animi suique contemptum, è culinæ aliisque mantuum operibus ad viros doctos & graves evocatus, sæpe ità ut ferebat ministerium sordidatus prodibat : nec principiò admirabantur hi solum, sed quodam etiam pudore suffundebantur. At ipse excusabat his occupationibus immorari se velut à puero assuetum, quòd

nihil



nihil aptius sibi quadraret, cum & parens, avus, & majores ita vixerint : nullam enim sui depressendi vincendique omittebat occasionem. Placentiæ Episcopus, qui Collegium extruebat, ad visendam structuram veniens, cum advertisset, fabris non satis calcis inopiâ aquæ suggeri, ad Franciscum versus, quæfivit, nonne esset ad manum aliquis, qui posset jumentum ad flumen agere, & aquam parandæ calci afferre ? *Imò verò est*, respondet Villanova, *commodum siquidem frater meus advenit ; is præ alijs huic exequendo idoneus erit*. Obstupuit Episcopus solidam humanæ auræ despicientiam : cumque dixisset, non defuturum domi suæ alium, qui id exequatur : negavit Villanova, alium Fratri suo ad id præstare, utpote qui nulli alteri rei ferè idoneus sit ; pervicitque ut publicè Martinus (hoc erat Fratri suo nomen) asellum per urbem agens diu cerneretur. Atque hunc non contemptum, sed verum fuisse germani amorem demonstravit eventus : brevi enim Martinus, DEO juvante, perfectionis amore captus, & in Societatem adscriptus, magno virtutum exemplo, annis in ea compluribus actis, decessit. Compluti ad populum de plano, vel in foris & plateis dicentem Villanovam, ingens semper hominum audiebat multitudo, inque his etiam viri doctissimi, & Facultatum Magistri : ut his commotus vir gravissimus ex ordine Prædicatorum, primæ Cathedræ Valentiniæ & Salmanticæ moderator, Pasqualis Mancius, cœperit & ipse dicentem audire : tantumque spiritu ejus & sapientiâ cœlesti captus est, ut tres & quatuor continenter horas de rebus divinis colloqui per jucundum diceret. Itaque prolixius aliquando super his differentem audiens, quæfivit, cur autem è celebri aliqua urbis cathedra populum non doceret, maximum utique in animabus fructum facturum ? at ipse : *num fortè ignorat Paternitas vestra*, inquit, *me videri esse, & Grammaticæ condiscendæ etiamnum navare operam ?*

Neque sponte solum ad sui despicientiam intendebat, sed pari alacritate oblatas ab alijs injurias sustinebat. Cum elementis Logicæ navaret operam, condiscipulus ex externis nescio quâ voce ejus offensus excanduit, atque, ut erat ardens, nihil tale expectanti Villanovæ colaphum impegit. Hic repentinum factum admirans, ubi aliud nihil occurrit, in se causam convertit : provolvitur ad pedes adolescentis, & veniam submissè precatur, quod imprudens ei causam iræ suggesserit. Post aliquot annos idem genus injuriæ pari

constantia repulit. Homo nequam ad honestam domum, flagitij causâ, aditum captabat, quod cum sensisset Villanova, in tempore egit, ut excluderetur. Non latuit res intemperantem, & inde exulceratus unde sanari debuerat, cum primùm obvium Villanovam habuit, graviter impactâ palmâ percussit. At bonus Christi discipulus, non verbo, non vultu, non animo indignatus, genu flexo alteram percutienti genam offert : quam insignem ac publicam contumeliam severe cum Episcopus vindicare moliretur, egit enixè, ut reo pœnæ omnis gratia fieret. Simili studio viliora & deteriora in rerum quarumlibet usu sectabatur, ferèque solis pauculis è mensa sociorum, quæ superfuerant frustulis victitabat : licet in illis Collegij initijs tam arctæ Socijs obvenirent eleemosynæ, ut præter panem & vile decoctum legumen, vix aliud in cibum quotidianum suppeteret. Si quando eximium quoddam afferri edulium vidisset, porrigentem rejiciebat, monens ne contumeliam sibi faceret : *viro enim Religioso probum & ignominiam esse, quamdiu valetudo pateretur, quidpiam præter omnibus communia admittere*. Itinera Romæ usque in Lusitaniam, & inde per Hispaniam, pedibus omnia, perrare a seculo, urgente necessitate confectus : nec in Hospitijs ad panem quidquam, nisi si quando pauxillum casei, adhibuit. His addebat perpetuam sui in rebus omnibus abnegationem, & corporis afflictiones gravissimas, quas edomandæ peccato excitare necessarias esse asserbat. Curiositatem quoque ita domuerat, ut diceret, si nunciaretur Angelum è cœlo lapsum in via ante ædes Collegij concionari, se minimè ad audiendum accessurum, si alio, quam unice pio studio se allici sentiret. Quam quisque minùs in vita domaret passionem, ab ea ingruente morte molestias imminere graviores aiebat : ideoque congesterat quasdam tesseras, quibus se velut stimulis excitaret frequenter & increparet. Quorum è numero erant : *Francisce ad quid venisti ? veni ut crucifigerer, veni ut alienas noxas, & quosvis tolerarem angores : veni ut pacem animi reperirem*. Ubi autem ? *in penuria, in calamitatibus, in alienorum tolerantia delictorum*. Francisce, *quod in te non sanasti, perfer in alijs : à tuis ulceribus, usquedum ea persanaris, oculos ne removo ad aliena : sine alijs loqui ; tu, quæ te tuorum oblitum, aliena cum vitiis libido urget, vide ut comprimas*. Et si enim omnes perfecti sint, tu vitiosus, quæ tibi vena



*bi vera sit pax apud DEUM? quæres ad te non pertinent, quæque corrigere nequis, in ijs tace, ac DEUM pro emendatione roga.*

Animi verò submissionem ostendit maximè, cum iussus ab IGNATIO necdum Sacerdos, imò neque humaniores scholas adhuc emensus, Socijs in Collegio Rectoris titulo præesse, omni conatu primum restitit, tandem nihilominus non minus laudabili obedientiâ acquiescens, ubi iterum novo præcepto iussus est sacris initiari ordinibus, & omnino vetitus repugnare; paruit quidem, sed dum ad faciendum primum Sacrum se comparat, indièsq; attentius suam vilitatem, mysteriisque ponderat Majestatem, integri biennij tempus in apparatu traduxit: resolutus, nunquam ad aram sacrificaturus accedere, nisi severum adfuisset ab IGNATIO præceptum: ex quo sacras primitias die Pentecostes Anno 1552. obtulit. Confluxerat ingens populi multitudo: novus Sacerdos inter sacrum quendam horrorem, & cogitationem dulcissimæ Christi charitatis, varijs motibus æstuabat: ubi verò ad ea symboli verba: *Et homo factus est*: venit, lachrymis se perenni fonte superfundentibus, interclusâ voce diu retardatus, spectanti etiam populo vim lachrymarum elicit. Atque hæc deinceps illi, quantumlibet invito, largissimè fluebant, quoties Sacrum diceret, vel officium divinum recitaret; quod tantâ attentione & pietatis sensu decurrebat, ut sensus in eo recitando concepti, essent abundantissima omnium illius fermocinationum, & spiritualium documentorum materia. Egit etiam sæpe cum Villanova IGNATIUS, ut fineret se inter Professos adscribi, licet præter Logicam ex altioribus scientijs nihil in scholis degustârit: sed rem tam diu repugnando per literas ultro citroq; traxit Villanova, dum translato interim in cælum IGNATIO, humilitas Filij de Paris charitate victoriam tulit. Hoc sui contemptu ad agendum cum DEO, & excipienda largè dona cœlestia idoneus maximè reddebatur. Orationis item cum esset studiosissimus, præter consuetum Societati illius tempus, horam quotidie, antequam alij surgerent, meditationi tribuebat, præmissâ acri corporis flagellatione: nam & somnum in angustias redactum sibi subdiderat; & quàm in sese durus, tam benignus in Socios, excitatoris matutini munus sibi, quoad vixit, perpetuò reservavit. Addebat Joannes Castaneda, quamdiu propter angustias domûs eodem dormiebat in cubiculo, se ferè quacunq; horâ noctu evigilâisset, sensisse ac vidisse in genua

*Societas Europæa.*

provolutum, supinis manibus orantem. Tanta verò in meditatione amoris & pietatis ignis in ejus corde exardescerebat, ut ab ejus flamma toto corpore incensus, cogeretur illum frequentius adhibitâ frigidâ temperare. Durabâtque idem animi in DEUM motus totum deinceps diem, ut nunquam ab ejus præsentia quibuscunq; in negotijs evagaretur; sed in perpetua quodammodo duraret oratione. Ex qua frequenti cœlestium meditatione facile consequabatur, ut DEUM semper haberet in conspectu, ubique ad sui custodiam intentus ageret, sensûque dulci ac tenero pietatis afficeretur sic, ut lachrymæ promptissimæ essent. Fuitque, cum sternentem ipsummet suâ manu silicibus aream domûs, nobilis Doctorem & gravium virorum corona nihil sentientem circumstetit: qui cum spectant, & comiter subinde in divina abreptum frustra compellant, ille inter laborem divina ingressus colloquia, haud plures mittebat voces, quàm lachrymas: itaque manus quidem versabantur in opere, & lapides malleo aptabant, cor autem in DEO colliquefcebat, & per oculos fluebat imber, blandissima vis cordibus oculisque adstantium. Ex eadem cum DEO agendi consuetudine ingens illa oriebatur magnanimitas & fortitudo, quâ rebus adversis se opponebat. Nam Anno 1548. cum domesticorum nemo non tentaretur & conflicaretur morbo, ipse vicariam omnibus præstabat operam: cumque egentissimæ domui benignitatis alienæ simul ferè omnia remitterent subsidia, ut jam malevoli jactarent, brevî Societatem in urbe interituram: ac deniq; super omnia Societatis institutum per idem tempus ab Archi-Episcopo & Academicis impugnaretur, ipse nihil animo fractus, imò insperatus erectus majorem, ita his omnibus strenuè obviam ivit, ut adversarios pigeret facti, tæderet susceptæ mentis.

Eodem ex fonte manavit excellens illa viri & cœlestis sapientia; licet enim, ut dixi, in disciplinis non erat ultra Dialecticæ limen progressus, tamen ad eum consulentium de officij rationibus, aliisque implicatis & gravissimis conscientie quæstionibus, multitudo innumera confluebat, sic ut accedentium perpetuò ex omni statu hominum copiâ Collegium pene obrueretur: unde in populo proverbij instar increbuerat, *cathedram Complutensium certissimam esse, cathedram Villanovæ*. Mansius Theologorum princeps (de quo paulò antè memini: (palàm fatebatur, *Theologiam Villanovæ omnium Complutensium Theologorum*



*logorum sapientiâ longè pluris apud se esse.* Bartholomæus Torres, qui diu Segunti divinam scientiam docuit, moxque Episcopus Canariensis insignem de SS. Trinitate librum edidit, 30. annos ajebat se versatum inter S. Thomam, Scotum, Durandum, & ejusmodi subtilitatis Theologicæ Magistros; nec apud quenquam invenisse rationem, ex qua aliqua viâ expedire se nequiret: verùm Doctoris Villanovæ (sic eum joco appellabat) rationibus & argumentis manus sibi pedesque vinciri, neque ullum effugij locum relinqui. Apertè etiam profitebatur, plus se ad utilem sui cognitionem 30. diebus, quibus illum in Exercitijs spiritualibus præceptorem habuerat, quam 30. Annis, quos in Theologia contriverat, profecisse. At Alphonsus Ramirus Vergara, Doctor & ipse percelebris, atque Universitatis Complutensis Rector, morti proximus, duo ajebat sibi à DEO præbita salutis æternæ pignora, unum, quòd non sifisset Episcopum se fieri; alterum, quòd animæ suæ Magistrum Villanovam dedisset, quem etiam Angelum suum Custodem nuncupabat. Ipse ejus in Logica Magister Velazquez, sanctitate & sapientiâ discipuli irretitus, Societatem ab eo efflictim expetebat; sed divinâ illum providentiâ ad majus suum obsequium servante, receptus non est, factus postea multarum bono animarum ad S. Jacobi Archiepiscopus: qui tamen semper fatebatur, Villanovam totius suæ virtutis esse Magistrum, & sapientissimum spiritûs, ac Theologiæ mysticæ Doctorem. Cujus suæ cœlestis sapientiæ specimina tum in alijs innumeris personis, in Espinosa præcipuè viro præstantissimo, postea Episcopo Complutensi & Cardinali, Regiique Præsidi Consilij, & quàm plurimis Canonicis, Doctoribus, atque ex omni Dignitatum, & Tribunalium genere personis gravissimis, quas spiritualibus exercitijs excoluit: tum in integro Monasterio ad primævum spiritum à collapsa disciplina restituendo, abundè monstravit. Erat Cœnobium perfrequens Religiosorum secundæ Regulæ S. Hieronymi, è quibus vir apprimè doctus Petrus de Aragon, suasu & directione Villanovæ sacris Exercitijs excultus, ingentemque ab ijs animæ suæ profectum expertus, omnibus suis Fratribus magnopere suadebat, ut eadem periclitari vellent. Sed cùm negotium opinione suâ tetricum, & dubiæ utilitatis, aversarentur omnes; saltem ut Fratrem quendam Laicum Complutum à Villanova exercendum mitterent, institit, experiendi causâ, si res ex voto

illiceret, ejus deinceps exemplum secuturi. Erat is staturâ grandis, & feroci non minus aspectu, ac moribus, militi quàm Religioso similior, utpote quem sapius veluti incorrigibilem à se ejicere tentaverant, nisi natalium splendor è principali Aragonum sanguine ductus, & copiosæ eleemosynæ ejus intuitu submitti solitæ obstarent. Nec difficilis annutus fuit, ubi omnia alia remedia nil profuissent erant experti; licet & hoc frustra adhibendum sibi ità certò persuaderent, ut sponderent universi, si emendatus Compluto rediret, omnes se directioni Villanovæ permissuros. Persuasus Frater; non invitus iter, velut animi & oblectationis causâ, ingressus est, probaturus quidnam rei Exercitia tandem forent: rogatusque per viam ab occurrentibus notis, quorsum pergeret? *mittor à Fratribus, respondebat: Complutum, nescio qualium Exercitiorum fascino incantandus.* Delato ad fores Collegij primus occurrit Villanova, Rector simul & Janitor, quem toto vestitu loquebatur, tunicâ detritâ, plenâ calcis indutus (nam fortè inalbandæ domui operam dabat.) Igitur quærenti blandissimè quid veller, quidve imperaret? Rectorem ille sibi devocari postulat. At cùm Villanova sibi negotium confidi humaniter pereret, negat ille alijs, præterquam Rectori se posse confidere. Coactus ergo hic, se domûs Rectorem fatetur: quo consternatus Frater, & Villanovam oculis à capite ad calcem emensus, habitûque tam indigno offensus, nullo dato responso habenas abiturus vertit, cum dicto: *jam video, ad quem missus sum!* Id animadvertens Villanova, apprehenso amicè freno obtestatur, ut mulâ descendere, & paucillùm vires refecturus subsistere velit. Aliquandiu resistantem in domum tandem inducit, è paupere penu obsequiosè nonnulla apportat, accumbenti perhumaniter deservit, de rebus interim cœlestibus sermonem ità profundum exorsus, ut Frater, cibo omisso, loquenti attonitus unicè intenderet. Finitâ cœnâ abitum nihilominus parantem, rogat Pater, cadente jam in noctem die, remanere velit & quiescere, neque enim ad reditum tempus sufficere: dùmque jam faciliùs persuasum ad conclave inducit, resumpto cœlesti sermone ità hominis animum commovit, ut denique ultro sacris commentationibus exerceri peteret. Pater negotium blandissimè aggressus, solis primæ hebdomadæ meditationibus hominem duodecim diebus exercuit, tam ubere DEI gratiâ animo illius se infundente, ut omne illud tempus



pus in lachrymis, singultibus, asperissima penitentia transegerit. Tantâque fuit ad Cœnobium reversi mutatio, & in omnium oculis ferventissima vitæ sanctioris præbita exempla, ut omnes tam mirabile ad vitia extirpanda remedium experiri condicerent. Itaque bini & bini, dum omnes per ordinem absolverentur, Complutum succedentes (quorum multi in Religione 40. & 50. numerabant annos, præcipuis munijs, etiam ordinis Visitatorum, & Doctorum titulis insignes) ipsam sanctitatem domum retulerunt, nihil ut illo Cœnobio religiosius, nihil silentij, obedientiæ, & disciplinæ claustralis videretur observantius; ex quo deinceps ad omnia ejusdem Religionis per Hispaniam reformanda Monasteria norma transumpta fuit. Tantusque ab hoc eventu Exercitijs valor & æstimatio increvit, ut viri gravissimi, atque in primis ejus Conventus Prior, omnem moverint lapidem, ad procurandos stabiles Collegio census in alimenta eorum, qui apud Patres Exercitiorum causâ secessum expeterent.

Jam verò quid de ejus animi inter rerum angustias æqualitate, inque DEUM dicam fiducia? sacris à Villanova exercitijs excultus Doctor Vergara, quia oculatus testis viderat extremam, quâ cum domesticis conflictabatur, egestatem, paucis post diebus crumenam ad illum misit 800. aureis refertam, qui tum ejus totus erat thesaurus, ut illâ domum sibi propriam (nam eatenus per varias ædes inquilini propriâ carebant) cœmerent. At Villanova pecuniam intactam per unum è domesticis remisit, jussu humanissimas pro optima voluntate referre gratias, quod eâ minis indigerent ipsi, quàm is, cujus laborum hæc merces esset: ac sine dubio provisurum DEUM, si è gloria sua fuerit, & excitaturum corda potentiorum, ut ad comparandas Societati Aedes subsidia conferant. Quæ animi magnitudo in summum stuporem Vergaram adduxit, & Villanovæ longè arctiori vinculo copulavit, ita ut paulò post Ecclesiasticis quibusdam proventibus auctus, mille pro illis aureos transmiserit. Interim anno sæculi ejusdem 50. & 51. cum Collegium, quo sustineretur, penitus haberet nihil, nisi emendicatam indiem summo labore stipem; eamque perangustam, fortes & paupertatis amantes Socij, quò sollicitudinem Reçtori consveta alimenta comparandi levarent, obtulere paratos sese gelidâ sitim extinguere, & solo pane contentos vivere. Sed Franciscus jussit, strenuè primùm quæ DEI sunt DEO reddere,

*Societas Europæa.*

tum corpori, quæ postulare humana necessitas, non negare. Cœpit nihilominus, ut plenius suis provideret, humanâ quadam prudentiâ eos qui Societatem expetebant, quanquam idoneos, morari atque rejicere. Verùm contrà ac sperârat evenit: ut primùm enim ad Societatem aditū petitoribus clausit, visus est pietatis fontem planè obstruere, quâdo ne tenuia quidè illa subsidia, quamvis diligenti conquisitione, impetrabantur, quibus jam admissos sustineret. Hoc ut Villanova, qui vias Domini diligenter observabat, advertit, sui angustias animi incusans, de DEI bonitate confidens, cancellos prudentiâ carnis fixos, prudentiâ Christi revulsit: prorsusque usum venit, ut quo anno plurimi recepti essent, is pariter è fidelium pietate annonam ferret uberrimam, quæ in posteriores quoque annos redundaret. Hoc igitur experimento edoctus, dictitabat postea, *Reçtoribus non tam inopiam formidandam esse, quàm ipsam inopiæ formidinem, quæ ex parva in DEO fiducia nascatur.* Neque omittebat DEUS miris & in expectatis modis angustias ejus sublevare. Cum ad eum Sacerdotio jam insignitum innumeri quotidie affluerent confessionis gratiâ, quibus capiendis locus non sufficebat, statuit templum Societati à fundamentis Compluti moliri; cœpitque opus unâ DEI providentiâ confusus, non amplius in ære numerans quàm 50. reales. Cumque nemo non illum temeritatis & præfidentia damnaret, respondebat: *idcirco se tam paucis numis fabricam aggressum, ut hi ad DEUM clamarent, multiplica Domine, multiplica Domine!* Nec servi sui fiduciam fefellit DEUS: siquidem excitati ipsius instinctu piorum animi, tot subsidijs venere in auxilium, ut celeriter templum ad fastigium educi contigerit. Obierat Anno 1550. unicus, quem anno superiore primùm Societati adjunxerat, Sacerdos, apud quem Socij omnes peccata expiabant; magno illorum dolore, tum quòd Confessario domestico deinceps carendum erat, tum quia nihil penitus illi tumultando, nec locus sepulturæ, nec apparatus Sacerdotalis ornando de more cadaveri, suppetebat. Omnibus ita mæstâ solitudine dejectis, inopinatus venit ad domum Sacerdos è Conventu PP. Franciscanorum, & in vultibus omnium insuetam advertens tristitiam, causam percontatur: quâ intellectâ, bono animo esse jussis, & locum sepulturæ in suo S. Jacobi templo, & apparatus Sacrum, & Fratrum suorum ad deducendum funus comitatum prolixè defert. Socijs magnâ admiratione



tione divinæ pietatis, & propensissimæ sacri ordinis in ipsos charitatis, defixis.

Ornavit etiam servum suum DEUS eximio discretionis, & arcana cordium pervidenti spiritu, quo intima animorum facile penetrabat. Sacerdos erat Ferdinandus Barrafas nomine, fictis quibusdam pietatis indicijs, & externâ significatione modestiæ, in magna apud omnes sanctitatis opinione: quo velut hamo captus muliebris sexus, frequens ad eum confessionis causâ concurrebat, cujus ille vicissim usu familiaritatæque pellectus, multa turpiter ac flagitiosè patravit. Tantâque fuit virtutis ipsius apud Academicos existimatio, ut scholares si fortè domum, in qua morabatur, præterirent, neque clamoribus loqui, aut strepitum ciere, vel levitates ulla, aut plausus juveniles exercere, ob hominis reverentiam præsumerent. Ut verò tantò minùs scelerum suspectus haberetur, quia videbat Villanovam omnium famâ & sanctitate celebrari, amicitiam ejus & congressum omni sedulitate captabat, & quocunque loco occurreret sese adjungebat: invisebat frequens in Collegio, & sermonem illico de DEO rebusque cœlestibus auspicabatur, in numerum adeò Sociorum recipi ausus efflictim per integrum biennium postulare. Patuit verò si unquam apertiùs, quàm certo & infallibili spiritu de animi secretis Villa nova sciret decernere: licèt enim hominem aliunde funditus ignoraret, nec esset nescius quâ sanctitatis famâ Compluti apud omnes floreret, ex altera verò parte tantâ laboraret Sacerdorum, & ipse tum ejus ordinis expers, penuriâ, ut ne Sacerdotem quidem Sociorum confessionibus excipiendis domi haberet, tamen nunquam adduci ullis suorum & externorum intercessionibus potuit, ut ejus postulatis concederet. Quin & colloquia ipsius ac confortium omne sollicitè declinare, ventitantem domo excludere, occupationes prætexere, domesticos omnes ab hominis congressu arcere perrexit. Videns itaque scelestus actum secum Villanova agere, quod re ipsâ non poterat, specie saltem & habitu, similem per omnia Societati vestitum adsciscens, cœpit præferre, & unum è numero Sociorum impudenter sese jactare, ut talis jam passim omnibus crederetur & coleretur. Ipsas adeò Societatis functiones orsus imitari, multas continenter horas dabat pœnitentibus, modos & materias meditandi præscribebat, visebat ægros & nosocomia, ac denique Sacramenta omnia gratuito ministrabat. Verùm tam effusæ, oc-

cultissimæ licèt, in omni intemperantia libidines, & turpissima vita tot simulationum involucris tecta, latere constanter nequiverunt. Matronæ quædam perhonestæ de Societatis existimatione sollicitæ, cum contaminatos hominis mores non vano odore persensissent, ad Villanovam, tanquam ejusdem Religionis sodalem deferunt. Ille verò necdum criminibus ac sacrilegijs nebulonis in lucem editis, Barrafas amicè monet, quæ ad se certò & constanter delata sint; proinde caveat infamiam, consulat dignitati. Momordit admonitio Barrafas tam acriter, ut metuens ab illo pro sacro Quæstorum tribunali traduci, de medio tollere statuerit. Redeuntem Madrito Complutum in itinere cum ferro adoritur: cujus subitò incurfu nihil Villanova perterritus, constante vultu & oratione ita hominem sideravit, ut nihil tum in eum posset committere. Novis verò indies scelesti eriminibus in lucem prodeuntibus, constituit Villanova (quanquam in discrimen vocandum Societatis nomen famamque sentiret, si quem omnes ex grege nostro numeròque putabant, eum Inquisitoribus indicaret) ad Inquisitionis Toletanæ tribunal rem deferre. Itaque ejus indicio captus, atque post variâ examina scelerum convictus, & carcere perpetuo damnatus est. Interim fama exoritur non modò Compluti, verùm etiam Madriti, totâque illâ viciniâ, Societatis hominem atrociam quædam ob crimina in custodiam Inquisitionis datum, itaque vapulabamus sermone omnium, nec deduci ab errore vulgus tam subito poterat, ut tolerantiam magis ad tempus aliquod, quàm defensionis essent arma sumenda. Donec multis ad DEUM precibus per Socios fuis, tum gravissimorum fidei testium, tum propriâ convicti Barrafas confessione, ac deinceps publicâ sacri Tribunalis sententiâ patuit, illum nunquam de Societate fuisse. Ad cujus aditum tantâ constantiâ obstinatè illi negandum, fatebatur Villanova nullâ certâ ratione se adductum, cum formâ Sanctitatis, & tota morum compositio recipiendum suaderent, sed interiore duntaxat instinctu permotum fuisse.

Omnium verò maximè id gratiæ cœlestis donum deprehendi potuit ex delectu, quem in recipiendis ad Societatem adhibebat, ut non solum præsentem animæ ipsorum statum, sed & cujusmodi deinceps futuri essent, pernoscere videretur. Et quidem non rarò eveniebat, ut quos domestici viri sapientes idoneos maximè judicabant, ipse rejiceret;



ret; ab omnibus verò reprobato admitteret: cuius tamen optimum delectum fuisse probabat eventus, in viris omni postmodum exceptione maioribus, quales fuere inter ceteros per ipsum Societati accensos, P. Martinus Guttierrez vir sanctissimus, & multis prodigijs ac revelationibus clarus, odio Religionis in captivitate apud hæreticos extinctus: Christophorus Rodriquez, multis expeditionibus à summo Pontifice, ingenti animarum fructu, adhibitus: omni sapientiâ clarus Ægidius Gonzalez: Apostolico plenus spiritu Joannes Ramirez: magnus spiritus Magister Joannes de la Placa: devotissimus P. Petrus de Saavedra: vir maximus Hieronymus Ripalda; & alij ex Academicis Complutensibus maximè insignes, quorum jacturam intimo dolore tulit Universitas, obtulitque Villanovæ liberales ad sustentandum Collegium proventus, dummodò ne quempiam ex Academicis, citra Rectoris reciperet assensum. Porro in adlegendis pro Societate unicè attendebat indolem & genium naturæ, an tractabilis esset, & cum quadam vivacitate amplitudinem animi præferens; parum attendendo quid in præsentis scientiæ, virtutis, aut claritudinis, & splendoris, sive à natalibus, sive à gestis dignitatibus afferret: dicebatque, *præoptare se indolis egregiæ rudem adhuc & imbecillum puerum, quàm Theologiæ Doctorem.* Cum verò sæpius Socij pro quibusdam, judicio suo immeritò rejectis, instarent, monebat ne sibi molesti esse vellent, specialem enim à DEO impulsus & sensum sibi imprimi solere, quos admittere vel repellere expediret. Ità cum pro quodam eximijs planè talentis dotato impensius instarent, duos menses præstolari jussit, visuros tum causam, cur eum rejecisset: quibus non integrè lapsis, ille simul in amentiam & furorem incidit. Persecutiones & difficultates gravissimas, quibus ab ejus obitu per Hispanias exercita fuit Societas, pridem antè prædixit: & aliquando è Fratribus cuidam Joanni Baptistæ collocutus, *fac bene*, inquit, *memoriæ imprimas quod dico; anno 1569. Hispania multos cælo Martyres dabit, id quod tu intuebère, sed non ego.* Et planè ità evenit, siquidem Villanovâ Anno 1557. demortuo, Mauri in rebellionem Anno 1569. in Regno Granatæ confurgentes, multorum sanguinem

Fidei odio effuderunt. Sed & mortis suæ tempus pridem antè prædixit, suumque in Rectoris officio successorem, P. Manuelem Lopez. Uni etiam è tyronibus tria per vitæ decursus eventura prænunciavit, quæ singula postea ità penitus evenisse, idem jam gravis, & à doctrina vitæque sanctimoniâ spectatus vir testatus est.

His tam præclarè pro DEI gloria gestis, Placentiâ, ubi novum Collegium feliciter molitus fuerat, Complutum redux, cœpit illico adversâ valetudine tentari: quam veluti certum felicitatis suæ nuncium interpretatus, singulari incedebat lætitiâ, gaudens quia velox immineret depositio tabernaculi sui. In lectulum verò doloris prostratus, & crescente indies malo è mentis potestate dejectus, nihil tamen nisi de DEO rebusque cœlestibus proferebat, eodem spiritu & fervore, quo sanus differere consueverat, ut ad eum veluti pro concione audiendum magnâ reverentiâ domestici omnes accurrent, & Medicus fateretur, nunquam tam aptè & ferventer loquentem hominem audisse. Ante supremam unctionem integrè judicio restitutus, cum audisset domesticos pro sua incolumitate variarum devotionum & sacrificiorum vota facere, *Requiem* magis pro se dicere jussit: certus videlicet eo morbo decessurum. Atque ità magis virtutis quàm ætatis peracto curriculo, Anno ætatis 48. Societatis initæ 16. die 6. Maij, Anni 1557. animam DEO reddidit: cujus in cælo gloria pluribus mox sanctitate, inclytis personis revelata fuit: è quibus P. Martinus Guttierrez, decimo post obitum die divinitus se cognovisse asseruit, eum beato DEI conspectu perfrui. Erat Franciscus virtutis excelsæ, adeoque robustæ, ut viri tum de Societate per Hispanias celeberrimi, Franciscus Borgia, Araozius, Strada, pumiliones & nanos, si ejus sanctitati componerentur, se compellarent. Quantum autem meritis suis apud DEUM valeret, patuit vel inde etiam, cum ad puellam lethaliter ægram piè ad mortem instituendam, à matre evocatus est. Vident enim hanc filiæ periculo acerbissimè dolentem, positis genibus ardenrer DEUM ponè ipsum lectulum pro salute puellæ precatus est; & ecce subito ægra valetudini plenè restituta lectulo exiliit.

*Ex Historia Societatis, Bibliotheca Alegambe, & Tomo 3. Nierembergij de Viris Illustribus.*





P. Cornelius Vishaveus Soc. Iesu, Belga Mechliniensis, speciali gratiâ mortales à Vitâ, et à Sæculo ad Deum perducendi prædit, animab; è Purgatorio liberandis mirè adliet. Obijt Laureti 25. Aug. A. 559.

11.

## P. CORNELIUS VISHAVEUS.

**R**eligiosissimus vir P. Cornelius patriam habuit Mechliniam, nobilem Belgij civitatem; non minus pijs quàm honestis parentibus, parçè tamen ab re familiari instructis, in lucem editus, & ad annum usq; 22. non sinè peculiari DEI providentiâ, multis ærumnis & incommodis conflictatus, ut jam tum ad bajulandam Christi crucem, & religiosam disciplinam videretur institui. Etenim puer Parisijs vix literis tinctus, revocatur in patriam, in qua contra omnem animi propensionem, à literis ad opificium traductus, cùm robustior accessisset ætas, ad ingenuas artes, quò toto impetu ferebatur, Lova-

nium se retulit, eosque brevè habuit in doctrina progressus, ut ad Magisterij gradum, & Sacerdotij decus, præter spem omnem expectationemque, favore Doctorum Academiæ conscenderit. Hic ille desiderio, totum se divino servitio consecrandi, incensus, vitam Apostolicam per omnia quantum posset sectari, pœnitentijs acerbissimis corpus edomare, asperum, & visu ipso horridum cilicium diu noctûque gestare, tempus omne, quod animarum procuratori superflueret, orationi impendere. Nam & consentibus aures præbebat assiduè, & eos ad eximiam perfectionem educere laborabat: hortabatur omnes publicè & privatim ad sectandas virtutes christia-



Christianas, hæreticis capitaliter infens, quorum falsa dogmata & fraudes ingenti zelo confutans, multis ipsorum ad veritatem redeundi causa fuit, & Catholicis in ea tantò firmitus perseverandi author. Ex Sacerdotij sui redditibus liberales erogabat eleemosynas, nec animorum modò salutem, verum etiam corporum, omni quâ posset ratione consulebat: puritatis Angelicæ & ipse observantissimus, & ad ejusdem complectendum decus plurimis factus incentor. Sanè illius concionibus quàm plurimæ commotæ virgines, & adolescentes, diversis Religionibus sese addixerunt, & nobilissimæ puellæ, ac viduæ non paucae, DEO per votum dicatam continentiam, inter ipsas seculi fœces illibatam, ad usque obitum custodiêrunt. His tam præclarè in DEI gloriam gestis celebrabatur toto Belgio Cornelij nomen, & omnibus erat venerationi: illud tamen plerisque mirantibus, cur, qui tam multos ad Religiosa castra submitteret, vivere ipse cum populo ad sarcinas seculi mallet? quibus ipse satisfactorum se credebat respondendo, præstabilius sibi videri, si nullius ipse Religionis Institutis astrictus, Religionum claustra impleret, quàm si in eorum aliqua semel inclusus, paucos ad ea in posterum excitare posset. Ignarus videlicet tum, neque se diu in populo fore, sed ad eam Religionem à DEO vocandum, quæ in medijs hominum collocata cœribus, ad eandem vitæ perfectionem ceteros inflammaret: ut divino planè consilio factum putes, ut dum ad nullam Religiosam disciplinam animum applicat, ei se reservaret, in qua suæ sitis ardorem in aliena perquirenda salute, tuendisque ab hæresum labe Catholicis, expleret.

Fuit tamen solenne ipsi, priusquam de recenter instituta Societate quidquam nôset, precari ardentè DEUM, ut auxilia sibi aliqua piorum hominum demonstraret, quorum viribus junctis fruges in Ecclesiam DEI uberiores conferret. Quod dum ardentius, paucis antè diebus, quàm Lovanium primùm Socij aliquot Parisijs studiorum gratiâ migrarent, precari instituit, audiit intimâ voce sibi à DEO responderi: *Corneli, aderit propediem Lovanij Societas quedam Evangelicorum hominum, cui te ut adjungas, volo.* Hoc oraculo mirè exhilaratus, præstolabatur indies votorum suorum metam: & simul ac Patres appulisse Lovanium vidit, tanquam id quod quærebat reperisset, illico se eis conjungere, & vitæ instituta explorare solerter cœpit. Primus eum Franciscus Strada convenit, juvenis tum 24.

annorum, Sacerdotij adhuc experts, & Metaphysicæ primùm dans operam: à quo de Societatis vivendi norma edoctus, inspectoque diplomate Pontificio, exultare gaudio cœpit, palmisque in cœlum tollere, ruere in amplexum Stradæ, & eam quam sibi narraverat Societatem ardentè expetere. Eodem prorsus tempore Petrus Canisius Exercitijs S. IGNATII Colonix excultus, & ingens ex ijs emolumentum ad animæ salutem expertus, auctor fuit per literas Nicolao Eschio, suo in sæculo animæ directori & Magistro, ijsdem ut animum exercere, modumque mentalis orationis sub Francisci Stradæ directione edoceri vellet. Sed is magisterium juvenis imberbis, quem ipse tot annis ætatis & magisterij spiritus præcedebat, suspectum habens, eundem ad Cornelium remisit, parem quidem virtutis & sanctimonix famâ, non tamen tot annis gravem; ut si vellet, Stradæ in tractando spiritu artem experiretur. Neque dubitavit Cornelius, vel ullatenus distulit, sese illi tractandum committere; sed relictâ sorori familiæ satis amplæ procuratione, compositisque domesticis rebus, ad Exercitia magno animi ardore secessit. At enim in horum progressu, quantò majore conatu divinis meditandis animum applicabat, tantò minorem devotionis sensum, cum perpetua ariditate in ijs experiebatur; ut sibi congelari quodammodo videretur, experts omnis illius solatij & animi motuum, quibus tangi plerumque solent, qui has primò exercitationes attingunt: ut affirmaret Strada, frigidior se in ijs vidisse neminem, cum tamen pernôset, quanti candoris & innocentix Cornelius esset, qui tam ardenti studio corpus domuerat suum, ut 14. ipsis annis textum horrenti crine cilicium nunquam posuerit. Verum DEUS tantam viri humilitatem & constantem patientiam, solido magis animi fructu, & rationum æternarum perspicaciâ pensavit, quâ inter sacrificandum die, quodam illustratus, voro se Christo in Eucharistia præsentis obstrinxit, Societatem JESU quantocyus initurum. Maximam ea res toti urbi peperit admirationem, cum viderent virum eâ sapientiâ & zelo præditum, tot animarum Magistrum peritissimum, ad unius peregrini juvenis arbitrium domi reclusum, mense integro hærentem, nihil nisi ex ejus nutu agere: quorum ille judicia aspernatus, Stradæ etiam cum duobus socijs auctor fuit, ut relictis quas conduxerant ædibus, migrarent in suas.

Hic dum illi velut in Collegio quodam  
ex



ex Societatis disciplina vitam instituunt, & Cornelius sacrarum confessionum & concionum provinciam, acutiore jam multo fervore prosequens, novum vitæ genus ubique dictis & factis proficitur, plurimum Societatis famæ in ea urbe & Academia accessit. Sub idem tempus Petrus Faber quoque Coloniæ venit Octobri ineunte Anno 1543. Socijs Lovanii expectatissimus, qui post jucundissimos singulorum amplexus conversus ad Cornelium, *satis*, inquit, *habeo Corneli, te de facie nosse, quem etsi meis oculis antea non vidi, te tamen novi: nihil est quod de nobis vehementius angaris, postridie hinc in Lusitaniam obedientia nos auferet.* Cui Cornelius, *adversari*, inquit, *imperio isti & obedientia nec ausim mi Pater, nec omnino debeo. Ceterum illum ipsum, qui & obedientibus frenum injicere novit, cum usus est, Christum invoco, ne te hinc abire permittat, sed quamdiu huic populo usui fueris, remoretur.* Subrisit Faber, & ad providenda nihilominus navigia Antverpiam discessit: ubi omnibus ad navigandum paratis, dum Lovanium ad Socios deducendos recurrit, continuo febris tertianâ ita prostermitur, ut lecto affixus moveri loco non posset, & post bimestrem ejus pertinaciam, vitæ Fabri, Medici diffiderent. Veniêre tunc ei in memoriam Cornelij preces, pro sui longiore Lovanij commoratione, cum & Medici pronunciarent, nequaquam à natura videri tantam febris pertinaciam posse inesse: quare ad se accersitum rogat, jam vota vertat & argumenta precandi, & qui tam pertinacem febrim suis precibus advocasset, is denuò adhibitâ oratione discutiat. Fecit imperata simplici candidoque pectore, & exinde mox fieri cœpit melius laboranti, ut lecto consurgere, & suis sensim ingredi pedibus, Medico admirante, jam posset. Fructus longioris in urbe Fabri moræ in Cornelium præcipuè redundavit, quem in Societatem legitimè receptum multis periclitatus, ad firmitatem intendit. Quia enim periculum sentiebat Faber, ne viro bono, cujus tanta vox esset commendationis in vulgus, Angelus præstigiator illuderet, eò exquisitiùs toto trimestri, veluti rudem discipulum, quotidianis experimentis exercuit; idque non tam in umbra domestica, quàm in luce clarissimæ civitatis, cujus ille in honore habebatur ac pretio. Exercebat eum per Stradam necdum Sacerdotio initiatum, eidemque adungebat concionaturo pedissequum, ut clepsydram in manus sumptâ, de suggestu coram populo dicenti spatia metiretur. Sæpe etiam incre-

pabat, jure, injuriâ: sæpe domesticorum in auribus oculisque, quò majore perfunderetur rubore, incusabat: interdum jubebat quæpiam exscribere, quæ mox tanquam malè virtiosèque descripta conscindebat, eadem iterum sapiùsque describi imperans. Pugnantia quoque, & quæ fieri uno eodemque tempore ab illo minimè possent, injungere consueverat, ut quem afferret diversa inter imperia conatum ad obtemperandum, ex ipsa animi pugna atque ancipiti cura perspiceret. Quibus experimentis contra ludibria callidissimi hostis præmunitus, & voluntate judicii-que proprio spoliatus, altissimas humilitatis & obedientiæ radices egit, ut vel tenuissima Superiorum mandata instar recentissimi tyronis semper exhauriret. Expetebatur interim à primoribus etiam viris, & suis in spiritu filiis, ad consilium & colloquia, quibus tamen nisi ex nutu Fabri, nunquam sui copiam faciebat.

Sub hæc digresso Coloniæ Fabro, legitimè post paulò per vota Societati auctoratus Cornelius, reliquis Lovanij Socijs præficitur: quibus ille præclaris ad omnem virtutem & perfectionem exemplis non tantum præire, sed urbi etiam universæ munijs Sacerdotalibus, quæ prædicando & confessiones audiendo, quæ miseris & destitutis subveniando, tanto impensius sese impendere. Potissima autem cura fuit, ut ad studium orandi, divinæque meditandi, ac Sacramentorum frequentiam, omnes adduceret: quibus medijs cum longè plurimi ex utroque sexu varijs Religionibus sese addicerent, & præclarissimi quique ex Academicis Societati nomina darent; gravis in Cornelium procella à Doctoribus excitata est, & amor omnis & existimatio in acerbum odium & aversionem mutata: ut idcirco invidorum insectationibus subtrahendus, & Romanam evocandus IGNATIUS visus fuerit. Hic brevi comperto IGNATIUS Apostolico viri zelo, eum Messanam in Siciliam misit; ubi cum modis omnibus cives ad pietatem excitare, studet & promovere, paulò post omnibus palam fuit, quantum orationibus & meritis suis apud DEUM valeret. Erat adolescentula, quam pertinax & impurus dæmon infederat, & in tantum subinde furorem agebat, ut à multis robustissimis viris, ne quo præceps rueret, aut in aliquem irrueret, continenda, & vinculis esset adstringenda. Post varias, quæ solent energumenis, frustra adhibitas curationes, ad Cornelium adducitur: hic datâ sibi à muliere fide, expiandi ritè animi cum mens redisset, usitatis orsus est exorcismis nequam.



nequam hospitem fatigare, & ut inde excederet urgere. Dæmon tam potentem nactus antagonistam, cum suum facile prævideret exilium, unum rogabat Patrem, nè se inde ad ignes inferni remitteret: omni interim pertinaciâ exire reluctatus, & diem ex die moras trahens. Advertit exinde Pater hoc genus dæmonij non exigendum nisi in oratione & jejunio: itaque multis susceptis corporis pœnis, & certo Sacrificiorum sibi proposito numero, dum post tertiam DEO oblatam Hostiam in pugnam redit, frendens ac fremens dæmon excessit, exanimi relicta puellâ, & instar emortuæ: quæ ut primum sensum mentis recepit, sui pectoris arcana, ex data sponione, pœnitentiæ Sacramento purgavit. Per idem tempus exaudiebantur frequenter in Collegio per mediæ noctis silentia miserabiles gemitus animarum, in piacularibus flammis existentium, quæ auxilium à Cornelio, & Missas à Socijs flagitabant: quibus peractis siluere nocturni illi & horridi gemitus. Sed quanto gravior, tanto felicior magisque assiduus illi fuit labor, in liberandis à potestate diaboli animabus: quippe cum gravissimi peccatores expiandi animi causâ illum ferè accederent, diversi penitus à se recedebant, & vitam plerumque sanctiorem, ad aliorum usque admirationem & exemplum, instituebant. Præfectus ibidem subinde regendis nostris tyronibus illud habuit præ ceteris admirabile, quod cum obedientiæ studium præ alijs omnibus assidue inculcaret, tyronum quidam Joannes Antonius Apulus, Angelicæ innocentiae, & exquisitissimæ obedientiæ adolescens, mori prius nec voluerit, neque DEO ita permittente potuerit, quam eidem vitæ excedendi potestas à Patre daretur. Fatali siquidem morbo prostratus, cum post ultima Sacramenta in singula momenta moriturus crederetur, vitam nihilominus in plures dies stupentibus Medicis trahebat. Ergo rogatus à Fratribus, *ecquando tandem è vitâ cessurus esset? qui possim*, respondit, *illâ excedere, necdum datâ à Superiore moriendi veniâ?* Quod cum idem percontanti Cornelio respondisset, illico se moriturum profitens, postquam ipse annuisset: *facio igitur*, inquit Pater, *potestatem, ut crastino manè tali borâ* (certamque præfixit) *à nobis migres*: Id quod ita penitus, ad commendandum omnibus S. Obedientiæ pretium, evenit. Acciderat autem, ut pridie felicissimi ejus obitus dæmon visibili specie appareret, religiosum juvenem gravissimè percellens; cujus ejulatu excitus Pater, glo-

*Societas Europæa.*

bum vidit igneum undique per cubiculum volutari, horribili fragore & strepitu; quem tamen ingenti fiduciâ in orationem provolutus, illico exegit.

Secundum tyronum domi curam, nunquam tamen solenne suum omisit Cornelius in conducendis etiam extraneorum ad DEUM animabus, cujus fructus fuit magnus numerus Virginum, quæ voto continentiae concepto in varia Sanctimonialium claustra se receperunt: ita ut constans apud Messanenses esset opinio, nullam virginum aut viduarum cum illo agere posse, quin ad virtutis hujus Angelicæ complexum induceretur, stupe- rentque omnes quàm maximè, quibus argumentis tam facilè, dyscolis antè puellis, rem tam arduam persuaderet. Impulit ea fama tres nobiles puellas, certis jam procis desponsas, & in proposito nuptiarum obfirmatas, quæ ex condicto Patrem alloqui & convenire decreverunt, eo solùm fine, ut exemplo suo palàm facerent, non omnes quibus Pater esset à confessionibus, illico terrenas nauseare nuptias, & cœlesti Sponsò velle conjungi. Igitur earum prima cum pœnitentiæ gratiâ tribunal Cornelij accessisset, vix inchoatâ peccatorum enumeratione, ita repenti divini spiritu mutata animo se persensit, ut interruptâ confessione exclamaret: *Pater mi, profiteor, me velle Virginem permanere, & spiritus mundi illecebris totam divino obsequio consecrare!* simulque ad pedes Cornelij accidens, perpetuum nuptijs omnibus repudium dedit, & soli Sponsò cœlesti copulari cum lachrymis expetijt. Ignara hujus eventus altera ex conjuratis, & paulò post tertia cum advenissent, idem penitus utrique evenit, ut priora sua vota damnantes, carnales execrarentur amplexus, & ad virginitatis aureolam toto desiderio anhelarent. Quo exitu paulò post vulgato, magna omnes cœpit admiratio, cum viderent miram spiritus divini operam, non tantum verba Cornelij in suadenda corporis & animæ puritate, sed vel ipsa interna desideria, adjuvantis. Erat alia nobilis virago raræ venustatis, capillitio suo non minùs ac olim Absolon superbiens, quibus oculos multorum irretiebat, & ad omnem elegantiam comibat, torquebat, & vanissimè exornabat: cumque nihil sibi in mundo videretur reperi, in cujus gratiam adduci posset ad crinem suum attondendum, vel ad solum Monasterij nomen contremiscebat, quod sciret DEO dicandis virginibus tonderi. Huic aliquando collocutus Pater, admonuit; videret, ut ne-

*crinem*



crinem suum DEO præponeret, plurisque faceret: alioquin vereri se, nè DEUS in his ipsis poenas ab illa exigat, & decalvatam contemptui omnium exponat. Varicipium fuit quod Pater prædixit mulieri, vanitate suâ cæcæ tum parùm cœlestia advertenti. Siquidem oratione pro miseræ salute ad DEUM fusâ, paucis diebus illa capitis dolore corripitur, ex quo omnes illi capilli defluxêre, & quod tanto horrore amittere formidabat, magno DEI beneficio sublatum est virginitatis impedimentum: ut jam optabilis etiam ipsi fieret secretus ab oculis amatorum mundi in. Asceterium secessus, quem antea morte acerbiorē credebat.

Ex Sicilia revocatus subinde Romam. Cornelius, cùm non minora vel pauciora ibidem pro animarum salute, & in domesticorum, quorum spiritum regebat, ædificationem egisset, specialiter tamen P. Jacobo Ledesma profuit, qui ex cathedra Theologica Lovanii Societatem complexus, atque in tyrocinium P. Cornelio datus, in excellentem illum, quem postea Societas suspexit, virum formatus est. Juverit audire saluberrima è plurimis alijs documenta, quæ præclarus hic tyro ex ore Magistri hausta in diarium suum retulit; valdeque usui proficitur fuisse. Ad sanctæ humilitatis comendationem dicebat, gaudere DEUM res ex nihilo facere, quod is modus infinitæ ejus virtutis proprius sit, & clariùs eam prodat. Ut igitur hanc rerum universitatem, & pulcherrimam speciem ex nihilo procreavit, ita in animis hominum mundum ornatumque virtutum ex nihilo, id est, ex humilitate, quâ suum quisque nihilum profiteatur, efficere: superbos infinitis tentationibus subiacere, quod id DEUS permittat, ut diffidere sibi discant. Perinde enim DEUM facere, atque magnanimus Rex, qui quàm diu fidentem sibi hostem videt, oppugnare non cessat: prostrato verò cadentique ac manus danti, clementer ignoscit. Porro viam ad radices imas humilitatis perveniendi esse obedientiam cæcam, per quam simpliciter, quæ spiritualis Pater præceperit, fiant. Hanc enim cæcam obedientiam quasi instar talpæ, aprissimam esse ad cuniculos sub terra agendas, qui ad radices imas humilitatis perducant. Item obedientiam genus teli esse adversus omnes tentationes habile & opportunum; idque Christum Dominum docuisse, qui omnes diaboli tentationes semel, iterum ac tertio eadem voce, *scriptum est*, respondens, obedientiâ, quæ legi divinæ debetur,

repulit. Ità nobis, quoquo modo oppugnemur, *scriptum est, præceptum est, jussum est*, respondendo, & inexploratè jussis obtemperando, esse vincendum. Ut obedientiæ via quàm tuta esset, doceret, ajebat Angelos quoque custodes eorum, qui disciplinæ Patris spiritualis ritè subiecti sunt, ejusdem Patris parere jussis, ut ad majorem utilitatem suæ fidei commissorum conspirent. Quare ijs in rebus, quas spiritualis præcipit Magister, Angeli munus duntaxat esse, eas discipulo revocare in mentem, ad easque invitare atque allicere. Qua pro sententia præclare sanè facit, quæ religiosæ magister subtilitatis facilè inter omnes primus, magnus Gregorius docet. Quippe DEUM animadvertit non antè Samuelem, quem vocabat, causam cur evocaret aperuisse, quàm Heli Sacerdos ei potestatem audiendi fecisset; & continuo subdit: *Opus namque subiecti divinitus inspiratum, tunc DEO gratum esse cognoscitur, si majoris imperio aut permissione peragatur. Vocat itaque Dominus, & vocationis causam tacet, ut permittente Magistro, semetipsum vocato subiecto insinuet.* Ajebat præterea Vishaveus, benefacta, quæ ab consilio confessarij proficiscuntur, quasi tenui velo, ut fit in liquoribus, percolari, eoque esse puriora. Dæmonem pugnare hastâ, gladio, seipso: hastâ, cùm quasi eminus externarum rerum specie objecta sollicitat: gladio, cùm per corpus nostrum quasi cominus nos aggreditur: seipso, cum phantasiâ ipsam invadit, eamque variè movet: & id tertium certamen esse gravissimum: & hoc maxime viros pietati deditos oppugnare; sanèque esse non in ultimis causam, cur viros bonos è sæculo DEUS ad Religionem, vocet, ut Magistri, quorum hac in pugna institutio rectiorque est necessaria, suppetant; quorum ductu, à præstigijs tacti dæmonum, expeditum in virtutis stadio teneant cursum. Hoc in genere fuit, quod se expertum refert Ledesma: Is motus quosdam interiores sentiebat, quibus, ut sibi videbatur, magnopere ad laudem DEI ac Domini JESU provocabatur; hos Cornelio cùm aperuisset, subjecit ille: credere se eos sensus ab dæmonio meridiano esse. Quam vocem ità ægrè tulit Ledesma, ut mortem mallet, quàm ita esse. Atqui (inquit Vishaveus) *ista ipsa egritudo dæmonis prodit vestigia, indignantis suas illustrare atque dissolvere fraudes.* Nec multò post cogitanti ampliùs ea super re Ledesma, ita prorsus est visum. Animadvertit enim eo sensu paulatim se ad spiritum blasphemiae pertrahi, atque



atque ad iudicandum DEUM esse ingratum, quod se tot tantæque ejus causâ facientem non ita respiceret, nec audiret, quemadmodum cupiebat. Angores mentis, & (ut dicimus) desolationes, maxima omnium, quæ subire DEI causâ homines queant, cruciamenta nominabat. Tres enim esse malorum, si ve injuriarum gradus, facti, dicti, cogitati. Cogitata aliena, quia non lædant, despici à mortalibus: dicta, nempe contumelias ludibriaque, multò duci graviora: facta verò, gravissima, ut verbera, vulnera, necem. Contraria his DEI famulis evenire. Verberari sui Domini causâ, vulnerari, occidi, levissima videri: Multò sæpe arduum magis maledicta, falsas criminationes, irrisiones bene perpeti: at verò longè difficillimum perferre constanter, quas dæmon injiciat menti angustias; præsertim cum longè abesse Christus Dominus dilectus videtur, ac planè suum famulum abjecisse. Qua de causa, qui ad necem pro Christo ferendam paratus est, haud magnum facere, nisi ad hunc quoque animi cruciatum perferendum sese obduret. Eos tamen, qui nimium & inconsideratè, quamvis rectum ob finem, laborare semper atque torqueri appetunt, non liberales, sed prodigos appellabat. Et eos, qui objecto scrupulo, si fortè inter sacerdotes preces attentio interrupta est, eas à capite repetunt, similiter dicebat facere, atque si quis iter faciens equo, cui infidet, è via aberrante, ad iter repetendum, in eum locum, unde primum profectus sit, redeat. In rebus gerendis si alienæ se cogitationes, si ve absurdæ, si ve in speciem bonæ ingerant, haud cum ijs anxie luctandum, sed quasi obstructis auribus, & averfis oculis porrò urgendum pacatè, quod est in manibus opus. Nam si famulus ab hero quopiam missus, dum fortè per forum transit, cum singulis, qui fiunt obvii & interpellant, intersistere, congregari, & conferere manum velit, haud functurum sedulo officio famuli: melius facturum, si mandato intentus Domini, nihil laborans, quid alij amici inimicive dicant aut moliantur, tacitus, quietusque pergat. De peccatorum ac vitiorum cognitione sic differebat: quemadmodum nocte pauca videntur, & magnæ duntaxat; interdiu verò plura, & minuta quoque; at in radio solis, qui fortè obscuram in domum per rimam permeet, minutissimorum corpusculorum multitudo innumerabilis cernitur. Quod si quis omnia illa ejusmodi corpuscula, quæ circumquaque per ætherem volitant, conspiceret, circumfusum se

undique & clausum quasi pulverèa nebulâ videret, cuperetque ex ea quàm primùm educi. Ità quosdam mortalium versari tenebricosam in nocte, qui non nisi pauca quædam, & vastæ molis scelera dispiciunt: quosdam in luce divina, & hos multò plures ac leves etiam videre noxas: quibusdam denique peculiarrem Christi JESU, divinique solis affulgere radium, hosque non videre solùm maculas leves, verùm etiam hominum opera, quàm rudia, inania, & imperfecta sint; taliumque seminebecillitatum atque debilitatum densam turbam undique circumvallatos ac pressos. Quare etiam despiciere sese, & cupere vehementer ex ea quasi nebula se quàm celerrimè liberari. Talia erant Vishavei monita, quæ non tradebat alijs accuratiùs, quàm in rem ipse, cum tempus posceret, conferebat.

Ultimum vitæ biennium Laureti ad ædem divæ Matris Nazaretanam egit, maximo suo solatio, nec minore animarum in confessionali, & domesticorum etiam in temporalibus necessitatibus fructu, ut videatur beatissima Mater speciali tum curâ, ob dilectum adeo incolam, Collegio prospicere voluisse. Cum enim sub ipsum Patris adventum anno 1557. multi domi decumberent ægroti, & rei penuriam summa esset inopia, Oliverius Manaræus Rector in ea calamitate paucillum farinae & saccari, & aliquot ova cum impetrasset, ea misit ad honestam fœminam, ut in solamen ægrorum aliquid placentalium conficeret. Hanc opus aggressam filia cum neptè dum adjuvant, mirâ quadam inter laborem succendi pietate (ut iurata, sumpto etiam ad fidem faciendam SS. Sacramento, testabantur) ac dulcedine impleri cœperunt, sentireque, massam dum tractant, intrâ manus augeri. Indè numerum ingentem bellariorum conficiunt; dumque postremò reliquias farinae colligunt, tantundem ferè, quantum missum fuerat reperiunt; ingenti tum suo, tum Rectoris stupore, ubi pro paucis placentalis, quas pro materiæ præbitæ quantitate expectabat, magnum canistrum plenum, ac de farina nihil pene detractum aspexit. Aliàs cum domi in arca præter quinque panes nihil superesset, & obsonator nihilominus triclinium more consueto in prandium instruxisset, redux invenit mensas omnes, panibus, à consuetis nec magnitudine, nec specie, nec ullâ aliâ re discrepantibus, onustas; cum tamen conquisitione diligentissimâ constaret, nihil ullius panis à quopiam illatum fuisse. Atq; hanc panum multiplicationem sæpius per id



tempus Collegium experiri contigit: DEI parâ nimirum per Angelos annonam servis suis ministrante, nè inedia & angustijs conflictarentur, qui maximis laboribus audiendi juvandique confluentes peregrinos assidue occupabantur. Demum prostratus in morbum fatalem Cornelius, specietenus ita lenem & benignum, ut vitæ periculum nemo suspicaretur; receptis pijsimè Sacramentis placidè

*Ex Historia Societatis, & Tomo 2. Nierembergij de Viris Illustribus.*

animam efflavit 25. Augusti Anno 1559. oculis à morte mirè exhilaratis & jucundis, colore vivido & rubore suffusis, totâ denique facie, quàm viventis fuerat, lætiore; ut vel inde signa acciperent intuentes vitæ potius quàm mortis. Quæ res conceptam prius de viri sanctitate opinionem vehementer confirmavit auxitque.

## P. PASCHASIUS BROETTUS.



**P**ostremus hic natione Picardus, vel juxta alios Belgæ ex agro Cameracensi, è decem primis Societatis Patriarchis IGNATIO aggregatus est Parisijs, operâ & studio Petri Fabri, Magisterio Theologiæ & Sacerdotio jam insignis, Anno 1536. Sacrâ IGNATII ascensi primùm mense integro exercitus, totum triduum absque omnicibo & potu exegit: ac deinceps peregrinationes omnes, missiones per Italiam cum Socijs pari fervore & industriâ obivit, de quibus aliquoties in gestis reliquorum meminimus. A confirmata Societate jussu Pontificis cum Simone Rodriguez Senas missus, ad reformandam Parthenonis disciplinam vehementer collapsam, quam frustra cum Archi-Episcopo plures alij restituere tentaverant, feliciter reduxit. Concionabantur præterea ibidem festis omnibus, peccata condonabant, rudes Catechesi erudiebant, valetudinaria procurabant, magno civitatis motu & profectu. Sed nullum æquè idoneum ac efficax ad inveteratos consuetudine pravâ mores emendandos fuit remedium, quàm meditationum exercitationes, res ibi ut nova & inaudita, ita experiendi cupiditate ad pauculos saltè dies plurimis experita. Ex his Sacerdos fuit urbis totius scandalum, qui scenicâ levitate notus omnibus, scribebat ingeniosè comœdias ad captandos dūtaxat risus, ac semet in theatrum sæpe dabat mimum agens, tantò nequior actor, quantò poëta præstantior. Sed in exercitijs obortâ è cælo luce pudor redijt, & semetipsum erubuit, odióq; sui rationem excogitavit, quem admodum & in se superiores castigaret infanias, & offensæ multitudini satisfaceret. Igitur injecto cervicibus fune in frequentissimum venit templum, & suggestu consensu cœpit à populo verbis ardentissimis, oculis humi dejectis veniam flagitare: quo spectacu-

culo excussit illico multitudini lachrymas, qui risus & cachinnos solebat. Neque hic stitit vehemens pœnitentis affectus, sed desiderio satisfaciendi pro tot erratis divinæ justitiæ, ad Religionē PP. Cappuccinorum transijt, ubi reliquam vitam in summa asperitate traduxit. Interea evocato Senis, ut in Indiam cum Xaverio mitteretur, Roderico, Paschasio onus totum juvandæ civitatis incubuit, quem tot laboribus unum sufficere non posse videns urbis Archi-Præsul, auxilium ei à S. IGNATIO, magnis Paschasij adjectis laudibus, expetiijt. *Ea est, Paschasij, scribebat, vitæ integritas, & morum suavitas, ut omnibus gratus jucundusque sit: & in eomunere, quo hic fungitur, est adeò vehemens, ut summa sua cum laude oculos omnium in se converterit. Nam verbis hortatur, exemplis juvat, humilitate allucit, charitate ad bene vivendum inflamat.* Verùm in tanta Sociorum paucitate, & operam eorundem è contra expetentium multitudine, diu frui laboribus Paschasij Senensibus non licuit; revocatus enim à Pontifice Romam, & cum Alphonso Salmerone tanquam Nuncius Apostolicus in Hiberniam missus est Anno 1541. cum amplissima potestate populos illos ab Henrico VIII. Angliæ Rege oppressos, juvandi. In qua missione pedibus Apostolorum more obita, quanta egerit passusque sit, Lugduni etiam pro exploratore comprehensus, & in vincula coniectus, dicitur in actis Alphonfi Salmeronis.

A reditu ex Hibernia postulatu Episcopi Fulginium destinatus, religiosi sceminarum claustris veterem vivendi regulam Paschasius reddidit: plurimósq; Sacerdotes, qui per summam inscitiam sustinere munus id non poterant (vix enim literarum apices nōrant) Grammaticâ tum instituit ipse, tum idoneos præceptores providit. Miro etiam artificio multos ex pellicatu, 12. & ampliùs annorum ad legitimi tori pudorem revocavit. Eo in genere





P. Paschasius Broettus, Picard, primis 10. Sancti Ignatij Socijs laborib, Apostolicis per Italiam et Galliam clarissim, plurimos ab Hæresi, et omni Vitijs genere, atq; etiam à Damone obsessos liberavit. Pestilentia extinct, Parisijs obiit. 14. Sept. 1562. 12.

genere dum alia quædam non vulgaria, divi-  
nâ potius quàm humanâ gerit ope, ejusdem  
Cardinalis rogatu in montem Politianum se  
transferre coactus, pari incolarum utilitate &  
gaudio munus Apostolicum gessit, in tra-  
denda præsertim quotidie rudi populo cate-  
chesi. Sed & indè 30. dierum spatio retra-  
ctus, Regium Galliæ Cisalpinæ à Cardinali  
Carpensi destinatur, ad restituendum veteri  
disciplinæ, ad quod præcipuâ arte & industriâ  
pollebat, mulierum cœnobium. Quas ini-  
tio admodum reluctantes expertus, protervi-  
am tamen magnâ suavitate pervicit, jussas die  
Pentecostes, ad impetrandam S. Spiritûs gra-  
tiam, preces in odæo peculiare diebus ali-  
quot instituere, idem & se rogaturum pollici-  
tus. Et verò flexit cœleste Numen rigidas

mentes, & terribili pulso hoste direxit er-  
rantes, ut ab ea oratione obsequentissimas illi  
se præberent, & medicamenta avidissimè re-  
ciperent. Nec parvo id illi stetit impendio :  
ægotavit enim ex nimia laborum contentio-  
ne usque ad mortem : ex quâ necdum viribus  
integrè recreatis Faventiam mittitur, eodem  
Cardinali rogante, quòd ea civitas mirum in-  
modum cœlestis egebat opis, & Christiana-  
morum probitas ac sacrorum æstimatio ma-  
gna ex parte conciderat. Nullus pene Sacra-  
mentorum vigeat usus, maledicendi verò  
etiam in puerorum ætatulis, creberrimus : in-  
famis concubinatus nè peccatum quidem nu-  
merabatur : inimicitia ætate diuturniores, à  
centesimo anno in posteris viridissimæ hære-  
bant, per totam Provinciam propagatæ, per-  
petu-



petuas inter rixas, nec paucas cœdes. Nec ab hæresi urbs erat intacta: irrepserant quippe Lutherani ministri & præceptores, Ochinus præsertim, celebre apud hæreticos ab eloquentia nomen, qui pestilente doctrinâ multorum animos ita fascinauerant, ut passim in tabernis officinisque venena Lutheri impunè tractarentur. Paschasius perspectâ civitatis lue, & Faventinorum pertentatis ingenijs, præstantissimum quemque primò & præ ceteris ad pietatem propensum blandissimè privatim alloqui, hortari, ut quoniam ingens miserorum ægrorumque in urbe esset copia, Sodalitium inter se charitatis instituerent. Quibus consilijs cum facilè annuerent, leges ipse condidit non tantum miserorum utilitati, sed etiam Sodalium animis iuvandis maximè proficuas; quorum exemplis sensim in urbem totam Sacramentorum frequentatio, & celestium æstimatio pervaderet. Progressio operis, ipsâ Paschasij opinione felicior, ubi famam aliquam & opinionem illi peperit, grandiora pro animis ausus, ad explananda publicè Christianæ legis principia se convertit: quæ res, ut ibi nova atque insolens, sic ætatum est omnium & ordinum celebrata concursu: Quam eandem per hebdomadæ ferias in scholis quadringentis facilè pueris explanans, ita suam quemque docuit castigare & observare linguam, nullius ut ex ore excideret vel juramentum, vel maledictum. Adjecit solennes ad populum festis diebus omnibus conciones, & privatos quotidie domibus singulorum congressus: quibus sensim Faventinorum propè jam desperata religio, demum in integrum renovata est, profligatæ vagæ libidines, restituta moribus sanctimonia, extincta vatiniæ odia, ut aliquando post unam Paschasij concionem homines amplius centum, principe ex æde, mutuas sibi injurias cœdesque donarent. Nec magni deinde negotij fuit, animi pravitatibus sublatis, pravas etiam mentibus opiniones evellere: hinc quidquid privatim veneni hæretici sparserant, compressum in ipso semine est, & errores ejurati, pulsique novorum dogmatum propagatoribus, civitas in orthodoxæ religionis sinum integrè revolavit.

His curis adjecit quotidianas scholas de Christiano officio ad Sacerdotes, admodum ejus opis indigos; sermones speciatim ad feminas ab infami vitæ genere ad pœnitentiam conversas. Multis etiam locis per Diœcesim à Vicario invisente circumductus, ad ornatum cultumque sacrorum, & morum corre-

ctionem, præclara edidit decreta & leges, quibus introducta semel pietas diu subsisteret: in quibus conatibus biennium propè integrum Faventiæ consumpsit. Per idem tempus agitare apud Curiam Romanam cœpit Lusitanix Rex, de mittendo in Æthiopiam Patriarcha, quem è Societate assumi cupiebat, ad eripiendas è schismate illas nationes: quæ res IGNATIO non improbatur, scienti infulas has non ad dignitatem & honorem, sed ad labores & æumnas gravissimas conferri, ideòque cum Patribus, Lainio præsertim & Claudio Jaiq, deliberare cœpit, quis ei muneri idoneus maximè è Socijs videretur. Sententia omnium fuit, Paschasium ob singularem morum sanctitatem, magnam experientiam, & corporis dispositionem aptissimum videri: fuissetque omnino à S. Patre Pontifici propositus, si porro negotium Rex urgere perrexisset. Placet hinc adjicere judicium de eo S. IGNATII, quod Pontifici in ejus commendationem porrecturus erat, servatūque etiamnum in Tabulario Romæ. *Paschasius ita ante omnia est vir bonus, ut à nobis quasi Angelus in Societate habeatur. Deinde præter scientiam quâ pollet, plurimum in visendis reformandisque Episcopatibus & Monasterijs habet usus: quippe qui præter alia, etiam Nuncius Apostolicus in Hybernia versatus est: adeò ut ejusmodi negotia nemo unus è Societate æquè tractarit: ille autem sic tractavit, ut ad quamcunque rem manum admoveret, operam suam mirabiliter probaret: nam & valde naturâ sedulus est, & quoniam adeò se obsessum Episcopatibus & conscientia causis videbat, magnam ijs studijs diligentiam & curam semper adhibuit, quæ res maxime in Æthiopia necessaria est, &c.* Interim Faventiâ Bononiam transgressus Paschasius, dum pari conatu, & laboribus nunquam intermissis etiam hinc in urbis emendationem infudat, ex horum assiduitate ita caput obtudit, ut è Cardinalis Sanctacrucij sententia, cui erat à confessionibus, balnea ei fuerint montis Politiani periclitanda. Sed & ibi, ne otiosus à juvando proximo esset, dum aliud non potest, quotquot ad balnei usum venirent, modum meditandi & contemplandi docebat, & quosdam ad orandi S. IGNATII præcepta exercebat: quos inter fuere Cardinalis Sanctacrucij Germanus frater cum conjugē, & tres ejusdem sorores. Bononia reversus, cum renovatis integrè viribus renovare simul curarum impetus cœpit, totumque ibi annum in suis tractandis armis telisque consumpsit. Fructus præter alios eximius fuit



fuit, virorum & foeminarum per sacra exercitia ad insignem & conspicuam virtutem tractuctio: ex his enim matronæ facilè 30. spre-  
tis sathanæ pompis, insigni deinceps pietate, & pauperum in nosocomijs curâ civitati præluxerunt. Ut taceam Parochorum & Sacerdotum eodem remedio ad frugem meliorem reditum, quorum nonnulli tantâ erant intemperantiâ, ut lupas secum & scorta habere non erubescerent: sed piâ orandi consuetudine, effectum est, ut à nefaria consuetudine facili negotio & libenter disjungerentur. Neque paucos hæresi Lutheranâ infectos pestilentes errores dedocuit, & ad Ecclesiæ unitatem reduxit: & quidem tanto quotidie pœnitentium ad se concursu, ut in ijs excipiendis partem etiam consumeret noctis. Adhæc Sacerdotibus quotidie necessarias eorum muneri doctrinas, & conscientia casus explanabat, inimicitias componebat, quas longo tempore assiduus conatibus frustra alij extinguere tentaverant: Catechesim pueris & rudibus non Bononiæ tantum, sed & vicinis in pagis & oppidis tradebat. Missus subinde Ferrariam, dum præter cetera assiduè administrata munia, Judex diebus totis sedet in pœnitentes ac reos, pertinacem è mulieris corpore demonem, quem nulli exigere Sacerdotum conatus potuerant, solâ imperatâ peccatorum confessione fugavit. Consimilis nequitia demonem ex alia, quam sex septemve homines regere ac continere vix poterant, sacris de more carminibus & exorcismis abegit.

Anno 1551. Cum per Italiam Collegia jam non pauca essent constituta, & quædam nova inchoata, placuit IGNATIO tot occupationibus presso, vigilias suas curâsq; dividere, eamque in unam redactam Provinciam Paschasij curâ committere, quem etiam primum Italiæ Provinciale nominavit. Quo munere præclare gesto missus in Galliam, reperit Parisijs latiore tolerantia exercendâ, quam depromendâ in animis curandis industria campum. Non tamen intermisit ad S. Germani præbere aures conscientia onerantibus, & multis privatim exercendi spiritûs dictata proponere. Dum autem pro Societate ritè à Senatu Gallia in Regum recipienda, adnitente etiam Cardinali Lotharingo, frustra laborat, quid dimicationum non adiit? quibus non convitijs os, etiam apud Episcopos & Ecclesiasticos Senatus, obtulit? suâ illâ antiquâ bonitate omnia patienter concoquens & absorbens. Ubi autem ab Episcopo, Privilegijs à Sede Apostolica Societati

concessis (quòd ea juribus Episcoporum præjudicantia concedi potuisse negaret) offenso, interdicti sententia in Socios Parisienses promulgata est, & sub anathemate Sacerdotum quævis munia inhibita: Paschasius rarâ modestiâ, cum ad Pontificem provocare posset, jure suo tantisper cedens, vacandum sibi publicis Sacerdotum à muneribus censuit, privatamque solum in æde S. Germani (quæ Antistiti non subjicitur) Sacramentorum administrationem retinendam. Quâ animi sedati modestiâ & æquabilitate, tandem violentiam adversariorum, juvante Româ IGNATIO, fregit, & quinque brevi tempore diversis per Galliam locis, Collegia fundari obtinuit: tantopere S. Patri ob innocentissimam illam mentis simplicitatem, quam casibus retinebat omnibus, dilectus & æstimatus, ut Angelus ab eo vocari solet. Gravissima interim post ceteras calamitates pestilentia Parisios invasit, quâ amplius 80. hominum millia traduntur absumpta, inque ijs etiam Paschasius cum tribus Socijs. Recipientibus namq; se ad tutiora Socijs, Paschasius quanquam multum rogatus, domi maluit cum Adjutoribus duobus, veluti ad custodiam remanere. Dum igitur pestilentia domum etiam nostram invadente, unum è Socijs carbunculo saucium ad supremum agonem Sacramentis ritè procurat, tactus & ipse malo, 14. Septemb. Anno 1562. ætatis 55. victima charitatis, ipso die Exaltatæ S. Crucis cecidit. Vide autem ipsius miram de aliorum salute, quam de sua, diligentiam. Perpurgatâ ignibus domo, cum noster Sacerdos redisset, in cubiculo Paschasij super mensa schedulam reperit, in qua cum cura admonebat, quid à se jam ægro contrectatum, quid secus esset, ut caveretur. Erat Paschasius vir planè innocens & placidus, ita Societatis amplificandæ, Galliaque per illam juvandæ cupidus, ut ea fuerit causa ipsius mortis. Cum enim initia Collegij contra tot adversarios sustinere cuperet, ceteris ad salubriora loca dimissis adduci non potuit, ut ipse quoque fugâ sibi consuleret. Solebat affirmare, 20. annos se perstitisse in petenda à DEO humilitate, quam tamen vir humillimus negabat adhuc perfectè se consecutum. Quantopere verò suimet contemptu gauderet, patuit quàm maximè in itinere, quod pedes exigebat Billomo Lutetiam, per agrum, in quo demetendis frugibus ad 30. homines opus faciebant. Hi continuo pannosum conspicati senem ludibrio habere cœperunt, & onerare convitijs. Quem ad verborum



rum sonitum baculo suo innixus, ut avidis auribus convitia omnia exciperet, constitit Pater, nec gressum movit, quoad illi satietate, partimque pudore finem fecere. Tum erigens se, placidissimoque vultu messorum intuens, manu in crucis formam, bene precantis in modum, erecta, *DEUS*, inquit, *vobis benigne faciat filij, ac benedicat*. Nec tulere tam insolitam mansuetudinem quamvis rusticana pectora: circumfusi enim ad pedes, veniam precari, se iniquos conviciatores, illum virum revera sanctum prædicare & venerari. Fuit eidem in more itinera omnia pedes agere: cumque ab Antistite Claromontensi

*Ex Historia Societatis, & Tomo I. de Viris Illustribus Nierembergij.*

tano adactus quondam esset equum accipere, statim ut egressus urbe est, eo remisso, via reliquum, Apostolorum more, perrexit. Cum ad diversoria perveniebat, in secretum aliquem locum se abdens, flexis genibus ante omnia Sacerdotale officium tantâ pietate exequabatur, ut vultus ipse ardere videretur. Nec minor erat ardor juvandi proximos: quorum nec audiendis confessionibus, nec habendis pijs sermonibus, nec visendis ægris, sive interdiu sive noctu defatigabatur, totis frequenter diebus, studio ijsdem assistendi, penitus impastus.

## P. ANTONIUS DE MADRITO.



Onsuetum plerumque est supremo Numini, mortales ad certos quosdam & sublimes fines disponenti, tales & eo tempore deligere, quo minime idonei humano iudicio videntur. Præpositurus populo suo Regem, qui ab inimicis undique vallatos, & servituti subiectos eriperet, & primus in Rempublicam Monarchicam formaret, Saulem agasorem à cura asinarum, & hujus successorem Davidem ab ovium caulibus vocavit. Moysen liberando ab Ægyptiorum tyrannide Israël non constituit ducem, cum is in Aula Pharaonis inter Principes versaretur, sed cum inde profugus & angustiis undique pressus ad pascendas Soceri sui oves redactus est. A simili penitus conditione vocavit *DEUS* Antonium ad grande munus Apostolicum, & plurimos mortalium ab inferni faucibus eripendos, natum parentibus pauperrimis, cum quibus pascendis gregibus, puerilem operam navabat. Verum *DEUS* jam tum ejus animo indidit spiritum altiore, quo incitatus, relictis caulibus cum patria & parentibus, se subduxit, copiam alicubi in literas incumbendi quæsiturus. Complutum delatus, operam suam servitio addixit, quo tamen studiis vacare non impediretur, sensimque in ijs eximius supra omnes condiscipulos evasit, arte præsertim metricâ. Salmanticæ deinde altioribus disciplinis excultus, etiam Doctoris in Theologia gradum consecutus est, & cathedram in Collegio S. Bartholomæi, ex qua duplicem Philosophiæ cursum magno plausu docuit. Tum ausus Canonicatum Placentiæ appetere, illum ob singularem doctrinam

existimationem consecutus erat, nisi factio quædam, æquitatis parum memor, restitisset: non tamen præter *DEI* dispositionem, quæ expectatione suâ dejecto, sensum vanitatem rerum humanarum imprimebat. Neque tamen continuè divino spiritui acquievit, sed veluti crucis Christi fugitans, in magistræ Capellæ Regiæ Collegium adscribi obtinuit Granadæ: ubi *DEUS* impulsibus tam validis quater ejus animum ad Societatem amplectendam cœpit, nullam ut partem quietis capere posset, ingenti spiritus luctu conscientiam distrahente ob carnis resistantiam, sic ut vigore & solatio omni destitutus, vultu pallido tristisque incederet, cogitationem ad quævis alia negotia avellere impotens. Exagitabat illum præcipue vox illa *DEI* perpetuo auribus cordis insonans, damnum omnino æternis supplicijs, si Societati adscribi contemneret. Tandem vincente carnem spiritu, vocanti Numini obsecutus, serio Societatem expetijt, & licet initio passus aliquam in admissione difficultatem, ob malum phthisicum quo laborabat, & demum eodem extinctus est; receptus tandem nihilominus: ubi primum vestem tyrocinij induit, tantis à Deo solatijs inundatum se persensit, ut stupore attonitus, miratusque errorem suum, quo vitam religiosam planè tetricam & horridam credebatur, palam diceret, nullam in universa vitæ parem huic voluptatem fuisse expertum, prioremque statum speciem habuisse inferni, religiosum autem nunc sibi videri formam quandam cœlestis paradisi.

Nec mora, periclitari virtutem fervidi tyronis cœpit illico Superior, jussitque vestitu curto & lacero indutum, aquam ollâ de fonte





P. Antonius de Madrito, S.I. Hispanus, in lucrando  
DEO animabus ferventissimus, Humilitatis, et affli-  
ctationum corporis studiosissimus. Obijt Compluti  
A. 1563 Aetate circiter 45. 12. January.

13.

in foro publico afferre: ille mandatum cæcæ  
obedientiæ executus, prodijt in publicas Gra-  
natæ plateas, ubi erat notissimus, summæque  
æstimatus, accurrentibus ad inusitatum spe-  
ctaculum Viri, paulò antè cum famulorum  
comitatu incedere soliti, nunc verò despica-  
bili formâ instar mediastini aquam in publico  
haurientis, undique civibus, & alijs mente  
captum, sanctum alijs Doctorem appellanti-  
bus. Fuitque hic triumphati generosè mun-  
dani honoris actus in tyrone DEI servo tam  
efficax, ut nullo deinceps hominum respectu  
in ministerijs suis & Apostolicis laboribus ti-  
rillaretur, nullam unquam repugnantiam ad  
ejusmodi heroicis sui despectus captandos  
expertus. Donum præterea excellentissimum  
à DEO consecutus est prædicandi divinum

Societas Europæa.

verbum, dicebátque etiamnum tyro ad po-  
pulum in templis & plateis tantâ energiâ &  
spiritûs efficacîâ, ut columnas ab eo concuti,  
& petras scindi affirmarent auditores. Mul-  
tas eâ vi dicendi è prostibulis suis extraxit  
mulierculas, & pudicitiz restituit: atque ad  
eleemosynas talibus jam pœnitentibus in su-  
stentationem contribuendas auditores, ali-  
quando exhortatus, tantum zelo ardenti pro-  
fecit, ut 40. cives descendenti ex pulpito se-  
stiterint paratos, singuli ad singulas sumpti-  
bus suis domi alendas. Peraçto inter conti-  
num sui afflicandi & deprimendi studium,  
Novitiatu, totum se animarum saluti impen-  
dit, fuitque omnis illius occupatio prædicare  
Christum JESUM crucifixum, non minùs ver-  
bo quàm exemplo; sectando interim ubique  
sui



fui humiliandi, vincendi & mortificandi occasionem, licet virum & valetudinis esset imbecillæ, à qua tamen plurimum efficaciam derivabatur in suos sermones, qui nunquam expertes fuere lachrymarum, copiose inter dicendum per genas perorantis decurrentium, quoties præfertim thema dicentis erat Christi patientis tormenta. A concione pro pœnitentiæ tribunali confidens, expiabat quotquot ex auditoribus suis peccata confiteri vellent, qui non raro fuere ad unum omnes. Atque his laboribus præcipuas quasque Hispaniæ urbes percoluit, Cordubam, Vallisoletum, Salamanticam, Hispalim, Complutum, multis millibus animarum Orco ereptis, & claustris religiosi, magno numero concionibus suis ad DEI obsequium peruaforum, impletis. Ejus dicentis ardor & spiritus tam altè populi animis erat infixus, ut illius solus aspectus, dum pulpitu confcenderet, gemitus & lachrymas auditorio exciret, intuenti vultu phitisi exhaustum, oculos in lachrymis natantes, speciem totam ad devotionem & compunctionem compositam. Quoties autem nominandum peccatum mortale incidebat, quæ frequentissima concionum ejus fuit materia, efferebat id tam sacro horrore, tanto pondere, & ita notabili averfione, ut omnium animi horrore concuterentur, petris duriora pectora scinderentur, & terrore quantumvis inveterati peccatores percellerentur: quod longè magis accidebat, cum dictioni ordinariè præcationem ad Christum ardentissimam subjiiceret, cujus cruci affixi imaginem brachijs amplexam tollebat in altum, tunc maxime, cum viribus & voce defectus progredi ultra non poterat, (unde dicendo mediam horam nunquam excedebat) omnes enim in singultus & fletum effundebantur, cum viderent ardore dicendi lassum in pulpito concidere, neque ultra procedere valere.

Neque prodigio abfimile fuit his, quibus extra Societatem notus erat; quod, cum gratiâ tunc dicendi nullâ polleret, tantoque auditori conciones ipsius tadio fuissent & nausæ, ut sensim ab eo audiendo omnes dilaberentur: post ingressum tamen religionis, extraordinario prorsus talento dicendi præditus apparebat, ut desertis alijs Oratoribus certatim omnes ad eum audiendum, aut saltè in cathedra videndum accurrerent. Vis tamen maxima Spiritus sancti in eo notabatur, quoties ad perditas mulierculas sermonem habebat, quarum aliquando in concione 40. præfentes, omnes pedibus ejus accidere, sce-

lera sua deflentes, maximâ omnium admiratione; atque ab eo honoratis personis commendatæ, dum honestis nuptijs, aut in alio congruentè statu elocarentur. Aliàs feriâ tertiâ Bacchanalium ingenti dolore tabescens super gravissimis sceleribus, quæ his diebus à mortalibus committerentur, incitari se vehementer sensit ad eadem vel ad unam horam impedienda. Ergo Rectoris permissu in urbem Compluti egressus, rectâ prostibulorum receptacula, toto vultu & pectore inflammatus petit, tantumque suasionibus suis & lachrymis spatio horæ quadrantis apud illa dæmonis mancipia profecit, ut omnes infami vitæ remisso nuncio in potestate Patris se futuras conclamarent, incredibili urbis attonitæ stupore, cujus cives certatim eas sibi sustentandas poposcerunt. Pater verò gaudij vix compos, de triumphato tali die dæmone victor domum repetijt. Atque ejusmodi impulsibus sæpissimè divinitus agebatur Pater ad diversa loca & personas adeundas, quas in peccatis obstinatè hædere DEUS illi revelabat, pari semper eventu, & ipsarum ad meliora conversione. Evocatus aliquando peregrè ad confessionem præcipuæ Marchionisfæ audiendam, cum ad certum in via diversorium perventum est, nullâ apparente causâ multo descendit, mirantèsque famulos, qui ad se deducendum missi fuerant, ad dandum jumentis pabulum coëgit. Diversorium ingressus, propè januam, quâ omnium transitus erat, confidens, rotus in lachrymas & singultus magnâ omnium admiratione dissolvi cœpit; siquidem nulla horum causa cuiquam apparebat. Cognovit interim divinitus Pater aliquot istic mulierculas agere, de questu corporis vivere assuetas, à quibus causam tanti doloris rogatus, *vestm*, respondit, *scelera deploro, quæ inferno animas vestras æternum addicere propentis!* perrexitque eò amplius fletibus indulgere. Tantus autem indè metus in cordibus perditarum exitit, ut ipsæ longè magis ad libidines suas deplorandas compunctæ, remedium à Patre suggestum, suâ constantiâ acceptârint: comites autem viæ, animadverso tam mirabili eventu, cognoverunt muliercularum perditum statum cœlitus ei revelatum fuisse, ejusque rei admiratione totam Marchionis aulam impleverunt. Cum aliquando pro concione petijisset ab auditoribus pro constitutis in peccato lethali elemosynæ & precum suffragia, duo primæ nobilitatis tum præfentes, vitio carnis, publico omnium scandalo, obstinatè dediti, continuè ejectionis



ejectis concubinis vitam continentem vixerunt, ut optimo exemplo civitati deinceps fuerint. Alius ex simili nobilitate capitales diu gerens hostilitates, in necem adversarij cæcus jam ruebat; cum in transitu propè Ecclesiam, in qua Pater concionem habebat, curiosè eundem auditurus intravit. Divino autem penitus instinctu Pater de inimicorum amore dicere aggressus, animum ejus ita concussit, ut odijs omnibus, quæ cum pluribus exercebat, positis, Patri supplex acciderit, seque in ejus futurum potestate, quidquid fieri jussisset, sponderit.

Hi tam rari concionum ipsius successus, & vis divina pervellendi intimè corda peccatorum, generabat in ejus animo summam quandam confusionem, & delictorum suorum erubescientiam, quæ cum illi ob oculos continuè versarentur, æstimabat illa nunquam congruè & sufficienter à se deplorari, ideòque Auditorum preces ad impetrandam illorum apud DEUM veniam assiduè exposcebat. Ex quo sui rubore nascebatur in eo profundissima quædam & sincerissima humilitas, quâ se omnibus in mundo deteriore æstimabat, cupiebátque ab omnibus eo loco haberi, contemni, opprobrijs & injurijs affici: quod obtineri non posse videns, hostis ipse sibi factus, nullam sui affligendi & persequendi occasionem & praxim intermisit, vel ullam diem absque ea elabi passus est. Ad vilem de se opinionem ingenerandam solebat aliquamdiu omissis consultò idoneis ad materiam conceptibus, absque quædam, & minimè ad propositum facientia concionibus inspergere, quoad Superiores rem assecuti inhibuerunt. Aquâ ad lavandum asperimâ hyeme utebatur gelidâ, perinde atque altâ ætate, quâ etiam partes corporis maximè sensitivas mergebat, & à cervice in collum & dorsum infundebat. Diligenter evitabat omne id, ex quo auctoritas ipsi & fama accrescere posset, in colloquijs uti solitus verbis paganis morerudium, agrestes & rusticos mores simulans, quasi non satis foret animi compos, idque maximè in congressibus eorum, quibus non erat notus & familiaris. Vestitus illi constanter fuit detritus & vilis, tanquam domesticorum postremo: conversatio & colloquium domesticum semper cum Laicis Coadjutoribus: patientia in doloribus & molestijs ex phthisi inconcussa, pro quibus tanquam certæ DEI beneficentiæ muneribus, assiduas gratias referebat; prout patuit ex responso familiari Sacerdoti, asthmatis ejus & tussi con-

*Societas Europæa.*

dolenti, reddito; *mi Pater, minimè assequi videris, quantus thesaurus in hac ægritudine sit reconditus, & lucra meritorum quæ mihi confert!* Pulpitum ascensurus, acri prius semper flagello in se sæviebat, præter ordinarias suas flagellationes, & singulis hebdomadis publicè in triclinio à se obiri solitas: quibus tandem à superioribus intuitu debilium ejus virium interdictis, institit tamen importunè, etiam apud S. Borgiam, Commissarium tunc Societatis per Hispanias Generalem, id ut sibi liceret: cui postulato respondit Sanctus verbis, lenitatem & moderationem Superiorum Societatis luculentè declarantibus: *id quod à me postulas, ut liceat spatium saltem unius Miserere concioni habendæ flagellatione corporis animum preparare, nimis multum mihi videtur, suffecturi videntur flagelli quindecim ictus; de quo ipso audiendi erunt Superiores, ne vires animarum saluti tantoperè necessaria prosterantur. Publicam tui in triclinio quot hebdomadis diverberationem obire poteris, sed non nisi super vestem, quâ indutus incedis; quindecim illa disciplina verbera non minùs accepta erunt DEO, quàm si plura fierent spatium Miserere, cum sancta obedientia ita præscribat.*

Septem duntaxat decurrere Patri Antonio in vita religiosa anni, quibus tamen plura egit, quàm alij septuagenarij Religiosi. Ultimas ejus conciones excepit Complutum, quo anno 1562. missus dixit ad mortem usque, eo animorum profectu, in literatis præcipuè, quem declarabat tot lectissimorum adolescentum in diversas Religiones ingressus. Ab ultimo sermone, quem incredibili omnium motu habuit, ut diceretur Angelus non homo fuisse locutus, veluti cygnus morti suæ præcinens, inter brachia deportari in cubiculum debuit, prævalente tabe phthisis: ubi ardente febre oppressus, & periculum vitæ conjectans, timore magno ad supremam reddendæ rationis horam se comparare cœpit, precèsque & sacrificia domesticorum & aliorum invisentium postulans, omnia pro suis peccatis fieri rogabat. At ubi Medicus apertè certum vitæ discrimen annunciavit, incredibili solatio perfusus, majore deinceps quiete & malaciâ omnium admiratione fructus est, quàm unquam aliàs. A receptis SS. Sacramentis, cum noctem illam apud se pervigilem transigere vellent quidam Patres, negavit illâ se moriturum, sed eos in tempore de exitu suo moniturum. Quibus præter unum digressis, unus occultè, nè adverteretur, subsistens observavit, ad Crucifixum, qui propè lectum



lectum erat, conversum, inter cetera dixisse : *Domine, migrare equidem vellem, sed melius jam mihi esse nunciant : tu de me id consule, quod in tuum majus obsequium cedit.* Die altero cum matutinis horis situi mutando moveri petisset, & Infirmarius candelam ardentem eo articulo fidelium manibus inseri solitam, offerret, negavit tempus adesse : sed unâ horâ post Patres convocari ad transitum suum DEO commendandum jussit ; qui cum frequentes lectulum stipassent, & sensibus omnibus destitutum, etiam animam egisse jam crederent, quod nullum percontantibus responsum vel annutum daret, ipse repente in verba solutus, ardentissimum ad divinas tres Personas alloquium exorsus est, voce tam forti & integrâ, quàm unquam valentissimum, perorare audierant, affectu tenerissimo, quali peccus illius semper exundabat. Tum valere omnibus jussis, accepto in manus Christi cruci affixi simulachro, cum lachrymis precatus est, *Agnus DEI qui tollis peccata mundi, etiam hujus scelerati peccata tolle ;* Et subjectis ad DEI param illis Ecclesiæ verbis, *MARIA Mater gratia, Mater misericordia, Tu nos ab hoste protege, & mortis horâ suscipe,* animam placidissimè exhalavit, Anno 1563. 12. Januarij, ætatis circiter 45. Populum casus vehementer perculit, vulgòque pœnam ab irato DEO inflictam ob sua scelera interpretabantur, quod is Vir sibi esset ereptus. Ad exequias concursus maximus fuit, passimque sanctum

appellantium voces audiebantur ; mansitque ejus memoria tam omnibus jucunda, ejusque ponderis, ut inter sacras conciones dicta illius & facta nominatim, instar summæ auctoritatis afferrentur.

Solebat is animum suum ad fervorem excitans, à tepore & superflua valetudinis cura diversis sententijs, veluti quibusdam tessaris avocare, inter quas præcipuæ erant : *ne erres stultè laborator, quasi unius jactum temporis sarcire alio possis ! non enim ad delenda perfectè hujus diei peccata est satis hic dies. Bene quidam Sapientum monet, non vivitur unus dies bene, nisi tanquam ultimus vivitur. Quid est quamobrem vitam expetis ? nempe peccata ut vindices, strenuè ut labores, ut in DEI te laudem atque servitium impendas ; atqui ecce vita suppetit, quid ultra quaris ? præstò est quod optas ; an alterius erit conditionis id quod præstolâris ? nunc te, nunc ad pœnitentiam erige, morere tibi : stude tuimet cognitioni, perpetua DEI laus vita tua sit, ora sine intermissione : orationis tempore sic utere, quasi cœlesti pane ad animi nutrimentum.* His aliisque hujusmodi vocibus assiduè castigans ac stimulans se, addebat currenti calcaria, totusque ardens, nec locum torpori relinquens, quemadmodum Valderavanus Provincialis ad Lainium scribens appellat : *carbo videbatur ignitus, qui & domesticos & alienos divini amoris igne succenderet.*

*Ex Historia Societatis & Tomo 1. Nierembergij de Viris Illustribus.*

## P. PETRUS MARTINIUS cum Socijs circiter 30.



**L**Ucronij Urbe Castellæ Anno 1564. invalescente lue, initio plurimi plebejorum destituti jacebant, nondum clarè comperto, pestilentia malum esse, quos Patres nostri ad Nosocomia conferebant, ibique corporibus simul eorum atque animis medebantur. Cognitâ dein apertè contagione, cum locupletissimi quique Urbem deferrent, Martinius Collegij Rector bonam pecuniæ summam à migrantibus corrogavit, necessitatibus inopum remanentium, quos prævidebat fame simul cum lue colluctaturos. Verebantur initio peste attacti ad se Patres accersere, nè eos inficerent : quod Rector animadvertens, luce sacrâ DEI paræ Elisabetham salutantis

conscenso pulpito, concionem mœstam discessu ab Urbe præcipuarum, cum potiore Clero, Familiarum, solari institit, jussitque fidenter quemlibet è Collegij Socijs, quorum tres Sacerdotes & totidem fratres incolebant, incasum quemlibet evocare. Exinde vicatim ipse ac ceteri Sacerdotes Urbem obire, nè quis Sacramentorum expers decederet : Fratres verò stipem & corporis nutrimenta, atque obsequia omnia indigentibus exhibere. Præmium operæ fuit, concupita mors omnium trium Sacerdotum, & unius è fratrum numero, non sinè remanentium invidia, quorum alter bis, alter semel ex pestilentia confurgens, idem munus cum unico Sacerdote Ecclesiastico superstite, miseræ civitati præstare pergebat. Erat Martinius ex oppido Castellæ





P. Petrus Martinus Hispanus, ingenti naturæ violentiâ Societatem amplexus; sed in eâ maximâ animi pace, et animarum zelo versatus: Charitati pestiferis exhibita immoritur Lucronij Anno 1564. ejus exemplum et mortem secuti alij circiter 30. Socj.

læ Ribafreea, Vir acri pollens ingénio, pietati & orationi, potissimum quæ mente decurritur, mirè addictus. Hic emenso Philosophiæ docendæ curriculo, interiore instinctu ad Societatem se impelli sentiens, atrocissimam in ea deliberatione expertus est luctam, sic persuasum habens, Societatem sibi pro gehenna fore; tantus erat refugientis ab ejus Institutis horror! Indè verò manifestis adeò incitabatur vocantis DEI argumentis, ut tandem inter mortales luctas decreverit, satius esse infernum illum subire, quàm DEO fieri contumacem. Igitur sub Annum 1556. postquam Archi-Episcopo Granatensi, cui erat consobrinus, summè annuente, ad Societatem cum uno è suis in Philosophia discipulis transijt, mirum quantum suâ se falsum opi-

nione deprehendit. Prostebatur enim, si DEUS optionem daret deligendi, imò & fingendi cogitatione ad suum arbitrium vitæ mortalis genus aut locum, eumque ex universa rerum natura sive in terra, sive in cælo combinandi, nè punctum quidem temporis alibi, quàm in Societate futurum. Omnem suam Christianæ Philosophiæ ex prolixo meditationum studio collectam sapientiam, in qua se Magistrum credebat, tenebras appellabat, in quibus ad cœptum usque Societatis Tyrocinium iter veræ sapientiæ cæco pede tenuisset; in hac autem clarum quendam sibi obortum diem, repertamque virtutis exercitationem in ordinem & modum, & quasi artem redactam. Cujus divino lumine utens, ità in sui despicientia proficiebat, ut infra hominem



minem haberi vellet : solebātque dicere, cū ad id temporis DEUM inter pulchras mente conceptas imagines, sublimēsque contemplationes investigāset, jam demum comperisse, inveniri aliter haud posse, quā si quis, id quod de se ait Psalmista, fieret *ut jumentum*. Supremum ad agonem ungendo, cū sacrum domi non adesset oleum, idque Sacerdos Clericus Abecia nomine, ē Principe templo afferret, prōque ea, quā Patrem amabat charitate, in lachrymas mœoris erumperet : *quid est, rogat Pater, quod fles? si nōsses felicitatem, quā propediem copulandi sumus, profectō lachrymis abstineres.* Sub hæc, mœstitiā totius Urbis, publicis exequijs, feretro undique floribus insperso decoratur, & uti prædixerat, triduo post Abecia præeuntem in cælum consequitur.

Eandem charitatis palmam, adepti sunt  
*Ex victimis Charitatis Alegambe.*

## P. ANTONIUS MARTINEZ.

**I**N multarum animarum salutem natus factusque videri potest P. Antonius, earum præsertim, quæ dæmonis fraudibus magis irretitæ, in evidentiori salutis discrimine versabantur. Lucem quam in Hispania primam accepit, eidem cumulatē in multis suis indigenis meliorem restituit, in Provincia Castellæ veteris saluberrimē operando, præcipuē cum Rector præesset Oviedi : neque enim contentus suam privatim operam offerre omnibus, divisus latē per viciniam Socijs, ardore suo in munus Apostolicum vehementer accensus, utilissimas missiones instituit. Indē missus ad Collegiū S. Jacobi, rarum in paucis eventum habuit in homine peregrino, aliunde ad Divi Apostoli sepulchrum venerandum fortē advenæ; nam toto octennio Sacramentorum percipiendorum avidissimus, illis tamen perfrui, dæmone pertinaciter impediēte, nequibat. Spectabilem hic sæpius illi se offerebat, & obicem à se poni, quod minus divina mysteria perciperet, fatebatur; DEO itā, ad probandam hominis seu fidem, seu patientiam, permittente. Elapsis jam octo annis, sensit interiūs animum incitari, ad Collegiū Societatis confessionis causā ad-eundum : cui obsecutus, in angulo atrij diu prope januam vultu dejecto, tristitiā penitus absorptus hæsit, nemini cur adesset indicare ausus : donec illum in transitu conspiciatus

ab obsequio pestiferorum per ea tempora ab Anno 1558. in Hispania demortui : P. Bernardus Gestii Collegij Rector Barcinonæ, cum omnibus, si unum fratrem excipias, domesticis. Valentia, Jacobus Saravia, & Martinus Gaona Coadjutores. Murcia P. Marcus Salazar, P. Marcus Fontana, P. Gaspar Lopez, & Petrus Cabrera. Gandia, P. Joannes Spina, P. Jacobus Garin, Joannes Foraxia, Michaël Bielsa. Caesar-Augustæ, P. Joannes Fernandius, P. Joannes Garcias, P. Joannes Moxica, P. Alphonfus Lozanus, Jacobus Torrezilla, Jacobus Diaz, Antonius Assentius. Pater item Oriscius, & duo Coadjutores. Hispali denique P. Alphonfus Velasus, qui sub auditam pestilentis homologesim, cū ad curandam miseri salutem etiam ulceri manum apposuisset, continuō ictus, intrā diem quartum decessit.

Antonius, multāque in oculis conscientia perplexitatem legens, quæsiuit, num peccata confiteri vellet? perlibenter verò id se facturum respondit miser, eāque sola de causa venisse, paratum opperiri quousque Patri placeret, dummodo Sacerdos reperiretur, qui aures sibi dare vellet confessuro peccata, quæ horrorem & stuporem audituro essent allatura. Hic Pater magnā amoris & promptitudinis significatione, ultro se ad excipiendum pœnitentem obtulit, nihil tam atrox & enorme dici posse confirmans, cujus remissionem consequi nequiret, dummodo sincerē & integrē omnia recensere in animum inducat. Ergo priusquā homologesim exordiretur, infelix, ante omnia recensuit, *octo anni sunt, in-quiens, quod à certo loco & civitate peregrinus discessi, viāque legens in alium itidem ignotum peregrinum incidi, qui post multa alia de Religionē & Lege, quānam sequeretur, ex me sciscitatus est; cūque respondissem, me Christianum esse, omniāque quæ Fides Catholica credenda, proponeret, firmiter admittere: denuo quæsiuit, cui bono coronam precatoriam de cingulo circumferrem? & quid in consecrata Hostia adorarem? respondi ad singula quod res erat. Tum ille, quid, inquit, mihi daturus es, si viam te legitimam & rectam ad salutem docuero? erras enim nimio opere, & omnes tecum Catholici. Ego his exterritus, & sinistra omnia de homine suspicatus, conabar me ab ejus societate separare; sed frustra omnino, illo pertinaciter, quem-*  
cunque





P. Antonius Martinez Soc. Iesu Hispanus, Dæmonum pellendis fascinis, et inveteratis peccatorib, convertendis à Deo destinatus. Vitam in obsequio pestiferorum amisit Lucronij 17 Julij A° 1564.

15.

cunque inire callem, adherente, & materiam sermonum aliam inferentem, ad idem semper retrahente. Tandem disertè intulit, à DEO commissum, ut veritatem me edoceret; capique Fidei articulos ex ordine impugnare, spondens fore, si animum inclinarem ad Religionem Catholicam deserendam, ut DEUS per me miracula operaretur. Hæc ad hæc, fateor, dubius, & in Fide nutare capi: ille autem me secum abstractum duxit per loca infidelium Maurorum & hæreticorum: è quibus multos postea deprehenso Pater in S. Inquisitionis tribunali debitis supplicijs vidit affici. Ego verò, pergebat idem recensere, ad mentem subinde redux, denuo conatus sum ab homine me expedire, sumque professus, singula à me credi, quæ Fides Romana doceret. Non ita fiet, subjecit

personatus è Tartaro genius, ego enim in te operari volo miracula, quorum primum erit, ut intra octo annos nullum Sacramentum, esd velles, percipere possis. Et perlibenter integrè te veritatem edocerem, nisi ijs quæ penes te habes pessima amuleta, impedirer. hæc autem erant; Crucifixus & Rosarium. Inde ad diversorium quoddam deductum, ad potum, cui prius pulverem aliquem indiderat, coëgit; ex quo is deinceps effectus secutus est, quod sumptus cibis & potus non stomachum, sed nares, cum periculo suffocationis peteret, ut idcirco totum octennium sacrâ Mensâ abstinere miser cogeretur. Et licet diversis Confessarijs calamitatem suam aperiens remedium quærivisset, omnibus tamen grave in eo scandalum & aversionem passis, rejectus est, ut

adcir-



idcirco se à DEO penitus reprobaturum credens, parum à desperatione abfuerit. Atque hoc alterum fuit prodigium, quod in eo exhibendum dæmon prædixit, ut omnibus esset horrore, scandalo, & formidini. Multas adhibuit pœnitentias & preces, ut DEUM ad solvendum fascinum conciliaret. Tentavit aliquando citra præviam confessionem (quod nemo audire pœnitentem vellet) Eucharistiam percipere; sed dum vicinior aræ accedit, omnia candelabra ab altari in solum decidere, ipsūque templi tabulatum contremiscens ruinam minabatur. Magnā igitur animi contritione peccata deinceps enumerantem, Pater ab illis, unāque à fascino penitus solvit, & ad sumendam Eucharistiam ipse deduxit: quā multis cum lachrymis perceptā, versus ad Patrem peregrinus DEO plenus, ejus nomine significavit, gratum id DEO obsequium in sui à dæmone liberatione accidisse; ideoque DEUM ad multos è barathro gravium scelerum eripiendos, & plurimos pauperes ac destitutos adjuvandos, ejus operā usurum esse: cujus vaticinij ab ore pauperis veritatem, Pater deinceps ex varijs eventibus abundè comperit, dum varias indefessus missiones constanter obiret.

In his aliquando in pauperem incidit super sterquilinio animam agentem, per 40. annos nunquam legitimā confessione expiatum, reperitque ultimā de salutis desperatione plenum, & horrendis dæmonum larvis circumseptum, quæ tamen ad Patris accessum subito recesserunt. Dum verò Pater illum ad confessionem hortaretur, vidit mendicus lateri ejus juvenem gravi & speciosā formā adstantem, qui id ipsum summopere suadebat. Itaque exorsus multis lachrymis, cum subinde in clamosas voces erumperet, iterūque voce interruptā hæsitaret; monuit Pater, ut submissā voce loqueretur, cui moribundus, vocem sibi à dæmonibus, tantum non præfocato gutture, intercipi dixit, atque minas, cum exprobratione tot scelerum eminens intentari, si ea aperiret. Finijt nihilominus constanter confessionem, & perceptā sacramentali absolutione, vitam simul continuè absolvit. Alias iter per expeditiones suas Apostolicas agens, amissā viā alioquin sibi notissimā, infemitam declinavit, deductusque est in aviamontium & vallium; donec diu per noctis tenebras exerrans in casam incidit, ubi spiritum trahebat extremum mulier è fluxu sanguinis, ab octo diebus instanter DEUM precata, ne absque confessione vitā excederet.

Aderat & alia persona, peccata quædam nulli hætenus Sacerdoti per nefarium sacrilegium confessa. Igitur post utramque legitimè expiatam, gratus agnovit singularem DEI circa suos prædestinatos providentiam, à qua, nec cogitans, per invisos errores eò deductus fuisset. Atque hujusmodi plurimi casus illi evenerunt, per similes eventui, quem ipse expertus erat, ejus occasione ad Societatem complectendam impulsus. Nam morbi violentiā in ætate juvenili ad suprema deductus, posteaquam votum emisit Societatis, si convalesceret, ineundæ, extemplo vires cum plena valetudine recepit: atque idcirco expertus ipse agonis mortalis angustias, libenter præ alijs, luctantibus cum morte, opitulari amavit. Solenne inter reliqua fuit P. Antonio, omnibus locis, quibus operam Evangelicam impenderet, suadere cultum & fiduciam in Virginem DEI Parentem: igitur cum integrum aliquando pagum induxisset, ad dicendum Virgini deinceps Rosarium, visa est per eos dies ingens fax ante illius imaginem colucere, quā P. Antonij Parthenium zelum indicari DEUS significavit, quo Virgineum honorem illustraret, & conspicuum magis redderet.

Revocatus subinde ad gubernationem Collegij Lucroniensis, anno 1564. cum pestilentia repente urbem invadens acerbissimè grassaretur, & civium potentiores quique velut ab incendio fugā se proriperent; Pater consensu pulpito, magnā charitate solari conatus est reliquos, quò se ab infortunio reciperent, ignaros: securos unā esse jubens, neminem è suis (quorum tunc seni Collegium incolabant) civitate excessuros, ut diu noctūque promptā operā adessent peste contactis: atque adeò in magna felicitate reposituros, si tam sancto obsequio immori concederetur. Moxque labori admotā manu concurrere finguli plateas, pestiferos in domibus scrutari, adesse animis & corporibus omni ope juvandis: cumque multos reperirent pauperes malo prostratos, fame magis quàm peste interire, quod ditiores ab urbe annonam secum unā aveherent; egit efficaci zelo Antonius cum Magistratu, effecitque, ne quid commeatus efferrī permitteretur; claves quin adeò à publico granario in potestatem accepit, unde quavis occurrente necessitate, quantum sublevandis egenis opus foret, petere posset. Itā multis in vita, Patrum industriā charitate servatis, omnibus verò, quos pestilentia mali superaverat, ritè ad æternitatem paratis, remittente



tente jam æstu contagionis, Rector subito veneno afflatur, dum Juvenis eodem infecti confessionem excipit; & quidem tam violento, ut solos sex dies viveret superstes, quibus mira quædam circa illum evenere. Nam cum festinari urgerent Medici Extremam Unctionem, negavit ejus adhuc necessitatem adesse, sed in tempore à se expetitur iri: septimòq; die illucescente petijt solus relinqui, & duas circiter horas ardentissimis cum Christo & Cœlitibus colloquijs in oratione transegit. Tum evocatum F. Joannem Sanchez, qui unus è Socijs mortem evaserat, & ægro tum deserviebat, extemplò Sacerdotem pro Extrema Unctione accersere jussit: adfuitque mox ex Ecclesiasticis Antonio addictissimus Sacerdos P. Abecia, qui cum moribundum reperisset Crucifixo manus armatum, oculis in cœlum levatis toto vultu ad superna aspirantem, adeò commotus est, ut lachrymis in singultus desinentibus prosequi unctionem nul-

latus posset. Illum proinde erecturus Antonius, ingenti collecto spiritu in hæc verba affatus est: *quid est, quod tantum ploras Abecia? si scires felicitatem, quæ me tecum unâ præstolatur, certè nequaquam fletes!* simulq; oculos tuendo Crucifixo restituit. Absolutâ subinde unctione, inter ardentissimos charitatis actus, & Crucifixi amplexus, paulò post felicem animam DEO Antonius reddidit 17. Julij Anno 1564. Mirum etiam omnibus visum est, faciem in mortuo longè amœniore formâ conferenâsse, quàm unquam in vivente apparuerit. Sepultus est totius Cleri, omniumque Sodalitatum, qui superfuerant magno dolore & concursu: quem tertio post die, simili malo extinctus Abecia secutus est, ut ad fruendum eadem felicitate, quam Antonius utrique prædixerat, perveniret. Multò etiam his plura referuntur vaticinio ab Antonio spiritu prædicta, quæ singula suum designato tempore eventum consecuta sunt.

*Ex Nierembergij Tomo 1. de Viris Illustribus, & Ludovico de Valdivia.*

## P. JACOBUS LAINES.



Ater Jacobus Laines tertius S. IGNATII in moliendo Religioso Ordine Socius, natus Almazani in Hispaniæ Regno Castellæ Anno 1512. honestæ & lautæ fortunæ

Parentibus, in ipsâ infantia à morte penè prodigiosè emerfit, cum Matre animi gratiâ Segontiam profectâ, lapsum in flumen cum infantis gerula jumentum, utrumque in aquas effudit. Et infans quidem secundo flumine rapiebatur in interitum, nisi avunculus viæ comes equo calcaribus adacto fascijs arreptum extraxisset, alterum velut Moysen, multis è captivitate dæmonis Ægyptiaca educendis futurum Salvatorem. Latinitate imbutus Segontia, Philosophiam Compluti audivit, in eadem Magisterij Laureâ publicè donatus: jam tum in egenos adeò beneficis, ut plus inopiæ alienæ sublevandæ, quàm vitui quotidiano expensum tulisse, rationibus subductis compertum sit. Indè Parisios cum discendi gratiâ, tum IGNATII videndi, cujus ingens Compluti fama vigebar, cum Alphonso Salmerone profectus, illum ipsum primò obvium in Urbis ingressu habuit, cujus in posterum consilij studia & vitam omnem moderabatur. Eodem directore integrum mentem sacris meditationibus, ad deligendum certum vitæ statum exercitus, triduum totum

cibo abstinuit, alios verò 15. dies solo pane & aquâ jejunus traduxit, perpetuâ interim oratione, lachrymis, cilicio, atque flagellis usus. Tertius itaque condendæ Societati IGNATII se addixit, annorum circiter 22. adolescens, & Philosophiæ repetendæ studijs, antequam Theologiam auspicaretur, hortante illo, animum appulit. Emissis subinde cum reliquis Socijs in monte Martyrum votis, ubi tempus advenit Venetias ad IGNATIUM Anno 1536. proficiscendi, ut inde in Palæstinam simul omnes ad infidelium conversionem transmitterent, iter omne, imbecillâ quamvis valetudine pedes confecit, cilicio per totam viam indutus, scriptorûmque sarcinâ onustus; & sicubi flumen trajiciendum esset, vadum prior ipse tentavit, neque semel humeris suis Socios debiliores transvexit. Præter invia itinerum à nivibus obseptorum, militum, & prædonum pericula, præsentissimum fuit, quod in transitu per Germaniæ partem hæreticam à sectarijs imminabat, quorum ministelli in pagis & oppidis singulis lacestebant, & disputando semper inferiores, in furias scilicet & ultionem agebantur. Inter reliquos non procul à Constantia in pagum Lutheranorum inciderant, cujus Ministellus à Fide apostata ad diversorium ipsos secutus, primores pagi secum ad plausum præcoccem adduxerat, ac prior audacter Socios ad certamen.

M

men.

*Societas Europæa.*





P. Jacob Laines S. I. Hispanus, ex primis decem S. Ignatii Socijs, et secundus Societatis IESV Generalis, Pontificus in Concilio Tridentino Theologus, plurimis pro Ecclesia DEI laboribus, et Missionibus perfunctus. Obijt Romæ 19 Januarij A<sup>ni</sup> 1565. Aetate 53.  
18.

men provocârat. Conditionem loco omnium acceptavit solus Laines, sustinuitque tam feliciter horas aliquot, ut adversarius stringi se intelligens unde nullum reperiret exitum, vicisti, exclamaret, nec quod possim opponere amplius suppetit! vis præterea aliquid aliud? Planè, subdit noster, aliud restaret, abjecto scilicet errore istos quoque eximeres, qui tuâ fide illi credunt; nam cur tueris & doces, quæ vides cum vero non posse consistere? & nôsti optimè, à Fide errantibus, multoque magis alios avertentibus, æternas pœnas esse comparatas. His homo in furorem actus multa dictu fœda & barbara evomere, ac minari, rescituros postmodum, ecquem haberet præter disputationem sui tuendi modum. Cum dicto ubi se proripuit, non defuit homo Catholicus ma-

gnopere suadens, quàm primùm aufugerent, hominem esse eo toto tractu potentem, pejora etiam quàm minatus fuerat ausurum. Sed renuit cum Socijs in tam sancta causa fugam. Laines, gratulatus sibi, si quam in Palæstina, quæsitum ibant pro Fidei defensione mortem, magno compendio in Germania invenirent. Noctem igitur propè totam precando, invicemque animando ubi consumpsērunt, vix dilucescebat, cum procerâ vir & elegantî formâ ingreditur, & ducem se viæ ultroneum offert, deducitque insolitis planè, transversis, neque ullo vestigio tritis semitis, per 8. circiter passuum millia in viam regiam ac militarem. Quòdque admirationem omnem superabat, curiosius observantibus terræ solum quâ incedebant, nè vestigium qui-



quidem viæ ullius apparebat : & tamen cum reliqua omnia undique nivibus plena essent, sola illa, quâ ducebantur per ardua & invia, semita, nivis omnis penitus expers erat & sicca. unde & taciti repetebant subinde secum, qualis hic tandem est ductor, & à quo submissus, cui tam noti sunt adeo ignoti calles? Angelumque à DEO submissum constanter credere, præsertim postquam in viam regiam & vestigijs tritam deductis, amœnissimo vultu & arrisus, vale dicto, digito quâ eundum esset ostentans, mox aliò repente discedens evanuit.

Venetias postquam cum Socijs pervenit Laines, in Nosocomio ægrorum hospitium cepit, non ad quietem suam, sed ad omnia miserorum corporis & animæ obsequia. Quadragenario vero anni insequentis jejunio Romam profectus, ut Pontifice benedicente felix iter Hierosolymitanum esset, jejunijs ex solo pane emendicato, pedestrique itinere fractus, tantisque cœli pluvijs, ut genuumtenus sæpe aquis & luto inambularent, nunquâ tamen nisi in Xenodochijs divertebat, & quidem lecto, qui omnium esset immundissimus, & vermiculis refertus, ad majorem sui victoriam delecto. Romam nudis pedibus ingressi, & benignissime à Pontifice recepti, ubi Venetias rediêre, Nosocomio denuo se reddidit Laines, donec Sacerdotio suscepto primum rem divinam festo S. Joannis Baptistæ fecit. Vicentiam postmodum, Venetæ ditionis oppidum secedens, tugurium suburbanum desertum, sine portis, sine fenestris, 40. dies cum IGNATIO & Fabro incoluit, in sacræ Asceseos Exercitijs animum auspicandæ prædicationi parans. Et quia humi cubabant fame penè eneecti (nec enim panis mendicatio corrogatus tribus satiandis sufficiebat) in morbum incidit Laines, ut ad Nosocomium curandus deponi debuerit : à quo recreatus, in foro Vicentino latinè (quia necdum italicè poterat) concionabatur, solo nihilominus corrogato pane constanter victitans. Profligata interim profectio in Palæstinam spes omnis est, idcircoque Socijs operam suam ad quemvis Pontificis nutum obsequiosè deferentibus, impositum Lainio primum onus est docendæ in Sapientiæ Academia Theologiæ Scholasticæ, præter cujus magnâ cum laude explicationem, in Salvatoris simul & de sacra frequens concionabatur. Anno dein de sequenti 1538. post 40. iterum dierum ascensum, perpetuo jejunio & multiplicibus pœnis continuatam, firmato communibus

votis Societatis Instituto, jussus subinde est Laines & Faber comitari Cardinalem S. Angeli Parmam atque Placentiam, ubi tam severâ egit paupertate, ut nudus egensque in medijs frigoribus, vestem tamen à pijs hominibus oblatam acceptare noluerit, nisi jussu IGNATII impulsus. Concionatus interim assidue, catechesim meridianis horis per compita docebat pueros & rudes, IGNATII Exercitationibus, centum amplius, Parochos præsertim & Clericos, informabat : quibus omnibus instauratus jam tum est, qui in desuetudinem penitus abierat, frequens Pœnitentiæ & Eucharistiæ usus, eâ civitatis in meliorem pietatis formam mutatione, ut Parmenses & Placentini cœlo delapsus hominem jactarent, & 10. præstantissimæ indolis viri, odor virtutum ejus capti, Societati nomen darent. In his Hieronymus Domenecus fuit Valentiniæ Metropolitanæ Canonicus, qui ibidem è patrimonio suo Collegium Societati constituit : & Paulus Achilles jam tum Sacerdos, insignis postea animarum zelator : ac Benedictus Palmius, cui ad Medicorum desperationem ægrotanti, plenam sanitatem à DEO restituendam ex vero prædixit.

His Romam, & ad Pontificem Paulum III. delatis, eò libentius Societatem in Religiosum Ordinem erexit : revocatus autem ad Generalis electionem Laines, consentientibus in IGNATIUM universis, cum ille constanter onus recusaret, ipse summo ardore præ reliquis illum urgens, inter reliqua inquit : *vel onus à DEO impositum libens suscipe ; vel, per me licet, Societas recens inita dissolvatur.* Interea Frater illius Germanus, nomine Marcus, præstanti adolescens pietate ac formâ, cum multa in Hispanijs de nova Lutheri secta, simulque de novo vitæ genere à Lainio suscepto audisset, credidit illum sectarijs forrè accessisse. Quare illum ad Ecclesiæ gremium revocaturus Romam contendit; cujus eximie pietatis hunc fructum tulit, ut captus ipse pijs à Jacobo Exercitijs, Societati se consecravit, paucis mensibus eodem anno ad immortalitatem beatam evocatus, in quo gloriosus Lainio comparens, de salute sua securos reddi Parentes expetiit. Assumptus per idem tempus à Margarita Austriaca Caroli V. Filia, ut sibi à confessionibus esset & concionibus, non diu à Pontifice in eo munere relictus est : nam ejus jussu Venetias, flagitante Republicâ, migravit, ut quædam ibi ad Fidei incolumitatem spectantia procuraret. Irrepperant illuc non pauci hæretici, qui virus quò



rectius, eò latius disseminabant, ut jam etiam secreta celebrarent conventicula. Sed eos Laines concionibus assiduis per plura templa infectatus, à meridie insuper in templo Salvatoris Evangelium S. Joannis maximo hominum & Senatorum concursu interpretatus est, detectisque eorum fraudibus, Senatum impulit, ut efficacia ijs expellendis media arriperet. Neque paucos ab hæresi ad Ecclesiam reduxit, longè verò plures à vitijs ad vitam castigatiorem; Andream etiam Lipomanum, Canonicum Venetijs & Paduæ opulentissimum, inter alios quàm plurimos Exercitijs S. IGNATII excoluit: qui exinde tanto affectu Societati agglutinatus est, ut primum ei in Italia Paduæ Collegium sumptu suo fundarit. Eo se conferre iussus ab IGNATIO Laines, primus è Societate celeberrimam Urbem concionibus illustravit, & ad maiorem pietatem erudit. Hinc excurrrens Brixiam, quotidie per Quadragesimam in principe templo, Episcopi rogatu dixit, cum tamen alijs simul in templis ternas per hebdomadam haberet conciones, & assiduus in sacro tribunali totis diebus esset. Tantusque fuit dicentis fervor & doctrinæ efficacia, ut ex ijs, qui doctrinis hæreticorum seducti, vacillare in Fide inceperat, supra mille fuisse Episcopos, asseruerit, qui ejus dictionibus permotos se & convictos apud illum falsi fuerint, paratos idcirco pro veritate Catholica sanguinem cum vita profundere; longè autem major aliorum ab hæresi reductorum fuit numerus. Firmato in Religione Orthodoxâ populo, nihil ferè negotij fuit divinum rursus instaurari cultum, & pietatis viriditatem revocari. Exusta magna vis librorum hæreticorum, redditus suus vigor Sanctimonialium multum laxatis Cœnobijs, odia gravissima restincta, frequentia in usu Sacramentorum inducta, quorum nè ministri deforent, 12. è Clero sacrâ ascensi ab illo exerciti, operam in confessionibus audiendis gratuitam assiduamque collaturos sanctè sponponderunt. Ergo alia prorsus species paucis mensibus Brixie cum inducta esset, Vicentiam inde atque Veronam falcem Evangelicam transtulit, ubique privatis publicisque alloquijs eosdem metens fructus.

Anno insequente Bassani Quadragesimâ concionibus quotidianis transactâ, non hærefes modò, quæ ex vicina Germania totâ Urbe irrepebant, discussit; verum etiam incolarum animos in Religionis sententia ita confirmavit; ut deinceps contra latentes pestes acerrimè se defenderint. Tantæque de-

ejus doctrinæ ac sanctitate fama surrexerat, ut magnis conatibus ad Insulas & Pedum à diversis deposceretur, à Labacensi præcipuè Episcopo, qui eum in Coadjutorem assumere, successurum in Episcopali deinde Cathedra, contendebat; à Duce item Hetruriæ ad Pisenum, & iterum ad Florentinum Archi-Episcopatum. Interea Pontifex Paulus III. aperto Tridenti universali Concilio (ad quod Italia plures centum Episcopos & Archi-Episcopos, nec pauciores reliquos orbis Christianus submiserat, præter Regum & Principum omnium Oratores, Cleri totius, Religionum, & Academiarum Viros doctissimos) tribus Cardinalibus Legatis suo nomine Concilio præfuturis, adjunxit & Lainium nostrum cum P. Alphonso Salmerone, tanquam Theologos Pontificios. Ubi præclara utriusque gesta quia in Salmeronis vita damus, nè eadem ingratè recoquantur, sola quæ propriè personam Lainij concernunt, hic pertexemus. Tanta autem illius erat apud Legatos & Concilij Patres existimatio, ut cum ab IGNATIO, utiliore alibi operam navaturum credente, revocaretur Florentiam, datis ad IGNATIUM literis, ejus revocationi graviter intercesserint, quòd ejus opera præ reliquis Concilio necessaria judicaretur. Hinc cum ex Theologis alijs admodum paucis unius horæ spatium daretur ad dicendum, Lainio ternæ à Præsidibus horæ sunt concessæ: cum tamen celebrarentur in dies singulos bini conventus, matutini de morum reformatione, pomeridiani de dogmatibus Catholicæ Fidei; & Lainius ab habendis per dies Festos, & Dominicos concionibus nunquam cessaret. Eundem occupationum tenorem observavit Bononiæ, translato illuc Concilio: cumque illius ad S. Petronium frequentissimo concursu dictionibus, plurimæ ex scortis flagitiosisque sceminis resipiscerent, tutam eis Cœnobij propriam custodiam, ex corrogata à Concilij Præfibus pecunia constituit. Suspenso verò deinde Concilio, Florentiam ex IGNATII præscripto accessit cum Petro Canisio, ac repudiata hospitij oblata liberalitate, in valetudinarium S. Pauli divertit, cœpitque urgente Episcopo & Capitulo quotidianis partim concionibus, partim meridianâ S. Scripturæ in maximo templo ad confertissimum populum explanatione rem Christianam promoveri, nihil interim de assiduitate in audiendis confessionibus; alloquendis & reformandis Sanctimonialium contubernijs, remittens. Lustrato exinde missionibus Apostolicis Per-



rusio, Evgubio, Monte Politiano, constanter deinceps per anni decursum Florentiæ ex pulpito, & per Quadragesimam quotidie ad 8. vel 9. hominum millia peroravit, tantâ populi & ordinum omnium satisfactione, ut continuè de fundando Societati Collegio solliciti, sex septémve diversa loca ei erigendo ad delectum offerrent. Idem Pisis à se fundandum Ducis Florentini Coniunx, tot ex ejus laboribus emolumentis permota, prolixè illi detulit, cum pari successu eam Urbem, & Senas, Lainius continuâ dictione, audiendis confessionibus, catechesi, ceterisque consuetis Societati laboribus excoluisset, ingenti ubique morum emendatione. Eadem pari constantiâ & assiduitate iterum Venetijs egit, & in Patavini insuper Collegij erectionem ab eo Senatu consensum, summopere antehac ab ea re averso, feliciter modestiâ suâ & patientiâ extorsit.

His ex sententia pro DEI gloria gestis Lainem Pontifex in Siciliam mittit, rogatu Siciliæ Prætoris, & Farnesij Cardinalis. Eo in itinere Neapolim delatus ad ferias Dominici adventûs, conciones adusque anni exitum habuit, tantâ hominum fidei, ut eodem non raro die ter ipsi dicendum fuerit; tantis animorum motibus, ut de advocanda Societate confestim, parandisque illi ædibus deliberari sit cœptum. Appellus in Siciliam anni principio, ante omnia Farnesij Cardinalis, & Montis Regalis Episcopi Diœcesim lustravit, conciones unâ & catechesim ubique habendo, usque ad Quadragesimæ initia, per quam conciones quotidie Panormi, rogatu Pro-Regis habiturus, eò se contulit. Sed fractum tot tamque diversis laboribus & curis corpus non sufficiebat indefatigabili animo, siquidem post alteram dictionem dum tertio peroraturus suggestum conscendere parat, febri repentinâ corripitur. Ex qua tamen paulò post confirmatus, miraculum omnibus conclamantibus, cum de vita propè desperatum esset, concionibus illico se restituit, eo animorum motu, ut flagitiorum aperte notaretur repressa licentia, & in egenos magna erogaretur benignitas. Insanabilem egentissimo Nosodochio quingenta aureorum millia suppeditata, orbisque pueris, & conversis ad pudorem sceminis abundè prospectum: ex quibus per conciones Lainij ad frugè reductis, in ædes ipsa suas Pro-Regis uxor, 16. interim recepit, dum conquiritâ dote de vitæ genere honesto unaquæque decerneret. Studuit insuper Laines & Panormi, & in Monte Regali

sacrarum Virginum contubernia multum laxata, auctoritate à Pontifice acceptâ, restituere, DEO sanctum conatum patenti prodigio firmante. Dum enim in Montis Regalis Parthenone ad Religiosam formam revocando laborat, visa est ab earum multis, celebrantis Missam capiti candidissima imminere columba. Atque his tot fructibus iterum permoti Panormitani, Collegium Societati sine mora apud se statuerunt, foundationis sumptus ministrante Pro-Reginâ: Pro-Rex autem multis apud Carolum V. Cæsarem labores Lainij commendavit. Cum verò Ann: 1550. demandata fuisset Pro-Regi ab eodem Cæsare expeditio in Africam, & in ea Urbis, quam Leptim vocant, expugnatio, quod magna inde Siciliæ, & Neapolitano Regno à Turcicis piratis damna inferrentur, ante omnia ille Lainium sibi comitem adesse voluit, qui & animorum & ægrotorum curam gereret, & milites assidue hortando in officio contineret. Neque expectationem fefellit, nam excitato extemporalis ægrotorum Nosocomio, quorum in diuturna oblidione & torrido æstu magna vis erat, omne genus obsequij illis diu nocturne præstabat, & confessiones interim nihilominus totius quasi illius exercitus, postquam reliqui Sacerdotes omnes contagio militum afflati sunt, unus ipse constanter incolumis cum socio excipiebat, & concionibus ad fortitudinem animabat. Postquam autem Urbis expugnandæ dies certus edictus est, Jubileum militibus à Julio III. submissum promulgavit, tanto illorum ad pœnitentiæ Sacramentum concursu, ut noctes integras insomnes traducere cogeretur, quibus mutati vulgo mores repentinè à militia, quæ vitiis plerumque est officina, virtutis scholam effecerunt: testatique sunt multi à veteranis, nusquam militarem licentiam modestiorem justiorémque sese fuisse expertos. Expugnata tandem Urbs est, & Lainius in præcipuo Urbis fano Catholicis sacris lustrato, rem divinam & concionem habuit, & Turcarum quosdam sacro fonte lustravit. Duæ interim in ipso præ alijs animi dotes, mentes omnium in admirationem rapiebant; altera in bonorum fortunæ despicientia, altera in animi celsitudine sita. Eâ enim continentiam in castris ditissimâ prædâ onustis se gessit, ut magnam sæpe vim pecuniæ oblatam constanter repudiârit, solis elemosynis perpetuò victitans: cumque postremâ Urbis oppugnatione gregatim milites sua ad illum bona conferrent, si quid illis accideret suo illius arbitratu impenden-



denda, ipse ex adverſo tantò ardentius pro illorum vita ſervanda DEUM oravit. Evenitque, ut cùm multi ex alijs in expugnatione cecidiſſent, nemo unus ex ijs deſideratus eſt qui fidem Patri habuerunt, ſed ne quidem vulnere accepto pugnam exceſſit: quibus proinde ſingulis ſua reſtituit, fidemque liberavit. Nec minor animi celſitudo apparuit: per tela enim & ignes, glandesque machinis emiſſas intrepidus ibat & ſecurus, trepidantibus tamen etiam fortiffimis in exercitu viris; cujus ſecuritatis cauſam deinde rogatus, reſpondit: animi gratiâ, aut ſpectandi nunquam ſe prodiiſſe, ſed neceſſitate duntaxat, ut laborantibus opem ferret. Reduces in Siciliam tempeſtas graviffima triduo tenuit, onerarijs duabus diſſolutis & fractis, totidem cum aliquot triremibus merſis: cùmque exinde omnes de ſalute deſperarent, Laines tum maximè ſui ſecurus erigere omnes, ad placandum DEUM hortari, incolumitatem certam omnibus, uti reipſa evenit, polliceri. Drepanum Siciliae portum reveſtâ clâſſe, in terram deſilientes milites eam de Patre exiſtimationem omnibus indiderunt, ut non deſuerint qui tunicae laciniam, tanquam hominis verè ſancti & divini reſectam ſervârint.

Revocatus poſthæc Romam Laines ab IGNATIO eſt, animo, ut apparebat, munus regendæ totius Societatis in ipſum derivandi, à quo, coactis undique ad conventum celebrandum Patribus, omnimodè liberari petebat: ſed magno ruruſum Laines impetu vique dicendi impedivit, negans ab alio Societatem utiliùs adminiſtrari poſſe, quàm ab ejus principe & auctore. Habendis interea Romæ concionibus deditus, iterum invitatu Ducis Etruriæ à Pontifice Piſas ire jubetur: ubi præter fundandæ Societati domûs firmatum negotium, conciones publicas, reformatos ſacris Exercitijs aliquot Parthenones, illo maximè cives in admirationem rapuit, quòd vir ejus auctoritatis, pueros & rudes ad Catecheſim in plateis venaretur, crucem formare, precationes neceſſarias recitare doceret: quibus ut animos adderet, numulos quotidie bene meritis, de comæatu ſuo detractos, largiebatur. Reſumptum interea pacatis rebus iterum eſt celebrandi Tridenti Oecumenici Concilij negotium, & ad illud titulo Pontificij Theologi Laines cum Salmerone à Julio deſtinatus, ut appareat (ſcribebat ad illum Piſas P. Polancus ex Urbe) *tuas literas in Chriſti pauperibus erudiendis optimè collocatas, ſummòque Pontifici in ea opinione te eſſe, qui non orationem mo-*

*dò Dominicam edocere poſſis, eòſque Auditores, quos mercede conquiritas.* Exceptus Tridenti magnâ Concilij Patrum gratulatione, in primo mox conventu (in quibus primum ſemper dicendi locum jam habebat, cùm antea ultimum extorſiſſet) præfatus eſt, magnâ omnium admiratione, quoniam in rebus Fidei Synodalibus non humano, ſed divino ſtandum eſſet iudicio (quod ſacris in literis, prout eas SS. Patres interpretantur, apertiſſimè declaratur) nullum ſe pro ſua ſententia Patrem aut Doctorem allaturum, quem non à capite ad calcem pervoliſſet. Cùm tamen in proxima de SS. Euchariftiæ Sacramento diſceptatione, ſex circiter ac triginta ad ea quæ dicebat confirmanda allegaverit, inque ijs Alphoſum Toſtatum, ad cujus ſolius evolvenda monumenta ſatis eſſe hominis ætas videretur. Excipiebatur autem ſummo omnium ſilentio & approbatione mirificâ, eratque cunctis ſingulari ingenij & doctrinæ copiâ propè miraculo, cùm unus ipſe nonnunquam tres horas unum eundemque ſemper locum argumentis urgeret. Sed accidit perincommodè, quòd continuis fractum laboribus quartana invaderet, cujus depellendæ cauſâ vacationem aliquam à Concilio flagitanti, poſtulatatio rejecta eſt; adeò neceſſaria ejus opera credebatur, quòd illius primo loco dicta ſententia, dux quædam reliquis omnibus eſſe poſſet ad diſceptandum! Verum ut ægro-tanti conſulerent, communi conſilio caverunt, nè in eum unquam diem quo febris accederet, conſueti conventus indicerentur. Cùm verò certis de cauſis Concilij res iterum prolatae eſſent, S. IGNATIUS Lainium Provinciam Italiae gubernare juſſit, multum licet re-luctantem, & humilitatis ſtudio deprecantem. Quo munere in ſalutem animarum plurimum uſus, dum Provinciam obiret, totam ferè Italiam concionibus illuſtravit, de varijs ubique Fidei controverſijs, vitæque officijs conſultus: Genus autem pacta, conventa, & Mercatorum fenora ſic dijudicare, ex Senatus ipſius commiſſione ſolitus, ut jus & æquum ubique quaſiſſe, animosque laqueis ir-retitos egregiè liberâſſe ſit creditus: tantumque ibi concionando frequentius animorum motus concitavit, ut duo Societati apud ſe domicilia ſtatueret civitas concluſerit. Quadrageſimalibus autem diſtinctionibus incitavit Civium miſericordiam præter ſolitum in calamitoſos, cujus ea beneficentiæ vis fuit, ut aureos ſemel è concione mille, iterum 1300. tertio autem bis mille in miſerorum ſubſidia erogârit.

Acci-



Accidit ei in hoc Provincialis munere quidpiam, ex quo IGNATIUM summam cum moderatione prudentiam, Lainiique exiniam humilitatem colligere licet. Expostulavit semel iterumque Laines lenissimè cum IGNATIO, quòd Sociorum ex Provincia Romam accitu Collegia per Italiam necessarijs carerent operis: respondit IGNATIUS, dolere sibi quòd ita sentiret iteratò & scriberet, cum præsertim priore responsò monitus esset, communia anteponenda privatis. Proinde sensu suo diligenter expenso renunciaret, an ne errasse se agnosceret? sique deprehenderet culpam, simul adjiceret, quid subire pænæ paratus esset? Respondit Lainius Florentiâ, iterum ac sæpius se has IGNATII legisse literas, & in eis materiam erubescendi multam invenisse; quòd conatus fuisset supremæ providentiæ ordinem detorquere, cum suo Præposito totam, ac certius gubernanti navim, accommodare suam partis gubernationem debuisset. Quod verò ad pænæ attineret optionem, *habuit à ad DEUM preces, scribit, multis cum lachrymis, elegi, & nunc ipsum haud sine lachrymis eligo, ut R. V. (in quam totam hac in re conscientiam meam rejicio, æquissimo animo, quidquid jusserit, amplexurus) per viscera Domini nostri removeat me ab alijs regendis, & à concionibus habendis, & ab omni literarum tractatione, unico relicto Sacerdotali Breviario, jubeatque Romam mendicantem ire, ibique in culina aut triclinio, vel horto: vel, si minus ad hæc idoneus sum, in Grammatica infima schola contineat, exerceatque usque ad mortem, nunquam respiciens curansque me, nisi ut quisquiliæ ac peripsima. Atque hæc pænæ est, quam primo loco depono ac eligo.* Secundo loco assignat pænæ eandem, sed in certum tempus, in biennium aut triennium, aut quamdiu S. Patri videretur. Tum adjecit tertiam, multa flagella, jejunia ad mensem; ut à Provinciæ cura removeatur; atque ut deinceps quoties ad IGNATIUM scripturus sit, prius adhibeat ad DEUM preces, dein scribenda meditetur, tum scripta recognoscat, observans nè verbo aut sententiâ utatur, quæ subditum erga Superiorem non deceat. Anno postmodum 1555. comes datus est à Julio III. Pontifice, Cardinali Morono, Augustam ad Comitiam Imperij Legato Apostolico; expertus enim erat Julius Lainis in rebus tractandis dexteritatem & sapientiam, cum ante Pontificatum Legatus Concilio Tridenti præsideret. Ubi rebus præclare gestis, nè quid Catholicæ rei contrarium fraude hæreticorum statueretur,

Moronus Romam revolvit, Laines Florentiæ concionum gratiâ, & invisendæ Provinciæ subititit. Hoc ipso tempore sublato è vivis Julio, successit in sede Pontificia Marcellus II.; qui primis statim diebus suam de Laine existimationem Tridenti conceptam (ubi & ipse Legatus Synodo præerat) declaravit; dum eum in domesticum Theologum delegit, cujus consilio rem Ecclesiæ publicam difficillimis illis temporibus administraret. Et promanasset omnino fructus exinde in Ecclesiâ singularis, nisi præmatura mors, vigesimo mox ab inito Pontificatu die, Marcellum sustulisset.

Successor Marcelli Paulus IV. ex gente Caraffarum, & Familiæ PP. Theatinorum, cum S. Cajetano, & aliquot alijs Sodalibus, Institutor, cum Lainium semper magni fecisset, extemplò Cardinalium Collegio, licet invitum adscribere animum induxerat. Qui ubi rem ferio à Pontifice in Cardinalium consensu agi sensit, non dies, non noctes à placando obsecrandoque DEO desistere, ut tantum à se & Societate discrimen averteret: prensare favores amicorum Cardinalium, nè Pontificis voluntati suffragari vellent: implorare Sociorum preces & sacrificia: & denique si cetera fallerent, fugâ periculum evitare omnino decrevit. Sed id ipsum præsentiens, modestiæ viri conscius Pontifex, ad aulam suam migrare illum voluit, futurum sibi ad negotia Ecclesiæ componenda consiliarium Theologum, vetuitque severo obedientiæ præcepto Urbe, absque scitu suo, exire. Nec minus de periculo anxius IGNATIUS auditus est dicere: *nisi DEUS prohibeat, brevi Laines noster galero purpureo donabitur. Id tamen si, quod nolim, accidet, talem se ille præbebit, ut non quæsisse Societatem honores, sed conatu omni fugisse appareat.* Itaque coactus Laines in Vaticanum Palatium se transferre, cum ibi mansisset diem unum, postridie revertit ad suos; quòd diceret, sibi esse necesse super negotijs Papæ, & libros varios, & viros doctos consulere. Utque hac in re animi sui sensum Societati testatum faceret, in schedula conscripsit hæc verba suo chirographo signata: *quoniam comperi Pontificem Maximum nescio quid cogitare de me, testor ego DEUM, & in ejus conspectu candido pectore, sinceròque profiteor, minimè me esse ad id idoneum, ab eaque re toto animo abhorre: & ridiculum duco, tale aliud quid de me statui, & alienum prorsus ab ea cui me disavi familia, in qua plus arbitror me Ecclesiæ DEI meis laboribus profuturum, id quod*



*ei ex Societatis Instituto spondi, votoque firmari; quam si commutato vita genere, celsiore in gradu collocet.* Denique his aliisque rationibus apud Cardinales amicos, & longè magis suis, S. IGNATI, & Sociorum ad DEUM precibus effecit; ut pronus ille Pontificis ad conferendum ipsi honorem impetus ardorq; refrigerit. Quo depulso periculo Laines incredibili perfusus gaudio, nullum gratulandi DEO finem fecit, & ejus inter præcipua beneficia omnis suæ ætatis hoc principale numeravit.

Anno 1556. evocatò in cælum S. IGNATIO, cum de Vicario Generali constituendo deliberarent Romæ Socij, ad quos ea res pertinebat, donec ex Provincijs ritè convocatis Patribus, Generalis Præpositus eligeretur; rogatus Laines, gravissimè tum decumbens, quem nominaret, ad eum, respondit, se accedere, quem ceteri statuissent. Itaque omnium uno suffragio ipse electus est, postquam rogati Medici certæ sanitatis spem fecerunt. Biennio integro electione Generalis prolata, quòd ob bellum Papæ cum Hispano Congregatio legitimè cogi non posset; tandem Anno 1558. magnâ omnium Patrum gratulatione Laines Generalis edicatur, cum toto eo biennio Vicarius constanter Festis & Dominicis omnibus, ac utrâque Quadragesimâ, ad populum ingenti motu & fructu dixisset. Neq; sinè divino arbitrio electio peracta est: nam & S. IGNATIUS sibi eum successorem fore clarè ante obitum prædixit; & Collegij Romani Rector Sebastianus Romæus, vir in opinione eminentis sanctitatis, uno ante electionem mense, illum sibi in visione Generalem ostensum testatus est. Magnâ gratulatione eventus hic à tota urbe exceptus fuit, nisi quòd dolerent cives, aliò curas ejus novo Magistratu avocante, publicâ ipsius doctrinâ & concionibus esse carituros. Verùm ille uti singularem à DEO facultatem dicendi acceperat, cum necdum eo tempore Societas in eam, quæ hodie cernitur, molem excrevisset, continuò summè expetitus, suggestui se restituit: eo semper hominum affluxu, ut palàm diceretur, modò templum caperet, neminem fore Præsulum aut Primorum Urbis, qui ejus concionibus non adesset. Neque unquam aliàs Romæ populo Principibusque tam grata fuit Societas: gaudebant enim boni omnes zelo dictionum Lainij, templis nitorem, Sacramentis adeundis frequentiam, misericordiam juvandis pauperibus & miseris restitutam; ut jam alia prorsus Romæ, ac su-

perioribus annis, esset facies. Cùmque difficillima per id tempus esset annona, Sodalitatem Nobilium Laines, quæ hodièque perdurat sub titulo SS. Apostolorum, instituit ad inopes sublevandos, præsertim quos pudor reddit magis indigos. Ut verò in Socijs etiam missiones apud Barbaros obeuntibus ardorem excitaret, flagrantissimam ad eos in Brasiliam & Indiam dedit epistolam; quâ in Apostolicis eos laboribus confirmat, & ærumnas paternè solatur. Jam verò quanto in pretio apud omne genus hominum Lainius esset, difficile est dicere: clarorum & obscurorum virorum propè agmina, consilij vel auxilij gratiâ, sive in hujus vitæ caducæ, sive æviternæ negotijs, ad eum confugiebant: cùm tamen nihil idcirco in administratione Societatis ipse intermitteret; tanto illius integritatis conservandæ studio, ut Fratrem Germanum Christophorum Laines, disciplinæ Societatis minùs accommodum, ex ea ejecerit.

Mortuo inter hæc Paulo IV., dum Cardinales in Vaticano conclavi de creando Pontifice convenire non possunt, Otho Truchses Cardinalis Augustanus, Lainium ad se in Conclave per libellum evocat, ad diuturnam litem, si posset, dirimendam. Hic ut conspectus intra septa illa est, aliquot Cardinales, quibus præstans viri in omni genere virtus cognita erat, agere inter se de eo in Sede S. Petri locando cœperunt; illum enim ad publicam morum correctionem, jugulandas hæreses, ingenio, sapientiâ, Tridentinæ Synodi experientiâ, apertissimum fore. At enim ubi, quanta res moveretur, humillimus Pater intellexit, inhorruit totus, bonâque petitiâ veniâ raptim se oculis eorum subduxit, tanquam de se indignis modis accipiendo agi sensisset. Non tamen hæc fuga Cardinalium consilia repente discussit; sed duodecim è præcipuis & gravissimis jam ad summum illi honorem deferendum consenserant, idemque Franciscus Vargæ Philippo Regis Catholici in Urbe Legatus Lainio significaverat, & Otho Cardinalis Truchses inter funebres post fata de encomijs Lainij dictas à se laudes, publicè Dilingæ confirmavit. Nec facilè incepto destituri fuissent, nisi sanctiones reveriti essent, tot jam inveteratis exemplis firmatas, non aliunde Pontificem, quam è sacro Cardinalium Collegio eligendi. Electo igitur feliciter Pio IV., Lainius singulari apud eum gratiâ polens, multa in Christianitatis commune egit, atque inprimis effecit, ut singularia certamina & duella severè prohiberet, latis etiam in-



eos censuris, qui paternos certantibus vel spectatores se exhiberent. Cum verò ad Lainem quotidie majores hominum concursus fierent, & ipse tot inter muneris sui occupationes proximorum salutem inextinguibiliter fitiret, non recusavit sæpe ad multam noctem consentientibus patientiam commodare, & cum hæretico quolibet in certamen venire. In his versutissimus erat è Calvinii schola Minister Genevæ Romam irrepens; ipsam si posset venenatâ doctrinâ infecturus: sed illico detectus, captus, & ad rogum damnatus; nè animâ simul æternum periret, Lainio committitur curandus. Desiderabat hic cum solo super Religione familiariter disceptare, quòd si nè arbitris (quorum præsentia tales ad pertinationem magis, nè devicti videantur, quàm ad palinodiam moveri, expertus erat) facilius errores relicturum speraret. Verùm in custodiam veniens, reperit ibi plures Cardinales, Episcopos, multos præterea Viros primarios, & quosdam Pontificis agnatos, cupiditate spectandi certaminis allectos. Hoc confecto, non multis interrogationibus eò compulsus est miser, ut affirmaret pugnantia: mox evidentiùs convictus, cum aliud effugium non pateret, exclamat, uno se stare Calvino, licet demonstraretur adversa Christo, Apostolis, Patribus, & primæ Ecclesiæ sentire. Atq; ita videns & volens (quod futurum prædixerat Laines) ipse quidem interiit, qui tamen disputationi adfuerant, non sapientiam magis Catholici Doctoris admirati, quàm in orthodoxæ Fidei Sanctionibus confirmati, ut ejus veritatem oculis propè à se ex eo confictu visam faterentur, læti recessere.

Et jam tertius illi in munere Generalis fluebat annus, dum exemplo IGNATII toto conatu in id à se anoliendum incumbere cœpit: in eum finem Generalem Sociorum Conventum velle indicare, nisi Pontifex à Patribus imploratus in cœpto illum munere pergere jussisset. Inde porro tantò magis Viri tam humilis existimatio apud omnes augebatur, & ad ejus conciones, tanquam hominis palam sancti, ingentes fiebant concursus, ut rarò pauciores decem vel duodecim Cardinales interessent. Cum verò etiam ad Judæos in S. Petri Basilica eum verba facere S. Carolus Borromeus Papæ nepos voluisset, magnâ eorum admiratione & plausu peroravit, nec paucis inde mollescere ac nutare dura & obstinata mens cœpit. Eiusdem sententia in perplexis Christianæ Reipublicæ negotijs potissimum exquirebatur ab omnibus, penes

*Societas Europæa.*

quos S. Ecclesiæ erant gubernacula, & habebatur quàm tutissima, eamque Principes & Pontifex ipse nunquam ferè non sequebantur. Inter hæc Anno 1561. tumultibus publicis gravissimè in Gallia laborabat res Catholica, hæreticis ad arma & bellum intestinum palam erumpentibus: cui restinguendo incendio cum Pontifex Legatum in Galliam destinasset Hippolytum Cardinalem Estensem, Lainium ipsi addidit, ut hæreticorum calumnias in publico, qui ad Poissiacum prope S. Germanum indictus erat, Regni Conventu refelleret. Eo in itinere Laines per omnes ferè, quas transire contigerat, urbes & oppida Italiæ verba è suggestu fecit, totis ad audiendum effusis civitatibus: ex qua contentione laborum, æstus & itineris (mense enim Augusto ferventissima urebat canicula) Ferrariæ in febrim incidit: quæ cum diuturnior fore videretur quàm periculosior, continuato itinere, tamen si valetudo non sinebat suggestum conscendere, nunquam intermisit in hospitij, oppidis, ubi ubi se daret occasio, privatis sermonibus hortari ad pietatem fideles, vacillantes in religione firmare, vel redarguere falsis dogmatibus corruptos. Ducem etiam Sabaudia Ripoli conveniens, vehementer cum ejus conjugè Margaretha inflammavit, ad Fidem orthodoxam sua in ditione tuendâ & restituendam: cui rei perficiendæ P. Antonium Possevinum illi addidit. Parisios ingressus, post bidui inter Socios moram, Poissiacum ad Conventum illum celeberrimum cum Cardinali discessit, in quo præter Reginam matrem, Regem & Reginam Navarra, quinque Cardinales, 25. Episcopi assidebant: & præter Principem Condæum Ducem aliquot, & Consilij Regij Principes, Sorbonici etiam Doctores supra 20. aderant: tandemque in Calvinistarum Ministrorum turba tres eorum antesignani, Petrus Martyr, Theodorus Beza, & Malroratus: agebatur enim præcipuè de inveniendâ concordia methodo in dissidijs Religionum. Laines ubi potestatem loquendi nactus est, gravissimè magnâ fiduciâ disseruit, quàm periculose ejusmodi Convenus politicâ auctoritate celebrarentur ad Religionis dissidia componenda, quæ unice ad Ecclesiasticam pertinerent jurisdictionem, & quibus componendis actu apertum esset Concilium Tridenti. Tum acriter & nervosè in hæreticorum artes invehens, vehementer Reginæ suasit, nè disputationibus & concionibus ipsorum unquam interesse vellet. Hæc cum liberè & audacter magnâ

N

omnium



omnium Doctorum & Ecclesiasticorum approbatione dixisset, quæ dici oportere iudicabant omnes, audebat nemo; fremere in eum & torvo figere vultu hæretici, laudare Catholici: ipse autem ab ea adhortatione ad stabilienda Fidei dogmata, quæ Petrus Martyr impugnaverant, oratione delabi. Dixerat hic inter reliqua, cum Missa, fatentibus ipsis Catholicis, sit Sacrificij in cruce peracti quædam solum imago & simulacrum, non posse ibi adesse ipsummet Christum, quin desinat simulacrum rei esse, ubi res ipsa adest. Ludicrum Sycophantæ argumentum Laines hoc simili revicit; fac Regem victoriæ de hostibus à se relatæ memoriam & simulachrum, quotannis instaurari velle: id triplici modo fieri poterit. 1. Si narrari tantum rei seriem iusserit: deinde si per actores simulacrum belli referri: postremò si ipsemet inter actores adesse velit, quàmque in pugna olim verè personam obijt, eam postea in repræsentatione subeat. Hanc certè, cum vera licet Regis præsentia, veram nihilominus victoriæ imaginem & repræsentationem fore nemo negabit: atque hanc ipsam talem in incruento Missæ Sacrificio fieri, ex S. Scriptura & SS. Patribus cumulatim demonstravit. Tandem adhortatus Principes, ac nominatim Reginam, ad Religionis Catholicæ defensionem, alioqui DEUM Regno & Regi Filio minimè affore: cum hæc commotiùs diceret fufis interdum inter dicendum lachrymis, Auditores quoque vehementer commovit: ut adeò Cardinalis Legatus dictionem illam magnæ ad rem Catholicam tuendam efficaciam futuram ratus, Gallicè versam typis vulgari curarit. Regina, quanquam non sine morsu aliquo animi, monitum boni consuluit, ex eoque die nunquam Conventui postea ac disputationibus Calvinistarum interfuit; cænas & conventicula ipsorum legibus interdixit; unde Catholicis summopere animi crevère.

Post eum diem nocte jam cæcâ dum ad S. Germanum Posiaco redit, obtulit se in via Hispanus hæreticus, qui cum aliquantum disputando certasset, fremens se à Lainio convinci, repente subditis equo calcaribus præcucurrit, viamque cum tribus equitibus infedit. Quæ res cum Lainij comitibus curam injecisset, ut vererentur progredi, securus ipse perrexit, fundendi pro Christo cupidus sanguinis; at DEO vitam ejus plurium saluti servante, nemini insidiatorum observatus, per medios securus transivit. Neque autem sat habuit semel in publico Posiaci Conven-

tu rem Catholicam propugnasse; Reginam privatim sæpius convenit, adivit Principes, separatim voce, stylo, manu, quantum posset conniti, labantem sustinendo Religionem: pericula ex conniventia cum hæreticis, ipsamque Regni everfionem prædicens, quæ vix deinde evitata fuit, Hugonortis in apertum bellum erumpentibus; in quos ipse pro salute Galliæ preces & sacrificia per totam Societatem instituit. Securus deinde Reginam & Legatum Parisios, cum videret hæreticos impunè in propatulo ædium, ac publicè in hortis concionari, quibusdam etiam primorum aulæ palam audientibus; zelo DEI & ultimæ necessitatis consideratione stimulatus, nihil non tentavit ad perniciem avertendam. Utque fidelibus animos adderet in majorum Fide retinenda, concionatus italicè per Adventum est in S. Augustini templo, in maximo Catholicorum concursu affluentibus etiâ hæreticis, primùm quidem vel irrisuris, vel curiositatem captaturis; sed tandem veritatis luce seriò convictis, & ad Ecclesiam reversis. Et quoniam videbat ad longè plures utilitatem fundi posse si gallicè diceret, improbo diu nocturne & pertinaci labore eam ita condidit, ut suggestum conscendere in varijs Ecclesijs auderet: ex quo controversias ab hæreticis in Ecclesiam motas exponere, confutare, & revincere cœpit, piòsque ardentè ad retinendam Fidem hortari. Idem omnia Academia Collegia, quæ multa sunt Parisijs, adiit; omnia item Cænobia Religiosorum; Concionatores Urbis viritim singulos, atque Doctores Sorbonicos; multos è Magistratibus virisque Principibus, & Senatum ipsum, urbique Præfectos allocutus, quantâ potuit contentione, ad obfistendum pleno torrente irrumpenti hæresi, adhortatus est. Et Rectores quidem Gymnasiorum, quos omnes in Fide integros & ferventes reperit, ad quatuor potissimum observanda induxit: 1. Ut Magistri juxta ac discipuli pietatem colerent, noxas vitarent, quibus ira DEI in nobilissimum Regnum provocaretur; & quia morum corruptio gradus proximus esset & via ad corruptelam opinionum. 2. Ut neminem paterentur ex suis adesse hæreticorum concionibus. 3. Ut si qui deprehenderentur in contubernio eâ peste infecti, segregarentur protinus & ejicerentur. 4. Collegæ unâ omnes quotidie suppliciter DEUM rogarent, ut hanc hæresis omnium gravissimam pœnam à Regno dignaretur avertere. Quæ eadem Præpositis Cænobiorum, Curionibus, Capitularibus, impen-



impensissimè inculcabat : Concionatores verò ad zelum , & ferventer tractandum DEI verbum excitabat. Nec sibi temperare potuit, quin Regem quoque & Reginam Navarrae, & Principem Condæum fratrem, ac propè singulos Galliarum Proceres seorsim adiret, adhortans maximè ad rem Concilij Tridentini promovendam, ex eoque controversiarum decisionem petendam. Quod ut nominatim Condæo, hæresis acerrimo propugnatori, & morum corrigendorum plausibilem speciem obtendenti persuaderet, orationem ad eum habuit ita appositis argumentis, ut persuasisse videretur, peteretque Condæus eadem sibi scripto dari. Neque his contentus Laines, Bezam quoque, Petrum Martyrem, & præcipuos quosque hæreticorum accessit, ac omni ope suasit, ut adirent Concilium, ibique studio veritatis cognoscendæ de placitis suis disputarent, spondens, securos fore, benèque acceptos humaniter auditum iri. Neque optimum consilium visi sunt in præsentia aspernari, nisi Dynastæ hæretici non tam studio novæ Religionis, cujus falsitatem facile deprehendebant, quàm regnandi cupidine intransversum acti, ad arma provocare maluissent, quibus Regnum tantum non eversum fuit. Neque Parisijs duntaxat Pater omnia concursabat, ut universorum corda in Fidei constantia solidaret, sed foris per Regnum discurrebat, medijs etiam noctibus per silvas cum solo P. Polanco iter pedibus agens: cumque hic tantam Lainij præfidentiam miraretur, *pius mortem, respondit, non timet, quin exoptat potius: felix profectò, si ei pro DEI causa mortem oppetere detur.*

Atque in his conatibus anno integro insumpto, cum postea auri essent hæretici publicum in templis & exedris Religionis suæ exercitium in Regia deponere, Lainius tanto discrimini obviaturus, Commentarium Reginae efficacissimis rationibus tum ex Politica, tum ex divinis literis confectum obrulit, quibus vincebat, præter indignitatem rei, manifestam Regno everisionem inde imminere. His magnâ deliberatione Regina cum suo Consilio ponderatis, ita ex omnium consensu postulatam audax rejecit, ut etiam Castillonius, & quidam alij novorum dogmatum cetera cupidi, hac in re à sententia Catholicorum non discrepârint. Verùm non quievêre hæretici, sed ut novus ad S. Germanum Conventus coram Regina super controversijs Religionis haberetur, instituerunt; quem Lainius cum Polanco frustra omni studio inhibere.

*Societas Europæa.*

conatus, eodem se contulit. Aderant è Ministris Calvinistarum Beza, Malroratus, Perossellius, & alij quidam; cœprumque est primum agi de SS. Imaginum cultu. Bis Lainius inito certamine hæreticos in eas redegit angustias, ut cuperent ad plura ultra capitula non procedi: atque ita Conventus solutus est. Laines autem accuratam disquisitionem de veneratione SS. Imaginum scripto complexus, eam Regibus & Principibus tradidit, seduloque eos de Religione allocutus, Parisios continuè se recepit, ad cives in Fidei constantia roborandos; dixitque deinceps in Æde S. Augustini quater in hebdomada. Quin & complures Doctores Sorbonicos ad suggestum conscendendum incitavit, nunc demum tempus esse ostendens, quò ad incendium restinguendum universi vires & zelum expromere deberent. Quorum laborum felicem successum Senatus Parisiensis observans, Societatem JESU tandem, in Poisiaco prius Conventu ad Regni jura & inter status admisam, & ipse ad Collegia in Urbe habenda recepit. Interea Ministri Sectarij, eorumque fautores & incentores quidam ex Aula Proceribus, cum viderent frustra se conari disputationibus, specie concordia quærendæ, sancta omnia proruere; ideoque in apertum furorem erumpere, vique rerum summam tentare molirentur, ejecti omnes ab Regia sunt, magnâ Lainij gratulatione: Princeps inprimis Condæus, Admirantius Colignius & ejus fratres, Odertus Cardinalis Castillonius, Andelottus, Regina Navarrae: alique eorum loco ferventer Catholici in Aulam rediere. Parisijs Gubernator præpositus Catholicus, omnes ministri Satanæ Urbe proscripti, Synagoga eorum exusta; exilium sectatoribus, nisi resipiscere mallerent, decretoriè promulgatum. Ità impulsam in ruinam hæresim ut profligare è Regno juvaret Laines, huc cogitationes omnes retulit, nè pijs in Gallia laborantibus deesset. Collegia itaque per Regnum, tenui licet origine & dote, ultro admisit, ad multiplicandos operarios; DEO ceterà, qui suos pascit perbenignè, committens. Socijs adhuc lectissimis in diversas Urbium missiones divisis, Lugdunum destinavit P. Edmundum Augerium, & P. Possevinum, quorum operâ diligentiaque, ruente Republicâ, Religio majorum stetit, ac restitit perduellium furori, ut in eorum gestis narrabitur.

Tandem pacato utcunque Regni statu, repressoque Sectariorum furore (qui tamen sequentibus annis atrocius efferbuit) persua-



si fuere plurimi Antistites Galli, ut ad Concilium se Tridentum conferrent, quod Pius IV. denuo instaurabat. Eodem quantocyus migrare iussus à Pontifice Laines, Junio mense anni 1562. per Belgium iter instituit, ejusdemque Gubernatricem Margaritam Austriacam Parmæ Ducem salutaribus monitis ad Catholicam Fidem tuendam animavit, & Collegia Cameraci, Antverpiæ, atque Leodij fundanda recepit. Coloniam deinde, Treviros, atque Moguntiam transiens, Electores singulos convenit, summis honoribus & amoribus cultus: & tam ipsos, quam alios omnes in transitu Præsules vehementer incitavit, ut ad Concilium irent. Nec solum privatis alloquijs & consilijs singulos in retinenda Fide adjuvit, sed studijs etiam, quibus vera Religio defenditur, fovendis, ubique ferè conciones in augustissimis templis habuit. Augustam ubi venit, negotio cum Fuggeris de fundando ibi Societati Collegio confecto, Ingolstadium tenuit: at præter cetera submovendum ab Academia Doctorem, qui hæresim disseminabat, procuravit. Tandem Tridentum jam diu expectatus, & obviam misso nuncio festinare iussus, insigni omnium gratulatione ingreditur: in cujus absentia licet disputari de rebus maximè arduis, ut de Eucharistiæ Sacramento, cœptum esset, sententiam tamen illius de singulis audire exoptabant, quod unum multorum instar esse dicerent. De loco ipsi in sessionibus attribuendo non modica disceptatio orta est, quod non tantum ut Pontificis Theologus, sed ut Generalis Religionis Clericorum Synodo interesset. Et verò Rituum Magister primum illi idcirco locum in Generalium subsellijs, post Canonicorum Regularium Generalem assignaverat: sed cum Generales Monachorum & Fratrum gravissimè ferrent, Societatem tum recentissimam sibi præponi, Lainius Legatos Cardinales per DEUM esse obtestatus, modò testatum sit Societatem esse de genere Clericorum & Presbyterorum, imum sibi locum ad tollendas contentiones concederent. Tantam animi modestiam & æquitatem mirè omnes extulerunt: negarunt tamen Legati sessionis delectum ex ipsius humilitate decidi posse, sed ad se pertinere, qui tueri dignitatem Ordinum, vetustosque Ecclesiæ mores deberent: planum autem esse Presbyterorum Ordinem, Monachorum Religionibus præferri solitum. Nè tamen longiore disceptatione tractandis rebus moræ injiceretur, extraordinarium ei locum assi-

gnarunt, ut in subsellijs Episcoporum assideret, verum sententiam post Generales ultimus diceret.

Sub hæc indicto Confessu ad 24. diem Septembris: in quo agendum erat de SS. Missæ Sacrificio, totum matutinum tempus ad dicendum uni Lainio attributum fuit, cujus audiendi summum omnibus erat desiderium, sic ut eo die nullus è Cardinalibus Legatis, nullus è Principum Oratoribus, nullus denique ex omnibus Episcopis aliisque Prælaris abesse sustinuerit. Dicere è loco sibi inter Episcopos assignato exorsus, cum non satis à Cardinalibus Legatis remotior audiretur, ad se accersitum propè se locant: verum inde vicissim difficulter ab imis Episcopis quia percipiebatur, relictis hi subsellijs accedere propius alij super alios cœperunt. Tum demum Legati afferri suggestum jubent, intèrque se & Episcopos collocari, ex quo cum duas horas & mediam constanter suam sententiam argumentis solidissimis firmatam dixisset, selectissimus ille ex flore & apice humanæ gentis Confessus propè attonitus hæsit. Nec dissimili frequentia & approbatione deinceps sapius in Convitijs tres etiam continenter horas dixit, & nihilominus consuetas in templis conciones obivit: ex quo communi consensione nata ea fama est; Lainis sententiam, citra exceptionem controversiamque, veram & certam videri. Eà verò in tuendis Fidem attinentibus sententijs erat constantia, ut ambiguum & incertam, quæque aliter exponi posset, nunquam admitteret, neque ejus assertoribus ut adhæreret, ullis argumentis adduci posset, licet omni ope ac industriâ niterentur, ut vel unus subscriberet Laines. In DEUM enim & integritatem Ecclesiæ unicè intentus, nullâ auctoritate, nullius gratiâ hominis suam frangi constantiam, flecti rectitudinem ferebat. Quare cum Ferdinandus I. Cæsar, & Dux Bavarix, summo studio postularent à Concilio usum Calicis populis suis permitti, Laines tamen, esto binis his Principibus Societas omnium maximè obstricta esset, omnium fortissimè restitit, argumentis ita validis & potentibus, quæ Patres omnes, multum jam in favorem Cæsari inclinos, in eundem sensum pertraxerunt. Pari fiduciâ contra multorum Episcoporum sententiam differuit pro Pontificis super omnes Antistites auctoritate, cum disceptaretur duplex controversia: essetne Episcoporum potestas immediatè à DEO, absque ullo Pontificiæ auctoritatis medio: &

num



num divino jure præceptum, ut in suis Diœcesibus residerent : circa quam tanto pondere, tamque felici exitu pro parte Vicarij Christi peroravit ; ut tum maximè divinus illi Spiritus adesse visus sit ; testatque fuerint Consilij Præsides, non vulgare eo die unius hominis meritum in Sedem Apostolicam extitisse. Ex contrariæ verò sententiæ Episcopis, omnes uno excepto, post auditum Lainem, partim ingenuè & candidè suam sententiam retractarunt, aliter se fuisse sensuros, si eum priùs audissent ; partim conati sunt quæ dixerant explicare, & ad sensum commodiorem trahere. Quibus rebus tantam apud omnes existimationem consecutus est ; ut passim eum omnes vel ad se accerferent, vel eum ipsi frequentarent, consilium ac lumen ad suas res privatas & publicas petituri. Hercules inprimis Gonzaga Cardinalis Pontificiorum Legatorum, primus ita consuetudine Lainij captus est, ut omnino decerneret Mantuæ, cujus erat Episcopus, Societati Collegium instituere. Quin etiam suæ Diœceseos statum rectè ordinare cupiens, tanto ab Lainio contendit opere, ut Mantuam excurreret, & cum omnia circa Diœcesim suo arbitratu componeret, tum Collegio designaret locum, ut denegari non potuerit. Quibus legitimè magnâ Cardinalis approbatione perfectis, & aliquot concionibus ad populum, & quædam Cœnobîa Virgînum Mantuæ habitis, Tridentum redijt. Ubi iterum sapientiâ suâ eam recenti Societatis Familiæ existimationem apud augustissimum illum Senatû conciliavit, quam duabus rebus maximè, inclinante jam in finem Concilio, demonstravit. Altera est, quòd cum S. Synodus instituenda juvenum Seminaria censuisset, ad idoneos Ecclesiæ Ministros formandos, jussissetque Magistros illis & Præceptores aptissimos deligi, S. Congregatio interpretum Tridentini mandavit, ut si eo loci reperiantur Jesuitæ, ceteris antependantur. Et verò nemo ex Concilij Patribus ferè fuit, quin hujusmodi Provinciam Societati in sua quisque Diœcesi animo destinaret : quâ causâ permulti Collegia apud se institui à Laine flagitarunt, atque etiam paulò post constituta sunt Oeniponti in Tyrolî à Ferdinando Cæsare ; Brunbergæ in Prussia à Cardinali Hosio, Tridenti Lainio perfamiliari ; Mediolani à S. Carolo Borromæo ; Parmæ à Farnesio Duce ; Rhegij in Calabria, Gadibus in Hispania, Calari in Sardinia. Altera, quòd cum de Regularibus Religiosisque tractaretur, Legibus quibusdam adstringendis, sola Societas JESU

cum honorifica sui mentione ab ijs excepta, est his verbis, Sessione 25. c. 16. *Per hac tamen Synodus non intendit aliquid innovare aut prohibere, quin Religio Clericorum Societatis JESU juxta primum eorum Institutum, à S. Sede Apostolica approbatum, Domino & ejus Ecclesiæ inservire possit.* Quod beneficium Lainij maximè authoritati & virtuti secundum DEUM debetur, cujus opinionem tantam Cardinalis Lotharingus concepit, ut in digressu illi confirmârit, nihil se Lainio ipsi in amanda tuendaque Societate cessurum, suisque humeris eam in Gallia, & ubicunque gentium posset, sustentaturum.

Absoluto feliciter ad 4. Decembris anno 1563. sacro Concilio, Lainius cum Socijs Romam revertens, quascunque Italiæ Urbes transire contigisset, conciones ubique magnis hominum precibus & concursibus adactus habuit : ingenti discrimine in itinere defunctus, cum ab cõsternato mulo in terram dejectus est, qui licet stratum jam Patrem transiisset, nihil tamen nocumenti attulit. Romam delatus accuratissimè ante omnia Societatis res, tamdiu per Vicarios gestas, inspexit, & aptissimè ordinavit : simulque concionibus se publicis reddens, cum tot amplius laboribus sufficere non posset, in morbum incidit, ex quo decessurus credebatur. Recreatus nihilominus ex illo jam meliusculè habere cœperat, cum iterum concionari per Adventum incipiens, adeò juvanda Ecclesiæ DEI flagrabat ! post tertiam dictionem abstinere coactus est, morbo supra modum invalescente prostratus. Inaudierat fortè pro incolumitate sua non domi solùm, sed & publicè vota concepta, supplicationesque ad templâ Sanctorum & peregrinationes indictas : quare vehementer se dolere ostendit, non humilitatis studio duntaxat, quòd his indignum sese diceret ; sed desiderio etiam vitæ beatioris, ad quam impensissimè anhelabat, identidem illa usurpans, *ut quid adhuc terram occupo ?* inutilem se deinceps Societati, inutilem Ecclesiæ & proximis appellans : cum revera quamdiu spiritum duxit, vel sola ejus auctoritas omni hominum generi opportunitates permagnas afferret. Percepto Januatij die, 16. in viaticum SS. Christi Corpore, benedictionem ab ejus Vicario supremam impetravit, dièque altero ad agonem unctus : postquam Societati universæ bene precatus est, rogatus à PP. Assistentibus, ut Vicarium pro se Generalem nominaret, sive humilitatis, sive imitandi S. IGNATII studio, recusavit. To-



to autem ægritudinis tempore inter ardentissima Patriæ cœlestis desideria, uberrimis pietatis lachrymia interpolata, ea patientiæ documenta dedit, ut quæ sanus valensque vitæ præcepta dictasset, ea ad extremum halitum opere tenuisse ostenderit. Notârunt autem è Patribus curiosi, & scripto testatus est ipse S. Franciscus Borgia, à Lainio biduum ferè amissâ voce decumbente, Borgiam inter reliquos lectulo adstantem fixis continenter oculis fuisse spectatum, adeò blandè & hilariter, ut vel eo intuitu Societatem illi commendare voluisse, & munus Præpositi Generalis prædixisse judicaretur. Nocte tandem Jan: 19. anno 1565. vitâ hac mortali decessit, ætatis 53. Vir de Christiana Republica optimè meritis, ingens sui desiderium Urbi & Curia Romanæ, ipsique Vicario Christi relinquens: testantibus nonnullis Cardinalium, multis retro annis nullius perinde mortem dolori toti Romæ fuisse. Cardinalis autem Alexandrinus è S. Dominici Familia (is qui postea in Pontificatu Pius V. dici voluit, hodie in numerum Beatorum relatus) accepto de morte Patris nuncio, *ô quàm meritò toti Ecclesie, exclamavit, lugendum est! quia hodie scuto & hastâ adversum hostes suos orbata est.* Postridie ad latus sinistrum aræ maximæ in templo Professorum, cum ad dextrum Sancti IGNATII corpus jaceret, sepultus est publico totius Urbis luctu, plurimis deosculari, rosarijs contingere, & quidpiam ejus reliquiarum habere certantibus. Testatus autem est scripto S. Franciscus Borgia Lainem obitûs sui diem prædixisse: *affirmare queo, scribit ipse, haud nos credidisse brevem adeò ejus discessum futurum; & quidam Medicorum perbene sperare jubebant.* Sed ille, ut qui certiores habebat nuncios præstantioresque auctores, cum die S. Epiphaniæ vellent ei potionem medicam dare, distulit in diem posterum, dixitque mihi: *ego hodie volo Sacrum facere, quod ultimum pro viatico erit; itâ fecit, itâ evenit: ultimum illud sacrificavit, quamvis eo tempore haud dum decumberet, & quantum opinor etiam domo exiret.* Deinde morbo ingravescente cum ego Sacra, quæ pro ipso fiebant, referrem, quadam quasi agrè ferentis specie dixit: *nollem itâ pro me fieri Sacra, retinent enim ac morantur me à transitu ad vitam Beatorum, uti & istorum benedictorum Fratrum preces.*

Neque Romæ solùm & per universam Societatem, sed à quibusdam etiam Principibus & Urbibus per diversas Provincias illi parentatum fuit. Atque Otho Truchses Car-

dinalis & Episcopus Augustanus in ijs, quas illi apparatu magnifico celebravit Dilingæ equijs, cenotaphium non pullâ veste, ut moris est, sed purpureâ insterni voluit; quod tanti viri memoriam, ut aiebat, non luctu, sed gaudio & gratulatione prosequi æquum esset. Cùmque laudationem funebrem adjici jussisset, ubi Orator finem dicendi fecit, protinus ipsemet Cardinalis è suo solio fari exorsus in magna hominum frequentia, inter cetera, *verissima sunt, inquit, quæ commemoravit Orator, sed prætermisit haud pauca.* Tria ego superaddam, quæ mecum sunt acta. Discessuro in Galliam cum equum generosum atque percommodum obtulissim, percelli bonus Pater ut uteretur nunquam potuit: atque ejus verba hæc erant: *equus quidem optimus est, sed pauperi aptus non est.* Deinde cum crederetur à Paulo IV. in Cardinalium Collegium cooptandus, ad me adiit lachrymantibus oculis, instititque ut apud Summum Pontificem intercederem, & nihil intentatum relinquere. Quod si illi certum esset perstare in sententia, sibi quoque certum esse fugam arripere, atque abdere sese. Tandem cum mortuo Paulo IV. duodecim suffragia Cardinalium ad Pontificatum absens Lainius tulisset, vocatus à me eâ gratiâ ad Conclave, ubi id rescivit, fugâ se proripuit: ne, quod nollet, Pontifex renunciaretur. His adjecit: *illum flocci facere solitum hæreticorum, in se calumnias, convitia & blasphemias, quæ erant animi celsitudine & Ecclesie zelo præditus.* Fuit enim vero Laines Vir naturæ & gratiæ donis instructissimus, cui ex decem primis Socijs plurimùm debere Societatem IGNATIUS ipse asseruit. Ingenium illi vividum, ingens, excellens, acre, vehemens, subtile, clarum & firmum: animus item magnus & imperterritus, res propositas quæ in dubium vocarentur, citra meditationem apprehendere capax, & ad omnium stuporem distinctè, perspicuè, atque ordinatè dissolvere potens, ut eo audito nihil ampliùs dubij moveri à quopiam posse videretur. Legendi cupiditas in eo expleri non poterat, quâ insuper ex lectis optima quæque in adversaria & compendium redigebat. Hæc Artium omnium Scriptores exhausserat, nihil ut ignorare, & quod disceret deesse videretur: quod in admirationem rapiebat omnes, cum tot actionibus, concionibus, & negotijs sui ordinis, Ecclesiæ, Reique publicæ distineretur. Nimirum DEUS gratiam divinitus sapientiâque infuderat, ut quod legeret simul ferè addisceret, & firmiter retineret. Patavij certè Collegium aliquamdiu



gubernans, licet concionibus & confessionali intentus, Alphonsum Tostatium non evoluit solum, sed & manu sua in epitomen rediguit. Basenti item per verum jejunium quotidianè concionatus, tomos tamen Conciliorum omnes attentè pervolvit.

Ad has naturæ dotes accedebant singulæ gratiæ & virtutum ornamenta: & inprimis ardens orandi & divina meditandi studium, medias etiam inter negotiorum occupationes, in quorum occurrentibus difficultatibus primum ad DEUM erat refugium. A puero usque ab vitijs omnibus abhorruit, præcipuè ab obscœnis, unde illibatum pudicitiae florem ad supremum spiritum conservavit. Incesserat fortè adolescenti religio, cum illa in templo verba recitari audisset: *si quis vult post me venire, abneget semetipsum, & tollat crucem suam*: quænam crux ceteris esset gravior? quam animo generoso post Christum ferendam tolleret; venitque in mentem, Conjugium videri: animum igitur ad illud tum appulerat, donec cum ætate crescente iudicio, puduit illum consilij, seque ipsum postea ridebat. Corpus spiritui ita subjecerat, ut carere passionibus videretur, neque in eum caderet metus, aut rei creatæ ullius cupiditas. Apud quoscumque ageret, quod loquendum sentiebat, candido excelsoque animo pronuntiabat: perindeque si quid peteretur, etiam à Principibus, quod minis concedendum putabat, eadem ingenuitate negabat.

*Ex Historia Societatis, & ejus Vita Ribadeneira, & Tomo 2. Nierembergij de Viris Illustribus.*

## P. NICOLAUS GAUDANUS.

**N**atus in Hollandia Pater Nicolaus Gaudanus, doctrinas humanas divinæque Lovanii percepit, semper inter Condiscipulos ingenio doctrinæque primus. Creatus Sacerdos & in Theologia Baccalaureus, cum præclaræ ex æquo scientiæ ac virtutis exempla præberet, ac forma ipsa, totiûsque oris habitus ad modestiam atque exemplum composita, miram binis animis gratiam geminarent, & propterea ad regendos pascendosque populos certatim expeteretur, ipse Societatem apud Canisium Lovanii tum agentem, 1546. impetravit: emissisque Religionis votis, Bergensibus Concionator datus est. Et erat in eo sanè facultas dicendi mirabilis, & instrumenta naturæ atque doctrinæ: itaque celebrabatur ubique, ut quoties resciebatur eum esse dicturum, occuparentur diu antè

Rogatus à Comite Montis Acuti, ut puero, ipsimet Lainio cognato, aditum ad beneficium Sacerdotale & Curiam per Regressum, uti vocant, impetraret, absque ambagibus negavit, indignum id sibi præcipuè factum esse, qui ad annos 30. privatim ac publicè etiam in Concilio Tridenti docuisset, ejusmodi depravationes corrigi oportere: hinc nequaquam se commissurum, ut quos laqueos, DEO juvante, nunquam suâ causâ inciderat, in eos senex nepotum causâ indueretur. Duo crimina gravissimè oderat, unum eorum, qui per malas artes Sacerdotiorum redditus invadunt, & ex patrimonijs pauperum, ac pretio sanguinis Christi student, quocumque modo rem familiarem augere: alterum eorum, qui simulato zelo specièque religionis pietatem oppugnant. Munus boni concionatoris tanti æstimabat, ut cum ad P. Franciscum Strada scriberet, quem Provincialis munere, ut dare concionibus operam posset, absolvebat, illud quoque adscripserit: si copiam eorum, quos comodè regendis Provincijs posset sufficere, nactus esset, quicumque ad conciones apti essent Provinciales, eos omnes curâ Provinciæ exempturum, quò divini verbi spargendo semini toti vacarent. Ejus industriâ Societati sex Provinciæ additæ sunt, Neapolitana, Longobardica, Toletana, Aquitanæ, Rheni, Austriæ, primique eidem aditus in Galliam & Poloniam aperti.

subsellia, proximisque curreretur è pagis. Ad ejus vocem plurimi hæreticorum errores suos posuere, & vitia inveterata peccatores, & mysteria divina, quanto nunquam antea cives meminerant, accursu frequentabantur, ut primæ Ecclesiæ tempora quodammodo reducta viderentur. Multa cum hæreticis, quibus audacter se opponebat, prælia sustinuit, & abductam à Religione Catholicam plebem in sinum Ecclesiæ, ipsis hostibus admiratione perculsis, integrè reduxit. Cum verò ab IGNATIO Romam, quò meliùs Societatis normam atque Institutum in fonte ipso combiberet, evocaretur, ægrè non modò Bergenses, sed & Lovanienses tulere ab se abstracti, & tam Marchio Bergensis iteratò, quam Collegium Sacerdotum ad IGNATIUM literas dederunt, nè spoliare tali Pastore, qui se murum hæreticis unicus opponebat, gregem illum vellet: namque non tantum simplicem





P. Nicolaus Gaudanus, Holandus, Pontificalis ad Mariam Stuartam Scotiae Reginam Nuncius, continuus in Haereticos praelys, et victorijs clarus. Obijt Lovani in Belgio 10 Novemb. A. 1565. Aetate 50.

17.

populum ab erroribus labore ejus defensum, & haerese penitus extirpatas, sed etiam correctos mores, conviviorum & vestium luxum; arctiorem sanctimoniae cultum in virginibus viduisque, atque etiam in conjugibus introductum. Verum IGNATIUS in proposito constans, cum alium ei de Socijs aequè idoneum substitui jussisset, virtutem ejus Romae varijs experimentis periclitatus ita approbavit, ut non multò post rursus in lucem & suggestum productum, mox anno 1550. quatuor vota Professis adnumeravit, & insignia Doctoratus Theologici solenniter Bononiae recipere jussit. Eundem mox Collegio Veneto, hoc anno inchoato, primum Rectorem imposuit; ac deinde Ingolstadtum, ad tuendam contra vicinas haerese Religio-

nem orthodoxam, docendamque rogatu Ducis Bavariae Theologiam, transmisit. Cum verò post paulò Imperator Collegium Societati Viennae Austriae, quae tum magnam partem haeresi infecta ab Lutheranis Magistris erat, fundasset, supraque ceteros Socios Theologorum par à Pontifice postulasset, Gaudanus cum Petro Canisio illuc abire jussus est, summo Academiae & populi Ingolstadiensis dolore, ac Duce perinvito.

Ergo Viennae S. Scripturae atque Theologiae arcanis explicandis admotus, super ceteram pietatis industriam, Catechesim rudibus explicandam summo studio assumpsit: ad quam inopis turbae & puerorum gregem ipse colligere, paternam curam instituere, singulisque prout cujus ferret necessitas, corrogatam ex lo-

cuple-



cupletibus pecuniâ, cibaria, vestitum, medicamenta providere, itaque corporibus æquè ac animis geminatâ misericordiâ mederi. Anno 1557. cum Romam ad electionem Laiuij cum Canisio venisset, necdum finitâ Congregatione jubetur à Pontifice cum eodem Canisio, ita postulante Ferdinando Cæsare, Wormatiam se conferre, ad tuendam contra hæreticos, qui ad certamen super Religionis capitibus Catholicos provocabant, Fidem orthodoxam. Aderant jam cum Philippo Melanchtone & Brentio hæreticorum Germaniæ prima capita; qui suorum Principum armati edictis conjurabant acerrimè, certi non discedere, nisi quâ vi, quâ dolo victores: & Gaudanus ipse censebat emolumenti vix aliquid ex eo colloquio in Religionem promanare posse. Nè tamen hæc deseri, & adversarijs triumphum canendi ansa daretur, initium colloquio datum est 12. Sept: ubi mox apparuit, quàm parum ipsimet inter se errorum Magistrum in doctrina convenirent. Immisit in eos DEUS spiritum contradictionis, ut inter se acrius quàm cum Catholicis digladiarentur, seque invicem in responsis damnarent errorum: & Melanchton consentaneâ ijs pœnâ, qui immanes bestias educant, à suis alumnis egregiè laceraretur. Eò denique altercatio processit, ut quinque è suo numero veluti hæreticis ejectis, reliqui argumentis pressi, dum aliter quàm convitijs & clamoribus evadere non possunt, negotium abrupterint, pari cum gloria Catholicorum, & hæreticorum infamia. Illud præterea ad liquidum intellectum est, hujusmodi congressus viam non esse idoneam ad pacem conciliandam. Igitur Gaudanus ad firmandos in Fide cives, qui pauci incorrupti remanserant, conversus, Cleri etiam mores fœdè depravatos magna ex parte correxit: publica illustrabat Gymnasia, ibique pueris castæ Religionis elementa instillabat. Ex quibus conatibus pertinaci tussi contractâ, judicio Medicorum, tabe conficiendus paulatim credebatur: sed in gravissimis diurnis nocturnisque laboribus, qui vires enervare integras debuissent, singulari DEI munere propè est valetudini restitutus. Itaque resumptis DEI beneficio viribus ad unam DEI gloriam & animarum salutem utendum ratus, ita deinceps inundanti omnem Germaniam hæresi concionando & agendo se opposuit, ut Pontifex secundis rumoribus in præclara viri opinione firmatus, eum in Scotiam Nuncium Apostolicum designaret.

*Societas Europæa.*

Cum enim Maria Stuarta Scotorum Regina, morte Francisci II. Gallorum Regis, cui nupta fuerat, in Scotiam se recepisset; & quanquam perturbata hæresi omnia reperi-  
ret, tamen constanter tueri avitam Religionem eniteretur: pijs conatibus ejus periculisque cognitis Pontifex Pius IV, simul consolandam & animandam per literas, & Nuncium ab se mittendum putavit. Delectus est, quò res tota minore motu transigeretur, P. Gaudanus, què licet valetudine omnino prostratus, plenam periculi legationem, præ studio boni publici & obedientiæ Pontifici debitæ, longè ante salutem suam habuit. Additi ei duo Nobiles Scoti, Edmundus Haius, & Guilielmus Crittonius, in ævi flore, pietate, ac literis affatim instructi, qui recentissimè Societate recepti erant. Prægresso Crittonio in Scotiam, subsecutus est, Haius duce, cum Joanne Rivato item de Societate, Gaudanus. Verùm ita cecidit; ut, cum Antverpiæ cõscendissent, & ad Lethæ portum in Scotiam feliciter appulissent, exscendentibus Crittonius quodam nobili comitatus intervenire: cui Crittonius iutempestivâ confidentiâ, quid Gaudanus, & cujus missu veniret aperiens, dum iste parum iterum cautè rem credit amicis, ad hæreticorum Ministrorum aures fama illico pervolavit. Extemplò tollunt è suggestibus vocem, adesse ab Antichristo Legatum, qui Reginam dolis, donisque corrumpere, & Euangelium everteret, terribilissimum Regni & Euangelij hostem, cujus in sanguine lavare manus pro sacrificio foret. Igitur Gaudanus, hominis Aulici assumpto cultu, suam tamen expertus est difficultatem, ut ad Reginam semel iterumque penetraret. Dominatum hæretici, maximèque Spurius Reginæ frater, obtinebant in Regnum, atque Reginam ipsam; templis everlis, Reginæ solum privatim domi Sacrificij usu concessio. Aditus ad eam ita omnes interclusos & obseptos Procures & Consiliarij habebant; ut non nisi per posticum admittendi Gaudani facultas fuerit, cum ea suum fratrem reliquosque, custodes de industria submovisset, ad concionem rabulæ ipsorum dimissos. Memoratu difficile est, quantum consolationis ex eo SS. Papæ officio præstantissimæ Heroinæ acciderit, animique quantum accesserit. Renunciari Pontifici jussit (quod & per literas ipsa professæ est) se omni studio sanctam Fidem tueri, proque ea mortem & extrema omnia paratam subire. Ut Episcopos etiam Gaudanus conveniret, ad quos item Pontifex manda-



mandata dederat, nihil intentatum per media vadens pericula intermisit: sed nemo illorum est ausus coram ipsi se credere, præter Dunkeliæ Episcopum: qui, cum in ædes suas medio in lacu positas secessit, eò deduci Gaudanum permisit habitu servi, quasi Mercatori Italo, cui pecuniam quandam Præsul debebat, famularetur. Ubi verò secreto in conclavi Pontificiæ literæ prolatae sunt, ambos ea vis lachrymarum oppressit, miserrimo Religionis id locorum statu animos subeunte; ut diu neuter erumpere in vocem potuerit. Interim ex vulgata fama diligenter Gaudanus ad necem conquirebatur, evenitque; ut Mercatorem Gallum, ex Aberdonia urbe in Dynastæ euntem castellum satellites nacti, ratique ipsum esse, sub ementito habitu, Nuncium Apostolicum, verberibus malè mulctarent, omni licet asseveratione pernegantem eum se esse, quem illi arbitrarentur: nec dubium quin confecissent, nisi in Urbem reductus, pro Mercatore, ut erat, agnitus fuisset. Obsederant item portus hæretici, nè Nuncius acceptis à Regina literis exitum inveniret. Verùm Haius & Crittonius cum fideli nauta pacti, ut aliquot à portu millibus passuum opperiretur; eò per Scapham Gaudanum, comite ipso Crittonio, emisere. Haius aliquamdiu substitit, moxque cum præclara adolescentium Catholicorum manu subsecutus est: ex quibus deinde datis Societati nominibus, in viros egregios evasere, Jacobus Tyrius, Joannes Haius, Robertus Abercombæus, & Guilielmus Murdocæus, quibus plurimum Scotia debet; idque pretium ex ea peregrinatione princeps extitit.

Exposito Pontifici Scotiae statu, & legationis successu, Gaudanus in Belgium secessit, & Lovanii ad Academicos, quod unum per vires ferè poterat, tum Conciones sacras, tum Catechismi explicationem, in Collegijs maximè Porcensi ac Liliensi, ad obitum usque habere perrexit; eo successu, ut longè alios tum ad studia literarum, tum ad domesticam & civilem quietem, tum demum ad pietatis cultum, adolescentes se habere, Rectores Præsidisque Collegiorum & Magistri professi sint. Demum corpore morbis varijs extenuato fatiscens, annis minimè gravis, necdum enim 50. expleverat, immaturo decessu omnes afflixit. Ut verò in ipso quodammodo opere Apostolico expiraret, pridie quam decederet, domesticos omnes convocatos præclarâ exhortatione ad omnem virtutem instituit incitare, quâ id temporis maximo sensu dictâ, lachrymas omnibus excussit. Eundem subinde severum DEI iudicium considerantem timor ingens ac tremor invasit: sed cum Franciscus Costerus Provincialis eum erexisset, in hæc verba erupit: *trajectus quidem nobis restat terribilis, sed vos ô Apostoli Domini, Martyres, Confessores & Virgines, poteritis vestris precibus imbecillum animam ex mari tam turbulento in caelestem portum transvehere! poteritis sanè DEI clementiâ.* Ità recreatus, mysteriorumque supremis munimentis roboratus, placidè animam exhalavit anno 1565. Nov: die 10. ut subridere in ipso obitu visus sit, eaque blanda species in cadavere ipso remansit.

*Ex Historia Societatis.*

## P. GASPAR DE AZEVEDO.



Ditus in Urbem Vallisoleri, Societate ætate jam maturus obtinuit, & gradibus Academicis conspicuus; in qua Vir præclaræ virtutis & pœnitentiæ evasit. Singulare à

DEO munus orandi affecutus, 4. illi horas matutino tempore, duas sub vespem tribuebat, genibus semper nudis duro solo affixus, quæ inde multo calle obduruerant. Cilicio magnam partem asperissimo induebatur, quod erat saccus ad modum vestis, à collo ad talos usque è feris hispidis contextus; huic ferream jungebat catenam, quam nunquam à corpore arctè adstricto demovebat. Somni cibique parcissimus, super nudis cubabat asseribus; nempe qui non invitarent somnum,

sed arcerent potiùs & cruciarent. Flagellis acriter quotidie artus concidebat: sapiùsque post habitam feriâ 6. ad domesticos ex more Societatis, in Collegio Burgenfi (quod novennio magnâ sanctitatis opinione rexit) exhortationem, cum omnibus in templum descendens, instituebat publicam flagellationem, dum ipse præorando decurreret 7. Psalmos pœnitentiales cum Litanis de omnibus Sanctis: privatim verò ipse altero tanto prolixius in corpus sæviebat. Nunquam vinum gustavit: nec quidquam feriâ 6. & Sabbato, præter panem & aquam, extra alia crebra jejunia. Cum solus absque teste versaretur in cubiculo, deprehensus est summis pedibus insistens, toto corporis pōdere in genua identidem humi procidere, ut dum inclinatione illâ pronus Divini-





*P. Gaspar de Azevedo S.J. Hisp. Vallisolelari, post vitam in maximis corporis cruciatibus, et Animarum lucris tractatam, contagione à poenitente contractâ extinctâ, Burgis 1568.*

*J. S. Heinsch del.*

*18.*

*Dul. v. Westerbout scul. Prae.*

Divinitatem veneratur, malè simul corpori allusione tibiæ faceret. Neque interim salutis proximorum negligebat curam, cujus ingenti zelo cum eum flagrare viderent Superiores, destinauerunt in Indiam primâ navigatione soluturum, ingenti ipsius gustu & solatio: cui tam longinquo itineri necessaria prospecturus, eleemosynam petijt soli novæ ciliæ vestî, priori haud paulò asperiori, curandæ, quam illico toti corpori induit. Fuit autem hæc adeò hirsuta & terrificæ, ut à morte Patris à Socijs in ejus cubiculo inventa, solo aspectu horrorem moverit, demirantibus, quâ ratione homo exanguis & jejunijs confectus tanto rigori sufficere potuerit. Sed placuit DEO pro Indijs cœlestem portum Patri aperire, ejusque industriam ad multas animas

*Societas Europæa.*

secum in Paradisum adducendas, Burgis in Apostolico zelo exercere. Cum enim mox contagio irrepens Urbem atrociter depascere-tur, primus fuit P. Gaspar, cui fors desiderata obrigit, mortis in eo obsequio optandæ. Dum enim nocte quadam, quo tempore primus ipse, si quis evocaretur, adesse solebat, repente accititur ad excipiendam moribundi ex plebe hominis confessionem, & properè accurrens in publico miseri jacentis confessionem in genua submissus excipit, pestem simul, tam promptæ charitatis mercedem, ab ejus anhelitu hausit, quæ illi iter ad Cœlum aperuit. Quâ felicitate mirè hilaris non cessabat vicos percurrere, paratam omnibus ferens operam: dum denique prostratus, Medici etiam jussu in lectum fatalem procubuit.

O 2

Neq.



Neque tamen impediri potuit, quin lectulo identidem prorepens ad orandum in genua provolveretur, cupidus à morte in oratione eodem situ deprehendi: cui tandem felix succubuit Anno 1565. dignus profectò mortem in pace Martyribus affinem sortiri, qui vitam

egeat asperitate sanctis proximam Anachoretis. Ejus exemplum & vestigia in obsequio pestiferorum secuti P. Alvarus Orisius Concionator, & duo Fratres Laici, pari beato fine vitam amisere.

*Ex Historia Societatis & Tomo 1. Nierembergij de Viris Illustribus.*



P. Bartholomæus, Bustamanti, Hispanus Complutensis S.J., salutis proximorum, per omnē vitam zelantissim⁹, pueris, et Mauris docēdis addict⁹, præcipuē. Obijt Trigveri 2 Jun: 1566, æt: 70.  
19.

## P. BARTHOLOMÆUS BUSTAMANTIUS.



Ater Bartholomæus Bustamanti⁹ natione Hispanus, Patriâ Complutensis, quo tempore S. Franciscus Borgia nuncio rebus caducis remisso, Hispaniam prædicatione & sanctæ vitæ exemplis illustrabat, Joanni Taveræ Archi-Episcopo Toletano fuit à

secretis, Sacerdos jam, Theologiæ Jurisque Pontificij Doct⁹, & Concionator insignis, Architecturâ quoque præstans, & multo sæculi limatus usu, vitæ jam tum ita probatæ; ut cū gravissima negotia pro Archi-Episcopo, cui ulterioris Hispaniæ simul procuratio erat commissa, ageret, ideoque multa opima illi Sacerdotia in præmium industriæ offerrentur, nun-



nunquam tamen persuaderi potuit, ut Beneficium plus quàm unum Ecclesiasticum admitteret. In eo seduli Pastoris munere multos annos cumulatè perfunctus, cùm studio flagraret ardentissimo omni ratione DEO se probandi, & ad illius unicè voluntatem vitæ cursum omnem dirigendi, dies ac noctes ei supplex erat, ut viam sibi, quæ eò ferret atque deduceret, commonstraret. Cùm verò aliquando inter sacrificandum idipsum magnâ vi lachrymarum atque singultuum ab Christo Domino, quem tenebat in manibus, precaretur, perpulit eum quodammodo, ut signum aliquod ederet voluntatis suæ, genûsque vitæ, quàm maximè sibi probatum & acceptum ostenderet. Continuè siquidem permotione quadam mentis insolitâ, & veluti voce interiore se moneri sensit, ut ad Borgiam sinè cunctatione profectus, quod ab eo fieri animadverteret, idem ipse suis vitæ moribus conaretur exprimere. Itaque è vestigio domo negoriisque posthabitis, Ognatam, ubi tum Borgia degebat, se confert, reperitque cominodum illum in cœmento & lapidibus ad ædificium Collegij convehendis occupatum. Quâ specie tanti viri veluti miraculo attonitus, consilium illi suum exponit, totum animum, & pectus aperit: dimissisque illico famulis cum eo permanet, atque in Societatem anno 1552. receptus, complures annos Borgiæ insitineribus, ubique Verbum DEI prædicando, & sedulò omnes ad pietatem pertrahendo, comes adhæsit. Cum quo dum iter in Lusitaniam anno sequenti suscepisset, & Borgia per asperum saxûsq; præruptum montem, ultra Mundæ fluminis ripam, in oratione & divinorum contemplatione defixus præiret, sequebatur Bustamantius, sertum Marianum DEI paræ honori recitans: & dum per angusto tramite, loco sanè lubrico & scopulofo equitat, mula cui insidebat repentè prolapsa, ruere in præceps per rupes altas & voragine cœpit, aspectu ipso formidabiles. Magnæ tum viro tenebræ, magnus ruenti horror, in eo tamen mens constanter fixa, quòd sacra JESU & MARIE Nomina magnis clamoribus implorabat. Borgia ut clamantem Socium, & Pastores quoque vociferantes exaudijt, converso aspectu Bustamantium despicit volutabundum cum mula sursum deorsum per salebras præcipitem ferri, conjectisque in cœlum oculis, JESUS, exclamat, *tibi præsto sit! & tu Mater misericordiarum hominem protege!* Vix hæc dixerat, cùm ipso temporis momento mula constitit pedibus, loco

tam arduo, tamque ad imprimendum vestigium lubrico & impedito, ut admiratione propemodum obstupescerent, qui spectabant pastores. Auxit stuporem, & miraculum firmavit inventus illæsus, & integer unà cum jumento Bustamantius, suspensâ è manibus coronâ, quem jam fractum & comminutum nemo dubitabat: cùmque emergere tanto è barathro non posset, extrahitur funium adminiculis; qui mortis adeò certæ effugium Divæ Matris tutelæ potissimum, deinde verò Borgiæ precibus semper assignabat.

Septimançæ postmodum Anno 1554. Tyronibus probandis datus à Borgia Magister, concionandi simul ad populum munus nunquam deseruit, etiam dum postea Boeticæ Provinciam gubernaret; rudium præsertim in Fidei rudimentis imbuendis studiosissimus. Incensus hic aliquando ferventior spiritus DEO serviendi, multis precibus à S. Borgiâ contendit, ut eandem sibi à DEO gratiam exoraret, quam pro se postulare ipse consuevisset. Spondit facturum Vir sanctus: & continuè dolor tam acutus caput Bustamantij invasit; ut ex eo moriturum se, & de rationis potestate movendū nihil dubitaret. Ergo superbiam suam multis incusans, quòd imbecillitatem suam viribus gygantæis Borgiæ comparare ausus esset, majoribus denuo precibus expetijt, ut immunitatem à doloribus vires suas excedentibus Borgiâ impetraret: quos etiam ad Sancti orationem continuè evanescere sensit. Accidit deinde, ut Hispalî Collegium pro suo Provincialis munere invisens, hæreticos aliquot irrepsisse deprehenderet, unum præcipuè è schola Lutheri, qui magnâ comparatâ librorum pestilentium copiâ, eos per muros Urbis noctu inferens, clanculum inter cives venena spargebat. Igitur eorum nominibus ad S. Fidei Quæsitores delatis, prudenter rat, ad præmuniendum populum, multò explicandam studiosius Catholicam doctrinam, aliquot è Socijs in diversa templa tradendæ Catechesi designatis, initium ipsemet Die CHRISTI Domini Natalis fecit, tam prospero successu; ut errorum semina in ipso sui principio feliciter eliserit. Advertit idem in ea Granatæ Urbis parte, cui nomen Albain, à solis Mauris, postquam à Regibus Hispanis debellati fuerant, habitata, nullam eorum ad Fidem Christianam adducendorum curam geri, cùm tamen in octingentis amplius domicilijs plura eorum millia censerentur. Causa erat hominum pertinacia in Mahometi cultu, ut solent Turcæ, obsistata, cum quibus



bus sæpe aliàs tentata ac tractata incassum recidisse remedia dicebant. At Bustamantius causam magis esse arbitratus, quòd infelix turba nimium premeretur, & contemptui esset omnibus, ideòque ab hominibus primò, tum etiam à ritibus Christianis abhorreret: idcirco statuit sinceri liberalisq; in eos animi, ac veræ humanitatis & charitatis exempla edi oportere; ut cum homines amare cœpissent, ad Religionem etiam sensim afficerentur. Quòd si grandiorum natu obdurati annis, inveteratòque odio ex scelere corrupti animi medicinam respuerent, at pueros quidem certè alluci posse, quorum si puris ac teneris mentibus Christi amor cultusque pedentim & leniter instilletur, haud nihil profectum iri: patientià, constantià, longà morà opus esse, fore demum ut mutatio, quæ initio fallebat, postmodum appareat. Ergo culturam sacram aggressus (quam postea ternis Socijs prosequendam commisit) frequentissimas continuò in domibus, sub dio, ubi se daret occasio, habere conciunculas, pietatem & verum amorem erga eam gentem spirantes: puerorum agmina per vias agere, preculas more Christiano, & doctrinam Catholicam concinentium: amico omnes alloquio excipere, convenire, quæ re cunque liceret juvare. Ad hæc rationem doctrinæ huiusmodi instituit: In ædem sacram quotidie pueri puellæque conveniebant; sub ipsum limen, ut primum quisque inferebat pedem, vernaculo carmine, *introibo in domum tuam, adorabo ad templum sanctum tuum*, modulatè inclamabant: similique cantu, dum aquâ lustrali frontem aspergerent, SS. Trinitatem, ut sibi aqua illa salus esset ac vita, precabantur. Mox in genua provoluti, Orationem unâ Dominicam & Salutationem Angelicam recitabant: divisisque seorsim pueri ac puellæ memoriter certam rudimentorum S. Fidei partem reddebant, & aliquandiu quæstiunculis exercebantur. Postremò virginibus, iisque puero- rum, quos domesticæ difficultates & artificia exercebant, dimissis, remanebant circiter 200. qui noscitare & figurare literas ternis horis ante & post meridiem, docebantur, & antequam manè dimitterentur, Sacro intererant. Nec quidquam fuit quod æquè puero- rum conciliaret parentes, atque hic gratuitus illorum proles instituendi labor, admirantes præfertim Patres, quos paulò ante in sæculo nôrant honoribus opibûsque pollentes, vixque ipsi ausi essent affari. Hoc Bustamantij instituto effectum est, ut jam passim

inter Mauros SS. JESU CHRISTI Nomen incantiunculis resonaret: precationibus omnibus pueri, *Laus JESU CHRISTO, ejusque Matri MARIÆ Virgini*, adjungerent: salu- randi quoque invicem formula vulgaris esset, *laus JESU CHRISTO*. Pendebant iisdem ab latere precatoria Rosariola, ipsiq; in scholis discebant, suosque domi docebant ex ijs facere preces. Addidit his denique ingeniosa Bustamantij charitas Matronas duas, reli- gione & auctoritate claras, quæ domicilio in eadem urbis regione posito, virginibus Mau- ricis per puellarium doctrinam operum, quam gratuitam exercebant, Christianam infunderent sanctimoniam. Et fructuosus quàm maximè fuit labor, nec paucæ ad cœno- bium virgines ex earum disciplina transgres- sæ, aliæ viris Christianis nuptui datæ, aliæ inter suos ad ultimum piè vixerunt. Super hæc in tractum saltibus asperum, & torrenti- bus impeditum, cui Alpuxarræ nomen, mis- sionem è Socijs Bustamantius instituit, ubi pa- gi quidam Maurorum erant: in his multi ad- ultorum rectè instituti, & pueri indè paren- tum voluntate in Albaizinum plenius erudi- endi deducti; quibus laboribus plurimarum factum est lucrum animarum, usque dum natio perfida rebellavit. Puerorum interim disciplina egregiè semper processit, cum unius anni spatio numerus discipulorum ad 500. ascendisset: triumphante omnium maximè Bustamantio, & dolentibus vulgò homini- bus, quòd non multis antè annis institutum id esset susceptum. Quantum is verò in- puerorum institutione reponeret, ad Lainium Generalem scribens palàm fecit his verbis. *Superioribus, inquit, diebus P. Franciscus Bor- gia exemplum ejus epistole ad nos misit, per quam jussu Paternitatis Vestre Polancus præce- teris monitis jubet significare; si qui sint, quos ad pueros infimarum classium instituendos præcipue voluntatis propensio ferat, quòd id munus magni ad animorum utilitatem momenti sit, & gloriam Domini nostri. Laus illi æterna sit, qui tam piæ Paternitati Vestre animum largi- tus est in eam procuracionem; quæ, nisi ego fal- lor, omnium quæ in Societate nostra sunt, maxi- ma est. Equidem nequaquam in me eas pietatis ac prudentiæ partes agnosco, quæ necessaria tam excelso sunt operi: tamen Paternitati vestre sic, tanquam ante Christi tribunal stare, significo; testorque rem nullam omnium esse, ad quam majore studio animus meus, quàm ad pue- rorum institutionem feratur. Quòd si vestra Paternitas Hispali, sive Granata (ubi si res or- dine*



dine gentur, parvulorum plures credo duobus millibus convenirent) ita me scholæ præficeret, ut quantum mea vires ferunt, legere ac scribere docerem, ac de cetero mea præcipua cura esset in regendis puerulis, bonisque moribus imbuendis, sperem fore, ut divina Majestas mihi & illis in hujusmodi ministerio plurimum præstet. Neque idcirco ego intermitterem, si quando juberer, audire confessiones & concionari: tametsi non foret exiguum pro mea tenuitate, si audiendis modò exhortandisque illis parvulis tenerer. DEUS testis est, me vehementer id postulare, quod planè judico, plures fore idoneos ad Provincialis munus, quam regendorum in his, quas dixi urbibus, puerorum, ubi tanta confluet multitudo. Præterquam quòd hac occupatio, cum sellularia & quieta sit, illa Provincialis tam vaga, perennisque cursus, multò est aptior ætati meæ, 59. jam annum ingressæ. Est etiam causa cur id cuipiam, ut simulij, qui olim mihi adeò præter merita in sæculo aliquid tribuerunt, exempli aliquid præbeatur: simulque ab errore vindicentur, si qui fortè in Societate negotium tam nobile nequaquam eo, quo debet numero habent. Per Christi JESU amorem quaeso Paternitatem vestram, precorque, jubet, hac super re preces ad DEUM fieri, mihiq; responsum det paucis. At Lainius collaudatà viri modestiâ atque claritate, contentum esse jussit de cetero muneribus ab obedientia designandis.

Cum verò per idem tempus S. Joannes DEI, Ordinis FF. Misericordiæ Fundator, Nofocomium Granatæ præ ceteris celebre instituit, illudque collaticiâ piorum stipe sustentaret; Bustamantius S. viro Sacerdotes aliquot de Societate in partem operæ addidit, qui ad ægros allocutione, manûque juvandos illi adessent. Quorum exemplis & ardenti dictione excitati cives, æmulationeque accensi, ex omnibus Ordinibus ad eadem obedienda ministeria quàm plurimi confluebant. Unde S. Joannes tam utilem Sociorum operam Religionis suæ munijs expertus, totûsque sacer ejus Ordo, ubique Societatis auxilia hodièque perlibenter adhibet, non tantum ægrorum in suis nosocomijs, sed etiam ferè filiorum suorum animis dirigendis. Demum Provincialis munere, quod pridem multis votis ambiebat, expeditus, & Collegio Hispalensi Superior datus, ante omnia Scholis in-formandæ pueritiæ aperiendis curam intendit: quod ubi Quæsitorem S. Fidei ope perfecit, Trigverum ad ponenda Collegij initia Anno 1563. se contulit. Et quoniam para-

ta necdum erat Collegio ædes (quanquam Franciscus Palma fundator cõtumeliâ propè suam, quòd ad se non diverteret, interpretaretur) ad Xenodochium se recipit, magno civitatis universæ exemplo & approbatione. Itaque ubi cœpit manè ac vespere superiore loco ad officium quemque suum, ad scelerum fugam, vitæque mutationem hortari, animorum ardor ingens excitatus est, isque ad commissâ expianda concursus; ut nec Sacerdos Bustamantij comes, nec alij civitate ipsi adjuncti Sacerdotes, quamvis à prima luce ad multam noctem aures indicantibus se præberent, possent multitudini esse pares. Inter cetera vitia pravam jurandi consuetudinem ita exosam vulgo fecit, ut fossores quidam cum herum audirent jurantem, primò admonerent modeste ut abstineret, deinde cum perperam assvefacta lingua iterum prolapsa jurasset, comminati sint, nisi diligentius caveret, protinùs se relicto opere abituros. Pari industriâ & fructu in vicina oppida excurrens, Huelvam, Veas, & cui à S. Joanne nomen, excoluit, inimicitias & inveterata ubiq; extinguens odia, & Christianas virtutes implantans. Trigveri aliquando suggestum in templo principe ascendens, voces qualdam tumultuosè rixantium audivit: quâ re commotus & conversus ad populum, quid alia, inquit, vobis afferam? vos ipsi videtis quàm sit pius & patiens DEUS noster, qui domi hæc sua fieri sustineat. Pronunciemus omnes Pater & Ave, ut pro sua immensa pietate istorum corda tangere, & hanc eis condonare injuriam velit. Precatione absolutâ parabat descensum: sed Vicarius elatâ voce hortatus est, ut fraudare reliquam populi innocentis multitudinem paucorum culpâ nolit: ingeminant & alij preces; quibus Pater cedens, ita locutus est, ut vehementer omnes, sed eos præcipuè qui rixati fuerant, ad inimicitiam ibidem finiendam inflexerit. Quæ res & præter spem, & eò gravior vulgo accidit, quòd rixantes è Proceribus erant; ut nisi DEO placuisset eâ viâ ipso in semine odia elidere, gravis non ipsis modò, sed cuncto etiam populo calamitas immineret.

Vix Hispalim redierat, cum ad eum portum quadriremes septem, solæ ex magna classe vi tempestatis disjectæ, 25. demersis, superstites applicuere; vectoribus insuper morborum calamitate ita oppressis, ut miserandam in speciem jacerent animam agentes, omnibusque nudi subsidijs pecudum instar morerentur. Id ubi cognovit Bustamantius, ægrè



ægre cohibitus est, quin eâdem horâ, quamvis nocturnæ tenebræ obscurâssent omnia, ad audiendas morientium noxas propèraret. Proximo die ergo summo manè cum sex partim Sacerdotibus, partim Fratribus ad juvanda corpora egressus, suam singulis sportulam cum pane, vino, caricis, uvis passis, aliisque id genus xenijs ferentibus, ad quadriremes contendit, obfirmatus non regredi, quoad animas omnium, quantum consequi fas esset, in tuto locaret. Tum Classis Præfecto persuasit, ut domos in quas ægri deportarentur conduceret, omnem de cetero illorum curam in se Sociosque assumens. Elati mox ad unam eorum fuere 80. ad aliam verò alterum ferè tantum: quos Patres instantèr adhortabantur ad patientiam, audiebant confitentes, supremis Sacramentis muniebant, & qui levius ægrotarent, bis quotidie Christianis præceptis imbuebant. Ità vel optimè animati cum vita finiebant ærumnas; vel ad novas inremigio, si valetudo refarciretur, pro suis noxis luendas pœnas animum comparabant. Mahometani quoque aliquot ad Christum adjuncti, potentissimo illo charitatis argumento permoti. Tam insigne charitatis exemplum admirati multi ex Nobilitate viri, multi sacrorum Ordinum Religiosi & ipsi suam conjungere operam, & ægris ministrare gaudebant. Nostrorum verò qui ei se ministerio cum Bustamantio dedicârunt, gravissimè complures decubuerunt: quinque autem virtute insignes, quos præsentî mercede divina clementia dignos existimavit, contagioso malo afflati, suaviter in Domino, eodem omnes mense, obdormiverunt. Jam verò Trigveri apertum ab eo pueritiæ Gymnasium, & docendi methodus Magistris (necdum enim tum Regulæ conditæ erant) præscripta, exemploque proprio in praxim deducta, omnium potentissimum ad emendandam civitatem habebatur remedium: cedebatque usque eò prospere; ut qui civium in scholis puerum haberent, ij sibi perbonum domi Concionatorem existimarent esse. Nam pueri si quos domi aut in vicis jurantes jurantésve, aut convitantes audirent, aut quidpiam parum christianè agentes cernerent, demissis genibus ac sublatiis manibus per Christi sanguinem, ut abstinere, obtestabantur, simplicitate blandissimâ, potentissimâque. Eludo gregatim suam quique in oppidi regionem recedebant, per vias pia carmina concinentes; quæ res maximè pium vulgo, ac dulcem senioribus ingenerabat sensum; ut reso-

nante ubique SS. JESU nomine & laudibus, ipsum cœlum, quoties illi prodibant eludo, immundis perpurgarî spiritibus, adeoque conferenare fierique nitidius videretur. Diebus verò sanctioribus, cuncti simul prælatâ cruce, duorum ductu Magistrorum, e Collegio ordinatim egressi, in foro consisterant: eò plurimis spectatum auditumque affluentibus, pueri de S. Legis rudimentis interrogati, ità piè scienterque respondebant; ut parentibus cæteraque multitudini admirationem, pariter, & ingens ad pietatem incitamentum afferrent.

Creatus à Borgia Visitator Bœticæ, ac mox Toletanæ Provinciæ, tum alia præclare ad utilitatem in proximis per Societatis ministeria capiendam, tum præcipuè ad pueritiæ (quæ illi semper inter primas curas exitit) rectè imbuendam sancivit, nunquam inter hæc dicendi ad populum laborem intermittens. Sed persunctus utroque munere, cum integre se concionibus & expeditionibus Apostolicis restituisset, Caravacam, Veanum, Seguram incredibili successu excoluit; ità ut continuandis in sua Seguræ Patria tam fructuosos laboribus, catechesi præsertim & puerorum institutioni, Christophorus Rodericus de Moia, vir opulentus, Tyrocinium Societati illico fundandum suscepit, præter Domicilij & Templi fabricam, assignatis annuè redditibus 1500. aureis. In ejus Domus explicanda exordia cum totam hyemem anni 1566, in aspero illo & perfrigido cœlo non levi cum valetudinis noxa exegisset, Trigverum ineunte Junio anno 1570. redijt, fastigium templo impositurus. Hic verò fessum, annis ærumnisque corpus ità labor itineris aggravavit, ut paucis post adventum diebus, magnis febribus & lateris dolore prosterneretur: quem certum mortis prænuncium interpretatus, Trigveri civibus continuè dixit, adesse se, ut ultimum apud eos spiritum exhalaret. Gravius laborans, nullos nisi de divinis rebus fieri apud se ferebat sermones, quod ijs levare sibi dolores diceret. Ubi verò perlatum est SS. Viaticum, lecto teneri nequijt, sed velut juvenæ vegetus robore, impetu exiliens, positus humi genibus Dominum suum animi summâ veneratione & corporis excepit: & licèt aliquot ante obitum horis usum mentis ad cetera amisisset, visus tamen est divinitus constantem ad divina retinuisse: ità continenter aptèque vel Psalmos, vel Rosarium recitabat, donec 21. Junij ejusdem anni, septuagenarius, plenius dierum bonorum decessit.



cessit. Intellectâ Patris morte, in ploratum ac lamentationem miserabilem Civitas omnis versa videbatur, magnum & sanctum Virum, ac suum præcipuâ charitate Parentem amissum querens. Nec ferè alius compluribus Hispaniæ, præsertim Boeticæ populis fuit doloris sensus: quippe eâ erat virtute, ut apud quosunque fuisset, eorum animos DEO, sibi, Societati arctissimè copularet: optimi ubique exempli, prudentiæ excellentis, animi constantiâ nec laboribus unquam, nec annis, nec moribus fractâ. Consueta sua per frequentia jejunia ad extremum usque non modo intermisit nunquam, sed ne de summo quidem rigore in ciborum delectu quidquam remisit. Preces Sacerdotales, & tres ipsas Rosarij quotidie partes, de genibus semper, & quodcumque facultas suppeditavit, coram SS. Eucharistia exegit. Diu exoptârât, formulam precandi nancisci, quâ Virginis observantiam ab ipsamet Virgine postularer, tandemque cum in S. Bonaventura quandam invenisset, eam & ipse lætus arripuit, ac sæpissimè usurpans ceteris auctor erat ut frequentarent. *Dulcissime Domine JESU, dignare me infimum orantium peccatorum sacratissimæ Virgini Matri tue reverentiam debitam exhibere. Et tu clementissima Domina mea, mihi indignissimo peccatori impetra, ut perfectè sim deditus tuae servituti, & tibi omni tempore obsequar purâ mente, ac devoto corde continuò tue benignitati assistam.* Et certum est uberrimos ex hoc Virginis cultu illum percepisse fructus, & à gravissimis servatum fuisse periculis.

Et quoniam satis utrumque cum sæculi, tum Christi Domini servitium expertus erat, rerum mortalium vilitatem altissimè penetravit: de quarum fallacia si quando sermo nasceretur, vehementi solebat cum gemitu erumpere: *quid tot Proceribus, quid tot Principibus, quos ego ipse novi, actum est? Ego Carolum V. tanta cum majestate, ego hos illòsq; Dynastas novi, quos videbatur nè ipsa quidem mors adire propius ausum.* Ego tot Pontifices, Cardinales, Antistites, Doctores, Concionatores celeberrimos atque eminentissimos novi, & jam non sunt, perijt memoria eorum cum sonitu! Hosque inter sermones incendebatur usque eò & commovebatur, ut singultiens ac flens ubertim, interclusâ voce eriperet se de medio, & fugâ in cubiculum abderet: acres

ad sæculi contemptum in Auditorum animis relinquens aculeos. Ut erat impiger, industrius, & ardentissimæ charitatis, genus operæ nullum recusabat, unde commoda publica juvarentur: si suo tamen permetteretur arbitrio, vel pueros prima literarum rudimenta cum catechesi docendos, vel Novitios Societatis instituendos suscepisset: tantum existimabat interesse, quemadmodum initia ponerentur. Ob eam rem puerilem catechesim omni loco ac tempore pro virili provexit, conditis etiam vernaculo rhythmo versiculis, per quos teneræ mentes Religionis semina jucundiùs acciperent. Annum jam 67. agens, oblatâ spe numerosæ ad Fidem conversionis in Florida nuper Hispano imperio adungi cœpta regione, summis votis eam expeditionem depoposcit, peritiam tam longâ ætate collectam, in Evangelij fundamentis ibi rectè ponendis optimè dicens collocatum iri: idque prætendebat in orbis eo tractu idcirco libentiùs, quòd minimè illic agendum cum Europæis foret, ex quibus (quòd fermè pecuniæ lucra sectarentur) longè occupatio major, quàm solidus animarum fructus rediret. Illud verò maxime in laudibus ejus numeratur, cum per frequens apud Dynastas & magnas Potestates ageret, atque apud omnes gratiâ & auctoritate polleteret, multum semper illis bonitatis suæ indidisse, nihil verò de eorum ambitione & sæculi moribus traxisse, notatus sit. Petierat aliquando ex Comitissa Nieble, matre Alphonsi Petrij Gusman, Ducis Methymnæ, aureos mille in subsidium Collegij Trigverensis: quæ cum principiò malignum ejus anni piscatum thymnorum, ( princeps hic Dominæ erat reditus ) cujus jam tempus propè omne exierat, excusaret; sed mox bonitate Patris & simplicitate delectata, totam continuò summam editâ syngraphâ præbuisset: Bustamantius ad eam benignitatem velut divinitus instinctus dixit: *atqui scito, quoniam ita à liberalis DEO es, ipsum tibi hoc eodem anno centuplum redditurum.* Ac protinus res evenit, & prioribus & posterioribus annis inaudita; nam paucissimis qui residui piscationi apti erant diebus, adeò thymnorum exuberavit præda, ut centies mille aureorum, detractis impendijs, lucri sit factum. Quod pro miraculo celebravit indyta Familia, & memoriam suis codicibus consignavit.

*Ex Historia Societatis, & vita S. Francisci Borgia, & Tomo 4. Nierembergij de Viris Illustr.*





P. Alphonsus Ægidi, S.I. Lusitanus, et 12. alij Socij,  
Victimæ charitatis Deo in odorem suavitatis effecti,  
animas suas pro salute proximi contagionis tempore  
posuerunt Olyssipone et Porti. Anno 1569.  
20.

## P. ALPHONSUS ÆGIDIUS cum Socijs duodecim.



Anno 1569. Ulyssipone in Lusitania immanem stragem pestis edidit; ut per antonomasiam vulgò hodièque pestis magna vociteretur. Sacerdotes qui pæne omnes remanserant, Novitijs & Scholaribus debilioribus in tutiora dimissis, partiti inter se regiones Urbis & operas, salutem suam pro publica devoverunt: efficaci ad alios quoque ad sanctum opus incitandos exemplo; nam Sacerdotes passim & Parochi, variique Ordinum Religiosi alacriter ad eandem properarunt æ-

rumnarum & charitatis spartam. Julio extremo ità funesta exuberavit lues, ut præter valetudinarium, quod extra Urbem PP. nostri duo constanter curabant, alij diversis Paræcijs per Urbem trecentis, alij quingentis inservirent: ità ut adulto Augusto indè ad Provinciam P. Cyprianus Soarius (is qui præcepta Rhetoricæ edidit) perscripserit, supra decem tunc ægrorum millia suæ, Sociorumque duntaxat curæ subfuisse. Erátque simul inopum, ex fuga locupletiorum, & operarum cessatione, ea calamitas, ut jam PP. in eorum subsidia ad sacros calices divendendos converterentur:



rentur: cùm Rex admonitus providit, ut nihil ultrà desideraretur. Animadversum est in flagitiosos, atque impudicos magis deservisse malum: post quos pessima erat conditio infantium, quos inopes Parentes deserebant in Urbe, cùm vitæ cupidine foras profugerent. Horum Socij ingentem collectum numerum, additâ cuius diversâ notâ, unde à Parentibus, si fortè redirent, internosci possent, sub cura & stipendio nutricum servârunt. Hæc aliâque cùm populus cerneret, ubicunque homo de Societate appareret, tanquam ipsa occurreret salus exhilarati, infinitis cum gratiarum actionibus, acclamationibus, & faustis precationibus excipiebatur. Cæterum magnum hoc juvandæ civitatis opus magnò Societati stetit: multos & magnos sibi viros pignoratū est cælum; & præter complures ex tam sancto obsequio peste afflatos, sed DEI beneficio confanatos, quibus funes ceciderunt in præclaris conatibus, fuere sequentes.

P. Alphonsus Ægidius Lusitanus, tenui genere in pago Cadafæ natus, & ad Clericatum à puero educatus, Societatem jam Sacerdos complexus Anno 1549. posito Conimbricæ Tyrocinio, Ulyssipone ad obitum usque indefessi munus Operarij egit. Nunquam domi nisi cum DEO, vel propter DEUM foris cum proximis de DEO agere: uni sibi asper & implacabilis, in alios mitissimus: laboriosus diu noctûque extra modum, animarum cupidus ad miraculum, animo semper hilari, cujus jucunditas in oris perpetuâ serenitate emicabat. Neque urbe concludi zelum suum passus, excurrebat in pagos crebris dictionibus, miserrimum quemque studiosissimè complectens, barbarica mancipia, vinctos in carcere, ad remum damnatos, ultimo supplicio afficiendos, solatijs, eleemosynis undique corrogatis, vestibus, & tam animæ quàm corporis subsidij propensius confovebat. Atque his vicissim amabatur ut parens, quo etiam pervulgato jam nomine passim indigebatur; & ipse vicissim fratrum nomine eos appellare amabat. Ut verò pestilentia incubuit, tum verò planè sese & omnia, præter unam charitatem oblitus, plenam discriminis aleam valetudinarij suburbani curam, cum P. Michaële Stephano, Domûs Professæ ibidem Procuratore, delegit, brevis lucis jacturâ mercatus æternitatem, quam adjit 22. Julij, Sanctæ Mariæ Magdalensæ sacro. Secutus illum est 8. Augusti P. Michaël, immobilem animi jucunditatem etiam supremo spiritu præferens, cùm pestilentia ibidem ictus inter ma-

*Societas Europæa.*

ximos dolores enecaretur, ea extremum verba profatus: *en omnia jam peracta sunt, veni Domine!* Assiduus erat in pœnitentibus expiandis, visendisque interdiu noctûque ægrotis, nihil se difficili domûs ex solis eleemosynis procuracione impediri passus: ferturque Jubilæi tempore per 20. continuas horas confessionibus audiendis institisse.

P. Franciscus Consalvius 30. Julij pari infectione extinctus, post se in ideam felicissimum fatum traxit 4. Augusti P. Emmanuelem Godinium, nobili genere fatum. Versabatur hic in Aula Regia adolescens inter Cubicularios, cùm illuc Româ S. Franciscus Xaverius advenit, apud quem totius vitæ peccata expiavit, & ad virtutem vehementer incitatus, Societatem postea apud P. Simonem Rodericum impetravit. Rexit subinde Collegium Conimbricense, ac deinceps ad S. Antonij Ulyssiponensem, Romam quoque Procuratoris nomine ab Lusitania legatus, vir inter primores illic Societatis habitus. Atque hic ille est Godinius, qui Rector Conimbricæ existens, ingentia illa pœnitentiæ prodigia in publico edidit, quæ sui magnitudine, quia super communem sunt usum, neque ad imitationem proponi possunt, ultrò missa facio. Videri possunt relata à nostris Historicis, quæ etiam S. IGNATIO causa fuere scribendi in Lusitaniam auream illam de obedientia epistolam. Ejusdem charitatis victima 12. Augusti, cecidit P. Gaspar Planus, è Belgio alioqui Antverpiâ oriundus: & post illum die sequenti P. Gaspar Alvarez Ulyssiponensis, ibidem ad S. Antonij Rector Collegij, quod in nonum tunc annum eximiâ approbatione gubernabat. Dederat jam antè luculentum specimen ardoris sui quàm parvò vitam duceret, exoratâ missione Castrensi, secutus militem in Africam, ad liberandum à barbarorum obsidione Massaganum, Lusitani Regis arcem. Natum sinè omni passione animi diceres, adeò omnes edomuerat. Pecuniæ summam pro Collegij egestate non levem Procurator amiserat, unde consternatum intuitus Alvarez Rector, subridens hoc solum dixit: *Nunc verò cave, nè etiam te perdas.* Ad ægrotos noctibus, ut Sociorum quieti parceret, ipse plurimum itabat; & quæ alia poterat ex durioribus officijs in se derivabat. His accessit simili morte defunctus P. Joannes de Moura, Ulyssiponensis, cum tribus non Sacerdotibus Scholaribus, Consalvo Barreria, Jacobo Carvalho, & Stephano Nunnio: ac quatuor Adjutoribus Laicis, Gaspare Correa, Georgio Alva-

P. 2.



Alvarez, Cosmo Vasio, & Ludovico Bravo, qui sex annos in sæculo miles, quinque inter hostes captivus, multum orbis terrarum peragraverat.

Agmen clausit alia in Urbe Porti, pari contagiosorum obsequio extinctus, Henricus Nunnez de Govea, ibidem nobili & opulentâ domo oriundus, Joannis Nunnez Patriarchæ Æthiopæ patruus. Hic rerum humanarum in principio, ut laeta in fortuna solet, æquo studiosior, pietatem & divina ponebat in extremis, tanquam vitæ suæ rationibus & statui incongrua: sed auditis, jam Conjugio illigatus, nostri P. Francisci Stradæ concionibus, ita repente permotus est; ut cum illi totum se permisisset, spiritualibus ab hoc excultus exercitijs, in caput & ducem toti civitati evaserit (ut erat ingenio & auctoritate permagnâ) ad omnem virtutem & pietatem. Societatis incredibile est quàm studiosus foret, factus ejusdem Generalis Præpositi auctoritate compos in mortis articulum, nisi Conjugem vitæ prius defungi contingeret. Et cum illi se continuè consecrare non posset, è senis liberis, totidem maribus ac fœminis (qui omnes religiosam vitam professi sunt) duos Societati tradidit, suamque deinceps domum transcripsit. Porro cum averet vel in illa vitæ suæ genere, quoad ejus fieri posset, Apostolicos Societatis æmulari labores & vitam, DEOq; & proximi salutis operam navare liberrè, publico munere abdicato, domusque curâ omni, fideli famulo commendatâ, domum suam effecit domum orationis, Religiosæ simillimam: distributis ita diurnis spatijs, ut sua orando DEO, sua examinandæ conscientiæ, lectioni, colloquio spirituali, ceterisque

*Ex victimis Charitatis Alegambe.*

pietatis exercitationibus hora dicaretur; ut vel ipsi famuli in Cœnobitas veluti mutati, ubi ubi essent, nihil nisi de DEO agere vel loqui scirent. Ipse pauperibus affatim vel de suo, vel de corrogata stipe præsidio esse, ad humillimam passim servitia sese in nosocomio demittere, reconciliare dissidentes, toti civitati & actione vitæ, & cohortationibus acres ad vitam Christianam stimulos admove. Eandem industriam & zelum extendebat ad loca finitima; cui Societas debet IGNATIUM AZEVEDIUM, illustrem postea in itinere Brasili Martirem: hunc enim cum rescivisset sæcularia pertaxum, per 20. ferè passuum millia convenit, eoque perpulit, ut se Conimbricam ad Exercitia in Collegio obeunda conferret: ex quibus omnis ejus postmodum salus cum vocatione ad Societatem consecuta est. Cum ita complures annos sancitam etiam Conjugis voto continentiam DEO servasset, pestilentia ab Ulyssipone Portum propagatâ, contagiosorum servitio operam suam addixit: ex quo infectus, nuncupatis ex auctoritate P. Generalis, & Conjugis assensu, Religiosis Societatis votis, 21. Martij Anni 1570. occubuit: Supremo illo morbo Conjugi suæ Beatrici de Madureira, tria sibi divinitus significata aperuit: primum, adscriptum se numero prædestinatorum: alterum, proximo S. Benedicti die 21. Martij de vita migraturum: tertium, ipsam quoque decimo post anno, eodem die (quod ita prorsus evenit) morituram. Quo die verò uxore demortuâ tumulus ipsius eidem penès sepeliendæ patefactus est, corpus integrum illibatūque & suavem aspirans fragrantiam repertum est, totaque ad ejus venerationem civitas convolvit.

## P. ADALBERTUS BAUSECK.



Atus est P. Adalbertus Pragæ, Metropoli & Sede Regum Boëmiae, paucis ante adductam illuc, auspicijs Ferdin: I. Societatem annis, Socijs 12. ab ipso S. IGNATIO illuc Româ destinatis: quam Ferdinandus I. Hussij hæresi tum latè per Boëmiam dominanti, instinctu Venerabilis Capituli Metropolitani Pragæ, opponere disponebat. Neque spe suâ delusus est. Nam Anno 1556. 21. Aprilis Pragam introducti, Scholas mox 7. Julij aperuerunt, in Theologiam, Philosophiam, & quinque Humaniorum classes divisas:

quæ uti non affluebant numero (nam altiores illæ pauculos censebant Auditores) ita exuberabant fructu: brevi ut toto Regno fama ferretur, pl. apud Jesuitas trimestri spatio, quàm apud Hussitas biennio profici; ingenti plausu (qui tum erant pusillus grex) Catholicorum, mœrore autem & pudore hæreticorum. Ex quorum scholis cum indies plurimi in disciplinam Societatis transirent, Magistratus Hussitarum sollicitus, nè sui Magistri penitus desererentur, edito super ea decreto prohibuit, ullos deinceps à Parentibus suæ sectæ, ad scholas Jesuitarum traduci. Sed frustra fuere omnia; nam adolescentum inge-





P. Adalbertus Bauseck S. I. Boëmus Pragensis, ab ipso Christo D. in sacra Hostia sibi apparente, Societatem ingredi iussus; in eadem, insigni animarum zelo, hæreticorum conversionibus, et eminenti Theologia doctrinâ enituit. Obijt Viennæ 3. Maij Anno 1574.

ingenia literarum amœnitate inescata, formantium manus ad virtutem, rectamque Fidem facillè sequebantur, simulque profectum eorum literario, & morum compositione palam in oculos Civium incurrente, plurimi ipsorummet Hussitarum permovebantur; ut Magistros liberis suis è Societate præoptarent. Concionibus verò P. Henrici Blisse-mij, præter notabilem plebejorum Civium turbam, hoc ipso primo adventus sui anno, duo è celeberrimis Hussitarum ministris ad Catholica castra traducti sunt. Verùm præ omnibus opima præda fuit, de quo nobis sermo, Adalbertus Bauseck, inter alios scholares Oratoriæ fortè Facultati dans operam, ab ipso DEI Filio in Societatem sub finem hujus Anni (qui S. IGNATIO supremus in vita fuit) pro-

digiosè vocatus. Huic enim in Collegij templo S. Clementis preces ad DEUM fundenti, pueri venustissimi specie in sacrosancta Hostia JESUS apparuit; cujus amabili veluti sibi blandientis aspectu in reciprocum ejusdem amorem raptus Adalbertus, dum quæreret, quid ab se fieri vellet? Dominus disertè respondit: *volo ut ibi sis, ubi es.* Quibus verbis nihil dubitans, se ad Societatem suam à Domino JESU vocari, ut eo loci & Religionis remaneret, in cujus templo preces effudisset, continuè Rectorem Collegij Usmarum Gvifonium, & Petrum Canisium accessit, receptusque omnium primus è natione Boëmica est; insigni planè & memorabili DEI ipsius, omnes in eo ex hac gente posteros ad se vocantis, auctoramento & solatio. Neque tamen.



tamen ipse divinum visum promiscuè statim aperuit, donec consolaturus propinquos, qui negotium ei facessabant, veluti coactus patefecit; veritatem illius satis confirmans laudabili vitâ, quam præclaris facinoribus, & Apostolico zelo plenam, ac tantæ vocationi consentaneam, usque ad extremum peregit. Neque DEUS perficiendo tanto, quod in eo cœperat, operi manuum subtraxit; siquidem à Tyrocinio Philosophiæ & Theologiæ discipulus admotus, à condiscipulis jam audiebat Magister; quibus etiam docendis, præsertim Theologiæ, paulò post admotus est, eâ sacræ doctrinæ existimatione, ut ejus auctoritate inter omnes Socios emineret. Quæ res illi inter patrios homines maximo adjumento ad eorum conversionem fuit; cum solus linguæ patriæ ex Socijs gnarus & pro concione diceret, & confitentibus atque consulentibus aures daret, omnibus omnia factus. Eundem literis Pragâ ad universam Societatem datis, laudare cumprimis voluisse videtur Collegij eò tempore post Gvifonium Rector, Henricus Blisseus, *Ecquid obsecro pulchrius, inquit, ac nostræ quidem vocationi magis consentaneum existimari potest, quam quod hic non raro cernitur, ut homo idem nunc verbi divini præconem in templo, mox in schola graviorum disciplinarum Professore, deinde parvulorum in minima classe Doctorem, postea domi in culina coquum, in cœnaculo ministrum, vel apud ostium janitorem agat? nam cum sumus numero tantum 12. & nonnunquam duo decumbant ægroti, & scholæ postulent octo, & Collegium pauperum studiosorum item abstulerit duos, & plura sint domi alia munera, etiam tantum graviora numerentur, quam homines; quilibet officia plurim subire contendit, estque unus instar multorum.*

Atque ob hanc ipsam Sociorum paucitatem, cum ob hæresim ubiq; ferociter grassantem deessent idonei à Catholicis athletæ; qui erroribus illorum confutandis in scholis opponerentur, Viennæ præsertim, ubi non tantum Civitas à potiori hæreticis referta; sed ipsa Universitas Doctoribus hæreticis scatebat, adeoque omnium maxima necessitas premebat sanæ in Theologia doctrinæ; idcirco Boëmiæ ereptus Anno 1565. datus illi Academiæ est Adalbertus Baufleck, jam tum Theologiæ Doctor, in ejusdem Facultatis Decanum, qui primus ex Societate, post eandem in jura Universitatis hoc anno admissus, Theologiam istic publicè, & domi eodem tempore privatim professus est. Et cum

triennio post, Antistes Olomucensis Synodum Diœcesanam, ab annis 49. intermissam cœgisset, ad eandem evocatus cum P. Laurentio Magio Provinciali, & Henrico Blisseio, magno adjumento & usui ad res Fidei rectè statuendas illi cœtui fuit, ducentis qui interfuerent Sacerdotibus, & Antistiti, concionibus privatisque simul alloquijs pro virili opem ferens. Ipse etiam postliminiò Viennam reversus, auctoritate Decani effecit, ut qui doctrinæ publicis donarentur insignibus, Catholicum prius symbolum ex diplomate S. Pij V. Pontificis profiterentur: & nè libri parum Fidei vel pietati congruentes, qui magno numero Typographis offerebantur, in lucem prodire, nisi recogniti & approbati, permitterentur. Atque in similibus augendæ Catholicæ Religionis, & expugnandæ hæresis assiduis conatibus, per omnes vitæ annos in Boëmia, Austria, & Moravia versatus, tandem viribus, magis ex laborum magnitudine, quam annorum ætate fractus, Viennæ occidit die 3. Maij Anno 1571. quàm acerbo Societati & Fidei Orthodoxæ, tam maturo virtuti sibique funere. Sanè in tanta Colonorum illis Religionis nostræ primordijs penuria, Historia Societatis parte 3. libro 7. num: 58. vocat eum maxime insignem: utpote qui fuerit vir mitis, innocens, candidissimâ animâ, humilitatis amabilissimæ paratissimæ ad omnia obedientiæ: ad hæc doctus cumprimis, publicèq; in Academia Viennensi, temporèque simul eodem privatim in Collegio domi Theologiam interpretatus: impiger idem navisq; divinæ vineæ cultor: cujus in ore ac vultu innocentiam animi, charitatemque in DEUM & quoscunque hominum legeres. Quibus virtutibus ita domesticorum amores Civiumq; rapuerat, ut ægro nullum omisum sit, certatim omnibus omnia conferentibus, divinum humanumque remedium: & fuerint, qui vota pro salute ejus facerent, atque enixè Dominum DEUM precarentur, vicarios se offerentes, ut detractos sibi vitæ annos illi adjiceret, nè munimentum id Religionis Catholicæ alienissimo tempore demeretur. Quæ spes ubi sefellit, quod reliquum erat, de mortuo frequentia parentantiū, dolore, lachrymis, ac lamentatione insigni iusta funebria persolverunt. Nemo tamen magis jacturam viri perensit, magisque indoluit, quàm Laurentius Magius, Provinciæ tum Præpositus, ac postmodum universæ Societatis Romæ Assistent, qui Adalbertum intimè pernoverat, & talenta naturæ, gratiæque cumulatè expertus, dampni ex ejus amissione magnitudinem optime



optimè pensare sciebat. Itaque de ejus obitu Romam scribens, sensum suum sequentibus explicuit: *Tertio die Maij, migravit ad Dominum sanctus ille ac benedictus P. Adalbertus, dimidium anime meae, prater multas ejus virtutes: cujus mors ut communi bono perin-*

*commoda accidit, & Academia & Collegio nostro, & Theologorum nostro Seminario, cum esset ille vas omnium bonorum, & ad labores infractus; ita vulnus cordi meo tale infixit, ut etiamnum perdoeam.*

*Ex Historia Societatis, & Nadaſi Anno dierum memorabilium, & Annalibus Provinciae Bohemiae Societatis JESU.*



P. Iacobus Sotomajor Hispanus cum Socijs 27. per diversas contagiones in obsequijs agrorum in Hispania glorioſe vitâ poſitâ extincti, ab Anno 1571. uſq; ad Annum 1598. 22.

## P. JACOBUS SOTOMAJOR cum alijs septem & viginti.



Anno 1571. grassante Gaudibus, & passim deinde plusculis annis per Hispaniam pestiferâ febri, cum plerisque divitum cum Episcopo, Clero,

Prætoribus, & Magistratibus ab Urbe ad tutiora digressis, multitudo destituta nullum haberet corporibus, nullum animis præsidium; Rector Collegij Petrus Bernardus, vir prodigæ in miseris charitatis, ita cum prioribus, qui remanserant



ferant ex Magistratu civili, egit; ut de remedio agerent. Confertur in commune numerus pecuniæ magnus, destinatur in agro domus excipiendis ægris, medicamenta, ministrique morbidorum, & Sacerdos Clericus ab Episcopo ad divinorum mysteriorum distributionem. Urbem & vicinam procurandam Rector cum Socijs assumpsit, aliquot ad ferendâ corporibus æquè ac animabus opem addictis: quorum unus urbem & agrum eques obibat quotidie, circumferens medicata crustula, & saccharo conditos succos, ægrorum solatia: quosque inveniebat abjectos, ad nosocomium curabat deferendos. Rector toti negotio & dividendis eleemosynis ab Urbe præpositus, ut cujusque requirebat inopia, cibos, vestes, medicamenta comparabat, & partienda ministrabat: atque sub vesperam egressus in forum, ad pœnitentiam populum, placandæ iræ cœlesti nervosâ cohortatione compellebat. Pertinax interim malum cum charitate Patrum certans, duos subegit, Jacobum Lopium Coadjutorem, corporibus miserorum curandis addictum, ad diem quintam Aprilis. Quem menstruo secutus est intervallo ad quartam Maij P. Jacobus de Sotomajor, origine Hispalensis, claris doctrinæ & virtutum ornamentis. Hic in Jure gradum Licentiæ consecutus, domum Granatæ, Regio isthic in foro Advocatum professurus, quærebat; cum ter divinâ voce jussus est nullam præter Societatem JESU domum vestigare. Accessit ad vocem impulsus adeo vehemens, ut hærentem & propè invitum, vi quasi quadam pertraheret. In Tyrocinium recepto ita mens illustrata, & dilatata sunt præcordia; ut sorte suâ beatus nullum honorem licet amplissimum, quam inter DEI famulos coquum agere mallet; Sacerdotij gradum quantum posset, præ sanctæ humilitatis ambitione deprecatus. Ardore deinde adversa omnia pro DEO patiendi, mortem, labores, cruces, exquisita tormenta, incendebatur flagrantissimo: eoque constanter exambiebat in Indias, seu Occidentem versus, seu Orientem relegari. *Is, qui novit cor meum, scribebat ipse Anno 1566. ad S. Franciscum Borgiam, cor tuæ Paternitatis moveat, ut meis votis indulgeas: nam præter alia ego prosperâ sum valetudine, quocunque cibatu prosperè utens. Mari diu sum peregrinatus, ut qui Hispanicis Indias lustravi: natæ sciens, & remum agere. Quod si Dominus permitteret, ut in Indiam tendens ad ejus obsequium captivus fierem, verberibus conscinderer, auri-*

*bus, naribus, manibusque mutilarer, aliisque cruciamentis, quacunque fingi cogitatione queunt, afficerer, videor mihi (ut nunc me quidem DEUS corroborat) ardentius quam nunc expeto, reipsa tunc excepturus.* Ubi verò vulgata Gadibus pestilentia est, continuè dandæ in discrimen pro salute proximorum vitæ occasionem arripiens, fatigare Provinciale non destitit, ut se ministerijs ægrorum addiceret. Fortè accidit, ut Sacerdotalibus ad sacrificandum vestibus jam esset indutus, cum lætum accepit, voti se compotem factum, nuncium. Igitur eodem loco inter nuncium fratrem arctissimè, gaudiòque immenso amplexatus, ad Altare progreditur, ibique tenerrimo cum sensu pietatis & fervoris sese pariter cum SS. Hostia victimam offert. Ab sacrificio rectâ mox ad Nosocomium accurrit; dumque pestiferos deinceps circumquaque in urbe & foris venatus, nullâ suimet, summâ illorum curâ, talentum charitatis aliquamdiu exercet, ingenti conflato in cœlis thesauro, ad ejus fructum capeffendum transivit die 4 Maij.

Ex eodem charitatis opere pretiosam hoc ipso anno mortem Toleti, sub finem Aprilis, retulit P. Joannes Martinus, natus in oppido Pinto Novæ Castellæ, varijs quidem in Societate munij, sed in nullo propensius, quam Operarij, expiandis pœnitentibus, ac visendis diu noctûque ægris occupatus. Nec verò dum mitteretur expectabat, somnum tunc & cibum momento abrumpere solitus; sed Moderatorum nutum antevertens sedulò instabat; ut præ alijs ad ejusmodi operationes destinaretur. Venerant tunc fortè à bello Granatensi Toletum multi ex genere Mauro-rum ægroti, eam Pater suam esse messem ratus, flagrantissimo studio complectebatur miseròs, ijs lectos sternere, porciones cibumque porrigere, obsequio omni sive ad sanitatem recuperandam, sive ad mortem piè obeundam opitulari. Cumque præ multitudinem uno sæpe in strato bini ternive jacerent, ad noxas confitentium arcano audiendas inferebat se medium, & ad anhela miserorum orationem & charitate admirabili aures applicabat. Vitio indè concepto, tanquam miles fortis in acie, quod semper optabat, latissimus cecidit: cui fertur moribundo DEI para, quam mirè venerari solebat, apparuisse, & cœlestis solatij plurimum attulisse. Horum exemplum sequentibus annis strenuè secuti complures, eundem finem sortiti sunt: Monachij P. Thomas Ordumna, & P. Petrus Cuebas,



**P. JACOBUS SOTOMAIOR cum alijs septem & viginti.** 121

Cuebas, in Majo anni 1575. Compostellæ  
P. Petrus Velasquez anno 1577. & P. Gonzalus de Fonte, cum Patre Balthasare de Albuquerque ibidem, hic in Novembri, prior in Octobri sequentis anni. Hispali P. Petrus Vasquez. Corbubæ P. Ludovicus Escalante. .  
Barcinone anno 1580. P. Joannes Servent  
14. Augusti. Jacobus Mauritius 1. Septemb:

P. Matthæus Peliaccius eodem die, & sequenti Martinus Aparicius. Joannes Lopez 8. Sept: ac postremus, Franciscus Morey 13. Octobr: His accessere anno 1597. Sanctanderij quatuor, & anno insequenti alibi per Hispaniam in eodem Charitatis Officio, octo extincti, quorum nomina & gesta leges apud Alegambe in Victimis Charitatis.

*Ex Victimis Charitatis Alegambe.*



*S. G. Henrich del.* *Joh. Christoph. Hofner. sc.*  
S. Franciscus Borgia, S.I. Generalis III. & Regio Hispan. sanguine Dux Gandiæ, etc. In funere Augustæ Isabellæ. aulam mundi excol. vivere et servire Deo statuit. Societatem complex, verbo et opere salutem proximis, etiam Romæ in peste, cordi suo sumpsit. Alias pro Viri Nobis, his obstinati anima, adusq. sanguineu Crucifisci prostravit, licet frustra, mira egit. à Pio V. ad Reges in Legatione missus, in negotio contra Turcas, optimo successu, Joannē di Austria contra Turcas Victore Obijt Romæ 1572. 25.

**S. FRANCISCUS BORGIA.**



Atus est P. Franciscus Gandiæ. in Hispania Anno 1510. die SS. Simoni & Judæ sacro, Filius primogenitus Joannis Borgia Ducis Gandiæ, & Joannæ Arago-

niæ, neptis Ferdinandi Aragonum Regis Catholici: familiâ apud Hispanos inprimis clarâ, ex qua duo Summi Pontifices, Cardinales & Duces plurimi, reliqui meri Principes prodierunt. Mater partum feliciter enixum S. Francisci Seraphici, cui erat devotissima, patrocinio

*Societas Europæa.*



trociniò adscribens, filium ex ejus nomine appellavit, & educavit pijsimè: jam tum ad eam devotionem, sorte quot mensibus Patronum aliquem è Divis eligendi, assuefactum, quem ipse deinde in totam Societatem & Mariana Sodalitiam invexit. Undecimo ætatis anno, rebellium subditorum armis amisso Ducatu, à profugo cum tota Familia Parente, Cæsaraugustæ apud Joannem Aragonium Urbis Archi-Episcopum, suumque Avunculum relictus est, apud quem etiam post devotos internecione Rebelles remansit, instruendus bonis Nobilium artibus Grammaticæ, Musicæ, atque Equestris disciplinæ, dum altiorum disciplinarum capax, Philosophiam quoque singulari studio condidit: in omnem simul pietatem & virtutum exercitia intentus. Vigesimo ætatis anno missu Parentis, Aulam Cæsaris Caroli V. secutus, ob eximias corporis & animi dotes, morésque Christiano Aulico inprimis dignos, totum ejus & Augustæ affectum occupavit. Nam ab omni superfluo luxu, ignava ludendi consuetudine, amatorijs artibus constanter abhorrens, cum altero sexu non nisi hirsuto accinctus cilicio agebat: cum interim equestribus artibus, hastarum & gladiatorum ludis, equorum cursibus, & id genus Nobilium artibus, cuius parem aut superiorem se ostenderet. Non sefellit ea virtus Cæsarem, & cum Franciscus nullam Conjugij mentionem faceret, ipsæ curam Sociæ consortio ejus dignæ deligendæ sibi assumpsit: collatoque cum Augusta consilio ex ejus gynæceo Leonoram Castri, sublimi in Lusitania loco natam, Francisco minimè invito copulavit, & dignitate Præfecturæ Regij stabuli auxit; novoque titulo Marchionis Lombayæ decoravit. Ex eo Matrimonio octo liberos, quinque mares, & tres puellas suscepit; favore Cæsaris & consuetudine familiari constanter usus: nam & Mathematicis disciplinis, quæ militari arti deserviunt, sub eodem Magistro operam dedit, & ad jocos æquè ac seria, venationes & aucupia, bellumque in Gallos urgendum adhibebatur. Donec sub annum 1539. è vivis sublata Cæsaris Augustâ Isabellâ placuit DEO Franciscum à sæculi curis penitus abstractum ad sua unius obsequia traducere. Cum enim commissum suæ curæ funus Augustæ esset Toletò illiberim deducendum, ubi de more ante sepulturam ad recognoscendum, an revera ipsum ejus corpus foret, apertum est, adeo fœdum, deforme, fœtidumque apparuit, ut spectantibus horrorem incuteret & fugam,

nec qui juramento testari de more auderet, illam ipsam Augustam esse, ullus ex comitatu repertus sit, nè quidem ipse Franciscus, nisi in quantum conscius sibi esset, de omni fide & cura in deducendo ejus cadavere adhibita. Atque eo spectaculo totus animo mutatus, in alium penitus à se abiit: neque ex illa hora amplius eò, quò antehac oculò terrena intueri, averfari Aulam cum suis favoribus, delicias, honores, clientelas fastidire, solum DEUM & Cœlestia anhelare. Siquidem eà ipsâ horâ, à condito in Æde sacra cadavere in hospitium redux, solus sine arbitris, pessulo januæ subducto, in cubiculum se abdidit, humique prostratus, lacrymis & gemitibus fræna laxavit: certus deinceps, abjectâ corporis & terrenorum curâ, uni DEO & animæ salutis studia omnia impendere: tam profundis in animo suo propositi hujus radicibus, ut paulò post firmiter decreverit, quàm primum expedire se terrenis liceret, si Conjugi superstes viveret, in aliquam Religiosorum Familiam se dare. Sub hæc à Cæsare Catalauniæ Pro-Rex, frustra multis obnitens, declaratus, gubernationi Regni per quam exactè sanctitatem vitæ, & cultûs Divini promovendi zelum conjunxit: novo iterum honore à Cæsare cumlatus, Ordinis Equestris S. Jacobi Hispaniæ Tutelaris, qui inter militares ibi Ordines Princeps est, Cruce donatus; additis etiam annuis opimis prædiorum fructibus & vestigalium. Prima cura fuit, vias publicas à latrocinij, quibus omnia tunc ex Galliæ hostilis vicinia erant infesta, tutas reddere, itaque securitati & vitæ commeantium prospicere: tum judiciorum & justitiæ administrandæ normam instaurare, jus suum cuique citra litium protelationem reddi curare, omniâque solerti vigilantia ad utilitatem, & commoda incolarum providere. Nam & frumentum undique importandum, quòd ex sterilitate coorta annonæ caritas famem minaretur, curavit, viritumque distribuit; magnâ etiam pecuniæ vi in pauperum subsidia donatâ. Quo factum est, ut Reipublicæ bono natus, & Patriæ Parens à Civibus Barcinonæ vocaretur: nam & clam alebat, quos ex bonis fortunæ excidisse cognorat; neque ullum abs se præsidio indigentem abire vacuum, aut tristem à limine pariebat.

Sui quoque inter hæc ad perfectiora promovendi non immemor, vacuas à publicis negotijs horas, plerasque dabat lectioni piæ, orationi tam mentali, quàm vocali horarum Canonicarum, quas cum Rosario decurrebat quo-



quotidie : ut sic diluculo quinas sæpe horas flexis genibus orando transigeret. Ad hæc cænis sibi perpetuò interdixit, prandio ita parcè utens; ut herbis & leguminibus coctis tantùm uteretur, pijs magis sermonibus convivarum, quales semper Mensæ inter Nobiles & Principes hospites, quos omittere honoris gratiâ non licebat, adhibebat, quàm exquisitè conditis cibis oblectatus. Hâc abstinentiâ factum, ut cum obeso admodum corpore ventrèque esset, brevè laxæ nimis tunicæ evaderent, duplicarique circa corpus indumenta possent. Par austeritas in vigilijs & cilicio, flagellis item & sui contemptu atque victoria. Sacramenta Pœnitentiæ & Eucharistiæ privatim quidem octavo quoque die, publicè verò anniversarijs majoribus Festis, quò civibus exemplo esset, frequentabat. Sed cum frequentior ille Sacramentorum, præter morem ejus temporis, usus, sermonem plerisque dedisset, doctioribus etiam Viris sentientibus, è majori S. Eucharistiæ dignitate esse, si rarò admodum, vel semel quotannis manducaretur: Franciscus IGNATIUM, de cujus Sanctitate mira audiebat, consulendum statuit. Respondit hinc varijs adductis rationibus, frequentiam Sacræ Mensæ per se quidem majoris utilitatis & Religionis esse; quia tamen non omnium conscientiæ unâ amussi metiendæ forent, auctor fuit; ut prudentem piùmque Directorem animæ suæ è multis deligeret, cujus potissimùm consilio in pietatis ejusmodi exercitationibus uteretur. Paruit svidenti Franciscus, atque ex eo tempore Societatis JESU Presbyteros ad excolendum animum, in arcanis conscientiæ adhibere cœpit. Hæc dum maximè agit, triste nuncium accipit de obitu Parentis, per cujus mortem Ducatus Gandiæ in eum devolvebatur. Ejus ergo ad eundem potestatem, simulque à Catalauniæ gubernatione missionem ab Cæsare, tum fortuito Barcinonam transeunte postulat; non aliter hæc quidem impetratâ, quàm ut Filij Cæsarei Philippi, qui tum uxorem ducere parabat Mariam, Lusitanæ Regis Joannis III. filiam, Curiæ Præfectus esset, Mariæ verò à cubiculis Leonora ejus uxor. Ea tamen res, immaturâ Mariæ morte effectû caruit, & Franciscus magnâ omnium suorum expectatione, Gandiam sub annum 1543. pervenit, longè majora pietatis & liberalitatis in proximos opera, cum ipso ingressu ibi molitus. Sed DEO placuit, ipsum tandem impedimentis omnibus absolutum plenè possidere, ut non jam sua, sed ipsum illi daret; dum Leonoram le-

*Societas Europæa.*

ctissimam, raræque pietatis Conjugem, post 18. in matrimonio annos, brevè ad se evocavit anno 1546. Pro ejus graviter ægrotantis valetudine aliquando oraturus, solus cubiculum ingressus, lacrymis DEUM precabatur, cum vocem quandam internam (ut ipse deinde retulit) clarè audivit: *Uxorem si diutius superesse vis, arbitrati tuo fiat; sed tibi non expedit.* Quâ multùm perturbatus, minimè dubitavit DEI vocem esse; ideòque non ejus tantùm, sed prolium omnium mortem in manibus & voluntate ejus constituit. Est verò animadversum, ab ea oratione reverso Duce, Conjugis morbum in deterius semper, qui eatenus inter spem & metum dubius hæcebat, usque dum desperaretur, & pijsimè cederet, vergere cœpisse; Commodum per id tempus Petrus Faber, primus ex IGNATII Socijs, Gandiam, ex itinere Romam destinato, venit, incredibili Francisci gaudio; sub cujus directione ante omnia, sacra ejusdem IGNATII Exercitia peregit; tantâ eorum æstimatione, ex fructu indè experienciâ hausto, conceptâ; ut eorundem Pontificiâ auctoritate, per speciale Diploma approbationem à Paulo III. mox expetierit & impetrârit. Neque differendum ultrâ suum propositum ratus, cum ante triennium Lombagiæ Cænobi-um S. Dominici Familiæ à fundamentis erexisset, quartâ Maij ejusdem anni 1546. fundamenta Collegij Societatis Gandiæ, adjuvante Fabro, jecit; ut brevè Collegium cum omnibus Academiæ Scholis (quæ prima omnium Societati obvenit) steterit, Summi Pontificis & Cæsaris auctoritate, confirmata. Digresso in Italiam Fabro, totum se Franciscus deliberationi de statu vitæ, inter tot Religiones eligendo dedit, huc eleemosynas, prolixiores orationes, afflictationes corporis, jejunia, Missæ Sacrificia adhibuit: in S. Francisci strictiorem observantiam affectûs sui inclinatione, & studio austeritatum arctioris vitæ semper propensior: quoties tamen ad consulendum per orationem DEUM se daret, rationû efficaciam, & luminis Divini perspicaciam, quasi violentè in Societatem rapiebatur. Ergo nè in negotio arduo simul & perplexo, sibi uni confusus erraret, rem ad eruditum piùmque S. Francisci Sacerdotem, unâ cum rationum, utrinque momentis, retulit, sententiam ejus, tanquam DEI oraculum, auditurus. Ille Sacris, implorando Divino lumini operatus, disertè ad Franciscum retulit, vocari illum ad Societatem JESU: ita DEO placitum.

Hic verò nihil moratus Franciscus, expedit-



pedito Romam cursore, recipi ad eandem summis ab IGNATIO precibus flagitat, & iste perlibenter admittit, dummodo res Familiæ in bonum suarum prolium statum ordinet ac componat. At Franciscus, quod ea res morâ longiore, quàm ipse veller, indigeret (quadriennium assignaverat cum Pontifice IGNATIUS) optabat jam tum Vota Religiosa concipere, & Societati, in veste licet sæculari, intimè adstringi: IGNATIUS literis ejus adductus, à Pontifice Maximo impetravit, ut año 1547. Vota Societatis emittere, paucis tamen conscijs, licuerit. Totus ergo jam in id intentus, ut proliis quàm optimè provideret, Filio primogenito, Familiæ Principi Conjugem lectissimam, nobilissimamque dedit; & binis filiabus pares maritos, nam tertia Christum Sponsum in Cænobio S. Claræ elegerat: reliquis Filijs ad studia adhuc prosequenda abundè prospexit. His expeditus, ut alteram IGNATIUS mandati partem impleteret; studio Theologiæ & repetendæ Philosophiæ, Doctore usus Magistro Peresio, triennium se impendit, eâ pertinaciâ, ut tribus horis manè surgendo, nè oratione tempus studijs detraheret, solem anteverteret; eò profectu, ut publicè in Academia primùm Philosophiæ, ac tum Theologiæ Magister sit inauguratus. Posthæc Romam, anno Jubilæo commodum incidente 1550. Loca Sacra visendi studio profectus, cum unquam amplius Gandiam revisere in votis haberet, condito testamento, administrationem interim omnem, primogenito Carolo commisit, inter comitatum suum tribus è Societate Sacerdotibus assumptis. Per viam orationi horas quotidie dabat complures; morèque, quem à votis emissis constanter tenuit, quotidie Sacramentis Pœnitentiæ & Eucharistiæ utendi, flagrisque in corpus sæviendi, servavit. Romam honorificè, Cardinalibus aliquot ad portam, unâ cum Cæsareo Legato obviam procedentibus, introductus, oblatum per Legatos à Julio III. in Pontificio Palatio hospitium deprecatus est, & in Domicilium Societatis ad IGNATIUM divertit, amicissimo illius amplexu ad januam exceptus. Hic salutatione Pontificis, & quorundam Cardinalium visitatione perfunctus, rationem totius vitæ IGNATIO reddidit, & simili Confessione expiatâ conscientia Ecclesiæ Urbis, tot Martyrum sacris exuvijs dotatas, humiliter invisit: ac subinde prima Collegij Romani fundamenta jecit. Mox curâ omnium ad rem suam agendam revocatâ, ut quantocyus fortunæ bonis, titulisque abdicare se liceat,

è domesticis unum ad Cæsarem Carolum, in Germania tunc agentem, cum supplici libello ablegat, bonâ illius veniâ, in Filium Carolum Gandiæ Ducatum, titulosque abs se transferri rogans. A quo, dum responsum avidus expectat, subito certis auctoribus rescit, Summo Pontifici Julio deliberatum esse, ipsum sacro Cardinalium Collegio adscribere; quo tristi nuncio non minùs, quàm alius ultimè supplicij denuntiatione, exhorruit; qui hac maximè de causa Romam accedere, vivente adhuc Paulo III. cunctabatur, quod metuerat, nè is beneficij à Borgia gente accepti memor, utpote ab Alexandro VI. Borgia Familiæ, purpurâ donatus, vicem quodammodo sibi reddere veller, prout nuper duos Francisci Fratres Cardinales creaverat. Ergo bonâ IGNATIUS veniâ repente adornato discessu, ut Pontificis oculis se subduceret, Româ prope-rè discessit; quamvis ibidem abdicatis Ducatus Insignibus, vitæ religiosæ Tyrocinium, sub disciplina S. IGNATIUS ponere, summis in votis haberet. In Hispaniam reversus, recta in Cantabriam se contulit, Patriamque IGNATIUS, Loyolam ingressus, domum & locum in quo nat, IGNATIUS primùm terram contigit, osculo veneratus est; DEO grates referens, quod tantum Virum eò loci mundo concessisset, seque tanti Magistri discipulum fecisset. Unde Ognatum, tertio indè lapide distitum secedens, ibi Cæsaris annutum præstolari, procul à suis & Gandiâ, decrevit. Et verò paulò post, hunc per reducem dispositis equis Villafonium adeptus, confestim in publicum prodijt, accitisque Actuarijs & Notarijs publicis, ditionis se Gandiensis jure, bonisque omnibus & honoribus exuens, universâ in Carolum Primogenitum transcripsit. Mox detonsâ barbâ, rasoque vertice, vestibus abjectis, talarem Sociorum togam, usûque aliorum jam detritam induit, famulosque simul omnes manu misit: illis in lacrymas propè diffluentibus, ipse præ gaudio vix sui compos DEO decantans illud Psalmi 115. *Dirupisti Domine vincula mea, tibi sacrificabo Hostiam Laudis!*

Ità Religioni novus jam homo auctoratus, Sacris initiari primò omnium voluit, atque ad primam DEO liturgiam offerendam, Loyolam, ex ea, quam de Sanctitate IGNATIUS conceperat æstimatione, deligens, primitias Divini Sacrificij immolavit die 1. Febr. S. IGNATIUS M. sacrâ Anno 1551. Indulserat jam ante Pontifex Julius Francisco Jubilæum, primum Sacrificium oblaturo; ut quotquot illi



illi ritè confessi, & sacrâ Evcharistiâ refecti adessent, plenariam peccatorum veniam consequerentur. Igitur Vergaram Loyolæ domus Oppidum, tantus fuit hominum ad eam celebritatem undique concursus, ut templum spatiosum quidem, populum non caperet, sed aram sub dio erigi celebraturo necesse foret: Sacræ verò Evcharistiæ Communio diu post meridiem, accedentium multitudine produceretur. Factâ re Divinâ, ad populum maximo animorum motu primam similiter Concionem habuit: quorum plurimi rogati, cur eo dicente lacrymas profudissent, cujus aut sermonem, ob diversitatem idiomatis ignoraverint; aut, quod longius à suggestu in tanta hominum corona abessent, percipere dicentem nequiverint? ingenuè confessi sunt, divinam in eo non humanam vocem audiri visam; satisque ad id fuisse, vel aspectum tantæ sancti Ducis, humana omnia proculcantis: Indè Tyrocinium vitæ Religiosæ, licet pridem veteranus miles, auspicaturus, & quæ hæcenus animo concepta desideria fovebat, nunc re ipsa periclitaturus; impetrato ab Ognatenis Sacello S. Magdalænæ, mille passibus ab Ognato sejuncto, domum exilem & perangustam, è rudi & impolita materia illi adjecit; in quam pauculis cum Socijs, Superiore Patre Michaële Navarro, se inclusit. Hic ipse, operâ Coquo juvando constanter addictâ, Sociorum communem servum, & Domus mediastinum agere, ligna & aquam comportare, verrere pavimentum, lances & ollas mundare, & omnia Tyronis ex infima conditione munia exequi. Pedibus item singulorum exosculandis identidem advolvi, errata sua lapsusque deprecari, flagitare publicas reprehensiones & pœnas, atque ad DEUM pro se fundendas preces & suffragia. Ad hæc excurrere in pagos vicinos, sacco mendicantium more onustus, panem ostiatim, stipemque mendicare: aliàs tintinnabulo pueros convocare, longo ordine eosdem ad templum vel forum publicum canentes ducere, ibique explicare Fidei Rudimenta, & quæ interrogando, quæ sæpius eadem repetendo inculcare. Tandem longè latèque in remotiora quoque oppida, & Civitates, Victoriâ, ad Sebastiani Cantabriæ portum, Pampelonam usque, pedes semper, & corrogatâ Christi nomine anonâ, excurrere, pueros ubique Catechesim docendo, & in Templis ad populum concionando. Quibus rebus per totam Hispaniam, famâ etiam progressu eas augente, brevè divulgatis, magni undique fiebant Ognatum.

concursum, Principum etiam Virorum, Regniq; Optimatum: qui veluti ex prodigiosi hominis aspectu, & sanctis in multas etiam horas, de officio Principum, & Christiani hominis colloquijs, meliores revertebantur. Neque Hispaniæ Regnis contineri secunda fama potuit, quin in Lusitaniam, ipsamque Regis Aulam pervaderet: unde Ludovicus Joannis III. Regis, & Isabellæ Augustæ Germanus frater, sæpius Franciscum per epistolas de rebus Divinis convenit, & responsa salutis plenam magno suo solatio, fructuque recepit. Quin etiam tam altè exemplum insolens Francisci in animos hominum penetravit, ut quàm plurimi è prima Nobilitate, quæ sanguine & dignitatibus jam gestis, quæ doctrinâ & sapientiâ toto Regno illustres, eodem permoti in varias Religiones, ac præcipuè Societatem se se abdiderunt: qualis inter alios fuit Antonius Corduba, Marchionum sanguine progenitus, & ex Universitatis Salmaticensis gesto Rectoris munere (qui non nisi primæ Nobilitatis Viris deferretur) Cardinalium Purpuræ jam destinatus. Quam sibi invisam dignitatem, ut ut feliciter iste effugerit, Franciscus tamen denuo ad eandem, conspirante cum Cæsare, (qui illum ad Purpuram proponebat Pontifici) cumq; toto Cardinali Collegio Julio III. vel invitatus adigendus, vix evasit: nisi Ignatius Consilium Societati Universæ tam noxium futurum, si dignitatibus ad eam porta aperiretur, lacrymis & precibus apud Julium interpositis, efficaciter evertisset: abundè satisfactum iri Carolo Cæsari, ut ne sperni se crederet, persuadens, si ad preces illius decreta, Francisco dignitas huic quidem offerretur, quin tamen reluctanti præcepto Obedientiæ subeunda imponeretur: Itaque prorsus evenit: Franciscus enim, quid Romæ de se ageretur, penitus in sua illa solitudine ignarus, ad oblatam sibi Purpuram totus cohorrescens, grati animi epistolâ ad Pontificem datâ, efficacissimis rationibus eandem deprecatus est: apud DEUM verò precibus & votis adeo flagrantibus detestatus, ut vitam prius eripi sibi tum, & quoties iterum is honor deferretur, postularet; quàm titulis iterum, bonisq; onerari. Nam & Julio adhuc sedente idem periculum illi ad postulationem Philippi Regis Hispaniarum repetitum est: & ab utroque Pio IV. & V. cum Romæ degens Societatem universam gubernaret acriter intentatum, parique semper & invictâ constantiâ rejectum.

Ita Ognateni in solitudine novum pugilem, velut adhuc in umbra vires & robur ad



justa prælia exercentem, jussit tandem IGNATIUS in campum & lucem publicam prodire, Apostolicis laboribus excolendam illi designans Hispaniam, cujus Regna & Civitates, cum pagis oppidisque percurrrens, verbum DEI ubique disseminaret, & bellum vitijs quâ publicis, quâ privatis sermonibus inferret. Itaque in arenam progressus, initium fecit à Vico, quem Regiam Casam appellant, Ferdinandi Velaschi Comitis, Regij stabuli Præfecti dictioni subiecto, quem omnibus gnavi Operarij Missionum laboribus excoluit: nunquam tamen uxoris ejus, suæque materteræ Julianæ Aragoniæ precibus induci se passus, ut ad ejus Aulam diverteret, humili tecto contentus. Indè Burgos in urbem progressus, in Æde summa, rogantibus cum Senatu Canonicis, dixit ad populum: idemque præstitit Pintia; & à Tauris dicto oppido, à Joanne Lusitaniæ Principe illuc evocatus, habitis per sanctiorem hebdomadam de Christi cruciatibus, non minore fructu, quàm audientium aviditate, sermonibus: nec illius postulantis auctoritati, seu his, seu Tordesillæ, quò iterum ad graviter ægrientem evocatus erat, concedens, ut in Aula diversorium caperet. Salmanticam quoque, Methymnam Campi, & diversis locis Bæticæ Provinciam lustravit, ubiq; flammæ Spiritûs Divini spargens, & colloquijs de rebus divinis, corda mortalium, certatim de rebus animæ suæ consulentium, incendens. In Bæticam venisse Franciscum, ubi in Lusitania percrebuit, magnis precibus interpellatum Rex ad se invensum Olyssiponem evocavit. Illuc progressum cum socio P. Bustamantio, cujus imperijs Franciscum IGNATIUS, fervori illius in afflicto corpore metuens, subjecerat, & quolibet iter suscipienti perpetuum socium addixerat, istud prodigij simile excepit. Ventum erat ad rupem faxis asperam & impeditam, quam *septem Pallares* accolæ nominant, neq; nisi jumentis periculoso itineri ambulando jam assuetis superare solent: anteibat Franciscus, cælestium meditationi intentus; sequebatur ponè Bustamantius, B. Virginis preces orbiculis numerans; in crepidine, angustisq; loci in præcipitium vel aspectu formidabilis, jumentum cum Bustamantio in illud decidit, volutum in gyrum sursum, deorsum; ut iste, cæterâ exanimatus, integram tamen vocem haberet inclamandis JESU & MARIE nominibus. Franciscus ad pastorem, qui ad spectaculum horribilis ruinæ inclamârant, vocem, reflectit oculos, DEI auxilium implorans: cùm ecce

tibi, mirum dictu! lapidi continuo instittimus: quòdque incredibile videbatur, illæso etiam sessoris corpore, funibus dejectis, à viatoribus, tanquam ex abyssò extractus: Virgini, cui tum preces fundebat, & Francisci votis, vitam referens acceptam. Conimbricæ in nostro Templo ex suggestu perorantem, tota Academia cum Nobilitate confluens audit: Olyssipone autem Rex ipse cum Regina, concionantem pariter, & privatim maximè salutaria in colloquijs suggerentem, avidissimè auscultârunt: Ludovicus præcipuè Regis Frater, præsentis consuetudine plenè familiariter utens, qui & ipse cælibem agebat privatus, extra omnem Regiæ strepitum, vitam, uni DEO in assidua oratione, & Cælestium contemplatione acquiescens. Jam verò longiore præsentis Francisci usu usque eò inflammatus est, ut Societati se quoque dedicare constitutum haberet: verum aditum ab IGNATIO flagitanti, negavit id fore è majore DEI gloria, quòd imbecillâ jam foret valetudine, ætatèque grandior: plus commodi publico allaturum, si in Regis Fratris consortio, re atque consilio, ut adhuc, adjuvans cælebs permaneret; cæterâ sanctæ vitæ intentus, degens velut unus de Societate. Nam humili domo contentus & ineleganti, absque Regio splendore & famulorum turba, vasa ipsa argentea & peristromata, mundumque adeò omnem vænum dedit, redactâmq; pecuniam omnem in æs alienum dissolvendum, & pauperum eleemosynas convertit: votis adeò Continentiæ, Paupertatis & Obedientiæ spontè se obstringens. Humilitatis studio nullum à confessionibus, more Principum, stabilem & certum eligere sustinuit, quolibet, dummodo de Societate esset, contentus: hinc peccata expiaturus, puerum à pedibus in Domum Professam ad S. Rochi mittere consueverat, qui Sacerdotem aliquem, quisquis tandem is foret, expiandis culpis, quasi ad unum de vulgo hominem evocaret. Cæterum pro incremento Societatis non minùs zelans & intentus, quàm si de membris ejus esset: nam & Fratri Henrico Cardinali (qui postea in Regno successit) auctor fuit, ut Socios amplecteretur foveretque, extructo Eboræ, cujus Præsul Ecclesiam regebat, Collegio & Gymnasio: quod dum ædificaretur, Ludovicus quotidie ipse Eboræ præsens, fabricam lustrabat, opus urgebat, & operis instabat. Socios item ægrotos, quasi fratrum locò ducens, invisebat, venam, arteriamq; & præcordia, Medicorum more tentabat, morbi originem statimque



rúmque explorabat, ministrabat, & alloquijs consolabatur. Quæ omnis Ludovici in vitam adeò perfectam mutatio, ipsiusmet confessione, uni Francisco ob vim exempli tantæ sublimis debetur. Sed & Rex affectum suum in Societatem, Francisco declaraturus, ipso præsentem fundamenta Domus Professæ ad S. Rochi jecit, Francisco de superiore loco verba faciente. His ita magno animarum proveniunt Olyssipone gestis, in Castellam reversurus, dare id Henrici Cardinalis, & Theodosij Brigantini precibus debuit, & utrique per transitum præsentiam suam indulgere, illi Eboræ, huic verò Villavitiolæ, utrobique ingenti animorum motu pro concionibus auditus. Ex Lusitania reversus Pintiam rectâ contendit, ubi tum Regia erat Philippi, pro Cæsare Parente Hispaniam regentis: ubi constanter habitis concionibus, tum in Societatis ad D. Antonij, tum in Sanctimonialium Templo, magna morum in melius mutatione inductâ. Inter alia id etiam memorabile perfecit, quod Cænobium sacris Virginibus, quæ austeram S. Claræ vitam normamque sequuntur, in Castella fundari obrinuerit, easque evocatis Gandiæ colonijs, ubi unicum primitus habebant Monasterium, Madritum quoque traduxerit. Sub hæc Compluti eodem semper ardore & animorum profectu susceptis concionibus, quibus Jeremiæ threnos explanabat, mandatum repente ab IGNATIO accipit, quò Socijs per universam Hispaniam cum Præpositi potestate præesse jubebatur.

Hoc ille munus multis apud IGNATIUM humiliter deprecatus, non nisi coactus suscepit; eo maximè sortem suam solatus, quòd legibus, cuius alteri parendi, quasi solutus, & inspectore morum, actionumque custode carens, immoderatus & liberè in se ipsum animadvertere, vigilijs, jejunijs & flagris corpus edomare posset: Verùm in tempore admonitus IGNATIUS, eâ immoderatione brevi valetudinem ejus labefactatum iri, factum absens reprehendit, & Sacerdotem illi primò senem addit, deinde verò augendo humilitatis merito Fratrem Laicum, Michaëlem Marcum nominò, cujus sine arbitratu nihil pœnitentiarum assumeret, in omnibus ejusmodi asperitatibus usurpandis, ipsius sententiæ acquiescere adstrictus. Dici vix potest, quantum emolumenti ea Francisci gubernatio Hispanicæ Societati adhuc recenti, & ut ferè fit, multorum invidiæ & oppugnationibus expositæ, attulerit: nam Domicilia, Collegiæque multis quidem locis illi fundata, sed tenuia admodum,

& imperfecta, illius curâ, & apud omnes gratiâ ad debitum statum provecta sunt, & nova alia adjuncta, Hispali imprimis & Placentiæ, quæ suam originem vigilantia Francisci debent, quorum necessitatibus DEUS etiam prodigiosè per illum subveniebat. Accidit namque cum Hispali recens occupatas futuro Collegio Ædes inviseret, ut nec cibum domi, nec argentum coemendo pani haberent, venissentque improvisè plures de via hospites Socij, hora verò meridiei ad prandium vocaret. Joannes Suarez Domus Superior Franciscum admonet, nihil esse quod apponatur, dandumne nihilominus prandij signum, ad vacuum triclinium accessuris? ille breviter DEUM precatus, dari jubet, & DEO fidere, cujus sub cura & providentia essent. Dum omnes conveniunt, ecce tibi ad portam duo cum sportis panis, ciborumque in tanta copia ut ad pauperes etiam foris pascendos redundârit. Tum Franciscus Socios allocutus; *Discite, ajebat, filij DEO fidere, cujus sigillum quarimus, animis, corporibusque nihil defuturum scitote.* Idem in simili extrema indigentia à DEO subsidium illi advenit, allato per homines penitus ignotos accumbentibus cibo, Pintia & Septimancæ. Et hic quidem ipse quoque Societati pro Tyrocinio Domum à Civibus obtinuit, ad cujus structuram laborans ipse materiam, cœmentum & lapides operis comportabat. Neque unquam officij sui curis ita abripi ferebat, ut animabus DEO lucrandis manum subtraheret: nam & per Compita publica, quocumque advenisset, præeunte canentium puerorum choro, Catechistæ officio fungebatur, & de superiore loco DEI Verbum explanabat: privatim quoque cujuslibet fortis hominum in congressibus, non nisi de rebus ad salutem pertinentibus sermones miscebat. Ad Collegium quodpiam delatus, salutata in Templo SS. Evcharistiâ, & visitatis, si qui adessent, in valetudinario ægris, rectâ culinam petebat, coquo operam suam deferens: Accidit fortè, ut Septimancam veniens resciret, adesse ibi Novitium, qui à lancium sordibus purgandis abhorreret: invitatusque hoc onus, cetera perlibenter suscipere, quem ut inanem metum exueret, spectante illo Franciscus ubi laborem hunc perfecisset, aquam sordibus inde inquinatam toto ore hausit: eo spectaculo fractus adolescens ad pedes illi accidit, veniæque exorata, horrorem nullum amplius aut nauseam expertus est. Nobilis ibidem alius ex tyro-nibus adolescens, tædio vitæ, ac præsertim

pauper-



paupertatis Religiosæ, cum svasionibus nullis, nè quidem Francisci alloquijs retineri posset, *finite illum abire*, vaticinans hic dicebat, *nondum enim maturuit: revertetur, mihi credite, & hanc ipsam judicij imbecillitatem post re ipsa corriget*. Factumque est uti prædixit, nam dignitate Ecclesiasticâ sponte se abdicans in Societatem revertit, vixitque ad extremum usque diem piè sanctèque, ut cæteris omnibus exemplum esset singulare. Decefferat per idem ferè tempus Anno 1557. Joannes III. Lusitanix Rex, Societati cumprimis addictissimus, cujus primùm auspicijs Societas cum S. Xaverio Indijs invecta est. Franciscus Reginam viduam epistolâ primùm cōsolatus, mox Cæsaris Caroli jussu, & Reginæ ipsius accitu, adire per se statuit; nam & Lusitanix Societas eo tempore Francisci gubernationi subiecta erat. Priusquam Eboram teneret, ardentissimâ feбри correptus, cum jam in pestiferum delirium redigeretur, indictæ pro ejus salute preces sunt, supplicationesque publicæ, jussu Principis Cardinalis: sed negavit ille constanter Medicis, Sociisque ad lectulum plorantibus, eò morbo se decessurum: *Nondum*, inquit, *maturuit hic fructus, ut summi Regis epulis apponatur, grandis adhuc nobis restat via: imò intra quatrduum virum, valensque Olyssiponem pergam*. Tertio die, remittente morbo, adsunt à Regina submissi cum equis domestici, quibuscum postriedie itineri se Olyssiponem versùs commisit: novo iterum vitæ discrimine in Tago flumine trajiciendo tantùm non obrutus, dum subito exorta tempestas, non paucis alijs navigijs gurgite haustis, ipsum propè demersit. Regina adventu nunciato, Xobrigam Regiam in villâ, amœnitate, aërisque salubritate claram, deferri valetudini firmandæ jubet, ubi dies aliquot moratus, vasa repentè colligi jubet, & Olyssiponem properari: tergiversantibus edicens, noctem illam ibi se nullatenus transacturum. Divino instinctu fuisse actum eventus aperuit: siquidem eadem nocte ventorum procella ab extremis usque Indijs vehementiùs spirans, pestilentem morbum villæ, totique latè vicinæ invexit, quò ijs ipsis horis multi ubiq; locorum mortales sunt enecti. Similis ferè & alibi prænotio, pari periculo illum cum Socijs exemit. Diverterat in idem fortuitò ex via hospitium cum Gvero Vega, Joannis Vega Hispaniæ Præsidis Filio, cum subito ab Oratione surgens, *fugiamus*, inclamat, *periculum præstò est*. Vix domo digressis, tectum decidit, omnes oppressurum, nà cavisset Franci-

scus. Rebus cum Regina, Regniq; Proceribus ex Cæsaris mente compositis, in Hispaniam revertens, Cæsarem primò omnium convenit, gestæ in Lusitania rei rationem redditurus. Sed major illi labor in eodem, consolando, & in misericordiam, clementiamque DEI erigendo fuit, qui tum vicinæ mortis veluti præsagus, vehementer laborabat rationes totius vitæ, gestique cum tot Regnis Imperij, DEO supremo Judici probare. Neque illum sefellit vicinæ mortis augurium. Vix enim Cænobio Escoriali digressus Franciscus Pintiam attingit, cum tristis nuncius attulit vitâ defunctum die 21. Septembris Anno 1558. nominato ultimæ suæ voluntatis tabularum Executore ipso Francisco: cui hic etiâ funebrem concionem, in Aulicorum frequenti corona Pintia dixit. Posthæc Lusitanix Collegia sibi inspicienda existimans (nam hæcenus negotiorum tantùm causâ illuc missus, præstare id non poterat) Eboram, invitatu Henrici Cardinalis contendit, qui per id tempus Collegium cum Academia, recens ab se exstructum, Societati tradiderat. Ab eo omni officiorum genere exceptus, concionabatur Dominicis, & verni jejunijs diebus omnibus in Æde sacra, audiente avidissimè Cardinali. Huic cum quidam innuerent, dictionibus tot videri fessum de via Franciscum nimium onerari, respondit, *non postulo, ut disertè concionetur aut prolixè: abundè erit populo mihiq; vel suggestum conscendisse eum, qui spontè propter CHRISTI amorem, omnibus se se bonis cum Ducatu abdicavit*. Lustrato deinceps Bracharensi Collegio, Portum devenit; ubi Urbis Episcopus cum Civibus, illum in Xenodochio S. Rochi divertentem convenientes, Socios illuc mitti aliquot postulârunt, locò etiam futuro Collegio attributò, quorum voluntatem Regina intelligens, ratam esse jussit. Hic quoque concionibus omnia inflammas, pueros simul & rudes ære campano vicatim ad Catechismum evocabat, serviebat in Hospitalibus, ægros procurabat, unus agebat omnia, ut velut hominem cælo lapsum cives suspicerent.

Talibus summo animi solatio occupatum, Pontificium Pij IV. diploma deprehendit, Romam actutum sese conferre imperans: cujus mandato ad Regem Philippum delato, confestim itineri se dedit, quamvis urente etiamnum caniculâ. Anno 1561. Laureti salutatâ, quâ potuit devotione DEI parâ, Romam ingressus est die 7. Septembris, incredibili Sociorum omnium gaudio exceptus: quem ubi adesse



adefse Pius Pontifex intellexit, misso ad salu-  
randum cubiculi intimi Præfecto, ut ad se mi-  
graret rogat, & hospitium in suo Palatio of-  
fert. Ille multis officiosè excusans, quòd fa-  
cilè videret, quòd favores hi tam insoliti  
spectarent; ad ipsum inter Cardinales refe-  
rendum: primò, manè sequenti Pontificem  
adit, ingenti benevolentia & gratulatione ac-  
ceptus, cujus conveniendi magno desiderio  
pridem se arsisse significabat. Præerat tum So-  
cietati universæ, post obitum IGNATII, Jaco-  
bus Laynez; cujus operâ quia placuit Pio uti  
in Concilio Tridentino, tum denuò instaura-  
to, Franciscus Vicarij interim ejus locò mu-  
nere fungi jussus est: multum pro sua demis-  
sione renitens, donec obedientiæ imperio ad-  
actus tandem acquievit. Neque tamen etiam  
tunc Operarij in publicum munia deferuit;  
diebus festis in Æde sacra S. Jacobi concio-  
nari pergens: ad quem audiendum purpurati  
Patres, Legati Principum, omnisque adeò No-  
bilitas confluebat. Gessit hoc munus annos  
aliquot, dum finitâ Synodo rediret Laynez:  
qui in gravem à reditu morbum mox inci-  
dens, cum ex eo An. 1565. die 19. Januarij  
decessisset, Vicarij rursus tenuit locum Fran-  
ciscus, communi omnium suffragio, re antea  
bene gesta, probatus. Donec coactâ Genera-  
li Congregatione, magno omnium Patrum  
consensu atque lætitiâ, Præpositus Generalis  
electus est & renunciatus die 21. Julij. Ille,  
antequam Patres in suas Provincias dimitte-  
ret, habito ad illos efficaci sermone, pedibus  
singulorum humiliter advolutus, eosdem est  
exosculatus: tam retinens humilitatis & de-  
pressionis sui, quàm fuerat in Tyrocinio. Et  
quidem expertus ipse, quantum ad sanctita-  
tem solido fundamento extruendam interfit,  
Tyrones Religionis legitimè in Novitiatu e-  
ducari; primas in eo curas posuit, ut Provin-  
cia quælibet propriam haberet Domum Pro-  
bationis, in qua omnes simul collecti, & à  
confortio veteranorum Religiosorum sepa-  
rati, tantò commodiùs & majore fructu in-  
stituerentur, ipsòque plurium confortio ad  
æmulationem provocati, essent invicem ad  
virtutem stimulo & exemplo. Itaque primus  
ipse Romæ Novitium in monte Quirinali e-  
rexit, cui fundando Episcopus Tiburtinus  
templum S. Andreae, Joanna verò Aragonia,  
Ascanio Columnæ nupta, ædes habitationi  
annuòsque redditus liberaliter obtulit. Exem-  
plum Francisci certatim secutæ sunt Provin-  
ciæ omnes, ut nullam hodie reperire sit, quæ  
propriâ Domo Probationis sit destituta: quas  
ille favoribus singularibus prosecutus, Bru-

nenfis Provinciæ Boëmiæ Domui etiam effi-  
giem Sanctæ MARIE Majoris à Sancto Luca  
depictæ (hodie istic multis beneficijs cele-  
brem) submisit. Laborabat pariter Romæ  
Domus Professa angustijs Ecclesiæ, pro mul-  
titudine affluentium minimè capax: sed sub-  
venit Francisco Alexander Cardinalis Farne-  
sius, & augustissimum Templum à fundamen-  
tis extruendum curavit. Nihil etiam omisit  
industriæ Franciscus de quovis hominum ge-  
nere bene merendi, & per Socios Præfecturæ  
sue commissos omnium necessitatibus sub-  
veniendi. Sublato è vivis Pio IV. successerat  
in Petri Sede è Dominicana Familia Pius V. in  
Beatorum numerum hodie relatus, Franci-  
sco perfamiliari & amico, dum Cardinalis ad-  
huc esset, usus: ex quo affectu, & quam de  
Societatis integritate doctrinâque concepe-  
rat existimationem, onus Pœnitentiariæ Apo-  
stolicæ ad Divi Petri illi commisit, Collegi-  
umque cum perpetuis redditibus propè Vati-  
canam Ædem, pro Patribus ex quavis natio-  
ne alendis, qui quotidie confitentibus istic au-  
res darent, attribuit. Franciscus verò ingenti  
zelo negotium complexus, evocatis undique  
diversarum Lingvarum, Theologiæ, sacro-  
rumque Canonum peritis, utilitati omnium  
itâ serviturus, prospexit. Cum verò eodem  
anno 1566. gravis pestilentia Urbem invasis-  
set, Franciscus submissis illico Socijs, qui vi-  
catim ægrotos inviserent, Pontificem simul,  
Senatum, Primorésque, calamitatis publicæ  
admonuit: à quibus ingenti vi pecuniæ in ele-  
mosynam, ægrotorum inopiæ sublevandæ,  
collatâ, Socij in quindecim Regiones Urbem  
partiti sunt, singulis officinâ medicamentariâ,  
& penuariâ attributâ. Ipsi bini singulis in Re-  
gionibus cum Medico ægrotos adire, mini-  
strare animis & corporibus alimenta, nihilque  
eorum, quæ seu ad vitam conservandam, seu  
ad morrem sanctè obeundam conducerent,  
omittere: eâ Pontificis, Senatûs, populique  
satisfactione, ut & gratijs Francisco amplissi-  
mis pro utili obsequio relatis, & biennio post  
ingravescente eodem malo, Societati iterum  
ægrorum curam demandârint. Multis alijs fa-  
voribus in gratiam Francisci Societatem idem  
Pius prosecutus est: nam & Concionatorem  
Pontificium ex Societate delegit; & examina  
ad sacros Ordines promovendorum Societati  
commisit: ejusdem operâ ad varias Missiones  
usus, in Regnum Neapolitanum ad extirpan-  
das hæresis Valdensium reliquias; Avenionem,  
ad extingvendum gliscantis seditionis incen-  
dium: præter eas, quas in partes infidelium  
aut schismaticorum ordinavit. Neque ulla



uspian in Societatem mota est tempestas, quin illico advolaret paternâ ope Pontifex, commendaret Principibus Christianis tuendam fovendamque, obtestaretur, precibus minisque tanquam pro re maximè sua ageret. Idem Pontificatus sui anno quinto editâ Bullâ Apostolicâ declaravit, Religionem Societatis è numero Mendicantium esse, omnibusque eorum privilegijs gaudere. Nec minus Franciscus universum Orbem zelo Apostolico complexus; cum ipse non posset, per Socios in omnes gentium Regiones dispositos, omnium necessitatibus subvenire studebat: primus enim ipse mox gubernationis suæ anno primo, in Indiâs Occidentales colonias ex Societate expedit; quas illico rogatu Philippi Regis Catholici, majore operarum numero auxit: & biennio post Anno 1568. ac singulis annis deinceps novis iterum suppetijs roboravit: eo hodie incremento, ut Societas per eas Occidentis Regiones in quinque Provincias aucta excreverit: Mexicanam nempe, Peruanam, Paraquariensem, Novi Regni, & Chinensem. Voluit autem & Divinitas illum zeli sui præsentem fructum confestim experiri, quando plurimi ab eo in varias ejus Indiæ partes transmissi, sanguine fuso veritatem Evangelij Apostolico fervore barbaris prædicatam confirmarunt, in Florida octo, in itinere verò Brasilo ad Insulam Palmam. Socij primùm 40, mox alij 12, qui omnes cū Ignatio Azevedio in Brasiliam à Francisco destinati, à pyratibus Calvinistis crudeliter necati sunt.

Quid de emolumentis lucrisque innumerabilium animarum, ex propagata per eundem in Europa latè Societatem dicam? Ipsius auspicijs Societas auctoritate Regiâ primùm in Poloniam est introducta à Sigismundo Rege: qui cū eatenus animi dubius hæreret, an illam Regno reciperet, de qua tot in vulgus rumores, hæreticorum fraude, famosis etiam libellis spargerentur; ubi Franciscum Comendonum Apostolicum apud se Legatum audivit, mira de sanctitate Borgiæ, singularia de Societatis Instituto, & fructu in Ecclesiam ex ejus laboribus redundante recensentem, ut cū Regnis omnibus, tum ijs potissimum necessaria prorsus videatur, quæ sectarum labbe, & opinionum monstros, qualis tum erat Polonia, infectæ essent: animo erectus, Socios ad se destinari à Pontifice Pio IV. & Francisco mox petijt, Collegium Vilnæ cum Academia illis destinans, quod ibi sectariorum pestis audaciâ & seditionibus Regno minaretur; erectis præterea Puktoviæ, Jaroslaviæ,

Posnaniæ, ac Rigæ Collegijs. Crevit & per Hispaniam eorum numerus, accessione Collegij Malacitani, Caravacæ, Baëzani, Hueta, Legionis, Oveta, Marchenæ, & Domus Professæ Toleti ac Pintia: in Gallia Avenione, Burdigalæ, Camberij, Virduni: Mussiponti in Lotharingia: Calaraieronæ in Sicilia: in Italiâ Aronæ, à S. Carolo Borromæo Domus Probationis; & Mediolani Professorum fundata, unâque Collegium à Pio V. cum templo Ordinis Humiliatorum, quem recenter extinxerat, adjectum. In Boëmia Olomucij & Brunæ: Herbipoli, Fuldæ, in Rheno: Halæ in Tyrolis, agentibus magno studio apud Franciscum duabus Augustis Ferdinandi I. Filiabus, quæ in Parthenone ab se Regali munificentia fundato virginitatem DEO devoverant, ut semper in promptu haberent DEO istic sacræ Virgines conscientia & spiritus sui directores. Augustæ item Taurinorum in Sabaudia: Brixiæ in ditione Veneta, & Novillariæ. His similibusque occupatus dum Societati solerter non minùs, quàm sanctè præest, & colligendis ad Ecclesiam undique populis gnaviter invigilat, minimè tamen muneri ab se satisfieri humiliter sentiebat: ideòque magistratu abire, seque abdicare ita firmiter decrevit, ut nisi obstitissent PP. Assistentes, quod frustra id, & absque obrinenda spe liberationis futurum esset, Conventum generalem novo eligendo Præposito indicturus jam Societati universæ fuerit. Quin tantùm absfuit, ut curis & laboribus solveretur, ut novo haud leviori illorum pondere per idem tempus à Pio V. Pontifice oppressus fuerit, quibus & in publicum Christianitatis bonū feliciter exantlati succubuit. Jussus enim est comitem se dare Cardinali Alexandrino, Pontificio ad Reges Hispaniæ, Galliæ, ac Lusitaniæ Nuncio, quod ejus operâ consilioque, & quâ polleret Regum animos tractandi alloquendique prudentiâ, maximè speraret in armorum cum Venetis & Pontificia Classe societatem, illos induci posse, contra Selimum Turcarum Tyrannum, qui recens expugnata in Cypro metropoli Famagustâ & Nicosiâ, toti Christianitati armâ inferre, & sædissimæ servituti subicere velle dicebatur. Caruit uti semper pronissimè Vicario Christi in re ardua Franciscus, licet ea peregrinatio vitæ suam constituta esset, erat enim sexagenario major, & corpore ex varijs morbis admodum fracto; itaque feliciter An. 1571. & insequenti, peragratâ Hispaniâ, Lusitaniâ, Galliâque, cum Legato rem egit; ut persuasis ad ineundum commune fœdus, naviumque mittenda subsidia Regibus, celebris illa, Duce



Joanne Austriaco, reportata sit victoria ad Echinadas Insulas, cæso ad internecionem Turcæ: debellatumque eo die fuisset, si hostem cum paucis residuis navibus fugientem, concordibus animis persequi perrexissent. Quantâ autem ubiq; Principum benevolentia, quo Sociorum desiderio, quo omnium mortalium concursu, & affectuum motibus exceptus fuerit, nihil attinet dicere. Ipse Collegia, quæ ex via occurrere, omnia inspicere, ordinare, ad perfectionis studium incitare singulos, publicè exhortari: ad populum in publico templo dicere, tanto hominum concursu, & audiendi desiderio, ut Valentia ægrè ad pulpitum penetraturo via perrumpi potuerit, cum & à vicina Gandia (nam ut eò diverteret, exorari passus non est) ad illum audiendum videndumque charissimi quondam subditi confluerint. E Lusitania Hispaniaque per montes Pyrenæos Galliam cum Legato ingressus, omnia perturbata civilibus in Regem hæreticorum armis deprehendit, templa per Aquitaniam passim diruta, cœnobîa solo æquata, profanata altaria: ut hæc spectanti, animoque quotidie versanti Francisco, intimū dolorem, lachrymas, ac tandem ex tædio in corpus elangvidum redundante, quod tantis itineribus, & ipsâ hyemali aurâ multum debilitabatur, morbum sensim creaverint. Ventum tandem est ineunte verno jejunio Bleum, ubi Regem Carolum IX. cum Matre Catharina Medicea Legatus reperit: qui & Franciscum pronis auribus familiariter sæpius audiverunt, ad constantiam & defensionem Catholicæ Religionis hortantem, & salutis æternæ monita impertientem: Rebus ex voto gestis dum Italiam repetunt, in pagum mox inciderunt Festo Purificatæ Virgini sacro; cuius templum ingressi, tecto, fenestris, parietibusque nudum & desolatum reperiunt, & aram duntaxat lapideam superesse. Franciscus quod Sacrificio carere nolet, ad aram hic litando, grassante licet undique vento (quod & aliàs per iter in Galliam locis apertis fecit) eo frigore corpus senile læsit, ardente mox febris correptus, quam animus profundo & perpetuo mœrore oppressus fovebat, tantam Ecclesiæ & Religionis desolatæ stragem dolentis: quam ante decennium datis ad Petrum Ribadaneiram literis prædixerat; at jam oculis ipse suis multo dolentiùs cernebat. Ergo cum pedibus ultra insistere non posset, in Allobrogum fines propè delatus, Regulo illi magnæ curæ fuit, additq; Medico Augustam Taurinorum deportatus. Hic omni licet pietate ad suam verecundiam habitus, missione tamen vel id-

*Societas Europæa.*

circo extortâ, vectus secundo Pado Ducis sumptibus, rem divinam quotidie, lecto ipse affixus audiebat; panèque cælesti pascebatur, dum octavo die Ferrariæ fines, eodem flumine attingit. In Urbem, Alphonsi Estensis Ferrariæ Ducis mandato delatus, exceptus est ijs officijs, quæ & sanguinis conjunctio, & sanctitatis æstimatio Principi suggerebant; publicis etiam ad omnia Urbis templa pro illius salute indictis votis. Diutius hic quàm ipse vellet sub cura Medicorum detentus, cum nil proficeretur, deportari tandem Romam constanter urget & extorquet, ut ibi in Professorum domo, ubi sui Antecessores S. IGNATIUS & Laynez, spiritum DEO, corpusque terræ reddat. Laureti in Sacram Ædiculam illatus, commendato SS. Virgini multis lachrymis suo agone, Romam diu nocturne lecticæ inclusus festinavit: quam ubi se ingressum cognovit, tendens in Cælum manus & oculos lætus exclamavit: *Nunc dimittis servum tuum Domine!* exultans vitam sibi in obsequio Sedis Apostolicæ, biduo ferè à reditu, amissam. Obierat jam B. Pius Papa; cui succedens Gregorius XIII. Româ tunc Tiburi absens sexto ab Urbe lapide; de suprema Francisci ægritudine certior factus, Pontificiam cum plenaria peccatorum Indulgentia benedictionem transmisit. Post quam invisentes se plures Cardinalium, & Oratores Regum Principumque, non admisit, officium hoc benevolentia eo articulo intempestivè deprecatus; uni siquidem DEO vitæ mortisque arbitro danda tum esset opera. Sacramentis Ecclesiæ ultimis munitus, cum rogaretur Vicarium à sua morte quempiam nominaret, constanter abnuit, quod neuter suorum Decessorum id fecisset. Ac deinceps orationi unicè intentus placidissimè expiravit 30. Sept. A. 1572. ætatis 62. sepultus ibidem in Ecclesia Professorum: postea tamen pietati & venerationi Hispanorum, in patriam translatus corpus, concedi debuit.

Fuit Franciscus Vir excelsarum & heroicarum virtutum, quibus apud omnes estimationem Sancti obtinuit, Romæ præsertim apud sacrum Cardinalium Collegium eo loco habitus, ut quemadmodum Cardinalis Paleotus Thomæ Borgiæ, Francisci germano Fratri & Archiepiscopo Zaregozæ asseruit, multorum votum fuerit eum ad Sedem Pontificiam evehendi. Omnium tamen maximè eluxit humilitas, tantò admiratione dignior, quantò dignitati & auctoritati personæ minùs congruere mortalibus videri poterat: & ex sui intima cognitione infra omnes abjectio & contemptus, quo se vilissimum & demonibus de-



teriore reputabat, infra pedes Judæ proditoris se collocans, neq; aliter in literis nomen suum subscribens, quàm: *Franciscus peccator*. Hinc feriâ s. majoris hebdomadæ, quâ recollitur memoria Christi pedes Discipulorum lavantis, ad Novitios verba faciens, nullum, inquit, *hodie in mundo locum reperio; sextum enim jam annum ad Judæ pedes locum mihi singebam: nunc dum Christum considero ipsi advocatum lavare & osculari, nullum mihi inde expulso relictum video locum*. Precibus intentus, duas minimùm horas quotidie impendebat sui cognitioni, & omnia quæ legeret, audiret, videretque, præsertim sibi honorando fieri, ad demissionem pudorémq; suum referebat. Abdicatis cum Ducatu titulis omnibus, cum vicatim homines accurrerent hominem velut prodigiosum visuri, Bustamantio Comiti dixit: *semper credo à cavea emissam belluamque spectatum accurrunt. Equidem quavis belluâ immanior essem sine ope DEI, qui me in Religiosam familiam suam accivit*. Orationi vacans, sensit cubiculū, dæmonis operâ turbari, quem his dictis abegit: *nil mirum te à me nē latum quidem unguem abire; pridem enim communimēsa usi cibōq; sumus*. Aliàs eundem sibi in Xenodochio fervienti exprobrantem, quid tibi hic negotij? tantus cum sis, inter scurras versari quomodo potes? hisce repulit: *equidem minor magis, te tam superbo pradtum ingenio, appellare dignari me miserum atq; peccatorem*. Cum verò aliquando sacris ab eo carminibus expulsum dæmonem, quem frustra alij pellere tentabant, mirarentur adstantes: quid mirum, ajebat, *si dæmon me fugit? nam & veteri verbo dicitur, figulus figulū odit*. Idem verò cū plausu alibi referentibus, pudore suffusus addidit: *ecquid mirum, cum ego sæpenumero dæmoni morem gesserim, semel illum mihi paruisse? Dignitatem Ducalem vix ad aliud sibi profuisse dicebat, quàm ut facilem ad Societatem aditum obtineret: hinc cum videret Candidatos ægrè quandoque admitti, illis condolens ajebat: hoc mihi commodi Ducis titulus attulit, statim enim Socijs adscriptus sum. Cateroquin ecquæ amabō in me ingenij, doctrinæq; dotes, quæ Societate dignum redderent? Et cum titulos suos nominari nunquam ferret, quoties tamen iter agenti Parochi detrectarent Missæ dicendæ copiam facere, nec pensi haberent literas Societatis in testimonium Sacerdotij exhibitas, tum verò Socium monebat: nunc per me licet pristinos titulos nōmines; civili hic jure agendum est. Dederat aliquando Prorex Sardinie Alvarus de Madrigal epistolam ad Franciscū, Religioni jam auctoratum, hoc titulo inscri-*

ptam: *Illustrissimo D. D. Francisco de Borgia, Duci de Gandia &c.* quam ille, quod ad se nihil pertineret, remisit. Porti in Collegio Lusitanie, Janitoris vices agens, oblatum elemosynæ nomine jugulatum porcum in humeros sustulit, & in superiorem domus partem per gradus portavit; mirantibus Socijs respondens: *quid mirum, si porcus porcum commodè ferat?* Aliàs ibidem in officio jam Provincialis agentem adolescens convenerat, Societatem exoraturus: cui Franciscus, proximum fortè cubiculū sordibus plenum videns, age, inquit, *nē otiemur, purgemus hoc conclave*. Sumptisque impigrè scopis, cum illo pariter cubiculum evernit, sordes extulit. Resciverat impostorem quendam tiremibus esse adjudicatum, quod se Franciscum Borgiam simulasset: cujus vecordiā ex eo præcipuè miratus, quod peccatoris omnium deterrimi personam induisset, ajebat: *si ille tiremibus miserrimè adidicitur, quod solum nomen meum sibi vendicavit; quid me fiet, qui non inane nomen ferò peccatoris? sed & criminibus refertus sum, quæ æternam pœnam mereantur? Occurrenti fortè in itinere nobilissimo Dynastæ Hispanie, querentique vicem illius, quod inops, attrita veste, nullo comiteatu provissus ambularet, seq; ipse & valetudinem affligeret: in me recipio, respondit, fore ut mihi caveam; iter enim dum facio, prodromos duos premittere soleo, tanquā exploratores, qui hospitium mensamq; adornent, nē quid venturo desit*. Rogatus verò quānam ij essent, quod nusquam apparerent? mei, inquit, *cognitio, & pœnarum apud inferos, quas merui, contemplatio*. Quò sit, ut quodcumq; tandem in diversorium deferar, tametsi desint omnia, in lucro reputem, & tanquam in immerentem collata beneficia interpreter. Contigit aliquando in ejusmodi diversorium delato, ut noctem humi ad latus Socij P. Bustamantij super stramine (quod viatori totus erat lectus) decumbens ageret, qui gravi catarrho oppressus multā pituitā & phlegmate laborabat: quod cum totā nocte molesta cum tussi copiosè egere-ret, credens se sputa in humum ponē stratum ejicere, omnia interim in faciem & oculos Francisci conjiciebat. Illucescente jam die, errorem suum & gravem incuriam animadvertens, dolore & rubore plenus facti veniam poscere: sed negare Franciscus erroris quidquam admissum, cum toto diversorio locus nullus receptandis ejusmodi sputis æquè congruus reperiri posset. Nullum tamen æstimationis genus majore averfabatur horrore, quàm si adverteret se haberi in opinione Sancti, aut fidelis DEI servi; cujus causam roga-



tus, quia sententiam divini iudicii, respondit, morte obitâ valde reformido, qua nimium quantum à praposteris hominum iudicijs discrepat.

Simili in pretio Francisco fuit Evangelica Paupertas, cujus amore exardescens, nunquâ à primo vitæ religiosæ ingressu pecuniam attraxerat, aut manibus contingere sustinuit. In omnibus ejus rebus summa relucebat inopia, & in necessarijs quoque ad usum extrema vilitas, in vestitu, cibo, cubiculo, lecto, & minutis quibusq; utensilibus; papyro, cujus non nisi segmentis, aut jam ab una parte conscriptis chartis utebatur ad conciones suas annotandas. Vestem, aut calceos novos ut admitteret, adduci nisi subinde imperio Superiorum non potuit: de pane, quem ostiatim sæpius emendicabat, libentius frustra ad sui refectorem adhibebat, quam panem integrum, & hunc ipsum, qui omnium esset vilissimus. In omnibus suis itineribus nunquam passus est pro se deferri indusum, necessariæ in sudore, vel alio simili eventu, mutationi: neque pallium viatorum; solum domi etiam consuetum secum deferens: sub quo si imbrum violentiâ, quod sæpe accidit, penitus complutus, nihil in vestitu siccum retinisset, & in hospitium insuper rerum omnium inops, nec foco instructum venisset, tum verò exilire gaudio, & fortunam sibi gratulari, quod effectum aliquê sanctæ paupertatis experiri concederetur. Nec remissius fuit obedientiæ, cuius Superiori exhibendæ, studium: & quidem erga S. IGNATIUM tam reverens & exactum, ut ejus literas non nisi flexis genibus evolveret, præmissâ ad DEUM precatione, quâ gratiam omnia ab eodem præscripta exequendi petebat. Comitum illi IGNATIUS aliquando in Lusitaniam profecturo addiderat è Coadjutorum numero, Michaëlem Marcum nomine, cum potestate moderandi nimiam illam in afflictando corpore severitatem, sine cujus assensu nihil rigoris aut pœnitentiæ assumere illi liceret. Huic ille tam exactè in omnibus parebat, ut nè cibum quidem appositum degustaret, nisi rescivisset Marcum edi jussisse. Pari studio Coquo domi, etiam Provincialis & Superior, quoties illi operam addixisset, obedientiam præstabat, ut nè à Regina quidem Lusitanæ Catharina evocatus Aulam accederet, nisi Marcus, & Coquus annuerent: ab illo semel domi remanere, adductâ in valetudinis excusatione; ab isto verò tempestivè domum redire jussus, admonitâ Reginâ, quòd Coquo sua opera per id tempus esset necessaria. Quâ Francisci excusatione mirè ædificata Regina,

nec ipsa Coci imperio obluetari voluit, Francisco actutum ab se dimisso. Dicere solebat, spare se fore, ut Societas in melius semper cresceret, tribus potissimum ex causis, oratione, persecutionibus, & obedientiâ: quia oratio nos DEO conjungit: persecutio à sæculi amore, & fiducia in hominibus abducit: obedientia verò invicem colligatos, ut membra capiti adstringit, & insuperabiles reddit. Et quidem ipse orationis cum esset studiosissimus, sciretque nullâ re magis quam puritate cordis hanc adjuvari, bis quotidie sacrâ Confessione animum expiabat manè ante Sacrum, & vespere ante decubitum: horisque singulis conscientiam ad examen vocabat. Inde totus illi dies continua videbatur esse oratio, DEUM ubique præsentem circumferenti, & ex rebus omnibus ad ejus cognitionem & venerationem ascendenti. Tranquillius tamen & expedite magis post medium noctis meditationi vacabat, ut extra se rapi videretur, & quinque vel sex illius horas momenti instar judicaret. Hinc cum alijs in rebus omnibus citrà excusationem Marco obtemperaret; monenti tamen orandi finem, valetudinis gratiâ facere, supplicabat, *plusculum temporis indulge mihi Frater*. In eadem porrò lachrymis ubertim diffuebat; sed maximè in Missæ Sacrificio, quod à suscepto Sacerdotio ad obitum usque nunquam intermisit, ad duo & plura millaria decedere viâ, & diversorij omnia incommoda libenter ferre solitus, dum Sacris operari potest liceret. Interpellare orantem, dæmoni sæpe studium fuit, nunc simij specie subsanando, nunc gygantis instar, spectrique teritando: ad cujus formidandum aspectum, quòd semel metum prætulisset, vehementer erubuit, cum nè capillo quidem capiti detracto nocere homini, nisi DEO concedente, queat. Sæpius etiam summis in tenebris, facies orantis, Solis instar radios emittere, & in cubiculo splendere omnia, pluribus est visa. Templâ ubivis locorum Eucharistiæ adorandæ studio ingressus, arcanâ sagacitate noverat, an, & quo in altari illa asservaretur, licet lampas alteri fortè aræ incensa præluceret. Pœnitentiæ, & vincendi sui studium orationi ita necessarium censebat, ut negaret sinè illis obtineri posse: hinc si quem commendari ab orationis & sanctitatis præcellentia audiret, inquirebat, an sui penitus edomandi vincendiq; conatu pariter emeretur. Ipse autem in rebus omnibus continuam sui & appetitionum omnium sectabatur abnegationem, ut nihil penitus corpori indulgeret, sed ut hostem capitalem persequeretur, Solis ardore, frigoris,



imbrium, ventorumque; sævitiam, amicos suos vocabat, quibus per tot itinera exagitatus dicere solbat: *quàm bellè me juvant amici!* In morbis præter invictam patientiam, pharmaca acerbissima non nisi sorbillando cruciando tantò magis palato, sumebat: & cataportia dentibus prius commandebat: ciborum quoque sapore, quoad per Superiores liceret, corrupto. Neque verum Religiosum agnoscebat, qui non quotidie saltè vicies & quater moreretur: mæstam infelicemque sibi mortem obventuram dicens, si nullà sui sensuumque victoriâ præparatum opprimeret. Et cum peregrinanti per diversoriam facultas deesset quotidie flagellandi sui; capillos vellere, puncturis & ungviu pressuris ad livorem usque, ad sanguinem carnem vellicare deprehensus est. In oratione magnam partem pronus ore humo adhærebat, quo molares dentes amisit, & labia malo affecit, quo periclitatus parum abfuit, ut vitam amiserit: uti & ex dorso lumbisque per flagra adeò conscissis, ut putrescere viderentur. Quàm acerbis verò, à DEO instantè exoratis doloribus arcanè exerceretur, expertus est aliquando Bustamantius, cum multis precibus obtinuisset sibi ab illo apud DEUM impetrari id, quod ipse pro se exposcere soleret. Siquidem trium horarum spatium ardentissimam febri cum capitis dolore correptus, in rabiem se agendum credidit: nisi rogatus iterum Franciscus, malum quod accersiverat, precibus depulisset.

MIRACULA S. FRANC. BORGIE.

SANCTITATEM Francisci, præ humilitate *Speccatoris* nomine appellare soliti, palàm facere volens mirabilis DEUS in Sanctis suis, in gnâ patratorum miraculorum gratiâ tam in vita, quàm in morte eum dignatus est exornare. Ex multis pauca in præsentem dabimus, præsertim ex Hispanico P. Eusebij Nierembergij, tum ex processu pro ejusdem Sancti Beatificatione, Romæ tum alibi impressis.

Cum solitum tertianæ febris paroxysmum præstolaretur P. Franciscus Solier, infirmum iuvisit Sanctus Pater, qui se haberet, quærens: ut DEO placet, respondit ille, tertianam expecto. Cur tu, interrogat Sanctus, eam expectas? dùmque infirmus rogat: mandet Reverentia Vestra huic tertianæ, nè redeat; atque sic eam non expectabo: Sit ita, dicit S. Pater, in nomine Domini nostri noli ad hunc ægrum tertiana redire. Sicut Sanctus dixit, DEUS fecit, & infirmus de lecto sanus surrexit.

Zelo plenum P. Christophorum Rodriguez ad Cophthorum Patriarcham Nuncium Pontificium iussit S. Pater, tunc Generalis pro-

fiscisci, qui perspectam habens sanctitatem iter imperantis, dum exponit se febribus laborare, petitque, imperet sibi primùm de lecto surgere, & ire, hocque mandato se velle obedientiam implere: ut imperavit febrī Franciscus, liber ab ea P. Christophorus, sanus se eò contulit, quò obedientia imperavit.

Non recessit, sed febris accessit ad magnū virum, Nobilem Hispanum, qui filio pertinaciter inimicus, etiam postquam supplex Vir Sanctus iram ponere rogavit, nihil præter incondita verba multum stomachatus reddidit, & se avertit. Tacuit Franciscus cum DEO locuturus, quem homo non audisset: & ecce! subito Virum Nobilem invasit febris vehemens, ut mortem vicinam timeret. Unde, poenam DEI advertens ob preces Servi sui contemptas, mox ad se invitato Francisco deprecatus culpam, se in manus ejus commisit, pro quo S. Pater Sacrificio Missæ oblato sanitatem perfectè restituit, sibi deinceps addicto Domino, nec ampliùs à filio dissentienti.

Franciscus de Brioves annis aliquot S. Francisci socius, cum in morbo ejus saluti diffiderent Medici, visitatus à S. Patre solatium accepit: nè timeret, se illum Domino nostro commendaturum, neque hac infirmitate moriturum, imò quantocyùs ex morbo surrecturum. Ità evenit, prout etiam jam antea bis id ipsum eidem contigerat.

Graviter ægrotavit Marchio de Alcannizas, Joanna de Aragon, Filia spiritalis S. Borgiæ, quem Viaticum æternitatis sibi daturum allocuta ait: Mi Pater, DEO meo me commenda, nè moriar. Ubi spondit luxum vestium, cui summè dedita fecerat, seposituram cum vanorum librorum lectione; post factam orationem à Sancto, & citò ad ægram reverso, audivit sibi dictum: Nè timueris, hoc morbo non morieris, sed me supervives, tempore licet non multo: nam biennio post Franciscum mortua fuit Joanna.

Madridi in hospitali pauperibus servivit, per hebdomadas aliquot Franciscus. ubi infirmæ Mariæ de Barroffa die crastino pes erat ressecandus. Hæc Sanctum transeuntem lectum rogans sibi manus imponeret, postquam ab eo secundum vestem contacto, audivit: Nihil tibi erit, soror: frusto ossis omnis mali causâ de fistula exiliente, convaluit, Chirurgis miraculum suspicientibus.

Proficiscenti cum S. Francisco Patri Concionatori, comedenti exciderunt dentes duo. quem ideo defectum in elocutione habiturū videns Franciscus, dentes illos ori impositos suis locis firmavit, ut semper reliquis firmiores



res steterint. Idem accidit cuidam filix cum Patre suo prandenti, quam dens excidens afflixit ob gingivæ dolorem, & ampliùs ob mansuram ori deformitatem. S. Pater accepto in manum dente subridens, quasi sœminarũ vanitatem notans, quòd tantũ in formæ studio collocarent, inquit: quàm turpis tu remanebis sinè hoc dente? tristi puellæ compassus, elevatos in Cœlum oculos demittens, dentem ori puellæ reposuit, cibum resumere jussit, non defuturum officio dentem asseruit; quod totum factum ad stuporem assidentium. Post mortem quoque puellæ, sicut Sanctus prædixit, calvariâ dentes reliqui exciderunt, hoc solo dente annis multis Calvariæ adhærente.

Casus terribilis in quadam Hispaniæ Urbe, transeunte illac DEI Servo, cum viro nobilissimo, sed vitiosissimo, ad mortem decumbente accidit. In extremis constitutus durus & immobilis, eos, qui ad pœnitentiam necessariam, & sacramentalem confessionem hortabantur, viròsq; Religiosos aversabatur omnes. De hoc certior factus S. Franciscus, DEUM pro more consuluit, ante Crucifixi Domini imaginem procumbens, cujus caput erigi vidit, & loquitur: ita audivit: vae huic ægro! cui ipse in Persona assistam ut Infirmarius & Medicus, dum interim tu illi Confessionem svadebis. Properavit ad ægrum S. Franciscus, & spectabili præsentè Christo multis Confessionem, persuadere annisus, adjuvante ipsomet speciem Medici induto Salvatore nostro Christo Domino. Postquam uterque laboraverat in vanum, dissimulanter se Dominus DEUS subduxit, S. Francisco in adhortando ægrum ad pœnitentiam perseverante, donec crescente obstinatione ante Crucifixi imaginem prostratus, novas uberores huic animæ, nè damnaretur, gratias postularet. Ferventissimè igitur orans, coram se prostrati, affectum respiciens Christus Dominus ei de cruce dixit: Ut videas, quantum ipse ego salutem animæ hujus cupiam, accipe me, & oppone me oculis infirmi. Fecit S. Franciscus, & acceptam Crucifixi effigiem, turbâ de cubili amandatâ, solus soli ægro ostentans, eum fortissimis ad conversionem & fiduciam in crueifixum Salvatorem argumentis urgebat: sed dum miser ille respuit omnia dicta DEI Servi, tunc omnia Crucifixi vulnera sanguinem manare cœperunt, & Christus de cruce locutus, exprobrauit dolores, quos pro hujus animæ salute subivit. Cùmque nec his moveretur obstinatus, Christus dexteram clavo solvit, vulnere lateris immergit, pugnum sanguine plenum in faciem peccatoris coniecit, sententiam damna-

tionis pronuncians: ut Sanguis iste pro ejus salute frustra profusus, nec in salutem receptus, esset in damnationem æternam. Quo facto æger inter blasphemias infelicem animam Orco transmisit.

Versabatur Sanctus in Hispaniæ quodam Societatis Collegio tam paupere, ut quod mensis apponeretur, nihil esset omnino. Quæsitum ex Sancto: an ad prandium pulsandum? Respondit: omninò; simul in DEUM confiderent. Et subito januam Collegij homines ignoti pulsantès, ciborum copiam apportaverunt, DEO miraculosè in gratiam sui Servi providente.

Joanna Princeps, Caroli V. Imperatoris Filia, Valisoleti decumbens ex tertiana, S. Franciscum Borgiam ob famam sanctitatis advocavit, eique dixit, magnam se habere fiduciam, quòd si particula quædam de Cruce Domini (quam ab Imperatore Patre suo acceperat) in vas aquæ mitteretur, & indè biberet, à febre esset liberanda. Quare petijt à Sancto sacrum Lignum aquis immergi; qui quantumvis pro humilitate solita detrectaret, Principi tamen obsequendum ratus, præmissâ oratione sacram Crucis particulam aquæ immergit, quæ mox in colorem sanguinis versa est, ut Princeps de illa bibere non præsumeret.

Eodem tempore particula de pelle S. Bartholomæi Apostoli (etiam à Patre suo Carolo V. accepta) à Principe illa Archi-Ducissâ S. Francisco dono est oblata, quam ut Sanctus manu contrectavit, et si exsucca omnino, & arida, in pañum Hollandicum substratum guttam sanguinis dimisit; quod velut prodigium, Francisci sanctitati Princeps Joanna attribuit.

Hieronyma de Cardona & Alagon, conjunx Alphonsi Cardona, & filia Marchionis de Villafor, periculose laborabat ex partu, quòd infans transverso situ Matris uterum occuparet, pedunculum exangvem obstetrici porrigens. Consultatum, an fœtus frustra eximendus. Matri Sanctorum. Reliquias applicuerunt, donec rebus desperatis ad Domum Professam Societatis JESU Madriti mitteretur pro Reliquijs S. Francisci Borgiæ, cum quibus illico advenit P. Petrus Espejo, qui alijs Reliquijs à pariente ablati, has ex ossibus S. Francisci Borgiæ apposuit, legens Evangelium super eam cùm Oratione: *Adesto Domine supplicationibus nostris, quas in B. Francisci Borgiæ, Confessoris tui, Patris nostri commemoratione deferimus, &c.* Mirum mox nomine Sancti per Sacerdotem pronunciato, Mater in momento partu soluta exclamavit: sana sum, sana. Cui acclamârunt omnes: miraculum! miraculum! Lætitia hæc mista fuit mœrore, quòd proles puella esset mortua absque Baptismo. Animatus hoc miraculo P. Petrus Espejo exclamavit: qui primam gratiam fecit, faciet secundam: Reliquias itaque sacras de Matris corpore, ad puellam exanimem transtulit; quo ipso momento infans mortua vitæ sonum dedit ploratu, ut baptizata in beneficij memoriam nomen: *Francisca Borgia*, sit impositum & publicatum in Regno prodigium eum magna Sancti æstimatione.

In Monasterio Monacharum sub regula S. Benedicti in Civitate Recante, unâ levçâ à Domo Lauretana, loco Castelnovo nuncupato, Monacha nobilis Justina Andici, annorum viginti Virgo, virtutis spectabilis, ex lecta Vita S. Borgiæ, à Collegij Rectore,



& Confessario suo accepta, ipsum Sanctum specialissimum sibi Advocatum elegit, præcipuè in infirmitate per quindecim hebdomadas omni motu privata, à quatuor Sororibus quovis levanda, membris quasi emortuis, pede uno contracta, & tumore sub genu continuo cruciata. In solitis autem doloribus nocte D. Petri Martyris festum antecedente oppressa, dum suspirasset: Sancte mi, Patrone mi: nisi tu Deusque feratis auxilium, hos meos dolores confiteor tolerare me ultra non posse, vocem audiit: Justina surge, & vade ad chorum, ubi te præstolantur Sorores Matutinum cantantes. Hanc vocem mirata, & mandatum diutius meditata, vocem secundo percipit: cur nondum surgis, & abis ad chorum cum Sororibus ad Matutinum? sanata enim es. Tentat igitur, manus extendit, & sine difficultate surgit sola, se vestit, integrè valens, læta ad chorum abijt cum admiratione, DEI gloriam & S. Francisci honorem evulgando.

Licet autem ex his, quæ compendiarie sermone hucusque delibavimus, satis constet, eximij & admirandis virtutibus illustratum à DEO fuisse S. Franciscum adeo, ut publico cognomento: *Ducum miraculum*, & vir miraculosus appellaretur, deq; ipso aptissime illud pronunciari valeat, quod de S. Præsule Malachia D. Bernardus ait: magnum miraculum quod ipse fecit, Ipse fuit; adhuc tamen præter ea, quæ fecit mirabilia in vita sua, & quæ in Processibus de ipso habitis adscribuntur, alia plurima & magna miracula suppetunt, quibus Divinæ Bonitatis placuit sui famuli sanctitatem, ejusque patrocini potentiam declarare.

Ad extremum vitæ discrimen adducta erat Excellentissima Fœmina Domina Hieronyma de Cardona, Ulzedæ Ducissa, Lermæ Ducis Nurus, eo quod fœtus ex utero materno egredi non posset, & acerrimis per 20. horas vexata doloribus præ virum imbecillitate effundere ullum non valeret: deploratâ jam ejus salute, ipsiq; Regijs Medicis nullam superesse vivendi spem asserentibus, Dux Lermæ, fœminæ jam ferè animam agenti S. Francisci Reliquias applicat, quas illa piè amplectitur, osculatur, & uterum illis tangit. Ad uteri contactum illico fœtus emortuus, & ferè putrescens egreditur, omnique amoto dolore ipsa incolumis statim evadit. Vix tanti miraculi fama Hispaniam pervasit, cum inexplicabile dictu sit, quanto cum venerationis ardore ubique S. Francisci nomen exciperetur; nam in Excellentissima Fœmina omnibus ferè Hispaniæ Magnatibus sanguine conjuncta, miraculis splendor amplissime effulgebat.

E nobilibus puellis, quas in suo Palatio ad sui famulatum numerabat Esquilacij Principis conjux, quædam nomine Agnes Hurtado, sævissimis laterum doloribus afflicta, febrique immani correpta, magni salutis discrimen subiverat, adhibitis remedijs nihil prorsus proficientibus: miserrimum puellæ statum triduo jam laborantis commiseratus Princeps, S. Francisci sui consanguinei Reliquijs arreptis, circumstantes deprecatur, ut miraculum S. Francisci oculati testes aspecerent. Tum illis comitantibus ad ægram accedit, ipsiq; S. Francisci sanctitatem commemorans, ejus Reliquias illi porrigit, ut ei se ardenti cum fide commendet. Ejus ergo nomen puella invocat, ejusdemque Reliquias leviter tangit: cum ad Reliquiarum contactum statim dolor cum febre evanuit, & pristinæ saluti fuit restituta.

Infantulum suum lætabat Maria Martinez; sed ubera tantus morbus invasit, ut cum suggeret puer,

acerrimo dolore cruciaretur Mater, & labia sanguine aspersa ferè semper filius referret. Eò brevi morbus devenit, ut dexteri uberis capitellum ferè totum avulsus vix ab exigua pelliculæ parte penderet. Humanis destituta præfidijs Marer ad S. Franciscum piissime accedit, ejusq; imaginem uberi, lectum ingressura, apponit, nunquam inde amovendam quoad usq; sanitati redderetur. Eadem nocte ad pueri fletum, expergescens, lac illi ab uberibus sine ullo vel levissimo dolore porrigit. Conjugi sciscitanti, cur de doloris acerbitate non conquereretur? miraculum aperit, & Benefactorem suum S. Franciscum enarrat. Tum ille è lecto se proripit, lumenque propius admovens, ubera sana & integra, dextrumque capitellum, uberi fortiter adhærere deprehendit.

Alia ejusdem Principis Esquilacij Conjugis famula, dicta Francisca de Milan, sævissimis angebatur laterum doloribus. Frustra fuere plurima & maxima medicamenta, quibus morbi vim superare Medici præclarissimi contenderunt. Tandem sopore correpta, & paulò post expergescens, Reliquias S. Francisci sibi dari postulavit, eo quod à Patre quodam Societatis, quem quiescens aspexerat, affirmatum sibi fuerit, se illius patrocini, doloribus, quos patiebatur, liberandam. Statim præstò fuit, qui à Principe acceptas Reliquias porrigeret, & illis latus, dolorum aculeis cruciatum attingeret. Statim dolor simul & febris evanuit. Tum interrogata, quinam fuerit ille Pater, quem vidisset in somnis, respondit ignotum sibi penitus illum esse, sed faciliè cognoscendum, si S. Francisci imaginem conspexisset. Vix hanc sibi representatam inspexit, protinus dixit: hic quidem ille ipse est, qui se mihi dormienti videndum dedit, mihiq; svasit, ut ad me à doloribus vindicandam ejus Reliquias postularem.

Octennis puer ex eadem Familia de Milan, nomine Christophorus, è tumore, quo dextrum genu mirum in modum intumuerat, eo periculi redactus erat, ut ex omnium Medicorum sententia, nisi ejus dextrum crus totum absunderetur, desperata penitus ejus salus esset. Ad hæc ejus Mater moestissima, ad S. Francisci patrociniū conversa, ejusdem Sancti imaginem puero tradit, qui ipsam cum lachrymis osculatur, & affecto genu superimponens, hæc verba effatus est: 61 S. P. Franciscus, fac ut sanus evadam, & à tanto periculo liber fiam. Ad hæc illico dolor acerbissimus, tumor ingens, & febris abscessit.

Matri triennis puer apud Franciscum Perez è domestica scala delapsus, & toto impetu per viginti gradus usque ad ultimum præceps devolutus, immane vulnus, latòque hiatu dehiscens in capite accepit. Hinc cranio fracto, secuta largissima sanguinis effusio, & totam faciem occupans fœdissimus tumor, ac demum & acris febris. Postero die periclitanti puero traditur imago S. Francisci Borgiæ, ut ejus opem piè reposcat. Paret puer, capitq; imagine impositâ somno se dedit. Ut primo manè evigilavit, advocatis domesticis dixit se optimè habere, & ope S. Borgiæ sanitatem recepisse. Accedit Chirurgus, nullum in capite vulnus agnoscit, cicatricem videt obductâ, pellem integram, nullam deformitatem in vultu, & omnem ardorem febris extinctum. Totum hoc tam miraculosè à S. Borgia patratum prodigium, Chirurgus exactâ totius rei narratione scripto confirmavit, cum ad solam, quæ cranium iterum contegeret, pellem reparandam, juxta Chirurgicæ disciplinæ leges, triginta saltè dies necessarij futuri fuissent.





P. Antonius Araozius, S.J. Cantaber, Vir magnæ per Hispanias, etiam apud Regem, ex estimationis, singulari gratiâ animas tractandi, et ad mortem parandi divinit, prædit, Obijt Madriti 13 Jan: 1573.  
24.

## P. ANTONIUS ARAOZIUS.

**P**ater Antonius Araozius, natione Cantaber ex oppido Vergara, S. IGNATIO sanguine propinquo junctus, magno animo atque ingenio adolescens, jamque Theologiæ Doctor, cum Romam visendi IGNATIO causâ accessisset, sacris meditationibus excultus, perspectâ rerum omnium, quæ sub aspectum cadunt, inanitate, sine cunctatione novæ Cognati Familiæ se adjunxit Año 1539. In Hispaniam Anno insequente ab IGNATIO missus, cum geminâ tempestate jactatus Barcinonem pervenisset, magnos hominum ex omni statu habuit accursus, cupi-

*Societas Europæa.*

entium novæ Familiæ, & IGNATIO, de quo multa jam audierant, discipulum videre: à quibus ex edito loco verba facere pene coactus est. Ille verò ut vidit defugiendi muneris locum non esse, quamvis tum rudis in dicendo, & necdum sacris initiatus, agere ad populum tam ardentem instituit, ut exquisitos dicendi Magistros facillè superaret. Itaque ex Auditoribus pro se quisque ad omnia Christianæ pietatis Exercitia se promptum exhibere, & ad instituendam Societati apud se domum de suis etiam velle proferre copijs. Ille verò, quoniam per negotia hæere illic diu non licuit, in Castellam, magno sui relicto desiderio, transgressus, Vallisoleti, Burgis,

S

gis,



gis, atque ad Infantes ( ut vocant ) Caroli V. Imperatoris Filias, pari cum fructu conciones habuit, & Turcas aliquot traduxit ad Christum. In Cantabriam perveniens, pluribus in locis auditus, tum Quipuzetæ præcipuè lætissimam messem Divini verbi prædicatione collegit: Vergaræ item, cum totius Provinciæ Conventus celebraretur, Synodi rogatu conciones habuit, eâ dicendi copiâ in publica vitiorum probra & prava mores invecus, ut vel hinc uberes in Provinciam universam fructus Synodus sibi polliceretur. Cum verò deinceps Aspeithiam concessisset, tam multi undique ad eum audiendum finitimis ex oppidis convolabant, ut plura semper hominum millia numerarentur; translatoque ex Templi angustiis in patentem campum suggestu, ædificiorum insuper, arborumque cacumina avidis Auditoribus complerentur. Fmissâ posthæc Anno 1541. primus post 10. primos Societatis Patres, jam Sacerdos creatus, Professione, Barcinonem redux, tantam naactus est cum socio P. Hieronymo Domenecco è vestigio messem; ut nè minimæ quidem parti satis fuerint colligendæ, nec longius progredi ad alia oppida, urbésque hoc anno licuerit. Quippe omnium Principum benevolentiam egregiam, ac ad omnia pietatis officia voluntatem, Pro-Regis, Ducisq; Cardonæ, Episcopi, Præfecti Neapolitani maris, totiusque Nobilitatis experti, ausi sunt certatim viros nobilissimos ex hominum turba, strepitumque rerum sæcularium, ad Exercitiorum otium sevocare: Præfectum maris imprimis, cujus secreti domicilij, ubi se ad colligendum magis animum incluserat, Janitorem se velle agere, ne quis virum tali munere occupatum interpellaret, Pro-Rex ipse jactabat. Is erat Franciscus Borgia, rum Lombai Marchio, paulò post Joannis parentis sui obitu, Gandiæ Dux, interiora studia pietatis jam ingressus: qui audiens brevè Araozio Romam redeundum, perstudiosè ad IGNATIUM pro illo literas dedit, inter alia scribens: *tantum hic P. Antonius profuit, ut equidem pro magna duxerim infelicitate hujus Civitatis, si advocetur. Atque adeò pro injuncto mihi hujus Regni onere, putavi hoc tibi significandum, ut Angelus Persarum fecit, cum pro filiis Israël ob recta exempla, aliósque inter Persas fructus, retinendis contendit.* Confessionibus non dies, non noctes excipiendis erant satis, ut interdum vix liberum Sacrificio Missæ spatium concederetur: Conciones diversis in locis, frequentissimo hominum cœtu, quotidianæ:

post quarum primam in Æde S. Mariæ à Pinu habitam, cum pro consuetudine loci magnâ ei pecuniæ vis in futuram sustentationem offerretur, in ea repudianda ita Araozio certandum fuit, ut populus ad strepitum altercantium accurreret; qui contentionis causâ cognitâ, non sinè secunda admurmuratione discessit: & Prior Dominicanæ Familiæ, vir pius ac doctus, sapienter advertit, Societatem hac gratuitâ verbi Divini evulgatione, magnum paulò post momentum ad morum, ubique correctionem facturam. Sublatæ, quæ multorum annorum odijs occaluerant, in Nobilitate præsertim, inimicitia: Exercitia flagitantium vis tanta, ut ijs tradendis nè decem quidem Institutores suffecturi viderentur.

At enim Araozius, non sinè multorum lacrymis, Romam revocatus est; cujus absentis desiderium Civitas diu non ferens, de ejus reditu cum Pontifice Maximo per literas egit. Ille verò dum ad Urbem anno jam labente revertitur, haud inutiliter in ipsa trirēmi, quâ unâ cum Turcis Maurisque, & ad transtra damnatis est vectus, navigationis tempus expendit, pluribus eorum ad Christum, vel frugem meliorem traductis. Vix Romam pervenerat, cum Marcelli Cervini Cardinalis, qui deinde, eodem nomine Marcelli retento, Pontifex fuit, rogatu, Neapolim mittitur: quam ille Urbem, postquam ingenti Civium & Pro-Regis satisfactione aliquamdiu excoluisset, in Hispaniam denuo abire, cum sex Socijs Conimbricam Lusitanie destinatis, jubetur. Quo in itinere pedibus de more, & corrogandâ stipe, ad mare usque, suscepto, nullam tutandi animos occasionem dimisit, seu cælestibus Sacramentis & Concionibus, ubicunque defatigati consisterent; seu familiaritate congressus, & pijs alloquijs; quibus reducti ad semitam salutis bene multi, Prato præsertim in oppido apud Hetruscos, Pistorij & Lucæ hæretici aliquot conversi: Saonâ priusquam navi descenderent, Araozius nautas dictionibus suis, quas communiter in Æde Civitatis habebat, ita permovit; ut omnes cum Præfecto in maris incerta animos Sacramentis expiarent; præclaro Civibus exemplo, qui per Natalis Domini Festa incredibili multitudine consentientium tantum non illum obruerunt. Barcinonem summâ Civium gratulatione delatus, quanquam in Lusitaniam tum IGNATII jussu properabat; plurimos tamen coactus est dies, maximâ pietatis segete, subsistere: nam & duplicem ex

utro-



utroque seorsim sexu Sodalitatem, ad usum Evcharistiæ crebriorem constituit; & Bacchanaliorum licentiam, devotionum varijs exercitijs, deinceps etiam usurpandis, repressit. Puerum ibidem quadrimum reperit optimis Parentibus natum; qui multa & diversa de Societate, Spiritu ut apparebat Divino, prædicabat: nam & latinâ lingvâ præstantius quàm vernaculâ loquebatur, eaque efferebat, quæ humanis vijs sciri non poterant. Id vulgò prodigij instar habitum: haud facile dictu est, quantopere Civitatem aliàs etiam IGNATI perstudiosam, ad Societatis amorem & æstimationem excitârit. Valentiam indè, Pro-Rege & Civitate perinvitâ profectus, cum per Quadragesimæ primos dies aliquoties pro concione dixisset, coronâ Auditorum tam spissâ cingebatur; ut præ confertissima turba aditus in templum non pateret. Quâ celebritate, Dominicâ primâ Quadragesimæ, in Æde summa concionatus, dum post meridiem ad Templum Conversarum dicturus accedit; non illud modò, sed & fenestras & vicinæ recta, totâque aream obsessam multitudine reperit, ex qua multi impransî sedem occupasse dicebantur. Ecce autem simul ac Concionator appropinquans apparuit, ab his qui Templo excluderentur, tollitur clamor, ut producat suggestus in aream: quo factò, priùs dicentem vox & latera defecere; quàm audiendi ardorem populus mitigaret. Eo die in gemina dictione 5. horas implevit: paulòque post cum ad Cænobium idem se referret, suspicati Cives ad concionandum illum accedere; ità repentè undique convolârunt, Templumque complerunt: ut religioni sibi duxerit Pater, adeò esurientibus animis, quamvis ex tempore, panem vitæ non frangere. Denique summè paratos ad excipendam Divinam culturam homines sentiens, quia statuendi ibidem Collegij copia offerebatur, Socios ab IGNATIO, illi incolendo, per literas poposcit.

Rebus ità feliciter Valentia ac deinceps Gandiæ & Madriti pari successu gestis, Conimbricam eodem anno 1544. pervenit, à Rege Reginaq; magnâ humanitate exceptus; ad quos deinceps Almerini, Eboræ, Ulyssipone, ubicunque Aula ageret, publicos sermones habuit. Anno sequente in Castellam reversus cum Petro Fabro, Salmantica concionibus suis totam Civitatem incendere ac permiscere cepit: ut continuè de advocanda in Urbem Societate, Domòque illi statuenda Salmanticenses deliberaverint. Verùm ipse

*Societas Europæa.*

Vallisoletum, eâ tempestate Regni sedenti transgressus, quâ concionibus suis, in Templis & foris publicis, quâ catechesi rudium, obsequijs carcerum & hospitalium, ità Societatis ministeria Aulæ probavit; ut ejus fama totas Hispanias pervaderet, vocarenturque Socij à multis, magni DEI Apostoli; qui ruentibus ad Tartara animabus tempestivas porrigerent dexteras. Fuit autem Aulæ miraculi instar, quòd cū omni hominū genere, sexuq; promiscuè Patres versarentur innoxij, volabátque fama, homines è Societate herbam quandam circumferre, quæ vim haberet interimendæ libidinis, eoque velut antidoto tutò posse versari inter fœminas. Ea vox cum ad aures Philippi Regis pervenisset, Joannem Zunnigamisit ad Araozium, sciscitatum; quod genus herbæ illud esset tantæ potestatis ac virium? hinc indicaturum se illi nomen herbæ respondit, modò eam Principi accuratè, quemadmodum à se acciperet, fidelitèrque referret. Cui liberaliter spondenti, *verissimum*, inquit; *est, quod de hujus nostræ herbæ potestate narratur: tantarum quippe virium est, ut non modò nobis ad frangendas cupiditates, libidinèsq; sit antidoto; verùm etiam tutum adversus omnia alia vitia præsidium: ut equidem vehementer velim & Principi, & toti Aulæ ejus usum notum ac familiarem esse.* Quæ omnia cum Zunnigæ cupidinem rescindendæ herbæ accenderent, rogaretque continuè ejus nomen sibi indicari: *hec herba*, respondit Araozius, *communi sermone, Timor Domini, nuncupatur: cujus ruminatione, quotquot de Societate sumus, frequenter, in matutina præcipuè Meditatione utimur, ejusque præsidio in medijs flammis, periculisque innoxij versamur.* Acquivit responso Zunniga; quod Principi relatum, & omnem Curiam pervagatum, secundissimis auribus exceptum est; mirèque Araozio Regem conciliavit; cujus favore usus, admirandos fructus ex Aula & universa Civitate retulit. Interim Julio Mense, jussus Araozius Valentiam se referre, ex itinere Complutum & Barcinonem quadrimestri labore utilissimè excoluit; tum Valentiam & vicinam Gandiam: ubique lætissimis animarum lucris, certisque Domuum Societati fundandarum promissis ditatus. Præcipuum in stabiliendo Valentia Collegio Patronum expertus est S. Thomam de Villanova, Urbis tum Antistitem, quem intuenda constanter adversum calumniatores Societate, secuti sunt S. Fidei Inquisitores.

Verùm anno 1546. revocatus in Regiam, quâ concionibus, quâ alijs Societatis ministe-



rijs, plurimos ad recensenda universæ vitæ peccata in confessione adduxit: tantæque hominis fuit æstimatio, ut in vitæ discessu omnes certatim illum sibi adesse expetierint. Ex qua laborum contentione tandem & ipse graviore morbo prostratus, in eundem iterum ac tertio recidit, ut ejus jam salus deponeretur à Medicis. Et tamen vel tum à Comite de Palamos mortaliter prostrata rogatus, festinus è lecto adfuit, & ad sanctè emigrandum animam disponens, totis duabus noctibus infomnis adstitit, donec illam feliciter tertio demum die cælo transmitteret. Sedulâ nihilominus Medicorum manu, quos ei ab Aula quaternos Philippus Rex adesse constanter volebat, curâ supremâ ægroti Episcopo Pompejopolitano, & Gubernatori mandatâ, mortem evasit. Vix autem remiserat februm ardor, cum ad dicendum importunis precibus in Templum trahitur; tanta erat sitis Divini verbi! quanquam nec in ipsa morbi violentia quies ei permittebatur; ita visitabatur à multis, qui DEI verbum & de cœlestibus sermones ab ægro extorquebant. Anno 1547. primus Provincialis Hispaniæ declaratus Araozius, nihil tamen à dicendi assiduitate remisit, modò hîc, modò ibi, in Aula potissimum, verbum DEI prædicando, cujus voce excitati plurimi, relicto sæculo varijs Ordinibus, etiam Societati nomina dedere. Nec minimum laboris ei attulit commissâ à Philippo, auctoritate Apostolicâ, cura, in visitandis ac reformandis Catalauniæ Monasterijs: cum ille se nec curis Provincialibus, nec dicendi contentionibus relaxaret, ac plurimum simul laboris moribundis impenderet, ad quos opportunè importunè accersebatur. Et enim dum uni cuiquam aderat, adstantes dexteritate hominis eo in articulo visâ, adigebant propemodum, spondere ipsis quoque, si quid humanitus eveniret, quamvis invalidum adfuturum. Id inter illustres Viri suprema, cum ejus uxori, & alteri illustri fœminæ Comiti promississet, utrique tum bellè valenti, haud multò post utriq; morienti adfuit, & quidem Comiti vix quarto post die. Et Tortosæ Episcopo, multa aliquando de vitæ incertitudine, deque repentinis improvisæ vitæ casibus differens, vix domum pervenerat, cum trepidi adsunt famuli, & ad Episcopum ex apoplexia morientem evocant; quâ etiam paucis ab adventu Araozij horis decessit. Nec immeritò videri posset, speciali DEI providentiâ fuisse animabus eo articulo felici æternitati parandis destinatus: siquidem multis, qui ho-

ram vivendo superaturi vix putabantur, mortem DEUS ad usque Patris adventum differbat: ut patuit in virgine pia & honesta, quæ totam noctem in lacrymis, nixa genu transegit, summum vitæ Arbitrum orans, ut spiritum suo parenti, cui Medici illum vesperi vix ad horam unam prorogârant, in adventum Araozij sequenti luce produceret: & voti præter opinionem omnium est facta compos. In reformandis verò Cœnobijs tanta erat ejus industria, tam sancta, quæ inducebatur vivendi norma; ut Virgines Monasterij S. Claræ Barcinonæ, summo studio ab IGNATIO contenderent, ut Societas ipsarum Obedientiam admitteret: quod tamen postulatam IGNATIUS, ut ab Societatis Instituto penitus alienum, rejecit; reprehensio etiam Araozio, quod ei avertendo non obviâset.

Jam verò ex tot laboribus denuo valetudinarius redditus; cum dicendi, quâ pollebat, facultate uti non posset, concionum jacturam quotidianis virtutum sarciebat exemplis. Nullam enim valetudinis suæ passus est haberi rationem, aut speciale aliquid præter communia omnibus, sibi in mensa ferebat apponi: crebrò mensis ministrabat, nec cibum antè capiebat, quàm eo sese reliqui refecisset. Tum divertebat in culinam, ut lances extegeret, & lebetes repurgaret. Eadem in cultu frugalitas: in quo nihil, nisi tritum; nihil, nisi vulgare & vetustum cerneret; ut interdum etiam calceos, si paulò meliores forent, cum aliorum deterioribus permutaret. Invisurus illum aliquando Dux Gandiæ S. Franciscus Borgia, in culinæ obsequijs occupatum invenit, ejusque humilitatis odore illectus, pastum vicissim imbecillo Araozio paravit, & par ovorum suâ manu coxit: quibus ad Patrem missis monuit, ova illa, primum suum laboris coquinarij opus, forberet. His virtutibus ad annum usque 1565. Provincijs Hispaniæ Araozius præfuit, Aulæ interim obsequijs, Regis Imperio, vehementer occupatus: cujus semel sacratione eloquentiâ degustatâ, nunquam penitus Rex sustinuit privari. Cum eodem anno in Comitijs Societatis Generalibus, absens licet, in Assistentem Hispaniæ, sub Generali S. Francisco Borgia, eligitur; perculit improvisa Viri evocatio Regem & Curiam universam; dolentisque Viro tam eximio privari, apud Borgiam importunis precibus effecere, ut in Hispania remanere sineretur: reliquum vitæ Regis & Curiæ obsequijs tam opportunæ, impensurus. Id quod magnâ Aulæ totius approbatione, & spirituali profectu præsti-



præstitit ad mortem usque, quâ Madriti anno 1573. 13. Januarij sublatus est. Vir fuit præstantissimâ prudentiâ, & vi dicendi planè Apostolicâ, virtutum excellentissimarum, merito per universam Hispaniam, & apud

Principes gratiâ, quàm potest optari maximâ florens: permagnæ in Societate existimationis; cujus in Hispania stabiliendâ, & pluribus Collegijs propagandâ, è præcipuis Auctoribus extitit.

*Ex Historia Societatis, & Nierembergij Tomo 4. de Viris Illustribus.*



P. Ioannes Baptista Sanches S.J. Hispan, pauperū et nosocomiorum obsequijs unice deditus; multis animarum lucris, & adversis toleratis dives, mortem Obijt Romæ sub finem Mensis Novemb. A<sup>o</sup> 1573.

## P. JOANNES BAPTISTA SANCHEZ.

**P**ater Joannes Baptista Sanchez, Toleti in Hispania natus, Parentibus honoratis & opulentis, juveniles annos inter mundanas vanitates cum æqualibus traduxit, vitæ secularis licentiam sectatus; donec subitanæ mortis contemplatio oculos illi aperiret: quâ Patrem suum seu forti imagi-

natione, seu vëro spectro exterritum, repente extinctum vidit. Salubri enim concussus timore, ne fatum idem aliquando experiretur, mores composuit, positoque superfluo ornatu, totum se pietatis exercitijs, penitentia, & misericordiæ operibus addixit: utque à sæculo longius abesset, suscepto Sacerdotio quinque Clericis in eodem Contubernio se adjunxit, magnâ Civitatis Toletanæ ædificatione.



tione: assidue cum ijs occupatus in charitatis erga proximum operibus; tantâ humilitate, & commodorum omnium neglectu, ut jam tum ante initam Societatem ex ejus spiritu & instituto omnia agere viderentur. Et quia per id tempus multa per Hispaniam secundissimis rumoribus ferebantur, de Instituta per IGNATIUM Clericorum Religiosorum Societate, deque fructibus ab ea ex animarum cura, per Italiam, & alias Christianitatis partes relatis; summo desiderio ferebantur, ejus Alumnos intra Hispaniam videndi, ut illis adungerentur. Ubi verò intellexere, quosdam e Socijs IGNATII illuc appulso, sedem Compluti statuisse, ablegarunt illico anno 1547. unum ex suo numero, exploraturum, quid hominum essent? & quam vivendi, agendique formam tenerent? Is in Patrem Villanova incidens, ad sacras IGNATII Exercitationes obeundas inductus est, tantumque earum commentationibus profecit, ut Magistrum statim aliorum in spiritu agere posset. Tolerum rediit, lætissimis de norma vivendi Societatis nuncijs reliquos complevit, ante omnia spiritualium Exercitiorum usum commendans; quorum experiendorum cupidine illecti, mox terni sub ipsius directione eadem obire, noster Baptista Sanchez, Thomas de Soto, & Bernal Venegas, qui omnes non multo post Societati nomen dedere. Non potuit ea res tam secretò agi, quin Aula Episcopali suboleret: nam ad Vicarium Episcopi delati, quod arcanis quibusdam commentationibus vacaturi se inclusissent, quibus Spiritus sanctus devocaretur, in eos pari modo, ut quondam in Apostolos descensurus; suspecti facti sunt, an non ex secta Illuminatorum forent, qui phantasticis suis illustrationibus delusi, undique ad Inquisitionem trahebantur. Verum totâ re secretò prius indagatâ, exploratisque per subordinatos Syndicos singulorum moribus & actionibus, demum in publico Tribunali ad examen vocati, ab omni errorum nota & suspitione absoluti sunt, & ipsæ Exercitiorum Meditationes ita approbatæ, ut plena eis facultas data sit, iisdem quoscunque exercendi.

Tam læto exitu summo opere animati DEI Servi, tantò majore zelo incubuerunt in emendandos Civium mores, & pietatem totâ Urbe plantandam: cumque Sacramenta Pœnitentiæ & Evcharistiæ gratuito administrarent, ideoque plurimi ad eorum frequentationem excitati, Dominicis singulis eadem iterarent, multis ea pietas, tum penitus insveta, sermonibus populi ansam præbuit. Quibus mini-

mè deterriti, omni insuper ratione necessitatibus pauperum & ægrotorum succurrere saragebant, serviendo in Hospitalibus, tempore præsertim contagiosæ infectionis, quæ per id tempus instar pestilentiæ Urbem depascebatur. Et quia recipiendis tot ægris Nosocomia minimè sufficiebant, novum erigendum suscepere pij hi Clerici, Aedes suas per amplas in pium opus commodante, devotâ quapiam Matronâ: victum autem & medicinas omnes de suo suppediente nostro Baptista, cum summa Matris opulentæ approbatione. His addebant publicas sui confusiones & mortificationes, Baptista præcipue, quotidie ferè diverso, ad sui vilipensionem procurandam, habitu personatus: quod in familiaris suæ contemptum interpretati Cognati, multum negotij Viro faceffivere; sed DEUS ratum magnopere habuit, & paulò post militiæ suæ in Societate tam exercitarum pugilem auctoravit. Fortuitò namque Toletum transiens P. Michaël de Torres, visâ tam exemplari ipsorum conversatione, Salmanticam eos discedere iussit, in Tyrocinium Societatis recipiendos: in cuius ipsis primordiis clarè paruit, Baptistam nostrum divinitus ad magna agenda in illam vocatum, quando orationi, & passionibus omnibus edomandis tanto studio se applicuit; ut reliquis esset stimulo & exemplo. Missus ad peregrinationem de more Societatis obeundam, consuetis hujus experimenti molestijs (in quo præter alia incommoda, ex corrogata duntaxat annona vivitur) adjecit, ut nudis pedibus iter omne perficeret, pueros ubique ad Catechesim audiendam colligens, quam locis publicis, in foro, & plateis oppidorum, urbiumque explicabat, & ad populum ardentissimas habebat conciones. Ea res, quia sinè exemplo illâ regione novitatem sapiebat, mandato Episcopi tentus est cum Socio P. Ferdinando Alvarez, & carceri mancipatus: ex quo tamen paulò post honorificè dimissus, tantum fervore in suis prædicationibus apud populum effecit; ut ex eo tempore, summo studio egerit pro Domicilio Societati apud se statuendo. Atque hoc prædicandi verbi Divini ardentissimum studium, tota per reliquam vitam ejus erat occupatio, quam per varias Hispaniarum Urbes Apostolico zelo exercuit, concionum materiam omnium ad duo capita revocando, ad ostendendam videlicet peccati turpitudinem, gravitatem, damna ejusdem temporalia & æterna: & declaranda bona, fructusque, quos ex meritis Christi percipiunt Legi Divi-



næ obtemperantes. Neque audire fuit ab ejus ore, in privatis etiam colloquijs, alios sermones, quàm de Æternitate, rebûsque Novissimis; quas tantâ affectuum vehementiâ sensûque proponebat, ut parietes Templorum contremiscere, & corda Auditorum disrumpi viderentur.

Jam verò tam incensum hominis ardorem, ingentes animorum motus, per Hispaniam secuti sunt; vix enim Civitas ulla fuit, locûsve nobilior, ubi non tubâ Evangelicâ personuisset, Granatæ præsertim & Hispali: à cujus sonitu innumeri peccatores ad seriem reducti pœnitentiam, & sæculi amatores ad arctam in cælum viam capeffendam sunt persuasi. Paucula in specimen exempla afferam, nam omnia prosequi labor esset prolixi voluminis. Quo tempore conciones habebat Hispali, gravitas annonæ, plebem in ultimam penuriam redegerat, ut ex panis defectu, solis ferè radicibus & herbis victitarent, multique ex earum cruditate, vel fame morentur. Hac calamitate, intimis visceribus commorus Pater, cum aliquando pulpitu conscendisset, eo Spiritu in comestationes, & abundantiam ditiorum invecus est, & supremam è contra miserorum necessitatem, quibus crudeliter subsidia negarentur, descripsit; ut ingens in toto Auditorio exortus planctus dicentem interruperit, & certatim elemosynæ in ipso Templo ad eum deferrentur. Multo verò mirabilius deinceps fuit spectaculum, cum Matronæ opulentæ ultra oblatam pecuniam, ipsa monilia & suppellectilem distraherent, ingentique copiâ cibaria coëmpta ad Patrem transmitterent, quibus abundè præsentifamentium necessitati succurri potuit. Similis effectus secutus est dicentem aliquando Granatæ ad populum: cum enim gravem ægrorum in Nosocomijs penuriam descripsisset, & duritiam Christianorum in sublevanda Fratrum Christi inopia sugillasset; è vestigio unus è Clero detractum humeris pallium, ad pedes concionantis in elemosynam abjecit, quem certatim innumeri de populo secuti sunt, nummos alij & anulos, monilia & in aures capiti detractas; alij vestes diversas, pileos, umbracula, flabella, omnemque direptum ornatum offerentes; id quod tam incenso animi motu & lacrymis faciebant, ut à clamoribus ejulantium omnia personarent. Neque remissior aliàs pro inopum vestitu perorantem secuta est in flagranti concionis liberalitas, quâ ex projectis undique à corpore vestibus, cum ingens cumulus aggestus esset,

necesse fuit à Patre plura adhuc congesturos inhiberi, & modum profusioni imponi. Idem penitus eventus secutus est, quando in vigilia Natalis Dominici, populum ad vestiendum nudum JESULUM adhortatus est, qui in pauperibus suis frigore interiret: & cum rursus summam penuriam Hospitalis B. Joannis de DEO, misericordiæ ejusdem commendaret. Ea quin etiam multorum animos erga inopes & mendicos occupavit reverentia & veneratio; ut si fortè per plateas in obvios inciderent, proni in genua pedibus illorum acciderent, & magnâ humilitate oscula imprimerent. Neque ea duntaxat vis fuit, ad persvadendum opera misericordiæ in corpora derelictorum, sed in animorum quoque spiritualia subsidia: de quorum necessitatibus differentis aliquando oratione ita commoti fuere, duo ex audientibus; ut in perpetuum se devoverint vestigandis & colligendis pueris derelictis & vagabundis, ad audiendam doctrinam Christianam; cui officio fundarum est proprium Hospitale, parvulis catechizandis.

Atque his admirandis gestis dici vix potest, quantam sui & Societatis existimationem apud omnes pepererit: certè eam solennitatem, quâ Pater quatuor vota Professorum Granatæ nuncupavit, suâ ipse concione honorare voluit Archi-Episcopus Granatensis Petrus Gverrerus. Quibus tamen nihil vilissimæ de se opinionis amittens Baptista, frequentissimus fuit in Hospitali B. Joannis DEI, dabatque operam everrendis cameris, eluendis secessuum vasis, parandis lectulis, mundandis ulcerosis, atque ipse aquam usibus necessariam, ex novo foro humeris comportabat. Ejus exemplo primores omnes incitati, certam sibi diem alendis pauperibus per Nosocomia delegerunt, unum quidem Archi-Episcopus, alium Canonici; & deinceps præter Curias & Tribunalia, alium & alium Cives honoratiores & opulenti: ac tum ipsimet cibum sumpturis aderant ministri, non minore quàm si ad Regis mensam assisterent reverentiâ, capite discooperto, aquam manibus affundendo, & si necessum esset, ori cibum imponendo. Dum ita Civitas universa in operibus charitatis Christianæ fervet & distinetur, non potuit non invidiâ discrucari demon, à quo complures incitati, hæc veluti novitates & hypocrisim traducebant; & quidam magnæ ad populum auctoritatis Religiosus, etiam pro concione damnare ausus est. Non putavit aliter efficacius deceptum hominis zelum revincendum Baptista, quàm si oculis



si oculis ipse suis spectaret stupendam ægris fervientium Procerum charitatem : quare, nullo verbo vicissim pro concione refutatum ad Hospitalē visendum amicè invitat, quo die præcipui ex utroque Ordine ægris obsequia impensuri erant. Quo spectaculo Cælitibus ipsis suspiciendo, totus extra se raptus, errorem suum & ipse damnavit, & dicta palam in proxima ad populum concione revocavit. Die quodam procuratis jam ex ordine in eodem B. Joannis Nosocomio ægris omnibus, accinxit se Baptista ad eorum conclavia everrenda, capítque ulcerum ligaturas & emplastra, ut erant tabo & sanie fluentia, & temerè humi abjecta, in pileum suum colligere. Id conspicatus unus è præcipuis Granatæ Advocatis, Vir magnæ in Curia existimationis, & admiratione tantæ charitatis, simul & humanitatis, non tantum defixus, sed & ad imitandum salubriter commotus, ipse etiam in genua colligendis floccis provolvi, & scopis arreptis, verrentem adjuvare : tantumque in hominis pectore Divini vis Spiritus potuit, ut domum redux abdicato Causidici munere, vilem & pauperem vestitum indutus, vitam reliquam omnem ægrorum in Hospitalibus curæ addiderit, singulari totius Urbis ædificatione, & omnigenarum virtutum constanti exemplo.

Et verò speciali omnino gratiâ à DEO pollebat retrahendi à peccatis, & ad cælestia adducendi proximos, tam verbis & concionibus, quàm exemplis; neque rarò singulari Numinis impulsu, ad eum attractis peccatoribus, ut emendarentur. Erat Granatæ mulier eleganti formâ, quam fucis & meretricio ornatu, ad virorum illicium ita excolebat, ut scandalo esset Urbi universæ; neque tamen aliunde impudicæ frenum injici posset, ob favorem & patrociniū Potentium & Magnatum. Hanc DEUS nec cogitanti Patri corrigendam submisit, cum alia ex causa plateam adiret, cui domus fœminæ imminebat : casu enim de fenestra prospicientem conspicatus, restitit, multaque admirationi mixtâ gravitate, stuporem ex ejus aspectu suum demonstrare perrexit; ut adeo procaciter illa quæreret, *quid tam fixus in se aspiceret? aspicio, respondit Pater, & intimè commoveor, quòd infelix anima tua in corpore ita lascivè compta condemnanda sit ad supplicia inferni, & incendia nunquam extinguenda* : quibus dictis vultu in terram dejecto, nihil præterea elocutus, viam profectus est. At enim mulier infelix, velut acutissimo telo intimè icta, cum eam

noctem totam insomnis egisset in lacrymis, & planctu suorum criminum, primo manè ad Collegij januam Patrem Baptistam devocavit; & totius vitæ institutâ exomologesi, sæculo penitus valedixit; atque ad Parthenonem S. Ursulæ recepta, vivum pœnitentiæ, & virtutum Religiosarum exemplar Virginibus reliquis brevè evasit, ac morte Sanctorum decessit. Fuit alius adversis multis casibus, infortunijs, & odijs civium, in summam desperationem adductus, ut infernali quodam furore percitus, in DEUM ipsum insurgeret, inque liberos campos evolans, post innumera in cælum, Divosque maledicta, ferrum demens in Numen distringeret, & casto verberare, scelera to DEUM ferendi animo, aërem interim, plantas & arbores impeteret. Hoc æstro impulsus, prolixum iter confecerat, certus si quem obvium nancisceretur, illum furori suo immolandi; cum portis Granatæ appropinquans, vocem de nomine se appellantis audit: *vade ad Hospitalē Joannis DEI, & require P. Baptistam.* Quâ tertium repetitâ undique, circumspiciens, licet neminem ejus auctorem deprehenderet, neque vel nomen Baptistæ unquam audisset, Hospitalē tamen rectâ petit; venitque tum penitus, cum Pater in medio concionis æstu, infinitam DEI patientiam in tolerandis maleficijs, blasphemis, & perditâ rabie in bonitatem suam peccantibus, summo fervore & eloquentiâ proponeret, & inexplicabilem ejusdem misericordiam, in ijs ipsis ad pœnitentiam vocandis, inque gratiam suam & gloriam recipiendis, verissimè exaggeraret. Quot voces, tot in hominem fulmina jaciebantur, giganteos in animo spiritus prosternentia, & ingentem post se ab oculis imbrium tempestatem ferentia. Totus enim ab se jam alius damnare insaniam, detestari in Numen infinitè bonum maledicentiam, suspirare ab imo corde, gemere, nullam denique quietem capere, dum Patrem domum redeuntem secutus conveniret, & scelera vitæ universæ magnâ contritione deleteret: fixus jam animo, casus quoscunque novercantis fortunæ, & injurias non tam ab hominibus malitiosè inferendas, quàm à DEI paternâ manu castigandis sceleribus immittendas, patienter ferre.

Præter hanc adultorum in salutem promovendorum curam, insudabat pari studio imbuendis Catechesi pueris: quorum turmis undique circumseptum tantum Concionatorem cum Viri gravissimi intuerentur; sufficiebat vel solus is aspectus, ut intimè animo com-



compungerentur. Sanè Hispali parvulos erudientem contemplatus Vir in paucis literatus, ità in idem studium commotus est; ut sociatâ Patri operâ, Divinas laudes magnis vocibus prædicaret, contemptorq; hominum respectu, ubicunque in illorum cumulum incidisset, sermonem de rebus Divinis ingereret, seculo demum penitus relicto, Religiosus effectus. Neque jucundius Civibus Hispalensibus fuit spectaculum, quàm videre ab una parte Basilium de Avila Nigritarum multitudinem in modum supplicantium deducentem: ab alia verò Baptistam vim maximam puerorum summè discolorum trahentem, quos extra Urbem, ut saxis invicem impeterent, & puerilibus armis hostiliter, non sinè frequenti vulnere dimicarent, consecratus, indicto armistitio munusculis delinitos colligebat, & in ordinatam processionem distributos, torâ Urbe cum cantu doctrinæ, & precum Christianarum circumducebat. His autem in DEI honorem agendis solennitatibus eligebat dies majore licentiâ sæcularibus agi solitos, ut pejus dæmoni faceret; qualis est dies S. Joanni sacer, variâ petulantia & ludis conteri solitus: tum enim duplicatam ipse habebat concionem, & Socios in varia Urbis loca, fluviiq; ripas paritus, jubebat mortis & æternorum memoriam, concurrentibus ad spectacula, inculcare. Agebat per id tempus Hispali Constantinus quidam, ejus Ecclesiæ Canonicus, & Theologiæ Doctör, singulari vir eloquentiâ, humanitate, & gratiâ agendi, sed vitæ contaminatæ, licèt eam magnâ sagacitate & hypocrisi contegeret, ideòque passim honestissimus haberetur, amicitia primorum Urbis potens, & omnibus ob morum svavitatem acceptus. Hic erroribus Lutheri in Germania, ubi Concionatoris apud Carolum V. Imperatorem partes sustinuerat, infectus, cautissimè eosdem dictionibus suis inspergebat, ut nihil sinistri longo tempore notans concio, venenum imprudens combiberet: totus in prædicandis Christi meritis, & pretio sanguinis & mortis illius infinito, nullâ unquam pœnitentiæ, bonorum operum, aut satisfactionis inspersâ mentione. Seriùs ferè periculi magnitudo, quàm oportuerat, Baptistam advertit, qui in oppositum magno conatu tendendum sibi ratus, unicè in horum commendationem, quæ hæreticus nunquam attingebat, suas omnes, & Sociorum Conciones direxit; eâ Constantini exinde, qui facile doctrinam suam his peti advertebat, rabie

*Societas Europæa.*

& furore; ut palàm in nostros veluti hypocritas, & sub ovium pelle rapaces animarum lupos inveheretur, & doctrinam damneret. Verùm nihil his à constantia dimotus ardens Baptistæ zelus, & scelerati Constantini mores in lucem tandem protracti, effecere; ut à Fidei Inquisitoribus ad sacrum tribunal traheretur: in quo de hæresi Lutherana convictus, vitam in carcere miserè conclusit.

Atque hæc in agendo, dicendoque efficacia promanasse videtur ex ultima sui nihili cognitione, & gratiæ Divinæ vicissim, efficacique summa fiducia & æstimatione, in qua credebat se omnia posse, ut nihil arduum & impervium reputaret; omnia in illo audens, qui se confortabat. Totus erat domi in vilissimis obeundis munijs, adjuvando coquo, emundandis locis publicis: & quo tempore conciones habebat Mediæ Campi, prodiurus in suggestum, accidebat priùs coqui pedibus, & humillimè exosculabatur. Præsentem sibi ubiq; DEUM, ut opera singula pensantem semper intuebatur, atque ad animum excitandum adhibebat hoc veluti symbolum: *DEUM confidem, & pro DEO openire.* Unde fiebat, ut quemadmodum ipse intus Divini amoris ardebat flammis, ita easdem foras ad proximos eructans, omnia pariter incenderet & inflammaret. Contemplationi rerum Divinarum, & orationi mirè acquiescebat; tantos in ea Numinis favores & animæ delicias expertus; ut aliquando Patri Balthafari Alvarez diceret: *si DEUS universam mundi gaudia, & lautitias sæculi universas à se conditas in unum colligeret, & æternum sibi perfruendâ offerret, non tamen his commutaturum, unum celicæ jucunditatis quadrantem, quam DEUS sibi & amatoribus suis in oratione impertiretur.* Aliàs eidem fassus est, si certò sciret mortem sibi ad unum diem differendam, id omnino suffecturum ad vitam sibi præ doloris magnitudine tollendam. Tantum fuit desiderium, & cupido fruendi summo illo Bono, cujus aliquid prægustum in vita mortali hauriebat! Atque idcirco fortè Dominus, qui servos suos ad meritorum augmentum eâ potissimum parte, quâ sensus major est, affligere solet, multò antè Patri obitûs sui diem & horam revelavit, prout in Breviario ab ejus morte propriâ manu consignati dies & hora reperti sunt. Huic ex dilata beatitudine dolori, adjecit gravissimas ægrotudines, podagræ, & membrorum pene omnium torturas, ut sub postremos vitæ annos nihil in eo restaret va-

letu-



letudinis. Sed malis omnibus durior supervenit persecutio domestica, in confectum laboribus & senio concitata, quâ Romæ apud Superiores adductus in suspensionem est sequioris in modo orandi spiritus, quasi de se-cta Illuminatorum mutuati. Cui quidem occasionem aliquam præbuisse videbatur, rigidus hominis severi genius, perfectiora semper in alijs etiam requirentis, & mediocritatem omnem damnantis: ut adeo si quid festiviùs in consuetis colloquijs diceretur, blasphemiam vocaret, risum pro dissolutione haberet, eoque se magis ac magis à sociali consuetudine abduceret. Ad cuius sensum cum in Collegio Placentino multi Juvenum adhærescerent, idque veluti sectæ cuiuspiam, à communi Societatis vivendi methodo abhorrentis conflandæ periculum timeretur,

*Ex Tomo 5. Hispanico P. Alphonsi de Andrade de Viris Illustribus, & Vita Patris Balthasariæ Alvarez.*

## P. LEONARDUS KESELIUS.



nter eximios fructus, quos concionibus suis in Belgio P. Franciscus Strada Ecclesiæ attulit, fuit Leonardus Keselius, ad Societatem amplectendam permotus. Is Lovanii in Belgio natus, & Philosophicis eruditus disciplinis; eodem, quo receptus est à P. Fabro in Societatem anno 1544. jussu S. IGNATII, cum quibusdam Socijs in Lusitaniam migravit; sed paulò post susceptum Sacerdotium inde revocatus in Germaniam, cum duobus Socijs Colonia ad ponenda Collegij initia à Fabro relinquitur, ipsi præsente jussu: tam felici rerum deinceps successu, ut adeo maturè illuc Conimbricæ rediisse, planè divinitus videretur. Neque explicari satis potest ardentissimus zelus, quem in Civitatem illam contra hæreses undique irrumpentes exeruit, ut in Catholica servaretur Religione; concionando in Templis, docendo in Scholis, rudibus quovis loco rudimenta Fidei tradendo, adjuvando pauperes & ægros; & quod caput ex IGNATII disciplina esse noverat, Juvenes spectatæ indolis selectos in contubernio educando, sustentandoque ex meris eleemosynis; à Canisio & PP. Carthusianis suppeditari solitis; quorum ferè beneficio & ipse cum Socijs vivebat, nullo tum stabili reditu aut victu provivus. Adjuvabat fidelem hanc servi sui operam DEUS gratiâ curationum; quâ non raro ad sanandas mentes hominum, & corpo-

Romam delatus est, jussusque eò se conferre. Et patuit illico mens ejus optima in alacritatè obsequij, quâ Romanam peregrinationem morbis fractus, valetudine nullâ, continuò suscepit; ijs, qui mirabantur iter inceptari; quod planè videretur non posse perficere, pacatè respondens: *sibi non esse propositum pervenire Romam, sed obedire eatenus, dum mors obedientem inveniret.* Ibi post satisfactionem plenam, & spiritus sui rationem datam, ardentissimas sapius habuit conciones, magnâ audientium satisfactione & profectu, vivum domesticis & externis ad omnem virtutem exemplar; donec altero ab suo adventu anno, sæculi 1573. Sacramentis omnibus munitus, sub finem Novembris, sanctè ad Dominum, uti vixerat, migravit.

ra langvoribus diversis eripiebat. A Præposito cujusdam Cœnobij rogatus, ut ad Cœnabitam jam morti proximum, & supremè unctum accederet, cum paruiisset, feliciter ægro pervasit, ut ab ultima pueritia peccata omnia confitendo repeteret. Vix inchoaverat, cum vis morbi remittere, & quò ulterius procederet, magis magisque levare; tandemque cum fine confessionis omni penitus morbo liberatus è lecto proflire, & suis ingredi pedibus. Alius, quem occupato corpore nequam spiritus malè exercebat, cum apud Patrem ritè noxas expiasset, continuè demonem ab se excussit. Erat & matrona ob insaniam charissimi filij mœrore afflictissima, quâ biennium jam laborabat: sed cum ad componendam adolescentis mentem impetrasset à Keselio, ut apud eum diebus aliquot domi haberetur, ex eo tempore redire adolescenti mens cœpit. Cum verò Anno 1553. gravissima exorta pestilentia hominū supra 25000. demersuisset, Leonardus cum Socijs metu omni mortis deposito, præcellenti charitate, adfuit diu noctūque malo tactis, singulari DEI beneficio, integer ipse atque intactus: quin, imò compluribus ex eorum numero, quos expiandi causâ accessit, solo suo adventu curationem attulit; ut ex passim exaudirentur voces in populo, quotquot sua Keselio peccata aperirent, eos protinus convalescere, & vitam instituere sanctiorem.

Quia verò incredibili ferebatur in S. IGNATIUM





P. Leonard, Keseli, S.J. Belga Lovaniensis, Signis  
varijs in animarum procuracione conspicuus,  
cui S. Ignati, Romæ adhuc vivens, Colonia  
se videndum præbuit. Colonia à fatuo con-  
fossus 26 Octob: A<sup>o</sup> 1574. Aet: 56.  
26. W.P. Kellian sc.

trium etiamnum viventem, ob mira, quæ de  
ejus sanctitate & miraculis narrabantur, de-  
votione, & videndi desiderio, petijt ab eodem  
veniam accedendi Romam, & quæ votorum  
suorum esset summa, ipsum conveniendi &  
alloquendi. Respondit IGNATIUS, desiderio  
quantumlibet pio supersederet tantisper,  
quando ejus labores & præsentia Colonia tam  
esset proficua & necessaria: suggerendum à  
DEO remedium aliud, quo Colonia minimè  
recedens, voti compos evaderet. Mirè te-  
nuit ambiguum Leonardum IGNATII respon-  
sum, quæ fieri posset, ut ejus videndi copia  
Colonia moranti concederetur? jamque vo-  
ti sui penitus immemor, cum solitarius in cu-  
biculo aliquando resideret, videt repente in-  
gredientem S. IGNATIUM, & benevolâ salute  
*Societas Europæa.*

fese impertientem: cui post longam sui con-  
templandi, & amicissimè colloquendi indul-  
tam moram, subito tandem ab oculis evanu-  
it; tanto in mente Keselij relicto solatio, ut  
in omnem vitam adversum quaslibet diffi-  
cultates & tædia illi reficiendo suffecerit. An:  
1554. Neomagum in spem fundandi Collegij  
profectus, tantos expertus est Civium seu  
consilij, seu expiandi ritè pectoris gratiâ con-  
cursus; ut quamvis à primo diluculo ad usque  
tenebras sui copiam omnibus faceret, ægrè  
tamen studio multitudinis posset obsequi.  
Lachrymarum porro ea vis erat in illis, qui  
cum eo sermones conferebant, ea flagrans &  
gaudentis animi magnitudo; ut negaret Pater  
tale sibi quidquam aliàs usuvenisse: nec in-  
ijs audiendis se defatigari solitum, sed tam re-  
centibus



centibus fuisse viribus post impositum laboribus finem, quàm si tum primùm ad eos accederet. Negabat quoque hospes ejus Canonicus, annum ante centesimum tantos in Urbe fuisse conspectos, vel auditos ardores. Ergo collectâ frugis ubertate lætissimus Coloniam se recepit. Anno iterum insequente, cum populus Neomagensis maximis votis domicilium apud se Societati stabile constitui expeteret, & soror duorum nostrorum Patrũ Petri & Theodorici Canisij in extremis agens, eam in rem domum suam & 800. aureos legaret, advolavit denuò Kefelius. Verùm eâ re vulgarâ, quidam è primarijs hæresi infecti, quòd adversariam sibi fore Societatem intelligerent, ac Religiosorum nonnemo, qui rationibus suis suspicabatur incommodam, Senatum adeunt, & fictis criminationibus, variisq; modis eò commovent; ut is turbas majores veritus, continuò Kefelium Urbe excedere jussit. Cessit iniquissimæ violentiæ Pater, sed æquissimum Numen injuriam celeri in auctores ultus est pœnâ. Nam & Consul, qui Senatui fuerat auctor exigendi Sacerdotis, gemina proles in rixa mutuâ se cedere necavit; quorum necem illico parentis ipsius mors secuta est: & qui sententiam pronuntiârat edicti, lentâ febre correptus, in diurnâ tabis ærumnas atque langvorem cecidit, summa cum desperatione salutis. Pater verò quod Neomagi nō potuit, id, Coloniam reversus, egregiè affecutus est; dum more suo continuam pœnitentibus navans operam, multis morbo vario implicitis, recisis Sacramento causis atque radicibus, plenam sanitatem in vestigio restituit.

Sed & arcanorum animi pervidendorum gratiâ cumulavit illum DEUS; nam cum Doctor Jacobus Ledesma, ad tyrocinium Societatis è Belgio Romam discedens, Coloniam transiret, ac primùm aspectu Carthusiæ ejus loci, & vitæ solitariæ dulcedine captus, iterumque de Castimoniæ & Perseverantiæ dono ambiguus, in proposito vacillaret: obviis illi ex improvviso vice utrâque Kefelius, ulcus pernovit: & stupore attonito, unde ea Viro foret cogitationis suæ notitia, aperuit, *certus esto, inquit, absque dubio DEUS tibi Castitatis atque Perseverantiæ dona concedet.* Sub hæc ad electionem Jacobi Lainij in Generalem, Romam profectus, ubi Coloniam redijt, juvenes plures centenis in contubernium adlectos, nullis etiamnum retribus firmato Collegio, tantâ pietate in antagonistas contra hæresim educabat; ut Canisius Coloniam inspi-

ciens, miraretur, uni homini tantum inesse divinitus seu facultatis, seu felicitatis, & præter Sociorum (plures enim jam numerabantur) gubernationem, tot rebus agendis unus sufficeret: nam neque à concionibus, neque à confessionum, & alloquendorum Civium labore vacabat unquam. Nempe vir erat Kefelius incredibilis industriæ & patientiæ, qui domûs difficultates totos 26. annos, sinè ullo stabilis censûs adminiculo, tot inter adversa, hæreticorum impetus, & malevolorum insectationes, sustinere potuit. Sed ut Divinorum judiciorum abyssum venerari scias, exitum habuit sensu humano funestum, prorsus, miserandumque; cum in horto Colonienfis Domûs inambulans, & literis fortè legendis intentus, ab irrupente homine ex amentia furioso, unâ cum Domûs Ministro, & alio Sacerdote, qui in auxilium accurrerant, cultro escario confossus inopinatè est, ut intestina diffuerent; oculis in cælum & manibus elatis, sacra JESU & Mariæ nomina invocans, 26. Oct: Anno 1574. ætatis 56. à professione 4. votorum 20. Funditur extemplo per Urbem tristis fama, concursus ingens omnium Ordinum fit ad Collegium; qui cum tria talium Virorum congesta spectarent cadavera, nec lacrymis, nec gemitibus abstinentes, dirum prodigium, atque irati Colonienfisbus Numinis ostentum interpretabantur. Erat siquidem Kefelius longè ac latè sanctimoniâ inclutus, assiduus usu orandi, excellenti erga DEUM ac proximos charitate, singulari modestiâ ac submissione, rarâ in adversis constantiâ: ad hæc occulta & futura prænoscenti, & mira in ægris patrândi dono ornatus. Accurrebant sanctitatis opinione commoti juvenes quàm plurimi ex omnibus Gymnasijs, neque pauci hæresibus varijs & erroribus imbuti, ut cum eo de animi salute agerent, aut peccata in ejus aures deponerent: ac semel illi confessi, vix unquam ab eo divellebantur. Adeò S. Spiritûs flamma à Sacerdotis ore & pectore intimo emanans, ad se accedentium incendebat mentes, atque ad curam animæ sollicitè gerendam permovebat, quæ vagâ Medicorum curatione ferè elangvescit. Hinc maximus fuit numerus, ejus operâ ab hæresi reductorum, & in Fide cum vacillarent confirmatorum: eorum verò, qui generali totius vitæ exomologesi peccata apud eum expiabant, affluxus tam copiosus; ut 400. & 500. numerum annuè adæquaret: & hi potissimum erant in Fide vacillantes, dissoluti, & qui antea nunquam erant rectè confessi. Cum



Cum verò in Gymnasij cujusdam Coloniae Auditores, periculosa irrepsisset licentia, illud remedio fuit, omnium confessiones (erant plus 600.) ut Keselius exciperet: unde mira in omnibus consecuta mutatio, mira modestia. Neque tam insigni Magistro usi consistebant in medijs virtutibus, sed permulti iter arripiebant ad summa. Certè ad Societatem ex ejus disciplina, tam multi insignesque viri accessere, ut PP. Romani ferrent, Romano excepto Collegio, nullum æquè ac Colonien-

*Ex Historia Societatis, & Nierembergij Tomo 1. de Viris Illustribus.*

se de alienis Provinciis bene meritum, ob collocata eximiarum auxilia operarum, quibus ille non suam modò Provinciam, sed & alias quoque complebat; licet nullius ferè Collegij, per universam Societatem exordia tardiores habuerint progressus; quod ipse à suo principio incredibili industriâ & pietate per annos 30. Rector sustinuit. Ejus in Divino patrocinio fiduciam dicebant domestici longè se pluris æstimare, quàm pecuniæ magnæ certum vectigal.

## P. HERNANDUS GVILLEN.



Uit Pater Hernandus natione Hispanus, patriâ Carmonensis in Diœcesi Hispanensi, Parentibus illustribus & opulenti natus: juvenilibus annis libertati mul-

tum addictus, viribus valens, & ad omnem seculi cultum politus; donec placuit Divinæ bonitati, generosis ejus animis ad obsequium suum traductis, impetus pristinos & fluxarum rerum æstimationem ità in eo extinguere, ut studijs operam suam constanter addicens, post emensum Theologiæ cursum, Sacerdotio initiari voluerit. Hoc autem nequaquam ad honores, & consecandas Ecclesiæ dignitates abusus, totum se confessionibus audiendis, prædicationi, & populo ad virtutes Christianas adducendo addixit, magnâ omnium, qui juvenem antea noverant, admiratione, & laborum Evangelicorum in tam sublimi persona æstimatione. Societatem anno ætatis 41. complexus, illius Instituto ità mores suos attemperavit; ut in ea natus videretur: utpote cui juventutis errores fuere pro calcari, ad consecandas tanto majore studio virtutes, quanto seriùs sanctitatis scholam fuisset ingressus. Tenerrimis de DEO sensibus, amorèque filiali plenus abundabat, sic ut continuis maderet lacrymis, non minùs dolore, antea actæ vitæ, quàm consolatione præsentis elicitis. Ex profundissima, quam constanter secutus est humilitate, nihil erat in oculis tam vile & abjectum, quod ultro non subiret: locum, vestitum, cubile, munus, semper ambiens maximè despicibile, & omnium postremum: dùmque ei deferrentur professio emittenda 4. Votojum, tanquam ad rem sibi minimè debitam cohorrescens, multis cum lacrymis deprecatus, eaque indignum se contestatus est. Perpetuum illi fuit operam suam Coco, cellæ & penûs Curatori addicere,

vilissima quæque & abjectissima sectari. Cubiculū inhabitabat, nullâ, etiam necessariâ suppellectili instructum, sinè sedili, absque mensa, sinè quovis libro non unicè necessario, præter pauculos detritos & vetustos, quibus ad conciones lucubrandas utebatur; has verò non aliter, quàm in chartis rejectitijs, papyri involucris, vel epistolis ab una parte jam conscriptis, annotabat. Cibus illi parcissimus & vilissimus, quem ferè ex reliquijs aliorum colligebat aut emendicabat: dùmque viribus & annis fracto quidpiam delicatius apponeretur, mille rationibus contrà pugnabat; easdem allegare solitus, si vestem novam induere, aut aliud quid melius in usum accipere juberetur. Corpus enim ut hostem habuit, affligens illud jejunijs, flagellis creberrimis, aliisque asperitatibus, etiam decrepitum jam & laboribus fractum, proinde ac si mancipium, esset robustissimum.

Ità roborato in carnem spiritu continuis occupabatur expeditionibus, per loca Christianæ doctrinæ magis indiga, & commodis ad vitam sustinendam minùs provisâ; quæ concursabat pedes, sarcinâ cum libris & relijs quo apparatu in humeros rejectâ: & quasi adjunctus sibi socius imbecillior foret, per vices & illius manticam deportabat: cui cum ubique studeret providere exquisitissimâ ad omnem commoditatem charitatè, ipse decumbebat nudâ humo, vel in Ecclesiæ pavimento: vescebatur solis panum frustis mendicatio collectis, aut glandibus & silvestribus per viam collectis fructibus, vel aliquot olivis ex arbore deciduis. Excursurum aliquando ad istiusmodi Apostolicam culturam, jussit Superior iter solito longius equo perficere, quem sincerâ humilitate diu multis frustra deprecatus, tandem conscendit; sed ad oppidi ingressum in pedes descendens, confusionis ambitu per medium populi, qui ingenti undique





P. Hernandus Gvillen S.I. illustri ortu Hisp. rudium,  
& agricolarum assiduus instructor, mercedis omnis  
contemptor, ut ligna etiam venum afferret, ad panem  
è pretio indè cœmendum. Obijt 1574.  
27.

affluxu, ad eum tanquam Virum sanctum audiendum concurrere solebat, freno deduxit. In reditu pedes ingressurus, socium ad equitandum adegit, mandatum quidem sibi iter illuc fuisse equo peragendum, non item domum relegendum. Obvius tum illis factus Vir nobilis, magnâ reverentiâ Fratrem in equo sublimem salutavit, Patri verò humili gestu prius eodem honore se prævenienti, fastuoso contemptu respondit: *bonum iter viator*. Vix capere potuit gaudium Pater ex hac sui contemptione partum: quod illi duplicatum iterum est, cum aliàs post Divina prolixè peracta invitatus à pagi Curato ad mensam, foras in nemus se proripuit, & fasce lignorum in humeros sublato, ad pagum sub vesperam redijt, eum numo ad panem emendum distra-

cturus. Nolebat siquidem ullam sui causâ cuiuspiam molestiam vel sumptum creari, aut mercedem ullam recipere, præter animarum lucra; quarum ita sitiens fuit, ut perlibenter ruri habitare, herbisque silvestribus victitare elegisset: quò mortalibus omni ope destitutis subveniret. Erâtque tanta DEI per illum loquentis gratia, & sanctitatis ab eo emicantis tam clara specimina; ut animos & corda omnium raperet, & quocunque vellet inclinaret. Exundabat in animis cœlestibus favoribus, & rerum Divinarum vivis gustibus, in oratione præsertim & Missæ Sacrificio, in quo lacrymis ubertim manantibus, visus est toto ore non semel supra humanum renidere, cum aliàs vultu esset severo, minimèque amœno. Erga pœnitentes mitissimus fuit & blandissimus,



mus, etiam cū reprehensionem adhibere cogeretur, sufferendo patientissimè rudium ignorantiam, condolendo, & magnā charitate instituendo: in fœminarum tamen homologelibus serius semper, & à blandimentis procul sejunctus.

Postquā verò diem resolutionis suæ instare præcognovit; ut, quemadmodum humilis vixit, ita & decederet: institit apud Superiores coquinæ munij applicari, ita seriò atque ex animo; ut negari citra magnam animi ejus desolationem non posset: obiitque insigni spiritus sui gustu & triumpho, mundando vasa culinaria & ollas, coquinam verrendo, & reliqua infima ejus munia obeundo, ita strenuè & totā virium occupatione, quasi illi muneris unicè obeundo Societati nomen dedisset. Tandem voce Divinā ad bravium evocatus, premi cœpit acerbissimā urinae difficultate, quæ nullam ipsi interdiu & de nocte quietis partem concedebat: quos tamen dolores, incredibili tolerantia sustinuit, animos illi addente DEI præsentia, & desiderio imitandi cruci affixi Salvatoris, cujus imitandi studio, nullam admittere voluit refocillationem, ut conformior Duci suo fieret. Quod

*Ex Nierembergij Tomo 1. de Viris Illustribus, & Historia Assistentiæ Hispaniæ.*

## P. LUDOVICUS CONSALVIUS.




Ater Ludovicus Consalvius à Camara, etiam ipse Apostolico reti concionum Francisci Stradae Societati captus, natione fuit Lusitanus, claro loco

natus, filius Prætoris Materiæ Insulæ; nec ingenio minùs, doctrinaeque raritate nobilis, græcis hebraicisque literis eruditus; ut qui Parisijs præstantissimis Doctorebus adhuc sæcularis operam dederat. Receptus in Societatem anno 1545. cū ejus proposito tota se propinquorum, amicorumque Nobilitas opposuisset, Valentiam Conimbricā missus ad tyrocinium est: & Sacerdotio initiatus, quia ejus magnopere laudabantur & spiritus incrementa, & Instituti Societatis notitia; Rector Collegio Conimbricensi, mox ab exacto tyrocinio datus est. Sed quia ingentem animo & ore spirabat ardorem, sperabatūque maximos in animis dicendo motus excitaturus; placuit eum à Rectoratu, populis subsidio, in expeditiones Apostolicas varia in loca dimitti. Prius tamen quā discederet, eum Simon Rodericius eodem in Collegio, cui præ-

si hanc sorbere Superiorum jussu (qui eam titulo medicamenti, levandæ ægritudini necessarii imperabant) cogeretur, post humillimam, ne in debitam observantiam delinqueret, deprecationem, ita sumebat, ut magnam eā re vim ipsi & tormentum inferri appareret. Instante animæ exitu rogatus à Rectore, num mortem, aut rationem DEO Judici reddendam (cujus in vita summum timorem præferbat) formidaret? respondit, nullo penitus se metu angere, quod is sibi clementiā DEI in maliciam, & ingentia solatia esset conversus. Atque ita receptis SS. Sacramentis, placidissimè animam DEO reddidit; ore post obitum ita venusto, & cœlestem quandam amœnitatem spirante, ut non tantum admirationem omnibus, qui vultum ejus inamœnum & torvum noverant, excitaret: sed etiam intuentibus solatium, hilaritatem & devotionem imprimeret. Ad justā funebria demortuo persolvenda, ex omni statu & conditione, pauperum tamen & plebis potissimum, infinita accurrit multitudo, virorum & mulierum, juvenum & senum, Patrem & Magistrum suum deplorantium: cujus obitus incidit in añum salutis 1574.

fuerat, Coquo & culinæ subjecit; ut, ubi prudentis suæ sollicitudinis documenta præbuerat, ibidem daret & humilitatis. Cū enim Collegium illud 200. facile capitum de more Provincialis Simon inspiceret; convocatis omnibus dixit, velle se acrem uni ex eis notam pudoris ac mortificationis inurere: & duos PP. Ludovicos mox evocans, Granam jussit præesse Collegio, Consalvium verò Rectorem culinæ subesse; quo facto, magna utriusque omnibusque domesticis fuit disceptatio, uter de ipsis depressus magis notatusque discederet: cū sortem suam longè molestius Granam, quā Consalvius ferret. Igitur in agrum, foras ad prædicandum egressus, itinera omnia pedibus, sarcinulā libris aliquot onustus, metiebatur, mendicato pane victitans, interimque verbum Dei quotidie modò hoc, modò illo in oppido prædicans. Ea porro ubique erat aviditas Divini sermonis à Patre (nam Gaspari Barzæo in Indiam eo anno transmissio successerat) audiendi; ut ubi Patrem dicturum esse innotuisset (noctu autem ferè dicebat, cū ex agris universi reverterant) oppidani locis editioribus pyras incenderet, quo omnes admo-





P. Ludovic, Confalvi, à Camara, S.J. Lusitanus, claro loco natus, Ioannis, et Sebastiani Regum Lusitaniæ Confessarij, indefessus Vineæ Domini in Europa et Africa Operarij. Obijt Olyssipone 15 Martij 1575.

28.

admoniti signo, ad audiendum vicinis è ruri-  
bus & pagis accurrebāt. Tanto viri zelo indies  
magis clarescente, cū per id tempus Joānes  
Rex è Patribus aliquot in Mauritaniā, ubi  
certas Urbes, præter Septam, primarias firmis  
cum præsidij tenebat, mitti postularet; mis-  
sus est Confalvius cum Joanne Nunnio, po-  
stea creato Æthiopix Patriarcha, qui primi de  
Societate in Mauritaniā penetrarunt. Se-  
ptam ubi attingerunt, inchoare mox ingenti  
hominum concursu conciones, præbere con-  
fidentibus & ægris operam, agere cū Sarace-  
nis ardentè, & commune valetudinarium,  
carceresque constanter procurare: tantā mo-  
rum repenti conversione, ut Christianos ci-  
ves, paulò antè Saracenis ipsis deteriores, scri-  
beret Gubernator nunc Religiosos effectos

videri. Tituanum indè, Saraceni dominatūs  
Urbem, transgressi, multos Christianorum  
corrogatis pecunijs, æternis vinculis exem-  
erunt, plurimos ad Mahometem transfugas  
Fidei restituerunt, vel in eā vacillantes firmā-  
runt. Quocirca Confalvio visum, ut ad ma-  
jora auxilia, pecuniāque redimendis captivis  
comparandas in Lusitaniā rediret ipse, reli-  
cto in Mauritaniā Nunnio: quoniam multa,  
eāque momenti permagni Lusitano Regi sug-  
gerenda, pro Religionis majore argumento  
conceperat.

Hæc dum magno studio apud Regem  
curat; ille prudentiā Viri, atque virtute ca-  
ptus, cœpit illum ad confessiones suas adhi-  
bere: cūque eundem conscientix suæ ar-  
bitrum constanter servare velle significasset;  
ille.



ille speciosum munus magnâ humilitate deprecatus; Aulæ quidem, modestiam religionem prædicantis, secundam admurmurationem obtinuit: IGNATI tamen censuram non evasit, qui Regi tantopere de Societate merito censuit non debuisse ea in re obsistî. Anno 1553. ad præcipua quædam Societatis Lusitanæ tractanda cum S. IGNATIO negotia, Romam ablegatus, varijs & per quam asperis modis ab eo probatus fuit, prout is in more habebat virtutem suorum, quos præcipuè talentis excellere videbat, periclitari. Siquidem post primum Ludovici tanquam hospitis amplexum & salutationem, toto trimestri illum ad alloquium, vel tractatum aliquem de negotijs non admisit: sed è contra publicis in triclinio pœnitentijs, reprehensionibus, & id genus mortificationibus exercuit: jussim etiam aliquando totis septem horis, intra descriptum circulum, immotum consistere. Tandem profundissimâ ipsius compertâ humilitate, charissimum & confidentissimum habuit, & secreta universæ ferè suæ vitæ eidem enarravit. Remissus in Lusitaniam, Conimbricæ aliquamdiu vitam egit; quando Româ repetere coactus, postliminio in Congregatione Generali, pro Jacobo Lainio creando Præposito Societatis indictâ, ipse electus est in Assistentem Lusitanæ; jussus unâ curam gerere Brasiliæ, Æthiopæ, atque Indiarum. Quam dum studio singulari administrat, rogatu Lusitanæ Reginæ, cogitur ad institutionem pupilli Regis Sebastiani in Lusitaniam redire. Vix autem munus Assistentis inchoaverat, cum diuturno vexatus morbo, in eumque non absque gravi periculo relapsus; satis aperto miraculo, sacro pane S. Nicolai Tolentinatis gustato, eodem die febribus solutus est. Itaque viribus confirmatis, quantumvis ab Aulæ strepitu, & pueri Regis educatione summopere abhorrens, in Lusitaniam demum se contulit: ubi ex integro munus Aulicum omni studio apud Reginam, & Cardinalem Henricum à se amoliri conatus: cum frustra ageret, institutionem pueri maximâ curâ aggressus est, totus & mente & animo in eam intentus; ut nonnisi summa quælibet ab optima Sebastiani indole boni omnes sibi pollicerentur. Cunctis in precibus & sacrificijs eam rem Domino commendabat: permulta ut tota in Societate fierent, à Generalibus impetravit: illud insuper precatus, ut permitteretur cuncta sua Sacrificia in eam duntaxat causam referre. Et is quidem abundè Reginæ Matri, Cardinali, & Sebastiano ipsi satisfactus.

*Societas Europæa.*

fecit; ab eodem susceptis jam Regni gubernaculis in Confessarium retentus: invidiam tamen, lingvas hominum, & sinistra judicia non effugit, postquam Sebastianus nullis rationibus ad ducendam Conjugem percelli se passus est; quod videlicet Institutori tribuebatur, licet is nullum non movisset lapidem, ut id Regi persuaderet. Ceterum ubi parum proficere se vidit, omni denuo conatu ab invidioso munere se eripere connisus, ita Sebastiani animum pertractavit, ac suaviter inflexit, ut demum missionem bonam concesserit. Itaque bonus senex in Eborense Collegium se recipiens, confessionibus in Templo audientis indefessâ operâ deinceps insudavit. Cum tamen Rex protectionem in Africam cogitaret, ad suas, ut aiebat, arces recognoscendas; teneri Ludovicus non potuit, quin graviter ab eo consilio deterreret: & quia parum profecit, incerta casuum reformidans, nullâ dum à Rege sobole relictâ, præ ægritudine in morbum lapsus, trahentem moras Regem in Africa rursus institit obtestari per literas, tanquam supremis verbis ac votis, ut primo quoque tempore se mœlissimæ Lusitanæ ob ejus desiderium redderet. Tum Rex commotus animo, & in Lusitaniam continuo reversus, Ludovicum jam Ulyssiponem deportatum cum ijs literis invisit: *en*, inquit, *literæ tuæ: ecce me: vide, quo apud me loco sis.* Sed Pater ex eo morbo nunquam plenè convaluit.

Et quidem frequentibus Ludovicus, ex quo in Lusitaniam Româ redijt, totâ vitâ exercitus morbis, & oculis propè orbatus, non solum patiendi captus tædio non est; sed cum mortales consueverint facilem è vita exitum, inter votorum prima expetere, ipse DEUM rogabat, ut diuturno se ac molesto langvore cruciaret: quod consecutus, longâ quartanâ, quæ tandem in hecticam desijt, consumptus est. Rogatus, num quid apud Regem, ad animi sui levamen, monendum aut dicendum haberet? nihil planè esse respondit: adjecitque, grates se DEO immensas agere præcipuè, quod cum duorum Regum, Joannis & Sebastiani, confessiones audisset, multoque apud eos in honore, multa fuisset in gratia; nunquam tamen hinc sollicitatus esset, ut vel suis privatim commodis, vel consanguineorum serviret. Cum hac tranquillitate piè ultimum spiritum 15. Martij Anno 1575. magno Regis dolore, magno pauperum, quibus semper benignissimus pater fuerat, exhalavit. Neque levi Indiarum detrimento, quarum commoda, ut quàm plurimi Christianæ Religionis ad-

junge-



jungerentur, sibi habebat commendatissima : ipseque tum aliàs ab primo Societatis ingressu, tum supremis annis, Aulæ tædio, in Brâfilicam missionem destinari, summis votis exoptavit. Fuit olim percarus & ipsi S. IGNATIO, sub quo aliquamdiu Romanæ Professorum Domui Minister præfuit : diligens ejus virtutum imitator & observator, ex cujus etiam ore multa de Sancti vita excepta, in commentarios retulit. Rex verò Sebastianus illum non amabat modò, sed etiam observabat, dum præcepta ejus & monita commentario exciperet, neque segniter obiret : sæpe, quin facienti ad aram, etiam jam Rex, serviebat. Ejus accepto mortis nuncio, specimen præbuit insueti, & in privato funere plusquam Regij luctûs : nam procul ab arbitris, tres ipsas horas in solitudine intimi conclavis, inaccessus omnibus, in mæsto silentio perseveravit. Mox atrâ veste fluxâque pullatus, caputque lugubri cucullo coopertus, per mediam Urbem incessit, ac rectâ in Cœnobium Divæ Virginis, à Spineto dictæ, extra Urbem se abdidit, totumque diem illum impransus, ac propè incœnatus, noctem verò insomnis transegit : neque ferè in colloquium ullum admisit, nisi post quinque dies in eo luctu exactos. Post quos Ulyssiponem Eborâ veniens, Consalvi sepulchrum reverenter invisit, mortuale Sacrum, funusque exequiale coram se celebrandum curavit, totamque simul Urbem in publicum ac insolitum luctum pertraxit.

Erat Ludovicus Vir excelsarum virtutum, & charitatis inprimis prorsus eximie, quâ proximi labores & ærumnas sentiebat ut proprias, & de bonis alicujus gaudebat ut suis, malis verò affligebatur propè amplius, quam quibus ipse conflictabatur : prout multis patefecit, captivorum in Africa Christianorum redemptioni operam navando. Sæpe enim dum subterranea illorum ergastula inviseret, verberibus affectus, luto, aliisque sordibus à Barbaris & pueris impetitus ; nihil tamen ad eos juvandos & solandos intermisit : lethali propè morbo indè contracto, cui curando Septam Tituano remitti debuit. Domi autem si suos alacres videret & hilares, gestiebat & ipse palam & diffuebat gaudio : tristabatur autem omnium maximè, si mœstitiam in alijs & mœrorem observaret. Huc spectat singularis, quo in ægros ferebatur, amor & propensio, quibus curandis non tantum manus & operam adhibebat ipse, diebus & noctibus ad omne genus obsequij illis assisten-

do, sed ad proprium etiam, dum Rectoris munus ageret, conclave & cubile ipsos transfereundo. Quam charitatem ita aliquando Eboræ pensavit DEUS, ut Frater quidam Coadjutor à Medicis, ex pertinaci phthisi jam conclamatus & depositus, cum ei in suum cubiculum translato plures menses Curatoris vice deservisset, ad plenam sanitatem redierit : domesticis omnibus miraculum, in hoc eventu agnoscentibus. Nec ferè aliud molestius ferebat, quam si in cura ægrorum aliquid socordiae vel negligentiae admitti videret. Hinc Ulyssipone Superintendentis nomine ( quod in primordijs Societatis non infrequens erat ) Collegio præsidens, videns unum ex ægris domesticis omnem cibum nauseare, jussit Rectorem curare afferri refocillando langventi aquam ex fonte Pimenteyra, mediam levcam ab Urbe distito : cujus moniti oblitum Rectorem irâ castigavit, ut præciperet ipsum met sumptâ amphorâ absque mora per Urbem & forum ad fontem decurrere, & aquam ægrienti afferre. Addens, alios defectus & errata dissimulari remitti que posse ; non tamen illos qui charitati, præsertim erga infirmos, adversarentur.

Orationi & conversationi cum DEO mirè semper addictus fuit ; neque unquam tempus illius, sive in Aula, sive in Missionibus ageret, intermisit aut detraxit : quod erat mentalis quidem trium horarum per diem, præter non minùs prolixas vocales preces : & quidem omnes constanter de genibus peragendo, continuatas non rarò per totam noctem, si per negotia diurnum tempus impendere non licuisset. Quolibet anno recipiebat se in Villam suburbanam Valderosal dictam, ad unum, & duos non rarò menses, Exercitijs S. P. IGNATII impendendos : nec unquam rem alicujus ponderis aggrediebatur, DEO in oratione prius non consulto ; unde fiebat, ut effectum in quibusvis negotijs operatum consequeretur, & hausto exinde altiori lumine, futura etiam non rarò prænunderet. Ità & Fratribus domesticis unum, defectionis ab Societate consilia secretò agitantem amice allocutus, cum ad omnia consilia & rationes adductas obstinatum reperisset, tandem severè vaticinatus est : abiret ergo ad desideratam sæculi libertatem ; sciret tamen, se pauculis diebus violentâ morte decessurum. Nec aliter evenit : nam unus ex cognatis indignatus se habere amicum apostatam ( ita enim exitum ejus interpretabatur ) mox primis ab eo diebus aliquot vulneribus confossum inter-



ceremit. Eboræ accesserat P. Ludovicum. Adolefcens studiosus, Bartholomæus Duarte, Societatem expetens; sed quia Matrem habebat Viduam & senem, & pauperem, svadebat Pater, ex majori DEI obsequio fore; si illi juvandæ & sustentandæ aliud vitæ genus deligeret. Sed cum ille animo constans propositum urgeret, ad orationem paulisper secessit Pater: iterumque reversus, confide, inquit, Fili; DEUS enim vult te in Societate sua vivere, in qua Professionem quatuor votorum emittes, & morieris altiores Scholas docendo. Atque ita prorsus evenit; siquidem post Philosophiam Bragæ prælectam, emissâ Professione quatuor votorum, dum Ulyssipone Theologiam Moralem explicaret, diem suum magno omnium dolore obiit.

Orandi studio adjunxit in satiabile sui in omnibus afflicti, & passiones edomandi desiderium; sentiebâtque præ reliquis omnibus maximè necessariam esse Societatis hominibus Mortificationis virtutem, sinè qua nihil in perfectione promoturi, sed neque in Religione perseveraturi essent. In vestitu, rebusque alijs quæ vilissima domierant, pro se, etiam dum Rector, & Regum Confessari-

*Ex Historia Societatis & Lusitanæ P. Balthasaris Tellez, & Tomo 5. Alphonsi Andrade de Viris Illustribus.*

## P. BLASIUS SANCHEZ cum Socijs 13.

**T**riennium totum pestilentia, quæ credebatur cum mercibus è Turcia illata, ab Anno 1575. Siciliam infestam habuit, ab una in alias per intervalla Urbes sensim transgressa. Descendit in aciem adversus id malum de more Societas, & complures diversis in locis Athletas in gloriosum certamen eduxit: è quibus victores oppetitâ morte evaserunt 14. Et quidem primo loco memorandus, qui omnium postremus cecidit, P. Blasius Sanchez venit, gente Hispanus, qui cum de Familia Joannis de Vega Sicilia Pro-Regis, apud quem erat in primis gratus, ad Aulam Ducis Bibonæ cum filia Pro-Regis eidem Duci desponsa transisset; inde non multo post animum ad Societatem convertit: inquam receptus anno 1555. in præmium fidei obsequiorum, à Duce Prioratu S. Margaritæ donatus est. Eum ille, Ducis annutu, firmandis Collegij Bibonensis initijs transcripsit; quem paucis post annis in Tyrocinij & Scholastica sui cultura traductis, jussus est jam Sacerdos industriâ suâ excolere. Id ipse

*Societas Europæa.*

tam naviter & fructuosè præstitit; ut brevi tempore locum è receptaculo latrociniortu, in domicilium probitatis converterit. Et quidem tantâ erat apud omnes existimatione sanctitatis, ut à sicarijs projectissimisque mortalibus, non tantum noxæ nihil acciperet, sed etiam venerationem extorqueret. Non semel illi mortem nefarij homines ex insidijs moliti sunt; quos ille cum reseisset; adeo non formidavit; ut etiam sponte quæsitos familiariter conveniret, & consuetudine captos, sceleris arguerit, reprefferit, revocâre ad frugem. Haud longè à Prioratu Polissum oppidum situm erat, alter Apostolicorum ipsius laborum campus, quod ille consvetis Societatis functionibus ita subegit; ut novos illi mores, novam faciem induxerit, fluxam laxatamque, Monialium Cœnobijs disciplinam instaurâre: multa in his conatibus, & diurnis nocturnisque concursationibus aspera perpeffus; nonnunquam & verbera. Sed quæ ipsius erat tolerantia, & incredibilis hostium dilectio, quæ eorum saxis duriora pectora subigere noverrat, sitim hæc illi magis acuebant, quam restringerent. Erat illic Sacerdos, moribus a-

V 2

liunde





P. Blasius Sanchez cum 13. alijs e Socte Iesu;  
in præmium supremæ Charitatis per Siciliam lue  
contactis navatæ, ejusdem mali afflatu pretio-  
sam mortem consecuti, ab Anno 1575. usq; ad 77.  
29.

hunde non improbis, sed à Patre ita alienus, tamque averso animo, ut ejus nè mentionem quidem, nedum occursum aut alloquium sustineret. Neque id Patrem latuit; qui de more Missionum labores in oppido instauraturus, prior ultro ad ejus convictum se invitat, futurus dierum aliquot hospes. Id officij cum honestè defugere nequaquam posset, statuit in eum oculos intendere, nutus omnes & gestus observare, actiones & verba censura severitate expendere. Sed tantus virtutum ejus fulgor emicuit; ut cum nihil omnino carpendum deprehenderet, ex alieno factus sit summus Blasij æstimator & prædicator. Alterum item, à quo designari se sciebat ad necem, cum se illi ad prandium convivam ultro addixisset, non tantum à sententia

ad sui amorem deduxit, sed DEO planè lucratus est. Fuit idem precatonis cum primis studiosus, & assiduæ cum DEO familiaritatis, cui partem noctis maximam, & multas diei horas tribueret. In seipsum, & corpus omni macerationis genere affligendum prorsus inclemens, nullam illi quietis partem, nisi arundineo in strato perparcè indulgebat. Tanta simul morum & totius corporis inerat compositio, ut alios vel solo suo conspectu componeret ad modestiam. Tandem hæc omnia decora coronavit heroica charitas, quæ se Civium pestilentiam laborantium saluti, quamvis obnitente Magistratu, quod nollet paucorum incolumitatem communis omnium parentis jacturam redimi, caputque suum devovit: cumque mortem suam toto antè oculo præ-



prædixisset, fortissimè constantissimèq; occubuit die 17. Julij, anno 1577. in eodem ipso Polissij oppido. Magistratûs decreto funus pompâ præter morem aliorum elatum est, atque intrâ mœnia in Ecclesia S. MARIÆ de Porta confectum, nullo seu contagionis, seu cuiusvis alterius periculi metu. Socium laborum habuit & Adjutorem Angelum Larosa Siculum, è Fratrum numero, qui prior occubuit ad 23. Junij.

Eodem anno exhibitæ in contagiosos charitati immortui sunt Messanæ, P. Gabriel Cocchius, Julius Nerius Siculi: P. Ludovicus Nunnez Hispanus. Is cum Pocillator esset Ducis Bibonensis, rerum fluxarum & aleæ studio deditus, Sodales per jocum aliquando ad nostrum P. Hieronymum Otellum pro concione audiendum invitavit, re ipsâ ut dicentem risui & ludibrio haberet. Sed ipse, risum de se haud paulò jucundiorè & gaudium Angelis fecit, efficaciam ejus concionis ita commotus, ut nuncio rebus humanis remisso Societatem inierit: in ea sui apprimè despiciens, & ad summum charitatis apicem enisus, ut animam pro amicis suis & proximis poneret. Anno verò quo pestilentia in Insulam invecta grassari cœpit 1575; iisdem charitatis operibus Messanæ exitium sibi consciverunt, mense Aprili, P. Oliverius Cominalis Siculus, Ramettæ oriundus: & Aloysius Calligares, cui subsidia morbidis è publico dispensandi negotium incumberebat. Panor-

mi verò eadem beata fors cœlo intulit P. Paulum Mantuanum Venerum, ad diem 3. Julij. Hic in Societatem receptus in ordinem temporalium duntaxat Coadjutorum; à S. IGNATIO Divinæ majoris gloriæ studio ad Sacerdotium provectus est, quod observâset in eo Virum miræ humilitatis & patientiæ, tantæq; charitatis, ut quò Maurorum servitute Patrem quendam eriperet, ipse in captivitatem & vincula se offerre non dubitaret. P. Didacus Martinius, Hispanus ad 19. Julij. P. Franciscus Constantinus, Siculus Catanensis 3. Aug: & P. Gabriel Puteus, ex Insulis Balearibus; qui posteaquam rarefcere in Urbe malum cœpit, in suburbanum cum tribus Socijs demigravit, expiandis solandisque ijs, quos ipsa charitas, nè plures inficerentur, segregaverat, intentus: ubi diu perseveravit incolumis, donec & illum generosis cumulatam laboribus mors sustulit in Septembri. Anno iterum 1576. Panormi recrudescente lue, dum ei sopiendæ strenuam navant operam Socij, duo charitatis incendio conflagrârunt, P. Joannes Balthasar Siculus Messanensis, & Joannes Oliverius Syracusanus. Hic duos olim filios suos Societati magno animi solatio consecratos, conjugè viduatus & ipse consecutus est, inque cœlum prævenit ad diem 8. Maij. Ac demum Catanæ, patriâ suâ, agmen inter heroës minimè postremus clausit P. Erasmus Marchesius 13. Septembris.


*Ex victimis Charitatis Alegambe.*

## P. JOANNES DE ALBOTODO.

**D**Ecerpfit Divinum Nummen velut rosam è spinis P. Joannem, Granatæ, Parentibus Mauris satum, plantavitque in Societatis horto tanquam futurum Patrem multarum gentium, quas cœlesti Paradiso inseruit. Cum in ipsa pueritia singularem propensionem ad Sacra Christianorum præferret; Archi-Episcopus Urbis Petrus de Gverrero, observatâ pueri indole, ingenij acumine & solertiâ, studijs eum applicuit; quibus unâ cum Theologia feliciter combibitis, in eadem Doctoris gradu insignitus, Societatem impetravit, quod fortè necdum Legibus cautum esset, neminem è gente Maurorum vel Judæorum in eam recipiendum. Et verò constanter eluxit in eo rara mansuetudo & humilitas, cum summa charitate proximi conjuncta, asperrima corporis tractatio, & mortificationis studium. Pro sacro Tribunali unicum fuit refugium.

pœnitentium ex statu Nobilitatis & plebejo, utrorumque magno profectu; hinc nemo, illum semel adire solitus, facile deinceps deseruit. Tota illius solida diei occupatio fuit confitentibus aurem dare, dicere ex pulpito, Catechesim rudibus explicare, detegere fraudes, & confutare errores Maurorum, in quo speciali à DEO pollebat gratiâ. Eâ causâ omnibus habitus est pro Apostolo suæ nationis, Fideisque Magister in Regno Granatæ: singulari in pretio, amore & veneratione cultus ab ejus incolis, tanquam Vir sanctus; concurrentibus undique, quæcunque ejus regionem ingrederetur, pueris & adultis ad osculum manûs aut vestium. Ex tanto verò, quò tuendæ & propagandæ inter suos ardebat Fidei zelo, non unum vitæ adiit discrimen, siquidem nullam prætermittebat illius prædicandæ & instillandæ occasionem: cujus lucem, & emicantem sanctitatis in Patre splendorem non ferentes obstinati quidam è Mauris,





P. Ioannes de Albotodo S.I. ex Mauris oriundus,  
Granatæ; eorundem potissimum conversioni, & la-  
boribus Apostolicis immortalis Hispali. 14 Maij  
1757. 30. W.P. Kilian sc.

ris, sæpius illum è vita exturbare connisi sunt. Nocte igitur quâdam ad januam Collegij excitum, ad ægroti cujuspiam exomologesim audiendam evocant, ducuntque per angusta viarum horrentibus tenebris ad destinatum neci secretum locum; ubi repente à DEO consternati, nihil in ejus Servum moliri potuere; sed intactum, nullo verbo dicto, deseruere. Pater animadverso hinc suo periculo, dum nihil turbatus viam domum sedatè relegit, audit è quodam viæ flexu ab obscura valle gemitum & ejulatum tristem, peticoque ex obvia casa lumine, eò tendens, hominem reperit Maurum humi abjectum, absque omni remedio & solatio humano morientem. Hunc tenerrimo amore & condolentis affectu allocutus, rogat, num confiteri, DEOq; conciliari velit? & annuenti, aure præbitâ, animam in

suâ manibus morientis cælo transmissit; vicinôsq; monuit, ut corpus linteo involutum die sequenti terræ mandarent. Ità magno gaudio domum revertens gratulabatur DEO, qui ex morte sibi à nefarijs intenta, salutem animæ in misero undequaq; deserto operatus fuisset: & invictam quandam in DEUM concepit fiduciam, animûmque laborandi & moriendi pro Fide dilatanda.

Neque ullum deinceps tantum fuit discrimen, cui non caput suum lubens, volensque Fidei causâ objiceret: uti iterum illi accidit, cum tabernam quandam ingressus, Mauros blasphemis sædisque colloquijs vacantes liberiùs reprehendit: quorum unus furore amens minatus Patri est, nî continuò facefferet, nares se illi præcisurum. Cessit tum quidem Pater insaniens cholera, sed cum die sequen-



sequenti idem Maurus cum quopiam rixam inivisset, iustâ DEI vindictâ nares illi ab hoste ictu gladij præcisæ sunt. Tam luculenter comperto Patris zelo, non tantum Archi-Episcopus Granatensis ad conversionem Mauro- rum per suam Diocesim naviter usus est; sed eundem sacra Inquisitio ad reducendos apostatas, & à Fide aberrantes adhibuit, Regium- que Tribunal disponendos ad mortem male- ficos quosvis commisit. Nec defuit conati- bus tam sanctis Numen, cujus ope mirabiles passim in varijs personis effectus, remedijs om- nibus jam desperatis, patravit, maximo sa- lutis animarum & gloriæ Divinæ augmento. Charitas ejus in pauperes & derelictos ea fu- it, quâ eos visceribus suis includere velle vide- batur: idem captivorum erat procurator, sol- licitator & provisor; quos eleemosynis soli- citè conquisitis sustentabat, ære alieno exol- vebat, causas complanabat. Nec minora experiebantur ab eo infirmi, quibus diu no- ctuque promptus aderat, sic; ut nullum cala- mitatis genus esset, cui non remedium inveni- ret, quasi totum Regnum unus sinu suo fo- vendum recepisset. In eam rem descriptas habuit è singulis seorsim Parochijs egentes & miserabiles personas, quas præsertim mendi- care puderet, ut beneficentiæ ipsius nulla ex-

*Ex Tomo 1. Nierembergij de Viris Illustribus.*

pers esset. Exhibebat eandem peculiari cu- râ in egena Virginum cœnobio, multisque & magnis animæ periculis hac arte eripiebat. Nec minore gratiâ pollebat ad componendas inimicitias quantumlibet inveteratas, ut non tantum injurias & odia ponerent, sed illa in- sincerum & constantem invicem amorem & confidentiam commutarent. Atque hos tam miros successus meritis à DEO videretur pro- fundissimâ quâdam sui despicientiâ, quâ ne- quissimum & ultimum omnium se reputabat, & quanto magis ad hominibus æstimatus de- prædicabatur, tantò infrâ sese demittebat. Hinc quoties à Viris primæ Nobilitatis honor sibi exhiberetur, ad eum avertendum objicie- bat: an nescient cujus ipse originis, ex infami & perfidâ Maurorum gente foret? Morti jam proximum, dæmon, visibiliter apparens, stratagemate & telo vanæ gloriæ aggressus, e- numerabat tot ejus per omnem vitam in DEI & Ecclesiæ causâ labores & merita: cui ille, altâ, quam omnes adstantes percipere, voce: *quid ais miser? cur non potius in memoriam re- vocas vilitatem mei generis? cur non inculcas parentes meos pauperes, fabrilis vitam sustinen- tes?* Quo audito, disparuit tentator, & Pater placidissimâ morte defunctus est Hispali; Anno 1578. 14. Maij.

## P. GASPAR LOARTE.



Ater Gaspar Loarte, na- tione Hispanus, patriâ Me- thymnensis, Vir pius juxta ac doctus, grandis natu, & Doctor Theologiæ; prius- quàm in disciplinam Socie-

tatis, sub Magisterium S. IGNATII transfret, discipulus fuit magni illius spiritus Magistri Jo- annis Avila. Sub ejus Institutione in pietatis officijs apprimè versatus, & consilia Domini Evangelica sequi edoctus; petijt aliquando multis orationibus à DEO dolores sibi mitti, patienti Christo quàm simillimos: quibus acer- bissimis, uti cupiverat, obrutus; ut nullius membri usum retineret, videns eos viribus suis penitus intolerabiles, & humanis majores; cum supplex denuo orasset liberari, continuò exauditus est. Sacris Ordinibus ex Magistri sui Avilæ consilio initiatus, totum se labori- bus Apostolicis in proximorum salute, per cō- tinuas Missiones quærenda impendit, unâ cū Jacobo de Guzman (cujus antè Præceptor fuerat) filio Comitiss de Bailen, nunc verò pa- triter Sacerdote Theologo: obibantque pedi-

tes, perinde ac homines Societatis consueve- re, pagos & oppida Episcopatus Calahorrani, Operarijs Ecclesiasticis magis destituta, do- ctrinam Christianam explicando, prædican- do, Sacramentis sanos æquè ac infirmos ju- vando, & pauperibus simul in hospitalibus om- ni obsequiorum genere subveniando. Per idem tempus morabatur S. Franciscus Borgia, sepositis Ducalibus suis Gandiæ curis, velut in- eremo Ognatæ, cujus ibi vita angelicè insti- tuta, quia per omnem latè Hispaniam multâ famâ differebatur, non paucos primæ Nobili- tatis & doctrinæ Viros ad imitationem excel- sarum illius virtutum pertraxit: atque inter hos etiam nobile istud Avilæ discipulorum, par, Loartem & Guzmanum, utrumque idem Societatis JESU Institutum anno 1552. com- plexos. Post biennium Tyrocinijs Loarte Romam profectus, & ab ipso S. IGNATIO pro- bè ad sublimiorem sanctitatem institutus, Collegiorum Genuensis & Messanenensis re- gendorum provinciam egregiè sustinuit, & Professionem 4. Votorum edidit Romæ in- manibus P. Jacobi Laines, II. Generalis So- cietatis





P. Gaspar Loarte Soc: Iesu, Hispan, à Christo Domino crucem bajulante confortat, et ad labores animat, in Mauris præcipue Christo per Hispaniam lucrandis operam posuit. Obijt Valentia 1578. 8 Oct. Aet: 80.  
31.

cietatis anno 1560. Quo tempore Collegium Genuæ Rector gubernavit, in gravi afflictione constituto visendum se obtulit Christus Dominus cruci affixus, jussitque hilari animo esse, quippe certum, nunquam suo auxilio in quibusvis adversis destituendum: id quod per totum vitæ decursum abundè expertus est. Præcipuam vitæ Religiosæ partem, quam in Italia exegit, varijs Missionibus per diversas ejus partes impendit, præcipue cum rogatu Episcopi Saulij, totam ejus Diocesim Sazanensem, per aspera montium jurga, magno incolarum emolumento lustravit: & alijs pluribus locis, præsertim Genuæ, seduli Operarij partes omnes implevit.

Ab Italia revertens in Hispaniam cum Patre Hieronymo Domeneco, stationem in

Collegio Valentino jam decrepitus invenit, cupidus vitam illic in infidelium Maurorum conversione, quorum ingens adhuc eo in Regno multitudo habitabat, ponere: ad eos frequenter instituebat excursions, licet experiretur non magnum ex obstinatissima gente referri operæ pretium, quo tamen nemo alius majus reportabat. Id enim non tam indefessis extorquebat laboribus, quàm assiduus ad DEUM pro exæcata gente orationibus: quibus addebat quotidianam, adusq; sanguinem, flagellationem; ut indurata obstinatorum corda ad Fidem emollirentur. Atque hæc ipsa barbarorum ad omnem cæli sementem recipiendam durities, Operario octogenario dolorem primùm in animo ingentem, & ex eo mortiferam in corpore ægritudinem crea-



creavit: cujus acerbiterat cum animo planè invicto perferret; quæsit P. Domenecus, an ejus dolores pares essent illis, quos sub disciplina Avilæ adhuc constitutus à DEO concedi postulasset? sed respondit Loarte: *hi, quos modò persentisco, respectu priorum, quos tunc experiri datum est, veluti picti & umbratici censeferi possunt.* Videbatur etiam in ipso morbi principio certum imminenti mortis à DEO responsum accepisse; nam discendenti Valentia, ad quædam in Regia negotia expedienda, Rocho Ruiz apertè edixit: *ubi Madri-to ad nos reverteris, non amplius inter vivos, sed vitæ funtū me reperturus es;* prorsusque evenit, ut eadem, quæ iste revertebatur horâ, Pater animam DEO redderet, anno 1578. ætatis 80. die 8. Octobr: Fuit Pater Loarte, Vir magnæ orationis, & familiaritatis cum DEO, solitus jam indè ab educatione Avilæ,

*Ex Bibliotheca Allegambe, Nierembergij Tomo 4. de Viris Illustrib: & Gabriele Alvarez.*

## P. SIMON RODRIQUEZ.

**S**extus in fundanda Societate S. IGNATII socius P. Rodriguez, natione Lusitanus, satus est Parentibus honoratissimis, Ægidio Gonzalio, & Catharinâ Azevedia, atque sumptibus sui Regis ad Philosophiæ studia, Parisios missus, ætate florens, indolèque præclarâ; post longam cum IGNATIO consuetudinem, cum ad mutandam in obsequium DEI prioris vitæ rationem Divino raperetur instinctu, cogitationes has tacito diu premebat sinu, dum tandem IGNATIO penitus se addixit. Cui cum sensa omnia pectusque aperuisset; tum demum novò quodam splendore perfusus, Hierosolymam statuit petere, reliquâque ætatem in animarum tutela continere; nondum gnarus, quòd idem priores Socij cum IGNATIO deliberarent. Editis in monte Martyrum votis, & studij Theologiæ cum laurea Doctoratûs absolutis, in Italiam, ut indè in Palæstinâ trajiceret, cum Socijs pedestre iter prosequens, grave incommodum primò quidem corporis, tumore fœdum in modum ex laborum insuetudine inflati, expertus est; mox etiam animæ, ex fratris Germani tentationibus, illum à proposito omni conatu & arte dimovere molientis: quod tamen utrumque DEI ope mirabiliter superavit. Fervorem ejus in cruce Domini ferenda vel exinde agnoscas, quòd crucem sibi super pectus è regione cordis, dodrantali magnitudine, ac latitudine digitali, stylo ferreo in vivâ

carne exsculpsit, quam nunquam deinde toto vitæ decursu obductam, ad sepulchrum secum unâ portavit. Venetijs occasionem trajiciendi Hierosolymam præstolantes, cum IGNATIUS in diversa loca ad juvandum proximos divisisset, Simoni & Jaio Bassanum obvenerit: ubi ille post 40. dies in meditationibus, solo interim pane emendicato & aquâ victitans, exactos, magno fervore, quâ concionibus, quâ catechesi per publicam compita & pagos plebem erudit, tantâ contentione, ut febrem indè ardentem, & Medicorum sententiâ lethalem contraxerit: unico tamen IGNATII, illum à 30. passuum millibus invisentis, amplexu depulsam. Eâ morbi occasione, quo durante in solitaria quadam Anachoretæ, cœmuni opinione sancti, cella decubebat, captus amore solitariæ ejusmodi & quietæ eremi vitæ, cœpit tædio activæ, in procuranda proximi salute tantopere distractæ, affici. Itaque clam ab IGNATII & Sociorum consortio avulsus, vix iter ad Anachoretæ tugurium aggressus est, cum obvium habuit armatum equitem, vultu terribili stricto ferro concitate in se ruentem; quem effugiturus dum cursu effuso diversorium IGNATII repetit, iste è Sociorum confesso & domo repente, mirantibus omnibus & causam ignorantibus, profilit, passisq; brachijs revolantem erraticam ovem, equite interim in auras vanescente, recipit, & unico dicto castigatum in proposito confirmat: *fili, quare dubitasti?* Profligatâ demum omni trajiciendi in Palæstinam spe, postquam

*Societas Europæa.*

X

ope-





P. Simon Rodriguez, è primis 10. S. Ignatij Socijs, de Lusitania, et Indijs optimè meritis, atq; à Deo multis beneficij illustratus. Obijt Olyssiponè 15 Julij A. 1579.

32.

W.P. Kilian sc.

operam suam unanimiter omnes Christi Vicarij obsequio addixerunt, primam omnium in Societate missionem jussu Pontificis Senis obiit Rodriguez, in reformando quodam Virginum Parthenone, in quo frustra Archi-Episcopus Urbis, ceterique diu laboraverant: quo negotio feliciter confecto Romam rediit, cum per id tempus Joannes III. Lusitanix Rex magnopere apud Pontificem contenderet, aliquot de Socijs pro Indijs Orientalibus ad se mitti, designatus ab IGNATIO est, tanquam maximè ad conversionem tot Gentium idoneus, Rodriguez, & Bobadilla; sed huic repentinè ægritudine implicito, suffectus mox fuit Xaverius. Venit in Lusitaniam prosperâ navigatione (nam Xaverius terrestre iter cum Legato tenuit) prior Rodriguez, &

illico in Regiam, missò internuncio, Ulyssiponem, à Joanne invitatus, jubetur rebus omnibus liberaliter haberi: ille verò instituti sui tenax summè à Rege contendit, sibi ut liceret victum passim & ostiatim emendicare; id se cunctis Regiæ anteferre delicijs. Quo tandem ægrè impetrato, ad publicum Valetudinarium, quartanâ etiamnum laborans, diverstit, cœpitque stipem ex instituto quærere, nihilque interim segniùs peccatorum confessionibus audiendis, meditationibus tradendis, concionibus & catechesi peculiarem animarum curam gerere.

Trimestri elapso subsecutus est Xaverij adventus, faustus omnino laboranti Simoni; cuius quartana febris, quo die expectabatur, ut in Xaverij venientis diem incidit, quasi quempi-

am.



am supra hominem reverens, non accessit, salutantis amplexu & voce discussa. Dum tempus navigandi in Indiam expectatur, totos sese puerorum institutioni, adultis verò ex Regia & Clero ascesi Ignatianâ exercendis, invisendis nosocomijs, publicis custodijs, præsertim Inquisitionis carceribus, impenderunt; tantâ omnium, Regis præcipuè approbatione, ut de utroque in Lusitania retinendo deliberare cœperit, populus verò Apostolorum nomine eos appellare; unde in hodiernum usque diem Societati per Lusitaniâ & Indias cognomen hoc constanter adhæsit. Appetente jam navigationis die Rex, post multa consilia, Xaverio in Indias dimisso, Simonem in Lusitania retinuit, tanto ipsius dolore, ut suo illo spiritu vocandæ ad Fidem Indiæ incitante, constituerit clàm in Indiam solvere. Sed quia Rex fundandæ in suo Regno Societatis cupientissimus, Collegia illi aliquot moliebatur, coactus est regendis & multiplicandis Socijs remanere; majore sanè fructu, cui innumeros præclarissimos Operarios educavit & transmisit, quàm ipse operâ suâ illam coluisset. Totum ergo Lusitanorum saluti promovendæ se addicens, Cœnobيا complura in ejus Urbibus extrui obtinuit, respicientium muliercularū perfugia, in quibus juxta leges à se præscriptas vitam agentes, possent continentiam suam tueri, & ad eximiam etiam penitentium sanctitatem pervenire. Porro vitæ illius sanctimonia, prædicatio & conversatio Apostolica, morèsque inculpatissimi, perstringere oculos Academicorum Conimbricæ & alibi ita continuè cœperunt, ut nobilissimi quique & lectissimi adolescentes ei se adjungere percuperent, Viri deinde sub ejus disciplina effecti prorsus Apostolici, ex quibus aliqui Æthyopiæ Patriarchæ, Episcopi Nicææ, plurimi Martyres evasere, sic ut paulò post in Collegio Conimbricensi centum Socij numerarentur. Inter reliqua cùm Nobilem Legatum à potentissimo ex Indijs Rege ad Lusitanum missum, paucis diebus ab Idolorum cultu ad Christum convertisset, iterumque alium ex Africa Nobilem Saracenum, equitum domi suæ Ducem, eaque re & cæteris gestis, mirâ apud Regem & Aulam gratiâ polleret, non potuit improborum invidiam diu evitare, à quibus non contumelijs tantum & famosis libellis, verum etiam inflictis verberibus exagitatus, nullam tamen unquam à Rege vindictam aut tutelam expetijt; sed is aliunde compertâ in improbos supplicio animadvertendus erat, nisi deprecatore Simone in lenio-

rem exilij pœnam illud commutare perſuadus fuisset. Igitur suam de Simone exultationem palàm factururus, illum educando principi Filio præfecit, cùm paulò antè ejusdem Institutorem Joannem Suarium creâſſet Conimbricæ Episcopum. Eâ occasione usus Simon, primus jam etiam ab IGNATIO Lusitanæ Provincialis creatus (quod munus totos 12. annos gessit) & quâ valebat apud Regem auctoritate, ingentia in animarum commodum toto Regno perfecit, & pauperum egestati remedia copiosa prospexit. Sensim tamen Aulæ tædio, per occasionem novæ in Æthyopiæ missionis, iterumque in Brasiliam tentavit fugam, convertendi gentiles desiderio: utrumque nihilominus frustra, DEO illuminantis Lusitanæ profectibus retinente. Contigit interim Vincentium Rodericum, magnū illum postea Brasiliæ operarium, & Gonſalvum Sylveriam etiam in Monotopa Martyrem, gravi ægritudine ad extrema deduci, quorum priori solus Simonis paternus amplexus, huic ramen Sacrum pro eodem dictum, plenam, durante adhuc Simonis Sacrificio, sanitatem restituit.

Revocatus post hæc ab IGNATIO Romam, & Tarraconensi in Hispania Provinciæ datus Præpositus, tentari subinde iterum cœpit solitudinis & vitæ Anachoreticæ desiderio, atque ab Societatis & IGNATII obedientia, quem sibi minùs æquum esse impulsu Sathanæ perſvadebat, velle per Pontificem liberari. Sed IGNATII sapientiâ in cœpta vocatione confirmatus, cùm gravem jam ætatem gubernationi & laboribus imparem ex vero prætenderet, DEO & sibi annos postremos impendere permisus est, partim in Hispania, partim in Lusitania; ubi demum, uti dicemus, diem clausit extremum Ulyſſipone. Eo ex tempore, quod à primis spiritûs incunabulis in consuetudinem perpetuo usu roboratam induxit, acrius perrexit duriter, hostilitérque carnem accipere, rudi ac præparco cibatu, neque cubatu commodiore, quotidianâ & immisericordi verberatione, setis ad nudum appressis, ceterisque asperitatibus utens. Earundem amorem, & nimiam propè frequentationem, in usum Sociorum per Lusitaniâ ita induxit, ut nullibi per Societatem majore numero, ex præsertim, quæ in oculos publicè incurrunt, magisque exoticæ usurparentur, ac proinde freno quodam indigere S. Patri viderentur, coacto ad Lusitanos Patres & Fratres scribere auream illam de Obedientia Epistolam, quâ discerent asperitates ejusmodi ad Obedientiæ



Leges revocare, à qua pretium omne & valorem apud DEUM acciperent. Demissionis sanctæ cultor eximius fuit, cujus præclara documenta semper quidem, sed tum maximè edidit, cum obiisset Georgius Almeida Conimbricæ Episcopus. Joannes siquidem tertius Rex Lusitaniæ, optimum factu censens, si in eam sedem Rodericum eveheret, certus neminem se habiturum adversarium, præter unum ipsum cui acerrimè studebat, rem apud Pontificem jam propè perfectam Rodericio insinuat. Percussus non improvisâ magis, quàm exosâ denunciatione Pater, repugnando, obtestandoque cum lacrymis, usque adeò conatus est, donec sapientissimum Regem, suique amantissimum ad deditionem coëgit: & tamen tunc dignitatem ejusmodi Ecclesiasticarum admissioni neque Legibus Societatis, neque voto Professorum cautum erat. Præceptor educando Regis Filio datus, quotidie ad Aulam cum Socio itabat pedes, vestem usu detritam & vetustam semper indutus: exprobrantibus indignum Regis Magistro ornatum respondere solitus, nunquam audisse se ex cultu Præceptoris Institutionem pendere discipuli, ex lacero vilique pallio posse perinde aurea præcepta explicari. Ad iter consecrando Principi ex necessitate susceptum, remissis generosis ac decenter instructis è stabulo Regis equis, clitellario a fello, eoque fortuito & conductitio utebatur. Accidit aliquando, ut per iter in magnum quendam Præsulem ita vectus incideret, is ad improvisum spectaculum ex equo desiliens, & non sine benigna quâdam indignatione dequestratus Regium hac ratione munus dehonestari, mulam phaleratam inscendendam obtulit, quâ si non sui, Regis certè ratione habitâ reliquum iter decentius, honestiusque conficeret. At Rodericus quàm comiter tam fortiter deprecatus, *te verò, respondit, ignorare non arbitror, quantum honoris in ipso honoris neglectu posuerit DEUS, quantâque celsitudine humilitatem sanctam ornaverit: æquum igitur est, ut Majestatem Regiam, quando præterea in me nihil est tanto fastu atque fastigio dignum, hâc unâ certè quâ possum demissionis sublimitate cohonestem.* Porro hanc ipsam in luce regalis Aulae necessitatem commorandi, purgatorium suum merumque carcerem vocitabat: duo sibi in vita molestissima accidisse dicens, alterum, cum excidit expeditionis Indicæ spe, proximum, cum inter favorem Potentum, mundique splendorem versari coactus est. Quem ut sui contemptu quomodolibet ludificaretur,

sæpe per loca magis publica sordidatus incedere, sublatâ in humeros ollâ, pulmenta ad eos qui carcere attinebantur deferre solebat. Cum verò multò post Sebastianus Rex, Rodericum ex Hispanico secessu revertentem Ullissiponem, misso ad eum Urbis Archiepiscopo accerferet, ut confessionibus Regijs aurem præberet, id ille munus ætatis, valetudinisque prætextu efficaciter deprecatus planè excussit.

At non tantum ambitionem à Simone, non excivit honor, sed nè cupiditatem quidem allexit aurum. Nunquam tanto Regum ac Principum favore & gratiâ sibi, aut consanguineis, quos in Lusitania habebat plurimos, quidquam à quoquam aut ultro petijt, aut oblatum accepit. Imò memoriam amicorum omnem tam procul habuit, ut cum fortè Viseum tendens, Bouxelam necessariò patrium solum raderet, nullis Sociorum precibus pervinci potuerit, ut illic desisteret, quò sororem agnatosque alios, quos viderat nunquàm ex quo primùm ad studia Parisios discesserat, salute ac pio solatio impertiret. Verum cum aliquando Conimbricense Collegium ultimâ egestate premeretur, persuasit ipse demum sibi, quoniam DEI cogeat obsequium, ut illud subsidij alicujus causâ commendaret Regi. Hic quâ erat animi magnitudine, & in Societatem benevolentiam, 100000. numorum, in eam rem statim numerari jussit: quam Regis liberalitatem quâ par erat gratiarum actione æstimans Pater, ex ea 17. tantum millia accepit, satis id præsentis levandæ difficultati fore testatus. Cum verò mox per eos dies increbuisse de Turcarum in ditiones Regias irruptione, & Pater adverteret Regem pecuniâ in sustinendum bellum opus habere, eam ipsam nuper à Rege acceptam iterum præsentavit, causatus publicis necessitatibus privatas posthaberi decere; se verò, si quid juvare possent, suorum non modò vivendi angustias; sed vitas etiam ipsas oblatorum. Miratus Rex illam proprii compendij præ alieno negligentiam, usus est in rem præsentem pecuniâ tam amanter oblatâ, mox tamen amplificatam rependit, jactis Collegij Conimbricensis in ingentem amplitudinem fundamentis, collocatoque magnificè reditu annuo in perpetuum Religiosorum alimentum. Nec minùs purus Simoni, minùsque intactus turpium voluptatum animus fuit, sed illibatus viguit ad occasum usque vitæ Virginitatis Angelicæ flos. Parisijs, dum in primo ætatis fervore literis operam daret, procacem domi puellam



puellam non verbis modò sceleri palàm lenocinantibus, sed factis etiam impudicis ac vi nefariè laceffentem, ità rejecit, ut se veneno intactum ex impuris amplexibus expedierit. Aliàs per Gallias dum iter haberet, inverecundæ frontis puellam pellicientem impotenter ad facinus, magnâ voce latrones imminere inclamans, injecto per pudicam ludificationem metu in fugam abegit. Ravennam in Italia cùm aliàs transiret, stipemque vicatim pauperum more corrogaret, incidit mendicando in ostium ignotæ domûs, jussûsq; conscendere, occurrentes ex insperato, vidit mulierculas tres meliore formâ, libidinem verbis ac vultu toto spirantes: ad earum conspectû tanquam viperarum retrò resiliens, præcipientem sese de gradibus ad imum usque vestibulum dedit, ibique subsistens cœpit tantâ Divini spiritûs copiâ de pudicitia bono dicere, ut petulantes feminae suis met retibus captæ, atque ad seriam criminum pœnitentiam reductæ sint. Una præcipuè tacta divinitus cùm lachrymarum vim ingentem profunderet, statuit non modò turpitudine, sed turpitudinis etiam sede relictâ, Romam cum Rodericio proficisci, ut novo sub cœlo novum ac sanctius institueret vitæ genus; nisi Rodericius solitariam mulieris comitivam cautè effugisset. Quod detractum Orco spoliū quantopere dæmoni doleret, clarè prodidit, dum eo spiritûs impetu ad perditas perorantem Simonem, specie effœti & edentuli senecionis in atrium ingressus, à cœpta dictione omni conatu, non sinè stomacho & contumelijs injectis, avertere conatus est.

Et verò tantus illius fuit, alienæ salutis ardor, ut privata vitæ commoda omnia posthaberet, nihilque expeteret vehementiùs, quàm ut inter subducendos ab dæmonis servitute, populos vitam ipsam sanguinemque profunderet. Terrarum totum orbem votis complectebatur: & quantum se ad aulam, veluti carcerem infrenari obedientiâ dolebat, tantum illuc animo, quo pluribus à Xaverio epistolis invitabatur, animo anhelabat. Neque tamen Aulâ se concludi, quam verbis & exemplis ad exactam Christianæ Legis observantiam adduxit, ità patiebatur, quin consuetudinem suam retineret ætate jam & famâ provectior, concionandi & catechisandi sub dio & in plateis, excurrendi ad rudes Evangelio imbuendos, excolendi nosocomia pauperum ac miserorum, omni obsequiorum genere illis inserviendi, atque eadem inter illos per vices incolendi. Hoc enim postre-

mum illi præcipuum semper ac proprium ab initio fuerat, ità oculis Divinis acceptum, ut duplici simul miraculo aliquando repensum fuerit. Venetijs siquidem in Xenodochio SS. Joannis & Pauli solandis, curandisque ægris operam dante; nocte jam adultâ, leprosus ad fores ejulatu miserabili admissionem petijt, iterum ac terciò à Præfecto rejectus, quòd nullus vacuus adesset recipiendo lectus. Extorsit tandem intercessione suâ Simon ut intromitteretur, & proprio cubiculo recepit, seque illi ad latus unâ composuit. Mirum dictu, dilucescente die cùm evigilasset, adeò videri leprosus desierat, ut neque in lecto, neque in reliqua domo appareret; affirmantibus cunctis, sibi illum neque visum fuisse: intelligeretque facilè Simon, altiori se hospiti cuiuspiam misericordiæ opus præstitisse. At vicissim Pater in ejus præmium reperit se leprâ contactum, turpique velut squamularum tabe toto corpore coopertum. Lætatur ille quidem oblatâ occasione tolerandi aliquid obsequio charitatis; sed respectu Sociorum, quos suâ causâ mœstos videbat, contagione potius alieni doloris, quàm suamet ipse jactabatur. Cùm DEUS promptâ fidelis servi voluntate contentus, morbum sustulit: nam evanescentibus repentè sponte suâ pestiferis pustulis, postero die Socijs non mirantibus magis, quàm gaudio gestientibus, incolumis ac valens lecto surrexit. Hoc porrò ardore in aliena cùm animæ, tum corporis salute curanda, non ipse modò flagrabat, sed ut eodem omnes simul Socij inflammarentur, spiritu eum suo ventilabat. Legem suis inviolabilem sanxit, ut si quis domum rediret, nemine externorum pijs alloquijs per diem excitato ad meliorem frugem, is ad mensam accedere nè priùs auderet, quàm culpâ Superiori nudatâ veniam impetraret cibi sumendi, quo seper eum zeli defectum indignum fecisset. Expeditiones Evangelicas in pagos, oppida & Urbes, crebrò suscipiebat ipse, & suis imperabat, eadem quâ ipse obeundas ratione: ut nimirum pedites ingrederentur viatorio scipione, rejectâ in humeros scriptorum & sacri apparatus sarcinulâ, receptu non nisi apud hospitalium pauperum tecta quæsito, victu ostitatim emendicato.

Mittebat etiam non rarò Socios nocte intempestâ in fora & Urbis plateas, qui sonorâ & terrificâ voce inclamarent: *infernus, infernus his, qui mortali obstringuntur crimine!* aliòs verò sub vesperam, ut medijs in trivijs compitisque magis frequentibus voce elatâ incul-



inculcarent: *heu heu peccatores, à peccando jam desistite, cum vobis moriendum sit!* Nonnullos eodem modo in mediam hominum turbam immittebat, qui contentis vocibus identidem ingeminarent: *terra, terra, ad forum ad sis, auditum verbum salutis.* Cùmque ad dicendum unus aliquis è Collegis haud imparatus ad dicendum accederet, conscenso tumultuario pulpito sermonem instituebat de tremendo iudicio, supremo vitæ die, vel reddenda ab unoquoque DEO ratione. Quibus tum sermonibus, tum clamoribus, multi intimo dolore faucij, ab inveterata peccandi consuetudine abducebantur, alij abdicato seculo Religiosis se abdebant claustris; denique Conimbrica & Olisipona tota frequentia Sacramentorum cuiusvis Urbi alteri proponi poterat in exemplum. Nec minora e spiritualium Exercitiorum se effu cernebantur in animis lucra, cùm ex eis tam commutati homines prodirent, ut miraculo pariter & excitemento ceteris viderentur: quippe tanto ardore animi magnalia DEI loquentes audiebantur, ut in eos aptè jactaretur à quibusdam: *multo pleni sunt isti;* & in vulgo pervasio esset, quæ valde toto regno percubuit, qui apud Simonem & Patres semel exercerentur, eos sæpe miras visiones habere. Quæ fama ipsum quoque Cardinalem Henricum, eundemque supremum in hæreticos Inquisitorem tandem impulit, ut per hominem Fidelissimum, Rectorem Familiæ ex Familia S. Hieronymi, dissimulanter, & sinè Societatis nota, in eos qui exercerentur inquireret; Is dum facit imperata, inventus est, qui mira omnino visa in Exercitijs sibi objecta fuisse diceret, & quidem horrida. *Inter quæ memetipsum, inquit, imprimis vidi, quem nunquam antea probè videram, monstrum terribile & horrendum.* Ità dum investigatur improbitas, probitas illustrata est. Neque hic ardor emicabat solum in civibus, & communi hominum sorte, sed in Aula potissimum ex primis ejus Ministris ac Nobilitate, quam Rodríguez per occasionem Regiæ educationis, quotidianis sermocinationibus & consilijs in eam virtutis provexit maturitatem, ut res omnibus, qui ante hac Curix mores noverant, summæ esset admirationi.

Hæc virtutum indole, collectaque ex ea apud Regnum & Proceres famâ & reverentiâ, ad vitæ metam, non ætate gravior quam meritis tandem accessit. Jam per assiduos pro DEO & animarum salute susceptos labores fractus planè viribus erat, jam macerandæ car-

nis ac spiritus domandi curâ per afflictiones immodicas, modicissimi; & incommodi formni, ad nihilum propè senilia membra rede-gerat; cùm in febrem incidit lentam & diuturnam, quâ debilitatos jam per se satis artus adeo extenuavit, ut mera nervorum ossiumque compages tenui inductâ cute videretur. Nunquam tamen toto illo valetudinis tempore, qui annum excessit, persuaderi passus est sibi, ut voluntariæ vexationis, pœnarumque usum aliquâ indulgentiâ temperaret, vel saltè depositis corpore vestibus quietem nocturnam caperet. Medicos morbi & cruciatuum confcios, invicta Viri patientiâ in summam admirationem rapiebat; sed hos illi cœlestium dulcedinum abundantia, & pietatis liquidissimæ copia penitus hebetabat, ut insensibilis appareret. Svavissima cum DEO colloquia assidue miscbat, neque parcebat gemitibus & lacrymis, quibus lacebatur beatam æternitatem, & moram omnem terrenæ habitationis deplorabat, illis identidem Prophetæ usus verbis: *hei mihi, quia incolatus meus prolongatus est!* Sæpe IGNATIUM, optatissimum vitæ Socium, ac verissimum parentem suum implorabat apud DEUM intercessorem: dum tandem ad expectatum obitûs imminentis nuncium, velut reviviscere gaudio visus est, eaq; frontis fiduciâ, quâ ceteri recuperatam sibi valetudinem gratulantur, ipse nuncium desperatæ vitæ accipere. Sed comperto, superfuturam adhuc vitam ad recrescentem usque lunam, licet proximè hæc abesset, inexplicabili tamen dolore dictum accepit, sublatique in cœlum amarâ quadam dulcedine oculis, *itane verò, inquit, Domine mecum agitur? tamdiu quæsitissimo conspectu tuo carendum mihi est? veni age Domine, veni DEUS animæ meæ, neque cunctare diutius!* Tum domesticos omnes rogavit, nè ultimis his diebus se inviserent, sed solum cum DEO agere paterentur: quorum diu nocturne vix ullum momentum elabi permisit vacuum svavissimis alloquijs, quasi nullo dolorum sensu tangeretur. Atque inter hæc præsumptio cœlesti viatico, sacroque inunctus oleo animam exhalavit 15. Julij Anno 1579. iustaque illi celebrata tanquam publico parenti publico luctu, magnâ hominum ac præcipue Procerum utriusque Ordinis frequentia. Eo ipso noctis intempestæ puncto, quo spiritum DEO reddidit, vir quidam gravis in Urbe ac pius, inscius quid domi nostræ ageretur, conspexit lucidissimum radium illi imminere, ex cuius aspectu sensit in animo liquidissimam excita-



ri voluptatem. Manè primo ad Ædem nostram, scitatum ex Patribus interpretamentum inexplorata rei, accurrens; cum & momentū visi splendoris, & locum tecti, cui imminere, lumen apparuerat, designasset, utrumque cum decessionis hora, & situ cubiculi morientis Simonis congruere deprehensum est; ut dubitari non posset, quin illustre prodigium argumento esset gloriæ, quam præclarus ille animus in cælo fortiretur.

Plura ejusmodi supra naturam mira de Simone pervulgata sunt, atque inprimis vaticinio ab ipso prædicta; quæ uti prænunciata sunt, tandem evenere. In Lusitaniæ oppido non incelebri, cui nomen à Comite, Vir gravis Dionysius Pintus, causisque orphanorum cū arbitrio & potestate judicandis Præfectus, persanctè testatus est, tria sibi à Rodericio quondam diserte prænunciata fuisse: quæ cum nullam sui tunc spem specièmvè præberent, omnia tamen non sine admiratione evenerint. 1. Sibi Conimbricæ Theologiæ, Sacerdotij recipiendi causâ, vacanti, apertè præcnuisse, nè se falso deluderet, nunquam enim Ecclesiastico Ordini sese dicaturum. 2. Fore, ut non multò post in oppido Comitum (cujus ipse neque natus erat, neque futurum se aliquando incolam præcogitabat) domum sibi à fundamentis extrueret, in qua vitam cum uxore & liberis honestè transigeret. 3. Eadem in domo se illum opportunè visurum, summâque utriusque animi voluptate, conventurum. Addebat, duo priora tempestivè successum habuisse: postremi, cum à prædictione multum jam ævi excessisset, non modò spem sibi omnem, sed etiam memoriæ, præsertim in Italia & Hispania longè agente Simone, ita excidisse, ut hujus eventus mora, duobus alijs apud se fidem, tanquam fortuito ita evenientibus, abrogaret. Cum 30. post annis, nec opinatò insperatòque apparentem, ea ipsa in domo repente in conspectu suo stetisse, vix ut oculis suis, quod viderent, crederet satis. Aliquando per Urbem inambulanti primaria è Nobilitate puerulus fortè occurrit, quem ille Socijs comitantibus designans, *is quidem*, ait, *Societati nomen dabit; scitote nihilominus eundem gravissima illi turba mentis publicæ quietis consciturum.* Ingressus Societatem aliquot post annis adolescens, annis plus quàm 30. laudatam in ea vitam egit; cum 40. à prædictione anno, sæda tandem ab illo erupit in Societatem tempestas, & verbis, & scriptis infamibus ab eo conflata, quæ nonnisi illius ab Societate expulsionem, dela-

tionem ad Inquisitionis Quæsitores nominis, publicæq; ab Judice pronuntiatione sententiæ diffusi potuit. Supremis jam vitæ annis rogatus Simon à ternis Novitijs, ad peregrinationis experimentum pro Societatis morè discessuris, ut eis bene precaretur; duorum ex illis ab Societate defectionem, & tertij constantiam non falsus Vates præmonstravit. Plurimis etiam mentis illustrationibus sub vario schemate, modò florecentis una ex parte, ex alia verò silvescentis vineæ; modò arboris proceræ & pulcherrimæ, cujus ramis vitis fecundissima racemos suos implicaret, docebatur præsentem Ecclesiæ statum, & Societatis profectum: nec minùs inter recitandum Sacerdotale officium abundantibus spontè lacrymis, per altum mentis excessum alienabatur à sensibus, ut interfistere diu cogeretur, donec illa cœlestium deliciarum quasi alluvio deflueret. Aliquando inter recitandum ea Psalmi verba, *adstitit Regina à dextris tuis in vestitu deaurato, &c.* repente per quandam extasim in ipsam Reginæ Virginum pulchritudinem videndam raptus, molem membrorum animo sublevante, pectorisque incendio vultum inflammante, erectis in cælum oculis, in sublime subductus est à terra.


Neque donum curationis & sanitatum illi defuit in vita, & post mortem, qui tot animarum millibus salutem procuravit. Unum duntaxat à morte gestum pertexam. Vitus Linerus Societatis Sacerdos, erat è Provincia Superioris Germaniæ, qui veniâ Superiorum peregrinatus ad S. Jacobi sepulchrum in Hispanias, cum Olyssiponem venisset, baculum, quo Rodericius ad missiones Evangelicas uti, & postmodum senilem gressum fulcire solebat, impetravit. Ventum est ad Lavarem oppidum ad Vaccæ fluminis ostia (Averum Indigenæ dicunt) conductumque in eo diversorium, in quo puer jacebat ex ægritudine lethali à Medicis & Parentibus planè depositus. Hic ubi Vitum; inque ejus manu baculum conspexit, oculis, nutu, voce, totiusque corporis gestu, ac porrectis extra cubile brachijs, dari actutum sibi ad manus scipionem flagitavit: quem Vito promptè tradente, atque ad spem pueri incendendam affirmante, usui quondam illum fuisse Viro sancto; puer avidissimè correptum novo ardore complecti, osculari, atque ad pectus & vultum applicandi finem nullum facere. Res non visu magis quàm auditu mirabilis. Ad baculi contactum puer, qui tum cum accepit, propè animam agebat, momento velut revixit, atque in integrum



grum valetudinis restitutus cunctis cernentibus, ac præ rei novitate in stuporem actis, lecto se proripuit, cœpitque per cubiculum pedibus subilire, perinde quasi nullo unquam morbo tactus esset. Igitur baculum tanti instrumentum prodigij noluit in futurum Vitæ usui cuiquam, sed omnibus religioni esse, re-

verentérque ab humeris suspensum in Germaniam detulit; multaque alia in tam longo itinere divinitus sibi collata beneficia, tam fido comiti accepta retulit: prodigij autem gesti legitimum documentum idoneis testibus, solennique cetero juris apparatu, ac publici Notarij auctoritate confectum est.

*Ex Historia Societatis & Lusitania P. Balthasaris Tellez, & Tomo 5. Hispanico de Viris Illustribus P. Alphonsi de Andrade.*



*P. Petrus Mascarenia, e prima Regni Nobilitate Lusitanus; cum alijs e Societate 17. navabat insigni contagiosis per Lusitaniam operâ, compendiosâ morte Vitam æternam lucratus. Ulyssipone Æ. 1579. 20. Septembris*  
*J. G. Fleischer. del. 33. G. C. Pastor. sc.*

## P. PETRUS MASCARENIA cum Socijs 17.



Arò contingit magnum infortunium esse solitarium; sed veluti catena malorum invicem trahentium annulis contexta, morò unò, reliquos

pariter excitat ad sequendum. Ceciderat in fausto prælio contra Barbaros in Africa cum Nobilitatis flore, Sebastianus Lusitaniæ Rex; improlis, & Regiæ stirpis postremus, in Patrum Henricum Cardinalem devoluto Regno; cum



cum anno mox insequenti 1579. atrox coorta pestilentia graviter Lusitaniam biennio ita afflixit; ut in plures deinceps annos, velut à cineribus reviviscens, extingvi penitus haud potuerit. Primus in certamen contra hostem, à cervicibus Civium Ulyssiponensium depellendum, profiliit P. Petrus Mascarenia, Lusitanus & ipse, atque è prima Regni Nobilitate; Societatem ingressus Anno 1559. 6. Sept: suo exemplo tres in eandem suos Fratres post se pertraxit, Franciscum immaturâ morte juvenem sublatum, Antonium, & Nunnium, præter alios in Provincia Magistratus, Assistentium Romæ pariter perfunctos muneribus. Quintus item Frater Martinus Algarbiorum, Episcopus, & supremus Inquisitor, Societatem suo semper præsidio fovit, & doctissimo de Divina gratia & auxilijs commentario protegit. Petrus autem, cum esset apprimè temperatis moribus, ingenio facili, mirabili comitate, mirificè amores omnium domi & foris sibi conciliabat, etiam in Materiam Insulam missus, ut eam consvetis Societatis munij excoleret. Verùm domesticis in patria laboribus zelo suo, & ardentissimæ adversorum & miseriarum sibi minimè satisfaciens, Missionem in Africam, ubi Mauros pareret Ecclesiæ, magnâ contentione flagitavit: jamque illi Algerium decretum erat, neque mora trajiciendi alia, quàm dum in eam provinciam necessaria compararet: cum interim Ulyssiponem acerba pestis incessit. Hic ipse, ut erat in omnem præclare agendi occasionem intentus, non censuit in Africa sibi, quod domi hærebat in manibus, esse quærendum. Itaque primus Sociorum se Moderatoribus exhibuit, qui lue tactorum obsequio, ab aliorum confortio segregatus, exponeretur. Ibi quàm multa digna suo spiritu, digna DEO, bi-mestri spatio præstiterit, incredibile dictu est: nam & domum salutis (ita nosodochium contagiosorum vocabant) perlustrabat dies noctesque: scrutabatur Oliveta latè circum Urbem arboribus consita, quibus advoluta passim reperiabantur opis egea ægra corpora, partim ab habitaculis metu contagij ejecta, partim improvisâ ulceris violentiâ, prout vis mali repente quem opprefferat, humi prostrata. Quoque fœdior illuvie quisque, aut aspectu tetrior erat, eò familiarius ipse assidere, solari, in hospitium commune, si posset, deducere, in spem & desiderium æternorum excitare. Admirationi fuit non tantum Civitati & Aulæ, sed ipsi Regi Cardinali Henrico ejus animi firmitudo in ea adeunda pro-

*Societas Europæa.*

curatione, constantia in prosequenda: quem ubi oneri laborique fractum succubuisse intellexit, eo ipso die Ulyssiponem suam amisisse præsidium edixit. Ad extremum, quando jam lue conceptâ propè novissimos reciprocabat anhelitus, rogatus ab adolescente Nobili Mauro, ex Regno Maroco Lerisij agnato; ut sese, quem antea jam Catechismo Fidei Christianæ paraverat, undâ saluari ante mortem ablueret: incredibili delibutus gaudio, semianimis, ut erat sui negligens, totas illas, quæ reliquæ adhuc erant connisus in vires, juvenem baptismo expiavit, & cælo confestim ante se transcripsit; neque longo intervallo secutus, die 20. Sept: è vita decessit. Ex socijs in sancto opere illi additis, P. Ferdinandus de Brado, Lusitanus Bracarensis, Vir salutis animarum cupidissimus, in eodem certamine vitam pariter honestissimè amisit ad diem 21. Augusti, anno ætatis 57. initæ Societatis 30.

Quia verò neque hyeme interrupta contagio labores Socijs in annum etiam sequentem 1580. continuavit; novem ex ijs, Ulyssipone duntaxat, gloriosâ morte decerpti sunt. Antonius de Abreo, ad diem 16. Januarij; Alexander Cæthus, ex oppido Arragolio, quæ sibi DEUS à prima infantia mirabilibus modis ad hanc gloriam servasse visus est. Patrio enim in vico mulier honesta molossum conspicata, grandius aliquid fascijs involutum faucibus portantem, abegit, prædam eripuit, & infantem ægrè jam ducentem animam deprehendit, quem ad baptismum illicò delatum educavit pro suo. Aliquantò post ahenobullientis aquæ tantum non exustus est. Adolescentens stipendia fecit militiæ per Evropam, & ad Echinadas in Turcas pugnavit: ubi puellæ pudicitiam à Commilitonum vitio, datis suis armis, redemit: cumque alijs comparandis sumptus non adesset, relictâ militiâ domum reversus, Societati nomen dedit; inque ea multis stipendijs & probatissimis moribus conspicuus, gloriosè cecidit 27. Febr: Secundum hunc ad 30. Martij occubuit P. Petrus Correa: & mox ad 3. April: Andreas Annes, Coadjutor: cujus egregia virtus quanto fuerit dæmonibus odio, inde constitit, quod eum multis diu dirisque vexavere modis, feriendo, tundendo, sæpe in aëra sublimem jactando, quanquam virib, & vastâ corporis mole prævalidum; ut prono lapsu affligeretur ad solū. Ipse principio hisce turbari intemperijs, & velut alienatâ mente incedere: sed à Rectore Leone Henrico confirmatus, & hostem do-



ctus contemnere, atque oratione abigere: uti antea semper in luctu & tot lapsibus indemnis absque noxa evaserat; ita deinceps omni fuit instantium spirituum molestia planè liber. Accidit aliquando, ut vinum ex officio in cella de vase prominentem, impacto colapho dæmon prosterneret; cùmque Socij moram ipsius mirantes descendissent, ipsum quidem humi collapsum; sed vinum, quamvis epistomio extracto, constituisseprehenderunt, simul atque cantharus, quem ille foramini supposuerat, impletus fuisset. Eodem Aprili excessit P. Ludovicus Henricus, Hispanus, natalium & virtutum splendore illustris. Annum agebat vitæ 40. tria in Societate vota solennia professus, & toto semestri in contagiosorum obsequijs indemnis: haud alio utabatur antidoto, quàm aquæ lustralis aspersu, quam secum ubique gestabat in ampulla. Tandem autem contagione afflatus; cùm vespere, quia nullum in proximo insitare videbatur periculum, solus esset relictus, manè mortuus repertus est; Crucifixum è vicino correptum, arcto stringens complexu. Denique mense Majo, sed æquè nullius comperto die extincti fuere P. Michaël Vaz, P. Laurentius Fonseca, P. Balthasar Esteves, & Ruizius Gomez.

Sed & Eboræ hoc anno sæviens pestilentia, ausos se ad salutem proximi in murum opponere athletas, glorioso prostravit casu: primum quidem ineunte Junio, Martinum Alvarez, magnæ expectationis, & in virtute profectus adolescentem, septimo vitæ Religiosæ anno. Quem ejusdem mensis die 7. consecutus est P. Franciscus Rodriquez, Ulyssiponen-sis. Et iterum ad diem 17. P. Gaspar Rodriquez, Eborensis; qui duo millenos ægros suâ curâ in suburbano Lazareto complexi, præclara edidère facinora, donec triumphabundi concidère. At è selectis ad suppetias intrâ Urbem prostratis ferendas, Augusto mense

desideratus est P. Laurentius Frestas Ulyssiponen-sis, qui post latinæ literas annis 7. Philosophiam 8. doctas, Ecclesiastæ & Theologiæ moralis cathedrâ, magna cum laude fructuq; tum potiebatur: sed advertens miseros ferè omnes à suis desertos Pastoribus prosterni turmatim, & in expiatis exhalare animas, salute suâ pro communi neglectâ, omnium ferè unus obibat partes: ipse corrogare sub portis & fenestris distribuenda in pauperes; idem delata dividere, infantibus & pupillis sedulo receptum prospicere; idem animas & corpora remedijs omnibus curare, extincta verò tumultis condere, operâ, alloquio, solatio omnibus præsto esse: meritis ut tantâ ejus charitate in stuporem adducta Civitas, funus ejus luctu propè publico grata decoraret. Nec inferiora Conimbricæ per idem tempus in sævi-entem mortalitatem egere Socij, ubi è duobus in publico extra muros nosocomio magnâ voluntate deservientibus, unus consumptus est 2. Aug. P. Antonius Mendez Lusitanus Eborensis, ætatis anno 34. Societatis 19. Cùm verò neque tertio anno 1581. contagio plenè resedisset per Lusitaniam, & Porti etiânum supra septem hominum millia octo mensem spatio messuisset: in his etiam Sacerdotes è nostris duos, qui suum studium affectorum animis corporibûsque juvandis dicaverant, abstulit. P. Joannem de Costa 15. Aprilis, & P. Joannem Perez 31. Maij: reliquis in vita, DEI benignitate servatis. Eos aliquando cùm inter langventium turmas laboriosè discurrentes vidisset Urbis Tribunus, cùm reliquos ferè Sacerdotum ab Urbe expulisset contagij metus, ad Cives conversus, en, inquit, *ij, quibus in recipiendis ad Urbem tam difficiles sese majores nostri præbuerunt; ecquod aliud haberetis nunc in extrema miseria perfigium?*

*Ex Victimis Charitatis P. Alegambe, & Anno Dierum memorabilium P. Joannis Nadaſi.*

## P. RODERICUS GONZALEZ.



**V**T incomprehensibilia DEI judicia cum Apostolo gentium admiremur, & investigabiles ejus vias, quibus Electos suos ad salutem deducit, veneremur; tradendo eos quandoque exercendos dæmonum potestati: juvat hîc referre id, quod cum P. Roderico gestum est. Fuit is ortu Hispanus, ex Diœcesi Palentina, jamque altiorum discipli-

narum Licentiat, & in Universitate Complutensi trium linguarum Professor, & Orator insignis, Societatem ibidem complexus est. Eandem Rhetoricæ facultatem deinde publicè Madriti professus, constantem simul operam navabat habendis ad populum concionibus, magno animarum, quas è cæno vitiorum extrahebat, proventu: unâque assiduus erat in audiendis confessionibus, unde illi occasio conscitæ à dæmone mortis. Accesserat





*P. Rodericus González Soc. Iesu, Hispanus, ardens  
Ecclesiastes, et magicarum præcipue artium felix  
extirpator: Dæmonis idcirco odio sibi conscito, dire  
confractis membris et costis prope ad mortem cam  
press, obiit Madriti 12. Junij 1580.*

34.

rat illum, pœnitentiæ causâ, mulier malefica, quæ præstigijs suis ingentia damna Regiæ, Aulicis inferebat: huic Pater cum à tantis sceleribus absolutionis gratiam conferre sanctâ obstinatione abnueret, nisi nuncio malis artibus seriò remisso, magica simul amuleta & instrumenta omnia abdicaret. Et fuit potens adeò Patris persuasio, ut dæmonis commercij ex animo pertæsa, universa quæ illius usû magisterio domi habebat, in manus Patri traderet. Deliberaverat primùm hic flammis ultatricibus omnia abolere; at postmodum ratus, pejus dæmoni horum auctori se facturû, si ejus spurcicias inter sordes in locum imundissimum abjiceret, in Collegij latinam præcipitavit. Videbatur eo contemptu, totque simul animabus è suis ungvibus operâ Patris

*Societas Europæa.*

ereptis, dæmon in furias actus; prout ex eventu, quo animam ipsi elisit, luculenter patuit. Die ascendenti in cœlum CHRISTO Domino sacrâ, quæ erat 13. Maij, A. 1580. dixerat pro concione in Angelorû apud Sanctimoniales Parthenone, fervore & spiritu præter morem ad summum animorum motum incenso, quasi præfagiens dictionem illam postremam fore: domumque circa meridiem redux, permittente ita ad patientiam servi sui coronandam Domino, à dæmone eo ipso loco, quo magicas ejus artes demerferat, furiosè arreptus, & duas inter tabulas veluti prælo inclusus, tantâque immanitate confectus est; ut corpore toto gravissimè attrito ipsas costas distringeret, solo ex membris omnibus capite indemni relicto. In ea tortu-

Y 2

ra



tura gementem fortuito unus domesticorum transiens audivit, secutusque anhelantis vocem,prehendit ipsum inter eas tabulas penitus contritum & quassatum: quem, plures domestici in auxilium evocati, inde semianimum sublatum, lectulo reposuere.

Deprehensa tunc in contracto corpore, sunt ingentia vulnera, ossaque omnia concussa, è quibus immanes cruciatus toto mense, sustinuit, invicta semper patientia, & cum voluntate DEI conformitate, cui nunquam desinebat gratias pro beneficio tam præclaræ mortis sibi indultæ referre, qualis erat nex à capitali omnis boni hoste, odio aboliti maleficii, crudelissimè illata; pro qua certam à DEO mercedem sperabat. Munitus ad optatam æternitatem omnibus Sacramentis, magnâ quiete & animi pace decessit 12. Junij,

*Ex Nierembergio Tomo 4. Hispanico de Viris Illustribus.*

## P. ADRIANUS ADRIANI.



Eligiosissimus Vir Pater Adrianus, natione Belgæ, Patriâ Antverpiensis fuit, mentis puritate, candore ingenij, prudenti simplicitate, & nullo prorsus in tot dotibus supercilio, spectabilis. Ad Societatem se adjunxit Lovanij anno 1544. ubi nostrorum deinceps curam per multos annos, licet nullum tum adhuc Collegium, aut reditus ibi haberet Societas, gessit in summa paupertate, alimentis corrogato undique conquisitis eisdem, dum studia prosequuntur, sustentans. Calumnijs non semel acerbissimis impetitus, quin & carceres perpeffus, tantâ animi constantiâ simul & moderatione, ut & æmulos Academicos puduerit detectâ falsitate criminationis: quorum nullus auctor injuriæ videri volebat; & ipse nihilominus tanquam offenderet, veniam facti demissè petierit. Ex eo tempore, præter insignem patientiæ coronâ, quam Adriano DEUS in cælo texuit, auctus deinceps confitentium est apud Patres numerus mirum in modum; sic, ut rogatu Parochi in Æde S. Petri, totius Urbis Principe, obire Sacerdotalia munera cœperint. Aucta quoque Societas ipsa multis ac præclaris adolescentium ingenijs, aucta amicorum studijs & benevolentia; longèque plura ac majora paucos intra dies collata sunt Socijs beneficia, quàm multis annis antè in ea Urbe meminerint. Fuit tum primum Vir ornatissimus quidam & opibus florens, qui invitato ad epulas cum Viris

anno 1580. cum annos in Societate vixisset tantum 12. Ejus meritis pia fide attribuit Collegium Madritense, quod ab ejus inde obitu nullas mali genij, spectrorum, aut maleficiorum patiatur infestationes, prout aliàs sæpius experiebatur; adstringente nimirum Domino vim dæmonis, ne illam perindè ac alibi in DEI servos exerere possit. Et quidem hoc ipsum falsus est (si quæ tamen fides tam mendaci Genio haberi potest) uni Sociorum dæmon, quem in alijs Collegijs pessimè multis verberibus & illusionibus accipere solitus, Madriti tunc habitantem, extra Collegium præstolabatur, ut malè tractaret, dicens, non licere sibi intra eam domum quidquam noxæ alicui inferre, ex quo in ejus Templo ante annos 50. sepultus est Sacerdos, capitalis ipsorum hostis, qui erat P. Rodericus.

honestissimis Adriano, secundum eas oratione ad ipsū conversâ, nostine, inquit, Adriane, cur ego ad has te epulas invitârim? nullam certè aliâ ob causam, nisi quia me magnopere delectavit egregia tam in rebus asperis patientia: ea me planè cœpit, si verum quæris, & in mea sententia voluntatèque, de Collegij vestri fundandis rebus atque fortunis maximè confirmavit: idque iterum tibi spondeo atque polliceor, quod & ad IGNATIUM vestrum meo nomine scribas censeo. A nuncupata votorum quatuor professione, cum totum se alienæ salutis promovendæ dedisset, tantam DEUS vim facultatèque illi impertivit; ut sive concionaretur, secundissimis audiretur aurbus; sive privatim ageret, omnem confitentium celebritatem atque frequentiam ad se raperet: neque ullus ferè ad eum accederet cõsiliij causâ, quin novo gaudio cumulatus, animoque tranquilliore discederet. Placuit verò Numini famuli sui fidelem operam, miris etiam eventibus decorare, & potestate in dæmones & spectra exornare: à quibus molestas infestationes passi, dum ad illum recurrebant, semel oblato per ipsum Sacrificio in perpetuum liberabantur. Illud etiam memorabile illi evenit; cum in audiendis potissimum confessionibus mirâ clareret laude prudentiæ & pietatis, sic ut quamplurimos ad perfectioris vitæ studia incenderet; in eo autem tam sancto opere cingulum, quo sustinebantur intestina propter herniam, ex qua laborabat, impedimento ipsi esset, illud abjecit, dicens: sibi





P. Adrianus Adriani, Soc: Iesu, Belga Antverpiensis; magnæ in persecutionib; et carcerib; in cura Animarum toleratis, patientiæ: ac in depellendis Spectris et Dæmonib; efficaciam. Obijt Lovani Anno 1580. 18. Octobris.

35.

sibi ægrotandi tempus non suppetere. Mirum dictu! declaraturus DEUS quàm accepta sibi foret Patris indefessa in adjuvandis peccatoribus industria, eodem illum momento malo omni hermiæ expedit, & recentibus spontè visceribus pellicula firmiter coalu-

*Ex Historia Societatis, & Bibliotheca Alegambe.*

ir. Ità post multa per Belgium præclarè constantérque gesta, sanctâ demum mortè vitam finivit Lovani 18. Octobris, A. 1580. totius Academia Lovaniensis luctu & humeris elatus.

## P. ANATOLIUS REGINALDUS

cum Socijs 27.



Gravis DEI manus in Galliam extenta anno 1580. immisam Parisios primùm pestem, in alias deinde per aliquot consequenter annos Regni partes propagari passa

est, magnâ incolarum strage, amissis pariter ex eorum numero, qui suppetias lue laborantibus advenerant, Socijs 27. Ut primùm Parisijs cœpit ingravescere; Rector Collegij subsidariam Magistratibus, ad obveniendum tantæ calamitati, suam suorumque detulit operam.

Y 3

lli





P. Anatolius Reginaldus, et alij 27. Socj, charitate proximi inflammati, contagione per Galliam grassante, vitæ propriæ impendio, salutem miserorum per omne genus obsequij redimere laborarunt ab Anno 1580 usq; ad 85.

illi verò inusitati hoc, & eatenus non visi generis officij demirari, tum laudare & gratum habere. Quod ubi Rector domi promulgavit, & si qui ad tam sanctum opus divino spiritu se impelli sentirent, nomina sua profiteri jussit. Mirum dictu! nullus omnium è quinquaginta & pluribus fuit, qui non pestilentem provinciam avidius, quàm plerique mortales splendidam & quætuosam conditionem, exambiret. Ex eo numero delectis 12. sex jussit Rector domi subsistere, qui succubituris in certamen succederent; sex reliquos ipse primus in aciem duxit: tantâ populi gratulatione ac plausu, ut ubi quisque eorum appareret in publico, unâ cum eo salus advenire videretur. Prius tamen Rector coram Senatu Regio, beneficijs omnino omni-

bus, eleemosynis, legatis, quæ fortè per id obsequij tempus Societati obvenirent, ultro cessit; professus se nihil talium, nè si cogere-  
tur quidem, admissurum. Ubi verò reipsâ multiplici intentos labori diu noctuque supra vires humanas cõniti videre; tum verò universi illis benedicere, ad reficiendas vires domos, cibum, omnia libentissimis animis offerre; ijs liberos suos, quibus bene precarentur, mittere, vestes ipsas ex pietate contingere, singuli vitam longævam & vires apprecari. Nunc demum Parisijs fieri perspectum, quid Societas foret; hæc unâ fortè charitate refelli omnes adversariorum oppugnationes & insectationes. Perstringebantur nimirum omnium oculi, tot tamque varijs in miseros officijs, his allocutione solandis, illis per Sacramenta robo-



roborandis, curandâ alijs sepulturâ, hospitio, strato, visendis & refocillandis, qui passim lethiferis faucij ulceribus jacebant: cum paulò antè vidissent totas sterni familias; nec tamen adfuisse aliquem solandis expiandisque, etiam imploratum; inhumata jacere cadavera extra Urbem, quæ & canes lacerarent. Ex horum autem numero nunquam senis pauciorum, tres defecere Sacerdotes: P. Anatolius Reginaldus mox ineunte Augusto, Vir, testimonio sui Provincialis Claudij Matthæi, planè sanctus, à triennio illius Collegij Minister; ejus lenitatis, modestiæ, tranquillitatis, ut nunquam in moroso illo munere commotiore observatus sit animo, neque cuique molestiam aspersisse. E demortui corpore tam svaavis afflatus est, magnâ omnium admiratione, odor; ut planè cognosceres vitam ejus, orbitamque tam sancto in opere mortem, acceptam fuisse in odorem svaivitatis. Porro svaavis ea fragrantia eò majorem fecit mirationem, quò celerius, fœdiusque pestilentium corpora naturaliter computrescere constat. Huic in viam æternitatis comes accessit P. Emondus Orangius. Ac subinde ad 10. Sept: P. Franciscus Bilques, eò gravior cælo, quòd generosæ charitatis imperu summis precibus hanc spartam competitoribus tor præreptam, exoravit.

Anno deinde 1582. Cum Biturigibus idem malum sæviret atrocius, & è Nostris in Sacramentorum, infectis perinde ac sanis, administratione afflati quinque jam decessissent P. Claudius Vialon, & Desiderius Ricardus, & Isaac Torquoy, ignoto omnes die: Mauritius verò Cincus die 23. Augusti, Cosmas Andromantius 5. Septembris, & P. Joannes Arnoldus 8. Sept:; eorum morte commoti Urbis Præsides, negarunt velle se tum quidem ultra Nostrorum uti operâ, quippe quam ad majora tempora reservarent. Hanc eandem charitatem cum in quandam Religiosorum Domum infectam nostri exhibuissent, per mortus est unus ex ijs Sacerdos, ut suam etiam ipse operam affectis juvandis cum nostro Patre consecraret. Expositus enim nihilominus foris manebat unus Sacerdotum cum Fratre (cujus nomen quinque prioribus accensuimus, ignari quodnam determinatè illius sit) ad pestiferorum obsequia segregatus P. Franciscus Folinæus, & ipse perinde beatâ morte, incerto, ut plerique alij, die extinctus.

*Ex Victimis Charitatis P. Alegambe.*

Sed & Parisijs, cum ob pertinaciter etiamnũ anno 1584. hærentem contagionem, dissipatum esset Gymnasium; & nonnulli tamen Nostrorum ad ægrorum relictæ auxilium; Claudius Coissat, Coadjutor temporalis, ut quempiam domesticorum afflasset lues, suam illi Moderatorum licentiâ præstabat operam; ex qua ad diem 7. Octobr: animam gloriosè edidit: & antè illum ex simili ibidem charitate, in pestiferi servitio, Joannes Lux Scholasticus 19. Augusti, 1583. Burdegalam indè propagata lues, supra viginti civium millia anno 1585. & è nostris quatuor extinxit, usibus miserorum cum alijs aliquot superstitiibus, destinatos; tam utiliter & opportunè: ut Burdegala à pastoribus suis, aliisque subsidijs derelicta, testata sit, se tam opportunum in tanto animarum discrimine auxilium nunquam expertam esse; & plures ex heterodoxis, qui & ipsi charitatis hujus fuere admiratores & præcones, exempli vi permoti, veritatem Catholicam receperunt. Quatuor mortis victores (nam reliquos in Collegio extra charitatis officia eodem veneno sublato, nolim his accenseri) è campo ad triumphum abiere, mensibus Augusto & Septembri, sed diebus incomptis: P. Oliverius Honore, quem ex zelo & fructibus Apostolicis apud Xantones relatis, Xantonum vocabant Apostolum; P. Stephanus Lamardai; Honoratus Oliverius, Scholasticus; & Fr. Stephanus Basè. Tandem Mussipontum delata eodem anno mortalitas, tantâ simul inopiâ plebem oppressit, ut ei non minùs à fame, quàm à pestilentia exitium timendum esset. Nostris ad malum utrumque propulsandum, distributi, tenuissimi cujusque casus obeundo, pane & vino quantum sat esset (quòd miseris ad ditiorum fores mendicaturis, contagionis metu, non daretur accessus) omnibus è corrogato & proprio subveniebant, incredibili totius Urbis commendatione. Sustulit ex his misericordiæ utriusque Viris lues 11. partim Sacerdotes, partim Sacerdotij expertes (quorum tamen obitus dies, unum si excipias, in Annalibus non sunt adscripti) Joannem Bernardum 15. Julij; P. Joannem Roulet; P. Petrum Fitandum; P. Joannem Blondel; Guilielmum Pastor; Gilbertum Lanoij; Joannem Pellison; Philippum Dagnæum; Antonium du Pont; Damianum Grammaire; Bartholomæum Raphaël.

P. JOAN-





Abpoot

P. Joannes Maldonatus S. I. Hisp. magnus animarum  
Zelator, expugnator hæresum, Scriptor Orbi notis-  
simus: primus e Societate Parisijs publicus Theolo-  
giae Professor. Extinctus Romæ Anno 1583. Etatis 50.  
Die 6. Jan: 37.

## P. JOANNES MALDONATUS.



**P**ater Joannes Maldo-  
natus, natione Hispanus,  
natus genere Nobili, eâ Re-  
gni parte, quæ in Provincia  
Extremadura, dicitur Magi-  
stratus S. Jacobi; in Ædibus  
Reginæ; oppido, vulgò *las Casas de la Reyna*,  
appellato, anno 1534. Primam ætatem in  
Academia Salmanticensi egit, celeberrimis  
usus Præceptoribus, Dominico Soto, & Fran-  
cisco Toletò, postea S. R. Ecclesiæ Cardinali.  
Professus & ipse aliquamdiu est Philosophiam  
& Theologiam, literasque Græcas; donec ibi-  
dem in Societatem receptus, ac Romam ad  
tyrocinium subeundum transmissus est anno

1562. ubi etiam anno sequenti Sacerdotium  
suscepit. Indè dum Collegij Societatis Pa-  
risijs Scholæ primùm aperirentur, singulari  
DEI consilio & instinctu illuc ire jussus anno  
1563. superstite etiam tum Calvino; ut ma-  
gnis eloquentiæ, ingenij, doctrinæ viribus,  
exultantem, & quasi triumphantem Calvi-  
nismum, paucis adhuc resistentibus, reprime-  
ret. Igitur primus ille Sociorum ex illa cele-  
bris Academiæ Parisiensis specula bellicum  
cecinit, in campum descendit, manum cum  
hoste conseruit, & Philosophiam primùm, ac  
deinde totos 10. annos Theologiam profes-  
sus est, magnâ celebritate, & incredibili Au-  
ditorum concursu ac fructu: ut vox illius ex  
celebri



celebri illo theatro per universam Galliam quam latissimè exaudiretur: & vix doctus esset quispiam Episcopus, Abbas, Concionator, Parochus, qui non ad ejus scholam frequentaret: nã ipsi quidem Calvinistæ, eorūque Ministri, ipsius prælectionibus abstinerent. Duabus quotidie tribusve horis antè, subsellia certatim implebant, quàm Scholam ille ingrederetur, nè multitudine excluderentur. Sæpe in aperto (quod de nullo alio facile legitur) atque adeò in vijs publicis docere coactus est, ob copiam Auditorum, quos nullæ exedræ capiebant, frementibus hæreticis, obstupescuntibus Catholicis. Interea, apud Pictavos à 30. annis seminata à Calvinistis zizania fidelium semina propè suffocaverant; ut tandem hostes oram illam, cum vicino Sanctonum agro, aptissimam judicarent, ubi arcem & Regiam impietatis suæ statuerent. At Carolus IX. Rex post perduellium conatus, geminâ victoriâ anno 1569. fractos, (quia nequicquam expugnantur armis corpora, nisi exterminetur hæresis è mentibus) cum suorum Concionatorum primario id negotij dedisset, ut adversus corruptas opiniones tela Divini verbi capefferet: videns populos & animo & auribus ab eo aversos; ad Societatis experta auxilia cum Cardinali Lotharingo se convertit, quorum postulatu Maldonatus cum 9. Socijs Pictavium venit anno 1570. ac reliquis per diversa Pictavorum oppida distributis, ipse cum duobus Pictavium ipsum excolendum assumpsit. Horum duo P. Carolus Sagerius, & P. Petrus Loierius, in duobus primis Templis quotidie antè postque meridiem concionibus & catechesi dabant operam; Maldonatus binas in die disputationes sumpsit, quibus locum ad docendum consulto profanum delegit, quod nôrat hæreticorum deterrimos jurasse, nunquam se limen Catholici Templi intraturos. Itaque in Scholis disputare manè & à meridie de Ecclesia latinè in Academia cœpit, idque argumentum ita tractavit; ut multos, multorum annorum spatio hæresi infixos, vehementer coccussit: quos deinde, adjectis de SS. Evcharistia contra impietatem Calvini disputationibus, ad Fidem Catholicam planè retraxit. Ubi verò satis animos Auditorum conciliatos advertit, ad suggestum in maximo Templo ferijs Quadragesimæ sanctioribus transiens, dicere de Pœnitentia, deque convenienti ad suscipiendum Domini Corpus præparatione, cœpit. Quæ res ita Hugonottarum juratos non absterruit, ut primi ipsi properarent in Tem-

*Societas Europæa.*

plum, & Orthodoxis loca præriperent. Idemque, & quotquot inter Hugonottas gravitate præstabant, suâque auctoritate in hæresi reliquos continebant, sævitate Maldonati citra ullos aculeos differentis capti, eidem catechesim in Collegio Picarræo florentissimo, majorem partem Calvinistis frequentato, explicanti, perstudiosè commodabant aures. Denique ita omnes veritatem edocti, atque ad eam impulsæ sunt, nullus ut propè fuerit, quin seriò de mutanda sententiâ cogitaret, & mutaturus libenter fuerit, si jussu potestatis Regiæ accederet, quo videri posset coactus. Id eo maximè compertum, quod Regius Provinciæ Legatus Joannes Hayus, cum instante Paschâ viros graves ostiatim interrogari jussisset, vellèntne Catholico ritu S. Synaxim obire? plurimi responderunt, tum libenter obituros, cum Rex imperaret: interim, quam ille potestatem libertatis faceret, uti velle. Ad eò præposterus pudor, & respectus suorum (quod & Donatistis olim evenisse S. Augustinus narrat, & hodie in hæreticis Boëmia, Silesiæ, Hungariæ experimur) obligatas tenebat miserorum mentes, erubescuntium suo arbitratu, nè inconstantia apud suos arguerentur, & fateri viderentur antè errasse, ad rectum callem redire: & præoptantium pertinaciter perire, quàm videri abruptis constantiam. Nempe utilissimus, planèque necessarius est, tempestivè ad motus sufficienter veritatem edoctis terror, qui ad cœnam magni Regis intrare cunctantes compellat: quibus deinde vix alios constantiores & ardentiores in suscepta Religione deprehendas. Præpout tamen in multis veritatis amor & salutis, neq; de plebe modò, sed docti pleriq; ac primi in impietatis Schola subsellij, circiter 400. errorem pestiferum & pudorem vicere. Ad hæc in corrigendis Catholicis, quibus præter nomen vix aliquid de orthodoxa pietate restabat, haud levius negotium fuit. Præceptores quotquot Collegijs præerant, itémque pædagogi hæretici, urbe exacti: in Bibliothecas diligenter inquisitum, & voluminum vis plurima corruptorum igni tradita: quæ ita Pictonum cœperunt animos; ut seriò agerent, ipsorum Calvinianorum plerisque optatibus, de instituendo apud se Societati Collegio, ob sapientiæ, quam de Patribus conceperant, opinionem.

Paulò post Lutetiam revocatus Maldonatus, auctâ ex intermissione, & rebus apud Pictavos gestis famâ, indèque Auditorum aviditate incensâ, Theologicam repetijt scho-

*lam.*



lam : in qua tamen diu quieto hærere non licuit. Cum enim anno 1572. Henricus Navarra Rex, post promulgata cum Regia Caroli sorore sponsalia, singularem erga Catholicam Ecclesiam propensionem ostenderet, deque ea in suis terris restituenda laborare diceretur: Illi in Fide instituendo, voluntate Regis Christianissimi adhibitus est Maldonatus, cuius & doctrinæ & virtutis latè celebrabatur nomen. Eundem Dux Montispenserij ad suam Filiam, Bullionij Ducis uxorem, à Calvino abducendam, Sedanum destinavit; ubi seorsim cum illa prius, dein præsentem viro Duce, cum errorum Ministris decem dies disputans, magnopere omnes ad respiscendum commovit, primusque post 8. annorum lapsum, quibus nulla Catholici Concionatoris vox Sedani audita est, verba palam è suggestu fecit, atque à Duce impetravit alijs Catholicis, è Parochi arbitrio, concionandi potestatem. Jussus etiam à Cardinali Borbonio, viduæ Condæ Principis animum pertentare, renuit ita ex voto gessit; ut hæc auditis de orthodoxa Fide disputationibus, ad sanam reverentiam, paulò post etiam Parisios ex Condensi oppido redierit. Excurrit & in Lotharingiam, eaque occasione rursus ad Sedanum cum hæreticis congressus, Capellum, Holmum, Loqueum, & 20. alios Ministros Calvinistas, primum disputando, deinde declamitando prostravit: nam in declamationes disputationem commutandam Ministri censuerant, quod ejus vim syllogisticam non possent depellere. Ex quibus certaminibus Launeus, & Henricus Pennetericus Ministri, agnitâ Ecclesiæ veritate, illi se restituerunt. Cum ergo Maldonatus in Regno se versari videret, ubi hæreses vigerent plurimum, variisque errores in dies increbescerent; priscos illos sanctosque PP. imitatus, in id maxime docendo, rediit iterum ad Theologicas lucubrationes, incubuit, ut Lutheri, Zwinglij, Calvinii, aliorumque hujus seculi hæreticorum nefariam doctrinam convelleret, veram & Orthodoxam corroboraret. In quo sanè profecit plurimum; nam ex ejus Schola prodierunt viri eruditi quàm plurimi: & vix quispiam postea fuit in Gallia; qui, cum ejus auditor esse non potuisset, saltem quæ in Scholis dictaverat, sibi domi descripta non haberet: mittebantque Episcopi, Præfules, varij Doctores, ipse Academia Sorbonicæ Pro-Decanus Pelletarius, Amanuenses ad ejus Scholam, qui dictata Maldonati in ipsorum usum exciperent. Tradidit ille primum Theologiam compendio

annis 4.; iterum eandem uberius dictare aggressus est, cum invidia & præpostero malevolorum zelo exagitatus, animum à Scholis, ne suâ causâ infamiæ quidpiam Societas pareretur, ad privatas lucubrationes, & libros Ecclesiæ DEI haud paulò utiliores scribendos avertit.

Cum enim tanta ejus doctrinæ & subtilissimi ingenij per universam Galliam fama esset, ut ab æmulis jam, tanquam rationibus suis maxime officiens, ferri non posset; varijs ipsorum calumnijs appetitus est: nam & Præsidem Montibrunensem S. Andream, moribundum circumvenisse, & posteros ejus fortunis evertisse, perfvadendo illi ut sua omnia Societati legaret, dicebatur; seductor simul & prædo nuncupatus: & à nonnullis Lutetiæ hæresis est arcessitus. Verum ab hac eum injuria vindicavit summi Pontificis Greg. 13. jussu & auctoritate Parisiensis Antistes: ab illa verò publico Senatûs consulto liberatus est, ubi palam constitit, præter modicam pecuniam Templo Societatis legatam, nihil præterea illi à Præside testamento relictum. Quamvis ergo sic ejus innocentia publicè satis testata foret, cujus inter alias utilitates princeps fructus fuit, Societatis Collegij cum Sorbonica Universitate conjunctio; satius tamen fore putavit, si paucorum æmulationi, quæ nunquam quiescere novit, cedens, lucem illam hominum fugeret, & non suo tantum sæculo, sed futuris etiam scribendo serviret. Quamobrem in Collegio Bituricensi abditus, totum se ad S. Scripturæ expositionem transtulit; Divino prorsus, ut vel uno ex hoc eventu patet, instinctu. Ut primum enim constituit in quatuor Evangelia Commentarios scribere, per aliquot noctes visus est sibi videre, quendam, ut strenuè ceptum opus prosequeretur, exhortantem; fore enim ut illud è sententia perficeret, sed operi parum superviveret. Atque hæc cum diceret, intento digito certam quandam illi ventris partem signabat: quasi indicans, illius loci doloribus & affectione moriturum. Hoc visum, quanquam pro somni ludibrio habitum, comprobavit suo tempore eventus. Scripsit & Commentarios in 4. Prophetas majores; præter alia minora ingenij sui monumenta: quæ omnia sæpius varijs locis typo vulgata prodierunt. Neque tamen chartis ita impalescere permisus est, quin identidem ad agendum cum proximis evocaretur; nam & conciones diu utilissimas habuit, & Provinciam Franciæ Viscitator lustrare jussus, maxima quæque in ani-

marum



marum emolumentum gessit. Mussiponti in Lotharingia, ubi Lotharingi ipsi Principes, Ducis filius, & duo Regina Galliarum fratres, Societatis scholas frequentabant; & Vadimontius Cardinalis Theologiae Professoris dictata excipiebat, Leges Academiae condidit, ac duas Sodalitates, Civium unam, Academicorum alteram, confluxit. Burdegala vero explicationem Catechismi, puerili aetati tribus in Paræijs introduxit, cum antè minùs appositè ad rudes annos, è superiore loco more concionatorio Catechismus explicaretur. Quosdam etiam Sociorum in Xantones, tractum culturâ gravissimè egentem, misit, Apostolico ritu Evangelio prædicando: qui Rupellæ, totâque illâ vicinitate Divinum faciendo præconium, supra quàm potuisset sperari, retulere fructum, pluribus hominum millibus ab hæresi reductis. & Catholicis in Religione ubique confirmatis.

Demum à Gregorio XIII. Pontifice è Gallia ad Urbem evocatus, ut operam suam præstaret (quoniam Græcæ peritissimus erat) ad editionem Græcam 70. Interpretum, quam Pontifex parabat, non diu Romæ superstes fuit. Nam post electionem Claudij Aquaviva in Generalem Societatis JESU Præpositum (ubi ad Patrum Congregatorum cætum præviam ipse adhortationem habuit) cum lucubrationem illam suam in Evangelia paulò post absolvisset, & Claudio recens electo eandem 21. Decembr: anno 1582. obtulisset; secundùm id mox dolor acerrimus illum incescit eâ ipsâ corporis parte, quæ tantò jam priùs illi fuerat per nocturnam signata visionem. Eo tamen indies magis invalescente, tandem utilissimorum in Ecclesia DEI laborum præmia à DEO consecutus, spatio dierum 14. Romæ cessit è vita; ab ægrorum Curatore, dum eum ad paratam excitaret cœnulam, mortuus in lectulo inventus, ætatis necdum 50. completo, salutis verò 1583. ineunte. Fuit verò is multis à DEO magnisque donis cumulatus, ingenij subtilis, judicij admirabilis, memoriæ & diligentiae incredibilis, laboris & studij supra corporis vires assidui. Nul- lum enim probatum in Theologia latinum, græcūve Auctorem prætermisit, quin totum pervolutârît, legeritque diligenter ac notârît. Hinc reconditam ejus eruditionem, summam in docendo gravitatem, omnesque profundi Theologi dotes, quas Gallia atque Europa universa suspiciat, omnes passim Scriptores deprædicant. Nec virtus doctrinâ fuit inferior, ut sanctitas potiùs vocanda sit, Magna Societas Europæa.

in eo rerum humanarum despicientia, maxima laudis & auræ popularis contemptio, humilitas & modestia incredibilis; ut tam doctus, doctum se nesciret; tam in ore hominum positus, homines sperneret; tam apud Reges, Cardinales, Principes, Præsules, summòs Viros carus & honoratus; à Serenissimo Lotharingæ Duce, ab ipsis Regibus Galliarum, Carolo & Henrico, ad conciones in Aula adhibitus, à Gregorio Pontifice summè æstimatus, majorem in modum eorum aditum conspectumque declinaret, ut id etiam nonnulli tribuerent morositati, dum nè invitatus quidem eos accederet. Ad hæc ardens & jure orationis, & meditationis Divinarum rerum studium; quo fiebat, ut minimi etiam flosculi aspectus ita sublimes præstantesque ejus mēti suppeditaret conceptiones: ut ijs non tantum ipse DEI amore incenderetur; sed Socios pariter, si qui fortè adessent, eodem igne correptos inflammaret. Summa in cibo potuque parcitas, paupertatis Evangelicæ rigida observatio: ut qui ad expeditiones Apostolicas profecturus, offerentibus liberale viaticum, ministris Regijs, nè obulum quidem accipere voluerit; & de loco in locum abiturus, præter vestem, quam humeris gestabat, vilem potiùs quàm simplicem, & aliqua suarum lucubrationum scripta, nihil secum habere sustinuerit. Patientia & adversorum tolerantia inconcussa; neque, nisi ferendo, adversarios superare eligens; ut cum pro ejus innocentia Gregorius Pontifex diploma quoddam in ejus, ob imputatam hæresim, detractores promulgare vellet; ipse humillimè deprecatus sit, nè sui causâ hostibus malè fieret. In summa, Vir fuit mundo & sibi crucifixus: & ut staret semper in procinctu quietus & securus, paratus ad mortem, eam sibi quinque quotidie ponebat ob oculos, indagabatque num quid sibi esset in conscientia, quod in hora mortis eum angere posset? & si quid reperisset, illico per exomologesim deponebat. Præclaro illum celebrat elogio Georgius Cardosus in suo Hagiologio ad diem 6. Januarij, existimans illum, per errorem, fuisse natione Lusitanum; cum ipsiusmet Maldonati chirographo constet fuisse Hispanum.

Mirum & illud Maldonato cum Henrico Soriano accidit, quem ad Societatem ineundam exemplum Maldonati excitavit. Nā cum in Hispanijs & vitæ consuetudine, & studiorum similitudine jam ab adolescentia juncti fuissent: convenerat inter eos; ut qui prior perfectioris vitæ genus amplecteretur, is al-



is alterum ad sui imitationem traheret. Româ igitur Maldonatus veteris pactionis memor, à Soriano, quem in Hispanijs reliquerat, per literas promissa repetit: is de statu hominis amicissimi certior factus, nihil habuit antiquius, quàm ut eandem viam ingrederetur. Vixitque in Societate magnâ humilitatis, charitatis & ceterarum virtutum laude: tanto in B. Virginem studio ac fiduciâ, ut nihil non, quod illam rogâset, impetraret. Docuit Neapoli cum summa approbatione Theologiam;

*Ex Historia Societatis, & Bibliotheca Alegambe.*

## GEORGIUS GILBERTUS.



**P**restantissimæ indolis Adolescens Georgius Gilbertus, Nobili & opulento genere in Anglia ortus, Protestantium hæresim cum vita & lacte ductam per 20. annos, quos primos in Patria exegit, culpâ magis alienâ quàm propriâ, secutus est. Eo tempore, campestri armorum nobiliû meditatione unice delectabatur, quò illum suus agebat genius, & habilitas corporis ad omnem motum aptè compositi: cui accedens miræ formæ gratia & agendi affabilitas, quâ nobilem animum claritudine sanguinis miscebat, faciebat illum Aulæ tunc sub Maria & Elisabetha florentissimæ delictum, & totum amabilem. Indè visendi seque ostentandi ambitu Parisios venit, ubi sui tam pulchrum specimen in omni elegantia Aulicâ & tractatione armorum præbuit; ut gentis suæ flos haberetur: animo tamen, rectæ licet experte Fidei, vitiorum semper immuni inter hæc conservato; ut qui magno honestatis respectu duceretur, & per se honoris appetens, noller foris etiam oculis aliorum degenerare apparere. Erat tunc Parisijs P. Thomas Dabishier (ut in ejus gestis referam) virtutis & scientiæ famâ Gilberto in Anglia notissimus, Oxonij olim in Academia, & Londini in Sapientiæ Gymnasio Philosophiam professus, Doctor Legum Civilium, ac postmodum Ecclesiæ Londinensis Archidiaconus & Cancellarius: cum eo Gilbertus urbanitate primò patriâ agere, dehinc animi gratiâ, denique seriò & seria movere: quorum seu æternis rationibus permotus, seu sanctimoniâ vitæ, quam in Patre suspiciebat, excussit unâ ex cerebro cuncta Calvinii deliria, omnes ab animo consuetudinis Aulicæ amores & ambitus; susceptaque Romam peregrinatione, illic Personio fingendum se tra-

tum Nolæ formandis Tyronibus præfuit; ac demum Cirinolano Collegio datus Rector, divino indubiè consilio Maldonatum, quem sequi non dubitavit in vita, eundem quoque, secutus est in morte, paucis mensibus post ejus obitum, nempe 3. Julij, quasi amici monitis iterum ad meliorem vitam vocatus. Tantâ verò occubuit animi alacritate; ut videretur, cujus exemplo in terris sæcularem vitam cum religiosa mutarat, ejusdem in cælo precibus religiosam cum cœlesti mutasse.

didit, qui tunc ad S. Petri confessiones audiebat: à quo ritè in gratiam cum Ecclesiâ restitutus, & præceptionibus optimis roboratus, in Angliam redijt, ab eo, qui exiverat, omnino alius. Juvenis erat in ætatis vere longè pulcherrimo, Parentibus suis unicus, & tunc ijs orbatus, patrimonij opulenti hæres liber, & arbitrarius, quod ille non parçè in Ecclesiæ & pauperum Catholicorum necessitatem expendebat. Singularis illi fuit cum Thoma Pondo, Fidei causa carcere diuturno sepulto, necessitudo; quem sæpius revisens advertit aliquando, multos ibidem Catholicos malè in hyemem vestibus armatos plurimum algere; quibus novas illico & honestas omnibus suo sumptu curavit. Commendarat illi Pondus è suo ergastulo, Monialium grandem familiam cœnobio suo depulsam, itaque egentem; ut magno numero cum essent, duobus tantum cogerentur Breviaris Divini officij pensum exolvere, & quidem altero illorum tantum manuscripto. Misit ad eas Gilbertus aureos sexcentos, pro trecentis quibus egabant; vicissim rogans, ut vetustum illud manuscriptum Breviarium sibi dono mitterent.

Interea temporis Personius Campianum prægressus Angliam subintrarat, & de hospitio Londini Pondum consulturus, primò omnium carcerem ejus petierat, cui melius vel securius nullum occurrebat, quàm apud Pondo: Divinâ certè providentiâ & adventum Personij in illum diem Londinum disponente, & Gilberti hospitalitatem memoriæ Pondi suggerente; ut qui confectis ritè matrimonij tabulis, eo ipso die sponsam in domum introducturus erat. Hujus enim illum, & terrenorum omnium, ex solo Personij aspectu tantum subijt tædium, ut abdicatâ lectissimâ sponsâ, castimoniam DEO voverit perpetuò colendam, ac deinceps individuus laborum

& iti-





Georgius Gilbertus S.I. Nobilissima Familia Anglus, totò Patrimoniò in Angliæ conversionem expensò, sanctè obiit Romæ; 6. Oct: Anno 1583.

38.

& itinerum Personio comes adhæserit: à quo tamen socij & comitis loco haberi recusabat: sed vice servi, famulam operam ad Apostolicum ministerium commodantis. Indè rei Catholicæ promovendæ studio non Personium modò rebus omnibus ad cultum, habitationem, itinera, atque ad sacra ministeria necessarijs liberaliter instruxit; sed earum rerum curam etiam erga Campianum, & Socios omnes sibi uni committi summis precibus impetravit. Ad quod studium cum paris nobilitatis Juvenes complures ipse inflammasset, domum suam de cetero omnibus Sacerdotibus & Catholicis commune voluit esse hospitium: fiebatque non rarò, ut multis simul improvisò illuc concurrentibus, ipse suo lectulo illis cederet & humi cubaret. His ve-

stiendis si aliquando sumptus deessent, suam ipse sibi detrahebat vestem, ut egenti daret: neque diutiùs penes illum bonorum suorum redditus morabantur, quam egeret aliquis, vel subveniri sibi peteret. Quà incredibili in Catholicos, ac præcipuè Ministros Evangelij liberalitate, dici non potest quot animas ab exitij periculo servârit, & è lapsis Ecclesiæ restitui fecerit. Jam verò labores ejus in animarum opè per se & proximè ab eo sudati fuerunt ejusmodi, ut facillè cujusvis Sacerdotis mensuram & meritum superârint. Quamobrem asserere ex ejus intimis quidam, posse justum volumen conflare ex nominibus illorum, quos vacillantes firmavit, lapsos restituit, intepescentes generoso suo spiritu animavit, maximè juvenes pari secum ætate & nobilitate.

Z 3

te.



te. Extat hujus rei testis epistola à Personio ad Gregorium XIII. Pont. Max. data, quâ Gilbertum Romam sese ab Anglia recipientem commendabat: *Nobilis Georgius Gilbertus*, inquit, *Juvenis est, qui universæ Angliæ spectaculum factus est rarissimum. Hic enim cum amplo esset patrimonio, magnâque apud aulam gratiâ, se suâque omnia pro Religionis Catholicæ defensione devovit. Primò enim ingredientibus nobis in Insulam, cum ceteri vel timerent vel dubitarent; ipse solus nos recepit, fovit, vestivit, & aluit; pecunijs, equis, famulis juvit; deinde per Insulam suis sumptibus circumduxit, ipse simul nobiscum peragravit, libros ceteraque necessaria dedit, prælum & typos comparavit, possessiones quasdam vendidit, ex eisque bonam summam nobis ad omnes usus attribuit, quibus causa Catholica promoveri posset. Carcere etiam inclusos omnes pro fide Catholica, continuis eleemosynis adjuvit. Quibus rebus tam odiosus brevi tempore hæreticis factus est, ut ubique locorum eum persequerentur, acerbissimamque mortem minarentur, si capi posset. Quod licet ille parum curaret; tamen cum amplius illum Religioni servire non posse cernerem, nec in Anglia morari sinè manifesto vitæ periculo; majorque nobis esset labor & sollicitudo de illo, quàm de nobis protegendis; persuasi illi tandem, ut relictis omnibus mare transmitteret, & meliori tempori se servaret. Nos si quid boni unquam effecerimus, ejus magna pars huic Juveni tribuenda est, &c.*

Eludebat ille quidem vestigatorum insidias mutatione perpetuâ vestis & personæ, nunc schemate nobili, nunc pedissequo & servili, ubique de Personio tantum sollicitus & anxie trepidus; sui tam securus, ut diceret: nunquam à se insidiarum timore quidquam prætermisum, quod in DEI honorem cessurum videretur; nunquam sibi periculi ullius præsentiam ab oratione animum distraxisse: & erant tamen pericula nunquam extremis leviora, & indagatores tanto ubique numero sparsi, ut eum tandem latere posse Personius desperaret, & Regij Ministri intercipi non posse frementes, magnam partem illius bonorum Fisco addicerent. Expeditus in Galliam dum navim trajeturam opperitur, latitavit ad mare in solitaria & deserta spelunca valde incommodè, assuetus commodis Juvenis: sed eâ exuberantis lætitiæ voluptate, ut sibi aliquid gustare videretur de cœli delicijs, narraretque postmodum, in vita nihil sensisse beatius. Majo exeunte anni 1581. trajecit in Galliam, relictis Personio ad necessarias ex-

cursiones Sacerdotum equis septem, & copiosâ pecuniâ edendis de Fide, culturæque pietatis libris quàm plurimis. Exceptus Rhemis ab Alano tanquam Angelus de cœlo lapsus, octingentis aureis præsentem Seminarij illius egestatem sublevavit, unde Româ transmissit ad Seminarium Anglorum, seque præsentem Societatis JESU Generali Claudio Aquaviva stitit: qui eum neque Societati tum statim aggregandum, neque in Seminario veste Alumnis communi induendum putavit, ut liberius agere posset cum Cardinalibus & Pontificibus de negotijs Angliæ, quibus perquam erat utilis. Vitam nihilominus in vestitu Nobilis secularis egit in Seminario prorsus religiosam, jejunijs, vigilijs, acrique afflictatione corporis per flagella & cilicia, quæ ab ejus obitu detrita & cruenta reperta sunt: atque imprimis indefesso precandi studio, & modestissimâ humilitate, quâ infimum ubique in cœtibus locum, deterrima ex rebus communibus ambiebat, nec quidquam majore cum stomacho quàm laudes suas audiebat; quibus virtutibus ingenti incitamento fuit ad æmulationem toti contubernio. Quinque de die horas impendebat orationi, plures etiam dum non erat egrediendum ad negotia: legibus Seminarij, & Superiorum mandatis, perinde ac unus ex Alumnis obtemperabat, idque eâ in minimis etiam severitate, ut cum Latinâ lingvâ ipse non adeò promptè uteretur; quia tamen Collegij legibus ea præcipitur, si quando compellaretur Anglicè, non responderet nisi Latinè: ac planè ad ipsos Rectoris nutus & consilia ita morigerum se exhibebat, ut visus sit divinitus ad obedientiam institutus. Nam sub vitæ extrema cum sibi quiddam ab illo porrectum, naturâ jam cuncta fastidiente respueret, simul Pater adjecit, obedientie amore ut susciperet: *non possum non*, inquit, *Pater tibi obtemperare, uti semper hoc studium cordi habui*, summâque alacritate suscepit. Invisenti se autem paulò post cuidam Patri, *proh quanto me*, inquit, *Pater delibutum offendis gaudio!* interrogatus ejus causam, in præmium respondit, *hujus prompta, quâ mihi vim parvam intuli obedientia, se mihi spectabilem obtulit DEI parâ, sed fronte quàm serenâ, quàm propitiâ & suavi! cum tamen nuper eadem mihi severa apparuisset, quod meo sensui paulò pertinacior adhæsissem.*

Pudicitiam pridem DEO suam voto sacrârat, eratque in ejus custodia tam solers, si-bique ipse suspectus; ut per Urbem à fœminis & gressum & oculos procul declinaret, suâq; illa



illa oris verecundi, & affatûs collectâ modestiâ conciliaret omnium animos & observantiam. Dum Contubernales nocturnâ quiete reficerentur, occultè ad Templum adrepebat, ibique ante divinissimum Sacramentum per diu orans, excubabat: dum vigilaret autem per diem, hora nulla elabebatur, quin sublatâ in cœlum mente, præsertim inter agendas res, DEUM sæpe alloqueretur, versiculis ad hanc rem Psalmorum delectis: ad hæc solenne B. V. Officium quotidie percurrerebat, quamvis alioqui totus in oratione mentali, vocali non admodum uteretur. Singulis Dominicis ac Festis divinissimo Christi Corpore pascebatur, non sine gemitibus ac lacrymis, quamvis conaretur premere, propalâ erumpentibus. Septem Urbis Basilicas alternis minimùm visitabat hebdomadis solus sine teste, quò attentius cum DEO ageret & Cœlitibus. Solebat dicere: ita in oratione perseverandum; ut quodammodo vis DEO fieret, quemadmodum Jacob dicebat Angelo: *non dimittam te, nisi benedixeris mihi*: seque ferè omnia impetrâsse sic orantem: *hinc ego Domine non recedam, nisi id quod postulo, vel certè, nisi firmam impermendi fiduciam dederis*. Meditationem non nisi in vita ac morte Christi Domini exercebat, professus indè geminum sibi votum exarxisse: alterum, quidquid supererat facultatum, itémque operam, sanguinem ac vitam in S. Ecclesiæ & animarum commoda impendendi: alterum, ineundæ Societatis; quòd valde vitæ Christi, formam ejus convenientem censeret; cum & ipsa in Ecclesiæ & animarum utilitates, vitâ etiam prodigèdâ, omnis intenta sit. Plurimus illi cum Sodalibus sermo de felicitate Martyrij, deque jucunditatibus, quæ in susceptis DEI causâ ærumnis abundant: quarum se, illósque dulci flammâ pariter intendebat. Se verò Martyrio tamdiu, tam propinquum, non valuisse palmam prehendere, dolens ac multùm spirans peccatis suis assignabat: hinc ejus in Martyres Sanctos affectus præcipuus, quos in Anglia agone defunctos in tabulis depingi fecit, quæ nunc etiam Seminarij Romæ Templum ornant. Alumnorum meditationes omnes in tribus hisce capitibus versari optabat: in vita, & morte Salvatoris: in præsentia bonisq; Martyrij: & in exemplis à Sanctis decerpendis, hoc modo: In cœlum mente ingressus, volebat ad Divorum singulos cum veneratione accedere, & interrogare, unde suum quisq; adeptus præmium ac decus esset? ut, in exemplo, ex S. Francisco, unde illi tantæ opes, ac solij

cellitas? & audire respondentem: ex humilitate atq; paupertate. ex SS. Bartholomæo. Stephano, aliisque; unde tam nobilis purpura, tot radiata gemmis corona? cùmque responsum ille dederit, quia pro Christo detraxi sibi pellem passus sit; hinc verò lapidibus obrui: indè ad consimilia perpetiendi voluntatem incendi.

Interea SS. Pont. Greg. XIII. accito aliquando ad se, negotium secretò credidit momenti ad Fidem Catholicam gravis, ad quod peragendum necesse erat transire in Galliam: sed vulgò credebatur is transitus tendere in Angliam. Hic se negotio dum parat celeritate omni exequendo; pridè quàm equum inscenderet, febri corripitur tam acutâ, ut septimi accessûs violentia illum necaverit: quo brevi tempore, mira in eo notata sunt. In cubiculum dum transfertur suo quod incolabat commodius, videns se prope Templum deportari, rogavit enixè à bajulis in illud inferri; quod ubi obtinuit, ita se illic DEO immergit penitus, ut indè non posset auferri nisi Rectoris jussu, qui propterea fuit advocandus. Lectulo compositus nihil in immatura hac morte tulit acerbius, quàm quòd in lecto, quasi per ignaviam, vitâ abjiceret; hinc vitam sibi produci ardentè optabat, verùm ad hoc solum, ut eam pro Fidèi Catholicæ confirmatione violentè profunderet. Sed denunciante Rectori aliud DEO visum, & fore per breve quod supererat vitæ residuum, ita acquievit; ut nullam deinceps cogitationem admiserit de vita ulterius proroganda. Quin & flentes circum aspiciens Seminarij juvenes, à quib; singulariter amabatur, *mittite has, oro, lacrymas: vestrum*, ait, *congruunt nemini, nisi tantùm mihi, ego solus inter omnes miser: compellânsque illos singillatim, & varia illorum decora, tibi quid est quod fleas? qui pro Catholica sanctitate catenam & carcerem? tibi quid, dicebat alij, qui plagas & compedes, tolerasti? & quibus adhuc integra est expectatio martyrij? dum ego biennio illi anhelans & proximus, morte hic ignavâ in lecto defungor?* Tum cruce in manus sublatâ (quam sibi P. Briantus Martyr in Anglia, auditurus ultimam sententiam, elaborârat) cœpit suo quondam cum amicissimo Campiano veluti præsentè colloqui, dolens magnopere, quòd comes ei non esset promeritus raptari in traha viminea ad patibulum. Sub hæc reversus domum à Generali Aquaviva Rector Seminarij, significavit illum ad Societatem legitimè receptum esse; facultatémque concessam edendi Religiosa

vota:



vota: ad quæ ille immensis DEO actis gratijs, velut omnium in terris votorum compos, pronuntiata ardentissimo spiritu votorum formulâ, *ego peccator*, inquit, *voveo tibi DEO meo, cum Beatissima Virgine MARIA, & omnibus Sanctis, Paupertatem, Castitatem, & Obedientiam perpetuam in Societate JESU, &c.* Post quæ continuans cum DEO colloquium, sub quartam noctis horam, 6. Oct. A. 1583. tam placidè animam efflavit, ut dormire adstantes crederent, quem adverterunt jam mor-

*Ex Historia Societatis, & Historia Angliæ P. Danielis Bartoli, ac Henrici Mori.*

## P. FRANCISCUS STRADA.



Admirabili dicendi dono, & singulari corda hominum penetrandi vi, à DEO præditus Franciscus Strada (cui vix parem in ea re habuit Societas) ortu fuit Hispanus; in Societatem à S. IGNATIO ante ejus in Ordinem Religiosum erectionem susceptus. Juvenis in Familiam Joannis Petri Caraffæ, qui postea in summum Pontificem electus Paulus IV. appellari voluit, adscitus: quo tempore IGNATIUS sacræ asceti Ortizium, Cæsaris Oratorem, in Monte Cassino exercebat, eodem venit; sive Ortizium conventurus, cujus ope in Cardinalis Familiam pervenerat; sive militandi studio Neapolim petens: cum Divino consilio in IGNATIUM incidit, cujus vel uno congressu colloquioque, ad nobiliorem repente militiam animum convertit, & B. Patrem Romanam secutus, Socijs adscriptus est An. 1535. In Tyrocinio sub ejusdem Viri S. disciplina, eam Divini Spiritus hausit abundantiam, & sacra Exercitia tractandi magisterium; ut utroque paulò post, quamvis latinis vix tinctus literis, admirandos sortitus sit effectus. Anno siquidem 1539. cum jussu Pontificis mitterentur Senas Paschasius & Rodericius, tertium illis apposuit IGNATIUS Stradam; qui ardore tanto, tantæque vi dicendi agere ex suggestu cœpit; ut suo exemplo & sermonibus animos Senensium vehementer accendit. Cujus permoti famâ Montis Politiani cives, qui diei iter non ampliùs absunt, eum ad se invitatum, peregrinum licet hominem, quem nec ætas, nec rerum aut sermonis vernaculi usus, nec literæ commendabant, de superiore loco verba facere cogunt: quanquam tum adhuc non concionari se, sed clamare duntaxat Strada dicebat. Et verò respondit votis eventus: tunc enim primum frequentandæ

tuum, salutâruntque fletu & manuum pedumque osculis. Magnum sui Romæ desiderium reliquit, toti Urbi clarissimâ virtute, notissimus: ipse adeò Pontifex morte ejus indoluit, magna illum Angliæ jacturâ decessisse pronuncians. Elatus est ad Templum S. Andreæ Novitiatus Societatis, ibique sepulchro conditus: cui legatos 800. aureos Aquaviva Remos ad Alanum transmisit, in subsidium illius Anglorum Seminarij.

Evcharistiæ mos post tot sæcula renovatus; inusitata misericordiæ opera in egenos & miseros introducta, atque ad orbium orbiumque educationem instituta Sodalitas, execrandi pejerandique vitium toto jam vulgo famosum, gravi edicto repressum, ac foeminarum in cultu corporis castigatus est luxus, quæ, Stradâ audito, legem sibi ipsæ dixerunt, nè deinceps luxu exotico prodirent. Ad hæc per multos viros graves & eruditos, ad Exercitia S. IGNATII obeunda invitatos, ad optimam frugem & Urbis totius exemplum perduxit: quatuor inprimis Doctores & in Civitate primarios, è quibus, peractâ jam sub finem Exercitiorum apud Sacerdotem totius vitæ homologesi, cum quævisset, paratine essent in Christi gratiam toto oppido mendicare? & illi vehementer annuerent, oneratos illos manticeis, vasculis & cophinis, cum quatuor alijs viris nobilibus per Urbem circumduxit, stipem ostiatim pro egenis & carceratis demissæ atque humiliter rogantes. Ea res totam Civitatem ad spectaculum excivit in compita, domuum januas & fenestras; tantæque vis misericordiæ communis fuit, vinum alijs largè, panem, sale, ligna, pecuniam alijs, & quibus alia deerant, lebetes ipsos, ollas & cacabos congerentibus; ut sæpe exonerandæ mantice fuerint, sæpe alia collecta onera deponenda: quæ demum toto jam oppido perlustrato, ad hospitale & carceres deportata sunt. Eius verò de se victoriæ maximum tulere fructum, ingentem animi tranquillitatem ac pacem, qualem nunquam antea sensitse fatebantur: unusquisque è Doctoribus asseverabat, eâ se Divini æstus dulcedine delibutum, ut præ gaudij magnitudine, quam animus non caperet, coactus sit in clamores erumpere, & eâ causâ cubiculo se abdere; ut quam cohibere nequisset, vis spiritus liberè pro-





P. Franciscus Strada S.J. Hispan. zelo, ardore dicen-  
 di secutus Chrysostrum incredibiles fructus in Belgio, Lu-  
 sitania, Hispania, Italia, permotis ad publice mendican-  
 dum Viris primoribus peperit: Obijt Toleti 26.  
 J. G. Heinsch del. Octob: 1584. 39. J. Kilian sc.

prorumperet, & lacrymis habenæ laxarentur. Ubi verò discedendi tempus Stradæ adfuit, rorantibus genis universa nitebatur ob stare Civitas: fueréque amplius 60. matronæ, quæ Exercitiorum eorundem periclitandorum studio iter Stradæ obsidebant, & quasi manu factâ discedentem remorabantur, quòd dicerent, se quoque animas, perinde ac Viros in corpore habere, ad cœlum creatas.

At enim Strada Brixiam transgressus, continuatis ad cupidissimam multitudinem dictionibus, haud paulò majores fecit animorum motus: ac præter ceteram frugem, centum & eò amplius in ea Urbe adolescentes ad DEI servitium in varijs Religionibus adduxit. E quibus Angelum Paradisum Societati par- tum, in patriam Parentibus valedicturum Ga-  
*Societas Europea.*

dium comitatus, continuò in suggestum pro- gressus, incolarum animos ita permovit; ut qui Concionatores antea ridere, & lusui habere, consueverant, risus in lacrymas & sonantes singultus verterent. Cùmque primarij Ci- vium capitalibus odijs inter se ad cædes jam mutuas conversi, dissiderent; Stradæ concio- nibus ad pacem permoti, eodem sequestro & arbitro, non sinè lacrymis in mutuos ruere, amplexus: mirâ Urbis gratulatione plaufusq; ut statim edito ad convocandum Senatum si- gno; ex consilij publici decreto, Consules & ceteri Magistratus, auctori pacis Stradæ grati- as publicas retulerint. Inter hæc IGNATIUS revocatum ab expeditionibus Apostolicis Stradam, quò paratior à scientijs ad animo- rum lucra veniret ( quoniam nullas adhuc  
 A a fcho-



scholas Societas habebat) Parisios cum alijs 15. studiorum causâ mittit Anno 1541. ubi omnibus in conductâ domo, sæculari habitu (neque enim aliter tum per leges Academiae licebat) in summa paupertate vivendum fuit. Sed cum anno insequente Franciscus Rex, ob bellum cum Cæsare Carolo V. exortum, severe & publicè edixisset; ut qui ex Caroli ditione erant, omnes ad unum intra diem octavum Regno facerent; Strada cum Socijs 7. Hispanis Lovanium demigravit, ad Philosophiæ & Theologiæ studia in locato hospitio prosequenda. Et jam Metaphysicis Anno 1543. operam dabat, cum longioris veluti desidiæ pertæsus, optavit ardentioris siti in animarum lûcra etiam Lovanij rete Apostolicum extendere. Ac primùm Academiae Cancellarium Ruardum Tapperum aggressus, suis sermonibus impulit, ut sacris Exercitijs imbui vellet: quorum fructum omni expectatione majorem expertus. Sacerdotem quendam Cornelium Vishavæum Artium Magistrum, & Theologicis satis imbutum, iisdem meditationibus propius urget: mox & Petrum Fabrum de Hallis, Theologiæ Baccalaureum & Concionatorem, & utrumque Societati, primos omnium è Belgis lucratur. Opportunè sub hæc, Divino planè missu, Lovanium venit Petrus Faber, unus è primis IGNATII Socijs; qui notato ingenti in Strada spiritûs ardore, & vi dicendi ingenitâ, excitavit tyronem vetus Magister ad conciones latinas in Falconis Collegio, ubi Strada Philosophiam terminabat, habendas. Et ecce vix facere verba acer adolescens instituit: cum repente Academicorum tanta indies multitudo affluere cœpit; ut iterum ac tertio fuerit laxiores in exedras, ac tandem rogatu omnium Magistrorum, in Templum S. Michaëlis, quæ de præcipuis Lovanij una ædibus est, emigrandum. Ut verò Faber animos adderet in eo genere dicendi imperito; ne apparatus concionum, studijs occupatum impediret; has ei ferè è lectulo (febris enim æger attinebatur) dictabat: quibus felicissimæ memoriæ mandatis prodiens in publicum animosus adolescens, ardorem addebat de suo; si tamen de suo ardebat, quem DEI spiritus incendebat, quo ille sic æstuabat, ut eodem igne tota concio conflagraret. Dabant ei operam præcipui Theologiæ Doctores, tantis motibus animorum, ut lachrymæ ex oculis uberrimè fluere: Religiosi omnium Ordinum, quotquot Lovanij resident: concurrebant cum Viris fœminæ, ut vel os & affectus specta-

rent agentis, & à sancto ejus igne calefcerent. Oliverius Manaræus, magnum illud Societatis lumen, semel tantum audito Strada, ad ægrum continuè Fabrum accurrit confessionis gratiâ, & supplicibus verbis admitti in Societatem expetijt. His incendijs fervebant Lovanij omnia, multiq; sepositis domesticis curis, IGNATII commentationibus exerceri indies postulabant: repressa morum licentia; & quod mirum est, penetrante ad Virginum Cœnobium Stradæ famâ, vetus illis reddita disciplina, & certa sanctè vivendi norma volentibus præscripta; Virgines complures spretis mundi illecebris Sponso cœlesti in Cœnobijs adjunctæ; in varias Religiones quàm plurimi, & in Societatem supra 20. adsciti, plerique Juris & Theologiæ Doctores aut Professores, vel Philosophiæ Magistri; tanta denique in omni hominum genere facta conversio; ut jam tum de ordiendo Lovanij Collegio à Civibus apud Cæsarem agi cœperit.

Ubi verò anno 1544. jussu IGNATII, Strada cum 11. Socijs, qui erant plerique flos Academiae, in Lusitaniam discessit, graviter Lovanienfis Schola commota fuit, Gymnasiarchæ præsertim, tot Doctorum Academicorumque simul repentino discessu; quare si quem odorarentur deinde Societatem expectere, hunc Collegiorum claustris arcè concluderent. Corumnâ in Gallæcia delati, cum ad eos visendos oppidani concurrerent, Strada velut advocatâ divinitus concione, usitato cœpit ardore de DEO verba facere, fructu præsentissimo. Omnibus enim ad pœnitentiam & propensissimos in DEUM affectus commotis, Joannes Beira Sacerdos & Canonicus Urbis, qui dein multa tulit, fecitque in India, unus ex Auditoribus, mundum exuens, illis se adjunxit; unâque die sequenti jam pauper, pedestri itinere Conimbricâ perrexit. Ibi Strada, quoniam hîc primùm Collegium 60. personarum in religiosam disciplinam formatum incolere contigit, in ipso pene adventu ad abjectissima quævis munera, tanquam ad splendidissimas epulas ingenti charitate & alacritate se applicuit: ut vel eâ re IGNATII discipulum posses agnoscere, in verbi DEI præconibus majorem præ alijs perfectionem & humilitatem exigentis; ne dum alijs prædicaverint, ipsi reprobi efficiantur. Quod plerumque in Concionatoribus vanis, & duratâ virtute destitutis advertere est: quorum non paucos videmus; postquam alios prædicando ad insignem virtutem promoverunt, per-



permittere à DEO in scelera & abominabiles lapsus corrumpere; dum Phariseorum more sublimia dicunt, sed non faciunt, imponentes hominibus sœvia Christi, sed corpori importabilia onera, quæ interim ipsi nolunt digito attingere. Non ita Strada, qui ad recipiendam Divinam ad sanctè verbum DEI tractandum vim, impigrè se comparabat; dum multis annis, quoad per vires licuit, ter in die flagella repetijt, semel pro animabus defunctorum fidelium, iterum pro conversione in lethali noxa jacentium, tandem pro Ecclesia universa viventium. Alia præterea adhibebat crucimenta corporis, cilicia, jejunia, summam ab omnibus perituris abstinentionem: ad hæc orandi assiduum studium, amorem secessus, rerum omnium humanarum contemptum: quarum virtutum præsidio illibatam ad extremum spiritum pudicitiam conservavit. Necdum autem ab itinere Conimbricæ respirarat, Theologiæ perdiscendæ studijs addictus; cum à Simone Rodriguez jussus, per omnem Quadragesimam Festis, Dominicisque binas in die conciones instituit. Et quanquam egregij Concionatores in tam præclara Civitate non deerant, degustato tamen Stradâ, ad eum universa concurrat: ut cum ædes multitudinem non caperet, advocanda deinceps concio fuerit ad Aulam Regiam. Fructus porro omni expectatione superior, emendatio morum; ad participanda Sacramenta incredibiles etiam ex pagis accursus; ut Sacerdotes 15. expiandis continenter pœnitentibus designari necesse fuerit; vita Christiana in vulgus omne introducta; Nobilitatis de Societate judicia sancta: Academicorum præda, quorum mox 11. lectissimi adolescentes ex innumeris competitoribus in Societatem adscripti sunt: quasi eâ causâ DEI bonitas Virum Societati donasset, ut eam tum recens in lucem editam, numerosâ prole terris omnibus, Indiæ præsertim, ad conversionem totius Orbis fecundaret. Itaque Simon, qui prius ex Italia & Gallia Sociorum requirebat auxilia, rogare coactus est IGNATIUM, finem mittendi faceret; & paulò post qui ex alijs nationibus advenerant, in alias, ubi necessitas exigebat, Provincias dimisit; & non paucos ex ipsis Lusitanis donavit. Ex ijsdem omnes deinceps Indiæ, Brasi-liæ, Æthiopix, Japoniæ regiones implebantur; tanta erat & ineuntium Societatem ubertas, & affectantium! Tandem cum ædes nulla audiret Stradam, jam Sacerdotio initiatum, multitudini sufficeret, prodeundum sæpe fuit in publicum, ubi is ardore cœlesti uni-

*Societas Europæa.*

versa incendens, ut alijs etiam locis prodesset, post magni jejunijs saluberrimos quotidie dicendi labores, Anno 1546. in Urbem Portum, cum socio item Sacerdote mittitur. Iter pedestre ex occasione Compostellam usque ad S. Jacobi, Superiorum annutu, facienti, subsidium vitæ obvia hominum misericordia, tectum xenodochia suppeditarunt; nec tamen à dicendo, ubi se facultas obtulit, & ab alijs Instituti sui muneribus cessavit unquam, & nobilem præcipuè plagam Durium inter ac Minium amnes, suæ opibus linguæ ditavit.

Portum ubi pervenit, statim postero die Apparitioni S. Michaëlis sacro, patenti in area ad populum dixit, adeoque animos & omnium aures tenuit; ut cum ter quaterque in die diceret; terna tamen toties amplius hominum millia constanter accurrerent. Duos ibi retentus est menses, ingenti universorum, non populi modò, sed & Cœnobarum bono, qui se novos animos induisse & impetus confitebantur, ad progressionem spiritus & sanctitatis; plurimis è sæculo ad Religiosos Ordines confugientibus: ex quibus iterum præstantissimi aliquot Societati nomen dedere; Vascus in primis Ferras, ibidem Canonicus opulentus. Tantique in omni genere hominum motus sunt excitati, ut quidam vitam in paupertate, alij in hospitalium & miserorum obsequijs traducere statuerent, alij vastis in eremis sese conderent, nonnulli etiam habitu inglorio & ignobili longas peregrinationes assumerent. Vis porro confitentium ea fuit, ut cum tertius in auxilium accitus Conimbricâ advenisset Sacerdos, quartusque ejusdem Urbis Clero se adjunxisset, accedentibus à prima luce ad tenebras, morem gerere satis non possent. Odia præterea multorum annorum finita, alienum æs suis Dominis persolutum, adita & adjuncta Sacramentis & copiosis eleemosynis valetudinaria, custodia, xenodochia. Ut verò carceribus detentis, qui pene instar ethnicorum ab omnibus deserti vivebant & interibant, non deesset in posterum Sacrorum copia; in areola dono in eum usum oblatâ, Sacellum ex corrogato sumptu Strada custodiæ contiguum excitavit, & stipendium uni Sacerdoti perpetuum constituit. Discedens inde, Civibus summopere reluctans, quocunque progrediretur, Bracaræ præsertim, avidissimum reperiebat auditorem. Compostellam verò properantem fama præcurrebat, & Redondellam appropinquanti tintinnabulo per oppidum plurimus parabatur auditor: utque fari pro more arden-



ardenter cœpit, omnia incendit, non tam orationis flumine, quàm lachrymarum. Clericum imprimis, apud quem divertit, à licentia vitæ notatum ita cominovit, ut à se ipso discedens, fugam etiam è sæculo constituerit. Compostellâ redeuntem Conimbricam, mandata Simonis deprehenderunt, Portum regredi jubentis; id enim Civitas per graves adeò literas postulabat, ut diceret, à Summo Pontifice, si opus foret, flagitaturam. Hic ille spatio sesquimensis iterum moratus, bene cœpta insigniter promovit, & Sodalitatem ad eadem exemplo suo & zelo tuenda, optimis monitis & regulis instituit; redûxque Conimbricam, postulatu Regis ad Curiam ipsam Regalem conciones exorsus est. Sed anno 1546. postulante Duce Gandiæ Borgia Vallisoletum à Rege concessus, cœpit verbum DEI, quo consueverat fervore, tractare. Conventus hominum ad audiendum nullo templo capi poterat, & audiebatur tam fructuosè, quàm avidè. Complures præter ingentes populi motus, iterum hinc ad Societatem animum appulere; ad alios verò Ordines quàm plurimi: peccatorum relaxatio tanta, ut omnibus satisfieri nullatenus posset. Quibus rebus permota Civitas, Ædes Societati in Collegium continuò attribuit & dotavit, quas Nuncius Apostolicus Poggius, quò Religiosis usibus essent opportuniore, suis sumptibus auctas instruxit.

Salanticam anno insequente vocatus, quòd ibi Societas per summam calumniam, quasi præcursum Anti-Christi cœtus, in odium omnium adducta esset, ut semel in Æde S. Martini auditus est, adeò populum ex ore suo suspendit; ut ad Quadragesimæ conciones continuò sit à Parochis postulatus. Eo dicente, excussæ sunt inanes è pectore, quas Melchior Canus excitârat, suspiciones, & odia in amorem novæ Religionis versa, in existimationem contemptus. Tam densa affluebat audientium turba, vix ut eam ullius Ædis amplitudo caperet, surgendumque bene manè cuiq; esset, nè loco excluderetur. Excipiebatur dicentis oratio fletibus continuis atque singultibus, quos tanta excipiebat pœnitentiam flagitantium multitudo, ut satis aurium præberi nullo modo potuerit. Jam verò centenis plures numerati sunt, qui rebus relictis humanis in varia Cœnobîa discesserunt. Anno 1550. cum S. IGNATIUS inspiciendis & expendendis Constitutionibus, prius quam promulgarentur (quas firmandæ & legitimè gubernandæ Societati tandem absolverat) Pa-

trés omnes Professos ex tota Europâ evocasset, missus est cum reliquis ab Hispania etiam Strada, licet necdum emissâ Professione, quam anno primùm sequenti 1. Febr. edidit. Quo labore perfunctus, missus est Burgos ad conciones in recens excitato Collegio obeundas: quarum fructum tam ibi, quàm deinceps biennio in Hispania, eadem quæ antea constanter sequebantur animarum lucra, Sacramentorum frequentia, & Sociorum accessio: donec Anno 1554. Aragoniæ Provinciæ datûs est ab S. IGNATIO Provincialis. In quo munere negotijs ferè omnibus in Socium derivatis, ipse magis in opus Evangelij ubique intendebat; de novis potiùs excitandis, quàm erectis jam, quæ paucula adhuc erant, gubernandis, & numero Sociorum implendis Collegijs sollicitus. Quare cum Cæsaraugustæ statuendi Collegij spes non procederent, arbitratus Strada majus aliquod Civitati Societatis dandum specimen, eò per ætatem venit, & suâ illâ Evangelicâ tubâ è clarissimis suggestis, Ecclesiarum Præsidibus certatim illum ad se trahentibus, insonuit. Eventus inter aliàs sæpius memoratos admirabilis secutus est, ut Senatus, Proceres, Consiliûmq; Pro-Regis unanimiter statuerent, vel detractis suæ, suorumque liberorum necessitati cibarijs, perficiendo Collegio se præsto fore: Pro-Rex autem enuntiaret, qui in tanta jam luce detrudere Societati conaretur, eum suæ potiùs existimationi & famæ propriæ detrudere. Itaque oblati Collegio ædibus brevè Collegium stetit; cui præter alios incolam etiam novum Strada lucratus est, Canonicum Urbis, Jurisperitum; qui necessitates Collegij præclare sublevavit. E quibus tam continuatis & irremissis laboribus ægritudinem tandem permolestam sibi conscivit, ut ad Congregationem Generalem Anno 1559. pro eligendo S. IGNATII successore venire Romam nequiverit, socio pro se Patre Baptistâ Barmâ, qui ferè Provinciam administrabat, ablegato. Anno tamen insequenti recuperatis viribus Romam discessit, coràmque statum & necessitates Hispaniæ Provinciarum edocuit, quibus præsentî subsidio opus esset.

Et sanè opportunissimus eo tempore fuit Stradæ Romam adventus; cum enim gravissimis dissensionibus scissa esset in factiones Urbs Montis Politiani; quarum tempestas in Collegium Societatis tandem maximè defecit: Lainius Stradam, vetustissimâ Politianis caritate conjunctum, apud quos mira concionum suarum rudimenta adolescens posuerat, con-



continuò ire iussit, qui sedare tumultum, & auctoritatem Collegio sarcire conaretur. Primus hic locus fuit, in quo Divina ejus eloquentia in obstinatis quorundam animis parùm profecit; qui cùm pertinaciter, ingemiscente saniore Urbis parte, Collegium persequi non cessarent, soluto Collegio, ejusque rebus omnibus his qui dotaverant restitutus, Florentiam discessit, & fructum centuplum, quem aliàs solebat, ex ministerijs suis retulit: Eleonorâ etiam Toletanâ Ducis Florentini Coniuge, ad sanctam à corpore migrationem legitimè dispositâ. Neque diu vindicta cœlestis Politiano abfuit; miserè extinctis, qui procellæ in Societatem Auctores fuerant: quorum coryphæus Civium aliquis, qui nostrum habitum, ad conflandam criminationi auctoritatem & fidem, ementitus, noctu meretriciam domum ingressus erat, cùm bene priùs à re domestica constitutus esset, post ingentem calamitatum triennij spatio seriem, eò demum adductus est; ut ægritudinis vi ad supremum agonem adactus, complures dies præter omnem naturæ vim trahens miserè animam, nullum inveniret sævissimæ mortis finem. Quo malo ad animi sui curam conversus, intelligensque supplicium id divinitus sibi immissum, acciri jubet multos & primores è Civibus: quibus lecto circumfusus, moribundus summo cum doloris sensu inter mortuis singultibus hæc palàm, ritè à præsentibus contestata, professus est: *Ego miser ac perditus is fui, qui habitu hominis Jesuitæ ementito, ad infamiam Patribus conflandam, ut cogerentur Monte Politiano abire, quod pro dolor accidit! quasi unus ex ijs furtim noctu meretricis domum ingressus sum, unde iniqua dissipata in Patres infamia est. Et propter hoc immane facinus evidenter sentio DEUM esse, qui tanto in angore, ut videtis, detinet me, nec sinit mori. Jam igitur vobis coram omnibus aperio, & confiteor indignissimum scelus meum; vósque obtestor, ut pro me DEUM precemini, ut tantam injuriam condonare mihi velit, damnumque remittat, quod ego excessu illorum Patrum universæ huic Civitati peperit. His dictis peccata Sacerdoti ritè confessus, mox omnibus admirantibus, tanquam solutis quæ eo usque tenerent vinculis, è vita migravit 18. Augusti anno 1566. Quibus perspectis*

rebus pia Civitas, incredibile memoratu est, quàm postea sæpe, quàm enixè Collegium reperierit: quod tamen nonnisi diu post à Claudio Aquaviva Generali anno 1605. impetravit. Restitutum, postliminio Hispaniæ Strada anno 1566. Domum Professam Toleti recens tum institutam incoluit: cùmque Patres amplius 12. Paræcias, in quibus dicerent, Nosocomia, custodias inter se partirentur, Strada Evangelij sonitu ita intonuit, ut Toletani commoti, nunc demum incipere sibi lucem oboriri dicerent, & palàm fieri quid Societas esset, fortunatam appellantes urbem suam, cui contigisset Professam habere Domum.

Demum laboribus Apostolicis fractus, cùm aliquot postremis vitæ annis salutarem illam facundiam exerere, amplius non posset; voluntariâ quadam solitudine inter SS. Patrum volvenda monumenta, sibi uni, DEOq; vacans, illam mutavit; magno omnium luctu extinctus Toleti anno 1584. die 26. Octobr: Vir fuit inter prima Societatis columnina meritò numerandus: cujus sacræ eloquentiæ aliquot Provinciæ Collegijs, & Collegia quàm plurimis Operarijs impleta sunt. Interrogatus aliquando à Petro Ribadeneira, unde, eo dicente, tantus existeret ubivis locorum in Auditore motus? ingenuè respondit, sibi inter dicendum radium quendam & impulsus illabi cœlitus, quo totus præcordijs intimis commoveretur: indè fieri, ut motu eodem audientes afficeret, ex quo postea tantæ sequantur morum commutationes. Et verò impigrè ille se ad recipiendam divinam vim omni virtutum exercitatione comparabat, Vir multæ patientiæ, facilis ad alienas commoveri calamitates, ad opem ferendam egenis acer ac promptus, in rerum publicè administrandarum consilij solers ac prudens. Mirum, quàm magnificè, id divinitus (ut ipse aiebat) sapius edoctus, de Societate sentiebat! ad eam perpauco, nè se quidem, putabat satis idoneos; nec verbis quidem exprimi posse, dicens, quid sanctitatis in ejus requiratur Alumnis. Neque tamen multa ad id verba necessaria esse, cùm ex ipso ejus nomine, si rectè intelligatur, constet; quid sit non tantum nominatenus, sed reipsâ esse dignum Socium Christi JESU.

*Ex Historia Societatis, & Nierembergij Tomo 4. de Viris Illustribus.*





P. Georgius Alvarez Soc: Iesu, Hispanus, humili loco natus; mirâ in animos hominum, quantumvis obstinatorum, potestate et efficaciâ à Deo præditus, quâ Peccatores induratos ad poenitentiam adducebat. Obijt Hispali Anno 1587. 24. Decemb: 40.

## P. GEORGIUS ALVAREZ.

**I**n signis spiritûs in Patre, Georgio ardor, & efficacia sermonum, quâ pervicaciam quantumvis obstinatorum non tam svadendo, quàm pro potestate imperando edomabat, eximie conjuncta sanctitati; dignum effecere, qui inter Viros sui ævi Apostolicos computaretur. Natione fuit Hispanus, tenuis fortunæ parentum filius; Societatem verò complexus est jam Sacerdos, præcipuo studio orationi, humilitati, suisque in omnibus abnegationi deditus. Fervorem ejus in dicenda Missa, & cœlestia cordis incendia, declarabant splendidissimi radij, quibus un-

dique circumdari, sacrificij & orationis tempore, non semel visus est. Zelo animarum urebatur inexplicabili, quod earum salus tanti DEUM constitisset; ideoque nullis parcebat laboribus, nullis absterrebat ærumnis, neque ullam diu noctûque habebat quietem, si nihil ad earum lucra contulisset; & Dominus, qui singulari curâ illum segregaverat in hoc munus, gratiâ suâ & spiritu fortitudinis illum imbuit, ut homines quantumlibet obstinatos & incorrigibiles veluti cogere à vitijs desistere, & in lacrymas solveret petris duriora pectora. Videbatur enim obtinuisse à DEO, uti quondam Ezechiel, faciem filice, & adamante durior, ut nullis precibus, pro-



promissis, minis, vel extremis vitæ periculis abstergeri posset ab eo, quod in bonū animarum perficere designasset. Fuit in certa Andalusie civitate Vir potens & opulentus ex Ordine Ecclesiastico; cui magno populi scandalo erat domesticis in amoribus concubina, perinde atque legitimo toro palam & liberè cohabitans: monuit hominem officij jam terriò Pater, ne alijs pessimo exemplo viam præire ad scelera & infernum vellet; sed expertus monita ultra aures non penetrare: observatâ temporis opportuni horâ; quâ mensæ cum scorto sceleratus accumbebatur, improvisus domum irrupit, frustra famulis obnitentibus, & domo exturbare conantibus; solus enim Viri zelo divino incensi aspectus, terrore perculsos exarmabat. Itaque in Aulam, ubi prandebatur, se penetrans, adversus confidenti Ecclesiastico constitit, vultuque severo & gravi illum intuitus, consternatum veluti sideravit: sermone verò ad pellicem converso, pro potestate Ministris DEI propria imperavit, ut confestim à mensâ se proriperet, sumptoque pallio, ab ædibus, in quibus nefas esset mulierem morari, discederet. Neque mens, neque potestas vel audacia Domino adfuit, ullive fervorum, ut resistere, aut manum in DEI Servum mittere præsumerent; qui mulierem domo educatam, loco securo, quanto maximo potuit silentio, ad parandum Ecclesiastici famæ, collocavit.

Pedes aliquò iter peregrè in Missionibus suis agentem consecuti agazones, liberos oneribus equos aliquot ad manum ductantes, obtulère fatigato unum conscendendum, cum idem utrisque terminus viæ præfixus esset; & ipse cum gratijs acceptavit. Inter colloquendum narravère Patri, transeundum illis montem esse, cujus declivia à latronibus infiderentur, passim in viatores grassantibus: sed Pater sinè metu illos esse, fisos in divino auxilio, iussit. Jamque montem subibant, cum latrunculi erumpentes, stare in vestigio equites imperant, extrema fugitivis cum morte minitantes: quo audito Pater jumento desiluit, & intrepidus contra prædatores procedit, moxque apprehenso ductoris nebulonum brachio, vultu vocèque terribili increpans quærit: *dic mihi homo, nunquid tibi potestas à DEO facta est viatores per summam injuriam diripiendi, & despoliandi?* eâ voce consternatus prædo, cum socijs scelerum toto corpore tremantibus, animo viribusque concidit; nec aliter quàm re, ante Judicem, instar agni cum suo grege macellum horrente stetit, humillius

mè veniam rogans, ultimamque pauperiem, quâ ad rapinas adigerentur, excusans. Hic Pater se intimè necessitati misellorum compati declarans, quidquid recularum, nummorum, vel alimoniarum secum agazones habebant, magno affectu inter prædones divisit, serio hortatus ad pœnitentiam; quam exinde omnes sinceram, vitâ in melius commutatâ, egerunt, Patrisque sanctimoniam, & vim humanâ majorem ubique prædicârunt; qui tanquam potestatem habens, non jam svaderet tantum, sed imperaret vitia relinquere. Contigerat etiam hominem innocentem falso ad Judices delatum, mendacio iniqui testimonij ad mortem condemnari: quod resciscens Pater, omnem movit lapidem ut falsum testem deprehenderet; inventumque tantâ vi aggressus est, ut ad retractandum pro tribunali testimonium adduxerit. Itâ ultimo discrimini, suæque libertati reddito innocente, ut etiam periculo æterni supplicij iniquum ejus oppressorem subduceret; ad confessionem sibi illico faciendam impulit: salubri prorsus & necessario consilio, siquidem tridui spatio miser, in pœnam fortasse perjuri testimonij, repentino facto extinctus concidit. Iterum alius, scelere falsarij delatoris, rogo addictus erat, quasi nefandi criminis reus vir innocens, cum Patri de testis unius falsitate constaret. Igitur impetratâ à Judicibus supplicij ad diem unicum prorogatione, quod testem hunc interim reperiendum à se speraret, post multam conquisitionem, in agro tandem deprehendit, multisque precibus rogavit, hortatus est, atque etiam de genibus per sacra omnia obtestatus, suæ ut animæ misereri, neque illam æternis inferni flammis addicere vellet, dum hominem criminis expertem, vitâ & famâ spoliaret. Sed cum videret precibus actum se cum homine indurato agere; positâ deprecatoris personâ, vultum severi Judicis assumens, resolutione magnâ illum brachio arreptum, secum ad Judicem venire iussit, hisce affatus: *homo nequam, non pertimescis Divinam vindictam? illicò mecum venito, & hominem innocentem tuâ confessione à morte eripito:* tantamque DEUS paucis his verbis indidit efficaciam, ut veluti vinculis adstrictus Patrem sequeretur, & palinodiam pro tribunali caneret. Et quidem hac Patris arte innocens præfenti supplicio ereptus, nocensque perjurus in salvo constitutus est: quia tamen gravius erat istius in opprimendo justo facinus, quàm ut à DEO impune, ad terrorem aliorum, relinqueretur; paucis diebus veri sceleris arcifitus



situs apud eosdem Judices est testis falsarius, & eodem rogi supplicio, quod alteri nefariè moliebatur, justè abolutus.

Atque ad hæc efficienda lucem copiosam hauriebat à DEO in oratione, quam non solum declarabant splendores ab ejus ore totòque corpore evibrati, sed & alij mirabiles effectus, arcana cordium, & res procul difficta penetrata, quarum conscius fieri, nisi lumine altiori illustratus, nequibat. Die quodam primo manè petierat à Superiore copiam excurrendi ad suas delicias ( ita enim capturam vocabat animarum ad DEUM retractarum ) quem percontatus illi assignatus ad exitum socius: num moram tantisper pati posset, dum certum laborem perficeret? tum quidem annuit; sed paulò post accurrens, citò accelerare jussit, extremam quippe vocare necessitatem, nec moram ullam ferre. Domo profiliens, & pauculos passus progressus, in hominem ignotum, & nunquam antea visum, obvius incidit, quem amantissimè prior affatus, domum perhumaniter invitavit, & consiliorum desperatorum cœlitus conscius multis solatus est, dum restem suspendio destinaram extorsit: ac tum demum excusâ tristitiæ nube confessionem peccatorum persvasit, solatiique plenum ab se dimisit. Similis desperatio alium invaserat, adversis fortunæ casibus, & damnis temporalibus eo consilij à dæmone adductum, ut vitam sibi eripere omnino statueret. Agebat tum fortè secus eum locum iter Georgius, statumque hominis miserî divinitus edoctus, flexâ tantisper viâ deambulantiem conspicatur, & subito occurrens rogat, unde, vel quo gradiatur? totque, onerat quæstionibus, donec sævum animi vulnus expromat; tam profundè nihilominus cordi supremâ tristitiâ absorpto impressum, ut revocari ad vitæ amorem nullâ Patris arte, posset. Ergo in re ultimi discriminis Pater ingenua provolvitur; idemque socium facere jubet, precaturus à DEO sanam homini mentem & misericordiam. Mirum dictu, constitit repentè immobilis statux instar solo fixus, qui fugam à Patre obstinatè capiebat, donec hic ab oratione consurgeret: à qua hominem propius accedens, reperit animo penitus immutatum, & instar oviculæ tractabilem: quare secum ad domum vicinam deductum, confessioni faciendæ præparavit, & perturbatione omni ab animo depulsa; lætum ad proprios lares dimisit. In rebus tam miris perficiendis nulla prudentiæ humanæ attendebat ille dictamina, sed con-

trarijs è cœlo rationibus agebatur; unde obtinuerat veluti dominium in voluntates hominum, etiam primæ Nobilitatis, Potestatis, & multarum opum, quos perrarò orabat, si quid ab ijs præstari vellet; sed mandabat imperativè, tali viduæ remedium afferrent, huic vel illi pauperi cibum ministrarent, eleemosynam in carceres mitterent: parebaturque his jussis exactè, summo amore, ab omni statu & genere hominum. Imò & in alijs multò difficilioribus, magisque arduis, perinde jubenti obtemperabatur: ut cum non rarò in personas graves, penitusque antehac ignotas incidens, jubebat, *veni mecum*, inquires, *& peccata confitere*: quæ promptissimè imperantem sequebantur, licet de confessione instituenda nec in mentem quidquam venisset. Tanta erat Viri observantia, tamque exacta in juvandis ad contritionem penitentibus, & examinandis peccatis, quæ aliunde in Divino speculo intuebatur, industria! dum interim illa fatentibus intimo dolore compassus, lacrymis totus perfundebatur: quibus & ipsi ad dolorem, suique erubesceniam permoti, vitam de cætero novam instituebant.

Præterea verissimus erat Pater pauperum, Advocatus viduarum, & destitutorum Auxiliator, quorum domos omnes perspectas habebat, lustrabátque assiduè, ut omnium necessitatibus succurreret: tantæque fuit per ipsum à potentioribus corrogata, & in egenos Hispali erogata eleemosyna, ut triginta millia aureorum superâsse feratur. Anno 1580, cum morbi species quædam contagiosa, quæ biennio sequenti in pestem formalem desijt, Hispalim depopularetur, multique egentiorum eadem correpti, inopiâ medicamentorum & alimentorum interirent: Pater misericordii charitate motus, non tantum opitulator ipse manum pro viribus admovit; sed remedia simul à pharmacis, & quotidiano in singulos cibariorum dimenso affatim providit, quatuor pharmacopolijs in diversis Urbis regionibus mercede conductis, unde pauperibus singulis, quotquot medicamina nomine Patris postularent, gratuito darentur. Ipse autem unam ex quatuor Urbis partibus, nisi aliò necessitate repentinâ vocaretur, quotidie per ordinem invisebat, habebátque singulorum pestiferorum, ne quem incautus præteriret, consignata in syllabo nomina, ut omnibus sua quot diebus alimonia, & chirurgorum cura impenderetur: quâ providentiâ major illorum pars in vita servata est. Hæc ergo cum in proximos omnes esset charitate,

non.



non poterat unius Urbis spatijs, aut certo hominum genere zelus ipsius contineri; sed porrigebat se latissimè in Regiones aditas, quantum obedientia permisisset; quas identidem pedibus lustrabat, si quem uspiam DEO lucrari posset, indagans; & modò se itinerantibus socium adjugebat, ut per otium cœlestia inspergeret; modò in agris laborantibus assistebat, Fidei rudimenta pro cuiusque capacitate tradens: omnibus autem præcipuè Pœnitentiæ Sacramenti partes & necessitatem inculcabat, ut rarò aliquem præteriret, quin peccata ritè confessum expiasset. Nulla, verò cura fuit hospitij, cibi, quietis, vel aliarum corporis necessitarum: nam mensam præbebat mendicatis collectus panis, cameram & lectum exhibebat obviæ cuiuscunque casæ, vel palearij solum, aut nuda tabula: neque ullas admittebat commoditates, aut Nobilium invitationes, pene importunè domos suas ad diversorium illi offerentium. Tam impensè DEI honorem curanti non poterant deesse persecutiones & obloquia, vera Servorum DEI nota: siquidem nunquam defecere ex ijs ipsis, quibus plurimum boni exhibebat, calumniatores, adversarij, & detractores; ad quorum tamen injurias immobilis patientiam nunquam deperdidit, tantòque magis illorum commodis servire sategit. Contigit aliquando in publica platea ipsum à Viro nobili mille opprobrijs excipi, & in faciem coram accurrente multitudine proscindi: sed Pater nullo pro se, vel contra hominem verbo opposito, constanti silentio omnia exceperit, donec tot calumnijs gravis nubes penitus exoneraretur; ac tum sedatè, velut si nihil intervenisset, verba de DEO ad populum circumstantem facere incepit, eâ animi tranquillitate, vultusque modestiâ; ut in summum ruborem adductus detractor, supplex veniam impudentiæ petierit.

Ità in salutem animarum pervigilem, & in seipso virtutibus omnibus excolendo occupatum, cum annum in Societate ageret 28. mors pretiosa, & pro singulari favore à DEO exorata, occupavit. Degebat Hispali in Collegio Rodericus de Flores, Coadjutor

temporalis, omnibus virtutibus ornatus, & æstimatione communi sanctus, Vir multæ orationis, in qua non rarò sublimis à terra, aliàs verò multâ luce circumfusus apparebat: & literarum expers tantam nihilominus à DEO doctrinam hauriebat, ut de mysterijs Fidei differens, profundos Theologos in admirationem raperet. Commodorum omnium suique hostis acerrimus, rogabat instanter Dominum, ut prolixâ & molestâ ægritudine affligeretur, quò purgator ex attrito doloribus corpore spiritus emigraret: idque liberaliter consecutus est, semestribus febris hectica ardoribus excoctus, quos magnâ animi æquitate & hilaritate sustinuit. Morti jam proximum anno 1584. invisit P. Georgius, invidere se tam vicinum servo DEI transitum ostendens, ideòque plenâ affectûs tenerrimi exprobratione obtestatus est: *Frater mi, non impetrabis à Domino, ut tecum Festa Natalis Dominici, in cœlo transigam?* Respondit, ille, se exoraturum: & eventus monstravit, à DEO exauditum fuisse. Nam die 11. Decembris è confessionario redux, cepit lethargo opprimi, & in vigilia Natalis Domini ad extrema deductus, post recepta ultima mysteria, inter ardentissimos in DEUM affectus, sub primas noctis tenebras in cœlum, uti desideraverat, migravit. Ingens hominum fuit ad supremos defuncto honores persolvendos concursus: cumque universi, pedes ejus magnâ devotione ad osculum peterent, & ad venerationem attracta corpori rosaria, imagines, ceteraque id genus auferrent, unus quidam Patri minùs in vita addictus resistebat; cum repentino, & validiore quàm contemni posset impulsus instinctu, & ipse feretro factus propior, post pedum oscula manus devotè pressit, tantamque subitò fragrantiam odorum sibi inhalari, & manibus adhærere sensit; ut multos dies eandem svavitatem redolerent. Duæ aliæ personæ diuturnâ ægritudine oppressæ, solo cinguli rescissi frusto, quod corpori sepeliendo circumdatum fuit, reverenti actu, Patrisque postulatâ intercessionem, à malis suis liberæ evaserunt.

*Ex Nierembergij Tomo 3. de Viris Illustrib.*

## P. ALPHONSUS SALMERON.

**A**lphonsus Salmeron, natione Hispanus, patriâ Tole-tanus, Parentes habuit opibus quidem pauperes, sed divites virtute; illorum curâ

à puero literis admotus primùm Toleri, dein de Compluti; quibus latinè, græcè, & hebraicè ad elegantiam usque excultus; Philosophiam ibidem audivit, in eadem Magister creatus, cum annum ætatis ageret 18. Cum

Bb

verò

*Societas Europæa.*





P. Alphonsus Salmeron S.I. Hispanus, ex primis S. Ignatij Socys unus, maximis laboribus pro Animarum Salute per totam ferè Europam perfunctus; moritur Neapoli 13. Feb. 1585. Aetat: 69.  
41.

verò maximâ famâ Compluti celebrarentur studia Universitatis Parisiensis, & simul admiranda referrentur de sanctitate IGNATII Loyolæ, Parisijs eo tempore literis operam dantis; desiderio & Theologiam ibidem absolvendi, & IGNATIUM conveniendi, iter in Galliam cum Jacobo Laines suscepit, & Parisios ingressus (quod mirum est) primò omnium in IGNATIUM incidit; quem licet neuter de facie unquam vidisset, tam raro nihilominus modestiæ schemate composita Viri species, illum ipsum esse utrique persvasit. Post salutationis officia in familiaritatem & intimam consuetudinem ab IGNATIO admissi, excellentissimæ ipsius virtutis radijs perstricti, prior Laines, ideoque ordine tertius, quartus autem Salmeron, omnium maximè juvenis,

19. annis necdum expletis, Socios illius Instituto se adjunxere; à quo sacris meditationibus dum ante omnia mensem integrum exercerentur, Salmeron inter reliquos edomandi corporis fervores, totum triduum absque omni cibo, & potu jejunus transegit. Post repetitam Philosophiam, Theologiæ studium ingressus, vota subinde, Duce IGNATIO, in Monte Martyrum cum reliquis nuncupavit, præcipuè de Palestina petenda, & cum ijs postmodum peregrinatione pedestri in Italiam Venetias ad IGNATIUM perrexit, ut inde transmarinum iter unà Hierosolymam susciperent. Ubi dum occasionem soluturæ navis præstolantur, in xenodochio interim miserabilium & leproforum operam suam Alphonsus propè trimestri impendit: ac tum Ro-



Romæ Pontificis acceptâ benedictione, reliquis in diversas statûs Veneti Regionēs, ad parandum diuturniore secessu laboribus Apostolicis animum ab IGNATIO dimissis, Alphonsus non procul Paduâ unâ cum S. Xaverio locum solitarium delegit; in quo dies 40. in meditationibus, varijs afflictationibus, & perpetuo in pane & aqua jejuniis traduxit. Mox in publicum indè erupit ingenti fervore, per varias Italiæ Urbes, oppida, & pagos prædicando, catechizando, DEUM & Divina omnibus imprimendo; vitam interim solo emendicato cibo in Nosocomijs sustentans, in quibus unâ ægris omni charitatis genere deserviebat.

Postquam verò in Religiosum Ordinem à Christi Vicario Societas erecta & confirmata, & IGNATIUS voto etiam Alphonsi in primum Generalem electus fuit, retentus Romæ Alphonsus perrexit Apostolicum zelum constanter exerere, non in Templis duntaxat, sed per vicos etiam & plateas, quolibet lapide consensu verbum DEI prædicare, atque ad DEI cognitionem & amorem omnes excitare. Et quia mirâ pollebat dexteritate in tradendis sanctis Exercitijs, meditationibus illorum erudiendos omnes ferè illi IGNATIUS committebat, quotquot sacrum secessum ex diverso hominum statu apud illum expetissent. Inter alios hæc arte ad insignem perfectionem ab Alphonso provectos, fuit Franciscus de Villanova, quem Societati peperit, magnum in illa futurum excelsâ vitæ sanctimoniam, & ardentissimo animarum zelo, vitæ Apostolicæ speculum. Itaque celebrabatur totâ Urbe Alphonsi nomen, non minus à ferventi zelo, & arte adducendi ad DEUM mortalium corda; sed etiam à Divina humanâque sapientia, cujus specimen dabant prælectiones sacræ, in Academia Romana Sapientiæ, publicè ab eo traditæ; sic, ut ad Pontificem ipsum Paulum III. fama illius penetraret. Statuit proinde illius operâ, in gravi Ecclesiæ negotio uti, & auctoritate Nuncij Apostolici ornatum in Hyberniam mittere, ad Catholicorum auxilium & solatium, graviter illic ab Henrico VIII. Angliæ Rege oppressorum. Postquam enim hic contra omne humanû & Divinum Jus, legitimâ Coniuge Catharinâ rejectâ, Annam Bolenam sacrilego toro sibi coniunxisset; indignatus eâ causâ, tanquam adulterum se à Christi Vicario Clemente VII. damnatum, repudio etiam Ecclesiæ Sponsæ Christi dato, hæresim palam amplexus est, & se caput Ecclesiæ Britannicæ non tantum ab

*Societas Europæa.*

Anglis, sed & Hybernis, arrogato in ipsos imperio, haberi & dici voluit. Cujus rei certior factus Pontifex, nè tot animabus per Hyberniam, in obediencia Ecclesiæ constantissimis deesset, consilium denique cœpit, maximè urgente Roberto, Armacano Antistite, ut eò de Societate aliquos, Nunciorum nomine, ampla cum potestate legaret. Itaque munus hoc Alphonso Salmeroni & Paschasio Broëtto delegatur, proficisci à S. IGNATIO iussis sinè sacculo & pera Apostolorum more; quibus tamen Divina providentia nunquam defuit in itinere prolixo & periculoso, animas suas pro salute proximorum libentissimè exponentibus. Iter cum sodali suo Paschasio, & Francisco Zapata (qui è Scriba Pontificio ijs ipsis diebus Tyrocinium Societatis auspicatus fuerat) aggressus est per Galliam, inter mille prædonum & militum discrimina, quæ creabat fervens inter Cæsarem Carolum V. & Franciscum Francorum Regem bellum; unde mari transmittens in Scotiam, post gravissimos exantlatos labores & difficultates, Hyberniam ipso verni jejuniij principio tenuit.

Magna Pontifici excitata erat spes felicitis ex hac missione eventûs, magnâ Curia toti expectatio: verum Alphonsus plena omnia vastitatis & trepidationis supra omnem opinionem reperit, non rei Catholicæ tantum, sed etiam Politicæ supremo periculo. Genus inprimis hominum incultum & rude, Pastorum vigilijs planè destitutum, apud quos nulla Episcoporum, nulla Parochorum liberata erat procuratio. Proceres universi, uno excepto, Regis libidini obsequentes; insuper juramento se adstrinxerant, concrematuros literas omnes, si quæ advenirent Pontificis, earumque Nuncios ad Regem in vinculis perducturos. Non tamen idcirco animis concidit cum Paschasio, sed mutatis identidem latebris; captatisque temporibus, omnem laborem ac diligentiam in tutandis curandisque Catholicis impendit, modò privatis eos monitis in Fide corroborando, modò ignaros castum Religionis cultum perdocendo, sacra mysteria ministrando, indulgentias promulgando. Neque paucos, Regij edicti metu in hæresim lapsos, reconciliabant; alijs Apostolicæ Sedi reservata facinora condonabant; alios alijs Ecclesiasticarum poenarum nexibus relaxabant: ex quibus ingens apud eos populus ubique lætitia & admiratio, Patrum præsertim continentiam atque integritate perspectâ; qui pro potestate Nunciorum relaxationes,



tiones, exceptiones, immunitates, aut planè gratuitò, aut ære permodico ad sacrarum Ædium per Hyberniam instaurationem, aliàque pia onera impendendo, indulgebant; nullo unquam teruncio in suos usus & necessitates acceptato. Hunc in modum diebus 34. lustratâ Provinciâ, ipso vulgi rumore proditi, ab Anglis indigenis quærentur ad necem, proposito indicibus magno pretio. Ergo Alphonsus cum moram diuturniorem non modò non animabus infrugiferam, sed nè tutam quidem amicis & hospitibus suis futuram prospiceret (nam & in receptatores eorum ac fautores pœna sanciebatur) reverti in Italiam constituit, quia hoc ipsum in mandatis Romæ acceperat. In Scotiam reversi, cum generoso animo frustra Regem firmandæ Catholicæ rei accedere tentassent; eò quòd Procerum potentia, cum toto ferè Regno rebellem Angliam secuta, aditus omnes occluserat; in Galliam re desperatâ transmittunt: sed Luretiâ Lugdunum progressi, cum ob bellum inter Carolum Cæsarem omnia suspecta essent, simul ac comparuerunt duo istic Clerici, Galus alter, alter Hispanus, inusitato squalore, sordidi, & obsoletiore neglecti vestitu, pro exploratoribus comprehensi conjiciuntur in vincula. Verùm à Cardinalibus duobus, Lugduni tum fortè morantibus, tandem agniti, honorificè cum viatico & equis additis, Romam dimissi sunt.

Alia sub hæc Alphonsum excepit animarum haud paulò ærumniosior procuratio. Joannes Moronus Cardinalis & Episcopus Mutinensis, Salmeronem ab IGNA TIO impetraverat, Diœcesi suæ ab erroribus & vitijs expurgandæ; in qua diabolo superfeminante zizania sic excreverant; ut bonum semen obruerent: cujus proinde excolendæ necessitas, biennium ferè Patris operam & laborem exegit. Ac sanè quidam tam altè imbiberant falsi dogmatis virus; ut non modò ex vero redarguenti Alphonso fidem non adjungerent: verum etiam tanquam phrenetici in Medicum insanirent. Ausi sunt vice versâ eundem de Fidei integritate, & vitæ castimonia flagitiosissimè criminari, mendacia in vulgus spargere, multa indignissimè comminisci; ut dum flagrat infamiâ vir fortis, aliò vertat solum. Ille, verò calumnijs infractus locum constanter tenuit, & quâ privatis quâ publicis sermonibus omnia periclitatus est, vitia acerrimè carpens, & hæreticorum insanias arguendo, ut perditos ad salutem reduceret. Ergo illi nihil jactatis in vulgus, criminationib., profice-

re se videntes, nequissimos ad Romanæ Curia Magistratus delatores subornant, qui innocentem struant calumniam: quo cognito IGNATIUS Alphonsum sinè mora in Urbem, tantisper revocat, ut accusationes oblatas præfens diluat. Has ille, ut Urbem ipsam attingit, ità depulit; ut magno adversariorum probro repressâ sit impudentia, & innocentia Patris illustrata. Interea temporis conciliatâ inter Cæsarem & Gallum pace, Pontifex in Concilium generale Tridenti aperiendum intentus, cum Theologos circumspiceret, quos Legatis Cardinalibus ad Synodum illam in salutē totius Christianitatis colligendam adjungeret, duos è Societate delegit, Alphonsum Salmeronem & Jacobum Lainez (quibus subinde Claudius Jaius accessit) notæ utrumque sapientiæ & virtutis, esto Alphonsus tum non numeraret annos supra 31. Tridentum delati, cum tectum & comæatus liberaliter à Cardinalibus offerrentur, declinatâ splendidâ habitatione, quoties vacatio erat à sessionibus, & tractatibus Concilij, publicum adibant valetudinarium, laborantibus æquè animis ac corporibus aures & manus commodaturi; puerulis in tradenda Catechesi magistros; egenis, quorum ingens tum confluebat Tridentum copiâ, in quærenda stipe tutores se dabant: operam navabant verbo DEI, & confessionibus audiendis: & si longior intercederet mora, in varias circumquaque urbes & regiones, ad piscatum animarum excurrebant. Tum demum intellectum est, sapientiam quandoq; sordido latere sub pallio: nam cum initio pannosi in illius sacri theatri conspectum se dedissent, erant plerisque despectui, præcipuè Civibus suis Hispanis: qui tamen ubi reconditos intus aspexere thesauros, & audivèrunt sententiam suam publicè magno pondere argumentorum proferentes, maximam de sapientia & virtute illorum concepèrunt existimationem: & de Episcopis Præsulibus multi suam coram, & scripto sententiam, priusquam in luce Concilij proferrent, cum ijs conferebant. Latinam quoque Salmeron Orationem habuit tanti Conventionis auribus dignam, quæ tot Præfulum iudicio mox edita, ad nostram usque servaretur ætatem. In dicendis autem publicè intra Synodum sententijs, inter Theologos omnes primo loco Salmeron, ultimo dicebat Lainez, ità sapienter statuentibus Legatis Pontificijs; ut ille veluti corticem ad propositam veritatem enucleandam aperiret: iste verò post omnium audita sensa, eandem robustioribus argu-



argumentis partim firmaret, partim si quæ ex dictis refellenda essent, confutaret, vel exploratiora redderet. Atque hæc illorum quotidiana experimenta Legatos Apostolicos impulerunt; ut eorum sapientiâ & consilio ad faciendum de Justificatione, inter Fidei mysteria summè arduo, Decretum, & ad gravissimam Concilij negotia plurimùm uterentur. Referebat postmodum Isidorus, Episcopus Fulginij, P. Sylvestro Landino, non fuisse in numero Theologorum è tot Provinciis illuc adductorum, qui majore claritate & soliditate sensu sua edicerent, atque Salmeron & Lainez. Jussi inter cetera, Lutheri hæreses omnes in compendium & summam redigere, unâque loca Conciliorum, SS. Patrum, & Doctorum illis opposita colligere, magno id laboris impendio, & summâ fide præstiterunt: quæ postea ad Theologorum privatos cœtus à Legatis relata sunt; deque singulis dicta à PP. magno cum assensu & approbatione sententia. Cùmque paucis admodum unius horæ spatium daretur ad dicendum, Lainio tamen ternas fuisse concessas scribit Canisius; qui cum Cardinale Augustano per id tempus Tridentum accesserat.

Atque hæc in conspectu Concilij totius gesta, vagari scilicet toto orbe celebri famâ cœperunt, omnisque Societati seu ab hæreticis, seu à malevolis intentata calumnia fidem deperdere. Nec defuere ex Præsulibus, qui tum primùm rationem & instituta Societatis cognoscere docti, operas ex illa pro Diœcesibus suis certatim expeterent, domique suæ, Collegia illis molirentur. Claromontanus certè Episcopus Guilielmus de Prato, duo Collegia, quibus postea tertium adjecit, in suo territorio Societati fundavit. Ut adeò verissimè ab Hispanijs ad S. IGNATIUM scripserit P. Araozius, Patres illos Tridenti plus per Hispanias Societati paucis mensibus nominis attulisse, quàm annis antehac omnibus, quotquot de Societate in Regno fuissent. Id quod non tam ab sapientiæ illorum æstimatione & reliquis dotibus proveniebat, quàm excellenti virtuti, sui despicientiæ, atque incredibili in proximum charitati tribuendum est; quæ in maximam admirationem Patres Synodi omnes rapiebat; cùm viderent eos novas semper artes juvandis miseris exco-gitare. Apostolicis quippe Legatis & Cardinali Tridentino consultis, Antistitum Oratorumque omnium, qui Concilio aderant, sibi indicem confecerunt, stipemque à singulis, factò à Legatis initio, corrogârunt; tantum-

que subito collectum est eleemosynæ, ut nudis egenorum corporibus 76. subministrata sit vestis. Qui cùm per Urbem composito agmine ad ædem, ubi concionem Patres habebant, convenissent; verbo DEI primùm, tum prandio omnes refecti sunt. Ea res ità probata est Principibus & Legatis, ut cùm Germanico ex bello contra hæreticos miles plurimus illac reverteretur, egestate & morbis prostratus; Cardinalis S. Crucis, Patrum eum pietati, fideique commendandum putârit; cujus hi sedulam mox curam susceperunt, vestitu, cibatu, medicinis, viatico, provide-runt, ut paulò post integrè omnes sibi restituti, in Italiam redire potuerint. Translatâ subinde ob pestilentia periculum aliâque causas Bononiam Synodo, jussi sunt & Patres nostri illam sequi: quo in itinere Salmeron ex tot laboribus in vitæ discrimen Patavij adductus, gravissimè decubuit, à Lainio peremptoriè ad consvetas Synodi sessiones Bononiam evocato deferendus; nisi sub ipsum ejus discessum repentè sanum se comperiens lecto erexisset, id quod omnes miraculo, precibus ac meritis S. IGNATII concessio, tribuebant. Bononiæ nihilo hebetior ex morbo factus Salmeron, dum de Sacrificio Missæ Theologorum conferentia haberetur, suam per biduum sententiam magnâ omnium approbatione & ingenij profunditate explicuit. Quidquid autem temporis à Concilij curis superesset, partim audiendis ad S. Lucie populi confessionibus, partim concionibus, aliisque Sacerdotum ministerijs naviter impendebat, maximo omnium, quod extraordinariâ à Pontifice potestate præditus esset, concursu; quâ etiam complures ab hæresi Lutherana absolvit. Suspensâ autem paulò post in commodiora tempora Synodo, habuit ad numerosissimum auditorem Quadagesimâ totâ matutinis horis conciones, sub vespertum autem ad Sanctimonialia; reliquis horis ità integrè concurrentium pœnitentium auditioni attributis; ut somno etiam tempus necessarium subtrahi oportuerit. Neque paucos ex Civibus, Clericis, & Religiosis sacrâ Exercitiorum ascesi excoluit, ac præcipuè frequentiorum sacræ Confessionis & Communionis usum introduxit, quæ ante hac rarissimè adibantur; quibus utilitatibus commota Civitas, Collegium Societati apud se fundare omnino decrevit, eodémque anno Templo S. Lucie Societati oblato, duas illi aditas ædes in Collegium coëmit, & suis sumptibus illico in habitationem stabilem accommodavit.



His præclarè Bononiæ gestis, Veronam cum Antistite Ludovico Lipomano discessit, iisdemque docendi in Theologia, dicendi, & poenitentes expiandi in æde sacra muneribus perfunctus, Civium animis multum profuit. Nam & mentes in Fide nutantes, in Religione confirmavit, & quàm plurimos hæreticorum libros incendio abolere pervasit. Post brevem illic moram, ad preces Guilielmi Ducis Baviaræ, jussus est à Pontifice in Germaniam proficisci; quò priusquam digrederetur, Bel-lunum antiquam Veneræ ditionis in Carnis Urbem, rogatu ejus Episcopi divertit, tantumque dictione sacrâ, & privatis colloquijs profecit; ut homines novum concionandi modum admirati, negarent jam inde à S. Bernardini Senensis temporibus fructus illis extitisse majores. Declarabant id odia flagrantissima restincta, positi errores & opiniones pravæ, Lutherani combusti codices, honor redditus Sacramentis, Quadragesimæ jejunia jam propè obsoleta, renovata, adstricta Virginum disciplina. Quia verò tres de Societate Viros Bavarus à Pontifice petierat, qui Catholica dogmata in Academia Ingolstadiensi tradendo, Provinciam suam à fremente circumquaque hæresi conservarent; adjuncti sunt Salmeroni Claudius Jaius, & Petrus Canisius; jussu IGNATII ad majorem inter Germanos, hæreticos præsertim auctoritatem conciliandam, publicè prius Bononiæ gradu Doctorali ex Theologia insigniti, à Cardinale Joanne Maria de Monte, Legato Apostolico, qui postea ad summum Pontificatum evectus fuit. Iter per Tridentum ingressi, à Cardinale Urbis Episcopo primùm humanissimè, deinde ab Augustano Dilingæ, omni officio; ad eorum adventum illacrymante, excepti sunt; qui etiam Canisium pro regendo Collegio, quod ibi fundare meditabatur, retinere conatus est. Sed majore præ omnibus benevolentia, & summi amoris amplexibus exceptos Dux Guilielmus, Cancellario suo Leonardo Ecchio, Ingolstadium deducendos commendavit; ubi à tota Academia, Doctoribus & Magistris, ipso adeò Episcopo Aisttensi, Academiae Cancellario, ad hospitium Patrum convolantibus, eleganti oratione salutati sunt. Nec mora, lectiones Theologicas auspici; Salmeron in Cathedram Joannis Ecchij Viri maximæ doctrinæ, & pro re Catholicæ zeli, successit, explanavitque Epistolas S. Pauli; tantâ illico Societatis laude, & famâ, ut continuè de condendo Societati Collegio, agitari ab Academicis apud Ducem

cœperit, & Salmeron Facultatis Theologicæ Decanus renunciatus sit. Verùm quia utilior alibi, magisque necessaria ejus opera Pontifici fore videbatur, anno insequente Veronam redire jussus est, labores tanto proventu cœptos, ad profligandam penitus ab Italia hæresim, resumpturus. Quibus dum maximè distinetur, novis supervenientibus mandatis jubetur adire Neapolim, ubi Novatorum sparsi errores magnam animorum stragem edebant; receptusque est magnâ omnium propensione, Pro Regis inprimis Petri de Toletto, qui jam tum de fundando Societati in Urbe Collegio cum Nobilitate consilia agitabat. Venerat quidem Salmeron conciones per Quadragesimam habiturus: sed quia plures ei muneri per diversas Ecclesias sacri Oratores aderant, aliam refellendis erroribus magis idoneam occupationem assumpsit, orsusque est horis pomeridianis ad B. MARIE Majoris explanare Epistolam ad Galatas, eâ doctrinæ copiâ, ardore animi atque vultus; ut delitescèntes hæreticos, qui clandestinis venenis multos jam infecerat, redargueret, & omnium per ora traduceret. Verùm in medio iterum laboris cursu, repente ad Urbem revocatur, ut ad resumptum Conc. Tridentinum, Pontifice jubente, se conferat. Perculit ea res vehementer Pro-Regem & Regii Primores, qui fructum jam avertendæ hæresis, & importatæ errorum pestis percipere ex Alphonsi conatibus cœperant; qui nè cum Alphonsi discessu evanescerent, dedere ad IGNATIUM literas, Socios aliquot Neapolim mitti postulantes, ad danda Collegio initia.

Tridentum attingit Salmeron cum Laine, Julio ferè exeunte, anno 1551. magnâ Legatorum, & Concilij Patrum gratulatione, jussisque sunt deinceps primi in Conventibus inter Theologos sententiam dicere, & gravissimum ferè quodque onus, in ijs quæ privato studio elucubrandæ erant, ad dandam Fidei mysterijs discutiendis lucem, utrique imponeretur; neque unquam sinebantur à Conventibus, seu publicis, seu privatis abesse, etiam dum febris Lainius laboraret. Hinc videlicet rursus toto terrarum orbe nobilitata Societas, tanquam de Ecclesia & triumphatis hæresibus optimè merita; ita ut Egidius Foscarius ex Prædicatorum Ordine, Mutinensis Episcopus scribere non dubitaverit hæc: *Lainius & Salmeron maximo cum splendore de SS. Eucharistia Sacramento contra Lutheranos disseruerunt: & reverè me felicem duco, quòd in hæc tempora tam doctorum, quàm sanctorum Patrum*



*rum inciderim.* Abrupto postmodum iterum Concilio, Salmeron Neapolim redijt, & præter alia ubiq; antehac usurpata animabus lucrandis munia, conciones per dies verni jejuniij flagrantissimo ardore habuit, eo eventu, ut plurimis excussæ sint hæreses, nec paucioribus religio injecta jejuniij. Duas etiam inter reliqua erexit Sodalitates, quas sub discessum Antistiti commendavit: alteram virorum; fœminarum alteram. Illi, sub Augustissimo Evcharistiæ nomine, solennia præ reliquis erant, decimo quinto quoque die Sacramenta Pœnitentiæ & Evcharistiæ frequentare, idémque alijs diligenter svadere: puero- rum & rudium instructionem in præcipua cura habere; pacem inter dissidentes omni studio procurare; denique suam xenodochijs operam, & ægrotis obsequium per intervalla præbere. Fœminarum verò Sodalitium, sub titulo nominis JESU, quot mensibus SS. Sacramenta percipere tenebatur, & singularem in instruendis doctrinâ Christianâ domesticis curam gerere: emergentibus à flagitiorum cœno mulierculis tutum receptum providere, dum certo honestoque vitæ genere illigerentur: devitare in se omnem ambitiosum & superfluum ornatum & oris pigmenta, & ad eandem moderationem alias inducere. His præclarè ex spiritu Apostolico Neapoli gestis, Anno 1555. primus è Societate Regnum Poloniæ intravit, jussus eò missum à Pontifice, Legatum Ludovicum Lipomanum comitari; ubi rebus præclarè gestis, & magnâ Societati partâ existimatione, redeuntem cum Nuncio, Senas transire voluit IGNATIUS, Cardinalisque Francisco de Mendoza, ac Civitati, dum per Pontificem liceret, quidquid in se esset navare operæ. Laboravitque tam impenso zelo; satisfactione, & solatio incolarum calamitosissimæ Urbis, recenti bello & oppugnatione, quâ in potestatem Hispani venerat, exhaustæ, ut malorum pene oblivio Civibus inducta, & tanquam de integro renascens post martiales tumultus, Christianæ forma pietatis restituta sit. Iterum tamen paulò post à Pontifice Romam accersitus, Cardinalem de Motula in Belgium sequi jubetur; ubi illud operâ suâ Societatis laborum specimen dedit, ut eorum desiderio excitatis incolis, uni Collegio principia posuerit, & quatuor è Belgis Societati adjunctos secum Romam adduxerit.

In reditu è Belgio, contigit eum iter facientem per Helvetos, divertere cum Nuncio Basileæ, Urbe nuper ab hæresi depravatâ; ubi cum aliquot dies morarentur, famâ ejus ad

Magistratum delatâ, subornati sunt pseudo- ministri aliquot è doctioribus, qui cum disputatione de Fide lacefferent. Venientes ille ad certamen tam solido argumentorum, & responsionum pondere exceperit; ut palàm errorum convicti remanerent ingenti pudore & confusione; & destituti opponendis rationibus, ad convitia & injurias verterentur. De horum impudentia questus apud Magistratum Nuncius institit, ut tam improbos & malé feriatos suos ministros ad palinodiam cogerent, jussos Salmeroni illatam injuriam deprecari. Sed horum culpæ excusatio ea fuit, ut dicerent, se eo die, quo certatum fuerat, nuptiali convivio interfuisse; ex quo reduces, cum poculis liberalioribus immaduissent, non fuisse idoneos rationibus suæ doctrinæ depromendis, ideoque in eas insolentias lapsos esse. Reversus Romam, præter domesticum ex obitu S. IGNATII luctum, reperit statum publicum, ob Pontificis Pauli IV. cum Philippo Hispaniarum Rege discordias, vehementer perturbatum; cùmque obsidio à Regijs Urbi timeretur, jussis ad publica munitionum opera manum commodare etiam Viris Religiosis, Salmeron inter primos ligone & palâ oneratus (ea erat Viri humilitas & promptitudo) comparuit, populo ad remadeò novam & insolitam illachrymante. Mox Neapolim redire jussus, summoque omnium Ordinum plausu exceptus est, statimque Templi & Gymnasij structuram in Collegij usum aggressus est; & cùm illi pertenuis in fabricam sumptus affluerent, terram ipse primus cum socijs fodere, cœmentum, lateres, in oculis totius Urbis afferre, quæ non minùs ex hoc demissionis Viri tam præstantis exemplo, quàm dicentis è pulpito ferventibus concionibus profecit. Iterum autem à Pontifice sub autumnum avocatus, tanta erat Operarij tam gnavi ubique necessitas! Romam, cum Caraffa Cardinali ablegatur in Belgium, ad pacem Philippum inter Hispaniæ, in Belgio tunc commorantem; & Henricum Galliæ Reges conciliandam: quo cum P. Ribadeneira delatus, nè penes publica Aula pacisque negotia saluti animarum deesset, conciones Italicas Bruxellis habere instituit, non minore hominum profectu, quàm affluxu. Redux cum Cardinali ad Urbem, Congregationi generali Societatis interfuit, in qua Anno 1558. electus est Successor S. IGNATIO Generalis P. Jacobus Laines: tùmque Neapolim ad consuetos labores repetijt, constanter ibidem usque ad Annum 1561. moratus; quò



quò Pius IV. Pauli IV. successor, cum Generalem Laines misisset in Galliam cum Cardinali Legato Hippolyto Estensi, ad componendum & pacificandum illud Regnum miserimè ab hæresi afflictum & ruinum, necesse fuit Salmeronem Romam venire, ut interea Societati titulo Vicarij Generalis præesset.

Per eum Salmeronis ab Neapoli repentinum abscissum, ubi instar oraculi & hominis divini habebatur, occasionem sumpsere, sparsi per Urbem hæretici, atrociter ipsum publicè calumniandi, mendacio veritatis specie tam artificiosè involuto, ut calumnia toto Regno vulgata fidem apud omnes, etiam Religiosos, Clerum, Dynastas, & Nobilitatem, invenerit. Nihil illo Neapoli notius, nihil doctrinæ & sanctitatis famâ celebrius; siquidem per triennium constanter diebus quibusque Festis & Dominicis, & in Quadragesima quotidie, maximo cum fructu & plausu, concionem ad confertissimum populum in celeberrimis suggestis habebat: ubi tamen præter opinionem repente disparuit ab Urbe, vulgatur primo rumore ipsum in vincula coniectum esse; mox autem crescente pejore famâ adjicitur, publico rogo exustum: erantque oculis suis deflagrantem vidisse testabantur: postremò novus rumor cooritur, descivisse à Fide Catholica, & magnâ pecuniâ suffarcinatum, Genevam, hæreseos nidum, aufugisse. Proferebantur falsæ & supposititiæ literæ Cardinalium, quibus ea defectio nunciabatur: adducebatur ad fucum mendacio faciendum alia pudendè conficta fabella; cum scilicet Salmeron Matronam opulentam noluisse absolvere decumbentem, nisi quatuor sibi aureorum dedisset millia; id à Pontifice rescitum, & Salmeronem ad Urbem excitum; at eum, quo supplicium eluderet, cum tota ea pecunia Genevam maturasse fugam. Nulla de re alia in circulis, super mensas, in foris sermo erat, neque contrarium asserentibus socijs fides habebatur: adolescentem qui Gymnasium nostrum frequentabant, ab æqualibus hæretici vocabantur: accedentibus ad Patres pœnitentibus, à malevolis insufurrabatur, istisne animas committentis, quorum princeps hæreticus est? pueri carmen sibi confecerant, & occurrentibus socijs occinebant per vicos gregatim: *Salmeron apostata & fur improbus, hæreticus aufugit Genevam subdolan, cum quatuor aureorum millibus.* Sed quod omnium erat maximè exitiale, incipiebant plerique vulgò minùs abhorreere ab hæreticorum nomine, ita secum

ratiocinati: si Salmeron tantæ Vir sapientiæ Genevensium Ecclesiam veram agnovit; fortasse haud vanum est, quod in suis dogmatibus illa asserit. Quare passim judicabatur à prudentibus Romæ, oportere Salmeronem ire Neapolim, & aliquot saltem dies spectandum se populo præbere. Sed cum ratio officij id tum non pateretur, negotium summus Pontifex aliquot Cardinalibus commisit, jussis suo nomine Pro-Regi & Primoribus ex Clero atque Nobilitate veritatem rei perscribere. Eorūque operam juvante tempore, cum & ipsa per se monstrosior infamia esset, quàm ut diu vivere posset, paulatim emortua atque sepulta est.

Ad reditum Patris Generalis ex Gallia, posito Vicarij munere, nulla tamen quies Salmeroni concessa est; quòd illum Sabaudia Dux summis precibus ad se mitti flagitaret, ejusdem petitionem urgentibus Cardinali Michaële Gisserio (qui postea fuit Pius V. summus Pontifex) & Cardinali Ferrariensi, sperantibus, ejus præcipuè operâ, irrumpentem pleno torrente in eum Ducatum hæresim reprimi posse. Idem expetebat S. Cardinalis Borromæus, & Pontifici Pio IV. avunculo suo jam persvaserat, nisi repente tertium aperto Concilio Tridentino, magis ibi necessariam illius fore operam judicasset. Missus itaque tertio ad Concilium, tanquam Theologus Pontificius Salmeron, paulò ante P. Jacobum Laines Tridentum intravit, summâ totius Concilij gratulatione; auditus in ejusdem Conventibus & Sessionibus eadem quâ prius gratiâ & applausu, cum primus inter Theologos iterum differeret, Lainius autem ultimus inter Ordinem Generales peroraret; ille semina jaceret; hic fruges demeteret. Finito tandem Concilio priusquam in Provinciam Neapolitanam rediret, Venetias divertere jussus, totam Urbem concionibus in sui admirationem, & ad novum pietatis studium excitavit. Præcipui Senatorum, ac Civium cum Duce assidui erant Auditores; cæterorum verò frequentia, quantam summam poterat capere templum. Vix licebat Viro, verbis & re Evangelistæ, apparere in vicis & publico; adeò occurrentium ad venerationem sui officij, & puerorum laudes acclamantium vocibus confundebatur. Eloquentiæ efficacia ac fructuosæ duo præ cæteris argumenta fuere: quòd cum invecus in habitum sceminarum indecorè nudantium pectus fuisset; decem è primarijs matronis eo ipso die, quas multæ dein secutæ sunt, restitum decen-



decentiorem, qui collotenus nihil inestum relinqueret, assumpserunt. Alterum, quod cum paulò impuniùs hæreticos tolerari dixisset, Decretum confestim in eos severum Respublica promulgavit, quo ditione suâ totâ omnes excedere jubebantur, quorum multi absque mora fugâ sibi consuluerunt. Per Romam, indè Neapolim redeunti, concio in S. Petri Basilica imposita fuit altero Pentecostes die; quam coram ingenti Nobilitate & 14. Cardinalibus eo fervore per duas propè horas habuit; ut ejus famâ Pontifex motus, Salmeroni successum ejusdem gratulatus sit, & commeatum in Neapolitanum iter subministrârit: jam tum Pro-Rege Neapolitano, & Ferrariensi Duce, ut eum in Quadragesimam Oratorem haberent, certantibus. Vixit deinceps constanter Neapoli, illi Provinciæ Præpositus Provincialis, nisi dum cogebatur negotiorum Societatis gravissimorum causâ Romam ad tempus excurrere: inter quæ erant terni Generales Conventus pro electione Præpositorum Generalium, in quibus electus est post Lainium S. Franciscus Borgia anno 1565. P. Everardus Mercurianus anno 1573. P. Claudius Aquaviva anno 1581. Præterea, anno 1569, evocatus à Pio V. ad conciones in Palatio Apostolico per Quadragesimam habendas, dixit mirabili spiritu, doctrinâ, & summâ Pontificis, Cardinalium, & Principum satisfactione. Cùmque Pontifex retineri illum Romæ cuperet tum ad conciones suas, tum ad graviora Ecclesiæ negotia tractanda; ipse, ut erat vitæ Aulicæ hostis, & Religiosæ amantissimus, valetudinis tot laboribus fractæ obtentu missionem impetravit, ac Neapolim redux, quia ob virium defectum dicere pro suggestu ultrâ non poterat, totum se scribendis libris (nam & Pontifex cupiebat ipsum in hæreticos stylum sumere) deinceps dedit; ut, cùm voce non posset, calamo salutis animarum atque Ecclesiæ prodesset. Scripsit autem doctissimos juxta ac utilissimos commentarios in Evangelia Tomis 11. & in reliquam Scripturam Tomis 5.

Toto autem illo restantis vitæ tempore, ingentia virtutum & consummatæ sanctitatis præbuit Neapoli specimina, ardentissimæ in primis in proximos charitatis, erga quos semper aperta gerebat viscera misericordiæ, cùm rara humilitate, simplicitate, & apertissimo animi candore: erroribus omnibus & hæreticis constanter infensus, cujus potissimum studio Regnum illud suam ab his conservationem debet. Dixit per 18. Quadragesimas

*Societas Europæa.*

quotidie, maximo fervore & fructu, nihil interim remittendo de assiduitate audiendi confessiones, & observandi Ecclesiastici jejuniij: & cùm auctoritate plurimùm posset, apud Dynastas atque Pro-Reges, gratiam omnem ad calamitosorum levamentum conferebat; nec semel magno usui fuit ad concordiam sacræ inter profanæq; Jurisdictionis administratos. Nullam sui fovebat existimationem, omnibus se postponens, & virtutum quarumlibet exempla in alijs ita suspiciens, ut ea ad imitandum, in libellum secretum annotaret. Cùmque esset literaturâ omni, & sapientiâ excultissimus, aliorum tamen sensum & consilia avidissimè exquirebat, etiam multò se juniorum, minùsque expertorum, & perlibenter sequebatur. Revidendis illius Tomis, missus erat Censor Neapolim à Generali Præposito, P. Robertus Bellarminus, qui testatus est, se quinque totis mensibus illi labori insudantem, annotare solitum quotidie Salmeroni, quæ sibi in Operum ejus lectione minùs probarentur, eaque illum omnia postridie emendata exhibuisse, etsi non rarò rationes ijs tuendis idoneas habere potuisset: & tamen Bellarminus longè erat ipso ætate & experientiâ junior. Passioni Christi tenerri-  
mè erat addictus, tùmque præcipuè emicabat ejus in DEUM religio, cùm de Christo Domino, de SS<sup>ma</sup> ejus Parente, de cœlesti deniq; Beatitudine loquebatur. De horum trium aliquo ubi sermo incideret, extra sese rapidiceres, adeò afficiebatur, & verba ex pleno, redundantique fundebat pectore. Tandem ætate, annis & laboribus gravis, modico primùm catarrho tentari cœpit, cui superveniens febricula ardentior eum admonuit, tempus esse, ut ad migrationem ex hac vita se compararet; unde etiam aliquot ante obitum hebdomadis hilari vultu prædixit, velocem adventare depositionem tabernaculi sui, esto Medici nihil periculi subesse affirmarent. Dum sacra Unctio afferretur, quia ipse præcipuo cultu S. Agatham venerabatur, quidam adstantium, *memineris*, inquit, *supremum Sacrificium te die Festo S. Agatha obtulisse*; & Salmeron: *quàm mox erit dies Festi ipsius octavus?* cùmque responsum esset: *postridie futurum*: *proinde*, inquit, *crastinus dies est vitæ meæ terminus*; neque aliter cecidit: nam horâ 10. noctis 13. Februarij anno 1585. expiravit, cùm eam totam dulcibus cum DEO colloquijs exegisset, animo tranquillissimo, & ad beatam illam lucem avidè aspirante. Nam cùm sæpius exclamasset: *letatur anima mea*,  
C  
letatur



latatur! quærenti cur lætaretur? *quia*, inquit, incipit *DEUS misericordia sua mihi vias ostendere!* post quæ, oculis à Crucifixo & DEI paræ imagine nunquam retortis, placidissimè expiravit. Postquam Viri pretiosi mors Urbi innotuit, tota quodammodo ad Collegij januam concurret, ejus corporis videndi, & manus pedesque basiandi gratiâ. Funeri deducendo adfuit Archi-Episcopus Neapolitanus cum Capitulo & toto Clero, in Pontificali vesti-

tu: dùmque officium perficeret, tantus fuit hominum prementium ex omni genere & statu confluxus, ut tumulo inferri nequiverit; alij capillos & barbam, alij vestium frustra abscindebant, ut vix magnâ industriâ caveri potuerit, nè corpus ipsum discerperetur. Noctem igitur præstolari oportuit, quâ valvis Templi oclusis tumultus est, cum annos ætatis complèssset 69.

*Ex Hist. Societatis & Nierembergij Tomo 1.*



*P. Joannes Gonzalez S. I. Hispanus, animarum supra propriam vitam Zelator insignis; ut obstinatum moribundum ad penitentiam reduceret, ad mortem temporalem Deo se obtulit, et exauditus est. Hurla  
16 Junij stº 1583 æt: 30*

42.

## P. JOANNES GONZALEZ.



ingulare exemplum altissimæ charitatis, & mortis accersitæ ex zelo unius duntaxat animæ salvandæ, habemus in Patre Joanne

Gonzalez, quam subijt ætate quidem minimè provectâ, sed meritis & virtutibus superadul-  
tâ. Et quidem vel unius animæ lucrum, tanti sibi esse declarant multi SS. Patrum, ut illud ipsi Martyrio præoptent: quemadmodum legere



legere est de S. Teresa in Chronico Carmelitarum lib: 2. c. 1. quæ occasione quâdam intelligens multas animas æternum perire, tanto sensu doloris repleta est; ut in hæc ferè verba exclamaret: *Tantâ miseratione affectus sum super perditione tot animarum, ut me ipsam non capiam.* Cùmque recepissèm me in quadam solitudine, cum multis lacrymis clamavi ad Dominum, supplicando ut modum aliquem mihi suggereret, quo possem lucrificare vel unam animam pro suo servitio, cùm tot pro se lucretur demon: sensi etiam magnam invidiam erga illos, quibus liceret ex DEI amore huic muneri sese impendere, licèt eis mille mortes forent subeunde. Unde mihi contingit, ut, quando in vitis Sanctorum lego, quod animas ad DEUM converterint, majorem inde devotionem sentiam, teneritudinem, invidiam, quàm ex omnibus martyrij, quæ subierunt. Et quia sensum hunc DEI mihi indidit, existimo pluris ab illo fieri unam animam, quàm orationibus nostris, mediante ipsius misericordiâ, lucramur, quàm omnia obsequia, quæ illi exhibere possemus. Felicissimus idcirco fuit Gonzalez, qui vitam pro unius animæ salute asserenda ultro posuit, copulando in unum duo summi meriti opera, zelum Apostolicum, & tolerantiam. Ortu fuit Hispanus, Societatem JESU anno 1572. complexus; unde Romam ad studia altiora transmissus, cum famâ subtilis Theologi in patriam rediisset, Cursum Philosophicum docendo absolvit. Verùm sanctiore desiderio animis potius proximorum opitulandi incitatus, nuncio scholis remisso, totum se Apostolico Operariorum muneri addixit, cum quadam infatigabili & indefessa charitate & desiderio ipsorum salutis: ad quam impetrandam plurima offerebat Sacrificia, orationes omnes dirigebat, adjutas quotidianis flagellationibus; & alijs spontè susceptis penitentijs. Et vero singulare à DEO experiebatur auxilium, plurimæque è faucibus inferni tam in Penitentia tribunali, quàm alijs Societati consuetis ministerijs animas eripuit. Ex his adolescens fuit demonis infestationibus mirè exagitatus, non internis duntaxat suggestionibus & tentationibus, sed aspectabili etiam formâ, partim blandientis, partim terroribus ad illicita compellentis vexatus. Præcipuè verò persuadere nitebatur, nè Collegium Societatis Madriti, ubi tum P. Gonzalez morabatur, adiret, vel ei conscientiam suam detegeret, quod ipsum haberet super omnes maximè exosum. Nihilominus boni Genij instinctu adolescens Patrem convenit, & quæ ab orco pateretur, confidenter aperuit; à quo

solatio singulari & consilio ad fortiter sustinendam luctam animatus, totius simul vitæ exomologesi conscientiam expiavit. Non potuit non gravissimè eo facto inimicus commoveri: quare mox terribili formâ Juveni comparens, magnam furiam præsetulit, quasi mox eundem in frustra eâ causâ discerpturus: nisi efficaciores apud DEUM Patris orationes vires repressissent, ut deinceps liberum ab omni molestia Juvenem deferere cogeretur.

Idem postea Operarij munus pari animorum proventu in Collegio Huetensi prosecutus, evocatus aliquando fuit ad confessionem hominis moribundi excipiendam, quem pessimo in statu versantem deprehendit, quippe in ipso agone confiteri pertinaciter recusantem, neque periculi atrocitatem ad animum vel aures admittentem. Laborabat modis omnibus Pater, ut supremum vitæ utriusque amittendæ discrimen homini quàm vivacissimè proponeret; obsecrabat, hortabatur, & minas demum districti à DEO judicij intentabat: sed aliud non obtinuit, quàm facesseret à suo conspectu in malam crucem, quem nunquam ad se venire desideraverit, neque reconciliatorè cum DEO opus habeat. Afflictus supra modum Pater, ubi domum redijt, ad Sacrificium Missæ pro desperato litandum continuè se accinxit, supplicando per Christi sanguinem, ut gratia veræ penitentia misero concederetur: demum etiam vitam suam Divinæ Majestati, si ita ipsi placitum esset, pro animæ ipsius salute offerendo. Vix ita ad moriendum temporaliter, nè proximus æternum periret, Sacrificium de se gratissimum immolaverat; cùm responsum è cælo sub eadem adhuc Missa accepit, ratam in Divino Tribunali haberi suam optionem. Et ecce vix ab Altari ad Sacrarium redux, evocatur ab anhelo nuncio, rogatu ejusdem moribundi submisso; ad quem accurrens, alium penitus à se reperit, multisque lacrymis peccata confitentem audivit. Neque ultra horam, æternitati optimè præparatus, supervixit æger, ingenti suo, Patrisque solatio vitâ functus. Simulque Patrem febrilis æstus occupavit, arbitrio Medicorum minimè periculosus, quem tamen ipse oraculo Divino præmonitus, fatalem sibi constanter affirmavit. Igitur Confessione generali de tota vita multis cum lacrymis tempestivè peractâ, Sacramentis reliquis muniri à Rectore diu reluctante obtinuit, magnoque omnium stupore, cùm nihil lethalis mali notaretur, è vita migravit 16. Junij, anno 1585. ætatis 30.

Ex Nierembergij Tomo 4.

Qc 2

P. FRAN.





P. Franciscus Adornus, S. I. Italus, e Senatorum Genuensium Ordine S. Caroli Borromæi Confessarius, cuius operâ præcipuè Mediolanum, et vicinæ Italiae Diocæses ab Hæresi conservatæ sunt. Obijt Genuæ 13 Jan. 1586 Ætat: 54. 43.

## P. FRANCISCUS ADORNUS.

**F**ranciscus Adornus, natione Italus, patriâ Genuensis, ex Ordine in ea Republica nobilissimo & Patricio, à prima adolescentia Societatem adamavit, in eamque vivo adhuc S. IGNATIO ex Lusitania, quo adolescentulus patrem secutus erat, admissus est, anno ætatis 17. sæculi 1549. atque omnibus ibi disciplinis feliciter eruditus. Erat enim in eo magna vis ingenij, rara memoria, prudentia singularis. Cum aliquamdiu Lusitaniam sacris prædicationibus maximo zelo excoluisset, per Quadragesimam etiam in Monte Maggiore Evangelicâ facundiâ concionatus;

Romam evocatus, in Theologia docenda specimen ingenij dedit, simulque concionibus ad populum habendis Christiani Oratoris partes diu, inter primos ejus artis computatus, sustinuit. Professione emissâ Paravij Anno 1560, Collegium Mediolani primus rexit, tum alias domos, & ipsam Longobardiæ Provinciam, excellentis prudentiæ ac modesti temperamento. Eminebat in eo cum dignitate corporis, & nobilitate generis, humanissima gravitas, recondita rerum Ecclesiasticarum scientia, & indefessus animarum zelus: quibus DEI donis multis Ecclesiæ Antistitibus, quorum Diocæses maximo animarum proventu, concionibus, aliisque usitatissimis ministris.



nisterijs lustrabat; atque inprimis S. Carolo Borromæo erat charissimus. Hic cum illum sibi delegisset à confessionibus, & in rebus spiritualibus à consilijs, nactus eam occasionem Pater, totum conatum & zelum exercuit, in optimè componenda S. Cardinalis Diœcesi Mediolanensi, arcendis procul hæreticis, erroribus & vitijs, neque desisteat S. Præsuli modos suggerere omnia aptissimè perficiendi, quæ effectui maximo innumerabilium animarum fructu data, in gestis S. Caroli legimus. Ipsius rogatu ad restituendam Cleri disciplinam libros duos edidit de Ecclesiastica disciplina, eidemque comes fuit in peregrinationibus & lustrationibus Diœcesis omnibus, Institutor & Magister in rebus spiritualibus, & Exercitijs pietatis; in laboribus denique adjutor & socius ad usque sanctissimum Cardinalis obitum. Sub ejus directione idem S. Carolus Ignatianam obibat ascesim, quam ei uno ante mortem mense in monte Veralo tradidit: tanto illius dictis suis obsequendi studio, quasi obedientiæ voto ad parendum se obstrinxisset. Quanta porò in opinione sanctitatis, & veneratione Franciscum S. Carolus haberet, vel indè patebat; quòd cubiculi fores, ubi Pater quiescebat, transiens, profundâ semper corporis inclinatione venerabatur; dicere solitus, venerari se illum, ut templum Spiritûs sancti; imò tanti illum ejusque consilia fecit S. Cardinalis, ut pro magnitudine ejusdem zeli, æstimaret totius Ecclesiæ bono fore summè proficua & necessaria. Quare defuncto Societatis Præposito Generali Everardo Mercuriano, litteras dedit ad Pontif. Greg. XIII. quibus illi proposuit Adornum, tanquam dignissimum, qui in Everardi locum surrogaretur.

Demortuo S. Carolo, cui ipse primus nuncium imminenti obitû attulerat, atque ad eum per omnia morientium Sacramenta, & virtutum maximè heroicarum actus disposue-


*Ex Historia Societatis, & Nierembergij Tomo 1. & Bibliotheca Alegambe.*

## P. JOANNES RAMIREZ.

**P**ater Joannes Ramirez, Apostolicus Orator, facundia clarus, Cordubæ in Hispania stirpe nobili ortus est; atque à puero in literis ac pietate enutritus, juvenis sub Magistri Joannis Avilæ institutione ad omnem virtutem egregiè profecit. Sub annum ætatis 16. vehementi quodam motu sen-

rat; Franciscus tot missionum laboribus in ætate minimè gravi fractus, Genuam se recepit. Ubi cum spiritu mirè affligeretur, & dolore intimo torqueretur, ob jacturam intempestivam tam sancti Præsulis, Ecclesiæ tum maximè necessarij; nocte quadam visendum se ei per quietem S. Carolus gloriosum obtulit, vestitu Pontificio, ingenti splendore relucens: cui cum Pater admirandus diceret: *quid hoc rerum est? credebam te esse mortuum*: reposuit sanctus: *Dominus mortificat, & Dominus vivificat*. Percunctanti verò iterum Patri: *quid sibi vellet tanta pulchritudo*? respondit idem: *bene mecum agitur, tu quoque brevi post me accerseris*. Relatum mox domesticis, & publicè pro concione, à Francisco visum, verum fuisse eventus comprobavit; paucis enim mensibus superstes, cum corpore esset ita laboribus perpetuis extenuato, ut vix animum foveret, quo subveniret hominibus, vel cœlestia meditaretur: datis tamen singularibus constanter sublimatæ virtutis indicijs, pijsimè decessit. Præcipuum fuit, quòd paulò ante mortem magnâ admiratione omnium edidit, prodigiosæ obedientiæ exemplum. Cum enim durante tractu & lentitudine mortis, ad revocandos semianimo sensus sorbitiuncula porrigeretur, defectisque jam viribus non perciperet, neque sentiret; simul infirmarius insufurravit ad aurem, ita jussu à P. Rectore: sustulit semimortuum caput, haustoque poculo, post paulò tenuem spiritum efflavit 13. Januarii, anno 1586. ætatis 54. Afflatus in demortuo corpore honor fronti, svariisque diffusos ori color, testabatur sanctæ domicilium animæ, ejusque lætitiâ ad Superos evolantis. Et aspectabatur ejus forma à confluyente populo humanâ pulchrior, insatiabilibus oculis, & lacrymas solatij omnibus eliciebat; dum interim corpus ejus & vestes venerarentur osculis, & tactu rerum piarum veluti Sancti.





J. F. Heinsch del.

W. P. N. sculp.

P. Joannes Ramirez Hispan. Cordubensis, S. J.  
 Concionator verè Apostolic. miserorum Pater,  
 innumeros à vitijs, et sæculo, ad Deum traduxit.  
 Extinct. Compluti 4. Apr. 1586. Aetatis 66.

graret concionandi studio, donum hoc ab S. Paulo, Conversionis ejus die, per ingenuam simplicitatem enixè postulavit, statimque precantis menti objectæ sunt Hispaniæ Civitates plurimæ, in quibus omnibus indicabatur divinum semen ab se spargendum: idque postea senex profitebatur planè evenisse, ut cunctis ijs in Urbibus conciones haberet. Vovit pudicitiam adoleseens; nec solum eam ab omni labe integram, sed omni alio crimine mortifero intactam animam conservavit. Ut primùm Sacerdos, Doctórque Theologiæ creatus est; vitam ad quam dudum divinitus vocabatur exorsus, multas Urbes, ferme septennium cœlestia spargens semina, & confessiones audiens, peragravit; eò messem animarum uberiores colligens, quod voluntariam

colens paupertatem, quod serebat vocibus, rigabat exemplis. Indè cogitans quemadmodum optimè fungi Apostolico posset munere, vidensque omnino Societatis vitam suæ indoli, vocationique congruere, & pellectus Francisci Borgiæ exemplo & auctoritate, ad eam animum appulit: non tamen ausus rem omnino statuere, quàm Joannis Avilæ sententiam exploraret. Ille autem cum sine ulla dubitatione auctor ei esset, affirmans in Societate bene ipsi futurum: anno ineunte 1556. Murcia tyrocinium auspicatus est. Indè Valentiam, mox Cæsaraugustam transmissus, habitis ubique magno populorum assensu ac fructu concionibus; vix dictu facile est, quàm multos à vitijs abstraxerit; quàm multa Cœnobia viris religiosis implerit; quantum levavit



levârit calamitatum. Nam votis religiosis ritè nuncupatis, visus sibi novo quodam cœlitus spiritu imbui: cùm ad suggestum continuò remigrâisset, majore vi, ut ipse magis ardebat, vibrare faces, & populos incendere; carceribus, nosocomijs, aliisque per urbem Valentiam calamitosi non modò subvenire, ipse, sed & alios efficaciter ad humilia ejusmodi obsequia incitare; stupente Civitate, ubi vidit præcipuos Nobilium stipem pauperibus per domorum ostia emendicare, & ad publicas deferre custodias. Ibidem impudicitiam in suis castris adortus, concione unicâ ex 30. circiter famosis mulierculis, 22. ab fœdo & exitiali quæstu abstraxit, & collocavit in tuto.

Eodem ardore & proventu alijs locis pro suggestu differens, anno 1561. Toleti dicebat, ubi tunc adeò deservijt hyems, ut gelu concreti, extinctique reperti sint inopum quidam. Hoc ut rescivit Pater; locupletium malignitatem, quasi immanitatem barbaram, pro concione detestatus, quòd plenis vestium receptaculis mallerent tineas pascere, quàm Christo Domino, in suis pauperibus animam, præ gelu agenti, subvenire: duos Viros nobiles, spectatæque virtutis nominatim designavit; ad quos reliqui, qui ultimæ illi necessitati Christiano animo ire obviam vellent, quod videretur, deferrent. Et mox tantum pecuniæ, tantum collatum est vestimentorum; ut indigentibus totâ Urbe diligenter ostiatim, conquisitis, exploratis etiam quorum pudor inopiam occultabat, nemini non sit abundè consultum. Ipse Ramirez pauperum adibat domos (quos amœnissimos suos hortos appellabat) tum ut miseros solaretur, tum ut perspectam calamitatem pro concione referens, acrius Auditores ad misericordiam inflammaret. Eodem procurante, decretum est, nè novis ex Mauro Christianis jus esset Æthiopica mancipia comparare; cùm animadversum esset, à plerisque talium specietenus Christianis, simplices homunciones dominos suos ad fœdam Mohometi superstitionem traduci. Barcinonem indè transiens, ibi quoque rem præclare gessit: iterumque Valentiam, ubi cùm rescivisset multos egentium, & ægrorum vitæ subsidjs, necessariisque hominum ministerijs destitutos, in summa solitudine ac miseria tandem expirare, eâ gravitate necessitatem ipsorum è pulpito commendavit; ut Viri nobiles quàm plurimi nomina in album dederint, ita inter se curationem miserorum partiti; ut bini singulis noctibus ijs

vigiles præsto essent, opportuno animæ corporique levamento. Setabim postea profectus, cùm Pastoribus populos destitutos, perque culturæ neglectum omnem jam Domini vineam vastatam, spinisque & venenatis obfitam stirpibus invenisset; omnem cum divina gratia, publicis vitijs odiisque gravibus sublatis, & studio Divini cultûs inducto, purgavit, renovavitque. Et tamen interim Vir humillimus de se ita modeste sentiebat, ut nequaquam idoneum se censeret, qui in majoribus locis, ubi ad Viros eruditos dicendum esset, verba faceret. Hinc anno 1564. Cæsar-Augustâ, ubi permirò audiebatur successu, Salmanticam missus, parum aberat, quin prudentiam Superiorum ea in missione desideraret, qui huc se inde à certis lucris ad incerta transtulissent: verebatur enim nè Urbis adeò doctrinâ & Sapientum numero florentis, & subtilissimis assvetæ dictionibus aures, simplicitatem eloquentiæ popularis, quæ vi maxime animi motûque valet (qualem ipse sectabatur) propemodum fastidirent. Verùm adeò & expectationem ejus & vota, dum cœco paret obsequio, superavit eventus, ut obedientiæ efficacitatem agnosceret: discerétque experimento, nullam esse frequentandæ concionis aptiorem viam, quàm eam concionandi rationem, quæ ad Auditorum unicè accommodata profectum, pietate dicentis acuitur: ut qui viâ aliâ gradiuntur, bis peccent, dum non modò, quam unam sequi deberent, Auditorum utilitatem non assequuntur; sed nè id quidem obtinent quod venantur, ut solidè ac verè placeant. Hic ergo Pater quæ concionibus, quæ doctrinæ Christianæ quotidianâ explicatione, Divinæ gratiæ planè miracula edidit. Ducenti fuere per solum quadragenarium jejunium, qui Apostolicâ ejus voce permoti (Academici plerique Auditores) Religiosorum Cœtibus diversis sese adjunxere: nec pauci, nec vulgaris indolis, nostræ Societati; in quibus & Franciscus Suarez, cujus tam multa & præclara extant humanæ, divinæque Sapientiæ monumenta. Diebus Festis, atque Dominicis ea circa sacra Tribunalia, Mensamque Divinam cernebantur convivantium examina; ut perpetui Jubilæi tempus repræsentarent. Neque tamen tanto ex plausu, qui è renovata Urbis totius exstebat facie, quidquam sibi Apostolicus Orator sumēs, ad infirmorum etiam, & puerorum doctrinam alacriter operam proferebat: primusque in Hispania illorum captui, in breves interrogationes, ac responsa distinxit institutionis



tionis Christianæ capita. Tanta porro Scholasticorum animos, audiendi ex Ramirio Divini verbi, cœperat sitis; ut codicillis oblati instarent apud Professores, cum Doctor Ramirez esset verba factururus, ut omnis paulisper scholis, audiendi veræ Sapientiæ Doctorem spatium darent. Atque ita fiebat, ut cum discipulis, etiam nobilis Magistrorum ferè omnium ac literatorum corona, à sacro dicentis ore penderet.

Sed operæ pretium est referre, quas tanto rei Christianæ bono, transfigurans se in Angelum lucis tenebrarum, pater, insidias molitus sit. Quod necdum ad emittenda Professionis vota admitteretur (& causa dilationis unica erat, quod ultra modum severè cultum muliebrem, & alia quædam vitia è suggestu incessest) cœpit eam rem ægrius ferre; dumque incautiùs ægritudinem fovet, eò paulatim prolabitur, ut à Societate ad Carthusianos adjiceret animum. Nutabat, in omnem partem deliberans angebatur; cum famulo suo misericors DEUS in tempore opẽ tulit, & luce insolitâ ipsummet sibi ante oculos statuit. Qui ubi se tam præcipiti vidit loco, velut ex altissimo experrectus somno, horrore perfusus, ita secum reputare cœpit. *Proh miserum! ubi es? vigilasne? esne tui compos? tu quidem quantum in te est, DEI consilia pervertisti; vocationis gratiam proculcâsti, sanctum Spiritum abiecasti! Tu ausus es cogitare complexionem eam perfectarum virtutum, quæ Societatis Professis inesse debet, esse in te? ergo quid tibi propriè, quid Societati publicè expediat, tu miser vel curas studiosius quàm Præpositi, vel acutiùs vides? audesque tot sanctissimorum Virorum, ac prudentissimorum, qui hanc Societatem fundarunt, & usque adhuc rexere, iudicio præferre tuum, in causa tua? tu scilicet professione es dignus, qui eam ambis, qui humilium præmia superbè appetis, tamque turpiter tibi finis illudi. Nam quid est, quod emittendâ professione petis? vota, quæ Religiosum efficiunt virum; quæ totum hominem DEO dedicant, obligantque, tria emisisti, Religiosus planè conditione es (utinam vitâ sis!) materiam exercenda virtutis amplissimam habes, adjumenta præsto sunt omnia, per quæ fieri vel sanctissimus possis. Quid est, quod professione petis? ô indignitatem, ô probum! Nescio quid plus auctoritatis, quod videtur in ordine illo inesse, perstringit misero oculos! non sanctitas, sed fœdissima levitas & ambitio ista est. In schola modestiæ, contumaciæ didicisti! Quò redactus infelix sum? qui sæculum, ut impro-*

*perium crucis Domini mei portarem, reliqui, jam religionem propè deserui, evocante superbiâ! Hicne meus est sensus ille pristinus, cum postremum me haberi omnium; cum despici abjicique & proculcari ab omnibus, ut Domini mei dignarer insignibus, erat in votis? Hæc solida Religiosi hominis, hæc professio est velle ignorari, pro nihilo duci, tanquam purgamentum, & quisquilias sub mortalium cunctorum pedes subjici? Quantum ô bone JESU, quantum inter est inter te, & me! Tu in causa capitali, & infami, posthaberi te auctorem vitæ latroni & homicidæ non indignum majestate putâsti tuâ. Ego domi tuæ, atque adeo jam tecum in cruce confixus, inanes gloriola umbras sector! Quid porro? unûsne ego hoc in Ordine sum, qui solennia haudum emiserim vota? Franciscus Villanova nunquam se ijs dignum putavit, quamvis ab IGNATIO censeretur, resistitque propè cogenti. Antonius Madridius num ideo minùs jucundè, sanctèque est mortuus, quod nondum erat professus? Quàm multos tu nôsti atate ac virtute magis te idoneos, qui non modò non ambiunt, sed etiam tanquam virtute suâ celsiorem gradum refugiunt? At tu vesane, tantum non æterno silentio, æternæque solitudine, ac ceterâ asperitate, quæ solum DEO placendi servandæq; animæ gratiâ bene suscipitur, damnâsti te, Satana ut placeres, eumque imitari; propterea te præcipitans, quod non supra tua merita estimareris, quod non, melioribus te, anteferreris. Disce obedire mancipium nequam: disce jugum pati terra & cinis, Religiosè simulator, bonus populo svasor, tui deceptor & everfor. Nonne nôsti, & prædicas, optimum esse gratiâ stabilire cor? Quid ergo adeo leviter circumageris? crucem inscendisti, noli descendere. Vero DEI servo, & Christi imitatori ibi optimè est, ubi minimè est. Huc à DEO vocatus es, hic moriendum est tibi. Num certiora Divinæ vocationis habere argumenta potes? Hic, quibus insueveras, quærendarum DEO animarum, quæq; semper antè tractaveras, tractas munera. Hunc tibi locum, ut maximè tuo ingenio donisque à DEO in te collatis aptum atq; accommodatum, maximus ille DEI præco & amicus Magister tuus Avila assignavit. Multos ad te audiendum Divina bonitas vocat; vocisque tuæ ministerio ad multorum salutem utitur. Quæ te ergo tanta cœpit vecordia, ut putaveris, vel ad punctum temporis quietum tibi, ac tranquillum usquam alibi futurum animum, reclamante conscientia, DEO penas desossi talenti exigente, cognitis serò diaboli, superbiæq; tuæ ludibrijs? Quid? exciditne esse te mortalem?*

*Infelix*



*Infixum jugulo gladium geris: jamjam Divinum te manet tribunal, ubi res ex vero penditur, & nugae agis? enas moriêre, fortè hodie; quid tum proderit Professo, si carueris virtutibus Professorum? Has si habueris, illa quid oberit caruisse? Eheu miser, eheu oblitus primum vocationis tuae propositum, oblitus Societatem JESU, oblitus te Christianum, atque adeo hominem esse! Contumax, inquietus, censor, contemptorque eorum, quos loco habere DEI debes, corruptor Religiosa disciplina, perturbator pacis domesticae, caecus, nudus, gravis tibi met, aliisque, tepidus jamjam evomendus, & forsitan à facie DEI jam projectus.* Talia Ramirius, atque hujusmodi multa dum ad praelatam è cœlo faciem attentè animo versat, tantus ex meditatione ignis exarsit, ut magno liberalique petore duo sanctè voverit: Primum, se nunquam primam suam vocationem, quàm ad majorem DEI gloriam pertinere intelligebat, deserturum. Deinde, nunquam postulaturum, ut inter Professos adscriberetur. Ex qua nobili victoria tum mira ad obediendum alacritas subijt, tum etiam unà cum beatissima pace conscientiae novus ardor, ad redemptas Christi sanguine, juvandas pro virili animas, visque & efficacia solito major accedere visa est. Itaque Cives pariter Salmanticenses, & studiosos literarum advenas, quocunque pietatis ferebat impetus, facillimè adducebat, tantò tractabilem magis ei populum reddente DEO, quantò se Moderatoribus suis obsequentiorem ipse praebebat.

Accidit interea anno 1565. ut Salmanticae Synodus è Concilij Tridentini Decretis Provincialis haberetur, in qua prater alios Ecclesiarum Praelatos, Viròque sapientissimos, Episcopi 13. convenerant, & cum alia Societatis ministeria, tum libellum & usum Exercitiorum ante omnia suspectum, in examen vocare tentabant. Verùm DEO nunquam causam suam deferente, Ramirius vices Rectoris tum agens, ultrò postulatà impetratque in Conventu dicendi copià, de fine Societatis, deque vijs per quas ad eum graditur (inter quas Exercitia spiritus praeipuum esse ostendit) multa spatio duarum horarum magno omnium assensu disseruit, tamque multas atque absurdas ex malevolorum haustas sermonibus opiniones ex animis Episcoporum absterfit; ut optanda & emenda fuerit ea occasio, ad tales viros dedocendos. Nam non benignitate modò responsi factum sibi satis, sed & Sociorum operà in disceptandis Concilij rebus & componendis, deinceps u.

*Societas Europaea.*

tendo, praeclarè docuerunt. Atque hæc eadem vis in dicendo perpetuò illum comitabatur, neque ulla ferè celebrior Urbs fuit, in Tolitana praesertim Provincia, quam non praedicatione suà illustraret, & meliorem redderet, constans in munere Evangelici praedicatoris minister ad aënum ferè vitæ postremum 1586. Asperior omnino erat in vitijs castigandis, non tamen fervidioris naturæ impulsu, sed certo judicio: censebat enim audendum, neque offensionem improborum, si nollent corrigi, curandam: id Prophetis, id Joanni Baptistæ, id Chrysostomo, id Christo ipsi evenisse. Quare nihil metuendum magis Divino praconi, quàm nè, dum per indulgentiam nimiam omnia fieri omnibus studet, non tam salvet omnes, quàm perdat. Lubricum esse illum praetextum; *cavendam offensionem, ut major tempore suo fructus respondeat*: quem, an ex vero afferatur, temporis experimento deprehendi, si conversio tandem in his, quibus indulgebas, sequatur. Verùm si populus in iisdem vitijs veterascit, nec agendi tamen rationem Concionator commutat; satis apparet timeri ab eo offensionem, quò ipse in pretio & gratia sit, non ut animas Christo lucretur. Idem censebat de his, qui cum proximis, Magnatibus praesertim, diu versantur, nec tamen eos meliores efficiunt: id enim aiebat indicium esse, te ad ejus mores paulatim transgressum; nam diu bonum cum malo pacatè esse non posse, quin alterutrum in alterius migret naturam. Cum aliquando cognovisset virum Nobilem ex aula Regia obstinatè inimico exitium moliri, frustra quæ multos in eo placando sudasse, comiter conventum his allocutus est: *Ego te Domine non multis hortabor, ut inimicitias tandem finias; nec argumenta quibus id svadeam habeo graviora ulla, quàm Christi Domini veneranda verba illa: diligite inimicos vestros. Hoc Christus dixit; tuum jam sit consilium, num equum censeas hac in re Christo gratificari.* Quà simplicitate & svavitate gravis admonitionis, ita Divina vox descendit in ferocem Nobilis animum, ut in hæc verba responderit: *Hactenus Pater cum mihi svaderetur humanis verbis, ut ab incepto desisterem, humanis item verbis respondebam: nunc verò ubi Christus loquitur, æquum est ut ei obtemperem: age, advocetur ille, jam nunc ei quidquid de me meritis est condono.* Absque mora accitur, & ambo irruunt in amplexus.

Exercuit autem ejus patientiam multifariam DEUS: nam 8. primos Societatis aënos

D d

in.



in magnis animi angoribus, omnis cœlestis dulcedinis expertes, tanquam sterilitatis annos exegit; quo tempore & gravissimam, quam retuli, transeundi ad Carthusienses tentationem passus, nobilem victoriam tulit. Successere deinceps ab ea beatæ perennisque fecunditatis anni, etiam in his quæ animum ejus attinebant: quem inter alia donum lacrymarum, præsertim inter sacrificandum, uberrimâ irrigatione saginabat. Ac nè deficeret virtuti materia, cœpit corpus doloribus acerbissimis ex calculo laborare. Quæ vexatio cum esset intoleranda; nec, prudentium sententiâ, ulla uspiam humanitas, nisi in sectione, spes salutis restaret. sæpius PP. cum Superiore deliberarunt, semperque tam sævâ carnificinâ, periculosoque remedio abstinendum decreverunt. At Pater tum suâ causâ, tum publicâ, aliquod levamentum cupiens, cum sæpius nihil existimaret sibi posse fieri doloribus à calculo dies noctesque toleratis, ante imaginem DEI Matris prostratus, supplicare vehementer institit, ac nominatim petere, ut declararet, tentari ne genus illud curationis deberet? quæ dum rogat, videt in sua effigie DEI param capite inflexo annuere. Cumque mirabundus ac dubitans, nè forte oculorum ludibrium foret, propius accessisset, idemque de integro peteret; iterum Virgo demisso magis antrorsum capite annuit. Tum verò fretus tanto pignore, modeste à Rectore petit (nullâ tamen mentione visionis factâ) ut grave nè duceret de valetudine sua rursus PP. consulere. Mirum dictu! rogati sententiam, repentino quodam instinctu moti, sectionem quanto omnes antè consensu damnarant, tanto in præsens planè experiendam censuere. Nec destituit pia vota, re-

*Ex Historia Societatis, & Nierembergij Tomo 3.*

## P. GUILIELMUS GOOD.



Lasconia nobilis Angliæ Urbs, Josephi ab Arimathæa olim hospitio celebris, Patria fuit Guilielmo, claris nobilitate & virtute genito Parentibus, atque ab ijs in orthodoxa Religione ab infantia enutrito. Adultior ad studia literarum transfusus, Oxonij Philosophiæ & Theologiæ dedit operam, & gradu Magistri insignitus, præmia studiorum cum laude collocatorem obtinuit duo Ecclésiastica beneficia, præter Canoniatum. Hæc quàm integrè administravit, &

atque consulta successus. Post multas ad DEUM preces, constanter lanienam ferente Ramirio, duos ei calculos anno 1575, alterum ovi gallinacei magnitudine Chirurgus extraxit, vitâ superstitæ. Expetiisse autem illum valetudinem non tœdio dolorum, sed laborum desiderio, colligitur tum ex ferventissimè continuatis ab eo deinceps concionibus, & sudoribus Apostolicis; tum quòd anno 1586. Compluti propinquum sibi supremum diem præsentias, Christum Dominum duo rogavit: primum, ut magnam sibi aliquam patientiæ materiam largiretur: deinde ut eadem die & horâ, quâ ipse Dominus excesserat è vita, evocare se vellet: ac voti utriusque planè compos est factus. Nam doloribus excruciatu acerrimis, feriâ 6. majoris hebdomadæ post meridiem, præmunitus divinis, lenissimè expiravit 4. Aprilis, ætatis 66. Mansit in demortuo vultus adeò amœnus ac spirans, ut meritò diceretur à quopiam astantium, videri sacris illis vocibus insultare morti, *ubi est mors victoria tua? ubi stimulus tuus?* Ad ejus cadaver, & concursus, & exosculatio, & sacrarum rerum applicatio, & reliquiarum petitio, & alia consveta in Sanctorum funeribus facta. Inter suprema verba cum petisset à DEO veniam, quòd quædam in sacri præconis officio curiosius dixisse sibi videretur; mirantibus circumstantibus, quibus nota Viri in dicendo gravitas erat: diserte adjecit, id se dixisse, quòd persuasum haberet, multos Concionatores damnatum iri, quòd cum DEUS ab ijs pendere voluisset salutem animarum, hujus tantæ rei obliti, magis ad commoda sua, suiq; nominis existimationem, quàm ad fructum salutemque animarum conciones accommodarent.

religiosè proventibus illorum magis in usus pauperum, quàm proprium emolumentum fructus sit, luculentissimè demonstravit tunc, cum Henricus VIII. ruptis matrimonij cum Catharina Regina vinculis, divortium etiam cum Ecclesia fecit, & schismate in Angliam inducto, Ecclesiasticos repudium dare vel Christo, vel Beneficijs coëgit. Nec pauci fuere ex his aut viles, qui terrenorum dulcedine inescati, nè Beneficia amitterent; ex pastoribus lupi effecti, Christum exuere maluerunt: quos execratus Guilielmus, nè Fidem in scelerata Patria amitteret, desertis Beneficijs





P. Guilielmus Good Soc: IESU, Nobili sanguine  
Anglus, laboribus Apostolicis per Angliam, Hy-  
berniam, Moschoviam exantlatis, Obijt Neapoli  
5 July A<sup>o</sup> 1686.

45..

W. P. Killian sc.

cijis extorris solum vertit, & opulentos redi-  
tus cum Christi paupertate commutavit. Tor-  
nacum fortè delatus in Belgium, & hominum  
de Societate conversatione captus, spirituali-  
bus excoli Exercitijs petijt; in quorum decur-  
su, lumine celestis gratiæ ad perfectiora voca-  
tus, Societati adjungi à Mercuriano Provin-  
ciali impetravit, annum agens ætatis 35. Per-  
actis Probationis annis, cum ingenti fervore &  
zelo ageretur ad Patriam ab hæresi vindican-  
dam, adjunctus est cum socio interim Præfui  
Armachano in Hyberniam proficiscenti, Viro  
Societatis studiosissimo, qui nullum non mo-  
vebat lapidem, ut Regnum illud in Fide Ca-  
tholica & Sedis Apostolicæ obedientia reti-  
neret, quod Sociorum præcipuè operâ fieri  
posse sperabat. Sex toros annos ea in Insula  
laboravit Guilielmus, magnas inter ærumnas  
Societas Europæa.

& vitæ pericula, pedibus eam quaquaversum  
concurans, onustus sarcinâ, in qua sacram-  
supellectilem circumferebat, ad quæstum  
duntaxat animarum. Accidit aliquando, ut  
certam prædam secutus, incideret in latrones,  
quos silvestres vocant Hyberni; à quibus sar-  
cinâ suâ despoliatus, dum iter, nè quid dere-  
rius pateretur, tranquillò prosequitur; illi quid  
sarcinâ involutum contineretur perscrutati,  
Sacerdotem ex eo sacro apparatu esse conje-  
ctant. Itaque festino concursu rursus homi-  
nem assecuti provolvuntur omnes in genua  
(ex quo Catholicos esse apparebat, quantum-  
vis sceleratos) manibus in cælum, velut de-  
precabundi & pœnitentes, protensis. Eo  
corporis habitu quid vellent, cum non caperet  
Pater; neque illi se, ignotum quiddam fre-  
mentes, satis explicarent: unus prehensâ Pa-  
tris

Dd 2



tris manu signum crucis super socios eâ producit, quasi reliquos à scelere absoluturus: tum genibus se vicissim nixum, curat per socium ejusdem Patris manu, pari cerimonia absolvi. Quæ nuda sanè fuit & inanis cerimonia, stolidè sibi persvadentium, sceleratam rapinam eâ expiari: illico enim profugientes è conspectu, de restituenda sarcina nihil cogitârunt.

Neque rudibus tantùm & plebejis Christo lucrandis idoneam navabat operam; sed eximia etiam ingenia, mirè postmodum Ecclesiæ proficua, hæresi & sæculo abstraxit. Ejus præcipuè post DEUM industriæ debet Societas Robertum Personium, fidus illud Angliæ fulgentissimum, quem ipse Lovanium ab Hybernia redux, ad sacras commentationes ex præscripto Exercitiorum S. IGNATII ob-eundas induxit, & danti eis operam, primus rerum terrenarum nauseam iniecit. Indè Romam Anno 1577. ad solennem quatuor votorum Professionem vocatus, in Sveciam, & deinde Poloniam missus est, Antonij Possevini ad eas nationes à Christi Vicario ablegati comes. Unde rursus Romam à Polonia Provincia ad electionem novi Societatis Generalis cum jure suffragij destinatus, interfuit electioni Claudij Aquaviva. Et quia per id tempus novum in Urbe Seminarium educandis adolescentulis Anglis, ex Hospitali SS.

*Ex Historia Angliæ Henrici Mori, & Danielis Bartoli.*

## P. FERDINANDUS CAPICIUS cum Socijs vigintifex.



**C**laudopolis in Transylvania (olim Dacia dicta) Civitas princeps est; sed hæresum & variorum errorum colluvie infecta, in qua Principes Battorei, desiderio reducendæ totius Provinciæ ad Fidem Catholicam, Societati Collegium præclarum, unà cum frequenti Gymnasio condiderant, ad tradendas Humaniores & Philosophicas, unâque Theologicas, quæ capita potissimum in Fide controversa pertractant, disciplinas: adjecto duplici peramplo, quorum unum nobili, alterum civili numerosæ juventuti sustinendæ sufficeret, Seminario. Apertis jam Scholis, prospera initia intervertit repentinus exortæ pestilitatis Anno 1586. turbo: cui, dimisso Gymnasio, fortiter obviam itum est à nostris, nemine periculum commune declinante, sed singulis in acie pro salute omnium communiter tuenda stantibus, ut eâ re dare-

Trinitatis erexerat Pontifex Greg: XIII. ejusdemque administrationem Societatis curæ commiserat; jussus est Guilielmus ijs in spiritu Apostolico, & ad Martyrium formandis, esse à Confessionibus; quo munere ea cum laude functus est, quam testantur eorum temporum accensa in Alumnis arctioris vitæ desideria, & ad labores mortemque, conservandæ Religionis causâ subeundam, indefessa vota. Neque sermo illis erat quàm de Martyrio dulcior, nullus auditu jucundior: cujus ardentissimâ siti flagrans in primis ipse Guilielmus, faciliè ejusdem orexin Filijs suis aspergebat, ut verè diceretur tunc: *Collegia cetera, Philosophorum, Theologorum, Oratorum, Canonum esse Seminaria; at verò Anglorum Collegium, Seminarium esse Martyrum.* Tandem cum Neapolim ab Urbe commigrasset, quam hic non habuerat manentem civitatem, in altera vita invenit, Anno sæculi 1586. 5. Julij. Vir fuit probatissimæ virtutis & doctrinæ, 25. annis quos in Societate vixit, prudentis & sapientis Viri nomen consecutus: quarum virtutum monumentum etiam post se reliquit nimirum res gestas Sanctorum Angliæ à se conscriptas: quorum ut etiam aspectu juvenum animi ad æmulationem accederentur, in Templo Seminarij Anglicani coloribus eos exprimi fecit, deinceps æri etiam incisos, sub titulo: *Ecclesiæ Anglicanæ Trophea.*

tur etiam sectarijs, exemplum Catholici gregis Pastorum, animas suas pro salute ovium ponentium. Trium supra ceteros Sacerdotum virtus enituit, Ferdinandi Capicij, qui erat Collegij Rector; Joannis Ardulphi, & Hieronymi Famfonij, qui erat Præfectus Studiorum. Hi enim primi stadium ingressi, ita inter se exercendæ in proximos pietatis partiti sunt provinciam, ut Capicius Ungaros, Germanos Ardulphus; reliquos præcipuè Scholares externos & nostros, curæ haberet Famfonius. Sed neque domi interim quibusvis advenientibus, remedio & auxilio socij deerant, patentibus semper omnium accessui perinde ac sanis temporibus Templi valvis, prænitentiæ tribunalibus, & in Collegio alloquijs; aut capiendis consilijs, quemcunque exciri placuisset. Indè factum, ut qui alijs in quemlibet casum Templo devocandis serviebat ædituus, primus veneno afflatus conciderit; uti & plures Fratrum, qui scilicet succedanea





P. Ferdinandus Capicius, S.I. Neapolitanus, primus Collegij Anglorum in Urbe Rector; frustra petitâ à Gregorio XIII in Angliam Missione, Claudiopoli in Transylvania Collegio præse jussus, in arduo pestiferorum obsequio ibi extinctus cum Socys 26. Anno 1586. 31. July.

charitatis officia pro demortuis in se transfundebant, & corpora pestiferorum propius varijs obsequijs, vel ad sepulturam pertractabant. Itaque dierum 30. spatium extincti sunt in sancto opere omnino 20. socij: ex residuis autem pauculis nemo fuit, qui non gravissimè eodem malo laborarit. Primus omnium Julio mense obiit Georgius Hamman Aedituus, die 17. Paulus Kinisko 19. 20. Albertus Wolucky. 28. Albertus Brandmajer. 29. Joannes Burman. 29. Urbanus Schippèrus. 31. Ferdinandus Capicius Rector; eodèmq; die P. Joannes Ardulphus. Augusti porrò die 1. Michaël Villerius. 3. Joannes Elbingus. 4. Jonas Kredik. 5. Adamus Tensier. 6. Joannes Pfarsky. 7. Mathias Zalisky. 8. Casimirus Loviciensis. 14. P. Michaël Ripinensis. 17. P. Hieronymus Famfonius. Et præter

hos, tres Novitij eodem mense, sed die non annotato, eadem clade charitatis, cælo demissi sunt.

Fuit P. Ferdinandus Capicius ex vetusta & prænobili Familia Neapoli oriundus, Mutij Capicij filius; tanto à pueritia ingenio, ut perbrevis spatio in egregium evaserit Poëtam simul & Oratorem, omnesque propemodum scientias anno ætatis 18. ita fuerit animo complexus, ut haberetur alter Picus Mirandulanus. Sed hæc & terrena omnia despiciens, Societatem Romæ amplexus est; & post Tyrocinium docendis in Collegio Romano scholis, moderandòque Parthenio scholarum cœtui admotus. Ubi integerrimæ probitatis omnibus de se præbuit exemplum, nec minus profundæ humilitatis, omnium vilissimum se, & ad mediastini subeunda natum munia.



munia seriò reputans, & factis id genus ostendens. Nam ut taceam alia id genus quàm plurima, cùm per illa Collegij initia habitaretur à nostris perangustè in cubiculis, è lignea tantùm materia contabularis; per ætatem non à calore tantùm, sed ab infestis etiam cimicibus, qui magno numero concipiebantur, ingens creabatur inquilinis molestia; ut neque diebus, studijs vacare; neque noctibus, quieti possent. Ergo Ferdinandus observatâ Sociorum à suis cubiculis absentia, eadem clam subiens emundabat, lectos ipsos suis humeris ad balneum elatos aquâ ferventi perluebat, expurgatósque suo loco reponebat: nec, deprehensus demum, absterreri se passus est à vilii opere, gavisus idcirco se promiscuè vocari communem Collegij bajulum. Inter hæc cùm videret complures ab Anglia adolescentes ob Christi fidem extorres, identidem Romam accurrere, & egenos omnium adversa quæque cum gaudio sustinere; cœpit eorum commiseratione de remedio, quo illis subveniri posset, seriò cogitare. Optimum factum visum est, si de instituendo illis in Urbe Collegio tractaretur. Res ab eo tentata, satis ex voto cecidit: nam à Gregorio XIII. conditum, ejusdemque voluntate Societatis administrationi commissum est: atque tum Ferdinandus illi Moderator datus, ingenti curâ & charitate conscriptos lectissimos juvenes fovit, instituit, & ad mortem, quam plerique deinde in Anglia in Fidei odium obiêre, sapienter excoluit. Hujus & ipse cupidine missionem in Angliam apud Præpositum Generalem diu mirum in modum expetiit: cùmque aliquando Philosophiam explicanti, in cathedram redderetur ab Generali responsum, quò eâ spe deiciebatur, magnitudine doloris prope modum exanimatus est. Necdum tamen adhuc destitit spes illas alto animo sustentare, donec ab eodem Pontifice, cùm illi nonnullos suorum Alumnorum in patriam profecturos stitisset, sibique cum illis proficiscendi facultatem fieri postularet, responsum instar oraculi accepit, facturum, longè gratius DEO sacrificium, si quotannis ejusmodi juvenes aliquot in eam Christi messiem aptaret, quàm si suam eò operam ipse conferret. Eò denique responso conquievit imposterum, & omnem ad eundæ Angliæ cogitationem deposuit. Nimirum alteri illum parabat DEUS regioni, laborum & ærumnarum haud minus feraci, mortique post Martyrium optatissimæ; dum paucis indè annis missus est in

Transylvaniam Collegio Claudiopolitano Rector, vices simul in eo Principatu acturus Provincialis. Per viam, cùm nonnihil Cracoviæ substitisset, in hæreticum magni nominis & lautarum opum incidit, qui pravis erroribus inclytum illud Regnum perverso zelo corrumpebat, & lectissimos ejusdem sectæ adolescentes suo sumptu in Italiam mittebat; qui studiorum prætextu & juventutem Italianam erroribus inficerent, & reduces domum captis ibi disciplinis abuterentur ad Patriæ perniciem, ac hæreses profeminandas. Cum hoc Ferdinandus ita attemperatè aptèque tractavit, ut tridui disceptatione pertinaciam hominis infregerit, veritatem Catholicam demonstrârit, & Ecclesiæ aggregaverit. In Transylvaniam ut venit, persuasit Battoreo Principi, ut educandæ erudiendæque Nobilium juventuti insigne Claudiopoli Seminarium, & alterum civili statui conderet. Sublatus demum est magno Catholicorum luctu, vixdum 40. annos natus: famaque fuit, eum aliquot Regni Proceribus eadem illâ, quâ excessit horâ, fuisse conspicuum, visumque in Angelorum comitiva in cœlum ferri; tam certâ constantique etiam hæreticorum fide & opinione, ut olim consortes illi fieri & ipsi peroptarent.

Propagata, ut solet, eodem anno in alia quoque Transylvaniæ & Ungariæ loca contagio, etiam Varadinum incendit, & Albam Juliam. Varadini, quod limitaneum Ungariæ est munimentum, duo Sacerdotes cum Fratre Laico morbidis juvandis erant destinati, è quibus duo in tam sancto opere vitam amisere. Valentinus Sardenis 23. Aprilis, & P. Petrus Sidlowsky 19. Junij; quibus extinctis, tertius qui superfuit P. Stephanus Szántó, destitutus spe subsidij (tribus enim solis constabat ea Residentia) explebat munia omnium, erudiendo vivos, ægros in anima & corpore juvando, sepeliendo defunctos, incolumis ad usque exitum pestis: etiam si (quæ laborum merces erat amplissima) ejus fama laceraretur maledictis, etiam de pulpito à sectarijs, & vita insidijs ubivis appeteretur, Albæ Juliæ cùm Sacerdotibus ad opitulandum ægris, æquè promptis mors pepercisset, quatuor tamen demiscuit laboris ejusdem Coadjutores, in Julio: Urbanum Helwingum die 8. Paulum Waicieckewiz eodem die. Stanislaum Javicky 17. Petrum Sylvanum decimo octavo.

*Ex Victimis Charitatis Alegambe, & Nadaſi Anno dierum memorabilium.*

P. JOAN.





P. Joannes Hartus, S. J. Nobilis Angl., ob Hæresim impugnata, carcere, equuleo, bis tortus, capiti s. damnatus; tandem proscriptus, obiit Jarosla, via in Polonia. 19 Julij, 1583.

## P. JOANNES HARTUS.

**I**ngenti Patriæ juvandæ desiderio incensus P. Hartus, cum incolumis ex ejus procellosis tempestatibus evasis- set Romam, ac deinceps ve- luti in securo portu Rhemis versatus, Sacerdotio initiatus esset, remeavit in Angliam Anno 1580. jam tum quidem voce divinâ incitatus ad Societatem amplectendam; sed (ut ipse de se refert) secum plures annos pugnans altercatus est, volens, nolens, prout illum in DEUM amor tepidiùs aut ardentiùs agebat. Trajecit illuc cum P. Cottamo, ipsòque statim sui appulsus die captus: Londini publicum subiit tribunal, pro se suòque adventu dicturus; itaque pro

Apostolico animarum piscatu copiosam ar- mamentorum messem invenit. Erat is tunc præ- stanti formâ, & vivida ætate, nobili genere, & jam olim in Oxoniensi Academia Theolo- giæ Baccalaureus, vivacis doctiq; ingenij: quæ causa fuit Consiliarijs Regijs sperandi, posse illum in partes Protestantium adduci, ideòq; remittendi Oxonium, ubi inter solutionis vi- tæ socios & amicos Catholicam severitatem exueret. Sed deceptâ Consiliariorum fidu- ciâ, cum trimestri toto Oxonij versatus, Ca- tholicæ Fidei vitæque exemplis quotidie cla- rior evaderet; Londinum ad Carcerem à Mar- tino equite nominatum translatus est, & erga- stulo omnium pessimo inclusus, ac post bidui famem, equuleo (cujus tormenti formam ali- bi in-



bi in Societate militante explicuimus) crudeliter tortus. Sed egregium athletam corroboraverat Spiritus Divinus, & tormentorum victorem effecit: cujus triumphum partem non minimam obtinet ejus Mater, nobili & heroico spiritu fœmina, quæ impetratâ agendi libertatē cum Filio, cupiditate martyrij calentem incendit penitus, & ad constantiam obfirmavit. Post annum carcerem cum Campiano & Brianto pœnâ damnatus est læsæ Majestatis, eodem supplicij genere necandus; quod tamen ei dilatum est, sperantibus Ministris, ut Campiani spectaculo, ad patibulum raptandi, terreretur. Verum eventu planè contrario factum est, ut Campiano in cratem vimineam colligato, ipse in carcere relictus, magno cum dolore ferret moras dilati sibi supplicij, cum Carnifex seriò finxisset illum quoque eidem plauistro cratitio alligare velle.

Hâc firmitate efferati Judices, inaudito, & nuspiam gentium usitato more, damnatum jam morte, neque ullius novi criminis reum, tormentis equulei denuo subijciunt, ut Fidei ejurationem extorqueant: sicque excarnificatum in caveam demittunt 20. pedes sub terra profundam, aëre humido, pœdore, & tenebris horridam. Post novem dies extractum, & ad disceptandum scilicet paratiorem committunt cum Raynaldo, hæreticorum Prædicante & Doctore; quo non difficulter debellato, perseverantem in sententia onerant duplici compede ferreâ, & dies 20. in eandem caveam demissum fame macerant: & per alios 44. dies (semestri in mitiore carcere transacto) suâ illâ iterum specu sepulchrali & fœtidâ recondunt, interjectâ semper inter has tormentorum vices novâ mortis denunciatione, hoc aut illo die, perduellium supplicio, obeundâ. Quibus DEI servus felicibus nuncijs ita gestiebat, ut ferre Optonus

*Ex Historia Angliæ Bartoli & Mori, & Anno dierum memorabilium Nadaſi.*

## P. LEO ENRIQUEZ.



nter principes nascentis Societatis, & fulgentiores stellas, computandus meritò venit Pater Leo Enriquez, seu sanguinis nobilitatem, seu virtutum, doctrinæ, prudentiæque spectes eminentiam, quibus toti Lusitanæ diu præluxit. Natus fuit in Insula Tertia, Parentibus illustrissimis, familiâ primis apud Reges Lusitanæ muneribus gestis conspicuâ, utpote originem suam ad Henricum Castellæ Regem referente: atque ab ijs

ordinarius ejus tortor illam animi celsitatem & hilaritatem oris non valeret. In his cruciatibus biennium persistentem, ad ineundam tandem Societatem DEUS ita cœlitus animavit: Videbat in somnis Campianum gravi admonitione idipsum sibi svadentem; quâ excitatus, & mox in genua projectus, vacillantibus diu propositi fluctuationem firmavit hoc voto, quod ante SS. JESU nomen suâ manu in carceris pariete depictum exaravit verbis sequentibus ad Haywodum, Sociorum in Angliâ Superiorem: *sanctissime promitto ac voveo coram omnipotenti DEO trino & uno, in presentia SS. DEI Genitricis MARIÆ, & S. Joannis Evangelistæ, S. Mariæ Magdalene, Angeli mei Custodis, S. Bonifacij, & denique omnium Sanctorum & Sanctarum, me velle in posterum sub moderatione & instituto Sanctorum Patrum in Societate vivere, atque adeo Christo optimo maximo, quantum possum studiosissime inservire. Quibus præterea omnibus & singulis promitto obedientiam, ad finem usque vitæ meæ præstandam.* His ad Generalem Aquavivæ, Doctorem Alano mediatore, perlatis, coopertus est Hartus in Societatem: & paulò post cum 12. Sacerdotibus, revocatâ injustâ mortis sententiâ, in exilium ejectus, Virduni Gallorum Tyrocinium ingressus est: unde Romam accitus, Jaroslaviæ in Poloniâ mittitur; ubi novis insudans Sanctorum laborum initijs, evocatus est ad palmam cœlestem, anno post Societatis ingressum tertio, sæculi 1588. die 19. Julij. Septem post annos cum aperiretur sepulchrum, ut honoratior loco tumularetur, repertum cadaver integrum est, & corruptionis omnis expertus: DEO servi sui nobile spoliū eâ gloriâ decorante, quod toties supremis objectâisset periculis, in perpetua & forti mortis violentæ suspensum expectatione.

singulari sollicitudine educatus, quantæ curæ Cœlitibus etiam foret, ex mirabili eventu patuit. Adreperat fortè etiamnum infans, nutricis incuriâ, ad aconiti vasculum, necandis muscis, & id genus molestis animalculis temperatum; quod infantum more illicò labijs admotum exorberet, in certissimum vitæ exitium parabat: cum ipso illo momento vox ad fororis illius, non procul inde morantis, aures (cujus auctor alius præter Genium tutelarem esse non potuit) allabatur; iret confestim, & vitam fraterculi supremo discrimini eriperet.

*Surgit*







patientis Domini solito potentiùs oppugnatus, abiecit se ad pedes Christi Crucifixi, interque copiosas lacrymas voto obstrinxit, ad ingressum Religionis, solâ Societate JESU exceptâ. Verùm audiit continuò vocem Domini intus in corde suo loquentis, non posse hoc votum sibi gratum accidere, nisi conditio illa omitteretur: cui demum generosè obsequens, ubi primùm votum absolutum de amplectenda Religione, quâcunque DEO magis cordi esset, emisit, omnis illa pugna momentò desinens, in summam animi tranquillitatem transijt.

Hac de se relatâ victoriâ incertus aliquamdiu fluctuabat, quam Religionem potissimùm sequeretur; cùm absoluto Valentia in Hispania Societatis Tyrocinio, Conimbricam redijt Cognatus ejus Ludovicus Gonzalez de Camara: Hunc, officij causâ ad Collegium venientem Leonem (quod tam diu non adiverat) ut Cognatum salutaret, videns Janitor, *quid hoc rei est, quærit, Illustrissime Domine, quòd Collegium nostrum accedat? an fortè unus etiam ex nobis esse desiderat?* Interim verò dum Ludovicus evocatur, Leo Ecclesiam Collegij ingressus, oculos fortuitò conjicit in Imaginem, quâ Christus universum mundum judicans repræsentabatur: notâtque vultum ejus in se conversum, torvè admodùm & severè intueri, ità ut eo obtutu perterrefactus, toto corpore contremisceret. Simul autem sentit in animo sibi dici, si iram supremi Judicis effugere velit, Societatem JESU ingrediatur. Tantùsque fuit & tam potens ille animi impulsus, ut in vestigio superatâ quavis carnis resistentiâ propositum id arriperet, & mox Ludovico aperiret: à quo Superioribus Societatis oblatus, gratiam petitam sinè mora obtinuit. In Tyrocinio ædificium altissimæ sanctitatis, ad quam eùm provehere DEUS disponebat, à fundamento exorsus humilitatis, vilissima quæque domi aucupabatur, ibâtque ad forum cum emptore manticâ onustus, instar mediastini, ut domum referret quæ ille coëmisset: & captabat tunc ex proposito ad majorem sui victoriâ, horam & tempus, quo Studiosi & Professores ibant redibântque ex Academia, per quorum medium, iplis paulò antè summè æstimatus, viam arripiebat. Quâ occasione multas sæpe confusionum occasiones à petulante juventute nactus est; speciatim autem à quodam Episcopi famulo, qui Leoni corbem lactucâ plenum è foro domum portanti obvius, partem ejus sibi donari poposcerat: hanc enim liberalis genij adolescens quàm promptè pe-

tenti impertijt, ità mox (Tyronum more) anxio violatâ paupertatis scrupulo exagitatus, factum suum Magistro Novitiorum aperuit. At ille probaturus ejus virtutem, graviter increpito imposuit, Aulam ut Episcopi adiret, aulicòque illi temeritatem suam in donanda citrà Superioris facultatem lactuca confessus, eam Collegio reddi postularèt. Nihil moratus Leo, cæcè obediens domo se proripit, rectâque ad Curiam Præfulis properat, mandatum executurus: ubi tamen jam aliud à Magistro præmissus venturum opperiebatur, redire ipsum ad Collegium jubens, quòd satis eâ promptitudine virtutem illius expertus esset.

Illud verò planè singulare, nec temerè imitandum, fuit vincendi sui exemplum, quod tyronum more peregrinatum missus, de se præbuit. Reputanti enim secum, quânam re posset insignem de se ferre victoriâ? illud venit in mentem, ut nudato (quantum pateretur modestia) corpore, per oppidum, quod primum occurreret, mendicaret. Id cùm placuisset, simul ac in oppidum venit, quia frigidior afflabat aura, timens valetudini, aliquamdiu anceps hæsit: tum animi illâ sui excelitate, & pudoris, timorisque victor, exiit vestes, oppidumque nudus propè mendiculus totum obit, statim etiam perpusillâ opportunior contemptui & probris, quorum longè plus quàm stipis collegit. Ad locum peregrinationi præscriptum delatus, petulantem in templo hominum turbam invenit, quæ lascivis id canticis & amatorijs saltationibus funestabat: hanc ille proterviam indignatus, silentio de superiore loco indictò, de his ipsis Domini verbis: *Domus mea, domus orationis vocabitur*, disserere ardenter instituit. At enim ex saltatoribus unus impudentior, dicere aggressum ingesto convitio desinere jubet: & nihilominus pergenti, colaphos ad convitium adjungit. Hic Leo seipso fortior in genua provolutus, DEO primùm pro illata injuria gratias agit, deinde humi provolutus, pedesque percussoris osculatus, dexteram etiam, quâ probrum intulerat, ad osculum petijt. Sed derisit velut insanam pij Tyronis humilitatem obstinatus à dæmone saltator, & ebrium eundem, temulentus ipse, proclamavit. Ille verò sobriè & ferventer concionem profequutus, eò plus fidei nactus est apud populum, quò magis orationis pietatem spectata oculis sanctitas actionis commendabat. Accidit aliàs, ut eleemosynam, quâ solâ in peregrinatione victitabat. ostiatim corrogans, in Viros incideret Nobiles; à quibus dum stipem



pein petit, audit ex ijs unum procaciter jurantem : ad cujus proinde pedes in genua provolutus, rogat per DEI amorem à juramenti abstineat, quibus gravissimè Numen læderetur. At iste monitione tam pià irritatus, non probra duntaxat & scommata reddere; sed pugnis etiam & colaphis appetere, quin & humi prostrato calces illidere : summâ Leonis patientiâ & gaudio, quòd Christi causâ tam ignominiosè tractaretur. Sed non defuit in flagranti vindicis DEI pœna ; eodem siquidem momento artuum omnium dolore scelestus correptus, humi prolabitur, & ante pedes Leonis, horrendum ejulans, volutatur. Atque ità manifestam in se DEI vindictam expertus, Leoni supplex, & facti veniam, & preces ad DEUM exposcere coactus est : qui etiam fusâ confestim pro misero oratione malum omne dispulit. Nec minùs ardentem jam tum in præcordijs animarum zelum palàm fecit, cùm propositâ à Provinciali Simone Rodericio Missionis Indicâ ad Regnum Congo, tanto fervore illam expetijt, ut ab Rectore Collegij Conimbricensis negari illi non potuerit. Ergo ex spe consequendi inter barbaros Martyrij plenus gaudiorum, cùm quatuor ejusdem Missionis Candidatis Olyssiponem properat : unde tamen à Simone Conimbricam redire, jussus, pari promptitudine, nihil contradicens, neque turbatâ animi pace, iter relegit.

Tyrocinio absoluto, quòd jam ante Juni Canonico studuisset, totum se Morali Theologiæ applicuit ; eo profectu, ut mox ejusdem factus in Conimbricensi Academia Professor, in gravissimis conscientiæ casibus consulere- tur : cujus auctoritatem non dubitavit celeberrimus Doctor Navarrus Martinus Azpilqueta in suo Manuali Confessario, sub nomine Leonis de Noronna (itâ enim in sæculo vocabatur) allegare. Quia verò ad munus id Academici Professoris cum dignitate sustinendum necesse videbatur Sacerdotio illum ornari ; factâ ab summo Pontifice potestate initiatus est, anno ætatis 23. statimque illius numerosissimi Collegij Confessarium egit, & spiritûs Præfectum, simulque totius Urbis indefessum Operarium, assumptâ ægrorum, carcerum, & hospitalium curâ : planè ut stupendum videretur, unum hominem tot agendis rebus posse sufficere. Contigit inter hæc anno 1553. Constitutiones Societatis per universam Societatem observandas publicari, quibus in morem adducendis cùm singulari curâ S. IGNATIUS maximè idoneos Superiores ubique constitueret, Conimbricensi Collegio Rectorem dedit Leonem, qui exemplo suo ad exa-

ctissimam illarum observantiâ omnibus præ- lucens, dici vix potest, quantum ad fervorem ejus Collegij, in Historia Societatis adeò celebratum, contulerit. Neque tamen ob munus Rectoris lectionem Casuum, vel Operarij curas dimisit ; insatiabili zelo ad mortales omnes, si posset, juvandos conatum extendens, quem miris quandoque eventis Divinæ Majestati placuit adjuvare. Civis erat fortunæ adversantis casibus in eam desperationem adductus, ut nullo exitu ijs evadendis re- pto, statuerit illis simul & vitæ finem spontaneâ nece imponere. Itaque nocte obscurâ trans flumen egressus, ad quoddam olivetum cum laqueo properabat, ex una olearum se- suspensus ; cùm repentè videt ante se obvi- um stantem Rectorem Enriquez, increpan- tēque : *quò vadis miser, ut vitam eternam simul cum temporali perdas ? que ista est amen- tia, post amissa bona temporalia, ultroneo furo- re velle prodigere etiam eterna, & in caput su- um accersere inferni supplicia ?* Ad quæ verba supra modum cohorrescens, stupēnsque un- de sua consilia Viro, horâ tam importunâ sibi obvio, patuissent, muto similis hærebat : quem Pater manu prehensum peramicè consolatus, domum repetere jubet, Deique misericordi- am eâ nocte implorare ; *manè autem*, inquit, *Collegium Societatis accede, ejusque Rectorem accerse, à quo remedium tuis malis accipies.* Paret ille salubriter monenti, Collegiūque ingressus, ut primū Rectorem videt & au- dit, novo stupore advertit, & vultum, & vo- cem ipsissimam ejusdem esse, qui nocte in- tempestâ sibi apparuerat. A quo salutaribus consilijs instructus, & totius vitæ peccata in- genti dolore confessus, didicit in DEO, à quo solo remedium consequi posset, spem repone- re : nec cessabat DEI benignitatem, tam mi- rabiliter Leonis operâ sibi opitulantem, palàm prædicare ; demirantibus omnibus Patris san- ctitatem, neque aliter deinceps quàm Virum sanctum, & arcanorum DEI consciū intu- entibus. Auxit autem summopere eam opi- nionem eventus alius, quo hominem non- quidem de misericordia DEI desperantem, sed ex nimia illius præsumptione in peccatis im- perterritè volutatum, ad frugem reduxit. No- cte siquidem intempestâ procul ab Urbe ha- bitanti comparens, vultūque infesto minax, *homo perditæ & ingræte*, inquit, *credisne tua scelera DEUM latere, neque ab ejus justitia se- verè vindicanda esse ? aperi tandem oculos, & vide perditionis tue præ foribus instans discri- men, nisi confestim serio respicias ; & his dictis ab oculis evanuit.* Miser ille toto corpore,



tremens & stupens, ductâ in somni nocte, primo mane ad Leonem accurrit, & cui sua omnia jam antè cognita peccata nimium expertus erat, tantò fidentiùs confessus, vitam impostero castigatissimam, ad omnium exemplum, instituit.

Neque defuit illi donum prophetiæ, & futurorum certa prænotio, quam luculentè malo suo expertus est Sacerdos Societatis, Vocationis suæ desertor, eo pertinaciâ delapsus, ut neque confiteri ampliùs, neque Sacrum dicere vellet. Illum ergo multis ad frugem reducere, & in Religione firmare conatus Pater, ejus tunc Conimbricæ Rector, ubi frustra omnia esse advertit, ardentiorè commotus zelo, *scito, inquit, Pater (id quod tibi DEI nomine prædico) si modò, cùm potes, dicere Missam obstinatè nolis, veniet tempus, cùm eam dicere quàm maximè voles, nec tamen poteris.* Atque ità planè ab Societate dimisso evenit: siquidem post paulò fædo correptus cancro, ne in totum corpus serperet, pedem rescindere coactus est, & stipe vicarim corrogatâ miseriam vitam trahere: summis tum votis exoptans posse ad aras litare, quò medijs vivendi omnibus destitutus, saltè de altari, stipendio Sacrorum adjutus, honestiùs viveret. Ità pro DEO & salute animarum gloriosa agent, non defuere contemptus, vexationes, & multa adversa, quæ toleraret. Solùm referam è crucibus domesticis, quod ei cum Visitatore Lusitaniæ, ad invictam ejus virtutem omnibus comprobendam, in visitatione Collegij, & alterum cum Provinciali, evenit. Curaverat Enriquez murum non grandem domi educi ad coërcendam aquam, judicio suo planè necessarium, sed arbitrato Visitatoris omnino superfluum: & quia id citra petitem suum consensum fecerat, publicam in triclinio & peracerbam reprehensionem Rectori dici curavit, adjectâ hac pœnâ, ut per totam horam communis recreationis super eum murum, in omnium domesticorum conspectu qui ibidem ad colloquendum convenire solebant, novus Stylites confisteret; quod ille promptissimâ obedientiâ, quâ majorem in puerulo erga præceptorem errata sua castigantem non requireret, perfecit, stetitque hilaris horam integram, vultu ad omnem amœnitatem sereno, oculis suorum subditorum expositus, non tanquam in loco supplicij & confusionis, sed velut in throno suæ gloriæ & honoris. Necdum triennium gubernationis Collegij Conimbricensis expleverat, cùm à S. IGNATIO juberetur Provincialis illum Collegio Eboræ, tum primùm ab Henrico Cardinali Infante ejus

Urbis Episcopo, erigi cœpto, primum Rectorem præficere. Provincialis mox Leonem omnium ignarum Ulyssiponem evocat, promptissimèque venientem, vivum humilitatis & obedientiæ exemplum in eo præbiturus, (licet nesciret quâ causâ accerferetur, aut regendi munere privaretur) jubet vestem alijs curtiorem, detritam, & vetustâ induere, Cocòq; operam navare: quam ille maximâ promptitudine & alacritate per integram hebdomadam, in quibusvis vilissimis culinæ obsequijs exhibuit, nihil inquirendo quâ causâ, vel culpâ suâ, pœna publica sibi imponeretur; neque pensi habens, quid alij cogitaturi dicturive essent, videndo Rectorem Collegij Conimbricensis in alio Collegio Coquinæ ministerijs addici. Elapso octiduo, tum demum Provincialis advocato Leoni mandatum S. IGNATII aperit, & Collegio Eborensi præesse jubet, ad inexpectatum nuncium penitus exhorrescenti: ut haud facilè dixerim, an majore tristitiâ humeros ei muneri subjecerit, quàm lætitiâ Coqui imperijs paruerit.

Eboram profectus, cubiculum omnium in Collegio deterrimum inhabitandum elegit, sicut & supellectilem, vestitum, & utensilia vilissima: operam addicebat per intervalla promptissimam Coquo, Janitori, Obsonatori, tanquam Coadjutorum minimus, & omnium communis servus. Nam & ægris diu noctuque Curator aderat assiduus, sternebat lectulos, everrebat conclave, mundabat vasa, cibumque ori manibus suis imponebat: cubitum discedebat postremus, & primus lectulo confurgebat. Orationi mentali septem horas dabat quotidie: preces Canonicas semper recitabat de genibus: agendis post Missam DEO gratijs solidam horam impendebat: totoque die reliquo cœlestia ruminans, singularia à DEO lumina & gratias consequabatur, ad rectè domesticos gubernandum, & juvandum extraneos. Erat inter domesticos Sacerdos gravi dæmonis tentatione pœnè ad deserendam suam vocationem adductus, cujus præter unum nemo è Collegis erat conscius, qui tamen hoc ipsum (ut ex regula tenebatur) Superiori non aperiebat. Igitur aliquando Leoni in sede quietem capienti vox allabatur: *surge, & auxiliare tuæ oviculæ ab infernali lupi periclitanti, de qua tibi talis Sacerdos (nominavitque tentationis illius conscius) notitiam dabit.* Experrectus ad ea verba Pater, & somni ludibrium ea interpretatus, denuo ad somnum se composuit: sed iterum simili voce excitatus, & nihilominus somniantis phantasmate illudi se ratus; cùm tertiò indormisset



set, majore clamore excitur: *quid agis? necdum expergisceris? neque toties monitus succurris periclitanti ovicula? vade ad periculi conscium, & tam illi, quàm tentato remedium adhibe.* Ergo subito, Pater se proripiens, conscium tentati Sacerdotem aggreditur, acceptoque indicio, miserum in eo statu deprehendit, ut de fuga jam circumspiceret: quem verbis divino Spiritu & dulcedine plenis ita in gradu firmavit, ut totâ deinceps vitâ constans in Religionis proposito, non sinè maximo animæ solatio perstiterit. Simili monito, orationis tempore, jussus fuit certam domum Civis cujusdam, animam multis sceleribus inquinatam agentis, adire, quæ nunquam in Confessione per sacrilegam verecundiam aperuerat. Adstitit morientis lectulo improvvisus Pater, cæpitque torpentem ad seriam pœnitentiam hortari, instantem mortem, Deique severum judicium prædicere, & inferni denique pœnas, nisi integrè peccata confiteretur, minari. Sed nihilominus ægrum tergiversari videns, exprobrat peccata scelerrato silentio apud Sacerdotem celata, & singula seorsim attonito enumerat: ut is arcana sui cordis, jam antè Leoni perspecta advertens, mox generalem de tota vita exomologesim multis cum lacrymis instituerit. Priusquam tamen ad Collegium Pater abiret, quæsit ex ejus Socio æger, quisnam hic esset Sacerdos, omnium suorum peccatorum divinitus conscius? audiensque Leonem Enriquez esse Rectorem Collegij, juratum testimonium, antequam decederet, de tota hac re, quæ sibi acciderat, reliquit.

Longè plus mirabilitatis habuit id, quod Patri Eboræ agenti, cum Cardinali Infante, Henrico Olyssipone infirmo evenit. Indictis enim pro ejus salute varijs inter domesticos suffragijs, pœnitentijs, & sacrificijs, inter ardentibus, quas pro ejusdem incolumitate fundebat preces, responsum cœlitus accepit, Cardinalem pristinæ valetudini restitutum. Igitur lætus assumpto socio in campum exit, modicumque viâ, quæ ducit Olyssiponem, progressus, Socium in abdito vicinæ sylvæ præstolari jubet, dum ipse aliquantùm digressus orationem absolveret. Tum subito ab oculis evanescens, eodem temporis puncto conclave Cardinalis Infantis Olyssipone, Urbis 20. levcis distat, ingreditur; qui tunc penitus ardentissimo febris paroxismo æstuabat; magnæque oris hilaritate & verborum humanitate ipsum affatus, spem certissimam in DEI bonitate reponere jubet, à quo brevè sanandus esset. *Dicat mihi vestra Serenitas,*

adjecit, *quo loco præcipue dolor in corpus sævit? in corde,* respondit Cardinalis: at Pater, protensâ dextrâ crucem super illud ducens, dolorem omnem momento dispulit, somnūque simul svavissimum conciliavit. Dum autem Cardinalis indormit, Pater repente ab conclavi amissus, socio se in sylvula prope Eboram sistit, domūque regreditur: sed Cardinalis à somno experrectus, dum omnimode sanum se deprehendit, gratijs DEO cumulatè redditis (quò easdem sospitatori suo P. Leoni referat) Camerarium evocat, Collegium istic Societatis accedere jubet, & P. Leonem Enriquez, jamjam ab se digressum, revocare. Mirari Camerarius & stupere, si quidem nec ipse, nec alius quisquam conclave Principis observantium, Patrem intrare vel egredi adverterat: quando tamen Cardinalis constanter urgebat, Collegium adit, & P. Leonis præsentiam à Cardinali desiderari significat. Verùm hinc mirari longè magis insolens postulatū Janitor, negare domestici omnes Patrem Olyssipone adesse, sed Eboræ constanter morari; idque ipsum prolatâ epistolâ, quam paulò antè Eborâ ab Leone sibi inscriptam acceperat, Rector firmare. Id ubi Cardinali renunciatum est, satisque etiam Eborâ compertum, Patrem suū prodigio ad se translatus fuisse, conceptâ ingenti de sanctitate Viri opinione, illum sibi in Arbitrum conscientiæ concedi, datis illico ad Societatis Generalem Lainium literis, poposcit, constantérque ad obitum usque Confessarium retinuit.

Fuit autem Enriquez vir altissimæ contemplationis, & velut continuæ orationis, à qua nullis externis occupationibus & negotijs avellabatur: sæpius in ejus decursu extases & raptus cœlestes pati solitus, ut difficulter ad sensus multâ vellicatione revocaretur ab eis, qui oranti fortuito superveniebant. Conimbricæ festo SS. Petri & Pauli renovaturis ex Societatis more vota domesticis Sacrum lecturus erat; sed cū horâ designatâ omnibus in Oratorio collectis non compareret, evocaturus illū Ædituus, pulsatâ sæpius januâ cubuli, quòd nihil responderet, tandem ingreditur, reperitque ut erat genibus nixus; in altum à terra levatum, manibus in crucem ante pectus decussatis, ore toto incensum, & ab sensibus in divina absorptum. Cū verò neque inclamatus extasi solveretur, reversus ad Oratorium Ædituus, Socios omnes ad id spectaculum evocat, ex quo omnes vehementer in DEUM excitati, mirabilem in servis & sanctis suis prædicabant. Post aliquam moram ad Oratorium venientis facies tota ardens, ut



flamas spargere videretur, omnibus apparuit: dumque vestes sacras induit, dum Missam ad altare orditur, velut necdum à divino consortio integre sibi redditus, hæsitare propè ad singula, neque satis progredi, aut ordinem tenere posse; ut sæpius cerimoniarum commoneri, & ad ordinem illum revocari necesse fuerit. Huc etiam pertinet, quod ibidem Patri anno 1580. agenti contigit, quo Regis Henrici è vita cedentis mors gravissimas Regno calamitates invexit: Nam cum ad eas avertendas publicæ ubique supplicationes, preces, & pœnitentiæ indicerentur, & privatim etiam in Collegio Conimbricensi, coram exposito SS. Sacramento, diu noctuq; orationes ab Socijs funderentur, quo die illud in Sacrum domesticum è templo ab Socijs amplius ducentis solenni supplicatione deferrebat; Pater ob vires decrepitas comitari processionem impotens, genuflexus interim in Sacello præstolabatur, dum inferretur, ardentissimis precibus DEI misericordiam, & veniam toti Regno exorans. Jàmque importam Sacelli SS. Eucharistia inferebatur, cum ab ea distincta vox ad aures Leonis deprecantis allabatur: *non fiet, non fiet, sine me, ô Leo, neq; morare, quin pro merito pœnas instigam.* Pergenti verò tantò impensius Divinam Clementiam implorare, eadem renuentis Domini verba sæpius audita sunt, quoad in Ara SS. Sacramentum collocatum est. Ex quo collegit facillè Leo, gravissimas Lusitanie impendè calamitates, quibus posthac involutum est, prorsus uti ipse P. IGNATIO Martineæ prædixit, ex cujus testimonio hæc innuere.

Tam exquisitos DEI favores paria comitabantur à dæmonibus odia & impugnationes, quibus eum primùm quidem horrendis sub larvis exterrebant, mox autem ad verbera descendentes, colaphis, pugnis, fustibus excipiebant. Dicenti quadam vice Divinum officium cum P. Ludovico Cerqueira (qui postea Episcopus Japoniæ decessit) illusurus dæmon, lucernam, quæ sub tenebras orantibus lumen præbebat, abstulit, ac veluti lusitabundus modò sursum, modò deorsum, partes in omnes circumegit: donec severiore Leonis mandato coactus est illam suo loco reponere. Conimbricæ Rector existens, dato ad quiescendum signo cubiculum intraverat, cum dæmonem intus reperit formâ teterrimi & ingentis molossi: cujus aspectu nihil externatus, neque illum conclavi abigere sollicitus, ipse abire, & hospitium novo inquilino relinquere parabat, inquit: *remane intus, remane, magis*

*enim tibi hoc debetur quàm mihi, qui semel duntaxat in DEUM peccasti, cum ego sæpius gravissimè offenderim! Proh quanta tua humilitas!* reposuit dæmon, in superbiam si possit præcipitatus, quem terrore non vicerat, *qui infra me, quamvis reprobatus, te demittere, & ipsis damnatis spiritibus deteriore reputare poteris? Quin imò, subjecit iterum Pater, longè ego superbior te sum!* solisque his verbis hostem infugam conjecit. Aliàs Eboræ cum dæmon graviter cum illo expostularet super publico quodam peccatore, tanquam suo mancipio, quod eum potestati suæ substrahere, Deoque reconciliare laboraret, multa horrenda Patri comminatus, nisi captis absisteret: *quin imò, respondit Pater, tantò majore ad miserum illum à peccato & servitute tua liberandum studio impendar, quantò acerbius id tibi dolere video: nam minas tuas flocci facio, qui nihil in me potes, nisi quod DEUS permiserit.* Atque his dictis dæmonem in perpetuum abegit. Neque omnino terculamenta eorum amplius formidabat, quàm imbellium catellorum cassos latratus, multoque magis ab illis metuebatur ipse, quos è corporibus obsessorum nullo negotio exigebat, & à domibus personisque, si eas lemuriis & spectris infestarent, unicâ jussione depellebat. Santareni cum missione Apostolicâ distineretur, die quodam advertit ejus socius tumultum ingentem in Patris cubiculo cieri, sæpiusque inter agonias sacra JESU & MARIAE nomina ab oppresso inclamari: simulque turbo insolentissimus intra domum coortus, cum cælum planè sudum & serenum esset, portas cubiculi unâ cum fenestris perripuit, & socium magnopere consternavit. Accurrit illico intrepidus Pater, & metum omnem ponere jussit; inanès enim hos esse dæmonis conatus, terrere, & quietem ipsorum turbare molientis: quare illo jussu facessere, ad quietem mox se composuit, & perinde quasi nihil intervenisset, securè dormivit.

Ex ardentissimâ, quâ in proximos ferebatur, charitate, primus erat in confessionalibus expiandis pœnitentibus, adjuvandis ægrotis, pauperibus per urbem colligendis, etiam dum Collegijs præesset. Quo tempore autem Regalem Aulam sequi coactus est, Infantis Cardinalis, postea Regis etiam Confessarius; non minore promptitudine aures commodabat mendicis & mancipijs confitentibus, quàm ipsi Regi: & quoties poterat, ab Aula procurabat ad prædicandum rudibus per plateas & fora, aut paganis per vicos & villas, non minore animarum proventu, quàm ædificatione omni-



omnium, cum intuerentur Virum tantæ auctoritatis, & in Regali Curia æstimationis, cum tintinnabulo compita obire, ad colligendos pueros & mendicos catechesi imbuedos, iisdemque non raro expiandis à primo mane ad seram usque vesperam Confessionali assidere. Eadem charitate incitatus, cum rescivisset duos Nobiles Viros in campum profilijisse ad duellum, positis domi vestibus saccum induit, quo pœnitentes ad flagellandum corpus uti solent, soloque pallio superinjecto ad eundem campum procurrens, medium inter ipsorum gladios, ad congregandum jam expeditos, se iniecit, pallioque abjecto, crudeliter in dorsum sævire incepit, voce lamentabili simul per Christi patientis vulnera obtestans, ut à scelerato certamine abisterent. Nec cessit in vanum pius Patris zelus, siquidem ambo ad genua illius provoluti, arma ponere sponponderunt, dummodo flagellis ipse parceret: inque vestigio redintegratâ amicitia, læti ad Urbem redierunt. Tam profusæ in animas charitati par fuit corporum cura; ut quidquid ad miserorum sublevationem posset, affectu planè materno liberaliter semper conferret: nec quidquam domi ipso Rectore fuit, quod non prodigè expenderet, quoties necessitas proximi exigere videbatur. Imò observatum curiosè à domesticis est, nunquam ipsum lætiorem incedere solitum fuisse, quàm quo die plurimis hospitibus aut pauperibus obruebatur, quibus pedes abluebat ipse, & modis omnibus serviebat, & quidquid ad commoditatem eorum faceret, profusè suppeditabat, sibimet non raro cum valetudinis dispendio subtrahens, ut alijs prodesset. Contigit illum ætate jam senem medio hyemis, Superiorum jussu, Eborâ migrare Olyssiponem, dato in socium itineris Fratre quodam infirmo: delati ad hospitium, nullum reperere lectum, præter nudum solum, in quo Pater sui prorsus incurius, stratum è proprijs vestibus Fratri composuit, ipse seminudus remanens, ut gelidos ægrientis pedes calefaceret. Sed cum id ad calorem frigenti inducendum non sufficeret; focum, charitatis igne incensissimum miro ingenio providit, dum Fratri plantas pectori suo denu dato applicuit, & calore cordis nativo confortavit; ultimum illud, quod modicum in senili corpore supererat spiritûs, in Fratrem libentissimè transfusus; nihil pensi habens, si frigore vicissim ex ejus pedibus in viscera hausto, tormina & dolores cholicos in præmum reciperet.

Totis 24. annis, quibus Confessarij Regij

munus apud Henricum Cardinalem, & eundem postea Regem creatum gessit, nihil unquam pro se suisque cognatis expetiit, licet nullo negotio posset illos, utpote primæ in Regno Nobilitatis, ad splendidiore Aulæ munia provehere: pauperum tamen è contrâ & miserorum perpetuum egit Advocatum, neq; ulli ipsorum operam suam deposcentium negavit, nihil reformidans, ut ne importunus & molestus interpellator haberetur. Et quia pijsissimus Rex mirâ liberalitate postulanti Patri omnia concedebat, copiosasque pecunias largiebatur, ipse omnia fidelissimè dispertiebat dotandis orphanis & viduis, redimendis captivis, liberandis incarceratis, debitoribus exolvendis, restaurandis templis & monasterijs: idque eâ fide exequabatur, ut nunquam Rex ab eo impetrare posset, quò partem aliquam sumptuum in usus suos & necessitates derivaret. Nam paupertatis rigidissimæ tenax constanter vixit, neque unquam persuaderi potuit, ut rhedam admitteret, etiam tunc, cum Palatium à Collegio S. Rochi (quod Pater inhabitabat) admodum remotum Rex incoleret: sed pedibus semper, instar mendicabuli, iter illud unius levæ ad Aulam metiebatur, quoties seu confessionis, seu negotij alterius causâ Regiam accederet. Delatum sibi ab Inquisitoribus sacri Consilij Qualificatoris munus acceptare diu renuit, donec à Superioribus rescivit id nequaquam è dignitatibus, à S. IGNATIO prohibitis esse; ac tum illud ipsum in majoris humilitatis occasionem convertit. Nam quoties publicum judicium de reis celebrandum erat, nequaquam inter Qualificatores sessum capiebat, sed reorum turbæ se immiscens, eos interim ad ferendam patienter sententiam animabat, & ad mortem disponebat. Pari humilitate & adnitu oblectatus est, nè officium Præpositi Provincialis à S. Borgia delatum subiret, ad quod tamen illius præcepto adactus est; obiitque integro septennio magnâ omnium satisfactione, & virtutis exemplo: siquidem commodorum omnium fugitans, neque Fratrem Coadjutorem ad sua obsequia, neque mulos, aut rhedam certam ad agenda itinera admisit, sed obvios quosvis agasones & paganos, de loco in locum fortè jumenta agentes conducebat, nullo viatico, commeatu, apparatûve instructus; tùmque præcipuè gaudio gestiens, si neque in diversorio quidquam ad esum & lectum commodi reperiret.

Provincialis munere paulò ante mortem S. Borgia defunctus, vix ad confessiones Cardinalis Eboram redierat, cum in Congregatione



tione Provinciali ad novum Generalem Societati pro Borgia dandum, Elector Romam destinatur: quâ occasione permisit DEUS humanum quiddam illi evenire; ut disceremus, perfectos etiam comuni fragilitati subiectos, in judicijs suis errare posse. Triginta duobus annis steterat tum à sua confirmatione JESU Societas, quemadmodum à S. IGNATIO gente Hispano fundata, ita hætenus à Generalibus, ex sola ea natione assumptis gubernata: ex qua etiam plerique Visitatores & Commissarij, nec pauci Provinciales & Rectores deligebantur: & hi quidem sapienter æquè ac sanctè gubernationis munia obibant: quia tamen Societate per multas alias nationes jam propagatâ, non deerant ex illis Viri talentis ad regendum instructissimi, factum est idem, quod de primitiva Ecclesia legitur in Actis Apostolorum c. 6. dum exortum est murmur Græcorum in Hebræos, quod hi veluti Ecclesiæ fundatores, & primi lapides, primas etiam partes, alijs veluti despectis, in ea sibi vendicarent. Itaque videbatur nationibus nonnullis æquitati consonum, ut ex alijs etiam subinde, si æquè aut magis idonei essent, ad moderandam Societatem quidam assumerentur; qui earum sensus in Lusitaniam delatus, in eandem opinionem primarios quosdam Patres cum Leone pertraxit; cum quibus, inito consilio, unanimiter decretum est, providendum omni ratione, ut in præsentiarum alius quispiam è diversâ ab Hispanis natione, Præpositus Generalis eligeretur; idque ea solùm de causa; nè, si penes unicam gentem Societatis gubernatio, veluti hæreditario jure remaneret, digniores quandoque eo gradu, & virtute præstantiores præteriri contingeret. Quia verò negotium tanti momenti magnopere ad DEI gloriam & Societatis bonum pertinere Leo ducebat, epistolas ad Pontificem Gregorium XIII. obtinuit à Cardinali Henrico, & Sebastiano Lusitaniæ, ac Philippo secundo Hispaniæ Regibus, quibus id ipsum à Vicario Christi flagitabant, nè pateretur hac vice Generalem Societati ex Hispanis præfici. Nec parum in proposito per viæ decursum firmatus est, quando non paucos è Socijs in Gallia & Italia ejusdem sententiæ reperit: à quibus animatus, ubi Romam pervenit, eum favorem ex commendatione Infantis Cardinalis apud Gregorium consecutus est, ut liberum ad se accessum, quoties vellet, à Cubicularijs suis ipsi concedi mandaverit. Igitur captâ occasione facilè idem, rationibus diu antè præconceptis, Pontifici persuasit; literis verò tantorum Principum id ipsum

flagitantium exhibitis, planè evicit: ut idcirco Patri Polanco, Societatis interim Vicario Generali, Apostolicam benedictionem pro inchoandis Comitijs humiliter flagitanti, Gregorius disertè edixerit, velle se pro hac vice, ex alia quapiam natione, ab Hispanis diversa, Præpositum eligi, idemque iterum per Cardinalem à suis secretis, toti Patrum Conventui, principiò Congregationis significarit.

Non facilè dictum est, quanto dolore & perturbatione animos Patrum ea Pontificis optimi, & Societati aliàs addictissimi, denuncia- tio confuderit, quâ manus sibi constringi videbant, ereptâ libertate eligendi quemcunq; eo munere dignissimum censuissent; unâque januam aperiri ad ambiendas in Societate per patrocinia Principum dignitates: aliâque id genus non levia damna, quæ ex hac novitate sequi natum erat. Quibus Patrum rationibus auditis Leo, vidensque eundem universalem omnium sensum esse, serò tandem advertit judicij sui, licet optimæ intentionis specie seducti, errorem; in quem DEUS suos labi non rarò patitur, ad majorem ipsorum in humilitate, suique despicentia profectum. Ideoque nihil moratus Vir antiqui candoris, è loco suo consurgens prodit in medium, humique prostratus, lacrymis magis, quàm voce culpam suam ingenuè fateretur, ingentique dolore aperit, solum se ejus decreti Pontifici auctorem & incitatore fuisse, obtentis ad eundem finem Principum intercessionibus, quia reverà id ad majus DEI obsequium fore judicavit. At enim modò luce meridianâ clariùs deceptionem sui errorémque agnoscere, penamque pro culpâ enormitate quamcunque, gravissimam exposcere; & demum ad Pontificem ipsum adeundum se offerre, ut declarato illum abduceret. Respiravêre Patres ad eam Leonis confessionem, mirèque ex tanta humilitate ædificati, propositum ipsius in adeundo Pontifice approbârunt, additis qui eum comitarentur è suo gremio quatuor Patribus. Cum quibus Tusculum ad Pontificem profectus, adeo nervosè & efficaciter negotium egit, ut is restituta Congregationi ad electionem ex quacunque natione ineundam libertate, solum hoc reservârit, ut si fortè in Hispanum hominem plura vota convenirent, ante promulgationem id sibi significaretur. Verum id minimè necessum fuit, si quidem primo scrutinio in Præpositum electus est Everardus Mercurianus, natione Belgæ, & Germaniæ Assistent: à quo, & tota simul Congregatione, non destitit Leo gravem sibi



sibi poenam pro tam enormi excessu postulare; inter alia petens, ut juberetur integro biennio in culinæ ministerijs famularem Coquo operam navare. Et quia ex animo pæne importunus id flagitabat, adeo ut contristandū, si totū negaretur, plures censerent; sex menses agendæ in coquinæ officio poenitentiae indulti sunt; quam ille mox in Urbe auspicaturus, vilem & detritam vestem ante reditum in Lusitaniam induit, & exacto in vilissimo illo ministerio semestri, tres alios menses insuper adjecit, quanto suo solatio, tantā aliorum ædificatione & exemplo.

Reducem in Lusitaniam pari affectu Rex Sebastianus & Cardinalis Henricus excepit; iste quidem Eboram evocatum, ad suas confessiones adhibere constanter perrexit, etiam postquam ad Regium solium defuncto Sebastiano evectus fuit. Sed minimè diuturnum Henrico imperium fuit, anno 1580. post biennium in eo exactum vitā functo: à cujus morte liber ab Aulæ negotijs Pater, cupidusque totum se orationi & quieti Religiosæ tradendi, Bragam mitti, Urbem 60. levis Ulyssipone distantem, impetravit. Parum tamen quiete desideratā illi frui licuit, delato ipsi ejusdem Collegij recens fundati, neque integre ædificati aut instructi Rectoratu: unde coactus est Rectoris simul & Concionatoris, Magistri & Conversatoris, Janitoris & Dispensatoris, Sacrificæ & non rarò Murarij ac Operarij munia implere, in afferenda calce, lapidibus, arena, ceteraque fabricæ promovendæ necessaria materia: ad quæ tot simul agenda DEUS illi vires subministrabat, quas ætas negabat. Et quidem ternas subinde per diem habebat conciones, simul poenitentes quotquot adessent audiebat, vel ægros expiari cupientes adibat. Cui obsequio usque eò fuit additus, ut etiam in Provincialis munere ad Collegium quodpiam veniens, primò omnium, necdum posito pallio, Templum aut Collegij januam accederet, exploraturus, an quis adesset peccata confiteri desiderans. Idem faciebat in diversorijs per viam & hospitalijs, seduloque inculcabat emolumenta frequentis Confessionis & Communionis, ac praxes utriusque docebat. Trienniò Rectoratū finito, sperabat bonus Pater se ab hominum memoria penitus oblitteratum, inque eo angulo relinquendum, ut totum se uni DEO addiceret: sed quia plurimū consilio & auctoritate suā profuturus Societati videbatur in Curia Regali, revocatus Olyssiponem est, assumpsitque laboriosissimum Operarij mu-

nus, cum annum ætatis ageret septuagesimū, fractus ætate & viribus, sed spiritu vividus & robustus. Itaque assidebat poenitentibus audiendis constantissimè, procurabat Hospitale pauperum, lustrabat custodias & carceres, invisebat ægros: & ut externis etiam nationibus opem ferret, quod copiosi è Gallia Institores illuc commearent, eorum linguam, quam puer olim Parisijs didicerat, & jam penitus oblitus erat, magno conatu repetere cœpit, comparato Vocabulario gentis, & Grammaticā, conductoque Magistro, à quo doceretur; DEUM vicissim & cœlestia ejus animo instillaturus. Utque nemo illi effugeret opis alicujus causā Domum Professorum accedens; multis precibus impetravit, ut Janitori in cura portæ socius daretur, & absentis vices integre suppleret: quod bono se ni ad singulare ipsius solatium negari non potuit.

Dum ita indefessus animabus DEO lucrandis invigilat; evocatur die quodam in carceres, ad confessionem pauperis Galli ex pestilenti apostemate morientis audiendam: quod alacer absque mora provolans, dum sui omnino incurius, jacenti aurem vicinam, perinde ac si sanus foret, admovet, & prolixè peccata recensentem audit, ac prolixius etiam solatur, mortique sanctè obeundæ præparat; virus & ipse in viscera hausit, ex quo mortis certæ nuncium die mox sequenti à Medicis accepit. Hoc verò ille summā gaudij liquidissimi significatione excepit, ut clarè apparet, nihil gratius illi nunciari potuisse: quare Sacramentis Ecclesiæ omnibus perceptis, exoravit solus deinceps relinquere, quem ad januam relictis custodes observarunt, nunquam à tenerimis cum DEO & Cœlitibus destitisse colloquijs, quoad usum lingvæ retinuit; ex cujus silentio non vanè colligentes, animam ipsum agere, convocatis domesticis ingressi, dum agonem morientis Domino commendant, ille placidissimè expiravit die 8. Aprilis, Anno 1589. ætatis 74. Religionis 53. Adejus sepulturam præter innumerabilem populum, defuncti corpus venerari cupidum, accurrit etiam cum toto Clero Urbis Episcopus, & cum omnibus Religionibus sacra Inquisitio in forma Tribunalis, ac denique cum universa Nobilitate Regalis Curia, singuli ex ejus vestitu, rebúsve utensilibus, quidpiam sibi adpiam memoriam donari flagitantes, ut custodiam armatam tuendo funeri adhiberi oportuerit, quò ab direptione defensum securè tumulo mandari posset.

*Ex Historia Societatis, & Lusitania Baltasf. Tellez, & Andrade Tomo 5. de Viris Illustribus.*

*Societas Europæa.*

FF

P. NI-





P. Nicolaus Bobadilla Hisp. S. L. e primis 30. S. Ignatij Socys, a Ferdin. 1<sup>o</sup> sume, assumat, oblatum ab eo Episcopatu constan- ter respuit, et in oibus fere Imperij Comitibus ad negotia Re- ligionis adhibitis, et per 22. Episcopatus Apostolicis zelo operatus, maximos Animarum fructus retulit. Obijt Laureti 23 Sept. 1590. Aetatis fere 80. 49. W.P. Keilian sc.

## P. NICOLAUS BOBADILLA.

**P**ater Nicolaus, natione Hispanus, patriâ ex oppido Bobadilla, Palentinæ Diœcesis, unde nomen accepit, dictus alioqui Nicolaus Alphonsus, unus fuit è primis decem Societatis nostræ Patriarchis, qui se IGNATIO, ordine quintus, Parisijs adjunxit. Parentes habuit tenues; sed pietati Christianæ inprimis addictos, à quibus novennis studio Grammaticæ applicatus; absoluto deinceps Artium, Philosophiæ, & Theologiæ, diversis Hispaniæ in Academijs curriculo, gradum ex illis literarium consecutus, Vallisoleti Philosophiam publicè docuit. Verùm incensus cupiditate plura discendi, lingvas præsertim,

Hebræam & Græcam, Lutetiam Parisiorum, à multitudine Sapientum tunc celeberrimam, profectus est, & delatam sibi Philosophiæ Cathedram in Collegio Calviaco occupavit. Verùm cùm ipsius conatibus adversaretur egestas, confugit ad sanctum IGNATIUM, qui multis in ea Academia adolescentibus, re- domesticâ destitutis, honestè & cum dignitate, è corrogatis elemosynis subveniebat. Adjutus sancti Patris auxilio, non dubitavit, cujus expertus erat benignitatem, etiam Instituta complecti. Exinde quadraginta dierum secessu arctè probato, communia illi, quæ Socijs omnibus acciderunt, donec Venetias Romamque venêre: ubi, posteaquam desperato in Palæstinam transitu, operam omnes suam Pont-



Pontifici Paulo III. detulissent, Bobadilla ab eodem Anno 1538. in Ænariam missus est, Regni Neapolitani Insulam, quæ Ischia dicitur hodie, ad conciliandam pacem inter Joannam Aragoniam, ejusque Conjugem Ascanium Columnam, Tagliacotij Duces, cujus professionis fructus fuere uberrimi. Cum enim Vir ardens loco uno contineri non posset, Cajetæ pro concione Dominicis omnibus simul perorabat, in xenodochio visitans è corrogata stipe. Cum verò gravis ex contentione laborum febris eum incesisset, Neapolim ad commune nosodochium Annuntiæ Virginis se recepit; unde adeò confectus redijt ad Urbem, ut quæ à S. IGNATIO destinata illi erat in Indiam profectio, eam S. Francisco Xaverio committere compulsus fuerit. Nec ipse tamen ab opere diu vacavit: confirmatâ enim valetudine, rursus à Paulo Pontifice, Bisnianum in Regnum Neapolitanum ablegatus est, ut vicariam ageret operam ejus Urbis Episcopi, quem suum Neapoli Nuncium esse jusserat: inde post annum, rebus præclare gestis, revocatus Romam, jubetur à Pontifice in Germaniam cum Jaio abire, turbatissimum ejus per hæresim statum pro virili adjuturus. Interim autem, dum Nuncius Cardinalis Moronus, quem comitari oportebat, in Germaniam expeditur, Reginaldo Polo Cardinali, Viterbij Legato tantisper datus est, editâ prius in Urbe professione solennis quatuor votorum.

Jam verò ex itinere, quod in Germaniam habuit, morbi vi oppressus, & Oeniponti subsistere coactus, cum Ferdinando I. Romanorum Rege, qui cum liberis suis tunc ibi agebat, de rebus salutaribus multa contulit, remque animorum, & privatis cum Nobilitate colloquijs, & ceteris ex Instituto muneribus impigre provexit. Sed Curia mox Viennam translata, eandem secutus, identidem varijs à Ferdinando colloquijs de promovendo Religionis statu consulebatur, simulque publicas conciones italicè, latinèque, & sacras lectiones habuit, confessionibus audiendis, convertendis hæreticis ita intentus, ut simul aliquot è Turcis, & Judæis laboriosâ institutione Christianos fecerit. Nobilem verò cum primis victoriam de Lutherano viro illustri, & Regi à consilijs, coram Rege ipso plurimisque Proceribus retulit, à quo fuit superbâ præfidentia in certamen vocatus, pactus solenni promisso, se Catholicorum partibus accessurum, si falsitatis convinceretur. Sed licet omnium calculis, & Regis ipsius sententiâ victus pronunciatus, pertinaci tamen furore contestabatur, eundem se mansurum qui fue-

*Societas Europæa.*

rat novorum dogmatum sectatorem: quâ hominis impudentiâ offensus Ferdinandus, perpetuis eum carceribus condemnavit. Hic miser inclusus ignominie dedecore in rabiem versus, cum sibi ipse manus lethali vulnere attulisset, repente oborta è cælo luce, scelus agnovit, Catholicè expiari magnis vocibus postulavit, susceptisque ritè mysterijs, in ejusdem Ecclesiæ complexu spiritum DEO reddidit. Quo eventu non solum Viennæ, inque alijs Germaniæ partibus, verum etiam in ipsa Romana Curia vulgato, magnâ existimatione nomen Bobadillæ celebrabatur. Instabat per id tempus Norimbergæ Conventus Imperij, ubi nè quid contra Religionem decerneretur, Nuncius Apostolicus Bobadillam sibi auxiliarem adjunxit; cujus sanè opera fuit multis brevi illo tempore salutaris. Nec minus in novo Spiræ, & iterum Wormatiæ indicto Conventu præstitit, additus à Rege, Passaviensi Episcopo; qui suo nomine Spiram mittebatur; adhibitus postea ab eodem universæ Diocesis suæ lustrandæ. Præter cetera cum laude gesta, complures in carcerem Sacerdotes sacrilegis nuptijs, hæresibusque coniectos, frequenti colloquutione permovit, ut prava dogmata publicè ejurantes rejicerent, & digna scelerum immanitate supplicia in artibus luenda cœnobijs sibi ipsi deposcerent. Quia verò Spiræ Catholicam rem tum prædicatione verbi DEI, tum saluberrimis consilijs sustentatam ab illo experti erant Catholici Principes, dimissis Comitibus certatim eum secum quisque abducere tentarunt: sed ipse Passaviensem secutus, nec multò post à Ferdinando Viennam revocatus, præter concionum labores curavit etiam Pastorum, Doctorumque mores ad veterem Ecclesiæ disciplinam Regiâ auctoritate fingendos; ad plerasque super Religionis negotijs deliberationes adhiberi à Rege solitus.

Profecturus ad nova Comitia Spiram Ferdinandus, quibus & Imperator Carolus frater interesse volebat, Bobadillam secum domesticum Theologi nomine assumpsit: cujus fidelissimam operam contra Lutheranorum fraudes expertus, charissimum deinceps habuit, & tota Aulæ Regiæ, Cæsareæque nobilitas, virtutem sapientiamque suspexit, & pleraque sibi à confessionibus eundem delegit. Quod cum Colonienfis Ecclesia notasset, partes illi Oratoris commisit, suoque nomine Cæsarem & totum Principum Conventum alloqui voluit. Id ille valde ex animo & cumulatè præstitit: nec præsentem tantum apud Cæsarem, sed absentem etiam apud Pontificem patronum



num se illi per literas exhibuit: collaudatus à Pontifice ob indefessum zelum responsorij literis, utque de Germania bene mereri pergeret animatus. Præter alia piè ac salutariter in Comitij, Ratisbonam post paulò translatis, gesta, librum à se de Christiana conscientia conscriptum, exponendum latinè certis diebus pro concione suscepit, maximâ Principum & Antistitum coronâ, varijs intermissione nationibus, Germanis, Gallis, Italis, Hispanis, Catholicis æquè ac Protestantibus. Cum verò frangendæ Sectariorum contumaciæ, apud quos nihil proderat lenitas & majestas Cæsarea, Carolus exercitum validum cœgisset, cui copias fortissimas Pontifex quoque adjecerat; Bobadilla, nè quid ijs deesset spiritualis auxilij, castra secutus, roborando & adjuvando milite suas egregiè partes implebat. Aderat enim assiduus vulneribus & morbo affectis, & in medio præliorum fervore, sui oblitus, animando militi, & saucijs procurandis discurrebat; unde capite aliquando vulnus ab hoste retulit, nisi plagæ impetum crassitudo pilei retidisset, haud dubiè lethale. Cum verò procuratore simul nosocomij militaris, quo identidem læsi & ægri deportabantur, diu nocturne distineretur, non poterat animi robori par esse corpus: tentari & ipse, cœpit morbis, pestilentia tandem afflatus, à qua tamen, DEI bonitate, paulò post convaleuit. Quanquam autem æger & imbecillis, ut vix hæreret vestigio, nihil tamen de laboris contentione propemodum detraxit; somnū perinde nudā humo, ut erat vestitus, citrà ullum stragulum decerpens. E castris Ratisbonam aliquando excurrere coacto, repente grassatores occurrunt, spoliant, & acerbis plagis afficiunt: inhumanius forsitan tractaturi, nisi illis contra ternos Italos subito apparentes conversis, ipse nudus cum solo aufugisset indusio. His tot Viri meritis, sub oculis Cæsaris, bello partis permotus Ferdinandus, omniratione connisus est illum ad acceptandas Episcopales Insulas inducere: sed constanter ille non minùs toto conatu resistit, testatus se à DEO, non ad honores & dignitates, sed ad paupertatis humilem obscuritatem vocatum esse.

Confecto bello, Ducèque Saxonico unà cum Landgravio Hassiæ à Cæsare capto, Bobadilla modò hanc, modò illam curaturus Germaniæ partem, nunquam eodem loco consistens, sed *tanquam verus Apostolus* (ut de eo scripsit Viennensis Antistes) *cuncta pererrans*, iterum anno 1547. nimis ex laboribus ægravavit. Nam stylo & voce Catholica dogma-

ta tutatus, Passavij per Quadragesimam, aliàs verò Ratisbonæ in concionibus operam suam posuit. Sanè magni ponderis apud Germaniæ Proceres & Antistites vox ejus erat; sed apud Regem Romanorum longè maxima, cujus denique Curiam iterum sequi compulsus est. Anno insequente, cum in Augustanis Comitij libellus vulgaretur de Catholici Fidei doctrina & ritibus, quæ Germania tantisper, dum Concilium Tridenti coactum statueret, sequeretur, unde nomen libello factum est, *Interim*: Bobadilla & dictis pariter & scriptis sese constanter opposuit, cum nec Catholicis ea moribus congruerent, nec Cæsaris possent auctoritate constitui: qua ex Viri resistentia, nè novaurbationum ansa Protestantibus daretur, jussus est Bobadilla, quamvis Curij Catholicorum Principum percarus, è Germania se subducere. Quod ille sanè numeravit in lucris, cum pro se causa gloriosè apud Curiam Ecclesiasticam staret, & honestissimum duceret, magis DEO placere quàm hominibus. Ergo in Italiam regressus anno 1549. quod Jacobus Laines in Siciliam discessisset, ejus ipse partes Neapoli suscepit habendis concionibus, præsertim Quadragesimæ singulis feriis, implendas. Minorensem quoque Diocesim, rogatu Antistitis, vicinorūque Episcopatus, Policastrum item, Bisinianum, Rossanum, biennio lustravit, inflammando concionibus ubique populo, pueris Christianâ doctrinâ imbuendis, ministrandis indefessè Sacramentis ita strenuus, ut neque inter febrium recidivos ardores quidquam remitteret, semper sui similis. Et Rossani quidem venenum ei à perditis hominibus propinatum est: ut prodigij sit instar habitū, potuisse perniciem extremam effugere. Verum ut malum expulit, eadem alacritate atque constantiâ ad castigandos improbos rediit. Sed & Phaliscorum Episcopatu lustrando adhibitus; postea in Picenum ab S. Inquisitione, Commissarij titulo, missus est; ut omni inquisitione Hæreticorum, Judæorumque libros infami concremaret incendio: & Cardinali Carpeni auctore, Lauretanum quoque Clerum inspexit. Quæ omnia haud exigua cum laude perfecit, seu pijs habendis sermonibus, seu inquirendis voluminibus improbis, præsertim ex eo genere plurimis, quæ Lusitanicè edita pestilentes homines in Indiam usque transmittere, totòque Oriente spargere occultâ fraude decreverant.

In vallem Tellinam ad capturam hominum demortuo jam S. IGNATIO missus, purgandis animis, aure ac voce, religioni excolendæ, & contra



contra Hæreticos, qui plurimi è Germania irrepperant, tuendæ intentus, haud rarò bis in die ad concionem dicens, nec uno fixus loco; sed alia atque alia lustrans oppida, magnum apud omnes Catholicos Societatis desiderium excivit. Nec solùm illi cum fame & siti, cum frigore & alijs incommodis luctandum fuit, sed cùm hæresi etiam, propè jam ibi regnante, acriter pugnandum: quando ab hæretico Prætore citatus, interrogatúsque, quid feriâ secundâ majoris hebdomadæ pro concione fuisset ausus de Eucharistia dicere? quanquam dissuadentibus amicis, & certum exitium fugâ evitare svadentibus, promptè se non solùm stitit; sed eòdem coram illo, quo in concione spiritu omnia repetivit: tempus id profitendæ palàm Fidei, & si fors ferret, sanguine obfignandæ ratus. Hæreticus admiratus fiduciam humanâ, ut sibi videbatur, majorem, ubi attentè audivit omnia, nîl ausus in DEI servum moliri, indemnem, neque, sinè observantiæ significatione, ab se dimisit. His pro Fide Bobadillæ certaminibus longè latèque divulgatis, Jaderæ & Epidauri (Zaram & Ragusam hodie appellant) Antistites ità pro illo in Illyricum mittendo apud Lainium Generalem institère, ut negari non potuerit. Alacrisque Bobadilla Illyricas quoque rupes, magnam partem Turcis vel tributarias, vel tyrannicè subjectas, Græcòque schismate & varijs erroribus infectas, excultum abiit: adeò nullò, quod ad commoda corporis attinet, domiciliorum nostrorum ad degendum respectu; ut cùm Venerijs ad Illyricos navigaturus à quodam rogaretur, essentne in Illyrico Collegia Societatis? jucundè, ut solebat, responderit, se Collegia secum ferre inmanica: simul fortasse significaturus, promptum sibi esse Collegia, ubi vellet nova condere. Prorsus enim eveniebat, ut quocunq; pedem tulisset, statim motus & cupido in populis excitaretur habendi apud se Societatis domicilij: uti reipsâ mox in valle Tellina Ponti fundatum est, cùm Bobadillæ discessum Tellinenses, perinde quasi Parente orbarentur, mœrore ac lacrymis honestarent. Incredibile dictu est, quàm indefessè rupes illas Ragusanas incultas biennio circumcursârît, quàm indefessè operi incubuerit per assiduas conciones, lectiones, catecheses, aliâque omnia Societatis ministeria. Sanè Ragusæ non multis ejus dictionibus auditis, & ceterâ juvandi proximos ratione ac dexteritate perspectâ, Collegium Societati apud se condere incluta illa Respublica decrevit, eaque de re

ad Lainium literas dedit. Sed Bobadilla ex laborum contentione febris quartanâ oppressus, cùm nihilominus constanter ad populum, & ter in hebdomade ad totidem Benedictinorum cœnobîa (quibus simul Theologiam, post singulos ascesi Ignatianâ extullos, tradebat) peroraret; crescente morbi violentiâ in Italiam redire compulsus est.

Non tamen licuit viribus utcunque restituto diu in Italia esse otioso, qui totus ardebat studio laborandi: siquidem à Gvidone Sfortia Cardinali in Calabriam missus est, ut eam quoque Patriam operâ Evangelicâ excoleret. Id quod tantâ incolarum egit satisfactione, ut magnâ Melliti & Cantazarij, Collegiorum Societatis cupiditatem excitaverit. In summa, sequentibus annis totam propè Italiam, atque Siciliam crebris excursionibus pervagatus, ubique reliquit luculenta ardoris sui vestigia, ab omnibus passim cultus ut Pater, propter sanctitatis & eruditionis existimationem, ac venerandam canitiem. Quibus in laboribus aliquando ardentissimâ denuo febris prostratus, magnâ fiduciâ ad patrocinium S. IGNATII pridem vitâ functi recurrit; & ecce, ab oratione vix consurgens, sensit sibi momentò non tantum valetudinem, sed & vires pristinas integre redivisse. Tandem fatiscentibus per ætatem crebròsque morbos corporis viribus, Lauretanam sibi quietis mortisque sedem, amore atque observantiâ in DEI param Virginem elegit; ut, quo loco inchoaverat vitam ipse DEUS in terris, ille suam terminaret. Ibi postremus Sociorum S. IGNATII, cùm jam quintum Generalem Societatis suo etiam voto electum vidisset, 23. Septem: Anno salutis 1580. à confirmata Societate 50, propè octogenarius decessit. Post obitum ex illius manuscriptis compertum est, ipsum conciones habuisse in 77. Archi-Episcopatibus & Episcopatibus per Italiam, Siciliam & Dalmatiam: in locis verò 158. diversis. Inter tot ejus virtutes eminebat inprimis Evangelicæ studiû paupertatis, vestes enim præsertim interiores gestabat vilissimas, plurimisque locis interpolatas suismet manibus; quas cùm indueret exueretque, quâdam singulari svavitæ sæpius osculabatur. Prædixit sæpe ultimum se è decem primis PP. exiturum è vita: ac joco interrogantibus, quid ità semper in Pontificijs diplomatis, quibus Instituta Societatis confirmabantur, postremus ipse inter decem nominaretur? id ipsum causâ dabat, quod postremus esset moriturus.

*Ex Historia Societatis, & Tomo 1. Nierembergij de Viris Illustribus.*





P. Edmund, Augeri, S. J. Gall, Trecensis, Henrici Regis Gallia Confessarius et Concionator, Catholica Religionis contra Calvinistas, etiam sub furca, invictus Athleta, Decessit exul Novocomi, 19. Junij, 1591, propè sexagenarius.

50

## P. EDMUNDUS AUGERIUS.



**P**raestantissimus Fidei Catholicae Athleta, ejusdemque contra Sectarios per Galliam Propugnator, Edmundus Augerius, fuit saeculo superiore tam celebris Concionator, ut eum Florimundus Remundus de origine haeresum lib. 5. c. 2. *excellentissimum* appellet omnium, quos unquam Francia habuit, Divini verbi praconem, Philosophum & Theologum doctissimum. Ludovicus verò Richeomus in praefatione de animae immortalitate, *torrentem eloquentia Gallicana, Doctorem & Confessorem Ecclesiae*: & Theophilus Raynaudus de martyrio per pestem., p. 3. c. 4. n. 12. *Christianorum sui temporis Orato-*

*rum in Gallia principem.* Natione fuit Gallus, patriâ Trecensis, vixque pueritiam egressus, cum Romam anno 1550. venisset, in Societatem à S. IGNATIO receptus est; in qua primùm literas humaniores docuit, Poëta & Orator excellens, tum & Philosophiam ac Theologiam, ingenio, memoriâ, & judicio valens. Anno 1559. Appamias in Galliam cum tribus Societatis Sacerdotibus, invitatu Episcopi, contra invalescentem ibi haeresim missus, à Senatu magna ex parte haeretico tantum non eiectus est: sed ubi suggestum conscendit, ita animi Civium in Fide adhuc constantium mutati sunt, ut paulò post domum amplam inchoando Collegio adepti, Gymnasium etiam docendae Juventuti aperire potuerint,



runt, frementibus hæreticis, & vias omnes ex-  
turbandis ab se Jesuitis indagentibus. Jámq;  
famâ vicinas egressâ in oras, Fuxum Navarrae  
Regni urbem Augerius evocatur, habuitque  
Christo duce, ingenti proventu per Quadra-  
gesimæ ferias ad populum conciones: quas  
cùm ibidem anno sequente repetiisset, dictio-  
ne suâ in Parasceve ita populum concitavit,  
ut omnes sublato inter lacrymas clamore,  
Calvinum, & omnium hæreticorum impia  
inventa detestarentur. Apamijs eadem  
conciones anno 1561. aggressus, quanquam  
frementibus adversarijs, ampliùs mille eo  
tempore vel à ruina cohibuit, vel jam stratos  
erexit, civitatémque omnem, nè rebellaret,  
in fide continuit. Hæretici interim libellos  
contumeliarum plenos affigere ac dissipare,  
saxis Collegij fenestras noctu ferire, necem  
& carnificinam Edmundo minari: etiam ru-  
morem spargere, eum mente captum; adeò  
ut populus anxius ad Collegium accurreret,  
quæsitum, quid acciderit concionatori, quod  
eum de statu mentis emoverit? sed paulò post  
ubi ille in suggestum redijt, non Catholici  
modò liberati curâ sunt, sed etiam hostes in-  
tellexerunt, plus,quàm vellent, sapere sacrum  
athletam: adeò fidenter eos & acriter divexa-  
vit. Sed captâ demum ab hæreticis Urbe, &  
primùm omnium nominatim Jesuitis exter-  
minatis, Edmundus Turnonem, Rector Colle-  
gij datus, recessit, & tam ibi, quàm Valentia  
acerrimè in hæreticos depugnavit. Et qui-  
dem hic virum primarium, cujus exemplum  
alij quàm plurimi secuti sunt, Ecclesiae resti-  
tuit: atque hæreticum declamatorem ita cõ-  
fudit, ut clanculum ad vitandam infamiam  
oculis se hominum furatus, Valentia profu-  
gerit.

Cùm verò iterum anno 1562. Valentia per  
Quadagesimam diceret, & plurimi etiam ex  
hæreticis ad eum audiendum affluerent; con-  
sternati horum duces, assiduas ad DEUM  
preces suis indixerunt, ut eum ad ipsorum  
Evangelium converteret; dolentes, tantum  
quotidie à se numerum ad sacra Catholica  
transire. Ab circumjectis oppidis alij 6, alij  
14, exciti levcs Edmundi famâ, Valentiam  
eâ tantùm causâ viri fœminæq; migrârunt no-  
biles, ut sinceram ex eo doctrinam audirent:  
qui ad sua remigrantes, domesticos suos &  
populares inflammare cœperunt. Ad Ed-  
mundum verò legationes multarum circa ur-  
bium, aliæ super alias certatim ad se evoca-  
ntium veniebant, Valentinis Collegium jam  
Societati molientibus. Aderat apertè famu-  
lo suo divina vis, ut inter assiduos dicendi la-

bores, cùm diebus singulis 6. horas audiendis  
confessionibus, colloquijs aliâs privatis ac dis-  
putationibus daret, modicæ vir valetudinis;  
pondus tamen diei & æstus non incommodè  
ferret. Conscripsit præterea tum perutilem  
adversus hæreticorum dogmata & versutias  
librum, ad confirmandos fidelium animos sa-  
nè apprimè efficacem. Turnonem indè ad  
inspiciendas pro munere Rectoris Collegij res  
digressus, brevì maximis Catholicorum pre-  
cibus, quòd hæretici insolentiores indies e-  
vaderent, Valentiam revocatur. Ergo cele-  
riter reversus, more suo imperterritum se atq;  
prudentem Ecclesiae custodem præbebat,  
cùm dolo ab Hugonottis Valentia quoque  
occupatur. Prætor Urbis Catholicus ex una  
ædium suarum fenestra cervicibus fractis su-  
spenditur: nec dissimili supplicio damnatur  
Edmundus: statuitur in foro patibulum, ad  
idque rapitur, illico, nisi quæ pro Catholica  
prædicaverat Fide recantaret, inserto jam in-  
laqueum collo suspendendus. Hic verò E-  
vangelicus præco non modò non revocare  
dicta, sed clarâ & constanti voce DEO gratias  
agere infinitas, qui eâ se felicitate donaret, ut  
Religionis veritatem non modò voce, sed vi-  
tâ ipsâ & sanguine contestari posset. Quæ  
cùm eo diceret spiritu ac sensu, ut passim Ca-  
tholicis & hæreticorum non paucis exciret  
lacrymas; Ministrorum quidam familiarissi-  
mâ illius consuetudine olim capti, hæreticum  
ducem adeunt, docentque quanti ingenij,  
quantæ facultatis Vir ille sit, quantum acce-  
dere rebus Hugonottorum momentum que-  
at, si is Calvino adjungatur: differat paulisper  
necem corporis, dum tentent ipsi, si possint, a-  
nimum expugnare. Hoc consilio dilatum  
suspensum: Edmundus in custodiam redu-  
citur, & omnis alea ad hominem perverten-  
dum tentatur: quorum ille & illecebrosa  
omnia, & formidolosa tormenta non modò  
contempsit, sed ipsos præterea veris argumen-  
tis ita implicuit, ut qui capturi venerant, ca-  
pti ipsi hærent, nisi improbæ vitæ pertina-  
ciâ in erroribus suis attinerentur. Itaque Du-  
ci renunciant, perstare quidem illum in sen-  
tentia, sed tamen non videri occidendum,  
quòd spes sit fore, ut veluti S. Paulus, nullo  
svadente resipiscat. Ille interim piâ Catholici  
hominis industriâ opportunum eqvum, & e-  
vadendi viam nactus, spes & manum impio-  
rum elusit, seque & Christi præcepto, & A-  
postolico exemplo ad nova certamina refer-  
vavit.

Sub hæc capto ab Hugonottis etiam Lug-  
duno & Turnone, Edmundus toto Delphina-  
tu



tu exclusus, in Arverniam se convertit; ubi quos fructus fecerit, quæ lucra animarum reportarit, optimè explicat P. Annibal Codretus in sua ad Lainium anno 1562. epistola. De Patre, inquit, Edmundo Rectore nostro multa haberem quæ dicerem, si vellem singula persequi. In universum plerique illud jure dixerunt, divinâ erga Arvernates benignitate factum, ut ereptus hæreticis, nec ultra inter Delphinates locum habens, in has se regiones transfulerit, quarum salutem & tranquillitatem defenderet. Nam præter spirituales fructus & confessionibus, concionibus, familiarique consuetudine collectos, quos recensere nemo possit, in ipsis etiam hostibus repellendis, qui Arverniam circumstabant, & jam propè in eam sese infuderant, vix dici queat, quantum laboraverit ac profecerit, tum Principibus viris Magistratibusque monendis & cohortandis, tum precationibus publicè privatimque ac supplicationibus instituendis. Ubi primùm huc venimus (Billomum intelligit) post transactos hic aliquot dies, Claromontem Arvernæ metropolim concionandi gratiâ petijt: magnâque illic frequentia & applausu dies multos conciones habuit. Deinde fuerentibus circum hostibus, cum in metu ac trepidatione esset omnis hæc regio, huc reversus populum Billomaum ad quadraginta horarum precationem invitat: qui etsi eum precandi modum nondum emt expertus, mirum tamen quanto consensu accepit, quantâ pietate frequentiaque transiit. His absolutis, publica supplicatio decreta est: & incredibile dictum est, quantis suspirijs ac lacrymis devota plebs, (quod equidem minime credidissem, nisi vidissem) Sanctissimum Eucharistiæ Sacramentum, cum in locum suum reponeretur, comitata sit. In Claromontem Edmundus redijt, & post non multos dies, quibus conciones habuit, eandem ibi & orandi & supplicandi rationem instituit. Post Riomi (quæ Urbs est nobilium virorum frequentia & Senatu insignis) idem effecit; atque ut hæc sunt urbes multo ampliores Billomo, non dubium, quin ad conciones ac preces & supplicationes frequentia populi major convenerit, & uberius fructus extiterit. Ille præcipuus fuit, quod plerique ab hæresi ad fidem Catholicam sunt conversi, & magnâ habendi Collegia Societatis incensi cupiditate. Diu Riomi commoratus est, quotidianis concionibus & confessionibus intentus: vixque inde extricare poterat, ita eum tum civitas omnis, tum summus Præses amabant pariter, & magnificiebant. Interim Isidorum (quæ civitas jam inde à viginti quinque, & amplius annis receptaculum fuerat hæreticorum, & tanquam altera Geneva; nec longius quam levius

quatuor Billomo distat) à Catholicis obsessum, & in deditionem acceptum est. Eò tum à vicces Regis agente evocatus Pater Edmundus, tantum intra quinque propè hebdomadas concionibus, aliisque, quibus potuit, rationibus effecit, ut mille circiter & quingenti abjuratâ hæresi Catholicam fidem professi sint; cumque nonnulli morti essent adjudicati, tantum hortando monendoque apud ipsos valuit, usque ad extremum spiritum eos comitatus, ut palam dari se sepultura, pro seque orari jamjam morituri obnixè precarentur. Oratio quoque publica, & supplicatio illic instituta; ac tota propè civitas sacrâ Communione SS. Eucharistia donata est. Dum supplicatio duceretur, in platea civitatis libri hæreticorum quàm plurimi combusti sunt. Quæ eâ devotione fiebant, ut mirarentur omnes, unde tanta tam repenti mutatio contigisset. At Edmundo occupationibus pressò nè reficiendo quidem corpori otium suppetebat. Nec facile dixerim quanto populi dolore, quàm propè invitis Ducibus ac Magistratibus inde discesserit, orantibus ut se revivisceret, maxime verò, ut Adventus & Quadragesima tempore illis concionaretur. Quod idem & ceteræ, quarum antè mentionem feci, urbes summopere contenderunt. Invisit præterea, præbitaque sibi à DEO dicendi facultate juvit alias aliquot urbes, Montem Ferratum, Curtam Petram, & Maregas, unde & Ministrum quendam verbi Satana solo suo adventu fugavit. Ex his rebus magnum & huic Collegio, & cuncta Societati nomen accrevit, non his modò regionibus, sed in aula etiam Regia. Sunt enim hæc ad Mareschalem sancti Andrea, qui toti Arvernæ præest, à Ducibus perscripta diligenter. Hic verò nullus est eorum, qui rebus præsumt vel sacris vel profanis, apud quem non plurimum valeat Pater Edmundus. Illud quoque constitutum est, & recens introductum eodem auctore tum hic, tum alijs in urbibus præcipuis, ut post Vesperas diei Dominicæ Sanctissimum Christi corpus ad altare maximum maximi templi solenni ceremoniâ populo ostendatur, ac per Templum supplicationis in modum circumlatum, in sedem referatur suam. Quod quidem magnâ celebritate fit, canente interim Clero, proque Rege, pro Gallia, pro Ecclesia tota comprecante; campanis festo tinnitu sonantibus: populo verò quàm plurimo, quantaque dici possit maximâ pietate adstante. Denique ut semel dicam, vix quidquam vel inter Catholicos, vel apud hæreticos tentavit, quod non facillimè perfecerit. Nunc demum cum Catholicorum copias Delphinatum fines esse ingressas, jamque Viennam ac Valentiam receptas à Catholicis esse (inter

quas



quas sita est Turno) frequens fama attulisset; Edmundus ad sextum Nonas Octobris Turnonem versùs abiit, simul ut Valentinus consolaretur, simul etiam ut ea prospiceret, quæ ad reditum Collegij Turnonem spectant.

Post receptum à Rege Christianissimo anno insequente Lugdunum, illico accurrens Edmundus, cum ad primum Catholico denuo ritu celebrandum Missæ Sacrificium, maxima hominum vis ad princeps amplissimum Templum concurrisset, pro concione incredibili motu universum populum affecit; ut Principes & Duces, qui ab Rege aderant, arctissimè illum complexi sinè fine & modo gratularentur, iidemque præcipuos admonerent Hugonottorum, ut modestiam ex Edmundo discerent, apud suos ejus generis adhortationibus uterentur. Quis deinde, finitò Sacro, populi ad contingendas Sacerdotum vestes accursus fuerit, quis ad exosculandum Altare, qui gemitus, quæ manuum in cælum sublatio, quæ lacrymæ, negat Edmundus fingere sibi animo posse, qui oculis non acceperit. Interfuere multi ex Hugonottis, quorum qui simpliciis errabant, non poterant in tam communi sensu non commoveri: ceteri quamvis odio rumperentur, & plurimum antè minarum jactassent, nihil tamen ausi novare. Bina deinceps Sacra singulis diebus peracta, additâ quotidie Edmundi concione: quem magno militum præsidio deduci, reduci que Principes volebant, quamvis hand magnopere opus esset, cum hoc accepisset singulare à DEO donum, ut ferè etiam adversariis gratus esset. Ad 20. millia hominum ad illum audiendum, plerumque confluebant: quem sinè ulla requie huc assidue atque illuc, (vi cujus Templo & Paræciæ Divinus cultus restituebatur) ad ornanda incia religionis revertentis accersebant. Humilis & gratus Pater non desinebat mirari Divinam misericordiam, cui placeret suam unius homuli operam ita respicere, eaque ad tot hominum millia ab errore deducenda uti. Ajebat experimentis sibi deprehensum, Christianam modestiam ad hæreticos revocandos viam esse aptissimam, ejusque rei causas videri præcipuè duas: primam, quòd hæreticorum magistri cum intemperantissimâ & lingvâ & manu fuissent, invidiam sibi eâ petulantia & importunitate & apud Catholicos, & apud suos constarent; nam verbum DEI tametsi ardens est, zelum tamen habere, sapientiâ temperatum, oportere: alteram, quòd hæretici fermè superbi sint, & despici nolunt: quare concioni modestæ ac doctæ, non difficulter addu-

*Societas Europæa.*

xeris, ut patientes afferant aures; sin despici-re videaris; vel fugiant audire, vel audiant averfi, frustra que pulsant verba animos, quos irâ & odio obseptos teneant. Ut verò teneræ ætati rudibusque consuleret, cum plena omnia hæreticis catechismis essent, evulgavit Catechismum gallicè, quem postea latinè & græcè edidit; cujus exempla 40. millia Parisijs solùm distracta fuere: extatque etiamnum multorum tritus manibus, cujus lectione innumeri vel in Fide Catholica firmati, vel ad eam ab hæresi reducti sunt. Quibus rebus tantam sibi per universum Regnum famam comparavit; ut, cum falsò de illius ab hæreticis nece rumor sparsus esset, Catholici ubique summo indè dolore afficerentur: *adeò ut honesti magnique Viri* (scribit P. Oliverius Manaræus) *qui nos planè ignorabant, post 400. annos nunquam audisse hominem, sicut ille ubique audit, affirmarent. Incredibilis est odor, qui circumquaque per omnem Galliam, ejus optimi Patris spargitur, plena est Lutetia, plenus Senatus Parisiensis, pleni Ordines alij.*

Igitur Lugduni Oliverius Edmundum conveniens admonuit, ut labores temperaret: videbantur enim humanis intoleranda viribus, quæ vir non admodum robustus corpore, ferreus animo exantlabat. Diebus festis bis, ceteris semel contentione magnâ perdiuque dicebat, præter alias nunquam interruptas confessionum, respondendi, consolandi, disputandi, scribendique occupationes. De Professione item solenni 4. votorum edenda commonitus, eâ se vir humillimus minus dignum, nec virtutibus satis ad eum gradum ornatum existimans, etiam literis ad Generalem Lainium deprecatus est: mox tamen ingenti suo solatio & promptitudine emisit, illico ab ea Provinciæ Aquitanix Præpositus Provincialis renunciatus. Cum verò Anno 1564 Rex Carolus ad res Lugduni statuendas venisset, ubi salutat ab Edmundo fuit, non dubitavit Christianissimus Rex de susceptis pro Religione laboribus agens gratias, & ad novos incitans, Patris ruere in amplexum; nec solùm publico Regni, sed etiam propriè Societatis bono consulturum se perbenignè recepit, quod ipsum etiam Regina Mater præstitit. Interim pestifera lues urbem invasit, non absque suspicione veneficij hæreticorum, qui ferre non poterant totam eam civitatem adeò feliciter ab erroribus perpurgari. Sanè strages edita dira & immanis est, ut quosdam, cum colloquerentur, peste repente ictos, & concidisse extinctos ferant. Nequaquam tamen ut hæretici volebant evenit: quippe

Gg



quippe animadversum est, in ipsos potissimum bacchatam luem desævijisse. Eo tempore Edmundi virtus supra modum enituit: sustinere unus omnia putabatur, non Divina modò ægris, sed humana quoque auxilia ex piorum liberalitate subministrans: idem confirmans consolansque incolumes, idem ægros docens & expians, mortuòsque sepeliens, cum incredibili omnium approbatione & admiratione; Edmundum passim Catholicis animarum suarum parentem, conservatorem Fidei, salutis restitutorem, millies bene precando, divulgantibus. Ergo cum de Collegio Societati ibidem statuendo seriò deliberaretur, resistentibus licèt quatuor è Senatorum numero Hugonottis, res tamen Anno 1565. perfecta est, & Gymnasium hæreticis magistris ereptum, Societati traditum; cui Archi-Episcopus Seminarium, ex Concilij Tridentini norma, Clericorum adjecit. Quibus omnibus legitimè Edmundus receptis, ad Generalem Romam Conventum, in quo sanctus Franciscus Borgia Præpositus universæ Societatis creatus est, contendit: à quo Edmundus in Provincialis munere confirmatus, gravissimis Galliæ advocantibus necessitatibus, necdum finito Conventu, redire coactus est.

Vix Tolosam attigerat, cum de suggestu dicere pro more exorsus, totam civitatem, summos æquè & infimos ad se convertit: in verno præsertim jejunio plura diebus singulis quàm sena promiscuæ multitudinis millia, præter copiosissimam nobilitatem, & Academicorum juvenum supra mille numerans. Multi in his hæretici, quorum plerique præsertim adolescentes, Fidei se orthodoxæ reddiderunt. Reliquo anni tempore, ter in hebdomade continuavit conciones, interjectâ binis quoque diebus à meridie explicatione catechismi, haud minore auditorum conventu. Porro ab hujus explanatione, puerorum aliquot statuebat in conspectu, qui dialogi in modum de capitibus iisdem interrogarent vicissim ac responderent: quæ res tum primùm usurpata Tolosæ, ingenti solatio & plausu excepta est, excitatque Pastores, idem ut in suis quique Parœcijs factitarent. Interim Apamijs Hugonottorum fraude occupatis, timebantur Tolosam quoque attentaturi: sed ità excubabat Edmundus, ità Magistratus, Nobilitas, populus omnis, classico divino Edmundi oratoris ad patriorum rituum tutelam excitati; ut aditum, quâ aspiraret, nullum impius furor invenerit. Hinc ad versùs Edmundum studia civium ex omni ordine nul-

lum habere modum: Academici verò coacto super ea re concilio, communi omnium consensu illum in suum cooptrare numerum, & solennia Doctorum insignia per duos è Regentibus primarijs, splendido gravium personarum comitatu, illi nec cogitanti deferre; quæ illi suâ magis, quàm Edmundi causâ offerri dicebant, quòd ingens, ipso adjuncto, addendum Tolosanae Universitati decus existimarent. Sed Edmundus, ut erat demissionis & Instituti sui amans, gratijs cumulatè redditis, excusavit non licere sibi injussu Præpositi Generalis similia honoris insignia admittere: vehementer rogans, ut tam promptam voluntatem ab se in totam Societatem, in qua potestremus ipse esset, transferrent. Quæ eâ ingenuitate, sensûque animi tam vero & vehementi protulit, ut ejus modestiam non ultrà contristare perrexerint, ac beneficij remissionem universa Academia pro beneficio duxerit. At Senatus & Civitas angusto incommodoque domicilio Augerium cum suis habitare dolens, collatâ pecuniâ sanè grandi, domum illis perutilem & magnificam, totâ Galliâ celebrem in Collegium coëmit, nihil æquè se optare professâ, quàm ut plurimis cum socijs apud se Edmundus habitaret. Fremere inter hæc hæretici, atque jactare, dilapidari ab Senatu communia; adeoque apud Regem ipsum instare, nè in domus Societati traditionem consentiat. Et hæc fuit causa, cur Edmundus Parisios usque ad obsistendum, hæreticis se ferret: contra quorum conatus dum feliciter negotium apud Regem promoveret, volente Episcopo, dicere & hic ad concionem instituit. Adeum audiendum, pro accepta pridem fama, cum ingens, quantumquam aliàs, afflueret multitudo, populi totius Parisiensis studia commovit; in ipsa etiam Regia dicere jussus, cum ipse prius custodias omnes & Nosocomia dictionibus suis illustrasset. Causam tandem contra hæreticorum molitiones, insigni Regis Reginaeque Matris favore obtinuit, quam Cardinalis Borbonius in ipso Senatu coram Rege Reginaeque tanto studio promovit; ut hæreticum quendam è Consiliarijs gravissimis palàm castigârit verbis, adjiciens: *indè constare Jesuitarum causæ equitatem, quòd ab hæreticis impugnaretur.*

Tolosam reversus, concionibus per magni jejunij ferias anno 1567. summo in Templo maximâ fructuum ubertate habitis, Lugdunum peremptoriè transijt, Urbemque suâ maximè operâ ab Hugonottorum violentia conservavit. Cum enim conspirationis Hugonottorum in Galliæ universæ exitium mox e-

rupturæ,



rupturæ, noticiam secretam accepisset, Lugdunum properè accurrit, Regiūque Prætorem, Archi-Episcopum & Magistratus, cū periculi magnitudinem vix animo & fide caperent, admonuit ut arma caperent, portas milite, vicos omnes excubijs communirent. Nec quidquam seu provisum seu properatum est frustra: cognitum enim est paulò post, si quatuor tantum horas dilatum foret, Urbem in hostium manus venturam fuisse; cū qui intra mœnia colebant hæretici, portas eadem nocte occupaturi, atque Hugonottorum Ducem cum exercitu ex composito admissuri essent: quibus id convenisse ferebatur, ut Urbe potiti, Edmundum igne vivum torrerent. Interim nihilominus Viennam, Valentiam, Matisconam, aliāque circum oppida occuparunt, Nemausi in Catholicos non barbarici modò, sed etiam satanici furoris supergressi modum. Tumonem similiter sibi tradi postulantes, inviolata spondebant servanda cetera; unis Jesuitis, quosque in eorum Collegio reperissent, mortem decernentes. Edmundus feliciter deluso hoste, Lugdunum interim suā industriā servatum perpurgare pergens, assidue vel in Templis, vel custodijs publicis, vel in privatis colloquijs patrociniū veritatis exercuit, amplius 2000. ad rectam Fidei doctrinam iterum revocatis. Iustus cum aliquot Doctoribus Bibliopolarum tabernas recognoscere, infinitā secrevit librorum pestilentium vim, ex nutu Regio igne abolendorum: quorum ingentibus acervis incendium nocte Natalis Domini inchoatum, tres ipsos dies lætissimum bonis spectaculum præbuit. Æquata ibidem solo Hugonottorum templa omnia, Ministellorum pars in vincula coniecti, quidam necati, alij Regno proscripti: pædagogi 19. exterminati, qui vel palam vel clanculum adolescentibus venena instillabant impietatis. Cū verò Nosocomium ibidem neglectum jaceret, commendatione Edmundi excitatè amplius 200. Matronæ nobiles; ad ejus procurationem, sodalitate conflata, suā obtulere nomina, & bis quaque hebdomadā aliquot ex ipsis ægris servierunt. Anno insequenti, Cardinalis Lotharingi rogatu, Parisios accersitus, singulis Quadragesimæ diebus ad Regiam dixit, ingenti Catholicæ rei commodo: decretòque in perduelles Hugonottos bello, Henricum Regis fratrem, exercitui Ducem præpositum sequi iussus est. Hic tenuissimæ valetudinis vir, totos dies affixus equo, ac fermè jejunos obiens, humi noctu cubans, inter circumvolitantes pervadens

globos, nullius militaris expert ærumnæ, nullum periculi genus declinans, concionando, consilia dando, Sacramenta ministrando, DEUM precibus propitiando, plurimum de hæreticis ad victoriam contulisse creditus est; Provinciæ administratione interea temporis P. Annibali Codretto commissâ. Debellati duplici cruentissimo prælio ad Clarentiam & Jarnacium Hugonotti, & duo eorum Duces, Condæus & Borbonius interfecti: eamque victoriam etiam vates prædixisse Edmundus visus est. Nam quo die ad Jarnacium feliciter pugnatum est, peractò rite Sacrificiò, præbitaque Regis fratri Henrico, & Duci Montepensierio, ceterisque chiliarchis SS. Evcharistiâ, dum Henricum ipsum loricam sibi induentem juvat, magno eum ardore ad viriliter pugnandum pro DEO, proque Religione adhortans; itò, inquit, *bono animo, haud dubiè victor redibis.*

Partâ ad Jarnacium victoriâ Edmundus, bonâ Henrici veniâ Lemovicum tantisper & publicas ob res, & valetudinis causâ digressus, ibidemque per majoris hebdomadæ ferias concionatus, hæreticorum 360. ad Catholicos revocavit: & Cœnobium Virginum instituit, rebus curatis omnibus, unde 25. Virgines alerentur. Atque ut absentibus etiam inter tot calamitates levamento esset, ad Tolosates cives gallicè conscriptum à se libellum misit; quem illi typis vulgârunt, inscriptum: *Spirituale saccarum, ad condiendam bellorum presentium amaritatem.* Apud eosdem cū per anni 1570. Jejunium verba fecisset, nullam quietis capiebat partem, circumfremente undique per viciniam hoste iterum collecto; quem ut arceret, noctes atque dies excubans idem ac dimicans, animos addebat abjectis, excitabat torpentes, omnes ad propitiandum Numen alliciebat, tum concionibus, tum colloquijs, omni denique genere Sacerdotalis vigoris atque sagacitatis. Cū verò in custodijs quinque publicis multitudo ingens clauderetur, quos intoleranda omnia conficiebant; Edmundus, qui Nosocomijs antè prospexerat, miseriarum hanc quoque partem levaturus, sodalitatem conflavit, quæ sua studia sancto huic muneri dedicaret: & continuo in eam viri fœminæque certatim, ut nobilitate opibusque præstabant, ita libentissimè convenerunt. Lugdunum indè transgressus, dum indefessè concionibus populum in Religione confirmat, à Lotharingo Cardinali, Isabellæ Maximiliani Cæsaris filiæ (quam Carolus Rex in matrimonium ducebat) obviam



cunti, Remos, sibi futurus comes, accersitur: eaque in Urbe per adventum, coram Cardinali ac multitudine ingenti Nobilium, successu, quo solebat, optimo verba fecit. Anno sequenti versatus Metis in Lotharingia per Quadragesimam, neminem ex primarijs reliquit, quem non revocârit ab hæresi. Conciones in summo Templo, quæ antè Dominicis tantum habebantur, ut frequentia auditorum faceret satis, quotidianas habebat: tum alias ad milites in arce, alias ad Virgines in cœnobio. Ter in hebdomada Catechismum exponebat, sæpe ergastula & nosocomia invisebat: cum interim nullum diem non multas horas in pœnitentiæ sella perseveraret. Inde compositis Camberij, quæ fundando illic Collegio exponebantur, rebus, Provincialatu jam liber, Mauriacum sibi ad quietem legit in montibus Arvernīs. Sed quies hæc nimirum fuit, unicè concionibus & animarum querendæ saluti se impendere: nam Aureliacum mox excurrere, ubi ad concionem dicere pro more cœpit, ita populum pia viri eloquentia concitavit, ut nullo templo hominum capiente multitudinem, in foro necesse esset sub dio verba facere. Nec requies, à negotijs etiam, longa permissa est: ad juvanda Collegia Rhutenense & Tolosanum, quæ magno pere rerum inopiâ laborabant, magno studio accitus, difficultates utriusque feliciter expedit.

Anno 1572. fundato Burdigalæ Collegio advocatur illico Edmundus, qui per Adventum & Quadragesimam concionatus, non modo Catholicis constantiam attulit, sed ab errorum quoque abruptis complures avertit. Quadringentis plures patresfamilias cum universis domesticis, unâ cum Antesignano errorum uno ex Ministris, veritatis callem repertierunt. In solennijs Paschalibus cum superioribus annis vix sena hominum millia ad Divinam mensam censerentur, 17. millia numeravit hic annus. Hæreticis indè lupis is timor incussus dolorque, ut collocatis ad Templi januam, ubi Augerius perorabat, suo de grege exploratoribus, notarent sedulo, an quis è civibus jam à se fascinatis, auditum accederet: ac si quem deprehendissent, anathemate scilicet formidando à suis cœtibus arcebant. Nec quievère, quoad tam præclara initia vasis suis apud Regem insimulationibus in summum vocavère discrimen, exturbato propè iterum indè Collegio; nisi melius à Civibus Catholicis instructus Rex, illius sedem novo edicto firmasset. Anno vix à debellatis Hu-

gonottis lapso, cum arma denuo ob hæreticorum perfidiam omnia spectarent, Henricus Regis frater ad Rupellæ obsidionem expeditus, Edmundum secum habere voluit: in cuius castris pari quâ antea sedulitate minorum Sacerdotalium, erga summos & imos versatus, multorum præter alia, qui clanculū fovebant errores, animos sanavit. Ubi verò Henrico dedita Urbs est, & pax quædam cum seditionis inita, ejus jussu Augerius Romam, Gregorio Pontifici gestarum rerum rationem redditurus, & ad limina Apostolorum, ac Lauretanam Virginem, vota quæ initio belli Henricus conceperat, exoluturus perrexit. Quâ peregrinatione perfunctus, ad Bituriges Evangelicâ prædicatione excolendos profectus, magno in Civitate pietatis ardore excitato, Collegij quoque fundandi studia mirum in modum inflammavit. Indè per alias atq; alias Galliarum Urbes sacris expeditionibus susceptis, cum omnia ubique perpetuis hæreticorum damnis, incenderet ac inflammaret, tum Dolæ præsertim Sequanorum Urbe præcipuâ, & vicinis ejus oppidis messem uberrimam legit. Inter alia præclare hic gesta Sodalitatem Misericordiæ instituit; tum ad alia pietatis, tum ad hominum extremo supplicio afficiendorum curam. Ex quo Dolani miro Collegij desiderio succensi, idoneâ Urbis, amplaque regione, domum areamque ad extruendum Templum magno statim pretio cœmerunt. Cum verò per annum 1581. gravis de novo pestilentia Lugdunum premeret, Edmundus antè omnia duplex recipiendis extra Urbem lue infectis (ut vocant) Lazaretum ædificavit, emendicatâ in id vicatim pecuniâ: quibus & cibaria, medicamenta, lectos ac vestes ex eadem stipe constanter supeditabat. Ipse autem totum se miserorum obsequijs addicens, coram ægrorum turba diebus festis Sacra facere, Panem vitæ porrigere, Urbem totam, si quos destitutos abjectosque reperiret, pervisere: per quam occasionem sæpe demissos per funem è fenestris infantes sacro baptismate expiavit. Neque tot in laboribus curisque ordinariam ad cives dictionem unquam intermisit; ad quam (observatum est) eorum, qui accederet, neminem lue contactum esse: Eodem auctore publicum civitas votum B.V. Lauretanæ edidit: ex quo tempore cum cœpisset dira mali vis frangi, idem ad exolvendum votum insequenti anno Lauretum est missus.

Interim Rex Henricus Caroli successor, Edmundum Dolani Collegij primordia à redivo Laure-



Lauretano Anno 1583. condentem, datis manu suâ bis literis Luteriam ad se evocavit, ejus ut operâ in condenda, quam moliebatur, Sodalitate Penitentium uteretur, cui mense Martio factum est initium admodum speciosum. Nam præter plures 200. è primâ nobilitate, Rex ipse, 12. Principes, 6. Cardinales, 3. Duces, 16. Episcopi, Abbates plurimi in eam dedere nomina, indutisque saccis, populo mirante, conspecti sunt. Ad Nobilium corrigendos mores, & conservandam Catholicam in Gallia Fidem is cœtus institutus est: quem quidam Doctorum Sorbonicorum initio cum improbarent, & Fratricellorum affinem hæresi vocarent; invidiam ejus rei in Edmundum & Jesuitas, ut in rerum inventores novarum, conjiciebant. Sed is brevi evanuit sermo, tum palàm facto studio Regis, tum cœtu comprobato ornatoque spiritualibus beneficijs à summo Pontifice. Edmundus interim gratiâ & favore apud Regem polens, plurima diversis in locis ad DEI gloriam salutemque animarum moliebatur, licet majorem partem in Regiâ hæreret, quod eo Henricus, totus eo tempore in penitentiarum, afflictationum corporis, & orationis studio, ad conscientiæ arcana ureretur. Hanc Regis pietatem cum varij variè acciperent, & plerique Principum & Aulicorum improbarent, rerum publicarum administrationem ijs studijs negligi querentes; tota nimirum invidia redundavit in Edmundum & Societatem, Monachum, ejus institutione, Regem fieri clamantium; & gravissimas Edmundum insectationes odiâque excitavit. Ut demum coactus sit missionem ab Aula, ne sui causâ Societas detrimenti aliquid pateretur, apud Regem post triennium flagitare: quam etiam magno suo gaudio impetravit, licet paulò antè Henricus diploma à Pontifice obtinuerit, quo potestas fiebat Edmundum ad sua obsequia, quoad Regi libuisset, retinendi, ejusdemque

ab Aula removendi facultas Societati adimendatur. Verum non magnopere ad mitiganda hominum in se odia Edmundum juvit hic ab Regia recessus; quæ cum eò usque incresserent, ut rebellionem totius ferè Galliæ in Henricum, ob Gvifiorum Principum cædem, anno 1589. concitatâ; Edmundus, quod partibus Regis affici videretur, prodire in publicum citra vitæ periculum non posset, avocandus ab Claudio Aquaviva Generali in Italiam fuit, quò tam illius vitæ, quàm Societatis famæ, passim ejus causâ libellis famosis traductæ, consuleretur. Sed non diu exilio suo superstes vixit in Italia Edmundus: dum enim intestinis & plus quàm civilibus bellis universa conflagrat Gallia, occiso per summum nefas proditoriè Henrico Rege, moritur etiam Novocomi Edmundus Anno 1591. die 19. Junij, propè sexagenarius. Ejus animam mox ab obitu videre sibi visa est pia persona à circumstantibus Angelis in cœlum deduci, pulcherrimo puerorum sodalizio, quale olim ipse instituerat in Gallia, celebrem pompam, prosequente. Vir fuit Edmundus inter principes Societatis operarios meritò adnumerandus, qui tot inter domesticorum munerum, operosissima negotia, tanta nihilominus proximorum salutem gerebat, ut nihil prætere agere videretur. Rexit Collegia Turnonense, Tolosanum, Lugdunense, eorundem præcipuus auctor, uti & Dolani, Camberienfis ac Burdigalensis: Provinciam Aquitanicæ primus septennio gubernavit; omnem blandientis & adversantis Fortunæ aleam expertus, semper tamen sui similis, & virtutum heroicarum tenax cultor, donec multorum millium animarum prædâ onustus (nam supra 40. millia hæreticorum, præter vacillantes tantò adhuc plures in Fide servatos, & supra 40. Ministellos verbi convertisse fertur) migravit in cœlum.

*Ex historia Societatis, & Nierenbergij Tomo 4. & Historia Joannis Rho.*

## P. PETRUS PECQUETUS.



ater Petrus Pecquetus, vulgò Pegvetus dictus, natione Gallus, gente Allobrox, speciali DEI vocatione & Pontificiâ dispensatione, cum annos aliquot in Ordine PP. Franciscanorum Religiosus transgisset, filijs S. IGNATII annumerari ex Mianensi ad Camberium Cœnobio, obtinuit: magno animarum bono, & eximio Societatis

Gallicæ ornamento: in qua post vitam in omni sanctitate exactam, 34. annis à pio excessu, divinâ luce refulgens apparuit. Vir erat excelsæ pietatis, orationi & consuetudini cum DEO mirè addictus, crucis autem unâ amantissimus, cujus illi ferendæ copiam DEUS affluenter, pro suo erga electos usu, supeditabat, insignibus patientiæ, ac conformitatis cum Divina voluntate exemplis mirificans servum suum. Temperantiæ studiosis-





J.G. Hirsch del.

J.C. Hirsch sc.

P. Petrus Pecquetus S.I. Gallus, post varia in salutem Animarum proficue gesta, ex servitio contagiosorum lue afflat, decessit in Oppido Mormoyrono ii. Julij A<sup>o</sup> 1591. et locum sepeliendo corpori suo, ipse jam defunctus, mirabiliter designavit. ~

simus, cibi admodum parci fuit; & è gravi morbo, qui socios decem vel undecim absumperat, utcumque restitutus, totâ reliquâ vitâ carniû esu abstinuit. Dexteritate intractandis, & ad optimam frugem stabiliter reducendis pœnitentibus, fuit admirabili: certis siquidem experimentis comprobatum est, quorum ille vel semel confessionem excepiisset, eos reliquâ vitâ (quæ in plerisque ad multos & longævos annos est propagata) in frequentatione Sacramentorum, & animi collectione fuisse assiduos: nam & solo suo conspectu afflabat pietatem. Afflictos solabatur efficacissimè, & ad consentiendum DEO omnia sapienter, in quæscunque adversis disponenti, quàm prudentissimè adducebat: ita ut nihil optatius esset, quibuscvis seu desiderio vel amissione suorum lugentibus,

seu calamitate repentinâ gravatis, quàm optimum Patrem convenire vel accersere (quod ex vicinis quoque pagis locisque non rarò accidebat) ut melle piorum alloquiorum, quibus valebat plurimum, abstergeret amarorem animi, & piâ svavitate commutaret. Partus ejus est ævi nostri didymus P. Cæsar de Bus, patientiæ miraculum, & virtutum omnium, insigne exemplar; cui & in studiis pietatis, & privatim in Grammaticis minutis prospiciens, ad quæ & quanta vocaretur, magister fuit, ut in Viri illius præclarissimi gestis videre est. Atque ex his gratiâ apud omnes fuit tantâ, ut in turbine illo vehementissimo, qui Avenionense Societatis Collegium propè evertit, solus prodire foras, & sociis necessaria conquirere, innoxius & indemnus potuerit. Hæretici enim clancularij magno numero in-

Urbem.



Urbem degentes, ut præsidium Catholicæ Fidei per PP. Societatis adhibitum excluderent, & facilem sibi viam ad Urbem occupandam, alteramque in Pontificio solo Genevam constituendam, quod pridem moliebantur, muni-  
rent, gravem in populo invidiam adversus PP. concitârunt, disseminato rumore, quod P. Antonius Possévinus Collegij Avenionensis tunc Rector, Romam Procurator Provinciæ Lugdunensis à Cœtu Patrum de more ablegatus, egisset cum Pontifice, ut Tribunal Inquisitorum de Fide Avenione statueretur, iisdem legibus ac severitate, quâ Romæ & in Hispania exercetur. Quâ invidiosissimâ calumniâ pressi Patres, & de vita periclitati sunt, tormentis bellicis ad Collegij everisionem ex publico armamentario jam eductis, & odio incensissimo profani vulgi ac optimatum patuere: ita ut nisi auctoritas Georgij Cardinalis Armeniaci, qui Cardinalis Caroli Borbonij Legati Avenionensis Collega Urbem cum summa potestate moderabatur, gravibus minis civicum Magistratum deteruisset, extrema omnia Patribus subeunda fuissent, ac ut minimum omnes Urbe exturbati aliò migrare adacti essent. Per illius ergo procellæ tempus, quod non fuit prorsus exiguum, solus Pecquetus, quâ erat apud omnes veneratione, à nemine unquam verbo aut facto injurioso violatus, prodire domo & socijs prospicere potuit.

Nec mirum valuisse gratiâ apud mortales hominem cum DEO conjunctissimum, & cœlo quoque gratiosum. Orationi enim addictissimus eximios à DEO percipiebat favores, ad intimam ejus familiaritatem per frequentes raptus & extases admissus: qui Divinæ benignitatis erga eos sunt argumenta, qui verè pauperes spiritu sunt, nec amant ambulare in magnis & mirabilibus super se. Expertus id est P. Fabricius Pallavicinus, navus rerum spiritualium Curator, qui accitum ad se, ut ex internuncio rescivit, ad vocantis vocem hære in contemplatione immotum, vetuit ulterius interpellari, quod sciret, id illi ex perspecta cum DEO consuetudine usuvenire. Ità cum DEO & proximis propter DEUM juvandis assiduâ contentione fatigatum, novus excepit labor, submissis ex Italia à Gregorio XIV. Pontifice copijs, quibus Avenionem & Comitatum Venayssinum ei continentem tutaretur, per tempora illa Galliæ turbulentissima: harum enim copiarum pars major ex pestilente morbo prostrata, Nosocomium amplissimum opplebat, quo ex Christiana charitate Collegij Rector Franciscus

Gormius cum alijs tribus socijs, inter quos Pecquetus, ad ægrorum ministerium advolavit. Ipse Gormius haustâ ex pio officio luce paulò post obiit: ceteri gravissimè tentati sunt ex pannis, ab ægrorum tactu & curâ pestilentibus, contactis. Pecquetus post longam cum pestilenti febre colluctationem nihilo melius habens, ad Prioratum Metamyensem in Montanis Cavarum missus est, tentaturus, num cœli mutatio commodatura esset valetudini. Sed cum pertinax morbus ægrum penitiùs indies exederet, nec præ infectione Urbis Avenionensis, ex tor ægrorum colluvie, tutus ad Collegium esset regressus; jussus est ad oppidum propinquum, cui Mormoxirsono nomen, secedere, urgente præsertim D. Coletto oppidi Parocho, qui ex optimi Patris dictaminibus & informatione in Rectorem animarum, eo nomine dignum evaserat. Apud illum Anno 1591. 11. Julij placidissimè & sanctissimè efflavit animam, non absque argumentis compluribus Divinæ erga eum beneficentiæ. Nam & cubiculum in quo decessit, quàm diu in eo corpus exanime hæsit, multâ luce est collustratum, & suavissimam omnibus afflabat fragrantiam: dumque tumulto conderetur, Crux de cœlo super eum conspicua apparuit. Hæsit corpus in eo tumulto per annos 34. ad añum videlicet 1626. quò, de illo in vicinum Societatis Collegium Carpentoraçtense deportando, moliente Patre Carolo Marthodo, qui superstitis sanctimoniam perspexerat, cogitari est cœptum. Dúmque, ut assolet, moræ neuntur, & languidè pium consilium promovetur, accidit ut Rectore Collegij P. Claudio Maillardo, die 13. Mart: dicti anni sub horam 8. Sacris operante in ara principe, scholares interessent è duabus inferioribus Grammaticæ classibus: è quibus duo pueri intrâ circumjectos sacræ aræ clathros ministrorum munus obibant. Super sacrum ergo ministerium species objecta est hominis è nostris in ea intercapedine, quæ aram maximam à vicina, reponendis urceis erecta mensula distinguit: ibi inquam, ad secundum altaris gradum visus est Pater junctis manibus nixus in genua, & Christum venerabundus inspiciens, à prima majòris cerei sub elevationis Evcharistiæ tempus accensione, ad peractam usque synaxim, & collatam de more à Sacerdote benedictionem in fine Missæ. Caput calanticâ vestitum erat, barbæ & capitis capilli rufi, jamque canitie aspersi, facies ità micabat, ut vix splendorem ferret intuentium acies. Undecim duntaxat adolescentulis conspicua fuit ea species, ministris



nistris nimirum, & aliquot ex ijs, qui septis ligneis adgeniculati Sacro intererant. Leo Bouchet Aptensis, qui de ea parte Sacerdoti ministrabat, cum abluendis sacris speciebus vinum, celebrans, porrecto calice exposceret, accedere aliquamdiu cunctatus est horrore sacro percussus: quo ægre depulso, accedens denique ad mensulam pro urceolis, ubi species Patris extabat, vix sui compos vinum, super altare timidæ manûs errore profudit. Eadem species sequenti luce in ijsdem circumstantijs est observata, ita ut scholares per vices in eum locum, unde Pater apparebat, succederent, eum sibi mutuo gratulabundi indicantes, nec absque jucundis multorum lacrymis. Cumque finito jam Sacro, & Benedictione populo datâ, species Patris evanisset, & jam parantem abscedere Sacerdotem mulier de porrigenda sibi Evcharistiâ interpellasset, denuo umbra Patris exhibita est Christum venerantis, donec sacra pixis Tabernaculo esset illata. Ex rite perpensis & accuratè notatis felicitis umbræ adjunctis omnibus, qui hominem noverant liquidò con-

*Ex Theophili Raynaudi Tomo 17. Prati spiritualis cap. 83. & Andrade Tomo 6. de Viris Illustr.*

## P. STANISLAUS WARSZAVICIUS. & alij 54.




Uli primus è gente Polona Societati nomen bedit, Pater Lucas Krassowsky, primus quoque gloriosam mortem, dum obvias pœnitentibus lue grassante expiandis aures præbet, veneno afflatus opperijt, Vilnæ 21. Octobr. Anno 1571. Hujus præclaro exemplo insistens P. Stanislaus Warszavicius, exemplum Gentis ejusdem decus, parem mortis heroicæ sortem elegit, postquam maximis meritis & rebus gestis Societatem exornasset. Hic Senatoria Regni nobilitate, quæ prima illic est, editus, cum ingenio, doctrinâ, opibus, græcis literis, auctoritate floreret, singulari apud Regem pollebat gratiâ, Regiæ Cancellariæ (ut vocant) factus Præses, & subinde Legationibus ad Turcam obeundis adhibitus. Et quia Ecclesiasticum complexus statum, cum vita intaminata rarâ in paucis pollebat dicendi gratiâ, auctus etiam fuit Sacerdotijs, Gnesnensis Ecclesiæ jam tum Scholasticus, & ad Episcopatum ab Rege designatus, nisi ipse vanitatem honorum omnium protegens, DEI gloriam in Societate majorem querere statuisset. Eâ causâ Romam profectus,

firmârunt, speciem fuisse P. Pecqueti: de cuius proinde exuvijs afferendis actum seriò est, recisis omnibus moris. Relatum ergo est, consulto Antistite, & exoratâ Majorum veniâ corpus, & eo ipso in loco, ubi se videntum exhibuerat, conditum, secreto quidem, & privatim, nè vendicatio Ecclesiastica ante-occupari privatâ pietate videretur; sed DEUS non uno suffragio servi sui memoriam honestavit. Inventa est intrâ capsam, quâ corpus condebatur, corolla precatoria, quam Pater superstes piè decurrere solebat. Ejus unum granum adnotum matronæ primariæ, quæ 10. diebus continuis morbo cardiaco gravata fuerat, illico invaletudinem depulit. Alij alijs divinis beneficijs de cœlo cumulati feruntur. Quæ in vivis patrâsse proditur, nec pauca sunt, nec modica, cum etiam mortuum infantem antequam sacro lacte perfunderetur, ad vitam revocâsse feratur; quod spectatæ Vir probitatis & doctrinæ Thomas Caulicæ Canonicus confirmavit se præsentem gestum; & collato baptismo jam securam vitæ beatæ animulam iterû evolâsse.

secum aliquot è sua Familia, quos ad idem consilium voce & exemplis adduxerat, Societati stitit: cui antequam adscriberetur, visum est, ut rem Pontifici priùs significaret. Responsum hujus fuit, quanquam maximè cuperet Viros tales ad regendam Ecclesiam provehi, tamen laudare se, quod ad vitæ genus longè tutius vocantem sequeretur DEUM, eo maximè, cum Societas nullam in rem, nisi in subsidium Ecclesiæ & animarum salutem ex Instituto suo incumberet. Itaque admissus cum suis anno ætatis circiter 40. Socios in Tyrocinio maximi nominis habuit, Claudium & Rudolphum Aquavivas, illum Societatis postea Generalem; alterum verò inter Indos, Fidei gloriosâ morte defensorem: B. Stanislaum Kostkam, Franciscum Turrianum, Fabium de Fabijs, &c. quorum uti suspiciebat & æmulabatur virtutes; ita ipse Christianâ humilitate & simplicitate, parendi studio, sui despicientiâ, illis pariter non incitamento solum, sed etiam admirationi fuit. Quâ nocte B. Stanislaus obiit ad S. Andræ, degenti in Domo Professæ Warszavicio, qui statuerat primâ luce Stanislaum invisere, visus est semisomni quidam de Societate, admonens,





P. Stanislaus Warszavicius, S.I. e prima Nobilitate Polonus, Sigismundum III. Poloniae Regem Catholice in Svecia educavit; in servitio pestiferorum extinctus Cracoviae A. 1591. 3. Oct. cum alyis 54. Socys in eodem Charitatis opere per Polonia sublatis.

monens, frustra iturum ut videret aegrotum, qui jam esset in caelo, nominavitque obitus horam. Retulit hic primò diluculò visum, quibusdam domi sodalibus, & nihilominus ad S. Andreae invisens, reperit Beatum eò ipsò temporis articulò, quò sibi prae dictum fuerat, vità cessisse: & nullà interjectà morà, primus omnium illius vitam literis consignavit. Anno 1570. reversus in Poloniam, varijs in muneribus magnà prudentià & zelo salutem animarum curabat; in pulpito prae cipue mirà facundia & actionis efficaciam prae pollens, ut in admirationem raperet universos. De quo ad Urbem scribens P. Stanislaus Rozdrazow, *audivi, inquit, P. Warszavicium concionantem ad populum, exhortantem domesticos, agentem cum Proceribus. DEUS bone! quàm beatam puto Societatem, cui tantum Virum his in parti-*  
*Societas Europaea.*

*bus dedit DEUS! quàm beatam Poloniam, quae nunc eo fruitur Viro!* Erecto per id tempus Societati Collegio Vilm primus Rector datus, egregià sapientià per octennium illi prae fuit, simulque in S. Joannis Ecclesia conciones magnà sacrae facundiae famâ habuit. Parùm libenter tum quidem ejus Templi usum Societati favebat loci Praepositus Petrus Ruicius, nedum ut illud absolutè concedere, vellet: ad novum autem condendum nec locus, nec sumptus ex fundatione Collegij Episcopalis suppetebant. Ergo Warszavicius secum reputans, nihil solidi ad populum pro Fidei incremento, ad extirpandas haereses, sine Templo ab Societate posse confici, ad DEI opem implorandam se totum convertit: à quo mens ei cum certa spe injecta est, si peteretur à Rege ipsum S. Joannis Templum, omnino

Hh



omnino impetratum iri. Probavit consilium Episcopus; postulato subscripsit Rex; Pontifex confirmavit; & DEUS planè ratum habuit, sublato paucis pòst diebus è vivis Præposito, qui ad primum ejus negotij rumorem, nullâ conditione assensurum se, quoad viveret, declarabat. Atque ità Templum Societati obvenit maximum atque pulcherrimum, obstantibus nequidquam hæreticis, & seditionem molientibus: in quo Warzaviciū constanter Polonicè perorantem terna & quaterna millia frequentabant, maximis animorum à vitijs & hæresi conversionibus. Cūque subinde lues Urbem invasisset, sociorum plerisque in tutum locum ab Episcopo sevocatis, undecim domi in solatium & auxilium Civium cum Warzavicio remanserunt; omnes tamen DEI beneficio, sublato pestilentia unicò Sacerdote, incolumes.

Anno 1572. demortuo Rege Sigismundo, indictis de more pro novi electione Comitij, Cardinalis Commendonus Pontificis Legatus, ducere secum cupiebat Warzaviciū: sed ipse religiosâ modestiâ excusavit inmisceri negotio ab Societatis ratione tam alieno, & turbationibus invidiosis plurimum obnoxio: sed magis animarum lucris intentus, habuit per ejus anni Quadragesimam quotidianas domi conciones, de solo Pœnitentiæ Sacramento, incredibili proventu. Nam permultæ revocatæ à multis etiam sexagenarijs, à puero usque confessiones, tanto concursu, ut cū expiandis domestici non sufficerent, extranei assumendi fuerint in auxilium Sacerdotes. Neque pauci, ejus auctoritate & curâ, Ecclesiæ tunc restituti, atque in ijs Nobilium multi: Ulricus inprimis Hosius, Cardinalis Hosij Germanus frater, quod hic jam diu votis, & omnium opum impendijs, sed casso labore optabat. Idem præstitit in Regij sigilli Præfecto, Capitaneo Bistricensi & Lavarciensi, qui ultra 20. annos non modò Sacramentis, sed & quolibet Catholicorum æquè ac hæreticorum conventu abstinuerat, 15 diebus à peracta Patri exomologesi, magno pietatis sensu extinctus. Sed longè majus Catholicæ rei momentum attulit, revocatus ad eam Joannes Chotkewicius, Archi-Mareschalcus Generalis magni Ducatus Lithvaniæ, Capitaneus Samogitiæ, idémque Livoniæ Administrator, Patri à puero Wirtembergæ, dum unâ Philippo Melanchtoni darèt operam, familiariter notus. Hic evocatum ad se, audivit super dubijs suis in corona Nobilitatis & Doctorum, per horas continuas aliquot differentem, & singula testimonijs ve-

terum SS. PP. confirmantem: quæ deinde, primario Calvinistarum Ministro ad refellendum proposita, cū is nullatenus confutare posset, solis ferè in Jesuitas convitijs ad rationum momenta respondens: Joannes exinde cū Warzavicio sæpius agere institit, dum DEO plenè reconciliatus, & in manibus Cardinalis Commendonis hærefes execratus; interroganti Palatino Vilnensi hæretico, cur à fide sua defecisset? negavit se defecisse, sed ad primam rediisse, in quam per ipsum baptismum receptum Sacramento condixisset. Vilnensi Rectoratu octennio defunctus, aliud octennium Lublinensi Collegio, sexennium verò in Missione Svecica, nostris apud Reginam Catharinam degentibus, præfuit; quo tempore sapienter atque feliciter in Catholica piâq; Regij Principis, qui postea Poloniæ Rex Sigismundi nomine tertius fuit, educatione operam collocavit. Fuit enimvero Divini honoris, & salutis hominum studio ingenti zeloque; neque per conciones eis modò & congressus familiares, sed conscriptis etiam libris diligentissimè consuluit. Tantâ Divinitatis contemplandæ assiduitate, ut in eam videretur semper esse defixus: tantâ sui despiciendi curâ, ut se post omnes crederet, & infra omnes putari vellet. Romam demum ab sua Provincia Procurator ablegatus; ubi rebus confectis, Cracoviam redijt: Socijs ob luem diversè dissipatis, multis precibus obtinuit, in Urbe, ad proximorum opem, remanendi potestatem sibi fieri. Sed brevè peste conceptâ, ubi dæmonis importunas de Fide per solidum diem infestationes devicisset, 3 Octobr. anno 1591. placidè conquivit. Anno post mortem 15. spectabilem se stitit P. Petro Scarga, Viro multis laudibus claro, & ex periculosa febri tum decumbenti: cūque factò ad DEUM voto unum duntaxat vitæ annum insuper concedi deposceret, decem petere iussit; quos & impetrâsse eventus docuit, dum præter illum, novem alios annos pervixit.

In simili contagiosorum charitatis obsequio, plures Sociorum ejusdem nationis per illos annos diversis locis animas posuere. Vilnæ inprimis biennio ante, nempe 1589. exortâ pestilente quatuor Sacerdotes subsidio juxta & solatio Civium expositi, totidem in partes sibi Urbem descripserunt, atque in suam quisque regionem manè peracto Sacro digressi, non nisi vespere revertebantur: quorum conatibus DEUS ipse assistens, non tantum in medio ægrorum, intèrque cadavera servabat illæsos; sed vel eorum tactu, & impositione manuum, vel aquæ lustralis asper-



sione, multi dirupta effluxisse ulcera, atque indubitata mortem à se depulsam testabantur. Et quidem PP. tantos sub manibus labores cernentes, unum illud orabant DEUM; ut si quidem moriendum sibi esset, ultimi morerentur, quò cœlo plures inferrent, neque suo obitu Sacerdotalis opis expertes relinquerent. Neque irritæ penitus fuere preces: nam ubi ingravescens mali vis quàm maximas edidisset strages, ut mortalium funeribus jam posset obfaturata videri; duo ex quatuor PP. lue comprehensi animas exhalârunt, ut inter utrumque vix biduum intercesserit: P. Jacobus Goslikius 28. Sept: annos natus 38. & P. Jacobus Gregorij 30. ejusdem, annorum 36. Anno iterum 1592. Lublinum

*Ex Victimis Charitatis Alegambe, & Nadasi Anno dierum memorabilium.*

## P. BENEDICTUS HERBESTUS.



Ucidissimum Poloniæ, & Provinciarum illi adnexarum sidus P. Benedictus Herbertus, natione fuit Roxolanus, patriâ Novomiastensis. Is cum ingenio

multum polleteret, & indole vivaci honorum, & gloriæ gradus sibi non vanè sponderet; absolutis disciplinarum omnium studijs, Magisterij laureâ in Academia Cracoviensi donatus, in eadem non modico tempore altiores disciplinas tradidit. Unde famâ sapientiæ & doctrinæ partâ, postulatus est ad Canonatum Posnaniæ; cujus ne dignitatem & nomen solum inane otiosumque ferret, Concionatoris munere simul functus, tantum auctoritate suâ zeloque, dicendi efficaciam, & vitæ inculpata exemplo valuit ad cõercendam hæreticorum, per id tempus miserè Poloniâ corruptentium, audaciam: ut magnus ille Cardinalis Stanislaus Hosius, verissimus Poloniæ Apostolus, peculiari, quæ extat, epistolâ illum hortaretur, ne Civitatem illam desereret, quoniam ab ipsius unius opera salus Ecclesiæ Catholicæ universa illic penderet. Verum ille Divino instinctu ad altiore sectandam perfectionem impulsus, cum annum ætatis ageret 40. relicto quæ gerebat Canonatu, & cum eo spebus ad majores in Ecclesiâ dignitates omnibus, Romam concessit anno 1571. & Societati adscribi impetravit. Emicuit illico in eo virtutum omnium splendor admirabilis, & consummata Viri perfecti sanctitas, sicut solo illius exemplo & vitæ integritate perspectâ, Princeps fœmina Palatina, Elisabetha Radzivilia, primum Calviniana,

*Societas Europæa.*

depaſta contagio, tres Sacerdotes Societatis, miseris omni genere obsequiorum procurandis distentos, cum sustulisset; mox anno insequente 1593. sæviùs ibidem invaleſcens, tres alios pari charitate ad opitulandum afflicte Civitati provolantes eripuit. Joannem Wissemierski die 16. Aug: Georgium Karg 18. ejusdem; & P. Martinum Borowsky, 3. Sept: His annumerandi veniunt 44. Socij, partim Sacerdotes, partim Coadjutores, ejusdem Nationis, varijs per Poloniâ locis in simili obsequio, ad annum usque 1629. extincti; quos suo quemque tempore & loco nominatos reperies apud Alegambe inter victimas Charitatis.

deinde Arriana, tandem Judaismum complexa, peritiâ S. Scripturæ, quam memoriter tenebat comprehensam, vanè Doctõribus Catholicis illudere solita, ab ea infania, Fidei orthodoxæ sit restituta. Cujus ubique celebris fœminæ victoria Benedicto reservata, oculos in se omnium animoque pellexit, & gloriosum hæresum omnium victoris & domitoris nomen peperit. Ejus enim exemplo, uti antea, hæc permultæ nobiles personæ, & subditorum magna pars errorum tenebris pertinaciter adhærebant; ita nunc salubri ejusdem ab hæresi defectione permoti, & ipsi lucem veritatis amplexi sunt.

Ipse autem auspicijs tam felicibus ad majora incitatus, potiore vitæ partem in missionibus & expeditionibus Apostolicis, maximo animarum fructu consumpsit, verbum DEI disseminando, catechizando, hæreticos redarguendo, audiendo confessiones, per Russiam, Podoliam, Voliniam, Lithuaniam, Pocutiam, & reliqua Regni confinia. Idem unicè ab Episcopis, apud quos plurimum auctoritate valebat & existimatione, ambiebatur ad lustrandas suas Diœceses, & juvandos populos; dicique non potest, quàm multorum bonorum ijs auctor fuerit. Multis cum hæreticis congressus certaminibus, nunquam sinè victoria, quamvis argumentorum cum summa moderatione conjuncta, adversarijs vel maxime insolentibus extorquebat. Neque his contentus: scriptis etiam diversis tractatibus hæreses infectatus, illarum errores felicissimè detexit & confutavit: multarum animarum bono, quas partim à schismate Ruthenico, partim à Luthero, Calvino, Arrio, cæterisque

Hh 2

hære-





P. Benedictus, Herbertus, S. I. Roxolanus, è Canonico Posnaniensi Iesuita factus, inter Apostolicos labores Deo per Orationem conjunctissimus; in eadem flexis genibus mortuus est repertus Jaroslavia 4 Martij 1593.


53.

hæresiarcharum monstris ad ovile Christi revocavit. Hinc passim Vir potens opere & sermone, Apostolus Russiæ, Podoliæ, vicinarumque terrarum appellabatur. Humilitatis, obedientiæ, paupertatis virtutibus, omnibus facem præferebat: tranquillissimâ mentis cum DEO conjunctione tot inter distractiones continuè fruebatur, ut ab ea nullis occupationibus divelli posse videretur: duabus ante solis ortum horis ad orationem producendam constanter assurgebat. Postquam 22. annos in Societate, nullâ unquam graviore tentatus ægitudine, tam utiliter impendisset, nè in prolixiore morbo extremo, quo demum sublatuſ est, otio indulgeret, cum aliud agere nil posset, Moderatores suos exoravit, ut Fratres nostros tam Scholasticos quàm Coadjuto res sibi committerent, spirituali institu-

tionem formandos: quibus etiam quotidianæ meditationis capita explicabat. Ubi verò subrepentem sibi mortem ex virium imbecillitate persensit, consuetis Ecclesiæ Sacramentis se communicavit, nunquam decumbens: ac demum jussu abscedere infirmorum curatore, quòd paulisper orare vellet, ut ne ante elapsam horam ad se ingrederetur; inventus ab illo est medio in conclavi flexis genibus in terram inclinat, spiritum DEO reddidisse, libro ex quo oraverat penes ipsum jacente. Id quod accidit Jaroslaviæ 4. Martij Anno 1593. Atque ita Vir DEI & proximi charitate plenus, mortem simillimam S. Paulo Eremitæ consecutus est, non minùs in medio laborum Apostolicorum Creatori suo per contemplationis studiũ, quàm ille solitarius in eremo deditus.

Ex Bibl. Alegambe, & Nierembergij Tomo 1.  
P. MAR.





P. Martinus de S. Dominico, S.J. Hispanus, à propagato cultu S.S. Eucharistiae, quotidiano usu Rosarii, et maximis peccatorum conversionibus celebratus. Obijt in Vrbe S. Jacobi, 1. Majj 1593. Aetat: 58.

## P. MARTINUS DE S. DOMINICO.

**M**agnus animarum zelotes P. Martinus, natus est in Hispania propè Salmanticam nobilibus & honoratis Parentibus, Patriæ suæ & nobilis parentelæ ità deinde curius; ut de his sæpius à nonnullis curiosè rogatus, aliud non responderet, quàm de mundo se esse, natum ad peregrinandum ex uno loco in alium. Studia Theologiæ Salmanticæ profecutus est eâ morum honestate, & modestiæ exemplo, ut non sæculares tantum, sed & Religiosos plerosque in sui raperet admirationem. Ubi autem vocari se à DEO in Societatem sensit, mox eandem sollicitè expetens, receptus in tyrocinium est

Medinæ Campi Anno 1570. unde Monteregium jam Sacerdos translatus, totum se in eo Collegio laboribus Apostolicis impendit, excurrendo latè in omnem viciniam, & salutem animarum per consveta Societatis ministeria ità procurando, ut interim nihil omitteret de consveteris sibi & Religioni devotionibus & exercitijs. Missus postea ad S. Jacobi, vela omnia desiderijs suis Evangelicis expandit, multos annos in Missionibus, & rudibus in eo Archi-Episcopatu populis erudiendis occupatus; partim concionibus & confessionibus audiendis; partim catechesi & privatis congressibus, universos ad DEI cognitionem & amorem provocando; ut adeò meritis sit censeretur per Hispaniam inter præcipuos, quos

H h 3

DEUS



DEUS ad salutem animarum destinare dignatus est, Operarios. Porro antequam Missionem quampiam aggrediretur, sedulo indagabat, quæ regio magis cultoribus destituta, & auxilij esset indigentior? ad quam illico procurrebat, idque tanto propensius; si incolæ essent egentes, & locus commodis omnibus destitutus: asseverare experientiâ longâ solitus, ubicunque minùs adesset de temporalibus, ibi tantò amplius suppetere à DEO liberalissimo de spiritualibus, tum solatijs animi privatis, tum animarum copiosioribus lucris. Constitutâ ad hunc modum Missionem, præparabat animum, priusquam Collegio exiret, longis plurium in die horarum orationibus, ad excitandum in animo ferventissimum salutis proximi desiderium, adhibebat cruentas flagellationes, cilicia, jejunia, Sacrificia, eademque ab amicis mendicabat, utpote cui decertandum esset contra multos & fortes animarum ex tartaro inimicos. Sic instructus & in dæmonem munitus, prodibat cum socio Sacerdote, veniensque ad locum destinatum, deligebat in hospitium casam Templo viciniorem, atque in hac recessum à ceteris habitationibus magis sejunctum, in quo componebat duplicem pauperinum lectum è saccis paleâ impletis, neque unquam personam alterius sexûs eo ingredi patiebatur. Die sequenti, (semper enim adventum suum in Sabbatum, aut pridianum Festi disponebat) pulpitem ascendens, magno spiritu declarabat populo beneficium DEI, quod ab eo veluti legatus ipsis afferret, ad conciliandam inter ipsos & DEUM pacem, ultro ipsis è cælo oblata; quantique momenti esset, conscientiam habere à peccatis puram, & animam DEO amicam. Dabátque DEUS verbis ejus efficaciam, & cordibus hominum tam validum motum, ut accurrentium deinceps undique, totâ latè viciniâ, à quatuor & amplius levcis populorum multitudo impediret, nè aditus ullus ad confessionale Patribus relinqueretur, essentque humeris pœnitentium illuc levandi: sed neque exitus de templo pateret, ob multitudinem equorum, curruum, cibarijs, commeatu, ægris & debilibus refertorum, idque diebus etiam pluviam, luto, frigore vel æstu impeditis: tantumque erat se DEO reconciliandi desiderium, ut patienter triduum, sex & subinde 8. dies præstolarentur, dum accessus ad Confessionale pateret: esto Pater interim dolore & compassione consumeretur, quod nequiret omnibus pro voluntate sua citò satisfacere, quamvis à primo manè ad noctem usque sede suâ non exiret, totâ die

cibi nihil degustans. Inclinate autem die, mulieres omnes in domos se recipere jubebat, neque ullum præter viros ad exomologestum admittebat. Inter hos labores tantis cor illius liquefcebat solatijs, dum intueretur pœnitentes suos lacrymis, singultibus peccata deplorare, totòque animo ad DEUM converti; ut neque cibi, neque alicujus quietis capiendæ memor esset, nisi dum tenebris ingruentibus in hospitium repelleretur.

Sic totâ hebdomade in peccatoribus DEO conciliandis impensâ, nemini tamen Evcharistiam impertiebatur, nisi primùm Dominicâ: agebat enim mundum idcirco tam improbum evasisse, quòd homines amisissent respectum divinissimæ Evcharistiæ debitum, eamque velut ex consuetudine perciperent, tam modicâ reverentiâ, ut minimè mirum sit non experiri ex ejus sumptione illos effectus, quos consequuntur magnâ præparatione eam accedentes. Eâ causâ instituebat Communionem tantâ solennitate & apparatu, ad devotionem in populo rudi excitandam; ut major excogitari vix possit. Accersebat è Collegio Socios quotquot poterat, elegantioris Missæ adhibebat apparatus, cereos sumebat multos à Sodalitatibus, quàm plurimos, incensum & thus copiosum providebat. Ipsâ autem Dominicâ conscenso pulpito, declarabat ordinem quo procedendum esset ad S. mensam: ac tum Seraphico quodam spiritu, inchoatâ Missâ, sub concionis tempus statuebat binos thuriferarios ad latera Sacerdotis Evcharistiam populo dispensantis, qui illam absque intermissione incensarent; jubebat campanas omnes sonare: quibus rebus tantum templo conciliabat silentium, attentionem & venerationem, ut nihil videretur vel audiretur præter gemitus, suspiria & lacrymas. Absolutâ concione ex loco altiore præorabat toti populo ardentissimo affectu formas diversas gratiarum actionis, inculcabat vivos actus Fidei, Spei & Charitatis erga divinissimum, quem præsentem in se receperant, hospitem, gratitudinemque quam pro tanto beneficio illi deberent: & cum advertisset ardentius commotos, depromebat Crucifixi simulachrum, cum lacrymis adhortans, ut peccata sua præterita Cruci Dominicæ affigerent, neque illis deinceps tam bonum Dominum offenderent; unaque peccati gravitatem & fœditatem quantâ poterat energiâ depingebat.

Inter reliqua peculiari studio mentibus hominum ab eo imprimi solita, erat specialis cultus erga SS. Virginem, & Rosarij precatorii usus, quòd expertum se diceret ingentes ex



ea pietate in populum utilitates, tum spirituales tum temporales derivari solitas, donum præcipuè continentia in assuetos libidini, appetitûs & passionum inveteratarum subjectionem, & pravarum consuetudinum ab integris communitatibus extirpationem: deferbâtque secum aliquot jumentis copiosa ubique, adversus hæc, arma & munitionem (ita enim vocabat) magnum scilicet Coronarum B. V. numerum, quas in singulos poenitentes unâ cum iconè DEIPARÆ dividebat; ut sub Patris è Missione discessum, nemo esset absque Rosario, quod ingenti devotione receptum, constanter deinde quotidie domi, in agris, quosvis inter labores decurrebant. Ut verò ejus mysteria aptius rudis populus perciperet, impetrabat ab amicis, multis in tabulis ea depingi vel describi, quas in Templis singulis loco maximè patenti visendas affigebat: docuitque experientia, quantum inde ad mutandos populorum mores, & conciliandum Divæ Virginis favorem, profluxerit emolumentum. Siquidem non raro accedebant Patrem peccato mortali obstricti, suæ salutis penitus antehac immemores & incurij, qui se à DEIPARA vel Angelo monitos fatebantur de confessione apud illum faciendâ: hos ille benignitate prorsus maternâ receptos instruebat medijs ad vitanda peccata opportunissimis; eaque felicitate inducti veniebant innumeri maximâ confidentiâ inveterati peccatores, qui ejus pedibus advoluti animas suas in manibus illius deponebant, omnia quæ imposuisset facere parati, recedebantque pleni solatijs, quod è faucibus inferni ejus operâ essent erepti. Nec parùm conferebat ad tantum animarum fructum referendum verâ existimatio de illo apud omnes concepta, tanquam Viro sancto, & cœlitus delapso; fuit enim vita illius omnino perfecta & Apostolica, in laboribus diu noctûque continuis, sinè cibi potûsque, aut ullius quietis commodis; qui dum sub noctem bolos aliquot panis sumeret, non admittebat obsonium præterea ullum sive carnis, sive ovorum, vel leguminum etiam agricolis consvetorum: unde non poterant satis admirari, amare, revereri, observareque dicta ita mellita, ex incenso ejus corde profluentia. Charitas ejus erga DEUM & proximum erat tanta, ut nihil unquam occurreret ad DEI honorem, vel salutem animarum pertinens, quod non continuè aggrederetur siti quâdam insatiabili, & fervore ita constante, ut lassari non posse videretur. Rogatus aliquando à nonnemine, quâ posset adeo graves & intolerabiles subire in audien-

dis homologesibus labores, & tractare cum populo ita rudi & agresti? cui ipse: *pensa, mi Pater, an salo animarum nihili habenda sit, aut nullo pretio constet? interroga Christum Jesum cui hac ipsa vitâ, sanguine, tantis tormentis, & animâ ipsa constitit: & quid horum respectu est id quod ego subeo, subieruntque ejus exemplo tot Sancti?*

Nec minor ejus fuit humilitas, propria Viris Apostolicis virtus & tessera, quâ merum se nihilum, totumque quod agebat nihili ducebat: & si vel minimum sui respectum aut existimationem haberi notaret, totus rubore & dolore perfundi videbatur, solatijs impotens, nisi vidisset opinionem de se mutatam. Quò vilius quidpiam sibi in Collegio & pejus assignaretur, hoc gratus ejus animo accidebat; vestitu semper usus pauperrimo & detrito, calceis vetustis, & identidem refectis, pileo antiquo & undique pendulo, suppellectili demum omni, lecto & cubiculo omnium vilissimo. Omnis ejus occupatio & conversatio fuit cum simplicibus & rudibus, licet talento polleret dicendi etiam primis cathedris pari; dicere solitus, his nunquam Concionatores & Operarios defore. De se, rebusque suis non nisi vilissimè loquebatur, præcipuo visus solatio affici, si idem de his sentirent alij. In Collegij triclinio cibum non nisi humi sumebat, accumbentium pedes exosculabatur, vel sub eis confidens edebat. Quid de orationis, mortificationis, & penitentiarum studio dicam? quoties solitario esse domi, in itineribus contingebat, totum tempus uni dabat orationi, mentali præcipuè; medijs in laboribus animo semper & corde Superis junctus. Devotissimus erat SS. Humanitati Christi Domini, in cujus vita majorem partem anni meditando insumebat, neque videbatur eâ orandi methodo satiari posse. Divæ Virginis à puero in mancipium addictus, nihil in se boni & gratiarum è cœlo derivatum, nisi per illam fatebatur; cujus honori coronam recitare nullo per omnem vitam die intermisit, solidâ horâ illi decurrendæ semper insumptâ. Addebat severum sabbato quovis, & in ejus festorum pervigilijs jejunium: festo autem ipso horas aliquot præsentis mysterij meditationi, & proluxiori Rosario: tantâ alacritate, & solatijs per eos dies incedens, ut alius à se videretur, pateretque eum novâ semper aliquâ gratiâ Virginis patrocinio è cœlis cumulari. Fiduciâ erga illam fuit omnino filiali, ut nihil esse crederet, quod ejus interventu obtinere posse diffideret: nec minor Virginis in illum fuit favor, ut certasse invicem.



vicem viderentur, hinc illam obsequijs, an illa favoribus & donis ipsum superaret. Itaque ejus certus patrocinij, res aggrediebatur summè arduas, & judicio aliorum effectu impossibiles, quas nullo propè negotio conficiebat. Sæpe rebus omnibus ad vitam necessarijs in locis incultis destituto, miraculosè has Virgo suppeditavit. Si quando insurgerent persecutiones, aut excluderetur domo vel pagis, non sinè contumelijs & maledictis; implorata Virgo momento animos hostiles immutabat, ac optimos ibi potissimum successus Patri conciliabat.

Nec credi facilè potest, quas conversiones animorum ope Virginis Pater perfecèrit, necessitates corporales quas sustulerit, viduas & pauperes quibus succurrerit, quot Virgines elocàrit, quot ægrotos consanàrit. Eidem gratus tribuebat Pater Angelicum puritatis decus, tot inter occasiones illibatè conservatum; de quo testati sunt, qui eum de tota vita confitentem audierunt, nullo unquam peccato veniali hanc in virtutem deliquisse; cuius gradum ità sublimem obtinebat, ut insensibilis instar Angeli appareret, neque ullos motus prave aut fomitem peccati experiretur in tot auditis confessionibus; tam multa libidinum monstra tractando & evellendo. Contra idem vitium concionando tonabat potius quàm loquebatur; atque ad id ubivis locorum extirpandum, providebat in quavis Missione certam domum assignari educationi & conservationi puellarum, ut à lubrico ejus ætatis eriperentur. Et hæc ipsa illi causa fuit tam impensè ubique svadendi cultum Reginæ Angelorum; cùmque defectu virium impotens fieret Missiones ampliùs obeundi, imagines DEiparæ devotissimè expectas quaquaversum mittebat, super Ara locandas, quòd earum aspectu & veneratione censeret donū continentia omnibus ejus cultoribus concedendum. In his indefessè occupatum ægritudo invasit, quam fatalem sibi fore divinitus

*Ex Tomo 1. Nierembergij de Viris Illustribus.*

cognoscens, ipso ejus principio fidelem Missionum socium P. Gasparem de Avila compellans, *Pater mi*, inquit, *hora mea jam adest, Dominus noster liberare me vult de corpore mortis hujus!* petiitque paucos illos, qui supererant dies, legitimæ ad mortè præparationi sibi soli concedi, neque ullum præterea ad se admitti. A peracta inter copiosas lacrymas confessione, & communione percepta, post horæ circiter spatium redux ad illum P. Gaspar, vidit faciem ejus instar Angeli resplendentem, audiitque ingeminantem: *Dominus meus JESUS & Virgo Sanctissima!* *Dominus meus JESUS & Virgo Sanctissima!* quos scilicet præfentes videbat, sibi consolâdo & juvando, supremâ horâ advenire. Decimo quarto ægri tudinis die, qui erat 1. Maij SS. Philippo & Jacobo sacer, percepto extremæ unctionis Sacramento, oculis in cælum & manibus mirâ lætitiâ sublatis, pijsimè decessit, anno ætatis 58. sæculi 1593. Ejus obitus magno dolore & lacrymis exceptus fuit non à domesticis tantum, verum etiam sæcularibus ex omni statu, quibus semper Sancti locò habitus est, & amantissimi Patris. Durante morbo cùm ei vena incideretur, prodiretque sanguis omnino corruptus & putridus, miranti eam rem infirmorum Curatori respondit Pater: *peccata & scelera hominum corruptionem hanc effecerunt, sunt enim venenum & virus nocentissimum, quæ necem afferunt non tantum ijs quos occuparunt, sed etiam toxico affiant & inficiant Curatores & Medicos suos!* Mox à suo obitu comparuit in magna gloria & splendore devotæ sibi personæ, & solatio impletam animavit ad ferendos pro DEO labores & adversitates. Iterumque alteri in peccatis hærenti; ex quibus operâ Patris extracta, denuo in eadem relapsa fuerat; severèque increpitam jussit ea sacramentaliter expiare: ex quo tempore mirè compuncta, relicto priore statu, vitam in obsequio Divino sanctè conclusit.

## P. PETRUS ESPIGA.



**P**ater Petrus Espiga, natione Sardus, Patriâ Calaritanus, natus est parentibus opulentijs, & Christianâ pietate conspicuis Anno 1527. Grammaticis puer instructus, admoveri cœpit à parente mercibus in officina (nam & ipse mercaturam exercebat) dividendis; sed cùm levissimo pretio

omnia distraheret, increpitus à parente, excusationem prætexuit, ex qua facilè colligas eum pauperum & calamitosorum patrem, cujus viscera postea induit, futurum. Respondit enim, emptoribus quidem pretium à parente designatum se proponere; sed quia his nimium supra mercium valorem esse videretur, se miseratione motum, quòd plerosque indigos & pauperes adverteret, designationem pretij illis





P. Petrus Espiga Soc. Iesu, Sardinus, Pauperum, Misero-  
rum et Captivorum Pater; habitus Sardiniae Apostolus;  
cujus pro animarum salute Zelum multis Deus  
favabat signis et miraculis. Obijt ibidem Cala-  
ta Decembris A. 1594. Aetat. 74.

65.

illis permittere, neque ut ultra quidpiam exi-  
geret, impetrare ab sese posse. Ergo Parens  
velut suis intentionibus ineptum, ad scholas  
remisit in Hispaniam, ubi triennio Philoso-  
phiae absoluto migravit Parisios, ut Doctoris  
ibidem Theologiae insignia olim perciperet.  
Sed Francisci Gallorum Regis, Hispanos o-  
mnes Regno exigentis, mandato, coactus Lo-  
vanium demigrare, familiaritate Sociorum  
ibidem studia prosequentium captus, Socie-  
ratem ipsius S. IGNATII jussu obtinuit, licet a-  
lijs ob pumili ferè hominis staturam minùs  
idoneus videretur. Sacratu in Sacerdotem,  
Operarij mun, illico tanto fervore assumpsit,  
ut zelo suo in admirationem omnes adduce-  
ret: nam quia per id tempus Carolus Cæsar  
cum exercitu in Belgio versabatur, curam  
Hispanorum Pater totis viribus assumpsit,  
*Societas Europæa.*

concionibus habendis, audiendis confessio-  
nibus, & necessitatibus omnium supremo  
studio levandis, quasi Patrem ageret singulo-  
rum. Idem aderat indefessus ægris in hospi-  
talibus, ergastulis, domibus privatis, novas  
indies artes & praxes rimatus, quò nemo cala-  
mitosorum auxilij ipsius & solatij expers fie-  
ret; ut jam tum apud omnes Viri sancti, & Pa-  
tris pauperum nomen obtineret. Ea fama  
cum totam Cæsaris Aulam pervasisset, oblatus  
illi magno favore Ministrorum fuit Archi-  
episcopatus in Sardinia, dummodo animum  
illi acceptando induceret: cui Principum fa-  
vori heroico animo ità renisus est; ut omnes  
intelligerent Evangelicam ab ipso paupertate  
& humilitatem omnibus dignitatibus &  
honoribus Ecclesiasticis anteponi: idemque  
præstitit iterum multis post annis ad Insulas  
Urbis

Ii



Urbis Calaritanæ in eadem Sardinia postulatus. His laboribus, & auræ frigidioris inclementiâ cœpit valetudo Patri, cœlo mitiori assveta, in discrimen extremum adduci; coactique sunt Superiores illum ad instaurandas nativo aëre vires in Sardiniam transmittere: quò ille iter omne ad portum usque in Italia pedibus, & corrogato ostiatim victu exegit. Hic cum duo sese offerrent transmissuro navigia in Sardiniam, neque causa ulla subesset unum alteri præponendi, facto signo crucis, & brevi ad DEUM præmissâ oratione, alterum vetustate & carie debilitatum conscendit, omisso recenti & robustiore. Neque sinè manifesto DEI instinctu: istud enim in progressu, tempestatis violentiâ penitus demersum interijt: alterum verò fluctus omnes feliciter eluctatum, ovanti simile, Calaritanum portum subijt.

Navigationem porrò Vir Apostolicus eâ pietate, & fructu vectorum exegit, ut navis Religiosæ domûs speciem referret: unum si ejus Præfectum excipias, ob atrociam scelera Ecclesiastico anathemati subiectum; cujus causâ videbatur Numen, non tantum atroci tempestate omnes exercuisse; verum etiam contrarijs ventis in manus pyratarum Gallorum, qui Hispanis infesti ea maria frequentes fulcabant, velle impellere, nisi Patris merita & preces malum avertissent. Dum enim venti atrocissimè furerent, Pater ad pœnitentiam & vota efficacissimè vectores hortatus, confessiones omnium excepit: sed neque tum adhuc ponente procellâ, loco secreto se abdens in preces, atroci flagello in corpus tam diu desævijt, dum secunda afflaret aura; quâ tandem feliciter Sardiniam tenuère, A. 1557. mense Majo. Quia verò tot itineribus Patris vestitus prorsus detritus erat & lacer; ut Sacerdotali habitu excendere Calarim posset, vestem illi cum pallio Clericali submisit quidam è Canonicis: Frater verò natu major, Ecclesiæ Decanus copiosorum proventuum, hospitium apud se prolixè obtulit, quod tamen ipse ut subiret, aut domicilium apud quempiam amicorum figeret, induci nunquam potuit, sed in Nosocomium publicum S. Antonij divertit. Imò nè victum quidem aut vestitum à quopiam ipsorum unquam admisit, solâ ab illis impetratâ stipe vitam sustinens; eò majore Urbis admiratione & exemplo, quòd nunquam ullus ante ipsum de Societate in Sardinia visus esset, de cujus Instituto nihil dum etiam famâ acceperant. Primam igitur, quam Patriæ suæ præstitit operam, fuit ægris in Nosocomio assiduus adesse obsequijs, tum

animas sacris ministerijs concionum, & Sacramentorum adjuvando, tum corporibus usque ad mediastini vilitatem serviendo in cameris everrendis, purgandis ulceribus, mundandis sordium vasculis. Charitas hæc tam profundæ conjuncta humilitati Civitatem totam in stuporem rapuit, eamque Viro sanctitatis opinionem præstitit, ut certatim universi illum conscientiæ suæ expeterent arbitrum: Pro-Rex inprimis ipse, Archi-Episcopus, Curia utriusque Proceres, Senatores Urbis, nobiles juxta & ignobiles, consilij ejus in animæ suæ negotijs uti; ut jam ab hominis unius arbitrio Urbs frequentissima pendere videretur. Atque ita ab Hospitalis cura sensim operam suam ad totius Urbis, Operarijs Evangelicis summè destitutæ, emolumenta extendit, concionibus creberrimè per diversas Ecclesias habendis, audiendis confessionibus, civibus privatim domi suæ conveniendis, lustrandis carceribus, ægris ubique solandis, ut miraculi instar videretur, unius hominis vires tot simul agendis sufficere. Nam & Hospitalale novis auxit percommodis ædificijs, & in carceribus elegans struxit Sacellum, in quo ut Festis & Dominicis omnibus captivi audiendæ Missæ copiam haberent, Sacerdoti stipendium annuum providit. Ipsdem, & pauperibus in Urbe, quotidianam ex ditiorum elemosynis prospiciebat elemosynam; calamitosos & oppressos certum erat perfugium, quorum causas Judicibus aut Tribunali recommendanti, nemo erat qui negare vel tergiversari præsumeret; tanta erat de Viri sanctitate concepta opinio! quam multò auctiorem reddidit Cœnobium Virginum, hætenus toti Urbi non modicum scandalum, cujus disciplinam penitus profligatam, vigori pristino paucis diebus feliciter restituit.

His rebus permotus Vir Nobilis Alexius Fontana, Societatem rerum suarum hæredem, ad fundandum Sassari Collegium, testamento constituit: quâ causâ illico Sassarim provolans P. Espiga, ut tres è Socijs Collegio inchoando submissos, cum Rectore Balthasare Pinna, exciperet, more suo ad Hospitale divertit, omnia illa ægrorum animis & corporibus exhibens ministeria, quæ Calari impenderat. Offenderat illum fortuito everrendis ægrorum cameris, lectulisque componendis distentum, juvenis Sacerdos Lucas Zampello; lusibus, musicis instrumentis, & vanitatibus sæculi deditus, hærebátque admiratione plenus, ex consideratione vilis adeò operæ, in expurgandis locis putore & sanie fædissimis, à Sacerdote impensæ, quorum solus aspectus nauseam ejus



ejus stomacho faciebat. Advertit illum Pater Espiga, & ore blandissimo ad manum labori jungendam invitans, *Eja Domine*, inquit, *nè pudeat pigeatve operam unà impendere munda-*  
*dandis istorum pauperum cameris, quam DEUS*  
*magnâ mercede rependet in die judicij.* Mirum dictu! sola hæc verba suffecere perſuadendo Clerico, ut pallium illico poneret, & scopis arreptis labori accingeretur: firmo simul vitæ melioris, & pauperum unicè obsequijs impendendæ proposito; quod ut melius exqueretur, relicto paterno lare in nosocomiū demigravit, magnâ totius Urbis admiratione & exemplo; inde postmodum Societati adscriptus, in qua vitam sanctè, & in iisdem ferè pauperum obsequijs occupatam finivit. Idem penitus evenit ibidem Juveni sæculari, rixarum & pugnarum avidissimo, ut nemo ferè securus ab ejus manibus esset, velut communi totius Urbis perturbatore: hunc tamen brevi allocutione Pater de lupo in agnum mitissimum convertit, ut Societatem magnis precibus exorans, inque ea Coadjutorum temporalium gradum adeptus, vitam omnibus virtutibus conspicuam sancto fine concluderet. Nec ferè repertus est Saffari Clericorum ullus, quin exemplo & adhortatione Patris, nosocomij servitijs operam addiceret, distributis inter se hebdomadæ diebus, dum alij interim totâ Urbe eleemosynas eorundem commodis corrogarent: è quibus non pauci sæculo penitus abjecto, vitam deinceps Hospitalibus curandis transcripserunt. Tantus exinde fuit pœnitentium ad Patrem quotidie accursus, ut quandoque totâ die vix respirandi mora concederetur; cùm idem, nullâ sibi indultâ quiete, ægros totâ Urbe conquireret, solaretur, medicinas animæ & corpori curaret, odia & inimicitias, quibus tunc acerbissimis Cives invicem usque ad cædes & homicidia diffidebant, componeret; omnia deniq; biennij ferè spatio ageret, quæ ad vitia extirpanda opportuna viderentur. Neque urbanis laboribus contentus, viciniam undique, per pagos & villas, pedes oberrabat, catechesim explanando, concionando, Sacramenta impertiendo, eo fervore & animarum proventu, ut ab omnibus tanquam Angelus cœlo delapsus haberetur. Erâtque hæc non tantum sæcularium de Viro perſvasio, sed sociorum etiam Saffari morantium: cùmq; die quodam panis nullus totâ domo haberetur, neque pecuniæ quidquam illi emendo adesset; fîsus ipsius meritis designatus Collegij Rector Balthasar Pinna, dato ad prandium signo, jussit illum mensæ benedicere; & ecce

*Societas Europæa.*

sub ipsa oratione pulsantur Domûs fores, & canistrum recentissimo pane plenum, qui omnibus sufficeret, reperitur.

Non potuit diutiùs absentiam Apostolici operarij ferre Calaris, in cujus Diœcesi vix Parochus lingvæ latinæ peritus inveniebatur, & perversissimi mores omnia corruperant: quare ad preces Vice-Regis coactus redire, totis viribus labores pristinos resumpsit; quorum utilitate commota Civitas, nè his aliquando cum morte ipsius privaretur, Collegium & ipsa Societati fundavit, impetratis ad ejus exordia anno 1564. decem ab Roma socijs. Ab his aperto quatuor primùm classium Gymnasio, ità sensim piorum dote increvit Collegium, ut paucis annis septuaginta alendis socijs suffecerit. Dicit non potest quantis Pater ex adventu sociorum incessest lætitijs; in quos munijs omnibus, quæ spectabilia videri possent, derivatis, ipse impostero docendi, concionandi, imperandi, & quidlibet disponendi munere abstinuit, solâ pauperum, ægrotorum, Hospitalium, carcerum curâ sibi reservatâ, excipiendis constanter, quot quot ex quavis hominum sorte audiri vellent, confessionibus intentus: quorum ingens omnino vel ex solis agrestibus, ad illum veluti communem Patrem è pagis accurrentium, erat numerus. Neque ullum fuit indigentiae miserorum genus, cui remedia sollicitus non provideret: nam tempori opportuno, quo in futurum annona parari posset, invigilans, quantam posset coëmebat frumenti copiam, aliâque reficiendis famelicis necessaria; pannos item & telam nudis vestiendis, corium calceis, ligna cibis parandis, & calefaciendis hyeme pauperibus; & hæc omnia piorum hominum custodiæ committens, sollicitè mandabat, nulli omnino quidpiam ex his egestati suæ in remedium postulanti denegari. Eodè suas cuilibet prospiciebat ollas, scutellas, infirmis verò refocillandis saccharo condita, ex rosis, citrijs, aureisque pomis, & quovis genere fructuum bellaria: captivis item in ergastulo cubiculum unum salubrius delegit, quod lectulis aliquot cum suis culcitrīs & tegumentis instruxit, ubi ægriùs valentes quiescerent; nam graviore morbo prostratos, Magistratûs assensu, transferebat ad nosocomium, meliore ibi curâ confovendos. Omnem item conatum & monita adhibebat, nè à custodibus carcerum duriùs haberentur, aut asperioribus verbis factisve tractarentur, magis eâ injuriâ se lædi, quàm si in ipsum exerceretur, ostendens. Quæ omnia eò potissimum spectabant, ut ad sinceram



ram peccatorum confessionem, vitæque commendationem omnes adduceret. Ad hæc multam in carceribus habebat suppellectilem; & diversam in Collegio: in domibus quoque Civium capsas & cistas varias, reponendis panibus, farinæ, aliisque esculentis: ollas item & cacabos, cibis ad carcerem, & pauperes deferendis; nam nullo non die sumum carceratis ciborum dimensum afferebat, idque communiter liberalius, & lautius, quam plerique domi suæ habere consuevisent: & si ipse morbo vel aliter impediretur, descriptos habebat à Civibus & Nobilibus, qui statis diebus hos illis submitterent, nè ullo unquam die pastu consueti defraudarentur. Atque his tot sumptibus faciendis, facile colligitur, quâ diligentia & assiduitate oportuerit intentum esse colligendis piorum eleemosynis: cui rei locis publicis, & in capite platearum, positas habebat arculas ferratas, recipiendæ pro indigentibus stipi, in quas liberaliter à transeuntibus pecuniæ mittebantur, quas tantâ fidelitate videbant in eos expendi. Nam Pater de miserorum commodis, tanquam charissimorum filiorum, usque ad minutias sollicitus, singulis in Hospitali, ægris in carcere, domibusque privatis, fultas providebat crepidas; nè hyeme lectulo levati nudas plantas frigidâ læderent humo: mitras item, & pileos capiti pellibus munitos; quibus parandis confidebat ipse inter Sartores, ut ad pium laborem, Christo in suis pauperibus commodandum, ipsos animaret.

Demum cum veritate dici potest, nullam matrem tantâ sollicitudine agere potuisse in cura amantissimæ proles, quantâ Pater occupabatur circa suos pauperes; ut hæc summa ipsius videretur consolatio, neque ullam aliam in re quietem inveniret. Ejus cubiculum, exile quidem & paupertinum, plenum erat, instar apothecariæ cellæ, omnis generis medicamentis & fomentis, ut vix locus, quo pedem moveret, vacuus daretur, unde liberaliter omnibus gratuito remedia præbebantur; quæ annis singulis cum vestitu & sustentatione aliquot millia sumptuum exhauriebant. Nemo quidem fuit Procerum in Regno, qui hos Patri usque ad munificentiam ultro non suppeditaret; Pro-Rex imprimis & Archiepiscopus, ceterique Magistratus: ut modum aliquando liberalitati à Patre poni necesse fuerit. Et quidem Pro-Rex Marchio Gaston de Moncada, nè unquam Patri in subito casu deessent sumptus, vadem se illi perpetuum constituit pro aureis trecetis, quoties his egeret, vice qualibet ad Rationes suas unde un-

de mutuo sumendis. Nec minor fuit liberalitas ejus cognatæ Catharinæ, quæ cum die quodam rescivisset Patrem à Marchione elemosynam petijisse titulo cambij, in cælo refundendi; delectata ingenioso Patris, verissimoque commento, duplum aureorum numerum Patri ad ejusdem cambij cælestis syngrapham transmisit. Neque his contenta: ipsa manus cum toto gynæceo ægrorum servitijs in nosocomio frequenter commodabat, eâ exempli ad reliquam matronarum nobilitatem efficaciam, ut pleræque ad eadem obsequia descendere amarent. Verbo, omnia tunc ferventissimo Patris zelo per Sardiniam excitata, perpetuis misericordiæ operibus flagrant, quorum multa in totius Insulæ emolumentum, & infinitarum animarum salutem reddebant. Ejus siquidem hortamentis excitatus Michaël Marchio de Moncada, qui toto decennio Pro-Regis nomine Sardiniam gubernavit; munitiones & propugnacula fortissima ad portus maritimos, cum perpetuo militum præsidio, excitavit; contra Mauros Africanos, qui prædatorijs navibus Insulam frequentissimè incurfabant, mariæque infestabant, non sinè grandi hominum strage, in miserissimam identidem servitutem interceptorū. Quibus tot præclaris de patria sua meritis, nomen Patris Espiga ubique tanquam sancti ferebatur; & in animo Catharinæ de Moncada, Michaëlis Marchionis filix, excelsum de virtute illius opinionem ita profundè impressit, ut deinde Marchioni de Aytona nupta, quo tempore is Legati Catholici Regis munere in Urbe functus est, magno conatu apud Christi Vicarium egerit, vellet juberetque Inquisitionem Juridicam de gestis ejus in Sardinia apud Ecclesiasticum Tribunal fieri, tanquam jure optimo meriti, qui oraculo Pontificio in syllabum Divorum referretur.

Ad hæc tam mira in proximorum subsidium perficienda dedit illi Dominus cor amplissimum, implevitque fiduciâ animum ita copiosè, ut illâ cum DEI liberalitate certare videretur: dubiumque esset, an plus ille posset erogare, quàm DEUS submittere vellet. Cum enim nulli unquam auxilium petenti quidquam denegaret, & si largitione vota precantium non excederet, certè semper æquaret, contrahebat non rarò ingentia nomina, quæ tamen mirè prorsus succurrente DEI providentiâ brevè expungebat. Contigit die quodam in vesperum jam inclinante, omni pecuniâ destitutum interpellari à nobili Familia in extrema necessitate constituta: quam nè vacuum dimitteret, Procuratorem Regium accedit,



cedit, & necessarios sibi eâ adhuc nocte mille aureos mutuò dari petit; quos cum iste negaret ad manus esse, petijt suam interim auream & argenteam supellectilem in pignus alicubi, ad colligendam eam pecuniam, deponeret, quantocyùs à se restituendam. Neque fidem vel in minimo fefellit, sed paucis diebus tantundem æris Procuratori, quantum commodato acceperat, retulit. Habebat idem arcam bene magnam asservandis panibus in ipsa custodia, sub cura viri honesti & devoti Hieronymi Melis, Custodiæ Præfecti, ex qua diebus singulis dimensum captivis distribuebatur: sed quia multi alij pauperes vice quadam inde stipem acceperant, contigit panem solitò citiùs penitus absumi, ut nè frustulum quidem remaneret. Veniens sub prandij tempus ad captivos Pater, jussit de more panem singulis distribui; sed negante Hieronymo quidquam in arca superesse, redire nihilominus, & diligentius arcam inspicere jubet: & ecce reperit eam pane ad summum usque impletam, qui trecentis hominibus satiandis sufficeret. Atque id prodigium sæpius accidisse, juratus idem carcerum Præfectus asseruit, quando annona vix in diem suffectura, ità divinitus multiplicata succrevit, ut ex ea per plures dies ducentis & trecentis pauperibus libra panis in singulos distribui potuerit. Aliàs cum idem captivorum custos ad Patrem veniret, nihil sibi panis in eorum alimenta superesse dicens, offendit illum ad januam Collegij Nobili Viro colloquentem: ergo clavim illi ad aliam arcam, quam in Collegio panibus item condendis servabat, tradit, ut inde præsentì necessitatì subsidium petat. Verùm continuò redijt, etiam hanc penitus inanem significans. Bono animo illum jubet esse Pater, neque enim DEUM improvise necessitatì defuturum: quæ dum loquitur, ecce tibi magnam panum copiam juvenis quispiam Collegio infert, Patri Espiga illam mitti nuncians; quâ abundè in præsens captivi refici potuere. In eo morbo quo Vir DEI decessit, anxius Collegij Rector, nè quid æris alieni Collegio in magnis tum difficultatibus existenti, ab ejus morte exolvendum relinqueretur; petijt, quantum mutui contraxisset? respondit Pater, mille quingentarum librarum se debitorem esse. Videns autem Rectorem magnopere indè contristatum, nè timeas Pater, addidit, *nam mutuum hoc DEO contractum est, cui incumbit, id sine nobis restituere, & facturum omnino non dubita.* Vulgatum illico id Patris responsum fuit per urbem, eodémque die ægrum invisens Pro-Rex Mar-

chio de Aytona, unà cum Archi-Episcopo, ante omnia, debita quæ P. Espiga contraxisset expungenda in se transumpsit, & magnâ charitate paulò post exolvit. Aliàs colloquens custodiæ Præfecto, *multum, inquit, æris, alieni contraximus! quo igitur carceris loco me positurus es, si hujus causâ à creditoribus custodia manciper? claves carcerum,* respondit Hieronymus, *optimè tibi commisero, & plenum in captivos Dominium.* Quæsit tum Pater, *quantum ergo mutui acceptum esset?* respondit Hieronymus, *duo ferè millia librarum:* magna profectò summa pro homine, omni censu vel stabili reditu destituto; quò tamen tantum absuit ut à benefaciendo retraheretur, ut è contrà ingruente mox totâ Insulâ fame, supra 300. pauperes urbanos, exceptis agricolis cumulatim accurrentibus, quotidie paverit, omnibus eam rem manifesto miraculo adscribentibus.

Multò verò mirabilior ejus fuit in ægros totâ Urbe providentia & charitas, quos diebus singulis ante omnia adibat, gravius verò laborantes iteratò revisibat, nè quid eorum sive animis, sive corporibus deesset: ex illorum totâ Urbe conquisitione ità frequenter lassatus, ut sæpius in plateis super saxo quopiam residere cogeretur. Licebat enim illi per Superiores quoties vellet domo, etiam absque socio exire; cui tamen nunquam defuere ex Clero, vel Nobilitate comites, in præcipua felicitate computantes, ad opera adeò salutaria manum illi commodare. Ante omnia, verò providebat, ut peccata confessione expiarent; quibus audiendis sæpius in ergastulis facinorosorum deprehensus est ægro accubare, suoque unà pallio pœnitentem, ne à vicinis audiretur, contegere, expurgare ulcera, sudorem abstergere, brachijs amanter complecti afflictos, oscula vinculis figere, & longè magis ea criminibus suis debita profiteri; tantis maternorum viscerum incendijs, ut attoniti captivi amore divino penitus incenderentur. Plures aliquando in carcere numerabat ægros, quibus manè consveto solatio cum adfuisset, totum deinceps diem in Urbe apud infirmos occupatus, non potuit ante noctem illos revisere. Et ecce tertiâ noctis horâ, januis undique ferro & vectibus occlusis, divino prodigio penetravit: cui domum redituro, excitatus Custos, ut januam panderet, visis seris & repagulis, prout ea vespere foribus singulis diligenter obduxerat, intactis, sacro quodam horrore perfusus nè verbum profari potuit: idque juratus à morte Patris, in processu de ejus sanctitate Instituto, apud Tribu-



nal Ecclesiasticum confirmavit. Aliàs grassante pestilentia, cum tot pauperibus eâ correptis medicinas providere unus non posset, obtinuit à Pharmacopola sibi devoto certum unguentum, quod Pater ipse præscripserat, confici, cujus grandes ollas undique per homines pios jussit inter inopes distribui, ut illo totum corpus perungerent: & sanè, mirum dictum! quotquot eo remedio uti voluere, mortem & pestem evasisse deprehenfi sunt. Inde fiebat, ut nemo totâ Urbe in lectulum doloris sterneretur, qui non illico solatia à P. Espiga postularer: pauperes potissimum & destituti, quibus ille Medicum simul continuè & Chirurgum adducebat, cibum, pharmaca, & curatores constituebat, eâ solertiâ & accuratione, quasi curam omnium à DEO sibi commissam haberet. Quod charitatis genus mortem tandem illi conscivit, evocato ad infirmum nocte hyemis frigidissimâ, à cujus rigore domum redux morbum contraxit, ex quo etiam paulò post decessit. Et licet ægri subinde ulceribus putidissimis oppleti, & morbis fœdissimis ac sordibus mephitim intolerandam halarent; ipse tamen citra omnem nauseam ad usque ultimam horam illis assistebat, pituitam ab ore, saniem ab ulceribus sudario suo abstergebat; & cum se non observari putaret, ita infectum tabo ori suo admovebat, & præ teneritudine basiabat. Condemnatis ad ultima supplicia assidebat totis noctibus in ergastulo, solatia & animos dejectis addendo; à quibus redibat plerumque vermiculis & sordibus oppletus, ut nullam toto corpore quietem ab eorum moribus haberet: eâ tamen in his sentinis gestiens animi lætitiâ, quasi in hortu amœnissimo versaretur. Quos autem sordibus & pediculis penitus oppletos subinde reperiret, pallio suo interim operiebat, dum indumenta illorum proprijs manibus expurgaret. Infirmos quotquot reperiebat, ante omnia per Sacramentorum susceptionem Numini reconciliatos, erigebat ad conformandam Divino beneplacito voluntatem, & fiduciam in DEI parâ studio sè imprimebat; utque eam in remedium malorum suorum implorarent, omnibus Coronam Ipsius precatoriam providebat, cujus etiâ recitationem publicam quot diebus in ergastula & nosocomia induxit. Ne verò otio sani in custodijs marcerent, magnam viminis & virgultorum copiam coëmebat, texendis corbibus aut storeis, ex quibus distractis pretium eorundem commodis impendebatur.

Quia verò qui in alios tam mitis fuit & benignus, dici vix potest, quàm in se durus ex-

stiterit & austerus. Varijs & ipse morbis sæpius prostratus, nihil præter omnibus communia admisit, nisi imperio Superiorum adactus. Cubiculum ejus pauperrimum, præter penum pauperum usibus instructam, nil habebat nisi lectulum simplici culcitra instructum, quo tamen vix unquam ad quietem, sed nudâ humo, vel tabulâ usus est, vestitus constanter decumbens: mensulam in quadrum quatuor vel quinque palmos longam & latam, cum humili sedicula; Effigiem charitaceam Christi Domini cruci affixi, & duos trësve usu attritos libros. Vestitum novum ut acceptaret, adduci nunquam potuit, nisi obedientiâ semel iterumque jubente: & thoracem interiorem ex tela duplici per annos 24. nunquam permutavit. Cum verò occupationum pressus multitudine ut plurimum, serus ad mensam rediret, solis fere ciborum, & panis reliquijs vesceretur, quod illi dapillis instar convivij fuit: in Missionibus autem præter panem & aquam, vix obsonium ullum admittebat. Oculos & sensus omnes arctissimâ sepivit custodiâ, ut nullam in Urbe feminam de facie nôset; neque unquam illos in faciem etiam sociorum domi intenderet: unde non raro accidit, ut pluribus jam mensibus ejusdem Collegij incolas, pro advenis hospitibus in occursum salutarer. Hyeme, majori perpetiando frigori, simplici veste utebatur, quam in maximis caniculæ æstibus duplicabat: perpetuus corporis sui hostis & insectator, quod modis omnibus, occasione quolibet affligebat, inediâ, flagellis, vigilijs, neque aliquid unquam commodi indulgebat. Saffari aliquando Rectorem Collegij comitatus est ad scholas Gymnasij invisendas, ubi deprehensum unum è discipulis Magistro suo refractarium Rector redarguens, jussit eum alterius condiscipuli pedes exosculari: illo autem pœnam derectante, versus ad P. Espiga Rector, *quando juvenis hic, inquit, refractarius tantillum humilitatis actum exercere recusat, tu Pater illum obi.* Ille mox in genua provolutus, magnâ omnium ædificatione, & refractarij confusione, pedibus ejus accidit, & oscula fixit. Ex eadem humilitate magnopere studebat occultandis operibus, misericordiæ & eleemosynis, quas liberalissimas clandestinè, imitatus S. Nicolaum Episcopum, suppeditabat personis nobilioribus, ideoque mendicare erubescens, ut nè vel illæ adverterent, unde subsidia paupertati suæ advenirent. Quòd si aliquando causam offensæ, etiam perlevis, verbo factove à se datam suspicaretur, flexis illico genibus culpam de-

pre-



precabatur, illisque osculandis, licet sæcularis & de vulgo foret persona, pronus adolvebatur. Neque rarò actiones exercebat hominis agrestis & inculti, dum præsertim cum Proceribus Regni, & Viris primoribus ageret, ut vilem de se opinionem alijs imprimeret: quibus tamen tantum abfuit, ut contemptum aliquem sui obtineret, ut etiam tantò majori loco virtus & sanctitas ipsius duceretur. Ità vocatus aliquoties ad ægrotos, vel pauperes juvandos, cum fortè capillis aut barbæ suæ attendendæ operam daret, procurrit illico in publicum, mento ad dimidium duntaxat raso: alias verò ante diluculum ad confessionem ægri audiendam evocatus, ità ut decubuerat in vestitu solo interiore, absque togâ, in solo pallio superinjecto prodijt: tantus erat Viri seu mundi & humanorum iudiciorum contemptus, seu animarum cælo lucrandarum zelus!

Atque inde fieri non poterat, quin homo tantæ pœnitentiæ & humilitatis, maximæ simul esset orationis, ut nunquam in medio laborum & occupationum DEUM ab animo amitteret: sub Missæ verò quotidiano Sacrificio, lacrymis semper largissimè diffliueret. Quoties studiosos, aliòsque in expediendis ad pauperes eleemosynis internuncios, ad januam Collegij præstolabatur, moram illam in angulum cubiculi vicini ad genua abjectus in oratione consumebat: à qua subito quandoque ad portam accitus, visus est toto ore cœlestem quendam splendorem emittere. Ad ægrotos juvandos quoties accedebat, ante omnia positus prope lectulum genibus impensè pro illis precabatur: ac tum solatio cœlesti in fiduciam erectis Evangelium prælegebat, cujus solius antidoto multis sanitas confestim restituebatur. Evocatus à Parentibus nobilibus, ut filio unico Simoni Dixar, à Medicis jam deposito, & post loquelæ sensuumque destitutionem animam agenti bene precaretur; accedens ad lectulum, aliquamdiu seorsim in genua abjectus DEUM oravit, ac subito nulli verbo dicto, neque Evangelio de more super moribundum recitato, domo se proripuit, soli socio in reditu innuens, puerum eo morbo non decessurum. Ut primum verò pedem domo extulit, puer velut à profundo somno experrectus ad sensus redijt, nec multò post integrè sanus assurrexit: omnibus miraculo valetudinem subito restitutam, & Patris meritis adscribentibus. Idem eventus secutus est unigenitum divitum parentum, Antonium Gavinum Rubi, ad quem similiter in extremis constitutum evocatus, post bre-

vem ad DEUM precationem, nequaquam moriturum prædixit; & consecuta mox perfecta sanitas vaticinium confirmavit. Fuit & in rebus secretis dissitisque, & in futuris eventibus aperiendis vates veridicus, prout in duobus Societatis Coadjutoribus accidit, quibus dimissionem ab Religione olim secuturam prænuñciavit, & alterum quidem ob gravem fraternæ charitatis læsionem, post novennium ejiciendum è Societate verissimè asseruit, quod in idem peccatum tunc relapsurus esset. Pari eventu mortem præsensit Avix maternæ Domini Monserrate Rosello, Regni Sardinæ Visitatoris & Auditoris Regalis Audientiæ, cui ex morbo minimè periculoso certam salutem, & longam vitam spondebāt Medici: sed Pater auditâ ejus confessione, cum de more ferventer aliquamdiu pro ægra preces fudisset, advocatum seorsim Dominum Monserrate admonuit, ut absque mora sacro Oleo juberet morituram inungi: qui cum Medicorum iudicium opponeret, appropere nihilominus quantocyùs ultimum hoc Sacramentum jussit, nisi vellent quâvis interpositâ morâ absque illo Aviam decedere. Et ecce eodem propè momento completæ sacre Unctionis, animam ipsa DEO reddidit.

Ubi verò placuit supremæ Majestati fidelem servum evocare ad mercedem æternæ beatitudinis; non aliam morti causam præberi permisit, quàm eam ipsam, toto vitæ decursu tantopere cultam charitatem proximorum. Contigit illum ad pauperem morti colluctantem evocari nocte intempestâ, hyeme perfrigidâ; à quo redux ità corpore toto dirigit, ut cum excitari ad nativum calorem vestium adjumentis non posset, carbones ignitos adhiberi oportuerit ad illum in lectulo confovendum. Illos autem seu incuriâ obliti Fratres, seu malignitatis ab ipsorum nidore imminenti ignari, quia nocte residuâ in Patris cubiculo reliquerant, adeò caput illi pestilentiam vaporum turbatum est; ut prorumpere cubiculo volentem, vertigo humi dejecerit, ubi prostratus jacuit ad usque diluculum; sub quod pauperum aliquis ad januam Patris alloquium flagitans, illum certæ morti eripuit. Janitor enim Patrem evocaturus, licet fores pulsanti nemo intus responderet, suspicatus indè ægrius fortè Patri esse, cubiculum ingressus est, reperitque Patrem solo allisum, sensus omnis expertem, mortuo simillimum: quem, evocati domestici, ubi lectulo reposuere, adhibitis varijs remedijs ad sensum postliminiò redijt, & anxius de suo morbo socijs, menssem integrum se adhuc supervicturum prædixit. Atq;

hunc



hunc sancto ad mortem apparatus ita integre expendit, ut nullum illi verbum erumperet vitæ longioris, aut cuiusvis rei mortalis cupidum: quin è contrâ desiderijs ardentissimis precabatur dolores & pœnas sibi augeri, quibus ad similitudinem Redemptoris sui probatus & purgatus, tantò mundior in ejus oculis compareret. Ceterum totus erat in rebus æternis, animo & oculis semper in cœlum erectis, in perpetua veluti contemplatione absorptus: neque unquam ultro quempiam affatus est, vel quærentibus responsum, nisi brevissimū, etsi necessaria præcisè rogaretur, reddidit: curam tamen pauperum, in carceribus maximè, nunquam ad ultimum vitæ diem deposuit, jussu ad se bis quotidie redire internuncio, vel carcerum custode, ut resciret, num quid penuriæ paterentur? & an consuetum in dies cibum nanciscerentur? invisere sæpius ægrum Archi-Episcopus & Insulæ Pro-Rex, cum præcipua Regni nobilitate, quibus tamen ipse vix etiam ad quæsitâ respōdebat, oculis & animo semper in cœlum intentus, quasi in perpetua extasi versaretur: & quia locus in cubiculo, ob angustias, unius solum sediculæ ponendæ capax erat, translatus est ad conclave patentius, ut commodò invisentium Procerum serviretur, licet id maximo Patri mœrori cederet, cupienti in suo spelæo emori. Cùm verò Pro-Regis Conjux ad eum misisset rogatum, aliquōne subsidio egeret? & quā valeret? Pater nullo dato responso, quæri ex eadem jussit, an non in Hospitali fortè pauperes auxilio opus haberent? omnēsne à morbis suis revaluissent? ex quo facile illa collegit, Patrem malorum suorum penitus incurium, pauperibus magis illam subsidio venire cupere. Paucis ante obitum diebus rogavit: grorum Curatorem, patienter molestias in suis adhuc obsequijs aliquantisper ferret, paucis enim diebus se corpore, & illum molestiâ absolvendum: ex quo nuncio cùm hic deliberasset obtestari Patrem, ut oratorem pro se in cœlis ante divinum Tribunal agere vellet, & cubile accedēs, in eam postulationem verba pararet, præoc-

*Ex Tomo 3. Nierembergij.*

cupavit Pater præter suum morem, velut cœlitus Fratris desiderij conscius, & certus sis, inquit, *Frater mi, tibi que polliceor, ubi ad cœlum gratiâ divinâ pervenero, me assidue DEUM pro te oraturum.*

Et jam loquelæ sensuumque experts, ultimis diebus jacebat, oculis à cœli aspectu nunquam retortis, quando adstantes Socij advertēte pedes ægroti fortiter invicem hære adstrictos, uno alteri superposito, velut si invicem clavati forent: quare experiendi causâ aliquoties magnâ vi connisi eos sejunxere; notavēre tamen sponte suâ ad priorem sensum constanter redire situm, quasi non aliâ corporis formâ emori servus DEI vellet, quàm speciei Christi in cruce elevati, quod magnâ omnes admiratione implevit. Nec parum eandem auxit, quòd Pater jam jam acturus animam, brachia similiter ultimo conatu ad pectus in crucem collegit, retinuitq; immotas, dum spiritum DEO redderet, 8. die Decembris, Anno 1594. ætatis 74. Religionis 43. A cujus in cœlum transitu continuo facies emortui amœnissimam induta speciem, miro splendore radiare cœpit: & ubi decenter induto corpore, ut sacrum Calicem, de more manibus ejus infererent, eas divaricârunt, ipse utrâque palmâ apprehensum illius pedem compressit, & retinuit, ac si etiamnum in vivis ageret. Certatim indè laboratum est ab omni statu & conditione hominum, ut aliquid ex ejus corpore, vestitu, aut utensilibus occuparent, in sacrum suæ devotionis pignus; ut penitus nihil de illius rebus, ipsisque chartis remaneret, & quidam piâ crudelitate etiam digitos è manibus secarent. Mors ejus cōmuni quidem totius Urbis planctu excepta est, sed captivorum in ergastulis luctu quàm credi possit majore: neque ibi toto triduo audire fuit aliud, quàm ejulatus & lacrymas, dolore propè reboantium: quorū resonantibus latè singultibus omnes ad fletum & misericordiam movebantur, prædicabantque Petrum Espiga *verum Patrem pauperum, Virum misericordie, cujus pietates nulli defuerunt.*

## P. FRANCISCUS DE MORALES.



Nte ingressum Societatis administrabat P. Franciscus, Curati officio, Parochiam S. Vincentij primariam Avilæ, charus & acceptus omnibus, sed maximè Nobilitati.

Varijs autem modis declaravit tunc DEUS destinari illum à se veluti instrumentum ad multarum animarum salutem: siquidem inter reliqua contigit, ut iter faceret hyemali tempore nivibus constanter depluis, agens mulam per semitam, quæ undique altâ nive sepeliebatur. Et licet





P. Franciscus de Morales S.J. Hispanus, miris pec-  
catorum, et facinorosorum conversionibus clarus.  
Obijt Vallis oleti. 20. Febr. 1595.

J. G. Heinsch Del.

56.

J. Kilian Sc.

Et licet hæc trita admodum esset & commu-  
nis; mula nihilominus deserto calle ibat trans-  
versum per nives pertinaci gressu ventrem  
tenens, neque ullis stimulis in viam reduci fe-  
rebat, donec in mulierem inter medias nives  
incidit doloribus partus, jamjam effuso sætu,  
solutam, qui ex nimio frigore expiraturus mo-  
mentò videbatur. Hunc posteaquam ex-  
pressâ de nivibus aquâ baptizasset, spontè illi-  
co mula semitam legitimam repetijt; ut ma-  
nifestè appareret, ab Angelo infantis custode,  
ipsam eò deductam fuisse. Societatem post-  
modum amplexus, commune fuit refugium  
omnium afflictorum & desolatorum, quibus  
magno fervore in anima & corpore subvenie-  
bat, nullum unquam tædium vel defatigatio-  
nem præferendo, estò ingenti semper pœni-  
tentium turmâ obsessus, post unam expia-

*Societas Europæa.*

tam, novis iterum ac novis continuè circum-  
daretur. Et quidem plerumque matutinum  
tempus omne usque ad meridiem exigebat in  
Pœnitentiæ tribunali, quod primus ingredie-  
batur, & postremus exibat: reliquum autem  
à prandio, nisi à pœnitentibus iterum poscere-  
tur, in ergastulis & hospitalibus quotidie in-  
visendis, usque ad solis occubitus; quæ hor-  
tos suarum deliciarum vocitabat. Incesserat  
illum non rarò nausea & horror graveolentiæ,  
& intolerabilium fœtorum, quos tot corpora  
leproforum, carcinomata & ulcera contagio-  
forum ac sanie diffluentium inhalabant: sed  
ipse victoriam de se gloriosam relaturus, pri-  
mò omnium hos accedebat, illis vicinissimum  
se patulo ore & naribus applicabat, avidissimè  
hausturus fœtorum cupedias: cujus heroicæ  
virtutis intuitu DEUS omnem ab illo nause-  
antis

Kk

antis



antis naturæ horrorem ita abstulit; ut perinde versaretur inter illos, tanquam in medio fragrantium rosarum & unguentorum; neque ullâ contagione afflaretur, licet aures confidentium ori penitus applicaret, & omnem foetidissimum putorem intra viscera attraheret.

Et videbatur omnino DEUS asylum quoddam miseris mortalibus in Patre constituisse, ad quem maximè destituti, & perditæ vitæ refugiebant, quasi hos potissimum DEUS ad illum submitteret, prout non semel patuit in facinorosis extremo supplicio addictis; qui cum apparerent in sceleribus non minùs ipsis dæmonibus obstinatè indurati, illos tamen blandissimo suo agendi modo lucrabatur, & ad deploranda etiam lacrymis peccata adducebat. Neque ad hæc perficienda multis utebatur rationibus, aut longis discursibus; sed prostratus in oratione, accidebat SS. Sacramento multis cum lacrymis, & animo contrito supplex, adhibita etiam cruentâ flagellatione, & id genus pœnitentijs: ac tum veluti auxilij cœlestis securus, magno spiritu aggrediebatur ejusmodi obstinatos, Crucifixo plerumque armatus; quem tandem persvadebat, ut & ipsi in manus sumerent, & flexo humi poplite, brevi secum oratione, deprecarentur; quam tot lacrymis tantoque ardore decurrebat ipse, ut impossibile diutius esset reum repugnare, quin & ille in uberes fletus solveretur, paratùmque se offerret ad agenda omnia, quæ Pater imperasset. Jam verò ab ejusmodi conflictibus remanebat Pater ita defatigatus, & viribus prostratus, quasi ex diuturna & gravi ægritudine recens laborasset: eos enim aggrediebatur totis artubus tremens, præ horrore periculi, in quod miseri ruituri essent, si obstinatè resisterent; contra quem metum cum robur omne mentis & fortitudinem ad agendum evocaret, indè nascebatur gravis illa animi & corporis lucta. Cujus occasionem abrupturi Superiores, aliquoties eum Operarij munere absolvere tentarunt, nisi ipse animarum juvandarum studiò restitisset.

Anno 1581. cum degeret in Collegio Avilæ, periculosi morbi totâ Hispaniâ grassabantur, tollebantque è vivis quàm plurimos: ex his, quia & domestici laborabant universi, solus P. Franciscus sanus serviebat omnibus; & quò utilius toti civitati subveniret, potestate ab Episcopo quibusque sacrum Viaticum & Unctionem extremam ministrandi concessâ, plurimorum salutem profuit. Accidit, ut invisenti per id tempus carceres, occurreret homo sani instar obambulans, cujus tentatâ arteriâ, *videris mihi*, inquit Pater, *non bene va-*

*lere; bene faceres, si confessione peccata in tempore expiaret.* Secutus consilium, eodem adhuc die sanctum Viaticum & Unctionem accepit, & continuò vitâ excessit. Cujusmodi plures admirandi eventus illi acciderunt. Aliàs in via publica pauperem ægrotum deprehendens, communi nosoconio recipi impetraverat, cum domum reduci sub noctem, occurrit, illum confessione expiatum non esse. Igitur bona Superioris veniâ ad illum, redux, etiam sancto Viatico & Unctione, communit, & continuò expirantem cœlo transmittit. Ex zelo Divini honoris quo æstuabat, maximo dolore cruciabatur, biennio præcipuè vitæ postremo, ob peccata quibus hunc offendi videbat, ideoque mortem optetere magis, quàm illa intueri optabat. Huic animæ cruciatui accessit grave tormentum à strangurie & urinæ difficultate; quâ solito gravius exagitatus quatrinduo festum Purificatæ Virginis antecedente anno 1595. audivit nihilominus quàm plurimos pœnitentes, desiderio juvandi proximi dolorem superante: unde circa meridiem ad cubiculum redux coact, est decumbere. Hic invisenti se Confessario animo alacri, *bene venisti*, inquit, *Pater, nō enim hoc lectulo consurgā, nisi ad ineundum in cœlos iter, ideoque non me deserās in tam ancipiti discrimine.* Id quod dicebat partim ex ingenti fiducia erga illum, quem sui loco DEUS ipsi in Directorem animæ constituisset; partim ex profunda humilitate, minimè sufficientem, se solum existimans ad ultimum cum dæmone certamen. Totis autem illis 26. ægritudinis diebus, exercitus à DEO est tanquam vir perfectus, gravibus inprimis toto corpore tormentis, ut nè unius quidem horæ quies aut somnus concederetur: ac longè super hæc molestioribus animi desolationibus, quasi penitus à DEO foret abjectus. Voluit nimirum potentiam gratiæ suæ palam in eo facere, dum quò acerbius torquebatur, eò majore fortitudine constantiam & patientiam declarabat, illo in DEUM amoris & gratitudinis affectu, quo filius morigerus tantò magis amplexum Matris charissimæ exambit, quantò hæc alieniorem ab illo se ostendit: unde & meritis est extraordinarios è cœlo favores.

Præbuit se illi durante hac ægritudine visendum identidem Christus Dominus, & SS. Mater, cui erat devotissimus, & à multis annis quotidie Coronam flexo ante SS. Sacramentum poplite dicebat; animùmque ad tolerandos dolores, quos magna gloria exceptura esset, addebant. Itaque totum tempus in sola ferè oratione transigebat, & colloquijs cum



cum SS. Trinitate, Christo Domino, ejusque purissima Matre, ut quicumque cubiculum ægricantis intraret, locum orationis sibi ingredi videretur. Cum verò filij ejus pœnitentes dolentissimè ferrent amantissimum Patrem à se auferri, multisque lacrymis deplorarent, solabatur eos eâ spe & promissione, quòd longè majori ipsis futurus esset auxilio de cœlo, ubi multò plures eum expectarent sui quondam pœnitentes, quàm quos relinquebat in terris, omnes unà secum DEUM pro ipsis deprecaturi. Quam ejus sponsonem voluit DEUS mirabili eventu exolvere. Cum enim pia Matrona illi jam in extremis constituto impensè commendari, tanquam suo in spiritu Patri petisset, paucis ab ejus obitu diebus in morbum incidit, cum quo septem propè menses conflictata est, usque ad Septembris initium, quem nihil addubitans precibus sui Patris à DEO immisum, Curatoribus suis & Medicis dicere solebat: *Causa hujus ægritudinis est meus sanctus senex! meus sanctus vocat me ad se!* paruitque manifestè paucorum illorum mensium spatium Patris sui directione destitutam, plùs illius de cœlo illustrationibus & impetratis auxilijs in spiritu profecisse, quàm omnibus vitæ hæctenus exactæ annis, quibus infantiam tantum virtutis egisse videri potuit, respectu ultimæ illius adultæ & giganteæ. Et verò mortua est, prout è cœlo vocabatur, prorsus sanctè, illo etiam prodigio à DEO honorata, quòd licèt ex morbi violentia putrescente corpore, gravissimum, dum ægrotavit, exhalaret odorem; à morte,

*Ex Tomo 1. Nierembergij de Viris Illustribus.*

## P. JOANNES FERNANDEZ.



Ater Joannes Fernandez, sæculi sui Viris primarijs meritò annumerandus, sive doctrinam, & in Theologia, Scripturæq; arcanis subtilitatem; in qua eximi-

us Doctor Scripturam profundè libris editis interpretatus est; sive prædicandi Evangelij talentum, sive sanctitatem vitæ, & altissimæ donum orationis spectes. Editus in lucem est Toleti in Hispania, parentibus inter cives honoratis, anno 1538. non sinè divino præfagio, quo ejus matri uterum gerenti futura filij sanctitas & magnitudo divinitus significabatur. Visa namque sibi est utero ferre arborem miræ viriditatis & proceritatis mali citrei, è qua innumeri pomorum fructus germinabant. Anno secundo ætatis, periculo-

*Societas Europæa.*

nihilominus cœlestem quandam spirabat fragrantiam, quæ omnes cubiculum ejus ingressos, inq; feretrum ad tumulum corpus componentes, mirè afficiebat.

Interim P. Franciscus ad extrema deductus, esto biduo ante obitum mente nonnihil erraret, illa tamen quæ loquebatur, non erant nisi monita salutaria & documenta, quæ pœnitentibus, velut actu confitentibus, impertiebatur. Restitutus autem sibi, erumpebat in ardentissima moriendi desideria; cum ei apprensus Christus Dominus figuram mortis ostendit horribilem & terrificam, *scisne*, inquit, *quid petas? inire id quod desideras*; ad quem ingenti amoris affectu Pater, *ô Domine! hæcine mihi eveniat de tua manu?* Etiam hæc, reposuit Dominus: *Igitur non est quod me terreat hæc larva*, subjungit Pater, *non enim metuendum mihi est, quod per tuam venit manum.* Atque ita Sacramentis omnibus munitus, purissimam animam DEO reddidit Vallisoleti 20. Febr: Anno 1595. Magni continuò fuere hominum concursus ad venerandum defuncti corpus, osculandos pedes, & sacrandæ ejus contactu Rosaria, donec communi omnium luctu terræ mandatum est. Constat autem nullo unquam peccato lethali baptismalem innocentiam ab ipso fuisse contaminatam, quâ promeritus est singulares à DEO gratias, quas inter fuit rerum longè dissitarum & arcanorum cordis, tanquam si coram in oculis agerentur, cognitio & manifestatio, quæ citra revelationem innotescere non poterant.

so oppressus morbo, matrem novo fœtu gravidam tanto dolore implevit, ut precaretur ardentè DEUM, vitam potius proli præcoce partu effundendæ auferri, modò viveret Joannes: cujus votum liberaliùs quàm optabat adimplens DEUS, concessit ut & prolem vividam feliciter pareret, & puer biennis sanitatem pristinam recuperaret. Pueritiam ingressus nullâ re magis delectabatur, quàm concionibus audiendis, neque unquam à matre, Templum adeunte, domi relinqui patiebatur: unde redux, balbutiente lingvâ, domesticis audita enarrabat. Et quidem à concione aliquando reversus, quâ Ecclesiastes mundum præcipuè muliebrem & pigmenta damnabat, cum aliquot ejusmodi fœminæ domum pater nam eodem die venissent, repentino zelo percitus & ipse cœpit sententijs & gestibus Con-

Kk 2

ciona-





P. Ioannes Fernandez Soc: Iesu, Hispan<sup>9</sup>, Missi-  
onarius in Castris, et Concionator præfervid<sup>9</sup>,  
Comentarijs in S: Scripturam, Animarum lucris,  
familiaritate et favoribus Coelitem conspicuus.  
Obijt Palentiæ 9. Martij A<sup>o</sup> 1595. Ætatis 58.

cionatoris in earum ornatum invehì, & pœ-  
nas æternas serìò, nisi resipiscerent, commi-  
nari. Scholis deinceps frequentandis admo-  
tus, incredibili discendi flagrabat desiderio:  
& cùm post annos aliquot ab his abstrahen-  
dum se, parentum voluntate, intellexisset; ad  
prodigiosam DEI paræ Imaginem, de Pilar di-  
ctam, recurrit pro auxilio, tantâ devotione &  
precum instantiâ, ut lassitudine fracto somnus  
obrepserit. In eo visendam se illi misericor-  
diæ Mater obtulit, & securum de prosequen-  
dis scientijs esse iussit, foréque prædixit, ut  
Societatem filij sui ingrederetur. Quo exi-  
mio DEI paræ favore recreatus, votum illico  
perpetuæ castitatis concepit, & studia mayo-  
re diligentia prosecutus, virtutibus simul exi-  
mio fervore incubuit. Contulerat enim jam  
tum illi Dominus singulare & tenerrimum

orationis donum, cui ut vacaret liberius, pro-  
silioebat solus in campos & nemora; vel si au-  
ra adversa prohiberet, recipiebat se in Tem-  
plum, ubi plures horas in proluxa contempla-  
tione moratus, arcanissimis de rebus cœlesti-  
bus implebatur sensibus; ex quibus tantum  
DEI amorem & æstimationem concepit, ut  
terrena omnia illi sordium instar vilescerent.  
Philosophiæ & Theologiæ disciplinis magnâ  
doctrinæ opinione absolutis, ut omnia Divi  
Thomæ opera memoriâ tenere existimaretur,  
sacras lingvas Hebræam & Græcam in Uni-  
versitate Toletana decimo octavo ætatis an-  
no professus est: innocentia vitæ inter stu-  
diorum labores ita cautè conservatâ, ut virgi-  
nalem pudicitia nitorem in Societatem intul-  
lerit, quam anno 1556. Divino planè consi-  
lio complexus est. Cùm enim pro suo mo-  
re,



re inambulans per campos Divina meditare-  
tur, & gratiam à DEO impensius ad deligen-  
dum ipsi gratissimum vitæ genus precaretur;  
jussus est cœlesti voce majus urbis Templum  
intrare, auditurus illic quid ipso DEUS fieri  
vellet. Huic responso obtemperans, audijt  
ex Evangelio cantari verba illa: *Maria opti-  
mam partem elegit, quæ non auferetur ab ea*:  
simulque intimo sensu à DEO percepit, par-  
tem hanc Societatem JESU esse, quam idcir-  
co eligere nē dubitaret, si salvus fieri vellet.

Receptus in Societatem hæsit aliquamdiu  
Compluti: indē Placentiam evocatus, cœpit  
magno fervore & animarum fructu Evange-  
licā tubā pro suggestu personare; ut verissimē  
de eo vaticinatus esse S. Franciscus Borgia de-  
prehenderetur, dum specialiter à DEO ad  
prædicandum Divinum verbum electum esse  
pronunciavit. Mox Theologiam professus  
Vallisoleti, iterumque, S. Borgia accitu, Ro-  
mæ, conciones simul Italicas constanter ha-  
buit; ad eximium istic sanctitatis gradum à  
DEO evectus, occasione mirabilis, quam in-  
spiritu passus est, visionis. Namque materi-  
am in Theologia de SS. Trinitate pertractans,  
magno cœpit desiderio intuendæ Divinitatis  
æstare; quō solitō frequentius nocte qua-  
dam exardescens, raptus est spiritu in exta-  
sim, à tribus repente formæ cœlestis Virgini-  
bus circumseptus, s̄vavissimē illum ad se se-  
quendum invitantibus, si Divinitatis, quam  
tantopere ardebat, videndæ compos effici  
vellet. Tum subito deductum se ab illis de-  
prehendit ad portas cœlestis civitatis, qualem  
S. Evangelista in Apocalypsi depingit: cujus  
fores una ex tribus comitibus pulsans, quæ-  
renti Janitrici quid vellent? respondit, ani-  
mam se adducere avidissimam videndæ San-  
ctissimæ Trinitatis, ideoque petere intromit-  
ti. Patefactâ mox januâ, introducit à sua-  
rum una comite in amœnissimum Palatium,  
ubi ex Angelis quidam factus obvius, jussit Pa-  
trem eodem loci subsistere, visurum prius se  
cum Virgine ejus comite, num admitti pos-  
set ad videndum, quod tantopere averet. So-  
lus ita relictus, admirabatur aream & vestibul-  
um Palatij, quod gradibus quaternis magni-  
ficē subibatur, tam exquisitâ materiâ & arte  
constructis, ut eorum admiratione extra se  
raperetur. Atque impatiens ejus cupidinis,  
quâ ad ingrediendum urgebatur, cœpit per  
illos ascendere, donec ad aulam amplissimam  
perveniret: in cujus ingressu repentē seni de-  
formes Æthiopes abreptum, super suggestu  
quodam constituunt, & concionari jubent;  
interimque crudeliter vellicatum, pugnis &

verberibus affectum, è pulpito tandem dant  
præcipitem. Hic ille calamitatem suam de-  
plorans, repentē sanum & incolumem se de-  
prehendit; ideoque novo ardore incitatus,  
ultrâ in Palatij aditu progreditur: cū alijs  
totidem illum atri genij excipiunt, & in sedi-  
li locato tres ab uno latere, totidemque ab al-  
tero, magnis & dissonis clamoribus in aures  
vociferantur, ut ab ijs moriturum se credens  
denuō exclamaret: *ô me infelicem! nam his  
clamoribus me prorsus enecat!* cui responde-  
runt: *si infelix & perditus esses, aliter te tra-  
ctaremus*; simulque ab oculis evanuerunt. Il-  
le desiderij magnitudine animos addente au-  
sus ultrâ penetrare, subito à pluribus alijs Æ-  
thiopibus circumdatur, qui in terram pro-  
stratum ubi pedibus proculcassent, ardente  
pice & resinâ circa renes & lumbos perfude-  
runt. In ea tortura cū infelicitatem suam  
quàm maximē deploraret; pernegare illi, infe-  
licem esse, aliàs haud paulò dirius ab se ha-  
bendum. Cū igitur & his disparentibus  
in pedes assurrexisset, pervenit in hortum  
maximæ amœnitatis, ex quo cœlestis auribus  
musica, & s̄vavissimi naribus odores inhala-  
bantur: vidensque animam solis instar radi-  
antem sibi occurrere, arbitrabatur eo fortas-  
se loci latere quod quærebat. Igitur magnâ  
reverentiâ illam allocutus, quæsit quænam  
esset? *Frater sum*, respondit, *de Societate JE-  
SU, in qua septennium vixi. Magnam profectō,*  
subjecit Pater, *gloriam tenes! imo, reponit al-  
ter, inexplicabilem dolorem! hic enim locus pur-  
gatorium meum est, in quo excrucior insatiabi-  
lis desiderij flammis videndæ SS. Trinitatis, eò  
quod in vita parum ejus amore, & intuendæ cu-  
piditate flagnaverim, licet ejus beneficio purita-  
tem Angelicam illibatē conservârim.* Hæc inter  
unus ex Angelis accedens severè Patrem re-  
prehendit, quod eò usque penetrare ausus es-  
set: addiditque, jubere DEUM, ut in mun-  
dum rediret, quod necdum idoneus esset ad  
intuendum SS. Trinitatem. Cū verò hîc  
multis lacrymis & precibus reditum deprecæ-  
retur; respondit Angelus, hanc omnino DEI  
esse voluntatem, cui parendum foret. *Ergo  
saltē prius quàm discedam, rogat Pater, doce  
amabò, quænam sint tres ille formosissima Cha-  
rites, à quibus adductus sum? sunt reponit An-  
gelus, Fides, Spes, & Charitas, quæ ubique te  
comitantur, licet eas non videas. Qui autem  
sunt illi, roganti ultrâ Patri, à quibus tam malè  
habitus sum?* respondit Angelus: *illi, qui te in  
pulpito malè exceptum ex eodem præcipitem de-  
derunt, sunt defectus à te in concionibus ad-  
mitti soliti, dum prædicas te ipsum, ambiendo*  
*humana*



humanas laudes, neque solam purè DEI gloriam & profectum animarum intendendo. Qui verò tam inconditis vociferationibus aures affligerunt, sunt defectus in quotidiano colloquio sub relaxationis horam à te frequentati; dum aliorum sermonem interrumpis, solus ab alijs audiri volens. Demum, qui renes ardente balneo excruciarunt, sunt tue negligentia in frenanda sensualitate. Posthæc sibi & mundo restitutus Fernández, nè putaret somnij duntaxat hæc ludibria fuisse, multis diebus acres dolores in renibus ab ignito balneo sustinuit: facileque inde colligens exprobratos sibi defectus causam esse, ut minùs fruitione DEI dignus esset, totus in eorum extirpationem conversus, impetravit à Patre Generali, ut sibi liceret à colloquijs horâ relaxationi concessâ abesse; sensibûsque suis penitus mortuus, conciones ità unicè ad DEI gloriam direxit, ut cùm ex Angelo suo Tutelari (cujus familiari alloquio crebriùs fruebatur) aliquot post annis quæsisset, num dictiones suæ DEO placerent? audierit, illas omnino DEO probari.

Româ Lauretum, nec multò post in Belgium anno 1576. missus, ut Hispanæ militiæ unâ cum P. Antonio de Salazar à spiritualibus esset auxilijs, quinquennio munus illud inter summos labores & difficultates naviter obiit, Principi Joanni de Austria tanto amore æstimatus, ut quandam Patris venerationem præferens, consilia sua omnia cum eo conferret, & plerumque sequeretur. Habebat quidem à confessionibus Virum gravem & doctum è Família S. Francisci, apud quem præcipuis anni solennitatibus peccata deponebat; particulares tamen & ordinarias exomologeses peragebat Patri Fernández, quem conscientia suæ arbitrum in omnibus adhibebat, intima quæque instar Religiosi Tyronis illi aperiens, cujus directione diebus singulis, quantumcunque negotia & vicinus hostis imminerent, unam horam mentali orationi magno profectu impendebat. Mortem sibi instare advertens, confessionem de tota vita Patri fecit, atque ab eo pro beatæ æternitatis ingressu disponi voluit: quâ etiam DEI beneficio, post felicem obitum, potitus, paucis diebus Patri in quodam Collegio agenti comparuit, & quomodo tam citò amici oblivisceretur, exposulavit. Respondit Pater, *non sum tui Domine oblitus; sed nunquid eges in aliquo meâ operâ?* Qui cùm egere se maximè Patris suffragijs asseruisset, Pater magno studio Sacrificia, preces, opera pœnitentiæ obtulit: donec paulò post cœlesti jam luce gloriosus redisset Princeps, & gratijs Patri pro be-

neficijs actis, nunc demum sedes Beatorum se petere confirmasset. Ceterum Pater incommotis & ærumnis militiæ necessariò occurrentibus minimè contentus, in nullo penitus corpori indulgebat, sed modis omnibus illud persequabatur; victus inprimis & vestitus tantâ parsimoniâ, ut mirarentur socij illum fame non emori; nam macies & pallor ori inhærens vix hominis vivi similitudinem relinquebat. Illum Princeps de Austria ità macilentum aliquando intuitus, per jocum, in maciem ejus ludens, *hoc nimirum est, inquit, quod de Societate spargitur, ejus alumnos paleis faciem fumigare consuevit, ut videantur jejunijs exhausti & tabidi*: ad quæ Pater diductâ veste & indusio, thoracem è setis asperimû, quo erat indutus, ostendit, dicens: *hæ sunt Domine paleæ, quarum fumo facies nostras exterminamus*. A morte Austriaci, gubernando Belgio præpositus Dux Parmensis, obsidione quadrimestri cinxerat Trajectum, in qua fervoris Apostolici admiranda Pater præbuit specimina. Nam diebus singulis conciones in diversis legionibus habebat ternas aut quaternas, nullo alio præter Breviarium & S. Scripturam libro instructus, tanto nihilominus fervore & sensuum sublimitate plenas, ut omnium nationum ab militibus libentissimè audiretur. Cùmque ea dicturum semper multitudo circumfisteret, ad quam impossibile naturaliter erat perorantis vocem attingere, tympanis extrema auditorij campestris undique sepiebant, & ex asseribus superstratis theatra moliebantur, quò dicentis vultum saltem & gestus perciperent. Fiebat tamen virtute Divinâ, ut latissimè ad omnes distinctè vox ejus pertingeret, & à singulis probè intelligeretur. Tandem assultu in mœnia Urbis decreto, immissus miles est, quâ parte profundior fossa muros ambiebat: sed ea fuit obfessorum fortitudo & alacritas, ut perpetuis tormentorum & scloporum fulminibus supra mille gregariorum cœsi fossam impleverint, præter 23. cohortium ductores, & Fabium Farnesium primâ post Ducem militiæ Præfecturâ insignem. Eâ clade tantus dolor Patrem incessit, quòd tot homines interirent auxiliij omnis expertes, ut sub vesperam ejus diei cadente sole quadrupes ad fatalem fossam adreperit, maximo totius exercitus stupore, cùm nullus è castris Regijs impunè prodire posset, quin illico hostilibus glandibus à mœnibus impeteretur. Ibi vulneribus veluti confectum corpus, ex simulatis doloribus volutans, è marginè præceps in fossam se dedit, jacuitque aliquamdiu mortui instar super cada-



vera, plaudentibus è pinnis murorum hæreticis (clarè enim ruentem observabant) quòd unus etiam Sacerdotum in assultu necatus occubuisse. Ubi autem cœcâ jam nocte per tenebras observari non potuit, per cadavera illa inambulans vellicabat hunc quidem per pedes, alium per manus, aut caput, alios sub congestis cadaveribus spirantes advertens, illis devolutis protrahabat, auribus singulorum insusurrans an viverent? se enim P. Joannem Fernandez esse, qui advenisset ut eos à peccatis expiatis cœlo assereret. Et verò 42. adhuc animam trahentes reperit, omnibûsque sacramentaliter absolutis, ante auroram ad castra reptando evasit, totus sanguine tot cadaverum cruentus, Crucifixum manu præferens.

Tanto labore, & tabo fluentium cadaverum prostratus viribus, cœpit ardentissimâ febri æstare, ex qua de ejus vita jam conclamabatur: cum vix triduo elapso rescivit, cuniculo quodam partim ejectos in auras, partim eruptione hostium cœsos jacere ampliùs mille Hispanos. Ergo precibus aggressus Fratrem Socium Vincentium de Zelandre, juvenem viribus & staturâ prævalidum, & adultæ virtutis, rogat, ut cum ipse pedibus niti non posset, vellet se in humeros sublatum ad faucios deferre. Ille obtemperandi in tam sancta causa non impiger, in humeros alacriter sublatum, ab uno fauciatorum militum ad alterum defert, dum ad unum omnes peccata confessi expiarentur. Non longè post receptâ valetudine, cum obsidio, hostium pertinaciâ, diutiùs traheretur, & maximo rerum omnium defectu miles laborare cœpisset, Pater pro ea, quâ apud omnes exercitûs Duces valebat auctoritate & existimatione, copiosam collegit stipem, cujus in necessaria expensis, nè à majoris momenti occupationibus distineretur, fidum hominem præfecit, qui eâ pannos, telam, calceamenta, & reliqua corporibus miserorum necessaria coëmeret, & in singulos pro cujusque necessitate divideret. Qui verò tam sedulam levandorum corporum curam habebat, longè majorem gerebat animarum, vitiâque omnia & scandala procul à castris proscribere satagebat, liberis reprehensionibus non vulgus duntaxat militare, sed ipsa exercitûs capita redarguens. Venerat ad Ducem Parmensem, missu quorundam amicorum, homo necromanticus, qui magicis suis artibus Principi rebus serijs perpetuò occupato, ludum subinde faceret: id ubi Pater rescivit, misit ad eum socium suum Vincentium, obtestatum Principem, ut homi-

nem adeò perniciosum, in scandalum & opprobrium Christiani exercitûs, detinere nè vellet. Accepit monitum Parmensis, pro ea quam de Patre fovebat existimatione, perlibenter, & cupiebat homine minimè sibi grato aulam liberare; inhumanum tamen factum fore credens, ex eorum, qui hominem ad se miserant respectu, si continuè vix appulsum ejiceret, perrexit aliquamdiu penes se retinere. Non latuit id Patrem, ideòque iteratò ablegatum ad Principem socium dicere diserte jubet, aut magum à castris Christianis ejiciat, aut se ab exercitûs obsequijs discessurum. Perculit ea denunciatio heroicum pectus; & nè tam charo capite militiam privaret, magum extemplò, urbanè tamen & liberaliter, Magnatum à quibus venerat intuitu, dimisit, torque aureo, generoso equo, aliisq; donis bis mille aureos æquantibus, munerat. Quod ubi Pater intellexit, indicari Principi constanter curavit, quandoquidem duo millia dæmonis mancipio elargiri potuerit, posse magis DEO duplum consecrare; quod nisi ad abolendum datum scandalum fecerit, vale se perpetuum militiæ dicturum. Et fuit tanta vis Patris, in pusillo licet, & contemptibili corpore, auctoritatis; ut quatuor millia confestim Princeps illi numerari jussit; quæ ille absque mora in egentissimorum militum necessitates ad postremum numum expendit; eâ conditione, ut singuli priùs animum confessione & S. Communione expiarent. Eadem illi fuit libertas in reliquis militiæ Ducibus & Chiliarchis corrigendis.

Testabatur comes illius idem Vincentius, Patrem totis, quos inter armatos egit annis, nunquam nisi semel per diem cibo vilissimo uti solitum, solo aquæ potu contentum: nunquam similiter omisisse mediâ nocte strato consurgere; ac tum subito flagellis ita crudeliter in corpus sævisse, ut qualibet vice sangvinolentum reperiretur indusium. Mox secedebat in mapale stramineum, ad secretam unius vel sesquihoræ orationem. Manè verò primo divinum recitabat Officium, ac deinceps Missam in publico dicebat: nisi cum semel vel bis in hebdomade in vicinum aliquod claustrum se recipiens, sacrificabat privatim in secreto; tum enim spiritui & fervori indulgens producebat illam ad tres & quatuor horas, lacrymarum imbris, sub Memento præsertim, tantùm non diffuens. Porro cibum sumentis quoties interveniret aliquis, operam ejus sive ad confessionem, sive aliud pium obsequium deposcens, consurgebat illico morem gesturus; quòd eudendum



mox diceret ferrū dum calet, quippe apud sa-  
culares, milites præferim, pios motus, & cœ-  
lestem calorem, plerumq; non diu durare, sed  
facile extingvi, nunquam fortè resuscitandos.  
Venerant aliquando ad Patris tentorium; ab-  
sente socio, egentes stipem postulatam; his  
ille quidquid erat in penu domestica divisit,  
præferente indignationem socio, quod nihil  
penitus in proximum prandium superesset.  
Cui exprobranti id esse contra paupertatem,  
respondit, si omnes pauperes ita egestatis pa-  
tientes essent, tótque medijs necessaria com-  
parandi abundarent quot ego, neutiquam tam  
prodigus essem. Idem faciebat, quoties à  
socio non se observari videbat, infirmus præ-  
ferim; nam in penum prout poterat adre-  
pens, sublatas, quas illi commodius haben-  
do Frater providerat, aves & carnes, & quid-  
quid aliud reperiret, egenis distribuebat. Qua-  
re coactus est, certior de his factus, P. Genera-  
lis, illum socij Coadjutoris, nè penitus vitam  
sui tantā incuriā enecaret, imperijs subicere,  
in ijs, quæ suam personam & valetudinem  
concernerent. Tantā enim salutis suæ age-  
bat negligentia, ut nullā morbi violentiā detri-  
neri se passus, dicere pergeret sedens bis tēve  
quotidie, aures exinde continenter pœniten-  
tibus præbens, tót quot audiri voluissent. Re-  
cepto Parmensis auspicijs Trajecto, cum ne-  
mo esset qui Gallis, quorum permulti in exer-  
citu censebantur, per Adventum prædicaret,  
petijt à socio Fratre (ipse enim nullum verbū  
Gallicè noverat) conciones suas ex Hispano in  
Gallicum sermonem verti, easque memoria  
laboriosè puerorum more mandatas, tanto  
fervore, & bellā adeo pronuntiatione depro-  
mebat, ut admiratione capti ex primoribus  
Gallorum, è pulpito descendentem circum-  
fisterent, neque ullum finem gratulandi, di-  
laudandi proprietatem lingvæ facerent, quam  
ipsi nativam credebant, cum tamen is nequi-  
dem hæc eorum præconia & urbanitates per-  
ciperet.

Neque unum fuit vitæ interim discrimen,  
ex quo mirabiliter DEUS servum suum serva-  
vit. Deprehensus aliquando solitarius in  
medio campo, ab erumpente hoste hæretico,  
cum fractus viribus non posset in equum ad  
fugam conniti; breviter, sed magno fervore,  
Angelum Tutelarem invocans, sensit se à  
quopiam brachijs in equum, nè contactis  
quidem stapedibus attolli, quo beneficio vi-  
tam ab hoste eripuit. Aliàs dum similiter  
solus iter quopiam suscepisset, repentè hære-  
ticus ab hostibus miles illi obviis, magno fu-  
rore in adversum ferri, arma expedire, feroci-

ter exquirere, num Jesuita esset? quo ani-  
mosè talem se proficiente, ita divinitus animo  
immutatus est, ut manum blandè velut ami-  
cissimo porrigeret, & humanissimè dimitte-  
ret. Pari providentiā & supellectilem Patris  
servabat DEUS, ne quid ex ea perderetur.  
Agenti aliquando festināter, timore hostium,  
iter, deciderat ab equo mantica, cujus jactu-  
ram primū in Collegio, ad quod festinave-  
rat, advertit: & quia in illa reclusas habebat  
conciones suas, & id genus opportuna adver-  
saria, instanter ab Angelo petijt, eam sibi in-  
reditum custodiri. Mirum dictū! primo ma-  
nè adest ad portam, venustus adolescens, man-  
ticam amissam referens, quam Janitori red-  
dens, disertè significavit, spectare ad P. Jo-  
annem Fernandez. E Belgio missus Parisios;  
comparato jam usu lingvæ Gallicæ; aliquam-  
diu pro concione dixit tam expeditè, ac si ei  
innutritus esset. Donec postliminiò in Pro-  
vinciam Castellæ regressus, constanter tum  
ad populum incredibili proventu & applausu  
dixit, tum Catechesim rudioribus in Tem-  
plo & plateis explanavit, zelo tam ardente,  
gloriæ Divinæ flagrans, ut ab eo tabescere vi-  
deretur & exuri; postremis maximè vitæ die-  
bus conatum viribus majorem exerens, quo  
etiam consumptus est: dicere solitus, non se  
ambire vitam ut viveret, sed ut eam unicè in  
animarum salutem expendere; quare deside-  
ratissimum sibi fore, si in earum obsequio  
concideret, de pulpito rectè illatus in sepul-  
chrum. Et licet corpore senio, & mortifica-  
tionibus adeo esset exhausto, ut pulpitu-  
m conscendere nisi alieno auxilio nequireret, sub  
dictionem tamen viribus invalēcebat, ut ali-  
us omnino à se videretur. Neque mirum;  
singulari namque DEI fovebatur adjutorio, &  
præsentia assistentium sibi Cælitum animaba-  
tur. Sic vice quadam prodeunti è domo ad  
Ecclesiam comparens Gentium Apostolus,  
dixit: *Eja, Joannes, bono animo esto! ambo enim  
hac horâ simul concionabimur.* Et quidem  
integram tum horam præter morem in pulpi-  
to constitit, & singulare id beneficium in se-  
cretorum suorum libello annotavit: *hac die  
Apostolus Paulus, & ego ex eodem suggestu to-  
tam unam horam concionati sumus.* Aliàs verò  
comparebat illi S. Teresa, & alij diversi Cœ-  
lites. Atque is zelus nascebatur ex intimo  
DEI amore & æstimatione, quem alijs omni-  
bus cum perfecta DEI cognitione implantari  
summopere avebat; eoque laborem omnem  
& conatum intendebat, ut modos & praxes  
maximè congruas doceret illum colendi &  
venerandi, institutā in eum finem Vallisoleti  
Sodali-



Sodalitate Amoris Divini, cui regulas condidit, unice in rebus & actionibus omnibus DEI amorem spectandum præfigentes. Pari solertiâ in avertendas Numinis offensas intentus, Toleti Domum Hospitalem erexit, quò se noctibus reciperent mulieres proprio lare destitutæ, ideòque sub dio in compitis, & sub porticibus jacere coactæ, unde multis sceleribus fiebat occasio: cui rei procurandæ certos designavit è Clero, qui noctibus omnibus cum laternis plateas scrutarentur, & personas ejusmodi in domum colligerent. Ad hoc autem pium opus impulsus fuit imperio Christi, in quodam raptu sibi manifestato. Constitutus enim ante illius tribunal, audijt Dominum dicentem, cupere se domum pœnitentiæ ab aliquo institui, in receptaculum mulieribus proprio lare destitutis. Ad quod opus cum Pater se pronissimè obtulisset; Dominus vultu amœnissimo illum respiciens, bono & alacri animo esse jussit: & Pater mirè hinc animatus, spatio unius mensis rem effectui dedit. Ipse interim sex ultimis vitæ annis nunquam aliter decubuit, quàm vestitus in nudo solo vel asserere; & si ægrius haberet, unâ storeâ simplici substratâ: mediâ nocte constanter flagellationem & orationem adhibens, cui etiam totum à studijs, aliisque laboribus liberum tempus impendebat. Ex continua DEI in actionibus, & locis omnibus præsentia, multis abundabat solatijs, & altissimis de DEO replebatur sensus, quorum exundantiâ in medio sæpe studiorum exiliebat velut mentis impos de sella, plaudebat manibus, & in clamores erumpere cogeatur.

Paupertatem filiali prorsus amore diligebat ut bonorum omnium matrem, quem in eo auctiorem fecit visio mirabilis, quam die quodam sub oratione habuit in extasim raptus. Videbatur sibi ingredi per viam admodum angustam, in cujus termino apparebat Ecclesia multo lumine conspicua, cui appropinquans, sensit à tergo strepitum cujuspiam insequentis, & volentis se à progressu detinere: & circumspiciens vidit Æthiopem ferocissimum vestigijs suis inhærere, cujus horrore incitatus ad cursum, in Ecclesiam illam confugit. Verùm nequaquam hinc securum se existimans, dum post aram majorem se abscondere laborat, deprehendit pretiosissimo velo aditum quempiam ad ulteriora contegi; quo tantisper remoto, videt latè diffusos amœnissimos, instar Paradisi, campos Elisios, inque ijs per varias turmas ordinatè distributos Sanctorum choros, singulos certis insignibus, ex quibus faciliè dignosci possent, orna-

*Societas Europæa.*

tos. Et parte quidem ab una conspexit sanctissimam DEI Matrem, in comitatu innumerabilium Angelorum, ex alia SS. Apostolos, hic Martyres, ibi Confessores, alibi Virgines, & demum singulos Religiosos Ordines: inter quos & Societatis cætum dignovit, cujus Alumni splendebant in pretiosissimis ac fulgentissimis vestibus, palmas in manibus præferentes, & laudes Domino concinentes. Ex his unus Patrem blandissimè intuitus, ita affatus est: *bene potes absque ullo metu nobis adjungi, paupertas enim, quam toto vestitu præfers, satis probat te de JESU Societate esse, ideòque dignum nostro consortio.* Igitur magno gaudio illis se adjungens, continuo sensit pannosam suam vestem in amictum splendore & gloriâ alijs simillimum transire, & palman in dextera sua deprehendit. Ab eo raptu sibi restitutus, tenerrimo affectu exarsit in detritum & humilem vestitum, atque imposterum togam & pallium, omniâque indumenta sibi vendicabat maximè obsoleta, ut à vetustate vix colorem amplius retinerent: nec poterat tristius accidere quidpiam, quàm si ad hæc melioribus commutanda urgeretur. Et quidem ea, quæ post demortuum remanserunt, adeò fuere detrita; ut nulli pauperum servire possent: consueverat enim si quid lacerum in se adverteret, frustra aliquot rejectitia telæ vel panni, à præfecto vestiarij exorare, quibus ipse foramina resarciret; ut tandem vestes ejus interiores non nisi merus essent cento. Venerat aliquando Toletum, adeò pannosus, ut cognatos hominis tam laceri planè pueret, à quibus interpellatus Superior Domûs, togam illi novam dormienti (solam enim hanc decubitus ponebat) subtractâ vetere, supponi jussit: quod ubi manè advertit, flexis genibus vetustam à Superiore repetijt, non tamen aliâ conditione impetravit, quàm ut inter domesticos quidem parietes illâ incederet; foras tamen proditurus novâ indueretur. Salmanticæ autem cum Minister Domûs adverteret interiora ejus indumenta, vetustate jam penitus exoleta esse & putrida, nec tamen ut alia admitteret persuadere posset; ex condicito cum duobus alijs Sacerdotibus, quo tempore Pater Fernandez ad Missam se comparabat, in Sacrarium descendit, ac velut aliquid graviter ex putredine istic olere adverteret, horrorem ostendit: cujus materiam ubique indagatam cum nuspiam deprehenderent, tandem ex putrido Patris Fernandez vestitu illum inhalari unanimiter contendunt. Neque ille negare poterat; solùm causatus, fœtorem hunc non ex corruptione



pitione vestium, sed à peccatis suis dimanare: persuasus nihilominus, ut ob reverentiam tanti Sacrificij meliores indueret.

Paupertatis studio par erat Humilitas, quæ se infra omnes ex animo deprimebat: si tamen aliquid ageretur contra DEUM ejusque honorem, assumebat animos excelsos, & spiritum Eliæ. Vice quadam concionem habebat ad populum confertum Vallisoleti in foro; cum contigit rhedâ illac vehi Dominam ex Primoribus, magno Nobilium in equis comitatu: auriga per obstantem concionem penetrare conatus, indignationem toti Auditorio, & justum in Patre zelum excitavit; nam verbis gravibus & auctoritate plenis imperavit, ne ultra progredi, concionemque turbare præsumeret. Hic impatientior unus è comitatu Nobilis in Patrem insurgere, minas intentare, inhumanum, & de trivio hominem compellare, aurigam denique progredi jubere. Sed hic inhibitione Patris velut fulgetro externatus hærebat in vestigio, equos urgere impotens: Nobilis verò tantò ardentius commoveri, & in Patrem insanire. Tum verò ad illum conversus Pater, *Et noscine*, inquit, *me? scito me Sacerdotem esse DEI, quem hisce manibus tractare & tenere soleo. Ità quidem est*, respondit Nobilis: *Quare decet te*, subjicit Pater, *in genua procidere, & manus has osculari*. Quibus velut ore Divino prolatis homo exterritus, quod jubebatur mox præstitit: fassus deinde, se velut fulmine perstrictum nihil contra dicere vel agere potuisse. Sed Pater illico pœnitentem ab humo in pedes erexit, dicens: *hec ego pro respectu, qui mihi tantquam DEI Sacerdoti debetur, feci; nam in reliquis sum homuncio miserabilis; pauper, plenus imprudentiâ, & mille erroribus obnoxius: ideòque peto, ut mihi ignoscas*; quo dicto dexteram Nobili porrexit, hic verò eandem humili osculo libavit: magnâ totius multitudinis approbatione, & ædificatione. Idem illi accidit cum prædone, per viam publicam iter agenti, dum Patrem spoliare niteretur: similibus enim ferè verbis illum aggressus, severe monuit, an nesciret Sacerdotem se & DEI Ministrum esse, cui manum osculari pro gratia computare deberet? simulque manu illi porrectâ ità hominem immutavit, ut magnâ reverentiâ & tremore osculum illi imprefferit, & salubri documento Patris emendatus, pacificè discesserit. Nonnunquam tamen contemptus longè gravissimos heroicâ scivit concoquere patientiâ, nullo verbo, injuriam afferentibus, reddito. Contigit illum Palentia pro more in Ecclesiam majorem ad concio-

nem venire aliquantò seriùs; quem conspicatus unus è Clero ejus Templi præcipuus, & Patri ob quandam sui reprehensionem offensus, ut eum à concione impediret, jussit Sacrum productius ad finem usque decantari, & mox deinde Nonam à Choro dici. Sed cum nihilominus Auditor avidus in Templo persisteret, Pater ut aliàs pulpitem conscendit: sed illum furentis instar alter consecutus, brachio arreptum detrahit, & dicere ad populum magno clamore prohibet. Pater magnâ humilitate, demisso capite, nullum verbum opponens, trahentem sequitur, magnâ omnium, qui zelum Patris in occasionibus DEI gloriam concernentibus noverant, admiratione. Rogatus deinde, cur tam gravem DEI injuriam nullo saltem verbo vindicasset? respondit, id fieri nequijisse, quòd nocte præviâ Dominus totum hunc eventum sibi ostendens, vetuerit quidpiam adversario responderi, aut contradici.

Jam verò extases & revelationes frequentes admodum patiebatur, orationis præcipue tempore à sensibus omnino abstractus, & non rarò deprehensus corpore supra humum in aëra elevato. Cantus etiam Cœlitum & Angelorum in ejus cubiculo sæpius audiri cōtigat, quibus & ipse vocem suam in laudes DEI ac DEI paræ adjungebat. Quo tempore Lovanij extremo morbo decubuit P. Antonius de Salazar, socius Patri in castrensi missione, invisit illum Pater Fernandez; cujus aspectu mirè recreatus æger, postulavit ultimum amplexum, deprecando tenerrimè multas eidem factas molestias & oppositiones, contradicendo præsertim & improbando tot ejus asperitates, & corporis afflictationes; petendo ut à DEO veniam sibi horum, & aliorum erratorum impetraret. Solutus à brachijs amplexantis Pater Fernandez, in eodem ad lectum vestigio stetit in extasim abreptus circiter sesqui horâ, ore alacri, planèq; renidenti; donec sub finem cœpit totus amorosis diffluere lacrymis, inter ardentissima suspiria nullum diu verbum prolocutus. Tandem oculis, velut si tum evigilaret à somno, diductis, *ô bone JESU!* exclamavit: Patremque Salazar blandissimo risu intuitus, & blandientis more perlevi alapâ genam ejus demulcens, *bono animo sis*, adjecit, *mi Pater! in celo indubiè nos unâ revivemus*. Toleti existens die quodam ad consuetam mensam non compa-  
ruerat, ideòque à Fratре triclinij curatore inquisitus, repertus est in suo cubiculo sublimè à terra elevatus, oculis in crucis signum, quod ante se habebat, irretortè defixis. Cum ve-  
rò



ro inelamatus nil responderet, ratus Frater illum fortè mortuum, P. Joannem de Mariana advocavit: qui cubiculum ingressus, frustra similiter & strepitu, & voce illum ad sensus revocare laboravit, donec postliminò sponte veluti evigilans ad se redijt. Ut autem cognoscatur, quæ causa esse DEO potuerit, cujus sermocinatio cum simplicibus & rectis corde potissimum esse solet, favoribus tam extraordinarijs servum suum prosequendi, tum per seipsum, tum per Angelos & Sanctos; sciendum est in Patre Fernandez, resplenduisse admirabilem quendam candorem, & innocentissimam simplicitatem, qualis in puerulis reperitur, (licet in rebus servitium DEI atinentibus prudentissimus esset, ut doctissimi ejus in Scripturam Commentarij testantur) unde credebat nihil sibi inesse singulare, & alios omnes perinde familiariter ac ipse cum DEO agere, pariæque beneficia recipere. Eodem simplici candore agebat cum Cœlitibus se invicentibus, tanquam cum Domini ejusdem conservis, in eundem gloriæ ipsius augendæ finem toto conatu laborantibus, ac velut cum amicis confidentissimis, qui invicem auxilio & solatio adjuvarent, & secretorum mutuò participes facerent. Inde etiam nil pensi habebat, favores ejusmodi & visitationes Cœlitum coram alijs, Superioribus maxime, recensere: hinc cum post aliquot Religionis annos demortuus illi Parens esset, & diebus singulis spatio unius anni Patri compareret, suffragiorum postulans subsidia, & ad ea naviter peragenda cohortans, quo citius Purgatorii flammis eriperetur; tandèque in fine anni gloriosum se exhibens pro operâ præstita gratias egisset: Pater credens ejusmodi apparitiones omnibus contingere, cum uni è domesticis Fratribus itidem Parens decessisset, ex eo quæsit, num à Parente aliquando inviseretur, & pro auxilio rogaretur? Miratus iste insolentem quæstionem, negavit; & multò avidius, cur id Pater percontaretur, vicissim quæsit? *Credebam*, respondit Pater, *ego demortuos Parentes suis filijs semper eâ causâ visendos se præbere, siquidem meus diebus singulis à morte, per integri anni decursum me revivisbat.* Pari successu Matrem è purgatorio postmodum liberavit, 30. oblati Sacrificijs: & Sororem suam vidit cœlo recipi à S. Barbara, cui fuit devotissima, cum obvio Virginum choro, concinentium hymnum in laudem virginitatis, quam ipsa sepulchro intulerat.

Magnâ familiaritate utebatur cum Angelo Tutelari, à quo in rebus & difficultatibus *Societas Europæa.*

mnibus præsentissimum habebat subsidium, ad ejus opem quavis occasione, tanquam si visibiliter præsentem semper loqueretur, recurrens. Et quidem eò usque mutua processit confidentia, ut alternatim unâ dicerent Horas Canonicas, & ad Laudes DEO dicendas semper ab Angelo Pater è somno excitaretur. Sed quia vice quadam nimia lassitudine defessus, minùs promptè ad vocem Angeli Pater surrexit, per aliquot dies præsentiam hîc suam subtraxit, donec plurimis lacrymis, jejunijs, & varijs pœnitentijs placatus, pristinam consuetudinem repetijt. Sæpe etiam cœlesti cantu Beatorum Spirituum, & musicâ recreabatur: & quidem certo vespere Arch-Angelus Michaël à tribus Angelorum Choris concentum illi fieri voluit; de infinita Sponsi divini pulchritudine, & zelo quo animarum exambit amorem, ut nulli alij præterea ferat illum impendi, sed omni momento continuè oculis nostræ memoriæ desideret obversari. Iterum verò ante thronum confidentis Filij DEI, ab infinita Spirituum multitudinè celebrari audivit Majestatem Divinæ ejus præsentia. Aliàs suavissimâ vocis modulatione incitari se audijt ab uno Angelorum, ad charitatem DEI & humilitatem: aliàs decantari ab ipsdem audiens verba illa Psalmi: *miserors & miserator Dominus, escam dedit timentibus se*: & ipse majore voce cum illis psallere cepit. Decimâ verò die Februarij S. Mauritium vidit cum sua legione, suavissimâ harmoniâ celebrantem DEI gloriam, quæ ex eorum Martyrio resultabat. Pari familiaritate à varijs Sanctis erudiebatur in rebus ad profectum in spiritu majorem pertinentibus: sic S. Franciscus Xaverius cum ei se visendum vice quadam præbuisset, vultu amœnitate & hilaritate pleno, & Pater ad ejus pedes exosculandos procidens rogâset institui de modo appropinquandi DEO; Sanctus aperto libro aureis conscripto characteribus, ipsi potissimum inculcabat sanctum DEI & filialem timorem. Vice aliâ visitatus est à magno DEI servo P. Martino Guttierrez (quem alibi in Societate militante docuimus sublatum pro Fide à Gallicis hæreticis) qui ore meram gratiam & dulcedinem spirante Patrem allocutus dixit: *obsecro te, nè unquam tibi subrepat DEI oblitio.* Et putas, respondit Pater, *posse dari casum, ut DEI aliquando vivam immemor?* Id ego, subjecit Guttierrez, *eò dixi, quòd nimia distractio- nes variarum occupationum, soleant impedire continuam Divinæ præsentia memoriam.* Rursum in vigilia SS. Petri & Pauli cum meditaretur concionem ipso festo faciendam, vi-



dit Christum Dominum S. Petro præsentem commendantem his verbis: *Frater, duc istum ad prædicandum.* Sed & gloriosam necem P. Rudolphi Aquaviva, pro Fide in Salsettis cum 4. Socijs necati, eidem revelavit: cumque Pater ex adstante Angelo requireret, cur passus esset DEUS Viros innocentes tam crudeliter necari? respondit Angelus: *quia voluit fieri Martyres Christi.* Quo tempore ædificabatur Societati Templum S. Antonij Vallisoleri, apparuit Patri S. IGNATIUS in summitate fabricæ, indicans, quantâ curâ & auxilio adesset illi perficiendo, & inter reliqua paucis innuens casum mirabilem, qui post quinque ab hinc dies citra periculum esset eventurus: ego inquiens, *impedio, ne ferrum cuspidatum, quempiam terræ allidat.* Quinto enim post die ex summo theatro decidens instrumentum quoddam ferreum 14. librarum, incidit super tergum unius è Collegio Fratris, cujus nomen Martinus Gonzalez; cumque togam, thoracem, & indusium acumine rostrato pertudisset, corpori tamē nullum aliud damnum. intulit, præter levissimam in suprema cute, velut aciculæ cuspidem factam rasuram. Et licet idem ferrum cuspidem thoraci implicitum esset, quin in terram decideret, Fratrem tamen solo nequaquam allisit aut prostravit, prout S. P. IGNATIUS promiserat. Idem S. P. magnopere sibi probari declaravit, institutam ab eo Sodalitatem Amoris DEI, de qua supra diximus; circa quam aliquot præterea revelationes habuit: & aliquando vidit ejus Sodalium orationes, & bona opera, ex puro DEI amore juxta suas regulas facta, instar sagittarum pervolare ad cor Christi; & licet interciperentur ab intermedijs nubibus peccatorum, tamen facile penetrabant, adjunctæ ab igne Divino, quo flagrabant.

Sed & de eventibus ad statum publicum rei Christianæ pertinentibus varias habuit revelationes, certissimo semper eventu firmatas: qualis fuit & illa de regnis Hispaniæ; contra quæ vidit Angliam in specie terribilis feræ magno rugitu & furore insurgere, cujus tamen rabiem DEUS aliò avertit. Placentiæ dum ageret, contigit unum Sacerdotem domi morbo, judicio omnium minimè periculoso, tentari: sed Pater Collegij Rectorem admonuit, ut eum confiteri, mortique certissimo securitæ præparari juberet; & revera paulò post secuta mors fidem vaticinio fecit. Oranti aliquando multis cum lacrymis pro quodam ex certa Religione defuncto, vox allapsa est: *scisne autem quem deplores?* ad quam Pater elevatis oculis, vidit Christum vultu ira-

to è manibus suis duos ignitos veluti rivos emittere, seque alloquentem dicere: *ne pro hoc infelici oraveris, est enim æternum damnatus.* Simulque mox illi ostensus est miser inter inferni flammæ ardens, super cujus verticem cadebat unus è rivis à manu Divina profluentibus; alter verò renes crudeliter adurebat. Causam verò ejus torturæ scire averti, dictum est, fuisse dum viveret proprietarium, & libidinosum. Felicius diem obierat Medinæ Tyro Societatis Joannes Perez, quamvis magnopere afflictis domesticis, quod absque Eucharistiæ & Unctionis Sacramentis decessisset. Si quidem triduo post P. Fernandez, inter dictandum amanuensi pro typo suas in S. Scripturam lucubrationes, repente ingenti gaudio è sede profiliit, manibusque & oculis in cælum levatis exclamavit: *æterna sint Numini gratia! hoc enim momento Frater noster Joannes è Purgatorio in cælum vadit:* id quod omnibus domesticis magno fuit solatio. Similiter vidit manè quodam animam P. Petri Caraoz, Palentiæ vitæ functi, è Purgatorio magna cum gloria cælum petere, cum pridie vesperi occubisset. Ubi etiam anno 1593. lapicida saxum ingens Templi fenestræ imponens, cum ab eo deciduo obrutus, in vestigio enectus esset, magnus dolor Rectorem cum Patribus incescit: sed solatus est afflictos Pater, quod animam ejus candidissimâ specie è corpore migrantem DEUS sibi monstrasset, quia paulò antè die Dominicâ ritè confessus, S. Eucharistiam sumpserit. Jacebat Medinæ ex diuturno morbo jam revalescens P. Antonius Larez, ideoque frequenter à domesticis solatij causâ invisebatur: quod ubi P. Fernandez ponè ejus cubiculum habitans advertit, socium suum allocutus dixit: *ignorat Pater Antonius, DEUM paratam ejus meritis & laboribus habere coronam, ad quam propediem ipsum evocaturus est! dicito illi, ut breve quod superest hoc tempus, impendat negotio æternitatis, & tractatibus cum DEO, ac familiares ejusmodi congressus quantum potest deprecetur.* Sed excusavit hic se à nuncio ferali perferendo, quod idcirco Pater ipse infirmo retulit: & licet nihilominus in singulas horas melius habere videretur, sexto tamen elapso die mortem pijsimè oppetijt. Parem mortis eventum, utinam non simul æternæ! sortitus est alibi histrio mimicus, cum minas Patris Fernandez flocci penderet. Habebat Pater in quadam Hispaniæ urbe, Episcopi rogatu, conciones, quibus multum obstrepebant Comædii, eodem tempore ex theatro ludicris populorum spectaculis distrahentes, neque ullis Epi-

scopi



scopi inhibitionibus, & Divinæ comminatione vindictæ, à Patre abstergeri patiebantur. Itaq die decollationis S. Joannis Baptistæ ludum repetentes, vice interludij, hominem inducere esculenta quædam cistellâ deferentem, quæ furunculi sodales dextre illi subducebant; qui serò jacturâ animadversâ in furorem actus, cœpit Jovem & Venerem, aliósque deastros in opem & vindictam vocare, tandèmq se & omnia dejerando, educto pugione mortem advocare, quæ si moraretur, vitam sibi erepturum protestari; inter quæ per ludum jocosè dicta, serò mortuus concidit. Socij rati fictè mortem simulari, cùm post scenam eum extraxissent, verè exangve cadaver deprehendunt; & tam horrendo casu salubriter consternati, minas servi DEI majoris deinceps ducere didicerunt.

Demum ut divitias misericordiæ suæ in P. Fernandez Divina bonitas ostenderet, revelavit illi suam inter beatos prædestinationem. Quo tempore in profunda contemplatione absorptus, cùm modicè resedisset, hujus supremifavoris gaudium, velut amens repente exiliit, & toto corpore subsultare, & jubilo quodam nimio irrugire cœpit, ut conclave cum porta & fenestris, magnâ transeuntium admiratione contremisceret. Admonitus rei insoliæ Rector ubi ad cubiculum venit, *quid hoc sui vult*, quærit, *mi Pater Joannes?* at ille velut gaudijs ebrius, & animi impositus, *ô mi Pater*, exclamat, *ego sum unus ex illis benedictis, qui æternum fruuntur visione DEI!* indicando prædestinationem sibi divinitus revelatam, causam dedisse his saltibus & rugitibus. Itaq; certis jam æternæ salutis nihil pensi habebat corpus, sed illud tantò asperius tractabat, quantò fini propinquabat velocius, anxijis desiderijs cupiens dissolvi & esse cum Christo, quòd nihil esse diceret in terris, cujus affectu retineri posset. Et verò ipsum etiam tempus mortis multò antè præscivit; dimidio siqui-

dem prius anno, cùm alterum tomum Theauri sui Scripturistici elaboranti intervenisset P. Hieronymus Lacariaga, disertè prædixit, illum à se nequaquam ad calcem deducendum, quòd dissolutio corporis sui jam instaret. Paucis etiam ante obitum diebus concioni valefaciens, disertè edixit, hunc postremum suum ad eam sermonem esse: & licet nihil ægritudinis notaretur, de tota nihominus vita confessionem instituit, constanter asseverans, transitum suum propediem instare. Itaque die 2. Martij cœpit calore quodam continuo laborare, simulque visendum illi se præbens Christus Dominus cum SS. Matre admonuit, post octiduum migrandum illi de vita esse, atq; tum illi denuo præfentes se adfore. Hac tam vicinâ felicitatis suæ horâ incredibiliter exhilaratus, totum illud tempus in concinendis Psalmis, & spiritualibus Hymnis consumpsit: & alloquijs frequentissimis ad DEUM identidem mirâ alacritate erumpens, repetebat, *venio Domine, mi, venio!* Octavo die adfuit ex condicito Dominus JESUS cum SS. Matre, cùm Pater omnibus ad iter munitus jam esset Sacramentis; & ubi tertiam manè sonuit horam, placidissimè velut in somnum resolutus, felicem animam in eorum reddidit manus Palentia 9. Martij 1595. ætatis 58. Societatis initæ 40. Ut primùm autem mors ejus per Urbem innotuit, maxima hominum multitudo dolore & luctu quasi attonita ad Collegij fores concurrir; & primarij quidam intrò admissi, vestimenta Patris omnia diripuerunt, quantumlibet adeò attrita, ut nulli pauperum usui amplius esse possent. Nullus autem finis fuit, exposito ad Templi odæum corpore, accedentium ad exosculandos defuncti pedes & manus, ejusque contactu sacrandas Corollas, Rosaria; neque potuit, nisi post longum temporis spatium, præparato sepulchro inferri.

## P. FRANCISCUS TOLETUS

S. R. E. CARDINALIS.



Franciscus Toletus, S. R. E. postea Cardinalis, natione Hispanus, patriâ Cordubensis, editus in lucem est anno 1532. eadem in domo (ut ferunt) qua S. Zoilus Martyr. Philosophiæ operam dedit Valentia, ibique lauream in Artibus adeptus, Salmanticam se contulit, ubi Dominicum Sotum in Theo-

logia habuit Magistrum; qui Tolerum, propter ingenij excellentiam, *Prodigium* appellare consueverat. Annos natus 23. publicè Philosophiam ibidem interpretatus est, Theologiæ Doctoris jam tum insignibus ornatus, tantâ opinione doctrinæ, ut ejus avi nemo totâ Hispaniâ æquè doctus esse crederetur. Anno 1558. Sacerdotio jam initiatus, sæculo nuncium remittens, Societati nostræ





P. Franciscus Totetus Soc. Iesu, Hispanus. S. R. E. Cardinalis, Deiparæ Cultor studiosissim, Concionator Pontificius per annos 24. Legationibus Apostolicis & alijs laboribus de Ecclesiâ Catholica optimè meritus. Obijt Romæ 14 Sept: A: 1596. Aet: 64. 5A.

Salmantica se adscripsit, & mox in Novitiorum domum Simancam commigravit. Non dum elapso ab admissione bimestri spatio, emissis pro sua devotione tribus votis, Paupertatis, Castitatis, & Obedientiæ, totum se DEO in holocaustum consecravit: indeque Romam ab S. Francisco Borgia missus insequente anno, in Collegio Romano primum quidem Philosophiam, deinde Theologiam, utramque magnâ Sapientiæ opinione explicavit. Demum à S. Pontifice Pio V. A. 1569. accersitus est, ut in sacro Palatio Concionatoris munus obiret: quod tanta cum laude præstitit, ut per totos 24. annos, apud eundem Pium, Gregorium XIII. Sixtum V. reliquosque Successores, maximo Cardinalium, Prælatorum, Oratorum, & Clarissimorum Virorum concursu verba fecerit, & Auditorum animos

in admirationem adduxerit, non tam verborum elegantia, quam sententiarum gravitate, recondita doctrinæ excellentiâ, ordinis dispositione, ingenij perspicuitate & magnitudine. Inde captâ vasti ejus animi, ingentisque animarum zeli experientiâ, cœpit adhiberi ad munia gravissima, salutisque mortalium longè magis profuit, quam si orbem universum prædicando, fidemque annunciando peragrasset. Eodem enim simul tempore Pœnitentiariæ, Prætorij, & S. Inquisitionis Consiliarius fuit: ac postmodum in Poloniam, Imperium, & Belgium à Sede Apostolica missus propter causas Ecclesiasticas publicas, omnes feliciter transegit. Et in Polonia quidem Joannē Chotkoviciū, Generalem magni Ducatus Lithvaniæ (ut vocant) Archi-Marescalcum, Capitaneum Samogitiæ, unaque Li-

vonix



voniam Administratorem, à Calvino ad Ecclesiam traduxit, & publicam errorum palinodiam persvasit. In Belgio verò Michaëlem Bayum multorum errorum convictum, ad eisdem palam revocandos, magno totius Ecclesiae emolumento, induxit. Erat is Lovanii Decanus, multaque in Scholis tradebat & disputabat scandali plena, unde gravis sanæ doctrinae ruina timeri poterat: quare cum Gregorius XIII. Pontifex ejus scandali correctionem Tolero commendasset, ipse exemplo Lovanium provolvit anno 1580. oblataque Bayo disputatione ita revicit, ut agnitis erroribus, Ecclesiae judicio se objecerit: cujus deinde propositiones 72. Pontifex editâ Bullâ varijs censuris affecit, & perpetuò condemnatas in Scholis doceri prohibuit.

Expeditis ritè negotijs ad Urbem redux, legatus denuo ab eodem Gregorio est in Germaniam, componendis gravibus inter Pontificem & Imperatorem controversijs: quibus ex voto compositis, jussus est ex via convenire Ducem Bavariae, eundemque verbis Pontificis in bene cœptis, tuendâque adversum hæreses fide Catholica, confirmare. Verum non defuere perversi homines, qui Toletum apud Ducem in gravem adducerent invidiam, criminantes ab illo Ernestum filium, Ducatûs hæredem, qui invito Parente Romam discesserat, in protervia confirmatum, & ad paterna temnenda jussa inductum fuisse. Id ubi Pontifici innotuit, graves ad Ducem pro Toleti innocentia dedit literas: hæ quoniam pleraque Toleti laudes ex ipso Vicarij Christi sensu continent, libet earum partem hic adnectere. Est autem, scribit Gregorius, *quod gravissimè querimus de impia fraude eorum, qui apud te ausi sunt detrabere Francisco Toletio Jesuitæ, falsissimâque de eo perscribere. Maxime cupimus te istam pravam opinionem, quam de optimo viro ex eorum mendacijs concepisti, deponere, nè particeps & reus fias eorum criminum, oporteatque te unâ cum illis ante Tribunal Christi in extremo illo & horribili judicio, rationem reddere gravissimæ infamiae servo suo irrogatae. Opponimus autem illorum levitati & mendacijs nostrum testimonium: omnique cum veritate confirmamus, hunc hominem esse quidem illum omnium, qui nunc sunt, sinè ulla controversia doctissimum: Nos autem multo majorem ei tribuere intendimus integritatis atque innocentiae opinionem, quam doctrinæ. Utimur autem jam quadrienniò hoc Concionatore in nostro Palatio, eumque audimus ipsi diligentissimè. Utimur etiam ejus operâ in rebus gravissimis sacrae Penitentiariae. Nec quidquam ferè gravius*

*incidit, quod ad animarum salutem pertineat, in quo non hujus Viri consilium adhibeatur. Et tandem concludit: Nos hujus hominis virtutem & vitam experti sumus, perfectissimè cognoscimus, & quod scimus, testamur. Iterum igitur hortamur Nobilitatem tuam, ut istam opinionem deponas, Nobisque, quod nihil falsò aut temerè affirmemus, credas, esse hunc Virum optimum, & verum servum DEI, Christianòque Orbi utilissimum, &c.* Tam excelsa Toleti virtus in oculis Curiae Romanae posita, demum illum ad summam Ecclesiae dignitatem evexit: nam Clemens VIII. Pontifex Maximus ex sententia totius Collegij Cardinalium, anno 1593. 17. Septembris, adactum præcepto obedientiae (quod ipse ex voto suae Religionis, de non acceptanda quapiam dignitate Ecclesiastica, negaret se in oblatum honorem consentire posse) in idem purpuratorum Collegium cooptavit. Inventum subinde scriptum est, manu P. Raphaëlis Riara, magni DEI in Societate servi, annis 30. ante hunc eventum annotatum, quò dignitatem Cardinalitiam Toletò conferendam prædicebat, sæpiusque habitu Purpuratorum Patrum sibi à DEO ostensum significabat. Idem Toletò ipsi vaticus multò antè prædixit Jacobus Ledesma, Vir in Societate excellentis literaturæ & sanctitatis, à DEO id sibi revelatum professus.

Eo in gradu ad summum gratiae fastigium apud Pontificem evectus, triennium tantum supervixit, nihil illius splendore moribus vitae prioris immutatis, sæpius dicere solitus, malle se quocunque pauperrimi Collegij angulo versari, quàm in splendissimo sibi à Pontifice offerendo Palatio. Imò nondum elapso à promotione anno integro, nimirum die 9. Septembris: anno 1594. fastidio habens res omnes caducas, ipsamque quâ fulgebat purpuram, oblato libello supplicis suâ manu conscripto, infimis precibus à Clemente simplex petijt, ut sibi liceret abdicare dignitatem ad privatam Religionis redire vitam, ubi exiguo illo, quod superesset, vitae spatio, commodius in solitudine vacaret sibi & DEO. Sed Pontifex re maturè per triduum expensâ, ac DEO precibus multum commendatâ, demum accersito ad se Cardinali, DEI nomine imperavit, ut amplius de nuncio remittendo dignitati impositæ nullatenus cogitaret. Quocirca progredi compulsus in eo vitae curiculo, perinde illam pauperem ac deliciarum expertem instituit, atque in Religione assueverat, pulmentis ferè solis & legumine se sustentans, & Sabbathi diebus omnibus solo pane



& aquâ cibatum definiens. Ipsidem constanter diebus è Vaticano ad Ædem S. MARIÆ Majoris in Exquilij longò itinere pedes itabat, quæcunque tempestas incidisset; ibique sacrum faciebat, ut aliquo cultu cœli Reginam (cujus semper fuit studiosissimus) prosequeretur. Quot annis 40. dies, qui Assumptæ Virginis memoriam præcurrunt, continuatis magno rigore jejunijs, idque jam vel in ultima ætate transegit. Poterat ille quidem affatim divitijs affluere, certatim eas ingerentibus Christianis Principibus, & pensiones illi annuas assignantibus: sed Vir modestiæ & æquitatis amantissimus nunquam induci passus est, ut eas acceptaret, quò videlicet majore libertate juri, cuique suum tribuendi, intendere posset. Et tamen ita paupertatis tenax, liberalitate Pontificiâ factus est opulentissimus; à quo delatas opes conservabat uni DEI paræ amplificando honori, ejusque Liberiano Templo festis Virginis majoribus offerebat calicem, vel aliud id genus pretiosum donum; eandemque moriens facultatum suarum omnium (solâ Bibliothecâ Romano Societatis Collegio relicta) scripsit hæredem, instituit apud eandem Ecclesiam Sacerdotijs, & annuo censu firmatis, ut ejus honori quotidie ibidem DEO sacrificarent. Dederat quidem Pontifex plenam morienti de beneficijs etiam & proventibus Ecclesiasticis, quæ Virum copiosè dotârât, disponendi, & quibus maximè vellet legandi potestatem: eam tamen modestè rejecit, atque universæ Pontificiæ dispositioni resignavit.

Interim verò à Pontifice gravissimorum negotiorum curis semper occupatus fuit, ad Ecclesiæ Universalis gubernationem veluti Adjutor à Clemente adhibitus, vix ut occurreret quidquam negotij aut controversiæ, cui expediendæ Toletus in consilium non vocaretur. Præter Inquisitionis, Pœnitentiariæ, ceteraque Curiæ Apostolicæ Tribunalia, adhibitus est Consilij de Germania, Hungaria, belloque Turcis inferendo; de Gallia item ad deliberandum vocatus, cum de Henrici IV. Borbonij, Galliæ Regis, ab hæresi & excommunicationis absolutione, inque Ecclesiæ receptu ageretur, eaque res maximis difficultatibus intricata, studio partium summopere disputaretur, eâ integritate sententiam in favorem Henrici dixit, ut Religioni tamen Catholicæ & Sedi Apostolicæ magis, quàm Regi Galliæ favere cognosceretur; eâ libertate, ut Hispano nomini nuncium remisisse videretur. Idem negotium pacis inter Catholicum & Christianissimum Regem sancientiæ felicissi-

mè promovit, à qua totius Christiani orbis quies pendere videbatur. Quibus de Gallia meritis obtinuit, ut publicè demortuo parentandum Henricus Rex duxerit in Æde principe Parisijs, magnificentiâ planè basilicâ. In tam excelsò mortalium rerum gradu constitutus, tertio gestatæ purpuræ anno in morbum incidit, cui causam præbuisse credebatur tam longâ pedestri ad S. MARIAM Majorem illis diebus Augusti mensis, peregrinatione. Tri-duo ante mortem invisit ægriorem Pontifex, & inter Paternum amplexum visus est illacrymari: at enim Toletus mortis imminentiæ accepto nuncio, continuò se ad vitam meliorem comparabat, maturè Sacramentis omnibus accersitis, tempus omne cum DEO unicè, ejusque SS. Matre suavissimis colloquijs consumens: illam potissimum ab ea gratiam deprecans, ut si quod acceptum illi obsequium in vita exhibuisset, vellet illud efficaci suâ apud DEUM intercessione compensare, mortemque ex hac ægritudine (timebat enim ne in vitam longiorem revalesceret) impetrare. Quare insinuanti Viro Religioso precationem ad DEUM S. Martini Episcopi: *Domine, si adhuc populo tuo sum necessarius, non recuso laborem*: respondit, illam pro se nequaquam congruere: at verò alteri votum Apostoli Gentium suggerenti: *Cupio dissolvi, & esse cum Christo*, magnâ propensione assensit, idemque multoties repetijt, dum spiritum Creatori suo redderet 14. Sept. 1596. ætatis 64. Conditus est ex ultima sua voluntate in eadem S. MARIÆ Majoris Æde magnifico sepulchro, cui Epitaphium honorificum Pontifex ipse posuit, præcipuîsque ejus Basilicæ benefactoribus accensuit.

Quæ autem fuerit summorum Virorum de ipso existimatio, colligi potest ex Sixti V. Pontificis Maximi ad eum necdum Cardinalem datis literis: *Spektata tua, inquit, in nos, & Apostolicam Sedem merita, ab eminenti doctrina profecta, quâ in verbo DEI Romanis Pontificibus, in spiritu & veritate, summa cum eloquentia predicando, incredibili omnium Theologorum admiratione, & Prædecessorum nostrorum, ac nostrâ, totiusque S.R.E. Cardinalium Collegij approbatione præcellis, &c.* Gregorius verò XIII. proprio rescripto sic eum alloquitur: *Tanta est doctrina, prudentia, fides & diligentia tua, quæ gravissimis in muneribus longo, & intimo usu nobis cognita sunt, ac perspecta, ut tua scripta, sicut caterorum, aliorum judicio & examini subjici æquum non sit. Itaque Commentaria illa tua in S. Joannem, sine alterius cujusquam approbatione aut licen-*



sia, quodocunque tibi videbitur, in lucem edendi, plenam ac liberam tibi damus facultatem. Cardinalis de Lojosa dicere solebat: Bene sperandum esse de rebus Ecclesia, si conferantur primariae dignitates hominibus pari cum Toletio sanctimoniâ & doctrinâ praeclatis. Mar-

tinus Navarrus eum vocat, excellentem sacrae paginae Doctorem, acerrimum propugnatorem Veritatis, Ecclesiam in Urbe, & Orbe toto suscipiendum, & Societatis IESU singulare ornamentum.

Ex Historia Societatis, & Tomo 3, Nierembergij & Bibliotheca Alegambe.



P. Georgij, Valier, et P. Francisc, Rosillo, S. I. Hispani Missionarij Classis Catholicae contra Angliam; naufragio contractâ navi, licet evadere cum primis possent, ne innoxios miseros defererent, fluctibus hausti Anno 1596. 29 Octobris. Aetatis 38. J. C. Hafner. sc.

## P. GEORGIUS VALIER, ET P. FRANCISCUS ROSILLO.

**Q**uam verè pronuntiaverit Sapiens Cant: 8. *Aqua multa non potuerunt extinguere charitatem, nec flumina obruent illam*, videre est in heroica P. Georgij & P. Francisci morte, quâ inter fluctus Oceani mergi elegerunt.

Societas Europaea.

run, nè charitatem in proximum amitterent. P. Georgius Valier in Hispania nobili sanguine progenitus, Ministrum agebat Collegij Oropesæ, cum ad arduam Missionem Castrensem evocatus est, unâ cum P. Francisco Rosillo ejusdem nationis, annum ætatis 38. necdum egresso. Philippus enim II. Rex Catho-

M m

tho.



tholicus collecto insigni exercitu, quem sub auspicijs præclari Ducis Martini de Padilla, ad Angliam debellandam Anno 1596. expediebat, postulavit è Societate Viros complures in præsidium spirituale militum addi: quibus in singulas numerosæ classis naves divisus, duobus his Patribus obtigit una ex vastioribus, quâ peditum cohortes quatuor, ductore Gregorio de Chinchilla vehebantur. Prius quàm Ulyssipone conscenderent, hortatus est omnes efficaci dictione Franciscus, ut expiata conscientia mulierculas omnes, & vitiorum invitamenta abjicerent, & sincerâ penitentia favorem DEI ad iter periculosum, neque minus ancipitem belli aleam, promereri studerent. Persvasitque feliciter, DEO nimirum animos singulorum, non ad victoriam de hostibus terrenis referendam, sed palmam cœlestis gloriæ obtinendam, disponente. Ad diem namque 18. Octobr: cum è portu Ulyssiponenſi classis solviſſet, 28. ejusdem mensis repentinâ & horribili tempestate noctu obruta, penitusque dispersa est. Et navis quidem, cui duo hi Sacerdotes præerant, vehementiâ venti in syrtes impacta, revelli nullatenus potuit; incredibili omnium consternatione & ejulatu, quem 800. vectores horrore præsentis exitij edebant. Quia verò non procul aberant à continente, quidam præpropere evadendi in terram desiderio in undas desilientes, momento vorticibus absorpti sunt: alij cautiore arreptis tabulis tentato trajectu, enatarunt quidem, sed miserandum in modum multiplici ad cautes allisu & reſectu concuſſi. Demum violentiâ typhonis revulſus à fundo navigij malus ita in mare decedit, ut extremâ cuspide terram attingeret: per quam idcirco antequam fluctibus abriperetur, veluti pontem plerique Tribunorum, & militum præcipui in terram evasere; hortati summo opere, & obtestati utrumque Patrem, ut eadem viâ salutis suæ conſulerent.

Remanebant adhuc in navi plus quàm

*Ex Nierembergij Tomo 4. de Viris Illustribus Societatis.*

300. personæ varijs malis afflictæ, debiles, & omni spe evadendi destitutæ; quarum intimâ commiseratione tacti Patres, & DEI Proximique amore inflammati, decreverunt miseros in ultima necessitate nequaquam deferere, licet pro ijs vita amittenda foret. Ergo Crucifixi signo uterque in manu accepto discursare per labefactatam navim, animos omnibus & spem melioris vitæ facere, excitare ad sincerum de peccatis dolorem, & misericordiam DEI implorandam; ac denique singulos multis cum lacrymis, quod mortem in momenta expectarent, confitentes expiare. Ecce autem manifestum DEI, charitatem Patrum approbantis, prodigium! Erat nox obscurissima, & Cimmerijs tenebris horrida, ut nemo ferè alterum ponere se discerneret: & tamen quotquot in navi remanserant, clarè & manifestè vultus Patrum, & Crucis signum, in manibus eorundem videbant, perinde ac si meridiana in luce versarentur. Ità persanctè jurejurando testati sunt aliquot eorum, qui è tristissimo naufragio demum evasere. Omnibus ad Christianam mortem ita præparatis, recepere se cum aliquot Nobilibus Patres in puppim, comparaturi & ipsi se ad felicem obitum: ubi unius ferè horæ spatio in oratione prostratos, irrumpens subito ab imo vortice erutus maris fluctus penitus obruit, secumque in undas abripuit, implorantes magnis vocibus, donec mersi subsiderent, sacra JESU & Mariæ nomina. Hic exitus fuit Servorum Christi die 29. Octobr: anni 1596. Corpora ipsorum in littus ejecta, honorificè in vicino quodam Templo, jussu Chiliarchæ de Chinchilla humata sunt, & prodigiosa Crucifixi sigilla magnâ veneratione ab eodem collecta: quorum unum postea Collegio Compostellano in pretiosum munus obvenit, hodièque magnâ religione asservatur: alterum verò Ludovicus Carrillo de Pinto Gubernator Galiciæ magnis precibus impetravit.

## P. JOANNES FRIAS.



ater Joannes Frias, natione Hispanus ex Episcopatu Avilano, ingenti illo spiritu, quo de suggestu animos omnium permovebat; quinque Domicilia Societati in totidem Urbibus Beticæ obtinuit, Bæzæ, Ubedæ, Malagæ, Xerez, & Ezyæ, præter institutas Missiones sanè utilissimas. Et verò tantâ

dicendi efficaciâ implevit Virum DEUS, ut ubicunque prædicaret, omnia misceret & inflammaret: quo intrante; migrabant locò vitia, pectoribus frenum ponebatur, & corda omnium timore DEI salubriter perculsa, amore Divino & virtutum incendebantur. Singulari namque pollebat gratiâ, genio cujusque & indoli dictionem & agendi normam accommodandi; eratque cum milite miles, cum nobili





P. Joannes Frias S.J. Hispanus, Ecclesiastes ardentissimus à Dæmonibus eâ causâ diu vexatus, sed Angelis acceptissimus, eorum ope à gravi cum jumento lapsu ereptus. Decessit Cordubæ 20 Januarij A<sup>o</sup> 1597.  
60.

nobili, nobilis animi schema; cum agresti agrestem formam præferebat. Concionum scopus unicus erat, avertere mortales à peccatis, & virtutem persuadere; ideoque majorem partem erant de Novissimis, tanto fervore & spiritus concitatione, ut horror omnibus incuteretur, quem sequebatur comploratio publica totius Auditorij, & morum incredibilis ubique commutatio: nec pauci fuere annis singulis, qui rebus humanis penitus abdicatis, totos se DEI obsequio dedicabant. Lere hæ conciones aliquando auspicatus, quod in multis residebat falsa opinio, damnatos olim ea in Urbe pro Illuminatis, homines de Societate fuisse, qui pro Illuminatis habebantur. Sub initia magnis infestationibus, odijs, & puerorum etiam ludibrijs exagitabatur: sed brevè reliquias erroris omnis eximia

*Societas Europæa.*

Concionatoris facundia & virtus absterfir, tantò Societatis nobiliore excitatâ famâ, quantò perfectæ laudis imago ipse erat illustrior. Id verò quod acerrimè concionibus infestabatur, erat ornatus & illecebræ dissolutarum fœminarum, quibus animæ virorum in scelera pelliciuntur: & licet eâ causâ gravissimis infestationibus exerceretur, firmabatur nihilominus à DEO tanto robore & constantiâ, ut frontem chalybe durior, & linguam gladio acutior, vocemque ferream nactus videri posset, ad scindendas adamantinorum cordium petras, & concutienda peccatorum pectora. Nec otiosus damna sua spectabat dæmon, sed verberibus crudeliter DEI servum excipiens, varijs sub oratione larvis & terrificis spectris infestabat, & modò ursi, modò leonis, aliarumque bestiarum formis

Mm 2



mis invadens, necem intentabat, quam Patri se illaturum, mulieri ope ipsius ad frugem reductæ, minaciter professus est. Nec minùs incitabat in ejus odium perditas mulierculas, & viros, ipso agente, proscriptos; quorum lingvâ acerbissimè proscissus, gravissimorum criminum reus agebatur, ut quibusdam in locis præ nimio rubore vix oculos levare posset: aliàs verò magicis carminibus in navigantem, insolens excitata maris tempestas, ventorum impetu navim jamjam evertura videbatur; nisi implorata DEI clementia, æquore momentò sedato, illū discrimini mirabiliter eripuisset.

In tot nihilominus adversis & persecutionibus invictâ durabat patientiâ, inque DEUM fiducia: neque de conatibus Apostolicis vel minimùm remittebat, licèt in faciem atrocissimis calumnijs vapularet, quas silentio veluti non audiens præteribat. Gubernanti quoddam Collegium devenerat in manus epistola aperta, à nonnemine contra se acerbis calumnijs conscripta; quam, uti erat, intactam, sigillòque officij sui munitam ad Provinciam transmissit, addens, non posse gravius calumniatori malum irrogari, quàm si ipse juberetur gubernatione facessere, idque sibi maximi beneficij loco eventurum, si ejectus in ultimas oras ablegaretur. Insudabat namque hominibus, DEO propter ipsummet lucrands, nullo personarum, aut eorum quæ ab ipsis metuere sperareve posset, respectu: unde effici nullâ unquam arte vel precibus potuit, ut munus aliquod vel donum, quantumvis levissimum admitteret: & post ejusdem obitum præter chartas concionibus conscriptas, cilicium & flagellum usu continuo attrita, nihil in ejus cubiculo repertum est. Devotissimus fuit SS. Angelis, & animabus intra piaculares flammæ juvands; cujus pietatis magnum sæpius emolumentum expertus est. Iter aliquando viâ impeditissimâ & uliginosâ agenti supervenit ingens tempestas, perpetuo imbre, tonitruis & fulminibus gravis, quibus consternatum jumentum dejecto in profundum luti Patre, & ipsum cæno immersum hæsit. Tum verò Pater impos auxilij ad Tutelares spiritus conversus, magno affectu exclamavit: *Angeli sancti adjuvate*.

*Ex Historia Societatis & Nierembergij Tomo 1.*

## P. MICHAEL OCHIOA.



Michael Ochioa natione Navarrus, ætate & probitate florens, & singulari gratiâ curandarum ægritudinum etiamnum in seculo à DEO

me! momentòque humanâ specie juvenem, sibi aditare vidit, qui nullum verbum prolocutus, extractum facillimè cæno jumentum illi stitit, Patrémque similiter luto ereptum, illi repentè imposuit, & viâ Ducem se exhibens, semitâ planissimâ anteivit, donec in apertum extra salebrosam iter eduxisset: amœnissimo vultu identidem respectans, & oculorum blanditiæ cor Patris miro quodam solatio & gaudio feriens, licèt interea neuter quidquam proloqueretur. Cùm verò viâ regiâ jam constitutus Pater lingvam in voces solvere, & ductori gratias referre pararet, neminem repentè adesse advertit, oculosque latè per campos undiq; patentes circumferens, cùm nullum hominis vestigium notaret, DEI nimirum circa se per S. Angelum curam singularem arguit; unde majoribus assumptis animis, & insuperabili quadam securitate maiorumque contemptu, animabus ad eum adducendis vires omnes impendere per omnem vitam perrexit; non aliunde mortis causâ, quàm ex earum procuracione conscitâ. Dum enim aliquando è suggestu, incenso supra modum fervore, in vitia inveheretur; subitò ruptâ pectoris venâ, cæpit pleno ore, sanguinis obrui profluvio, tantâque mali vis exitit, ut continuo salutem ejus Medici conclamarent. Sed nullus ei gratior venire, quàm mortis ex Apostolico munere conscitæ nunci, potuit, quam multorum annorum quotidianâ meditatione præcogitabat. Vir magnæ orationis, & in ea plures per diem horas, & noctibus præcipuè, flexo ante SS. Eucharistiam in Templo poplite, expendere solitus. Quare Sacramentis omnibus munitus, plenus fiduciâ animam egit Cordubæ 20. Junij Anno 1597. Demortuum summopere universa luxit Bætica, funusque profecuti PP. Dominicani & Franciscani, etiam Officium pro demortuo in Templo nostro seorsim quique publicè decantârunt. Multi etiam eorum, qui viventem acerbè infectati fuerant, certatim encomijs Virum sanctum & innocentissimum prædicabant: quotquot autem in odio Patris obstinati mortuo detrahare perseverabant; infelici omnes fato, citra serium aliquod veræ poenitentiae indicium, decessisse notati sunt.

Micha-





P. Michaël Ochioa, S. I. Navarrus, gratiâ singulari  
curationum omnis generis morborum, à DEO orna-  
tus, innumeros mortales è cœno vitiorum extraxit.  
Extinct, Syraculis. 1. Oa: 1575.

61.

J. Kilian sc.

Michaël, se Barcinone alibique morbos inter-  
dum aliquos certis adhibitis precationibus  
depulisse. Rogatus à P. Polanco ut pericu-  
lum in se ipso faceret, cum id fieri & S. IGNA-  
rius jussisset, Michaël sacris quibusdam verbis  
in chartula exaratis, postquam eadem cum  
trina precatione Dominica & Angelica salu-  
tatione ante SS. Sacramentum recitavit, sche-  
dulam ipsam ex ægrotantis cervice, quo tem-  
pore accessus febris erat ardentissimus, suspē-  
dit: quâ admorâ, sensit æger è vestigio veluti  
quandam à capite ad calcem totius corporis  
refrigerationem, cum totali mox febrilis æ-  
stus depulsione. Sed nè superstitionis ulla  
prorsus deinceps relinqueretur suspicio, ut  
conceptis imposterum verbis, usitatique suis  
schedulis abstineret, verum benedictione po-  
tius aliquâ, imponendive super ægros mani-

bus uteretur, S. IGNATIUS Michaëlem admo-  
nuit. Atque hæc tam insignis gratia cœlitus  
illi concessa, medium erat efficacissimum in-  
numeros homines DEO lucrandi. Nam pau-  
lò post Neapolim, ac deinceps Tibur ad ope-  
randum, licet necdum Sacerdos, dimissus, di-  
ci vix potest, quantum Urbe totâ motum ani-  
morum concionibus suis, & catechismi ex-  
planatione excitaverit; dum passim quavis æ-  
gritudine oppressos solâ manûs impositione  
sanantem viderunt. Quia verò plurimi, ut ei  
se aperirent, confitendis à longo intervallo  
peccatis magnopere flagitabant, consecran-  
dus quàm primùm Sacerdos fuit: ex quo  
tempore continuò magnam vim hominum,  
qui pœnitentiam diu neglexerant, vel perpe-  
ram egerant, non in ipsa modò Urbe, verum  
etiam locis finitimis audiivit. Nam cum ad

M m 3

eum



eum multi indefinenter per occasionem curandorum corporum undique ventitarent; iidem, positis extemplo peccatis, salutem plerumque totius hominis reportabant. Atque hæc utraque animas & corpora curandi vis constanter illi adhæsit, ubicunque locorum per Italiam missiones obiret: donec in Hispaniam transiens, & Ognatæ Collegio Rector datus, abigendis divinitus morbis, sanctitatis opinione collectâ, lætissimos & ibi fructus collegit. Concurrebatur ad eum ex longinquis oppidis unâ spe recipiendæ salutis, quib, haud ita magni negotij erat persuadere, ut animarum prius saluti consulerent, cum acciperent corporis. Et quidem hic propter præstantem populi fidem, eo se auctum munere donoque sensit; ut non afflicta modò febribus corpora, quod præcipue in Italia præstabat, verum etiam alijs impedita vitijs & langvioribus, manu duntaxat impositâ, curaret. Constat claudos debilesque non paucos, & ipsis luminibus captos, ab eo integros videntesque dimissos, & mutæ fœminæ collatam loquendi facultatem. Inter quæ nunquam ipse desijt tradendis vulgo sacræ doctrinæ præceptis, confessionibus audiendis, sanandisque de more mentibus occupari.

Rectoris munere defunctus, totum se de novo sacris obeundis Missionibus applicuit; dumque in Cantabria vicos & oppida ritu Apostolico peragraret, plurimis animi salutem, nec paucis corporis, qui totum annum ægri jacuerant, porrectâ ad bene precandum solâ dextrâ, momentò restituit. Tantumque in his partibus secundum DEUM illius meritis tribuebant, ut è remotis admodum locis ad eum ægri aliique magno numero concurrerent, & universi apud eum conscientias suas

*Ex Historia Societatis & Nierembergij Tomo 1.*

## P. MILLAN-GARCIA.



Ditus est in lucem Pater Garcia in Hispania, Parentibus honoratis anno 1540. ab infantia pietati & virtuti addictus, in quibus multum promovit monitis & doctrinâ sui in Grammaticis Magistri Joannis de Avila, qui discipulis impensè inculcare solebat vitam inculpatam, & frequentiam in usurpandis SS. Sacramentis. Duodecimo ætatis anno primâ vice nominari audivit aliquam Religionem Societatis JESU, cujus solâ appellatione magnopere exhilaratus & incensus, ita nomen illud cordi impressum retinuit;

unicè emaculare desiderarent. Denique tota illius vita continuum quoddam exercitium fuit charitatis, & operum misericordiæ spiritualium & corporalium; donec in Siciliam ad similia Apostolici Operarij munera exercenda transmissus, dum itineribus perpetuis pagos & oppida circuit, atque ex frugifera quadam excursione Syracusas repetit; morbo ex gravi lapsu contracto, plenus meritorum ibidem decessit 1. Octob: Anno 1575. Amplius anno in postrema hac excursione posuerat, montana & asperrima, maximèque auxilij egena obiens loca: concionabatur frequenter, pueros ac rudes collectos tintinnabulo diebus singulis ad Christianam sapientiam informabat: expiabat inveteratas in sceleribus conscientias, excindebat satanicas superstitiones, quarum adeò immanem silvam reperit; ut diceret, nullâ Indiarum plagâ æquè necessariam validorum Sacerdotum securim. Nec minùs depellebat morbos ab ægris corporibus, etiam fœdum cancrum sanando, qui misero homini jam inferius labrum mentumque depascebatur. Genus autem vitæ illius erat ejusmodi, ut nihil indigeret ad auctoritatem sanctitatis colligendam ope miraculorum; summa enim in actionibus omnibus refulgebat comitas, indefessus labor, sævissima charitas. Ubicunque publica Hospitalis domus adesset, nunquam alio diversorio utebatur; si ea non daretur, casâ contentus vilissimâ, quam oppidani commodassent, vitam tenuem & asperam emendicatâ stipe sustentabat. His multorum annorum auctus laboribus & meritis, consentaneo vitæ religiosè exitu, ægram & collacrymantem civitatem Syracusanam reliquit.

ut licet necdum hujus Religionis ullum cognosceret, præcipuo tamen in eos affectu ferretur, libentèrque audiret cum laude de ijs loquentes; & magno zelo tueretur adversus detrahentes. Altiores disciplinas Philosophiam & Theologiam combibit in Universitate Complutensi, ibidèmq; Artium Magisterio donatus, singulare eruditionis nomen consecutus est. Potentissimis interim impulsibus à DEO sollicitabatur ad statum Religiosum; toto, quàm eum amplexus est, quadriennio, unicè illud precatus; ut, quis potissimum deligendus esset, indicare dignaretur: in quem finem, cum ipse nullatenus ad unum præ-





P. Millan Garcia, S.I. Hispanus, indefesso An-  
marum zelo, et conversionibus Peccatorum clarg.  
Obijt Compluti 30. Novemb: A<sup>o</sup> 1597. Aetate: 57.

62.

J. Kilian sc.

præ alio inflectere animum sciret, multas elec-  
mosynas, jejunia, disciplinas, communionem  
obtulit, confugitque ad DEI paræ patrociniū,  
cujus honori quolibet Sabbatho in pane & a-  
qua jejunare consueverat. Medius illi annus  
in continuis hisce exercitijs fluxerat, cum ali-  
quando ardentius DEUM de genibus precan-  
ti animus inclinari ad Societatem cœpit, cum  
singulari intimæ cujusdam quietis perceptio-  
ne, cordis tranquillatione, & spiritus fortitu-  
dine; quibus omnino persuadebatur esse vo-  
cem DEI, præsertim ubi somnio cœlesti idem  
sibi expertus est confirmari in hunc modum.  
Videbatur sibi in egressu ex suo hospitio inva-  
di à ferocissimo & immani molosso; cujus  
dentibus evasurus, præcipiti fugâ primò Col-  
legium Academiæ primarium petebat: sed e-  
jus foribus obseratis exclusus, apud diversa

Religiosorum Cœnobia refugium quærebat,  
omnium similiter oclusis januis deprehensus.  
Igitur bestiam pertinaci ferociâ ubique se in-  
sequentem declinaturus, ad Collegium Socie-  
tatis receptum quærit, reperitque portam  
Ecclesiæ patentem; in quam simul atque ir-  
rupit, molossus simul ab oculis evanuit. Hoc  
eventu vehementer incitatus, receptum in  
Societatem ambrosiosissimè expetijt, impetra-  
vitque, die etiam ingressui designato. Is  
priusquam adveniret, consilio suo amicorum  
cuiusdam communicato, ab eodem persuasus  
est, oportere illum prius viduæ Matri vale di-  
cere. Ecce autem dum discessum ad eam  
parat, videt per somnum Christum lanceâ,  
quam manu tenebat, sibi interitum minan-  
tem, si ingressum in Societatem ultrâ differ-  
ret: quo viso exterritus, absque mora Colle-  
gium



gium adiit, receptusque est 7. Maij, Anno 1563.

Post tyrocinium summo cum fervore & spiritus profectu exactum, Philosophiæ curriculum docuit: atque subinde suscepto Sacerdotio concionibus applicatus, deprehensus est rarum planèque Apostolicum ei muneri talentum habere. Igitur constanter deinceps in ejus exercitio relictus, multas variâsque missiones ingenti animorum fructu obiit, utpote cui auctoritatem faciebat eminens virtus, & vitæ inculpatæ exempla, cœlestibus etiam testimonijs firmata. Sanè non unâ vice conspectus est inter dicendum splendoribus totâ facie coruscare, & lucidissimos ab ore radios emittere: cùmque die Pentecostes aliquando verba faceret, plures ex Auditoribus viderunt ejusdem vertici candidissimam imminere columbam: cùm prius die Resurrectionis Dominicæ concionantis os solis instar eluxisset. Accidit aliquando, ut missiones Apostolicas obeunti, socius labore itineris & incommodis fractus, in quadam civitate Societati minimè addicta concideret: cui refocillando eleemosynam conquiriturus Pater postquam Urbem totam obivisset, præter unum ovum nihil nisi opprobria & contumelias retulit. Itaque unâ cum illo Templum petens, ardenti oratione DEUM precatus est, vellet ut afflicto socio remedium afferre, & in suprema hac necessitate paternè providere. Ecce autem eâdem horâ Vir inter cives primarius & prædives Templum ingressus, & si quis aliis à Religione Societatis, quod de ea plurima sinistra audivisset, aversus, ubi duos hos socios conspexit, repente in domum suam utrumque invitavit, lautèque excepit. Pater verò, ut civibus bonum pro malo redderet, conscenso pulpito institit quotidie ad populum ingenti concursu affluentem dicere, tanto audientium motu & profectu; ut universi confessionis gratiâ pedibus ejus advolverentur, & animas suas in ejus veluti manibus ponerent. Fuit enim tam excellentis & consummatæ in officio expeditionum Apostolicarum perfectionis, ut quidvis Auditoribus, quantumlibet induratis persvaderet: meritòque possit Missionarijs omnibus in exemplar proponi.

Et quia ante omnia necesse est Christi ministrum, si fructum Evangelicum ex animabus colligere citra suum detrimentum velit, cum DEO tanquam instrumentum cum artificis manu conjungi: fuit P. Garcia orationi, pœnitentijs & mortificationi deditissimus: neque ita absorberi se actione cum seculari-

bus patiebatur, quin identidem ad spiritualem secessum in Collegia se retraheret, collecturus tam alimoniam fovendo in se spiritui necessariam, quàm materiam parandis concionibus opportunam. Revolvebat eodem tempore Authores de casibus conscientiæ tractantes, ijs præsertim, quos experiebatur frequentius in Sacramento Pœnitentiæ occurrere. Accedebat Septembri quolibet Superiorem, conscientiæ & rerum omnium in Missionibus gestarum rationem redditurus, seq; ei ad quodlibet munus cum intima indifferentia oblaturus: ab hoc novis imperijs & benedictione auctoratus, Missioni se cum socio restituebat, nullâ aliâ suppellectili præter Breviarium, & pauculas concionum chartas, instructus. Viâ autem omnem pedibus emetiebat, nisi hujus prolixitas aut nimia lassitudo prohiberet: cui in subsidium nunquam conducebat mulos, aut currus admittebat cultiores; sed si quis agrestis occurreret ad eundem locum tendens, in illum admitti cum socio, amore DEI, vice eleemosynæ postulabat; meliorem longè pretio illam compensans, siquidem raro aliquis itineris ejus comes fuit, quin ad peccatorum detestationem & confessionem apud se faciendam inductus, alius penitus domum rediret. Quanquam non facile alias socios itineris ex secularibus admittebat, solitus illud in comitatu Angelorum & Sanctorum unice peragere, vacando orationi mentali & vocali, vel de rebus cœlestibus cum socio colloquendo. Postquam ad designatum Missioni cuiuspiam locum perveniebat, primò omnium divertens in Ecclesiam, felicem laboribus suis successum precabatur, ad quos incredibili fervore animam, corpus, vitam, & vires omnes offerebat: orabatque ne peccatis suis permetteret impediri fructum animarum, sed tantò majus verbis suis pondus inderet ad dura peccatorum corda pervellenda. Idem precabatur ab Angelo loci cujusque præside, vellet ut mediator esse apud DEUM ad ea obtinenda, seq; docere & adjuvare in pulpito, confessionario, & omnibus sui ministerij officijs, quò singula optato fructu & ædificatione peragerentur. Atque hanc orationem tanto ardore, totq; lacrymis præmittebat, ut plerumque horas aliquot de via festus & jejunos in ea transigeret, essetque necessarium illum à socio moneri de inquirendo hospicio.

Porro ab hac oratione assurgebat viribus ex fatigatione ita restitutis, quasi de cœli favoribus securus redderetur, neque alibi major sua quies & refocillatio esset quàm in mani-

bus



bus DEI, in quas confidenter se projecisset. Inde consuetum sibi ubivis hospitium, pauperum nosocomium, rectè petebat, dummodo aliquod adesset, neque ullis precibus aliò abduci patiebatur: quòd si nullum, vel minus ordinatum haberetur, pauperem quampiam casam vel tugurium subibat, unde totos quasi dies, & magnam noctis partem, omnis statùs & conditionis hominibus iuandis tribuebat; si quid temporis superesset, totum id in agendo cum DEO traducens. Neque unquam sustinuit divertere in Aedes conjugatorum, nobilium vel divitum, minus autem magnatum, mulierum aut virginum, ob indecentiam partim, partim ob inquietudinem ejusmodi domuum: admittebat verò habitationes Ecclesiasticorum, si virtutis opinione, non autem divitijs & famulorum turbâ abundarent; quòd apud hos promiscuè toti dies colloquijs & visitationibus consumantur: quæ si deessent, recipiebat se ad domum piæ cujuspiani & provectæ viduæ, quæ ipsedotibus niteret cum illa, ad quam Elias divertere consueverat. Ibi, si cubicellum habitationi suæ separatim nanciscebatur, nullam sexûs diversi ingredi pati batur, quantumvis domesticam: neque ipse vicissim alia domûs conclavia, officinas, vel hortum adibat, sed suo illo perinde atque in Collegio sub religiosa clausura se continebat. Atque hac re dici vix potest quàm venerandus evaserit omnibus; quemadmodum enim multa promiscuè conversatio parit contemptum, sic ejusdem quæ superfluit devotio generat auctoritatem. Itaque si humanitatis solius causâ ad se venientes notaret, remittebat eos ad Ecclesiam vel Confessionale, ubi de animæ statu tractaturi se convenirent. Quoties autem animæ unius causâ accederetur, ab hominibus præsertim, qui temporis penuriâ & occupationum multitudine constringuntur, cujusmodi sunt pastores, pecuarij, opifices, servitia, peregrini advenæ; recipiebat omnes aure semper promptâ amantissimè, & solatij plenos, vix unquam absque confessione dimittebat. Noverat enim magistrâ experientiâ, Sacerdotem oportere imitari morem DEI, ut peccatores recipiat quavis horâ ad pœnitentiam citra dilationem, nè sive animi mobilitate, sive confessarij defectu in sceleribus hærentes æternum dispereant. Lectus ejus erat tabula simplici stragulo operta; & si coactus quandoque admitteret, culcitra straminea: flagellatio corporis quotidiana; & quoties dicendum pro concione erat, consuetudo asperior. Cilicium à corpore nunquam de-

*Societas Europæa.*

movit, neque sinè illo aliquando pulpitu-  
conscendit: cibo & potu vilissimo citra ul-  
lum delectum refici solitus, parcio-  
re semper quàm in Collegio domesticis apponatur. Et  
cum pro omnibus quæ apponebantur infimas  
referret gratias, & minima quæque dilauda-  
ret; si tamen notabat lautius & cum sollicitu-  
dine cibos parari, humillimè deprecabatur,  
& moderationem adhiberi poscebat: quæ si  
omitteretur, molestiam sibi eâ re fieri, nihil  
ex delicatioribus attingendo, ostendebat.  
Convivia ut adiret, nunquam ab eo impetrari  
potuit: & licet victus esset adeò parci, ut per-  
petuum jejunium observare videretur; binis  
nihilominus in hebdomade diebus strictissi-  
mè jejunabat. Nulla similiter admittebat  
donaria, honoraria, vel in vestitum aut occur-  
rentes necessitates subsidia; minimè verò pe-  
cuniam, nisi quæ fortè in pauperes dividenda  
offerretur, quibus omnia largissimè disperse-  
bat. Totus ergo à DEI providentia unicè  
dependere satagens, omnem sui curam in il-  
lum projiciebat, ut nè cogitaret quidem de  
sui sustentatione, aut quidquam in viaticum  
de loco in locum, seu comitatum admitteret.  
In omnes denique indulgentissimus, si-  
bi uni durus erat & infensus: & cum socium  
expeditionis perinde respiceret ut servus do-  
minum, sollicitè haberet ut mater filium, in-  
commoda omnia in se recipiebat, ut nè mo-  
lestiam quampiam alter experiretur.

His dotibus ad evangelizandum populis  
instructus, non tam loqui de pulpito, quàm  
tonare videbatur, ut subinde ab ejus vocibus  
columnas tremiscere dixisses. Rara fuit con-  
cio, quam non auditorij comploratio excipe-  
ret; exhibantque ab Ecclesia compuncti ac ve-  
lut attoniti, recolendo animis quæ audive-  
rant: neque ullum vidisses alteri colloquen-  
tem, vel obvijs quibûsve familiaribus salutem  
reddentem; sed toti intra se collecti & muti  
domum redibant, non tot passibus quot la-  
crymis viam signantes, donec in has, captato  
domi secreto loco, pleno demû torréte effun-  
derentur. Atque ita paucis diebus ea sequeba-  
tur urbium & populorum mutatio, ut qui eos  
paulò antè noverat, non crederet eosdem es-  
se: neque ullus iniri computus potest, ad  
DEUM ejus operâ converforum; siquidem  
vix ullus, quantumlibet in scelerum profundo  
demersus, reperiri potuit, qui non ejus di-  
ctione resipuisset. Sed & complures Apo-  
stolici zeli imitatores ac veluti discipulos na-  
ctus est tam ex statu Ecclesiastico, quàm sæ-  
culari, quos in locis à se excultis constituebat  
veluti magistros, & ministerij sui vicarios.

Nn

Con-



Conscendens pulpitum, unâ prius horâ prosternebat se ante imaginem Crucifixi ardentissimâ oratione, quâ peccatorum suorum & populi veniam à DEO cum lacrymis petebat, ut idoneum atque efficax instrumentum sancti Spiritûs, lingua sua effici mereretur, ad commovenda mortaliû corda, Deoque subijcienda. Et quidem durante Missione concionem habebat quotidie horis matutinis: Dominicâ verò & Festis manè & sub vesperum, præter catechesim modò in templis, modò in compitis, rudibus & pueris constanter tradi solitam: ad quæ omnia tanti fiebant undique concursus, ut aliquot ante concionem horis templa conferto populo impleta penetrari amplius non possent; qui deinde certatim vestes ejus exosculari, vel saltem attingere certabant; felicissimos se rati, si ad basium manûs pervenire potuissent. Vidisses etiam omnes & singulos à concione redire devotione incensos, neminem offensum, aut de sui læsione querulum: sicut enim vitia universim & peccata magnâ libertate castigabat, ita nunquam personas in particulari, vel magistratus, sive sæculares, sive Ecclesiasticos perstringebat: sed ex adverso venerationem & reverentiam erga illos ubique inculcabat. Quod si aliquando necesse erat doctrinam suam pro concionibus traditam adversus maledicos tueri; agebat id tantâ modestiâ & humilitate, ut nullo verbo perstringeret eum, à quo læsus esset; sed omnes adverterent non suam ab eo, sed Christi causam defendi. Materiam sermonum deligebat planam & perspicuam, quam nullis lenociniorum fucis, sed ponderosis rationibus fulciebat, petitis tum è sacra Scriptura & Patribus, tum è varijs exemplis recentibus & vetustis, quas similitudinibus & paritatibus ita proprijs & genuinis illustrabat, ut singularem in hoc genere à DEO gratiam consecutus videretur. Neque in concione loquax erat & prolixus, quippe dicere solitus: non oportere semen confertim & multâ copiâ spargi, alioquin unum ab alio suffocandum, ut fomenti defectu nullum ad debitam radicem perveniat: sicut nec stomacho convenit plures cibos ingeri, quàm possit digerere.

Concione finitâ, illico se de pulpito ad confessionale transferebat, aures præbiturus omnibus, qui accedere voluissent; neque ferè ante meridiem egrediebatur ad dicendum Sacrum: post quod refectione modicâ sumptâ, postquam residuum ex horis Canonicis degenuisset, ad agendum cum proximo redibat: ac

demum horis diei ultimis confessionale repetens, ante noctem in hospitium non revertebatur. Hic eum denuo oratio excipiebat prolixior tum vocalis, tum mentalis; parcissimi enim erat somni, noctis potiore partem orationi tribuens, ad quam sub primam iterum auroram pervigil mentem excitabat. Neque satis exprimi potest, quantâ mansuetudine & charitatè reciperet peccatores, proponendo sibi in exemplar Christum Dominum, cum ipsdem libentiùs agentem: collababatur peccata sua deplorantibus, solabatur, & ad fiduciam in DEUM amorèque excitabat. Quos verò duriores experiebat, prior in fletum solutus provocabat ad pœnitentiæ lacrymas, neque ullum cum eis prolixius agendi præferebat tædium: unde plenius solatio, & melioris vitæ desiderio ab ejus abibant pedibus. Pœnitentias imponere solebat moderatas, dicens, Sacramentum institutum à Christo Domino ad remittenda, non verò punienda peccata. Et licet innumeri undique ad eum concurrerent peccata confessuri, nulli tamen copiam sui negabat, neminem in aliud tempus differebat, aut prope-rantiùs expediebat. Impatientem, aut in verbum aliquod indignationis erumpentem, nemo unquam vidit; sed injuriarum tolerantissimus, quas in eum plurimas dæmon, velut præcipuum suum in terris hostem excitabat, bonum reponebat pro malo, hostibus supplex accidebat, veniàmque rogabat: atque hac modestiâ & animos persecutorum lucrabatur, & reliquos mirè edificabat. Mundi hilarijs & festivitatis nunquam interfuit, cuiusmodi sunt comædiæ, cursus & certamina, musicæ, equorum agitationes, taurilia, & id genus sensuum oblectamenta: neque unquam prodibat in publicum, vel domos adibat alienas solius humanitatis causâ; quod hisce civilitatibus perdi tempus diceret, nisi gravior urgeret necessitas, vel animarum salus. Ideoque frequentissimus erat in carceribus, ergastulis, nosocomijs, pauperibus & ægris invisendis, conciliandis dissidentibus, in quibus componendis singulari à DEO gratiâ pollebat. Denique nullum genus erat obsequij vel laboris, cui non subjiceret humeros ad salutem animarum, totis 30. annis versando in Missionibus, constanti opinione & famâ sanctitatis, ab omnibus habitus ut Propheta & Christi Apostolus.

Potissimè tamen prædicationibus suis excoluit Regna Aragoniæ, Valentici, Granatæ, Bæticæ, Toleti, inque ijs urbes primarias: in quibus licet non deessent selectissimi Concio-



natores, quoties tamen constabat, alicubi dicturum Patrem Millan, omnis ad eum audiendum populus confluebat: loquebatur enim prorsus Apostolico spiritu, quo feliciter perverfos & inveteratos mores, jurandi abusum, randem extirpavit, & melioribus implantandis varia Sodalitia instituit, præcipue ad urgendum frequentem usum Sacramentorum. Neque omisit DEUS minas ab illo obstinatis de cælo intentatas immisâ sæpius poenâ confirmare; prout accidit Compluti, ubi cum pro concione graviter inveheretur in defraudatores publicæ annonæ, mox spiritu plûs quàm humano edixit, brevi illis comparandum fore ante supremum DEI Judicis tribunal, ad reddendam tantæ injustitiæ rationem: quod re ipsa paucis post diebus accidit, quando maximâ Civium & Universitatis illius consternatione, omnes illo tempore annonæ provisos subitanè fatò decesserunt. Neque minùs è contra in salutem perditorum procurandam divinis impulsibus agebatur. Grana- tæ aliquando in suo conclavi sub vesperam agentis vox allapsa est, jubens illum foras exire, ad remedium perituræ alioquin animæ ferendum: dum moratur, & dæmonis hanc fortè illusionem interpretans contemnit, eadem vox severiùs allabatur: quâ excitus, ante S. Evcharistiam in Templo provolvitur, petens clariùs locum & personam, cui subven- iendum esset, declarari. Iteratâ proinde voce jubetur certam adire plateam, occursurus

*Ex Nierembergij Tomo 1.*

## P. PETRUS CANISIUS.

**N**Oviomagus celebris Geldriæ Belgarum civitas, Patria Canisio fuit, Parentibus opulenti & Consularis ordinis in lucem edito Anno 1521. die 8. Maij: à quibus in prima juvenia piè & honestè educatus, operam deinceps omnem studiis addixit. In ipsa pueritia futuræ sanctitati, non vanis indicij præ- ludere videbatur, cum non rarò noctu diuque semota à domestico strepitu captans loca, Numini de genibus supplex deprehensus est, solitus jam tùm horrente setis tunicâ corpusculum afflictere, & ipsis Bacchi feriis à gustu vini & lautioribus epulis, pro debacchantium salute abstinere. Erat Arnheimij, loco non plûs decem passuum millibus Neomago dis- sito, vidua Reinolda (alij Reineram, sive Reinhardam vocant) Canisio sanguine juncta, vir- tutibus & sanctitate planè illustris, cui DEUS

*Societas Europæa.*

illic homini taliter vestito, qui animam laqueo elisurus secretum suspensio locum per- quireret. Secutus monitum cæleste Pater, procurrit cum socio ad designatum locum, hominèque reperit tristia meditantem, alloquitur blandissimè & solatur, dum laqueum à misero exprimat, quem sub brachio ad funestum exitum ferebat. Ad saniora red- ctum secum in Collegium invitat, & dies ali- quot pijs meditationibus exercitum ità inu- tat; ut plenus optimæ in DEI clementiam spei, vitam deinceps laudatissimam vixerit. Atque his modis fidelis Christi operarius ad mortem usque proximis se impendens, cum die quodam concionem haberet de S. Catha- rina Compluti insolito fervore & spiritu, ipso die calore febrili cum lateris puncturis corri- pitur, paucisque diebus ad extrema deductus, omnibus Sacramentis pijsimè ad æternitatem munitur. Nocte, quæ illi suprema fuit, cum à multis Patrum circumfisteretur, instanter expetijt solus sibi relinqui, & ad quietem u- niversos recedere, multa enim sibi restare ad- huc agenda cum DEO, tempus interim ad ea permodicum superesse. Tum vale omnibus dicto, Concionatores supremum obtestatus est, ut nihil unquam prædicarent, nisi cum Paulo JESUM crucifixum. Obijt uti vixit sanctissimè 30. Nov: anno 1597. ætatis 57. Societatis 34. non minùs à morte quàm in vi- vis in veneratione, ab omnibus tanquam exi- miè sanctus habitus & cultus.

immensam illam calamitatem ex Lutheri & Calvinii hæresibus seriem, ingentiâque inter Principes Christianos bella, Belgium potissi- mùm oppressura, revelaverat; addens, Eccle- siam quoque Catholicam per novum Religio- forum Sacerdotum Ordinem instauratum iri. Quæ cum illa in corona cognatorum aliquan- do recenseret, & inter eos quoque Canisius tredecennis puer adstaret, humeros ejus per- mulcens, & hic, ait, *unus ex illa familia Sacer- dotum JESU erit, qui in sanandis Ecclesiæ vul- neribus desudabit.* Idem Religiosa & nobilis virgo Brabantina illi prædixit, addens: *præter alia ab ipso gerenda, operam ejus & scriptionem, Ecclesiæ suo tempore multum profuturam.* Sub hæc Coloniam ad studia literarum missus, pri- mum nactus est pædagogum domesticum Nicolaum Eschium Presbyterum; cui virtu- tem & innocentiam suam, in lubrica illa ætate conservatam, semper Canisius imputavit: ne-

*Nn 2*

*que*





PPetrus Canisius S.I. Belga, perpetuus Hæretico-  
rum malleus, appellatus Germaniæ Apostolus, &  
acerrimus Ecclesiæ defensor. Obijt Friburgi in  
Helvetia 21 Decemb: 1597. æt: 76. *W. P. Kilian sc.*

que autem solum (scribit de se ipse Canisius in libro Confessionum, quem exemplo S. Augustini de vita sua composuit) in confessione secreta, me totum illi, & sepe quidem aperiebam; verum etiam priusquam nocte cubitum discederem, exponebam illi familiari colloquio (tanta erat fiducia!) lapsus, ineptias, & sordes anime mee; ut illi iudici rationem erratorum & transacta diei redderem; ac, si vellet, etiam peccatorum aliquam luerem poenam. Pungebat cor meum, cum ex illo audirem huiusmodi sententias: *servire DEO regnare est: sola salus servire DEO, sunt cetera fraudes: si Christum bene scis, satis est, si cetera nescis.* Idem prudenter hoc agebat, ut quotidie caput ex 4. Evangelijs legerem, & in eo sententiam illustrem eodem die subinde ruminandam exciperem: hinc mundi amor & timor in animo meo magis evilescibat.

Sic animatus, constanter repudiavit sponsam à Parente sibi oblatam Virginem nobilem, opibus & formâ præstantem; uti & honores Ecclesiasticos, & opimum Canonatum: progressusque ibidem in Philosophiæ studio, Magisterij laureâ insignitus est anno ætatis 19. serpente jam tum Coloniae hæresi Lutheranâ; cumque Magister suus in Philosophia, eâdem infectus, quosdam depravaret, Canisius non tantum ipse firmus in Catholica Religione perstitit; sed alijs etiam in ea firmandis operam naviter impendit. Sanè cum in familiaritatem Laurentij Suriij, in hæresim jam prolapsi, se insinuasset; non tantum maxime illi auctor deserendæ impiæ Lutheri sectæ exitit: sed etiam assiduâ consuetudine, & de rerum humanarum contemptu colloquijs eò perpulit, ut sibi Carthusianorum sanctissi-

man



mam Religionem amplectendam delegerit, in qua vitæ sanctimoniâ, & scriptis Sanctorum Vitæ singulariter eluxit. Sed & Canisius deserendi mundi jam certus, & voto perpetuæ continentiae pridem obstrictus, de familia solùm deligenda secum discepsabat, sanctiori interea Theologiæ nihilominus operam navans: utque in eo proposito firmius persisteret, anno ætatis 21. castimoniam perpetuam voto signavit. Venerat interea temporis Moguntiam Petrus Faber, unus è primis 10. sancti IGNATII socijs, à Cardinali Alberto Archiepiscopo evocatus: cujus virtutum & sapientiæ famâ in vicinas undique urbes sese diffundente excitus Canisius, singulari Numinis impulsu Moguntiam evolavit, séque Fabro sacris Exercitiorum Meditationibus imbuedum commisit, eo Spiritûs sancti operantis effectu; ut spretis omnibus paulò post Colonia in Societatem ab eo recipi expetierit, admittensque sit primus è Germanis, acetiam DEO & Societati per prima vota, sequenti formulâ se obstrinxerit. *Anno 1543. die apparitionis S. Michaëlis, Maij 8. quæ dies mihi natalis est, tribuens initium anni 23. ætatis meæ, post maturam deliberationem, ego Petrus Canisius voveo simpliciter omnipotenti DEO, B. V. MARIE, S. Michaëli Archangelo, & omnibus Sanctis, ex nunc me transiturem ad Obedientiam Societatis, quæ dicitur JESU Christi. Similiter Domino DEO, & Sanctis ejus promitto firmiter & voveo, quòd per divinam gratiam velim etiam ex nunc actualem assumere Paupertatem, nisi quatenus & quam diu Præpositus dictæ Societatis, aut ejus loco M. Petrus Faber impedierit, qui nunc dignatus est me in probationem suæ Societatis recipere. Voveo item peregrinationem instituere ad Limina sanctorum Apostolorum Petri & Pauli Romæ, & hoc quàm primum, si non aliter determinaverit idem Magister Petrus. Quòd si in Ordinem Societatis hujus me non acceptari contingat, volo me tunc statim obligatum esse, secundum consilium Professorum in eadem Societate, ad acceptandum protinus Ordinem alium in vita communi, & approbatæ Obedientiæ. Atque hæc omnia duntaxat propter honorem & amorem JESU Christi Domini Nostri, deinde simul ad honorem & servitium gloriöse Virginis MARIE, Sancti quoque Michaëlis, & omnium Sanctorum, in salutem animæ meæ. Amen.*

Remissus posthæc Coloniam à Fabro Canisius cum Neo-socijs aliquot, cœlestes faces ab ipso haustas latè mox sparsit, & multorum animos ad spem amorèque Cœlestium vehementer inflammavit. Carthusianorum

in primis ibi familiam ita Societati conciliavit, ut ab ijs potissimum vitæ subsidia sibi socijsq; egentibus fuerint suppeditata. Totum autem se, quantum per studia adhuc licebat, in pauperum curam & officia charitatis impendit. Cùm literas à Parente in gravi morbo, ex quo & decessit, constituto, accepit, illum ad se, & suprema accipienda mandata evocantes; accurrit quidem absque mora Canisius, sed in ipso conclavis ingressu pater è vivis, subito filij aspectu præ gaudio exanimatus, decessit. Eâ morte tam inexpectatâ vehementer perculsus filius, & multò magis de salute patris æterna sollicitus, mirè cruciabatur, noctemque illam in votis & lacrymis ad DEUM totam insumpsit: cujus gemitibus motus benignissimus DEUS illi revelare dignatus est, non patrem tantum, sed & matrem pridem defunctam, cœlo receptos. Quo divino responso vehementer exhilaratus, & ad serviendum tantò impensius DEO accensus, bonis paternis magnam partem in pauperes distributis, Coloniam ad terminanda studia Theologica revolavit, in quibus eam eruditionis & acuminis opinionem consecutus est; ut illico explanandæ in Lycæo Montano sacra Evangelij historiæ; in Academia verò epistolæ S. Pauli exponendis admotus fuerit, cùm simul ad populum in Æde sacra constanter maximo omnium plausu conciones haberet. Sacris post paulò initiatus, cùm Archiepiscopus, idemque Septemvir Colonienfis Hermannus Weda in hæresim Lutheranam prolapsus, in idem discrimen populum universum tracturus timeretur; totius Colonienfis Academiæ & Cleri sententiâ Canisius delectus est, qui ad Leodiensem Antistitem (erat is Georgius, Maximiliani primi Imperatoris filius) adversus nascentis sectæ flammam auxilium petiturus mitteretur. In qua functione, coactus diutius propter rei gravitatem hære, Festis omnibus publicè interim concionari, sæpèque eodem die in Episcopio, aut alijs Paræcijs ternas dictiones habere perrexit. Confecto ibi feliciter negotio Coloniam rediit, mox ad Carolum V. in eadem fidei causa legatur in castris tunc agentem; apud quem tantum dexteritate & zelo suo profecit, ut citato ad causam dicendam Pseudo-Archiepiscopo, Colonienfis auxilia contra Protestantium exercitum promiserit: effectumque tandem est, ut Anno 1547. à summo Pontifice exauctoratus, tiaram Adolpho Schavenburgio cesserit. Canisius apud Carolum aliquamdiu in castris versatus, in Othonis simul Cardinalis & Episcopi Augustani familia-



ritatem, magno optimi Principis usu, venit; à quo, legationis Colonienſium rebus confectis, cum P. Claudio Jaio, ad Concilium Trident: titulo ſui Theologi miſſus eſt, cum annum non plùs ageret ætatis quàm 26. Ibi ſententiam ſuam in rebus Fidei controverſis reliquos inter Theologos publicè dicere ſolitus, magnà ſemper Patrum tum approbatione, tum profundæ adeò in ea ætate ſapientiæ admiratione auditus: ex qua factum eſt, ut translato ſubinde Bononiam Concilio, eum unà proficiſci voluerint. Suſpenſa penitus certis excuſis non longè poſt Synodo, evocatus ab IGNATIO Romam Caniſius eſt magno ſuo gaudio, quòd ſibi Urbem ſanctam tot Martyrum ſanguine purpuratam, videndi copia fieret: totumque illud 5. ferè menſium ſpatium in S. Exercitiorum aſceſi, aliſque ſpiritus probationibus traduxit, tantopere ex publica fama jam tum à dicendi facultate æſtimatus; ut publicè coram Pont: Paulo III. perorare juſſus fuerit. Indè cum ſocijs aliquot in Siciliam, ad fundandam iſtic Societatem miſſus, magno animorum fructu Meſſanæ Oratorem tum in Templo, tum in Lycæo egit per anni decurſum; dein Romam revocatus, ſolenni 4. votorum profeſſione totum ſe DEO confecrav. Nec mora, Guilielmo Bavarix Principe ſubſidia è Societate contra frementes circumquaque hæreſes petente, miſſus cum Salmerone Caniſius eſt, publicè priùs Bononiæ Magiſterio ex Theologia inauguratus, cœpitque publicè eandem Ingolſtadij profiteri, ſimulq; in Templo ad populum perorare; tantâ omnium ſatiſfactione, ut mox Reſtor Academiæ, voto omnium, creatus ſit; & Albertus Guilielmi ſucceſſor (quod in geſtis Hoffæi referemus) ejus ſacræ doctri-næ, & Apoſtolico zelo, Pròvinciarum illarum in Religione conſervationem adſcribens, profiteri conſuevit: *Petrus Caniſius, & Paulus Hoffæus, ipſi nos docuerunt legem tuam Domine.* Extat ejuſdem publicum in Annalibus illius Academiæ encomium, inter reliqua hæc habens: *Theologus fuit profundus, & lectionis infinitæ, Orator valde eloquens, & gravis Eccleſiaſtes, in quo pietatis & eruditionis, vitæq; integritatis, omniſque virtutum generis illuſtre fuit exemplum. Reſtituit ipſe cum Collegiſ ſuis (Salmeronè & Jaio) Academiam loco ſuo & dignitati, cum ea magnum adiſſet diſcrimen Religionis, & ingens detrimentum poſt nefariam quorundam in Academia defectionem accepiſſet. Hoc etiam citra injuriam aliorum affirmarim, longè & elegantius politiùſque, & compendioſius nunc pene omnes tradi docerique literas, quàm apud Majo-*

*res noſtros fieri eſt ſolitum.* Anno 1551. evocatus à Ferdinando I. Imperatore Viennam, ex integro propè hæreticam, cœpta illic Collegij fundamenta abſolvit. Delectus à Cæſare in Aulæ ſuæ Eccleſiaſtem (nam in Academia præterea ſacra Divinæ legis myſteria interpretabatur) cum veritatem Catholicam acerrimè propugnans, hæreticorum fraudes magno zelo detegeret, atque ideo citra vitæ ab hæreticis civibus diſcrimen in publicum prodire, & Regiam petere vix poſſet, armatâ manu illum deduci Cæſar imperavit. Tantùſque brevè ex ejus laboribus & virtutibus Apoſtolicis fructus exitit, ut Ferdinandus propter ſanctimoniam Viri venerationem, Antiſtiti Viennenſi extincto, non alium illo digniorem, quem ſufficeret, judicârit. Quare binis vicibus per Legatum apud ſummum Pontificem Julium III. inſciò Caniſiò, omni ope contendit, ut illum vellet, juberetq; Viennæ Pontificem eſſe; non aliam meliorem ad extirpandam ab Aſtria hæreſim viam eſſe: quibus permotus Papa Julius ad annuendum jam inclinabat, niſi IGNATIUS toto conatu reſtiſſet, ſuboffenſo quamvis eâ re nonnihil Cæſare. Illud tamen ab IGNATIO impetratum eſt, ut pateretur ad annum uſque Episcopatum à Caniſio adminiſtrari, cui poſtulado ità duntaxat S. Pater annuit, nè veſtigialia & proventus ejus curæ ſubeſſent. Neque defuit DEUS Caniſij laboribus Viennæ per mirros eventus confirmandis. Mulier morbo pariter & malo genio diu torta, ſimul ac Caniſio peccata ritè conſeſſa eſt, non modò pertinaci dæmone, qui nullis carminibus ſacris vinci poterat, verum etiam omni ægritudinis moleſtiâ liberata eſt. Et alia pariter, à dæmone oppreſſa, dudum de ſalute æterna penitus deſperârât: ſed ubi repetitis à pueritia peccatis apud ipſum expiata eſt; omni dæmonis obſidione, & conſcientiæ damnatæ laniennâ extempta eſt.

Juſſus ſub hæc Caniſius à Ferdinando rudimenta Chriſtianæ doctri-næ ſeu Catechiſmum conſcribere, ea magno ſtudio collecta, compendio primùm, auctoritate Cæſareâ, ſine ſuo nomine (quod modetiæ cauſâ fecerat) vulgavit: quæ res cum mirè oculos adverſariorum torſiſſet, & calamos eorum in omnibus regionibus ad illorum veritatem, ſi poſſent, convellendam exciviſſet; Caniſius Cæſaris impulſu, opus idem augere, & testimonijs SS. Patrum fulcire aggreſſus eſt, eo in rem Catholicam proventu, ut nihil his ſæculis ſalubrius, & ad conſervandam Orthodoxam fidem utiliſ, in lucem ab ullo prodiiſſe credatur. Maximum.



num autem libro pondus adjecit edictum à Ferdinando Cæsare appositum, in quo multa augustissimo zelo præfatus de fraudibus & machinis hæreticorum, perniciosâ librorum editione Catholicos decipientium, auctorem se Canisio fuisse dicit ad Catechismum, justo volumine, simulque brevi epitome vulgandum, qui à pueris commodè memoriæ mandari, & rudi etiam plebeculæ instructioni esse posset. Quare omnibus Statibus Imperij & suarum Provinciarum districtè præcipit, ut hunc Catechismum solum, nullumque alium per Ludimagistros, Præceptores, ac Pedagogos, pueris in scholis publicè ac privatim proponi, prælegi, ediscendumque tradi magnopere curent, quatenus gravissimam indignationem Cæsaream, aliisque penas hujus edicti contemtoribus pro arbitrio suo irrogandas evitare velint. Hæc enim est, concludit, expressa mēs & voluntas Nostra. Et verò tantus ex hoc Canisij opere fructus in totum Orbem redundavit, in omnibus Templis, Scholis, Academijs, juventuti prælegi & explicari solito, ut omnium gentium linguis Canisius hodiè loquatur; Indorum etiam, Sinarum, Japonum & Æthiopum; possitque jure meritò gentium omnium Doctor appellari, cujus ope innumeræ mortalium myriades ab erroribus diversissimis reductæ, in veritate Religionis Orthodoxæ instructæ aut firmatæ sunt. Sectarios interim non minùs acriter pupugit, & pene in rabiem contra Canisium egit, quem indè non aliter, quàm *Canis Austriaci* nomine appellabant, & ejus famam miris figmentis lacerare & discerpere laborabant. Ex quibusea Viro auctoritas ubique crevit, jam Provinciæ regendæ ab IGNATIO præposito; ut illum Societatis auctorem, & conditorem vulgò proclamarent, hæretici præsertim, magnitudine rerum ab eo gestarum decepti.

Cæsar interim tam manifestum Viennæ & per Austriam ex opera Canisij, Sociorumque in recenter fundato à se Collegio emolumentum expertus, de juvanda per eorundem zelum Boëmia, Wicleffi, Hussij, Lutheri hæresi contaminatissima, consilium cœpit. Datique ad IGNATIUM & JULIUM Pontificem literis, cum Sociorum aliquot pro erigendo Pragæ, Regni metropoli, Collegio impetrasset, Canisium ipsdem inducendis destinavit: qui Scholis illico Pragæ apertis, ipse pro cathedra populum veritatem & virtutes Christianas docere, & hæreticos ad fidei integritatem invitare aggressus est. Fremebant interim in illum Sociosque Cives Hussitæ & Lutherani, minabanturque de ponte proximo in

flumen dejecturos, millèq; insidias ponebant; sic, ut quoties in Templum vel scholas descenderent (verba sunt Annuarum Collegij Pragensis Anno 1556.) nunquam se probabiliter secundum humanam rationem, redituros ad cubiculum vivos crederent. Et fecissent omnino, nisi publicis edictis Ferd: Cæsaris, & Filij itidem Ferd: Archi-Ducis, Sociorum salutem severissimè cautum fuisset; rarò siquidem domo prodire contigit, quin lapidibus, luto, nam contumelijs incessi planè consuetum erat, impeterentur; quâ causâ Canisius quoties Aulam Regiam petebat, præsidio Archi-Ducis ducendus & reducendus fuit. Sed pervicit omnia Sociorum virtus, Canisij præsertim, de quo eadem annuæ ità memorant: *Patrem nostrum Provincialem Canisium mirè hæ regiones venerantur, ut non solum Catholici, sed etiam Hussitæ & alij hæretici, imò & Judæi illum diligant: quamvis doleant malorum artifices, tam multa ejus consilio in universo Germania statueri; imò ut à quibusdam indignantibus spargitur, omnia ejus consilio agi.* Prædicationum imprimis Hussiticorum odium in Canisium, à quo maximè sectæ suæ non immeritò formidabant, crescebat indies, ut ostendit monostichon in ipsum auctoribus ipsdem jactatum: *Hinc procul esto Canis, pro nobis excubabat Anser*: Hus enim, boëmicum hæresiarchæ ipsorum nomen, idem est quod anser in latino. Anno insequente 1557. Canisius Wormatiam à Pontifice & Cæsare missus est cum Nicolao Gaudano, perentibus colloquium Lutheranorum antesignanis, super controversis Religionum articulis. Et comparuere quidem Melancthon, Flaccus Illyricus, Nicolaus Ambsdorffius, Nicolaus Gallus, & alij 8. ministri: sed ubi disceptandi initium factum est, cum hæretici inter se convenire non possent, & Orthodoxorum consensum, vim dicendi & eruditionem, causæq; æquitatem formidarent, Wormatiâ se subdixerunt; thesibus & hypothesibus ità inter se postea ipsimet digladiati, ut Ambsdorffium & Gallum reliqui tanquam hæreticos à se proscriberent. Canisius per Coloniam & Argentinam iter agens, aliquamdiu hic substitit, & triumphantem Argentorati hæresim concionibus suis multum repressit, confirmatis in fide paucis qui supererant Civibus, & Virginum Cænobijs. Indè Dilingam delapsus, tantâ Cardinalis Augustani pietate & reverentiâ exceptus est, ut suis ipse manibus Cardinalis pedes ejus abluerit. Straubingæ ex voluntate Cæsaris & Ducis Baviaræ per Quadragesimæ ferias concionatus, cum populus ferè omnis hæresi



hæresi jam infectus esset; tamen DEO juvante, dictione Canisij fraudes novatorum ita detectus est, ut in Paschalibus feriis pauci fuerint, qui non Catholico ritu Divinam synaxim obierint. Redux Pragam, ut inchoata Collegij initia prosequeretur, cujus non modò primum lapidem jecit, sed tandem partem magnam ædificij perfecit; in Æde simul Metropolitana S. Viti concionibus ad Cæsarem, populùmque haud parùm promovit. Rogatu subinde Ducis Baviaræ, ad constituendum Ingolstadij Societati Collegium, à Cæsare dimissus, illius etiam Domûs fundamenta jecit, & quæ necessaria videbantur ordinavit, declaratus Germaniæ Superioris, Austriæ & Boëmiae Provincialis.

Sub hæc ad novam Missionem à Pontifice Paulo IV. destinatur, tanta erat de Viri dexterritate existimatio! jussus in Poloniam Nuntium Apostolicum comitari. Ubi dictionibus suis ad tuendam Ecclesiæ integritatem incenso ubique Clero, ad suam Provinciam redux, Ferdinandum Cæsarem Augustam ad Comitiam Imperij comitatus est, ut ei ad Catholicam rem contra Protestantium conatus tuendam, pro Theologo adesset: cujus sanctimoniam odore captus Otho Truchses Cardinalis & Urbis ejus Antistes, eum in Concionatorem Ecclesiæ suæ Cathedralis à Generali Laine impetravit. Erat per id tempus lamentabilis Augustæ facies, paucissimis Civium in Catholica veritate persistentibus: unde omni ope, connisus Canisius, quàm privatis disputationibus, quàm publicis concionibus, non paucos, inque ijs præcipuè nobilitatis Viros & fœminas Luthero abstraxit. Fuit inter hos nobilissima fœmina Comitissa Sybilla Ebersteinia Marci Fuggeri conjunx, hominum Societatis nè quidem alloquium ferre sustinens, quoad illam Patris Canisij species per quietem divinitus oblata hortaretur, ut ad Catholicorum castra transfiret. Evocato igitur manè Canisio accidit, ut pro eo Sacerdos alius è nostris veniret; sed illa negavit esse illum, quem per visum fuisset intuita: mox autem succedente Canisio, *hic est*, inquit, *quem per somnum vidi*. Datis igitur post sufficientem instructionem Fidei manibus, maximam Catholicis omnibus, ipsi cum primis Archi-Episcopo peperit lætitiā, & parem dolorem Lutheranis, pro cuius in hæresi perseverantia publicas in Synagogis suis preces indixerant. Dum ita maximè Augustæ laborat, & nihilominus Provinciam suam per Austriam, Boëmiam & Baviariam administrare pergit; Albertus Baviaræ Princeps visis in ditione sua ex Collegio In-

golstadiensi supra omnem expectationem animarum lucris, constituit & Monachij aliud Societati statuere; cui fundando 10. Socios Canisius cum misisset, tantus continuè hominum ad Sacramenta fuit accursus, ut suppetias Sociorum Româ mitti necessarium penitus fuerit. Ejus verò Collegij tum initia, tum etiam felices progressus potissimùm meritis & precibus Canisij debentur, ad quas DEUS hanc mentem Principi indidit, uti Pater ipse, in sua quadam ad Collegas epistola restatum fecit: *ego certè, scribens, ut hoc obiter addam, clementissimo DEO gratias ago, qui me ante inchoatum vestrum Collegium indignum precantem singulari consolatione perfudit, & gratiosè promissit, rerum nostrarum successum fore felicem, hunc exitus postea comprobabit*. Nec multò post accessit & Collegium Oeniponti; à Ferdinando Cæsare fundatum, ubi quinque illius Filiæ Regijs virtutibus educabantur; quæ ubi semel suam conscientiam fidem Canisio commiserunt, nunquam à Societate descivere; sed cum ex ijs ternæ vitam cœlibem edito Virginitatis voto elegissent, aliud insuper Societati Collegium Halæ in eadem Tyroli fundarunt, sub cujus spiritali directione hodièque Parthenon ille Virginum laudatissimè DEO, licet citra Religionis vota deservit. Evocatus subinde iterum à PP. Concilij Tridentum est, quòd nemo alius crederetur de rebus Germaniæ Concilium posse melius edocere: ex altera verò parte, cum nullo modo Germania ejus spolianda præsidio id temporis censeretur, ea temperatio approbata est, ut tantisper duntaxat, dum de rebus Germaniæ ageretur, Tridenti subsisteret. Intravit Tridentum initio Maij Anno 1562. invisitque Cardinalem Hosium ita graviter decumbentem, ut jam se ad obitum certò compararet. Sed ecce mox ut Canisius conclave ingressus est, morbus omnis abscessit: id quod unice Viri sanctitati & meritis Hosius Cardinalis tribuebat. Hæsit ibi duos menses Canisius, inter alios Theologos sæpius auditus: cum Augustam ad munus Concionatoris Cathedralis iterum se retulit.

Vix explicari satès potest, quantos labores & curas tot simul res agendo unus Canisius exantlavit, dum & conciones Augustæ constanter ad populum obit, & in tot loca invisenda ex officio Provincialis distractus, Pragam, Viennam, Oenipontum, totque alios ad Principes, ad Comitiam Imperij Augustam, Norinbergam, Francofurtum, identidem provolat, ubique concionibus Fideles in Religione confirmans, & hæreticos certaminibus la-

cessens,



cessens, tantâ virium contentione, ut P. Natalis Vir & ipse actuosissimus; non solum ferreas in eo animi vires, sed & corporis affecti patientiam in tantum durantis suspiceret. Nam præter ordinarias conciones in principe templo, etiam per tempus Comitiorum sub Imperatore Maximiliano II. semel quaque hebdomadâ dicebat ad Imperatricis aulam: aderat frequens Pontificio Legato Joanni Comendano, cui etiam erat à confessionibus. Aderat Cardinali Othoni, Præsulibus Moguntino ac Trevirensi, & cæteris ferè Magistratibus sacris. Quorum ejus laborum famâ permotus Pontifex Pius IV. his illum ad continuandos tam utiles Ecclesiæ labores confirmavit. *Dilecte Fili, salutem & Apostolicam benedictionem. Ad aures nostras, dilecto filio nostro Othone Cardinale Augustano referente, pervenit; quo studio, quâ diligentia, quâ charitate des istic operam, ut quàm plurimos eorum, qui hereticorum fraudibus decepti, à recta Religione aberrârunt, in salutis viam reducas, quantum etiam supernâ cooperante gratiâ proficias. Magna nobis consolationi fuit tam optatus nuncius. Agimus Omnipotenti gratias, qui pro sua misericordia, tam multos jam, sicut adivimus, per ministerium prædicationis tuæ in Ecclesiam Catholicam revocavit. Insta fili ut capisti, & enitere, ut quàm maximum animarum lucrum facias: urge tampiam, tam sanctam negotiationem: noli defatigari in tam sancto opere sedulitatis tuæ, ab eo, cui famularis, id præmium laturus, quod bonis & fidelibus servis suis promisit. Si quid verò à Nobis desideras, quod conferre aliquid posse credas ad animarum salutem, libenti animo quidquid postulaveris concedemus. Datum Romæ apud S. Petrum sub annulo Piscatoris die 5. Martij 1561.* Sed & Otho ipse Cardinalis, cum paulò ante Dilingæ Academiam novam fundâset, vidissetque tantum ab uno Canisio contra hæreticos, in gregem suum immanissimè undique grassantes, præsidium, Anno 1563. excitato ibidem Societati Collegio, illam integrè in Societatis administrationem & potestatem transcripsit, cujus maxime præsidio Svevia & Rhætia in Religione conservata deinceps est. Profitetur id Cardinalis ipse in literis suæ hujus donationis & foundationis, *veni*, inquit, *tandem in hanc sententiam, & ad hoc faciendum plurimum animum moverunt, diuturna cognitio, consuetudo & experientia, quam habui cum multis PP. Societatis, maxime cum eximia pietatis ac doctrina Viro D. Petro Canisio, qui in Civitate & Diocesi mea Augustana incredibilem fructum in convertendis hæ-*

*Societas Europæa.*

*ticis, stabiliendis Catholicis, & alijs nunquam satis admirandis & probandis operibus, convinnè, indefessè, & laudabiliter longo tempore peregit, &c.*

Constitutis Dilingæ & ordinatis rebus omnibus, ad legitimam novæ Academiæ administrationem pertinentibus, Canisius ad consuetos labores Augustam repetijt, habuitque paulò post hospitem Angelicum B. Stanislaum Kostkam, ad se Viennâ expetendæ Societatis causâ profugum, cujus vocationem & virtutem aliquamdiu in Dilingano Seminario periclitatus, illum ad tyrocinium subeundum Romam transmisit. Non cessabant interim sectarij damnis suis dolentes, in Societatem, atque inprimis Canisium, virus calumniarum per famolos libellos & picturas infames spargere, portentosa crimina objicere, mendaciorum plaustra ædificare: quin & ad Lutheri transijssæ Evangelium mentiri: sed quibus apud intelligentes & pios aliud non effecerunt, quàm ut Canisius palàm & publicè *Apostolus Germaniæ* diceretur, cujus conatibus & operâ, Catholicorum reliquiæ in officio maxime continerentur. Et quidem unius illius industriæ conservata Herbipoli debetur religio, Elvangæ autem restituta, ubi 20. annos jam sedem fixerat, nec revelli poterat, Lutherano innixa Principe. Sed concionibus Canisij post plurimos Ecclesiæ restitutos, consensu omnium decretum est, neminem posthac civitate recipiendum, qui non antè Fidem Catholicam profiteretur. Cujus rerum gestarum famâ in Poloniam usque & Prussiam pervagatâ motus Cardinalis Hosius Varmienfis Episcopus, eum ad statuendum Braunsbergæ in Prussia Collegium evocavit. Quo legitime firmato, Romam excitus ad novum Generalem pro demortuo Layne creandum, S. Franciscum Borgiam cum reliquis nominavit. Septies diversis vicibus Romam Canisius proficisci coactus est, ter Societatis ipsius causâ, ad electionem trium Generalium: aliàs vel coactus Principes Viros & Cardinales eò comitari, vel Pontificum jussis accitus. Inijt per eam occasionem arctam familiaritatem cum S. Philippo Nerio, à quo famâ & ipse sanctitatis & rerum gestarum magno in honore habebatur. Aliàs verò evocatus à Pont: Gregorio XIII. ut consilio illi adesset in rebus, quas ad conservandam in Germania Religionem Catholicam moliebat, auctor illi potissimum fuit, ut Collegium Adolescentium Germanorum in Urbe, ad incitas propè redactum, in quo 12. vix plures alebantur, resuscitaret, & alia quàm plurima



per Germaniam fundaret: *nullâ siquidem aliâ rem magis Germaniam laborare, quam inopiâ Doctorum & idoneorum Sacerdotum, qui præsent Ecclesijs & animarum curæ, populos sincerâ doctrinâ erudiant, & loquaci audaciâ hereticorum, veritate Evangelicâ & doctrinâ se opponant.* Probavit sapientissimum consilium. Pontifex sanctissimus, & præter illud in Urbe ad eum vigorem, quem hodie suspicimus, reductum, plurima varijs in Germaniæ Urbibus, sumptibus Curia Apostolica perpetuis, pro educatione Cleri instituit, Dilingæ, Viennæ, Rhemis, Pragæ, Olomucij: quorum incredibili paulò post fructu animadverso, ad aliarum etiam nationum Seminaria tam in Urbe, quam in Patrijs illarum instituenda animum convertit, puta Anglorum, Græcorum, Maconitarum, &c. in ipsa adeò India & Japonia. Cum verò interim suboluisset Canisio, agitare Pontificem, instinctu Cardinalis Augustani, de se purpurâ sacrâ ornando; causâ inventâ, repentè in Germaniam se subduxit.

Aliàs tamen Pio IV. Pontifice sedente, Romam veniens, evitare non potuit, quin cum potestate & auctoritate Legati ad omnes ferè Germaniæ Principes, & Civitates liberas, in obedientia Ecclesiæ adhuc persistentes, ab eo mitteretur: quâ causâ legitimè instructus Apostolicis diplomatibus peragravit, unico socio in comitatum assumpto, Bavariam, Sveviam, Austriam, Franconiam, Westphaliâ, Geldriam, Cliviam, convenitque præcipuos omnes Germaniæ Principes, ut eos literis & verbis Pontificis in Religionis Catholicæ studio confirmaret. Et Colonia quidem apud Magistratum Urbis & Academiæ, exhibita Pontificis auctoritate, ad habendam sibi tanquam Apostolico Legato fidem, effecit 1. ut nemo vel ad docendum pro concione populum, vel ad erudiendam juventutem admitteretur; de cujus vitæ & doctrinæ integritate, non constaret. 2. ut libri & librarij omnes, qui sinceræ doctrinæ, vel moribus contrarias chartas clanculum vel apertè Urbi inferrent, proscriberentur. 3. ut alienis à Catholica Fide locus in Urbe non daretur. 4. Nè quis Lutheri aut Calvinii præco, domo, tecto recipere; prævaricatores autem graviter punirentur. 5. ut ad gradus Academicos nemo, nisi emissâ fidei ex Conc. Tridentini formula, professione admitteretur; quod ultimum deinde, ut omnibus Academijs Catholicis præcepto Apostolicò demandaretur, auctor præcipuus Pontifici fuit. Morte Pij IV. à Legationis onere liberatus, deposito etiam in Paulum Hofstæum, quod totis 20. annis gesserat, Provin-

cialis munere, illustre opus *de verbi DEI corruptelis*, jussu Pontificis contra Centuriatores Magdeburgenses in bonum Ecclesiæ edidit, quod pluribus locis recusum est, magnâ Orbis Catholici commendatione: sicut & duo volumina, quibus Præcurforis Domini & DEI paræ honorem, à calumnijs impiorum acerrimo stylo vindicavit, & alia plurima opuscula. Donec à Francisco Bonhomio Episcopo Vercellensi, & ad Helveros Legato Apostolico, Friburgum Helvetiorum, ad conservandam ab hæresi Zwingliana Urbem, deductus est. Perrexit ibi sex ipsos annos concionibus sacris populum excolere, dum morbo correptus, qui mentem illi propè eripuit, à dicendo coactus est triennio abstinere: post quod receptis viribus ad institutum redijt, populumque erudire pro concione perseveravit. Cives interim perfectâ Viri innocentia, & doctrinæ excellentiâ, de tota Societate ex uno velut indice judicantes, Collegium apud se statui impetrârunt Anno 1596. Canisio ipso fundamenta ponente, in cuius adeunda possessione ultimam ipse concionem habuit. Tantusque fuit Civitatis in eum cum æstimatione affectus; ut nunquam ejus sibi præsentiam tolli passi fuerint, eo præcipuè consilio, quod cum nullum Viri sancti corpus in sua Civitate haberent; hunc primum habere concupiscerent. Et quidem dum adhuc dicere potuit, quamvis senio, voce & viribus defectus, ingentes omnium Ordinum concursus fiebant non ad audiendum tantum, sed vel videndum saltè; cujus solo aspectu ad pietatem excitari, nec unquam satiari poterant. Postquam verò ultimò vitæ decenniò non tam ingravescent annorum ætas, quam laborum & peregrinationum pondus illum à pulpito penitus exclusit, & scipione gressum fulcire coëgit; septem quotidie horis præcationi & meditationi attributis, reliquas scribendis edendisque varijs ad excitandam pietatem fidelium libris impendit; quorum bene longum syllabum habes in Bibliotheca Patris Alegambe.

Anno demum 1597, ætatis 76. cum hydrope quatuor menses luctatus, & ad ultimum agonem omnibus Sacramentis munitus, pijsimè decessit, ipso S. Thomæ Apostoli die 21. Decembr: elatus publico Civitatis, luctu, & ad pedem Aræ majoris, in principe Templo cum gloriosa inscriptione tumulatus. Fuit Canisius inter tot tamque varia animarum negotia quasi absorptus; ita nihilominus DEO per orationis studium conjunctus; ut illi vacans, quasi sopitis sensibus in cœlestia abriperetur,



retur, neque posset facile ad se, veluti è profundo somno expergisceretur, revocari. Humilitatis in ultima etiam senectâ mansit studiosissimus, & vilissima quæque agenda domi sexagenario major, sibi assumebat, verrebátque scopis pavementum, pulveres abstergebat, & culinarias à patinis sordes abluebat. Sensus suos acerrimâ custodiâ frenabat, neque patiebatur oculos in ullâ amœnitatis objecta evagari, ab ipso etiam florum & viridantium camporum intuitu severè eos continens. Flagris & cilicio in corpus sævire postremis etiam annis non destitit, quibus verus & in tremulis suis artubus detritum cilicium, cum recenti alio Religiosi Carthusiani permutavit. Cibi tam erat modici, ut octiduo vix tantum sumeret, quod alius uno caperet prandio, cœnâ ut plurimum abstinēs, uti & carnibus & vino, nisi copiosâ aquâ diluto. Cùm stomachus ultimo vitæ tempore omne genus cibi averfaretur, sæpius à Ministro rogatus, ut significaret, quis palato arisurus videretur? aviculam tandem dixit. Prodiit in forum Oeconomus, nullâque inventâ tristis domum rediit: cùm ecce ad vesperum apertâ cubiculi fenestrâ, avis quasi divinitus immissa, ultrò se capiendam in ejus tunc cœnam offert. Porro inter edendum, si non de animæ salute cum convivis colloqueretur, ad singulas buccellas tacitè actus virtutum varios eliciebat, mente à ciborum gustu penitus abstractâ, ut sæpe acetum pro potu bibiturus arriperet. Fuitque hæc illi cum Cœlitibus conversatio semper & ubique, præsertim dum iter ageret, perfamiliaris; unde persæpe sui, sociisque, & omnium præsentium oblitus, cùm se ab illo separâset, jumento vectus in avia abripiebatur, & fluminum voragines ingressus, non nisi per ignotos subitò comparentes evanescentesque (quos Gœlites fuisse non ambigitur) ex medijs periculis ereptus in viam reducebatur. Sic per Alpes aliquando, restagnantibus undique aquis, Oenipontum Augustâ cum P. Francisco Rocca iter periculosissimè agentem, repente equus in aquas effudit, altero pede in stapede hærentem; cùm subitò vir staturæ proceræ adfuit, & Canisium ephippio restituit. Gratus liberatori suo Pater, *prande bis*, inquit, *nobiscum, ubi ad hospitium divertemus, & debitum beneficio munus accipies. Bene habet*, respondet viator; & ductoris munere fungens progredientem non destituit, quàm in sicco solo salvum exponeret, & diversorium in conspectu haberet; tum repente videri utrique desijt.

*Societas Europæa.*

Magnitudo & robur animi illius nunquam magis enituit, quàm ubi cum Cæsare ipso, Principibus Aulæ, & præcipuis Theologis Cæsari suffragantibus decertandum fuit. Incitabatur Cæsar à quibusdam rerum novarum studiosis, ad nonnulla à Concilio Tridentino postulanda, quæ neque ex Sedis Apostolicæ auctoritate, neque pro rei Catholicæ bono facere Canisius advertēbat: Inter quæ præcipua erant, ut assereretur Concilio præpostera quædam libertas, & potestas à Pontifice independens, quâ Papa ipse cum Romana Curia reformari posset: ut Eucharistia promiscuè Laicis sub utraque specie in Provinciis Cæsareis porrigeretur: ut ibidem Sacerdotibus ex Clero matrimonia permitterentur. Cupidissimus pacis, & in Religione concordie Ferdinandus, nec quidquam fraudis inesse his suspicatus, ut desuper Theologorum etiam sententiam acciperet, inter complures accivit & Canisium nostrum. Et quoad primum omnes quidem citra discrepantiam edixerunt, nefas esse Concilium à potestate Pontificis eximi: in alijs omnibus Cæsari cùm assentirentur, uni erant Canisio omnium Collegarum imperus sustinendi. Constanter nihilominus obluētatus, scripto & ore tenus Cæsari rationum momenta pro parte adversa adducere identidem non destitit, esto id ingratum inprimis illi experiretur, sentirēturque sanctâ suâ importunitate de tanta apud Cæsarem gratia nonnihil deteri. Erātque tum maxime videre in Canisio Apostolicum pectus, quod Ecclesiarum omnium sollicitudine tabescebat, scandalis omnium urebatur. Quid ille non & lacrymarum & genituum fudit, ubi post paulò vidit turbulentorum hominum postulationibus indulgeri, & indies majorem patefieri fenestram, ad Ecclesiæ sanctæ auctoritatem convellendam, & Sacrificium ipsum abolendum? Et Roma quidem, ubi de his Canisij apud Cæsarem pro integritate Religionis certaminibus rescijt, maximèque sanctus Cardinalis Borromæus, supra modum celebravit: ipsēque Pontifex, cùm ex Cardinali Morono, oculato horum apud Cæsarem teste, cognovisset, tanti fecit, ut adeuntem ad se S. Franciscum Borgiam perbenignè acceperit, perhonorificis verbis zelum & fortitudinem Canisij commendans. At hæretici ex adverso cùm ferre non possent Evangelij sui cursum ab uno Jesuita retardari, & ore & libris conati sunt nomen Societatis ignominiosum reddere, volumine præsertim à Kemnitio hoc titulo præfixo: *De ordine Jesuitarum, quæ sit eorum fides: quomodo adversus JESUM &*



*sanctum ejus Evangelium decertent, non alio fine, quam ut nationem Germanicam in æternum salutis exitium adducant, ac denuo Papæ jugo subjiciant.* Cujus libri impudentissimis mendacijs simpliciorum mentes imbutæ fuere, Jesuitas esse Societatem satanæ, atque adeo Cacodæmonum cætum.

Neque desunt, quæ mirabiliter ejus operâ in vita & post mortem DEO patrare complacuit. Erat Lovanij Cornelius Wishawæus Civis opulentus, & Canisio sub eadem Eschij disciplina Colonia olim condiscipulus, quem manifesto miraculo per Canisium DEUS Societati adjunxit. Petentibus Lovanium Petro Fabro & Francisco Strada, adjunxit ad Wishawæum Canisius literas, quibus illum in hæc verba compellabat: *Corneli amice, habes hic virum optimum Petrum Fabrum, cujus Religionem amplectere: sic enim, quam cupis, animi salutem consequere:* Sed cum Strada porrectis Cornelio literis extemplò recessisset; lectâ Cornelius Canisij epistolâ internuncium requirebat; nec usquam reperto, Adem S. Dominici adit, ubi supplex ad iconem SS. Virginis, indicium sibi fieri reperiendi Stradæ ardentissimè oravit. Jubetur mox cœlesti voce, secundum cœnobium dextrum viæ latus ingredi, tertiæque indè Domûs ad sinistram fores pulsare. Paruit mandato DEIPARÆ Cornelius, & in prædicta domo Stradam cum Fabro reperit, à quo vitæ Societatis rationem edoctus, mox ad illam recipi voluit & impetravit, simulque domum suam Societati addixit, atque ex eo tempore Societas Lovanium nunquam deseruit. Augustæ à nobili virgine 10. dæmones obsessores solennibus exorcismis abegit: quo facto, virginis Pater obstinatus hæreticus ad deserendam impietatem emollitus est Anno 1570. Friburgi Helvetiorum Sebastianus Veronius litem diuturnam cum adversario super magnis debitis prosecutus, renunciandum jam propè juri suo, tædio rixarum, censebat: commendavit nihilominus negotium Canisio, qui recepit se DEO illud commendaturum. Et ecce, causam intra diem obtinuit, ut postridie præter omnium spem adversarij duplum ejus, quod petierat, ultrò darent offerrentque. Utebatur ibidem amanuensi quopiam lucubrationum suarum descriptore Canisius, ad ea, quæ juris publici, pietati fovendæ, facere meditabatur: hic aliquando tædio scribendi victus detineri nullis precibus à Patre poterat, ut porrò in describendo pergeret. Sed vix pedem Collegio extulerat, cum ab invisibili manu colapho tam atroci mulctatus est,

ut ignis ex oculis emicaret, cum tamen percussor nullus appareret. Guilielmus Krumenstoll Friburgi Senator domum aliquando ex Altaripensi cœnobio equo rediens, una cum equo in altum cœnum tenebrosâ nocte, tanto casu prolabitur, ut jumento in pedem suum incumbente, nullo conatu illum eripere posset, neque auxilium à mortalibus ullum sperare. Fatigabat ille cœlum precibus, surdum tamen, quoad menti succurrit Canisius. Ergo rursus ad DEUM versus, *per Canisium*, orat, *ego te nostrum, virum tibi tantâ vitæ innocentia & sanctimoniâ operantem rogo, ex hoc me præsentî vitæ eripe discrimine!* Dictum, factum, pedem nullo negotio, hærente in cloaca ocreâ, extrahit, & mox etiam jumentum sequitur trahentem. Quinto post die alterius negotij causâ Canisium consulturus ad Collegium venit, periculi jam immemor; cum ad eum Canisius: *ecquid superioribus diebus, inquit, tecum ad S. Antonium actum? est quod erga DEUM te gratum præstes, de me velim omnino taceas.* Tum verò alter non sinè animi stupore, quod neminem præter se conscium periculi esse sciret, *jam, inquit, intelligo Pater, quo loco sis apud DEUM, & cujus beneficio præsentem mortem evaserim.* Ipse qui tibi hoc significavit, antequam ego ingratus ullum verbum facerem, sempiternis te bonis augeat, ditetque. Anno 1570. Anna Bernhusia, nobilis Virgo, ex famulatio Illustris Conjugis Comitæ Marci Fuggeri, Oetingam adducta, est, quod malus genius negaret se alibi ab obsessa recessurum. Ad quem è misera exigendum adductus à Comite Canisius, ante omnia Sacramentis omnes expiari voluit; tum sacris exorcismis dæmonem aggressus, cedere hospitio 8. jam annis pacificè possessio, opæ Divæ Virginis coëgit, inter reliqua protestantem: *en nos infelices, DEO Deique Matri parere cogimur: vos interim* (alloquebatur ad instantes) *imperium ejusdem detrectatis!*

Jam verò demortuum, declarabat illico mirabilem amœnissimus vultus, lætâ coloris purpurâ suffusus, qui macie ante mortem extremâ confectus in ossa recesserat; & insuper halans ex corpore fragrantia omni florum & aromatum odore gratior; quæ duo ita populum affecere, ut à Canisij corpore non potuerit avelli, quoad sepulturæ mandaretur. Exinde verò cœpit illum nobilissima Civitas, velut indubitatè cœlo receptum, pro singulari & proprio apud DEUM Patrono habere; inq; suis necessitatibus ad eum magnâ fiduciâ recurrere. Non diu à morte ipsius contigit, ut Christophorus Reiff ex ordine Senatorio vir clarif-



clarissimus, excussus equo adeò læserit corpus, ut sex ipsos menses frustra Chirurgorum & Medicorum manus expertus, nil nisi jam ferrum & ignem expectaret. Sed conjunx Christophori ad tumultum Canisij, ignaro Viro, recurrit; unde domum post facta vota rediens, maritum obvium habuit, inusitatâ lætitiâ ob receptam insperatè valetudinem gestientem; quem ubi de sanitatis auctore edocuit, non cessavit ille Canisij apud DEUM potentiam prædicare; remque ipsam gestam, publicis Magistratûs tabulis, juramento firmatam consignari. Vidua quædam ingenuis orta natalibus à morte mariti castimoniam voto sacraverat, & usâ à confessione Canisio, constanter 18. annis servarat: cum defuncto Canisio à pluribus in matrimonium enixissimè peteretur, cœpissetque ex eâ re mirâ cogitationum turbâ agitari, ut nullum tanti mali exitum reperiret; tandem auxilium apud Canisij tumultum postulavit, & subito impetravit, ut & importunitatem procorum & animi vexationes facillimè superaret. Eandem opem momento obtinuit in gravi morbo constituta, postquam frustra medentium artem experta est: rursusque cum faucibus illius inhærens fragmen ossis nullo conatu extrahi posset, imploratô Canisio unicâ tussî excreatum est. Fuit & alia ab epilepsiæ morbo ad sepulchrum Patris liberata: & quædam post bidui conatum de enitendo fœtu desperans, ubi Coronam Marianam Canisij, devotè

*Ex Historia Societatis, & ejus vita Sacchini & Raderi.*

## P. GASPAR HAYEWOOD.



Obilibus satus Parentibus P. Gaspar in Anglia, in pueritia ad obsequia Aulæ traductus, inter honorarios Reginæ Elisabethæ tum adhuc puellæ ephebos meruit.

Juventutem auspicatus, & ad lustrandas Provincias à Patria dimissus, 27. ætatis anno Artium Magister, & Sacerdos Societati adjunctus est Romæ anno 1562. postquam jam antè Philosophiam publicè docuisset, Vir magni ingenij, & post repetitam biennio in Societate Theologiam, illius Magister renunciatus. In Bavariam subinde missus, Dilingæ Theologiam moralem, & Controversas cum hæreticis quæstiones per annos 17. explicuit; ad 4. votorum etiam Professionem admissus: atque ut erat in Hebræis doctissimus, brevem facilèque ejus discendæ lingvæ methodum digessit in tabulas. At ubi Personi-

ori & collo admovit, paulò post prolem vivam edidit. Cujus generis beneficia hodie Friburgi dicuntur propè quotidiana, servaturque in eum usum Rosariolum Canisij, pyxide clausum, & ad laborantes petitum transmittitur. Anno 1612. ancillabatur puella nobili viduæ Beremannæ, Prætoris olim conjugio claræ, quæ grassante clàm per Urbem pestilente, eadem correpta, cum ulcerosum jam tuber erupisse sentiret, rogavit alias famulares socias, ut sibi Sacerdotem, nè inexpectata decederet, accerferent; sed illæ preces ægrotæ neglexere, veritæ nè domus infamiâ contagionis notaretur. Illa, nocte jam ingruente, verita nè inexpectata vitâ depelleretur, vovet certas ad tumultum Canisij preces, si efficeret, nè ante noctem inconfessa expiraret. Vix conceperat votum, & disparente mox vomica lethali, omni liberâ ægritudine surgit è lecto ad consveta famularia opera, ludentibus in eam domesticis, quasi malum ex ignavia simulasset. Sed & ipsa infelix, incuria voti, cœpit dubitare, an à Canisio esset curata: Et ecce in eandem extemplò relapsa pestilentiam, nihil habuit priùs, quàm ut ad Canisij conditorium properaret, votoque se exsolveret: continuoque absterfo iterum infami tubere, salva domum recurrit, & publicâ Magistratûs auctoritate examinata, rei seriem juramento firmatam, tabulis consignatam posteris reliquit.

us cum Campiano anno 1580. in Angliam appulsus, multitudinem messis copiosam pro tam paucis Operarijs deprehendit, institit non minùs apud Societatis Generalem, quàm summum Pontificem precibus summis agere, ut plures è Societate illuc operas & nominatim P. Gasparem destinaret. Pontifex itaque Gregorius XIII. Angliæ salutem summo studio prosecutus, dedit pro Gaspare ad Electorem Baviaræ literas verbis sequentibus: *Dilecte Fili, Nobilis Vir, salutem. Quod olim monuit Apostolos suos Dominus noster JESUS CHRISTUS, hoc etiam nos monet quotidie: messis multa, Operarij autem pauci; rogate ergo Dominum messis, ut mittat Operarios in messem suam. Rogamus nos quidem, sed debemus etiam pro nostro munere, & Ecclesiarum omnium sollicitudine ab ejus bonitate nobis imposita, eos quos maxime idoneos esse cognovimus, mittere, & curare, ut in hoc negotio Catholicos Principes*





*P. Gaspar Hayewood S.I. Nobilis Anglus, laboribus Apostolicis pro Patriæ salute, et ærumno, fo carcere toleratis, exul decessit Neapoli 9. Jan. A.º 1598. ætat. 63. 64.*

W. R. K. sc.

pes, in quibus Nobilitatem tuam inprimis numeramus, adjuutores habeamus. Postulant Sacerdotes Sodalitatis JESU qui in Anglia sunt, ut mittamus eò ipsorum studij, & assidui pro Christi gloria atque animarum salute laboris adjuutores: nominant autem inprimis dilectum filium Gasparem Haywoodum Anglum; sperant enim ejus auctoritatem, quæ ibi nonmodica est, magno sibi usui futuram. Voluimus hoc significare Nobilitati tuæ: interest autem summopere ad DEI gloriam, quam solam spectamus, atque ad eorum quos mittimus incolumitatem, eos quos mittimus quàm securissimè discedere. Perspectum habemus Nobilitatem tuam & causam ipsam, & nostrum zelum vehementer probaturam, libenterque Haywoodum in hac tanta necessitate à se dimissuram. Datum Romæ apud sanctum Petrum sub annulo Piscatoris, die 17. Maij

1581. Pontificatus nostri anno 9. In Angliam cum venisset anno eodem cum P. Guilielmo Holto, maximos illico fructus Apostolicis suis laboribus messuit, quem doctrina excellens & pietas ad quælibet magna tollebat: unde etiam Personio paulò post Angliam relinquere coacto, in gubernatione Sociorum per Angliam suffectus est. Suo illo excelso charitatis robore vitam omnem Missionis sudoribus & periculis consecrârat, Provincijs omnibus optatus partiebatur ita se in omnes, ut nemini deesset; multorum unus ubique implens operam; victis, liberis, afflictis, egentibus, ab extremis Regni partibus Londinum stipem audebat afferre. Jam verò de accessibus conversorum per illum ad veram Fidem narrabat, qui viderat Gabriel Alanus Fratris suo postea Cardinali, majoris in Anglia, post



post Campiani captivitatem, dexteritatis & felicitatis Operarium Haywodo fuisse neminem: ut adeò ipsemet stupens ad tantam hominum capturam, scriberet Alano Rhemos Apostoli Petri verbis: *Stupeo hic in captura piscium, quia homo peccator sum.* Nam præter alios, Viros etiam Principes reti Apostolico concluderat, Comitem Arondelli, Philippum Hawardum, Henricum Northumbriæ Comitem, morte intrà carceres Fidei causâ deinde obitâ clarum, quibus fortè in Regno nemo dignitate & sanguine clarior, vel suppar erat. Sanè Personius ipse scripsit, eo post suum ab Anglia discessum anno, duplo numerosiores quàm priore Ecclesiæ accessisse.

Verùm his præclarè & Apostolicè gestis non levem inussit maculam Haywodus, decisione temerariâ laxandi per Angliam Jejunij Ecclesiastici, & ad universalem Ecclesiæ Romanæ normam reducendi. Servabantur jam indè à temporibus S. Augustini Angliæ Apostoli, præter solennia Ecclesiæ legibus indicta, jejunia quædam alia, ut feriâ 6. cujusvis hebdomadæ, alicubi etiam quartâ, item pridie Festorum DEIparæ, & Rogationum triduo; quæ cùm Sacerdotum & Fidelium quidam tolli, omniâque ad morem universalis Ecclesiæ vellent reduci, alij è contra mordicus retinenda contenderent, nè indulgeri aliquid videretur hæreticorum libertati; nusquam avidius, quàm in jejunia debacchantium: Personius sapienter in Conventu Sacerdotum decrevit; ut quibus in Provinciis ab antiquo rigidior usus invaluisset, etiam deinceps retineretur; Provinciæ autem communi ritui asservæ, sinerentur similiter pergere suo more, neque ad jejunia illa extra ordinem urgerentur. Cùm verò à discessu Personij gravius eadem controversia recrudesceret, Haywodus unitatis & conformitatis studiosus, aggressus est mente bonâ asperitatem illam jejunij, quod erat præter Romanum morem, laxare, ut querelis multorum, Sacerdotum præsertim, satisfaceret: quâ re Catholicorum rigidiorum animos sic turbavit, ut laxamentum illud detrimento Fidei Catholicæ futurum rati, eum magnopere veluti imprudentem offensionis auctorem fuerint averfati. Per idem tempus Haywodus articuli morbo correptus, laboribus Apostolicis inutilis penitus in Anglia efficitur: quare ab Generali Aquaviva ob causam utramque revocatus, in Gallias abire jubetur; quod dum præstat, voluit illum DEUS in casses hostium captivum incidere, ut suâ in durissimo carcere pro Fide constantiâ, qualemcunque illum scrupulum & laxati jejunij scandalum Catholicis

tolleret; cùm viderent generosâ Fidei professione, per eum non sterisse, quò minùs pro Religione Catholica mortem oppeteret. Igitur Anno 1584. ut primùm arthritici dolores permiserunt, magnâ Catholicorum charitate (qui præter dictum jejunij laxamentum hominem amabant plurimùm) conscendit in Galliam, & Dieppam elusis custodijs jam evaserat: cùm venti subitâ & ineluctabili rabie in Angliam rejectus est, ubi dum portûs custodes à vectoribus seorsum requirunt, quis? & quâ facultate Regno egressi? suspicionem sui Haywodus fecit, tandem etiam liquidò compertus Catholicus & Sacerdos, Londinum in vincula ducitur.

Crebrò illic à Consiliarijs Regijs tentatus est varijs promissis minisque, ut ad Reginæ, cui puer ab obsequijs fuerat, in minimo saltem parendum induceretur: sed cùm surdo omnia dici viderent, supplicij extremi metu percellere conati sunt. Productum è carcere die 5. Febr: cum fortissimis DEI Sacerdotibus Georgio Addocko, Jacobo Feno, Thoma Hemerfordo, Joanne Mundeno, & Joanne Nuttero (qui quinto post die ad Tiburnum pro Fide Catholica nobiles animas pretiosâ morte posuere) cum ijs unâ sisti Duodecimviris jusserunt, ad sententiam capitis audiendam. Sed ubi cum ijs ad fores Palatii densò populo septas stantem imperterritum Haywodem vidit Optonus, jubet à reliquis avulsum, vicinis in ædibus custoditum retineri, & clàm in turrim reorum ad Tamesim per posticum inferri. Quam fraudem scelesti commenti fuerant, ut illi quinque Christi Confessores, de quibus damnandis agebatur, Haywodi carerent præsidio, qui erat dicendo & stringendis argumentis mirè potens & exercitatus. Deinde ut Catholici simul & hæretici concitarentur in Haywodem, tanquam metu, mercede, aut rationibus expugnatum, factum Fidei desertorem; quam suspicionem movebat illa, Optoni jussu, ab socijs separatio, & occulta in carceres remissio. Sed suspicionis contractæ gravitatem placuit DEO in tantumdem honoris Haywodo vertere. Reductum enim in carcerem compererunt Catholici nullis abduci promissis, nullis concuti repetitis terroribus potuisse, vitam prius ad quælibet supplicia offerentem, quàm ut admitteret quidquam minùs decorum Catholico, Sacerdoti, & Religioso. Et cùm infractâ constantiâ veritatem Catholicam tueretur, & pro ejus defensione certamen quibuscunque hæreticorum antesignanis offerret; nullus eorum



experiri ausus est quantus in disputando assurgeret. Cùm autem Optonus minaretur, fureret, & suppliciorum crudelem scenam coràm explicando terreret: Cæcilius è contra, Hartonus, Walsinganus blandirentur, urbanitate omni hortarentur, Episcopatus etiam dignitatem pollicerentur, non quidem ut Catholicum exueret, vel Templorum introitu simularet exuisse (hæc enim impetraturos desperabant) sed ut in minimo duntaxat, quælecunque illud foret, bene cum Regina sibi convenire præseferret: stetit ipse semper immobilis, inter decem & septem mensium carceris ærumnas, & multiplicia hujus generis tentamenta, donec in exilium ab Anglia cum 72. Sacerdotibus alijs pulsus est.

Durissimum autem fuisse illius carcerem, in quo continuâ podagrâ vexatus miserè jacebat, explicuit optimè testis oculus P. Guilielmus Westonus, datus illi in officio Superioris successor, qui ad eum specie Medici, duce ejusdem sorore, penetravit. Narrabat enim, se dum illuc tot portis & posticis, vectibus ferreis ad singulos ingressus magno catenarum & serarum strepitu apertis, moxque à tergo clausis traductus subiret, & tristi ubique silentio ac solitudine horrere omnia cerneret, funesto hoc spectaculo sic cohorruisse, ut si ex vero reus illuc ipse intraret. Egit ibi cum illo diem integrum de præsentis Catholicorum calamitoso statu, cavendis apostatis & proditoribus, didicitque ab Haywodo, adventum suum in Angliam Consiliarijs Regijs jam innotuisse, & sexcentos emissarios ad eum explorandum esse destinatos. Ejectus ab Anglia Haywodus, migravit Dolam Burgundiæ, ubi illi frequens conflictus deinceps fuit cum dæmone ipso & larvis infernalibus. Sæpe enim ab illo nocte infestatus, duris ver-

*Ex Historia Angliæ, Mori & Bartoli.*

## P. IGNATIUS MARTINEZ.



Memorabilem fecere Collegij Conimbricensis, omnium quæ Societati ædificata sunt primi, in Lusitania fundationis diem decimum quartum Aprilis, eventus aliquot; qui magnam felicitatem illi portendere merito videbantur. Nam ad primos terram in fundamenta effodientium ictus, examen apum ab humo erupit, omnibus omen, secundissimum id interpretantibus: & Simon Rodericus ternos lapides, totidem votis Religiosis, Paupertati, Castitati, & Obedientiæ

beribus & alapis exceptus est, omnibus remedijs, ipso etiam SS. Sacramento super mensam cubiculi ad lampadem religiosè asservato, frustra adhibitis. Nam intempestâ nocte consuetus malus hospes ingressus, formam nigræ felis indutus, factâ Venerabili profundâ reverentiâ extingvit lumina, tum Haywodum, rursus more consueti infestare aggreditur. Sed nihil his turbari se passus, patientiæ clypeum inexpugnabilem opposuit, cui soli infringendæ pertinacem adeò hostem incumbere advertebat, ab eadem gloriosè tandem superatum. Post 4. annos profectus Romam; deinde Neapoli confedit, ubi DEUS illum singulari piarum lacrymarum dono dignatus est; sic, ut quavis ex pia causa ubertim in illas solveretur, sive super mensa legeretur, sive cum SS. Sacrificium ipse faceret, sive de rebus sacris moveretur sermo. Jam morti proximum rursus veluti post inducias invasit dæmon, æternis pœnis addicendum insufurrans, quòd rectâ Fide, quam frustra in Anglia per tot ærumnas tuitus erat, destitueretur. At ille, elatâ voce Patrem mendacij compellans: *mentiris, inquit, nam ego rectæ Fidei causâ & carcerem & exilium passus sum, & nunc pro eadem tuenda morior extorris. Sed & adversus hæreticos eam blasphemantes multis annis è cathedra decertavi.* Plura objicientem hostem mendacij semper redarguens, tandem cujusnam auxilio vinceret ut palàm esset, *gratias, exclamat, ago tibi dilectissima Domina, Mater DEI mei, quòd in subsidium mihi venire dignata es, & imminet hostem volueris propulsare.* In qua voce placidissimam animam per manus præsentis Virginis tradidit Creatori 9. Januarij 1598. cùm annos ætatis explèssset 63. Societatis initæ 36.

sacros & inscriptos, in fundamentum jecit. Atque ut vivum etiam lapidem, cui spiritua-  
lis ejusdem Collegij fabrica inædificaretur,  
fundamento prospiceret, dixit, primum  
quem ad Societatem recepturus esset, IGNATI-  
um appellaturum: ob honorem & reverenti-  
am sui sancti Parentis, ut per ipsius nomen  
verus Societatis spiritus toti illi Collegio  
communicaretur. Et ecce obtulit se primus  
omnium Candidatus Adolescens, 18. anno-  
rum, nomine Vascus Martinez: hunc mutato  
in IGNATIUM nomine in Societatem illico au-  
no eodem 1547. recepit; qui etiam deinde  
ge-





P. Ignatius Martinez, S. I. Lusitanus, post, 20 añorum, etiam in Regia conciones, Catechetica doctrina per Lusitaniā zelosissim, Instaurator, miris eventib, et gratijs in eo munere à Deo ornat, et cum fama sanctitatis defunct, Conimbricæ 28 Feb. 1598. Aetatis 70.

65.

genuinum S. Parentis imitorem, ad omnium excitamentum se constanter exhibuit. Natus in nobili castro Govea diœcesis Conimbricensis; primâ pueritiâ vitam innocentissimam in obsequijs Marianis egit, quotidianus Virginis in quodam ejus vicino Sanctuario, *Domine de vera cruz* appellato, multisq; prodigijs claro, adorator: quem ille locum per omnem deinceps ætatem in præcipua veneratione habuit, & beneficia cœlitus accepta varijs anathematis, donarijs, & ejusdem cultûs apud omnes promotione pensare studuit. Post consveta Societatis experimenta, & disciplinas omnes studendo exhaustas, Philosophiam primùm ibidem Conimbricæ, iterumque primus omnium Eboræ explicuit: at quia prædicandi speciali talento pollebat, ad conciones Superiorum voluntate transla-

*Societas Europæa.*

tus; supra 20. annos id munus ingenti applausu & satisfactione, tam populi, quàm Nobilitatis, ipsorumque adeò Lusitaniæ Regum exercuit, à quibus titulo Concionatoris Regij honoratus, cogeatur identidem in Aulico Oratorio prædicare. Fructus tamen eorum annorum, pro dictionis mensura, ferè magis in applausu & curiosarum aurium delectatione constitit, quàm in serio animorum ad poenitentiam, & horrorem peccatorum motu, quòd ipse modum Juvenum quorundam Oratorum sectatus, verborum magis elegantia, acuminum & inventionum subtilitate, & phaleratis conceptibus auditorem mulcere, quàm veritatibus æternis corda percellere studeret: donec placuit DEO, qui illum ab æterno multorum conversioni & saluti Apostolicum Prædicatorem destinaverat, eundem

Pp

dem



dem ab hac curiosa vanitate avulsum, spiritu suo implere, ad prædicandum Evangelium. *sicut est verè verbum DEI.* Id quod hac ratione evenit.

Ex occasione demortui Præpositi Generalis totius Societatis S. P. Francisci Borgia, contigit celebrari Eboræ anno 1572. Provinciale Congregationem, pro mittendis Romam ad eligendum novum Præpositum Electoribus, ex quibus unus nominatus est Ignatius Martinez. Hic in reditu ab Urbe per Paduam instituto, dum sacras Thaumaturgi sui Patroni S. Antonij de Padua exuvias veneratur, dici non potest, quantis motibus intus in animo percelli se senserit, ex aspectu sacræ illius lingvæ, hodièque ab omni corruptione integerrimæ. Et quia divinum hunc favorem in præmium verbi DEI pro dignitate Evangelica, ex vero Apostolorum zelo prædicati, sancto cadaveri concessum non dubitabat, sentiebat simul amarâ quadam sugillatione suam in dicendo vanitatem sibi à DEO exprobrari: ideoque in vestigio firmissimè decrevit, zelum domestici sui Concivis & Patroni Antonij in prædicando imitari. Reversus in Lusitaniam, immutato penitus dicendi genere, & facietis omnibus, subtilitatibus, & curiositatibus sepositis, cæpit vitia & peccata seriò perstringere; hortari ad pœnitentiam, æterna tanto fervore, citra ulla conceptuum ambages inculcare; ut novum Antonium, vel redivivum Apostolum Paulum audire sibi omnes viderentur: ex quo factum est, ut quem antea libenter omnes audiebant, nunc etiam summo studio dicturum ambirent & perquirent. Ipse autem ut pondus ad persuadendum verbis suis adderet, totum se DEO & orationi tradidit: hic verò ad altiora & perfectiora servum suum impellès, ingens quoddam minimèque usitatum illi desiderium catechizandi, & parvulos docendi iniecit. Solebat eatenus Ulyssipone doctrina Christiana pueris & rudibus campanâ evocatis, in Templo S. Rochi tradi: at Ignatius rariores, pro Urbis amplitudine, convenire, & eos fortè, qui maximè instrui egerent, emanere arbitrat; statuit Catechesim hanc in publica fora & plateas educere. Incredibilem tamen inferioris in se hominis luctam expertus est, priusquam impulsui Divino ad ministerium tam humile sese vocanti acquiesceret. Ingerebatur enim ejus animo molestissima eacogitatio, quid dicturi essent homines, si Vir id ætatis & auctoritatis, sacræ Theologiæ pridem Doctor, & Regius Concionator, longiore virgâ armatus, publicas Ulyssipone vias ad

colligendam pueritiam circumiret, & Fidei rudimenta illis partim præcineret, partim præoraret? & crevit eousque (DEO sinè dubio ad heroicæ victoriæ augmentum ita permittente) humanus iste timor, ut quo die primùm ad sacrum hoc ministerium prodijt, toto corpore inhorresceret, genuaque invicem tanto tremore colliderentur, quasi mortifera illi lucta subeunda immineret.

Neque illi parcè DEUS occasiones confusionum (quas in humili isthoc officio verebatur) submisit. Contigit aliquando, ut Episcopus Insulæ Tertiæ, Germanus Ignatij frater, magnificè vectus, in Patrem incideret, virgâ ad continendos in officio pueros armatum, & publico in foro catechesim magnâ voce inculcantem: quo spectaculo graviter offensus, summamque sui prostitutionem interpretatus, aliorum propter rhedam agi præcepit, multa in Patrem commotiore stomacho effutens; quæ ille tranquillâ fronte, nullo verbo reddito, generosè concoxit. Similia ab alijs quàm plurima sustinuit opprobria, non hominibus duntaxat, sed vel maximè dæmonibus, visibiliter per se, & per alios occultè, à proposito illum abstertere, & opus tam sanctum intervertere molientibus. Ità puerorum agmen per publicos calles deducienti, advertit qui eum comitabatur socius, sonantem colaphum infligi: dùmque accurrerit, & auctorem tantæ impudentiæ circumspicit, Pater nihil ictu percussus, *sine*, inquit, *frater, neque incassum percussorem inquire, qui nullus est ex presentibus: nam inimicus homo hoc fecit.* Nec minimus ad creandum illi incepto munere tedium, & expugnandam patientiam erat aries, quod principio insuetæ hujus lectionis vix ullus in publico docentem audire, ac multò minùs quærenti respondere, aut preces recitare volebat: sic, ut è gradibus Hospitalis Ulyssiponenfis docentem, licet quadam vice multa turba auscultaret; nemo tamen fuit ex omnibus, qui jussus ex auditis quidpiam repetere, aut orationem saltè Dominicam dicere, obtemperaret. Quare, Pater altiore spiritu impulsus, conjectis infantem sex mensium, quem mater sinu gestabat, oculis, jubet eum *Ave Maria* recitare. Mirum dictu! apertis mox labijs infantulus, altâ voce totam Angeli Salutationem decurrit; maximâ attonitæ multitudinis consternatione & pudore, ad cujus tumorem confundendum DEUS tanto prodigio lingvam infantuli fecit disertam. Atque hoc prodigium totâ mox Urbe, & inde per universam Lusitaniam ab tot ocularis testibus vulgatum, præ-



posteram illam in precationibus sacris palam depromendis verecundiam penitus abstergit; neque ullus deinceps, ex adultis etiam provectæque ætatis repertus est, qui non promptissimè, quoties à Patre juberetur, specimen sui in Christiana doctrina profectus palam expromere, crucem formare, aut orationem, quampiam recitare, id lubens absque tergiversatione præstaret. Grandem item principio opperiebatur molestiam in colligendis, continendisque in silentio & modestia pueris, ut ordinatè ad locum habendæ catechesi destinatum adducerentur, quod nullus adhuc tum usus vexillorum in hoc ministerio esset, quæ pueris, certo ordine dispositis, viam præirent. Dum media & praxes varias indagat, inque omnes partes animum versat; nocte quadam per somnium videre sibi visus est labarum, quali ferè Misericordiæ Fratres illic utuntur, ejus altè prælati ductum longa parvulorum concinentium series sequebatur. Dum praxim visam approbat, dum imitandam sibi constituit, occurrebant dormienti plures opponendæ difficultates, simulque actu sentiebat à Sodalibus Misericordiæ vexillum sibi è manibus extorqueri, quasi hac ad parvulorum usum translatione dehonestaretur. Expergefactus ubi primùm ad Collegij portam descendit, videt unum è suis Auditoribus parvulum longiusculæ hastæ appensam tabellam, affixâ utrimque piâ ex papyro imagine, ornatam circumferre, qualis ferè per somnium sibi fuerat objecta: ratûsque eam praxim cœlitus sibi suggeri, optimo deinceps successu, & difficultatum omnium victoriâ eam usurpavit, prout hodièque in Lusitania observatur. Porro ad acuendum pueritiæ fervorem, adhibebat subinde huic suorum processioni optimos quoque muscos; & in ejus fronte locabat fratrem suum socium (quamquam non rarò primarij Patres id muneris subibant) qui tintinnabulum altè suffixum, quatiebat: ipse verò in extremo ordine catecheticam virgam, officij sui insigne præferens, in qua gloriosius ignorantiam & vitia ab animis hominum, quàm Romani in aquilis hostem ab Imperij finibus depelleret, agmen concludebat. Cum hac puerorum acie apertum inferno, & vitij omnibus bellum movit, non sinè frequentibus triumphis reportatis, ex profligata maximè profanorum spectaculorum licentia, quorum erat juratus hostis; neque ullo pedem figere loco patiebatur. Igitur toties è medio theatro à superveniente puerorum cohorte depulsos se se experti histriones, quò securitatem sibi ab importuna-

*Societas Europæa.*

Patris violentia facerent, ad patrocinium spirituale præposterâ pietate confugiunt, & cum Nosocomij Provifore paciscuntur, certam pecuniæ summam pro unaquaque Comædia in eleemosynam Hospitalis ab se depensum iri, si modò securitas sibi à P. Martinez, & potestas liberè in theatro agendi præstetur. Facile advertit Pater dæmonis astum, & liberalitatem ex ejus ingenio, ad intervertendos suos conatus, mimicis Comædis suggestam. Neque tamen animo concidit, sed cum rescivisset pensionem illam centum millia realium annuè non excessuram, firmiter decrevit, tantundem unde unde corrogatum Hospitali deponere, certus Divinam liberalitatem causæ suæ minimè defuturam. Hoc animo domum revertens, in ipso januæ ingressu hominem deprehendit nunquam aliàs cognitum, sese opperientem, qui centum millia realium ipsi obtulit, nomine devotæ cujusdam personæ, quæ sciri nollet, cuperet autem illa in pios aliquos usus, juxta arbitrium Patris expendi: quibus ille sinè mora ad Hospitalis Proviforem transmissis, improbum histionum stratagema eventu secundissimo elusit;

Adverterat etiam in ea parte Urbis, quæ Lusitanis vocatur *Corpus sanctum*, colligi sole-  
re ex omni sorte & gente homines, Catholicos & Hæreticos, milites nautasque; qui nullam unquam Ecclesiam, audiendi verbi Divini causâ, accederent. Protinus ergo convocatos sub signa consveta pueros eò deducit, defixoque locò eminentiore, prope Sacrarium, DEIPARÆ Virginis, à Gratia denominatæ, doctrinæ Christianæ vexillo, possessionem loci capit: maximo otiosorum illorum fructu, qui curiositate primùm ad rem novam spectandam audiendamque allecti, sed mox serio Ignatij verbis ignitis compuncti, & ipsi frequentes deinceps accurrebant, & alios sibi similes pertrahebant. Eadem arte occupavit forum Urbis majus, *Ribem* dictum, ubi sæx, improbæ & facinorosæ pubis congregabatur, & pessima quæque verbis factisque exercebantur; cum quibus majus Patri certamen ineundum fuit, ut ad auscultandam doctrinam Christi adigerentur. Quod cum neque bonis verbis, neque præmiolorum pollicitatione à petulante, & furtis ferè crumenisque secandis assuetâ juvenum turbâ obtineret; ad violentiora media conversus, per subornatos validiores adolescentes jubebat eis auferri seu pileos, seu pallia, armave alia, securoque loco interim asservari; neque prius restitui, quàm auditâ modestè catechesi, specimen hausti profectus ederent. Neque opus fuit in ple-



risque vim ejusmodi sæpius usurpare; nam audito semel Patre, DEUS pervicaciam eorum ita emolliebat, ut sponte deinde & constanter accurrerent, morésque planè alios induerent. Et fuit omnino maximæ in totam Urbem ædificationi, videre ejusmodi quàm plurimos furtis olim notoriè assuetos, nunc fortuito etiam inventa dominis reddere, & de amissorum possessoribus sollicitè inquirere: fuitque unus ex illis, qui repertam in publica via cum pretioso anulo crumenam, septuaginta sex aureis turgidam, ad Patrem detulit, Domino suo, si reperiretur, restituendam; id quod prodigijs per Patrem sæpius factis adnumerabant, quotquot juvenis antehac rapacitatem noverant. Cum eadem parvulorum pompa passis vexillis, sonantéque musicorum choro, procedebat non rarò ad hospitalia, carceres, triremes, solatia non tantùm spiritualia, sed etiam corporalia miseris allaturus: ferebantur enim propalam simul cibaria, pecuniæ, vestes, & quidquid ad pauperum, captivorum, vel remigum subsidium Pater corrogaverat; quæ post refectos ardenti aliquâ dictione animos, singulis distribuebantur. Hoc spectaculo permoti Cives, magno numero etiam ex primarijs sese adjungebant, ut in partem obsequiorum ægris & pauperibus impendendorum venirent: eaque liberalitate elemosynas suppeditabant, ut plerumque solius potius supra 200. vascula in tali processu deportarentur.

Neque hæc industria Patris charitas stitit in juvandis doctrinâ Christianâ Lusitanis, vel Europeis; sed ad Nigritas etiam, Æthiopica mancipia se extendit, quorum ingens Ulyssipone copia ex 20. diversis nationibus numerabatur. Et quia per hebdomadem in continuo suorum Dominorum labore occupatis convenire non licebat; Dominicis verò Festis que diebus necessariam sibi quietem, quò minùs docentem auscultarent, obtendebant; eò tandem animos barbarorum inclinavit; ut quavis Dominicâ, per vices, quinque saltem nationes, alijs interim domi quiescentibus, ad catechesim in templum Hospitalis Regij convenirent. Itaque cum primâ statim vice supra mille Æthiopes accurrissent, in 12. turmas sub totidem vexilla partitos (quem morem etiam cum alijs deinceps observabat) per Urbem ad prædictam Ecclesiam deduxit, divini verbi pabulo nutriendos. Ut autem vividum quendam tam in his Mauris, quàm Lusitanis fervorem, catechetica doctrinam auscultandi conservaret; varia excogitabat priorum munusculorum genera, quibus bene-

meritos præmiaret: Coronas præsertim DEIPARÆ; quâ ut nemo careret, jubebat sæpius Rosaria sua singulos palàm depromere. In quo genere mirum aliquid ipsi accidit cum Serenissimo Archi-Duce & Cardinali Alberto, Maximiliani Cæsaris filio, duorum Imperatorum Rudolphi & Mathiæ Fratre, per id tempus Lusitaniæ, postmodum verò Belgij Gubernatore, id quod roti mundo potest exemplo esse & ædificationi. Solebat Pater rogatu Archi-Ducis, simplici Parris zelo mirè delectati, cateheticum suum puerorum exercitum frequentius sub ipsas Regij Palatij fenestras traducere, per quarum vitra singulari artificio parata, poterat Archi-Dux omnia quæ foris agerentur discernere, quin ramen ipse vicissim videretur: cum qua suorum acie aliquando eodem loci subsistens, rudimenta Fidei solito fervore explicare aggressus est. Sub finem autem dictionis, quæsit ex more, num singuli Corollam DEIPARÆ penes se haberent? & ut rei veritas omnibus pateret, jussit singulos seorsim in medium prodire, & sertum suum palàm ostendere. Erantque Patris apud universos ea reverentia & æstimatio, ut nemo id facere etiam ex adultis, quantumvis persona spectabilis & primæ Nobilitatis, tergiversaretur. Postquam ergo omnes arma hæc Mariana deprompsissent, Pater oculis in fenestram, ubi adesse noverat spectatorem Albertum, conjectis, supplicare humillimâ confidenriâ cœpit, ut Auditorium suum illo honore dignaretur, vellétque & ipse ostenso palàm Rosario suum in DEI Matrem affectum coram omnibus declarare. Sed cum nihil ab Archi-Duce responderetur, Pater ad populum conversus, *adverto*, inquit, *Serénitatem suam nolle Rosarium suum, quia nimis pretiosum coram illis ostentare*, & cum dicto unum è numero parvulorum (hi enim ordinarij ipsius fuere cursores & legati) evocat, jubétque Palarium ad Archi-Ducem ascendere, & Corollam (quam illi ex simplicissimis unam commisit) in manus Serenissimi tradere. Pusio innocens nihil tergiversatus, gradus animosè conscendit, primamque Helvetorum custodiam transgressus, cameras omnes & atria intrepidus pervadit, neque ab ullo cubiculi regalis custodum retineri se passus, ad Albertum penetrat, & positis humigenibus transmissum virgineum sertum reverenter offert. Christianissimus Archi-Dux renidenti vultu munus acceptans, fenestram illico aperiri jubet, manúque foras cum vultu protensâ, ut videri ab omnibus posset, Rosarium cateheticum ostentat. Tantam tantum Prin-



ti Principis dignationem, & pietatem verè Austriacam, incredibili applausu & acclamatione tota Patris concio excepit, celebravitque universa Lusitania tam Patris sanctam confidentiam, quàm Archi-Ducis pijsimam humilitatem ac religionem.

Denique ut nihil prætermitteret eorum, quæ facilem & jucundum parvulis redderent Cælestium mysteriorum captum; ad versiculos & pios rhythmos componendos, quibus ea concinerentur, id ætatis & gravitatis Vir se demisit, discendisque è memoria domi & in scholis commendavit, quibus paulò post omnia diu nocturne personabant. Et quidem catechesim, ubi ipse crucis signum altâ voce efformâset, à cantu inchoabat, duobus puerulis, qui vocis elegantiam præstarent, versiculum hunc lingvâ domesticâ præcinentibus: *quisque fidelis Christianus ad hoc primariò est obligatus, ut ex toto corde veneretur, & devotus sit erga sanctam Crucem*: quam cansionem vocabat Angelicam, quòd ab ipsismet Angelis decantari aliquando audita fuisset; quod exemplum sæpius referebat, meritò à nobis etiam hic commemorandum. Navigabant in Indias Lusitani quidam, prosperâ aliquandiu usi tempestate; cùm repente violentissimus exortus ventus Oceanum in procellas concitavit, navimque in scopulos & syrtes ita impegit; ut hac contrafactâ, nautæ vix salvi inscapham evaderent. Erat nox tenebris spississimis obducta, inque novos fluctuum montes ab imo erutum mare ebulliebat; inter quos pilæ instar agitata scapha, mortem illis præsentissimam in singula momenta minabatur. Inter hos sævientis Oceani fremitus, audiunt repenti à prora naviculæ svavissimam musicæ harmoniam ad aures suas allabi, & inter mellitos ejus sonos modulis planè cælestibus identidem cantum illum repeti: *quisque fidelis Christianus ad hoc primariò est obligatus, ut ex toto corde veneretur, & devotus sit erga sanctam Crucem*. Attoniti vectores, ac pæne extra se melodiæ svavitate abrepti, tempestatem vix ampliùs advertebant: nec dubij eâ voce excitari se ad fiduciam in triumphali contra dæmones sanctæ Crucis vexillo reponendam, magnis vocibus sanctam Crucem acclamabant, perque illam, à Christo crucifixo misericordiam cum lacrymis implorabant. Mirum dictu! eodem momento tempestas omnis resedit, venti posuere, & plena serenitas mari restituta est, per quam facili imposterum cursu optatum Indiæ portum tenuere. Atque in hoc eventu patet, quomodo Angeli cantum P. Ignatii imitati

sint. Videamus nunc, quâ ratione in versuum musicorum combinatione eundem adjuverint. Inter reliquas conciones catecheticas, quasdam etiam Lusitanicè composuerat de quindecim Rosarii mysterijs, quarum primâ hunc inter alios versum habebat: *Virgo sacra, Mater DEI; quis in mundo est similis tibi? Ab Angelo Gabriele fuisti salutata, & illi colloquendo mansisti impregnata Filio DEI*. Verùm non satis bene auribus ejus sonabat, neque satis congruè & modestè ad Virginis pudorem dici videbatur, *impregnata*, licet mysterium optimè exprimeret. Itaque dum studiosè apertius verbum aliud inquit, nec tamen invenit; pergenti in ea cogitatione ad catechesimum, in S. Rochi Ecclesia de more faciendum; elegantissimus pufio occurrit, & pallium ejus vellicans hoc solum enunciat: *Pater Magister Ignati. mansisti inhabitata Filio DEI*. Exhilaratus ille tam aptâ versiculi emendatione, & Correctoris ingenium miratus, præmiolum aliquod pufioni donandum in sacco quærebat: sed ille jam disparuerat, neque unquam ampliùs Patri visus, aut deprehensus est. Ex quo successu major in ejus animo zelus pueros docendi increvit, quorum personam & faciem videret ab ipsis purissimis spiritibus, veluti sibi maximè congruam indui: & conatus simul suos ita ab alijs honorari, ut ad versiculum unicum concinniores in Virginis laudem reddendum, auxilio sibi venire dignarentur.

Nec defuere alia prodigia, quibus DEUS approbare visus est pios ejusmodi P. Ignatii cantus, & verba quibus catecheticas suas lectiones inchoabat, & concludebat. Scele-ratus quidam leno & Veneris mancipium, deprehensam in agro Ulyssiponensi (*cui nomen Campus S. Barbara*) pudicam & honestam mulierem ad stuprum rapiebat, intra ipsos patibuli (quòd nullus alius in aperto campo idoneus receptui locus esset) muros pertractam, in quod agi, præ latronibus & furibus, scelestus ipse merebatur. In his angustiis constituta mulier, cùm precibus frustra, frustra clamoribus repugnaret; neque ullum præter Superos, pudicitia suæ vindicem speraret; allabatur repenti sonora & distincta P. Ignatii, tanquam in vicinia loquentis, ad aures scelesti vox, ea ipsa verba, quibus Pater catechesim inchoabat, referens: *per signum sanctæ Crucis de inimicis nostris libem nos DEUS noster*. Consternatus summo opere furcifer, aures magis arrigit, & ecce audit eundem Patrem altiore solito voce pronunciare confessionis generalis verba, quâ catechesim semper



per concludebat: *Ego maximus peccator, confiteor DEO omnipotenti, B. MARIE semper Virgini, &c.* Hac iteratâ voce ad salutem penitus concussus, mulierem intactam dimisit, & post eam noctem totam in lacrymis & singultibus doloris consumptam, primo mane ad S. Rochi in Urbem venit, summâque contritione peccata P. Ignatio confessus, vitam impostero Christiano dignam instituit. Non multum absimilis fuit eventus, quo nobilis, sed insigniter improba muliercula ad frugem in eadem Urbe reducta est. Habitabat illa in ea parte Urbis, quæ *Rua nova* dicitur, venalem flagitiosis pudicitiam passim exponens: quibus ut liber esset horâ qualibet accessus, ostium domûs etiam noctibus sinebat apertum. Itâ dum nocte quadam pervigilat, & hospites amasios cupide expectat, audit subito in platea strepitum transeuntis veluti magnæ hominum multitudinis, miratâque quid illa hoc temporis istic ageret, fenestram accedit; & ecce videt P. Ignatium cum suo parvulorum exercitu more solito procedentem, qui elatis vocibus insonabant consuetum sibi illud è Patris catechismo: *timete peccatores justum Judicem DEUM, &c.* Eo spectaculo concentuque, quem boni genij sine dubio parvulorum specie exhibebant (neque enim re ipsâ Pater processionem tum ducebat) attonita mulier, non minus contremiscebat, quàm si ex ore ipsiusmet Christi Judicis severi eas minas audisset, evocantis illam ad suum tribunal, & rationem criminum mox reddere jubentis. Igitur januâ domûs scortatoribus confestim obseratâ, primo mane ad S. Rochi Templum properavit, & P. Ignatio multis cum lacrymis peccata confessa, vitam itâ emendavit, ut optimis matronis in pudicitia exemplar proponi posset. Parem admirationem meretur id, quod mercatori cuidam Conimbricensi evenit. Hic alieno ære plurimum gravatus; ut creditoribus, licet summopere veller, satisfacere non posset, Ulyssiponem tandem venit: ubi aliquamdiu moratus, ex ingenti illa P. Ignatij fama, cœpit catechesim illius frequentare; primo ejusdem sermone, itâ inescatus, ut nullam deinceps seu concionem, seu catechismum omitteret; sed multo antè occupaturus locum (hoc enim necessarium erat, si quis in tanto multitudinis concursu opportuniorem locum desiderabat) præveniret. Neque his contentus, privatis etiam congressibus animæ suæ negotia Patri penitus aperuit, optimisque præceptionibus instructus, Conimbricam postliminiò redijt, firmus certusque ex earum præscripto im-

sterum vivere. Sed non diu (ut sunt hominum omnia fragilia & instabilia) in proposito constitit: cum enim creditores vehementer instarent, neque ullam misero quietem, nisi debita resarciret, concederent; ille exitum nullum, modumve satisfaciendi reperiens, & dæmonis instinctu in desperationem actus, suspendio vitam abrumperere decrevit. Jamque laqueum gulæ implicuerat, jam eundem collo applicabat, cum vocem audit P. Ignatij (qui tamen eâ ipsâ horâ Ulyssipone, 36. levcis ab Conimbrica, in foro ex gradibus Hospitalis Misericordiæ, doctrinam Christianam tradebat) catechesim à consveta sibi formula exordientis: *per signum S. Crucis de inimicis nostris, &c.* Fuitque ea unius hujus sententiæ efficacia, ut veluti syderatum hominem attineret, neque manus, queis laqueum collo induebat, stupore luxatas commovere posset. Cum verò circumlatis in omnem partem luminibus neminem ullibi mortalium conspiceret; intellexit demum vocem illam divinitus ad aures suas allatam fuisse: conceptoque ingenti sceleris sui horrore & detestatione, Collegium Societatis JESU Conimbricæ mox petijt, & totius rei successu enarrato, sacram exomologesim obiit, totus deinceps in Divinam providentiam, quæ confidentes in se nunquam deserit, resignatus.

Jam verò dici vix potest, quàm tenero & sincero affectu parvulos omnes prosequeretur, quàm delicatâ charitate tractaret, quàm blandè alloqueretur, quantâ teneritudine malis ipsorum condoleret, bene merentes præmiaret, torpentes excitaret; quasi communis singulorum mater & parens; ut videretur sine illis nec esse posse; itâ ubique confertim ab accurrentibus stipabatur, & ultro ad se accersebat, alliciebat munusculis, sine illis nunquam domo in publicum prodibat. Ex quo accidit, ut Vir alioqui mitissimus, publice aliquando increpuerit socium Fratrem, qui importunitate puerorum offensus, illos non sine stomacho repellebat; morositatem hominis illâ Salvatoris sententiâ comprimens, *finite parvulos venire ad me.* Vicissim autem parvuli, majore quàm suos parentes affectu Patrem prosequi videbantur; utque illi gustum facerent, improbâ diligentia ediscebant, quidquid ille jussisset; ut neque ad cibum, somnumve prius capiendum adigi possent. Neque otiosus erat, quasi in solo affectu sistens, hic Patris in suos filiolos amor; sed parem in eo excitabat curam & sollicitudinem, nè quid mali paterentur. Accidit vice quadam, dum Pater catechismum doceret è gradibus Templi



pli Dominae nostrae de Gratia agnominatae, ut elapsa cuiusdam effrenis mula in parvulorum coronam ferociter incurreret, unumque ex ijs proculcatum, iudicio omnium pro mortuo relinqueret, qui etiam in domum paternam tanquam jam mortuus delatus est. Finita dictione Pater ante omnia eò accurrit, visurus, quid damni suo parvulo acciderit; reperitque obvios in gradibus parentem utrumque, acerbis lacrymis filium jam exanimem deplorantes: sed pernegabat constanter Pater ita esse, verbis sibi usitatis, *nihil est, nihil est: S. Antoni, S. Antoni!* accedensque ad corpusculum exangve, ducta in crucem manu ubi benedictionem illi impertijt, *ne timearis*, ait, *non morietur filiulus, sed proxime habenda catechesi sanus & valens intererit.* Dictum Patris ratum habuit DEUS: siquidem ab eo momento redditus sibi pusio, intra biduum ita convaluit, ut praesens eo die habitae doctrinae Christianae incolumis adfuerit, evidens prodigium omnibus acclamantibus. Ducebat alias, supplicantiu ritu, ordinatam suorum aciem per *Ruam novam*, cum praeteriectus currus unum e parvulis prostravit, & rotam utraque obrivit, praesentibus omnibus ad casum fatalem in clamores erumpentibus, & contritum penitus corpusculum nihil dubitantibus. Ad clamorem auditum advolat confestim Pater, & filiolum suum inter brachia sublatum confovet, amplectitur, adstantes solatur, nihil mali parvulo eventurum promittit; non enim passurum S. Antonium ut vitam temporalem amittat pusio, qui verba vitae aeternae tam sedulus auscultaret. Mirum dictu! licet casus in tantillo corpusculo revera fuerit mortalis, sanus per omnia parvulus, absque omni vel levissima noxa, e brachijs Ignatij profilit, procedentes comitatur, & pedibus suis domum recurrit.

Hæc in singulos seorsim collata beneficia, ad plures simul extendit, quando ducenti suorum ordines per portam S. Catharinae, indomitae equus excusso freno in medium parvulorum pleno impetu una cum sessore incurrat, multosque in terram prostratos pedibus conculcavit. Fit clamor, & ingens praesentium omnium comploratio; dumque oculis singuli Nobilem sessorem, nemini prorsus cognitum, perlustrant, repente equus una cum equite disparat. Nihil hac communis hostis violentia turbatus Pater, bono animo esse omnes jubet, neque ordinem & sacram doctrinam deferere, quod unicum infernalis hostis suis fraudibus moliretur: *nihil enim ulli nociturum est*, inquit, *nihil penitus: sed inimicus ho-*

*mo* (ita daemone communiter appellabat) *hoc fecit.* Stratos deinde parvulos singillatim accedens, manibus suis unumquemque in pedes erexit, sanos penitus, & noxae omnis expertes, quos nemo non mortuos esse credebatur. Alio tempore in portu Ulyssiponensi verba faciens, subito in medio dictionis monet pueros, aliosque certo loco consistentes Auditores, ut inde aliò properè se transferant: parenti jubenti omnes, licet nullam migrandi causam videant. Sed vix recesserant, cum ex altissima domus unius parte, fenestra praeagnandis in eum ipsum locum decedit, grave sine dubio damnum suo pondere illic consistentibus, si non ipsam necem, allatura. His & id genus quam plurimis (quae brevitatis causâ omittimus) prodigijs, eam apud Cives omnes auctoritatem & existimationem consecutus est; ut quidquid juberet statueretve, perlibenter exequerentur, felicesque se existimarent, si e penu & domibus suis in pauperum usus accipere quidpiam vellet. Nec minor vis illi fuit in animos hominum, quantumvis obstinatorum, ut e vitiorum cano generose consurgerent: unum solum referam exemplum, quod merè fortuito successum, adeò exoptatum habuisse videri possit, licet ex parte DEI procul dubio singulari providentiâ gestum fuerit. Monitus aliquando à Sacristiae ad S. Rochi Curatore, exiverat ad Confessionale, quod à poenitente quopiam expeteretur: sed cum nemo accederet, in vicinia quendam sibi incognitum de genibus precantem rogavit, an ipse fortè is esset, qui Confessario opus haberet. Hæsit ille attonito similis aliquamdiu ad inexpectatam quaestionem, conscius miserrimi conscientiae suae statûs, quam multis annis gravissimorum criminum ream non sine atroci lincinatione circum ferebat: ubi autem sese collegit, ut id genus hominum maximè fugitans est Sacramentorum, *non cupio*, respondit, *ego peccata confiteri, neque Confessarium desidero, licet quam maximè illo mihi opus sit.* Imò Domine, subjecit Pater dulcissimâ quadam affabilitate, *si illo indigeris, ecce me, qui facillimè vobis remedium afferam, ut plenus solatio & quiete ex hoc loco recedatis.* Facile apparebat, miserum hac Patris suavitate, & insperatâ serenitatis pollicitatione, salubriter commoveri; sed retrahebat ingens peccatorum sarcina, pudor, & vix superabilis difficultas ea exponendi: quam tamen ad extremum superavit Patris admota molliissimis verbis cohortatio, inculcata confessionis facilitas, & ex ea certissimè consequens mentis tranquillitas. Ergo pedibus



dibus Patris advolutus, totius vitæ scelera magno dolore inter copiosas lacrymas retexit, immensas DEO gratias referens, qui talem sibi occasionem, nec opinati, ultro in manus ingessisset; neque aliter deinceps Ignatium quam Angelum suum vocabat, cuius ope ex abyſſo tristi- tiæ extractus, nunc inter summa solatia viveret.

Celebris etiam in paucis fuit victoria, quam ex theatralibus ludis, & saltibus histrionum, vicæ quadam reportavit, ad quos affixis per celebriora Urbis loca chartis omnes invitabantur. Id ubi rescivit Ignatius, præstituto ad spectaculum die & horâ, jubet & ipse convocandis pueris signum dari: quos in supplicationis ordines distributos rectâ ad ædes, ubi lascivi saltus prope viam *de Arcas*, condicti erant, adducit. Perrupto ostio, nequicquam obſistentibus Comædis, intrant primæ puerorum cohortes, resonabâtque in omnium auribus campana Christianæ doctrinæ, & simul mox vexillum Regis cœlestis comparet. Concurrerat ad improbum spectaculum vis hominum ingens, & aulam totam, atria, pergulas, gradûsque occupârat, omniâque musicis instrumentis, scenæ mox inchoandæ præludendo, personabant. Ad campanæ catecheticæ sonum murmur ingens in auditorio primùm excitari, mox crescere longè magis, ubi sacrum labarum in aulam se penetravit, parvulis violentè per multitudinem viam facientibus, & pijs cantibus omnia implentibus. Postquam autem Ignatius etiam comparuit, mirari omnes & stupere, quidam etiam indignari & obſtrepere. Ipse autem nullâ interpositâ morâ in theatri fastigium evadens, locum avernali spectaculo designatum in cathedram Christi convertit. Ut primùm loco eminentiore Pater visus est, momento tumultus populi & strepitus omnis cesedit, histrionibus veluti debellatis campo cedentibus, & ad prima illa verba, *per signum sanctæ Crucis, &c.* ita stupefactis, ut nè verbulo resistere ultra auderent. Prosecutus indè singulari fervore dictionem, ardenti zelo impugnavit profanos ejusmodi ludos, & saltus lascivos; communi omnium comploratione, auditus, stulticiam suam seriò deflentium, & emendationem promittentium. Concione finitâ, réque bene in hostem salutis humanæ gestâ, victoriosum parvulorum exercitum, triumphanti similis, ad Templum cum cantibus reduxit; profitentibus omnibus, plus solatij sanctæque curiositatis se ex Patris perorantis aspectu hausisse, quam si longissimam Comædorum actionem spectavissent. Jam-

verò hæc tanta verborum Ignatij efficacia nemini incredibilis apparebit, qui cogitaverit vitæ ipsius sanctimoniam, & vivum in se præbitum omnium oculis perfectionis exemplū, dum opere prius ipse facere studuit, quam docere. Et orationis quidem, à qua robur omne prædicatoribus verbi Divini hauritur, studiofissimus fuit, illique tempus omne ab laboribus cum proximo vacuum solidè impendebat, noctibus sæpe integris precando, & cœlestia meditando consumptis, idque communiter in Templo, aut aliquo Sacrario; quo domesticis omnibus ad quietem jam compositis silentio adrepebat, atque ad pedem altaris, ubi SS. Eucharistia asservatur, plerumque ingenua provolutus orationem pro sequebatur; donec labore & vigiliâ fractus humi prolaberetur, tantillum somni eodem in loco capturus. Quantum verò deditus esset asperitatibus & pœnitentijs, abundè colligi poterit ex ijs, quæ postremo vitæ anno Conimbricæ egisse mox memorabimus.

Anno 1597. contigit indici Provinciale Congregationem, celebrandam Conimbricæ, ad eligendum Procuratorem in Urbem; ad quam & Ignatius, veluti ex Professis antiquioribus unus, Ulyssipone discessit cum tribus Novitijs, itérque illud totum pedibus exegit, ubique prædicando, & Christianam doctrinam explicando. Conimbricam pervenit vespere Sabbati ante Dominicam secundam, post Pascha, receptus ab Urbe & Collegio tanquam Vir communi omnium sensu sanctus: nam illum eo ipso vespere salutatum accessit Episcopus Urbis D. Alphonſus de Castelblanco, ac humanissimè ad concionem die sequenti in templo Cathedrali habendam, nullâ ejus ex itinere fatigationis habitâ ratione, invitavit: sive quod sciret ab ipso laborem concionandi in quiete computari, sive quod speraret ex solo talis Prædicatoris aspectu, esto nil loqueretur, fructum maximum in auditorium derivandum. Auditus est maximo prorsus totius Civitatis concursu, non tantum die illo, sed quoties dicturum alicubi constabat: siquidem persuasissimum erat omnibus, hominem sanctum loquentem ab se se auscultari. Collegium ingressus, petijt à Rectore primæ gratiæ loco, cameram suæ habitationi concedi in infima, & pæne subterranea Collegij contignatione, ubi nemo domesticorum habitabat, sed officinis duntaxat propenu asservanda erat destinata: petijtque tanto studio, râmque urgentibus precibus, ut negari non posse videretur: quarum interim sola illa erat ratio & motivum, ut extra ar-



tros liberè flagris in corpus ad satietatem fœvire posset. Quamquam autem exauditus à Rectore non sit, angulum nihilominus secretum & abstrusum ibidem reperit, in quem statim horis se abdebat; tantâ vi, & propè ferociâ, flagris se concidens, ut crepitûs vehementiâ proditus, à multis procul etiam habitantibus audiretur; quorum complures testabantur, visam sibi fuisse ab ea ictuum violentiâ, domum tremeferi. Soluta Patrum cœtu, tantæ fuere, Episcopi, Collegij, totius Urbis preces, ut relinqui apud eos Ignatium necesse fuerit: perrexitque toto illo anno quâ concionando, quâ catechesim tradendo, eadem quæ Ulyssipone Apostolica munia, nihil minore fructu exercere. Jâmque advenerat anni insequentis 1598. Quadragesima, per cujus ferias dicturus ad populum constanter erat; verum post primam feriæ sextæ concionem, æstu febrili tentari se sentiens, proximâ nihilominus Dominicâ pulpitem ascendit; ex quo ad cubiculum redux, malo penitus prostratus est, ex quo etiam paucis diebus decessit.

In ea ægritudine singularia de se præbuit omnigenarum virtutum exempla: nam & SS. Eucharistiam quotidie sibi porrigi expetijt; & dies quasi totos in colloquijs cum DEO & SS. ejus Matre consumpsit: quam etiam creditur in agone habuisse conspicuè præsentem, contra dæmonem, à quo ultimâ vitæ horâ graviter infestabatur, auxiliatricem: neque ullum sermonem nisi de rebus cœlestibus inferri passus est. Die quodam post allatum sibi SS. Sacramentum, præmissâ ante ejus sumptionem Fidei professione, tria sibi dixit eo temporis articulo præcipuè solatio esse: *Primò*, quod conscientiam semper habuerit Superioribus apertam, & perspicuam, neque quidquam illos de suis internis celaverit, cujus testis essetis, quem mox sumpturus esset. *Secundò*, quod nunquam in omni vita munus quodcunque, aut officium in Societate ambiverit, petierit, aut desiderârit, sed unicè semper ab S. Obedientia gubernari se permiserit. *Tertiò*, quod nunquam in Societate alijs gubernandis præposirus fuerit, & idcirco liber nunc sit ab reddenda justo Judici ratione, de vita & actis aliorum. Crescente in horas febris malignitate, quinto ægritudinis die obtinuit extremum inungi. Quem in doloribus fatifcentem quories excitare socij ad hilaritatem volebant, mentionem Catechismi pueris & rudibus tradendi inspergebant: inque eum finem prope jacentis lectulum statuerunt cannam seu virgam, Catechistarum insigne, *Societas Europæa.*

& unum de vexillis, quæ pueris præferri solebant. Petijt etiam Collegij Rector, an aliquid pro solatio & gustu suo desideraret? cui modestè respondit: *cuperem videre Novitios aliquot Catechesim explanantes*; id quod evocatis illico aliquot Tyronibus concessum moribundo fuit: tanto illius tripudio & voluptate, ut reviviscere totus, & gaudio subilire videretur. Denique ut summum suum, quo in humile Catechesis tradendæ munus ferebatur, declararet affectum, & æstimationem, petijt secum eodem tumulo sepeliri Cannam, quâ totos 17. annos in doctrinæ Christianæ explicatione uti consueverat. Solebat idem sæpius in vita dicere, magno se metu percelli, dum consideraret annos 40. quibus Concionatorem egisset, ne gravibus pœnis in vita altera subjiçatur: at dum cogitaret annos 17. parvulorum institutioni impensos, nullam sibi timoris, sed plurimas solatij, & certissimæ de præmio cœlesti consequendo spei, causas occurrere. Septimo ægritudinis die, qui erat ultimus Februarij anni 1598. placidissimè expiravit, eâ vultûs nihil in diversa mutati compositione; ut diu dubitaretur an jam decessisset; annum ætatis agens septuagesimum, Societatis 51.

Ubi autem animam exhalâsse certò constitit, magno omnium sensu, multisque lacrymis tanti Viri jactura excepta est: quæ majore incremento renovatæ sunt, dum corpus ad sepulturam componendum apparuit per omnes artus durum, intractabile, denigratum, perinde quasi totâ vitâ in ardoribus solis nudus incessisset: inque singulis membris depressa sunt recentia flagrorum & ciliciorum vestigia, livores sanguine suffusi, & vulnerum cicatrices, quâs à 20. annis quotidiana, eâque sævissima flagellatio renovabat: sic, ut in nulla corporis parte esset sanitas, neque decor. Sanè quotquot illud irâ plagis deformatum & lividum aspexere, vivam quasi imaginem Christi vulneratî sibi objici fatebantur; repetebantque de eodem illud Pilati, *Ecce homo!* Maximi exinde concursus totius Civitatis ad Collegium facti sunt, exuvias hominis sancti (talis enim ab omnibus habebatur, & vocabatur) venerari, pedes deosculari, & si quid possent ex ejus utensilibus in reliquias auferre cupientium: interque primos adfuit Episcopus Urbis Alphonsus de Castelblanco, & Rector Universitatis Hurtadus de Mendoza, cum toto Clero & Academia. Ubi verò corpus ad sepulturam in templum trecentis amplius facibus magnificè elatum est, tantâ hominum affluxit multitudo, ut sepulchro inferri



inferri totum eum diem nequiverit : fuitque necesse illud novo vestitu contegi, quod prior magnam partem succisus, & in reliquias discerptus esset. Neque minor die altero concurrat populus ; ignarus, illum nocte tumulo jam conditum : eamque jacturam acerbissimis lacrymis profecutus, dolorem suum osculis sepulchrali lapidi infixis solabatur, quando ea nequiret manibus aut pedibus defuncti imprimere. Sed & DEUS pretiosam servi sui mortem honorare voluit prodigiosis beneficijs, quæ ad tactum ejus reliquiarum diversi consequebantur. Horum primum Regiæ personæ testimonio, Alexandri Ducis Brigantiæ, filij Catharinæ Regis Emmanuelis neptis, firmatum, contigit Villavitiolæ : ubi Prior *Fratrum Domina nostra de Gratia* (verba sunt Alexandri) *eger ex apostemate intra guttur enato, cum deductus esset in vitæ discrimen, neque saltē sacrā Eucharistiā resciri posset, quod omnem transitum ulceris magnitudo interciperet : quadam ejus cognata ex aula Serenissimæ Matris, transmisit ad illum quiddam ex reliquijs sancti P. Ignatii Martinez. Hanc ille ut primum gutturi applicuit, solutum momento est mortiferum apostema, & ipse tam sanus vividusque remansit, ut rescribere gratias cognatæ suæ confestim valuerit ; sanctē testans, quod simul ac reliquia transmissa collum attigit, eodem temporis puncto sanus integrè ab apostemate evaserit.*

Nec minus evidentia habuit casus alius, sub idem fortè tempus Conimbricæ legitimis

*Ex Andrada Tomo 5, de Viris Illustribus, & Bibliotheca Alegambe.*

## P. BENEDICTUS PALMIUS.



Benedictus Palmius, natione Italus, patriâ Parmensis, illustribus Parentibus natus est mense Julio Anno 1525. Postquam adolescentiam est ingressus, Bononiæ literis operam dabat, cum P. Hieronymus Domenecus ferventissimis concionibus Urbem illam excoleret : quarum ardore commotus Benedictus, expoliendum se exercitationibus sacris Domeneco dedit, & ad nostram Societatem adductus est, tantâ spiritûs flammâ conceptâ ; ut illico suâ sponte tria Religiosorum consveta vota conciperet. Bononiâ Romam profectus, receptusque à S. IGNATIO domi Anno 1546. tanto sub Magistro dignum præstanti indole tyrocinium posuit. Biennio post in Siciliam missus cum aliquot socijs, Mamertini Collegij fundamenta posuit : ubi

testibus firmatus, & subscriptus. Civis ibidem perhonestus Ludovicus Cardoso, filiam habebat mortaliter ægram, judicio omnium de vita conclamatam : is hortatu amici Antonij Robello, frustulum de veste Ignatii Martinez moribundæ applicuit, dicto simul, filioli nomine, Pater & Ave : & subito malum omne eodem momentò ægram deseruit, surrexitque valentior, quàm antehac unquam fuerit. Ulyssipone quoque filiolum habebant illustres conjuges, Emmanuel Correa de la Cerda, & Francisca de Aragon, cæcitare oculorum ita impeditum, ut discernere nihil omnino posset ; hi probatis remedijs humanis omnibus cum nihil proficerent, ad domum Professam S. Rochi se convertunt, & è monumentis P. Ignatii Martinez (cui erant devotissimi) aliquid sibi concedi expetunt. Missa est oratio devota, manu ipsius descripta, quam servabat in Breviario, & diebus singulis recitabat : hanc pij parentes ut primum oculis filioli singulari fiduciâ applicuerunt, integra oculis perspicacia momento collata est ; ingenti præsentium omnium stupore, qui rem adeò miram ad majorem DEI laudem, & decernendos fortè olim Ignatio Cœlicum honores, coram Archi-Episcopo Urbis Michaële de Castro, chirographo suo testati sunt. Qui plura & majora ejusmodi miracula, ad invocationem ipsius cœlitus concessa, scire desiderat, vitam ipsius ab Lusitanis seorsim editam consulat.

tum literas humaniores docuit, tum de superiore loco verba ad populum fecit, nondum sacris initiatus ; tantâ efficacitate dicendi atque animorum commotione, ut publicè dicenti fuerit ab auditorio acclamatam : *beatus venter, qui te portavit.* Ipse quin adeò Jacobus Laines, cum aliquam notitiam ejus adhuc in seculo adolescentuli Parmæ cœpisset, eum ad verbi Divini prædicationem cœlitus vocari prædixit. Reversus Romam Anno 1553. Sacerdotium suscepit, & præconis Evangelici munere pari ardore ac fructu præclarè functus est. Erat enim felicissimâ memoriâ, quantam ea ætas in concionatore non vidit, laterum firmitate, contentione, magnitudine vocis, actionis dignitate, verborum copiâ, sententiarum gravitate, orator excellens. Dictionis verò energiâ, zelo, ardore animi atque pietate tantâ, ut admirabilem quandam Audito-





P. Benedictus Palmius S. I. Italus, ætate suâ alter  
Chrylostomus, maximis animarum totâ Italiâ conver-  
sionibus, et extinctis capitalibus, solâ Crucifixi ostensione,  
odij. celebris. Decessit Ferrariæ 14 Novemb. 1598. ætat. 72.  
J. G. Heinsch del. 66. J. Kilian sc.

ditoribus faceret, eosque quocunque veller  
impelleret. Primus hic fuit in Societate Ita-  
lus, qui concionandi modum, quem à primis  
ejus PP. Jacobo Lainio, & Fabro didicerat, è  
SS. Scripturis, è SS. Patrum solida doctrina, ad  
extirpanda vitia, virtutes inferendas, emen-  
tationem morum, opera misericordiæ ubique  
constituenda comparatum, per Italiam cum  
omnium approbatione circumtulit & inexit.  
Romæ, S. IENATIUS jussu, verba singulis hebdo-  
nadiis fecit Urbis locò per celebri apud Argen-  
tarios, in via publica; ut concionatorem  
quendam, genus id dictionum compitalium,  
clamnantem, factò ipso refutaret; cumque  
plurimus & honestissimus afflueret auditor,  
fructus ingens exstabat & multiplex. Verùm  
non tulit hunc pessimus Satan; cujus arte, &  
malevolorum vitia sua acriter perstringi pa-  
Societas Europæa.

lâm dolentium, inductu, Præfectus satellitum  
cum suorum armata manu intervenit, ac pro-  
tinus magnâ voce pro imperio tacere, ac de-  
scendere Palmium jussit. Is cum statim ob-  
sequi veller, observandam dicens in admini-  
stro publicam potestatem; ecce in concione  
tumultus, cursarique & corripere arma, nec vox  
concionatoris demulcentis audiri: denique  
satelles coactus sibi fugâ consulere. Tantus  
audiendi Palmij fuit populo ardor, & exinde  
in eum conceptus amor.

Ut verò pauculos in specimen partos ab eo  
dictionibus suis ex animabus fructus referam;  
mirabilis fuit, quem Mamertina Sicilia Civita-  
tas communi gaudio, longè autem famâ per  
omnem Siciliam celebravit. Sebastianus e-  
rat Ansalonius ex familia opulenta ac nobili,  
cui ob interemptum fratrem cum alio item  
nobi-



nobili cive Papardo odium inexpiabile annum jam septimum intercedebat, & multos utrimque propinquorum trahebāt in partes, nonnullis ob eam rem in exilium actis, & Papardo post iteratam sæpius torturam supplicium ultimum in dies expectante. Ceterum Ansalonius quamvis in ultionis rabie obstinatus, per anni tamen 1552. Quadragesimam cœpit non illibenter Palmij concionibus interesse, nec rarò vehementer incitabatur animo ad Christianam lenitatem: sed inolitus penitusque medullis insitus furor cœlestem flammam corde concipi non sinebat. Ecce autem feriâ 6. majoris hebdomadæ Benedictus (quanquam dicendi genere concitatissimo semper, & lacrymarum promptissima copiâ utebatur) præter morem incensus post horarum propè 7. declamationem, cum de more Crucifixi effigiem populo pararet ostendere, jamque eam paululum detexisset, repente, haud sinè Divino instinctu, iterum obvolvit, & accensas faces jussit extingvi, magnâ voce contestans, nequaquam se ei populo Christum Dominum, quem suis peccatis in crucem egerint, ostensurum, nisi nunquam ejus Majestatem violaturos imposterum eodem loco sponderent. Cunctante hîc multitudine, partim attonitâ, partim artificio quodam ea agi æstimante; convertitur ad Crucifixum Palmius, atque ita, ut erat nigro velamine obtectum arctè complexus, cum lacrymis ac voce lamentabili, *En, inquit, Domine mi JESU, nonne verum est quod dicimus, populus hic labijs me honorat. cor autem eorum longè est à me? an servos tuos profiteri se nolunt?* Hac voce cordibus Auditorum tanquam pugione perfossis, continuè gemitus & comploratio extitit strepitûsque confusus, volumus, ingeminantium, volumus! Crucifixum revela. Ansalonius inter hæc, qui multum concione totâ profuderat lacrymarum, æstuebat, angebatur, & quia linguam dolor ac fletus impediēbat, sæpe animo secum volo iterabat. Famulum quin etiam misit, qui concionatori fidem faceret, Ansalonium, quæ ille vellet, acturum. Sed antequam ad suggestum famulus perveniret, exundantis impetum petitoris angorēque non ferens, erupit repente, ac voce quantâ potuit maximâ exclamavit: *en Domine faciam quod voles!* Qui tantus clamor, strepitu concionis represso, concionatorem quoque sic perturbavit, ut vix sui potens latinè quæreret, *quis es tu?* cui ille, *ego sum Sebastianus ille Ansalonius!* Hic verò ad sonitum illius nominis in universo populo, cui nota erat hominis pertinacia, & optatissima

conversio, immensa lacrymis mista sunt gaudia. Palmius jussis rursus accendi facibus, optatam tandem Domini effigiem è cruce, pendentis remoto velo spectandam offert, ac de clementia Salvatoris immensa disputans, iterumque ad detestationem scelerum, & nova vitæ exordia omnes adhortans, finem dicendi fecit. Opperritur Ansalonius descendentem suggestu, ruēnsque in amplexum, negat se Collegio discessurum, donec quod sponderat perficeret. In eandem sententiam dat literas ad propinquos, ne utique se elaturum ab Collegio pedem, nisi & ipsi in pacem consentiant. Advocatur publicus Scriba, res tota componitur: Papardus, qui ad supplicium ultimum jam se Christianâ æquitate composuerat, è carcere liber educitur, exules revocantur, cuncta civitas gaudio gestit. Ansalonius verò penitus jam alter, totus primò in expedienda vita anteriore occupatus, deinde mortiferi criminis, quod causa necis Christo fuisset, horrore concepto gravissimo, nè quid unquam tale committeret, octavo quoque die Divinis se communire Mysterijs, maximâ Civium ædificatione, exorsus: postremò tanquam in arcem ad Cappuccinorum confugit Ordinem, ibique vitam tantæ conversionis celebritate dignam beato fine conclusit.

Discedens ex Sicilia cum P. Natale Romam Palmius, dum Messanam transiret, advocatis in concionem mulierculis consensu suggestu, eas inter dicendum non modò ad lacrymas, sed ad miserabiles vociferationes ejulatusque perculit, & 13. à flagitioso questu absterritas in recens Cœnobium, ad prostitutionum asylum à Natale erectum, traduxit. Romam verò delatus, cum in Templo Domus Professæ diceret, & insolitus ardor animi atque eloquentiæ magnos & plausus & motus excitaret; voluit Pontifex ipse in sacello suo dicentem audire, id quod ingenti clarissimorum Principum approbatione præstitit. A. 1558. Pataviam missus, cœpit in Templo Urbis principē, ac tum ad S. Lucie magno tempore conciones habere, ordinum omnium eo concursu atque certamine; ut longè plures Templi excluderentur angustijs, quàm amplitudo reciperet. Ergo non solùm vulgò correcti mores, sed cum in Urbe & Academia advenarum omnium genere celebri, corruptæ opiniones de Religione grassarentur, ac nominatim Oecolampadij, divinorum Sacramentorū hostis, secta glisceret; ita eos privatim ac publicè, SS. etiam PP. codicibus in suggestum delatis, redarguit; ut impiorum voluminum magna vis ultro



ultra ab hominibus prolata, flammis sit tradita, & ad casta dogmata complures ab hæresi revocati. Quo verò pudicitiaë reductarum à Palmio muliercularum consuleretur, nobiles matronæ aliquot ab nugis mundanis, luxuræque nimio per eum advocatæ, domum ijs recipiendis, cum omni ad necessaria vitæ sumptu, præpararunt; donec cœnobij septis, vel aliâ conditione honestâ illigarentur. Sodalitas insuper ejus conflata vocibus est, cui nomen à pietate inditum, & legibus ita firmis corroborata, ut in hæc usque tempora mirificè Civitati salubris persistat. Quotidie manè Sodales horæ dimidium meditationi, vespèri quadrantem examinandæ conscientiaë dabant: frequenter ac piè divina obibant Mysteria, ad eadem pari pietate obeunda ceteros inflammabant. Conveniebant Dominicâ quavis ad communes preces, & ad consultandum quâ viâ maximè occurrendum inopiæ calamitosorum esset, quadripartitâ in totidem præfides civitate; quorum singuli singulas curarent partes, egentibus, verecundis maximè, & morbo afflictis necessaria providendo: nec modò pecunijs, sed etiam verborum solatijs adhortantes ad patientiam, peccatorum odium & fugam, ad curandos animos Sacramentis. Nec pudebat Sodales emendicare ostiatim per Urbem, unde miseris subsidio venirent. Quam ad novam speciem civitas in admirationem rapiebatur; nec finem faciebant DEO gratulandi, qui per famulum suum, re verâ Benedictum, eam Patavij novam lucem excitasset: simulque amore Societatis capti, ejus Collegium ab solitudine intra civitatis frequentiam transulerunt, æde S. Lucæ ad Sacramentorum ministeria ceterosque usus illi attributâ: licet biennio post iterum sponte suâ Collegium in pristinas ædes remigravit.

Venetias posthæc accitus, apud incurabiles primò, mox ad S. Marci divinas vibrare instituit faces, nec successu, nec approbatione minore, quàm Patavij fecerat: ex quibus & frequentia addita Sacramentis, & morum ingens commutatio facta, multaque saluberrimè instituta. In his super omnia fuit receptaculum puellis, quarum pudicitiaë tum paupertas, tum hominum improbitas insidiari periculosè solet, procuratum. Quod contubernium hac etiam tempestate viget, ut ad 140. Virgines numerentur, quæ legibus moribusque à Palmio descriptis, sub honestarum fœminarum cura, & quatuor è nobilitate virorum tutela, sanctissimè educantur; donec vel ad ad matrimonij nexum, vel ad beatiores cum

Sponso cœlesti nuptias transferantur. Emisâ subinde 4. votorum solenni professione, continuè Provincialis Longobardia à Lainio primus renunciatus est, quæ deinde multis post annis in Mediolanensem & Venetam divisâ fuit. Quo tempore dictionibus suis Patavij iteratis, præter alios innumerabiles fructus, tres fratres Gagliardos, eximios postmodum in Societate DEI servos, unâ cum P. Possivino, ad expetendam Societatem impulit, ut in gestis istius retulimus. Nec minore dextertate exortam repentè gravem & periculosam à Senatu & Patriarcha Veneto in Societatem tempestatem sapientiâ suâ composuit, ratione ita prægnantibus argumentis Principi Senatûs redditâ, ut negaret ullâ unquam vice magis & efficacius sibi satisfactum fuisse. Quâ ipsius prudentiâ & Apostolicâ dicendi vi compertâ, Principes diversi & Præfules Ecclesiæ, eum sibi ad consilia deposcebant; certi, nihil fictè vel adulandi studio, præter id quod ex vero sentiret, dicturum. Et quidem prædicationibus suis illustravit præcipuas quasque Italiae Urbes, Romam, Venetias, Neapolim, Mediolanum, Genuam, Patavium, Bononiam: instantissimis etiam precibus à Duce Subaudiaë expetitus, ut ejus consilij in Religionis difficultatibus & uteretur ipse, & concionibus familia Urbisque suæ erudirentur. Tantumque fuit Viri in regiones etiam longè ab Italia sejunctas nomen; ut naufragio ejectus in Cypri Insulam de Societate Sacerdos Joannes Baptista Elianus, hoc solo nomine benignius haberetur, quòd Palmium novisset, & ejusdem cum eo Religionis esset. Cravis per ea tempora Anno 1563. Bononiam fames ex rerum inopia premebat, cum Palmius Collegium ex officio Provincialis invisens, simulque concionibus per Quadragesimam habendis intentus, ut remedium afflictæ plebi afferret, egit cum Episcopo privatim, & cum populo ex cathedra publicè, ut inopi turbæ virorum æquè ac fœminarum, receptacula certa destinarentur; ubi & necessarijs vitæ subsidijs Christiana eos pietas sustineret, & ipsi interim utili quopiam opere exercerentur: id enim non modò inopiæ, sed plurimorum etiam criminum ex vaga desidia remedium fore. Rem ita pervasit, ut ipso magni Paschatis die ingens inopum vis in tectum, ei negotio destinatum, inducta sit.

His laboribus Bononiæ occupato Palmio, superveniunt à S. Cardinali Borromæo literæ, quibus Mediolanum evocatur ad conciones, & Societatem illi Urbi introducendam. Incognita propè erat Mediolani ad eum usque



diem Societas; quam Palmius cum P. Jacobo Carvajale ingressus, & ædibus S. Cardinalis receptus, cum ad sacram cœnobij Virginum S. Marthæ ædem sacrificatum adisset; narravit Maria Arconata Virginum Antistita, vixisse olim eo in cœnobio præstanti sanctitate, fœminam Archangelam Panicarolam, quam vulgo jam B. Archangelam vocitabant: eique pro S. Ecclesiæ bono, & publicorum morum emendatione DEUM instantè oranti, divinitus præmonstratum, orituram Societatem JESU, cujus Sacerdotes novorum instar Apostolorum in totius orbis ad DEUM conversionem navaturi operam essent. Tandem & Mediolanum venturam, & miro toti civitati solatio ac bono futuram: quod ut quamprimum fieret, addebat Antistita, quotidie suo jussu quinos ab Virginibus Psalmos, & quædam nominis JESU preculas pronunciari. Quibus in spem optimi eventus animatus Palmius, ubi in celebrata illa principis Templi amplitudine, cuncto Clero, & Senatu, & Governatore, & S. Cardinale, cum innumerabili populo audientibus, velut Evangelica tuba personuit; incredibilis simul in vulgo pietas exarsit, simul Collegij quàm primum videndi sitis. Amplius deinde annos tres ex eodem suggestu, etiam per Quadragesimæ ferias verba faciens omnium plausu, cum innumeros à vitijs deterritos ad insignem virtutem provexit, tum præcipuè conciliatâ sibi Cleri benevolentia, eum ad disciplinam dignam suo loco & ordine ita excoluit, ut sæpius S. Antistes affirmaverit, sylvas quæ Mediolanensium agrum occupabant, Palmij industriâ ac virtute excisas esse. Hæc inter ab Duce Sueffano Governatore Urbis, qui Varesij 30. indè levicis pene depositus jacebat, trepidè advocatur. Nocte intempestâ sinè mora per dispositos equos advolat, expiatoque Panem salutis dum impertit, confestim præter spem salutis etiam corporis Duci redire cœpit. Quod beneficium Dux perpendens, totum se Palmio regendum formandumque tradit, dicens illi inter animam suam ac DEUM velle interpretem ac sequestrum esse. Quo eventu, unâque virtute & sacrâ Palmij eloquentiâ, facile deinceps negotium statuendi in Urbe Collegij redditum est. Demortuo Generali Jacobo Laynio, ipsi Comitijs generalibus quibus successor illi delectus est S. Franciscus Borgia, Palmius simul creatus est Assistent Italix & Siciliæ: quod idem munus iterum illi decretum est electo in Generalem Everardo Mercuriano. Et in priore quidem Conventu pro electione Borgiæ celebrato, egregiam suam

in DEUM fiduciam testatam fecit Palmius, cum graves Collegij Romani difficultates & persecutiones recenserentur; quibus, num. obviandum juris adminiculò esset, an verò silentiò tolerandæ, inter Patres disceptabatur. Palmius enim ante alios clamabat, fidendum DEO, ex Christi Apostolique præcepto, volenti auferre tunicam, dimittendum & pallium; denique accipiendam magis injuriam, patiendam magis fraudem, quàm judiciò contendendum. Id si seriò inducerent in animum, & nihil bono nomine, nihil charitate in omnes, & Evangelicâ scilicet justitiâ haberent antiquius, additamenta non desideraturos humanæ opis. Non vinci benignitate, fontem boni: immisurum Vicarijs suis DEUM Romanis Pontificibus in animum, ut Romani Collegij tutelam susciperent.

Quia verò eodem anno 1565. S. Carolus Borromæus indictâ Mediolani Synodo, ad eandem Palmium mittere, cum ipse adesse non posset, cupiebat; multa sibi ab ejus sapientia & consilio ad felices Synodi tractatus pollicitus, confirmata illi est penes Assistentis munus Provinciæ simul Longobardiæ administratio. Neque S. Pontificem sua fefellit expectatio; siquidē magnâ illâ dicendi, magnâque agendi vi, dici vix potest, quàm multa ex DEI laude quàmque ardua effecerit, apud rerum humanarum Divinarumque Moderatores, apud Civium primos, medios, imos, unus ipse omnia propè valens: itaque illa omnia Viri virtus perfecit, ut Nicolaus Ormanettus, quem pro se S. Carolus Synodo præfecerat, illam pacatè salubriterque haberet. Ille fœdum dissidium, quod Ormanetti ingenium, ad severitatem paulò propensius, quidam è Clero ferre non possent, tum hos ad ferendam curationem confirmando, tum Vicarij austeritatem mitigando, oppressit. Idem cœnobia sacrarum Virginum multa ad perfectionem excoluit: Laicorum Sodalitates vel instauravit, vel novas instituit. Idem cum alia vitia è moribus publicis sustulit, tum illud præcipuè magnâ omnium approbatione egit: Mediolanensis urbs in regiones sex, quas à totidem portis nominant, distribuitur; hæ primis post Pentecosten Dominicis, suo quæque die, deferre ad Templum princeps solebant quam contulerant stipem, in Templi ejus sive ædificationem, sive facta tecta. Supplicatio ad id frequens post meridiem instituebatur, ceterâ omni Urbe spectatum effusâ, sed licentiâ propè bacchanalium inductâ: adeo personarum larvis, & petulantia dictorum factorumque supplicationes profanabantur! quam fœditatem



tatem ubi pro concione Palmius demonstravit ( dicebat enim unâ constanter ad populum ) itâ subitò pia Civitas eam agnovit & amolita est, ut puderet non antè animadversam. Nihil etiam gravius incidebat ad religionem pertìnens, in quo non exquireret Gubernator Urbis Patris sententiam; quo eodem ad conscientiæ suæ causas componendas, & ad omnem familiæ domusque disciplinam utebatur. Hoc secundissimo rerum successu, cum repentè Palmius è conspectu Mediolanensium ad Urbem evanuisset, nè Assistentis falsum nomen duntaxat sinè re præferret, S. Cardinalis tamen iteratò Synodum Provinciale ad promulgandum Concilium Tridentinum celebraturus, illum impetravit, primum in omnibus habiturus, uti feliciter expertus est, administrum. Ipse enim iussu ejusdem, quæ præcipuè ad Synodum referenda essent, collegit; ipsi decreta condendi, & statuta recognoscendi, maximè negotium, ac denique collectos Patres alloquendi munus impositum fuit, id quod ternis ad eos concionibus perfecit. Dimisso Concilio querelæ mox feri cœptæ, de nimia decretorum Synodi severitate: & Canonici S. MARIE à Scala, sub patrocínio Regio suam ædem esse contendentes, volenti eam invisere S. Cardinali, non modò omni aliò restiterunt conatu, sed etiam jam adventanti arma opposuerunt: unde gravior omni opinione totâ Urbe commota tempestas. Tum Palmius tempus id ratus, quidquid industriâ, quidquid gratiâ & auctoritate posset experiundi apud Gubernatorem, Prætozem, atque Senatûs Præsidentem, pro concordia acerrimè atque fortissimè egit, dum malum omne discussit, ut & sapienter decreta in Concilio manerent immota, & impunè non ferrent, qui arma adeò sinistrè cum scandalo Urbis moverunt: incredibili indè S. Cardinalis gaudio, & sapientiæ in Palmio æstimatione.

Redux post hæc ad munus Assistentis in Urbem, conciones per Quadragesimam habuit ad S. Laurentij in Damaso, auditorio perinde insigni ac fructu, plerumque 15. purpuratorum Patrum coronâ. Ac mox ad Neapolitanam Provinciam missus à Borgia Visitator, ubi hac in optimum ordinem & disciplinam formatâ Romam redijt, à S. Pio V. Pontifice Maximo primus è Societate delectus est, qui conciones ordinarias coram illo & Cardinalibus haberet. Qui cum libertate uteretur maximâ, & aulicorum vitia insectaretur acerrimè; tamen itâ Apostolicum quendam præ se gerebat animum, ut liberrimè & magno

cum profectu, ac plenâ S. Pontificis satisfactione audirètur. Cum verò nonnulli de nimia illa, ultra convenientem eo loco verecundiam, loquendi & vitia castigandi libertate, apud S. Papam quererentur, *hanc nos volumus, respondebat, concionatoribus fiduciam esse: idcirco illum advocavimus, ut extra dissimulationem nos, & vos, de officio nostro commonefaciat.* Quin adeò acerrimam contra ambitionem itâ probavit invektivam, ut statim diploma adversus ambientes summum Pontificatum ediderit. Itaque non solum ternas quæque hebdomadâ in prolixiore jejunio conciones habuit, sed etiam continuare eas totum annum Festis & Dominicis omnibus ( rem eo loci ad eam diem inauditam ) est iussus: cum iisdem simul diebus terni alij in Vaticano de Societate dicerent, unus ad Pontificis familiam; ad Canonicos alter & ad populum in S. Petri; postremus ad Helvetios in ædícula Campi sancti. Anno integro in Pontificijs dictionibus evoluto, institerunt Neapolitani per aliquot Cardinales, maximè per Aragonium, ut in primaria ipsis Æde Annuntiacioni DEI paræ sacra, Palmius per magni jejunii ferias verba faceret: quod cum Pontifex, ut latius ex ejus dictionibus fructus proveheretur, concessisset; ejus loco Salmeronem Neapolitani Palmium quàm cupidè advocarant, tanto & studio & profectu audierunt, cujus opinionem vulgatam mirè auxit viva vox. Fœminarum inprimis luxum repressit, inveteratam consuetudinem sustulit, quâ Christi Domini Corporis per Urbem circumlatio, histrionalibus spectaculis, & bacchantium quadam licentiâ temerabatur. Auxilia egregia egestati servientia & pijs contubernijs collegit: uti & Sacerdotibus Templi, apud quos dicebat, stipis incrementa, unde sumptus decore tolerarent, impetravit.

Anno 1575. cum Genuæ civilibus omnia discordijs miscerentur, missus est ad eas componendas à Gregorio XIII. cum Cardinali Morono Palmius, cui à confessionibus simul & consilijs fuit. Et licèt in principe Ecclesia populum ter allocuturus, ter prohibitis sit varijs tumultibus; orsus tamen deinde dicere, itâ conciones suas communi Civium approbatione attemperavit, quæ utriusque partis maximè interessent in medium afferrens; ut utraque pars ab se stare illum arbitraretur. Sed fructum ex propensis jam ad pacem animis reformidans Satan, populum novo tumultu etiam in Palmium & Collegium universum concitavit, ut post frustra conquisitos per omnes



mnēs ejus latebras, intrā ipsa adeo sepulchra, diffidiorum auctores, faces illi quidam subji- ciendas conclamarent. Quibus nihil con- sternatus Palmius, post intermissam semel duntaxat concionem, cum parum, quæcunq; tentarentur viæ, procederent; in perviciæ prima capita, Evangelici pectoris libertatem, expromere, & palam ex pulpito acerrimè in- vehi non dubitavit: affirmans, omnium, qui clarissimæ illi Reipublicæ perniciem atque interitum, ad privata emolumenta publico exitio grassantes, molirentur, nota sibi pla- nē esse nomina: ac nē quispiam conjecturā erraret, protracturum eos in publicum, ac su- darij jactu designaturum ē suggestu: quorum quidem perditam audaciam & arrogantiam, nē religiosissima Civitas corruat, compressum haud dubiè divinitus iri. Quæ ardenti ani- mo liberè dicta quanquam turbulentos acriter pupugere, ut admurmurantes obstrepentesque etiam dejecturos eum de suggestu mi- nitarentur; tamen ab seditionum ducibus (magnum ad cætera momentum) trecentos ad pacis consilia & auctoritatem Senatûs tra- duxere. Duodecimâ verò Septembris pro concione alloquens populum, sperare se dixit, B. Virginem quæ eo ipso die ante annos 47. pacem Urbi impetrârat, intra diem 8. Nat- alis sui idem nunc exoraturam: omnes hanc domum cogitationem, hanc spem referrent. Et ecce eodem die sub horam ante noctem, secundam duo Reipublicæ Collegia Cardina- lem adeunt, suam ei causam permittentes: acclamatur pax, spargitur per Urbem læticia, festis omnia sub noctem collucēt ignibus, & campanarum tinnitibus personant. Et in Urbe quidem pro compositis res habebantur, modò qui ab Urbe exulaverant consensissent: ad quos missus à Legato Palmius, cum pri- mum præter verba nil retulisset, 40. dierum inducias tamen postea expressit, per quas Pontificius, Cæsaris, & Hispaniæ Legati con- ditiones pacis componerent: ad quos ultro citroque & ad partes commeans Palmius, o- pratam tandem Urbi quietem restitutam ma- gno omnium gaudio vidit.

Denique cum per ætatem tam multiplici-

bus simul munijs fractam concionari jam non posset, ab Anno 1565. ad usque 1581. cum Assistentis Italiæ munere partim regendâ si- mul Longobardiæ Provinciâ, partim assiduis dictionibus & Missionibus distentus; post e- lectionem Claudij Aquaviva in Generalem Societatis, gubernationem omnem defugiens, nē omnino otiosus esset, impetratâ statione, Ferrariensi in Collegio, ad scribendum se con- vertit. Itaque contexit utilissimum Con- cionatoribus opus, in quo SS. PP. testimonia, quibus populos tot fuisse commotos experi- entiâ didicerat, in communes locos redegit, in eodem Collegio 14. Nov: anno 1598. æta- tis 72. appositus ad Patres suos, acri lateris dolore, & diarrhææ moribus confectus: à quibus cum extremum in discrimen adductas res suas intelligeret, ceteris posthabitis in u- num id intendit animum, ut se ad novum iter accingeret; ideòq; fugientem animam Chri- sti corpore, fractas vires sacro delibatas oleo, ad extremam cum hostibus dimicationem confirmavit. Sub vitæ exitum interruptas suspirijs voces in cælum magno pietatis sensu jactabat: postremò summa in pace, veluti jam delibaret illam, ad quam festinabat felici- tatem, placidissimè animam efflavit. Inter eximias virtutes quibus inclaruit, præluxit in eo semper incredibilis animarum zelus, qui ex ferventissimo DEI amore dimanabat: ni- hil habens in delicijs magis, quàm esse cum DEO, & cœlestia contemplari. Quid autem boni ex assiduis his cum DEO congressibus consequeretur, lacrymarum rivuli, qui sensim ex oculis venerandam irrigantes canitiem, profuebant, vociferabantur. Diebus paulò celebrioribus, cum primo manè, exalbescēte cœlo sacris operaretur bonus senex, tantâ vi lacrymarum & svavitate perfundebatur, ut quanquam comprimeret, illis tamen victus habenas laxare, & se DEO permittere coge- retur: ut nil mirum sit sitientissimum fuisse, Augustissimæ liturgiæ, nec inter vehementis- simos podagræ cruciatus aliud lamentari soli- tum, quàm eripi sibi litandi DEO facultatem.

*Ex Historia Societatis & Nieremb: Tomo 1.*

## P. GEORGIUS TAVORA


cum alijs decem.



Atus est Pater Georgi- us de Tavora Lusitanus, in oppido sancti Georgij de Pesquera; gradum Coadju- torum Spiritualium in So-

cietate adeptus, ad proximorum curam & mi- sericordiæ quævis officia fictus & factus, non à natura, sed à gratia Operarius. In eo siqui- dem munere totâ sacerdotij vitâ occupatus, consuetis laboribus minimè fervori suo satis- facie-





P. Georgius Tavora S.I. Lusitanus, magni Zeli operarius, et Pater miserorum, pro dilectione pro-  
ximi animam suam in peste posuit Conimbricæ  
Anno 1599. 5. Aprilis. Etatis 44. pari exitu sub-  
latis alijs 10. per Lusitaniam Socijs. ~.

faciebat, sed toto die vicos & compita Urbis Conimbricæ percurfans venabatur, in quos beneficæ charitatis aliquid exerceret; & modò jacentes in publico, & inediâ confectos tollebat in hospitalia; modò laceros & seminudos miseratus vestiebat; in Nosocomijs ipsa terra ex mephiti vasa repurgabat, artus ulceribus deformatos tractabat, capillum pauperibus & scabie infectis attondebat. Ipse pulcherrimo ejusmodi facinore Rectorem Conimbricensis Academiæ docuit aliquando, eadem christiana opera exercere. Redibat fortè domum Pater ab operatione lassus, cum ad Academiæ porticum gementis pueri ejulati- bus commotus occurrit, jacentemque in aperto ferè nudum, specie jam jam morituri, puerum deprehendit. Ante omnia morti christianè præparatum, ut erat sordibus, fri-

*Societas Europæa.*

gore, inediâ morboque fatiscens, calidam in vasculo è proximo petit, vestem raptim illi impetrat, posito ab humeris pallio totum lavat, induit, cibo recreat, in hospitium deferre parat. Hæc subito affluens curiosus mirari populus, laudare, subsidia polliceri: cujus fremitu excitus in vicinia Rector Academiæ, despicit è fenestra quid rerum ageretur, & allectus exemplo in partem ejus operis occurrit, tecto inopem recipit, & alendum, promittit; professus, tum primùm se à Patre didicisse christianæ pietatis exercendæ rationem. Et quidem similia illi fuere quotidiana, qui domi, foris, ex humeris pallium vix ponebat, promptus semper & expeditus ad expiandum numerum ingentem omnium ordinum, qui ad eum confitendi gratiâ properabant, vel evocabant. Neque nox illi ferè v-  
cabat,

Rr



cabat, exiliebat quacunque horâ, & pernoctabat; vultu quodam ad ingenuam & hilarem speciem ab ipsa natura composito accurrens, quô domesticos & externos hilarabat. Atque is cum esset, omnium Collegarum sensu primis Societatis heroibus accensendus, nihil sibi agere videbatur, nisi vitam etiam pro dilectione proximi daret & animam: sapius auditus optare (quod absque offensione DEI, Regniq̃ue calamitatē fieret) pestem aliquam terribilissimam, in qua se ipse pro salute hominum devoveret. Planēque ita evenit sub annum 1599. Nam cum anno superiore pestis Ulyssiponem cum mercibus ab Hispania illata, mense Octobri Urbem corripuisset, hoc anno unius hominis importunitate inde Conimbricam, invitis Civibus, suâ auctoritate ingressi, in Januario irrepsit, & ex tantilla scintilla grande excitavit incendium. Igitur hâc obortâ, evadentibus quâ quisque posset Civium potentioribus, fuga fecit Urbis solitudinem, increvitque ex cessatione laborum & eleemosynarum fames. At P. Tavora sub ipsa mali primordia se contulit ad Rectorem, non tam deprecaturus ut sibi liceret ad id bellum proficisci, quâm jure quasi suo muneri debitam provinciam sortitus, extremum allocuturus; adeo confidente & sublimi animo, ut obstupuisse sese Rector ipse fateretur. Abijt è Collegio cum duobus socijs Coadjutoribus, qui magnis precibus sortem hanc præ alijs sibi destinari ad corporum curam extorserant, fixurus sedem in ædibus salutis extra Urbem; unde provisus domi omnibus, opportuno tempore tanquam miles exercitatus è statione procedens, neminem eo igne perlatè patentia oliveta afflatum sinè confessione relinquebat. Erant ædes illæ, quas ob ægrotorum copiam multiplicatas *Castrum* vocabant, lamentantium plena, referta malorum omnium, quæ homines reformidant: at noster ille triumviratus ita decertavit, ut vix credi possit tantum laborum sustinere valuisse; & duo illi Coadjutores erant ætate grandiores, quibus si quies in vitæ residuum daretur, nemo non diceret bene collocatam. Crescebat indes mali vis, cui tantò pariter majore conatu obsistenti Patri, quanquam satis laborum erat cum ijs, qui foras ex Urbe in castra & oliveta pellebantur; tamen quia sciret plurimos in Urbe decumbere, & mori Sacramentorum expertes, quia ægri ipsi nollent Sacerdotes advocari, nè abinde detecti mox in castra abriperentur; hisce verbis Rectori operam suam scripto detulit: *Intellexi in Urbe plurimos esse, qui interire malunt, quàm prodere ægritudi-*

*nem: his non est, apud quem spontè accedentem onera conscientie deponant. Si Episcopo & Magistratibus videretur, ego in Urbem quoque ire possem. Incedam preferens vexillum illo ipso more, quò vestillones sandapilâ mortuos efferunt: & ita æquè in Urbe ægri, ac ejecti in exiliū, mihi cura futuri sunt; nec arbitror animum utriusque & voluntatem defuturam.* Miserima conditio fuit pauperum, qui ab Urbe pellebantur; frigore & inediâ multi interiēre, longè plures interituri, nisi opem Pater cum socijs, eorum pariter curâ susceptâ, attulisset. Cumque tempus id anni sævum esset, & multitudo tecto careret, tuguria illis construi fecit, ipse à tribus milliaribus ligna cadere adjuvans, comportans, & suis manibus pilos figens, inque sepem pro pariete virgultis palos implectens. At quia pestis & hos inopes invaluit; nè non confessi exanimarentur, persuasit, ut omnes antequam perniciem hausissent, expiari apud se vellent. Rumpabantur illi miseratione viscera, contuenti vultus eorum inediâ exhaustos, exsucca sinè sanguine & colore corpora, langventem maximè pueritiam humano præsidio destitutam, cujus greges integri manē euntem ad Sacrum celebrandum circumstabant, panem flagitantes. Eripse, quidem omnem adhibebat industriam impetrandi ab Urbe alendis subsidia, quibus & suo majorem partem expendebat cum socijs dimenso. Hæc atque alia id genus in Urbem sparsa prædicabilem adeo effecerunt, ut tanquam de communi omnium Parente, & Urbis servatore universi loquerentur: & Religiosus alterius Ordinis, qui in iisdem castris operam ægris navabat, assereret, dignum videri Tavoram, cui viventi statua in publico locaretur. Tandem illum post trimestre in eo obsequio exactum pestis afflavit, incredibili Collegij & Civitatis luctu, extinxitque quinto ægritudinis die 5. Aprilis, eodem anno 1599. ætatis 44. cujus corpus cum ad sepulturam efferrent sandapilarij ad proximum Sacellum, ejulatu ea castra & gemitibus, tanquam ad communis jacturam Parentis, resonuerunt.

Alter ex socijs duobus Coadjutoribus Patris, Ludovicus Antonius, Lusitanus Lorvannensis (nam alius intactus evasit) quinque mensibus omnibus periculis & laboribus superstes, tandem in Julio correptus, die 19. illius in cælum evolavit, natus annos 66. in Societate 46. Erat is Nobilibus ortus Parentibus, sed studio humilitatis maluit inter Fratres Laicos computari: cujus quidem, unaque ardentis charitatis, ingentia in illis castris præbuit specimina, dum quos propinqui sui

vivos



## P. GEORGIUS TAVORA cum alijs decem. 317

vivos non audebant attingere, non efferre, sepeliré demortuos; ipse brachijs complexus attollebat, medicinas ulceribus apponebat, cibum ori inferebat. Quidquid dabatur otij, horto colendo tribuebat; ut esset olus, quò ægros recrearet. Ex ijs qui in Urbe peste contactos procurabant, unus duntaxat morti spoliū cecidit, Petrus Franciscus Bracharensis. Hic veneno in viscera hausto, celebranti Missam festo Ascensionis Dominicæ socio Sacerdoti minister adstabat; cum repentē velut sidere infausto ictus in solum ruit: ex quo non dubitans hunc diem sibi fore postremū, S. Evcharistiam tanquam è vita decessurus in Viaticum accepit, ejusdem vespérā, quæ erat 20. Maij illius anni extinctus, ætatis 51. Sed & in Insulam tertiam, Oceano ab Lusitania, cui subjecta est, divisam, navigavit indè pestis: & ibi quoque contra se depugnaturum invenit P. Franciscum Fernandum, Trancofensem, Angrensis ibidem Collegij diuturnum incolam; quem per omnia charitatis munia, miseris servientem cælo asseruit, Augusto mense ejusdem anni, ætatis verò 43. Ulyssi-

*Ex Victimis Charitatis Alegambe.*

pone verò, quò primū pestem anno superiore ab Hispanis cum mercibus allatam, & indè per alias Urbes hoc anno dispersam, fuisse, suprā diximus, atrocius defæviens, plures etiam socios ægrorum obsequijs devotos abstulit. Agmen duxit P. Laurentius Ortega natione Belga. Quia enim Ulyssipo multarum nationum sedes est, nè proprium unaquæque subsidium desideraret, delecti quoque singularum lingvarum Patres sunt & Fratres, qui præsto illis essent. Itaque ille Belgarum solatio destinatus, sub ipsa pestis initia haustā ab illis malignitate interijt, illius anni 1598. mense Decembri. Hunc deinceps ab Januario anni sequentis (nulli frigori cedente contagio) secuti sunt Emmanuel Laurentius Ulyssiponensis, P. Joannes Olingo Hybernus: & in Febuario Melchior Diaz Ulyssiponensis; atque 11. ejusdem, P. Calixtus à Motta, Bahiæ in Brasilia natus: Didacus Diaz Lusitanus 6. Martij; ac tandem in Augusto Sebastianus Gonçalvez, qui ab erumpente carbunculo confanatus, in campum ramen generosè regressus concidit.

## P. JOANNES DEL CASTILLO.

**S**olent Medicinæ periti inter artis suæ præcepta subinde casus aliquos rariores, & eventus curatarum ægritudinum pene prodigiosos interferere; prudenter rati, notitiam talium pertinere ad medendi scientiam penitiùs comprehendendam, & practicandam. Neque minùs conducit ad artem artium (prout S. Gregorius appellat peritiā gubernandi & dirigendi animas, varijs spiritibus & illusionibus obnoxias) capiendam, nosse extraordinarios DEI ductus, quibus per vias minimè usitatas & exoticas solet subinde DEUS, mirabilis in Sanctis & operibus suis, servos suos ad perfectionem promoverè. Id quod videre est in vita magni Servi DEI Joannis del Castillo, quem per semitas, Divorum gestis pene è diametro oppositas, ad culmen sanctitatis duxit, traditum dæmonis potestati, à quo pene instar energumeni agigaretur. Et verò vix fidem apud lectorem, quæ ipsi accidere, inventura sperarem, nisi illa multorum oculatus testis, ex ipsiusmet Patris ore accepta conscripisset P. Sebastianus Sarmiento, cujus vitam paulò pòst recensebimus. Natus est P. Joannes in Hispania, parentibus avitā nobilitate & pietate clarissimis, Jacobo del

*Societas Europæa.*

Castillo; & matre, DEI Parenti addictissimā, cujus beneficio filium hunc sortita est, cum voto se obligasset, filium, si quem nancisceretur, Virginis obsequijs perpetuò addicendi. Nec segnior fuit in explendo, quàm nuncupando voto, ab infantia pietati Marianæ parvulum affvefaciens; cui quadrimulo factam à se DEI paræ sponsonem cum aperuisset, simul commonuit, tempus jam esse ut fidem datam implere adjuvaret. Excepit id magno gustu & solatio pusio, cæpitque non segniter cæli Reginæ obsequijs, in cujus ephelis se computabat, invigilare, & quotidie exinde illius honori coronam dicere, atque ad eam tenerrima fiduciā, veluti Matrem & Dominam suam, qualibet in causa recurrere. Puer adultior assumptus est in aulam Francisci de Sarmiento, Episcopi de Astorga, & unā cum nepote suo Sebastiano de Sarmiento (à quo deinde gesta Joannis conscripta fuisse diximus) ad Scholas Societatis JESU missus: ubi consuetudine Patrum magnos in pietate, præsertim frequenti Sacramentorum usu, fecit progressus. Altero verò studij latinæ anno, methodum orationis mentalis, & Dominicæ Passionis meditandæ, cœlitus, nullo hominum magistro, edoctus, cæpit in ea itā acquiescere; ut quatuor per diem ad minimum

Rr 2

mun.





P. Ioanes del Castillo S. I. Hispan, gravissimis Dæ-  
monum vexationib, exagitatus, quod Deiparæ cultui addi-  
ctor esset, et tot animas Zelo suo Orco ereptas, Coelo  
assereret. Obijt Vallisoleti Anno 1599 Die 4 May.  
68

mum horas illi tribueret, lacrymis interim  
& solatijs spiritûs tantâ copiâ affluentibus; ut  
nisi scholæ pensum urgeret, totum huic cæ-  
lesti sapientiæ audiendæ diem impensurus vi-  
deretur. Atque hoc idem orandi studium  
per omnes deinceps scholas, magnâ constan-  
tiâ retinuit.

Theologiæ studio magnâ doctrinæ & vir-  
tutis commendatione ad calcem perducto,  
sacris Ordinibus initiatus, ab eodem Episco-  
po Francisco Sarmiento in Confessarium as-  
sumptus est; tanta Viri in ipsis primordijs fuit  
existimatio! quem etiam ad negotia omnia  
& consilia adhibebat, quod experiretur in re-  
bus arduis & difficillimis uti promptum inge-  
nio, itâ animo grandem & fortem. Docuit  
subinde, itâ volente eodem Episcopo Fran-  
cisco, in ejus diœcesi Philosophiæ cursum:

post quem rerum humanarum, & strepitûs  
sæculi pertæsus, statuit Aulæ Episcopali,  
quantumlibet optimè ordinatæ, valedicere,  
bonæque Episcopi veniâ Baëzam se recepit,  
spebus omnibus opulentorum beneficiorum  
contemptis. Et verò cùm per idem tempus  
Canonicatus illi offerretur, cujus annui red-  
ditus superabant quingentos aureos, renuit ac-  
ceptare: maluitque Curati munus, animarum  
salutem promoturus, admittere; in quo Apo-  
stolici & indefessi Operarij nomen ex merito  
obtinuit. Itâ sensim Societati Virum para-  
bat DEUS, ad quam licet potentibus stimulis  
urgeretur, retrahebatur nihilominus timore  
difficultatum, & onerum suis viribus & com-  
plexioni imparium: donec suimet victor, ca-  
su quopiam in Collegium peregrè hospes de-  
latus, visâ tantâ Domûs Religiosæ quiete, ex  
qua



qua alacres procurrent ad opitulandum animabus Operarij, aggregari quanto cyùs socijs expetijt, transcriptis in perpetuum eidem Domui annui censùs octingentis aureis. Missus ad consuetum Tyrocinium Villagarziam, ingenti cœpit desiderio succendi conformandæ suæ ad divinam in omnibus voluntatis; atque ad id obtinendum adhibuit mediatricem DEI Matrem, & S. Agnetem, in quam peculiari devotione ferebatur; videbaturque sibi absque plena sui resignatione, & omnimoda in DEI placitum abdicatione, non posse consequi perfectionem, ad quam toto animo aspirabat. Necdum medius annus Novitiatus illi effluxerat, cùm Dominus altiori orationis spiritu, à sensibus omnibus elevato, donatum, miris illustrationibus & solatijs implebat: quæ cùm suo spiritûs Magistro fideliter aperiret; cœpit hic vehementer suspicari, nè recenti adeò in perfectiore vita tyroni dæmon illuderet. At ipse interim experiebatur in hac extaticæ orationis methodo singulares à DEIpara favores, cujus tanto amore inflammabatur, ut ejus gratiâ summopere averet adversa quælibet gravissima perpeti. In his affectibus dum totus est, suggeri animo validissimis impulsibus sensit, ut si desideraret amore DEIparæ, suique Filij, verè ex toto divinæ voluntati conformari, paratum se offerret tradi in dæmonum potestatem, si ita DEO placitum esset; ut ab eis omni crudelitate & furijs exagitaretur. Affligebant incredibiliter instinctus hi, & in diversa rapiebant tyronis animum, tum importunitate suâ, quâ agerent quidlibet vehementissimè ingerebantur; tum ob sumam rei tam horridæ atrocitatem, quam à se exigebant; neque poterat assensum in certamen adeò tetrum & infernale ab sese impetrare.

Verùm cùm nulla quies ab ea suggestione concederetur, & oraturo prima sese mox animo ingereret, amarissimè exprobrans, nunquam ex toto Christi, & Matris illius servum futurum, si id abnueret; institit totum negotium ardentè utrique commendare, & lumen in tantis tenebris cœleste expetere. Quod dum in sacro die quodam solito ferventiùs agit, tenens in manibus, ut eam mox fumeret, SS. Hostiam, sensit Christum Dominum verbis amantissimis intimè se alloquentem, & difficultates postulata resolutionis, quam tantopere exhorrescebat, emollientem: *quid tandem magni est, ajebat Dominus, si certus de mea protectione & auxilio, amore mei meæ, Matris, contentus sis tradi in manus & potestatem dæmonum?* Quibus in-

credibiliter animatus, plenè se voluntati Divinæ permisit, paratus etiam infernalibus pœnis & furijs exerceri, si ita DEO alluberet. Paucis indè diebus summâ animi quiete, ex heroica sui resignatione, agenti; adfuit conspicua cœlesti splendore & pulchritudine B. Agnes, animos eidem, nomine Christi Domini, & SS. Virginis addens, ad dura quælibet & aspera perpetienda: multumque collaudatâ ejus fortitudine, ostendit; quantum illius salutis, DEIque gloriæ conduceret, tradi cruciandum à malis genijs, siquidem nunquam in ullo certamine defuturus ipsi esset Christi favor, & DEIparæ auxilium. Ità novo firmatus ad quævis tormenta ferenda robore, ut primùm S. Virgo disparuit, sensit irrumpere, in cubiculum totas dæmonum legiones, qui ingenti tripudio gestientes magnum ciebant strepitum & tumultum, penitusque ejus corpus insidentes, acerbissimè exagitabant. Gravissimè hinc perturbatus externatusque, totum Tyrocinij Magistro aperuit: qui non minore stupore perculsus, hærebat anxius, quid de novo hoc planèque exotico DEI ductu sentiret, vel pronunciaret. Dixit tamen, se totum negotium impensè DEO commendaturum, & lumen è cœlo, ad spiritum tam insuetum discernendum, petiturum. Crescebant interim indies atrociùs cum orco certamina, quibus non levius quàm à dæmone possessus (quod tamen in corpus Patris, malo spiritui nunquam DEUS indulset) in animo & corpore exercebatur: unaque paribus incrementis augebantur singularissimi à DEO & DEIpara favores, quibus eum non tantum in animo cœlestium gustu reficiebant; sed spectabili non rarò formâ invisebant, solabantur, & animabant.

Et principiò quidem molestissimi erant diurnis nocturnisque suggestionibus, ut Societatem defereret, perpetuò idem auribus insusurrando, adjunctis modò blanditijs, modò terroribus & minis. *Desere, ajebat dæmon, Religionem hanc, vel etiam saltem quamcunque elige, faciâque te prodigium doctrinæ, ut nemo tibi sapientiâ & doctrinâ antecellat, & proveham ad dignitates, quibus majores nec desiderare possis.* His verò cùm nihil proficeret, minabatur se non destitutum, donec Societate vel invitatus à Patribus exturbaretur. Verùm divino promisso securus cùm hæc omnia floci faceret, tantòque impensius orationi & rebus divinis impenderetur; saltem his, quoad possent, impedimenta posituri, si se ad meditandum componeret, musicam repentè sonantissimam moliebantur, vel gesticationibus



bus mimicis, & formis infvetissimis, à proposito dimovere conabantur. Neque rarò dum manè surgendum esset, manibus & pedibus caprum lectulo adstringebat, ut levare non posset; neque consuetis Novitiorum exercitijs interesse. Quæ omnia cum Directorem sui spiritus admodum perplexum redderent, voluit Dominus idipsum quadantenus ipsum experiri. Exiverat diè quodam, hoc ipso tyrone socio, in campos; & ecce in montis descensu sensit se ità repentè membris omnibus unà cum tyrone constrictum, ut nullam in partem commoveri possent; donec notabili morà à dæmone dimitterentur; partim attonito, partim lepidum eventum ridente Magistro. Quoties autem solus versabatur in cubiculo, tantis vociferationibus miserum affligebant, ut obsurdesceret, & à blasphemiarum atrocitate caput dissilire videretur. Demum tot, tamque diversa à malis genijs patiebatur, ut Magister omnino possessum ab illis credens, secretò P. Jacobum Garcia, singularem in dæmones pellendos virtute præditum, Salmanticâ evocaret: à quo adjuratus sacris carminibus dæmon (permittente ità ad majorem servi sui confusionem & probationem DEO) variè illum jactabat & allidebat, ut Patres talem esse nihil addubitarent: præsertim cum jussus eum deferere, signum etiam recessus, quod præscribatur, edidit, lampade Sacelli, in quo hæc agebantur, subito extinctâ. Summa hinc nascebatur in tyrone erubescencia, quòd neque fraudem dæmonis confutandi spes esset, contra tam manifesta dæmonis in oppositum data indicia: quare totâ fiduciâ in DEI param conjectâ, ubi in cubiculum redijt, maximis tripudijs & cachinnis gestire spiritus infernales deprehendit, tum quòd infamiam atrocissimam, veluti ab se possessio, conscivissent; tum quia Magistro ipsius, ut eum plenè à suis furijs liberatum crederet, imposuissent.

Verùm non multò post clarè patuit iisdem malis ab orco impeti, neque aliunde quàm DEI permisso talia irrogari, prout etiam de se testatur Apostolus: *datus est mihi stimulus carnis meæ, qui me colaphizet*; à quo liberari petenti responsum est: *sufficit tibi gratia meâ, nam virtus in infirmitate perficitur*. Ubi autem primâ vice compertum est, nihil sacris carminibus profectum; censuere Patres, Joannem Societatis Instituto & muneribus ineptum esse: parùmque abfuit, quin ad sæculum remitteretur; nisi fidelis in verbis suis DEUS illum specialiter ad suum obsequium delegisset. Cæpit tum Pater experiri grandes aridi-

tates, tædia, & desolationes; & nihilominus per intervalla pares è cælo gustus, solatia, & illustrationes. Quibus vexationibus exercitum videns Magister humilitate, patientiâ, cæterisque virtutibus indies magis proficere, animoque nihil dejectum aut mutatum; ad majora semper & perfectiora cõfuiti; securus de Divino, quantumvis mirabili, spiritus illius ductu, nihil dubitavit ad Religiosa vota, admittere. Itaque missus Medinam Campi, totum se animabus juvandis impendere statuit, cui muneri quia insignia talenta afferebat, liberum post paulò campum Superiores illi per varias Missiones, cathedras, ceteraque Societatis Operariorum Ministeria aperuere; quibus ut pro zeli sui amplitudine satisfaceret, ità Dominus Avernaliurn Carnificum, molimina temperavit; ut licet dies persæpē totos & noctes acerbissimè, nullo dato quiescendi, vel concionem parandi spatio, vexaretur, quoties tamen seu dicendum, seu peregrinandum in Missionibus, aliudve in salutem proximi agendum foret, vegetus planè & expeditus, quasi nihil adversi passus, exiliret: prout ex ijs, quæ paucula è multis referemus, palàm fiet.

Medinæ Campi confessionibus audiendis primùm destinatus, magnâ omnium approbatione, & Cœlitum gustu munus implendo, à satellitibus interim orci graviter id ferentibus, ità malè acceptus est, ut aliquamdiu decumbere cogeretur. Sed divinâ virtute brevè restitutus, magnâ alacritate eidem muneri sese reddens, ad Collegium subinde Vellimarense missus est, ut ejus spiritus plenius exploraretur: necdum enim Superiores plenè illi acquiescebant, metuentes ne quid fraudum & illusionum à malo genio subesset, varièque, si ex DEO spiritus foret, periclitabantur: dum denique clarè patuit, manu illum cœlesti duci, regique, & singulari pollere spirituum discretionem, tantopere ad animas DEO lucrificandas necessaria, quibus juvandis paratissimus erat omnia mundi incommoda laboresque subire. Itaque magno animo, totisque viribus, promovendo ad salutem proximo, quacunque viâ posset, intentus, partim concionando, partim confessiones audiendo, domi forisque defudabat; non ignarus, tantò magis eâ re Tartari furias in sui cruciatus accendendas. Nam cum ariditates animi, præsertim in meditatione, in dies proficerent, & tam intellectu ad ruminandum res Divinas, quàm voluntate ad pios affectus, pumice siccior fieret, nauseam Cœlestium, tædia, & angores animo ingerente dæmone; amarissimis insuper



insuper Sarcasms & opprobrijs. ab eodem, quories ad orandum accederet, explodebatur: *ô quàm pulchra & nitida ista est oratio! quàm subtiles discursus! & pares Semphinis affectus!* Inter quæ tamen nullo puncto orationis tempore detracto, magnâ patientiâ & humilitate, durabat Pater, cogitans ad pedes Domini prostratum se veluti truncum, aridumque stipitem, vel saxum rori cœlesti recipiendo inhabile. Neque tamen afflictio cessabat insultare inimicus, sed magistrum orationis se constituens, proponebat Patris intellectui & phantasiæ mirabiles de Deo Divinîsq; imagines & discursus, quibus ut reluctaretur Pater, non raro ad omnium virium defectionem, ac propè agoniam laborabat. His accedebant atrociora in corpore verbera, in animo inaudita ingesta blasphemiæ, quibus invicem damnati spiritus ad majorem maledicentiam se provocabant: in quibus omni ope solatioque à DEIpara & suo Filio destitutus, videbatur sibi magnam partem inferni dolorum sustinere. Ità excruciatum fortuitò invisit sub vesperam P. Sarmiento, reperitque animo & viribus omnino prostratum defectumque, cum diceret, nihil esse cruciatuum demonum omnes ad eam derelictionem; quam, sibi totaliter relictus, & omni cœlico lumine privatus, in anima experiretur.

Post tam gravia certamina elevavit Dominus servum suum ad altissimum quendam orandi modum, ut in meditatione Divinorum pati magis, quàm agere videretur, nullo mediante conatu intellectus, imprimendo illi immediatè species rerum summè arcanarum, de mysterio SS. Trinitatis, & Dominicæ Incarnationis: de prærogativis purissimæ Virginis, & S. Agnetis, quæ illius menti præsentibus semper obverfabantur, perinde ac si oculis eas intueretur. Et quidem multis noctibus in ipso somno perseverabat nihilominus in oratione, & cœlitum præsentia, tanquam si corporis expers anima foris ageret, procul ab omni sensu & naturalibus potentijs: cumque liquidissimis interim solatijs, quasi quodam beatitudinis prægustu inundaretur, neque tamen cessarent illum ad duriora indies toleranda hortari tum S. Agnes, tum Virgo DEIpara; incedebat plenus gaudij & voluptatis, quæ nullis laboribus vel afflictionibus posset intercipi; neque ità celari, quin varijs indicijs apud domesticos proderetur. Si quando prodeundum erat in campos (scribit P. Sarmiento) ad animos recreandos, ille potissimum erat qui nos exhilarabat, illis intimæ lætitiæ signis verbisque, ut eandem refunde-

ret in singulos, cujus ferendæ veluti impotens, versabat identidem vultum in aliam partem, ad celandum nos risum & hilaritatem suam, quæ etiam invito violentè in vultum prorumpebat. Crescebant nihilominus unâ constanter diabolicæ infestationes, dum modò quidem manus Patris pertinacissimè adstringeret, fauces obseraret, nè SS. Hostiam sumere posset: modò denique blasphemus oggereret, quòd panis buccellam pro DEO adoraret. Solebat Pater SS. Sacramentum sæpius per diem adoraturus invisere, quod amarè ferens inimicus, quærere identidem solebat: *quò iterum vadit Dominus? redi potius unde venisti;* unâque pedes occupans ità retrorsum agebat, ut quantumlibet invitum & reluctantem ad cubiculum referrent: suâ se consolantem humilitate, quòd indignus esset Domini sui conspectu & præsentia. Magnum illius in DEIparam affectum advertens P. Sarmiento, devotam Virginis effigiem in solatium illi donaverat, quòd omni penitus destitutum videret: verum paucis diebus invidiâ dæmonis hanc retinere licuit; nam livore Mariani cultus incitatus, dum nocte quadam Pater singulari affectu Virginis Patrocinium imploraret, arreptâ manu, uti eandem effigiem complectebatur, accensæ lampadis igne cremavit, etiam manum libenter exusturum contestans, si à DEO permitteretur. Aliam itaq; denuo imaginem petenti Pater Sarmiento substituit, hostibus ejus perinde gravem & invisam. Nam Sabbato ante Dominicam Passionis totum ferè diem & noctis partem cum pœnitentibus audiendis occupatus, noctem parandæ in crastinum concioni destinabat; & ecce laborem suum DEIparæ recommendanti adest inimicus, & exultâ imagine lucernam simul extinguit, jubens illum ad tenebras, si posset, concionem elucubrare. Coactus itaque laborem omittere, fîsus Virginis patrocinio, ad tantillam quietem se componit, primòque manè ad confessionale evocatus, concionem nihilominus fervore, & rerum ubertate elegantiore, ac nunquam aliàs habuit, DEO necessarij apparatus defectum supplente.

Habuit & aliam pro suæ devotionis incremento Dominæ nostræ chartaceam iconem. Pater Sarmiento; hanc sibi aliquando, dum iste foris in Missione operaretur, P. Joannes in solatium tantisper concedi impetravit. Sere-nus omnino planèque innubis erat dies, quo illam cubiculo lætus inferebat; at enim dæmones ex ejus adventu tantum indignationis concepère, ut subito concitâ tempestate, Collegium atrâ nube operuerint, æstimanti-

bus



bus domesticis se ab ea penitus submergendos. Nam ex ea densissima grando ingentium tumultu, quasi sclopiis exploderetur, in hortum & recta nucis avellanæ magnitudine depuens, omnia concussit; dejerante malo genio, sacram imaginem; quæ si propriè ad Patrè pertineret, in quingenta frustra ab se discerptum iri: tanto siquidem odio in cæli Reginam ferretur, ut implacabiliter averfaretur hoc ipso rem quamcunque, quæ ad ejus cultum vel honorem dirigeretur. Pergenti aliquando in vicinum oppidum S. MARIE nuncupatum, obvius dæmō factus, magno conatu retrahere conabatur; dicens, nullum sibi magis locum illic exosum, neque in ullius perniciem æquè intentum esse, magisque sollicitum, ut quàm plurimos incolarum ad orcum inde pertraheret, eò quòd nomen trahe-ret à S. MARIA. Sed cùm nihil proficeret, subito unà cum viæ ductore, ejus alioqui peritissimo, aliò divertit in avia & præcipitia, nullo calle aut vestigio apparente, sesqui miliario à termino seductos: quòd tamen, favore DEI paræ adjuti, sub vesperam pertigère, labore itineris & inediâ defessi. Erat eo die concionem habiturus Pater, quam coactus in sequentem differre, plerisque ardore dicendi permovit ad seriam pœnitentiam peccatorum: quibus audiendis, & novâ semper dictione incendendis, totos dies distentus, unū præcipuè habuit cupientem de tota vita expiari: sed cùm esset conscientia multimodis intricatâ, probè interim ad ejus examen instructum, jussit manè postero redire. Conatus est variè dæmon eam mentem homini eximere, sed nihilominus statutâ horâ comparenti, persuasit Patrem jam aliò discessisse, ut credulus domum mæstus redierit. Sub vesperam tamen orandi in templo causâ reversus, sinceram, & plenam lacrymis homologesim apud Patrem instituit, & dæmonis quam passus erat illusionem detexit. Sed neque DEI servum immunem suarum technarum passus est, subornatâ in Patris diversorio mulierculâ, quæ multis verborum & gestuum lenocinijs illum ad scelus pertraheret. At enim postridie Patris dictione mulier capta, scelera præterita pœnitentiæ lacrymis apud eundem diluit, vitamque in melius commutavit. Redeunti ab hac Missione domum, jejuno, & æstu nimio fatigato, petulanter insultabant tartarei hostes, cur sua illi MARIA non subveniret, & cibi aliquid refectionisve lassato submitteret? & ecce vix obvium alicubi templum ingresso, adest nobilis Matrona, quæ Patrem sudore diffluentem, licet nun-

quam aliàs visum, miserata, domum suam invitavit, & liberaliter ad reliquum itineris cibo poruque delicatissimo refecit.

Sæpius etiam obedientiæ missu Burgos ad prædicandum excurrens, nunquam Ædiculam Virginis in via positam pertransibat, quin inviseret; eâ dæmonis molestiâ, ut aliquando urbe exeunti vehementissimum imbrem concitaret; id se facere dicens, ut bene madidus coram sua Domina compareret. Verùm, nullum impugnationis genus fuit æquè molestum, & periculi plenum, quàm quod puritati hominis Angelicæ furiosus intentabat, animum & oculos sædissimis imaginibus, corpus verò immundis spiritibus replendo. Et quidem vice quadam à concione defesso, per totam noctem ob oculos repræsentavit objectum sædissimum, specie blandissimâ verbisque ad libidinem provocans, concitatis quantum posset in eo concupiscentiæ flammis; tantâ boni Patris ex constanti renitentia fatigatione, ut caput vacui instar tympani, & corpus moveri impotens remaneret. Sub diluculum ergo ad afflictorum Consolatricem, versus, *quousque Domina non succurres?* clamabat: *quamdiu servo tuo non opitulaberis?* ad quæ formosum spectrum momentò evanuit, & tentatio omnis cessavit. Supremo demum conatu ad dicendam Missam confurgens, sub illius introitum viribus plenè restitutus, tantâ per decursum svavitatis cœlicæ dulcedine repletus est, ut tormenti nocturni non ampliùs meminisset. Multa fuere ejusmodi cum Asmodæo ineunda diu noctuque prælia, sub larvis procacium muliercularum, domi & in itineribus Patrem impugnante, de quo tamen victor semper triumphavit. Potissimum autem molesti erant scelesti genij, quoties in proximis fructum aliquem fecisset, vel in oratione DEO animarum salutem comendaret, clamantes, sibi ut attenderet, neque de alijs sollicitus esset. Atque hanc ipsam ajebant esse causam, cur præ quolibet genere hominum maximè Societatem JESU odissent, & perpetua illi bella persecutionesque cicerent. Visurum illum paulò post hujus belli effectum, ubi aliquot è primarijs Provinciæ ingenijs desertâ Societate sæculum repetierint: id quod paulò post magno dolore Patris accidit, non tamen sinè notabili conceptæ opinionis de excellentia Instituti Societatis incremento.

Neque inter hæc unquam defuit gratiæ donis suo militi DEUS; sed secundum multitudinem dolorum à dæmone concitorum, consolationes supernæ animam lætificabant, novisq;



visque in præmiam muneribus & gratijs implebant. Eas autem omnes experiebatur à DEO dirigi ad proximi amorem, & majorem semper animarum zelum in se excitandum, cujus novos quotidie ardores sentiebat, paratus earum salutis causâ omnia mundi orci que tormenta sustinere. Quoties pœnitentibus aures dabat, post enarrationem peccatorum, singulos cuiusdam Cœlitum, ante datam absolutionem committebat, ex quo plurimum emolumenti in eos aiebat redundasse. Agebat præterea cum singulis ut Pater, verbis blandissimis, & condolentiâ plenis, ut nemo solatij expers discederet, ideòque apud omnes nomen opinionemque sancti obtinuit, non aliter totâ viciniâ Burgenfi appellatus. Porro sicut nullus illi dies vacuus laboris & lucris Apostolici occubuit, ita nulla ferè nox successit pugnarum cum Erebo expers, quas integræ dæmonum cohortes & legiones movebant: ubi tamen primum ad novos pro animabus sudores dilucuit; exiliebat perinde (robur suggerente cœlo) vegetus & validus, ac si quiete suavissimâ esset perfruitus. Excurrebat vice quadam in viciniâ, dictionem habiturus festo S. Magdalene, directam singulari efficacîâ ad obstinatorum conversionem, quem idcirco cum totâ nocte dirissimè adversarij sui habuissent, finito sermone cœpit ardentissimâ febris laborare; & in regressu ad hospitium, novis ab hostibus plagis vapulans, coactus est decumbere. Apparebat malum esse mortiferum, ideòque nuncio ad Collegium perlato, missus est P. Sarmiento, ut ægro ad Collegium deportando obsequijs adesset. Evocatus Medicus Doctor Oliva, singularem curam adhibuit, quod morbus esset acutus, cresceretque ejus malitia usque ad pervigilium S. Annæ: cui, tanquam SS. Virginis Parenti addictissimus, singulari affectu se commendabat. Sensere id spiritus maligni, sufferetque noctem duntaxat opperiri, quam illi festivam facturos spondebant. Omnibus ad quietem compositis, adest magno tumultu & rugitu crudelis illorum cohors, extinctaque lampade, vestes à corpore, & stragula è lecto direpta per cubiculum temerè disjicit, infirmum diu raptatum verberatumque unguibus lacerat, quorum luculenta signa manè P. Sarmiento deprehendit in pedibus, brachijs, & furis. Pater sibi relictus, collectis ut poterat viribus, dispersas vestes & stragula colligere cœpit, nè vestigia ejus ludi à domesticis deprehenderentur: cum denuo furibundi adfuerunt dæmones, vestèque nudatum flagellant & contundunt, donec campana signum do-

*Societas Europæa.*

mesticis surgendi dedit. Accurrens illico P. Sarmiento reperit illum graviter trahentem spiritum, delassatum, pessimèque vulneribus unguum affectum, à quo & seriem historię intellexit. Supervenit Medicus, tantaque arteriâ pavefactus, edixit pessimum infirmi statum esse, ac interim pharmacum sudori eliciendo præscripsit. Redux sub vesperam, ubi Patrem caloris omnis expertem, pulsum venæ legitimum, & febrim omnino dispulsam deprehendit, stupore plenus unum è Sacerdotibus domesticis secretò rogavit: *quid hominis ager esset? cumque respondisset: esse Sacerdotem ejus Collegij reliquis similem: non est possibile, subjecit, sed homo necessario est quidam cœlestis & prodigiosus, siquidem citra miraculum, ex medicina certissimis principijs, accidere non poterat, ut tam subito ex supremo malo tanta fieret in bonum mutatio.* Rogatus à convalescente Pater Sarmiento, ut secum aliquot noctes remaneret, dum aliquantum ad vires rediret; primâ nocte miros intra cubiculum strepitus notavit: alterâ verò dum sanctiores de Domina nostra miscerent sermones, jussus auscultare quid objicerent dæmones, audiit submurmurantes: *filete canes; nolite de hac muliere loqui: cur nos excruciat? Hæc aliæque de servi DEI certaminibus P. Sarmiento, plurium aliorum testimonio, qui Patrem familiariùs noverant, firmata.*

Post Collegium Medinæ Campi, Vellimarense, & varias Missiones, laborum ejus campus fuit Avila, & Vallisoletum, ubi in Professorum domo Operarij munus obiens, rotum plerumque matutinum tempus usque ad signum mensæ secundæ, & pomeridianum usque ad cœnam ferè in Confessionali transigebat, nisi ad Hospitalia, carceres, aut ægrorum ministeria evocaretur; vel Missionibus per pagos, aut dictionibus & catechesi per urbis vicos distineretur. Singularis etiam eidem familiaritas intercedebat cum Angelo suo tutelari, cujus præsentia & recreabatur in adversis, & auxilium experiebatur contra inimicorum insulcus. Inter alias singulares revelationes, vidit die quadam Pentecostes super capita Sociorum ad divinam Mensam accedentium, sub Sacro P. Ludovici de Ponte, volitantem specie columbæ Spiritum sanctum. Ultimo dejectum morbo, crudeliùs quàm antè in vita impugnare mali genij; sæpius professi, non aliâ magis causâ sese illi insensos fuisse, quàm ut à cultu & amore DEI paræ averterent. Postremis tamen vitæ diebus eam vicissim in ipsos Numen Patri concessit potestatem, ut instar

Ss

catel-



catellorum in illius tremere conspectu, orarentque supplices; nè in altera vita, adscriptus Superis, vindictam de ijs sumeret. Mortu-

us est in summa animi tranquillitate Vallisolei in Domo Professa die 4. Maij.

Anno 1599.

Ex ejus vita, & P. Sebastiani de Sarmiento; & Ludovico de Valdivia, & Nierembergij Tomo 3.



Ludovicus Ruiz Soc. Iesu Lusitanus, mirabiliter à Deo in Societatem pertractus, vitæ sanctimoniam præsertim humilitate excellens, vitam in contagiosorum obsequiis amisit Conimbricæ Anno 1599. 5. Julij, ætatis 60. et alij per Lusitaniam ac Hispaniam Socij 65.

69.

## LUDOVICUS RUIZ cum alijs 65.



**A**rox pestilentia, quam in Lusitaniam fuisse invec tam ab Hispania, in gestis P. Georgij Tavora diximus, longè diutius universam propè Hispaniam eodem Anno 1599. pervagata, præstantissimis Societatem Operarijs, dum prodigè se in proximorum operam effundunt, propè exhausti. Primus æternæ memoriæ dignus fuit Ludovicus Ruiz, natus in pago Chiluches, haud procul Gvadalaia, anno 1542. Parentibus agricolis, copiosis ta-

men & opulentis, nisi Parens frequenti pro alijs vadimonio fortunas ita afflisset, ut ab ejus obitu Mater cum Ludovico, septem prolium minimo, coacta sit servilem in ditiorum famulatu operam locare. Doctori Cuestæ primùm Ludovicus ad obsequia feliciter obvenit; qui pueri indole delectatus, scholis jam ante admotum à Parentibus, voluit easdem prosequi, 70. aureis in annos singulos u- sibus ipsius assignatis. At ubi Cuestam in Episcopum Legionensem evehi eundem contingit, assumptus est Ludovicus inter Ephebos Ducis



Ducis infantadi de Gvadalaia, eò vel maxime apud illum gratus, quòd filijs parvulis scitè ad illorum genium colluderet: quò lepore captus Dux, brevi tempore frequentibus eum donarijs, ad mille aureorum pretium nuneratus est. Duobus & dimidio annis per has pueriles occupationes lapsis, cum ei suus Patruus Ecclesiasticus amplum beneficium transcripsisset, bonà Ducis venià Complutum ad studia prosequenda redijt, auctus ab eodem 50. aureorum annuo redditu. Sæpe ibi validè ad Societatem capeffendam impellebatur à DEO, urgebatur à matre, & ipse apud Superiores expetijt sæpiùs: ab his tamen semper repulsus, quòd moribus adhuc incompositis, in omnem facilè levitatem passim diffunderet. Ità nocte quadam risum sodalibus & viciniæ facturis, præterit funem transversim plateæ, unò circiter palmo ab humo; tum rixâ non procul cis funem simulatâ, dum ad eam componendam urbici accurrunt excubitores, alter super alterum funis impactu ruentes, sibi noxæ, spectantibus fuere ludibrio. Nocte aliâ unum è contubernalibus insolenti ludificatione ad bonam frugem à pellicatu traduxit. Induxerat ille clam ceteris, unico advertente Ludovico, mulierculam in suum conclave: hos iste arte suâ, pulvere, pyrio ad cubile usque ignem deferente, subito incendio ità involvit, ità timore ac pudore, ad clamorem eorum concitis domesticis, perfudit, ut amicus ille mox Religionem strictiorem ingressus sit, DEO gratulans, quòd sceleris se simul & flammis eripuerit: mulier verò Compluto se subducens, nunquam se postea dedit in conspectum. Nec rarò inter ejusmodi vitæ solutionis acta, gravibus & ipse involutus est, & divinitus evolutus periculis, ut eò tandem quò vocabatur, animum seriò adverteret. Nocte quadam vocatus per urbem, & subito conspicatus apparitorum turbam sibi propinquantem, dum fugam arripit, repente prolapsus scloporum manuarium (pisto-lam vocant) quem oneratum gestabat, corporis super eum lapsu, laxatâ rotâ displodit; & ipse quidem evasit innoxius, sed pallium crebris perfoffum glandulis periculi magnitudinem patefecit. Aliàs in amnis trajectu prolapsus jumento diu in undis detentus, vix ab equo tandem se eripiens eluctatus est. A quo iterum alibi dejectus, hæsit in loris implicito pede, malèque raptatus, & graviter sauciatus vix evasit. Supremus demum, cui tandem efficaciter respiscens cessit, impulsus hic fuit. Invitatos fortè sodales recreare volebat in æstu recentium cucumerum esu; sed rogata oli-

toria fœmina negabat sibi esse venales: itaque vindictæ studio nocte proximâ cum socio omnes illi cucumeres in agro stirpitibus evellit, atque indè concedit cum eodem dormiturus in vicinum pratum. Post pauculum somni socium evocat, silentem ciet, trahit, omni conatu excitat; sed animam egisse tandem apprehendit. Attonitus repentino casu, suique vix compos, atque inter fugæ mansionisque anceps consilium, constituit postremò, nè semetipse reum necis agere, si se subduceret, videretur, ibi secus cadaver consistere. Igitur deprehensus à Magistratu rapitur in carcerem; ille constans animi Medicos & Chirurgos acciri, examinari cadaver, an quod violentæ mortis appareat indicium, urget. Nullo deprehenso, ideòque ad interiora scrutanda dissecto corpore, jecur tabidum, & corpusculum infectum apostemate repertum, & mortis subitanæ originem edocuit, & Ludovicum carcere noxæque eripuit. Hoc tam-ancipiti eventu tandem infractus, Societatem importunè exorare institit; constanter tamen, ob eam vitæ morumque licentiam, repudiatus. Commodum interim Complutum advenit P. Hieronymus Natalis, Generalis per Hispaniam (ut tunc vocabant) Commissarius, in Novembri 1561. eum continuò accedit Ludovicus, ac sine ambagibus sociorum numero adscribi petens: *Ego Societatem, inquit, jam dudum expeto; sed ob morum meorum dissolutionem usque adhuc repulsus sum; obtestor te Pater, ut mihi copiam ejus actutum facias: simulque edico, nisi me Societatis compotem ante crastina diei horam octavam facias, hinc me ad alium Religiosorum Catum rectà iturum, quòd me tamen neque vocari sentio, & multis me criminibus implicitum irisum certus quorum abs te rationem DEUS repetet.* His laconicè edictis abscessit, & noctem illam, de eventu sollicitus, insomnem egit. Sequenti die constans propositi ad P. Commissarium redit, qui indolem præfervidam, adeòque ad magnam præstanda, si edomaretur, idoneam suspiciens, ità admittit, ut suum priùs ad pagum profectus amicis omnibus valedicat. Abit illico, & advocatis Cognatis consilium sibi esse dicit militiam sequi (dissimulato per verborum ambages vero proposito suo) & secunda adversaque, quò in Virum evadat, experiri. Dehortantibus illis profitetur, ab suo se proposito, nè quidem si S. Franciscus aliud svaderet, recessurum; & cum dicto abscedit. Complutum regressus, quidquid rerum domi habebat, vestes, argentum, aurum factum infectumque secum accipit, & rectà ad Do-



num Probationis confert, ætatis annum tunc agens 20. Postridie quàm Domo receptus est, Murciam pedes mendicatò ire jubetur aliquot dierum itinere, addito illi socio Fratre, ætate & corporis mole impedito, cujus pallium & sarcina Ludovico portanda imponitur, jussu in eam viam quàm pretiosissimum vestitum, ad virtutis illius ex tam insolente spectaculo periclitationem, assumere. Ibat ergo holoserico ostròque, auro & gemmis copiosè illuso, sub onere sarcinæ spectabilis, passim à vulgo risu & cachinnis explosus, & apud nonnullos etiam in suspicionem furti adductus. Cum Murciam pervenissent, ibi arcto & tenebroso cubiculo, cui lumen alta ex fenestra infundebatur, ad dies 44. hospes inclusus, & spiritualibus interim Exercitijs ad coercendam ingenij acrimoniam excultus, pristinæ libertatis reminiscentiâ non semel magnum patiebatur vocationis discrimen, nisi divina gratia adfuisset. Exinde post menstruam culinæ domesticæ, eodem semper sæculari cultu, navatam operam, jussus est mediastini habitu, coquinæ Episcopi ministerium suum offerre; ubi cum lebetes, ollas & ferra-menta promptè detergeret, humum everreret, omniâque mancipij obsequia exequens duro super assere cubaret, mille interim per ephoborum & reliqui famulitij petulantiam, probris, colaphis, injurijs excipiebatur; ut ex pristinæ, nuper primùm dimissæ libertatis recordatione, tantùm non de libertate filiorum DEI sit dejectus. Cum opportunè domum revocatus, Patrum alloquijs, & omnium domesticorum ad DEUM precibus, ac præsertim lectione super mensa cap: 2. ex libro 1. de imitatione Christi, ita animo serenatus, & in posterum confirmatus est; ut nuncio scholis & Sacerdotio in perpetuum remisso, duos apud Generales, Laynem, & Borgiam, Sacerdotij gratiam illi deferentes, constanter exoraverit in sorte Coadjutorum Temporalium relinqui.

Evoluto Novitiatus biennio votis Religioni obstrictus, procurandæ rei familiari admotus est Granatæ primùm: Murciam mox revocatus, ad tuendam Collegij foundationem adversus ejus impugnatores, vix annum ætatis 23. egressus. Igitur ut coram Senatu Regio primùm apparuit, nullusne in Ordine vestro, inquit Præses, qui tantæ causæ manum admo-veret, repertus est, cui ætas, auctoritas, & major esset rerum experientia? cui Ludovicus, vel indè, ait, Domine rectè conjeceris, quàm parùm Societas pensi ducat fortunæ bonæ, quibus vendicandis non caput, non corpus,

sed imos duntaxat pedes addicat, & eos ipsos tam parùm validos ac firmos, quàm me adesse cernis. Cæterùm eventu constitit, quàm idoneus rei gerendæ foret, contra homines & gratiâ pollentes & censu, causâ pro nobis diremptâ. Atque ex eo tempore Procuratoris officium perpetuò gessit Ludovicus: sacris autem diebus, quos à negotijs & laboribus feriatos habebat, vicatim pueris rudibusque catechesim explicabat. Sed neque tum omisere Superiores fervidam hominis indolem arduis subinde imperijs experiri. Sanè Gonzalus Gonzalez pro suo Provincialis munere Murciam inspiciens, ubi jam quinquennio Ludovicus Procuratorem egerat, virtutem ejus periclitaturus, veste religiosâ exutum, oportum galericulo, pectine, forfice, ac baculo instructum, per celeberrimas Urbis vias misit ad Nosocomium: qui promptissimè paruit, turbamque puerorum, iens rediensque, exhibilantium velut amentem, & luto lapidibusque impetentium, penè se traxit. Sub hæc Moderatorum missu cum Bartholomæo de Torres Episcopo, in Canarias Insulas trajecit: ubi imbuendæ literarum & Christianæ pietatis elementis, pueritiæ præclaram navavit operam. Indè redux, in transitu patrij vici occasionem nactus est pulcherrimi facinoris, ex Christiana pietate in homicidam parentis sui, exhibendi. Mulier istic degebat, quæ Parentem ipsius Franciscum à prima uxore viduum deperiens, maritum sibi destinabat; qui cum duxisset aliam Ludovici Matrem, hanc statuit illa de medio tollere, quò Francisco potiretur. Offert ergo Francisco medicatas ficus, deferendas novæ domum Conjugi, benevolentia suæ in eam pignus: quas cum ipse sceleris inscius degustasset, non multò post incepit sensim tumesceri, & animam ægrè ducere; ac demum longâ 16. mensium morte confectus est, ignotâ omnibus origine. Anni jam triginta à patrato scelere fluxerant, nec ulli mulier ausa id revelare; tunc demum Ludovico illac transeunti, intolerans conscientia cruciatuum fidenter aperuit, obsecrans, ut veniam sibi paternæ necis atque impunitatem & det ipse, & à Matre fratribusque impetret. Præstitit utrumque Ludovicus liberaliter; & scæmina, condonatione hilaris, non multò post fato functa est. Reliquum vitæ per diversa Collegia tuendis eorum proventibus, & propugnandis causis transegit Ludovicus; neque unquam (quod mirè) causâ cecidit, quamvis lites trecentis plures nobis intentatas absolverit. Innumeras interim passus calumnias, injurias, viarum incommoda,



da, & vitæ ipsius pericula, à latronibus, ab adversarijs, quibuscum erat disceptatio, ipsi insidiantibus: è quibus tamen semper DEI manus, nec citra miraculi interdum opinionem illi præsto fuit: cum ipse bene mereri de omnibus, prodesse malo quolibet pressis studeret. Venerat aliquando litis suæ causâ in Vicum quempiam, ubi Virginis filia pudicitiam per Parentum inopiam, sacrilegus leno sollicitabat: id ubi Ludovicus subsensit, illico 20. corrogatos aureos, quibus illa sceleris occasione subducta nuptui daretur, Parentibus offert, & si aliò demigrare velint, operam suam spondet. Illi acceptâ conditione Matritum abiêre, Ludovicus Navalcarnerum vicinum illi Oppidum: ubi cum per literas opem promissam postularent; illa à Matre, phrasi manûque fœmineâ subscriptæ, & Rectoris in manus delatæ, Ludovicum in alicujus familiaritatis noxiæ suspicionem adduxêre. Quæ sita indicijs mulier, & clam interrogata, nossetne, & unde Ludovicum? imò quàm optimè, ait illa: enarratâque notitiâ, ex impedito filia incestu, origine, longam de ejus laudibus texuit orationem: illum, quaquâ transiret, suæ relinquere vestigia charitatis & zeli: multos ab illo vel unico suo in vico è flagitiosa vita erutos; capitaliter dissidentes in gratiam reductos: consvêsse quotidie elementa Christianæ legis explicare: addidisse templo fores, nè jumenta per noctem & pecudes in eo, ut fiebat, stabularentur: curâsse lampadem, igni perpetuo coram SS. Evcharistia alendo; argenteum eidem recondendæ Ciborium, pro ligneo trunco, quo priùs recludi solebat; multâque id genus adjecit, quibus omnis Rectori dispulsa suspicio, & digna Ludovici æstimatio est impressa. Unus quispiam è Coadjutoribus nostris liberioris in alios censuræ, falsò insimulatus ex quibusdam indicijs ab inepta muliercula, parum pudicæ consuetudinis; ut nihilominus à se criminis suspicionem averteret, ea indicia temerè in Ludovicum detorsit. Rector examinatis ijs, ad quos conscientia facti venisse dicebatur, innoxium utrumque esse deprehendit, ideòque rem totam silentio deinceps involvit. At Ludovicus impostori suo aliquando obviis, illum infelici morte, eâque extra Societatem confectum iri, vaticinatus est. Nec longa mora fuit, cum ille semel à Societate, iterumque à secundo receptu digressus, deambulandi studio cum sodalibus in agrum exiens, dum naturæ causâ paulisper seorsim subsistit, repente extingvitur, deprehensus atro deformique vultu, & exerta per cervicem lingvâ, pro-

cacitatis suæ dedisse supplicium. Granatensis in via à duobus latronibus in sylva exceptus, animo tam præsentis fuit, ut non sit veritus blandâ allocutione, & oblato æris sui sacculo, ab efferis hominibus missionem, & cibi aliquid in levamen inedia postulare. Visus efferari eorum alter facietâ eâ hominis constantiâ, & ferro manum in necem admove; sed alterius intercessione, quòd Virum non malum videri diceret, qui mortis securus in tanto periculo etiam joci luderet, sinè noxa dimissus est. Hunc postea Ludovicus Granatæ repertum in foro, verentemque apud Magistratum prodi, animo jussit à se quidem esse securo: sed ei tantâ efficaciâ turpitudinem ejus facinorum persvasit, ut ad Confessionem primùm, deinde ad vitam Religiosam perpulerit. Pintij comperit puellam honesto genere, probè secum olim educatam, vulgâsse corpus inter lupas: cui fortè obviis rogat, num se Ludovicum Ruiz nôrit? quæ ad noti nominis auditionem in lacrymas soluta, cum melioris vitæ desiderium proderet, pollicentem necessaria vitæ & famæ subsidia, læta ad nobilem matronam obsequitur, ubi aliquamdiu sustentata, dum pecunia locandæ in Monasterio sufficiens corrogaretur, tantâ deinde sanctimoniam ibi opinione ad mortem usque egit, ut non semel electa fuerit totius Præfecta Cœnobij. Pari felicitate sacrilegi Cœnobitæ commercio aliam eripuit, qui pravis artibus paterna è domo subreptam, atque eodem secum Religionis habitu indutam circumducebat. Eos in quodam diversorio natus Ludovicus aggreditur, & exprobrato Sacerdoti nefario scelere, minis etiam ita percellit, ut ad Cœnobium reditu suscepto, puellam in potestatem Ludovici cesserit: à quo eâ industriâ Parentibus restituta est, ut apud neminem ex amicis famæ aut fugæ existimationem incurrerit, credita ad tempus duntaxat apud Cognatum quempiam familiarius divertisse. Innumera ejusmodi in quovis vitijs genere per eum impedita, & sanctiora persvasa sunt, quorum opportunitatem uti ratio sui muneris ingerebat quotidie, ita ipse nullam è manibus vacuum elabi sinebat. Vitam adeò laudabiliter actam, Compluti sexagenario jam vicinus, ad sanctam mortem pijs actionibus comparabat, cum pestilencia Urbem invasit. Itaque Patribus ad solatium infectorum destinatis ultro suam operam detulit, quòd in senectute inutiles nihil Societati decessurum diceret. Eo in opere deinceps dies noctesque individuis Sacerdotum comes, non exiguos labores & ærumnas toleravit, dum & ipse luem contra-



etiam hausit: cujus in curatione acerbissimos cruciatus tantâ sustinuit animi firmitate, ut suo corpori nē parcerent, sed frustatim si opus foret conciderent, Chirurgos orârît. Ad extremum Sacramentis receptis, prænunciato quatuor alijs Fratribus eodem vitæ exitu decessit 5. Julij, ejus anni 1599.

Illum proximè secuti sunt quatuor ex ejus prædictione, & alij in eodem obsequio occupati, Ferdinandus de la Flor Pharmacopæus 20. Julij, & triduo post Petrus Lozanus, cum Didaco Garces. Tum vigesimâ octavâ ejusdem P. Julianus de Arze, qui paulò ante ex quartana restitutus, primus omnium ex Sacerdotibus vitam suam in hoc obsequium Reçtori devovit. Et nē languidiùs remissiùsve in eo procederet, dum unum ipse alterumve confitentem audiret, socium ægrotos interim alios indagatum mittebat in viciniam, quò finē cunctatione omnibus satisfaceret. Eodem die excessit Marcus Benaccoltus Siculus, & 29. P. Alphonsus Gomez Toletanus, unâ cum Joanne Martinez adhuc Novitio. Et hi quidem Compluti pestilentia demessi, quàm plurimos alibi habuere & charitatis, & exitij ab eadem hoc anno consecuti, affeclas. Numantia Franc: Velascus ætate 71. anni, quòd seriùs ad Societatem ante 23. primùm annos accessisset, ut tarditatem heroico exitu redimeret, vitam suam morti devovit. 1. Januarij ad Superos evocatus. Salmantica quoque in Hispania ad diem 24. Febr: P. Martinus Araoz, patriâ Ognatenfis, annorum 36. & post triduum P. Joannes Ximenez, Prexamenfis, decumanus per annos 20. Salmantica Operarius, annorum 51. quibus ad Religionem diversas plurimos impulit. Multos corrogatis auxilijs alebat adolescentes in studijs literarum, & ex quovis hominum ordine, magno numero ad se confugientes, consilio juvabat. Franciscus de Herrera individuus illius ad ægros comes, 14. Martij secutus est, anno ætatis 28. Junij verò 8. die P. Franciscus Zamora, anno ætatis 53. ac tandem die incomperato Alvarus Roias, & P. Ignatius de Torres. Villigarsia quoque ex pluribus eodem ministerio piè occupatis, ad bravium pervenere. P. Ludovicus de Bustillo annorum 39. & Didacus Alvarez, annorum 45. mense Junio. Joannes Montalvus 23. ejusdem, P. Antonius de Veraftiqui 30. annorum 8. Aug: & Petrus Guitrán ignoto mense. Jam verò Legione, ubi Rector ipse primus in aciem pro pestiferis contra luem prodijt, ceteri quoque magno numero secuti animosè decertârunt, ut eâ re Societati ab utroque Senatu actæ sint gratiæ.

Ex his gloriosè occubuere 1. Julij Gregorius Flores. Franciscus Mendoza adhuc Scholasticus, annor: 23. 14. die; & Antonius Rodriguez 21. itidem Scholasticus, annor: 20. P. Petrus Alzares 27. ejusdem, annorum 52. Post hos diebus incognitis in Aug: cecidere. P. Franc: de Salazar annor: 50. Gabriël Navarrus Scholasticus 19. annor: Alphonsus Martinez Coadjutor 32. annor: & Petrus Morenus annor: 30. incomperto mense. Nec minor Lucronij fuit ex eodem certamine clades, tantò magis Urbi necessario, quantò omni alio auxilio destituta, solos socios censuit & animarum & corporum, per eleemosynas undiq; corrogatas & distributas, ipso Collegij Præsidente ductore, Curatores. Ex ijs pestilens haustus aër necavit mense Julio P. Bartholomæum Serranum, Madritensem, Collegij tum Superiorem, annor: 37. P. Hieronymum Suarez, Salmanticensem, annor: 57. P. Joannem de Molina, 30. annor: Canariensem. Alphonsum Agvilar, annor: 26. Joannem Garcia annorum 52. Gabrielem de Torres annor: 35. Demum, mense non expresso, P. Andreæ Martinez annor: 62. & Petrum Garrerum annor: 57. Oveti, totâque illius regione calamitas fuit post hominum memoriam gravissima: mortuorum strages tanta, ut universâ eâ Provinciâ pars tantùm tertia hominum relicta sit: Parocho vix uno superstite; ut labor omnis corporum & animorum in solos socios devolveretur. Et his quidem addicti cùm essent Coadjutores 10. tres soli superstites evasere: ex Sacerdotibus verò tres occubuere. Primus cecidit 12. Julij Joaões de Villa-sante, annor: 47. Die 13. verò P. Alphonsus Polancus annor: 49. qui licet pede captus ita se velociter incitabat, ut cùm diem totum cursitando laborasset, lassitudinem tamen nullam præferret, reliquis decem tanquam eorum dux & caput pio in opere præiens. 16. Oct: Franciscus Maldonatus annor: 56. Reliquorum tempus mortis calamum effugit, fuereq; P. Franciscus Calvus 74. annor: cujus adhortationibus plurimùm se in pericula & mortem impelli socij reliqui fatebantur. Michaël Martinez, Joannes Gomez Scholasticus ann: 23. Victor Perez annor: 54. Ferdinandus Alvarez annor: 42, Joannes de Campo ann: 38. Franc: Maldonatus annorum 56.

Segovia opportuniùs inventa est ratio malo, per eundem annum istic grassanti, obvian-di, distributis industriâ Episcopi in diversos Religiosos Urbis Paræcijs. Societati assignata est, quæ ceteras omnes incolarum numero superabat, bis mille tectis Civium comprehensa.



hensa : in cujus quadrimestri, dum pestis sub-  
sideret, procuratione, quatuor socij mortem  
opperière : P. Joannes Fernandez 31. Julij,  
annos natus 35. P. Alexius Garcia 1. Aug:  
annor: 42. Joannes de Matienzo in Sept: ann:  
54. P. Joann: Egidius in Octobri. Vallisoleti  
verò idem navata proximis operæ præmium,  
victores mortis retulere P. Melchior Falcon  
8. Aug: 34. annorum; Didacus Ortiz eodem  
die, 38. annor: Joannes de Balmasoda 37.  
annor: incompto die. Burgis, quæ Urbium  
Castellæ caput est, mirabili DEI providentiâ  
sociorum nemo, qui totâ Urbe pestiferis opi-  
tulabantur, malo ictus est, dum prælio penè  
confecto mortem in spoliū retulere, P. Chri-  
stophorus de Ribera, nuper posito Provincia-  
lis munere ejus Urbis Operarius, Civitati per-  
acceptus, quod jam olim laboribus eam ex-  
coluisset; hic pestiferâ ictus glande, quinto  
absumptus est die Sept: 9. cum se paulo ante,  
veluti mortis præfagus, confessione generali,  
& sacris Exercitijs munivisset, natus ann: 63.  
Franciscus Montalvus annor: 75. Templi æ-  
ditus 12. Sept:; incerto verò die P. Carolus  
Anglus. Petrus Rodriguez annor: 32. & Mar-  
cus de Vergara 30. annor: Hispali quoque  
charitate eadem Urbi promiscuè impensâ,  
idem bravium consecuti sunt, P. Martinus  
Guerra anno ætatis 48. die 24. Junij, lue ab

*Ex Victimis Charitatis Alegambe.*

uno ex infectis afflatus, in quo consolando &  
ad spem erigendo duas horas humi penès il-  
lum prostratus posuerat: ingenti lætitiâ per-  
fusus, quod animam ejus orco ereptam cælo  
peperisset. Et P. Petrus Scixano 58. anno-  
rum, die 27. Junij: qui jam antè in eadem  
Urbe peste laborantibus operam navarat, tan-  
to animi fervore, ut voto exinde concepto se  
obstrinxerit postulandæ ejusdem facultatis,  
quamcunque Provinciæ partem pestis inces-  
feret. Ocaniæ licet omnes è Collegio pro-  
virili miseros adjuvarent, unicus tamen ad  
bravium pervenit 2. Aug: P. Gometius Caril-  
lis 63. annor: Granatæ cum hoc anno pestis  
pepercisset, sequente 1600. duplicato damno  
resarcivit, in infimam potissimū plebem  
desæviens: quâ cum Nosocomium repletum  
esset, & Rector eorum curæ Patres aliquos  
destinandos statuisset; tres fuere, qui pedibus  
ejus advoluti, lacrymis eam provinciam reli-  
quis competitoribus præripuerunt. E qui-  
bus duobus malo ictis, sed uno solum ex his  
mortuo, duo alij suffecti sunt, qui ambo car-  
bonibus icti decessere, tertio solum semper  
incolumi recedente. Primus P. Petrus de  
Molina, (dies non exprimitur) extinctus est  
anno ætatis 56. Tum 16. Aug: P. Marcus An-  
tonius 29. annor: Et 18. ejusdem P. Franci-  
scus de Cuellas 32. vitæ anno.

## P. THOMAS DE SOTO.

**M**agnus DEI servus & a-  
nimarum zelator P. Thomas  
de Soto, natus est Toleti in  
Hispania, parentibus hono-  
ratis, & pietati deditissimis:  
ut inter præcipua DEI bene-  
ficia semper computaverit, se talib; genitori-  
bus editum fuisse, quod magnâ curâ educa-  
rum, ut timorem DEI animo ejus penitus im-  
plantarent, non tantum ob perperam actâ,  
sed si vel speciem mali alicujus haberent, se-  
verè essent soliti castigare. Nam si domum  
attulisset subinde fructus aut bellaria ab ami-  
cis donata, rigidè nihilominus virgâ plecte-  
batur, nè talium cupidine aliquando abre-  
ptus, vel levissimum quid suffuraretur. Qua-  
re si aliquando in publico aut platea deperi-  
tum quid invenisset, non præsumebat id leva-  
re: prout evenit casu incidenti in crumenam  
numis turgentem, quam tollere non ausus,  
alteri cuiquam transeunti auferendam demon-  
stravit. Quoties jam puer scholas adiret,  
succedebat in vicinium ponè ipsam viam.

templum, & adorato in majoris aræ taberna-  
culo DEO Evcharistico, ad effigiem DEI paræ  
in latere Ecclesiæ venerandam transibat: à pa-  
tentibus vicissim vitæ periculis, eorum benefi-  
cio, liberatus. Sic cum in puteum præaltum  
per id tempus incidisset, in ipso casu mirabi-  
liter funi, qui extrahendis aquis serviebat, im-  
plicitus adhæsit, donec diu conquistus, illo  
ipso extractus est. Aliàs torrentis impetu  
abreptus, inter aquarum vortices procul fere-  
batur; accurrentium tamen operâ ereptus,  
nihil penitus inde damni passus est. Atque  
his tam miræ circa puerum DEI providentiæ  
signis, & singulari ejusdem in Divina inclina-  
tione permoti Parentes, instituendum com-  
miserunt eximio DEI servo Magistro Cedillo,  
cujus sanctitati præclarum testimonium dein-  
de fecit corpus ipsius post 20. à morte annos  
sepulchro effossum, fragrantissimum exha-  
lans odorem. Sub ejus institutione in omni  
quidem virtute, sed præcipuè in misericordia  
erga pauperes proficiens, profiliebat per hye-  
mem singulis noctibus in plateas, lucernâ in-  
stru-





P. Thomas de Soto, Soc: Iesu, Hispanus, Charitatis  
et Misericordiæ operib, optimè de proximis me-  
rit, In poenitentib, expiandis indefess, Coelitum  
visitationib, et alloquijs per familiariter frui solit,.  
Obijt 20 Augusti A° 1600. Aetate 96.  
W. P. Xilian sc.

structus, collectum pauperes in publico de-  
stitutos, quos in hospitalia deducebat in con-  
ducta per suam industriam cubicula, ne fri-  
gore interirent. Eandem charitatem exten-  
debat ad curanda & eluenda miserorum ulce-  
ra & carcinomata, quæ prius magno pietatis  
affectu, velut Domini cicatrices exosculaba-  
tur. Posteaquam verò tantus similium nu-  
merus excrevit, ut locus eis in nosocomio de-  
esset, receptos proprio hospitio omnibus mo-  
dis confovebat, distractis in sanctæ charitatis  
impensas libris ad studia necessarijs. Susce-  
pto deinde ex Jure Canonico Baccalaureatu,  
factus Sacerdos; quod magnam videret Con-  
fessoriorum, qui pauperes audire vellent, pe-  
nuriâ, impetravit ab Ordinario facultatem  
audiendi, quovis illius diocesis loco, paupe-  
rum confessiones: idque constanter ingenti

zelo præstitit, in hospitali præcipuè Regio in-  
curabilium Toleti, atque altero S. Nicolai;  
nil pensi habens abominandas sordes, fæto-  
res, & tabo fluentia corpora, unde semper exi-  
ret fædis vermiculis oppletus. Denique cer-  
tum perfugium erat omnibus egenis & desti-  
tutis; animamque agentibus solertissimam  
operam navabat, maximâ approbatione Car-  
dinalis Tabera, & Archi-Episcopi Carranca,  
qui primaria illi beneficia destinabat, si vita  
præpoperè non illum destituisset.

Huic postquam in eadem sede successit  
Joannes Martinez Cardinalis Siliceus; tot æ-  
gritudines per urbem Toletanam grassari cœ-  
perunt, ut ijs recipiendis Hospitalia non suf-  
ficerent, sed passim in plateis morte oppres-  
sorum cadavera invenirentur. Igitur Soto  
cum duobus familiaribus ( qui deinceps unâ  
Socie-



Societati adscripti fuere) P. Baptista Sandez, & P. Venegas, miseratione tacti domum novam recipiendis ægris constituerunt, quibus omnibus ritè expiandis, & ad mortem parandis intenti, mortuorum etiam cadavera sepultura mandabant. Quibus rebus, & alijs in publicum datis exemplis, totius oculos civitatis in se converterunt, maximè postquam sacris S. IGNATII Exercitijs exculti, conceptâ novâ flammâ, velut ignei homines omnia fervore suo incendebant. Et quidem P. Soto oblatas undique copiosè eleemosynas magnâ charitate in miseros, & carceribus detentos dispertiebat, neque ullam sui deprimendi, & susceptis publicè mortificationibus confundendi occasionem omittebat: dignus jam tum à Beatissima Virgine per somnum illi cõparente, in filium recipi. Sed neque Filius ejus intermisit varijs modis demonstrare, quàm accepta sibi forent ardentis ejus zeli & charitatis opera. Sanè cum vice quadam ad litus præterfluentis obambulet, vidit multitudinem circumfusam spectandæ mulæ, à paupere agricola adaquatum illuc adductæ, quæ primis pedibus aquas ingressa, velut torpore quodam ita detinebatur, ut resilire impotens jamjam aquis præfocaretur; consternato interim tantâ jacturâ mulæ domino, & in miserabiles ejulatus effuso. Igitur propiùs accedens servus DEI, advertit à dæmone, arreptam mulam violentè detineri, & fundo mergendam allidi; quo brevi ad DEUM præcatione depulso, indemnis illico mula exiliit, omnibus, qui adstabant, ejus solius meritis & precibus salutem jumenti imputantibus. Petijt aliquando ab eodem unus familiarium, mutuos 100. aureos, & pignoris vice reliquit magni pretij anulum, quem Soto matri suæ asservandum commisit. Sed hæc paucis post diebus plena tristitiæ ad filium redijt, sublectum sibi nescio quo auctore thesaurum hunc quæstus. Ille solitâ fiduciâ ad cœlestem Matrem suam recurrens, aliquoties ejus honorificum *Magnificat* dixit; & ecce die eodem Mater recurrens, narrat digito suo à manu invisibili sensibilibiter anulum insertum, quin tamen ullum hujus rei auctorem conspexerit. Non cessabat interim dæmon varias ejus Angelico pudori insidias tendere, excitando sæpius ad eum irretiendum pellaces mulierculas: de quibus tamen intaminatus semper victor, thesaurum hunc inter tot sæculi illecebras illibatum cœlo intulit.

Proposuerat quidem jam inde ab obitus S. IGNATII commentationibus Societati se aggregare; sed differre tantisper pia desideria.

*Societas Europæa.*

coactus est à debito Parentibus amore, quorum gravis egestas subsidia à filio necessaria exigebat. At ubi DEO placuit impedimentum hoc, evocato ad cœlum utroque Parente, tollere (quos idem auditâ utriusque confessione ad beatum transitum disposuerat) continuò Societati nomen dedit, receptus anno 1563. Hic verò Apostolicus ejus zelus, & reliquæ Operarij Evangelici virtutes multò luculentiùs resplendere cœperunt, novis semper auctæ incrementis; ut quò magis attritis senio viribus decreveret, eò fortior recenti semper animo in novum fervorem assurgere videretur. Atque imprimis in recipiendis & adjuvandis peccatoribus rarâ pollebat gratiâ, cumque per annos 30. assiduus quot diebus consideret Judex pro sacro tribunali; infinitam eorum ex omni hominum sorte multitudinem à peccatis absolvit: neque unquam advenire quis potuit seu manè, seu ferò, aut meridie; quin paratum & præstolantem in confessionali deprehenderet. Fuit verò magnæ omnibus admirationi, cum totos nonnunquam decem dies ei tribunali affixus, obiter sumpto cibo, inhæssisset; nihil tamen unquam molestiæ aut laboris prætulisse: imò si quando deterius domi valeret, ingressus locum illum pœnitentiæ, omni dolore & ægritudine levabatur. Majorem autem creabat admirationem, quòd evocatus ad ægros, si quem reperisset morbi insolentiâ, aliâve causâ rationis usu dejectum, pauculis eum verbis sibi restituebat, ad exomologesim ritè peragendam. Quin & prodigiosè ad eum submittebat DEUS, quos peccatorum cœno eripi cupiebat. Ità mulieri ultima desperationis consilia meditantì comparens DEI parâ, jussit Patrem adire, & peccata confiteri; quo peracto, intemperijs omnibus liberata, vitam sanctam instituit. Alia pari spiritu agitata rupem flumini impendentem jam conscenderat, ut in aquam se daret præcipitem; cum voce de cœlo absterita, jussâ simul est arcana conscientiæ cum P. Soto conferre. Quidam Toleti, Joannes Fernandez nuncupatus, confessione alibi die S. Joannis peractâ, domum redibat; cui repenti obvius juvenis venerabili & amœnissimo aspectu, persvasit Patrem Soto adiret, & denuo peccata omnia apud illum recenseret. Post exomologesim redux ad Collegij Janitorem pœnitens, rogat, quis ille tam elegantis formæ socius Patri Soto fuerit, dum ad se audiendum templum subiret? negavit Janitor ullum præterea cum illo domo prodijisse, aut alium insuper à se evocatum, & domo emissum esse. Ex quo

T c

non



non falsò Fernandez collegit, Angelum suum tutelarem fuisse; ità ab eo momento immutatus, ut exoratà magnis votis Societate, laudatissimam in ea vitam sancto fine absolverit. Plurimi etiam noxio pudore scelera sua confessarijs alijs reticere assveti, si quā fortunā in illum incidebant, insuperabili quodam impetu adigebantur, ad sacrilegia magno dolore & confidentiā retexendā.

Singulari quoque pollebat gratiā conciliandi inimicos, & hostiles dissidentium animos: nec minore vi penetrabat in obstinata publicorum scortorum corda; ex quo muliercularum genere plurimas continentiae restituit. Pauperum & miserorum certissimum erat refugium, quibus juvandis, præter erogatas innumeras eleemosynas, colligebat ubique pannos veteres & detritos, suis (ut agebat) filijs vestiendis. Aliquot præterea annos consumpsit in Missionibus varijs obeundis, & prædicando per pagos & oppida verbo DEI: idque agebat tanto fervore & assiduitate, ut plerumque ter in die concionaretur, maximo animarum profectu: quotquot enim dictionibus ejus intererant, vel consilij gratiā adibant, animo afflicti, desolati, aut quovis mœrore & difficultatibus pressi, audito Patre certum semper à DEO remedium experiebantur. Anno 1581. grassabatur Toleti instar contagionis species quædam catarrhi, quo magna strages totā urbe facta, & integræ domus ac familiæ præfocabantur: idemque malum in Societatis Domum Professam irrepsit, Sacerdotes ità oppressit; ut nemo ex omnibus prodire ad opitulandum ægris posset. Solus Pater Soto, DEI singulari curā servatus incolumis, totum diem urbem percurſabat, consolando, juvando, & Sacramentis procurando universos: & nihilominus sub vesperam domum redeundo, operam suam jungebat ægrorum curatori ad opitulandum domesticis, quasi nihil laboris in urbe, sed quietem potiùs subijſſet. Atque huic servi sui charitati jungebat DEI bonitas suam largitatem, quando ad ejus preces non paucis per id tempus, & aliàs è varijs morbis sanitatem mirabiliter concessit. Miserat aliquando domum nostram Comes de Arcos postulatam, filiolum suum graviter ægrum DEO per Sacrificia commendari, id quod Patri Soto ad aram tum fortè accessuro commissum fuit. Vix dictā Missa ad Sacrarium redierat, cùm nuncius adest à Comite gratias Patri referens, quòd perfectà repentè sanitas ejus precibus parvulo redijſſet. Pari successu recitato super muliere cæcā Evangelio, visum restituit: & Præ-

posito Domus Professæ periculosè decumbenti integram valetudinem, eademque simul oratione alteri, à gravissimis colicæ doloribus subitam liberationem impetravit. Navalcarneri degens, familiariter inviserat unum ex agricolis, qui dolore percitus ex amissâ repentino casu mulā, asperis & inhumanis verbis Patrem abegit: at is bonum pro malo redditurus stabulum adiit, & in genua prostratus brevi oratione jumentum redivivum & sanū homini restituit. Majus beneficium præstitit nobili Viro, ab equo periculosè in solum præcipitato, & jam semimortuo, dum post brevem Viri DEI orationem incolumis confurrexit.

Jam verò beneficia cœlitus in eum collata longè his omnibus præstabant. Solebat is, dum in senio totos dies in confessionario penitentes præstolans transigeret, digressis templo hominibus, chartulas & sordes omnes è pavimento, semel iterumque per diem magnā devotione colligere, ut debita loco sacro mundities servaretur: cujus laboris causam rogatus respondebat, se parvuli JESU mediastinum agere. Quod obsequium cordi sibi esse bonus JESUS demonstravit pluribus vicibus, eum blandissimi pueruli specie invisens, & inexplicabili solatio animam ipsius inundans. Et quia actiones omnes magno studio, in continua DEI præsentia peragebat, ut ab ejus conspectu nullā vi, aut arte divelli posse videretur; indè fiebat, ut dum etiam corpus sensibus necessario somno oppressis dormiret, animus tamen in DEUM perenni vigiliā erectus excubaret. Varijs siquidem modis tunc DEUS illi se communicabat, nunc inter flagella toto corpore conciso sanguinem fundens, nunc in cruce extensus, aliisque suæ Passionis mysterijs vulneribus enectus, sic ut memoriā horum continuè oculis obversante, vividus semper spiritu, & alacer fervore remaneret. Neque tamen tentationum interrim, & adversitatum expers à DEO relictus est: nam annis circiter viginti à dæmone male habitus, pugnis, flagris, & fustibus atrociter, ut quondam S. Antonius, exceptus, & conscientiae angoribus gravissimè agitatus est: ad hæc ariditatibus in oratione, tædio in sanctis actionibus ità pertinaciter exercitus, ut identidem clamaret ad DEUM: *Domine vim patior, responde pro me!* Denique eò vis maiorum processit, ut diceret: nisi DEUS finem illis imponeret, aut judicio & rationis usu se emovendum, aut spectatis suis duntaxat viribus, in desperationis barathrum dejiciendum. Sed Dominus, qui non patitur suos tentari su-

pra-



pra id quod possunt, post annorum 20. lapsum mirè è tenebris tristissimæ noctis erepto, fecit illucescere diem suæ consolationis. Nocte enim festum Expectationis partus DEI paræ, in Hispanijs percelebre, antecedente, tota hæc tempestas veluti momento ab animo evanuit, simulque vidit post depulsum immani rugitu dæmonem, cælum aperiri, audiitque suavissimam Cœlitum & Angelorum harmoniam; inter quam DEUS illi arcanum divinarum scripturarum sensum aperuit, & radio splendidissimo à vultu suo promicante, pectus ad cor usque, vulnere sensibili penetravit, cujus sensus plures illi dies remansit. Porro ejus plagæ effectus fuit amor quidam in DEUM tenerrimus, intra ejus animam prognatus, quem nulla lingua possit exprimere; à quo ita incendebatur, ut nulla res sive in cælo, sive in terra, videretur cor ejus implere posse, sed in solo DEO satietatem reperiret: tantæque erat cœlestium suavitatum, quibus hinc inundabatur, dulcedo; ut magis ab ea terrenas omnes voluptates excedi diceret, quàm terram à cælo empyreo. Atque hic cœlestium gaudiorum quidam prægustus, depulsâ omnium priorum ariditatum nebulâ, ad mortem usque illi perduravit: sæpiusque raptus in cælum, Beatorum choris animo interfuit, & mysteria altissima percepit; fassus Patri suo spirituali, se Christo Domino perinde familiariter, atque illi colloqui solere. Visitatus quâdam vice ab eodem in suo conclavi, tantâ simul dulcedine perfusus est, ut crederet illius particulam esse, quâ Beati in cœlis perfruerentur, neque aliter eam exprimere sciret. Quo etiam tempore cœlestes phonaſci musicam fecere, concinentes modulis tenerrimis illa verba: *laudemus semper DEUM, in tempore & æternitate!* Disperſiſſenti aliquando ad sacram Mensam accedentibus divinissimam Evcharistiam, incuriâ unius mulierculæ sacra particula in terram decidit, inexplicabili Patris dolore, quo majorem in universa vita se expertum non esse ajebat, quod ob multitudinem se prementium elevari, quin pedibus calcaretur, nequiret, quantumcunque Pater urgeret, ut modicum loco cederent. Sed non est passus bonus Dominus diu servum suum his angustiis premi, siquidem sacra particula per seipsam à terra resiliit, super mappam communicaturis prætensam, non procul à loco unde deciderat, ut eo patentius esset miraculum. Cum verò aliàs inchoaturus Missam animo totus esset in divina absorptus, oblitus pileum Sacerdotalem capite deponere, sacrum ita operto vertice,

*Societas Europæa.*

usque ad Evangelium profecutus est; quod non ferens Angelus Tutelaris taliter ab eo legi, clarâ voce admonuit: *vide sis, ubi habeas pileum Sacerdotalem.* Denique ut expeditius cum Cœlitibus agere & versari posset, duplicem ei cœlestis lingvæ notitiam Dominus impertijt, quas plurimum inter se differre asseribat: unam quâ Beati loquerentur inter se in Patria; alteram, quâ sensus suos animabus adhuc in via existentibus manifestarent.

Atque hos tam raros & eximios DEI favores promereri videbatur fidelis DEI servus altissimis virtutibus, quibus erat ornatus; profundissimâ imprimis humilitate, obedientiâ, & vitâ pœnitentijs asperrimâ. Et quidem inter parendum DEO, vel homini jubenti, nullum dicebat intercedere discrimen, ideoque pari promptitudine ad Superioris, atque ad DEI vocem se propiabat, abrumpendo ipsam Breviarij orationem, quam deinde ex integro resumebat. Tantâ verò in eodem fuit observantiâ, ut in ultimo morbo, ipsoque agone constitutus, cum jam expers loquelæ, aut quidpiam advertendi imposset, si tamen Superior illum alloquebatur, continuo attollebat manum, ad detrahendum capiti, ex reverentia præsentis DEI Vicarij, tegimen. Reputabat ex animo se mortalium omnium deterrimum, & omni favore ac beneficio indignum, DEI tot beneficijs usque eò ingratum; ut mille inferi sibi deberentur: ideoque domini omnia postrema & vilissima in cibo, vestitu, habitatione, sibi studiosè vendicabat. Et licet annos ætatis censeret 95. nihil tamen unquam extra communitatis cibos admisit, tantò majore gustu vesci solitus, quantò viliora forent quæ apponerentur. Attulerat ei aliquando Collegij Janitor pyxidem saccharatis rosis plenam, ut inde manè quidpiam sumeret; cui diu reluctatus, quod Superiorem ita jubere diceret, tandem acceptavit: sed paucis diebus omnino intactam ad Superiorem retulit, per Christi amorem obtestans, eam ut recipere, vel ad ægros deferri vellet, si quidem ab ea molestissima sibi crearetur tentatio, quæ neque gratias post Missam quietè DEO reddi permittens, importunè appetitum ad se degustandum pelliceret. Pœnitentijs, flagellis, cilicijs, crudeliter affectum corpus, sæpius chirurgorum manu curari oportuit: semperque novos illud affligendi inveniebat modos, etiam illud hyberno tempore gelantibus aquis collotenus mergebat; jam nudatum penitus, pavimento conclavis, laterculis strato volutabat; modò siti, quinque vel sex diebus nullo admissio potu, modò æquali fame mace-

T. 2

rabat:



fabat: aliàs adhibebat urticas, spinas, & id genus aculeatas herbas: neque unquam ad cibum salem, acetum, aliudve condimentum adhibebat, totus semper unice ad agendum cum DEO intentus, in quo omnis sua esset delectatio, & appetitus perfectè expleretur. Cubiculum impetraverat adeò humile, ut vertice laqueare attingeret: lectus brevissimus, ex quo, si protensus jaceret, unum palmarum pedes foras porrigerentur: quem ultimam etiam senectam, & morbo fatali, nunquam passus est molliùs, quàm stragulo simplici, insterni. Patientiam multis modis DEO probavit, tot annos à dæmone verbera & vexationes acerbissimas animo invicto perpessus: & senio jam gravis, cum inopino è gradibus casu graviter faciem læsisset, naso præsertim ita concusso, ut ejus extremum in sola pellicula hæreret; nequiverè Chirurghi satis demirari senis in molesta cura tolerantiam, maximè ubi deinceps nullum vestigium aliqujus deformitatis in vultu reperere: quod ipse beneficio DEI parentis adscribebat, siquidem in vigilia Expectationis ejus partus, is casus acciderat. Infestabat illum horrendis sub formis dæmon, leonis, ursi, serpentis; & vice quâdam vidit quiddam in suo conclavi pendulum instar lucentis stellæ, quod experiri volens, jam manum protendebat, cum vocem audijt deterrentis: *abstine, abstine!* simulque pro stella apparuit monstruosæ magnitudinis araneus.

Ad has similisque dæmonis, transfigurantis se in angelum lucis, artes dignoscendas, singulari à DEO luce & spiritu discretionis fuit præditus: à quo inductus aliquando in palatium pretiosissimè adornatum, & omnium florum odore refertissimum; cum diceret dæmon: considera loci hujus amœnitatem, & ornatum tam admirabilem, tuo usui præparatum: illico advertit dolum hunc esse hostis infernalis; quare in oculis DEI quàm profundissimè sese in animo deprimens, & indignum tantam gloriâ professus, totum phantasma momento discussit. Quinque aut sex vicibus repertam cubiculi oclusam januam, deprehendit nihilominus Pater, se per illam non referatam

*Ex Historia Hisp: Ribadeneira, & Nierembergij Tom. 3.*

## P. ANTONIUS SANCHEZ cum alijs duobus.



Non solum Martyrij gloriâ coronatur mors obita pro tuenda Fide Christiana. DEIq; honore; sed etiam vita propria temporaliter per

penetrâsse, quasi dote jam potiretur corporis gloriosi: sed dæmonis arte factum id advertens, respondit: *S. Dominicus ingressus est Monasterium januis clausis, utpote altâ nocte domum regressus, cum necessitas id prodigij à DEO poscebat: at ego dum pari modo portam penetra pleno die, dum eadem facillè referari potest, neque ulla urget necessitas, res mihi suspecta est latentis diabolicæ illusionis!* simulque ad asylum humillimi de se sensus recurrens, dæmonis semper victor evasit. Cujus generis plurimæ circa Patrem tentatæ ab dæmone artes referri possent. Postquam autem visum est DEO, tot servi sui labores & merita æterno præmiare bravio; anno 1600. die Junij 30. sesqui mense circiter ante obitum, apparuit illi JESUS cum cruce, quam intueri jussum animabat impensè, & hortabatur ad considerandas angustias, tædia, & agoniam, quam ipse expertus est in horto ante suam passionem: quibus præmunire illum velle Dominus videbatur, ad tolerantiam ingentium dolorum, quos in ultimo jam jam imminente morbo perpeffurus erat. Sæpius illum per id tempus invisere SS. DEI Mater, Angelus Custos, aliisque Cœlites, ex quorum præsentia solatijs exundanti, ejus oculi instar duorum fontium dulcissimas perenniter fundebant lacrymas. Acerbissimos illi ciebant dolores alvi & viscerum tormenta, cum indè resisteret robusta viri complexio, indè debilem redderet infirmitas & ætas provecta; quare nec aliquid nutrimenti sumere potuit; nisi extremo admissus conatu, si quid accipere Superiores jussissent. Expiabat interim quotidie confessione animum bis terved, & S. Evangelistâ reficiebat: magno solatio perfundi se ostendens, si calor & morbus ingravescere significaretur, quod tantò se beatitudini propinquiorem fieri diceret. Atque ita admirabili pace & quiete spiritum DEO reddidit 20. Augusti 1600. ætatis 96. cujus vestes & utensilia ferè in reliquias pijs animabus cesserunt, & memoria hodièque apud omnes, tanquam

Viri omnium opinione sancti, manet in benedictione.

tyrannum amissa, nè pereat æternum aliena, ut communiter cum Theologis docet S. Vincentius Ferrerius. Neque minor est Apostolicæ charitatis virtus prodigere vitam, nè DEI offensa à proximo incurratur; quam eandem expo-





P. Antoni, Sanchez S. J. Hispan, Vir omni Virtutū genere, zelo præsertim Animarum, despicientiā, et afflictationibus sui insignis. Obijt in obsequio pestiferorum Xerezj, in Hispania, 18 Apr. 1601. Ætat. 59.

71.

exponere, ut ipse peccatum effugias. Ut idcirco meritò Evsebius Cæsariensis non quidem pares Martyribus faciat; sed proximè post illos accenseat, qui in obsequio pestiferorum, nè sinè Sacramentorum participatione inextincti intereant, animam suam ponunt pro fratribus suis: quod genus zeli Dionysius Alexandrinus vocat ardorem immensæ charitatis. Atque in hac summopere excelluit P. Antonius Sanchez, qui cum vitam in Societate universam Apostolicis laboribus impendisset, in ultimo ejus actu palàm fecit, eandem spiritu Christi se vixisse, obedientis facti usque ad mortem, quando ad nutum Superioris promptus occurrit ad vitam corporis amittendam, ut animas proximorum affereret sempiternæ. Natus fuit in Bætica loco humili & exili, ac juventute laudabiliter in-

omni genere pietatis exacta, studijs altioribus operam addixit; Magisterij Philosophiæ lauream indè assecutus. Anno ætatis 32. Divino impulsu motus ad Societatem expetendam, Hispali receptus est, atque ad tyrocinium Montillam transmissus: ubi viribus omnibus ad summum perfectionis apicem conatus est fervore tam ardenti, tamque continuo mortificationis & asperitatum studio, ut illud admiratus tyronum Magister quæsierit aliquando, quid sibi volunt tam insolitæ pœnitentiæ? cui Pater, si jumentum quodpiam, respondit, bene pastum in diversorio, postq; longam quietem in viam prosequendam eductum, langvidè incederet & segniter, nonne mereretur calcaribus & virgâ urgeri ad progrediendum? atqui jumentum ejusmodi corpus meum est, quod in seculo bene pastum,

T t 3

& lon-



& longâ quiete defes ad currendam perfectionis viam, necesse habet stimulis ejusmodi & verbere ad cursum incitari. Hoc igitur fervore stadium ingressus, neque unquam deperdito vel imminuto cursum prosequens, non quasi in incertum, sed castigans corpus suum & in servitutem redigens, ad bravium pervenit. A tyrocinio finito totum se excipiendis potissimum confessionibus addixit, aliisque Operariorum Evangelicorum munijs, conversando salubriter cum proximis, & in quovis necessitatis genere succurrendo, in anima & corpore: & quamvis in omnes singularem præferret benevolentiam & affectum; majorem tamen in afflictos & egenos monstrabat promptitudinem. Ut primum recludebantur templi valvæ, reperiebatur jam Pater in odæo genibus nixus, si quis fortè pœnitentiæ cupidus adveniret peccator: tantusque fuit zelus animas lucrandi, ut non præstolaretur à quopiam evocari, sed ipse procurreret ad eos inquirendos, atque ad pœnitentiam inducendos.

Mirâ etiam alacritate exiliebat ad Missiones in pagis, oppidis, & villis obeundas, dicebatque meliorem hanc esse Societatis offulam; tantâque sedulitate has expeditiones administrabat; ut singulas pauperum, ægrorum & afflictorum casas inviseret, remedia singulis & solatia congrua laturus. Ut primum autem diescebat, accurrens ad templi januam confidebat humi, transiuros in agrum ruricolos opperiens, ut ex tempore paratum ad sese expiandos invenirent, citra periculum alicujus in diurno suo labore dispendij. Apertâ verò Ecclesiæ januâ durabat in confessionali, postquam ardenti, & plerumque sæpius repetitâ dictione, ad intimam contritionem, accurrentes excitasset, ad usque meridiem; ac tum sumptâ panis buccellâ redibat ad locum eundem, habitâque ad populum ferventi exhortatione remanebat confidens ad noctis tenebras, ut reduces ex agris peccata confessuri promptum reperirent. Atque ad hunc modum uno expedito pago, ad alterum citra ullam quietem, fulguris instar pertransibat, dum omnes absolvisset, nullo ex incolis inexpliato relicto. Invisibat creberrimè carceres, & captivos ad pœnitentiam hortabatur; declarabat hujus potissimum neglectum, causam esse illorum infortunij & vinculorum: iisdem emendicatos ostiatim panes & cibaria cophinis palam deferebat, aquam è fonte publico cantharis apportabat. Ægrorum, leproforum, & horridis quantumlibet ulceribus, sanie scatentium tuguria incredibili gu-

stu lustrabat, saniem detergebat, purgabat vulnera, & matris amantissimæ officia omnia servili famulatu exhibebat. Accidit aliquando in una ejusmodi expeditione, ut redux è templo sub noctem, post auditas toto die confessiones, viribus defectus in solum saxosum decideret, unde manibus alienis levatus in hospitium debuit deportari. Metuebat indè socius gravem Patri ægritudinem, vel certè debilitatem in plures duraturam dies; sed primo statim diluculo advertit illum in pedes erectum ad templum properare, idem obsequij genus in pœnitentes repetiturum. Cum verò, Patrem intuir, notasset à pridiano casu, & continuatis laboribus, sanguinem ei sub ore in ulcus erupisse, hortatus est, ut quieti tantisper indulgeret, alioquin eâ ratione vitam sibi erepturum: cui blandè, sed ingenti fervore respondens Pater, *Et nōne*, inquit, *navigantes ad Indos, spontè & voluntariè vitam exponunt pro DEO? Et cur nos eandem volentes non prodigamus pro eodem, in salutem animarum?* Ceterum parcus admodum & temperans fuit verborum, nisi cum loquendum esset de DEO, & rebus ad salutem necessarijs: ac tum sermone utebatur tam affabili, efficaci, & affectuum pleno, ut omnium in suam sententiam captivaret voluntates, dum præsertim loqueretur de morte, judicio extremo, vel reprehenderet peccata.

Neque deesse potuit Viro ità mortificato reliquis virtutum Apostolicarum apparatus. Sanè domestici omnes fatabantur, vivum sibi in eo præberi totius perfectionis religiosæ speculum, disciplinæ & regularis observantiæ exemplar. Erat enim orationi & conversationi cum DEO addictissimus, & plures illi quotidie horas tribuebat; ac manè per horam solidam, priusquam ullò pedem efferret, inchoatæ, insistebat deinceps per varios amoris Divini, adorationis, gratitudinis, & similes internos actus: dum ad cubiculum rediret, tumque ex professo resumptam prosequeretur magnâ humilitate, & reverentiâ in divinam Majestatem; cui venerandæ iterum de nocte confurgens (vestitus enim eâ causâ ut plurimum quiescebat) prolixè vacabat. Hanc autem, si in præsentia erat aliorum peragenda, absolvebat de genibus; si solus esset, toto vultu prostratus in terram. Pari reverentiâ Divinum recitabat officium, corpore ità profundè inclinato, ut ore solum propè contingeret. Præcipuâ verò devotione ferebatur in SS. Sacramentum, Virginem DEI param, & SS. Angelos, quorum auxilium varijs occasionibus singulare expertus est. Vice quadam iter nocte



nocte obscurâ necessarium agens cum socio, amissâ semitâ delatum se primo crepusculo manè reperit ad lacum, unam levcam protensum, per quem transmeandi nulla apparebat via. Igitur ad DEI & Angelorum Tutelarium auxilium implorandum conversus, audit subito inclamantem repetitò vocem, transitum indicantem, cum tamen nemo latè circumspicienti appareret, à quo mitteretur vox. Secutus indicium, tramitem reperit ità tritum, planum, & directum, ut citra omnem difficultatem superato periculo, clarè deprehenderit beneficium Angelicum, quo discrimini præsentissimo ereptus sit. Implacabile bellum contra seipsum in tyrocinio cœptum, totâ vitâ prosecutus est, expugnando passiones animi, & rebelles corporis insultus. Et flagellationes corporis quidem fuere tam rigida, proluxa & crudeles, ut vicinos in stuporem darent & horrorem, cum atroces ictus in corpus effœtum, & jejunijs emaciatum incussis resonarent, velut si tabulæ infligerentur; tantâ nihilominus copiâ depluentes, velut si petra, & non corpus humanum cederetur: tam implacabili sui odio, ut si quando ictus manuum falleret, increpans semetipsum canem appellaret, commerita flagra declinantem. Quâ verberum atrocitate in singula corporis membra defœviens, vix locum tandem reperit sensûs alicujus & doloris capacem; ideòq; toto corpore nudato, inchoatâ à summo flagellatione, desinebat ad calces. Frigoris & flûs, ac injuriarum aëris tolerantissimus, miles insuper artes corpus affligendi reperiebat; tam coco in fricandis ollis, & patinis lavandis, (quod multis sæpe diebus continuis fatigabat) defœviens, immergebat manus ad cubitum usque aquæ calentissimæ; rogatusq; qui posset ardorem tantum sufferre? reponerat: *Quomodo possim ardorem sufferre semetipsum?* Aliàs brachijs supponebat ardentem candelam sèque increpans dicebat: *adure porce, ustulare!* Ad parcissimum, vilissimumque cibum præter aquam nihil unquam admiscebat; monitusq; nè id faceret senectutis & valetudinis causâ, respondit: *si perdo-are abstinendo, non possum canem hunc mortuum, bibendo vinum quomodo illum subjugabo?*

Ex quibus facile patet, quàm humiles animo sensus de seipso foverit, & quo loco ab alijs haberi ambierit: nullam siquidem sui deimendi, & in vilissimam adducendi opinionem omittebat. Ingerebat identidem colloquijs humiles suos natales, narrabatque se pascendis ovibus, capris & porcis fuisse adhibi-um: tantumque sentiebat gustum ex depref-

sione sui, ut cuivis ferè colloquio, cum notis æquè & ignotis, immisceret viles ejusmodi de se sensus: solitus in ipsis concionibus similitudines plerumque à re rustica & pastoritia adducere. Itinera & peregrinationes omnes conficiebat pedibus, baculo viatorio, & sarcinulâ cum reculis pietatis ab humeris pendulâ instructus. Vestitus illi semper vilissimus & attritus, cubiculum nullâ suppellectili instructum, lectulus pauperrimus: quo commodorum omnium contemptu altissimam nanciscebatur rerum humanarum despicientiam, spiritum fortem & liberum, qui nullis adversis & injurijs, nullis doloribus & incommodis turbari, & de alto quietis internæ deijci posset. Obedientiæ ad mortem usque tenax adeò fuit, ut nihil appetere, nihil abhorere sciret, nisi quod Superiorum nutus indicasset, ad quem indifferentem ità se exhibuit, ut communiter *homo sine sensu* vocaretur. Cujus palmare exemplum dedit in actu supremo, ex quo & vitam in proximorum causam amisit. Anno 1601. gravi pestilentia conflabatur Civitas Xerez, cujus Civibus in tanta necessitate per Sacramenta & ultima solatia juvandis quærebatur idoneus ex Societate Sacerdos: eam sortem cum Superiores Patri Antonio citra ullum imperium proposuissent, omnimode ipsius libertati acceptandam vel respuendam permittentes; ille continuo magnâ alacritate & devotione Rectori Montillano sibi eam spartam offerenti, *JESUS*, inquit, *mi Pater, ego vadam, ego vadam, hæc enim est opportunitas sarcindi torporem meum annorum 25. in Divino servitio, intra Societatem JESU!* simulque vili indutâ veste, acceptoq; Breviario cum cilicio & disciplina, sine ulla alia suppellectili vel curâ viatici, ad portam decurrit eo gustu & alacritate, ut si ad nuptias & festivitatem omnium maximam properaret. Xerezam perveniens cum socio Fratre Gaspare de Vargas, in Nosocomio hospitium delegit, atque illico totâ Urbe ægros & peste affectos perquirens, Sacramentis omnes magnâ charitate & dulcedine procurabat: si quid temporis laboribus superesset, totum orationi coram SS. Sacramento impendens; easdem perinde corporis macerationes & pœnas obiens, quibus aliàs infveverat. Placuit autem divinæ Majestati fideli servo præmium tot laborum, amore sui & proximi exantlatorum, in ipso illo charitatis opere rependere, ideòq; passus est illum contagio afflari, ex quo pestilens carbunculus cum bubone erupit. Sed quò magis crescebat periculum & certior interitus, eò major emicabat in Patre æquanimi-



nimitas & lætitia, quā malum velut de manu Domini patientissimè recipiebat, & tenerimis gratitudinis, amoris, & conformitatis affectibus sequebatur. Demum Sacramentis omnibus munitus, plenus fiduciā morti succubuit feriā 4. sanctioris hebdomadæ, quæ erat 18. Aprilis, anno 1601. ætatis 59.

Socius in eodem charitatis opere illi fuit

*Ex Historia Hispanica Ribadeneiræ, & Nierembergij Tomo 1.*

Andreas de Vargas, Coadjutor temporalis, natus annos 63. eādem peste extinctus 28. Apr: Cordubæ quoque ex eodem in peste obsequio, cujus solius humeris tota contagiosorum Xenodochij cura temporalis incubebat, quintā die suscepti illius muneris, 8. Julij mortuus est, Lupus Diaz, natus annos 36.



*J. G. Heinsch. del:*

*Joh. Christoph. Hofner. sc:*

P. Wenceslaus Sturmius S. I. Boëmus, à S. Ignatio Societati adscriptus, remissusq; in Boëmiā, perpetuum cum Picarditis voce et calamo bellum gessit, quā plurimis Ecclesiæ restitutis, et errorib; Sectæ penitus confutatis. Obijt Olomucij 27. Apr: 1601. æt. 70.

## P. WENCESLAUS STURMIUS.



**P**ater Wenceslaus Sturmius natione Boëmus, patriā Tynhorstoviēsis, ab ipso Fundatore Societ: S. IGNATIO inter filios adscriptus est A. 1555. ætatis 22. & ad eam perfectionem proventus, quā Patriæ suæ ad omnē

virtutem & sanctimoniam præluxit; quatuor subinde vota professus A. 1570. Nam remissus in Boëmiā, omnibus ferè hæresum erroribus tunc inquinatam, tanto ardore & Fidei zelo, in sectam præsertim Piccarditarum decertavit; ut ejus præcipuè laboribus & industriā, turpissima secta multum repressa sit: in-

ter



ter Catholicos verò illud fervoris incendium excitatum, quod IGNATIUS socijs ad Missiones procurentibus commendare solebat: *ite, omnia incendite*. Neque enim ullibi quietos consistere sinebat; voce & calamo figmenta eorum tam validis confutabat argumentis, & scelera, pietatis larvâ contecta, in lucem producebat; ut nemo tandem ex Ministrellis incertamen cum Viro, seu voce, seu scriptis, descendere præsumperit. Extant hodièque elegantissimi lingvâ Boëmicâ ejus tractatus typo excusi, apud Alegambe recensiti; quibus nervosè, non tamen absque faceris aculeis, errores eorum publico risui exponit; ad quorum lucem innumeri imposturam deceptorum agnoscentes, unitati Ecclesiæ Catholicæ accesserunt. Neque aliud eo tempore celebrius per Boëmiam erat nomen, magis que formidandum hæreticis, quàm Sturmij, ut videre est in ejus ævi Scriptoribus, qui ex ejus Sturmij nomine (quod insultum seu impressionem ultimam sonat) supremam cladem & everisionem tenebrionibus his ominabantur. Neque interim cessabat voce & concionibus eisdem palam, & privatis congressibus infestare; ut nulla tandem hæresum, in Regno impunè eatenus dominantium, majore infa-

miâ laborârit, & felicius expugnata, longævâ possessione dejecta sit. Porro ad urgendos ubique, & in ruinam impellendos *Fratres* (itâ enim se nominabant) varijs Missionibus per Boëmiam & Moraviam indefessus distinebatur; incommoda omnia, vitæque discrimina non semel ab hæreticis impendentia, forti animo proculcans. Paupertatis Evangelicæ amator in paucis fuit eximius, qui vel affectâ jam ætate, & morbis gravi, nihil, quantumvis minimum, sinè Superioris facultate admittebat. Obedientiæ quàm exactè observans fuit ipse, tam in exigenda à subditis fuit moderatissimus, dum Collegia Pragensè, & Crülovienfè gubernaret. Missus quoque nomine totius Provinciæ binis vicibus Romam, interfuit Congregationibus generalibus quartæ & quintæ. Sènio jam & Apostolicis laboribus fractus & æger, ad templum nihilominus reptabat, ut confitentibus aures daret: quas cum feria 5. majoris hebdomadæ per plures horas pœnitentibus itâ impendisset, apoplexiâ vespere correptus, nonâ demum die ad laborum præmium percipiendum è vita migravit Olomucij die 27. Aprilis, Anno 1601. propè septuagenarius.

*Ex Annal. Prov. Boëmiæ Soc: JESU, & Anno dierum Memorab: Nadaſi, & Biblioth: Alegambe.*

## P. ANTONIUS CORDESES.

**P**ater Antonius Cordes, aliàs Cortesius, præcipuum Societatis fidus, natione fuit Hispanus, patriâ Catalaunus, ex oppido Olot Diœcesis Gerundensis, nobilibus & opulentis Parentibus in lucem editus Anno 1518. Post absoluta mansuetiora studia mirabili DEI providentiâ tractus est ad vitæ Religiosæ desiderium, magno & insperato toti ejus Familiæ immisso infortunio. Patruus enim ipsius Cathedricus Ecclesiæ S. Stephani in Olot, graviter læserat quendam ex præcipua nobilitate; hic injuriâ actus in furem, familiam & cognationem suorum universam concitavit ad vindictam non tantum de persona aggressoris, sed de tota ejusdem parentela sumendam. Eâ re coacti sunt Parentes præcipiti fugâ & exilio, vitæ suæ consulere, & Antonius cum una sorore evasit Barcinonem: ubi extremâ pressus indigentia, operam suam locavit Urbis Notario in officio Scribæ, atque ut erat vivacis ingenij & latinæ gnarus, brevi tempore omnibus Collegis antecelluit, ut in concipiendis omnis

generis scripturis & expediendis negotijs par ipsi Notario evaderet. Quibus rebus, & avitâ præsertim nobilitate itâ eidem se probavit; ut illi ad Notarij munus suâ industriâ & sumptibus evecto, propriam filiam despondere parârit. Sub idem tempus 1542. venêre Barcinonem P. Antonius Araozius & P. Jacobus de Egvia, missi à S. IGNATIO (erat autem annus à confirmata Societate secundus) ad ponenda laboribus suis Apostolicis prima quædam secuturi istic aliquando Collegij lineamenta: quorum concionibus & ingentibus animarum lucris, ac inprimis vitæ Apostolicæ exemplis commotus Antonius, petijt & ipse, post alios quàm plurimos ad sanctiores mores adductos, sacrâ ascesi IGNATII exerceri: ex qua non jam vitæ melioris duntaxat, sed planè Religiosæ desiderium retulit, itâ certum & constans; ut illicò in Sociorum numerum recipi petierit. Sed non licebat tunc adhuc ullum admitti, quòd ultra 70. socios vetuisset Pontifex novitiam Religionem augeri: quare in solam spem futuræ admissionis conditionatè itâ receptus est, ut domi interim in vestitu sæculari velut primæ probationis

V. v.

Tyro

Societas Europæa.





J. G. Heinsch. del.  
 P. Antonius Cordeles Soc: Iesu, Hispanus; salutis  
 animarum sitientissim; à Catechesi tradenda nun-  
 quam, inter gubernationis etiam munia, destitit;  
 in pestiferorum iterato obsequio, vitâ persanctè  
 actâ, extinctus Hispali 16. May A° 1601. Aetat: 33.  
 73.

Tyro, vitam suam ad Institutum nostrum pri-  
 vatim componeret: laxatâ postmodum Pon-  
 tificiâ restrictione A. 1545. plenè in Societa-  
 tem receptus 11. Octobris, ætatis anno 26.  
 Triennium itaque duravit hoc ejus tyrocini-  
 um sub Instructore P. Araozio, qui Antonij  
 virtutem multis & magnis asperitatibus &  
 publicis confusionibus, inque omni genere  
 virtutum exercitationibus periclitabatur. Et  
 quia nullam tunc adhuc Societas fixam sedem  
 Barcinone, vel in Hispania obtinebat; erat  
 domus illa Socijs quaquaversum commigran-  
 tibus commune diversorium: unde amplior  
 multò laborum & exercendæ virtutis, patien-  
 tiæ præsertim, campus illi aperiabatur, quàm  
 si in domo quapiam Probationis cum multis  
 & in Religiosa veste exerceretur. Erat enim  
 idem ipse non tantum Araozio ejusque socio,

sed communis omnibus servus, quibus non  
 ut Novitius, sed velut mediastinus famulaba-  
 tur, implebaturque simul munia Janitoris, Co-  
 ci, Infirmarij, Obsonatoris, & reliqua omnia  
 domesticorum Adjutorum obsequia, tantâ  
 charitate & promptitudine; ut in admiratio-  
 nem traheret Araozium, qui jam tunc ma-  
 gnum in eo Societati columen parari augura-  
 batur.

Ubi primùm potestas Societati facta est  
 à Pontifice, antiquatâ superiore lege, sese absq;  
 ulla restrictione ampliandi, primus omnium  
 in Hispania Antonius illi adnumeratus est: &  
 Franciscus Borgia Gandiæ Dux (qui & ipse  
 postea in Societate tertius Generalis existit)  
 tunc Catalauniæ Prorex, Domum Probationis  
 cum insigni Ecclesia Societati donavit, & Col-  
 legium cum Universitate Gandiæ fundavit:  
 quò



quò, emissis jam Religiosis votis, ad Philosophiæ studia etiam Antonius destinatus est, sub Professore Emmanuele de Sà. In quantum fecit profectum, ut sub illius finem judicaretur, eandem mox posse tradere ut Professor, ideòque publicè creatus est Magister: sub finem verò Theologiæ pariter illius Doctor. Illud verò accidit admiratione dignum, dum Antonius altero anno Philosophiæ discipulus vacaret: Jusserat IGNATIUS, Rectorem collatis omnium Collegij sociorum, etiam non Sacerdotum, votis eligi, (qui modus capitulariter eligendi primus & idem ultimus fuit in Societate) sibi que confirmandum proponi: erant autem socij tunc in Collegio non plures decem. Novem vota retulit P. Andreas Oviedo, qui postmodum à Pontifice datus est Æthiopix Patriarcha: & hic suum, quod restabat unicum, dedit Antonio Cordeses. Tanti jam tunc Vir sapientissimus faciebat in tyrone Philosophiæ virtutem, & tam excelsum ad gubernandum deprehendebat talentum; ut præ omnibus Sacerdotibus maximè idoneum ad se & totum Collegium gubernandum æstimaret. Quod etiam abundè postea eventus comprobavit, dum supra 40. annos præfuit Superior, Provincialis quidem Aragoniæ annis 12. Toletanæ 6. Domui Professæ Hispali Præpositus 12. reliquis autem partim Visitator, partim in diversis Collegijs Rector. Absoluto Theologiæ studio factus Sacerdos, illicò Philosophiæ docendæ, & deinceps Theologiæ ibidem Gandiæ admotus est: unàque constanter dixit pro concione ad populum, & simul (quod etiam in officio Provincialis ubique maximo zelo, & omnium ædificatione faciebat) catechesim parvulis & rudibus explicuit. Quia verò in ea paucitate sociorum, nemo idoneus reperiebatur rei familiari & domesticæ administrandæ; impositum illi fuit, dum Theologiam doceret, munus simul Procuratoris & Obsonatoris: quod ille pari promptitudine acceptavit, gessitque majori accuratione & voluptate quàm Theologiæ Doctoris. Itaque post & ante lectionem scholasticam procurabat in forum ad necessaria coemenda, ordinabat agenda rusticis, inibat rationes & cõputus cum Opificibus: majore totius Urbis admiratione & ædificatione, quàm quæ ex æstimatione doctrinæ & plausibus Academicis proveniebat. Quibus omnibus ad summam satisfactionem gestis, ità se Religioni probavit; ut eum suo tempore ad quatuor votorum Professionem admiserit Anno 1559. die 6. Augusti.

*Societas Europæa.*

Edoctus pridem fuerat S. Fundator IGNATIUS, quantis à DEO talentis ad gubernandum ornatus esset Antonius; quare à Theologiæ cathedra se vocatum Valentiam abire, illique Collegio præesse jussit. Nihil tunc magis improvisum vel arduum ipsi obvenire poterat, qui toto animo & affectu Scholasticis laboribus immersus, universam vitam ijs impendere avebat: paruit tamen absque ulla vel unius verbi excusantis tergiversatione, & Valentiam, paulò tamen post Gandiam rediturus, discessit. Gandienses enim socij, desiderium Viri, multà experienciâ virtutum ipsius & amænissimæ conversationis capti, non ferentes; tamdiu apud IGNATIUM quàm precibus, quàm argumentis institère, donec eum Rectorem sibi præfici, ab ipso ferè Valentini gubernationis primordio tractum, obtinuerunt. Duo illi memoriâ digna in hac gubernatione acciderunt: unum, quòd sub initium ferè sui regiminis è vivis sublato S. IGNATIO Fundatore Anno 1556. 31. Julij, judicio Congregationis Provincialis electus sit, ut Romam ad Comitata Generalia (quibus Pater Jacobus Laines, successor S. Fundatori nominatus est) proficisceretur; cum tamen eò tempore necdum Professis annumeratus esset, ad illius vota emittenda primùm triennio post, 1559. sexta Augusti admissus. Alterum est, gravissima contagio totam invaserat Hispaniam, & jam Gandiæ grassari incipiebat: cum Antonius pauculis debilioribus è Collegio ad tutiora dimissis, reliquos socios per diversa Urbis loca ad opitulandum pestiferis disperfit, retentâ sibi universali & superiore omnium procuratione, nè uspiam ullus auxilio spirituali vel temporali destitueretur. Accidit aliquando ut per vicos omnes discurrenti, gemit, infantis à domo quadam allaberetur, cujus januam penitus obseratam cum aliquoties frustra quateret; tandem per fenestram irrumpens, infantem reperit inter Patris & Matris cadavera, & ipsum pestilentia ictum plorantem. Cui in ulnas sublato dum per Urbis compita nutricem quærit, in Matronam incidit filiolum gestantem: supplex igitur rogat, ut & orphanellum hunc educandum suscipiat. Sed cum illa mariti indignationem prætexeret, si pestiferum infantem domum, fortè eadem contagione totam infecturum, adduceret; Pater altiore instinctu motus, certam & securam esse jussit, si hoc pietatis opus in pupillum exerceret, nullum ex domesticis ipsius toto contagionis tempore illâ correptum iri; quin & ipsum hunc infantem paucis diebus ex ea revaliturum. Et planè ità evenit: ut

V v 2

& alteri



& alteri piæ mulieri, cui Pater persuasit ut operam suam pestiferis in Lazareto commodaret, certissimè prædicens fore, ut hoc obsequium illi contra pestem fieret antidotum, nec ullum damnum afferret. Qui tam pium Patrem se exhibuit in extraneos, qualem se præbuisse credemus erga domesticos? omnes in sancta hac pestiferorum procuracione eodem malo contacti socij procubuerunt, omnes ex ea decessere, remansitque solus ipse ad finem usque indemnus & sanus, servivitque omnibus tantâ charitate, ut & Medici ac Infirmarij, & Coci atque famuli munia unus ipse præstaret, mortuosque sepeliret: & nihilominus vices omnium per Urbem in procurandis Hospitalibus & Civibus diu noctuque suppleret. Non potuit tantam charitatem, quæ nè quidem sociorum tot mortibus absterri poterat, dissimulare Tartarus; sed varijs terroribus & infestationibus illam intervertere aggressus est. Nocte quadam ex Urbe totius diei laboribus defessus redierat, paucillum cibi ad vires instaurandas capturus: & vix ad triclinium descenderat, solus jam residuus Collegij incola, cum fragor exoritur tanquam ruentis à summo tecto totius Collegij. Omisâ igitur refectione signo S. Crucis se munens, properat ad locum unde fragorem perceperat: sed ubi omnia integra absque ruinæ vitio sibi constare deprehendit, dæmonis fraudem animadvertens ad interruptam cænulam se retulit, tantò impensius operam ægrotis impensurus, quantò illam dæmoni magis invisam sentiebat.

Inter alios quàm plurimos ex socijs per Hispaniam eâ pestilentia sublatos, contigit & Provinciam Aragoniæ decedere: quare Pater Jacobus Laines Præpositus Generalis successorem illi dedit P. Antonium, maximo Provinciæ emolumento; nam & pluribus Collegijs eam auxit, & missis in Majoricam sociorum colonijs, novæ Provinciæ fundamenta jecit. Ad Barcinonem tamen juvandam potissimum intentus, quòd in ea vitam Religiosam auspiciatus esset, ædificium Collegij ex piorum eleemosynis magnâ parte amplius reddidit, & Concionatorem per id tempus totâ Hispaniâ celeberrimum P. Joannem Ramirez illi dedit; ipse verò catechesi imbuendos parvulos & rudes pro se retinuit. Quos cum Festis & Dominicis omnibus sub vesperam ex compitis in templum colligeret, accurrebat universa Civitas, visura Provinciale, & Doctorem Theologiæ parvulis orationem Dominicam & alias præcorantem, & prima Fidei rudimenta explicantem auditura.

Tanta verò exinde secuta est ædificatio & Societatis æstimatio, ut Consilium Barcinonæ & Audientia Regia per Internuncium Romæ apud Præpositum Generalem instanter expetierit, particeps fieri meritorum & laborum Societatis. Idem munus carechizandi parvulos exercere perrexit Valentia, Saragossæ, & quemcunque in locum Provinciam perlustrans deferretur: quæ una res multos excitavit, ut liberaliter sumptus offerrent ad fundanda Societati vel ædificanda domicilia. Quinquennio ita præfuerat Aragoniæ; cum è vivis sublato Generali Lainio iterum cogitur Romam proficisci ad Comitiam, quibus electus est in Societatis Præpositum S. Franciscus Borgia. Ab hoc obtinuit magnis precibus liberationem ab officio Provincialis, non tamen ab omni (quam unicè deprecabatur) regimine: missus Conimbricam in Lusitaniam ut ei Collegio præficeret titulo Superintendentis, (quod munus in primæva Societate perquam usitatum præminebat Rectori) lapso riennio, instantibus magnâ contentione PP. Aragonensibus, restitutus est illi Provinciæ ad idem Provincialis munus. Cujus Collegia de more visitaturus (ut erant tunc adhuc numero pauca & modica) iter faciebat solitarius absque ullo comite, præterquam Angelo Tutelari, sinè ullâ comitatûs provisione, eò cibò contentus quem obvium in diversorijis reperisset: neque alio vestitu contra frigora Aragoniæ, & æstus Catalauniæ & Valentia provissus, quàm detricto pallio, quod secum deferrebat; nec passus ullum ferculum sibi in Collegijs tanquam hospiti apponi, præter omnibus domesticis communia. Invisit & Collegia in Insulis Majorica & Sardinia nuper fundata, & in hac constituit Vice-Provincialem, quæ deinceps crevit in absolutam Provinciam. Interim evocato in cælum S. Francisco Borgia, novus indictus est cætus generalis Romæ congregandus, ad electionem Præpositi Generalis, qui & Antonio adeundus fuit. Electo itaque feliciter P. Everardo Mercuriano supplex iterum factus Antonius, missionem ab officio gubernationis enixè expetiit: sed non aliter impetravit, quàm ut à regimine Provinciæ absolutus, Romæ Collegio Pœnitentiariæ ad S. Petrum Rector præficeret, nuper à Pio V. Pontifice Societati attributo.

Non licuit diu eâ Romæ quiete Antonio frui. Nam Hispanicæ Provinciæ tanti Viri desiderium non ferentes, certatim illum in Præpositum expetièrunt; Aragonica imprimis & Toletana, quæ recenter à Castellana sejuncta, illum denique veluti Fundatorem suum futurum,



rum, primum Provinciale obtinuit. Post triennium in ea gubernatione absolutum, alio insuper triennio in ea perdurare iussus est: cum Anno 1580. moritur Generalis Everardus Mercurianus, & Antonius cogitur jam quartum Romam ad electionem novi, qui fuit P. Claudius Aquaviva, proficisci. Sed neque ab hoc impetrare plenam ab omni regimine absolutionem potuit, quin daretur Præpositus Domui Professæ Hispalensi, quam totis 12. annis maximo omnium solatio & profectu gubernavit: donec tandem paucis ante obitum annis viribus & ætate fractus, vacationem ab omni regendi munere, quod animæ æternitati parandæ impensius incumberet, exoravit. Erat Antonius raris prorsus ad gubernandum talentis propè ad miraculum exornatus, ut nemo esset qui tristis ab eo recederet, nemo qui de ejus regimine, quod non facile alicui Superiori evenit, per tot annos quereretur, omnes ei subesse perciperent. Nihil enim tribuebat suspicionibus, neque de ullo malè sentire noverat, de omnium virtute & veracitate planè præfidebat, agebatque cum singulis eâ candidissimi pectoris sinceritate, ut communis omnium sensus esset & testimonium: si toto orbe, & ab omnium mortalium animis candor exularet, in pectore ipsius omnis fuci & fictionis vacuo sedem, tanquam in propria sphaera seu centro habiturum. Quodcunque Collegium intraret, universali omnium lætitiâ & gratulationibus excipiebatur ut Angelus cælo lapsus, neque sinè lacrymis dimittebatur: præfidebat enim & alloquebatur omnes non ut Superior, sed ut omnibus inferior, & quasi ad serviendum singulis veniret; nihil imperiosè injungere aut exigere à quopiam solitus, sed magis rogando & blandè insinuando. Erga omnes expromebat viscera verissimi patris, affectum gerebat ut eorum amantissimi fratris, & mansuetudinem usque ad blanditias declarabat pijsimæ matris: nihil minùs de Superiore retinens quàm superioritatem, ut omnes in ejus verbis & motibus quibusvis adverterent humilitatem, quâ se omnium pedibus subternere promptus videbatur. Sanè P. Franciscus Peralta multis annis sub eo Minister Domûs testatus est, nunquam ab se notatum esse, aliquo affectu impatientiæ vel indignationis commoveri; semper sui similem, ut nè vocem quidem unquam præter solitum attolleret vel inflecteret, ejusdem tranquillissimæ æquabilitatis existens, quacunque de re in medio etiam negotiorum interPELLARETUR.

Tam procul autem erat ab omni fastu &

vana gloria; ut cùm aliquando in communi sociorum colloquio de hoc vitio tractaretur, ipse ingenuè fassus sit, sibi illud penitus ignotum esse, neque scire quâ ratione aliquis illotentiari posset. Indè nullum genus officij vile ipsi videbatur, nulla occupatio vel labor suam personam dedecens: & cùm Provinciam Toletanam Provincialis lustrando, reperisset in quodam Collegio Magistrum Grammaticæ desiderari, ipse eam sibi docendam tamdiu assumpsit, dum illi Præceptorem aliunde provideret. Nullum unquam adiutorem vel ministrum ad obsequia sua, etiam dum Provincialis & octogenario major esset, admisit; ipse suum cubiculum verrere, aquam afferre, & omnia id genus vilissima peragere, in summo solatio reponens. Vestitum adhibebat semper usu jam attritum & vetustum, neque ad novum induendum adduci poterat, nisi suus ultrà sarciri nequiret, quem tunc alio minùs detrito commutabat. Ex eadem animi demissione ambiebat à quovis etiam minimo Coadjutore defectus sibi in gubernatione admissos dici, vel consilium suggeri; quod summâ grati animi significatione excipiebat, & præ dictamine proprio, nisi absolum foret, sequebatur. Superiorum verò ordinationes & Regularum præscripta, cæcâ prorsus obedientiâ exequiebatur, eâdem punctualitate per omnem vitam ad quodvis obedientiæ signum sequendum excitatus, quâ in tyrocinio factitabat. Neque omisit DEUS frequentiores illi occasiones patiendi submittere, dum iter solus, ob summam Societatis primis illis temporibus paupertatem, peragendo, sæpius in prædones incidit; à quibus despoliatus & malè tractatus gaudebat quàm maximè, si insuper nullum, vel incommodum hospitium reperiret; aut injurijs auræ, pluviiâ, æstu, frigore confectus, nihil haberet quo lassum corpus reficeret. Veniens aliquando Hispalim, in ipso descensu è mula ad januam Collegij, ab ipsa repentè conterrita terræ allisus & conculcatus, prolixam ex eo casu curam magnâ patientiâ sustinuit. Aliàs verò jam octogenarius Marchenam Hispali ad optulandum proximo evocatus, paritèrque in reditu jumento excussus, crus adeò graviter confregit, ut incidi carnem ad componendam ritè comminuta ossa oportuerit: quæ cùm multis post diebus obductâ jam cicatrice, deprehensa fuissent à Chirurgis non bene coagmentata, iteratò carnem discindi, & crus diffractum aliter componi oportuit: quanto patientis Antonij martyrio, tanto ejusdem animi solatio, quòd ex zelo & obsequio proximo-



morum exhibito acceptum vulnus, à manu DEI unicè permissum recogitaret; sic, ut eâ cogitatione reffectus, nullo unquam gemitu aut verbo dolorem aliquem aut sensum proderet, licet eâ curâ aliquot menses illum in lecto tenuerit; sed unicè DEO, tanquam pro summo beneficio grates redderet. Atque hanc tam invictam & humanâ majorem dolorum tolerantiam, fassus ipse est cuidam Patri non sinè stupore illam demiranti, se magnis & continuis corporis afflictationibus à DEO obtinuisse; omnino enim juratus fuit sui & omnium appetituum hostis, nec quidquam quod corpori placeret indulgebat, quotidianis flagellis, cilicijs, jejunijs, vigilijs illud spiritui subigens: & cum in ultima senectute aliquid de rigore remitti oportuisset, ipse illum duplicavit; solitûsque antea modicum vini aquâ diluti admittere, ultimis annis solam aquam in potum adhibuit. Ut proinde coactus fuerit Provincialis, nè rigore nimio valetudinem pessumdaret; ipsum, estò Domûs Præpositum, Ministro subicere, sinè cujus arbitrio non liceret ipsi ullam corporis afflictationem usurpare.

Et quia vigiliarum, quibus corpus emaciabat, mentio incidit; additissimus fuit Antonius per omnem vitam orationi: quæ cum diurnis occupationibus necessariò multum inturbetur, proripiebat se è strato etiam rigidâ hyeme, etiam octogenario major, primâ vel secundâ post mediam noctem horâ, positûsque in medio cubiculi humi genibus, & decussatis in crucem ante pectus manibus, auspicabatur orationem mentalem, quam trihorio solido prosequabatur, donec signum daretur finiendæ communis manè meditationis. Atque hanc totum deinceps diem continuasse ex vero dici potest, animo inter negotia semper in DEUM erecto, & per creberrimas aspirationes ad cœlestia elevato. Idem orandi studium omni conatu promovebat in domesticis, nec aliud ferè gravius ferebat, quam si consuetâ manè meditationis horâ extra cubiculum aliquem deprehenderet, nec facilè ulli eâdem forâs exeundi concedebat facultatem. In hac orandi assiduitate quibus & quantis à DEO gratijs fuerit cumulatus, vel indè colligi potest, quòd excitator de more illum mane de somno suscitaturus, patefactâ januâ reperit inter orandum altissimâ extasi extra omnes sensus abreptum, facie radios per totum cubiculum, solis instar, vibrantem; ut illorum luce perstrictus Frater, velut oculis à nimio fulgore captus aliquamdiu persisteret. Quò tempore, uti & aliàs

frequenter, visibiliter conspicuam se illi exhibuit Virgo DEIpara, cui erat devotissimus, neque unquam per ejus nomen & amorem rogatus quidpiam ulli denegabat. Gandiæ dum esset Rector, constante famâ ferebatur Christum illi apparuisse, & ob amissos in obsequio pestiferorum omnes socios consolatum, animos ad prosequendum tantæ charitatis ministerium addidisse. Sacrificium Missæ & preces Canonicas mirâ devotione & animi teneritudine persolvebat: ad quas recitandas si in via esset, recipiebat se in locum secretum inter arbores, mentèque ex oculis in cœlum erectis creaturas omnes ad laudandum secum DEUM, evocabat: fuitque observatum non rarò, ad primam ordientis sacras preces vocem, devolare ab arboribus canoras volucres, partim humeris & manibus, partim ipsi Breviario insidentes, & cantu reciproco veluti chorum cum DEI servo celebrantes. Ex hac cum DEO per orationem agendi consuetudine præclarum nactus est magisterium spiritûs, & donum consilij, cum perfectâ spirituum discernendorum peritiâ, quâ intricatissimas conscientias feliciter componebat, & illusiones dæmonis sub specie revelationum cœlestium latentes detegebat. Ex eadem divinis impulsibus agebatur ad deligenda ingenia & indoles perentium Religioni nostræ adscribi, quamvis sæpenumero à Consultoribus suis, tanquam minùs idonei rejicerentur: optimo tamen semper eventu, ut patuit in Venerabili Fratre Alphonso Rodriquez, & Joanne Ximenez, utroque maximis DEI donis & revelationibus illustri, & cum opinione excelsæ sanctitatis demortuo.

Zelus animarum, & charitas miseratióque in proximum, dici potest ab utero materno cum illo crevisse: à puero enim tenerrimè afficiebatur necessitatibus pauperum, & quoad posset succurrebat. Factus Præpositus Hispani Domûs Professæ, invenit illam obæratam octo millibus aureorum, & Urbem ipsam in magna penuria constitutam, ob infelicem eò anno classis Indicæ navigationem, cujus naues omnes auro argentóque onustæ eò anno tempestate interierant: adeò ut ditissimi Civium, qui aliàs liberales profundeabant eleemosynas, illas pro se emendicare cogerentur. Non defuit tantæ necessitati liberalissimum Antonij pectus; sed advocato Domûs Ministro, eleemosynarum Procuratori, & Janitori seriò mandavit, ut neminem eleemosynam flagitantem vacuum dimitterent: hoc enim unicum esse medium in tanta penuria Domûs sustentandi, & ab ære alieno liberandi: cum-

menti-



mentiri nec fallere possit CHRISTUS qui dixit : *date, & dabitur vobis.* Atque hoc prorsus cum fœnore completum est, ut quò plùs & liberalius quotidie erogabatur, eò amplius & copiosius recipiebatur; vel si nemo redderet, in penu reperiebatur. Post datas die quodam plures Eleemosynas accessit nobilis Matrona, eandem pro se & binis filiabus postulans, quòd nihil domi superesset, quo vescerentur: iussit Antonius duplò amplius illi, quàm reliquis eò die datum esset, erogari ex ipso cibo, qui domesticis in cœnam paratus erat. Et ecce redux ad cubiculum crumenam invenit super mensa 300. aureis turgidam, quam velut à manu DEI, neque enim ab alio istic reponi poterat, gratus accepit. Alia immensa propè lucra, quæ per hanc eleemosynariam cum DEO negotiationem obtinuit, enumerat P. Franciscus de Peralta illius Minister, in sua de sanctitate ipsius relatione, his ferè verbis: Duodecim annis, quibus Antonius Domui præfuit, sustentabat absque defectu circiter 80. domesticos. Hæreditatem accepit tam copiosam, ut dissoluto, quo Domus gravabatur, ære alieno, ex ea Novitiatum cum Sacramento extruxerit 14000. aureorum. Aliàs donata simul ipsi sunt propè 9000. ducatorum: & denique tam copiosæ obveniebant eleemosynæ, ut præter sustentationem tot personarum, in ædificium Domus & Templi expenderit supra 24000. aureorum; videbanturque sumptus in ejus manibus crescere & multiplicari. Multò amplior fuit zelus & desiderium animarum necessitatibus subveniendi; cujus ardore unicè incitabatur, si per Superiores liquisset, ad navigandum in Indias, & gentiles & barbaros convertendos. Nullam tamen mittebat occasionem domi & in vijs rudes instruendi, catechizandi, pijs colloquijs ad DEUM incitandi: & quoties in tot itineribus sacrum faceret, si numerosus aliquis afflueret auditor, præsertim ex agricolis & plebejis, absolute Missâ sermonem ex tempore ad illos habebat ferventissimum, ut plerumque ad contritionem & vitæ emendationem compuncti, magno dolore & lacrymis confessionem eragerent. Ubique degeret quovis officio distentus, quidquid temporis suis munij superflueret, insumebat in confessionario præsentibus audiendis: & postremis vitæ annis à gubernatione liber, totis matutinis horis eo assidebat; à meridie verò ægris per Urbem, in Hospitalibus & carceribus solandis vandisq; operam impendebat, donec ipsam tam in animarum obsequijs poneret.

Anno 1601. gravissima pestis Hispaniam

pervagata, Hispalim quoque, ubi ultimam ætatem Pater vivebat, corripuit tantâ ferocitate, ut pauco tempore supra 30000. Civium infectis, facile 20000. funerum elata sint. Ad pium illorum obsequium primus omnium Superioribus suam operam obtulit Antonius, qui ponderatâ senis adeò provecta ætate, virium debilitate (annum enim tum agebat 83.) censerunt imparem tantis laboribus, cum neque ambulare, nisi scipione nixus, valeret. Nè tamen bonum senem nimium contristarent, si ab omni parte illius charitatis exercendæ arceretur; potestatem fecerunt, in publico Confessionario Ecclesiæ nostræ pestiferos sponte advenas æquè ac sanos audiendi. Quod dum incredibili animi solatio zelòq; peragit, à primo manè adusque vesperam ex templo vix recedendo, paucis diebus contagione afflatus prosternitur: cujus ictu notato ad cubiculum se recipit, positusque humi genibus gratias Divinæ bonitati infinitas agit, quòd eò se mortis genere pro amore proximi obeundæ dignum fecerit. Postulatis absque mora, quasi præsciis impendentis mali, susceptisque supremis Sacramentis, vehementiâ pestilentis æstus usu rationis destituitur: nihil tamen ad ultimum usque spiritum nisi de DEO, & animarum salute prolocutus; quem tertio ægritudinis die Creatori suo reddidit 16. Maij, 59. anno initæ Societatis; ab emissâ professione 42. Sepultus est in Ecclesia loculo inclusus, magno totius Urbis planctu & dolore, eaque sanctitatis apud omnes existimatione, ut summi imique ex ejus reculis & utensilibus aliquid deposcerent ad venerationem, ac multi varia per ipsum miraculosè gesta prædicarent. Sacerdos quidam vitæ sanctitate conspicuus juramento confirmavit, visum à se dum Sacrificium offerret, toto vultu solis instar resplendescere: in testimonium fortè singularis puritatis, quam illibatam cum baptismali innocentia, nullo unquam peccato lethali contaminatam sepulchro intulisse communis fuit Sociorum sensus. Imò postremis vitæ 40. annis, nè quidem motum ullum sensualem, aut tentationem expertus est: quod ipse precibus magnæ cujusdam DEI famulæ adscribebat, cui ad supremum agonem disponendæ cum assisteret, hanc sibi per eam à DEO gratiam exorari poposcerat, & mox ab ejus morte se compotem factum expertus erat. Civis quidam Hispalensis post 14. annos sterilis matrimonij, nullius prolis Patrem se effectum dolens, precibus ejus se impensè commendabat: à quo iussus bono & in DEUM erecto esse animo, cujus favore post lapsum

unius



unius anni filium accepturus esset, voti compos eodem prorsus tempore redditus est. Matrona alia jam quadriduo ex partu laborans, cum de prolis æquæ ac matris vita conclamatum esset, ultimùm confessura, Patrem evocaverat: hic sacramentaliter absolutam consolatus, jubet spem firmam in DEUM habere, seque totam illius arbitrio & voluntati committere: tum lecto super ea Evangelio manum capiti ejus benedicturus vix admovit, cum eodem quasi momento prolem sanam & vegetam plenè & ipsa incolumis effudit; omnibus adstantibus miraculum! miraculum! acclamantibus. Hæc & similia publicâ famâ evulgata tantam illi sanctitatis opinionem peperere, ut in publicum prodeunti

*Ex Historia Societatis, & Bibliotheca Alegambe, & Nierembergij Tomo 1. & Andrade Tomo 5.*

## P. PETRUS BERNAL.




Ranata in Hispania natus P. Bernal, post susceptam in Jurisprudencia Doctoris lauream, idem jus in Universitate Granatensi magnâ doctrinæ opinione & applausu publicè docuit. At ubi advertit agi de se in tribunal Judicarium provehendo, metu gravium periculorum, quæ munia isthæc forensia animabus adducunt, receptum in Religione nostrâ quæsit, posthabitis spebus omnibus, quæ ampla ei officia pollebantur in seculo, contemptisq; carnalium amicorum svasionibus, à sancto consilio eum absterre intendentium. Tyrocinium ingressus, toto animo incubuit orationis, pœnitentiariû & afflictationum studio: quo exacto Complutum ad studia Philosophiæ & Theologiæ missus; suscepto Sacerdotio, Rector Collegio præpositus est. Ac subinde Regia castra spiritualibus armis juvare jussus; dum exercitum in Belgium sequitur, gravi & subitâ ægritudine correptus, remanere domi ad plurimum salutem & emolumentum cogitur. Iterum enim aliquoties diversis Collegijs Rector datus est, bis Provinciæ toti Andalusie, ac tandem Domui Professæ Valentie Præpositus, magno suo suorûmque profectu, & sæcularium ædificatione munia hæc obivit. Asper enim in se & crudelis, corpus tractabat ut hostem capitalem, jejunijs, vigilijs, perpetuis flagellis, cilicijs ferreis & setosis: in alios tamen mirè blandus & affabilis, ut nullis unquam sive negotijs, sive domesticorum erratis, à lenitate quadam ingenita dejiceretur. Et cum tot annos regendis alijs esset occupa-

omnes certatim obvij accurrerent, magni & parvi ex utroque sexu, dexteram ad osculum vel benedictionem obtinendam exposcentes: quam cum rarò à Viro humillimo obtinerent, affluebant magno numero ad ejus Missam, illic & Evangelium ab ipso legendum audituri, & benedictionem dari solitam percepturi; quibus veluti antidotis confidebant se ab omni malo præservatum, aut liberatum iri. Denique quotquot in Urbe vel foris in morbum inciderent, aut mulieres partui appropinquarent; uti & mare vel iter ingressuri, precibus ejus se commendabant; sperantes nihil sibi sinistri eventurum, si orationibus ejus juvantur, id quod multis exemplis, admirandis eventibus experiebantur.

tus, prodigio similis videbatur positâ gubernatione ejus in parendo promptitudo & subjeccio, quam præstabat illis ipsis, quos seu ad Societatem, seu ad regendi officia promovisset: ut major in ferventissimo tyrone obedientia reperiri non posset, & ad nutum Superioris par subjeccio ac reverentiâ; quippe cum suâ sponte prior semper esset ad parendum quam imperandum. Nullus eo ad humilia obeunda officia paratior; & si quando accidisset Grammatices Magistrum à schola impediri, seu morbo, seu quavis aliâ causâ, ipse Rector vices ejus in pueris erudiendis obibat. Jam verò saluti proximorum quærendâ, ut erat zelo ardentissimus, totum, quod gubernationi impedimento non esset, tempus dabat: Confessionale illi fuit pro cubiculo, ubi reperiendum jam nôrant domestici; cuius fortî hominum certum semper perfugium: solabatur mæstos, præsto aderat pauperibus, ægris & incarceratis. Dùmque alicubi notasset multos è pauperibus tecto & opè omni destitutos, fame & calamitatibus interire; ingenti motu, misericordiâ ædes illis recipiendis conduxit, collectosque necessarijs ad vitam constanter ex piorum eleemosynis providit & confovit. Nec minùs assiduus fuit in pueris Christianâ doctrinâ imbuendis, quam etiam per hospitalia, & publicas custodias ignorantibus explicabat; utque fructus latius dimanaret, breve illius compendium typis suâ industriâ excusum, toto Regno Valentie distribuit. Conciones illius quam frequentes, tam Spiritu divino plenæ, apertissimæ erant ad induratum corda penetranda; plus enim affectu quam verbis loquebatur, hausto ab in-

flam





P. Petrus Bernal S.J. Hispanus, spretis forensibus  
 subfellijs, in Societate Zelator animarum indefessus,  
 gratiâ curationum, et prædictionum à Deo donatus.  
 Decessit 22 Novemb. 1601. ætat: 72.  
 74.

flammata & continua oratione, cui plures noctu præter diurnas dabat horas, nullo loco & occupatione à præsentia DEI evagari mentem passus. Necesse erat proximi non minus officiebatur quàm proprijs: & quia omnibus exhibebat se ut patrem; ab omnibus similiter amore filiali dilectus magnâ veneratione colebatur.

Plurimus erat in extirpanda tum è suggestu, tum in colloquijs, jurandi & imprecandi consuetudine, idque tam svavi efficaciam obtinebat, ut nemo illi infensus, nemo perstringi se dolens aut questus; mores suos & linguam sollicitè intra leges rationis continebant: & prolibus suis, si fortè in maledicentiam impetu quodam erumperent, minarentur ad Patrem Bernal delaturos, qui tam severe verba ejusmodi usurpari prohiberet. Sen-

*Societas Europæa.*

tiens autem animum corpore laboribus & annis fracto sensim hebetari, ut vitam sanctè actam non dissimili sine concluderet; biennio quàm à DEO evocaretur, specialiter se ad illam horam comparavit, familiarius & prolixius cum DEO in oratione agendo, pœnitentiarum exercitijs vacando liberalius, ut paratum quâvis horâ fidelem servum Dominus inveniret. Neque tamen penitus curam salutis alienæ intermisit, sed constanter pro confessionis tribunali multis horis sedere perrexit, magno ex omni ordine hominum accursu: aderat consilio singulis, & pijs instructionibus; operam dabat ponendis inimicijs, & inveteratis odijs: quibus omnium pectora ita obstricta habebat, ut ad eum certatim accurrerent, necessitatibus occurrentibus velut apud commune asylum remedia, & ad DEUM

X x

pre-



preces interponendas quæsituri. Et verò nequaquam spe suâ frustrabantur; multis siquidem prodigijs efficaciam orationis ejus, & in eventibus futuris prædicendis veracitatem experti sunt. Repentino malo prostratus exanimi similis, & judicio Medicorum deploratus jacebat Vir primæ nobilitatis; cujus Mater ad Patris imploranda suffragia dum accurrit, jubet hic illam bono animo, & certâ in DEUM esse fiduciâ, filium namque hoc morbo minimè extingvendum, pro cujus valetudine mox esset DEO litaturus. Vix ab altari ad Sacristiam redierat, cum anhelus adest à filio ad Matrem, quæ sacrificio intererat, famulus; nuncians herum subito sibi restitutum bellissimè valere: quæ dum idem Patri multa cum gratitudinis significatione recenset, jubet ille DEO beneficium tam grande, gratulari, utpote virtute & efficacîâ SS. Eucharistiæ collatum. Aliàs Hispali agente Patre, perditus erat Matri afflictissimæ filiulus modicæ ætatis, nec quantâvis adhibitâ diligentîâ resciri poterat quò devenisset, aut reperiri. Curritur ad P. Bernal, & tristissimus casus inter lacrymas & lamenta à Matre narratur. Miseratione commotus Pater, erectam in fiduciam Matronam solatur, pollicitus fore, ut hac adhuc nocte parvulus ad Matrem redeat, & domi suæ somnum capiat: idque interim à DEO se precibus oraturum. Quod dum in genua procumbens magno ardore facit, sefqui horæ circiter spatio comparet puerulus consuetâ januâ domum subiens: quæsitus autem ubi fuisset, aut qualiter & cujus ductu domum redisset; fassus est, se vagabundum per callem ignotum errâsse; cum repentè homo peregrinus, nec unquam sibi visus adfuit, & manu arreptum per vim domum reduxit.

Ardentissimâ febris æstuabat nobilis alius, super quem orsus Pater legere Evangelium, priusquam finiret, morbo omni æger repentè levatus est. Nec minus expertus est P. Antonius de Cárdenas Societatis nostræ Sacerdos,

*Ex Nierembergij Tomo 1. de Viris Illustribus.*

## P. FRANCISCUS RIBERA.




In paucis doctus, & in Sacrarum literarum interpretatione peculiariter à DEO illuminatus P. Ribera, natione fuit Hispanus, patriâ ex oppido Castellæ Villacastri.

Primum in Salmanticensi Academia optimis præceptoribus operam dedit: in Collegium, deinde S. Jacobi Zebedæi ab Alphonso Fon-

gravissimis capitis doloribus pertinaciter & diu conflictatus; nam ut primùm capiti ejus P. Bernal manus benedicentis formâ imposuit; illico ad verba illa ex S. Marco: *super agros manus imponent, & bene habebunt*, dolor omnis in perpetuum abscessit. Matrona quæpiam gravibus repentè partûs doloribus oppressa, cum opinione omnium de sua & prolis vita periclitaretur, orationibus Patris commendari petijt: quam ille vetuit sollicitam esse, brevi enim DEI ope prolem masculam, utriusque plenâ incolumitate enixuram. Eandem iterum mortiferâ ægritudine prostratam intelligens, palàm edixit sanitati paulò post restituendam, quod & evenit. Simili morbo ad extrema deducta Medici conjunx, quo ad ægritudines suas curandas P. Bernal & Collegium utebatur, ultimùm Patri, ut ipsa credebatur, peccata aperuerat: cum Pater marito seorsim adducto, *licet DEUS*, inquit, *magnam uxori tuæ gratiam collaturus esset, vocando illam mox ad eternitatem, pro qua tam bene disposita est; tamen intuitu necessitatum tuarum, & domus, DEUS illi integram restituet sanitatem*; ut continuò factum est. Itâ in negotijs salutis animarum indefinenter occupatum, repentinè tandem cordis puncturâ, cum mortiferis angustijs & doloribus oppresserunt, quos ille admirabili patientiâ indefinenter DEO summâ gratulatione offerebat: donec quinto post die Sacramentis omnibus præmunitus, inter illa Apostoli verba: *in reliquo reposita est mihi corona justitiæ*, spiritum plenum meritis Creatori reddidit 22. Novembris 1601. ætatis 72. Ejus venerando corpori magni omnium ordinum fuere concursus, neque deosculandis pedibus & manibus satari posse videbantur, ex amœnissimè post fata renidente ore de gloria ipsius in cœlesti patria arguentes: deducendo funeri tota Urbs convenit, cum Canonicis & Religiosis omnibus, quorum Superiores feretro deportando humeros subjecerunt.

seca Archi-Episcopo Toletano cooprat. Indè studijs omnibus ad finem deductis digressus, recepit se in oppidum natale, ut in Sacrarum literarum, quas à prima ætatè adamaverat, studium totus privatim incumbere, & cum scholastica doctrina ad majus firmamentum conjungeret, adjumento linguarum Græcæ & Hebrææ, quarum apprimè peritus erat. Hæc dum molitur, ingenti quodam-





P. Franciscus Ribera Soc: IESU, Hispanus: Ze-  
lator animarum, et Concionator ardentissimus;  
cui dicenti Christum Dominum adstare S. There-  
sia conspexit. Obijt Salmantica 1601. æt: 61. in Novemb.  
75.

dam Spiritûs S. impulsu incitari animum sen-  
sit ad procurandam etiam sacris dictionibus,  
& obeundis apud rudem plebem Missionibus,  
proximorum salutem: cum Divino consilio  
iter illac habuit P. Martinus Gutierrez Sal-  
manticensis Rector, dexterimus magnarum  
animarum prædo, ac postmodum Fidei causâ  
inter hæreticos Gallos Martyr; cui Ribera, per-  
tæsus humanas res ob improsperum etiam  
nescio quem eventum, explicuit constituisse  
se in proximum SS. Virginis Sacrarium procul  
à turba secedere, & ab otio studiorum prodi-  
re ad concionandi per circumjectos populos  
negotium. Ità probavit consilium Martinus,  
ut simul tamē admoneret, haud ità quod opti-  
mum est DEO dari, suum scilicet arbitrium  
ac voluntatem. Quo monito ceu telo trans-  
fixus Ribera, decrevit illico valedicere secu-

*Societas Europæa.*

lo, & Societatem amplecti, ad quam Salman-  
tica ab eodem ipso Gutierrez receptus est an-  
no salutis 1570. ætatis 33. Doctoris Theolo-  
gi prærogativâ jam insignitus. Cum autem  
quinto post anno de instituendâ Salmantica  
Sacrarum literarum interpretatione Societas  
consilium iniisset, Riberam tanquam idone-  
um maximè præceptorem ei muneri præfe-  
cit; quod quidem exquisitâ eruditione, cum  
pari religione conjuncta 16. annos obivit; ità  
tamen, ut interim concionibus, monitis &  
consilijs populum erudire non desisteret. E-  
rat enim ingenio excellenti, judicio acri, tena-  
ci memoriâ, SS. Patrum lectione atque obser-  
vatione instructus, singulari modestiâ, animi  
candore, sincerâ sui dejectione, ceterisque  
religiosis virtutibus cumulatus. Imbuerat il-  
lum scilicet optimis artibus jam indè à tyroci-

X x 2

nio,



nio, quod Methymnæ Campi posuit, excel-  
lens ille sanctimonix Magister, quem sortitus  
etiam Salmanticæ, magno suo bono, Recto-  
rem tunc est, P. Balthasar Alvarez, cujus ipse  
altissimas virtutes in se derivatas exprimere,  
sedulus instituit.

Obedientiæ studium, tanquam Societatis  
notam primam, ita cordi habuit; ut nullo stu-  
diorum, aut cujusvis negotij pondere se pas-  
sus unquam sit ab exactissima vel unius regu-  
læ observatione distineri: nunquam ille,  
quantavis in siti, bibisset interdiu, etiam so-  
lam frigidam, inconscio Superiore: nulla heb-  
domada illi successisset, quin semel iterumque  
cubiculum everreret: literas, schediumve  
nulli dabat, non legebat sibi redditum, seu  
foris esset, seu domi; nisi prius exhiberetur  
Moderatori. Ea virtus efficere sola potuit,  
ut proferret in lucem publicam quæ privatim  
elaboraverat, Commentarios in 12. Prophe-  
tas minores; in epistolam ad Hebræos; in A-  
pocalypsin B. Joannis, ejusdemque Evangeli-  
um, &c. nam quæ erat ejus animi submissio,  
suarumque rerum contemptus, non poterat  
aliter ad id permoveri. Par obedientiæ fuit  
humilitas, ex qua colloqui à mensa tempus  
impendebat potissimè cum fratribus Coadju-  
toribus: nunquam notatus verbum ullum  
proferre otiosum, vel temporis aliquam par-  
ticulam inutiliter insumere. Orationis præ-  
sidio, quàm diurnis nocturnisque horis usur-  
pabat prolixè, ad S. Scripturæ intelligentiam  
& lucubrandas conciones utebatur: addebat  
crebra jejunia, & severas corporis maceratio-  
nes; & si quid incidisset implicationis difficul-  
tatis, secedebat per dies aliquot, & spiritali-  
bus exercitijs animum ad divinos illapsus cõ-

*Ex Nierembergij Tom. 1. & Bibliotheca Alegambe.*

## P. THOMAS DABISHIER.



Edmundo Bonner Epi-  
scopo Orthodoxo Londi-  
nensi nepos fuit P. Thomas  
Dabishier, & in Episcopatu  
administrando eidem Can-  
cellarius, & in perferendis  
adversis commilito. Postquam sublato è vi-  
vis Eduardo Rege puero, Maria gubernacula  
Angliæ arripuit; enituit singularis ardor Epi-  
scopi cum Thoma (qui jam tum Juris utriusque  
Doctor, virtute & zelo Religionis celebra-  
tur) in subigenda serpente adhuc clanculum  
hæresi: Mariâ verò è vivis sublata, cum una  
Fides etiam Catholica, impiâ Reginæ Elisabe-  
thæ crudelitate, in exitium per Angliam rue-

parabat. Indè ad ipsius dictiones derivaba-  
tur spiritus quidam & vis altior, ad corda au-  
dientium quolibet promovenda; ut DEUS  
ipse per os illius loqui ad hominum conscientias  
videretur. Ita aliquando ad concionem  
frequentissimam verba facientem, visus est S.  
Teresiæ (cujus ipse vitam postea, in vita &  
post mortem illi devotissimus, conscripsit)  
ingenti circum splendore micare, cujus dicen-  
tis humeris Christus servator sereno vultu in-  
nixus, eum velut complexu fovebat: quo ipso  
tempore Pater inter cetera, insolito animi ar-  
dore exclamavit: *ô admirandam DEI, & Sa-  
crarum literarum dignitatem! nullum habent  
apicem sacre Paginæ, qui non divinis sit plenus  
mysterijs.* Christus autem Dominus eidem  
Sanctæ, quæ hæc conspiciebat, dixit: *hic est  
ô anima, qui germano meas Scripturas sensu,  
& eâ veritate, quam ego ipsi infundo, explicat.  
Novit ipse earum pretium expendere, quas ego  
mortalibus mei sanguinis effusione comparavi.  
Gratulare tibi, quod eum habeas à confessioni-  
bus, obtempera dictis ipsius, sic mee voluntati fe-  
ceris satis.* Ejusmodi Apostolicis conatibus  
traduxit ætatem ad annum usque 1601. quo  
naturæ debitum Salmanticæ persolvit mense  
Novembri. At die post obitum tertio visus  
in cœlo est sublimis Virgini magnæ sanctitatis  
ex Ordine discalceato Carmelitanarum, ac  
DEI folio propinquus, multâ conspicuus glo-  
riâ; cujus in pectus derivabatur à corde DEI  
radius lucis, qui pulcherrimâ eum specie si-  
mul & gaudio perfundebat: quod illi præmi-  
um ideo attribui Dominus dicebat, quia nihil  
in suis lucubrationibus fluxum & caducum,  
sed unius divinæ Majestatis cultum atque  
obsequium spectasset.

ret, longè clarior emicuit utriusque in tuenda  
Fide Christi constantia, quâ & facultatum om-  
nium, dignitatis & gradus rapinam, in super  
& vincula & carceres cum gaudio sustinuerunt.  
Ad hunc modum amplis possessionibus exutus Thomas, magnâ tamen existima-  
tione vixit aliquamdiu in Anglia inter Catho-  
licos, missus eorundem nomine ad Conc. Tri-  
dentini Patres, eorum sensum exquisiturus su-  
per controversia multum inter Catholicos  
Anglos agitata, licerentne Catholicis templa  
hæreticorum & sacra; ad quod gravissimis  
multis urgebantur, frequentare? & cum re-  
sponsum eorundem, id penitus nefas esse  
consentium, paulò post in Angliam retulisset;





P. Thomas Dabishier Soc. IESU Anglus, post labores, arumnas, carceres Anglicanos, in constanti animarum procuratione sublatuſ Muſſiponti in Gallia A.<sup>o</sup> 1604. ætat. 86. 76.

ab hæreticis tandem, multos ejus auctoritate in fide retineri & ab hæresi revocari advertentibus, interceptus, & teterrimo carceri inclusus: cum aliquando tædio & tristitiâ graviter oppressus calamitatibus suis ingemisceret, comparuit illi repentè imago Christi sanguine manantis parieti affixa, quam prius nunquam observaverat; cujus aspectu ita in casus omnes adversos & mortem ipsam confirmatus est; ut nihil exinde quàm equuleos, tormenta, secures, & patibula in votis haberet. Verùm pro morte in exilium missus, cum in manibus sibi Martyrij lauream infringi doleret, æmulum martyrio virginalis vitæ decus in Societate JESU complecti decrevit, idque eò libentiùs, quo sæpius in sancti ejus nominis obsequium adscitus fuerat. Nam imperante Mariâ, Sodalitio cuidam Nominis JESU,

ad quod multarum distributio eleemosynarum pertinebat, regio diplomate fuit præfectus: & non multò post in demortui Suffraganei Londinensis locum, Sacerdotum cuidam Collegio (quod mensam JESU vocabant) ut præesset, votis omnium electus est. Quæ omnia quanto in beneficio poneret, testantur ipsius verba, quibus ita hæc DEO gratulabatur: *qui me prius promoverat ad Fraternalitatem Nominis JESU, qui secundo ad mensam nominis JESU invitârat, tertio quoque in Societate nominis JESU collocavit. Fecit mihi magna qui potens est, & sanctum nomen ejus!* Quia verò principio deliberationis de vitæ statu deligendo anceps hærebat, & salutis suæ in tuto collocandæ unicè avidus, solitariam Carthusianorum vivendi rationem cogitatione versabat; adstans repentè foribus clausis



clausis vir ignotus, & tu, inquit, si *Cartusianus* futurus es, *saluti tue consules*; at ubi *futurus est proximus*? eâ voce discussa illi omnis dubitatio, & Societatis JESU Institutum, in quo tam suâ quàm proximi saluti navare operam posset, quasi digito monstrari visum. Igitur Lainio Societatis Præposito Generali, Tridenti in Concilio Oecumenico, Pontificis jussu, tum moranti sese obrulit, à quo Romam proficisci jussus, anno ætatis 45. in Societatem adscriptus est 1. Maij. Anno 1563. Ante nuncupata Religionis vota Dilingam cum migrasset, rogatus de more, *paratusne esset quodvis infimum obire Societatis munus, & docere quæcumque classẽ, quousque obedientia constitueret?* respondit scripto: *paratum cor meum DEUS, paratum cor meum! neque enim dubito verum dixisse Christi Vicarium in initijs hujus Societatis, quando ista protulit: Digitus DEI est hic.*

Enituit in eo gratissima quædam morum comitas & mansuetudo, & ad omne seu conciliandæ, seu conservandæ exercendæq; benevolentia & charitatis officium promptitudo & dexteritas, quæ cum singulari discernendorum spirituum gratia conjuncta, aptissimè illum reddebat ad animos hominum in omnẽ partem versandos. Quam ille regendarum animarum artem primò omnium exercuit in educatione Tyronum Societatis; quibus, in Galliam evocatus, præfectus fuit Billomi: quo in munere virtutum omnium specimen de se præbuit, & gratissimum in omnes sanctitatis sparsit odorem. Cum verò nemini tum adhuc de Societate in Angliam transmittendi potestas fieret, occultâ DEI providentiâ definiente tempora, quando & per quos animarum salutem in quaque regione procurari vellet, totum se juvandis proximis intra Galliam impendit, rudibus præsertim & contemptis: & quatuor vota professus, soli ferè tradendæ Catechesi, relictis Concionatorum cathedris, deinceps intentus. Atque ad id munus, pensaturus Viri habilitatem DEUS, tantam ei gratiam contulit, ut dum ipse solos ex infima plebe & tenerâ ætate colligit idiotas & pauperes; Auditores & discipulos nancisceretur etiam primæ nobilitatis & eximiæ sapientiæ Viros. Sanè Mussiponti cum doctrinam Christianam frequentissimo auditorio, publicè constanter traderet, audiebatur non solum jucundissimè à juventute & plebe maximo fructu, verum etiam non ignobiles Theologi ampliori theatro quæ dicebantur digna essent censentes: & quæ ipsis etiam plurimum seruirent ad profectum, nè semel ab eo pronun-

ciata perirent, sedulâ manu referebât in commentaria. Eiusdem industriæ debet Anglia conversionem Nobilis egregij Georgij Gilberti, à Calvino ad Ecclesiam traducti in Gallia, qui postea Personio & Campiano ad multorum in Anglia salutem insigni adjumento fuit. Huic non minùs laboriosum conjunxit munus alterum, audiendarum assiduè confessionum; in quibus ad conversionem magnorum peccatorum non tantum magnum afferebat zelum & industriam; sed DEUS etiam miram ejus conatibus addebat efficaciam, & prodigijs pœnitentes ipsius juvabat. Versanti Parisijs, accidit ut in Theologum quendam Doctorem incideret, vetere sibi amicitia in Anglia conjunctum, & nuper indè communi schismatis naufragio in Gallias ejectum. Hunc pro antiqua necessitudine cum semel iterumque salutasset, statuit super exoneranda conscientia aggredi, & de totius antea vitæ rationibus subducendis, quod plerisque solebat, svadere. Igitur captâ occasione ingreditur sermonem: alter ut sensit quò consilium tenderet, *nil pluribus, inquit, opus est, eam ipsa cura est quæ me sollicitat, hæc enim, quæ proximè lapsa est, nocte somnium incidit, quod mei officij vehementer me commonet. Videbar cum familiaribus mensa opipara accumbere; cum inter convivandum, ut sit, ingrediuntur musici, rogant, an quidquam delectat audire? sanè, inquit omnes: tum unus ad me conversus, vis voce tibi præcinam aliquid? per me, respondeo, licet, præcine; at ille à prima indè ætate meam telam retexens, cuncta quæ ad hanc usque horam peccaveram ob oculos posuit, tantumque incussit horrorem, ut nihil sit in optatis magis, quàm onere isto me quàm citissimè liberari. Age igitur, subjungit Pater, duorum vel trium dierum intervallum cape, quò lustratâ ætate universâ accuratius rem tam optatam peragas. Neque id necesse est, respondet, tam enim clarè tanquam ex ordine digesta teneo omnia, ut qualiscunque mora supervacua sit. Igitur confestim exquisitâ methodo repetens universa, & quàm miris modis DEUS electos suos juvet, docuit; & se ad viciniorem quàm speraverat exitum hoc adminiculo comparavit: non enim longo post tempore morbo oppressus piè obdormivit.*

Invaferat & Patrem aliquando pertinax malum, & tibiam dolor gravis occupans medicinam omnem eludebat; sic, ut Medicorum de ea secanda, desperatis medijs omnibus, esset judicium. Sed Pater ad Principum Apostolorum, quorum die fatale consilium cudebatur, patrociniū conversus, ipsorum beneficio



ficio malum omne repente dispulit. Sed & arcanorum illi notitiam DEUS conferre voluit; inter quæ illud potissimum eminet: quo tempore in Comitij Societatis generalibus mortuo Mercuriano ad successorem deligendum convenerant PP. Romæ; Thomas Parisijs tum commorans rogavit Jacobum Tyriū, magnæ autoritatis & nominis in Societate Virum: *num Pater quempiam Claudium nomine Romæ nōssēt?* ad quem Tyrius: *novi equidem; sed cur id rogas?* tum ingenito candore Thomas narrans id quod acciderat: *surrexeram, inquit, de nocte oraturus DEUM pro felici Pa-*

*tris nostri Generalis electione, cum mihi apparere dignata est Clementissima Mater, & spiritu me duxit in Patrum conclave; tum ceteros inter juvenem quendam Patrem, Claudium nomine, manu produxit in medium, & Congregationi indicavit, ut hunc eligerent.* Præmonstrationem hanc probavit eventus, & electus paulò post in Generalem Claudius Aquaviva. Obivit P. Thomas Mussipōti in senectute bona, & de exilio suo migravit in Patriam, annos cum explēssēt ætatis 86. in Societate 41.

Anno 1694.

*Ex Historia Angliæ Henrici Mori.*

## P. LUDOVICUS DE GUZMAN.

**P**ater Ludovicus Guzman, natus est in Hispania Castellæ Veteris, oppido O-forno, anno 1543. parentibus nobilitate & pietate claris: & studia in Complutensi Universitate profecutus; post Academicos & Philosophia honores, dum Theologiæ operam daret, magnis cœpit à DEO stimulis ad vitam Religiosam impelli. Gravissimā inde carnem inter & spiritum nascente luctū, totus animo perplexus, quod sæculi vanitatum & libertatis amore veluti vinculis retineretur, consilio pij sodalis voluit S. IGNATII ascesi exerceri, ad deliberandum de vitæ statu deligendo: in cujus progressu cum jam penitus decrevissēt Religionem Societatis complecti, malitiā improbi amici, epistolas à Ludovici Parentibus mentientis, extractus, & artibus ejusdem in transversum abreptus est. Iterum tamen in viam salutis cognati adolescentis exemplo reductus, qui & ipse Societatem ambiebat, unā cum ipso admissionem à Superioribus impetravit, post triduum tyrocinio recipiendus: id odoratus seductor cum duobus ejusdem farinae sodalibus, per dolum in prædium suburbanū, ut triduum id cum amicis hilariter, veluti sæculo vale ultimum facturus traduceret, extraxit: quā fraude iterum Ludovicus, quod per se naturali nullā inclinatione ad vitam arctiorem ferretur, facilē à proposito divulsus; Complutum quidem revertit, sed conspectum hominum de Societate, pudore inconstantia, non ferens, discessum clandestinum aliò adornare cœpit. Non latuit id fidelem cognatum, qui jacturam Ludovici intimo dolore ferens, id unum impetrare laboravit, ut nē tam inhumanē invitis omnibus, & quasi furtivē recederet, dedec, inde suo nomini, & notam generosæ indoli apud

omnes illaturus, cum nemo illi Superiorum Societatis vim illaturus sit: daret id saltē ingenitæ humanitati, & ante discessum Provinciale Societatis salutaturus conveniret. Nihil molestius eā re adolescenti poterat obvenire; coactus tamen itā demum assensit, ut soli Provinciali extra cujusquam sociorum præsentiam loqueretur: ad quem à Cognato adductus, rogatusque quid vellet, quāve causā veniret? itā perculsus & divinitus hæsit attonitus; ut nē verbum profari posset. Quæ-sivit ultra Provincialis: *num fortē veniret Societatem JESU ingressurus, ut deinceps in tyrocinio remaneret?* ille vix satīs intelligens quid rogaretur, quasi violentē alio quopiam linguam movente, respondit: *itā Pater. Visne igitur, subjicit hīc, ut socij omnes ad fraternum tui amplexum devocentur?* iterum annuit. Fassus deinde se itā oculis & animo cælitus fascinatū fuisse, ut sibi omnes à Collegio socij adesse viderentur, cum tamen præter solum Provinciale nemo adstaret, neque ipse quidquam eorum, quæ paraverat, proloqui posset. Itaque eodem vespere in tyrocinium inductus est cum Cognato suo, anno 1563. cum annum ætatis ageret vigesimum.

Hic ille se circumspiciens, quā inconsultē propē invitus captus, & in perpetuum libertate exutus esset, tristissimis à dæ-mone exagitari cœpit cogitationibus; quibus levandis die quodam è fenestra in hortum prospiciens, vidit insidentem arbori avem insolitæ pulchritudinis, mille colorum picturis variegatam, svavissimo garritu aëra demulcentem; quam dum oculis & auribus captus toto miratur ore, prætervolans repente milvus arreptam ungvibus crudeliter abstulit. Eo spectaculo perculsus, divino movente spiritu cœpit profundissimē pensare in tristi aviculæ casu tristiores mortalium eventus, quos





P. Ludovicus de Guzman S.I. illustri ortu Hispanus; avicula à milvo raptâ aspectu ad Deum conversus, illius Peccatorum conversionibus, & dono discernendi spiritus, cordiumq; arcana, singulariter à Deo præditus. Obijt Madriti 10 Januarij Anno 1605 ætatis 61.

quos è medio plerumque voluptatum & deliciarum improvise obruens fatum abripit, & sempiternæ addicit morti. Atque ex eo die gratissimo animo constanter agnovit eximium DEI beneficium, quod periculis his ereptum, suis deinceps unius obsequijs in Religionem veluti cavēam inclusisset: tantæque deinceps vixit animi pace & solatio, ut sibi in paradiso agere videretur. Neque ullus ipso fuit ad obediendum expeditior, in mortificandis animi passionibus, & captandis in publicum confusionibus ferventior, sectanda humilitate, modestiâ, orandi studio, ceterisq; virtutibus ardentior. Decursis Theologiæ studijs factus Sacerdos, aliquoties Rectoris munus, Tyronum Magistri, & bis Toletanæ Provinciæ, semel Bæticæ, Præpositi Provincialis egit; donec anno 1605, ætatis 61. die

10. Januarij, ad æternam fidelium laborum mercedem Madriti evocatus abiit. Inter reliquas Apostolici Viri dotes maxime enituit ardens animarum zelus, cujus causâ nulli labori parcebat, ad Indos usque & Brasilos desideria extendens, ad quos facultatem transmittendi cum IGNATIO Azebedio Brasiliæ Provinciali jam obtinuerat; sed nescio qua causâ retentus, opportunam fundendi pro Christo sanguinis occasionem, quâ Azebedius cum socijs omnibus in mari à Calvinistis cæsus interijt, amisit; cujus jacturæ nunquam deinde sine dolore meminisse potuit. Inde studijs in Japonicam expeditionem conversis, cum ejus copiam nullis precibus apud Superiores impetraret; historiam Japonicam eo præcipue animo composuit, ut legentes excitaret ad ferendas in ea vinea laborantibus

sup.



suppetias. Igitur coactus zelum suum intra Hispaniam coarctare, nullam occasionem prætermisit animas è cœno peccatorum extrahendi, Christoque lucrificandi, sollicitè ubique vitiosos & peccatis irretitos venatus, ut adeò innumeri, è viris etiam doctissimis Universitatis Complutensis, salutem suam illi debere profiterentur. Coaluerat in dicta Academia perversorum juvenum improba sodalitas, in omnem petulantiam, & vitiorum libertatem effusa; cui dissolvendæ varijs frustra adhibitis remedijs, negotium Pater sancto dolo aggressus, unum è primipilis arctissimè demereri, varijs obsequijs conciliatum, studuit, dum sensim ad peccatorum confessionem induceret. In hac adolescens cum non pauca neque levia scelera recenset; mirabatur Patrem, nihil animo, nihil vultu ad horum enormitatem moveri; nisi quòd ad reliqua, utcunque gravissima forent, enarranda hortaretur; addens, se similia, & multò adhuc turpiora alias excepisse: unde sumptà fiducià, integrè omnia ad finem profectus est. Finità exomologesi, nihil dubitabat pœnam longè gravissimam sibi impositum iri: sed Pater blandissimè illum solatus, ad seriam emendationem nervosè animato, quinquies solum dicendum Pater & Ave injunxit, reliquum supplicij, peccatis ipsius debiti in se transumens. Eà benignitate attonitus adolescens rem totam sodalibus enarravit, neque difficulter universos ad exonerandam apud eundem conscientiam induxit: qui Patris deinde consuetudine & hortatu in optimam frugem evasere.

Neque minùs efficax in prostitutis mulierculis ad pudicitiae castra reducendis fuit; & Compluti quidem sermone aliquando ad eas habitu, unà exceptà, omnes reliquæ turpem quæstum detestatæ resipuerunt; & quædam tam potenti spiritûs divini impulsu commota, ut redeuntem à prostibulis Patrem illico consecuta, lamentis & ejulatu plateas & fora impleveret. Id conspicatus adolescens vitæ & ipse corruptioris, cui vix ulla noctium absque publico tumultu & rixis abibat, tactus & ipse intimo animi dolore, manè sequenti Patrem confessionis gratiâ accessit; sed persuasus ut prius meditationibus quibusdam asceticis dies aliquot exerceri vellet, tanto eas fructu absolvit, ut Religiosum deinceps statum complexus in summo rigore & pœnitentia vixit, optimâ apud omnes virtutis & boni exempli famâ. Neque deerat Patris conatibus juvandis Divina manus, quam terribilem experti, ad aliorum terrorem, complures fuere,

*Societas Europæa.*

monitis ejus & consilijs refractarij. Nobilis adolescens Compluti sub ejus spiritali cura, à vanitatibus & perniciofa malorum consuetudine abstractus, etiam Religionis ingressum animo jam designabat, cum parentes certiores redditi illum violentè avocarunt, DEOq; penitus ejus pectori evellendo post multa ad sæculi nugas avocamenta, Salmanticam amandârunt, ubi pravorum consuetudine brevè in transversum actus, priorem pietatem majore nequitia superavit. Neque perversum secuta est divina pede clauda pœna, quæ reos perditionis filij parentes mœrore unâ confecit; nam post trimestre nocte quadam repertus est in platea exanimis, toto corpore vulneribus confossus, nemine auctorem cædis, vel causam noscente. Idem penitus alteri Nobili evenit, monitionum Patris contemptori, dum pœnitentiam differt: die namque confessionem prorogatam sequenti, miserrimè deprehensus est, homicidâ nunquam comperto, in platea è vulnere exanimis. Tristius est, quod eidem Madritum proficiscenti occurrit, dum hominem in suo sanguine volutatum in via deprehendens, nullam ab desperato pœnitentiæ vocem elicere potuit: tres horas ingenti conatu, omni spiritûs arte & contentione laboravit, ut miserum ad Divinæ pietatis fiduciam, & peccatorum adduceret confessionem; cum ille præter ejulatus, & deploratæ æternum salutis lamenta nil reponeret: donec infelicem animam in ejus oculis, horrendâ vultûs & totius corporis convulsione evomuit, à morte ita subito deformis & abominandus, ut damnati ab inferno hominis cadaver ad vivum referret. Neque fortunatior Patri fuit Madrito Complutum reditus: incidit enim in viatores distractis indidem mercibus ad sua revertentes, qui viæ molestias sædissimis colloquijs, blasphemijs, & spurcitijs fallere pergebant. Institit hic blandissimâ allocutione ad meliores sermones vesaniam illorum traducere; sed quia à protervis deteriora semper recipiebat, substitit tandem, lentius improborum vestigia secuturus, & precibus interim apud DEUM commisit ab eis pœnam averfurus. Et ecce paulò post vix ad tertium lapidis jactum antegressos, audit terribiles in cœlum clamores ex casu subito atollere, simulque omnes ab equis, velut auxilium cuipiam laturos, desilire. Igitur gressum appropinquans videt unum ex ipsis jumentis deciduum exanimi similem jacere, cui magno fervore salutis & pœnitentiæ verba inclamans, nullum tamen vitæ superstitis indicium deprehendit; ut satis appareret fractâ

Yy

cervi-



cervice blasphemam animam in vestigio ejecisse.

Salubrius animæ suæ consuluit adolescens studiosus anno 1600. ætatis circiter 20. Veneri ad infaniam usque deditus, ut nullis svasionibus, minis, aut terroribus ad vitam castiorem reduci posset, donec prodigiosam manum Numen ipsum Patri in auxilium submisit. Ibat is nocte concubiâ ad furtivos suos, quod pridem consueverat, amores; & ecce plateam prostibuli ingresso spectrum horrificum occurrit, specie adeo terribili, ut capilli in vertice arrigerentur: cujus tamen occursum audaciâ & cupidine insaniens adolescens ausus contemnere, ponè ipsius latus iter nefastum promovit, notavitque mox ab oculis sublatum evanuisse. Jam ergo veluti securior progressus, pedem ferè prostibulo inferebat, cum eadem infernalis larva sese objicit, & miserum adolescentem tanto implet horrore, ut toto corpore tremens copiosum mitteret sudorem, neque ausus ultrâ pedem proferre, domum suam citato cursu repeteret. At enim revertentem ad ipsas cubiculi fores spectrum idem minaci vultu & gestu præstolabatur, ex cujus aspectu tanto horrore percussus est, ut edito ingenti rugitu, in terram mortuo similis corruerit, vocis omnis & sensuum expers. Ad sonitum ruentis exciti domestici, juvenem morte pallidiorem, neque ullum vitæ signum arteriâ prodentemprehendunt; varijs tamen recreatum fomentis ad sensum reducunt, itâ nihilominus ex immani terrore attonitum, ut hominem mentis impotem proximè referret. Primo manè antiquius nihil habuit, quàm ut animæ suæ, reditu cum DEO in gratiam, consuleret: itaque jam sponte ad Patrem Guzman toties antè protervè contemptum adiit, & enarrato rei eventu remedium malis suis petijt: cujus consilio sacrâ divi IGNATII ascensi exercitus, peractâ homologesi, tantum luminis superni è cælo hausit, ut Fratrum Discalceatorum Religionem amplexus, magno virtutum & pœnitentiæ exemplo ad mortem usque perseveravit. Non perinde felicem habuit exitum contemptor Patris Frater ejus Germanus, cui magnis à DEO precibus vocationem ad Societatem exorabat: neque hanc ille diffitebatur, sed libertatis sæcularis dulcedine (cetera non improbus) irretitus, extricandi sui modum non reperiebat. Sed paulò post reluctantem Divino instinctui pœna apprehendit, quam illi Pater prædixerat; ut quantumvis summè percuperet, consequi tamen Religionis ingressum non posset. Provocatus e-

nim in duellum vulnera aliquot lethalia excipit, ex quibus & mortuus est: ante obitum tamen literas ad Patrem suomet sanguine è vulneribus defluo exaravit, testes commertæ, & ab ipso toties prædictæ pœnæ, rogans ut contempti vocantis DEI, & aliorum peccatorum veniam sibi exoraret, & offensas in se admissas condonaret. Atque ad meliorem animarum directionem singulari eundem discretionis spirituum dono implevit Dominus, quâ dæmonis illusiones à cœlestibus illustrationibus facillè dignoscebat, nè his decepti, in barathrum perditionis præcipitarentur. Erat inter complures alios à Patre adjutos nonnemo literarum alioquin rudis, cui sub forma Angeli sæpissimè comparens dæmon omnia sancta & divina svaðebat, prolixas orationes, frequentationem Sacramentorum, adeoque sublimia de SS. Trinitatis mysterio revelabat; ut Pater in Theologia doctissimus negaret unquam similia se audivisse vel legisse: sub eâ tamen boni Genij forma larvam infernalemprehendit Pater, & hominem sacrâ ascensi excultum à ludificatore feliciter liberavit. Nec pauciores fuere ex altero sexu detectis Avernij præstigijs ad meliorem spiritum adductæ, quarum aliqua communiter apud omnes in opinione magnæ sanctitatis, quot diebus ferè SS. Evcharistiam sumebat, opera misericordiæ plurima exercebat; ad hæc orationi prolixa dedita, multas extases & revelationes patiebatur, sæpius coram SS. Evcharistia visa in aërem sublimis elevari, & in extasi septem ipsas horas citra quempiam sensuum usum durare. Ejus in colloquium admissus Pater,prehendit rectam orandi methodum prorsus ignorare, nihilque jam dubitans ab atrogenio illusam, quæsit, an aliquando in suis raptibus visendum se illi obtulisset spiritus tropologicus? quâ negante sibi vel nomen hoc unquam auditum; subjecit Pater, atqui scito quamdiu spiritum hunc non videris, te in imo adhuc sanctitatis gradu hædere. Die insequenti magno gaudio redux ad Patrem, fœmina, ajebat sibi tandem, quæ infinita esset DEI misericordia, visum esse nocte præteritâ spiritum tropologicum: ex quo Pater jam planè certus fœminam superbix spiritu deludi, rogavit, cujusnam figuræ is esset aut formæ? illam verò multa ludicrè in ejus descriptione effutientem, acerbè increpuit, & minis Divinæ atque humanæ vindictæ exterruit. Et ecce vix senii effluerant menses, quando arcanorum cum dæmone tractatum convicta, debitas veneficiorum, sententiâ Inquisitionis, luit pœnas.



Fuit autem mira Viri efficacia ad persuadendum hominibus quæ recta essent & salutaria ; & dissuadendum mala , sive ex loco superiore diceret , sive familiari colloqueretur sermone ; hunc enim tot tamque efficacibus firmabat rationibus , & spiritu ita inflammato animabat , ut veluti vinculis adstrictum teneret auditorem. Sanè ex vehementi zelo , quo vires & spiritum omnem inter concionandū exerebat , animo & corpore aliquando Belmonte defectus , alienis è pulpito manibus deferri debuit : & Compluti cū in annum quartum per ferias Quadragesimales diceret , copiosum cœpit è pectore sanguinem ejicere , coactus idcirco deinceps à pulpito ferè abstinere. Mira eidem inerat sſavitas , & in tractandis etiam perditissimorum animis tanta comitas & dexteritas ; ut omnes illum adire , de rebus suis confidentissimè agere , & remedia fagitare gestirent : singulos enim mansuetudine excipiebat tractabatque plūs quàm maternā , ut ex animo malis ipsorum indolere & affligi appareret : tamque procul aberat à contemptu cujusquam & aspernatione , ut peiorem se & viliorem omnibus sincerè credere , indignum qui cœlum oculis tueretur. In munere Provincialis quoties ad visitandum aliquod Collegium adveniret , primo triduo lavandis in culina patinis operam dabat ; non alia sibi gratiora hospitalitatis obsequia accidere posse dicens , quàm quæ ipse in munijs servilibus erga domesticos exhiberet. Defunctus officio Provincialis in Bœtica , quod multis & gravibus morbis fractus , vires sibi ad munia Sacerdotum deesse prætenderet , magnis precibus exoravit in partem laborum inter Coadjutores destinari , egitque in Collegio Bæzæ , iterumque Belmonti triclinij Curatorem. Ex ejusdem humilitatis & paupertatis affectu nunquam veste novā , etiam Præpositus Provinciæ , indui sustinuit ; sed

*Ex Bibliotheca Alegambe, & Nierembergij Tomo 3.*

## P. JACOBUS DE GUZMAN.

**Q**uāto in oculis hominum munus catechesim rudibus & pueris tradendi vilius apparet & humilior ; tantò in conspectu Divino majus & sublimius esse declarat necessitas ministerij , Ecclesiæ suæ adeò necessarii : id quod manifestum facere mundo voluisse DEUS videri potest per tantæ nobilitatis , & sanguinis Regij Virum , P. Jacobum de Guzman , quem speciali Spiritus sancti un-

*Societas Europæa.*

postquam suam ita atteri contigit , ut acumen & sſa vetustate non ferret ; aliam minùs detritam poscebat. Pari abstinentiā fuit in cibo & potu , ceterisq; corporis necessitatibus , neque per diem nisi semel , plerumque sub vespem , reficiebatur , nihil unquam ad communes omnibus cibos sibi addi ferens , quantumlibet senio & ægritudine fractus. Orationi duodecim quotidie horas animo ita collecto vacabat , ut eorum quæ foris interim agerentur , nihil adverteret : unde solitus aliàs à meridie quatuor duntaxat horas meditationi impendere. Cū die quodam immotus ad octavam usque vespertinam in contemplatione perdurasset , quæsit ex obvijs , an quartam horologium sonuisset ? Multos interim cœlum in ejus animam depluebat favores , mentis illustrationes , & arcanorum revelationes , quibus etiam cognovit Franciscam Leon Collegij Belmontensis Fundatricem cœlo receptam , & insigni gloriā inter Divos numeratam. Omnia denique sua consilia cum DEO communicabat : ab illo sibi vires & lumen , afflictis solamen repetebat , præmonebatque nonnunquam alios tempestatis secuturæ , & salutaribus ad eam consilijs præmuniebat. Quāto autem DEO appropinquabat vicinior ; tantò à carne & sanguine , & naturali Cognatorum amore fiebat remotior : neque ulli adduci potuit precibus , ut vel unā vice sororem Madriti nuptā , cū is in eo degebat Collegio , inviseret ; debuitque à Superioribus illi mandari , ut saltem unā ante ejus obitum horā morientem supremo solatio adiret. Ipse autem sexagenario major mortem suam asseveranter quatrduo antè prædixit , obiitque magnā animi pace & quiete : cujus merita DEO placuit multis beneficijs , per intercessionem vel reliquias ipsius concessis , palam facere.

Xy 2

conce-





P. Jacobus de Guzman S.J. è Regum Hispaniæ  
Sanguine satius, vitam omnem in doctrinæ Chri-  
stianæ explicatione, et rudium instructione tradu-  
xit. Mortuus Hispali 8 Maij 1606. Aetatis 83.

J. J. Heinsch del.

78.

Jeremias Kilian sc.

concepit propositum; DEI & animarum ob-  
sequijs totum se expendendi, adhibereque  
cepit peculiari jam tum devotione apud DE-  
UM Patronam, quam deinde ut Matrem &  
Dominam suam tenerrimè constanter prose-  
cutus est, Virginem DEIparam. Decimum  
quartum ætatis annum ingressus, adhibere ad  
confessiones solitus est Magistrum à spiritu &  
sanctitate celebratissimum Joannem Avila,  
Societatis & IGNATII eximium in paucis æsti-  
matorem; cujus nutum & directionem filia-  
li observantiâ in omnibus secutus, operam  
unâ studijs navabat Salmanticæ, sub Præce-  
ptore & Doctore Theologiæ Gaspare Loarte:  
ubi per omnes studiorum annos duos è con-  
discipulis egentiores victu & vestitu susten-  
tabat, eâ conditione, ut singulis octo diebus  
secum unâ Sacramenta Confessionis & Eucha-

ristiæ accederent. Absolutis studijs etiam  
Theologicis, suscepto Sacerdotio continuè  
in animarum capturam retia latissimè expan-  
dit, nullo Ecclesiastico admissio beneficio vel  
dignitate, quâ Apostolicus suus zelus uno  
certo loco constringi posset; sed cum Ma-  
gistro suo Loarte triennio ferè diversas Hi-  
spaniæ regiones Evangelico ritu peragrans,  
nullo in comitatum admissio famulo aut pe-  
dissequo; catechesi, Sacramentorum admi-  
nistratio, & modis omnibus, quibus pote-  
rat, ruricolos præcipuè, pueros & rudes DEO  
lucrari laborabat, magistro interim suo Theo-  
logo doctissimo concionibus eosdem adju-  
vante. Sed DEUS arcanâ suâ providentiâ  
tam sanctos hominis conatus & virtutem ad  
sublimiora in Religiosa perfectione provectu-  
rus, incitavit eodem tempore Loartem unâ &  
Avi-



Avilam; ut uno veluti consilio Jacobo sva-  
derent ingressum ad Societatem, quod tan-  
dem hâc occasione executus est. A. 1552.  
venerat ab Urbe in Hispaniam S. Franciscus  
Borgia, è Duce Gandiæ humilis Jesuita, cœ-  
pitque virtutum altissimarum splendore to-  
tum latè Regnum illustrare: quo eodem tem-  
pore Episcopus Calahorranus Doctor Bernal  
de Lugó, à Magistro Avila aliquos ex ejus in-  
spiritu discipulis ad se mitti petijt, qui Diœce-  
sim suam sanè latissimam Missionibus Apo-  
stolicis obirent, prædicando, catechizando,  
& Sacramenta impertiendo: à quo in tam  
sanctum munus delecti iterum ex omnibus  
sunt Jacobus & Loarte, jussi ante omnia san-  
ctum Borgiam convenire, & suam illi episto-  
lam reddere. Vir sanctus utrumque bene-  
volè acceptum, ad obeundam sancti IGNATII  
ascesim invitavit, in qua tantum potens Spiri-  
tûs sancti virtus in utroque operata est; ut  
magnis votis in Societatem recipi exambi-  
rent. Admissos singulari benignitate S. P.  
Missionem suam perficere nihilominus jussit,  
qui ejus anni Quadragesimâ in culturam Pam-  
pelonæ ingenti proventu impensâ, reliquum  
anni unius amplius tempus, percurrendo tori  
Episcopatu dedere, prolixius tamen locis ma-  
gè populosis, qualia sunt Logronna, Majara,  
S. Dominici de la Calcada, Haro: ex quibus  
singulis maximum animarum innumerabili-  
um fructum retulere.

Avila de utriusque in Societatem receptu  
certior factus; dici vix potest quantum animo  
gaudium perceperit, utpote tam altè de ejus  
Instituto sentiens; ut affirmaret: *nihil aequè si-  
bi dolere, quàm quòd per ætatem & valetudi-  
nem ei sese adjungere, cum Societatis ipsius usu  
& fructu, non posset*: ex cujus tamen institu-  
tione & exercitijs multum se in anima boni  
commodique cœpisse profitebatur. Indè  
non tantum acerrimus semper contra adver-  
sarios illius defensor, & facundissimus apud  
omnes encomiastes extitit; sed discipulis etiâ  
suis, quotquot poterat, illius complectendæ  
auctor fuit; submisitque complures omnino  
peroptimos, & magnâ deinde in Societate  
virtutis & sapientiæ laude florentes. Solitus  
dicere: *Societatem ab IGNATIO fundatam pla-  
nè congruere cum ea forma, quam in animo suo  
ipse descripserat, & in spiritu suo sentiebat: ve-  
rùm se paranympum instar Joannis Baptiste  
fuisse, & gaudio gaudere propter sponsum IGNA-  
TIUM. Nec aliter sibi contigisse, atque si puer  
conetur lapidem ingentem attollere, qui dum-  
præ virium infirmitate rem nunquam perficit,  
vir superveniens robustus, pro virium amplitu-*

*dine nullo negotio tollit, suoque loco aptè con-  
stituit. Is ergo digressuris ab se in Italiam,  
ad Societatis tyrocinium Guzmano & Loar-  
ti, hæc plena divinæ Sapientiæ, prorsus ex  
spiritu Societatis, scripto documenta dedit:*  
*Quoniam ad eam Societatem acceditis, quæ in-  
sublevandis animis tota versatur, ante omnia  
proponite ac persuadete vobis, vestrum id esse  
unum, fovere atque alere voluntatem de omni-  
bus bene merendi, & precibus apud DEUM de  
omnium salute esse sollicitos: delectum verò ope-  
rum, studiorum, temporum ac rerum hujusmodi,  
per quas in auxilium proximorum elaboretis,  
nequaquam pertinere ad vos. Ac si qua inter-  
dum ejus generis cogitatio animum pulsât, per-  
inde atque alia manifesta diaboli tentamenta  
repellite. Hareat menti vestræ Monachi illius  
vox: ego veni judicari, non judicare. Atque  
ad eò à judicandis alienis factis ita refugite, ut  
à re tantipericuli, quæ possit à gratia Divina  
dejicere. Secundò: Credite, Superiores à DEO  
regi, consiliorumque suorum habere eos causas  
& fines, qui vos lateant. Denique nil judica-  
re optimum est, sed objectare sibi, quid ad te  
tu me sequere. Nisi ita vos extricatis, nulla  
vobis quies erit, nec vita vitalis: Credite vos &  
permittite totos obedientiæ, pro insigni eam  
habentes Divino munere concessio mortalibus,  
ac sperantes eâ viâ fore, ut vos DEUS regat.  
Quæ spes non hominis regentis niti sapientiâ, sed  
DEI pollicitatione debet, qui humilibus præsto  
est. Perfruemini pace magnâ, multumque bre-  
vi proficietis, si fiduciam in obedientia magnam  
locabitis. Tertiò: Nihil commoveat vos, quæ  
tandem in re opera vestra adhibeatur: etenim  
cum ex conservatione & incrementis hujus fa-  
milie pendeat magnopere utilitas animarum,  
quidquid ei conservandæ ac promovendæ con-  
ducit, vel ipsas lances patinâsque purgare, id  
demum est animas convertere: & summâ vo-  
luntate est peragendum. Cogitatione igitur à  
proprijs ac certis abductâ operibus, id curate  
duntaxat ut pareatis: quòdque vobis præcipitur,  
non tam propter ipsam rem agatis, quàm quia  
præcipitur: permagni aestimantes, quòd ejus  
corporis membra vobis DEUS dat esse, in quo  
Majestati suæ exhibeatur obsequium. Quartò:  
Existimate vos ire ad crucem, & animo ite sic  
preparato, ut nulli causa velitis esse querimo-  
nie: sed quidquid vobis ex quolibet accadat;  
id pacatè feratis & libenter. Dissimilitudo in-  
geniorum atque varietas nusquam inter homi-  
nes deest, ubi multorum est catus: itaque vobis  
min non erit. Sed quem vitæ communitas non  
probavit, eum nè facile creditote multum pro-  
fecisse. Huc vos præcipue vires intendite, nul-*



lius ut vestra causa turbetur quies, & cursus impediatur: injurias feratis cum gaudio, proculcari velitis ut lutum; minimi ac novissimi esse pro Christo. Hic verò attentione opus est; nam si paulum hac cura remittatur, est ruina in proximo, quia oppugnatio non remittitur. Quintò: Attendite vobis, fugiteque in ceteros quasi magisterium exercere. Omnia tractate eâ reverentiâ, quâ par est DEI negotia, memores accessisse vos ad visionem DEI in rubo Christi, & locum in quo statis, terram sanctam esse, qua terrenorum affectuum emortua integumentum non patitur. Confortamini in Domino, & in potentia virtutis ejus, ut penitus renuncietis vobis ipsis, non cupiditati solum ac voluntati, sed potissimum intelligentiâ ac sensui vestro. Hic est consolationis celestis exterminator, hostis pacis, satelles contumax, censor Superiorum, pater dissidij, rebellis obedientiæ, idolum in loco sancto DEI stans, quod iterum iterumque moneo ut demoliamini, ut DEUS ibi per fidem regnet; multâ fiduciâ persuasum habentes, eum id velle quod Praesides vestri precipiunt. Id unicum solatium ac perfugium habetote; id quamdiu stabit, rectè vobiscum erit.

His Magistri hæcenus sui instructi monitis, & ad mortem usque inviolabiliter servatis, mittuntur Anno 1554. à S. Borgia Romanam cum P. Natale, ubi sub directione sancti IGNATII Jacobus noster magnis indies incrementis in spiritu proficiens, tantum donum consecutus est orationis, ut quovis loco & occupatione DEO inseparabiliter conjunctus, ab ejus præsentia divelli, neque nisi de DEO rebusque celestibus loqui posse & scire videretur. Vocationem autem suam, cum super omnia mundi regna æstimaret; tantum simul erga illius auctorem IGNATIUM affectum & æstimationem concepit, ut aliâ nunquam appellatione quam grandissimi Sancti nominaret. Post legitimam sui Societati approbationem, restitutus est à S. IGNATIO muneri suo Apostolico, ad quod à DEO fictus factusque videbatur, tradendæ per varias Missiones rudibus & agrestibus doctrinæ Christianæ, quas ille plurimas per vitam suam pedestri semper itinere obivit, in Italia quidem Romæ & totâ illius viciniâ, in Regno Neapolitano, Ducatu Florentiæ, Marchia Anconitana, Insula Corcyra: in Hispania verò per Episcopatus Jaënses, Cordubenses, Hispalenses, Granatenses, Malagenses, item Salmanticenses, Calahorrenses, Borgenenses, Pampelonenses, &c. Cum verò annis vitæ supremis ægritudine acutissimâ ischiadis, seu sciaticæ impeditus, pedes metiri viam non posset; adhibe-

bebat asellum ad lustrandas puerorum scholas, pagos & villas, cogebatque rudem populum ad certum locum, cui catechesim in rhythmos & modulos redactum bonus senex præcinebat & explicabat: quâ simplicitate & zelo incredibiliter animos plebis & capiebat & ædificabat; multoque magis, quos personæ tam excelsæ qualitates natalium, doctrinæ & sanctitatis minimè latebant: ita nihilominus se deprimentis, ut post molestias itinerum ac tot incommoda, non aliud hospitium deligeret quam nosocomium, inter pauperes & ægros divertere solitus. Neque contentus in vita erudisse pueros & ignorantes, etiam de successoribus tam sancti operis prosequendi sollicitus; erexit Hispali Sodalitatem, cui id unicè propositum esset, certamque Clericis eandem catechesim tradituris fundavit pensionem: cujus exemplo Compluti & alibi per Hispaniam plures deinde ei fini foundationes factæ sunt. Neque eo tam humili exercitio quidquam existimationis Patri, seu domi, seu foris deperijt; quinimò tantò majori in pretio habitus. Cum anno 1561. Jacobus Lainius, Generalis Præpositi munere se abdicare conaretur; ipse suffragio suo vehementer cum quibusdam resistens effecit, ut idem porro cum ingenti Societatis emolumento administrare cogeretur.

Ad has autem Missiones cum fructu obundas multiplicem virtutum afferebat apparatus, studium inprimis poenitentiarum & asperitatum corporis, quod acerbis flagellationibus, & asperissimo cilicio spiritui continuè subiciebat, etiam postremis per morbos afflictæ ætatis annis. Cumque amplius per annorum & morbi gravitatem non posset; alias tamen sui afflictandi praxes excogitabat, & baculo gressui fulciendo concessio caput aut pedes, ceteraque membra feriebat. Tenerrimum erga DEI param affectum semper conservavit, cujus coronam è collo pendulam publicè gestans, multis vicibus per diem percurrerebat, viamque laudibus ejus decantandis condiebat. Nec minore devotione prosequeretur SS. Sacramentum, ante cujus aram in Collegijs plures horas de genibus notu diuque in templo precabatur: & licet in celebranda Missa multum impediretur crure, uno præ altero notabiliter curtiore (quâ causâ semper privatim litabat) & vexationibus ischiadis, nullo tamen unquam die illam dicere intermisit, copiosis semper affluens lacrymis, & tenerrimis affectibus, novis semper modis & praxibus illam ferventiùs celebrandi excogitatis. Multis etiam annis ex eodem in-



in Christum Evcharisticum affectu, noctem-  
cujusvis feriæ s. insomnem penitus coram il-  
lo in oratione quadam extatica transigebat,  
donec laboribus & doloribus fracto vetitum  
id fuit à Superioribus. Ex omnibus ejus di-  
ctis & factis, totòque vitæ contextu appare-  
bat, baptismalem innocentiam nunquam ab  
ipso fuisse deperditam: nec videbatur unquā  
de aliquo sinistram posse opinionem concipe-  
re, vel dictum aut factum perperam interpre-  
tari, quantumvis res manifestè mala foret,  
publica & exploratissima, nec capax excusa-  
tionis: quo casu silentio rem sepeliebat, aut  
exitum rei præstolandum, qui sæpe ex malis  
optimus à DEO eliceretur, dicebat, vel ser-  
monem ad alia transferebat. Cùm aliquan-  
do Vir Illustrissimus sobrinus suus illi retulisset  
processum S. Inquisitionis contra Virgi-  
nem DEO sacram in Lusitania, quam in varijs  
erroribus deprehendi contigit, subjecit Pa-  
ter: *gloria sit & laus benedictio JESU! firmiter  
credo illam esse magnam sanctam, famulam &  
amicam DEI!* ad quæ attonitus heros, & quo-  
modo, ait: *Pater ita sentire & loqui potes, post-  
quam hac & illa intercurrisse nosti?* respondit  
Pater: *laudemus benedictum JESUM, cujus  
bonitas & sapientia est infinita, per quam illi  
Virgini dubitare non debemus concessam esse  
plenam suorum errorum cognitionem & dete-  
stationem, & idcirco mihi persuadeo esse ma-  
gnam DEI servam & amicam.* Humili de-  
se rebúsque suis sensu ex animo opinabatur,  
verissimus mundi & vanitatum ejus contem-  
ptor, neque unquam de sua familia, cognatis-  
ve loqui auditus est, & mentionem ab alijs in-  
jectam illico perturbabat, vel ad Divina trans-  
ferebat. Cùm verò ob ejus vitæ prolixita-  
tem, decedentibus interim fratrib, & cognatis,  
bis aut ter hæreditatem & nomen do-  
mūs in illum recidere oportuisset, idque in  
colloquio à domesticis curiosè referretur, ipse  
nullo verbo signòve id à se intelligi ostendit:  
ajebat siquidem malle se coquinā in Societate  
occupari, quàm dignitate in seculo qualibet  
conspicuum videri. Multis annis infirmitate  
gravissimā exercitus, quam incredibili pa-  
tientia & alacritate tulit, nunquam tamen  
deesse sibi quidpiam, aut minus rectè fieri  
questus est, sed vultu semper erga Curato-

rem amœno, nimiam sui curam haberi con-  
testabatur. Ingens interea cupido subijt Ma-  
gnates quosdam Hispaniæ, Viri tanti sangvi-  
nis, sanctitatis & æstimationis effigiem ad vi-  
vum expectam habere, quam cùm conscio  
Patre se obtenturos desperarent, inducto per  
biduum pictore, spiritali ejus alloquio se ten-  
neri præsetulerunt, dum interim pictor velut  
aliud agens, ex loco ubi observari à Patre non  
poterat, lineamenta vultus effingeret: cùmque  
deinde effigiem jam perfectam Patri, velut de  
illo triumphantes, exhibuissent, *laudetur, sub-  
jecit, JESUS, quod tam genuinè expectum judæ  
vultum obtinueritis.*

Denique cùm fideli servo decrevisset tan-  
dem liberalissimus Paterfamilias solvere de-  
narium pro tot laboribus, & exantlato ponde-  
re diei & ætūs, ad reliquos ejus multiplices  
dolores, colicæ cruciatum immisit adeò vehe-  
mentem & intensum, qui spatio viginti hora-  
rum animam è corpore exegit, frustra reme-  
dijs quibusvis arte diversorum Medicorum  
adhibitis. Brevi hoc spatio Sacramentis Ec-  
clesiæ eo articulo consuetis omnibus pijsimè  
munitus, manu cælum commonstrans, in-  
genti jubilo & plausu exclamavit: *venio, ve-  
nio Domine! letatus sum in his quæ dicta sunt  
mihi, in domum Domini ibimus!* atque identi-  
dem dexterâ pectus tangens, veluti animos  
ad tolerandum sibi additurus, repetebat: *in-  
cubilibus vestris compungimini.* Itaque bea-  
tam animam Creatori suo reddidit Hispali 8.  
Mâij, Anno 1606, ætatis 83, Societatis 52.  
Cognito Viri omnium opinione sancti obitu,  
ad funus Patris sui deducendum omnium pri-  
mi accurrere è scholis pueri, doctrinam Chri-  
stianam cantibus profecuti, quos ab eo edo-  
cti fuerant; tum Religiosæ familiæ omnes in  
suos ordines divisi, Canonici, Nobilitas tota,  
& Judices Curiales; dùmque sacra funebria  
perfolverentur, tantus fuit populi complo-  
rantis fremitus & compressio, corpus defun-  
cti videre, & coronas ejus attactu sacrare, vel  
vestium frustulum in reliquias auferre cupi-  
entium, ut neque Patrum Societatis conatus,  
neque custodia publica, neque opposita vio-  
lentiæ scamna pietatem reprimere potuerint.  
Ea fuit omnium de Viri sanctitate opinio &  
æstimatio.

*Ex Nierembergij Tomo 1. de Viris Illustribus Societatis.*



FRAN-





Franciscus Moreno S.J. Coadjutor, Hispan<sup>9</sup>,  
Vitæ sanctimoniâ, et gratiis celestib<sup>9</sup> illustris;  
Animab<sup>9</sup> ad Deum trahendis, et pueritiæ sancte  
educandæ coelit<sup>9</sup> dat<sup>9</sup>: atrocib<sup>9</sup> ideo infestationib<sup>9</sup>  
et præstigijs à Damone vexat<sup>9</sup>. Obijt Villaregi<sup>9</sup> A<sup>9</sup> 1606. Aet: 72.

## FRANCISCUS MORENO.

**F**ranciscus Moreno, ob singularem in tractanda pueritia dexteritatem, & ad omnem pietatem instituendi peritiam, Magistris omnibus in speculum & exemplar merito proponendus, natione fuit Hispanus, sæculi amore ab omni strictiore vitæ genere ita alienus, ut communiter ad rei veritatem firmandam juramenti vice adhiberet: *it à certum hoc est, vel, it à hoc eveniat, quemadmodum certum est, me nunquam Religiosum fore.* Verùm cum parum ad sua vota res illi ad annum usque 25. ætatis fluere, petijt instantèr à Beatissima Virgine cor suum immutari, & sanctiora desideria suggeri: quod & obtinuit,

Divino impulsu ad Societatis amorem pertractus. Et licet svaderetur à Patribus, ut prius studijs operam, quò sacris Ordinibus recipiendis idoneus foret, impenderet; metuens nihilominus ne temporis lapsu, & sæculi vanitatibus in transversum ageretur, vitam in Societate humiliorem inter Coadjutores præelegit. Cum verò ipso Tyrocinij principio gravi tentatione à dæmone infestaretur, quam nullis flagellis, jejunijs, & asperitatibus superare poterat, impetravit à Rectore potestatem publicæ confusionis captandæ; mendicique & mediastrini habitu, corbe ad colligendam eleemosynam humeros oneratus prodijt; aliàs verò simili cultu aquam è publica cisterna haustam domum attulit, innumeris probis & injurijs



inurijs à fæce hominum impetitus. Has & plures ejusmodi in publico victorias, quas deinceps per vitæ Religiosæ decursum veniâ Superiorum frequentius iterabat, abundè pensavit DEI para, intimo gaudio cor illius perfundens; audiitque aliquando sibi dicentem: *ego ero tibi in Matrem, ut te in omnibus protegam*: ex quo is tenerrimam ad mortem usque erga illam retinuit fiduciam. Præcipua primis annis ejus occupatio erat in coquina, vel horti cultura, aliisque humilibus Fratrum munij: quibus tanto fervore vires impendebat, ut membris tandem omnibus doleret. Et nè orationis indè quiete fraudaretur, multo manè ante diluculum surgebat, quatuor horas meditationi rerum cœlestium impendens, cujus insatiabilem quandam famem habebat. Et licèt infirmis deinde curandis assignatus accuratissimè omnia perficeret; manebat tamen animo ità DEO conjunctus, & in cœlestia absorptus, ut nunquam ab oratione & præsentia DEI distraheretur. Fuit autem à DEO ad altissimæ contemplationis gradum elevatus, & per frequenter in extasi atque raptibus cœlestibus Divina mysteria edoctus: in quarum una vivacissimam cognitionem accepit infiniti Esse Divini, ut longo tempore instar attoniti incederet, præ admiratione DEI magnitudinis; alias verò in ecstasi ad cœlum raptus, in præmium promptæ suæ obedientiæ, talia in anima expertus est, quibus exprimendis nullam sufficere linguam ajebat. Durabant ejusmodi ecstases plerumque unâ dimidiâve horâ, ex quibus summè in DEI obsequio animabatur & crescebat, paratus omnia mundi supplicia & calamitates pro DEO perpeti, majore desiderio ærumnarum Crucis Christi æstuans, quàm cervus sitiat fontes aquarum.

Quapropter cùm accersitæ afflictiones, & communia Religionis onera nimis exigua illi viderentur; institit apud Superiores, duobus è domesticis negotium imponi, ut in omni occasione, quavis ratione se humiliarent, confusionibus, publicis reprehensionibus, & pœnitentijs exercerent: cùm tamen eodem tempore 14. in valetudinario, quod ipse Rosetum suum appellabat, ægros numeraret, quibus unus ipse omnia simul obsequia, Infirmary, Coci, Pharmocopæi, ac mediastini exhibebat, tantâ contentione, ut ad respirandum horam nullam diu noctûque haberet, nisi cùm unam alterâve necessario somno, & huic tamen sæpius interrupto, indulgeret. Neque his laboribus satur, quidquid reliquis domesticis posset charitatis promptissimè exhibebat, verbebat cubacula, lectulos compone-

*Societas Europæa.*

bat, afferebat aquam, & quavis in necessitate serviebat: idem simul vincendæ naturæ studio lambebat fluentem ægrorum corporibus saniem, & ab ulceribus exfugebat, sorbebat purulenta illorum sputa; eluebat felle, aliisque amarissimis succis fauces, volutabat nudum in spinis, urticis, corpus; flagris atrociter concidebat, denique tot tantæque amoris DEI æstu abreptus accersebat asperietates, ut humano judicio limites prudentiæ excedere videretur. Et tamen finem nullum faciebat incusandi suum torporem, producendi in publico errata, & defectus admissos, recensere vitæ secularis acta, de quibus subinde toto refectiois tempore palam objurgari impetrabat. Vestitus ejus semper erat, qui domi quidem haberi poterat, vilissimus; & si quando Superiorum jussu foras proditurus meliorem sumere cogeretur, nullam partem capiebat quietis, donec iterum abjectissimo permutare concederetur; in quo, deprimendi sui studio, consultò sæcularium & puerorum oculis spectandum se præbebat & deridendum. Denique quemadmodum in votis habebat, in amando DEO nemini mortalium concedere; ità pari studio ardebat plus omnibus adversitatibus & ærumnis exerceri: ideòque quidquid ab alijs asperitatum pro DEO suscipi vidisset aut legisset, id omne in usum & ipse conferre satagebat. Neque defuit divina Providentia, pro augmento meriti servi sui, tam ardentibus experiendæ crucis Christi desiderijs, sed plenum amaritudinis calicem ei propinavit, permittendo dæmonem vires suas in eo experiri, à quo gravissimis tentationibus, angoribus conscientiæ, propè ad insaniam vexatus, simulque doloribus in corpore, morbisque varijs, capitis præcipuè atrocibus puncturis, quibus ad orandum penitus ineptus reddebatur, ità exagitatus est; ut nulla pars utriusque hominis vacua tormentorum esset. Sic constituto facienda venerunt de more Societatis Exercitia, pro emittendis ultimis Coadjutorum temporalium votis: itaque cùm nihil aptè meditari, seu flectendo, seu confidendo, vel quovis alio posset situ, volutabat se omnis solatij expers instar serpentis in terra, plagas suas & vulnera DEO præsentando, oculisque in Crucifixum defixis, veniam peccatorum humillimè & misericordiam flagitando. Quo tempore affatus illum è cruce, magnâ dulcedine Dominus dixit: *non mea causâ pendeo in hac cruce, sed amore tui, ad auxiliandum & medendum tibi.* Quibus verbis tantum roboris desolato accessit, ut ob gratiam tam boni & amantis Domini,

Zz

ni,



ni, accessionem suis malis instanter postularet, & quæ hæcenus passus esset, nihili penitus ad ejus amorem æstimaret.

Et verò crescebant abinde mala corporis & animi indies; & plaga quædam in pede erumpens toto quinquennio crudeliter illum afflixit, intensissimis capitis & cordis doloribus, aliisque singulorum ferè membrorum, & sensuum pænis conjuncta: intolerandam cum primis sitim in eo excitans, quâ sibi emori, & in rabiem agi videbatur, tantis puncturis, inflammationibus, & convulsionibus totius corporis exagitatus, ut ad impediendos violentè erumpentes ejulatus, fauces panno involvere cogeretur. Cum tamen perinde alacriter & studiosè munia omnia, atque sanus & valens, obiret, nihil consueti in Religione rigoris omittendo. Hinc perinde ad orationem matutinam, de genibus semper institutam, consurgebat, licet totam noctem doloribus infomnem vigilasset; nec quidquâ in consuetis pœnitentijs, flagellationibus, cilicijs remittebat. Et tamen ex perpetuis infomnijs, & capitis lincinationibus ita affligebatur, ut totam terræ molem sibi incumbentem ferre videretur, cum intolerabili frigore corpus totum dirissimè vexante. Accedebant ab dæmone, visibili formâ invadente, atroces injuriæ & verbera: velut cum iter Superiorum jussu, equo facienti, specie similiter equi in campo apparuit, & in transeuntem rabie leoninâ insiliens, pedibusque prioribus humeros complexus, rictum vultui ejus, velut discepturus, admovit, amaro rugitu immurmurans: *Et tu non vis locum dare tentationi, quâ tot annis te exagito?* verum collecto spiritu Franciscus, maledictum appellans, & in nomine Domini adjuratum faceffere jubens, remansit omnibus animi corporisque viribus ita prostratus, ut se commovere, & ultra progredi nullatenus posset, doloribus acerrimis singula per membra excruciat. Ergo Crucifixo è sinu deprompto ad Dominum conversus, remedium ad perficiendum duntaxat impositum ab obedientia iter deposcit: verum Dominus in sua effigie plenis amore ac condolentiâ oculis eum de cruce intuitus, tantâ svavitate implevit, ut in lacrymas solutus Franciscus, præ amorosis suspirijs crederetur rupto corde emoriturus. Eodémq; momento omni depulso fascino vires integras recepit, sensitque ab humeris velut ingens pondus devolvi, ut expedite itineris reliquum perficere valuerit. Quo tempore Coci munus gerebat, sæpius consolatorem & spectatorem habuit puerum JESUM, ubi præsertim

laborum multitudine obrueretur; ejus intuitu mirè incendebatur ad opus illud humile totâ diligentia implendum. Missus peregrinatum cum socio ad B. Virginem de la Penna, solâque eleemosynâ vicatim corrogatâ parcissimè vivens, venit aliquando pluviam totus madidus, & frigore ac fame emaciatus in locum, ubi hospitium nullum impetrari potuit. Itaq; in templum se conferens, summo cum jubilo gratulabatur DEO suam hanc sortem, quod instar filij angustijs ab eo exerceretur: cum inopinatò venerabili specie mulier templum ingreditur, & utrumque ad cœnam & hospitium invitat: quasi certamen cum servo suo habere videri vellet DEUS, an ipse majore animo adversa perferre, an DEUS præsentius in malis omnibus remedium afferre posset. Idem beneficium expertus est à DEI para, cum alias ad iconem ejus thaumaturgam peregrinaretur in Gvadalupe, nam in medio densissimæ silvæ viribus ita famèque defectus, ut progredi ultra non posset: post invocatum devotè Virginis auxilium, vidit accedentem pastorem, à quo ultro oblatò cibò vires integrè restauravit. Nec multò post in eodem itinere, cum repentinum febrium calorem, cibi omnis nausea sequeretur, unius duntaxat certi edulij appetentia remansisse sibi videbatur: & ecce in proximum pagum appulsum vir nobilis humanissimè invitat, & excusantem propè cogit domum suam subire, atque in cœna primum ferculum apponit idipsum, cujus appetitu Franciscus tenebatur; qui exinde non potuit satès amabilem & paternam DEI circa se providentiam admirari, & dilaudare.

Tandem Salmanticâ à domesticis Coadjutorum munijs missus est Villaregium, in Provinciam Toletanam, ad pueros docendos, quibus prima elementa, & formandos characteres docendis, penes parentem suum, celebrem in Patria sua Ludimagistrum, insueverat, & cum gratia facturus sperabatur. Quod iter pedibus, & victu solâ stipe collecto cœmensus, tantis à DEO implebatur solatijs, & divinis ex cujusvis creaturæ aspectu sensibus, ut ijs ferendo nequaquam esset. Quare obvias passim herbas, saxa, & arbores baculo feriebat, dicens: *silete amabò creaturæ DEI, neque tot modis DEUM mihi predicare pergitte!* tot enim illi ipsarum intuitu ingerebantur magnalia DEI, ut ijs ponderandis caput enerve planè fatisceret. Occurrit hîc illi Bartholomæus de Sicilia Sacerdos, Secretarius Marchionis de las Narvas, discipulus in prima pueritia Francisci: is beneficij memor, li-

bera-



beralem illi eleemosynam impertitus, cum jam digrederetur, Franciscus se vocatum famulum jussit nomine suo hero dicere, quod secum citra omnem dubitationem esset in cælo conventurus. Quæ verba tantum in animo Sacerdotis valuere, ut ratus vitæ genus, quod eatenus tenuisset, minimè ad cælum ducere, omisso itinere Complutum ad Collegium rectè perrexerit, admissionem in Societatem tantis precibus perurgens, ut negari non potuerit. At Franciscus pueros Villaregij docere exorsus, tantam subito in mores illorum mutationem induxit, ut modestiâ & compositione puerorum stupefacti cives quærent, utrùm in ipsa Societate ejus Institutis educarentur? ideoque deinceps non solum filios literis imbuendos ad ludum mitterent, sed ipsi etiam verba salutis à Magistro audituri, velut ad templum confluerent. Quia verò incolæ plerique agriculturâ, aliisve laboribus vitam ibi sustentant, annuere Superiores, ut scholæ initium sub vesperum primò per Adventum & Quadragesimam daretur: quo tempore præter pueros accurrebant trecenti & quingenti, etiam ex adultis, tam cælibes quàm conjugati, cælestia docentem & suadentem audituri. Atque hoc docendi munus totâ deinceps vitâ retinuit, in varijs Provinciæ Toletanæ Collegijs, Hueta, Seguræ, Caravacæ, & tenuis vicibus Villaregij, ubi & illi officio immortalis est. Singulari siquidem gratiâ à DEO destinatus illi videbatur, ut licet ob immanes capitis cruciatus putaretur tanto labori minimè suffecturus, quoties tamen de eo avocando ob virium debilitatem cogitabant Superiores, toties repente viribus auctus ita reualefcebat, ut demum totam vitam illi labori impendere sit permissus. Neque ignorabat dæmon, quantum detrimenti sanctâ illâ pueritiæ educatione sibi afferretur, ideoque principio cœpit illum impatientiæ motibus ex plena tædij occupatione impugnare: verùm is ad DEUM recurrrens, mirabiliter omni tentatione hac liberatus est. Sensit enim die quodam ictum validum pectori infligi, ad intima cordis penetrantem; atque ab eo momento omnis impatientiæ, tædij, & tristitiæ spiritus illum reliquit, ut summo cum gustu, suavitate, & dulcedine, inter pueros versaretur, clarissimâ simul è cælo luce perfusus, quàm acceptum DEO gratumque esset illud pueritiæ, ad ejus timorem & agnitionem educandæ institutum.

Illud autem, quod veluti fundamentum spiritualis suæ Institutionis ponebat, erat, instillatio tenerrimi cujusdam in Virginem SS.

*Societas Europæa.*

à primis unguiculis, & filialis amoris: singularis persuadens, ut eam deligerent in Matrem, toto corde amarent & venerarentur: tantumque valere hæc pij Fratris consilia, ut quidam è pueris, quorum tamen nullus excedebat 10. vel 12. annos ætatis, totas subinde noctes insumerent in salutanda, pluries repetitâ Rosarij recitatione, Virgine DEI para. Alius in ejusdem amorem penitus absorptus, sæpius comprehensus est in suavissimo amplexu hærens Virgineæ Imaginis; lacrymas interim sinè fine oculis, veluti perennibus fontibus effundens & causam ploratus quæsitus, respondit: meminisse se lacrymarum, quas Mater sua profuderit in morte Filij sub cruce, cui proinde se non posse non collacrymari. Quidam tot horas impendebant adorando de genibus SS. Sacramento, ut idcirco tardiùs in ludum venirent, donec corrigerentur. Unus autem notatus à matre tristior, & cogitabundus incedere, rogatus quid ita morosus esset? respondit, meditari se pœnas inferni, quæ, addidit, *ô si Maternôsses, quàm atroces sint, & intolerabiles!* Passim autem omnes, si verbis asperis, alapâ, aut verberibus afficerentur, in genua provoluti maxillam alteram offerebant, nequillum vindictæ indicium ostendebant. Cujus tam sanctæ institutionis famâ longè latèq; vulgatâ, adducebantur sub disciplinam tam S. Magistri à 40. & 50. levcs pueruli maximè dyscoli, qui paucis diebus omnium intuentium stupore, modestiâ & pietate cælestes genios referebant. Porro, si quid amissum casu aliquo reperirent, quantumlibet minutum id foret, nunquam id sibi retinebant, quin statim ad Magistrum deferrent, arbitrio illius disponendum. Unus aliquis jussus à parente quidpiam fructuum in alieno horto colligere, respondit: *id ego Pater nullâ ratione facturum, quia malum est; mala autem dicit Pater Moreno non debere à nobis committi, licet ipsi parentes jusserint.* Pusio alius sexennis mortis proximus, Patrem suum vocari ad lectulum jubens, hoc veluti supremum dictamen illi reliquit: *Pater mi, video totum hunc mundum esse vanitate plenum, pro quo tamen ita ab hominibus decertatur, sed in fine tandem sepulchrum invenitur: & qui boni reperti fuerint, recipientur in cælum, malis verò obveniet infernus;* quibus dictis mox expiravit. Tanto etiam amore pueruli hi se invicem prosequabantur, ut quoties sibi occurrerent, aut convenirent, peramanter in mutuos amplexus ruerent: & si quispiam ad parentes domum peregrè à scholis avocaretur, amarissimè separationem hanc deplorarent. Ludum au-



tem literarium quanto desiderio & gustu adirent, vel inde clarissimè patebat; quòd ante diluculum lectulis exilientes, multò antè datum signum ad Collegij januam accurrebant, templi refectionem præstolantes, ut primo Sacrificio adessent. Increpiti verò, cur adeò tempestivi afforent? excusabant, domi varijs laboribus, opificijs, & clamoribus cubiculum occupari, ut sibi locus nullus quietis superfit. Dominicis autem & festis diebus, quòd à schola vacaretur, toti erant in evolvendis spiritalibus libellis, à Fratre copiosè commodatis, & reperiebantur passim in angulis secretà illorum lectione, vel precatione, occupati: alij verò unà conveniebant, ad instituendas varias devotiones, miscendæque de rebus Divinis colloquia: alij plerasque horas in templis ante SS. Sacramentum, tenerrimas inter lacrymas conterebant. Quòd si copiam subinde disciplinæ à Magistro nanciscerentur, vix post multos dies sæpius commoniti (tanta erat edomandi flagellis corpusculi aviditas) referebant. Sanè puerulus primæ nobilitatis cum lacrymis aliquando petijt, ut juberet se publicè in schola, propter peccata sua, virgis castigari: alij vitia & defectus acerbis sibi verbis exprobrari urgebant: & cum aliquando circa Domini Natalem audissent ab optimo Magistro multa de lacrymis, paupertate, & doloribus nostri causâ à Jesulo susceptis tenerrimè dici, cui par esset ab omnibus spontaneâ aliquâ mortificatione responderi; non fuit vel unus ex omnibus, qui non instantissimè perurgeret contumelijs, flagellis, verberibus, à Correctore, Magistri, jussu excipi. Verùm ubi audierunt parvulum Dominum usq; eò mitem & bonum esse, ut solâ voluntate feriâ contentus, hæc eis remitteret; tanto dolore & tristitiâ inde se affici declarabant, ut lacrymas ubertim profunderent; cum tamen alioqui huic ætati nihil super flagella magis sit formidabile.

Hac adeò sanctâ pueritiæ educatione dici non potest, quàm charus & æstimatus Parentibus, Civitatibus, & toti Nobilitati fuerit, qui illius duntaxat videndi & salutandi causâ remotissimis ex locis ad Urbem provolabant, nec gravius affligi poterant, quàm si voluntate Superiorum aliò evocandum rescirent. Sanè Huetâ Villaregium transferendum ubi intellexere; armatas, quibus violentè detineretur, constituere excubias; nisi Superiores re, in tempore præscitâ, repentè & occultissimè illum emisissent. Ubi verò pueri manè ad ludum venientes, charum sibi Magistrum discessisse acceperunt; tantus ploratus & luctus

omnium exortus est, ut eos affari & solari Rectorem ipsum oportuerit; qui inter alia dixit: debere magis ipsos gaudere & gratulari, quòd pro Fratre discedente, Sacerdotè in Magistrum essent accepturi. Sed minimè sedati his pueri, ad Curiam Urbis, magnis vocibus ubique Patrem suum Moreno ingeminantes, accurrunt, & auxilium Senatûs porrecto libello postulant. Qui & ipse discessu viri improvisò contristatus, expedito ad Provincialem Curfore, illum sibi restitui multis precibus expetijt. Jam verò cum tantæ puerorum multitudini, quam nullibi schola capere poterat, in literis & scriptione instituendæ sufficere unius hominis industria nequaquam posset; DEUS manifestè conatibus ejus præsto aderat, ut hi facillimè quidquid docerentur caperent. Unde brevissimo tempore singuli evadebant scribæ ad omnium admirationem eximij, elegantissimos characteres formare docti, idque sinè magno labore Magistri: quippe dummodo illis characterum formam ad imitandum præscriberet, eos continuè, divino procul dubiò ductu, ità aptè exprimebant, ac si manum ipse cujusque ad singulos apices formandos rexisset. His conscripta elegantius folia, ad excitandam puerorum industriam, & publicam gloriam, jubebat palàm in plateis & columnis, ab omnibus transitus conspicienda, appendi. Cum enim Franciscus DEUM unicè, ejusque amorem, & observantiam discipulorum animis imprimere statuisset; DEUS vicissim profectum in literis, à parentibus in filiorum educatione quæsitum, citra specialem Magistri conatum ipsis impertiebat. Quo multis experimentis comperto, cœptus est ab adulatoribus etiam adolescentibus magno numero frequentari, ut sub ejus directione periti in scribendo evaderent: quo tempore sanctis ipsius præceptis, & vitæ innocentissimæ exemplis, multò majorem in spiritu & virtutibus profectum assequerentur, ut innumeri tam ex his, quàm ex pueris, diversas Religiones deinde complecterentur. Denique tam miris effectibus longè latèque vulgatis, cum undique multi mortales ad eum audiendum de rebus cœlestibus accurrerent; DEUS illius verbis ingens quoddam pondus & gratiam, ad corda mortalium altissimis sensibus permovenda, imprimerebat, ut ea semper lacrymæ & singultus, in obstinatissimis etiam peccatoribus, ac miræ conversiones sequerentur.

Differentem aliquando in maximo Auditorum confessu de amore Divino, audiebat etiam P. Ayala, celebris in Theologia Doctor,



etor, tantumque pondere & efficaciâ verborum ipsius commotus est, ut cum detergendis lacrymis sudariolum eduxisset, repente velut extra se raptus, manu elatâ, vocéque intensâ clamare cœperit, *ô amor! ô amor!* Qui viri tanti in confertissima multitudine erga DEUM motus, incredibiliter omnium corda affecit, inque DEI amorem excitavit: ipse verò in cubiculum inde suum evadens, lacrymis penitus frena laxavit. Ad hunc autem amorem in cordibus omnium fovendum, persuadebat pueris Franciscus quàm creberrimam locis & temporibus, plateis & vicis omnibus, earum vocum repetitionem: *Laude-  
tur Dominus JESUS CHRISTUS!* unde fiebat, ut sacro hoc nomine non tantum vici & Civitas tota personaret; sed ipsi infantes in Matrum sinu verba eadem balbutirent. Ejusdem amore & reverentiâ pueri lusibus sibi interdicebant, abstinere melioribus in mensa bolis: & si quem in juramenta, vel inhonestâ verba prorumpere etiam in publico audiebant, in genua provoluti orabant, ne DEUM inhonorare, & offendere vellet. Ad Catechesim audiendam veniebant eâ per plateas observatâ modestiâ & silentio, ut omnes in admirationem, & eandem auscultandam doctrinam pertraherent: cui aliquando vir ex Ordine S. Hieronymi primarius præsens, ubi parvulos duos quæstionibus è catechesi mirâ gratiâ & modestiâ disputantes auscultavit, flexis præ solatij magnitudine genibus DEO gratias egit, quia ex ore infantium, & pene adhuc ab uberibus matrum pendentium, laudem suam perfecisset. Addebat Franciscus ad majorem doctrinæ hujus gratiam, subinde quosdam veluti dialogos, inductis in scenam parvulis ad Passionem Domini, peccati gravitatem, vel novissima repræsentanda, quorum illicio tota Civitas ad audiendam sacram doctrinam excitabatur, ut nullus capiendæ multitudini sat locus esset, & omnia gemitibus, planctu, & suspirijs personarent. Noverat enim aptissimis modis, præter omnium expectationem, varios affectus elicere; ut accidit occasione pueruli sexennis, postquam mirâ gratiâ & felicitate quædam memoriter è catechismo recitasset: vocatum enim in multitudinis conspectu Franciscus ad se, interrogat, *an verè Dominum DEUM amaret?* quo affirmante, *plurimum à se DEUM diligere.* quæsit ultra Frater, *ediffere autem quantum illum diligis?* magis utique, respondet parvulus, *quàm meum Patrem, & Matrem.* Multum quidem id est, subjicit Frater, *sed major adhuc est amor tui ipsius, quàm quæ hactenus commemorasti.*

Imò, replicat puer, *præ vita mea, præ corde, & præ anima ipsa mea illum diligo.* Verba quidem pulchra sunt hæc, objicit Franciscus: *sed probemus, an ipso facto id demonstrare possis, & velis.* Cedo mihi huc sis tuas istas vestes (erat enim pervenuit & noviter indutus) *ut illas impertiar pauperibus parvuli JESU.* At puerulus ingenti promptitudine vesticulam corpori detrahens, *hoc indumentum?* repetebat, *hoc indumentum?* *apage sis in perpetuum mea vestis, & unâ simul facesset meum cor.* Bene habet, intulit Frater, *matte animo tam generoso & heroico! sed nihilne præterea est, quod libenter pro DEI amore expenderes?* tum verò ingenua prolapsus puer, altâ voce proclamabat: *Pater, en hic flecto, paratus vitam & sanguinem dare pro amore DEI! eja prodeat aliquis, qui me occidat! prodeat, qui caput mihi aufert!* Atque his & similibus parvulorum exemplis altè in animos spectatorum descendantibus, etiam adultorum corda in DEUM rapiebantur: maximè ubi pauculis diebus viderunt hunc parvulum revera è vita cessisse, quasi acceptasset Dominus hoc innocens vitæ illius suo amori sacrificium; ut illud æternum in cælis præmiaret.

Neque tamen inter tam multiplices distractiones & labores unquam amittebat DEI præsentiam, quem ubique semper, & in rebus omnibus intuebatur, adorabat, alloquebatur, atque singula ad ejus amorem referebat, ut tota ejus vita, omnis actio, verissima fuisse dici possit & perpetua oratio. Rosaria honori Virgineo terna quotidie, & si magis vacaret, octona recitabat: conscientiam sexies in die ad examen accuratum evocabat; Angelum verò Custodem tantâ familiaritate adstrinxerat, ut quotidianum haberet, quacunque horâ voluisset, à somno excitatorem; imò & lumine quandoque noctu egenti, igne excitaret. Nec rarò visendas se offerebant è Purgatorio migrantes ejus beneficio animæ, ut gratias pro suffragijs referrent: & Huetæ quandoque doloribus capitis afflictum invisit DEI para, ac post cœleste ultra dimidium horæ colloquium, cubiculum suavissimo, supra omnem ambram & terrestre suffimentum, odore redundans reliquit. Cum ingens siccitas Caravacam affligeret, ad publicas supplicantis populi orationes, Franciscus novenam de suo adjecit ad B. Virginem variarum precum, & gravissimarum corporis afflictionum: quibus cum nihil aheneum moveri cælum videret, aliam novenam addidit honori SS. Sacramenti, tantâ contentione; ut defectus viribus omnibus, abrumpere pœnitentias cogeretur.



geretur. Manè igitur quodam blandissimè illum allocutus Christus Dominus, *unde, quærit, tantopere debilis & fractus es fili? cur à postulanda è cælo pluvia destitisti? hæcine est fiducia, quam te habiturum promittebas, licet anno integro ne guttam quidem plueret? bono & lato animo esto, siquidem jam nunc desiderio tuo facio satis.* Et ecce mediæ spatio horæ obductum nubibus cælum, copiosissimam dedit pluviam: quam & aliàs gravissimè iterum siccitate afflicta patriæ impetravit, novenâ suarum devotionum honori DEI paræ necdum evolutâ. Sed plus admirationis habuit ab eodem impetratus sitienti solo Villaregij imber, cum jam fame incolæ laborare cœpissent: nam ad Francisci preces, innube penitus & serenissimum cælum, momento copiosissimam effudit aquam, quam idcirco incolæ miraculosam vocârunt. Denique nihil erat quod seriò à liberali DEI manu posceret, & non impetraret. Molestum aliquando & prolixum iter agenti, vires & animus ad progrediendum defecerant, quòd pedibus etiamnū febricitanti emetiendum esset, nec quidquam cibi reficiendo corpori, neque hospitium, aut locus ullus ad quietem adesset. Itaque fractus animo, cum resedisset ad cujusdam petræ radicem, vidit in ejus cacumine aviculam inusitatae formæ & pulchritudinis, cujus aspectu mirè se recreari sentiens, *ô Domine! suspiravit, si propius hanc aviculam accedere juberet!* at illa mox veluti imperium sentiens, proximè Franciscum confedit, quietissimè manum illius capientis præstolans. Quam ubi in manibus suis intuitus est, non se capiebat præ animi dulcedine, quam illi ingerebat considerata pulchritudo, bonitas, & sapientia DEI, simulque omnis ab animo tristitia, & à corpore lassitudo depulsa est.

Atque hæc ferè fuit conditio omnium à Divina manu ipsi submissarum consolationū, vel enim in præmium & remedium immittebantur gravissimæ alicujus afflictionis, vel imminens proximè tribulationem præcurrebant. Quadraginta totos annos exagitatus fuit tentatione adeò molestâ, ut pœnas & supplicia inferni degustare videretur, magnūmq; dolorem ex compassione moveret Confessarijs, & Superioribus suis: & tamen nunquam de malo ullo, doloribus, & infirmitatibus suis conqueri auditus est, sed è contrâ gratias impensè DEO, tanquam pro singulari favore referre, & preces aliorum ad DEO gratias agendum implorare. Solebat etiam ex ea, quam in se ipso habebat experientia, dicere, pluris à se fieri infirmum, ægritudinem cum

patientia sufferentem, quàm pœnitentem aliquem spontaneis afflictionibus ad sanguinem usque corpus suum persequentem. Inter reliqua, quibus à dæmone exagitatus est, fuit etiam pœna ranarum, ab Angelo percutiente, Pharaoni in Ægyptijs illata: quocunque enim oculos obverteret, quidquid attingeret, ubiq; super mensa, sedilibus, lecto, & pavimento, fædissima hæc occurrebant insecta, & venenatissimi affliebant bufones; adeò ut id etiam quòd manderet & biberet, meri bufones & ranæ in faucibus suis viderentur. Quibus tamen omnibus seu internis, seu externis malis, nunquam patientiæ vel minimum perdidit, sed quòd gravius hæc intenderentur, eò plures afflictiones spontaneas addebat de suo, quòd hac ratione leviores à dæmone immixtæ evaderent calamitates. Quare neque septuagenarius cilicium deposuit, & somnum vestitus, in nuda tabula, etiam postremis vitæ annis capere perrexit; frigori arcendo nihil summâ etiam hyeme remedij adhibens, ut idcirco manus pustulis turgidæ, flaccidæ, & propè exangves evaderent. Ad hæc autem omnia alacriter subeunda, excitabat animum ingenti illo solatio, quod in morte experturus esset, si quàm plurima & acerbissima DEI amore in vita perpeteretur. Ejus enim amoris sitientissimus exclamabat sæpissimè: *ô utinam te mi DEUS amavisset ab ipso utero matris meæ! ô utinam hæc mihi felicitas obtigisset, ut nunquam aliud ambivissem, nunquam aliud desiderassem!* Is verò Creatoris amor, parens fuit in illo amoris erga suas creaturas, ut eis omni conatu ad consequendam salutem æternam auxilio veniret: sentiebat enim legitimum Societatis filium nec passum unum facere debere, qui non emolumentum afferret proximo, sive docendo quanta dignitas sit DEI, ut à nobis ametur, & statuatur centrum omnis beatitudinis: sive avertendo à peccatis, quibus tam indigna summi boni cum vilissima voluptate sit commutatio. Ad hunc porro zelum perinde nos debere excitari dicebat, velut si videremus puellam quampiam adhuc infantem, summo Principi in sponsam assumptam, interpellari à lixa vilissimo, & ad suas libidines prenari: quàm profectò necdum satis fortunam suam discernentem, non omitteremus periculi admonere, & ad fidem sponso Principi servandam efficaciter hortari. Cum ergo perinde negotium se habere censeret inter seculares & dæmonem, dum illos à DEI amplexibus avulsos, ad peccatum inducit; tanto sese ardore vitij opponebat, ut cuicumque quantumlibet inveterato peccato-

ri vir-



ri virtutem svaderet, is continuè vitij nuncium remitteret; aut si pertinax reluctaretur, paulò post vindicem DEI manum, duritiam suam plectentis sentiret.

Villaregij Civis erat Collegio vicinus, lingvæ in blasphemias & maledicta prorsus effrenis; quibus magno, pijs auribus, erat offendiculo. Varijs tentatis remedijs cum nil obtineretur, missus tandem est ad maledicentiam viri edomandam Franciscus; ad cujus primam ferè allocutionem homo penitus animo mutatus, atramentum poposcit & calamum, velut fidem suam de futura seria emendatione scripto obstricturus. Interim verò confessionem de tota vita exactissimam chartæ mādavit, & Sacerdoti deinceps recensuit tot lacrymis, & vitæ melioris ita seriò propositò, ut nullum maledictum ab ejus ore ultrà prodierit. Pari felicitate nobilem lusui perditè addictum, eoque à conjugē, multorum scandalo, pertinaciter dissidentem; & alium lascivis amoribus ad insaniam deditum, uno alloquio ita infregit, ut deinceps pueri instar nutibus Fratris obsequentes se exhibuerint, & præscriptum vivendi modum constanter, magnâ omnium ædificatione, observârint. At e contra nobilis adolescens, cum multis Francisci monitis & hortatibus odia, quæ cum parente exercebat, ponere nollit; vicinam illi præ foribus mortem, quam DEUS filijs, parentes inhonorantibus, prædiceret, minatus est: vixque triduo elapso adolescens repentino malo exanimis concidit. Alius è discipulis Francisci vitam licentiosam, supra quam ætas illa solet, ingressus, abusus pecunijs, quas mater è patria submittebat, & favore avunculi curati Ecclesiæ Villaregij, cum monita & reprehensiones omnes flocci penderet, tandem zelo quodam incensus Frater, prædixit, nisi resipisceret, paucis diebus illi imminere gravissima mala; néve fideret in matre, avunculo, vel opulentæ hæreditatis spebus, hæc enim omnia amissurum. Paulò post invisurus matrem juvenis, veniam à Francisco patriam repetendi postulat; quem ille denuo commonitum, ut sapere vellet, jam enim aliqui mala quæ prædixerat instare, dimisit. Vix aliquantum viæ confecerat, cum obvius illi notus è patria civis rogat, quo properet? ad matrem, respondet juvenis, quam multo tempore non vidi. Atqui frāstrū hac causâ peregrinans, subjicit iste, mater enim tua jam vitâ discessit, cujus sepultura egomet interfui. Consternatus & in lacrymas solutus juvenis, viam nihilominus prosequi parabat, quò forori saltem pupillæ solatio foret: sed & hæc, addit

viator, & quidem paulò ante matrem expiravit, suæque morte, oppressæ doloribus matri causa repentini obitus fuit. Heu me miserum! exclamat adolescens: at saltem, si nil solatij inter domesticos parietes sperare possum, apud avunculum meum reperiam: versisque habenis Villaregium repetebat. At enim appropinquanti ad urbem occurrens quispiam, num intellexisset, rogat, avunculum suum Ecclesiæ Curatum, paulò antè fati concessisse? oppressus tot claudibus adolescens, serò tandem didicit, quàm verus malorum vates Magister sibi fuerit, cujus monita pertinaciter contemptui habuisset.

Multa ejusmodi afferri possent Divinæ vindictæ in contemptores monitorum servi sui exempla, sed duo solum adhuc afferam, & finiam. Nobilis erat conjugatus primariæ familiæ, & magnarum fortunarum, quem alienis amoribus implicitum sæpius hortabatur Franciscus, ut seriam institueret confessionem, & vitam in melius mutaret: quod ipsum moneri à DEO varijs casibus adversis videbatur, si audire objurgantem voluisset. Igitur parum se proficere Franciscus videns, quærit ex eo: num scire velit DEI morem, quem cum hominibus observare soleat? & libenter annuenti, DELUS, inquit, nobiscum agere consuevit, quemadmodum parens cum filio; quem se perperam facere deprehenderit, primum simpliciter monet, ne id iterare præsumat; quòd si negligi monitionem deprehenderit, adjicit reprehensionem, & subinde ictum severiorem: si verò nec id juverit, manibus vinctum & denudatum acerbis flagris sine fine cædit, nec promissis jam, nec lacrymis meliora promittentis moveri ferens. Sic Dominationi vestræ fiet, tot DEI hæctenus increpationes temnenti; evaginabit enim repente contra ipsam gladium ultionis, & usque ad mortem sine misericordia cedit. Et verò quinto necdum evoluto die ita prorsus evenit: obrutus enim repentino malo infelix, cum mortem vicinam seriò adverteret, Franciscum venire rogat; verum advenientem loquendi usu jam dejectus, affari impotens, oculis in eum constanter defixis vivaciùs alloquebatur, dolorem cordis sui & pœnitentiam de contemptis salutaribus monitis declarans. Erat alius parentibus suis amplissimarum fortunarum hæres & filius unicus, qui medio studiorum cursu repente urgere cœpit, ut statum & vestem Clericalem assumere sibi liceret. Tam inopinato filij proposito perculsi parentes, consilij causâ Franciscum adeunt: dissvadet ille multis rationibus, prædicatque si fiat, maximo illis dolori futurum, quod non melioris vitæ, sed solutionis desiderio Clericatum



tum ambiat. Mater nihilominus cæco filij, ut plerumque accidit, amore, urgenti acquievit; & pauculo à susceptis ordinibus tempore experta est, quod Franciscus prædixit; nam filius instar indomiti equi ruptis habenis in omnem licentiam ferri, parentibus gravis esse & importunus, prodigere immodicè facultates; & si negarentur, acerbè cum parentibus jurgari, & tantùm non verbera intentare. Lacrymis & precibus afflicti Patris motus Franciscus, ingratum filium convenit, & modis omnibus saniora persuadere conatus, ubi nil proficere advertit, his verbis absoluto sermone recessit: *utinam Domine fallar, dum præviduo pœnam impijs in parentes suos filijs à DEO intentatâ vobis imminere, & jam præ foribus esse! præparante animum ad felicem mortem, brevissima enim vobis restat vita.* Et verò pertinaci horum omnium contemptori pauculi fluxère dies, cùm miser repentino fato obrutus, exiguam spem suis reliquit consecutæ salutis, eo ipso in loco, ad quem ingratis parentum refractarius se receperat, ad DEI tribunal abreptus.

Atque hæc ferè sunt, quæ de virtutibus & gestis magni hujus servi DEI comperimus, quibus illum DEUS ad quietissimam mortem parare dignatus est, pridem anhelantem corporeis vinculis exolvi, & Christo conjungi.

*Ex ejus Vita P. Francisci Cortès, & Nierembergij Tomo 3.*

Uno mense ante mortem occurrerat illi in DEUM veluti absorpto Collegij Rector, & pro solatio dixerat: *felicem te Frater Moreno, qui majore vitæ parte absolutâ, pene manibus jam tenes speratam æternæ beatitudinis laureolam!* cui ille, *certus sis Pater,* inquit, *nullâ me hujus rei curâ vel cogitatione tangi; solum id unicè me sollicitû tenet, quomodo indies magis placeam DEO, & impleam in omnibus ejus sanctissimam voluntatem.* Ità porrò in colloquijs per ultimos vitæ dies de morte sua sermoinabatur, tanquam de re, cujus nullo metu aut consideratione moveretur: monitus verò à Rectore ex Medicorum sententia, illam haud procul jam abesse, tanto repletus est solatio, quantum sæculi amatores demonstrare solent, dum ijs copia rei maximè omnium desideratæ adpromittitur. Quin etiam addidit, nihil sibi pro transitu hoc ad æternitatem remanere disponendum, quippe cùm pridem antè omnia illuc servientia providerit: atque ita plenus quietis & securitatis, animam DEO placidissimè reddidit Villaregij anno 1606. ætatis 72. initæ Religionis 46. Vulgata per Urbem viri omnium opinione sancti mors, acerbò sensu Cives perculit, & præter populum etiam Clerum civitatis ad parentandum servo DEI excivit, nomen autem hodièque gratâ & perenni celebratur memoriâ.

## P. JOANNES SEBASTIANUS DEL CAMPO.



**S**assaris primaria Insulæ Sardinia Civitas, Patria fuit Joanni, Parentibus honoratis & pijs in lucem edito anno 1526. quibus nihil æquè curæ fuit, atque filium in literis & pietate Christiana optimè institui. Verùm in studiorum progressu crescente ætate, spem illorum non modicè intervertit, pravorum sodalium (ut plerumque improvidæ juventuti accidit) familiaritate seductus, & procul à virtutis & diligentia literariæ tramite averfus: neque enim tum adhuc Societas erat nata, aut Gymnasia educandæ juventuti excitata. Respexit nihilominus indolem, alioqui ex se ad honestatem pronam, benignus DEUS, & ad frugem solis interioribus impulsibus, nullius hominis svasione accedente, reducto, propensionem etiam iniecit ad statum Ecclesiasticum, quem studijs absolutis suscepto Sacerdotio complexus est. Cum quo repentè animo totus immutatus, cæpit terrena omnia fastidire, spretisque rebus caducis

toto animo in cœlestia ferri, magnâ omnium familiarium admiratione. Eoque viri processit ardor, ut humanæ conversationis fugitans, se penitus in Sacellum quoddam Nosocomij Virginis Annunciatæ Sassari abderet, operam omnem pauperibus ægris (quod illi deinde per vitæ decursum solenne fuit) impensurus, & devotioni suæ secretò vacaturus. Ibi vitam propè Eremiticam auspicatus, totum se meditationi rerum cœlestium, & operibus pœnitentiæ addixit, novis quotidie favoribus à DEI para, quam impensissimè colebat, præventus; nam quovis Sabbato perseverabat ante ejus imaginem in oratione de genibus usque ad mediam noctem, idque gelidissimâ etiam hyeme: præter horas Canonicas dicebat quotidie Virginis Officium, Rosarium, Psalmos Pœnitentiales, & Graduales, Officium item pro defunctis, de S. Cruce, & Spiritu sancto. Missam dicebat quotidie, præmissâ ad semi horam præparatione, & tantundem prolixâ gratiarum actione: jejunium Quadragesimale, ferias per annum sextas, & Sabbatha.





*P. Ioannes Sebastianus del Campo Soc. Iesu, Sardo,  
à Daemonibus crudeliter persape habitus, easdem à cor-  
poribus et animis Peccatorum exigebat; vitæ sancti-  
tate, et magnis in omne genus hominum editis bene-  
ficijs conspicuus, extinctus Sassari à 608. 6 Aug. Aet. 82.  
60.*

tha omnia, traducebat in pane & aqua, idque per omnem deinceps ætatem retinuit: corpus denique flagellis, cilicijs, vigilijs, ceterisque asperitatibus divexabat. Miseratio in egenos, non tantum qui Hospitali continebantur, sed & in alios fuit tenerrima: quotquot enim resciebat ope aliorum destitutos per Urbem, aut foris necessitatibus premi, magnâ charitate subveniebat; subtrahendo, quantum posset salvâ vitâ, de suo, & reliquum totum, in miseros partiendo. Quare de pane & appositis edulijs nunquam ultra dimidium absu- mebat, æquâ cum pauperibus factâ divisio- ne: quò fiebat, ut nunquam penitus sedatâ fame à mensa rediret. Atque his artibus ple- num sui dominium, & victoriam de carne ob- tinuit, habitusque totâ Urbe pro homine, sancto; plurimos ad sui imitationem pertra-

*Societas Europæa.*

xit, in colenda præsertim DEI Parente, cujus beneficio omnia, quæ DEUS in se operaretur, adscribebat.

Accidit interea, ut gravis negotij apud Regem Catholicum expediendi causâ, coge- retur Archi-Episcopus Sassaritanus, Salvator de Alepus, vel ipse Regiam accedere; vel ca- pacem sui loco Virum ablegare: quare ne Ec- clesia per suam absentiam damni aliquid pa- teretur, Joannem frustra reluctanter delegit, eidemque rebus ex voto compositis reverfo, opulenta Sacerdotia & Canonicatus obtulit: quos tamen ille efficaciter deprecatus, solitu- dinem suam & Hospitale repetijt. Inter permultas per hanc peregrinationem à DEI- para receptas gratias, & dispulsa terrâ marq; præsentissima pericula, singulare & prodigio- sum fuit, quod redeunti per Catalauniam eve- nit.

A a a



nit. Incidens enim in latrones, rebûsque omnibus exutus, nè Magistratibus scelestos prodere posset, ad silvam deducitur, & arbori, mucronibus confingendus, alligatur. Cæpit hic occisores suos deprecari, ut copiam saltem sibi facerent, absque Sacramentis omnibus morituro, tantisper DEUM orandi, & spiritum in manus ejus commendandi: tantumque apud efferatos deprecatio potuit, ut genibus terræ innixum, brachijs nihilominus & pectore arctè arbori funibus adstrinxerint, nè se commovere posset, spatio etiam orandi indulto. Tum ille oculis & animo ad Virginem Montis Serrati converso, cæpit ardentissimè opem illius implorare, animamque ferro mox elidendam in manus ipsius commendare: & ecce repentè deprehendit se vinculis omnibus liberum, neminemque ex latronibus, cùm diu partes in omnes circumspiceret, amplius præsentem vidit. Quare gratijs DEI paræ redditis, Montem Serratum properavit, ut novo Sacramento Virgini inservum se offerret: indeque per Barcinonam, navigio conscenso, Sardiniam repetijt. Neque diu ab reditu solitudine suâ perfrui DEI para Joannem passa est, perpetuis stimulis agitata, ut magis proximorum quærendæ salutis se impenderet; quò videlicet sensim ad complectendam Societatem tum nascentem disponderetur. Itaque hominibus ex Eremitio sua veluti restitutus, cæpit prædicatione, Sacramentorum administratione, & privatis alloquijs, promiscuè omnibus adesse: scholam quin adeò publicam Grammaticam, in summa illa Insulæ ruditate, de qua alibi dicitur, instituendis abs se pueris, aperuit; horis ita aptè ad singula ministeria distributis, ut omnibus unus satisfaceret. Et quia major inde omnibus de sanctitate Viri opinio crevit, certatim parentes omnes suos illi filiolos committere amabant: quibus leges primariò servandæ propositæ erant; Beatissimam Virginem omni amore & veneratione prosequi: octavo quoque die sacrâ confessione expiari. Et quia reliquis etiam virtutibus instillandis aptas pueritiæ adhortationes quâvis occasione adhibebat, plurimi ex ea disciplina ad varias deinde Religiones, præsertim ad Societatem, Magistri exemplo, se recepêre. Neque contentus pueros sibi commissos cælo educare, ad parentes eorundem DEO lucrandos curam suam extendit; & tam hos, quàm alios permultos ex ordine seculari, & Ecclesiastico, ad seriam salutis suæ curam permovit. In his præcipui fuêre, Medicinæ Doctor Laurentius de Alisa, à quo in Philosophia instructus

Joannes, illum vicissim doctrinâ cœlesti utiliore imbuir: & Onufrius de los Montes Sacerdos, magnus deinde in Societate DEI servus: Joannes Pogio, in eadem postea Societate per Sardiniam Provincialis! & Joannes Petrus Antonius, singulari virtutis opinione, in Madritano Collegio virâ functus.

Neque interim juratus virtuti defuit adversarius dæmon, cujus ignibus succensa persona illustris, & amore viri, aspectu, staturâ, & compositione tota decori, capta, pedicas ejus castimoniam fatales instruxit. Consciam cupidinis suæ ancillam instruxerat, ut admisso in intimum conclave, velut ad confessionem agnientis audiendam, Sacerdote, portam securè obseraret: quem nullâ finistrâ suspitione ingressum, cæpit hæc omni arte, & muliebri fallaciâ sollicitare, ut jam neque relicto in manibus Domine pallio effugere nudus cum Josepho posset. Tentavit ille quidem summâ contentione mulierem, ab insania detertere; ubi tamen nihil proficere se vidit, conclave circumspiciens, advertit ad pedem lectuli positam secessui necessario sedem; in quam cubito immisso, (quod idem à P. Oliverio Manareo, & P. Claudio Aquaviva factum legimus) faciem totam sordibus ejus infecit; itaq; de Venere, neque aspectum hominis tam sordidè deformis ferente, triumphans discessit. Gravior tamen paulò post illi supervenit tentatio, cujus victor non tantum evasit ipse, sed & alios plurimos ad eandem gloriæ palmam feliciter evocavit. Dum Joannes summo conatu laboranti Patriæ opem ferre in educanda juventute studeret, advenere Sassarim è Societate P. Balthasar Pinna, & P. Franciscus Antonius, auspicando Collegio destinati, quod fundaverat Alexius Funtana Secretarius Caroli V. Cæsaris. Quos ubi Scholas Gymnasticæ Juventuti aperire, & Societatis Institutum per omnia desiderijs suis congruere advertit, discipulis suis omnibus ad easdem ablegatis, Valentiam trajicere ad Hispanos decrevit, tum ut Theologiæ, quam necdum audierat, operam daret, tum ut receptum in eandem Societatem exoraret. Solvit in navigio sub annum 1562. eoque (ut sunt inscrutabilia DEI judicia) pro Valentia, Algerium Maurorum in Africa Urbem, ad multorum infidelium salutem de- vectus est. Et videtur Dominus consilium hoc suum Patrem minimè celasse; si quidem vitia nautarum grandi zelo frustra identidem reprehendens, imminem à Mauris captivitatem verissimus vates illis minabatur: quorum piraticas naves è summo malo conspicias,



etas, ubi effugere labore casso conabantur, ardentissimè omnes hortari cæpit, (erant enim vectorum plerique in flore ætatis, atque ideo magis de fide deferenda periclitaturi) ad eandem retinendam, mortemque pro ejus confessione subeundam. Certatum aliquamdiu acriter est, propugnantibus navigium fortiter Christianis; donec cum præcipuis militum cæso duce, spontaneâ deditione, Mahometanorum cessit potestati. Reliquis in vincula conjectis, sævitum præcipuè est in Joannem, quod eum Sacerdotem esse intellexissent; quare fustibus & pugnis contusus, & vestibus ad usque indusium nudatus, in solis lineis tibialibus relictus est: cujus tamen misertus infidelium ductor, indusium restitui, pudori tegendo imperavit. Inclusus cum reliquis captivis angustissimo, ponè ipsam sentinam, angulo; parum abfuit, quin prædore loci & fœtore, indèque ortâ respirandi difficultate, emoreretur, prout aliquot ejus comitibus, in mare postmodum ejectis evenit.

Algerium ubi ventum est, productus venum in forum publicum, magno quidem suo pudore, sed majore animi solatio constitit, quod emptores ejusmodi mercium non prius eas comparent, quàm corpus cum membris omnibus, ipsos adeò dentes, ut in equis fieri solet, tentando perlustrent. Emptus ergo in mancipium cessit uni à Christianis apostatæ Mauro, homini crudeli & feroci, tantæque avaritiæ, ut ad exprimendum redemptionis peculium immanissimè captivos tractaret. Injunctis utrique pedum gravissimis compedibus, certum in agris pensum laboris assignabatur quotidie, majus quàm perfici à debili, & rusticationi insueto posset: ob cujus nihilominus defectum, sub vesperam fustibustories domi malè exceptus, somnum nuda in humo, vel communi captivorum ergastulo, incanatus capere cogebatur. Atque hæc sævi hominis immanitas toto triennio illi toleranda fuit, tanti ab eo æstimata, ut diceret deinde inter suos, non illam à se pro totidem mundis, cum suis omnibus lautitijs, quot in cælo stellæ censentur, commutatum iri. Neque interim retinendæ suæ pietatis negligens fuit: dimidio namque noctis consurgens, preces consuetas Divini officij, & SS. Matris, constanter duabus horis persolvebat; inter diurnos labores meditandis cælestibus ita occupatus, ut nunquam ab animo DEUM dimitteret. Idem quâ monitis & hortationibus, quâ Sacramento Pœnitentiæ captivis omnibus aderat, non sinè manifesto vitæ, si res emanaret ad Dominos, periculo: maximè cum

*Societas Europæa.*

Renegatis compluribus (ita vocant à Christo ad Mahometem apostatas) auctor esset ad Fidem redeundi. Denique singulari industriâ comparato ad Divina celebranda mysteria, apparatu, transiit cum alio Sassaritano adolescente captivo, Joanne Cordela, cui mitior herus obvenerat, ut sabbatinis diebus auxilio sibi esset ad labores agrestes, etiam pro Dominica assignatos, perficiendos; ut eo die Sacris in carcere operari, expiatis Christi corpore captivos reficere, concionem habere, & cum Renegatis agere posset. Quam adeò egregiam Cordelæ charitatem DEUS munificè expendit, liberum jam à captivitate in eandem Societatem vocando, in qua Coadjutoribus temporalibus accensus, maximâ sanctitatis opinione Sassari decessit. Atque hæc omnia tantâ egit cautelâ, ut nihil unquam heros suo, à quo alioqui certum illi exitium imminabat, suboluerit: fatentibus post sui redemptionem captivis, nisi Patris auxilio & solatijs adjutos, calamitatum intolerantiâ, fuisse proculdubio ad Mahometem defecturos. Præter hos in Fide Christi servatos, longè major eorum fuit numerus, quos è Renegatis Ecclesiæ restituit, & securè ad Fidelium regiones promovit: datis undequaque ad Fidei Inquisitores literis, ut paternâ benevolentia & lenitate reciperentur: suæ interea fortis ita incurius, ut attento singulari in tot perditis animabus per suos conatus profectu, optaret nunquam pristinæ libertati restitui.

Nihil verò majore curâ captivis inculcabat, quàm fiduciam & pietatem in SS. Virginem, ut ejus Rosarium dicerent quotidie: utque efficacius id persvaderet, retulit in concione quadam multos sibi ab ea præstitos per idem tempus favores, narrando etiam visibilem sibi apparuisse multâ luce & gloriâ, cum eandem ipsius honori coronam nocte pertexeret. Magis autem particulares circumstantias recensendo uni è confidentioribus, Gavino del Frasso, addidit, eandem SS. Matrem attulisse tunc sibi copiosum Rosariorum numerum, in singulos captivos partiendum: è quibus unum Gavino tradens monuit, ut quotidie devotè idem absolveret, fore enim ut præmij loco libertatem certò consequeretur, quod & evenit. Nec minùs admirandum est, quod cum eodem adolescente Gavino Patri accidit. Cum enim ceteris crudeliùs à Mauris haberetur, & plagis dirè vexaretur, ut ad Mahometem deficeret; tandem animo fractior induci passus est, ut die quodam Turcarum vestitu incedere admitteret, indutus tunicam purpuream auro intertex-

Aaa 2.

tam,



tam, & trabeam cum chlamyde argenteam. Incidit fortuito in juvenem ita ornatum Pater, graviterque reprehensio atrocitatem facinoris adeo vivaciter ob oculos posuit, ut vestem humi abjectam pedibus generose calcaret. Damnatu eâ causâ ad ducentos fustigationis ictus, ipso pene motu exanimabatur: sed solatus illum Sacerdos, DEI nomine spondit, nullum dolorem exinde, neque deinceps ab ullis verberibus percepturum: idque ita penitus sibi evenisse; juratus postmodum Gavinus asseruit.

Verum placuit Numini, servum tot adversis probatum, cum copiosa præda servituti dirissimâ modo prodigioso eripere. Erat Algerij inter Cives primarius, & prædives Renegatus, patriâ Italus Genuensis, in copiosa familia magnum è Christianis mancipiorum censens numerum; à quibus multa de sanctitate Patris inaudiens, cœpit secretis colloquijs cum Viro agere; paucisque vicibus, movente conscientiam hominis Divinâ gratiâ, miserabilem suum statum, & animæ discrimen exhorrescens, constituit Fidem, adeo turpiter à se negatam profiteri. Sed res erat plena periculi & difficultatum: uxores, Turcarum more complures, cum majore prolium habebat numero, divitijs & delicijs super alios plerosque affluebat; & hæc omnia perpetuâ egestate commutaret? sed neque via apparebat seu solitario, seu cum charissimis prolibus ad Christianas partes evadendi, ob sagacissimas speculatorum in portubus ubique dispositas vigilias. Quæ omnia cum Patri considerata aperuisset, hic verò DEI nomine expeditissimam illi ad effugiendum, securamque viam complanatum iri respondiisset, ante omnia Patrem ab suo hero veluti in mancipium redemit; interim verò tanquam patrem animæ suæ liberaliter habuit, multa super fuga sua, & evadendi modo, jam integrè Christianus, consultans. Aliquot interea lapsi fuere menses, quos nè otiosus in sua libertate transigeret Pater, institit clandestinè cum plerisque Renegatis agere, è quibus magnum numerum Christo conciliatum, in Hispaniam & Italiam, mirè securitatem præstante DEO, remisit. Advenit interea destinatus consilio Patris profugij dies, ad quem comparari capaxius jusserat navigium cum velis: quod ubi adfuit, subductis quæ pretiosissima habebat, primariam & charissimam uxorem, cum prolibus omnibus & mancipijs Christianis, ad transtra remigaturis, in eam eduxit, velut animi & aëris recentis captandi causâ (declinabat enim in vesperam dies) otiose per litto-

ris contermina oberraturus. Negotio ex voto succedente, & nemini subortâ suspicione, quod sæpius fortè aliàs id genus remissionis, more istic non inusitato, Civis idem captasset; otiose vagabatur navis per placidum æquor in littoris conspectu, donec vesper ingrueret; sub cujus crepusculum excusans, apud uxorem ventum contrarium, necesse asseruit præstolari tantisper securiorem receptui auram. Cadentibus interim plenæ noctis tenebris, littoralium prospectu ereptam navim jubet panis velis omnibus Hispaniam versùs propelli; cui Dominus ob meritâ sui Sacerdotis ventum ita faventem concessit, ut die sequenti Majoricam insulam incolumis teneret. Inde navigatum est Genuam, Renegati patriam, ubi postquam illum Pater cum tota felicissimâ familia, & captivorum cohorte, Archi-Episcopo stitit, ipse gloriosâ veluti pro DEO legatione perfunctus, in suam rediit Sardiniam.

Nec mora, recentibus quasi ex tanta calamitate ad novos labores acceptis animis, quò majore perfectione animarum procurationi vacaret, Societatem ardentibus votis expetiit, receptus ad tyrocinium A. 1566. ætatis 40. in quo ea virtutum heroitarum de se præbuit exempla, ut à suo Magistro Francisco Antonio, qui postea Mariæ Austriacæ Imperatrici in Germania fuit à confessionibus, Vir sanctitatis consummatæ haberetur, & ab obitu tanquam unus è Cælitibus invocaretur. Exactissima regularum observantia, quasi ex naturali inclinatione promanans, omnibus erat exemplo, siquidem nullam unquam vel minimam violasse notatus est; omnium tam æqualium quam Superiorum testimonio, nullius quomodolibet culpabilis defectus, spatio 42. vitæ Religiosæ annorum reus deprehensus. Theologiæ postmodum studijs, ut tanto aptior juvandis proximis evaderet; admotus, & ad vota spiritualium Coadjutorum admissus, totum se prædicationi, & confessionibus audiendis addixit: in quibus, alijsque proximorum ministerijs, singularis semper in illo resplenduit charitas, tam in Collegijs, quam in plurimis, quas indefessè obivit, Missionibus. Promptissimus enim quavis diei noctisque horâ erat pœnitentibus excipendis, etiam octogenario major, foris & in templo, in nosocomijs, carceribus, omni hominum generi, pauperibus tamen majore inclinatione quàm honoratis; eosque maternâ quâdam suavitate tractabat, senis septenisve horis manè, nec ferè paucioribus à meridie, in confessionario venientes præstolans; & si multi-



multitudine premeretur ( quod plerique ad eum velut hominem sanctum accurrerent ) prandij cœnæq; immemor, eodem loci ad tenebras perseverabar. Porro sermones & colloquia omnia, privatim & publicè, dirigebat ad animarum profectum, nunquam alia de re verba faciens, nisi de DEO, fuga vitiorum, & virtutum exercitio, cultu SS. Virginis, & meditanda Christi Passione, quibus admirandas animorum mutationes ubique faciebat, extirpatis inveteratis odijs, proscriptis vitijs, & quàm plurimis ad eminentem perfectiorem provectis. Ubicunque verò ageret, præsentissimum erat pauperum refugium, de quo uno ad aliud hospitale cursitabat, omnium pater & nutritius, eleemosynis tam largis subveniens, ut quò major egentium & miserorum cresceret numerus, eò plura Patri afflueret dispendiendi. Ex quo constans omnium fuit opinio, necesse omnino esse, ut in manibus tam sanctis prodigiosè crescerent eleemosynæ, quarum nullus unquam defectus notaretur, licet id pro sua humilitate ipse celaret. Inter hæc tamen eminebat, & humanâ major videbatur, potestas in animos hominum, & quædam cœlestis, omnes angores, tristitiæ nebulas, & perturbationes dispellendi; ut nemo quantumlibet perplexus ab eo recederet, nisi redditâ menti serenitate consolatus. Denique omnis ejus cibus, quies, & refocillatio, sita videbatur in animarum procuratione, quarum studio in Missionibus ita diu noctûq; absorbebarur, ut ad capiendum cibum somniumve adduci non posset, nisi violentè abstractus. Quæ res permovit Illustrissimum Virum Joannem Moros de Molinos, Gubernatorem Regionis, culturæ Patris tum commissæ, ut vicariam à Superioribus Societatis potestatem Patri imperandi, ipsique necessitatem obtemperandi, in rebus ad valetudinem ejus servandam pertinentibus, postularet: quâ concessâ, eam Pater in parendo exhibebat, quovis negotio abrupto, promptitudinem; quâ majorem ipsimet Christo imperanti nequivisset.

Atq; id ab illo extorquebar profundissima sua humilitas, quâ omnibus se subiciebat, hominem nihili se reputans, quem ab omnibus despici, contemni, & proculcari oporteret: virtutes suas & DEI dona, quantum posset, ab oculis hominum occulta servabat; neque gravius accidere poterat, quàm si publico aliquo testimonio Divina Majestas sanctitatem suam palàm faceret. Nam cum frequentius sub Sacrificio, vel oratione, impetu spiritus in altum à terra levaretur, obnitebatur

ipse quoad posset, manibus & pedibus conatus in terra corpus retinere; summo rubore perfundi se demonstrans, si hæc in aliorum oculis sibi evenirent. In vilissimis domi obsequijs primas semper obtinebat, gradu Coadjutorum Spiritualium mirificè contentus: & in primordijs Collegij Algveriensis ( inter cujus Fundatores & ipse censebatur ) habitationem elegit in vetusto stabulo, obscuro & fætido, ex quo tamen prodibat nunquam, nisi dum juvandis proximis necessitas evocaret. Sed & aliàs extrema semper pauperies in ejus enitebat cubiculo, cujus tota supellex erat permodica mensula, lectulus, & sedes lignea; quibus tamen vix unquam utebatur, noctibus humi cubans, & per diem nunquam non deprehensus genibus humi sitens, vel stans ante imaginem Christi cruci affixi, & urceum aquæ lustralis, contra perpetuas dæmonum infestationes. Supellex libraria consistebat in vetusto Breviario, sacris Biblijs, vitis Patrum antiquorum, quas terebat assidue, vel librum quempiam de contemptu mundi. Vestitum novum aut commodiorem admittebat nunquam; neque hyeme pluribus quàm æstate induebatur: cibi omnis ita parvus, ut in ultima etiam ætate, & morbis gravissimis, refocillari aliter vix ferret, quàm pane in aqua calida macerato, cumque micis contriti casei permixto, qui mendicis usitatus ibi est cibus. His adjecit perpetuam internorum & externorum sensuum refrenationem, ut oculos in nullius unquam vultum, aut rem quampiam videndam levare notatus sit, humi constanter in publico defixos retinens, quasi in nullum sibi usum, quàm ad viam gradienti demonstrandam, forent. Postremis vitæ 20. annis omni cum domesticis à mensa colloquio, & quavis animi relaxatione abstinuit, in oratione cum DEO tempus illud traducens; auribus ad omnem humanam conversationem, nisi quam cum proximo de DEO movebat, obsecratis. Cilicium admodum asperum cum poneret nunquam, & vestitus semper cubaret, scatebat mordacibus vermiculis; quos tamen enecare aut depellere non sustinens, si foras in vestitum ereperent, de novo in sinum reponebat. Flagellis in corpus diu noctûque acriter sæviens, nervum etiam bubulum in verbera adhibebat, ictibus haud lenioribus, quàm à Mauris in captivitate expertus esset. Animi potentias omnes Superiorum placitis perfectè subjecerat, neque ullis dæmonum machinationibus ab exactissima obedientia abduci patiebatur. Altâ nocte aliquando, omnibus jam ad quietem compositis,



positis, evocatus à Fratre Janitore, Rectoris nomine (is erat P. Joannes Franco, pluribus annis Saffari Superior) illico accurrit; à quo, negante suo imperio evocatum, redire ad quietem iussus, suspicari coepit à dæmone vexationem prodire: nè tamen in obediendo vel tantillum deficeret, obstinatus etiam dæmoni, dum Superioris nomen interponeret, parere, iterum in ejusdem Fratris persona ad Rectoris conclave accersitus, continuè festinavit: cum hic perinde ac prius abnueret, evocari iussisse. Certus jam diabolicae illusionis Pater, nihilominus tertio, ferè post bihoriū ab eodem excitus, pari alacritate provolavit; jussusque à Rectore adducere Fratrem, qui toties mendaciter Patrem suo nomine interpellasset, Janitorem stitit, sed cum is sanctè asseveraret, nunquam eā nocte pedem cubiculo extulisse; intellexit Rector, dæmonis fallaciā Patrem turbari: præcepitque, nè imposterum, etiam suo nomine cuiuspiam noctu evocanti, pareret.

Orationis studium toto vitæ decursu semper illi in præcipua cura fuit; cui, vel lectioni spiritali, omnes diei & noctis horas, à laboribus Apostolicis, & brevissimo somno vacuas, tribuebat: cœlestibus in ea illustrationibus & favoribus à DEO mirè cumulatus, quas testabantur frequentes ecstases, & corpus à terra sublimè in aëra levatum. Neque tamen in medijs etiam laboribus, & actione cum proximo, tractatus cum DEO intermittebat, quem semper ubique præsentem ferebat in oculis, in lingua, ut neque sciret aut posset nisi de DEO fermocinari. Eoque processit cum DEO agendi familiaritas, ut sapissimè Dominus oculis ejus visendum se præberet, & svavissimo colloquio dignaretur: in Missa præcipuè, in qua sub Consecrationem diversis formis spectabilem se exhibebat. Dicenti aliquando Missam, proximè ad aram assistens persona DEO devota vidit illum Hostiam sacram jam jam sumendam digitis complexum, toto vultu incendi, ac velut extra se rapi, singultire, lacrymis infundi, & toto pectore subsultare, spatio ferè unius horæ quadrantis: tandèmq; dicentem audijt: *Domine non ausim te recipere, nisi ad speciem priorem Evcharistiae redeas*: post quæ magnâ quiete Hostiam sumpsit, & altero horæ quadrante immotus penitus duravit. Sacro finito, eadem persona evocato ad confessionale Patri, quæ vidisset audissetque narravit: quibus ille pudore suffusus, & ex proprijs verbis proditum se, ita permittente DEO, videns, subjecit: DEUM infantem sibi vivā specie pro Evcha-

ristia in manibus apparuisse, dixissetque: *quare me non recipis?* ideoque se respondisse: *Domine non ausim te recipere, nisi ad priorem formam redeas*. Aliàs eadem sacrificanti præsens, vidit illum post sumptam Evcharistiam à terra elevatum, atque ab ejus ore radium tantī splendoris emicantem, ut illius lucem ferre impotens, oculos obtegere cogeretur: quod ipsum ubi deinde Patri retulisset, respondit, radium hunc non ab suo ore, sed à Christi præsentis Divinitate, qui splendor est Paternæ gloriæ, dimanasse. Iterum verò cum Sacrum publicè in copiosa hominum multitudine diceret, dicto ante ipsam Communionem: *Domine non sum dignus*, aliquamdiu suspensus hæsit; ac tum magnâ omnium admiratione, subito altâ voce, JESUS, JESUS, JESUS! exclamavit; subjecitque paulò post: *Domine obsecro, redi ad formam priorem, quia non sum dignus, neque possum ita te sumere*. Atque ejusmodi apparitiones fuere præfrequentes, in quibus modò patientis formâ, vulneribus concisus Dominus se illi in sacra Hostia exhibebat, modò gloriosus: prout facilè colligebatur ex verbis & affectibus interim in ipso notatis: tantâque luminis vis aliquando ab ejus ore, dum ad populum conversus, precaretur *Dominus vobiscum*, erupit; ut casula, quâ induebatur, viridis coloris, planè candidum videretur induisse. Aliàs verò in ecstasim sub Sacrificio abreptus, durabat in eadem pluribus horis, ut nullatenus ad sensus revocari posset, & pœnitentes illum ad confessionalis sedem præstolantes, domum vacuos redire oporteret. Sanè à Patris morte in juridico processu fuere diversi jurati testes, quorum aliqui decem & pluribus vicibus sacrificanti Patri præsentem, ejusmodi prodigiosos eventus notavere. Qui verò litanti de Societate ad altare servivere, advertabant quasi ordinariè, cum reliquo Missæ tempore, senilia membra vix sustineret, à Consecratione tamen SS. Sacramenti usque ad Communionem, vix summis pedibus insistere, & non raro toto corpore ab solo levare.

Ex tam arcto cum Divina Majestate commercio, varia cordium secreta, procul diffusa, & futuros eventus, tanquam si præsentem intueretur, prædicebat. Quædam famula Dñi ægritudine gravi prostrata, vidit nocte quadam vigil & expectata, more, quo ad ægros solenniter portatur, in domum ubi jacebat, inferri SS. Sacramentum: & cum neminem præter se domi ægrotare sciret, non parum visione hac percussa, existimabat imminentem sibi mortem eâ prædici. Invisit eam manè sequens.



sequenti Pater confessionem excepturus, quæsitque ultro, num eâ nocte contigisset eam metu percelli? affirmantem verò iussit timorem ponere, neque enim spectaculo viso ejus mortem portendi, sed alterius in domo personæ, tum quidem integre sanæ, sed paulò post repentino obitu extinguendæ. Attonita mulier hærebat, unde visio, de qua nemini mortalium quidquam aperuerat, Patri innotuisset? sed ille ultrà quærebat, num personam cognovisset, ad quam delatum est SS. Sacramentum? & neganti sibi ejus videndæ copiam fuisse indultam, eò quod missus à Sacerdote unus Acolytorum oculos sibi clausisset; unde solùm licuisse audire dici de more ante communionem usitato: *Domine non sum dignus. Bene mihi nota est persona illa*, subjecit Pater, *sed non expedit nunc à te sciri*; perrexitque circumstantias omnes, & seriem visionis pertexere, ac si & ipse præsens affuisset; declarans Sacerdotem SS. Sacramenti bajulum fuisse ipsummet Christum Dominum, Ministros autem ceroferarios, & odoribus tam admirandis Eucharistiam incensantes, exstitisse Angelos, *quos nōne advertisti*, inquebat, *longè aliā reverentiā SS. Sacramento adfuisse, quàm soleant homines?* explicando simul fulgentissimam lucem ex vultibus eorū promicantem, & cælestem symphoniam, quā illud prosequébantur, licet ipsa nesciverit, an hæc intra domum, an foris exhiberentur. Tandem verò & mysterium visionis illi aperuit; quòd videlicet una è domesticis persona, multum DEO accepta, paucis diebus morte subitanæ decessura esset, quam tamen sinè Sacramentis minimè obituram, visio significaverit. Et ecce paulò post ædium Domina, Clara Sasso, mulier eximæ virtutis ex tertio Ordine S. Francisci, in Templo Collegij, SS. Sacramento refecta, in reditu domum deliquis obruta, spatio duarum horarum animam efflavit; ingenti ægræ illius solatio, quòd ex Patris prædicatione certa esset, sanctè vitā functam, quæ sibi in vivis matris loco fuisset. Philippa de Cervellon, Comitissa de Sedilo, magnā tristitiā opprimebatur, credens maritum suum Bernardinum de Cervellon, Genuæ extinctum, quò gravis invaletudinis curandæ causā discesserat, & nihildum nuncij ad conjugem remiserat. Itaque cum dolorem suum Patri, quo ad confessiones utebatur, explicuisset, veruit sollicitam esse, Comitē enim optimè valere, neque ampliùs Genuæ moram ducere; quæ etiam causa esset, cur nihil ad eam literarum veniret. Paulò post nuncius advenit, qui dicta Patris, reddidit à

marito epistolâ confirmavit, quòd optimâ utens valetudine Mediolani subsisteret. Similima huic fuit altera prædictio, facta Comitissæ de Elda, cui de vita absentis conjugis, Sardinia Pro-Regis, summopere anxietas, timorem omnem suo de illius incolumitate vaticinio exemit.

Invisenti aliquando Patri nobilem matronam, occurrit una è pedissequis juvencula aquam è fonte deferens; hanc Pater in Domina præsentia acriter objurgavit, & exprobrauit certas petulantias, & vitæ solutioris actiones, quibus in æternum exitium traheretur: atque hæc dicendo, lacrymis ubertim infundebatur. Replicuit procaciter illa, quærens, unde hæc talia ipsi innotescere possent? fassa nihilominus ab ejus discessu domesticis, vera sibi à Patre fuisse objecta. Neque deinde apud Heram celavit Pater, ad lacrymas se idcirco adactum, quòd prævideret perditam puellæ vitam, & lamentabilem exitum: pro ut etiam evenit. Reductam à pellicatu mulierculam quidam Societatis Sacerdos matronæ gravi commiserat, cujus exemplis & monitis in bene cœptis, & Sacramentorum frequentatione perseveraret. Neque hæc expectationem demonstrationibus externis fellebat, prolixis orationibus, pœnitentijs, & flagellis voluntarijs ipsam Heram exuperans, ut hæc illius consortio exultans apud Patrem Sebastianum sibi multum gratularetur. Verum errorem credulæ detexit Pater, fictè hæc omnia à Veneris mancipio simulari afferens, quæ pro corpore suo parietinas flagris verberaret. Hæsit attonita mulier, unde id Patri compertum foret, cum nihil ejusmodi à quocumque domesticorum adversum esset? verum secretò observatâ mulierculâ, verum dixisse, apprehendit, & perfidam domo ejecit. Quidam Societatis Frater de se testatus est, cum adhuc in seculo scholis operam daret, venisse ad confessionem Patri Sebastiano faciendam, in cujus decursu injecto repente à dæmone pudore, certum peccatum omisisse. Verum finitâ peccatorum enumeratione monuit Pater, ut adderet peccatum, quod adhuc occultum retineret, *vide*, inquit, *fili dæmonem tibi retro adstantem, & pallium contorquentem, nè confitearis peccatum, quod reticuisisti*. Hæsit attonitus horrore juvenis, vidensque Patri secretum suum cœlitus revelatum, lubens jam volensque aperuit. Persona quædam pietati & virtuti addicta, certum domi suæ laborem circa medium noctis prosequébatur; cum repente in conclave molossus ingens & nigerri-mus irrui; eamque, priusquam ad aquæ lustralis



stralis urceum procurreret, humi stravit, semianimi in deliquio relicta, ut aliquot deinceps diebus domo egredi nequiret. Restituta sibi Collegium illico petijt, & non reperto suo Confessore, Patri Sebastiano peccata aperuit, nullâ casûs istius factâ mentione, quem ordinario Confessario reservabat. At is ultro infestationem à cane nocturno illi objecit, asserens dæmonem sub ejus specie fuisse: monuitque plures impofterum ejusmodi insultus ab Orco passuram, à quo & splendores illi prodirent, sæpius in ejus cubile per fenestras noctibus illabi soliti: sed confideret in DEO, assiduâ oratione certam semper de hoste victoriam relatura.

Matthæus de Campo, honoratus Saffari Civis, Patrique Sebastiano cognatus, in eam multo tempore incidit animi tristitiam, ut inconclave se abdens toto triduo & quatrinduo neminem ad se admitteret, proximûsque mania à Medicis crederetur. Afflictissima cum prolibus conjunx, Sebastianum remedij causâ accedit, qui maritum, dum profundissimâ melancholiâ opprimeretur, ad Collegium adducit, suoque cubiculo ad plures horas includit, ardentissimè interim DEUM pro hominis incolumitate precatus. Redeunti ad cubiculum ille mirè hilaris, receptâ plenâ animi serenitate occurrit; redûxque ad suos, nunquam satis Patris sanctitatem deprecare potuit, qui omnes melancholiæ suæ causas, & cogitationes intimas quasvis sibi recensuisset, & orationis efficaciam universas simul veluti spongiâ è mente absterfisset. Erat eidem Matthæo filius immorigerus, refractarius, planèque dyscolus, unde magnus erat Parentibus metus, nè publicam honoratæ familiæ aliquando infamiam conscisceret. Verùm solatium præbuit mœstis Sebastianus, asserens brevi in aliam terram navigaturum filium, ex qua nunquam rediturus esset, neque ipsi quidquam deinceps de illo audituri: uti re ipsâ evenit. Matrona quædam gravem à Confessario suo offensam, præter omnem spem passa, in ancipiti negotio, quod illi secretò confiderat, nullum sibi restare credebat remedium vel solatium: hanc Pater Sebastianus, ubi suum confessionale accessit, priusquam verbum ullum proferret, aut signo aliquo dolorem demonstraret, prior affatus: *quid times Domina? ait, & cur adeò affligeris? bono animo esto, negotium quod te angit, exitum habebit quem maxime desideras.* Obstupuit illa, unde cordis sui secretum Viro innotuisset? multoque magis, postquam die altero vidit eventum optatissimo completum, quod

Pater pridie prædixerat, ejus meritis & precibus id sibi concessum nullatenus ambigebat. Ipsam quin adeo captivitatem suam à Mauris divinitus præscivit, prout uni solvere eadem navi in Hispaniam cupienti prædixit, dissuadens nè tantæ calamitati se expositum: cuius tamen ipse penitus incurius, sponte se discrimini objecit, charitate in proximû incitatus, ut captivis inter Mahometanos, quantovis suo malo, prodesset.

Gavinus de Campo germanus Frater Sebastiani, tribus lethalibus hæstæ ictibus sauciis, frustra Medicorum & Chirurgorum tentatâ curatione, morti & sepulchro necessaria omnia, Sacramentis ultimis munitus, paraverat: cùm accitus ad morientem Sebastianus, varijs spiritûs solatijs erectum, jussit bono animo esse, neque enim hac vice decessurum, sed ope SS. Virginis, cui peregrinationem ad Montem Serratunî voverat, sanandum. Mirari omnes adeò absolutam & securam vitæ, homini desperato sponfionem, quam tamen in corpus redire illico ex dolorum remissione persensit æger. Venère interim ad religanda vulnera Chirurgi, odoramentis adversum effluentis puris factorem armati; quibus cùm æger constanter se planè sanum, & doloris expertem affirmaret, illi rem cominus exploraturi, ligamina solverunt, & ecce vulnera omnia penitus occlusa & confanata apparuerunt, omnibus miraculum evidens acclamantibus; quod Pater Sebastianus Divæ Matris patrocinio, reliqui autem Patris meritis & precibus imputabant. Admovendum erat à Chirurgo Matronæ nobili, spiritali P. Sebastiani filiæ, ignitum ferrum, ad impediendos noxios defluxus; ejus illa ingenti timore & horrore, ut mulieres solent, percellabatur, ideoque Patris precibus se commendaverat. Fecit Pater accuratè quod rogabatur: cùmque Chirurgus vicibus quatuor candens ferramentum non leviter affectæ parti applicuisset, ipsa tamen nullum penitus ejus sensum aut dolorem percepit, perinde ac si alienum corpus, aut marmor adureretur. Aliàs eidem, stomachi doloribus & nausæâ ad mortem ægrotanti, ut cibi nihil retinere posset, auditâ ejus supremâ confessione prædixit, S. Gregorij patrocinio, cui se devoverat, absque dubio sanandam. Et ecce vix à moribundæ domo pedem extulerat, cùm illa ægritudinis omnis expertem se sensit, valensque è lectulo consurrexit. Eadem deinceps annis pluribus lectulo affixa, ex malo Medicis incognito, nunquam cubiculo egredi poterat; donec vice quadam miseram revisens Pater quæsit, an sana



sana fieri vellet ! affirmantique in summis id votis sibi esse ; subjecit : bono , bono animo esto ! Quo dicto, animum intra se, veluti pro ægra DEUM oraturus, aliquamdiu recolligens hæsit ; at interim misera veluti vocem se ad exurgendum incitantis audire videbatur, consurge, consurge ! cùmque diu obluetaretur, conscia invaletudinis, quâ dudum pedibus consistere nequibat : tandem vehementiâ impulsus victa, corpus non tantum facillimè levavit, sed & liberè quolibet progredi per urbem potuit. Clara Zunniga de Pilo, Matrona illustrissimi sanguinis, excelsæque virtutis, graviter auribus affecta, summè dolebat, quòd præsertim neque Sacerdotem in confessione se alloquentem, neque ad aram sacrificantem, perciperet : quare die quopiam Patri Sebastiano confessa, instanter expetiit, ut pro se DEUM precaretur, & sanctum Evangelium super malè affectum auditum recitaret. Fecit id illico Pater per confessionalis cancellos : ex quo eadem ad altare digressa ut Missam audiret, continuè depulsâ furditate, singula celebrantis Sacerdotis verba percepit, ac deinceps bellissimò & constanti auditu usâ est. Multa alia id genus prodigiosè per illum patrata memorantur, quæ brevitatis studio omitto.

Quantò autem liberaliùs sua in P. Sebastianum dona effundebat cœlum, tantò infestior technis & armis suis orcus illum prosequeretur ; & quidem apertè & visibiliter multis verberibus afficiendo, & varijs formis belluarum, spectrorumque infernalium exterrendo. Ità noctibus plerisque audiebantur à vicinis in cubiculo Patris immanes rugitus, ictusque resonantes plagarum, & catenarum tractus, vocésque illius post multos gemitus dæmonibus insultantis : *agite quod DEUS vobis permittit, ego enim ad omnia ferenda paratus sum.* Unâ vice omnibus jam ad quietem digressis, is qui contiguum Servo DEI cubiculum incolebat, orandi an studendi causâ lumen retinuit, ad quem paulò post suam accensurus lampadem, quòd eam dæmon extinxisset, accessit ; cùmque id secundò & tertio faceret, miratus hic quâ toties Patri lumen periret, explorare per se ipsum voluit. Igitur egressus, dum januæ ipsius appropinquat, audit vocem sese inclamantis : *referatque portâ, reperit Patrem utrâque manu fortiter ad eandem januam ferro adstrictum, ut nullatenus se liberare posset. Quærit proinde : quis ejus crudelitatis auctor esset ? nihil refert, respondit Pater, te scire, quis ferrum mihi iniecerit, sed ut hoc me absolvas. Et dicit prius,*

*Societas Europæa.*

instat alter, *sceleris auctorem, si solvi à me desideras :* ursitque eousque Patrem, dum eum proderet dicens : *illa bestia hoc fecit,* Aliàs verò tantâ crudelitate fustibus, raptationibus, in senem desæviebant, ut semimortuus remaneret. Accidit semel, ut Collegium accederet homo ex civitate Confessarium pro ægro postulaturus, ad cujus januam audiens immanem cieri strepitum & tumultum, observare cœpit per ejusdem foramen craticulâ obductum, quid intus ageretur ? & ecce videt Patrem Sebastianum à quatuor ferocibus Mauris raptari, & pilæ instar jactari ab una parte in alteram, & modò allisum solo calcari, modò pugnis, fustibus contundi, tantâ furiâ, ut semianimis Pater exclamaret : *finite me, neque enim amplius quid in me DEUS vobis concessit.* Hæsit aliquamdiu attonitus atroci spectaculo ad januam explorator, ignarus quid rei ageretur ; tandemque cupiens Patri succurrere, proprio illum nomine compellavit. Verùm eodem momento tantus hominem pavor & horror invasit, ut præcipiti fugâ domum proripuerit, plures dies loquelæ, & pene omnis sensus expers ; donec sibi restitutus, quæ viderat, alijs enarravit. Nonnunquam Fratrâ Janitoris mentito vultu, ad diversa agenda, vel ægros invisendos, qui tamen nulli ædibus designatis erant, Patrem evocabat : modò ipsius Superioris personam assumens, ejectionem de Societate illi intentabat : quo nihil gravius primis vicibus Servum DEI percellere poterat ; sed deprehenso astu dæmonis, tantò validiùs in Religiosæ vitæ proposito fixum solidabat. Aliàs equi specie, vel asini, calces Patri illidebat, quem tamen unicâ hac voce abegit : *quâ ratione factum est, ut tam speciosus quondam & superbus Angelus, in turpem adeò formam degenerares ?*

Sed neque in Missæ Sacrificio quietem, & fraudium suarum immunem patiebatur, partim Missale ab ara auferendo, vel in terram dejiciendo ; partim indices, quibus dicenda in Sacro annotaverat, perturbando. Semel iter agentem lapidare aggressus, densum adeo saxorum imbrem depluit, nemine advertente unde, vel quo auctore jacerentur, ut Pater toto corpore concussus, fractis veluti ossibus humi procumberet : cùm tamen præter ingentem ab ictibus dolorem, nulla plaga noxave in membris remaneret. Algverij autem ad vindemiâ missus, dum uvas colligentibus, monita salutis quasi per otium inculcat, exortus repente serenissimo cœlo vehemens turbo, cœpit domûs Vineæ fenestras & portas ingenti strepitu concutere, tantusque inde

Bbb

mu



mugitus audiri, quasi domus tota à fundamentis subrueretur. Jussis nihil indè sibi metueri operarijs, sed intrepidè laborem prosequi, ipse domum ingressus est; unde mox cœpère audiri plurium dissonæ voces, quasi invicem exprobrantium & contendentium, dum magno clamore oggereret Pater: *quid tibi hoc loco vis bestia infernalis? quid queris? facesse hinc.* Quasi hinc de hinc operarij, unde tantus ille domus tumultus? quisve illius concitator? verùm Pater aliud non reposuit, quàm hortando, ut labori suo intenderent. His alijsque innumeris modis per totam Religionis vitam à dæmonibus vexatus, continuum pati videbatur martyrium, à quo tamen nunquam liberari à DEO postulavit, sed magnâ hilaritate & gratiarum actione sustinuit, licet alios à simili infestatione unicâ oratione liberaret. Ità personam quandam iisdem spectrorum afflictionibus subjectam solaturus, magnopere hortatus est, ut potiùs gaudij inde materiam sumeret quàm doloris, neque ab ijs liberationem, sed patientiam magis ad perferendum exoraret: *ô si scires, adjiciens, quàm atrociter quendam mihi optimè notum persequantur infernales hæ larvæ! quàm crudeliter contendant, vinciant, conspulent, proculcent! & tamen semper recedant victi & confusi.* Quia tamen eadem persona post quadriennij in ejusmodi certamine tolerantiam, fragilitati suæ diffusa, ab eo eripi precibus Sebastiani cupiebat, fusâ ad DEUM oratione plenam quietem afflictæ conciliavit. Sed & aliàs mirum in dæmones exercuit imperium, neque solùm in vita locis varijs, & corporibus obsessorum potenter exegit; sed & à morte terrori fuit, ut nullibi auderent consistere, ubi quidpiam ex ejus reliquijs haberetur. Expertus est id Vir pius, in quem totis subinde noctibus crudeliter sævire consueverant; ubi tamen frustillum de solo vestitu Sebastiani collo appendit, insultavere quidem aliquamdiu eminens varijs modis & rugitibus, propiùs tamen accedere, vel contingere nunquam præsumperunt. Neque dubium est multas eundem perpeßum, ab immundis spiritibus in animo interiores luctas, tentationes, & prælia, quæ externis illis tantò sunt graviore, quantò periculosiores: sed de his facillè ex prioribus arguet pius lector, æquè enim de his intraminatus semper & victor triumphavit.

Postquam verò placuit Divinæ Majestati fidelem Servum ad recipiendum æternæ mercedis denarium evocare, voluit id ipsum, unaque diem beati transitus, pridem summopere cupienti vinculis corporis dissolvi, revelare;

& quidem priusquam ullâ ægritudine tentaretur: prout ipsemet pluribus domi forisque suis in spiritu Filijs valefaciens aperuit. In lectulum doloris dejectus, nihil magis suspirabat, quàm citò eximi à seculo nequam, & patriæ Beatorum inferi: & cum festo S. IGNATII die Sacerdos illi assistens dixisset, sperare se, quod & sequentis anni idem festum supervicturus esset, respondit: *id verò haud quidem, nunc enim oportet me ire.* Fratri verò cuidam longiorem similiter vitam illi voventi, reposuit: *nè Frater mihi, nè quæso tantum malum mihi optaveris!* Crescente febrili æstu, & omnium nausæ, Sacramentis devotissimè receptis, impetravit solus sibi relinqui, ad tractandum liberius cum DEO: observatus nihilominus per januæ rimas est; nunquam ab ardentissimis affectibus cessare, & binis vicibus arrepro Crucifixi signo in dæmones veluti depugnare, & ab se abigere; qui sicut per omnem vitam illi fuere molestissimi, ita nec supremo hoc tempore quietum reliquere. Petiere, multi Viri nobiles & primarij ad eum admitti; sed cum magnopere hominis cujusvis alloquium deprecaretur, gratiæ singularis locò computavere, quod videre saltem per portæ foramina vultum hominis sancti (itâ loquebantur ipsi) concederetur, ex cujus solo aspectu maximopere se commoveri & refici aiebant. Ubi verò dies Transfigurationis Dominicæ 6. Augusti anno 1608. vitæ Patris supremus illuxit, magnâ quiete & silentio cum solo DEO internis agens affectibus, pretiosam tot meritis animam cælo reddidit Sassari, anno ætatis 82. Confestim à morte singulari amænitate, facies eluxit, remansitque corpus perinde molle ac tractabile, atque viventis fuerat. Ex quo die sequenti, quò ad sepulturam templo illatum est, cum innumera hominum accurrens multitudo, nequidquam prohibentibus Patribus, post direptum ornatum, etiam digitos, & carnum frustula rescuisset; recentissimus sanguis ubertim à vulneribus profluxit: omniâque illius cœlestem quendam spirare odorem visa, qui perpetuus deinde omnibus ejusdem reliquijs remansit, fuereque ad quosvis morbos pellendos, & prodigiosos effectus patrandos, certissima suis devotis instrumenta. Corpus defuncti primùm sarcophago ligneo inclusum, sepultum fuit in veteri Collegij Templo, unde multis beneficijs clarum, translatum est ad novum Domus Professæ Templum, & lapideâ tumbâ conditum. Desideraverant pridem Socij, effigiem Servi DEI ad suæ pietatis augmentum habere; quod cum à vivente obtineri non posset, à mortuo



à mortuo mirabiliter obtentum est. Multo post hominis sepulturam tempore, contigit Româ Fratrem quendam pictorem Joannem Bilvelt nomine, Saffarim venire; qui jussus faciem Patris quoad posset expingere, aperto sarcophago eandem, qualis tunc demortui fuit, excepit: & ecce magno omnium stupore, apparuit in tabula vultus planè viventis ità ad vivum expressus, ut nihil Patri in vivis agenti similis dari posse omnes edicerent, licet Fratri nunquam antè visus esset.

Voluit autem Dominus in ipsa exitûs beatæ animæ hora, sanctitatis ejus gloriam manifestare. Civis quidam honoratus, & Societati multùm addictus, audito campanæ Collegij domesticæ signo (auguratus id quod erat) monuit conjugem suam, Patrem Sebastianum procul dubio jamjam expirâsse, quare & ipsi cœlum directè petentem oratione suâ prosequerentur, & sui apud DEUM memoriam exposcerent. Ingenua ambo prolapsi vix precationem inchoaverant, cùm ingentem lucis radium in aëre vident à Collegij tecto in cœlum protendi, simulque animum, uterque suum inexplicabili quodam solatio perfundi; ut jam planè nihil de viri glorificata sanctitate ambigerent. Paulò post Fratri cuidam Coadjutori ejusdem Collegij, magno pere afflicto ex anxijis quibusdam cogitationibus de sua salute, visendum se exhibuit vultu amænissimo, splendore undiq; coruscus: cujus aspectu nonnihil primùm conturbatus, ad pedes ejus se se abjecit, totòque affectu precatu est, ut veniam sibi à Domino peccatorum impetraret. Pater oculis blandè Fratrem intuitus, ter pronuntiavit, *condonavit, condonavit, condonavit!* paucisque efficaciter monito, ut DEO ferventer serviret, & noxas omnes devitaret, spatio medij quadrantis horæ disparuit; quanto boni Fratris solatio, cogitari meliùs potest, quàm verbis exprimi. Eadem simul post obitum nocte apparuit mulieri ex capitis doloribus afflictissimæ, à quibus morituram se nihil dubitans, ingenti fiducia P. Sebastiani, sui quondam Confessarij, auxilium imploravit. Et ecce subito videt illum cubiculum ingenti splendore, amictum pretiosissimâ veste, & radiante stellâ in fronte ingredientem, cujus lectulo appropinquâs, caput excruciatum manu contigit, dicens, malum ex eo jam omne cessisse. Monuit tamen ut heræ suæ, quæ erat in paucis dives & nobilis, nomine suo duas personas egentissimas, & à sua morte omni auxilio destitutas, commendaret, quarum altera primo manè ventura esset ad petendam eleemosynam. Et

*Societas Europæa.*

verò utrumque mox impletum est: nam & ægra momento eodem omni dolore se liberam sensit; & pauper fœmina diluculo ad januam comparuit. Visus est subinde & alijs pluribus sibi devotis, magnâ gloriâ lucèque conspicuus, ut referemus in vita Patris Salvatoris Pizqueda; cum quo deinde, sanctè similiter defuncto, quater vel quinquies gloriosus comparuit personæ DEO specialiter devotæ. Multa præterea supra naturæ vires Dominus operatus est per Servum suum, ejusque reliquias, quæ juridico processu examinata, & probata sunt, auctoritate Saffaritani Archiepiscopi Andrea Bacallar, quæ studio brevitat hinc omittimus: de quibus breviter, sed nervosè testatur P. F. Elias de S. Terefia, in sua Legatione Ecclesiæ triumphantis tomo 1. lib: 2. cap: 31. hisce verbis: *pijsimè obiit cum certissima sanctitatis opinione, P. Sebastianus del Campo; & jam tot miracula per eum DEUS operatur, ut peculiari libro describenda sint.*

Neque hæc vulgi duntaxat & plebejorum fuit opinio, sed Doctissimorum Sapientissimorumque in utroque statu Virorum; qualis fuit in primis ipse Saffaris Archiepiscopus Andreas, familiarissimè Sebastiani operâ & consilijs uti solitus, ejusque successor Gavius Manca de Cedrelles, prius Episcopus de Bosa: Antonius Canopolo Archiepiscopus de Orestan; Inquisitores Fidei; Gubernator Urbis; Pro-Reges singuli, qui ejus tempore Insulæ præfuerunt, totaque Regni Nobilitas; non solum viventem & mortuum habuere ut sanctum, sed ejus etiam reliquias summo ambitu expetiére, viros earum virtute effectus sæpius expertos se persanctè testati. Ità Archiepiscopus Gavius, nobilitate, vitæ sanctimoniâ, illustrissimus, scripto testatus est, cùm aliquando gravi morbo prostratus ægrotaret, solâ reliquiæ Patris applicatione malum omne momento dispulisse. Joanna de Castro Comitissa de Elda, Vice-Regis uxor asseruit, cùm Conjunx suus graviter apud Regem Catholicum & Aulam ex hostium criminationibus periclitaretur, P. Sebastianum negotio suis precibus commendato, respondisse, curam omnem de marito poneret, brevè enim ab Hispania, rebus omnibus ex voto compositis, lætum & incolumem affuturum: quod etiam evenit. Philippa de Cervellon Comitissa de Sedilo, filia pœnitens Sebastiani, affirmabat, nunquam se ab illo de rebus eventuris quidpiam audivisse (percepisse autem plurima) quæ non omnimodè effectum suum sortita sint. Idem fatebatur Joannes Moros de Molinos, & alij ex prima nobilitate, quibus



bus Pater erat à confessionibus, & spiritualibus consilijs. Stephana Carillo de Zapate, Domina virtutis non minùs quàm nobilitatis excelsæ, eam de sanctitate Patris habebat estimationem, ut quoties morbo aliquo corripere, aut dæmonis tentatione infestaretur, ad pedem confessionalis, in quo Pater confidebat, secretò adreperet, ubi captatâ opportunitate, nè Pater adverteret, solam

vestis superioris fimbriam devoto osculo petebat, indè certissimum semper malo cui-libet remedium hausisse fatebatur. Taceo virorum de Societate, ejusque permultos annos Superiorum testimonia; hoc solùm addens, omnibus domesticis, Patribus simul & Fratribus, quotquot ejus aliquando contubernio usi fuerant, magni & perfecti Servi DEI loco habitum fuisse.

*Ex ejus vita, & P. Jacobo de Pinto, & Nierembergij Tomo 1.*



P. Paulus Hoffæus S.I. Germanus, Hæreticorum Expi-  
gnator acerrimus, juvandis Animabus Purgatorij  
addictissimus. Obijt Ingolstadtj 17 Decemb. A. 1608.  
Ætat. 85.

81.

## P. PAULUS HOFFÆUS.



Ater Paulus natione Ger-  
manus, Bingæ ad Rhenum in  
Moguntina Diœcesi in lucem  
venit, magnum Societatis &  
Ecclesiæ per Germaniam lu-  
men, cujus doctrinâ & labo-

ribus potissimùm Fides Catholica ibi conser-  
vata est. De quo, & de Petro Canisio usur-  
pabat sapientissimus Baviaræ Dux Albertus,  
quod Ecclesiæ canit de Principibus Apostolo-  
rum: *Petrus Canisius, & Paulus Hoffæus, ipsi  
nos docuerunt legem tuam Domine.* Is cùm  
Bingæ



Bingæ in patria ex editissima turri decideret, vovit se, si incolumis evasisset, Societatem nostram vixdum natam ingressurum; & illico surrexit incolumis. Embricæ, Coloniz, Romæ, literas humanas divinasque complexus, inter primos Collegij Germanici anno 1552. quod S. IGNATIUS moliebatur tunc in Urbe, clientes adscitus, triennio post ab eodem Societati transcriptus est, ac deinde Ministrum in Collegio Romano egit. Anno 1558. creatus Bononiæ Theologiæ Doctor, in Germaniam missus est, & post triennium professionem quatuor votorum Pragæ in Boëmia emisit, ac paulò post regendis Viennæ studiis præfectus, ibidem Jus Divinum interpretatus est. Lapso triennio vocatus Ingolstadtum, illud primò Collegium, tum Monachij alterum rexit, & totis abinde 13. annis Germaniæ Superioris Provinciam moderatus est, Principibus tum Austriacis, tum Bavaricis, ob insignem sapientiam & virtutem singulari veneratione cultus. Dici vix potest, quot labores & itinera, penès hæc domestica munia, exantlârît, ad tuendam contra hæreticos totâ Germaniâ grassantes Religionem; cum quibus plurima inivit certamina, & voce ac stylo errores detexit, & veritatem Catholicam explicavit. Et quia plurimi tum conventus & colloquia per Imperium Religionis causâ celebrabantur, ipse sollicitus illis vel adesse præsens, vel è socijs idoneos submittere satagebat, confirmandis in avita Religione Principibus, refellendis novatorum dogmatibus, nè quid res Catholica detrimenti pateretur. In eam rem germanicè reddidit Catechismum Romanum, ac paulò post tractatum de Communionem sub una tantum specie: contra quem cum Smidelinus & Spangebergius Prædicantes noxia scripta vulgassent, Hoffæus iusto volumine eosdem confutavit Anno 1565. Quatuor Congregationibus Generalibus Societatis adfuit, & trium Generalium electioni; in quarum ultima designatus pro Germania Assistens, totum decennium illo munere Romæ perfunctus est, missus deinde Visitator ad duas in Germania lustrandas Provincias. Ultimâ demum senectâ redijt Ingolstadtum ad onus gubernandi Collegij, quoad fractus omnino, annos extremos DEO rotos & patriæ consecravit, & virtutem suam in tanta varietate atque acerbitate morborum, podagræ, chiragræ, calculi, insigniter probavit.

Hoc in statu corporis sæpius omnes vitæ præteritæ labes confessione generali expiavit, & testatum quàm maximè fecit suum in omni vita parendi studium, cum in morbo ita

difficili & acerbo nihil quidquàm agere, nè surgere quidem lectulo, aut confessionem generalem instituere vellet, absque Superioris consensu. Mensem deinde postremum solito gravioribus doloribus exercitus, rogabat eos qui ægroto adstituri pervices erant, sermonis esse modicos; decrevisse enim quod superest vitæ reliquum, cum DEO, Patronis suis, aliisque Cœlitibus transigere. Quamdem conclusit pijsimè Ingolstadij 17. Decemb: A. 1608. ætatis ferè 85. Religionis 54.

Sub eosdem ferme dies, triduo antequam Hoffæus gravi illo morbo corripereetur, obiecit religiosissima fœmina, Medici Collegij cōjunx, quæ supremo suo die Patri tria poma punica destinaverat: hæc simul ac è vita migravit, visendam se illi obtulit, similis eum ad se invitanti, vultu peramœno, & tanquam subridente. Cui tum quidem invitanti paruit, paulò post ab hac misera in meliorem vitam transiens; cum aliàs jam conclamatus ad mortem, mirâ alterius charitate eandem evasisset. Aliquot enim ante annos cum Provincianum obiret, & Collegij fundamenta Lucernæ moliretur, repentè morbo oppressus Augustam reportatus est, ibique post sacram Unctionem jam depositus, Rectoris Collegij voto, ab ipso mortis limite revocatus est. Erat is P. Joannes Rastellus Anglus; hic ad ædem Salvatoris octo millia passuum profectus, pro tam caro, & Ecclesiæ DEI necessario capite suum, ipse devovit, sedulò DEUM precatus, votum uti hoc suum ratum haberet. Et habuit omnino ratum DEUS, simul enim ac domum prevenit, decubuit & occubuit; surrexit verò Provincialis Paulus, pro quo hic fuit hostia piacularis. Extemporaneum seniculo sacellum excitaverant domestici, quo commodius ad sacra uteretur, quod Bethlehemum suum appellabat: ubi aliquando A. 1600. oranti dæmon saltabundus apparuit, jactans se in expectatum quoddam moliri. Perterritus Pater tristi denunciatione, DEUM anxie pro avertenda à Collegio noxa precatur: cum ecce triduo lapso sociorum aliquot in subruendo vetere pariete occupati, subsidente theatro, cui insistebant, in subjectam scrobem corrunt, luxatus verò quassatione murus super eosdem ruinâ tractus, duos penitus oppressit, alios gravissimè sauciavit. In hac autem senecta manè ante horam tertiam surgebat è strato, & usque ad sextam ducebat meditationem; mox Sacro factò succedebat lectio scriptiôque. Tam contumaci & severâ cibi fuit abstinentiâ, ut illâ unâ infestam podagram ultra 70. annum procul à se habuerit. Pauper-



tatis Religiosæ sic amans, ut ad res levissimas posceret facultatem. Cultu & pietate in Beatissimam Virginem, quam omnibus pervigilijs jejunio constanter coluit, fuit prorsus singulari, & rarâ in piorum manes charitate: unde sæpe demortuorum animæ ad cubiculi fores auxilium ab illo flagitârunt. Cùmque

svaviter aliquando nostris adolescentibus exprobrasset, quòd nonnunquam sibi liberalius aliquid sinè Majorum venia indulgerent, adjecit, hæc illis post mortem piacularibûs flammis expianda, foréque ut tum ad se venturi essent, suffragia postulatam.

*Ex Historia Societatis & Bibliotheca Alembe, & Nierembergij Tomo 1.*



P. Ioannes Lillius, S. I. Angl, ob navatam proximorum Saluti operam, vincula, carcerem, et equuleum expertus. Obijt in Anglia, 1609 Ætat: 37.

82.

## JOANNES LILLIUS.



Ioannes Lillius in Anglia Parentibus honestis ex statu civili prognatus, atque ab illis Pharmacopææ Arti condiscendæ juvenis applicatus, eandem septennio Londini publicè exercuit: Catholicæ Fidei non tantum constanter in se retinens, sed etiam in alios

propagandæ ardenter zelans, quâ Sacerdotes hospitij & latebris providendo, quâ hæreticos Fidei dogmatibus imbuendos ad eosdem adducendo. Eo nomine delatus ad Magistratus Londini Regiosensus est, & in carcerem Clinkium (quem Atrium Wintoniense appellant) detrusus; paulò post socium ejusdem incolam nactus est P. Joannem Gerardum.



dum, cui ergastulo inferiore incluso, suus superne Joannis carcer paulò laxior incumbabat. Hinc facilè Gerardo fuit hominis advertere pietatem, & industriam experiri, quâ utrâque eò loci in animarum salutem diligenter usus est. Postquam enim conciliato custode carceris (prout in gestis Gerardi fusiùs meminimus) obtentum est, ut liceret captivis è solitarijs suis spelæis egredi, colloquia invicem ad libitum miscere, & congressus etiam cum advenis Catholicis celebrare; Gerardus in locum habendorum religiosè cœtum, veluti sacellum delegit carcerem Lillij, suo cubili imminuentem, cujus Lillius ædituus simul esset & incola. Illic sacrificij Divini, Concionum, Confessionum & Communio- nis, quin & tradendorum S. IGNATII Exercitiorum, quæ primos inter obire voluit Lillius, ministeria obibantur; donec nefarij Sacerdotis artibus, molitionem in publicum Regni statum proditoriam Gerardo imputantis, è Clinkio ad Turris Londinensis carcerem Pater translatus est. Nihil non egit Gerardus, ut Lillium solius Religionis causâ in vinculis attentum, cujus fidem sinceram luculenter expertus erat, è carcere liberaret, magno usui in rem Catholicam Patribus futurum, dum tandem secretis apud nobiles orthodoxos nunciis effecit, ut repræsentatâ Justitiaris Ministris certâ pecuniæ summâ, tam ipse, quàm Richardus Fulwoodus, vetus Gerardi servus, liberi dimitterentur.

Tanto beneficio obstrictus Patrono suo Lillius, omne suum reciproce studium, vires & vitam expendit, ut Gerardus tormentis propè eneçtus, vivus à Turri exiret; fustque unus è tribus, qui præsentissimo vitæ periculo naviculâ ad turrim noctu adrepfit, rudentem funiculo, sursum à Gerardo uno ejus sine attrahendum attulit, & in objectâ fossâ ripa ad truncum arboris fortissimè altero ejus extremo adstrinxit, atque eâ ratione veluti pontem per fossam illi stravit, quo Gerardus, rudenti velut inequitans, è turri se dimitteret, & cum Ardeno evaderet. Quod licet tandem feliciter repetito alterâ nocte conatu ijs cesserit, primâ tamen vice cum rudente turri adnavigantibus quàm malè cesserit, quàmque præsens submersionis periculum Lillius cum socijs adierit, fusè explicatum est in gestis Nicolai Odoëni in *Societate militante*, & iterum hic attingetur in P. Joanne Gerardi. Sic è faucibus certissimæ mortis industriâ suâ erepto Patri Lillius perpetuò adhæsit, auxilio futurus in proximis juvandis, deditque se illi constantem in servum, conditione famulari, amore filij,

fidelitate plusquam intimâ & fraternâ, quæ morte propriâ vitam redemit alienam. Cum enim in procuratione animarum in omnia vitæ pericula imperterritus cum Patre se immitteret, accidit ut Pater illico Londinum regressus, in conductâ per Lillium ampla domo Nobiles aliquot meditationibus S. IGNATII exerceret; quando ecce tibi quinto vix ab inceptis die, pauculis lapsis à quo è turri profugerat mensibus, infidelitate unius famuli ad Senatum Regium proditi, vident repentè ad januam Irenarchas duos cum satellitio. Remoraturus illos Lillius, ensen animosus stringit, dum Pater raptim exutâ veste talari in cubiculo se concluderet; ex quo, Heræ Catholicæ artificio, ad quærendas claves illos sevocantis evadens, coactus est à Lillio latebram intrare, esto reniteretur, nisi socius unâ ipse se reconderet. Sed huic reluctandi causam, suus erga Patrem, & animas per ipsum, si evaderet, juvandas amor suggessit: *nam si tecum simul abscondor, inquit, quis alius adest quem prehendant Sacerdos præter te? domi enim Sacerdos quin lateat non possunt ambigere; talaris relicta vestis, sacellum ornatu Sacerdotali instructum, cubiculum concionum & meditationum scriptis refertum id loquuntur; quis ista sua esse, ad se spectare dicet? noctes ergo diesque scrutabuntur, muros & pavimenta perfringent, dum tibi reperto manus injiciant; quis verò tunc afflictis Catholicis consolator, quis Pater erit? ego partes tuas hodie subibo, tu meas sis obi, & pro me DEUM ora.* Dixit, & Patre in latebra diligenter clauso, in cubiculum redit, ex quo Gerardus effugerat. Adfuit, nusquam clavi repertâ, Irenarchæ, foribusque denovo pulsatis vim parant ad eas emovendas. Prodit Joannes jam veste Gerardi togatus & serius; & *quis tu es?* rogatur; gestiens ille, quòd Gerardum de facie non nòssent, alioquin minimè interrogaturi; severo similis, *sum homo*, respondit, *quem videtis. Sacerdòsne?* subjiciunt. *Hoc ego non dico*, reponit, *vestrum est probare & videre an sim: sum equidem Catholicus. Cujus hi libri?* rogant, *cujus scripta?* mea, respondit; urgent, *tua sunt ista omnia?* mea sunt, iteratò confirmat. Neque plura quærentes, Gerardum se tenere certò arbitrati foras producunt, rapturi ad carceres unâ cum Hero domûs & duobus famulis. Postquam ad aulam inferiorem ventum est, ubi Nobiles matronæ & puellæ domesticæ cum hera collectæ erant, omnes illi reverenter assurgunt, & tanquam Gerardum venerantur: & ipse personam ejusdem graviter sustinens, auctoritate magnâ introgressus cum eas salutasset,



râffet, nullâ earum habitâ ratione, suo quasi jure caput operuit, stupentibus illis apud se, fidem famuli, & industriam laudantibus; quibusdam etiam præ gaudio servati Gerardi flentibus, cum tamen dolere quàm maximè damnis suis, Domino in carcerem abrepto, domûs & bonorum omnium confiscatione, debuissent. Tantus est Catholicorum Anglorum in Patres animarum suarum amor, tantus Fidei fervor!

Digressis cum præda quatuor captorum, Irenarchis, ad Gerardi latebras curritur, DEO laudes & gratiæ ingenti omnium lætitiâ dicuntur, celebratur fides & solertia Lillij. Qui postridie citatus ad Senatum, paucis interrogatus deprehenditur Laicus, non Sacerdos; Gerardi famulus, non Gerardus; Pharmacopæus olim per annos 7. Londinensis; per alios 4. Clinkij carceris pro Fide Catholica incola. Quibus efferati irâ pudorêque Senatores, frustra denuo totâ domo Gerardum perfractis muris scrutari jusserunt, primo manè jam fugâ elapsum in suburbana Catholicorum, multis Londino milliaribus diffita, ubi vitam Lillij fervidis omnes precibus DEO commendabant. Accesserat enim ad causam ejus graviolem faciendam uxor à custode Gerardi, in turris carcere post suam fugam relicta, quæ in Lillij conspectum adducta, fecit eum erepti ab turri Gerardi administrum. Neque negavit ipse, ultro etiam asserens, nihil de ea Gerardi fuga posse custodi profugo attribui, curatorem illius se fuisse & promotorem, uni sibi & facti meritum & gloriam deberi; tantique hoc sibi videri apud DEUM, ut ejus recordatione ingens caperet solatium, essetque iterum, quoties daretur occasio, propenso animo idem, ad Sacerdotes in animarum salutem liberandos, tentaturus. Quo mortis & vitæ magnanimo contemptu pars illi magna tormentorum decessit, quæ alioqui parabantur. Nam percontantibus, *ubi est Gerardus? nescio, inquit, sed neque si scirem, dicerem, cum Christianâ charitate veter; & hominem ejus sanctitatis & innocentie, quam septennio in eo probavi, dare vobis excarnificandum, & reorum infamium necandum supplicij, summum nefas duco; ante mihi lingua in tabum effluat, quàm in os, vel in mentem scelus tantum admittam!*

Raptum nihilominus in turrim eodem cruciamenti genere, ad eandem columnam, quâ prius Gerardum, lacerant suspensum è

*Ex Historia Angliæ Bartoli, & Henrici Mori.*

manibus non plus tribus horis, quòd constantiam hominis viderent in proposito obfirmatam nihil à se passuram exprimi Gerardo adversum, priusque vel comminutis ossibus frangendum & disperdendum, quàm à duritie sua flectendum. Ærumnoso ergo ergastulo conditus, pares loco miseras quadrimestri toto invictâ patientiâ exhaustit: transcriptus deinde in alium carcerem, quo capitalium convicti criminum tenebantur; inde paulò post ad patibulum & ultimam perduellium lanienam raptandus. Illic offendit Sacerdotem Clericum extremi expectatione supplicij vehementissimè anxium: à quo per quicquid est sacrum rogatus; ut si quâ valeret, excogitaret modum quo illum restitueret libertati, nè in periculum ejurandæ Fidei conjiceretur: ipse tam felicem & propitium modum invenit, ut se cum illo pariter è carcere & morte in libertatem assereret. Quantis verò id Gerardi lætitijs, cum eos præter spem, præter cogitationem vidit coram adstare improvisos, difficile dictu sit! potissimum verò cum Lillium audiit novam sibi deferre profiterique servitutem, nec exantlatis pro illo periculis, carceribus, tormentis, & morte terreri. At enim suâ jam dignus mercede ac præmio erat Operarius tam frugi, cujus solertiæ & ærumnis tot animarum salus debebatur, nec triumphatis denuo committendus periculis. Optarat is pridem adscribi in Societatem, nec deerant merita, nec testis meritorum Gerardus, qui nôrat hominem ubique locorum, occasionum, temporis & conditionum, promiscuè ac perpetuò agentem; ejus tamen innocentie esse tenacem, ut confessionem apud se peccatorum facturum, non posset materiam absolventi sat certam, nisi ex præteritis quidpiam addendo, suggerere. Igitur ad Garnettum missus, cum aliquamdiu penès, illum latuisset, inde ad Personium Romam profectus est, & in Societatem inter temporales Coadjutores adscriptus Anno 1602; annum ipse ætatis ægens 30. in qua consummatus in brevi, intenso fervore & sanctitatis irremisso studio explevit tempora multa. Correptus siquidem lentâ tæbe, septennio solum superstes vixit, remissus ad nativam auram, si fortè patrium malo mederetur cælum, in Angliam. Sed cum neque id radicatæ pridem febri prodesset, paulatim contabuit, concessitque ad laborum æterna præmia Anno 1609.

P. WEN.





P. Wenceslaus Sswihowsky Soc: Iesu, Illustrissimo sanguine Boëmus, munus prædicandi Evangelium Christi, cum honorib; Academicis egregiâ arte conjunxit, plurimis hæreticorum ad Ecclesiam feliciter reductis. Obijt in Boëmia Horazdovicz. 8 Ianuarij Anno 1610. ætatis 42.

83.

## P. WENCESLAUS SSWIHOWSKY.

**D**ifficillimis Ecclesiæ Catholicæ in Boëmia, sub Cæsare Rudolpho, & Mathia temporibus, quando maxime Societati JESU infensa hæresis, tumultibus & cædis omnia, in ipsa Regum sede, Pragæ perniscebat, opportunè Societati se adjunxit Wenceslaus Sswihowsky, ob Familiæ & Natalium splendorem non minimum futurus illi contra factiosos Hussitas, per cognatam Nobilitatem præsidium. Editus in lucem est Anno 1568. per vetusto & Illustrissimo procerum Boëmorum sanguine, quos à Regibus Boëmæ Przemyslais, communi cum Sancto Wenceslao Martyre, & Rege Boëmæ

cognitione, descendere, omnes omnino Scriptores Boëmi veteres novique consentiunt: Patre Ferdinando Sswihowsky, Matre Anna Nowohradska de Kolowrat. In studijs literarum Juvenis magnâ ingenij & virtutis commendatione versatus, anno ætatis 22. in Societatem admissus est, magna Catholicæ Nobilitatis admiratione; Hussitarum autem, ad tantam lucem virtutis, mundana omnia proculcantis, cæcutientium planè stupore, quasi jam tum magnam erroribus suis ab eò stragem inferendam prælagirent. Ipse verò cum veste sæculari totum simul sæculum exuens, totum se virtuti, totum altioribus disciplinis eâ contentione & ingenij felicitate addixit, ut in utroque, per maximis in Societate Viris habetur.

Ccc

retur.

Societas Europæa.



retur. Ejus rei argumento & Viennæ & Prægiæ altiores Philosophiæ & Theologiæ scientias publicè tradidit; & subinde quatuor solennia vota professus, studia omnia Generalis Præfectus Prægiæ moderatus est: ac deinde etiam munus Cancellarij, Vir minimè grandævus, in Ferdinandæa Universitate magna cum dignitate sustinuit. Atque has illi eminentis scientiæ sapientiæq; dotes eò contulisse videtur Divinitas; ut existimatione & auctoritate doctrinæ pollens, validior in Fidei hostes consurgeret, tantòque plura & majora spolia ipsis detracta, Catholicis castris adjiceret. Quod ille probè animo reputans, longè ampliùs virtuti dabat & sanctimoniam; quantò nimirum veriora sunt bona, quæ nos DEO gratos efficiunt, quàm ea, quæ vel suis hostibus sæpe DEUS concedit. Hinc moribus ad omnem moderationem & mansuetudinem compositis, mitissimi Patris apud Socios nomen domi obtinuit: idem cupiditatum omnium & passionum naturæ victor, qui nihil desideraret magis quàm contemni, ut si id contingeret, tanquam de eventu summis votis expetito gauderet, triumpharet: nunquam auditus Natales suos jactare, ac nè nominare, quidem, neque unquam Parentes aut Cognatos suos cū titulo Illustrissimi appellare, neq; eam laudationem ab alijs profectam, nisi impatienter audire. Morbos, qui eum pluribus extremis annis exercebant, patientiā & silentio superabat, patientiam verò frequenti ad DEUM oratione roborabat: quoties verò procederet in publicum, magna cum modestia & gravitate id faciebat, unde præcipua Viro auctoritas, & in animos hominum efficacia creabatur. Neque enim splendidis scholarum exedris, multis plerumque fucis ab honore & plausibus Academicis obnoxijis conti-

*Ex Annalibus Boëmiae Soc: JESU, & Bohuslæi Balbini Boëmia sancta.*

## P. ROBERTUS PERSONIUS.



**P**ersonius est Vir magnus Personius in Anglia ex inferiori Stooſomerſeti Dynastiæ pargo Ann: 1546. honestis quidem Parentibus; sed quam à virtute liberaliter instructis, tam parcè à re familiari. Mater nonagenaria, ab hæreticis, omnibus injurijs exercitata, maximè postquam filius de Catholica Religione optimè in Anglia meritis, Seminaria passim pro exulibus Anglis in Belgio, Italia, Hispania constituebat; cū enim hunc ulcisci non possent hæretici, filij odium evome-

neri se passus, ad cathedras simul & suggestus Ecclesiasticos frequens provolabat, avidior animarum DEO lucrandarum, quàm doctrinis scholasticis imbuendarum. Tantò verò pondere, animique ardore verbum DEI tractabat, ut quàm plurimos hæresi detractos, Christo & Ecclesiæ conciliaverit, pietatēque inter Fideles & virtutum studium mirè promoverit. Idem pariter Operarij Evangelici munus solerter exercens, privatis non minùs proficiebat alloquijs; quibus præter promiscua Civium & Virorum insignium capita, Illustres præcipuè fœminas plurimas (qui sexus, cū ob mobilitatem animi vim argumentorum percipere non possit, obstinatio in erroribus tuendis esse solet;) ad Ecclesiæ partes traduxit; unaque immortalia odia plurimorum diffidiāque, maximè inter cognatos, extinxit. Atque hoc ipsum pacem inter discordes conciliandi studium vitam illi præproperè, in ipso virilis ætatis florido vigore abstulit. Cū enim ob eam maximè causam Horazdiovicium, Majorum suorum tunc Ditionem hæreditariam excurrisset, in morbum gravem incidit; quo superatus, anno ætatis suæ 42. Societatis 20. Domini 1610. die 8. Jan: evolavit in cœlum. Viri Apostolici nomine, ab ejus ævis senibus constanter honoratus fuit; præcipuè à Ven: P. Alberto Chanowsky (cujus præclara gesta infra dabimus) illius Boëmiae Regionis, ubi P. Wenceslaus decessit, Apostolo: qui sæpe dicere auditus est, si optio sepulchri daretur, optare se ad pedes ejus ossa deponere. Sepultus autem est ibidem Horazdiovicij, Civitate juris paterni, in Ecclesia Parochiali ante summam aram, marmore altius à solo elato, ita jubentibus suis in nostra absentia, non tam prærogativâ Nobilitatis, quàm sanctimoniam titulo & æstimatione.

bant in matrem, necaturi omnino, nisi pago relicto, alibi se abdidisset. Mercaturæ primùm apud Fratrem natu majorem condiscendæ applicatus, Joannis Hawardi Canonici Regularis, & Patriæ suæ Parochi miseratione in literis latinis excultus, ea capacis ingenij sese exercentis indicia præbuit, ut in foundationem Collegij studiosorum S. Mariæ Oxonij admisus, Magistri laureâ præside Edmundo Campiano insignitus sit. Mox ad tradendas ibidem disciplinas admisus, Rhetoricam quadriennio, Philosophiam postmodum docuit, Catholicum intus gerens, sed foris non ita constanter





P. Robertus Personius S. L. Anglus, Campiani in conversione Angliæ Socius et Superior pro extirpanda inde hæresi ad mortem usq; desudavit, quam obiit Roma 15 Apr. 1610. ætat. 64.  
84.

stanter retinens, quin ante Doctoris gradum (aliter illum non accepturus) impium dixerit juramentum, quo sacram jurisdictionem Regiæ Elisabethæ tribuebat, quæ illi fuit in omnem vitam lugendi materia. Cujus rei poenitudine jam tum exerceri incipiens, dum Alumnos Collegij Ballionensis ab esu carniū per Quadragesimam dehortatur, communi Academicorum hæreticorum factione ejectus est, tanquam Catholicæ Religionis seditiosus defensor, cū prius Calviniani Prædicantis munus sibi oblatum recipere detrectasset. Oxonio egressus, in Belgium spontaneus exul trajecit; & Lovanii à P. Guilielmo Good Anglo persuasus, octiduo S. IGNATII Meditationibus animum solitarius exercuit, ex quibus ratum fixumque retulit propositum vitæ melioris, nondum tamen aut Clero, aut Religio-  
*Societas Europæa.*

sæ vitæ obstrictum. Indè Romam ad annum Jubilæum 1574. & spectandam Portæ sanctæ à Gregorio XIII. pandendæ ceremoniam pellectus, coepit interiore certâ in Societatem JESU vocatione duci, cujus etiam Tyrocinium anni insequentis 4. Julij Romæ auspiciatus est, eo sanctitatis ardore & indes profectu, qui deinde palam toti Christiano orbi factus est. Sacerdotio initiatus, in eam domum Patrum Societatis translatus est, qui poenitentibus Pontificia cum auctoritate aures præbent; ubi per otium totum se impendit elucidandis præcipuis controversarum in Angliæ Fidei quæstionum capitibus, plurimumq; laboris in fundando ordinandoque Anglicæ juventuti Romæ Collegio impendit. Tandem Pontificio & Generalis Mercuriani jussu destinatus cum Edmundo Campiano, & Rudolpho  
Ccc 2



dolpho Emersono Coadjutore Laico in Angliam est Anno 1580. & utriq; Superior præpositus. In itinere Mediolanum delati, toto octiduo detenti sunt à S. Carolo Borromæo Cardinali & Urbis Archi-Episcopo, qui pijs eorum alloquijs magnopere delectatus, ignitis vicissim, pro suo Apostolico ardore, verbis eos ad martyrium animavit. Indè Genevam Calvinianæ hæreseos Synagogam, cum necessariò ob itinerum pericula transeunda esset, certamine cum Theodoro Beza, & Anglis quibusdam Calvinistis inito, Personius unum eorum Pouvellam argumentis ita constrinxit, ut manus veritati dare coactus, promiserit operam legendis SS. Patribus se impensurum, ad deprehendendos clariùs antiquæ veritatis articulos, & Romam denique abiturum.

Audomarum ubi attigerunt, unde milliaribus haud plus quam 50. diffusa est urbs Dubri in Anglia sita, PP. Collegij crebris nuncijs res Angliæ edocti, nihil omiserunt ut eos à trajectu dimoverent. Suspicionem enim Regi- næ ejusque Consiliarijs injectas memorabant, longè alio quàm religionis & salutis animarum studio ab ipsis Angliam peti, ad rebellionem scilicet & tumultus ciendos: tenendos proinde quocunque appellerent ut seditiosos: singulorum in portubus haberi nomina, & effigies vultusque ad vivum expressos, ad quos appulsuri explorarentur. Cui autem bono Angliæ futurum, ex portu rectè in carcerem, ex carcere in furcam raptari? quæ dici ex vero non ignorans Personius, ideòque neq; negligendam Patrum cautelam, neque ex toto sequendam ratus; nè Catholicis in Anglia, ipsorum spe adventus à Pontifice impleti, fallerentur, & timiditati potiùs suæ moram adscriberent, quàm necessario timori: ideòque medium tenere statuit, ut ipse prior solus, tanquam Missionis Superior, trajectus aleam tentaret, Audomari Campianus remaneret, vel de capto socio cogniturus, vel eum, si feliciter penetrasset, secuturus. Itaque militarem Ducem veste, gravitate, & vultu simulans, Dubrim cum applicuisset, Gubernatorem ultro adit, ac veluti multò antè in Anglia domesticus rogat, suis ut mandet, nè Mercatorem Hybernum, Patritium nomine, biduo è Belgio ad futurum (Campianus is erat) morarentur, suâ enim plurimùm interesse ut Londini quàm primùm adesset: quod ipsum Campiano, ad properum adventum cohortans, per navim reducem significat. Verùm insolens Catholicorum ex Personij adventu læticia, dum eum invicem referunt, etiam ad aures Regiæ pervenit: hinc novum edictum

ad Ministros Dubrenses ab Aula missum, de omnium vectorum exquisitiori perscrutatione, nè sub ascititijs personis in Regnum irreperent. Hos tamen quâ ratione cum præsentissimo vitæ periculo eluserit cum Emersono Campianus, diximus alibi in *Societate JESU ad mortem usque militante*, in gestis Campiani. Londini Personius ante ullius hospitij ingressum, custodiam adit, quâ Thomas Pondo, Societati JESU à biennio in ipsis vinculis auctoratus, tenebatur; salutem Viro fortissimo à P. Generali, & primò omnium solatium debitum impertiturus, ejusque indicio & consilio ad constituendum sibi & Campiano securum hospitium usus. - Fingi vix animo potest, quanto gaudio Personium Pondo primum omnium de Societate, repente sibi improvsum viderit; qui, nè salutatio prolixior suspicionem proditori cuipiam moveret, evocato per internuncium Georgio Gilberto Personium enixè commendavit. Erat Gilbertus jam antè Personio Romæ notus, Juvenis Catholicæ Religionis, præ quàm antè Puritanorum sectæ, zelantissimus, eratque eo ipso die solenniter nuptias cum Nobili virgine, Nobilis & ipse juncturus, hæres unicus opum maximarum. Sed Personij intuitu evanescere subito amores omnes, & in sponsæ vicem subijt sempiternæ ardor castitatis, DEO mox voto consecratæ, tanto Spiritus sancti impulsu; ut simul Patri in usum prolatandæ Fidei, sua, seq; totum, sudores & sanguinem deferret, nolletque illum ab ullo quidquam sibi aut socijs, spontè licèt oblatum admittere, sed suis tanquam proprijs uti, & vivere sumptibus.

Hic ubi Personius cohortem fidelium Nobilium subito à Gilberto coactam salutaribus monitis implevit, docuitque modum internoscendi Campianum venturum, & in Urbem inducendi, mox interiora Insulæ petijt, ubi ab Henrico Nortonio Viro insigni cupide expectabatur, ad reconciliandam Ecclesiæ Nobilium manum lectissimam, & reficiendos Divino alloquio & sacris mysterijs Catholicos. Neque diu moratus, conversis præter alios ad fidem Viris aliquot Principibus, conscius exuberantis in Campiano zeli & fervoris, Londinum repetijt, invenitque tanto Nobilium concursu ejus conciones & divina frequentari, ut latere diutius non posset, constitutis in ejus caput pluribus jam à Regina exploratoribus. Priùs tamen quàm Londino eum amoveret, Conventum indixit Sacerdotibus Catholicis omnibus ad certum diem, in Aedes solitarias S. MARIE trans Tamesim, quibus, & in ipsis toti Ecclesiæ Anglicanæ pri-



mò omnium aperuit causam sui & Societatis in Angliam ingressus, procurandi nimirum unice animarum salutem, & dilatandi Religionem Orthodoxam per media sola spiritualia & sacerdotalia. De statûs autem publici quibusvis negotijs vel minimùm attingendis, severissimum eis perlegit interdictum, quo Romæ fuerant obstricti, ut nullum de ijs vel sermonem coram se fieri paterentur. Quod etiam in eorum præsentia sanctè à se & Societate, observandum, sacrosancto juramento interposito tactis Evangelijs confirmavit, ut sui & Societatis securos faceret Catholicos juxta & hæreticos. Constituta deinde nonnulla communibus sententijs sunt, ad uniformem Ecclesiæ illius administrationem, de jejuniis Ecclesiasticorum observantia, de ritibus sacris, & omnium præcipuè sententijs unanimiter definitum, nefas esse Catholicis templa, conciones, & mysteria hæreticorum frequentare, nec posse id ullo titulo indulgeri. Ecce autem dum hæc maximè agunt, proditioe hominis nefarij omnes simul intercipiendi erant certissimè, nisi expeditas DEUS per bonum Angelum aliò avertisset insidias. Inter Sacerdotes ad confessum vocatos ibat etiam Robertus Johnsonius, Viri nobilis Capellanus, alieno quidem habitu, agnitus tamen in occurso à Sledio proditore infensissimo, qui anhelans eum continuò ad judicij ministrum vicinumdedit, docuitque si illi absque mora affectaretur, dubio procul furtivum aliquem Catholicorum reperturus esset cœtum, ad quem expectatus Sacerdos solitarius tenderet. Secutus Sledium etsi perinvitus minifter, in ipsa Tamensis ripa Johnsonium deprehendit, cujus capturâ contentus, induci à Sledio non poruit ad trajiciendum flumen, in locum ubi Personius cum toto Sacerdotum choro confidebat. Traditus Judicibus Johnsonius, crudeli duorum annorum carcere maceratus est, & ex illo ad Tiburnum cum duobus alijs Sacerdotibus raptatus, suspensus, & in partes dissectus, tanquam læsæ Majestatis reus, quòd Regiæ Primatum in Ecclesiam Anglicanam negasset. Personius celerrimè de proditioe Sledij & capto Johnsonio certior redditus, Cœtum dimisit, & Londino maturè digredi properavit, maximè ubi terribile mox edictum Regina promulgavit in Seminaria Anglorum apud externos fundata, eorumque Alumnos, quasi in ijs Juvenes à Pontifice & Regibus Catholicis educarentur, ad seditiones & rebelliones in Anglia deinde concitandas.

Quia verò præcipuè edicti ejusdem diris perstringebantur homines de Societate, qui

Angliam ingrederentur missi à Papa, ejusque Legatis (itè loquebatur edictum) ad integritatem doctrinæ corrumpendam, & populos obedientiæ Majestatis Regiæ subtrahendos, agendos in rebellionem, factiones, tumultus, Regni everfionem: ideòque mandabat, eos, eorumque receptatores & amicos prodi, capi, Judicibus plectendos tradi, sub pœna criminum læsæ Majestatis, & suppliciorum rebellibus & seditiosis infligi solitorum: idcirco Personius priusquam Londinensem Regionem desereret, scripto ad Magistratus Londinenses libello, purgavit Societatem à calumnijs, & sinistris præsumptionibus, edicto Regio illi imputatis: docuitque missos se à Pontifice in Angliam, non ad politici cujusquam negotij partem ullam etiam leviter attingendam, nedum ad scindendum in studia Regiæ contraria populum; sed è contra mandatum habere à Pontifice, inducendi Catholicos omnes ad obedientiam & subjectionem in politicis Regiæ præstandam, explicatâ illis religione obedientiæ, Principibus sæculi, etiam gentilibus & hæreticis, necessariò præstandæ: quod ipsum ubique Catholicis omnibus constanter Patres inculcabant, ut id Magistratibus, & hæreticis passim notum fuerit. Venisse igitur unice ad ministeria Sacerdotalia desertis Catholicis administranda, eosdemque in Fide roborandos, consolandos, estò id multo sudore, & sanguine ipso in propugnationem Fidei fundendo, constitutum esset. Exinde Campiano in Provincias Oxfordiensem & ei confines dimisso, Personius occasum versùs abcessit usque Derbym, ubique magnâ alacritate Catholicorum exceptus, qui periculorum suorum penitus obliti, de solis Patribus solliciti videbantur. Multi longinquum suscipiebant iter, de rebus animi sui cum Personio acturi, innumeri autem vacillantes, lapsi, fraude aut dubijs decepti, quibus extricare se nequibant, sunt sanati. Ut autem avaram Indagatorum falleret vafritiem, nihil artis & ingenij omittebat in mutando crebrò nomine, cultu, & loco, comitatus semper à Gilberto, qui vestes, equos, sumptus omnes supeditabat, & plerumque Nobilium aliquot juvenum manu, qui eum honoris specie, re ipsa tutelæ fideique studio affectabantur, nè facile vilis quisque indagator auderet eum in via morari, vel interrogatis lacefsere. Quacunque etiam diverteret, præmonitus in tempore hospes Catholicus sacrum Altaris providebat apparatus, & advenam veluti ignotum & casu appulsum excipiens, inducebat in cubiculum, ad hoc longo in recessu electum, si



præsertim in familia aliqui essent hæretici; ubi post brevem noctis quietem, divino Sacrificio aderant universi, & S. Epulo accumbabant, cum largo plerumque & ardenti flectu, quem ipsa quoque discriminum augebat magnitudo. Tum considebant Patrem audituri, ingenti fervore depromentem ea, quæ inter equitandum ruminando paraverat: quibus concione finitâ projectis in genua, bene precatus, equum repetebat, stertentibus adhuc fidei dubiæ domesticis reliquis; sic, ut subinde dum maturus venerat, vix ultra duas horas loco eodem consisteret. At si foret locus à frequentia vicinorum liber, vel nullus in eo nisi Catholicus, biduum & triduum Divinis, excitis aliunde etiam ad solennitatem Orthodoxis, impendebatur.

Regina comperto Patres urbe elapsos pervagari Provincias varias, volitare per Catholicorum domos, novum Inquisitorum tribunal locis per Angliam omnibus constituit, quibus nihil præterea pensi esset, quàm Sacerdotes & Jesuitas venari, in receptatores eorum, socios & amicos inquirere, vestigatores (Pursuantes illis dictos) magnis præmijs quaquaversum dimittere: unde illico ebullijt ubique delegatorum, licitorum, exploratorum exercitus, in quibus sceleratissimi Fidei desertores, pars omnium pessima, quia apostasiæ passim ignoratæ minimè suspecta; quorum unus paulò post duodecim quæ Sacerdotes, quæ Nobiles ad supplicium ultimum tradidit. Fecit hæc sacrilegorum venalis perfidia cæcus omnes sacros periculosos Catholicis, famulos Dominis suspectos, intuta omnia: *furit enim, scribebat Personius, tempestas adversus Catholicos, nunquam immanior ex quo Christum suscepit Anglia; aguntur in carcerem plebeji mixtim & Nobiles, viri & feminae, omnis ætas, etiam tenera, trahuntur ipsi quoque catenâ pueri, rediguntur in Fiscum bona, negatur amicis in carcerem aditus, seu consolaturis miseros, seu subsidio aliquo egestatem levaturis: nè solis quidem lux tenuis, quæ illos utcunque recreet, conceditur. Londinense Castrum, decumanum antehac reorum Majestatis proditorum & rebellium barathrum, Sacerdotibus nunc & omnis generis stipatur Catholicis. Provinciarum ceterarum custodia veteres, quod impares sint multitudini generosa, novarum edificijs aucta sunt.* Pergit deinde narrare de pane, quem DEI amore rogatum captivi impetrabant, adeò avarè, ut morti duntaxat, non fami pellendæ sufficeret; deque aqua, etsi infimis precibus rogarent, ad satès extingvendam sitim negata. Sanè unius tantùm mensis spatio

inscripta sunt capitalium tabulis millia Catholicorum quinquaginta per diversas regni provincias, omnes jacturæ bonorum, carceri, & reliquis calamitatibus obnoxij, hoc solo quòd essent recusantes, id est, nolentes saltè in anno semel Protestantium adesse mysterijs, concionibus, psalmis, à quo tam erant alieni, ut è contra omnes domi exciperent Sacerdotes, licet hoc ipso fierent læsæ Majestatis & capitis rei, si à quolibet exploratore deprehenderentur: idque tantâ divinorum siti, ut scribat de se & Campiano Personius: *nos tribus licet in diem concionibus exhausti, vim tamen explere amicam & avidam non possumus, quâ Catholici apud se nos retinent.* Triplex autem pietatis genus semper sibi mirum in ijs apparuisse addit. 1. Quòd sacro quoties interessent, in fletum, gemitus, & singultus semper liberaliter solverentur. 2. Pietas erga Pontificem & reverentia cum dulci amore tanta, ut parenti à filiis non posset major exhiberi: ita ut dum in Litanijs diceretur: *Oremus pro Pontifice nostro Gregorio* (qui erat hujus nominis decimus tertius) omnes ore, manibus, oculis in cælum, mixtâ suspirijs prece, ardentissimè voverent: *Dominus cõservet eum, & vivificet eum, & beatum faciat in terra, &c.* 3. Invieta tot adversis patientia, ut acerbiora indies dum expectant, nihil tamen optabilius ducant, quàm Fidei causâ majora semper sustinere. Atque his incitabatur cum Campiano Personius ad labores & pericula omnia subeunda, ut metus omnes in gaudium vertent, & quantascunque angustias, infinitâ dulcedine condiri sentirent. Sanè unius primi anni spatio, præter firmatos in Religione Catholicos, & vacillantes sustentatos, plus decem millibus auctiorem ex conversis ab hæresi Ecclesiam Anglicam fecerunt, inter quos Personij præda fuere plures Barones, aurei calcaris equites, Virique alij doctissimi, & honorariæ ex ipsa Regiæ Aula Matronæ.

Duo interea adversus Religionem Orthodoxam, & Societatem JESU prodierunt ab hæreticis excusæ libri, quos 10. dierum lucubratione refutavit Personius, libello per totam mox Angliam sparso, ita nervosè, ut se ipsos adversarij, & calumniarum absurdam falsitatem erubescere coacti sint. Recruduit peridem tempus controversia illa inter Orthodoxos Anglos, licet etne Catholicis sacra Protestantium frequentare? ad evitandas gravissimas pecuniarum multas, quibus opulenti ad suam paupertatem, pauperes ad mortem ex fame rerumque omnium defectu adigebantur. Et licet ea res pridem à PP. decem, per



per Conc: Tridentinum deputatis, discussa & definita fuerit, uti meminimus in gestis Patris Thomæ Dabishier, & fusè refert, cum sententiæ istius rationibus, P. Daniel Bartoli Histor: Anglic: lib: 2. c. 12. confirmata postmodum etiam à Cardinalibus, Toletò, Baronio, Bellarmino, & octo Theologiæ Magistris, ipso tandem etiam Francisco Suarez, & demum Paulo V. Pontifice sententiam eandem definiente: extitit tamen hoc tempore Doctor Langdallus, natione Anglus, qui tractatum edidit suppresso nomine pro parte affirmativa, unde grave inter Catholicos schisma feri necesse erat. Sed accelerato diebus & noctibus remedio subvenit Personius, & solido tractatu argumenta Langdalli refutans, longè alij rationum momentis sententiam negativam confirmavit. Distractus latissimè statim liber fructuosissimè totum Regnum implevit, visusque est scribenti DEUS digitum commodasse, ut planè illa 50. millia, quæ diximus, Recusantium damnatorum huic debeantur, qui nullis machinis adigi potuere ut Protestantium templa adirent. Hæc inter cùm acerrimæ fierent in Sacerdotes, duos præsertim Jesuitas conquisitiones, Personius Londino se subtrahens in Villam Catholici vicinam secessit; & ecce, post duos ab ejus discessu dies, Nortonus armatâ licitorum familiâ nocte intempestâ hospitium illius Londini cingit, ex flagitiosi exploratoris indicio, foribusque effractis rectâ in cubiculum ejus irrumpit; & quia ex sacris rebus & libris in eo reperi manifestè incolam cubiculi Personium esse deprehendit, bilem & diras omnes evomit, quod ipsum non teneret. Omnibus itaque rebus secum ablatis, suspicatus haud temerè est, latere illum fortè, vel alium Sacerdotem in vicinis ædibus; quas furiosè ingressus, Alexandrum Briantum Sacerdotem deprehendit, vincitumque abduxit, postmodum ejusdem in furca supplicij Campiano socium: qui acerbissimè in equuleo tortus, ut Personij indicium faceret: *non faciam*, constanter responderebat, *tamet si illum non ignoro; vidi hominem & cum eo vixi, ac me quidem ut vultis lamine, nihilestis ulterius expressuri.* Cùm verò per idem tempus, impresso vulgatoque 10. Rationum pro Catholica veritate libello, Campianus ab innumeris emissarijs solertissimè vestigaretur, quàm remotissimè ab Urbe Regia eum amandavit Personius, jussu in Provinciam Norfolciam proficisci, ipse Londinum nihilominus mutato cultu & hospitio repetere statuit. Verùm capto interim, sceleratâ Eliotti Apostatæ prodicione, Campiano

coactus latere, quantâ maximâ posset cautelâ Catholicos in Fide confirmare perrexit: nulli enim intentiores fuere Regij, quàm ut Personium quoque interciperent, cujus indicium ut faceret Campianus, acerrimè equuleo tortus est.

Et jam in carceres conjectierant plerique Personij familiares, & præter Sacerdotes 12. Sotamptoniæ Comes, & Barones Pagettus, Compronus, Vauxensis: Treshamus præterea, Catesbyus, Arondellus, & Poinezius aurei calcaris Equites, & præter multos nobilis sanguinis, Joannes Stonarius cum omnibus domesticis & Typographis, qui operam libro Campiani imprimendo impenderant; ut diutius occultum servari Personium boni omnes censerent impossibile. Itaque his compertis Personius, Gilbertum amicorum fidissimum, certo equulei & furcæ supplicio erepturus, in Galliam primò, indè Romam præmisit; ubi egregia Catholici hominis decora, mox etiam Religiosi pariter in Societate ferventis obiit: quem tandem ipse Catholicorum omnium svasu, quadrimestri post secutus Rothomagus est, brevi denuo remeaturus (ut quidem disponebat, in Angliam) ubi furor inquisitorum remisisset; quam tamen nunquam deinceps revisit, longè ampliùs ipsi profuturus foris, cujus intensissimas curas ad usque obitum non dimisit. Et verò miraculo ipsimet erat, toties propè deprehensum, manus tamen & oculos hostium evasisse. Semel contigit, ut nocte mediâ irrumpentibus in domum, quam incolebat, licitoribus, eorum vocibus excusso somno, latebris sub scæno & regulis vix evaserit. Alias in Bibliotheca Doctoris Catholici prolixiùs libros volventem repentinè instinctus corripuit, mali alicujus proximè instantis: cui obsecutus, necdum vicinum evaserat Tamesim, cùm indicio accepto adest satellitum caterva, certissimè illum prehensura, nã recessisset. Sed mirabilius fuit, quod ipsi evenit, ministris Judicum in manus rectâ obviam eunti, à quibus Londini expectabatur in diversorio Leonis rubri, vico Olbornio, ad quod illum à Catholicis eâ ipsâ nocte invitatum rescierant. Et illic Personius paulò antè cum Sacerdote Eduardo Resthono fuerat, locum notarat, & signa & nomina: eâ tamen nocte cùm ad domus fores venisset, sic ejus memoriam transversæ confuderunt phantasiæ, ut licet oculis observaretur quæsitâ domus, nullo tamen signo eam agnosceret. Cùmque ad mediam usque noctem vicum pererraret, in pluribus domibus de hospitij signo quærens, semper tamen ejus nomen, nihil



hil minus advertens, corrumpebat, & aliud prorsus quàm Leonem rubrum nominabat. Rursum nihilominus memoriam nihil aberrantem secutus, & ad ipsas hospitij fores rediit, cum eas turbante phantasiam bono Angelo non agnosceret, nunquam tamen cogitavit de reducendo portæ semiclusæ pessulo, vel eâ pulsû saltè ad inquirendum tentandâ. Id si fecisset, actum de illo erat: siquidem satellites in vestibulo humi strati opperiebâtur, ingredienti manus injecturi. Desperato igitur inventu ædium, noctis residuum in Catholici Nobilis transegit ædibus: & satellites similiter morarum impatientiâ post mediam noctem erumpentes, pro Personio Sacerdotem Resthonom, cum præda 7. Nobilium hospitum in custodiam abduxere. Postridie manè, publico ubique rumore audit Personius se eâ ipsâ nocte captum, depictumque ad vivum ex vultu, persona, lineamentis, colore videt, proditis nempe indicijs, quæ exploratores ad amussim de illo insidiantibus fecerant. Sed omnium maxime mirum fuit, eum nunquam proditum fuisse à famulo Roberto Alfido, quem comitem secretorum omnium circumducebat, Prædicantis pauperis filio, & in Religione Catholica Neophyto, paulò antè hæretico, scelerato, viarum grassatore, ingenio feroce & mobili, tanto præsertim in caput Personij constituto proditori præmio, quo magnis erat in omnem & suam & parentis vitam ditandus commodis. Sed hanc quidem dum esset in Anglia, & nocere Personio posset, cogitationem Divina Bonitas ab eo averit: nam ex comitiva ejus in Gallias domum rediit, continuè in vitia antiqua relapsus, venalem operam prodendis Catholicis & Sacerdotibus vitamque omnem addixit, interque hos germanum etiam Fratrem suum Sacerdotem manibus carnificum tradidit.

His periculis motus Personius, cum nisi miraculo patente videret se tot exploratorum oculos & manus, qui in unum illum toto Regno dispersi, domos, arces, villas suburbanas Catholicorum infestabant importunitate intolerabili, eludere diutius non posse; jamque fidelium multi querelas & mœrorem, ex hujusmodi ejus causâ illatis sibi molestijs & damnis præferrent, æquâ lance pensatis omnibus, conclusit divinitus gloriosum quidem apud DEUM sibi fore vitam & sanguinem pro Christo fundere, fructuosius tamen Ecclesiæ DEI ejusque utilitatibus, diutius insudare: posse fieri credens, ut neque gloriosa mors reducem iterum in Angliam, post utilem pluribus adhuc navatam operam, præter-

iret. Gerebat enim ingentes spiritus, & magnas cogitationes semper in bona universalia & duratura mittebat: prudentiâ item tam solerti erat & acutâ, ut quæ cogitârat, egregiè semper viâ optimâ ad exitum duceret: grandi fortique animo, par difficultatibus, quæ semper in magnis intercurrent, frangendis. Itaque secedens in Galliam, senos in Angliam socios relinquebat, ternos in carcere, Edmundum Campianum, Thomam Cortamum, & Jacobum Bosgravium, & totidem à carcere liberos, Gasparem Haywodum, Thomam Pondo, & Guilielmum Holtium. Rothomagus appulsus, paulò post de beata Campiani nece intellexit, unâque de solenni rebellionis sententia in caput suum juridicè pronuntiata, mortis eandem pœnam omnibus ijs indicente, qui eum hospitio exceperant, vel in aliquo juvissent, aut latebrarum conscij non proderent. Coactus itaque reditum deinceps omnem, præter ingentia damna nihil emolumenti Catholicis allaturum, desperare, totum se ad juvandam e Gallia & Regionibus exteris Angliam convertit. Et in Gallia quidem Augij Seminarium juvenibus Anglis educandis statuit, Ducis Gvisij & Augij religiosâ liberalitate. Rothomagi autem eorundem Seminario Typographiam copiosam adjecit, ad omne genus librorum edendum, qui posset Angliæ prodesse, cum advertisset nullâ magis re arrogantiam Prædicantium in Anglia deprimi, quàm eorum nervosâ refutatione; neque Catholicos efficacius roborari, ut piorum librorum lectione. Proditque illico ex ea Testamentum Novum Anglicè ab Alano Cardinali redditum, & lucubratiô quædam Personij, *Directorium Christianum* inscripta, præter quam si nihil aliud pro Anglia fecisset, optimè tamen de ea meritis censeri deberet, tam multos id opus in viam reduxit errantes, hodièque reducit.

Sub hæc animo ad vastiora extento, agitare consilia cœpit de Scotia à Calvinismo Catholicæ veritati vindicanda: quod si succederet, certissima via apparebat Angliam quoque ad eam reducendi, vel certè plenam Religionis libertatem in ea Catholicis asserendi. Cum enim Regni illius Angliæ contermini Rex Jacobus, Mariæ Stuartæ filius, Elisabethâ extra conjugium absque sobole demortuâ successurus esset, uti re ipsa contigit, in Jura pariter Angliæ & Hybernias; & Calvinismo tinctus potius quàm adhuc imbutus, recenti hæreticorum gravissimâ injuriâ videretur facile Ecclesiæ reconciliandus, agere cum ipso secretissimis interuncijs cœpit Personius,



us, maximisque conceptis ex Regis responsis  
spebus, Generali Societatis Claudio Aquavi-  
va primùm, tum Regi Christianissimo, sum-  
mo Pontifici, consilia aperuit, & in eadem  
pertracturus Regem Catholicum, iter ad eum  
ipse sibi sumendum putavit. Jamque libe-  
rum Patribus in Scotiam ingressum, pressisq;  
in Anglia Sacerdotibus & Catholicis asyllum  
apud se Rex juvenis concesserat; cum novo  
atrociore scelere Calvinistæ captum suæ po-  
testatis fecere, & administratione Regni pro  
libidine sibi assertâ, spes omnes in semine eli-  
sere. Personius itaque duobus aureorum  
millibus pro augmento Rhemensis Anglorum  
Seminarij, ab Hispano donatus, dum Parisios  
repetit, dolore pariter & laboribus periculo-  
so contracto morbo, Biblai Cantabriæ portu  
decubuit; è quo consurgens periculosius ite-  
rum in Ognatensi Collegio prostratus, Patrum  
charitate magis quam medicinis revaluit, ut  
iter perficere posset. Non defuit hic multo-  
rum invidia, qui gratiam Personij tantam a-  
pud Christianitatis Monarchas suam injuriam  
interpretati, indignè ferebant consilia in Pa-  
triæ salutem per illum expediri, neque etiam  
se in partem gloriosi laboris vocari. Erant  
hi Nobiles aliquot Angli, Parisijs pro Fide exu-  
les; qui ejusmodi negotiorum procuracionem  
Nobilitati magis, quam Religiosis comitten-  
dam jactantes, eousque cæco animum impe-  
tu abripi passi sunt; ut conspiratione cum A-  
lumnis Seminarij Romani initâ, palàm queri  
libello supplici Pontifici tradito de Personio,  
ejusque importunitati turbas in Anglia omnes  
& persecutionem contra Catholicos imputa-  
re non erubuerint, instantissimè simul flagi-  
tantes, ut deinceps Societatis hominibus in-  
gressus omnis & Missiones in Angliam pro-  
hiberentur: quo nihil optatius Regiæ & Par-  
lamento evenire potuisset. Verùm depre-  
hensâ turbulentorum fraude effecit Personi-  
us, ut tantò plures deinceps è socijs in Angli-  
am submitterentur, per quos magnam partem  
Ecclesia illa constitit, nè penitus fraudibus  
Regiorum subverteretur.

Ecce autem nova repentè Ecclesiæ Angli-  
canæ calamitas! dum armis hæreticorum re-  
bellibus Gallia ardet universa, pluribus Civi-  
tatibus violentiâ ipsorum occupatis; Semina-  
rium unâ Anglorum Rhemense, & alterum  
Augiense, è quibus tot Sacerdotum subsidia  
quot annis in Angliam submittebantur, peni-  
tus deletum est. Versabatur tum Personius  
mandato Generalis Societatis in Aula Regis  
Catholici, apud quem singulari gratiâ polle-  
bat, & æstimabatur pro Viro capacis ingenij

*Societas Europæa.*

eminentisque judicij & virtutis. Quam ille  
Regis benevolentiam solerter adhibens ad  
rem Catholicam, Anglorum varijs subsidijs le-  
vandam; inter cetera census annuos obtinuit  
pro Seminario Duaci, in locum duorum per-  
ditorum, in Gallijs erigendo, & altero S. Audo-  
mari. Neque his contentus, eò insuper Re-  
gem & præcipuos Hispaniæ Magnates permo-  
vit, ut in ipso etiam Regno Seminaria Anglis  
fundarent; unum Vallisoleti: alterum Hispalis;  
in quibus Juvenes in spem martyrij educaban-  
tur, & annis singulis in magno populi con-  
cursu die solenni ad Altare votum renova-  
bant, repetendæ post susceptum Sacerdotium  
juvandæque Patriæ, & fundendi pro Religio-  
ne si necessitas ferret sanguinis: ex quo ma-  
gnæ venerationi & in amoribus erant Catho-  
licæ illi Nationi, & quoties prodibant in pu-  
blicum, monstrabantur tanquam martyrij  
candidati. Et profectò Sapientum omnium  
sensu vel unis his Seminarijs tantum statu-  
dis plus Angliæ profuit Personius, quam si ad  
mortem usque in ea laboribus Apostolicis in-  
sudasset. Neque ignorabat Elisabetha cum  
suo Parlamento, quantum suæ hæresi damnum  
in ejusmodi Seminarijs pararetur: hinc non  
multò post gravissimis propositis pœnis edi-  
ctum crudele promulgavit, nè quis suorum  
subditorum istiusmodi in Contubernijs vive-  
ret: quo tamen non obstante, in solo Audo-  
marensi Seminario plus centum adolescentes  
Angli, ingenuitate, nobilitate præstantes,  
constanter educabantur.

Post ereptam è vivis Elisabetham cum ad  
Regni gubernacula successisset Jacobus Rex  
Scotiæ; atrocior quam antea mox tempestas  
in Catholicos defævit, novo illis proposito  
juramento, quo Primatum Pontifici & obedi-  
entiam omnem ejurent, & Regi utramque  
in rebus etiam spiritualibus assererent: recu-  
santibus jusjurandum, confiscatio bonorum,  
& carcer perpetuus indicebatur. Consternati  
edicti atrocitate Catholici multum inter se  
agitabant, an salvâ conscientia juramentum  
admittere possent; quos, constitutus à Christi  
Vicario per Angliam Archi-Presbyter Black-  
wellus, in apertam ruinam impulisset, licitum  
id esse non tantum palàm jactando, sed etiam  
juramentum id, timore mortis perculsus, nun-  
cupando; nisi P. Ricardus Holtbeyus Societa-  
tis per Angliam Superior obstitisset, & nego-  
tio ad Pontificem Paulum V. Romam denun-  
ciato, duplex indè Pontificium Breve recepisset,  
quo impia juramenti formula apertissimi  
schismatis damnabatur. Neque omisit Per-  
sonius impium dogma libro Anglicè vulgato  
impu-

Ddd

impu-



impugnare, qui avidissimè toto Regno à Catholicis lectus, multa millia illorum in Pontificis obedientia retinuit, ringente cum suis Jacobo Rege, qui in Blackwello Catholicos omnes subversos credebat. Neque hìc finis calamo Ecclesiam tuendi Personio fuit: 18. libros alios incredibili zelo conscripsit, quibus infastas hæreticorum fidei impugnationes eâ felicitate enervavit; ut sensus fuerit in Anglia multorum, ipsum si nihil aliud in vita nisi scribendo egisset, nostrorum tamen qui erant in Anglia comparatione, plus omnibus ad convertendos hæreticos & perficiendos Catholicos laborasse. Dum verò ita Personius nervis & viribus omnibus grandia semper veri amoris in Patriam & Religionem studio molitur; tam carò id illi stetit; ut cujus unquam fama fuerit scissa crudeliùs, calumnijs atrocioribus innocentia, & nominis honor libris, literis, edictis, foediùs deturpatus, sciam neminem. Nullum Elisabetha suorum & falsorum Catholicorum operâ acerbioribus infectata est diris & furijs; & quem in Anglia perduellionis reum publico edicto damnaverat, eundem in Regionibus externis omni ratione perditum volebat. Nec defuere conatibus ejus invidentiæ & privata comoda cœcè querentes quidam Catholici, dum fucatis rationibus ad eum evertendum conspirantes, svadere iterum Gregorio XIII. & rursus Sixto V. ausi sunt, tamdiu graviùs vexatum iri in Anglia Catholicos, quamdiu non ligarentur Personio manus, prohiberetur scribere, Seminaria moliri, rebus Angliæ se immiscere. Sed cum Pontifices sapientissimi (rati Elisabethâ, Cæcilium, Walsinghamum, capitales Fidei hostes lingvis eorum loqui) delationes suspectas haberent; faciliorem se illis præbuit Clemens 8. jussitque Personium Româ facessere: sed is cautè jussu discessu præverterat. Nec minus actum est apud Henricû IV. Regem Christianissimum, ut invisus ei, tanquam Regno malè addictus, fieret; ut taceam atrocissimas calumnias famosis in eum libris contortas, quibus etiam legitimos natales illi ereptum ibant.

Nihil tamen his ab invicta animi constantia deterrebatur Vir mitissimus & humillimus, majore etiam tranquillitate vivere solitus inter adversa & hostium insectationes, quam inter prospera, & dignitatum oblationes. Sanè cum Alano Cardinali Anglo è vivis sublato Catholici Angli vota & oculos in Personium verterent, dignum præ ceteris qui Alani locum & mensuram impleret; credere turque Rex Catholicus, qui dignitatem hanc


Alano impetraverat, favorem eundem procliviùs etiam Personio præstiturus; tantum ipse ab eo gradu horrorem ostendit, ut scriberet ad Amicum, mortem se præoptare potiùs, quam ut Societati fidem ac DEO violet, cui votum dixerat rejiciendi dignitates Ecclesiasticas. Neque his contentus, Generalem cum Assistentibus in opem interpellavit, ipsùmque tandem adivit Pontificem, deprecaturus id quod timebat. Erat ejus symbolum & amussis in usu vitæ illud Apostoli: *bonum facientes non desiciamus, tempore enim suometemur non deficientes.* Cujus regulæ quàm tenax esset probavit, cum sævis excruciatibus doloribus, quibus dies supervixit paucos, egit cum Primate Hiberniæ de rebus Ecclesiæ tam tranquillè, ut nullum ei præberet indicium tormenti quo divillebatur. Verbo, ex quo se utilitatibus Ecclesiæ Anglicanæ mancipavit, nullus abiit dies, totis quibus illi superstes servivit annis, in quo illud de se non expresserit, quod Alanus de ipso scripserat ad Generalem Aquaviva: *P. Roberti industria, prudentia, zelus, in scribendo & agendo dexterritas, superat omnem fidem.* Postquam igitur ab anno 1580. ad annum usque 1610. eâ fidelitate bonum Angliæ conatu omni per annos 30. procurasset, morbo repentè correptus est Romæ tam acuto & sævo, ut paucis diebus spem omnem vitæ abstulerit. Ipse ante omnia intentus animo ad iter æternitatis ritè comparando, simul etiam præsidijs quibus in Anglia muniri posset Societas, scripto illa tradidit P. Generali. Tum epistolam dictavit ad Episcopum Audomarensem, Anglorum illic in Seminario verissimum Patrem: alteram ad Archi presbyterum Angliæ Bircketum, ejusque Clerum: & tertiam denique ad socios in Anglia existentes. Invisere ægotantem Generalis & Assistentes, tum etiam Cardinales Farnesius, Bellarminus, Blanchetius, Bandinus, multoque majore numero Episcopi, & diversorum Prælati munerum: ipse etiam Pontifex Paulus V. cognito extremo ejus periculo ex Cardinali Farnesio, benedictione illum Pontificiâ dignatus, peccatorum veniam indulxit, quam solent Pontifices eo in articulo Cardinalibus impertiri. Instantem sub hæc sentiens discessum, collum sibi fidiculis obvolvi petijt, quibus ejus Sodalis dulcissimus Campianus olim fuerat in equuleo tortus, quas piè exosculatus plurimum doluit, non fuisse illi martyrij socium; gratias tamen DEO agens, quòd annorum saltè 30. sudores non esset gravatus à se admittere. Sic preces inter & lacrymas Sociorum, & Seminarij Anglici



glici juvenum, spiritum DEO reddidit 15. Aprilis, Anno 1610. ætatis 64. Societatis 36. Corpus peculiari sandapilâ clausum, & ad dexteram intimi sui olim Alani Cardinalis sepultum in templo Seminarij Anglicani.

Porro Seminarium post ejus obitum afflavit illico is ardor pietatis, fervoris, & aspirantis ad Divina ardoris, ut non dubitarent illum tanquam pignus accipere amoris in salutem ipsorum perpetui.

*Ex Anglia Bartoli & Mori.*



Rudolphus Emersonus S. J. Anglus, ex animarum zelo ad obsequia famularia PP. Campiani, Personij, Westoni, in omnia pericula, & 20 annos toleratū carcerem promptus. Obijt Audomari in Belgio circa A. 1610.

85.

## RUDOLPHUS EMERSONUS.

**R**etioſo Virorum Apoſtolicorum Catalogo accenſeri jure optimo meruit Rudolphus natione Anglus, etſi conditione Laicus, qui vitam in Societate omnem laborantibus in cura animarum Sacerdotibus Campiano, & alijs impendit, carceribus eâ cauſâ Londini, Wiſbici, totos 20. annos crudeliter attentus. Poſtquam à Gregorio XIII.

*Societas Europæa.*

Pontifice, Patribus Campiano & Perſonio Anglicana miſſio decreta fuit, additus illis eſt Rudolphus Coadjutor, uti ſtaturâ puſillus, itâ excelſo & ingenti animo, in ſortem modò ſocij, modò famuli & pedileſqui, prout occaſio & neceſſitas ferret ad ſecuriùs agenda per Angliam itinera, & officia tectiùs hæreticos inter adminiſtranda. Cùm quibus in Belgium delatus, relictus eſt à Perſonio præunte, futuro Campiano in Angliam ſecuturo ad Catholicorum.

D d d 2

licorum.



licorum hospitia, quorum imprimis gnarus erat, ductor & custos: cui deinceps etiam toto, quo extra carceres operari salutem animarum licuit anno, fidus adhæsit comes & servus, vitam perpetuò in procinctu circumferens, ad eandem fortiter ponendam expeditus, sicubi vaser explorator deprehendisset illum Sacerdoti servire, præsertim Jesuitæ, quod jam tum capitis pœnâ interdictum erat: nullius unquam periculi metu sic exterritus, quin se statim majori objiceret. Vix Angliæ portum cum Campiano tenuit, cum Gubernatori suspecti redditi, parum absuit quin tenerentur, nisi mutato repente, DEI instinctu, animo Gubernator, nullâ aliâ novâ apparente causâ, liberos abire, quò vellent, jussisset. Ex quo tempore Rudolphus sacratam semel DEO vitam, & in omnes pro fidei augmento casus, hostium gladios, carceres, & tormenta devotam, nunquam deinceps habuit pro sua; sed fidus Campiano comes adhæsit, omnium ipsius in animarum quæstu laborum, itinerum & calamitatum particeps: fidelitatis integritate & prudentiâ ita probatâ, ut de utraque certus Personius, etiam Superiorem aliquando sui loco ipsum Campiano præfecerit, jussu perinde atque sibi obtemperare. Discedebant postremum ab invicem in diversas Angliæ Provincias; Campianus in Norfolciam, in Cantium Personius; & quia severo interdicto adstrictus erat Campianus, nè in ulla Catholicorum ex via diverteret ædes, nisi in publica tantum, quò lateret securior, diversoria; rogare instanter Personium cœpit, sibi ut ejus voluntate liceret in villam nobilis viri Jattæi, penes quam ipsi transeundum erat, divertere. Personius qui periculum ingens videbat in domo celebri adiri, concursibus sinè dubio Catholicorum ad nomen Campiani futuris, & exitum abeundi nullum relicturis, induci non poterat ut assentiretur: quasi divinitus præfagus secururæ in ea domo, quæ re ipsa deinde accidit, Campiani captivitatis. Donec interfatus Campianus promittit se, si facultas adeundi Jattæos fiat, moræ illic à Personio præscribendæ tempus sacrosanctè observaturum. *At quem, inquit Personius, fidei vadem dabis? Rudolphum hunc nostrum,* respondet Campianus: *bene habet,* subjicit Personius: *ego te Rudolpho Campiano in hac expeditione præficio, vices tibi meas committo: tu Rudolpho Campiane obsequium perinde ac mihi debes: Nolo autem ut plus uno die, vel unâ nocte, horis additis antemeridianis sequentibus, quibus divina omnia peragi possint, eo loco subsistat Edmundus: id quod Rudolpho cavebis diligenter*

*iter, nè quovis prætextu violetur.* Verum expugnato instantissimis precibus Catholicorum illic nobilissimum Campiano, ubi totum resistendi pondus in Rudolphum incubuit, ille principio factis quidem ferox, postquam tamen rationibus certari cœptum est, brevi homo simplex succubuit, & in ulteriorem Campiani apud Jattæos moram consensit. Cujus suæ facilitatis totâ reliquâ vitâ incredibiliter eum pœnituit, utpote quâ Campiano, sceleratâ Eliotti prodicione, ibidem post biduum comprehenso, extremum exitum accersitum est.

Post hujus captivitatem desertus undique Emersonus, in Galliam tandem ad Personium feliciter evasit, in difficillimam mox iterum ab illo expeditionem in Scotiam destinatus, & abeunti illuc Sacerdoti Guilielmo Holto additus, ad tentandum Regis Jacobi in favorem Catholicorum animum. Indè post nefariam Regis, hæreticorum fraude intercepti, comprehensionem reversus in Gallias, jubetur cum P. Westono in Angliæ redire pericula, ab iisdem quibus Campiano futurus obsequijs, in metatione præsertim & designatione hospitiorum ac locorum, quorum seu pericula, seu commoditates & securitatem longo usu habebat exploratissima. Et jam portum Angliæ securi tenebant, relictusq; à Westono Londinum prægresso ad sarcinas librorum plenas eodem promovendas Rudolphus, illas tutò ad urbem deduxerat; cum scrutator publicus Regiâ auctoritate excussis farcinis, libros deprehendit ingenti numero Catholicos, pœnâ capitis in Regnum inferri vetitos: ex quibus de Sacerdotio insuper suspectus factus Rudolphus comprehenditur, & priusquam Westonum Londini vidisset, carceri recondito quasi extra mundum & vivos ita sepelitur, ut Westono per annum integrum nullis aut nuncijs, aut indicijs, ullâve industriâ subolere potuerit, ubi esset, quòve ergastulo, vivus an mortuus servaretur? voluissent quidè libenter Regij extremo supplicio reum addicere; sed cum Sacerdotij vestigium nullum deprehenderent, & importatos contra leges Regni libros prohibitos, famularem præcisè operam eorum possessori & domino exhibenti (cujus nomen nullis quæstionibus à se extorqueri patiebatur) imputare non possent: è barathro suo protractum mitiori carcere Clinkio incluserunt, in quo P. Gerardi eodem detenti consuetudine diuturnus, hoc ab illo præclarum meruit elogium: *Rudolphus Emersonus statur à pusillus, animo excelsus, vir fuit malorum tolerantissimus*



annos enim complures carcere coarctatus, æque illic se semper pium valde & religiosum exhibuit, planè qualem decebat germanum Societatis alumnus. Cujus fideliter tot Viris Apostolicis navatæ operæ, plurimarum animarum salus debetur.

Clinkio alijs cum Christi militibus Wisticum translatus, deinceps constanter sub Westoni disciplina, perinde atque in Religioso contubernio vixit, omnibus ijs exercitijs quibus Socij in Collegijs DEO inserviunt, perinde in certas horas, & statas mensium atque annorum vices distributis, pijsimè vacare solitus: aliorum insuper obsequijs, servi instar & mediastini, dum per vires & valetudinem

licuit, operam instantè impendens. Nam morbo tandem correptus est ex tot ærumnis & calamitatibus, ad accessionem suorum meritorum, lethali, nec diuturnitate medicabili, nec arte. Solutis siquidem paralyfi nervis, toto captus corpore inutilis jacuit; quâ sui morte dimidiâ, vitæ passus jacturam dimidiâ, invictæ nihilominus semper patientiæ exemplo fuit. Post annos tandem ærumnossimæ custodiæ 20. ex occasione publicæ lætitiæ in promulgatione novi Angliæ Regis Jacobi, cum Sacerdotibus alijs anno 1603. deportatus in Belgium, Audomari vitam sancto sine non multò post absolvit.

*Ex Anglia Bartoli & Mori.*

## P. ANTONIUS POSSEVINUS.



Ater Antonius natione Italus, patriâ Mantuanus, Vir eximie sanctitatis & doctrinæ, de quo Carolus Augustus in vita B. Francisci Salesij testatur; cum hujus

Sancti Parens præceptorem illi pro Philosophiæ doctrina tradenda, verâ pietate & solerti prudentiâ conspicuum perquireret, cœlesti quodam indicio in Possevinum, Societatis postea Theologum incidisse. Neque videri mirum, tantum sapientiæ humanæ divinæque Possevinum comparasse, cui à prima ætate sciendi ardor in hæserat; ut cum ad quietem se noctu componeret, tibiam ad columellam lecti alligaret, ut ubi se à primo sopore commovisset, eo velut monitore ad studia excitaretur. Ex qua puerili solertia, utilis, quam ad ultimam senectam tenuit, consuetudo illi inolevit, ut interruptâ noctu quiete, assuetus insomnijs, horas aliquot curis gravissimis & orationi daret. Ergo scientijs omnibus mansuetioribus, Philosophiâ, ceterisque instructissimus, & Græcè perdoctus, innocentiam quoque morum, modestiâ ac squaloquentiâ spectatus, quæ grata oris in adolescente viginti aliquot annorum decorabat majestas, apud Virorum Principum multos, à quibus certatim expetebatur, graciosus erat. Assumptus post alios est ab Hercule Cardinali Gonzaga (qui dein Tridenti, S. Synodi Præses decessit) & Francisco fratris filio, & Scipioni pronepoti Gonzagis, qui ambo deinde fuere Cardinales, morum & studiorum moderator est appositus. Diu anceps hæsit, tam multa sibi à DEO credita talenta humine foderet in terrenas, uti sæculum invitabat, abjecta curas; an ad suam animæ & Domini lucram;

quò DEUS identidem vocabat, sanctis negotijs occuparet: quoad DEUS ad superandam carnis luctam nec cogitanti calcar subjecit. Neapolim cum Principibus sibi creditis coactus excurrere, in Sacerdotem Societatis confessus incidit, qui auctor fuit illi faciendæ generalis de tota vita confessionis, rei antea Possevino inauditiæ: quâ per otium & sedulò peractâ, ita profecit; ut bis deinceps in hebdomade SS. Sacramenta Pœnitentiæ & Eucharistiæ obire, & ad vitam Societatis animum adjicere cœpit. Mantuam inde repentem adeò gravis invasit concertatio carnis ac spiritûs, ut ex fatigatione luctæ in febrim incidit. Retardabat per speciem pietatis ab Religionis ingressu, tum erga senes parentes & egenos nepotes charitas; tum quòd cum universalem historiam, magnorum Principum instinctu, scriberet, videbatur sibi in publicum bonum satis conferre, si exempla virtutum & pietatis incitamenta in id opus aptè locoque insereret. Mantuæ à Cardinali Gonzaga, qui eum familiæ suæ penitus devincire satagebat, S. Antonij apud Fossanum Præceptoriam donatus; ubi ad ineundam Ecclesiasticam illam possessionem discessisset, videns eas oras hæresi infectas, magnopere commotus est, & accedentibus conscientiæ stimulis, quòd sacros redditus ad se, qui nihil unquam pro Ecclesia fecisset, pervenire cerneret, ad interiora vitæ mutandæ consilia vehementius cœpit urgeri.

Itaque Patavium discedens, Patris nostri Benedicti Palmij conciones ardentissimas audire, & bis quavis hebdomade Sacramenta apud nos frequentare cœpit, usus arctissimæ familiaritate Leonetti Gagliardi, nobilis civis Patavini, & adolescentis prudentissimi. Quia





P. Antonius Possevinus S.I. Italus, perpetuus Missio-  
nibus ad Fidei propagationem, et Apostolicis in Sve-  
ciam, Moschoviam, aliasq; Regionibus Legationib; per-  
functus. Obijt Ferrariæ 26 Feb: 1611. Aet: 78.  
86.

verò Leonettus per id tempus Spiritus divini instinctu, de Societate cum duobus suis germanis fratribus ineunda consilium agibat; animum hunc suum Possevino familiariter aperit, tanto istius motu, ut & ipse remisso continuè domum famulo rectà Collegium peteret, noctem illam in Collegio agere postulans, ad deliberandum quietius de animæ suæ rebus. Postridie manè SS. Evcharistiam à Palmio suscepturus, tacitè apud se vover, simul atque nepotibus suis, unde studia literarum prosequantur, providerit, in Societatem se continuè transiturum. Quæ cum diceret, repentinè interiori voce quasi DEI reprehendentis auditâ: *ergone tuis nepotibus me credis non posse sinè te prospicere?* voto se planè libero ingrediendi obstrinxit; adjiciens, nec gradum quidem honoris & dignitatis Ec-

clesiasticæ unquam admissurum? vix votum illud conceperat, receptusque in Societatem à Generali Lainio fuerat; cum intellexit agi ab Othone Cardinali Augustano de se apud Ferdinandum primum Cæsarem ab epistolis constituendo: eodémque tempore Papa Pius IV. Franciscum Gonzagam, cuius Pædagogum eatenus Possevinus agebat, in Cardinalium Collegium adlegerat: ut plane adverteret Possevinus Divinæ providentiæ erga se benignitatem, eo tempore sæculo se eripientis, quo maximum periculum imminebat, nè ambitionis torrente in mundana abriperetur. Ergo ad tyrocinium Romam cum Gagliardis, & aliquot præterea sodalibus per Lauretum tendens, Anno 1559. antequam Tolentinum venirent, Vincentium Belmagium, alterum è duobus suis famulis alloquens, quare Romam

ten-



rendat exponit, additque: *en Vincenti, si ipse quoque inducas animum Christo te penitus mancipare, jam mihi fratris vice eris; & quem mihi hactenus famulatum impendisti, eum ego tibi lubens in Societate rependam.* Sed Vincentius alia omnia cogitans, & præoccupans relinquere à quo se Romæ deferendum intellexit, in patriam retrò iter vertit. Vix Lauretum redux tenuerat, cum sacra Sacelli aditus, & Divæ Virginis conspectus, totum immutavit, ut omnis patriæ & mundi totius curâ, Rectorem Collegij continuè adierit, & summis precibus Societatem flagitârit, in qua multis meritis & virtutibus conspicuam vitam felici morte ibidem Laureti clausit. Ubi verò Paravij innotuit tot nobilissimorum juvenum (nam Possevinus 26. annorum tunc erat) ad Religionem transitus, mox eorum exemplo è primoribus Urbis familijs plures adolescentes, eodem ardore incensi, Societatem complexi sunt.

Post bimestre ferè tyrocinium (ut tunc adhuc mos erat ob penuriam Operariorum) ad Collegium Romanum studia sacra profecturus è Domo Professorum transijt, cum illo eousque Fossani in ditione sua Ecclesiastica non comparente, rumor ibi vulgatus est, morte extinctum esse. Quâ occasione cum eam possessionem cupidè quidam invasissent, mittendum eò ad res componendas Possevinum Lainius duxit, mox anno insequente 1560, estò necdum votis religiosis, sed privatâ duntaxat devotione nuncupatis, illigatum; eâ maximè causâ, ut rem Catholicam omni conatu illic promoveret, & ejus conservacionem Duci Subaudiæ commendaret. Et verò usus eâ occasione DEUS est, ad hominem nobilitandum multis de hostibus fidei victorijs. Ducem enim conveniens, dissimulando tum quidem se de Societate esse, eâ dexteritate & prudentiâ versavit, ut ad ditiones suas, hæresi passim inquinatissimas, ab erroribus expurgandas animatum, ea sola premeret difficultas, quòd modum non reperiret, morum & fidei tam latè propagatam corruptelam extirpandi. Sed illum sapientissimè suggestit Possevinus, svadens: 1. Quoniam in Religiosorum monasterijs miserum in modum severior disciplina conciderat, ac plerique religioso habitu indigni, per morum ac doctrinæ corruptelam trahebant secum populos in exitiû, daret ad Generales Ordinum & Protectores Cardinales literas, quibus rogaret ea cœnobيا visitari, & melioribus submissis prædicatoribus reformari. 2. Quæstuarios Abbatiarum nè id negotij per hæreticos, apostatas, aut

scandalosos Sacerdotes administrare pateretur: quod utrumque Dux magno animo citra ullam dilationem executus est, & Tridentina Synodus Quæstuarios ejusmodi paulò post penitus abolevit. 3. Sacerdotia & curata officia deferri non nisi ijs sineret, qui fideliter ac prudenter commissam sibi possent, vellèntque Domini familiam pascere. Ad quod ingemiscens Dux: *rectè quidem tumones, ait, sed unde in tantis tenebris tamque sterili seculo, talis copia Sacerdotum, virtute ac scientiâ prædicatorum?* Ferdinandus Cæsar, subjiçit Possevinus, *ad homines ejusmodi efficiendos duplici utitur viâ, primò bonæ spei Juvenes Romam in Collegio Germanico educandos, sub disciplina Patrum Societatis mittit. 2. Eisdem Societati in omnibus suis Provincijs Collegia fundat & Gymnasia, quorum industriâ domi etiam idonei ad Sacerdotia formentur: quò præsidio fatetur Imperator, uti & Dux Bavarix, Rex Lusitaniæ, nullum præsentius miserrimis hisce temporibus se invenire subsidium, quò & tenemur atas religiosè educatur, & Catholicæ confirmantur; nec virus modò hæreticorum, nè serpat, comprimitur, sed eorum multi ab errore abducuntur.* Atque hæc ita probata sunt Duci, ut continuè à P. Generali Lainio postulaverit Viros de Societate ad duo Collegia incolenda, quæ ocyùs in sub Alpinis fundare destinabat: scripsitque unâ ad civitatem Anesiensem, magnopere illos hortatus ad ponendum apud se Societati Collegium.

His ita magno rei Catholicæ bono confectis, Fossanum Possevinus excurrit, ac Præceptoriaræ rebus ex animo constitutis, hæresisque vicinæ statu cognito, Ducem admonuit, in Valle Perosa publicè impunèque ab eis conventicula haberi. Neque is moratus, hæreticos omnes indè & totâ ditione suâ proscripsit, & de præcipuis quibusdam errorum seminatoribus igne supplicium sumpsit, quo reliqui perterriti vel solum verterunt, vel Ecclesiæ (quod à plerisque factum) reconciliati sunt. Verùm in Valle Lucernæ, & Angroniæ, ubi receptaculum & colluvies omnium hæresum fuit, magis obfirmati, ausi fuère armatam Ducis manum, ad comprehendendum primarium hæreseos ministrum missam, invadere, & plerosque militum crudeliter trucidare. Quo scelere exacerbatas Dux cum armis subigendos rebelles statuisset, nè tamen intentatum mitius remedium ullum relinqueret, Possevinum ad eorum animos tentandos præmisit, qui 4. oppidorum Vallis Angroniæ præfectos, & aliquot hæresis magistros ad colloquium invitatos convenit. Comparuere.



14. & in his caput illorum Stephanus quidam Gallus Apostata: cum quibus de Fidei præcipuis capitibus confertâ disputatione Possevinus, estò necdum Sacerdos, nequedum Tyrocini biennium egressus, cum mysteria Catholica ex Scriptura, SS. Patribus, totâque Ecclesiæ primitivæ antiquitate evidenter probasset; (cui rei accuratè per otium, totum Canisij magnum Catechismum, in quo PP. omnium testimonia recitantur, evolverat) argutè, ut sibi plaudebat, ministrorum unus: unde constat, inquit, eos libros Auctorum esse, quos nominasti? cujus stultitiam cum uno verbo refellisset, inde penitus constare, unde constet ipsis Evangelia à Sanctis, quibus imputantur, esse conscripta: tum Hortensius apostata ex Cœnobio Neapoli cum muliercula profugus, prehensâ Possevini manu: juro, inquit, si quæ ex Irenæo protulisti, ex ipso ejus codice verè ostenderis, manus me cum omnibus his datum. Possevinus præsentibus omnibus in testes sponsonis acceptis, expedito mox cursore, Augustâ Taurinorum petitem Irenæum profert: sed qui ad sacrilegia omnium generum occaluerant, jusjurandum polluere haud pensi ducebant. Ergo Dux frustra lenioribus tentatis remedijs, immisso in eos exercitu, summam Ecclesiasticæ rei Possevino, auctoritate Nuncij apud se Apostolici, committit; subactisque perduellibus, 34. è primarijs Vercellas evocati, omnium nomine in templo principe, hæresim, præeunte formulam Possevino, à quo prius in Fide eruditi fuerant, ejurârunt. Inde Possevinus Vallis utriusque oppida & pagos, non sinè præsentis vitæ periculo lustrare, verbum DEI ubique prædicare, libros hæreticos igni damnare, & Catholicos pro illis dispergere, Canisij Catechismum ubique explicandum constituere. Quibus rebus zelo Apostolico ingentique fructu gestis, ità se Duci, Episcopo Genevæ & Nuncio Apostolico probavit, ut non defuerint Principes Viri, qui rogandum Pontificem putârunt, ut tantum Virum honoribus Ecclesiasticis ornaret, ignari adhuc, illum de Societate esse. Sed ipse rem odoratus, diligenter Lainio perscripsit, ut molimina eorum interverteret, sibi enim certum esse ex pridem edito voto, licèt necdum Societati votis religiosi adstricto, dignitatem nullam Ecclesiasticam, nè à Pontifice quidem oblatam, nisi sub peccato adstringatur, admittere.

Anno insequente 1561. per vota religiosa legitimè Societati adjunctus, unâque Sacerdotio initiatus; cum, demortuo Francisco Galorum Rege, Angronienses in perfidiam rela-

pfi, inito cum finitimis Delphinatûs hæreticis fœdere Duci rebellâssent, missus iterum in eos miles est, adjuncto eidem, quâ prius potestate, Possevino. Denuo itaque majore violentiâ subactis, Possevinus primùm è Ligurum & Mediolanensium cœnobijs selectos 40. Concionatores evocavit, perque loca opportuna distribuit, quibus impendia in alimenta libenter Sabaudus & Nuncius Apostolicus ex redditibus Ecclesiasticis constituit: deinde minoris catechismi Canisij innumera exempla, & in patentibus folijs opportuna monita ad cavendas hæreses, excudi sumptibus Ducis, Vercellis, Genuæ, Venetijs curavit, toto illo tractu dispergenda, & publicis ubique locis, in diversorijs etiam & cauponis affigenda. Quibus rebus, & assiduâ suâ prædicatione vehementer rem Catholicam promovit, etiam in Gallorum terris, Cherij primùm, tum etiam Turnone. Et Cherij quidem (quò irrepentes Calvinistæ, illud pro Geneva in Italiæ faucibus destinabant) cum dicere cœpisset, Gallorum Calvinistarum præcipui illum laudibus extollere, prædicare eloquentem doctrinam, tum sponsam lectissimam apud se, & primum inter ministros locum deferre. Sed à castissimo Sacerdote rejecti, Burdillonium Regis Christianissimi Taurini Præfectum monent, si Possevinus Cherij concionari sinatur, urbem Sabaudæ propediem cessuram. Accersitus à Burdillonio Possevinus rogatur, quid ità Pro-Regis injussu Cherium venerit? at ubi docuit, se facultate Taurinensis Episcopi intrâsse, ostenditque quo loco res Catholica ibi sita esset, etiam cum honore à Catholico Præfecto dimissus est. Taurini deinde in principe æde populum docens, opportunitatem conveniendi Lainij ex Gallica legatione reducis, nactus, vitæ suæ concionumque rationem illi pro Societatis more reddidit. Neque aliud, perceptis omnibus, sciscitatus ex eo est sapientissimus Generalis; nisi, an concionibus habendis augeri sibi perfectionis suæ desiderium sentiret? id enim argumento esse, rem ordine rectè administrari. Posthæc Ripolim concionibus excolens, paulò post missu Nuncij Apostolici ultra montes ad Allobroges transiit, & Camberij potissimum rem strenuè gessit, effecitque, ut Senatus decreto statueret catechismum Canisij in scholis tradi, hæreticos verò libellos omnes aboleri, neque ullum deinceps ex hæreticis in urbem admitti. Quibus promovendis cum necessariam esse videret Pater catechismorum & librorum Catholicorum gallicè copiam, Lugdunum ad eam paran-



parandam migravit. Sed præter spem omnia à Calvinistis ibi turbata reperit, Præfecto Urbis Comite à Saltu illis non modò favente, sed occultè etiam potestati eorum Urbem dedere moliente. Quare dicere pro concione ferijs Quadragesimæ ad Italos aggressus, priore concionis parte in Evangelij explicatione & castigatione morum consumptâ, initio posterioris Institutiones ipsas Calvini in manus sumens, *videamus*, agebat, *de hodierno Evangelij loco, quid adversarij doceant*. Tum recitatâ Calvini sententiâ, tum vafre allegatis ab eo Patrum & Conciliorum sententijs; continuo ipsa illorum volumina, quæ semper in promptu in cathedra habebat, & quidem omnia Basileæ impressa, nè cavillari possent esse à Catholicis corrupta, assumens, ea ipsa testimonia clarè distinctèque pronuntiabat. Quâ viâ cum palàm deprehenderetur Calvininequitia, triumphabant merito Catholicis; ringebantur autem in Possevinum hæretici, & apius de medio sustulissent, nisi nobiles duo Melitenses Equites eum sibi custodiendum sumpsissent. Adjecit & Catechismi in templo PP. Dominicanorum gallicè explicationem horis post meridem, quæ hæctenus aurius Lugdunensium nunquam insonuerat: simulque edidit libellum de divinissimo Sacramento, cum blasphemiarum Calvini confutatione, & utroque certum sibi vitæ periculum creavit.

Interceptâ enim paulò post fraude hæreticorum urbe, directisque cum profanatione templorum sacris omnibus, Possevinus ab ijs captivus detentus est, mortem illi certam interminantibus, nisi vicini oppidi Montis Lulli Præfectus Gubernatori Lugdunensi significasset, quo loco apud Sabaudum Possevinus esset; cui si injuria fieret, Ducem non inultè aturum; atque ita ut incolumis dimitteretur, expressit, evitatis mirâ DEI providentiâ, qui in insidijs ad eum necandum positi erant, militibus. Cherium itaque regressus, 10. mensium catechesi & concionibus ex Arce, illa Calvinismi, sedem veritatis & propugnaculum effecit; & præter multa alia salutifera opera, florentem Sodalitatem instituit SS. Sacramenti, legibus his devinctam, ut præter hebdomadariam concionem, publicâ supplicatione S. Evcharistiam deferret singulis mensibus ad unum è 4. templis præcipuis. Quod cum insigni animorum ardore fieret, non modò profuit arcendæ procul ab urbe hæresi; sed aliqua ex parte sarciebat honorem Christo Evcharistico à Calvinistis impiè detractum. Recepto à Christianissimo Rege Lugduno, re-

*Societas Europæa.*

vocatus illuc ad habendas Italicè conciones Possevinus, eas magno ardore & fructu, inter hæreticorum vexationes & injurias constanter obivit; expiabat unâ noxios, catechesim rudibus explanabat, nec ullam certaminis cum novatoribus occasionem omittebat, quorum permultos Ecclesiæ adjunxit: eâ rerum Lugduni, DEO juvante, conversione; ut incolæ ipsi, & P. Edmundo Augerio ibidem laboranti, salutem ac religionem suam præcipuè se debere profiterentur. Interim suborta pestifera lues, magnam laborum materiam Possevino attulit, qui vitam pro salute proximi exponens multis animæ & corporis salutem fuit, quam eandem charitatem aliàs laboranti in Gallijs ex pestilentia Pontificio exercitui, invicto animo exhibuit. Quia verò Italos mercaturâ ferè Lugduni occupatos, multa per negotiorum iniquitatem peccare adverterat, 80. concionibus ad sœnus & injusta lucra extirpanda incubuit: nec quievit Pontificem ipsum Pium V. interpellare, quoad proprio diplomate injustitiam illam damnavit. Quibus curis perpetuam illam suam interferebat seu scribendi, sive ab alijs editos pios libellos longè latèque disseminandi: quam ejus providentiam cordi sibi esse prodigio DEUS declaravit. Namque in suburbio eum fortè ignis illapsus in stabulum ceteras absumpsisset mulioni merces; sarcina in quam erant fascæ aliquot eorum libellorum impositi, medias inter flammæ intacta permansit. Venerat sub hæc Lugdunum Rex Galliæ Carolus, cum Petrus Viretus, Christi & Ordinis S. Francisci desertor; spe suæ ad Catholicos reversionis Regem, Reginam, & Nuncium Pontificium lactans, aliquem ab isto expetijt, cum quo de Fidei dogmatibus colloqui posset. Assignatus Possevinus licet nullo fructu colloquium iniri prædiceret, in præsentia Nuncij Sanctacrucij ita eum revicit; ut mutire senex inveteratus in contrarium nil posset. Certamen igitur pro illo subiit Aquensis olim Archi-Episcopus, nunc Hugonottus teterrimus, sago & armis accinctus; sed cum neque is quo resisteret, inveniret; illud cavillari inceptit, quod inter testes veritatis Possevinus etiam S. Bernardum adduxisset: *quia nè sexcenti quidem sunt*, inquiebat, *anni, cum ille vixisset*. Cui Pater, *obsecro*, respondit, *Calvinus, quo vos nitimini, quamdiu natus est?* quâ voce velut inevitabili telo Hugonottus percussus, admotâ manu, *nosne tu irrides?* inquit. indè frendēs, in maledicta & minas excedit; ut Sanctacrucius auctoritate interpositâ certamen abruptum, haud alio exitu, quàm Pater

Ecc

præ



prædixerat, coactus sit. Non præsumebat eatenus Possevinus, Gallicâ lingvâ, quod eâ minùs promptè uteretur, præter explanationem Catechismi, pro concione dicere, cum per id tempus Anno 1564. divinitus ad id impulsus est: quiescenti siquidem homo visus est caput illi manibus apprehensum in alteram partem vertere: moxque experrecto, impatiens subiit cupido perdiscendæ lingvæ, & gallicè dicendi: idque brevi negotio confecit, ut nobilissimis postea in urbibus pro concione maximo fructu egerit.

Anno 1565. excitato Avenione Societati Collegio, Rector primus illi præpositus est Possevinus; brevique Bajonam in præsidium Catholicæ Religionis missus, innumeros Catholicos libros, quæ ipsius perpetua, summæque salutaris erat industria, totâ latè viciniâ sparsit, ad obruendos Calvinistarum libros, quorum illi veluti nundinas ibi exposuerant, ad vicinam Hispaniam corruptendam. Accidit ibi, ut gravium scelerum reus agendus vivus in rotam educeretur, comitante Religioso Sacerdote, sed de integritate Fidei suspecto. Viam sibi Possevinus ad reum inveniens rogat, num peccata confessione expiârit? quo negante ullam sibi ejus rei mentionem factam; jussu facefcere impio Sacerdote, eum ad theatrum spectaculo ferali erectum deducens, publicè in scabello confedit, & totius vitæ peccata retexentem audit, ingenti deinceps patientiâ crurifragium illud perpessum. Quæ res mirè totum populum Societati conciliavit, & ad Regem usque divulgata, non minimum calcar adjecit, ad Societatem Parisijs stabiliendam; id quod à Societate Gallica missus ad eum Possevinus sollicitabat. Rothomagum dehinc à Cardinali Borbonio evocatus, binas Dominicis, & 4. ac 6. feriâ conciones notabili tempore habuit, reliquis autem diebus Catechesim populo explicavit, tam manifesto in Urbem totam emolumento; ut Cardinalis cum Civibus vehementer cæperit Collegium apud se constitui flagitare. Eandem industriam Avenione constanter ad firmandos Civium animos, inter gubernationis curas adhibens, identidem tamen ad varias Urbes expetebatur: nam Massiliæ per vernum jejunium Anno 1568. quotidie concionatus, plurimas injustè partorum restitutiones persvasit; eamque ad Sacra frequentiam induxit, ut in aliam à se transivisse Civitas videretur. Assiduus simul erat in Nosocomijs, ergastulis, & Scholarium ludis, ubique Catechismi rudimenta inculcans, ejusque innumera exemplaria universis dispersi-

ens, nam in eam rem Bibliopolam secum semper circumducebat, ut si etiam vellent, libros Catholicos pretio comparare possent. Quæ omnia perinde adhibuit magno zelo anno 1570. Rothomagi, ubi etiam sodalitiū ad juvandos ægros & miseros instituit. Inter reliqua saluberrimè hinc prospexit apud maritimum Regni tribunal, ut damnatis ad triremes (quorum salutis nulla penitus antehac cura habebatur, licet illorum plura censerentur millia) suus Sacerdos assignaretur, pateretque semper Societatis hominibus ad eos juvandos aditus. Ad hæc, cum discrimine, nullo hæretici Catholicique mixtim remiges haberentur, nè fideles à perversis inficerentur, segregandos curavit: moxque initio sacro operi dato, aliquot pijs Sacerdotibus in socios assumptis, triremes omnes, pleròsque de tota vita confitentes expiavit, & sacro epulo refecit, multis etiam ab hæresi reductis. Et cum singulis Rosaria, piòsque libellos impertisset, 160. ex ijs Caroli Regis indulgentiâ in libertatem pristinam vindicavit.

Anno 1569. profectus Romam, ut 4. vota Professorum in manibus ipsius Generalis S. Francisci Borgiæ nuncuparet, dum ibi moratur, accidit Avenionem literas Pontificias Pij V. perferri, quibus de Cleri disciplina restituenda, & moribus reformandis agebatur, ac nescio quid de inquisitione etiam in violatores Religionis significabatur. Ansâ indè arreptâ novarum studiosi rerum, quibus pridem Collegij fida custodia erat sal in oculis, omnia hæc Possevino, velut Pontificem ad ea inducenti, imputare, velle nimirum ipsum Avenionem inquisitionem Hispanicam inducere. His inter plebem gliscentibus, publico tumultu Collegium irrumpere, socios vel trucidaturi, vel Urbe ejecturi, tentant Cives, eorumque seditione adactus Senatus consultum edit, quo & donatam in Collegium domum, & reditus, aliæque omnia abrogat: cum de his certior factus Possevinus, qui Româ rediens Augustam Taurinorum jam attigerat, indoluit scilicet Sociorum ærumnis, & dæmonis fraudes detestatus est. Sed innocentiam Possevini publicis literis apud Avenionenses tuendam suscepit ipse Pontifex, & primario turbarum auctore metu supplicij ab Urbe profugiente, veritas faciliè patuit, restitutæque suis juribus Societas est, & iniqua ab ipso Senatu rescissa sententia. Redux autem Possevinus eximio omnium plausu exceptus, magnis Senatûs precibus adactus est cum altero Consulū in Regis curiam, ad promovenda quædam Urbis negotia, proficisci. Turoni-



bus tum Regia versabatur, in qua Possevinus negotia commissa feliciter pertractans, in concionibus simul assidue desudabat, ingenti non populi tantum, sed Principum etiam concursu. Vice quâdam fortè intervenit supplicio militis, qui inserto in laqueum collo, revinctâque ad trabem reste, jamjam dejiendus erat de gradu; cum Pater conspicatus totum sanguine circa collum ac pectus sordentem, causam sciscitatus inclamavit, vetuitque gradu deijci. Miles enim educendus, raptum à latere carnificis pugionem desperatus in jugulum sibi adegerat, indeque semivivus à profuso sanguine, hoc festinatiùs raptabatur impœnitens ad furcam. Possevinus ergo scalis animosè consensit, excitatum ad spem salutis & dolorem peccatorum expiat, Coronâq; Virgineâ manibus morituri insertâ, ad cœlum transmittit. Laudavit tum Civitas, tum Regia tota insignem charitatis industriam: Possevinus autem occasione usus effecit, nè deinceps unâ cum corporibus itâ incuratâ noxarum animæ projicerentur. Posthæc in castris Regijs insigniter in militum cultura laborans, Deppam subinde & Rothomagû quotidianis concionibus, per dies autem festos binis & ternis excoluit, vitâ etiam propriâ in pestiferorum obsequium prodigè iterum expositâ. Audierat inter alios mercatoris Parisiensis opulenti ex vulnere lethali decumbentis confessionem, eâ re maximè anxij, quod librorum obscœnorum & noxiorum lectione, quos domi habebat, sibi & alijs multum damni attulisset, quod refarcire cupiebat. Cui Possevinus: *nôsti, inquit, plurimos in Nosodochijs, Custodijs, & domi suæ otiosos sæpe versari, qui si piorum librorum copiam nanciscantur, facile lætitent: tu facultatem præbeto, simulque hæredibus testamento injungito, ut certam quotannis pecuniam in hoc impendant. Itâ si quid per te cuipiam nocitum est, compensabitur; & quidquid inde proficietur, particeps fies.* Paruit ille, & pensione annuâ hæredibus in id impositâ, præsentem ipse aureos 200. Possevino mox attribuit; quibus ipse comparatos Canisij catechismos, amplius 3000. in populum distribuit, alios per custodias & tabernas, nonnullis per catenulas in publico, ut legi ab omnibus, non tamen auferri possent, affixis. Quâ arte dictionibus suis additâ, non paucos ab hæresi revocavit, & consuetudinem illam turpiter inolitam inambulandi per sacras ædes & confabulandi, penitus sustulit; inveteratas similitudines redintegratâ pace submovit.

Deppam ad Oceanum Britannicum situm  
*Societas Europæa.*

oppidum, pridem Calvinianâ peste infectum cum venisset, initio Januarij aliquoties habitâ concione & catechesis explicatione, discesum urgebat Aquas sextias, quo jam pridem à Cardinali Strozio evocabatur ad Quadragesimæ conciones; sed rogatu primorum Urbis quadriduo subsistens, cum novies ijs diebus ad populum frequentissimum dixisset, tanta omnium commotio secuta est, ut omnem comprehendisse Divina flamma civitatem videretur. Ergo iterum equo jam inscensito abiturientem per vim retinent, datisque ad Regem & Cardinalem literis sibi concedi extorquent ad usque initium Quadragesimæ, quo tempore 1900. ad Catholica sacra reduxit. Rothomagum ad Quadragesimales dictiones transgressus (nam Aquas sextias P. Oliverius Manaræus jam destinatus erat) præter conciones quotidianas, ferijs 2, 4, & 6, à meridie catechesim tradebat, custodias lustrabat, in quibus mirus ei casus accidit cum duobus nobilibus fratribus hæreticis, & virgine Catholica eorû famula. Convicti erant testibus, eos maximo natu fratri, cujus corpus reperi tum erat in puteo, necem attulisse; quo nomine ad mortem damnati, Possevino adsignificant, se inno center condemnatos; & quia ejus sermonibus veritatem Fidei agnoscerent, velle Catholicos decedere. Possevinus firmitate utriusque exploratâ ubi sacramentaliter absolvit, & ad mortem etiam innocenter æquo animo sustinendam hortatus est, ad feralem excipiendum ictum in medium fori eosdem deduxit. Famulâ suspensio prius enectâ, cum natu major præbiturus cervicem in genua procubuisse, quærit secretò ex eo Possevinus, verène extra noxam sit? nam alioquin iustam Senatui injustitiæ notam publicè revocandam esse, si salvus fieri velit. Respondit adolescens, ipsos fraudis undique immunes esse; cui Possevinus: *visne igitur, ut hujus populi precibus te commendem?* quo annuente, quantum potuit Pater vocem contendens, nec sinè lacrymis populum cohortans: *si cui, inquit, ea pietas est, ut velit Sacrum pro eis curare, manum attollat!* nemo non sustulit, cum tamen ad 40000. hominum spectaculo interfuisse, ex fenestris, tectis & foro oppleto crederentur. Tum dextera prius, dein cervix utrique præcisa, prorsus innocentibus, it, vix lapsis sex hebdomadibus compertum est, sonitibus comprehensis. Anno 1571. Lugdunî Rector Collegio datus, quotidie ad Cives gallicè, ad Mercatores dicebat italicè: cum postmodum Vefontionem ad Concilium Provinciale ab Archi-Episcopo advocatur, in quo



Conc: Tridentinum promulgari cupiebat. Hic in pulcherrimo aliquot Episcoporum, Abbatum, Doctorum & 1300. Sacerdotum confessu, Possevinus binas quotidie orationes habuit, & plerorumque confessiones de tota vita excepit, excultis etiam ad omnem pietatem 120. Nobilibus, quos Archi-Episcopus ex Burgundia secum adduxerat.

Comitijs interim generalibus Ann: 1573. demortuo S. Francisco Borgiâ, ad successorem eligendum indictis, Possevinus eò profectus, electo Generali Everardo Mercuriano Secretarius Societatis universæ adjungitur, quod munus toto pene quinquennio magnâ approbatione obivit. Cùm verò posthæc spes non vana affulisset Anno 1577. Regni Sveciæ Catholicæ Religioni restituendi; Pontifex Gregorius XIII. conscius dexteritatis & Apostolici in Possevino fervoris, eum ad Joannem Sveciæ Regem ablegat, piam ejus in Fidei integritate restituenda intentionem promoturum. Pervenit eò magnis terrâ marique exantlatis periculis Anno 1578. cum aliquot socijs, sæculari habitu, neque sub nomine Pontificij, sed Imperatricis Mariæ post Maximilianum Cæsarem Viduæ Legati; à qua, post literas Regi redditas, solenne officium super Cæsaris obitu solvens, id nomen religionis tractationi prætexuit. Multis cum Rege colloquijs tandem eò rem Pater deduxit, ut Hic emissâ fidei professione hæreses omnes execratus, confessionem de tota vita apud illum instituerit, atque sub una specie Eucharistiæ receperit. Quâ Regis conversione Pater exhilaratus, cùm in medio Regij conclavis procumbens DEO gratias egisset, commotus Rex, ad eum accurrit, arctèque complexus, & *ego te amplector*, exclamavit, & *Ecclesiam Romanam in æternum!* Confirmandæ deinceps Regis constantiæ, & spargendæ in populum pietatis vias omnes animo versans, redeundum sibi ad Pontificem duxit, ut Catholicorum Principum, ac præcipuè Pontificis literis Rex confirmaretur; obtineretque Svecorum adolescentum contubernia, ad propagandos legitimos Sacerdotes institui, quorum aliquot secum Romam ducebat: ac denique ut. quæ dispensari Rex, ad faciliorem totius regni conversionem petebat, proponeret; quò via saltem mollissima negandi inveniretur, cùm ea concedi minimè posse probè Possevinus sciret. Ea autem erant præcipua: ut Sacerdotibus matrimonia; usus sacri Calicis populo; Missa vulgari lingvâ indulgeretur. Quatuor interim socij Sacerdotes, schemate sæculariū Magistrorum, ad juventutem scholasticam

erudiendam ibi remanserunt, ex qua prodire insignes deinceps Operarij, quorum industriâ in hanc usque diem semina Catholicæ Religionis in Svecia perdurant. Excepit læto animo redeuntem Gregorius, & ex præcipuis Cardinalibus ac Theologis Conventionem indixit super Sveci Regis postulatis. Anno insequente rursum in Sveciam à Pontifice Legatus Possevinus, solennibus literis ad Regem, Reginam, & filium Sigismundum, qui postea Rex Poloniæ fuit, instructus, iter per Bavariam instituit; cujus Duci ad multa pro conservanda Religionis integritate instituenda, auctor fuit. Interim Georgius Rheni Comes, ac Sveci affinis, cùm nescio unde rescivisset ire & redire quosdam in Sveciam, ut Regem ab Evangelio abducerent; exploratores constituerat, qui Possevinum cum socijs interciperent. Sed ejus loco captus est Episcopus Rossensis Scorus, quasi is esset, qui Sveciam tractaret: Possevinus autem elapsus Pilsnam est, præclaram Boëmiciæ Urbem, quæ nunquam Hussitico errori, ullivæ hæresi, aut rebellium contra Ferdinandum Cæsarem conjurationi subscripserat. Hæc superiore anno transiens Possevinus, acceperat à Senatu Pilsnensi literas ad Pontificem, & nunc referebat ab eodem responsa, quibus is Civitatem sub perpetuum Divi Petri patrocinium recipiebat, ejusque clypeum clavibus Ecclesiæ, cruce, Angelo Tutelari, & gentilitijs suis montibus augebat. His literis Boëmicè versis, publicè recitatis animati Cives, communi gratulatione decreverunt, ut is dies, quo literæ Pontificiæ per Legatum Possevinum sunt redditæ, anniversariâ celebritate festus esset; utque publicâ supplicatione gratijs DEO actis, in æde principis S. Bartholomæi monumentum suscepti patrocini, ac Pontificiæ benignitatis, aureis literis poneretur.

His Pilsnæ gestis, per Pragam Olomucium contendens, Seminarium istuc Pontificium pro Svecis ad statum Ecclesiasticum educandis instituit, & alterum Brunsbergæ. Mox Cracoviam ad ponendam Societati stationem progressus: eâ sufficienter firmatâ, Varavia Reginam Poloniæ & Nuncium Apostolicum, ac demum Vilmæ Regem ipsum Stephanum, convenit, magno sanè operæ pretio, tum ob alia bene gesta, tum ob pestilentem Volani Calvinistæ librum, quo nonnulli ex Aulicis in fraudem jam inducti erant, in tempore oppressum. Possevinus enim prolixâ, ad Regem inscriptâ super eo epistolâ, ita Regem movit; ut continuo in Volanum inquiri, librum sceleratum flammis aboleri jussit, licet Volanus Regem



Regem ipsum seducere conatus, librum ei conscripserit. Ejus epistolæ lectione primarius Regis Secretarius, quem liber jam propè corruerat, ad sanam Fidem redijt. Bransbergam indè repetens, firmato Svecorum Seminario, navi à Sveco submissâ Stokolmum venit, habitu cultûque Societatis: sed omnia ibi turbata deprehendit. Rex siquidem Lutheranorum Principum minis exterritus, & Caroli Fratris Sudermannia Principis potentia consternatus, à proposito desciverat: & super omnia difficultatem augebant negata à Pontifice, quæ maximè concedi desiderâsse Regem diximus. Cupiebat Pater responsa Pontificis non primo congressu Regi referre, sed postquam is lectis Catholicorum Regum & Principum gratulationibus, à quibus plerisque afferebat, primos impetus fregisset; & factus est voti compos. Nam Upsalia Regem conveniens, inter colloquendum febris corripitur, coactûsque dies aliquot decumbere, toto nihilominus conatu incubuit ad legendos adolescentes, qui continuè ad Seminaria instituta mitterentur. Meliusculè cum haberet, revocatus à Rege, duarum horarum difficillimo colloquio in exponendis causis, cur ea postulata Pontifex negâisset, laboravit; inque erigendo ad fidendum Divinæ protectioni Rege, quem amittendi Regni metus totum occupaverat. His nonnihil commoto Rege finitus est sermo, novæ tractationi loco relicto: & Possevinus unde unde augendæ Religionis occasionem captans, Legatos Tartari Præcopensis duos, cum sex famulis Christo iniciavit. Demum superante metu Regis animum, cum nihil ad reconciliandum Ecclesiæ Regnum promoveri posset, & pestis gravissima exorta Sveciam premeret, Possevinus cum socijs in Insulam quandam Saxeam permodicam se recepit, excitatôque tuguriolo vitam quasi anachoreticam egit, pauculis quibusdam cum Præfecto Insulæ ab hæresi reductis. Catechismi etiam aliquoties mille Svecicè & Germanicè Stokolmiæ impressi, latèq; per ea loca in populum dispersi sunt.

Tandem Possevinus cum videret nullam superesse spem operæ cum pretio in Svecia ponendæ, petitâ modestè veniâ discessit, unâ cum socijs duobus; relictis apud Reginam Catholicam, conservando præcipuè in fide orthodoxa Sigismundo Principi, cum P. Stanislao Varsevicio tribus socijs Sacerdotibus. Ante digressum Virgines DEO sacras in Wastanenfi monasterio, ossibus S. Brigidæ, & S. Catharinæ ejus filiæ nobilitato, plurimum ad constantiam in Fide retinendam confirmavit.

Vivebant illic Virgines 22. sub Abbatisa ætate & senectute venerabili, quæ 13. annis jam præerat, nunquam nacta legitimum Antistitem, per quem confirmaretur. Septem item Virgines aliquot jam annos hominem expectabant, cui ritè profiterentur. Possevinus pro tradita sibi à Pontifice potestate, 7. illas ad professionem solennem admisit, & Abbatisæ præfecturam confirmavit, omnibus SS. Eucharistiam impertijt, orationibus habitis ad formam 40. horarum, ante SS. Christi Corpus palam expositum. Quæ gesta omnia sunt tanto Virginum ac Patrum sensu, ut hi cunctas ærumnas abundè unâ illâ cœlesti voluptate compensatas ducerent. Erat præterea Vastenis schola 100. ferè discipulorum, cui præerat Ludimagister à Patribus ad Catholicam Fidem reductus; hic itidem à Possevino in ea roboratus, plerisque ex ijs in eadem educavit & conservavit. Vix in Italiam redux, Pontifici rationem suæ legationis reddiderat Anno 1581. cum actis ejus omnibus vehementer probatis, denuo ipso illo anno in Moschoviam legationem Pontificio nomine obire jubetur, ad Joannem Basilij, magnum Illius Ducem, comite Joanne Paulo Campano Rectore Brunensi, & socijs præterea quatuor. Premebatur tunc Moschus magno exercitu à Stephano Poloniae Rege, & ad consilia pacis adigebatur: quam ut æquiores obtineret, Legatum ad Gregorium expedit orans, ut Polonum à Christiano (quamvis schismate Moschovia labore) sanguine fundendo averteret, & ad conjungenda adversus communem hostem & Tyrannum Turcam arma induceret. Pontifex cum pridem optâisset Religioni Catholicæ aditum in Moschoviam aperiri, idque frustra tentâisset; sperans hac occasione effici aliquid posse, præ alijs Possevino delegit. Is conciliato multâ prece DEO, acceptis à Pontifice non solum ad Stephanum Polonum, Joannem Moschum, sed etiam ad alios omnes in itinere Principes Catholicos (quos ex Legati munere adire jubebatur) ad Senatum Venetum, Archi-Ducem Carolum (cujus Conjugi rosam auream à Pontifice deferrebat) ad Archi-Ducem Ernestum, & ad Rudolphum Cæsarem literis, Aprili mense ab Urbe discessit: auctûsque Pragæ (ubi Seminarium Alumnorum Pontificiorum, iterumq; Græcij Stryorum excitaverat) Cæsaris ad Moschum mandatis & epistolis, Stephanum Poloniae Regem ad Disnam Albæ Russiæ oppidum in castris convenit, & concione latinâ ad præliandum bella Domini incitavit, illacrymante ad eam Rege. Qui etiam stimulis Pos-



sevinus incitatus, statim curam ad conquiendos Concionatores in Hungarorum militum doctrinam convertit, iussitque omni deinceps conatu captivos Moschos tentari, si quâ ratione ad Sacra Catholica adduci possent.

Accepto à Rege viæ ductore Basilio Confacorum Ductore ad Moschoviæ confinia. Possevinus, comitate & sapientiâ tam leniter & dextrè illum tractavit, ut à Ruthenica ad Orthodoxam fidem traduxerit. Moschoviâ per immania prædonum discrimina ingressi, ante omnia fixo tentorio Sacris operati sunt Sacerdotes, DEO gratulantes, quod ad id loci incolumes deduxisset, ejusque sanctissimæ voluntati in omnem eventum se committentes. Mox advenientibus publicis à Moscho literis, cum viæ ductore præcipuæ nobilitatis (Pristavum Moschi dicunt) & 60. armatorum nobilium præsidio, per ingentia viæ, aëris, ciborum insuetorum, incommoda, Smolenscum primo tenuit, exceptus à 400. primo obviam egressis equitibus, holoferrico aurorque fulgentibus, deindè à 1200. peditibus, magnâque vi concurrentis populi, inter festas explosiones tormentorum & bombardarum. Sed in tanta humanitate, ita arctâ assiduâque custodiâ (qui mos apud illos cum omnibus externorum Principum Legatis servatur) septi sunt; quasi hostium, non hospitum loco haberentur. In arce Staritia, 400. à Smolensco millibus passuum agebat tunc magnus Dux: huc appropinquant Possevino primùm novus Pristavus cum 15. equitibus; mox alij Pristavi tres cum splendido ornatu 300. equitum occurrunt, nomine sui Ducis salutatum excipientes: à quibus equo magnificè instrato impositus Possevinus, Staritiam intravit 17. Sept: A. 1581. ad hospitium pro regionis usu magnificum deductus. Biduo post in conspectum Ducis in solio superbissimo suos inter Proceres confidentis adductus, officia Legationis suæ solenni salutatione peregit, & munera Pontificia obtulit, Ducali mensæ adhibitus. Inter alia Pontificis munera eminebat effigies DEI paræ, raræ opus subtilitatis, ebena, argento, aurorque & gemmis inclusa; ea tamen tradi non potuit, quia cognitum erat, Duci gratam non fore, quod in genu Matris, Jesus infans sedebat nudus, & hunc puellus alter Joannes Baptista item nudus adorabat: quæ, cum pictores nostrates in artis ostentationem elaborant, ceterique mirentur, Moschi multò sapientiùs ferre non possunt. Tanrum absunt (quod sanè cultiorum nationum probrum est) ab simulachris obscœnis tolerandis! Insequenti-

bus diebus in negotia Possevino à Pontifice commissa, incubitum est. Postulabat Pontifex; ut Joannes, quod per Legatum sponderat, si Polonico expediretur bello, armatum ceteris Christianis Principibus contra Turcam converteret: ut comœdandi facultatem per suas terras Pontificijs Nuncijs, si qui ad Persas & Tartaros mitterentur, daret: Catholicis Mercatoribus comœcia in Moschoviâ libera essent, uti & templa ritusque Catholici: ad quos, & Romanæ Ecclesiæ communionem paternè Ducem hortabatur. Multum super his actum; nec cetera ægre impetrata: de Religione mutanda cum penitus abnueretur, illud demum expressum est, ut integra res ad reditum Possevini à Rege Polonia, pacemque confectam reservaretur. Magnis igitur itineribus Possevinus ad Regem profectus, interpretem sibi à Moscho adjunctum in via, Ecclesiæ restituit; Regemque in oppugnatione Pleschoviæ, Urbis Moschoviticæ deprehendit; dum interim Campanus ad Cæsarem, Venetos, & Romam, jungendi commercij & armorum causâ regreditur, socijs reliquis apud Moschum relictis. Tandem multis ultro citroque actis Possevinus, pace feliciter anni sequentis initio confectâ, Moscuam repetijt, ingenti utique gratulatione exceptus.

Nec mora; urgenda Pontificis postulata, quibus conficiendis potissimùm Legationem suscepit, toto conatu assumpsit; cui Dux Episcopos Ruthenicos sex opposuit: ut clarè jam appareret, quod Polonia Rex prædixerat, & Possevinus ipse ominabatur, eum non nisi pacis æquioris à victore Polono obtinendæ causâ, verba Pontifici dedisse. Ægre igitur potestas facta est Patri sacrum negotium attingendi: tum ita impotenter in congressu Princeps se gerere, ut paulum aliquando veritate pressus, repente exardescens nec contumeliâ abstinuerit, miratque sint adstantes manum abstinuisse, nè Possevinum protinus (ut crudeliter paulò antè natu maximo filio fecerat) scipione suo, ferreâ ad imum cuspidem armato, confixerit. Sed Pater libertati admiscens modestiam, impetum illum prudenti comitate lenivit: nullis tamen minis induci potuit, ut sacris Ruthenicis interesse, vel Metropolitæ Moscuensis dexteram osculari velleret. Cum verò nihil ad substantiam Religionis effici posse videret; appetente vere (quo tempore viæ per illas terras omnium sunt impeditissimæ) impetratâ libertate multorum è Catholicis captivorum, Moscuâ cum socijs discessit, à 300. Nobilibus comitatus. Adjunxit eidem novum Dux ad Pontificem.



Legatum, per quem significabat, placere sibi cum suis jungi Catholicorum commercia, & potestatem faciebat negotiatoribus Catholicorum commercia, & potestatem Sacerdotes habendi, qui sua privatim Sacra obirent, terrâ item ad sepulturam permiffâ: simulque Pontificijs Legatis transitum liberum per Moschoviam, si ad Tartaros vel aliò mitterentur, & com meatum spondebat, & profitebatur velle sibi cum ipso amicitiam usumque perpetuum esse. Possevinus per Albam Russiam, Polociam profectus, Disnam indè Duneburgum, ac postea Illuxen Curlandiæ oppidum ipso Sabato sancto delatus, cum locus vel domus Catholica nulla adesset, in ipsa Lutherani ministri domo, arâ loco secreto turôque excitatâ, sacram litavit Hostiam: & à primæ Nobilitatis Viro filium impetravit, in Seminario Brunbergæ, vel Olomucij Catholicè educandum, in spem patriæ aliquando juvandæ. Rigam indè ad Regem Stephanum perveniens, literas à Pontifice accepit responsorias, quibus placere sibi indicabat Seminarium Vilnæ constitui ad Ruthenos & Moschos catholicè erudiendos, annuis in eam rem vectigalibus destinatis. Romam tandem iter magnâ celeritate profectus, Legatum Moschi Pontifici stitit; qui collaudatâ Possevini in rebus tam arduis & propè desperatis perficiendis industriâ, eundem denuo ad deducendum in fines Poloniæ Legatum Moschi destinavit: mandatis insuper oneratum, ut condendis nationum variarum, sumptibus Pontificijs, Seminarijs Vilnæ & Claudiopoli in Transylvania insisteret, componendisque controversijs, quæ Stephano Regi cum Cæsare, ac Rege Sveciæ restabant.

Et verò plures annos Possevinus in his regionibus traduxit, ingenti Ecclesiæ profectu, maximè conciliandis inter se Cæsare & Polono intentus, multis interim laboribus & itineribus ultro citrôque exantlatis, plurimisque mortalibus per Germaniam & Poloniam hæresi ereptis. Egregiam etiam operam navavit Varsoviæ in comitijs Polonicis Stephano

Regi Anno 1585. in causa Religionis contra hæreticos Proceres tuenda, his ipsis plerisque Regis exemplo, ita Societatis rebus faventibus; ut non plus facturi fuerint, si in eam rem fuissent mercede conducti, Paulò post cum potestate missus visitandi Collegia Polociæ, Derpati, & Rigæ in Livonia, quam per conditiones pacis recenter acceptam Collegio Stephanus illico munierat, plurima Fidei propagandæ salutaria in hæreticis illis Urbibus constituit; Seminario etiam Derpati condito, ad juvenes è Provincijs circumquaque hæreticis piè castèque educandos. Tandem annis jam gravis, & susceptis in Christi causa laboribus pene fractus, nè quam vitæ partem duceret vacuam utilitate mortalium, ad scribendum se totum convertit, & lustratis compluribus Academijs & Bibliothecis, suppeditante etiam summo Pontifice ad parandam librorum supellectilem expensas, ea elucubravit volumina, quæ hominis virtutem, animarum zelum, doctrinæ copiam, & inexhaustum legendi studium cum acerrimo conjunctum iudicio, luculenter ostendunt, & pleraque omnia ad conversionem hæreticorum, confutationem errorum, & propagationem Fidei Catholicæ collimant, ut videre est apud Alegambe in ejus Bibliotheca Scriptorum Societatis. Demum vivendo fessus, Ferrariæ diem clausit extremum 26. Febr: Anno 1611. ætatis 78. Fuit Possevinus Vir non tantum omni virtutum genere ornatus, & consummata sanctitatis, sed prophetiæ etiam dono à DEO illustratus, prout testatur Carolus Augustus in vita S. Francisci Salesij, cujus in juventute præceptorem Possevinus olim egerat. Huic enim annis adultioribus de studiorum suorum ratione dubitanti, Theologiæ an Jurisprudentiæ operam addiceret, *bene feceris fili, inquit, si sacre scientiæ te totum tradideris in Theologia, DEUS enim te destinat in Episcopum Genevensem, ubi vide ut commissas tibi oves pascas, velut bonus Pastor.* Id quod eventus in S. hoc Genevensium Episcopo ad amussim verum declaravit.

*Ex Hist. Societatis, & Nierembergij Tomo 1.*

## P. BERNARDUS COLNAGUS.



Atana Siciliæ Urbs vetustissima P. Bernardum orbi dedit, illustribus pietate & nobilitate Parentibus satum. Anno 1545. & ex baptismo Marci Antonij nomen sortitum, quod ipse jam grandior in Bernardi com-

mutavit, ut eum in colenda & amanda DEIPara Virgine se æmulaturum profiteretur. Philosophiam tredecennis puer maximâ ingenij famâ emensus, illibatum innocentia baptismalis florem, exquisitâ sensuum custodiâ & corporis maceratione, Religioni intulit, ad quam 14. ætatis anno à DEO vocatus, & post ingen-





P. Bernard, Comagus Soc: Iesu Siculus, Vir excel-  
sarum Virtutum: in salutem proximi se totum impendit,  
mirâq; in animarum & corporum salutem vivens et  
mortuus patravit: Obijt Catania 21. Apr: Aetatis 65.

B7.

ingentes cum Parente & Cognatis luctas ad-  
missus, tyrocinium Messanæ auspicatus est  
anno 1560. Et cœpit hic illico meritorum  
ejus apud DEUM vis sese exerere, quando  
claudicanti equo, & ad iter agendum penitus  
inepto, brevi oratione gressum integrè resti-  
tuit. Sacerdotio suscepto, Philosophicis,  
Theologicisq; disciplinis tradendis Messa-  
næ, Romæ, & Neapoli admotus, S. Thomæ  
placita, quem tenerrimo pietatis sensu sem-  
per coluit impensè & amavit, aliorum Do-  
ctorum sententijs tametsi acutis, quin & pro-  
prij ingenij industriæque inventis constanter  
antehabuit. Ex quo nomen & famam Viri  
doctissimi indeptus, Philosophiam ac Theo-  
logiam in Sicilia erexisse, ac mirum in mo-  
dum illustrasse ferebatur; regendis iisdem stu-  
dijs supremus Præfectus datus, & scripta sua

typis evulgare ab Generali Societatis Claudio  
Aquavivâ jussus. Neque ferè alio nomine  
Neapoli appellabatur quàm Magistri, nullâ a-  
liâ designatione appositâ: sinè cujus consilio  
nihil ferè majoris momenti Curia vel Civitas  
moliebatur. Inter quos plausus ità nihilo-  
minus se abiciebat, ut vilissima quævis Do-  
mûs ministeria sibi vendicaret: stabulum sibi  
purgandum sumere, aliorum lectos compo-  
nere, mediastinum agere, & ad inferiorum  
classium lectiones explicandas, quoties ne-  
cessitas occurreret, descendere. Verùm Do-  
minus, qui mirabilis est in Sanctis suis, nullâ  
virtutis mediocritate in Bernardo contentus,  
ut ad celsissimum sanctitatis gradum illum  
proveheret, ad imum sui abjectionis profun-  
dum depressit: ex quo veluti fundamento to-  
tam reliquam Evangelicæ perfectionis struem

Bar-



Bernardo in alium penitus hominem mutato, consurrexisse est in confesso.

Volvebatur Annus Domini 1579. ætatis Bernardi 34. quo Neapoli Theologiæ arcana, magno omnium applausu & famâ decennalis jam Professor explanabat; cum Divina ardentius meditantem DEUS molestissimam eam mentem injicere, ut si amore erga illum sincero flagraret, iret protinus, & centonem quempiam obvium pro veste religiosa indutus, amentis in modum per Urbis plateas curfiteret, & gestu incondito, motibusq; incompotis sannas & cachinnos plebis in se provocaret. Hunc importunissimum animi impulsu nitebatur ille multis rationibus sopire, tanquam imprudentiæ plenum, & plus damni quam commodi allaturum, ideoque vel maxime ab Societatis spiritu aberraturum. Quantumvis enim hoc facto mundi fastum amorisque proprii mollicudinem generose proculcarer; alienæ tamen salutis dispendium maximum illaturum esse, sive revera in amentiam incidisse, sive stulticiam duntaxat simulasse (quod extremæ vecordiæ foret) crederetur. *Quis deinceps, disceptabat ipse secum, sanum ab insano consilium expectabit? quis non eorum, quibus ad eum diem doctrinæ & melioris vitæ Magister fui, me aversaturus est? quis conscientie ducem & directorem sustinere volet? quis etiam sapientissima quæque monita non habiturus suspecta? nam qui vel semel deprehenditur fuisse emotæ mentis, raro tantum sibi consistere creditur, ut aliorum regendis par esse queat mentibus. Ad hac tolerabile foret, si in mea unius infamia perniciēs sisteret, sed universæ Religionis & sociorum omnium fama insignem maculam aspergeret factum adeo insolens, quod sapientum nemo approbaturus est, damnaturi omnes. Non deesse alia sui herouicæ vincendi & deprimendi media, ex Societatis legibus & praxi usitata, quæ nihil habeant admixti in proximum scandali, cum istud præter heroicam sui victoriam nihil ad aliorum conferat edificationem; sed è contra vulgo sanctæ ejusmodi simulationis ignaro, grave scandalum pariturum sit.* Interim ex adverso oppugnabat Bernardum invictus DEI amor, hæc sui in publicum prostitutione quam maxime declarandus. Urgebat Salvatoris pro hominibus ludibrium facti irrefragabile exemplum, excitabatque in æstuantis corde ingentem luctum, quæ nullam quietem diu notatūque permetteret: ita quidem, ut affirmaverit deinde, facilius sibi visum fuisse ad Pontem ire vel raptari à carnifice capite mulctandum, quam per urbem hoc probroso habitu

*Societatis Europææ.*

incedere pueris puellisque deridendum: quod tamen nisi faceret, molestissimā intus in animo exprobratione arguebatur, nullo in pretio DEUM & amorem illius habere. Ad hunc modum 30. ipsos dies insolenti luctu secum, ipse dimicans, ut veluti indagine cinctus nullam evadendi viam reperiret; statuit tandem rem totam Superiori aperire, sine cujus annutu factum adeo exoticum aggredi non liceret; nihil dubitans potestatem ejus exequendi sibi denegatum iri. Igitur trepidè quidem januam pulsat, & mox admissus breviter menstruam exponit in corde suo Divini propriiq; amoris pugnam, veniamque postulat publicum de se Urbi Neapolitanæ spectaculum, tanquam mente capri exhibendi. Vix effatus erat, cum Rector Collegij Pater Antonius Spinellus, Vir literis, prudentiā, & vitæ sanctimoniā notissimus, facile liberaliterque Divino utique motus impulsu annuit: tanto Bernardi ex improvisa concessione horrore, ut penè animo obriguerit.

Ergo certus jam mentem illam sibi à DEO injectam esse, torporem omnem generoso & cœlitus roborato spiritu excutit, positæque veste religiosæ, centones abjectissimos induit, humeris manticam injicit, & sic ridiculè ornatus funeque cinctus, stulto propior quam mendico in plateam prorumpit, frequentiora Urbis compita & vicos, eo tempore quò foras comitantium multitudine maxime fervebant, lento passu obambulat: ac tandem ad Domum Professam Societatis ita squalidus gestu & incesso, oréque incompositus divergit, ut ab socijs quoque haberetur mente captus. Nec defuere quæsitæ eo ambitu vulgi ludibria: nam promiscuæ sæcis homines alij sibilo & cachinnis, alij luto & putridis pomis tergo impactis, velut insanum largiter insectari: prudentiores verò de potestate mentis seriò dejectum credere & miserari: quidam gravis alicujus culpæ noxam ab ipso expiari arguere: pauci admodum amicorum & discipulorum id quod erat arbitrari, & latentem sub hoc schemate virtutem suspicere. In hunc modum triumphatâ mundi gloriâ per longas ambages domum revertit, in alium penitus ex eo momento mutatus Virum: siquidem eâ ipsâ quâ sapientem stulticiam absolvit horâ, admirabiles, nullique exprimendas verbis è cœlo hausit toto pectore voluptates, tantumque simul cœlestis sapientiæ combibit, ut se & alia admiranda novo quodam lumine collustratus penitissimè perspexerit, mundoque deinceps totis viribus infestus, DEO unicè constanter in summa vitæ sanctimoniâ adhæserit.

FFF



serit ; quam certum est ab hac sui victoria ortum habuisse : siquidem ex eo tempore alijs oculis humana omnia intuens cathedris scholasticis valedixit, & salutis alienæ siti incensus totum se concionibus addixit, & in eo munere ad mortem usque cum innumerabilium animarum salute perseveravit. Accessit & aliud per eos dies, quo vehementer ad opus hoc Evangelicum incitari se sensit : vidit enim canem aliquot catulorum matrem, quæ ad eos in profundissimum puteum dejectos, de sobole servanda sollicita, immani saltu sponte in certissimam mortem se præcipitavit : ex quo spectaculo vehementer ille commotus, *itane verò, aiebat ipse secum, plus canis suos catellos, quàm ego animas diligam? fortius illa nitatur etiam cum sua pernicie eruere foveâ demersos, quàm ego vitiorum & inferorum barathro propè jam absorptos?* Quare toto animo ad juvandas animas inardescens, ubi insuper eodem tempore clarum DEI paræ imperium accessit, omnibus obstaculis perruptis, operi Apostolico se accinxit. Hæc enim summa cum gloria & inexplicabili pulchritudine visendam illi se exhibens, in signum maternæ benevolentiae ejus pectori manu imposita, ita affata est : *laborem gnaviter, & indefesso studio ad hoc committere, ut peccatorum salutem semper queras, & quæ publicis de suggestu, quæ privatis sermonibus animas mihi adducas : hoc enim obsequio neque mihi, neque Filio meo jucundius gratiusque præstari potest.*

Et verò præstitit id prolixè Bernardus, totâ non modò Sicilia incredibili fructu auditus; sed per Italiam etiam à præcipuis Urbibus expetitus, dum Venerias, Genuam, Neapolim, Mantuam, Brixiam, Anconam, Luccam, ac denique Romam ipsam excoluit, tanto mortalium ad ipsum audiendum concursu; ut Neapoli armato Germanorum satellitio, Romæ verò Helvetorum custodiâ sepiendus fuerit, nè turbæ impetu opprimeretur : nec rarò in publicum campum transferri suggestû oportuit, quòd capiendæ multitudini nulla templa sufficerent. Unde vulgò Apostolus, Seraphinus, & novus Paulus appellabatur, currebatûrque ad eum veluti sanctum audiendum à multis milliaribus, & grande operæ pretium gaudebat quis se retulisse, si cùm dicentis vocem ob multitudinis concursum audire nequisset, gestum saltè perorantis vidisset. Certumque est, Neapoli obstinatum Turcam, solo dicentis ardore gestûque commotum (neque enim concionantem intelligebat) Christi sacra expetisse. Quid verò non exprimeret ab auditore dictio, cujus Ora-

tor antequam pro concione lacrymas ab ejus oculis eliceret, flagellis prius asperrimis è proprio corpore sanguinem semper expressit? indè nimirum sequebantur totius concionis ipso perorante lamenta, ploratus, & peccata sua desolentium ejulatus, ut interruptam dolentium singultibus dictionem sæpius intercalari necesse fuerit. Et tamen licet hoc fervore per sæpe unâ die quinquies vel sexies verba faceret, de suggestu rectâ ad sacrum tribunal, totus sudore madidus accurrebat, ut expiare mentem volentibus aures præberet : tandemque exhausta viribus membra non aliter quàm duro assere, vel nudâ humo reclinabat. Nec minimum dictioni pondus accedebat à patrocinio S. Antonij Patavini, & S. Francisci de Paula, cum quibus sibi charissimis conciones suas communicabat : quos etiam Genuæ dicentis latera utrimque stipare, & quæ promenda essent, gnaviter dictando suggerere, Vir notæ sanctimonie ex Ordine Reformatorum S. Francisci Seraphici conspexit. Neque alia defuere è cælo ad pondus Bernardi dictis faciendum adminicula : nam & vultus concionantis visus est modò lucidissimis radijs coruscare; modò ipsdem capitæ vertex in modum coronæ incingi; modò ipse toto corpore in altum elevari : alias verò lucidissimâ nube veluti nebulâ totus involvi, & pro verbis ardentes sagittas in corda mortalium ab ore jacere : demum alias totum cælum ad ejus imperium visum est in obstinatos armari, quando ad ejus vocem vindices è cælo ignes, tonitrua, fulgurâque deposcentis, subitâ mox ferrugine aër involvi, globari nubes, undique emicare fulgura, volare ignes, & horrenda tempestas ultima omnia minitari cœpit. Quibus denique omnia cedebant durata quantumlibet in adamantem sceleratorum pectora, inveterata prostibulorum & Veneris mancipia, vix ut concio ulla transiret sinè insigni alicujus obstinati peccatoris conversione.

Quæ, ad revocandos in vitam mortuos in peccatis, virtus inerat concionibus Bernardi : eadem erat ad excitandos in eminentem sanctitatem lethargo tepiditatis sopitos Religiosos. Passim enim in Sicilia & in Italia, præcipuè Romæ, Neapoli, Anconæ, Catanæ, & ubicunque laxitas in Religiosum alterutrum sexûs claustrum irrepisset, rogabatur ut ad incolas ejus verba faceret : faciebâtque communiter, ut primâ ejus allocutione cæcus totus in lacrymas solveretur; eosque vitæ perfectioris conciperet ardores, qui fræno jam magis quàm calcaribus indigerent. Experti id po-



id potissimum fuere quam plurima Virginum Cœnobia, quæ ad insignem sanctitatem provexit; cum antea sæcularibus etiam essent scandalo. Nec remissior vis inerat privatis fermocinationibus, ut nemo cum eo ageret vel loqueretur, quin melior evaderet: satisque erat multis vel semel in ejus familiarem congressum venisse, ut nuncium rebus humanis perpetuò remitterent. Sic Franciscum Cajetanum Marchionem Sortini; sic Robertum à Ponte amplissimæ & nobilissimæ Domus hæredem, postea in Religione, ob memoriam sui in spiritu Magistri, Bernardum appellatum, Societati adjunxit: & scemina Princeps post Ducem Adriæ Vidua cum ex eo quæsisset: *quid Divina Majestas à se fieri postulare?* illéque oculis tantisper in cœlum elevatis respondisset: *DEI voluntas est, ut mundo nuncium remittas, & in Parthenone religionem vitam, paulò post morte abrumpendam, transigas*: ad quæ verba veluti cœlitus sibi nunciata nihil illa differens, Religioni vitæ reliquum consecravit, multis maximisque sanctimonix signis postea decedens; atque hac ejus cum potestate loquentis efficaciam contigit, multa cœnobia pænè vacua sexûs utriusque incolis repleri, qui felicitatem suam unice Bernardo grati adscribebant.

Ad hunc modum salutem animarum sollicitè procuranti, alteram quoque virtutem DEUS adjecit, langvoribus corporum medendi: testatùmque publicis tabulis habetur, plus quam centum claudis, cæcis, & vario morborum genere oppressis, perfectam sanitatem impertivisse: Anconæ Virgo DEO in Ordine S. Dominici sacrata, dum brachio suo multis annis arido & contracto non impetrat ut bene precetur, & crucis signum imprimat: furtivè per Monasterij crates porrectam ægram manum, Bernardi manui applicans, momento sanam integre retrahit. Vincentiæ Chianæ pridem paralyti prostratæ simulque mutæ, necio quis frustulum ex pallio Bernardi rescissum donavit; id illa dum ore masticat, loquebamur, & plenam à paralyti sanitatem recuperat. Alteri scemina curationem ab eadem paralyti precanti negavit primùm se Medicum esse: mox tamen sanam consurgere fidenter iussit, & momento vigor emortuis membris perfectè redijt. Similem è vestigio curationem solâ perbrevis Patris oratione expertus est Franciscus Nicolosus Catanensis, à longo gravique renum dolore & triennali sanguinis fluxu liberatus. Uti & Nuncia Bonanno nobilis matrona, ab hæreditario quodam & fatali mamillæ tumore (ex quo & mater sua decederat)

serat) sanata. Plus tamen mirabilitatis habent sanationes aliæ, cum varijs prædictionibus conjunctæ. Maurus de Paterno, Familiæ Benedictinæ adhuc tyro, scabie sævâ instar lepræ laborabat, quæ uti capillos omnes defluere fecit, ita propter enormem deformitatem cum periculo contagionis conjunctam, Religioni inhabilem reddidit, ut judicio Medicorum incurabilis, propediem dimittendus esset. Interea fortuitò Monasterium Bernardus accedit, ad quem adductus tyro, omnium intercessione, matris præcipuè adjutus, malo remedium flagitat. Pater commiseratione tactus, bono animo matrem esse jubet, filium & sanitatem potiturum, & in Religione Abbatibus munere cum laude perfuncturum: tum ad Divi Antonij de Padua honorem jubet tyronem dicere Pater & Ave; ipsèque similiter aliquamdiu precatus, adolescentem amplectitur, & scabioso capiti facie admotâ osculum imprimit, ac simul scabiem omnem dispellit. Is postea Catanensis Monasterij creatus Abbas, & laudatissimè illi multis annis præfuit, & duplex Bernardi in se beneficium gratus prædicavit.

Virgo sanctimonialis diro carcinomate jam vigesimum annum exedebatur in pectore, cum in eam spem venit, si à sacra Bernardi manu tangeretur, dubio procul sanam fore. Tali desiderio & sollicitudine æstuantem, quod desperaret id à castissimo Viro impetrandum, somnus oppressit, in quo à Patre per visum sibi comparente sensit exesam mamillam tangi, simulque ex integro sanari: prout etiam discusso somno stupens deprehendit, sævâ cancri lanienâ se penitus exemptam. Simili contactu puerum claudum curvisque tibijs ægre incedentem, invocato S. Antonio Paduano, & pueri cruribus ad suos pedes applicatis, momento plenè sanavit: simulque effecit, ut qui hætenus multorum annorum nanus nihil omnino crescebat, quotidianis indè incrementis justam obtinuerit staturam. Quin & addidit, grave illi periculum imminere, quod biennio post incautum comprehendit, dum è summo majoris templi tholo decidit, Bernardi meritis (judicio omnium) ab ultimo exitio servatus. Panormi duæ erant filiæ pauperi viduæ, utraque non tantum membris capta, sed & oculis orbata, pro quarum sanitate dum Pater rogatur, sacrificat; utrique subito vigor integer oculorum, & membrorum omnium redit. Id Mater à Sacrificio redux conspicata, dum vix oculis suis credit, & modum receptæ incolumitatis exquirat, illæ candidè fatentur: *cum paulò antè,*



tè, inquit, in templo abesses, vox ad nos allapsa est: *Eja surgite, ambulate & oculos aperite: simulque lux affusa est oculis, & vigor membris redijt.* Petro Castello Societatis Scholastico, Messanæ tunc Metaphysicæ vacanti, sex non ampliùs vitæ horas concedebant Medici: quod audiens Bernardus, in cubiculum secessit, ut DEUM pro illo precaretur: subitoque rediens, nequaquam eo morbo moriturum edixit, qui etiam depulsâ mox febri paulò post integrè convaluit. Francisco Sidoto jam 40. dies lethargo in certam mortem sopito, remedium à Bernardo mœstus parens per literas expetijt, quod is Catana tunc abesset. Rescripsit Pater certas ad S. Antonium Paduanum & S. Franciscum de Paula preculas, eorûmque patrocinio proceratò sanandum spondit. Sed Parens in Collegio strophium insuper Bernardo usuale impetravit: quod ubi primùm moribundo applicuit, discusso mox lethargo æger cibum poposcit, & refectis viribus salvus è lectulo surrexit. Aliàs cum pro absente amico febribus domi æstuate opem à Patre amicus postulasset; ille expresso super hujus pectus crucis signo, idem super febrienti amico fieri jussit: quo peracto confestim febris ab ægroto discessit.

Ut verò multis sospitatem corporis, ita nonnullis & mortem vaticinatus est, ut animis mederetur. Panormi fortè classẽ Grammaticæ ingressus, cum nonnulla frequenter de pretio castimonie, excitandis ad ejus amorem adolescentulis dixisset; repente in DEUM abreptus, defixis in nobilissimum Grammaticæ tyronem Franciscum Justinianum oculis, inter singultus dixit: *ah oculi, oculi! modo plus nimium vivaces! claudite illos mi fili! quando maximè te credes felicem, & à sirenibus fasciatus floridam sperabis adolescentiam, mors tibi eos occludet!* Paucis post annis, morbi violentiâ genitori ad extrema deducto, juvenis jam exequias parabat, paternæq; opulentie hæres futurus, longam sibi pollicebatur ætatem; cum insperatò convalescit Parens, & è contra ardenti febre correptus filius, eadem, quam Patri paraverat, pompâ funebri tumulatur. Ibidem anno 1588. cum pro coniectione diceret, repente oratione contra munionem maritimam ibi vicinam, vulgò Castellà mare dictam, conversâ, horrendam illi propter scelera incolarum everfionem, & ultimum per flammam excidium propediem imminere comminabatur. Et ecce paucis post diebus tormentarius pulvis, incertum quo casu accensus, Castellum magna ex parte fun-

ditus eversum disjecit, saxa immania longè latèque dispersit, incolas ferè omnes miserandum in modum discerpfit, exussit, aut in mare explosit. Sed ut ad lætiora vaticinia redeamus, evocatus aliquando ut in domo Principis scemina parturientis, sacris operaretur, Missâ finitâ prædixit masculam fore prolem: cujus paulò post graviter ægrotantis faciem pileo suo contegens, *sanet te*, inquit, *S. Antonius*; & mox egestis humoribus infantem integrè sanatum reliquit. Catanæ à D. Fabricio Ribbiba rogatus, ut amitam graviter Romæ decumbentem DEO commendaret; post unius horæ in altissima extasi orationem fidenter Fabricio asseruit, amitam Romæ divinitus plenæ sanitati restitutam esse: quod eadem penitus die & horâ accidisse paucis diebus Româ nunciatum est. Id verò per S. Antonium se obtinuisse indicabat dicens: *hodie sanctus meus Antonius in mei gratiam Romam ivit & rediit, ut bono me nuncio exhilararet.* Drepani Illustrissimæ Domine Franciscæ Grimaldi prædixerat, parituram quidem filium, minimè tamen longævum: alterum tamen quem enixura esset, familiæ bonorûmque fore hæredem; quod utrumque ita evenit.

Contigit semel, ut inter navigandum ardentius peroranti ad nautas & vectores, pileus clericalis vertice fortuito excussus in mare decideret: de cujus jactura monitus à vectoribus placidè subjunxit, *rediturum brevi ad navigium*, captumque sermonem ad finem pertexuit. Et ecce pileolus undis innatans navem quantumlibet plenè velis volantem, insequitur, quodque omnibus summæ fuit admirationi, omni ex parte siccus, donec sponte ita vicinus accessit ut manibus prehendi posset. Catanæ fortè ad littus maris inambulantem obsecrabant piscatores, ut felicem eis sandularum piscationem à DEO obtineret: quibus morem gerens, elevatis in cælum oculis, crucis formam super mare & retia dexterâ expressit, votique compotes proximâ nocte futuros præmonuit. Et verò cessit è sententia piscatio, quæ pluribus antè vicibus spem omnem deluserat: cujus eventu stupefactus unus è nautis, quoties deinde piscatum exiret, in nomine Bernardi consuevit retia jacere, maximum semper lucrum se fecisse luculentis testibus demonstrans. Iterum verò aliàs per mare Siculum navigabat, cum labores & lassitudinem remigum miseratus, aliquantulum vini, quod vix duobus in unum haustum sufficeret, ab amico expetijt, & vitum in remiges omnes largiter distribuit, ut omnes



omnes abundè haurirent. Quod cùm secundò fecisset, omnesque iterum ad satietatem bibissent, gens nautica prodigium tandem advertit, & *miraculum, miraculum!* exclamans, exscensione factà ità divulgavit, ut ad aures denique Episcopi pervenerit. A quo propè adjuratus Bernardus, ut rem prout gesta erat exponeret: *nescio sanè*, respondit, *quò vinum creverit: id scio, me cùm illud siticulosi hominibus propinarem, DEO supplicasse, ut abundè omnibus sufficeret.* Hæc prolocutus, velut magni sceleris ex propalato DEI favore reus, labra dentibus ad sanguinem usque commordit, lacrymisque loquacitatem suam diluere aggressus est, ut ipse Præsul doleret, se hujus tormenti causam Patri præbuisse. Hoc verò prodigium sæpe patravit aliàs, unde vinum ejusmodi residuum curandis infirmis religiosè passim asservabatur.

Tot, tantisque in dies miraculis latè inclarescentem, non dubitârunt quidam excitandis etiam in vitam mortuis implorare. Neapoli certè mulier cum mortuo infante ad Collegium accurrens, cùm Bernardum peregrè quopiam discessurum, & equo jam insidentem deprehendisset, abjecto ante equi pedes infantulo, negavit se indè recessuram, nisi vivum illum sibi restitueret. Hic verò Pater rubore perfusus, & miseratione tactus, DEO preces fudit: atque ubi exauditum se sensit, admotis equo calcaribus indè se, nullo verbo dato, proripuit. Mulier contemptam se rata, dum filiolum, uti opinabatur, mortuum à terra levat, vivum sanumque reperit, incredibili suo gaudio, & adstantium, qui plurimi aderant, stupore. Admirabilius fuit quod Panormi accidit, quando ad Probationis Domum iturus, in ipso limine infantem extinctum intra matris brachia, vitæ non rogatus restituit: ab eodem novo & inaudito prodigio matri, quæ beneficij auctorem ignorasset, proditus, *Pater Bernardus me vitæ restituit.* Maximè autem stupendum fuit, quod Catanæ Ecclesiam S. Francisci Seraphici cum socio ingredienti accidit, ut scilicet S. Antonium Patavinum, dulcem Amicum & Advocatum suum, in ejus ara veneraretur. Jacobat in uno templi Sacello, super feretro demortui juvenis cadaver mox terræ mandandum; ad quod ille, spectante magnâ hominum catervâ accedens, juvenem 21. annorum, obesum, procerum, quem vix plures commodè leverent, unâ manu prehensum perfacilè in pedes erexit: atque in omnium oculis diu multumque secretis cum illo sermonibus habitis, demum eâdem facilitate quâ crexerat, rursus u-

nicâ manu in sandapilam iterum exanimè reposuit. Quæ res per totam Urbem vulgata non aliter accepta est, quàm facinus humanis viribus majus & prodigium, quo Pater adolescentem fortè non satis antea expiatum vitæ eo usque restituit, ut salutarî pœnitentiæ remedio plenè DEO reconciliari posset.

In tam excelsò gradu posita Bernardi virtus, & tot præter naturæ limites signis illustrata, non potuit non oculos aliorum perstringere, & viris etiam cordatis, si non suspecta, certè lubrica & penitiùs rimanda videri, nè patientiæ materia illi deesset, sinè qua nulla virtus firma fixaque diu consistere potest. Et primò quidem ob aliqua pro concione supra vulgi captum prolata in suspicionem de puritate doctrinæ adductus, periculosa ad populum dogmata spargere insimulatus est, ità ut reum erroris in Fide quidam apud Inquisitores agerent. Doluit enimvero atrox calumnia Colnago, præsertim quòd multo demum sudore vix dilui, & ex hominum mentibus penitus deleri potuerit. Sed gravior illum tolerantia seges & diuturnior domi exercuit, quando inusitata ejus facinora, frequentes inter orandum extases, & in publico etiam coram multitudine non dissimulata à sensibus alienationes, ac multæ Regularum & ordinis domestici, dum cœlestes & minimè alijs consuetos impulsus in animarum procuratione sequitur, in speciem transgressionis, æqualibus scandalum, Superioribus autem spiritûs cujusdam exotici & periculosi suspicionem ingenerârunt, nè sub palliolo sanctitatis affectata quæpiam ostentatio, & plausuum consecratio lateret. Graviter ergo privatum & publicè in eum invecsti reprehendebant acriter, puniebant severè, & quasi arbitratu suo vivens communes Domûs & Ordinis leges insuper haberet, non perfunctoriè animadvertabant. Nec defuerunt qui eum vel illusum, vel inessum à malo genio arbitrabantur; qui à potestate mentis dejectum, aut ob mira, quæ patrabat, ad sacros Quæsitores cum Societatis infamia citandum. Quæ tamen ille omnia incredibili mansuetudine, non perferebat solùm, sed & rectè ordinèque Superiores hæc omnia sancto zelo inflammatos agere defendebat, ut neque DEO, neque sibi gratius quidpiam accidere posset. Accidit inter reliqua, ut Siciliae Provincialis Pater Joannes Carminata virtute & sapientiâ clarissimus, tot querimonijs tandem fessus, ex Consultorum suorum quoque sensu, Bernardo per Collegij Ministrum ultima omnia denun-  
ciârit, nisi modum faceret suo inconsulto fer-



vori, séque ad morem Societatis & disciplinæ ordinisq; domestici normam accommodaret. Sed Bernardus cælitus horum omnium præscius occurrit ipse Ministro, ad hæc nuntianda cubiculum suum accedenti: & *satisne armatus in me venis? non nescio cuius rei causa pedem huc tuleris, quidve Provincialis, quid Patres tibi in mandatis dederint; & cum dicto exponit exactè singula. Tum subiungit: Non sibi persuadeant in mea manu esse id, quod præter opinionem plausibile quandoque mihi accidit; vellem animatus abstinere; sed nequeo, quia supremus rerum Arbiter non finit. Cæli decretis & impulsibus nemo impune aut sine noxa repugnat. Neque ego cupio singularis videri: neque in leges peccare me puto, cum animarum, Divinæq; gloriæ studio Dictatorem summum audio, tardiusque ad mensam venio. Amor meus pondus meum, illo feror quocunque feror.* Obstupuit ad hæc Minister, probè conscius quàm secretò solus à Provinciali hæc in ejus conclavi accepisset. At Provincialis ubi dicta Bernardi intellexit, certus à DEO ipsi revelata hæc fuisse, *sinamus*, inquit, *hominem, faciat quod DEO aspirante videbitur, magnus enim est sanctus.*

Ut tamen populari plausu exemptus, ignotus alibi minore Societatis periculo viveret, Romam evocatus est sub annum 1605. futurus librorum censor, ubi nullâ cum proximo agendi copiâ, non secus ac hesternus tyro sæpenumero inter abjectissima Domûs munia delitescens, velut clausa sub modio lucerna, soli fulgebat cælo, brevè tamen rursum terris omnibus radios ab orbis capite sparsurus: quod ita evenit. Fortè orabat in Æde S. Catharinæ Senensis, cum illi cælitus suggeritur fore, ut ægrotanti Ecclesiæ in Lateranensi Basilica succederet. Vix domum reversus est, cum jubetur in Laterano pro concione dicere: quod eâ satisfactione præstitit, ut cum alijs media dicendi hora non amplius concederetur, Bernardo nullum limitem præfigi Canonici voluerint. Fama deinde per Urbem sparsa non plebem tantum, sed summos quoque Auditores attraxit: & famam exuperans virtus præcipuos quosque Cardinalium conciliavit, ut jam & Romæ crederetur nihil non apud DEUM posse, licèt naturæ leges transcenderet; cui opinioni non rarò cælum suffragabatur. Jacebat in febris incendio octo jam dies & noctes insomnis Societatis Sacerdos; hinc à Bernardo rogatus: *quid maxime in votis haberet? somnum*, respondit; tum ille manu utrâque ægri tempora blandè complexus, frontemque exosculatus, pulvil-

lo molliter composuit, & ut dormiret imperavit. Obdormivit illico æger, & post aliquot horarum somnum brevè convaluit. Quantum tamen poterat, laborabat favores in se cælicos & mentis in DEUM raptus occultos habere: unde quòd aliquando Joannem Brivium Episcopum Cremonensem in rheda Tusculum comitatus in extasim abripì se passus esset, in qua cæli Reginam cum sancto Antonio Paduano à sese conspectam, verbis & toto vultu prodidit, sensibus deinde restitutis adeò sibi iratus est, quòd in hominum oculis DEI dona non cautiùs celâset; ut è spinis contextam coronam validè capiti infixisset, ex qua sanguinei per caput rivuli copiosè decurrerent. Rogatus ab eodem Brivio Antistite, ut Parentis sui Marchionis Brivij valetudinem Mediolani ad extrema deductam Numini commendaret, in secretius cubiculum secessit, inque preces per diu effusus tandem sæpiùs exclamavit: *surge & ambula*; moxque ad Episcopum conversus: *ego Domine*, inquit, *Mediolani modo D. Parentem & reliquos affines ipsi adstites invisi, ideòque de salute Patris jubeo te esse sine metu.* Simulque & locum ubi æger Marchio jacebat, & propinquos omnes ita descripsit, ut licèt nunquam Mediolanum antea viderit, dubitari non posset in ea extasi omnia inspexisse. Et verò paucis diebus Episcopo innotuit Parentem Mediolani convaluisse, idque eò die & horâ, quâ Bernardus in oratione exclamavit: *surge & ambula.*

Clementinæ Bruni, Matronæ inter Romanas perhonestæ, in gravi quodam mœrore & afflictione, rogatus ut remedium afferret, nocte insequente à somno excitata, diserte, tanquam si præsens adesset, dicere auditus est: *quarite primum Regnum DEI*: ex quo illa plurimum mœroris dispelli persensit. Postero die cum ad eandem visendam venisset: *timuistine hæc nocte*, inquit? & mox sententiam absolvit: *& hæc omnia adjicientur tibi*; quo dicto anxiam vanis timoribus penitus absolvit. Denique & vaticinijs Romæ plurimum inclaruit; nam & Viro nobili Societati peramico, liberis omnibus eatenus destituto, hæredem masculum spondidit, indicato simul die quo mater illum enixura esset. Vincentio autem de Dominicis, Cardinalis Joannettini Doriæ Vicario, sævissimis lateris doloribus excruciato, sanitatem ab S. Antonio Paduano spondidit: & de veritate promissi, quòd dolor increpescens certam mortem afferre videretur, dubitanti, tertio idem asseruit. Et ecce lapidem repente è vesica enixus est materi-



materiem cruciatuum; quos deinceps in omnem vitam nullos persensit. Quin & mortem sororis suæ, Catanæ in Sicilia vivis ereptæ divinitus Romæ intellexit, & piaculari Sacro mox adjutum ivit. Adest multò post nuncius cum literis; quas antequam reciperet, nè dum aperiret, mortem sororis nunciare prædixit: negantique nuncio quidquam ea de re sibi compertum: *imò pridem*, subjicit Pater, *antequam venires, sororis obitum cognovi, & pro ea ad aram litavi. Sed bene habet, jam est in paradiso.* Lauretum aliquando peregrinatus, incidit in mendicabulum, cui oculus cavo suo dimotus, & in maxillam fædè pendulus erat: quem Pater manu suâ repositum in foramine mox stabilivit, dolorémque simul omnem abstulit. Romæ verò ad rusticum, cui ligna cædenti aberrans securis, inque pedem totis viribus impacta propè absceiderat, ab uxore ejulante adductus, perbrevis ad DEUM fusâ precatatione cruce pedem signavit; ex qua vulnus, citra ullum aliud medicamentum, ita coaluit, ut die sequenti ad labores agriculturæ incolumis redire potuerit. Atque his aliisque virtutum Apostolicarum & miraculorum splendoribus Romæ coruscans, Paulo V. Pont: Maximo in pretio fuit & amoribus, ut eum varijs ad DEI gloriam gerendis rebus felici semper eventu admoverit, & in consilium non rarò perplexis rebus adhibuerit: eâ præsertim tempestate, quâ inter Illum & Venetos eruperat in apertum bellum dissensio: de cujus eventu cum illi & Bernardo sermo esset, mirificè Pontifex erectus est, quando Patrem audiit disertis & vaticinio gravibus verbis finem belli, intrâ 15. dies fâciendo fœdere, prænunciantem; quod eventus mox secutus comprobavit. Itaque Bernardum per id tempus peregrinationem Hierosolymam meditantem, & obtentâ à Superioribus facultate, Genuam jam digressum, Pontificio Imperio ad se revocavit, & purpuræ dignitatem in Cardinalium Collegium adsciscendo seriò obtulit, nisi eam infimis precibus ipse cum lacrymis deprecatus ab se rejecisset.

Crescebant interea cum annis morbi, licet in acie & assiduis concionandi laboribus perstaret Bernardus, ut non nisi stando caderet, & mors pridem antè illi meditata, præcognita, & sæpius apud diversos prænunciata, appropinquabat. Illi siquidem continuò præ oculis habendæ, mortuale cranium multis annis ad caput lectuli affixum servabat: de quo cum anxius aliquando esset, nè fortè domicilium olim animæ ad inferos damnatæ foret, DEO supplex accidit, certus inimicum illi

caput in suo conclavi non tolerare. Cum ecce tibi funesto calvaria tremore horrendum succutitur: & Pater cœlesti hoc signo monitus, procul illam ab se confractam abjicit, atque aliam melioris sortis assumit. Pridem etiam certam obitûs sui notitiam à DEI paracleti accepit, quando Drepani ante ejus aram precanti vox à statua virginea allapsa est, quæ annum, diem & horam mortis, atque in cœlum ingressûs denunciabat. Iterumque anno 1601. Panormi nocte concubiâ precanti S. Petrus, cum Agatha & Ursula comparens, decimo abhinc anno è vita evocandum prædixit; interim verò in gratia DEI confirmandum, nè gloriâ perenni excideret. Quo nuncio ille velut extra se positus, & Cœlitum delicijs ebrius non potuit se cohibere, quin amico præ cæteris fidei rem omnem aperiret, ac deinde pluribus confideret. Hos inter Vir nobilis & apprimè doctus piûsque fuit Cataldus Fimia; cui, post decennium Catanæ ad cœlum se evocatum iri, prædixerat. Sed quia interim Romam evocato Bernardo decimus jam propè à prædictione appetebat annus, & Pater neque Româ unquam discessurus, nec Siciliam visurus ferebatur, addubitare de veritate vaticinij cæpit, atque hoc ipsum Panormi Societatis Sacerdoti, cui Romano nomen, questus est. Sed necdum colloquium abruperat, cum literas accipit, Bernardum Catanæ vicinum adesse: quo obstupefactus, in viam ocyûs se dedit, ut amico huic suo morienti assisteret. Namque illi sextum supra sexagesimum vitæ annum ingressus, iterumque ante biennium de instante morte præmonito, copia facta est in Siciliam ab Urbe redeundi, quem Panormitani eo Anno 1611, ut per Quadragesimam apud se verba faceret ab Generali Societatis impetraverant. Verum ut sua alteri vaticinio perstaret fides, quo pluribus ab hinc annis Pater ad populum Panormi verba faciens, disertè palam è pulpito edixerat, ultimam hanc suam Panormi esse concionem, neque ampliùs Panormum unquam visurum; vix in Siciliam applicuit, quando paralyfi & gravi ægritudine occupatus, Catanam magis deportandus visus est, non tam paralyfi levamen in aura patria quæsiturus; quam ex Divina voluntate ibi daturus spiritum, ubi hauserat.

Catanæ tanquam homo quidam cœlestis sanctusque exceptus, sorori primùm ex alijs charissimæ imminentem sibi transitum aperuit; & mox Thomæ Aimundo unâ & ipsius migrationem indixit, fore enim brevè ut in Paradiso simul conveniant, qui etiam octavo post



post Patrem die vitâ excessit. Idem & Octavio Ramondettæ Viro clarissimo prædixit, quando graviter Catanæ ægrotantem invisens, eoque maximè afflicto, quod procul Panormo à filiis suis & domesticis avulsus moreretur, solatus est, convaliturum ex eo morbo promittens, ut ad suos Panormum remeare posset: ibi tamen paucis mensibus superstitem, quindecim diebus ante se vivis excessurum. Excepit eam vocem soror Octavij lectulo assistens, quæ regresso Panormum fratre, ubi postmodum, ut mox dicemus, Bernardum animam agere intellexit, sinè hæsitatione credidit Octavium Panormi jam extinctum, prout mox allatus nuncius de illius 15. planè diebus ante Bernardum obitu vaticinationem explevit. Interea Bernardus, Majorum imperio, tres Catanâ levcas thermarum virtutem experiri iussus, ubi modico earum usu contra paralyfin aliquantisper se obfirmatum sensit, properè in Patriam revertit, ut per esuriales ferias conciones extremum haberet. Earum labore defunctus, cum nihilominus post Dominicam Anastasim dicere ad populum perseveraret, Dominicâ secundâ post resurrectionem in Æde S. Francisci de Paula concionatus, vale supremum Auditoribus dixit, & penultimam sibi eam concionem fuisse, unamque solam de bono Pastore in Templo Societatis habendam superesse, apertè pronunciavit. Nemo fuit qui non postremum locuturum Patrem audire cuperet; unde nondum albescente cœlo ad dictam diem ingens pro valvis Templi & Collegij prætollabatur hominum multitudo. Ipse autem non nescius sacrum Missæ Sacrificium similiter eò die ultimum, sibi que pro viatico in cœlum fore, animam exomologesi accuratissimâ apud Rectorem Collegij expiavit, & Sacrificium supra duas horas celebrando produxit: ac tum consensu pulpito, sub ipsum pænè dictionis exordium repentina capitis defluxio cor oppressit, ut respirationem & verba ægremoliri posset. Quia tamen ultimis collectis viribus, quoad liceret, cæptam concionem prosequi non destitit, novo irruente fluxu prostratus, pronus in suggestum incubuit. Fit clamor & ploratus totius concionis, cujus manibus & comitatu ad Collegij valetudinarium deportatus, ut primum redeunte spiritu verba formare potuit, denuo prolixum de cœli gaudijs sermonem duas horas ad eos habuit; donec tertium apoplectico humore planè obrutus, omni sensu destitueretur, solo nutu extremum ungi postulans: quanquam postea compertum est, id non tam morbidam

à sensibus alienationem, quàm mentis extasim, & in DEUM extra se raptum fuisse.

Atque ad eum modum sinè cibo, clausis plerumque oculis, dies omnino quinque instar mortui jacuit, in DEUM & cœlestia totaliter immersus: nam qui attentius è vicino eum observabant, Divinis occupatum colloquijs, Psalmisque recitandis intentum audiebant. Interea totos hos dies perpetuus quidam ex omni hominum statu ad eum accurrentium tenuit affluxus, partim manus ad cœlum mox migraturi exosculari, partim mortem sanctam spectare cupientium; quibus omne quod tetigerat religiosè conservandum, distribui debuit, futurum contra omne genus morborum salutare amuletum. Et jam feria 6. illuxerat, quâ sæpius cum moriente DEI Filio moriturum se antè prædixerat, cum ultimam animæ commendationem prosequentibus circa lectulum domesticis, velut è gravi somno excitatus, plenè ad sensus redijt: & dum inter Cœlites, ut in extrema lucta certanti adessent, S. Agatha quoque ceu Bernardo charissima invocatur, oculos in cœlum sustulit, vultum omnem serenavit, & blandè subridens, inclinato capite animam exhalavit, eadem quâ Christus in crucem actus esse creditur meridiei horâ 12. anno sæculi 1611. ætatis 66. die 21. Aprilis. Ad sepulturam publico totius Urbis luctu elato, parentatum simul est à Religiosis omnibus & Canonicorum Collegio, & quamvis tuendo corpori contra multitudinis impressionem mortuale ferculum ferri sepimento munitum fuerit (triduo enim inhumatum ad spectaculum & venerationem relinqui debuit) brevè tamen clathris effractis populus se infudit, & post direpta pleraque vestimenta, capillos etiam & id genus alia decerpfit. Felicem autem illius animam Cœlitum choris mox insertam fuisse plurimis ostentis & prodigijs illico patuit. Eâ ipsâ nocte quæ mortem illius præcesserat, Vincentius de Ramundo Juris Consultus vir gravis, postea Societati adscriptus, vidit in Collegio splendidum fieri à Cœlitibus apparatus, & in ejus aula Societatis Sacerdotem venerandâ calvitie spectabilem inambulare; cumq; rogaret quis ille esset? audijt: Generalem Societatis huc advenisse. Id die sequenti domesticis recensens, vereri se dixit nè P. Bernardus animam agat, ad quam in cœlum deducendam S. IGNATIUS descenderit: & vix ea dixerat, cum adest nuncius, & obiisse monet. Eâdem nocte in morbum incidit Paulus la Motta, cujus impetu mox obmutuit. Repentino ejus malo percussus frater, Vir Ecclesiasticâ



sticâ dignitate gravis, Bernardum invocat: *Si vera est, ait, quam de sanctimoniam tua concepisti existimatio, loquelam fratri ante solis ortum restitue.* Neque diutius factum quàm Psalmus 50. decurri possit, cum loquelâ integre receptâ, manè simul optimè valens surrexit.

Inter complures quibus à morte visendum se in cœlesti luce conspicuum præbuit, fuit etiam, qui accepto de obitu illius nuncio summo opere dolebat, tam beatæ amici mortis non adfuisse, & suprema officia neglexisse. Sed adfuit illi per noctis quietem multâ circumfusus luce Bernardus, sub umbella Regio morte spectabilis, promisitque se illi peccatorum veniam impetraturum: quam sponsonem secuta mox est summa & perpetua animi tranquillitas, in amici pectore relicta. Fuit & mulier Panormi sanctimoniam non vulgaris, quæ nuncios de obitu Bernardi anxia explicabat; sed nuncios prævenit ipse coram se sistens, aperuitque agonem suum non nisi extasim & cœlestium contemplationem fuisse; mortem verò rectum ad Prophetarum in cœlo sedes transitum. *Ad te autem, quod attinet, adjecit, scito, te brevè in cœlo gemmis lucidissimis coronandam.* Hærebat illa anceps unde hæc sibi è pretiosis lapidibus competeret corona, cum paulò post sævissimis calculi doloribus corripitur, quibus excarnificata, & post longam patientiam vitâ functa, ijs quas ipsa elaboraverat gemmis est insignita. Laudomia Gravina Catanensis matrona nobilis, violentiâ morbi ad extremum discrimen redigebatur, cum defuncti recens Bernardi indusium, amici morienti superinijciunt: cui mox conspicuus Bernardus adfuit, blandèque consolatus malum omne dispulit. Sed & alij Catanæ civi ipsos decem annos immani renum dolore confixo, per noctis quietem ad stare visus, morbum ita abegit, ut nunquam deinceps rediret. Prospero Siragossæ Medico filiolus erat triennis non modò murus, sed & leprâ toto vultu coopertus, quæ nullâ vi medicâ abigipoterat. Evenit autem ut ancilla pueri gerula, Bernardo adhuc viventi occurreret, & deformatam scabie faciem parvuli ostenderet: cujus ipse misertus, manu capiti imposita, lepram omnem signo sanctæ Crucis efformato absterxit. Quia verò vitium lingvæ Bernardo nō exposuit, remansit puer instar piscis mutus: donec elato ad sepulturam Bernardo, pueri mater per confertam populi turbam ad feretrum vix penetrans, manumque religioso osculo venerata, detractum digito anulum labris defuncti admovit, eoque attractu velut sacratum puello deosculandū præbuit. Et mox

*Societas Europæa.*

cum omnium stupore puerulus A.A.A. exclamavit, atque absterfo lingvæ impedimento, sensim infantum more loqui cœpit. Michaël Pappalardus sexennis pusio mutus & herniosus, ad sandapilâ itidem Bernardi ubi penetravit, eamque pio osculo venerat, est, illico malo utroque integrè liberatus expeditè loqui cœpit.

Petrum Micchiche duorum annorum invaletudo ad extrema redegerat, ut jamjam expiraturus crederetur: cum nobilis Vir Cattaldus Fimia quiddam ex reliquijs Bernardi illi applicat, soloque earum attractu velut à mortuis revocat: nam ille mox clausos in mortem oculos aperuit, & redeunte membris vitali calore assurrexit. Simili recularum Bernardi attractu, vel solo manû in feretro jacentis osculo, piave patrocinijs illius invocatione, erysipelas quinquennio genam insidens matrona quædam deperdidit: pauper alia amissum ab ubere pascendo infanti lac recuperavit: cancerum alia incurabilem à pectore: alia decennij puncturas acerbissimas à latere depulit: quidam fluxum sanguinis 40. dies perpressus stitit: Josephus de Marino morbum epilepticum: Ludovicus Argentina octennalem capitis dolorem amisit. Pluribus puerperis partim abortûs discussum periculum, partim diu luctantibus facilis obtentus partus: depulsi febrium ardores, & pertinacissima viscerum tormina: multi à phrenesi, podagrâ, anginæ, dentium, oculorum doloribus liberati: surdis auditus, cæcis visus, mutis loquela restituta: ac denique tot alij ex quavis hominum sorte, ab omni genere malorum soluti sunt, ut constans fuerit opinio omniumque sermo, non fuisse à sæculo Sanctum, qui pluribus in vita & morte claruisset miraculis quàm Bernardus. Nam & filiolo Didaci de Valle, Doctoris laureâ insigniti mortuo, pijs votis imploratus vitam restituit; & malos genios à nobili juvene ad sepulchrum suum confugiente expulit: uti etiam ab Elisabetha Augustini Stilla Brixie Archigrammatei filia; quæ omnia publicis tabulis & juratis testimonijs consignata asservantur. Neque defunt hodièque invocatione Bernardi prodigia, variæque ejus meritis à DEO concessa mortalibus beneficia, non modò per Italiam & Siciliam, ubi vivens prædicationibus suis innotuerat; sed in alijs quoque Christiani Orbis Provincijs & Regnis, prout varia anathemata, votivæ tabellæ, & munera diversâ à gratis Clientibus DEO partim domi oblata, partim Catanam transmissa testantur, quæ privatim interim in Societatis Collegio asservantur, olim tumulo servi DEI appendenda, si quan-

Ggg



si quando Cœlitum numero ab Sede Apostolica illum inferi contigerit.

Ut verò de heroicis Bernardi virtutibus paucula attingamus, mirâ fuit in DEUM fide & fiduciâ, cujus in alios quàm latissimè propagandæ, & pro eadem fundendi sanguinis desiderio, ardentissimis votis Indias expetijt: jussûsque à DEO in Europa remanere, ut quàm plurimi alij vitæ sanctimoniâ & ardore celebres tam de Societate, quàm alijs Ordinibus in Orientem mitterentur, auctor fuit. Cùm enim Montaltus Cardinalis quatuor millia aureorum annui proventus obrulisset, ipsius arbitrio seu Societati, seu ad aliud pium opus applicanda; Pater post fusas in eam rem preces persvasit, ut summam illam PP. Carmelitani Discalceatis pro sacris in Orientem ipsorum expeditionibus elargiretur: ex qua etiam erectis in Persia pluribus Missionibus, PP. Carmelitani hodièque aliquot ibi sustentantur. Ex ea quam de Christi in Evcharistia præsentia habebat fide, Altare vocitabat suum paradisum; ad quod litaturus animum semper confessione eluebat, totûsque in DEO tempore Sacrificij merfus diffuebat, solitus id non rarò ad duas horas protrahere, itâ ut Romæ in Natali Domini ternas Missas sex horas produxerit. Neque solùm ipse flammis cœlestibus tunc adurebatur interiùs, sed & non rarò ipsdem coruscabat exterius: & cùm in domestico Sacrario aliquando celebraret, post verba Consecrationis prolata, visus est locus omnis favillis plenus, quæ vario fluxu super aram sursum deorsumque ferebantur, quoad ipse sacram hostiam absumpsisset. Inde tantum illi erat sacrificandi desiderium, ut in ejus omittendi periculo non minùs quàm in summo vitæ discrimine prodigiosam ex cœlo opem deposceret. Accidit ut in Templo quodam celebrare volenti sacer apparatus deesset, in turri scilicet occlusus; itaque ad aram Matris Virginis ardentè auxilium precatus portam turris accedit, & *aperire*, inquit, *sinè clavi*: simulque manum illi leniter admovit; cùm illa momentò patuit, quæ alioqui vix multâ vi expugnari potuisset. In ejus celebratione sæpius à sensibus ad cœlestia abripiabatur, ut neque vellicationibus, neque succussionibus revocari posset: & Panormi elevata in sublime hostiâ, eam in alto (extasim passus) tenere perrexit, nec ante dimidium quadrantem, quidquid vellicaret aut retraheret minister, excitari potuit. Sæpius tunc illi contigit vitreas ex altari cadere ampullas, neque diffringi: quas tamen semel iterumque in frustra dissilientes, cruce leviter ductâ signatas redintegavit.

Orationi quantum acquiesceret, declarabat ardor & constantia illi impensa; siquidem tempus omne, quod à studijs vel juvandis mortalibus vacuum habuit, in genua prostratus illi consecrabat: tam arctè affixus DEO, ut neque rerum agendarum cura, neque demonis astus aliorum flectere animum orantis posset. Imò profundè adeò se Divinitatis pelago immergebat, ut perquam frequenter domi & foris, in templis & palatijs, in campis & in mensa extra se raperetur, & cœlesti quodam fulgore radiaret, aut sublimis à terra levaretur: quod quia in consuetudinem jam verterat, vix ampliùs admirationi in publico fuit. Certè peregrè aliquando profectus, quod in diversorio ignotus ipsas septem horas in extasi absque ullo sensu, respirio, & motu durâset, pro emortuo cadavere habitus, sepulchro jam destinabatur. Lacrymarum donum itâ commune habuit, ut sive horarias DEO, sive coronarias DEIPARÆ preces persolveret, sive ad populum verba faceret, vel patientis Christi meminisset; cœu gemino fonte aperto, ex oculis lacrymarum rivos depuleret, quibus sinum & vestem inundabat. Neque unquam per 23. ultimos vitæ annos, nisi bis terve, sinè lacrymis Missam dixit, quibus exiccandis plura strophiola æditus apponere cogeatur. Denique continuo precandi studio eò intimæ familiaritatis pervenit, ut à DEO, cœu amicus ab amicorum optimo nihil non speraret, nihil non impetraret. Quem si difficiliorem subinde ad vota sua deprehenderet, religiosâ quadam violentiâ aggressus, imaginem infantis JESU piè simplex, veluti captivum amoris obsidem arcæ includebat, illud Jacobi Patriarchæ usurpans: *non dimittam te, nisi benedixeris mihi*. Atque itâ semper eum propitium expertus, audacter quasvis calamitosorum causas apud DEUM agendas suscipiebat; quas scripto notatas, non secùs ac libellos supplices Crucifixo super lectulum deposito blandissimis verbis offerebat; & si duriorè experiretur, lacrymas, suspiria, sanguinem flagris expressum, adjiciebat: auditus aliquando ægro sanitatem itâ postulare: *banc mihi queso Domine fac gratiam, & sana infirmum, volo enim eum sanum fieri*. Quod si nec his cœlum flecti videret, cibo obstinatè tamdiu abstinebat, donec votis annueret; prout fecit accepto nuncio de Principe viro ad extrema deducto: ego verò, inquit, *nihil hodie cibi degustabo, sed precibus dabo operam, & ad meam S. Agatham & Antonium adibo, pro moriente litaturus, dum convalescat*: & peracto Sacrificio Princeps extra periculum fuit. Divina



Divina non tam meditabatur, quàm altâ contemplatione defixus aspiciebat, cœlestibus interim affluens illecebris, ut nisi lacrymis freno laxaret, & viam suspirijs, gemitibus clamoribusque panderet; sacris è cœlo flammis sese consumendum & ipse fateretur, & alij rerum conscij metuerent. Sat erat vel pauculis verbis inter colloquendum DEI meminisse, & jam scintillabant oculi, ardebat vultus, lingua, manus, pedes gestiebant, totusque sui impos modò dulcè cantillabat, modò subsultabat; ut qui hominem non nôsser, emortuæ mentis crederet. Fecit autem ut nonnunquam alij quoque paribus delicijs inundarentur, quorum unus illis ferendis impar ad Patrem accurrir, modum illis imponi flagitaturus, *Pater*, inquit, *ego gaudio emorior*; cui tamen aliud non respondit, quàm, *bene habet fili!* Ex consideratione è contra vulnerum patientis Domini tanto animi compatiens dolore excruciabatur; ut exhaustus, enervis, pallidus & emaciatus aspicientibus commiserationi esset. Sextâ quâque feriâ in lignea cruce procumbens brevem capiebat somnum, contra Crucifixi imaginem in lectulo floribus ornato collocatam. Eodem die, quoties de Passione Domini sermo fuit, vel sacrificium Missæ operabatur, acerbissimum in latere cordis cruciatum per sentiebat, quasi lanceâ perfoderetur, dolore pro magnitudine fervoris crescente; quod tormentum ipse sibi, velut insigne DEI munus, multis precibus accersivit; cujus violentiâ quoties ab Altari digrediebatur, ad mortem usque cor torqueri sentiebat. De iisdem Domini cruciatibus verba ad populum quoties faceret, ita exardescere (præsertim quando acceptam Crucem huc illuc ingenti ardore vibrabat) ut in fletus planctusque commoveret universos. Quâ spiritus contentione cum vires sanitasque plurimum detererentur, ex majorum imperio signum crucis cathedræ clavo bene magno, nè à Patre revelli posset, affixum est: quod tamen perinde ac si stuppa esset ferrum, multò quàm aliàs expeditius manum apprehendentis secutum est. Per sæpe caput capiti Crucifixi Domini apprimens adeò solvebatur in lacrymas, ut à capite ad pedes totum perplueret, quas ipse dein relambens pro nequitate, inter amorosos cantus reforescebat. Sed & Dominum de Cruce sibi quandoque locutum fuisse ipsemet confessus est: & eundem sub ipsa consecrationis verba spectavit in sacra hostia quinque è vulneribus largiter sanguine manantem: quâ re exterritus, inter lacrymas & singultus quæsiit: *egone mi JESU*

*Societas Europæa.*

*sic te laceravi? ego sanguinem expressi?* cui Christus: *non tuum hoc est scelus; sed per superiorem Templi portam modò ingreditur* (erat autem Aedes S. Nicolai) *qui atroci flagitio* (& nominavit illud) *hec mihi vulnere infixit.* Amore ejusdem mysterij percipiebat sextâ feriâ defungi vitâ, sæpius hosce versiculos dulciter modulari auditus: *non nisi die Veneris optata mors adveneris: ita precatur servulus, & non negabit Dominus: que sexta lucet feria, volo mihi sit ultima.* Neque aliter quàm cecinerat evenit, & eventurum die antè in concione prædixit. Aneam Crucifixi imaginem diu nocturne gerebat in corpore, ut adeò vix mirum sit, visam aliquando fuisse intra Bernardi oculos ad vivum expressam Crucifixi effigiem, quam ita assidue in corde gerebat.

Primo post DEUM cultu & amore prosequeretur MARIAM, cujus nullam iconem transijt quin officiosè salutaret; Coronam Rosarij jam inde à prima pueritia eidem dicere solitus. Nominis MARIE appellatio illi prænectare & melle dulcescebat, cui novos semper & suavissimos titulos, quoties eam nominaret, excogitabat. Tenebat Romæ in cubiculo ejus statuam antiqui operis lapideam & subfuscam, quam suam nigellam appellabat: neque ad illam perfugit unquam, quin impetratum, quod petebat, auferret. Inde Româ in Siciliam delata, in Catanensi Templo Societatis quot hebdomadis ad constitutam diem à populo perfrequenti colitur. Ad eandem frequentes exarabat literas non rudis amator, & Lauretum aliâque Mariana loca trans mittebat, & non raro corporali velo veluti supplices libellos, celebraturus substernebat, responsi gratiæque securus: quam ex sacra Cappuccinorum Familia Vir perquam Religiosus in Sicilia, velut DEI paræ internuncius, illi aliquando exposuit scribens: *bono esset animo, magnam ipsi gratiam & singularem à Cœli Regina promitti, quam & sibi pollicita esset.* Similem epistolam, per nostræ Religionis hominem, Drepanum ad DEI paræ miserat, quam ille sub scabello Statuæ Virginæ ita deposuit, ut eximi non posset. Hunc ex peregrinatione reducem Bernardus mirè lætus excepit, fassus se ab Augustissima Cœli Imperatrice responsum jam accepisse. Eodem pietatis lenocinio ab ea certior reddi, an è numero prædestinatorum foret, ad hunc modum impetravit. Pagus est Catanæ vicinus, & Virginis ab Angelo salutatæ imagine totâ Siciliâ celeberrimus, ubi literas magnæ Matris ad manus secretò traditurus, januis clausis,

Ggg 2 *socium*



focium foris ad posticam & aræ vicinam portam assistere, & sacrificanti de more respondere iussit: qui tamen sacrâ curiositate victus, cum duobus Patri familiarissimis Viris nobilibus Francisco Bolano, & Octavio à Valle, per rimam januæ quid ageret observavit. Hic ille primum à maiore porta nudis genibus ad aram usque reptavit: post consveto ritu sacrificans, ubi ad Hostiæ DEO oblationem ventum est, epistolam simulachro Thaumaturgæ Virginis porrecturus, manum sustulit, simulq; chartam illico evanescentem dimisit. A Sacro redeuntem interpellare super ea re non ausi, quia gravi mœrore oppressum videbant: ubi die sequenti, simili ratione peracto solitarie sacrificio, reducem insolitis perfusum gaudijs tripudiare notarunt, importuni semel iterumque tam diu institerunt, donec expugnato pertinaci silentio fateretur, hoc die tandem, quod heri frustra sibi manifestari petierat, impetrâsse; scilicet amicorum intimum Divinâ electione prædestinatorum syllabo adscriptum esse. Plurimum autem de ferendis ejusmodi ad Virginem epistolis deligebat innocentes puerulos: & licet aliquando innasutulos & curiosos, quid literis contineretur, incidisset; vel nullatenus referari potuerunt & legi, vel ex manibus evanescere. Itâ cum aliquando ex Catanensi Collegio duobus è schola juvenibus epistolam ad Virginis aram, cum officiosa salute deferendam commendâisset, Thomas Leonardi ex vicino id observans, nuncios secutus, locum quo charta post DEI parentis imaginem deposita fuerat oculis designavit, iisque digressis, ut epistolam curiosius perlegeret accurrit, neque tamen ibi, vel quovis alio circum loco quidquam reperit: sicut nec juvenum alter, dum facti pœnitens quod epistolam non antè perlectam aræ imposuisset, die altero ad eam auferendam frustra redijt.

Tam confidentem & incensum sui absentis amatorem ut solaretur castissima Virgo, persæpe illi se multâ luce conspicuam visendam exhibuit. Itâ cum aliquando ad imum aræ gradum sublati in altum oculis diu immotum consistere, post verò in cubiculo humi prostratum jacete notâisset minister: *mi Pater, quæsit, quid super aræ vidisti?* cui ille ratus fortè eadem ipsi visa, *spectabilem habui*, inquit, *hisce oculis DEI Matrem, in ipso aræ fastigio albo & nixili serico pulcherrimè vestitam.* Accidit aliàs in ipso Assumptæ Virginis festo, ut inter dicendum è suggestu totus repente expallescent, deinde fixo in cœlum obtutu, cancti similis, magno sensu & gaudio

ingeminarer: *video te Domina nostra, video te!* Rursum Catanæ festo illius Conceptionis die, quam ab omni labe purissimam semper ipse fortissimè tuitus est, vix ad aram illius litaturus accesserat; cum in eam oculis defixis, non jam imaginem, sed Virginem ipsam lucè plûs quam fidereâ circumfusam conspexit, in hæc primum verba erumpens: *ô quam pulchra es, quam pulchra es!* dein ad focium: *quam vereor*, inquit, *ut hodie sacrificare queam!* quæ verba identidem sub sacrificij progressum lacrymis perpetuò manantibus repetens, ægre illud ad finem horæ spatiò perduxit. Inde ad cubiculum per hortum inter extaticos clamores contendens, ministro ut omnia curiosè observaret vestigia sequente, laxatis sanctæ lætitiæ habenis porrectus humi, & facie solo appressâ altum ingeminabat: *quam pulchra! quam jucunda! quantisque delicijs circumfusa!* Atque tum pavimentum de lingua à porta usque ad oratorium osculis delibans, ac propè everrens, rotus in laudès pulchritudinis Virginæ absorptus eadem repetebat. Tantus autem in concionibus erat Bernardi, tamque efficacax pro asserendo Virginis immaculato conceptu zelus, ut eo permota Sicilia universa Urbium suarum omnium Præsidem & Patronam legerit: DEI Matrem, sub titulo Immaculatè conceptæ.

Qui tam familiarem habuit Angelorum Reginam, quid mirum est, si Angelos amicissimâ consuetudine pænè habuerit ut sodales? Tutelarem suum in Collegio Romano frequentissimè aspectabili formâ præsentem coluit, atque ad ejus Angelicam oris & morum compositionem suos ipse motus, vultum, gressusque conformare didicit. Hunc in rebus omnibus consulere, ab eo Divini amoris mutuare flammæ, constitutis horis à somno excitari, ad orandum, studendum, legesque ad amussim servandas invitari, & in levissimo levis etiam noxæ periculo moneri solebat. Hunc ille vicissim summâ veneratione, etiam cum non adesset conspicuus, colebat, reverentissimè alloquebatur, honoratiorem in cubiculo locum, in ingressu vel egressu primas concedebat, decumbendi facultatem, cum somno, opprimeret, petebat, & tanquam Pædagogo in omnibus morem gerebat. Pridie S. Michaëlis peregrè ad civitatem quandam magnâ corporis fatigatione delatus, rogatusque communi Civium & Nobilitatis nomine, ut die sequenti ad populum audiendi cupidissimum diceret, negotium suscepit, & reiectis omnibus lassæ corporis, quæ charitas domesticorum offerebat, refocilla-



mentis, exhausta membra in nuda humo quieturus deposuit, ligneo scabello pro cervicali usus. Cum verò ità deprehensus amicè moneretur, ut saltè necessarias concioni futuræ vires commodiore cubatu instauraret, reposuit: *nisi hunc in modum dormiero, quâ matione die crastino de Principe Angelorum dicam? cujus excellentiam nemo nisi vel Angelus, vel DEUS ipse satis explicet.* Atque in hunc modum nocte exactâ, sequenti luce ad omnium stuporem præclarè dixit. Studebat Bernardus omnium, præcipuè Angelorum, in parendo promptitudinem imitari: quam declaravit maximè, cum imparatus Moderatorum annutu jussus est in suggestum prodire, de B. V. verba facturus, non plùs temporis quàm ut Sacrum perageret concessio. Hic ille, quod solum poterat, ardentissimis precibus DEUM, Virginèque adegit; ut exorati, Angelum insigni specie de cœlo submiserint; cujus præsentia ingens animo robur ingeri persensit, consensuque suggestu tantâ verborum copiâ, sententiarum pondere, conceptuum sublimitate, ardorèque peroravit, ut nunquam uberius.

Jam verò inter cœli Indigetes, in quibus præcipuo cultu prosequeretur Apostolorum Principem Petrum, S. IGNATIUM Parentem suum, SS. Thomam Aquinatem, Bernardum, Vincentium Ferrerium, Ursulam, Brigittam, Catharinam Senensem: inprimis tamen & super omnes colebat S. Antonium de Padua, S. Franciscum de Paula, & S. Agatham veluti concivem suam. In eorum gratiam rogatus, nihil unquam negabat, eos per diem creberrimè invocabat, & vel in ipsâ mensâ, panis frustula, cruce signata singulis dicabat: eorum icones semper apud se gestabat, & ubi posset in concionibus eorundem amorem & cultum populis svadebat. Cui vicissim creberrimè ipsi aspectabiles se exhibere, familiariter colloqui, arcana cœlestia aperire, dum & annum locumque suæ mortis insigni favore ab eis edoctus est. Et quidem in S. Antonij Paduani familiaritatem adeo se penetravit, ut dubites illiusne in Cœlitem confidentiam, an hujus in mortalem propè domestica humanitas palmam retulerit. Fuit sanè cum ipse repentinâ animi voluptate perfusus socio referret, S. Antonium admirabili specie & fulgore sibi nocte adfuisse, staturâ quatuor digitis se altiore: qui me, asseri de more, inquit, incumbentem longo blandissimè recreavit colloquio, amplexu adstrinxit, & integram Cœlitum cohortem unâ adduxit, inque his Joannem Mariam Colnagum Panormi è vita di-

gressum commonstravit. Nec intermisit Bernardus omnibus vicissim Sanctum prensare, obsequijs, sepulchrum ejus quoties fas esset adire, versiculos in ejus laudes componere, in Templis suis ubique ex via adire, salutare, flosculis ornare, lacrymas & suspiria affundere, schedas ceu supplices libellos, varijs diversorum necessitatibus remedia implorantes deferre, ac denique admiranda supra omnem naturæ vim ejus nominis invocatione patrare. Antonius quidam nostræ Societatis adjutor, in sepulchro Dominico apparando sanctiore hebdomade in multam noctem laborans, fallente vestigio ex alto decidit, artubusque confractis in lectum delatus est. Bernardus id resciscens ad imaginem Sancti, quam in cubiculo servabat illico refugiens: *S. Antoni, orat, necesse est fratrem Antonium die crastinâ incolumem ad absolvendum Domini sepulchrum redire; quare age, sanitatem restitue.* Simulque ad decumbentem accurrens crucem bene magnam formavit, *S. Antonius, inquiens, te sanet; cras incolumis esto, & ultimam sepulchro manum impone.* Paruit æger, seipsum miratus surrexit, & viribus integris, omnium stupore, quod cæperat absolvit. Neapoli primæ nobilitatis puellam à Medicis jam propè depositam invisens: *S. Antonius, inquit, ad te invisendam venit, qui tibi longioris vitæ gratiam obtinuit. Euge bono esto animo, non est porro quod timeas!* Et vaticinium consecuta mox sanitas approbavit. Ad Joannam Mariam Todecam Sanctimoniali cum morte luctantem, Parentum rogatu, invisens, dum ad crates cum una Monialium de moriente colloquitur, solitâ simplicitate quærit: *volumusne Joannam restituere sanitati?* ad quod illa subridens, *omnino sanemus illam Patet.* Ergo, subjungit hinc, *ut eam sanemus, oremus sanctum Antonium.* Et cum dicto genibus flexis, sublatisque in cœlum manibus, ter repetitâ bene precandi formulâ: *in nomine Patris, & Filij, & Spiritus sancti,* Coronam suam precatoriam Moniali tradit, Joannæ admovendam: quam ubi attigit, periculum vitæ & morbum omnem dispulit. Ad Mariam de Consulo tertij Ordinis S. Francisci ab integro anno mutam, & membris omnibus trementem evocatus, quæsit ex ea quo nomine vocaretur? sed reponentibus domesticis, eam ab uno anno loquendi potestate destitui: *ego verò,* subjungit, *per Dominum nostrum JESUM CHRISTUM & S. Antonium, impero, edic, quod tibi sit nomen:* simulque linguam mutæ cruce signavit. Nec mora, nomen sibi Agathæ in baptismo datum ægra respondit.



Cúmque adhuc minùs expeditè verba eluctaretur, vini pauxillum priùs à se delibatum illi obtulit, ex quo semper magis lingvàm habuit expeditam. Sub hæc caput cæteraque ex ordine membra cruce signata, in Domino Jesu & S. Antonij nomine tremorem ponere, manus contractas explicare jubet: atque in hunc modum admiratione defixis quotquot serant, plenâ sanitate langvidam impertit; ultimò adiciens: *jam sana es, vicesimo ab hinc die etiam ambulabis*: quod & factum est. Denique vix ullum morbi genus est, quod invocatione hujus Sancti non fugaverit. Gravi vulnere hians cujusdam brachium, impresso super illud salivâ Crucis signo, & sancto Antonio invocato, mox coalescente vulnere curavit. Claudos, membris mutilatos, cardiaco morbo oppressos, cæcos, atræ bilis intemperie ad amentiam propè redactos, partim invocato Sancti nomine, partim ad illum suo nomine orandum remissos, malis omnibus exemit. Quin & flosculo ad Sancti poplitè attracto, oculos à Medicis jam deploratos restituit: febrim dato ad manducandum, quem S. Antonij vocabat, fructu extinxit: acerbissimos dentium dolores solo ejusdem imaginis attractu dispulit: pauperculæ pallium furto sublatum ità à Sancto reddi impetravit, ut in ipsa ejus ara (quod Bernardus rogaverat) à muliere reperiretur. Locus est ad maris littus unâ solùm à Catanæ mœnibus levçâ diffusus, amœnus inprimis & angvillarum capturâ notissimus. Illuc aliquando Superiorum jussu ad relaxandum animum discedens, dum sodales ex cætu S. Agathæ, quibus concessus erat, per omne littus piscibus capiendis dant operam, ipse Divinum officium interim orando persolvit. Post quod ad eos reversus, quàm felix sit piscatio rogat? audiens verò pisces quidem permultos, sed nullam angvillam prehensam, arrepto obvio hamo & in pelagus abjecto: *age, inquit, beatè mi Antoni, ex profundo maris sinu angvillam mihi porrige*. Vix finierat, cum adhamatam extrahit, sed parvam. Ad quam subridens, *Et quid hoc, ait, ô mi Sancte? pisciculus est non piscis quem das; itane hoc sit tuâ munificentia ac beatæ manibus dignum donum? restituo illud: Et quia hic non sufficit omnibus, majorem ut largiaris, demissè supplico*. Et cum dicto pisce hamoque denuo in undas projecto, subito angvillam insolitæ magnitudinis extrahit, quæ omnibus simul in prandium suffecit: à qua tamen ipse, omni que alio cibo diem illum jejunos abstinuit. In rebus autem quibusvis deperditis, quibus recuperandis S. An-

tonius potissimùm Patronus invocatur, communiter ab omnibus ad Bernardum recurratur, & ab hoc ad S. Antonium. Amissam casu seu furto mulam totos 40. dies frustra requisiverat nonnemo, ideo Bernardo supplex factus, ut precibus suis eam restitueret, ab eo ad aram S. Antonij cum flosculo caryophylli (quem fortè manu tenebat Pater) remittitur, spondetque jumentum à Sancto, oblatione precum & flosculi delinito, reducendum. Fecit is quidem imperata; sed mulâ non comparente, aliquot elapsis diebus ad Bernardum mœstus redijt, jussus denuo Sanctum ante illius aram precibus fatigare. Ecce tibi sub auroram diei sequentis pulsant hominis fores duo Franciscani; & alter quidem mulâ tamdiu quæsitâ insidens, nutu significantes, ut ad illam recipiendam descendat. Decurrit illico, & mulam quidem præstolantem reperit, at neminem ex Franciscanis totâ plateâ deprehendit. Lugebat & alius apud Bernardum rem magni pretij sibi perijsse, qui filium ejus, juvenem simplicem & rectum ad aram Sancti apud PP. Franciscanos ablegavit, jussitque salutem à se Divo dicere, rogareque suppliciter, ut dignaretur pandere, ubi locorum quod Parenti perierat, reperire daretur? quod si nollet indicare, lampadem ante ejus aram bene multis diebus sinè oleo à Bernardo destitutum iri. Ecce autem juvenis vix Templum ingressus obvium habet Virum Franciscanæ Familiæ, formâ præstantem, & quâ modestia vultûs, quâ flore ætatis conspicuum, à quo rogatus quid veller? sinè ambagibus jussa Bernardi exponit. Tum ille subridens Syriaco idiomate respondit, quî & quo in loco res invenienda esset? Hic rei novitate attonitus juvenis, loco sibi Syriacè indicato rem perditam feliciter quæsit, eaque repertâ longè magis attonitus est, quo pacto peregrinam neque unquam eatenus ab se auditam lingvàm intellexerit, quam Syriacam fuisse deprehensum est. Pari ratione mulionem perditò mulo mirè anxium ad Sancti aram ablegavit, duosque illi cereos accendere, & suo nomine hæc dicere jussit: tuus Bernardus vult, ut non priùs hæc dies effluat, quàm mulum mihi reducas. Vespere sub ipsum salutationis Angelicæ signum, audit fores pulsantem, mulumque à Franciscano adductum lætus inducit, parùm de adducente sollicitus. Donec collecto ex nimia lætitia animo ad cœnobium S. Francisci accurrit, gratias relaturus: sed nemine quidpiam de mulo, eò præsertim tempore horâ secundâ noctis sciente, ad Bernardum redit, à quo edocetur benefici-



beneficium id ad S. Antonium pertinere. Rustico qui multis frustra diebus amissum equum deplorabat, prædixit opem S. Antonij brevi reducendum. Et ecce paulò post audit agricola clamantem ad januam: *ejus age, equum tuum recipe.* Descendit, & equum tertiam noctis horam freno sellaque ornatum deprehendit. Sic & alij duplici jacturâ, muli & annuli amissi afflicto, annulum quidem restituendum, sed pro equo pretium recuperandum, prædixit. Adfuitque mox die altero qui pro equo 50. scuta numeravit, & alius qui annulum retulit. Denique si tardior subinde ad postulata sanctus videretur, accedebat Bernardus, confidenter cum eo expostulare, piè queri: voti autem compos factus, blandiri, corollas ex floribus ejus imagini deferre, metra in laudem componere, decantare. Accidit ut Bernardus mulieri amissum equum reddi à Sancto postularer, quem etiam maritus illico insciâ uxore recuperavit. Hæc cum tristior ad Patrem rediret, arbitratus ille suas preces non habuisse pondus, puerum quendam (postea S. Francisci de Paula Religiosum) ad Sancti Aedem ablegat; & dato in manus lapillo, *dic, ait, S. Antonio: P. Bernardus, ô Beate, ait, cor tibi esse hoc saxo durius, quod beneficium tantopere desideratum non concesseris; probatio amoris est exhibitio operis, ad quid tam proluxa mora, ubi celeratam necessitas opem flagitat?* His fideliter à puero relatis, lapilloque super ara deposito dum recedere parat, videt ex summa ara Franciscanum prodire, qui blandè arridens: *ecce tibi tuum lapidem, inquit, redi ad Patrem, etque ex me nuncia, ipsum magis in corde lapidem circumferre, qui toties experientiâ doctus, nondum sibi persuadeat gratiam pridem esse concessam.* Romæ quoque tardiorrem Sanctum ad audiendas preces expertus Bernardus, tria in papyro, supplicis libelli vice, exaravit verba: *cunctatum satis est, & super oratorio reliquit.* Quæ manè super mensa metro lepidè divinitus absoluto reperit: *vicit patientia vicit.*

Nec inferior fuit in S. Franciscum Paulanum seu pietas, seu confidentia. Incidit aliquando in puerum sexennem strumis deformatum, super cujus collum cruce ex saliva ductâ: *abi, inquit, ad S. Franciscum de Paula, teque à me missum dicito, ille nè dubita sanitatem tibi impertiet, quod & factum.* Genuæ, Martronæ nobilissimæ sobolem sibi exorari à Deo postulanti, persuasit ad Sanctum conscriberet ea de re supplicem libellum, cujus ipse bajulus esse vellet. Hunc sacrificaturus Corporali supponens: *Mi S. Francisce, ait, hæc ad te*

*venit epistola: non te fugit, quid illa velit, quidque tibi faciendum incumbat?* A Sacro regressus, masculam prolem enixuram matri prædixit, & eventus vaticinium firmavit. Catana ex longa imbrium inopia sterilitas agris, & lues corporibus certa imminebat: quibus avertendis urbis Antistes publicam supplicationem ad Aedem S. Francisci de Paula, delato Sacerdotum humeris S. Agathæ corpore, indixit, simulque Bernardo concionem ad populum imposuit. Ille fune in collum inserto, nudis pedibus, lacrymis perfusus, Divæ tumbam secutus, suggestum conscendit, & ardentissimâ dictione populum omnem ad lacrymas, ejulatus, & misericordiam DEI implorandam permovit. Cùmque cælum etiam tunc aheneum perduraret, ad S. Franciscum conversâ oratione: *Tu verò Sancte mi amantissime, dulcis Pater & benefactor, intercede, quaeso, ut pluviam nobis DEUS largiatur. Aquam, aquam peto, promissisti mihi pluviam, ita ergo promissis.* Sed cùm necdum plueret, finitâ concione populo tertium bene precatus est; nēmine tamen recedente, quod magnum aliquid omnes expectarent, siquidem ipse in suggestu perseveraret. *Ego verò, inquit Bernardus, è Divi templo non recedam, nisi impetrat à ejusdem precibus pluviam.* Itaque postulato ad Divinum officium persolvendum Brevariario, necdum primum Psalmum orando percurrerat, cùm nubibus repentè contractis tam copiosus imber decidit, ut nemo jam domum ire, si vellet, posset. Panormum, Superiorum jussu, Messanâ navi discedens, multis precibus Navarchum diu reluctantem, quod tempestatem cælum portenderet, tandem permovit ut ad portum Malazzo deflecteret, vestigijs S. Francisci duro saxo impressis, nobilitatum; ubi calcatis sicco pede maris undis primum terram attigerat. Vix anchoras jecerant, cùm obortâ procellâ mare intumuit, & immanibus jactata fluctibus navis tantum non aquis absorpta interiit. Omnibus ergo nautis pietatem Patris veluti stolidam incusantibus, & mille maledicta ingerentibus, ad templum Sancti properavit, multisque illum pro navis incolumitate deprecatus, frustulum ejus sacri Caputij à Religiosis impetravit, & coactâ aliquot puerorum, Sancti nomen implorantium, extemporaneâ supplicatione, ad mare venerabundus detulit. Ibi omnibus in genua provolutis postquam mari reverenter illud immerfit, mox à littore tranquillitas rediens usque ad navim Bernardi sese porrexit, ut alijs contra ventorum fluctuumq; injurias periculosè luctantibus sola quiesceret, donec

genti



continuatis Bernardi precibus toto mari malicia rediret.

Sanctam demum Agatham à puero tenerimâ pietare complexus, domo vix unquam prodibat, quin ad Cathedralem Basilicam diverteret, ejus tumultum veneraturus: cujus lipsana quoties in supplicationibus deferrentur, sequebatur ipse multis semper perfusus lacrymis, velut à sensibus alienatus. Habuit verò illam creberrimè inter dulcissima colloquia aspectabilem, ut eam sibi de facie tam probè notam diceret, ut vel penicillo expingere posse confideret. Contigit aliquando ipsum horâ noctis secundâ clausis jam omnibus portis Catanam curru revehi; cujus custodes aliò dilapsi, cum diu multumque aurigæ vocibus frustra evocarentur, parabat ad aliam Urbis portam ingressum tentare. Sed Bernardus id prohibens, ad vicinum S. Agathæ extra pomœria Templum, olim verò ejus carcerem, primò se convertit; deinde curru egressus, velut exploraturus ipse an porta pateret (quod prior antè auriga, magnâ vi eam moliri connisus, frustra tentaverat) eâ leniter percussâ, submissiore quidem, sed quam auriga cum Patris socio percipere posset, voce *Agathula soror mea*, inquit, *non audis? aperi mihi ô Virguncula CHRISTI! non te fugit fractas corpusculi mei vires sub Jove frigido noctem sine damno ferre non posse? Itaque necessum est, ut nisi in pristinos cruciatus revolvî servulum velis, portas Ipsa, quod potes, ætutum pandas. Et dabis hoc amanti, qui nihil meritis omnia sperat.* Vix dixerat, & porta minor non amplius, quàm ut ipsi sociòque transitus esset, patuit. Quare novis precibus Divam aggressus: *Agatha, spes mea*, addit, *quid me ludum facis? mancipium tuum audi, sed fidum tibi per omnia.* Curru opus est, majorem portam, utramque laxa valvam. Et cum dicto etiam aurigam currumque admisit porta. Tum Bernardus aurigæ: favit planè fortuna, ait, quòd apertam adhuc portam invenerimus. Hic verò miraculo attonitus, neque respicere, quis aperiret, quisve clauderet ausus, sacro quodam horrore penè extra se raptus est, cum jussus à Patre portam, nè quid indè damni custodiæ paterentur, obserare; illam pavens tremensque invenit seris & vectibus de more occlusissimam. Syracusas aliquando Catanâ naviganti cœlum in atrocem adeò tempestatem inhorruit, crebrisque fulminibus, procellosis ventis & fluctibus navem instar pilæ jactavit, ut omnes desperatâ vitâ ultima remedia corpori animisque circumspicerent. Bernardus inter hæc svavè subridens S. Aga-

tham & S. Antonium magnis vocibus implorare omnes jubet: simul ipse efformato crucis signo, tempestate omni momento dispulsâ mare tranquillavit. Laborabat iterum Catana multo tempore imbrum penuriâ, spemque omnem futuræ messis cœlum æneum propè jugulaverat. Cum Bernardus inter concionandum ad Sanctam, cujus octava agebatur, ardentè preces fudit: & repentè cœlum tam densos effudit imbres, ut torrentes per urbem latè ruentes egressum è templo prohibuerint. Eadem in urbe puerulus erat, quatuor jam menses defluente in oculos humore penè excecatus, ut Parens non ex vano metueret, nè malum fixis radicibus visum penitus filio adimeret. Quare à Bernardo remedium cum lacrymis orat, jussus ab eo templa SS. Agathæ, Lucæ, Francisci Paulani, & Antonij Paduani cum filio supplicatum adire, neque defore Divorum patrocinium. Mirum dictu! redux domum Pater, natum ex integro sanum reperit: & seu oblivione, seu negligentia voti jam compos effectus, neque puerum ad præscripta Templa deduxit, neque ipse adiit. Paucis ergo diebus redit pristina cæcitas: quæ tamen, lustratis quas Pater innuerat sacris Ædibus, in perpetuum deinceps fugata evanuit. Exæstuans aliquando Æthna torrentibus igneis vineas & agros longè latèque involvebat, jamque vineto Viri nobilis & amicissimi cladem ultimam minabatur. Accurrit Bernardus, & in quatuor vinearum lateribus modicum de gossipio S. Agathæ defigens, metam voracibus flammis posuit: quas non ausæ transgredi, omnibus circumquaque ruinatis, visæ sunt magno spectantium stupore plenis vorticibus affilire, sed arcanâ vi repulsæ in aditos undique campos diffundi.

Nec defuere ejusmodi plura alia, quæ semper in promptu habuit quoties DEI honor aut utilitas proximi exigeret, prodigia. Sermo illi aliquando erat in domo quadam super amabili SS. Trinitatis mysterio, cum dæmon id perosus repentè densas totâ domo tenebras, magno omnium horrore, diffudit: sed has Bernardus factò Crucis signo momento dispulit. Aliam fortè domum ingressus, cum reperisset Matrem familias parandis ad furnum panibus occupatam, unum ipse manibus è massa formatum pinsi & asservari jussit: qui per annos complures incorruptus, multis salutis contra omnis generis morbos degustatus fuit. Erat Canonicus graviter ab alio dissidens, & ad redintegrandum amoris vinculum flecti nescius: hunc familiariter conveniens Bernardus, crucem ejus pectori vix sentienti im-



impressit, & animum sinè mora ità composuit, ut mox Templum ingressus, inque genua provolutus, preces pro inimico fuderit. Et verò singularis inerat ad tranquillandos & sanctâ jucunditate exhilarandos animos verbis Bernardi gratia, quâ mirè captus Clemens VIII. Pontifex Maximus, crebrò illum accersibat, quoties præsertim curas sapido de Divinis rebus colloquio lenire vellet, jubere solitus: *vocate nobis illum sanctum Patrem*. Nunquam auditus sinistrè de aliorum fama loqui, dicta factâve carpere: sed neque ab alijs nomen proximi obteri ferre potuit. Nobilis publico Judicis decreto Catanâ ejectus, Romæ ante omnia Bernardum convenit, suam illi calamitatem relatut: à quo solatij vice gravissimè reprehensus est, quòd Patriâ discessisset, nec antè famam Viro nobili, quem falso testimonio in judicio oppresserat, restituisset. *Aditum*, inquiens, *Catanam redi, & iniustam alienæ famæ notam dele*. *Properito opus est, nam de salute animæ tuæ agitur; noli moras nectere, quia brevis superest tibi vitæ mora*. *Domino curæ erit, nè Magistratus in te gravius aliquid, quòd exulare jussus redeas, decernat*. Conternatus ille cùm inopiam & viatici defectum prætexeret, corrogatâ à Patre præsentì pecuniâ adjutus, vix Catanam attigit, cùm in lectulum fatalem concidit. Ergo Scribâ publico accersito fassus calumniam, testimonium antè datum rescidit, & animam tam gravi scelere exoneratam mox feliciter egit.

Jam quid ego de heroica ejus in adversis tolerantia, de injurijs ab inferno & mundo illatis dicam? sæpe ab his pessimè acceptus, sæpe ab integra dæmonum cohorte, lecto everso terræ allisus, & crudeliter cæsus, ut plagarum reliquiæ livor & vulnera in vultu hærent. Ut dicentem è suggestu præpedirent, modò molossi specie horrendis latratibus, modò insanis vocibus per obsessos homines concionem inquietabant: at jussi à Patre filere, illico ità conticescere cogebantur, ut solutâ concione in pristinos subito clamores prorumperent; quòd manifestum fieret, cujus imperio obmutuissent. Accidit ut in colloquio plurium Abbatum subito ex omnium conspectu ablati non compareret; at paulò post quàm indignè à dæmone vapulasset, facie lividâ, sordidâ veste, debilitatis artubus re-dux ostendit. Quibus tam parùm animo debilitabatur, ut hosti etiam contrà insultaret. Cùm enim ab Energumeno obstinatum exigeret, illéque minacibus verbis, *ego te Bernardone* (ità per contemptum vocabat) *in-*

*Societas Europæa.*

*ruborem dabo*, exclamasset: confestim Pater, & ego, inquit, *in DEI nomine, hoc ut facias præcipio*. At dæmon, *ohé! Bernardus cælo insistit*, dixit, & se devictum fassus excessit. Aliàs quoque ad deferendum obsessum urgens æternalem hospitem, cupidus aliquid pro Christo (erat enim feria 6. patienti Domino sacra) patiendi, impetravit, missum ut faceret hominem, & concubiâ nocte in suum migraret cubiculum. Itaque futuri certus, socium monet, nè quid timeat, si quid per eam noctem turbetur domi, aut manè ipse probè contusus appateat. Et verò quàm cumulatè voti compos evaserit, manè cadaveris instar porrectus humi, ac semianimis corpore fracto, livore suffusus oculis, totòque vultu tumefactus, domesticis abundè declaravit. Quibus causam mali quærentibus, in malum se impigisse scopulum reposuit: & remedia opportuna parantibus, solâ lustrali aquâ damnum omne momento citiùs absterisit. Neapoli quoque inter horum hospitem exercitus, incubile magno fremitu irumpètes, plures è Patribus ad visendum quid apud Patrem tumultus ageretur excivit, qui anhelantem quidè & sudore lacrymisque madidum, nemine, tortorum viso, invenerunt: ipse tamen asserbat, sentire se immanibus velut urforum, leonumque morsibus lacerari. Aliàs renu-enti dæmoni ab obsessio unde exigebatur exire, potestatem obtulit nocte insequenti ad suum migrandi conclave. At ille, *excedam quidem*, ait, *sed ire nolo ubi torquear, scio enim probè quid in cubiculo tuo actites*, ità dixit & Energumenum deseruit. Iterum Catanæ Templum Societatis ingressa Energumena, veniente ad prædicandum eodem Bernardo pedem referre omni conatu laborabat: sed eâ per vim à circumstantibus retentâ & ad Patrè deductâ, impatiens ejus præsentia dæmon, horrendo cum ululatu liberam dimisit. Sicut & in Parthenone, quem Siculi vulgò Conversarum vocant, pari facilitate ejectus à Novitia, (Paula dicebatur) infelix hospes, in signum sui discessus clavim ferream bene magnam ex puellæ zona pendulam confregit. Jumentò aliquando Mazzarâ Panormum iter agens, preces de more persolvebat, cùm mulus antè semper mansuetissimus, arte stygiâ in furorem actus, rupto fræno excussum vectorem, & loris ephippij, pede adhuc implicitum, per avia & devia, per saxa stirpesque longo spatio raptare, ut nihil ambigeret socius, Patrem eliso cerebro fractisque artubus jam vixisse, aut saltè animam agere. Ille interim lætâ voce hymnum trium puerorum canens,

H h h

cinens,



cinens, omnia Domini opera ad benedicendum illi provocabat: atque ubi jumento consistente socius occurrit, lætus planéque incolumis affurrexit, discrimen id ope S. Antonij Paduani dissipatum affirmans. Nec minùs anceps iterum in mari periculum cum pluribus è Societate Viris sævissimâ tempestate adierat; adeò ut ipsi nautæ talium experti, ubi insuper nescio quis piscis, certus naufragiorû index comparuit, etiam vestes, nè impedimẽto essent natantibus, abjicerent. Solus Bernardus ingenti fiduciâ Numinis imperterritus, signo Crucis tumultuanti pelago bene precatus est, statimque fluctus & ventos compe-scuit; ominosum piscem abegit, & optatam serenitatem citissimè reduxit.

His aliunde malevolentia hostium confictis adversitatibus, non inferiora erant intestina, quæ à morbis, doloribus, animi desolati angoribus, voluntarijs pœnis, majorem vitæ partem expertus est. Acutissimi lateris dolores, prodigiosi pectoris cruciatus, jam lingvæ, jam pedum & brachiorum ceu paralytis aut apoplexia, diu permolestè lecto affixum tenebant: neque tamen aliud expressere, quàm ut divinas etiam æger laudes decantaret, semper serenus, semper sui similis. Sortini nescio quo infortunio è scalæ gradibus prolapsus dextrum crus confregerat, cum lætus exclamavit: *ecce, ecce divina, sancta, justa & dulcis providentia amantissimi mei JESU!* Ejus dolori accessit simul immanior longè in brachio lateris sinistri, de quo ad familiarem Cataldum Doctorem scribens: *benedictus sis*, agebat, *mi dulcis JESU, quòd dolorum tuorum partem modicam propinasti degustandam; neque te latet exoptasse me, ut hi cruciatus diu sæviant, quo tui similior fiam. Domine mi Catalde, sæpenumero pœnas mei dulcissimi JESU ferriò pensitare & contemplari solebam: sed fateri necesse habeo, me illos nonnisi per somnium intellexisse, nunc autem didici ex ijs quæ patior & passus sum. Benedictus DEUS, quòd nunc in modum Crucis decussatim pugnent dolores, à dextro scilicet crure ad sinistrum brachium, &c.* Et tamen quoties breves inducias morbi fecissent, evocatus ad alios etiam minùs ægros, promptissimè advolabat, quique antè claudicaverat, hic instar cervi alacer accurrebat. Par erat inter calumnias & convitia robur. Invitatus in una Civitatum Italiæ ad solennem disputationem, nervosis argumentis premebat more suo adversarios: quibus expedire se cùm nequirent, literariâ pugnâ infurem versâ, stomachum omnem maledictis in Bernardum, velut bardum, stolidum,

superbûmque caput effuderunt. At ille nihil offensus, & pisce magis ad omnia mutus. explicatâ fronte in discessu perhumanum se in convitiatores exhibuit, gratijs etiam pro sui invitatione relatis. Neque remissius aut minùs rarò domi, etiam à Superioribus, in quo tam inusitati motus animi, ratio vitæ insolita, & res supra consuetum naturæ ordinem patratæ, magnas non rarò in eum procellas excitabant, dum ferè quisq; Moderatorum acrioribus humilitatis ipsius pertentandæ experimentis, an spiritu Divino ageretur, probandum sibi assumpsit. Commendaverat Sicilia Superioribus Claudius Aquaviva Societatis Generalis, Bernardi virtutum & sanctitatis intimè gnarus; ut illi, quoties vellet, domo exeundi & socij copia fieret. Persæpe tamen id Patri negabatur; & quidam experiendæ patientiæ causâ, humillimè socium pro exitu flagitanti non tantum abnuvit, sed verbis insuper severis, ceu hominem inquietum, vagabundum, Superioribus importunum, domestico ordini gravem, indiscretum, fugitantem & osorem solitudinis, objurgavit: nec tempus modò esse, nec socium fore qui comitari velit, nisi pro imperio jussus. Ad quæ Bernardus permodestè, nemini suâ causâ velle molestiam creati, solum reposuit: lætusque totum diem domi hæsit. Rursum cùm in negotio ad gloriæ Divinæ singulare incrementum expediendo diutius præter intentionem in urbe hærens prandij horam neglexisset, jussit Rector ut redeunti prandium negaretur: id Pater intelligens, instar catelli aut mendiculi humillimè ad cubiculum Ministri se contulit, & portâ lenissimè pulsâtâ, duo tantum hæc verba, Bernardus esurit, tam diu tamque patienter ingeminare perrexit, donec cibi quidpiam exoraret. Quòd si verò nemo esset qui foris Bernardo ægrè faceret, intus immittebat DEUS laniatus animo quandoque ita sævos, ut diceret, se Purgatorij flammæ optione datâ præ illis electurum.

Sed & ipse prædurus in se vindex! nè in cibo sumendo quidquam experiretur oblectamenti, illum absynthio, aceto, nimio sale, insperfo cinere, rutâ, vel acerbis fructibus dextrè corrumpebat, vel præcalidum sumendo, palatum adurebat. Quibus artibus id effecit, ut demum nullum edulij cujuslibet saporis, dulcis an amarus esset, perciperet. Hinc pallor in ore pænè mortualis, tanta in corpore macies, ut duplicatâ pelle stomachum operire posset. Accedebant frequentissima quibus à puero assueverat jejunia: quibus quantum offenderetur dæmon, luculenter Messa-



na declaravit, cum in cubiculo, quo tempore alij mensæ accumbebant, inambulanti, pyrum insolitæ molis & elegantiae in mensula, objecit : at Pater adoratus hostiles technas, Crucis signo pyrum disrupit, quod illicò flammam cum teterrimo odore evomuit, ipsamque mensulam adussit. Totos insuper 25. annos ficum nullam (quod in Italia Siciliâque, ficus imprimis exundat, permirum & difficillimum est) degustavit, quippe is fructus præ cæteris ejus palato arridebat. Vestitus illi semper fuit totâ domo vilissimus summæque attritus, id quod summis precibus à Moderatoribus impetrabat, ut veluti mendicabulum ex trivio centonibus potius malè tectus, etiam in Principum & Magnatum accessu, quàm aptis vestibus indutus incederet : nisi fortè pro imperio aliud Superiores jussissent. Cubiculum, quod incolebat, carcer poterat videri, ita arctum, & sub ipsis Collegij scalis erat : cujus tota supellex continebatur mensulâ, lecto, Crucifixi effigie, vetustâ DEI paræ statuâ, Calvariâ, flagello, & tribus quatuorve dilectorum sibi Cœlitum chartaceis iconibus. Libri parandis concionibus, quas in meris schediasmatibus conscribebat, vix ulli; nam si quibus opus haberet, Bibliothecam adibat ipse, tanquam mendicatis usurus. Lectulus autem non tam quieti serviebat quàm tegendæ virtuti, quando compluribus annis nuda illi humus pro culcitra fuit : aliàs Crux lignea prægrandis : & si in lectulo decumberet, scutellarum fragmina, spinæ, linteamini substractæ, & capiti saxum aut liber pro cervicali suppositus. Nihil siquidem magis illi in votis erat, quàm vitam cibi somnique expertem agere. Invitatus aliquando Neapoli à Patribus Carthusianis, cum aliquot consequenter diebus pias ad eos exhortationes, magno illorum in spiritu profectu, habuisset; rogatus summo opere, ut tergiversari ultra non posset, quâ maximè dape cænare cuperet? *due starne*, italicè respondit. Ergo sollicitè totâ Urbem aves hæc conquestitæ, cum gaudio parantur, & mensæ imponuntur, quos tamen Pater nè attingit quidem. Mirantibus autem, & ad edendum desideratas volucres hortantibus, errasse toto cœlo illos respondit : *non has ego in delicijs habeo, sed due starne* (significat autem *starne*, seu *starse*, idem etiam, quod *vivere*) *starne senza mangiare, starne senza dormire* : id est, *duplex vivere, vivere sine cibo, vivere sine somno*. Quod etiam utrumque eò die præstitit, dum post parcissimam cænam, ante lectum totam noctem in oratione prostratus duxit in somnem. In alio S. Benedicti ascen-

*Societas Europæa.*

terio simili de causâ versatus, cum cæteri à cæ-  
na quieti se darent, ipse in templo observatus  
est in aræ gradu super duro marmore pro-  
cumbere, & ante auroram in cubiculum se  
subducere, ibique genibus flexis orationi va-  
care. Præter has supra humanum modum  
potiore noctis parte in oratione vigilias, ad-  
debat quot noctibus, etiam dum in sæculari-  
um domos diverteret, prolixam & crudelem  
flagellationem, deprehensus aliquando no-  
ctem integram sinè intermissione se flagris  
proscindere. Suggestum verò ascensurus,  
catenâ ferreis muricibus intextâ lumbos, im-  
pressis altum aculeis adstringebat. Non ra-  
rò etiam observatus est fluentem ex cauterio  
sanem sibi & alijs, dum peregrinorum pedes  
ablueret, exsugere: & inter ambulandum per  
campos, vepribus sentibûsque latenter ma-  
nus immerfas lacerare. Aliàs flagello lacera-  
tum lividumque corpus, gelido demersum  
stagno, propemodum extinxit: & in quodam  
Italiæ loco sub ipsos Caniculæ ardores glacia-  
lem specum nudus ingressus, donec pene  
congelasceret, hæsit; indè in apricum prosi-  
liens, ardentibus solis radijs ustulandum se  
exposuit, donec adustâ carne usque ad ossa  
penetraret incendium, duarum spatio hora-  
rum in hac sui carnificinâ consumptus. Deni-  
que in sepulchrale Collegij conditorium in-  
gressus, ibique recens defuncti Sacerdotis ca-  
put manibus prehensum diu tacitus velut ex-  
tra se positus tenuit, tandèmq; defluam ex  
putredine tabem, quæ manibus infusa hæse-  
rat, ingenti spiritu hausit: duo indè rara cæli  
dona consecutus, ut nullas ex eo die sordes,  
tabemque ægrotorum fastidiret, itèmq; ut  
miro pietatis sensu, ac cælesti quadam dulce-  
dine semper deinceps infunderetur.

Atq; ex his faciliè conjectu est, quantà ani-  
mi & corporis puritate enituerit ; quam An-  
gelicam fuisse ex vero dixero, quia supra con-  
fvetum naturæ ordinem egressa , nullis un-  
quam pravis motibus, imò nec cogitationibus  
labefacta fuit : cujus gratiam & donum suis  
precibus miro quodam modo etiam alijs im-  
pertiebatur. Ità pio cuidam ex certa Reli-  
gione Viro , gravissimis carnis, quibus impu-  
gnabatur, tentationib; remedium postulanti,  
Crucis impresso signo , tactis utraq; manu  
casto amplexu lumbis, omnem, momento ci-  
tius, libidinis flammam in perpetuum extin-  
xit, ut nè quidem scintilla supereffet. Alius  
quidam Societatis nostræ Vir ad lectum Ber-  
nardi pendulæ funiculum variè in nodos  
contortum advertens, quæsiuit, quid hoc  
vinculum sibi velit ? cui ille : *hoc laqueo ad-*  
*Hbb 2* *strictum*



*strictum teneo fornicationis spiritum, nè domum nostram pererret, & servos DEI inquietet. Risit ille, serióque explosit has nugas, & anilia deliramenta, quæis dæmonem adstringi posse, nimis superstitiosum esset credere: aquam lustralem, cæteraque id genus sacra amuleta illi fugando esse adhibenda, non funiculos, muribus colligandis vix idoneos. Falleris, reposuit Pater: nonne baculus Elisei in fugam dare potuit inferni satellites? & vae tibi! nisi arctissime hoc funiculo jam nunc spiritus libidinis alligatus contineretur. Sed alter opinionis suæ tenax, & erroris Bernardum coarguens funem solvit, vincula enodavit, & cumrisu abscessit. Vix aliquot passus abierat, cum velut agmine facto irruunt ejus animo imagines Veneræ, & conjuratæ cupidinis acies, adeò infestæ; ut talium insuetus, propè interitum, ipsasque inferni fauces se adesse ratus, ad Bernardum recurrere, opemque flagitare necesse habuerit; qui denuo adstricto in nodos funiculo, unico hominis complexu flammam voluptatis penitus extinxit. Nec impunè alteri fuit, strophium virgineo Patris sudore imbutum ab amasio lenocinio accepisse. Servabat illud inter sacratiora pignora pia Matrona, quod ancillarum una furto sublatum amasio suo donavit, & aliam furti ream fecit. Hæc cum innocentiam suam tueri aliter nequiret: faxint Superi, inquit, & P. Bernardus, ut nasò mutiletur is, qui strophium habet. Nondum lapsa erat semihora, cum ancillæ furacis amasius ad ipsas heræ fores in rixam armatus venit, & luculentam plagam in naso, furti indicem, accepit. Tantus ergo vitij, castimonie oppositi, cum esset Bernardus osor, eamque virtutem omni per totum vitæ decursum conatu integerrimam servare adlaboraret; promissa in cælo castis mentibus præmia magnam partem in vita adhuc mortali adeptus esse videtur: quando DEUM non quidem per lumen gloriæ, sicut in sua DEI tate à Beatis cornitur, sed in humana carne sæpius habuit visibilem, in Sacrificio præsertim, cum illum è cælo sub Evcharistiæ species evocaret. Ità aliquando cum Hostiam sacram sumpturus manibus teneret, apparuit sub ea Filius DEI elegantissimi Juvenis specie: cujus pulchritudine oculis abundè satiatis cum eundem intrà se recipere arderet, & Christus necdum sub panis veluti nubem se reciperet, suppliciter oravit: non amplius Domine, non amplius, quomodo aliàs ad plenum tuâ satabor Divinitate? quo pacto intra mea viscera te sumam sub hac forma? redi, obsecro, redi sub sacratæ figuræ Hostiæ, & consolare animam si-*

*cut oculos beasti. Quo impetrato, incredibili pietatis ardore sacram synaxim sumpsit.*

Jam verò qui DEUM toties vidit, quid mirum, si & cogitationum occulta, & futurorum eventus eodem monstrante penetravit? Joanna Requesenia illustris Virgo, sponsalibus nobilissimis contractis nuptias jam parabat, cui tamen constanter Bernardus asseveravit, nequaquam terreno, sed cælesti Sponso intrà cænobium copulandam; quin & cruciatuum S. Agathæ Martyris fore participem. Cum repente contra omnium expectationem sponsalibus dissolutis, Virgo in Monasterio votis emissis, diris gangrænæ doloribus in pectore ad mortem usque excruciatæ, plena meritis ad Christum migravit. Mulier quædam in primo matrimonio quinque filias suscepérat; hæc in secundo percupida mares gignere, Bernardi preces poposcit: cui ille septem parituram masculos spondit, quos totidem, neque plures, nullâ amplius susceptâ filiâ in lucem edidit. Paduæ Societati in Collegio jam fundatæ templum splendide edificabatur, cujus Rector Jacobus Lambertengus per nobilissimam fabricam Bernardum circumducens, omnem illum sumptuosissimum apparatus & pretiosa marmora ostentabat. Cui post omnia diligenter perlustrata in lacrymas solutus Pater: non erit hoc o Patres, non erit Templum Societatis, alijs paratur elegans hæc structura: antequam aperiatur à nobis, aliorum usibus relinquetur, neque nostris Sacrificijs hæc ara initiabuntur. Tam tristi denunciatione omnibus attonitis, non multò post cum in eo esset ut Templum panderetur, Societas è Venerorum ditionibus emigrare jussa, etiam hoc Templum unâ cum Collegio amisit. Messinæ ad maris littus fortè inambulans, repente in genua provolutus, idem socium facere jussit, & pro homine in urbe eo ipso temporis articulo ab hostibus suis occiso orare. Id quod ad Urbem redux socius ad unguem deprehendit. In maximam trepidationem adduxerant Catanam universam complures Turcarum naves mare illud pervagari conspectæ: de quo metu & periculo admonitus ab amico Bernardus: non petit hæc littora, blandum arri-dens respondit, classis inimica; sed aliò vela facit. Brevi quidem eodem modo ipso S. Martini die se denuo in conspectum dabit, propius tamen haud accedet. Quæ ità evenisse læta civitas vidit & obstupuit. Cum Noster aliquis cum morte summos inter dolores luctantem matrem intueri non valens, domum reversus, Bernardo felicem matri obitum exorandum commendasset, ille nullo dato re-

sponso



sponso, per unum horæ quadrantem in eodem hærens vestigio, velut in statuam obriguit: tandèmq; velut è somno evigilans: *bene habet*, inquit, *mater evasit. Imò mortuam esse*, reponente filio: *hoc morbo fati non concedet*, subjecit constanter Pater, *jam liberata est*. Idèmq; expeditus ad filium lætus nuncius mox confirmavit, eò ipso temporis articulo velut à faucibus mortis ereptam matrem revalescere cœpisse significans. Ad S. Placidi Benedictinorum Asceterium quinq; ab Messana levcis diffitum, ex itinere delatum Bernardum honoraturus loci Prior, juvenem Monachum ad cellam cum vitrea ampulla pro vino afferendo miserat: cùm paulò post Bernardus ad adstantes conversus: *Patres*, ait, *quem misistis hauriendo vino fraterculum, jam charitatis & obedientiæ tulit pretium, fallente vestigio præcepit per gradus lapsus, nullo tamen vitri viniq; damno*. Atque ità prorsus evenisse mox deprehensum est. Erat Josepho Anselmo civi Mileteni donestica inter mancipia Mauris progenita ancilla, de Christianis Sacris nè audire quidem sustinens: de cujus oblatione, transeunti fortè cùm Romam, tenderet Bernardo, questus, ex eo audivit: *Domine, serva vestra corpus nigricat quidem, at verò erit, cùm candicabit animus*. Frequentibus indè Româ literis Anselmo cùm commendaret eandem Mauram, corpore fuscam, corde candidam: paulò post illa fatali morbo obruta summis votis baptismum expetiit, eoque vix tincta decedens, animam supra nivem candidam cœlo transmissit. Messanæ accidit, ut quatuor è nostris juvenes, Joannes Renda, Andreas Evdæmon, Hugo Grifit, & Alexander Nevola, omnes Philosophiæ Auditores ad piam relaxationem considerent: quibus se adjungens Bernardus, & molliter arridens ad Rendam: *Frater*, inquit, *nisi me fallo, vehementer properas scribendo literas. Maeste animi, primus omnium obtinebis quod effugis impetis. Andrea, tu proximus eris: tertium locum Hugo sibi vendicat, postremum Alexander*. Atque hoc prorsus ordine ipsi ad mortem pervenerant, sub his verborum involucris à Patre prædictam; qui literas deproperatas, inflammata cœli in Renda desideria intellexerat. Hieronymi Justiniani mater cùm adhuc illum utero gerens percuperet, ut filius suus natus major, qui Panormi degebat, DEO in sacra quadam familia se consecraret: *minimè ille*, inquit Bernardus, *id facturus est; sed quem adhuc intra tua clausum viscera gestas*, Dictique veritatem dies aperuit. Sacerdos erat è nostris Joannes Baptista Mari-

nus, Collegio Catanensi datus Minister, omnium æstimatione probus & religiosus: quem tamen Bernardus liberè pronunciavit è Societate dimittendum, & infelici fato tollendum. Dimissus paulò post ab Ordine, Messanæ ad paternas ædes, cùm nocte profundâ tenderet, à fratre glande plumbeâ trajectus obiit, & inhumatus canibus in prædam, qui cadaver frustillatim devoraverant, cessit. Invitatus ad virum nobilem, Januario nomen erat, mortis proximum, allatis secum S. Januarij lipsanis: *ecce*, inquit, *Domine Januari, S. Januarius te pristina reddit sanitati. Tū fac ut flagitiosam emendes vitam; si ad pristina redieris, scito infelicem tibi mortem impendere*. Rediit ille ad vetita, & turpiter à servis in flagrante scelerum occisus, pœnam terribilem luit, fidei Bernardo negatæ. Multum è contra profuit alteri, dicto ejusdem fuisse audientem; qui à Patre monitus, nè in ea domo quâ convésset noctem ageret, cùm lubens aliò commigrasset; ignarus licèt, cur eam noctem alibi transigeret; postero manè didicit, omnes ejus incolas illâ nocte in vincula abreptos fuisse. Nullum finem invenirem, si prædictam ex vero quàm plurimis è varijs morbis partim mortem, partim incolumitatem, singillatim persequerer. Inter ea quæ ex intimis cordium arcanis Bernardus in lucem eduxit, singulare est, quod Curioni ruralium Sacerdoti, paucis ab Catana levcis pago diffito contingit. Venerat is ad Collegium, in certis quibusdam conscientiæ nodis explicandis, Patris auxilium & consilium rogaturus: at is nescio quibus alijs impeditus, per Janitorem redire illum ad Parochiam suam jussit, neque ullâ aliâ re in præsentem opus fore. Paret ille, sed ægro adhuc & perplexo quid ageret animo: cùm paulò post adveniunt à Bernardo literæ, quibus illi casum omnem, & quæcunque occurrebant dubia, nulli hætenus mortalium quovis indicio revelata, & quid facto opus esset, explicuit, atque ità omnem exemit dubitationem, ut Sacerdoti deinceps Bernardus, tanquam homo divinus in summa veneratione esset. Petebar alius quidam, perditis opem oculis à Bernardo; quem ille animæ prius oculis medelam per sacram exomologesin adhibere jussit. Fecit ille quidem: sed rursus serio graviterque jussus accuratiùs excutere animi recessus, secundo & tertio Pœnitentiæ Sacramentum repetiit, & suâ quidem opinione integre cordatæque. Verum quarto ad majorem accurationem adhibendam remissus, tandem nescio quas antiqui odij in proximum & rancoris reliquias, nunquam an-



tea confessione expiatis deprehendit, quibus expiatis ad Bernardum redux, & benignissimè receptus, acceptum caryophyllum (quod forè manu Pater gestabat) iussus est S. Antonio Paduano deferre, & suo mittentis nomine medicinam oculis flagitare, quam etiam è vestigio impetravit. Perierat repentinà ab inimicis nece sublatus dilectus matri filius, cujus animam DEO commendare rogatus Pater, fecit quidem; sed statum ejus animæ nunquam Parenti mœstæ aperire voluit, tristi silentio abundè miserum illius exitum declarans. Amicorum tamen cuidam percharo æternis addictum supplicijs esse aperuit, quem inter sacrificandum tetrâ specie formidabilem conspexisset. Neque enormium duntaxat, sed & leviorum, quantumlibet occultarum, noxarum reos commonebat. Accesserat puella, pro sanitate oculorū, ejus precibus recepta, gratias relaturo; cui Pater, quid verò de vicini gallina factum? Illa rubore perfusa, quòd mortalium nemini id cognitum sciret, ingenuè fassa est illam ab se occisam & abjectam: cujus tamen pretium, à Bernardo iussa, scire & occultè vicino persolvit.

Obedientiam ipsius ad summum perfectionis apicem provectam qui nōsse cupit, ex eo præcipuè conjiciat: quòd Superiores non contenti ordinaria & consveta illi imperare, ad probandum insuper illius spiritum, ob tot exoticos & extaticos eventus semper ferè suspectum, ardua plerumque, insolita, & rectæ rationi dissona imponebant. Ità sub ipsum prandij tempus quādam vice ad ægrum fortè evocato, domūque reduci, cum ad triclinium tenderet, Superior vetuit cibum sumere, sed totum diem jejunum manere. Interim sero vespere accidit, ut sororem inviseret, quæ Fratris ex jejunio debilitatem miserata, modicum reficiendo corpori potum obtulit, cui ut satisfaceret, & Rectoris tamen iussa non præteriret, ori admovit, statimque quod prioribus labris hauserat rursum expulit: *sancta*, inquit, *obedientia aliter jubet*. Hinc prodigio simile videbatur Superioribus ejus patendi studium; & Demetrius Licander illius Catanæ Rector sanctè asseverabat, similem Bernardi obedientiæ nullam sibi esse cōpertam. Laborantem ex hectica febre Neapoli, ut vix pedibus ultra niti posset, Catanam in patrium cœlum miserant Superiores; ubi necdum firmatâ valetudine, alia à Provinciali Siciliæ supervenēre mandata, Panormum ad conciones per vernal jejunium habendas se conferre jubentis. Paruit illicò, licet tunc adhuc à concionum apparatu mini-

mè instructus, utpote qui recens à Theologiæ cathedra amorus, vix scholis valedixerat. Ex via Panormum delatus, mirantibus insolens id Superiorum mandatum Patribus, lætus reposuit: *Nunc certè mea capiam obedientiæ experimentum, quæ sinè oculis, casum non metuit. Quid si DEO visum esset fractis meis & collapsis viribus multorum erigere spem & salutem? video piscatum amplissimum, rete autem meum lacerum & emarcidum. Illud tamen in verbo ac nomine JESU strenuè laxabo.* Neque DEUS spem fefellit: quando inter concionandum semper seipso validior, tandem hectica febris penitus expeditus est; tanto simul fructu, omniumque applausu auditus, ut affluentium multitudinī vastum nō sufficeret templum, & iterum iterumque apud se dicere, si fas esset, universi optarent.

Vetuerant quoque Superiores, sive humilitatis in Viro probandæ causâ; sive quòd illusionibus obnoxia vererentur tot mirabilia, quæ per vestes, sudaria, Rosaria, aliâque id genus Patris reculas indies fiebant, nè cui mortalium, nisi domesticorum, precatoriam concederet coronam, vel aliud quidvis quod tam mira patrari solebant. Paruit ille quidem pronissimè ad unguem; & mulieri, cui fistula alterum propè oculum ademerat, Rosarium commodatò postulanti constanter denegavit. Illa verò certa à templo non recedere, nisi quid remedij ab ipso acciperet, tandem moras traxit, donec Pater litaturus ad aram accederet. Tum verò fiduciæ plena, palpando ad altare propius adrepsit, & quo Pater expueret sagaciter advertens, ejectam salivam oculo allinivit, simulque cæcitatem momento depulit. Sed & brutas animantes tam obsequenti erga Superiores suos Bernardo voluit esse obsequiosas. Messanæ stabat in littore maris, Divina secum agitans; cum repente omnes illius tractûs pisces ad se evocaret: qui mox ingenti numero ad ripam adnantes, capita super aquas velut arrecturi aures extollunt, prolixèque de DEO, quantus sit in parvis magnisque rebus, quàm bonus & potens, quàm sapiens & justus differentem, utque eum pro viribus agnoscerent, laudarent, ac venerarentur, hortantem audiunt. Tandem illis Crucis signo bene præcatus, mirabilem à se concionem dimisit; hæc verò inclinatis reverenter capitibus concionatori plausum dedit: spectantibus, & portenti novitatem demirantibus aliquot nobilissimis Viris. Habebat idem in more, ut à concione mox ad culinam festinaret, suamet manu gallinæ cibum paraturus & dispertiturus. Id cum ali-



aliquando faceret, & de Divinis perfectionibus similem ad eas sermonem haberet, illæ propius ad Patrem accurrentes, porrectis auribus summo silentio & quiete auscultare, nec antè objectum pabulum involare, quàm bene precatus Pater, ejus sumendi facultatem dedisset. Jusserat nonnemo, ut grex caprarum ad Patrem adduceretur, ab eo fausta præcatione donandus: cum ecce tibi spectante, hero, sponte accurrunt capræ, arrectisque auribus de DEO dicentem tamdiu audiunt, dum appreciatione sacrâ donatæ dimitterentur. Quo spectaculo in uberrimas lætitiæ lacrymas solutus herus, ad proximum convolvit Templum, DEI clementiam prædicaturus. Stetit & aliàs ad concionem audiendam obvium caprarum gregem, subque finem unam ex ijs coloris albi ad se evocavit: quæ statim paruit, cæteris in vestigio defixis, Patrémque secuta, ad gregis custodem accessit, sedulo illius curæ à Patre commendata, donec à socio monitus inclinatâ jam die, gregem cruce signatum discedendi facultate impertijt. Adiens aliquando sororis domum, duos ibi sturnos recens ex aucupio illi donatos vidit; quibus ad se vocatis bene precatus, imperavit ut dicerent: JESUS MARIA, JESUS CHRISTUS. Et ô rem prorsus admirandam! mox eadem sanctissima Nomina sturni silvestres distinctè & elatâ voce identidem repetiverunt. Aliàs in amæno horto cum pluribus familiaribus versanti jucundissimis modulis aviculæ accinebant: quarum tamen inarticulatum tantum ille averfatus, silere eas jussit, & novam inchoare melodiam, quâ CHRISTUS JESUS articulatè exprimeretur, præcepit. Paruere illico, & peregrinâ inauditâque melodîâ sanctissimum Nomen creberrimè repetendo, audientium animos prorsus attonitos velut extra se rapuere. In sanctimonialium ad S. Juliani Monasterio pro more ad eas verba facienti Bernardo, hirundines importuno garritu obstrepebant: quàs cum silere, quoad ipse loqueretur, jussisset, conticuere omnes ad usque concionis finem, atque tum mox ad pristinos garritus rediêre. Neapoli è contra Marchionis de Capurso Principem conjugem invifens, de rebus Divinis sermonem in multorum Nobiliùm coronâ exorsus erat, cum ejus filiulus magno ejulatu & lacrymis dictionem turbare cæpit, quod aviculæ manibus rupto filo per aëra effugisset. Itaque Pater ut lacrymas dictioni obstrepentes abstergeret, manum in sinum suum conjicit, & novo prodigio aviculam priore multo pulchriorem extractam infanti donat: stupentibus quotquot aderant

tam raræ pulchritudinis volucrem adeò repente in sinu nasci potuisse. Inciderat fortè in equum planè indomitum & ferocientem, quem nullâ ratione quotquot aderant vel accedere, taceo capere poterant. Ipse tamen leniter subridens accessit, staréque jussum verbo unico in perpetuum reddidit mansuetum. Sed magis fortè prodigiosum est, etiam inanimas creaturas imperia ejus sensisse. In oppido quod Paternò vocatur, rogatu Civium, turrim conscendit, eatenus crebris fulminibus infestari solitam. Ibi fufis ad DEUM precibus, & delineatâ S. Crucis obvio carbone figurâ, turrim deinde ab omni fulmine immunem fore, & prædixit & effecit. Messianæ ex itinere reduci Bernardo pedes de Societatis more calidâ abluendi erant, eaque causâ socij ignem in frigido foco excitare parabant: sed ille hauriri jussit ex lebe longius à foco distante, quæ prorsus calida extracta est. Cum verò Patrum aliquis Thaumaturgum illum ex tam miro eventu diceret: *non ego*, reposuit, *sed S. Antonius hæc facit*. Aliàs quoque clausâ culinâ frigidam è fonte allatam solo Crucis signo ita calefecit, ut manibus lavantis sustineri nequiret: quam alibi quoque in vinum convertit. Carduos etiam præacutos, spectante cum pluribus Duce de Monte alto, velut per jocum manu versabat, & ceu rosas stringebat; monitus verò fore ut laceras ab hoc ludo manus referret, negavit carduos se premere manu, sed rosas; quas etiam explicatâ palmâ exhibuit, attonitis ad tam miram metamorphosin adstantibus. Viro nobili, nescio quem in finem, pauxillo aceti opus erat, nec tamen ad manum aliud quàm vitrum generosioris vini aderat: quod Bernardus simplici præcepto acetum esse jussit, & acetum mox optimum repertum est, multo dein tempore in rei memoriam asservatum. Barij in Apulia vitreum è manu ipsius vasculum incauto exciderat, terræque allisum in frusta diffilierat: sed ille brevi ad DEUM aspiratione integrum prorsus solidumque, cum omnium admiratione, è terra sustulit.

Ut verò hæc fuerint in Bernardo summa prodigia, humilitas tamen ejus longè magis æstimabatur prodigiosa, ex qua in censum eorum, qui ad domestica Marthæ ministeria admittuntur, venire ardentissimè flagitabat: & se peccatorum omnium maximum & sceleratissimum, & qui in Societate toleraretur prorsus indignum, ex animo reputabat. Non raro ab imperitis rerum Divinarum, verbis factisque malè acceptus, & pro stulto habitus tractatîsque, inter contumelias gaudio gestie-



stiebat. Frequens illi pænæque quotidianum erat, domum stabulūque à sordibus expurgare, pabulum jumentis præbere, quod magis se pascendis animalibus, quàm hominum animabus nutriendis idoneum diceret. Hoc perpetuo sese demittendi studio tam perfectam sui cognitionem adeptus est, ut ab inani gloria nè modicè quidem unquam titillaretur, licet idipsum in novam sui depressionem referret. Monenti cuidam, ut mira quæ DEUS per ipsum operabatur parcius in vulgus spargeret, respondit: *se tam imbecillum esse, ut DEUS, nè forte à tam molli hoste oppugnatus succumberet, etiam prima inanis gloria tentamenta ab se amoliretur.* Idem ferè Claudio Aquaviva totiùs Societatis Præposito Generali quærenti, num quid tumoris ex DEI donis sentiret? reposuit dicens: *si Paternitas Vestra pretiosa alijs vasa ostenderet, quæ Principes Viri ejus fidei credita deposuissent, haberétne unde aliquid gloria venaretur? profectò nec ego habere possum, qui quidquid est in me boni, non nescio Numinis esse, non meum; unde nec pulvisculus superbia; quod equidem DEO in acceptis refero, mihi adhærescit.* Cùm DEI potentiam rebus insolitis quandoque perpetratis fortè manifesto, id facio quod in scena tragædus, qui ut Imperatoris agat personam, dum pro arbitratu quidvis imperat, nihil suo nomine, sed ejus quem representat auctoritate jubet. Et est profectò ad magnam DEI gloriam, omnibus palàm fieri, illum me à vilissimæ hominis opellâ uti, & rudissimo omnium instrumento tam grandia conficere. Romæ Anno 1607. cùm pro concione diceret, confluebant ex Cardinalium Præfulūque numero permulti, qui pæpe ex suggestu descendenti, nè ab irruente ad vestium basiationem turba opprimeretur, præsidio erant, quandoque usque ad januam Sacristiæ. Ille verò plenus verecundo rubore & dolore, dicere solebat: *sæpe vilissimum quoque mancipium propter insignia vestemque in honore esse: ità banc officiosæ charitatis significationem non sibi, sed religiosæ vesti exhiberi.* Rogatus aliquando verane esset fama, tot veneris mancipia ab eo fuisse ad castimonix leges traducta? hoc solum reddidit: **JESUS CHRISTUS multum fecit per hunc peccatorem.** Nunquam de alijs questus, nullam unquam detrectavit pœnam, aut in triclinio publicam reprehensionem, etiam nullo suo merito inflictam: & à fratre triclinij Præfecto, quod seriùs cæteris velut eximius, suique arbitrij homo ad mensam veniendo negotium alijs faceretur, asperè & inurbanè increpitus, tam blandè mollitèque veniam rogando iratum demulsit, pa-

ratus etiam cibo abstinere, ut audientes omnes miro solatio perfunderentur. Tibur humili asello proficiscentem obvia rusticorum fæx, quod malè accinctum lento passu progredi observaret, cachinnis & sarcasmis liberaliter acceperat. At ille nihil stomachatus, ut majorem sui ridendi opportunitatem præberet, substitit, hilariter arridens: *jure, vos, inquit, Fratres, mei lepidum hoc spectaculum obletat; res enim sanè nova est, asello asinum insidere.* Graviter è contra sororibus suis succensuit, quæ sui effigiem ad vivum expingi fecerant, non hominis sed asini imaginem esse dicens; minis insuper adjectis, nisi eam procul ab omnium oculis auferrent, se in earum conspectum nunquam ampliùs venturum. Paruerunt illæ quidem, sed tantò religiosiùs sancti fratris imaginem secretò aservatam habuerunt, non sinè ingenti suo lucro. Cùm enim Bernardo Romam demigrante agrorum sterilitas totam Siciliam fame afflisset, sorores illam fratris effigiem ceu ipsummet præsentem veneratæ: *non te latet, orabant, ó Pater, famis imminens nobis periculum; fac ergo, ut parum id quod superest in arca frumenti in annum præsentem sufficiat.* Ità imaginem simul frumenti cistæ includunt, magno pietatis speique fructu. Etsi enim totius anni decursu, quantum in familiam decem capitum totūque famulitium necesse erat frumenti quotidie promeretur, & ad amicos pæpe, omnibus præcipuè Sabbathis, panes aliæque ex farina munuscula liberaliter mitterentur; exeunte tamen anno tantum superfuit frumenti, quantum sufficeret etiam in annum consequentem. Atque hoc tam magno sui deprimendi, & miracula omnia in Cœlites transferendi studio delectatus Dominus, nova semper & nova per illum mira efficiebat. Patiebatur nonnemo diros adeò capitis cruciatus, ut veluti gemino confixus clavo nec oculos attollere posset. Huic Pater ad se pro auxilio recurrenti, *quid tu?* ait: *erras planè si Medicum me arbitraris, juvabo tamen ut possum.* Impositæque ægro manu, factaque cruce: *Bernardus te tangit,* inquit, *Antonius te sanat.* Simulque omnis in perpetuum dolor evanuit. Sic etiam cocum totâ ambustâ manu mori jam se præ dolore claman-tem, jussit eam proximæ S. Onuphrij imagini applicare, & momento evanescente dolore, modicum duntaxat adustionis remansit vestigium. Idem Catanæ beneficium exhibuit Syracusano mendico, nullum sinè subalaribus grallis passum promovere valenti, quem manu tactum ad S. Agathæ & Antonij



Templa invisere, séque pro certo sanum credere iussit. Ivit, & Sanctos ex præscripto veneratus, tertio die abjectis fulcris expedite ambulavit. Anno 1598. Joanna de Leonardo, fulmine lethaliter tacta, licet non in vestigio extincta, quavis vigesima quartâ ab ictu horâ ceu denuo fulmine icta emoriebatur, sanguinéque è vena perstrictâ tibîæ profluente, totum corpus sulphureum fætores exhalabat. Fluxerat jam quartus mensis, incassum adhibitis Medicorum artibus; cum eò delatus fortè Bernardus impositis super ægræ caput manibus, precibus lacrymisque fufus monuit, S. Antonio ut deinceps devota viveret. Illa, cum sulphureas exindè toto triduo sudasset stillas, eò præterlapso, ab omni integrè malo liberata est. Idem hoc sui deprimendi studium præcipuum erat telum, quo infernales spiritus superabat. Ità cum obsessa muliere dæmonem exigeret, ille collectâ spurci oris salivâ in adstantium cujuspîam faciem eiectionum, & corpus ejus ingressurum minabatur. At Pater, ecce tibi, inquit, *meam frontem, hanc conspue, vilior non habet mundus locum; en tibi corpus meum, dignum tali hospite domicilium!* Itaque hanc Viri modestiam non ferens superbus spiritus, illæsis omnibus excessit. Aliàs in simili congressu cum dæmon immensis laudibus Patrem ex obfessa efferret, & *quid ages miserranda Catana?* exclamaret; modò Bernardus Româ avocatur ad res maximi momenti conficiendas. *Non agnoscis gemmæ pretium, quod in capite fers, ideoque non satis æstimas.* Sub lacera veste, crede mihi, nobilem tegit animam, nec scientiâ nec sanctitate ulli secundam: aterna illi debetur memoria, quia magnus est sanctus. Sed Bernardus fraudem superbi spiritûs odoratus, *plus sua sibi peccata quam virtutes notas esse*, respondit: momentoque illum ab obfessa exegit. Denique in alio energumeno acrius à Bernardo pressus, cum exclamaret: *nisi cessas, faciam certè ut egregiè erubescas*: ille arbitratus sua sibi peccata fortè palàm exprobranda, id se & mereri & percipere dixit: Tum dæmon, *audite*, ad circumfusam turbam ait: *hic Bernardus super asserem cubabit*; simulque hospitium deferens, omnino Bernardum in ruborem dedidit, ad suas laudes semper erubescens.

Ex eodem humilitatis fonte profluxit tanta illa in Viros aliarum Religionum observantia, ut obvios fortè etiam in publico foro omni reverentiâ, & quandoque in genua coram illis provolutus consalutaret, & eorum honoris, emolumentis, omni ratione serviret: non minori vicissim ab ijs veneratione cultus. An-

*Societas Europæa.*

no 1590. cum Bernardus Drepani ageret, evenit, ut R. P. Ambrosius Ordinis S. Benedicti in monte Regali, per calumniam gravis furti duarum pretiosarum iconum reus arceseretur, propè jam à suis Superioribus condemnatus. Ergo in solo DEI adjutorio confidens Drepanum ad Bernardum accurrit, cilicinâ secretò ad corpus veste indutus. Hunc Bernardus prior suaviter consalutans, quòd fetosum corpori cilicium induerit collaudat; satis declarans, se totius negotij cœlitus jam factum conscium. Ex quo iste majore fiducia conceptâ ubi rem totam confidenter Patri aperuit: *maestè animo*, subjecit Pater, *dicam ego ad honorem sancti mei Antonij unam duntaxat salutationem Angelicam, & illum ad querendas imagines mittam.* Sub ejus recitatione in extasim abreptus, ubi se recepit, mirè lætus: *en sanctus meus*, inquit, *jam reperit icones: jam tua, Pater amande fama salusque in tuto est, & innocentia domi patefacta. Imagines Domino suo Antonio de Messina duo PP. Cappuccini à fure receptas restituent: quare ætutur ad Monasterium revertere, in cujus limine bonum tibi amicus feret nuncium.* Dum hilaris redit, in ipso aditu Monachum habet obvium, Joannem Evangelistam Catanensem, à quo totius rei eventum, planè uti Bernardus prædixerat, & quomodo palàm à Prælatò innocens declaratus sit, edocetur. Patre Archangelum Vattiatum è Prædicatorum sacra familia, malum quodpiam in dextro brachio per decennium ità affecerat, ut sinè magno cruciatu neque sacram Hostiam elevare, neque illam sinè adminiculo sinistra ori admoveere posset. Ità afflicto supervenit Bernardus, orat, brachiûmque cruce signat, & *abi*, inquit, *consolabere*: atque ex eo temporis puncto dolor omnis cessit, & liberum dexterae usum reliquit. Concionatorum aliquis ex certa Religione delatus ad sacros Inquisitores, ob quædam (ut videbantur) periculosè dicta, vehementer de causæ eventu anxius, omni quâ poterat contentione Bernardo se commendavit. Is totâ nocte insomni traductâ, ut argumentis quæ Ecclesiastæ objecta erant faceret satis, ea descripta accusato transmissit: quibus plenè Judicibus satisfactum est, & reus absolutus.

Ex sincera nihili sui agnitione nascebatur ex opposito summa aliorum æstimatio, & studium Deo lucrandi totum Mundum si posset, ut efflictim sæpius à Superioribus mitti ad Indos & Barbaros expetierit, corporibus æquè ac animis juvandis semper intentus. Innumeras propè ab infami vitiorum ceno mu-

lii

lii



lierculas miris artibus extraxit : inter reliqua nobilioribus Matronis imponens , ut singulæ talem aliquam protriti pudoris personam , sponſione præmij , ſecum ad concionem adducerent : quas deinde ardenti diſtione ita agitavit , ut pleræque ſemper ad frugem ſe recipere . Morituris etiam infami ſupplicio adeſſe perlibenter ſolitus , plurimis ſaluti fuit . Quorū uni ſatis ad ſalutem fuit promiſſum à Bernardo pro ejus anima unum Miſſæ ſacrificium . Ingenti namque exinde perſuſus gaudio , nil niſi mortem , quantumvis ex æquo infamem & acerbam , exoptavit . Tanti autem apud DEUM id fuit , ut Divinâ revelatione innotuerit , eum non ampliùs triduo in piacularibus flammis fuiſſe detentum . Fuit alius capitis jam damnatus , in ſagitijſ ſuis impiè mori ita obſtinatus , ut nullum ab eo pœnitudinis ſignum quavis arte extorqueret , ſeu in carcere , ſeu in proluxa ad furcam , via , ipſove patibulo , & laqueo jam in collum inſerto , Bernardus poſſet . Ergo Carnifex actum agi conſpicatus , indignum vitâ , ut in æternam deſiceret mortem è ſcala deturbavit . At Bernardus arrepto cultro funem intrepidus incidit , eamque ob rem à furente ſatellitio minaciter reprehenſus , *quid* , inquit ille : *vobis tam vilis eſt anima , Chriſti ſanguine redempta ? at non mihi . Veſtrâ parum refert , unius horæ ſpatio ſeriùs citiùſve animam agat , meâ autem plurimùm intereſt , ut bene .* Dein ad ſuſpendiarium converſus , tanto ſpiritus ardore illum aggreſſus eſt , ut tandem manus dederit , & totius vitæ peccata confeſſus , magnâ pietatis ſignificatione vitam clauſerit . Non procul Cartaniſettâ opulento Viro per latrones omnibus fortunis exuto , plagisq; miſerandum in modum mulctato , & ad ſe pro conſilio opèque confugienti , ſolacium ut efficaciæ impertiret , craſtino die ad ſe redire præcepit . Interea Bovinæ Ducem Principem ſcæminam de calamitate hominis reddit certiozem , à qua 232 . aureos rarâ liberalitate donatos miſero largitus eſt , præ lætitiâ & ſtupore inexpectati ſubſidij vix ſui compoti . Drepani cum ageret , annonæ penuriâ totam Siciliam affligente , curam totius plebis in ea Urbæ alendæ ſuſcepit : atque in publicum , ut vicatim famelicis ſtipem emendicaret , egreſſus , ab uno fortè obvio magni ponderis torquem aureum , ab alijs 600 . Philippæos , & plura deinceps ab alijs accepit , ut non ſolùm ipſe Urbis illius egenos facilè ſuſtentârit , ſed per univerſam Siciliam hoc exemplo Nobiliores excitavit , ut liberaliſſimam ubique manum in famelicos aperirent . Et quia ex hoc

plus quam materno in pauperes affectu omnia quæ habebat , nec veſtibus quibus tegebatur parcens , in pauperes profundeſcit , necceſſe habuerunt Superiores id ſaltem prohibere , nè alioqui veſtibus ſe exuens indecorè in publico incederet . Romam cum Mantuâ iter haberet , donatum ſibi à Duce equum ad iter commodiùs agendum acceperat . Non dum longiùs ab Urbe receſſerat , cum pauper multorum filiorum pater illi obviuſ rogat , ſibi ut equum donet , in dotem nubili filiarum uni ſuffecturum : ille conſeſtim ex equo deſcendit , atque , ut erat , ornatum proniſſimè largitur : id ſolùm dolens , quòd ad manum non eſſet , unde filiabus omnibus pedibus proſequeretur . Itaque deinceps iter pedibus proſequutus , ſcipionem pro equo habuit . Interea vix cum equo ad Urbem pauper ille redierat ; cum Cives aliquot equum agnoſcentes , rem ad Principem deferunt , ex quo , quid à Patre factum eſſet , intelligens , læticiâ ſuâ properè ſubmiſſâ , Patrem Romam uſque deportari fecit . Neque interim omiſit DEUS hanc inmiſeros Patris profuſionem prodigioſis vicifſim remedijs , quoties ipſi neceſſaria deeſſent , penſare . Platea Civitas eſt Siciliæ , in quam fortè delatus Pater ad publicam cauponam , ignarus eatenus loci , divertere coactus eſt : incommoda reliqua hoſpitij lubens perpeſſurus , ſed eò ſolo mœſtus , quòd locus deeſſet , in quo ſuæ vacaret pietati , & quotidianæ corporis afflictationi . Hæc ſecum verſanti , repente adſtat juvenis formâ ſuper humanam elegantia , ad ſequendum ſe invitans : cum quò ad nobilis Viri ædes perveniens , pulſato oſtio : *heus vos* , exclamat , *ecce coram adeſt P. Bernardus Colnagus DEI ſervus ; adeſte ! & excipite ut decet .* Quod & prolixè factum eſt ; Patrique copia facta , totam noctem ſecretò conſeratis pietatis exercitijs impendendi . Cum verò tanta ejus eſſet in proximos affectio , ut pluribus ſimul in locis ( ſi fieri poſſet ) percu-peret illis inſervire , placuit Divinæ Majeſtati hujus eum quandoque compotem fieri . Meſſanæ cum jam ſacris operaretur , trifti nuncio ad ægrum ſimul evocabatur : cui quòd adeſſe acturum non poſſet efflictim dolens , pro ægriente impenſè DEO ſupplicabat , nuncijs adgeniculando , ſinem ſacrificij præſtolantibus . Interea nihilominus apud ægrum ſimul aderat , blandiſſimèque illum conſolatus , febrim omnem ipſo primo acceſſu depulit . Quare actutum ſubmiſſus eſt alius nuncius , qui priores domum revocaret , nè fruſtrâ Patrem in Collegio præſtolarentur , qui jam ægro adſuiſſet . Iſti verò ſtupore

miro



miro attoniti non capiebant quâ adesse ægro potuisset, quem ad aram facientem ex oculis nunquam sive ipsi, sive alij omnes in Templo præsentem amiserant. Alcani ejusdem Siciliæ Urbe in diverforium fortè delatus, statim occulto DEI instinctu pernovit delitescere illic Virum mulieremque, devota Stygi Veneriq; capita. Sed dum animo versat quâ ratione, illos DEO lucraretur; violenter propè, à Viro Nobili ad ædes ejus divertere coactus, cum januâ interclusâ exitus nullus totâ domo relinqueretur, nocte tamen eodem in hospitio comparuit ad focum sedentibus, & mulierculam graviter de occulto impuditiæ cæno corripuit, tanto ardore virum scelestum aggressus, ut victas uterque manus DEO darent. Ubi diluculavit, mox in vulgus innotuit & scelestorum emendatio, & Patris in diverforio nocturna concio, simulque in ædibus Nobilis per juratos testes probata eodem tempore pernoctatio: totiusque Urbis testimonio patuit, Bernardum in duobus simul locis eodem tempore adfuisse. Ejusdem in parvulos & innocentes in Bernardo charitatem sæpius DEUS prodigiosis eventibus remunerari dignatus est. Viçtorix de Toledo nobilissimæ Matronæ filiola erat Joanna nomine, septimum ætatis mensem necdum egressa. Hanc fortè conspicatus Pater rogat, num fari posset? negant cum risu adstantes id ætatis infantes loqui posse. At Bernardus super lingua parvulæ ducto S. Crucis signo, loquere, inquit, Joanna loquere: Tatia, Mamma, P. Bernardus. Et mox omnibus stupore attonitis hæc articulatè pronunciavit, identidemque eadem, quoad per ætatem plura posset, singulari alacritate repetijt. Euphemix quadrimulæ puellæ citrinum vel aureum pomum donaverat, admonitæ, contra capitis dolores usui futurum. Fuitq; omnino id religiosè observatum, ipsi bis infestis dolorib; capitis afflictæ, sæpius verò alijs fuisse mali remedium. Ad nobilissimum quendam adolescentem in extremis constitutum, funeralibus omnibus jam præparatis, evocatus, lætissimè eum consalutavit, svavitèrque amplexus: *beatissima Virgo*, inquit, *Domina nostra, vitæ tibi longioris gratiam facit*: qui ex morbo restitutus, domum totam maximâ hilaritate complevit. Idem ferè Francisco Paterno à suis jam complorato præstitit, nam ad morientem evocatus ut solaretur, incolumem fore & prædixit & in vestigio præstitit, dum arreptâ obviâ clavi os ægri non sinè violentia aperuit, ac inde vermem prægrandem pilisque horridum à faucibus extraxit, unde brevè perfectâ sanitas consecuta est. Viderat fortè Franciscam Ferdinandi Castelli filiulam, cum matrem inviseret, & *ô quam est pulchra!* inquiebat, *Deus condidit illam pro se*; ad hæc mater, puellam brevè morituram interpretata, *quid ais Pater? quid dicam?* subjecit ille: *mibi prius moriendum est: me proximè sequetur puella: tu brevè illam*. Dictum, factum; eodem anno defunctum Bernardum Francisca secuta est, & nono tandem mense Maria mater. Et puella quidem morti vicinior Bernardum habuit spectabilem, *ô domina Mater*, exclamans, *P. Bernardus me vocat; ecce illum, hic præsto est*.

A charitate in vivos ut tandem transeamus ad mortuos; frequenter sanè vel aspectabiles habuit è purgatorij pænis suffragia postulantes, vel divinitus de eorum pænis & liberatione edocebatur, ut eis subveniret. Rogatus à Joanna & Philippa sororibus, ut pro quibusdam defunctis (quos tamen reticebant) Sacrum faceret, altero mox die in utriusque præsentia Missam obtulit, in qua post consecrationem miro gaudio gestire visus, peracto sacrificio utramque allocutus: *beatam te*, inquit, *ô Joanna, quæ filium in cælo jam habes. Tu quoque Philippa gaude, cujus filius paradiso fruitur. Uterque veluti candida columba in cælum evolavit*. Ità nunc filium Joannæ, post & ipsam Joannam, etsi longissimè positus, in cælum abeuntem vidit. Romæ degens, Matronæ Principi de Adria confitenti præbebat aures; cum repentè in dulces solutus lacrymas, ab illa causam fletus rogatur; respondit: hoc prorsus temporis articulo Catanæ Joannam sororem suam vitâ defunctam in cælum migrare. Scribit illa mox in Siciliam, & ità planè evenisse edocetur. Eâdem prorsus ratione inter dicendum ad Sodales mirâ repente lætitiâ gestiens, fassus deinde urgentibus Sodalibus est, avunculum suum Joannem Bolanum, ex eadem Sodalitate nuper demortuum, à se fuisse in cælum abeuntem conspectum. Vehementer fortuito per Urbem, quod pedes incedere ex morbo non posset, cum in platea repentè quempiam affatur: *quid rerum*, inquiens, *tu hic facis?* cui alter: *anni jam fluxere 43, ex quo hic, DEO sic jubente, miser hæreo, quia nemo est qui pro me vel sacrificet, vel sacrificium procuret*. Cui Pater: *ego, ego id modò faciam, ut cælum tibi patefiat*. Obstupescens ad hæc auriga, qui neminem videbat, & colloquentium tamen verba audierat, quaerit, quo cum illi sermo fuerit? *anima*, inquit, *est hominis tot ab hinc annis vitâ functi, & unico sacrificio ad sui liberationem indigentis*. Pro



qua in Æde Mariana peracto sacrificio, dum rediens ad eundem locum pervenit, aurigam sistere iussit : cui anima, *gratias*, inquit, *refero*, & *gratias quàm maximas pro tanto beneficio*. Cui Pater : *bene habet : vade jam in paradisum*. Et illa : *jam vado*. Habebat etiam ex more Bernardus demortui hominis ad caput lecti calvariam : ex hoc audijt aliquando, cubiculum ingressus, mœstâ voce ingeminari :

*va mihi !* sed semel pro ejus capitis inquilino re Divinâ factâ, quietem illi procuravit æternam. Innumera alia ejusmodi, & in quovis alio virtutum genere exempla & prodigia o-mitto, & quæ hodièque de cœlo mortalibus præstare non desinit beneficia ; de quo cum veritate dici potest, totum, quantus quantus erat, meram fuisse charitatem.

*Ex ejus vita & Nierembergij Tomo 1.*



J. G. Heinsch. del.

Joh. Christoph. Hafner. sc.

P. Jacobus Stizius S. I. Helvetus, incredibili ardore pestiferis serviendo extinctus Constantiæ 19. Julij A. 1611. quadragenario major : et post illum in simili ægrorum per Germaniam obsequio alij 24. Socj. ~ BB.

## P. JACOBUS STIZIUS cum alijs 24.



Onstantia P. Jacobo patria, eadem & sepulchrum fuit, obsequijs Civium suorum, pestilentia grassante, immortuo. Portiorem hic vitæ suæ partem in expeditionibus Apostolicis, per omnia ferventis Ope-

rarij munia, fructuose impendit, nam & vitæ religione, & agendi felicitate, plerosque cum quibus ageret ad optima permovebat : quod in Illustrum Virginum Collegio luculenter paruit, quas cum alij multi ad paupertatis servanda consilia reducere nequidquam contentissent, eas unus ipse veteri disciplinæ soler-

ter



ter restituit. Rebus humanis & negotijs sæculi constanter se, & omnem operam negabat, soli gloriæ DEI & animarum saluti intentus: quarum ardenti zelo incredibiliter flagrabat, ut eò penitus consumi videretur; nihil æquè in votis habens, quàm pro ijs animam suam ponere. Hinc pridem inter pestiferos vivere cupidus, cum Superioribus egerat, ut hoc malo alicubi ingravescente ea sibi provincia mandaretur. In quam deindè sententiam, sæviente jam veneno inter pestiferos agens, literas ad Rectorem Collegij, ignem merum spirantes dedit, quarum partem referre juvat, ad cognoscendum penitus hominis sui prodigendi desiderium: *Si mihi liceret*, inquit, *pluribus adesse locis, in quibus sevit pestis, inque ijs non modò operam meam impendere, sed iterum mori; id mihi non tantum peroptatum, sed jucundum foret.* Adeò autem mori non horreo, ut inter utramque hanc cogitationem, alteram, quàm *fingo vobis incolumem me restitui, & vestrâ charitate exhilarari; alteram, quàm mihi videor hic claudere diem meum; utraque quidem jucunda, posterior tamen accidit jucundior.* Non sanè ideò quòd non timeam mori, ob insequens iudicium DEI; timeo enim mihi, & timui semper ultra quàm ego dicam, vel alius credere possit, utpote conscius mihi mei ipsius; sed quòd sperem DEUM vel ob hoc ipsum genus moriendi fore propitium. Itaque me ipsi offero & trado in mortem quotidie, maxime autem cum contingit vocari, aut ultrò accedere ad infectos: quod ita facio libenter & hilariter, ut subinde nonnihil baream, & concutiat me cogitatio, nè propter meam causam nimis gratum habeam nuncium, cum mihi de nova alicujus domus infectione affertur: & plus placet hoc, quàm aliud genus morbi nominari. Id autem fit, tum quia certus sum nullius fore jacturæ mortem meam, tum quia confido eandem mihi profuturam plurimum, & postulat causa mea; & quia diu malè vixi, saltem quæram quoque modo bene mori, & spontaneo aliquo vitæ impendio infinitos & inexplicabiles vitæ superioris errores castigare. Utinam autem eam gratiam à Patre misericordiarum impetrem, ut sive peste, sive aquâ, sive igne, sive alio quovis modo, dummodo aliquo immoler DEO, cui me tot modis debeo. Quod dum ex imo animi sensu scribo, loquuntur DEO defluentes in chartam lacrymæ, & misello mihi misericordiam poscunt, &c. In libello autem, cui animi sui arcana inscribere solebat, ita loquitur: *Quartò Julij volens lubensque votum concepi mortem oppetere, etiamsi communis moriendi necessitas non esset; idque primò ob DEI*

*gloriam, cui omnia mea debeo: secundo in honorem CHRISTI Domini, pro me ultima perpessi: tertio ut gratiam ceteris ejus beneficijs referam: quarto ut à meis criminibus penam sumam; denique ut CHRISTI mortem imiter.* Atque eo pacto rem ceteroqui necessariam habebam mihi insuper votivam. Placeat id suprema Majestati, & conducat paupercula anima mea! Ceterum, ubi ea lues Constantiam invasit mense Majo, anni 1611, dimisso Gymnasio, & plerisque Collegij socijs, Sacerdotes 9. Adjutores 6. delecti fuere, qui adjuvandæ Civitati remanerent: horum duo cum socijs singulis totâ die Urbem percurfare, & nosocomium ac plebejas ægrorum casas petere, cibos illis per Urbem precariò quæsitos comportare, ubique omnes juvare conspiciebantur; in locum cadentium novis semper Operarijs succedentibus: sex enim ex eorum numero vitam amiserunt. Domum sub vespere reversos non tam corporis, quàm animi vires instaurandi cura habebat, quas partim flagris & cilicijs, partim jejunijs aliisque carnis macerationibus exacuebant. Primus ex his, qui ardore animi præcellebat, sublatus est 19. Julij, P. Jacobus Stizius, natus annos amplius 40. Quem proximè secutus est 3. Aug: is, qui ex Adjutoribus, ut Patri in ægris cõveniendis socius adderetur, iteratis precibus impetrârat, Henricus Neweiles ann: 24. Tertius 17. Aug: P. Castulus Agricola Bavarus, annorum 59. exactis in Societate plus 40. Veteranus & primi nominis inter Coadjutores Spirituales Operarius. Mox ad 10. Septem: Petrus Fuchsius Moguntinus ann: 46. Duos verò reliquos eadem dies 14. Sept: eripuit, Patrem Christophorum Gebhardum gente Bavarum, & Collegij Ministrum, natum annos 30, Virum præclara virtute, humilitate præcipuè, de se infimè sentientem, & si quâ opus erat, tam modestè alijs imperare solitum, ut rogare crederetur. Et Guilielmum Mang, Sveviâ ortum, ann: 37.

Sed, & in alias Germaniæ Urbes eadem lues hoc anno propagata, diversos è socijs in eam pro salute proximorum decertantes sustulit. In Tyrolî quidem Halæ P. Gregorium Winckler, Svevum, ann: 50. P. Georgium Nidermayer Bavarum ann: 45. ac Stephanum Enzemberger item Bavarum, ann: 48: Oeniponti verò P. Albertum Tanner, Constantiæ natum, ann: 49. postquam novennio Philosophiam & Theologiam Moralem explicuisset. Itémque P. Gasparem Melchior Brixiensem, ann: 46. post tres menses in obsequio infectorum naviter exactos. Confluentia pari-



ter duo, qui se ultro in mortem pro salute Civium dederunt (nam alioqui novem in Collegio eâ peste decesserunt) prior die 17. Sept: P. Joannes Ediger, Trevirensis ann: 54. post Sacra omnia percepta, flexis genibus decessisse repertus. Alter Pater Joannes Fuchsius Gottingensis ann: 70. die 28. Octob: Ingolstadij P. Joannes Sartorius, Augustanus, ann: 43. ex simili obsequio Biburgensibus exhibitto afflatus, & ægrè eam in Urbem delatus, triduo ad diem 3. April: expiravit. Herbipoli quoque P. Joannes Pernottus 18. Febr: & Petrus Billich, incertum quo die. Confluentiæ 19. Octobr: Sexagenarius decessit An: 1607. Henricus Duisdorff, Colonienfis, non uno tunc ea in Urbe pestiferis exhibitto obsequio, sed pluribus jam antè in locis præstito; & singulari in permovendis ad pænitentiam animis gratiâ conspicuus, quâ etiam senem inter Anabaptistas verbi Ministrum, frustra à Viro inprimis erudito tentatum, ad Ecclesiam reduxit. Eodem anno Wormatiæ P. Gilbertus Bernardi, gente Hollandus, 25. Octobr: vitam posuit, ex morte in salutem Civium obita tanti ab Urbe æstimatus, ut in Æde maxima condendo sepulchrum idem cum Nobilitate decreverit, & piacularè ibidem Sacrum primo, septimo, & 30. die iterandum: & 30. insuper illis diebus quotidie sepulchrum aquâ lustrali, solennibusque precibus ac cæremonijs lustrari fecerit.

Utque alios ejusdem charitatis & gloriosæ mortis athletas, qui prioribus aliquot annis per Germaniam spontè vitam, pestiferorum bono immolârunt, hic expediam, anno 1607. Friburgi Helvetiorum Thomas Huiter Belga, cum sese promptâ voluntate socium Sacerdoti inter pestiferos adjunxisset, post aliquot laboris hebdomadas victima cecidit 14. Sept: exactis in Societate annis 29. Fuldæ quoque in eadem Civium infectorum obsequia segregatus à Collegio Sacerdos, cum toto pestilitatis tempore eodem anno indemnis perdurâset; duobus socijs amissis, tandem & ipse carbone notatus occubuit 12. Decemb: Erat is P. Franciscus Fabritius, Belga Lovaniensis, annorum 46. Fratrum autem qui prior 13. Octobr: extinctus est Thomas Dusbergius Colonienfis, ann: 52. Posterior, & prioris successor, Joannes Nicolaus Lotharingus 27. ejusdem, ann: 50. Lucernæ Helvetiorum anno 1575. P. Antonius Balduinus Belga, dum infectorum ædes & nosocomium percurfat intrepidè, correptus & ipse ad sancti laboris præmium evolavit 2. Octobr: cum in Societate Philosophiam & Theologiam de moribus explicuisset. Pari felicitate in eadem causa Treviris decesserunt anno insequente, P. Georgius Sturmianus Herbipolensis, 3. Januarij, & Petrus Hackenfwagen 9. ejusdem.

*Ex victimis Charitatis Alegambe.*

## P. SEBASTIANUS SARMIENTO.



Illustrissimo Hispaniæ prognato, sanguine Sebastianus, Patrè habuit Commendatorem de Calatrava, Præfectum Stabuli Regiæ Principis Mariæ, & avunculum Episcopum Franciscum Sarmiento de Astorga: à quo ad scholas Societatis missus, vix mansuetioribus literis imbutus, Societatem expetijt; incitatus præcipuè exemplo S. Francisci Borgia, calcato mundi fastu eandem complexi. Tyrocinium Villagarziæ magnâ Episcopi avunculi approbatione auspiciatus ann: 1581. vitæ sanctæ fundamenta posuit, neque conceptum semel virtutis ardorem unquam deinceps remisit. In studijs Theologicis Salmanticæ occupatum, continuis scrupulis & tentationibus à dæmone exagitari permisit DEUS, in quibus tamen non defuere liquidissima è cœlo solatia, dum aliquando solitò tristiori duo altitere cœlestes Genij, inter Angelorum Symphoniam hæc concinendo: *Quando di-*

*vina Bonitas hanc animam respexit, per duras crucis semitas ad gloriam evexit. Aeterna Sapientia hunc modum adinvenit, ut suâ opulentia ditaret, quem redemit. Coronâ namque Dominus Rex magnus tunc donabit, supremus vitæ terminus cum illum cœlo dabit.* His incredibiliter animatus, recepto Sacerdotio nihil in se mediocre passus est, heroicis actibus ad summa virtutis contendens, & quidquid sanctorum exemplorum legeret aut videret, imitatione exprimere studens. Concionator in paucis evasit eximius, nihil aliud dictione ardoribus plenâ sectatus, nisi Divinam gloriam, & salutem animarum: cui DEUS eam vim indebat & efficaciam, ut nulla peccatorum quantumlibet obstinatissima corda, illi resistere possent. Sanè quâdam ejus in publica vitia inactivâ ita persona malè sibi conscia commota est, ut vehementiâ doloris de suis criminibus concepti, intrâ paucos dies expirârunt. Sed non potuit Viri zelus terminis unius Hispaniæ contineri, in qua cum nobilissi-





P. Sebastianus Sarmiento Soc. Iesu, Illustrissimo  
 sanguine Hispaniæ: potens opere et sermone Concio-  
 nator, & Missionarius. Mirum in Dæmones exercuit  
 imperium, dūre idcirco ab ijs tractat, sæpius: sed à Vir-  
 gine Deipara & Christo D. apparentib, in Morte præsertim,  
 recreatus. Obijt Burgis A<sup>o</sup> 1673. 8. Augusti. Ætatis 49.

bilissimas Urbes, Vallisoletum, Burgos, & ple-  
 raque Provinciæ suæ Collegia prædicando  
 peragrasset, summo ardore Indiam expetijt:  
 cujus loco montana Hispaniæ, Missionibus  
 excolenda Superiores illi designârunt, in qui-  
 bus dici vix potest quanto labore, neque mi-  
 nore successu, in vitijs extirpandis, & in im-  
 primenda Christi doctrinâ insudârunt. Cum  
 verò alicubi minùs adhortationibus suis pro-  
 ficere, grande è cælo malum toti regioni va-  
 ticinatus est: & ecce repente sæva pestilentia  
 totam invasit, & crudeliter depasta est. Ne-  
 que tamen in ea calamitate bonus pastor in-  
 gratas oves deseruit, sed vitam pro æterna il-  
 larum salute exponens, & animis & corpori-  
 bus quovis obsequiorum genere deservijt.  
 Mirum imperium exercuit in dæmones, quo-  
 rum plures ab obsessorum corporibus exegit,

& ab eorundem infestationibus spectrisque  
 innumeros liberavit; solitus DEUM precari,  
 ut has dæmonum vexationes in se transfer-  
 ret. Et verò pessimè ab his DEO permitten-  
 te, habitus est, verberibus & plagis persæpe  
 mulctatus, è quibus tamen semper invictæ  
 constantiæ palmam retulit.

Atque in similibus proximi juvandi mu-  
 nijs per omnem vitam occupatus, eandem  
 virtutibus pulcherrimis, & sanctimoniæ ex-  
 emplis illustrem reddidit. Atque universim  
 dici ex vero potest, totam ejus vitam fuisse  
 continuam orationem; ità animo nunquam  
 à DEO avellebatur, omnes actiones & nego-  
 tia in eum referens, & perpetuis aspirationi-  
 bus eadem interstingvens. Quinque nihilo-  
 minus horas quotidie, præter Sacerdotes &  
 Religionis preces, meditationi impendebat,  
 ità



itā, ut nunquam per omnes Religionis annos id intermiserit, nocturnis in subsidium evocatis, si diurnæ defuissent, horis : maximis DEI favoribus, visitationibus, & illustrationibus sub oratione donatus. Sacrificio Missæ prolixum præmittebat apparatus; & quoties id seorsim offerre sinē arbitris licebat, producebat celebrationem ad plures horas. Ut verò spiritum ad cœlestia redderet vegetiorem, asperrimis pœnitentijs atterebat corpus : nam per biennium tyrocinij ter quotidie flagris illud excipiebat, exemplo S. Dominici, cui addictissimus erat; sed jussus à Superioribus rigorem moderari, unam solùm deinceps quot noctibus, dum alij quiescerent, flagellationem instituebat, quæ tamen rigore & productione ternis illis æquivaleret. Pro cilicio adhibebat primùm thoracem, & saccos cilicinos, quos toti corpori induebat; hos deinde nimium lenes existimans, commutavit in ferreas catenas, uncinis & aculeis efferatas, aliàsque circumdabat collo, brachijs, & suris, aliàs femoribus, pectori, & dorso : quandoque autem si vel necessitas major, vel devotio urgeret, omnes simul admovebat, ut singula membra suos experirentur cruciatus : dicere tunc amicis suis solitus : *hodie necesse est omnia in hostem arma expedire*. Quoties autem sentiret vanæ gloriæ suggestiones, crines capite evellebat, aut digitos in lampade adurebat, scrupos indebat calceis & tibialibus, quibus inambulans vexaretur. Ad pectus etiam præacutas gestabat è ferro cuspides, quas identidem sinui manum ingerendo, quasi strophium prompturus, altè carni imprimebat, quoties verbo aut cogitatione inani laboretur, aut suggestionem dæmonis infestaretur : Quantum verò armis his in DEUM ipsum, ad expugnandam sceleratissimis misericordiam posset Sebastianus, patuit in latrone quàm criminoso, tam obdurato : hic supplicio commérito afficiendus, cum nullā vi ad pœnitentiam induci posset, Pater noctem solidam in omnibus suarum asperitatum instrumentis coram Crucifixo orando perstitit; & die sequenti ad carcerem redux, latronem penitus in alium hominem mutavit, ut cum lacrymis peccata confessus, eadem per plateas omnibus clamorè, dum ad furcam educeretur, propalaret, mille supplicijs dignum se professus, & summā omnium ædificatione demortuus. Et tamen, qui in se adeò durus & immitis; in alios, etiam in bruta animantia, erat mansuetissimus. Incidit aliquando in pueros ludum sibi ex avicula filo alligata facientes; cui demum cum plumas, miscellam e-

necturi, evellerent, rogavit Pater nè id agerent, sed liberam ad laudes DEO canendas dimitterent. Paruere monenti parvuli, & avicula deinceps ad Patris conclave identidem advolans, totis diebus accinebat, veluti pro servata sibi vita grates rependens.

Certum eidem in tentationibus & adversis omnibus DEI paræ fuit præsidium, quam filiali semper affectu & devotione prosequebatur, à puero illam Sabbatino, & pridiano ad singula ejus festa jejuniis venerari solitus. Inter eximios ab ea receptos favores, singularis fuit, quo è præsentis castimonie lædendæ periculo liber evasit. Persona primariæ nobilitatis, formæ & ætatis floridæ, cupidine Sebastiani, quem sæpius pro concione audierat, exardescens, ægritudine prætensā, illum ad lectulum veluti confessura, evocavit; cuius impurissimam mentem ubi intellexit Patrem, ad Virginis illico auxilium implorandum toto animo se convertit : & suggesto ab ea in arena consilio, ad vicinum conclave erumpens, unam ex ancillis, quasi à Domina ad quidpiam obsequij accerferetur, evocavit, seque interim à conspectu & tota domo proripuit. Domum redux totum se exorandæ Virgini pro misera illa prostravit, quæ subito ingenti pudore & pœnitundine suæ turpitudinis tacta, vitam castiorem & planè sanctam instituit. Sub hæc Burgos ad habendas secundā vice conciones evocatus, paulò post in morbum fatalem incidit, ex quo, priusquam ullatenus ingravesceret, moriturum se divinā revelatione præcognovit, ideoque generali exomologesi multis cum lacrymis animam expiavit, Rectorémque rogavit, nè se, ubi decubisset, invisuri, sermonem ullum nisi de DEO inferrent. Inter acutissimos laterum dolores, & totius corporis æstus, nunquam tamen à colloquijs cum DEO, Divisque cessabat : à quibus illum aversuri dæmones, ternis vicibus visibiliter interturbare conati sunt : primùm quidem specie nigrarum avium lectulum circumvolantes; secundò ingenti rugitu & reboatu perstreptantes; tertio felium & catorum formā dentibus in eum frendentes : quæ omnia etiam domesticis ægro assistentibus conspicua fuerunt. Sed ille imperturbatus dæmones increpabat dicens : *nocete, & invadite spopostis, miseri & infelices, qui vestrā superbiam DEUM amisistis*. Adfuit mox illi Virgo sanctissima, animos addens morturo, à cujus conspectu spectra omnia magno strepitu edito in perpetuum evanuerunt. Invisit pluries servum suum & CHRISTUS Dominus, ingentique solatio implevit, adductis



Etis secum Genijs cœlestibus, qui symphoniam cœlesti ægrum recrearent: cùmque hic reverentiam tantæ Majestatis grabato levare, ut coram Domino in terram prosterneretur, expecteret, confessarius autem id fieri prohiberet: *annon audis, inquebat, mi Pater, harmoniam, quam Cœlites ob Domini præsentiam faciunt?* Eodem tempore declaravit illi Dominus æternam suam salvationem; unde ille tanto gaudio delibutus est, ut nullum finem gratias agendi, ad quas secum reddendas omnes invitabat, faceret. Rediëre iterum sub ipsum animæ exitum cœlestes phœnasci, quos an Patres audirent supremum percontatus, purissimum mox spiritum, cœlo ab ipsdem inferendum, DEO reddidit 8. Augusti 1613. ætatis

*Ex ejus vita P. Francisci Prado & Nierembergij Tomo 1.*

49. Religionis 33. Visendum mox eadem horam se præbuit cuidam raræ sanctitatis Virgini, plenus gloria cœlesti, ut ipsa affirmabat, cui aliquando fuerat à sacris confessionibus. Plures alij conspexere eundem magno Angelorum comitatu in cœlum deduci: cujus idcirco res omnes à devotis in reliquias direptæ sunt. At verò ubi corpus ejus, ut decenti sepultura pararetur, indui necesse fuit; tum verò apparuit totum vulneribus catenarum & flagrorum, plagis dæmonum, planè excarnificatum: dorsum adusque ossa pertusum, caro membris omnibus flaccida & arida, ad horrorem Medicorum & spectatorum: quod decenti loculo impositum, spectabili tumulo conditum est, &c.

## P. JOANNES ZEHENDER cum alijs 8.

**P**æclarus Fidei Catholice athleta P. Joannes Zehender, quatuor vota in Societate professus, ortus fuit à Svevia, à puero hæresi Lutheranæ ita innutritus, ut ejusdem tuendæ & propagandæ zelo, Ministrorum ejus numero accenseri voluerit, & ingenij acrimoniam promeruerit; annos 26. natus Jacobo Marchioni Durlacensi, è Principum Badensium Familia, factus Aulæ Prædicans. Qui Marchio à puero quidem domesticâ institutione & consuetudine sectæ Lutheri addictus, accedente ætatis & mentis robore, Catholicæ Ecclesiæ tot sæculorum consensu firmata dogmata doctrinæque constantiam cum Lutheranorum novitatibus, atque errabunda mobilitate conferens, ac præcipuè conversione Joannis Pistorij ad Fidem Orthodoxam (quo Medico & Consiliario utebatur) commotus, avebat explorandæ veritati eundem cum Andrea Smidelino, Lutheranorum tunc in Germania glorioso antesignano, committere. Sed hic inferius suâ dignitate ratus, si Theologus cum Medico de Fidei mysterijs congregaretur, Jesuitam in disputationis æmulum & adversarium deposcit. Invitatus igitur à Principe advenit Molshemio Badam, velut ad certaminis locum, Collegij Rector P. Theodorus Busæus (is qui deinceps multis in Societate perfunctus muneribus, Germaniæ Assistens Romæ decessit) adfuitq; evocatus, cum nulla declinandi potestas esset, etiam Smidelinus pluribus verbi Ministris comitantibus. Initur pugna in magna Nobilium corona, à qua misere fatigatus victusque discessit

*Societas Europæa.*

Smidelinus, frustra opitulantibus Erebrando & Gerlachio Lutheri primarijs præconibus, ut omnibus ludibrio esset: ex quo ad tedium vitæ compulsus, brevi diem supremum explevit. Erat tum ex parte Smidelini etiam Zehenderus noster, & ut erat acer ingenio, sustinuit diu conflictum pene solus, sed eâ modestiâ & morum sçavitæ, ut vel ob eam sæpius illi familiarer P. Busæus prædiceret, non Catholicum modò, sed Jesuitam ipsum, brevi futurum. Verum ut solent adhærescere opinionibus suis, ægréque divelli magna ingenia, quamvis jam ferè errorum convictus, restitit tamen aliquamdiu, & unâ secum Principem in Lutheri secta retinebat, pergebâtq; ejusdem dogmata de suggestu populo prædicare. Fluctuabat nihilominus animo de veritate dubius; & cùm Symmystarum quispiam theses disputationi exposuisset, ipse Catholicorum argumentis ita hominem obruit, ut quò se verteret non inveniret. Tandem majore DEI gratiâ & lumine affulgente, quò studiosius nervis omnibus moliebatur suaveri, eò magis nuditatem erroris sui averterens, palam execratus est falsitatem. Eò facto tam acriter pupugit Collegas suos, ut cùm Princeps ipse ejus exemplo videretur in sententia nutare, nec auderent amplius cum Pistorio Medico, nedum cum Jesuita dimicare; ipsum Zehenderum novum Catholicum, nondum ab hæresi Catholicè absolutum, provocarint ad pugnam. Theatrum certaminis Urbs Emeringa fuit, ubi Marchio morabatur, Antagonistæ 19. Prædicantes, Antesignano Joanne Pappo, Argentinenis Ministrorum primario: solo & unico veritatem Catholicam pro-

K k k





P. Ioannes Zehender S.I. Svecus, ejuratâ cum Ministelli officio hæresi, ardens Fidei propaganda Athleta, victima charitatis inter contagiosos cecidit Vicinæ Austriae 25 Sept. A. 1613. ætatis 49. cum Socys 10.

90.

propugnante Zehendero; nam ut Busæum Jesuitam, tunc fortuito illac transeuntem, vel inter Auditores admittere paterentur, impetrare nec Princeps à sectarijs potuit. Disputatum quadriduo est, & Pappus cum suis ita profligatus, ut cum non inveniret quâ honestè ex disputatione excederet, deliberationi trimestre petierit, ut argumentis Zehenderi sematurâ responsione expediret. At verò Marchio nihil ultra prolongandum ratus, auditò plenius & consulto Busæo, bidui præmissio jejunio, & contemplatione rerum Divinarum veterisque vitæ examine, atque ultimâ pervigilatâ nocte, confessionem sacramentalem eidem peregit, fidemque ex Tridentini formula professus, primus omnium Principum à Lutherana perfidia ad Ecclesiam redijt. Mox ejusdem Religionis totâ suâ ditione propa-

gandæ studio, concionatores hæreticos omnes, qui Catholici fieri nollent, exire jussit: bonis omnibus plaudentibus, & certâ spe omnium subditorum ad Ecclesiam reditum præcipientibus; nisi præproperus Principis occasus, paucis à conversione sua hebdomadis propinato ab hæreticis veneno extincti, in ipso limine eam evertisset. Hanc ille mortem animo exceperit pietatis plenissimo, armat, Sacramentis omnibus, die 17. Aug. A. 1590. cujus sobole carentis hæreditas & jura Principatus omnia, in Calviniani fratris manus sunt devoluta. Igitur Zehenderus videns nihil ultra istic spei sibi superesse, in clientelam se dedit Austriaci Cardinalis Andreæ Episcopi Constantiensis, apud quem factus Sacerdos, neque ita multò post Romam ad Germanorum Collegium promotus, quadriennium sa-

cræ



cræ Theologiæ studio impendit; animo interini tacitus versans, quâ ratione se popularibus hæreticis quàm maximè redderet fructuosum, & magnas per universam Germaniam hæresum strages ederet. Cùm verò nihil ad ea præstanda congruentius occurreret, quàm ut Societatis Institutum amplecteretur, ingenti animo suum illi nomen adscripsit.

Neque secus deinde negotium aggressus, aut segniùs executus est, quàm animo destinârat; quando ad Germaniam juvandam reversus, non modicos hæreticorum greges passim Catholicis adjunxit, tam incitato semper ardore conversioni ipsorum inhians, ut cùm frequentius in hæreticorum congressus & ædes importunè penetraret, non rarò cum graviore contumelia exturbaretur; sic tamen, ut per indignationem rejectus, alacrior eodem iterum ardentiùsque rediret. Nullius siquidem ex omnibus vitæ actis majore, pœnitundine tangebatur, quàm suâ doctrinâ & prædicationibus abalienatos olim non paucos fuisse à Catholici nominis studio; quam noxam ut pensaret expiarétque, nihil adeò in hac vita durum atque acerbum ducebat, quod non ultro sibi subeundum esse arbitraretur: eadèmq; cogitatione tam sibi vilis erat, ut nullis honoribus vel rebus humanis caperetur, adversis autem & contemptibus etiam exultaret. Inter Germaniæ Provincias vix ullæ ad messeni Evangelicam æquè paratæ erant, & laborum feraciores, quàm quæ Austriacorum dominio subjiciebantur Regna & ditiones, Ungaria, Boëmia, Austria, Silesia, Moravia, Styria, &c. quæ omnes unicâ Societatis Provinciâ, sub Austriæ nomine continebantur. Laborum quidem & sudorum seges maxima exinde proveniebat, quòd omnes magnam partem errorum & hæresum contagiò infectæ, vix unam vel alteram urbem integre Catholicam censebant: & à quibus cultura expectari debebat, ipsimet in omnem vitæ licentiam & Venerem effusi, abjectâ animarum curâ, moribus vix ab hæresum Magistris differebant, zelo & ardore propagandæ Religionis etiam illis inferiores. Albas tamen & messi maturas efficiebat Fidei fervor in Principibus Austriacis, nihil industriæ omitterentibus, quò è terris proscriptâ hæresi universi in unum Ecclesiæ horreum colligerentur. Huc ergo suam præcipuè immisit falcem Zehenderus, Provinciæ Austriæ adscriptus, & copiosos legit manipulos Cassoviæ in Ungaria, Viennæ & Lintzij in Austria, datus etiam tunc Residentiæ primùm hic erectæ Superior. Ad animarum capturam præibat o-

*Societas Europea.*

mnibus, & nè quis ægrorum inexpressus decederet, de nocte domesticum tintinnabulum observabat; simul ac increpuerat, strato se ejiciens, etiam cum Rectorem deinde Viennæ ageret & Cassoviæ, ut ad ægros juvandos vocatus invocatusve procurreret. Socijs omnibus ultro citroque illac in Boëmiam, Styriamque commeantibus pedes ipse abluere, lectos consternere, aliâque his inferiora præstare, nequidquam repugnantibus hospitibus: Cùm verò Viennæ Operarij, Concionatoris Templi domestici, & Cathedralis, Aulicique munus expleret, ingentem Civium & convenarum ad Aulam Cæsaream numerum hæresi detraxit: in omne simul calamitosorum genus adeò propensus, ut mortuum universi communi luctu deflerint, tanquam Parentem & unicum levamen suum. In reos verò, qui ad extrema raperentur supplicia, præcipua se charitatis ejus probabat industria; quibus comes assiduus, & ad subeundam alacriter mortem exhortator, dum vitam exorare non posset, aderat. Spectabili aliquando tori Viennæ exemplo, dum ad necem parricida raptaretur in trahâ resupinus, & crebro ad humum capitis illisu in raptatione concuteretur; ipse confestim in traham insiliit; & convolutum in globum pallium suis humeris detractum, hominisque occipiti substratum, magno sui neglectu & fatigatione fulcire, atque identidem ut impetu raptationis evolvebatur, involvere iterum & reconcinnare, usque ad destinatum supplicio locum perrexit. Atque ita per Apostolicas functiones vitæ ingenti zelo traductæ, coronidè longè pulcherriam gloriosâ heroum morte imposuit, in obsequio lue contactorum Civium enectus. Decubuerat malo jam ictus Sacerdos, cujus ad id ministerium segregati ex vices fuerant; hujus ille partes tam cupidè, tam constanter, atque etiam importunè ab Rectore depoposcit, ut postulato excludi posse non videretur. Simul igitur atque voti compos factus est, eò imperu ac contentione animi formidabilem alijs campum est ingressus, & ita se penitus insinuabat in pestilentium intimas ædes, retrusas casulas & angulos omnes perreptabat, ut quia nullius loci aut discriminis habebat delectum, eum vanæ parùmque prudentis temeritatis quidam arguerent. Sed sagacissimi Vir ingenij pridem perspexerat, quàm multis & sæpe levibus ex causis homines abducerentur (nè ictos se peste palàm fieret) ab exquirendis animæ subsidijs, ita ut mallent non rarò Sacramentorum expertes emori: id quod cùm usu permultis Viennensium venire pri-

Kkk 2

mis



mis statim assumptæ provinciæ diebus didicisset, sedulò sibi putavit providendum, ut nè insanus ille pudor exitio cuiquam, indaginem suam effugienti, foret. Utq; eorum insuper animi ad insigniores religionis & pietatis motus ipso etiam venerando, dum Sacramenta administraret, aspectu erigerentur; priusquam ægri conclave Evcharistiâ vel Unctione extremam collaturus ingrederetur, ad ejus fores inducebat sibi superpelliceum, stolam item, & capiti clericalem pileum: tum sinistrâ, Christi cruce affixi signum, dextrâ facem ardentem præferens, ingrediebatur: atque his & alijs ejusmodi præclaris artibus suscitandâ in omnibus erga DEUM fide, reverentiâ & ardenti amore, multorum dubiam confirmavit fidem; neque paucorum planè desperatam, salutem restituit. Ità dum igneo fervore, nullâ sibi à perpetua fatigatione respirandi indulgâ morâ, noctu diùque desudat, post quintam laborum hebdomadam ipse quoque lue contractâ sublatus est 25. Sept: anno 1613. ætatis 49. Societatis 18. æternâ sui apud Viennenses, ceterasque Provincias, tanquam integerrimi sanctique Viri memoriâ relictâ.

Paucos post dies 19. Octobr: P. Joannes Montanus Mollensis, Belga Antverpiensis, Collegij Rector, ex eadem lue à pœnitentibus contracta decedens, cum paulò ante obitum Litanias de Omnibus Sanctis sibi prælegi voluisset, ubi ad SS. Sacerdotes & Confessores perventum est; pro ea, quam de sanctitate P. Zehenderi compertam usu habebat, notitia, illorum syllabo tenerimo pietatis affectu, etiam illius nomen attexit, tertio ingeminans, B. P. Joannes Zehendere, ora pro me! Natus erat annos 53. exactis in Societate 33. Philo-

*Ex Victimis Charitatis Patris Alegambe.*

## P. MARCUS SOLDANUS cum alijs 15.



Ater Marcus Antonius Soldanus in Italia natus; anno ætatis 21. Societatis militiam sortitus, ac deinceps Provinciæ Boëmiæ (quæ adhuc eadem cum Austriaca censebatur) accensus est. Quia enim Regionibus his majorem partem hæresi variisque erroribus adhuc inquinatis, non poterant ex indigenis operæ sufficientes in Societatem adlegi; debebant aliunde ex diversis nationibus ad necessariam incolarum culturam expeti & conscribi. Gerebat is Pragæ Boëmiæ metropoli, Italici Mariani Sodalitij, ex ijs qui istuc negotiationis causâ magno numero degebant, collecti curam; quod concionibus

sophica, Theologicâque laureâ pridem clarus, quarum etiam doctrinas vicanos annos, præcipuè in Viennensi Academia tradiderat. Quò tempore Zehenderus tanto impendio foris pestiferis serviebat, ipse domi residere coactus, promptam omnibus adventantibus operam in confessionario exhibebat. Et accedebant quàm plurimi, ubi primùm ictos se advertebant, nè Patris alterius in domum suam accersitu, lue contacti proderentur; à quorum aliquo afflatus halitu, immani tubere pestiferum ulcus secundum aurem concepit, cujus malignitate non toto triduo consumptus est. Utrique viam æternitatis prævit Frater die 17. Augusti, qui primo Sacerdotum, agonem hunc sublevandis Civibus ingressus, socius adhæsit, Dietmarus Stamwert, 30. annor: & in Societate 10. Sed & superioribus annis plures in eodem certamine vitam ibidem posuere: P. Michaël Reithamer Carinthus anno 1597. ætatis 40. die 18. Februarij. Unâque Augusto ineunte P. Petrus Phrearius Coloniensis, annorum 33. Iterum verò anno 1606. contagione Viennam depascente, duo ex auxiliariis socijs periëre, P. Paulus Christinus Moravus Olomucensis die 14. Sept: ann: 48. cum altero jam anno in hoc obsequium extra Collegium segregatus, in pertinacem pestilentiam decertaret. Hunc secutus est in eodem opere, & 1. Octobris, etiam in mercede P. Stephanus Kelbelius, Boëmus Budvicensis, annor: 33. cum ea in Academia Mathesim doceret. Iterum verò Anno 1625. in Septembri gloriosè cecidëre ibidem P. David Ferner Germanus Damswegensis annorum 31, & Marcus Hillebrand Styris, necdum 20. natus annos.

omniq; aliâ disciplinâ sic instituebat, ut ex Sodalium virtute in totam Urbem exemplis fructuque uberrimo dimanante, sensim Civium Boëmorum non pauci illis aggregari perierint; donec horum augeſcente numero, aliquot post annis in proprium Cœtum, sub eodem tamen Virginis Assumptæ titulo, eos separari necesse fuit. Ut verò eorum pietatem & in DEUM religionem splendore etiam Oratorij, ornatuſque exteriori promoveret, Sacellum Italorum, Conventibus habendis sanè peraugustum, corrogatis undique, ipsorum præcipuè ab liberalitate eleemosynis, in Collegij Societatis fundo molitus est, & formâ usque eò Pragæ non visâ perfecit. Idem Italicum Hospitale instituit, excipiendis curandisque illius





P. Marcus Soldanus S. I. Italus, Auctor Sacelli Italici, et Hospitalis Pragæ; luc inter agrorum obsequia ictus, mortis nuncium à S. S. Ignatio et Xaverio accepit; ibidem extinctus 23. Nov. A. 1613. præter alios 15 in Boëmia simili morte coronatos.

91.

illius gentis ægrotis & egentibus; cui præter idonea vectigalia, ædium amplitudinem ex collecta gentium stipe, omnia singulari ipsius virtuti & zelo deferentium, attribuit. Cuius Nosocomij egregia disciplina, perquam appositis à Patre temperata legibus, hæc sub administratione Magistratûs ejusdem Sodali-  
tij perseverat; ut DEO bene cœptis favente, novis subinde dotatum redditibus, non paucis hodie etiam ex gente domestica pauperibus præbeat receptaculum; propriâ eidem adstru-  
ctâ Æde sacrâ, & instituto Divinis habendis stipendiario Capellano. Alia ejusdem quam plurima illustriâque in Cives Pragenses merita, pridem illum unicè charum omnibus gra-  
tiosumque Regni Proceribus fecerant; sed illa ministerij procuratio, quæ hominem tan-  
dem confecit, in qua per continentes diro ta-

bo Civium pereuntium clades, suæ salutis oblitus, ardentissimè serviebat alienæ, idque non semel, sed pluribus contagionum annis, incredibilem illi omnium Statuum amorem, parémque conciverat venerationem. Sed neque illa tam operosa juvandorum insectorum sollicitudo impediebat, quò minùs curam, privatim extenderet in egentium necessitates totâ Urbe eodem tempore sublevandas; quapropter Pater pauperum ab omnibus audiebat. Itaque cum anno 1613. exorta Pragæ pestilens, ab Julio mense ad anni usque exitum, crudeliter & latè, si unquam aliàs, Urbem depasceret, vix ut domus ulla tabò immunis abierit; tantâ ferociâ sæviens, ut non plus triduo, ex quo teter halitus quempiam afflaret, superstitem relinqueret: P. Soldanus, qui jam ternas ætates in hoc certaminis genere

Kkk 3.



nere funestis Pragensium, suo periculo depellendis, cladibus egerat; nunc quartum in campum jam veteranus & exercitatus miles prodijt: duravitque mali jam quasi assuetudine audacior ad Novembrem usque, dum pestiferæ expirationis labe jam penè detersâ, gloriosum laborum finem, & præmia virtutis consecutus est, eadem lue extinctus ad diem 23. Nov: Divo Clementi Papæ & Martyri, sub cuius nomine & patrocinio Collegium Pragensium gloriatur, sacrum. Et quidem prodigio communiter ab omnibus imputabatur, neminem præterea ex pluribus Collegij PP. & FF. qui juvandis Civibus cum illo relictis Pragæ fuerant, infectum fuisse, vel extinctum, nè quidem ex ijs, quibus urbem & domos totum diem obeuntibus, pestiferorum incumberebat lustratio: cum tamen etiam Templi nostri valvæ promiscuè omnibus semper paterent, & in eo frequentia pœnitentium & communicantium continuum veluti Pascha celebraretur. Cum enim ob repentina funera omnibus Urbis partibus, ac ferè ædibus singulis, ex manifesto veneno pereuntium, eorum etiam quos nec leviter afflatos esse apparebat, omnes in Urbe pro depositis se non frustra haberent; singuli Sacramentis muniri, tanquam præsidij ad supremum agonem quærebant, & quotidiano concursu Sacerdotum aures fatigabant. Nec inanem fuisse eorum providentiam inexpectatus bene multorum prodebat occasus, ubi primum nostra ex Æde, Christi-que Mensa, domos essent regressi; qui tamen pestilentem sui corporis affectum aut ignorabant, aut verò dissimulabant. Soldanus ubi primum ictum se persensit, ad felicem transitum omni pietatis industriâ animum comparare institit: cuius feliciter, ob præclara virtutum suarum facinora, absolvendi ut certa spes illi fieret, paucis ante occasum diebus SS. PP. IGNATIUS & XAVERIUS, in choro ceterorum de sua Familia Cœlitum, ei se augustâ claritate fulgentes spectandos præbuerunt, & instantem è vita mortali in æternam exitum nunciârunt.

Complures aliâs quoque, ex eadem obsequiosa in proximos charitate, vitam in eadem Boëmia socij posuêre. Brunæ quidem anno 1584. P. Leonardus Corcelius Belga, Collegij & Novitiatus Minister, vir insigni opinione sanctitatis. Hic pestilentem ab ægrorum ministerio bubonem domum referens, triduo antè de obitu suo Rectorem admonuit; quem leni risu cum Rector exciperet, confirmavit ille, duobus antè mensibus sibi jam de morte significatum fuisse. Itaque præsidij omni-

bus ritè munitus, præstituto die, Octobri in-eunte, spiritum DEO reddidit. Nec ita multo post ejusdem Collegij Concionator Boëmicus & Germanicus P. Ambrosius, gente Boëmus: aliisque vulgatâ domi contagione, (qui tamen in horum syllabum heroum computandi non veniunt) decem & sex. Præter Ernestum Precknitz Novitium, in Silesia illustri locò natum, & nuper ex honorario Rudolphi II. Cæsaris Ephebo, cui etiam ob Parentis, Legatione apud Turcas defuncti, merita percharus erat, Societatem complexus. Hic necdum licet gravioribus, imò nec integrè mansuetioribus disciplinis excultus, & in Religione adhuc Tyro, adhiberi tamen ob eminentem quandam zelum, & in dicendo gratiam jam tum in eo promicantem, ad conciones interdum publicas cœperat, demirantibus ejus fervorem spiritûs, atque additam à natura facundiam, quotquot eum differentem audirent. His accessêre Anno 1599. iterum peste Triurbem Pragensem depopulante, juvandis incolis addicti P. Stanislaus Wociescowius, natione Polonus, 8. Sept: annorum 35. & Lucas Roll, Boëmus die 6. Octobris extinctus, annorum 52. Et Viennæ Austriæ Joannes Sartorius, Silesius Mietritzdorffensis, in Augusto anni 1617. Sicut & P. Andreas Wunder, Silesius Fraienwaldensis, ibidem anno 1619. die 19. Nov: Iterum verò Olomucij Anno 1623. P. Joannes Kapplerus, Novoforo ex Silesia oriundus, 23. Aug: cecidit, ætatis ann: 50. Is post administratam annis aliquot in statu Clericali Parochiam, rerum humanarum pertæsus, ad Societatem animum appulit, gradum Coadjutoris spiritualis in ea sortitus: pestèque exortâ, summis votis periculo devoveri, pro solandis juvandisque morboſis expetiit; eo præcipuè argumento expugnatis Superioribus, quia jam olim Parochus experiundo didicisset malum illud superare. Itaque campum peramplæ & populosæ Urbis ingressus, uberrimam laborum segetem habuit, quod nemo un, Parochorum totâ Urbe vellet experiri discrimen, eique se vel ob deferendum ægris expetitum Evcharistiæ Sacramentum objicere. Ipse verò dum suo magis ardore, quam necessitate langventium, meritur operam suam, illòsque attrectare, versare, in lectum componere non abstinuit; tactus plagâ malignâ, & apostemate totum à capite latus finistrum occupante, interemptus est. Socium laboris & beatæ mortis habuit Adamum Krazman, in Boëmia Pragæ natum, cui etiam ante se 3. Aug: extincto, suprema mysteria impetiit, cum Frater in Societa-



cietate vixisset annos 30. Eandem in morbidos charitatem Brunæ per idem tempus se-  
 ctatus, & similem exitum 16. Aug: consecutus est P. Joannes Holzeliuss, Austriacus Mis-  
 lingensis; postquam cum una primùm con-  
 tracta peste decem dies luctatus, alteram &  
 tertiam superavit; & neque sic tertium ictus  
 campo excedere sustinuit, à novissima tan-  
 dem victus, ad percipienda victoriæ præmia  
 discessit. Crumlovij pariter Moravorum,  
 licet nullam sedem ibi haberet Societas, quia  
 ramen Missionem ibi convertendis ad Fidem  
 heterodoxis per ea tempora constanter obti-  
 nebat, Sacerdos ejus anni Missionarius sua-  
 rum partium esse credidit, etiam peste infe-  
 ctis, & quidem tantò impensius operam loca-  
 re. Erat is P. Nicolaus Mužik, Silesius Czo-  
 choviensis, natus annos 41. Vir magno spiri-  
 tu, & acri studio animarum, quarum unius  
 adjuvandæ gratiâ longa etiam pedester susci-  
 piebat itinera, nec raro totum diem per inedi-  
 am ducebat, idemque martyrij cupientissi-  
 mus. Ergo hanc opportunitatem vitæ DEO  
 immolandæ nactus, ingenti charitate omni-  
 um obsequijs se obtulit: nec quidquam lue-  
 jam prostratus ægrius tulit, quàm à saluari  
 procuracione animarum se morbo arceri:  
 DEUM etiam ardentè precatus, nè jacentem  
 & quasi residem in lecto emori sineret. Ideo-  
 que quanto potuit nisu, lectulo doloris defili-  
 ens, flexis humi genibus, & in B. Virginis Ma-  
 tris imaginem oculis fixis defixis, inter brachia  
 Novitij, quem focium habebat, animam  
 edidit, bonorum operum meritis exornatâ, die  
 15. Sept: Sed & Hranicij, ejusdem Moraviæ  
 Oppido, cum eadem de causa Missionem ex-  
 erceret Societas, P. Joannes Scutellanus, Mo-  
 ravus Ostraviensis, qui biennali culturâ inco-  
 larum quàm plurimos hæresi detraxerat, illatâ

Hranicium anno insequente 1624. populari  
 lue, omnia Parochi munia moribundis exhi-  
 benda suscepit; quoad & ipse virus ab infe-  
 ctis hausit, & triduo confectus est ad diem  
 13. Aug: anno ætatis 45. humatus in eodem  
 Parochiæ Templo, unde Ministellum hæreti-  
 cum nuper exegerat, ibique ante aram maxi-  
 mam solenni pompâ depositus. Sed neque  
 hujus anni funeribus exaturata libitina, cum  
 pestem sequenti iterum anno 1625. in novas  
 clades revocasset, Olomucij scholasticum u-  
 num demessuit 25. Junij, infectis adjuvandis  
 devotum, M. Georgium Pabelium, Boëmum  
 Glacensem, natum annos 25. Pragæ verò 21.  
 Julij P. Joannem Faber, ex ordine Coadjuto-  
 rum spiritualium, Germanum ex Eislefeldia,  
 annor: 43. Et alterum ex Coadjutoribus tem-  
 poralibus 29. Aug: Christophorum Neümer,  
 Bavarum 59. annorum. Ac tandem Crum-  
 lovij 16. Octob: P. Joannem Janum, in Lusa-  
 tia Cotpusij natum ante annos 48. Hic olim  
 è Tyrocinio ob graviter affectum pedem di-  
 missus, nullâ proficiente Medicorum curâ,  
 veritus nè reditum ad Societatem perpetuò  
 haberet oclusum, supplex cœlesti Medico  
 factus, præsentiorè sanitatem celeriter, &  
 receptum in Tyrocinium invenit. Ante men-  
 sem in contagiosis totâ Urbe juvandis evolu-  
 tum, cum ejusdem veneno intoxicatus conci-  
 disse, voluit demortuum Collegij Rector  
 ignobili humo, per obscuræ noctis silentium,  
 vespillonum operâ mandare: verum Senatus  
 id subsentiens fieri vetuit; deberi pompam  
 Patriæ Patri, & publicas inferias. Itaque cla-  
 rô die, solenni & frequentissimo etiam Cleri,  
 cum copiosis funalibus comitatu, elatum est  
 funus Senatorum humeris ad Ecclesiam, &  
 ritu solenni parentatum.

*Ex Victimis Charitatis Alegambe, & Annal: Prov: Boëmia.*

## P. GUILIELMUS BATHEUS.



Natus est P. Guilielmus in  
 Hybernia Dublini A. 1566.  
 parentibus illustrissimis, &  
 multarum ditionum in Pro-  
 vincia Lagenia dominis: à  
 quibus in omni virtute &  
 pietate educatus, eandem cum fide Catholi-  
 ca constanter retinuit, cum demortuo patri  
 in jura omnia, tanquam major natu, successit.  
 Cum verò per id tempus Hybernix Pro-Rex  
 ad certa negotia componenda Virum perqui-  
 reret idoneum, Legati titulo ad Elisabetham  
 Angliæ Reginam mittendum, Guilielmum  
 post longam deliberationem elegit, in juveni-

li ætate canâ prudentiâ senibus æqualem:  
 quod munus magnâ Reginæ gratiâ gessit, eo  
 etiam nomine ipsi acceptissimus, quod omne  
 genus musices instrumentorum scitè & ele-  
 ganter tractare nōset. Nihil tamen favores  
 hi & blanditiæ Reginæ, deliciæve florentis  
 Aulæ mentem Bathei de constantia in Reli-  
 gione, aut gradu virtutis moverunt, quin a-  
 deò robustior in utraque, & vanitatum mun-  
 di pertæsus, jam tunc decrevit totum se ob-  
 sequio DEI addicere, & animo disciplinis om-  
 nibus exulto vitam cœlibem in statu Ec-  
 clesiastico amplecti. Reducem in Hyberniam,  
 primariæ Familiæ affinem sibi, ditissimo-  
 rum





P. Guilielm, Bathæ, S.J. Hybern, Illustrissimis Natalib, singulari gratiâ tradendi Exercitia sacra à Deo prædit, Amaram Zelotes egregius. Obijt Madriti, 17 Junij, Anno 1614. Ætat: 48.  
92.

J. Kilian sc.

rum connubiorum delatione, fieri deposcebant, quod non solum potentem opibus & ditionibus, sed gratiâ etiam singulari apud Reginam & Vice-Regem florere viderent: sed ille propositi tenax, repentè magnâ omnium admiratione, jura primogeniti in fratrem suum juniorem transtulit, & rerum omnium abdicato dominio Oxonium ad Philosophiam transijt, non minùs literis quàm pietati, & studio pœnitentiæ se totum sacraturus. Vitam igitur exorsus omnino sanctam, & omnimodis asperitatibus arduam; tempus omne studijs vacuum, dabat orationi; dignus qui validis impulsibus à Deo vocaretur ad statum Religiosum; quem amplecti jam certus, perplexè duntaxat hærebat & anxius, quem magis deligeret: solitudinis siquidem amore, trahebatur indè ad Carthusiam: rigoris indè &

pœnarum ambitu ad Cappuccinos: desiderio autem & zelo juvandi proximos ad Societatem JESU. Quibus curis & perplexitatibus aliquando multum fatigatus, obrepente fesso capiti somno, audijt disertè sibi inclamari ex Joann: cap: 10. verba illa: *ingredietur & egredietur, & pascua inveniet*: quorum vim & sententiam assequi non valens, cum ad orationem refugisset, sensit sibi internè dici, per ingressum & egressum intelligi vitam activam Societatis in proximorum salute operanda; in qua tamen non desunt pascua contemplativorum, per assiduum orationis & præsentiæ Divinæ, medijs in laboribus studium. Lætus itaque ex cognita DEI voluntate in Belgium trajecit, ac Societatem illico expetijt, receptusque in tyrocinium Tornaci anno 1596. ætatis 31. ea primis statim mensibus adultæ vir-



virtutis & magisterij spiritus dedit specimina; ut etiamnum tyro, Instructori Novitiorum datus sit ad reliquos virtute imbuendos socius.

Biennio exacto ad Collegium Anglorum S. Omari translatus est, educandis magno numero ex ea gente juvenibus, in spem unice propagandæ in patria Fidei Catholicæ, præfectus: quibus solidâ virtute & scientiâ, quæ par esset securibus & patibulis Angliæ, imbuendis, dum non verbis magis quam exemplis infudit; nimio rigore & assiduitate valetudinem haud parum afflixit: mandato proinde, Præpositi Generalis in Italiam evocatus, & Theologiæ arcana Paduæ prosequi iussus est. Cæpit hinc, Sacerdotio initiatus, zelo animarum incredibili ardere, qui totâ deinceps vitâ nunquam refrixit, ut neque de ulla alia re loqui posse videretur, neque quidpiam obijci posset tam arduum & difficile, quod non perumperet vel unius animæ juvandæ causâ. Noctu diuque paratus erat quocunque evocaretur, ipsèque sollicitus perquirebat in plateis rudes, quos Fidei & Virtutum rudimentis informaret, pauperes & ægros quos sublevaret; assidu, in visitandis carceribus, Nosodochiis, & vestigandis locis, in quibus auxilij seu spiritualis seu corporalis indigos latere suspicabatur. Atq; hæc fuere veluti præludia graviorum, quæ ipsū manebant, laborum, & semina ingentium fructuum, quibus Ecclesiam ditavit. Cum enim per id tempus Pontifex destinasset Nuncium Apostolicum in Hyberniam, ad confirmandos incolâs gravi bello ab Anglia hæretica pressos ob Fidem Catholicam, P. Ludovicum Mansonium è Societate, Virum excelssæ virtutis, doctrinæ & sanctitatis; comitem illi Præpositus Generalis adjunxit P. Bathæum. Hunc ergo secutus in Hispaniam, unde certa Legationi petenda erat à Rege instructio, quia repente pacis fœdera inter Hispanos & Anglos sancita sunt: Legationis negotio omni discussio, constanter deinceps hæsit in Hispania. Et verò Salmanticæ Theatrum illi Deus paravit gloriosum, ad triumphandas inferni potestates, & plurimas ex ejus faucibus animas eripiendas, inque libertatem filiorum asferendas. Ut enim nihil dicam de conatibus, quos eisdem atque Paduæ ad salutem proximorum magno successu adhibuit, contulit illi Deus singulare donum & gratiam ad tradenda ingenti fructu exercitia, ita singularem & insuetam, ut nemo hæc illo directore obiret, quin desideratam animi quietem referret: hinc nunquam Domus nostra vacabat hospitibus ex omni hominum genere & statu

*Societas Europææ.*

exerceri ab illo cupientibus. Maxima inde secuta est morum in Nobilitate & Civibus mutatio, & in juventute Academica, quæ in celeberrima illa Universitate veluti flos colligitur ex tota Hispania, tantus fervor; ut Monasteria omnia tyronibus implerentur; affluerentque indies Illustrissimi adolescentes, qui in sacra illa ascesi omni efficaciam negotium salutis tractare expeterent. Porro emolumenti ab inde provenientis magnitudinem vel inde collige, quod præter consuetam morum in omnibus emendationem, solæ in hominem alium, cum insolito eventu, & admirandis circumstantijs mutationes, fuere supra trecentas.

Propriam eodem simul tempore curam, Batheus assumpsit pauperum, catechesi & elemosynis undique corrogatis juvandorum: nec minore providentiâ Sodalitatem Nobilium excitavit, hodièque Salmanticæ primævo suo fervore florentissimam: ac denique Seminarium nationis suæ juvenibus in ea Universitate fundavit, de quo sub cura Societatis annis sequentibus prodire in culturam vineæ Hybernicæ, à vulpibus Anglicanæ hæresis adedè vastatæ, plures 300. ferventissimi Sacerdotes; & multi diversas Religiones complexi evasere eximij Theologi, & primarum cathedrarum in celeberrimis Europæ Academijs Professores: nec pauci creati Episcopi, Archiepiscopi, Prælati Ecclesiarum, tam intrâ quàm extra Hyberniam: quidam carceres & vincula pro Fide, ipsamque mortem perpassi, & miraculis ante ac post mortem clari. Horum non exiguam partem evocavit & collegit Pater Batheus, & in spiritu promovit: profectus interim sui minimè incurius, quem continuâ quadam cum DEO tractatione, & terna per anni decursum in ascesi Ignatianâ decemdiâ spiritus sui instauratione urgebat; menstruo item per diem integrum (quem, cibi penitus abstinens, traducendo, diem suæ reformationis vocabat) actionum suarum omnium velut ad Divinum tribunal examine & castigatione. Castimoniam illibatam summâ sensuum omnium custodiâ conservavit, & muro paupertatis Evangelicæ ita obsepsit, ut novis indui vestibus nunquam sustinuerit, vetustis & malè sartis contentus. Peculij omnis vel manibus attrectandi, nisi summa urgeret necessitas, parcissimus fuit; hinc nullum ejus valorem, & numi unius ab altero diversum pretium dignoscebat; cogebarurque, si quid in juvenum aut pauperum alimoniam pecuniæ offerretur, valorem illius apud Domus Ministrum indagare. Somno super nuda tabula

LII

bre



brevissimum dabat tempus, perinde ac per diem vestitus; tantoque amplius indulgebat quotidianis flagellationibus, & asperrimo cilicio. Quibus rebus celebre ferebatur totâ Hispaniâ Barhei nomen, & gratia præcipue tam singularis spiritualibus commentationibus animos exercendi: qua ipsa ex causa evo-

carus Madritum anno 1614. ut ad easdem præcipuos Aulæ Ministros manuduceret, repentinâ ægritudine in ipso apparatu oppressus, septiduo extinctus est Madriti 17. Junij, Anno ætatis 48. cujus æternam salutem paulò post magno cuidam servo suo DEUS manifestare voluit.

*Ex Alegambe Bibliotheca, & Nierembergij Tomo 1.*



*P. Guilielmus Weston, S. J. Angl., Apostolico zelo plenus, quem inter carceres annis 17. toleratos, Judicium Tribunalia, Daemonum infestationes, abundè probavit. Obijt Vallisoleti in Hisp: 9. Apr: 1615. Ætat: 75.*

*J. G. H. del.*

*93.*

*J. Kellin sc.*

## P. GUILIELMUS WESTONUS.



Atria Guilielmo Anglia fuit in lucem edito Maidstonij; ubi puerilem egressus ætatem, in Oxoniensi Academia studiis literarum, æqualis Campiani, incubuit, creatus Artium Baccalaureus. Hic animadvertis fallacijs postquam animum ad fidem Ca-

tholicam adjecisset, annos natus 25. Romam proficiscens adscriptus est in Societatem An: 1575. atque anno sequenti à Provinciali Bæticæ Montiliam deductus, expleto ibi tyrocinio, Philosophiam repetijt Cordubæ, & Theologiam audivit. Sacerdotio initiatus, Gadibus primùm, mox Hispali insigni cum fructu adhibitus est ad Anglos præcipuis ijs Empo-



Emporijs juvandos, non sine opinione sanctitatis. Notabatur jam tum indefessum in illo precandi studium cum aspera corporis tractatione conjunctum, ut etiam plerumque flexis genibus studere à domesticis notatus fuerit, nè mens ita speculationi tota se immergeret, ut cor affectibus pijs destitueretur; sui item infra omnes demittendi ambitus, quem innata affabilitas condiebat. Anno 1582. cum Personius necato Campiano perduellionis damnatus in Galliam rediisset, illum potissimum sibi successorem à Generali Aquaviva impetravit; cui itineri cum data fuissent interiores vestes novæ, ijs ut erant relictis, tulit quas gerebat longo usu attritas & interpolatas, ajens fore, ut DEUS in his pro suo illum facilius agnosceret. In equo, magnâ ut decebat Superiorum charitate, ex Hispanijs missus, milliaria post pauca equum remisit, itineris reliquum per Galliam sanè longissimi pedes exegit ad portum usque, ex quo in Angliam erat trajecturus. Prius tamen à Personio Parisios evocatus, & trimestri facile detentus est, ut quâ libris opportunis, quâ monitis plenius edoceret ad Provinciam, quam summis periculis adibat, fructuosius administrandam. Socium illi adjunxit Rudolphum Emersonum, eundem qui Edmundo Campiano fuit ab obsequijs, cujus etiam venerationi Westonus pro *Guilielmo Edmundo*, deinceps nominari voluit; sperans assiduâ nominis hujus appellatione fore sibi semper in mente Campianum, ad acrem stimulum divina ejus virtutum decora exprimendi.

Rothomago solvens, Angliæ littori, gemino teli jactu proximus, excendit in scapham, & ex hac in desertam plagam, unde per devia & calles ambiguos Londinum versus properavit ad notam domum prope Urbem, deferendis ad illius heram à Personio literis. Sed cum hæc literas & indicia à Personio data seu reverà non agnosceret; seu metu gravissimorum discriminum, si Sacerdoti hospitium præbuisse deprehenderetur, sibi ignota fingeret; humanissimè quidem exceptus, sed ante noctem aliud diversorium quærere jussus, diverso minimèque trito calle Londinum intravit, & diversorium apud Civem Catholicum securum invenit. Adest etiam non multò post Emersonus, qui ad sarcinas librorum in navi relictus fuerat, & eas cum reliquis navis oneribus Londinum deduxerat: sed non licuit prius eas eximere, quam forent cum reliquis mercibus à scrutatore publico evolutæ; qui, dum Westonum per Urbem requirit Emersonus, in ejus absentia sarcinas excutens

libros animadvertit, ex quibus Emersonum Sacerdotij suspectum habuit, ideoque reduncem carceri mancipavit & Judicibus stitit, à quibus varijs quæstionibus tentatus negavit semper se Sacerdotem, de Westono autem constanter tacuit; detrusus nihilominus in angustum, cæcum, & subterraneum specum, in quo annum egit velut à memoria & conspectu omnium hominum erasus. Sic destitutus socio Westonus, qui, quâ esset eundum, ubi & quales latebræ captandæ monstraret, totum se DEI tutelæ commisit, habuitque præstò mirè propitiam ad vitandos unguis flagitiosi cujusdam apostatæ, qui ejus vestigijs extra Urbem jam per aliquot millia passuum instabat, eratque omnino prehensurus, nisi repente & quasi fortuita Westono cogitatio incidisset (cujus ipse causam advertebat nullam) viâ hætenus calcatâ excedendi, quâ illum proditor venabatur.

Subijt inter hæc animum visendi in carcere turris Londinensis P. Haywodi graviter ex podagra decumbentis, cui in munere Superioris succedebat, & sperabat ad eum, Medici specie, ignotum exiguo periculo penetrare posse. Inductus est ad eum à sorore Haywodi Catholica nobili fœmina, quæ exoraverat ab Optono ut dies totos ægro fratri adesse posset: diemque integrum illi collocutus egit de præsentis Catholicorum & calamitatum statu, cavendis apostatis & proditoribus; unâque didicit de carcere F. Emersoni, de sui ipsius adventu in Angliam ad Consiliarios Regios jam delato, & innumeris ad eum capiendum exploratoribus dimissis. Sed nihil profuere istorum insidiarum quem Divina manus custodiendum assumpserat, volebâtque ad multorum salutem ejus operâ uti, quâ per id tempus nullius alterius erat ad urgenda veræ Religionis incrementa fructuosior; ut quicumque ab Anglia de progressibus Fidei trans mare scriberent, Westono ferè tribuerent omnia. Illi, præter innumeros alios etiam è Nobilitate, debetur conversio Philippi Arondeliæ Comititis, quem ad vitam summa cum pietate & virtute ducendam salutaribus præceptis instruxit, firmavitque Fuit is facile inter Proceres Aulæ primus & nobilissimus, & paulò post Fidei susceptæ causâ carceri mancipatus; post quem decennio integro toleratum, seu veneno seu longâ malorum perpeffione extinctus est, omnibus idcirco Catholicis pro Martyre habitus. Sub mortis autem articulum memor cui post DEUM salutem deberet, Patri Westono grati animi pignus Breviarium suum misit, donum quidem tenue Principis



pro Christo pauperrimi; hoc ipso tamen Westono similiter tum durissimo ergastulo incluso gratissimum. *Conciones illius & conversatio*, scribebant diversi ex Anglia, plurimorum *saluti profunt: possessis à dæmone liberandis magnum conciliat Catholicæ Fidei nomen: æquiparatur vulgo beatæ memoriæ Campiano, adeò illi vivendo est geminus & agendo.* Laus tamen ejus meritorum minima, constabat laborum assiduitate in lucris animarum; major illa multoquæ augustior, continuasse labores morte semper à tergo instante: nec enim interdum poterat se cuiquam tutò credere, aut à proditore & falso fratre quenkum discernere: noctu non licebat nisi semisomni & pene arrepto quiescere, apertis latebris ad vitandas fugâ incursiones subitas insidiarum, noctes præsertim illi intercipiendo captantium. Quibus nè interceptus in domo cujuscumque, in idem secum Majestatis læsæ supplicium traheret hospitem apud quem foret repertus, statuerat sibi in nemore, Londino haud procul metari latebras solitarias: nam quoad se jam totum DEO permiserat, perinde pro illo mori paratus, ac in strenuo & laborioso ejus opere vivere.

Hæc deliberanti occurrit Nobilis vir pietatis generosæ, invitat urgētque urbanè restituantem, apud se divertat: paret tandem invitanti, & consensu sub seram noctem equis in palatium deveniunt, levci à Londino tribus situm in media silvâ. Die postero bene manè, collectâ in Sacellum familiâ omni, ut Sacro interesset; (nam præter Catholicos habebat neminem) en adest anhelus ex cursu nuncius, Patri fugam præcipitem indicit, instare illi Consiliarios Regios, de ejus illuc receptu conscios, & jamjam cum satellitio adesse. Sacris igitur omissis vestibus ad quas in procinctu erat, in hortum se conjicit quo palatium cingebatur; ubi à servo admonitus adventare satellites, nec teli ampliùs abesse, jactu, in remotiorem fugit silvam, & deserto mæpali latuit ad solis occasum humi affixus, & rimis parietum observans quâ & quonam iter vestigatores intenderent, immersurus se, in silvas inextricabiles, si conspicaretur ex adverso venire. At illi diu frustra lustratis omnibus palatij angulis, & prædâ fraudati, deceptos se rati ab exploratore, vacui abiēre. Patri verò sub noctem missus ab amico cum equo dux viæ famulus, illum per callium ambages & perplexa invia in tutum aliò subduxit. Alias exploratorum quidam lynceis oculis suspiciose observârât è fenestra juvenem nobilem Westono transeunti se profundius

inclinantem, quàm exigeret vilis quo incedebat cultus: ergo, arguebat apud se, occultat alium sub veste abjecta, & quem nisi Sacerdotem? statimque cum armis advolat comprehensurus, nisi is, nullibi moram ducere doctus, jam evanuisset: & cautus Nobilis, responsis ambiguis & jocosus quærentem de illo ita circumduxit, ut Pater immixtus turbæ longius evaserit. Gravius aliud valde incautè periculum creavit focus: nam Pater in usum Sacrificiorum & Communionum multas, quas dicimus hostias, sibi paraverat, easque socio ferendas tradiderat; qui telâ candidâ obiter involutas in sinum recondit, unde nunc binæ, mox ternæ, & plures equitantis succussu excidere, tandemque 20. simul ante fores Ministelli in oppido defluxere: donec post viæ medium, animadversâ jacturâ, Pater fidenter aggressus iter relegere, præsentissimo vitæ contempto periculo, hostias omnes humo colligit, & illa Sacerdotis vestigia ab oculis insidiantium removet. Iterum aliàs in loco deprehensum mirabiliter DEUS tutatus est, nam exploratori veluti invisibilis evasit, & ex ejus oculis prorsus evanuit. Aliquando ad eum intercipiendum scrutatores conveniant; per medios ipse fidens intactusque pertransijt, viatorem assimilans itineri alacriter accinctum, cum senem ipsi, ut ijs descriptus fuerat, & imbecillum expectarent.

Verum inter innumeros ejusmodi casus nullus eum morti admovit propius, quàm à quo minùs timuerat. Sacris operatus ruri in ædibus Nobilis, monetur à famulo turbam adesse satellitum & domum vallare: ille in subterraneum cavum properantiùs se recipiens & diligentissimè clausus, libros excepto Breviario omnes reliquit. Ingressi cubiculum milites ex libris facilè divinant non posse Sacerdotem abesse longius, maximè cum in altero angustissimo conclavi (sub cujus pavimento inclusus latebat Westonus) & calicem, & suppellectilem totam Altaris invenissent; tunc enim audiebat illos ipse de præda sibi gratulantes malleos & ligones deposcere ad perfodiendos parietes, & tabulata dissolvenda. Actum jam de se credebatur Westonus, & ultro è latebris prodire seque intrepidè captivum sistere cogitabat: cum altiore instinctu, turbato satellitum consilio, turmæ dux, loci angustias arbitratus, negavit tantillo spatio posse latebras vel uni condendo homulo parari, ideòque frustra illis perquirendis fatigandos. Igitur depositâ vestigandi Sacerdotis curâ, & direpto Altaris ornatu, Dominum ædum, & servatorem Patris famulum, cum omni-



omnibus domesticis Viris captivos secum abduxere. De Westono interim quid factum esset cum ignoraretur ab omnibus, quæ solæ domi remanserant fœminis, latebræ illius inconscijs, lugebant illum velut unâ à militibus abductum : & ipse vicissim quid foris ageretur ignarus, & neminem sentiens qui sibi ad exitum obicem panderet, credidit ædes etiam à milite obsideri, hæsitque illic diem insuper & noctem sequentem integram, mediâ hyeme, cæco & humido cavo, in quo nec locum jacendi angustia concedebant; tandem scalis conscensis, cum nec vocem ullius, nec strepitum, rimis operculi diu arrestâ fixus aure perciperet, experiri cœpit an posset, humeris connisus, sursum attollere barathri sui operculum; quo tandem vi magnâ iteratis impulsibus, ferreis licet muniretur repagulis, dimoto, viam sibi ad exitum fecit, non absq; diuturno postea humeri utriusque dolere. At ubi pulverulentus, aranearum telis sordidatus, frigore tremens coram domesticis apparuit, velut à mortuis redivivus exceptus est, & refocillato nonnihil corpore securiora quæsiturus discessit, mirantibus omnibus potuisse illum indeprehensum militibus, etiam tum in omnem eventum circum palantibus, evadere. Nunquam tamen his toties expertis absterri se passus est periculis, ab adeundis, quoties expeteretur, seu Catholicis, seu Protestantibus; eâ tamen ubique cautelâ, quæ temeritati non plus tribueret quàm fervori. Quare aures contentibus dabat plerumque inambulans, velut in familiari colloquio, & more valedicentis sub discessum à peccatis absolvebat. Divinam Eucharistiam in hospitij publicis, ut minùs suspectis, aut in silvis & ruri, pro necessitate temporum & personarum ministrabat. Nunquam tamen induci potuit, ut ad latendum sub aliena persona securius, conditionis splendidæ ornatum assumeret, cultum illum Sacerdotem & Religiosum pauperem dedecere ratus.

Inter aliquos quos ab hæresi frustra conciliare Ecclesiæ laborabat, tragicum ipsemet exemplum refert, in cautelam de Divina misericordia stultè præsumentium. Senex erat in paucis doctus, jurisque potissimum peritus, & quod ei exitio fuit locupletissimus, terebâtque assiduè Catholicos Theologos, sed resellendi magis studio, & ad suam intuitæ conscientie quietem stabiliendam trahendi, utpote quem rationes domesticæ impellebant vellet magis ut hæreticus videri quàm esse. Convenit senem rogatu Filij Catholici Westonus, ejusque se primùm in notitiam dedit,

tum etiam in familiarem, dissimulato semper sacerdotio, explicatisque illi Theologorum nostrorum sententijs, illam persuasionem quâ fingeat duobus Dominis posse servire, esse in corde Catholicum, & profiteri exterius hæreticum, tam clarè deducit; ut magnis vocibus inveheretur senex in hæresim veritatis hostem, nihilque sibi deinceps cum illa commune fore juraret. Verùm retorto mox in damna oculo, quæ illum manerent ubi se primùm Catholicum proderet, vitæ periculum, rei rotius familiaris tot sudoribus partæ jactura, filiorum mendicitas; revolvebatur miser in jactationes pristinas, statuitque simulare ut antè Protestantem, Catholicum animo premere. Cum autem id probè nôisset, absq; perpetua culpæ lethalis noxa usurpari non posse, quæ aliter quàm Sacramento tandem Pœnitentiæ deleri nequiret, excogitavit stolidus humanâ prudentiâ, elusis Divinis judicijs, salutem in tuto locare; quâ plures hominum vesanè imbuti, credunt se plus DEO sapere, & vel ipso invito in cælum post vitam scelestè actam irrepere posse. Domos habebat duas, Londini unam, alteram suburbanam, quas alternis & statis anni vicibus incolebat; utrobique in illis providit Sacerdotem; qui, utraque in domo periculosè ægrotâssent, præstò adesset morienti, & à simulatæ perfidia hæresis absolutum, repente scilicet cælo assereret. Dū ita securus ultimæ expiationis liberè cæteroquin agit, morbi violentiâ repente in ipso migrationis ex una in domum alteram itinere corripitur tam sævâ, ut mori se sentiens, Sacerdotem mox advocari juberet. Dum curritur, reditur, Sacerdos confestim sistitur, non jam moribundo, sed mortuo vehementiâ paroxismi lethalis, qui in hospitium publicum interim illum deferri compulerat. Sic duos alens binis in ædibus Sacerdotes ut confidentius improbè viveret, uti neutro valuit ut fidenter & piè obiret, extra utramque domum repente extinctus. Atque hanc eadem stultitiâ, piæ mortis fiduciâ, impiam simulatæ hæresis vitam interim ducentes, multis deinceps annis sequentibus, Anglorum plurimi laboraverunt, DEO propterea tantopere exosi, ut inexpiatâ morte confessionem ad usque mortem dilatam æternum luerent, esto in eum casum domi constanter Sacerdotem, aliqui & duos secum semper in procinctu alerent: quorum tam multi confidentiâ stultâ frustrati, terribili fato absque omni exomologesi interierunt, ut possit ex ijs volumen integrum compilari.

Ceterum Westonus his & periculis & labori-



boribus insudans dum redit Londinum, de appulsu cognoscit P. Henrici Garnetti, & Roberti Southuelli, & paulò post incredibili gaudio utrumque Londini convenit. Mutuâ brevi potius consolatione, moram omnem in urbe indicavit Westonius periculi plenam, quod sub omni saxo lateret scorpium, hoc est explorator Catholicum indutus, reipsa defector & proditor: quare postridie ad levcas decem illos perduxit in domum Catholici Nobilis & opulenti, qui non verebatur direptione bonorum & vitæ ipsius jacturâ decorare nomen Catholici, nullo in familiâ nisi masculæ virtutis & Catholici roboris assumto. Illic octiduo morantibus ibat totum matutinum, tempus in officia Divini cultûs, in Sacello egregio cultu ornato; diurnum in consilia, quibus modis juvari res possent Catholicorû misere afflictæ. Quo peracto, suas illi Westonius divisit ad excolendum provincias, domos assignavit Catholicas eorum receptui promptas, iteratisque complexibus ultimis & felici appreciatione, suam quisque in sortem discessere, nunquam mutuo revisuri. Desiderabatur Oxoni Westonus, ubi ejus ope & consilio egebat Catholicorum familia nobilis: quâ charitatis operâ perfunctus, Londinum versùs remensus est iter, & cadente jam sole de via regia deflectens, in solitariam amici domum procul in silva abditam se recepit, sui colligendi & cum solo DEO agendi causâ, quod ante sociorum adventum, cum esset solus in tantis Ecclesiæ necessitatibus, perficere non poterat. At enim servo suo ad usque sociorum plurium duntaxat adventum servato, alium secessum destinabat DEUS in diem crastinum, haud minùs ab interpellaturis liberum, & ad annos 17. in diversis ergastulis duraturum. Vix domum intraverat, & ad est nobilium par notæ perspectæque virtutis, multisque precibus Londinum deducunt, ad opitulandum familiæ Catholicæ, repentino ex casu graviter laboranti. Die albescente in Urbis conspectu divertunt ad sua Nobiles, Westonius quò accersebatur; eratque domus foro vicina rustico, nò frequenti situ: respexit nihilo seciùs, an quis à tergo sequeretur; viditque hominem solum & inermem, proinde sibi minimè suspectum; qui tamen pulsantem ad fores ædium assecutus brachio prehendit, jussitque Regina nomine ad Tribunal sequi; quod se ultro facturum respondit Westonius, tantum nè alterius loco & nomine, per errorem comprehenderetur precatus. Nullus hic error est, reponit proditor: *ipsissimus es quem volo Edmundus Westonius Sacerdos*

*Catholicus & Jesuita.* Gratulatus est sibi mirificè hanc prædam Walsinghamus, cujus prodicionem multo ære captaverat, ut ad furcas Tiburnas solenne de illo spectaculum ederet, magis quàm unquam Catholicis ignominiosum. At Westonius pro animi sui robore lætus, quod biennium saltè Apostolici laboris liberum habuisset, pergebat in carcerem; eo maximè gaudens, quod extra ædes captus nulli suorum hospitum creabat periculum, ut sui causâ in mortem aut vincula traherentur, quod unicè semper à Deo flagitabat.

Carceri mancipatus, post triduum nocte intempestâ miratur campanas Londini omnes in sonos agi solennes & festos: cujus causam sciscitatus à suo custode, intellexit hos publicæ lætitiæ sonos edi, ob deprehensam à Regni Consiliarijs Papistarum conjurationem, formidandam in Regnum & Regina caput, ad substituendam illi Mariam Stuartam è carcere liberandam, revocandum ad Catholicos Regnum, statuendum in sede Londinensis Episcopatus Edmundum Westonium Jesuitam: nominavitque Patri ex conjuratis aliquot ipsi notos juvenes nobiles. Ex quibus facile conjecit Pater, hanc unam esse ex fabulis, ministrorum fraude confingi solitis, ad Catholicorum invidiam, odia & damna, maximè cum in stropham hanc induceretur ipse velut personam agens præcipuam, partisque Episcopi Londinensis. Nec quidquam artium omisit Walsinghamus, ut conspirationis istius reum perageret Westonium; hinc cum per eos dies, 13. Nobiles viros cum Antonio Babingtono cepisset, quos scelestissimâ prius arte per duos emissarios itidem Nobiles, Catholicam fidem mentientes, in conspirationem ad eripiendam carcere, Mariam Stuartam induxerat, nullis tamen equulei tormentis, conjurationem ultrò fatentibus, extorquere ab ijs potuit, Westonium in aliquam ejus partem conscium venisse, etiâ dum extremo perduellium supplicio damnatis, vivis evellerentur vitalia, & quadrifariam scinderentur. Neque ullus per illum & sequentem annum capiebatur, aut torquebatur, aut morti addicebatur Catholicus, quin à sagacibus illis versandorum reorum & implicandorum magistris, varijs quæstionibus de Westono urgeretur, ut suspicionis saltè umbra in illum deflecti posset. Sed cum nè syllabam quidem contra viri innocentiam expiscarentur, adiit tandem illum ex præcipuis unus Capitalium ministris, & de Babingtoni machinationibus obiter mentione factâ, ut imprudenti per discursum aliquid excideret.

ser.



sermonem detorsit ad Ecclesiæ contra dæmonem exorcismos, eorúmque vim miram, quam in Westono stupebant etiam Proteſtantes, cui ſingulare ad ſpiritus impios de corporibus obſeſſis pellendos imperium DEUS conceſſerat. Et circumferebatur certa fama, magnâ vi ab ipſo dæmonem adaſtum ut ex arreptio migraret, poſt eluſa diu juſſa, diſceſſurum ſe denique, ſed hâc lege dixiſſe, ſi liceret in Reginam Eliſabetham tranſire: quod cùm maximè negaret Pater: *quin ab ea te, dicens, maximè & vehementiſſimè arceo, cui potiùs felicia omnia & opto & à DEO precor: ergo, infert immundus ſpiritus, ſi per te licet, corpus tuum intrabo. Si per DEUM licet, re-poſuit Pater, ipſæque id jubet, me etiam volente veni.* Sed enim dæmon: *haud ſum it à ſtolidè furioſus*, ſubjicit, *nihil ſiquidem apud te futurum ſim melius, quam in vaſe luſtrali aquâ pleno: quo dicto mox ab energumeno diſceſſit.*

His & ſimilibus quæſitis cùm nihil penitus in rem ſuam è Westono Juſticiarius ille eliceret; paucis poſt diebus evocatur Pater trans Tameſim in domum honeſtam, ubi à cauſarum cognitore in plurium conſeſſu locum digniorem capere, capite operto juſſus, interrogatur, quid de Primatu Reginæ in Eccleſiam Anglicanam ſentiret? quid de poteſtate Pontificis in illam? de Babingtono? de Mariæ Stuartæ captivitate quid? & hæc quidem obiter ferè, aliud enim ſpectabant rogata, nempe ut Westono excuterent aliquid, quo virum nobilem eúmque locupletiſſimum bonorum omnium jacturâ damnarent. Sed enim cautiôr ille in reſponſis, quàm acuti forenſes in quæſitis, nihil ſibi quod inſonti officiſcere poſſet Nobili excidere paſſus eſt: itaq; in ſuum carcerem, & ſexto poſt menſe in eû, quem Clinkum nominant, traduſtus eſt: de quo ſæpius inquirens Regina, cùm criminis nihil in eo deprehenſum dici poſſet, fateri dæmonium audita eſt: *Jefuitam Westonum probatè perſpectaq; innocentia virum eſſe.* Sed ſatis ad conſciendum crimen, ergaſtulo perpetuo piandum, erat Jefuitæ nomen, unde rogati à Nobilibus Catholicis, quibus parentis loco Westonus habebatur, primarij ex Aulicis, ut ſuâ apud Reginam interceſſione innocenti fa-verent, nullus in ijs repertus eſt qui aleam tentaret: & unus ex ijs reſpondit: *ſi de latrone, homicida, ſicario, pirata res eſſet, auderem, ſpe aliquâ conſcienda rei: Jefuitæ nomen, etiam innocentis, atrocius aliquid apud Reginam ſonat, nec auſim in ejus auribus id nomen eſſerre.* Nec erat inanis hic metus, tantum ſi-

quidem Eliſabethæ erat nominis hujus odium; ut cùm Legatus Chriſtianiſſimi Regis ſummo ſtudio ageret apud Turcarum Imperatorem, nè Jefuitas Conſtantinopoli ejiceret, vel ſuis apud Chriſtianos miniſterijs arceret; Eliſabetha è contra per ſuum Miniſtrum omnibus apud illum Principem officijs in op-poſitum ardentè inſtitit: Quid ergo ab illa domi ſuæ fuit expectandum, quæ tam procul, & domi alienæ, tam inſenſum in nos gerebat animum? Annum integrum & ampliùs in Clinko egit Westonus, ſuperiore carceris parte cum Nicolao Smitheo Sacerdote incluſus, cujus diem nullum ſibi fluxiſſe deinde aſſeruit, quem vitæ poſtremum non crederet, vel ſententiæ capitalis in Weſtminiſterienſi Tribunali audiendæ. Paſſim enim & palàm ferebatur, ſic illi decretum à Conſiliarijs patibulum eſſe, ut conceptam mortis ſententi-am ad ejus examen & cognitionem cauſæ ſecum ferrent: cujus etſi prætextum nullum haberent, accituros tamen facilè credebant, poſtulando diſtinctam explicationem & ſenſum diplomatis, quod Pius V. in Eliſabetham contorſerat, excommunicationis & privationis Regni; non acquieturi diſtinctionibus & exceptionibus ad certas conditiones arbitra-rijs, ſed diſertum de eo judicium & ſententi-am extorturi. Sed technas illorum omnes Vir ſapiens ità eluſit, ut nè pilum quidem, unde læſæ Majeſtatis reus teneretur, deprehen-dere omni conniſu valuerint.

Interim Catholica Nobilitas largâ multo-rum contributione certabat de Patre redi-mendo: quod ubi ipſi innotuit, ſcripſit ad illos vehementer dolens; partim, quod contra rem ſuam & ſpem fundendi pro Chriſto ſan-gvinis venirent, increpitans; partim, ut deſine-rent, inſimis precibus rogans. Inter hos co-natus redimendi è carcere Westoni, inviſit eum mutato in vulgarem habitu Princeps ſœ-mina Comes Arondelli, quam pijs monitis ad Chriſtianam patientiam, à conſilio præſertim ſui è captivitate pretio redimendi avertit. Ne-que interim varia illi è cœlo deerant ſolatia, quorum pars non minima extitit trium ex Carcerarij ipſius familia ad fidem converſio, & ſacrificij continua diu celebratio, cujus ſup-pelleſtilem & materiam mirâ arte Catholici ſuppeditabant. Acceſſit converſio nautæ eodem carcere incluſi, quod furibus operam elocâſſet ad exportandas occultè merces ſub-reptas. Petijt hic à Westono pecuniæ ſubſidia, quâ libertatem redempturum ſperabat: *dabo, inquit, Westonus, at tu libertatem non impetrabis; provide itaque anima tua, eamque*  
*in caſo*



*in tuto colloca : simulque quid esset agendum docuit, & Catholicum fecit. Paulò post damnatus capitis, quæsitus ad cœnam Calvinisticam cum ceteris facinorosis ante mortem sumendam, professus se Catholicum, recusavit : & licet vita cum libertate offerretur ad Calvinum revertenti, persistit in fide constans, & vitam præsentem certâ spe gloriæ sempiternæ commutavit. Erat inter captivos Catholicos inferiori carcere attentos alius, olim hæreticus, hic arte sibi notâ recludendi seras piè usus, in ipsa Christi natalis nocte omnes sui carceris socios transtulit in superiorem Westoni custodiam, ubi multis cum lacrymis, & alacritate sanctâ terno sacrificio adfuere, omnes à Patre expiati & cœlesti Epulo pasti, & ante lucem omnes eâdem sui artificis operâ suo carceri reddititi. Post mensium aliquot mortis aut vitæ moras ambiguas, vocatur improvisus denuo ad examen, in quo bene longa series forensium capitalium confederat. Ante omnia jubetur tactis Calvini Biblijs juratus spondere, se clarè atque sincerè ad interrogata responsurum : sed negavit se ad hæretica Evangelia juraturum ; & nè quidem, si Catholica forent, hominibus laicis & hæreticis id facturum, nè illorum tribunali tanquam legitimo auctoritatem jurando sancivisse videretur. Responsurum tamen sincerè & clarè ad omnia, quibus integra conscientia permetteret ; si autem Religioni & Catholicis essent obfutura, nè verbum exprimi à se, passurum. Quare omisâ juramenti cautione venit ad interrogatoria, quibus illum tam multis, tam perplexis, longinquis, captiosis, mutatis vicibus lacescivere seorsim singuli, ut horas 4. solidas quærendo tenuerint, nunquam eo vel ad unguem desectente à responsionibus sinceris & perspicuis, si fas esset, aliàs religioso silentio infanda premente. Inter reliqua quæsitum fuit : *quas esset partes secuturus, Hispano exercitu Angliam premente ?* respondit : *neutras, cum observaretur in carcere tam bellè, ut passus quatuor prodire, sui non esset arbitrij. Sed urgentibus, quid factururus esset, si juris sui foret ?* reposuit, *si bello sacro classicum caneretur, cujusmodi plurima in Turcas gessere Christiani, sequeretur labarum Christi : de bellis ceteris abest à me tam procul ut cogitem, quàm à Sacerdote ut velit transire in militem.* Replicat alius callidiùs : *ponamus arma que minatur Hispanus, Religionis titulo moveri, que si tu sequi nolles, quid consilij daturus esses petenti, quibus accedere debeat ?* cui, nihil cunctatus, *de me,* inquit, *hoc certum habetote, nunquam tunc fore me cuiquam auctorem con-**

*silij, ex quo possit Ecclesiæ Catholicæ detrimentum sequi. Nec adduci præterea valuit, ut explicatius aliquid captiosis adderet. Remissus indè suum in carcerem expectatissimus venit Catholicis, quos carcer claudebat inferior, scripto enim dari sibi ab eo responsa rogârunt, ad idem tribunal examinandis usui futura.*

Pendente in hunc modum Westoni causâ, en illi repentè adest Vir nobilis, qui è carcere illum in cubiculum inducit, ubi expectabatur à Protestante Ministello, scientiæ inter suos nomine insigni, & hunc, inquit, *ad te Westone Theologe, Theologum pariter adduco, ut de capitibus fidei docentem placidè audias ;* cui Westonus, ego, inquit, *ut discam hanc ætate quid à me credi oporteat, ego nemine. Ergo,* infert nobilis, *inter vos saltè de ijs solidè conferte. Cui bono, subinfert Pater, soli id agamus in secreto ? si enim meâ causâ id sit, tempus & opera luditur : si ad luculentiorē veritatis perspicacitatem, cur non palàm in publico hominum conventu ?* Sed excusatione rejectâ, Nobilis obductis serâ foribus, in quartam post horam rediturus, utrumque conclusit. Erat minister hæreticus, affabilis moderatque ingenij, cui proinde sua modestè proponenti solutiones similiter, procul contentione, claras Westonus subdebat & solidas, ignorans adesse latentes qui audirent. Inter alia tam validis Pater argumentis probavit, interpretationem S. Scripturæ non esse cujuslibet spiritui privato promittendam, ut ministrum plenè convictum habuerit secum penitus consentientem. In Confessionis Sacramento, & alijs quibusdam, multa quoque concedebat, aliqua non item : sic ut regressus tandem Nobilis, illum reperiret nec satis Catholicum, nec integrè amplius Calvinistam. Post triduum adest Westono quidam amicus visendi causâ, & post quædam optatum disputationis exitum gratulatur : animadvertens autem peregrina se Patri dicere, narrare orsus est : Sacerdotes duos, quos metus tormentorum & Prædicantium fraudes in transversum egerant, latuisse in contiguo disputationibus conclavi, visamque illis tam clarè & invictè soliditatem Catholici dogmatis à Patre exponi, ut parum abesset identidem, quin resumptâ Christianâ generositate latebras rumperent ad objurgandam ministri cœcitatē. Indè verò manifeste expeditos ad veritatem Fidei, quàm antè ejurârunt, per mille supplicia & mortes, maximo Catholicorum omnium hinc solatio propugnandam. Et certè eorum alter non diu post, datâ pro Christo vitâ, inconstantiam notam,



notam, quam vacillando contraxerat, sanguine eluit. Londini alter confesso pulpito, quod ad crucem extat cœmiterij S. Pauli, coram multitudine, omnia alia expectante, palinodiam altè canens, execratus est Calvinii errores, statimque propterea furente in eum populo raptatus in carcerem, & compedibus oneratus. Sed in vinculis denuo relapsus in hæresim, & liber dimissus: iterum resipiscens, à miserantibus hominis inconstantiam Catholicis in Belgium transmissus est, ubi diem orthodoxus & pœnitens clausit.

Ubi ergo actum se cum Westono agere, experti sunt Consiliarij, quem eâ solâ causâ in vivis servabant, nè morte illius majorem in modum proritarentur Catholici illius amantissimi; quos, propinquante jam Hispanorum contra Angliam classe, nolebant exulceratos; Wisbicum, desertum in finibus Regni Castellum, cum pluribus Sacerdotibus illum relegârunt, extra omnes homines illic sepeliendum. Discessuro dantur tres dies ad captandum ostiatim, laici habitu, ex amicorum pietate viaticum, cum adjuncto sibi ad latus milite: sed hic mercedem pactus, liberè solum quò veller excurrere permisit, ut suo se duntaxat ante noctem carceri referret. Nec fidem hæretici militis sanctitas Viri fefellit, utentis eâ libertate magno multorum bono, firmandis in Religione Catholicis, & lapsis ad eam revocandis, Nobili præsertim Catholico ad fiduciam salutis. Jacebat desperabundus in extremis, séque dæmonibus, quibus refertum videbat cubiculum, datum in prædam vociferabatur. Sudavit plurimum apud eum Westonus, consideret duntaxat DEO, & veniam rogaret, dare seipsum pro illo vadem veniæ obtinendæ. Cum nil proficeret, svaviter tandem ex illo quærit de culpis antea actæ vitæ, & informat pedetentim veri doloris sensu, quò idonea confessionis sacræ fierent materia: quam ut seriò inchoavit, vidit impuros qui lectum arctabant spiritus paulatim abscedere, ac tantò longius, quantò in confessione pergebat ulterius, quoad tandem omnes conclavi exclusi respectabant subinde ex foribus, eique iratis vultibus terrorem & minas ciebant. Absolutus demum à peccatis, vitâ pariter solutus est paulò post, mirâ salutis fiduciâ, sacro insuper viatico à Westono munitus. A quo paulò quàm spiritum efflaret rogatus, unde illi tam desperabundæ cogitationes, Catholico, & multos annos pro fide molestias carceris perferenti? Pœna, respondit, meo scelere apta, qui pergebam miser in carcere accum-

*Societas Europæa.*

lare offensas in DEUM perpetuas, nunquam tamen illas Sacerdoti nisi mutilas & ex parte pandebam.

Constituto profectioni die cum Sacerdotibus 11. præsidio militari Wisbicum deducitur Westonus, & Gubernatori committitur; à quo, die postero ad augendam ignominiam, solennibus nundinis in castellum deducuntur, sua quique in ærumnosa ergastula detrudendi, additi veteribus ejus de Societate incolis, Patri Thomæ Mettamo, qui gloriosâ ibidem morte obiit Anno 1592. Thomæ Pondo, & Roberto Bickleo, etiam tum Novitio. Est Wisbicum in Cantabrigiæ loco insalubri, restagnationibus aquarum obnoxio, Castrum quondam Episcoporum, nunc semirutorum conclavium reliquæ veteres, muro foris & fossâ ad custodiam præcinctæ. Has ante Westonum Viri magni carcere suo, virtutibus, & morte pretiosâ consecrârunt, Thomas Watsonus Lincolmensis Episcopus, Joannes Fecknamus Abbas Westminsteriensis, Wodius Regiæ Mariæ Confessarius, pluresque alij. Incolebant tristia rudera 35. ut plurimum, clausi omnes tam arctè primis sex annis, ut egrederentur nunquam nisi omnes simul ad eandem mensam: Grajus curator carceris, Puritanus, homo ferus, & ab Catholica Fide tam pertinacibus odijs aversus, ut profiteretur demens, si sibi constaret DEI gratiam & salutem nisi Papiſtis nemini concedi, sibi fore optatiùs damnatum mori, quàm Papiſtam æternùm salvari. Cujus impijssimi voti compos, vitam pessimam morte clausit, quâ suos etiam Puritanos consternavit, & filiæ Ursulæ in Fide Catholica ad mortem usque sanctè durandi calcar addidit. Captivos affari, vel adire clausos fas erat nemini, nisi ministris acturis de Religione, & quibusdam priorum stipem, quâ sustentabantur, ad eos ferentibus. Custodia militum duplex, pars intus statione perpetuâ observabat, pars totam noctem foris Castro circumibat: Præfecti subinde ergastula introgressi perscrutatione improvisâ omnes angulos rimabantur, nunquam tamen ità felices, ut deprehenderent latebras, quibus Divina ad sacrificandum supellex condebatur, quod erat unicæ afflictis consolationi. Exactò sexenniò exorârunt à Præfectis, ut loci angustijs soluti, custodiâ liberâ fruerentur, intra Castri duntaxat ambitum conclusi; viserentur amicè per diem à Catholicis quibuscumque, colloquerentur liberè, talarem induti Clericalem incederent, suâque, quod erat maximum, Sacerdotum obirent officia. Igitur auctor reliquis fuit Westonus,

M m m

ut li



ut libertatem illam in Religiosi cujusdam Cœnobij disciplinam formamque redigerent, agebanturque omnia ad signum campani domestici, horaria manè oratio, examina conscientia, sacra lectio, statæ prælectioni de Theologia morali, de Scriptura sacra, de lingvis Græca & Hebræa (quæ omnia unus explicabat Westonus) Concionum quoque exercitationi horæ: quæcunque autem piorum largitas ministrabat, omnia servabantur in commune. His longè famâ celebratis, prodigio erat Angliæ universæ Wisbici carcer, illuc ex Academijs ventitabant Doctores curioso juvenum comitatu, disputaturi de Fidei capitibus, illuc è toto Regno Catholici accurrebant, partim ad celebrandos augustiore formâ dies festos, partim extricaturi gravissimos conscientia nodos, quorum solutiones inde ab omnibus Provincijs petebantur, & responsa scripturis Proestantium reddenda.

At ecce ram sanctus & nobilis carcer paucorum intestinâ discordiâ repentè in contraria omnia pessundatus est! duo vitæ solutioris Sacerdotes cum Medico, tricipiri suâ factione abduxere post se alios tredecim è triginta duobus, quos diu carcer ille omni probitate instruerat, & secessione à reliquis factâ, omni convitiis & injuriarum genere Westonium cum suis (qui illum Directoris appellatione veluti in Superiorem unanimiter, multum licet resistentem elegerant) impetebant, atrocibus in eum calumnijs per famulos libellos quaquaversum, Romam usque ad Generalem Societatis summumque Pontificem sparsis: quorum scelus & actiones infandas DEUS eventibus diversis horrendum ulrus est. Quatuor nihilominus ex eis insuperabili Westoni parientia argumento retracti à consortio improborum, ad illum redire: ex novem residuis cum duo aufugissent, unus eorum miserè contabuit; alius à Fide apostata Londinensis Episcopi emissarius factus est; alius sacrilegè impudens, etiam Prædicantis munus inter Protestantes obiit; Medicus repentè mutus, post etiam mente captus, subitaneò tandem apoplexiæ tactu impænitens decessit: omnes post vitam solutioris morte formidabili extincti. Quem autem inter hæc Westonus se exhibuerit, testati ad Generalem & Pontificem concordibus literis sunt omnes reliqui carceris incolæ; implacabilem scilicet insuper fuisse odio sui corporis, & cruciamentis ejus spontaneis, cum in alios esset melleus & affabilis, patientiam in hostes servasse tam imperrubatam, ut contumelias inter & injurias nihil ei exciderit iratum, æ-

quabilitate animi & vultus colore eodem semper rerento. Somni erat paucarum horarum, ac ferè in tabulis storeâ instratis; noctis reliquum ibat in preces: conciones illius omnes excipiebat magnus lacrymarum in auditoribus imber: ægroti verò noctes rotas apud se pervigilem habebant. Consulebatur idem veluti oraculum in cunctis ad scientiam & pietatem pertinentibus, quibus omnibus pandebat brachia & pectus, dabat consilia in casus lubricos & periculosos calamitosæ illius Christianitatis; tum oretenus, tum epistolis prolixis solabatur Catholicos, lapsos excirabat, tenerer cum ijs flens & dolens eorum vulneribus medebatur.

Hæc tanta ejus ab omnibus celebratio, causa fuit septem residuis è Wisbicensibus factionis, ut Romæ contra Westonium non auditi, Londinum supremo & inaudiro scelere adhuc in facie Catholici verrentur, & Westonium accusarent perduellionis in caput Regina, cum suis Sacerdotibus reum. Adest idcirco repentè Londino mandatum ad Wisbici Præfectum, Westonium cum tribus, quos de nomine vocabant, Sacerdotibus, & Thoma Pondo Londinum transporter; cum quibus omnem pariter discessisse consuetudinem precandi, & piarum rerum familiarem usum, testati sunt qui remanserunt Sacerdotes. Illuc in militum custodia ingressi, duas horas inter solurissimi popelli scommata & jocos, quibus maximè Westonus in Societatis habitu petebatur, traducti sunt; & decreto consilij, suo quisque seorsim carceri in turri Londinensi inclusi. Westonium excepit ram horrenda, præter alias sui spectis ærumnas graveolentia, ut (quod ipsemet scribit) præfocaretur illius mephiti, sentirerque fore naturæ proclivius semel mori, quam diem unum in tantris durare miseris; siquidem addit, eorum quosunque in vita passus est dolorum & morborum gravitarem, diei unius & noctis ærumnas non æquasse, quas tamen quadriennium in eo carcere exegisset. Nam neq; somnus illic capi poterat, nisi confectum vigiliâ & viribus corpus humi prostratum concidisset: undè dicebat, somni sui per dies & noctes so capti, minutia si colligerentur, non confecturas sparium decem noctium: ut proinde fateretur singulari planè DEI beneficentiâ caput sibi constiruisse, nè in deliria solveretur. Lucis continuo defectu, quod aditu, foramine balistario non majore, ingrediebatur, propè oculos amisit; ad id tempus omne, quod à prolixis multarum horarum meditationibus superfluebat, applicitus, sacras per-



perpetuò legebat relegebátq; paginas, ut tandem totas memoriâ complexus fuerit. Evolutò istic bienniò custodem accepit mitiorem, qui ascensum ei pandebat in solarium ergastulo imminens, ad captandam liberio-rem auram: sed beneficium corrumpebat il-lius ibidem neglectus, dum eò inductum postquam recedens clausisset, ante quartam interdum noctis horam non redibat, cælo interim imbris, nive, frigore, ardoribus ingruente; nec rarò à colluvie hominum, ex editioribus in vicinia locis convitiis gran- dine, probris, saxis & lapidibus in Westo- num depluentibus; unde ei non dabatur ali-ud receptaculum, præter sui cavum ergastuli, cui denique postliminiò restituebatur. Atque hoc patientiæ quæstuosum & nobile studium decurrit Westonus ab Anno 1587. usque ad Elisabethæ mortem, & inde per aliud biennium; quanto virtutum heroicarum usu & ex-emplis, testatus est turris Londinensis custos Præfectus: *Papistarum, quos ipse clausos ha- buisset, fuisse neminem patientiâ heroicâ, & virtutibus Westonoparem: & in Noctono quid- em Calvinista suæ itidem curæ commissio, ha- buisse diabolum Protestantem; in Westono autem Jesuitam sanctum.* Wisbicensis autem car- ceris custos similiter hæreticus, cum in legen- do Wattsoni Apostatæ libro pervenisset ad quædam ab illo propudiosè de Westono nar- rata, librum à se iratus projecit, mentiri librum & ejus auctorem jurejurando vociferans, cum ipse tot annos vitam Patris præsens obser- vans comperisset tam infonem & sanctum, ut fide licèt ab eo diversus, ipsum tamen apud DEUM sibi intercessorem exposceret. Sed & Wattsonus, conjurationis postea in caput Jacobi Regis Angliæ convictus, cum fune, jam ad gulam alligato staret sub furca, fassus est magnâ voce: *adversus Westonium & PP. Societatis elucubrâsse, typisq; mandâsse varios libros, omnes autem falsos, confictos, & scan- dalosos: idcòque veniam illorum ab ijs rogare.*

Ubi tandem Elisabetha Anno 1602. fato defuncta est, & novus Angliæ Rex Jacobus promulgatus, aperti sensim undique sunt car- cerum exitus; & morte Regina suscitati, ve- lut è sepulchris mortui Sacerdotes itidem o-

*Ex Historia Societatis, & Anglia Bartoli & Mori.*

mnes, eâ lege emissi sunt, ut simul Angliâ exirent, nisi mallent templa Protestantium frequentare: quæ nefaria conditio, quis cre- dat? nonnullis tamen placuit. Serius alijs mense uno carcere missus est Westonus, Se- natoribus procrastinantibus subscriptionem ejus libertatis, quæ tandem anno sequenti 1603. octiduo ante Festum Pentecostes secu- ta est. Ejus liberatio custodi etiam carceris accidit jucunda, qui patientiâ Viri incompa- rabilis conciliatus, convivam ante digressum, in prandio habere voluit; & in viaticum dono regales nummos 80. dedit, amplâ ejus vifen- di facultate Catholicis omnibus factâ. Et tur- ri cum custodibus ad abitum egressum præ- stolabatur multitudo ingens, tum Protestan- tium, tum Catholicorum, illorum, ut viderent hominem qui annos 17. varijs sepultus carce- ribus, fama ubique clarebat sanctitatis; isto- rum, ut fausta sibi ultimùm adprecantem de- genibus venerarentur, quod multis gemitibus & lacrymis utrinque peractum est, & iterum ab alijs ad maris lictus in Itio Cantuariæ por- tu repetitum. In Belgium deportatus, pri- mùm mox scripsit ad Personium, sic se oculis, viribus, & mente ultimo carcere exhaustum, ut non posset ultra quatuor passus progredi. Erat enim præter calamitates alias etiam con- tra dæmones & spectra illi pugnandum, aspe- ctabili conflictu svadentibus ultimam despe- rationem & restem, cultrósque ad manum in- gerentibus, quibus se ergastuli intolerandâ graveolentiâ, solitudine, frigore, cruciatibus liberaret: siquidem spatio mensium 54. ho- minis faciem non vidit, nisi tantùm custodis, & dæmones assimilatos in horrendas larva- rum species, plagis atrociter in eum sævien- tes. Ex Belgio missus in Hispanias, vixit tot malis suis superstes annos 12. Vallisoleti præ- cipue Seminarij Anglorum curam gerens, o- mnibus nostris & externis mirè carus, & in ea veneratione, ut ei passim adgenicularen- tur Viri etiam illustres, poscentes ab eo bene- dici. Anno demum ætatis 75. Societatis 50. mortis nuncium excepit canens: *letatus sum in his quæ dicta sunt mihi, in domum Domini ibimus: ivitque planè, ut æquum est sperare* 9. Aprilis 1615.



Mmm 2

P. SE





P. Sebastianus Barradius Soc. Iesu, Lusitanus, a concionibus & libris Orbi notissimus; ingentes animarum fructus, ardenti zelo, et Inferni tormentorum, quem in raptu vidit, comminatione retulit. extinctus Conimbricæ 14 Aprilis 1615. Æt. 73.

94

## P. SEBASTIANUS de BARRADAS.



**P**ater Sebastianus Barradius, perfectum virtutis & sapientiæ Christianæ fidus, magnum Patriæ suæ, licet aliunde inter urbes illustrissimæ, lumen attulit, parentibus avitâ nobilitate claris progenitus Olyssippone in Lusitania, anno 1542. de quo cum veritate usurpaveris id, quod de S. Gregorio Nazianzeno fratre suo asseruit S. Basilius: *familiam & genus suum traxisse à DEO, virtutem computasse pro Patria, in qua natus, ejusdemque in sinu & gremio educatus sit.* Sæcularis adhuc, ea in oculis civium virtutum præbuit specimina, ut Religionem Societatis JESU complexus, diceretur domum so-

lam & vestitum, non vivendi normam mutare. Emicabat primis statim annis in puero singularis ingenij & indolis vivacitas: ob quâ adhibitus aliquando inter reliquos Scholares ad salutandos theatri dramate Lusitanæ Reges, agendi dicendique gratiâ ita præ omnibus placuit, ut Catharina Regina Joannis III. Coniunx, puerum indice evocatum singulariter Patribus adstantibus commendârit: *habete, inquit, specialem hujus pueri curam, & præ alijs majore diligentia educate, evadet enim in Virum magnum, & hominem excellentem.* Receptus est in Societatem anno ætatis 16. sæculi 1558. jussus ab ipsa DEI Matre distinctâ voce illius Institutum complecti, cum ante illius prodigiosam iconem, de Scala dictam,



dictam, in Ecclesia S. Dominici precaretur: ex quo beneficio filialem in eam affectum, & conceptam fiduciam, totâ vitâ retinuit, ut colligere est à libris ab eo editis, præcipuè tomo 1. de Concordia Evangelica. De eadem pro concione loquens, seipsum superare videbatur, itâ efficaciter ejus amorem & patrocinium commendabat, tantâ varietate dotes & prærogativas explanabat; ut non homo, sed Angelus loqui videretur. Plantatus in Religionis horto tam nobilis flos, odorem illico virtutum latissimè sparsit, solo intuitu omnes post se in amorem sanctitatis excitatos trahens: unde brevî famâ ipsius per Regnum universum diffusâ, veniebant à locis etiam remotis ejus videndi, & si fieri posset, vestem duntaxat attingendi causâ; reponébantq; in magno beneficio, si quid de segmentis illius vestium, capillisve attonsis referrent. Quoties prodibat in publicum, vix progrediendi locus dabatur, ob multitudinem accurrentium, & certatim vestem exosculantium, utq; bene sibi precaretur flagitantium: quare vix aliud gravius Viro humillimè de se sentienti accidere tormentum poterat, quàm dum exeundum domo esset; fuitque idem, animarum alioquin vix per Missiones Apostolicas DEO quærendarum sitientissimo, præcipuo ad residendum inter domesticos parietes argumento, ubi Superiorum voluntate manum scribendis libris applicare coactus est. Professus est initio Sacerdotij Philosophiam & S. Scripturam Conimbricæ & Eboræ, cujus penetrandis mysterijs cum animo toto incumberet, sic ut nihil præterea agere videretur; contigit illum ab Janitore vocari ad januam, nescio quo ejus alloquium flagitante: cui Pater: *vide sis ne erres, novennium siquidem elapsum est, ex quo nunquam ad januam accersiri me contigit.* Ut minimè mirum videri debeat, evasisse illum tanto sacrarum literarum studio potentem adeò in sermone, & efficaciæ in librorum elucubratione.

Ex ingenti, quo animarum salutem deflagrabat, zelo, cupiebat vitam omnem in expeditionibus Apostolicis, diversa loca peragrando, ubique pauperes evangelizando, & modis omnibus juvando, traducere: obivítque complures Missiones per diversas Lusitanix partes, magno paganorum profectu; pedestri plerumque itinere, ostiatim corrogato pane vitam sustinens; Apostoli nomine passim per regnum (tanta in actionibus & gestis viri promicabat sanctitas!) appellatus, cælo ipso gloriosum agnomen prodigiosis conversionibus comprobante, Agebat loco quodam homo

multis sceleribus contaminatus, ad quem repente vox è cælo allapsa commonuit: *tali die venturus est ille Apostolus, cui si peccata confessus fueris, ab omni sorde mundaberis.* Id ille domesticis palàm cum retulisset, magnâ expectatione eventum prædictionis præstolabatur: & ecce statuto die Pater adfuit, magno ipsius bono, & incolarum omnium solatio. Neque omittebat DEUS gravissimas ab obstinatis, & consilia Patris amplecti respicientibus, sumere pœnas: è quibus non nemo sæpiùs à Patre commonitus, ut per seriam pœnitentiam mores in meliorem vitam commutaret, quia pertinaciter resistebat; Pater demum altiore instinctu erumpens: *quando, inquit, obsequi monitis meis recusas, scito brevi venturum tempus, in quo frustra id à te ommissum summopere dolebis.* Et pauculi dies lapsi fuere, cum miserabili casu, & ruinâ totius suæ domûs oppressus interiit. Mitius aliàs, quia ad salubrem emendationem, defævijt cælum in pervicacem mulierculam, quæ nullis hortatibus servi DEI induci poterat ad ignoscendum inimicis, & frequentandam, quàm Pater sedulò explicabat, Christianam doctrinam: cui subito ferventiùs id vice quadam inculcanti dum in faciem resistit, lapsum repente cælo fulmen mulierem tanto timore concussit, ut jam meliora spondens totam se potestati Patris permiserit. Nequivêre tamen Missiones in patrio solo vastum ejus animum explere, quòd diceret has condimentis ærumnarum, periculorum, & adversitatum destitui, quibus arduæ illæ inter gentiles & barbaros abundarent: ideòque maximis ambiebat desiderijs Indiam vel Japoniam, quarum Operarios plurimi faciebat, & identidem de his sermonem cum domesticis ingerens, magno fervore & copiosis argumentis de eorum felicitate dissemebat: *Quæ nuga, aut quæ compedes, exclamabat, nos detinent, quin baculo in manus sumpto curramus de populo ad populum, & annunciemus Christi Evangelium?* Cum verò opposuisset non nemo, utilius videri id ab ipso omitti, quòd alioqui spatium deforet tam proficuos scribendi libros: respondit alto suspirio: *omnes ego lucubrationes meas igni libens cremavero, dum concedatur more Apostolico Christum annunciare!* Neque aliud ætate & viribus fractus queri auditus est, quàm pedum sibi facultatem peragrandis Evangelio regionibus deesse: addebátque, si persuasum sibi, dum viribus adhuc & ætate florebat, fuisset, se minimè in Indiam missum iri; futurum fuisset, ut intercluso præ dolore spiritu animam exhalaret.



Gratia dicendi, muneri Ecclesiastico necessaria, miraculum Viro inerat, spiritu fervoris superni ita animata, ut Paulum Apostolum prædicantem excipere se Auditores crederent; & ferè illius, vel Prophetæ, aut Apostoli nomine insignirent. Anno 1592. conciones habebat Conimbricæ, omnes de rebus Novissimis, vanitate rerum mundanarum, ardore cœlesti plenissimas, quibus incredibiles animorum motus, & commutationem morum excivit, & Academiam illam celeberrimam, plurimis ad Religiosorum claustra sese recipientibus, propè expoliavit. Supra 60. fuère, qui ad solum S. Francisci Institutum simul recipi flagitabant: quorum sanctam importunitatem admiratus Monasterij Gvardianus, Rectorem Collegij conveniens agebat, vel non esse Patrem Sebastianum ultra ad pulpitem admittendum, aut certè Societati suscipiendam alendorum tot juvenum, Religionem suam certatim ambientium, curam, siquidem tot sustinendis domus sua par minime foret. Et quidem plerique adolescentum erant loco nobili nati, excellentis ingenij & doctrinæ, & quidam primarum Cathedralium candidati. Nihil verò minus in animos egit, effecitque Olyssipone, ad populum in S. Rochi templo dicens: quò seriùs ad audiendam Missam aliquando accedens juvenis notæ petulantia (quòd noctem illam totam hilarijs & vagationibus per urbem consumpsisset) solum concionis epilogum excepit, quo suam de vanitate mundi orationem magnâ affectuum concitatione Pater concludebat. Et suffecit id telum abundè fauciando penitus adolescentis cordi, ut ab audito Sacro extemplo ad PP. Cappucinatorum Cœnobium properaret, & severo ipsorum Instituto adscribi efflictim postularet. Cùm verò reponsum accepisset, oportere illum, si seriò recipi vellet, non sago splendide vestitum, sed rudi ipsorum sacco indutum venire; continuo ad officinas discedens, pannum rigido habitui idoneum comparavit, quem humeris injectum palam per urbis medium de vanitate sæculi triumphans ad Monasterium secum detulit. Et erat omnino lingua Sebastiani sagitta potentis DEI acuta, & carbonibus vitiorum omnium desolatorijs inflammata, cujus vel unico verbo, quoties inter dicendum exclamaret: *O aternitas! aternitas!* vel profundissimo ictu transfigebantur corda, & salutari vulnere ad internecionem omnium vitiorum sagittabantur. Id autem unde vis tanta & efficacia in conciones Sebastiani derivabatur, erat Viri comperta sanctitas, & vita exempla-

ris, cujus unico conspectu plerique agebant potentiùs ad DEUM sese excitari. quàm multis aliorum dictionibus. Et cùm senio & imbecillitate jam penitus fractus perorare ultra non posset, instabant nihilominus Ulyssipone apud Rectorem, ut in Capella Regia conciones habere juberet: quo impotentiam Servi DEI excusante, urgebant interpellatores, non opus esse multa ab eo verba fieri; suffecturum vel solum ipsius super exedra conspectum, ut fructus in animos auditorum dimanaret, poséque vel mutum, nullo prolato apice, denuo abhinc domum se recipere.

Porro dicendorum materiam hauriebat ab oratione mentali, cui mirè erat deditus, videbaturque ad literam implere consilium Christi, semper orare jubentis, neque unquam animo à præsentia Divina avelli. Postremis vitæ annis, 12. quotidie horas orando expendebat, mente & sensibus in Divinitatem ita absorptis, ut nihil eorum quæ circa se agerentur perciperet audiretve, quantumvis sonore inclamaretur, vel etiam vellicaretur. Observavit illum aliquando è Fratribus unus in medio Sacelli, ante simulachrum Christi cruci affixi, in genua projectum, atque inter orandum magno ardore spiritus exclamantem: *ô Domine mi JESU, unde meritis est hic peccator, ut ejus causa in crucem actus, mori sustineres?* Sub quæ verba animadvertens Frater illum in terram prolapsum mortui instar jace-re, trepidus accurrit, tentatæque arteriâ, veste à pectore divulsâ, nullum in ullo sensu, licet corpore prostrati huc illuc versato, vitæ indicium deprehendit. Post longam moram redijt sensus Patri multum erubescenti, fuisse à Fratre observatum; quem silentio adstrictum dimisit, séque orationi prosequendæ restituit. Atque ejusmodi extaticos raptus jam inde à principio vitæ religiosæ frequenter patiebatur, præcipuè dum Sacram mensam accederet, miræque interim arcana percipiebat: cujusmodi raptus æstimabant primitus domestici ab epileptico malo, aliòve morbi genere procedere, dissimulante humili Sebastiano deliquium esse amoris Divini: donec evocatus Medicorum expertissimus Thomas de Vega, à scriptis etiam de arte medica notissimus, tentatâ alienati à sensibus arteriâ mysterium aperuit, vetuitque remedia ullâ adhiberi, hoc adjecto voto: *utinam ejusmodi deliquia mihi obveniant, quibus latentia in animo mala penitus decoquerentur!* spectandæ illius menti sub quadam meditatione vivacissimè fuère oblata inferni supplicia, quorum hortore sibi restitutus, velut si ejus ignibus & ipse.



ipse ambureretur, cubiculo attonitus excurrit; præfocandum se fuisse asseverans, si longior in oratione moram traxisset. Rara & tennerrima fuit ejus in SS. Missæ Sacrificium devotio, cui litando præparabat animum duarum, vel etiam trium horarum meditatione, unam in ejusdem celebratione inter uberes plerumque lacrymas infumere solitus, animo non raro in DEUM ita absorptus, ut vellicatione eundem, tractuque casulæ ad se revocari à ministro oportuerit. Ipsi adeo mensæ accumbens, animo in epulas cœlestes ita immergebatur, ut neque quid ederet sciret, neque gustum ciborum perciperet, & sæpè sui oblitus in gestus & verba prorumperet, quibus in medio orationis æstu ad DEUM utebatur: quare Superiores decernere adacti sunt, ut soli deinceps seorsim cibus præberetur. Canonicum Officium summâ pietate, & lentissimâ attentione dicebat: cujus omissionem aliquando Medico propter graviores ægritudinem svadenti, subridens reposuit: *non jubeor ad sanitatem colloquia hominum subterfugere; nemo mihi persuaserit, me non posse pariter cum DEO familiarem tenere sermonem.*

Ut verò spiritu ad cœlestia tractanda expeditiore uteretur, corpus crudeliter planè persequabatur, nec mitius quàm hostem facinorosum habebat. Mediâ nocte ad orationem consurgens, atroci prius flagellatione in se desæviebat, quam, lapsâ orationis horâ, implacabiliter resumebat, repetebatque ferè toties, quoties ad orandum DEUM animus componendus esset. Ad cilicij sensum cum nimio usu penè occaluisse, urticis lectum copiosè insternebat, inque ijs membra volutabat: neque patiebatur à cimicibus, volentem aliquando Fratrem eam charitatem præstare, cameram suam emundari; quòd diceret, à minutis hisce vermiculis, sibi vitam neutiquam erepturis, majores alios vermes depelli. Abstinentiâ ciborum fuit admirabili, neq; ullum adhibebat condimentum, sed quantum posset saporem corrumpebat, animo semper ab eorum gustu avulso: etsi calidius à foco ferulum obveniret, non præstolabatur, aut procurabat ut defervesceret; sed ita ut erat fervidum ingerebat ori, non sinè palati & lingvæ adustione. Idem faciebat si ultra modum frigida obvenirent, nè unquam calore adhibito emendarentur. Quòd si lautius ægro prandium offerre vellet Minister Domûs, reliquias ciborum ab alijs semefas dare oportebat, has enim pauperi explendo apprimè convenire dicebat. Novi & recentis aliquid sive in vestitu, sive in usuali supellectili, nihil ad-

mittebat, nè amphoram quidem testaceam pro aquæ in lotionem usu: quod si Majorum jussu fraude aliquâ vetustis nova supponerentur, ita lacrymis & precibus instabat, ut eximendæ senis afflictioni antiqua restitui, vel alia è domo deterrima concedi oportuerit. Itaque incedeabat vestitu planè detricto, lacero, undique segmentis versicoloribus sarcito, ut nescires quâ ejus parte indumentum primitus constaret: dicerentque qui eum videbant, neminem mendicorum æquè centonatum & pannosum prodire. In his triumphabat ipse, tantòque gaudio gestiebat, ut præ teneritudine lacrymis temperare non posset: præsertim ubi thoracem, quòd acum & sarturam ultra non ferret, perticæ ad usum purgandi furni alligatum, à vestiario recepit, quem semiustulatum exosculatus, & gaudio illacrymans reinduit. Libros apud se præter Biblia & Concordantias, nullos penitus retinebat; ut si quis consulendus esset, vice qualibet Bibliothecam adire cogeretur, idonea suis lucubrationibus ibidem excerpturus: quare meritò agebat magnus ille Theologus Franciscus Suarez, miraculo simile videri, potuisse à Sebastiano libros tam copiosè & eruditè conscribi, in tanta supellectilis librariæ penuria, & studiendi incommoditate, pleròque enim in epistolarum involucris, rescissis marginibus, & rejectitijs chartulis conscribebat.

Hoc tenore arctissimæ vitæ attigerat annum ætatis 73. quando ad metam desideriorum suorum appulsus, & è virium omnium defectu vicinam tabernaculi sui depositionem advertens, biduo ante obitum, S. Viaticum & Unctionem extremam expetiit, recepitque admirabili devotione, quâ adstantibus intimæ pietatis lacrymas expressit. Rogatus à Collegij Rectore, ut documentum aliquod ædificando Fratrum suorum spiritui relinquere supremum vellet, licèt tum vix articulatam pectore exprimere vocem potuisset, obedientiæ tamen satis facturus, voce gravi, qualis optimè valentis erat, dixit: *humiliamini sub potenti manu DEI, ut vos exaltet in tempore tribulationis; aliud melius & utilius quod suadeam non habeo: nisi ut imitatione DEI & Salvatoris nostri simus quàm humillimi, qui per omnem vitam unice laboravit, ut virtutem hanc nobis verbo & exemplo persuaderet, ideòque moriens etiam caput humile inclinans, tradidit spiritum.* Atque hoc ipso situ, acclinis finistrorsum capitis P. Sebastianus, imitaturus & in hoc expirantem Dominum, animam Creatori suo reddidit Conimbricæ 14. Aprilis, anno 1615, ipsâ horâ Dominicæ mortis à meri-



die tertiâ. Procidere illico venerabundi ingenua, quotquot lectulo adstabant, fletu largissimo, nescias dolorène, an mortis tam sanctæ solatio, irrigati; ut corpus tor cruciatibus emaciatum venerarentur: inde ad sacra spolia versi, certatim quisque è rebus ipsius aliquid ad devotionem & pietatem privatam, diripere; dum superveniens tota cum Universitatis Doctoribus Nobilitas reliqua omnia abstulit, & ungues, capillos, vestium frusta, in sacras reliquias refecuit. Tantis verò die sequenti universæ Civitatis fuit concursus, coronas, imagines, ceteraque id genus, contactu corporis sacrare cupientium, ut Ecclesiæ cadaver inferri nequiverit, donec superveniens cum Clero & Nobilitate Episcopus, exitum, armatâ custodiæ manu aperuit. Officio quidem divino à toto Clero & Universitate illi parentatum est, cujus tamen voces exaudiri

*Ex Nierembergij Tomo 3. & Bibliotheca Alegambe.*

## P. ANTONIUS DE CARDENAS.



Ratia non destruit naturam, sed eam perficit & exornat, inquit Theologi; præsertim si indolem reperiat Nobilem, & natam ad altiora, prout in Antonio viro contigit. Natus in urbe Hispaniæ Xeres, Diocesis Hispalensis, Parentibus illustrissimæ non minùs prosapiæ, quàm pietatis, magnam suo exortu illis attulit lætitiâ, cujus heroicarum virtutum veluti præfagus Pater, jam tum illum Divino obsequio destinabat, magno Familiæ suæ futurum ornamento prædicens. Misericordia in pauperes quàm verè ab infantia cum illo cresceret, declarabat omnibus luculentè, quando nihil graviùs accidere puerulo poterat, quàm si pauperem videret, cui quo succurreret ad manum non haberet: unde domestici si gratiam supremam & gustum illi præbere vellent, nummos suppeditabant aliquot, in mendicabula dispertiendos. Nactus ætatem bono à malitia discernendo capax, totum se ad virtutis amorem transtulit, ut ne in minimo honestatis leges transgrederetur: à cujus ore nullum unquam mendacium, convitium, aut verbum Christianis moribus adversum audiri contigit: fuitque idcirco coævus Nobilibus frænum ad coercendam petulantiam, ut ab omnibus suspiceretur, & nemo in ejus conspectu auderet verbo aut facto in virtutem delinquere. Assiduus erat in adeundis Templis, & SS. Sacramentis; jam tum afflictationibus corporis per jejunia fla-

nequivere, tantus fuit gementis toto templo populi ploratus & suspiria! qui cum in singula momenta novo affluxu incresceret, necesse fuit Officium abrumpi, & Missam illico decantari, ne compressione populi, violentè ad feretri contactum nitentis, aliqua cadaveri inhonora mutilatio inferretur, vel certè aliqui in tanta multitudine præfocarentur. Fuit enim omnium opinione Vir sanctus, eo agnomine semper celebratus, etiam ab illuminatissimo Doctore Francisco Suarez, non alio, quàm Sancti senis appellatione ipsum indignantè: eratque communis omnium sensus, si Sebastianum mori contigisset sæculis prioribus, quibus voce acclamantis populi Servi DEI fideles catalogo Divorum accensebantur, illico à morte sua ipsum Sanctorum sylabo inferendum fuisse.

gellæque deditus: & nè ab æqualibus ad minùs utilia colloquia, ludos, & officia frequentaretur, rarus domi manebat, in Religiosorum ferè & piorum Virorum consortio, aut locis pijs lustrandis occupatus. Et hac morum maturitate nomen apud omnes obtinuit Adolescentis sancti, in juventute senilis, prudentis, & circumspecti; qui licet in vestibus, equis, famulatio nihil omitteret suæ Nobilitati demonstrandæ congruum, solitus & equis decurrere in circo, & hasti ludijs, gladijs certare, adesse spectator taurorum agitationi, & spectaculis honestis, ubique tamen eam præferebat moderationem & gravitatem, ut suo aspectu universos ad parem modestiam componeret, & consilia ejus jam tum à varijs peterentur, adhibereturque ad lites, controversias, & odia inter Nobiles componenda. Nihil tamen eousque de ineunda Religione, aut mutando vitæ sæcularis statu cogitavit, donec placuit DEO voce apertâ eundem ad suam crucem ferendam invitare.

Adierat Hispalim cum fidei suo paris ferè nobilitatis amico adolescente, cum die quodam Templum ingressus, sensit inter audiendum Sacrum vehementi instinctu actum impelli ad statum Religiosum, simulque vocem distinctè audivit Domini invitantis: *se- quere me.* Percussus vocatione adeò inseparatâ & repentinâ, cum tota simul difficultas deferendi sæculi, & complectendæ Religionis menti se ingereret, vehementer turbati cepit, ut in colore vultus mutato id legeret so-

dalis,





*P. Antonius de Cardenas Soc. Iesu, Illustrissimo sanguine satus in Hispania; in Societate humiliora, pauperum cura, rutilantem praeipue et Agnorum procuratore indefessus operarius excelluit. Obijt Xeresi Anno 1615 die 22 Aprilis 95.*

dalibus, & magnum aliquod animo agitare suspicaretur, licet id aperire Antonius nolleret. Igitur doctum & prudentem Confessarium inquirens, quid sibi accidisset exposuit: iussus ab eo negotium maiore studio DEO commendare, & lumen distinctius exorare ad cognoscendum, quæ potissimum ex tot Religionibus deligenda foret. Hæc inter contigit die quodam sub vespere Antonium cum suo sodali per urbem inambulanti repentinâ pluviam obrui; cui vitandæ in proximam domum quæsito receptu, in eam incidit, quam Sacerdos magnæ sanctitatis, ex disciplina Joannis de Avila, incolebat, nomine Mata. In hujus atrio dum consistunt & fabulantur, progressus est suo conclavi Sacerdos, ubi aliquamdiu elegantiam utriusque, & splendidum ornatum contemplatus esset, paucula hæc sub-

*Societas Europæa.*

jecit: *si interior homo pari cultu in vobis resplendet, atque exterior; ne vos in oculis Domini gratiosi estis!* & his dictis extemplo secretum suum repetijt. At illi altissimo ictu vulnere, nullo inter se amplius collato verbo, domum quisque suam contendere, nocteque insomni inter atroces spiritus luctas traductâ, eodem animo, licet neuter de altero sciret, domum Sacerdotis repetiere: ad quos ille egressus, cum neutrum unquam antea vidisset, novissimè: *Domine Antoni Cardenas, ait, Dominus noster vult, ut ejus famulatum in Societatis JESU Religione subeatis: vos verò, alterum compellans, vocat DEUS ad Ordinem S. Augustini;* neque ultra verbum prolocutus, utrumque deseruit. Atque hoc sancti Viri oraculum in animas Juvenum Divino amore sagittatorum tantum potuit; ut eadem hora ab

N n n

invi-



invicem sejuncti rem quisque suam agerent. Et Antonius quidem maturo consilio cum Patribus Societatis habito, in ejusdem gremium paucis diebus est receptus. In Tyrocinio Montillæ vitam Religiosam auspicatus, tot tantisque à cælo inundabatur solatijs, ut ijs ferendis vix par esset, neque sufficeret agendis DEO pro vocatione tam sancta gratijs. Neque tamen otiosos passus est abire sublimes hos DEI favores, sed irremisso virtutum exercitio pensare studebat, eratque primus in culinæ vilissimis munijs, eluendis ollis & patinis, & deterrimis eorum, quæ domi essent, pro suo usu captandis.

Consuetis orandi temporibus, aliquot die nocturneque horas, cum scitu Superiorum, idque ferè coram SS. Sacramento addebat, quod illi deinde per omnem vitam solenne fuit: à sacra verò Evcharistiæ Mensa vultu adeo incenso, quasi extra se raptus apparebat, ut facile colligeretur, quantis amoris Divini flammis conflagraret. Sacerdotio autem initiatus, quoties Sacrificium offerret, toties in gravissimas diffuens lacrymas, amictum, corporale, mappasque inundabat, ut hæc plerumque ab ejus Sacro permutari alijs oportuerit. Quidquid verò xeniorum & munerum (quæ non pauca nec vilia erant) missitarent parentes & amici, nihil unquam attingebat, ad Superiorum dispositionem omnia, in usum ferè infirmorum, remittens. Viæ ejus continuum fuit jejunium, quem condiebat acris quotidie flagellatio, & cilicium vix unquam à corpore dimotum: quibus rebus magnum domesticis de se creabat stuporem; ijs præsertim, quibus constabat, nunquam illum peccato mortali primam gratiam amisisse. Nihil molestius accidebat, quàm si mentionem suorum natalium moveri, vel eorum intuitu eximium se, à vilioribus munijs fieri videret: dicebat enim se non aliò vocatum ad Societatem, quàm ut in abjectissimis exerceretur, & vilissima in domo DEI obiret: quemadmodum reipsa per totam vitam, devitatis speciosis, sibi vindicare conabatur. Licet enim & Philosophiæ docendæ, & gubernando Vallisolei Collegio postmodum admoveretur, solenne tamen suum tradendæ per urbis compita rudibus catecheseos nunquam intermisit: idemque frequens erat in visitandis xenodochijs, ergastulis, & remedia corporibus æquè ac animis miserorum curandis adhibebat. Tanta verò in infimis illorum obsequijs elucebat in Patre charitas, ut cum observaretur à nonnullis, vulnera & scabiem ulcerosorum eluere, mundare lectulos, expurgare vasa, &

cameras, & suismet manibus cibos paralyticis indere, non pauci hoc spectaculo ad statum Religiosum expetendum permoverentur. Idem solenne tenuit Granatæ, & postmodum in urbe Derez, quò à morte Parentum, Superiorum jussu, commigravit, ita ut suâ ætate computaretur inter ferventissimos Hispaniæ Operarios. Ad confessiones pauperum potissimè audiendas primo manè confidens, non recedebat, donec constaret neminem adesse, qui audiri vellet: nisi fortè ad ægros juvandos acciretur, quorum nemo totâ urbe ejus auxiliij & solatiij experts esse volebat. Sollicitus autem quâ ratione toti urbi, omnique hominum conditioni prodesset, ternas instituit Sodalitates, quas unus omnes non minore fructu quàm laboris impendio administrabat; Cleri & Sacerdotum, hominumque Eruditorum unam, ex qua comites plerumque assumebat Apostolicarum per omnem latè viciniam Missionum: alteram Nobilium, & statûs dignioris personarum: tertiam Civium & plebeiorum: tanto ad singulas, per dies cuique assignatos, hominum concursu, ut nulla Oratoria capiendæ multitudini sufficerent.

Nulla fuere inveterata odia, inimicitia, aut controversiæ, quas componendas assumeret, quin pace mutuâ feliciter conciliaret: auctoritatem & reverentiam illi præstante, quam apud omnes habebat, excelsæ sanctitatis & opinionione, & avitâ sanguinis claritudine, modestissimæ humilitati conjunctâ. Par efficacia fuit in sedandis conjugalibus discordijs, ut uno plerumque alloquio æquiores uxoribus maritos redderet, & per vitia extra matrimonij leges evagantes in semitam continentiae reduceret. Imò dominium quoddam in hominû voluntates consecutus videbatur; non raro siquidem accidebat, ut in homines nunquam antea visos aut cognitos in foro incidens, exquisitâ affabilitate alloqueretur, suaviterque in Collegium unâ invitaret, reluctantes, non raro, & negotia obtinentes, tandem tamen, ne in officiosi audirent, coactos sequi: quos deinde in secreto tantâ efficacîa versabat, ut cum non raro pluribus annis impænitentes, animam circumferrent gravibus sceleribus oneratam, è vestigio illam confessione apud eundem expurgarent. Auditi postmodum magno suo stupore dicere: *quid hoc hominis est?* qui quod nemo hactenus à me impetrare potuit, nullo negotio persvasit. Aliàs ædes matronæ principalis ingressus, plures nobiles personas superbo ornatu collectasprehendit, cum quibus derivato ad res Divinas colloquio sub discessum edixit: *revera*

Domi-



*Dominæ in cælum non intratur cum hoc splendido ornatu, sed magis procuratur, ut malâ morte defunctis linteum tandem vilissimum superinji- ciatur.* Et satis fuere hæc verba, ut mundum illæ superfluum ponerent, seque in spiritu dirigendas integrè Patri committerent. Atque ad ejusmodi miras animorum conversiones placuit DEO illum donare spiritu prophetico, ut arcana cordium, & futuros eventus, perinde ac oculus res præsentis pervideret. Itâ quàm plurimis statum vitæ, quem secururi es- sent, inque eo varios successus prædixit: alios de secretissimis, quæ animo volverent, desi- derijs & cogitationibus admonuit: & licet à nemine evocaretur, persæpe ad januam Col- legij pallio jam instructus descendit; miranti Janitori, dicebat: jamjam affuturum homi- nem, à quo ad moribundum, vel alium per- emptorium casum componendum evocaretur. Et fiebat prorsus, ut vix exituro socius adveniret, cum nuncius jam adesset, P. Anto- nium præproperè ad hunc vel illum animâ a- gentem, vel in rixa mortaliter saucium accur- rere flagitans: quæ res domesticos omnes at- tonitos reddebat, & admiratione suspensos. Aliquando in medio cum domesticis collo- quio repente exclamans: *maledictus sis ô Lu- cifer, qui tantum conatus impendis, ut homines in desperationem adducas! sed mox videbimus, quis palmam referat:* cum dicto pallium tem- merè humeris injecit, obviûmque fratrem se- cum peremptoriè abripiens, totus anhelus ad domum in vico remotiore pervenit; hæc cum obserata esset, ad unum tamen pedis ictum, (Divinâ sinè dubio virtute) patuit; quâ Pater ingressus, semotum & abstrusum quoddam conclave rectâ petijt, in quo hominem repe- rit cum morte luctantem; fune, ex quo se ipsum de trabe suspenderat, etiamnum collo inhærente. Igitur continuè laxato laqueo, Divinâ magis quàm humanâ ope periculo e- zeptum, in spem & vitam erigit, solatur, & ad sceleris pœnitentiam inducit; qui tanti bene- ficij magnitudinem recognoscens, nunquam alium ad confessiones suas, præter P. Antoni- um adhibuit.

Verfabatur quadam vice in laboribus Mis- sionis per pagos circumscitos, cum aliquot Congregationis suæ Sacerdotibus in laborum partem assumptis; & quia fervore Apostolico quot diebus ad populum concionem habe- bat, fructus inde legebatur usque eo copiosus, ut audiendis pœnitentibus noctes diebus jun- gere cogerentur. Igitur cum die quodam ex eo labore in multam noctem producto, fa- tiscens Clericorum unus recedere ad hospiti-

*Societas Europæa.*

um quieturus pararet, rogavit Pater moram paulisper duceret: *brevi siquidem Dominus, inquiens, duos ad te adducturus est pisces reti jam conclusos, ad magnum gloriæ suæ, & salutis animarum incrementum.* Paruit ille, quam- vis lassitudine fractus: & ecce paulo post duæ mulieres, velis ora, nè agnoscerentur contextæ, Templum ingrediuntur, prostra- tæq; ad ejus pedes, audiri de tota vita postu- lant; & cum tergiversaretur Sacerdos, in- crastinum eas differre conatus; negant se ali- as, nisi jam audirentur, redituras. Tenuit illum horas aliquot hic labor ultra noctis di- midium, quod ab annis 16. inconfessæ, per omne interim genus vitiorum volutarentur, nunc verò dictione Antonij comotæ, præ dolo- ris magnitudine & lacrymis vix loqui possent. Reducem indè ad diversorium Clericum ro- gat Antonius: *quem successum habuisti mi Fra- ter? nunquid opere pretium fuit tantisper in templo remansisse? scito tamen grandiorempi- scem te in crastinum manere.* Hic verò fuit grandævus aliunde advena, serâ iterum nocte abiturienti Clerico adrepens, & expiari postu- lans, quod conscientiam circumferret gra- vissimis sceleribus oneratam. Multos siqui- dem aîos propriâ filiâ, justâ instar uxoris, ab- urens, pluribus ex ea susceptis liberis, nun- quam id scelus in confessione, quam tamen sacrilegè quot annis & sacram Mensam adi- bat, aperuerat. Alio tempore cum eodem Sacerdote Clerico in Apostolica expeditione alibi versatus, quodam die repente allocutus, jussit extemplò, licet tum gravi & periculoso oculorum defluxu laboraret, in Xerez urbem redire, ubi gravissima necessitas personæ ipsi charissimæ præsentiam ejus exigeret; quod cum singulari quadam efficacîâ valde seriò as- severaret, absque mora in viam se dedit. Et ecce in ipso urbis ingressu rescit sororem su- am periculoso morbo conflictari, quam ocyùs invisens, Sacramentis ad viam æternitatis præ- muniri fecit, pauculis deinde diebus extin- ctam. Jam verò quoties in urbem prodiret, accurrebant in plateas quotquot difficultati- bus, & angustijs premerentur, solatium au- xiliûmve postulaturi; ut plerumque vix sub- serum diem redeundi domum potestas fieret: tanta verbis ejus inerat efficacia, tanta man- sverudo! unde non minùs familiaribus allo- quijs proficiebatur, quàm concionibus, & u- trisque perinde innumeri cæno vitiorum & sæculi extrahebantur, ut ambientibus vi- tam Religiosam non ampliùs cœnobîa suffice- rent.

Jam verò tantam in hominum mentes po-  
N n n 2 testat



restatem, & propriè violentiam, indipisci videbatur à DEO Evcharistico, in quem propensissimâ devotione ferebatur; ut quoties domi à negotijs vacuus ageret, vix alibi, quàm in templi odæo ante illum prostratus reperiretur. Idem testabantur tot illius raptus extatici, elevationes à terra, oris splendores, & sermones, quoties de hoc mysterio inciderent, prorsus igniti. Solenne illi fuit, quibus diebus ludi publici & spectacula in urbe celebrarentur, sive taurorum agitatione, sive equorum cursibus, colligere sodales suos ad preces ante SS. Sacramentum instituendas, ne quid damni periculive in his cuiquam conciretur. Igitur quodam vespere repentè à precibus consurgens, Clericum sibi obvium ad virum nobilem properare jussit, rogatum suo nomine, nè eo vespere equestri certamini interesse velit, plurimum enim id illius referre. At ubi intellexit, nihilominus ad stadium decurrendum equitem abijisse; redux ad sodales, impensè commendavit, ut preces ad DEUM pro incolumitate illius personæ multiplicarent. Jàmque ingruentibus tenebris sodales domum Pater dimittebat, cum anhelus adest nuncius, significans Nobilem illum in ipso cursu datum in præceps unà cum equo ruisse, ut ab omnibus mortuus conclamaretur, & sanus nihilominus penitusque illæsus consurgens, non nisi miraculo servari potuisse crederetur.

Ita in laboribus Apostolicis plurimo animarum sænore traductam ætatem, sanctâ non minùs morte, à concionis ardore conscitâ, conclusit. Concionabatur ibidem de more ad populi multitudinem per ferias Quadragesimæ; cum die quodam solito ferventiùs peroranti corpus repentè frigore inter dicendum obrigescere cœpit, & membra omnia flaccescere. Domum ægrè redeunti ætus nihilo remissior successit; & quia in horas novis augmentis incresebat, veritus nè potestate mentis excideret, Sacramentis omnibus ad iter parari expetiit. Pauculo inde tempore ad extrema deductus, cum neque Medicus, neque domestici quidquam supremi periculi suspicarentur, agonem in ijs verbis felicissimè consummavit: *in manus tuas Domine commendo spiritum meum*, die 22. Aprilis, anno 1615. Corpus ab obitu perinde ac viventis mobile, & tractabile, vultusque supra humanam speciem formosior, omnes omnium Ordinum homines ad Collegium Templumque excivit, deducuntibus idem ad sepulturam cum Clero omnibus in Urbe Cœnobitis: tanto Civium dolore, populique lacrymis, ut parentem cuiuslibet ad tumulum efferri crederes. Justa funebria Patri amantissimo post alios egere novem continuis diebus, institutæ ab illo Congregationes.

Ex Nierembergij Tomo 4.

## P. ROGERIUS LEA.

**I**nter præcipua P. Gerardi ad piscandas animas per Angliam instrumenta, meritò censendus venit Rogerius Lea. Is nobili loco in Anglia natus, mores congruos natalibus ita conjunxerat, ut eximiâ urbanitate & comitate aulicâ universim omnibus gratus evaderet: cumque Catholicus simul esset pius & fervens, dici vix potest, quàm multos æqualium, in eorum familiaritatem dextre penetrans, sive ab hæresi, sive à solutiore vita abduxerit, & reconciliandos atque in virtute perficiendos Gerardo stiterit. Apostolicum hunc in Adolescente zelum magis incensurus Gerardus; persuasit, ut Exercitijs S. IGNATII animum excolere vellet; fuitque inter illos, qui quintum diem Meditationibus vacabant, cum Delegati Regij in domum irruerunt Gerardum captivaturi, nisi fidelitate & solertiâ Lillij pro Gerardo tenti, discrimen in latèbra evasisset. Volentibus autem etiam Rogerio

manus, tanquam Gerardi familiari injicere, consuetâ suâ eloquentiâ, humanitate, & inorum gratiâ evicit, ut datâ cautione dimitteretur, tanquam recenter eò introgressus. Defunctus tanto periculo non cessavit Gerardo adhærere, sed ad alias ædes extra Urbem secedentem, ut cœptas commentationes prosequeretur, secutus est: quo itidem secuta illos, proditorum scelere, suspicio pietatem interturbasset, nî se paratis latebris cum Patre occuluisset. Et quia meditando didicerat quantum de DEO mereretur, si non soli salutis propriæ procurandæ, sed & alijs ab hæresis & mundi laqueis extricandis totis viribus conniteretur; illuc omnes cogitationes suas & studia convertit. Itaque sive cum sodalibus aucupio volucris insidiaretur, sive feris insectandis exerceret corpus, dum alij his animum oblectarēt, ipse ad seria mente translata præcogitabat quos ex socijs, & quâ arte ad fidem, ad pietatem pelliceret, & in utraq; promovendos Gerardo stisteret: siebátque





P. Rogerius Lea, S. J. Nobili Sanguine in Anglia natus; inter ipsa desideria navigandi ad conversionem Patriæ extinctus in Belgio Dvynkerca. A. 1615. ætatis 47.  
96.

identidem, ut majore animarum onustus prædā, quam sodales volucrum aut ferarum numero; ex venatione rediret.

Verum exiguum hoc, quidquid veluti carptim DEO lucraretur, vasto illius animo videbatur; ratusque muneris sui esse totum, & unice animarum saluti sese expendere, Angliā cum spebus omnibus relicta Romam discessit; & aliquandiu in Seminario suæ Nationis versatus, Societatem efflictim expetiit, & impetravit 27. Oct. Anno 1600. ætatis 32. Contendentem cum optimis in virtutum & sapientiæ studio, jamque Sacris initiatum ægritudo invasit, judicio Medicorum vix aliter, quam auræ sive patriæ, sive huic affinis mutatione curanda; quare in Belgium dimissus datus est Alumnis Collegij Anglicani Audomari Minister. Quo in munere cum vigilan-

tia prudentiam, cum charitate severitatem, gravitatem cum comitate tam scite conjunxit; ut præter observantiam disciplinæ amorem universorum lucratus, animos eorum quolibet inflecteret, & aptissimis documentis ad vitam Apostolicam instrueret. Et quoniam spiritualibus S. IGNATII Exercitijs senserat se plurimum adjutum, horum usum in florentem illam juventutem induxit eo fructu, ut ferventiores ex Clero & majoris zeli operarios Anglia vix prius viderit, quam ex ea Rogerij educatione submissos. Sed his in salutem animarum parandis remedijs minimè contentus, alias eodem tempore summæ utilitatis disponebat ex altero sexu operas. Frequens est per Belgium numerus Virginum, quæ à seculo spontè avulsæ, privatim vel incommuni sua studia conferunt in puellas omni



omni genere disciplinæ illi sexui congruente imbuendas; quarum aliqua ad tempus, alia in perpetuum colendæ castitati se devovent, ex quo *Devotarum* illis nomen acquisitum est. Exiguum id quibusdam ex Anglia Virginibus exulibus visum est, quæ præter excolendarum puellarum studium perfectæ Religionis viam, additis Castimoniarum votis insuper Obedientiæ & Paupertatis, inire meditabantur: neque tamen nocturnis diurnisve Canonici officij precibus, aut certæ domui & loco adstringi optabant; sed more Societatis JESU ad quælibet ubivis charitatis officia suo sexui, inter fideles & infideles præstanda, liberæ perseverare. Quæ præcipuæ inter has erant, fixerant Audomari sedem, favente initijs Episcopo Blasæo, atque ad totius sui Instituti concinnandam formam, & excellentem cum puellarum institutione conjungendam pietatem, utebantur plurimum Rogerio; qui excelsa quælibet, & ad Divinum obsequium, bonumque proximi amplificandum eximie utilia, sectabatur semper & promovebat. Et jam earum diligenti culturâ eò rem promoverat; ut famâ tam utilis operæ in commune Christianitatis bonû, novæ hujus veluti Religionis, permoti Viri Principes & Magistratus, eas passim in Magistras filiarum suarum optaverint, & sedes fixas in suis Provinciis & Ur-

*Ex Anglia Henrici Mori.*

bibus destinaverint, fuerintque expetitæ Leodinum, Treviros, Monachium, Viennam Austriæ, Pragam in Boëmiâ, Posnaniâ in Poloniâ, Presburgum in Ungariâ, denique ipsam Romam. Et potuissent fortasse cum tempore Religionis à sede Apostolica gaudere privilegijs & nomenclaturâ, nisi ultrâ præter directionem Rogerij progressâ, nimium Societatis moribus adhærere, sub eadem appellatione, regula, vestitu, gubernatione vivere voluissent: quod tandem neque Societati, curam mulierum etiam Claustralium, ex ipsa sui Instituti ratione respuenti, neque Christi Vicario placere potuit.

Hos inter conatus & curas quàm latissimè Regnum Christi propagandi, Rogerius hæcica corripitur, cui remedium quia certius in alia reperendum aura svadebant Medici, Lovanium primum, mox Bruxellas missus est. Sed utrobique illo frustratus, in patrium tandem Angliæ cælum destinatus, incredibili gestij gaudio, eandem invaletudinem nunc sibi viam ad labores & ærumnas eò aperuisse, quæ eatenus occluserat, tanquam impedimento munij Apostolici Missionarij futura. Dum itaque ad iter expeditus navigij opportunitatem avidè præstolatur; separatus vi morbi, ad portum æternitatis beatæ appulit, pijsimè defunctus Duynkerck anno. 1615.

## P. DOMINICUS VALESIIUS.



**P**ater Dominicus Valesius, Foro Julij oriundus Italus, Societatem in Provincia Boëmiæ (quo tempore hæc eadem cum Austriacâ computabatur) complexus est Anno 1598. in Brunensi Probationis Domino, postquam humaniores literas rarâ ingenij, modestiæ & pietatis commendatione decurrisset. Et quamvis Tyrocinij biennium, & 6. consequentes vitæ religiosæ annos, magnâ omnium ædificatione, usque ad præclara virtutum domesticis præbita exegisset exempla; ipse tamen minimè sibi & præcellæ vocationi satisfecisse visus, octennium illud damnare, & sinè fructu in teporis veterno deperditum computare cœpit. Ergo ad DEI param principem Advocatam suam conversus, & patrocinio ejus confusus, ardentes animo ad sectandam arctioris vitæ sanctimoniam faces subjicere, & totum se perfectioni adipiscendæ impendere statuit: dum tamen hæret & non raro respicit, & quod fieri in ejusmodi subitis

de tepore in fervorem mutationibus amat, vult & non vult piger, difficultatibus novæ vitæ absteritus, aliquot ei in primis conatibus menses pænè vacui fluxere; donec auditis in lectione ad mensam præclaris S. Catharinæ Senensis & B. Aloysij Gonzaga gestis, mirè in eorum æmulationem exarsit, speciali viso oculis mentis objecto in novo proposito divinitus confirmatus. Siquidem illo anno 1605. die 15. Novembr: dum manè lectulo confurget, pulcherrima quædam species virtutis illi se obtulit in excelsa fastigio magnificè collocatæ, & magno Divorum agmine, præcipuè verò S. Catharinæ & Aloysij stipatæ, quæ amarâ partim irrisione, uti quondam Augustino in gravi spiritûs & carnis lucta constituto, exprobrabat, potuerunt isti & illæ, & tu non poteris? partim gravi cohortatione ad se invitabat. Ruere ille in amplexus, seque totum illi devovere, & salubres fannas intimis medullis persentiscere. Dum tamen iterum hæret, & ipso animi pusilli & corporis pondere pressus tepescit, biduo post appetente Sabato,





*P. Dominicus Valesius S.I. Forolubensis Italus, magnus Crucis et mortificationis amator; super qua etiam noctu cubabat; in obsequio pestiferorum, contracto morbo, extinctus Crumlovj in Bœmia, 9. Junij Anno 1615. ætatis. 34.*

97.

bato, quod simul Præsentationi Virgineæ eò annò pervigilium erat; inter curarum & tristis luctæ ambigua totum se in ejus fiduciam erigit, ac veluti opis Virgineæ certus ad quietem componit. Et ecce manè experrecto, & iisdem luctantis animi motibus agitato, angustâ specie visendam se, non quidem corporeis, sed mentis oculis præbet DEI Parens, speciosum præ filiis hominum lævo brachio sustentans: tantæque simul replet lætitiâ, ut omni abstersâ pusilli animi mœsticiâ nihil non auderet, vitæq; novæ Patronam & Advocatam sibi illam statueret. Ergo manu alacriter ad aratrum, & subigendum spiritui corpus missâ, dum magno fervore opus perfectionis urget, & cœlestibus interim solatijs præter solitum inundatur, cœpit varijs dæmonis artibus ad respiciendum retro tentari: primum quidem

excitato in ejus corde anxio metu & angustis suspicionibus, nè fraus aliqua teterrimi hostis, Angelum lucis non rarò mentientis, impulsibus illis & mentis illustrationibus subesset, & ipse fervorem inspiratum secutus, extra limites Instituti sui & vocationis in peregrinum spiritum abriperetur. Alter non minùs periculosus illi scopulus objectus est, ex discrimine vanæ gloriæ, cui se per hoc vitæ scilicet exoticæ genus, & à communi vivendi modo diversæ, exponeret: posse teneri salvâ sanctitate tritam communiter & usurpatam plerisq; vitæ normam, ab omni hominum palpo & laudibus securam, & procul ab omni præcipitij periculo sejunctam. Sed imploratâ DEI parâ, utroque dæmonis laqueo mox Tyronem suum absolvit; cujus potissimum instinctu, quod hætenus præpostero humilitatis studio delu-



delusus omiserat, decrevit ad evitandas hostiles technas omnia Superiori suo pandere, & quidquid hactenus in animo suo Cœlestium impulsuum, gratiarum, & luctuum acciderat, aperire, neque nisi ex ejus arbitrio quidquam agendum aut omittendum suscipere. Ea res ipsi non modò in præsens, sed in omnē deinceps vitam admodum salutaris fuit, ut Moderatores omnes arcanorum suorum & omnium cogitationum cuperet esse quàm maximè confcios, expertus (ut ipse alicubi graviter annotavit) nihil ad figendum altiùs in animum heroica cogitata, & ad eblandiendas copiosiores Cœlitum divitias, esse potentius. Ergo cùm Præfecto spiritus depactus est, vellet tolerare secum de rebus animæ suæ quot hebdomadis minimùm semel prolixiùs agi, seu colloquio seu scripto: Superiores verò accedebat mensibus singulis, rationem conscientia, alioquin semestri duntaxat iterari solitam, redditurus. Quâ praxi consecutus est magnam heroicæ mentis in operibus arduis, & amoris proprio valde contrariis, clam, palam, prout res ferret, aggrediendis libertatem, nil pensi habens, quidquid homines existimarent, nullo unquam vanæ gloriæ metu ab his suscipiendis abstinere passus.

Et verò sancto quodam odio effervescebat in eos, qui oculos hominum in rectè factis nimium reformidarent, & mallent in occulto virtutem suam latere, quàm palam heroica agendo, humilitatis discrimini se objicere. De quo ita secum aliquando ratiocinatus accepi-mus: *Quid est Dominice? quod te ab aggrediendis palam fortibus, & manifesto virtutum cultu deterreat? periculum aucupanda gloria? ille sibi potius factisque suis blanditur, qui sua occultit, qui gloriam, si in apertum prodeat, timet; nisi enim ea, ad qua agenda stimulat, magnificeret, quid est cur lucem fugeret, elationem vereretur? Opinatio hominum de se splendida trepidum torquet? jam ergo superbiæ succubuit, qui se talem opinionem suscitare posse cogitavit. Et demus, Spectatores operum tua laudibus efferre, quid aliud quàm DEUM & ejus dona, non tua commendabunt merita? videant, non videant homines, perinde habe; tu modò videri nò appetite. Solidiùs tibi constabit humilitas, quò minus dona DEI abdideris. Expertus id es: semper pumili manent, qui nò magna moliri videantur, sese in tenebris condunt: vix pedem à terra levabunt ejusmodi, & montes se rebuntur transiisse. Contrà pulcherrimis facinoribus insistet alius, & se suâque ad DEI amplitudinem relata, tanquam pulvisculum despiciet. Nihil enim omnino, nihil est,*

*quod tantæ Majestati mortales immortalesque impendimus, &c.* Commodum interea accidit, ut Theologiam Græcij in Styria prosequenti, annua de more S. IGNATII ascensis ob-eunda esset, in qua miros DEI paræ favores & ad sanctitatem stimulos expertus, tenerimo quodam & filiali planè in eam exarsit affectu, ut nunquam deinceps ejus meminisset, quin nectare quodam cœlesti cor ejus exuberaret & colliquesceret, notareturque ab socijs ad solam nominis ejus mentionem quodammodo à sensibus tantisper abripi. Nunquam ejus iconem quolibet loco præteribat, quin de genibus illam, si sinè arbitris esset, aliàs verò capite aperto, humili inclinatione, salutaret: ejusdem maternam opem quavis in necessitate constanter expertus. Acri aliquando genium dolore in frequentiore Missæ sacrificij auditione correptus, medelam ab ea expetiit, & dicto citius sensit sibi, velut atletico quodam oleo, nervos poplitum ad prolixas quasque in futurum genuflexiones consolidari. In eadem ascensi persensit animo suo insolitum, quandam ardorem & cupidinem ingenerari, sui penitus edomandi, & passiones animi corporisque per omnes vexationum molestias spiritui subjiendi, ut hac etiam ratione Deo tories ab se offenso satisfaceret. Itaque negotium seriò aggressus, expiatâ per generalem exomologesim conscientia, renovatisque Religiosis votis, quidquid ad confusionem sui, & pessumdandam apud alios existimationem, proculcandisque hominum respectus servitutum mens suggereret, Superiorum veniâ exequi constituit; & quidquid approbassent, generosa sui victoriâ constanter exantlavit. Atque exinde nunquam per reliquum vitæ in heroico proposito intepuit; sed memor, quem sibi & contentioni suæ scopum, præfixisset, hoc agere, hoc unum in præcipuis curis habere, ut in studio semel suscepto esset quàm ferventissimus. Huc intentissimâ curâ observabat omnes auræ cœlestis ad perfectiora impellentis afflatus, & quocunq; hisurgeretur, explorato conscientia suæ gubernatoris arbitrio illuc laxata parati cordis vela dabat: unice sollicitus, nò facillè DEI instinctum aliquem negligeret; quòd sciret eorum auctorem Spiritum Divinum, si contemptui haberentur, deinceps subtrahere solere. Alterum vitæ sanctiori adminiculum adhibuit, ut primis illis vitæ è veterino suscitatae auspicijs & propositis mordicis inhæret, nec ab ijs desultoriâ levitate ad alia, quasi melioris vitæ blandimento lenocinantia, transiliret: hoc enim qui agerent, in aggrediendo



ac velut tentando viam perfectionis semper esse, nec unquam in ea promovere: locustarum instar subinde subsilire, sed mox ad ima detrahi, quos nimirum tartareus impostor fucatis rationibus, jam hoc jam illud incremento sanctimonie conducibilis esse persuadens, gyret ac verset pro libidine, & derisui tandem habeat. Tertio studebat in se eminentissimam de perfectione existimationem excitare: hanc enim solam ob causam, tam multos in Religionibus hæere in imis, quod nescirent pretium cælestis hujus sapientie æstimare; alioquin Regum sedibus, & rebus universi omnibus, eam præposituri, omniaque pro nihilo in ejus comparatione habituri. Quartum adhibebat, in heroicis ac sublimibus actibus exercitium, ut nè ullus dies sine aliquo ejusmodi vacuo transiret: plus enim uno hujusmodi ajebat profici, quam sexcentis remissioribus. Quod si talium occasione destitueretur, eorum desiderium vehemens in se excitabat, ut eximium aliquid & magnificum pro DEO efficiendi cupiditate semper conflagraret. Quinto, omnia opera rectissimè in DEUM intentione peragere studebat, contentissimis viribus, & fervore ac desiderio gloriæ Divinæ per ea promovendæ quasi Seraphico: quæ idcirco meritis & sanguine Christi semper investiebat. Et quamvis talia forent, nihilominus post quodvis opus severissimè inquirebat, sicubi nævus aliquis se admiscuisset. Fugiebat denique otium, profectui maxime inimicum, ut nullum tempus inter unam ac alteram actionem vacuum internarum saltè operationum transiret. Tandem opera sua omnia volebat esse quamliberrima, & nulli humano respectui judiciove obnoxia: ut perinde illi esset secretò ac publicè, in theatro, ac post siparium agere, mente in solum omnia intuentem DEI oculum intentà. Ad hæc constanter observanda ut exemplis etiam se excitaret, haberetque practicam ob oculos normam, quam inspiceret, imitandos sibi ante alios delegit S. Catharinam Senensem, & B. Aloysium Gonzagæ, ad quorum exprimendum vitæ genus potissimum incitari se experiebat: itaque feliciter id perfecit, ut ad vicinas Boemiarum Provincias, ipsamque Urbem Romam brevè fama pervolaret, in Austriæ Provincia novum existere Aloysium.

Itaque vilissimis coquinæ & mediastinorum domi munijs videbatur non posse exatari, ut adeò consensum à P. Ministro expresse-rit, quoties aliquis seu in culinæ, seu triclinij obsequio deforet, vices absentis supplendi,

*Societas Europæa.*

Gestiebat ad omnem sui contemptum & depressionem, utque hanc domi forisque obtineret, ita actiones omnes, vilissimum vestitum & mores componebat, ut ex Coadjutorum temporalium numero unus censeretur. Cumque inter fervoris sui primordia risui æqualibus, uti fieri amat, & varijs censuris, ut simulator, exoticus, vanæ gloriæ captator, pateret; nihil absterritus, constantiam tenuit, vel ob hoc ipsum, ut contemptui, vel sanctitatis simulator haberetur. Quibus eam humilitatis æstimationem indeptus est, ut frequenter deinde fidentioribus fateretur, nescire se utra ex virtute majorem voluptatem & solatium caperet, ex vilipensione & depressionibus sui, an ex ipso Divini amoris suavissimo incendio. In spontaneis corporis afflictationibus perpetuo fræno op, erat, nè velut in hostem capitalem crudeliter sæviens, illud omnino pessumdaret: in quibus tamen exorandis planè Superioribus importunus fuit, dicere solitus, hoc solo in negotio licere Superioribus, citra obedientiæ & debitæ venerationis jacturam, molestum esse. Et quia desiderijs suis infirmitas virium & debilitas corporis (erat enim teneræ & imbecillæ valetudinis) unice & semper obtendebatur, dolebat ex animo, deesse sibi robur Herculis, tam amatis doloribus ferendis idoneum; quorum tam anxiam cupidine flagrabat, ut inter secretiora sua annotatum reliquerit, nihil sub sole reperiri, quod cruciatibus istis præponeret: felicius & opatius sibi videri multa hæc pro DEO perpeti & affligi, quam gaudijs cæli perfrui. Ut adeò scriptor illius vitæ testatum reliquerit, nullum genus mortificationis apud ascetas reperiri, quod ipse non usurpavit: & quando austeriores, quia valetudini ejus impares, denegabantur; haud paulò sensui molestiores concessas in supplementum advocabat, quas constanter in praxim deduceret: Pulicum, & id genus animalculorum permolestas mortificationes impediēbat nunquam, aut abigebat: in colloquijs & congressibus minùs commodum standi vel confidendi locum semper prensabat: embamma nullum degustabat, & quovis modo saporem ciborum corrumpebat; & si quid præter quotidianum ciborum dimensum pro diei solennitate apponeretur, nunquam attingebat, deque ipsis quotidianis unum plerumque intactum relinquebat. Extra consveta mensæ temporis nullius invitatu aut precibus adduci passus est ad aliquid degustandum: intrà ipsam mensam potùs ita, summâ etiam æstate, parci, ut domestici Superioribus edicerent, hæc cibi

ooo

po-



potiusque tenuitate Dominicum brevè vitam cum valetudine profligaturum : sæculares autem, inter quos jam Sacerdos Missionarium agebat, crederent ipsi miraculo vitam produci. Atque ex hoc affligendi sui ardore effloruit insignis in eo veneratio & amor S. Crucis. Mense Septembri, quò illius recolitur Exaltatio, grandem sibi è rudibus truncis efformatam cubiculo intulerat, quò totò pænitijs & cruciatibus præter solitum majoribus indulgens, noctibus super ea ferè, vel illius complexu accubabat, preces omnes ante eam persolvebat, mille osculis, amplexibus, & lacrymis venerabatur. Die verò eidem sacro aram illi in suo conclavi, quanto posset ornatu instruxit, bonæque Moderatorum veniã, domesticos confidentiores ad ejus venerationem invitabat : quòd etiam hãc publicã ejus veneratione crederet se fortiorem contra omnes humanos respectus evasurum.

Hoc crucis amore, & dura pro DEO patiendi desiderio inflammato, illud mox primis à suscepto Sacerdotio annis exfatiandi opportunitas data est, quando Nissam, Episcopalem in Silesia Urbem, Missionarius destinatus est, hæresi Lutherana tum potiore incolarum & vicinæ parte depravatam; at hodie erecto Societati apud se Collegio, integrè illius operã cum toto Episcopali Ducatu Catholicanũ. Huc ille delatus, quamvis Germanici Patriæ idiomatis parùm gnarus, consentientibus tamen aures indefessus dare, spiritualibus alloquijs omnes in DEUM excitare, & domos hæreticorum æquè ac Catholicorum invisere, quin & pro concione publicè, ægrè à Superioribus obtento assensu, diceret. Metuebant enim, nè plebi, hæreticorum præcipuè, derisui magis quàm fructui reportando esset : quibus tamen ad seriã pœnitundinem, & non paucis ad sanam Religionem promovendis, vel solus ejus vivam sanctitatem spirantis aspectus, & virtutum vitæque intaminatæ exempla suffecere. Cùm enim sub ejus adventum exorta pestilentia graviter Urbem cum vicinia affligeret, ipse habitationi suæ loco intrã pagum Urbi vicinum, nè cui Civium molestiam faceretur, capto, manè quolibet sub auroram ingressus, horã 5. Sacrum in æde Parochiali, ac post illud ad collectum magno affluxu populum ardentem sermonem habebat, ac tum singulis visitatis ædibus, ægris omnibus solatio spirituali æquè ac corporali totum diem aderat, vilissimo cibo semel duntaxat quotidie refectus, & cilicio pro omni contra infectionem armatura accinctus. Victum & pharmaca, quæ tenuioribus apud divites totã urbe

corrogebat, suis ipse manibus ad contagiosos afferebat; nihil viam lutosam, nihil aëris inclementiam & pluviam, vel corporis imbecillitatem moratus, cùm non decissent à pijs hominibus in auxilium ipsi designatæ famulorum manus : quorum tamen operã ad nullum sibi exhibendum obsequium, nè quidem ad lineam eluendam, ipse omnia proprijs manibus emundans, uti sustinuit, nisi juvandis ægris ipse unus non sufficeret. Præcipuã tamen curã aderat heterodoxis pestiferis; neque, semel iterumque rejectus, ab invisendis abstinit; sed varijs asperitatum, flagrorum, jejuniis conciliato obstinatis Numine, opportunè, importunè reversus, quotquot sub ejus manum venerunt, DEO & Ecclesiæ conciliavit. Neque aliud haud minùs gloriosæ mortis, si lues ultro se ingerenti parceret, periculum adiit ab heterodoxis Chirurgis, quòd eorum avaritiam in lucris, & immodicis pro ægrorum cura exactionibus rapinisque, implorato efficaciter Senatu, coercuisset : resciscens enim sibi eã causã à furibundis necem destinari, ingenti solatio perfusus : *Faxit DEUS, exclamavit : ut corona illa mihi obveniat !* Extinctã subinde contagione, Glacium providentiã Superiorum ad Collegium Societatis revocatus, ut vires ex naturali complexionem semper debiles, nunc autem tantum non omnino profligatas instauraret, in morbum, mox incidit gravem & diuturnum, toto semestri lecto affixus : quem sub ipsa primordia fatalem sibi fore ominatus, ante omnia generali totius vitæ exomologesi per quadri-duum animam expiavit, quantã suã inter copiosas lacrymas contritione, tantã Confessarij admiratione, obstupescens in homine innocentissimo tam dolorosam, & cum summa exactione adeò prolixam sui accusationem, amarè deplorantis eas defectuum minutias, in quibus alij nec imperfectionem adverterent. Toto hoc ægritudinis suæ semestri ea Glacensibus socijs virtutum omnium, atque inprimis patientiæ dabat specimina, ut plerique sæpius illum in die visitandi, quòd ejus vel solo aspectu se ad sanctitatem sentirent accendi, copiam à Rectore flagitarent : nulla siquidem ab ejus ore prodibat querimonia, nullum doloris indicium, nulla inter acerbos cruciatus vox mollior, sermo omnis de DEO, ut Angelum magis quàm hominem intueri sibi viderentur. Remittente postmodum morbo, ubi primùm itineri ferendo par visus est, quia sperabatur in Crumloviensi Boëmiae cœlo certiùs valetudinem firmaturus, eò destinatus est : ubi tamen contra omnium expectationem mortem inve-



invenit, tertio ab adventu die, quæ erat feria tertia Pentecostes, Junij dies 9. extinctus, ætatis aſſo 34. Societatis 16. ſæculi verò 1615. totius quidem Provinciæ maximo dolore, ſed Crumloviensium pari ſolatio, quòd in ejus exuvijs peculiari ſarcophago aſſervatis, peculiarem in cœlo advocatum habituros ſperarent. Quotquot enim vitæ illius familiariùs conſcij virtutes ejus penitiùs cognoverant, religioni duxere piaculares pro anima defuncti preces & ſacrificia offerre, ſed magis reliquias ex demortui ſeu corpore, ſeu utenſilibus efflagitabant, in privatæ devotionis amuletum, & pignus certi apud DEUM patrocini.

Neque ex vano ſibi polliceri poterant ad videndum DEUM facie ad faciem tranſiſſe, quem in mortali adhuc corpore noverant oculum mentis in DEUM ubique præſentem contuendum (in quo ille maximum perfectionis ponebat momentum) ſemper habuiſſe defixum. Huc ille magno ſtudio mentem ab omni ſenſuum evagatione, inquiete, creaturarum affectione etiam non mala, & qualibet diſtractione continebat: eamque per creberrimas ad ſuperna aſpirationes & jaculatorias preces in DEUM erigebat; omni rerum novarum & curioſarum aſpectu & auditu adeò ſeverè illi interdicta, ut nè ſpectaculis quidem theatriſve Academicis unquam intereſſet. Atque inde illud etiam conſecutus eſt, ut ſui ſemper ſimilis in exteriori homine appareret, nunquam moroſus, vel minus in aliquem affabilis, hilari modeſtiâ & manſuetudine irâ in geſtibus omnibus, totòq; vultu promicante, ut inde omnes domeſtici & ſeculares ad pietatem ſeſe incendi faterentur; clarumque fieret, nil aliud ipſum cõgitatione, niſi quod cœleſte & ſalutis foret, verſare. Quam Divinæ præſentiæ praxim in colloquijs identidem commendans, ajebat per eam acquiri vivam quandam divinæ Majeſtatis & dignitatis exiſtimationem, ut præ illa quis terrena omnia deſpiciat, & reputet ut ſtercora, viâſque ſimul novas ſemper inquirat illi placendi & gratificandi, & omne quo offenderetur evitandi, non ex timore ſervili pœnæ, verum ex amore præſentis ubique tam amabilis & amiciſſimi DEI. Atque in hoc exercitio dulciſſimè acquieſcens, non raro à ſenſibus penitus abripiabatur, ut plures quandoque horas immotus, inſtar ſtatue eodem loco, etiam publico & omnibus pervio, conſiſteret: aliàs verò (quod in meditatione maximè eveniebat) totus in amoris tenerimi lacrymas diffunderet, non ſinè oculorum periculo, niſi Superiorum imperio coactus

*Societas Europæa.*

eſſet temperando eorum profluvio ſupernis admittendis ſolatijs, mente à Cœleſtibus retractâ, modum ponere. Et nè ullâ creaturarum cogitatione à DEO avelleretur; ſollicitudinem rerum futurarum, præſertim quæ metum aliquem vel angorem ingereret, ita averſabatur, ut nullam eventuum circa ſe curam admitteret, ſed eorum ſucceſſus omnes in DEI providentia unicè recondere: quo etiam illud obtinuit, ut agenda quælibet ſibi repente inſuncta, totâ animi & virium applicatione exequeretur, gnarus ea ab obedientia impoſita internam quietem perturbare non poſſe. Quare in nullam rei alicujus vel occupationis eligendæ, vel repudiandæ partem inclinari ſe ferens, totus in DEI nutum ſuſpenſus, ab eo expectabat, quid per Superiores delaturus eſſet; atque in illud cæco impetu, perinde ac ſi à DEO immediatè veniret, ferebatur. Illum etiam DEI timorem, & pacem cordis turbantem anxietatem, quæ in timoratis conſcientijs etiam ex veniali quolibet lapſu reſultare ſolet, intimâ de eo doloris elicitâ pœnitundine conſeſtim repellebat: latentis ſuperbiæ & proprii amoris indicium eſſe dicens, ſi animus quâlibet fragilitate ita dejiceretur, ut de ſvavi in DEI pietatem fiducia vel tantillum decerpi, & quietem ſuam interturbare pateretur. Erat illi confidentior ſodalium unus, cui ob idem altioris perfectionis ſtudium, & fervidæ virtutis æmulationem, ſanctâ familiaritate, quòd non parum ex ejus colloquijs & exemplis proficeret, inſeverat: ubi tamen frequentiore ejus memoriam per diem animo incurrere, & deſideria cum illo agendi etiam inter orandum ingeri advertit, mox ab ejus conſortio ſe retraxit, & affectum omnem repulit. Eadem ex cauſa ſilentij & ſolitudinis obſervantiſſimus, extra indulta relaxationis domeſticæ tempora, nunquam ad colloquendum, etiam de rebus Divinis, à ſodalibus induci paſſus eſt; dicere ſolitus, aliud eſſe cum DEO, aliud de DEO loqui. Jam qui in DEUM omnimodè ſenſibus abſconditum quovis loco tanto affectu conjunctus ferebatur, latentis in SS. Sacramento veneratione & præſentiâ ſatiari nunquam poterat. Illum per diem adibat quàm ſæpiſſimè, & diebus ab occupatione ſcholæſtica vacuis, totum ante-meridianum tempus in odeo templi genibus perpetuò humi defixis, ſvaviſſimis cum eo ſermocinationibus tranſigebat, neque ullo tranſeuntium ſtrepitu motive alio, oculis aut mente aliò diverteſſetur. Coram illo preces abſolvebat omnes, etiam Canonicas initiatus jam Sacerdotio; & ante quodlibet inchoandum



dum opus vel laborem, studium, colloquiū, uti & in fine, itum ad scholas & reditum, officiosus saluator ad obsequia illi se sistebat: nec rarò noctibus, si præsertim somnus illum fugeret, ad januam odei in oratione pernoctabat. Atque hæc omnia cæteraque spiritualia exercitia, secretò, palàm, in museo, in publico, peragebat finè scabello, aliòve manuum & corporis reclinatorio, super nuda humo: donec Superiorum jussu adactus est prolixiores saltèm preces decurrere super genuum scabello, brachijs substaculo suffultis: ex quo tamen major illi crevit molestia, ob inveteratam pectoris affectionem, quæ illi hoc fulcimento duplicata est. Eadem auctoritate prohibitus, nè deinceps nudis genibus devotiones suas etiam privatim prosequeretur, omnibus alijs è poplitibus studiosè demotis rectorijs, solis tibialibus incumberebat. Quoties etiam exiret cubiculo museòve, in genua procumbens bene sibi DEUM ejúsque Matrem precari, & in reditu pariter faustum eundem dicere velle deposcebat, nihil aliorum de sua hac observantia judicia moratus; cui in privato cubiculo addebat insuper in reditu & exitu osculum liminis januæ. Meditationes & examina ut in praxim semper & certiorum fructum redigeret, non in incertum, aut genericum duntaxat in vita spirituali profectum collimabat, sed in ejus diei res maximà, quā posset, perfectione agendas, cogitandas, proferendas, ità derivabat; ut simul & earum occasiones, modumque singulis exequendis, cæteraque adjuncta particulatim disponderet: quòd diceret, generalia proposita, vitæque sanctiùs exigendæ desideria, inflammare tan-

tum ad perfectionem; particularia verò efficere, ut nulla meditatio elabatur absque fructu; cujus lumine practico ad currendam viam mandatorum DEI dicere possimus cum Apostolo: *Ego igitur sic curro, non quasi in incertum.* 1. Corinth: 9. Atque hæc industrià consecutus est, ut actiones omnes ordinarias extraordinario modo, & quodam Seraphico ardore exequeretur, mirisque à DEO favoribus & illustrationibus etiam in medio actionum exteriorum, & indifferentium occupationum, etiam dum cibum sumeret, perfunderetur. Regularum omnium quantumvis minimarum eam habebat æstimationem, ut nullam, citra grandem jacturam profectus, violari posse censeret: neque ullum ad perfectionis celsiorem gradum conscensurum, qui vel unius transgressionem parvi duceret. Obedientiam, ad quemvis Superiorum nutum, planè punctualem servabat & cæcam, nec unquam auditus domesticæ campanæ sonus inchoatam literam ab illo perfici deprehendit. Laborem certis diebus in domo vel cubiculo everrendo, scholasticis præscriptum, nunquam intermisit, licet mundus & sordium omnium vacuus esset locus. Nondum ad exitum perducto Theologiæ studio, jussus repente ab eo continuando desistere, & Theses improvisò ex universa propugnare, paruit promptissimè, nè verbo in excusationem prætenso, DEIque auxilio confusus ad omnium satisfactionem perfecit. Denique tam exactè B. Aloysij vitam moribus & actionibus adumbravit, ut ejus agnomen inter socios pænè proprium sibi effecit.

*Ex Alegambe Victimis Charitatis, & ejus vita.*

## THOMAS PONDO.



Irum Apostolicum non tam laborib, & prædicatione, quàm ærumnis & passionibus damus in Thoma Pondo, qui pl, quàm 30. añorū perpetuis carceribus Londini & Wisbici pro Christo exercitus, Ministris Apostolatūs Christi meritò accensendus venit, quia cum S. Paulo gloriari potens: *in laboribus se fuisse plurimis, in carceribus abundantius, in plagis supra modum, in mortibus frequenter.* 2. Cor: 11. Primus Societatem JESU in Angliam inexit, simul & in carcerem, ex quo literis & internuncijs à Generali Societatis Romæ illam expetijt (nullus enim tum adhuc è Societate Angliam ingressus erat) impetra-

vit: ominatissimo sanè præfagio, futurum ut Societas in ipso illic nata in carcere, in catenis cresceret, & quæstionum tormentis exercita, demum idonea evaderet, quæ curru capitali publicè ad furcam veheretur, ubi coram innumerabili spectatorum & audientium populo, Fidei Catholicæ veritatem & voce liberâ prædicaret, & toto sanguine prodiga confirmaret. Natus est Thomas Belmontij 31. Maij Anno 1539. Parentibus magnarum opum & avitæ Nobilitatis, Guilielmo Pondo, & Annâ Wriotesleâ, sorore Comitis Southamptoniæ. Editus in lucem, dexteram in egressu capiti præmisit, quod egregij olim pugilis in omen victoriæ ab illo reportandæ Parentes habuêre. Nec facile dictū est, pluribus





Thomas Pondo S.L. e Comitum avita Familia  
Anglus; ob zelum propagandæ Fidei ultra 30.  
annos carceribus afflictus. Obijt Belmontij in  
Anglia. 5. Martij. 1606. ætatis 76.  
98.

ribus animi, an corporis dotibus natura puerum cumulârit; formosior quidem in omni ætatis & virium gradu apparuit, quem ornat proceritas corporis, membris omnibus eximiè apta & agilis: locupletabant mentem placendi præsidia, quæcunque possunt Nobilem singulariter commendare. Nihil eo magnificentius, nihil urbanius, comprius, ingeniosius, cum amplitudine pectoris & intrepido robore. Politioribus literis excultus est in Collegio DElparæ Vintonensi, ad annum ætatis 23. ubi sui gratulatorij Poëmatis recitatione Regiam Elisabetham excepit, tulitq; ex eo non vulgarem latini Poëtæ approbationem. Indè Londinum ad Sapientiam, Juræ, Regni & Leges cogniturus, venit; sed paulò post Patre vitâ functo, sui jam arbiter, scholam Aulâ mutavit, ubi Regina hilaritatibus

liberaliter indulgens, latum juvenili animo pandebat campum, apud quam ut indies veniret acceptior, dotes animi eximias patrimonij divitis sumptuosâ profusione explicabat: salutis negotium inter hæc tam nihili curans, ut mente Catholicus, ceterà Reginæ hæresis haberi vellet sectarius. Juvenem tot abruptis in ultima præcipitantem exitia Divina, miseratio in viam reduxit, & per eadem ipsa quibus peribat abrupta in tuto positum, ad fastigium evexit excellentissimæ virtutis.

Solebant in Aula jam hæretica dies Christi nascentis & alij per annum sacrationes, proscriptis pietatis & devotionum exercitijs, chorearum, musices, ludorum, & comædiarum apparatu incredibili celebrari, quorum & sumptuum in ijs faciendorum cura uni cuiquam ex Aulicis à Regina demandabatur. Incidit



cidit Anno 1569. ea præcuratio in Thomam, iisque honorem hunc sibi plurimum est gratarus, quod & in sumptu faciendo gaudebat videri splendidus, & quod in arte saltandi, & elegantia corporis parem in Aula habebat neminem. Et verò saltavit tam eleganter & doctè, ut ei tota applauderet scena, & manum ejus prehenderet Regina nudâ dexterâ, saltationis laudatæ præmio valde singulari, galeæque Leicestriæ Comiti abreptum, capiti ejus sudanti ipsa imponeret, ac post interludia quædam invitaret ad iterandam saltationem. At hic dum se rotat, & in gyros multiplices ex summis pedis unius articulis corpus agit; seu fatigatione, seu vertigine oculos nubillante, humi toto corpore prosternitur, exploditurque non minore sannarum & ludibrij sonitu, quam quo illi antè ad plausum fuerat. Accessit Regina sarcasmus crudelis, *bovem*, illum dedecorose, *surge Domine Bos*, compellantis. Et surrexit ille quidem, genūque inflexo Reginam veneratus, vulgatum illud latine protulit: *sic transit gloria mundi*: & exinde Aulam, & Urbem, & publicum exosus, Belmontio suo se condidit solitarius, ubi præmum reputans servitutis in mundi obsequia collocatæ, virorum stultissimum se incusare; quantoque secum beatiùs ageretur, si DEO sacrasset quæ Regina oculis in DEI contemptum tum egerat, tum passus fuerat atque profuderat, reputare; magnam denique inde sui miserationem & horrorem concipere, & propositum futuri emendandi tam constans fixumque, ut per annos abhinc 44. (erat verò tunc annorum 30.) aliùs omnino à se vixerit. Ante omnia igitur DEO & Ecclesiæ, quam turpiter in oculis Aulæ, hæresim Regina simulando, negaverat, ardentissimâ pœnitentiâ restitutus, paterni castri habitationem cum privata civis Catholici domo mutavit, in eaque solitariam eremum assiduâ oratione & vitæ asperitate paulò plus biennio exercuit. Meditationi Divinorum mediâ nocte horam dabat, sequebatur lectio librorum piorum ad usque auroram, inde tres & quatuor horæ Meditationi resumebantur, diei reliquum sanctorum Patrum lectio occupabat, præter duas vel tres sub vesperam horas orationi denovo impensas. Hæc, & jejunandi assiduitatem, somni in servili strato humi duriciem, imminuto cerebro aut supersticioso tribuebant hæretici, familiares Catholici imprudentem in se vocabant sævitiam: at is nihil omnibus motus, nihil de suscepto vitæ pondere detrahens, istis exemplo, illis evasit admirationi. Omnibus festis & dominicis, &

quotiescunque aliàs Sacerdotis copia dabatur, præmissâ Confessione, SS. Evcharistiam sumebat, & alijs ut id facerent auctor erat, in tam magnis animæ, hæreticos inter medios, periculis. Votum quin etiâ perpetuæ castimonie concepit, & alterum suscipiendi Sacerdotij, ubi prius per septennium pijs in operibus illi se præparasset: tum etiam Societatem JESU, de qua jam nonnulla ex lectione nostrorum, ab India epistolarum acceperat, complectendi, eâ potissimum causâ, quod dignitates omnes voto repudiaret.

Biennio sanctè ita transacto visa est animi, quam unam sui gerebat, cura, in aliorum etiam utilitates dividenda. Noctem igitur servabat sibi, & consuevit cum jejunijs afflictationes, diem dabat alijs, juventuti præsertim Catholicæ quam domi cogebat, & in Religionis dogmatibus instructos, ad constantiam in ea retinenda firmabat: nec majore triumphabat gaudio, quam ubi cum 16. aut pluribus socijs, Sacrificio Divino vel epulo aderat. Hos inter duo illius fuere nepotes, parentibus hæreticis sati, quos Catholicè penes se educatos, bonorum deinde suorum hæredes dixit. Nec ulli parcebat largitati (esto adhuc ex matris viventis penderet nutu) ad pauperes sustinendos, quos egestas in Fidei agebat discrimen; hæreticis ipsis liberaliter beneficis, ut eorde emollito, aures veritatis Catholicæ capaciores efficeret; & si facultas largiendi deesset, sibi libenter necessaria in victu & vestitu subtrahebat, vel à Nobilibus amicis exorabat stipem, Confessoribus maxime Christi intra carceres, Fidei causâ, summâ egestate & miserijs oppressis elargiendam: de quo beneficentiæ præclaræ studio, librum scripsit ad Henricum Comitem South-Hamptoniæ cognatum suum, insignem ibi rei Catholicæ Patronum. Quibus artibus, & peculiari suâ ad persuadendum facundiâ multos fulcivit labantes, erexit lapsos, vacillantes firmavit.

Dum ita Pondo servandarum siti animarum maxime unitur, redux in Angliam Romæ Sacerdos quidam Henricus Alvarus, retulit ei quàm plurima de Societatis Instituto, de ejus in juvandis proximis ardenti zelo; quibus animus Pondo, desiderio ejus vitæ ita accendebatur, ut nisi matre adhuc superstite prohiberetur bona sua largiri in pauperes, quod alioqui in suo discessu essent in fiscum redigenda, Romam illico navim ad Societatis tyrociniū esset conscensurus. Inter hæc DEUS familiaritatem illi obtulit juvenis, iisdem desiderijs inflammatus, cui Thomæ Stephani nomen, quem



quem domi habebat sodalem, & tantum non ut parem; foris autem ad eludendas hæreticorum nares exsugendis Catholicis insidiantium, ad speciem servum. Cum hoc, exacto biennio impatiens ulterioris moræ, statuit conflata ex venditis quæ ad manum erant pecuniâ, quidquid de bonis suis post discessum fieret, suo cum Stephano Angliâ sese eripere, secumque juvenum lectam manum Romam perducere, quos Societati pepererat. Rebus omnibus comparatis Londinum discedens, quò minus continuè navim conscenderit, hospitium illum istuc sui tenebat miseratio, quem ut ab hæresi evolveret, noctes aliquot nihil non egit: verum perfidiâ hominis omnia elidente, decrevit manè, ut primùm luce sceret, prono Tamesi ad mare descendere. Verum ipsâ illâ nocte en adest familia Pseudo-Episcopi Londinensis, invaditque Pondo, qui non minus sereno vultu & animo in carcerem ductores sequebatur, quàm erat navim in Italiam petiturus. Mortem nihilominus præsentem cernebat, si vel sola scripta sua deprehenderentur contra hæreticos, & Regiæ potestatem Ecclesiasticam elucubrata, quæ secum ferebat in sarcinis. Captivationis causa videbatur, Catholicorum ejus adhortationibus inrecusanda hæreticorum communione firmitudo; Vintoniæ præsertim Urbe Episcopali, quo ipse identidem excurrans, magno fervore in proposito recusantes solidabat: ad quod accessit suspicio, discessum è Patria in Regionem Catholicas illum moliri: quod certò deprehendere, multum intererat marsupij Episcopalis, è confiscatis Pondo dominijs copiosè ditandi. Incarcerati constantiâ incredibiliter animo motus hospes ille amicus, quod nulla priùs ex eo argumentorum vis evicerat, unicum Pondo alloquium, & generositatis Catholicæ observata in eo argumenta exprefserunt, ut cum uxore omnique familia Ecclesiæ conciliaretur. Magnâ hic urbanitatem, fallaciâ & blanditijs tentatus fuit Pondo ab Episcopo plenam libertatem pollicente, si ad publicam satisfactionem in hæreticorum concione vel semel appareret: quod ipse constanter inficiatus, post semestrem carcerem precibus Comitum Sout-Hamptonæ liberatus est, qui se vadem pro illo constituit, spondens fore ut ab Angliâ non discederet, neque se negotijs ad Religionem spectantibus immisceret. Sed cum ille Belmontium commigrans, prædominante zelo, fluctuantibus firmandis, & illuminandis hæreticis nunquam abstineret, raptus denuo est ad tribunal Horni Epi-

scopi Vintoniensis; & quia illum hæresis suæ palam in conferta multitudine revicerat, traditus est Judicibus laicis, atque ab his Londinum transmissus ad causam in supremo Regni tribunali dicendam.

Londinensi è carcere non faciliè ad libertatem exitum amplius sibi concedendum ratus, statuit per internuncium à Societatis Præposito Generali admissionem in Societatem exposcere, ablegato Romam cum literis familiari suo Thomâ Stephani Anno 1575. postquam integro quinquennio sanctum id desiderium animo voluisset, & irritò tentatâ è Regno fugâ complere laborasset: qui negotium ita feliciter pro se & Domino suo egit, ut uterque voti compos effectus; Pondo quidem patièdo in carcere, Stephani autem Sacerdotio post Tyrocinium Societatis suscepto præclara agendo in Indijs, vocationi suæ liberaliter responderint. Postquam enim in Orientalem Indiam Thomas navigasset Anno 1579. per annos 40. Christianitatem magnam in Salfettæ Insulis collegit, & Fide pietatèque excoluit, quinquennio etiam Salfettani Collegij Rector, & postmodum Visitatoris Indiarum socius. Extant istius ad Societatem receptionis à Generali Mercuriano datæ ad Pondo Anno 1578. literæ, quibus inter reliqua hæc inserit: *Et si à Instituta nostra ferant, ut nullum, nisi bene multis probatum experimentis in numerum nostrum recipiamus, tamen tam luculento tum Stephani, tum aliorum testimonio permoti, & pro diuturna probatione tot annorum labores & ærumnas accipientes, pro eorum auctoritate, quam nobis licet indignis Dominus DEUS dare dignatus est, jam nunc Dominationem Vestram tanquam filium & fratrem amplectentes, illam in Societatem nostram recipimus & admittimus, & ut verum membrum in totum hoc corpus insertum, deinceps quoque nostrorum omnium operum, laborum, meritorumque consortem ac participem facimus.* Monet deinde illum, ut neque vestitu & habitu, neque verbis & sermone cuiquam prodatur se de Societate esse, donec meliora affulserint tempora, nè in rabiem concitati scilicet Regij, tantò acerbius in Catholicos sævirent, majusque impedimentum poneretur socijs in Angliam, quò Anno 1580. penetrârunt, sese insinuandi. Et reverà merum tyrocinium videri poterant, plus quam biennio toleratæ ab illo hætenus carcerum ærumnæ, deinceps enim per annos ferè 30. continuos, ijs per omnia Londini ergastula calamitatibus exercitus est, quas nisi Vir fortis & virtutis veteranæ superare nequi-



nequivisset; incredibiliter ad eas etiam hilariter ferendas animatus Mercuriani literis, suisque in Societatem auctoratione.

Duodecim Londini computantur celebriores carceres (quos ad multorum deinceps historiam melius capiendam semel recensuisse juvat) olim facinorosorum & latronum receptacula, hodie Confessorum Christi sæpius ita constipata hospitia; ut ijs recipiendis nequaquam sufficiant: tres nimirum in tribus Urbis portis, in ea, quam *Novam*; altera quam *Luddi*; postrema quam *Domus Westminsteriensis portam* (fuerat enim porta olim Monasterij ad Occidentem positi) vocant. Trans Tamesim quinque, *Bancus*, seu Sedes Regis: *Mariscalli Sedes*: *Clinca*, seu *Atrium Wintoniense*: *Leo albus*: & *Domus supputationum*, seu *dicæ Nomistirion*, aut *Computatorium*. Sparsi per Urbem alij tres, *Fleta*, & aliud *Nomistirion* seu *Computatorium*: & *S. Brigittæ Fontes*, in quos ferè ære alieno graves, vel vagi nebulones conjiciuntur. Denique extimæ parti Urbis, Orientem versùs, *Arx* imminet, quam *Turrim Londinensem* dicunt, custodia eorum, qui læsæ Majestatis, & gravissimorum criminum postulantur, cum ad *Novam portam* plerumque relegentur latrones, sicarii, facinorosi. Octonos ex his, præter ergastula extra Londinum *Wisbicense*, *Framinghamium*, *Storfordium*, vinculis suis trivit Pondo; septennio captivus in *Arce Londinensi*, quatuor in *Mariscalli Sede*, sesquianno in *Storfordiensi*, decem in *Wisbicensi*, tres *Framinghamiæ*, reliquos ad usque trigessimum spatium in alijs: martyrio tantò acerbior, quanto ardebat magis ad *Tiburnas furcas* Londini illud absolvere, à quibus centies passu vix uno distans nunquam potuit perungere. In his detrudebatur plerumque ad subterranea, gelida, humida loca, expertus etiam angustissima, foetidissima, & rimâ qualibet malignæ lucis carentia, similia sepulchris quàm custodijs: quâ perpetuâ captivitate impeditus, nunquam ad Sacerdotij characterem recipiendum pervenire potuit. Sæpe, scribit ad Catholicos varijs distractos custodijs: *Examen subij apud Dominum Younge, bis à quinque vel sex Commissarijs, semel publicè productus in maximam hominum frequentiam onustus ferro; dum hinc abripior ad Novam portam (quia liberior stetisse pro veritate coram ijs videbar, quibus non libebat audire) carnifex quasi jam damnato abripit cum pallio pileum, quòdque mihi aquè ut illi dolebat, caput salvum relinquit: intellecto caput, & gravi ferro progredienti, acclamat plebs: crucifige, crucifige; & omnino abundè*

*satius & libenter Vidua Nova-portensis elemosynam (tormenti genus certum sic vocant) mihi impertierunt. Decretoriam sententiam quatuor jam horas à meridie expectantem, cum ecce derepente educor, ferro manus & pedes eximuntur, redditur capiti pileus, pallium humeris, mittor ad Collegium Lincolnense, quinque; illic reperio judices delegatos, quorum unus Toplisus. Ijs Regina mandarat me blanditijs, minis, aut quocunque tandem modo ab Instituto revocarent; sed cuncta illis in cassum cecidere. Urgent, si fidum me velim Regina, si amantem subditum demonstrare, necesse esse eorum nomina ut edicam, cum quibus, & queis in locis mihi fuerit consuetudo. Respondi, me ad fidelitatem meam & ipsorum jurejurando firmandam esse paratissimum: ceterum nefas esse, hominem Catholicum & probum, nec genere nec educatione ignobilem, conscientia curam aliquam gerentem, amicis & innocentibus damnum aut periculum, eorum nomina indicando, creare: sic frustra tentatum, in carcerem urbanè remittunt. Adest biduo post Toplisus (Catholicorum inimicissimus rabula) cum custode carceris, omnique comitate animi mei constantiam pertentant: multa hic disceptatio, profectus nullus, conditionem meam deplorant; id maxime ijs dolet, de quo plurimum ego glorior, Fides atque Fidei causâ captivitas. Brevi post evocor ab Younge, familiarissimis verbis demulcere conatur, ut familiares meos prodam, ut arcanum quidpiam enunciem, quod scilicet ei usui esse posset ad nequitiam. Sed dum nibil effecit, hortatur tandem ut ad Cancellarium Regni scribam, gratiam impetraturus; ac scripsi quidem, sed in eam sententiam, ex qua pro reo habitus sum, ita ut deinceps minùs me curent, pertinacem scilicet hominem, & inter Catholicos publicæ Regni salutis, id est hæresis, inimicissimum. Nunc ergo teneor secretâ & solitariâ custodiâ, spe nullâ solitudinis mitiganda, nisi si denuo proximo judicio cum Nova-portensibus reis sistar, fidelitatis erga DEUM & Religionem Catholicam reus.*

Londino subinde deportatus Storfordiam in subterraneum antrum missus est, omni mortalium allocutione & aditu privatus, nè illos, uti semper Londini faciebat, ad sanitatem Catholicam revocaret. Illic dum faber aptandas cruribus producit compedes, demisso capite eas Vir DEI pio osculo libavit, quod nescio quomodo interpretatus Faber, elatam subscudem ferream in caput ipsius impexit, non finè sanguine è vulnere prorumpente: cujus aspectu Pondo nihil immutatus: ab utinam, exclamat, hic sanguis ex intimis meis præcordiorum venis efflueret, in tam bona pro

qua



*qua pator causa!* Percussus faber tantâ patientiâ, quærit, unde illi tam certa veræ Religionis fiducia; quando tunc passim per Angliam Catholicus à scelerato & facinoroso nihil diversum sonaret? Eas illi edidit rationes Pondo, ut faber ex ijs fieret Catholicus, & eâ similiter causâ carceri mancipatus sanctè in vinculis moreretur. Quibus ejusmodi eventibus, Reginæ administris erat intolerabile, quòd Pondo nullis cruciatibus, dolore, & custodum hæreticorum injurijs domari & emolliiri posset, imò vegetior evaderet, & fortitudinis suæ spectaculo Protestantes quoque salubriter commoveret. Post sesquianni tenebras Storfordienfes, lumen in eo Fidei debilitatum sperantes Magistratus, Londinum reducunt, tentaturi per Ministellorum disputationes, num penitus extingvi posset. Immittuntur duo tenebriones Trippus & Croulegus, experturi cum Pondo de Religione; sed eò soliditate argumentorum redacti, ut in lucro discessum ponerent: questi idcirco magno apud Episcopum Londinensem tumultu, Thomam insolescere indies superbius, tantumque abesse ut ad Calvinii partes inducatur, ut scripto è contra pestilenti ad reddendas sectæ suæ rationes eos provocare audeat; simulque ab eo traditam sibi chartam exhibent. Ille naturâ ferus & in Catholicos furiosus, extemplò mandat iterum Londino procul abductum sepeliri arcto cavo, & nocte tristissimâ absque ullo lucis spiraculo condi, nullius aditu vel alloquio recreandum; nullo strato, nisi quod nuda & limosa præberet humus, manicis & compedibus vinctum. Quibus non exatiata Nortoni, unius ex Assessoribus Præsidis Londinensis Castelli crudelitas, persuadere conabatur, publico judicio capitis damnandum; ac tum supplicio, specie misericordiæ condonato, Bedlami stultorum & maniacorum ergastulo perpetuò includendum. Sed in flagranti sua nebulonem pœna à DEO secuta est, dum paulò post ejus uxor mente dejecta, in Bedlamo stationem sortita est, quàm Confessori Christi destinaverat maritus. Wifbicensi subinde Castello (de quo fusiùs in gestis P. Guilielmi Westoni) inclusus, singulari DEI patrocínio in vita servatus est. Accumbebat inter alios mensæ, cum lacunar vetustum suoapte depressum pondere concidit, oppressurum Thomam, nisi præter morem cubiculo tunc abfuisset. Quod nè casu factum putaretur, de lacunari corruente tantum parieti affixum pependit in aëre, quantum erat necesse, ut subjectam Aram instar umbellæ

*Societas Europæa.*

protegeret, nè quidquam damni sentiret, quidquid in ea sacri erat repositum.

Defunctâ fato Reginâ Elisabethâ, meliora Pondo sub Rege Jacobo, Mariæ Stuartæ filio, sicut & omnes Catholici confidens, ausus est è carcere supplici libello apud Regem queri de hæreticorum in Orthodoxos crudelitæte, eâ maximè, quâ ultimò innocentes duos Lancastræ solius Fidei causâ supplicio perduellium sustulerant. Verùm rebus omnibus in deteriora adhuc vergentibus, Pondo in judicio publico calumniæ postularus multatur aureorum millibus quatuor, & præcisione auricularum, in pœnam injuriæ æquissimis scilicet Judicibus intentatæ, ac perpetuò insuper carceri addicitur, nisi socios suos nominet, Catholici dogmatis defensores. Sed cum nullis terroribus verbum aliquod ab eo excuti posset, quod ulli Catholicorum periculum crearet, intercessione tandem Legatorum Galliæ & Venetæ Reipublicæ, septuagenario major liber à Rege carcere dimissus est. Doluit enim vero Christi pugili quàm maximè, palmam sibi martyrij toties speratam velut in manibus infringi, toties capitis in publicis judicijs postulato; eò quòd nullum dilabi occasionis articulum sineret, quin palàm & publicè, privatim & ubique, ipsis quoque pro tribunalibus negaret Reginam Ecclesiæ caput esse, aut plus aliquid sacri juris præ qualibet alia sœmina habere. Evenit aliquando ut Sacerdos coram tribunali cum eo consistens, in ea quæstione: *censendûsne esset in Ecclesiasticis supremam per Angliam potestatem obtinere Pontifex, an Regina?* timidè dubius hæreret, & in diverticula se implicaret; sed imperterritus Pondo palàm ei acclamavit: *dic, Pontificem obtinere, cui enim alteri id jus competat?* licèt id profiteri nefas capitale esset. Nimirum incredibile pro Christo moriendi desiderium in tantum contemptum vitæ Thomam adduxit, ut decem etiam rationibus emolumenta & solatia istiusmodi mortis complexus sit, quibus assiduè ruminandis animum ad generosè illam oppetendam incitabat. Ad illam disponebat se flagellationibus cruentis, somni incommodissimi brevitæte, continuatâ inediâ usque ad decrepitum ætatis. Ac jejunium quidem unius in die refectionis continuasse se ait annos 40. vocatque hamum efficacem ad capturam uberem animorum, in sua ad P. Personium epistola. Precatio, sermo (ubi poterat) de Divinis ad socios carceris bonam noctis partem, dies totos occupabat; quanto rei Catholicæ lucro, Episcopi

PPP

furo-



furore suo apertè testabantur, dum illum propter multorum ubique conversiones suis ejectum custodijs, abduci procul in alias atque alias jubebant, & solitarium sepeliri, quòd in templa carcerem verteret & domos religiosas. In carcere Wisbicensi præter alios complures Sacerdotes, nactus etiam captivitatis socium P. Guilielmum Westonum nostrum, vitæ quotidianum ordinem per omnia ad normam & amussim Collegiorum ordinavit.

Tandem libertati restitutus, Belmontium in avitum bonum remissus est, ubi 11. annos superstes sanctissimè vitam egit, sub obedientia Societatis Superiorum, ex quorum præscripto vitam omnem ordinabat. Captus pro Christo, (scribit ad Personium, tanquam Superiori rationem suarum rerum reddens) 30. annos per varios carceres Christi & Evangelij causâ raptatus sum, cum 16. aurei primùm; deinde per 20. annos aurei 80. in singulos menses fuerint à me in erarium Fisco pendendi, qui cum alijs multis summam unius & viginti mille excedunt. Navigaturus ex Anglia, possessionibus meis in nepotes duos translatis, quos ex hereticis ortos Catholicè educaveram ut filios, uno pede quasi jam navim conscendi; cum à Superiore meo, cujus ad nutum me formavi quasi senis baculum, jubeor subsistere, donec quid Pater noster, vel quid R. V. suaderet, cognosceretur. Itaque spe omni exutus, & gravibus insuper calamitatibus confluctatus, nudum me Rev. Vestra & pauperem sisto, ut si quid hoc misero vitæ meæ residuo peragam dignum laude, penes Rev. Vestram ejus meritum sit & latitè. Quarit ex

Ex Anglia Bartoli & Mori.

me Rev. Vestra pro sua charitate quid agam? quæ vivam? quo animo in Religiosa vitâ proficiam? si fas est dictu quod planè sentio, bene felicitèrque me dicam agere. Nam quod Capitulum Ministris professus sum, qui me Framingham in carcerem ducebant, hoc idem nunc & profiteor ultro, & sum ut spero aeternum professurus: hanc, quam pro Societatis toga gero vestem, coronâ Regiâ minimè mutaturum! Dego meis duobus cum nepotibus parco victu, nec sum quem me multi autumant amplius opulentus, quia me vident in pauperes meis vicinis largiorem. Ferè autem idcirco à nobilioribus diliger, quod à me bona, quibus tantopere inhiant, nullo loco haberi videant. Cibus mihi præparatus, vinum nunquam, post unam refectiorem in meridie, vesperti panis & caseus cœna, cerevisia potus est; medicinam nullam admitto, cibus est medicina valenti. Ab hoc vitæ tenore familiariores ut me dimoverent, importunissimam his tribus annis exhibuere molestiam, duravi nihilo segnius, durabòque ad mortem favente DEI parâ cœloque universo, nec enim arbitror me comprehendisse, sed destinatum persequor ad bravium supernæ vocationis. Rev. Vestra me juvet suis, cujus indignissimus sum filius, precibus. Ex edibus olim meis Bellomontij 3. Julij 1609. Tandem ad coronam heroici certaminis vocatus anno 1616. die Martij 5. obiit eodem in conclavi, ubi ante annos 76. nascendo brachium capiti extentum præmiserat, futuræ omen victoriæ. Nomen ejus in afflictâ illa Ecclesia viventis & mortui clarissimum est, tamen si vivens se ferret ægerrius à scriptoribus illorum temporum laudari.

## P. BERNARDINUS REALINUS.



Admirabilis, si cujus alterius etiam ex Viris sanctissimis, vita fuit & sanctitas P. Bernardini, tum prodigiorum vaticiniorum, apparitionum, ante & post mortem multitudine, tum virtutum & præclarè sanctæque gestorum magnitudine, ut hîc recenseri figillatim nequiquam etiam per compendium possint. Igitur plerisque mirabilium in genere duntaxat insinuatis, ea solùm recensēbimus, quæ propiùs ad curam animarum Apostolicam & illius decora ac virtutes pertinent. Fuit igitur P. Bernardinus natione Italus, Patriâ Carpenfis, natus Anno 1530. 1. Dec: antiquæ Nobilitatis Parentibus, à quibus omnem virtutem & probitatem, & singularem potissi-

mum erga DEI Matrem pietatem, educatus est: à puero misericordiæ & liberalitati ita deditus, ut egentioribus in schola condiscipulis libros cœmeret, aut proprios elargiretur. Juvenis operam navavit Philosophiæ ac Jurisprudentiæ, in quibus Doctorem adeptus lauream Bononiæ, aliquot etiam Magistratibus ab Hispaniarum Rege delatis perfunctus est: tam parùm nihilominus solidæ quietis in ijs expertus, ut per sæpe voces has ingeminaret, postmodum etiam in Religione sibi familiares: *Æternitas! æternitas! ô res horrenda, semper & semper!* Quæ cogitatio nunquam eum à recti tramite deviare sinebat, sive cum Prætorem ageret Felizzani, Cassini, Castroleoni; sive Fisci Advocatum Alexandriæ; unde semper erat in expediendis actionibus celer,





P. Bernardinus Realinus S.I. Italus, salutis animarum sitientissimus: vaticinijs & prodigijs clarus, decessit Lupijs in Italia 2. Julij. 1616. ætatis. 86.

99

celer, in puniendis malefactoribus ad aliorum terrorem iustus & acer, in defensione miserabilium strenuus, accessu facilis & affatu, recti bonique apud omnes custos acerrimus. Demum à Marchione Piscariæ totius suæ ditionis Inspector creatus, cùm fortuitò Neapoli duos Societatis adolescentes inambulantes conspexisset, rarâ ipsorum castigati oris incessusque captus modestiâ, quæsiuit ex Comitibus, quinam essent? cùmque audisset de Societate esse, exarsit illico ingenti desiderio Instituti, in quo tales Angeli (quo nomine semper deinceps socios vocabat) degerent. Nec multò post Ecclesiam Societatis die festo ingressus, audiit Joannis Baptistæ Carminatæ, celeberrimi eâ tempestate Ecclesiastæ, concionem; quâ intimè sauciatus, è vestigio constituit generalem totius vitæ confessio-

*Societas Europæa.*

nem apud illum peragere: sed monitus, utiliùs longè illam peractum iri, si dierum aliquot per meditationes recollectionem præmitteret, paruit libenter, & obivit utramque animoso constantique perfectioris vitæ proposito. Quod suum propositum dum postea ardenti oratione DEO commendaret, apparens SS. Virgo cum puero JESU in ulnis, clarâ luce orantem implevit, hortata ut Societati JESU nomen daret. Susceptus à Provinciali Alphonso Salmerone uno è primis decem sancti IGNATII socijs, priusquam Tyrocinium ingrederetur, Commentarios à se elucubratos in profanos Poëtas, & id genus alia opuscula magnis sumptibus à Bibliopolis & Typographis quotquot extarent exemplaria redemit, ignique damnavit, dolens non posse omnes ubique jam sparfos vel sanguine delere, in-

Ppp 2

quibus



quibus tempus & operam tam inaniter perdidisset. Exolutis deinde quæ fortè contraxerat debitis omnibus, quidquid superfuit in pauperes erogavit; itaque vacuus terrenorum Tyrocinium Neapoli auspicatus est anno ætatis 34. tantâ humilitate suisque abiectione, ut unice tunc & totâ vitâ doleret, se non in numerum laicorum Coadjutorum, quod unice flagitabat, redactum: donec viribus demum & oculis penitus in ultima senectâ defectus, gavisus est se in eorum sortem quasi restitutum, quod sacrificandi & officij Divini recitandi impotens, cogeretur communione laicâ, & recitandâ B. V. Coronâ esse contentus.

Exacto per omnia virtutum & maturæ sanctitatis exempla tyrocinio, ac subinde repetitâ Philosophiâ, Sacerdotio initiatus est; & ob emicantem virtutum omnium splendorem, præter communem Societatis morem, discipulus in Theologia existens, Collegij tamen Neapolitani Confessarius & spiritus Præfectus, imò & Tyronum Magister renunciatus, jussus insuper in tertio Theologiæ anno à S. Francisco Borgia Generali quatuor solemnia Professorum vœta emitte, unâ cum suo in Theologia Professore, quem tamen etiam deinceps audire discipulus perrexit. Tanta autem Viri jam tum erat sanctitas, ut remedij causâ eum accedentibus evanescerent interiores molestiæ mox, ut primum erant cubiculi januæ propiores, quasi tentatore odorem sanctimonix non ferente. Ipse verò ab impuris imaginibus penitus liber evasit ope Beatissimæ Virginis, quæ se identidem ipsi maximè Coronam suam recitanti spectabilem præbebat, uti & alij creberrimè Cælestes. Adhibuit etiam ex parte sua perpetuam cautelam, ut nunquam in sceminarum vultum, etsi cum plurimis ageret seu confessionis, seu consilij causâ illum adeuntibus, oculos defigeret. Obscœnis autem phantasijs vexatos docebat, ut decubitori Crucis signo terpectus munirent, totiesque orarent: *per sanctam Virginitatem tuam purissima Virgo MARIA emunda carnem meam, in nomine Patris & Filij & Spiritus sancti*: quod amuletum multi efficacissimum experti sunt. Neque resplendens Viri sanctitas latere diu etiam sæculares potuit; certatim enim ad illum cœptum est confessionis & animæ regendæ causâ, totâ Neapoli concurrere; & quidam vitæ licentioris ad aperiendam illi conscientiam inducti, ad primum confessionalis ingressum tanto peccatorum dolore compungebantur, ut toti in lacrymas solverentur, & efficacissima vitæ corrigendæ proposita conciperent. Cre-

sciente verò latius ejus per Urbem nomine, res eò venit, ut clam illi à confitentibus subsecarentur frustilla vestium, & quæ contrectasset, reliquiarum vice quærerentur: agerent quin etiam Primores Regni, ut ad baptizandos illorum filios concederetur. Interim ipse in se durissimus, Quadragesimam solo pane, secundario eoque sicco & vetusto, & brassicâ in pura aqua elixi transigebat; reliquum verò anni tempus solo pane in vinum intincto, & exiguo ad summum caseo: testanturque multi à se diligentius observatum, supra s. aut summum 6. uncias cibi sumere solitum non fuisse. Natu jam grandis verum Quadragesimæ jejuniū traduxit solis contentus panum micis: & sub Christi Natalem mansit quatrduo integrè jejuniū. Post absoluta Theologiæ studia ardentes ad populum conciones per aliquot annos fructu præcipuo, & maximorum peccatorum conversione habuit, allocutiones item apud Moniales exitu non dispari: præter curam Turcicorum & Mauro-rum mancipiorum, quæ Neapoli Catechesi laboriosissimâ instituebat, & eorum non paucos ad sacrum denique fontem perduxit.

Lupios deinde celeberrimam Regni Neapolitani Urbem missus, & publico totius Nobilitatis occurso plausuque omnium Civium exceptus; die sequenti, dicto Sacro, mox carceres publicos adiit, operam vindictis spirituales & temporalem navaturus: indè ad Nosocomia etiam leproforum se contulit, atque ex eo die constantem illorum solandorum & suis manibus juvandorum curam assumpsit. Capite damnatis supremum ad usque spiritum, præsto semper fuit, eos in ipsas scalas cum Crucifixo comitando; ex quibus deinde velut de suggestu eo impetu mentis & igne verborum alloquebatur Spectatores, ut pœnitentia scelerum in fletu dissolveret. In his scelerratissimus reus in repellenda confessionis sacræ medicina erat obfirmatissimus, cujus tamen salutem Pater minimè desperans, eodem curru per Urbis fora circumvectum comitatus est, ejusque candenti forcipe laniati vulnera miserando, osculando, solando, blandiendo, tandem ad eluenda summo cum dolore criminalia feliciter permovit. Nec institutionem à varijs sectis mancipiorum hinc etiam omisit, quorum pleraque, catechesi laboriosissimè imbuta, Christo lucratus est; pœnitentibus unâ multas horas concedendo, invisendo ægros, & omnium saluti instantissimè consulendo. Taceo conciones manè & post meridiem festis omnibus diebus habitas, Monialium adhortationes, institutionem puerorum & ru-



& radium, ad quam ætas etiã grandior & senum ex utroque sexu confluebat, fructu tanto, ut in lacrymas uberes plerumque soluti Auditores, multi eorum non prius templo excederent, quàm animi sarcinas ad pedes Sacerdotum abjecissent: multæ meretrices ad frugem redirent, multi abrogarentur injusti contractus, & inveterati pridem inter cives abusus. Ad hæc consulebatur ab omnibus Ecclesiasticis & sæcularibus, nec quidquam decernebant Provinciæ Gubernatores, Duces, Marchiones, Episcopi vicini, nisi rogatâ Bernardini sententiã, quam veluti à DEO profectam sequebantur. Eiusdem in rebus quibusvis dubijs per literas sententiam exquirebant remotius diffusi, quibus ita plenè satisfaciebat, ut nihil anceps in mente sua remanere confiterentur. Neque id mirum, experti enim erant, illum non tantum de præsentibus optima dare consilia, sed de futuris etiã & remotissimis ita certa dare responsa, ut legere illa in Divinæ sapientiæ libro, nunquam de eventu falsus, videretur. Tot enim ejus admirandæ fuere & eventu certo semper firmatæ prædictiones, ut aliquibus tantum obiter recensendis in ejus vita Lugduni anno 1645. edita, capita 7. non suffecerint. Quos ejus tam sæcundos labores exosus dæmon, variè illum divexabat, nunc cibum illi sedando, nunc somno lectoque excutiendo, ut fractus opere ac vigiliã alijs prodesse non posset: sed DEUS è contra prodigijs etiã conatus prosequeretur, dum ad solum illius ingressum, sanitatem repente integram concedebat, ejusque precibus de vita & fama periclitantes admirabiliter juvabat. Multa quidem illi à Civibus mittebantur donaria, & quæ ad victum pertinebant; sed illa omnia, solo necessario pane in cibum reservato, ad pauperes & hospitalia destinabat: donec ex laborum pondere oppressus, coactus est Medici præcepto vinum album bibere, quod rogatus Vir nobilis pronissimè dari jussit, si quid in exhausto doliolo residuum esset: & stillavit tum quidem quantum præcisè opus erat, verum duos præterea menses deinceps, ingenti domûs admiratione, vas illud vacuum bis quotidie petenti sincerum vinum & optimû reddidit, nec prius aruit, quàm actis gratijs significaret Pater Nobili, se illo subsidio non amplius agere.

Atque his Bernardini tum laboribus, tum exemplis permota Civitas, Collegij apud se Societati perpetuò fundandi tam efficacem curam suscepit, ut intra biennium in templo

illi erecto primum concionem habere ipse potuerit; non minore diligentia assurgente, mox Collegij & Gymnasij fabrica, tanto splendore & impensis, ut nemini ea in Provincia cedat, nisi Neapolitano. Revocatus exinde majorum jussu fuit Neapolim, ac subinde sæpius Romam, tum ab Everardo Mercuriano, tum à Claudio Aquaviva Præpositis Generalibus, cupientibus illum nunc Collegio Romano, nunc alijs majoribus Societatis munijs admove; verum quoties in viam se dare tentavit, toties repentinâ febris, aut alio gravi malo, vel tempestate ita obrutus fuit, ut progredi non valens ad reditum cogeretur. Certior aliquando factus Everardus, cum ipsâ nocte, cujus manè profectionem parârat, febris occupatum, scripsit nihilominus veniret Romam, ubi revaluisset. Verum cum per octo menses protraheretur febris, rescripsit denique, maneret, nec de Romano itinere cogitaret: animadvertit nempe cum DEO pugnari, nolente Lupios ejus ope privari. Quibus literis Bernardinus acceptis, febris statim liber, brevi plenè convaluit, & Apostolico muneri se restituit. Juvit autem DEUS mirabili gratiã operam quam navabat Turcis, Mauris, Hebræis, & diversissimarum nationum mancipijs convertendis, quantumlibet in secta sua obstinatissimis, quorum & varias lingvas percipiebat, & ab ijs vicissim Italicè loquens intelligebatur, quanquam recenter advectis, aliisque Italicè loquentes non capientibus: nec cessabat eos DEUS per visiones prodigiosas, dæmonum spectra, suppliciorum inferni minas exterrere, æternæ beatitudinis promissione alios invitare, donec assensum doctrinæ Patris præberent, quorum etiam nonnullis ad mortem ægrotantibus repentinam ex baptismo sanitatem contulit. In horum quibusdam, ut Mauri præcipue sunt stipato & angusto ingenio, doctrinâ sacrâ imbuedis, dici non potest quantum, quàm parco fructu sudaverit. Acciditque ut ternas quotidie per quinque dies horas insumeret ad ista quatuor tantum verba: *Ave MARIA, gratiã plena*, in caput unius defigenda: ut misertus Patrem socius, *mitte Pater*, diceret, *cum isto caudice tantum temporis frustra conterere*: cui ore hilari subridens: *minimè gentium*, inquit, *sed vincendus est patientiã hic dæmon, qui obstupescit miselli sensus, nè quæ sibi traduntur concipiat*; & vicit planè, ac discipulum tandem scitu necessarijs instruxit. In alio mancipio dum horas complures hærentem Sacerdos diu spectasset, ut paucula illi symboli verba instillaret, affectumque se ministricè diceret



exemplo tam sedulæ charitatis : imò mi Pater, respondit : *suam hic mihi pauperculus patientissimam pietatem magnopere probavit, cui tot à die cum obstrepuerim atque obtuderim, nè minimum quidem nauseantis animi signum dedit.* Nempe hunc laborem dulcedo interior diluebat, quam prodebat quoque exterior species docentis, flecebat enim semper cum mancipijs genua, & principio discendi cum ijs orabat : *Da Domine mi JESU Christe ut bonus evadam Christianus !* quod idem statim à B. V. similiter poscendum ijs præibat. Jam verò quoties eorum aliquem sacro lavacro admovisset, tantis incedebat lætitijs, quantas occupato hostili Regno terrenus Princeps vix caperet : erga quos Christo jam regeneratos Patrem se per omnia exhibebat, adibat ægrotautes, commendabat heris ut mitius haberentur : Erat enim incredibili in animas hominum charitate, & quidem quantò quis erat vilior magisque ab omnibus desertus, tantò erat in eum propensior. Miseratione in flagitiosos intimâ pungebatur, dicere solitus : *se quidam noxas abhorrere, at noxarum reos haudquaquam, sic enim me ipsum odissem plurimum reum.* Et me erga illos commiseratione hæc dignatur DEUS, ut quantò sunt graviorum rei, tantò illos amplectar audiamque libentius, cum ab ipso vocari DEO, ab ipso invitari, pellici, ac sollicitari non dubitem ; non facit scabies invisum Matri filiolum, sed curationis & medicaminum assiduitatem fovadet.

Sæpius illum mensæ jam cum alijs assidentem evocabat vox DEI interna : *Surge Bernardine, in templum abi, confessiones excepturus !* reperiebátque tum vel maximè eâ indigentes. Easdem excipienti frequenter DEUS noxas suggerebat, quæ confitentibus memoriâ excidissent, de quibus eosdem commoveret ut expiarentur. Narravit quidam Lupienis Clericus, cum apud illum sero vespere peccata ex scripto recenseret, abrumperéque defectu luminis cogeretur, subito accensam faciem à tergo comparuisse, nullo qui eam sustineret comparente, peractaque exomologesi repentè evanuisse. Quovis loco, tempore, tempestate cum pœnitentibus eum vidisses : festis diebus summo manè referaturus templum Editu, in fede jam illum cernebat, flexo poplite eos præstolantem : eodem se portandum curabat cum pedes ire non posset, postremus indè abscedebat, nec prius quàm adesset nemo qui ejus operam optaret : & postquam sedisset ibi horas 8. & plures, à prandio statim eodem recurrebat, durabátque in seram noctem. Ajebátque, ministrandis

confessionibus nullum illustrius, nullumque dignius ad DEI gloriam, & proximorum salutem ministerium Societati esse : cujus tam constante exercitio dici non potest quàm multis ademerit pellices, quàm multis æris alieni restitutionem persvaserit, inimicitias, odia, scrupulos exemerit, quàm multos ad diversas Religiones miserit. Ut primùm enim quis incepit Confessarium illum adhibere, unà quoque novam inibat vitæ rationem. Nec minore charitate necessitates corporis miserorum sublevabat, invifendo ægrotos, recreando, succurrendo, eleemosynas conquirendo, omni ope, humanitate juvando. Invaserat morbus Collegij servum, hyems erat dura, tempestas infesta, noctu tamen Pater per apertam aream ad ægrotum constanter itabat, consolabatur, juvabat, trullam adeò lecticariam expurgabat. His ille per Nosocomia & Ergastula juvandis, Sodalitatem Clericorum sub titulo Assumptæ Virginis instituit, quos magno Urbis exemplo & ædificatione, ad levandos solandósque ægros & vinctos, ad ejusmodi publica loca ductabat. Dedit etiam Numen verbis Bernardini eam vim & efficaciam, ut nullo negotio summè ardua persvaderet, quæ factu antè impossibilia videbantur. Hydruntinum quendam peccandi ex assuetudine veluti necessitas eò adegerat, ut non posset nisi turpiter vivere, Lupios fortuito delapsus, Patrique confessus, sic ejus verbis resipuit, ut continens de reliquo facillimè viveret. Par huic alius Bernardino necessitatem suam ad malum fidenter cum narrasset : *nihil mirum id videri*, placidè respondit, *post inveteratum tot annis peccandi usum ; sed oratione omnia superari* : Orationem Anglicam quotidie octiduo diceret coram DEIParæ Imagine, complanatas iri difficultates omnes. Redijt post octiduum homo, pronum sibi factu videri jam dicens, quod prius ineluctabile censebat, peractaque exomologesi, longè aliam vitam vivere cœpit. Innumera sunt ejusmodi exempla quæ in ejus vita videri possunt, quibus implacabiles inimicitia momento extinctæ, homicidia impedita, restitutiones famæ, æris alieni, persvasæ.

Inter hos ejus tot labores valetudo crebris morbistentata eousque defecit, ut quinquagenarius baculo gressum fulcire opus habuerit, quo mira subinde patrari supra naturæ leges, ut olim virgâ suâ à Moyse DEUS voluit. Vix eo uti cœperat, cum apud ægram pœnitentem illum oblitus, repetere ubi domum redisset statuit : quem interea ægræ domesticæ decente loco, sed frustra deponunt,



ijis enim repente videri desijt, & ad cubiculum Patris prior rediit. Apoplexia mortalis à Comite Beneventana, ejus baculi nudo attactu; ægrotudo gravissima à Nobili Joanne Maramontio; febres, dysenteria, paralysis, hydrops, plevritis, stranguries, alijque lethales morbi à plurimis depulsi; partus felices conciliati sunt: ut idcirco crebris & sanctis infidijs fulcrum illud senile Patri subtractum, & alij atque alij priori perfimiles baculi subtrufi sint, veteribus in ejusmodi prodigiosa amuleta contra pertinacissimos morbos reservatis, quorum aliquot à nobilissimis familijs in diversis Urbibus hodièque auro & argento pretiosissime inclusi in thesauro habentur; unum Mutius etiam Vitelliscus Societatis Generalis sibi abstulit, novo substituto. Tantæque fuit sanctitatis ejus apud omnes æstimatione, ut Episcopi, Principes, Marchiones, ipsèque Provincialis Neapolitanus Robertus Bellarminus postea Cardinalis, non nisi de genibus eum in congressu salutarent, & osculum manibus venerabundi figerent: cujus etiam præcisè videndi causâ à remotissimis locis Nobilissimi quique Lupios veniebant, ut Virum sanctum aspicerent; & quia diutius præsentia ejus frui non poterant, effigiem ad vivum depictam secum auferabant, aut quidpiam de vestitu; idque tanto in pretio habebant, ut Anna Mendoza Comes Sant-angeli donatum sibi frustum cinguli aliquamdiu à Bernardino gestati genuflexa exceperit, collo quasi torquem pretiosissimum injecerit sibi; non minùs gratum venisse munus testata sit, quàm si Regnum integrum accepisset. Et infinitus sim si omnia ejusmodi recensere velim, cum non meminerim ulli præterea alteri etiam ex Sanctis, plura ejusmodi viventi exhibita venerationis indicia fuisse, & subreptio dolo vestium ac utensilium frustra, tot in flagranti miracula patrâsse. Sanè Dux Andriæ cum Lupios venisset salutandi Bernardini unicè causâ, ejus pallij laciniam ex pietate sua ipse manu sibi amputavit, quod tamen pallium, mirum dictu! in Ducis oculis subito ita crevit, ut integerrimum appareret, quasi nihil resectum fuisset. Quæ pia furta licet maximâ cautelâ à devotis fierent; quoties tamen in eorum notitiam veniebat, invitum maximè & summo dolore perculsum animum præferbat, neque absistebat dum reciperet.

Jam verò molestias ex morbis conscitas patientissimè tolerabat Bernardinus, illoque solo se affligi ostendebat, quòd decumbens aliorum obsequia admittere cogeretur: tùmque etiam ita nullam præteribat sui asperius

tractandi ansam, ut muscas ori ac manibus insidentes abigi vetaret, in exercitium ut agebat patientiæ. Rector Collegio Lupiensis præesse jussus, nihil eorum quæ ad proximi salutem operari aliàs consueverat omisit, & misericordiæ opera in immensum etiam auxit, nullum pauperem absque stipe dimitti à janua passus, datâ omnibus domesticis generali potestate, egenis omnibus eleemosynas è penu domestica partiendi; acciditque aliquando, ut pane omni dispersito, sexies unâ die furnum pinsendis panibus incendi oportuerit. Ex quo faciliè conjici potest, quàm maternâ in suos fuerit charitate, mediastini instar commodis omnium serviendo; qui tam profusus fuit in alienos: & licet paupertatis amator esset ita sanctus, ut nihil non vetus, consutum, & interpolatum in se & cubiculo pati posset, suis tamen in omnibus volebat ad usque commoditates consultum; ægros visitabat quotidie ad duodecies, vigiliis ad lectulum agebat, cibos è culina, frigidam è fonte, ligna ipsa ad focum afferebat, expurgabat vasa, everrebat cubicula, hilaritatem piam in ægris fovebat, & verborum suavitate velut mater optima erectos consolabatur. Senio gravatus sæpius odio & operâ dæmonis humi allisus, verum anno ætatis 80. ex præalto loco præceps magno impulsu afflictus est, & in sanguine suo natans à Rectore inventus; quod ubi populo innotuit, ad quem tum adhuc concionabatur, certatim in Collegium confluere, sanguinem humi sparsum de genibus legere, veluti magni pretij margaritas, eo strophia, fascias tingere, quæ statim variè ægrentibus applicatæ certissimam præbebant medicinam: è cubiculo ejus ita omnia surripere, ut neque pileolum, neque Rosarium, nec ejus manu scripta, nec zonam, vel cingulum, & ejus generis talia reliquerint. Quinquaginta dies ex tam gravi casu lectulo affixus, inter acerbissimos dolores jacuit, quos ut levaret Dominus, visendum se illi exhibuit in cruce suffixum, sed ineffabili gloriâ circumfusus, blandissimè illum alloquens: ex quo præter liquidissimâ voluptatem, visus est sibi fidei arcana, manifesta in luce perspexisse, sic ut postea scriberet ad fratris filium: *totis quibus decubui 30 diebus nunquam internâ dulcedine carui, certòque agnosco esse mihi occasionem ejusmodi denuo optandam.* Mox iterum eadem in ægrotudine confectum se illi supplicij Christus exhibuit, direptamque è capite spinam unam, sed absque cuspidem, Patris capiti imponens quæsiuit: *ecquidnam doleret?* cui æger, *nihil penitus dolere, quòd et si spina esset,*



*esset, mucronem tamen in Christi capite reliquisset, proinde nihil cruciatus, sed multum gaudij afferre.* Quoties autem à Chirurgis & Medicis obligabatur, tollebantur è manibus illorum à perpetuo illic confluentibus detracta vulneribus emplastra & fasciæ, imbuebantur strophia sanguine è vulneribus profluo, ex quibus duo Catharina Aquaviva Dux Nucensis recepit, alij cruorem à Valetudinario ampullis vitreis conditum, quarum una Lupijs in Collegio sincerum liquidumque sanguinem usque hodie monstrat, alias diversæ Principes & Nobilissimæ familiæ conservant, singulas innumeris prodigijs claras. Earum una penes Lucretiam Petrasolam asservata Neapoli, non tantum sanguinem exhibet rubicundum, recentem & fluidum, sed etiam perpetuam gratissimi odoris fragrantiam redolentem, quæ in Paschate, Natali Domini, & celebrioribus anni festis ad sensum auctior percipitur.

Ex eo morbo convalescens, ita nihilominus in reliquos pauculos vitæ annos debilis remansit, ut domo exire impotens, aliter proximo quam confessionibus audiendis, ad quas in templum adrepebat, prodesse non potuerit: in se tamen constanter pergebat flagellis sævire, quorum unum verberationibus attritum sibi P. Provincialis vendicavit. Undique nihilominus ab eo remedia omnis generis necessitatibus postulabantur, quibus juvandis ejus Valetudinario chartulas ab eo inscribi curabat hæc formulâ: *JESUS & MARIANO-biscum adsint! his terriò dictis, bene tibi erit.* Bernardus Realinus. Profueruntque omnibus quibus obvenerunt, duobus etiam in Collegio Patribus decumbentibus: tertius autem obiit, cui, mirum dictu! nunquam potuit eam syngrapham exarare, nam calamum summenti deficiebat omnino visus, experientijs identidem, nunquam facultas fuit conscribendi. Optavit Cæsar Dux Mutinensis precationem ab eo componi, quam ad impetrandam suorum optimam gubernationem recitaturus esset: eam Bernardinus in hæc verba concinnavit: *DEUS à quo bona cuncta procedunt, largire quaeso supplicanti mihi servo tuo, licet indignissimo, ut semper cogitem te inspirante quæ recta sunt, & te gubernante eadem faciam. Fidelesque tui, quos mihi in viam pacis & justitiæ dirigendos benignè commisisti, id ament quod precipis, id desiderent quod promittis: ut inter mundanas varietates, ad laudem & gloriam sanctissimi Nominis tui, ibi nostra fixa sint corda, ubi vera sunt gaudia. Per Dominum nostrum, &c.* Quam orationem singulis deinde diebus Dux adhibuit, ac post eum Ranu-

cus Farnesius Parmensis. Tot autem undiq; procul ex locis diversis ejus petebantur reliquiæ, ut coronam B. V. ultra unum diem vix retineret, cogereturque Valetudinario grandem earum numerum ejusdem cum prioribus formæ reponere, nè repulsâ offenderetur petentium pietas, inter quos erant Prælati, Principes, & primæ Nobilitatis personæ: idemque ferè quoad cincturas, pileolos, & similia usu-veniebat.

Tandem occupatus morbo lethali, Sacramentis omnibus ad agonem munitus, ab omni genere hominum, mortem hominis sancti videre cupientium, visitatus est: qui in genua coram lectulo procidentes, etiam Episcopus Lupiensis, & alter Segnensis, Rosarijs rebûsque alijs eum contrectabant, manus deosculabantur, tanto recularum attactu ejus sacrandarum numero, ut continuo ijs opertus lectulus cerneretur. Syndicus Civitatis cum delegatis à Senatu suam illi Urbem in perpetuum commendârunt, cujus illam patrocinio jam tum suffragio publico committebant. Tandem die 2. Julij festo Visitationis Virginis Anno 1616. actam sanctissimè per 86. annos, in Societate per 52. Lupijs verò per 42. vitam, placidissimâ morte conclusit, quam multo antè pluribus etiam quoad tempus de se prædixerat; odore tam potenter è corpore dimanante, ut vicinam porticum imple-ret, & rebus quoque admotis adhæreret, quarum in nonnullis usque hodie perdurat. Signo per domesticam campanam dato, totâ simul Urbe lugubri sono compulsatum est; nec aliter ea res animos omnium consternavit, quàm si de summa rerum esset desperatum, ploratus per omnes domos Civium, clamor & ejulatus turbæ, communem Patrem & Tutelarem deslentis planè insolitus, quæ tanta ex vicinis etiam oppidis confluerat, ut per multas horas transitus ad Collegium non pateret, debuerintque custodiæ militares ex Senatus-Consulto Collegij foribus, quarum valvam unam jam effregerant, apponi. Eadem quoque magno numero funeri, quod publicis Urbis sumptibus ab Episcopo & universo Magistratu celebratum est, adhibitæ; nulla tamen vi prohibere potuerunt, quin vestes ejus, & quidquid aliud poterat, discerperetur ad venerationem. Neque DEUS ipso morientis servi sui die miraculis defuit, ad contestanda illius merita: cuidam acutissimo capitis dolore laboranti, & magno conatu in cubiculum morientis per confertam multitudinem ingressu, cessavit penitus omnis deinceps dolor. Infanti anniculo eadem die ex fontico morbo



ad extrema deducto, superposita capiti corona precatoria momentò sanitatem restituit. Antonius Baresius 15. annorum puer multos dies graviter ægrotus, ut primum ad osculum defuncti pedum admissus est, simul valens ac vegetus domum redijt. Frustulum ex ejus veste resectum à Francisco Padasso, ut primum filix ex pleuritide & febris acuta ægræ applicatum est, malum omne depulit. Josepho Mezzano crus lævum minaciter turgens, & acerbitate dolorum propè vitam intercipientis, coronâ ex Patris corpore allatâ, contactum humorem omnem visum est, cute integrâ, transpirare, ipsèque eo die tam sanus & vegetus ambulavit, ac si nihil unquam noxij humoris expertus esset. Qui idem coronæ attractus puellæ septenni jam agonizanti plenam momentò sanitatem reddidit: & viro gravissimâ podagrâ discruciato, invocatus sub horam sepulturæ Bernardinus, eam subito in perpetuum depulit. Reliqua sanitatum & beneficiorum divotum prodigia ejus interventu patrata tot fuerunt, ut eorum quædam duntaxat recensita, novem ultima supra memoratæ vitæ illius capita impleant. Corpus loculo geminâ clave obserato impositum, terræ tantisper mandatum est, dum opere magnifico tumulus extrueretur, in quem postmodum illatum est, & innumeris cereis, anathematis aureis, argenteis, laminis, tabellis, ob infinita quæ hodièque miraculosè percipiuntur beneficia, honoratum.

Neque destitit devota Bernardino Civitas, donec legitimos processus auctoritate Ecclesiasticâ institui obtineret, pro eo aliquando in Sanctorum numerum referendo: in quibus miraculosè innumeris restituta ab eo in terris partim degente, partim inter Cœlites recepto, narratur sanitas, plerumque desperata & à Medicis deposita, omnes juratis testibus in legitimè instituto Tribunali firmatæ, prout legere est in ejus vita quatuor diversis editionibus vulgatâ. Et quidem in his plura sæpius intercurrere prodigia, dum imploratus per longa terrarum intervalla absens, præsens nihilominus visendum illis se præbuit, vel è cœlo opem clientibus allaturus comparuit, vel secuturam sanitatem quantumlibet in desperatis morbis verissimè prædixit. Quo tempore Gonzalez de Rueda Gallipolitanus Episcopus causam ordinabat pro Bernardini canonizatione, interrogavit aliquot Moniales è S. Joannis Cœnobio: at enim Aurelia Venturia multorum admirabilium conscia, sed religione ac metu ducta, à vero fortassis præter mentem in tanto negotio

*Societas Europæa.*

deflectendi, nolens interrogationibus subijci, hæc sibi à P. Bernardino jam vita functo dici audivit: *Imodò Aurelia, ut de acceptis per me beneficijs & miraculis die crastinâ testeris.* Paruit, & hanc ipsam omnium primò apparitionem, inter alia à se contestata, narravit. Joanni autem Salicio Sacerdoti Lupien-si, qui primus ad quæstionem vocatus est causæ quam dixi instruendæ, de nocte visendum se præbuit Bernardinus, paulumque submotis lectuli cortinis: *totam, inquit, diem meâ causâ laborasti, ad quæstia respondendo; habeo collatæ operæ gratiam.* Antonia Quartaria in visitationis Cœnobio Monialis iniquè ferens Bernardinum passim *sanctum* appellari, *probum* duntaxat & *devotum* dici debere contendebat. Sed per visum spectavit supplicationem à Cœlitibus ejus honori institutam, quod cum etiam tunc indignè ferret, videre sibi visa est in ultimo agmine ipsum met Bernardinum, & sic audire compellantem: *nôsti me soror Antonia? quâ negante; sum, inquit, Bernardinus; & scito: quod non sum, paucis ab hinc annis me futurum.* Quibus exterrita & expergescens, erupit clamans: *O! parce beate & sancte Bernardine, & DEUM pro me deprecare!* habuitque illum deinceps inter primarios suos SS. Tutelares. Marcus Antonius Zimarius numeraverat creditori suo 13. milia ducatorum, & præstitæ solutionis fidem, facere nequibat, quod fide nimis bonâ accepti syngrapham à creditore amico non tulisset, qui ob exortas inimicitias acceptam negabat. Ergo pridie quàm esset à Regio consilio damnandus; quiddam à lipsanis Bernardini cervicali subjecit, & ecce in somnis verba illius audivit, locum designantis, ubi essent pignoratitiæ literæ, quibus (etsi nunquam id advertisset) de exoluta pecunia constaret. Experrectus locum adit, repertas Judici literas offert, causam evincit.

Atque has tantas à DEO præter ordinem singulares gratias, & dona gratis data merebatur Bernardinus inculpatissimâ vitæ, ex quo Sôcietatem complexus est, innocentia, tanto nitore constanter observatâ; ut ex proposito quidam illius morum observatores nihil unquam notâ ullâ dignum deprehendere valuerint: ejus verò Confessarij sanctè testati sint, nihil unquam ab eo in confessione quotidiana allatum esse, quod voluntariam etiam tenuem culpam contineret, & absolutionis Sacramentalis capax esset; ideoque communia quædam ex sæculari vitâ in materiam absolvendi coactum revocare. Et licet Angeli similior viveret quàm hominis mortalis; mor-

Qq9

tem



tem tamen ea etiam ex causa in votis habebat, nè posset DEUM deinceps offendere : *quæ cum sit*, scribebat nonnemini, *peccandi finis*, vel *ex hoc solo est invidenda & amore digna*. Amor autem in DEUM ita flagrans fuit & ignitus, ut in vultu flamma promicaret, & corpore toto scintillas illi erumpere multi observarent. Hujus occasionem & materiam è rebus & objectis omnibus capiebat, nec quidquam magis ardebat, quam in DEI & fidei causâ mortem oppetere : DEO semper conjunctissimus, ejus unius desiderio possessus; caduca & quæ seculum saperent, nè cogitatione quidem dignabatur. In ejus adoratione à sensibus plerumque ita abripiebatur, ut frequenti tractione vix revocari posset, statuz instar immobilis, & exploraturi aliquando viri etiam primarij accederent, an reipsa corpus animâ destitueretur : cujus orantis vel sacrificantis faciem lucidissimis radijs coronatam, plurimi tum domestici tum externi observârunt, tanto subinde fulgore coruscantem, ut oculos in eam figere non possent, & ab eo locus ipse non minùs quam à sole illustraretur. Situs privatim orantis plerumque erat expansis in crucem manibus, vel ante pectus decussatis, in medio cubiculi semper de genibus; quo situ etiam æger medijs noctibus à Curatore deprehendebatur; notatûsque à multis est maximam noctis partem orando expendere, ac post eam nudis in tabulis ad somnum se componere; quem summum ad horas quatuor capiebat: interdum autem quidquid à studijs, & juvando proximo vacabat, id omne in preces conferebat : imò studenti quoque, edenti, & colloquenti, erumpebant ignita verba, quæ occupatam Divinis prodebant cogitationem. Erat autem ejus precatio dono ubere lacrymarum semper irrigua, tam potens, ut obtineret quæcunque voluisset, illamque plurimi hujus efficaciam non ignari undique ambirent, Cardinales, Episcopi, diversarum Religionum Superiores, Principes, & cujusvis Magistratus & dignitatis, præter innumeros privatos, Magnates. Quo tempore sæpissimè alloquio fruebatur invisentis se D. JESU, modò gloriosi; modò inter supplicia suæ sacratissimæ Passionis, prout ea passus fuerat, dolorosi; SS. Matris, filiolum etiam suum in ejus brachia deponentis, cujus SS. Virginis aspectu postremis annis quasi continuè ubivis visibiliter præsentis fruebatur. Nocte Natalis Domini consentibus in templo jam septuagenarius dans operam, rigore tam valido (erat enim hyeme perinde atque æstate leviter vestitus)

succutiebatur, ut sedem unâ sedique innixos, pœnitentes concuteret, quorum hortatu remissus est à Rectore ad cubiculum, jussusque illi focus adferri. Interim Mysterio ejus noctis cogitatione altè insistenti, videndam se exhibet fulgenti in luce DEI Mater, Angelis stipata, suavissimo concentu asperam noctem mulcentibus, & puerum JESUM in amplexus & oscula illi tradit, eâ refusæ lætitiæ copiâ, ut audiretur exclamans identidem : *tantillum adhuc ô Domine ! pauxillum adhuc remorare !* nec reliquâ hyeme, præ conceptâ interiùs flammâ, quidquam externi frigoris sentiret. Aliàs eandem Natalis noctem acerbissimo in frigore meditando transigenti, lux Divina cubiculum repentè implevit, sensitque se nomine appellari : rogans verò : *quis eum vellet ? en adsum*, inquit CHRISTUS Dominus, séque in circulo splendido infantem exhibuit, diductis à pectore panniculis illum in cor suum invitans. Demum ex illa erumpens luce in Bernardini amplexum evolavit, qui tam dulce pignus appressum pectori horâ ferè mediâ continens, ita calorem emortuum suscitavit, ut esset hyeme illâ totâ multo quam aliàs vivacior.

Addictissimus inter alia erat SS. Eucharistiæ; Ea quoties publicæ pro Ara venerationi exponebatur, hærebat coram per multas horas genibus nixus, & ubi populus templo digressus esset, expansis plerumque in crucem brachijs; eratque non rarò indè à Superioribus revocandus, ut tantisper in cubiculo quiesceret. Accurrit ad illum tunc vice quadam mulier quadrimū filiolum adducens, quæ pavens & multum indignans querebatur, eū in conferto populo S. Eucharistiam unâ percipisse; cui subridens Pater : *fecisset*, inquit, *DEUS, tam sanctè illam perciperem ego, quam sanctè percipit puer !* moxque illam in pueri pectore positus genibus adorans, jussit illum quoque de genibus recitare precatiunculas quasunque memoriâ tenebat. Svadebat quâ verbis, quâ literis, frequentem sanctæ mensæ usum, & profitebatur hoc se uno tantū vitam consolari, quod posset quotidie sacro epulo recreari. Admirandum autem fuit, quod frigus nullum sacrificans per sentiebat, etiam ipsâ Natalis nocte sacris ter operans, cum multis aliàs pileolis caput fovere cogere-tur : & cum omisso per senium Sacro ad communionem se sisteret, prodigio par cunctis apparebat, curvum alioqui & depressum stare tunc adedò erecto corpore, ut videretur CHRISTUS, quem sumebat, juventutem ejus renovare. Secundum hoc mysterium devo-

tissi-



tissimus erat cultui Virginis DEIparæ, cujus aliquam effigiem omnibus svadebat, ut privatim in cubiculo affixam servarent, salutandam quotidie dicto *Salve Regina*: ipse verò coronas illi dicebat aliquot, & annis ultimæ senectutis duodecies interdum & sæpius eam revolvebat, nunquam ferè è manibus dimittens; & alterum tantum nocturnum. Neque ullam magis è vocalibus æstimabat orationem quàm Dominicam, & salutationem Angelicam: *eminent enim, dicebat, precatationibus ceteris, habentq; suum ex sese pretium, ut multi Doctorum arbitrantur, præter illud quod ex operante accipiunt & precantis pietate; & utraque authorem habet ipsum DEUM.* Habeturq; ex ejus literis, *Virginem ex ea salutatione multum honoris & gaudij percipere, & beatarum Ordines mentium his eam in cælo verbis decorare: Ave MARIA gratiâ plena, Dominus tecum. Unde agnovi eam magni faciendam; primò, quia à SS. Trinitate sit ordinata, nec enim solent nunciij, qualis fuit Gabriel, referre, nisi que à Dominis suis accepta habent, ubi præsertim agitur de titulis & appellationibus.* Et licet pars altera in terris composita sit, ab Ecclesia, tota tamen in cælo contexta est, cum tota authorem DEUM habuerit. Secundò, quia ab Angelo primùm recitata, eoque supremo. Tertiò, quia ad SS. Virginem relata est, magnos enim magna decet. Post DEIparam præcipuâ pietate colebat Ordines SS. Angelorum, auditus frequenter cum ijs in cubiculo colloquia miscere, S. Nicolaum Tolentinatem, & Sanctam Irenem Martyrem, multaque supra naturam utriusque reliquijs patrabat: S. Carolum Borromæum, Xaverium & Ignatium, licet necdum Beatis adscriptos. Hujus nomen, cum Bernardini frater significasset uni filiorum indidisse: *mox in genua, rescribebat, id legens cecidi, & sacras SS. Matris Litaniæ pro tanti beneficij gratia exegi. Domi siquidem monumentum tenere Societatis JESU Fundatoris, non est casui assignandum, sed gratia, ex qua certò spero accessionem tibi & toti familia interioris presidij non vulgarem: curam vestri omnino B. IGNATIUS potissimam geret.*

Jam verò fiducia illius in DEUM, & DEI in ipsum fidelitas quanta fuerit, difficile est explicare. Pane omni aliquando in pauperes, ita illo tum Rectore mandante, dispersito, nihil in mensam domesticis supererat, ad quam tamen restituentem Refectorij Curatorem pulsare consveto tempore jussit. Dum coeunt in triclinium, en ad fores mulier nunquam visa panes 24. ingentes, optimos, in sveltæq; eo loci formæ in canistro affert, tor-

*Societas Europæa.*

tasque totidem placentas. Alias præter dolum semivacuum nihil vini Collegium habebat, monitus de defectu à Cellario, jubet nihilominus largiter perinde non tantum domesticis omnibus, sed & pauperibus deinceps quotidie dari: *elemosynis enim egentiores fieri neminem.* Factum diu quod imperaverat, dolio nunquam fallente. Lustratur tandem vas prodigiosum, ut videatur num quid præterea supersit: mirum dictu visusque! amoto superiore operculo tam plenum dolium deprehenditur, ac si nihil ex eo fuisset haustum. Cum interdum febrim accessuram, multò antè ab ægrotantibus refectione corporis præviâ occupari Medici juberent; ægrorum autem Curator cibos imparatos adhuc excusaret; monebatur à Patre, tantum confideret, omnia tempori parata fore: ac nescio quo pacto, quâve manu, brevissimo tempore cocta omnia, condita, paratâque in præscriptam horam cernebantur. Bis Ædituum pœnâ affecit, quod campanam templi majorem brevius quàm oportebat pulsasset: causanti ejus molem, quæ ab uno moveri non posset, subjecit: *si fidenter Angelos beatos orasset, fuisse adfuturos; cujus memor postea ædituus, tantâ facilitate illam agitavit, ut evidenter adverteret, manum sibi Angelos præbere.* Tres aliquando, Patris permissu, Fratres in hortum exierant animi causâ, quos discedentes cum ad prandium redire domum jussisset, misit tamen deinde qui prandium foris eos præstolari submittendum moneret. Post duas horas juvenes quinque speciosissimi, penitus ignoti, cibos in cistis lautissimos afferunt, iisque traditis recedunt. Sub vespere monentur ab alio cœnam ibidem expectare, quæ tempestivè à diversis adolescentibus allata fuit, alijs tamen à prandio delicatissimis ferculis, magno fruentium stupore. Domum ut redierunt, Frater qui relaxationem illam impetraverat, enixissimè Bernardinum rogat, unde tam exquisitæ, tam lautæ sportulæ, ut nihil in vita gustasset, nil vidisset jucundiùs, affluerent? tergiversanti ad hæc DEI servo, & sermonem aliò avertenti, vehementer ille insistit, flexis genibus per Virginem Matrem supplicans, nè hoc sibi neget solatij, quod esset, si sic juberet, religioso silentio pressurus. Tandem, *promittis, ait, te, quoad vixero, secreto habiturum?* Spondentique; *sic habeto,* inquit, *SS. Virginem prandium vobis cœnamque misisse; nec præter hæc aliud ab eo de juvenibus portitoribus, quos Angelos fuisse dubitari vix potest, extorqueri potuit.* Fuit autem tenerima prorsus illi erga suos charitas,

Q99 2

hinc



hinc cū Fratrīs cuiusdam simplicior imprudentia ab eo petiisset ascetica quādam pro sua devotione ab ipso describi ( & erat volumen Æneide Virgilianā haud minus ) suscepit officium senex tot laboribus undique distractus , & oculis æger , cæpitque quotidie aliquid ex ijs describere. Id animadvertens quidam noster juvenis Rhetoricæ studens , quæsiivit reverenter : *quid pulchri tam laboriosè lucubraret ?* cūque factum simplicissimè rescisset , non se tenuit , quin indignaretur palam , & imprudentiam Fratrīs argueret : & , *cedo* , inquit , *mibi Pater juveni & vacuo laborum hæc describenda.* Imò , respondet Pater , *meum istud est , ex quo hanc animi sui consolationem is Frater expetit.* Paulò minoris imprudentiæ fuit alter , qui ejusdem argumenti minorem librum ab eo describi pro se petijt , & impetravit , et si postea manu alterius est adjutus ; & hic Neapoli hodie in sacrariò Societatis asservatur.

Tanta inter hæc Bernardini fuit humilitas , suique infra omnes creaturas sincera depressio , ut nullum majorem se peccatorem , nullum DEI donis magis indignum & ingratum crederet : cū ei tot honores à summis etiam Viris , veluti sancto exhiberentur , vel in literis ad se scriptis aliquid de se suisque rebus opinionis legeret , tum verò fletibus inconsolabilis se torum dabat , quòd pro sancto , bono , thaumaturgo haberetur , hunc enim esse manifestissimum errorem ; eratque multis inducendus , ut hunc Societati , cujus membrum esset , non sibi honorem deferri crederet. Nihil è contra gratius illi accidere poterat , quàm si reus alicujus facti traduceretur , aut malevolorum lingvis proscindi se intelligeret. Monitus aliquando publicâ fuit reprehensione in Refectorio , videri de sua apud alios fide ambigere , quòd inter loquendum , *certò , certò* , iteratam affirmationem crebrò adhiberet : pro Divino monitum habuit , eaq; deinceps in perpetuum abstinuit. Superiores suos quot hebdomadis instar Novitij adibat , rationem animi redditurus , suos in charta notatos defectus ferens , & quidquid interiorum suam spectabat curam , in omnibus arbitrio ipsorum acquiescens ; tamdiūque aperto manebat capite , dum tegere juberetur. Literas ad se undique venientes , nisi effracto saltè à Rectore sigillo , nunquam sustinuit legere , quamvis ab ipsomet eas acciperet. Attributo sibi postremis annis Fratri Adjutori non secus parebat ac Præposito Generali , nolebātque rogatu etiam Principum fœminarum , unicè ipsius conveniendi causâ remotè venientium , ad Templum descendere , nisi

Frater juberet. Afflictiandi sui studiosissimus fuit , neque dum per valetudinem licuit , vestes decubitus exuit , uno tantum deinceps stragulo hyeme & æstate usus ; mirantibusque tolerantiam frigoris æquè ac caloris , piè scitèque asserebat , se verbis illis : *benedicite glaciæ & nives Domino* , calorem : illis , *benedicite ignis & æstus Domino* , frigus cōtinuò evocare. Jussus ob morbi gravitatē detractis vestib; , inter lintheamina decunbere : *mihne* , inquebat , *infernum toties commérito lectum mollem & commodum ?* nec interea lacrymas tenebat. In eluendis ollis & lancibus , quod munus sapissimè obibat , utebatur aquâ tam urente , ut cutem manibus detraheret , nunquam enim illam frigidâ temperabat. Easdem frequens per hyemem gelida lavabat , calculosâ arenâ confricans : *quò magis* , agebat , *ad Sacrum niterent* : quas eo modo miserè cruentatas commiserantibus , subridens asserebat : *tolli earum callos haud aliter posse.* Tonsores imperitos studiosè sibi adhibebat , voluitque Fratres Collegij omnes ejus artis rudes , suo in capite per vices exerceri : cūque nonnemo illius aure forficibus perstrictâ , illo nihil sensus monstrante , conturbatus , vulneris veniam rogaret : *cujus* , inquit , *vulneris ? perge porrò* , *nihil enim istud est* : fluebat tamen eâ copiam sanguis , ut sudoriosis & mappis diu non potuerit exugi. Infestissimos Lupij culices ab se nunquam abigebat , quamvis diuturnâ punitione sanguinem prolicerent , malèque faciem tuberculis deformarent. Cū senio fractus , supinus aliquando cum sede concidens , caput graviter in terram allisisset , implicitisq; sedi cruribus inhærens , per horam ferme ob debilitatem se non evolveret , intranti exclaimantique ad horrorem casus infirmorum Præfecto , arridens ait : *nihil hoc esse , séque bellissimè valere* : ex eo tamen per multos dies cum magna doloris acerbitate decubuit.

Atque his tot modis inclemens in se , lenissimus & plenus miserationis erat in alios , quorum incommodis magnopere afficiebatur , & pronissimè subveniebat. Horatium Persicum de Societate , ob gravem & subitam colicorum torminum rabiem noctu flentem , audiens senex misericors , ad eum è vestigio accurrit , recitatique coram aliquot precationibus illico sanavit. Neque hæc in afflictos misratio cum defuncto sepulta est , quàm multò luculentioribus indicijis hodièque ad se recurrentibus exhibet. Josephus mensium sex infantulus , filioli Astolphi Rilliani & Vincentiæ Moscicæ , post inflationem totius corpusculi novemdiali febri tandem interiit ,

cui



cui mœstissimus parens funebria candida ex serico fieri curavit. Corpusculum exanime Mater decenter composuit, & tristi ministerio perfuncta, toto illo die orbitatem suam cum domesticis, & vicinis ad eam solandam affluentibus, deflevit. At sub primam noctem cum filiis duabus lamenta renovans, filiolus corpus exanime inter brachia tollere, saviari amaris osculis, complexu stringere, perfundere lacrymis: inter quæ Bernardini memoriâ mentem subeunte, à quo multa in vivis beneficia perceperat: *quid verò adeo magnum foret*, inquit ruptâ cum gemitu voce, *si post tot mira tua, ô Pater, hoc etiam mihi indulgeres toto orbe predicandum, & hanc meam lucem filiolus suscitares? annue Pater infelici, & hoc per Christi supplicia obsecranti!* Hæc & similia cum amor dolori suggereret, miratur diducta infantis labia, velut uberi aprata: mammam præbet, videtque sani demore papillam prendere, lac fugere, ac sublatâ voce, Bernardini miraculum proclamat. Advolat parens, familia confluit, summus omnium stupor ad improvisum spectaculum viventis infantuli, vegeti ac valentis, qui multas horas mortuus, rigidus, sepulchro jamjam inferendus jacuerat. Cujus prodigij veritatem octo personæ pro testimonio juratæ confirmârunt. Verum non videretur omnibus absolutum numeris ejus in miseros præsidium, nisi illud respicientibus etiam & invitis ultro oggereret. Fœmina fuit in quadam inter Cisalpinas Urbe, virginitatis voto pridem religiosè DEO inserviens, huic in vehementes concupiscentiæ & sensuum insultus cum

nullæ preces, afflictationes, vel Sanctorum reliquiæ sufficerent, datum est à Patre suo confessario paucillum ex indusio Bernardini, tacito quidem illius nomine, verum spondente fore, ut ab Sancto, cujus essent reliquiæ, juvaretur. At hæc talia sæpius antè in cassum experta, non multum inde concepit fiduciæ: post tamen ad sanctam accedens Mensam, & rata has esse S. IGNATII reliquias, tentavit ab eo suis ærumnis opem implorare, volensque in preces S. IGNATIUM vocare, invita & nolens S. Bernardinum semper nominavit: *sanccte Bernardine*, inquit, *pro me DEUM precare!* Advertens autem quid diceret, suspecta sibi fieri de amentia, ob tentationum vehementiam conscita, cæpit: *quid enim*, aiebat, *quid nunc mihi cum S. Bernardino, quem nunquam hætenus cogitavi? nunc autem efferre alium non queo.* Conatâque rursus S. IGNATIUM appellare, pro illo coacta est S. Bernardinum Carpenssem nominare. Tum verò nihil jam addubitans se de omni statu deturbatam, quo, licet reluctante: *Bernardinum Carpenssem* diceret, cum præter *Senensem* alium *Bernardinum* nesciret. Conturbata ergo, gemens & anxia, S. CHRISTI Corpus suscepit. Indèque magnâ animi & corporis serenitate omnibus absterfis tentationum molestijs gaudens, redit biduo post ad Confessarium, ut de Sancti nomine rescia, cujus beneficium per reliquias acceptum celebrabat: narratâque omni sui successus historiâ, didicit esse *Bernardinum* nostrum *Carpis* in lucem editum, apud Lupienses & Neapoli vitâ & miraculis clarum.

*Ex ejus vita & Nierembergij Tomo 1.*

## P. THOMAS STANNÆUS.



Anglia tot heroum & virorum Apostolicorum mater, natale solum Thomæ Stannæo fuit, honestis natalibus in Diœcesi Sariburiensi edito: quam tamen, salutem suam in tuto locaturus, primâ statim juventâ deseruit, & securum in Catholicis Regionibus asylum quæsit. Adscriptus in numerum Alumnorum Collegij in Urbe Anglicani, postquam duobus annis in Philosophia, totidémque in Theologia morali versatus est, impetravit in Societatem JESU admitti Anno 1597. & ex illius Tyrocinio, magnâ virtutis commendatione exacto, navigare in Angliam. Efficaciam laborum ejus in ministerio Apostolico, multa quidem alia probabant, sed omnium maximè inconcussa in Fide, qui

illam ipso ductore semel susceperant, etiam inter tormenta & supplicia constantia: quales fuere tres Religionis causâ crudeliter in patibulo necati laici, Swithimes Wells, Rodolphus Miller, & Laurentius Humphredus, quibus ipse ad pietatem & perseverantiam magister fuerat & hortator. Quia verò minime se feliciorum alij futurum credebat, quin paulò post in vestigatorum manus prodicione aliquâ incideret, duplicandam sibi industriam, & cujuslibet diei morâ tanquam ultimâ ad fructificandum concessâ, utendum statuit; quâ etiam paucis illo libertatis tempore multos mortalium ab hæresi Professioni Catholicæ restituit: tot interim insidijs emissariorum appetitus, ut frequenti sui in latebris perincommodis occultandi necessitate, valeditudinem frigoribus & fame non parû læserit.





J. G. Heinrich del.

W. P. Kilian sc.

P. Thomas Stannæ, S. J. Angl., ex Apostolicis laboribus, & carceris ærumnis, prostratâ valetudine, Podagram, aliosq; morbos, aquâ benedictâ leniebat. Sublatus Audomari An: 1617. 28 Majj. Aetatis 62.  
100.

Demum comprehensus, & in carcerem ærumnosum compactus, brevî ex ejus incommodis multiplicem morbum contraxit, confictatus calculo, strangurie, herniâ, tussi, podagrâ, nervorum contractione, quos ille omnes patientiâ summâ coronabat. Tandem è Patria proscriptus, ad longum Martyrium exul in Belgium deportatus est A. 1606. confeditq; Audomari in Anglorum Collegio, æger ipse valetudinario Præfectus. Quo in munere minimè otiosus, cum poterat, labore & infimis ægrorum servitijs se occupabat; semper autem pijs narrandis exemplis ægros adolescentes sanctè oblectare studebat. Podagræ dolores aquâ benedictâ pedibus adpersâ, vel Superioris adprecatione, lectione item gestorum S. IGNATII leniri dicebat, universim autem solâ oratione solabatur, nullum

aliud admittens medicamentum, nisi juberent Superiores. Jámque annus in hac patientiæ palæstra fluxerat, & ipse 27. Majj visus sibi restitutâ uti valetudine, cum vacuasset ab infirmis adolescentum habitatio eam scopis everrere & constanter mundare est aggressus; quo in humilitatis opere repente concidens, sopitis sensibus humo fixus hæsit. Munitus igitur ultimo Unctionis Sacramento (manè autem sacram exomologesim & rem. Divinam perfecerat) morbo in apoplexiam desinente, sequenti die sublatus est A. 1617. omnium virtutum quæ Religiosum virum ornare solent, & laborum perpeffionumq; mercedem ab eo, qui dives est in omnes, recepturus. Numerabat annos ætatis 62. Coadjutor formatus ab anno 1601.

Ex Angliâ Henrici Mori.

P. JULIUS





P. Juli, Mancinell, S.J. Italus, per omnia Cha-  
ritatis opera Salutis Annuarum, in Europa,  
et Africa, Zelator Apostolicus. Obijt Neapoli 14.  
Aug: Anno 1618. Aetat: 81.  
101.

## P. JULIUS MANCINELLUS.



Ditus in lucem Pater Ju-  
lius Maceratae in Italia anno  
1537. die 13. Octobris, Pa-  
rentibus illustri inter suos  
profapia, inter fratres primogenitus. A puero in literas

& virtutis amorem propensissimus, omnem  
peccati, falsitatis praecipue puerili alioqui æ-  
tati familiarem speciem tantâ circumspetio-  
ne vitabat; ut toto vitæ 81. annorum decur-  
su, unum solum leve mendacium puero  
decenni exciderit, ad puerilis gloriolæ capta-  
tionem prolatum. Quo ipso ætatis anno ab-  
solutis Humanioribus literis gradum ad Logi-  
cam, ac deinceps Jurisprudentiam fecit, eo  
progressu, qui illum 15. ætatis anno absolutâ

Juris facultate in Consultorem illius extulit.  
Quo tempore omnis æqualium societatis &  
conversationis fugitans, dedit se lectioni con-  
cionum S. Vincentij Ferrerij, quarum pijsimo  
ardore permotus, statuit rebus humanis nun-  
cium remittere. Et licet varijs domestico-  
rum & externorum sollicitationibus, dæmo-  
nisque fraudibus agitur, propositum salu-  
bre toto quinquennio exequi distulerit, ex eo  
etiam, quod statuere certò non posset, quale  
ex omnibus Religionis institutum deligen-  
dum foret; quia tamen animo quietem co-  
ram Crucis simulachro prostratus, Divinæ  
Majestati magno ardore & sui audiendi fidu-  
ciâ supplicavit, dignaretur se permolestis  
hiscæ tricis tandem expedire; tum enim ve-



ro oculis in cœlum erectis, visus sibi est patefacto cœlo DEUM videre, facie inter serenam & seriam mediâ, innuentem ipsi; procederet porro in arrepto proposito, se enim illi adfuturum ad finem usque perducendo. Inde totus ad orandam DEI Matrem conversus, sensit sibi animo ingeri Societatem JESU, quam eatenus nunquam visam ex nomine solum noverat. Igitur decrevit Lauretum, ubi Societas domicilium Pœnitentiariæ habebat, se conferre, de eorum instituto penitiùs cogniturus: ubi visis Patribus, ex hospite suo quodam Canonico suscitatus est, quod hominum genus? quod eorum institutum esset? tum verò Sacerdos Canonicus non secus de ijs locutus est, quàm si mortalium omnium, pessimi & scelestissimi forent. Verùm non invenit fidem apud Julium scelestâ detractoris narratio, qui negotio intentato domum reversus, cùm mentem eandem toties animo ingeri, quoties DEI paræ supplex fieret, experiretur; iteratò clàm Lauretum repetijt, commodèque obvium habuit P. Montagnam ex Pœnitentiarijs unum, apud quem peractâ totius vitæ exomologesi demum etiam propositum animi inquieti aperuit, petijtque aliquam de Societatis vitâ, ad quam impelli sentiret, instructionem. In cujus ministerijs & vivendi explanato genere mirè acquiescens, rogavit ad Rectorem, Societatis flagrantæ causâ deduci: hic cùm per se potestatem juvenem admittendi non haberet; recepit, se Præposito Generali Romam, qui tum erat S. IGNATIUS, perscripturum. Interim Julius Maceratam redux, ubi de admissione sua à S. IGNATIO responsum accepit, Venetias iter simulans, equum comitante famulo conscendit: sed eum mox, ubi ex oculis Macerata evanuit, per famulum domesticis remisit, devotionis causâ pedes iter confecturus. Laureti Collegium 14. Maij ingressus, receptus est in Societatem annos natus 20. cujus tyrocinium de more ab Exercitijs S. IGNATII exorsus, tanto sui odio exarsit, ut cùm flagella Societati usitata nimium lenia viderentur, lapidem de pavimento eruerit, quo sævum in modum pectus, exemplo S. Hieronymi, tam diu verberavit, quoad illi vires & brachia sufficiebant. Atque ab hoc in corpus sæviendi rigore totâ vitâ non destitit, à cuius inclementia parum aliquando visus est abesse ut emoreretur. Cùm verò 11. vel 12. tyrocinij die ex lectione Instituti advertisset, post illius biennium tria vota Paupertatis, Castitatis & Obedientiæ, emitti solere; incredibili statim DEO se penitus consecrandi desiderio

accensus, ijs se continuè ex consveta illorum formula obligavit.

Sed enim ubi Maceratam nuncius de Julij factò perlatus est, dici non potest, quantum Parentibus dolorem, Urbi universæ admirationem peperit. Misère ad eum in sæculum retrahendum fratres, & familiares diversos, tandem accessère Parentes ipsi; eo eventu, ut inter amarissimas lacrymas solo ejus aspectu immutati, etiam benedictionem paternam ad perseverandum in sancta vocatione impertirentur. Maceratam autem propemodum universam exemplum ejus ad imitandum concitavit; præterquam enim quòd Societati Collegium absque mora apud se statuerunt; nobilissimi quique certatim ambiebant nomina dare varijs Religionibus, ac præcipuè Societati, receptique præter alios sunt Julius Planus, qui postea apud Indos grandia fecit: tum Hieronymus Acosta cum duobus germanis Fratribus, qui Societatem deinde, sumis functus officijs, magnoperè illustravit: item Oliverius, è prosapia Mancinellorum, qui cum Valignano navigavit ad Indos; demum & Matthæus Riccius, magnus ille Sinarum Apostolus; omnes magnâ & illustri prosapiâ, & Julio vel sanguine vel amicitia juncti. Semestri toto probatus Laureti Julius in officijs culinæ ferè & triclinij, Romam ad Novitiatûs reliquum evocatus est: & quia iter pedibus agendum erat, tum ex complexionis teneritate, tum ex corporis asperitatibus attriti debilitate, mox altero die ita defecit, ut sæpius in terram pro mortuo deciderit: tertio die DEI bonitas tantas illi vires suffecit, ut *fortis factus sim*, (loquitur ipse de se) *instar equi, & pluvias inter & lutum nudipes ambulare quiverim absque omni defatigatione*. A Tyrocinio ex integro Philosophiæ cursum exorsus, ac deinde Theologiæ, quantum in utraque processerit, gradus Professionis 4. votorum illi collatus unâ cum Doctoratûs laurea, declaravit: uti & plurimi eruditissimi juxta ac devotissimi ab eo libri conscripti, quos magnus ille Societatis Asceta Nicolaus Lancicius, non facillè absque lacrymis se legere potuisse scribit, servieruntque ad multorum peccatorum conversionem. Suscepto Sacerdotio assiduus semper fuit, quantum per munia alia licebat, in visitandis hospitalibus, carceribus, nosocomijs; nam post literas annis aliquot Senis & Florentiæ magnâ sanctitatis & doctrinæ opinione traditas, Ministrum deinde etiam egit & Procuratorem; tum Collegijs quatuor Rector præfuit, à S. Borgia Generali tandem primus Do-



maui Probationis Romæ ad S. Andreæ Magister datus. Provinciam postea universam gubernare jussus, tantâ efficacîâ deprecatur, est, ut Generalem Societatis modestiæ Viri cedere oportuerit. Inter hæc autem munus ad populū pro concione dicendi nunquam intermisit, fuitque hoc illi à 25. ætatis anno, usque ad 65. omino perpetuum. Dicebat autem multò libentiùs in compitis, foro & campis ad plebem & vulgus, quàm in exedris & templis ad Nobilitatem & Summates, esto faterentur Romæ Cardinales & summi Viri, se non audivisse majorem Oratorem. Non raro contingit, ut in theatra Agytarum circumforaneorum qui populum nugis ac clamoribus detinebant, incidens, illis faceßere jussis, in ea sublimis evaderet, atque indè quot verba tot fulmina spargens, adstantium corda magis quàm unquam aliàs in lacrymas & contritionis suspiria scinderet. Accedebant frequentes Missiones, in quibus tantus animarum fructus labores ejus sequebatur, ut per Italiam Episcopi, Archi-Episcopi, beatos se putarent, si in visitandis Diœcesibus assistentem illum & socium, vel etiam loco sui Visitatore Vicarium habere possent, cujus decreta & sancita libentissimè approbant. Has autem Missiones peragravit plerasque omnes pedibus, emendicans ostiatim victum, & itineris molestias oratione perpetuâ condicens: divertebat ad publica valetudinaria, & medius inter ægros capeßebat somnum in stramine. Cibus ejus quotidianus erant frusta panis mucidi emendicata, cum pauxillo frigidæ, nucibus, & hujusmodi obvijs fructibus, quos humi sedens capiebat. Cum aliquândo diversorij exclusus, circumiret, coactus est hospitari in Sacello quodam, ubi cibum suum super sepulchralem lapidem sumens, vidit Christi de cruce pendentis marmoream statuam benigno admodum vultu sibi abblandiri. Somnum plerumque capiebat, ubi valetudinaria deerant, nudâ humo, sub dio, vel in cœmeterijs, aut jumentorum stabulis. Quibus Apostolicarum virtutum exemplis tantam sibi existimationem sanctitatis comparavit, ut passim flexis genibus salutaretur, nec aliter quàm sancti nomine appellaretur. Interim ex tot incommodis corripiebatur sæpe non unâ febris, vel à nimio frigore, vel calore, aut diuturnâ inter Nosocomij putores commoratione: cui ille non aliter medebatur, quàm vel longiore inediâ, vel sudore ambulatione, elcito, cui tamen abstergerendo nunquam aliud indusum adhibere sustinebat.

Omnium tamen maximum fructum tu-  
*Societas Europæa.*

lit è Pœnitentiæ tribunali, in quo assiduus fuit per totam vitam usque ad annum ætatis 81. maximūque summorum Peccatorum numerum convertit. Sub auroram quotidie ad illud mox se conferens, non indè discedebat nisi ultimus serum sub vesperum, neque abrumpebat nisi cum faciendum esset Sacrum, dicendum pro concione, eundem ad mensam; ibidem suas preces interpolatim peragere, & conciones elucubrare solitus. Eadem ex causa carceres, cauponæ, hospitalia, remiges, transtra, visebantur ab eo identidem, licet inter eos fœtores sæpius animi deliquium pateretur. Constantinopoli, Algeri in Ægypto, totas noctes traducebat in confessionibus audiendis, inter horribiles putores catenatorum Christianorum, non aliam secum auferens mercedem, quàm stipatos semper animalculorum greges, qui ei adhærebant. Summa ejus erat gloriatio, habere se pœnitentes, præter pueros, cæcos, claudos, rusticos, mendicos, mancipia, etiam mente captos, latrones, satellites, lictores, carnifices: cum tamen interim summi etiam Principes, Episcopi, Archi-Episcopi, Cardinales ipso ad exomolegeses uterentur, quos longè inferiore propensione audiebat, dicere solitus, his nunquam deesse Confessarios uti prioribus. Ut verò omnibus nationibus audiendis idoneum se præstaret, præter Latinam & Italicam, linguas condidit Hispanicam, Gallicam, Belgicam, Slavicam, Walachicam: cui solertiæ summè prodigiosam gratiam adjecit DEUS, intelligendi intra Sacramentum, & quæ ad ejus integritatem spectarent, quovis alio maxime peregrino idiomate loquentes, ita ut & ipse vicissim ab eis perciperetur, licet extra illud se invicem in nullo verbo intelligerent. Quin etiam mutis & surdis impetrabat à DEO intra Sacramentum loquendi, fatuis verò sapiendi facultatem, & lumine divinitus sibi concessio pervidebat arcanissima pœnitentium peccata, quæ sive ex oblivione, sive veracundia reticentibus revocabat in memoriam. Horum fructuum admirabilitas cum latè famâ vulgaretur, ad aures etiam summi Pontificis Gregorij XIII. pervenit, permovitque, ut amplissimam ei offerret potestatem ab omnibus casibus, censuris, hæresis, apostasiæ, etiam soli suæ Sedi reservatis, absolvendi: quo privilegio ipse usus, magno numero apud Turcos apostatas, præcipuè mulieres Turcis nuptas Ecclesiæ restituit, repetitis plerumque à 30. & 20. annis, ut minimū semper à 15. in multis etiam à tota vita confessionibus. Ipsi debetur inducta Romæ consuetudo cur-

Rrr

Santi



sandi per compita & plateas, ad navigia in littoribus, illicque rudibus prædicandi verbi DEI, & pauperes festis diebus ad confessionem invitandi. Per pagos & castella, ubi invaluerat abusus non nisi semel aut iterum in anno confitendi, cum frustra svaderet ejus frequentationem, alliciebat ad eam præmiolis pueros, quorum exemplum paulatim secutis adultioribus, nemo manebat in expiatus. Idem faciebat cum damnatis ad triremes, ubi cum nemo vellet esse primus, incipiebat ab infirmis & junioribus, & sic plerumque omnes alios lucrabatur. Semel rogatus à Navarcho ut triremes Neapolitanas expiaret, cum nemo remigum id admitteret, conversus ad Navarchum: *ejja*, inquit, *tui felicius exemplo, quam auctoritate persuaseris, præeuntem sequentur.* Quâ invitatione percussus cum renuere non posset, secuti eum fuere ad unum omnes. Utebatur & alio artificij genere, quod venationem suam vocabat. Quos enim magno labore convertebat notoriè sceleratos, eos adhibebat ad alios circurandos, & emittebat singulatim in obstinatorum circulos, quasi etiamnum ex sorte ipsorum impœnitentes essent: moxq; superveniens, si contumaces adhuc ad salubria pœnitentiæ monita deprehendebat, monstrabat illos suos emissarios (qui ex condicito promptè se ad pœnitentiam, quasi tum primò confessuri, offerrebant) & imitari hortabatur: fiebatque ut plurimum, ut his denuo à Julio in aliorum oculis expiatis, certatim illi omnes accederent, facilem veniam se quoque consecuturos sperantes, quam videbant adeò benignè pejoribus se indulgeri. Quòd si nec sic persuasisset, tum enim verò accensus zelo contra reos, Divinam ipsis & humanam minabatur vindictam, nō resipiscerent; valuitque sæpe incussus terror ad obstinationem perfringendam. Hujus sortis erat mulier nobilis juvenis vidua, quæ valde moribus improba, contumacissimè repudiabat Confessionem. Legationem ad eam misit Julius, aut veniret ultro ad exomologesin peragendam, aut preces se fufurum ad DEUM, ut eam gravis invaderet morbus, id quod alijs plurimis, nunquam sinè consecuto effectu, minari solebat. Renuenti itaque pœnitere, tridui spatio adeò intumuit venter ingenti cum doloris cruciatu, ac si gravis ferret uterum. Vexatio hæc & morbi & infamiæ, cum nollet videri quod non erat, reduxit illam ad mentem sanioerem: peractaque apud Julium confessione, tumor extemplo unà cum doloribus resedit, & ipsa laudatissimam, ad totius urbis ædificationem, deinceps vitam egit; quæ

similis sanitas mox à confessione redibat omnibus, quibus plerumque eam pœnitere, recusantibus à DEO exorabat. Consuetum etiam illi erat percurfare angulos illos & compita, in quibus mulierculæ delitescunt libidinorum decipulæ; ubi protracta è sinu, quam semper gerebat, Crucifixi imagine, *ecce*, dicebat ad malè sanos, *Redemptor vester, qui ad vos quærendos descendit in terras! non videtis quomodo demones per portas & fenestras erumpant, vósque per harum meretricum laqueos pertrahant ad flagitia, ut precipites agant ad inferos? decernite tandem alterutrum è duobus; utrum arridet?* Aliàs secum portabat mortuorum calvas, aliàs agmen graviter se verberantium illic deducebat. Et fuit mos iste, quem quatuor annis constanter tenuit, adeò efficax & salutaris, ut subinde contenos secum peccatores ad templum confessuros deduxerit, & è meretriculis aliquando 18. ite restantur articuli pro ejus sanctimonia collecti.

Neque in hoc munere ullam vitæ suæ rationem habuit, in nosocomia leproforum, atrociter ex ulceribus foetentium, contagiosorum & peste infectorum se penetrabat, & quorum aliter excipi non poterant, prosternebat se ad latera, & auriculæ eorum oribus applicatâ jacens excipiebat confessiones, neq; rarò expiatis perfectam corporis sanitatem conferebat. Et videbatur cum DEO inijsse pactum, ut ad se gravissimos quosque peccatores destinaret, quibus à DEO impetrandis specialem dicere solebat orationem. Fuit autem usitati instar miraculi, quotiescunque illi in mentem venit fundendæ ejus orationis, toties aliquem grandem peccatorem illi submissum à DEO fuisse, cum aliàs talis instinctus ei non suggereretur. Neapoli juvenis erat totos 15. annos, magno dolore matris, impœnitens, quam solatus Pater jussit rogare, DEUM, brevè suppetias laturum. Corripitur illico filius morbo ita pertinaci, ut intra bidduum loquendi copiam interceperit: ad quem evocatus Pater, postquam confessionem, omnium judicio morituro, persuasit, quantò juvenis in ea ampliùs progrediebatur, tantò fiebat loquendi & virium potentior, & sub ejus finem prorsus à febris ardentissimâ liber, ita ut pro S. Communionem recipienda sequenti manè templum adire potuerit, omnimodè sanus domum reversus. Florentiæ autem homo pauper die feriali confessurus Julium accesserat, qui rogatus à Patre cur id die tali faceret? *Dominus*, inquit, *meus JESUS CHRISTUS me huc misit.* Tribus enim mensibus æger lecto affixus quia omni ope & auxilio cum mea familia



*Societas Europea.*

Ubi autem fama de P. Julij virtute, & tam insigni dono maximos peccatores convertendi vulgata est, cœperunt illum Civitates, Episcopi, populi, Provinciæ integræ, ipsi adeò summi Pontifices, ad varias Missiones certatim deposcere. In his sub auroram quotidie operabatur Sacris, dicebátque ad illos qui manuali labore vitam sustinere cogebantur: à prandio tradebat doctrinam Christianam parvulis: sub vesperum dissertationem habebat ad omnem ætatem & sexum de modo confitendi, de dubijs conscientia, Sacra-

R r r z mento.



mentorum usu, & rebus maximè ad salutem spectantibus: reliquum diei dabat excipendis confessionibus. Festis diebus perorabat ad populum, instituebat processiones parvulorum, cum quibus Litanias & Hymnos per plateas decantabat: in foro verò subsistens jubebat repetere de memoria, quæ per hebdomadam didicissent, quibus ipse explicationem difficiliorum mysteriorum ad accurrentem populum intermiscibat, subinde etiam pium aliquod drama exhibebat. Quidquid exinde vacabat temporis, insumebat in visitandis nosocomijs, carceribus, Virginum cœnobijs, quorum plurima ad clausuræ Religiosæ rigorem induxit: in componendis invicem inimicis, tollendis simultatibus, & quibusvis abusibus. Atque hi servi DEI conatus juvabantur creberrimis è cœlo prodigijs: nam quocunque illum pervenisse increbuit, adducebantur undique è vicinis locis infirmi, fascinis corrupti, dæmonibus obsessi, qui quasi omnes liberabantur per aquam, quam à se benedictam illis Pater propinabat. In urbe quadam cum certum pustularum genus venenatum plurimos funerasset, quotquot superstitum eam aquam sumpserunt, nemine amplius mortuo evaserunt omnes. Hinc Matrona triduo jam ex partu cum morte luctata, cum Medici ad eam servandam consilium agerent de foetu, omnium judicio mortuo, frustillatim extrahendo, ubi haustum de illa sumpsit, statim feliciter enixa est infantem matrem. Quod ubi ad aures plurium matronarum pervenit, extemplò Patrem adeuntes rogabant, ut filios suos pridem sepultos ad vitam revocaret, omnino certæ, si ipsis assentiretur, ex mortuis suscitandos. Missione finitâ cum aliò discederet, incredibili dolore & lacrymis omnium dimittebatur; nec aliter quàm de genibus ei valedicebant, petentes sibi benedici. In his peregrinationibus duodecies incidit in latrones diversos per Italiam famosissimos, & nemini alioqui (quin saltè despoliarent) parentes, à quibus tamen nihil unquam pertulit molestiæ, neque ejus comites: dicere solitus cum dolore, non fuisse dignum qui ab ipsis spoliaretur, verberaretur, ligaretur, prout eam gratiam alijs concederet DEUS. Sacerdos semper aliàs cum Julio securus, ubi tantisper ab eo declinavit, nudatus est à prædonibus usque ad indusium. Faciebat aliquando iter cum tabellario & pluribus viatoribus Româ Neapolim, cum illi è patria proscripti prædones recto impetu in illos ferebantur prædæ causâ, mox tamen viso Julio velut externati ultro recesserunt sinè

cujusquam damno: quod ipsum fore, trementi ex metu tabellario, utpote jam quintum ab ijs rebus omnibus despoliato, prædixit Julius, quòd eam gratiam à DEO manè in sacrificio postulasset. Sed magis mirum est, ausum fuisse Julium eodem cum latronibus his non semel divertere hospitio, scelera exprobrare, hortari ad pœnitentiam; cujus rei duo è multis dabo exempla. Non procul ab Senis nocte oppressus Julius, horâ post occasum alterâ venerat ad hospitium, quod dæmonum dicitur, ubi quatuor Banditas mensæ assidentes cum toridem meretriculis, infanda dictis & factis agentes deprehendit. Cum verò præ lassitudine nec pedibus insistere, nec vocem proferre posset, invocato tamen brevi oratione in auxilium DEO vires omnes colligens mensam accedit, itaque potenter de gravitate peccati, de severitate Divini judicii, de gehennæ incendijs disserit; ut consternati latrones relictis mulierculis continuè se subduxerint: quarum una stemmate nobili prognata primùm, tum & reliquæ ad genua Patris provolutæ, rogabant veniam scelerum, quas ille pœnitentes Senam deducens, victu & hospitio in reliquam vitam piorum munificentia providit. Similiter aliàs coactus à procella imbrium subitanea pernoctare in hospitio solitario; vix eò se receperat, cum Vir intrat prævalidus, qui paulò antè è publicis carceribus, duobus eorum custodibus lethaliter contusis, eruperat, quærens ex Veredario inde advena, quî haberent illi duo lictores vulnerati? comperto autem mortuo uno, alterum non procul abesse à morte: pudet me, subjecit, non expeditisse ambos. Hic verò zelo accensus Pater gravitatem homicidij & peccati lethalis adeò nervosè ob oculos posuit, ut ille totus compunctus de confessione apud ipsum peragèda seriò condixerit: Caupo verò non dissimilis farinæ homo iisdem commotus, peccata sua continuè apud ipsum expiavit.

Nullibi autem majora fortis animi dedit specimina quàm in Missionibus Turcicis, quas totis 20. annis non precibus tantùm, sed & acerbis flagellis, jejunijs, pœnisque alijs à DEO expetit, de quibus aliter obtinendis cum desperaret, optabat à Turcis in servitutem rapi, ut vel sic copia daretur eos convertendi. Providit nihilominus illi DEUS occasionem in Turciæ partes se penetrandi, postquam Archi-Episcopus Ragusanus ad lustrandam Diocesim suam, quæ Turcis partim tributaria est, partim subdita, illum impetravit. Biennio



totò gentem illam jugo turcico afflictissimam excoluit, inter continua à Turcis pericula, quòd multos ad Mahometem à Fide apostatas Christo conciliàrit, summam inopiam inter pauperimos incolas perpeffus, ipso etiam pane ad vescendum destitutos, & ut plurimum solis leguminibus, oleribus, herbis sylvestribus victitantes. Nec erat magna Alpestribus illic locis Christianorum à Turcis distinctio, quorum multi per ipsos 40. annos nunquam viderant è Sacerdotibus latinis aliquem, quòd hi Turcici jugi impatientes, penurià victus, redituum parsimonià, rusticanis idiotis Parochis pauperulum populum permiserant, qui ex ritu Græco victum pro se, uxoribus, filiis, stivâ & ligone quærebant, totumque illum populum ad ritus schismaticos perduxerant. Incredibilis Julio labor exantlandus fuit, in illis ad rectam denuo fidem traducendis, quod tamen ità feliciter quotidianâ catechesi, & Sacramentorum administratione indefessâ perfecit, ut ad Sacrificium Missæ confluerent quotidie avidissimi, & Cereos Agni benedictos non nisi de genibus præreverentia à Patre reciperent. Ab hac Missionem jussus est à Pontifice Gregorio XIII. rogatu Regis Christianissimi, & Venetæ Reipublicæ, Constantinopolim cum quatuor Socijs proficisci, & Missionis perpetuæ Societati Sedem illic auspiciari, quam deinde Sixtus V. ejus successor confirmavit. Ad quam ipsam Missionem destinandum se, priusquam de ea à Pontifice quidquam cogitaretur, ipse longissimè Româ absens ità certò cognovit, ut dixerit cuidam nostris: *Ego ità sum certus professionis Constantinopolim, quàm certus sum me hic tibi adstare*: Sedem fixerunt in ea Constantinopolis parte quæ Galata dicitur, fuitque eorum, & est hodie officium, pueritiam moribus Christianis & literis instituere, confirmare in fide mancipia & captivos, qui alioqui plerique deficiebant à fide, administrare Civibus Sacramenta, & verbum DEI prædicare. Iter quod 40. diebus habuit per Albaniam, Bulgariam, Græciam, Macedoniam, & Thraciam, tam sanctè & piè egit, ut Turcæ ipsi magnam reverentiam, nullâ præbitâ molestiâ, exhiberent, preces ejus & consilia implorarent; quorum unius conjugii solâ aspersione aquæ benedictæ facilem partum expedit, quæ jam à triduo periclitata doloribus pro deposita habebatur, ferro medici hebræi jam jam secanda: plures etiam schismaticos Energumenos, Ecclesiæ prius restitutos, eodem remedio à dæmonibus liberavit. Constantinopoli ante omnia templum usibus So-

cietatis decentissimè adornavit, quod idcirco certatim ab Armenis etiam & Græcis, ipsisque renegatis (ità appellantur, qui ejurato Christo ad Mahometem transeunt) orationis causâ frequentabatur. Et licet in corde fidem Christo à se servari protestarentur, non admittebantur tamen ad Sacramentum Pœnitentiæ, nisi cydarim Turcicam, infidelitatis signum, deponerent: expiabantur tamen eorū uxores sincerè cum lacrymis, vel ad genua Patris provolutione perfidiam execratæ; quarum etiam proles baptizabat Pater, esto id facienti pœna ibi constituta sit rogi & impalationis. Quin adeò Turcæ ipsi ægros suos ad Julium afferebant, precatione illius sanitati restituendos, quam recipiebant vel aquâ lustrali aspersi, vel signo crucis in fronte signati.

Coëgit deinde suâ industriâ integram veluti synodum omnium Religiosorum & Sacerdotum orthodoxorum, sparsim per Turciam circa Constantinopolim agentium, in qua, ut in procuratione salutis earum animarum conformiter procederent, sequentia decreta sunt. 1. Baptizandos esse Turcarum filios & Renegatorum, dum Parentes ità volunt, promittuntque Christianè ipsos educaturos. 2. Fœminas Catholicas posse nubere maritis Græcis, dummodo ad ritus maritorum non cogantur. 3. Vicissim viros Catholicos posse ducere uxores græcas, dum pollicentur, vel spem faciunt se Catholicis accessuras. 4. Non licere Christianis devovere, execrari, vel mala in Turcas imprecari, multò minùs ipsorum bona diripere, usuris accidere, etiam in bonum finem, ut v. g. mancipijs Christianis redimendis sumptus augeantur. 5. Apostatas & Renegatos non debere sacramentaliter absolvi, nisi infidelitati profitendæ instituta signa penitus abjiciant. Brevi etiam in familiaritatem Monachorum S. Basilij Schismaticorum se insinuavit, qui in Macedonia per 24. Cœnobita divisi, ad eum veluti spiritualem Patrem recurrebant; uti & Calogeri Græci Religiosi, ipsique adeò Episcopi, Archiepiscopi, Patriarchæ, magno numero ad Patrem ventitabant, fatebanturque ingenuè Ecclesiæ se amisisse; è quibus etiam convicti Patriarchæ Constantinopolitanus & Antiochenus, Romam Virum de suo gremio miserunt, qui Pontifici tanquam summo Ecclesiæ Capiti obedientiam suo nomine deferret. Pari fortitudine restitit conatibus Legati magni cujusdam Germaniæ Principis hæretici, nè templum exercitijs suæ Religionis Galatæ à Turcis obtineret: cum quo familiarius agentem



Legatum quendam Principis Catholici, quod preces ante mensam communiter cum illo dixisset, excommunicavit, vetuitque ad templum orthodoxum admitti; nec prius absolvit, quam publicam egisset de scandalo dato pœnitentiam. Quibus rebus in tantum contemptum Hæreticum Legatum adduxit, ut nemo etiam è Turcis & Schismaticis agere cum illo sustineret, excepto uno Hebræo veteratore. Sed in nullo ardentius sudavit Apostolicus Julij zelus, quam in juvandis Christianis captivis & mancipijs, quorum publica ergastula, quæ thermas dicunt, frequentabat omni feriâ s. Ibi coram altari decantabat Vesperas cum Religiosis & Sacerdotibus captivis, quorum illic semper est magnus numerus: tum concionem habebat ad plura quingentis semper mancipia, quam ordinariè excipiebant singultus omnium & lacrymæ peccata sua plangentium, quibus expiandis continuè aures dabat per noctem solidam, ad usq; auroram feriæ 6. quâ sub Missæ Sacrificium eos Evcharistiâ reficiebat, ut reliquam diem Turcarum obsequijs impendere possent, quæ illis eadem superstitione colitur, quâ Judæis Sabbatum. Sic brevî ergastula illa vitijs antè non minùs quàm sordibus & pœdore contaminatissima, speciem Domûs Religiosæ acceperunt, fatentibus vetustioribus captivis: *tu*, inquebant, *Pater hac loca adventu tuo consecrasti: antea non erant aliud, quàm ipsissimus infernus: ludebatur totis noctibus, nec aliud audire erat quàm diras execrationes, blasphemias, ebrietates, & enormissimorum quorumque scelerum colluviem.* Ut adeò Turcæ custodes, & ipse adeò Subasius custodum princeps, tam mirâ mutatione commoti, Patrem orarent & vocarent, ut eò sæpius se conferreret: quia verò Pater monstrabat se renitentem, nè suspicionem & periculum pali incurreret, quasi fugam captivorum promoveret, (quod alijs Sacerdotibus acciderat) dicebat Subasius: *tu Pater, bene, optimè tua facis, veni, accede quoties libet.* Tantâque erat de Patris integritate custodum fiducia, ut si quandoque ergastula ipse adire nequiret, ducerent ipsi captivos ad nostrum Templum Sacramenta percepturos, qui tunc Patri in eleemosynam semper offerebant quindecim asperos, sive nostrates obolos quos tamen nunquam acceptabat; sed è contra donabat Agnos DEI, Cruculas, sacras imagines, quas & Turcæ, & Subasius ipse, magnâ gratiarum actione acceptabant, miros per eas sæpius effectus experti. Neque tamen ita cautè agere potuit, ut suspensiones & pericu-

la gravissima captivitatis, impalationis, rogi apud perfidam gentem evaderet; & speciatim semel à Renegato quodam delatus pro exploratore Pontificio, ubi per triduum, quo causâ ejus agitabatur, semper expectanda mors fuit. Præter quæ pericula non semel lapidationibus impetitus, fustibus, alapis, & omnis generis contumelijs exceptus est, prodigiosè tamen ex illis, nè vitam penitus auferrent, liberatus. Ut accidit semel in transitu penès Moscheam, templum Turcicum, ubi Turca Sacerdos grandissimos duos silices sustulerat, ex alto in caput Patris ejaculaturus, cum manus ejus in ictum libratas, sic ut erant immobiles, in aëre DEUS suspendit; non valentis ictum absolvere, donec incolumis Pater transivit. Quibus tamen minimè abstergebatur, quin multos è Renegatis Ecclesiæ conciliaret, alios verò ab ejuratione fidei abstereret: quales fuere Religiosus unus, apud suos Ecclesiastes insignis, alter Sacerdos Italus, tertius Doctoratûs gradu excellens, & tres militiæ Christianæ Ductores, quorum etiâ fidei, Christiani Principes arces & munimenta crediderant: eâ ratione Constantinopolim transfugæ, ut Alcoranum reciperent; quos tamen minis cœlestibus concussos ad Regionem Christianorum dextre promovit, supplicio vivi comburij luiturus, si proditus fuisset.

Tam prosperis ejus inter Turcas successibus in Italiam perlatis, revocatus Neapolim mittitur in Moream, prisca Achaiam dictam, Provinciam Africæ, in civitatem Algeri, pro redemptione captivorum Sicularum & Neapolitanorum apud Turcas. Ubi ipsdem artibus, captivorum spiritualibus obsequijs se impendens, dum insuper plurimos eorum in libertatem pecunijs subministratis asserit, incredibiles passus est difficultates & persecutiones à Renegatis Janitzaris, quorum unus furij amens dum binis vicibus cubiculum Patris irrumpit, grave aliquid in illum tentaturus, utraq; vice solo Patris aspectu momento in blandientem agnum mutatus, semel quidem floribus rosarum in mensa jacentibus illum consperfit, aliàs verò reverenter manu protensâ, veluti rem sacram eum contingens, eandem retractam venerabundus osculatus est. Complures nihilominus etiam hic ex Renegatis Ecclesiæ restituit, quos inter fuit & Sacerdos quidam Theologiæ Doctor, & alius militiæ Capitaneus, quos consilio suo & industria in Italiam promovit. Et universim felix præ alijs fuit in convertendis ad Christum Turcis, quorum aliquando Florentiæ 26. ad baptismum perduxit: quos inter unus, indig-



gnatus socium suum Christo accedere, & imaginem DEIPARÆ lectulo affixam venerari, cum eam discerpisset, ipsâ nocte Regina cœli aspectabilem ei se stitit, & Christiana Sacra recipere iussit. Idem pluribus Neapoli præstitit. Constantinopolim redux, non potuit eâ solâ Urbe contineri, sed zelum suum quàm latissimè in animarum venationem prolaturus navigavit in Natoliam, venitque Chalcedonem & Sardos, ubi Archi-Episcopo Græco septuagenario pervasit, Romam ut transire unionis cum Ecclesia Romana faciendæ causâ velleret. Indè trajecit in Valachiam & Moldaviam, schismati Græcorum integrè utramque addictam, & Lutheri hæresi multum infectam, cujus Principem Waiwodam & præcipuos è nobilitate, virtute & vitæ sanctimonia ita in sui æstimationem pertraxit, ut conatu omni retentum, vellent apud se Episcopum creari: quæ res tanto magis illi discessum, properum pervasit; quem antequam susceperet, permovit Waiwodam ad ferendam suis legem, nè porro sub gravissimis pœnis ullum Ministrum hæreticum in Provinciam reciperent. Hinc profectus iter in Podoliam & Russiam, ubique multum operæ reconciliandis Ecclesiæ schismaticis posuit, sed Italiam potissimum & Armenis Sacramentis Catholicis adjuvandis: donec per Leopolum Cracoviam delatus, in eo recenti Collegio stabilendo plurimum laboravit. Nam & confessionis causâ illum accedebat pleraque Universitatis illius Nobilitas, & Doctor præcipue ejus percelebris, eatenus Societati perperam affectus: eo successu, ut Doctor ille aliisque primæ nobilitatis juvenes certatim dederint Societati, aliisque Religionum cœtibus nomina. Instituit & Sodalitium Scholarium, octavo quoque die Sacramenta frequentantium: & Sacerdotum collegit conventum, quibus & casus conscientiæ explicabat, & sanctis exercitationibus eorum mores excolebat. Neque hîc diu moratus, per Silesiam, Moraviam, & Boemiæ confinia, Viennam devenit, ubi parti per eum fructus, & exercitum in dæmones maximè imperium, opportunius referuntur inter illius infra virtutes.

Tandem denuo revocatus in Italiam, iter ut plurimum agere debuit per terras hæreticorum: ubi quanta incommoda & pericula, sicut & tot in alijs peregrinationibus ipsum pati necesse fuerit, facile æstimari potest. Sane ut sola navigationum pericula in Græciam, Asiam, Africam, & diversas Europæ Provincias attingam, Anconâ naviganti Ragusam navis quatrinduo toto procellis jactata tantum

aquæ quartâ nocte hausit, ut illi exhauriendæ insufficientes nautæ, alij in scapham desili-  
rent, alij tabulas queis enatarent, circumspicerent. Pater, qui toto illo tempore nauseâ laborans, somni nihil ceperat, factâ prolixâ oratione & flagellatione, cum ampliùs non posset vigilijs & inedia resistere, conversus ad Dominum dixit: *en mi DEUS, feci per vires quantum licuit, nunc saltè dum animo & corpore deficio, oro te aliquantum somni & quietis mihi indulge.* Dixit, & in tabulatum se abjiciens, prolixè per totum illud periculosissimæ noctis tempus dormivit, usque in lucem sequentis diei, quâ precibus ejus sedata tempestas conquievit. Pari felicitate longè atrociorè alteram tempestatem marè nigrum enavigans, cum omnes de salute & vita jam conclamassent, precibus compescuit: quâ eluctata navis cum iterum in syrtes ita impingeretur, ut liberari nullâ vi humanâ posset, & nautæ desperatis rebus in mare se præcipientes, natatu salutem quæsituri, agere pararent; ubi Pater ardenti ad DEUM fusâ prece votum omnibus Christianis pervasit, invisendi sacram DEIPARÆ in Valachia, quam petebant, ædiculam, extemplò navis se ipsam, nemine manum commodante, levat & movetur. Rursum illo mare Morææ sive Achaicum navigante Algerium, & indè captivos redemptos in Italiam revehente, duplex exorta fatalis procella, navim tantum non obruit, quam tamen ardentissimis precibus utramque sedavit, invocatione præsertim defunctorum è Societate, beatitudine cœli jam gaudantium, qui etiam in oratione ei spectandos se magno splendore exhibuerunt, placido & ridente vultu animos addentes.

In omnibus autem peregrinationibus suis & Missionibus primam curam ponebat in juvandis pauperum animabus & corporibus, pro quibus copiosissimæ undique ei submittebantur eleemosynæ, & ipse nihil industriæ quò ijs succurreret omittebat. Collegebat enim apud sutores & sartores dum in Italia versaretur, rejectamenta & frusta, quæ in centones ipsemet consuebat operiendis nudis, ut ventriculo saltem tegendo sufficerent. Quotiescunque autem miseris aliquid elargiebatur, addebat spirituale documentum & adhortationem vel ad confessionem, vel ad orandum DEUM, aliudve pium opus: & assuebat vestimentis plerumque rubram crucem ad pectus, mercedem hanc suæ liberalitati cum ijs pactus, ut eam manè & vesperî devoto salutarè osculo, & aliquot Pater & Ave venerarentur. Inter hos gratissimum illi



illi semper erat hospitium in nosocomijs & valetudinarijs, nec alibi jucundior conversatio, quibus etiam industrijs novum hospitale in terra Italiæ S. Angeli fundavit; firmis verò eorundem bono & utilitati montem pietatis erexit. Sæpius per multos menses inserviebat ægrotis & contagione infectis, maximè Constantinopoli in duplici pestilentia, indefessè ægris assistendo, & tam corporibus quàm animis medicinas parando. Rector Collegiorum Florentiæ & Perusij ita liberaliter profundebar eleemosynas, ut necessaria etiam exinde domesticis deessent, quæ DEUS vicissim miraculosè rependebat. Sic cum panes in mensam paratos jussisset egenis, in aliorum defectu, distribui; & nihilominus domesticos pulsu consveto ad triclinium vocari; repentè canistrum panibus albissimis plenum ad januam allatum est à servula nemini cognita: & cum paulò post deessent stragula necessaria pro lectis, mercatorum unus nihil monitus ultro misit, quod opus habebant. Solæ puellæ ab ipso, dum Rector esset, honestis provisis dotibus, nè earum pudicitia periclitaretur, elocata sunt 35. In eleemosynam data per solum biennium 162. scuta: familiæ pastæ & provisæ lectis 269. ex quo brevi spatium colligatur, quantum per omnem vitam pauperibus per eum sit erogatum. Certè cum Neapoli quidam arbitrio ejus reliquisset hæreditatem facilè nonaginta millium scutorum, ipse eam totam addixit Domini nostræ Visita populi dictæ, cum obligatione, ut certus puellarum numerus quotannis honestis dotibus elocaretur. Quo exemplo pervasit Prænobili Carmignanorum Familiæ, Patri intimè addictæ, ut in singulos annos statueret elocare Virgines pauperes 10. cum dote scutorum 36. in singulas. Meretrices, concubinæ, maritis redditæ, vagæ libidinis victimæ, tot ab eo ubique sunt vitæ honestæ restitutæ, ut integrum postularent volumen. Audierat Constantinopoli agi de quodam juvene Sardo Turcis vendendo, quod speraretur in tenera ætate facilè ad Mahometem transiturus: statim illum Pater 80. scutis, quod totum erat residuum subsidium sustentandis secum socijs, redemit, & in Patriam Sardiniam liberum remisit. Sed ut dicebam quò plus donabat, hoc amplius DEUS illi submittebat: unde cum aliquando interulam suo corpori detractam operiendo nudo impendisset, sequenti die magna illi pretiosarum pellium vis allata fuit ex Polonia: rursus cum ægræ personæ modicum uvarum, quod ipsi in cœna obtigerat, misisset, mox ipsi in vicem aliunde cistel-

la plena nobilissimis uvis fuit submissa. Idem illi accidebat in pecunia, licet ipse à nullo unquam mortalium quidquam pro se mendicaret, nisi cibi reliquias in Missionibus, uti dixi, ad obviam refectioem. Jam verò in morbis, pauperum præcipuè curandis, dum medicinæ deessent, miraculis Patri semper aderat DEUS. Pauperi colonò nulla humana vis sistere potuit sanguinem pertinacissimè diu profluum, stetit momento Julius præmissâ oratione, & factò in miseri fronte crucis signo: quod idem præstitit alteri multos menses quartanâ laboranti. Alij ex alto in palum deciduo, quò guttur illi transfixum est, & ultra vitæ conscitum periculum loquendi facultas ablata, interveniens fortè Pater modicum aquæ à se benedictæ, à Medicis jam deposito bibendum dedit, simulque usum linguæ & vitæ restituit. Fœminæ cuidam ad extremum vitæ omnium judicio deductæ, permanens ipse in Collegio miraculosè apparuit, eamque consolatus sanitatem promisit, quæ brevi consecuta est. Denique idem fuit ab ipso tangi, cruce signari, aquâ benedictâ potari, & sanum à qualibet ægritudine fieri. Habebat autem certa in animo à DEO indicia & impulsus, an quem DEUS sanum fieri, an mori vellet: si enim sanandus esset æger, sentiebat se supra modum à DEO impelli ad orandum pro eo; si autem moriturus, sentiebat animum mirè ad orandum pro illius vita repugnantem.

Porro illi qui his modis à Patre sanabantur, fuerunt absque numero, & non abibat dies, maximè Neapoli, quo non sanaretur aliquis; unde Medici si depositum fortè haberent ægrum, & viderent Patrem comparere, gaudebant magnopere, tanquam certi de felici successu. Idq; Neapoli ita fuit notorium, ut egresso Patri fortè à Collegio, omnes infirmi se transeunti sisterent in platea cruce signandi. Imò sæpe fiebat, ut ægri commendantes se duntaxat tacitè absenti, prout commendare nos Sanctis solemus, reciperent sanitatem. Frequenter etiam apparuit ægris & afflictis absentibus & remotis, consolans illos & sanitati restituens; ita ut solæ gratiæ sanitatum ab illo vivente & post mortem collatæ justum volumen impleverent. Huc etiam pertinet illa gratia, quam DEUS P. Julio concessit, opitulandi conjugum sterilitati, quarum quàm plurimas fecit solo crucis ducto signo fecundas, estò multis annis vixissent sine prole; idque ex omni statu, Principum & Illustrissimarum fœminarum, ipsam etiam Neapolim Pro-Reginam. Cùmque uni nascitu-



ram didicisset ex revelatione à DEO puellam, integratis precibus filium pro ea concedi, contra omnem naturæ vim impetravit. Quibus insuper plerumque prædicebat, marémne an fœminam edituræ essent; ipsum etiam vitæ statum futurum & longævitatē prolium indicando. Neque ulla ex omnibus gratijs P. Julio cœlitus concessis magis ipsi in promptu fuit & frequentior, quàm hæc ipsa potestas contra sterilitatem conjugum: ad quam exorandam sequentem composuit orationem, quam dicebat ipse, & conjugibus frequenter orandam præscribebat: *DEUS, qui de nihilo omnia creasti, & de sicco lapide aquam produxisti, & de sterili muliere prolem generasti, & de Virgine Filium tuum unigenitum concipi & nasci mirabiliter effecisti, ex eadem bonitate, potentia & sapientia tua infinita, personis, pro quibus à te humiliter supplicamus, ad obsequium & gloriam tuam, prolem permanentem concede. Per Dominum nostrum, &c.*

Ad hunc modum P. Julius dum totum se animarum lucris expendit, non omisit dæmon atrocissimis illum infestare intus & foris pugnis ac tentationibus. Erat Angelicæ virtutis fervens adeo amator, ut ipsi Societas debeat sanctionem illam & prohibitionem, ad quam ille Claudium Aquavivam Generalem impulit, nè quis nostrorum doceret, sive quoad praxim sive speculationem, in materia delectationis Veneræ quæsitæ dari parvitatem materiæ: dicebátque DEUM sibi revelasse, displicere sibi magnopere etiam illas blanditias, quæ teneris infantibus demulcendis fieri solent. Itaque non solum virgo ad mortem perseveravit, sed etiam nullum aliud quodcunque lethale peccatum totâ vitâ admisit. Non cessavit tamen illum ardentissimis libidinum facibus dæmon succendere, quas ut restringeret, asperrimo flagello aliquando totum corpus ita dilaniavit, ut uno continuo facto vulnere rivi undique currerent copiosi sanguinis. Sed cum & hoc frustra esset, ad SS. recurrit Sacramentum, ante quod in oratione prostratus, ibi tandem remedium invenit. Quin & aspectabili comptæ mulieris formâ ad lectulum comparens, ausus est ad libidinem eum provocare: quo simul tempore & sæpius aliàs nequam spiritus ejus oculis se ingerentes, volabant per aërem carbonum instar accensorum ob oculos, nunc in formâ æthiopum absque manibus, nunc in salamandræ specie, felis, & aliorum animalium, insinuantium se in lectum. Imò sentiebat ab ipsis penetrari arterias & venas corporis cum impetu, inducendo in illud commotionem

*Societas Europæa.*

omnium spirituum, planè ad eum modum, quo in obsessis facere consueverunt. Rursum aliàs in lectulum dormientis in forma scolopendræ, vermis nigri & pilosi, capite & caudâ ignei irrepens, ita ejus mentem cum examine turpissimarum imaginum opplevit, ut venis ejus omnibus & sanguine ferventer accensis, vim sibi afferri, quæ nequaquam à se vinci posset, in cœlum clamaverit. Ad cuius orationem illico adfuit Beatissima Virgo, cœlesti formâ & claritate in limine ejus cubuli assidens, & placidè eum intuita, dæmones opprimentes momento fugavit, solatâque est castitatem ejus in salvo esse; confideret, semper se ei auxilio futuram. Non tamen destitit dæmon illum impugnare, excitando in diversarum muliercularum pectoribus erga Patrem impuri amoris flammæ, earum maximè, quas ab ejusmodi vitijs ad pœnitentiam abstractas regebat in spiritu, quarum tamen illecebras omnes & artes gloriosissimè triumphavit.

Hujus victoriæ congruum præmium à DEO recepit, magnam in dæmones auctoritatem & dominium; ita quidem, ut statim eos, ubi locorum erant, cognosceret, atque effugaret. Et obsessos quidem plures trecentis liberavit, ut plurimum aquæ à se benedictæ oblato potu. Romæ quidem mulierem à quinque dæmonum Principibus, quorum quisque mille alios sub se habebat: & alteram à quatuor, singulos similiter mille aliorum præfides, coactos prius per os mulieris venerari SS. IGNATII & XAVERII reliquias, quos altissimo loco in cœlis donatos fatebantur. Puellæ cuidam in Diœcesi Castellana apparebat dæmon DEIparam mentitus, identidem domi & in templo; jubebátque Provincias circumire prædicando pœnitentiam, ad placandam filij sui iram: utque fidem veræ revelationis faceret apud alios, prædixit illam octiduo mutam fore, & alio octiduo absque omni cibo duraturam, quod & factum est. Sub hæc orans inter populum ante miraculosam DEIparæ imaginem, visa est sibi audire, eadem quæ prius inculcari, & brachium insuper de muro ad se protendi, quod ipsius manum apprehensam veluti blandiendo mulceret. Id ubi circumstantibus puella reculit, omnes certatim beatæ ipsius manui oscula figere, quam suo contactu Regina Cœli sacrasset: utque id commodius omnes exequerentur, eam supra scabellum Altaris in subfello Episcopali collocarunt. Anxius apparitionum insolentium Episcopus loci, Patrem Julium sollicitè evocat, qui non multis

*SSS*

*inter-*



interrogationibus puellæ, & Parochi ejus Confessarij, apud quem singulis octo diebus confitebatur, illam à dæmone deprehendit, qui sub specie sanctarum imaginum ipsam decipiens, miserè ejusdem simplicitate abutebatur. Itaque Parentibus auctor fuit, ut eam matrimonio elocarent, postquam generali totius vitæ exomologesi expiatam, ab incubo dæmone liberavit. Major tamen longè difficultas Patri fuit in corrigendo ejus Confessario, quamvis & illum denique convicerit. Parem impressionem faciebant dæmones, sed majore violentiâ Senis virgini cuidam devotissimæ, cui diversorum Angelorum specie identidem apparebant S. Evcharistiam ei ministraturi, hortantésque ad frequentem Communionem. Sed cum illa Patri, eam dissuadenti ex causis certis, obedientissima, constanter respiceret; videbat ab hostia fictitia prodire fœdum serpentem: Quare dæmones fraudes suas non procedere indignati, eam deinceps verberibus, fustuario, unctionibus crudelissimè vexabant; donec post multa, cum ijs certamina victrix virgo migravit in cœlum. Viennæ Austriæ energumena anno integro frustra exercebatur ab Episcopo sacris exorcismis, cum Pater eò veniens semel duntaxat ei locutus, cœpit domi coram SS. Sacramento, ipsâ horum penitus ignarâ & à suis domi inclusâ, orare, & quovis vespere plagis asperrimis corpus divexare. Interim dæmon per os puellæ multa ad domesticos convicia in Patrem illum Italum non cessabat conjicere, qui omni vespere circa horam 8. se divexaret & torqueret. Paulò post invisit illam iterum Pater, cujus oratione immensum torqueri se ejulantes dæmones, migrare tandem compulsi sunt. Florentiæ cum haberet sermonem ad Moniales, vidit ex lampade Altaris ascendere carbones ignitos, qui per æra volantes intrabant ad chorum Monialium, cognovitque dæmones esse, qui aliquot virgines obsidebant. Vespere flagellavit se pro ijs liberandis acerrimè, rescivitque deinde ex Antistita, illamet horâ tres virgines per cœnobium curritasse mentis impotes, vociferantes: *P. Julius nos torquet.* Sed duplo plus eosdem in eadem Urbe torfit, cum promulgato Missionis suæ Jubilæo omnem propè Civitatem ad confessionem adduxit, Siquidem nocte ante S. Communionem in oratione vigil, audit illos per Urbem curritare desperabundos, quòd tot bona fierent in Urbe. Pari felicitate solvebat fascinis quibusvis aut magijs innodatos, & sæpe jam in mortem tabescentes, statimque eos solo aspectu in ægro-

tis dignoscebat, qui alioqui diverso penitus morbi genere laborare credebantur.

Jam verò quàm durus fuerit & immitis in se, ex eo colligas; quòd sæpius fateri auditus sit, in nullo exercitio spiritali majorem gustum se reperisse, quàm in obeundis pœnitentijs & afflictationibus corporis; tantus sui neglector, ut caput pecteret nunquam, faciem in anno quinquies vel sexies vix lavaret, nisi fortè oculos solos, qui ob continuum lacrymarum imbrem non parùm offendeabantur; remedia & medicamenta nulla unquam inveteratis suis morbis admittebat, neque ullis unquam bellarijs aut dulcarijs vescebat: vestitu antiquo semper & ab alijs prius detricto induebatur; quem, si laceraretur, ipse met sarciebat: Pallium viatorium duravit illi 22. annis, estò etiam noctu serviret pro strato. Affligebat illum mirum in modum frigus pedum, neque tamen unquam focum accessit, vel lineis infra ordinaria tibialia, siccisve usus fuit: sed noctu supra centonem simplicem imponebat pedibus libros, aut aliud pondus, ut compressione calefierent. Eodem ex frigore ventriculum ità affecerat, ut totas noctes ex ejus doloribus cogeretur insomnes ducere, manus autem haberet gelutumidas ac fissas, genua ex assidua in summis etiam frigoribus orandi consuetudine hiulca, quæ identidem manarent sanguine. Cilicia portabat in thoraces integros cum manicis, indusiorum instar, è crudis fetis implexa, ex quorum uno pertinaciter aliquando diebus noctibusque gestato, vidit se post dies quindecim quasi decorticatum, & corpus vulneribus plenum, ut fuerit compulsus illud deponere. His addebat circa collum ad humeros catenam circumplicatam, vel coronas grandibus granis, instar rosarij contextas, quas multis annis eâ constantiâ magno suo cruciatu portavit, donec carnibus infixi penitus globi, ipsum etiam os sub collo, quod à pectore tendit in humeros, confregerunt. Unum è cilicinis ejus thoracibus absque manicis conservat Patria illius Macerata, multis clarum, hodièque prodigijs. Primum accidit in Lucia uxore Petri de Valentino, Maceratenis; quæ à sex mensibus gravida repentè doloribus & oppressionibus cordis ità pertinaciter occupata fuit, ut nihil proficientibus pharmacis à Medico desperaretur. Igitur spe omni humani subsidij depositâ ad Beatissimam Virginem de Rosario confugit; cum somno correpta, sentit sibi tangi pectus, ubi dolor erat acutissimus: quo tactu expergefacta videt Religiosum Dominicanū sibi altare; quem facessere jubens



jubens, dum indormire denuo conatur, sentit ibidē iteratō se ab illo tangi, qui ore renidenti ipsam allocutus: *nē timeas*, inquit, *utere non alijs remedijs, mitte ad Galeotum pro illo thomace, applica illum ad corpus, & eris sana*. Adstātes loqui eam cum cœlesti illo Religioso audientes, delirare credebant, & nē inconfessa decederet, Confessarium evocant Collegij Ministrum. Huic visionem ipsa narrat, sed meram ægriēntis phantasiā esse credenti; cū de thorace apud Galeotum nemo quidquā sciret. Quærit nihilominus ex obvio Galeoto Pater, num quem sacrum thoracem habeat? qui respondit, habere se cilicium P. Julij in modum thoracis contextum. Affertur igitur, & ægra illo induitur, subitoque omni dolore absterfo perfectē convalescit. Quo vulgato prodigio, quotquot Maceratæ malo quopiam corripere, eādē fiduciā thoracem experierunt, subito exinde sanitate potiti; quorum multa jurata testimonia manu Notarij recensentur in processu pro P. Julij sanctitate. In quo illud insuper sanē est mirabile, quod thoracis beneficio juvand, æger nullam ex eo, nudo corpori applicato persentiat puncturam, cū tamen ijs qui gratiam non consequuntur permolestus sit & mordax. Disciplinis cædebat corpus quotidie ad copiosum usque sanguinem; quarum una, hodiēque magnā veneratione asservatā, filis constat ex aurichalco fuis, dimidiæ libræ pondere: nec verberationem unquam intermisit per itinera, occupationes, morbos etiam lethales, vel ullum sociorum respectum, donec caro ejus redacta est velut in insensibilem; & tum cædebat pedum tibia, vellebat pilos barbæ, pedum, manuum, ex candela accensa derorabat guttas inflammata ceræ in brachia, pedes, humeros, pectus, sic, ut exasperatā carne videretur contraxisse lepram: quod si candelæ eum deficerent, adurebat ad ignem membra ustulanda, contrectabat accensos carbones. Quæ omnia acerbissimum moventia dolorem non sinebat præterea, DEUS nocere ejus valetudini, aut in ulcera purulenta degenerare. Juratus testis P. Cæsar Vivo Societatis JESU Domus Professæ Neapoli Præpositus testatur, illum vocatum ad suum nepotem parvulum, cui agonizanti apparatus funebris jam erat in promptu, cū pro ejus sanitate juxta lectum diu orasset, neque tamen valetudo puero rediret, secessisse in conclave seorsum, & apprehensam ab Ephebo facem accensam in suppositum brachium nudum ita destillasse, dum totum ardente cerâ perfusum adureretur. Observatum autem tunc simul fuisse, ad modum

*Societas Europæa.*

& moram liquefactæ facis morbum puero recessisse, ab eoque momento cœpisse convalescere, superstitem deinde quā alij sui Fratres 30. annis diutiùs.

Nec minùs rigidus erat in jejunijs, quæ aliquot diebus in hebdomada, maximè per Adventum, transigebat in solo pane & aqua, & sæpe nihil penitus degustans: carnibus foris plerumque semper abstinebat, domi autem ita dextrè pane solo in jure tincto vescabatur, ut jejunium assidentes non facillè deprehenderent. Abstinere autem in mensa à ferculis quæ palato arriderent, fuit ipsi perpetuum; sicut è contra unicè vesci insipidis, & à quibus abhorrebat à puero instar veneni, ex quorum solo afflatu, uti ex caseo, solitus erat pati deliquium. Quam ejus asperitatem juxta etiam DEUS alio medio, immittendo in ejus palatum & gingivas defluxiones capitis admodum graves, quæ 12. per annos durarunt cum ea mandendi difficultate, ut ipsi comedere pœna esset & dolor. Neque ullum aliud cruciatuum spontaneorum admittebat temperamentum, nisi solum peccati periculum, nē saviendo ampliùs id incurreret. Unde longè majorem afferebat magnanimitatem ad illata aliunde incommoda & adversa, quæ illi unquam deerant. Fecerat aliquando iter equo alioqui mansueto, quem dæmon ita efferavit, ut inconditis saltibus sessori recalcitrans, os illud, quod humeros cum præcordijs conjungit fregerit; de quo malo, Patri à se conscito, die sequenti per energumenam gloriatus est. Ingentes per omnem deinceps vitam Patri fractura illa dolores & molestias concitabat, cui tamen medicinam nullam applicare sustinuit, nec Sacrificium unquam ideo intermisit, etsi mense integro cogere uno duntaxat uti brachio, omnia perinde ut ante Missionum itinera pedibus ferè conficiens. Dixit quin etiam pro concione per ipsos 50. dies, dolore ipsum excruciente vespere præsertim & manè, cū vestes ponendæ erant & induendæ, ad quod nullius auxiliarem manum admittebat. De novo autem hæc ipsi ruptura postea renovata est, cū ad evitandum vitæ periculum coactus desilire ab equo, illud ipsum brachium violentè ad terram allisit, cui nē tunc quidem medicinam ut applicaret induci potuit. Chirurgum tamen censentem non rectè os illocatum esse, ideoque de novo emovendum, libenter admisit, quod ea cura novum ipsi dolorem esset allatura. Sæpius incidit in flumina & torrentes, ipsūque mare, ut vix evaserit. Quin etiam permisit DEUS, ut Superiores & Vale-



tuinarij ejus nullam curam haberent & attentionem; neque unquam Medicum aut chirurgum malis ejus curandis advocarent; eum veluti inutilem & omnium postremum haberent; cubiculum omnium semper in domo vilissimum attribuerent; quandoque prorsus nullum, nisi quod hic vel ille infirmus deferebat; & in certo Collegio per 7. annos integros non fuit ipsi assignatum cubiculum certum, verum incolebat quodvis temerè vacans; ex quo, redeuntib; inquilinis, oportebat illum cedere in aliud: quæ omnia charitati Societatis prorsus insolita, fassus fuit DEUM à se rogatum permisisse. Semel etiam granarium ipsi attributum fuit, nulli alioqui, propter frigus inhabitari solitum, quod ipsi digiti uni, nervum ad tres annos obstupescit. Jussus erat Valetudinarius à Medico ipsi lavare caput frigore glaciatum, qui lixivio nimium forti & insuper bulliente usus est, ut cutis Patri creparet & rimas ageret, marcescente subtus pure; neque tamen Pater ullum doloris vel impatientiæ signum ostendit. Taceo injurias nomini ejus & famæ illatas, revelationes ejus fatuas & meras illusiones, ipsum verò mente captum, scelestum, hypocritam, spargentium; in quibus tamen vir humillimus absque ulla contradictione nunquam se purgabat. Occupationes ejus in Collegio studiosissimè quæsitæ, erant, scutellas & ollas eluere, reliquias ciborum pauperibus colligere & dividere, loca secreta & vasa nocturna sociorum mundare, ad quæ occultè infirmis purganda, ipsemet æger, clam alijs surgebat, cubacula verbebat, & omnia mediastini munia obibat, etiam jam grandævus. Nec solùm avebat æstimari ab alijs homo rudis, bardus, & parum sanæ mentis; sed eam opinionem studiosè etiam procurabat, incedendo per plateas Romæ veste conscissâ & lacerâ absque pallio, excutens & emundans se in vijs publicis coram prætereuntibus à pediculis, quorum magnos greges ex nosocomijs, stabulis in quibus dormiebat, referebat collectos; incedendo in conspectu P. Generalis & aliorum gravissimorum Patrum pallio inverso, unde illum riderent omnes tanquam hominem simplicem & nullius advertentiæ. Cùm semel è stabulo fuisset ejectus tanquam suspectus furti, & illud ipsum ei Parochus loci exprobrasset, vocando Cleri opprobrium & dedecus, hominem vagabundum, qui si frugis alicujus esset maneret utique domi suæ, incredibilem eâ re plausum in animo sensit, putabat enim se dignissimum, qui ab omnibus è toto mundo ejiceretur.

Atque hæc sui omnimodâ exinanitione consecutus est P. Julius ut esset plenus DEO, cui ita animo & potentijs omnibus ubique, & semper manebat conjunctus, ut violentè à Divinis mentem avertere magno conatu cogeretur, nè in negotijs humanis ad necessaria commercia & conversationem exerraret. A distractionibus autem in oratione abhorrebat tanquam ab Idololatria, quia, inquebat, *per eas DEUS contemnitur, & dum fingimus nos eum adorare, defertur certo modo illa adoratio rebus, ad quas vaga mens divertit, præfigendo sibi illas loco DEI, quasi ad illas dicatur, Pater noster qui es in cælis, & adoramus te, benedicimus te, &c.* Quare propter continuam DEI præsentiam, liquefiebat tanquam cera ad focum, cum difficultate mentem divertendi ad res alias, & quasi in pectore ingens arderet ignis, quem inclusum tenere non posset; vel erumpebat foras per clamores & fremitum; vel elevabatur corpore in altum animo totus in extasim raptus; vel instar pilæ inquietus rotabatur & cursitabat, quasi exitum vehementi spiritûs incendio quærens. Atque hujusmodi violentiæ ipsis 20. annis expertus est, seu vacaret orationi, seu litaret ad aras, seu cum DEO misceret colloquia. Exorsus aliquando agere cum Nobili Equite Neapoli de rebus Divinis, tali fervore gemitus inter & clamores cœpit agi, ut totum corpus subsili-  
ret in aëra: cujus ex pedibus Nobilis se suspendens, nescias an cum eo in cælum avolare, an secum in terra retinere voluerit. Idem prorsus fecit Coadjutor Societatis 60. annorū, cùm sub Missam in altum tolleretur in Sacello Principis de Bisignano A. 1602. cujusmodi raptus sæpe ter quater in uno Sacrificio repetebantur post consecrationem. Similes elevationes ei contigerunt publicè Neapoli in Sacro Anno 1603. & in Palatio Marchionissæ de Bracciliano A. 1613. & rursus in domo Dominae Dorotheæ de Tufis. In domo autem Domini Ferdinandi Pagani Equitis Neapolitani A. 1612. differens de amore ærumnarum pro DEO tolerandarum, in præsentia multarum Dominarum & Virorum (prout id omnes jurato chirographo testantur) in extasim repentè raptus, & unà cum sella cui incederat, omnium stupore, in aëra elevatus est. Quod ipse ad se reversus, advertens, cùm statim ex pudore quodam discedere vellet, januam pro exitu invenire non potuit, donec ad eam duceretur. Quin etiam Superiorum jussu adactus sua manifestare, fassus est ipse, Senis in quadam contemplatione deprehendisse se elevatum in ea altitudine super aëra, ad  
quam



quam oculus humanus non possit perungere. Hujusmodi autem contemplationibus & orationibus mentis non solum dies, si quando vacaret, aut per morbum agere aliud non posset; sed etiam noctes integras indulgebat, genibus ex ejus diuturnitate tandem ita debilitatis, ut erigere se nequiret in pedes. Sed & medijs in occupationibus animo semper in DEUM fuit collectus, dicere solitus: inter plurimas Missionis occupationes expertum se fuisse majorem solitudinem & collectionem, quam cum esset privato in cubiculo solus intra Collegium; hocque donum esse DEI, quo remuneratur nostros, qui dum Missionibus distinentur, valde se Instituto sancto Societatis conformant. Ex qua cum DEO perpetua unione rarissimum illud donum obtinuit, discernendi conscientias & statum hominum bonum & malum, ita ut sensibilibus quasi perciperet fetorem peccatorum, & e contra fragrantiam continentium. Indè cum A. 1613. illum accessisset consilij gratia persona vitio carnis multum dedita, talis putor Patrem afflavit, ut cum amplius non esset ferendo, sermone abrupto coactus fuerit discedere. Alias cum legisset librum, quamvis tractantem res spirituales & sanctas, sensit tamen ejusmodi aversionem, ut nequiverit progredi in legendo: moxque intellexit eum librum ab Ecclesia esse confixum. Innumera ejusmodi sunt exempla, quæ compediosè hîc referri non possunt; uti neque illa, quæ ipsius erga animas purgatorij affectum & compassionem, toleratas pro eis gravissimas pœnas, multiplicatas preces, ac tandem earundem liberationem concernunt. Certum est centenis plures illi comparuisse in diversis tormentis constitutas, suffragia implorantes, præter eas, quas Divinâ revelatione cognoscebat pœnis purgantibus attineri, ut ijs eripendis opera sua applicaret.

Nec minus Angelus Custos statum earum animarum ipsi revelabat, ita Patri familiaris, ut se illi oculariter videndum sapius exhibuerit, monens de varijs necessitatibus & periculis etiam viventium, & procul existentium, itaque potenter ad orandum pro illis impellens, ut resistere non potuerit. Quare Patri familiares si quando adversitate repentinâ premerentur, orabant Angelum Patris Custodem, ut eum admoneret de facienda pro se oratione, & infallibilem sentiebant effectum. Eodem impulsore cognoscebat occultissimas necessitates animorum & corporum, ad ijs subveniendum, cum aliunde nullum indicium vel motivum haberet id fa-

ciendi. Celebraverat Sacrum Colmurani, vicino Anconæ in Italia Castello, animo postea concionandi: verum dum ad Sacrarium revertitur, omnes dilapsi sunt: dilapsura etiam erat vidua quædam, jamque sub ostio templi erat; cum Pater, ita internè stimulatus potente versùs DEUM impulsu, illam stitit, & quasi incantatam compulit redire, ultro rogantem confiteri. In confessione deprehendit Pater illam per annos plurimos confessam sola peccata externa omittis internis, ritèque dispositam absolvit. Paucis post diebus Anconæ in Xenodochio more suo diversatus, rescivit ex viduæ filio, illam diem suum obiisse, ex quo singularem DEI providentiam in salvandis prædestinatis prædicavit. Affirmabat autem maximè sibi Missæ tempore DEUM monstrare arcana eorum qui liturgiæ interessent, eosque à se videri in Divina bonitate quasi in speculo: quo modo cognovit gravissimam tentationem unius è nostris egressum à Societate meditantis, quem efficacissimis verbis in vocatione confirmavit: idq; illi cum pluribus alijs contigit. Transiens aliquando in platea, sensit se vehementer ad domum certam intrandam impelli: vix intraverat, cum hominem invenit suspendio animam elidere molientem, quem ritè expiatum, ad saniora reduxit. Simili violentiâ instinctus, ingressus est domum, in qua neminem, & ipsum nemo noverat, viditque gradus altissimos, ab habitatoribus inobservato periculo mox casuros, quos de periculo monuit, & gradus adhuc eo ipso die magno fragore conciderunt. Idem internus impulsus eum proprio periculo eripuit Ameliæ, ubi studebat in cubiculo expoliendæ concioni; repente enim sensit se stimulari ad exeundum, & orandum Breviarium, cui voluntati licet repugnare conaretur, quod necdum tempus orandi esset, paruit nihilominus, & Breviarium in pergula exorsus est; venerat ad tertium Psalmum, cum horrendo tumultu tabulatum cubiculi corruens, duplici trabe sedem ac mensam ubi studuerat penitus oppressit. Nunquam finire, si omnes casus ab hoc interno instinctu profectos recensere vellem: qui ipse spiritus Divinus res longinquas ipsi præsentis sistens, haud rariùs vicissim ipsum rebus longinquis præsentem stitit, quin eum loco ubi erat moveret, ut articuli pro ejus obtinenda sanctitate impressi testantur. Sic interfuit morti sui Patris ac Matris, etsi plus centum milliaribus abesset. Sic adfuit Sacerdoti graviter in lecto suo contra honestatem tentato, qui Patri confessus, in alium prorsus homi-



nem ex eo die mutatus est. Sic Neapoli Domina Beatrici Gvevaræ Comitissæ de Rocca & Aspido, ad mortem decumbenti adstitit, cum pro eo accersendo nuncius Beneventum pergeret, consolans illam atque animans, neque enim ex hoc morbo, sed post aliquot demum annos morituram.

Jam verò revelationes & visiones, quas P. Julius à DEO habuit, admirandæ penitus sunt & quàm plurimæ, tum de singulis seorsim divinis Personis, tum de SS. Trinitate, mysterijs vitæ Christi, SS. DEI Matre, alijsq; Sanctis, ut legere est in vita ejus à P. Jacobo Cellesio conscripta toto ferè lib: 3. è quibus pauculas referemus, quæ propius Apostolicam ejus animarum procuracionem, & in ea obitos labores concernunt. In reditu Constantinopoli apud Archi-Episcopum Leopoli supra modum ex ærumnosissimo itinere & laboribus Missionis fractus, & insuper à dæmone acerbissimis vexatus tentationibus, recurrit ad orationem: in qua vidit ad caput lectuli in quo decumbebat æger, Christum crucifixum dorsum sibi obvertentem; cumque ferventiùs orare pergeret, Dominus pietate motus ostendit illi faciem sanguine & livore pictam, ac supra modum mæstam, simulque inivit ut circumspiceret; circumspexit, viditque magnum Martyrum numerum: unde didicit etiam se paratum esse debere ad patiendum. Cum disparente autem visione, mæstitudo simul, morbus, & tentatio omnis abscessit. Jam verò Beatissima Mater, quoties ferè ad illam ferventiori precatione supplex recurret, toties illi visendam se exhibebat, præter specialia illius ab Ecclesia instituta Festa, in quibus eidem præcipua vitæ, & gloriæ suæ cœlestis mysteria revelabat. Commendaverat se illius patrocinio filius unicus Locumtenentis Cameræ Regiæ Neapolitanæ, Lauretum per ingentia latronum pericula peregrinaturus, & præcipuas aliquot Italiæ Urbes; spondiditque P. benedictionem discedenti impertiens, salvum & incolumem rediturum. Nocte insequenti iterum pro eo oranti comparuit Beatissima Mater stans, in majore solito statura, vultu majestate pleno, pallio pretioso cooperta. *Domina, dixit P. Julius, commendo tibi incolumitatem illius juvenis: in eo agitur fides tua & mea, quam obligavi tuâ fretus fiduciâ; illum itaque periculis exime, parentibus saluum siste, ac si non in itinere, sed domi suæ intra cubiculi parietes mansisset.* Attendebat Virgo vultu placido ac benigno; cumque ille finivisset, sinum illa pallij explicans, *tuere huc,* inquit, *intrò:* viditque intus inclusum,

juvenem illum genuflexum, cujus capiti manum unam beatam impositam habebat. Post mensem redijt juvenis salvus, plurima itineris enarrans pericula, febrium tentamenta, &c. ex quibus ajebat se non nisi prodigiosè eripsum. Atque ex his tam crebris cum divina Majestate, & SS. Virgine commercijs, redundabat in P. Julium quædam auctoritas cœlica & majestas, ita ut ejus sola præsentia & aspectus tranquillaret perturbatos, placaret crudeles, Turcas, hæreticos, latrones, prædones; id quod non aliunde poterat provenire, quàm à luce Divinæ gratiæ ab ipso transparente. Quòdque magis stupendum, & ferè ipsæ id experiebantur, prout Algeri contigit in Leone Patri blandiente, manum ejus osculo bafiante, & intrà fauces impositam innoxie alambente. Semel furiosè invasus fuit à duobus molossis, qui tamen simul ac illum tetigerunt, statim omni feritate positâ facti sunt non solum mansveti, sed etiam blandi & festivi. Dæmones ipsi timebant illum, neque audebant in obsessis faciem ejus intueri. Infirmitates ad nudam ipsius præsentiam sæpe disparebant, tentationes fugiebant, Viri Religiosi solo ejus intuitu elevabantur ad DEUM; ipse denique Pater affirmabat, se sibi frequenter fuisse sacro cuidam horrore, contemplanti DEI in se præsentiam, quali percelli solemus, dum videmus ostendi Christi Domini vel magnorum Sanctorum reliquias, ex quarum conspectu statim experimur singularem pietatis sensum. Et licet raro DEUM, aut Beatissimam Virginem viderit solitariè absque Angelorum vel Sanctorum comitatu, sæpissime tamen etiam Angeli seorsim se illi spectabiles præbebant, clientum suorum necessitates ejus precibus commendando, solando, in periculis tuendo, & in laboribus ac difficultatibus erigendo.

Anno 1608. 12. Aug: totum diem ambulaverat pedes, jam 73. annorum senex, vestigia cujusdam sui pœnitentis secutus magni peccatoris, ut illum ad confessionem aliquamdiu intermissam sollicitaret. Æstus erat intolerabilis, accesserat asperrimus dolor palati & gingivarum, cum intenso cruciati, adeò ut pessimè haberet. Et quia malum hoc oris & dentium jam per 20. annos continuos inveteratum, vix cessaturum, sed potius incrementum cum ætate sumpturum videbatur, imò & doloribus ærumnisque mortis sensum se opprimi sentiret, cogitare cœpit, annon petere tandem finem vitæ à DEO expediret? Factus tamen animosior, & abjectionem animi interpretatus *nolle pati*, decrevit patientiam.



am magis & fortitudinem petere : statimque acri præmissâ flagellatione, & consuetis alijs corporis vexationibus, orationi se dedit & examini conscientiæ. Tum enim verò sensit sibi intimè dici, servis DEI minimè peregrinum videri debere, *patri*, imò potiùs gaudere oportere, quòd hinc magnum illis meritum, & gloria accederet in cælo : quam veritatem ubi Pater mox pleno consensu approbavit, statim vidit se in amœnissimum translatum locum, tanquam hortum omnibus delicijs affluentem, ubi chorus pulcherrimorum Angelorum vocibus, & omni genere musices instrumentorum psallebant, utque illum magis demulcerent, textum harmoniæ verbis his inceperunt : *ô cæli civis atque incola ! eja mitte mæroris nubila* : & plura in hunc sensum ; donec immensa dulcedo terminavit visionem, omni interim absterfo in corde Patris mærore & nubilo. Nunquam tamèn plures & sapiùs vidit quàm in Missæ Sacrificio, modò incredibili reverentiâ & modestiâ Evcharistiâ venerantes ; modò spirituales gratias in speciè fulgentissimi auri, gemmarum & lapidum pretiosorum, ex valis ditissimis in aram effundentes. Nec parciores fuère Sancti in sese, ipsi visendos præbendo, nominatim SS. Petrus Apostolus, Matthæus, Josephus DEIPARÆ Sponsus, Gregorius Magnus, Felix Martyr, Franciscus Seraphicus, Laurentius Martyr cum S. Adriano, Mauritio, Fabiano & Sebastiano, Antonius Abbas : S. Catharina, Barbara, Lucia, Priscilla, Cæcilia, cum plurimis alijs : & omnium maximè S. Agnes, cui à puerō deditissimus fuit, ejusque præsidio & auxilio mira fecit. Audiverat aliquando Florentiæ, Jubilæi occasione, majore diei hyemalis parte confessiones, ut congelatus frigore frustra tentaverit capessere somnum : quare somni loco auspicatus orationem, pœnam illam DEO consecravit, cum gaudio illud sui afflictandi complexus studium. Sed DEUS è cælo submisit per manus plurium Sanctorum lectulum longè mollissimum & calidissimum, in quo suavissimè acquievit, ut nulum deinceps frigus persentiret. Inter reliquos comparuit & S. Agnes, illum mirificè corroborans ; quam ipse non tantùm quotidianò cultu invocabat, sed etiam ejus virginæ pudicitie memoriâ, omnes minùs honestas cogitationes dispellebat, dictitando sibi ipsi : *adverte sis, si consentis huic cogitationi, amittes tuam S. Agnetem*. Sed & alijs de castimonia periclitantibus ejus invocationem unicè commendabat, non sinè optato successu : cùmque ejus vitam obstinatissimæ cui-

dam prælegeret mulieri Turcæ, quæ nullâ ratione ad Christum converti poterat ; ita ejus fregit duritiem, ut libentissimè S. Fonti subderet caput, Agnetis nomine appellata. Jam verò Cælites è Societate nostra longè majore familiaritate cum ipso visibiliter egerunt : atq; inprimis S. P. IGNATIUS prorsus frequentissimè, qui etiam septennio antè futuram suam in numerum Beatorum relationem ipsi revelavit, indicando simul certum Cardinalem, qui omnium maximè illi refragaturus esset ; quòd cùm Pater mox scripto annotasset, in ipso eventu omnes deinde oculis deprehenderunt. Nec minùs S. Franciscus Borgia, cum quo etiamnum vivente maxima fuerat P. Julio consuetudo : præter quos, plurimos alios vidit inter choros Cælitum, licèt necdum ab Ecclesia numero Sanctorum adscriptos.

Atque in his tot visionibus mira fuère P. Julio revelata, tum ad privatam quorundam utilitatem, tum ad commune Ecclesiæ bonum spectantia, longo etiam tempore antè quàm evenirent ab ipso prænunciata. Ità prædixit Pontificatum Sixti V. Gregorij XIV. Leonis XI. Clementis VIII. & longè pluribus assumptionem in Collegium Cardinalium, in quibus Tolero & Bellarmino, quos è Societate ad illud promovendos incredibile, prorsus videbatur : item Octavio Bandino in tenera adhuc ætate existenti ; & de altero Innico Caraccioli necdum in lucem edito, eundem Cardinalatum ipsius Parenti significavit. Nec minùs ex vero prædixit bellum in Hungaria sub Rudolpho II. Turcicum, omnesque ejus in partem utramque successus, amissionem & receptionem Jaurini ; successorem in Imperio Romano Rudolphi Mathiam ; & in Turcico Amurathis ejus filium, cujus electionem ipsâ horâ, quâ Constantinopoli celebrata est, in spiritu cognovit Romæ, & solennitatem omnem, explosionem tormentorum, &c. descripsit, quæ omnia deinceps cum nunciorum relationibus convenire deprehensa sunt. Promisit eundem fore addictum Christianis, quod prorsus ita evenit : & paulò post mancipium Christianum narravit ipsi P. Julio, se loquentem filio adhuc ante Amurathis mortem rogasse, quando ascendisset ad solium, ut dignaretur meminisse suæ & aliorum Christianorum mancipiorum fidelitatis : ad quod ipsum respondisse, ita facturum : orarent proinde ut ipse fieret Imperator, prout factum est, & sanè stetit promissis erga Christianos. Simili modo præcognovit clarè victoriam illam navalem Joannis de Austria contra Turcas, & multis prædixit : item Con-

stanti-



stantinopoli existens mortem Henrici III. Galliæ Regis; de qua, & florenti ejus Regni statu, in quem post eam reversurum esset, multas revelationes habuit. Verùm haud scio an plùs admirationis habeat, an in DEUM fiduciæ, revelatio per P. Julium facta. Francisco Pro-Regis Neapolitani filio, cui postquam & fortunatum matrimonium, & primos in Aula honores prædixisset (fuit autem deinceps & Legatus Regis Catholici Romæ, & primus in Aula minister) orabat is jam maritus unà cum uxore identidem Patrem, ut hæredem masculum (nam plures ipsis à DEO concedendos prædixerat) primo enixu illis impetraret. Tandem quodam die Pater coram Principe de Rocca sciscitatur ex eis: *cur tantopere expeterent prolem, & quidem masculam?* & quia responderunt, *ad honorem DEI*; ipse reposuit: *si ita est, habebitis certò*; tum Princeps replicans, *atqui Pater, nos*, inquit, *gratiæ obtinenda præfigimus terminum: sum contentus*, subjecit Pater, *volo duos præcipuè annos, quantum opus est orationis ad impetrandum filium vobis*. Nimiùm, respondit Princeps: *nos assignamus duos menses non amplius*. Tum Julius aliquantum se recolligens, *fiat itaque*, dixit, atque discessit. Neque duo menses effluxerant, cum Domina apparuit gravida, & suo tempore peperit filium. Quibus similes stupendas prorsus & insolitas prædictiones legere est in eodem vitæ P. Julij libro. Nec pauciora divinitus prænovit Societatis, & aliarum Religionum statum concernentia, nam & Generalis Mercuriani obitum, & illi successorem Claudium Aquavivam; & iterum post hunc, Mutium Vitellescum pridem ante prædixit, & alia quàm plurima brevitatis causâ necessariò hic omit-tenda.

Atque his & similibus tum virtutum tum miraculorum gestis, admirandam apud omne genus hominum sanctitatis opinionem consecutus est, cujus pedibus etiam magni Principes & Marchiones genuflexi accidebant, eos exosculaturi, transeuntis per plateas vestibus rosaria & imagines populus applicabat, contactu illo velut sacrandas in reliquias, quibus mira frequenter postea efficiebantur. Porro ad reliquias ex eo petendas ipse DEUS aliquos excitabat, & si haberi ob ejus modestiam non possent, ipse prodigiosè illas suggerbat; prout accidit Dominae Mariæ Brancaciæ, vitæ castissimæ sanctimoniæ, & revelationibus claræ. Hæc manè quodam cum Pater staret in procinctu ad Sacrum faciendum, cupida aliquid habendi de servo DEI,

serventer oravit Dominum: viditque mox ex ore ejus gemmulam instar crysalli cecidisse, quam illa sollicitè collegit, accepto à DEO mandato, illam ut tanquam rem pretiosam servaret, utpote intra paucos annos mira patraturam, prout & factum est. Tantus etiam omnium exitit in Patrem amor, ut si fortè ægrius illum habere intelligerent, publicas pro eo preces & pœnitentiæ opera indici facerent: eratque videre Principes & alios viros magnos, præter privatos, qui capita sua & vitas non dubitabant offerre DEO ad eum in vita retinendum, optantes pro ipso mori. Quin & DEUS vitam ipsius in conspectu suo pretiosam, tantumque ad gloriæ suæ propagationem utilem, sæpe per miracula conservabat: quale fuit, dum illo Capuæ graviter decumbente, cælum totum atrâ tempestate turbatum detonuit, ex quo vidit fulmen æquè fuscum ac subnigrum directè ad se ferendum excuti. Et erat non amplius evitabilis ictus, unicum vix cubitum à pectore fulmine distante; cum ecce manus invisibilis illud arte & odio dæmonis excussum, aliò avertit.

Verùm ubi tandem labores illius cœlesti coronare præmio Superis visum; mens Societatis Moderatoribus injecta est, ut eum à Missionibus Neapolim ad domicilium stabile Domûs Professæ revocarent, ubi aliquot postremis vitæ annis incomparabiles legit fructus, ex confessionibus maximè, quibus perpetuam indefessus dedit audiendis operam. Habuit autem multò ante tempore revelatum sibi mortis suæ annum, locum, & diem, quem summoperè gaudebat fore pridianam vigiliam Assumptionis SS. Virginis, cui semper tenerâ devotione addictus vixerat. Itaque septem circiter antequam migraret mensibus, incredibilibus pro animarum salute exhaustus cum senio laboribus, coactus est decumbere; in qua diuturna ægitudine, ejusmodi illius, si unquam, fuit patientia, mentis hilaritas, ac Divina cum voluntate conformatio, ut in exemplum & stuporem traheret universos qui eum invisebant. Id quod vehementer stygi displicuit, paucisque ante mortem diebus dæmon ipsum brachio arreptum & raptatum per cubiculum, sub lecto ita viribus destitutum reliquit; ut metu, nè mox expiraret, statim fuerit ultimis Sacramentis muniendus: pars autem brachij quam hostis corripuerat, perstitit fœdum nigra, & ferrugineis bullis interfusa. Et jam vigilia Assumptæ DEI paræ adveniebat, cujus nocte versùs horam quartam eunte, cum in vicino cubiculo ipsius



ipſius Curator valetudinarius acquieſceret, audivit ſibi voce clarâ diſtinctè inſclamari: *tunc P. Julius hic moritur, & tu hic dormis?* qui ſinè morâ accurrens reperit Patrem multum aggravatum, & rogantem vocari Sacerdotem, mortem enim adeſſe præ foribus. Convenerunt ſtatim moniti complures, in quorum comprecationum corona paulò poſt, oculis in effigiem SS. IGNATII & XAVERII primò defixis, indè velut in ſvaviſſima extaſi ad cælum elevatis, facie amœniſſimâ & renidente expiravit Anno 1618. ætatis 81. Religioſis 61.

Morte per urbem vulgatâ fuit concurſus ad ejus funus ex omni ordine hominum maximus, qui cultris, forficibus, in crines ſervi DEI & veſtes involârunt (quorum deinde ſolo contactu, vel etiam ſimplice P. Julij invocatione, mira à DEO patrata ſunt, & omnis generis morbi depulſi) totum diſcerpturi in reliquias corpus; niſi magno noſtrorum niſu fuiſſet ereptum, toto tamen triduo pietati oculorum in Sacello quodam cancellis munito conſeſſum. Notatum autem eſt primùm à Pictore, qui ejus effigiem depingebat, & mox ab alijs pluribus, de fronte ejus proceſſiſſe odorem ſvaviſſimum, quem an ab arte aliqua inductus eſſet, probaturus P. Albertinus noſter, juſſit faciem totam aquâ probè ablui, quæ nihilominus perinde cœleſtem exhalabat fragrantiam. Conditus fuit in loculo plumbeo intra communem Sociorum ſepulturam: quamvis poſt triennium ob novas ſemper ejus patrociniſ obrentas grâcias, ad iteratas nobiliſſimæ Urbis preces, translatus eſt propè aram maximam, repertuſque etiam tunc ſic integer, pulcher & incorruptus, ut videri poſſet tum primùm mortuus. Habuit verò ipſemet Anno 1607. à DEO revelationem de ſuo corpore ſuiſque reliquijs, quâ pietate olim

colendæ, quæ prodigia operaturæ, in quas civitates etiam longinquas deferendæ eſſent, Cracoviam uſque; extâtque prophetia ab ipſo edita, Templum Profeſſorum in quo ſepeliendus eſſet conſagraturum, flammam tamen corpus ſuum minimè auſuram contingere. Prædictio vera exijt ſub Domûs illius Præpoſito P. Vincentio Caraffa, poſtea totius Societatis Generali, annis 20. poſt Julij mortem, quando Templum univerſum cum ſuperbiſſimo apparatu, qui triduo Bacchanalium pro comprecatione 40. horarum undique collectus & expoſitus erat, horrendo incendio conſagravit: à quo tamen P. Julij ſepulchrum, licet ex plumbo, nullum paſſum eſt damnum aut vitium, eſtò ab inſolito æſtu ipſa marmora diſſoluta ſint, & duo organa liquata diſfluxerint. Extant de ſanctimonia Viri DEI publicæ tabulæ, ſtudio plurium Civitatum, pro ejus canonizatione conſpirantium, auctoritate Eccleſiaſticâ & publicâ juratâ fide conſectæ, quarum verbis ex articulis Proceſſûs decerptis placet narrationem hanc concludere: *Servus DEI Mancinellus dum vixit, ſemper paſſim fuit reputatus & habitus pro ſancto & amico DEI, etiam à perſonis prudentibus, gravibus & illuſtribus: itâ quidem, ut etiam ipſo vivo efformarentur ejus imagines, conquirentur reliquiæ, quas conſervabant in cubiculis cum veneratione. Aquam ab ipſo benedictam expetebant magnopere, & accipiebant cum ſingulari devotione. Poſt mortem ejus ſanctitatis fama crevit, & indies creſcit magis ac magis ſinè interruptione; unde publicè & palam, etiam à perſonis eminentibus habetur, & tractatur ut Sanctus: hinc commendant ſe ejus interceſſionibus, venerantur ejus reliquias. Id quod publica, notoria, & manifeſta vox eſt & fama.*

*Ex ejus vita P. Jacobi Celleſij.*

## P. JACOBUS RHEM.

**P**ater Jacobus Rhem in Helvetia ad Lacum Acronianum in oppido Brigantia anno 1546. in lucem editus, conceptam in prima pueritia erga res Divinas propenſiſſimam pietatem, nunquam deinceps totâ vitâ dimiſit. Studijs manſuetioribus Dilingæ magno profeſſu abſolutis Romam diſcedens, ibidem anno 20. ætatis, Societati adſcriptus eſt à S. Francisco Borgia, in cujus ipſo ingreſſu magnum exemplum præbuit ad ultæ & excellentis virtutis. Primam enim

*Societas Europæa.*

probationem ex more Societatis auſpicaturus, cùm ab omnium domeſticorum conſortio, ſeorſim cubiculo inclufus eſſet, DEUS ad probandam adoleſcentis virtutem itâ illius memoriam Miniſtro Domûs ademit, ut toto triduo nihil penitus cibi potuſve ad illum deferretur: ipſo tamen nemini querente, vel cibi ullius mentionem, licet fame ſibi mori videretur, faciente. Donec Novitiorum Magiſter varia de novo vitæ Religioſæ genere, quâ illud animo arrideret, percontando, ad eam etiam quæſtionem deſcendit, an cibi ſatis, & ad palatum ſuum convenientis haberet?

*T t c*

*hic*





P. Iacobus Rhem S.I. Helvetus, per totos 40. annos Iuvenum in Seminarijs Præfectus, plura eorū millia per sanctæ institutorum educavit. Defunctorum fidelium efficax Advocatus, et specialis Deiparæ cultor. Obijt Ingelstadij 22 Octobris. A° 1678.

hic ille coactus ad respondendū, tergiversaretur, tandē ingenuo rubore perfusus fateretur, se cibi hæcenus nihil in ea domo vidisse. Atque ex eo tempore singulari abstinentiæ & temperantiæ dono à DEO præditus fuit, neque per omnem vitam, quantumvis ægritudine & senio pressus, aliquid in cibis delicatius admisit, solis communibus & ordinarijs contentus; quos ipsos degustabat moderatissimè, & creberrimis intercalabat jejunijs, animo in lectionem sacram ità absorpto, ut nullum ciborum vel potūs saporem perciperet, lacrymis plerumque, sub lectione præsertim Martyrologij, ex desiderio Sanctos eosdem imitandi, perfundi solitus. In nullo autem majore gustu acquiescebat, quàm in afflictione sui corporis, & edomandis animi affectibus, ideoque usus cilicij & flagellorum fuit illi per-

petuus, patientia in adversis planè invincibilis, ex qua nunquam molesta corpori animalcula, & immundos vermiculos scrutatus est ut enecaret, vel abjiceret; qui proinde ipsam cutem ad carnem usque perforabant, & intra ejus sulcos securè nidulabantur. Nec minùs rigida fuit sensuum, oculorum præcipuè custodia, quos ità severè frenabat, ut neminem domesticorum, quibuscum annos integros habitabat, de facie nōset; in quibus singulis Christum agnoscebat, & velut Superiores suos reverebatur & amabat: hinc credebatur non in alium usum oculos habere, quàm infletum & lacrymas, singulari earum dono præditus, ut ijs continuò ferè, noctibus præsertim disflueret. Ex vilissima quam de se gerebat vir humillimus infra omnes creaturas opinione, nullius unquam obsequium aut servitium



vitium admittebat, ipse communis omnium servus. Puritate animi, & exteriore corporis compositione, cum esset tantâ, ut nemo vel minimum virtutis defectum in eo notaret, ipse tamen perpetuò cœcitatem suam accusabat, quâ vitia sua & defectus non dignosceret: licet interim ad confessionem nullum, vel veniale certum peccatum asserere posset, sed cogeretur à Confessario ad sæcularis vitæ acta recurrere, quò materiam Sacramentali absolutioni idoneam præberet. Indè virtutem Angelicam citra ullum nævum illibatam toto vitæ cursu conservavit.

Latissimum Apostolico ejus zelo campum præbuere juvenum Seminaria & Conventus, quæ per annos 49. constanter administravit, incredibili curâ & sollicitudinè, nec minore patientiâ, ceterisque virtutibus, quas juventutis, morum & nationum diversarum, congrua educatio requirit, ut id genus laboris expertis, Indicarum Missionum ærumnis vix inferius censeatur. Itaque plura adolescentum millia per tot annos in omni virtute & pietate educata, diversissimis Ecclesiæ statibus transcripsit, nunquam de molestissimo munere auditus queri, nunquam ab eo liberationem optare, quantumlibet id ejus spiritui in DEUM collecto, & à terrenis avulso, summe adversari videretur; donec sub ultimos vitæ menses postulavit in Collegium recipi, ut domesticorum exemplis & conversatione (id enim solum prætendebat) magis ad fervorem excitaretur. Adolescentes sibi commissos tenerrimo prosequeretur affectu, & quidem impensius eos, qui viliores essent, rudes, & magis contempri: à quorum lectulis si ægrotarent, vix unquam diu noctûque discedebat, & longè majore diligentia necessaria animis, quàm corporibus prospiciebat. Innocentiæ in ipsdè conservandæ zelantissimus fuit, neque ullam peccati umbram tolerabat: indè protervum juvenem ægritudine molestâ prostratum, ejusque impatientiâ in DEUM ipsum verbis injuriosis querulum, cum iteratis monitis & objurgationibus non emendaretur, ipsâ mediâ nocte domo ejici, & in lectulo efferri foras mandavit; satis indicans unum perire, quàm exempli pravitate multos in scandalum adduci. Neque paucis suâ potenti apud DEUM oratione tum aliàs profuit, tum valetudinem deploratam prodigiosè restituit. Solebat etiam aram, ante quam provolutus preces suas persolvebat, varijs floribus & rosas exornare; cum adolescens diuturno eoque gravissimo capitis dolore laborans, magnâ fiduciâ de Viri sanctitate &

*Societas Europæa.*

meritis conceptâ, aliquot ex ijs collectos capiti ægro admovit, atque ex eo momento doloris omnis expers & immunis evasit. Virgo Antistes Parchenonis SS. Angelorum graviter ægrotabat Viennæ, ideòque precibus ejus se impensè commendavit; quod ipsum saluti eidem fuit, mox enim plenè sana consurrexit, & Patri gratias referri mandavit. Ibi dem in adolescentum Convictu ex mortali apostemate decumbebat è prima nobilitate juvenis à Medicis depositus, extra omnem spem vitæ; pro quo Missam Pater eâ devotione tantisque lacrymis dixit, ut sæpius interpolare illam cogeretur. Jámque SS. Viaticum mortuo afferebatur, cum DEUS precibus servi sui inclinatus ei revelavit, vitam se adolescenti ulteriorem concedere: id quod illico Pater Regenti Convictorum aperuit, & sanitas mox consecuta, ingenti Medicorum stupore confirmavit. Virginem pudiciæ & DEI amantissimam sollicitabat impudens leno, & modis omnibus ad sui amorem inclinare laborabat, vidensque blanditias & promissa sua omnia constanter eludi, ad præstigias infernales recurrit, & venefici maleficio Virginem ita dementavit, ut quietem nullam capiens, ad sequendum & vestigandum amasium continuè urgeretur, & ejus desiderio missella contabesceret. Nec profuere ulla humana vel Divina remedia, aut implorata maximo fervore Divorum auxilia, donec monita ab æquali puella Virgo, ut P. Jacobi precibus se commendaret, id perlibenter fecit: pro qua Missæ Sacrificium cum ipse obtulisset, cum illius fine vis omnis præstigiorum simul evanuit, & puella plenè sibi restituta, DEO tantò ferventiùs adhærere perrexit.

Affectus Patris in Virginem DEI param major fuit, quàm filij in matrem esse solet, semperque animo & oreolvebat prima salutationis Angelicæ verba: *Ave MARIA.* quem & aliorum omnium cordibus imprimi optabat, & laborabat solertissimè. In Academia Ingolstadiensis, ubi contubernium juvenum moderatus est annis 32. Sodalitatem sub ejus nomine instituit, cujus Oratorium *Collocutorium Beatissimæ Virginis* appellavit, quòd primarium illi finem esse vellet, usum & introductionem piorum colloquiorum de rebus cœlestibus, & animæ salutem concernentibus. Inter Sodalium leges præcipua erat, ut ab omni peccato lethali abstinerent, adeò ut si quis in id incideret, eò ipso exclusum se à Mariano cœtu excidisse sciret, neque operum & meritorum ejus, neque Indulgentiarum capacem, donec sacrâ Confessione ani-

T t t 2

mam



mam expiaret, & SS. Matri reconciliaretur, devotè recitato hymno: *Ave maris stella*; adeoque tam exclusio, quàm in sodalitatem receptio, perficiebatur secretè ipso facto, nemine præter delinquentem conscio. Eam Sodalitatem confirmavit, & Indulgentijs maximis dotavit Anno 1614. Paulus V. Pontifex, duratque in hodiernum diem magno splendore & Sodalium pietate. Solenne illis est, octavo quoque die Sacramentum Pœnitentiæ adire: Sabbatis omnibus & festis in Oratorio colligi ad orandum, & colloquendum de rebus Divinis, aut spirituale quidpiam audiendum. Qui verò legitimè absunt, si meritorum & Indulgentiarum ejus compotes fieri avent, tenentur eodem tempore librum aliquem spiritualem legere, & annis singulis de se ad Congregationem perscribere: quod si omittant, eò ipsò Sodalitate excidunt. Horum omnium non minùs, ac si præsentibus forent, curam gerebat intentissimam Pater, quorum si quis vitâ decederet, illico certior divinitus reddebatur, & eorum animas orationibus singulorum commendabat: & quidem aliquando communem ad omnes allocutionem habens, jussit eos DEUM exorare pro anima certi cujusdam è suo numero (quem de nomine appellavit) in remota regione vitâ functi: qui die & horâ, quâ id ex Patre audierant, observatâ, resciverunt tandem, illum fuisse eo ipso temporis articulo, in Hispanijs morte sublatum. Neque viventibus duntaxat, sed & pijs è Purgatorio manibus certum erat in Patris orationibus asylum, à quibus creberrimè invisebatur, & pro suffragijs rogabatur: & modò quidem januâ cubiculi, velut admissionem sollicitantes, quatiebant; idque eò sonantiùs, quò præsentiore egebant auxilio: modò lacrymabili ejulatu & voce, ex adfuto sub fenestris contubernij cœmeterio, *Pater Jacobe ora pro nobis*, inclamabant; ut vicini clamores perciperent. Aliquando Missam pro defunctis legentem rogârunt familiares, cur tali die ipsam dixisset? quibus respondit: oportuisset omnino dici pro homine Societatis, eo ipso die in Danubij navigatione aquis præfocato. Et paulò post rescitum est Patrem Ferdinandum Melchiorium Ingolstadio Ratisbonam petentem, Danubij fluctibus haustum esse. Rarò autem sacrificare illum contingebat, quin lacrymis toto Missæ decursu rigaretur, altissimis tunc de DEO ejusque mysterijs sensibus abundans: cogebatûrque idcirco frequenter illam interrompere, visus interim multoties à terra sublimis in æra le-

vari, animo in cœlestia abrepto corporis gravitatem unâ in sublime attollente. Nec animæ solùm è piacularibus flammis, sed & fedium beatarum Cives visendos illi se præbebant; ex quibus unus aliquis de Societatis hominibus fuit, qui rogatus, an ignibus adhuc illis expiaretur? cùm negâisset, seque ex Cœlitibus unum asseruisset; tanto gustu de æternis Beatorum gaudijs differere cœpit, ut Pater dulcedinis celandæ impotens, plures dies à continuis lacrymis temperare non posset.

Maximo desiderio aliquando tenebatur salutandæ DEI Matris titulo ipsi gratissimo, & quò ejus tot excellentiæ potissimùm exprimerentur: subitòque illi revelatum fuit, illum titulum esse, quo in Litanijs Lauretanis vocatur *Mater admirabilis*, quòd illo brevissimè altissimæ ejus prærogativæ comprehenderentur. Itaque cùm die proximo Sodalitas haberetur, & Litanjæ Lauretanæ choro musico decantarentur, vidit ad encomium illud *Mater admirabilis*, SS. Virginem ingenti splendore & cœlesti majestate radiantem, unde tantum solatij hausit & gaudiorum, ut de angulo Oratorij, prout genibus nixus hærebat, in medium spiritu Divino abreptus, altâ voceter repetierit: *Mater admirabilis, Mater admirabilis, Mater admirabilis*, non absque sacro quodam omnium horrore. Quem morem, ter eundem titulum honori Matris DEI repetendi, ex ipso cœlo à Patre haustum, hodièq; Sodalitas illa in Litanijs dicendis observat: Passus quidem non levem fuit contradictionem Pater ex Sodalitatis hujus institutione, jussus etiam sinistris malevolorum delationibus à Visitatore Germaniæ P. Paulo Hoffæo ab ea desistere: sed tantis hic repente ab eo mandato cœpit conscientia angustioribus, ut nihil dubitans eos ab ultrice DEI para immisos, damnatis susurrorum sententijs, mandatum revocârit. Insignis etiam fuit spiritu prophetico, quo longè pòst futura verissimè prædixit: ex quibus memorabile in primis est vaticinium rebellionis contra Ferdinandum II. ab hæreticis intentandæ, de quibus victoriam, auspicijs Bavariæ Ducis, referendam sigillatim prænunciavit anno 1615. quæ postmodum reipsâ obtenta est in Albo Monte ad Pragam, contra intrusum Boemiæ Regem Fridericum Comitem Palatinum. Et quidquid annis 1619. & 1620. in Imperio mutationum contigit, id totum multò antè ex vero secuturum prædixit. Atque his aliisque virtutibus constanter insistens, ætatem ad annum usque 72, produxit, quam morte

San-



Sanctorum, uti eorundem vitam vixerat, diéque in magna æstimatione sunt non tantum domesticis, sed & extraneis.

conclufit Ingolftadij 12. Octobris A. 1618.  
cujus exuvia tanquam Viri DEO dilecti, ho-

Ex Bavaria sancta Raderi, & Nierembergij Tomo 1.



P. Franciscus Costerus, S.I. Belga, Innocentia Vitæ, Apostolico zelo, laboribus pro Catholica Fide susceptis, et eximio Deiparæ cultu conspicuus. Obijt Bruxellis, 6.<sup>ta</sup> Decemb. 1619. Ætat: 88. W.P. Kilian sc.

## P. FRANCISCUS COSTERUS.

**F**ranciscus Costerus, natione Belga, patriâ Mechliniensis, vivente adhuc S. IGNATIO Romam venit adolescens, & in Collegio Romano bonis artibus perpolitus, Societatem complexus est. Indè Anno 1556. cum ægeret ipse 25. ætatis, à S. Patriarcha Coloniâ missus est, ubi non pridem Senatus novum trium Coronarum Gymnasium erexerat, eique Regentem primum præfecerat Jaco-

bum Lichium: sed quia hic paulò post Lutheri erroribus addictus deprehensus est, circumspicerè Catholicos Præceptores Orthodoxa cum primis Civitas cœpit, & ad Collegiû Societati ibidem fundandum propendere. Ibi cum duobus Sacerdotibus artes diversas tradere, simulque latino & germanico idiomate pro suggestu ad populum dicere exorsus, sacram Scripturam ad Academicos in Theologia, Astronomiam verò in Philosophia sibi explicandam utrà assumpsit; quibus

Ttt 3

Audi-



Auditorium maximum non voluptate solum, sed admiratione etiam complevit, præsertim cum tantam doctrinam commendaret ætatis immaturitas, quam ornabant magis etiam & venustas sermonis, & varietas lingvarum. Cum verò anno sequente præter alios ingentes concionibus proventus, plussculi Academicorum, Societatis desiderio capti, illi se adjunxissent, Francisco præter Philosophiæ in Academia explicationem, Tyronum institutio demandata est: quo in munere suam operam egregiè probavit, adlectis excultisque optimæ indolis adolescentibus. Juvenis inter reliquos ejus in Philosophia discipulos fuit 18. annorum, Ogerius Dabancianus Leodiensis patriâ, qui cum Divina mysteria octavo quoque die frequentaret, assiduas intus in animo audiebat voces, quibus ad Societatem capefendam impellebatur. Quarum impatiens, ut importuno monitore submoto securam vitam liberè exigeret, non apparere ampliùs in templo, non ad sacrum Confectionis tribunal, non ad mensam Angelorum accedere; inter sodales è contra perniciosâ vagos licentiâ dux ipse volitare. Interim tempus aderat, quo Magistros ex Philosophia creari oportebat; ex quibus Ogerius, cum abjectâ rectè faciendi mente, discendi quoque (ut ferè fit) cogitationem ablegasset, nè tamen condiscipulis magisterio cohonestatis turpiter ipse præteriretur, inter candidatos nomen suum Francisco profiteretur. Prehensâ Pater ansâ fidem fecit ejus quoad posset juvandi, sperans fore, ut cum igniculis mundanæ hujus gloriolæ rediret animus ad antiqua pietatis exercitia: verùm respiceret se se, admonuit, notam esse omnibus ejus & piarum rerum, & Philosophiæ incuriam; talibus moribus præditum, & usque eo imperitum, nec expedire nec licere ornare. Permotus his adolescens, ingenti ardore se ad Philosophiæ simul & pietatis studia refert: ac sinè mora eadem cogitatio ineundæ Societatis præsto est, graviùsq; stimulat, ut aliquando defatigatus ac propè desperans exclamârit: *itâne compellar invitatus & perpellar, ut efficiar Jesuita?* continuòque audivit vocem: *itâ sanè, & nisi id facias, moriêre.* Nihilò magis obsequenti, insolito gelu pedes obrigescunt, quod sensim per tibias fufum in ceterum surrepebat corpus. Adhibet Medicos, balnea, fomenta; sed frustra: jamque ad vitæ sedem malum propinquabat, cum demum stuporem mentis suæ sentire incipiens, Franciscum adit, serièmq; narrans, ad ultimum induxisse animum DEUM sequi fatetur. Ut verò clariùs appareret, quo fine

pertinax gelu à DEO immissum esset, jussus à Francisco (spiritu Divino & prophetico impulsu) ad tyrocinium se eadem adhuc vespè conferre, ut primùm pedes Collegio intulit, rigor simul omnis evanuit, & ille propositi constans ad mortem usque, quàm piè tandem Moguntia obijt, perseveravit.

Franciscus interim tradendis Philosophicis Theologicisque disciplinis Colonia inclarescens, sacri Doctōratûs insignia ibidem suscepit, & 4. se votis solennibus illigavit. Tum concionibus varias Germaniæ & Belgij partes illustrans, ingentia ex animabus lucra, & plurimorum ab hæresi conversiones reportavit. Erat enim non minoris facundiæ quàm spiritus, quo animos audientium percellebat, incendebat pectora, & quò DEUM velle novat, impellebat; hæreticorum verò artes & versutias ita refellebat, ut eorum malleus passim ex vero audiret: neque ulla tantæ molis erat Ecclesia, quæ audire cupientium multitudinem caperet. Sed non contentus hæresim voce & lingvâ persequi, eandem 20. diversis minimùm scriptis tractatibus & libris, stylo impugnavit, quibus multis Hollandorum millibus saluti fuit, ut vel nutantes in fide firmarentur, vel lapsi resurgerent; præter edita complura ad nutriendam Catholicam pietatem opera, concionum inprimis tomos aliquot. Multis deinde in Societate Collegijs præfuit, bis Provinciæ Belgicæ, semel Rhenanæ, in tribus Congregationibus Generalibus præfens suffragator. Nunquam torâ vitâ, cujus annos exegit 88. infirmatus est, tribuens id potissimùm documento à S. IGNA- TIO sibi, dum Novitius semper ridere sibi notaretur, dato; ut mentis jugem lætitiâ cordi haberet. Nunquam ultra horam consuetam somnum extraxit: nulla eum cura vel sollicitudo unquam perturbavit aut interrupit: nunquam à Sacro faciendo, nisi ultimo morbo prostratus, abstinuit. In se fuit adeò severus, ut perpetuo cilicio, creberrimisque flagris corpus attereret. Vel tum cum regebat Provinciam, libros scribebat, & conciones sæpe plures unâ die habebat, & audiebat confitentes, & cum hæreticis passim disputabat. Pedes ferè conficiebat, quamvis longissima itinera cilicio succinctus, & de via repente concionabundus exiliebat in pulpitem, & magnâ contentione, tanquam recens à quiete esset, differebat. Tam scripsit copiosè, tanto concionatus est hominum concursu, ut in præcipuis Societatis Scriptoribus Concionatoribûsq; videatur numerandus. Deficientes à Societate ita execrabatur, ut æ-



grè nostros pateretur cum ipsis vel miscere colloquia. In S. IGNATIUM, quocum egerat vivente, & Beatis adscriptum postea vidit, tenerimo ferebatur affectu; nec sinè lacrymarum profusione Sacrum de illo faciebat. Tria sibi ab eo in tyrocinio præcepta data esse memorabat, quorum fuit & observantissimus, & similiter alijs præscribebat; ut nimirum *demissionem animi*, tum *obedientiam cordi haberet, ità enim fore* (quod erat tertium) *ut perpetuà potiretur animi pace & letitiâ.* Virginitatem nullà unquam cogitatione, aut indecoro motu oppugnatam se servasse, factus est ipse aliquando. Sermo illi sinè fuco, simpliciorum consuetudo gratissima: nunquam auditus vel minimi defectus narratione alicujus obscurare famam: pijs autem colloquijs ità delectatus, ut ijs illatis vel si dormiret expergisceretur; aliena mala si recensentur, mox obdormisceret.

Multus semper in oratione fuit, nè tum quidem eam solitus abrumpere, cum è musæo se in triclinium aliòve conferret: quæ etiam, mentali præcipuè, omne itinerum tempus extrahebat, aut certè meditata cum comite viæ conferebat. Animum solebat quotidie confessione purgare, & humilitati exercendæ lances culinæ quot hebdomadis, etiam cum administraret Provinciam, detergere. DEIPARÆ Virginis, cui se dicebat infantulum, à parentibus fuisse consecratum, præcipuus cultor extitit; ejus pervigilijs se in publicæ cœnatione sociorum accusare, atque à se poënam aliquam repetere; omnes ejus imagines ubilibet obvias apertò capite, & Angelicâ salutatione venerari; ejus dotes & miracula perlibenter vel audire vel referre. Sodalita-

*Ex Historia Societatis, & Nierembergij Tomo 1.*

## P. STEPHANUS BENASSAI

& alij 26.



Ater Stephanus Benassai Italus Lucensis; magni nominis in forensibus actionibus, antequam Societatem inijt, Romæ Causidicus, & planè felix fuit, ut parti adversæ formidini esset: quem ob virtutis & doctrinæ præstantiam Paulus V. Pontifex Maximus ad Archi Episcopatus celsitudinem motu proprio, nihil tale pensantem, evehere volebat. In Societate ingenti animarum zelo exæstuans, & Fidei Catholicæ etiam inter Infideles & barbaros propagandæ

tes ejus honori primus in Provincijs, quibus præfuit, erexit: ijs leges condidit, formam pietatis ac modum, edito in lucem opusculo docuit. Antverpiæ grandem statuam procuria collocandam curavit, submoto, qui locum illum occupabat, profano Colosso. Vitam suam omnem ità proximorum bono sacram habuit, ut non scriptione duntaxat, concionibus, aliisque Societatis ministerijs semper illis commodaret, verum etiam Duaci cum Rector esset, nè quem suorum pestis periculo objiceret, ipse lue afflatorum obsequio suà se sponte addiderit. Denique vitam his laudibus ornatam cum ad magnum senium provexisset, ætati magis & necessitati naturæ, quàm morbo succubuit. Dum ultimis Sacramentis imbueretur, identidem exclamabat: *ô quanta consolatio!* Rogatus an libens moreretur, illis divi Ambrosij verbis respondit: *ità vixi, ut me vixisse non pudeat, mori autem non timeo, quia bonum Dominum habeo.* Demum cum 90. illi psalmus à quopiam nostrorum recitaretur, & ad singulos propè versus eorum in se sententias locum jam habuisset affirmaret, illis verbis recitatis: *ostendam illi salutare meum: hoc porro ait: jam reliquum expecto.* Id cum socius debere eum præstolari diceret: *nihil*, inquit, *dubito, nihil dubito, & quantum erit gaudium cum Domino esse!* & in his ferè verbis expiravit Bruxellæ 6. Dec. A. 1619. ætatis 88. Societatis 67. Mox omnium ingentes de ejus sanctitate fuere sermones, concursus ad cadaver osculandum, & Rosarijs tangendum grandis: è cujus reculis quidquid haberi potuit, magnâ religione ad venerationem distractum est.

cupidus, annos jam ferè 50. natus, lingvam Illyricam à primis fundamentis condidit, ut in Turcicas partes, id quod sperabat, mittendus, idoneam Evangelio proferendo operam collocaret: cujus jam tum magna charitas Romæ eluxit, in Ægyptijs & Turcicis mancipijs doctrinâ Christianâ erudiendis. Centumcellas Decembri mense pedes ut procurreret, impetravit; ubi Pontificiæ triremes miserè cum peste conflictabantur; quibus dum gnaviter omnem operam navaret, inter expiandum eos, quos lues prostraverat, anhelitus eorum tetro & peste haustâ correptus; illud inge-





P. Stephanus Benasfai S.I. Ital<sup>9</sup>, ex celebri Roma  
Causidico, Soc. Iesu Religios<sup>9</sup>, fact<sup>9</sup>, animarum lu-  
cris magno zelo se impendit, in obsequio Classis  
Pontificiæ contagio infectæ demortuus 16. Ian.  
1620. at: 52. præter Socios 26. alibi similiter extinctos.

104.

ingeminabat morti jam proximus ad socios, ad quos in Collegium fuerat deportatus: ô bene est! beatè est Patres, in paradisum imus, in paradisum! eodem quo decessit planè tempore, quidam de Societate ad S. Andreæ agens apud Novitios, in cubiculo suo perju- cundum resplendere vidit nocte lucem, & in illa Virum veste candidâ, vultu hilari & ju- cundo; in quem dum intentos habet oculos, sensit intimè animo suo imprimi, esse P. Ste- phanum: & brevè ex Collegio Romano si- gnificatum est, P. Stephanum eâ ipsâ horâ ob- iisse, die nimirum 16. Januarij A. 1620. æta- tis 52.

Placet huic adnectere alios, diversis tem- poribus in simili supremæ charitatis erga pe- stiferos exhibitæ obsequio, per Italiam & Si- ciliam extinctos, quos alibi commodius re-

ferre non liceret. Quadriennio post, nempe 1624. gravis exorta lues Panormum afflixit, per corruptas ex Africa merces illuc delata: quam demum S. Rosalia Virgo Regia, cujus in vicino monte corpus à non sperantibus, & alia quærentibus fossoribus, post annos à morte circiter 400. tunc inventum est, peni- tus extinxit. Ex socijs qui vitam infectis ju- vandis addixerant, decessere terni: Jacobus Amatus, Siculus Carini natus, Coadjutor temporalis, die 22. Julij, anno ætatis 33. Alter mox sequenti die P. Josephus Curzi, Si- culus Panormitanus, quatuor vota professus, annorum 59. Die demum 5. Sept. P. Hiero- nymus Calderarius, Siculus, ex oppido S. Mar- ci, 4. vota professus, annor: 42. Quos secu- tus est anno insequenti ibidem ad diem 9. Fe- bruarij Joannes Plances, itidem Siculus Coad- jutor



jutor temporalis. Rursum anno 1626. recru-  
descende, quæ prius beneficio S. Rosaliæ ex-  
tincta penitus erat, pestilente, quatuor nostri  
pugiles concidere Panormi, omnes ibidem in  
lucem editi. P. Vincentius Bongiorius, anno-  
rum 30, die 23. Jan: P. Hieronymus Platamo-  
nius, tria vota professus, annorum 47. die 30.  
Jan: P. Petrus Buffardus, die 6. Aprilis, anno-  
rum 29. P. Vincentius Galettus, vir ibi sum-  
mo loco natus 4. vota professus, annor: 46.  
mortuus 17. Maij. Saccæ verò ejusdem Si-  
ciliæ Urbe, concidere eodem anno tres victi-  
mæ, Sacerdotum ad infirmos asseclæ, 16. Mar-  
tij. Joannes Bonerba Catanensis, Coadjutor  
temporalis, annorum 56. Postridie verò An-  
tonius Virduccius, Calaber, item Coadjutor,  
annorum 78. Et 30. Aprilis Franciscus Mu-  
rena, Scholasticus, Neri in extrema Sicilia na-  
tus, annorum 24. His adde ex priore sæ-  
culo (quando suo loco omitti sunt) A. 1558.  
Mutinæ P. Philippum Faber, Belgam Leodien-  
sem; hic cum esset in primis illis Societatis  
initijs Collegij Rector, sævientibus istis mor-  
bis, ad juvandos cives totum se convertit, ne  
quidquam dissuadentibus amicis. *Sed ego non  
video, (scribebat ipse Patri Lainez Societatis  
Generali) quæ fieri possit sive cum pace conscien-  
tiæ meæ, qui gravem eam necessitatem intueor;  
sive absque eorum offensione, qui die ac nocte  
summis obtestationibus ad agrorum confessiones  
catervatim vocant, si pusillum hoc auxilij, quod  
Majestas Divina in nobis reposuit, negem.*  
*Equidem certus sum, si DEO cordi fuerit, va-  
letudinem nobis ad suum obsequium conservare,  
conservaturum: sin potius calicem suum nobis  
porrigat, id veluti sapientissimum Medicum,*  
*quod animarum nostrarum saluti magis expedi-  
at, esse facturum: satisque novi nil esse ma-*

*Ex Alegambe victimis Charitatis.*

## P. OCTAVIUS CAJETANUS.



Quantam fervorem DEI,  
dum impigre in salutem ani-  
marum incumbunt, curam  
habeat cælum, non tantum  
contra perversorum homi-  
num conatus, verum etiam  
in dæmonis artes, luculentè videre est in P.  
Octavio Cajetano, in quem evocatæ etiam  
ab inferis furæ, mirabiliter conatu suo fru-  
stratæ sunt. Natus in Sicilia Syracusis nobi-  
lissimâ Comitum Sortini familiâ anno 1566.  
cùm juvenis aliquando oraret in Templo So-  
cietatis JESU, Christum Dominum Crucifi-  
xum in Altari conspexit; cujus viciniùs con-  
templâdi desiderio quò propiùs accedebat, eò  
*Societas Europæa.*

*gnum, paululum quid perpeti, atque adeò vi-  
tam ejus causâ, à quo millies accepimus, semel  
tradere.* Ità ad labores mortemque paratus  
contagione afficitur, & 26. Februarij moritur,  
Anno ætatis 34. quòd Collegium proprio  
Templo adhuc careret, in Presbyterorum  
Templi maximi sepulchro, funus omni Clero  
& totâ civitate prosequente conditus. Anno  
1575. Messanæ in Sicilia 28. Martij, simili  
morte cecidit P. Angelus Sibilla, ob vitæ in-  
nocentiam, & ardentissimam in DEUM cha-  
ritatem, re & nomine Angelus habitus. Se-  
quenti verò anno in Junio Venetijs P. Hector  
Leonellus Italus Fanensis, antea Mutinæ Re-  
ctor, annorum 41. & P. Guido Toscus, Italus,  
annorum 37. quos 31. Julij secutus est P. Cæ-  
sar Kelmus Italus Fulginas, quinquagenario  
major, multis annis ibi Collegij antea Rector.  
Mediolani quoque hoc anno, cum S. Carolo  
Borromæo Cardinale & Urbis Archi-Episco-  
po, pestiferis servientes enecti sunt, P. Geor-  
gius Farina Cunienensis, & P. Franciscus Centu-  
rio Genuensis, ex Ordine Patritio, Itali. An-  
no verò 1577. Brixia P. Franciscus Stephanus,  
Hispanus Valentia natus, annorum 42. Ite-  
rum anno 1579. Genuæ occubuerunt, P. Joan-  
nes Andora Genuensis, 8. Octobr: annorum  
34. P. Julius Palmerius Senensis, annorum  
29. & P. Joannes de Martinis, ante annos 13.  
jam Sacerdos Societatem ingressus. Deniq;  
Anno 1602. Catacæ in extrema Italia P. Leo-  
nardus S. Angeli, Rector Collegij 1. Junij.  
Ejusque successor P. Franciscus Moranus, unâ  
cum socio Coadjutore Fabio Polito, 9. Junij.  
His adde in Chio Græciæ insula pari in obse-  
quio extinctum Anno 1622. mense Junio,  
P. Dominicum Stella, 4. vota professum, ipsa  
à Chio oriundum.

grandior fieri videbatur. Eo spectaculo in-  
timè commotus Societatem efflictim expe-  
tijt, superatisque cognatorum difficultatibus  
impetravit, tyrocinium Messanæ ingressus  
20. Maij, anno 1582. Vitam illico sanctio-  
rem magnâ austeritate auspicatus, longis fla-  
gellationibus delicatos artus cruentabat, per-  
vigilijs maximè omnibus Beatissimæ Virginis,  
& sextis hebdomadæ ferijs: nudis in asseribus  
ad somnum cubabat: in victu & omni cor-  
poris cultu perparcus, ut paupertatem veræ  
matris instar diligere videretur. Rarâ ad-  
modum eluxit morum innocentia, & vitæ  
integritate: modestiæ & verecundiæ singula-  
ris; obediens usque ad admirationem. In-  
anima-

V v v





P. Octavi<sup>9</sup> Cajetan<sup>9</sup> Soc: Iesu, & Comitib<sup>9</sup> Sortini, Sicul<sup>9</sup>; ex odio Sacramenti Pœnitentiæ in cui<sup>9</sup> administratione assidu<sup>9</sup> erat, ad necem, etiam magicis artib<sup>9</sup>, quæsit<sup>9</sup>, à S. Ignatio indemnus servatur, mirisq<sup>9</sup> à Deo favorib<sup>9</sup>, ornatur. Obijt Panormi 8. Martij 1620. Et: 54.

bus DEO quærendis cum esset strenuus, operam præcipuè ijs pro sacro tribunali fructuosissimam impendebat, cujus occasione res illi plena mirabilitatis accidit Panormi A. 1600. Interrogabat subobscurè scēminam quandam de re arcana, ut nescio quid non bene explicatum retingeret; illa de graviore quodam scelere, quod occultissimè admiserat, rata inquiri, cum nollet ejus deponere consuetudinem, Patrem de medio tollere constituit, nè per illum à vitio importunis consilijs retraheretur. Ergo sic clām instructa venit ad Templum, & post brevem cum Patre sermonem abeunti parat vulnus imponere. Sed ecce minitabundus è proximo Altari se objicit illi S. IGNATIUS, cujus tum quidem aspectu deterrita, facinore abstinuit. Verum postea quàm indè abscessit, inertiam suam cœpit ac-

cusare, & fidentior ad designatam cædem revertit, certa Patrem inter colloquendum ferire. At cum jam in procinctu expediendi pugionis stare, ita viribus se sensit destitui, ut facinus aggredi neutiquam posset. Ergo velut intemperijs quibusdam incitata, nè tertius illi conatus, veluti priores, evanescat, dæmonem invocat, & pacto inito, etiam corporis sui ad libidinem copiam avernali incubo facit, eā conditione, ut ad inferendam P. Octavio necem, quam ipsa ut maximè vellet, non posset, opem & vires conferat. Sed post varia tentata, coactus est ipse quoque hostis infernus fateri imbecillitatem suam, cum diceret: IGNATIUM non permittere, ut suis filiis noxæ quidquam infligat. Igitur mutato consilio mulier perfida honorem Patris tentat corrumpere, cum vitam non posset: paci-



pacisciturque cum dæmone, ut formâ liberali puellam, quam ad sceleris consortium inductam addixerat stygio mancipatui, in tempeſtâ nocte ad cubiculum Patris illatam, ibi relinquat. Ubi primùm poſt eam noctem illuxit, ſollicita de eventu improba, ad puellæ domum accurrit, exploratura quo res evaſiſſet. Sed deprehendit reveſtam à dæmone, puellam deformatam, atrâque carbonis inſtar, membris etiam diſtortis, & furijs agitâ- tam. Dæmon interrogatus, aditum ſibi pa- ruiſſe negavit, obiectis unde quaque obici- bus: nec aliud puella reſpondit, quàm repe- tendo: *IGNATIUS, IGNATIUS impedimento eſt, & auctor infortuni mei*: ac paucis diebus in- felicem animam expuit. At ſcæmina tragœ- diæ totius concitatrix in ſe tandem reverſa, diabolo renunciavit, & vitam univerſam pri- ſus apud P. Octavium confeſſione expiatam, correxit.

Vir fuit P. Octavius excelsæ virtutis & ſapientiæ, ideoque gubernationi etiam ad- motus, bis præfuit Rector Mamertino & Pa- normitano Collegijs, itidémque Panormi Do- num Profeſſorum adminiſtravit, magnâ inte- gritatis & obſervantiæ luce. Spiritum devo- tionis ubique tam in noſtris, quàm externis hominibus, mirum in modum promovit: in negotijs, quæ cum DEI gloria conjuncta e- rant, exequendis efficaciæ, & animi virilis, nul- lius contrâ nitentis auctoritatem reveritus. Ex ſingulari, quo in Sanctorum propagandum cultum ferebatur zelo, laboravit multos an- nos in eruendis in lucem rebus geſtis Sancto- rum Sicilia, cui operi tandem effectui dato immortalus eſt: tam exigua rerum creaturarum curâ, ut hujus ipſius operis, poſt acceptum mortis indubiæ nuncium, non meminifſet, ut cuiſpiam ejus editionem commendaret, donec illi à Superioribus fuit imperatum. Et vide- tur Cœlitibus gratus fuiſſe hic labor, vel ex eo, quòd quadriennio ante mortem, cum pericu- loſo morbo decumberet, opere ſatis tum

imperfecto, præter ſpem, & morbo ſimul, & Collegij quod regebat curâ liberatus eſt, viribûſque ita auctus, ut illud potuerit ad um- bilicum adducere. Illud etiam argumentum accedit, quòd cum anno 1611. ultimâ Octo- bris, votivum de SS. Angelis Sacrum faceret, ut illis ſucceſſum ſui hujus laboris commen- daret, pia quæ aderat matrona magnum vi- dit Angelorum numerum, qui Patrem *Confi- teor* de more in Miſſæ introitu dicentem cir- cumſtabant: aliôſque & alios ſe ijs addere, Cœlites ſpiritus, prout in Sacro magis magiſ- que progrediebatur, donec imminente con- ſecratione accederet Regina Angelorum, plu- rimis Cœlitibus ſtipata, quæ in ſinu gerebat velut Templi cujuſdam, aut tabernaculi ſi- mulachrum, ex quo ſub conſecratione pul- cherrimus prodibat infantulus. Sic adſtitif- ſe omnes Sacrificio, donec ad communionem Dominus arctè viſus eſt Octavij animam complecti. His ille auſpicijs, inter alias non leves officiij ſui & animarum curas, opus gran- de atque impeditum perurſit ad finem. In extremo morbo cum ſociorum nonnulli, præ- ter preces & vota, reliquias etiam S. IGNATII, atque aliorum Cœlitum ipſius incolumitati procurandæ adhiberent, Superiori ad ſe ac- ceſſito dixit, ea ſalutis quærendæ media ſu- am conditionem & merita excedere: præſer- tim cum ſibi viſus eſſet quieſcenti primùm, mox etiam vigilant! S. IGNATIUS B. Virgini ſup- plicare, ſuorumque illi vota pro ſua ſalute ex- plicare. Sed DEI param nutu indicâſſe, haud oportere ſibi vitam ultra prorogari: fortâſſe propterea, quòd jam opus abſolverat, cui ma- turando fuerat hucusque ſervatus in vita. Er- go inter pia cum Divis colloquia Sacramentis jam inſtructus, ſvaviſſimè obdormivit Panor- mi 8. Martij, anno ſalutis 1620. ætatis 54. Societatis 38. Ejus effigies Romæ fuit Super- riorum facultate in ære expreſſa, cum elogio excellentis non minùs virtutis & ſanctitatis, quàm natalium & doctrinæ.

*Ex Bibliotheca Alegambe, & Nierembergij Tomo 3.*

## P. JOANNES BORDESIUS.

**P** Rodigium ſcientiarum, & omnis doctrinæ fuit hic ſervus DEI, quemadmodum ob hujus multiplicem copi- am appellatus admirabilis, ita ob ſpiritûs & ſanctitatis ſplendorem venerabilis. Natus Burdigalæ in Gallia, adſcitus eſt in Societatem A. 1577. ætatis ſuæ 17. Vir incredibili ingenio, & non

humanioribus ſolùm, ac Philoſophicis, Theo- logicisſque literis, ſed omnium artium peritiâ inſtructus; nam & Aſtrologiam eximiè cal- luit, Muſicam, Arithmeticam, Coſmogra- phiam, Medicam, Piſturam; plantarum quo- que naturas, virêſque herbarum, & pleraque Mechanicorum: Rhetoricam Mediolani pri- mùm, deinde eandem in Gallia, Philoſophi- am quoque ac Theologiam, cum laude pro- feſſus

*Societas Europæa.*

VVV 2





P. Joannes Bordeſi, S.J. Gallus, Vir ſummæ doctrinæ et zeli Animarum, Canadenſis in Nova Francia Miſſionis Auctor. Obijt in Galliæ Oppido S. MARIE 2 Apr. Anno 1620. Etat: 61.

Jeſus eſt. Auſcitanum & Aginnenſe Collegia Rector gubernavit. Sed virtutum ejus ornamenta longè fuerunt etiam illuſtriora. Incrèdibilis in eo humilitas, ut neminem præ ſe aſpernaretur, nulli ſe ipſe præhaberet: dùmque in Miſſionibus expeditiones implebat Apoſtolicas, conſortio & viſtu cum paſtoribus urebatur communi, in eorum pernoctabat tugurijs, nec cum ullo hominum genere verſabatur propenſius, atque agreſtibus & ruricolis. Divini cultûs promovendi incrèdibili ſtudio tenebatur, nec ulli ſe labori, qui poſſet huic ſtudio commodare, ſubtrahebat. Canadenſem in Nova Francia inter Barbaros ipſe Miſſionem primus, interprete apud Regem P. Petro Cottonio procuravit: inſtitutam impetrato ſubſidio ab Vazatenſi Epifcopo, promovit, quin & ſuam barbaris

illis antropophagis cõvertendis operâ, ſi DEO ſic fuiſſet viſum, addixit. Sed nihilò in Gallia præſtitit minùs, quàm ibi feciſſet difficillimis Miſſionibus, & expeditionib; ſuſceptis. Angeriacũ, quod eſt oppidũ apud Xantonas ſædo hæreticorũ grege reſertum, cum anno 1608. veniſſet, illud ſenticetum ita excoluit, ut nova propemodum ſoli facies videretur. Totos deinceps annos decem in Bearnenſi duriffima regione, per maximam rerum omnium difficultatem, tanquam ignotus in orbis angulo, per omnem temporum inclementiam, pedes locis aſperimis iter corripiens, sæpe ſub dio pernoctans, verſatus eſt; ut interdico ſibi otio & quiete, omnique oblectamento, ingenti animi fortitudine perduraret. Hic eum conſpicatus Adurenſis Epifcopus, D. Philip-  
pus Coſpeau, vir doctrinâ & pietate celeberrimus,



rimus, vili tectum lacernâ, vix bene ad retinendam vitam pastum, Apostolico more circumcursantem, exclamavit: *ô verè Virum Apostolicum, quibac in atate sexagenaria, animo est in DEI obsequium tam vegeto!* sæpe nocturnis excitus vocibus, ad ægros, ad saucios incompitis jacentes excurrit immemor sui, & in Nosocomium perlatos, corporis animisque præsidij recreavit. Nec semel sua sibi calceamenta detraxit, quibus inopum pedes confoveret. Afflictos recreabat alloquio; ulcerofos curabat, strumas, scabiem, vomicas ingenti charitate tractabat. Frequentes habebat conciones, & cum hæreticorum antesignanis congediebatur, eo eventu; ut omnibus obstrueret ora, nec jam auderet quicquam cum ipso in arenam descendere, nisi alienâ ipse veste se dissimularer, sicque ignotus illos proliceret. Fuit ibi ad hæreticorum tribunal aliquando pertractus, convitijs petitus ac probris, totâ Benearnâ proscriptus, uno vix gradu à martyrio disjunctus. Obedientiæ tam fuit studiosus, ut ad nutum Superiorum nihil illi esset difficile, nihil humile, nihil loci temporisve distractione insuperabile. Quan-

*Ex Bibliotheca Alegambe & Nierembergij Tomo 1.*

tò B. V. amore teneretur vel illud argumento est, quòd illius pervigilia traducebat infomnis confessionibus audiendis; quòd ejus memoriam animis hominum ardentè nitebatur passim inferere; quòd Senatorios etiam viros liberiore sermone de Parthenijs Sodalibus obloquentes, non sit veritus generosè compescere; quòd ædem ipsius Saranziensem, religione juxta ac antiquitate nobilem, sed postremis bellis profligatam, quando aliter vindicare non potuit, contextâ ab ultima origine historiâ decoravit. Tandem longo hydropè confectus, sanctè obiit inter Civium & Canonicorum officia in Oppido S. MARIAE, haud Olorone procul in Benearnia die 2. Aprilis, A. salutis 1620. ætatis 61. Religiosis 42. jam dudum in ea quatuor votis solenniter adstrictus. Tanta fuit ad nuncium mortis ejus, populi concursatio propter sanctimoniam opinionem, ut occludi fores oportuerit adversus vim multitudinis. Diu Cives inter Canonicosque certatum est, utris exportandum ad funus cadaver cederet; nec componi lis potuit, nisi utrisque succollandi vices darentur.

## P. ERTMANNUS TOLGSDORFF.

**P**ater Ertmannus Tolgsdorff natione Pruthenus, trium in Societate votorum professus, non immeritò ab Livoniæ Episcopo Ottone Schenking, Livoniæ Pater, & Apostolus appellatus, nimirum receptâ de Mosco eâ Provinciâ à Stephano Poloniæ Rege, missi in eam sunt ab Episcopo Varmiensis Martino Cramero Sacerdotes aliqui, ut obrutam annis 50. fidem Catholicam instaurarent. Inter eos erat Ertmannus Gustadiensis Canonicus salutis animarum sitientissimus, qui Volmariensem paræciam sortitò nactus, eam mirificè excoluit, & linguam gentis brevi affecutus, aptissimos in eam rem libros conscripsit. Deindè cum exturbatam Rigâ Societatem Hæretici, quamvis urgente Sigismundo Rege, recipere nullo modo vellent, tempori serviendum tantisper esse visum est Regi, ut bona saltem possent hæreticis eripi, quæ Sacerdoti cuiquam sæculari intereâ committerentur. Delectus ad id Ertmannus est, quem indole modestissimum haud ægrè admiserunt Hæretici, rati nihil illum suis rebus incommodaturum. Adjte ergo Monasterij quod tenebamus, possessionem; Templum

adornavit, conciones, & Ecclesiasticos ritus restituit, cantum Gregorianum cum aliquot pueris, quos instruxit, resumpsit, matutinas preces, vespertinasque decantans. Hymnos Ecclesiæ, & Antiphonas, cum nullus esset, qui calleret; nec essent ad manum libri, undè promi possent, ipse è memoria descriptos distinxit in libros, quibus hodièque S. Jacobi Ecclesia, atque inde mutuata universa Livonia utitur. Tandem dum anno 1581. recepta Rigam Societas est, ipse unâ cum Monasterio se quoque ipsum Societati contradidit. Cracoviam missus Tirocinium ibi posuit incredibili animi submissione. Mox remissus Rigam totus in hominum salutem incubuit, Vendensem Diœcesim cum Episcopo lustravit, quam cum vidisset opportunis Operarijs destitutam, adolescentes è Prussia evocavit, emendicatis subsidij educavit, instruxit, Ecclesijs præfecit. Potior ejus occupatio in Missionibus fuit; & laboriosior, quòd duriora inciderunt tempora, quæ Svecorum armis 14. & amplius annos Livoniam vexârunt. Pagi passim incolis nudati, nulla hospitia, nulla solatia afflictæ vel ætatis, vel valetudinis, undique hostium, undique latronum pericula, nec rarò amnes rapidi Divinâ magis ope, quàm humanâ





P. Ertmannus Tölgsdorf Soc. Iesu, Pruthenus, Livoniae Pater et Apostolus, habitus, in qua ferè solus Fidem Catholicam conservavit, Cantum Ecclesiasticum restituit, Operari, ad mortem usq. indefessus. Obijt Vindæ A<sup>o</sup> 1620. 4. Oct. Aetatis. 70.

tranandi. Anno 1603. cum passim jacerent in vijs, lue, pædoréque consumpti mortales; ipse quo ardebat zelo, illis quaquavaluit ope, præstò fuit. Hinc rusticanæ plebeculæ tam carus fuit, ut ipsam ejus memoriam ubique venerarentur, nec aliter eum, quam honestissimis suâ lingvâ nomenclationibus, Senem Dominum, Livoniæ Patrem; & Episcopum vocitarent. Magnus in eo viguit religiosæ paupertatis amor; nocturnis horis, haud aliâ quàm tædæ pineæ luce, ad Canonicas preces legendas utebatur, quamvis oculi senio caligarent. Nullâ conditurâ ciborum famem provocabat; escas sæpè iterum iterumque recoctas, easque admodum parabiles ad totius unius hebdomadæ alimentum, adhibebat. Postremis 16. vitæ annis, quos Vindæ duxit, senio confectus & morbis, so-

lis pulmentis edentulus victitavit; nec defervore tamen, aut consveto labore quidquam detraxit. Residentiæ illius labores solus ferè sustinuit. Ipse diebus festis horas antelucanas confitentibus dabat; indè concionabatur ad Germanos; tùm supplicationes atq; alia Parochi munia expediebat, & sacris operatus, dicebat ad Lothavos: quidquid erat temporis reliquum, denuò expiandis conscientijs tribuebat. A prandio catechismo imbiebat pueros, & rudes, secundum quem Vesperas decantabat; & si opus, infirmis sacra mysteria impendebat. Unus his omnibus Ertmannus id virium, & ætatis sufficebat cum admiratione multorum. Tandem in gravissimis doloribus salutiferum JESU nomen appellans piè defunctus est Vindæ die 4. Oct. A. 1620. ætatis 70, religionis 39.

Ex Bibliotheca P. Alegambe.

P. GUI-





P. Guilielmus Baillius, S. I. Gallus, Hæreticorum  
ac imprimis Calvinistarum impugnator acerrimus.  
Veneficos quàm plurimos à Dæmoniis præstigijs  
ad frugem reduxit. Mortuus Burdigalæ A<sup>o</sup> 1620  
27 Octobris Ætatis 63. 108.

## P. GUILIELMUS BAILLIUS.

**P**ater Guilielmus Baillius  
natione Gallus, nobili loco  
Monstrolij in Aniciensi Diœ-  
cesi natus, Tolosæ nomen  
Societati dedit; post Jurispru-  
dentia biennale studium,  
Anno 1577. ætatis 20. primis statim Tyroci-  
nij mensibus probandæ virtutis causâ datus  
Fratri obsonatori comes, in sordida lacerna  
de se ipso & mundo victoriam reportaturus;  
olera, fruges, & reliqua in foro comparata,  
ponè ipsum Juris Gymnasium, coram sibi fa-  
miliarissimis hilari animo præferebat: ex quo  
in omnem deinceps ætatem tantus illi rerum  
humanarum sui que despectus fuit, ut alio in-  
orbe vivere videretur. Domi cum omnibus

svavissimè facillimèque agebat, tanquam o-  
mnium vilissimum se reputans: foris tamen  
assumebat seriam quandam Religiosamque  
gravitatem; in concionibus præsertim, qui-  
bus totos 28. annos constanter impendit.  
Rara ipsi felicitas agendi cum hæreticis divi-  
nitus concessa, ut cum nemine illorum con-  
curreret, quem non ad Ecclesiam reduxisset.  
Bearnum ab Rege Henrico IV. Fidei libertati  
redditum, primus ipse ab erroribus purgavit.  
Santonas Calvinii labe infectos ita Catholicæ  
pietati restituit; ut palàm negent, inde usque  
à S. Eutropio Santonum Apostolo, quenquam  
laboribus, zelo, & pietate parem Baillio in il-  
lis oris visum esse. Irrepsit præter Calvi-  
ni errores, impia consuetudo inter Catholi-  
cos,



cos neminem ad mensam Evcharisticam ante 20. ætatis annum admittendi : quam ille quotidianis per Quadragesimam & Adventum concionibus feliciter profligavit, & ad frequentem usum cœlestis epuli persuasos, etiam ad Confirmationis Sacramentum admitrendum induxit, cujus plerique etiam adulti, ipsèque Præfectus, & tota ferè Nobilitas expertes vivebant. Tantusque fuit ad illud recipiendum accursus, ut multitudine obrutus, & magnitudine laboris fractus Episcopus, in ægritudinem inciderit. Duplicem in his conversionis primordiis apud eos instituit Sodalitatem; quarum fervor plurimum ad reformationem morum deservijt : dum inter reliqua pietatis exercitia nudis pedibus, supplicantium ritu, Ecclesias noctibus inviserent, ut publicâ pœnitentiâ DEUM sceleribus suis iratum placarent. Præter hæreticos, aliquot ad Ecclesiam reducti sunt Apostatæ, qui sæpius etiam ejuratâ Fidei veritate ad Calvinum desciverant. Effecit ibidem, ut auctoritate publicâ sanciretur gravis mulcta, apud quos inquinatæ vitæ mulierculæ deprehenderentur. His tam præclare in rem Catholicam, & perniciosè in hæresim à Patre gestis consternati verbi pseudo Ministri, publico in conventiculo centum viginti Prædicantium inter cætera caverunt, nè quis cum Jesuitarum aliquo in disceptionem de Religione veniret. Et evenit fortè, ut paucis diebus adesset in convivio cum quatuor viris Ecclesiasticis Ministellus, cum tres ex illis consulto quartum Jesuitam esse denunciant. Quo audito, risisses hæere verba subito obstrepero homini, pallere audaculum, figere, solo lumina impudentem; neque læcessitum velle respondere, qui initio omnes provocaturus videbatur. Santonum regione ac finibus cum aliæ multæ urbes celebres oppidæque, hæreticâ pravitate majorem partem labefactata continentur, tum Rupella in pri-

*Ex Nierembergij Tomo 4. & Bibliotheca Alegambe.*

## P. ROBERTUS BELLARMINUS

S. Romanæ Ecclesiæ Cardinalis.



Atria Roberto Bellarmino fuit Monte Politianum, nobile Hetruriæ oppidum, illustri familiâ, ex sorore Marcelli II. Pontificis, progenito, anno 1542. 4. Oct: festo S. Francisci Seraphici, cujus etiam nomen secundo loco accepit, mirè semper eidem addictus; utque officium de illis sacris

mis, & ea quam S. Joannis Angeriaci titulo nominant : & tamen ubi Pater Jubilæum à Pontifice indultum in proximum Paschæ anni 1601. de sacro suggestu promulgavit, ex his omnibus locis, 18. etiam levcis ab urbe diffitis, ad centum viginti hominum millia supplicationum ritu convenerunt. Atque à Rupella nominatim & Angeriaco, unde vix unus aut alter expectari aut sperari poruit, ad septem millia, triginta milliaribus pede confectis, affluxere. Post singularem ad hæreticos reducendos à DEO sibi concessam gratiam, magorum, sagarum, veneficorumque omnium artes & genera tam solerter discernebat, ut nunquam aberrârît : itaque prosperè ad frugem commercio diaboli illigatos revocabat, planè ut ad debellandum illius regnum à DEO datus videretur. Miserrimos quoque adibat libentiùs, & corrogatis subsidij sublevabat. Extremo addictos supplicio mirâ efficacitate ad bene moriendum comparabat, quam ipsi fortasse conciliabat è cœlo severa suimet diverberatio, quam bene longam huic actui, uti etiam singulis concionibus, præmittebat. Fuit enim constanter corporis sui, dum per vires & valetudinem licuit, acerrimus insectator. In Sacro cum Venerabilem Hostiam comunicaturus manu tenebat, *da mihi*, agebat, *Domine JESU animas pro quibus victima factus pretiosum sanguinem effundere voluisti*. Celebritate nominis sui, & zelo animarum ubique noto, ità per Galliam inclaruit, ut velut proverbio, apud Santonas præcipuè, Baillij appellarentur, quotquot in hoc Apostolico munere strenui essent. Ex tot laboribus contractâ hydropisi diuturnâ ærumnosâque, cum acerrimis conjunctâ doloribus, vexatus, incredibili moderatione diros illos cruciatus pertulit : donec victus tandem morti succubuit Burdigalæ die 27. Oct: anno 1620. ætatis 63. quatuor vota ab anno 1602. professus.

Stigmatibus approbaretur, efficacissimè jam Cardinalis cooperatus : à quo etiam obtinuit eodem Stigmatum die 17. Sept: vitâ excedere, mortem suam illius morti uniendo, quam sibi in agone prælegi voluit. Infantiam cum prima pueritia domi paternæ, omni vitio vacuam, intaminatè exegit ; ut nunquam sibi meminere vel leve mendacium excidisse : adeò ob morum honestissimam gravitatem jam





P. Robert, Bellarmin, S. J. Ital, Monte-Politian, S. R. E. Cardinalis, Marcelli II<sup>di</sup> Pont. Nepos, Ecclesiæ Catholicæ Athleta, Hæresum Expugnator, zelô Apostolicò, et vitæ, sanctimoniâ conspicuus, Obyit Romæ 17 Sept. A. 1621. Aetatis 80.

jam tum pueris condiscipulis venerandus; ut cum ad ludum accederet literarium, omnes ad modestiam & silentium componerentur. Consuetum illi erat noctu ad preces DEO fundendas surgere, afflictare flagellis corpusculum, longum tempus ante SS. Sacramentum in vicino templo de genibus orare: & cum ei scholas adeunti duplex prætereunda, esset sacra Ædes, nunquam omisit quin intro supplex adiret, atque in preces genua submitteret. Pari pietatè morumque tenore literas Patavij profecutus, cœpit humana omnia serio fastidio despiciere: & post aliquam deliberationem Societatem JESU elegit, eâ præcipuè causâ permotus, quia dignitates ac honores quoscunque ex voto recusans, operam suam integrè, citra spem ullius remunerationis, Pontifici addiceret. Sed cum Parens

*Societas Europæa.*

inopinâ mente filij perculsus, nollet ante unius anni lapsum veniam abeundi concedere, domum è studijs retractus, cum cognato ejusdem intentionis Richardo Cervino, in villa extra Urbem habitationem delegit, pietatis & studiorum exercitationi magis idoneam: utq; operibus vocationi suæ congruis præluderet, institit festis & religiosis diebus paganos ejus viciniæ in Templo instituere, & dictione aptâ simplicique, postquam doctrinam Christi & capita Fidei, quæ sunt creditu necessaria, explicaverat, eosdem adhortari ad pietatem, timorem Domini, & fugam peccatorum. In his experimentis evolutò anno dimissus Romam, inter tyrones Societatis à Generali Lainio admissus est 20. Sept. A. 1560. ætatis 18. Tyrocinio brevissimè, quia adulta virtus in juvene notabatur, persunctus, & Phi-

xxx

loso-



Iosophiæ in Collegio Romano discendæ applicatus, perpetua in valetudine confictatus est, ita ut post ejus cursum missus ad docendas Florentiam literas, à Medicis depositus ex phthisi pronunciaretur. Sed ipse ad cœlestem Medicum conversus, cum ardentem vires magnis & diuturnis laboribus idoneas flagitasset, subito revalescere, vividum ore colorem, toto corpore pristinam incolumitatem recipere, ut anno insequente in Monte Regali Rhetoricen explicans, Concionatorem simul ordinarium in summo templo agere ingenti omnium plausu & admiratione, & domi ad Socios exhortatorem quiverit; eâ Patrum, seniorum etiam ædificatione, ut de eo scriberet Romam Superior: *nunquam sic, ut iste, locutus est homo*; omnes quippe cœlestem quandam ex eo vocem à se percipi dicebant. Vitam interim ita religiosè inculpatam, & navi omnis innoxiam tam hîc, quam alibi, quoad in numerum Purpuratorum Patrum assumptus est, in Societate egit; ut nemo inventus sit, qui unquam referre posset, eum legem ex quàm minimis vel unam neglexisse.

Impetraverat indè facultatem peregrinandi ad S. Francisci Assisium, & alia quædam loca sacra, cum Sacerdote comite; quam ille professionem velut in proximi salutem institutam, nè otiosus in pietatis propriæ solo gustu transigeret, cum per pagos ubique verbum DEI sereret, magnus labor socio fuit, eisdem ad pœnitentiam vehementi dictione permotos, confitentes audire. Assisio in vallem umbrosam, sacram Camaldulensium eremum deflectens, magnis illorum Religiosorum precibus adactus, concionem ad eos habuit tanto spiritûs ardore, ut stupore percussis lacrymas copiosè eliceret. Quod idem concionandi munus retinuit Patavij, dum quadriennio Theologiæ studiis operam navaret. Cum verò ingentes animorum motus, qui dictionem ejus in Auditoribus sequebantur, Romam ad S. Franciscum Borgiam Lanij successorem perferrentur, unâque pericula Religioni ab hæreticis in Belgio mota increbrescerent; jussit eum Borgia non expectato Theologiæ sine Lovanium proficisci, penes Theologiæ continuandæ studium, latinè ad Academicos dicturum. Quod ille munus, Sacerdotio jam initiatus, implevit ita cumulatè, ut locus auditorem non caperet, & dicentis piâ violentiâ quàm plurimi à singulis dictionibus ad pœnitentiæ tribunalia refugerent, nec pauci errores suos & hæresim ejurerent. Et quidem sexennio toto suggestum illum occupans, audiebatur aviditate nun-

quam intermissâ, famæ vero in alias etiam regiones tanto auctario, ut è Batavia & Anglia, Robertum audiendi studio, affluerent hæretici, quorum multi loquentis spiritui non valentes resistere, veritati manus dabant. Eisdem conciones, ut erant exarata, multis deletis & inductis, aut superscriptis, quia audire dicentem non poterant, magnis precibus impetravêre sibi à Roberto concedi Religiosi S. Norberti Parcenses, quas exscriptas legebant in triclinio super mensam ad epulum animæ, nè fructu adeò magno fraudarentur. Neque exiguus labor fuit Lovanien-sibus ut Robertum retinerent, quem sibi Ecclesiastem & S. Carolus Borromæus Mediolanum, & Lutetia in Galliam exposcebant. Cum verò ex omnibus ingens in eo vis ingenij appareret; delatum illi munus est Theologiæ Scholasticæ (licet inter tot pro suggestu labores, nè dimidium quidem ejus quæstionum discipulus audisset) è cathedra docendæ: fuitque primus è Societate, qui anno 1570. in ea civitate summam sapientiam de DEO docuit, labore tamen dicendi pro concione nunquam intermisso; donec ultimo anno, quia tot laboribus fractæ attenuari ejus vires cœperant, ut vita sensim pessumire videretur, levare debuit munere concionandi. Tantus insuper zelus fuit arma necessaria adversum hæreses, & novatorum errores comparandi, ut septennio illo suæ apud Belgas commemorationis, Hebræam linguam ad usque excellentiam combiberit, SS. Patres præcipuos omnes, Concilia, Jus Pontificium non modò accuratè evolverit, sed & profundè penetrârit: quod apparet ex ejus libro de Scriptoris Ecclesiasticis, in quo recensitis auctoribus 400. suum de illis explicat judicium, additâ censurâ, quæ illorum opera sint certa, quæ dubia, quæ manifestè suppositicia.

Septennio intrâ Belgium evolutò, post emissâ ibidem 4. vota solennia, cum deterior indies valetudo ejus appareret, revocatus Romam est, postquam in Patrio solo Politiani aliquamdiu vires curasset: adhibitusque est Controversijs Fidei in Collegio Romano explicandis. Eas autem tanto in publicum plausu enodavit, ut Cardinalis etiam Radzivilius adesse prælectionibus his voluerit: & sacrum Inquisitionis tribunal, & Curia tota Apostolica, ad omnes in Fide difficultates & controversias, illum Consiliarium adhibuerit. Cum verò ejus Auditores, juvenes præsertim Collegij Germanici, dictatas ab eo quæstiones in patriam referrent, profeminariæ per Septemtrionem vehementer cœperunt,



runt, adeò ut vix alicujus literaturæ, aut honestæ conditionis Catholicus superesset, qui sibi eas describi non optaret, tanquam certissimum adversus hæreses omnes antidotum, cui contradicere non possent omnes Fidei adversarij. Atque his veluti armis instructi, cœperunt hæreticis esse formidabiles; ut satis constet, ipso adversariorum testimonio, gravius à nullo vulnus hoc ævo sectarijs evenisse; quando certò compertum habetur, multa millia fluctuantium, ac veluti in hæresim jam inclinantium, illarum adminiculo in Fidei constantia servata esse, & multò plura, ab erroribus varijs ad orthodoxam traducta, hodièque traduci. Ergo certatim viri è Germania primarij ac sapientissimi totius Societatis Præpositum urgere, ut opus ad Fidei salutem ita utilis & necessarium prælo subjici juberet: quod onus sibi impositum, continuo labore, manu ipse propriâ singula complexus, summâ accuratione perfecit, ut videre est in originalibus ejus manuscriptis, ad perpetuam memoriam in Vaticana Bibliotheca hodièque asservatis. Cujus incredibilem utilitatem, vel indè colligas, quòd toties in diversis Orbis partibus recusum, in sola Germania vigesima omnino editione lucem aspexit. Tantam verò in Orbe Catholico universo, præsertim apud primores Ecclesiæ, Bellarmino peperit æstimationem, ut eum Cardinalium aliqui dicerent Magistrum Fidei, alij sæculi nostri Ambrosium, Augustinum, apicem Theologorum alij, & malleum hæreticorum, sanctæ Ecclesiæ propugnaculum, Christianæ Fidei columen: Innocentius autem nonus Pontifex Maximus ob navatam ita egregiè Ecclesiæ operam, purpuram ei destinavit, nisi immaturè vivis ereptus fuisset. Denique hostes Fidei omnes illo debilitati, postea nihil quicquam valuerunt, & veluti capite contrito, dum nihilominus ex pertinacia minimè conquiescunt, more angvium spiris & caudâ inutiliter hodièque minantur. Neque ullus æqui & justus arbiter aliter judicaturus est, quàm Bellarminum plus animarum bono hac unâ scripture contulisse, quàm si prædicatione Orbem obijisset universum: quidquid postea mendacissima hæreticorum ora & calami in Virum innocentissimum, zelo planè Apostolico hæresum zizania stirpitibus eradicantem, vomuere.

Perfunctus deinde munere Rectoris in Collegio Pœnitentiariæ, & Præfecti spiritus in Romano Collegio, ubi & B. Aloysium inter spirituales filios censebat, jussu Pontificis Sixti V. Legatum Pontificium Henricum

*Societatis Europææ.*

Cajetanum Cardinalem in Galliam comitatus est, ad componenda intestina Regni illius bella, in quæ hæreticorum fraudibus, maximo rei Catholicæ discrimine, inductum erat. Periculum inter maxima supremum, quo tum perdita ultimò exitiò fuisset Religio Catholica, imminebat Galliæ à schismate multorum Galliæ Præfulum, qui convocandum Turonibus concilium domesticum clamabant: ubi metuendum erat, nè Patriarcham sibi deligerent, à quo Sedis Apostolicæ Imperium, & Divi Petri cathedra sperneretur. Cui malo totis viribus obnixus Bellarminus, inter reliqua epistolam ad omnes Regni Episcopos Legati nomine perscripsit, argumentis nervosissimis plenam, quibus tandem à consilio tam pernicioso absterri destiterunt. Paulò post obsidione cinctam Lutetiam cum premeret Navarra Rex, eamque ad famem ultimam, in qua humanis carnibus exceptis, nihil tam sordidum fuit, ad quod edendum flebili necessitate Cives non adigerentur, adduxisset; Robertus eandem calamitatem expertus, ad constantiam & patientiam hortari Urbem nunquam destitit: donec magno exercitu adveniens è Belgio Alexander Farnesius, illam obsidione exemit. Et quia per idem tempus Pontifex Sixtus fati concesserat, redux ad Urbem adhibitus ab ejus successore est ad Biblia recognoscenda, tanquam sacrarum linguarum & SS. Patrum peritissimus, & ad eam formam, quâ hodie leguntur, redigenda. Sub hæc Collegio Romano datus Rector; necdum expleto triennio, Provinciam Neapolitanam jussus est gubernare Provincialis: quod munus summâ integritate dum maximè administrat, Romam à Clemente VIII. accersitur in locum demortui Cardinalis Toleti, ad munus Theologi Pontificij sustinendum. Et verò summo fidei candore cumulatè id implevit, ad consilia pleraque à Clemente adhiberi solitus, eâ maximè causâ, quòd liberè sensum suum, estò contra Pontificis ipsius mentem depromendus esset, aperiret. Sic rogatus aliquando, an è re communi fore judicaret, si Romæ in Sapientiæ Academia Philosophia Platonis traderetur: Bellarminus tamen si pronum ad id Pontificem videret, nihilominus liberè edixit, periculum ab eo in ingenia emanare posse, quòd doctrinæ Catholicæ magis affinem scholam haberet quàm Aristoteles: metuendumque propterea, nè capti similitudine rerum in quibus convenit, sensim animi ab incorruptis ad vitiosa descenderent. Et fore perinde ajebat, atque experimur plus afferre damni ex hac similitu-

XXX 2

dine



dine hæreticos auctores, quàm Scriptores ethnicos: ideòque Origenem Platonis dulcedine abreptum, libros scatentes erroribus Ecclesiæ reliquisse. Quod deinde causa fuit, cur Plato in Synodo 5. à scholis Christianis sit proscriptus, & solus Aristoteles ad Lycea & Cathedras orthodoxas admissus. Judicium tam prudens & grave approbavit Pontifex non tantum assensu, sed etiam illum S. Inquisitioni voluit in omnibus esse à consilijs, & examini Episcoporum præposuit: Catechismum verò suo imperio ab eodem conscriptum ita laudavit, ut prælo illico dari jussit, totâ Italiâ teneræ ætati in scholis & templis tradendum.

Eo autem usque Clementis de Bellarmino crevit existimatio, ut cum anno 1599. novos 12. Cardinales nominaret, inter eos & Bellarminum sacrâ purpurâ ornandum duxerit, in hæc verba prolocutus: *Hunc elegimus, quia non habet parem Ecclesia DEI quoad doctrinam, & quia est nepos optimi sanctissimi Pontificis.* Quia tamen noverat Pontifex, quàm esset dignitatum ejusmodi Ecclesiasticarum fugitans Robertus, nè fortè fugâ ex Urbe illi se eripere tentaret, misit ad Collegium Pœnitentiariæ, cui iterum Rector præerat, paulò antè illius creationem, internuncium, intentato metu anathematis & culpæ mortalis, si pedem domo efferret, quamdiu potestatem Pontifex ipse non faceret. Evocatus igitur ad purpureum ornatum suscipiendum, cum vellet, quæ disposuerat ad deprecandum honorem, Pontificis pedibus advolutus, depromere; inhibitus ab eo sub iisdem interminationibus est, purpuram in honorem virtutis ultro datam respuere: itaque lacrymis copiosè dolorem suum prodenti inducta sunt Cardinalium insignia. In ea dignitate constitutus, obedientiæ nihilominus Religiosæ & submissionis decora ita cordi habuit, ut nihil propè agendum susciperet, sinè arbitrio Generalis Societatis Claudij Aquaviva. Postulatus ut in Urbe sacrarum Virginum S. Augustini Patronus esse vellet; nihil deliberavit priùs, quàm sententiam ea de re Claudij acciperet; quòd sciret Societatis Institutum pias ejusmodi fœminarum curas in alijs Religiosis laudare utique, in suis tamen non probare. Ad hæc tria sibi distinctè præscripsit, quæ sacrosanctè ad obitum usque observavit. Primò, vitæ rationem nè immutaret, quam in Societate parsimoniâ victus, quotidianis precationibus, meditatione, quotidianâ Missæ celebratione instituerat. Secundò, nè aggre-

garet opes, nè agnatos opimaret; sed quidquid expensis necessarijs superest, templis id pauperibusque erogaret. Terriò, nè à Pontifice proventus peteret, nè à Magnatibus acceptaret munera. Denique vitam omnem, ad observatas hæcenus in Societate Regulas attemperavit, ipsum ordinem horarum, occupationum ad pulsam campanulæ Collegij, cujus sonum in vicina sua domo audiebat, perinde dimetiendo, quantum negotia & curarum moles patiebantur. Invitatus initio mox ad Collegium, ut ibidem purpuratus jam salutaretur, quia verebatur gratulatoriam de dignitate poësim, venire aliter noluit, nisi gratulatione omni omisâ; in materiam carmini assumeretur illud: *omnis caro fenum, & omnis gloria ejus sicut flos agri.* Mensem integrum quotannis in Novitiatu ad S. Andreæ Exercitia S. IGNAII obibat, nemine, nisi qui cibum afferret, admissio, cui nihil præter omnibus domi consuetum adjici cupediarum patiebatur: tam strictus solitudinis cultor, ut nè quidem in hortum descenderet, genus laxamenti necessarium his, qui labore mentis fatigantur. Si quando libri alicujus desiderio teneretur, nunquam passus est Bibliothecâ illum ad se deferri, propterea quòd Societatis id vetet lex, sed ipse illam adibat, atramentarium cum calamis circumferens, tyronibus hæc in purpura fieri demirantibus. Idemque agebat in Collegio Romano deinde habitans, ubi nè consorem quidem religiosum ad se devocari permittebat, cum attondendus esset, sed ipse ad ejus cellulam more aliorum descendebat.

Ingressus autem aliquam Societatis domum, statim percontabatur, an quis ibi langueret, ut eum primò omnium inviseret & solaretur: constatque in ejus gratiam à DEO sanitatem non paucis, & vitam etiam aliquibus, de quorum certo exitu Medici pronunciaverant, fuisse restitutam. Sic P. Octavium Lorenzinum jam conclamatum aquâ lustrali conspergens, adjectâ precatione salutari, vitæ & sanitati restituit. Nec rarò solebat ad socios & tyrones domi habere conciones ardore cœlesti plenissimas, in quarum una dixit aliquando: *tot annos vixi in Religione, absque eo quòd scirem quid mœstitia esset, & jam Cardinalis, quid lætitia sit, penitus ignoro.* Aliàs auditus est oratione institutâ de mundi vanitate, postquam de dubio exitu sapientissimi egisset Salomonis, hæc postremò differere: *Vestes quæ me ornant purpureæ, verè arumosa mihi sunt & graves, ut eas quotiescunque*



cunque conspicio, fleam: incumbunt enim mihi  
*band aliter sanè quàm trunco alicui, qui onus  
 illarum habeat, expers verò sensus nihil inde  
 capiat emolumenti vel gloriæ.* Hæc dixit, &  
 pileum purpureum capiti adimens, illumque  
 ostentans, obortis lacrymis addidit: *in penam  
 eorum quæ in vita deliqui, dedit mihi hanc pur-  
 puram DEUS!* ac progredi præ lacrymis non  
 valens, inopinatò absolvit, relictis omnibus  
 defixis in tantæ ejus admiratione virtutis. A-  
 liàs in vanitatem ejusdem honoris sui excur-  
 rens, *nihil optatius & præstabilius esse,* aje-  
*bat, quàm conscientias hominum depositas curare,*  
*atque in salutem animarum opitulari DEO, pro*  
*hac re poscenti opem nostram, licet eà minimè*  
*indigeret.* Per Adventum autem & ferias  
 Quadragesimales constanter ad populum è  
 loco superiore conciones habuit, donec Ca-  
 puæ datus Antistes, ab Urbe migravit. Com-  
 moditatum fuit tam fugiens, ut ex longa æ-  
 gritudine pedibus vix ingredi potens, sellâ  
 gestatoriâ tamen nunquam deferri voluerit,  
 tametsi Cardinales alij passim id agerent: in-  
 dè cum Paulus V. concessisset de B. Aloysio  
 Missam dici intrâ Societatis Templâ, Rober-  
 tus antiquo erga juvenem sanctissimum, suum  
 aliquando in spiritu filium, affectu, unicè de-  
 siderans de eo Sacrum dicere, à Medicis fla-  
 gitavit, potestatem facerent eundi ad quod-  
 cunque vicinîus Societatis Templum: sed  
 quia hanc abnuebant, nisi sellâ gestatoriâ iret,  
 maluit solatio tam pio fraudari, ac domi com-  
 mune ejus diei Sacrum peragere. Annis in  
 purpura 20. vestes, quibus primùm à Clemen-  
 te indutus est, novis non permutavit, detrita  
 lacerâque perpetuò resarciri jubens: hinc sub-  
 bucula, in qua etiam tumulatus est, instar  
 centonis inventa fuit, assutis è villi pannomul-  
 tis frustulis. Focum summâ etiam hyeme  
 in conclavi suo nunquam accendi permisit,  
 priusquam tempus audientiæ appeteret; idq;  
 solum in gratiam adeuntium, nam his digres-  
 sis, continuè illum suffocabat. Tres dies in  
 hebdomade, uti & adventum totum transi-  
 gebat jejuniò Quadragesimali: feriâ verò se-  
 cundâ ovis tantùm vescabatur, cœnâ nullâ  
 unquam uti solitus. Nunquam frigidam,  
 summo etiam æstu, vel refrigerando saltèm  
 & perluendo ori adhibuit, nè quidem ultimis  
 6. vitæ mensibus, quibus valetudine permol-  
 lestâ, ita ut siti propè inaresceret, tentatus  
 est. Præter disciplinæ & cilicij usum perpe-  
 tuum, culicum & muscarum infestationes  
 nunquam depellebat, tametsi intolerabiles  
 hæc alijs (ut in æstu Romæ fieri consuevit) vi-  
 derentur: mirantibus autem hanc tolerantia-

am dicebat, haud æquum esse perturbare ani-  
 mantes illas, quibus non utique superesset al-  
 lius paradîsus, quàm volitandi ea libertas, ac  
 potestas ubi malunt commorandi.

Cum verò Pontifex sæpius illi asseverâ-  
 set, ad purpuram idcirco illum à se voca-  
 tum, ut haberet apud se vocem virtutis, à  
 qua liberè inter voces fallentes adulantis aulæ  
 audiret verum, ideòque injunxisset, moneret  
 seriò, si quid adverteret pro Ecclesiæ bono  
 consultius agi: ipse jussa tam sancta Clemen-  
 tis veneratus, dici vix potest, quàm liberè eo  
 munere functus sit, quantùmque svasionibus  
 ejusmodi Ecclesiæ bono profuerit. Totum  
 tamen triennium fluxerat, quo nullos ei redi-  
 tus stabiles Pontifex assignârat, alebâtque se,  
 interim Bellarminus eo censu brevi, qui  
 annuè in Cardinales pauperes distribui solet:  
 stupente cum Pontifice aulâ universâ, ipsum  
 adeò propositi tenacem redditus non poscere,  
 vel eos saltèm, quibus cum necessaria familia  
 se ad decorem purpuræ sustentaret. Cardina-  
 lis Baronius præ alijs demiratus in illo tantum  
 divitiarum contemptum, quoties vacaret Sa-  
 cerdotium aliquod, sponte suâ toties apud  
 Pontificem pro Bellarmino instabat, ut qui  
 evexerat ad purpuram, parem & purpuræ ad-  
 jiceret censum. Igitur cum paulò post Ca-  
 puæ vacaret Archi-Episcopatus, Bellarminum  
 illi Ecclesiæ Præsulem dedit, voluitque hono-  
 ris causâ sacris ipse ritibus illum Episcopum  
 inaugurare, quod accidit 21. Aprilis 1602.  
 Paucis ab inauguratione diebus, ut factò ipso  
 exprimeret in se, quod in alijs expetiverat,  
 nè videlicet Episcopi à proprijs Ecclesijs diu-  
 tius absint, Capuam discessit: id præcipuè si-  
 bi gratulatus, copiam sibi datam in salutem  
 animarum, juxta propriam Societatis voca-  
 tionem, incumbendi. Et verò tanta fuit de  
 ejus sanctitate, & virtutum alijs etiam inse-  
 rendarum zelo existimatio, ut prima de ejus  
 electione Capuæ auditio, initium fuerit for-  
 mæ optimæ moribus quorundam inferendæ,  
 qui se à fluxioris licentiæ extrahere cœno,  
 certi S. Præsulem corruptionis nihil in ovibus  
 sibi commissis dissimulaturum. Nec mora,  
 proximâ illico ascendenti in cœlum Domini  
 festivitate dicere ad populum è suggestu ag-  
 gressus, constanter deinceps festis & Domi-  
 nicis omnibus verbo DEI eundem per horam  
 integram pascere perrexit, tametsi ad eum di-  
 em res inusitata & Urbi permira accideret, au-  
 diri quempiam, nè dicam Archi-Episcopum  
 ipsum & Cardinalem, è pulpito, extra Adven-  
 tûs & Cinerarium ferias. Vix credi potest,  
 quàm admirandos effectus pepererit sermo



de ore fluens pastoris adeò vigilantis; cujus successus tam prosperos expertus, auctor fuit Clementi postremis suis literis & deprecator, nè, cum Ecclesijs Antistites novos præficeret, inter virtutes alias, de quibus cognosci lex jubet, minùs attenderet facultatem concionandi. *Meminit, inquit, Sanctitas tua, Episcopos olim primos abjecisse temporarias procuraciones, ac statuisse de se illud: Nos autem verbo DEI & orationi instantes erimus. Hunc modum docuit nos Christus D. Episcoporum omnium Episcopus, quem & secuti deinceps Sancti Pastores alij, ac postremò Carolus Borromeus: qui cum sæpius rogaretur, ut quendam inter Episcopos ascendendum proponeret Gregorio XIII. constanter abnuerat, quia minimè idoneum nòrat, ut ad populum verba faceret. Sane hoc munus esse in Episcopo præcipuum, tum ex Conc: Tridentini præscripto, tum ex ritu ipso Episcopos inaugurandi manifestum est, dum liber Evangeliorum in eorum humerum collocatur, idemque ab eis inter manus accipitur, diciturque singulis: Accipe Evangelium, & vade, prædica populo tibi commissò.*

Ad extirpandos deinde pravos mores conversus, cum rescivisset in sua Diœcesi populum talis chartisque lusorijs pene ad insaniam furere, intèrque ludendum, ut sit, DEUM execrari, in iras & homicidia consurgere, unde gliscerent rei alienæ direptiones, familiarum damna, & probra libidinum diversa: non priùs destitit cum Pro-Rege Neapolitano agere, quàm junctis viribus ille multis & pœnis temporalibus, Episcopus autem execrationibus & censuris sacris propositis, ludum nefarium penitus prosciberent. Pari ratione Templis reverentiam, in quibus pene ut in foro commeabatur & negotia transigebantur, restituit: & Sacerdotem aleatorem, qui vitam nisi per lucra ex lusu sustinere haud posse excusabat, præsentem pecuniâ adjutum, in virum alium mutavit, ut toti Civitati miraculum deinceps evaserit. Jussit Theologicam prælectionem, & alteram quæ est de rebus conscientiarum, à Clero universo frequentari sæpius, neque rarò utrique ipsemet interfuit: Canonicorum numerum auxit, atque ab eorum subsellijs & Odeo universo Laicos omnes submovit. Cum verò post Vir primarius sedem, sicut assueverat, eò pro se inferri curasset, prohibuit pari constantiâ atque olim S. Ambrosius Theodosium Cæsarem. Deinde Odeo ipse interesse quotidie, summâ licet hyeme, etiam in matutinis precibus, postquam eas priùs in conclavi nixus genibus persolverat; quas nihilominus iterum Eccle-

siæ more cum choro concinebat. Pecuniam verò, quam indè mensibus singulis 30. aureorum lucrabatur, suum stipendium vocabat, quam suâ ipse manu integrè in honestiores pauperes erogabat: cum Archi-Episcopatûs redditus ceteros superfluos, non tam suos quàm pauperum esse diceret, ex obligatione ipsæ debitos, ideòque universos ijs expendebat. Et cum aliquando nihil quòd daretur superesset, rhedam suam unâ cum equis divendi jussit: aliàs verò annulum digito detractum pignori exposuit, ut 12. aureos petenti egeno largiri posset. Quoties Ecclesiæ Pastore destituebantur, subrogabat eos, qui in certamine sapientiæ dignissimi invenirentur, invitatu alio nullo, præterquam doctrinæ, gravitatis, & adultæ virtutis. Cetera beneficia, quibus implicata non foret animarum procuratio, solis civibus, non asseclis suis dividebat: quippe cum proventus eos diceret à majoribus constitutos, ut in commoda civium irent perpetui; & hinc iniquum existimabat eos aliò derivare. Si Diœcesim suam lustraret (obibat autem totam annis singulis) omnia per se circumspiciens, duos Sacerdotes è Societate ad loca singula disponendis hominum animis præmittebat: quibus superveniens, è suggestu ipse populos concionibus instruebat, præbebat Evcharistiæ & Confirmationis Sacramenta. Has autem lustrationes sumptibus proprijs integrè perficiebat, ut nemini per iter vel oppida oneri esset: neque ullum eadem ex causa munus sibi deferri, aut à familiaribus & domesticis suis admitti ferebat. Quare ad illum veluti parentem ingens ubique fiebat concursus, pietate summâ, reverentiâ inexplicabili; eâ verò persuasione, quasi adestet cœlo-missus, & augustior humano visu, nemòque adibat cum inopia, quin aliquâ instructus copiâ ab eo rediret. Ubivis autem inveniret calices, sacras pyxides, sacerdotalet vel altaris apparatus, tantis mysterijs minùs idoneos, suo ære omnia instaurari, aut nova provideri curabat.

In pauperes quoscunque supplices, quorum neque paupertatem, fictane an vera esset, à dispensatore suo examinari patiebatur, tam erat beneficus; ut sæpius omnibus erogatis, necesse fuerit paucula, quæ ad usum habebat, argentea vasa oppignorari, mutuumque alicunde deposci: vix enim tempusculum unquam horarium labebatur, quin adestent ordinario erogatori, qui libellos supplices darent, & mox eosdem cum nota largitionis à Cardinali adscripta reciperent. Ad hæc quoties domum è Templo, vel aliunde redux re-

pete-



peteret, tantis domus aditus omnes pauperum turbis obsepiebantur, ut vi quandoque via facienda esset, quorum tamen nullus unquam indonatus abibat. Sicut autem quotannis visitabat Diocesim omnem, ita ex eodem anno quolibet Synodum coëgit, in qua ad mores emendandos, pravos usus tollendos, accuratius incumberet. Harum præcipuus effectus fuit, obligatio Curatis omnibus imposita explicandi rudibus Catechismi: cuius methodicam synopsis ad faciliorem Parochorum praxim non tantum iteratò novam composuit; sed ut exemplo præiret, per semet obire non dubitavit, ad festos ac religiosos dies descendere à mensa solitus ad Aedem sacram, rudiorisque instruere is, qui Magistros erudierat, ac manu suâ præmiola pueris dividere; idem manè Concionator, & post meridiem Catechista: prorsus ut dignitate maximus, adhuc exemplo major appareret. Provinciale item Concilium, ex Tridentini præscripto, cum septem Episcopis suis Suffraganeis celebravit, & leges in eo sanctas Apostolicâ auctoritate firmari ad perpetuam observationem fecit. Memor autem Apostolum Paulum ab Episcopo inter reliquas virtutem exigere hospitalitatis, quotquot Capuam aliò ituri commearant Antistites, Clerici, & Religiosi viri, præcipuè Societatis, cui necdum Capuæ Collegium erat; hos è meritoria taberna acciri ad suas ædes jubebat: conclavia ad hunc finem plura vacua & ornata servabat, in eisquæ è supellectili nitida omnia: eosdem mensæ suæ adhibebat, frugalissimæ semper, nec supra trinum è carne ferculum instructæ, sed piâ lectione semper conditæ. A cœna decubituros ad conclavia deductos, manè excitabat ipsemet horâ conditâ, & hyeme lumen afferebat, nè famulis incommodum crearetur; ante quos prior ipse consurgebat semper, neque unquam eorum obsequia ad inducendas sibi vestes vel detrahendas admittebat. Ad reformationem deinde Religiosarum Capuæ domuum conversus, duo præcipuè Virginum Monasteria à disciplina vetere collapsa ita restituit, ut sancta effecit. Ex his alterum ad S. Joannis erat, in quod ob varia, quæ perperam evenerant, sacra Cardinalium congregatio vetuerat Virgines ullas admitti ad religiosæ vitæ tyrocinium: adeò desperata videbatur Parthenonis veteris ad formam sanctiorem reductio! Verùm Robertus impetratâ interdicti laxatione, reformationem incredibili studio, eventûque felicissimo aggressus, binas aliunde ætatis honore & probitatis famâ insignes

Sanctimoniales adduxit, quæ in tyrocinium recens admittendas, ad leges à se præscriptas educarent, ac reliquis sanctitate exempli prælucere: factumque est prorsus lætitiâ communi, ut cresceret indies famâ virtutis, & freno indigerent potiùs Virgines, quàm stimulis ad virtutem, neque cœtus Virginum ullus totâ civitate haberetur sanctior.

Jam verò cum tam profusus esset in juvandos omnes, sic, ut nemo esset totâ Diocesi ære alieno obrutus, nemo infortunio vel prodigalitate ad extrema delapsus, qui subsidijs ejus fortunatior non evaderet; etiam ad ægrorum curam animum intendit. Quidquid proinde totâ Urbe ægrorum esset, invisebat ipse, in publicis præsertim valetudinarijs, quibus & eleemosynas largè afferebat. Invitatu etiam cujusvis ad ædes civium ibat, ubi quis æger esset: quæ facilitas eò demum evasit, ut jam ferè domus tacta febrium lue esset nulla, ad quam non venisset, super ægros ritè precaturus: promptius inferebat se in turguriola pauperum, singulos ut sese haberent rogitans, & postea curam eorum Præfectis inopum demandabat: atque ita medendo corporibus, animis multò magis medebatur, ut nè vel unicus Sacramentorum expers decederet. Dum ita circumiret omnia, abstergere simul odia inveterata, inclinare ad concordiam: & si quos magnis nominib, premi, nec esse tamen solvendo audiret, conniti ut cū ijs & creditoribus conveniret, & majorem partem de suo contribuere. Demum si quem spes reliquerant omnes, hunc aspicere tanquam filium, & infortunium ejus ferre tanquam proprium. Hæ res gestæ ipsum æstimatione omnium reddidère virum non sæculi sui tantum Viris sanctis, sed & clavis Ecclesiæ luminibus, Gregorio, Basilio, Ambrosio, Augustino parem: erantque multi eâ persuasionem, ut per ejus merita à DEO beneficia varia poscerent, & impetrâsse jurati deinde affirmarent. Ipse adeò Summus Pontifex Clemens, famâ rerum ab eo gestarum permotus, hæc ad eum propriâ manu Anno 1603. perscripsit: *Libenter vidimus Angeluccium, Vicarium olim tuum, qui mirificè nos consolatus est, dum narraret de te, deque virtutum documentis, quæ edis in Provincia ista, concionibus, jejunijs, supplicationibus, & sacrorum ministeriorum frequentatione. Hinc verò agnoscimus, Divine Majestati quales grâtiâs debeamus, quæ tibi tam adest feliciter, & vim suam præbet, ut possis sustinere pastorale onus, atque implere ministerium tuum. Et sanè nimio nos equius necessitatem habemus postulandi à te subsidia votorum*



torum, & preces ad DEUM, quàm ut tu indigeas in his quæ agis laudabiliter, ut proveharis à nobis in melius. Nihilominus confugiamus ad DEUM omnes quàm demississimè, fiduciaq; magnâ: cognoscentes & illud seriò, quòd reverentiam cum hac omnia fecerimus, servi inutiles sumus.

Neque defuit cœlum signis supra naturæ vires, sanctitatis illius testibus. Puellæ geminæ obsessæ à dæmone inductæ in Templum, ut à Cardinali chrismate sacro illinerentur, in ipso unctionis vestigio obsidione pravorum hospitem solutæ evaserunt. Adduxerant & è vicino pago fœminam, nomine Baronissam Prateliam, quam Cardinalis ubi clarè energumenam deprehendit, institit austerius quàm soleret, jejunijs, flagellis, supplicationibusque dæmonum impetus frangere. Hostibus ea res flebiles brevi clamores gemitusque excitavit: auditi enim sunt vociferari: *quid nobiscum habet Cardinalis Bellarminus? torquet nos nimio equius: hinc facefere jubet: cogit nos immigrare aliò; & utique immigrabimus.* Hæc iterando rabidè, absque Ecclesiæ alijs amuletis excessère gemebundi. Nec paucæ aliæ ab eo ægritudines sedatæ, quas ingeniosè pius ut à se in alterius gloriam derivaret, ad affectorum corpora frustulum chartæ, è S. IGNATII literis rescissum cum ejus nomine applicabat, ex quo convaluère permulti. Filiam duodennem malo dæmoni mater improba devoverat, in cujus oculis misellam sævus hostis arripiens, acerbissimè excruciat: id ubi Cardinalis rescivit, syngrapham sacræ instar edictionis exaravit, quâ dæmoni imperabat, desineret exagitare puellam, sibi à DEO tanquam animarum tutori traditam custodiendam: eamque voluit collo puellæ alligari unâ cum subscriptione sancti IGNATII; sed quia hanc paulò post in remedium alteri cuidam ægro recipi jussit, satis præsidij puellæ in syngrapha fore dicens; res mira! ex ea die depulsus dæmon, nunquam ad puellam accessit propius, sed à longinquo tantum offerre illi torques, gemmas, aurum, modò abiceret syngrapham Cardinalis, quâ se ab accessu prohiberi fatebatur: cujus svasiones dum puella contemnit, fugatus penitus nunquam deinceps illi molestus fuit. Quibus DEI beneficijs incitatus perrexit tanto ardentius studia pietatis, misericordiæ præsertim in destitutos colere. Nam ut taceamus ingentem vim pecuniæ in Templis & sacra ædificia, Capuæ & Romæ, in Religiosarum Domuum subsidia expensam; quidquid poterat usibus & necessitatibus suis subtrahebat, ut

indigentibus largiretur. Hinc factum est; ut vestes suas detritas refarciri semper curaret: & cum ei ob crura defluxu vitiatum humoris tumentia svasissent Medici, tibialia adhiberet laxiora; ipse tametsi horum pretium per paucorum esset argenteorum, & hos tamen melius in pauperes erogandos dixit, & tibijs suis abundè fore, si vetera medio assuto panno laxarentur. Dum ita de hoc veteramenti genere statuitur, negantque domestici tibialia annorum jam 22. posse ita reconcinari, interim adstat supplex adolescens, elemosynam pro matre undique destituta flagitans: & mox Cardinalis, cui pro tibialibus religio fuerat argenteos 6. in sui commodum exponere, duos aureos illi elargitus, voti compotem dimisit. Aliàs ad mensam accumbenti Britannus quidam supervenit, tantum non fame enectus, cum quo confestim prandium suum, id quod & aliàs sæpius evenit, divisit. Si quem in via ægritudine prostratum offenderet, illico lecticâ suâ vel curru ad Nosocomium deferri curabat; & aliquando ipse in rheda collocatum in Xenodochium devexit.

Anno 1605. post triennij Capuæ moram coactus Romam repetere, ad electionem novi Pontificis, cum ultimum populo valedicturus suggestum conscendisset, disertè adjecit, se ad eos non amplius reversurum, quòd novus Pontifex haud facturus esset potestatem Urbe Româ excedendi. Nec minùs doctes successoris sui descripsit, perinde ac si illum coram videret; neque tacuit legationibus diu se detinendum, in obsequium primæ Sedis; eamque absentiam ex DEI destinatione ipsis in pœnam fore, quia tam parum in virtutibus Christianis profecissent: quæ ejus dicta clamor & ejulatus publicus excepit, deplorantium se Pastore tam sancto in perpetuum spoliari. Et verò sæpius ille mortem Clementis imminentem disertè prædixerat; nam cum is controversiam inter scholas PP. Dominicanorum & Societatis, circa efficaciam gratiæ Divinæ, definire pararet: negavit ad definitionem perventurum, sed prius diem suum obiturum. Iterum verò cum Aulici sui mœrerent, ab Urbe Capuam se abstrahi, ut aliquantum eos solaretur, hortabatur bono essent animo, futurum ut tantum triennio Capuæ morarentur, dum Pontifex decederet; cui subrogandum alterum copiam abeundi nequaquam amplius facturum. Discedentem verò Capuâ quanto dolore, quot lacrymis & singultibus, profecuta sit universa Civitas, ad domum abituri collecta, quis exprimat? tanta fuit compressio vestis ejus lacrimarum.



ciniam, ipsaque vestigia osculantium, & pië rosarijs tanquam hominem sanctum continentium, ut acciri armatos oportuerit, nè undâ populi opprimeretur. Romam ubi pervenit, atque cum reliquis Cardinalibus eligendo de more Summo Pontifici Conclave ingressus est; quia multorum Cardinalium, & magnam partem Urbis animos, in sui electionem propendere advertit, eo potissimum se consolabatur, quod ad onus humeris etiam Cœlestibus verendum cogi, prout ad Cardinalatum, non posset. Votum deinde emisit, nullum se ex nepotibus & cognatis, si Pontifex eligeretur, ad Cardinalatum, vel temporalem Principatum, Ducatum, vel Comitatum, aut quemcunque titulum evecturum, neque divitijs aucturum; sed solum ita adiuturum, ut in statu suo Patrio commodè vivere possent. Et verò factum est semper in triplici Conclavi (trium enim Pontificum, Leonis II. Pauli V. & Gregorij XV. elector interfuit) ut primâ suffragatione excelluerit Cardinales reliquos omnes numero suffragiorum. Cardinalis à Diriechstein referebat, Cardinalem Bellarminum in ipsius cellula à se conventum prorsus eo vestigio temporis, cum de ipso eligendo reliqui deliberarent: quod cum ipsi aperuisset, statim respondisse: *hoc verò absit; nam est animus, ut abdicem quoque me hac purpurâ, quam gero.* Cardinali verò Baronio idem nuncianti, & operam suam ad id promovendum negotium deferenti, ita obniscus est, & oravit nè faceret; ut propè offenderit. Inter reliqua adjiciens, se sic animo esse paratum, ut nec stipulam, quæ tum fortè jacebat humi, tollere loco vellet, si conatus ille minimus, ut Pontifex evaderet, requireretur: munus enim Papæ semper aserebat esse periculosissimum. Summo verò deinde affectu & honore prosequeretur Patres illos, per quos noverat se à Pontificis solio rejectum, vocabatque Patronos, à quibus beneficium acceperat omnium maximum. Cum verò Pro-Rex Neapolitanus aliquando offensus Bellarmino minaretur, posse obniti se Regis nomine contra, cum res ferret, ut Pontifex crearetur: rescripsit, eâ re nequidquam se expavesceri, sibi que haud id expectanti, gratum eum obicem futurum.

Renunciatus Pontifex novus Leo XI. quanquam paucis diebus locum obtinuit, statim Bellarmino denunciavit, Româ illum nequaquam abesse passurum, quod ejus opera universalis Ecclesiæ gubernationi unicè foret necessaria: idemque significavit Leoni successus Paulus V. ac tandem Gregorius XV.

*Societas Europæa.*

Itaque renunciandum ipsi fuit Capuanæ tioræ, & curæ pastorali animarum: in quarum salute promovenda multò maluisset vitam conterere. Permiserat quidem Pontifex, ut Romæ ad Ecclesiæ universalis necessitates residendo, Archi-Episcopatum nihilominus Capuæ retineret; sed abnuvit ipse, nè à sanctarum Synodorum decretis declinaret, quæ jubent nè duo munera unus occupet, utque Episcopi, greges inter suos, resideant: & nè alijs ejusmodi abusûs ipse foret scandalum. Sed neque reditus & cœsus ejus Ecclesiæ, quod volebat Pontifex, retinere pro se sustinuit, quod diceret, non licere uxori valedicere, & ipsius retineri dotem: maluitque ad pristinam redire paupertatem, cum ferè ex solo Archi-Episcopatu eatenus vixisset, quàm Canonum severitatem in aliquo laxare videri. Jussus nihilominus deinde à Paulo V. Politianæ Urbi pro Episcopo in legationibus absente præesse, sic tamen ut Româ nè discederet, cum hæreret altè animo cogitatio, planè rem eam formidandam esse, quod tandem de animabus singulis DEO ratio reddenda esset; dixit præcisè, id quidquid est oneris, haud subiturum se alio nomine, quàm solâ obligatione charitatis: velle proinde, in Pontificio diplomate ut hoc singillatim exprimeretur; quod & factum est his verbis: *per presentes autem non intendimus tibi curam aliquam, aut onus animarum imponere, sed facultatem tantum præmissa faciendi, ut tua in Ecclesiam prædictam charitas suadebit.* Datus etiam Patronus seu Protector à Pontifice fuit Ordini Cœlestinorum, itémque Cœnobio in Urbe Virginum S. Marthæ, & Collegio Germanorum. Quo in munere sic laboravit, ut Ordinem Cœlestinorum quorundam perversis conatibus in interitum propè vergentem, egregiè sustinuerit, & pristino vigori restituerit. Cum enim Cœnobitæ qui sunt in Gallia & Belgio, per Regem Christianissimum à reliquis Provinciis separari quærent, & proprium sibi Generalem deligere: omni conatu resistens Bellarminus, bonâ etiam Regis veniâ effecit; ut uni omnes parere cogerentur. Et cum eatenus Novitij ipsi cum reliquis sparsim Cœnobijs, exiguâ admodum curâ educarentur, Cœnobio 4. seligi voluit, eaque Ordini universo in partes totidem distributo domicilia esse, in quibus Novitij vivere inter se discreti à Veteranis possent. Deinde alia 4. Cœnobio junioribus professis, qui exacto tyrocinio ad minora studia: totidem provectioris ætatis alijs, qui ad disciplinas graviores niterentur, dedit. Atque his artibus mi-

Yyy

rum



rum quantum auctus disciplinâ, numero & conditione est Ordo universus: adeo ut non tantum Generalis & Ordo in Italia universus Patrem illum & Servatorem suum acclamerent; sed & Gallijs etiam Ordinis Provincialis scriberet: *nisi te Patrono foveri nos contigisset, perieramus haud dubiè universi.* Quoniam verò usu didicerat, quid profit ad profectum consuetudo pia meditandi, morem hunc quoque ubivis restituit.

Jam verò Cardinalium Collegio & deliberationibus, in unum pene illum inclinabatur omnis aliorum labor, sive in Congregatione S. Inquisitionis, sive sacrorum Rituum, aliisque Conventibus sententia dicenda foret. *Non ego duntaxat honori mihi ducebam, verba sunt Cardinalis à Monte, Præsidis Congregationis Rituum, in sententiam ejus ire, certiore utique tutiorémque; sed tota Congregatio, in qua numeramur Cardinales circiter 14. Etenim licet, dum consultatio foret, in unum conspirassent omnes, sape deinde cum Bellarmino uno suffragia omnes variarunt, soliti cum aspicere nescio quò sensu venerationis, non modo tanquam esset parens & magister omnium, de quo & gloriabamur; sed tanquam in eo sublimior, & supra communem conditionem excellens quadam DEI virtus eluceret: ideòq; etiam dum aberat, voces ejus & sententiæ supra humanas pro oraculis accipiebantur.* Mirum autem est, quàm libera ei fuerit vox, etiam coram summo Pontifice, dum cunctarentur alij & silerent, estò res sibi parùm benevolè verti posset: & quoties gratias audiebat postulari, quæ contra Canonum & Tridentini sancita vergerent, obnitebatur contrà: id attendens unicè, ut partes impleret suas, nève offensionem DEI incurreret silens. Quà sanctâ libertate dici vix potest quàm Pontificibus omnibus fuerit acceptus, hinc ab eo commendatos libenter ad Sacerdotia ampla provehebant. Ipse verò, si qui per eum promoveri ad officia ejusmodi cupiebant, negabat sibi rem esse integram, vel ideo, quia pro se postularent; æstimans ex hoc minùs esse idoneos, tametsi cetera digni viderentur. Contrà sponte indagabat, si qui virtute præcellerent, ut eos Pontifici proponeret eligendos. Nec minùs liberè arguebat, si quæ perperam, aut parùm honestè fieri videret; sva vitatè tamen dictorum & facetiâ commonitiones, quæ plerumque haud gratae sunt, gratas faciens. Picturas nudas in primis conclavibus ædium unius Cardinalis aliquando viderat: ergo in digressu significavit, commendare se illi inopes quosdàm, visos in primis

ejus ædibus, qui vestibus destituti nuditatem paterentur. Tum Cardinalis satis advertit, quid insinuaretur, picturâsque statim obduci jussit. Gravissimæ per id tempus discordiæ inter Episcopum & Urbem Lucensem ita invaluerant; ut spatio annorum 18. Episcopus ad Urbem in Sedem suam non admitteretur, quidquid Pontifex per Legatos varios, quidquid Principes diversi, & Cæsareus ad Urbem Orator moliretur in concordiam; ut demum omnibus viderentur hæc componi, nisi miraculo, aliter non posse. Verùm Bellarminus cum Lucensium Oratore, quem ad Pontificem, alium sibi Episcopum dari flagitantes miserant, colloquio unico, & epistolâ ad Senatum spiritu Divino exaratâ, negotium ita feliciter extricavit, ut Pastorem suum ultrò in Sedem Episcopalem invitârent, & obsequiis quæ Patri à Filijs debentur, constanter coluerint.

Ut verò de puritate ejus animi & corporis aliqua attingam, certum est ab illo virginalem pudorem nunquam perditum, imò nè graviter quidem à concupiscentia oppugnatum fuisse: fassus est enim Cardinali Crescentio, nunquam expertum se pravæ voluptatis delectabilem sensum ullum: & alteri cuidam, Virginitatem ad DEUM se relaturum eo flore odoréque, quem cum anima pariter & prima luce suscepit. Quod idem cum aliàs de se referret Capuæ, atque aliquis arguere indè illum apud se vanæ gloriæ inciperet; vidit Bellarmini vultum solis instar consurgere, ut in eum fixè tueri non posset: unde conjecit, linguam de se magnificè loquentem, non plectrum vaniloquentiæ, sed Spiritûs sancti organum fuisse. Quà eâdem luce radiare sapius toto vultu apparuit, dum ad populum è suggestu de DEO verba faceret, tam Capuæ quàm Lovanijs. Huic autem tuendæ virtuti constantem cautelam adhibuit, ut fœminarum vultus nunquam intueretur, & earum alloquia cautissimè fugeret: unde Cardinalis, & postea Archi-Episcopus nullam unquam, licet Principem fœminam, domi suæ hospitium admisit, vel inter familiam ancillari passus est. Quod si ad alloquium subinde à fœminis expeteretur, nunquam illis sui copiam absque arbitris dedit. Cum verò familiâ semel absente, Generalem Antistitem Cœlestiorum ab audientia decedentem comitatus, in fœminam nobilem & filias geminas ipsius adolescentulas incidisset, quæ admissionem ad alloquium præstolabantur; Antistitem eundem, etsi ei valedixerat, revocavit, nè testè omni & arbitro sui cum illis careret sermonis.



monis. Imò non pauci ex ipso ejus confortio vel aspectu incitatos se fuisse ad amorem ejusdem virtutis jurejurando testati sunt: alij verò eodem remedio, vel nominis ejus invocatione, à stimulis carnis se liberatos, quibus nullis antè remedijs explicari potuissent. Neque solùm à vitio hoc uno, sed ab omni alio peccato constanter abhorruit, fassus Societatis Generali Mutio Vitellesco, nunquam in vita universa se mendacium aliquod, nè in infantia quidem dixisse; neque sibi esse consciùm, quòd unquam in vita peccatum veniale deliberare & scienter admisisset. Indè summa illi difficultas nascebatur confessioni materiam inveniendi: testatúsque est is, qui toto purpuræ tempore ei fuit à confessionibus, necessariam Bellarmino illam fuisse duntaxat, ut præcepto Ecclesiæ obtemperaret, hoc est, annuè tantùm semel, cùm ceteroqui potuisset annis omnibus sinè illa perlitare, quotidie DEO, in innocentia cordis sui.

Accedebat perpetuum orandi, & Cœlestia contemplandi studium; primo namque manè, jam Cardinalis, consurgens, horas 4. DEO integrè sacrabat, & partim impendebat privatæ in secreto Meditationi; partim Matutini ex Divino officio recitationi, & Missæ celebrationi; nam Horas reliquas nunquàm simul, sed præscriptis duntaxat ab Ecclesiâ temporibus absolvebat, genibus semper nixus, vel stans, animo & vultu ità inflammato, ut sacrum intuentibus cum devotione horrorem afflaret: nonnunquam à sensibus abalienatus, neque eorum, quæ circa se fierent, quidquam advertens. His addebat finito prandio, loco relaxationis aut colloquij, Rosarium B. V. & alterum Christi Domini cum duplici DEI paræ Officio. Neque ullum ei labebatur tempusculum, seu cùm fortè citiùs ad locum Consilij veniens Cardinales reliquos operiretur; seu esset in itinere; quo non animum ad cœlestia erigens Divinis contemplandis sese immergeret: nemòque cum intuebatur, quin per vultum corporis pietatem animi DEO perpetim conjuncti introspiceret; ex quo communiter sanctum Cardinales reliqui appellabant. Atque hoc usu meditandi tantam adeptus est facultatem loquendi cum Superis, ut videri posset semper orare, & nunquam deficere. Ex hac abundantia cordis, omnis sermo prodibat aut cœlestia referens, aut humana miscens cum Cœlestibus, quorum semper effundebat in fine documenta: ut multi Cardinalium faterentur, nunquam se Bellarminum, etiam ne-

gotiorum sæcularium causâ accedere, quin meliores à tractatione cum illo redirent. Denique inter res aspectabiles nulla ei delectatio; de quibus si cogeretur agere, ejus interior conversatio in cœlis erat, quam prodebant crebra suspiria, & oculorum in sublime jaçtationes. Ex hac Cœlestium æstimatione, profundissima in ejus animo nascebatur humilitas, suique despicientia, quâ nitebatur significationes excellentiæ omnes, estò citrà vitium à sapientibus usitatas, respicere. In voluminibus suis, quæ passim prælo restituebantur, haud unquam permisit propriam sui ipsius imaginem figurari, tametsi rogaverint multi: neque versus adjungi, qui laudes continerent & famam sui: hinc ab Urbano VIII. adhuc Cardinali oden pulcherrimam recusavit, quam in librum suum *de ascensione mentis in DEUM*, ille conscripserat, habeturque inter lyrica poemata, ab Urbano etiamnum in purpura, typis vulgata. Passim verò mirabantur Viri sapientissimi, quòd cùm obstupescerent cuncti Virum excellentem, & qui ætate suâ omnes doctrinâ anteiret, opera nihilominus quæ annis singulis nova evulgabat, judicio subjiceret aliorum, ità ut censuram peteret obnixè, & cum voluptate etiam audiret, si quæ minus digna luce censerentur. Adventantes pauperes ad audientiam sic excipiebat; ut majorem erga omnes, quàm viros primarios observantiam declararet: nam cùm ijs famuli sedes nò disposuissent; ipse proprijs manibus, quo secum unà confiderent, sellam aptabat: & quandoque deprehensus est stans eosdem audire, dum præfiderent illi, maxime si lassitudine vel senio pressos animadverteret. Cibus, ut diximus, perpaucum, & si solus esset, Societatis consuetudinem non excedentem, non argenteis, sed fictilibus patinis sumebat. Muros cubiculorum non ferici aut pretiosi tapetes, sed quidam vulgaris operæ, ac pleni vetustatis, tegebant duntaxat, non ornabant; ultimum autem usui suo & studijs privatis destinatum, nullis peristromatis integebatur. Opprobria, maledicentias, & doctrinæ suæ ad usque Inquisitionis tribunal tractam (ut aiebant) novitatem, ità ferebat tranquillè, ut nè verbum pro ea tuenda afferre vellet, totum judicio aliorum permittens. Svadentibus verò ut de tam iniquis obrectatoribus apud Pontificem quereretur, recusabat dicens: *plus gloriari se charitatis unciâ unâ, quàm pondo existimationis propriæ.*

Agnatorum & nepotum suorum memoriam omnem abjecisse videbatur, neque unquam



quam induci potuit, ut Politianum patriam suam, licet propè aliquando transeundum esset, diverteret. Neminem ex ijs ad statum conditione priori ampliorem evehere satigit, neque divitijs auxit: sed si de egestate ipsorum intelligeret, eleemosynis, ut alios pauperes, quantum in præsens sufficeret, adjuvare sat habuit. Capuæ cum vitio aëris tentaretur adversâ valetudine, quæ humorem in tibijs ad tumores usque derivans, Medicorum curam jam omnem superaverat, Petro Gvidotto Oeconomo suo svadenti, ut censu annuo non imminuto, commutaret eum Archi-Episcopatum Ecclesiâ Politianâ: Cardinalis satis intelligens unde consilium oriretur, leniter respondit: *ô Petre, caro & sanguis revelavit hoc tibi, & affines mei hac argumenta suggererunt! verum non audio; nam hoc pacto Ecclesias quasi mercaturâ distrabere, non est via, quâ ad cælum itur.* Religioso cuidam viro molienti, ut sororis suæ filium Bellarminus aureis non ampliùs ducentis juvaret, quo Archi-Episcopatu Theatino potiretur (Archi-Præful enim ejus loci ipsum sibi destinaverat subrogare, dummodo pro redditibus, quos illi cederet, fieret compensatio, ad quam ea adhuc summula deerat) subsidium hoc tenuè negavit: cum diceret, haud velle se ijs adjumento esse, qui de Ecclesijs ita transigerent. Et tamen merita nepotis sui, disciplinâ & moribus suis innutriti, non ignorabat; qui & Episcopus Theanensis postmodum obiit. Cum verò Pontifices novis & opulentis titulis Bellarminum augere satagerent, experti illum nullâ unquam necessitate ad petenda subsidia adigi posse; ipse constanter omnia recusabat, certandûmque acriter eorum liberalitati fuit cum Cardinalis modestia; quam subinde vincebant eo potissimum argumento, quòd dicerent, se idcirco duntaxat libenter ipsi Ecclesiasticos redditus augere, quòd certò scirent illos majore sui parte in pauperes erogari. Indè sæpius gloriari auditus est Clemens VIII. Cardinalem unum à se creatum esse, cui parem abstinentiâ non facile Aula viderit. Paulus V. autem ipsèmet Bellarmino dixit, longè aliter ipsum comparatum, atque ceteri sint, qui hoc perpetuò flagitarent ut opes eis augerentur; cum contrâ ipse id unicè peteret, ut quas haberet, earum participes alios redderet. cui Bellarminus respondit: *se nobilem pauperem natum, vixisse pauperem religiosum, emori Cardinalem pauperem velle.* Quando privavit se Capuæ Sacerdotio, ut Romæ serviret Pontifici & Ecclesiæ universali, ex 12. millibus aureo-

rum (quæ ibi erat integra ratio ejus proveniunt) reductus est ad summam dimidio minorem: quam joco indicavit Cardinali cuidam, proprios redditus enumeranti ad aureorum 60000. dixit enim: *sit à est; hi magni redditus nihilo superant meos.* alludens ad o. quartam nullitatis notam, quæ adjecta ad 6000. quæ erat census Bellarmini, efficit ut excurrat numerus ad 60000. & in hoc sensu agebat, ab eo se tantum nihilo superari, simulque ostendebat divitias planè à se duci nihili. Nec minùs constans fuit in muneribus omnibus perpetuò à se rejiciendis; quæ si personis Regalibus & summis decorè remitti non possent, illico pecuniâ permutari mandabat, eamque integrè pauperum usibus distribui: usupare velut proprium lemma solitus illud Isaïæ: *beatus qui excutit manus ab omni munere.* Quando rationes dati acceptique mensibus & annis singulis cum Præfecto recognoscebat; si quid supererat, totum statim in pauperes erogari jubebat. Cum verò sæpius svaderet Præfectus, ut pecuniæ pars aliqua servaretur ad fortuitas necessitates, ipse tunc aliud nihil, quàm dicere: *sunt cogitationes de crastino.*

Denique tanta apud universam Romæ Curiam de sanctitate Bellarmini fuit existimatio, ut Urbanus VIII. de eo etiamnum vivente diceret, eum ab se æquè æstimari sanctum, atque alios, qui defuncti jam rebus humanis in syllabo Sanctorum recenserentur: neque dubitavit eum poemate quodam æquare sancto Carolo Borromæo. Idemque sensus communiter fuit totius Cardinalium Collegij, cui eo demortuo coronam decidisse, & splendidissimum ornamentum agebant. Alij SS. Doctoribus quatuor Ecclesiæ eum jungebant. Exemplar Purpuratis Patribus, ex Ecclesiasticis omnibus imitandum, dicebant alij: è cuius rebus utensilibus Cardinalis Sabaudus amiculum Pontificalem, alij alia in sacris reliquijs asservabant. Neque ullus fuit Imperatorum, Regum, & Principum Catholicorum in Evropa, qui non ingentium virtutum ejus famâ afflatus, eum literis singulari veneratione plenis, tanquam hominem sanctum, identidem convenire, & preces ejus exambire studeret. Porro qui alloquendi causâ Robertum adibant, animum adornabant ad quandam specialem devotionem, modestiam & pietatem, perinde atque cum Viro omnino sancto congressuri & locuturi essent. Ità de se fatebatur Episcopus Sanfedonius: & Cardinalis Estensis: *cum mihi aderat occasio, inquit, ut Robertum intuerer, experiebar urgèri*



*me presentia ejus, non ut cum obsequio, sicut ad Cardinales ceteros, sed ut cum adoratione, tanquam ad Virum planè sanctum adirem.* Atque hanc illi opinionem conciliabat DEUS eventibus etiam miraculosis, ad preces ejus concessis: qualis erat, dum Ludovicum Arogatium Aulicum suum, ex calida & periculosa febri æstuantem, solo crucis signo fronti illius impresso, momento sanitati restituit. Idem in eodem malo beneficium à Roberto expertus est P. Stephanus de Bubalis Societatis JESU Sacerdos; & Maria Argentia primariæ nobilitatis Capuæ fœmina. Et animadversum fuit, quidquid ægrorum esset, pro quibus Bellarminus semel Sacrum dixit, eos convalescere omnes: contra verò res infausi ominis habebatur, cum ille rogatus renueret pro aliqujus valetudine aris operari. Fassus quidem fuit ipse Patri cuidam, tam certum animi se esse, fore ut nihil peteret, quin impetraret, propter experimenta quæ habuit frequentissima gratiarum, ut de hoc neque dubitare posset. Capuæ animi causâ aliquando secus flumen deambulans, in quod piscatores aliquoties frustra retibus injectis, tres solum pisciculos eduxerant, tentare sortem iterum loco designato jussit; factumque est ingenti omnium stupore, ut tractu uno amplius bis centum quinquaginta pondo piscium egresserint. Franciscus Tomasius juratus affirmavit, se Barrij, ubi Vicarius Generalis in Basilica S. Nicolai fuerat, dum moraretur in Conclavi suo, vidisse coram Cardinalem Bellarminum exprobrantem sibi defectus quosdam in munere suo admissos, monentemque ut accuratius illi porro se impendere studeret, & expectationi suæ, quâ illum in summi Capuæ Templi Canonicum provexerat, respondere: atque his dictis disparuisse: Et tamen certum erat Bellarminum eo tempore procul Romæ, aliquot dierum itinere, egisse.

Quid de spiritu ejus prophetico, & rerum futurarum, aut procul distitarum prædictionibus dicam? idem Franciscus Tomasius miserat aliquando Bellarmino per Canonicum Barriensem ampullas aliquot, liquore è corpore S. Nicolai jugiter manante plenas: qui ex itinere rogatus à Præsule quopiam, cum è duabus lagunculis sacrum laticem illi donasset; nè defectus notaretur, aquâ easdem simplici repletas Cardinali cum reliquis obrulerat. Hic multa primùm de admiranda sacri liquoris virtute locutus, quærivit deinde, omnifine liquor ille manna (itâ enim vocatur) esset? Canonicus, ut obfirmaverat animum rem occultare, affirmavit statim: & Cardinalis,

equidem omnis hic liquor, subjecit, mafia non est. Quâ tam assertivâ Cardinalis affirmatio- ne perculsus Sacerdos, advertit factum suum divinitus illi innotuisse, prædicavitque semper deinceps ut hominem indubiè sanctum. Cum Neapoli Nepos illius ex sorore Angelus de Acearia Episcopus Theanensis à morbo gravi curaretur, scripsissentque ad Bellarminum amici, morbi vim remittere, sperarique brevi revaliturum: rescripsit Bellarminus, spem vitæ nullam superesse, disponderet idcirco se ad postremum actum, à quo penderet æternitas: & reipsâ paulò post decessit. Dum Lutetiæ cum Cardinali Legato erat, cursor Româ dispositis equis properè advenerat cum fasciculo literarum: quibus necdum referatis, disertè edixit Bellarminus, illis mortem Pontificis Sixti V. afferri, Legato cum reliquis stupentibus, & fidem negantibus, siquidem nulla de ejus morbo fama prævolasset: verum tamen prædixisse literis resolutis fuit manifestum. Anno 1621. Romæ in ædibus Bellarmini decumbebant Matthæus Tortus Theologiæ Doctor, & Octavius Clarellius Cardinali à cubiculis, quorum isti certam valetudinem, illi verò ominabantur exitium. At Bellarminus contraria de utroque vaticinatus, vitam ex vero prædixisse Matthæo, mortem autem Octavio, eventu deprehensus est. Nec minus veridicus vitæ vates fuit Oeconomus suo Petro Gvidotto, ex ægritudine in 60. jam diem pertinaciter durante, à Medicis deplorato. Idem expertus est P. Celsus Amerigus Cœlestinorum Generalis Assistent, loquelâ amissâ itâ jam deploratus, ut paratum in conclavi haberetur extremum ungendo sacrum Oleum. Eum invisens Bellarminus, cum signum Crucis fronti ejus impressisset: *nè te angas*, inquit, *ex hac ægritudine supersies eris*; statimque æger ab hoc contactu expertus est vitam redire, & vestigio eodem naturam reparari, quæ brevè integrè ad vigorem redijt. Eidem Amerigo significavit, ipsum in officio Generalis confirmandum: prædixit negotiorum ejus exitum in Gallia: nec siluit, Patrum Ordinis Cœlestinorum ab obitu suo futurum non Cardinalem aliquem exiguum, sibi-que similem; sed unum è maximis, & is fuit Mauritius Cardinalis Sabaudus. Morbo cum oblangvesceret Cardinalis Henricus Cajetanus, perlitavit pro eo Bellarminus; & tunc vocem intus audivit: *pro Cajetano desine precari, nec enim diutius vivet*: idemque audivit, quoties pro charo capite orationem repetijt. Mirari ille vehementer vocem adeò tristem, cum præsertim Cajetanus planè revaluisse, &



domo incolumis ad S. Pudentianæ egressus narraretur. Sed biduum non intercessit, cum subito oppressus, ferèque repentino malo extinctus est.

Et ut reliqua hujus generis pertexam: Petrus Georgij insignis musicus quadam die negotij cujuscumque causâ Bellarminum accedens, sub finem rogatus, quòdnam Romæ exercitium ageret? cum musices artem respondisset: *scito, inquit, inter Pontificios cantores te olim annumerandum, postquam longam prius peregrinationem obieris.* Petrus non ita multò post in Poloniam accitus, receptus est inter musicos Regios; unde reversus, in Capella Pontificia meruit. Petrum Cardinalem Aldobrandinum sæpius disertè prænuntiavit, subitâ morte nec opinantem (ut evenit) interiturum; & idcirco suadebat identidem, ut opera multa pietatis, in subsidium præsertim egenorum institueret. Pari veritate Sebastiano de Paulis, dum Doctor Theologiæ inauguraretur, Episcopatum: Clementi VIII, annos 13. in Pontificatu prædixit: in Pauli V. verò inauguratione, cum sensus communis esset non diu victurum, *nè has inanes persuasiones credas, dixit Ludovico Aragazio, Paulus enim diu victurus est.* Et cum is, *an per decennium?* rogasset: subdidit, *longè diutius;* nec aliter fuit, sedit enim annos 16. Post hujus excessum dum ingressurus Comititia in Vaticanum iret, dixit affectis honorarijs, qui in rheda una assidebant: *novus Pontifex, quem Patres eligent, Gregorius appellabitur;* quo nomine Alexander Ludovicius mox electus præfuit Ecclesiæ. Nec pauciora circa se prævidit futura. Lovanium ex destinatione Superiorum missus, inter primos Collegij sociorum amplexus dixit: *à Præposito Generali mittor huc ad biennium, sed spatium mea habitationis in Belgio 7. anni erunt:* nec aliter evenit. Capuz ipso initio dixit, præfici illi Ecclesiæ se tantum ad triennium: itaque in libro & serie Episcoporum ejus Urbis, primis statim diebus se inscripsit: *Cardinalis Robertus Bellarminus sedit annos tres.* Quo tempore Comititia eligendo Gregorio indicebantur, hyems acris ultra solitum obrigescebat: & Bellarminus tum fortè Cardinali Montalto colloquens: *inimus,* ait, *jam Comititia in summis frigoribus, proxima fient in summis caloribus, quibus tamen nostrum neuter intererit.* Dicto non abfuit fides, nam Gregorius XV. biennio post Julio ineunte occubuit, ac oportuit Comititia celebrari sub exortum ipsius caniculæ, usque ad 6. Augusti, quo die Urbanus VIII. acclamatus est Pontifex; Montalto & Bellarmino jam

vitâ functis. Sed & mensem ac diem obitus sui prædixit, primum quidem Ovidio de Amicis Urbis Capuz Canonico, dum A. 1621. in mutuo sermone essent, dixit, proximo Septembri moriturum se, & quidem ipso die Stigmatibus S. Francisci sacro. Alias magis distinctè adjecit, se in Septembri feriâ 6. decessurum, in celebritate Stigmatum S. Francisci; atque hunc à DEO favorem expectare se, quia in ejus mysterij Divino officio ordinando disponendoque plurimum laborasset.

Illo itaque anno 1621. cum ingravesceret ætas, & ægritudines assiduæ, atque usum aurium quotidie magis interciperet vitiatum humor; impetravit primum eximi à duplici Congregatione Cardinalium, Examinis nimirum Episcoporum, & S. Inquisitionis: & paulò post veniam discedendi penitus ab Aula, unde migravit è Vaticano in Domum Probationis S. Andreæ Societatis JESU: neque post ulli graviore negotio animum accommodavit, excepto quòd absolvere causam Sancti Philippi Nerij, de qua ipsius erat referre, conatus fuerit. Ex ejus negotij tractatione à S. Congregatione post biduum redux, domum ultra modum delassatus venit, & febricitantia duplici nunquam cessante cæptus est tentari; quæ cum augesceret, phrenesim simul afferebat. Ex tam vehementi malo subnascens propinquæ mortis cogitatio tam ei jucunda fuit, ut exprimi non possit: sanè nullus æger ita vitam desiderat, ut mortem ipse exoptavit. Nullum frequentius illi verbum erat, quàm ad cælum ire se velle, ad domum suam: & cum multi suas ei preces offerrent, unum excipiebat, nè vitam sibi precarentur, quam ipse omnino recusaret. Et medios affatus: *nè quæso, inquiebat, nè sollicitè adeò enitami corpori restituere incolumitatem, quod ergastulum est anima, cupientis ad cælum evolare.* Vulgarant quadam die Medici, ire in melius valetudinem ejus: sed spes eorum ægro mœstitia erat, cui major vitæ metus quàm mortis. Auditus sæpenumero est dicere, pellem ipsemet suam digitis arripiens: *quid tu obscura & ignobilis caro mihi adhæres adhuc? dividere tandem, & animam ire sine in domum suam.* Denique modus eum exhilarandi solandique erat, spem dare propinquæ mortis: ut non immeritò Cardinales omnes, plurimique Virorum Principum ad hoc spectaculum admirandum invitaverint sese, visuri hominem exultantem in morte, mortique insultantem. Ante omnes invisit illum Summus ipse Pontifex Gregorius, & bis amplexu arctissimo strinxit, mutuis lacrymis perfusus.

Ma



Maphæus autem Cardinalis Barberinus, qui paulò post fuit Papa Urbanus VIII. postquam dexteram Bellarmini religioso osculo veneratus est, petijt, vellet de cælo Ecclesiæ universæ adæquè patrocinari, atque in terris doctrinâ & moribus egerat. Neque ullus aliorum etiam fuit Cardinalium & Principum, qui non lectulo advolutus in genua benedici ultimùm sibi ab eo expeteret, & dexteram ad osculum porrigi, quam simul venerabundi oculis, pectori, capiti admovebant, ipsâque lecti stragula, tanquam rem sacram, osculis, manibus attrectabant. Coactus etiam multis Legatorum Romæ residentium precibus, bene precari Imperatori, Regibusque Christianis: tantùmque omnium fuit vitam ejus longiorem, voventium desiderium, ut totâ Urbe una in ore omnium vox esset, si humano sanguine tanto occurrì damno posset, neminem utique fore, qui non esset libenter pro eo cruorem proprium effusus.

Quæ deinde virtutum exempla hoc postremo actu exhibita ab eo fuerint, non facile est referre. Lenitas & patientia in perferendis morbi curationisque molestijs insignis fuit; quâ in ardentissimo febrium æstu nè os quidem gelidâ proluere sustinuit: insignior verò vilipensio sui, atque ex ea commiseratio erga illos, qui ei tum famulabantur, etiam pedisequos, quos nomine fratrum appellabat. Medicis, & Superioribus Societatis paruit obedientiâ planè cæcâ, quidquid juberent, tametsi res forent, quæ summam ægrotauseam crearent. S. Evcharistiam quoties sumeret, porrigi autem eam sæpius voluit, nullâ Medicorum Patrûmve persuasionem induci potuit, nè lectulo digrederetur, & in genua humi procumberet. Ad supremam, homologesim animum paraturus, cum duplex conscientia bene longum & accuratum examen præmisisset, reperire tamen nihil potuit, quòd Sacramentalis absolutionis capax esset; ideòque juberi à Confessario necesse fuit, ut ex antea actis, licèt jam confessis, suppeticas ad materiam sufficientem pateret. Undecimo tandem ægritudinis die Mutius Vitellescus Societatis Generalis, ex Medicorum sententia, eum instantis supremæ horæ admonuit: ad quem nuncium superfundenti se lætitiæ vix temperans, ter ingeminavit: *ô letum nuncium! ô nuncium optabile!* nec solum animæ gratum inde solatium, sed corpori propè salubre gaudium cæpit, voluitque obitus diversorum Sanctorum, & mortem imprimis S. Caroli Borromæi prælegi: ac fuit solatium intelligere, morbo cum suo simili, emotæ ca-

loribus febrilibus mentis emigrâsse. Cum S. Viaticum afferretur, rogatus nè lectulo suo se ampliùs, quòd citra periculum id fieri non posse Medici dicerent, commoveret; à primo conspectu SS. Sacramenti, supplente vires animo, celeritate mirabili statuit humi se ingenua; illòque recepto, lacrymis manantibus, & quasi linquente animo, in socios à quibus sustinebatur incubuit, & in ea defectione seu pietatis, seu virium, lectulo est redditus. Post aliquot secreti cum hospite DEO colloquij horas, extremùm unctus, voluit ad pedem lecti Crucifixi statuam erigi, ut ad ejus aram caderet, neque ferè, nisi cum Cruci affixo Domino deinceps miscuit sermones. Neque alia ad nuptias agni properantem mordebat cura, quam nè Domui Professæ, quam statuebat hæredem, damno potiùs esset quàm levamento: tam modicum scilicet erat, quod moriens ex bonis terrenis relinquebat. Ideo ut funeris parceretur sumptibus, supplicavit Summo Pontifici, ut exequias simpliciter Societatis more sibi fieri consentiret; & aureos 500. quos pendì ab hæredibus mos est annulus dum refertur, quo Cardinales initio cum Purpura ornantur, Societati condonaret. Interea ubi per Urbem innotuit Cardinalem Bellarminum, omnium judicio sanctum, animam agere, venère ad S. Andreæ Viri omnium Ordinum effusè adeò, ut ab eis haud potuerint aditus custodiri. Quare ingressi, cœpè oculis nunquam à lacrymis cessantibus haurire gratum illud Sancti morientis spectaculum: cumque adniterentur singuli aliquid ex utensilibus ejus secum inde, uti reliquias, referre; & jam rosaria, pilei & pileoli direpti essent; tum nocturna capitis tegmina, lineæ pulvillorum involucria, manicas subuculæ ac nodos furripuèrè. Cardinales etiam & Præfules magni pro se varia quisque flagitârunt, ut jam non superesset ampliùs quod tribui posset. Itaque misère ipsimet pileolos, Crucis argenteas, rosaria, vestes lineas, contactu Roberti sacrandas, tantâ copiâ, ut soli pileoli partim rubri, partim linei, numerum 150. excefferint. Hoc studio indumentis omnibus sublati, indui sepeliendus ex vestiario communi Societatis debuit, quoniam propria non suppetebant. Supplevit hunc piorum desiderijs defectum Medicorum ars, qui triduo quàm obiret, ut ei gravedine caput relevarent, ad motis hirudinibus sub utramque aurem, sanguinem mitteri voluerunt; interimque sudariolis certatim excepèrè stillantem sanguinem, cujus deinde particula summis Christianitatis Capitibus in sacrum pignus cessèrè.

Missæ



Missâ interim à Pontifice venit suprema illi benedictio, cum indulgentia omnium peccatorum plenaria: quam ipse aperto capite (erat enim per omnem vitam indulgentiarum studiosissimus) & generali confessione præmissâ, accepit venerabundus. Et jam aderat feriâ 5. diei 16. Sept: pridiana celebritatis Stigmatum S. Francisci, cum horâ ab occasu solis circiter tertiâ cœpit animam agere, labijs nihilominus à motu in preces & ardentissima suspiria nunquam cessantibus, quibus simulachrum Crucifixi identidem, quoad per vires potuit, osculandum admovebat, tandemque cordi, ut signaculum, infra stragula suppositum reliquit, dum animam illi redderet die sequenti 17. Sept: unâ horâ circiter post solem exortum, anno 1621. ætatis 80. statim ab obitu, quo populi concursus devitaretur, corpus ejus in Professorum Domum delatum est; quo postridie summi & imi, ex omni conditione & statu accurrere, nec venerabantur modò universi, sed contingere pro se quisque victrices hæresum manus contendebant. Exenterati, jussu Pontificis, corporis sanguinem & humorem omnem, sudarijs spongiisque multitudo ingens quæ aderat, tantâ excepit aviditate, ut guttam extillantem unam in corpore non reliquerit. Corpus deinde habitu Sacerdotum purpura-

*Exeius vita Autore P. Jacobo Fuligati, & Daniele Bartoli.*

torum indutum, quoniam precatio funebris de more fieri à sacro Cardinalium Collegio deberet, Pontifice quoad hoc preces ejus ultimas ab humilitate propositas non admittente, sub ipso Templi Professorum tholo, in præalto pegmate, quod holoserico nigro viloso instratum erat, collocatum est, & nè inconsultâ populi pietate discerperetur, custodiâ Pontificiæ militiæ obseptum. Non tamen effici potuit, quin multi custodiam perumpentes, galerum purpureum in reliquias discerperent: quorum piam vim ut arcerent, & pietatem quadantenus satiant; Pontificij Cursores bacillis argenteis rosaria populi confertim Cardinalis corpori, toto officij tempore admovebant, tanto numero, ut eorum censa fuerint supra 20. millia, nec simile quid Romæ visum fuisse viri gravissimi censerent. Demum sepulchro, quò paulò antè S. IGNATII exuvix conditæ, jam verò in numerum Sanctorum relati aræ propriæ insertæ, quieverant, impositum corpus est; & tumulus elaboratis lapidibus versicoloribus, ac statuis dispositis ornatus à Cardinali Odoardo Farnesio; ad quem imploratione Bellarmini varia cœlitus impetrari tota Roma novit, id eoque causam pro ejus in Sanctorum numerum relatione instrui Curia Pontificia voluit.

## P. PETRUS ÆGIDIUS.



**P**ater Petrus Ægidius, (seu Gil) natione Hispanus ex oppido Catalauniæ Reus dicto, Diœcesis Tarragonensis, nat. a. 23. ingressus est in Societatem 4. nonas Martij anno 1574. professus jam antea Philosophiam. In ea Doctoratu Theologico Gandiæ suscepto, totos 20. annos Regiam illam scientiarum explicuit Barcinone: ubi & Collegium nostrum tertio gubernavit, semel Barealicum, ac demum Aragoniam Præpositus Provincialis obtinuit. Cenfor Fidei designatus ab sacra Inquisitione Barcinone substitit, Confessiones Pro-Regum Episcoporumque omnium excepit, qui ejus consilio omnia, publica, privata, gerebant. Tantum erat pietatis, sapientiæ, & prudentiæ ejus nomen. A primo Societatis ingressu, præclarissimum fuit virtutum exemplar; atq; ab Ordinis sui institutis nè latum crinem unquam discessit. Omnibus ejus obeundis muneribus apprimè deditus fuit, ijs præsertim,

in quibus ditior demissionis, & laborum seges esset, quale est, plebeculam informare catechesi; adire custodias, triremes, nosocomia; pannosis hominibus aurem præbere, adesse reis capitalibus, quæ adeò non habebat vilia, ut illis sui copiam indulgentiùs, quàm nobilibus faceret: monueratq; Janitorem, ut quoties ad ignoti cujuscumque mortalium opem è nostris incertus aliquis evocaretur, se præ alijs admoneret. Inter Principum favores perpetuos, sui semper tenax propositi, sui juris fuit: nec in se patiebatur quidquam ab eorum liberalitate derivari, nè corrigendi eos libertatem videretur fecisse venalem. Cum Maqueda Dux ad Siciliæ administrationem admotus eum sibi à Confessionibus esse voluisset; contendit, ut attritas, & laceras vestes, novis commutaret, priusquam navem conscenderet. At Ægidius ingenuè professus est, nunquam se illius confessiones, nisi in eo vestitu excepturum, & tam id religiosè servavit, ut resartam sæpiùs togam non priùs posuerit, quàm Duce in Sicilia vitâ functo, ipse redijt





P. Petrus Gil S.I. Hispan. magn. rerū terrenarum suiq.  
contemptor; Zelator animarū insatiabilis. Per Años 40.  
Principum diversorū Confessari; nil unquam in suos  
vel Cognatorū Usus admisit. Obijt Barcinone 1622. 15. Sept.  
Ætatis 72. *110.*

redijt Barcinonem. Nihil illi accidebat acer-  
bius, quàm ad Principum mensas cogi, quas  
ut in itineribus declinaret, præibat uno die,  
vel sequebatur. Tandem cùm posset, vel le-  
vinutu consanguineorum suorum inopiam  
sublevare, nunquam quidquam innuit Pro-  
Regibus, undè possent eam egestatem, vel  
subodorari. In omnib, itineribus, quæ diutur-  
na & iniquo tempore per Hispaniam, Galliã,  
Italiã instituit, lacerum palliolū fuit illi totos  
33. añ: pro arcendis pluvijs: galerus toties ab  
ipsomet refartus, donec vetustate abiit in fru-  
sta. Semper ille quidem, sed eo potissimum  
tempore, quo Collegia regebat, aliorum se-  
tegebat exuvijs, & eò jucundiùs, quò pannò-  
sioribus. Innumera sunt ejus generis exem-  
pla, quibus non Principes modò, sed viros e-  
tiam Religiosissimos insolita quadam admira-

*Societas Europæa.*

tionē commovit. In eo certè morbo, qui  
mortis illi causa fuit, quoties pretiosiora cer-  
nebat adhiberi pharmaca, qualia postulabat  
ætas, & morbi conditio, omnibus quibus po-  
terat rationibus agebat, ut Medici imperarent  
viliora. Erat severissimus suorum sensuum  
custos: nullam tot annis fœminam de facie  
noverat: se quoque ipsum attingere quodam-  
modo horrebat. Agebat DEO gratias pro  
hebetata sibi acie oculorum, ex quo multa  
commoda castimonie perfentisceret. Obe-  
dientie severitatem non exigebat magis à  
subditis, quàm ipse præstabat. Ad proximos  
Janitoris, vel Aeditui nutus paratus, quoquò  
vocaretur, gravissimorum etiam occupatio-  
num filo abrupto. In gubernando benigni-  
tatis laude florebat, quã unã ducebat subdi-  
tos, quò maximè volebat: in subitis casibus

*Zzz*

*adeo*



adeò nihil commovebatur, ac si omnes affectiones extirpasset. Unâ æquitatis normâ domesticorum actiones examinabat: honestatis duntaxat momenta ducebat graviora. Demum factis, & exemplis ad suum cuique officium ipse præibat. Societatem unicè diligebat ex animo; cui ut arctiùs hæreret, quotidiana inter sacra, sua vota renovabat. Instituti ejus fuit tam tenax, ut nullis munerum, occupationum, senectutis oneribus se patere- tur impediri ab ejus ministerijs impigrè obe- undis: atque adeo inter Provinciæ curas, non minùs diligenter catechesi tradendæ, & confessionibus audiendis vacabat, quàm si illud ageret unum. Divini cultus incrementum, quoquo poterat modo, procurabat, si- ve domesticis suam navaret operam, si- ve alios Clericos sacris Ecclesiæ ritibus informaret. Nec minore cura B. Virginis cultum, & venerationem augebat. Ejus certæ pietati, ac diligentia debet Academia Barcinonensis votum illud quo se obstrinxit, propugnandi semper Immaculati ejus Conceptûs prærogativam. Familiaris ejus sermo religiosæ plenus simplicitatis, omnium, qui cum eo agebant capiebat voluntates. Nunquam aliud in ore habere, quam in corde: quod cum ipse quoque de omnibus præsumeret, difficile adduci poterat, ut in eo defecisse quempiam crederet, nisi manifesta signa probarent. In concilijs sententiam ex uno æquitatis arbitrio metiebatur: & tantam consecutus est laudem, ut

videretur prudentiæ, & consilij dono cæteris eminere. Denique quod in eo potissimum admirati sunt omnes, fuit vitæ innocentia, continuato præclarè gestorum ductu contexta, pretiosiore semper actionum similitudine, in tanta rerum varietate ad finem usque deducta: ut quicumque eam diutiùs, & propiùs inspexerunt, suspexerint maximè, & gravissimis judicijs inculcârunt. Sæpè Antistites etiam Illustrissimi, Patris sanctimoniam singularem, & vitæ præstantiam, constantiamque vix credibilem, dignissimam esse, quæ vel dum ipse viveret, sanctorum summa gloria decoraretur. Ubi Provinciæ reliquit habenas, magnis itineribus Barcinonem properavit, nullas viæ molestias, nullos caniculæ æstus moratus. Atque ubi appulit, mox cum Janitore transegit, & cum Præfectis carcerum, & nosocomij, ut se in omnis laboris partem vocarent. Ministrum Collegij sublati manibus, additis etiam lacrymis exoravit, nè quid sibi à communi victu diversum dari permitteret. Hæc ipse animo destinabat, sed jam ad metam laborum venerat: nam & viæ difficultate morbum contraxit, quem cum dissimulare diu non posset, nono ejus die, qui in 15. Septembris incidit, anno Christi 1622. ætatis 72. Religionis 49. ab emissis 4. votis 30. Barcinone succubuit, magno sui desiderio tum. Nostis, tum externis relicto, qui sunt cum lacrymis ejus funus ipsius prosequuti.

*Ex Bibliotheca P. Alegambe.*

## P. THOMAS SAILLIUS.



**P**ater Thomas Saillius, natione Belga, patriâ Bru-xellensis, ob egregias animi dotes & sapientiæ famam, cum Furnensi Canonicatu in ipsa juventute donatus, moxque Atrebatensi auctus esset; Duaci nostrorum perspectâ modestiâ atque insigni patientiâ, quam inter rebellium vexationes exhibebant, ad Societatem amplectendam vehementer cœpit incitari. Ergo abdicatis rebus & spebus omnibus Romam contendit, & jam tum Sacerdos, Christi se jugo subjecit inter tyrones Societatis 1. Maij anno 1580. Post tyrocinium missus cum Patre Possævino in Moschoviam, gravia ex obedientiæ nutu inter rudes illos & schismaticos populos pertulit; sæpe per inaccessas horridasque silvas, feris & latronibus infames, noctu peregrinandum fuit: hyeme nonnunquam dormiendum in ipsis quas calcaverant nivibus; undecim-

aliquando mensibus continenter vestitus sine ulla mutatione retinendus. Accedebat durior non absque asperitate, ad probandam recentis Religiosi virtutem, Possævini Thomam exercendi modus; cui licet nullum non genus vilissimi obsequij præstaret avidissimè constantissimèque, crebris nihilominus ob-jurgationibus incessebatur: quas eâ vultûs atque animi serenitate perferebat, ut tam incredibili submissi animi observantiâ tandem perculsus Possëvinus, ad pedes se Thomæ ad- volveret, & suam deprecatus austeritatem, ultro se illi ad regendum daret imposterum. His ærumnarum & itinerum laboribus exhaustus, Medicorum imperio redijt in Belgi- um ad valetudinem procurandam: ubi ab A- lexandro Parmensium Duce & Belgij Gubernatore ad suas confessiones adhibitus, & mili- tarium ejus tot expeditionum comes indivi- duus, quæ quantâque sustinuerit, faciliùs est cogitando ex ijs, quæ de bellis hujus Principis con-





P. Thomas Sailli, S.I. Belga, ex Atrebatensi, et Furnensi Canonico, Societatem complexus, plerumque aetatem in obsequiis militum, etiam pestiferorum per Castra exegit; à Beatisima Virgine miraculose sanatus. Obijt Bruxellis 8. Martij 1623. Aetatis 70.  
 111 W. P. Kilian sc.

conscriptit Famianus Strada, exprimere; quàm paucis hìc narrando prosequi. Eundem deliberationibus suis omnibus consiliarium Dux adhibebat, omnia sua & statùs negotia intimè communicabat. Neque tamen unius Principis obsequijs continebatur avidus Patris laborum animus: sed in militum etiam gregariorum curam indefatigabilem se extendebat, Sacramentis eorum animos procurando, sublevando egentes, animando praeliantes, & ægros assiduâ charitate juvando. His pestiferâ lue laborantibus Burgrichij, haud procul Wesaliâ, dum inservit; pestem & ipse contraxit, à qua voto ad B. V. nuncupato sanatus est. Ubi convaleuit, aucto ex prodigiosa sanitate fervore ad castra redijt, & foundationi Missionum Castrensiùm in Belgio tam utilium initium dedit anno 1590. cùm laboranti Lu-

*Societas Europæa.*

etia Dux ferret suppetias. Sed paulò post iterum ex continuis militum obsequijs dysenteria laboravit Quertici: aliud tamen hospitium non admittens, quàm inter mendicos & milites ægros, quò etiam cum solatio & auxilio miseris adesset.

Anno 1592. die 21. Nov: Duce jam functo vitâ, & Professione 4. votorum Atrebatensis emissâ, ad Cameracum à Buquoio Comite invitatus est, exercitui Urbem obsidenti opem consuetam præbiturus; ubi per medias glandes evasit in locum, ubi acriter certantes milites copiosè cadebant; quos magno spiritu ad pugnandum exhortatus, faucios omnes expiavit. Anno iterum 1596. Admiralium Aragoniæ in Germaniam ad Cæsarem, Ferdinandumque Stiria Archi-Ducem, atque in Poloniam ad Sigismundum Regem comitatus est,

Z z z 2



est, ubique virtutum suarum vestigijs impressis : dum biennio post Bruxellis declaratus Rector, Missiones simul Castrenses gubernavit. Cum verò nescio quâ causâ, ruptâ in pectore venâ, ingentem vim sanguinis expueret, à Medicis habitus inter deploratos, ad B. V. Aspricollensem voto edito confugit : quæ illi se visendam in comitatu S. Barbaræ aliarumque Virginum choro exhibens, audita est præsentem Filium pro servi sui incolumitate, ita precari : *sine nostrum hunc servulum etiamnum aliquamdiu vivere* : quo ipso momento perfectâ redeunte valetudine, vixit magnâ admiratione Medicorum multo etiam quàm antè sanior, planè ut nulla illi opus fuerit deinceps medicinâ : & cum antè graviter olentem haberet ex pectoris corruptione anhelitum, jam sive nescio quid redolens spirabat. Post quinquennem deinceps iterum Bruxellis Rectoratum, Anno 1620. cum Marchione Ambrosio Spinola venit in Palatinatum, Castrensis denuo Missionis Moderator : peculiari namque zelo ad præstanda militibus auxilia ferebatur, neque ullam de ipsis bene merendi ansam omittebat. Resplendebant interim mirificè in eo virtutes omnes, tanquam in illustri loco positæ, quas percensere singillatim iusti voluminis esset opus. Pietas in primis quæ in corde ardebat, erumpebat amœnissimè in vultum, quam etiam dictis adeò teneris & amore plenis prodebat, ut extra se rapi videretur. Christi Servatoris in Evcharistia, & SS. ejus Matris cultor fuit eximius, toto adnifu cultum eorum & amorem procurando, ut si quid posset censer in hac re nimium, nimius videri posset. Submissione animi tantâ fuit, ut minimum se hominum, & peccatorum maximum, vel in ipso mortis articulo seriò agnosceret, diceretque suas sibi laudes etiam post mortem displicituras, nedum placerent viventi. Pollebat ille quidem insigni prudentiâ, sed quam conabatur simplicitate candidissimâ obruere. Erat in se rigidus & asper, in alios mollis & snavissimus : multâ se inediâ macerabat, algore, humi cubatione, dirâ & frequenti flagellatione, hircilicio. Sed pium simul atque ingeniosum tormentum fuit crux sesquipalmaris, totâ superficie præacutis munita stimulis, quinque cuspidibus altiùs in Christi vulnerum reverentiam extantibus, nudo pectori applicata ; quam pugno impacto, cum detestatione suorum peccatorum, sibi imprimebat identidem magno cum dolore, & copiosâ sanguinis profusione. Obedientiam summis in amoribus habuit, & omnes Superiorum nutus

*Ex Nierembergij Tomo 1. & Bibliotheca Alegambe.*

tanquam Divina imperia excipiebat : tamque exactè regulas omnes observabat, ut nullam se unquam ex deliberata voluntate meminisset esse transgressum. Paupertatis studium alijs in rebus, tum verò in vestitu detrito, lacero, abjecto, præferebat.

Illibatam castimoniam ad usque extremum spiritum cum servasset, in alijs ejusdem nitorem maximo fervore zelabat : cujus suæ charitatis novum simul & alienæ pudicitie custodiæ prodigium exhibuit Dorlentijs Picardiæ urbe, quando hæc vi expugnata, data fuit militi in prædam. Militari namque licentiæ fœminarum erepturus pudicitiam, fures oblongos per plateas urbis principes mandavit extendi, quorum extremos fines cingulo suo alligavit in orbem : dein publicâ voce mulieres omnes invitavit, ut quæ pudori suo vellent consultum, funem contingerent, seq; raptantem cuneos fœminarum per medias militum furias sponte sequerentur. Dictum factum : & per media ora, manus, oculos militum, memorando in omnem posteritatem fœminarum raptu, freudentibus quidem, atamen præ Viri sanctitatis majestate & auctoritate plenis reverentiâ, prædam tam paratam attingere non audentibus in urbe victa victoribus, ad tutam stationem illæ sas omnes illibatæque subduxit. Vitâ denique tot laboribus, itineribus, incommotis fractâ, cœpit cursûs sui metam è propinquo quasi præsentire ; ideòque Bruxellis residens Aula illi à confessionibus, cum proximo ante mortem die in Aulici Gynecæi sacellum, more solito, audiendarum confessionum causâ venisset ; socio quem habebat Sacerdotem, ipso in loco (quod nunquam aliàs ab ipso factum) priùs est confessus, quàm ad Sacrum faciendum accederet. Sumptis in Missa Sacramentis paralyti membra fatiscere præsentiscens, socium admonuit, à quo substratâ raptim humi culcitæ impositus est. Domum paulò post relatus, sacro poposcit Oleo inungi : atque inter illustria pietatis & humilitatis argumenta sanctam egit animam 8. Martij Anno 1623. ætatis 70. Religionis 43. Accurrere, frequentes viri Principes, & unius morte tota civitas perculsa videbatur. Et cujus fama fuerat in vita omnino magna, post mortem evalit longè maxima, & ad funus celebrandum tantus est hominum omnium Ordinum factus conventus, Rosaria vultui admoventium, reliquias ejus expetentium, ut satis omnibus fieri nequaquam potuerit : DEO fidelis servi sui obsequia etiam præsentis seculi honoribus abundè ita pensante.

P. THO.





P. Thomas Stephensonus SJ. Angl<sup>9</sup>, laboribus  
in Anglia Apostolicis, et carcere fidei causâ per-  
pesso conspicu<sup>9</sup>. Obijt Watenis 23 Martij 1624. Æt: 72.  
112.

p. Killian 52.

## P. THOMAS STEPHENSONUS.

**P**æclarus in vinea Do-  
mini Operarius Thomas  
Stephensonus, editus in lu-  
cem est Windletoniæ in  
Episcopatu Angliæ Dumel-  
mensi, Parentibus Ortho-  
doxis, & à puero in Fide Catholica, primisq;  
latinitatis literis educatus; nè cum altioribus  
disciplinis hæresim combiberet; in Belgium,  
gloriosum pro Christo exilium, transmissus  
est. Rhemis primùm, deinde Romæ Philo-  
sophiæ & Theologiæ cum dedisset operam,  
Sacerdotio initiatus, in messem Anglicanam,  
auctoribus Alano & Personio missus est anno  
1583. ubi naviter in salutem animarum deci-  
mum mensem inter quotidiana carcerum &

vitæ pericula insudans, tandem postquàm  
plurimos ab hæresi Ecclesiæ reconciliatos, a-  
lios verò in fidei & virtutis studio roboratos,  
in manus hostium incidit. Damnaverant Ju-  
dices Londinenses anno 1584. in Februario  
perduellionis reos, ob negatum Reginæ Elisa-  
beth Ecclesiæ Anglicanæ primatum, specta-  
tæ doctrinæ & innocentiae Sacerdotes è Clero  
duos, Jacobum Fen, & Georgium Haddock,  
eosque capitali supplicio in patibulo tantil-  
lum suspensos, & quadrifariam dissectos affe-  
cerant. Ut autem inveteratum in ordinem  
Sacerdotalem odium apud plebem & invidi-  
am foverent, novâ illorum conquisitione per  
emissarios factâ, omnibus angulis eos vestiga-  
ri & in vincula compedèsq; abripi jusserunt.

Zzz 3

Postri-



Postridie itaque istorum necis, capitur Stephenus proditor adolescentis, quem ad Sacra ministrum adhibuerat; ac veluti criminis Majestatis læsæ jam compertus, in turrim Londinensem compingitur, post maledicta & convitia à Præfecto Arcis remerè in eum contorra. Ad tribunal Judicum citatus, Christiana prorsus liberrate ad stuporem usq; Quæstorum respondit ad omnia, quæ Consiliarijs collibitum fuit sciscitari. A quibus detrusus in ergastulum est vetustate fatiscens, mucore, situ, squalore, vermiculis etiam in magno frigore, & vicinæ cloacæ fœtore gravissimo terrum, nullo ad quiescendum vel stramine vel assere concessio. Viginti septem dies nudum & humidum solum illi lectus fuit; post quos ferro immaniter onustus alios 40. dies jacuit, tum anno vertente 22. Febr: unà cum 12. Sacerdotibus vinculorum socijs toto Regno proscribitur, in Galliam deportatur, fuit, cum macie ex tor malis, & articulorum ac dentium dolore semestri propemodum esset confectus.

Pridem illi in votis erat Societati JESU adscribi, cujus ineundæ votum conceperat in carceribus, cum mortem per tormenta pro fide expectaret. Quapropter cum primum exscendit in Gallia, P. Roberto Personio se coram stitit, à quo summâ charitate recreatus, Spiram ad P. Oliverium Manaræum, ab hoc autem acceptis literis ad Henricum Blysssemum Austriæ, (quæ tum eadem erat cum Provincia Boëmiæ) Provincialem missus est, à

*Ex Anglia Henrici Mori & Bibliotheca Alegambe.*

quo facillè Societatem tot meritis & coronis decoratus impetravit; admissus ad Tyrocinium Brunæ in Moravia 11. Decembris Anno 1585. & nondum lapso biennio ad diem 5. Junij tria vota Scholasticorum emisit. Quatuordecim sequentes annos transegit in Boëmiæ Provincia Olomucij & Pragæ, in celeberrimis illis Academicis partim Rhetorica tradendo præcepta, partim Græcas & Hebræas literas explicando: deditque tam constanter excellentis de se virtutis & adultæ sanctitatis specimina, ut emissis Pragæ ad diem 3. Junij Anno 1597. tribus solennibus votis, de eo rursus in Angliæ culturam destinando Superiores deliberaverint. Romam itaque accersitus, Personium aliquamdiu in adornanda rerum Anglicarum historia adjovit: tumque rursus majoribus quam antè animis in hostile Patriæ solum navigavit, certus ibi non operam tantum omnem & labores in animarum salutem locare, sed vitam etiam ipsam & sanguinem pro asserenda veritate Catholica prodigere. Et laboravit quidem in ejus cultura strenuè ad annos ferè 20. maximo animarum proventu, inter continua vitæ discrimina: summus otij & inertie osor; in quam ut industriam exaceret, horis subcivis vitam Thomæ Pondo ex ipsiusmet adversarijs justo volumine contexuit, & Catechismum pro rudium instructione. Donec annis & senio fractus, Warenis morte occupatus est die 23. Martij 1624. ætatis 72.

## P. SALVATOR PIZQUEDA.



Ardinia Insula, Patria, fuit Parri Salvatori, edito in lucem anno 1551. Parentibus nobilitate & virtute apud suos clarissimis: ejus matri uterum ferenti Vir peregrinus repente domum ingressus, prædixit, filium ab ea gestari heroem maximum, licet ipsa neque gravidam se, minùs verò quantum visceribus suis thesaurum concluderet, tum quidem sciret: jussitque nomen ei imponi Salvatoris, quod obsequio divino mancipatus, multis morralium salutis futurus esset. Sed & adjecit, partum illius plenum periculi & laboris futurum, quo semimortuus infans effundendus, à domesticis ad sepulturam destinandus esset: quod tamen nè fieri pateretur; siquidem ille plurimos annos laudatissimè victurus esset. Retulit hæc Viro suo

mulier, adhuc ignara quod prægnans foret, quippe multos demum post menses partu soluta: & licet is negaret fidem peregrino habendam, ubi tamen omnia penitus ita evenisse advertit, Angelum in hominis specie fuisse non dubitavit. Biennis puerulus patre orbat, assumptus est ab avunculo liberis destituto, Viro pietati deditissimo, quatuor suis fratribus apud matrem relictis, in filium; & bonorum omnium, quibus in paucis abundabat, hæres constitutus, & præcipuâ curâ in omni virtute & pietate educatus. Itaque nunquam sinè illo Templum adire, & jam tum ad preculas Numini de genibus solvendas assuefacere: quam infantis pietatem placuit DEO insigni prærogativâ muneri, & rationis usum sanè præcocem, tertium ætatis annum ingredienti, conferre. Cum enim feriâ quintâ majoris hebdomadæ secum in Ecclesi-





*P. Salvator Pizqueda Soc. Iesu, Sardus; Eucharistiae cultor eximius: cum eminenti vitae sanctimonia insignem animarum zelum conjunxit; multis à Deo prodigijs in vita et morte ornatq. Obijt Sassari 27 Martij 1624 ætatis 73.*

113.

am delato Crucifixi Domini Effigiem demonstraret, inquiens: ecce mi fili, hic ipse est Pater noster & Dominus, qui pro nobis mori dignatus est. Parvulus defixis in Divinum simulacrum oculis, eâ simul in intellectu luce perfructus est, ut clarè & distinctè agnosceret, eundem simul esse DEUM, Creatorem totius universi, & Redemptorem mundi: quare ingenti alacritate & affectu totum se illius obsequijs obtulit, lacrymis præ tenerrima pietate largè ab oculis defluentibus, perinde ac si vir maturus esset. Atque hoc lumen animo ejus ingressum in omnem deinceps vitam duravit, valuitque ad promovendum, nè quid unquam admitteret, quod à ratione dissonum videretur. Octennis jam ferè pugio aliquando cum æqualibus honestæ relaxationi indulgens, repente eâ cogitatione obrutus est: quid fui an-

tequam natus in mundum prodi? & quid fore sodales hi mei? & quid cælum totum, priusquam à DEO conderetur? recordatusque illustrationis illius ex Crucifixi aspectu conceptæ, omni discussâ dubitatione clarè pernoctavit, omnia merum fuisse nihilum, antequam à DEO esse accepissent. Sed exinde cum ei occurreret: quid verò fuit DEUS, & ubinam extitit, priusquam mundus fieret? non inveniens vadum quo se ab eo dubio expediret, repente deprehendit tenebris spississimis, estò media & clarissima dies esset, se obrui, ut viderentur palpari posse: quare nec pedem promovere valens, in largissimos fletus solutus est, donec caligine discussâ domum repetere, sodalibus & lusu relicto, concessum est. Ecce autem inter redeundum oculis conversis, videt insequentem se hominem gigantis horri-



horribili & nigerrimâ specie, ultima sibi, si assequeretur, minantem; quo vehementer expavescens, cursu citatissimo domum repetiit, dæmonem fuisse nihil ambigens. Ità mirum DEUS terroribus æquè ac solatijs ab omni peccati umbra animam ejus à teneris avertebat.

Grammaticæ discendæ applicatus, monitûsque (quò accuratiùs illi incumberet) quid de eo in Virum magnum evasuro peregrinus olim prædixisset; cogitare cœpit, quâ viâ & ratione magnus effici posset? occurritque inter seculi dignitates frustra se eam magnitudinem quæsiturum; seriôque decrevit, S. Alexij exemplo (cujus vitam commodum legi tunc fortè audierat) mundi contempnere eandem consecrari. Quare studijs diligentissimè se impendens, tempus reliquum parvulis catechesi imbuendis, quos solerter colligebat per vicos, impendebat: & quidquid videret, audiret, vel tractaret, in DEUM & Cœlestium memoriam traducebat. Atque hanc sibi potissimum ingeri experiebatur ab avium cantu, inter quarum garritus totus in superna liquecebat, quòd viderentur illò sibi clarè & distinctè occinere, *ad cœlum, ad cœlum!* unde in affectus & amantia suspiria diffuens, inter lacrymas veluti absorptus remanebat. Eodem tempore, nonum jam ætatis annum ingressus, contigit solennem supplicationem deduci; cui prælatum Christi affixi simulachrum, videbatur non ut aliàs nudam Redemptoris imaginem, sed planè divinum quidpiam referre, quòd animum ejus penitus in se rapiebat, faciebátque ut totus supplicantium processus, & musicorum chorus, verissima quædam Cœlitum pompa appareret: quibus extra se velut in extasim raptus, sensit se invisibili alicujus manu prehensum, ad caput supplicationis transferri; ubi patefacto cœlo vidit super excelso folio residentem DEI Majestatem, lumine supra solis radios fulgentiore circumdatam, & innumerâ Angelorum multitudine stipatam, oculis benevolentix plenius agmen illud supplicantium contemplantem. Duravitque visio toto Processionis tempore, ineffabili pusionis solatio, & suffecit in omnem deinceps vitam incitando illius ad heroicas actiones animo, & adversis omnibus dulcorandis. Accidit & aliud per idem ferè tempus, omnium judicio inter prodigia computatum; oberrabat animi causâ cum aliquot sodalibus per campos; cùm unus illorum in profundissimum lacum delapsus, ità repentè absorptus est, ut nihil ejus omnino appareret. Salvator pa-

rum pensi habens quid discriminis subiturus esset, continuè, ut erat vestitus, in aquas infilivit, &mersum puerum capillis arreptum, salvum & incolumem sicco restituit: omnibus stupore attonitis, quòd non uterque absorptus undis interierit, cùm & lacus in altissimam abyssum dehisceret, & pusionum neuter natandi peritus esset.

Decennium affecutus, missus est cum uno fratrum Sassarim ad scholas Societatis JESU, nactusque Magistrum P. Antonium Bosque, sanctitate & prædictionibus vaticinis notissimum, præclaros non minùs in virtutibus, quàm literis fecit progressus. A quo mentalis orationis praxim edoctus, certam illi quot diebus impendebat horam; neque unquam studijs animum applicabat, nisi bene longam præmitteret orationem. Sacram. Mensam accedebat octavo quoque die: flagris in se aliquoties per hebdomadam sæviebat ad sanguinem usque, nec paucos æqualium ad idem pictatis genus verbo & exemplo induxit. Frequens erat in visitandis hospitalibus, ergastulis, solandis infirmis, juvenilibus pauperibus, quibus etiam liberales elemosynas providebat, & rudes mysteria Fidei edocebat. Ità innocenter per Humaniora & Philosophiam versatus, cum 8. jam solum menses ad finem restarent, Societatem JESU expetijt, impetravitque eâ conditione, si constans in proposito per modicum illud tempus remaneret. Eo responso lætus dum è Collegio domum redijt, ecce tibi dæmon visibili formâ illum aggressus, proceræ instar & terribilissimæ umbræ, non tantum summopere exterruit, sed animum etiam tristissimis cogitationibus implevit, ut corde ad Divina omnia aridissimo, ferè jam postulatæ Societatis eum pœniteret, & præcipitatam nimio opere resolutionem suam damnaret. Verum ubi orationi se dedit, benignam illico opitulantis Domini manum expertus est, totumque eventum Confessario recensuit. Cùm verò rescivisset consuetum in Societate haberi, ut Missionibus varijs ad animarum lucra alumni sui occuparentur, & ipsi quin adeo Novitij, inter reliquas probationes, notabile tempus in peregrinatione pedestri absque omni viatico, solis elemosynis vivere tenerentur, hospitalium interim ceterisque vilibus obsequijs ad dicti: desiderio suimet probandi, idem & ipse sibi faciendum decrevit, conductoque heroicæ peregrinationis socio, vili tunica indutus, absque omni viatico iter in aliam urbem Oristan inivit, ijs sibi præfixis legibus, nè quidquam per viam nisi de DEO inter se, & cum



& cum viatoribus sermocinarentur; somnum nudâ humo caperent, solôque emendicato pastu viventes, operam omnem curandis in-hospitali ægris, rudibûsque cœlestia docendis, impenderent. Et verò probavit fervorem illorum primò statim diverforiò DEUS, in quod sub vesperam delati, præter solius frustum panis, nihil corrogare potuerunt. Nocte duro humi cubatu exactâ, iter persecuti, catechesim ubique per viam & pagos rudibus explicabant, dum Oristanum venirent: ibi diverforiò in publico Nosocomio acceptò, totos se miserorum curæ mensem integrum addixerunt, & quidquid eleemosynæ per diem exorâssent, eorundem subsidio integrè addixerunt. Cum verò dehinc in patriam suam reduci beneficium Ecclesiasticum ultro in manus resignaret Rector Ecclesiæ, qui postea in Episcopum assumptus est; constanter illius beneficentiæ & suorum svafionibus restitit, & Sassarim reversus, Tyrocinium Societatis ingressus est 13. Septembris 1571. annum agens ætatis 20.

Nihil non egêre mater, fratres, & agnati, ut ad sæculum, vel saltè statum Clericalem illum retraherent, manibus etiam violentè illi injectis: quas cum ei peregrinationem, tyronum Societatis more, Calarim obeunti, secundò injecissent, ipse oratione ad DEUM fusâ animos illorum ita immutavit, ut non ausi sancto illius proposito refragari, comites itineris benevolè esse maluerint, & officioso ambitu Calarim versùs deduxerint. Pari ardore superavit technas dæmonis, qui fratris ipsius germani faciem mentitus, vultu mœstissimo, multîsque lacrymis, ob ejus jacturam peresus, visendum se præbuit, ad deferendam Religionem varijs rationibus sollicitans: quibus initio non modicè turbatus & perplexus, vivificæ tamen Crucis signo se muniens, & dæmonem ab oculis, & turbationem ab animo simul dispulit. Et jam illi quartus in itinere fluebat dies; quò, cum terminum sibi longiorem viæ, quàm ut uno die confici posset, statuisset, nocte in densis sylvis obrutus, & amisso itinere, neque quo progredi, neque ubi locorum versaretur, sciebat. Dum anceps consilij hæret, & actum jam de se, omni remedio destitutus, credit; repentinè densissimo nemore homo prodit ardenti face instructus, ducemque viæ Sardaram usque (quem sibi terminum destinârat) promptissimè se offert; huc circa dimidium noctis adducto diverforium ostendit, in quo maximâ humanitate & benevolentia, hoc ipsò, quod Societatis JESU Novitium se diceret, acceptus est;

*Societas Europæa.*

Cum verò post hæc idem ductor repentinè evanisset, nihil dubitavit Salvator Angelum Custodem à DEO submissum fuisse, qui se velut alterum Tobiam erroribus itineris expeditum, securè ad locum optatum deduceret. Tot à DEO beneficijs cumulatus, maximo fervore Tyrocinium Calari profecutus est; acciditque subinde, ut in odæo coram SS. Sacramento orantè fulgidissima de cœlo lux totum repentinè involveret, itaque amoris Divini æstu incenderet; ut sibi videretur instar igniti carbonis in medijs flammis versari. Sensit autem præcipuè cor sibi amore puritatis & castimoniæ aduri, cujus idcirco perpetuò illibatè conservandæ votum in vestigio emisit, licet fortè illum è Societate dimitti contingeret. Secundùm Tyrocinium studia Theologiæ profecutus, Rhetoricam triennio, & duplicem Philosophiæ cursum docuit, habuitq; simul ordinarias in Templo Parochiali, etiam per ferias Quadragesimæ; conciones, Sacerdotij adhuc expertus; pro quo apud Superiores impetrando nullum ipse unquam verbum fecit, neque ullos intercessores admisit, indignum se Sacerdotio ex animo reputans, neque melius sibi obvenire posse dicens, quàm quod sponte decernerent Superiores.

Tandem sacris Ordinibus initiatus anno ætatis 34. officium Ministri Domûs biennio sustinuit, ingenti erga omnes, ægros præsertim, charitate; maximè postquam Divino monito ad eam se incitari expertus est. Aperta fuit uni ex domesticis infirmis pridie vena, ad quem noctis medio adrepens Salvator (quod singulis ferè noctibus erga alios etiam valetudinarios præstabat) diligenter inspexit, num satis securè brachio provisum esset: vidensque illum alto sopitum somno, & brachium ritè obligatum, ad cubiculum & ipse dormiturus redijt. Vix duas horas somno indulserat, cum voce & strepitu excitari se persensit, jubentis ægrum properè adire, in extremo periculo constitutum. Accurrit ocysimè, reperitque ægrum somno etiamnum oppressum, sed veluti exangvem, quòd plurimum cruoris solutâ ligamine venâ effluxisset. Igitur remedio sollicitè adhibito, facilè collegit excitatorem fuisse Angelum, sinè cujus monito æger jam penitus interierat. Datus deinceps Collegio Sassaritano Rector, veluti liberiorem campum nactus, cœpit liberaliùs zelum suum in animarum salutem extendere: nam quatuor diversas Sodalitates ibi excitavit, quarum duas simul longo tempore administravit; & quintam subinde Calari, Theologiam

A a a

logiam



logiam ibidem publicè professus, adjecit. Iterum verò Algverij renunciatus Superior, sextam ibidem Sodalitatem exciravit, omniumque simul in urbe langventium & ægrotorum curam gessit: ad quorum auxilium quoties domo Sacerdos evocabatur, primus prosliebat ipse, hyeme præsertim, & frigidis noctibus, nè suorum domesticorum somnus interturbaretur: cum verò gravi penuriâ Collegium leviter dotatum premeretur, totum se Divino implorando auxilio impendit: & ecce præter omnium expectationem, persona Societati nullo usu aut familiaritate conjuncta, caseum & oleum in totum annum submisit, præter triticum, & carnes in aliquot menses suffecturas. Nihil tamen æquè illi in votis fuit, quàm in Missionibus & Apostolicis expeditionibus inter rudes & paganos versari, ad quod munus cælum ipsum suffragari illi videbatur: nam in urbibus dicenti cum vox & latera ægrè ad concionem, ob debilem naturæ complexionem, sufficerent; quoties tamen in pagis & campis ad rudem plebem verba faceret, tam clara & sonora vox, pectoris firmitudo, & copia verborum illi affluebat, ut majus aliquid supra naturam omnibus, qui eum priùs in urbe audierant, videretur. Porro in Missionibus non tantum audiendis in Templo confessionibus, quasi integrâ die; sed nocturnum etiam magnâ parte vacabat, propter operarios & agricolas laboribus suis per diem impeditos: & certam horam dabat instruendis Clericis in conscientiæ casibus, & officio Curatorum.

Quadam vice jussus à Superioribus equo ad Missionem suam uti; dum pontem malè compaginatum transiret, equus calcitrando prolapsus, caput in unum foraminum ita implicuit, ut retrahi nullatenus, ob nimias ejus angustias posset, nemòque hominum undiq; circumspectanti aderat, qui auxilium ferret. Ergo ad DEUM conversus, opem è cælo fidenter implorat; cum subito equus, ut erat ephippiatus, totum se per angustias illas penetrat, è quibus solum antea caput expedire nequibat, salvusque ad littus oppositum, quò Pater jam præcesserat, fluvio innatans eluctatur. Miratus Pater rei eventum, ad visendum foramen revertitur: num fortè amplius, ad præstandum tam facilem jumento transitum, redditum fuerit; reperitque perinde ut antè suis angustijs constrictum: ex quo cognovit DEI potentiam, quâ etiam per foramen acûs camelum perfacilè traducere posset. Alias iter equo in ipsdem expeditionibus Evangelicis agenti, locus occurrit uliginis

profundissimæ, quâ unâ cum equo, si subiisset, fuerat absorbendus; eam virore herbarum, uligini veluti solido prato innascentium, deceptus, jam jam ingrediebatur: cum homo repentè è vicino exilir, clamoribus Patrem à progressu absterrens; cui periculi communito ubi legirimum callem demonstravit, extemplò videri desijt: ut nihil iterum ambigeret Pater, Angelum fuisse vitæ suæ servatorem. Accidit eidem persæpe, solito alioquin iter omne orando & meditando expendere, ut cum equus, priusquam orationem Pater auspicaretur, optimè procederet, sub oratione passu ferè quolibet calcitraret: quam dæmonis esse artem interpretatus, ubi tantò constantius DEO precando institit, dolos omnes veteratoris elusit. Ceterum tam domi, quàm foris, majore industriâ se expendebat in pauperum & destitutorum obsequia, neque ferebat quidquam eorum sive animis, sive corporibus deesse. Resciverat fortè duas nobiles puellas in arcto constitutas, de prostituenda pudicitia propè deliberare; quarum miseratione inrimè ractus, subito eas convenit, & omni conatu solari, atque ad fiduciam in DEUM erigere laboravit: dum paucis interjectis diebus tantum utrique ex priorum largitionibus in dotem collegit, quantum ad honestas nuptias contrahendas sufficeret. At verò de alterius personæ lapsu in carnis vitium intelligens, tanto luctu obrutus est; ut integri anni lacrymis deploratum, varijs assumptis pœnitentijs eluere contenderit. Carcerum procurationem multis annis sustinuit, & causam singulorum diligenter apud Judices promovit: & nè alimonia in dies singulos necessaria deesset, benefactores & ipse sollicitè providit, & non rarò cum Sodalibus Congregationis à se institutæ, ostiatim per urbem stipem corrogavit. Eandem charitatem præstabat verecundis pauperibus: ægros autem, qui Ecclesiam adire non possent, confessionis audiendæ causâ adibat hebdomadis singulis, cum domi ægrotantes socios inviseret quotidie, neq; alibi quàm apud ipsos nocturnâ quietem caperet. Ingens eâ causâ quorumvis infirmorum erga Patrem fuit fiducia, nec facile ullus decidebat in lectulum, quin illico cœlestem hunc Medicum accerferet; super quos recitato Evangelio, vel brevi dictâ precatione, passim plurimis illico sanitas cum viribus redibat.

Raram admodum verbis & dictis illius DEUS indidit efficaciam; fatebanturque multæ & insignes personæ, quoties Patrem opus quodcunque pium, vel exercitium virtutis

sva-



svadentem audijissent, sensisse animum Divinâ quadam vi ad illud amplectendum inclinari; itâ ut quietem nullam, nisi præbito assensu, capere possent, licet omni conatu in oppositum niterentur. Id quod manifestè patuit in gravissimis apud multos extinctis odijs, quæ nullius alterius arte componi poterant. Erat homo notæ omnibus avaritiæ, augendis opibus toto animo immersus; is semel duntaxat Patri sua peccata confessus, itâ desiderijs suis immutatus est, ut omnem illam cupidinem in cœlestes unicè thesauros ambiendos aspernatus caduca omnia, transtulerit. Neque id mirum; nam Pater quoties ad confessionale descenderet, totum eò animum & cogitationem applicabat, sibi firmiter persuadens, à DEO ipso illuc se evocari, ad pœnitentium animas, quas ipse illi missurus esset, præ alijs omnibus adjuvandas: quare diligentiam omnem & curam cuilibet eorum, è peccatorum cœno efficaciter extrahendo, itâ sollicitè & prolixè adhibebat, ac si nullus præterea audiendus esset, idque licet confessionale quantâvis multitudine obsideretur: malebat enim in totum diem, & noctis partem, sibi laborem extendi, quàm solâ absolutione. Sacramentali è præteritis purgatum, & nullo efficaci in futurum ijsdem evitandis remedio provisum, ab se dimittere. Quoties demum contingebat ut videret, vel sciret graviter à quopiam offensum Numen, tanto cordis ob RUEBATUR dolore, ut morte ipsâ, & tormento quolibet acerbior illi videretur: neque ullam capiebat quietem, donec familiari alloquio conventum, ad pœnitentiam induceret. Gravissimas idcirco à nefarijs passus est persecutiones, calumnias, & detractiones, quibus tamen nunquam absterri potuit, ut vel uno puncto à ferventi suo zelo recederet. Erant mulierculæ aliquot venalis in publicum pudoris, quem tantò liberius prostituiebant, quod à quibusdam primoribus urbis foverentur. His à perduto mercatu eripiendis cum Pater zelum omnem & industriam expendisset, demum feliciter omnes ad frugem redaxit: sed eâ vesanorum procorum indignatione; ut fustes illi mortemque ipsam minarentur, nisi delicias suas cupidinibus illorum restitueret. Cum verò mortem eâ causâ inferendam etiam in votis sibi esse Pater respondisset, illi furore accensi, transiturum certo loco ex insidijs armati præstolantur, ut interimant, nisi DEUS prodigioso auxilio periclitanti subvenisset. Dum enim strictis ensibus irruunt, repentinè in terram prostrati, mortuorum instar sine voce, sine halitu jacuere, dum

*Societas Europæa.*

Pater sedato gressu præteriret. Quem idcirco ut sanctum deinceps semper reveriti, & factum hoc ipsimet sanctè testati sunt.

Atque hæc in proximum charitas nascebatur ex ingenti, quo in DEUM conflagrabat, amore, adeò ut diceret, malle se omnia tormenta mundi & averni sustinere, quàm uno veniali peccato Majestatem ejus, omni veneratione & obsequio dignissimam, offendere. Ex eodem affectu summis desiderijs avebat sanguinem pro DEO fundere, & supplicia quælibet sustinere, dummodo eâ re vel minimum DEO obsequium præstaretur. Idem, illum movebat ad loquendum semper non nisi de DEO, rebûsque cœlestibus: quem à mente & cogitatione nunquam, medijs in occupationibus, dimittebat; & ex offensis ejus dolore tantum non contabescebat. Ex quo peccati, & omnis offensæ DEI odio, ut purior ad Sacrificium celebrandum accederet, confessionem sacramentalem præmittebat quotidie, unâque prolixam de Passione Christi meditationem: licet eâ animæ puritate niteret, ut Sacerdos illi ordinariè à confessionibus, apud quem sæpius generalem totius vitæ exomologesim, etiam paulò ante mortem peregit, juratus affirmaverit, nunquam illum baptismalem innocentiam lethali culpâ maculasse. Domestici etiam & Superiores, quotquot ei pluribus annis convixerant, & oculo vigili actiones observabant, nunquam tamen in his defectum aliquem notasse, per sanctè testati sunt. Paucis ante obitum diebus mandato Superiorum adstrictus, ut ediceret, quid cœlestium favorum in Missæ Sacrificio experiri solitus esset? respondit, sub Consecrationem Sacramentalem adeò vivam lucem de reali Christi sub speciebus Evcharisticis præsentia, sibi à DEO communiter impressam fuisse, ut videretur sibi id Mysterium non amplius fide duntaxat credere, sed scientiâ comprehendere; cum multorum annorum spatio Christum sub eis præsentem perinde intueretur, uti quis solet amicum coram obversantem contemplari. Et quidem pluribus vicibus spectandum se illi Christus in Evcharistia gloriosum obtulit, eâ ipsâ formâ, quâ redivivus à mortuis resurrexit; ex cujus affectu totus colliquescens, progredi in Missa non poterat, ideòque in futurum quoad posset procurabat, nè in publico Missam diceret. Eam verò cum nullo unquam die, quantâvis agitudine vel negotio impeditus, omitteret; accidebat non rarò, ut cum sacra indumenta sumpturus itâ titubaret, ut pedibus consistere non posse videretur: ubi tamen Missæ Introitum

Aaaa 2

troitum



troitum exorsus est, veluti novis assumptis viribus, prosequeretur vigore planè expedito & excitato. Demum posteaquam saporem & gustum ciborum omnium ità perdidisset, ut dulce ab amaro, sapidum ab insipido nullatenus discerneret; in perceptione tamen SS. Sacramenti reficiebatur dulcedine inexplicabili, qualem à nullis terræ cupedijs refundi in palatum humanum posse aiebat.

Par virtutibus his erat Viri humilitas, quâ se DEO, & hominibus propter DEUM ex animo subiciebat. Et quidem in adversis, persecutionibus, & doloribus omnibus, sub DEI manu ità humiliabatur, ut ab æquabili animi quiete nunquam deficiens, ità se erigeret: *aut DEUS hoc malum immittit, aut certè inferri permittit; ideoque aliud mihi querendum, ut hoc declinem, non restat. Sit DEUS aternum benedictus! DEI Majestas est Dominus absolutus, nos autem vilissima mancipia: ipsi gloria sit in secula!* ideoque nullo unquam casu adverso quidquam de animi tranquillitate amittebat, sui semper similis, & pacis internæ retinens. Ejusdem virtutis studio occultissimos habebat omnes DEI circa se favores, & paulò antè mortem chartas omnes, quibus gratias cœlitus perceptas mandaverat, igni cremavit: unde præcepto obedientiæ adstringi debuit, ut paucula aliqua, quæ proponebantur, manifestaret: addens nihil in se boni aut virtutis esse, quod alijs ædificationi foret, sed mera peccata & defectus; quæ si liberet, pronissimè se scripto explicaturum. Aiebat etiam vehementi se percelli stupore, quòd non omnes sputis & colaphis se impeterent, in supremam Majestatem adeò ingratum, & peccatis plenum. Singulare solatium præseferbat, quòd corpore esset imbecillo & confraeto: cujus causam alicui percontanti, respondit: *dicito mihi Frater, si quis hostem habuisset prevalidum & ferocem, vita sua pertinaciter insidiantem, & mala omnia intentantem; nunquid non summopere letaretur, si hunc repentè viribus fractum, enervatum, ut nihil adversi moliri posset, videret? quis verò major hominis hostis, quàm caro? quis plura nobis mala consciscit, quàm corpus? ideo meritò gaudere nos oportet, si hoc debilitari, penitusque prosterni contingat.* Indè jucundissimum illi fuit subijci aliorum imperijs, quæ cæcâ penitus obedientiâ ad literam exequabatur: neque ferebat rationes mandati à Superioribus afferri, dicens: *obedientiam non rationibus, sed cecitate in exequendo niti oportere.* Electus à Provincia, ut Procurator Romam discederet, cūndiem totum, quo solvendum erat, negotio-

rum domi forisq; conficiendorum causâ impransus transgessisset, sub vesperam ad cœnaculum se conferebat, cibi quidpiam sumpturus; cū Frater à Superiore missus ei denunciavit, oportere statim navim conscendere, nè opportunitatem solvendi negligeret. Cui promptissimè parens, nè bolo panis, vel aquæ guttâ delibatâ, ad littus descendit. Aegritudine prostratus, si re quapiam indigeret, nunquam tamen eam sibi dari porrigive, licet intrâ Valetudinarium prostraret, ab alijs petebat, donec Valetudinarij Curator adesset, nè quid sinè ejus annutu faceret. Cūque Patrum aliquis interponeret: *non opus esse infirmilibus Infirmarij facultatem præstolari, qui id non exigeret,* respondit: *si Infirmarius id non exigit, at mea obediendi in omnibus necessitas id requirit.* Insistenti verò, obediendum cæcâ promptitudine Superioribus duntaxat esse, dum per se aliquid imperant, non item subordinatis & substitutis; reposuit: *si quis gravi fame urgeatur, profectò non attendit, à cujus manu cibus sibi obveniat, sed cibum ipsum, & necessitatem, quam patitur.* Nos omnes egemus obedientiâ, quâ veluti cibo ad vitam spiritualem nutrimur; ideoque non oportet advertere, à quo hæc nobis imponatur, cū per singulos aquè DEUS imperet, sed simpliciter id quod præcipitur exequi. Denique Regularum omnium tam exactâ obedientiâ per annos 52. in Societate, fuit observator, ut de hoc à Superiore sub vitæ exitum rogatus, fassus fuerit, nullam ex omnibus unquam à se deliberatè & scienter violatam.

His adjecit mortificationem continuam sensuum, & potentiarum omnium, internam & externam. Nunquam enim aliquid odoratum olfactui admisit, neque florem ullum, in manus sumpsit; sed è contra si malè olentia occurrerent, affligendo odoratui avidissimis naribus hausit. Oculos in faciem seu mulierum, seu adolescentum, non tantum defixit nunquam, sed neque curiosa objecta advertit, adeò, ut ne dramata quidem scholastica, & spectacula in Gymnasio Collegij exhiberi solita, adire sustinuerit. Binis vicibus, quibus Romam Provinciæ nomine adiit, pervaderi nunquam potuit, ut monimenta quæpiam veteris ejus magnificentiæ, Palatia, vel hortos lustraret, aut solennitati ulli spectator adesset. Et nè delicatius auditum tractaret, omni musicâ in perpetuum audiendâ, novalibus, & curiosis narrationibus, sibi interdixit: quas si subinde sæculares ægrum invisentes recensere inceperent, cū effugere non posset, subrepentem simulabat somnum; quem nè



nè interverterent, sponte ipsi abscedere cogebantur. Præ omnibus tamen suas palato negabat cupedias; & cum plerisque vitæ annis ex hæctica & hydropisi laboraret, quæ utraque perpetuam sitim provocare solet, & appetitum frigidi humidique; ipse tamen annis viginti nullos fructus, aut quidquam præter Medici præscriptum degustavit. Nullum unquam cibi genus, quo modicissimo fruebatur, sale condivit, sed plerumque cinere asperso insipidum reddere studuit: potu modicissimo unius scyphi aquæ contentus, pauculis meri guttis permixtæ, minimèquæ frigidæ, ut alijs degustata etiam nauseam moveret. His addebat crudelem quot diebus flagellationem, cilicia, & super nuda tabula noctibus cubationem, cui indormiebat fune cilicino ex feris contexto, nodosque accinctus. Quibus asperitatibus, cum non modicè stomachum debilitasset, constituere Medici emplastrum toto ferè ventri involvendo, ad robur eidem restituendum: quod applicaturus ægrorum Curator, monuit funem illum cilicinum deponendum esse; quod cum Pater impensè deprecaretur, emplastrum cilicio superposuit. Quindecim diebus lapsis (tot enim Medici gestari idem jusserant) remoturus à corpore pharmacum Frater cum advenisset, reperit illud unà cum cilicio in vivam carnem ità penetrasse, ut quemadmodum erat glutinosum, & picis instar adhærens, unà cum pelle magnam partem revelli debuerit, Patre interim neque gemitu, vel signo ullo doloris acerbitem prodente. Denique in prolixis, & acutis infirmitatibus, nullum unquam querulantis ex eo verbum auditum est, sed tanta è contrà dolorum & afflictionum sitis, ut si quis illi dies sinè his lapsus esset, eum omnino perditum, quo indignus fuisset dici discipulus Christi, æstimaret. Negabat enim Religiosum quempiam verè dominium suarum passionum obtinere, qui patientià in quibusvis adversitatibus destitueretur. Quare gravissimis aliquando calumnijs à viro nobili apud Generalem Societatis accusatus, rogatusque, num Romam per id tempus à Provincia Procurator missus, de his se purgasset? respondit: *DEUS à me procul tam gravem tentationem advertat! sufficit mihi rem totam DEO perspectam esse, cujus manus si deforet, etiam in graviori prolabi possem.*

Orationi cum esset deditissimus, manebat in ea plerumque sensibus omnibus absorptus, eique præter aliquot diurnas, plerasque noctis horas, quod esset somni parcissimi, tribuebat. Octo vel novem mensibus ante

mortem gravi ægritudine oppressus, credebat ex ea se decessurum; quare cum mortis meditationi se tradidisset, visendum se illi obtulit sanctæ memoriæ P. Sebastianus de Campo, prædixitque nequaquam eo morbo extingvendum, sed laboribus adhuc sanctis exercendum, quorum deinde paulò post mercedem in cælis recepturus esset; post quæ verba sibi restitutus, penitus incolumem se deprehendit. Quoties autem DEUM pro felici cujuspian rei successu precabatur; tam certus sibi de prospero ejusdem eventu videbatur, ut dubitare non posset: ideoque illum perinde securus prædicebat, ac si oculis præsentem intueretur. Ità quendam gravi ægritudine oppressum, inque suas idcirco preces commendatum, asseveravit nequaquam illo decessurum; sed multis annis superstitem, munus etiam Provincialis in Societate obiturum, quod & factum est. Perinde tempestatem maris, ab Italia in Sardiniam navigans, citra ullius navigantium jacturam, superandam vectoribus prædixit, licet ab ea everfus malus, & vela omnia desiderata jam essent. Sed & procul absentia, lumine Divino in oratione illustratus, perinde ut præsentia intuebatur; quare exiturum die quodam ad cibaria comparanda in vicinos agros domesticum fratrem rogavit, num aliquod benedictum numisma penes se haberet? quo dicente, nihil secum deferre, præter illud, quod ex Rosario dependebat, cum effigie S. IGNATII: bene habet, respondit, satis est, erit enim admodum opportunum. Vix ad destinatum locum pervenerat, cum in primæ domus ingressu puerperam reperit, ex partu in quartum vel tertium diem laborantem: cui applicatum sacrum numisma, illico doloribus, infantem semivivum enixam solvit, cui baptisumus extemplò collatus est. Depositus ex gravi & diuturno morbo jacebat primogenitus Illustrissimæ Comitissæ de Cedillo; in cujus cura cum nihil proficerent Medici domestici, deliberaverat consultum peritiores navigare Genuam, consulto prius P. Salvatore. Qui cum primùm respondisset, adhiberet duntaxat remedia à Medicis præscripta, seque illum DEO in precibus commendaturum: paulò post iterum sententiam super itinere Genuensi rogatus, edixit, poneret secum omnem sollicitudinem, filium enim & victurum incolumem, & splendido potentem matrimonio plures post se liberos relicturum, multisque à DEO beneficijs locupletandum: quæ omnia tandem completa sunt. Pari certitudinæ Matronæ sterili, & prole omnimultos annos destitutæ, prædixit hæredem



masculum : alteri verò consequendum Episcopatum : pluribus autem, quæ secretissimis cogitationibus agitabant, velut in aperto posita explicuit. Magno ambitu expetebant Indias aliquot è domesticis socij, inque eam rem preces Patris ad DEUM expetebant : quibus ille die sequenti à persoluto Sacrificio edixit, responsum à Patre Generali octo dierum spatio affuturum, ex quo intellecturi essent, nemini ipsorum profectionem ad Indos concessam esse. Luctabatur ultimo cum morte agone Matrona, omnium opinione sancta, unius è socijs mater, cum Pater sub horam orationis, nocte ejusdem mortis præviâ, in spiritu abreptus, vidit splendidissimam Ecclesiam magno Angelorum conatu ambitiosè exornari : qui rogati, cuiam festo tam exquisitum pararent ornatum ? responderunt, hunc à se adhiberi excipiendæ festivè animæ Helenæ de Flor (iderat Matronæ nomen) altero die morituræ. Id quod continuè Pater ejus Filio, priusquam de morte matris quidquam innotuisset, Sassarim perscripsit.

Evocaturus demum ad cupitam lauream servum suum Dominus, in eodem sudorum campo, ubi plurimum laborasset, heroicè illum concidere voluit, occasione Communionis generalis, quæ ad primam Januarij annò 1624. in Societatis Templo instituebatur. Cum enim pridie ingentem pœnitentium multitudinem, licet gravi catarrho oppressus, magno labore pro sacro tribunali expiasset, calentissimo æstu oppressus, sermonem nihilominus ad Sodalitatem Clericorum habuit, quo ultimùm eis valedixit, jussus à Medicis lectulo se continere. Totum autem ægritudinis tempus orando ferè & meditando traduxit, quotidie Sacramentis Pœnitentiæ & Eucharistiæ refectus, neque ullum sermonem, nisi de DEO rebûsque supernis admisit. Receptâ ad 20. Martij extremâ Unionem, quam tamen minimè tum adhuc necessariam asseribat, singulis deinceps noctibus petijt sibi animæ supremam commendationem, velut actu morienti, prælegi ; intolerabilis sitis tam æquanimi tolerantia, ut licet ab ea animam sibi exuri diceret, nihil tamen ullius potius à primo vespere, ad matutinam usque horam, S. Communionis reverentiâ, sumere vellet. Ad extrema deductus, adstantibus socijs dixit, non posse satis declarari angustias, quas mors afferret, homini etiam probo & sancto, cujus demum omnia merum spirarent horrorem : tandèmq; animam suam hortatus ad exeundum obviam Domino, cui tot annos fideliter servivisset, in sacris JE-

SU & MARIE nominibus expiravit 27. Martij, ætatis anno 73. Religionis 53. Vultus demortui videbatur cœlestem quandam amœnitatem, humanâ majorem spirare ; ut adeò magnâ custodiâ occultè servari corpus debuerit, nè ab occurrente multitudine, quæ velut sanctum jam tum in vota vocabat, diriperetur. Ubi tamen ad mandandum terræ cadaver est ventum, eâ violentiâ multitudo in portitores irruit, ut vestitu omni direpto, octonos è manibus & pedibus digitos, dentes omnes, & partes carnum hinc inde in sacrum pignus refectas, abstulerit. Neque verò cum morte desijt in mortales beneficus esse : Religiosa certè persona graviter ob falsas sui criminationes afflicta, sanctè asseruit, binis sibi vicibus Exercitiorum tempore spectabilem Patrem affuisse, formosa in nube lucidissimis radijs conspicuum, monentemque, nè iniquas sui delationes in pœnis, sed in donis Divinis connumeraret, quæ DEUS ipsi ad coronandam ejus patientiam offerret. Alteri verò personæ, virtute & sanctimoniâ spectabili, quater aut quinquies gloriosus apparuit cum immenso splendore, unâ cum Patre Sebastiano de Campo, asserens, utrumque gloriâ Beatorum perfrui, ad quam & ipsa ventura esset, si in bene cœptis constans perseveraret.

Nec defuere miracula, ad merita Patris apud DEUM interponenda confugientibus, cœlitus in prodigiosis beneficijs concessa. Leonardus Pirillenus Societatis JESU Coadjutor, multo tempore toto corpore acutissimis doloribus exagitatus fuit, ut exinde membris omnibus captus, non tantùm ad laborem quemvis ineptus, sed etiam vel ad gressum figendum inhabilis esset. Cum verò die proximo à morte Patris 28. Martij, dolores hi, capitis præcipuè, in immensum crevissent, ut tempora sibi acutissimo acinace perfodi viderentur, sumptum reverenti osculo linteum, quod P. Salvatori servierat, capiti afflicto circumdedit, dictoque ejusdem honoriter Pater & Ave, magnâ fiduciâ & simplicitate illius auxilium invocavit, exclamans : *ô Pater mi, ô sancte mi Pater ! in hoc experiar an celo receptus, & Sanctorum numero accensus sis, prout omnes existimant.* Mirum dictu ! vix linteum caput attigit, cum dolor omnis momento extinctus, artus omnes ita vegetos & robustos reliquit, ut mox laboribus se restituere, & saxa ingentia structuræ ædificij convehere posset. Joannes Franciscus de Olia Sacerdos & Theologiæ Licentiatus, juratus asseruit, sorori suæ Joannæ de Olia ex gravi ægritudine usum oculi unius penitus ere-



ereptum fuisse, cum facies ita intumuisset, ut oculum unum tumor penitus obnuberet, & alter jam in periculo esse inciperet, quo non nisi digitis violentè divaricato intueri poterat. Habebat illa particulam telæ ex indumentis sepulchralibus Patris subreptam, quam magnâ veneratione, tanquam exuvias S. Viri prosequeretur: quare illam, dicto honori Patris ter Pater & Ave, affecto veluti reverenter applicuit, subitoque unius horæ quadrantis spatio tumor omnis cum dolore recessit, oculisque ut antè illimis & perspicuus uterque, emicuit; domesticis omnibus miraculum, & prodigium evidens acclamantibus. Simile beneficium in reparato subito oculo sinistro experta est Domina Angela Sanatella, cujus palpebræ innata gravis vomica, ex contactu Patris reliquiæ confestim depulsa est. Contigit aliquando Seminarii Societatis adolescentem in agros animi causâ exire, cum infœminam inciderunt secus vineæ sepem humi prolapsam, & sensibus omnibus instar emortuæ destitutam. Eam cum variè ad sensum reducere frustra tentassent, frustulum tandem è veste Patris demortui sublectum quidam illorum protulit, & pectori fœminæ ita feliciter admovit, ut eodem momento sibi restituta, sana & vegeta consurrexerit. Rogata ab his, quid mali passa fuisset? inexplicabili dolore cor sibi opprimi sensisse respondit, qui sibi videbatur quasi violentè à corde revelli, ut primùm eorum quispian pectori suo manum applicuit. Edocta dehinc in admoto panniculo mali sui opitulatorem, non cessabat gratiam expertam prædicare, & DEUM in Viro sancto dilaudare.

Joanna Angela Grandineta, nutrix filii Comitis de Cedillo in Urbe Algver, intolerando lateris dolore, cum ingenti æstu conjuncto, opprimebatur; ut nocte quadam morituram se omnino crederet. Sed memor adesse in domo frustum è veste P. Salvatoris, illud sibi admoveri magnis precibus flagitavit, impensè Viri S. patrocinium implorans: & primo mox ejus contactu, malum omne ita penitus dispelli experta est; ut sana lectulo consurgere, & primo manè templum Societatis adire potuerit, gratias sospitatori suo ad ejus tumultum pro beneficio redditura. Idem penitus ejusdem reliquiæ admotu remedium experta est, altera è famulatio ejusdem Comitis pedissequa, dicta Maria Piredda, quando momentò capitis dolore & calore gravissimo liberata est. Michaël Angelus Polo Sassari natus, quod membris omnibus instar paralytici ita captum se sentiret, ut multo tem-

pore commoveri suis viribus nequireret, vehementer sancti Viri precibus commendari, & quidpiam ex ejus reculis sibi concedi expetiit. Vix illud in manus venerat, cum repente membris omnibus vigorem, agilitatem, & robur ita redire persensit, ut continuè locum sex milliaria Sassari distitum progredi, indeque pedibus redire potuerit. Similis è veste Patris panniculus Conjugi Gavini dela Rocæ, Sassari ex partu duodecim horas periculosè laboranti, & à Medicis unà cum prole conclamata, applicatus; eodem momento partum facillimum expedit. Francisca Frassu, itidem Sassari, gravissimo dolore gutturis & maxillarum constrieta, ut vix potum etiam sorbere posset, quietis & somni penitus expers: ut primùm tamen pileolus, olim in usu Patri habitus, capiti à matre impositus fuit, post suavem horæ quadrante somnum, integrè sanam, & malo omni se expeditam gratulata est. Francisca Cervello Ferreras Algverien-sis juramento asseruit, quod multo tempore ex gravi apostemate laborans, neque ullam quietis partem ab intensis doloribus reperiens, cum medicinis malum cresceret magis quàm minueretur; ubi tamen è vestimento Patris particulam affecto pectori admovit, eodem momento doloris omnis & apostematis expertem seprehenderit. Nicolaus Suzarello ex maligno æstu, capitis doloribus, & oris inflammatione à Medicis depositus, ultimum remedium ab reliquijs servi DEI expetiit; itaque feliciter invenit, ut momentò malum omne evanuerit, ineffabili simul dulcedine cordi ejus de cœlo affluente, quæ oculos in gaudij lacrymas copiosè dissolvit. Patrem effectum sortita est Catharina Esgrechio, cui piè adhibita Patris reliquia, incurabile Medicis & Chirurgis apostema extemplò depulit: & Persona Religiosa, quam molestissimâ carnis tentatione diu vexatam, idem remedium ab hoc dæmonio in perpetuum liberavit.

Neque minor obvenit gratia Rosæ Saminedæ, annis 22. deformiter claudæ, quando applicato tibiæ de veste Patris frustulo, sensit illico nervos veluti extendi, & citra ullum dolorem rectitudinem pedi restitui, ut mox exilire, & deinceps æquabili constanter gressu incedere posset. Quo eventu excitatus in spem virginis Parens, & ipse durissimo capitis dolore à pluribus annis exagitari solitus, invocato Viri DEI patrocinio, continuè liberum se omni molestiâ gavissus est. Urgebatur in Æde S. Augustini sacris exorcismis ad exundum ab energumena dæmon; quibus parum proficientibus, præsentibus fortuito Ma-



tronæ nobiles, Maria Angela, & Helena de Ansaldo, particulam de reliquijs P. Salvatoris secretò illi appenderunt: ex quo cum longè atrocius furere, spumare; soloque miseram allidere cæpisset; adjuratus à Sacerdote, ut causam novæ hujus sævitæ ediceret; acerbissimè torqueri se, & ad recedendum cogi respondit ab reliquijs P. Salvatoris, Viri sancti, & inter Cœlites recepti, quas sibi recens admovissent. Sebastiana Nulla ex incauto infocum ardentem lapsu, manum gravissimè adusserat, acerbissimis indè doloribus exagitata, ut nullam quietem capere posset. Et quia pauperi nulli ad curam sumptus adèrant, magnâ fiduciâ cum lacrymis ad patrociniū Servi DEI conversa, illico advertit doloris omnis sese expertem; manūque fascijs evolutam intuita, vidit noxæ cujusvis, etiam cicatricis penitus vacuam, perinde quasi nihil damni passa esset. Quo beneficio animata, cum diu post mortiferum & incurabile apostema miseram prostravisset, solâ Salvatoris invocatione illud momentò resolvit. Gavinus de Abopi in reditu ab Italia gravissimam maris tempestatem expertus, quâ cum vectoribus navim penitus interituram credebant omnes; ut primùm particulam de reliquijs Patris reverenter mari immerfit, procella omnis subdidit, & tranquilla serenitas Oceano redijt.

*Ex Nierembergij Tomo 4.*

## P. JOANNES BENNETTUS.




**P**ditus in lucem est Pater Joannes Bennettus in Comitatu Flintiensis Angliæ, Diœcesis S. Asafi, maximè Boreali, & Sacerdotio initiatus redijt in Patriam, ut operam & vitam ejus salutî procurandæ impenderet. Carebat quidem is singulari ingenij sublimitate & doctrinâ; sed pensabat hanc tenuitatem eminentia virtutis, & mores bene mirabiliterque compositi, nihil ut eo mitius & affabilius, nihil modestiæ Cœlitum pietati-que esset similis. Commendabat has Juvenis virtutes ipsa quoque oris pulchritudo & placidissimæ consuetudinis ratio, ac super omnia animus ingens & promptus in quoscunque casus & pericula: quibus ad salutem animarum præsijs tam fructuosè in Provincia Worcestrensi feliciterque utebatur; ut indè ex singulari incolarum pietate & constantia, Regiæ ministris suboluerit, raræ aliquem doctrinæ ac virtutis Sacerdotem ibi versari. Itaque tot vestigijs pertinaciter illum indagâ-

Anna Suzarelle Algverienfis calente febris, stomachique continuâ nausæâ ad extrema deducta, admotâ pectori Salvatoris reliquiâ plenam illico sanitatem: & Sebastianus Fadda Saffariensis à tertiana liberationem, consecuti sunt. Denique Persona illustrissimæ prospiciæ sub juramento testata est, Patrem etiamnum in vivis agentem, cum domum suam die quodam accessisset, intuitum filiolum suam teneræ adhuc ætatis, & tum propter elegantiam formæ, tum ob alias animi naturæq; dotes in magnam spem educatam, quævisse, quod nomen esset puellæ? cumque diceretur Claram vocari; subjecisse cum suspirio: *nolite eam vocare Claram sed obscuram.* Attonita hac tristi denunciatione Mater, nimium deinde à morte Patris vaticinij veritatem experta est, quando gravissimis calamitatibus exagitata filiam, in clarissimis natalibus perpetuas afflictionum & dolorum tenebras pati videre coacta est. In quibus tamen sæpius præsentem Patris opem sensisse, eadem asseruit, quando tam illi, quàm pluribus alijs è familia personis, graviter ex capitis dolore laborantibus, impositus ejusdem pileus, langvorem omnem illico abegit. Atque hæc paucula è multis miraculis retulisse sufficiat, quæ legitimè Juridicâ informatione examinata, Romæ in Tabulario asservantur.

runt, donec in suos tandem casses inducerent, cum familiaribus aliquot recens ad Ecclesiam reductis: à quibus Beawedlei ad usque deliquium animi tortus est, ut funes laxari, & semi mortuum aspersâ in faciem aquâ medicatâ identidem refocillari necesse fuerit, quò vitâ integratâ pluribus torturis sufficeret. Flintum traductus, & in examen coram Pseudo-Episcopo S. Asafi, & Georgio Bromlego adductus, sic pro Religione & Ecclesiæ Romanæ primatu respondit, ut extricare se ab ejus argumentis Episcopus nequiverit, & non semel obmutuerit: evidensque hinc fuerit, præstitisse famulo suo Christum quod promiserat: *daturum se os & sapientiam, cui non possent resistere omnes adversarij.* Porro in illo multarum horarum congressu generosè, & procul omni ambiguo metu Catholicum suum sensum protulit de primatu Pontificis, quem injustè à Regina affectari asserbat, faciendo etiam se Sacerdotem esse, à Vicario Christi ad animarum lucra illuc transmissum; & hæc in super proprio chirographo contesta-





P. Joannes Bennettus, S. J. Anglus, ob Animarum  
zelum, carcere, varijsq; tormentis ex cruciatus,  
vitam finivit Londini, die Natalis Domini.  
Anno 1625.

J. G. H. del.

114.

W. P. Kilian sc.

ta tradidit. Quare nemo ex adstantium tur-  
ba dubitabat, quin conclamata esset ejus vita,  
& pro applausu dolentes admurmurabant :  
*Joannes, sit tibi DEUS auxilio!* quibus ille hi-  
laris reponebat : *& vobis DEUS salutis sempi-*  
*terne curam largiatur, & ad se benignè revocet!*  
Die postero ad tormentum abducitur, Nicetæ  
persimile, quali scelerata gentilitas cruciatu-  
um omnium victores Christianos solebat ad  
defectionem sollicitare, & quò non poterat  
detestabilius Sacerdoti verecundo atque in-  
nocenti inferri. Concluso in angustum cu-  
biculum, juvenum manus inducitur inquina-  
tissima, & ex omni concreta obscœnitatum  
luto, tametsi nobilis. Hi impudentissima  
quæque verbis & actibus impurissimè exer-  
centes, in oculis Sacerdotis castissimi prosce-  
nium omne turpitudinis aperiant, cujus non  
*Societas Europæa.*

posset corporatus dæmon agendo assequi fœ-  
ditatem, & deinceps Pater jam senex nun-  
quam sinè ingenti horrore meminisse illius  
poterat : tunc verò totus in lacrymas & rubo-  
rem ibat, insultantibus tantò magis spurcis  
juvenibus, & fœdissimam scenam urgentibus,  
quò Joannis oculos & verecundiam torque-  
bat hæc intimius. Ludo tandem probroso  
saturi abscedunt, Joanne miseram deploran-  
te, quam edit hæresis in sui sequacibus omnis  
honesti stragem; ut quibus omnem non so-  
lùm auferat flagitiorum interiorem sensum,  
sed innatum quoque mortalibus omnibus pu-  
dorem, qui solet in nobilitate vigere acutiùs,  
& quidquid vel minimùm decet, averfari.

Post hæc 19. Novembr: An: 1583. reos  
inter complures variorum criminum in cate-  
na Judicio publico sistitur, jussusque de mo-  
re

Bbb

re



re manum attollere, quantum potuit extol-  
lens, ecce! illam, exclamavit: *in testimonium  
Gentibus & Judæis!* sed abruptis clamoribus  
plura loqui volentem Bromlegus; nec illi  
quidquam deinceps publicè profari concess-  
um est, ob singularem vim, nimiumque per-  
spectam errores confutandi efficaciam, nec  
ora Judicum pertimescere solitam, nec eo-  
rum potestate terreri. Flintense igitur in ca-  
stellum remisso, & subterranei carceris altâ  
specu sepulto, tibijs ex ferro vectis duplex ad-  
ditus est, quo ad 15. Januarij cruciatus in a-  
lium transcribitur carcerem, priore haud pau-  
lò deteriorem. Hujus Custos Archinus po-  
steaquam omni convitiis genere mediâ  
horâ innocentem proscidisset, crassâ manus  
ambæ stringuntur manicâ, pedes solo duobus  
affiguntur funibus, corpus omne tortorum  
valido robore in sublime tenditur, ut in equu-  
leo: cùmque 9. horas tortura durâset, ad  
mensuram insuper digitorum quatuor disten-  
di jubetur, horrendo corporis jam fracti cru-  
ciatu, sed magnitudine animi vegetâ, neque  
dolores suos vel tenui gemitu laxante. Quo  
tempore sexcentis appetitus contumelijs &  
fannis, cùm improbißimum è servis quen-  
dam advertisset mille probris in se ludentem,  
loca diversa etiam è sacris paginis sarcastice  
detorquere: *heus tu*, vicinum interpellat car-  
nificem, *at video animosus hic de Oxoniensi A-  
cademia Doctor Scripturæ studio Theologico ad-  
dictus, ambit mecum certamen de Religione:  
illum ergo queso in cathedram ex adverso attol-  
le, meâ huic persimilem, ut pari conditione &  
loci prærogativâ depugnemus.* Exaruerè illico  
ad hanc petitionem ventosa verba in ore ju-  
venis: Bennettus verò, nam imminebat nox,  
luxatis ossium commissuris quia pedibus ex  
tortura insistere non poterat, carnificum ma-  
nibus in specum reportatus est, ubi dies de-  
cem inter dolores nervorum sævissimos jacu-  
it immobilis.

Perductus post hæc est ad alium quen-  
dam fori ministrum Amicium nomine, à quo  
placide primùm increpitus de pertinaci eo-  
rum silentio, quos ab hæresi restituerat Eccle-  
siæ; hospitem item suorum, & quorum libe-  
ralitate aut familiaritate usus esset ad vitæ  
subsidia, quibus prodendis horarum novem  
tormento adduci nequisset: *sed enim*, subje-  
cit deinde jam sævus, *à Senatu jussus sum eas  
tibi machinas adhibere, quæ tibi pertinaciam  
eximant.* Et ego, reposuit Pater, *à DEO jussus  
sum non timere eos qui occidunt corpus, animam  
autem non possunt occidere, sed eum qui potest*

*animam & corpus perdere in gehennam.* Cras,  
replicuit Amicius, *linguâ longè dversâ loque-  
mur.* Fuit autem hæc loquela iteratio tor-  
menti prioris, tantâ dolorum atrocitate aucti,  
ut ultra tres horas produci non potuerit, cùm  
antea novem tenuisset: ringente, & velut  
æstro percelleretur, huc illuc cursitante Ami-  
cio, quod verbum nullum proditorium ex Pa-  
tre exprimeret. Denique carcere se proripi-  
ens, brevi morâ redijt cum Zwïngliano mi-  
nistello, DEI servum in suis æstuantem cru-  
ciatibus ad disputandum stolidè invitans: at  
ipse: *non mihi*, inquit, *nunc commodum, nec  
circulatorum hoc theatrum est. Abundè sint  
vobis provocationes Campiani æque & justæ,  
vestro cum magno pudore à vobis rejectæ.* Ex-  
clamat furens Amicius, & diras mille in Chri-  
sti evomit Sacerdotem, exprobrans non posse  
Regnum cum hoc genere hominum subsiste-  
re, totos esse in tumultibus ciendis, & subdu-  
cendis à jure Principum populis. Cui re-  
pentè Bennettus: *atque hic ipse Regni vestri  
status, cui evertendo, ut creditis, adlaboramus,  
si me spes non fallit, velitis nolitis ruinam trahet  
quam nos impellimus. Unum enim & solum Reli-  
gionis vestræ falsæ statû ad hoc evertere conten-  
dimus, ut Catholicam & veram in avitum re-  
stituamus thronum; hoc nos toto sanguine &  
sudore molimur, quod ubi DEO propitio à nobis  
confectum fuerit, habituri sumus filios vestros  
tam sanctæ operæ laudatores, etsi vobis nunc in-  
visomni crudelitate impugnemur.* His & a-  
lijs id genus ultro citroque dictis cùm Amici-  
us irâ rumperetur, toto illam furore in DEI  
servum exeruit, jubens illum distendi, distra-  
hique omnes ossium juncturas eâ violentiâ,  
quam si tribus plus horis protulisset, actum  
erat de vita, cedebatque anima de corpore,  
modis tam atrocibus lacerato. Horas verò  
illas in DEI laudibus, in professione Catholi-  
cæ veritatis cùm implèssset, refertur in ergastu-  
lum, indè Londinum ad novum carcerem.

Septembris demum 24. A. 1585. cum  
Sacerdotibus 30. in exilium pulsus Rhemos  
se recepit: ubi impetratâ maximis votis So-  
cietate, Tyrocinium Virduni auspicatus est  
anni sequentis 6. Sept: annos jam natus 36.  
quibus totidem superstes tres insuper addidit,  
quorum ultimos 35. exegit in Anglia. Licet  
enim acres incusserint minas Regij illâ, quâ  
exilium promulgârunt sententiâ, perduelli-  
um supplicio luiturum si quando in Insulam  
redierit; nihilominus spretis periculis omni-  
bus reditum à Superioribus impetravit. Et  
DEUS, cui placuerat antea ejus magnitudine  
con-



constantia Anglos animare ad debitam Fidei æstimationem & defensionem; voluit postmodum ejusdem sudoribus Catholicorum in ijs augeri numerum & ardorem: in quorum assidua cultura ad annum ætatis 75. laboravit senili virtute, alacritate juvenili, spiritu planè Angelico, quem illa temporum poscebat calamitas. Palmis demum omnibus insi-

gnis, quæcunque possunt hominem verè Apostolicum ornare, opprobrijs, vinculis, cruciatibus, laboribus, animarum lucris, heroicis virtutibus, Londini sanctissimè obiit, die Christi Natali 1625. magno Catholicorum luctu, qui in eo Virum sanctum, Confessorem antiquum, & vitæ integritate notissimum venerabantur.

*Ex Anglia Bartoli & Henrici Mori.*



P. Petrus Cotton S.I. in Gallia Norondæ illustri prosapia ortus Regis Gallia Henrici Confelsarij, ob Sectarios acerrimè impugnatos sapiens de vita periclitatus. Obijt. Parisijs 19 Martij. A. 1626. Ætatis 63.

115.

## P. PETRUS COTTONUS.



Atus fuit Pater Petrus in Gallia Norondæ 7. Martij Anno 1564. Patre Gvichardo, Oppidi illius Pro-Rege, Gubernatore, & Chenoveusij Domino, à quo hæreditarium in sectarios omnes odium traxisse vide-

*Societas Europæa.*

tur. Rodumnæ datus in disciplinam Magistro, qui Calvinum clàm sequebatur; ubi primum id subodoratus est, parentem admonuit, mox ab illo abstractus. Adhæsit illi tamen à Magistro impressa in Societatem JESU aversio tanta, ut occursum etiam atque aspectum nostrum omni contentione vitaret: &

Bbbb 2

Pari-



Parisijs compulsus à Sodalibus aliquando in aream Collegij intrare, id pro magna noxa die sequenti confessus est. Operam Philosophiæ dedit Parisijs; Jurisprudentiæ Biturigibus; studia deinde eadem Taurini profecutus, magno ubique pietatis & innocentiae exemplo, meritis ab Angelo Custode moneri, nè in fluvium lavandi sui causâ Taurini descenderet, qui occulto gurgite duos illâ ipsâ die juvenes hauserat. Interim in nostrorum sensim consuetudinem adductus, cum de statu vitæ deliberare cœpisset, illam ipsam præ alijs vitam elegit, quam tantopere diu fuerat averfatus. Aronam igitur ad tyrocinium missus, cum ageret annum ætatis 20. Parentis molitiones, quibus eum omni studio conatus est abstrahere, suâ constantiâ fregit. Quo per omnia virtutum exercitia peracto, Mediolani Philosophiam recoluit: ubi à pia quadam Virgine, quam datus Sacerdoti comes adierat, admonitus est, ut humilitati studeret impensè, nisi vellet sibi olim & Societati perniciem afferre, quando magno Regi futurus esset in pretio: quod monitum veluti cœlitus datum magno deinceps habuit in pretio, cordique sumpsit. Romam vocatus ad Theologiam, à Patre Nicolao Bobadilla uno ex primis decem sancti IGNATII socijs, hoc epiphonemate in primo complexu exceptus est: *hic Gallus pluris erit quàm decem Hispani.* Post annum remissus in Galliam, reliquum Theologiæ Lugduni confecit. Morum illi ac sermonum summa erat sſavitas & moderatio, & cum summa humilitate conjuncta de alijs magna existimatio, sic ut nulli esset molestus, contristaret neminem, sibi uni durus & asper, Superiorum observantissimus. Erga DEUM & Divos tenerrima ferebatur pietate, in conspectu Divino & Angeli Tutelaræ præsentia semper ambulare assvetus, cui adorando medijs noctibus crebrò surgebat, somni semper parcissimus. Sacerdotio initiatus, cum eluceret in eo magna dicendi gratiâ, & memoria ad miraculum usque vastissima, jussus est per Quadragesimam A. 1592. publicè concionari: id quod tantâ præstitit commendatione, ut abinde nunquam concionari desierit, & Quadragesimas omnino 35. concionando absolverit, explicandis simul conscientiæ questionibus, aliisque munijs Societatis nihilominus occupatus. Aquis sextijs invidiâ primarij Viri coactus Anno 1598. medium Quadragesimæ cursum abrumpere, nullo molestiæ ob eam injuriam dato indicio, ad oppidulum Avisanum profectus operam suam Rusticis libenter impendit. Hic visus est

sæpius inter orandum radiato capite, totòque corpore miro fulgore coruscans: quo ipso tempore primùm cœpit inter orandum acerbis à dæmone vexari dissonis vocibus, fœtoribus, Spectrorum ludificationibus, quas ipse contemptu hostis, constanter orando, superabat.

Gratianopoli anno sequente venit in familiaritatem Domini de Lesdigvieres adhuc hæretici; per quem innotuit Henrico IV. Regi: multaque ibi bella cum vitijs, multa cum hæreticis ministris suscepit, & à martyrio vix latum ungem abfuit. Nam admissus ad illum opifex quidam mechanicus, velut consulturus de Fide, in fauces involavit elisurus animam, nisi ad strepitum excitati vicini accurrissent. Nemaufi quoque cum in ministros acrius inveheretur, jamque plebis cœpisset animos ad fidem mollires, & famæ & vitæ subijt haud unum discrimen: quibus tamen minimè, ut ipsi voluissent, loco cedens, etiam stabilem ibi Socijs sedem fixit. Hic in una cum ministris disputatione omnes admirabilitate suæ memoriæ fecit attonitos: nam cum minister plurimas Sanctorum auctoritates contra transubstantiationem ex inopinato recitasset, obrutum his iri Cottonum ratus: ille pauca prolocutus, omnes ab ultima ad primam verbotenus retexit, explicavitque. Gratianopolim revocatus, indeque Massiliam, mox Aquasextias; ubique mirabiles fecit motus animorum, & corruptissimorum morum castigationes. Anno 1603. ad Regiam ab Henrico IV. accitus est, qui Societati in Galliam revocandæ ab exilio videbatur initium dare: venientem Rex arcè complexus longo colloquio detinuit, auditumque aliquoties pro concione, cum ipsi mirificè atque Aulæ universæ placuisset, ad suas etiam confessiones adhibuit. Cum verò Arelatensem postea illi designasset Episcopatum, constanter respuit; adeò Regis animo occupato, ut eum suo aliquando curru Rex ad Templum evexerit; & manu prehensum, suggesto, ut concionaretur, admoverit. Quibus favoribus nihilò insolentior factus, gratiâ Regis vix aliàs usus est, quàm ut altiùs illi de ritibus Ecclesiasticis existimationem imprimeret, & quàm plurimos è primarijs Aulæ adduceret ad Christi ovile. His denique in rabiem acti sectarij, cum aliquando sub noctem domum reveheretur, sicarius curru post tergum consenso altum illi vulnus per humerum ad pectus infixit, quod nè lethale foret, B. Virgo gladio in partem dimoto effecit. Rex facinore comperto, dolore percitus, Regiâ Cor-



Cottonum curâ procurari jubat, dicebátque, oprandum potuisse videri hoc vulnus, ut ipse intelligeret, quantum ab hominibus; & homines, quantum ab ipso Cottonus amaretur. Paucis diebus perfanatus, concioni ferventiùs se reddidit, & frequentibus appetitus calumnijs, tam æquo ac placido vultu inter ea discrimina, quàm solebat inter sacra, versabatur. Cardinalem purpuram, quam Rex illi magnis votis destinabat, itâ deprecatus est; ut Regi persvaserit, nè sibi quidquam etiam imposterum dignitatis Ecclesiasticæ procuraret. Delphini tamen eum educationi præfecit anno 1608. quem in eam pietatem instituit, quâ Regnum postea diu perfruitum est. Retinebat autem inter innumera Aulæ negotia (frustra sæpiùs Missionem ab ea precatus) tam immotam animi tranquillitatem, tantam Divinis in rebus collectionem, ut P. Barisonus inde Romam regressus, nullum se diceret ex ea Aula referre miraculum grandius, quàm illam Cottoni liberrimam occupationem. Anno 1609. mirabile à DEO donum, & in omnem deinceps vitam constans, consecutus est; ut vel inter domiendum, expedito rationis usu familiariter cum DEO ageret, atque oraret. Anno subsequente, crudeli parricidio sublato Rege, inter pias lacrymas, & vota pro ejus salute concepta tantâ fuit animi æquitate, ut nihil de instituto sive meditandi, sive cum proximis agendi, sive libros scribendi, mutaverit: cui Regina Mater institutionem mox pueri Regis commisit, ut simul etiam à confessionibus illi esset & concionibus, unde novus in illum depluit nimbus calumniarum, sed sicut in rupem. Circumspectabat ille semper opportunitatem discedendi ab Aula, quòd vitæ quietioris incredibili desiderio teneretur, donec anno 1617. bonâ Regis veniâ impetratâ Lugdunum abiit ad tyrocinium, sui, ut aiebat, colligendi causâ. Sed adeò illi non fuit hoc otium otiosum, ut excurrendo in viciniam per annum 1618. conciones 220. publicas habuerit ad populum, ac longè plures ad diversas familias Religiosas.

Anno 1621. Burdigalensis Rector simul & Concionator declaratus est, & 1623. Aquitanix Provinciæ Præpositus, iterùmque post Franciæ Provinciæ; multis lacrymis tum quietis suæ jacturam, tum tempestatis quam sibi isthic & Societati imminere divinitus acceperat, atrocitatem deploravit. Quo tempore minas illi permultas aspectabiliter dæmon intentavit, ipso mirante, quòd adeò multum illi DEUS tunc permetteret. Paravit igitur

se ad tempestatem excipiendam, atque unâ ad mortem, obitâ generali totius vitæ confessione, & spiritualibus per octiduum exercitijs. Nec multò post allatus ex Italia liber à Societatis viro dicto conscriptus, Senatûs decreto abolitus est; & mandata quædam ab eodem Senatu Cottono allata, quæ suis omnibus ediceret observanda: inter quæ ipse febris tentatus, paucis diebus, Sacris omnibus procuratus, placidissimè expiravit Parisijs 19. Martij anno 1626. ætatis 63. tanto hominum concursu sepultus, ut exequiarum Ordo teneri nequirit, omnibus certatim ad manus pedesque osculandos, & rosaria corpori ad venerationem admonenda, decerpendasque reliquias, affluentibus. Eâdem quâ decessit die, Nancæi mors ejus per energumenam innotuit: ipsèque Valentix multâ se luce conspicuum piæ matronæ ostendit, tribusque alijs Rodumnæ, & quibusdam Lutetiæ cum sepeliretur. Vir enimvero fuit omnibus virtutibus ornatissimus, sed eluxit præ alijs fidei promovendæ ardor, & indefessum studium, quo plurimos è sectarijs ad Christi ovile, etiam pervicacissimos, ex Principibus etiam Regni familijs reduxit; dicere solitus, hæreticos pertinaces vel obsideri, vel possideri solere à dæmone; ideoque acturus cum talibus, dæmonem prius semper occultè exorcismis aggrediebatur, à quo contra Religionis veritatem incenderentur: quâ praxi experiebatur illos deinde mirè obsequentes & pronos. Nec contentus hæresim concionibus & sermonibus insectari, illam etiam solidissimis libris persecutus est. Scripsit enim præter alia Institutionem Catholicam libris 4. adversus Institutiones Calvinii; defensionem Concilij Tridentini; Epitomen Controversiarum; Librum contra Ministrum Rigordum; de Missæ Sacrificio contra Ministrum Gratianopolitanum; Apologiam pro Matre DEI; Genevam plagiarum, & alium librum inscriptum Relapsus Genevæ plagiarum; Epistolas Apologeticas de fide Catholica adversus Daniele Chamierium; Acta disputationis cum Chamierio; de modo agendi cum hæreticis Instructionem; Concordiam utriusque Religionis, quod Opus Romæ non Cardinalibus modò, sed & Paulo V. Pontifici cum placuisset, edi jussum est; Devotionem Calvinistarum; Colloquium coram Rege Henrico IV. habitum cum Rigardo Ministro, præter alios complures pios libros ad Catholicorum pietatem excitandam. Eluxit in eodem maxima, in DEUM fiducia, amor & devotio in Christum hominem, cujus nomini fatebatur



se nihil negare posse quidquid rogaretur: affi-  
dua oratio, & quidem maximè horarum Ca-  
nonicarum, semper de genibus; & in medijs  
Aulæ tumultibus constans in DEUM mentis  
defixio; tanto in suas cogitationes imperio,  
ut non distraheretur nisi quantum vellet:  
summa in sacrificando pietas, ad quod se  
quotidianà exomologesi, sesquihorariâ ora-  
tione comparabat, factum verò semihorariâ  
gratiarum actione prosequabatur. Virgini-  
tatis decus accuratissimâ sensuum custodiâ,  
& perpetuâ in corpus edomandum severitate  
ad extremum usque spiritum conservavit;

*Ex Nierembergij Tomo 1. & Alegambe Bibliotheca.*

## P. ALEXANDER URSINUS S. R. E. CARDINALIS.



**P**X pervetusta Romanos  
inter Principes familia or-  
tus Alexander, Ducem  
Bracciani Parentem habu-  
it, primamque pueritiam  
Florentiæ transegit, cum  
Hetruriæ & Lotharingiæ Ducibus educatus.  
Senis & Pisis Juri Canonico dedit operam,  
Romæ Philosophiam cum Mathesi audivit.  
Adamavit eo tempore expetiitque ardentem  
Societatem; sed certis de causis aditu non  
obtentio, animum nihilominus ad omnem  
virtutem intendit. Annos natus 22. in Car-  
dinalium numerum à Paulo V. anno 1615.  
adlectus est, in quo dignitatis fastigio mirum  
quantum virtutum omnium ornamentis de-  
coratus effulsit. Erat corpore sanguineus,  
succulentus, elegans, moribus affabilis, sed  
maturus & gravis: eloquens atque eruditus,  
sed integer simul ac constans, & candidissimi  
moris ac pectoris, sinè ullo oris cordisve dis-  
sidio. Vivum deinde exemplar & speculum  
innocentiæ, castitatis, modestiæ, humilitatis,  
pudiciæ, charitatis, patientiæ, mortificatio-  
nis, pœnitentiæ, contemptus sui & mundi,  
integritatis, magnanimitatis, beneficentiæ, ac  
potissimum zeli animarum. Cujus impulsu  
maximâ charitate succurrebat afflictis, viduis,  
orphanis: ægris in nosocomio suâ manu ci-  
bos porrigebat, abluebat pedes, expiabat  
confitentes, & opportunis monitis confirma-  
bat; quibus exemplis nonnullos sectarios vir-  
tutis splendore perstrictos Ecclesiæ lucrifecit.  
Bracciani Sodalitium è civibus & aulicis insti-  
tuit, in quo ipse concionatorem, Præfectum,  
ipse verberationis hebdomadariæ, & omnis  
Christiani officij antesignanum agebat. Re-

& horrore quodam impuritatis, quam in alijs,  
qui se illâ fœdassent, ex graveolentia nescio  
qua discernebat. Cœlesti miraculo in ejus-  
dem observantiâ confirmatus, ab Angelo lum-  
bos sibi cingulo adstringi ita arctè expertus,  
ut ejus vestigia post 40. annos in demortui  
corpore sint deprehensa. Multa etiam futu-  
ra spiritu prophetico prædixit, absentia item  
& occulta cordium pervidendo manifestavit;  
gravissimas ægitudines in vita & post mor-  
tem plurimis depulit, & sanitatem  
miraculosè restituit.

tardatas reorum causas in carceribus, vel ru-  
sticanorum hominum in aula ad se aditus, ne-  
quid utrique, vel impendij diuturnitate, vel  
quæstus jacturâ detrimenti caperent, erogata  
de suo pecuniâ compensabat. Per tempus  
caritatis cum infelicissima tenuiorum fors ef-  
set, annonam in ipsos partim liberaliter divi-  
debat, partim coemptam, leviori quàm ipse,  
comparasset pretio, in populum distrahebat;  
ut eâ beneficentiâ delinitos animos facilius ad  
DEUM attraheret. Societatem JESU, quam  
juvenis ambiverat, tenerrimè semper comple-  
xus est, particeps illius meritorum effectus;  
cujus incrementis æquè ac suis & studuit &  
gratulatus est. At verò ubi de obitu Cardi-  
nalis Bellarmini Ravennæ Legatione fugiens,  
intellexit, quem ut Patrem & Ducem obser-  
vabat, sibi in omnibus imitandum tan-  
quam rarum virtutis sapientiæque exemplar  
proposuerat; sancto quodam œstro incitatus,  
dedit ad Murium Vitellescum Societatis JE-  
SU Generalem literas; quibus se penitus quo-  
ad dignitas Cardinalitij ordinis pariebatur  
(eum vetaretur illam deponere) Societati  
dicavit; receptusque sub eadem temperatio-  
ne, vota Societati consveta emisit, & vixit de-  
inceps in Romanam Provinciam adscriptus.  
Regulas illius exinde semper habuit ad ma-  
num, ut ex earum norma se formaret: ejus-  
demque sacris Exercitijs quovis anno animum  
excoluit, vivens mortuusque perinde, ac alij  
domestici totius Societatis suffragijs recrea-  
tus, quos ipse defunctos suis vicissim suffra-  
gijs, tanquam unus ex illis prosequabatur.

Atque ex eo tempore sicut in animarum  
lucra majore sese impendit conatu & labore,  
itâ eminentioris sanctitatis cōparandæ studijs  
pluri-





Alexander Cardinalis et Princeps Ursinus, Soc. Iesu, proximis adjuvandis summo opere intentus. Legatus Apostolicus Ravennæ, et ad Ferdinandum II. Pragæ. In condonandis injurijs planè admirabilis. Obijt Bracciani in Paternò Ducatu. 22 Aug: 1626. Ætat: 33.  
116.

plurimum adjecit. Christi Domini Passionem tenerrimâ semper veneratione prosequabatur, cujus devotionem ut in alios etiam propagaret, tenerrimum de Christi Cruce & Passione tractatum edidit: æneam ipsius cruci affixi effigiem, extantibus clavorum cuspidibus exasperatam, ad nudum pectus gestabat, quam manu sæpius admotâ non sinè vulneribus & sanguine apprimebat: precèsq; horarias de Passione Dominica à se compositas quotidie recitabat. Sacrosanctam Eucharistiam cum officiosissimè coleret, Sacrum faciebat quotidie præmissâ exomologesi, neque rarò Confessario insuper sacrificanti ministrabat. Venerabile Sacramentum si quando occurrisset, vel ad vilissima infirmorum tuguria, quamvis ardente sole, aperto capite longâ viâ prosequabatur. DEI param quoque

impensè amavit, paratus si res ferret ejus causâ vel sanguinem profundere, idque voluntariâ ipse flagellatione omnibus maximè ejus pervigilijs faciebat: tantus sui corporis pericilia, verbera, inedia castigatio, ut freno, prout in omnibus Superiorum Societatis, & suorum Confessoriorum nutum sequebatur, indiguerit. Ravennæ totique Romanæ gubernandæ datus Legatus, cum P. Nicolaum Zucchi confessarium & animæ suæ juxta ac consiliorum Directorem accepisset, certamen inter eos de Virtute & Sanctimonia exortum est, cum alter in altero eminentiam illius obstupesceret, & in calcar ad profectum majorem assumeret. Et quidem P. Zucchi referebat rubori sibi & confusione semper fuisse adeò sublimes Cardinalis virtutes & animæ dotes, ut vereretur Directorem ejus agere, in quo



quo Magisterij præ se decora agnoscebat. Stupébátque in persona talis Majestatis tantam sui vilipensionem & parem dignitati abjectionem, in afflictionibus suis & pœnis infessum rigorem, ut vix aliud esset in quo auctoritatem suam & jurisdictionem, quàm in moderando isthoc fervore, exerceret. Ubi porrò alij, si vellent, colligendis in ejusmodi fructuosa Legatione opibus maximà ditescerent, ipse etiam egentior fiebat, plurima ex proprijs dispergendo, nunquam contractis manibus in pauperes, viduas, & pupillos liberalis, prorsus ac si uni sibi à DEO omnium cura foret commissa; exsolvendo carceratorum debita, ministrando necessaria ægrotis, visitando, & proprijs manibus serviendo in Nosocomijs: moderator passionum omnium & domitor tam perfectus, ut proprijs injurijs & offensis neque indolere posse videretur, alijs verò irrogatas nullo potentium respectu vindicaret. Contigit aliquando publico judicio fisci reos aliquot malefactores ex illo venalium prædonum genere, qui aliorum vindicandis odijs, seu ferro, seu alio maleficij genere hostes ultos velint, operam locant. Non defuere tamen è potentioribus aliquot, qui aderent gratiam vitæ ab Cardinali nocentissimis hominibus flagitare: quorum ille nihil auctoritatem, neque securitatem ex repulsa offensam reveritus, laqueo omnes adjudicari fecit. Hoc injuriam suam & auctoritatis contemptum interpretati reorum Patroni, in necem Cardinalis conjurant: quorum tamen machinationes DEUS mirabiliter Cardinali aperuit, interceptis, & in manus ejusdem traditis conjuratorum literis, in quibus tempus & modus seriésque inferendæ mortis recenscebantur, & conjurati ipsi ita innuebantur, ut nullo negotio innotitiam singulorum veniret. Ille perlectâ epistolâ, facinus exhibuit cælo dignum; siquidem in vestigio concerptam epistolam, nè unquam etiam post

*Ex Bibliotheca Alegambe, & vita P. Nicolai Zucchi per Danielelem Bartoli scripta.*

## P. JOANNES FALCO.




Agdeburgum è præcipuis Germaniæ Civitas patria fuit Patri Falco, ad multorum salutem nato; quam ut opportuniùs proximis impertiretur, Societatem complexus est anno ætatis 20. sæculi 1603. vixitque in ea magnis virtutum omnium exemplis usque ad annum 1626. quo Moguntia 24. Sept: eximiâ sanctitatis opinione de-

fata sua in manus agnatorum fortè deveniens, vindictam persvaderet, super cerei ponè appositi flammâ propriâ manu exussit: & licèt eadem atrocissimas in suam personam calumnias, infanda contineret vituperia, nullo unquam verbo injuriam questus est, aut saltem commotiorem vultum præstulit, sed cum chartæ incendio omnem simul ejus memoriam abolevit. Neque aliud ultionis genus adhibuit, quàm ut deinceps sinè satellitio ad corporis custodiam in publicum non prodiret. Porrò heroicam sui victoriam, confessario, gestienti similis referens: *hæ litera, aiebat, spero mihi erunt in passaportum, & pro clavi ad referendam cæli januam, secundum Christi promissum, dimittite & dimittimini.*

Non parum etiam adjuvit multarum è cœno libidinis extrahendarum muliercularum zelum P. Zucchi, liberalitas Cardinalis, in omnia pietatis opera promovenda omnino profusa; ipse enim & sumptus resipiscientibus alendis, & dotes honestè elocandis, assignabat: & ob extremam egestatem ad corporis prostitutionem adigendis largiter subveniebat. Ubi verò Cardinalis destinatus est à Pontifice Legatus extra ordinem ad pijsimum Cæsarem Ferdinandum II. dici vix potest quantum unus ex altero solatij, & ad sanctitatem exempli perceperit, cùm longiore in Boëmiâ Pragæ morâ, excelsa quisque alterius decora curiosiùs observaret, & semper quod miraretur inveniret. Ità vivere perrexit usq; ad 22. Augusti 1626. quâ post octiduanam febrim Sacramentis ritè procuratus, Bracciani, uti primam lucem acceperat, cum tenerimo pietatis sensu, & æternitatis vehementi cupiditate, diem clausit extremum, annos natus 33. Cor Romam delatum in Templum Professorum Societatis, & ejus ultima voluntate prope Bellarmini sepulchrum tumulatum est.

cessit, vota 4. diu antè professus. Arsit in eo, dum vixit, inextingvibilis Divini honoris tuendi propagandique zelus, ut non rarò senas septenasque unâ die conciones haberet in Templis urbium, & Sacrijs diversis: quibus minimè fervori suo satisfaciens, excurrebat in pagos & villas latè circumfitas, solo pane & caseo ad victum instructus; & ferventissimo spiritu exhortationes, catechismos, conciones, pro capru Auditorum habebat. Idem fre-





P. Joannes Falco S. I. Magdeburgensis Germanus,  
ferventissimus Ecclesiastes, & in pauperib, agris  
per Nosocomia procurandis inde fess9. Decessit  
Moguntia 24 Septemb: 1626. Aetate 43.  
117.

frequens ad Moniales, frequens ad Nostros domi dicebat; nunquam fessus, nunquam satur, ubi aliqua se frugis faciendæ spes ostenderet. Hos autem spiritus hauriebat ex oratione, excitabat mortificatione, utrique impensissimè deditus. In oratione mirificè æstuabat, adeoque accendebatur ad DEI amorem; ut corde uno non sufficiente, mille sibi concedi optaret, quibus illum amaret. Ejus incendijs inflammari potissimum solitus in Sacrificij Missæ oblatione, ita idcirco huic mysterio addictus, ut nunquam illud persolvere, quantacunque necessitate, omiserit: & nè quid humanæ labis amoris suo intercederet, quotidie animum confessione expiabat. Mortificationem verò ita continuam in omni actione exercuit, ut nullam sui corporis, nullam existimationis aut famæ duceret ratio-

*Societas Europæa.*

nem. Voto sponderat, nunquam se suo gustui in cibo potuque obsecuturum, soli servitutum necessitati, vitatis omnibus superfluis, & vilioribus electis. Carnem vexabat frequenti cilicio & flagellatione, quam concioni cuilibet præmittebat: macerabat longâ inediâ, victu tam duro & tenui, ut solo spiritu vivere videretur. Erat in omni vita comis, affabilis, patiens, mansuetus, neque humana judicia & oblocutiones morabatur, nec in faciem sibi oggestas contumelias & cavillos, quò minùs suo muneri satisfaceret. Ipse interim nulli molestus esse, nullum lædere verbo vel facto, de nullo queri, totâ animi & virium omnium applicatione soli negotio animarum intendere, rerum aliarum quarumlibet ita incuriosus, ut extramundum vivere videretur. Principiò cujusque

Cccc



que mensis Rectori se sistebat, & de genibus renovato Obedientiæ voto, ei se parirurum punctualiter in omnibus quæ imperâset spōdebat. Quotidie ante decubitum calceos pedibus detractos capiti imponebat, ut profiteretur dignum se pedibus omnium calcari, & indignum caput ibi locare, ubi pedes alij posuissent. Erat illi quidem ingenium acre, & in promptu consilium: sed religiosâ simplicitate ita moderatum, ut læderet neminem, omnium genio & temperamento satisfaceret. Ab omni ambitionis spiritu & humanis respectibus ita remotus, ut nunquam in aliqua ejus actione personarum acceptio notaretur; nullum pauperum divitumve, nullum servi aut

domini ad confessiones excipiendas, visendos ægros, discrimen; purissima semper eò inclinatio, unde major proventus expectari potuisset. Erat in Nosocomijs assiduus, eodémq; circumvagantes conducebat pauperes, quos ad pietatem erudiret: in compitis & foris frequentissimus, ubi collectos in unum vagos & otiosos docebat modum peccata confitendi, communicandi, ceteraque Fidei rudimenta inculcabat: ac tum in supplicationum ordines distributos, sacros ipse hymnos præcians circumducebat. Valebat enim gratiâ in pangendis germanicè sacris cantionibus, quibus ut honorem Cœlitum etiam post fata promoveret, varijs libellis eosdem impressit.

*Ex Nierembergij Tomo 1. & Bibliotheca Alegambe.*

## P. THOMAS WORTHINGTONUS.



P. Thomas Worthington, S. J. Nobilis Anglus, & de conversione Patriæ optime meritus. In senio Societati adscriptus; tenerrimo affectu in vestem Religiosam ferebatur. Obijt in Anglia circa A. 1626.





Thomas Worthingtonus Laurentij Worthingtoni patruus, patriâ Lancastrensis, perantiquæ nobilitatis, natus est Blenscojæ Parente Catholico quidem; sed qui metu &

temporum injuriâ templa hæreticorum ex Regiæ mandato frequentabat. Educatus honestè filius in literarum studiis, & ad altiora prosequenda in Academiam Oxoniensem missus, ubi adolevit, pravorum dogmatum pertæsus migravit Duacû, ac deinde Rhemos. Hic laurea Philosophicâ donatus, sacroque auctus Sacerdotio, Moderatorum jussu rediit in patriam, majores in ea vix hostes & insidiatores expertus quàm domesticos, ipsûmque adeo, à quo vitam acceperat, parentem. Subiit huic filij in Regnum furtivus reditus, metuensque nè quid inde ob atrociam Regiæ edita in se, domûmque suam redundaret detrimenti, filium structis ubique insidijs vestigavit, eo consilio, ut deprehensum traderet in manus Judicum plectendum aut pervertendum. Illum interim cauta sua industria, per vigili Cœlitum curâ ac tutelâ adjuta servavit, ut in conciliandis DEO civibus sui utilem operam navaret. Nam contractâ cum P. Edmundo Campiano notitiâ, & illum ad varias Catholicorum Ædes sibi familiares deduxit, & ipse diurnis nocturnisque laboribus indefessus, plurimis ad rectam fidem & salutem ductor fuit. Sublato Campiano biennium, iisdem in locis commoratus, quatuor nobiles juvenes nepotes suos maturabat educere in Galliam, cum multiplex ei mora à nequissimis hominibus interjecta est. Intercepti primùm adolescentes, qui tamen post multas vexationes demum elapsi sunt: ipse bis, nefas-

riorum proditorum insidijs appetitus, periculum captivitatis vix evasit.

Demum à juvene perfido, cui bene multa fecerat, proditus Islingtoniæ propè Londinum tentus est Anno 1584. hinc ad turrim Londinensem deductus, veluti insignis cuiusdam maleficij reus vincitur, & gravissima inter incommoda & pædores in Lacu (ut vocant) ultra duos menses ab omni hominum consortio seclusus detinetur. Post menses sex unâ cum P. Gaspare Haywodo Societatis JESU, aliisque circiter 20. invictis Christi Confessoribus deportatus in littus Normanicum, exilium Religionis causâ constanter tulit, & in Patriæ laborantis subsidium convertit. Etenim Anno 1588. Treviris S. Theologiæ Doctor renunciatus, non multò post Rhemis Theologiam positivam tradidit, magnâ doctrinæ commendatione. Iterumque ad animorum procuracionem ultro sese transferens, Guilielmo Stanlejo militari Colonelo in exercitu Regis Catholici adhæsit, omnemque suam operam militum saluti ingenti charitate, vicissim illis amantissimus, addixit. Posthæc Duacensi Anglorum Collegio datus Præses, Romam subinde contendit, unde non multò post redijt Proto-Notarij Apostolici titulo decoratus, annuâ insuper pensione à summo Pontifice auctus, & in Assistentem Archi-Presbyteri Angliæ (qui velut Episcopus toti Clero cum potestate præsidet) cooptatus. Demum ætate jam grandævus animum ad Societatem adjecit, multisque precibus ut admitteretur obtinuit, tenerrimo devotionis affectu vestem religiosam prosequi solitus: obiitque sexto circiter tyrocinij mense in Anglia, in Comitatu Derbieniensi circa Annum 1626.

*Ex Anglia Henrici Mori, & Bibliotheca Alegambe.*

## P. JOSEPHUS SCAMMACA.



Ortus est P. Josephus, patriâ Leontinus in Sicilia, à natura quasi ad omnem virtutem fictus factusque, cui ad excelsam sanctitatem provehendæ Societatem in-

tenera ætate, septemdecim natus annos, ingressus; in ea per omnes virtutis numeros ad cumulatissimam perfectionem evasit. Nam cum exactissimus esset regularum observator, nihil unquam, nisi quod Superioribus probaretur, admisit. Virginitatis nitorem nullâ unquam sequior corporis afflavit commotio, nedum labes aliqua vel levissima temeravit:

*Societas Europæa.*

& quod admirabilius est, ipsâ pulchritudine corporum conspectâ in DEUM efferebatur ardentius. Haustam in Baptismo sanctitatem nullum unquam lethale crimen illi eripuit: tantæque vitæ fuit innocentia, ut crebrò, qui consistentem audiebant, nihil quod absolvi posset invenirent. Semper habebat in ore DEUM, semper in mente, nec aliud quidquam spirabat, ejus unius amore mirificè inflammatus. Aptus nimirum erat amorri Divino cœlestique sermocinationi, qui singularissimus erat in simplicitate Christiana: cum qua tamen excellentem doctrinam copulaverat, & zelum Divini honoris tuendi amplifi-





P. Josephus Scamaca, S.J. Sicul<sup>9</sup>, ferventissimus per  
años 45. Ecclesiastes; Quadragésimas quotidianis dic-  
tionibus absolvit 40; et supra 100. Volumina de reb<sup>9</sup>  
divinis conscripsit. Extinctus 8. Jani A<sup>9</sup> 1627. Aetate: 77.  
J. G. Heinsch del. 119. W. P. Kellian sc.

amplificandique studiosissimum. Et verò egregiè præstitit totis 45, annis, quibus Apostolico spiritu, immenso animarum fructu concionatus est, quadragésies Quadragésimalium dictionum confectò curriculò. In vitia, atque ea præsertim quæ offenderent Rempublicam, nullâ hominum quorumcunque ductâ ratione, nulla formidine, nulla humanæ prudentiæ lege deterritus, invehebatur ardens, ajebátque DEUM se quasi impellentem, cujus gloriæ serviebat, persentiscere. Visa est non semel concionantis ipsius vertici insidere columba, symbolum haud dubiè ejus spiritûs, quo tanquam Filius DEI agebatur. Visus etiam illabi radius lucis è tholo Templi, qui concionabundi vultum illustraret. In Cælites omnes, sed in Augustinum imprimis, quem Doctorem magnum appellare consvê-

rat: in sanctas Agatham & Rosaliam magno affectu ferebatur; de ijs eorûmq; rebus gestis tenerrimo animi sensu loquebatur. Insigne ad memoriam est, quod cùm oprâisset in Montem Peregrinum, S. Rosaliæ veneratione inclytum deportari (cùm neque posset ingredi pedibus, nec jumento vehi) deterritos ab incepto bajulos, ob vastitatem corporis ejus & viæ longitudinem, jussit bono animo subire onus; fore, nè sub illo, quod metuebant, fatiscerent. His illi verbis erecti, mirabili facilitate hominem mole prægrandem, nihil fatigati, in editum montem sellâ portatili subvexère, iterûmq; devexère, tanquam ponderis omnis expers esset. Sed B. V. DEI Mater præcipuis illi in amoribus fuit; nunquam ille svaviùs, nunquam copiosius, quàm de illa concionabatur. Arcuit illa malum dæmo-



dæmonem aliquando ab ipsius accessu, cum pridie quam de Virginis laudibus erat dicturus per noctem intempestam fores cubiculi pulsasset, verberibus illum excepturus, & Pater de more jussisset intrare, si modò facultatem haberet: nam eâ perstrictus clausulâ, & Virginis imperio, ab ingressu prohibitus est. Cum jam ætate gravis multis perfunctus laboribus ad complexum amantissimi Domini sui ardentius aspiraret, & omnis cibi appetitus elanguisset, nulla ceteroqui febre tentatus; adiit Provincialem, & decumbendi petijt facultatem, venisse sibi jam tempus quo mori vellet; hoc unum sibi tribueret gratiæ, nè quid sibi medicamentorum, præter ea quæ suis filiis Societas parare consuevit, pateretur adhiberi, præturum sibi P. Præpositum; (is erat P. Jacobus Dominicus, gestis in Societate Magistratibus sat notus) mox sese securum. Ad 20. sic dies decubuit, nullo quidem vitæ deficientis indicio, nisi quòd ipse, asserebat se velle mori. Obnitentibus ajebat: Dominum consuevisse jam disponere omnia, idque jam ipsum in sua morte præstare. Tam securus sui agebat per eos dies, ut hoc etiam disticho secum luserit:

Mors sinè febre venit, solùm comitante senectâ:

Nec terret; Christus nam mea vita juvat.

Pridie Epiphaniarum cœpta est sentiri febricula. Eam ipse ventum secundum esse dicebat, quo invehetur in portum; hætenus se remis cucurrisse, nunc velis remisque cursum. Dictabat interim amanuensi velut otiosus Homilias in Evangelium Incarnationis Dominicæ, *Missus est*; & postridie Epiphaniarum nescio quâ præter solitum hilaritate delibutus, postulavit à Medico ut cœlesti se Viatico juberet ad iter instrui; illoque annuente conversus ad Præfectum Templi: *bene*.

*Ex Alegambe Bibliotheca, & Nierembergij Tomo 1.*

## P. RODERICUS NINNO DE GUZMAN.



Rater Rodericus Ninno de Guzman, natus est Toleti, Patre Comite de Villaverda, ex familia Ducum de Medina Sidonia, Sobrinus Cardinalis Ferdi-

nandi Ninno de Guevarra Archi-Episcopi Hispalensis, & Generalis per Hispaniam Inquisitoris, in cujus etiam Aula à puero educatus est. Cum enim Parentibus esset secundogenitus, & ab infantia pietati modestiæque addictissimus, ut ad omnem virtutem & do-

adveniret, mi Pater, excepit, *hoc me vespere sacratissimo Domini nostri JESU CHRISTI corpore reficies, cras mane inunges, postmodum ibimus.* Voluisset Dominum humi genuflexus accipere, sed non est permissus de lecto surgere. Omnes se illi suâque negotia privatim cum DEO tractanda committebant, & ipse, tanquam de salute certus ea suscipiebat. Curavit sibi è S. Augustini Soliloquijs nonnulla prælegi, & tanquam contemptor mortis agebat omnia. Post datum Salutationis Angelicæ signum ad vespeream, cum vellent illum sacro Oleo inungere, *cras*, inquiebat, *ungetis*: illis urgentibus, videri periculum esse, nè cras seriùs sit: *obediamus*, ajebat, *igitur obediamus; & ego me citiùs expediam*; quasi mortem in sua potestate haberet. Per noctem suavissima cum DEO colloquia miscebat, cujus amore cum magis magisque langveret, cygnæâ voce iterabat carmen illud: *Fulcite me floribus, stipate me malis*; ac paulò post placidissimè sinè ullo doloris sensu; tertîa ferè post noctem mediam horâ, ad diem 8. Januarij expiravit, anno salutis 1627. ætatis 77. Religionis 60. Sacerdotij 50. Magnus fuit audito ejus obitu dolor universæ Civitatis, magnus omnium Ordinum ad sepulturam concursus; direptæ illius vestes ad venerationem; expressa studiosè à pictoribus effigies, repetita illi septimo die, volente Senatu, funebria publicis impendijs; instituta de laudibus ipsius Panegyris: Procerum, Religiosorum; populi tanta concio, ut ædes aliqui laxissima non caperet; cadaver seorsim compositum ad Aræ principis partem sinistram. Signis sequentibus sanctimonia ipsius divinitus comprobata, quæ justo conscripta volumine asservantur. Conscripsit ad centum volumina de rebus Divinis, vincitâ solutâque oratione.

cilitatem natus videretur; cupiebant illum ad statum Ecclesiasticum à teneris disponi, ut aliquando per ejus dignitates Familiæ esset ornamento. Sed DEO interim placuit illum ad Societatem vocare, cum studijs Granatæ vacaret: quod licet Cardinali Societati addictissimo non displiceret, noluit tamen inscijs Parentibus quidquam fieri: ad quos Tolertum remissus, ubi plenè vocationem suam approbavit, cum Paterna benedictione ad Tyrocinium Villaregij de Fuentes susceptus est, cum annum ageret 16. nemo illo fuit inter Novitios hu-





J. G. Heinsch. del.

J. C. Hafner. sc.

P. Rodericus Ninno de Guzman S.I. splendido Ortu Hispanus, Concionator Regius Philippi IV. ardente Zelo Vitia insectat, tabernas luforias, & Veneris prostibula feliciter Toleti extirpavit. Mortuus Madriti 25 Nov. A.º 1627. atat. 56.

os humilior, nemo in abnegatione sui per omne genus mortificationis ardentior, ut necesse fuerit has per obedientiam restringi, ne vitam penitus prosterneret: solitus non raro ad Domus nostræ januam inter mendicos offam, ex reliquijs ciborum distribui solitam, flagitare, & in medio illorum perinde quasi facibus ejusmodi innutritus foret, palam in platea confidendo ex ollula sumere. In votis Religiosis post biennium emissis Philosophiam sub Patre Petro Arrubal, Theologiam sub Patre Gabriele Vasquez audivit, eodem semper virtutum tenore ad supremum sanctitaris apicem connisus, ut exemplo & admirationi esset omnibus. Semper enim majorem curam profectus in spiritu, quam scientijs habuit, ab omni eo munere abhorrens, quod speciem aliquam honoris præferre videretur.

ideoque altiorum disciplinarum Cathedras exosus, infimis & impensissimis precibus à Superioribus obtinuit Grammaticæ docendæ admoveri, quam multo tempore infimam explicuit Belmontij, tantò Parentum & Cognatorum sensu, quanto suo solatio & satisfactione, ut ad eandem totâ vitâ tradendam ex animo se offerret. Sed horum indignationi & offensæ cedendum fuit à Superioribus, debuitque Toletum ad eorum solatium remitti, ubi Cardinalis Ninno per id tempus supremi Inquisitoris munus indeptus, Qualificatores sacri Officij designabat. In horum numerum adlectus Rodericus cum per obedientiam refragari non posset, modum invenit ita dignitatem hanc occludendi; ut vix unquam adverteretur illi admotum esse. Nunquam enim consilijs & sessionibus ejus interfuit, nullum



nullum jurisdictionis suæ actum exercuit; nunquam ejus insignia assumpsit; nunquam ullo verbo mentionem illius fecit; ut adeo omnem gradus hujus sibi aliquando collati memoriam, etiam apud S. Officij Collegas oblitterarit: quod vel maximè patuit, quando novus Inquisitor designatus Andreas Pachecus Episcopus de Cuenca; illum in numerum Qualificatorum supremi in S. Officio Consilij cum aliquot è Societate Patribus adlegit; siquidem deprehensum est, pluribus jam antehac annis fuisse illi Tribunali assertum, quod neque ipsi Consiliarij amplius meminerant. Verùm ipse adamatæ humilitatis, quam ad mortem usque constanter eodem vivendi tenore in omni actione ambivit, tenacissimus, perrexit omnem alicujus splendoris vel umbram devitare, fugere conversationem & alloquia Nobilium, cum pauperibus & abjectis totos dies versari, adesse afflictis & ægris; ut in proverbium apud ipsosmet cognatos abierit, si quis eum convenire vellet, non alibi quærendum, neque certiùs & opportuniùs reperiendum, quàm in pauperum casis aut Nosocomijs, etiam cum esset Domus Professoræ Præpositus. Ut verò & ipsdem pateret semper ad se domi aditus, peculiare illis recipiendis destinavit cubiculum, & proprium statuit confessionale, in quo perperim affidens, solis illis aures dabat, quòd Nobilioribus & honoratis audiendis nunquam deessent Confessarij; vilibus autem & contemptis excipiendis rarus esset, qui promptus adesset. Itaque frequentissimi ad eum in quavis necessitate recurrerant, ut plerumque integrâ eorum turmâ obsideretur, certi se nunquam importunè venturos, esto Magnatum & Nobilium colloquijs occupatum invenirent. Accidit aliquando, ut à quodam è Primoribus Aulæ Grandibus inviseretur; cum superveniens homo plebejus rectâ cubiculum ingressus ex eo quærir, quisnam pauperum esset confessor? nihil hæsitans Pater illico respondit, se esse; disponderet ergo se pro confessione, nam à Comite indultum iri moram pro absolvenda exomologesi: simulque hospite relicto contentem audit, redûxque ad finiendum cum Comite colloquium, paulò pòst illum dimittit; mirè eâ Patris humilitate & zelo ædificatum, & contemptum omnis humani respectûs ubique dilaudentem. Simul autem constanter per annos 17. quibus Toletum incoluit, dixit ad populum in Urbe & pagis, quos identidem revisabat, ac duplicem simul administravit Sodalitatem, tantâ efficacîâ & mutatione morum, ut toto Regno Toletum

famam obtineret communitatis cujusdam magis Religioforum, quàm Civium sæcularium; cui ad Monasterij nomen vix aliud deesset, quàm clausura, ut singulis portis assignatos haberet Janitores. Ipse persuasit occludi tabernas lusorias, proscribi ab Urbe infames mulierculas, impediri lubrica spectacula, quorum actores licet sæpius pro theatris comparuissent, defectu spectatorum vacui discedere cogeantur: tótque illius concionibus ex utroque sexu ad amplectendas diversas Religiones permoti sunt, ut ijs recipiendis claustra non sufficerent.

Sed angustior fuit una Civitas ut zelo ipsius sufficeret; nam tandem in totum Regnum se effudit, institutis per ejus Oppida, pagos & villas frequentibus Missionibus, uberrimo ubique consecuto fructu; quo insatiabile salutis animarum desiderium in eo nutriebatur, ut nullis alijs laboribus & impedimentis à ministerijs ejusmodi posset avelli. Nam sive Collegio præesset, sive Domui Professorum, sive totam Provinciam gubernaret, perinde occupabat assiduus confessionale, perorabat è cathedris, serviebat in Nosocomijs, exhortabatur ubique sodales, rudes instituebat, invisebat & morti parabat ægros, ut in proverbium venerit apud socios, Rodericum in se uno totum Collegium circumferre, quòd solus omnium munia impleret. Trienniò Provincialis muneris, ordinariè simul dixit ad populum, primò quidem annò Madridi, reliquò bienniò Compluti: & in lustratione Provinciæ vix occurrebat Collegium, ubi non idem præstaret. Sæpissimè etiam contigit, ut die festo perveniret ad locum aliquem multò itinere fessus; sub tempus Sacri cantati aut Vesperarum, cum subito pulpitum conscendit, & non minùs unâ horâ dixit ad concionem: non aliunde quàm ab oratione, & perpetua cum DEO conjunctione petita paratâque materiâ, perinde quasi labore illo reficeretur, & vires ad iter resumeret. Et verò constanter socijs creditum fuit, apparuisse illi aliquando infantem JESUM, & ad labores in salutem animarum confirmasse. Semel duntaxat venit, ut urgenti negotio occupatus cuidam confiteri postulanti aures denegarit; cujus illum mox tanta subijt pænitus do, ut omnibus abjectis discedentem insecutus sit, & reducto humillimè suam duritiem deprecatus, illico aures commodarit, pollicitus promptas semper paratâsque deinceps inventurum, quandocunque confessionis gratiâ advenerit. Toleti Civis ex primarijs, filium habebat degenerem, vitijs perdite addi-

ctum,



ctum, in quo ad frugem reducendo frustra tentatis remedijs omnibus, Roderico tandem illum multis precibus interpellato commisit. Hic præmissis, ut semper in arduis ejusmodi solebat negotijs, prolixis orationibus & pœnitentijs, in juvenis familiaritatem se insinuans, nihil blanditiarum & minarum intermisit, quò lapideum cor ad meliora inflecteret: sed Æthiopem ab se lavari sentiens, ad cubiculum secum perhumaniter invitavit, ubi repente post cortinam nudatâ parte superiore corporis, cœpit atrociter flagellis se diverberare, & Divinam misericordiam juveni, cæcè in damnationem ruenti inclamare. Percussus miser terribili verberum crepitu, & vocibus inter lamenta & singultus DEUM sibi placantis, ubi insuper flagra, vestes, ipsûmque parietem sanguine respergi aspexit, etiam ipse in serias pœnitentiæ lacrymas solvi, pedibus Patris accidere, plenam vitæ mutationem spondere, totûmque se in potestatem & manus ejus refringendum committere. Atque omnium primò generali confessione apud illum expiatus, constanter deinceps ejusdem directioni adhæsit, moribus in melius ita cōmutatis, ut ad omnem virtutem & pietatem æqualibus esset exemplo. Nec defuere illi propria magnorum DEI servorum insignia, cruces & adversa, præter frequentes ægritudines, ex delicata ejus complexione tot laboribus oppressa enascentes. Dicturus aliquando Toleti pro concione in quadâm Parochia, paulò serius adfuit, quòd domi pœnitentibus audiendis tantillò diutius esset detentus; cum Parochus iracundiâ percitus, mille injurias & convitia coram toto populo in faciem ejus conjecit, minore circumspeditione, quàm si servus ejus foret, invehit. Pater nullo verbo furenti reddito, in gradu immotus perstitit, nè vultu quidem à consveta blanditiæ in tristiore aut severiore mutato, dum ipse totum furorem evomeret: atque tum eâdem prorsus quâ semper modestiâ & serenitate, pulpitu conscendens, dictionem imperturbatus pertexuit; longè uberiore tunc quidem motu & fructu in populo consecuto & tam æquanimis patientiæ præbito exemplo, quàm ex prolixa aliâ concione. Sed acerbius feriunt, quæ à domesticis & commensalibus infliguntur vulnera. Recens ex studijs datus Roderico Rectori advenerat Concionator; vel magis officio gubernationis impedito in concionibus adjutor, occultæ eatenus superbix & præsumptionis, quam datâ hac ambitionis prodendæ occasione toto impetu effudit. Siquidem longè post se talentis ad di-

cendum Rodericum inferiorem ratus, æstima-ri præ illo, laudari & observari domi forisque juvenili stultitiâ ambiebat; quod cum non fieret, & Roderici dictiones majore accursu, plausu, encomijs, tanquam Magistri præ discipulo exciperentur; non dubitavit livore, & invidiâ tabescens palàm in colloquijs, tandem & è suggestu nomen ejus & famam, cum tamen per id tempus illi Superior præesset, lacerare, & in contemptum adducere. Coactus ex officio Rodericus, vel ob publicum scandalum, in reum animadvertere, quàm invitus id ageret abundè patefecit, quando ipse arrogantis hominis conclave adiens omnia à se obsequia humillimè detulit, & tantum non in servum dedicavit, in omnibus quoad posset tanquam amicorum optimo bene facere adnissus. Sed homo vanitatis & superbix plenus, vacuûsque spiritûs & virtutis, cum nihil his melior evaderet, post paulò ab Societate rescissus est. Madriti cum esset Rector, in grave repente odium apud plebem adductâ Societate, contigit illum ex Collegio ad consveta proximis opitulandi ministeria prodire; cum maximâ puerorum & scurrarum turba illum prosecuta cavillis & scommatis petulanter laceessere, crocitando, sibilando, latrando, ululando explodere, & mille injurijs proscindere cœpit: ipse verò in risum blandissimè explicato vultu, destinatò etiam subsistere, tardius solito gressum promoveri perrexit, ut & ipsi maledicendo rabiem, & ipse tolerando patientiam suam exaturaret. His addebat spontaneas pœnitentias & frequentes & graves, quotidiana flagella, etiam in diversorijis sæcularium dum Provinciam lustraret, eaque ante concionem quamlibet planè atrocia; quæ cum vicinis omnibus audirentur, soliti erant dicere, non opus esse campanæ sonitu ad promulgandam futuram concionem, abundè enim hanc promulgari flagrorum in Patris corpore sono. Cilicia habebat varij generis, asperrima omnia, quæ diversas corporis partes, nec rarò omnes simul afflictabat. Prolecto totos 30. annos habuit rude & malè dolatum ex subere lignum: somni adeò parci, ut perpetuas agere vigilias domesticis crederetur, cum nemo deprehendere posset quandam dormire; quâcunque noctis horâ accederetur, semper excubans in oratione, lectione, vel scriptione repertus: cibi tam modici & vilis, ut nè vitam penitus pessundaret, admonitus P. Generalis, Sacerdotem illi senio & experientiâ gravem assignare coactus sit, cujus absque assensu nullis ei mortificationibus uti liceret.



Quantò verò humilior erat in oculis suis, tantò major apparebat alienis; nam famâ virtutum ejus, doctrinæ & sapientiæ motus Generalis Mutius Vitellescus, eum videre, & penes se ad consilia retinere voluit. Jámq; in Procuratorem Provinciæ electus ad Urbem iturus erat, nisi Parens supremo oppressus morbo (ex quo etiam decessit) illum solatio suo retineri obtinuisse. Madriti dum Collegio præfesset, semel duntaxat pro concione dicentem audivit Rex Philippus IV. & illicò Aulæ suæ Concionatorem adlegit. Dux autem Olivares, primus Regiæ Minister, gravissimis negotijs & consilijs adhibuit, optimos ex ejus successus constanter expertus. Quibus honoribus nihil elatus Rodericus, tantò instantius pauperum audiendis confessionibus, visitandis hospitalibus, & vilissimis quibusq; adeundis, solandis operâ navavit; nihil moratus Aulicorum vituperia, dicentiũ, munij tam abjectis labem aspergi dignitati Regij Ecclesiastæ. Neque ad alium usum munus hoc sibi utile fuisse agnoscebat, quàm ad tuendam, efficacius contra adversariorum machinationes Societatem, quibus si unquam aliàs gravissimis sub ejus Reçtoratu exercebatur Collegium illud Imperiale, ob fundata ibi recens à Rege publica studia, quibus ceteræ per Hispaniam Academiæ plurimùm splendoris sibi detractum iri formidabant. Jámque in hoc permolesto certamine terrius illi effluebat gubernationis annus, cum quo & vita defluxit;

*Ex Alphonfi Andrade Tomo 5. de Viris Illustribus Societatis.*

sub cujus extrema socijs amantissimum valedicens peculiariter spondebat, se hujus controversiæ exitum coram Divino Tribunali efficaciter procuraturum. Idque feliciter perfecisse omnibus creditus est, quando pauco ab ejus obitu tempore finis actioni, ad Collegij votum, impositus est. Malum, quò mors illi conscita est, fuit acerbissimus laterum dolor, nullam quietis partem indulgens, ex quo ultima absolvit, veluti ad excessum paraturus animum, Exercitia: de cujus vicinia ubi nuncium ex Medicorum arbitrio accepit, totus in hilaritatem effusus exclamavit: *Letatus sum in his quæ dicta sunt mihi, in domum Domini ibimus*; omnibũsque Sacramentis munitus spiritum DEO reddidit 25. Novembr: anno 1627. ætatis 56. Obitus illius communi totius Urbis, & Regiæ præsertim dolore acceptus est, & justa funebria omnium Ordinum concursu persoluta. Nec finis fuit res illius usu veluti sacratas, ad privatam devotionem, & memoriam deposcentium, quem universi in opinione Sancti habebant: & qui has consequi non poterant, pia saltèm amuleta corpori devotè attacta, in morborum remedia, auferebant. Neque id finè fundamento; nam etiamnum vivens Reçtori Collegij de Cuenca P. Alphonso Ezquerra, 60. jam dies ex pertinaci tertiana laboranti, solâ impositione manũ, & lectione Evangelij, momentò febrem calorem extinxit, & plenæ constantique sanitati restituit.

## P. PHILIPPUS DE NOYELLE cum alijs 74.

**P**ater Philippus de Noyelle, patriâ Atrebatensis, splendidis ortus natalibus, illustriores eosdem reddidit excelsâ virtute, & morte, pro salute proximorum, gloriosè obitâ. Luxit in eo mirificè pietas, & animi teneritas in omnibus, quæ Divinitatis cultum spectant; obedientiæ quoque, & in Majores suos observantiæ singulare studium: castimoniæ nitor, ejusque tuendæ cautiissima diligentia. Luxit tolerantia malorum, & cupido profunda martyrij, nullâ reformidatione cruciatuum, catastarum, igniũ, bestiarũ, dumodò nuditati corporis parcere, quam omni supplicio graviores duceret. Jam quantus Christi seu Evcharistici, seu Patientis amor! quanta in DEI Matrem, flagrantia charitatis, quam Matris suæ charissimæ nomine compellabat. Ejusdem vene-

*Societas Europæa.*

rationem incredibili curâ contendit apud alios excitare, & augere: valuítque in eam rem inprimis apud domesticos egregia morum ejus svavitas, & in familiari congressu temperata pietate comitas, præcipuè dum Reçtor Collegio Nivellensi, apud omnes domi foris, que gratiosus præfesset. Verumtamen nihil adeò mirabilem illum, totique Urbi Tornaco spectabilem præbuit, quàm dum pestilentia laborantibus ferre opem instituit. Nemo certè verbis satis expresserit, quò ardore, quaque contentione formidolosam, eam provinciam ambierit, quibus hunc animum suum rationibus Præposito Provinciali explicuerit, planè ut persuaderet id Spiritus sancti consilium esse. Id ubi auctoritate suâ Provincialis atque assensu probavit, & Magistratui Urbis, qui flagitaverat uni cuiquam nostrum id muneris committi, innotuit, P. Philippo volenti & flagitanti negotium delatum, expli-

Dddd





P. Philippus de Noyelle, Soc. Iesu, illustri ortu Belga, charitate impulsus, ad serviendum pestiferis, præter Socios 74. eidem obsequio per Belgium, immortuos, optatam mortem consecutus Tornaci 6. Augusti, A. 1628. ætatis 38. ~ 121.

explicari non potest, quo studio & ardore experiundæ suæ charitatis & ipse exarsit, & quo animorum motu Civitas universa nuncium acceperit. Regebat tunc ibi Philippus nobilissimum ex omni ordine & statu Parthenium cœtum, cujus Sodales extremum prononcione allocutus (aderant autem cujusque gradus Ecclesiastici, Nobiles, Cives, & ipse Gubernator Urbis, Comes Vertaingius) cum vale diceret, tantâ eloquentiæ vi, tamque inusitato spiritus ardore verba fecit, ut lacrymas omnibus abundè cieret. Idem sub ultima domi cœnatione erratorum veniam supplex à socijs petijt, & se piaculari flagro diverberavit. Posterâ luce affluit Senatus Urbis universus, atque ingens copia mortalium, cum ille Sacrum ad modos musicos solenni ritu decantavit: quò peractò deductus est à

summo Prætorè, qui primus Urbis à Gubernatore Magistratus est, in destinatas funesto secessui ædes; ubi venientem præstolatus Episcopus, suo complexu & sacrâ appellatione confirmavit. Is dies fuit vigesimus Julij, quò primùm instituit ferales infectorum domos adire. Ingredebatur per Urbem gerens Divinam in sinu Evcharistiam, tantâque vel exinde voluptatem animo hauriebat, ut jam humana omnia fluxa fastidians nihil præter cœlestia cogitaret. Hinc ad comitem interdum conversus, ecquemnam, ajebat, mi Frater, nobiscum ferimus? quot putas Angelorum millium comitatu cingimur, qui nos ambitu quodam affectantur? itâ imperterritè inter perpetua funera versanti, venerat decreta illi divinitus optata dies, adeoque in sancto opere occupatum haud longo intervallo affla-

vic



vir contagio: quod simul ac diffitum in vulgus est, ingens Urbem invasit mœror: at ipse contra triumphare gaudio, & jam ad cœlum propius aspirare. Una duntaxat erat in curatione molestia, quod affectam corporis partem. Chirurgo tractandam spectandamque nudari oporteret; ad quod officium morte ipsâ gravius, sola potuit ejus animum subigere, religio: actum ut maturaret, ut se quam ocyfimum expediret, Chirurgo identidem inculcare. Demum 6. Augusti pijsimè defuncti funus procurandum cum exequijs eadem primaria Sodalitas suscepit, operante ritu Pontificali Episcopo, præsentè Gubernatore, Magistratu, frequentissimoque conventu. Decessit P. Philippus anno ætatis 38. Societatis 20. in ea quatuor vota professus. Quo eodem anno 1628. Bellioli in Flandria, in eodem pestiferorum obsequio extinctus est 7. Sept: P. Guilielmus Engelbrecht, Brugenſis, annor: 34. Societatis 15. Die verò 20. ejusdem Jodocus Van Ackere, Cortracensis, annor: 33. Societatis 14. Antverpiæ item anno insequente 1629. die 10. Sept: P. Joannes le Clerque Antverpiensis, annor: 35. Societatis 15. Et 23. Octobr: P. Adrianus Crucius, Gandensis, annor: 53. Societatis 32. professus trium votorum. Ac demum anno 1630. P. Michaël Groësbeck, 66. annorum, in Societate 45. Bergis S. Winoci vivis ereptus 6. Octobris.

Eodem charitatis zelo inflammati ad subveniendum pestiferis per Belgium, varijs locis & temporibus decessere Socij 67. per diversos annos de nomine recensiti à P. Philippo Alegambe in Victimis Charitatis, è quibus pauculos celebriores hic adducemus: Pater Gerardus Vervianus Leodiensis annorum 37. Societatis 14. cum duplici in peste Namurci & Duaci ægris deservisset, tertio tandem repetitò ibidem Duaci charitatis officio, cecidit 1. Nov: 1618. & Namurci quidem superato malo, ad consveta Operarij Societatis munia se retulit, per vicos & castella concursans, ut catechesi concionibusque rudes instrueret, confessos expiaret: cujus invictum animi robur ac ferreum pectus ad omnia dura pro salute animarum molienda, magnæ Parochis admirationi erat. Domum ex agro ab ijs laboribus reverso prima semper cura fuit, certiozem facere sui redditûs Ædituum, & obtestari, nè se, si quis ad opem pauperibus rusticisve ferendam postularetur, accersitis alijs præteriret: vocatus autem, illico singulari cum significatione lætitiæ procurrebat. Invitatus postremò Duacum, ut tæbe illigatis præsto esset, iter tanto ardor corripuit, ut

*Societas Europæa.*

quod assolent alij quatrinduo, id uno die ipse & sesqui confecerit. Ubi sancto in opere consumptus, Urbem cum Senatu bis publicè solenni cæremoniâ sibi parentantem habuit. Brugis delatâ à Magistratu Rectori Collegij, sub pestis initia, Hospitalium curâ, non tantum promptissimè admisit, sed primus ipse aleam experiri voluit. Erat is P. Joannes Mans, Zivicæ in Zelandia natus, annorum 58. in Societate 30. mox à tyrocinio totos 28. annos Brugis commoratus, quatuor votorum Professor, Operarius in paucis navus & indefessus; inque eo ministerio extinctus 28. Novembr: Anno 1621. Leodij P. Perpetuus Martini, Dionanti ortus, cum se ad subsidium eorum, quos pestis afflaverat, exposuisset, lætari omnes, seque jam vel peste emori contentos dicere, quando essent à tali Viro salutis opem habituri. Nimirum ejus spectata vitæ morumque sanctimonia vel ab ipsa infantia fuit: & cum adolescens Leodij Syntaxim doceret, jam tum passim clarescebat opinione sanctitatis. Asper in se, & propè crudelis, calculi acerbissimos cruciatus, ejusque deinde sectionem tulit tam firmiter, ut neque ingemisceret, neque vultum contraheret. Peste correptus in pervigilio B. V. Nascantis, tertio post die extinctus est 10. Sept: anno 1623. ætatis 52. Societatis 29. trium votorum professus; postquam prædixisset, à die suæ mortis luis sævitiam mitigandam, dum penitus evanesceret; quod & evenit. P. Guilielmus Prerart, Givet in Eburonibus natus, annor: 58. in Societate 22. quam Sacerdos jam, & Dionanti Canonicus, totos 9. annos ardentè expetijt, priusquam consequeretur. Excelluit zelo animarum, & mirâ in comparandis ad mortem ægris industriâ; nec expectabat, dum acciretur, sed ultrò se in ædes, ubi quem ægrum rescisset, nullâ habitâ morbi contagiosi, aut personarum abjectissimarum ratione, ingerebat. Ad infectorum peste obsequium ita se ardentè contulit, ut domo, in quam segregatus se conferret, nondum paratâ, maluerit moræ impatiens pernoctare sub dio, quàm unicam, ut ajebat animam in salutis discrimine relinquere. Obijt Dionanti 19. Augusti 1625. Duaci verò eodem anno, 9. Sept: P. Joannes Chisfai, Montibus Hannoniæ ortus, in eodem obsequio peste correptus, cum solito diutius eâ conflictaretur, neque convalescendi spes brevis existeret, cedere locò infectorum, & successorum muneris admittere eâ duntaxat conditione assensit; ut si vires integrascerent, suum ipse quantocyùs in locum & munus rediret.

D d d d 2

Verum



Verum prius exivit è vita prolixis & acerbis doloribus conflictatus; quorum violentiâ cum sæpius è potestate mentis exisset, nihil unquam præter DEI & DEIPARÆ laudes ore protulit, solis eorum encomijs animum exerantem oblectans. Ibidem 27. Novembr: sed anno 1617. obiit Mathias de la Saulx, Insulensis, Coadjutor, annor: 35. in Societate 14. Faceffiverat ille Moderatoribus annos complures gravem molestiam, præpostero Sacerdotij obtinendi ambitu; jamque eò hominis importunitate res erat deducta, ut ab Societate postredie dimittendus esset: cum eâ nocte ad lecti pedes secundum quietem adstitit illi S. IGNATIUS; & manu exitium, si perseveraret in proposito malè suscepto, comminatus est. Eò viso ita commotus est animo, ut primò manè manantibus oculis ad pedes Superioris acciderit, & in Societate permanendi primùm potestatem, & subinde lue grassante, ægris famulandi impetrarit; magno Collegij damno luctuque amissus, quòd esset curandorum morborum peritiâ, alacritate, constantiâque singulari. Antverpiæ Pater Lævinus Wonters, Bruxellensis, annorum 55. in Societate 36. die 29. Octobris, diem clausit. Hic auditâ Romæ sub Professore Mutio Vitellefco, postea Societatis Præposito Generali Theologîâ, reversus in Belgium; ubi Duaci Philosophiam, Audomari atque Antverpiæ Theologiam Moralem prælegisset, in Holandia salutis Catholicorum procurandæ,

*Ex Alegambe Victimis Charitatis.*

inter quotidiana vitæ pericula vacabat; quando Amstelodami communem in carcerem primùm, fraude nefarij Ministelli, mox in fœdum scurrarum ergastulum detrusus est, & biennio detentus, multorumque criminum injuriosè, duorum præcipuè Arminianæ sectæ ministrorum scelere, postulatus. Unde illud cum neque sua innocentia valeret, neque Virorum Principum intercessio eripere, eripuit præfens ejus medijs in periculis prudentia, ut in Belgium Catholicum evadens, campum habuerit Antverpiæ, servatam vitam in contagiosorum obsequijs prodigendi. Duaci Anno 1626. P. Antonius Caucius, Montibus Hannoniæ natus, extinctus est 27. Sept: annorum 42. in Societate 21. cum anno superiore Insulis, quinque mensium operam in mortales cum peste luctantes incolumis contulisset, incredibili patientiâ, in summa vescendi penuria, donec iniquitas famuli, qui cibaria dum à Collegio deferret suos in usus avertebat, deprehensa est. Vix ab Insulensi clade recreatus, ubi Duacum idem in opus invitatus est, lætissimo statim animo convolvit; sed vix in eam arenam ingressum, contagio mox corripuit atque absumpsit. Attrebati 29. Sept: P. Ægidius Rabache, Bethuniensis, anno sæculi 1627. ætatis 65. Societatis 27. diem clausit, tertium in hac Charitatis palæstra, nec unâ præterea vice ante aditam Societatem Parochus versatus, ob singularem animi demissionem omnibus charus.

## P. JOANNES FRANCISCUS MARTINCURTIUS cum alijs 40.



**E**Xorta per Galliam in necem mortalium Anno 1628. pestilentia, solidum deinceps triennium tenuit, & multis passim funeribus dirè fœdavit: in illos etiam favior, qui miseris opitulatum veniebant. Ex his primum spoliū Aureliaci sustulit, idque insigne, quia animæ magnæ fuit, ad diem 18. Augusti; carbonibus pestiferis 25. oppressæ, quò immensum ejus desiderium hoc mortis genere vitam ponendi satiaretur. Fuit is P. Joannes Franciscus Martincurtius, cujus ego præcellam virtutem, profundissimæ humilitati cum vitæ contemptu sociatam, optimè oculis subjecero, si solam hîc ejus epistolam recitavero, quam dedit ad Petrum Casanum, Tolosanæ Provinciæ Præpositum, ut peste la-

borantium obsequio destinari impetraret, quæ sic habet: *Aureliacum nostrum, ubi hac nocte duo in duobus diversis domicilijs peste sublati sunt, præpotens DEUS istius, qui hac scribit, miserrimi peccatoris sceleribus præcipuè la-cessitus, die B. V. Visitationi sacro visitavit. Et quamvis, ut auguror, plus timoris sit quàm periculi, omnia tamen in Urbe commota & perturbata sunt, & nè malum latius serpat, timetur. Cum igitur in Societate inutilis & nullius momenti homuncio degam, atque aliunde hujus calamitatis, ob innumera mea peccata auctor sim, à R. V. enixè postulo, ut justitiam exerceat, istudque caput pro eorum salute, quibus tot mala accersivit, justæ morti objiciat. Id si R. V. alijs concessit, eorum tantum charitatis rationem habuerit necesse est: meis verò criminibus debita supplicia, & divina vindictæ justæ leges, istud*





P. Ioannes Martincurtius Soc. Iesu, Gall., & alij  
40. ex Socijs, quam plurimis mortalib., contagione  
per Galliam faviente, ad opem ferendam accurren-  
tes, felici exitio consumpti Aureliani, et alibi per  
Galliam Anno 1628, et sequentibus.  
122

istud singulari quodam jure exigunt; faciuntq;  
ut credam, mecum non sine magno misericordia  
excessu actum iri, si hanc mihi cælum conceden-  
di misericors DEUS rationem inire velit. Eam  
igitur hac de re oro & obtestor, per sanguinem  
ejus, à quo, ut petitioni justa annuat, interius  
spero movebitur. Sanè quidem, si liberum eum  
esse ab omni metu, qui in peste suam operam ve-  
lit navare, expedit: istud tanquam rem certam  
sibi persuadeat R.V. me, sive Divino ejus mune-  
ri, seu mentis stupori sit adscribendum, omnis  
prorsus timoris esse vacuum. Animi verò prom-  
ptitudinem, ad opem proximo ferendam in sum-  
mo isto discrimine, majorem, quam mereor,  
sentio. Faxit DEUS, ut majorem adhuc in-  
dies experiar, & ut illius causâ mihi mori de-  
tur, qui nostrâ mortuus est. Per quem quem-  
admodum in sanctissimo Sacrificio ejusdem Pa-

tri vitam & mortem meam cum ipsius oblatione  
conjunctam offero, ita à manibus R.V. committo  
vitam hujus stipitis, inutilisque quidem trunci,  
sed aridi, & Divina justitia flammis concipien-  
dis apti. Omni studio contendo à R.V. ut au-  
xilium mihi sit in commutandis istiusmodi supplici-  
is aternis, cum hac operâ, quæ peste laboranti-  
bus impendi solet à nostris: oroque ut Paternam  
benedictionem conatui meo impertiri dignetur.  
Aureliaci die Visitationis B.V. 1628. Ità ani-  
matus gloriosum in certamen subinde prodi-  
it; neque stationem prius, quàm vitam dese-  
ruit, menstruo paulò plus intervallo charitati  
impenso extinctus. Pari exitu Biturigibus  
decessit 28. Augusti P. Petrus Barrage, domo  
Ægimontensis, annorum 39. Societatis 9. Et  
laborum ejus comes Antonius Rapin, Allo-  
brox 3. Sept: Coadjutor temporalis, annorum



50. Societatis 21. Item Rhedonibus 22. Septembris, Claudius Roussel, Gallus Catalaunensis, Scholasticus, annorum 32. Societatis quinque. Hic ab exacto tyrocinio triennium Grammaticæ classes professus, indeque Flexiam ad Theologica studia jam destinatus, exortâ repente in Urbe peste, confestim Superiorem adiit, eamque sibi jam superiore anno expetitam Provinciam magnâ rursus alacritate depoposcit, adhibitis quoque ex voto certis ad B. V. deprecationibus, nè repulsam ferret. Quin & illud enixè à DEO contendit, ut in ea tam sancta, tam gloriosa expeditione daret occumbere, felicem se cum Apostolo fore reputans, si pro fratribus animam poneret: nec irritæ fuere preces; post quartum enim diem, quò publicum Nosocomium ingressus est, à percepto sacro Epulo pestiferâ febre correptus, celeri morte postridie enectus est. Urî & Camberij 4. Octobris Pater Gaspar Chapelle, Allobrox, annor: 40. in Societate 19.

Carpentoraçti Pontificiæ ditionis haud Avenione procul, vigesima sexta Decembris, in iisdem pestiferorum servitijs mortem oppetit Jacobus Vasserot, indidem oriundus, annorum 41. in Societate 22. Coadjutor laboriosissimus, mirâq; charitatis & industriæ. Pridie quàm emitteretur ad locum pugna, D. JESUM secundum quietem habuit præsentem, sed aversum ac sibi terga obvertentem: quem ille cum flexis genibus sequeretur, obsecraretque sua sibi peccata remitti, conversus Dominus dixit: *dimittuntur tibi peccata tua*; quò factò evigilavit actutum, tantâ animi svavitate delibutus, ut incredibile dictu sit. Mox totius vitæ noxis expiatis, cum sacro reficeretur Epulo, tantum profudit lacrymarum, ut eas quoque Sacerdoti exprimeret operanti. Porro curâ omnium in Nosocomio susceptâ, ita singulorum corpora curabat & animos, ut Pater omnium videretur: & Chirurgis morte sublatis, in eorum ipse munus subiens, venam omnibus sinè metu laxare, pharmaca applicare. His in operibus bis eâ lue appetitus est, ac tandem post recepta omnia Sacramenta superatus. Neque cum expirante anno lues ibi desijt, sed insequente Januario A. 1629. sævius etiam per Galliam invalescens, ibidem Carpentoraçti sustulit die 2. Januarij P. Joannem Berardier, Beluensem, anno ætatis 48. Societatis 25. Coadjutorem spiritualem. Hic magnis precibus gratiâ serviendi infectis obtentâ, quâ primâ die ad hospitem sedem ingressus est, designatò certò sepulturæ locò: *hic me, inquit, ut reor, brevi humaturi estis*;

atque eò ipsò non multò post conditus est, octo enim duntaxat dies ægris servivit, sed tanto fervore, tam nullâ sui curâ, ut tam celeriter virus ab illis combibisse mirum non fuerit. Neque enim dici potest, quanto flagraret hanc mortem obeundi desiderio, fruendique citò Divini conspectûs, quò moriens animum inflammati amoris & contritionis actibus identidem incitabat. Secundum illum abiit 10. Januarij è vita Joannes Merle, Montefalcenio oriundus, annorum 28. in Societate 4. Tardius verò ad 5. Julij Pater Claudius Marthod, Camberiensis, annorum 66. in Societate 44. Coadjutor spiritualis, passim à Nostis sanctus existimatus. Ex ardentissima cupiditate martyrij, ut à pestilentium obsequio saltè cum imitatione quadam mortem consequeretur, Carpentoraçtum mitti (nam alibi tum agebat) impetravit, & simul ac accessit, occupatis lue ad obsequia se stitit, præmium tam ardentem concupitum brevè consecutus. Die verò 24. Julij ibidem postremus obiit Petrus de Live-re, Lingonensis, Coadjutor temporalis, annorum 48. Societatis 24. Lugduni 5. Martij Franciscus Columbus, Bressianus, Coadjutor tempor: annorum 23. Societatis 4. qui totos sex menses egregiâ charitate, viribus semper integris, dum pestilentia vigit, impensâ ægris operâ, periculo jam opinione omnium defunctus, dum clementius jam esset malum & penè restinctum, derepente correptus occubuit. Jam Salinis in Burgundiæ Comitatu 20. Martij ereptus est P. Nicolaus Chevalier, è pago Lotharingiæ Frovilla oriundus, annorum 52. in Societate 25. Coadjutor spiritualis. Alter verò 7. Septembris Pater Antonius Richardus, Burgundo-Sequanus annorum 59. in Societate 24. Viennæ urbe Galliæ 18. Augusti P. Petrus Richard, exquisitæ virtutis & zeli Operarius; cujus tantus fuit in pauperes amor & beneficentia, ut passim Patris nomine in ijs vocaretur, neque majores illi essent deliciæ, quàm si egentissimos quosque convivere & juvare posset. Obedientia ad omnes Moderatorum nutus semper fuit expeditâ, quorum jussu octies minimum, Philosophiæ cursum imparatus confecit. Demum adjuvandis pestiferis concessus, ardorène contentionis & laborum multitudine magis, quàm veneno inflatæ pestilentie mortem oppeteret, in dubio reliquit. Utiç 27. Septembris P. Antonius Bronod, Lugdunensis, annorum 46. in Societate 25. professus 4. votorum, de ea Urbe optimè meritus, etiam postquam in manus Hugonottorum cecit, diu feliciter inter eos concionatus, vitæ integritate in admirationem



P. JOANNES FRANCISCUS MARTINCURTIUS cum alijs 40. 587

rationem raptis hæreticis, ut omni contumeliâ in eum & injuriâ abstinere. Gratiano- poli 28. Septembris P. Jacobus Trompel Vi- nariensis, annorum 37. in Societate 10. Et in eadem Lugdunensi Provincia, diversis lo- cis, per mensem Novembr: Jacobus Albar- dus, Scholasticus, annorum 27. in Societate 6. Daniel Alvier, & Joannes Salet. Aquis- sextijs in Novembri & Decembri incomper- tis diebus occubuerunt sex, Gregorius Baudas- ses, Ancienfis, annor: 39. Societatis 11. An- dreas Geraud, annorum 59. Societatis 23. P. Elzearius de Oraison, vir summo loco Borbo- niorum profapia ortus, annorum 41. in Socie- tate 8. in qua se negabat unquam mœstitiâ quidquam, vel ad horæ quadrantem, exper- tum esse. Severitate in corpus suum excelluit apud nos, ut vestitus, nec prius somnum capesseret, quàm se flagris inclementer con- cidisset. Simon Bouvet, Vivariensis, annorum 34. in Societate 12. Joannes Daniel annor:

24. in Societate 2. Ac demum 29. Decembr: P. Jacobus Isnardus, Arnuernus, annorum 45. in Societate 25. professus 4. votorum, ejusq; tunc Collegij in annum secundum Rector. Hic quia parùm firmâ corporis habitudine, virulentis aspirationibus habebatur obnoxius, rogabatur à nonnullis, ut maturè illo se- periculo evolveret: verùm ut erat animi ex- celsi, mori magis habuit studio charitatis gra- tiâ, quàm vitam periculi declinatione proro- gare. Itaque dum sibi morem gerit, & quam potest, opem ægris præstat, die Natalis Do- mini venenatâ cujuspiam afflatus animâ, qua- tuor dies cum peste luctatus, haud minore Civitatis mœstitiâ, quàm fuerit in viventem amor, amissus est. Denique 16. reliqui nu- merantur è Socijs, qui hoc eodem A. 1629. per varia Galliæ loca pestiferorum obsequijs addicti, vitam posuere, quorum nomina re- censet Philippus Alegambe in Victimis Cha- ritatis, ad hunc annum cap. 3.

*Ex Alegambe Victimis Charitatis.*

P. FRANCISCUS BOUTONUS cum alijs 9.



Ranciscus Boutonus, na- tione Gallus, gente Sequanus, Vir in insignibus naturæ & gratiæ dotibus locuples, & multarum pro Christo æru- mnarum perpeffione clarus,

ad Societatem se aggregavit anno 1597. æta- tis 18. & Professionem solennem 3. votorum emisit. Ad omnes tres in cælo laureolas con- sequendas, Virginitatis, Doctrinæ, & Marty- rij, per totum vitæ decursum quàm strenuè connisus sit, vel indè colligas; nam de illiba- ra ejus puritate, & omnimoda animi corpo- risque nitela, abundè constat: Doctrinæ ve- rò prærogativam exquisita hominis sacra eru- ditio, libris conscriptis ( quos videre est apud Alegambe & Raynaudum ) & publicis lectio- nibus exprompta, spondet: ad extremam Martyrij lauream consequendam nihil ex par- te sua omisit, vincula & carceres inter infide- les expertus: & licet hanc reipsa minimè ade- ptus sit, quia persecutoris gladius vitam non abstulit, nihilominus in obsequio pestifero- rum mors ex Christiana charitate appetita, post diuturnum vitæ, in cruce per tot annos exactæ martyrium, pretiosum in conspectu DEI exitum ejus reddidit. Missus enim Con- stantinopolim curandæ rei Christianæ causâ, annitentibus per calumniam hæreticorum Principum inibi Legatis, in tetrum carcerem cum socijs compactus est: unde cum magni

cujusdam Viri operâ essent eximendi, uno duntaxat eorum pignori relicto; apud illum liberationis sequestrum omni studio, & quàm humillimis precibus egit, nè exolveretur; sed unus pro alijs suo periculo in carcere remane- ret: atque adeò multos menses in carcere à Turcis retentus est. Revocatus in Galliam, naufragio facto ægrè luctatam cum fluctibus vitam servavit: & in littus Calabriæ exposi- tus, principio haud mitiores fluctibus morta- les invenit. Nam cum abjectis ad facilius enatandum vestibis, solâ lineâ subuculâ, & lecticario pileolo enatâset, ab accolis Italiæ pro pirata naufrago habitus, præsentissimo necis discrimini subductus est, exhibitis literis Societatis patentibus, quas ad natationem se ac- cingens pileolo immiserat: quarum chirogra- pho exhibito agnitus quis esset, tractatus est perhumaniter, & absterfo è tot discriminibus mærore non modicè recreatus, ad proximum Calabriæ Collegium adductus est. Galliæ redditus, 12. ipsos annos propè dixerim non manducans, neque bibens, aut etiam dormi- ens exegit. Culcitram nesciebat, vel ullam omnino laneam mattam, exiguâ duntaxat pa- leâ ad stratum contentus. Solo pane, & hau- sto semel in die juris demenso, nullo præter- ea addito obsonio victitabat. Potio illi par- ca, & ex vino adeò aquâ macerato, ut vini saporem, atque adeò colorem ægrè tueretur, Quam tamen victus duritiem communi in- con-





J.G. Heinsch del.

P. Franciscus Bouton, S. J. Gallus; post vincula et  
carceres apud Turcas, naufragio in Italiam ejectus,  
in obsequio pestiferorum Lugduni in Gallia cum  
9. Socijs extinctus, est die 17. Oct. A<sup>o</sup> 1628. Ætat: 50.  
123.

convictu adeò tegebat, ut non nisi curiosi exploratores perciperent. Eà fuit legum religiosarum observantiâ, ut vel levissima quæque præterire religioni duceret: silentij præcipuè & secessus amantissimus, quem solâ caritate adactus relinquebat, ut se daret in publicum.

Vocatus est aliquando ad militem emotæ mentis, qui non videbatur solvi posse noxarum vinculis: hic Pater animi dubius, pro ægro preces ad DEUM fundere instituit: vixque desierat orare, cum ille ad se redit, conscientiam enuclearè aperit, & cum DEO bonâ fide reconciliatur. Inde mox in priorem amentiam recidit; mirum ut omnibus videretur sibi tamdiu constitisse, dum sordes animi elueret. Impegerat illi aliquando, præsentem magnâ hominum copiâ, impudens quispiam

colaphum; ad cuius pedes prostratus illico Pater, veniam petijt, si quâ re homini molestus fuisset. At ubi palmaris hæc injuria ad Vicarium Apostolicum Avenionem delata est; coëgit malefactorem culpam Patri publicè deprecari; magnoque comitatu suorum, ad Collegium Societatis eâ causâ transmisit. Id ubi advertit Pater, latebris sese recondidit; ex quibus post diurnam rotâ domoquisitionem extractus, prior ipse ad pedes hostis sui concidit, magna omnium super insolitâ Viri humilitate admiratione. Quantus verò in eo vigeret crucis, & salutis proximorum amor, ultimus in proscenio vitæ actus monstravit. Namque tenerrima lues urbem populosissimam Lugdunum anno 1628. depopulata, plures hominum centurias in dies singulos, & quidem magnam partem sinè Sacramentis



mentis absumebat, ut demum extinctorum supra 50. millia censerentur. Quorum miseratione, & salutis æternæ periculo tactus Pater, Superiores exoravit, ut unus esset ex lecto illo manipulo, cui juvandorum ægrorum provincia crederetur. In quo negotio dum supra vires, agente flagrantissimâ charitate, in opus incumbit; immensos cum socio P. Ignatio Pomponio, strenuissimo & valentissimo Operario, exhaustit labores, quorum amorem copiosa Patris misericordiarum largitas abstergebat. Profitetur enim se in eo ministerio ijs ipsis, quas in carcere Turcico pro Christo senserat maximas, liquidioribus & uberioribus spiritûs voluptatibus circumfluere. Correptus tandem unâ cum socio lue, exquisitæ patientiæ luculenta argumenta in morbo dedit, & crucis adamatæ. Nam & Chirurgum urgebat, ut emplastra ulceribus concarnata violenter revelleret, mollem vulnerum contrectationem dispendium patientiæ interpretatus: & Fratrem valetudinarij curatorem, cum alia patiendi materia deerat, impellebat; ut chartis manui suæ admotis ignem injiceret, ad qualemcunque corporis ustulationem; his illum verbis compellans: *ô mi Frater, quam bonum & suave semper aliquid pati in corpore Christi causâ, dum vivimus!* Et jam propè ad extrema ventum erat, cum fatiscientia membra vigore spiritûs sustentans, ad Collegam P. Ignatium Pomponium, morbi violentiâ planè fractum, adrepit, & ad extremam luctam ritu Catholico inunxit. Tum sublati, prout potuit, in ejusdem stratum pedibus, vicissim ad inunctionem aptavit sese, quàm à defecto viribus ægre, & magnâ difficultate, sed tamen excepit; spectaculo nescias pietatis, an commiserationis plenior, quòdque uberes lacrymas & adstantibus, & audientibus excivit. Nec ita multò post uterque inter pias ad Christum

voces, excoctum in tribulationis camino spiritum DEO reddidit, Pomponius quidem 15. alter verò 17. Octobris 1628. ætatis Francisci 50. Pomponij 29.

Hos proximè 13. Octobris antecessit, qui operam eandem decumbentibus navarat, Stephanus Col, Adjutor Societatis temporalis, Allobrox, Vir industrius, & pietate ac virtute eo exitu dignâ, annorum in Societate 4. Adjuncti & alij, horum in juvandis ægris flagrantissimæ charitatis, ac non fucatæ fortitudinis æmuli: P. Joannes Corlet, annorum 60. Concionator egregius, & 8. annorum Rector, 25. Octobris extinctus; & P. Laurentius Boutonus, facilitate morum, & vitæ religiosæ ac curatione conspicuus, 15. Novembris, annorum 33. Hi cum procul Lugduno abessent à discrimine, miseratione tacti communis calamitatis, & periclitantium de æterna salute animarum, generosè, & IGNATII filijs dignè, sanctum ægros juvandi ministerium expetierunt: & quòd imbecilliores haberentur, quàm ut possent laboribus pares esse, repulsam non semel passi, non abstinuerunt petitione, donec Lugdunum veniendi, & discrimen adeundi potestas fieret. Et habuerunt gloriosi agonis & mortis participes, quos nacti erant laborum adjutores, Franciscum Champinum, Petrum Maillet, Mauritium Laurentium, & Claudium de Chifaulx, laicos insigni religione & pietate. Felices animæ, quibus DEUS pro miseræ vitæ per paucos annos usura, quos florens adhuc ætas spondebat, immensitatem beatorum sæculorum, & sanitatem nullâ unquam invaletudine tentandam repender! Quis accessit 10. Novembris Pater Claudius Bordon, Avenionensis, annorum 54. in Societate 36. vota 4. professus, qui omnem ferè ætatem explicandis Mathefeos, Sacræ lingvæ, & Scripturæ scholis contrivit.

*Ex Nierembergij Tomo 3. & Alegambe Bibliotheca, & Theophilo Rainaudo in Mantissa de pijs Lugdunensibus non vindicatis.*

## P. JOANNES GONDINUS.

**I**ndefessus Evangelij Operarius P. Joannes Gondinus, natione Hispanus, gente Aragonius, patriâ Munebregensis, parentes habuit domi suæ honoratos & devotos: à quibus Complutum ad studia literarum missus: sub Philosophiæ terminum tantis urgeri ad Societatem stimulis cæpit, ut resistere amplius impotens, Confessarium in Collegio con-

*Societas Europæa.*

veniret, dicens: *venire se, ut admissionem inter Socios impetret; quod tamen si negetur, eò majori sibi fore gustui & solatio.* Indignatus juvenis vecordiam Sacerdos: *si tam averso animo accedis,* inquit, *ut quid postulatione tuâ nobis illudis? minimè verò,* respondet Gondinus, *sed quia non propriâ sponte & propensione illektus, sed indesinenti spiritûs impulsu coactus id facio.* Receptus igitur ad annum 1589. cum ætatis ipse ageret 20. absolutis excellen-

Eccc

ti pro-





*P. Ioannes Gondinus Soc. Iesu, Hispanus, Vir insatiabilis Zeli; in Animarum conversione atrociora quæque perpessus, et tandem maleficio magico e Vita exturbatus Toleti Anno 1629. 2. Iulij, ætat: 60*

124.

ti profectu Theologiæ studijs, Philosophiam iterum ac tertio docuit: sacram quoque Scripturam ac Theologiam explicaturus, nisi casus levissimus declarasset, quanto plus Ecclesiæ emolumenti allaturus esset in Ecclesiastica quàm in cathedra Scholastica: nam licet ingenij perspicuitate & talentis ad scholas opportunis usque ad excellentiam emergeret, nunquam tamen videbatur gratiâ saltem mediocri ad dicendum pollere: ut adeò nec unius aliquando concionis faciendæ labor à Superioribus illi imponeretur. Quare firmum omnium, qui hominem nôrant, fuit iudicium, hoc illi talentum divinitus repente fuisse infusum, ad innumerabilium animarum salutem, quas universam deinde Aragoniam sacris Expeditionibus & Missionibus per omnem viam peragrandò, cælo lucratus est.

Contigit igitur aliquando Murciæ Sacerdotem, qui carcerum curam gerebat, repentino casu impediri, quò minùs solitam ad eos concionem haberet, cujus proinde vices Gondinus à Rectore sibi impositas tanto fervore, spiritu & eloquentiâ implevit, ut in stuporem daret universos; socium maximè à quo edocti Superiores de rarissimo in hominis animæ recondito thesauro, sæpius illi copiam dicendi ad populum fecere. Ex his tam modicis initijs crevit admirabilis illa dicendi vis, ob quam meritò illum vocat Joannes Rho in sua varia historia lib: 3. c. 7. n. 7. *Fulmen violentissimum popularium concionum, impetu quodam nusquam obliquo, aut formidoloso obstantia quæque vitiorum perrumpens, & objectis terroribus impavidum. Sed contra eos præcipue, qui scelere inextinguibili Aedes DEO sacras pro-*



*profanant, implacabile gerebat bellum. Cum in illos esset invehendum, tonare, fulminare, omnia permiscere: ut quibus ille in locis agebat, letior paulatim rerum facies rediret.* Quoties ferè ad populum dicebat, gemitibus omnia & suspirijs complebantur; tantisque semper affluebat auditor; ut quia concionem Templi non caperent, proferendus non rarò in publicum ante fores, Madriti præcipuè, esset pulpitus.

Et licèt efficacissimus illi foret modus, virtutum quamlibet persuadendi, aut vitium impugnandi; summum tamen adhibebat conatum in cõmendanda generali peccatorum exomologesi, quòd ejus necessitatem longà multorum experienciã didicisset; in ijs præsertim, qui ferè hebdomadatim confitendo, nihilo inde meliores evaderent: tum etiam ut securior pœnitentibus redderetur salus, suppletis varijs confessionum particularium defectibus, præcipuè quæ de peccatis adolescentiæ peragi solent, frequenter seu defectu notitiæ, seu verecundiæ & pudore non integræ, vel serio dolore & proposito emendationis destitutæ. Quo in genere quantum fervore suo profecerit, vel ex solis ejusmodi generalibus confessionibus ab ipsomet exceptis arguere fas est, cum sinè comparatione plures in aliorum Sacerdotum aures, quos finitâ concione Auditores semper fatigabant, depositas esse dubitari non possit. Quadraginta enim annos, præter concionum labores, quotidianas pœnitentibus aures indefessè præbere solitus, fassus est; spatio annorum undecim auditas sibi esse supra decies septies mille confessiones generales: quibus si residuos 29. annos adjicias, ingens omnino evadet illarum numerus, cui si particulares exomologeses adjungas, innumerabilis propè copia excrescet. Atque hoc genus pietatis inculcandi nullam omittebat occasionem, quin & captabat perstudiosè: cùmque fortuitò contigisset transire Belmontium, potestate dicendi ad juventutem scholasticam impetratâ, tanto ardore illam exhortatus est, ut totam eam noctem cum die sequenti, audiendis Academicis de tota vita se accusantibus impendere necesse fuerit. Oropesæ verò post ejusmodi ad scholares dictionem duplici tertianâ occupatus, ubi primùm frigus caloris præviâ sustinuit; admitti libere confessuros adolescentes præcepit; audivítque non interrupto labore supra trecentos. Denique tam assiduam pœnitentibus dabat operam, ut in hoc labore noctes sæpè diebus conjungeret, negligens cibi somnique; à quo nè opprime-

*Societas Europæa.*

retur inter auscultandum, leniter interdum unà cum pœnitente inambulabat. Jam verò methodus prædicandi tota erat Evangelica, ad ferium animorum motum unicè directâ, cui DEUS vim tantam affundebat & lucem, ut effrænes in vitia adolescentes, licèt solâ curiositate auditum accederent, in liquidissimas pœnitentiæ lacrymas solveret, etiamsi nihil de hac, sed de rebus ad gaudium & jucunditatem animi conducentibus verba faceret. Sancto die Paschæ loquens de gloria redivi Salvatoris, in qua Matri visendum se præbuit, copiosum non minùs tenerrimi amoris fletum in populo concitavit, quàm dum Passionem Christi dolorosissimam exaggeraret.

Omnino constans opinio est, non habuisse hanc ætatem in Hispanijs virum, qui gravioribus, pluribúsque laboribus sit defunctus in animarum procuracione: ut nisi robustiore quadam vi cœlitus confirmaretur, nullo modo par illis esse posse crederetur: cùm aliunde complexionis esset imbecillæ, & cruorem è pectore copiosum egereret; sæpiùs indè in vitæ discrimen adductus: apparebátque illum à Divina Justitia in suum præconem electum, ut peccatoribus scelera illorù ob oculos poneret, impellerétque ad seriam illorum expiationem. Atque hoc ille præstabat intrepido constantique zelo, insectando verbis gravissimis quælibet vitia, nihilipendens Nobilium quorundam & potentium iras, suique persecutores: quem honoris Divini zelum quantopere cœlum approbaret, prodidère radij ab ore dicentis magno splendore dimanare visi. Hoc autem animos unicè movendi studium censebat ità Concionatoribus necessarium; ut si eo neglecto ad captandas & mulcendas aures deflecterent, crederet periculum damnationis æternæ sibi accersere; haberétque pro reprobationis signo, si Concionator applausu populari contentus, vitia emendare & castigare supersederet. Ut plurimùm diebus singulis, præsertim Missionum tempore, dicebat per diem bis terve, sermone ad tres & quatuor horas protracto: reliquum verò tempus omne pœnitentibus dabat audiendis, ante & post concionem, eadem semper hominum frequentia, seu dies festus esset, seu ferialis. Bellum illi implacabile adversus comædias, choreas minùs quàm par erat pudicas, & profanas vestium novitates, atque omnes hominum periculis obnoxias promiscuè congressiones: in qua causa multo omnino tulit fecitque, sudavit & alsit. Ad hæc excurrebat ad custodias & nosocomia, ad ludos elementariorum, & omnibus suam

*Eccc 2*

*operam.*



operam ad propriam salutem ingerebat, exibat ad pagos & oppida circumposita, & nullo frigoris æstusve discrimine discurrebat. Semper de DEO rebûsque Divinis, publicè, privatim, quovis cum genere hominum, in domibus, compitis, & vijs publicis tractabat, suavitate facillimâ, quâ animos omnium ad virtutis amorem, ceu quadam contagione rapiebat: Fidem propemodum excedit, quantam frugem expeditissimo genere mortalium, aurigarum, agazonum, pastorum, naviculariorum, cauponum collegerit; nullam enim hominum sortem refugiebat, pari comitate & humilitate erga infimos utens, quâ in sumos. In triremibus ad classarios & nautas excolendos sæpius divertens, eâ dexteritate & affabilitate hoc genus hominum profligatorum tractabat, ut noctu diûque labore continuato nemo remaneret inexpectatus. Utque morum emendatio introducta ætatem ferret, in quovis navigio sodalitatem fundabat sub cura Capellani, ad impediendas blasphemias & juramenta, & ad eliciendum quotidie post Litanias publicè recitatas actum contritionis. Iter agenti in suis expeditionibus, si fortè occurrerent per campos bubulci, aratores, vel pastores, relicto tramite illico ijs se adjungebat, agebatque prolixè, nulla prosequendi itineris curâ, si opus foret horis pluribus, non raro noctes integras in tugurijs cum ipsis transigens, dum singuli expiarentur. Diverterant in eodem aliquando hospitio (quod sæpius aliàs accidebat) præter peregrinos, plures 20. ejus regionis prædones, cœperantque inter cænandum cum mulierculis obscæna quædam tractare: Pater honoris Divini zelo incitatus, svaviter primùm eos alloqui, tum concitato fervore turpitudines ejusmodi ita exaggerare, ut omnes salubri terrore concussi, noctem illam in peccatis totius vitæ eluendis consumpserint, alij penitus à se, primo manè singuli in suas domos digressi.

Nec minor ex ejus consortio redundabat fructus in Missionum socios, quos eâ causâ alios atque alios illi addebant Superiores; nam eundem paucis diebus hauriebant spiritum, & in animarum lucra exardescences, evadebant in Viros planè Apostolicos, viribus ad id ministerium etiam miraculosè auctis. Sanè P. Joannes Martinez de Bilbao cum per complures studiorum annos valetudine esset adeo prostratâ, ut neque illis debitè intendere, neque ulli Societatis muneri idoneè impendi posse videretur; à suscepto Sacerdotio, comes Patri ad unam peregrinationem additus, paucis diebus exemplis illius incitatus, æmu-

lari zelum capit; & in alium penitus hominem mutatus, non solum vires corporis integras recepit, sed animo etiam in salutem animarum succensus, omnes quibuscum ageret simili ardore complebat, exitu prorsus glorioso coronatus. Exoratâ namque in Insulas Philippinas Missionem, cum eâ classe discederet, quæ in ipso Hispaniæ portu naufragio interiit, nullo negotio, si vellet, mortem effugere potens, vitam illi posthabuit, nè confessionis expertes classarij interirent. Jamverò in tanta exempla verborumque Gondini efficacia, si qui fortè obstinatè perversis moribus inhærent, severa DEI vindicis manus compellebat vel suo malo edoctos obtemperare. Anno 1613. Murciæ summâ vi pro concione in profana spectacula detonante Patre (quibus commodius repræsentandis domum publicam cives construxerant) contigit ponè ipsam Templi januam comædiæ actores transire; horum impudentiâ concitatus ad zelandum honorem DEI, imminentem populo atrocem à DEO pœnam comminatus est, quam in ea ipsa domo spectatores magno suo detrimento essent experturi. Biduo post nihilominus ingens hominum multitudo ad spectaculum primâ vice agendum conveniens, theatra omnia occupavit; & ecce improvisâ ruinâ quartum ex ijs subsidens, plurimos mortalium oppressit, quosdam penitus enectos, quosdam miserrimè collisos & mutilatos. Accurrit excitus publico tumultu cum aliquot Sacerdotibus Gondinus, si quam morientibus opem afferre posset: quem interim fugitiva plebs magnis per compita clamoribus sanctum & Prophetam acclamabat, suam condemnans temeritatem, cui tam aperte DEI vindictam prænuncianti fidem abnuisset.

Felicior fuit vates Nobili cuidam in civitate Huete, à sæculi vitijs mirabiliter unâ suarum concionum abstracto, cujus in proposito melioris vitæ constantiam impensè DEO commendare solebat. Huic die quodam mox à peracto Sacrificio factus obvijs, spectabili DEI afflatu asseveranter prædixit: *vide sis in sanctiore instituto perseveres, & ad Virtutis culmen enitârîs, siquidem ante lapsum biennium fiet ut ex hac vita evoceris.* Tam insperato nuncio conturbatum vehementer conatus est Pater excitare ad desiderium æternorum: cum post unius & dimidij anni moram ægritudo hominem occupat, quam sibi fatalem fore constanter amicus asseverabat, quod ita Gondinus prædixisset. Verùm placuit DEO ad majorem fidem vaticinio servi sui



sui adstruendam ita constituere, ut infirmitas, quâ ad mortis confinia adductus jam videbatur, magnis remitteret decrementis, planèque consanuisse videretur; familiarium quibusdam etiam falsitatem in prædicatione Patris arguentibus. Perstabat nihilominus constans in sententia æger, quod necdum biennij tempus excurrisset: cum paucis hebdomadis subito revalescens malum hominem ad lectulum rejecit, magnâque voluntatis cum Divina cõformatione morientem è vivis sustulit. Peroranti aliquando ad populum, obstrèpebat è nobilitate impudens leno, ad Templi fores importunis alloquijs & officijs mulieres ingredientes observando; & quia Pater injuriæ loco sacro irrogatæ impatiens, libero zelo peccantem è pulpito reprehenderat, tantâ miser exarserit iracundiâ, ut ferro dedecus ulcisci statuerit. Itaque domum à concione repentem ex insidijs opperiens, districto ense invadere parabat; sed Pater ruentem in se advertens, intrepidâ severitate alloquitur: *heus tu, inquit, intelligisne Ministrum DEI me esse & Sacerdotem?* eâ voce veluti tonitru stupefactus Nobilis, in genua procidens, veniamque sceleri flagitans manum osculo petijt, & domum officiosè deducto totius vitæ peccatorum telam magno dolore retexit. Paremi effectum sortita est Madriti reprehensio immoderati cultûs & ornatûs, cui fortuito intervenerat Templum ingressa Matrona Aulica, superbissimè ad omnem luxum exulta: licet enim muliebri furore multa in Patrem à concione evomeret; ipse tamen constanti libertate ad illam conversus: *nescis, inquit, te inferni titiõnem esse, & laqueum diaboli ad animas capiendas? scito ergo graves DEO penas daturam; nisi dementiam tuam agnoscas, & seriâ penitudine eluas.* Valuit acris castigatio ad fæminam ita in vestigio immutandam; ut pedibus Patris accidens emendationem sponderet, & confessione peractâ mundum omnè muliebrem abjiceret, facta matronis omnibus exemplar modestiæ. Aliàs cum ibidem ad populum diceret, vir nobilis magno strepitu risûque Templum ingrediebatur: quod injuriam DEO sacrique loci interpretatus Ecclesiastes, orationem in damnabiles ejusmodi abusus convertit. Æstuabat intra se, variisque affectibus interim movebatur reus, deliberans quid potissimùm in tanta sui infamia agendum foret, nisi DEUS mentem saniozem furenti injecisset. Secutus enim vestigia Patris nè ab Collegij Janitore adverteretur, latebat ad januam; quem cubiculo suo appropinquare advertens Gondinus, licet vim extre-

mam metueret socius, ingredi jussit. Hic ille pœnitundine intimâ humi procumbens: *entibi me Pater, inquit, jube facere quod vis, totum enim me tuis imperijs subjicio. Fac me bonum Christianum, & deduc ad semitam salutis: & cum vulneribus plagisque innumeris sim saucius, medicinam adhibe; eò enim adveni.*

Nimirum lingua dicentis non tam erat interpret suorum conceptuum, quàm instrumentum spiritûs Divini per eum loquentis: id quod clarissimè Compluti in una concione patuit. Ascendebat pulpitem acceptâ jam de more Episcopi benedictione, dicturus concionem, quam super sententiam Evangelij præsentis Dominicæ diligenti studio elucubrârat; cum ingenti impulsu moveri se in animo sensit ad aliud argumentum tractandum, quod nullatenus præcogitârat. Et quia fortior erat instinctus, quàm ut resisti posset; dixit fervore insolito contra obstinatos, & stultâ verecundiâ peccata in Sacramento Pœnitentiæ reticentes. Patuit verò multis modis continuè impulsus fuisse spiritûs sancti: siquidem à Templo digredientem secutus quidam, cum lacrymis audiri expetijt, utpotè multos annos de gravissimis sceleribus impœnitens, itaque obstinatus; ut inferni tormenta confessionis difficultati præligeret. Illi secuti sunt innumeri per eos dies, peccata vitæ totius enumerantes, quorum brevi tempore supra 500. expiavit ipse, multoque majore numero obruti fuere Collegij omnes, ac plures alij in Urbe Sacerdotes. Singularis etiam prodigij eventus fuit in adolescente Academico ejus Universitatis: hic cæcâ libidine abreptus, multo tempore fæminam ad flagitium sollicitabat, donec casu felici concionem Patris auscultans, intimo ex ea dolore commotus, peccata eidem est confessus, firmissimè certus nunquam illius personæ ædes, nunquam oculos subire. Accidit interim, ut amicum familiariter invisenti, mulier infelix improvisa adesset; è cujus aspectu in priorem subito concupiscentiam exardescens, totus occasione imminebat cupidinis explendæ. Ità in exitum ruenti adest repentè visibilis DEI servus, vultu irato & terrifico; ut fateretur adolescens, magis ejus aspectu se consternatum, quàm si apertum ante oculos dehiscente tellure Orcum vidisset. Quare è manibus mulierculæ subito elapsus, ut dæmonis pariter potestatem effugeret, Collegium præcipiti cursu petijt, scelûsque Patri confessus, firmiori ad constantiam proposito animum defixit. Quo tempore Missionis exercitia magno animarum proventu obibat Argandæ, contigie



Virum probum nocte domum suam repetentem, & Rosariò Virgini recitandò per viam occupatum, ab hoste invadi, duobusque pugionis ictibus impeti, qui tamen DEIPARÆ patrocínio ultra perfossam chlamydem non penetrarant. Sicario interim profugienti, ut primùm conclave suum attigit, apparet Gondinus acerbissimè facinoris atrocitatem exprobrans; cuius efficaciam commotus, totam eam noctem in lacrymis exegit, primòque manè læsò reconciliatò, conscientiam apud Patrem expiavit. Nec minùs opportunè adfuit ibidem parenti in filiam, ob quasdam levitates, districtà sicà ruenti; quam educto in latum brachio cum vibraret, sensit id sibi occultà vi detineri, ut in ictum demitti non posset. Dum attonitus hæret, dum auctorem circumspicit, neminemque apparere miratur, audit sibi voce Gondini inculcari sententiam quandam, eodem die in concione prolata: quàm conterritus, & ipse iram posuit, & puella modestiam edocta, etiam Religiosam vitam in Parthenone complexa est.

Jam verò qui in animi morbos tantum posuit, non minore virtute in malis à corpore depellendis divinitus fuit præditus. Nam & febris maligna è mentis potestate dejectum, solius reliquæ S. IGNATII applicatione, illi rationi simul & plenæ valetudini restituit: idemque illi remedium suffecit ad duplicem tertianam à pia vidua momento exigendam. Fuit & alius lethali vulnere per latera transfixus, quo respiratio anhelantis ita potenter efflabatur, ut extinguendæ candelæ, dum fortè admooveretur, sufficeret. Et tamen evocatus primò manè ad moribundum Gondinus; præter morem, nullo præditus negotio (ut videlicet patentius esset prodigium) distulit ad vesperum usque, licet sæpius per diem admonitus hominem in extremis versari, & quidem inimico necdum reconciliatum. Igitur sub crepusculum adveniens, hominem cum morte luctantem reperit; conatusque in spem vitæ à DEO prorogandæ erigere, eadem reliquiâ hianti vulnere admotâ, adstantes DEO supplices fieri pro sanitate ægroti iussit. Mirum dictu! continuò æger receptâ loquelâ, doloris penitus expertem se professus, noctem illam quietissimè dormivit, & primo manè expectatus, coaluisse omnino vulnus, & vires integrè restitutas deprehendit, ut mox lectulo consurgere, DEOq; in Ecclesia grates reddere posset. Singularis namque, & planè filialis erat Gondino in S. IGNATIUM fiducia, quem in adversis & difficultatibus omnibus auxilio implorabat: eâ vicissim pieta-

te in tutelam à sancto receptus, ut cum laborante affligi, cum oppresso premi, ejusque dolores tanquam proprios ferre videri posset. Servabatur Munnebregæ; patriâ Gondini, in Templi Sacratio (ubi etiam baptismo ablutus est) IGNATII effigies: hæc igitur quoties Gondinum adversis exerceri, patique molestias contingeret, toties & ipsa largo sudore, perfundi, quasi pro dilecto in agone certaret, viscebatur. Multa enim fuere & atrocitas, quæ pati Gondinum ab adversarijs, maledicorum præcipuè lingvis, necesse fuit; à quibus traducebatur veluti impostor, seductor animarum, & de hæresi ob novitatem doctrinæ suspectus, quàm generales exomologeses tantopere prædicaret, quasi particulares semel Sacerdoti factæ minimè ad salutem sufficerent. Atque hæc non de vulgo tantum plebeij spargebant; sed viri etiam ex omni ordine doctissimi, à sapientiâ & virtute clari: ut re ipsâ experiretur effectum minarum, quas illi dæmon tot suis damnis irritatus intentaverat, effecturum se, ut mortalibus omnibus esset odibilis & execrabilis.

Verum longè fuit major illorum numerus, qui de Viro conatibus & zelo sanctius opinarentur, præsertim ubi in Concionatorem Aulæ Regalis Madriti assumptus, brevi tempore aliam penitus faciem illi induxit: idèq; tuendum suscepere præter principes utriusq; Reipublicæ, specialiter Clerus Murciensis & Placentinus. Observabant enim in Viro non tantum fructus admirabiles, quos in hominum animis concionibus suis efficiebat; sed multò magis virtutum heroicarum excellentiam, à quibus efficacitatem trahebant ejus ministeria. Fuit enim vitæ cum primis inculpatæ, castigatissimæ conscientia, & Religiosi Instituti observantiâ præcipuâ, atque adeò sanctimoniam notâ clarissimus. Quotidianas labeculas quotidianâ confessione tergebat, veritus, ut ajebat, nè suis malefactis animarum negotium corrumpere: adeò vel levissimi peccati umbrâ fugitans; ut diceret, metuere se, si vel unam è Regulis Societatis, quæ sunt de observanda modestia, scienter violaret, nè à DEO abjectus disperiret. Virtutis ejus alimentum erat jugis oratio, cujus studium licet nullis occupationibus interrumpere retur, quidquid tamen nanciscebatur otij, id omne in tractatione cum solo DEO transigebat: noctium præcipuè tempora, unde quaquâ noctis horâ illum convenisses, coram Crucifixi Servatoris imagine, quam unicam habebat supellectilem, deprecantem invenisses. Orationi comes mortificatio ad parem modum



modum accedebat, quotidiana verberatio, & fetoræ vestis quasi perpetua gestatio: somnus exiguus in duro asserere, vel tabula, citra ullum stratum aut tegimen: cibus parcissimus, & pauperibus communis: vestitus plerumque detritus, cui supplendo nullum unquam ab externis subsidium admisit. Hac sui tractatione fovebat Angelicam illam puritatem, quâ sanctitatis existimationem passim colligebat; quam ipsam non rarò admirabilibus supra naturæ conditionem eventis DEUS firmabat. Laborum sitientissimus, nihil unquam commodis suis aut quieti indulgebat, etiam cum pedibus vix insisteret. Ità Oropesæ duplici tertianâ emaciatus, ut solis ossibus pelle contactis constare videretur, neque vel passum suis viribus promoveri posset; inferri nihilominus Templo voluit, probaturus num pedibus in pulpito niti, diceréque ad multitudinem liceret: & cum naturæ vires nullatenus ad id sufficerent; DEUS tamen quasi prodigiosè tantum roboris adjecit, ut horam integram solito fervore dicendo superaret. Placentiam verò ad Quadragesimæ conciones habendas invitatus, nihil debilitatem virium, & corporis imbecillitatem moratus, laborem aggressus est; sed nimirum in prima Cinerum concione fractus concidit, alienis manibus pulpito elatus.

Sed ut admirère Divina judicia, & in servorum suorum laboribus justâ mercede donandis miram DEI dispensationem; Virum hunc per tot Apostolicæ virtutis insignia exercitum, tot animarum spolijs gloriosum, tanto Divini honoris proferendi studio nobilitatum, inglorio ad speciem sine voluit occumbere, & stellam hanc fulgentissimam quasi sub signaculo claudere. Acceptis utcumque viribus, Missionis exercitia prosequabatur in urbe Huete, cum literas accipit à Patre Portocarrero, quibus ad similem Missionem adeundam Estremaduræ evocabatur. Excusavit Pater fructuum prætersâ copiam, quos latè per eam viciniam cœlo colligeret: & nihilominus ad negotium DEO in oratione commendandum versus, videt dæmonem ultimum sibi exitium minitantem, si Estremaduram procederet. Sufficit id DEI servo, ut continuè Estremaduram se conferret, ad gloriam DEI provehendam, quam tantopere dæmoni invisam cernebat, esto vita ponenda in glorioso conatu foret. Præcipuus advenam excepit labor cum aliquot personis, dæmonis commercio & magicis artibus intricatis, quibus ab urbe exilium cum ab Senatu extorsisset, implacabile scilicet odium incurrit, ab u-

na illarum carmine magico, DEI permisso intoxicatus. Itaque laterum continuis lacerationibus vellicatus, discerpi sibi canum moribus videbatur; Placentiam idcirco curandæ valetudini remissus, ubi insuper de mentis potestate maleficio deturbatus, tritissimum de se omnibus dedit spectaculum: adeò tristibus phantasijis exagitatus, ut sua unius peccata omnium malorum Societatis & Ecclesiæ causam esse crederet: imò certam perniciem utrique imminere, nisi ipse mali omnis origo de medio tolleretur. Atque hæc rabies eò processit, ut nocte quadam violentas sibi manus inferre molitus, grande vulnus infligeret, è quo manantem largè sanguinem conspicatus, ô! mira DEI è malis optima elicientis judicia! sibi illico ab exerrantis animi æstu restitutus, vehementer, quid in se ipse designasset, admiratus est; ratusque periculum vitæ adesse, Sacramentis omnibus muniri expetit. Reliquum noctis, totumque Placentiæ productionis morbi tempus, admirabili patientiâ, æquanimirate, & voluntatis cum DEO conformitate, quietè transegit; cujus etiam solius ope ( ità constanter fatentibus Medicis & Chirurgis ) paucis diebus non sinè prodigio vulnus lethale coaluit. Verùm revalescente mentis intemperie, Toletum ad Domum Professorum translatus, si fortè cœli mutatio plenam sanitatem afferret, nullis non fovère medicamentis Superiores; quibus tantum id effectum est, ut pharmacis defatigatus, nullum cibi genus appeteret, admitteret: atque ità inedia extabuit, nullius præter Extremam unctionem capax Sacramenti, die 2. Julij anno 1629. ætatis 60. Professionis quatuor votorum 20.

Hic exitus magni hujus servi DEI, qualem per omnem vitam à DEO expetit, ut morte tolleretur in oculis mortalium despicabili, nullusque sui honor aut memoria postfata haberetur. Id quod Divinæ pietati, cujus judicia sunt abyssus multa, minimè insvetum est, dum non rarò viros sanctitate fulgentissimos, exitu ad speciem horrifico ad æternitatem evocat, ut mortalibus nescientibus judicare nisi juxta ea quæ apparent, æstimeretur finis eorum non tantum sinè honore, sed etiam cum dedecore, perditionis æternæ præfago. Sic excellentissimum Ascetam, vitæq; spiritualis Magistrum, Joannem Taulerum, ex ordine Prædicatorum, insigni sanctitate conspicuum, sub vitæ terminum exagitari permisit teterrimis dæmonum larvis, à quibus insummas conscientiæ reductus angustias, ea ostendit tristissimis ejulatibus, distorsionibus,

animi



animi afflictissimi signa; ut Fratribus Religiosis adstantibus horrore & commiserationi esset. Et tamen illico à morte comparens personæ DEO addictissimæ, dixit animam suam corpore solutam, manibus Angelorum fuisse, mox ad cælum translata: quod horrores illi & angustia mortiferæ, pro pœnis in Purgatorio luendis sibi misericorditer à DEO essent immixtæ. Sic etiam Virum sanctissimum è numero Styliarum, fulmine de cælo imisso interfecit, cujus tamen animam vidit sanctus Abbas Julianus ab Angelis in cælum deduci.

Et quàm multi Sanctorum censentur

*Ex Nierembergij Tomo 4. & vita illius P. Alphonfi de Ezqueria.*

morte improvisâ & subitanæ, sinè ullis Sacramentis extincti? sanctus Severinus in transitu fluminis repente submersus: sanctus Agathonius à Leonibus, S. Belinus à canibus discepti: S. Gereon Archi-Episcopus vivus in tumulo, quod mortuus crederetur, sepultus. Nimirum veris & ferventibus DEI servis mors nulla est improvisa & subitanea, sed in conspectu Domini æquè pretiosa, licet in mortalibus æstimeretur afflictio exitus illorum, & quod à nobis est iter exterminium; siquidem justus etiam si morte præoccupatus fuërit, in refrigerio erit. Sap: 3.

## P. LUDOVICUS BOUILLET cum alijs 22.




**T**ertium jam annum per Galliam grassabatur pestilentia, fortiter in eam pro miserorum salute decertantibus socijs, ex ipsa clade victoriam cum spolijs animarum reportantibus. Agebat tunc Montilij P. Ludovic, Bouillet, domo Chardensis, ex Diocesi Augusto-Dunensi, aënos jam aliquot Montilij commoratus, Catholicis amoris juxta atque hæreticis terrori, ob egregiam concionum suarum efficaciam & fructum. Igitur anno 1630. resuscitata repente ibidem peste, cum furenter sæviret, socium ad suburbana ægris recipiendis tabernacula futurum eis auxilio ablegavit, ipse sibi solandam solus Urbem, alijs vel dilapsis, vel jam peste interemptis, vendicavit, factus omnibus omnia, Parochus, Concionator, Infirmarius: quærere eleemosynas, medicinas, omnia ipse partiri, ipse applicare; bis in die, in summa illa Sacrorum necessitate, celebrare, baptizare infantes, emortuos humare, omnibus Sacramentis quavis in necessitate adesse. Incedebat per Urbem, alterâ manu Christi de cruce pendentis effigiem, alterâ candidam virgam præportans, ad se versum venientibus in cautelam periculi, quod de via tantisper, dum præteriret, decederent. Interim amabili vultus serenitate, & blandâ allocutione recreare & erigere universos, & Cives vicissim illum Patrem Patriæ, suæque Urbis unicum solatium appellare: ipsis tunc adeo hæreticis in eum propensis; gestientem etiam pro illis animam ponere, præsto semper atque in procinctu illos, quoties admitterent, laborantes adire. Sed Monialibus præcipuè, temporibus adeo asperis, omni destitutis auxilio opitulatus est: itaque recreabat inopes illas, & quoslibet alios à fortuna-

afflictos, ut de illo passim usurparetur illud: *tibi derelictus est pauper, orphano tu eris adjutor.* Hæc illum maximè agentem die 10. Februarij pestis invasit, contagione venenati halitus, quam hausit à persona, quum ægrum solaretur, audirétque confitentem. Visa est universa in eo Civitas ægrotare, neque omnium quisquam fuit, qui non cupidè suppeditaret quidquid ad ejus curationem salutemque pertineret. Tanta verò contra gaudij ille dedit signa, quod pestilentia, quod in opere charitatis, quod in Societate vitam poneret, ut paulò ante redditum DEO spiritum scripserit ad P. Stephanum Binet Præpositum Provinciale, indignum se esse, qui tot peccatorum reus tali in causa, in Apostolico illo ministerio animam poneret. Cujus suæ generosæ hilaritatis pietatisque ea præbebat argumenta, ut adstantibus eliceret lacrymas, qui ad servitium & opem illi præsto erant. Affidue Christi Crucifixi signum ori, capiti, cordi apprimere & dissuaviari; admirabili tolerantia febrim vehementissimam quatrinduo pati, donec Sacramentis præmunitus tranquillissimè conquievit 16. Februarij, aënos natus 41. in Societate 25. septimo nuncupatæ 4. votorum professionis. Funus mirâ doloris atque amoris significatione ab omnibus ordinibus celebratum est. Illum obitu suo in eodem charitatis erga Montilienses officio prævertit, in Januario sublatus P. Ignatius Martgnac, patriâ Sebusianus, annorum 44. in Societate 22.

In eodem charitatis Exercitio per annum superiorem Biterris vitâ expensâ Joannes Laqueille, ipsas Calendas Januarias hujus anni 1630. invidendâ morte suâ consecravit, & vitam reliquis prævit ad cælum; gente Vasco, annorum 28. in Societate 7. Illum magno nume-





P. Ludovicus Bovillet S.I. Gallus, cum Socys 22  
 omni ope, per Galliam peste laborantibus, subveniens,  
 eodem malo correptus emoritur Montili 16 Feb:  
 Anno 1630. Aetatis 41. ~

125.

numero per eadem charitatis vestigia diversis  
 in Gallia locis secuti sunt, Avenione 18. Ja-  
 nuarij Gabriel Goussel, domo Lonchensis in  
 Claromontana Diœcesi, annorum viginti duo-  
 rum adhuc Tyro in Societate; P. Antonius  
 Fournier, ibidem 23. Martij, Valentia Galliae  
 oriundus, annorum 39. in Societate 22. Jo-  
 annes Journay ibid: 25. Aprilis, Belga, Va-  
 lencianis oppido Hannoniae ortus, annorum  
 24. in Societate 3. Aquis-Sextijs 31. Januar:  
 P. Joannes Regnerius, Lingoniensis, annorum  
 42. Societatis 24. professus quatuor votorum.  
 Cadomi 3. Julij Stephanus Camus Aurelia-  
 nensis, Scholasticus Tyro; 21. aſtorum, in So-  
 cietate 2. P. Robertus Lignier ibidem 4. Ju-  
 lij Calvomontanus, annorum 44. Societatis  
 24. Eodẽmque die & loco Rénatus Codret-  
 tus, Scholasticus, Parisiensis. annorum 22. in  
*Societas Europæa.*

Societate 6. Ebreduni ex septem sponte ca-  
 dentibus victimis, primus 15. Julij occubuit  
 P. Antonius de Digne, patriâ Dignensis annor:  
 55. Societatis 30. quatuor vota professus ab  
 annis 16. Viri Apostolici nomen jure prome-  
 ritus, cui laborum pro Christo cupidissimo,  
 inexhausta fuit animarum sitis, nec sexcentis  
 quidem, iisq; laboriosissimis expeditioni-  
 bus saturanda. Ardentiſſimè cùm expetiſſe-  
 set peste laborantibus ex usu esse, paucis die-  
 bus eo in opere, ut erat præfervidus sui que  
 negligens, pestem mortemque gaudens exe-  
 cutus est. Eodẽmque die socium uti labo-  
 rum, ita & præmiorum futurum, secum tra-  
 xit, Ignatium Fondora. Ibidem 15. Augusti  
 decessit P. Petrus Jorna, Regiensis, annorum  
 44. in Societate 27. Coadjutor spiritualis; hic  
 cùm rem Collegij familiarem naviter procu-  
 raret,

FFF



raret, magnâ prudentiâ & salutis animarum conjuncto studio, videns universam Urbem pestilentia urgeri, mox & ipse subsidiarius accurrit, brevique sed exquisito labore cœlum mercatus est. At dies 24. Augusti, duos sibi simul Patrum Adjutores vendicavit, Petrum Badel, Ministrolensem è Diœcesi Aniciensi, annorum 63. in Societate 41. Et Andream Odo, ex Delphinatu ortum, annorum 42. in Societate 22. Venerat tunc eodem Lugduno Philosophiam explicaturus P. Petrus Allier, itidem Delphinus, annos natus 35. Societatis 16. cum laborare contagio conspiciatus Urbem, statuit illi opem abs se quoque ferendam esse; quo in conatu vitam gloriosè amisit 29. Augusti. Ultimus verò eandem posuit 1. Septembris Joannes du Bois, Lotharingus è Tullensi Diœcesi, annorum 30. in Societate 4. Coadjutor temporalis. Pigneroli quoque inter auxilia pestiferorum eodem anno die 20. Julij cecidit P. Gerardinus Pensa, Lugdunensis, Coadjutor spiritualis, annorum 56. in Societate 36. homo Apostolici fer-

*Ex Alegambe Victimis Charitatis.*

## P. HYACINTHUS GRILLUS cum alijs 18.



Enuâ nobili loco natus P. Hyacinthus, in Parmensi Nobilium Collegio literas mansuetiores condidit, indeque Novellariam ad Societatis Tyrocinium transmissus, illud præclarâ virtutis commendatione absolvit. Placentiam subinde ad retractanda Rhetoricæ præcepta destinatus, tantis ea in Facultate progressibus excelluit, ut eam illa ipsa in Urbe, post triennis Philosophiæ Parmæ emensum studium, quatuor ipsos annos egregia cum laude docuerit; nisi quòd ejus amœnitate disciplinæ impensius oblectari visus, & inanis nescio quid elegantiae consecrari, timori Superioribus fuerit, nè eloquentiam suam atque abundantiam ingenij, quaestui magis inanis fictæq; laudis, quàm saluti mortalium & gloriæ Divinæ promovendæ adhiberet. De quo à Superioribus commonitus, ut erat indole planè facillimâ atque optimæ mentis, animum continuè traduxit in partem alteram: & cum ad studia Theologica Parmam venisset, ibi ad omnem sese modestiam composuit. Nihil illo demissius, nihil sui despicientiæ, pietatis, Divinæ gloriæ, hominumque procurandæ salutis studiosius. Vincitorum custodias, ægrotorum hospitales domos, quidquid dierum à scholis vacuum

voris, qui duplici in peste afflictis deservivit, mortis in hac causa obeundæ avidissimus. Et mox, 22. ejusdem P. Dominicus Giriot, Pedemontanus annorum 31. in Societate 12. Gratianopoli 22. Augusti morti cessit P. Carolus de la Croix, Nemausij natus annos 46. in Societate 25. 4. votorum professus. Navavit prius aliquamdiu suam industriam Melinæ præstrenuè militibus suæ gentis, unde rediit in Galliam, renavavit eandem fatiscentibus ex lue in nosocomio, pulchram exinde mortem consecutus. Camberij 14. Sept: vixit Antonius Everardus, Allobrox Montecalyensis, annorum 65. in Societate 43. Et P. Enemundus Moreau, Divionensis 29. Nov: annorum 60. in Societate 34. Tertius verò 30. Novembris P. Joannes Bertrandus, ex opido S. Joannis in Diœcesi Maurianensi, annorum 37. in Societate 22. vota quatuor professus. Ultimus tandem hunc annum conclusit Tolosæ 9. Octobris P. Joannes Malicensius, domo Sanctonienensis annorum 55. in Societate 28.

esset, invisere, fontes ad supplicia comitari, monitis erigere, opitulari omnibus: donec sacris initiato impositum est conciones Parmæ ad S. Rochi habere, quas ille ingenti ardore suscepit, ut nihil exquisitis & compositis ad artem verbis, sed effervescentis animi affluentia suppeditis uteretur ad populum, eumque suis ardoribus niteretur incendere. Instabat ille jam pridem magnis apud Præpositum Generalem flagitationibus pro Missione inter Infideles aut Indos, ut nunquam animum à præcellis his cogitationibus deduceret: quæ ejus desideria dum interim ancipiti Romæ deliberatione digeruntur, & Hyacinthus Placentiam translatus secundâ multitudine concionatur; ecce Parmam dirum in modum lue vastari, & sociorum non paucos ultro morti ob charitatem auctoratos esse perfertur. Cum hoc nuncio quasi quædam indè flamma delata esset, sic insolito ardore correptus est, ut illico abeundi, suamque miseris extremo illo articulo operam impendendi, à Provinciali P. Marco Garzonio flagitaret: quamvis illo quidem cunctante, sed demum lacrymâ atque infimis precibus, cum ad Patris ille pedes quater se abjecisset, obtestareturque, nè se præsentissimâ salutis occasione, quam aliàs fortè nunquam adipisci posset, frustratum iret; tandem evictò, facultatem





P. Hyacinthus Grillus, S. I. Italus, favâ lue  
 Parmam depopulante, operam suam magnâ  
 charitate, Civium salutî cum is Socijs addicens,  
 eâdem contractâ extinctus 22. May A1630. atâ 34  
 126.

tem impetravit. Nec mora, socijs ut quisq;  
 obviam se ferret, arcto complexu valere jus-  
 sis, Parmam advolat, ardens animi, ac fronte  
 oculisque charitatem spirans. Sed nè ardore  
 peccaret, paululùm refrigeratus est impro-  
 visò in ipso Collegij ingressu spectaculò, cum  
 sociorum unum in sandapila ad sepulturam  
 compositum; alterum ex eadem lue expiran-  
 tem; ac tertium supremis ad agonem Sacra-  
 mentis muniri offendit. Percussus enim ali-  
 quantùm, dicere auditus est: *non cogitaveram*  
*cælum adeò esse vicinum: sed macte anime! mo-*  
*riamur victima charitati!* simulque exorato  
 Rectore, eâdem ipsâ nocte domesticum in-  
 Valerudinarium ad peste contactos divertit,  
 nè vel unam noctem extra terrestrem, ut aje-  
 bat, paradisum ageret. Mox ad ægros foras  
 digressus, totâmq; perlustrans Urbem, in-  
*Societas Europæa.*

credibili animi corporisque contentione sin-  
 gulorum necessitatibus superimpendi, omnes  
 cælo inferere velle videbatur. Abierant jam  
 aliquot dies in medio mortium incolumi, cum  
 ignotû in senem habitu Sacerdotali, sed toto  
 vultu majus aliquid humano præferentem, in-  
 cidit in ponte Parmensi: à quo blandè roga-  
 tus, ecquid rei agat? decumbentibus è lue,  
 quæ Sacerdotis essent officia se præstare, re-  
 spondit. Cui alter, id enimverò gratissimum  
 DEO esse holocaustum, à quo propediem  
 mercedem laboris accepturus esset; pergeret  
 porrò alacriter, ac unâ se ad moriendum com-  
 pararet. His dictis digredientem cum illico  
 Hyacinthus reflexis oculis, ut suum vatem  
 curiosius agnosceret, quævisisset; jam ille vi-  
 deri desierat, neque à quoquam quid hominis  
 fuisset, resciri unquam potuit. Vaticinio ta-  
 men

Ffff z



men plena fides stetit; nam die postero, eodémque Dominico Pentecostes, cum inter litandum ad offerendum ex ritu Hostiam DEO venisset, ingenti perturbatione stomachi coactus est Sacro abstinere, & mysticos amictus jam peste contactus, exuere. Quantis illi, tum gaudijs ex vicinitate beatitudinis exultarit, quis queat verbis exprimere? continuo Rectorem, sed non nisi eminens, in conspectum accersere, coram eò provolvi in genua, sibi in cœlum jamjam abeunti ut benè precetur flagitare, noxarum veniam ab omnibus in illo socijs deposcere cum lacrymis; cum neque Rector præter lacrymas quidquam posset reponere. Sic demum Hyacinthus acerbissimis tridui doloribus excruciat, sed animo mirè tranquillo in cœlum emigravit, quando paucis à morte diebus potestas ab Roma illi advenit, migrandi ad infidelium conversionem in Æthiopiam. Decessit anno 1630. ætatis 34. die 22. Maij.

Magnus eum in sancto hoc opere consecratus est Parmensium sociorum numerus, quibus exhibita moribundis suprema charitas mortem attraxit. P. Venustus Roberti, Parmensis, ætate sexagenarius, tria vota solennia professus, inter primam audiendam pestiferi confessionem hausta lue, quatrduo animam egit die 4. Maij. Quem biduo post secutus est P. Dominicus Collesantus, domo Balneoregionensis, annorum 43. in Societate 23. è numero Coadjutorum Spiritualium; hic primus omnium sejungi à domo ad ægrorum levationem ardentissimè expetiit; & suo quodammodo jure, ut ajebat, quia pridem voto se huc obstrinxerat, obtinuit; egitque perstrenuè viginti circiter dies; visus quandoque, scalis fenestræ admotis, dum aliter non esset aditus, in domum penetrare, ut ægro peste, unà & inedia oppresso, Sacramentis opitularetur & cibo. Is posito Romæ Societatis tyrocinio, in Venetam Provinciam reversus, vitam omnem docendæ infimæ Classi Grammaticæ Scholasticus & Sacerdos, rarâ humilitate sponte devovit, tantâ accuratione, studioque illorum in pietate & literis profectus, ut admirationi esset omnibus: assiduus interim in confessionali, rudioribus præsertim expiandis. Huñc die sequenti 7. Maij affectus est Bartholomæus Grumellus, Brixien-sis, altero anno in Theologia Scholasticus, natus annos 30. in Societate 8. quam absolutâ foris Philosophiâ inierat. Eminentis ingenij pariter & virtutis constanter existimatus, cuius in supremo gradu consequendæ cupidine, Indicas ærumnas laboresque instanter Romæ

deposcebat; quarum tamen incerti adhuc eventus expectationem in rem præsentem felici compendio permutavit. Igitur expressâ magnis precibus juvandorum ægrorum copiâ, dum PP. curarent animas, ipse victu corpora recreabat. Erant eodem tum tempore separatis illis in ædibus omnino 16. è Nostreis, illi curæ pestiferorum destinati; qui cum se mutuis aliquando sermonibus ad ingens illud officium incitarent, Bartholomæus altiore aliquo spiritu afflatus asseveravit, esse omnes, præter unum, eo in opere vitam posituros; atque ita penitus evenit. At octavus Maij dies fatalis simul duobus fuit, Sacerdoti, & alteri adhuc Scholastico, superiorem Grammaticam alterum jam annum Parmæ docenti. Prior P. Dominicus Zadæus, Salodij ante annos 28. natus, recens Parmæ in tertio Theologia, Societatis verò 14. anno Sacerdos creatus, cum perquam optaret mox initio contagionis ijs accenseri, qui langventium servitijs exponerentur, jussus est unâ cum alijs secretum in rus ad persequenda studia concedere. Postea verò quàm multitudo, exitialis mali metu, cœpit Ædem nostram usurpandis Sacramentis densè frequentare, & plures jam Sacerdotum sub onere concidissent; placuit Dominicum in communionem tam exoptati periculi domum revocare, incredibili illius gaudio, quòd certam ad mortem se abire inter valedicendum Sodalibus, prædicaret. Nec longa mora, primis ipsis exceptis confessionibus traxit virus, eoque paucis diebus ereptus est. Quo die autem postremum litavit, ipse sibi quodam veluti Divino afflatu supremam eam Hostiam præsentiens, suis manibus illam in viaticum æternitatis impertivit. Alter M. Hieronymus Bolsius, ortu Parmensis, annorum 26, in Societate 7. cum vehementer aspiraret ad Indias, oblato præsentiore charitatis exercendæ fructu, obtinuit. & ipse, cum ruri securus degeret, in mediam se pestem referre. Ibi ardere totus, omnia unus agere velle, domos in Urbe, lectos in Nosocomijs concurrere; sic paucis diebus malum contactu in viscera allectum, ipsum vel in morte jucundum & hilarem extinxit. At 12. Maij secutus est P. Franciscus Gherardi, patriâ Montalbottensis; hic primâ ætate Parmæ sub avo suo, ejusdem Urbis Governatore, in studijs exactâ, Societatem ingressus, jam ad finem Theologiæ decurrebat, anno ætatis 30. Societatis 14. paucis ante pestem diebus Sacerdotio initatus. Missus erat amicorum rogatu in patriam, cum fratre suo Pyrrho Canonico Parmensi, ut sacra in æde Laureti DEO primam

litaret



litarer hostiam coram suis : quorum solatio dum plusculum apud eos moratur, ecce nuncius, Parmam laborare contagio significat. Continuo Franciscus abire velle à suis, velle Parmam evolare : retinere illi per vim, obniti : sed ille firmus in proposito stare, cum ijs, quibuscum vixerit, omnino commori certus ; salutem, vitam, omnia prae charitatis officio postputare. Igitur viam confestim arripuit, decurrit, nusquam obvijs in Collegijs resistendo, nec ullam quietem animo, dum Parmam appelleret, capiendo. Ibi ad Provincialis pedes abjectus rogare, obtestarique per Sacra omnia eam copiam sibi fieri, cuius cupidine ab suis, eorum maximis ingratijs avolâset. Sed Provinciali tum quidem visum est nequaquam voti compotem facere ; sed inter alios rusticatum emissos, securè commorari iussit. At non ita multo post redeundi facultate concessâ, locum morte aliorum illi factum occupare indulgit. Hunc ille quanto gaudio subierit, quo studio, quo ardore amoris, quo mortis contemptu in media se discrimina injecerit, vix concipi potest. Sed, & ipse consummatus in brevi, paucis diebus infectus langvere coepit, buboque teterrimus totum ejus pectus infedit, ardore acerrimo, atque acerbissimo tridui dolore ; quem ipse, sinè gemitu, sinè questu egregiè perferens, animam demum, ut optaverat, edidit charitati. Biduo post funus novum Parmensibus fecit 14. Maji P. Joannes Riccerius Brixienfis 30. annorum & 7. in Societate, postquam in Nosocomio S. Lazari æquè ac in Urbe, operam egregiam, paucio tamen tempore impendisset : & mox die sequenti 15. Maji duo Coadjutores, eidem ægrorum ministerio addicti, Thomas Sedaccius, Bononiæ natus annos 39. in Societate 14. & Ludovicus Parenti, Parmensis, 22. annorum. Quos secutus est 17. Maji Franciscus Smeraldus, ortu Parmensis, & ibidem tum in Theologiæ altero anno Scholasticus, annorum 29. Hic Indicæ Missionis spem & desiderium ex ipso sæculo in Societatem attulerat, eaque re deposito natalitio Sciaræ nomine, Francisci appellationem ex sancto Xaverio assumpserat : sed illud Indiæ desiderium lubens volensque cum ea serviendi pestiferis prærogativa commutavit. Neque ullus omnium è domesticis illum absque Angelis, vel adolescentis Angelici prænomine appellabat, ob summam morum & vitæ ingenuitatem, candorem, modestiam & innocentiam, quam nullo unquam flagitio violavit. Pridem etiam antè tum Horatio fratri suo, tum alteri familiari asseveranter prædixit, ne-

que Sacerdotio unquam se inaugurandum, & mortem eo ipso anno, quò revera occubuit, appetiturum.

Ad diem 23. Maji ad eandem charitatis aram victima concidit Pater Julius Tedeschi, Ferrariæ ortus, ante 32. annos. Hic P. Riccerio paulò antè memorato, in Lazaretum Parmæ suburbanum suffectus, paucis item diebus in ægrorum ministerio succubuit. Et post eum die insequenti Bartholomæus Canestrinus, domo Placentinus, annorum 24. Philosophiæ in annum tertium auditor, cum ejus flagrantissimo pestiferis serviendi desiderio à Superioribus resisti non potuisset ; itaque octidui spatio lue contractâ, eo animi solatio inter acerbissimos cruciatus excessit, ut plenus gaudij DEUM laudare hymno Ambrosiano exorsus, reliquum agoniae tempus cantando duxerit. His, per mensem Majum sublatis, haud minus funerum avarus Junius, primo statim die abligurivit P. Andream Barpi, Venetum Beluniensem, annos natum 48. in Societate 26. quatuor vota professum. Vitæ melioris initium idem pæne illi ac S. IGNATIO fuit, dum Patavij adolescens in studijs versaretur, nam inter æquales gratiâ & auctoritate præpollens, quam plerumque, si quid incidisset discordiarum, alij sequebantur. Cum aliquando rixâ excitatâ conferentes manus dirimere laborat, ipse in tibia vulnus igneæ glandis accepit, quod illi salutis initium fuit. Ex eo siquidem in curatione lecto affixus, sensim rerum humanarum fluxa & incerta animo volvere, & pericula sæculi spēsque incertas cogitare, fastidium earum, cupidinem verò æternorum concipere, denique Religiosus seriò fieri velle. Neque confirmatus ex vulnere quidquam distulit, magnarum plenus cogitationum Societatem ita complexus, ut ad nullas virtutis partes remisso esset animo, omnesque in eo eximium quiddam suspicerent, & mirabundi venerarentur. Septennium jam Collegio Nobilium Parmæ Rector præfuerat, & Collegio Forolivij exinde præsidere iussus, eodem secundo Padò per Ferrariam defluere tentabat ; sed quia locis omnibus formidine contagionis arcebatur, Parmam redire satius duxit, & sociorum illic exemplo ad apicem charitatis eniti. Quam dum ardore maximo omnibus in Urbe langventibus aliquamdiu exhibet, & ipse afflatus, gloriosam mortem sortitus est. Hanc excepit mox 5. Junij Vincentius Controni, Lucensis, Coadjutor temporalis 24. annorum, & in Societate duntaxat trium. Fructus hic erat P. Hyacinti Grilli, cui tum fortè in Collegio Placenti-



no convivebat : viso enim Patris exemplo , quò in mediam indè pestem charitatis impulsu Parmam se injecerat, Missionem & ipse, eadem vestigia persecuturus, à Provinciali expectijt, & impetravit. In aditu pestilentium contubernij pronus osculo & complexu limen tenens, lætitiæ plenus, cum lacrymis DEO tantæ in se beneficentiæ magnitudinem gratulatus est : sed perbrevis hausto veneno, sacris instructus mysterijs ad cælum concessit. Ad diem 10. Junij elatus est P. Æmilijus Zucchi, Parmensis, aëtor: 45. in Societate 25. professus quatuor votorum, virtutum Religiosarum & humilitatis cum primis studiosissimus, ex qua etiam jam Sacerdos Grammaticæ docendæ operam suam Superioribus addixit : quam cum Rhegij Lepidi promiscuæ pueritiæ traderet, in Aulam Parmensem adscitus, eandem Odoardo Principis filio privatim explicuit. Quo tempore pestilentia Urbem invasit, Moralem Theologiam in ea Academia enucleabat, & Valetudinarij simul domesticorum curam gerebat : atque hoc munus nè tum abdicare quidem ille voluit, aut in rus concedere, cum lue gliscente omnia formidinis essent plena. Dúmque ita charitatis officia omnia in ægros exercet, eadem lue correptus, acerbissimos inter cruciatus extremum vitæ diem morte confecit. Mox ad diem 17. Junij secutus est P. Felix Malaspina, oriundus Villâ Francâ ex ejus loci Marchionibus, cum ceteris diutius ea in acie contra pestem decertasset. Accesserat is antè 22. annos ad Societatem, jam vicenarius, in eaque Theologiam de moribus annis aliquot explicuerat, postea socius Provinciali additus, ac tandem regendis Faventiæ & Placentiæ Collegijs admotus. Vir asperitatem flagrantissimus, cui pro delicijs fuit edendi parcitas, & perpetua ferè inedia vespertina : somnus incommodè, & ut plurimum à vestito captus, grandis & asperi cilicij perfrequens usura. Venerat sub ipsa pestis exordia Parmam Pla-

*Ex Viëlmis Charitatis Alegambe.*

centiâ, posito ejus Collegij Rectoratu, & suam juvandis Civibus industriam inter primos Provinciali devoverat ; nè scilicet hæc illi sui pro DEO perdendi abiret occasio, qui Japoniam jam pridem Romæ expetitam haberet in votis, sed adhuc ejus solâ spe incertus penderet. Ejus postulati compos factus, incassum dehortantibus ex Aula compluribus, etiam ab Placentia germanâ sorore, illico ad inclyti certaminis arenam processit, manumque quâ domi, quâ foris cum peste conferuit. Demum duobus ictus carbonibus, in uno brachiorum, & summo vertice, confestim Sacramentis muniri voluit : & atrocissimos triduo dolores expertus, ingenti animi voluptate spiritum efflavit. Post hunc 27. Junij obiit P. Lucius Ursinus, Romanus, cum esset Octavio Farnesio Ducis filio à confessionibus ; sed cum eadem contagio in Aulam penetrasset usque ad Principis domesticos & familiares, ipse tamen omne suum periculum negligens, tantò frequentius Aulam adire, & spiritalibus obsequijs impensius Principi tam luctuosâ tempestate adesse perrexit, apprimè conscius exitij vitæ suæ impendentis, quod etiam indè sibi inhalandum nonnemi prædixerat. Itaque veneno viscera permeante, brevi morte confectus est in complexu & amorosis osculis Crucifixi. Egerat is primam adolescentiam inter Ephebos Ranutij Ducis Parmensis, & navatâ subinde Jurisprudentiæ operâ, Doctoralem in eadem lauream adeptus, Serenissimæ Duci à secretis fuit : donec humana pertæsus, in Societate receptum invenit. Ultimus in Parmensi clade concidit 29. Julij Joannes Ghisalba, Coadjutor, ortus in oppido Disensano, 35. ætatis, 13. Societatis annorum, cui impensè pridem facultatem ægris per Urbem juvandis efflagitanti, copia facta est eam charitatem domi peste infectis exhibendi. A quibus & ipse afflatus, vehementissimos cruciatus triduo expertus, piè demortuus est.

## P. PETRUS JUSTINELLUS.



Rtum duxit Pater Justinellus Brixia Italici Urbis, parentibus opulentis & honoratis; matris diu sterilis precibus à DEO mirabiliter concessus, pelliculam ab utroque humero pendentem, stolæ Sacerdotalis in morem, secum extulit in lucem, futuri Sacerdotij, ut creditum est, omen. Ab in-

fantia DEO devotus fuit à matre, & ipse tam facili ad omnem pietatem se exhibuit ingenio, ut sanctimoniam videretur ab ipso ubere ducere. Vix erat potens gradi, & jam corrogabat à domesticis, quod erogaret in pauperes. Observabat in Templo, ac deinde exprimebat magno pietatis sensu domi, ritus litantium Sacerdotum, atque ad populum perorantium, Nunquam ille ludicra, ut pueri solent,





P. Petr<sup>9</sup> Justinell<sup>9</sup> S.J. Ital<sup>9</sup> Brixienfis, à puero Nosocomiorum, et pauperum obsequijs deditus, inter eos Christum specie agroti reperit: eorundem in peste servitio immortalis. Castilione 31 Jul: Anno 1630. Aetat: 51.

127.

J. Kilian sc.

solent, tractare, non ludos publicos spectare, sed otium illud piâ lectione domi traducere, & ad sanctitatem se per exempla Sanctorum formare: multus ab illa usque ætate in orando, in corpore macerando, atque animi perturbationibus ritè componendis. Sæpe adibat Nosocomia, nec ullum vilissimi obsequij genus tractare reformidabat. Quàm primùm studia cœpit in Societatis Gymnasio colere, ita virtutem junxit, aliorumque juvandorum contentionem; ut, utrâ excelleret, vix dignosceres. Colligebat domi suæ sodales ætate pares, quos per Urbem spargebat, ut pueros plebémque catechesi imbuerent: ipse suas in eodem opere partes ita obibat, ut vehementia dicendi ad frequentissimum populum in adolescentulo id ætatis, magnam omnibus faceret admirationem. Ab istis deinde con-

cionibus ibatur ad infirmorum curam: quibus etiam honestè recreandis hoc inusitatum charitatis genus invenit, ut invitatis secum sodalibus peritus musica tractare instrumēta, eos sono mulceret & cantu. His ille studiis parabatur à DEO in egregium vineæ suæ cultorem: cujus explorato per Exercitia spiritualia S. IGNATII placito & voluntate, A. 1600. ad Tyrocinium Societatis accessit, & ab ipso statim exordio ad absolutissimam se virtutem exercuit, multus in omni genere sui mortificandi, deprimendi; & in orationibus prolixis tam sui potens, ut nullis se cogitationibus alienis ab ea distrahi fateretur. Studiorum tempore nil de sui vexandi despiciendique contentione remittens, sæpe laceris in vestibus prodibat in publicum, sæpe culinæ officia omnia sponte suâ obibat. Quibus diebus feria-



feriabatur à scholis, accedebat infirmos, atque illis ablutis & mundatis cibum præscindebat, in os inferebat, & pijs interim colloquijs animos pascebat. Semper quidquid ageret, ubicunque versaretur, DEUM gerebat in oculis, ejusque præsentiam modestiâ totius corporis, atque omni actionis suæ compositione venerabatur. In omni cum æqualibus congressu partes sibi postremas, præterquam ad abjecta ministeria, in quibus primas satagebat obtinere, vendicabat: majorum reverentissimus, & natus etiam observans, itaque promptus ad obediendum, ut diceret, se non posse amplius suæ, sed alienæ duntaxat voluntati obtemperare; ideoque sanctorum etiam postulatorum repulsâ acceptâ, mirificè gestiebat.

Gratissimâ atque amabilissimâ suâ consuetudine cum insigni conjunctâ virtute, non solum erat omnibus domi & foris in amoribus; sed etiam in veneratione: quippe qui omnes accenderet igne Divino, dexterrimus in familiare colloquium pios inferre sermones. Nec vacuas sivit abire successivas à Theologicis studijs horas, quin pia moliretur opuscula bono mortalium, quibus eos ad Evcharistiæ frequentiam, ad castimoniam, & Virginum Reginæ amorem pelliceret, & à peccatis avelleret. Scripsit enim tunc, & deinceps edidit tenerrimâ pietate antidotum contra pravas conversationes, & impudica verba: triumphum castitatis de vitio intemperantiæ: Duce Angelicum ad devotionem B. Virginis: stimulum peccatoris ad amorem suæ salutis; & alios ejusmodi 12. diversos tractatus, varijs locis typis excusos. Sacris initiatus, primam Hostiam, veniâ Superiorum, litavit in Hospitali, quod in eò se primitias spiritûs hausisse, diceret: ubi prius 12. pauperibus pedes, exemplo Salvatoris Sacramentum hoc instituentis, abluisset. Sacram mox deinde Hostiam singulis infirmis ad lectum attulit, & jussis in sua verba sequi ad actum aliquem contritionis, eam reverentissimè porrexit. Atque hanc ægrorum & nosocomiorum curam in omnem deinceps vitam magno studio conservavit & auxit. Amabat ardentissimè sanctam JESU Christi Humanitatem, ejusque imitatione vehementer optabat adversis exerceri; & sanctâ quadam invidiâ tangebatur, quoties audiebat quempiam virtutis ergò contumeliam pati. Impellebat illum hic amor ad inopes ægròsque tanta cum voluptate visendos, quod in illis præsentio rem quàm in alijs Christum suum agnosceret. Nec fuit illi vana hujus rei existimatio; nam cum aliquando fixisset obtutum in infirmum ceteris

gravius affectum, vidit repente vultum ejus mutari, & inducâ quadam Divinitatis Majestate, prorsus Christum lineamentis omnibus, qualis exprimi penicillo solet, referre: quo prodigio primùm ille hæere attonitus, tum verò liquidissimâ voluptate perfundi. Contigit quidem illum & alijs in Societate muneribus admoveri, ut cum totis 13. annis Rectorem egit Collegij Castilione: verum in his nihil ipse de consuetâ animarum procuracione omisit. Puerilem catechismi, secundum Hospitalium & pauperum curam, maxime cordi habebat, tantòque eam opere complectebatur, ut convocaret ipse vicatim ostiatimque pueros, & ad Templum perduceret. Tractabat mirâ dexteritate Exercitia S. IGNATII, valebâtque singulari gratiâ res Divinas hominum animis imprimendi. In his tamen omnibus fruebatur assiduâ cum DEO consuetudine, atque in omnia Divina propensissimâ pietate, nitebaturque in DEI complexum excujusvis objecti intuitionem; quod ille studium dicebat esse, *ambulare cum DEO*. Atque his artibus ad eam animi constantiam profecerat, ut nec adversis, nec secundis eventibus, nec fortuitis ullis casibus, vultum, nedum animum immutaret.

Ad extremum cum Anno 1630. pestilentia popularetur Italiam Subalpinam, & Castilionem etiam invasisset; ipse qui se poterat periculo subducere, in illud se ultro coniecit, ut tam insigni charitatis officio præclarè actam vitam coronaret. Cum verò in ægrorum indefatigabili obsequio pestem quoque contraxisset, veritis omnibus ad se accedere, nè cui luem afflaret, post Divini corporis participationem placidissimè extinctus est, ipso S. IGNATII Festo die 31. Julij, ætatis anno 51. magno suorum externorumque luctu. Sepulchro defuncti visa fuit lux & flamma splendidissima incumbere, index, ut omnes interpretabantur, Viri sanctitatis, quæ omnium commendatione celebrabatur. Nimirum tam multa Castilione, tam præclara ad omnium salutem excogitabat & gerebat, ut minime ex vano percrebuerit ea opinio! Ille primus instituit, & diu etiam per seipsum sustinuit, morem bis festis diebus toto anno ad populum perorandi, maximo quæstu animarum. Primus induxit, ut in hybernis fœminarum conventibus, quos ibi Fibozzos vocant, ubi magno numero ad fila ducenda se colligunt, pro fabulis & inanibus affanijs, quæ denarrari fallendo tædio consueverant, Litaniæ B. V. tum sacræ historiæ recitarentur, ac subinde pijs sermonibus tempus & labor fal-

leretur



leretur: cui fovendo operi, partiebatur in eas sacra munuscula, imagines, rosaria, libellos. Cum impia quædam amuleta certis morborum generibus amoliendis invalescerent, ipse illis exturbandis illico salutare preces adversus unumquodque morborum concinnavit, & libello complexus dispersit in vulgus. Ipse confecerat indicem malorum, quæ

illâ civitate plurimum obtinebant; & singula suis concionibus adorsus, imploratis etiam Principum auxilijs, & aliorum Concionatorum conatibus, nitebatur extingvere. Narrantur non pauca prodigia, quæ vivus defunctusque patravit; quæ quia typis excusa videre non licuit, studio etiam brevitat

omitto.

Ex Bibliotheca Alegambe & Nierembergij Tomo 1.



P. Thomas Soresina, Soc. Jesu, Italus, inter obsequia charitatis, grassante per Italiam contagione, Mediolani extinctus, 7. Augusti A° 1630. Ætat. 44. præter alios 14. in simili opere ibidem, et per Italiam sublato

120.

## P. THOMAS SORESINA cum alijs 14.



Omnis totius Italiae Sub-Alpinæ Anno 1630. lues, Mediolanum quoque tam fœdè, tamque immaniter depopulata est, ut supra centum quadraginta capitum

dies manante peste, cum Nosocomia quantumvis ampla contactorum multitudinem non caperent, de novo erigendo cogitandum serio Magistratui fuit, cujus curam Societas constanter suscepit, ut prius exhaustum funeribus valetudinarium, quam ministris alio deinceps ex alio subrogatis, vacuum re-

Gggg

manse

Societas Europæa.



manferit. Agmen sociorum qui velut Antesignanus & primipilus duxit, idem in ejus Nosocomij obsequijs, primus omnium moriendi conditionem executus est, ad diem 7. Augusti P. Thomas Sorelina, vetustissimâ clarissimâque apud Cremonenses gente ortus, natus annos 44. traductis in Societate 24. quatuor votorum professor. Vir erat ut ætate florens, ita aspectu decorus, moribus & consuetudine cum alijs planè religiosus ac mitis; nec avorum sanguine clarius, quàm virtute: tantâ in egentes flagrantia charitatis, ut de suo cibi dimenso decerperet, quod illis elargiretur. Post Rectoratum laudabiliter alibi gestum, destinatus erat Superior ei parti Collegij, quam præfenti subductam incendio, ad campestrem villam in agro Lomellinensi positam, Mediolano Moderatores emiserant: sed adeo se vehementi spiritû impulsu vocari ad infectos juvandos persensit, ut non prius precandi finem fecerit, quàm retentus in Urbe voti fieret compos. Igitur ferali officio addictus, recens hospitium contagiosis datum magnanimus adiit, non tam lue pestiferâ, & quotidiano tabidorum interitu infame, quàm horridâ larvarum infestatione terribile, quæ inconditè nocturnis intemperijs, strepitûque, langventium quietem perturbabant; seu verò spectra fuerint, seu præstigiæ infonti ac pervigili pro suorum salute præfecto necemstruentes, brevè conceptam tabem comitante maleficio de medio sublatus est; neque enim ultra oetiduum tetrica isthoc loci præfectura tenuit, quantum videlicet ad testandam mentis excelsitatem æternæ laudi ac præmio satis fuerat. Ajunt ejus corpus aliquanto tempore insepultum, ambrosij nescio quid odoris expirasse, mirantibus impensè pollinctoribus, qui illud ad suprema funeris officia tractabant. Obitus Patris incidit in diem 7. Augusti anni 1630. Hunc secutus est 19. Augusti; eodem loco ab ægrorum obsequijs gloriosâ morte afflatus, Joannes Rasca Luganensis, annorum 30. in Societate 11. Scholasticus: in cuius funere visa est charitas de charitate triumphare. Nam adolescentem fervidum Moderatores Collegij ut servarent, à Nosocomio revocare, atque eximere periculo nitebantur: at ille incertæ fortunæ servari refugiens, mansionem in discrimine magnis precibus exoravit, & victor ex eo, præmium accepit. Mox ad diem 29. Augusti ad idem bravium referendum evolavit, qui P. Sorelina socius esse obtinuit, Alexander Franciscus, Coadjutor temporalis, annorum 41. in Societate 16. domo Cremonensis.

Sublato è vivis P. Sorelina, in eadem Nosocomij præfectura successit P. Marcus Costa, Bastia in Corsica natus, annorum 42. in Societate 23. quem mensstruus labor nec remissiore studio, nec inferiore virtute inter tabidos exactus, apprimè fecit illustrem, cœlôque inseruit die 7. Septembris. In ejus locum successit P. Joannes Baptista Vice-Comes, postremus hoc in opere ad diem 7. Octobris excessit; domo fuit Burgomanerensis, annorum 33. Societatis 15. atque nuncium mortis eâ animi alacritate suscepit, ut miraretur eam ab provectis ætate hominibus posse reformidari. Sed & ex eorum numero qui per Urbem, aut in Collegio juvandis ægris operam navabant, mors aliquos decerpit. Atque inprimis 19. Augusti P. Petrum Reina Mediolanensem, 50. annorum; in Societate 22. cui fuerat quatuor votorum obligatione auctoratus. Hic non solum ad omnes per Urbem promiscuè quoquo res ferret, nullo valetudinum discrimine itare promptus; sed & extra Urbem in eadem causa procurrens, dum peste contactum quendam è nostris foras evehctum tertio convenit ut confitentem audiret, ibi creditus est pestem hausisse. Domi pariter in Collegio, quia paucis ex tanto competitorum numero copia fiebat palam in campum ad certamen cum libitina prodire, huic vel intra domus januam in certamen allecæ palam eripere, non absque ingenioso invento novit P. Josephus Prina. Hic Janitoris munus, temporibus illis infectæ Urbis periculi sanè plenissimum esse observans, dum ad varia proximorum obsequia infectis æquè ac sanis portam accedentibus, charitatem ipse indevocandis Patribus exhibet; magnâ contentione munus Janitoris, Sacerdotibus minimè consuetum, obire petijt, ut videlicet suo unius tanquam omnium vilissimi capite, consultum saluti domesticorum iret. Et munus quidem ut petierat obtinuit; sed omnium opinione & suâ spe citius mortem sibi ab accedentibus afflatam, pro exhibita charitate invenit, tridui spatii ingenti domesticorum mœrore ac sui desiderio extinctus 25. Julij, cum esset annorum 30. in Societate 10. oriundus ex oppido Herbatonensis Mediolanensis. Huic carbone ferali infecto, dum pari charitate, & quasi jure suo operam & laborem præbet, quam publico Nosocomio jam alioqui devoverat, Jacobus Revellus, tertio Augusti pariter decessit, cum annum ageret 31. inter socios quartum, ortus ex oppido Castellatio Alexandrinæ Diœcesis. Dum verò anno insequente 1631. latentis adhuc contagio-



nis semina sparsim repullulant, ex socijs in auxilium miserorum convolantibus, unum pestilentia suffocavit die 11. Octobris P. Franciscum Fanianum Mediolanensem, annos natum 65. in Societate 42. Et hos quidem unica Mediolani contagio in sancto pestiferorum obsequio decoxit: nam plures annis Superioribus eadem sæpius grassante fuisse ibi vitæ exutos, satis ex Annalibus constat. Duo præcipuè memorantur temporibus S. Caroli Borromæi, qui tum Urbi Archi-Episcopus præsidebat, & vitam ipse suam adjuvandis infectis devoverat Anno 1576. hi enim se inter plures alios juvandorum ægrorum muneri, cum eodem S. Carolo mancipantes, suas in illo animas posuerunt, P. Georgius Farina Cuniensis, & P. Franciscus Centurio Genuensis, ex ordine Patritio; mortis tamen dies, & ætas in obscuro est. Neque sola Mediolani Urbe, reliquarum Sub-Alpinarum faciliè princeps, ea-

*Ex Victimis Charitatis Alegambe.*

lues anni 1630. concludi passa est, quin & Pinarolum, extremum ad Galliam in Italia oppidum, irrupit: ubi pariter socijs licet exiguis ibi numero, in auxilium laborantium procurentibus, tribus erepta est vita. Primus ex his occubuit P. Gerardus Pensa, Gallus Lugdunensis, annos natus 56. in Societate 36. Coadjutor Spiritualis, Vir ferventissimus, & laborum ut peramans, ita egregiè perferens pro salute animarum, in varijs & admodum ærumnosis Missionibus. Binis in contagionibus afflictis servivit, dum in altera pretiosam mortem, quam avidissimè cupiverat, obiit 20. Julij. Alter P. Amabilis Gardi postridiè, ad 21. ejusdem: & die sequenti 22. Pater Dominicus Giriot Pedemontanus cecidit. Ticini quoque Insubriæ Civitate, in eodem charitatis opere vitam amisit P. Joannes Ferrerius Raconicensis, annorum 52. in Societate 31.

## P. ANGELUS ORIMBELLUS cum alijs 21.



Uam ægre tueantur se à peste civitates, ubi cœperit in vicinitate flagrare; experta id fuit cum multis alijs Italiæ Urbibus Bononia, quæ aliquamdiu Anno 1630. incolumis, mense Junio ab Parmensi afflata incendio, magnas pertulit strages. Huic ut repagula efficaciter opponeret Cardinalis Spada, qui pro Pontifice Legatus Urbem tenebat, consilio cum Senatu & Episcopo inito, amplissimum recipiendis pestiferis Nosocomium in suburbanis constituit, & pro ea, quam de sociorum zelo & charitate habebat, notitia, & existimatione, universam illius administrandi & gubernandi Provinciam Societati committere decrevit. Itaque ad Collegium cum Episcopo & Senatu adveniens, ardenti sermone socios in unum coactos allocutus, desideria omnium ad ambiendum periculum excitavit, & P. Angelo Orimbello onus gubernandi cum potestate duplicis contagiosorum Xenodochij, quæ seorsim pro viris & mulieribus statuerat, imposuit. Rogaverat ille jam antea, missis epistolis ad Præpositum Generalem, copiam his serviendi, & modò ultro etiam sibi oblatam mirificè gaudebat: adjunctam tamen honoris, & qualiscunque dictaturæ dignitatem, atque ante omnia pecuniæ administrandæ rationem, studiosè, sed in cassum deprecabatur. Ergo oneri humeros magnâ alacritate subjiciens, primò omni-

*Societas Europæa.*

um locum Lazareti inspexit, dimotisque diversim viris & fœminis, jussis comportari grabatis, & omni quæ foret usui supellestili, conductis famularibus operis, omnia digessit in eum ordinem, qui tantæ necessitati videretur idoneus. Dictu mirabile, quanto gaudio ibi à Medicis Chirurgisque, quanto ab ægrorum Confessarijs, qui præter socios ex diversis Religiosorum Ordinibus, Franciscanis, Barnabitis, Cappuccinis, FF. Misericordiæ, destinati erant, exceptus sit, felicissimos sibi in ea procuracione successus, pro comperta Viri prudentia & virtute, promittentibus. Hos inter, statione captâ, quid laboris, quid molestiarum diu noctûque exhauserit, putare quàm describere facilius est; præsertim ex quo cœptus est numerus ægrorum vehementer augeri, & sociorum auxilium paucis diebus haud sanè pauci eo in opere confecti sunt. Pupugit ingens calamitas ac perculit tenerrimum Angeli pectus, junctâque dolori commiseratio; & clam in Templum ingressus, DEI placationem exorare supplex & funderum modum, malique depulsionem vehementer institit: cum animo spem certissimam intimo instinctu suggeri persensit, sospitales Urbi fore SS. IGNATIUM & XAVERIUM, si eorum implorato auxilio, tutelæ eorundem ac præsidio Civitas se publicâ devotione committeret. De quo Cardinalis interpellatus, Senatum illicò cogit, & quamvis non deessent alieno à Patribus animo complures, o-

Gggg 2

mni-





P. Angelus Orimbellus Soc. Iesu, Italus, supremâ  
charitate in peste Bononiensib<sup>9</sup> exhibitâ, cum alijs  
22. per Italiam auxiliaribus Socys extinctis, 7. Octob.  
A<sup>o</sup>. 1630. ætatis 58. Auctor fuit Urbis Bononiæ in Pa-  
tronos eligendi SS. Ignatium et Xaverium.  
12.9.

omnibus tamen in id consentientibus ( id  
quod affine miraculo visum est ) fit Senatus-  
consultum, quò decretum est, ut Civitas san-  
ctis IGNATIO & XAVERIO ad proximum illius  
festum, sese devoveat, & in Urbis Patronos  
electis, in fidem se clientelamque commen-  
det, hoc edicto proposito : *Patres conscripti*  
*S. P. Q. Bonon:* vertente per hæc tempora calami-  
tosa Urbis statu, in nostros Patronos & Advoc-  
atos apud DEUM admittimus gloriosissimos PP.  
IGNATIUM & FRANCISCUM XAVERIUM, prout  
tales decreto nostro publicari volumus, jube-  
mus : nuncupatis totâ Urbe. ad eliciendam eo-  
rum intercessionem, votis ; quocirca sanitatis  
Præfæctis committimus, ut hæc sanctio nostra  
omnibus alijs Magistratibus intimetur, quò de-  
inde quisque Civium particulatim pro suo pietati  
zelo erga eos exhibeat devotionis specimina :

ut generatim postmodum, prout ab ipsis sanita-  
tis Præfæctis relatum, & à nobis definitum erit,  
quod expediet decernatur. Urbi decretum,  
ita factum, ipso S. IGNATII die solenni ; & ob-  
servatum est eodem die plerosque ægrorum  
quasi miraculo convaluisse, ut notariorum in  
tabulas relatum est ; neq; ullum eâ die (quod  
Medici confirmavere) fuisse contagione af-  
fectum. Et jam inclinante in autumnum  
anno, post ingentem mortalium stragem, mi-  
tigato malo Civitas emergere & quasi respira-  
re visa est, post quartum ferè mensem quàm  
P. Angelus procurandi Lazareti præfecturam  
susceperat, & incredibili commendatione  
tractarat, novem è Societate duntaxat in ea-  
dem ægrorum cura amissis : cum ipse demum,  
nè optato tanti laboris præmio velut inglori-  
us excideret, atrum in gutture carbonem  
con-



concepit, cum exitiali febre conjunctum. Simulâque ictum se persensit, in communem agrorum domum, frustrâ reclamantibus meritorum ejus obtentu Curatoribus, suis se pedibus contulit: ceterosque inter langventes admirabili modestiæ & humilitatis documento, Vir tantus ita decubuit, ut nullo ab alijs, nisi patientiæ pietatisque discrimine discerneretur. Adfuere jacenti qui suam ibi adhuc ponebant operam, duo PP. Barnabita, duo item Cappuccini, & duo FF. Misericordiae: & ipse confessionem de tota vita (quam in Collegio ante discessum in Nosocomium fecerat) apud unum è PP. Barnabitis retexuit, & epulo Divino recreatus est. Mox longam ad Urbis Senatum scripsit epistolam, quâ gratias illi pro beneficio muneris impositi, quod nempe januam sibi ad beatitatem pandisset, referebat: tanto verborum pondere mortem eam ipsorum se gratiæ acceptam referre testatus, ut eorum nemo inhibere lacrymas, cum epistola palam legeretur, vel temperare gemitibus posset. Ubi se jam supremis admove- veri sensit, impensè precatus est, ut suum emortui corpus alicubi fimo infoderetur: tum ab omnibus Nosocomij administris rogatâ errorum veniâ, Ambrosiano tandem hymno DEO laudes & gratias reddidit, atque ad diem 7. Octobris animam cœlo consecra- vit, relicto sui in animis omnium, quantum dici maximum potest, desiderio; corpore verò intrâ loculum in Annunciatae Virginis Æde condito. Fuit P. Orimbellus domo Veronen- sis, annos natus 58. in Societate 32. qua- tuor in ea vota professus, in sæculo verò Ju- ris Utriusque laureâ decoratus. Universam fetè obivit, & concionibus suis lustravit Ita- liam, secundo semper & favente Auditorio, maximè cum Romæ in Domo Professorum ad celebrem concionem diceret. Multa in peregrinationibus tot adversa sustinuit, sui suorumque cupiditatum domitor & victor, pueris ac rudibus expiandis imbuendisque doctrinâ Christianâ magnoperè deditus & addictus.

Primus qui in eodem contagiosorum mi- nisterio ad cœlum præivit P. Joannes Marti- nengus fuit, patriâ Brixienfis, annos natus 44. in Societate 27. quatuor similiter vota professus. Quanto supremæ hujus in pro- ximos exercendæ charitatis flagrare æstu, lu- culenter ostendit, quando Cardinali Legato Nostros domi ardenti dictione ad hanc sor- tem invitanti, non satis habuit cum plerisque operam suam deferre, sed ad ejusdem genua provolutus, suas inter primos admitti partes

supplex oravit. Annuit è cœlo DEUS, atque primas omnino ille partes obtinuit non tan- tum in religioso obsequio, sed & in conse- quendo per sanctam mortem bravio. Namque hâc sui DEO litandi occasione ab Eminentis- simo impetratâ, è vestigio ceratam vestem lineam nigram indutus, obvolitare perrexit agrorum tabernacula, solando, hortando, Di- vina ministrando, in summa, nihil, quo pos- set opitulari omnibus, relinquendo. Quin- decim solis diebus hoc in studio exactis, fe- bri primùm pestilenti, mox atro carbone, ictus in digito, æquali omnium luctu & desi- derio absumptus est, die 6. Julij. In ejus le- ctulo affixi vicem successerat P. Joannes Pau- lus de Brixianis, Placentiâ oriundus, qui bre- vius adhuc cursu consummato, pauculis illis ægrientis Martinengi diebus labori insistens, die sequenti 7. Julij eum secutus est ad coro- nam, annorum 38. in Societate 8. At 13. e- jusdem, mortem similem oppetijt Petrus Ra- venna, Parmensis, Coadjutor temporalis, qui corporibus miserorum curandis operam ulti- mam, ætate jam devexâ addixerat, natus an- nos 70. in Societate 45. Postero die 14. Julij decessit P. Hilarius Berninus, itidem Parmen- sis, 43. ætatis, 13. Societatis emeritus annos. Ad diem verò 23. Julij, obiit Christophorus Galeani, Placentiâ oriundus, Coadjutor, an- norum 25. in Societate 6. Cui moriendo successit P. Valerius Alamandinus, Bononien- sis, annorum 43. in Societate 26. de quo con- stans fuit domesticorum omnium existima- tio, adeò excelluisse omni virtutum genere, ut in Sanctorum numerum referri mereretur. Post hunc uno eodémque die 11. Augusti, de- cesserunt duo Adjutores temporales, Joannes Zulbertus, Tridentinus, anno 47. ætatis, So- cietatis 20. & Antonius Pedretus, domo Lu- ganensis, anno 36. ætatis, Societatis 7. Deni- que felix agmen clausit ad 15. Augusti, Pater Dominicus Fregulia.

Nec parciore fuit funerum Mantua, eo- dem anno 30. sæculi, pestilentiâ simul & exi- tiali obsidione pressa, dum dena sociorum ca- pita obsequijs miserorum devota, non integro bimestri demessuit. Primus officijs charita- tis exambitam mortem mercatus est ad diem 12. Maij, P. Antonius Reimundus, ortu Ti- nensis, annorum 70. in Societate 33. Et post se traxit 31. Maij Joannem Viadana, Brixien- sem, annos natum 26. quorum novem egerat in Societate. Hunc ad diem 3. Junij secutus est Bartholomæus Zaninus, Tridentinus, an- norum 31. in Societate 9. Illum excepit 5. Junij Jacobus Prandinus, oriundus Mirandu-  
la,



lâ, annorum 27. in Societate 3. omnes tres Coadjutores temporales. At biduo interjecto duo simul decessere 7. Junij, Pater Lucas Draghus, Catharo in Dalmatia ortus, Vir innocentissimæ simplicitatis, annos natus 66. in Societate 43. alter P. Sebastianus Campenius Bononiensis, annorum 34. in Societate 16. Mox ad diem 12. Junij sublatus est Ludovicus Rozzius, Asolensis Scholasticus, annorum 32. in Societate 7. quem tridui intervallo affecutus est 15. Junij, Ranutius Lucius Parmensis, iridem Scholasticus, annorum 25. in Societate 8. Biduo iterum post, 17. Junij excessit P. Hieronymus Furlanus, Veronensis, Collegij per id tempus Rector, Vir & annis

gravis & meritis, annorum 63. in Societate 46. explicatâ Philosophiâ, & Theologiâ morali, varijs alijs muneribus Provinciæ perutilis. Postremus ad diem 22. Junij abiit Stephanus Sironus, Regiolensis, annorum 37. in Societate exactis 13. Coadjutor temporalis. Cremonæ pariter non minus in Collegium quàm Urbem grassata pestilens, præter domi sublato, duobus capitibus Civium solatio expositis, numerum victimarum fecit auctiorem. Prior cecidit ad 13. diem Junij, Laurentius Lucius, Vulturinensis, annorum 32. in Societate 9. Posterior verò 17. Junij Pater Petrus Pineas, Finariensis, annorum 53. Societatis 36.

*Ex Victimis Charitatis Alegambe.*

## P. MARCELLINUS ALBERGOTTUS

cum alijs duodecim.



**P**ater Marcellinus Albergottus Italus, patriâ Aretinus, Vir fuit, in quo opes & vires animi cum imbecillitate corporis penè ex æquo certarunt. Romam ad studia literarum à Parentibus, quibus erat unicus lautissimæ fortunæ hæres, ablegatus, in Romani Seminarij contubernium Anno 1601. successit, ætatis anno 16. ubi triennio confecto, animum ad capeffendam Societatem inflexit. Sed à Parentibus, qui in eo spem omnem posteritatis & hæredis amittebant, post varia ad eum retrahendum tentata, grandis objecta difficultas est apud Ferdinandum Hetruriæ magnum Ducem, ut nè illi fas esset Religionem ingredi, nisi facultatibus paternis & earum spe omni abdicatâ: quod eum neutiquam facturum credebant. Verùm is conditione intellectâ, pronissimè nuncium rebus & spebus omnibus legitime remisit, & contra expectationem Parentum aditum sibi ad Societatem aperuit. In ea semper floruit insigni probitatis existimatione, viribus animi quàm corporis excelsior; ut in Romano Collegio cum Philosophiam explicaret, auxiliariis sustentari supplementis debuerit: ad gubernationis idcirco munia, quibus erat cumprimis idoneus, translatus. Perpetua in eodem promicabat pietatis tenerritas, retinentissima disciplinæ perseverantia, corporis afflictatio, adeo ut lineorum soccorum locò, cilicinos pedibus induere fit animadversum. Flagris verò ita se jam undequaque attriverat, ac velut hebetârat, ut cuidam fassus sit, se jam locum in corpore vix reperire

quem verberet, quia vix pars aliqua foret quæ verbera perferentiscat. In Exercitijs S. IGNATII ad aliorum usum enucleandis, & propriè juxta Ignatianæ semitæ scopum artémque tractandis, pares non multos habuit: hinc illi mira in animos aliorum quasi dominatio, sed in se ipsum quàm maxima, ut mori reipsâ præeligeret, quàm DEUM vel levissimè offendere; sive ut nollet vivere, nè posset etiam venialiter peccare. Semper illi vigil in cælum emicabat oculus, ut in minimis etiam magnum veneraretur DEUM: neque abibat è conclavi aut redibat, quin singulari reverentiæ significatione brevi interspirio cor vibraret in DEUM, conspectâ cubiculari quam præ oculis habebat imagine. Indè manus quoque, dum Evcharistiam immolaturus altare accederet, nitidè atque accuratè abluebatur, ut mundis manibus mundissimum JESUM tractaret. Paupertatis amore, quam suo exemplo amabilem alijs præcipuè subditis faciebat, Senis Romam pedes profectus est peregrini pauperis ritu, cum jam Sacerdos ad docendum istuc evocaretur. Disciplinæ observantiam, quam pluribus Collegijs Rector præpositus verbis svadebat, urgebat & imperabat exemplis, non sinè vi efficacitatis. In eorum quodam lectorem ad mensam intriclinio agere durum videbatur Patrum quibusdam: dissimulanter ille reluctantiâ accepit, & ut se primum, atque alios deinde omnes suo exemplo subigeret, ipse per mensem unum, alterum, tertium, & plures, lectoris munus obivit: tum illis imperium verecundè jam accepturis dixit: nunc poterunt legere & ipsi suâ quisque hebdomadâ. Obedientiæ pau-





P. Marcellinus Albergottus Soc: Iesu, Italus, multis mortalium, grassante per Italiam mortalitate, saluti fuit: quorum animas ministerio suo et 12. Sociorum, horreo coelesti intulit. Sublatus Florentiæ 10. Nov: A° 1630. Aetatis 45.  
130.

paupertatisque amor tum etiam potissimum eluxit, quando Româ aliò demigrare iussus, citra ullam quidpiam è cubiculo secum auferendi, aut chartas suas & scripta ad futuros usus asportandi curam, itineri se omnium vacuus dedit. Verùm quia illo digresso conclave ità ut aliàs compositum repertum est, redire ad sua colligenda, secumque auferenda iussus est, quæ paupertati minimè repugnantiæ, multis autem deinceps usibus opportuna forent. Svavissimâ erga DEUM fiduciâ ibat in omnibus, tanquam securus cœlestis providentiæ: maximè verò ad mortem, cui paulò antè quàm se exponeret, literas Firmo accepit à manu sibi compertæ sanctitatis, quæ agebant: *Pater mi Marcelline, DEUS te secum volet propediem, modicum superest vita, ut vitâ functus vivas cum DEO.* Ergo Marcellino

jam in mortis aleam (ut mox dicemus) egresso, is qui pro eo Collegium Florentinum gubernabat, Minister, cum se magnâ undique egestate circumdatum videret, consilij & opis anxius, brevi epistolâ Marcellino angustias domûs exposuit, & quid agendum esset, ubi quærenda pecunia, expetiit. Ille Divinæ plenæ fiduciæ: *querite*, rescribit, in *Oratorio genuali*. Abijt, accersito, Rectori perfamiliari, Patre, Minister; & ejus Oratorij scriniû, genuale scabellum, num quid ibi pecuniæ lateret, perquisitè dispexit. Nihil inveniendi, symbolum Rectoris responso subesse innuit alter Sacerdos; orandum nimirum esse DEUM, ut subveniat, cui interpretationi obsecutus Minister, ad SS. Evcharistiæ Tribunal digressus prolixè oravit. Et ecce postridie bene manè adolescens nulli hætenus visus in Sacrario adfuit,



adfuit, & Patrum cuidam sacris vestibus induendis ad Missam dicendam se accingenti, strophium cum nummis argenteis Florentinis (30. vel 50. fuisse ferunt, 60. ferè vel 100. nostrates florenos æquantes) porrexit, in subsidium Collegij egestati. Rogatus ecquis ista mitteret, ut pro illo orari posset; refugit quidpiam respondere; sat fore, si pro Benefactoribus Collegij oraretur; & abiit. Sed & alius tunc ad Collegium venit Vir locuples, & se eâ nocte de Patrum egestate cogitasse, neq; somnum prius capere potuisse narravit, quàm subvenire decrevisset. Illis ipsis diebus fratrem suum è vita decessisse, ac testamento jussisse, intra unius alteriusve anni curriculum Collegio 100. scuta (propè 200. florenos) numerari: se verò eâ nocte deliberasse, præstare si nunc daret, quando afflicta illa tempora, & mortualis lues annonam etiam redderet cariorem. Et verò ubi hæc statuisset, somnum statim invitis hætenus oculis obrepisse. Dixit, & centum scuta numeravit, præsentaneum urgentis inopiæ levamentum, in Oratorio genuali ex consilio Marcellini, ferventi de genibus precatione repertum.

His ille artibus sustinebat & gubernabat Collegium Florentiæ tum penitus, quando anno 1630. pestilens Italia magnis stragibus pervagata, eodem perrupit: inter cujus clades haud ignarus suas non fore postremas periculi partes, Exercitij S. IGNATII se ad mortem obeundam excolere statuit. In his multa cum animo suo de Divino amore, deq; humana imbecillitate perpendens, per quam nulla sit spes à minutioribus omnibus culpis, quibus amor DEI refrigescit, evadendi, tamen vitari seorsim singula & queant & debeant, felicissimum se fore credidit, si quaquâ demum viâ, mortali corpore liberaretur, nè cui Divini amoris, quò flagrantissimò tenebatur, impedimento obnoxius remaneret, illumque vel levissimâ noxâ inficeret. Tum subiit animum, esse in manu pulcherrimam præclare moriendi, si DEO visum foret, sortem, si eâ per Superiores uti liceret. Continuò Romam ad Præpositum Generalem 21. Septembris dat literas, flexis genibus exartatas, ut negatam sibi à Præposito Provinciali potestatem, capitis in id contagionis pro salute proximorum conjiciendi largiatur. Ità inter alia scribens: *quantum ad commodum inde meum, videor posse dicere cum S. Ignatio M. Ego scio quid mihi expediat. Nescio an quidquam sepius desideraverim in omni vita, quàm mori, ut DEUM amplius non offendam. Ignis, erux, bestia veniant, & quidquid tormentorum*

*est in hoc mundo & altero, ut siam impeccabilis. Mi Pater amantissime, quantum boni mihi præstare potes unicâ voce, ita, ad gloriam DEI, ad salutem & perfectionem meam, ad auxilium proximorum. Obligatio Rectoris in Constitutionibus nostris est, ut sit magni exempli: in rebus magnis erit magnum etiam exemplum: in rebus facilibus, ecquid magni exempli est? DEUS inspiret Paternitati Vestræ, id quod inspiravit mihi. Si Spiritus & Sponsa dicunt, veni; & qui audit, dicat: veni, amen. Veniat JESUS in cor Paternitatis Vestræ in responso gratiæ pleno, in opere consummato. Aliàs ad eundem dedit, jam ex concessa sibi potestate inter pestiferos expositus 2. Novembris, quibus simul respondebat ad paternam sibi datam monitionem, ut vitæ suæ conservandæ cautelas alijs usitatas adhiberet, nè in obsequia non necessaria se ingereret. Et quantum ad hoc, scribebat ipse, velle se illum Generalem, tanquam Magistrum perfectionis nostræ in Societate consulere. Duo siquidem esse, quibus moveri quispiam possit ad hanc provinciam expetendam: alterum, ut id veniat ex charitate erga proximum: atque in eo casu adhibendam sibi videri cautam omnem industriam, ut adjumenta vitæ servandæ, evitatis quàm maximè periculis, non omittantur, quo ejus opera se ad plures juvandos possit porrigere, qui ejus est finis. Alterum esse potest, ut illa sui & vitæ velut prodigentiæ, sit actus amoris erga DEUM, cum desiderio inchoandæ quàm maturimè vitæ illius impeccabilis, licet fortè ad tempus sit futura plena tormentorum, qualis est in purgatorio. Atque hanc charitatem erga DEUM sibi fuisse pro scopo principali; charitate erga proximum pro secundo tantum. Jam verò eum, qui hoc se motivo perurgetur sensit, videri sibi non debere admodum sollicitè quærere ea, quibus se contra desideratæ mortis appropinquationem tueatur, aut nimiam cautelam scrupulosè vitare, quæ illam provocent, dummodo non positivè & directè eam procuret. Ego me urgebo, ajebat S. Ignatius M. si nimirum leones tardi fuerint ad me devorandum. Suppetere sibi è Savonio exempla eorum, qui in lue quadam laudantur, quòd ægris peste afflatis non ad ea tantum se promptos dederint, quibus ægri egebant; verum etiam familiarius illos solati sunt, usque ad amplexus, ut omnem charitatis exhibitionem: maximè si pro explorato admittatur, quòd ut proximo in rebus animi, & ijs quæ supra naturam sunt, subvenias, liceat vitam corporis discrimini, prudenter scilicet, seu, ut dixi, modis concessis*



cessis objicere, & ad bonum illud æternum illi procurandum mortem subire. Aliud esse de ijs, quos aliqua obstringit obligatio ad se pro alijs conservandos, ut sunt Parochi, vel Prælati: verum de liberis & expeditis, qui sponte suâ DEI amore honestissimo illi periculo se objiciunt, non perinde videri, ut non eis liceat ex DEI amore eadem agere, quæ parentes exhibent pignoribus suis ex affectu humano, usque ad blanditias eis faciendas servientibus. Atque hæcenus dicta non videri à vero aliena: se tamen illius arbitrio sumum iudicium, sententiam, desideriumque submittere: cupere se ab eo doceri, & ad perfectiora duci. Interea dum respondetur, se non omisurum industrias, de quibus monebatur, ad cavendum; idque se obediendi, non verò vitæ servandæ studiò facturum. Concludit denique: *DEUS illuminans à montibus æternis illuminet Paternitatem Vestram, & per Illam me vallem parvulam, seu veriùs, fossam.*

Verum antequam responsum advenire posset, jam ille mortali vitæ sævitiâ luis ereptus, ad desideratam illam impeccabilem transiverat, 10. die Novembris, octavo post datam epistolam. Siquidem non diu post acceptum ad primam suam postulationem Romæ annutum, contigit Patrum aliquem in Urbem ad fabri ferrarij peste contacti excipiendam confessionem expeti, ab ædituo autem Collegij responderi, nullum esse adhuc Sacerdotum pestiferis audiendis destinatum: cui fermocinationi fortè præfens Rector Marcellinus, jussu tantisper præstolari internuncio, rebus domi raptim dispositis, socijs nequidquam obnitentibus abiit ad Fabrum, assumpto in Socium Blasio Pedretto Coadjutore, pietatis & silentij studiosissimo; confesum absolvit, atque eâ quasi sacrâ initiatione segregatus à convictu consuetudinèque sociorum, separatam in domum concessit, cui ad aream S. Laurentij publicum in vicum erat prospectus. Eâ usus opportunitate, per fenestram eos qui præteribant orare, ut quos pestilentia tactos resciscerent, ad se allegarent, vel ad eos accersere nè differrent: idque tantò studiò, tantæque contentione flagitare, quanto quisque cupidissimus institor emptores solet. Sed, & per plateas cursitantis exultatio, tum alios, tum magnum Ducem in admirationem rapuit, quòd morti tam hilaris obviaret. Demum inter impendendam strenuè morbosam opem, luem contraxit, quam animi tantâ hilaritate sustinuit, ut Ministro Collegij, agens jam propè animam scri-

Societas Europæa.

pserit, nunquam se antea per omnem actam ætatem adeò verâ sinceræque voluptate, quàm nunc frueretur, fuisse perfunctum. Nonnisi 14. dierum intervallo vires ei ad laborandum sufficere, virisque afflatum tridui spatio desideratæ morti addixit, cum annos vixisset ætatis 45. in Societate 26. quatuor vota professus, & quinquennio Rector. Ferdinandus Magnus Dux, eâ quæ de illo increbuerat sanctimonie famâ permotus, noluit eum ad communem lue illâ extinctorum fossam deferri, verum proximè altare Templi in arca duplici tumulari. Quid autem opinionis de illius virtute singulari habuerit universa Societatis Romana Provincia, vel inde constat, quòd Anno 1655. in publico Provinciæ Comitio decreverit petendum, impetrâritque à Præposito Generali, ut in eorum qui in triclinio leguntur illustrium nominum catalogum referretur, ad favem tantæ virtutis memoriam, eâ lectione atque auditione quotannis renovandam. Post illum, ad diem 29. Novembris occubuit, qui eidem comes & socius sanctarum expeditionum fuit, Blasius Pedrettus, domo Lucensis, annorum 43. in Societate 12. priscâ probitate & simplicitate conspicuus.

Nec parciore in alijs Italiæ Urbibus eadem anni 1630. pestilentia, suam laboris & gloriæ partem socijs obtulit. Placentiæ ex ijs, qui operam lue afflictis addixerant, desiderati quatuor: primus ad diem 14. Augusti P. Christophorus Aleortus, Ferrariâ ortus, annos natus 35. in Societate 15. pestilentia mortali afflatus à primo, cui magnis precibus exorata facultate operam impenderat, pestifero curiali Ephebo. Alter ab illo diem suum clausit 21. Augusti P. Joannes Natta. Tertius 26. ejusdem, Joannes Toninus Coadjutor Mutinensis, 55. annorum, in Societate 36. Postremus ad diem 3. Septembris, Angelus Donesius itidem Coadjutor, annos natus 28. in Societate 8. Ponti in Valle Tellina eidem miserorum obsequio immortalis est in Augusto, sed incomperto die, P. Hieremias Nodus, annorum 32. Societatis 11. Mutinæ quoque desiderati sunt tres, Antonius Manzinus, Coadjutor Patribus in sancto opere additus, Mutinensis, annorum 32. in Societate 14. extinctus 3. Septembris. Utrique & 22. Septembris alter Coadjutor Antonius Palatius, Tridentinus, 37. annorum; in Societate 15. postquam 45. dies incredibili diligentia & labore per dies illos æstivos suam in ægros operam contulisset, quæ contentio publicam illi apud Cives conciliârat sanctimonie famam. Novocomi

H h h h  
pariter



pariter ad Lacum Larium, in eodem opere charitatis vitam innocentissimè actam posuit, Gvido Orticonus, oriundus è Corsica, Scholasticus, annos natus 24. quinque commoratus in Societate, Grammaticæ tum ibi Professor. Hic cum ultro se magno animo huic ministerio devovisset, Nostrorum prius peste laborantium domi ad obsequia admissus est. Sed vide rem planè memorabilem. Erat inter hos ex lue decumbens Ludovicus Chiefa, juvenis item & ipse integerrimus, & scholæ collegâ : is die tertio quàm peste correptus est, alienatus ab animo vehementer agitari toto corpore cœpit : & paulò post mirificâ tranquillitate obortâ, duas ipsas horas supinus jacuit immotus, apertis, neque ullam in partem detortis luminibus ; secundum illud silentium, ducto bis altè suspirio, sciscitanti Gvidoni, ecquidnam doloris persentisceret, respondit : *ô si conspexisses & tu, quæ per hoc ego temporis contemplatus sim ! ô Collegij & Urbis calamitatem ! quanta strages, qualis miseria ! quæ labe ! frustra nitimini me celare morbum M. Leva decumbentis in villa, qui cras horâ 7. moriturus est. Eheu Fratribus Antonio Massano, & Joanni Gatto ! eheu P. Flaminio Ridelfino ! sperabant illi quidem sese evasuros, sed frustra omnia ! & nondum finis. Quid ita ?* inquit Gvido ; tum ille rursus : *quia & Pater Rector perendie malo tentabitur, & octavo post*

*Ex Victimis Charitatis Alegambe.*

*Dominicam proximam die, horâ 22. morietur, & die postero item P. Joannes Vertua. Tum iterum Gvido : nullusne praterea domesticorum ? Imò verò ait : & P. Hieronymus Vittani, nec ullus amplius. Ecquid P. Alexander ?* quærit Gvido : *excipietur & ille perbene, sed demum evadet ; & P. Minister quid ? non morietur ille quidem, sed adeo exercebitur, ut illi plus satis sit. Mibi verò quid fiet ?* rogat ultimo Gvido : *Morietur & tu proximam ante postremâ.* Sed nimirum felicior alijs, peste ex charitatis obsequijs contractâ ; cum reliqui hâc gloriæ prærogativâ caruerint. Atque hæc omnia, uti prædixerat, evenerunt, primusque vates ipse Chiefa decessit 13. Septembris, superstite ad mensem Gvidone, & in eodem charitatis studio erga omnes exhibendo perdurante : donec penultimus inter eos ad 12. Octobris occubuit, nunquam deperditâ primavâ, quam in baptismo receperat, innocentia. Monte Regali, Pedemontij urbe, hodie Mondevi dictâ, 2. Novembris pari sorte defunctus est P. Josephus Ceva, Collegij ibidem Rector, annorum 38. in Societate 22. quatuor votorum professus. Cunij verò, ejusdem Provinciæ oppido, similiter in Novembri erepti sunt, P. Augustinus Sandilianus, Vercellensis, annorum 41. in Societate 26. Et P. Balthazar Lingva, Cunienfis, annorum 42. in Societate 23.

## P. ARNOLDUS CATHIUS.



Rnoldus Cathius, natione Belga, domo Leovardienfis, quæ occidentalis Frisiæ urbs est ; Harlemij disciplinis humanioribus, Lugduni Bataavorum Philosophiæ & Medicinæ operam dedit : cui magis excolendæ Paduam concessit, ejusdem illic laureâ insignitus. Sed DEUS illum animarum curandis infirmitatibus medicum destinans, idem quod olim S. IGNATIO desiderium injecit loca Palæstinæ sacra visendi : ejusque peregrinationis meditatione occupatum, dum consilio suo exitum non reperit, svavi spiritûs Divini impulsu ad Societatem Romæ pertraxit anno 1600. Post exactum Tyrocinium repetitâ Philosophiâ, tertium Theologiæ emensus annum, adversâ cœpit conflictari valetudine, ideoque Sacris à Bellarmino Cardinali initiatum, ad patrium cœlum in Belgium remissus est, ut Lovanij studijs extremam induceret

operam. Inde in Frisiam destinatus, undecim totos annos ingenti zelo in salutem animarum procurandam apud Hollandos insudavit, idemque studium diversis quantumlibet officijs distentum nunquam intermisit, sive Lovanij sacras literas, & Antverpiæ Fidei Cōtroversias explicaret ; sive Collegium Ruremundæ, cui immortalis est Rector, gubernaret. Et quidem humilitas, prima Virorum Apostolicorum virtus, & perfectionis Evangelicæ fundamentum, quàm profundè ejus animo infederit, abundè tunc declaravit, cum in Frisia monitus per literas de quatuor votorum gradu Professionis sibi delato, ita nuncio perculsus est, eò honore indignum penitus se existimans, quantum alijs eodem negato consternari vix potuisset. Salutis hominum sitientissimus, dicebat ad populum bis sæpè unâ die, simulque pueros, præsertim tenuioris fortunæ, catechesi imbuebat ; reliquo die totus in audiendis confessionibus, ægris die-

no-





P. Arnoldus Cathius Soc: Iesu, Belga, sæpius in obsequio pestiferorum versatus, et ipse huc non semel contractâ, omnes boni cultoris Vineæ Christi partes implevit: fatali morbo inter concionandum prostratus Ruremundæ 13 Dec: Anno 1630. Ætatis 54. ~.

131.

noctûque adeundis, lustrandis xenodochijs; militibus civibûsque, tamerfi contagionis cum periculo, adjuvandis. Atque hoc illi non tantum privato inter alias occupationes solenne fuit; sed Rector etiam, quod suorum laboribus parceret, plures sæpè per hebdomadam noctes apud infirmos excubabat: fuistque, cum defuncti militis corpus humeris ipse tolleret, illaturus in sepulchrum, nisi accurrentium nonnullorum, quos tantæ charitatis spectaculum perculerat, opera in auxilium venisset. His officijs in multa vitæ discrimina fuit adductus, & venenum à pestiferis afflatum non semel hausit, quod in ulcus tabo virulento fœdum erupit. Nam & in Frisia, & alibi pestem ex obsequio contraxit, dum eâ afflictis satagebat inservire: ad quorum nihilominus obsequia identidem Superiori-

*Societas Europæa.*

bus se offerebat; tum etiam cum Rector esset.

Erat adhæc prudentiâ insigni, ut conversationis suavitate omnium sibi animos, eorum etiam, qui alioqui Societati minùs favabant, devinceret: unde consulebatur de gravibus cujusvis generis negotijs à Prælati, à Viris Principibus, ab alijs Religiosis, ab Urbano Magistratu: amabili morum comitate, & sincero affectu, auctoritatem illi apud omnes & amorem conciliantibus. Procul erat à fūco, fictâque ac politica, quam vocant, agendi ratione, quam pestem appellabat humanæ Societatis; quo fiebat, ut certi arcana sua in pectus fidele & sincerum deponi, mirâ fiduciâ omnes vulnera sua & arcana illi panderent. Optabat semper, ceu verus Christi miles, in acie mori, & si negaretur decus

Hhhh 2

max



martyrij, inter concionandum certè, vel aliud Apostolicum munus defungi : & parte aliquâ votorum potitus est. Vix enim à morbo, quo fuerat Rector afflatus, se paululum recreârat; cum institutâ ad populum concione pomeridianis diei S. Francisco Xaverio sacræ horis, tantâ contentione dixit; ut impares spiritui qui loquebatur vires succumberent. Inter hæc tamen proximorum salutis studia adeo non erat immemor sui, ut perpetuò adhæreret DEO, & jaculatorijs aspirationibus omnia negotia condiret : ejus amorem in omni sermone loquebatur, in eum omnes provocabat; ad horas singulas, proposito sibi certo Passionis mysterio, conceptis precibus Christum Dominum laudabat. In horto etiam domestico conceperat loca, quibus Servatorem patientem varijs modis cogitaret, easque stationes tacitus pietatis ergo inambulans recolebat. Ajebat se vix unquam copiosius è cælo beari, quàm cum sacrificanti Sacerdoti cuiuspiam ministraret, quod ideo quotidie, si opportunitas tulisset, lætus obsequiosissimè faciebat. Eadem causâ tricena sibi capita rerum proposuerat, ad quæ animum ipse inter sacrificandum adverteret, varios virtutum actus eliciturus. Sæviebat in se quotidie bis flagellis nodosis & catenatis, quibus se sanguine haud indecoro sordidabat : & ad acriorem doloris sensum faciendum, totum subinde corpus, alijs atque alijs succedentibus membris, diverberabat; ut modus carnificinæ à Superioribus statui debuerit, nè se conficeret. Frequens accedebat in hebdomada jejuniū, frequens & pene continuus capitis, colicæ, calculi, herniæ dolor, quos æquissimo animo tolerabat : paupertatis amator eximius, ut nihil haberet in cubiculo pretiosum, vestitu semper alijs attritiore usus : neque in ultimo morbo quidquam admitteret, quod mollitudinem & delicias saperet. At in domesticos uti lenis ac placidus, ita e-

Ex Bibliotheca Alegambe, & Nierembergij Tomo 4.

rat intrâ religiosæ modestiæ fines profusè liberalis : unde fiebat, ut DEO, cui fidebat impensè, subministrante, Collegium difficillimis temporibus percommode sustineret, diceretq; se minimùm temporalis rei sollicitudine angì, cum sciret sibi neminem à DEO per Moderatores mitti, cui non simul necessaria submitteret : id quod summis Collegij angustijs ipse non semel expertus est. De Instituto Societatis tantam habebat existimationem, ut crederet Angelum, si inter mortales viveret, haud aliud vitæ genus amplexurum : indè post magnam DEI Matrem S. IGNATIUM maximo affectu venerabatur. Tractandorum animorum, & ad summam perfectionem viâ planissimâ conducendorum, quàm fuerit peritus magister, declarat inter reliquas ab eo editas lucubrationes, *Paraphrasis continua in Canticum Canticorum Salomonis*, cui in eo genere vix parem prodijisse creditur.

Demum indefatigabili laborum contentione in optima ætate fractus, cum ab agritudine vix dum revalescens iisdem se, ferventiùs restitueret; à prima statim die S. Xaverij habita concione excepit illum febris & nervorum tremor, atque convulsio; cui cum nec ipse, quamvis animo magno conaretur, nec Medici posset industria oblucri, cessit egregius Vir; & paucis ijs diebus, quibus decubuit, miram exhibuit in tolerando patientiam, perennem in Divina mentis intensiōnem, suavissimam cum CHRISTO crucifixo & B. V. MARIA per crebra colloquia familiaritatem. Opinio fuit eum à Germano Fratres natu majore fuisse accitum ad superos : quò cum pepigerat, ut qui priùs decessisset, superstiti à DEO ( si modò conduceret ipsi ad salutem ) exoraret brevem è vita migrationem : obierat autem ille non toto priùs bimestri. Discessit P. Arnoldus Ruremundæ 13. Decembris Anno 1630.

ætatis 54.

## P. MARCUS GUZZONUS cum alijs 9.




Larissimo genere Venetijs ortus P. Marcus Guzzonus, virtutum splendore, haud parùm illustrior; Patavij in Societatem coopatus est anno 1601 : ubi cum Tyrocinium poneret, anno illius altero in malignam febrim delapsus cum pestiferis eruptionibus, usque eò paucis diebus graviter affectus est, ut tumefactâ lingvâ, ore putridâ

ac densâ subpurato materiâ, & circum dentes concretâ, ægre hiare vel loqui posset. Ad hoc & mente sæpe vacillabat, ut morbo indies ingravescente sanitas ejus desperaretur à Medicis, ac demum postera luce sacro Viatico instrui juberetur. Venit in mentē pluribus tunc Patribus, jubere eum pro honore beati Aloysij Gonzagæ, cujus tum recenter defuncti, sanctimonix opinio mirè vigescebat, votum aliquod concipere : quorum unus cum

circi-





P. Marcus Guzzon, Soc. Iesu, Venet, vitam præclare  
in salutem proximi actam, eidem in pestilentia  
juvando, mortu lubens obtulit Ferrariæ 1 Aug.  
A. 1631. alijs 9, pari sorte per Italiam sublati.  
132.

circiter horam noctis quintam, coram Reliquijs B. Aloysij prostratus DEUM pro ægro precaretur, impelli se persensit divinitus, ut idem hoc consilium Reçtori suggereret, certissimam sibi spem ingeri sentiens, ægrum divinâ ope, ob hujus sancti adolescentis merita, persanatum iri. Admonitus è vestigio Reçtor suggestionem approbat, & reliquias easdem Ministro commendat primâ luce ad ægrum deferendas, ut postquam salutare viaticum sumpserit, votum aliquod pro ipsius honore, DEO persolvendum concipiat. Minister minimè in diem posterum cunctandum ratus, extemplò cum reliquijs ad decubentis lectulum adit, & ex Reçtoris voluntate, consilium indicat voti concipiendi: quod ubi magno pietatis & fiduciæ sensu, inter tenerissima sacri pignoris oscula emisit, levationem

continuo experitur, tantòque illi melius eâ nocte factum est, ut medicorum judicio postridie periculò defunctus, sacro Viatico non indiguerit, sed pietatis duntaxat causâ sumpserit S. Eucharistiam, brevè deinceps plenæ sanitati redditus. Secundum Tyrocinium ità literas, religiosèque omnis officij scholas tractavit, ut virtutis ac doctrinæ meritò ad quatuor vota Professorum admissus sit; Vir quàm sui despiciens, tam flagrantissimè cupiens salutis alienæ. Hinc illi continuum dicendi pro concione studium, nullo discrimine loci, nullo auditoris delectu, illustris ille, an obscurus esset, in Templo an in trivio campove, Urbe an pago; dum prodesse cuiquam hortando posset. Ad hæc fructuum, qui ex Missionibus Apostolicis colligi solent minimè inexpertus, unam aliquando ejusmodi ex-

Hhhh 3

pedi-



peditionem instituit Argentæ, nobili & frequenti agri Ferrariensis oppido, ex qua de reliquis ipsius in salutem animarum susceptis laboribus conjectura capi potest. Hic nè cuiuspiam oneri esset, tribus circiter inde passuum millibus ruri Collegij Ferrariensis, cum socio confedit, unde sæpius per hebdomadam in oppidum pedes procurrens, confluentem multitudinem cohortantibus, & omnibus in Missionem usurpari solitis officijs ad virtutem accendere, atque exemplo arctissimæ vitæ formare studebat. Adeste Gubernator, & ex Primoribus præcipui, fervore tam insolitæ industriæ mirè capti: cum ipse opere diurno expleto domum semper pedes, tertiâ sæpe noctis horâ rediret, nunquam non sudore madidus, tam laboris quàm itineris, sæpe & imbris & luto sordidus: sed hilari semper animo, & patientiâ laborum pro salute mortalium mirificè lætus. Ut verò fructus è laboribus suis altius in animos certiusque derivaretur, quem sine corporum cura in egenis & ærumnosos plerumque sterilescere noverat, corrogare pascendis egentibus, collocandis Virginibus, vestiendis nudis pecuniam: ac tum vicatim obvios invitare, & globo facto collectos deducere ad proximam aliquam DEI paræ imaginem pendentem in publico, antè eam de genibus primùm Litanias alternis evolvere, mox ad confertos sermonem habere, incredibili tam suâ vehementiâ, quàm illorum animi commotione & fructu, ubi præsertim corrogata in singulos liberaliter partientem experiebantur. Huc quoque generalem pauperum communionem indixit, quibus magno numero collectis, & sacro epulo refectis, suam singulis è manu stipem largitus est, singulos arctè amantèrque complexus, maximo populi motu & exemplo. Ad hæc elementa Christianæ Religionis palàm suis temporibus explicabat, eoque existimationis adduxerat eam disciplinam, ut cum ei consvessent etiam primores interesse, gestirent interrogari de mysteriorum sensu, & palàm respondere.

His & similibus alijs intentum bonis artibus, coorta pestis Ferrariæ invenit, quam ille sibi minimè negligendam arbitratus opportunitatem, ultro suam detulit operam, tam Moderatoribus Societatis, quàm utrique Cardinali, Sachetto & Magalotto, huic Urbis Episcopo, illi Legato, ad curam infectorum.

*Ex Victimis Charitatis Alegambe.*

Cunctari nonnihil Isti principiò, tum personæ, tum generis dignitate permoti; sed constantiam Viri, & charitatis exequendæ flagrantem voluntatem, cum summa sui despicientia experti, cessare flagitanti, & Nosocomij Valscurani præfecturam illi committere: cum ea tamen cautione, nè propius ad ægros ipse accederet, aut ipsorum receptaculis succederet, addito hac una in re suo socio parendi præcepto. His compressa repagulis hominis flagrantissimi charitas, aliquid excogitare debuit, quo se effunderet. Fenestram in ea sæpe aperiendam curavit, quâ ægrorum à suo habitacula dirimebantur: eâ confessiones illorum constanter excipere, solari, eâ quotidie universis, à recitatis in commune Litanij Virginis, fermocinari de rebus æternis. Postquam locus iste Valscuræ cõtatione extinctâ, Patris operâ haud ultra eguit, Figarolum alterum Ferrariæ suburbanum vicum, qui cum pestilentia conflictari pergebat, P. Marcus transire permissus, eadem ibi præfecturâ potitus est: hoc uno felicior, quod in ista virus contagione attraxit, quo præmium operæ utrobique impensæ mercatus est: solitus pridem dicere, videri sibi mortem huiusmodi ad salutem fore. Ingens sui desiderium moriens apud eos populos reliquit, extinctus die 1. Augusti, Anno 1631.

Eodem hoc anno diversis Italiæ locis sævientie lue, complures è socijs infectorum ad dicti servitio ad præmia suæ charitatis evocati sunt. Primus Ponte in Valle Tellina 31. Maij, P. Theodorus Vareseus, domo Papiensis annorum 39. in Societate 17. Castronovi in Insubria 1. Augusti P. Melchior Bobbius Placentinus, annorum 43. in Societate 27. Ibi dem P. Vincentius Rignolius Mediolanensis, annorum 50. in Societate 28. die 5. Augusti. Et 23. Augusti P. Bernardinus Torrianus, Comensis, annorum 53. in Societate 33. Ac demum 5. Septembris, Andreas Dordonus, Laudensis, annorum 33. in Societate 12. Nicæ pariter terni. P. Mutius Monga, in Junio, domo Alexandrinus, annorum 42. in Societate 21. Andreas Campagnanus, Mediolanensis annorum 24. in Societate 5. die 1. Julij. Septimò verò ejusdem Joannes Bracellius, Mediolanensis, annorum 49. in Societate 18. Mediolani quoque 11. Octobris, P. Franciscus Panianus, ibidem natus, annorum 65. in Societate 40.

P. JACO-





P. Jacobus Ruiz de Montoya Soc. Jesu, Hispan., profundissimæ doctrinæ Theologus, simulq; pauperum Pater, et rudium Catechista perpetuo. Barbarorum et Matorum Advocatus, quorum supra centum millia baptizari effecit. Obijt Hispali 25 Martij 1632. Aetatis 70.  
133.

## P. JACOBUS RUIZ DE MONTOKA.

**P**ater Jacobus Ruiz, Hispali primam lucem aspexit, parentibus nobilibus & opulenti satus, sed innocentia & virtute nobilior, utpote qui ejus nitorem in baptismo receptum, nullâ unquam gravioris noxæ maculâ infuscasse creditur. Annos natus 14. Societati se dedit, summarum rerum, ad quas vocabatur, expectatione contemptâ, cum eum Patrius vir summæ auctoritatis & facultatum, hæredem sibi, & reddituum supra decies mille aureorum annuè provenientium, disponeret. In tyrocinio, studiisque omnibus, virtutum religiosarum splendore, ingenij & doctrinæ acumine alijs

antecelluit, ab omni æmulatione vanaque ambitione alienissimus, ad vilissima obsequia pronissimus, singularem præferebat gustum in eluendis patinis, everrenda domo, & purgamenti exportandis. Consuetæ relaxationis die prorogabat spatium orationis; cuius ferè materiam Domini cruciatus suppeditabant; & quot mensibus diem solidum sui ipsius inspectioni tribuebat. Studebat ferè de genibus, tanquam qui internum Magistrum auscultaret; quo docente in eum apicem sapientiæ evasit, ut ob ubertatem & profunditatem Theologicæ scientiæ, Athanasio, Hieronymoque, & cæteris heroicorum illorum Ecclesiæ temporum Doctoribus persimilis haberetur: cuius doctrinæ pro theatro debi-



beri poterat Synodus Oecumenica. Tam exactè moderabatur animo & lingvæ, ut nec ætatis fervor, nec ardor disputationis, ullum illi verbum commotius, aut gestum exprimeret incompositum. Humanarum laudum, & sui ipsius contemptor summus fuit, ut nè verbum quidem unum unquam illi excideret ad sui commendationem, in rebus omnibus semper postrema seclatus. Adhibebat sæpe in consilium suos ipse discipulos, cum esset alij pro miraculo. Cum postularetur à Patre Francisco de Porres Visitatore nimix severitatis in gubernatione Collegij Cordubensis, nihil excusavit, cum facilè posset, utpote summâ deliberatione procedere solitus; quin ultro perlectum accusationis schedium, flexis genibus Visitatori restituens, illo clarè evinci dixit, se gubernationi minimè idoneum esse, simulque Rectoris munere absolvi impetravit, neq; ullum deinceps Magistratum, etiam ad Provinciam moderandam postulatus, admisit. Ubi primùm Diaconus factus est, Moralem Theologiam Bæzæ explicuit: inde post annum, qui fuit 1585. Granatæ Philosophiam auspicatus est, & deinceps Cordubæ atque Hispali primam Theologiæ lectionem, totos 20. annos obtinuit. Quo toto tempore, & multo magis ubi ad scribendum libros se recepit, nemo illum è cubiculo suo, vel domo (nisi dum ad pauperes juvandos exiret, ut mox dicemus) prodire vidit, nemo silentium vel uno verbo violasse deprehendit, nemo otiosum vel momentò temporis notavit.

Hunc autem solitudinis ambitum nequaquam ex naturæ tetrico natum esse genio, quem amabili cum omnibus agendi methodo summè affabilem declarabat, patuit ex ingenti promptitudine, quâ in auxilium pauperum & destitutorum provolabat. Nam Theologiæ Hispali Professor existens, propriam Catecheseos rudibus explicandæ curam suscepit; neque contentus illam certis diebus per Templa Parochialia explanare; eandem magno labore Infidelibus & Mauris, qui copiosè annis singulis ex Gvineæ & Angola advehabantur, instillabat; utq; Sacramento Baptismi ritè initiarentur, summo studio procurabat. Et cum adverteret multa à quibusdam moveri dubia, an securè ejusmodi barbaris Sacramentum hoc conferri posset, tractatum Catecheticum pro Indis & Æthiopibus instituendis composuit, Francisci Reynosi Episcopi Cordubensis jussu impressum; unaque ostendit, non posse illos ab hac DEI gratia legitime arceri: cujus auctoritate constat in.

Hispaniæ ditionibus, ubi frequentiora ex illis nationibus distrahuntur mancipia, supra centum millia brevi tempore fuisse baptismo expiata. Eodem animarum zelo incitatus pervasit, ut expositi & inventitij infantes sacro lavacro tingerentur saltem sub conditione, licet fortè scheda penes illos baptismi testis reperiretur: quod diceret, fieri posse ut proles sint parentum Infidelium, qui odio baptismi ad eum ipsum à pignoribus suis avertendum, studiosè mentirentur ipsis jam esse collatum. Atque ut has similésque doctrinas bono animarum tantopere necessarias, latius per Sacramentorum administratos propagaret, scholam Dominicis omnibus sub vesperam, & conventum Clericorum Hispali aperuit, in quo Casus merè practicos è Theologia morali explicabat: in id simul maximopere intentus; ut sui etiam in Theologia speculativa discipuli periti in officio Curatorum, in munere Sacramenta administrandi, atque Catechesim ad populum tractandi, evaderent. Eâ causâ statas ad Ecclesiasticos habebat conciones, plenas spiritu & fervore Apostolico; cujus verbis tantum Dominus indebat pondus & efficaciam, ut multi testarentur, unico se illius dicto maximis perplexitatibus exemptos, & ad veritatem à falso discernendam illustratos fuisse. Neque exiguus eorum fuit numerus, qui alloquio Patris incensi, rebus humanis nuncio remisso, vitam Religiosam amplexi sunt. Denique tanquam ad oraculum accurrebant omnes, consilij in rebus perplexis & conscientia perplexitatibus gratiâ, Archi-Episcopi & Capitulares, Principes & Magistratus, privati & in publicis munijs constituti: dicebat enim sententiâ & sensum suum liberè, solâ veritate, absque ullius respectu, præ oculis habitâ; neque aliud majore odio prosequabatur, quàm os bilingve, & aliud ore ac corde volutans. Nec facilè quidquam gravioris negotij decernebat Archi-Episcopus, neque pronunciabat sacra Inquisitio, nisi priùs auditâ Patris sententiâ, quam plerumque expetebant quotquot controversias vel inimicitias invicem exercebant; nec minùs quàm decreto tribunalis cujuscumque quiescebant.

Sed nunquam patentius veracitatis in Patre studium eluxit, quàm dum eam contra ipsiusmet Regis Catholici sensu liberè exeruit. Edixerat hic magnæ cujuscumque necessitatis obtentu gravem in Cives Hispalenses pecuniarum exactionem, decretumq; ad Urbis Magistratus jam expedierat. Et quia Magistratui solenne sciebat, nihil unquam moment



menti alicujus decernere, nisi prius audito & consulto P. Jacobo, literas ad ipsum per Ducem de Lerma dedit, favoris Regij & gratiarum plenissimas; inter reliqua verbo Regio promittens, si Pater sententiâ suâ indictam (ut vocant) contributionem approbarer, & consilio suo Optimatibus urbis persvaderet, effecturum se apud summum Pontificem (qui tum erat Paulus V. & tractatus quoslibet de auxilij gratiâ Divinâ typis edi prohibuerat) ut libri ab ipso super hac materia doctissimè elucubrat in lucem excudi permitterentur. Verùm rescripsit tam modestè quàm liberè Pater, cupere se Majestati Regiæ in quavis causâ obsequentiissimè servire, in ea tamen tributorum causâ, quæ in manifestam subditorum oppressionem contra conscientiam vergeret, citius libros omnes sui partûs proprijs manibus igni crematurum, quàm editum Regium probaturum esse. Quod autem in ejus recondita sapientia potissimum in admirationem rapiebat omnes, erat profundissima Casuum conscientiæ & moralis Theologiæ scientia, cum tamen palàm esset, quàm tenerâ ætate, nullâ dum sæculi experienciâ, Religionem complexus esset, ut idcirco non studio acquisitam, sed cœlitus infusam plerique autumarent. Quacunque enim in materia requireretur, tam aptè & fundatè respondebat Advocatis, Causidicis, Regijs Tribunalibus, Ecclesiasticis Consistorijs, cuivis Magistratui, & privatis, perinde acsi totam ætatem in proprio cujuslibet horum foro, & causis ventilandis transegiisset; perfectâ notitiâ complectens omnia Regni & Urbium jura, privilegia, fori & curiarum praxes, stylum, consuetudines, processus, & in his obrepentes fraudes aut evasiones, ita ut à nullo in fraudem induci, aut deludi posset. Atque ad horum capiendam notitiam, unicè impellebatur amore & zelo proximorum, ut quoad fieri posset, omnibus quàm maximè prodesset: ideoque communiter vocabatur alijs profundissimus Theologus, alijs uberri-mus, copiosissimus, & omnis-cius Doctor, alijs illustrator & defensor acerrimus innocentie, alijs Vir persimilis heroibus primævæ Ecclesiæ, & nominatim S. Athanasio, S. Hieronymo, quorum liberum in dicenda & tuenda adversum omne genus hominum veritate zelum constanter imitabatur. Atque hunc dicebat Societatis hominibus maximè proprium, quos oporteret ex Instituti sui rationibus Martyres esse, testésque veritatis. Ad gravissimæ quæstionis definitionem cum primis omnium Ordinum Theologis ab Archi-Epi-

*Societas Europæa.*

scopo Hispalensi, Petro de Castro & Quinno-nes, vocatus, postremus adveniens in imo confederat; sed omnibus uno animo assurgentibus acclamatum est, ipsi uni præter antiquitatis leges, inter familias Religiosorum servari solitas, deberi primas, qui omnibus esset eximius: itaque ad summa subsellia ductus est, & in ipsius unius sententiam quæstionis definitio rejecta. Tantam enim de Viri sapientia existimationem conceperat Archi-Episcopus, ut sæpius palàm fateretur, solo ejus unius arbitrio amplius sibi & potenti-ùs, quàm reliquorum omnium quantumlibet profundis sensis, persvaderi.

Tantæ Vir capacitatis & scientiæ cum esset Jacobus, nunquam tamen in proprio sensu ita abundavit, ut non illum humillimè Superiorum arbitratui subjiceret. Insupererat aliquando disputandis Thesis conclusionem ex proprio ingenio conceptam, de qua certior factus Rector, eam expungi mandavit: quam licet firmissimis rationibus tueri posset Jacobus, ita nihilominus obedientiæ acquievit, ut nè verbo quidem unico contradiceret, vel, ea de re mentionem unquam faceret. Inter proposita, quæ sibi agendorum veluti regulas præfixerat, nè scientiæ magnitudine unquam extolleretur, præcipuæ erant. Primò, Nunquam sive directè, sive indirectè, procurabo ullam in aliorum opinione existimationem vel honorem, idque in nullo genere, quantumlibet id ad DEI servitium pertinere appareret. Secundò, Nunquam de rebus meis laudabiliter loquar, sed magis laborabo, ut defectus mei omnibus innotescant, & virtutes in occulto remaneant. Tertiò, Amabo, & quæram contemni, & vilipendi ab omnibus, absque ulla excusatione, vel umbra honoris. Quartò, Si quando cæco impetu, & perverso judicio abreptus, sentiam me trahi ad honorem admittendum, vel fugiendum despectum, inferam mihi vim ad nitendum in contrarium; recordando, aliter me, cum expedito judicio fruerer, censuisse: muniamque pectus signaculo crucis, quæ nostra est armatura, dicendo, DEUS in adjutorium meum intende. Quintò, Petam assiduè à Domino contemptus, & vilipensionem mei, quæque ejus comitatus sunt, omnes virtutes, unaque contemptuum amorem, licet eos rebellis natura sufferat non cum delectatione, sed multâ repugantiâ. Atque ex hoc sui deprimendi studio nascebatur in illo intimæ vilitatis suæ agnitio, ut sincerè crederet se vilissimum omnium, mirareturque sua posse cuipiam in æstimatione esse, vel libros à se elucubra-



lucubratos ad typum depolci. Ejus rei luculentum exemplum præbuit, dum à Superiore falsis delationibus nimium credulo, repente Hispali primâ Theologiæ cathedrâ dejectus est, & à scholis proscriptus, magnâ apud domesticos & externos infamiæ notâ. Cui postliminîo, deprehensâ accusationum inanitate restitutus, lectiones easdem animo sedatissimo, perinde ac si nihil intervenisset, repetijt, neque ullo unquam verbo ejus injuriæ mentionem iniecit; & si quando ab alijs moveretur, constanter Superioris factum tuitus est, neque aliter prudentiis rem statui potuisset, demonstrare conabatur. Nimirum DEI cognitio per continuum orandi studiû comparata, hunc ei de se ingenerabat sensum; illi siquidem frequentissimè, coram SS. Sacramento prostratus in faciem (quo plerumque situ in oratione deprehendebatur) totos dies impendebat: confidenti aliquando amico confessus, non posse animum suum à DEO ad aliud quidpiam cogitandum ita avelli, quin perpetuò illi unitus adhæreret.

Aliquot ante vitæ exitum annis, placuit DEO Virum in schola patientiæ exercere, & acerbissimis doloribus probatum veluti fabri politum malleo lapidem, ædificio cœlesti aptare. Cum enim nullius rei terrenæ gustu duceretur, legendo duntaxat & scribendo vitam senilem traducens, hoc ipsum solatium DEUS illi subtraxit, oculorum usum, defluxione humorum tollendo, ut veluti cæcus aliud agere, præter aures in excipiendis penitentibus occupatas, non posset. Huic calamitati accessere ultimo quadriennio acutissimi calculi cruciatus, quorum admirabili tolerantia Medicos in stuporem rapiebat, cum pressio omni dolore totus esset in gratijs DEO, pro singulari hoc beneficio agendis, unicum.

*Ex Nierenbergij Tomo 3. & Bibliotheca Alegambe.*

## P. PETRUS DE LEON.



Ater Petrus de Leon, natione Hispanus, patriâ Xerezensis, secutus vestigiâ Fratris sui natu majoris Joannis, post initam Societatem in Germania, plus quàm 30. annis altiores disciplinas in aliquot Universitatibus, cum multorum hæreticorum reductione explicantis; Societatem & ipse magnâ constantiâ per quinquennium expetit, admissus tandem anno 1567. ætatis 22. Nemo illo fuit in tyrocinio humilior; nemo de se abjectius sentiens, ut flexis etiam geni-

solamen in Christi vulneribus reponens, in cuius cruci affixi simulachrum irretortis oculis intentus, illud identidem fronti & pectori apprimebat. Beatam verò transitûs sui horam continuis suspirans desiderijs, exclamabat sæpissime: *ô dies æternitatis, quando te perfruar? quando te videbo?* neque aliud gratius solatium accidebat, quàm si diceretur arteriæ pulsus deficere. Hæc illi nimirum securitas erat à magnitudine virtutum, quibus erat armatus; quæ tantæ fuere, ut pene modum viderentur excedere justæ virtutis. Obijt Sacramentis omnibus munitus Hispali 25. Martij, anno 1632. ætatis 70. Societatis 56. magno omnium Ordinum concursu tumulatus, cuius sepulchro vitæ virtutumque brevium in hæc verba inscriptum est: *Venerabilis Pater Jacobus Ruiz de Montoya Hispalensis, absolutus sui sæculi Theologus, per plures annos publicè docuit. Prudentiæ, constantis animi, integerrimæ morum disciplinæ, mundi & honorum contemptus exemplar: omnium ordinum hominibus consilio & opere salutaris. Barbarorum, Æthiopum, Hispanensium, Catechests, & Baptismi impendendi auctor, copiosâ animarum fruge. Post illustratas scholas, silentio privatæ vitæ, & indefessæ SS. Patrum lectioni addictissimus: auxiliatricis gratiæ illustrator, & defensor acerrimus. Editis de Trinitate, Scientiâ & Voluntate Divina, Prædestinatione, Providentiâ, Visione, & Nominibus DEI, in quibus nemo hætenus altiore impresse sulcum; luculentissimis Commentarijs dum aliâ Theologica in Ecclesiâ obsequium meditatur, ad diuturni morbi & patientiæ stipendia, veteranus miles evocatus à DEO, Sacramentis Ecclesiæ ritè expiatus discessit in pace, anno ætatis 70. Societatis 56. Domini 1632.*

bus Sacerdotium deprecatus, in fortem Coadjutorum temporalium redigi exambiverit. Post Grammaticam aliquot annis, magno puerorum etiam in virtute profectu traditam, Operarij animarum munus suscepit, & per omnem deinceps vitam, etiam cum Gadibus Collegium bis gubernaret, nunquam dimisit, per omnia ejusdem munia laudatissimè versatus, nomenque apud cujusvis statûs homines indeptus Viri prorsus Apostolici, Zelatoris animarum, & Operarij inter reliquos sui ævi, magis insignis & præcipui. Prima inter reliquas illi cura fuit, incurios suæ salutis ad confectio-





P. Petrus de Leon Soc. Iesu Hispanus, miris conversionibus Peccatorum clarus; sedandis dissidentium animis, et maleficis ad sanctam Mortem disponendis peculiariter à Deo destinatus. Obijt Anno 1632 . 24. Septembris, Ætatis 87. ~ 134.

fectionem attrahere, ejusdemque frequentiam vecordibus persuadere: & idcirco frequens excurrere in fora, campos, & vias publicas, otiosos ad audiendum cœlestem doctrinam, quam eodem loci mox inculcabat, invitans; è quibus semper bonam manum post se in Templum adducebat, pane Divino reficiendam. Assiduus erat in visendis ægrotis, carceribus, nosocomijs, omnibus factus omnia, nova semper consilia adinveniens, quibus ad vitæ emendationem proximos adduceret. Et quia pœnitentes summâ quâ posset benignitate tractabat, sæpissimè evenit, ut peccatorum enumeratione jam finitâ, cum Patris pene ad maternam blandiciem fragilitati suæ condolentis monita audirent, tum primum seriò compuncti ea depromerent, quæ sacrilego pudore absterrenti nulla in confessio-

*Societas Europæa.*

ne aperuerant. Conciones extemporaneas cogebar in locis publicis, fluminum & maris littoribus, plateis, foris, triremibus, carceribus, hospitalibus, dicebaturque fervore igneo, qui ad incendenda gelata peccatorum corda intimè penetrabat. In his audivit Patrem homo salutis projectæ, scelerum atrocitate in barathrum desperationis prolapsus, ideòq; annis 18. jam impœnitens; hic ipso illo vespere, quo de misericordia & DEI longanimitate Patri peroranti adfuit, navim conscensurus erat, ut ad Mauros, Mahometi sectam professurus, trajiceret: sed dicentis vi ad saniora reductus, cum DEO in gratiam redijt. Utque nihil dicam de veteratis multorum annorum pertinaciâ, extinctis odijs, de juramentis & blasphemijs inter nautas & milites sublatis, de pluribus ab hæresi & Mahomete ad

liii 2

Eccle-



Ecclesiam traductis, de quàm plurimis ad egregiam virtutem vitæq; sanctimoniam proVectis; singulare fuit, quod Hispali magnâ omnium admiratione unâ dictione perfecit, cui abolendo nullæ Magistratum leges, nulla Tribunalium edicta, & pœnæ sufficiebant. Solebat vagabunda juvenus, & quidquid licentiosæ vitæ insveverat pubis, festis diebus patenti extra Urbem loco convenire, ad ulciscendas de æmulis per hebdomadam acceptas injurias: ubi in plures turmas hostiliter divisi, ludicræ genus pugnæ non ludicrè referebant, serijs invicem vulneribus tum eminus excussis fundâ lapidibus; tum cominus brevioribus armis, nequè rarò funeribus, accipientes. Diu frustra tentatis omnibus ad improbum evertendum morem à Magistratu remedijs, die sanctæ Crucis sacro Pater speciali numinis instinctu (nam alioqui res plena temeritatis & periculi fuisset) in media ipsorum agmina, dum insensissimè concurrerent, sese injectit, elatòque sanctæ Crucis vexillo, quod occultum eatenus servabat, eo spiritu efferatos allocutus est, ut suspensis primùm ad novitatē animis auscultarent universi, mox autem fervore dicentis commoti, arma suæ certatim ad pedes ejus abjicerent, fundas, pugiones, enses, fustes, idque tantâ copiâ, ut omnia numerum millenarium facillè impleverint. Horum præcipuis ad Crucem Dominicam perticæ alligatam appensis, & reliquis in alios arborum ramos trophæorum ritu affixis, supplicationem ordinatissimam cum toto juvenum exercitu in Urbem instituit, jucundissimo Civibus spectaculo, quo finis noxiæ petulantix impositus est.

Pari successu laboravit in mulierculis à vita prostituta ad frugem revocandis; plerisque Festis & Dominicis, quibus earum profitibula jussu Regio clausa teneri effecit, eas allocutus, nunquam sinè fœnore optati lucri: nam modò quatuor, tres, senas, modò decem, undecim, ab infami quæstu ad ædes, singularem suâ industriâ talium receptui instructas, traducebat; ubi nunquam pauciores 40. elemosynis per ipsum corrogatis sustentabantur, donec honestè elocandis dotem providisset. His adjecit sollicitam carcerum & ergastulorum per annos 38. constantem curam, animis æquè ac corporibus miserorum summo opere proficuum, pluribus ab hæresi reductis ad Ecclesiam captivis Anglis & Scotis, & pravis moribus eliminatis. Nulli siquidem fœminæ licebat virorum ergastula subire, & si quæ ex his carcere attinerentur, seorsim inclusæ degebant. Tollendis penitus juramentis &

blasphemijs, Sodalitatem inter eosdem instituit, sub titulo Nominis JESU, cujus hodièque in magno vigore conservatæ studijs, in locum pravæ hujus consuetudinis introducta sunt varia pietatis exercitia, Confessio & Communio solennis mensurus, frequenti primorum è Magistratibus præsentia celebrior reddita, non absque concione & Musicorum choro: supplicatio flagellantium, cum Passionis Dominicæ insignibus, hebdomadæ sanctæ diebus quotannis per impluvium areamq; carcerum instituta: quotidiana Rosarij recitatio, & id genus alia Christianæ devotionis exercitia. Vitæ subsidia non tantum à potentioribus, sed ostiatim etiam vicatimque illis mendicabat: vidensque nonnullos pluribus annis, defectu Advocatorum & pecuniæ attineri captivos, Sodalitatem 30. capitum instituit ex legum peritis, quorum duo in singulas hebdomadas carceratorum aliunde detentorum causas recognoscerent, & in Tribunalibus gratuito promoverent: cujus singularis industriæ is fuit, maximâ omnium commendatione, proventus; ut primi statim unius anni decursu, supra duo millia miserorum carceribus libera evaserint: constatque è publicis Curiarum libris, operâ Patris per duos sodales, quamdiu procuracionem carcerum obtinuit, supra viginti captivorum millia libertatem obtinuisse. Ex quibus dici vix potest, quanta Patris apud omnes fuerit æstimatio, apud Judices præsertim & Tribunalia; ad quæ si in causâ suorum pauperum venientem conspicerentur, omnibus alijs, quantumlibet magni nominis partium, sepositis litigijs, ejus ante omnia negotio expediendo animum applicabant, expostulantibus respondere soliti: *Domini, unusquisque vestrum causam suam, & propriam utilitatem apud nos promovet, sed P. Petrus de Leon agit negotium & causam DEI, dum pro ejus amore pauperibus ad stipulatur, idcirco prior expediri debet.* Sed major omnibus fuit cura in disponendis ad felicem mortem damnatis, quorum ad diversa suppliciorum genera eductos novem supra trecentos comitatus, ita piè sanctèque mori edocuit; ut nullus ex omnibus extra spem salutis æternæ, & sinè maximis veræ pœnitentiæ demonstrationibus decesserit: licet ultimus, cui ad patibulum damnato adfuit, natione Turca, pridiano duntaxat vespere baptismum recepisset. Et quia neque in Rectoris Gaditani munere hoc pium maleficis obsequium negabat, contigit ibidem 30. pyratas Anglos interceptos ultimo supplicio mactari; quos tamen singulari DEI favore rectè in DEUM cre-



credere, & Catholicè mori edocuit; usque adeò miro toti Urbi spectaculo, ut de eo specialis relatio anno 1616. quo id acciderat, typis excusa fuerit. Is autem servo DEI inter pedores ergastulorum fuit gustus & solatium; ut cum non rarò illuc accessisset valetudine pessimè affectà, capitis doloribus, aut febrium æstu exagitatus, postquam animis misellorum expiandis, & omni ratione juvandis diem totum expendisset; sub vesperam sanus & valens domum indè repetierit.

Ut de Missionum ipsius, quas annis singulis semel iterumque, & subinde tertio instituebat, fructu, paucula attingam, vix locus fuit in Archi-Episcopatibus Hispalensi, Granatensi, & Episcopatibus Gaditano, Jaënsi, Almercensi, Gvadicensi, Malagensi, quem non Apostolicis laboribus excoluisset, multis etiam Diocesis Toletanæ, & Estremaduræ locis perlustratis. Maximum tamen operæ pretium fecit per territorium Ducis de Medina Sidonia, quò plerique facinorosorum undique refugiebant; ideòque majore culturâ indigentibus operam suam pluribus per sexennium Missionibus impendit, donec vitijs omnibus & pravis moribus eliminatis, pietatem Christianam ità solidis radicibus plantavit, ut frequentia Sacramentorum, ceterisque Religionis exercitijs, cultissimas etiam Urbes æquarent. Neque obsequentiores ferè ad consilia & mandata sua alibi habuit, persvadebátque nullo negotio, quæ priùs à Magistratibus neque minis, neque precibus poterant obtineri. Plures hic reperit primorum etiam è Nobilitate filios, scelerum & libertatis amore à laribus domesticis avulsos, quibus tamen mirâ patientiâ ad frugem reductis, etiam reditum ad parentes persvasit, maximâ Ducis satisfactione; qui indè non tantum profectum spiritualem in suorum animabus, sed etiam redituum auctiorem proventum expertus, Societati Hispalensi eleemosynam gratus obtulit, quæ pretium quatuor aureorum millium superabat. Idem hic Patris zelus in tam manifestum animarum fructum copiosè depromptus, permovit Marchionissam de Camarasa, ad fundandum Societati Collegium, cujus ipse primus gubernacula gessit. In tanta humanæ salutis fidei non defuit prodigiosa manu conatibus servi sui DEUS. Condemnatus Hispali ad mortem erat adolescens nomine Laurentius, cui Christianè obeundæ postquam illum supremis Sacramentis Pater præparasset, satellites eundem ad furcam educturi ubi carcerem ingressi sunt, repèrere illum seu maleficio, seu quo

malo aliunde ità fideratum, ut ab omni sensu alienatum, ut neque verbum proloqui, neque ad sensum ullum revocari posset, licet profundè brachijs acus & cuspides insingerentur. Indignum videbatur Christianâ justitiâ, hominem ità constitutum morte mulctari: quare in triduum dilato supplicio, omnia interim, revocando ad se damnato, admota sunt remedia: quibus nil proficientibus, educendus nihilominus ad furcam Judicibus visus est, quòd ad mortem præviâ confessione & comunione abundè dispositus censeretur. Graviter hic rei jam jam necandi status Patrem afflixit, quòd nullius meritorij actûs eliciendi capax, instar pecudis animam efflaturus esset: ideòque mente ad DEUM ardentè elevatâ, sanam homini mentem exposcens, subito ad reum conversus hisce adjuravit: *Laurenti præcipio tibi in virtute JESU CHRISTI NAZARENI, ut loquaris, & pronuncies hæc verba JESUS, JESUS, CREDO.* Mirum dictu! continuò velut è profundo emerfus somno, distinctè eadem pronunciavit, animique & sensuum plenè compos, denuò peractâ homologesi expiatus, inter ferventissimos virtutum Theologicarum actus animam laqueo elisam DEO reddidit.

Evocatus aliquando ad ægrum malignis caloribus æstuantem, & lethargo oppressum, cum proximum alienandæ mentis periculum adesset, hortatus est ad peccatorum confessionem, certam illi spem faciens, expurgatâ animâ, etiam corpori valetudinis restituendæ. Et verò inchoatâ homologesi quò progrediebatur ulteriùs, eò meliùs sibi esse deprehendit: donec sub absolutionem exclamavit, calore omni sopito perbellè sibi jam esse. Quo eventu attonitus Medicus, negavit sinè miraculo potuisse repentinam adeò sanitatem mortaliter ægri redire. Idem penitus beneficium alteri à Medicis jam deposito evenit, quando sub ipsum acceptæ à Patre Sacramentalis absolutionis articulum perfectè revaluit. Neque defuit Viro lumen supernum, quo animorum secreta, & futuros eventus provideret, & ad cautelam proximorum ex vero aperiret. Obvius aliquando duobus robustis adolescentibus, post prolixum cum eis colloquium subito in hæc erupit: *veniet non multo post dies, cum vestrum utrumque ad patibulum comitabor, ut vos gloria Beatorum inferam.* Et ecce modico temporis lapsu deprehensi duplicis homicidij rei, ideòque in carcerem abrepti, comitante ad furcam Patre, pleni beatæ spei, manu carnificis decesserunt. Iterum juvenem quempiam fortuitò occurrentem



rentem multis stimulavit, ut eodem adhuc die dum posset, peccata confiteretur, fore enim alioqui, ut deinceps licet maximè veller, id præstare non posset. Vix dies sequens illuxit, quando juvenis repentino malo obrutus; ut verbum nullum proloqui posset, frustra à domesticis evocato, qui confitentem audiret, Sacerdote, animam efflavit. Alios quatuor similiter exhortatus est ad peccatorum confessionem, & meliorem vitam instituentiam, quòd futurum diceret, ut omnes repentino fato, quin peccata expiare possent, extinguerentur: quod & evenit, unus enim mortuus corruit in Templo inter audiendum sacrum; alter telo per ipsum cor transfixus: tertius in amentiam datus: quartus pugione in actuali scelere confossus. Eiusdem Divini luminis efficaciam felicissimè discernebat spiritus, an ex DEO essent, vel ab altero genio, multosque à dæmonis illusionibus liberavit: ut adeò sacra Inquisitio plerumque ad ejusmodi examinandos operâ Patris uteretur, & hæresi vel alijs erroribus infectos ejus curæ committeret, quorum bene multos Catholicè credere edocuit.

In tam sollicita proximorum salutis assidua procuracione, non obliviscebatur suimet ad sanctitatem promovendi; sed cum meditando orandique spatium per diem deforet, noctium horas aliquot illi sacrabat, de genibus semper DEO; maximè in prolixa Divini Officij recitatione, supplex: in Sacrificijs verò oblatione ita in cœlestia absorptus, ut ve-

*Ex ejus vita, Gonsalvi de Peralta, & Nierembergii Tomo 3.*

spas & culices capiti insidentes, & ad sanguinem usque, qui per calvitiem defluebat, moribus vellicantes, ne sentiret quidem. In tot Missionibus quas obivit, nunquam nisi corrogatis vixit eleemosynis, neque ad ulla Nobilium donaria acceptanda, vel domi ad specialia, præter communitatem esculenta admittenda, induci potuit. Tempus quod à necessarijs laboribus supererat, in humillimis culinæ officijs libentissimè impendebat, quavis sextâ feriâ obsequijs Coci operam suam addicere solitus: imò de genibus aliquando à Superioribus contendit, perpetuò ad ejusmodi Fratrum Coadjutorum munia addici. Flagellis quotidie, & Sabbatis quidem omnibus publicè, ita atrociter corpus cruentabat, ut crudeles ictus procul à cubiculo audirentur: quibus continua quasi addebat cilicia, jejunia, frigoris & quarumvis aëris injuriarum perpeffiones. Et nihilominus in tot tamque assiduis laboribus ætatem ad usque 87. vitæ annum perduxit, viribus ultimò ita defectus ut ad omnia obsequia manibus alienis egeret, donec illum supremo Numini ad æterna præmia placuit evocare. Causam verò morti præbuisse videbatur gravi e scalis lapsu, dum librum quæsiturus descenderet, ex quo preces suas recitare consueverat: ex quo vehementer concussus, affluente catarrho, post sex dies pijsimè animam egit, Sacramentis omnibus ad æternitatem munitus.

Incidit ejus obitus in 24. Septembris anni 1631.

## P. GUILIELMUS BALDUINUS.



Ater Guilielmus Balduinus, natione Anglus, patriâ Cornubiensis, literis humanioribus addiscendis, postquam annos quinque posuisset in Oxoniensi Academia, vi magnâ impellentibus hæreticis Scholares ad frequentanda ipsorum Tempia, spontaneus exul migravit Rhemos primùm, deinde Romam. Hic in Seminarium Anglorum admissus, Philosophiæ & Theologiæ dedit operam, sacrisque initiatus Societatem amplexus est anno salutis 1590. ætatis 27. & anno uno ad Divi Petri nationis suæ Pœnitentiarius vixit. Incommodâ usus valetudine missus in Belgium, morali Theologiæ tradendæ adhibitus est Lovanij: unde vocatus in Hispanias, quò ab Anglis maria infestantibus securior navigaret, Mercatorem Neapolitanum veste-

& appellatione simulans, sub nomine Octavi Fuscini parabat transfretare. Sed non potuit tam tectè id fieri, quin exploratores, quos per vicinas Angliæ regiones Magistratus hæreticus seminaverat, discessum ejus odorati, indicium facerent; suspicati, se Balduinum eâ navi trajicere in Hispaniam cultu alieno. Et interceptâ quidem navis est ab Anglicis myoparonibus; sed cum certi nihil haberent de Mercatore Italo, varijs artibus deprehendere conmissi sunt, an sub eo Balduinus lateret. Itaque modò dormientem, *Balduinum vocantes*, repentè excitabant: modò velut de periculo lapsus, aut alterius casus commonentes inclamabant: *Balduine cave!* si fortè nomen agnosceret, & ejus appellatione moveretur: modò quempiam è nautis subornabant, qui occultam noctu excensionem illi pro pretio offerret. Sed cautior ille; & ad omnia quæ Anglicè





P. Guiljelm, Balduin, S. I. Anglus, ob zelum conver-  
tendæ Angliæ maximis periculis carcere, & Hære-  
ticorum odijs exagitatus. Obyit Audomari A.º 1632;  
Ætatis suæ 62.

135.

W. P. Kilian sc.

Anglicè dicerentur surdus, vel nihil respon-  
debat, vel Italicè rogabat, quid ( malum ! )  
vellent ? sic in Angliam captivus devehitur,  
& à Comite Nottinghamio maritimæ rei Præ-  
fecto liberaliter domi suæ habetur, donec  
quid Regius Senatus illo fieri velit, perferatur:  
à quo tandem sententia venit, jubens capti-  
vum Italum ad Brigittæ fontes mitti custodi-  
endum. Priusquam abduceretur, deducto  
perhumaniter ad lustrandum Comitæ Palati-  
um, ostenditur CHRISTI crucifixi Imago ele-  
gans, quàm dum plures unà è familia contem-  
plantur, unus quispiam è stipatoribus rogat,  
quid eâ effigie designaretur ? respondetur ab  
astante quodam, esse CHRISTI in cruce pro  
nobis mortui Imaginem. CHRISTI morientis ?  
subjicit stipator ; atqui ego semper credidi  
CHRISTUM de collo, sicut apud nos ad Tibur-

num, suspensum obivisse mortem. Ignorantiam  
hominis, quam adeò spissam in mysterijs fidei  
secta Calvinii inducit, miseratus Balduinus,  
nè prodendo à se idioma percipi unà seipsum  
manifestaret, silentio dissimulavit, esto vix  
risum sustinere posset.

In designato carcere obtigit illi cubicu-  
lum idem, quo duo disparis religionis attine-  
bantur, corrupti verbi minister, & Catholi-  
cus alter Nobilis ; in quæstione tormentis su-  
peratus ad quidpiam fatendum, ex quo uni  
Sacerdoti erepta est vita. Hæsit hic aculeus  
conscientiæ tam altè, ut noctes diésque infeli-  
citatem suam voce lamentabili, & Confes-  
sarij inopiam deploraret, eoque dolentiùs,  
quòd rursus admovendus esset tormento, in  
quo moriturum se ex cruciatibus præfagebat.  
Audiebat Balduinus lamentantem, & nè in-  
telli-



telligere notaretur, rogabat identidem verbi ministrum de causa, dum & Catholicum deprehendit scire aliquid latinè. Itaque solabatur illum ut poterat, hortabaturque ad interiorum contritionem, quando Sacramenti copia deesset, spemque in DEI bonitate locandam. Sed quò dies repetendæ quæstionis vicinior, hòc mœror in afflicto evadebat auctior, inconsolabiliter Sacerdotis copiam & auxilium anhelante. Quid ageret Balduinus? etsi clam verbi ministro se detegeret vel Anglum, vel Sacerdotem, quam tamen securitatem sibi polliceretur, non æquè in tormentis, atque alterum Sacerdotem se à pœnitente proditum iri? deinde, de industria eodem cubiculo cum his socijs fortè se collocatum, ut hoc stratagemate, quis esset, deprehenderetur. In alteram verò partem dolor & lacrymæ pœnitentis ita sinceræ apparebant; ut cogitaret, fortè à DEO unicè in manus hostium venire se permissum, ut hanc animam suam salvaret. Quare certus, ejus causâ animam suam exponere, quærit, ecquam fidei secretique constantiam servaturus esset, si Sacerdotem illi procuraret? omnem quæ expeti posset polliceretur, ad ipsam Sacerdotis appellationem erigens animum, & intimam præferens lætitiâ. Pararet igitur se ad confessionem, monet Balduinus, Sacerdotem enim suâ industriâ comparatum certò adfore. Itaq; spem inter metumque ancipiti cogitatione distractus, de anima tamen hominis quam vita sua sollicitior, noctu adrexit ad miseri cubile. Vigilantem reprensus & anxium aggreditur, Sacerdotem se esse declarat, & quoniam latinè perparum noverat, anglicè alloquitur. Quâ gestiret miser, veluti ex inferno emersus lætitiâ, facilè quisque decerneret: confiteri tamen eâ nocte noluit, quod rursus Balduino dubitationem attulit non mediocrem. Nocte alterâ ritè expiatus, alacer ad torturam profectus est, & quemadmodum auguratus fuerat, in catasta dilaceratus spiritum DEO reddidit. De Balduino autem cum nihil deprehendi posset à Regijs, commutatione factâ cum Haukino quodam in Hispania captivo Anglo, dimissus est; ut revera hujus unius afflictæ Catholicæ causâ capi permissus à DEO videatur. Mansit nihilominus jam liber sponte suâ in Angliâ per sequiannum, atque in Hantonienfi Provincia rem Catholicam summo opere adjuvit.

Evocatus inde Romam ad gubernationem Anglorum Collegij, paulò post Bruxellis datus est toti Anglicæ Missioni Præfectus; obivitque id munus per decennium maximâ

curâ, & Catholicæ rei per universam Angliam dispersis Operarijs profectu: tanto idcirco Regijs odio factus, ut illum, licet nunquam, Belgio in Angliam exisset, pulverariæ conspirationis, adeoque læsæ Majestatis reum, eodem edicto cum Garnetto & Gerardo pronuntiaverint. Ex quo tempore nō cessavit Legatus, Jacobi Regis nomine ab Alberto Archiduce, importunus eum sibi tradi poscere, ut adeò coactus fuerit Albertus eum Bruxellis aliò amandare. Sed compensavit DEUS innocentem atrocem injuriam singulari lacrymarum dono; quo cedens Lovanium, ita deinceps per decursum vitæ cumulatus est, ut in rerum celestium contemplatione illis ubertim perfunderetur, & vix unquam sinè ijsdem rem Divinam faceret. Incidit interea iter necessarium anno 1610. Romam, in quo cum per Alsatiæ confinia & Palatinatum transeundum esset, à militibus Palatini Electoris Friderici VI. captus, & ex literis quibusdam (nam vestitu & agnomine alium simulabat) pro Balduino agnitus est, & in catenis Heidelbergam deductus. Et quia gratiosissimum Anglo futurum munus sciebatur, arctissima sub custodia in publicis carceribus detentus, tandem in Angliam per Juliacum, recenter ab Hollandis tunc interceptum, sub custodia 12. militum transmittitur, ingenti constrictus catenâ à collo ad pectus & dorsum decussatâ, cinctu per corpus toties replicato, ut Africo Leoni coercendo posset ejus pars media sufficere; ex qua nihilominus à tergo pendeat altera 18. pedes longa, ad quam sustinendam opus sibi fuisse, Principum more, caudatario per jocum dicebat. Atque his solùm catenis stringendis laxandisq; præerant satellites quatuor, cum totidem clavibus. Alterius manus mittebatur illi usus tantum, quâ cibum ori admoveret, utriusque nunquam: sicut neque cultelli, fuscinae, nè scilicet infamiam conjurationis & mortem, quam ibat subiturus, ultroneâ sui internecione præverteret. Juliaci traditur Anglis Hollando militantibus, & nominatim Eduardo Cæcilio Arci illi Præfecto, qui catenis illum continuè exolvit, & omni officio, longè aliter à Roberto Cæcilio fratre in Jesuitas crudelissimo, profectus est tum benevolentia, tum honoris; nec rarò mensæ suæ adhibuit. Ducendus in Angliam, Joanni Burlacey Equiti committitur, qui eum amplissima cum laude Jacobo Regi stitit, traditum nihilominus Guilielmo Wadeo, in turri Londinensi custodiendum. Ecce autem miram DEI in tuenda Balduini innocentia providentiam! ijsdem nuncijs, quibus



bus Regi allatum est Balduinum in Insulam appulisse; indicatum simul fuit, Fridericum Palatinum è vita decessisse.

Albertus Archi-Dux ubi Patrem turri conclusum rescivit, scriptis ad Regem literis, captivum fraude interceptum repetijt: sed respondit Jacobus, effecturum se, nè quo dolo Actorum, aut fraude Judicum circumveniretur; quare si ritè ac solidè innocentem se pulverariæ conjurationis probaret, nihil illi metuendum esse, sed liberum in Belgium dimittendum. Probavit autem Pater in pluribus Tribunalibus Episcoporum, Senatorum, iteratis quæstionibus examinatus, ità perspicuè; ut Rex ipse post tenue velum auscultans responsa laudaverit, & pronunciaverit innocentem: cui totum Regium tribunal assensum est, ejusque sententiam testificatione publicâ in posteros misit. Quàm nihilominus inviti id facerent, probavit 8. annorum captivitas, quâ præter omne fas insuper detentus fuit, vix etiam tum dimittendus, nisi Legatus apud Jacobum Regis Catholici, Didacus de Sarmiento, illum sibi cum reliquis undecim è Societate captivis Sacerdotibus donari postulasset; quod notoriè & propriâ Judicum confessione innocenti negari non potuit. Itaque anno 1618. rhedâ Legati è carcere deportatus ad navim, cum eodem.

*Ex Anglia Henrici Mori.*

Bruxellas appulit, ingenti omnium lætitiâ cum undecim Socijs exceptus, qui tamen plerique iterum clanculum in Insulam remigrarunt. Balduinus Romam festinavit, ut Generalem Societatis Mutium Vitellescum de Missionis statu edoceret; à quo per Hispaniam iter instituens, multa in salutem Angliæ utiliter obtinuit, & in Seminarijs Anglorum ordinavit: tandè in Belgium redux, datus est Collegio Anglorum Audomari Rector. Quia verò nemo hætenus ex Anglica natione illi contubernio præerat; multis apud Isabelam, post Alberti mortem Belgij Gubernatricem, egere Audomarense, periculum publicæ rei ab homine externo verendum rati: quibus satisfactura: *metuendum nihil esse*, respondit, *cùm ipsa existimaret, illi viro se fideri posse totius Belgij gubernationem.* Quare insuper potestatem ei fecit nominandi sibi quem vellet suæ gentis successorem. Rexit eam Domum Balduinus toto decennio, dimisitque quàm plurimos in culturam Ecclesiæ Anglicanæ Operarios, siquidem indefessâ curâ & labore numerum Collegij Alumnorum auxit ad ducentos. Tandem laboribus & ærumnis fractus, sancto fine vitam conclusit Anno 1632. cùm annum ætatis ageret 62. Societatis 36. & à Professione 30.

## P. HIERONYMUS DE FLORENTIA.



St quod plaudeat, sibi que gratuletur Complutum, nobilissima Hispaniæ Civitas, de natalibus apud se excellentissimi Prædicatoris Patris Hieronymi, parentibus honestissimis, & pietate insignibus prognati; qui proles septenas nati, omnes religiosissimè educatas, filios tres Societati transcripserunt; filiarum verò quatuor voto castitatis illigatæ, magnâ virtutis opinione sub directione Societatis ad mortem usque constanter vivere. Hieronymus anno 1582. ætatis 14. in Societatem receptus, gravissimâ demonis tentatione ex ipso tyrocinio parum abfuit, quin ad seculum retraheretur. Nam seu vitæ collectionis impatientiâ, sive paterni laris cupidine, certus jam seculi repetendi, tyronum Magistrum adiit, vestes sibi mundanas restitui petens. Is ut erat raræ sanctitatis & prudentiæ cœlestis Vir, respondit: eas illi promptè exhibitum iri, cùm neminem invitum Societas in tyrocinio retinere soleat; æ-

*Societas Europæa.*

quum tamen esse, ut nè finè petita prius à JESU cruci affixo benedictione à nobis discedat, hac enim destitutum non posse bonos sperare successus: *Vade igitur, inquit, & prosternatus coram ara Crucifixi, facultatem recedendi ab ejus consortio & Societate, unâque benedictionem postula.* Dum obtemperat, fixisque humi genibus quæ juebatur depromere ad CHRISTUM tentat; repente animo mutatus, & corde intimè compunctus, lacrymas ubertim oculis veluti binis fontibus profundere, jurare constantiam in Societate JESU, & dignos legitimo ejus filio mores, palinodiam denique apud Magistrum canere. Studiis severioribus post emissâ Religionis vota Compluti admotus, singularis ingenij rara constanter edit specimina, & in actu Theologico ità omnium expectationi satisfecit, ut communiter testarentur Academici, simile ingenium eatenus Compluti visum nequaquam fuisse. Philosophiam & Theologiam Magister peregre docuit, multosque ingeniosos atque utiles Societati è discipulis Operarios peperit. Sed

K k k

dicen-





P. Hieronymus, de Florentia S. J. Hispanus, Spiritu Apostolico plenus, et Regius Philippus III. Concionator, quem in agone desperationis tentatum, ad sanctam mortem disposuit. Obijt Madriti 13. Martij 1633. Aetatis 68.

dicendi inprimis facultate ad usque prodigium excelluit, appellatus idcirco alijs quidem *idæa*, alijs miraculum, alijs magister Concionatorum, cujus arte & dexteritate nihil aptius & melius cogitari posset: id quod tantò majorem pariebat admirabilitatem, quòd minimè verbis & elocutione abundaret; laudi nihilominus id præcipuè tribuebatur, & dictiones longè gratiosissimas reddebat, quòd Auditorum animos sententiarum gravitate, verborum castâ elegantia, vocis dulcedine & gravitate sic efficacius deterreret à vitijs, & ad virtutem impelleret. Cæpit sacram hanc eloquentiam Compluti exercere, dum simul Cathedralam Theologicam occuparet, incredibili omnium ordinum affluxu & audiendi aviditate: ut adeò diu ancipites hærent Superiores, visis in eo tam raro nexu copulatis in-

excellentiſſimo gradu duobus talentis, subtilitatis Theologicæ, & Evangelicæ prædicationis, utrūne Fidei mysterijs scholasticè explicandis, an Apostolicè evulgandis admo-verent. Quod ut securiore viâ determinaret Præpositus Provinciæ Ludovicus de Guzman, Vir magni spiritûs & sanctitatis; tentavit animum ipsiusmet explorare, quò magis suâ sponte inclinaret? sed Hieronymus, uti religiosum decebat, respondit, utrumvis à sancta Obedientia imponeretur, æquè gratum & cupitum eventurum. Itaque multâ ad DEUM præmissâ oratione, dictionibus ad populum totis viribus sese impendere jussus est.

Et mox compertum est Divinâ id factum dispensatione; siquidem dicere constanter Compluti exorsus, tantos excivit plausus; ut à pluribus seculis par illi concionator non extitisse.



titisse crederetur. Bienniò exactò, Madri-  
 rum Urbem Regiam ad nobiliorem pulpitum  
 missus est anno 1600. ubi per 30. ipsos annos  
 concionandi munere, cum incredibili nomi-  
 nis claritudine, nec minore animorum pro-  
 ventu perfunctus est, præcipuis eloquentiæ  
 sacræ Ministris eum, ceu Magistrum dicendi  
 celebrantibus, quod movendi arte efficacis-  
 simâ dominari cordibus omnium videretur,  
 non populum tantum & vulgus in partem,  
 quamcunque vellent impellendo; sed Grandes  
 etiam & Principes, ipsum adeò Regem, qui  
 eum Concionatoris Regij titulo exornavit,  
 constantèrque ingenti gustu & admiratione  
 audivit. Prudentiâ in castigandis populi,  
 Reipublicæ, Aulæq; vitijs, excelluit ad mira-  
 culum; ut cum nullos peccare impunè pate-  
 retur, & nè ipsam quidem Majestatem Regi-  
 am, aut Regios Ministros præteriret, quin ef-  
 ficaciter palam admoneret officij; adeò tem-  
 pestivâ humilitate atque observantiâ severi-  
 tatem condiebat, ut nunquam eos asperaret,  
 quibus medicinam faciebat. Nam oculo  
 semper in augmentum gloriæ & animarum  
 profectum unicè intento, sermones suos in-  
 testimonijs SS. Patrum & Ecclesiæ auctorita-  
 te fundatos, depromebat Apostolicâ quâdam  
 gravitate tanquam potestatem habens; ut cla-  
 rè appareret eum in pulpito auctoritatem as-  
 sumere super omnes cujusvis deinum gradûs  
 Auditores, legesque Christianas dictare, ut  
 Christi Vicarium aut interpretem, majestate  
 legislatoris, & libertate prorsus religiosâ. Ac-  
 cedebat elocutio ita ponderosè cum gravitate  
 affabilis, & vocis sonus tam devotus & mitis,  
 ut corda omnium sibi agglutinare, & Urbem  
 Regnumque totum unus regere ab Aulicis di-  
 ceretur. Ipse Philippus III. Rex dicere con-  
 siveverat, neminem sibi toties veritatem nu-  
 dam edicere, atque Hieronymum; qui tamen  
 adeò se non exacerbaret, ut lenimento mo-  
 destiæ potiùs excitaret ad audiendum, paran-  
 dumque erratis, quæ perstrinxisset, remedium.  
 Ejus interim familiaris conversatio tam erat  
 pietatis plena, de rebus semper ad DEUM &  
 salutem æternam pertinentibus, ut non minùs  
 credatur profuisse mortalibus cum per allo-  
 quia de pari, quàm cum ex altiore loco dice-  
 ret. Moderatores suos exquisitissimâ ob-  
 servabat reverentiâ, & in rebus omnibus ty-  
 ronem instar ab eorum responsis, admirabili cæ-  
 dore se aperiens, pendebat: regularum Ordini-  
 nis & disciplinæ cum filiali quodam metu pe-  
 ne scrupulosè tenacissimus, earum explicatio-  
 ne, quâ non pauci fucum sibi metipsis faciunt,  
 semper abstinuit; nec quidquam, minutissi-

*Societas Europæa.*

mum licet, oblatum muneris à quocunque  
 admisit, aut cuiquam impertivit, quin antè  
 Superiori, quàm suum conclave ingrederetur,  
 illud repræsentaret: vel si Superior abfuisset,  
 priùs certè quàm se componeret ad quietem.

Calamitosorum magnâ miseratione tan-  
 gebatur, eorum difficultates quantâ poterat  
 ope levabat, commendatis efficaciter è sug-  
 gestu copiosissimas eleemosynas providens:  
 & qui nihil pro se unquâ, nihil pro suis petijt,  
 in causa tamen pauperum liberaliter Principes  
 identidem appellavit. Die quodam inter re-  
 citandum cum socio Matutinum Canoni-  
 cum, repentinè in tenerrimas lacrymas solutus  
 cœpit totus perfluere; quærenti autem socio  
 fletuum causam, in memoriam sibi venisse,  
 dixit personæ cujusdam nobilis ultimam pe-  
 nuriam, quæ non haberet toto illo die quod  
 manderet, præter frustum modici nigerrimi  
 panis: simulque dilatâ in tempus aliud ora-  
 tione, ad procurandum eidem subsidium se  
 proripuit. Par erat cura in conciliandis in-  
 vicem hostiliter dissidentibus animis. Ha-  
 buit aliquando concionem feriâ 6. majoris  
 hebdomadæ, quâ argumentum hoc ex Chri-  
 sti exemplo ita nervosè profecutus est, ut in-  
 ter Auditores certatim in condonationem &  
 injuriarum invicem deprecationem ruentes,  
 quidam è prima nobilitate quod neminem, cui  
 remitteret, haberet inimicum, palam deside-  
 rarit sibi à quopiam præsentium alapam in-  
 fringi, ut esset cui amore Christi patientis in-  
 juriarum condonaret. Ab eo ipso sermone  
 rogatus ad mensam Ducis de Lerma, qui gra-  
 vium corporis affectionum causâ carnibus e-  
 dendis à Medico fuerat adstrictus, cum ma-  
 gno sibi dolori necessitatem hanc accidere  
 Dux ostenderet: *pluribus*, inquit Pater, *vis*  
*potes defectum hunc supplere, DEO haud parùm*  
*gratioribus*; poscenti verò illas sibi indicari:  
*si offensam*, subjecit, *remittas inimicis, & libe-*  
*ralibus intendas eleemosynas*. Perrexitque tan-  
 tâ efficaciâ utrumque Duci svadere, ut in ve-  
 stigio offensas omnes Viro præcipuæ nobilita-  
 tis, quem justè vinculis attineri jusserat, per-  
 donârit, & carcere dimitti jusserit: eleemo-  
 synam verò ita liberalem Patri consignârit, ut  
 ea duobus è nobili sanguine ad extrema reda-  
 ctis, abundè in perpetuum juvandis suffecerit.

Jam verò qui eam corporum gessit cu-  
 ram, non potuit non longè magis animorum  
 damnis agi, illisque tollendis insudare. Qua-  
 re debitas peccatoribus pœnas ipse in se assu-  
 mebat, sacrificia & orationes pro illis multi-  
 plicabat, totumque robur & vires è suggestu  
 illis ad pœnitudinem commovendis non tan-  
 tum

Kkkk 2



tum ipse exercebat, sed alijs Concionatoribus impensè inculcabat, ut vim dicendi omnem in peccatorum detestabile malum impenderent. Ex eodem zelo persecutus peccata publica & scandala; ut ea proscriberentur, apud Judices instabat; neque ulli parcebat labori, dum remedia ægris animis quacunque demum via attulisset. Prædicanti die uno Quadragesimæ aderat homo quadriennio impœnitens, execrabile dæmonis, cujus commercio ad libidines pro succubo utebatur, mancipium; hic efficaciam Oratoris intimè compunctus, statuit venenum omne in aures Hieronymi ejicere. Et licet familiaris genius arte omni conaretur sanctum propositum intervertere; efficaciter tamen DEI gratia eum ad Collegij januam die sequenti adduxit, ad quem audiendum Pater ubi in confessionalis confedit, cœpit miser ille terribili totius corporis tremore concuti & horrere: & percontanti Patri, quid causæ tanti timoris esset? *video*, respondit, *horribili specie dæmonem, gulam se mihi, si qua cum illo mihi fuere commercia edixero, intorturum minantem.* Animatus à Patre, magno dolore infandum scelus ubi confessus est, jussit eum accuratiore examine conscientiam excutere, dièque sequenti ad plenè faciendam exomologesim redire. Domi ad quietem nocturnam composito adest consuetâ puellæ formosissimæ specie dæmon, & ad infernale commercium invitat, extrema renuenti minatur, & reipsa flagello terribili, constantè in proposito aggressus dirè cedit. Post institutam exactè die sequenti omnium scelerum confessionem ritè absolutum, & salutaribus monitis ad patientiam, & in dæmonis illecebras æquè ac terrores constantiam animatum, iterum hostis blanditijs primùm, mox autem verberibus invadit, & per 30. noctes continuas flagris acerbissimis concidit, invicto animo omnia in peccatorum tam gravium expiationem sufferentem: quibus exactis, DEI miserentis ope ab omni mali genij infestatione liber, vitam admodum sanctam & pœnitentem instituit. Quantum porro in servo DEI odium fuit peccati, tantus amor erat virtutis, & animarum sanctitati deditarum; in quarum favorem & auxilia propè supra vires se impendebat. Accessit aliquando Collegium nostrum persona virtutis opinione eximia, extremâ necessitate ad petendos unde unde mutuos 1000. aureos adacta; cùmque à nonnullis Patribus consilium peteret, absterrebat unanimiter ab omnibus, nè hos à P. Hieronymo incassum deposceret, cùm magna per id tempus ubique

nummorum esset penuria. Rescivit nihilominus id aliunde Pater, & continuò amicum suum singularem accedens, mille aureos mutuos ab eo impetravit, cùm is ex concepra de Patri integritate opinione viginti etiam millia aureorum, citra omnem censum, paratum se dare declararet.

Religiosarum familiarum omnium studiosus fuit atque observans imprimis, nec ullam eas publicè ac privatim deprædicandi opportunitatem patiebatur abire vacuam. Societatem verò suam tenerissimo affectu diligebat ut filius, ejusque emolumentis se suaque semper posthabuit. A Philippo Hispaniarum Monarcha non semel invitatus ad Regiam munificentiam aliquâ postulatione periclitandam; hoc unum, nec aliud unquam flagitavit, ut Societati præsidium, atque auræ suæ benignitatem aspiraret. Vocationem suam Religiosam primo inter beneficia cœlestia loco computabat, cùmque extremâ jam ætate Ocannam, ubi primos Religiosæ vitæ annos posuerat, venisset; in genua prostratus multis osculis pavimentum cubiculi, olim à se habitati, veneratus est, quòd in eo tot favoribus à DEO cumulatus esset. Habebat illum ægerrimè, si quis iniquâ tanti doni æstimatione descisceret à Societate; atque æquum ratus illum deferere, qui prior DEUM deseruisset, nulli eorum manum ad humana subsidia porrigebat. Cùmque redimendæ cujusdam in Societate constantiæ centenos aliquoties ducatos ab Infante Cardinali pro egena tentati matre impetrâisset; ubi hunc nihilominus jugum excussisse advertit, eosdem Cardinali tanquam non amplius necessarios retulit, jussus tamen quibuscunque alijs egenis illos impertiri. Has inter virtutes cum tot naturæ & gratiæ dotibus sociatas, eminebat nihilominus profundissima sui rerumque suarum depressio, ex qua talentum dicendi omne imputabat Patri Millan Garcia, è cujus directione, scriptis & annotationibus, omnia instar discipuli hauriret: alienarum concionum facundus semper encomiastes, laudabaturque jam modum dicendi, jam conceptus subtilitatem: neque ullus è juvenibus nostris concionem, quas in triennio exercitij gratiâ facere adstringuntur, dixisset, in qua non plura commendatione digna annotaret, sic ut è singulis profectum aliquem se reportare asseveraret. Potissimum tamen hæc demissio enituit postremis vitæ annis, quibus cuilibet se submittens obtemperabat infantis instar, & se suosque labores extollentibus reponebat, nihili se fuisse, nec pluris omnes conatus suos

ducen-



ducendos esse. Cùm verò ex eadem virtute cognationis suæ penitus oblitus, nihil unquam à Rege vel Principibus in suorum emolumentum prætenderet; unus aliquis ex ijs reputans fororibus Patris minùs pro dignitate provi- sum: inscio Hieronymo, supplici libello à Rege subsidia ejus nomine sororum commo- dis expetijt. Id ubi Patri compertum est, in- credibili mœrore peresus, nullum solatium admittere posse videbatur, quòd hâc ratione dignitas omnis ministerijs Societatis decederet, dum temporalis remuneratio exhibere- tur, quæ unius DEI gloriæ & salutis animarum intuitu præstari oporteret. Hâc tristitiâ & melancholiâ obrutum repentè ad se evocat præcipuus Regiæ Cancellariæ Minister, & ob- servari in vultu mœroris causam exquirat: cui Pater, *in tua unius situm est manu, inquit, do- lorem hunc ad mortem præcordia exedentem abstergere, si supplex illud scriptum restitueris.* Quod ubi Princeps nihil alieni suspicatus necdum enim Regi exhibitum fuerat) in ma- nus reddidit, illico Pater discriptum in mille frustra laceravit, ingentibus gratijs pro tanto favore Principi redditis.

Beatissimam Virginem DEIparam coluit veneratione præcipuâ, eamque habuit ceu matrem, nullo die coronâ ejus precatoriâ in- termisâ: neque unquam suggestum ascen- dit, nisi priùs ante ejus imaginem prostratus felicem dictioni successum precaretur, & pro- sperum ejusdem eventum ad cubiculum re- dux gratularetur. De illius laudibus magnâ voluptate dicebat; & admiratione dignum fuit, videre quandoque illum pridie ejus festi quàm esset dicturus, malis oppressum, & sui vix compotem; postridie tanquam alium ho- minem instauratis animis ac viribus, summâ facundiâ detonare. Atque hic tenerrimus in Virginem amor ab eo expressit, ut ceteris suis lucubrationibus omnibus oblivione damnatis, solas illius laudes, sub titulo Marialis, duobus tomis in lucem daret. Diebus Sabbatinis per ultimos vitæ annos, cùm aliud non posset, re- citabat publicè in triclinio aut decantabat Salve Regina, ac tum pedibus omnium adre- pens magnâ reverentiâ exosculabatur. Nec minor fuit pietas in SS. Evcharistiâ, unde o- pem suis rebus crebro fidenterque petebat; solitus in ejus supplicationibus feriâ 5. & 6. majoris hebdomadæ munus semper thurife- rarij obire. Ex quibus omnibus magnâ fuit, etiam apud primæ conditionis Magnates, opi- nione doctrinæ, sanctitatis & prudentiæ. Ho- ram illi definierat quorhebdomadis ad se ve- niendi Regina Isabella Borbonia, ut vitæ & a-

ctionum suarum rationes cum illo expende- ret: idémque observans laudatissimæ memo- riæ Regina Margareta Austriaca, tantum spi- ritualibus ejus colloquijs tribuebat; ut cùm seriùs aliquando præter assignatam horam ad- esset, & ipsa magni interim momenti negotio distineretur, illo confestim abrupto consur- gens: *mittamus hæc interim, dixerit, nè bona hora tractandi cum Patre Florentia nos præter- eat.* Philippus III. Rex participem commu- niter illum faciebat suorum consiliorum, & plerasque electiones in distribuendis muneribus & officijs, tam sacræ quàm sæcularis Rei- publicæ, ex illius sententia varijs distribue- bat; quos magna rei bene gestæ commenda- tio secuta est, quoniam pollebat acri judican- di vi, ab omni affectu & passione liberâ, in- unam DEI gloriam & Regni Regisque bonum intentâ. Cogebatur ejusdem Regis imperio interesse consilijs intimis super rebus gravissi- mis totius Regni salutem concernentibus, in quibus communiter ejus sententia approba- tionem & plausum obtinebat, utpote ratio- nibus efficacissimis innixa, cum multa clari- tate complectens emolumenta indè proveni- entia, indè autem difficultatibus à contrario opponi natis satisfaciens: sic, ut è primoribus Regni Administris quidam profiteretur, se à multis licèt levicis advolaturum, ut sententi- am Patris tanto pondere efferendam audiret. Copiam illi fecit idem Rex, cùm ad se verba faceret, confidendi, titulo virium attenuata- rum, nullo unquam antea in quopiam exem- plo.

In eo morbo quo demum Rex sublatus est, P. Florentia tribus nuncijs peremptoriè rhedâ accersitus ad Regem eo in articulo pro agone disponendum, negotium arduum habuit, ut eum ad fiduciam in DEI misericordiam erige- ret. Obversante enim optimo Principi conti- nuè ob oculos vitæ inter tot DEI beneficia ingrâtè actâ, & gubernatione tot Regnorum (ut tum vivacissimè credebat) inertem, quâ Mi- nistris omnem ferè administrationem permi- sisset, exiguâ per seipsum justitiæ intaminate subditis præstandæ adhiberi curâ, in tantam dejectus erat pusillanimitatem; ut parùm à desperatione diffusus, nullius Confessarij, In- quisitoris generalis, & religiosissimorum Vi- rorum svasionibus erigi posset. Admissus Pa- ter ad cubile Regis, cui tum fortè altâ voce historia Passionis Dominicæ legebatur, tam- aptum de misericordia Divina intulit sermo- nem, ut Regi & præsentibus omnibus copio- sas lacrymas excusserit, quibus tergendis vix sufficiens Inquisitor, fatebatur se in omni vi-



ta nil aptius, vel æquè sensatum audivisse. Rex verò apprehensâ Patris dexterâ, & pectori suo magno affectu appressâ, P. Florentia, ait, nè me desere in presenti statu, donec ipse oculos meos presseris: multum enim sentio me tuis monitis adjuvari. Hic Pater ardentissimos illi præire contritionis actus, inducere ad deprecationem omnibus quos ratione aliquâ læsisset, inspirare formulas postulandæ à DEO veniæ omissionum in tam diuturna gubernatione, quibus maximè Rex alioqui pijsimusangebatur, quòd per se ipsum parum regimini intendisse sibi tunc videbatur. Sub quæ Rex omnibus ex Aula vale dicto, & curis publicis abdicatis, solum sibi de reliquo Patrem cum Confessario adesse voluit: post multa ad DEUM pro vita diuturniore vota nuncupata, identidem altis suspirijs ingeminans: *ô si DEUS longiorem mihi præstet ætatem, quantò aliter Regnis meis gubernandis intenderem! probè quidem id jam tum intellexi, cum tu P. Florentia veritatem mihi è suggestu dicebas, & peccata mea, secus quàm voluisssem, liberè ob oculos ponebas! ideo præcipio tibi, nè funebres mihi laudes demortuo pro more dicas: protestor enim indignum me etiam sepulturâ in loco sacro, qui sum pessimus mortalium, & maximus peccatorum in toto mundo! Ad quæ incredibili ardore & humilitate dicta, cum adstantium omnium corda in aquas abirent; advertens Florentia hæc ex pusillanimi diffidentiâ proficisci, ut eum tot bonis per vitam in DEI gloriam actis erigeret: parùmne est Domine, subjicit, rexisse Imperium tot Provinciarum 22. annis, tantâ relicitudine & sinceritate, quâ in eam felicitatem deductum est, ut hodie cernimus, majore justitiâ & pietate quàm aliàs administratum? cui tu tantis totque exemplis virtutum præluxisti, ut toti Orbi compertum est? & nonne pluribus vicibus mihi asseverasti, nolle te pro totius mundi Imperijs DEUM lethali crimine offendere? nunquid hoc ad salutem obtinendam à DEO non sufficit? & quomodo sufficiat? respondet Rex; Præter hæc, prosequitur Pater, parùmne est conservanda in religione Catholica Germania aluisse tot exercitus contra hæreticos, quibus simul à contagio hæresum Italia & Hispania præservata est? Exiguùmne conservandum est, ejectos per te totâ Hispaniâ Mauros, tantis Regij æmris impensis, nè videlicet ullus in tuis ditionibus esset veri Numinis hostis? DEUS te remuneretur Pater, subjecit Rex, pro his solatijs, quibus multum me animatum experior. Quam mercedem tua hujus tam fidelis petis opera? dic oro te per vitam tuam. Pater osculo libatâ Regis manu, gratiisque pro tanto favore red-*

ditis: *non unam, ait, tantum, sed duplicem à te gratiam mihi concedi efflagito. Quam verò illam? reponit prompto animo Rex: dicam, respondet Pater, si concedendam Regio verbo pollicebere. Quo spondente: aliud, addit, non deposco, nisi ut actum quàm potes intensissimum contritionis elicere connitaris: deinde, ut si DEUS ulteriolem tibi vitam prorogarit, efficaciter decernas, te bene meritis præmia, malis supplicia depensurum. Vir profectò Apostolicus, qui verbo Regio habito ut illum quantum posset remuneraretur, cum eâdem insuper horâ videret ab illo summos honores & præmia varijs de se bene meritis distribui, aliud beneficium noluit, præter æternum ipsiusmet Regis. Iterum autem subinde ad Patrem conversus Rex: *non opus est, ait, in dictione tua funebri de me alia recenseas, quàm quæ fieri modò vides. Dic, quod ego in presenti sentio; nihil mihi ex coronamea hac horâ superesse, quàm majus ex ea tormentum & dolorem. Ultimam hos 22. annos vixissem in Thebaidis eremo quapiam, nè modò in tanto periculo versarer damnationis sempiternæ! Ad quæ Pater, visne inquit, Domine, brevi hoc tempore de DEO mereri plus, quàm est tot annis vitam in eremo sanctè transgisse? Et quomodo id præstare possum? querit iterum Rex: rejice, ait Pater, in manus DEI Monarchiam, vitam, & tantam hujus prolongandæ cupidinem, cum veraplénâque totius cordis resignatione, ut tecum fiat quod suæ Majestati placuerit. Facio perlibenter, respondet Rex, sed nunquid id sat fuerit? ita sanè, respondit Pater: quid enim magis tibi in votis est, an vita diutius prolonganda, an ut hac quam vixisti, in eremo exacta fuisset? vita, inquit Rex, diuturnior. Offer igitur, prosequitur Pater, rem magis arduam tibi quæ difficilem, quàm sit vita Anachoretica, Christo cruci affixo; qui cum sit Rex supremus cæli & terræ, magni æstimat videre Reges terrenos abjici ad suos pedes; quem illi honorem Angeli summè grantantur. Tum Rex apprehenso Christi cruci affixi signo, magno affectu illius pedibus advolvi se tenerrimis ac humillimis suspirijs protestabatur, tanquam vilissimum terræ vermiculum, assidujs osculis illos venerando, quoad manus illi tenendo suffecere. Vetuit etiam Regis nomine se appellari, sed proprio duntaxat Philippi, quod esset Regis nomine indignus, vilior & pejor quovis homine pagano. Atque hos inter summè heroicis Christianæ virtutis actus placidissimè tandem, summâ conscientiæ quiete, animam inter manus Patris Florentia DEO reddidit.**

Philippus IV. Patre demortuo, fratrum suorum



suorum Caroli & Ferdinandi commendavit Florentiæ educationem, eorūque ut præfesset confessionibus designavit: suam quoque ætatem vixdum Regno parem, ut optimis subinde præceptis & consilijs firmaret, rogavit. Et verò omnium pene Ordinum visa est esse cura Florentiam celebrare colerēque: illum Imperatrix Maria cum Margarita filia, summā æstimatione prosequentes, dirigendo spiritui unicè adhibebant: Ferdinandus autem Infans Cardinalis observabat propè ut Parentem, ejusque consilijs vitam & mores accommodabat, invisēbat ægredientem, & pene instar ministri subveniebat. Paria demonstrabat Dux de Lerma, Comes de Olivares, totāque Nobilitas cum Grandibus, & ordinis utriusque Principes, tam Ecclesiastici quàm secularis: idque non Hispani tantum, & domestici, sed quotquot veniebant magnorum nominum Principes ex Gallia, Italia, Germania, Regūque Legati, illum jam grandi famā notum coram avidè perquirebant, ejusque allocutione videndi quod habebant hominis desiderium temperabant. Ceterum tanta celebritas ultimo ferè quadriennio in parem vertit oblivionem, quo decubuit artuum solutione, quam paralytim dicunt, illigatus; tam ab hominum memoria deletus, quàm si nullus unquam Florentia exstitisset: ad infantia propè humilitatem dejectus, subjectusque DEO, atque humana omnia vanitate esse plenissima in seipso luculenter edoctus. Id quod de ipso vaticinatus ex vero est P. Millan Garcia, quando ingenti omnium accursu dicere pro suggestu Compluti eum videns, ad magni nominis Virum de Societate dixit: *Juvenis hic concionatur ad magnum animarum profectum, evadētque excellentissimus in dicendi munere, cum maximo animarum lucro, nec minore famā & applausu: sed ad extremum immittet illi DEUS quandam*

*Ex Nierembergij Tomo 1.*

*derelictionem & oblivionem apud omnes, quibus erat in pretio: quique ad tantos perorabat summo omnium applausu, illi predicabit DEUS in angusto conclavi uni & soli.* Atque hoc ad apicem completum fuit ad majus ipsius meritum & coronam, nostrum verò exemplum, & instructionem. Accessit per id tempus severioris illi conscientia scrupulorumque vexatio, quā in sumam alieni consilij atque solaminis necessitatem conjiciebatur is, qui suā quondam sapientiā tam multis profuerat, non aliter quàm si foret unus de fæce plebis, rerum omnium penitus ignarus & rudis. Hanc tamen depressionem pensavit DEUS mirabili conversione rerum, infundendo animæ illius supremis diebus quietem & serenitatem conscientia itā admirandam, ut incredibili tranquillitate mentis sumos inter ardores & stomachi dolores ageret, & delicias Paradysi prægustare animo videretur: donec Sacramentis omnibus ingenti solatio perceptis, sensuum omnium & loquelæ ad extremum usque habitum compos, spiritum pacatissimè exhalavit, Madriti 13. Martij qui erat Sabbati, DEI paræ tanto affectu ipsi coli solita sacer, 1633. ætatis 68. Et ecce à morte subito illius memoria velut è sepulchro excitata, apud omnes itā revixit, ut omnium Ordinum lacrymis, totiusque Urbis & Aulæ dolore, veluti communis omnium Pater deploraretur. Ad ejus venerandum corpus & basiandas manus, ingentes Domum nostram facti concursus Principum, Prælatorum, & primorum ex utroque statu Capitum: Funus verò deductum à tota, quantam Madriti aderat, Nobilitate, Religiosis omnibus, Canonicis & Prælati, atque infinito populo; succollantibus rumbam Regijs Concionatoribus ad Regiam usque Capellam, ubi conditum est, & iusta funebria eodem confluxu, die sequenti, Regio choro persoluta.

## P. THOMAS EVERARDI.

**P**ater Thomas Everardi natione Angelus, Patriā Suffolkensis, avitæ Nobilitatis Parentibus fatus, nè lubricæ juventutis in constantiā in sequiora abriperetur, Divino beneficio incidit in P. Joannis Gerardi consuetudinem, à quo sacris B. IGNATII Meditationibus inter plures Nobiles adolescentes exercitus Londini, constans pietatis studium hausit. Cūque illud pro libitu in Angliā

securè à se coli ob persecutionis acerbicatem non posse videret, trajecto Oceano Rhemos in Galliam venit, & post absoluta altiorum etiam disciplinarum studia, Societatem unicè expetijt, admissus in eam circa annum Domini 1593. ætatis 33. Eluxit in eo semper constans pietas & in Divina propensio, mitissimæ erga omnes mansuetudini conjuncta, cum profundissima humilitate, ut toto ore & habitu sanctum spirare videretur. Nec deerat cum proximis agent candor quidam atque jucunditas.





*P. Thomas Everardi, S.I. Nobili profapia Angl,  
post carceres ob prædicatam Anglis Catholicam  
Fidem, mortuus Londini 16 May Anno 1633. æta-  
tis circiter 75.*

137.

jucunditas omnibus grata, quâ ad eum audiendum, & monitis obtemperandum mirè capiebantur. Lentâ subinde correptus febris, eâdem interiturus putabatur; eluctatus est tamen singulari DEI, in multarum salutem animarum, beneficio, & pluribus annis Ministri officium subijt Audomari & Watenis, datus postea Lovani Novitiorum Magistro socius. Cùm verò incredibili arderet desiderio laborum & ærumnarum Anglicarum, permissus est, annis licet jam gravis, illuc navigare, suscepitque Apostolicis ministerijs excolendam Norfolkiz Provinciam. In hac domos Catholicorum assiduè percurans, pedes semper itinera omnia conficiebat, neque unquam adduci potuit, quamvis senio ac morbis debilitatus, ut equo uteretur.

Quàm copiosos autem fructus in horrea

Domini meteret, & quàm multos hæresi detectos Catholicis adjungeret, patuit ex Magistratum rabie, vias omnes ad eum interceptum & conatus adhibentium. Comprehensus est nefariâ apostatarum proditione, & annos aliquot in ærumnosa custodia detentus: cujus altera comprehensio sub Jacobo Rege in Districtu Suffolciensi, magno pretio constitit hospiti, è cujus latebra fuit abductus. Posterioribus annis, emissis jam Coadjutoris spiritualis publicis voris, cùm brachiorum, crurum, oculorum debilitate, vix legere posset aut ingredi; solitudinem suam perpetuâ Rosarij, aliarumque precum tum voce tum mente, ac potissimum Psalterij JESU, quod à puero semper usurpavit, repetitione solabatur. Denique cùm orij desidiaq; maximus esset osor, quidquid ei à laboribus cum



cum proximo vacui esse poterat, in transfe-  
rendos è varijs lingvis in Anglicam variorum  
pios tractatus impendit. Donec ætatem la-  
*Ex Anglia Henrici Mori, & Bibliotheca Alesambe.*



P. Ioannes Carlier, Soc. Iesu, Belga, Missionum rite obe-  
undarum exemplar et regula: grandi animarum pro-  
ventu expeditiones sacras obire solitus, initium illis a  
dimidio noctis dabat, et ternis quaternisq; concionib;  
prosequebatur. Extinct, Atrebat 16. Sept: 1633.

138.

## P. JOANNES CARLIER.

**P**ater Joannes Carlier in  
Belgio natus, ac subinde in  
Societatem adlectus, vitam  
potissimam animarum quæ-  
stui, impendit; factus Mis-  
sionum religiosè ac flagran-  
ter, magnòque cum fructu agendarum exem-  
plar, & vivum documentum. Adeò ut Præ-  
positus Generalis Mutius Vitellescus, cum de  
de ejus Apostolicis industrijs multa & magna  
audiret, ei in mandatis dederit; ut modum  
quem in Missionibus teneret, sigillatim & ex-  
*Societas Europæa.*

actè perscriptum ad se Romam transmitteret:  
quem perlectum laudibus extulit, atque ut  
porrò rem ità ageret, hortatus est. Sed &  
Principes Belgij Albertus & Isabella, miris,  
quæ de ejus concionum fructu ardorèque fe-  
rebantur encomijs permoti, illum audire o-  
ptârunt, auditumque & laudatum impensè  
cohortati sunt, ut sic pergeret. Tanta verò  
plebejorum æquè ac nobilium, quacunque,  
Evangelicam falcem in colligendam messem  
animarum circumferret, erat Viri æstimatio; ut  
si quem alium de Societate in sacris ejusmodi  
LIII expe-



expeditionibus præstantem viderent, familiari proverbio illum laudaturi dicerent: *en! aliter Pater Joannes Carlier.* Domo ad Missiones proditurus, adibat ad SS. Sacramentum, ibique prostratus gratiam sibi, ac ijs, apud quos operaturus erat, flagitabat: Angelum unum suum, ac eorum Custodes impensè precatus, ut ipsi labores suo favore proveherent. Concionum verò argumentum erant ferè quatuor novissima, quibus ille de profundo veterino extrahebat obstinatos quosque, & obduratos flagitiosos. Devitabat quoad posset, domos & habitationes nobilium, mensas verò quàm maximè: quibus tamen si adesse cogebatur, properè se expediebat ad labores redux: unde Joannis neque manducantis neque bibentis, ad hæc neque dormientis illi nomen adhæsit. Durante siquidem ubivis locorum sacrâ expeditione, post brevissimam quietem, noctis horâ 12. seu nocte mediâ se ad Templum proripiebat, ære campano signum incolis dabat: & sæpe jam tum reperiebat quosdam illum præstolantes, ut peccata deponerent. Per iter aliquando fatiscienti inediâ, nec viam prosequi valenti, ignotus repente homo adfuit, panem & vinum porre-

*Ex Anno dierum Memorabilium Nadasi & Bibliotheca Alegambe.*

## P. STEPHANUS FODOR cum alijs 17.



Erpetuis cōflicata bellis & cladibus Boëmia ab anno ferè 1620. ad longa deinceps tempora, tum ab intestina rebellione & hæresi, tum à Svecico deinceps Marte illatis, pestem quoque tunc sæpiùs, bellum plerumque comitari aut subsequi solitam, experta est; quâ alioqui domi natâ perarò, nisi ferè aliunde, vel per bellum illatâ, infestari solet. Debet hoc meritis potissimum S. Adalberti, sui quondam Episcopi & Martyris, cujus sacrâ apprecatione à quibusdam malis constanter immunis est & libera, dum nullus unquam ex ejus incolis leprâ corripitur; nullus in Regno dæmoniacus reperitur; cum tamen in conterminis Provincijs frequentes leprosi & energumeni deprehendantur. Itaque sub annum 1633. ab armis enata contagio, Nissam Silesiæ Urbem, Wratislaviensis Episcopi sedem, corripuit: cujus sub ipsum exordium Societas in auxilium contactis strenuè accurrit, inque opere tam glorioso ternos ibidem, plures verò alibi amittit. Atque inprimis Pater Stephanus Fodor, Boëmus Pragensis, Vir flagrantissimæ charita-

xit, amicis verbis perhumaniter refecit, & infirmam, nunquam deinceps visus, recessit. Tantâ verò contentione perorabat ad populum, aliquando etiam quater de die, & admodum prolixè, ut aliquoties sudorem sanguineo simillimum sudasse, sit compertum. Obstinatum quendam in vinculis, cum aliter ad confessionem adducere non posset, se coram illo nudavit, & acerrimè cecidit, sicque ad pœnitendum adduxit. Similiter & veneficæ duæ ejusmodi spectaculo perdomitæ, peccata cum lacrymis sunt confessæ; quarum facillè ducentas rōgo adjudicatas (ut aliorum criminum reos taceam) ad supplicium comitatus est, felicissimâ semper charitate ad optimam mortem comparatas. Ex Missionibus ad Collegium redux, salutato prolixâ gratiarum actione DEO Eucharistico, ad culinæ obsequium, ad labores domi vilissimos, ad corporis cruciatus augendos redibat, vires spiritûs ad novas expeditiones instauraturus. Ægritudine tandem prostratus, ubi de morte vicina certior factus est, Psalmos Pœnitentiales, Litanias, Augustini exemplo, recitabat, dum felicem animam DEO reddidit Attrebat die 16. Septembris, Anno 1633.

tis, quæ omnem ab ejus animo timorem foras mitteret, enixè à Superioribus, & magnis precibus contendit, ut Civitati nostram opem poscenti, præ alijs addiceretur. Voti compos effectus, concurrere cœpit per infectas domos etiam non vocatus, & salutarem omnibus operam circumferre: tum ad campos exire, quosque palantes & omnium auxilio destitutos, cum extrema calamitate conflictatos invenit, Sacramentis ante omnia piisque monitis providit; tum qui corpora miserorum curarent prospexit, cibum conquisivit, lectum comportavit, ut nullò miseris officio deesset. Quibus in ædibus debilitatos ita universos esse advertibat, ut nemo omnium posset aut etiam vellet fores pulsanti aperire, scalis ad motis per fenestram intrò se injicere, levare, mœstos, & præter reliqua officia, ubi opus esset, juvare corrogatâ stipe. Urbem amnis ejusdem cognominis, haud ille quidem altus præterfluit, sed quem vado nequeas siccus transmittere: ergò sæpe dum altera in ripa discurreret Pater, in adversam accersebatur ad ægrum quempiam: ille, quò celerius advoleret, omisâ ad pontem circuitione, calceos ac tibialia raptim detrahere, atque ubi quò

VOCAT





P. Stephanus Fodor, Soc. Iesu, Boëmus, vilæ suæ pro salute proximi contemptor; inter alios, 17. sa-  
 viente per Boëmiam contagione, agris omni ope  
 subveniens, optatam mortem consecutus est  
 Nissa Silesiorum. 27. Sept. Anno 1633. ætatis 41.  
 139.

vocabatur accurrisset; expedito officio in al-  
 teram jam, jamque rursus in alteram partem,  
 ut necessitas urgebat, medium per annum  
 recurrere. Demum ipse etiam lue contactus  
 est; quo tempore nequitiam ab aliorum  
 temperare procuratore; sed ad se venientes,  
 cum ipse progredi ultra nequiret, benignè ac-  
 cipere, expiare, solari, ad amorem cœlestium  
 excitare, nullum auxiliū vacuum ab se dimit-  
 tere: donec fractis penitus viribus ad diem  
 27. Septembris spiritum DEO reddidit, eo-  
 dem Anno 1633. ætatis 41. Societatis 18.  
 Hunc secutus ibidem est 30. Octobris Pater  
 Daniel Menichius, domo Nissensis, annorum  
 33. in Societate 13. magno quidem & prom-  
 pto spiritu ex ambitum hunc certaminis cam-  
 pum ingressus; sed carne infirmā, & usque ad  
 mortem reluctante. Nam cum è Collegio

*Societas Europæa.*

alacer eò se conferret, ubi erat seorsim ab a-  
 lijs ad pestilentium obsequium commoratu-  
 rus, tetro conspectu jacentium in compitis æ-  
 grorum, quos pestilentia deformasset, ita co-  
 horruit aversante naturā, ut eam quamvis ipse  
 virtute comprimeret, virus tamen aspiratio-  
 ne combiberit, quo paucis diebus confectus  
 ad plures abiit: haud ejus expers gloriæ, quam  
 ultro adeundis periculis quæsierat: Tertius  
 obiit 15. Novembris P. Gedeon Judex, Saxo-  
 Burgensis, annorum 35. in Societate 15. Sed  
 & Glacij Urbe 9. levcis à Nissa distan-  
 te, coorta lues, quinque Socios eodem anno  
 cum ægris occupatos sustulit. Martinum  
 Vogt, Silesium Grotcoviensem, Coadjuto-  
 rem, annorum 22. in Societate trium 16. Au-  
 gusti. P. Martinum Döring, Pruthenum Gut-  
 stadiensem, 25. Augusti, annorum in Societa-

LIII 2

te, 19.



te 19. inque ea Theologiam aliquando tam Moralem, quàm de Fidei controversijs professum. P. Melchior Preiner, Moravum Olomucensem 4. Septembris, annos natum 54. in Societate 34. professum 4. votorum. Herhardum Zirk, Germanum ex Alsatia 7. Septembris, annorum 29. in Societate 5. duntaxat. Ultimum 14. Septembris P. Andream Eberle, Boëmum Budwicensem, annorum 35. in Societate 18. His anno insequente 1634. accessere Pragæ duo, P. Joannes Antaly, Ungarus Gaiariensis, die 25. Novembris, annorum 51. in Societate 27. gradum fortitus Coadjutoris spiritualis; magnâ animarum flagrantia, assiduis penè inter hæreticos & discriminum plenis Missionibus distentus; cum hanc juvandi Pragæ pestiferos provinciam de genibus exorasset. Et Thomas Haimb, Bavarus Straubingensis, annorum duntaxat 26. & in Societate 5. adolescens supra ætatem, supra conditionem fortis, & ad hanc gloriam multis antè prælijs duratus. Nam tertio ab hinc anno pulsus ab Urbe Praga socijs, relictus cum altero fratre, ad tutelam Collegij, per ignominiam comprehensus, ter ludibrio per Urbem ab hæreticis circumductus, trium dierum inedia afflictus, contumelijs sæpius & convitijs, actandem etiam verberibus affectus, demum coactus est in exilium omnium vacuus abire. Sed paulò post clam redux, & iteratis hostium incursionibus iterum subducere se compulsus: superiore rursum anno revertit, perque omnes hostium frequentissimos assultus constanter in Collegio, mutatis identidem latebris, commoratus est, sub Divini tutela præsidij, noxæ immunis, atque ad hanc gloriosæ mortis sortem servatus, quam ex contagio pestiferi, cui sedulam dabat operam, contraxit.

His adjungere placet, quos idem ægris impensum, eadem in Triurbe Pragensi, obsequium, reviviscente per Annum 1638. pestilentia, cælo inferuit. Eorum primus die 14. Septembris excessit, Melchior Hoffman, Silesius, Coadjutor temporalis, annorum 30. in Societate 10. Hic in sedula ægrorum diu nocturne cura, dum eandem uni è nostris Sacerdori (quem mox subijciam) P. Georgio Aquitano lue afflato exhibet, virus hausit adeò violentum, ut horis non amplius 40. Sacramentis perceptis, extinctus sit. Secundum illum 22. Octobris, obiit Matthæus Schmiele, oriundus è Marchia Brandeburgica, annorum 30. in Societate 10. qui Patrum uni ad pestilentium obsequia destinato datus comes & adjutor, simulque nostris duobus lue

corruptis generosè famulatus, veneno ictus ad mortem pervenit. At dies 2. Novembris duos simul abstulit, P. Jacobum Drabetium, Novædomi in Boëmia natum ante annos 40. in Societate versatum annis 17. præstantem eloquentiâ Virum, & apud concionem suam gratiâ validum, quem populus emortuum, & à nostris clam & obscurè, ut pestiferi solent, sepultum, publicis exequijs sua in æde Parochiali, ubi dicebat, honestaverunt, non sine comploratione. Animum ejus nunquam aspera res ulla, neque pestis, neque hostis hæreticus infregit: nam & ante annos 13. & nunc iterum, tabidis opem navavit; tunc quidem incolumis, at modò à confitente, cui dabat aures, peste afflatus: & cum aliquando agmen hostile Girtzinium (ubi ille tunc Curionis vices agebat) infestum invasisset, ac ceteri è Collegio noctis silentio salutem fugâ quæssissent, ipse ad Civium solatium remansit & auxilium, latebrâ tantisper usus, dum rabies prima deferret. Ubi tamen inventus educusque, equum jussus est conscendere, quo duram in captivitatem aveheretur, mentis atque animi summâ præsentia audacter abnuvit, quod baptizandis istic infantibus constitutus Curio abesse procul & diu non posset. Et rata ea causa, mirum dictu! acceptaque fuit barbaris illis hæreticisque hostibus, ut remanere sineretur; fortè quia præter baptismum vix aliud quid illis sacrum sanctumque est. Alter eodem die extinctus fuit P. Wolfgangus Silvanus, Tinhorssovij in Boëmia natus annos 54. in Societate 36. Coadjutor spiritualis, Vir qui & Missionibus obundis, & Concionibus, & gubernandis Collegijs abundè suam probavit industriam, & nunc Provinciæ totius Procuratoris officio fungebatur, simul & Ministri Domûs. Hujus partes dum explet sollicitè, & ægris ex lue officia præstat, quæcunque charitas svaderet, eandem ab ipsis contagione contraxit mortem. Ad 2. Decembris decessit Georgius Aquitanus ortu Silesius, annorum 48. Societatis 29. quatuor votorum professus, Xavierianæ virtutis atque ardoris æmulator. Hic zelum suum, in Judæos potissimum confutandos, & reducendos hæreticos exeruit, expeditionibus Apostolicis per Silesiam & Moraviam invicto animo susceptis, tamen ab hæresi, quæ tum latè adhuc dominabatur, multæ capiti ejus struerentur insidiæ. Inde fessus in adeundis solandisque, quos inopia premeret aut calamitas, aut carcer retineret. Dederat ille jam etiam Glogoviæ pestiferis operam, sed in hunc annum sospes evaserat:



ut ab ægris Pragæ lue contractâ, calculi simul colicisq; doloribus exerceretur ad præmum. Cùm verò sequente anno 1639. exercitus Cæsareus Pragam accedens, contagionem unâ iterum attulisset, P. Henricus Müller, Silesius Wratislaviensis, suam militibus juvandis vitam, exoratis Superioribus devovit. Quorum tentoria & tabernacula dumper stativa in suburbano locata, opitulandi solandique studio, sollicitâ charitate perreptat, ex eorum tetro aspectu, cadaveribus horridiore, quòd in suis natantes multi sordibus, & suâ proluvie obsiti, intolerandam afflarent mephitim, ex pestilenti simul fœtore, febri traxit & interitum: enectus die 30. Septemb: cùm annos vixisset 49. in Societate 30. professus quatuor votorum. Secutus est ad 10. Octobris P. Joannes Seelbach, domo item Wratislaviensis, 32. annorum, in Societate 13. à tertia Probatione peracta, in Cæsarea militia Missionarius tunc Castrensis. Hic quoque non militibus duntaxat, sed incolis pariter juvandis dedicatâ vitâ ( jam enim

*Ex Victimis Charitatis Alegambe, & Annalibus Boëmia.*

contagio Urbem pariter corripuerat ) in Italico segregatus manebat Nosocomio, unde noctu diuque, quoquo vocaret necessitas, procurrebat. Duodecimo, quàm in palæstram fuerat ingressus die, idem eum morbus incescit: ex quo tamen medicamentis eluctatus, nisi quòd adhuc pedibus stare, nédum ingredi ad ægros posset, suam vix dum morti subductam vitam aliorum saluti iterum posthabens, aditum ad se omnibus contagiosis patere voluit, quos alij ab se procul, infectionis metu arcebant. Ab his itaque lethali rursus anhelitu violatus, ad celerem suæ charitatis mercedem evocatus est. Sed & Crumlovij Boëmiæ, Anno 1640. cœpta grassari, ferè per obscura tantùm vulgi capita pestilens aura, die 16. Octobris sustulit P. Franciscum Oellerum Boëmum Budwicensem, qui nullâ virium aut ætatis curâ ( erat enim annos 67. natus, in Societate 49. spiritualibus Adjutoribus accensus ) eorum se in obsequium conjecit, incredibili ardore, & totius Urbis stupore, eò munere ad mortem usque perfunctus.

## P. MATHIAS MAILE cum alijs 80.



Arum excellentis doctrinæ & sapientiæ cum summa humilitate conjuncta exemplar nobis in exhibet P. Mathias Maile; quibus associatus ardens a-

nimarum zelus, & virtutum regina charitas, usque ad sui pro salute proximorum perditionem constantissima, planè admirabilem illum reddunt. Ortus fuit Stockachensis in Svevia, Societatem complexus in Provincia Germaniæ Superioris; in quâ laudatissimam vitam egit honoratissimis munijs diu multumque occupatus, Superiorum magis quàm suâ voluntate; interim verò in vilissimis ad proximorum utilitatem suâ propensissimâ inclinatione distentus obsequijs, quàm etiam ad longum senium perduxit usque ad annos 72. cùm vitam & animam ex amore illorum posuit. Potiores vitæ religiosæ annos in Scholasticis disciplinis explicandis contrivit, altioribus præcipuè: nam Theologiam speculativam publicè annis 10. Moralem verò totos 24. sacram Scripturam duobus, singulari laude explanavit: datus etiam Serenissimis Baviaræ Principibus Philippo & Ferdinando Fratribus, ut ijsdem teneras eorum mentes imbueret, Præceptor; quorum ille deinceps Ratisbonensis Episcopus & S.R.E. Cardinalis; hic Ar-

chi Episcopus & Elector Colonienfis exitire. In tanto constitutus sapientiæ fastigio, quæ fuit hominis cum charitate modestia & humilitas, nè horæ sibi ab occupationibus vacuæ etiam otiosæ effluerent, consueverat calceos suâ manu conficere, quos in pauperes, dum aliter eorum commodis impendi nequirit, erogabat. Ea Viri demissio & candidissima mentis simplicitas, mirificè omnium animos conciliabat, cùm & ipse in agendo cum summis æquè ac imis plenus officij, plenus studij de salute animarum, illud verbis & operibus declararet. Mirâ tractandi cum hæreticis gratiâ pollebat, quæ illi magnetis instar attrahendis ad DEUM eorum animis serviebat, ut non inviti audirent argumentorum momenta, quæ nullis aculeis asperata tantò profundius, quantò pronius ultro in aures admissa, in imum pectoris penetrabant. Nunquam verò ultimis etiam vitæ annis parcebat labori, nunquam fatigari videbatur in rudibus catechesi imbuendis, ubi ubi ferret occasio mirè fervens, ad quorum culturam, & christianæ doctrinæ rudimentis institutionem, iter unius horæ quibusque diebus Dominicis ad conductum locum extremo ferè vitæ triennio conficiebat, haud faciliè passus ullâ cœli intemperie ab eo sese officio prohiberi. Ità sanctè & utiliter occupatum pestilentia per-





P. Mathias Maile, S. I. Sævus, vitam in præcipu-  
is Religionis & Scholarum munyis, educandisq; sua  
varia Ducibus actam, pestiferorum obsequio cum  
Socijs, 80, imolavit; Oetingæ Veteris mortuus 28.  
Sept. A. 1634. ætatis 72. solitq; inter honores Aulae  
pauperum usib; calceos suere et reficere.

Bavariam latè Anno 1634. dominans, atque  
etiam Oetingam ad Oenum propagata, ubi  
deprehendit, & opportunitatem pridem con-  
cupitam vitæ heroicæ charitate profundendæ  
suggessit. Dum enim eodem zelo nihil eo-  
rum, quæ proximorum saluti conducere, omittit;  
cælo tandem maturus, contractâ ab  
ægris luc, quâcum tres circiter hebdomadas  
conflictatus est, Sacramentis perceptis piè de-  
cessit 28. Septembris; quem 9. Octobris se-  
cutus ibidem est Joannes Felbinger, ex Con-  
stantiensi Diœcesi Coadjutor, annos natus  
55. in Societate 36.

Neumburgi ad silvam, in Electorali Bava-  
riæ Palatinatu, eodem anno dum peste vexa-  
tos juvare, duo è Socijs occubuerunt, prior 11.  
Julij P. Casparus Wenck Mospurgenfis, an-  
norum 45. in Societate 27. quam doctâ prius

Philosophiâ ac Theologiâ, deinde obitis in  
Palatinatu ad hæreticorum conversionem.  
Missionibus, à Svecis indè exactus, & multis  
ærumnis exercitus: demum profusâ in auxili-  
um pestiferorum animâ, mirificè exornavit.  
Alter 9. Octobris P. Jacobus Agricola Bava-  
rus Aichenfis, annorum 38. in Societate 20.  
in iisdem Palatinatûs Missionibus, ex quo fe-  
rè Sacerdos est factus, per maxima vitæ peri-  
cula ærumnosè occupatus. Thannis in Al-  
satia 28. Julij P. Abrahamus Mayer, Oetinga-  
nus, 39. ætatis, 21. Societatis anno, eadem in  
causa extinctus est. Uti & Ratisbonæ 10.  
Augusti P. Joannes Tifforus, oriundus è sancto  
Hippolyto, annorum 49. in Societate 30. Ec-  
ibidem P. Ludovicus Vogel 9. Septembris,  
Straubingenfis, anno ætatis 36. Societatis 19.  
quatuor votis obstrictus. Die verò 12. e-  
jusdem



juldem Jacobus Pistor, Augustanus, annos natus 22. in Societate 4. Ambergæ in eadem Societatis Provincia 21. Augusti P. Georgius Manstorffer, Bavarus Rottemburgensis, annorum 53. in Societate 35. Straubingæ autem sex in eodem pretioso obsequio cecidere P. Georgius Meggling 31. Augusti, Bavarus Mattikoviensis, annorum 33. Societatis 13. P. Christophorus Selva 3. Septembris, natus Calterni in Tyroli, annorum 30. in Societate 10. Martinus Kolb, 6. Septembris Monacensis, annorum 39. in Societate 13. Coadjutor. P. Albertus Käpfl 12. Septembris, itidem Monacensis annorum 45. in Societate 27. quatuor votis devinctus, Constantiensis Collegij antehac quinquennio, itémque Straubingæ Rector: unde à Svecis comprehensus, durèq; in custodia Ratisbonæ undecim ipsas hebdomadas tractatus, donec liber dimissus, in pretiosa morte quietem invenit. Daniel Egstein 23. Septembris Argentinenis, Coadjutor, annorum 33. in Societate 14. P. Adamus Straub 10. Octobris, Blombergensis, quem ætas annorum 67. in Societate 48. solennis quatuor votorum professio, gesta munera Rectoris in tribus Collegijs, Superioris in duabus Residentijs, & nunc Straubingæ indefessi Operarii acta commendant. Hic omnibus in ægrorum ministerio socijs confectis, in eadem functione, quoadusque novissimus tabe aspersus, eadem sanctè decessit. Monachij eodem anno exhibitis afflictæ partim Urbi, partim pestiferis in Collegio servitijs, tredecim immortui sunt: P. Joannes Haveisen 5. Septembris, indidem oriundus annorum 41. in Societate 20. P. Joannes Petrus 14. Septembris, Aukostensis Sævus, annorum 56. in Societate 37. Jacobus Moser 20. Septembris, itidem Sævus, natus annos 26. in Societate 5. Pater Casparus Wangnerech 26. Septembris Monacensis annorum 33. in Societate 16. P. Melchior Hartelius 5. Octobris, Altingensis Bavarus, annorum 74. in Societate 53. per omnia præcipua munia, bis quoque Rector, & Provinciæ Præpositus, laudatè in ea versatus. Ambrosius Eberhard 6. Octobris, Sævus, annorum 71. in Societate 50. Michæl Laimer 7. Octobris, Helvetus, annorum 34. in Societate 13. Reinerus Eigenman 13. Octobris, annorum 56. in Societate 34. in tumultu pestis emortuis ipse quoque confectus. P. Joannes Hicker 21. Octobris, Bavarus Blickfriedensis annorum 47. in Societate 25. Pater Georgius Faber 26. Octobris, domo Sævus, annorum 47. in Societate 32. Jacobus Moriz 1. Nov: Sævus, annorum 31. in Societate


9. P. Joannes Hueber 16. Novembr: Bavarus Pfaffenhovensis, annorum 34. in Societate 13. P. Sigismundus Schwaber 17. Nov: Constantiensis, annorum 47. in Societate 31. Is olim lapsu ex loco editiore graviter læsus, & apoplexiâ tactus, ad pleraque nostra münia inutilis evasit, solis fere pœnitentibus audiendis irremisè occupatus. Magnis ergo precibus impetratâ facultate, pestilentia vexatis navavit industriam, & eadem extinctus migravit in cœlum.

Ejusdem anni pestis Ingolstadij quinos ægrorum auxiliores socios demessuit 6. Sept: Christophorum Heineburger Scholasticum 24. annorum, 6. in Societate, Burgundum 9. Octobris P. Thomam Resch, Bavarum Schardingensem, ætatis anno 46. Societatis 27. Virum juvandis solandisque proximis natum: nusquam enim libentiùs versabatur, quàm in carceribus, nosocomijs, inter ægros & conscientia tribunali. Annorum spatio non omnino 13. recensuit ad centum & undecim capitum millia, quorum noxas expiavit. 23. Octobris Conradum Sicherer Francosurtem ad Mœnum, Coadjutorem, annos natum 35. in Societate 12. Die 31. Octobris P. Balthasarem Ketler, Bavarum Hohenwartensem, annorum 48. in Societate 23. Ac 3. Novembris Michaëlem Alber, Sævum Babenhufanum, annorum 31. in Societate 9. Landshuti eadem charitas tres DEO immolavit, P. Georgium Mafer 17. Septembris, Sævum Campidonensem, annorum 48. in Societate 24. P. Joannem Sagittarium 25. ejusdem, Friburgensem in Brisgoia, annorum 31. in Societate 12. Et 1. Octob: Joannem Walch, Sævum, annorum 49. in Societate 27. Et nè plurium meris nominibus paginas impleam, quæ legi possunt in Patris Philippi Alegambe Victimis Charitatis, Hailingæ eodem hoc anno in pestiferorum servitio extincti sunt tres: Hippolsteinij unus, Aquisgrani unus, unus item Bambergæ, & duo Constantia, Bruntruti & Neoburgi singuli. Sed & Superioribus annis non pauci per Germaniam (quo nomine tres solas Societatis Provincias hic accipio: Rheni superioris & inferioris, ac Germaniæ superioris) in eodem charitatis officio diversis locis animas posuere. Moguntia: Añ. 1624. duo: in Rheni verò tractu, anno insequenti quinque, totidemq; anno 1626. in eadem regione. Anno 1627. duo Donawerdæ, duo Augustæ, totidemque A. 1628. Landsbergæ; & alibi per Añ. 1630. morti in spoliū celsere quinque.

*Ex Victimis Charitatis Alegambe.*

P. GEOR-





P. Georgi, Kaldi Soc. Iesu, Ungar, potens opere et sermone Concionator; Operari, totâ Ungariâ nulli secundus; ausus etiam ex iusto zelo Principem Transylvaniæ hæreticum Bethlehem Gabor reprehendere de tot Christianis Turcæ proditis. Obijt Posonij 30. Oct. 1634. æt. 64.

141.

## P. GEORGIUS KALDI.



Ater Georgius Kaldi, natione Hungarus, patriâ Tyrnaviensis, Romæ Societatem ingressus est aîo salutis 1598. ætatis 28. repudiâtâ Præpositurâ, principe post Archi-Episcopatum Strigonensem dignitate. Ubi ex Italia redijt, difficillimis Boczkaiæ seditionis perturbationibus, è Transylvania cum reliquis de Societate relegatus est in exilium. Ubi Viennæ primûm latinè dixit ad Academicos, ac subinde Italicè quoque ad alios, vir semper habitus acris eloquentiæ ac spiritûs. Deinde Olomucij Theologiam moralem cum aliquamdiu explicuisset, Brunam ad Tyronum Magisterium

translatus, eâ satisfactione munus administravit; ut primus inde Leobium in Styriam Novitiorum colonijs ducendis assignatus, iisdem instituendis præfuerit: De hinc Superior fuit, ac Rector Tyrnaviæ: demum Posonij, quod ipse Collegium à primis fundamentis ad usque finem ædificavit, in eoque se ipsum velut angularem lapidem collocavit, magno sui desiderio, magno virtutum exemplo cæteris post se relicto, vitâ functus die 30. Octobris, Aî. 1634. ætatis 64. Societatis initæ 36. ab anno 1612. die 27. Maij, quatuor vota professus. Vixit semper ita, ut Magistrum Novitiorum, decet accurate disciplinæ, quàm maximâ curâ silentij legumque etiam minimarum; adeo ut passim diceretur, illum nec observa-

tum.



tum quidem deprehensum esse, regulam aliquam transgressum. Quam magno exemplo, tam forti, nec parcere vel dissimulare volente acrimoniâ, pro regulis tuendis erat totus, cum Rector præesset: submissione ipse tam profundâ, ut cum Posoniensis Collegij fabrica surgeret, miro & demissionis & impigritatis exemplo, se ad labores operarum vilissimos palam demitteret. Semper in se fuit durissimus, & nullius vel spei vel metus obtentu à rectitudine dimoveri se patiebatur: quâ virtutis constantiâ, mira pro DEO & Ecclesia impetriter aggressus est, & feliciter perfecit. Sanè Bethleemum Gabrielem, Transylvaniæ Principem hæreticum, armis & victorijs tunc insolentem, non est veritus Tyrnaviæ & palam, & privatim duarum horarum colloquio commonefacere, quanto crimine se obstrinxisset, ob tot millia Christianorum Turcis prodita, & in perpetuam captivitatem abducta; ob quam audaciam, cum à victore hoste omnia extrema illi socijsque metuerentur; tantum absfuit, ut quidquam molestiarum experiretur; ut etiam suam Princeps ad mensam admotum, honorario centum nummum Imperialium, in subsidium Typographiæ (cuj tunc cura Patri incumbebat) remuneratus sit. In dicendo pro concionibus fuit eloquentiæ & fervoris laude omnino conspicuus, vehemens, gravis,

*Ex Anno Dierum Memorabilium Nadaſi, & Bibliotheca Alegambe.*

## P. MANUEL TEYXEYRA.



Atus est Pater Manuel in Lusitania Nobilibus, parum tamen à bonis fortunæ instructis Parentibus A. 1568. quibus pestilentia Anno 1580. sublati, relictus cum

sorore æquè tenellæ ætatis pupillus est annorum 12. in summa egestate, nisi amborum miserta dives quædam & pia matrona illos in familiam cooptasset; providente DEO sanctam utrique educationem, quam deinde soror in Virginum Parthenone, Manuel autem in Societate, religiosi virtutibus exornârunt. Prius tamen & ipse eadem peste correptus est, dum Parentibus extinctis, minùs cautè operam suam obsequijs contagiosorum addixit; nam ejusdem mali vis tantâ sævitie illum invasit, ut in vestigio humi prostratum viribus omnibus privârit, morituum absque omni humano subsidio, quod à communi calle extra Urbem aberrans loco devio conciderat, nisi DEUS Virum ex Confraternitate Mi-

*Societas Europæa.*

doctus & spiritu plenus, seu germanico cum res postulabat, seu gentilitio idiomate peroraret, quod præcipuè spectabili & præscriptâ auctoritate dicebat, ut qui magnam ætatis partem in eo labore contriverat, nunquam sinè fructu, ut plurimum cum admiratione etiam & plausu auditus. Indè magnâ illi apud Nobilitatem & Viros Principes auctoritas & gratia, qui liberè etiam auderet summos æquè ac infimos, quâ suaviter, quâ fortiter ad officium cohortari. Neque dictione solum & lingvâ Patriæ, sub tot hæresum erroribus genti prodesse contentus, cum videret sacra Biblia ab hæreticis in Hungaricum idioma translata, varijs pro sua cujusque secta corruptelis scatentia, manibus omnium teri; mirum est, quantum laboris impenderit ad eadem legitimè expurganda, & Catholicè in eodem idiomate excudenda, nè Hungari hæretica legere cogerentur. Quibus adjecit Epistolas & Evangelia seorsim per annum legi solita, & Tomum suarum Concionum. Jacturam in Viro amisso quantam fecerit Hungaria, sapientissimi atque Eminentissimi Cardinalis Archi-Episcopi Strigoniensis, Petri Pazmanni de eo judicium abundè declarat, quo agebat: *ex communi Ordine Ecclesiastico Religiosoque nulli secundum fuisse toto Hungaria Regno: parem illi haud facile repertum iri.*

sericordiæ eò adduxisset, qui in vicinia pestiferis operam Chirurgicam impendebat. Hic è terra sublatum, neque sentientem (quod toxici ardor illum mente emoverat) propinquæ casæ intulit, sectoque apostemate feliciter paucis diebus consanavit. Verum aliud mox infortunium iter equo agentem excepit, siquidem inter senticeta, exterritus fortè equus, quâ densissimè vepres increverant, illum violentè excussit; à quibus misere pluribus in membris laceratus, quò magis se extricare laborabat, eò amplius (ut erat virium ex morbo adhuc imbecillium) implicabatur. Itaque ad clamores, & opem aliorum invocandam conversus, cum diu frustra homines implorare se videret, Cœlites atque inprimis DEI Matrem invocare cœpit: & ecce mox devota quædam matrona jumento illac transiens adfuit, quæ sentibus extractum, jumentoque impositum, domum suam adduxit, plagiisque diligenter curatis incolumem dimisit. Atque ex his satis apparebat puerum à DEO

M m m m

specia-





P. Manuel Teyxeyra S.I. Lusitanus, salutis Animarum  
 sitientissimus, et in procuratione earum mira expertus,  
 etiam filiolum maledicæ Matri à Dæmone è sinu  
 ereptum, poenitenti deinde sanum restituit. Obiit  
 Monte Regali 17. Aprilis, A<sup>o</sup> 1635. Etatis 66.

specialiter electum servitijs suis destinari, nam & iudolem ei contulerat uti ad omne bonum proclivem, ita à quavis mali specie summè abhorrentem: genium & naturam ad omnes affabilem, mitem, obsequiosam, quâ animos & corda omnium rapiebat. Erat ejus pleraque occupatio vacare orationi, & cœlestium meditationi, cujus praxim solo Divino magisterio didicerat: servire ad aras, Divinis adesse Officijs, corpus jejunijs & poenitentijs subigere, pauperibus omni ope & obsequio adesse: ut jam tum omnibus æstimaretur & suspiceretur tanquam lapsus è cœlo Angelus. Quin & DEUS ipse virtutem ejus minimè puerilem patefacere jam tum voluit; cum enim nobilis mulier Olyssiponem ad eximiam quandam DEI famulam profecta esset, ut certum negotium illius ad DEUM

precibus commendaret: respondit hæc, adesse illi domi in patria sua magnum DEI, licet pusillam annis, servum Manuelem de Teyxeyra, qui certius felicem negotij exitum, quàm ipsa exoraturus esset: cui etiam domum regressa, optato eventu, necessitatem suam commendavit. Crescente verò in dies majore sanctitatis ejus apud populum opinione, rogatus aliquando fuit, ut ægram ex calidis febribus mulierem accederet, & manibus capiti ejus impositis, pro salute restituenda precaretur. Erubuit ad insolens postulatam verecundus & humilis puer, multisque frustra excusare conatus, violentè magis ad infirmæ ædes raptus, quàm adductus est: ubi aliquamdiu pro ejus valetudine fusâ ad DEUM oratione, ut manu insuper caput attingeret, persuaderi non potuit. Placuisse verò DEO



rò DEO orationem Manuelis virginæ modestiæ conjunctam, brevi salus integrè mulieri reddita probavit.

Jam decimus quintus ætatis illi decurrebat annus, cum morte sublata pia matrona, in cujus familia instar filij habebatur, secundò orphanum illum reliquit: quem tamen miseratus devotus Sacerdos domum suam recepit, omnémque DEO vacandi opportunitatem concessit. Brevi tamen & hoc Patrono demortuo, nemo ex opulenta cognatorum Nobilitate inventus est, qui Manueli receptum præberet: donec ad mendicitatem redacti miseris unus è famulis, qui in servitijs Parentis olim fuerat, eum in casam suam, quantumvis humilem & rusticanam, & cui curta supellex, benignè collegit. Huic ut reciprocam exhiberet gratitudinem, neque otiosus panem ederet, operam suam pascendis capris, quarum non magnum gregem domi numerabat, Manuel addixit, totumque illud tempus, quo gregi in campis aderat, orando DEO, & Cœlestium contemplationi impendit. Ardens interea DEUS illi indidit desiderium literas perdiscendi, quò libros devotos, & gesta Sanctorum lectitare posset: ideòque vitæ pastoris vale dicto in ædes cujusdam Sartoris admissus est, ubi triennali labore, in defectu periti instructoris, tantum didicit, ut scribere nòset & legere; cum nihil interim statis orandi horis, ceterisque consuetis pietatis exercitijs detraheret. Suscepta post hæc ad prodigiosam DEIPARÆ Iconem peregrinatione in Gvadalupe, perpetuæ castitatis voto se DEO illic obstrinxit; & sex mensium spatio (tamdiu siquidem ibi subsistere placuit) pauperibus & ægris in nosocomio, maximâ charitate deservijt. Inde Salmanticam ad studia prosequenda digressus, soli Providentiæ Divinæ innixus (nam sumptu & pecunijs omnino erat destitutus) Universitatis illius scholas adit; & partim famulando, partim pædagogum deinde nobilium adolescentum agendo, vitam per annos studiorum undecim sustinuit; eâ virtutis constantiâ per altiores disciplinas omnes versatus, ut Religiosum perfectum jam tum præferre magis quàm hominem sæcularem videretur. Perpetuus siquidem illi cilicij, & quotidianæ disciplinæ fuit usus: jejunia pervigilijs Sanctorum omnibus, & sextis per annum ferijs in pane & aqua strictissima: somnus brevissimus, & prolixis orationibus interpolatus; quam etiam minimum unius horæ spatio, prius quàm scholas adiret, mente decurrebat: præter Officium & Rosarium Marianum, quæ de genibus absolvebat

quotidie. Dies relaxationi ab studijs concessos, quibus alij campos aut lusus petebant, ipse in Hospitalibus in ægrorum servitijs continebat: longiore autem vacationum tempore peregrinationes ad Thaumaturgas DEIPARÆ per Hispaniam Imagines cum pijs sodalibus instituebat. Notatum porrò est, quotquot scholarium familiariter ipso usi fuere, varijs Religionibus omnes se addixisse: adeò sancta erat ejus consuetudo, & agendi ratio. Unus tamen ex ijs obstinatio cum nullis ejus svasionibus ab sæculi amore posset avelli, cepit Manuel varijs pœnitentijs & afflictionibus, prolixâ imprimis oratione robur illi à DEO precari, quò penitus se vinceret: & ecce eadem nocte visum est illi quiescenti, solum in immanem voraginem ponè lectulum dehiscescere, infernalibus flammis succensam, ex qua prorumpentes tartarei genij nitebantur in eam dare præcipitem: quibus dum totis viribus obluetur, inter supremos animi & corporis angores experrectus, reliquum noctis in lacrymis & actibus contritionis consumpsit, cum firmo decreto consilijs Manuelis acquiescendi; quod & primo manè executioni dedit, religioso habitu suscepto.

Nullam Societatis notitiam, priusquam Salmanticam veniret, Manuel habebat, neque ullum eatenus ex Socijs viderat: ut primum autem familiariter cum ijs agere cepit, tantâ Societatis æstimatione & amore captus est, ut nihil deinceps absque eorum consilio ageret: donec cum duobus sodalibus, ad idem Institutum sequendum persuasis, eorum consortio aggregatus est anno 1599. ætatis 30. gaudentibus omnibus, Socio tam sancto Religionem suam auctam esse. Tyrocinio persanctè sub Magisterio Ludovici de Ponte absoluto, Vallisoleti (ubi tum Aula Regia morabatur) in Domo Professæ munera Coadjutorum obiit: unde missus ad Collegium Monfortense, sexennio Grammaticam pueros docuit, etiam Sacerdotio jam insignitus quinto Religionis anno: ex quo tempore Operarij simul munus diu noctuque, præter scholas, naviter egit, procurando carceres, nosocomia, ægros: festis autem & vacationum diebus ad pagos & villas procurando, catechesim per compita & plateas explicando: ut adeò Superiores perspecto ejus fervore, à scholis liberatum, animarum curæ unicè addixerint. De hinc igitur Apostolicum Missionum munus per Gallæciam auspicatus, totum illud Regnum prædicando, & Sacramenta ministrando, 30. annorum spatio pervagatus est, pedestri semper itinere, absque sacculo &



pera, solâ DEI providentiâ pro viatico instructus. Diversorium non alibi; quàm in publico pauperum Hospitali capiebat; vel si id deesset, in horreo quopiam, aut rusticana casa: neque in lectum defesso laboribus corpori admittebat aliud, quàm nudam tabulam, aut si mollissimè cubaret, stramen vel sarmentum, & pallium suum viatorium pro tegumento; licet non rarò totus à pluvijs, quæ istic frequentes decidunt, maderet. Cibus illi cum pauperrimis paganis omnino communis, solo vilissimo legumine, aut panè obsoleto circumscriptus. Vitæ ad normam Apostolorum institutæ respondebant proprii eorum labores, conciones ingenti zelo ubique habitæ, confessiones diu noctûque indefatigabiliter auditæ, cum nunquam Templo abiret, dum aliquis adesset qui confiteri vellet. Jam verò innumeri erant, quos ad pœnitentiam quotidie suis prædicationibus commovebat; nihilque audire ipso dicentè aut videre erat, quàm planctus & gemitus ab intimo corde erumpentes, clamores & lacrymas peccata sua ex vehementia contritionis detestantium. Atque hos ille animorum fructus affatim expertus, non cessabat Socios, quoties ad Collegia diverteret, ad similes Missionum labores, in Indijs præcipuè inter Barbaros, quò ille sæpius mitti frustra exoptabat, incitare, atque ad id persuadendum miros quosdam eventus, qui sibi acciderant, enarrabat: quorum aliquos in exemplum hîc referemus.

In pago quodam mulier innocens graves à marito afflictiones & verbera patiebatur, ex perversa suspicione, quasi fidei conjugalis minus tenax esset; hanc peccata sua dolenter confitentem multis Pater ad æquanimitatem & tolerantiam cohortatus, tandem altiore instinctu commotus adjecit, rediret secunda domum, maritum enim positâ vanâ suspicione nihil in posterum molestiæ ipsi illaturum. Abiit illa fiduciæ plena (nam DEI nomine interposito Pater quietem sponderat) cum in ipso ædium ingressu plenus irarum conjux percontatur, undenam veniat? ipsâ autem humiliter respondente, ab Templo se venire, ubi sacram exomologesim obiisset ad lucrandum Missionis Jubilæum: sitam sancta & innocens scelerum es; subjicit truculenter maritus, immitte aliquamdiu manum in ardentem hunc focum, quin damnum & ustionem patiaris. Simplex & innocentis suæ confisa mulier, brachio utroque in ignem injecto ardentes inde carbones protrahit, diutiusque manibus innoxia sustinet: quo spectaculo attonitus vir, ingenti pœnitentia tot injuriarum

innocenti impactarum conceptâ, pacem & amorem conjugalem sincerè deinceps coluit. Persona alia multis annis scelus quoddam sacrilego pudore in Confessione celabat, neque ullâ rationum vi ad superandam erubescentiâ induci poterat, licet ex concionibus Patris compuncta, perpetuis conscientis angoribus lancinaretur. Dum ita amarissimo conflictu secum absque ulla quiete luctatur, videt nocte quadam rabidum molossum sibi imminere, dentibus ipsam discerpere paratum; cuius minaci rictu exterrita quidem est, maxime ubi iterum alterâ & tertiâ nocte magis formidabilis & vicinior apparuit; causam tamen ut amoveret, nimio rubore superata, ab se impetrare non potuit. Quartâ ergo nocte infernalis canis, velut à catena solutus, toto impetu in miseram irruit, & humi allissam dentibus horrendum lacerans, cum ingenti laniatâ dolore oculos etiam mentis aperuit, ut JESUM & MARIAM in auxilium serio emendationis proposito vocaret: ad quæ nomina evanescente molosso, totam reliquam noctem in lacrymis sinceræ contritionis transegit, primòque diluculo P. Manuelém requirens, peccata vitæ totius magnò dolore illi aperuit, plenam animi quietem & serenitatem exinde consecuta.

Gravius etiam castigata fuit mulier alia, multarum prolium mater; hæc maledictis & blasphemijs quotidiano usu perditè assveta, cum die quodam Pater acerrimè ejus vitij turpitudinem persequeretur, illa nihilo cautior inde effecta, domum rediens filiolo bienni dæmonem, ut eum abriperet, imprecata est: cum subito sensit parvulum sibi è brachijs, raptore nusquam apparente, divelli, atque in aëra, ab oculis omnium momento evanescentem, auferri. Fit clamor, & domesticorum comploratio ingens; matre doloris & terroris magnitudine pæne exanimatâ, quòd sibi omnino persuaderet à malo genio abreptum & laniatum. Ergo quod solum remedium succurrebat, ad Manuelem properat, & pedibus ejus advoluta improbitatem suam multis lacrymis accusat: qui ritè expiatam blandè consolatus, filiolum indemnem repertum iri adpromittit, dummodo nè deinceps ad pravam consuetudinem redeat. Quæritur ergo magnâ diligentia per totam viciniam abreptus puer, ac post diuturnam investigationem in crepidine editi montis, absque ullâ læsione incolumis reperitur: quæ res totâ regione vulgata, pravam maledicendi consuetudinem penitus eliminavit. Delatus ad quoddam oppidum Pater, ingenti spiritus fervore,



vore, ut solebat, pro concione invecus est in vitia carnis, quorum turpitudine ad vivum proposita compunctus Ecclesiasticus quispiam, magno Civium scandalo publice concubinarium, serio resipuit; & confessione apud Patrem peracta, ut constantior esset emendatio, sacris ab eo Divi IGNATII Commentationibus dies aliquot est exercitus. Discessurus Pater, multis eundem hortatus est ad castitiam constanter observandam, futurum alioqui predicens: ut si ad vetitas reverteret voluptates, gravem & supremam DEI vindicis poenam experiretur. Verum paulo post ab discessu Patris ad volutabrum ille suum redijt, tam precipiti a DEO vindicta illum in flagranti sequente; ut inter ipsos nefanda meretricis complexus repente extinctus, scelera tam animam æternis supplicijs transmissit. Alius è secularium numero, dictione Patris, una cum amasia sua vehementer commotus, votum emisit ab illicitis amoribus deinceps abstinendi: sed paulo post sedit frigus cum eandem ad flagitium repetendum sollicitaret, in vestigio fluxu sanguinis obrutus est, qui nullâ arte sisti poterat, donec animam efflaret. Contigit & quædam ad Ecclesiasticæ censuræ vim declarandam illum experiri; quorum primum evenerat adolescenti magnæ pecuniæ furto sublata reo, in quem herus suus eâ causâ excommunicationis sententiam ferri obtinuerat. Ex quo tempore cepit ille viribus, quibus antea robustis pollebat, ita destitui; ut pedibus niti impotens, rogeretur quadrupes per terram reptare. In hunc Pater fortuito incidens, intellecta infortunij causâ, magnopere illi auctor fuit, ut restitutione factâ capacem absolutionis redderet: sed quia pecunijs magnâ parte consumptis, vix aderat quo damnum refarciret; Pater impetratâ ab herô veniâ juvenem rite à peccato & censura absolvit; qui subito eodem momento receptis integrè viribus, sanus & integer, ut ante fuerat, exilijt. Alius simili censurâ ligatus fortè cum sodalibus per vires pratum inambulabat; cum observavere comites, herbas & gramina omnia, quæ seu manibus, seu pedibus contigerat, illico perditto virore exarescere: quo & ipse notato vehementer exterritus, Manuelem adiit, à quo anathematis vinculo exolutus, nihil ejusmodi in posterum expertus est.

Jam qui tantâ sedulitate aliorum salutem curabat, nè propriæ sanctitatis incurius detrimentum aliquod pateretur, quidquid temporis laboribus superesset, orationi & meditationi impendebat, nullo unquam loco

aut occupatione DEUM ab oculis mentis amittens: cujus præsidio gratiam baptismalem, nullo unquam lethali peccato inquinatam, conservavit. Horas Canonicas de genibus semper recitare solitus, ut eò majore pietate & attentione decurreret, Officium de Spiritu sancto ad eam impetrandam præmittebat: additâ ad singulas horas consideratione cruciatuum & dolorum Christi, quos horâ illâ pertulisset. Vilissimam de se opinionem non animo tantum intus fovebat, sed opere quoque exterius demonstrabat; quando ad Collegium divertens, reliquijs ab aliorum mensa relictis libentissime vesceretur, & non raro mendicabulis antè januam, ultimas ciborum micas præstolantibus se immiscens, juris aliquid sibi donari humiliter flagitabat; quod cum aliquo ex pauperibus abjectissimo, magisque fordido in convivam assumpto, ex eadem olla absolvebat; tam illius, quam reliquorum omnium pedes pro coronide opipare mensæ exosculans. Volebat ejus Præpositus Provincialis, perspectis tantis Viri meritis, ad professionem quatuor votorum (si quidem gradum Coadjutorum spiritualium duntaxat adeptus erat) illum provehere; sed constanter restitit ipse, indignum se etiam inter Coadjutores computari profitens. Quem gradum cum illi petulanter juvenis quidam scholasticus, non sine contemptu sæpius exprobrasset, Pater quidem patientissime nullo verbo reddito opprobrium sustinuit; sed DEUS tanto acerbius proterviam punivit: siquidem dicax juvenis ad studia Philosophiæ missus, licet alias ingenio polleret, nè unicam tamen ex Logicæ summulis propositionem quantovis studio penetrare potuit; quare pudore & desperatione incitatus, scholis simul & vitæ in Societate Religiosæ nuncium remisit. Ex tenerrimâ, quâ in S. IGNATIUM flagrabat devotione, totâ Missionum suarum regione morem induxit, diem ejus natalem tanquam festum celebrandi: cujus contemptu agricola quidam cum in agrum suum colendum exiret, reprehensus ab contribulibus, impudenter respondit: *nequaquam profecto S. IGNATIUS mihi meaq; familiæ daturus est cibum ad comedendum, si ejus die laborem intermisero.* Secuta verò in flagranti maledicum os poena, caput ejus acutissimo dolore occupavit, ex quo penitus obsurdescens, ore scēdissime distorto, viribus omnibus destitutus humi concidit, & diem illum labore abstineret, neque loco se commovere potens, coactus est. In quo manifestum DEI flagellum agnoscens, sanctoque supplex factus, levamen



men illico persensit, deductisque ad Societatis Templum, post peractam exomologesim malo penitus liberatus est. Ad ejusdem Divi cultum propagandum solebat innumeras illius imagines distribuere, neque unquam ægros sine ipsius effigie accedebat, cujus solius attractu plurimis sanitas restituebatur. Quodam loco prope Montem Regium, ardente Syrio exorta repente flamma segetes in agris corripuit, flantēque vehementi vento propagatum incendium, hortos simul omnes & campos corripuit, ingenti paganorum damno & terrore, quod remedij nihil in humanis succurreret; aderat cum populo ad miserandum spectaculum & loci Curio, memorque sibi esse in Breviario donatam à Patre Sancti IGNATII iconem, illam ingenti fiducia protulit, omnibusque magnā voce opem Divi inclamantibus, quā maximè incendium furebat, flammis injecit. Mirum dictu! tanquam si ingens è cælo imber decidisset, ignis ubique repente extinctus est; & ut constaret patrocinio S. IGNATII sopitum; icon chartacea illæsa penitus ex flammis recepta est, & magno omnium applausu in Templum solenni supplicatione ad publicū cultum deportata.

Jamque labeatur annus 1635. ætatis Manuelis 66. quando DEUS ad capeffenda tot laborum præmia evocare illum ad cœli quietem disponens, sex mensibus antè fatalem ipsi immisit ægritudinem, hiantē in varias plagas, cruribus præsertim, corpore; à quibus licet ingentes dolores persentisceret, neque cubiculo & Collegio Montis Regalis (quod se receperat) prodire posset, omnibus tamen quotquot veniebant (veniebant autem undique quā plurimi), pœnitentibus aures dabat, donec eum loquela pœne deficeret. Ex quo brevem sibi transitum imminere advertens, perceptis Ecclesiæ Sacramentis totum se ab humanis in DEUM collegit, & inter ardentissimas aspirationes animam reddidit die 17. Aprilis. Corpus, à morte tractabile penitus & molle, cœlesti quadam vultus amœnitate remansit, ex quo suavissimus odor non naribus tantum adventantium; sed & linteolis, rosarijs, quæ copiose magnā devotione admovebantur, inhalabatur. Id ubi famā celeriter vulgatum est, ex omnibus repente locis & pagis circumfritis turmatim accurrere innumeri mortales, sæculares æquē ac Parochi, & Religiosi, sanctum, & Gallæciæ Apostolum acclamantes: queis ubi copia accedendi corpus defunctum facta est, mox omnis ex eo vestitus, capilli, barba, direpta sunt, singula eundem suavissimum odorem.

*Ex Andrade Tomo 5. & Bibliotheca Alegambe.*

redolentia; ut manum sæcularis Justitiæ inclamari à Patribus necesse fuerit, nè corpus penitus discerperetur. Utque desiderio reliquias ex eo postulantium quadantenus satisfaceret, quidquid in ejus usu recularum aliquando fuisset, chartæ, conscriptæ conciones, frustatim omnia discissa, & in populum divisa sunt: quorum adminiculo mira DEO, ad contestanda servi sui merita, patrare deinde placuit. Atque inprimis Verini puella nomine Maria, filia Dominici Blanco, multo tempore febris ardente æstuans, nullis Medicorum remedijs sanari poterat: at ubi mæstus parens impetratum è Collegio Monte Regienfi frustum panni, quo in operimentum capitis Manuel utebatur, ægræ applicuit, ardor omnis cum febris evanuit, Medicis unanimiter curationem miraculosam pronunciantibus. Hujus prodigij famā plurimis ad puellam videndam accurrentibus, accessit etiam Andreas Gomez ejusdem oppidi mercator; & quia simili febris æstuantem domi conjugem habebat, mutuū eundem pannum impetravit: quem postquam illa singulari pietate capiti reverenter admovit, liberam momento se omni calore, nunquam ultra redeunte febris, persensit. Puerum Mendicum graviter à cane in pede commorsum miseratus Collegij Monte Regienfis Frater quidam Adjutor, emplastra vulneri curando varia applicabat, nullo tamen profectu; donec recordatus, reliquijs Manuelis tot ægris sanitatem restitui, frustum è ligaminibus, quibus ille plagas suas obvolvebat, pueri vulneri applicat; & ecce mox illud consanescere, meliorari, dum penitus coaluit. Didacus de Soto Chirurgus Verinensis, qui Manuelem in suprema ægritudine curabat, filiolum habebat graviter affectum, nihil ad malum ejus expugnandum proficientibus pharmacis, neque ad loca sacrata peregrinationibus, ad quæ parvulum devoverat: Post omnia nè quidquam adhibita, fasciolam sanguine Manuelis imbutam, quam ex ejus cura servaverat, capiti filioli circumligat: caputque ex eo momento melius habere, & modico tempore plenè convaleuit. Sed & corona ejus precatoria, quæ magnā pietate in Collegio Monte Regienfi aservatur, innumera operatur prodigia, & certatim totā illā regione ad quævis mala propulsanda expetitur, à quibus liberandos se, intercessione & meritis ejus certò confidunt. Corpus autem illius conditū est in ejusdem Collegij templo tumulo honoratissimo, sepeliendis Comitibus de Monterrey, Fundatoribus Collegij destinato.

P. BAL-





P. Balthasar Wegelin S. I. Germanus, per annos 30. Collegij Procurator, unâq; Operarius, et animarum indefessus venator, laureatam mortem, ex charitate pestiferis exhibita, præter 21. per Germaniam Socios, obtinuit Constantiæ 20. Oct. A<sup>o</sup> 1635. æt. 65.

143.

## P. BALTHASAR WEGELIN cum alijs 21.

**O**ptimè, non tantum sub eodem tecto, sed in eodem etiam pectore hospitari posse Martham & Mariam, temporalium simul & animarum procuracionem, docuit nos Pater Balthasar Wegelin, domo Brigantinus, ad Lacum Acroniacum. Societatem magno fervore complexus, eximiâ virtute, animarum lucris, & apud omnes sanctimoniz opinione ornavit per 44. annos vitæ in eadem exactos, usque ad ætatis sexagesimum quintum. Mansuetiores literas ipsos 12. annos cum juventutem docuisset, inde Procuratoris munus ad ætatem usque advenam Constantiæ ita gessit; ut cum ejus Colle-

gij recens fundati infantiam quodammodo primus educandam suscepit, suâ demum industriâ; agendique peritiâ res ejus in statum adultum egregie firmârit & constabiliverit. Atque isthæc quantumvis ille sedulo gesseret; longè tamen ampliore studio ad spirituales quæstus incubuit: nimirum admirabili diligentia & assiduitate operam dare poenitentibus, diu ac noctu primus esse in ægrotis invisendis, vinctos in carceribus adire, solari, prorsus ut defatigari laboribus non posse videretur. Denique ex eorum de Societate numero non postremus fuit, qui principali spiritu per varia ministeria maximam in eâ tota vicinitate, apud omnes ætates atque ordines, Societati gratiam & benevolentiam com-



comparaverunt, per 30. continuos & amplius annos optimè de juventute, de Civibus, de Collegio meritis: tantâ existimatione & famâ; ut pueritia innocens, quibus hominum adhuc indiscreta notitia est, quisquis è nostris in publicum Collegio egrederetur, eum communiter P. Wegelini nomine vocitarent & consalutarent. Hôsce sanctos & diurnos labores suos morte pulcherrimâ, ducto à tabidis quibus juvendis vitam suam consecraverat veneno, ingenti omnium mœstitiâ terminavit 20. Octobris, Anno 1635. Secundum illum 27. ejusdem, pari ex causâ inter morbos isthic contractâ, vitam exiit Erhardus Haltmaier, Bavarus Molsheimensis, Coadjutor, annorum 60. in Societate 37. indefessâ sedulitate per omnia sui gradûs Marthæ munia, in pestiferorum præcipuè servitio functus, virtutum omnium exemplis prælucens. Ubi se contagio violatum persensit, tantâ cordis lætitiâ perfundeatur, tantâ beatitatis adipiscendæ confidentiâ decessit; ut hilari constanter vultu unice optaret, Superioribus eam se monstrare posse, uti sentiret. Mox 4. Nov: eum secutus est Christophorus Ferlinger in Styria natus ante annos 51; Coadjutor temporalis, in Societate versatus annis 27. Horror illi pestilentiaæ vehemens inerat, sed animi firmitudo naturam edomantis tanta, ut eâ rationi violentè subactâ, Patres ægrorum domos concursantes cupidissimè comitaretur. At ubi malo eodem correptum se vidit, incredibile memoratu est quanto gaudio delibutus, DEO heroicam sui victoriam etiam hîc remunerante, decesserit. Terni ibidem Sacerdotes eodem hoc anno funeribus suis, in pari charitatis agone prævivere P. Henricus Scherer 3. Januarij, ex Svevia oriundus, annorum 52. in Societate 33. Operarius consummatæ virtutis, zeli & industriæ. P. Sigismundus Hager 5. Octobris itidem Svevus, annorum 43. in Societate 26. pestiferam luem, quam ab infectis inter navatam promiscuè omnibus foris operam hauserat, nescio quâ minore cautelâ in Collegium intulit, quæ multis domesticis exitio fuit. Ipse tam piè religiosq; cessit è vita, quod victima charitatis in proximos navatæ concideret; ut is, qui ægrotanti servierat, asseveraret; ejusdem sibi mortis per simile obsequium consequendæ ardens injectum esse desiderium, quò sibi pari pietate daretur emori. Et utrumque re ipsâ consecutus est, fuit enim Erhardus Haltmaier, quem paulò ante recensuimus. Postremus 8. Oct: P. Fridericus Stark, ex Tyroli Oenipontanus, annorum 32. in Societate 10. Fuerat ille nu-

per sacris initiatus, & ut erat studio salutis alienæ, præsertim eorum qui solerent ab alijs deferi, vehementer accensus, postero die, ubi primam litavit hostiâ, contendit à Moderatoribus magno ardore, ut lue per civitatem grassante, ægrotorum solatio & auxilio se exponeret. Paucis ergo diebus, cum alteri Sacerdoti additus fuisset socius, pestem combibit, & nono post sacrificij DEO oblatas primitias die, vitam per ejus contagionis violentiam amisit.

Augustæ quoque dum peste laborantium saluti consulit, noxio flatu hausto, mortem ad diem quintum Septembris hoc eodem anno executus est, P. Christophorus Pfarkircher, ex Svevia ortus, annorum 35. in Societate 14. Tubingæ verò in Wirtembergia 14. Sept: P. Blasius Bez, domo Hisscellensis in Vindelicis, coopatus in Societatem jam Sacerdos ætatis anno 27. cum septennio in ea vixisset, castrensem Missionem aliquamdiu secutus est. Gomeringam, Lutheranum in pagum Tubingæ vicinum, cum legione sua, delatus, cum alicui peste contacto sacra administrat, ab eodem veneni contagione aspersus, lectum omnem quo invitabatur est aspernatus, sed in stramenta se abjecit. Evcharistiam ab uno Patrum Tubingâ suppetias accurrente allatam, expiatâ conscientiâ, suâ sibimet ipse manu, nè socio ex accessu tam vicino noxæ foret, accepit, & gaudij cœlestis plenus, summam sibi fuisse votorum edixit, emori in Societate, & quidem letho ex charitatis obsequio conscito. Sanctis quoque in extremo Germaniæ ad Belgium oppido 24. Novembr: in eadem causâ obiit Joannes Osterwik, Coadjutor Belga: & Brisaci in Alsatia P. Godefridus Feller, 2. Decemb: Luxemburgensis, anno ætatis 31. dum militibus, varijs morbis & peste infectis, hæreticis etiam, inservit, & præter spiritualia remedia, corrogatos etiam viciatim cibos totâ circum viciniâ dispertit. Anno verò sequenti 1636. Sanctis, eidem operi intentus decessit pestilentia contractâ P. Theodorus Bergell, 9. Januarij, ætatis 58. anno, 36. Societatis. Marcoduræ verò duo P. Franciscus Knott 9. Jan: & P. Joannes Meinau, Colonienfis, 9. Augusti. Constantiæ 10. Januarij P. Stephanus Hazler Monacensis, annorum 39. Embricæ verò 20. Junij P. Antonius Malopertius, Montibus Hannoniæ ortus ante aîos 36. quorum 18. Societati dedit; dum infectorum animas enixè curat, hausto ab ijs exitiali halitu, puram animam charitati & saluti publicæ dedit 31. Martij. Et post eum 5. Aprilis P. Philip-



pus Mayer, Augustanus, 63. annos natus, in Societate 46. aliquando in Aula Magister junioris Principis Neoburgici. Olim Indias ferventibus precibus exambiens cum non impetrasset, Missionem per frigida Tauriscorum prærupta obtinuit, tantoque fructu & animarum proventu per septennium, sicut & aliàs ubique per omnia Operarij munia rem suam gessit, ut moriens Apostoli Germanici, viri sancti, hominis Angelici appellationem, in ore famæ post se reliquerit. Rursum anno 1649. Oeringæ tertium pestiferis deserviens, ex quorum procuracione bis incolumis Constantiæ & Landspergæ evaserat, fortem animam reliquit P. Adamus Curtius, Svevus, annorum 49. in Societate 30. Coadjutor spiritualis, inter Missiones & Operas plerumque occupatus. Maurkirchij quoque 6. Augusti occubuit P. Bartholomæus Besswirth, annorum 34. in Societate 13. solitus etiam dum studeret, omnibus sacris diebus concursatione sacrâ pagos obire, fruge ruralium quam plurimâ, ut nullâ tempestatis injuriâ arceri se ab hoc proposito pateretur. Animabus è piaculari flamma liberandis cum esset mirè deditus, apud alios quoque efficax earum fuit advocatus, trecentis etiam & quadringentis aliquando ad Evcharistiam sumendam adductis, quo die illæ Indulgentijs juvantur. Inter suprema verba affirmavit, supplicaturum se DEO, nè post se virus domi Parochialis, in qua moriebatur, ultra serperet; quod ita prorsus evenit, non sine omnium admiratione. Hinc ejus memoria vivit in Civium lacrymis, & locus sepulturæ fertis & flosculis, tanquam Patris optimè de se meriti coronatur. Id quod & socio ejus Patri exhibetur, 9. Augusti ibidem extincto. Is fuit Pater Ludovicus Murer, Svevus Kirchbergensis, annorum 54. in Societate 35. Coadjutor spiritualis, perpetuis Missionibus aut operationibus domi occupatus. Pios libellos quatuor supra viginti, fovendæ pietati peridoneos, manu suâ citra ullam vel unius maculæ notam descriptos circumferebat: & mille omnino conciones omni argumento conceptas, ut extemporalitate suâ instructus, citra impedimentum alio-

rum sacrorum laborum, prodire posset Ecclesiastes, quidquid repente ingrueret. Illud illi postremo quinquennio solenne fuit, ut nulla illi concio sine aliqua orationis Dominicæ linea explicata efflueret. Superior cum nostris præesset, mirè comis in omnes, labores aliorum in se, prolixè cuivis oblatâ operâ transferebat: commodorum ita incurius, ut extra statam mensæ tempora nihil unquam potionis, quoad in Societate vixit, notatus sit degustasse. Ad fidem orthodoxam dextre adducebat etiam protervos ac feroces, dulcedine suâ emollitos: & Weidæ duntaxat, trecentos Catholicis sacris ex hæresi addixit. Arithmeticæ notitiam in paucis insignem, pijs exemplis piam reddidit, ut exempli gr. quoties homo horæ spatio, diei, mensis, anni, sæculi intervallo respiret? gratijs nempe DEO reddendis ad numerum momentorum, quibus degimus in hac vita. Burghusij pari sorte emigravit P. Joannes Rottenbuecher, è Tyroli Bolzamenfis, die 23. Augusti, actis vitæ annis 56. in Societate 33. Demum Anno 1656. Monasterij Westphaliæ 26. Septembr: vitam in eodem obsequio solis decem diebus navato, absolvit, P. Joannes Fabricius, multorum vir & Operarius meritorum ætatis 64. spiritualis Coadjutor. Ad animas è piacularibus flammis liberandas, studiosè pius, quoties licebat, atro sacrificium apparatu pro illis offerebat: quo exemplo toti Collegio persvasit, ut diem unum quot mensibus mortuali ad omnes aras apparatu, sacra sua Patres omnes illis donarent. Quæ etiam crebrius ad januan ipsius cubiculi, velut ad Patronum suum confugientes, strepitum ciere sunt observatæ, ut suffragia impetrarent. Ipse certè omnibus ijs sacrificijs, quæ in Societate pro singulis suis demortuis ex more perfici toto orbe solent, & quæcunque undevīs suffragia sibi obventura essent, se abdicavit, & in eas rarâ liberalitate ex asse transcripsit. Taceo in vivos industriam illam inter innumeras alias beneficentiam, quâ providè in ætate, dum perlevi vaneunt, ligna pretio comparabat, ut ea egentissimis quibusque distribueret hyeme sæviente.

*Ex Victimis Charitatis Alegambe.*

## P. JOANNES MANCONIUS.



ater Joannes Manconius in Sardinia natus, præstans fuit virtute doctrinâque tam in scholis Philosophiæ, Theologiæque Magister, quam in rectione Pater, ac

in pulpitis Ecclesiastes. Consuetam in Paschate (quæ de Christi & Matris occurſu celeberrima haberi solet) concionem inchoaturus, cum sibi omnia è memoria excidisse videret; DEI paræ imaginem intuitus, opem ab illa petijt, & ab eadem vocem audivisse.

*Societas Europæa.*

Nnnn

fer-





P. Ioannes Manconius, Soc: Iesu, Sardus, Matris Dei auxilium in concionibus mirè experiri solit; eandem ceterosq; Coelites sapius spectabiles habuit: zelo Apostolico de Sardinia optime meritus. Decessit ibidem Sassari 23. Octobr. A<sup>o</sup> 1635. æt: 60.

144.

eur: *Incipe prout potes, quia ego tibi non deero.* Mox sententiam dixit: *surrexit, non est hic.* Et adjecit JESUM sinè MARIA non reperiri; tenerè postea flagrantèrque locutus. Aliàs quoque non semel memorià lapsus, dicebat ad Virginem: Domina, juva me, nec enim scio quid debeo dicere: illa verò interiùs respondebat: *nunquam tibi defui, nec deero.* Cùm aliquando sentiret, se esse animò tentato perturbatòque, ac peteret cordis pacem, quò coram DEO meliùs compareret; audivit nomine DEI dicentis: *dic illi, mihi ità placere: nequè ideo putet se mihi minùs bene servire.* A DEIpara verò illi per aliam quandam nuntiatum: nihil ei detrimenti indè eveniet, sicut nec Paulo id damno fuit. Aliàs cùm illi importuna fœminæ cujuscpiam forma obversaretur, & ille anxius animi totus in eo esset, ut

vinceret, vidisse dicitur DEIparam admirabili pulchritudine gloriosam cum SS. Catharina atque Cœcilia, & inter alia hæc etiam audivisse: *vide, an pulchritudo que corrumpitur, cum hac possit ulla ex parte conferri.* Flagris ac varijs è laniena, ferro aliisque cilicijs se quotidie cruciabat. Is qui adfuit, cùm in morbo nescio quo curaretur, dixit, se vidisse ferri particulas ejus carni immerfas. Cùm Professorum Domui præesset, multas industrias excogitabat ad populum ad Sacramenta pertrahendum, ipse quoque impigritate ad labores par cuilibet, ac multis superior. Pro cujuscpiam, cujus conscientiam gubernabat, difficultatibus expediendis apud DEUM unice dum satageret, illi, pro cujus bono tunc laborabat, in quiete ostensus est à Sanctis Augustino, & Francisco de Paula dicentibus: *vide.*

Con-



Confessarium tuum, quomodo eat perumpendo difficultates ac pervincendo. Fama fuit, & id narrat ejus vita Hispanicè typis data, visum ab illo CHRISTUM è cruce, qui DEIPARAM suo sanguine aspergebat. De Beatissima Virgine è Sanctorum dictis plurima annotavit. Per annum integrum de cultu & imitatione DEIPARÆ dixit ad Novitios, ut cum Instituti amore atque virtute, hanc etiam pietatem imbiberent. Domum aliquando reversus & fessus, cum pro quotidiano suo more Rosarium recitare cogitaret, magno tædio se dejectum sensit: pervicit se tamen; & mox Virginem DEIPARAM sub cruce stantem incredibili animi sui sensu vidisse, fertur, quasi præmium relatæ de se, tædiôque illo suo victoriæ. Et ajebat illam sibi ferè sub cruce, apparere consvèsse. Pro Religiosæ cujusdam in Vocatione constantia oranti, Virgo, illam sub pallio suo ostendens visa est, ac dicens: *ego semper illius curam geram. Sed vide, Domina*, inquiebat Joannes, *nè referat pedem: non referet*, respondit Virgo. Aliam quampiam, cujus conscientiam gubernabat, videre sibi est visus visitatam à DEIPARA, illi JESUM parvulum offerente. Quidam, qui à Societate deficere meditabatur, loquebatur cum P. Joanne, spiritus tunc Præfecto, sed alia omnia. De hoc DEIPARA, parvulum sinu gerens ex imagine Joannem, signis datis, certiores fecit, nè ficto illi fidem adhiberet: nec multo post, ille à Societate abjunctus est. Mortuæ, pro qua celebrabat, animam fertur vidisse cælum subire, lucidiorem sole. Pro alia ægra, oranti, ajunt, DEIPARAM respondisse: *moriatur, sed mecum vivet*. Cuidam pro Societate oranti ostensus est ingens numerus sociorum, (velut militum in exercitu) quos in tenebris lux è cælo in eorum medium effusa ducebat: eorum alij procul à luce, alij vicini magis, alij in ipsa luce visebantur. Atque hos voce de

*Ex Anno dierum Memorabilium Nadasi 23. Octobris.*

cælo lapsa intellexit ferventes esse, ac cœlestibus impulsibus regi: quos inter vidit Patrem Manconium, super cujus caput pulcher è cælo svavissimæ lucis radius mittebatur. Aliàs visus est, velut volando ire per viam periculi & laqueorum plenam, duobus molossis terribilissimis se illi, nec quidquam opponentibus. Aliàs inter dicendum ad concionem, conspectus est toto vultu collucere; at ex oculis potissimum lucis radios evibrare, nempe ex illis oculis, quorum pudica modestia & lacrymæ erant in delicijs boni DEI. Episcopi fratris sui mortem, se absente futuram, decimo ante illam anno intellexit: & Romam iter ingressurus, eidem prædixit, fore, ut deinceps non nisi in cœlis alter alterum sit visurus: nec aliter evenit. Quidam adolescens elanguerat in desiderio ineundæ Societatis, id quod ubi P. Manconius intellexit, securum esse jussit ejus Confessarium, eique unam B. Virginis imaginem (adolescenti illi dandam) dedit: quam, ut primum accepit adolescens, illico se toto corde alium sensit, ac Societatem flagranter flagitavit & impetravit. Cuidam absenti, & vehementer afflictæ præsens adesse visus est vultu Angelico, & inter alia dicere: *quoties tibi dixi, ut tandem te à creaturis expedias?* & illa quievit. Triduo luctatus est in agone difficili, dæmone illi auso etiam suggerere ut spem de æterna salute deponeret: sed ille editis altis suspirijs, ad DEUM, ad DEUM aspirabat. Ante agonem illum rogatus ecquid illi maximo esset solatio in illo articulo: quod, inquit, nullam consolationem ipse mihi unquam indulerim. Post mortem, quam obiit Sassari 23. Octobr: 1635. ætatis 60. pluribus argumentis ostensam ejus in morte luctam, & victoriam, ajunt plures: quæ omnia cum alijs non paucis hic omittis dabit ejus vita in annum 1635.

## P. JOSEPHUS DE CALATAYUD.



Ater Josephus natione Navarrus ex Diœcesi Pampeleonensi, ab infantia pietati tenerè addictus, dæmonis in se odia concitavit, ut jam tum cum puero bellum gerere inciperet. Cum enim puer viam solitarius aliquopiam inivisset, nefarij quidam, dæmonis impulsu, innocentem aggressi vitâ spoliare tentabant, nisi DEUS gloriæ suæ salutique multarum animarum illum

destinans, iniquorum manibus mirabiliter eripuisset. Humanioribus literis Sorix in Scholis Societatis imbutus, ejusdem complectendæ cœpit desiderijs urgeri, eo potissimum fine, ut aliquando gentilium in America conversioni totum se impenderet. Verùm inimicus piam juvenis mentem subodoratus, ut in transversum ageret, scelestum sodalem ad eum pervertendum subornavit, qui ad castissimum juvenem solitariè in suo cubiculo agentem irrepens, ausus est ad illicita pene-

Nnnn 2

violen-

*Societas Europæa.*





P. Iosephus de Calatayud Soc: Iesu Hispanus; magnus et fidelis Dei servus, eximius à Deo gratiis & donis ad animarum salutem præditus. Obijt Gandiæ 15. Julij, Anno 1636. Aetatis 78. Religionis initæ 58. ~ J.G. Heinsch del: 145 J. Kilian sc.

violentè invitare. Ille in arcto deprehensus ardentè ad DEUM auxilium implorans confugit; cuius animo subitò tanta luminis copia de abominanda ejus peccati fœditate sese cœlitus infudit, ut per omnem deinceps ætatem æquè recens & vivida menti inhæserit, suoque præsidio ab omni graviore noxa innocuum conservârit. Receptus est in Societatem non tam Superiorum, quàm immediato DEI ipsius beneficio, quod ipse deinceps velut certum Divinæ vocationis & salutis æternæ pignus interpretatus est. Cùm enim importunissimis precibus admitti urgeret, & Provincialis visâ juvenis in pusillo corpore, propè nani staturâ, toto animo abhorreret; liberaturus se à molesto Candidato, literas ad Tyro- num Magistrum Saragosam conscripsit, quibus jubebat epistolæ latorem ab ea mente ab-

duci, certumque fieri de Societate nunquam obtinenda. atque his, ut credebatur, literis instructum Saragosam dimittit. Eò delatus, extemplo, in numerum tyronum recipitur, id enim jubeant Provincialis literæ, per errorem loco destinatarum juveni perferendæ datæ: & Provincialis de eventu certior redditus, ratam habuit admissionem; non falso vaticinio addens, juvenem à DEO ad magnam sanctitatem destinatum videri: id quod consequens ejus vita abundè comprobavit. Post tyrocinium aliquot annis per diversa Collegia moratus, demum Gandiæ totos 40. annos resedit, eâ virtutis opinione, & Apostolici zeli in salutem proximorum exemplis; ut omnia enumerari non possint. Itaque ad gradum Coadjutorum Spiritualium admissus, totum se confessionibus irremissè audiendis, & Mis-

sioni-



sionibus inter populum agrestem obeundis impendit.

Ut verò constaret Divinâ prorsus electione ad munus Confessarij accessisse, voluit gratissimum sibi zelum DEUS miraculo comprobare. Accesserat illum homo totum septennium impænitens, peccata confessurus; oculis interim in faciem Patris ita continuè defixis, ut ille rem animadvertens svari reprehensione hominem monuerit, oculos ut potius in terram pænitentium more humiliter dejiceret. Sed reposuit pænitens, non posuit oculos ab ejus vultu amovere, quos cælestis quædam illi insidens amœnitas, & fulgor planè cælestis ab ore promicans ad se raperet; in cujus luce ipse peccata sua, tot annis pænitentiae tribunali subtrahita, neque unquam in memoriam reditura, clarissimè quasi legendo videret. Licet autem finitâ confessione planè adjuratus à Patre esset, nè rem adeò insolitam cuiquam manifestaret; ipsa tamen hominis vita deinceps intaminata divinum quid illi cum Confessario intercessisse loquebatur, & ipse conscientia adactus pluribus aperuit. Neque minùs cordi sibi esse Apostolicas Viri per pagos & oppida expeditiones, quas ultimâ etiam senectâ promptissimè septuagenarius prenabat, alio terribili eventu declaravit Numen; quem ipse domesticis, ad idem laboriosum munus eos excitaturus, referre solebat. Venienti ad quendam locum, ut incolas consuetis Missionum ministerijs procuraret, obstinatè restitit vir ibidem primæ auctoritatis, & abscedere coëgit; eâ violentiâ dolens DEI servus, ut CHRISTI monitum servaret, pulverem è pedibus in solum ingratum excussit, hominèmq; ad Divinum tribunal provocavit. Vix loco decesserat, cum Divina justitia injuriam Patris terribili supplicio vindicavit, & miser repentino fato concidens ad DEI judicium abreptus est: tantâ omnium consternatione, ut nemo deinceps uspiam sancti Viri laboribus obicem ponere præsumperit. Licet autem ingentes ubique animorum conversiones, morum emendatio, & uberrimi proventus illius sudores sequerentur; voluit tamen aliquando etiam DEUS patientiam Viri simili sterilitate, quâ Apostoli Jacobbi in eadem Hispania Evangelium prædicantis exercere, ut post improbam inertis agri culturam, & sementem largiter missam, mitteret omnino nihil. Superiorum voluntate missus ad Mauros convertendos in Regnum Valentiae, cum annum integrum quâ prædicando, quâ catechesim publicè & privatim explicando, opportunè importunè instando;

laboribus improbis expendisset, non tamen, sive his omnibus, sive vitæ sanctæ exemplis efficere potuit, ut vel uni Fidem & Baptismum persuaderet, solis injurijs, fannis & opprobrijs dives effectus. Quibus tantum abfuit ut animo vel proposito dejiceretur, ut è contrariis sæpius asseveraret, nullam ex omnibus expeditionibus, quarum supra triginta obiisset, efficaciorè & utiliorè sibi obvenisse: abundè his indicans Divinorum in se copiam influxuum, quos in arido ligno per annum integrum ex obedientia rigando, à DEO consecutus esset. Ceterum eo ardentius toto deinceps vitæ tempore institit apud DEUM precibus gratiæ lumen perditæ genti exorare; & quoties de ijs mentio incidisset, videbatur illi cor intimo dolore transfigi, ex tanta miserrimæ nationis obsecratione, cujus salutem idcirco omnium aliorum etiam precibus commendabat.

Amorem ejus in proximum, & inde profluum salutis zelum expressurus, non melius dixero, quàm si Moysis & Apostoli gentium charitati simillimum asseruero, optantis anathema fieri pro fratribus suis. Eo siquidem in ipsorum malis & perditione tangebatur dolore, ut ex animo cuperet omnia in se transferri, & unus pro omnibus Divinæ justitiæ satisfacere. Utque aditum faciliorem ad animas æternis malis subtrahendas lucraretur, nihil omittebat remedij ad subveniendum miserorum corporibus, quibus alimenta & medicinas vicatim corrogabat, assistebat ægris; & anno quodam sterili, cum fame pars hominum major extremâ conflictaretur, per anni dimidium corbe ex humeris pendente, de domo ad domum totos dies itabat: quâ charitate multorum vitam servavit, & plures exempli spectaculo ad amorem virtutis pertraxit. Si quando videretur domos divitum aut nobilium adire, certum erat omnibus non alio fine id fieri, quàm ut miseris subsidia, vel malefactoribus veniam exoraret: atque earum charitatis opera tanti faciebat, ut proverbium illi fuerit, non aliud certius posse Collegijs nostris pignus obvenire, quo securi contra penuriam & quemlibet rerum defectum redderentur, quàm liberalitatem in erogandis eleemosynis. Ipse autem nunquam ullo casu è domo prodijt, quin ante reditum Hospitalia & carceres inviseret, cogniturus num ope aliquâ indigerent: neque facilè totâ urbe in morbum quispiam aut mortem incidebat, cui ipse sedulus corporis & animæ curator non astitisset, & oculos clausisset. Unde factum, ut pretiosam deinde ejus mortem



perennibus lacrymis, pauperes præ reliquis & egeni deflerent, tanquam verissimi Parentis amantissimi Filij. Aderat aliquando fidelis custos mulieri ad æternitatem in morbo supremo parandæ, cum qua sensuum & sermonis expers jam diu luctabatur; & quia ex labiorum & oculorum motu colligebant adstantes, cupidam loquendi aliquid desiderare, subjectis brachijs tantisper ad confidendum levârunt. Hic illa collectis viribus pileum Patris adstantis improvisò arripit, capitique suo reverenter imponit. Mirum dictu! eodem simul tempore plena vis loquendi infirmæ redit, & post peractam apud Patrem eadem nocte confessionem, periculum vitæ omne discutitur: stupente ad rem adeò improvisam, qui manè revererat, Medico; cum vespere depositam in mortis faucibus reliquisset. Atque ejusmodi repentina sanitates plurimis ægris ex præsentia & meritis Patris, vel rerum ipsius usu sacratarum applicatione, evenêre. Jacebat Gandiæ in Collegio lethali malo prostratus Frater Michaël Garzia, nullâ salutis spe, post sanguinem decies quinquies emissum, relictâ: hunc aliquando accedens P. Josephus cœpit blandissimè consolari, sic, ut ipso ejus alloquio morbum decedere æger sentiret; donec sub digressum clarè admonuit brevè revaliturum, & multos adhuc annos utilem Societati operam navaturum; id quod ita penitus evenit.

Neque tam raros & prodigiosos Viri hujus effectus admodum mirabitur, qui ad excellentem sanctitatem & virtutum ejus apparatus animum adverterit. Fuit enim DEO conjunctissimus, & orationi ita addictus, ut illâ vivere, neque unquam oculos & animum ab DEI consortio abstrahere videretur. Sanè neque dormiens ab oratione cessabat, tam ferventibus in ipso somno affectibus abundans; ut fateretur Confessario suo, nocte qualibet sibi somnia planè Divina obijci, in quibus ardentiore impetu in DEUM ferretur, quàm sub oratione diurna. Porro antequam ad quietem nocturnam componeretur, solidam meditationi horam impendebat, ita sua omnia cum severa DEI justitia transigens, ac si ad illius tribunal eâ nocte sistendus foret. Similiter manè maturiùs alijs exeuſso sopore, unam horam consuetæ orationi addebat, totum per diem tempus, quod alijs occupationibus superflueret, eidem attribuens. Exercitia S. P. IGNATII aliquoties per spatium integri anni, extremo præcipuè senio peregit, observatis exactissimè annotationibus & additionibus omnibus: cùmque

paucis ante felicem obitum diebus rogaretur à Rectore, num vellent his sacris exercitationibus eodem cum reliquis domesticis tempore vacare? amabile subridens respondit, se nunquam illa, ab anno priore, cùm de iisdem fuisset monitus, ad eum diem abruptisse. In Missione quadam præparaverat hospes venturo Patri cum socio suo seorsim cuivis cubiculum & lectulum, cùm socius advertens Patrem nunquam decumbere, voluit explorare quâ ratione noctem transigeret. Itaque totam noctem pervigil secretò ad ejus conclavè adrepsit, viditque Patrem post prolixam de genibus orationem, ad aliam totâ nocte duraturam ad hunc modum se componere: conscendit uno pede arculam quampiam instar suppedanei, altero in aërem relicto pendulo, capite ad murum acclini; ut si somno obrui contingeret; impactu faciei ad murum excitaretur. Quod cùm aliquoties sopore oppresso evenisset, increpabat expergetactus se ipsum, *ô piger! ô deses! hœcne est perseverare in conspectu DEI tui?* non potuit diutius se continere socius, quin erumperet, *estne, inquiens, possibile Pater Joseph, ut hac ratione noctes transigat?* Quâ voce consternatus Vir humillimus accurrit, multumque deprehensum se erubescens, impensè obtestatus est, nè rem cuiquam aperiret. Aliàs in oratione ita sensibus omnibus absorbebatur, ut nihil eorum quæ circa se fierent adverteret: & cùm aliquando fulmen in vicinum illi cubiculum incidisset, tanto strepitu, ut multos sociorum remotiùs habitantes solo affligeret; ipse in eodem orationis situ quietus repertus est, neque horridum tonitru advertens, neque sulphureo fatore, qui Collegium totum impleverat, excitatus.

Ex hac tam familiari DEI consuetudine multa cordium arcana, & rerum futurarum eventus condiscerebat. Erat matrona moribus sanctis, & optimæ in urbe famæ, pridem illi filia spiritualis, cujus frater Sacerdos Valentia morabatur: de hoc in quodam congressu quæsiit Pater, quid novi accepisset? sed excusante illâ ignorantiam, quòd pridem nihil ab illo literarum venisset; subjecit Pater: *igitur sedulò illum orationibus DEO commendemus.* Suspecta non parum matronæ fuit hæc Patris de Fratre interrogatio, & precum pro ejus salute postulatio; cùm paulò post nuncium accipit, cœpisse fratrem illo ipso die ægritudine tentari, non eâ quidem periculosâ; ex qua jam denuo convalesceret: id quod mulier extemplò Patri significavit. Verum ipse minimè acquiescens, voluit continuè

Fra-



Fratrem, omnibus sepositis, Gandiam evocari: excusanti verò sorori multa ejus negotia, quibus in obsequiis Episcopi tanquam Vicarius distineretur; *scribe*, inquit, *relictis omnibus veniat, tempus enim urget, ut ad felicem mortem se prepararet.* Vix advenerat, vix Patris operâ ad beatum transitum rectè institutus fuerat, & moritur: ingenti matris ob perditum filium dolore, quem tamen plurimum solabatur certa ipsius salvationis, per preces & merita P. Josephi fiducia, ex cujus abundantia Patrem alloquens: *en*, ait, *totam me in DEI voluntatem resigno, & animam meam in ejus manus colloco, sponde mihi & securam redde, quòd Sacramentorum expers moritura non sim.* In manus DEI, respondet Pater, *tam boni, tam benigni, totam te resignas? & ego tibi vice & nomine ejus polliceor, mysteriorum suorum ante obitum participem futuram.* Paucis post diebus febricula minimè gravis aut maligna eam incessit, quæ nec molestiam illi inconveteris occupationibus facefferet, sic ut manè sequenti Templum adire proponeret: cum Pater solaturus illam invisit, & inter colloquendum mentionem de SS. Evcharistia intulit, quam se duobus ægris jam jam impetivisse narrabat: *quod cum optimè factum existimem*, subjiciens, *judicarem & tibi expediens fore illâ mox refici.* Admirata non modicè mulier repentinum consilium, quòd optimè vires sibi constare sentiret; nec minùs perculsa est filia, sollicita de matris eventu: ambas quippe experientia de prædictionum Patris veracitate dubitare cogebat in ijs, quæ ipsis oculis intuebantur. Itaque continuè ad Patris pedes confessione peractâ, ad Templum properat, & evocato Parocho, sacrum sibi Viaticum præberi efflictim rogat. Mirari ille & stupere, à muliere sana & viribus integris Viaticum in mortem deposci; & *quo Medico authore morituram se crederet?* percontari; *ordinario*, respondet illa, *animæ meæ Medico, P. Josepho Calatayud suadente.* Nec plura indagans Curatus, S. Evcharistiam in Viaticum lubens faminæ impertijt; quæ eodem à sumpta Communionem momento, ingenti calore totam se inflammari persensit, atque in horas maximis incrementis augeſcente, brevissimè extincta est.

Degebat Olivæ, unâ ab Gandiæ levçâ persona excellæ virtutis & sanctimonix, filia itidem pœnitens Josephi, quæ totos 17. annos panem gustavit nunquam, solis crudis herbis contenta, nisi quod Dominicis cicer aquâ & fale decoctum admitteret. Morti jam proximam, divinitus Pater Gandiæ edoctus, pote-

statem Olivam excurrendi à Rectore poposcit: quo mulam ad iter offerente, negavit periculum tantillam moram, quâ jumentum à villa accerſeretur, ferre. Jámque socio comite domum intrabant, cum Pater ad illum conversus, nostrâ quidem mi Frater operâ haud ampliùs istis ædibus opus erit, defuncta enim hoc momento est, cujus causâ properabamus. Ingressusque vitæ functæ cubiculum, osculum ejus pedibus reverenter fixit: quæ res in homine tantæ sanctitatis, & castissimæ cautelæ omnibus mira fuit, & latè vulgata certissimè persvasit, mulierem defunctâ Sanctorum choris accensam; cui proinde justa funebria splendidissimo ornatu, & infinito hominum accursu persoluta sunt. Erat Religiosus, multis persæpe cum P. Josepho de animæ suæ profectu tractare solitus: huic aliquando Pater cœlesti spiritu afflatus prædixit, si certam passionem perdomaret, vocandum à DEO ad Indorum conversionem in Americam. Fecit toto conatu quod jubebatur, & non multò post destinatus ad Indos, prophetam in utroque Patrem expertum se esse prædicabat. Idem ferè evenit cum P. Raimundo Roig, Theologiæ operam dante Gandiæ, & magnis precibus expeditionem ad Indos urgente. Is enim literis à Superioribus, gratiam ejus rei facientibus, acceptis, P. Josephum consilij gratiâ adibat: cui Pater januam ingresso, priusquam is signo ullo negotium proderet: *bene veneris*, inquit, *consulturus, an iter ad Indos suscipiendum sit? respondeo enim quòd sic, siquidem eâ re gratissimum DEO obsequium præstabis.* Eâ re supra modum Raimundus in proposito confirmatus, nihil dubitavit vocationem suam ad gentes barbaras à DEO esse. Plura similia expertus à Josepho fuit magnus DEI servus Jacobus de Saura, cum adhuc Scholasticus Gandiæ studijs incumberet, sub cura spiritali Josephi; cui DEUS omnia hujus sui filij secreta revelabat. Habuit is constanter in more, domesticos omnes ad matutinam orationem largiùs producendam manè in surgendo prævenire, quòd vice unâ cum citra suam culpam (ut ipse interpretabatur) omisisset, quippe è somno non expergefactus, illico Pater de hac incuria divinitus edoctus illum admonuit. Aliàs in colloquio hortatus summopere eundem est, ut piam consuetudinem, quâ singulis horæ quadrantibus vota Religiosa instaurabat, nunquam omitteret: de qua tamen nunquam ille Patri mentionem fecerat. Tandem cum Jacobus fervidissima secum ageret consilia de postulanda missione ad Indos, atque



atque ad eam toto animo in holocaustum, divinæ Majestati sese immolaret, transeuntem fortè his immersum cogitationibus penes suum conclave, erumpens subitò è porta Pater Josephus advocat: *heus*, inquit, *Frater Raimunde, venito ad me; scito DEO hæc tua ad Indos tam ardentia desiaeria gratissima accidere, eaque plurimis & maximis gratijs remuneraturum.*

Eandem etiam, uti in mentali oratione, constanter observabat devotionem & fervorem in recitatione Divini officij, multis sub eo revelationibus & illustrationibus à DEO visitatus. Lugebant dolore inconsolabili mortem charissimæ matris relictæ duæ filiæ, Maria, & Aparicia de Calderon, Societati nostræ addictissimæ: quarum lacrymas absterfurus, candidissimâ simplicitate dixit: *eja Domina, leto animo estote, nam mihi in cubiculo horas Canonicas recitanti objecta est quedam lux splendidissima, quæ à terra in cælum ferebatur, & in ejus medio vidi sanctam Matrem vestram vultu hilari, & risu cælesti mihi latissimum vale dicentem: atque ita me incredibili solatio perfusum reliquit, & ad cælum abiit. Sit igitur finis lacrymarum, & magis nos habeat sollicitos, ut in ejus veniamus consortium.* Jam quid de fervore in SS. Missæ Sacrificio dicam? præviam ad illud quotidie confessionem nunquam, nisi copia omnis Sacerdotis deesset, omisit: neque unquam sub eo per annos quàm plurimos defuere copiosissimæ lacrymæ, quæ sub consecrationem præcipuè irrigabatur, inter flammantia suspiria; ut ardorem cordibus etiam audientium Missam afflarent. Sub ultimos tamen vitæ annos omnibus ejusmodi solatijs, & dulcedine cælesti privatus est, sibi quodammodo & humanæ infirmitati relictus: quod ille constantissimâ patientiâ, humiliatus sub potenti manu DEI, pertulit. Venerat aliquando ad Ecclesiam Vice-Rex cum toto comitatu, itineri, quod magnâ celeritate urgebat, accinctus; cujus Capellanus P. Josephum, fortè tum altare accessurum, Domini sui nomine rogavit, ut Missam quantâ posset brevitate, acceleraret, urgentissimum enim in causa publica negotium celerrimum iter requirere, cui ille modestâ auctoritate: *equidem hoc in maximo cæli negotio, nihil ego gustus, & complacentiæ etiam pro toto mundo, DEO meo detraxero*; referrique Vice-Regi jussit sententiam S. Chrysostomi, de Sacerdotis supra omnem terrenam potestatem dignitate, dicentis: *majorem, ô Sacerdos, illo potestatem habes!* Peractis à Sacrificio prolixè DEO gratijs, rectè

conferebat se ad confessionale, neque pedem efferebat, dum vel unus restaret Pœnitentiæ cupidus. Jam verò ponderatio dignitatis & majestatis Missæ Sacrificij, tanto cor ejus metu & reverentiâ impleverat, ut in ipsum corpus redundans, multo tremore sub tempus Consecrationis & Communionis illud concuteret, tam notabili excessu, ut adstantes non rarò sollicitè angerentur, credentes apoplectico malo hominem tentari. Aliàs verò Consecrationis formam proferēs tanto sudore madere caput, ut à sacro vestimenta omnia mutare oportuerit; & amictus plures horas ita madidus remansit, ac si balneo recens fuisset extractus: ex quo colligere fas est sacri magnitudinem horroris, à quo in eam agoniam redigebatur, aliquin sua maximè occultare solitus. Cùm aliquando gravius sollicitudo anxias haberet duas sorores, de Arriba cognominatas, quòd Toletò certi homines non venirent, à quibus tria aureorum millia præstolabantur, rogavere Patrem, ut negotium in Missæ Sacrificio, cui ipsæ interfuere, DEO commendare vellet. Hoc absoluto, ut primùm Pater sacrum posuit apparatus, lætus è sacrario ad afflictas prodijt, & ejus adhuc diei vespere debitores Gandiæ affuturos cum pecunia adpromisit, quod & factum est. Tenerrimo semper affectu in Christum Evangelistiâ velatum ferebatur, & plures horas de genibus, tanquam servus Domino obsequiosus assistebar: neque ulla facillè labebatur hora, quin eum invisens ad obsequia se sisteret.

Orationi non minùs assiduam adjunxit corporis & animi mortificationem. Et quidem Societati in triclinio, & culina confectas, eluendis patinis, fricandisque ollis, nullâ hebdomade etiam septuagenarius intermisit, quoad ætas & vires pedibus insistere permisere. His addebat prolixam quot diebus flagellationem, & plerumque duplicatam: cilicino thorace nunquam corpus videbatur liberare: jejunium per continuos 15. annos rigorosè observavit, neque unquam ferculis condimentum ullum, salem, acetumve, aut succum malorum adhibuit: donec annis & laboribus jam affectum jejunia abrumperet, & communibus vesci edulijs Superiores jussere. Triginta ampliùs annis usus est in confessionario sedili tam humili, ut vix capite cancellos, quibus fenestella prætenditur, attingeret, unde non modicum patiebatur tormentum, coactus magnam partem semiacclinis consistere. Somnum etiam senex, si fortè jaceret, nunquam nisi super dura tabula capiebat.



piebat. His molestijs adjecit DEUS intolerabiles conscientiae remordentis toto triennio anxietates, cum tanto afflictionis excessu; ut diceret postea, minimè alioqui dolores suos laborésque exaggerare assuetus: *si DEUS optionem sibi daret panarum inferni, vel scrupulorum; primas omnino se electurum.* Sensum custodiam tam arctam adhibuit, ut nunquam portam nisi evocatus adiret, vel hortum: nunquam animi causâ oberraret per campos, vel quopiam cubiculum egredere-  
tur, itérve susciperet seu mari, seu terrâ, nisi animarum salus exigeret: neque ullus aliquando deprehendit fenestram accessisse, vel foras prospexisse, quidquid tumultuum, curiositatis, vel solennitatum in platea ageretur. Paraverat aliquando, excipiendo magno Principi, Dux Gandiae exquisitissimo ornatu turmam equestrem; ad cujus spectandum ingressum, cum omnes procurrerent, ille ad Valetudinarium se contulit, & solando ægro Sacerdoti horam illam impendit. Contigit etiam, ut apud Religiosos magnæ observantiae invitatus, cibum communiter in triclinio sumeret, cum repentè unus ex ipsorum numero in extasim raptus, longo tempore sensuum expertus duravit, quæ novitas omnium oculos ad rem adeò singularem advertit: solus ille suos ita frænatos (consultò enim brevissimi visus se dicebat) continuit, ut eos nunquam in hominem converteret. Opprimebatur non raro inveterato quodam malo, tantâ doloris vehementiâ, ut halitum illi & pulsum cordis interciperet, cum præsentissimo vice qualibet vitæ periculo: cui malo causam olim dederat concione super omnem modum ferventi & incitatâ, pertractans ea Apostoli verba: *momentaneum & leve tribulationis nostra, aeternum gloriae pondus operatur in nobis.* Et cum sæpius contigisset illum acutissimo hoc symptomate noctu invadi, dissimulabat tamen patientissimè, nè cuiquam molestiam facesseret, dum manè consuetâ horâ veniret Excitator, ut ægrorum Curatorem accerseret: à quo bis repertus Pater est propè nudus in terram ab sua tabula, dolorum impetu dejectus, frigore pene semimortuus, neque amplius loqui, aut se commovere potens.

Humilitas & paupertas Viri dici potest: fuisse prorsus extrema, nihil è rebus ad usum necessarijs nisi vilissimum, & postremum admittens. Quoties domûs Minister pro more cubicula cum vestibis obiret, visurus numquid alicui necessariorum deesset; latebrâ se Josephus condebatur, nè floccos suos melioribus indumentis mutare cogeretur. Cum

*Societas Europæa.*

verò nihil unquam vestium expeteret, orta est suspicio Rectori, nè magnum interiorum defectum pateretur; ideòque frustra multis contestantem nihil sibi deesse, jussit togam talarem coram se deponere: ac tum deprehensus est pro thorace vetustum sacci è rudissima tela rejectum fragmentum, inter quicquillas alicubi collectum, indutus; cui vetustate undique fatiscenti hinc frustum è corio putrido, indè è panni segmento, alibi ex alijs obvijs floccis partim assuerat, partim acubus, assulis acuminatis affixerat. Breviarium continuo tot annorum usu ita obsoletum à morte repertum est, ut majorem partem legi amplius non posset. Adeò servabat tot muris obseptam innocentiam virginalem; ut minimè mirum sit ab ipso in cælum illatam, qui neque gratiam baptismalem ullo peccato lethali deperdidit. Quin imò tam arctum fœdus cum oculis suis pepigit, ut per omnem vitam nunquam illos in vultum cujuscumque mulieris defixerit, dicere solitus: *oculorum continentiam murum esse perfectionis, & castimonie fidelissimum presidium.* Accidit, ut persona quæpiam gravissimis luxuriæ tentationibus à dæmone exagitaretur, quibus superandis velut ad tutissimam arcem in Patris confessionale confugit: hic ejus pavimento accidens, non cessabat pijs osculis venerari locum, ubi Pater pedes collocabat; DEUM interim ardentè orans, ut ejus meritis à dæmonis impulsibus liberaretur: quibus etiam extemplò immensem se persensit. Denique tam consummata hujus servi DEI in omni religiosa virtute fuit perfectio, tamque exacta Regularum quantumvis minutissimarum observantia, ut nunquam per tot annos notatus sit silentium extra consuetas colloquij horas violasse; audito verò campanæ ad consuetas domi functiones evocantis signo, continuo abrupto etiam verbo, & quavis aliâ sanctâ occupatione, punctualiter semper provolasse. Inde posteaquam domesticis Confessarius est assignatus, si quando inter audiendum pœnitentem contigisset signum ad communes Litanias dari, à quibus facultatem se absentandi prius non petivisset, imperfectâ prosliebat confessione, post Litanias pœnitenti aures redditurus.

Atque his tot meritis dives ad cœlestebrevium est evocatus anno 1636. 15. Julij, cum annos vixisset ætatis 78. in Religione vero 58. Paucis ante obitum horis licet nihil periculi notaretur, vel indicij adeò propinquæ mortis; ipse nihilominus cupidissimus exuendi mortalem hominem, constanter vicinum sibi adesse transitum asserabat: observatúsque

0000



variusque cum oculos aliquamdiu in cœlum defixos tenuisset, rupto tandem silentio in vocem magno clamore, quali in pulpito concionabundus posset, erupisse: *ô mi DEUS quanta misericordia! & quanta infelicitas!* Percontanti verò, qui lectulo assistebat, Sacerdoti, quid infelicitatis timeret? respondit: *an non ingens infelicitas, quòd hæc anima inter choros Seraphinorum asserenda, ut intueatur, laudetque DEUM, interim adhuc à miserabili corpore velut bestia detineatur?* sub

*Ex Nierembergij Tomo 3. & ejus vita P. Jaime Alberto.*

## P. PAULUS WOUTE cum alijs 8.



Agæ Comitatus inter Batavos in lucem editus P. Paulus van Woute, heterodoxis Parentibus, sed lautâ fortunâ; ab iisdem inter liberales artes haud obscuris optimæ indolis & ingenij indicijs educatus est, & ad Juris etiam legumque capeffendam noticiam addictus. At ille speciosis vitæ fluxæ blanditijs, ad quas in decus locupletis familiæ per ea studia parabatur, jam tum vel in hæresi major, abrupto intra biennium Juris studio, ad rerum Divinarum cognitionem occulto quodam impulsu se transtulit; quas ut ex ipso veluti fonte hauriret, Genevæ sectæ suæ pseudo-Romam profectus, ibi pestiferum ejus doctrinæ virus ita altè in animum admisit, ut idem aliquando propalam è cathedra nescientibus propinare decerneret. Verùm ut erat ab natura factus quodammodo ad pietatem & devotionem, demirari secum identidem, quid fieret, ut cum apud Catholicos tot essent in medio libri, qui Christianæ pieratis & virtutum exercitamenta ac præceptiones proponerent, tamen nulli ejus argumenti inter suos Novatores extarent. Ea cogitatio salutis illi principium fuit: etenim ut à libris suorum abesse pietatem vidit, ad ipsos eorum Doctores & auctores, suos videlicet Magistros & Pastores observandos, num eam in vita & moribus illorum reperiret, studium & industriam convertit. Quos ut item vacuos esse pietatis agnovit, subvereri continuo cœpit, nè ab iisdem quoque, doctrinæ sinceritas, & Fidei integritas procul esset. Igitur Genevâ profectus in Angliam idem observandi cupidine, utramque Academiam Oxoniensem & Cantuariensem exploravit, Doctores, qui omnium sapientissimi ferebantur, allocutus est, mores & vivendi rationem studiosè perspexit: sed nec in ijs quidquam E-

quæ repente conticescens, oculos clausit, & pauculis horis agonem supremum fortis athleta consummavit. Ejus morte vulgatâ, non modò tota Gandia, sed & vicinia universa, cum ipsis Gandiæ Principibus confluit, ad parentandum Viro omnium opinione sancto, utque ex rebus defuncti quidpiam in reliquias nancisceretur: quem Dominus etiam à morte plurimis miraculis ornare perrexit.

vangelicarum virtutum & sanctimonie advertens, suspectæ jam diu causæ serio diffidens, in patriam redijt; & quia nostros aliquot Patres Lugduni Batavorum, vulgò Leyda dicto, Catholicis juvandis occultè morari intellexit, eò veritati indagandæ divertit. Hic eos identidem convenire, fatigare varijs de Fide, deque pietate quæstionibus, & mores interim actionesque solertissimè observare, libellos ab iisdem suppeditatos evolvere; quorum brevè, quæ veritate, quæ sanctitate victus, veræ Ecclesiæ accessit. Et quia agnitæ veritatis præceptiones & regulas in usum non segniter redigere studuit, cœpit mox acrioribus stimulis à DEO urgeri, & ad complectenda Christi consilia, quamvis ardua & humilia, vehementer impelli, atque ad Societatem toto animo aspirare. Quare sine mora, nè ejus ad Fidem Catholicam transitus Parentibus suboleret, inconsultis illis atque ignaris in Brabantiam iter intendit, & sociorum numero adscribi obtinuit. Sacerdotio subinde initiatus, ut erat veræ Religionis per Hollandiam patriam suam propugnandæ avidissimus, primò omnium in Ommelandiam, insulam objectam Frisiæ, mortalibus egentissimis habitata missus, immensam in eos charitatem exercuit, sanis juxta ac ægris quasi servitium se mancians. Horum culturâ, quòd in summa rerum omnium inopia ab omni specie remunerationis & solatij esset remotissima, ita capiebatur, ut supremo in morbo paucis ante mortem diebus, eorum saluti procurandæ se suamque operam in perpetuum quoad viveret, si modò Superiores approbarent, sacramento devoverit. Interea anno 1636. peste per Hollandiam quoque passim atrociter grassante, dum ipse pari promptitudine & libertate miseris juvandis inter ipsa funera intrepidus se objicit, adultâ jam ætate repente Gröningam avocatur, ad muniendum ritum.





P. Paulus Woute, Soc. Iesu, Hagæ Comit. in Holan-  
dia natus, ejuratâ paternâ hæresi, fervens anima,  
rum Zelator, et in Patriâ sua Missionarius; Cui dum  
in pestilentia cum Socys deservit, eâdem extinctus  
est Gröningæ 15. Aug. A. 1636. ætatis 32.  
146

ritu Catholico Sacerdotem socium : quò vi-  
vis ex pari infectorum obsequio ereptò , jus-  
sus est tantisper ibi vices ejus supplere, dum  
è Brabantia alius subrogari posset. Ergo pa-  
ri animi magnitudine laborem profecutus ,  
dum auctâ vi pestilitatis non parùm cogitur  
intendere, brevi quoque haustâ lue , morti-  
fero septem dierum æstu in portum immor-  
talitatis invecus est die 15. Augusti cum an-  
nos vitæ 32. explevisset. Ex profundissima,  
quâ semper præcallebat sui despicientia, opta-  
bat moriens unicè, in sterquilinio sepeliri, vel  
stabulo; cui voto visa est voluisse Numinis  
providentia respondere; quippe cum alio hu-  
mari loco, aut domo efferri nequaquam po-  
tuerit, nè mors Sacerdotis, si fuisset promul-  
gata, receptatori illius hospiti Catholico, no-  
Societas Europæa.

æ apud heterodoxum Magistratum & da-  
mno foret.

Ibidem 29. Septembris, ejusdem charita-  
tis æmulator occubuit P. Henricus de Vrede,  
domo Brugenſis, annorum 36. in Societate  
17. Miraculo affine videri potest, sex ipsos  
annos agri Gröningiani partem omnem, in  
medio dominantis hæresis assiduè concursan-  
tem, Magistratum, satellitumque semper in  
eum intentos oculos fallere potuisse, præser-  
tim cum insigni oculi alterius vitio, Sacerdos  
unoculus idcirco vulgo vocatus, sanè quàm  
notabilis, atque adeò perfacilis exploratu es-  
set. Postquam in defesso hoc pestiferorum  
obsequio & ipse vitiatum se persensit, nè tum  
quidem suam ulli operam deesse passus, suisq;  
penitus incurius, æger adrepebat ad ægros,  
Oooo 2 supe-



superatâ non semel per vomitum, & sudorem, vel certè diminutâ veneni acerbitate; sed demum erumpente septem locis pestiferâ lue, malo cedendum fuit, quod sanctâ morte superavit. Neque Neomagi eodem tempore conflitantibus cum peste Catholicis defuere auxiliares à Societate copiæ, è quibus P. Antonius de Greef Silvæ-Ducensis palmam victoriæ capeffivit. Maij, annorum 47. in Societate 27. is, cùm anno ætatis 14. Philosophiæ daturus operam, curas sæculi fugaces, & delicias seriò fastidire cœpisset, & ad firmandam animi constantiam, coram DEI Matris ara voto nuncupato pudicitia florem DEO obligasset; per noctis quietem augustissimâ specie, multoque lumine eandem meruit habere aliquamdiu spectabilem, & amabili benignitate atque affabilitate se intuentem. Quo viso mirificè recreatus, & in vitæ sanctioris desiderio accensus, Theologus jam triennalis Societatem capeffivit, in quâ brevî sacris initiatus, & Mechliniæ varijs aliquamdiu in muneribus, quid in salutem animarum auderet vel posset expertus, ad Missiones tandem in paucis arduas, & periculi plenas, in Holandiam destinatus est. Leonardæ Gröningæ, Neomagi, potissimum ejus & maximè frugifer labor fuit, nihilque non arduum, & grande pro DEO, & animabus audebat: ut cùm adeò illum Batavici non satarent ærumnæ, Æthiopicas, Indicas aut Japonicas à Præposito Generali expeteret. Atque ut in DEI causâ semper esset intentior, singulis Neomagensis Urbis vicis, vijs, compitis, Cœlites tutelares singulos assignabat, quorum opem gerendis rebus, dum per Urbem cursaret, exposceret: quorum etiam expertus est haud semel in periculis præsens atque opportunum præsidium, ex quibus unum attingam. Anno 1623. Neomagi jam tum rem Catholicam procurans, sub horam noctis decimam in publicum prodierat, ad novum, in quo aliquamdiu delitesceret (eodem enim diutius hospitio uti Missionarijs illis periculosum est, nè prodantur) domicilium transiturus. Densis obstitit nivibus undique erant circumquaque viæ, è quibus maligni aliquid luminis relucebat, ut dignosci ab excubitore milite potuerit. Hic oblatam ex inopinato prædam sibi gratulatus, injectâ manu ferociter arreptum comprehendit, ut jam Pater conclamatum de libertate, si humana spectaret remedia, è carcere redimenda, & de ipsa retinenda vita æstimaret. Igitur ad Divina conversus, in patrocinium Joannem Berchmannum, adolescentem è nostris Bel-

gam, nuper persanctè demortuum, sibi in vis perfamiliarem, cujus vitæ historia typis edita in medio est, invocat: cùm repentè videt adolescentem adstare promisso pallio, vestéque, staturâ, vultu, ætate Berchmanno simillimum, qui militem explicatâ fronte, ac blandâ voce compellans: eja, age sis! inquit, hunc hominem missum fac, & mihi, & multis civium apprimè notum. Eâ vocis ac vultûs mollitiæ itâ fractæ sunt hominis iræ, ut è vestigio dimissum Patrem, neque ultra verbo, neque factò læsum, quò vellet abscedere passus sit: & ipse simul adolescens illico à conspectu evanuit. Porro Pater licet abundè certus Juvenem hunc à Berchmanno alium, neminem fuisse, exploraturus tamen omni humanâ industriâ rei veritatem, adolescentes omnes Catholicos, qui suum illum vindicem referre quoquomodo posse viderentur, opportunè convenire, accuratè singulos interrogare, ecquid id noctis & horæ in loco illo & plateâ comparuerint? ecquid aliquem è satellitis manu liberârint? neque quisquam omnium unus ejus facti auctor inventus est: id quod Pater coram duobus deinde Episcopis, Antverpiensi ac Ruræmundensi itâ gestum esse, sacramento legitimè pro honore Berchmanni testatus est. Cæterum ut apud Neomagenses carcerem & vincula itâ evaserit, experiri tamen hos aliàs illum, ad augmentum tolerantia, DEO collibitum fuit. Anno 1634. cùm ad revisendos postliminiò Catholicos Gröningam rediisset, incertum quò auctore, quòve indicio, in manus Magistratum delapsus & in carcerem conjectus est, in pœdore atque ærumnis, ut solet in captivitate, vitam acturus. Sed Fidelium charitas conflato celeriter libertatis pretio, quantum profunda Magistratûs heterodoxi cupido statuerat, eum brevî custodiâ exemit. Neomagam subinde reduci, mortis occasio post biennium fuit, reversus ingloriè Neomagam miles Batavicus, & confœderatus Gallicus, à Grudis, quibus excidium intentaverant, cum clade uterque rejectus: qui, ut solet, multiplices morbos è bellicis ærumnis secum invemens, gravissimâ peste ex ijs demum coortâ Civitatem afflixit. Præclaram ea res charitatis palæstram tribus socijs, ibi tum in animarum cultu versantibus, atque in primis P. Antonio dedit. Dum enim ministerijs in sanos & integros neutiquam sepositis, omni contentione ægris simul operam diu noctûque irremisso labore impendunt; haustâ brevi lue, & confestim vitalia depascente, omnes è vita exturbati sunt, datis priùs ad totius Missionis



Præfectum literis, ut Operarios alios in messem tam copiosam quantocumque provideret. Sociorum P. Antonij alter, qui prior ad diem 10. Maij eadem causâ & morte post illum ereptus est, P. Theodorus de Gonghe fuit, domo Enchufanus, 35. annorum, in Societate 13. necdum integro anno post Missionem Lewardix & Sylvæducis obitam Neomagi versatus. Tertius verò P. Reinerus Bruius ad diem 20. ejusdem Mensis, è pago Nederwert agri Sylvæducensis ortus, annorum 34. in Societate 19. hoc ipso anno Batavicarum Missionum faciendo experimento Neomagi collocatus: ubi haud facillè dictum est quàm multos paucis mensibus DEO, & Ecclesiæ ab hæresi restituerit.

Amersfortij quoque Urbe suâ patriâ, in contagionem strenuè pugnans amissus est Pater Jordanus Wencom 13. Augusti, ætatis 37. anno, Societatis initæ 20. Parentibus ibi spectatissimis ortus, & Societatem, reclamante frustra matre hæreticâ, ac questibus & ejulationibus miscente omnia, invictâ constantiâ complexus. Absolutis Theologiæ studiis jam Sacerdos missus Amersfortium, matris ad fidem orthodoxam adducendæ causâ; ut eam primùm surdam ad omnia & obstinatam, ita deinde vitæ religiosæ filij exemplis captam, obsequentem habuit & pronam, ut etiam illum præsentem sibi animam agentem, cum per idem tempus in lethalem incidisset morbum, adesse voluerit. Tantâ verò rem Catholicam apud alios etiam ibi promovit industriâ, ut in Brabantiam ad tertiam probationem exequendam à Superioribus revocatus, eâ peractâ Civium rogatu Amersfortium remitti debuerit. Hic ille deinceps partes omnes Apostolici muneris naviter executus, excitavit quàm plurimos è peccatorum veterino, abstraxit ab hæresi propè innumeros tum ipso in oppido, tum per agrum ejus suburbanum: Sacramentorum etiam frequentia ita in usum reductâ, prorsus ut Ecclesiæ decor & facies antiqua videretur revocata. Christianæ mansuetudinis, & animi magnitudinis exemplum illud singulare dedit, cum in suspicionem perduellionis fraude hæreticorum confectus adductus, in publicos carceres, & varia Judicum tribunalia pertractus est. Ubi tamen à custodiæ Præfecto ex observata vitæ ejus innocentia, Angelus est vocatus: à Principe verò Auriaco & Judicibus, ob animi magnitudinem mirificè dilaudatus, & militari magis ducendæ cohorti, quàm adornandis Catholicorum sacris natus asserebatur. Cum verò culpæ immunis deprehensus, à Judicibus

absolutus, pristinis laboribus aliquamdiu se restituisset, alium brevè Christianæ & veræ generositatis declarandæ campum illi cælum aperuit, quando per æstatem sævientem etiam illic pestilentia, heroico ausu arma spiritualia omnia, vitæ & periculorum contemptor in eam deprompsit, neque pedem è conflictu retulit, donec ictu venenato prostratus ad stativam evocaretur cœlestia, postquam septem propemodum annis Amersdortij rem Catholicam impigrè fortiterque gessisset.

Lugdunum, sive Leyda, urbs uti armis & propugnaculis in hostem munitissima, ita Religioni orthodoxæ infensissima, in qua Sacris catholicis palam operari non licet, strenuis tamen è Societate Viris, & animam pro fratribus ponere paratis accessum hæctenus non ita præcludere potuit, quin occultè subintrantes aliquot semper Religionis negotium curent. Hic ergo miserabili rursus pestilentia æstu anno 1655. sævientem, dum laborantibus omnem opem impendit, mortalitatem explevit 7. Augusti P. Joannes Bisthove Antverpiensis, annorum 53. in Societate 34. professus quatuor votorum, octo annis Alofti & Lyxæ Rector, unde ad Apostolicam Hollandiæ Missionem destinatus est, quinquennio in eadem incredibili animarum & ærumnarum provenitu versatus, dum animam, quam in adjuvandis peste ictis Alofti Rector jam antè exposuerat, Leydæ planè deponeret. Cum pertumultuosè non semel contra Catholicos plurima istic agerentur, neque vacare liceret consuetis officiis pietatis & ministerijs, aut in die Missam fidelium devotioni celebrare; illud ille damnum in sua lucra ita vertebat, ut duplum temporis asceticis suis exercitationibus adjiceret. Et cum noctu clanculum Sacris operari eum cogeret necessitas, id verò se fidelis Custodis sui Angeli beneficentiæ debere agebat, ut à somno temporè experrectus, illum pro ære campano haberet: nec à spe, aut experimento suo se unquam delusum meminerat, quin semper excitaretur interno quodam monitu. Ingenio erat ad obediendi artes ac numeros omnes factus. Venerat illi in mentem aliquando, ecquid in omnibus ex obedientia agendis maximè sibi arduum obvenire posset? visâque est durissima omnium fore Missio Holandica, ob periculum nitoris animæ ab omni specie labis abhorrentis, in tanta hominum & sectarum colluvie infuscandi; in quorum medio agendum esset in veste sæculari, nullam reverentiam, aut metum agendi & loquendi coram se quilibet, in alios refundente; quam ille vestè tanto affectu,



cùm Societatem inierat, exuisset. Et ecce tibi hujus ipsius adeundæ Missionis nuncium à Superioribus subito accipit, ità eò primùm perculsus, quasi ad illam mitti perinde esset, atque è Societate dimitti. At in DEUM ità ordinantem mox erectus obedienter ac promptè ità ivit, sic ibi rem gessit, ut publicâ omnium suffragatione datus illi Missioni divinitus videretur, sive privatus vineæ illius partem aliquam excoleret, sive universæ per insigni cum fructu gubernandæ præesset: licet non rarò gravissimis calculi cruciatibus miserè torqueretur. Unum sibi omnium laborum ac dolorum pretium sufficere dicebat, si omni eo studio ac operâ impensâ vel unum lethale peccatum in quoquam impedire posset: tunc enim videri sibi securitatem quandam ad DEI tribunal asferre posse, si omni impendio ab alijs avertisset id, quod unicè odit DEUS. Mortui cadaver mirâ securitate à Catholicis, nullo infectionis metu, tractatum; & nobilissimorum quorumque privatâ veneratione inter copiosas lacrymas perhonorificè conditum: quippe ab ijs, pro quorum salute multa passus, intrepido pectore nec leviam, nec pauca, & paulò antè mortem ferè carceres quoque adierit.

Silvæducis, quæ alijs Bolducum, alijs Buscoducum dicitur, octo aënos Catholicis in medio infestæ hæresis juvandis solandisq; , Leydâ eò translatus constanter impenderat P. Hieronymus van Seurck, cùm eodem A. 1655. Urbem populante contagione, in suorum auxilium tantò ardentior assurrexit, donec eum inter peste afflato generosè agentem, plena fortis-

*Ex Victimis Charitatis Alegambe.*

simæ charitatis vita defecit 27. Septembris, cùm annum explevisset ætatis 59. Societatis 44. vota solennia professus. Is Antverpiæ honestis ac pijs ortus natalibus, rarò, nec facile auditò exemplò, primus è suis sex fratribus antecursor nomen Societati dedit, & illos omnes post se traxit, qui Societatem complexi, veluti septem filij Symphorosam hoc numero, virtute, ingenio ac laboribus illam ornare. Quorum unus in itinere ad Indias occidentales interijt, alter illic in Paraquaria laboribus Apostolicis gloriôsè immortalus est. Noster Hieronymus autem Lovanij nostris explicatâ Philosophiâ, Aloftano Collegio Rector quadriennium, Antverpiensi triennio præfuit, cùm priùs ibidem Theologiam Moralem doctè & publicè tradidisset. Applicatus Holandicæ Missioni præclarè rem Catholicam primùm Hornæ, ac deinde Sylvæducis promovit & auxit: unde ad Rectoratum Antverpiensem retractus, & ab eo Missioni mox restitutus, post Lugdunum iterum Silvæducum naviter ad obitum usque excoluit: hæreticis quoque charus, qui bonum senem noverant, & dissimulanter apud se ferebant. Ætatem illi non labores minùs & adversa, persæpe tolerata, quàm morbi attrivèrè, viscera & membra variè passim torquentes: quos tamen ità ferebat, ut de laborum contentione nihil remitteret, quasi dolores laboribus domaret aut mitigaret. Vicarius qui tunc in Holandia vicibus Episcopiungebatur, auditâ Hieronymi morte dixisse fertur, perdere Missionem Holandicam Virum, cui parem vix noverat.

## P. FRANCISCUS PAVONUS.



**F**ranciscus Pavonus, natione Italus, patriâ Cantanzariensis, Societati adjunctus Anno salutis 1585. ætatis 16. Humaniores literas quinquennium, Philosophiam decennium in ea professus est; sacras litteras quinque annis explicuit, linguam verò Hebræam annis quindecim, & vota 4. nuncupavit; Vir fuit Divinæ gloriæ, & salutis animarum sitientissimus. Quæ in ejus funebri laudatione ad populum publicè dicta sunt, probante Archi-Episcopo, ab Oratore Carmelitana Familæ, hæc ferè sunt. Eum parentes priùs DEO consecrârunt voto concepito, quàm gignerent; iterumque cùm illum mater eniteretur, votum firmârunt. Mater cùm

illum gestaret, Paradisum se quendam utero continere dicebat: tantâ Divinæ consolationis copiâ perfundebatur, & testata est eadem, infantem se in aluo & vagire audivisse, & fari. Simul atque primus in auras effusus est, infantulus quasi jam Numen agnosceret, procubuit ad horæ quadrantem in genua, conjunctis manibus, ocellis in cælum defixis. Pueriles ejus lusus, & crepundia fuerunt arulæ, & sacra; & à primis ungviculis condidit DEO litare. Nunquam, vel cùm stringebatur in fascijs, nutriculæ, aut ullius fœminæ svaviationes, quin brachijs, & vociferatione obniteretur, exceptit. In Societatem ingressus, explicatu difficile est, quot quantisque virtutibus inclaruerit. Ipse professus est aliquando, tam sincero se DEUM amore complecti,





P. Franciscus Pavonus, Soc. Iesu, Italus, Apostolico  
 Zelò omne genus hominum complexus, Sodalitij  
 diversis Clericorum præcipue institutis, pietatem  
 Christianam Neapoli mirifice propagavit: ubi plene  
 mentis decessit 25 Febr. 1637. Ætatis 68.  
 147.

plecti, ut ipsi uni optaret obsequi; idque mortales omnes, atque etiam immortales latere. Cupiditate martyrij, dum vita super- fuit, æstuavit; & quamdiu favit ætas, nun- quam destitit Missionem Indicam flagitare; quâ nè excluderetur, sanguinis excreationem, quâ fatigabatur diu, Moderatores celavit. Exorârat jam semel professionem, à qua cum fuisset mox iterum prohibitus, acquievit illi- co, factus à Deo certior, plus se Divinæ gloriæ comodaturum, si bonam Clero vitæ formam induceret, id quod instituto Clericorum so- dalitio, illisque ad omnem Apostolicam fun- ctionem, quàm latè patet Regnum, exercitis, abundè fecit. Verùm quò suam porrigeret industriam longiùs ad omne genus mortali- um, ad Sanctimonialium cænobia, atque ad Parthenones, quos Conservatoria Neapoli

vocant, frequens concionatum itabat: fre- quens ad remiges in triremibus, ad vinctos in custodijs, ad milites in naupegio hibernan- tes dicebat. Sodalitia bajulorum erexit, & olitorum, & ludimagistrorum: Oratoria su- stentavit opificum: creber in angiportis, in- compitis, nè quod hominum genus præter- iret. Atque ut nihil deesset, aliorum Ordinum Religiosos toto latè Regno Antistites, ipsum etiam Christi Vicarium, nunc coràm, nunc per Epistolam conveniebat, ut his suis conatibus suffragarentur. Excurrebat in oppida, vicósque finitimos, etiam ætate jam fessâ, nec penli quidpiam habebat pericula, quæ adibat. Semel his in expeditionibus crus infregit; aliàs modico minùs, quàm collum: sæpe invocato sancto Franciscò Xaveriò di- scrimen avertit, pluvias suspendit. Sexage- nos



nos ex suis Philosophiæ Auditoribus ad religiosæ vitæ consilium induxit; at in Palæstra Poëtices, etiam omnes ad unum, miraculo ad hanc diem inaudito. Judæum magni nominis, cum fracto crure decumbebat, crebrâ disputatione mollium, Christo lucrificet; eodémque tempore nè vacaret hortatore Sodalitas, se curabat ægrum legitimis diebus in exedram deportari, suosque ad virtutem excitabat. Erat autem in dicendo tam vehemens, in summa alioqui verborum humilitate, quam semper adamavit, ut ad ipsius dictionem vel ipsi contremiscere parietes viderentur; ut mirum non sit, incredibiles motus animorum sequi solitos esse perorantem. Nulla rerum difficultas illum unquam deterruit, quin id, quod ad DEI gloriam faceret amplificandam, aggrediretur animosè, constantérque promoveret. Sacrosanctam Evcharistiam veneratione, atque existimatione dignâ prosequeretur: tantumque habebat certæ in ea fiduciæ, ut uno Sacrificio se crederet parem, esse cuiusvis postulato extorquendo. Litandi quotidie morem adeò ratum constantemque habuit, ut vel postremis hebdomadæ sacrationis diebus quæriraret Tempia quædam infrequentiora, ubi sacros ritus perageret. Morbo prohibente celebrationem, quotidie communicabat: & consvèrat inde usque à primæ ætate octavo minimùm die sacrum epulum frequentare, in quo uno dulcissimas voluptates persentiscebatur: quod genus pietatis, ut proferret latius, Sodalitij eam imperavit: ut nimirum hoc alexipharmaco (quo nullum aiebat esse potentius) castimoniam illibatius ruerentur. Hanc ipse virtutem ita coluit, ut intaminatam servasse virginitatem opinio fuerit; quam ipse, cum esset interrogatus à quopiam, visus est verecundo silentio, quasi nutu quodam tacito affirmasse.

Infantem vitasse mulierum basiationes jam dixi: adolescentem se lupas duas in silva inter venandum adortas, honestâ fugâ superavit. Nè quam inferioris sexûs cogeretur aspicere, dum ad eas verba faciebat, conspiciat, quibus alioquin utebatur assidue, deponerebat. Omnino obscæni nihil unquam legit, nè ad captandam quidem, ut sit, latini sermonis impuro in argumento puritatem. Moderatoribus suis tam erat subiectus, atque morigerus; ut ipsorum imperijs, de se tandem quidquid statuissent, nunquam verbo, nunquam nutu reniteretur; aiebatque hac unâ parendi promptitudine sibi certam constare spem salutis; quia scilicet nihil esset unquam nisi DEO auctore aggressus. Et ausus est ali-

quando asserere, immensum sibi gloriæ pondus in cælo esse repositum, atque olim ab sancto IGNATIO obviam effuso se in gaudium. Domini exceptum iri, spe certâ beatitatis vel ex una hac virtute conceptâ. Ceterum eam ipse satagebat non per bona duntaxat opera, sed malorum etiam perpeffiones certam facere: adversus quæ se Christi Salvatoris erigebat exemplo, quo se meliorem haud esse, ut fieret immunis, prædicabat. Sæpè verbis aculeatè per injuriam perstrictus, nihil inamænè unquam, nihil torvè respondit. Sectiones, ustionésque sinè ullo doloris indicio sustinuit, negans ei fas esse, qui ad martyrium anhelaret, edere sensum infirmitatis. Dentes sibi omnes excidisse, & gingivas acri plerumque cruciatu percelli, mirificè gaudebat, nè ciborum ullâ snavitate tangeretur. Orium sibi nullum unquam fecit: multum, atque attente orare; multum scribere; nunquam vacuum fructu verbum proloqui sanctum habuit, uti & leges omnes Societatis ad unguem servare; & id quod faceret religiosius, eas suâ sibi manu descripserat. Amore consanguineorû ita exuebat, ut nè Parentem quidem unquam suum, ex quo in Societatem ingressus est, aut videret, aut allocutus fuerit, præterquam cum ex Provincialis imperio, bene sibi ab illo precari postulavit. Quisquis homini familiarior fuit, sanctimoniam laudè illi dedit; quos inter fuerunt æstimatores optimi, quia virtute clarissimi, Robertus Cardinalis Bellarminus, Petrus Antonius Spinellus, Bernardinus Realinus, Julius Mancinellus, quorum de ipso testimonia ad manus sunt. Multa supra vim humanam ab eo patrata certis testibus constat. Sacerdotem infirmum solo contractu sanitati reddidit: Febrim malignam excussit homini, cui manum suam tertio exosculandam porrexit: dæmonium ex obsessio exturbavit imperio, sanctissimæ Trinitatis nomine invocato. Quatuor Sacerdotibus interitum minatus est, nisi frequentarent Sodalitatem, & quindenum curriculum dierum omnes interierunt. Adolescentem sibi antea ignotum solo intuitu cognovit castimoniam, atque integritatis sedulum esse cultorem: sibi, aliisque moriendi tempus rato eventu diu antè definivit. Visus est in cætu Sodalium semel iterumque toto vultu radiare. Hominem nescio quem insano studio adversus illum litteras ad Generalem Præpositum molientem, DEI para ab incepto deterruit. Cadaver ejus molle, & flexibile toto quatrinduo, sinè graveolentia perduravit. Reliquiæ ægris impositæ depulerunt haud unâ vice langviores. Exequias illi



celebravit Clericorum Sodalitas, quam instituit, tantâ frequentiâ, & apparatu; ut opinio sit nulli unquam de Societate sic fuisse parentatum. Templum Collegij convestitum undique panno lugubri; Epitaphia passim, & lemmata appensa; funalia accensa plurima; tumba, quam doloris castrum vulgus appellat, excitata, cereis undique collucentibus maximo numero. Nucerinus Antistes sacris solemniter operatus est habitu Pontificali: adfuit Eminentissimus Cardinalis Boncompagnus Archi-Episcopus Neapolitanus, cum Metropolitano Capitulo, iussis accedere Canonici præter ejus Ecclesiæ morem; quia nimis iusta ea solvebantur viro, non singula-

*Ex Bibliotheca Alegambe, & Nierembergij Tomo 3.*

## P. PETRUS PAZMANY S.R.E. CARDINALIS.

**M**Agnum Hungariæ sæculo nostro Sidus, & conservandæ augendæq; in Patria sua Religioni Orthodoxæ Apostolus à DEO datus, Petrus Pazmany, natione fuit Hungarus, patriâ Varadiensis, verustâ nobilitate, ducto etiam sanguine per Margaretam Massariam matrem suam, ex Marchionibus Massæ Italicis, clarus. Et quidem hunc tantum Virum merita sua, & præcipuè ardentissimus animarum zelus, à privata conditione ad eminentissimum Ecclesiæ candelabrum extulerunt, creatum primò Archi-Episcopum Strigoniensem, Regniq; Hungariæ Primatem, ac tandem S. R. E. Cardinalem. Societatem JESU à prima statim ætate complexus anno 1587. tantos fecit progressus in omni virtutum genere, & literis, ut in Academia Græcensi summâ cum approbatione Philosophiam & Theologiam publicè docuerit, & Professionem 4. votorum anno 1607. emisit. Sed qui ejus fuit zelus animarum, & juvandæ Patriæ, non minùs hæresum tenebris, quàm Turcarum tyrannide oppressæ, Missionibus per Hungariam obeundis ita se impendit, ut eximiam suæ virtutis & doctrinæ commendationem apud omnes quidem, sed apud Franciscum Cardinalem Forgacium, Archi-Episcopum Strigoniensem, præcipuè obtinuerit; qui propterea multum ejus consilijs, dum vixit, usus est. Erat namque ingenio præstantissimus, judicio maturissimus, doctrinâ sacrâ profanâque probatissimus; eloquentiâ, etiam de pulpitis & prælo, dudum spectatissimus, rerum experimentis

*Societas Europæa.*

ri dumtaxat sanctimoniâ, sed cui uni referret acceptam ea Ecclesia pulcherrimam Cleri speciem, quâ fulgeret. Panegyrim texuit ex Carmelitarum Familia concionator egregius; quem Cardinalis iussit ea omnia proferre in publicum, quæ à me perstricta sunt: de Pontificis Urbani VIII. imperio, quo vulgari prodigia vetuit hominum nostri ævi, suâ auctoritate securum. Decessit vir eximius, post continuatos ad multam ætatem labores Apostolicos, Neapoli 25. Februarij, anno salutis 1637. ætatis 68. Multa elucubravimus tum Latine, tum Italicè Pavonus ad publicam salutem.

atque usu exercitatissimus. Has in eo dotes cum agnovissent Hungariæ Magnates, & Mathias Imperator Augustus, vitâ functo Forgacchio, invitum reluctantemque ab Apostolica Sede postulârunt ad Insulas Strigonienfes, ut labanti per Hungariam Orthodoxæ Religioni humeros supponeret, quibus nullos toto Regno magis idoneos, magis oneri pares esse cognoscerent. Eas præcepto Pontificio adactus admittere, spem, quæ de se erat, minime passus est esse vacuam. Hæreses, quod antè diu cœperat, & terrere perrexit, & perfidiam profigare, tum pro suggestu publicè in Templis Paulino spiritu Evangelium prædicando; tum privatis congressibus, tum scriptis lucubrationibus hæreticorum errores configendo; quarum tituli, diversis 17. operibus ab eo vulgaris præfixi, ab Alegambe in sua Bibliotheca Scriptorum Societatis recensentur. Nobilitatem Hungariæ potissimam tempestivâ comitate, & sui promiscuè omnibus indulgentiâ, ac morum svavitate, ad Orthodoxos reduxit. Cleri verò quàm exactissimam formam instituit, legibus, censurâ, celebratis aliquot Synodis, disciplinâ, repurgatione; morum ipse integritate venerabilis, disciplinæ rigore formidandus, honoris Divini studio fervidus. Ædificia sacra Regijs pene expensis excitavit, vel collapsa restauravit: Ædem Cathedralem Tyrnaviæ, Cœnobium S. Claræ, & Societatis JESU Collegium Posonij extruxit, & plenâ fundatione dotavit: Asceterium Franciscanorum in Arce nova.

Demum ob meritorum magnitudinem, & spectatissimæ virtutis, postulante Ferdinanda

Pppp





P. Petr. Pazmany S.J. Ungar, S.R.E. Cardinalis, et Archi-Episcopus Strigoniensis, fundatis Clericorum Seminarijs, Religiosorum Domicilijs, Concionibus, & libris contra hæreticos editis de Ecclesia Cathol. et Ungaria optime meritis. Obijt Posonii A° 1637. 19 Martij. Aetatis circiter 67.  
148.

nando II. augustissimæ memoriæ Cæsare, cui Pazmanus summo erat in pretio, Romanâ Purpurâ à SS. Domino nostro Urbano VIII. Pontifice Maximo donatus est anno 1629. quam ipse è veteris Ecclesiæ maiestate ita sustinuit; ut summum illud dignitatis fastigium religiosâ humilitate decoraret. Legatus ab eodem Imperatore ad Urbanum Papam, pro Ecclesiæ Germanicæ emolumentis, in sui admirationem Romam convertit: tantam oris maiestatem, tam robustam eloquentiæ vim, tam profundam omnis sapientiæ, humanæ ac Divinæ ubertatem, tam singularem prudentiam, excelsum animum, constantiam, in agendo svavitatem, in urgendo dexteritatem, absolutissimam denique in uno homine & Principis, & Religiosi formam exhibuit. Societatem nostram, quam matrem suam & a-

gnovit semper, & appellavit, benignissimè fovit, & beneficijs prosecutus est: de qua literis foundationis Collegij Posoniensis locutus: *Societatem*, inquit, *sicut animam nostram complectimur*. Eandem in Collegio Jaurinensi multis difficultatibus conflantem adjuvit; in Homonêse verò Collegium pene amissum, restituit: Tyrnaviense & locupletavit prius, & insigni Academiâ, quæ prima unquam in Hungaria excitata est, auxit. Collegia educandæ juventuti in Cleri Hungarici Seminarium, Viennæ & Tyrnaviæ fundavit, & Societati administranda attribuit: quo vel uno nomine mirum quantum illi debeat universa, quàm latè patet, Ungaria. Demum cum nova moliretur in dies ad amplificandam DEI gloriam, & Ecclesiæ Catholicæ dignitatem, paucis post pijsimum Cæsarem Ferdinandum II.



II. diebus, cujus obitum incredibili sensu ex-  
ceperat; Posonij, dum Viennam ad novum  
Cæsarem Ferdinandum III. consalutandum  
maturat, in morbum incidit, quo brevi con-  
sumptus est, die 19. Martij, anno 1637. æta-

tis circiter 67. Pro defuncto indicta sunt per  
totam Societatem 9. Sacrificia, & totidem  
dicendæ Coronæ, tanquam Fundatore  
trium Collegiorum.

*Ex Bibliotheca Alesambe, & Nierembergij Tomo 3.*



P. Ioannes Gerardi S.J. avitâ Nobilitate Angl<sup>9</sup>,  
carceres, torturas, multas calamitates in ani-  
mâ procuratione expertus. Obijt Romæ  
27. Iulij 1637. æt: 80.  
149.

## P. JOANNES GERARDI.

**N**atus est Joannes Gerar-  
di, qui postea latendi causâ  
in Angliâ Thomsoni agno-  
men assumpsit, in Angliæ  
Comitatu Lancastrensi, pe-  
rente nobili Catholico Tho-  
mâ Gerardi, carceris pro Fide diurnâ tole-  
rantia insigni; Latinis & Græcis literis erudi-  
tus à Magistris Catholicis ad aſum usque 16.  
ætatis Oxonij, in Collegio Exceſtrenſi. Brevi  
*Societas Europæa.*

illinc coactus est excedere, quod Comuni-  
onem in Paschate de manu Calvinistæ Ministri  
sumere recusaret: quare domi aliquamdiu in-  
stitutus, post triennium migravit in Galliam,  
Rhemiſque multa de Societate JESU audivir  
à quodam, valetudinis causâ è Tyrocinio So-  
cietatis Româ dimisso, cum quo arctissimam  
inijt familiaritatem, sed quæ non deliciabatur  
nisi in Divinis, & in volutatione operum san-  
cti Bernardi & sancti Bonaventuræ. Ex quo-  
rum,  
Pppp 2



rum, & sodalis præcipuè sui magisterio doctus orationis, quæ mente peragitur, methodum, ejus deinceps horas non metiebatur clepsydrâ, sed sapore pietatis: simulque ardentissimum desiderium concepit ineundæ Societatis. De cujus Instituto ut plura resciret, simulque Philosophiam prosequeretur, Parisios ad Collegium Claromontanum concessit: sed primo statim anno gravi afflictus morbo, ubi convaluit, proficiscitur Rothomagus cum Thoma Dabishier (quo utebatur directore) ut recens illuc appulsi Personij exoraret opem ad Societatem obtinendam: qui collaudato pio adolescentis animo, ante omnia illi auctor fuit ut in Angliam rediret, valetudini in patria aura firmandæ, & rei domesticæ cum amicis componendæ, nè de illa in posterum quovis in casus esset vel sollicitus, vel memor. Confecto per anni spatium negotio, furtim ex Anglia cum alijs Catholicis Galliam repetentem, sæva quindierum tempestas Dubrim repellit, à cujus Magistratu pro fugitivis Catholicis comprehensi, Londinum ex Parlamenti sanctionibus mittuntur, omnes in compedes, Gerardo excepto, conjecti, cui nobilitatis fortè intuitu parcitum: sed datur materno avunculo Protestanti pervertendus; id unum ab eo impetrare conantibus hæreticis, ut vel semel in templo illorum videndum se sisteret. Exhaustis in irritum avunculi conatibus, suas pariter frustra in eo periclitatus est fraudes Londinensis pseudo-Episcopus Elmerus, ac demum Regina Elisabethæ Consiliarij: à quibus carcere Equitis Martialis clausus, & ad tribunal bis productus, Catholicam veritatem eâ defendit generositate, ut multam indè retulerit 800. aureorum, ad perpetuos insuper carceres damnatus. Potentium tamen amicorum intercessione post annum tolerati carceris liber pronunciatus est, dato, si quando revocaretur ad tribunal, qui eum repræsenteret, vade. Hunc ille nactus est uti genere Nobilem, ita Catholicæ Fidei ardore ferventem; qui, quidquid tandem se futurum esset, fugam ei ab Anglia permisit.

Romam ergo contendit cum Guilielmo Holto, futuro Seminarij Anglici Rectore, cujus & Personij consilio (ut tantò magis deinceps in Anglia lateret) intermisso in publicum Societatis ineundæ conatu, ad Sacerdotium celerrimè, propter adversum valetudini cœlum, suscipiendum se disponit, auditis solum quæ de moribus & fidei controversijs in Theologia traduntur quæstionibus. Ut tamen interim Societati se probaret per ea, qui-

bus Tyrones exercerentur experimenta, serviebat per intervalla in culina Anglorum Seminarij, Xenodochia invisebat, & humiliora reliqua obibat. Sacerdotio suscepto, destinatus continuè in Angliam cum Patre Eduardo Oldcorno, ipso profectiois die (qui erat assumptæ in cœlos DEIPARÆ A. 1588.) coopertus legitimè est in Societatem à Generali Claudio Aquaviva; discedensque ab urbe, Basileæ Sacerdoti apostatæ persvasit, ut omisâ pellice ad Ecclesiam se reciperet; cujus deprecationis veniæ ad Episcopum literas secum ipse tulit. Augium delati crebris terrentur nuncijs, totam metu Classis Hispanicæ custodijs vallari Angliam, nec solum portus, urbes & pagos singulos, sed deserta etiam & avia illis sepiri: & quisquis accederet vel Anglus, vel externus (nisi aliunde sat notus) teneri ut suspectum de fide & prodicione. Magnâ nihilo secius animi exelsitate in DEUM erecti condicunt cum Navarcho viro bono & fido, qui se illos spondit securè transvectos expositurum ubicunque vellent; nec minùs fideliter præstitit. Nam post tridui navigationem in partes Angliæ boreales, utpote quò magis Londino dissitas, hoc minùs custoditas & solitarias, steterè in anchoris è regione deserti littoris ad quartam noctis horam, in quod demum per tenebras surdo remigio scaphâ se ejecerunt. Erat nox cœca, pluvia, frigida, ut solent in illo aquilonari gradu Octobri exeunte: ipsi verò quàm tenebris securè tecti, tam incerti quò cum luce verterent hærebant: ubi præsertim nascente die in Regionis interiora per calles fortuitos progredi cœperunt, & infelicitè adlatrantibus ad eorum strepitum villarum canibus, viciniam omnem in se excitari, séque in certam captivitatem prodi viderunt. Quare proximam nacti silvam in ejus densiora se induunt, & illic madidi, rigentes, taciti sustinent, quoad die jam claro Londinum versùs profisciscantur: & nè unà eodem calle progressi uterque intercipientur, tenue viaticum inter se partiti, sorte viam deligunt, quam alteruter prior nemore egressus ineat. Quæ cum in Oldcornum prior cecidisset, ille viam repentinò consilio ad mare relegens, navique Londinum petente receptus, superatis gravissimis periculis feliciter tamen Londinum tenuit, ut in ejus gestis retulimus: *in Societate JESU ad sanguinem usque militante.*

Impeditiores habuit Londinum accessus Gerardius, ut qui terrâ veniret luce palam & in omnium oculis, nisi DEUS peculiari consilio adstutisset. Progressus siquidè è silvæ illius



illius penetralibus aucupem simulare decrevit, amissum accipitrem quæritantem, ideòq; transversis datâ operâ campis inerrare (vitan-  
dis reipsa excubijs & obvijs quæstoribus) cœ-  
pit, circumspicere, figere oculos in arborum  
procera & maximè densa, subsistens, retro-  
cedens, quærenti similis, & quærendo fessus,  
de inveniendò quod quærebat desperanti. In-  
ter quæ si ex adverso procul rusticorum tur-  
bam vidisset, modò illos à se adverti dissimu-  
labat, modò longè adhuc dissitos inclamans:  
*ejus vos, rogabat, numquid fortè hæc circum-*  
*vobis accipiter comparuit, argenteo ad pedem*  
*circulo, nigricante plumâ, partitis hoc & illo*  
*colore alarum extremis?* pergebatque illis a-  
vem describere, ut erat aucupij à puero mirè  
experiens, ita scitè & exactè; ut aucupem a-  
missâ volucre dolentem nemo dubitaret:  
quin jacturam dolentes requirentis laborem  
ultra juvarent, & cum eo sparsis sublimè o-  
culis, in arborum obvijs cacuminibus falconem  
frustra indagarent. Ipse viros simplices  
præteriens iter sequebatur sparsim oberrans,  
missisq; subinde in sepes lapidibus, notòq;  
in auras clamore ac vocibus, suum quem nun-  
quam perdiderat falconem ad reditum solli-  
citabat. Milliaria octo per vagos, sed spon-  
taneos errores ita confecerat, cum maris nau-  
seâ fractus & fame triduanâ, quam illa aucu-  
pij ficta sed laboriosa simulatio acuebat, in di-  
versorium secedit, narransque de falconis  
perditi frustranea conquisitione cibo reficitur.  
Jumento deinde vili cœmpto in oppi-  
dum postridiè venit Nordovico vicinum, ubi  
à custodijs rogatus quis? unde? quâ causâ?  
suam illam de amisso falcone repetens fabu-  
lam haudquaquam satisfecit, ductusque pro-  
pterea ut gubernatori de se responderet, in-  
venit illum cum suis in templo Calvinistico,  
ingressumque ad illum ingeniosè excusavit.  
Prodiens itaque gubernator, parumque illius  
respondis acquiescens, ad Conservatorem  
pacis rejecit; *quod erat perinde*, ait ipsemet in  
suis narratis, *ac eum carceri mancipare, &*  
*consecuturis equulei quæstionibus; deprehen-*  
*dendâ certò falconis strophâ, & Sacerdotis au-*  
*cupe personati.* In hoc articulo extra opis  
humanæ remedium constituto succurrit mo-  
mento Divina bonitas, fecitque illum dicendi  
lepore & agendi, Gubernatori subito gratio-  
sissimum, sic ut eum attentè contuens: *fers,*  
*diceret, quisquis es fronte tam ingenuâ, literas*  
*tuas commendatitias! nec te aliter apud me*  
*committam haberi, quàm deceat nobilem & vi-*  
*rum præclarum.* Fecitque ei amplam quocun-  
que vellet, Londinum etiam discendendi pote-

statem. Huc dum proficiscitur, in hominem  
incidit equitem mirè benevolum & comem,  
sibi que tunc necessarium, captivandus omni-  
no ante urbem, nisi eum in suburbanum ho-  
spitium sodalis secum adduxisset. Superve-  
nit eodem mox Londino senex vultu gravi &  
modesto, de quo inquirens Gerardus, Catho-  
licum esse insignem intellexit, tolerato haud  
pridem pro Christo carcere nobilitatum. Se-  
ductum itaque secretè de consilio & auxilio  
interpellat; & ab eo fidenter Londinium indu-  
ctus, viro nobili Catholico offertur: hospite-  
m hic opatissimum nobili induit schema-  
te & equo phalerato sublimem in pulchro  
sejorum comitatu transmittit ad P. Garnet-  
tum, Anglicæ Missionis Societatis Superio-  
rem. Quantum ibi utrimque fuerit inexpli-  
cablis gaudij, salutationum, gratiarum, res  
ipsa loquitur, recepto contra spem Gerardo,  
quen dies jam multi frustra expectatum per-  
svaserant ab exploratoribus alicubi interce-  
ptum, dudum siquidem illum Oldcornus ad-  
ventu suo ad Garnettum præverterat.

Imminebant tum penitus festa Natalis  
Domini, cui cum Catholicis ritè celebrandò  
funduntur Patres singuli in diversa: Gerardo  
assignatus est idem Nobilis, qui primus ejus  
fuerat hospes, cujus ab lare in viciniam latè  
excurrent, uberem animarum messiem legere  
cœpit, continuatam deinde annos 18. per  
partem Angliæ maximam, perpeffionibus,  
conversionibus ad DEUM, ferendo agendò-  
que opulentissimos, quibus Catholicæ Fidei  
alios reddidit, alios ad perfectam Christiani  
hominis vitam extulit, alios ad diversas Reli-  
gionum familias, & longam carcerum tole-  
rantiam impulit, nonnullos etiam ad marty-  
rij apicem. Atque his ille paulò post Reginæ  
ejusque consiliarijs quàm notus, tam invisus,  
ludi erat instar continui, eratque jucundum  
cernere quàm vaftris & malitiosis captaretur  
artibus, quàmque vice versâ jucundis & in-  
opinatis modis DEUS in ejus tutelam illas eli-  
deret. Locum semel domesticus prodiit  
Londinensi Prætori monstraverat, in quem  
horâ post noctem mediam alterâ multis Ca-  
tholicorum Gerardus condixerat: sed eundi  
copiam præter morem, nullâ aliâ causâ, quàm  
animi potenter reluctantis instinctu Garnet-  
tus negavit. Eâdem nocte capitur domus à  
Prætoris satellitio, comprehensi Catholici  
quatuor, in quibus Fulwoodus Gerardi famu-  
lus mox ergastulo tam arcto sepultus, vix ut  
hominem caperet, ubi manipulum vetusti  
straminis in lectum invenit, animalculis tot  
fœdis formicantem, ut quò se ab ijs defende-  
ret,



ret, cogeretur contracto in glomum corpore inobstructæ fenestræ cavo dormire, idque menses non paucos, diu noctûque vestitus & ocreatus, tam dirâ insuper ex putridis pridem excrementis præfocatus mephiti, ut strangulâri sibi perpetuò interclusis faucibus videretur. Tortus est postea crudeliter eqvuleo cum socijs, sed nè verbum quidem exprimi de Gerardo potuit, tanta fuit fides & magnanimitas hominibus licèt vilibus, & humili loco natis.

Verùm quàm fidus Gerardo Fulwoodus, tam prodicione infidelis fuit servus alius, familiæ quondam certi Nobilis, Gerardi hospitis adscriptus, tum verò sui juris factus. Erat is professione hæreticus, sed Nobilis domi ex antiquis obsequijs familiari confidentiâ asvetus, nihil eorum quæ domi fierent ignorat: sangvinolentum interim animum sedulitate in Nobilem patronum & amore prætexens tam tenero, ut lamentaretur palàm pericula & mala, quæ ipse machinabatur in eum dâm, & fidelissimi obsequij specie expiscaretur ex eo omnia, quæcunque ad Gerardum attinebant, deferretque sinè mora Londinum ad Capitalium Judices. Verùm Gerardus nunquam se illi videndum præbuit in schemate Sacerdotali, qualem tamen furcifer facillè suspicabatur ex reverentia, quâ eum Nobilis cum sua domo prosequabatur singulari. Igitur nummos tercentum pactus cum delegato capitalium Youngo, spondet die certo ex domo Nobilis suburbana Gerardum à se Londini sistendum. Mittuntur horâ à proditore designatâ satellites, sed præter Nobilem domi neminem reperiunt, quem in lectione Hieronymi Plati *de bono statû Religiosi* deprehensum, in carcerem abripiunt, famulum tamen ad obsequia unum indulgent, nempe illummet à quo proditus fuerat, eâ fidelitatis simulatione Nobili se commendare pergentem, ut eo internuncio literas omnes ad Conjugem mitteret in palatium suburbanum, consuetum Patris hospitium. Sacra agebatur Christi patientis hebdomada, & Gerardus Divina officia peragens à proditore ibi adesse notatus est: jubet itaque feriâ 2. Paschæ mitti satellites, à quibus parùm absuit quin ad ipsum altare prehenderetur, nisi solerti industriâ Materfamilias præcavisset. Armatis enim, latrones illos & prædatores à se credi simulans, portas ocludi robustis vestibus imperat, & aditu arceri, donec nudato altari Pater securâ latebrâ conderetur: tum demum velut primum agnitos à Magistratu ablegatos admittit. Occurrit magnâ vi irrumpentibus, qui

tum præfens aderat cum servis proditor, & audaciùs reliquis increpat: vim queritur atque injuriam domui illatam, vociferatur, minatur, tam veraci & fido similis, ut ipsam quoque cum domesticis falleret dominam. Duplicem habebat domus latebram, unam subterraneo in plano satîs amplam, vino semper & pane instructam, nè quem famis diuturnæ adigeret rabies ultro foras prodire: alteram, ut tutiorem, sic angustio rem & valde incommodam, multoque in famem subsidio munitam, cujus aditus latebat sub eleganter ornatò cubiculi camino, sub quo erat in illam intra solidum murum cavatam descensus, lignorum autem strues supra focum semper velut ad accendendum parata, nè quid subtus latere suspicari quis posset. Hanc Pater invitus subiit, majorem alteram præoptans, nisi palatij Domina obstitisset, Divino utrumque consilio, quo utrique vita servata est. Recensitis domesticis omnibus ubi Gerardus non comparuit, totâ domo illum improbo labore integrum triduum scrutantur, muros perfringunt, lateres pavimentis effodiunt, labore ubique inutili. Die igitur jam tertio Londinum redituri, captivam secum Dominam abducunt in carcerem: priùs illa quàm abiret, scelestum proditorem se vocat, quo fidelio rem ex suis credebatur neminem, indicatque latere Patrem ad conclavis lacunar, cujus parietes rasum vestiret sericum, curam ipsius gerat majorem quàm suimet Dominæ ipsius commendat, ratâque se perspicuè percipi, captiva discessit. Aliquantum viæ confecerant, cum anhelus faret, quem cum excubitoribus alijs domi reliquerant, adest à proditore submissus, regrederentur læti, comperitas sibi jam esse Gerardi latebras: reductos in designatum ab hera scelesto cubiculum rectâ inducit, latebram tamen indicare nescivit, cum ignoraret illius aditum sub camino latere. Dilatâ in diem sequentem acri & ultimâ vestigatione, qui in cubiculo agebant excubias ignem foco subjiciunt, fabulanturque mira de Gerardo, quæ omnia distinctè ipse percipiebat, quarto jam die famelicus, at deliberatus centies potius illic mori, quàm suis per quadriennium hospitibus, sui apud illos deprehensione, ultimi supplicij causa esse. At ecce paulò post camini in pavimento lateres vel malè commissi, vel igne hiantes, rimas agunt, carbonēs pene in caput Gerardi decidunt, & militum unus causam vitij scrutatus, cum lateres tabulâ sustineri deprehendisset, socios monet posse ibi aliquid latere. Sed commissâ est postero diei inquisitio exactior, quàm

nisi



nisi DEUS incogitantia illorum discussisset, actum erat de Patre totaque familia. Nam Divino planè miraculo factum, à manè ad usque vesperam cuncta scrupulosissimè explorantibus, ut suspicio illa & cogitatio de camino nunquam redierit, quod continuis eà nocte precibus à DEO Gerardus petierat, nè hospitibus suis damno esset. Vis fabrorum tota in inferioris conclavis lacunar incubuit, cuius in parietis solidi cavo Pater latebat, pulsando circa illum, frangendo, vertendo universa. Major illis tandem paruit latebra, in quam Pater optarat descendere, læto clamore triumphantibus feram se in cubili suo cœpisse: sed cum vacuum cernerent, stultum putarunt ulterius quærere, quem vacuum latibulum effugisse monstraret. Nec fabri unus monitum, parietem camini sub quo Pater latebat tentare volentis, attenderunt, cum dicentem Gerardus audiret, posse illicitissimum condi latibulum: veritus enim est à delegatis tam elegans camini opus labore damnoque inutili perdere. Quare desperato negotio sub occasum solis in urbem redeunt, relictâ in palatio Dominâ, quod nihil invenissent ejus innocentiae opponendum: quæ ab ipsorum discessu firmatis ante omnia securè portis palatij, suum Lazarum è sepulchro quadriduanum tandem evocat. Erant uterque tam sui dissimiles, ut nisi ex voce & habitu non agnoscerentur: & ipse quidem coactâ omnis cibi porûsque, illâ verò spontaneâ quadridui fame, ut experiretur in se, quamdiu posset cibo quis citra mortem carere: quam ubi sensisset defectu virium instantem, Patris latibulum erat ipsa ultro manifestatura, nè illum tacendo occideret. Emergo è latebris Patri vaserimus proditor occurfare cum primis, gestire gaudio, gratulari; nec tamen posse iterum scrutatores revocare, quod mittendo careret nuncio, & Pater discessum festinaret.

Non multò post condictâ Londini domo alterâ Gerardus, ultroneum nactus est hunc ipsum proditorem servum & internuncium, quò ad commercium literarum cum veteribus amicis uti cœpit. Dum pereundem præstolatur responsa, post noctem mediam irrumpunt satellites, fores validis ictibus & ferali clamore quatunt; primo somno excitus Pater, qui sub mediam noctem advenerat, suspicatusque quod res erat, gratijs DEO actis quòd in conductâ domo caperetur, ubi nemini damno futurus esset, Nicolaum Odoënum personatum suum servum, alias Societatis Coadjutorem, & pro fide in Anglia

martyrem, jubet literarum à plurimis Catholicis fascem intra foci cineres condere, moxque se lectulo reddere. Vix decubuerat, cum implet cubiculum satellitum turba, ambos comprehendit, & in Computorij arctum subtegulaneum ergastulum detrudit, tam pestilentis & acutæ graveolentiæ, quantam poterat expirare cloaca, in quam totius carceris sordes omnes confluebant. Crassas tamen prius Gerardo compedes ex ferro inducunt, quas osculo salutas amanter complexus est; sistuntque tribunali, in quo sponte confessus est Sacerdotem se è JESU Societate esse, misum in Angliam ut homines ad agnitionem & amorem DEI veræque fidei induceret: ideoque in id toto adnifu incumbentem, conatum fuisse insuper omnibus persuadere obedientiam Divinis & humanis legibus; neque ullatenus rebus publicis & statûs se implicuisse, nisi in quantum omnibus observantiam in Reginam inculcavit. Quarto incarcerationis die iterum pro tribunali stans duorum tantum Cognitorum, Youngi & Topcliffi, cum de Catholicis & hospitibus suis rogaretur, negavit se unquam dicturum, quæ sine DEI, conscientiæ, & fraternæ charitatis offensa prodi non possent. Hic verò Topcliffus correpto ense, assimilatoque in carnificem vultu: *nosstine me?* inquit, & *de Topcliffio aliquid audisti?* cui Gerardus imperterriti si quis alius pectoris, territari se videns à crudeli senne: *neque os tuum, reponit, efferatum, nec ensis tuus, nec quidquam usquam est aut esse potest Topclifforum, efficiet ut dicam, quod nolo; quia nec debeo, nec fas existimo.* Indè quasi-tis Youngi modestè observantèrque satisfaciens, priori duriter deinceps & contemptim respondit: & poscenti responsum quoddam manu Patris scripto reddi; illud conscripsit manu ita deformatâ, ut ex ea familiaris suus character agnosci non posset: delusitque eâ ratione veteratoris artem, qui ex characteris similitudine volebat contra illum evincere, ipsius epistolas aliquot esse autographas. Quo Topcliffus se lusum pariter & deprehensum cernens excanduit, & rabiosè: *faxo, inquit, faxo meas in manus incidas! illic cum te tuis suspendero manibus, otiosè spectabo, num te tuus JESUS mihi eripiat! Facies hoc solum, refert Pater, nihil præterea, quod DEI concessu poteris, nec tam futurus sum in tua potestate, quàm in ejus tutela.* Inter hæc cum quædam ab eo dicta objicerentur, quæ extra proditorem illum, hætenus existimatum fidum, nemo ex eo audierat, nemo referre poterat, & præterea idem adhiberetur testis ve-

stium



stium Gerardi apud Nobilem herum suum relictarum : intellectum tandem est quo proditore tragœdia hæc tota ageretur.

Reducto in carcerem mandat Topcliffus indui gravissimas compedes, quibus servo DEI adstringendis illacrymabatur ipse curator carceris, dolens se tam inhumano ministerio adhiberi: demum trimestri expleto ejus carceris, equuleo tortus est Fulwoodus ejus famulus, & Nicolaus Odoenus socius, si quid ab ijs in Gerardum exprimi posset. Sed cum extorqueretur nihil, quo causa ejus fuscari posset, translatus est in liberiores Clinki custodiam refertam Catholicis, quos industria suâ ad omnem pietatem excoluit; ut fieretur plus in ea ad animarum profectum contulisse, quàm si liber Provinciam peragrasset. Et tenebatur ille quidem solitario carcere, muro duntaxat ab Odoeno sejunctus: conciliato nihilominus multâ benevolentia custode, suo arbitratu cum illo agebant Catholici captivi omnes, concessâ postmodum plenâ conveniendi invicem velut in communi contubernio potestate: eam insuper libertatem à Carcerario liberali mercede pacti, ut nunquam suo interventu, nisi vocaretur, turbaret eorum colloquia, quod ut sponderat, religiosè præstitit. Hâc igitur usi opportunitate coibant omnes in carcerem superiorem pro Sacello; illic Missæ sacrificij, Confessionum & Communionum, Exhortationum, quin & tradendorum S. IGNATII Exercitiorum munia obibantur; eo successus proventu, ut ex ijs postliminiò carcere dimissis multi facti sint quâ Religiosi quâ Sacerdotes, & decem ab hæresi revocati, quorum duo Societatem deinde; quatuor alij alias religiones complexi sunt, duo autem fidem Catholicam sanguine etiam fuso tutati. Addendi his veniunt magno numero adolescentes & pueri, quos literis & directione suâ in Belgium, Hispaniam, & Romam ad Seminaria transmisit: item qui regrediebantur in Angliam Sacerdotes & Religiosi diversi, quibus omnibus de victu, de lecto, hospite, de occupationibus & latebris providebat, in conductis ædibus eleemosynis alebat. Adibatur enim liberè & securè indulgentiâ Custodis, dummodo vel mediocrem cautelam adhiberent, à Catholicis omnibus, Londinum & vicinas Urbes incolentibus, sive confessionis aut consilij, sive directionis ad perfectionem gratiâ: ut captivitatem suam tot fructuum uberem Gerardus sibi gratularetur, neque libertate etiam oblatâ redempturus esset, nemine conatus ejus turbante; Topcliffio jussu Regina carceri mancipato, Youngo miserrimâ morte sublato.

Hos tam uberes, fortunante cœlo, Patris labores, quibus custodia in Domum religiosam vel Templum transisse videbatur, turbaturus dæmon, Sacerdotem perfidum & sacrilegum excitavit ejusdem carceris Clinkij incolam; quem miserum, egentem, victu, hospitio, latebris, foris & in carcere Pater juvaret, & matris etiam ac fratris ipsius conversione ad meliora provocâret. Huic nihilominus invidia rabida Gerardum fecit capitaliter invisum, quod suâ virtute Catholicorum in se tantam benevolentiam, studia, & venerationem converteret: quem si Clinkio expelleret, sperabat subiturum se ipsius loco: sin autem; Judices saltèm delatione ipsius habiturum beneficos & obstrictos. Monet itaque illos, Gerardum, se cernente, accepisse, ex Belgio & Româ literas, earum aliquot ad Garnettum misisse, consilia cum illo, literas & nuncios miscere, quod omnibus libera ejus adeundi copia fieret. Mittuntur repenti tres fori ministri, qui omnia carceris Gerardi scrutentur; sed cum nihil, etiam vestes ejus intimas excutientes reperirent, præter asperum ad nudam carnem cilicium, in turrim Londinensem traducunt, dolentibus ejus discessum captivis omnibus, etiam hæreticis, ipsoque custode incomparabili dolore desente. Ibi antro omnium infimo includitur, quod manè sequenti evigilans, ex inscripto ad parietem nomine, agnovit idem esse, in quo P. Henricus Walpolus quaterdecies immaniter tortus fuerat. Tercio die ad examen accitur quinque Judicum, in quibus eminebant Guilielmus Wadeus & Bartleyus: in quo, & in sequente equulei tortura quid gestum sit, placet ipsius verbis ex fusa omniû narratione referre. De rebus statûs publici rogatus: *captum me, respondit, tenetis jam triennium, prodeat si quis est, qui possit mihi affingere, dictum aliquid à me vel scriptum, quod non unice pertineat ad salutem & conversionem animarum: hoc me unum in Angliam revexit & tenet negotium; præter hoc aliud nec habent, nec conscientia integrâ habere possunt homines de Societate.* Atqui, intulit unus ex Cognitoribus: *ista literarum tam crebra communicatio cum Garnetto Regni & Regina inimicissimo, conjecturam præbet novarum rerum, & collata cum eo proditore conjurationis, ut purgari non valeat nisi denunciatis ejus latebris.* Ego, retulit Gerardus, *tam longè à vero hac de Garnetto esse certò scio, ut possim juratus affirmare, nullam ejus in venis stillam sanguinis esse, quam non sit paratus pro Regina & Regno fundere. Ceterum ubi sit nec scio, neque si sciam vobis proditurus sum,*



sum, quia saluâ conscientia non possum. Torquendus itaque es, inquiunt, quoad vel anima à corpore, vel quæ sita ab ore exprimantur. Quibus ille, nolle se omnino dicere, reposuit, quo DEUS offenderetur: cæterum nunquam se in eorum manibus ita fore, quin foret magis in DEI tutela. Sub hac sequor, scribit ipse, præcuntes ad horrendam specum, reis torquendis destinata: & ibant velut supplicabundi, portantibus funalia famulis, & prælucentibus ad subterraneum ingressum vario instructum cruciatuum apparatu, quorum singulis essem admo- vendus: quærebantque iterum, num vellem denique imperitis parere? negavi me posse, flexis- que genibus paulisper oravi.

Producor indè ad alteram ex duabus ligneis columnis, cujus summa ex parte porrigebant se quedam ex ferro instrumenta uncinis instructa, & annulis ponderi sustinendo aptis: mihi arteria manûs divisim utriusque, circulo ferreo includitur, jubeorque duos vel tres gradus conscendere, & sursum brachia tollere, quorum seorsim ad singula insertus utrimque per manicas baculus, seorsim item per columnæ annulos transmittitur, fulcra demum quibus institeram subducuntur, & corporis totâ mole de manibus pendeo. DEUM aliquamdiu precat- us, interpellor; vellème tandem quæ posceban- tur dicere? nolo, inquam, quia nefas scio; erat- que jam tanta doloris acerbitas, ut illa verba- ægrè proferre potuerim. Vexabat autem po- tissimum tormenti acerbitas pectus, ventrem, brachia & manus, in quas mihi videbar quid- quid in corpore sanguinis mittere, & extremis expressum digitis fundere, quod tamen non fie- bat; sed intumescere tam enormiter, ut manicas ferreas tumore sepelirent, eoque accrevit dolo- r, ut animo linquerer, nec putarem posse diu- tius perferri. Illa tamen refovebat cogitatio, quod optâsem pro Christo millies mortem oppe- tere; quo desiderio moriendi recreatus est non mediocriter spiritus, visique dolores minui. Ju- dices meo abacti silentio carnificibus me servan- dum committunt, adjuncto mei carceris custo- de, qui fronte sudorem detergebat, quo totus continuo madebam. Post horam correptus de- liquio, sed brevî, nam pondus corporis tantisper statim brachijs erexere, quoad animum recepif- sem: atque hic denuo dum me advertunt resti- tutum, denuoque orantem, iterum me tormen- to admovent, quod factum est horarum quinque spatio novies. Redit tandem Wadeus, & vi- des, inquit, tuoque experiris damno, Regina parendum esse! dic ergo sis vel nunc, quod tibi fuerat conducibilis antea dixisse. Ego, urge- tis, inquam, idem quod antea, quod lege Divi-

Societas Europæa.

nâ obligor ut taceam: proin idem vobis quod antea respondeo. Ergo, inquit discedens & fre- mens, pendens putresce, dum membra tibi fru- statim defluant. Paulo post ejus discessum ex tormento depositus, in pedes nequivi consistere: reportatus igitur in meum carcerem, obvios non- nullos, quos sinebat custodia libera toto castro vagari, altâ voce alloquor, miror, inquam, majorem in modum adigi me ad prodendas Garnetti latebras, cum nefas sit cuiusvis prodere innocentem: hoc verò non faciam, etsi me sci- rem propterea millies moriturum. Hæc palam ut dicerem duplex me ratio adegit: ut falsi ar- guerem mendacissimos Judices; qui, cum præ- fuissent Sacerdotibus torquendis, jactabant, ab ijs hospites, conscios, amicos fuisse vulgatos: altera, ut resciret per aliquem eorum Garnettus, vigili sibi oculo undequaque attendendum, cum nihil aequè hostes averent, quàm ut ungues in- eum injicerent.

Adest postridie qui me Wadeo sistat; inter- roganti eadem quæ prius, cum & ego eadem- respondi: hunc ergo, ait ad adstantem, bis hodie torqueas, bisque singulis deinceps diebus, dum pertinacia dometur. Referor hinc ad he- sternam torturam, sed non potuere manibus in- dui circuli ferrei nisi intra sulcos, quos grandes pridie impresserant: suspenso dolor quàm prius atrocior vexabat manus & brachia, sed mitior pectus & ventrem; quare mente & ore precan- do absque deliquio duravi aliquamdiu, sed re- pentè supervenit tantum, ut sensibus non possem restitui. De me solum hoc scio, ut oculis uti cæpi, video me in trunco sedere, Bartlegum Equitem turris præfectum, multosque alios ad- stare, fovere, refixis ferro maxillis liquorem- instillare. Exprobranti mihi silentium, respon- di, malle me millies emori, quàm hominum gratiâ DEUM offendere. Miserari me visus admonuit tamen, nondum tempus fluxisse tortu- re destinatum; ergo, inquam, eamus: cona- tusque frustra in pedes assurgere, alienis mani- bus ad meam columnam accessi, & hos mihi a- nimos suggeri in Societatis gratiam agnovi. Al- ligatus ut prius summum quidem probavi corpo- ris dolorem, sed magnam animi voluptatem, profectam ut reor ex desiderio moriendi, & Christo fruendi. Mibi quidem certò videbar moriturus, sed me nondum horâ integrâ pen- dentem Bartlegus demitti mandavit, auditus paulo post dicere, abhorrere se ab innocentibus tam dirè carnificandis: trimestri verò post, tur- ris præfecturâ se ultro abdicavit. Meus quo- que custos cum me lacrymosus carceri redderet, narravit; uxorem, ex quo primum columnæ ap- plicitus fueram, nunquam à fletu & precibus ces- sasse,

2999



*sâsse, etsi me antea vidisset nunquam. Protulit is pauxillum aliquid quo refocillarer, sed e-mortuis ad omnem usum manibus cogeatur illud terere in minutal, orique indere. Reviviscentibus deinde sensim digitis, post menses tres sensus manibus redijt, sed æger & stupidus; nec nisi post menses indè sex, cum me turri subduxi, manus ad officium integre redière.*

Restitutus suo carceri Gerardus ad novos se parabat cruciatus perpetuo cilicij usu, quotidianâ flagellatione, & uno continuo in totum annum jejunio; Exercitijs etiam S. IGNATII integri mensis animo sanctissimè exculto: sed Regij, desperantes quidquam tormentis ab eo exprimere, malebant ad Tiburnum in paribulo potiùs, quam in equuleo illum mori. Erâtque id ità certò Judicibus constitutum, ut paucis post diebus Fisci advocatus illum fuerit ultimò examinaturus, aliique cetera præmissuri, quæ solent ex praxi fori Anglici postremæ sententiæ præverti, nisi præter spem nihil tale cogitanti, obtulisset se occasio fugæ. Ex adverso ejus turris quâ Gerardus tenebatur, stabat altera turris horto interjecto, non longè à muro & flumine quibus Castrum Londinense vallatur, in qua decimum jam annum claudebatur Nobilis Ardenus Catholicæ Fidei reus, morti pridem adjudicatus. Emerat is à custode carcerum sibi & Gerardo copiam in tecti plumbei suæ cujusvis turris plana conscendendi, liberioris gratiâ auræ captandæ, ubi nutibus invicem salutabant, & signis mutuis colloquebantur, Ardeno mox ut Pater comparuisset genua flectente, & modò sibi benedici, modò à peccatis per nutus explicatis absolvi postulante. Solebat eateus Pater fallendæ pietati quotidie ex memoria recitare totam Missæ formam, & spiritualiter Christi Corpore refici; cùm festo S. IGNATII cogitatio illi incidit, possem Divinam ex vero in Ardeni carcere abs se fieri, si ab ejus conjuge sacer illuc apparatus clam inferretur, cui pridem licebat bis quothebdomadis maritum adire, & lineam supellectilem aliâque necessaria in canistro afferre. Cogitatione hâc suâ per sufficientes nutus Ardeno indicatâ, postquam necessaria omnia ad sacrificandum adesse Gerardo constitit, noctis unius & diei gratiam morandi cum Ardeno in ejus turri à Custode nummo aureo mercatur, & nocte totâ in præparatione animi ad tantum mysterium ab utroque insumptâ, rem Divinam peragit, consecratis simul 22. particulis quas secum referret, & consequentibus diebus ad corroborandum in mortem animum fumeret. Hic dum piè inter se de re-

bus Divinis postmodum fabulantur, advertunt turrim à muro & fluvio tam parum distare, ut non videretur fuga insuperabilis per funem, è turri super murum & fossam in ripam fluvij protensum. Consilio cum Garretto per literas communicato, condicatur fugæ nox & hora certa, quam ut agere denuo Patri cum Ardeno liceret, auri pretio custos expugnatur. Post dimidiam noctem adfuturi erant in scapha tres viri fidissimi, quasi piscationi intenti, linteis candidis ad pectus, quo internoscerentur, præcincti, rudentem fortissimum apportantes, cujus extremum unum captivi demisso ex turri filo ad se attraherent, dum altero rudentis extremo nautæ ad truncum arboris in ripa firmiter adstricto, fossam & murum velut ponte junxissent: per quem tandem modo quo possent, DEO se commendantes, suis se brachijs demitterent. Jamque surdo remigio scapha ad turrim propinquabat, cùm eâ observatâ vir quidam è vicinia, altâ voce eos interpellare cœpit, ex quo deprehendi suos conatus metuentes, nocte illâ nihil tentandum putârunt. Dum verò prono Tamesi redeunt, pleno maris in eum refluxu abrepti, inque trabes ponti substratas impacti perierant, nisi Deum & homines in opem vocantibus navis, periculo par, accurrisset, & projectis è ponte funibus emerisi constitissent, amisso rudente & scaphâ vix extracti, uti fusiùs in Societate militante de gestis Nicolai Odoëni retulimus.

Gerardus, qui cum Ardeno luctantes cum mari & morte spectaverat, clamorésque audierat, suo se manè carceri abdedit, omni aleæ denuo tentandæ cogitatione positâ. Sed jubetur missis literis, nocte sequente horâ eâdem adesse cum Ardeno, & redituros nautas opperiri. Extortâ ægrè duplâ Custodis mercede apud Ardenum pernoctandi veniâ, adest horâ statutâ cymbula, nocte post 4. Octob: proximâ Anno 1597. ex qua rudentis extremum demisso filo captivi ad se attrahunt, & ad æneum prostrans è turri tormentum bellicum multis nodis & vinculis adstringunt, cujus caput alterum vicissim vectores trunco arboris ingenti in ripa colligant, & vehementissimè intendunt. Primus delabitur feliciter Ardenus, prærogativam hanc ei deferente, Gerardo, qui malebat amicum hospitem, quàm se præstare securum. Gerardus præcedentis onere laxato funi se committens, accitâ in auxilium DEI Matre, & ejus carceris duobus antea incolis Sacerdotibus nostris, Southuello & Walpolo, aliquantulum confecit viæ sub murum usque Castrî; mox in-

supi-



supinum everſus ; & quia jam ad aſcenſum contra depreſſum funem connitendum erat, diuturno conatu & nervorum ex tortura deſectu feſſus, pependit è rudente, nec digitum procedere ultra valens, nec dubitabat ſe a quibus præfocandum, cum ruina proxima inſoſſam immineret. Collecto nihilominus omni qui ſupererat ſpiritu, evaſit in murum, ſoſſæ prætenſum, extremis pedibus tangendum ; unde illum, adrepens Joannes Lillius traxit in terram propè exanimem, & cardiaco liquore recreatum cymbæ impoſuit. Poſt ſecto rudente de turri pendulo, in adverſam Tameſis ripam celerrimè evadunt, & equis præparatis ad Garnettum paucis Londino milliariis volant ; quantis utrimque lætitijs excepti, cogitur melius quàm narretur. Sane Catholici noctis illius eventum communi indiçtâ vigiliâ & precibus DEO commendabant, largitate in pauperes, jejunijs, afflictatione ſui, fortunari illum à DEO poſcentes ; & ij quidem ex Urbis nobilitate primaria, in quibus fuit qui hebdomadariū ſibi dum viveret voto, indixit jejunijs diem, ſi recepiſſet Gerardum incolumem. Ipſe quin etiam in carcere Clinkio hæreticus Gerardi cuſtos, operam & vitam ſuam, tanta illi erat Viri innocentia & virtutis exiſtimatio, ei liberando addixit, fuitque ipſemet præter Lillium & Fulwoodum tertius nauta, qui ſcapham propriam negotio commodavit.

Ante digreſſum è turri Gerardus, ternas à ſe conſcriptas reliquit literas, unas ad Senatum Regium ; alteram ad Arcis Præfectum ; ad chariſſimum ſuum cuſtodem tertias : primis ad Senatum explicabat cauſas, cur ſibi eâ fugâ conſulendum exiſtimâſſet, quam arreptam affirmabat Præfecto Arcis & ſuo cuſtode inſcijs, nè qua illis culpa vel pœna adſpergeretur ; alteris ad Præfectum gratijs humillimè actis, excuſabat ſimiliter à culpa inſcium fugæ cuſtodem. Cuſtodi verò in tertijs promittebat, ſi fugâ conſulere ſibi velit ( ſimul autem locum fugæ assignabat ) quoad viveret honeſtam cum uxore ſuſtentionem. Jamque dies illuxerat, cum ex fune ad latus turris dependulo compertum eſt quidpiam ab aliquo eſſe attentatum ; curritur ad cuſtodias, Gerardus & Ardenus non comparent : quæritur cuſtos, at is lectis ad ſe Gerardi literis dum elabendi ſequitur conſilium, incidit in Virum à Gerardo cum equis paratum, & ſalvus in aliam Provinciam ad Nobilem centum Lodino milliariis devectus eſt, 80. aureorum annuâ pecuniâ ad alendum ſe cum conjuge ( quam poſt unius anni lapſum rece-

*Societas Europæa.*

pit ) à Catholicis proviſus, & uterque in Eccleſiæ gremium incredibili ſuo gaudio receptus. Literæ ad Senatum inſcriptæ, in turris teçto repertæ ubi in eodem lectæ ſunt, alij mirabantur eventum, alij laudabant induſtriam : fruſtra quærendum cenſebant omnes, quòd faciliùs eluſurum quærentes arbitrabantur, quàm ſefelliſſet cuſtodientes.

Porro ut obiter hic attingam fructus à Gerardo in turri Londinenſi ex animabus collectos, in ijs primariò memorandus venit Franciſcus Pages, qui paulò antè hortatu Catholicæ Virginis Gerardum in carcere Clinkio inviſens, ab ipſo Eccleſiæ ex hæreſi auctoratus eſt. Sed ubi translato in Arcem loqui ampliùs non licuit, expiſcatus quâ inter alias Caſtri ejus turres clauderetur, obambulabat procul ejus fenestris in ripa Tameſis, arreçto anxie in ejus fenestram oculo : per quam ut primùm proſpectantem advertebat, aperto capite, ac fermè de genibus propè quotidie ſalutabat. Eâ re ſuſpectus Caſtri excubitoribus factus, comprehenditur ; & carceri mancipatus multâ pecuniariâ libertatem redimere cogitur. Quare auctore Gerardo in Belgium & Romam peregrinatus, Societati nomen dedit, & illuſtri morte, in Angliam redux, veritatem Catholicæ Religionis ſanguine ſuo ad Tiburnum aſſeruit. Plures autem, inter quos eminebant duæ matronæ Nobiles, acceſſum ad Patrem ſecretum à cuſtode nummis aliquot mercati, ſalutaribus ejus monitis, & vel ſolo aſpectu ad omnem virtutem & conſtantiam animati, ad pedum ejus oſculum proni adolvebantur, & poſt piam ejus adprecationem multi plerumque recedebant voce omni fletu & lacrymis penitus intercluſâ, quòd deſperarent ſe ipſum deinceps in viſis, niſi ad furcas Tiburnas viſurum.

Gerardus paucis ex fuga diebus apud Henricum Garnettum commoratus, ut pateret non mortis metu, ſed animarum ſtudio & amore profugiſſe. Londinum redijt, ædes ſibi conduxit, & miniſterij ſançti labores repetijt, primùm cauſiſſimè, intempetâ ſe tantùm nocte Catholicos admittens, paulatim verò liberiùs, quòd animadverteret tentum ſe propè ab adverſarijs ſæpius, illorum ſemper è manibus DEI beneficio exiſſe. Tradebat Gerardus aliquot nobilibus adoleſcentibus in domo Illuſtris Catholici Exercitia ſançti IGNATII, cum ecce quinto die flagitioſi ſervi perfidiâ proditus, videt repentè delegatos duos furtivè domum ſubire : ipſe ad omnia caſu tam ſubito imparatus, quod unum poterat, veſtem ſibi talarem detrahit, ſequè ſuo

Q999 2

in



in cubiculo claudit, ad quod erat accessus per antierius conclave, in usum Sacelli omni sacro apparatu ornatum, dabátque hoc ipso certam præsentis Sacerdotis conjecturam. Ergo januam Patris dum pulsant satellites, isque intus silens humerisque januæ obnixus moratur impellentes; matrona prudens clavim si vellent monstraturam illis se obrulit; quibus eam sequentibus, penetrat se raptim Gerardus in cubiculum aliud, ex quo erat in latibulum ignotus aditus. Joannes Lillius, qui jam tum famuli specie constanter ei adhæsit, invitatus unâ in latebram, conditionem charitate prorsus Apostolicâ rejecit, ut ipse esset qui pro Sacerdote caperetur, quem domi adesse omnia prodebant, & Pater liber evaderet, multis adhuc saluti futurus. Igitur clauso intra latibulum Gerardo, in ejus redit cubiculum. Adsunt, clavi nusquam repertâ, satellites, dumque vim parant ad fores emovendas, prodit Lillius magnâ gravitate vultuque composito: interrogatus *quis esset?* gavisus est Gerardum illis de facie notum non esse, responditque ore serio: *sum ille ipse quem cernitis. Sacerdóne?* inquirunt, *vestrum est,* respondet, *videre si sim: an sim, dicere, nihil est ad me.* Conjectis in scripta mensulæ oculis Delegati, advertunt conciones & meditationes illis contineri; ex quibus, & abjecta temerè Gerardi talari tunicâ, certò conficiunt Gerardum hunc esse, prehensumque in domesticorum conspectum producunt, cui omnes ad fabulam firmandam capite aperto assurgunt, ipso caput tectum servante, & pro Gerardo se ad amussim propinante. Mox indè Lillius cum domûs hero & binis famulis in carcerem abripitur, res ejus omnis unâ cum domo fisco addicitur, scripta Patris in fasciculum collecta auferuntur. Abeuntibus cum præda quatuor captorum Delegatis, ad Gerardum latebras curritur, DEO laudes & gratiæ dicuntur, celebratur fides & solertia Lillij: qui postridie ad causam dicendam vocatus, agnitusque non Sacerdos sed Laicus, Lillius non Gerardus, in rabiem pudore efferatos egit Senatores. Ergo Delegatos ad scrutandum, ex integro totâ domo Gerardum remittunt, sed is cum sole iter jam procul ab urbe iniebat.

Reliquum tempus ad obitum usque Elisabethæ in sancta animarum procuracione ita solerter, tantoque fructu exegit Gerardus per diversas Angliæ regiones; ut nemo ipso post Garnettum solertior Operarius, magisque eâ causâ hostibus Fidei exosus haberetur: donec in jura Regni suffecto Jacobo, novis oppressi

malis Catholici, meliorum desperatione; extrema remedia circumspicere, quidam ex ijs nobiliores Duce Catesbio, cœperunt. Initâ conjuratione secretissimâ, à cuniculo subterraneo, quo Regem cum Filijs & primis Regni Capitibus cum toto Parlamento in auras ejicere conspiraverant, Pulverariâ indè appellatâ (de qua fusè in Societate militante in gestis Henrici Garnetti egimus) in ipso molitionis fervore deprehensi, & acerrimè torti, constanter negabant ullum Sacerdotem, minus Jesuitam, in conjurationis partem assumptum fuisse. Sed quia Cæcilius Sarisburiensis Comes apud Regem præcipuus, omni ratione Societatem in invidiam trahere moliebatur, Thomæ Batesio unius ex conjuratis Nobilibus famulo spem veniæ ostentavit, si Patres aliquos conspirationis fuisse participes ediceret; obtinuitque à vili & venali animo, ut tres è Societate, Henricum Garnettum, Joannem Thomsonum, & Oswaldum Greenwayum, ejus conscios pronunciaret. Mox Cæcilius Regi persuasit non jam Batesium solum, sed plerisque conjuratos fateri Gerardum totius conspirationis fabrum & machinatorem fuisse: proditque illico acerbissimum in tres Sacerdotes edictum, quo dicebantur autores totius conjurationis, denunciabantur palam proditores, capturis eos præmia ponebantur, excepturis domicilio vel occultantibus crimen & pœna rebellium. Quærebatur ubique Gerardus tanto furoris ambitu, ut compelleretur ad latendum silvarum, in via captare, tandem humo se condere in fossa profunda, ubi dies novem fame ac frigore (erat enim December) interibat, nisi raptim noctu amicus cibi aliquid suo periculo illi projecisset. Illic innocentiam suam epistolis quatuor defendit tantâ efficaciâ & pondere argumentorum, ut ex ijs Jacobus Rex innocentem, & à crimine absolutum pronuntiârit, & calumniatores cum Cæcilio præter dedecus, propudiosum falsarij nomen, nihil inde retulerint: præcipuè cum in ferale theatrum producti Nobiles conjurati constanter ex ipso patibulo illum cum socijs innocentem, omniumque inconscium, DEO in animas suas teste vocato, asseruerunt: & Batesius ipse spe retinendæ vitæ frustratus, multis lacrymis affectam illis calumniam moriturus revocavit.

His itaque disertissimis innocentiae Gerardii probationibus datum videtur, ut aliquamdiu desierit tam ardens & tumultuosa ejus vestigatio, quæ tamen Cæcilij artibus pro arbitrio Regem & Regnum versantis, gravius mox

recru-



reerudit. Hoc viso Gerardus, & advertens defensionibus innocentiae suae nihil se agere, statuit sponte Regijs Ministris se carcerandum sistere, & exantlare illic severitatem omnem Judicum, in extorquenda sibi, quibusvis tormentis libuisset, vel imputati criminis, vel innocentiae certa veritate: nisi Catholici omnes restitissent, & Garnettus pro potestate Superioris vetuisset. Unum igitur quod restabat remedium circumspiciens, statuit quâ posset ab Anglia se subducere in Belgium, cum nihil ultra spei affulgeret fructum quempiam ex animabus referendi proditæ Majestatis damnato, ideoque omnium oculis & manibus, Catholicorum etiam, ad quos innocentiae illius notitia non perveniret, per quovis Regni angulos scrupulosissime ad necem vestigando. Et jam grandi suo periculo inportum evaserat, unde Hispanus & Belgij Legati solvebant ad reditum: at ij, quidquid antè promissi Patri datum esset, negant illum omnino in navim admissuros, Regis offensio nem reveriti, si, quod erat primum, rescisset postea ab ijs ereptum sibi, quem pro hoste capitali vulgaverat & vitæ insidiatore. Dies erat Maij tertius Anno 1606. Garnetti supplicio dictus, hora 9. diei, quâ idem necabatur; cum repente mutatis in Gerardum animis Legati suis ipsi manibus veste illum exuunt, ab exploratorum indicijs non satis securâ; & aulicorum suorum cultu subornatum in navim inducunt, secumque in Belgium transportant. Quod beneficium per tam repentinam animorum in Legatis mutationem sibi collatum, Garnetti morientis precibus & meritis Gerardus semper gratus adscripsit. Aliud quoque debere se Garnetto fatebatur, Professionem scilicet votorum quatuor excellenti suae virtuti delatam Anno 1609. (cum tamen Adjutorum duntaxat Spiritualium gradus ei deberetur, solâ de moribus Theologiâ biennium exculto) quam is triennio post, eodem Maij die 3. emisit: *quod ut propensius, annotavit ipse, auctore Garnetto gestum putem, eventus utrimque similitudo facit; ut enim illi mors in primam Maij indicta, in tertiam deinde translata est: sic ad Maij primum indicta mihi Professio cum esset, in tertium est dilata.*

Et merebatur profectò hoc à Societate excellentissimæ virtutis testimonium, in quâ parem illi ex Socijs Anglia videtur habuisse neminem, sive in profectu suæ privatim propriæ, sive in cura perfectionis & salutis alienæ. Quocunque is pedem immiserat, ardebant circum extemplò omnia igne Christi, sed absque strepitu qui posset hostium oculos &

manus in Catholicorum perniciem advertere: habebat enim hoc divinitus peculiare, ut conversiones animorum ingentes silentio & solitudine Meditationum tradendarum præstaret. Penetrabat se miris modis in amicitiam Nobilium Protestantium, dissimulatâ Sacerdotis personâ sub Nobilis Catholici schemate, quæritabat subinde de Religione, proferebatque rationes non quasi à se, sed velut auditas à doctis vel lectas: de conscientia aliâ, de anima, & rebus æternis eâ svavitæ, sermocinabatur, ut salubriter icti rogarent plerumque secretò in aurem, Sacerdotem accirer, à quo expiati Ecclesiæ conciliarentur. Tunc verò ipsemet vel Sacerdotem se, vel ubi sensisset opportunum, etiam ex Societate esse aperiebat, offerentibus se illi imposterum in filios & discipulos in divinis ampliùs erudiendos. Quâ in re lepidum quid ei contigit cum Nobilissimo viro Protestante, qui domi jam diu illum habuerat in gratiam uxoris occultè, fratris autem apertè, Catholicorum: præter quos duos, tota familia Gerardum ut Nobilem, elegantem, disertum, peregrinitatis omnis maximè curiosum, & in venatione, aucupatoria magistrum observabat. Tandem Patrefamilias, opportunè ingestis pijs sermonationibus, ad mentem DEUMQUE sensim revocato, rogatus est Gerardus ut Sacerdotem provideret, à quo restitueretur Ecclesiæ. Promisit Pater hunc sub primos noctis somnos adfore, & interim illum accuratè modum ritè confitendi edocuit, & ad legitimam contritionem disposuit. Compositâ jam in somnum totâ familiâ, sistit se illi Gerardus velut jamjam Sacerdotem inducturus, invenitque de genibus orantem; brevi de hinc interjectâ morâ revertitur, sed Societatis indutus vestem, prælucente poenitentis fratre. Primo tunc aspectu minimè agnitus, mox verò ingenti animi voluptate & admiratione, complexu intimo tam piè ardentèque exceptus est, ut post confessionem illam semper imposterum Patris eum loco, fratris & amici habuerit. Fuit autem hoc Gerardo solenne, primò, ut aggredere Patresfamilias, expertus totam post illos familiam vel ad rectam fidem, vel ad cursum virtutis facili negotio subsequi. Quâ primùm in domum apud Nobilem constitit post suum in Angliam ingressum, familiarum capita 20. ad DEUM convertit, primæ omnia Nobilitatis, cum numeroso famulatu: inferioris autem ordinis alias absque numero, & hæc omnia brevissimo tempore.

Londini, & in ipsa Elisabethæ, ac postea  
Q999 3 Jaco-



Jacobi Aula Regia prædas egit lectissimas, quibus hæresim excussurus adoriebatur ferè voluntatem, ejus ut plurimum per vitorum illecebras depravatio inficit errore animum, nec difficulter postea virtutis amore inescatis falsitatem hæresis demonstrabat. Erat inter hos Matrona illustrissima, licet hæretica, anxia tamen inter Catholicum & Calvinum dogma, utrum esset antiquum & verax: quare conscientie studio Pernyus evocat in Academia Cantabrigiensi tunc celeberrimum, solaque semotis arbitris per sanctum DEI nomen, perque supremum judicii diem obtestatur, nè velit se veritatem celare, sed quamnam rot inter Regni sectas verax esset, & securè cum spe salutis æternæ sequenda, indicare. Hic ille tam seriâ constrictus adjuratione, respondit, postulatum id & per se, & ejus tam enixâ obtestatione tantum esse, ut si verum celaret, peccati reus fieret nunquam remittendi: sed secreti fidem vicissim sanctam à se deposci. Hæc accepta: *ut vivas*, inquit, *le- in, & ipsa saltem infestationibus libera, quibus indies crudeliùs Catholicos lacerat Regina, Calvinum vive, ut & illa vivit: quod autem mortem attinet, & consequentem morti animæ salutem, omnino edico, Catholica morere. Nec potest aliter fieri, nec ego alio consilio vivo, & mori intendo.* Sic ille quàm verè, tam stultè; meritis post vitam Calvinum, mortem minimè Catholicam à DEO consequi. Dum enim nocte quâdam se domum refert, edormiturus lautam cœnam, quam cum Eboracensi Archiepiscopo sumpserat, tam repentino improvise mortis confectus est telo, ut nec sui nec DEI moriens meminerit. Infelix ejus discipula scelestum secuta consilium, & in eo à fratre Calvinista pertinacissimo obfirmata, morsu tamen conscientie inquieto dilaniabatur assidue, donec casu quodam in colloquio cum Gerardo incidit, cujus uno alterove sermone in absolutam evasit Catholicam, vixitque constanter talis, qualis Pernyus DEO fatuâ persuasionem illudens voluisset mori. Allectos sic svaviter ad DEUM, consuetum eidem erat fundare ad summam virtutem obsequiis S. IGNATII Exercitijs, unde possent &

*Ex Anglia Bartoli, & Henrici Mori.*

ipsi alijs magistri esse: ex quo fiebat, ut ejus formati ductique pollice, igne eodem arderent, nec solum familias integras, sed totas circum inflammarent vicinias, in direptionem bonorum suorum, in exilia, cruciatus, mortemque ipsam, quamlibet immanem Christi causâ paratissimi.

His, & Anglica messe onustus manipulis Gerardus, vixit insuper extra illam annis 31. sub Thomsoni cognomine, ob immortale Jacobi Regis contra se odium, nè quid per insidias in exulem moliretur. Nec minùs in salutem Patriæ sollicitus egit, quàm dum in ea moraretur, ipsdem cum Personio medijs salutem ejus procurando, partim in Belgio, partim in Hispanijs & Romæ. Post officium Penitentiarij Romæ in Vaticano aliquamdiu orbitum remissus in Belgium est, ubi ejus solerti industriæ debetur erectio & fundatio Tyrocinijs Societatis pro Anglia, quod ipse à fundamentis unà cum amplo Templo erexit Leodij, sumptus & dorem suppeditantibus partim Electore Bavariæ Maximiliano, cum Fratre Principe Ferdinando Leodiensi Episcopo; partim præcipuis ex Anglica Nobilitate Catholicis, pridem Gerardo diuturnâ commoratione, & promovendæ pietatis studio notissimis: quos, licet sub onere persecutionis gementes, excitavit spes ingens propagandæ in Patria sua Religionis ad opus promovendum. Absoluta fuit fabrica Ann. 1616. primusque Domui à Præposito Generali Rector datus Gerardus, præcipuum exulibus ex utroque sexu Anglis factus refugium, è quibus solerti habito delectu Societatem nostram Viris egregijs summèque frugiferis ditavit, Seminaria Belgij, Hispaniæ, & Romanum magnæ spei alumnis, Belgij Parthenones Virginibus nobilissimi sanguinis implevit. Eâ gubernatione perfunctus migravit in Hispaniam ad ordinanda gentis suæ Seminaria, tandèmq. Romam, ubi Confessarij munus in Collegio Anglicano per decennium ferè, magno illius juventutis bono cum sustinisset, claro virtutum præluce omnibus exemplo, cum eximia Societatis opinione decessit ibidem 27. Julij Anno 1637. ætatis circiter 80.

## P. LAURENTIUS WORTHINGTONUS.



Oañem Worthingtonum pro Religione Catholica prædore carceris in Anglia enectum dedimus in Europa Societatis ad sanguinem usque

*militantis; fratrem ejus germanum hic damus Laurentium, ejusdem fidei per Angliam annis aliquot propagatorem egregium, tandèmq. inter carceris ærumnas Confessorem. Natus in Angliæ Provincia Lancastrensi vetustæ*





P. Laurentius Worthington, S.I. Nobilis Anglus, tam  
extra, quam intra Carcerem Apostolicus Operarius,  
Obijt in Lotharingia circa Annum 1637. 19 Octob.  
150.

J. Kilian Sc.

Ita Nobilitatis sanguine, tempestivè contagionem hæresis spontaneo exilio fugit, & in Hispaniam viridi ætate delatus, Societatem Fratræ exemplo ambivit, in Boetica Provincia in tyrocinium adlectus Anno 1598. Hoc legitimè magnâ virtutis commendatione perfunctus, tantum sibi doctrinæ per studiorum curriculum comparavit ingenio & industriâ, ut per octennium in Hispania Cordubæ & Hispali Philosophiam professus fuerit. Inde zelo suo, quo salutem popularium unice deflagrabat, permissus, in Angliam cum, transmisisset Anno 1612. omni studio & conatu per triennium operi Apostolico incubuit, donec proditorum nequitia tentus, & in carcerem Londini Religionis causâ conjectus fuit. Et poterat optanda prorsus videri ejus captivitas, tam necessaria Catholicorum eo-

dem ergastulo miserè vexatorum solatio & auxilio; quorum nonnulli præter supremam victus & vestitus penuriam, sordibus ac prædore, infimâ carceris scrobe sepulti, tantopere molestabantur, ut nullam quietem nocte, dièque capere possent. His corporis animique proximè ad ultimam desperationem redigendi molestijs ut subveniret, 400. scutorum pecuniam cum carceris custode depactus (quam mutuo partim, partim corrogato à Nobilibus Catholicis providerat) eos in commodiorem locum transferri in idem secum cubiculum effecit. Et quia hoc satis capax illi obtigerat, partem illius sacris usibus adaptavit, erecto DEI Matri altari, ad quod diebus singulis ipse & socius Pater Franciscus Young, nec raro sex vel septem pro numero Sacerdotum ibidem attentorum, Divina my-



mysteria celebrabant, reliqui verò singulari devotione Sacramenta Pœnitentiæ & Eucharistiæ obibant. Omnes, scribebat ipse Romam, horâ 4. surgimus, preces tam mente quàm voce, libros spirituales, examina conscientia, aliâque pietatis exercitia statis horis conjunctim usurpamus, ut non modicâ meâ voluptate vitam disciplinâque religiosam videamur adumbrare.

Sed neque illum spiritualis quæstus ex animabus faciendi occasio defecit. Delinito siquidem novâ mercede Custode, liber concedebatur accessus Catholicis, quotquot vellet illum alloqui, vel Divinis interesse: & conveniebant, pergit ipse, magno numero, adeo ut 50. vel 60. Auditores exhortationibus nostris interessent. Donec Pseudo-Episcopus Londinensis, falsi fratris indicio, die S. Benedicti immisit in confessum satellites suos, raptosque 30. circiter viros feminasque in varias custodias distribuit, quod juramentum fidelitatis (erga Regem ut Caput Ecclesiæ Anglicæ) præstare recusarent. Tot etiam, tamque frequentes ad expiandos animos ad me veniunt, ut hebdomadâ qualibet in carcere plures quàm in sex vel septem hebdomadis foris liber excipiam confessiones. Neque paucos etiam ex heterodoxis Ecclesiæ reconciliavit, sive qui criminum causâ illuc detrudebantur, sive qui Catholicorum zelo & industriâ de Fide disceptaturi adducebantur. Tandem quia sibi propè relictis per raro ab apparitoribus carcer invisebatur, ausus est Worthingtonus Custodem pecuniâ aggredi ad liberum sibi de carcere sæpius exitum indulgendum, ut domibus suis Catholicos inviseret: Mirabitur id fortassis Dominatio Vestra, scribit idem ad amicum: sed ea est Custodis de nostra Fide opinio, velpotius tam cæca avaritia, ut nihil tam arduum sit, quod obtineri non possit. Pro commodiori carceris habitatione, tantum dabis: ut ad liberiores auras paulisper in ipsius limine captandam confi-

Ex Anglia Henrici Mori, & Bartoli.

stas, tantum: ut in suburbanum bonam unam alteramve ambulatum exeas, tantum: hebdomadis igitur singulis hujusmodi suburbanas ambulationes magno pretio emo, specie quidem valetudinis, re verâ ut Catholicorum vel etiam hæreticorum aedes, si spes aliqua sit fructus, invisam, ut Sacramenta ministrum, ut schismam dedoceam, ut ad patientiam & constantiam miseros excitem. Copiosam sanè messem singularis ista Custodis avaritia suppeditat, sed libertatis adeo utilis amittenda timor (pœnas enim Custos & ego dabimus, si Magistratui res innotescat) & pretij immanitas me aliquando remorat.

Biennio & amplius carcere ita detentus, Anno 1618. pellitur ex Anglia in exilium, delatusque in Belgium Lovanii nostros in Collegio Anglicano, ac deinde Leodij Theologiam & Scripturam docuit: tum Romæ in Collegio Anglorum studiis aliquamdiu præfuit: ac tandem in Austriam delatus, Græcij Theologiam moralem & Sacras literas explanavit Anno 1635. quamvis ætate gravis. Indè cum Duce Lotharingæ, & Principe Casimiro rediens in Belgium, militum salutem in castris procurandam assumpsit, ubi compertâ ejus vitæ morumque sanctimoniam, doctrinæ præstantiam, & agendi cum summa prudentiæ dexteritate, Odoardus Brigantini Ducis, postea Lusitanæ Regis Frater, cum ad Ferdinandum III. Hungariæ & Boemiæ Regem in castra cum exercitu tenderet, eum sibi à confessionibus & sacris omnibus comitem assumpsit. Sed castrensibus incommodis tantâ ætate impar brevî confectus est, & Sacramentis piè instructus, in Lotharingia diem clausit extremum 19. Octobris, circa annum 1637. ætatis 64. pridem 4. vota professus. Vir fuit simplicissimæ mentis cum religiosa prudentia conjunctæ, tenerissimo in B.V. affectu, cujus rosarium totos diesolvebat: verè humilis, suique & rerum humanarum contemptor.

## P. JOANNES BLACFANNUS.



Ocius carceris & exilij Perceyo Blacfannus, Vir spectatæ integritatis & candoris, eâdem oriundus fuit Angliâ. In Cantabrigienfi Academia jam Artium Magister, frequenti librorum Catholicorum, Augustini præsertim lectione, veritatem fidei clarè agnoverat, hærebat tamen in fallbris, vitæ liberioris oblectamentis implicitus;

donec viso per somnium objecto torpore excussit. Obiata illi species est Christi Judicis, coram quo de vitæ tum universæ actis, tum præcipuè de vitata eorum prosecutione, quæ legendo didicerat, accusatus, pronunciatum à Judice torquendus esse viscerum dolore; quo statim adeo crudeli correptus est, ut clamaret, plus infligi quàm Dominus jussisset, spoponditque nunquam se deinceps templis aut precibus hæreticorum interfuturum. Nec solum.





P. Ioannes Blacfannus S. I. Anglus, multas calamitates, & vitæ pericula, in Animarum procuratione perpessus. Obijt in Anglia propè octogenarius circa Annum 1637.

151.

J. Kilian sc.

solùm promisso stetit, sed quatuor præterea dierum in singulas hebdomadas, quoad Angliã profugere daretur, jejunium sibi indixit; noctes sæpe integras in orationibus pervigil, quibus copiam Sacerdotis sibi concedi precabatur. Obrulit hic tandem se illi post sex evolutos menses, operã Viri Catholici, in medio profundæ silvæ ipsum præstolatus, & primo quidem congressu ab excommunicatione duntaxat & hæresi, solenni cæremoniã absolvit, nudum etiam ejus dorsum per psalmi Miserere recitationem verberans, jussu designato iterum loco ad exomologesin instituendam comparere. Hac verò ingenti animi solatio peractã, unicè jam ad transfrètandũ quantocyus intentus, navigium tandem Anno 1587. nactus est, quo Diepam primũ devectus, Rheimos deincept tenuit, ibidem

Societas Europæa.

in studij Theologici decursu Subdiaconatu ornatus. Indè ad Seminarium, quod tunc Vallisoleti fundabatur, in Hispaniam à Personio cum duobus Alumnis evocatus, iter habuit difficile & periculosum per medios milites, quibus tum bello intestino ardens contra Hugonortos Gallia plena erat. Itaque modò in has modò in alias copias occurrentes, evasere tamen DEI beneficio incolũmes Samurium usque, ubi à Præsidijs Duce Plessio Mornæo Calvinista acerrimo parum abfuit quin Rupellam captivi mitterentur, in Angliam indè tanquam Patriæ Hispanis proditores promovendi. Dimissi tamen sunt Espernonij commendati literis, cujus erat Samurium, & intercessione Conjugis Plessij: cùm gravior longè excepit procella Burgos in Castellam delatos. Postridie quam in urbem venissent, redeun-

Rrrr



redeuntibus ab Ecclesia ad hospitium injiciuntur ab Inquisitionis apparitoribus manus, clamaturque totâ Urbe, Lutheranos hæreticos rapi ad carceres: expilantur sarcinæ, pecunia surripitur. At ubi nihil in sarcinis quod hæreticos proderet repertum est; sed potius testes Præsidum Rhemensis Seminarij, & Parisiensium nostrorum Patrum literæ indicabant illos Anglos quidem, sed Catholicos literatos esse, magno honore ab sacro illo Senatu dimissi sunt. Vallisoleti Blacfannus perductâ ad calcem Theologiâ Sacerdos consecratus, Societatem impetravit Anno 1593. ætatis 34. cùmque Romam evocatus aliquamdiu Anglis in Seminario præfuisset, remissus in Hispaniam quatuor vota professus est, hæsitque in eo Vallisoleti contubernio ingenti Angliæ bono, primûsque cogitationes Domini Aloysiæ de Carvaial (cui erat à confessionibus) inflexit ad Angliæ commiserationem, in cujus Operarios illa deinceps, omnes prope amplissimas opes impendit, & tandem se ipsam Angliæ, illuc transnavigans, donavit.

Et jam tempus erat ut Blacfannus & Patriæ suæ, quam absens in Seminarijs educatione Operariorum tam utiliter juverat, præsens etiam afferret opem, quo si citiùs transmittere permissus esset, majori fortè fidelium bono latuisset. Nam in Hispania tot annos versatus, cùm mores & linguam Hispano similes frustra alieno habitu tegeret, quoties ferè cum Anglis ageret, in discrimen veniebat, cujus tamen periculi gloriosus contemptor, nihilò segniùs in animarum lucra intendebat, donec Anno 1610. captus, & in portam Westminsteriensem Londini conjectus est. Nihil magis in desiderijs fuit Pseudo-Episopo Cantuariensi, quàm damnatum mortis raptari cernere ad Tiburni furcas, lacerandum crudeliter in partes tanquam Patriæ Hispaniæ proditorem, si quæ ejus sceleris nota post varia examina ipsi vel apparenter imputari pos-

*Ex Anglia Henrici Mori.*

## P. RICHARDUS BLONDUS.



Nemo post Personium Ecclesiæ Anglicanæ utilior, nemo in promovendis ejus bonis constantior, & ferendis adversis juxta & prosperis moderatior extitit; sub cujus sapientissima gubernatione in eum florem Societas Anglica adolevit, ut quæ eatenus Missionis tantùm nomen obtinebat; in vice-Provinciam initio, mox autem in Pro-

vinciam à Mutio Vitellesco Generali erecta, eundem Richardum primum Præpositum Provinciale macta sit. Natus in Angliæ Provincia Lancastrensi, politiori literariæ operam dedit Oxonij; unde hæresis insidias fugiens Romam concessit, & in Patrium Seminarium receptus Philosophiam & Theologiam audivit, magnâ ingenij & scientiæ estimatione, modestiæ verò cæterarumque virtutum tot ornamentis, ut eum Personius in-





PRichard, Blondus S.I. primus Angliæ Provinci-  
alis, Apostolicis laboribus optimè de ea meritus.  
Obijt Londini propè octogenarius. A.<sup>o</sup> 1638.

J.G. Heinsch del.

152.

J. Kilian sc.

in Hispanias secum ad cohonestanda illic no-  
vorum Seminariorum initia abduxerit, quò  
eorum alumnis esset exemplo, quales esse o-  
porteret eos, qui ad Missiones Angliæ desti-  
narentur. Hanc ut ipse Sacerdotio jam ini-  
riatus miserè ab hæresi oppressam juvaret,  
sumptâ veste nauticâ, tanquam beneficio  
Mercatorum captivitate Hispanorum redem-  
ptus, evasit in Insulam, & uno alterove pòst  
anno in Societatem receptus, primum exco-  
lendum agrum nactus est in Suffexia, quem  
assiduo labore, & plurium annorum sudori-  
bus Ecclesiæ subigens, sæpius ad mortem  
quæsitus, singulari DEI beneficio periculum  
semper evasit. Obierat aliquando, copioso  
satellite, Magistratus multo mane domum in  
qua morabatur Richardus, integrâque potie-  
batur, Domino in carceres Londinum, Domi-  
Societas Europæa.

nâ ad vicinas Irenarchæ ædes, famulis omni-  
bus ad diversas custodias amandatis; sic, ut  
soli satellites omnia occuparent, ad depre-  
hendendum Patrem, quem domestico pro-  
ditore certò adesse compererant, omni stu-  
dio & industriâ intenti. Ad quintum jam  
diem pertinax duravit inquisitio, concussi pa-  
rietes, evulsa pavimenta, domus universa  
miserè deformata, certis non abscedere mili-  
tibus, nisi captivato Sacerdote, quem suprema  
tandem fames ad emergendum latebris  
esset adaectura. Et jam absumpto permodico,  
quem antro secum intulerat, victu, ex-  
trema imminabat necessitas; nisi fidelitas u-  
nâ latentis servi periculum avertisset, qui lati-  
bulo erepens satellitibus se stitit pro Sacerdote,  
alterum illis commonstrans spelæum in-  
quo aliquando latuerat; itaque delusos ad dese-

Rrrr z

dese-



deferendam domum, & ulteriorem conquifitionem omittendam induxit.

Moleftior fuit perfcutatio altera, proditi-  
one famuli ruflicani, cum mēfe Decembri  
nocte intempeftā irruerunt ſilentio in aream.  
Palatij ſuburbani Irenarchæ tres, copioſo cum  
milite. Excitatus ſtrepitu Richardus abdit  
ſe ocyùs cum comite latebrā in ſolido muro  
excavatā, nulla re niſi femoralibus & levi te-  
ctus tunicā, præter unum panem & modicum  
vini nullo accepto commeatu. Aberat id  
temporis herus domo, Dominam unā cum  
liberis in conclavi tenebant oclufam, omnia  
interim unde quaque pertundendo, frangen-  
dōque ſcrutabantur, irritō ad decimum diem  
conatu, Patre ad extrema famis rabie propè  
jam adacto. Ad vefperam ejus diei notan-  
tes in impluvio partem muri ex reddito ſono  
concavam, quā ipſā cum comite Pater clau-  
debatur, tam fortiter quatunt, ut neceſſe  
fuerit intus latentibus luxatos lapides hume-  
ris & corpore oppoſito ſuſtinere: cum repen-  
te imber maximus decidit, quo DEUS voluit  
& Sacerdotem è manibus quæſitorum, &  
Herum à legum judiciorūque pœnis libera-  
re. Etenim ſecuri in craſtinum ſatellites,  
dum ſe ad interiora domūs recipiunt, & foco  
ſimul ac potu liberaliter recreant, elabitur Sa-  
cerdos. Cinctum erat muro primū, deinde  
aquis ædificium & hortus: ſuperat tamen  
murum Richardus, & natandi peritus evadit  
per gelidum & glaciale lacum 80. pedes la-  
tum. Comes fugæ cum natare nſciret, re-  
pentino conſilio dolum excogitat, quo arre-  
ptam Patris tunicellam, corpori ruflicanè cali-  
garum inſtar adſtringens, prorumpit in medi-  
um ſtertentium in aula militum, & clamat,  
quid vos hic deſides & ſomnolenti, dum in-  
terim fures expilant equile, & equos veſtros  
abducunt? illi apertis portis cum lumine con-  
citi currunt ad equile, quibūſcum unā ipſe  
exilit, & non obſervatus, ad fugam carpit vi-  
am, quā noverat exitum. Ad ſtabula veni-  
entibus cum omnia integra & ſalva depre-  
henderentur, quærere ſerò incipiunt, quid  
hominis importunus ille excitator fuerit? re-  
deūntque ad neglectum pridie, at nunc va-  
cuum latibulum, in vanum, & elapſa præda  
frementes freudentēſque. Richardus ex-  
ulceratis per aſcenſum muri ſuris & plantis,  
frigore propè in fluvio enectus adreſcit ad  
non longè poſitam Catholicam domum, &  
mutuatis calceis ac veſte ruflicanā, reliquā  
nocte viam regiam tenens nè aberraret, apud  
aliū Catholicum divertit, jacuitque tribus  
hebdomadis æger, Londinum ad ulteriorem

curationem delatus. Hæſit tamen illi in  
omni vita dolor in nervis & oſſibus, ex hy-  
berno aquæ frigore contractus.

Plurimis ejuſmodi periculis ſervum ſu-  
um eripuit Dominus, à Garnetti præſertim.  
beatā morte, cum Miſſionis tractans negotia  
frequenter in itinere, ſæpius Londini incurre-  
ret in perquiſitores & falſos fratres: quod et-  
ſi providæ DEI curæ poſſimum tribuendum  
ſit, plurimum tamen indiſtriæ Viri tribuen-  
dum eſt, qui niſi de nocte vix domo egredie-  
batur, rariùs intrabat niſi denſis tenebris, &  
eorum Catholicorum qui omnibus noti erant  
vitabat ſtudioſiſſimè in publico congreſſus, nè  
notaretur. In Nobilium Virorum colloquia  
libenter veniebat, quod ſemen doctriinæ ipſo-  
rum animis inſitum ad multorum inferioris  
ſortis fructum derivaretur. Ad Sacerdotis  
quodvis officium, omni tempore, & quanto-  
vis cum diſcrimine præſtandum, promptum  
ſe exhibebat ac ſedulum: ad ſpectandum  
verò vocatus ſi quid eſſet rari aut magnifici,  
non accedebat, dicere ſolitus: *equidem com-  
prehendi ut Sacerdos & Orthodoxus non reſu-  
gio, nolim tamen capi ut inconfideratus & cu-  
rioſus.* In victu ac veſtitu eximiam ſemper  
colebat paupertatem, viliffimis contentus, &  
cum eſſet prodeundum in publicum, tali ute-  
batur cultu, qualis ei agenda eſſet perſona,  
cavens ſemper nè quid inſolens indueret, quo  
obviorum oculi attraherentur, id quod ſocijs  
ſollicitè præcipiebat obſervandum. Atque  
his ornatus prudentiæ, integritatis, mode-  
ſtiæq; virtutibus, cum plurimis annis præviſ-  
ſet laborantibus in Miſſione ſocijs exemplo &  
auctoritate tanquam Superior, dictus à Mu-  
tio Vitelleſco Vice-Provincialis, animum ad-  
jecit, ut eo majori ordine atque incremento  
res in poſterum agerentur. Prima igitur cu-  
ra fuit Inſulam totam in certas regiones diſtri-  
buere, & in ſingulis moderatores reliquis ſo-  
cijs, qui jam ducenti ſerè per Angliam nume-  
rabantur, præficere, ad quos è propinquo di-  
ficultates & dubia occurrentia referre poſ-  
ſent, atque apud eos annuam aſceſim, reno-  
vationem votorum, & cætera quæ ad diſci-  
plinam religioſam pertinent, peragere. Tria  
item Collegia conſtituit, Londini quidem  
Probationis domum S. IGNATIO dicatam, in  
qua paulò poſt 17. Sacerdotes tyrones inſti-  
tuebantur; alterum in Wallia ſub patrocinio  
S. Xaverij: & tertium in tractu Staffordienſi,  
ſeu Lancaſtrenſi, à B. Aloyſio nuncupatum.  
Quæ domus non quidem certis ædibus, ſed  
perſonis loco cuilibet attributis conſtabant,  
ſub designato Rectore, cujus erat ſtatis tem-  
pori-



poribus ad instaurandum spiritum, & accipienda mandata illos colligere, & annuam pecuniam in usus necessarios distribuere. Quantum autem inde fructus in commune Ecclesiæ bonum dimanavit, colligere licet ex numero converforum, quorum uno anno ex hæresi erepti sunt plures bis mille sexcentis.

Triennio lapso, tantisque sub Richardi regimine tum Societatis, tum Fidei per Angliam visis incrementis Mutius, Missionem eandem Provinciam deinceps esse jussit, primumque illi Præpositum Richardum constituit Anno 1623. Qui dum sollicitè in promovendam rem Catholicam ubique vigil imminet, tertio hujus gubernationis anno repente innovata persecutionis tempestas, ob turbatos Regij Principis Caroli cum Maria Hispana (quæ deinde feliciter Ferdinando III. Cæsari nupsit) hymenæos omnia confudit. Exilium imprimis Sacerdotibus omnibus ad certum diem promulgatum; & in Catholicos, juramentum fidelitatis Regi, ut Capiti Ecclesiæ præstandum recusantes, leges omnes, exceptis quæ pœnam capitis sanciunt, renovatæ: quibus malis tertium accessit gravissimum, nonnullorum ex doctissimis Cleri Sacerdotibus auctoritas, qui juramentum id præstari aut licitè posse, aut etiam debere, verbis & scripto defendebant. Atque ab hoc expugnando ordiendum sibi censuit merito Richardus (nam Sacerdotibus Societatis certum erat mortem magis in Patria opperiri, quam Edicti sanctioni, voluntario exilio, nisi in id violentè ejicerentur, parere) obtinuitque à Pontifice Urbano VIII. Anno 1626. Breve Apostolicum, quo impiam sententiam confixit, & Catholicos omnes per Angliam ad constantiam in Religione Catholica retinendam paternè exhortatus est. Eà verò sapientiâ & moderatione Provinciam inter hos turbines totis annis 15. administravit, ut constanter annis singulis tam ipse, quam socij, numero

non contemnendo reductorum ab hæresi, Ecclesiam augerent, & ipse prudentiæ & integritatis famâ Jacobo & Carolo Regibus notissimus, eorum constantem benevolentiam & favorem (quidquid de reliquis sentirent) semper expertus sit. Demum tot ærumnis, laboribus & curis fractus, jamque septuagenario major, cum Mutio Generali egit de officij sarcina deponenda; impetratæque Missionis, inter privata virtutum Exercitia animum applicuit ad cognatos præcipuè & affines suos, si quos posset, ab hæresi in viam traducendos: in multis enim prolibus ipse solus, & una soror Fidem Catholicam fuerant amplexi. Et cum nonnullis quidem conatus feliciter ipsi cessit: à Fratre tamen Viro Equestri & opulento, cui felicitatem hanc, suisque ex eo nepotibus maximè cupiebat, impetrare nunquam potuit, ut in colloquium saltem admitteretur. Illà itaque spe dejectus, totum se sibi servabat, duobus adhuc annis superstes; donec apoplectico primum, catarrho, tum etiam calculi doloribus & lethargo oppressus, ætatem longævam magnis cumulatam meritis, & Sacramentis omnibus ad agonem munitam, exegit, maturam æternitati circa annum 1638. sepultus solenni ceremoniâ apud RR. PP. Cappuccinos, tum temporis, Reginæ gratiâ, liberè Londini commorantes. Vir fuit Richardus & animi viribus illustris, & congruentissimâ corporis temperie præditus; in quo illæ nullo concitiorè affectu, aut casu repentino unquam turbabantur; ista autem vix ullo unquam morbo tentata fuit. Et cum vigiliarum laborumque patientissimus esset, comitate atque affabilitate nemini secundus, prudentiâ & consilio singularis, summis æquè ac infimis gratiosissimus, omnium animos facili sibi consilio, bat; meritò appellandus: *altera post Personam Ecclesiæ Anglicanæ columna.*

*Ex Anglia Mori & Bartoli.*

## P. THOMAS CONIERS.

**P**ater Thomas Coniers, natione Anglus, & Fidei causa è patria exul, postquam absolutâ Philosophiâ Duaci ejusdem laureâ insignitus est, Societatem magnis votis impetravit Anno 1584. ad cuius Tyrocinium admissus Tornaci, tam acerbis paulò post renum ac vesicæ doloribus cœpit affligi; ut nil proficientibus pharmacis omni-

bus, cœptis illum insistere, sinè Societatis grandi incommodo non posse, Medici pronunciarent: ideoque jussus est relicta Societate seculum repetere. At ille magno animi ardore optimam DEI Parentem, quam tenerimo semper prosequabatur affectu, precatus, omnem mali vim ita sensit extinctam, ut sanitatem receptâ etiam Societati restitui obtinuerit. Quam ei valetudinem merâ Virginis gratiâ & prodigio concessam fuisse vel inde

Rrrr 3

patuit;





P. Thomas Coniers Soc. IESU Fidei causâ ab Anglia proscriptus, laboribus Apostolicis per Galliam in moritur Bastoniâ 24 Januarij 1639. ætatis 77.

153.

Carri Provost del.

patuit; quod eâdem constanter per annos omnes ætatis, dum laborandum strenuè pro salute animarum fuit, usum, senio & laboribus fractum ipsa illa ægritudo corripuerit, excueritq; constanter dum animam exprimeret. Post humaniores literas & Logicam Duaci traditam, cum animarum juvandarum sitientissimus non cessaret labores Missionum seu in Anglia, Indijs, seu in Evropæ partibus quibusvis, maximis votis exambire, zelo suo velificari à Superioribus permissus est, moxque operam Apostolicam Lendio & Bipalmio in finibus Gallotum impendit, & utrumque improbo labore, maximo proventu excoluit. Dionanti Eburonum subinde fixit sedem, unde Apostolico ritu villas pagosque, & vastam Arduennæ solitudinem percurrrens, egentissimorum hominum sitientes animas Christia-

næ doctrinæ rivis tam indefesso labore rigabat, ut magnum Cives omnes incesse- rit desiderium, socios eam in Urbem advocandi, quorum operâ perpetuarentur fructus, quos Patris Thomæ cultura produserat. Pridem antè Societatis apud illos increbuerat existimatio, Henrico Somalio sedulam illis olim navante operam: verum annis deinde plus decem, cum difficultate temporum colluctans civitas, ipsâ suâ tenuitate à proposito desierat, donec Thomæ fervore novis excitata ignibus, desiderium pristinum sociorum apud se habendi Collegium, exarsit. Condito Collegio, & socijs aliquot Leodio, qui agrum per intervalla excolerent, submissis, Thomas in omnem latè Provinciam excurrit, nam ab Hannoniæ finibus ad usque Germaniæ limites insigni operæ pretio se diffudit, omnis condi- tionis




tionis homines complexus. Nullos itinerum refugiebat anfractus, per avia montium atque sylvarum, per nives densamque grandinem, per calores æstuantemque solem, rudiorum populum evocare deliciæ erant. Tum ardore dicendi pro concione ad altiora commoto auditori vel aures consentienti præbebat, vel catechesin de plano explicabat, horas orationi & meditationi commodas occupans ante ortum, vel post occasum diei.

Bastoniæ, urbe mediâ ferè Arduennâ sita, non minùs olim neglecto animarum cultu, quàm sterilitate soli miserabili, parem locavit operam, pari cum fructu: tantæque fuit populi erga illum veneratio, ut quacunque die vel horâ daretur signum, relictis familiaribus negotijs ad eum audiendum conflueret: cumque statuendo ibi Collegio ad continuandos labores opportunitas deesset, auctor fuit Magistratui ut ex alio Ordine Religiosos Viros accerferet, qui in concepto pietatis ardore civitatem & vicina foverent. Eodem consilio honestas Virgines cœlibatum amplexas, & spiritualium rerum, ipso magistro, non imperitis, Dionanto evocavit, scholisque puellarum præfecit, quò honestis moribus & Christianis præceptis imbutæ, familijs dein-

*Ex Anglia Mori & Bartoli.*

## P. BALTHASAR BELLY cum alijs 48.

Uæ universam mundi molem in tot diversas regiones & climata partita est Numinis sapientia, & singulis varios indidit naturæ genios, ac indolem diversis germinandis & proferendis innatam; providit simul congruentissimè, ut sicubi noxijs & virulentis progignendis seu animantibus, seu germinibus fecundior est patria, fertilior sit etiam in antidotis & remedijs suppeditandis terræ natura; neque unquam reperire sit proprium alicui Provinciæ malum, cui non adsit pellendo peculiare suum ibidem procreatum bonum. Simili providentiâ in sua dispositione procedens Divina gratia, quia frequentior subinde hæc, quam aliâ mundi plagâ, vel crudelior grassari consuevit pestilientia, plura etiam auxilia & animosiores submittit Operarios, qui vires omnes, & vitam adeò ipsam, in remedium & auxilium eadem laborantium expendant. Premebatur graviore lue anno 1631. diversis in locis Gallia; & DEUS tot ex Societate singulis Urbibus eâ correptis, masculæ virtutis excitavit heroës, quot in sup-

de liberisque cum virtute præessent. Nec quidquam illi erat effectu difficile, cui in omnium animos imperium conciliârat innata integritas, atque ardens Divinæ gloriæ studium, cum insigni modestia atque animi demissione conjunctum. Ipse interim in se durus & asper summam in vestitu paupertatem, in cibo parsimoniam servabat, assiduâ cum DEO oratione unitus. Nam & in itinere precabatur assiduè, & cruces per agros obvias, atque arboribus affixas Sanctorum imagines pronus in terram venerabatur, se suosque DEO & Sanctorum tutelæ commendans. In his laboribus cum ad annum ætatis pervenisset 77. redeuntem ex agris, per festa Natalitia morbus idem renum & vesicæ corripuit, cujus causâ in Tyrocinio à Societate dimissus, & iterum DEI paræ patrocínio receptus fuit: quam Societatis charitatem in se immeritum exhibitam non cessabat unquam deprecari. Itaque Christianis armis ad ultimum certamen munitus, 24. Januarij Anno 1639. vitâ mortali relictâ immortalē est auspicatus, ab anno circiter 1600. Professus trium votorum, nam quartum sibi Romæ oblatum ex humilitate nunquam admisit.

petias ægrotis ferendas desiderari poterant: quorum plurimis sinè damno evadentibus, alijs verò eodem quidem malo per contagium involutis, sed in vita servatis, soli qui victoriam de morte tulere censi sunt 27. quorum nomina & gesta reperies apud Alegambe, inter illius anni Victimæ Charitatis. Horum numero accessere anno insequenti bini, anno verò 1636. alij decem: & post triennium P. Balthasar Belly, oriundus inter Allobroges Sebusianos, annorum 43. in Societate 20. Coadjutor spiritualis. Agebat ille Camberij, cum apud Centrones seu Tarasios, eo præsertim in oppido quod forum Claudij fuisse creditur, hodie verò Mosterium dicitur, dira lues omnia depopularetur, nullâ ferè spe capiendi alicunde solatij vel auxilij. Eam adeò ingentem Pater cladem miseratus, impetratâ à Moderatoribus veniâ, tridui itinere, cœlo maximè pluvio, ingenti ardore illuc contendit, totosque dies & noctes solandis ægris & omni ope juvandis, sepeliendisque mortuis occupavit. Hærebat illi jam pridem altè concepta hujus obeundi ministerij cupido in animo, vitæque in eodem prodigende studi-





P. Balthasar Belli, Soc: Iesu, Gallus, cum alijs 48.  
per Galliam fortiter eadentib, contempto Mortis metu  
vitam pestiferis iuvandis devotam, Natura victor,  
posuit Monasterij 9. Octobris A. 1639. ætatis 43.

154.

studium, ex quo Lugduni anno abhinc decimo eodem in obsequio versatus, extinctis in ejusmodi opera plerisque socijs, reliquis in eadem procuratione ex concepto veneno periclitantibus, ipse unus inter funestas pereuntium strages intactus evasit. De cetero quoque Vir fuit integerrimæ innocentissimæque probitatis, pauperibus potissimum & rudibus iuvandis deditissimus; unde etiam ex profunda, quam de se infra omnes alebat opinione, ferventissimis literis quartum ferè ante annum flagitârat à P. Mutio Generali Præposito, sibi ut potestatem faceret operæ suæ per omnem vitam, ad imbeundam infimâ Grammaticâ pueritiam, æterno sacramento devovendæ. Mosterium ut venit, Hercule fortior, terminos naturæ & mortis horrorem transgressus, brevi labore ad metam pervenit, ut ad

capiendum magis primæ longè prolixioris in ægros impensæ operæ præmiû evocatus à Deo videretur, quàm ad novos sudores: siquidem decimo quinto quàm isthuc accesserat die, victor ex charitatis arena ad quietem discessit, 9. Octobris Anno 1639. Ternis subinde alijs per subsequos annos ex opitulantium ægris majore sociorum numero, Vesoncione, Burdegala sublati Anno 1649. nova charitatis cecidit hostia Massilia 29. Septembris P. Philibertus de Loches, Sabaudus, natus annos 47. in Societate 28. votorum quatuor professus. Increbescente istic contagione, statim se glorioso periculo objicere certum habuit, tractisque in sua vota domesticis Superioribus, Urbicos Magistratus, qui Virum magni æstimatum periclitari non ferebant, invitos habuit: summis tamen precibus tandem



dem perfecit, cum magno illius genio resisti ultra non posset. Mira tunc in illo & latè undequaque ac providenter porrecta prudentia, nullis ærumnis fatigata, nedum interversa aut perturbata enituit, cum partitè se in omnes Urbis ac Suburbiorum Regiones ità daret, ut necessaria Sacramenta nulli non impertiretur, quos vis mali de medio rapiebat. Cui cautæ Viri prudentiæ suffragatum Numen, quamdiu lethalis lues tota defævijt, plenam illi valetudinem, integras vires, laborumque patientes servavit: at ubi fracta mala vis illius ope minimè egebat; tum demum illum veluti suæ jam gloriæ curriculo perfunctum ac emeritum, eadem contagio, & quinto pòst die mors occupavit. Morienti præcipuum solatium fuit, quòd ex hæreticis aliquot, qui eà clade icti mortem jam præ foribus habebant,

*Ex Allegambe Victimis.*

## P. THOMAS STRANGE.

**P**ater Thomas, natione Anglus, unus fuit è Nobilibus, quem P. Gerardus Commentationibus S. JGNATII exercitum, DEO & Societati lucratus est. Sacerdotio initiatus, magno spiritu redijt in Patriam, tantòsque animarum ubique retulit manipulos, ut tot suis damnis irritati Ministri, non minùs insidias illi intercipiendo ubique struxerint, quàm si pulverariæ conspirationis complex proclamatus foret. Et incidit tandem in eorum casses, dum rem Catholicam promoveret in Provincia Warwicensi; unde Londinum, instar malefici deportatus, carceri subterraneo in turri demersus est; & rabie tam effrenatâ, licèt nè suspicandi quidem causam aliquam haberent, tortus; ut fractus viribus reliquos 33. vitæ annos elumbis, captus omnibus membris, in summis renum & capitis doloribus egerit. Wadeus enim in DEI Servum insaniens, per triduum equuleo illum distendit; altero triduo manicis ferratis excarnificatum: quam tamen tormentorum violentiam non fortiter modò & constanter, sed ut erat festivo à natura ingenio, etiam inter jocos & facetias pertulit. Etenim pseudo-ministrum importunè in ipso torturæ ardore in Religionem Catholicam argumentantem venustè retudit, cum diceret: *Iniquâ, bone Vir, mecum agis conditione; sublimem te appendant hi homines sicut me, tum a quo loco disputabimus.* Sed & Præfectum turris Wadeum, acerrimum Sacerdotum hostem, cum testem

*Societas Europæa.*

contra se apud Senatum Regium produxisset quendam, salsè perstrinxit excipiendò contra illum, tanquam minùs ad testandum idoneum, *ed quòd Wadeo affinitate junctus esset: quod dictum Wadeo quidem stomachum* (uxor enim illius malè audiebat) Senatoribus autem risum movit. Retrusus in carcerem Thomas nihil æquè doluit, quàm à sorte gloriosæ mortis se exclusum: *Fui*, scribit ipse ad P. Holtbeyum suum Superiorem, *in faucibus terra, & in domo Capituli triduum: intelligis reliqua. Mea summa infelicitas est, quòd frustra tam propè à felicitate postrema abfuerim! tencor etiamnum inter compedes gntis, fatentur enim, nè suspitioni quidem ad fulciendam contra me causam locum esse.* Demum carcere dimissum vetuit Robertus Cæcilus Salisburij Comes extra Regnum cum alijs Sacerdotibus ejici, nè suo instinctu tam dirè habitus à Wadeo, crudelitatem eorum toto corpore prædicaret, & infinita illa adversùs Sacerdotes Jacobi Regis clementia, à Regijs Ministris per Aulas Principum Catholicorum jactata, cujusmodi esset, reipsâ ostenderet. Oppressit interea Cæcilium mors repentina & fœda vermibus, dum ex balneis rediret; quam Jacobus Rex veluti gratulabundus hoc ornavit epiphonemate: *Aures nunc habebimus tandem liberas à prodicionibus: habebatur nimirum ille plurium, odio Catholicæ Fidei, inventor & buccinator prodicionum, quas Sacerdotibus maximè affingebat.* Post ejus mortem nemo obstitit, quin Pater laboribus Missionis penitus ineptus, & oneri duntaxat Socijs

SSS





P. Thomas Strange, S.I. Nobilis Angli, ob Fidem in Anglia disseminatam, tantâ crudelitâ tortus, ut in residuam 33. annorum vitam omnib; membris captus remanserit. Obijt in Belgio sexagenariô major. 1639.

cijs futurus, Angliâ excederet in Belgium, ubi vitam inter perpetuos omnium membrorum dolores invictâ patientiâ exegit reliquam, plerumque eam recreans Sanctorum vitis legendis, & in dramata nativo idiomate composi-

ta digerendis : ad quorû tandem Societatem æternam Vir prorsus humilis & patiens transijt Anno 1639. pridem tria Vota solennia professus.

*Ex Anglia Bartoli & Mori.*

## P. RICHARDUS HOLTBEYUS.



X ijs, qui per turbulentissima Elisabethæ & Jacobi Regum tempora, Angliam coluere ex Societate Operarij, nemo felicius Richardo laruit, nemo diutius in ejus laboribus perduravit. Natus Fraitoniæ in Comitatu Eboracensi ejusdem Regni Anno

1553. post hausta Latinæ Lingvæ initia in scholis domesticis, Cantabrigiæ primùm, deinde Oxonij Philosophiæ operam dedit, ac subinde eandem publicè frequentibus auditoribus explicuit. Sed quia Catholicæ Fidei retinentissimus in eadem discipulos magno zelo confirmabat, neque ad publicos hæreticorum in templis cætus & sacra adigi sustinebat,





P. Richardus Holtbeyus S.I. Angl. supra 50. annos  
inter continuâ vitæ discrimina Patriam excoluit.  
Defunctus ibidem 25 Maij Anno 1640. Aetatis 87.

J. F. Heinsch Del.

156

W. P. Kilian Sc.

bat, multis idcirco molestis affectus, statuit sese illis eximere, & salutem animæ in tuto locare. Itaque sepositâ altioris gradûs, qui in ea Academia offerebatur, consequendi curâ, in Belgium transmisit Duacum, ubi simul & Rhemis triennium Sacræ Scripturæ, & de conscientiæ quæstionibus cognoscendis impendit: tum Cameraci Sacerdotio suscepto revertit in Angliam, totumque ejus Septentrionem ad Scotiæ usque limites complexus, vastas horridasque ejus Regiones perpetuis itineribus percurrans, strenuum se probavit vineæ Christi cultorem. Neque tamen ipse sibi usquequaque satisfaciebat, quod videret multum sibi deesse doctrinæ ad id genus Apostolicæ Vitæ, quod susceperat, cum dignitate pariter & securitate sustinendum, præsertim in certaminibus cum Verbi ministris, & vi-

*Societas Europæa.*

ris eruditis. Deliberanti verò de remedio, aptius non occurrit, quàm ut Religioni Societatis JESU nomen daret, quam Viris in omni eruditione & disciplina divina humanæque excultissimis abundare pridem noverat, præsertim cum etiam ex ipsa sui Instituti Ratione proximorum salutis procurandæ tota incumbat, qui scopus illius animo potissimum erat præfixus. Plurimum autem in ea cognitione firmatus fuit Campiani familiari consuetudine, quem domo suâ, ibidem operi Apostolico insudantem, exceperat, juveratque ad locum ab hominum consortio se junctum, in quo librum decem Fidei Orthodoxæ Rationum ad Academicos conscriptum perpoliret. Porro à felici Campiani morte, tantus Richardi mentem cum illustratione divina invasit impetus (quem meritis & precibus Campiani

Ssss 2

ad-



adscribat) ut confestim sub arbore in genua procidens (nam fortè in horto inambulans deliberabat) tria Vota Societatis apud se conceperit. Et quia necessaria tunc Catholicis per Quadragesimam erat ejus opera, addidit quartum Votum, suscepturum se iter Londinum, ad experendam Societatem apud P. Haywodum, ejusdem per Angliam Superiorem, post alteram Paschæ Dominicam.

Londinum delatus, Haywodum alibi tum curis & laboribus distentum non reperit, ideoque impulsus divinum secutus, ex vendito equo comparatâ pecuniâ in Galliam transfretavit. Morabatur tum Parisijs P. Thomas Dabishire Anglus; cui Richardus, cum explicuisset animum, confirmâsseque spiritualibus S. JGNATHII commentationibus, admissus in Societatem à Provinciali, migravit Virdunum ad Tyrocinij exercitationes Anno 1583. Studuit deinde Mussiponti annos quatuor Theologiæ, & Scotorum Seminario præfuit: nec multò post pestilente lue civitatem depascente, dispersis per varia loca Sodaliibus, remansit ipse cum Socijs tredecim, ex quo numero decem corruptos pestilentia suis manibus sepelivit, ipse cum duobus Coadjutoribus evasit, non alio usus medicamine, quam ut faciem & manus aceto ablueret. Post captatam Treviris & Moguntia liberio-rem auram, missu Generalis Claudij Aquavi-

va migravit in Angliam, ubi prima cura illi fuit, in tanta hominum Societatis paucitate, complures Sacerdotes sæculares ex Seminarijs prodeuntes adsciscere sibi Adjutores, & in loca opportuna distribuere, subministratis liberaliter equis & pecuniâ. Ipse ab anno sæculi 1589. quo redijt in Insulam, ad usq; annum 1640. quo obiit, nullo unquam tactus corporis morbo, nullâ perquirentium nebulonum astutiâ interceptus, solerter simul & indefessè in opus Evangelicum incubuit, magnamque messem collegit animarum & meritum. Manu insuper promptus ad opificum quæcunque tractanda instrumenta, quocunque consistebat loco, latibula Sacerdotibus regendis tam dextrè aptèque fabricabat, ut nullum fuisse dicatur ejus arte perfectum, quod importunissimorum quæsitum industriam non effugerit. Atque ita ætatem in summis laboribus ad annos ætatis 87. productam, senectute ipsâ fatiscens piè clausit 25. Maij An. 1640. annum cum ageret in Societate 58. & à Professione quatuor Votorum 37. Paupertatis fuit semper præcipuus cultor, quam veste, mensâ, cubiculo, strato singularem præferebat, in alios munificentissimus, præsertim eos, qui Fidei causâ ergastulis detinebantur, vel recentes ad Christi vineam excolendam adventabant quicunque Sacerdotes.

*Ex Anglia Henrici Mori.*

## P. JOANNES FRANCISCUS REGIS



**I**lustribus & opulentis Parentibus satus P. Joannes in Gallia, patriam habuit castellum Fontis-operti in Diocesi Narbonensi; in ipsis cunis dæmonibus invisus, quem de medio tollere, velut rebus suis aliquando adversarium futurum præfagientes, non semel conati sunt. Eam in rem sagas adhibuere, quæ extracto è cunis per noctem, nutrice dormiente, abusæ utiq; fuissent ad suos avernales conventus, nisi Angeli Sancti prohibuissent: à quibus excitata aliquando nutrix, infantulum sub lecto nudum, incolumem tamen reperit. Ab infantia pietati addictus, adultarum exempla virtutum quinquennis exhibebat, ortij omnis fugitans, & puerilium oblectationum, condiscendis precatiunculis intentus: utque primum scholis frequentandis aptus fuit, tempus ab ijs vacuum, quod æquales tribuebant nugis aut lusibus, ipse lectioni sacræ, orationi dabat & templo, nun-

quam in eo versari solitus nisi genibus flexis, vultu ad modestiam Angelicam tam collecto, ut ejus intuitu omnes ad Summi DEI venerationem se incitari sentirent. Et licet principio pietate hac & Sacramentorum frequentia ludibrio & deridiculo esset condiscipulis, constantia tamen suâ mox omnibus venerationi esse caput, ut eo præsentem nemo immodestius quidquam aut proloqui auderet, aut facere. Virij speciem omnem, & quantumlibet minuti peccati umbram fugiebat, ut nemo illum verbo unquam mendaci veritatem, aut iracundo proximum læsisse observârit; detractum osor acerrimus, & animi motionum ita potens, ut perturbationibus earum carere omnino videretur. Nil mirum proinde illius in vita servandi specialem curam Superis fuisse: cum enim aliquando à mari, quò ad piscationem spectandam cum æqualibus exierat, in Urbem solitarius rediret, & somno inter ambulandum obrutus ad fluvium tenderet, eò usq; gradiendo jam pervenerat; ut si vel

pas-





P. Joannes Franciscus Regis S.J. Gallus, salutis ani-  
marum sitientissimus, innumeris miraculis claret  
Lalovelci in Gallia. ibidem vitâ functus 31 Decemb:  
1640. ætatis: 44<sup>3</sup>

J. G. Heirich del.

157.

Per: Kilian. Sculpsit

passum præterea unum promovisset, casurus fuerit in gurgitem præceps, mergendus omnino, cum neque natare sciret, neque adesset ullus; nisi eo momento occultâ Angeli manu expergefactus constitisset in vestigio. Inter hæc impelli sensim animo cœpit ad religiosum Societatis Institutum; utque experiretur, an verè DEI vocantis essent impetus, preces adhibuit multò quàm hætenus ardentiores & prolixiores, crebra rigidâque jejunia, aliòsque corporis cruciatus: dum denique visus sibi de divina vocatione securus, Societatem ardentè expetiit, ad ejus Tyrocinium receptus anno ætatis 21. in quo ità se per omne genus virtutis omnibus probavit, ut nullus unquam repertus sit, qui in eo reprehendere quidpiam posset, singuli autem exempla ad perfectionem & sanctitatem sibi ex eo atque incitamenta sumerent.

Post nuncupata Religionis Vota, sive cum doceret alios in scholis mansuetioribus, sive cum vacaret ipse severioribus disciplinis, nihil negligebat occasionis, quâ prodesse posset alijs ad salutem, ut jam tum ominarentur non vanè domestici, insignem aliquando in vinea Domini operarium evasurum. Et Magister quidem in Scholis in id curas suas conferebat omnes; ut quot habebat discipulos, tot famulos quàm absolutissimos summo Domino pararet: in Studijs autem Philosophicis & Theologicis per Festa majora & Dominicas plerâque, ac quoties aliàs licuisset, excurrebat in pagos vicinos ad instituendam catechetica doctrinâ plebem rusticanam, quam deinde ipsemet ad confessionem peragendam Sacerdoti sistebat. Extat etiamnum inter eos Sodalitas SS. Sacramenti ab ipso instituta, pro-

Ssss 3

fert-



fértque fructus animarum uberrimos, cujus Sodales Dominicâ quaque die illum adibant, factorum inter se dictorumque reddituri rationem; & quæ vis erat Divini Spiritûs, quamvis juveni parebant omnes, neque recusabant subire ea, quæ vel pænæ, vel medicinæ nomine imperabantur. Sacerdotio insignitus, primam DEO hostiam eo ardore devotionis obtulit, ut in astantes etiam æstus eosdem derivaret: idémque donum totâ deinceps ætate illi permansit, ut quoties sacrificaret, suavissimos quosdam sensus de DEO rebûsque cœlestibus adstantium mentibus ingeneraret. Tum ubi primùm licuit, totum se in curam salutis proximorum, in Missionibus præsertim, transtulit, DEO famuli sui laboribus ubertim benedicente, ex quibus fructus nascebantur sanè mirabiles, Sequebatur præcipuè loca inculta & vasta, ut nihil molle sensibus occurreret, ideóque magis à spiritualibus colonis destituti agrestes essent: tempus verò potissimùm deligebat hibernum; ut dum agrestibus eorum laboribus frigoribus asperitas interdicit, otium illud ad neglectarum animarum utilitates transferret. Obibat pedes pagos singulos per medios labores æquè ac discrimina; luctandum sæpenumero erat cum ventis, cumque nivibus, nullo ferè tramite, nullo vestigio eorum, qui antecessissent, ut vix præcipitia à tuto distingveres. Et quidem noctibus plerumque agenda hæc itinera obveniebant, ululantibus circumquaque in vastitate sylvarum lupis, quia per multitudinem ad confitenda peccata confluentium, nunquam ferè licebat ullo pago exire nisi sub vesperum; nocte interim, priusquam ad alium pagum pertingeret, ingruente. Eò perveniens, gaudio maximo exiliebat, si neque hospitium commodum, neque rerum ad usum necessarium copiam reperiebat: quæ si subinde adessent, commodiores omnes in Socium derivabat, viliora & despiciatiora sibi retinens.

Noctes ferè in scamno, sedili, vel etiam humi exigebat: ac, si quando lectum recusare non posset, ad breve temporis intervallum vestitus in eo acquiescebat, postmodum ubi molesti interpellatores abcessissent, descendens silenter, noctem reliquam in ea duritie transigebat. Cæterùm quocunque accederet, multitudo confluebat tanta, ut profestos dies à festis vix dignosceres: quorum confessionibus nè quid temporis commodi eriperet, Sacrum ferè rejiciebat in horam primam à meridie, ex privilegio Missionarijs nostris concessò, cum simul bis terte in die verba adpo-

pulum è pulpito faceret. Sed cum ardori mentis vires corporis minùs responderent, ad laborem minimè interruptum accedente inedia, eveniebat sæpe, ut ex suggesto alienis brachijs ad domicilium efferendus necessariò esset. Quò tamen vix ingressum, obruebant confertim ij, quorum confessiones necdum exceperat: ita vix resumpto spiritu, aut in templum referebatur, aut in cubiculo sedens audiebat urgentes, sæpe ultra mediam noctem: post, ubi unam vel alteram horam somno dederat, redibat in templum expiandis reliquis. Tantam verò sui opinionem longè latèque concitaverat, mansuetudinis potissimùm nomine in tractandis peccatoribus; ut tanquam ad commune asylum confluerent à 10. & 12. levcis diffusi: quibus, cum aliquando minùs satisfacere posset à Superioribus ad tempus domum revocatus, temperare nequibat à lachrymis, indicibus extremi studij prætermittendi neminem, si licuisset. Post ubi se ijs reddebat, excipiebatur ut Apostolus vel Angelus, tantùmque in animos eorum habebat imperium, ut componeret perfacile dissidia litèsque, & nihil non extorqueret etiam à contumacissimis. Verissimum autem patrem miseris & oppressis se exhibebat, neque è loco discedebat, priusquam reos ad satisfaciendum injuriâ affectis perpulisset. Quòd si à Dynastis opprimebantur subditi ruricolæ, primùm illos omni observantiæ demissionisque significatione delinire, ac tum æquiores istis reddere svaviter & fortiter satagebat. Eandem curam & auxilium illis impendebat contra vim militarem; nam cum in pagum quandam Oxitanæ copiæ militares irruerent, pagani in templum velut ad asylum cum rebus suis confugere; sed cum nihilo secius illi vim pararent sacro loco, Pater incredibili ardore constantiâque obviâ armatis progressus, illos arcanâ quâdam vi perculsos repulit: quod idem alibi cum cohorte ex Calvinistis conflata, & miserè rusticos affligente, aggressus, cum nihil proficeret, ipsum adortus est Præfectum, effecitque ut audaciam suorum inhiberet. Aliàs circa pagum S. Joannis missiorem suam obeunte Patre, boves cum aratro abstulerant rustico milites, ad quos pauperi restituendos cum inflectere ductorem cohortis non posset; recurrit ad DEUM, & mox ab oratione ingenti conceptâ fiduciâ: *tu verò, alloquitur rusticum, capito boves tuos, atque abigito: sic enim habeto, neminem planè prohibiturû*. Properat hic, quò abacti boves erant, abducit continuò, inspectantibus quidem, sed nè verbulo resistentibus raptoribus.



Haud tamen paulò major labor illum exercebat in urbibus, in quibus vitia plerumque contumaciora, & salutaris medicinae vix sunt patientia. Superavit tamen oninia constans Patris zelus, sive in frangenda hæreticorum pertinacia, sive in duritie pectorum emollienda. Anicij mercator Patri idcirco infestus, quòd ex vitiorum cæno emergere nolentem urgebat frequentius, multa in Virum innocentem dixerat fecerátq; contumeliosè: quibus tamen nihil abalienatus, sed aciori insuper studio in curam phrenetici incumbens, adire illum sæpius, consulto aliquid mercium ex eo coëmere, & alios emptores adducere, communicare consilia sua de juvandis alijs; donec ad usque familiaritatem conciliatum, ad confessionem de tota vita apud se faciendam impulit, nihil aliud satisfactionis nomine imponens, nisi recitationem semel orationis Dominicæ, cetera enim in se suscepit, verberationem corporis quadragesies obitum pollicitus. Fuit enim in tractandis peccatoribus lenissimus, magis de commoventis ad intensam contritionem, quàm poenâ graviore plectendis sollicitus; ajebat siquidem, *plures muscas melle modico, quàm copiosè felle capi*. Quos tamen ad pia monita contumaces deprehendebat, objurgabat severissimè, eos præsertim, qui laqueum objiciebant virginum mulierumq; pudicitia; quàm enim sedato animo injurias sibi irrogatas excipiebat, tam vehementer ulciscabatur istiusmodi flagitiorum genus. Jam verò in perditis mulierculis DEO pudicitiaq; restituendis præcipue ejus vigeat zelus. Sanè dum in Collegio Montis-pessulani versaretur, extra urbem identidem progressus, miseras in trivijs venabatur, ubi alienæ saluti insidias tendebant, incensâque oratione sic commovebat, ut horribilis instituti pertæsas in urbem complures reduxerit, maximâque sollicitudine de vitæ conditione honesta, ut extra periculi aleam agerent deinceps, prospexerit. Itabat & ad fœda prostibula intrepidus, nihil sceleratissimorum lenonum iras, neque petulantium juvenum furorem veritus; & ad perditas sic perorabat, ut tamen initio ferè ab eo refugiebant, cederent tamen denique, atque ad poenitentiam se reduci sinerent. Quòd si resisterent aliquando nequissimi lenones, qui suo quæstu miseras domi suæ publicabant, fortiore zelo accensus eas per vim abducebat; & si domi servari negarentur, angulis omnibus vestigabat eripiebátque; quarum plures viginti aliquando piorum liberalitate, conductis ædibus inclusas, sustentabat. Quâ causâ incredi-

bile est quot contumelias, obloquia, molestias & judicia ab amicis etiam pertulerit, operam frustra in profligatis ejusmodi collocari, cum detrimento Religionis, censentibus; quando præsertim ipsæ matronæ seu virgines talium aluminarum moderatrices, morosam earum contumaciam & mores improbos pertæsa, non rarò eas sibi habere Patrem jubebant, domibus suis expellendas: sed confirmabat eas in tempore Vir sapiens exemplo maximè S. JGNATII; præclarissimè utique, cum ipsis actum iri, si tot tam gravibus, tam diuturnis laboribus, sumptuque tanto illud assequerentur, ut vel peccatum unum lethale impedirent. Atque ut exemplo suo curam earum intenderet, antequam iter ullum ad Missiones suas iniret, poenitentes illas salutatum adibat, ac brevi cohortatione in proposito firmabat: quin & literas identidem ad præfectas earum dabat, testes studij sui curæq; præcipuæ, quâ in salutem earum invigilabat.

Gravissimum nimirum peccati cujusvis odium & horror, ex Divinæ Majestatis æstimatione & amore in ejus animo dimanans, tantopere zelum ipsius ad ea impedienda inflammabat: unde ad solam peccati gravioris mentionem urebatur imis sensibus, tantuq; tunc dolor mentem opprimebat; ut defectus viribus stare vix posset in vestigio. Atq; hinc illa perpetua sollicitudo antevertendi in tempore nè quòd perpetraretur: occurrebat precibus, lachrymis, vigilijs, laboribus, neque ab illo impediendo periculi ullius denunciatione dimoveri se unquam passus est: reprehendebat palàm in vicis & foris, si quos audiret nomen divinum indignè usurpantes, aut convitijs invicem lacescentes; in quas procacissimè aliquando publicè effusam mulierem offendens, cum monitione nihil perficeret, obvio luto impletam volam in os furiosæ effudit, magnâ adstantium approbatione, & mulieris confusione. Sic autem increbuerat passim opinio de hoc Francisci ardore in ulciscendis DEI injurijs, ut ad improborum licentiam coërcendam interminarentur ijs vulgo delaturos se ad Patrem Regis si pergerent; quæ una denunciatio plerumque reprimebat impios. Huc conciones suas omnes, quas in Missionibus quotidie plures habebat, direxit, & monita in Sacramento confessionis poenitentibus data: in quo ita erat diebus totis, etiam dum in Collegijs versaretur, assiduus; ut frequenter Superiorum jussu evocandus fuerit è Confessionali ad cibum capiendum, cujus illum nec cogitatio in tam sancta procu-



ratione occupatum subibat. De quo cum amicè à familiari Parocho aliquando moneretur, temperaret sibi aliquantum, nec tam duriter corpus virèsq̃ue necessarias affligeret, at-  
*qui ignavus sim & ingratus*, respondit, *si mihi parcam, postquam tantam in me toties DEI benignitatem sum expertus. Fuit inter cetera, cum iter sanè arduum per montium juga emetiens, crus fregi; properansque nibilò secius quò ejus obsequium vocabat, levæas duas sic affectus cum confecissem, explorans quo statu crus esset, planè confanatum reperi.* Neque hoc unum fuit periculum, quod ardens suus illi peperit zelus, gravius de ipsa vita periclitatus est à juvenibus aliquot procacibus, quorum scelera Anicij pro concione acriùs perstrinxerat: armati enim quisque sicà & fulte ad Collegij januam consistunt, & per Janitorem Patrem evocant; qui arbitratus se ab ijs fortè confessionis causâ evocari, in templum interim eos deduci jussit, illico præsto futurus. Parent illi jubenti, certi etiam in loco sacro vesaniam suam exequi: cum adveniens Pater vultu hilari, & ad Christianam benevolentiam composito, quærit perhumaniter quid velint? exarmavit ea species furentem rabiem, & vehementi adjunctâ exhortatione ita permovit omnes, ut polliciti sint se postridie ad eū confessionis generalis ergò reverfuros, & fecerunt ex ijs duo.

Ceterum quoties etiam in Urbibus, ut Anicij, non modò verba ad populum faciebat Ecclesiastes; sed etiam Catechista sacram doctrinam familiariùs explicabat; incredibiles ad audiendum fiebant concursus, ut frequentiam æquarent illam, quâ celeberrimi quique Concionatores audiuntur festis diebus. Hic ille sæpe verbis tribus inveteratos mentium morbos confanabat, tamque altè defigebantur animis, etiam paganorum, ea quæ proponebat; ut neget etiamnum pia plebs, oblivi-  
*sci se illorum posse, fateanturque etiam præcipui quique è nostris, nunquam se in ullo tam incensum animarum studium vidisse.* Adhæc commune idem fuit periculum captivorum, ægrotorum, miserorum, ex quorū corporibus licet quandoque tantus prodiret fœtor, ut ubi omnibus deserti interirent, reperto nemine, qui quantacunque mercede propositâ tam gravem & intolerabilem mephitum excipere vellet aut possêt: at Patrem Regis nullus unquam cujusquam morbus aut fœtor, aut purulenta sanies vel carcinoma abalienavit; quin contrà existimâsses illum delicias aliquas ad eorum cervical degustare, ita se illis propè toto ore & sensibus applicabat.

Eà causâ itabat frequens ad xenodochia, atque ad publicas vinculorum custodias, agebat Advocatum apud Judices & Magistratus, corrogabat apud locupletes miseris tum alendis, tum solvendo, ob quod carcere tenebatur, æri alieno; ut ferè non alio nomine, quàm Pater pauperum appellaretur. Certè ad Collegium confluebat frequens turba viduarum, pupillorum, destitutorum, implorantiū Francisci opem, vel patrociniū apud Magistratus, nec ullum spes sua frustrabatur. Et ad sublevandam quidem eorum egestatem, domi certo loco aggerebat supellecilem indusiorum, attritarum lacernarum, calceamentorū, thesaurum suum appellans, quibus postulandis nunquam deerant egentes: foris autem matronas inducebat pias & locupletes, quarum conscriptum catalogum gerebat, ad victum & amictum certis pauperibus in statum tempus præbendum, refragante propè nullâ. Montepessulani certè fœminæ primariæ 30. societatem inière ad captivos in carceribus sic alendos, ut singulæ diebus singulis prandium darent: ubi etiam ipse diebus Sabbathi, ac pervigilio celebrium festorum conveniebat locupletissimos quosque ad impetranda egenis munuscula. Quando autem ex uno in alium locum excedendum ipsi erat; suum in locum ad hæc charitatis munia aliquem sufficiebat eorum è numero, quos volentes ad eadem opera misericordiæ singulis in locis erudiebat, vicem suppleturos suam. Quæ officia miseris impendendo tantâ humanitate condiebat, ut ad solum illius conspectum exhilarati, faciliùs revalescerent: cum tamen ipse nunquam sibi satisfaceret, sed ignaviæ accusaret sese, quòd non proximorum causâ vitam profunderet, alia omnia levia reputans. Quanquam si non charitate proximi emori, mori certè videri potuit, siquidem invisendi aliquando moribundi negatâ copiâ, incidens in familiarem Sacerdotem: *Explora*, inquit, *arteriam, en febris me incessit! hæc totâ nocte sæviet, nec partem quietis capere potero. Ecce enim vita vitalis esse queat, facultate proximos juvandi præcisâ?* Neque rarò in reducendis ad frugem mulierculis ultimum illi imminebat ab efferatis amatoribus exitium; sæpe intentata gùituri sica est, sæpe sclopus obversus in caput; at ipse nihil animo motus, nunquam ab incepto deterritus est. Contigit non semel, ut ab his velut ad ægrotum domo evocatus, nemine ægro comparente, postquam per omnes civitatis vicos circumductus fuit, reduceretur tandem ab iisdem ad Collegium, satentibus tum demum, non alia de causa cum



eum à se Collegio excitum, nisi ut seductum in secessum aliquem ab arbitris remotiorem conficerent; sed occultâ quadam vi semper esse prohibitos.

Hæc & similia in obsequio Domini perpassum, & nova semper majorâque pro ejus gloria molientem, est mors non parum communi ætatis hominum termino anteverterit, non tamen ei accidit improvisa, de cujus die longè antè certior factus fuerat. Nam paulò ante Natalem Domini Anno 1640. jam tres quatuorve menses rure versatus, ultro inexpectatus adfuit Anicij in Collegio, venire se professus, ut ad exitum è vita per tridui re-collectionem, & generalem de tota vita exomologesim animum compararet. Secundùm quæ rogatus à Confessario, quandônâ ad Missionis labores esset rediturus? *Cus, inquit, omninò eò redeam, unde veni, oportet.* Urgenti, ut pro imminente Votorum renovatione, in Collegio remaneret, aut certè ad eum diem cum socio rediret: *ego verò haud adero*, respondit, *aderit socius meus.* Opponenti, nequaquam ex decore facturum, si misso ad Collegium socio, solus ipse rure remaneret: ille nihil motus, *sic prorsus*, subjecit, *futurum est; aderit socius, ipse non adero.* Et evenit planè, quod prædixerat, nam ante eum diem sanctâ morte obiit. Ergo per asperrimum frigus remensus ad suam missionem iter, pridie pervigilij Natalis Domini pervenit, & nemine tectum vel ignem in pago, quem seriùs attigerat, offerente, noctem illam in deserto turgurio, ventis undique pervio exegit; gratulatus idem sibi, quod Christo Domino in stabulum Bethleemi excluso, evenire. Sed nihilo minus inimica vis nocturni frigoris sic Francisci, ab itinere pedestri lassati, valetudinem afflixit, ut indè morbum contraxerit lethalem. Exulceratio pulmonum cum febris acuta gravissimis illum postridie exagitavit doloribus; & ramen, quod miraculo simile postmodum medicis visum est, vespere vigiliæ Nativitatis excipiendis confessionibus, cum sequenti nocte, ac toto die sacro continuavit: & quòd magis mirère, eò noctis & diei intervallo sexies de loco superiore verba ad populum fecit. Tandem in ultima dictione cū lateris dolor vocem intercluderet, ex Æde sacra recepit se in vicinam Parochi domum, ad ignemque assidens audiit nihilo-feciùs eos, qui è templo excedentem secuti ad instituentem homologesim fuerant. Tum ubi cunctis satisfecerat, decubuit demum, luctatùsque cum morbo sex dies, in assiduis virtutum omnium actibus, Sacramentis religiosè susce-

*Societas Europæa.*

ptis animam DEO reddidit 31. Dec. A. 1640. ætatis 44. initæ Societatis 26. sepultus est in eodem, quo decessit pago, Lalowesc dicto, Diœcesis Viennensis in Gallia, obscuro ad eū diem, sed paulò post perillustri, ob res mirabiles, quæ ad beati Viri tumulum fiunt quotidie. Ad justa funebria persolvenda Parochi è vicinia octodecim convenère per altas nives, propè supplicationes integras suæ quisque plebis adducentes, 700. vel 800. paganos, unde monitos, nescias; neque enim ab ullo fuerant invitati. Ubi autem tumulandum corpus fuit, comploratio extitit talis, qualem edere paterno in funere amantissimi filij solent, ut vix complexibus piæ turbæ eripi potuerit.

Fuit P. Regis inter Apostolicas curas animo semper cum DEO conjunctus, & illum intuentē: omnisque gestus, incessus, frons, habitus totus corporis spirabat ardorem mentis, cogitationemque de DEO ac rebus celestibus nè ad momentū quidem interruptam. Id quod illustriùs enitebat in casibus repentinis, qui ex improvviso illum excipiebant, sic enim semper animi compos erat, ut nullus unquam motus erumperet minùs moderatus. Illa verò totius vultus compositio tam fuit in DEUM rapax, ut quisquis eum aspiceret, illico intus animo exardesceret: & affirmarent plurimi, unum Francisci obtutum plus apud se in eo genere valuisse, quàm vel incensissimam concionem cujusvis Ecclesiastæ. Maximè verò hinc ardor erumpebat, cū verba de DEO faceret: hinc aliquando Provincialis, Anicij Catechesim populo explicantem audiens, continere se nequijt, quin funderet lachrymas; fociumque compellans: *nunc verò, inquit, desino mirari, fructus à nostro Catechista referri tam uberes.* Ego quidem si hic degerem, occasionem nullam prætermitterem illum audiendi, vel si iter levcarum quatuor emetendum esset. Divinum Officium semper recitabat flexo genu, nisi si iter agebat: noctu autem, postquam horas pauculas somno dederat, reliquas meditando traducebat, idque si templum adesset, coram SS. Evcharistia. Pagus est in Alvernus frigore tam infamis, ut idcirco *S. Boniti frigidi* appelletur, ibi dum Pater Missionē obiret hyeme, pro templi foribus partem noctis haud modicam exigebat: quod cū Parochus advertisset, *en tibi*, inquit, *Pater, claves Ecclesiæ, subis sanè intrò dum libebit:* quâ facultate gratanter usus, ibidem noctes exigebat propè totas, nunc flexis genibus, nunc stans, nunc pronus in vultum ante DEUM suum prostratus.

Ex hac DEI æstimatione nascebatur in

T t t t

eo



eo profundissima sui vilipensio, ut totus animo exultaret, quoties se deridiculo cernebat esse alijs, quibus ultro se ipse ridendum præbebat: tumque singulariter oblectabatur, cum aliquid dixerat feceratve, unde proponeretur aliorum scommatis, vel ludibrijs. Fuit cum asperriam hyeme facultatem à Superiore petijt verberandi sui palam in triclinio, & annuente Superiore sic, ut vestem non poneret, sed per togam humeros verberaret, in discumbentium oculis prodit in medium, & ut erat planè vestitus, flagello è funiculis totà laceratorum vi verberat humeros, lætusque ac volens hausit ruborem totum, & risum sociorum, erat enim jam ætate quadragenarius. Et verò singulari DEI providentiæ tribuendum est, permittentis ut non modò assidue externorum sannis patuerit, sed etiam Superioribus illius minùs probarentur eorum pleraque, quæ vir DEI ad Domini sui decus, utilitatēque proximorum suscipiebat. Mirumque est, quomodo fieri potuerit; ut Superiores, Viri utique probi & sapientes, non semel hinc sibi imponi passi fuerint, plus fidei habentes delationibus aut suspicionibus justo fundamento carentibus, quàm ferret viri sanctimonia prudentiæque. Quibus casibus nunquam vel verbulo causam suam apud Superiores defendit, nisi dum clarè videbat suo silentio DEI gloriam utilitatēve animarum imminutum iri. Ejusdem humilitatis studio, defectus in se, & concionibus suis observatos, enixè petebat à socijs sibi exponi: ædes Nobilium perpetuò vitabat, neque adibat unquam, nisi charitas cogeret & animarum ratio; cum Rusticanis longè propensius versabatur. Et licet tanto animarum zelo æstualet, jussus tamen subinde à Moderatoribus deferere præclarè cœpta, è quibus fructum non mediocrem exiturum tantum non intuebatur, cedebat humillimè, at non sinè lachrymis, quas uberes tunc profundeabat: quippe non rerum in quibus versabatur genus, sed DEI voluntatem ubique intuebatur, in eaque suavissimè acquiescebat. Non semel è medio cursu concionum Missionumque derepentè revocatus, & ad docendam Grammaticam traductus, nihil tamen unquam exposulavit, neque contra prolocutus est: scholà angustà continebat ardorem suum inclusum silens, cui vix Orbis totus par esset.

Quia verò Divina Majestas illum ad Veneris potissimum mancipia sibi lucranda destinaverat, eà simul Angelicæ virtutis prærogativâ communivit, ut licet esset præservidæ, & copiâ sanguinis abundantis naturæ, tamen

nunquam spurcas in animo imagines, aut tumultus ejus vitij intestinos expertus sit. Id quod ipse aliquando de se viro familiari professus est, ego, inquit, quæ DEO meo sit gratia, quid sint motus obscæni in me nunquam expertus sum. Quanquam non hujus duntaxat vitij, sed omnis omnino peccati lethalis expertus vixit, baptismali innocentia illibatè ad tumultum usque conservatâ. Quare minùs mirum est, si tam exosum haberet vitium illud, cujus ut umbram ipsam aboleret, nè vitæ quidem pepercisset. Hinc ardor ille tam constans perditas mulierculas ex cœno extrahendi, & ubi primùm audierat alicujus pudicitiam periclitari, nullam partem quietis capiebat, dum eam in tuto collocasset: cujus flagitij si quandoque inhibendi facultas deesset, tum verò gemens sic angebatur animo, quasi omnium illorum rationem aliquando à se Dominus repetiturus esset. Et sufficebat plerumque ad extingvendas in alijs libidinis faeces, solus congressus illius & familiare alloquium, ut si vel semel cum impudicis egisset, earum continuò in mentibus flagitij odium existeret; & fuere, quæ cum per diu in eo cœno hæssissent, ubi primùm eo Confessario usæ sunt, adeò fœdam tyrannidem averfari cœperunt, ut deinceps constantissimè pudicitiam coluerint. Complures item de se ipsis testantur, contra ejusmodi impugnationes salutari sibi adjumento fuisse Patris invocationem, ex quo in terris esse desijt: quin etiam quoties famuli DEI reminiscuntur, continuò spurcas quaslibet imagines ex animo evanescere, non minùs quàm dum in terris ageret; solus ipsius conspectus valuerit ad libidinosos motus in se compescendos.

Porrò ad decus hoc Angelicum illibatè servandum, nullum non genus præfidiorum adhibebat; confitebaturque quotidie, siquidem Confessarij nanciscebatur copiam; afflictiones corporis adhibebat continuas, somno usus brevissimo, horarum ferè trium tantum, nunquam ferè nisi vestitus, in assere, vel ipso cubiculi pavimento, ut quacunque noctis hora ad ægrotos accitus, promptior esset. Quin etiam testantur illius socij, ipsum in Missionibus, nonnunquam mensium sex, vix ultra horam unam & alteram noctibus singulis dormire potuisse: adeò tempus etiam nocturnum ei præripiebat contentium assiduitas. Victus illi parcissimus idem & vilissimus: dies toti sæpissimè jejuniis absque omni cibo exacti: alias sub vespertum ferè corpus primò reficiebat, de prandio nè cogitans quidem, late ferè & pomis aliquot, cum pane secunda-



io apud ruricolos emendicatis; nam carnes vix attingebat in Missionibus, gelidâ in porum plerumque contentus. Frigoris tolerantia fuit pene incredibili, hyeme non raro in montibus gelidis ad tres quatuorve horas sedebat in obvio saxo, pedibus nivi immerfis, aures pœnitentibus commodans, qui post illum pene conferti accurrebant: quo ipso tempore, ad lacernulam palliumq; nihil vestimenti addebat. Adjungebat flagellationem corporis singulis ferè noctibus, nec incruentam; cujus vestigia in liventibus dilaniatisque humeris visa aliquando non sinè horrore sunt à socio, aliquid illi necessarij obsequij impendente.

His virtutibus atque Apostolicis gestis eam locis in omnibus, ubi Missionarius versatus est, opinionem sui concitavit; ut pro Sancto habitus, vivens & mortuus alio nomine, apud montanos illos hodièque non indigetur, quàm *Sancti*. *Sanctus*, aiebant, *hunc illumve ad pagum pergit*; *Sanctus ita docuit*; *Sanctus propediem aderit*. Neque cœlum ad confirmandam perpetuis miraculis ejusmodi opinionem defuit; nam cum ex ea Servi DEI adhuc superstitis veneratione, certatim frustra ejus vestium, epistolarum, & quidquid ejus usu sacratū esset, pro reliquijs haberentur, placuit DEO mira per hæc ipsa operari. Mulier rusticana pallium ejus non uno loco lacernum cum à se refarciendum impetrasset, frustula una resecta sibi reservavit, eâ fiducia, fore ut hæc pro amuleto deinceps ad morbos depellendos essent. Nec piam mentem spes sua frustrata est: eâ ipsâ luce, cum filios duos domi jacentes haberet, alterum ex hydrope, ex febris alterum; ambos applicato frustulo vidit levatos statim, paulò post autem consanatos prorsus; atque ex eo tempore cœperunt hi panniculi pro præsentissimo remedio totâ viciniâ adversus omnis generis morbos adhiberi. Quibus rebus longè latèque vulgatis, cœperunt tanti undique concursus ad ejus tumulum fieri, ut fidem omnem superet. In pago enim illo paulò antè deserto, numerantur aliquando uno die decem millia peregrini mortales: eodem ducuntur supplicationes ex pagis alijs, decem duodecimve levcis diffitis; carpitur gleba tumuli ab unoquoque sic, ut nisi identidem nova humus ad tumulum aggereretur, reiectus jam fuisset sæpius: eâ glebâ redactâ in pulvisculum, moxque eporâ, utuntur adversus morborum genus quodlibet, atque adeò pro magno munere mittunt amici ad amicos pyxides illâ referas. Hinc frequentissima Sacrificia fiunt ad altare facelli, ubi corpus depositum, neque ullus dies illis vacuus

*Societas Europæa.*

est, cum ex oppidis pagisque nonnunquam 20. & amplius levcas gallicas diffitis voti rei indies conveniant. Anicij verò ad ejus Confessionale fiunt novendiales visitationes, quibus fundit preces plebs pia pro impetrandis, solvitque vota pro exoratis beneficijs.

Verum ut ea prius, quæ superstes supra naturæ vires gessisse visus est, exequamur: advocatus aliquando ad Virginem, animam agentem, cum jam pronunciassent Medici vix duas trêsvè horas victuram, ipse animo paululum collecto excedere foras, uno dempto socio, jubet omnes; tum post brevem sed ardentem orationem consurgens, prehenso deploratæ brachio, *in nomine*, inquit, *Domini nostri JESU Christi impero tibi, febris, abscedas omnino à corpore hujus famule DEI, liberamque relinquant*. Cessit momento febris sic, ut continuo ægra sensuum usu recepto, quem prorsus amiserat, ad se redierit, planèque paulò post convalescit, stupente ad prodigium Medico. Simili modo sanguinis profluvio laboranti mulieri prægnanti, qui nullâ arte sisti poterat, apprehenso ejus brachio, momento stitit. Solebat autem plerumque, nè miri ejusmodi eventus sibi imputarentur, svadere votum ad aliquem Sanctum; uti accidit in Virgine exitiali dysenteria laborante: sed cum hæc negaret se votum ullum emissuram, neque velle per miraculum vitam servari, *at saltem*, inquit Pater, *brevem mecum preceationem recita*. Secundum quam discedens Vir DEI, postridie Virginem sanam reperit, sic tamen, ut (quod perrarum est) exclamaverit propè exoptulans, fraude se consanatum. At Franciscus indicto silentio, nè verbulum quidem addi passus est, nè adstanti socio miræ illius curationis aliquid innotesceret. Apud Civem Aniciensem sepositam habere solebat Pater arcam ingentem semper frumento corrogato plenam, nè quis extremè egentium, se in Missionibus absente, alimoniam destitueretur. Cum aliquando redisset, quærit, quo statu arca esset? auditque vix quidquam superesse, ob multitudinem eorum, quorum indigentia subveniendum erat: *ergo implenda arca denuo*, inquit Pater, *verumtamen pergamus eò, & quid, quantumq; super sit, videamus*. Ubi veniunt, & arcam referant, inveniunt illam non modò frumento plenam, sed propè exundantem. Idemq; eodem prodigio contrigit alias; hoc discrimine, quòd frumentum ad dimidiam tantum arcam excreverit. Fœminam in hæresi pertinaciter obfirmatam, & omnes aliorum conatus diu eludentem, unicâ ipse interrogatione, *& tu non vis ad S. Ecclesiam*



*Catholicam converti?* ita infregit, ut in vestigio Catholicis accedere velle sponderit.

Nec minus prodigiosus fuit in secretorum, & rerum futurarum prædictionibus. Fœminam in flagitiorum cœno ad eam diem volutatam, quæ in eum adhuc sibi ignotum confessura inciderat, ad pudicitiam ardentem incitans, *sic habeto*, dixit, *ante sex menses DEUM in te beneficentissimum experiere, in aliam prorsus mutaberis, & rainaberis te talem fuisse, qualis ad hanc usque diem extitisti.* Et intra illud tempus tanta in ea facta est mutatio, ut valere prorsus iussa flagitiosâ licentiâ, castissimè deinceps DEO famulata sit. Virgo quædam ex earum numero, quarum operâ utebatur Pater ad mulierculas extrahendas, è fœdo volutabro, & in officio deinceps continendas, pertæsa laborem molestum & toties inutilem, nullis sese rationibus induci ad continuandum patiebatur: tum verò Pater fronte & oratione ad severitatem compositâ, *video*, inquit, *minimi me, meâsque hortationes facis, sic habeto tamen, aliquando operâ meâ indigebis, requirèsque absentem procul, atque adeò ad me venies.* Haud ita multò post Patre demortuo, fustuario tam atroci illam exceperunt impuri lenones; quòd, Patre authore, nefarij flagitij facultatem ijs quondam ademerat, ut contusis artubus movere vix corpus posset. Ergo frustra omnibus adhibitis remedijs ad Patris tumulum supplex peregrina discessit, ibi plenè confanata. Alia ex pœnitentibus ipsius deplorabat coram illo obitum filij sororis unici, *atqui*, ait Pater, *non est cur tantopere queraris, alterum etiamnum utero gestât soror tua, à DEO in locum prioris suffectum.* Et tamen mulier tunc ante triduum modò conceperat, uti post ex eo patuit, quòd totos deinde novem menses, dempto triduo, uterum tulit. Ut autem ortum hujus infantuli, sic pueri cuiusdam vegetissimi obitum non minùs certò prædixit. Luctuosior vates perditæ puellæ fuit, quæ emeruisse ex flagitijs, pijs quibusdam matronis, apud quas receptum petierat, videbatur, cum & ipsa sanctè emendationem sponderet, dummodo à lue venerea confanaretur. Igitur dum Patrem consulunt, seriò ipse curam illius suscipi dissuadet, morbum enim æternæ ipsius salutis futurum, cum si ab eo liberetur, ad suum reditura volutabrum sit. Sed inconsultè misericordes haud gesère morem, & puella ipsarum impensis vix sanitati reddita, ad superiorem intemperantiam redijt. Terrificum item quod perditæ alteri cecinit, quæ cum ter quaterve aut resipuisset, aut resipuisse putaretur, *sic habeto*, ait vir DEI,

*si hac vice fefelleris, morte à DEO multabere sic, ut nè momentum quidem ad pœnitendum concedatur.* Funestam prædictionem funestior secutus eventus: paulò post sclopus explosus in caput miserrimo scorto vitam eripuit, cum maximè petulantes juvenes aliquot ad flagitium alliceret.

Jam verò ad tumultum defuncti Viri DEI, tot tamque mira in hodiernum diem beneficia mortales percipiunt, ut ea sigillatim enarrare, nimis prolixum esset. Vitalis Tochæus à S. Bonito ex diuturna febris, nihil proficientibus quibusvis pharnacis, ad extrema perductus, ad tumultum Francisci deferri petijt, ad quem roto corpore aliquamdiu prostratus, repente exclamavit, *en me confanavit P. Franciscus Regis!* Et res sic prorsus habuit, nam domum se recepit & alacer & pedes. Mulierem rusticanam in vicinia gravissimi dolores torquebant ex ulceribus, quibus crus alterum à summo ad imum scatebat. Frustra adhibitis omnibus, sepulchrum Patris venerabunda adit, glebâq; illius ulcera confricat: vix fecerat, cum dolor momento remisit, & ulcera brevissimo tempore integrè coaluerunt. Idem Franciscus Costæus eodem remedio expertus est in crure insanabili, dū velut momento sanum ad Patris tumultum recepit. Sicut & Catharina Borretta ex oppido Tensa. Antonia Varassonia iteratò fracto crure cum absq; firciculis deinceps ingredi non posset, expleto ad idem sepulchrū peregrinandi voto, nullo deinceps adminiculo eguit. Filiola Jacobi Conilij paralytica eodem ex voto delata, gradiendi pariter usū mox consecuta est. Henricus Morus Vir inter suos primarius, sic ex oculis totum biennium laboraverat, ut planè cœcutiret: is cum aliquando per Lalowescum transiret, ædem sacram ingressus, ad tumultum Patris exiguum illum, qui supererat, visum prorsus amisit. Domum reversus dum conturbatus revolvit animo, quo loco alij remedium malis omnibus reperirent, se gravius habere cæpisse, novâ conceptâ fiducia, fore, si ad sepulchrum Patris supplex rediret, ut visum certò reciperet: ad quam cogitationem subito lumen perobscurè videre cæpit. Sed ubi eò peregrinatus Sacramenta piè percepit, oculorum usum recepit illico perspicaciorem, quàm in vita unquam habuerit. Catharina Martella similiter oculis capta, dum collectū manibus sepulchri pulverem piè in oculos jactat, & quod mirère, nullo dolore vel incommodo, redintegrata penitus est acies oculorum. Maria Morisonia 25. annos gradiendi facultate ex contractione nervorum destitu-



ta, ut primum ex voto ibidem famuli DEI opem imploravit, continuo, plurimis cum Parocho spectantibus, firmo vestigio constitit. Globuli ex eadem sepulchri gleba in pi-um contra omnes morbos usum confecti, ab innumeris saluberrimo effectu adhibentur. Florentia puella in pago Pratanfi, stomacho, nihil cuiusvis cibi retinente, ad extrema deducta, ubi pauxillum aquæ, cui globuli injecti erant, ebibit; quemvis exinde cibum retinuit. Quo eodem remedio in una S. Paulini paræcia plus triginta à diversis morbis sunt liberati. Armando Malratio, ejusq; filio periculosam febrem; uxori ejus maxillarum dolorem acerbissimum idem depulit, & partum felicem præstitit. Ad ejusmodi globuli contactum successit erysipelas è crure Benedictæ Baud, annorum 95. Ex cuiusdam Virginis capite impetigo: carcinoma ob ore Joannæ Sausæ.

Jam verò segmenta è vestibis ejus, aliæq; similes reliquæ præsentissimum contra omne genus februm sunt antidotum. In pago S. Andreæ cum puero genam canis penitus amordisset, tanto sanguinis profluvio, ut sisti nullâ arte, etiam ferro candenti posset; ad mortem è toga Patris frustulum ita perfectè stitit, ut nè guttula quidem ultra fluxerit, simulque omnem dolorem momento sustulit. Aderat casui pueri soror gravida, quæ tristi spectaculo perterrita, illico tormina sensit parientibus consveta, cumque inter ejulatus, quod tum doloris vis, tum abortus periculum (erat enim procul à consveto tempore) extorquebat, miserabiliter se jactaret, idem frustulum collo appensum continuè dolores omnes extinxit, & abortum stitit. Eadem cum aliàs tanto capitis dolore torqueretur, ut noctes dièsq; clamoribus obtunderet domesticos, nullam quietis partem capiens, tenui cereo caput in orbem cinxit, cum voto, eundem postea ad tumulum Patris incendendi, statimque cruciatu omni liberata est. Virgo quædam ex phrenesi tumultuosè quatuor ipsos menses insaniens, frustra omnibus humanis divinisq; adhibitis remedijs, ad tumulum Patris illico sanæ menti restituta est, frustulôque ex toga Patris ad collum appenso, constanter mentis & corporis valetudine usa est. Furijs exitialibus agitabatur ad desperationem filius matronæ nobilis morti proximus, neq; vel mentionem curandæ salutis æternæ admittebat: cum Mater recordata frustulum togæ Patris se habere, illud furenti admovet, simulque JESUM & MARIAM invocare jubet. Mirum dictu! paret ille totus jam mitis, & Confessarium ultro deposcit, plenusque optimæ

spei mortem, de qua prius nec audire sustinebat, votis accersit, & pijsimè decessit. Et nè plura ejusdem generis persequendo tædium creemus, sola etiam nominis P. Francisci invocatio eadem beneficia plurimis contulit. Pro Blanca diuturnâ febre conflictante, plura vota ad diversa sacra loca fecerat Castanerus parens, sed omnia frustra: cum Parochus Lalowescensis ægrota cognatus vovit, se in suo templo, ubi corpus famuli DEI jaceret, Sacrum oblaturum DEO, & continuo febris abscessit penitus. Id cum vidisset ancilla, eodem & ipsa malo afflicta, voto ad eundem nuncupato, momento & ipsa convaleuit. Idem in eodem morbo consecuta est Maria Isabella Arnaldia, & alia illustri genere matrona; rursumque in Annonæo S. Claræ monasterio Virgo Religiosa, & Henricus Maruyerus in suprema curia Tolosæ Senator, multique alij ex febre qualibet ægrotantes.

Vulnus quidam luculentum in ventriculo acceperat, id cum non satis aptè curatum à Chirurgis esset, secuti sunt dolores tam exitiales, ut actum esse de vita pronunciarent Medici. At is ad opem P. Francisci inclamandam dum convertitur, momento sedatis cruciatibus plenè incolumis consurgit. Eandem implorans Magdalena Grioteria, morbo confestim soluta est Medicis incognito, qui totum quinquennium membrorum usum propè omnem ademerat. In oppido Tensa puerum pedibus caprum, neque sinè grallis ingredi valentem, Mater, è Societate Sacerdoti Lalowescum peregrinaturum commendaverat, ut pro ejus valetudine ad tumulum S. Patris (ita enim trito nomine omnibus ibi vocatur) orare nè gravaretur. Et ecce tibi feriâ 4. Pascharis sub horam 8. matutinam, quâ Pater Sacrificium Lalowesci peragebat, lignea illa fulcra puero domi ultro excidunt, quæ ipse expedite jam gradiens ad sepulchrum Francisci in anathema detulit. Cui simillimum in eodem malo remedium, invocatione ejusdem, femina Anicij consecuta est: itémque alia Joanna Rigmolia nomine. In Diœcesi autem Apamienfi filius Fabasij viri illustris, cum sesquimenssem ex nervis distortis tantos esset dolores perpeffus, ut quoties corpus in partem alterutram versari cogebar necessitas, ad eorum conspectum, qui id officij exhibituri accedebant, in ejulatus erumperet, vixque intra horam dimidiam perageretur id, quod momento fit in sanis: accersitus Confessarius jubet ægrum votum peregrinationis ad tumulum, P. Regis edere: vix fecerat, cum nullo doloris sensu tangi femur sivit, atque adeò premi,



semel, iterum, ac tertio; quæ res cum Confessarij fiduciam erexisset, prehensum manu ægrum jubet confidere. Paret æger, parentibus & cognatis multis spectantibus, & sancto quodam horrore percussis, sic ut testificentur ipsi, capillum in capite obriguisset. Ergo provolutis cunctis in genua, solennis gratiarum hymnus recitatus est, ægro in eodem sedentis situ citra difficultatem ullam perstante; mox abscedente febris successit cibi appetentia, ac ruptâ dehinc ultro exitiali vomica, erupit humor noxius, potuitque tandem æger consurgere, & nullo fulcro ingredi. Id verò cum rescisset monialis quædam Gimontiani Asceterij à Medicis conclamata, ad idem præsidium confugiens repente convaluit. Catharina item Saufeta dolorem vehementem sinistri brachij sesquimenssem sic tulerat, ut vitam exosa, mortem in momenta concupisceret, Medicis circa mali causam penitus cæcutientibus. Igitur in P. Francisci venerationem statuit Sacramenta Pœnitentiæ & Eucharistiæ obire, post quæ momento conſanata est.

P. Claudius Broæus Societatis nostræ Sacerdos, scriptor Gallicæ vitæ P. Francisci Regis, cum ex diuturno quatuor mensium catarrho ob pectus infesto humore oppressum vix spiritum ducere posset, tandem ubi sanguis cum pituita mixtus in pectore computruit, morbo in phthisim vergente, merum pus excreare ingenti copiâ cœpit. At ubi vovit Lalowesci ad ejus tumulum sacrificaturum, & vitam ipsius scripturum, malum ita continuè remittere cœpit, ut postridie vix pars decima morbi superfuerit, potueritque paulò post peregrinationem Lalowescum levcarum 40. equo perficere. Uxor Ludovici Penelli Civis Aniciensis tres ipsos menses jacuit, omni omnino membrorum usu destituta; pro qua vovit maritus, si convalesceret, ituram unâ secum ad tumulum Patris Regis, statimque ingens levamentum ægræ accessit, & perbrevis temporis spatio prorsus convaluit. Filiolus Viri nobilis horas ipsas 24. tantum non pro mortuo habitus, cum vitæ vix ullum indicium superesset, ut primùm à parente Servi DEI precibus est commendatus, reviviscere continuè cœpit & vires nancisci, donec plenè revaluit. Petrus Lamicus Aniciensis ab exitiali 10. dierum pleuritide sensuum omnium usu jam destitutus, ut primùm parens peregrinationem ad tumulum Patris vovit, plenam sanitatem spatio 8. horarum recepit. Eandem à pleuritide liberationem expertus est Societatis Coadjutor Bruxellis jam S. Viatico ad æternitatem instructus, P. Francisci invocatio-

ne, cujus imaginem sibi dari poposcerat. Gabrielis Ponceti itidem Aniciensis uxor edito feliciter partu, correpta est tam atroci symptomate, ut tanquam distentæ in equuleo membra omnia distorquerentur, & commissuris suis evelli viderentur, vultu tantum non posticam in partem obverso. Ex tantis cruciatibus usu omnium sensuum amisso pro mortua habita, plenissimè tamen horæ spatio revaluit, ubi idem peregrinationis votum à marito editum est. Elisabetham Ferretiam ex pago Plasio impotem sui reddiderat amentia; sed per Sacrificium DEO oblatum imploratus P. Franciscus, sanitatem menti eadem horâ restituit. Joanna Lova ex pago S. Romani ad ejusdem tumulum filiolos tres devexit, quorum natu maximus quinquennis; alter quadrimus; ultimus menses duntaxat 18. natus erat, nullus ad eam diem gradi potens, & minimus sic præterea artubus dissolutis, ut neque erigere aut movere caput, neque cruribus niti aut renibus posset. Sacro altero Lalowesci curato, omnes tres plenæ sanitati in conspectu omnium ita restituti sunt, ut duo majores illico firmo vestigio inceserint. Quod idem beneficium invocato P. Francisco consecuta est Antonilla Lorgæa, sexennio gressus omnis impotens: Clara Garneria brachijs & cruribus capta: Joannes Montalit puer, unâ cum Maria sorore, uterque pedum usu delitutus: itémque Catharina Varithia, & Catharina Montagnonia, artubus omnibus confictæ, ut nè pedibus quidem consistere possent: Jacobus Rivalius totum triennium paralytim totâ corporis dextrâ parte perpeffus. Margarita Bussonia Aniciensis acerrimo dolore ex ignota Medicis causa, in dextro femore vexata, postquam dies 15. omni cibo & potu somnôque caruerat, sacro oleo ad ultimam luctam inancta, repente pulvisculum è sepulchro P. Francisci cum aqua expetijt. Et vix hauserat ejusdem opem religiosè implorans, cum repente convaluit.

An. 1656. Christophorus Perretus adolescentulus ex nobili familia, sic deformatus à fistula infra mamillam dextri lateris, totum jam biennium pure stillante per duo foramina, ut gibbum corpus esset, frustra Medicorum & Chirurgorum operâ magnis impensis adhibitâ, tandem voto ad virum DEI concepto, integrè conſanatus est. Benedictus Gampenerius ex S. Romano, molesto nervorum, dextri brachij dolore & debilitate laborans, cum aliquando vitam P. Regis legeret, repente dolorem ingravescere sensit. Ergo moneri se de quærendo remedio interpretatus, voveret



vovet ejus sepulchrum aditurum, atque ex eo momento dolore & debilitate omni levatur. Antonia Estivalia acerrimis doloribus capitis totum annum vexata, & tandem visu in utroque oculo privata, implorato ejusdem patrocinio sanitatem cum visu recepit. Magdalenæ Arnaud Sanctimonialis Anicij An. 1658. ex hydrope totum propè annum durante à Medicis conclamata, accedente in brachio formidandâ inflammatione, ob periculum gangrænæ mortem in momenta præstolabatur: cum delata ad cœnobium est à Collegio maxilla Servi DEI, quam enixè ad se deferri Virgo expetijt. Allatam venerata, ubi pixidem quâ includiturprehendit, illico vigoris sensit tantum, quantum satis fuit ad corpus utcunque levandum, quod pridem facere nequiebat: tum ardenti pietate exclamans: *fidelis serve DEI, DEI voluntas fiat!* eodem momento multiplex malum vanescere sensit. Nam & liberè spiritum ducere, & cibum appetere cœpit, tumorem autem noxium sponte prorumpentem triduo toto integrè depulit. Denique tres à Societate Sacerdotes, ut alios innumeros præteream, chirographo ju-

*Ex ejus Vita, & Andrade Tomo 6.*

rato testati sunt, se ejusdem interventu sanitatem mirabiliter consecutos esse, primus quidem Joannes Passinges An. 1659. annis quinque à morbo colico renali vexatus: alter Benedictus Berthod triennio toto ex gravi hæmorrhagia laborans: tertius denique Franciscus Creuxius, qui vitam P. Regis ex gallico latinè edidit, à molesto dolore & stupore sinistri brachij liberatus.

Anno demum 1680. ego ipse cum duobus à Societate præsentibus, & pluribus sæcularibus testibus juratis, spectavi Illustrissimum quendam parvulum Comitem 11. annorum, gravissimâ, seu strangurie, seu calculo plures horas 22. Octob: laborantem Patzovij in Boëmia. Cumque in singula momenta ex dolorum vehementia accessuram phrenesim & mortem timeremus, nihil proficientibus ullis remedijs: ut primum modicum quid de terra sepulchri Patris Regis in potu obvio sumpsit, illico difficultate urinæ & dolore omni ita solutus est, ut nè vestigium quidem ullum, aut saltè virium langvor remaneret: nunquam deinceps hoc malo (anni jam sunt undecim) tentatus.

## P. JOANNES PERCEY (dictus Fischerus.)

**P**ater Joannes Percey, alijs Perseus, adscito verò ad securiùs latendum nomine, Fischerus dictus; natione Anglus, patriâ Du-nelmensis, Parentibus hæreticis ortus fuit, & à Fratre natu-majore primis literarum elementis imbutus. Adolescens 14. annorum singulari DEI beneficio in familiam Matronæ Catholicæ assumptus, non solum librorum Catholicorum copiam, quos assidue terebat, nactus est; sed piæ etiam fœminæ exemplo, precandi imbibit studium. Festo quodam cum esset in procinctu, ut de more ad preces hæreticorum templum adiret, hospitam inaudivit lamentantem, *heu me! neminem ego habeo, qui mecum unâ DEUM oret!* Ecce me paratum, infert juvenis: *sed nequaquam idoneus es*, objicit hera, *quia excommunicatus.* Eo verbo quasi fulmine ictus (multa enim de maledicto hujus censuræ jam legerat) procidit in genua, DEUM ardentè precatus, ut se à tam periculoso statu quàm primum eriperet: neque unquam deinceps templa hæreticorum adiit, unice sollicitus ut Catholici Sacerdotis copiam quantocyus nancisceretur. Sed quia hi non facillè tam te-

neræ ætati sinè experimento se credebant, annus ferè illi lapsus est, assiduis precibus hanc à DEO gratiam petenti, antequam daretur opportunitas ejusdem matronæ beneficio; à qua rogatus Sacerdos eum convenit, utque constantiam experiretur, auctor fuit confessionis differendæ, dum Patris Fratrisque consensum impetraret, nè molesti eum ab incepto averterent. *Fac*, inquit Joannes, *prout optimum videtur; at quo in loco interim existimas futurum est anima mea, si hoc intervallo moriar?* Prudens adèò juvenis responsum rem definivit: neque passus est Sacerdos illum diutius frustrari voto. Id ubi frater comperit, & inutilem in pervertendo operam locaturum, se liquidò deprehendit, nè quid ex eo incommodi familia à Magistratibus pateretur, iter illi transmarinum persuasit, ut inter Catholicos studia prosequeretur. Bis terve tentavit frustra viam, ita referta erant omnia delatoribus; tandem Navarchum nactus, qui eum discendæ lingvæ Gallicæ prætextu transveheret, Rhotomagum tenuit, deinde Rhemos, quo in Seminario triennium in Humanioribus & Philosophicis versatus, reliqua Romæ in Collegio Anglicano profecurus est, publicè etiam propugnatis ex universa Theologia the-





P. Ioannes Percey, alijs Fischer, dict., Angl., S. I. gravissimas pressuras in cura Animarum expertus. Obijt Londini, 3. Dec. A. 1764, septuagenario maior.

150

W. R. A. 1764.

thesibus. Sacros Ordines ex Pontificis dispensatione ante legitimos annos suscepturus, per sacra Divi IGNATII Exercitia animum præparabat, cum sensit se potenter à DEO impelli ad Institutum Societatis; remorabatur tamen illud desiderium quantocyus transmittendi in Patriam, ut Parentes & Cognatos, priusquam decederent, Ecclesiæ adjungeret. Multis ergo precibus ardenter consulto DEO, hoc dilemmate animum composuit: vel in Societate judicandum se fore idoneum, qui sine mora mitteretur in Angliam, vel nondum idoneum; si primum, futurum certò quod tantopere optaret; si alterum, præstare nunquam, quam cum discrimine propriæ salutis eò discedere.

Tornacum igitur missus ad Tyrocinium An. 1794. eo fervore Religiosæ vitæ se ap-

plicuit, ut è nimio conatu lassâ valetudine, ante biennij exitum Superiores judicaverint remittendum in Patriam ad eam recuperandam; & quidem majoris securitatis causâ, vitandis suspicionibus, per Hollandiam. Verùm comprehensus Flissingæ à militibus Anglis, & è literis, quas ferebat, Sacerdotij convictus; horrendum in modum tortus, ut proderet, cujus operâ usus fuisset ad transmittendum Rotterdam in Angliam: nam & in trochleam de manibus pendulus attractus est, & contorto circa caput fune nautico exagitatus, ut pene cranium dissiliret. Ex quo tormento, animo semper in cœlestia fixus, mirum dictu! remedium valetudinis suæ retulit; siquidem tinnitus & dolor capitis omnis, quo pridem laborabat, indè imminutus paulatim evanuit; & cum nihil ab eo præter suspiria ad DEUM ex-

primi



primi posset, captivus Londinum in tetrum carcerem, quem Brigittæ fontes appellant, deductus est; ubi pro lecto pavementum habuit lateribus stratum, & modico stramine conspersum. Hinc tamen post septem menses nocte concubiâ per regulas cum duobus Sacerdotibus evasit ad Missionis Superiorem, à quo ad Scholasticorum emittenda Religiosa Vota admissus, discessit ad domesticos suos, & Matrem ac sororem aliisque affines & cognatos Ecclesiæ adjunxit, nam Pater antè obierat. Bienniò in ea Septemtrionali Provincia plurimis aliorum conversionibus transactò, datus est Joanni Gerardo socius in Northantonensi plaga, ubi pluribus annis præclaram navavit rei Catholicæ per omnia Sacerdotum munia operam, in omnem latè viciniam excurrendo, nunquam sinè insigni reportato fructu. Inciderunt interea calamitosissima pulverariæ conspirationis tempora; traditâq; carceribus matrefamilias, apud quam degebat Perceyus, novæ penè quotidie sedes, latebræ, ubique fugitivo quærendæ fuerunt, neq; tamen sinè fructu. Senex Catholicus, Vir nobilis, timore legum ad simulandam hæresim inductus, nullo Sacerdotis veteris sui Confessarij conatu reduci cum posset, recurritur ad Percey: adit ille, hortatur, minis æviternis urget; sed frustra. Abitum prosequenter reverti coëgit exundans flumen: integratur cum obstinato sene ferventiùs pugna; sed non expugnatur. Postero die discedens re infectâ Pater, dum rivum æstimatione suâ minimè profundum trajicere tentat; parum absuit, quin unâ cum equo mergeretur. Dum luctatur, & pontis trabem amplexus evadere tentat; is, qui comitabatur, revolat ocyùs ad senem auxilia flagitaturus: qui ipse cum famulitio accurrens, licèt priùs ad monita caute durior restitisset, hoc sui causâ à DEI Servo vitæ discrimine ità mollitus est, ut postero die petitâ ultro apud Patrem expiatione, constanter deinceps Catholicus vixerit.

Sed non diu Patri securo esse licuit, delatus enim ad Magistratum latere in certa domo cum socio Sacerdote, Nicolao Harto, die omnium Sanctorum solenni repentè opprimitur, & unâ cum matrefamilias Londinum abducitur. Undecim mensibus carcere Westmonasteriensi, magno captivorum ibidem Catholicorum solatio & proventu, maceratus, precibus Oratoris Hispanici permissus eâ lege, ut solum verteret, migravit in Belgium, præfuitq; aliquamdiu nostris in munere Vice-Prefecti Missionis Anglicanæ; tum Lovanijs S. Scripturam explicuit. Verùm cum nec

*Societas Europæa.*

mortem, neque tormenta formidaret generosus Christi athleta, denuò permissus est trajicere; iterum propè in ipso ingressu captus, & in carcerem novum ad Tamesis ripam conjectus. Ubi tantâ rei bene gerendæ facultate fruebatur; ut cum potuisset facilè liberari, maluerit toto triennio hære cum socio Edwardo Whitingamio, qui præter innumeros, Nobiles præsertim, liberè carcerem adire permissos, in Religione orthodoxa roboratos, & ad virtutem promotos, 150. Ecclesiæ restituerunt. Et inter eos Illustrissimam Comitem Ducis Buckinghamiæ Matrem; qui cum summâ gratiâ apud Regem Jacobum floreret, obtinuit, ut Patri Perceyo è carcere libero apud Matrem suam degere liceret. Quin & ipse Rex de rebus Fidei controversis audire ipsum coràm disputantem aliquoties dignatus est, proposuitque insuper scripto novem capita, quæ ipsum retinebant, quò minùs Romanæ Fidei manus daret, jubendo ut ad singula itidem scripto responderet: nempe primò, Cultus & veneratio imaginum. 2. Preces & oblationes factæ DEI Matri. 3. Cultus & invocatio Sanctorum. 4. Missa, & preces illitatorum (utì Monialium) in ignota sibi lingua. 5. Repetitiones Orationis Dominicæ & Salutationis Angelicæ in Rosario, præsertim si in numero ponatur meritum. 6. Transsubstantiatio in Eucharistia. 7. Communio sub una specie, & doctrina de concomitantia. 8. Opera supererogationis, relata præsertim ad thesaurum Indulgentiarum Ecclesiæ. 9. Potestas Papæ ad Reges deponendos directè vel indirectè. Respondit quidem Perceyus unius mensis spatio, sed ad Regis manus scelere Ministrorum seriùs pervenerunt, publicis etiam paulò post typis ob soliditatem argumentorum in multorum salutem vulgata, docto cum Commentario Joannis Floyd. Liber à carcere Pater toto decennio non solum Comitissæ viventi morientique præsto fuit: sed sub tanto patrocinio omnibus, absque ullius obstaculo, partim domos invifendo, partim sese adeuntes instruendo, prodesse potuit.

Post obitum Comitissæ, Senatus Regius tanta hæresis suæ damna ferre impotens, munum licèt Regijs literis Perceyum, & sub earum tutela liberè munia Sacerdotis ubivis obeuntem, denuò captivat, non aliter dimittendum, nisi in exilium, datâ fide non redeundi; quam præstare cum nollet, octo iterum menses detentus est carcere Westmonasteriensi. Collocaverat per ea tempora filiam Rex Christianissimus Carolo Regis Jacobi Filio in matrimonium; cujus intercessione libertati Pater

V v v

ite-




iterum restitutus, culturæ animarum totum se reddidit, & prioribus in Catholica Religione defensionem scriptis alia addidit, multòsque primæ etiam nobilitatis viros & fœminas Ecclesiæ restituit, alios verò in eadem confirmavit. Donec laboribus & annis, septuagenario major, superatus, quater in carceribus

& tortura Confessor Domini, catarrho in fauces defluente, & in cancrum degenerante, annis ferè duobus æger, vitam hanc ærumnosam incredibili morbi patientiâ cum Cœlesti commutavit Londini 3. Decemb: An. 1641.

ab emissâ quatuor Votorum Professione 33.

*Ex Bibliotheca Alegambe, & Mori Anglia.*



Edmundus Renard Soc: Iesu, Coadjutor, Belgæ, per 20. et plures diversis locis pestes, ægrorū gnar, et publicus Curator, eodem malo ictus excessit Leodij, publico Urbis luctu, et Exeqvys omnium Parochiarum elatus 31. Ian: A: 1643. æt: 53. alys 101. Socijs simili gloriosâ morte per Belgium defunctis.

159.

## EDMUNDUS RENARD, cum alijs 101.



requentior per Belgij Provincias pestilentia in populos grassari solita, magnam Societatis zelo & charitati materiam semper præbuit expromendarum virium, quid in hoc fatalis certaminis genere, ubi mors in lucro reponitur, & lethalis ictus pro victoria

computatur, duce virtute posset. Certè ab anno sæculi 1630. usque ad 1643. in contagionibus undecim per diversas ejus Regionibus & Urbes recrudescentibus, ex solis auxiliariis in calamitatem publicam Sociorum manipulis tumultum gloriosum repperunt (non annumerando per Hollandiæ fœderatas Provincias in eadem causa extinctos) octoginta tres:



res : quorum nomina per singulos annos suis locis relata legere est apud Alegambe in Victimis Charitatis, ex quibus pauculos hinc daturi sumus. Ordinur ab ultimo, licet conditione Laico Coadjutore; secuti iudicium, & publicam Urbis Leodiensis, in qua decessit, estimationem, quæ vitæ functo inferias eâ celebritate pompæque apparavit, quales ferè vix aliquando, Societatis homini, etiam ex Sacerdotibus, eâ causâ persolutas in nostra historia legisse memini. Nomen illi Edmundus Renard, patria Namurcum, parentes conditionem civilem non superantes, ætas annorum 53. in Societate 33. Vir fuit, qui cum in omnibus suæ conditionis officijs præclare rem gesserit, tum ad serviendum maximè ægrotis præcipuum illi studium fuit. Sed nulla major illi commendatio, quàm ab eo charitatis ardore, quò ad opem peste dejectis ferendam incitatus, vigesies eoque amplius varijs locis, variisque temporibus, Namurci, Montibus, Duaci, Attrebat, Insulis, ac postremò septies Leodij, ferali sese addixit obsequio: donec aurâ denuum funestâ ex eo collectâ, claram pro amore proximi mortem oppetijt. Ubi diffidentibus ut pestem haustam superaret Medicis, cum unus è nostris pro concione eum multitudini commendasset, ingens è vestigio, & quasi publica comploratio coortæ est, tam proficui utilitati publicæ capitis jacturam dolentium. Verùm ubi è vivis ultimo Januarij An. 1643. ereptum constitit, certatum inter Urbis Curiones, qui in suis quisque Paræcijs maximè ejus industriam compertam habebant, quis grati animi officium in bene de patria meritum luculentius demonstraret. Primus exemplo cæteris fuit Parocus ad Divæ Magdalenæ, qui in concursu frequenti Parochianorum, solennes illi solvit inferias, cantatâ adstitibus Diacono & Subdiacono piaculari Missâ. Eum æmulati sunt Curati ad Divæ Aldegundis & S. Catharinæ: sed in eo fuere Superiores, quòd adhibuere copiosa Musices instrumenta ad sacrum lessum, & excitavere in medio templo mortuale cum plurimis funalibus pegma. Tandem convenere triginta duo, quotquot nimirum ea perampla in Urbe Curiones censentur, in Æde S. Mariæ ad Fontes, eaque lugubribus à summo pannis atratâ, & pictis Societatis ex JESU nomine insignibus (quod Magnatum solum in funeribus ibi solet) ex intervallo distinctâ, undante densissimo populo, Defunctorum Officium ritu Ecclesiæ consveto decantârunt. Tum solenni cæremoniâ parentatum, Decano Curionum sacris operan-

*Societas Europæa.*

te, duobus alijs è primarijs Diaconi & Subdiaconi personas agentibus; reliquis, eorûmque unâ Sacellanis, Chori partes explentibus. Demum ad cumulum, nostro in triclinio confecere suo ære mortuale epulum, cui cum nostris assedere: gratias verò pro tanto Societati in facie totius Urbis præstito honore per unum è domesticis Sacerdotem referentibus, totum illud, quòd fecissent officij, longè impar esse Fratris meritis & votis suis contestati sunt, seque vel ejus unius gratiâ Societati semper obnoxios fore.

Anno 1634. Gandavi grassante lue, Tobias Roëlofs, iridem Coadjutor Brugis ortus, annorum 65. in Societate 32. gratiam servitij contagiosis impendendi apud Rectorem expetijt, quòd ingravescente jam ætate minùs idoneum se fore deinceps ferendis laboribus adverteret: multis ideo cum lachrymis contendens, ut sibi, qui utiliter ultrâ vivere non posset, saltèm mori fortiter in illo virtutis campo liceret, qui nimirum unicæ Fratrum Coadjutorum esset Indiæ, ubi animam pro salute proximi edere possent. Dilata illi ac sustentata spes aliquamdiu fuit, alijs identidem submissis, tantùm sortem suam flebiliter miseranti, quantum felicitati illorum gratulans sanctè invidebat. Obtinuit tandem ut ad breve spatium partes suppleret alterius: jamque domum revocandus erat, cum ipse id futurum sibi nuncianti supplex factus non dubitavit asserere, unius si diei tantùm impetraret inducias, de reditu se nequaquam laboraro. Impetravit, & eo ipso postero die lue contractus, & perceleriter 7. Aug. extinctus, præclarum supremæ charitatis documentum dedit. Paris animositatis in ætate adhuc graviore Pater Jacobus Marlart Boloniensis, septuagenarius senex, cum Anno 1636. Attrebat iisdem ferè argumentis sortem hanc impetrasset, quinque ipsos menses pestiferis operam incolumis navarat, cum Magistratûs oratu & commiseratione à Moderatoribus revocatus, postridie recessûs, lues jam hausta in erumpente carbone se ostendit, & quatuor diebus hominem sui compotem 15. Aprilis reddidit, quo ad ejus stadij ingressum DEUM unice precabatur, ut emori sibi in eo concederet. Eodem anno Huj, quod oppidum est Mosæ flumini impositum, P. Henricus Carlier domo Attrebatensis 38. annorum, ex eadem arena ad præmium capeffendum abiit. Vitam ille jam antehac binâ vice Namurci pestilentia objecerat, & incredibilia charitatis insignia præ se declararat; quorum illud magnæ admirationi omnibus, latè eâ regione diffu-



diffamatum fuit. Exundarat amnis Mosa, & Urbem cum suburbanis proluvie obruerat: nullus eum in cymbam nauta, pestilentiae formidine, velle accipere; nullus ad agros transmittere: nulla patere pedibus semita, aquis altè stagnantibus; ad hoc frigus esse, & rigidum gelu. Sed ipse nihil ea veritus, nihil moratus, laterum tenus argentes per aquas ingressus, ad feralem domum evasit, ubi agro navandum erat studium. Spectavêre Cives attoniti, & ardorem amoris, quem neq; aquæ multæ & gelidæ extingverent, deprædicavêre. Afflavit eum tum quidem lues, & aspersum tabe virulentâ acerbissimis doloribus exerceuit, ut nimirum ictu sapiens factus, si naturam sequeretur, periculum fugeret; si virtute viveret, fortior ad discrimen resurgeret. Et verò ope Divinâ vix consanuit, cum Hujum rogatu suo, in medium ejusdem incendij missus, eadem ibi charitatis officia mirum quàm cupide ardentèrque repètijt; in quibus perceleriter & ipse morbum hausit, & per brevi mortem executus est, minimè tamen improvisam. Nam antè Confessario suo, quàm tentari malo cæperat, retulit, adfuisse sibi vigilanti, conspicuum in cubiculo Patrem Guilielmum Bartier (is uno alteròve abhinc mense, cum ageret Collegij Ministrum, contractâ à nostris, quos supremis officijs procurabat peste, è vita discesserat) & celerem sibi denunciâsse mortem, quâ felici consortio ipsi jungeretur. Sic paulò post occupatus malo, incredibili vultûs animique serenitate inter illâ iterata verba: *Letatus sum in his, quæ dicta sunt mihi, in domum Domini ibimus*; ex his tenebris in lucem veram excessit die 16. Sept: Pater Guilielmus Marci ex voto pridem varijs vicibus Superioribus instanter proposito, tandem pestiferis Anno 1639. Valencenis concessus, occubuit 7. Januarij, ortu fuit Dionantensis, annos natus 64. in Societate 40. versatus in gradu Coadjutorum, tanto pueritiæ Christianæ, juvandis pauperibus, ægris visendis zelo, ut scholam pauperum, quam ibi Dominicalem vocant, annos ipsos plûs quàm 30. procurârit, mirâ ac multiplici industriâ vehementer promoverit, mirificâ Urbis summorum minorumque approbatione. Adesse noctu diuque moribundis, pauperes omni ope juvare, cum rudibus & agricolis pronissimè versari. Saviente lue his potissi-

mum juvandis addictus, servitia & rusticos, egentèsque in compitis sub dio jacentes, exhalantèsque miseram animam, colligebat in horreum suburbanum, & utrique eorum indigentia, corporis animique, famis & morbi præstrenuè consulebat; dum lethali ab ijs spiritu hausto concidit; funere illi & publicis exequijs à Magistratu decretis.

Atque ut Belgij in pestem generosos pugniles, qui reliqui ab anno 1643. per sequentes annos 14. occubuêre, sub eundem veluti aspectum (quia evitando tædio; sinè nomimbus singulorum) producam, An. 1646. Dunkercæ procubuêre victores seni: duo Ipris; unus Armenteria. Horum primus Dunkercæ 20. Junij cecidit P. Joannes Vanden Broucke, Gandensis 32. annorum ætatis, Societatis 15. diemque illum, quò peste ictum se è miserrum consortioprehendit, tanti fecit, ut negaret ullum sibi in vita illuxisse faustiore. Cumque seipsum sacro Viatico ad iter æternitatis providisset, votum edidit Missionis inter Indos cujusvis laboriosissimæ apud Superiores perurgendæ; ut si morte hæc charitatis ad aram victima non concideret, gloriosiore alterâ Martyrij Divino Honori immolaretur. Extremam quâ ardebat sitim oblatâ porzione abnuît levare, quò suo, ut ajebat, Redemptori morienti propiùs assimilaretur. Ipris Pater Gerardus Carbonel, domo Cortracensis, cum eandem in peste operam Ruremundæ aliàs præstitisset, in alteram hanc asservatus, ubi interijt, mors ejus luctu publico Civitatis defleta est: quòd annos natum 66. nec ætas, neq; ipse jam ictus inter agros lethaliter inflictus, arcere à prosequendo animorum studio potuisset. Anno 1647. in rediviva peste ex pluribus ægros adjuvantibus socijs, idem malum, & bonam ex eo mortem retulêre in minerval terni, Bethuniæ duo, tertius in Flandro Belgica: & iterum aliàs Antuerpiæ & Ariæ duo. An. 1656. iterum in certamen athleticum ab lue provocati vitam posuêre Antuerpiæ duo, totidem Swollæ, & Hornæ in Holandia. Ac tandem anno sequenti 1657. postremus, 29. Augusti Antuerpiæ P. Joannes Dicusart, Ipri ante annos 36. natus, mortem aliàs necessariam, pretiosam fecit forti anticipatione maximæ charitatis, pro amicis animam ponendo.

\* \* \*

*Ex Victimis Charitatis Alegambe.*





P. Albertus Chanowsky S.I. è vetusta Nobilitate Boë-  
mus, zelo animarum, et Apostolicis laboribus, to-  
to Boëmiæ Regno celebris. Obijt Klatoviae in Boë-  
mia A.<sup>o</sup> 1643. ætat: 62. 16. Majj.  
160.

## P. ALBERTUS CHANOWSKY.

**P**er illustri, & vetustissimâ  
Equitum familiâ editus in  
Boëmia P. Chanowsky An-  
no 1581. ad quantam à Deo  
sanctitatem provehendus es-  
set, voluit cælum pijsimæ il-  
lius nutrici in ipsa pueri infantia declarare.  
Visa enim sibi est per somnium in sacra Æde  
coram Altari cum illo de genibus DEUM pre-  
cari: cum repente puerulus ex ulnis ipsius cœ-  
lum versùs avolans, sub ipsas nubes in altum  
est elevatus. Et verò ab ipsis crepundijs totus  
erat in rebus sacris, in altaribus domi struen-  
dis, in imitandis Sacerdotum officijs, è quo-  
rum numero unum se fore jam tum præfere-  
bat; habendis ad domesticos è suggestu pijs

adhortationibus; quibus non pueriliter, sed  
seriò ac nervosè vitia perstringebat, & officij  
Christiani partes inculcabat: decantabat idem  
in Sacello domestico Psalmos, Litanias, ac  
preces persolvebat devotissimè; quibus ut  
non domestici tantum, sed ruricolæ etiam &  
subditi paterni interessent, procurabat. Neq;  
dissimulavit dæmon quantum his ejus exerci-  
tationibus indignaretur; siquidem tempore il-  
larum aliquando grandes in Sacello excitavit  
tumultus, ut nutrices arreptis infantibus fu-  
gam consternatæ tentarent, aliique natu gran-  
des horrore frigidi circumspicerent: Alberto  
ad hæc ita imperterritò, ut verbis gestuque  
confirmaret omnes, & ad tantò ferventiùs o-  
randum incitaret. Pudicitia jam tum studio-



sisimus, nec à cognatis mulieribus corollam aut florem unquam acceptabat: donec ad studia literarum ad Pragensem Societatis Academicam missus, effectum mirabilem à DEO persensit, castigatæ in se juvenilis petulantia & temeritatis. Habetur in Ecclesia Pragæ Metropolitana Corpus S. Joannis Nepomuceni Martyris, qui à Wenceslao Rege, ob socordiam in administratione Regni, pigri cognomen adeptus, quod confessiones Reginae revelare nollit, in flumine Moldava merfus est: cujus sepulchrū eā, præter cæteras plurimas, prærogativā hodiēque à DEO condecoratur, ut nemini illud dedecore aliquo inhonoranti, impunē, citra aliquam publicam eo ipso die cœlitus immissam ignominiam, transeat. Quam majorum traditionem cum à Parente suo narrari audisset Albertus, *cogitare mecum cepi*, scribit ipse de se, *quā ratione id contingere posset? Quare experiundi gratiā, pedem eō datā operā imposui, itā ut sepulchrum calcarem.* Accidit autem cum ad antiquam Pragæ urbem per parvam Partem rediremus, ambulando sequebar Parentem; & ecce incidi in latentem quandam foveam ex congesta glacie & nivibus, usque ad genua, & ferē illic calceum reliqui, iridente me toto populo insigni pudore perfusus. Et veniens ad pontem prope imaginem Crucifixi, illic recidi, & in luto circumquaque in pallio meo obvolutus fui: & quasi tunc interius hanc vocem audiui, in hoc loco ille Sanctus de ponte in aquam fuit præcipitatus & submersus. Summo pudore affectus fui, mirantibus & ridentibus hominibus, quid, cur, & quomodo mihi hoc accidisset? Siquidem pons ille, ad omnem transeuntium commoditatem, lapidibus æqualiter & perappositē constratus est.

Ex Studiis Pragensibus translatus subinde cum fratre à Parentibus ad Gymnasium Crumlovienſe, cum notaretur ad Religiosum in Societate amplectendum statum propendere, continuē misso veredario jubetur domum redire, brevi siquidem intervallo domi tres filij illis obierant. Sed Albertus eā ipsā nocte, cujus diluculo redeundum erat, fugam Brunam versūs, ubi Tyrocinium est Societatis, arripuit, & ardentissimis ad Parentes iteratō datis epistolis, veniam tandem Religiosæ vitæ ineunda extorsit. Tyrocinio per omnes virtutis lēges religiosē peractō, altioribus etiam disciplinis legitimē instructus, Sacerdotij Ordinem suscepit Græcij Styrorum, & subinde quatuor Vota solenniter professus est. Tum Seminarium Convictorum Juvenum Pragæ gubernavit, ac subinde Lingvā Sacram, & Scripturam ibidem interpretatus, Olomucij

demum Mathematicas disciplinas tradidit. Sed DEUS, qui illum ad lucra animarum & labores Apostolicos ab æterno destinabat, cœpit illum per adversos in alijs munijs eventus ad opus Evangelicum tantum non violentē segregare. Dum enim istic Academicā universā spectante vellet nonnulla ratiocinio deprehensa, opere ipso in praxi exhibere; demonstratio successu caruit, non minore ipsius rubore, quā spectantium risu. Cum verō postmodum An. 1621. Rectorem Collegij ageret Crumlovij, optimo zelo ampliandi Templi, Mausolæum quoddam Illustrissimæ Familiæ Rosenſium dejici curavit: quæ res cum graviter à Familia acciperetur, jussus est à Superioribus sumptibus Collegij decus illud sepulchrale ex integro restaurare; post alias insuper pœnas, gubernationis officio privatus. His casibus veluti de sublimi cum Apostolo Paulo dejectus, ut in Virum Apostolicum confurgeret, totum sese deinceps obeundis Missionibus, & quærendis animabus impendere constituit, duravitque per annos omnes ad obitum usque tanto ardore, ut senium & valetudinem afflictissimam, ac graves ex podagra, chiragra, colica dolores & omnia corporis incommoda, præ uno hoc cœlesti studio susque deque haberet. Igitur obtento Superiorum assensu, in pagos & oppida, Hussiticā & Wicleſſi hæresi tum passim infecta, procurrens, ex uno in aliud migrabat perpetuō, nullibi diutiùs, quam fructus alicujus ex animabus reportandi spes superesset, moratus. ipsius proposito DEUS obsequi voluisse videtur; dum licet ex morbo articulari decumberet sæpe, frequentius tamen & gravius dum versaretur intra Collegia, quā si Missiones obiret: unde si quando animi colligendi causā in Collegia vicina commigrasset, illico à peractis sacris Exercitijs dimittere eum Superiores cogebantur, nisi ægrum domi prosterni vellent.

Porro versanti in Missionibus, licet Nobilitas passim, & Magnates suas illi Arces & Castra ad divertendum offerrent, atque ad mensam Cognati præcipuē & Affines Domini invitarent; nunquam tamen, nisi evidens magni alicujus spiritualis emolumenti indē referendi spes affulgeret, acquievit; pane ferē mucido & rusticano, cum haustu frigidæ semel in die, ac vilissimo subinde admissio legumine, intrā rusticorum mapale contentus. Et licet aliquando postulatus à Dominis ad ipsorum domesticam familiam excolendam, intrā eorum Arces hospitium capere cogere-tur; impetrabat nihilominus ab eorum mensa

acce-



accedenda eximi, neque sibi seorsim cibum sumpturo nisi vilissima, pauperum more, in scutellis testaceis apponi. Hæc conditione, versatus aliquamdiu Wisowicij in Moravia, relicto ibi socio Patre Adamo Krawarsky, excurrebat in vicinum Ungariæ Regnum, ut animarum messem, & fructum sanguinis Christi quàm latissimè propagaret. Eodem ad fructificandum secessit, postquam à rebellibus hæreticis Societatem totâ Boëmiâ & Moraviâ ejici, pœnâ capitis remanentibus constitutâ, contigit. Cùm verò nec ibi, in eisdem rebellionis contra Ferdinandum II. tumultus concitatis Ungaris, subsistere diu licuisset, Passavium se contulit, ubi præcipuè nobilitatis matronas aliquot, Catholicorum Boëmiæ Magnatum conjuges, Ecclesiæ ab hæresi restituit. Domitâ tandem victricibus Cæsaris armis Boëmiâ, Pragam ad hæreticorum conversionem missus, plateas Urbis illius obibat cum campanulâ, pueros & rudes ad Catechesim evocans: quæ res in Civitate majore sui parte hæretica cùm magno stupore & admiratione, utpote nunquam antehac visa, acciperetur; quibusdam suspicionem emotâ in Patre mentis excitavit: Cognatos autem, in quibus erat Regni Sub-Camerarius, non capientes ea, quæ divini sunt Spiritûs, magno rubore affecit. Pater nihilominus proculcatis hominum respectibus in proposito constans, cùm ingentem animorum quæstum Apostolico suo fervore colligere à Superioribus cerneretur, videreturque magno usui ad conversionem totius Regni futurus; destinatus est ad eam Boëmiæ partem Missionibus lustrandam, quæ Austriæ, Baviæ, & Palatinatûs limitibus terminatur, & circulis (distriktus ipsi vocant) Pragensi, Plsnensi, Podbrçensi, & Bechinenfi continetur. Hic ille totos 20. annos noctu diûque concursans, nullum finem fecit Oppida, Castella, Civitates, Arces, villas & pagos, domos singulas & casas perlustrandi; non ventis, non pluvijis, non ullâ æris intemperie, non periculis à milite, bello Svecico tunc Boëmiam infestissimè vexante; non periculis latronum, luporum, urforum, non senio, morbis, vel extremâ lassitudine impediri se passus, vel averti. Neque ullibi detineri se quovis obtentu diutius ferebat, quàm superesset aliquid in salutem animarum gerendum, solitis idcirco familiariter ipsi exprobrare rusticis, præsentia illius percipidis: *Omnia quidem nobis Pater tua probantur, nisi quòd assiduè vagus nullibi consistas.* Veniebat subinde Nepomukum altâ jam nocte, hyeme nive plenus, frigore pariter & doloribus

articulorum fatigatus, locumque calidum & refocillationem, pro ea, quam cum loci Parcho specialem habebat amicitia, postulabat, referens, quàm multos eo die catechesi erudivisset, quot pagos obivisset; obibat autem tot intervallis subinde in earum lustratione per diem emensis, quæ homini valido 12. horarum iter solidum efficerent. Objicientibus, quid itâ hyeme ac nocte solus incedens, nec lupi vel canum occurfus, viarum errores, nec repentinum in tanto senio & defatigatione, deliquium animi, vel casum alium metueret adversum? respondebat vultu lætissimo: *Dominus tuetur, confido in DEI præsidio!* Licet autem omnibus promptè operam deferret, speciali tamen curâ se impendebat plebi rusticorum, & puerorum instructioni. Hinc ad eum vel à longè adventantem maximus fiebat istorum extra pagos obviam concursus, Patrem suum inclamantium, quos Parentes & adulti communiter sequebantur, ad templum se rectâ conferentes, cùm scirent illum primò omnium illuc divertere, indèque laborem Apostolicum auspicari: neque Parentibus efficacius ad liberorum insolentiam compescendam erat frænum, quàm si minarentur, apud Patrem illos à se accusatum iri. Conciones habebat ad populum quoties se dabat occasio, tum festis tum feriatis diebus, solâ meditatione, absque ullo librorum adminiculo elucubratas, rationum tamen & affectuum pondère plenas, ut rara ubique in plebe mutatio morum sequeretur. Moribundis & ægris magno studio constanter aderat, & cùm subinde morbi violentiâ aliter non posset, quadrupedis instar per solum manibus & pedibus reptans, SS. Viaticum ijs afferebat. Pari studio excipiebat pœnitentium confessiones, ex doloribus articulorum & colicæ interim totus tremens ac gemens: idque itâ indefessè, ut aliquando sive ex contentione loquendi, sive ex sitis & dolorum magnitudine, lingua illi disrupa fuerit. Aliàs in Catecheseos explicatione viribus penitus defectum, & humi collabentem, Auditorum manibus in vicinas ædes deportari necesse fuit. Tanto denique Missionum suarum desiderio tenebatur, ut cùm anno 1642. ad Comitata Societatis triennialia, tanquam unus è Senioribus Professis evocaretur, rationes efficacissimas absentia suæ attulerit, nè vel tantillum à cura animarum avelli cogeretur.

In tot autem suis itineribus, nullo unquam jumento vel curru devehî sustinebat; sed pedibus omnia, sarcinulâ cum rebus & munusculis sacris ab humeris pendulâ, conficie-



ciebat, ita subinde illius pondere lassus, ut eam humi post se raptare cogeretur. Erat enim corpore à colica, calculo, podagra & chira-gra, pessimè affecto; pedum quolibet minimùm octo foraminibus tabescente; quorum putori exhauriendo triplex medicum cauterium circumferebat. Et licet plerumque in comitem itinerum juvenem aliquem famuli specie sibi adjungeret, deligebat nihilominus semper ejusmodi, qui vel in Fide neophytus, vel altioris virtutis capax esset; quem ubi sufficienter ad virtutem aut Fidem exemplo & instructione provexisset; ad scholas, vel honestum quodpiam vitæ genus medijs opportunis admovebat, novo iterum assumpto; ex quibus etiam nonnemo Religiosam deinde vitam complexus est. In via si quos nancisceretur obvios, vel itineris socios, aut etiam in agris laborantem reperisset ruricolam, vel in pascuis puerum, officiosè allocutus rogabat, quid de Christo, de Matre illius, hoc vel illo mysterio Fidei sentiret? quid & quantum diebus singulis oraret? habitaretne cogitationibus suis aliquando in vulneribus Salvatoris? meditaretur novissima? atque inde occasionem sumebat, pro cujusque captu, singulos instruendi, & cœlestia inculcandi. Qua ipsa ex causa nullum plerumque itineris terminum sibi præfigebat vel spatium, sed ut fors ferret, & occasio boni quidpiam gerendi, huc aut illuc se convertebat. Pagum autem ingressurus, in ejus aditu cantionem aliquam, quam cum comite suo vernaculè exorsus, progrediendo modulabatur, donec pueri & curiosa plebs (est enim cantibus addictissima) concurrerent, quos pijs munusculis delinitos rectà ad templum, aut si id deforet, ad erectam crucem, vel alium certum locum, supplicantium ritu ordinatè deducebat, catechesim ibidem traditurus. Atque ejusmodi supplicationes cum cantibus, vel precibus sonore alternatim recitatis, sicubi moraretur diutius, iterabat pene quotidie, quòd ijs pagana pubes magnopere alliceretur ad sacram doctrinam tantò avidius recipiendam: quibus si vexilla, vel crux anteferenda deesset, frustum aliquod rubræ, viridis, aut alterius decoræ telæ (quales plerumque in hunc usum secum defererebat) perticæ affixum, adsurâ in ejus umbilico piâ imagine, non rarò ipse præferrebat, vel è pueris cuiquam deportandum dabat. Nonnunquam ut pueris plausum faceret, plaustrum rusticanum oblongum, ramis arborum ornatum, cum ijs ascendeat, & inter pios concentus per pagos devehi se curans, veluti triumphum Christi de regno dæmonis

in ea rudi plebecula renovare velle videbatur. In quadam autem Urbe, hæresi tunc multum infecta, puerorum suam turmam circumducens, ante domos hæreticas destinato eam sistebat, jussos traditis à se quæstionibus de quapiam Fidei controversia invicem laceffere & respondere, quam ipse mox clariùs explicabat, ut sic incolæ Catechesim & Templum devitantes, vel inviti veritatem domi edocerentur. Sacrificio Missæ cum Solis ortu quotidie absoluto, ad erudiendos mox catechesi pueros se conferebat, lustrando & invisendo casas, & in oppidis ac civitatibus domos singulas: Festis verò & Dominicis Conciones ad populum habebat, & sub vespërâ collectâ in unum, ubi hospitium delegisset (eligebat autem ut plurimum casas vilissimas) omni familiâ, salutarem de rebus divinis collationem instituebat, in qua singuli pium aliquid enarrare cogebantur: quam Litanij & Precibus communiter recitatis finiebat. Eundem familiæ totius conventum instituebat quotidiebus sub vespèrum apud Nobiles, si eum hospitem habere vellent, nam aliter postulationi eorum non acquiescebat: in quo modum rectam intentionem formandi, labores cum pia affectuum admixtione peragendi, ubique semper orandi, confitendi, communicandi, & id genus alia docebat: neque aliter postmodum, nisi ægritudine & doloribus cogeretur, quàm humi super stramine, vel tabulis nudis decumbebat.

Non rarò etiam pia carmina de Passione, Nativitate; cæterisque Dominicis mysterijs, à pueris ex loco altiore vernaculâ recitari disponebat, actiones & dramata instituebat, etsi sæpe nullo vel perexiguo apparatu, maximâ tamen agrestis populi voluptate & fructu: interrogationes & responsa de doctrina Christiana componebat, quibus pueri se invicem publicè lacefferent. In civitatibus autem identidem pauperibus mensam apud ditiores parari procurabat, cui inserviebat ipse, orationem & gratiarum actionem præorabat, & pijs narrationibus condiebat. Coactus aliquando ob militum grassationes in Castro quodam hebdomadas i. hære, tantâ illic egit vitæ sanctitate, & piarum exercitationum varietate, ut incolæ & præsidium militare deinde faterentur, jucundiores sibi per omnem vitam dies non fluxisse. Circumibat statò tempore cum tintinnabulo Castrum universum, incolas & præsidiarios milites ad spirituale colloquium invitans, quod tanto fervore instituebat, ut ejus stupore captus militum Præfectus, licet idiomatis Boëmici ignarus, eju-



ejuratâ hæresi, Ecclesiæ accesserit. Ipsidem præter quotidianum Missæ Sacrificium, & consuetas conciones, Patronos menstruos fortitò distribuebat, preces matutinas & vespertinas præorabat, præsidarios & excubitores in tuguriolis suis sigillatim invisebat, alloquio cœlesti inflammabat. Demum quocunq; ignotus accedebat, ante omnia inquirebat, quibus vitijs incolæ forent obnoxij: in quorum deinde extirpationem vires omnes, dictionem, & zeli sui conatus impendebat. Est in Boëmia lino & canabi abundante, passim in plebe rustica consuetudo, ut ducendis filis per hyemem in seram noctem, certam in domum paganæ conveniant, tempusque illud ludicris plerumque, nec rarò fœdis nanijs & fabulis conterant: quam dæmonis orchestram in gymnasium pietatis mutaturus Pater, conventibus illis ultro se ingerere, pro ludicris sacras historias narrare, seriâque movere colloquia, & nè molesta essent, spiritualiter curiosis ænigmatibus eas condire. Cujusmodi erant: *quid esset trinum simul & unum? quid omnium pessimum? qui nunquam mori possent, licet mortem in summis haberent votis? ubi vita esset absque omni incommodo? quis continuè versaretur in templo, & à nemine tamen videretur? &c.* quâ suâ arte efficiebat, ut etiam illo absente non nisi pijs colloquijs & cantibus deinceps illi conventus celebrarentur; conatum hunc ejus cœlo mirè comprobante: siquidem ex eo aliquando tenebrôsâ nocte ad hospitium suum redeunti, duo cœlestes Ephebi accensis facibus præluxerunt. Idem in tabernas publicas, & combibonum mensas se ingerebat; messoribus in agris per ætatem se admiscebat, & neque advertentibus sermonem de divinis inducebat, nunquam sinè notabili animorum proventu. Discedens ex uno loco in alium, Vicarium sui quempiam è capacioribus indigenis constituerebat, qui curam instillatorum à se Fidei rudimentorum gereret, & convocatos in templum de singulis, nè memoriâ dilaberentur, interrogaret, ac bene meritos munusculo aliquo præmiaret. In eum finem quæstionum ejusmodi librum manu ipse suâ conscripsit, quæ in Catecheticis lectionibus usui essent; præter alios aliquot modum ritè consistendi, & S. Evcharistiam piè recipiendi docentes.

Atque his artibus præter aliquot Civitates in hæresi obstinatas, totum circulum Præchensensem, cum parte Bechinenfis & Podbricensis, & qui hinc indè per Plsnensem dispersi erant pagi & opida hæretica, ad Catholicam Fidem reduxit; innumeris, qui pestifera

*Societas Europæa.*

ros docebant errores, libris exustis; & templis, quæ desolata profanatâque fuerant, restauratis, quibusdam etiam de novo extructis. Quin toto illo Boëmiæ amplissimo tractu nullum putatur esse templum, cui ipse beneficium quodpiam non contulisset. Eidem initia sua debet Collegium Societatis Klattoviæ, unâ cum Seminario, quibus erigendis tam miro laborum P. Alberti fructu Civitas cum Nobilitate vicina permota fuit. Conciones illius plerumque copiosis Auditorum lachrymis excipiebantur, quas seriâ sequebantur confessiones, & miræ quandoque conversiones, in ijs præsertim, quos ad agonem ultimum, quantumvis eatenus obstinatos, præparabat, id quod à multis prodigij loco habebatur. Porro inter eos, quos ab Hussi vel Lutheri erroribus reduxit, Illustrissimæ etiam & avitæ Nobilitatis plures erant personæ; in quibus Ecclesiæ lucrands multos annos frustra alij prius laboraverant: harum una, utriusque speciei in S. Synaxi communionem pertinaciter requirens, ubi in manibus Patris, Evcharistiam sub una specie populo Catholico distribuentis, vidit totam cruore rubentem, continuè Orthodoxis accessit. Et verò meritis à DEO tam felices in animarum procuratione successus fuisse videtur, vivendi ratione Apostolis conformi; siquidem terrenorum omnium contemptor, veste utebatur semper detrita, & omnium quæ domi essent vilissimâ: cùmque illi dormienti, vetere subtractâ, nova aliquando supposita fuisset, nec ipse id nisi post dies aliquot adverteret, continuè ad Collegium vicinum se retulit, eamq; vetustâ aliâ commutavit. Tibias arthritico dolore exuccas, nunquam tamen lineis tibialibus induebat, sed è panno vel textura semilaceris, quæ assutis lappis ipse refarciebat. Cibus ei semper fuit vilissimus & rusticanus, & non rarò in solo pane; quem ipsum si apud paganos non reperiret, modicum exorata farina & salis, in aqua absque ullo alio condimento decoctâ, sumebat. Mensas Dominorum subinde accedere coactus, si nullum operæ spiritualis pretium, vel sacris sermonibus locum dari videret, ex obvio ferculo fame raptim expletâ, non expectato mensæ fine illico se proripiebat, nec ullis precibus retineri patiebatur, necessitatem paganorum in Christiana vita erudiendorum prætendens, ad quos inexorabilis continuè discedebat. Hominum de se judicia & sensus nihili ducebat, fannis & opprobrijs magno suo gaudio sæpius in diversis locis exceptus: ultro quin etiam ijs captandis suâ sarcinâ onustus Magnatum arces

XXXX

acce-



accedebat; & licet itineri nunquam jumentum adhiberet aut vehiculum, si tamen ad Nobilium sedes, aut celebriores urbes tendenti currus obviaret sordibus & fimo destinatus, aut bobus tractus, eo consensu invehi se per celebriores plateas & fora, etiam Pragam curabat. Catechesim puerorum in plateis & foris instituens, peram subinde pomis & alijs bellarijs plenam deferebat, quæ in bene meritis deinde partiretur. In Collegium divertens, ultimæ sortis cubiculum occupabat, & si fortè vestis illi à pluvijs madida, & sordibus referta mundaretur, linea munda suppeditaretur, aut aliud quidvis obsequij exhiberetur; nullum faciebat finem gratiarum, quasi illa vilissimo præstarentur & indignissimo mendicabulo.

Studio precandi, & divina meditandi unice deditus, ubique in medijs occupationibus DEO familiariter adhærebat, ut vita ejus omnis, continua & jugis fuisset oratio ex vero dici possit. In ea quàm inflammatis ageret affectibus, testes erant flammæ & lumina, quibus veluti medio cinctum incendio corpus visum est nonnunquam coruscare. Noctes sæpe integras in oratione transigebat, sic ut à socio vitæ comite per anni dimidium, eodem super stramine humi cum eo decumbere per pagos solito, nunquam notatus fuerit dormivisse; siquidem decubiturus, Patrem orationi flexis genibus intentum semper relinquebat, & experrectus eodem constanter situ deprehendebat. Neque unquam precationi vacans scabello vel oratorio innitebatur, sed nuda semper in humo genua, manibus ante pectus junctis ponebat. Ex hoc suo strato proripiebat se quandoque nocte concubiâ ad templi fores & cœmeteria, in quibus manibus in crucem ante pectus decussatis, oculis in cælum sublatis, observatus est inambulare meditabundus, & ad DEUM vehementer suspirare. Quanquam & aliàs oculis incedebat ferè semper in cælum defixis, & ipsum DEI nomen in familiaribus colloquijs tanto ardore proferebat, ut audientes sacro quodam horrore percellerentur, & in æstimationem magnitudinis divinæ assurgerent. Horas Canonicas dicturus, jubebat præcedere comitem, & in obviam silvam, vallem, aut hortum sese recondens, post horam subinde unam & alteram primùm comparebat. Cum quo, aliisque viam fortè unâ carpentibus, si de divinis non colloqueretur, totam illam silentio meditatione transigebat. Erat Sufficij non ignobili Boëmiæ civitate puerulus Senatorij ordinis, quem Parentibus sæculo educare conantibus,

identidem phrasi suâ vernaculâ prædicebat, *non fore mundi, sed lucis filium*. Hunc ipse oraturus, seu domi, seu in vicino nemore, secum educebat, & corallam precatoriam manibus inditam de genibus percurrere jubebat, dum ipse seorsim ab illo remotior cœlestium contemplationi similiter vacaret: quod ille Societatem deinde in Austria complexus, jam Sacerdos referre solebat. Ex qua agendi cum DEO consuetudine oriebat in eo magnanimitas quædam ad omnia ardua perrumpenda, & vivida in DEUM fiducia, quâ visus est in medijs periculis imperterritus versari. Sic cum An. 1640. Civitati Strakonicio, Svecorum exercitus immineret, & cives omnes effusâ fugâ in silvas & montana se reciperent, ipse per forum inambulabat securus, fugamque svadentibus respondebat, se paulò post secuturum, & periculum certò evasurum, quod & contigit. Aliàs cum idem miles regionem omnem, quæ campus laborum Patri fuit, inundâisset, & paganis undique diffugientibus, nullum ejus functionibus locum permitteret, in profundâ silvâ solitudinē quandam secessit, ibique donec turbo hostilis vaneferet, vitam quasi anachoreticam egit.

Singulari tamen quadam teneritudine pietatis ferebatur erga puerum JESUM, cujus statuam semicubitali per Missiones suas plerasq; circumferebat palam devotè in manibus, & non tantum venerationi omnium, super altari exponebat; sed in supplicationibus etiam in ornato pegmate deportari curabat. Cum verò illam magnis precibus Amicorum, pietati suæ donari expetentium negare non posset (quia per ejusmodi imagines usu ipsius honoratas, quædam supra naturæ vires effici vulgabatur) aliam atque aliam providebat, quæ hodièque magno in pretio apud pios habentur. SS. Evcharistiæ Sacramentum ut magno decore in templis asservaretur, studiosè procurabat, vernoque & æstivo tempore flores per viam in campis à se collectos ad templum afferebat, aræ exornandæ: apparatus Sacrificio Missæ necessarios procurabat, & attritos ipsemet chiragricis manibus sarciebat; cui rei circumferebat varia telæ sericeæ omnium colorum frusta, è quibus cruculas stolis sacerdotalibus & manipulis assuebat, casulas reficiebat. Quòd si alicubi suppellectilem sacram nimum vetustam & collapsam deprehendisset, vicinas Nobilium filias inducebat ad eam integrè lustrandam, & nitore suo decorique restituendam. Atque hæc tanta de rebus sacris sollicitudo in vitæ aliquando discrimen Patrem conjecit. Dum enim

in-



ingentem ejusmodi sacrarum vestium fascem è templo cujusdam oppidi humeris effert; ruricolæ templum suum spoliari interpretati, fustibus & armis innocentem invadunt: quorum errore animadverso, sarcinam ultro deponit; utque edoceat non animo tollendi, sed ab hostium direptione conservandi hæc à se subduci; ferculum illis elegans, pro deportanda in publicis supplicationibus Evcharistiâ, templo ipsorum, industriâ suâ curatum, ostendit: itaque placatos, & cum lachrymis injuriam deprecantes dimittit. Divertebat etiam quoties opportunitas daretur, apud templorum Curatores libentissimè, ut ad ea liberum haberet noctibus aditum, ubi totas non rarò in oratione pervigil ducebat, coram SS. Sacramento prostratus, vocibus & suspirijs nonnunquam ex affectuum vehementia ita sonoris, ut foris exaudirentur. His tamen longè magis in peragendo Missæ Sacrificio æstuebat, in tanti mysterij cogitatione veluti absorptus, cujus celebrantis vertici sæpius conspectæ sunt lucidissimæ flammæ, & globi velut igniti imminere. Neque chiragricis doloribus à liturgia impediatur, à quibus Sacrificio durante liberum plerumque se experiebatur, illo peracto denuo recrudescentibus: cujus reverentiam ut populo agresti imprimeret, nunquam illud *Missam* nudè & simpliciter, sed *sanctum novi Testamenti Sacrificium, & memoriale Passionis Christi*, singulari quadam vocis energiâ nominabat. Ad quod si diebus feriatis notaret ruricolas non convenire; casas omnes circumiens efficacissimè persuadebat, ut singuli saltè à singulis comparerent, dum reliqui laboribus distinerentur, magnam eâ re gratiam apud DEUM inituri. Quod ut facerent promptius, scirèntque mysterium, quòd Missæ celebratione repræsentaretur, totam illis ejus seriem atque caerimonias, Sacerdotis atque Altaris ornatum interpretabatur, & memoriæ Dominicæ Passionis applicabat, non tantùm de suggestu, sed præcticè etiam dum in omnium conspectu sacro apparatu indueretur; accipiendo singillatim v. g. amictum, explicabat ejus mysterium, tum rursus seorsim vestis albæ, cinguli, stolæ, casulæ separatim; ac tum demum omnes ad offerendum DEI Majestati summo devotionis affectu hoc tantum Sacrificium, tanquam verissimum Passionis Christi memoriale, cohortatus, illud quasi quidam Seraphinus ordiebat.

Jam verò quantus crucis Christi ejusque effectuum amator fuerit & æstimator P. Albertus, dici vix potest; fuitque id perspectum

*Societas Europæa.*

omnibus, qui illum hospitem apud se habere vellent: quare nihil ei præstandum erat commoditatis, nulla ejus habenda cura; neque an re quapiam opus haberet rogandus; non cubiculum venienti everrendum; non mensa meliore cibo instruenda; quibus si contraria agerent, aut ejus rationem aliquam habere præferrent, illico se proripiens abibat, nunquam eodem rediturus. Vini aut melioris haultus potum vix unquam adhibere visus est, uti nec delicatioris cibi; quem subinde in mensis Nobilium oblatum dextrè à se amovebat, legumina ventriculo suo & valetudini præ carnibus congruere asseverans. Pedestria itinera non rarò actuales inter podagræ dolores urgebat, quod à mali conscij miraculo indubitanter adscribebatur: sicut & manus chiragrâ acerbissimè vexatas, inter gemitus & tremorem, doloris violentiâ expressum, frigori nihilominus & nivibus exponebat, illud ingeminans: *patiamini, patiamini sororculæ, tantò nitidiores in cælis futuræ!* & tamen fiebat, ut manè sequenti illas haberet ad DEO litandum idoneas. Eodem articulati malo oppressus, constantes pœnitentibus summâ hyeme aures dabat, quamvis dolore & frigore dentes concuterentur, & verba nonnisi tertiata proferre posset: oculis manibûsque in cælum erectis subinde interponens, vel etiam decantans illa: *amplius Domine, amplius! Domine auge dolorem! hic ure, hic seca, modò in æternam parcas! non sunt condigna passiones hujus temporis ad futuram gloriam, &c.* Omni autem artificio & conatu, vultu hilari & jucundo, dolores suos apud alios dissimulabat, esto cogeretur non rarò artus contrahere, & viscerum convulsionibus à colica superatus in angulo quopiam, velut in globum corpus convolvere. Nec ferè remedium ullum malis suis adhibebat, nisi dum penitus in lectulum prostrato Superiores eâ apponi mandarent: cauteria tam obiter curabat, ut unum ex sui incuria coalescens, eum in vitæ periculum subinde deduxerit. Fasciolas illis ligandis eluebat ipse in frigida, vel per hyemem in nivibus. Somni erat prorsus perparci, ex quo fatiscente naturâ, reperiatur non rarò à viatoribus in medijs sylvis, ad arborem quampiam acclinis somno oppressus. Vermiculis scatebat plurimis (cùm linea non mutaret nisi post plures hebdomadas, & vestitus ubivis promiscuè super humo apud ruricolas cubaret) quos ille in gravissimis caniculæ æstibus nimium subinde molestos, ponè publicam viam collectos ejiciebat, sæpius tamen erepentes rursus in sinum abdebat, *satiandos* (hæc illi phrasis erat)

X x x x 2

pec-



*peccatrice suâ carne* : quos & *supellectilem suam* vocabat. In quodam Magnatum prandio eosdem per vestem illi reptantes nonnemo exprobravit : cui, nihil verecundatus ; *hos esse*, respondit, *suos monitores, quibus ad DEO serviendum excitaretur*. Eundem crucis & ad-  
versitatum amorem perpetuò alijs svadebat, vix alibi eloquentior, quàm in earum proven-  
tu & utilitatibus explanandis, & inculcandis. His accedebat mitissima quædam agendi ra-  
tio, quâ mansuetudinem agni cum prudentia serpentis præferebat, ut passionis alicujus nè vestigia quidem in illo notarentur : Angelo quàm homini similitior, quem etiam dulcissi-  
ma vultûs modestia, morésque compositissimi spirabant. Nec minùs eorum velocitatem in obsequendo Superiorum jussis exprimebat, parendo in omnibus ad solos ipsorum vel mi-  
nutissimos nutus. Insinuaverat illi Rector Klattoviensis Collegij, ut ad festum S. IGNA-  
tj istic ex Missionibus suis adesset : cùm verò pridie in gravissimum & continuum imbrem cælum resolutum esset, viæque lacunis & lu-  
to impeditissimæ, nemo P. Albertum affore, suspicabatur ; adfuit tamen in tempore, licèt madore & aquis totus ad intima perpluens. Aliàs per jocum, & svavem ironiam dixerat illi Superior, absque jubendi animo, iret ad Illustrem quandam sanguine Cognatam suam (quam in hæresi obstinatissimam contra om-  
nium conatûs sciebat) eamque, prout tot alios, ad rectè credendum adduceret. Sed ille arrepto seriò baculo absque ulla mora Col-  
legio egressus, ad Dominam per novem mil-  
liaria germanica excurrit, auspicijs obedi-  
entiz, & gratiz divinæ confisus.

Demum tot sudoribus & laboribus non magis fractum, quàm meritis onustum, pla-  
cuit DEO ad bravium evocare An. 1643. fa-  
tali morbo ab inveterato pedum malo ipsi conscito, quòd eorum vulnera, quæ egeren-  
dis noxijs humoribus veluti meatus natura, aperuerat, improvida manus medica clausisset, hisce deinceps ad vitalia corrodenda re-  
stagnantibus. Dejectus primùm in lectulum est Sufficij (quam urbem tunc excolebat) æ-  
gritudine solitò graviore, unde impetravit ad Collegium Klattoviam devehi, non tamen aliter quàm curru pagano, à duobus bobus tracto. Ibi ad cubiculum designatum dum, inferretur, palàm disertè edixit, vivum se non ampliùs illo exiturum. Totum autem quo cum morbo luctatus est tempus, in una ferè transegit oratione, & tacitis cum Cælo collo-  
quijs ; ut præter immotum, quasi doloris om-  
nis expers, corpus & animum, miràmque

in verbis & actionibus omnibus pacem & quietem, nihil ferè à socijs in eo observari po-  
tuerit. Ministro tamen domûs de more ægrû invisenti aliquando prædixit, gravem & ipsi morbum imminere, cùm tamen optimâ tum valetudine frueretur : & verò necdum evolu-  
to anno, malo prostratus vitam clausit. Interim sacra ascendentis Salvatoris dies illuxit, quâ sub decantatis in templo nostro vesperis, una candelarum in summa Ara, vidente uni-  
verso populo, sponte suâ extincta est ; dùmque subinde reaccensa esset, mox altera extingui-  
tur ; quod omnibus præsagium visum est, & portendere P. Alberti ; velut lucernæ in Boë-  
mia tot mortalium saluti accensa, supremum fatum. Cui fidem die sequenti majorem fecit, sub ipsis Missarum solennijs, præsentem po-  
pulo, decidua è templi ejusdem fornice pars tabulati lignei, quin tamen ulli hominum detrimenti quidpiam afferret. Ac tum demum postera luce 16. Maji in ipso diluculo sanctâ morte defunctus P. Albertus ad Superos abiit, cùm aîum ageret ætatis 62. cujus testes fuê-  
re lumina eo ipso temporis articulo super cu-  
biculum morientis, ab excubitoribus urbicis, aliisque pluribus clarissimè conspecta. Elatum est funus nō tantum civitatis totius concursu, sed magno etiam hominum è vicinis oppidis & pagis affluxu, Apostolo suo suprema obsequia persolutoris : multisque omnium Ordinum lachrymis primum omnium (nemo enim eatenus è socijs in recenter fundato Col-  
legio obierat) in templo Collegij sepultum est.

Jam verò ut paucula de ijs, quæ supra na-  
turam in servo suo DEUS egisse visus est, attingamus, præter ea, quæ sparsim superius perstrinximus : cùm aliquando Klattoviæ, necdum ibi domicilio Societati erecto, in domo pauperis, sed piæ viduæ, dictæ Zebrakianæ, divertisset ; nocte concubiâ ad orationem consurgens, lumen sibi è vicino cubiculo accendi petijt. Hoc illi excitatura viduæ filia dum januam accedit, videt per ejus rimas veluti radios à magna luce in cubiculum spargi, & curiosius per foramen observans, ingenti splendore Patrem undique circumfusum notat : Matrem igitur evocat, quæ & ipsa lumen clarissimum conspicata, Patri amicè exprobrat, cur ignem petat, tantâ luce jam antè satis provisus ? ad quæ Pater se circumspiciens, altissimo cum suspirio taciturnus recessit ; fortè tum primùm DEI circa se prodigioso lumine animadverso. Atque hâc eadem luce sæpissimè aliàs circumfundi à diversis visus est, maxime dum DEUM in oratione defixus prece-  
retur.



retur. A. 1640. mense Octobri venerat duabus horis ante Solis occasum ad Collegium Klattoviam, & omnibus in varias Missiones dispersis, præter Rectorem, alium neminem domi reperit; à quo & audiit, paulò antè adfuisse in Collegio, qui eum magnis precibus ad excipiendam in supremo morbo Nobilis Viri, septem indè circiter milliaribus diffiti, confessionem evocabant; verùm cùm sciri non posset, ubi interim Pater ageret, vacuos esse dimissos. Hæc inter, dum Rector Patri totum illum diem jejuno cibi aliquid in penu conquirat, ille repentè è domo & urbe evanescit, cùm etiam portarum custodes negarent urbe digredientem à se conspectum. Adest nihilominus die sequenti ab ægri Nobilis ædibus expeditus eques cum literis, gratias pro P. Alberto referentibus; quibus simul indicabatur, pridie ante Solis occubitum moribundo illum in tempore adfuisse, pœnitentem, expiâsse, & ad agonem Christianum parâsse. Atque hæc ratione sæpius deprehensum est, eum ex locis remotioribus aliò translatus, nonnunquam etiam simul eodem tempore in locis pluribus versatum fuisse. Testantur & aliàs missam pro eo ad Collegium rhedam à Nobili vicina, quòd maritus repentinâ vi morbi adextrema redactus, celeritate confessionis indigeret: sed ille aurigam pedes antegressus, quantumcunque hic pleno cursu contenderet, deprehendi non potuit, momento videlicet ad terminum suum translatus; nec minùs celeriter ad Collegium relatus, priùs nempe quàm rheda omni onere vacua ad Dominum suum à Collegio rediisset, Nobilem jam vitâ defunctum deprehendens. Nuncius siquidem à Vidua cum gratiarum actione ad Rectorem transmissus, indicavit P. Albertum morienti Domino in tempore expiando adstitisse; cùm tamen computatis temporis momentis clarè postmodum deprehenderetur, quâ horâ Pater Collegio egrediebatur, Nobilem animam egisse. Rursus vice aliâ cùm socio P. Joanne Molitoris Klattoviâ veheretur Breznicium, in pedes more suo curru descendens ità paulò post disparuit, ut quantumcunque cursum urgeret auriga, assequi præeuntem nequiverit, dum eum Breznicij jam præsentem reperiret: quod tanto majore admiratione acceptum est, cùm constaret illum ob pedum & virium senilem debilitatem, nonnisi lento passu, interpolatâ frequentiori quiete, progredi posse.

Excolebat aliquando Christianâ doctrinâ Regium in Boëmia Dominum Krziwoklad, & supplicationem rusticorum ad ex-


piandos aquâ lustrali adversum tempestates agros eduxerat, multa de hujus sacri amuleti efficacia populum docens. Vix domum supplicantium ordo redierat, cùm atris nubibus obduci cœlum, & inter decidentem pluviam ingens strepitus & tumultus è piscina, agris lustratis vicina, audiri; sic ut eo exterritus Dominij Curator Vir Nobilis equo accurreret, visurus nè quid detrimenti piscina pateretur. Ecce autem videt placidâ pluviâ in agros undequaque decidente, collectam horribilem grandinem in solum piscine stagnum, cui obesse nil poterat, immani strepitu effundi: quo nuncio mirè exhilarati incolæ, debitas DEO laudes, tam præsentis beneficio dicta Patris firmanti, dixerunt. Inciderant quandoque in Patrem, coronam Deiparæ per viam otiosè volventem mercatores complures, ad nundinas Plsnam properantes, quos ipse ad persolvendas Virgini secū eas preces invitavit, prosperam negotiationem, si facerent, pollicitus. Quibusdam invitationi parentibus, alij per contemptum iter nihilominus prosequerentur: cùm postmodum deprehensum est, his qui brevem moram deprecandæ Matri DEI impendere neglexerunt, sinistra omnia in mercatu expertis, priores copiosa secum lucra è nundinis retulisse. Taceo morbos gravissimos ejus precatione momento depulso, qualis fuit dolor colicæ immaniter neptem illius excrucians, simul tamen ac pro illa Missæ Sacrificium Pater obtulit, integrè extinctus. Eiusdem famulas in horti labore occupatas, vesparum genus venenosum ità in facie deformârat, ut insolito tumore vultus earum, vix oculis apparentibus, ebullirent, & in vitæ discrimen redactæ viderentur: quas tamen ab omni tumore liberas plenæ sanitati Pater signo crucis restituit. Multa etiam futura prædixit, eventibus certis singula confirmata: inter quæ non postremum fuit, Collegium Klattoviæ in suis initijs inter summas angustias conflictatum, augmentis maximis, & fundatione opulentâ paulò post dotandum, eventumque hunc oculis adhuc suis visuros, quibus id prædicebat. Quod & evenit eo ipso tempore, quo de illo dissolvendo, ob ultimam penuriam cogitabatur; dum Illustrissima Comes Lucia Kolowratea, nata Comes de Martinitz, ex integro illud 50. millium dote assignatâ fundavit, & excellentissimus ejus frater Georgius Com: de Martinitz, Supremus Regni Cancellarius, 10. millibus adjectis auxit. Atque hæc tot excellentis sanctimonie & vitæ Apostolicæ decora, eam omni hominum generi, summis & imis, Eccle-



clesiasticis & Sæcularibus, de P. Alberto opinionem ingenerârunt, ut eum constanter, viventem & vitâ functum, titulis Sancti, Apostoli, verè humilis & recti nomenclatione indigitarent, vixque sinè lachrymis illius meminisse possent. Ad ejus in ædes suas ingressum gaudio exiliebant omnes, pagani præsertim & simplices, neque unquam sinè ingenti dolore

dimittebant: plurèsq; segmenta vestis, crinium, illius manuscriptorum, hodièque inter Reliquias observant, etiam primi ex Clero Prælati. Eidem demortuo à plerisque Civitatibus, in duobus Boëmiæ Circulis, solenniter & publicè parentatum est, omni sexu & statu ad Patris sui (neque enim aliter vocabant) justa ultima confluyente, & ingemiscente.

*Ex ejus Vita Auth: P. Joanne Tanner.*



P. Petrus de Urteaga, S. I. clarissimo sanguine Hispano, Concionator per annos 44, dum totum se cum domesticis Rector, animabus, lucrandis, impendit; comæatum ipse vicissim non semel prodigiosè in alimenta suorum recepit. Obijt Hispali 30. Decemb: 1644. Ætat: 76.  
164.

## P. PETRUS de URTEAGA.

**P**etrus de Urteaga Hispanus, editus in lucem Hispali, sed ex Cantabriæ nobilissima Familia ducens originem, adhuc puer totum se pietati ac devotioni tradidit. Decennis

fortuito Parentem nescio quâ causâ Gymna-

sium Societatis invisentem comitatus, viso tanto Juventutis numero, scholis & ipse applicari institit, fore se aliquando unum è Patribus Societatis prædicens: quibus mox applicatus, miram in omnibus præsetulit maturitatem & prudentiam: auscultare festis omnibus rarâ modestiâ & attentione conciones;

ven-



venitare frequens ad Collegium, atque unicuique solatium in Patrum colloquijs collocare; adesse ter per hebdomadam ad sui ipsius divinationes in cœtu Parthenio. Ad hæc delectabatur lectione piorum librorum, Sacramentorum frequentia, gestabat cilicia festosa, & alia cruciandi corpusculi instrumenta usurpabat, quorum & piorum simul librorum plena arca, ab ejus ad tyrocinium Societatis receptu, domi reperta est. Decimum, quartum ætatis annum ingressus cum Societatem apud Præpositum Provincialem appetere destinasset, singulari DEI gratia ab exitio servatus, ad idem urgendum animatus est: quippe ex tabulato quatuor contignationum decidens, cum aliquamdiu velut animi impositus jacuisset, incolumis undequaque & illæsus repertus est. Verum Provincialis teneram adeo in puero ætatem pensitans, ut probaret constantiam; *tunc puer, inquit, scis, quid sit Religio? quid Obedientia? age per istos gradus deorsum te precipita.* Ille nihil cunctatus illico procubuit, & serio se devolvere per gradus cepit. Delectatus Provincialis tam promptam Nobilissimi Adolescentis indole, eum ad Societatem continuo aggregavit. His exordijs consimilis fuit Religiosæ perfectionis, baptismali innocentia superædificata, per reliquos annos usque ad susceptum Sacerdotium fabrica; cujus sacris Ordinibus initiatus, primum laborem Gadibus posuit in tradenda pueris Grammatica. Cœpit autem mox sese prodere ingens animarum zeli, quo interius flagrabat, incendium, per singularem in dicendo fervorem & efficaciam, quoties ad obviam plebem in plateis & locis publicis Christianam doctrinam explicaret: cumque accidisset die quodam in maris portu dicentem ab urbis Episcopo, postea Cardinali Antonio Zapata, illac fortuito transeunte audiri; tantam observati in eo fervoris Apostolici admiratione captus est, ut recta ad Collegium se conferret, postulaturus eundem Ecclesiastico pulpito admoveri, ominatus illum concionatorum alpha & magistrum fore. Tanti Pontificis arbitrium secutus Provincialis, prædicandi munus Petro confestim imposuit; neque ille vaticinium Cardinalis fefellit: siquidem dicentem non tantum Hispali innumerales animorum conversiones secutæ sunt, sed & alibi per Hispaniam, atque adeo in ipsa Curia Romana. Et quidem Hispali in Domo Professæ conciones anno ætatis 26. auspiciatus, eam sui admirationem æstimationemque apud status omnes, & præcipue Prælatos Cathedralicos, ipsumque Archi-Episcopum ex-

citavit, ut in præcipuis solennitatibus (quod idem & reliquæ Ecclesiæ in suis festis pensabant) illum præ reliquis dicere ad populum in Cathedrali suo templo percuperent, ubi alioquin nonnisi canitie, & longam dicendi auctoritate venerandi audiri consueverant. Porro totus ejus ad conciones apparatus situs erat in continuo studio S. Scripturæ, cui tempus omne tribuebat, ejusque intelligentiam prolixis orationibus, & sui afflictationibus, a Patre luminum postulabat: osor omnium novitatum, & inanum subtilitatis & acuminis consecrationum: pro quibus ipse elocutionem adhibebat nervosam, & castè seriam, longam semper ante dicendum & ardenti meditatione solitus se contra peccata incendere, ut tanto certius eorum reos ad DEUM reduceret. Et verò inter innumeros è cæno vitiorum extractos, contigit aliquando virum Nobilem, ob publicum pellicatum toti Urbi scandalum, dicenti adesse, tantusque illum inde subijt turpitudinum suarum dolor & pudor, ut descendente pulpitum præstolatus, generalem totius vitæ exomologesim in vestigio peregerit, & pellicem in perpetuum ab sese relegarit. At enim hæc amorum suorum jacturam in furorem acta, in exilij sui auctorem implacabiliter exarsit, obtulitque Præposito Domus commentitiam accusationem, gravibus testimonijs, quæ tamen mox falsitatis convicta sunt, refertam, quibus Pater Urteaga inhonesti cujusdam commercij traducebatur. Et quamvis fidem apud illum, innocentia Viri castissimi prorsus Angelicæ conscium, nullam libellus is inveniret, legendum nihilominus P. Petro obtulit: ad quem rubore virgineo perfusus, rarâ humilitate hoc solum reposuit. *Et hoc, & plura graviora de me credi possunt: si enim DEUS à me manum suam subtrahat, ut hoc, & longe atrociora commissurum me agnosco.* Multas id genus insectationes, & vitæ famæque discrimina ubivis ab improbis sustinuit vir innocentissimus, odio virtutis & libertatis, quæ vitia reprehendebat. Hæc verò à scelestis intentata pericula pensabat copiosè multiplex Cœli favor, quo zelum servi sui fidelem mortalibus mirificè approbabat. Maximam siccitate laborabat An. 1605. Hispalensis ager, fuitque ad exorandam pluviam frequentissima omnium Ordinum ducta supplicatio, ad prodigiosam Christi imaginem in S. Augustini templo; ubi Concionem Petrus habuit affectibus & actionis efficaciam usque eò potentem, ut totam primum multitudinem in serias pœnitundinis lachrymas; ac deinde Cœlum in copiosam eodem ad-



adhuc die pluviam effundendam resolverit. Quo illius comperto zelo Archi-Episcopus, Ferdinandus Ninnus de Gvevara, nunquam ab ejus auditorio abesse sustinuit: ejus verò successor Petrus de Castro & Quinones, ità eodem audiendo capiebatur, ut quadam verni jejunii feriâ sub noctem seram Granatâ reversus, ut erat ab itinere fessus & contractus, nè quidquam dissuadente Medico, primo manè ad Patrem audiendum accesserit. Cujus sermonibus quantum tribueret, patuit ex notabili eventu, qui ei concione quadam Patris vehementer commoto accidit. Magna per ejus absentiam excitata inter Capitulum, & Archi-Episcopatûs Oeconomum gliscebatur discordia, non modico civium scandalo; cùm improvisò ad sedem suam reversus Archi-Præsul, dicturum in crastino Patrem auscultaturus, Ecclesiam accessit. Dixit autem opportunè sanè de Charitate mutuò observanda, quam Christus neq; dispendij proprii damno violari sustineret, poscenti tunicam etiam pallium ultro dimittere jubens. Fuitque de ea materia ardens differentis oratio tam efficax, ut Præsul domum reversus, evocato Oeconomo, juberet sibi omnia deductæ eousq; litis documenta afferri, eaque in frustra discerpta, manu propriâ igni injecerit, dicens: *exurantur dissensionum inter nos & Fratres nostros instrumenta, prout nobis hodie persuasit Pater Urteaga*. Ea res per Urbem vulgata, credi vix potest, quàm bonum odorem virtutis sui Præsulis diffuderit, & auctoritatis Patri conciliârit. Hos inter applausus & populi concursus, non negligebat carcerum & nosocomiorum sedulam procurationem, neque omittebat per vicos & pagos Christianam tradere doctrinam, pluribus latè in viciniam expeditionibus adornatis; quarum facilè princeps fuit in ditione Ducis de Medina Sidonia, cujus incolæ piscatu ferè vitam sustinentes, & inter vitia huic hominum generi consveta, spiritualis culturæ egentissimi, Patris voce pene ad Ninivitarum pœnitentiam incensi sunt, quando plerique omnes totius vitæ acta apud illum retexuerant.

Postulatu Ducis de Arcos, quòd ejus concionum summo desiderio teneretur, datus Marcenensi Collegio Anno 1609 Rector, expectationem etiam superavit, & constanti ad populum dictione animos omnium ad DEUM traxit: ut minimè mirum sit, DEUM quoque famulo unicè de lucris suis satagenti, de subsidij vicissim rei familiaris miris modis quandoque subvenisse. Ità cùm aliquando audisset querentem Oeconomum, non super-

esse in tota penu domestica nisi unum tritici modium, cùm tamen duos oporteret eodem die pistori tradere, jussit diligentius cellam inspicere. Sed respondenti, probè jam sapius à se inspectam, & sinus ejus omnes excussos: *ergo remedium*, inquit, *efficax adhibebimus*. Hoc autem fuit fervens ad DEUM precatio; ad quam illico, digresso Oeconomo, in genua se abjecit: & ecce horæ spatio penarius reversus attonito similis nunciat, tantum optimi tritici in cella antea vacua deprehensum, quantum præsens necessitas requireret. *Bene habet*, reponit Pater, *hoc igitur in præsens detur panifici, nam de reliquo Dominus providebit*. Neque aliter evenit: nam post biduum decem & octo modij præstantis tritici ibidem reperti sunt, quos tamen constabat nullâ hominum manu illuc inferri potuisse. Simile quid evenit, cùm alterâ vice Professorum Domum Hispali gubernaret: manifesto testimonio, nunquam spiritualia, & divina curanti, defore temporalia. Non enim satis habens propriam ipse operam in bonum proximorû impendere, Socios domesticos omnes eodem igne ad labores Apostolicos inflammabat: unde cùm die quodam festo ambigeretur, an solennitas Catechismi (ut vocamus) generalis cum suis Indulgentijs celebranda esset? quòd in eum diem toti quidem Urbi jam indicta, ob intempestam auram, & vias luto impeditas, parùm celebris fore timeretur: Pater nihil incommodo temporis, ubi negotium De geritur, motus, jussit nihilominus supplicationem catechetica per Urbis compita deduci, addens, incommodum hoc certo aliquo & singulari favore à DEO pensatum iri. Dum progrediuntur, mitigari continuè Cælum, serenari auram, & radijs solaribus nubes undique decedere, tantæque populi concurrere multitudo, ut ei capiendæ Ecclesia Cathedralis minimè sufficiens, coëgerit Catechesis præsides socios, ternas simul diversis locis extra templum habere conciones. Eo sociorum zelo, & virtutis exemplo commotus Vir Nobilis fortuitò illac transiens, extemplò Præpositum Domûs Urteagam convenit; & *venio*, inquit, *Pater mi summopere adificatus tuorum filiorum spectaculo, quo DEUS animum ità commovit meum, ut tria millia Realium, quæ mihi Domus tua debet, ex nunc illi condonem*. *Precemini DEUM, ut iter, quod longius apparo, mihi secundet, & ego meis imperabo, ut elemosynam, hætenus à me insustentationem vestram tam sanctorum Virorum dari solitam, vobis duplicent*. Improvisâ adeò liberalitate mirè exhilaratus Urteaga, ut reduces domum Patres ejus-



eiusdem solatio impleteret, *nónne videtis*, inquit, *quàm fidelis remunerator sit DEUS, qui nostrum in luto obsequium rependit argento, & tribus hodiernis Concionibus reponit totidem millia nummum Realium?*

Non diu licuit Marcenensibus Urteagâ Rectore & Concionatore perfrui, siquidem mox anno sequenti 1610. Episcopus Urbis Jaën, Sanctius Davila, cupidus Societatis apud se fundandæ, summis precibus illum impetravit, ad Missionem in sua Diœcesi cum alijs duobus Patribus instituendam. Et verò successus illius, omnes hactenus Patris labores superavit, tantusque fuit ad pœnitentiam, concionibus ipse in dies singulos binis ternisve excitatorum affluxus, ut diurnis horis ad Confessiones audiendas, plures nocturnæ fuerint adjungendæ. Idem factitatum est per oppida & pagos, in carceribus & nosocomijs, ubique explicatâ catechesi, in foris & campis; accurrentibus cum plebe Nobilibus etiam Viris, ipsis adeo cum Episcopo Canonicis; qui omnes cœlesti quodam igne correpti, publicè unâ doctrinæ Christianæ capita decantabant. Extincta Vatiniana odia, sublato abusus improbi & publica scandala, extirpata penitus Veneris mancipia, & inter innumeros à varijs sceleribus abstractos, reductus ad frugem opulenti sacerdotij Clericus, cujus vita improba toti Urbi pravo erat exemplo. Is in omnem licentiam effusus, ut neque Missam per anni decursum aliquando diceret; audito vice quadam perorante Urteagâ, intimo animi motu compunctus, profluvium lachrymarum fundere cœpit, & pedibus Patris advolutus orare, ut suam de totius vitæ actis confessionem excipere, vitæque ad unum, saltè annum, agendæ condignæ pœnitentiæ, protelationem impetrare à Domino dignaretur. Fuit verò illius mutatio omnibus maximæ admirationi, cum Missam dicentem summâ pietate viderent quotidie, prolixum in oratione, in eleemosynis profusum, in Concionibus audiendis, & quibusvis divinis exercitijs frequentandis assiduum. Utque palam fieret, auditam à DEO fuisse Patris pro illo orationem, non duravit ultra unius anni terminum homini vita: quo evoluta, plenus optimæ spei decessit. Atque in his laboribus quinque Patri fluxêre anni, occupato simul in formanda Societatis eadem in Urbe Residentia, cui unâ cum templo ædificandæ & locum, & sumptus, & redditus annuos liberalis Civitas cum Capitulo obtulerat. Restitutus indè Hispali ad multas Civium preces, opportunè sanè habendis concionibus revenit, quo tem-

*Societas Europæa.*

pore maximè fervebat partium certamen de Immaculato Virginis Conceptu: pro cujus defensione inextingvibilem suum pene singulis concionibus declarabat zelum, & affectum usque eo tenerum; ut persæpe vel ad solam hujus mysterij pronunciationem, *Immaculata Virginis Conceptio*, ubertim illachrymaretur. Totus erat in persuadenda Fidelibus hac piâ sententiâ, plurimòsque ad devotum illius cultum tam in Hispanijs, quàm Romæ adduxit, quo anno conciones ibidem habuit.

Anno 1618. missus ad regendum Collegium Malacense, tantum sui desiderium Hispalensibus reliquit; ut ejus intolerantes, apud Patrem Generalem Societatis impetraverint, ex medio regiminis cursu ad conciones Hispali resumendas remitti. Fuitque summâ admiratione dignum, potuisse eundem auditorum accursum, gratiam & applausum per 45. annos, quos concionando transegit, ab illo conservari, ut non minore aviditate & emolumento in postrema, quo in prima dictione auscultaretur. Crevit autem supra modum hæc Viri æstimatio, cum Domui simul Professæ bis Præpositum apud se viderunt tantò impensius in opera Charitatis effundi: totus enim erat in domesticis suis ad eadem incendiis, visitandos carceres, hospitalia; ad quæ primus & frequentissimus itabat ipse. Quod si in aliquem fortè domi incidisset otiosè à meridie residentem, summâ mansuetudine & gratiâ, citra omnem aculeum rogabat, *quid hic agis mi Pater? & quomodo cœnam hodie à Domino mereberis, nisi ante noctem lucrum aliquod illi ex animabus attuleris? vade, & priusquam Sol occidat, infirmum quempiam, nosocomium, vel scholam puerorum fidei rudimentis imbuendam adi.* Fuit autem tum simul omni hominum ordini, summis & imis, commune veluti oraculum, petebanturque ejus consilia à Tribunalibus Ecclesiasticis æquè ac Politicis, & sententia pene ut prophetia habebatur, quod eam vix unquam eventus falleret. Et hanc sapientiam non tam humanâ industriâ, quàm assiduo orandi studio hauriebat è Cœlo: cui ut vacaret exactius, recipiebat se per annum aliquoties ad Tyrocinijs domum, & sepositis humanis omnibus, cum solo DEO negotia sua per integras hebdomadas tractabat. Ex hac solitudine aliquando evocatus ad ægrotum, ex gravi apostemate laborantem, cujus apertio veluti postremum vitæ servandæ, anceps licèt remedium, decreta erat; omni conatu laboravit illum ad fiduciam in Sacro Evangelio, quod super ægrum recitavit, & Divorum reliquijs eidem applicatis

Yyy

repo-




reponendam erigere : vixque perlecto Evangelio fatalis vomica sponte suâ, citra ullum infirmi dolorem, dissiliens, tabum omne effudit, non sinè stupore Medicorum, virtutem altiore in prodigiosa curatione agnoscentium. Singularis tamen in his omnibus elucebat in Patre modestia & humilitas, Principum favores & populi applausus aspernantis : & cum Romæ Procuratoris suæ Provinciæ munere fungenti magni honores exhiberentur à Legatis Hispaniæ, Cardinalibus, aliisque Magnatibus, conversus ad socium : *quid tibi, ait, Frater, videntur hi Principum affectus & cultus? Vapor inanis & vanitas : plurisque mihi est galerus meus sudore sordidatus, quam mira illorum omnes, galeri, & purpure.* Contigit aliquando per urbem inambulanti Sacerdotem cum SS. Eucharistia, quam ad moribundum deferrebat, eo loci occurrere, ut eam adoraturum necessariò in medium luti procumbendum esset : quod cum citra omnem hæsitacionem magno reverentiæ affectu fecisset, intuitus deinde pallium suum sædè sordidatum, dixit, nunquam melius luto sædari meum pallium potuit, neque aliàs honoratior in illo Hispali comparui, atque hodiè.

Easdem virtutes, & constantis animarum zeli exempla Granatæ exhibuit, Collegio Rector impositus, & præcipuè admissionem iterum in Urbe San Lucar de Barrameda obeundam anno 1626. postulatus, à Duce de Medina Sidonia, quem primo suo sancto alloquio ita cepit, ut ad Aulicos attonitus diceret : *hic Pater, me, nescio quâ vi altiore, penitus dementavit, nec unquam aliàs talem in animo mutationem expertus sum.* Auctaq; deinceps mirum in modum est hæc in Principe, totaque Civitate affectio ; cum dicentem consveto sibi fervore audiverunt, & proventum omni expectatione majorem ex ejus laboribus sunt experti. Quare sinè mora fundando Societati apud se Collegio animum adjecerunt, quod diu antè multorum intercessionibus frustra tentatum : meritis nimirum Patris servabatur, magnis ejus in suo primordio laboribus, & quotidianis ferè eleemosynis sustentatum ; ad quas impetrandas prodibat ipse cum mantica ad maris littus, piscésque corrogatos humiliter domum deportabat. Demum à gubernationis oneribus ob graviores ætatem liberatus, cum in Domum Professorum Hispa-

li secessisset, & prædicationis tamen munus non defereret, contigit ut die S. Mathiæ Apostoli in templo Cathedrali dicentem repentina capitis vertigo prosterneret, fueritque necesse alienis manibus de suggestu auferri. Neque diu post in alia nihilominus Ecclesia prædicantem, memoria penitus medio in sermone defecit, quam ipse extractâ è sinu descriptâ concione conatus in viam reducere, postquam aliquamdiu progressus, ceterorum oblivione iterum captum se advertit : *ut video, inquit, facultas dicendi me jam deficit, & munus concionandi per annos 44. continuatum hodie finitur, cum DEUS non vult me in concione progredi, sed coram vobis confundi ; ut sciam bonum omne, si quod hætenus in meis sermonibus fuit, non à me, sed ab ipso fuisse.* Magnum ea res in populo dolorem excitavit, neq; minus Viri tanti sincera humilitas omnes ædificavit : quem è pulpito digressum accedens Vir præcipuæ dignitatis : *nunquam, ait, efficacius nobis prædicasti Pater, quam hodie, tam efficax humilitatis exemplum nobis exhibendo, & opere ipso docendo, quo animo ferenda sint immissa à DEO adversitates.* Atque hæc capitis vertigines certus fuere prodromus fecutura paralysis, quam membrorum omnium dissolutione toto ultimo vitæ biennio sustinuit, neque pedibus insistere, neque corpus quomodolibet movere potens. Quo die tamen celebrandum erat Catecheticiæ doctrinæ annum jubilæum (quod maximâ solennitate Hispali quotannis peragitur) impetrabat se in sella locatum ad Ecclesiam deportari, ubi binis ternisve eodem die sermonibus habitis, Christianæ Fidei capita explicabat, incredibili multitudinis ædificatione motuque, quod tantum in sene decrepito fervorem intuerentur, & constantiam, quâ in pulpito mortem sibi optatissimam non tantum sæpius asseverabat, sed & opere firmabat : cum præsertim viderent lachrymas plenis rivis per ora senilia defluere, ex eo solatio, quod capiebat è multitudine innumerabili sacram Mensam hoc die accedentium. Ità biennio toto in sola præparatione ad mortem sanctè obeundam exacto, decessit, uti vixit pijsimè, Sacramentis omnibus munitus die 30. Decembris anno 1644. quem sibi supremum fore constanter & ex vero prædixit : ætatis 76.

Societatis 62.

Ex Alegambe Bibliotheca, & Nierembergij Tomo IV.







P. Melchior Kaukal, S. I. Boëmus, doctrinā et virtutib, omnib, ac imprimis Zelo animarum conspicu, vitam pro ysdem peste per Boëmiā saviente, amisit Brunæ 22 Octob. Auro 1645. æt: 40. Alijs 19. per idem Regnū in simili Charitatis opere extinctis.  
162.

## P. MELCHIOR KAUKAL, cum alijs 19.



Æviente per Boëmiæ Regnum per annos ampliùs 20, Marte Svecico; pestis pariter, concessis subinde inducijs, diversas ejus Provincias & Regiones affligere perrexit, usque ad ejus belli exitum, & pacem confectam anno 1649. Consumptos in sacro contra eam certamine heroës, in gestis P. Stephani Fodor usque ad annum 1640. jam dedimus; reliquos abinde hìc simul servatā annorum serie dabimus. Glogoviam Silesiæ urbem irrepens pestis anno 1641. ad ferendam morbosam opem excitavit P. Georgium Braverum, Erfurti in Germania natum, Virum animo magno, & ad subeunda pericula, tractan-

*Societas Europæa.*

dāsque negotiorum difficultates prorsus imperterritā libertate. Quā etiam in frequentissimo ægrientium accessu & tractatione infectus, 26. Martij cecidit, annos 38. natus, in Societate 19. Coadjutor in ea spiritualis. Hunc longè pòst secutus est 6. Decembris, alter ex Adjutoribus temporalibus Joānes Hanka, Silesius Lignicensis, quem neque hæretica patria, neque ejus Princeps, neque Parentes, itā pravis potuere suis erroribus irretitum retinere, quin ad sincerum orthodoxæ veritatis lumen evaderet. In frequenti contagiosorum visitatione Sacerdotes comitari solitus, lethale virus ab eorum squalore pædoréque hausit, quo paucis diebus confectus est. Anno 1642. jam exeunte, Iglaviæ à transitu in

Yyyy 2

vici-



vicinia Exercitus Cæsarei relictus militum unus remanserat, ab omnibus destitutus, sædâ dysenteria ex lue contabescens, quem nemo unus, etiam ex Parochia, accedere contagionis metu audebat. Hunc P. Christophorus Frisch, è Silesia superiore Glogoviâ ortus, in curam & charitatem suam receptum intrepide convenit, expiavit, divino refecit epulo, & sanctæ morti paravit: atque exinde veluti jure partâ muneris possessione, cæteris lue infectis impiger adesse; donec attracto ab illis toxico, omnibus munitis Sacramentis decessit 26. Decemb.; ætatis an: 32, Soc: 14..

Anno insequente 1643. Cremfirij Moraviæ Civitate, ubi communiter sedes est Episcopi Olomucensis, eximiâ animi firmitudine se coniecit in pestem, ut eâ laborantibus auxilio foret, P. Jacobus Weis Boëmus Novodomensis, annorum 34, Societatis 10. Operarius in salutem hominum planè strenuus, quem nullæ temporis aut cœli injuriæ, diu noctûque, nec ipsa vitæ pericula ab eo zelo deterrebant, extinctus die 28. Februarij.

Brunæ verò P. Petrus Mayer, domo Pragensis, eodem charitatis impetu ad prodigendam vitam actus, quam aliis Operarij munijs, catechizandis rudibus, concionibus, pauperibus juvandis, Pater pauperum communiter idcirco appellatus, impendebat: tandem lue & mortem attraxit ab uno militum, cui dederat operam, 25. Julij, cum esset annorum 34, in Societate 17.

Glacij quoq; P. Valentinus Weis, Moravus Zwittaviensis, eadem amoris flagrantia dum ægris in Nosocomio navat industriam, inde contagio malum lethale abstulit, mortuus 8. Dec: annor: circiter 32, Soc: 15. Vir raræ humilitatis & charitatis, qui firmiter sancteq; statuerat (ut in ejus adversarijs secundum obitum compertum est) in infimis scholis pueritiam, literarum & Christianæ disciplinæ rudimentis per omnem vitæ decursum informatum, dum tamen ita Deo & Superioribus videretur.

Rursum anno 1645. Hradecij in Bohemia, duo simul in eodem sacro ministerio occupati, eodem quoque die 16. Septembris concidère: P. Fabianus Daudlebsky Boëmus Budvicensis, annorum 36, in Societate 17. Et P. Joannes Widra, Silesius Hulczinensis, annorum 56, in Societate 34. Sed & Brunæ serpente etiamnum lue, præclarum Sacerdotum par, cum uno Adjutore, eodem anno amissum est, quorum primus fuit

P. Melchior Kaukal, patriâ Policensis in Boëmia, natus annos 40. quorum dimidium exegit in Societate; 4. in ea vota solennia pro-

fessus. In quo Viro humanæ sapientiæ, quâ præstabat, opes, cum longè à divinarum artium usu & cognitione vincerentur, posteaquâ Philosophiæ scholas triennio explicuisset, ad informandos cœlesti disciplinâ Novitiorum animos Brunam translatus est. Hanc ille curam maximo illorum profectu, & rigidiore ad primævum Societatis spiritum ductione ita egit, ut ad omne perfectionis officium, quod per ardentis cohortationes svadebat, multò maximè virtutum & vitæ suæ exemplis eos impelleret. Prima Viri commendatio fuit familiaritatis divinæ, à qua nunquam divellebatur; & cum solus esset, in ea unice acquiescebat; tam omisso ab rebus humanis animo, ut sæpe quid circum se gereretur, imprudens omnium esset atque ignarus. Proxima cura, DEI paræ cultus & observantia, cujus Rosarium, quoties è cubiculo exiret, manibus atque ore versabat: cujus festorum pervigilia inediam vespertinâ; dies Sabbathi celebraret incanis. Obedientiam in prima Perfectionis adipiscendæ parte cum duceret; nihil illi non amplum esse, aut non pretiosum videbatur, cui voluntas Moderatorum obeundo applicuisset: adeoque & multa simul & varia cum Tyronum Magisterio (quod Brunæ à Rectoris Collegij adjuncti munere distinctum est) completi, aspera simul & humilia lætus aggredi, suamque ultrò alacritatem ad similia offerre: sæpe ad Socij Procuratoris partes obeundas sese devolvere, tantâ promptitudine, tantoque gaudio; ut sui quodammodo vel socors, vel immemor, auriga quispiam aut custos pecorum, nisi cultus obstarer, credi posset. Nunquam ille commoveri animo, nunquam stomachari, ac nè subirasci quidem, nisi cum quempiam cerneret, haud eam suæ ad Societatem vocationis, quam deberet, æstimationem præferre. Ad ferendam proximis opem præsto semper fuit, iisq; libentius, quos aut inopia rerum, aut Christ: Doctrinæ inficitia fatigaret. Hinc avidè rusticorum confessiones excipere, illis instruendis cupidè operam dare, accersitus confestim accurrere, sæpe accersitis alijs focum se præbere. Atq; hæc illi occasio mortis præclaræ fuit: nam Procurator Collegij comitari permissus; ut quos pestilentia ruri degentes incesserat, per extrema Sacramenta juvaret: nō multò post ab ipsdem virus contagione fuxit, quo gliscente in præcordia 8. ferè diebus, consumptus est 22. Oct:, natus annos 40. in Soc: 21. quatuor Votorum Professus. In acutissimis illis doloribus incredibili solatio morienti fuit memoria Christi, in extrema rerum omnium inopia seu nascentis, seu mo-



morientis, quam tum penitus exprimere imitando adnitus est; nihil ad incumbendū ægro corpori subicere sinens, nisi fœni paucillum, & vestes, quibus erat indutus: neminem, qui necessaria præberet, apud se pati, nè ipsi noxæ foret: gaudere, cum neq; aliquid eorū adesset, quod ad usum vel necessitatē præberi posset, non cibus, non habitatio, nisi pervia ventis casa, fœdāq; illuvie, quam Svecus miles ab Urbis obsidione repulsus orbam & vacuum post se reliquerat. Ex quibus incommodis, atque in ipsis mortis angustijs gestiens, risu verbisq; suavissimis animi sui gaudia testabatur.

Postero die 23. Oct: excessit à vita P. Tobias Janh Novodomensis Boëmus, annorum 38, in Societate 21. cui pariter sese quatuor Votis illigarat, Operarius planè impiger & assiduus. Resciverat militem alicubi ex pestilentia abjectum, & ab omnibus destitutum, jacere; ergo Superiorem adit, potestatem flagitat ejus conveniendi, solandi, & ad mortem beatam parandi, cujus vel unius salutem longè haberet ante vitam suam. Ivit, assedit, solatus est: domum reversus, initium grassantis veneni in viscera persensit, ab aliorum se usu segregavit, nemine ad sua obsequia admisso, octo dies cum malo vehementer seверо confictatus. Vir fuit miro animi candore, inque pauperes, scholares præcipuè, tanto amore & curā, ut nomen ei Patris pauperum indè partum sit: eos fovere corrogatis auxilijs, & usque ad minutias industriā charitate ajuvare; quale est illud ad memoriam insigne, vel in re tenui specimen observatum. Depulsus à Bruna irritis machinationibus suis jam secundo Svecus abscefferat, in cujus deserta castra adrepens Pater, licet alij nihil spoliolum reperirent, quod usibus suis serviret; ipse tamen in copia deprehendit, quod in usu pauperum scholarium auferret. Pennas enim anserum passim abjectas operosè collegit, quas ad usum scriptionis magno numero deinde in ipsos dispertitus est.

Tertius Rupertus Lauchner, Germanus Salsburgensis, annor: 29, in Soc: 5. vitam, quam duo Sacerdotes in officio charitatis proximis extraneis exhibito posuerant, in domesticorū ex lue laborantium obsequijs, pari merito amisit die 6. Novembris. Nam cum hæc diu foris & per urbem palabunda, in Collegium tandem irrepsisset, & paucis diebus aliquot sociorum capita corripuisset, ibi tum iste à Moderatoribus supplex & genibus nixus petijt, ut eorum servitio dederetur. Deditur est, servivit, & indemnus evasit, aurāq; puriore lustratus in Collegium redijt. Sed cum

integrasset malum, & ipse pariter integrat charitatis industriam, & diu noctūque in omnes ægrorum nutus intentus, nihil eorum quæ possint ipsis esse solatio omittit. Expeditis omnibus partim in sepulchrum, partim ad priora munia, ipse futurus extremum funus, accepto ab eis veneno procubuit. Tum verò erecto in DEUM animo lætari, suæ sibi ægritudinis, cruciatuum, mortis causam gratulari: si consanesceret, iterum velle iterūq; idem ministerium experiri, donec cupitam ex eo mortem consequeretur. Igitur generali confessione de tota vita expiatus, prænuntiāque Patris unius periculosā, sed innoxia demum ægrotatione, plenus gaudij & dulcium lachrymarum à vita discessit.

Ibidem Brunæ rediviva post triennium pestis anno 1649. quæ ex continuatis belli Svecici calamitatibus nunquam plenè per hos annos in Regno extirpari potuit, ad eandem primū heroicæ charitatis exercitationem, ac deinceps debita illi in Cælo præmia evocavit P. Samuelem Richter, natum in Moravia ante annos 36. quorum dimidium vixit in Societate in quatuor Vota Professos adscriptus. Hic cum prius domi duobus Fratribus contagione extinctis omnem assiduitatem navasset, eandem mox foris indiscriminatim omnibus ferè per bimestre hilariter impendit. Singulis sacræ illius expeditionis diebus, tanquam vitæ futuris postremis, sese non minùs, quàm peste ictos ad mortem comparabat, per quotidianam confessionem, & in Sacrificio velut ultimò sumendam Sacr. Evcharistiam: quasi præfagus perbrevis agonis, quo cum morte conflicturus erat; quando peste icto niger carbo maxillam insedit, & intrā biduum extinxit 22. Octob: non sinè periculo utriusque Sacramenti privationis.

Egræ suppar mortis & causa & gloria 20. Nov: affecuta est P. Joannem Dornspurger Svecum, Societati ante annos 18. inter Coadjutores Spirit: auctoratum, in ipso ætatis flore, in pulcherrimo charitatis famulatu, insigni alacritate occupatum. Pragæ verò, cui anno superiore dimidiā sui parte proditione occupatæ, & hostiliter direptæ, hoc autem in residuo Triurbis gravissimā oppugnatione à Svecis afflictæ, pestis iterum incubuit, 25. Nove: P. Augustinum Gerberum Lusatiū, in eadem charitatis palæstra decertantem, egregiā morte pessumdedit, natum annos 49, in Societate 28. Operarium numeris omnibus absolutum, quatuor jam victorijs ex totidem pestibus per annos superiores reportatis insignem, & huic quintæ demum immortalum.



In eandem istic arenā, ad suas omnino bi-  
eñales & efficacissimas preces, emissus P. Mar-  
tinus Benedictus, Moravus Brumoviensis, in-  
tegro bimestri incolumis duravit, multis per  
Sacramenta felicem ad migrationē adjutis, nec  
paucis, corrogato medico quodam pulvere, in  
vita retentis. Sed quia exoraverat non prius  
ab arena retrahi, quā aut pestem omnino  
extingvi, aut se humeris vespillonum in com-  
munem omnium domum deferri continge-  
ret: idcirco per hyemis rigorem tantisper so-  
pitā, sed cum adulto Vere anni 1649. resusci-  
tatā lue in campum redijt, per eadem nupere  
virtutis certamina cuiusvis discrimini caput ob-  
ijciens, dum denique mortem breviori unius  
mensis curriculo assecutus est 25. Julij, anno  
ætatis 53, Societatis 30, quatuor Votorum  
professis adscriptus. Hunc Virum impensē  
memorabilem facit politior literatura, & bis  
docta magnā eruditione Philosophia, profun-  
dissima animi demissio, cū insigni obedientiæ  
studio conjuncta, miseratio in egentes & affli-  
ctos, & præclarum gubernandi talentū, in re-  
gimine Collegij S. Ignatii Pragæ demonstratū.

Illum consecutus ibidem est 20. Augu-  
sti P. Christianus Blumschein Pragensis, an-  
norum 30, in Societate 13. modesto ac savi,  
semperque hilari, etiam inter molestos, &  
quasi perpetuos capitis dolores, ingenio, pa-  
tientia eò fortiore, quò lætiore, ac orandi stu-  
dio magis conditā. Etenim in orandi studio  
tantus fuit, ut fama sit, illius veluti nutricis  
ductu, innocentia integritate singulari illum  
ad Religionem educatum. Bis repulsam à Su-  
perioribus passus, ubi tandem ut se sui publi-  
cæ ad Civium utilitatem objiceret, impetra-  
vit; totos illos trium hebdomadarum dies,  
quibus eo in obsequio ad usque obitum ver-  
satus est, Urbem totam concursare, ultrò æ-  
gros in domibus rimari, & solerti industriā è  
parvulis veritatem elicere, cū latere vellent  
ægri, nè domus inter damnatas obseraretur:  
quæ res pluribus saluti fuit, sinè præsidio Sa-  
cramentorum aliàs decessuris.

Accessit biduo post Melchior Reich, ex in-  
fer: Silesia Glogoviensis, annor: 29, in Soc: 7.  
Coadjutor temporalis. Hic navatæ jam aliàs  
Brunæ nostris peste infectis operæ experien-  
tiā probatus, eandem nunc impetratam sex  
hebdomadarū accuratione exercuit, sui adeò  
ad impendenda obsequia liberalis; ut medium  
ferè hominem contracta veneni tabes latè im-  
pleverit, præclarèque Sacramentis instructū,  
& petentem quā profundissimè sepeliri, nè

quando effossum tam venenatum cadaver  
cuiquam obesset, confecerit.

Eundem finem Pragæ consecutus est 19.  
Sept: P. Jacobus Lippar, Lusatus Witgenavi-  
ensis, añor: 32, in Soc: 12, Coadjutor Spiritua-  
lis. Ingentem animarum sitim in Missionibus  
luculenter, at in supremo hoc obsequio per  
labores incredibiles longè luculentius conte-  
status est, corpore ferè ijs ferendis impari,  
cū non somnum, non cibum caperet, nisi  
obiter & properè, nè quis è vita neglectus illi  
decederet. Monitoribus ut sibi parceret hor-  
tantibus, illud identidem, *Fidelis est DEUS*,  
respondebat: & ad socium quoque inter prod-  
eundum è domo crebrius dictitans, *eamus &  
nos, mi Frater, & commoriamur pro proximo,  
nullum periculum pro animarum salute recu-  
santes*. Indè illum, fausta undique precati  
Cives, teneris vocibus, quāquā se ferret, pro-  
sequebantur: Sveci verò hæretici, qui ex nu-  
per conclusa pace jam amici, Urbem tamen  
Minorem Pragæ cum Arce Regia etiamnum  
possidebant, velut portentum admirabantur,  
nihil huic simile unquam apud suos Ministros  
conspectum asserentes. Ità hoc ipsum opus  
heroicum fuit egregia veræ Fidei, quæ ex cha-  
ritate cognoscitur, testificatio, & ad eam am-  
plectendam persuasio.


Sed & Litomericij, septem à Praga lev-  
cis Urbe Regiā, inter paria Charitatis exqui-  
sitæ decora concidit 24. Octobris P. Ma-  
thias Kallaus, & ipse Spiritualis Coadjutor.  
Hic cū vitam omnem molestissimo Gram-  
maticæ tradendæ pulveri addixisset, jam  
quinquenniò in illo versatus, ubi se ruli oc-  
casio majorem hanc spartam animo impi-  
ger occupavit: ægris per semirutas ex belli  
inurijs domos, & subterraneas parietinas  
perquirendis, perque omnem medicinæ utri-  
usque industriam in corpore & anima recre-  
andis, tanta cum Civium æstimatione versa-  
tus, ut ex eorum Senatusconsulto in Templo  
Urbis primario, calce in loculum injectā, fue-  
rit honorificè tumultus, quidquid nostri in  
Collegio contrā nequicquam niterentur.

His pro coronide addendus est P. Casparus  
Hildebrandus, Silesius Camencensis, itidem  
Spirit: Coadjutor, qui Olomucij anno 1655.  
exortā contagione, egregiam in pari palæstra  
virtutem demonstravit, eidem 13. Decembris  
immortuus, cū annum ætatis ageret 50, in  
Societate 29. aliàs in Operarij munijs, Con-  
cionibus, Missionibus, diu multumque  
ac laudabiliter versatus.

*Ex Victimis Charitatis Alegambe.*

P. PAU-





P. Paulus Cyrianus Soc. Iesu, Ungarus, gloriosâ morte inter charitatis apud pestiferos officia sublat<sup>9</sup>, Ciliæ 15 Octobr. A<sup>o</sup> 1646. ætat: 32. præter alios 26 Socios ejusdem charitatis impulsu ad simile obsequium per Austriæ Provinciâ, et mortem oppetendam permot<sup>9</sup>.  
163.

P. PAULUS CYRIANUS, cum alijs 26.

**A**Ntequàm ad gesta Viri hujus recensenda descendam, obiter priùs & ferè cursim annotabo, quanta Societas Provinciæ Austriæ, ex qua ipse censebatur, in opera excellentissimæ ejus charitatis, quæ in cura pestiferorum exercetur, quavis occasione præstiterit, quot Viros amiserit; ut vel ex heroica eorum, in causâ tam sanctâ & ardua, morte, arguatur de vitæ eorundem sanctitate, in qua posteritati commendanda tam parcos nacti sunt Scriptores, ut vix aliquid de eorum virtutibus præter nomina ipsorum ( quæ suo quovis anno exprimit Alegambe ) posteritati mandârint.

Itaque Anno 1625. in hoc miserorum obsequio Viennæ cecidère duo: An: 1633 Lincij unus: Anno verò sequenti iterum Viennæ quatuor: Græcij octo, & Passavij unus. Anno 1638 Berolini, quæ Caput est Urbium Marchiæ Brandenburgicæ, Electorum sedes, P. Michaël Wetschauer, Styrius Fronleitenensis. Impetraverat hunc ex Austria Comes Schwarzenburg (cujus, licet Catholici, consilijs Princeps Elector utebatur, & ad primas gratiæ sære partes admiserat) ut sibi esset à Confessionibus & Sacris peragendis; unâque veris in Marchia pietatis, si quas fortè actus esset, scintillas suscicaret, aut certè novas accenderet, quod utrumque causâ & solerti industriâ egregiè præstavit. Occupabatur is in Austria Ope-



Operarij potissimum & Missionarij munijs, propensissimo semper juvandorum animorum, præsertim quos egestas & fortuna tenuis exerceret, studio: atque ubi à Superioribus hanc sibi deferri provinciam conspexit, prægestientis animi gaudio lacrymis offusus, tanquam divinitus oblatam, genibus flexis excepit. In ea expeditione, quæ gesserit, distinctè relatam non invenio: sed illud argumento præclarorum facinorū est, Comitum Schwarzenburgicum summis eum laudibus efferre solitum, non potuisse memoriam ejus demortui absque lachrymis tolerare. Mortis occasio à pestilentia fuit, quæ cum grassaretur in Cives, ipse sui negligens in eorum opem totus incubuit. Quatuor omnino jam & sexaginta per eam luem Sacramento Pœnitentiæ, partim à peccatis, partim simul ab hæresi absolverat; grandis in obsita tenebris Urbe proventus! cum ab illis lethalem animam hausit, & paucis diebus in Augusto sublatu est, cum annos in Societate vixisset 17.

Anno 1644. Jaurini in Ungaria occubere duo Coadjutores, Sacerdotum comites, Joannes Fleischman, Franco, 9. Julij: & Georgius Glekler Carinthus Clagenfurtensis, aliàs jam in simili infectorum servitio quinque mensibus absque damno versatus, nunc verò 14. Novembris contagio extinctus, annorum 41. in Societate 16. Posonij accessit tertius 1. Octobris P. Henricus Schelhorn, Franco, annorum 42, in Societate 23. Anno infestante Viennæ ex pluribus nostris in subsidium miserorum expositis, unicus ad palmam pervenit P. Georgius Ith, Passaviensis, anno ætatis 41, Vir ingentis animarum zeli, cujus ardore impulsus, à Superioribus pridem obtinuerat, ut abruptis Theologiæ spatijs, quæ nihilo minore laude cum æqualibus decurrebat, illarum quæstui suscepto Sacerdotio totum se impendere liceret.

Anno 1646. cum Ciliam, extremæ ad Croatiam Styriæ oppidum, depopularetur lues; nulloque opitulante, quod nullum ibi Societati domicilium esset aut sedes, impune grassaretur, depoposcit eam sibi miseros juvandi provinciam ardentissimo studio P. Paulus Cyrianus, Græcij tunc agens. Erat is domo Tyrnaviensis Ungarus, annos 32. natus, 7 in Societate, postquam ad eam postliminiò rediit, in quam ab adolescentulo primùm admissus, ætatis imbecillitate, & quâdam exinde orta morum seu levitate, seu inconstantia, vocationis naufragium fecerat, Leobij à Societate dimissus. At ubi reversus paulò post ad se, dispendij sui magnitudinem animo re-

putare, reditumque constantissimè flagitare, cepit, sponsonem receptus eâ conditione accepit, si veller ad suæ virtutis, constantiæque periculum, in Transylvania prius & Valachia Grammaticæ scholas pueris explicare: quod & insigniter præclarâ virtutis ostensione præstitit. Itaque denuo in Tyrocinium admissus, & peractis Theologiæ studijs Sacerdotio initiatus, in eam descendit arenam, in qua pristina levitatis suæ damna pensaret, & è multis difficultatum spinis patientiæ rosas legeret. Incesserat nescio quæ mala de Societatis hominibus mortales illos opinio, ad quos ipse tanto suo discrimine juvandos, auctoritate & missu Cæsarei Græcij Consilij veniebat: hinc ejus adventus videri gravis, neque ulla benevolentia signa præberi, non cibi, non tecti, non hospitij opportunitas ulla deferri. Sed Pater ubi semel omnia post eorum salutem, habenda decrevit, nihil eam animorum acerbiter moratus, domum occupavit, quam pestis omnibus sublati inquilinis paulò antè vacuaverat, nudam supellectilis, atque omni prorsus ad vitam tuendam apparatu destitutam. Ergo victus, panis cibarius, ex ipsis ferè pestiferis corrogandus fuit, pro lecto stramen, somnus inquietus, & vicinitate cœmeterij pestiferis corporibus obsiti, vixque unâ discreti spiritum formidolosus, labores diurni nocturnique ferè absque ullo animorum fructu proventuque cassi. Obstabat enim multò maxime ejus conatibus nostri nominis, seu horror, seu reverentia præpostera, cum eo conjuncta errore, quod in animum certâ persvasione induxerant, nullas fieri posse ratas Confessiones, quibus peccatorum remissio obtineretur, extra consuetas per annum Quatuor Temporum ferias; eo verò tempore peractas tam esse efficaces, ut deinceps etiam committendis veniam & impunitatem afferrent. Indè nimirum fiebat, ut vel ipso supremo vitæ discrimine, perpauci Patrem pro remedio accirent, nullam animæ morti parandæ curam assumerent. Id ubi Pater certum compertumque habuit, quâ publicis, quâ privatis cohortationibus omni ope corrigere admissus est: flagitare nè se pensî quidquam haberent, sed tanquam suo prorsus liberè diu nocturnique uterentur, qui uno ipsorum salutis studio advenisset, vitam pro illis positurus, nullâ aliâ mercedis, aut stipendij expectatione: errorem verò illum de Confessione dupliciter perniciosū efficaciter dedocere, simulque ultro, dum parcius evocatur, in domos se ingerere, vestigare ægros, obire diu nocturnique montes & valles, & peste contactos nunc jejunos, nunc malignè pastus in-



indagare supra vires, & dum quempiam invenisset, exultare gaudio, nec unquam secundis rebus lætior, quàm hisce adversis esse visus. Perfecerat Apostolicâ istâ contentione, ut alios de eo. sensus paulatim timidi illi mortales haurirent, & virtutis insolentiam, quam despiciatui prius habuerant, jam maximopere commendarent: quin victus etiam suppeditari cœperat indulgentiùs, & rei bene faciendæ spes ampliùs affulgere; cùm eum die 8. Octobris pestilens febris invasit, nec longè post sinistram coxendicem bubo feralis insedit. Eum verò Pater tantâ doloris patientiâ sustinuit, ut sinè gemitu, sinè querela, sinè indicio vel levissimo tantî cruciatûs perferret: cùmq; sibi jam respirare nonnihil, & ad valetudinem pristinam rediturus visus esset, ad majores ambiendas ærunas velut animosior indè redditus, Millionibus Turcicis, laboris & periculorum plenissimis, in omnem deinceps vitam voti sacramento se adstrinxit, si Moderatoribus ita videretur. Verùm aliter DEO visum; nam in his ipsis desiderijs placidissimâ morte, post septidui cruciatûs, occupatum ad se evocavit 15. Octobris.

Anno 1654. redivivâ Viennæ pestilentia, magnis precibus ad contagiosorum obsequia destinari impetravit, præstanti virtute adolescens, adhuc Tyro, Stephanus Modrovich; cui demortuo successit cum Sacerdote ad id muneris destinato additus Coadjutor Joannes Lechner, & quâ erat militaris olim animi granditate, ab ea statione nonnisi morte discessit 3. Aprilis, id est, nocte feriæ sextæ in hebdomada sancta. Hic nobili apud suos loco natus Anno 1601. per bellica rudimenta jam ad vexillum usque evaserat, majoribus donandus belli honestatibus, nisi juxta ea, quæ de duobus vexillis tradit S. IGNATIUS, suum illud cum vexillo JESU an. 1631. com-

mutâisset; ut se illis pararet vexillis, quæ à Socijs nostris in Cœlo gestari vidit S. Theresia. In Societate eâ virtutum & pietatis soliditate versatus fuit, cui Societas etiam arduas Missiones tutò committeret. In Brandenburgia imprimis, aliena in veste rem ita gessit, ut pares rei perficiendæ animos prudentiâque attulerit; de modestiæ luce nihil amiserit. Leobio ad impetratum pestiferorum obsequium Viennam evocatus, unicam DEI paræ imaginem secum abstulit, ut hoc pignore pietatis vitæ reliquum, & mortis aleam solaretur.

Ibidem in annum sequentem continuante lue, ex eadem virtutis palæstra victor excessit 11. Junij P. Ignatius Joscicus, Severienfis Polonus, annorum 47, in Societate 23, in Operarij munijs majorem partem, usque ad sanctitatis famam laudatissimè occupatus. Unam alterâve horam, quâ prior alijs selecto eripiebat, SS. Sacramento coram adorando transcribebat: in cubiculo quoque ferè nonnisi genibus niti repertus. Ter petijt; bis in hostiam se dedit pestiferâ lue afflictis, per plures qualibet vice menses eorum utilitatibus addictus, quasi fœdus icisse cum morte videretur: quam tamen tandem halitu venenato hausit, omnium voce post fata Vir sanctus appellatus, quem etiam complures privatâ pietatè inter Patronos adlectum implorare feruntur. Certè Domûs nostræ ab ea peste incolumitatem, secundum DEUM, ejusque SS. Matrem, etiam ejus precibus Socij imputabant: cùm neque ullus eorum, qui complures cum illo peste jam icto sunt versati, virus hauserit.

Illum secutus est in Septembri, ejusdem charitatis auspicijs enectus Comaronij in Ungaria, Matthæus Wernpacher, Coadjutor: & Cassoviæ item in Ungaria 24. Octobris Pater Thomas Vulpianus, Moravus.

*Ex Victimis Charitatis Alegambe.*

## P. FRANCISCUS WALSINGHAMUS.



Orthumbria Angliæ Provincia P. Walsinghamum mundo dedit, ab hæreticis Parentibus in erroribus educatum, inque ipsidem à Præceptoribus in schola Londini

Pauliniana confirmatum, quam ipse pertinaciter fovit accessu templorum, & concionum Protestantium, lectione item continuâ librorum; eo errorum profectu, ut etiam pseudo-Clero se adjunxerit, initiatus ab Episcopo Eliensis ipsorum diaconatu, multis exinde annis

*Societas Europæa.*

præcipuus sectæ Protestantium factus Zelotes. Cùm verò ut amicū in hæresi nutantem firmaret, obtulisset illi legendum librum hæreticū, amicus eâ lege librū admisit, ut vicissim Franciscus aliū à se oblatum evolveret. Fuit hic à Personio edita defensio Campiani contra duos verbi pseudo-ministros, Charcum & Hanmerum; quæ initio Franciscus quasi ludibundus in manus sumpsit, certus nihil de sua religione mutare, & inspiciebat identidè, ut in Papistarū scilicet erroribus jocosè luderet, modò hanc modò illam paginam; sed quia ubique incur-

Z z z z

rebat





P. Franciscus Wallingham, S.I. Angl., totis 32 anis.  
per omnia Apostolici Operarij munia Angliam ex-  
coluit. Mortuus ibidem septuagenario major.  
1. Julij. A<sup>o</sup> 1647. 164.

rebat in probrofas suorum & actiones, & doctrinas, quas graphice Personius describebat, ubivis legere inciperet: indignabundus illum abiciebat, averfabatur tanquam mendacem, & impostorem; neque tamen vicissim potuit resistere scrupulis inde emergentibus, quid si tamen vera essent, quæ à Personio dicerentur? Ità dum illum interruptim modò inspicit, modò inspexisse se dolet, jam abjicit, jam iterum resumit, ingesta animo sunt dubitationes multæ, indignanti non sinè pudore incidisse in paucorum foliorum libellum, quem per se revincere non posset. Igitur captatis doctiorum alloquijs dubia sua velut aliud agens sermonibus inspergit, sed cum præter efugia solidi nihil reciperet, inquietudinis domesticæ impatiens, Londinum ad amplissimas bibliothecas evolat, inspicit fontes, ex quibus

probationes haustæ, reperitque nihil dissonum, nihil depravatum. Tum verò attonitus & anxius quid consilij capiendum, incidit in non usitatum, sed ratiocinanti visum æquissimum remedium, implorandi videlicet à supremo Ecclesiæ Anglicanæ capite, tanquam controversiarum judice, dubiorum solutionem. Quorsum enim alioqui hanc prærogativam primatûs Ecclesiæ sibi arrogassent Henricus, Elisabetha, & Jacobus Angliæ Reges, quam & ipse jurejurando bis tervè emissio, in ijs se agnoscere professus fuerit, si non in dubijs Religionis pro remedio adiri à dubitantibus possint? Itaque supplicem libellum, quo animi sui ægritudinem ejusque originem breviter explicabat, unà cum allegato libello Personij, Regi de more Sacrarium ingredienti ad manus tradit. A Rege remissus ad Cantuarien-



riensem pseudo-Archiepiscopum in Regiam præsentem, graviter reprehenditur de audacia, quâ præsumpserit, exemplo nunquã viso, in ea causa Regem interpellare, allegato insuper libello Personij pridem Majestatis læsæ damnati, cujus plurima exemplaria à se igni damnata, & sufficienti responso à diversis confutata sint? *De libri auctore*, respondit Franciscus, *mibi cura non est, quis fuerit; de rerum in eo digestarum veritate est questio, cuius utique deciso à Capite nostra Ecclesia maxime petenda erat. Et si pridem responsum est huic libro, hoc ipsum videre aveo, ut acquiescam.* Fiet tibi satis, subjicit Cantuariensis, & die sequenti tradit eum instituendum Capellano suo, Covello. Quo nihil penitus dubiorum extricante, remittitur ad alios hæresis antesignanos, & iurejurando adstringitur ad duos Thomæ Bell Sacerdotis apostatæ libros pervolvendos. Sed ex his auctores etiam sibi conscientia angore affertenti, pseudo-Antistes obstinationem & audaciam intolerandam exprobrans, carceres minatur & vincula; ejus verò Aulici svadent, ut disceptatione omisâ, animum ad opiniones Patriæ receptas inflectat, gratiam eâ conformatione Episcopi & Regis sibi conciliaturus. Videns itaque Franciscus, qui non hominum sed DEI gratiam quærebat, frustra se apud Protestantes conscientia remedium aucupari, studium omne ad conferendos inter se Catholicos & hæreticos auctores convertit; de quibus simul aliquot à Catholicis Viros doctiores consulens, brevè orthodoxæ Fidei veritatem agnovit, & magno fervore complexus est. Quibus intimius penetrandis, & in suo fonte combibendis, trajicere ab Insula Romam constituit, opportunitate usus proscriptorum eo tempore aliquot Sacerdotum, cum quibus voluntarius exul Regnum spēsque fluxas deferens, navigium tanquam unus ex illis conscendit.

Delatus in Belgium intellexit Personium Romæ Collegio Anglorum Rectorem præesse, cujus unicè conveniendi avidus Romam properavit, & in Contubernium receptus, totum se literarum divinarum studio, ac præcipuè Controversijs Fidei penetrandis impendit. Et sicut erat in Fide Catholica ferventissimus, ita ad eandem Civibus suis implantan-

dam ut aptissimus evaderet, Societatem expetijt, auspicatusque est ejus tyrocinium Anno 1609. ætatis 37. Remissus postea à Moderatoribus in Angliam, & subinde tria vota solennia professus, toto annorum 32. spatio vineam illam multis horrentem difficultatum spinis, magno zelo & copioso fructu indefesse excoluit, & omni virtutum genere insigniter eluxit. Sola conversionis suæ historia, quam *Disquisitionem* inscripsit *de rebus ad Religionem pertinentibus*, quam plurimis saluti fuit, quos sincera reigestæ sinè fuco narratio ad saniora induxit; cum unâ subjecta oculis conspicerent, & hæreticorum fraudulentæ artificia, ad ea quocumque demum colore conregenda, quæ honestè defendere non possunt, & Catholicorum apertam solidamque rationem suam demonstrandi, & ab Apostolis propagatam ad nos usque Fidem confirmandi. Caterum libentius semper inter tenuioris fortis homines, operam collocabat suam, eorumque paupere cultu tum in victu, tum in habitatione mirifice delectabatur. Plurimus eadem ex causa fuit in pueris Christianæ doctrinæ institutis erudiendis: cum eorum verò parentibus & adultioribus sermo illi familiaris semper de DEO rebusque cælestibus; quibus specialiter artem Contritionis actum, in tanta Sacerdotum difficultate, eliciendi inculcabat; & jaculatoriarum, quas dicimus, precum usum ad omnes occasiones edocebat. Neque interim periculorum immunis fuit, sæpius ab insidiatoribus Magistratui proditus, & ab apparitoribus ita repente obrutus, ut manus eorū, nisi miraculo, evadere non posset. Semel irruentibus improvisè satellitibus in domum, quam incolebat, ut eum comprehensum ad carceres abducerent, quamvis irruerint in ipsum conclave, in quo ante aram in genua provolutus DEO se in victimam offerebat, non est tamen ab ijs conspectus; id quod patenti miraculo Catholici tribuebant, habebantque idcirco ut Virum sanctum, & DEO charum. Erat enim moribus svavissimis, columbinâ simplicitate, DEI gloriæ siti-entissimus, & quidquid temporis à laboribus superesset, orando DEO impendere solitus. Tandem septuagenariò major evocatus à Deo est ex vinea ad recipiendum denarium vitæ æternæ 1. Julij A. 1647.

*Ex Anglia Mori, Bartoli, & Bibliotheca Alegambe.*







P. Ioanes Avellaneda S.I. Angl<sup>9</sup>, morib<sup>9</sup> et vitâ Angel<sup>9</sup>, præter alios 77. in obsequio charitatis, suis tempore, proximis impenso, per Hispaniam sublato, extinct<sup>9</sup>, Gadib<sup>9</sup>, 9. Febr. A<sup>o</sup>. 1649. ætat. 28. Societatis 13. 165.

## P. JOANNES AVELLANEDA, cum alijs 77.

**I**N percensendis gestis eorum, qui heroicâ charitatē vitam & animam pro salute proximi, in pestem & mortem dederunt, nemo mihi vitio aut inertię vertat; si quando, ubi major illorum est syllabus, sola ferè eorum nomina, quandoque autem etiam his omiſſis numerum duntaxat enectorum afferam. Mors ita amore proximi obita, opus est tam excellentis zeli, & plena Apostolicę perfectionis, ut ipsa per se sufficiat ad probandam vitę & virtutum eminentiam, siquidem nemo sæculi & mundi amicus vitam gratuitò pro alijs, nisi fortè amicis & cognatis exponet; estque adeò causa sufficiens, cur nemo illorum ab

hoc libro & catalogo heroum excludi debeat. Quando ergo vitę illorum expressam imaginem non invenio, vel ob similitudinem cū aliorum gestis, lectoris palato nil novi saporis allaturam, de mortem, quę est ultima rerum ac vitę linea, ac veluti index voluminis conscripti, ex quo à perito æstimatore introspecti possit, quid reliquus vitę illorum liber contineat. Secutus in hoc ductum Martyrologij Romani, in quo ad diem 28. Februarij refertur memoria multorum Sacerdotum & Diaconorum, etiam sinè expresso cuiusquam nomine, qui in pestilentia quadam animas suas & vitam in obsequio infectorum posuerunt. Itaque depascente Hispaniæ oram Gallicis conterminam anno 1632. contagione, ex So-



Socijs in eam strenuè decertantibus, lapsu glorioso cecidère Perpiniani tres Coadjutores, Petrus à S. Petro, Joannes Camps, & Petrus Pelaëz. Valentia anno 1647. P. Franciscus Carbonell, cum 9. Fratribus Adjutoribus, quos ea lues ex immediata corporum cura & tractatione faciliùs afflavit. Anno insequente Murcia P. Franciscus de Orozco, P. Andreas de Salvaterra, P. Valentinus Navarro, cum totidem socijs Fratribus. Alicante verò P. Hieronymus Simon, P. Petrus Rios, & Franciscus Martin Adjutor. At verò annus 1649. multò plures in exercitatione nobilissimæ hujus charitatis abstulit: quorum primus Gadibus ultimâ Januarij occidit P. Saneius de Mendoza, claro in Hispania genere, Marchiones de Riego educatores, ac deinceps Societatem anno 1627. nactus, & in ea statim à Tyrocinio tria vota professus. Splendorem natalium majore humilitatis claritudine per totam vitam illustravit, Grammaticæ docendæ plusculis annis deditus: deinceps autem cum animabus navaret industriam; primus, adhuc ante portas templi apertas, commodo simplicium & operariorum jam pro sacro tribunali sedere; ultimus Divino Sacrificio sub meridiem operari, nec antè interquiescere. Egentibus & calamitosi à misericordiæ in omnes exercitiæ operibus totâ Urbe notissimus, feriam sextam carceribus dabat: utque animos ad Cibus cœlestem esuriendum caperèt, fovendis corporibus escas mendicitate publicâ per Urbem comparabat, manibus & industriâ propriâ coquebat, & materno pænè affectu singulis partiebatur. Missionibus obeundis, quia laborum & ærumnarum citra nominis & famæ splendorem feracioribus, addictissimus fuit; castrensem etiam in Classe Joannis Austriaci secutus. Quas tandem Gadibus, luis atrocitate omnia permiscente, laudatè absolvit, vitâ & servitio infectorum perfunctus. Pauculis à sua morte diebus animam agenti Patri Joanni Avellaneda, sacræ illius expeditionis amicissimo Collegæ, invitanti ac exultanti similis, illum secum in æternæ felicitatis consortium adsciscere visus est; de quo dicere nunc aggreddior.

P. Joannes Avellaneda Londinensis Anglus, Avellaneda agnomen ab avellana nuce (quam patrum suum cognomen Haslotij indicabat) in Hispania est adeptus. Quamquam & aliud nomen latendi necessitate, quamdiu in Anglia hæsit, Thomæ Bebritij assumpsit. Missu Catholicorum Parentum in Audomarensis Anglorum Seminarij nobile.

Athenarum, Græcis Latinisque literis capax ingenium, in Societate verò Philosophiâ & Theologiâ excoluit; & à peracta tertia Probatione Gades missus ea egit, quæ Viri consummatæ virtutis solent. Agebatur cruentis tunc turbamentis, si unquam, miseranda Anglia, jamque Pater illius & Mater fidei retinentissimi, ejus odio Angliâ pulsi, fortunas cum egestate, patriam cum exilio, vitam cum morte commutaverant, nè Religionem cum hæretica pravitate mutarent: Avunculus etiam de Societate nostra Sacerdos, morte Londini obitâ patibuli supplicio enectus, quod in Anglia Fidem Catholicam proferre auderet: quorum ipse exemplis, ceu efficacissimis stimulis, ad paria æmulanda provocatus, totâ contentione in studium solidarum virtutum, tanquam necessarium armorum apparatus, incubuit, quibus in hæresim aliquando in Anglia depugnaret. Domi totus erat pietas, totus religiosa quædam verecundia & modestia, cui ruborem quilibet alterius sexûs excutiebat occursum vel aspectus. Hinc licet ad omnia promptissimam afferret obedientiam, etiam cum Coadjutorum obeundæ essent vires, aut in comitandis alijs Patribus socij agendum munus, tamen si Seminarum adeundæ essent domus, animum pudicè restitutum experiebatur, & si quâ poterat deprecatus, puritati suæ etiam ab obedientia operam implorabat. Paupertas illius fuit nihil habere, nihil admittere etiam necessitati urgenti, nisi per Superiorum manus aut concessionem. Incredibiliter exultabat, cum videret suâ operâ quempiam DEO lucrifactum: id quod in fœmina Angla ab Indijs reduce atque ad se adducta (à quo solo Catholicè instrui poterat) & Ecclesiæ restituta, luculenter expertus est: itémque in alio animam agente, ad quem adeundum se interno peracrique stimulo incitari, nemine evocante, persenserat; operæ pretio tanto, ut æger verè Angelum in eo supremæ necessitati à DEO missum agnosceret. Quidquid temporis laboribus suis superesset, dabat pœnitentium tribunali, ad quod arcanis quibusdam & miris modis, ut illi peccata sua panderent, se plures pertrahi testabantur. Tanto etiam os ejus & tota facies emicantis devotionis sensu elucebat, ut externi Sacris operantem, domestici Litanias pro more dicentem, aut Divinum Officium alternis secum orantem, voce illius pietatem hausturi, audire percuperent. Sed nobilior illi omnibus hisce laudibus mors, ejus, quam Londini ex patibulo sperare poterat, veluti vicaria fuit. Gades pestilentia obtinente, Collegium



legium adiit cum Episcopo Gubernator, necessarias pro tot morientibus suppetias petiit: obstupere autem sociorum flagrantiam, cum supremo illi periculo quisque, dejectus ad eorum pedes in genua, nemine excepto, suum caput offerret: ut adeo delectus Rectoris arbitrio permitti debuerit. Primus fuit cum P. Sancio Joannes, cui Rectoris sententia favit; hic in sociorum amplexum ultimum dulciter, Breviario, Casuumque summâ de cubiculo raptis, ad januam properavit, & inde rectâ in arenam charitatis. Paucis illis, quibus eam spartam tueri illi datum est, diebus, omnem curam & vires in ea omnia impendit, quæ ardor animi, quæ illarum magnitudo, quæ DEI & proximi dilectio suggerebat, periculorum aliquamdiu socio P. Sancio: quo sublato ad sacrum Purificationis diem, generalem omnium ægrorum Communionem cum Indulgentia plenaria instituit, veluti vicinæ mortis præfagus, quâ sepriduo contagione ictus decessit. Sacramentis jam munitus supremas vires collegit, seque ipse Societatis veste induit, atque in Crucifixi amplexu mortem jam expectaturus in lectulum se composuit. Et jam ultimos trahebat anhelitus, cum repente se erigens, ac manu alterâ Crucifixum tenens, brachiâque lato gestu, veluti ad amplexum hospitis venientis exporrigens: *bene, exclamat, latus advenaris, mi chare Pater Sanci de Mendoza! ô quam pulcher es! eamus feliciter!* Inque his verbis è vita abiit, actis in Societate annis 13. in vita 28. die 9. Februarij, nempe illo ipso die & anno, quo in ejus Patria Londini Carolus Stuartus Angliæ Rex, in lugubri theatro ante Regiæ portas erecto, à Parlamenti Senatu capitis damnatus, ab uno de plebe in facie consputus, ab ignoto carnifice super trunco securi percussus est: altero carnifice sublato Regis resectum caput populo truculenter ostentante, atque dicente: *en caput proditoris!*

Xeresij urbe Gadibus vicina P. Ferdinandus de la Algaba, primus omnium in capitis discrimen se dedit, magnâ tam Ecclesiasticorum, quàm sæcularium comitivâ ad Xenodochium deductus, non sinè multorum lachrymis, quod Vir tam præstantis ingenij & doctrinæ, atque ob habilitates tam raras & nobiles, jam famæ voce & præconceptu inter primos Provinciæ brevè computandus, caput suum veluti damnaret ad mortem tam squalidam & vilem. Verùm ille has omnes de se opiniones charitatis excelsitate abrumpens, cum totas ad sanctum opus animi & corporis

vires expendisset, brevè gloriôsè cecidit 1. Februarij, anno ætatis 36. Societatis 17. Vota quatuor professus.

Hispali eadem calamitas longè gravius desæviens, plures etiam ex Opiulatoribus socijs demessuit. Nam 13. Maji labori succubuit Gregorius de Arroyo, Coadjutor 70. annorum, in Societate 54. in corrogandis pro Domo Professæ Hispalensi elemosynis annis 44. occupatus, virtutis opinione usque ad famam illustris. Supremum illum sibi vitæ evenire diem, quod Christo ascendenti in cælum facer tunc esset, uti firmissima spe expetijt, ita exauditus se sentiens, indubitatè prædixit, nec horam transitus sui reticendo, quæ eadem fuit, quâ Christus in cælum ascendisse creditur.

Franciscus Munnoz item Coadjutor, impetratâ infectis serviendi potestate, quo die valetudinarium ingressus operi se accingere cœpit, lue correptus 23. Maji decessit, DEO suscipiente holocaustum seriò cupidæ voluntatis.

Ejusdem 25. major victima cecidit Pater Nicolaus de Salazar, qui Hispali Canonicus jam quadragenariò major Societati nomen dederat, desiderio consequendæ perfectæ sanctitatis, de cujus in Societate eminentia sublimem quandam opinionem conceperat. Verùm hunc ipsum virtutum insignem deinde vigorem inter nostros expertus, parùm abfuit, quin dæmonis astu ex ipso Tyrocinio redierit ad sæculum. Sublimem nempe nimium esse Societatis vivendi normam, & viribus suis majorem, ut idcirco præstaret inter minorem sanctimoniam mediocritatem, tenui virium suarum sorte contentum degere. Saluti fuit, animi ulcus Tyronum Magistro detexisse: hic enim non inconscius in quantis commoditatibus corporis vitam duxisset Nicolaus, quibus in perpetuum se destituendum, videbatur arduum, molli manu, ac eadem arte, quâ olim S. IGNATIUS similis teneritudinis alium sanaverat, curandum suscepit. Nam aliquando veluti pertransennam, Pater, inquit, jam tali (& nominatim expressit ex ferventioribus, delicatè licet educatum) Novitio in mandatis dedi, ut cubiculi tui mundandi componendique, ac tibi in omnibus obsequendi curam gerat, nè quid tibi desit. Non displicuit Nicolao oblata ultro famuli commoditas; cum vix à Magistri conspectu digressus, tacito rubore suffusus, & seipsum coarguens recurrit, negavitque se tam impudens os habere posse, ut sibi ab alio, eoque haud paulò commodius edu-



educato ministratore, patriatur obsequia exhiberi: prompto se deinceps & parato fore animo ad omnia. Neque deinceps ulla ejusmodi degener animum pulsavit tentatio, cum se magnis parvulorum exemplis cum Augustino expergefaciens sibi exprobraret: *Tu non poteris, quod isti & isti? an verò isti in semet-ipsis possunt, ac non in Domino DEO suo?* Ità deinceps quoad vixit, per munera Ministri, Professoris S. Scripturæ, ac Novitiorum Magistri, constans charismatum meliorum æmulator vixit, donec alacritate mirabili pestiferorum obsequio se addicens, de se & de ipsa morte triumphavit. Quem 31. ejusdem secutus est in eodem ministerio fidus socius Petrus Clemens, 50. annorum; in Societate 36.

Quatuor Hispali per Majum ereptos trulentior insecutus Junius duodenos voravit, & quidem prævit 2. Junij P. Andreas de Carola, Professor quatuor Votorum, potens auctoritate operis ac sermonis, virtutisque eminentis, sive nostris in Collegio Rector, aut Patribus Tertiarijs Instructor præfesset; sive Concionator, Missionarius, Confessarius indefessus, proximorum salutem accuraret; sive per urbes & pagos Christianam doctrinam inculcasset, & turmas parvulorum, in devexa etiam ætate, duceret. Dictionum illius thema unicum erat, ut omni odio detestabilem noxæ mortalis diritatem, quâ posset eloquentiæ vi & arte demonstraret: qua in re trifariam concionis nervum dividebat, & PP. Tertiarijs idem impensè ut agerent auctor erat. Primum, ut veram diræ in mortali peccato latentis pestilentiae, ac execrabilis fœditatis effigiem dicendo expingerent. Alterum, viam seriam, citra parerga vanitatis, redeundi aperirent ijs, qui se illo maculatos conscij essent. Tertiò omni doctrinæ consiliique industriâ edocerent, quomodo peccato via omnis ad reversionem esset præcludenda, cavendo modos & occasiones omnes ad novum prolapsum animæ recidivæ. Nihil ergo tumidæ vaniloquentiæ dandum in concione monebat, quam divini verbi dehonestamentum vocabat, eaque utentes, lingvâ propè sacrilegâ adulterantes eloquia Domini casta, hoc ipso judicij sui, æterna æstimare nescientis, tenuitatem ostendentes, & immaturos ingenij fucos. Demum extremam jam æta-

tem in Domo Novitiatûs cum ageret, anno vitæ 82. Societatis 65. pestiferis juvandis maturam victimam se objecit & immolavit.

Sextâ Junij secutus est Michaël Perez, Adjutor temporalis, annorum 28. in Societate 7. quindecim solis diebus inter ducentos lucillâ prostratos, impiger ad omnia mediastinorum obsequia, in Valetudinario versatus. Septimâ verò Nicolaus de Reyna, natione Gallus, 60. annorum, 40. in Societate. Octavâ rursum P. Alvarus de Monsalve, quinquagenarius, in Societate annorum 33. Professus trium Votorum: & P. Ferdinandus Negrales eodem die extinctus, annorum 30, in Societate 15. cum industriam suam inter quadringentos Nosocomij ægros constanter executus esset.

Decimâ die Junij occubuit Pater Joannes Gutierrez annorum 45. Undecimâ item P. Michaël de Fonseca 39. annorum, notæ inter Hispanos nobilitatis, uterque Professor adscriptus: postquam in tertium jam mensem pestiferis deservisset. Et die decimâ tertiâ ejusdem, Didacus Gverrero: & tertio die post Marcus Palomares. Decimo sexto Alphonsus de Cabaleda, omnes Coadjutores. Decimo septimo P. Gabriel de Lima, tertio quàm ægris opitulari cœpit die. 21. Gabriel Ortiz: tandèmq; 2. Julij Petrus de Valderama.

His adde, ex propagata in annos sequentes per Hispanias luc, in eadem alienæ calamitatis commiseratione vitæ jacturam voluntariè perpeffos, Gironæ quidem An. 1650. socios quinque, duos Sacerdotes, & tres Fratres. An. 1651. in Insula Hispaniola Patres duos, & Oschæ tertium Coadjutorem. Anno 1652. Perpiniani & Cæsar-Augustæ tres, Majoricæ senos. In Sardinia Insula verò, Hispaniæ Societatis Provinciis accensa, cum per unicum hominem pestis illata esset, supra septuaginta hominum millia per eum annum sustulit, & in domicilia quoque nostra irrepens 75. Socios extinxit, qui tamen in hunc numerum Heroum nequaquam veniunt. Igitur qui se ultrò infestæ contagioni objecere, immortui charitati, censi sunt 12. An. 1654. Mariresæ in Septembri occubuit unus. Ac

demum Anno 1656. iterum in

Sardinia quinque.

*Ex Victimis Charitatis Alegambe.*



P. FRI-





P. Fridericus Huneken S.I. Saxo Hamburgensis indefessus per Boëmiam Operarius, plura Hæreticorum milia Ecclesiæ Catholicæ restituit laborib, Apostolicis immortalis Comotovy in Boëmia 28. May Anno 1618. ætatis 76. 1611

## P. FRIDERICUS HUNEKEN.

**P**ater Fridericus Huneken, gente Saxo, patriâ Magdeburgensis, nobilibus Parentibus Anno 1569. ortus est, utpote, qui magnum illum Svecorum Ducem Königsmarkium, Pragæ occupatorem, sanguine propinquo contingebat: quæ res aliquando illi & Societati emolumento fuit, dum in vicinia Civitatis Comotovij miles Svecicus cætera diripiens, bonis Collegij illius pepercit, intuitu P. Friderici, quod intellexisset ejus domicilij tunc incolam esse. Singulari DEI providentiâ è medio patriæ hæresis in Bohemiam extractus, ubi in scholis Societatis cum literis, Catholicam simul pietatem imbibit,

animum ad Religionem ejusdem adjecit, admissus ad Tyrocinium anno ætatis 25. sæculi 1594. in qua totos 54. annos vixit, formatus Spiritualis Coadjutor. Vir fuit indefessi laboris & industriæ, quique post juventutem in scholis pauculos annos eruditam, totum se animabus juvandis, quâ Concionibus & Catechesi, quâ Missionibus, aliisque Operariorum exercitijs, addixit. Interim sub hæc ipsa zeli Apostolici, post susceptum Sacerdotium initia, prævalente in Bohemia hæresi Anno 1618. cum Societate è Regno proscripta, ipsi quoque emigrandum esset, quò exilium suum utilitati animarum maximè indigentium impenderet, non in aliquam Societatis Provinciam aut domicilium receptum quæsit; sed cum



cum P. Daniele Stigelio, Collegij Commotoviensis Rectore in Saxoniam & Patriam suam, non tam exulatum, quàm animas in densis errorum sylvis venatum abivit, magno Divinæ gloriæ pretio & Ecclesiæ proventu, ut in Provinciæ ejus temporis Annalibus latè & latè commemoratur. Præcipuum, quod divinitus animo utriusq; inspiratum fuisse credi potest, inventum fuit, Religiosorum, ac præsertim Religiosarum Virginum Cœnobiorum obire, & ad observantiam vitæ non tam Religiosæ, quàm Catholicæ etiam, in tanta idoneorum Directorum, undique latè dominante, hæresi, penuria, hortari & excitare: qualia repperunt in Diœcesi Halberstadiensi & Magdeburgensi, tum Hamburgi & Lubecæ, singulis antidota efficacia ad pestem procul arcendam providendo, & ex Regularum sui cujusque Instituti observantia depromendo. Excepti fuere quolibet talium Claustrorum, hæresi necdum contaminatorum, velut Angeli cœlo lapsi, ita ut in uno ad S. Agnetem Magdeburgi Parthenone, biennium propè integrum exegerint, quò Virginum voto satisfacerent, pridem hominem aliquem de Societate exoptantium. Amplo sui hospitij relicto, quando Moniales illas expertis in Religiosa disciplina Magistris destitutas, ad rectum illius tenendum tramitem reduxerunt, usumq; frequentiorum Sacramentorum persvadentes, singulas pijs Exercitiis S. IGNATII meditationibus (quæ & in alijs Cœnobijs in usum deductæ sunt) ad id usque tempus illic incognitis, excoluerunt: magno illarum fructu & solatio, neque minore tanti thesauri recens detecti (ita præ cæteris Exercitiis vocabat loci Antistita) approbatione. Neque parùm profuit toti ipsi sacro Cœnobio ad constantiam firmando, quod in oculis earum DEUS edidisse fertur in Patre, sacris operante, prodigium; dum in sacra Hostia, per ipsum, Sacrificij tempore, elevata, Christum Dominum, formâ tenelli pueruli conspexerunt. Pari studio inter sæculares, residuas adhuc reliquias scrutati duo hi, ad animas lucrandas nati Viri, omnes in veteri Religione firmabant. At ubi victricibus Ferdinandi II. armis reditus, Patribus Societatis in Bohemiam apertus est, P. Fridericus Commotovij, unde proscripius discesserat, iterum confedit, constans illius per annos ferè 24. incolæ, totâmq; illam viciniam, hæreticis Provincijs Misniæ & Saxonie confinem, & indè præsertim erroribus infectam, ab hæresi purgavit, tantâ soliditate & rationum vi, tot virtutum roborandæ in Neophytis Fidei exem-

*Societas Europæa.*

plis, ut nunquam postea ullis Saxontum aut Svecorum armis, aut è vicina Misnia subrepentium Ministellorum calliditatibus, à cognita semel veritate abstrahi potuerint. Excurrebat simul latè in pijs expeditionibus per Districtus Pilsnensem, Cubitensem, & Zatecensem, ad Palatinatum usque, Calvino tunc addictum; in quibus complura hæreticorum millia ad ovile Christi reduxit. Tam frugiferæ P. Friderici & aliorum Sociorum per universum Regnum in Hussitarum conversione desudantium operationi, certum est, vigorem præcipuum & efficaciam accessisse ab Decretis Cæsareis Ferdinandi II. quibus proscriptâ hæresi, omnibus ejus sequacibus, perpetuum indixit exilium, & migrationem è Regno Bohemiæ, nisi auditâ sufficienti Catholicæ Veritatis, quam Patres ubique prædicaturi in omnes partes mittebantur, explicatione, intra certum temporis intervallum, Ecclesiæ accederent: zelo penitus orthodoxo, qui Christianissimum Imperatorem ac Regem Apostolicum decebat, consilioque à S. Augustino mutuato, qui miris laudibus effert simile Imperatoris Honorij, suâ ætate contra hæreticos Donatistas factum, quos severissimis legibus, pœnis etiam capitis & proscriptionibus exagitatos, ad unitatem Ecclesiæ redire coëgit, vel toto Imperio Rom: exulare. Proh! quàm hodierni aliter sentiunt Atheisantes Politici, dum contra S. Augustinum æstiment, hæreticos pœnis sæcularibus non esse ad Fidem Catholicam adigendos; sæviciam appellantes, quam Augustinus pietatem, propter ingentia bona indè consecuta, appellat, Epistolâ, ita contra Donatistas Edicta Cæsarea defendens: *Hoc contigit Donatistis, quod accusatoribus S. Danielis. Sicut enim in illos, leones, fraude ipsorum Danieli parati; sic in istos Donatistas converse sunt leges, ab ijs in Catholicos late, quibus innocentem opprimere voluerunt. Nisi quòd propter misericordiam Christi, magis pro eis sunt leges istæ, quæ illis videntur adversæ; quoniam multi per eas correcti sunt, & quotidie corriguntur, & se esse correctos, atque ab illa furiosa pernicie liberatos, gratias agunt, & qui eas oderant, diligunt; molestasque sibi fuisse saluberrimas leges, quantum ex insania detestabantur, tantum recepta sanitate gratulantur: & residuos, hæresi adhuc obstinatos, cum quibus fuerant perituri, jam simili dilectione nobiscum, ut pariter instemus, nè illi pereant, excitantur.* - Cur ergo non cogeret Ecclesia perditos filios, ut redirent, si perditii filij coëgerunt alios, ut perirent? quamvis enim illos, quos non coëgerunt, sed tantum seduxerunt, si per-

A a a a a

fer.



terribiles, sed salubres leges, in ejus gremium revocentur, blandius pia Mater amplectitur, & de illis multò amplius, quàm de his, quos nunquam perdidit, gratulatur: an non pertinet ad diligentiam Pastoralem etiam illas oves, quæ non violenter ereptæ, sed blandè levitèrque seductæ à grege abernaverint, & ab alienis cape- rint possideri, inventas ad ovile Dominicum, si resistere voluerint flagellorum terroribus, vel etiam doloribus revocare? Hinc ergo factum est, ut Imperator Religiosus & Pius, perlatis in suam notitiam talibus causis, mallet piissimis legibus illius impietatis errorem omnino corrigere; & eos, qui contra Christum, Christi signa portarent, ad unitatem Catholicam terrendo & coercendo redigere, quàm seviendi tantummodo auferre licentiam, & errandi ac pereundi relinquere. Jam verò cum ipsæ leges venissent in Africam; præcipuè illi, qui quærebant occasionem reditus ad Ecclesiam; aut sevitiæ furentium, hæreticorum tantum, metuebant, aut suos verecundabantur offendere; ad Ecclesiam continuò transferunt. Multi etiam, qui solà illic à Parentibus tradita consuetudine tenebantur, qualem verò causam ipsa hæresis haberet, nunquam antea cogitaverant, nunquam quarere aut considerare voluerant: mox ubi cœperunt (ex instructionibus nimirum & catechesi auditâ) advertere, & nihil eâ dignum inveniri, propter quod tanta damna paterentur, sinè ulla difficultate Catholici facti sunt: Docuit enim illos sollicitudo, quos negligentes securitas fecerat. Istorum autem omnium, præcedentium auctoritatem & persuasorem secuti sunt multi, qui minùs idonei erant per se ipsos intelligere, quid distaret inter Donatistarum errorem, & Catholicam veritatem. Ita, cum magna agmina populorum veni Mater in sinum gaudens reciperet, remanserunt turba dura, & in illa peste infelici animositate sistentes. Neque latebat Augustinum, quod ficti quidam Religionis zelatores obtendunt, hanc violentâ ad Ecclesiam compulsionem fieri posse, ut multi simulatè ad eam accedant, non sinè multiplici in participandis deinde Sacramentis irreverentiâ & sacrilegio. Imò ità evenisse fatetur, quin tamen idcirco violentiam ejusmodi improbet. Ex his quoque plurimi, prosequitur ibidem, simulando communicaverunt, alij paucitate latuerunt: sed illi, qui simulabant, paulatim assuescendo, & prædicationem veritatis audiendo, ex magna parte correcti sunt. Quæ omnia in Reformatione illa Bohemiæ ità evenire, ut eam describere & laudare voluisset, Augustinus credi posset. Vide etiam Augustinum epist. 48. & 68. item 127. & 159.

Nunquam enim hodie Catholicæ Fidei hanc accessisse gauderemus, nisi mandata Sacratissimi Cæsaris compulissent intrare; sinè quibus nulla unquam hæresis extirpata est.

His ergo Cæsareis Decretis armatus Pater Fridericus, eâ dexteritate & prudentiâ, hæreticorum tractabat animos, ut libenter pronisque auribus docentem sensim audirent, & victos tandem se persuasosque faterentur, lubentèsq; ad unitatem Ecclesiæ redirent. Fuitque in Misnia è Verbi ministrellis unus aliquis, qui in publica dictione verbis disertis P. Fridericum commendavit, ac testatus est, quòd viam DEI in veritate doceret: alius verò agnitâ veritate, eandem, palàm ejuratâ hæresi, & pseudo-ministerij officio, per Fidei Catholicæ professionem, amplexus est. Quin & alij plures hujus farinae ex eadem Misnia, literis cum ipso egere de hæresi deferenda, fassi, se illius doctrinâ convictos, sectæ Lutheranæ errores agnoscere, promptos paratosque ad eam ejurandam, si modò suæ fuorumque sustentandæ inter Catholicos vitæ, ad quos necessariò migrandum esset, media suppetrent. Quare sæpius auditus est Pater vehementer optare, ut talis aliqua in Bohemia fundatio Neophytis ex hæresi alendis, dum proprio Marte artève se sustentandi occasio ipsis obveniret, erigeretur: certus agminatim & per centurias Fidei nostræ accessuros, qui solo indigentia & mendicitatis metu in hæresi retinerentur. Porro indefessum hunc ejus zelum, fervidumque seductas animas Christo lucrandi studium, maximè testatur Catherberga, ducto à S. Catharina nomine oppidum (Catharinæ-Monte latinè dixeris) ejus industriâ, integrè Orthodoxæ Fidei restitutum. Est oppidum hoc veluti nidus, ijs montibus, qui Bohemiam à Misnia dispe- scunt, impositum, fossoribus & operis metal- lorum magnam partem habitatum, à limita- neis heterodoxæ Misniæ pagis & oppidis, vix unâ levçâ distitum, Commotovio verò duobus milliariibus, viâ difficili, quia per montes, silvas, rupesque superandas vehementer arduâ, remotum. Hoc ille, quia ob pervici- am incolarum desperari audiebat, ut ad pie- tatem Catholicam revocari posset, sibi majore studio potissimum excolendum sumpsit, & per viginti circiter ultimos annos ad mortem usque ità excoluit, ut in eo fortissimum ortho- doxæ Religionis, arcendæ à limitibus hæ- resi, statuisse videri possit, hodièque fidele Castellum. Huc ille festis sacrisque diebus singulis ascendebat Commotovio pedes (nam profestis alibi occupabatur) etiam ultimo se-  
nio,



nio, unde & mortem contraxit, maximâ eti-  
am hyeme, dum nives quandoque cingulo te-  
nus istic aggestæ vias impediunt, non sinè  
præfenti vitæ primis quidem annis periculo.  
Vivebant enim adhuc non ante multos an-  
nos, qui se olim consilium interficiendi Patris  
suscepisse, ultrò fatebantur; quibus postea  
Patris laboriosâ industriâ conversis nihil erat  
mitius, quique in Fide constantissimi semper  
cum posteris suis perstiterunt, nec sinè lacry-  
mis meminisse ejus poterant, non aliter, quàm  
Patrem suum & Apostolum nominantes. In-  
ter hos mulier fuit vidua, ut sexus hic semper  
est obstinator, & affectuum impotentior,  
quæ videns Patrem sæpius ad oppidum, ca-  
techesis causâ venientem, malè perfidiæ suæ  
metuens, primis mox diebus fossores aliquot  
conduxit, vas cerevisiæ in mercedem pollici-  
ta, ad Patrem de medio tollendum. Is ubi  
de morte redijt, unus eorum ad Patris diversio-  
rium præmissus exploratum, quid circa illum  
ageretur, visâ Patris blandissimâ humanitate,  
& innocenti agendi modo, animo prorsus im-  
mutatus ad socios recurrit, ut quos ad patran-  
dum condictum scelus evocaturus abiverat,  
ad complectendum velut amabilem Patrem,  
& admirandum cœlestem hominem adduce-  
ret: qui etiam omnes, aliquoties audito Patre  
manus veritati dederunt, vecordiam suam  
nunquam deinde sinè lachrymis referre soliti.  
Cum verò sub hæc reflorescentis Fidei pri-  
mordia, Parochiæ Catherbergensis reditus per  
hæresim interverfi, alendo Curato non suffi-  
cerent; Pater interim rogatu Pragensis Archi-  
Episcopi hæc omnia obibat: jussus tamen, nè  
futuris Parochis fieret præjudicium, pensio-  
nes si quæ offerrentur, acceptare. Has ille di-  
ligenter asservatas, ubi ad 300. Imperiales  
perduxit, totos in elegantem prorsus Eccle-  
siæ illius ornatum & apparatus impendit:  
usibus suis aut sustentationi nè quidem num-  
mo indè decerpro, cum viveret solis illis, quæ  
secum è Collegio afferebat, halece quopiam,  
aut frusto fumatæ carnis. Quibus rebus Ci-  
ves & accolæ mirè ædificatos in suscepta Re-  
ligione firmabat, & in sui amorem fiduciâ-  
que trahebat; uti clarè patuit post ejus obi-  
tum, quando magnæ eorum numerus ad fu-  
nus ejus deducendum, Commotovium ac-  
currit.

Nec deerant copiosa aliarum virtutum  
exempla, quæ æstimationem Viro auctori-  
tatemque ad persuadendum necessariam conci-  
liarent: fuit enim commodorum omnium  
suique neglector maximus, qui per annos cir-  
citer 15. vitæ postremos, nunquam lecto ad

*Societas Europæa.*

capiendum somnum, ullòve stragulo usus est;  
sed ut erat vestitus, in scamno, vel sella lignea  
ut plurimum confidendo, quietem captabat.  
Domi cum esset, diebus propè singulis à men-  
sa culinam subibat, in abluendis patinis & ol-  
lis operam Coquo navaturus, non sinè gravi  
quandoque manuum tormento, quando sæ-  
pius observatus est, præ fervidâ aquâ eas aduf-  
sisse; cum tamen nullum doloris indicium  
præberet, quòd hunc ad Inferni aut Purgato-  
rij incendia nullum esse diceret. In adversis  
æquè ac prosperis semper animo æquè tran-  
quillo sibi constans: hinc cum aliquando ho-  
stilis Svecorum manus Commotovium irum-  
pens, omnia pro libidine in Civitate diriperet,  
nostriq; omnes in Collegio ad declinandum  
furorem varijs sese latibulis recondere; so-  
lus ipse suo perstitit cubiculo, à prædonibus  
ibidem deprehensus orationi tranquillè va-  
cans: quo spectaculo attoniti primùm, cum  
deinde captivum foràs eduxissent, liberum  
rursus absque alia injuria dimiserunt. Horas  
Canonicas dum posset, extremo etiam vitæ  
senio, persolvebat de genibus: Sacrificium  
autem Missæ eo dicebat affectuum fervore,  
ut dignum etiam Halberstadij in exilio agen-  
tem duxerit Dominus, in cujus manu die Na-  
talis Domini communicantibus S. Hostiam  
porrigentis, specie Infantis compareret; quod  
ipsemet sibi à duobus fide dignis testibus ocu-  
latis in solatium fuisse relatum, inter sua se-  
creta annotavit. Pro Animabus Purgatorij  
assiduè DEUM precabatur, quas illi sæpius per  
noctem ad suffragia postulanda comparere,  
constans erat nostrorum opinio, ipsius etiam  
narratione confirmata, dum aliquando retu-  
lit, Pistorem sæcularem Collegij Adamum,  
qui Pragam missus abiverat, sibi per noctem  
visum fuisse mœrore plenum, cereum extin-  
ctum manu præferentem. Quod non fuisse  
vanum somnium, declaravit eventus; nam  
paucis post diebus certis nuncijs intellectum  
est, Adamum per Album montem Pragam iter  
urgentem in latrones incidisse, glandèque  
plumbeâ trajectum occubuisse. Similiter  
cum Frater ejus germanus itidem Societatis  
Sacerdos, & Hildeshemij Collegij Rector vi-  
tâ excessisset; ipse Commotovij eadem die,  
tantò loci intervallò, ejus defuncti animam  
precibus familiaris sibi Coadjutoris commen-  
davit. Demum & ipse laudatissimè in pijs  
operibus exactâ vitâ, cum annum ætatis atti-  
gisset 79. sancto fine eandem conclusit, mor-  
te, ut apparet, ex animarum procuratione ze-  
lòque conscitâ. Cum enim Anno 1648.  
quo ipso 28. Maji extinctus est, Paschales

A a a a a 2

dies



dies in sua Catherbergæ Missione de more peregrisset, Commotivum redux deterius valere cœpit, morboque indies aucto, lecto tandem affigi, stranguariæ præsertim doloribus gravissimè ægrum torquentibus. Quos ille invictâ patientiâ tolerabat citra ullum gemitum aut querelam, nisi quantum assiduâ invocatione SS. Nominû JESU & MARIAE opem implorabat : donec omnibus Sacramentis munitus, horâ 4. matutina, quâ domesticis signum campanâ ad surgendum de somno dabatur, ipse meliori somno placidissimè con-

quievit ; itâ tamen, ut ipsa morte suâ proximi salutem operari non desineret : visus enim est sub animæ exitum illachrymari, quod Catherbergæ, ubi olim nullum invenerat Catholicum, nunc tamen moriens unum post se relinqueret Acatholicum, eumque binis vicibus à suscepta Fide orthodoxa ad vomitum reaversum. Sed hic ipse Vir, cum aliquis è Societate nostra supremum hunc P. Friderici pro ipso dolorem & lachrymas retulisset, salubri dolore contritus, paulò post ad ovile Christi, magno totius oppidi gaudio, rediit.

*Ex Annalibus Provinciæ Bohemiæ, & Balbini Bohemia sancta.*

## P. GEORGIUS PELINGA.



Atus est P. Georgius Pelinga Olomucij, Marchionatus Moraviæ Metropoli, multarum animarum saluti & bono ; quas sive ab hæresi ad Fidem, sive à vitijs ad virtutem, & ad insignem sanctitatem perduxit : Vir planè illustris, & ad Instituti Societatis normam præclarè formatus : Concionator & Operarius verè Apostolicus, flagrantissimi zeli, quo totus ardere & consumi videbatur. Primis vitæ in Societate annis ultra ordinariam virtutem nihil admodum supra communis perfectionis studium in eo notabatur, donec Sacerdotali charactere jam insignito occasio præbita est egregiæ sui victoriæ & humiliationis. Absolverat Theologiæ quadriennium singulari ingenij & profectûs commendatione, quâ etiam ad quatuor Votorum professionem evectus est ; cum à Superioribus admonetur de Philosophia docenda, ut per otium legendis auctoribus, & colligendis ad eam ritè tradendam materijs, operam & studium impenderet. Neque ille segniter remegit, cui munus acceptius nullum deferri poterat, ex suomet genio ad speculativa tractanda maximè inclinato, & ad disputandum ex vivace ingenij acrimonia summè proclivi. Jamque ad munus hoc ritè obeundum egregiè comparatus, solum aperiendis scholis tempus consuetum expectabat, quando à Præposito Provinciæ admonetur, ut sepositis Philosophiæ tradendæ cogitationibus, studium & laborem omnem ad conciones transferret, Evangelicam Doctrinam pro Aristotelicis dogmatibus populo traditurus. Perculit non leviter inopinatum nuncium, & mutatio tam inexpectata vehementer concussit generosum Georgij pectus, ad scholastica tractan-

da mirè hætenus & ferè unicè aspirantis, excitavitque luctam in ejus animo graviores, quàm credi possit : in qua tamen spiritu contra naturalem inclinationem prævalente, nullo prorsus in oppositum pro se verbo adducto, itâ animum in obsequium obedientiæ inclinavit obfirmavitque ; ut omnem de scholis in perpetuum cogitationem constanter deinceps excluderet. Atque ex eo die magnis se à DEO gratijs, & quos eatenus nunquam expertus fuerat, eximijs favoribus cumulatum fuisse fatebatur, ut in alium hominem mutatus, novum sibi cælitus cor inditum accepisse videretur, & animum omnibus vanitatum umbris deterfis, nihil præter DEUM & cœlestia spirantem. Ergo jam novus homo ut idoneum se verbi divini ministrum, præstaret, totum se perfectioni propriæ, & virtutibus heroicis addixit, memor illius, quod identidem usurpare solebat, neminem incendendis aliorum animis aptum esse, qui non arderet in se. Et quidem ardor iste cœlestis in omnibus ejus actionibus, verbis, & ordinarijs etiam corporis functionibus, ex oculis, toto vultu & pectore promicabat, ut eum intus conflagrare & exuri omnibus palàm esset. Hinc verba in colloquijs proferebat cum quodam anhelitu, & quasi violenta spiritûs reciprocatione : quæ si de DEO essent vel divinis, toto vultu inardescibat, micabat oculis, & membris omnibus velut intremiscebat, ut appareret vix spiritum intrâ pectoris repagula contineri. Humilia culinæ ministeria si obiret, supellestem ejus eluendo, vasa mundando, vel conservas Societatis in triclinio mortificationes, aliâsque id genus pietatis officia præstaret, tanto fervore & vivacitate agebat, ut omnem animi vim, totum spiritum ad singula applicare videres. Erâtq;

Tyro-





P. Georgi, Pelinga S.I. Moravius, ardens Divini verbi  
prædicator, et fidei contra hæreses propugnatae zelos,  
athleta; animab; ad Deum ducendis singularis Magister  
spiritû. Laborib; tandem Missionis Castrensis fractus, obiit  
Klatoviae in Boemia 17. Dec: A<sup>o</sup>. 1648. ætatis 45.  
168.

Tyronibus nostris (quos inter & ego tum fui) sufficiens ad virtutem, & perfectionis studium incitamentum, videre illum seu inambulantem, seu quidlibet operis agentem, multo magis orantem, vel audire loquentem: adeo omnia erant ignita, & sacro quodam fervore æstuantia, quem cohibere non posset. Per domus ambulacra, si quopiam se conferret, & à nemine videri putaret, ardorem internum varijs signis prodebat, brachia extendebat, & mox in Crucem pectori apprimebat, oculos elevabat, gemebat, & suspirabat; maxime si fortè à peracto Missæ Sacrificio rediret, tunc enim quasi extra se raptus, vultu & oculis inflammatus incedebat. Inter celebrandum, verò instar Seraphini ardere videbatur, verba singula proferebat meditatio, pænè juxta tertium S. Ignatij precandi modum: manus dum

in recitando Canone, vel alijs orationibus extendi jubentur, liberas semper, neque cubitis corpori applicatas tenebat. Si loco privato, aut saltè extra populi concursum celebraret, pro consecrando Calice totum urceum vini, devotionem S. Philippi Nerei imitatus, affundebat, quem deinde guttatim ferè sorbillando incredibili teneritudine, nec ferè sine lachrymis sumebat, ut crederes illum è latere aut vulneribus Christi, Sangvinem Domini exugere: quod in Castello Brunensi, dum illius præsidij Curatum ageret (ubi non rarò minister & socius illic adfui) consuetum ipsi erat. Dum verò S. Evcharistiam accumbentibus dispertiret, præ reverentia & æstimatione tantæ dignationis notabiliter tremebat, & velut inhorrescebat: fassus aliquando de se, nisi mentem aliò in hac actione averte-

A a a a 3

ret,



ret, præ sacro horrore in terram corruiturum. Matutinam meditationem unâ horâ ante alios constanter præveniebat; & si qua de causa maturius Sacrum dicendum esset, tantò citius horam surgendi antevertebat, nè quidquam orationi dilatione decederet, sæpius post medias noctes in oratione jam deprehensus. Venerabili P. Martino Stredonio constanter habitus est pro Viro sancto, de cujus Apostolico zelo, quo tempore hic Provinciæ Bohemiæ præfuit, asserere non dubitavit, si sex Pelingæ ad manum essent, nihil ambigerent, totam Bohemiam illorum operâ conversum iri. Par existimatio fuit Ven. P. Nicolao Lancicio, ejus in spiritu Directori, cujus potissimum ductui profectum in virtute suum Pelinga adscribebat, & normam vitæ sequebatur: propheticum ejusdem spiritum in se expertus, dum sub vitæ ferventioris primordia ab illo sibi prædici audivit, multas acerbâsque persecutiones per vitæ decursum ipsi subeundas fore: quas etiam magnâ & heroicâ patientiâ sustinuit ad mortem usque.

Jam quantus ejus fuerit in animabus ad DEUM adducendis zelus, difficile est exprimere; nihil enim omisit, quo ijs prodesse posse videbatur, omne genus & statum ætatēque hominum complexus, nihil exiguum aut vile ducens, si quomodolibet ad profectum alicujus conducibile foret. In Concionibus, quas constanter Olomucij in primario Parochiæ templo, totius urbis affluxu, donec illud in potestatem hostium Svecorum venit, ac deinceps Brunæ per annos complures habuit, flammæ loquebatur & ignes, corda & animos audientium intimè percellentes, ex quibus miræ conversiones sequebantur. Sed quia his ex domestica Civium familia & servitijs vix unquam interesse aliquibus, domesticis laboribus & culinâ distentis licebat, primus ipse matutinam ad solos famulos & ancillas allocutionem veluti catechetica, & statui ingenioque ipsorum congruam exhortationem, mox post primum Sacrum habendam insuper assumpsit; maximo indè consecuto fructu, & omnium Ordinum approbatione, ut praxis hæc deinceps in omnia Societatis per Provinciam Bohemiæ templa fuerit constanti hodiēque usu propagata. Matutinas horas impendebat domi partim orationi & studijs, partim operationi in templo & audiendis pœnitentibus, vel ad januam Collegij accedentibus, suggerendo consilia, & directiones in spiritu, quorum complures habebat, vel ex solis illis, qui se illi regendos ex utroq; sexu commiserant: post meridiem

autem tempus insumebat in conversatione per urbem, visitandis ægris, solandis qualibet ratione afflictis, & ad perfectionem excitandis suis in spiritu filijs: plures enim tum ex Viris censebantur, tum ex statu Viduarum, gravissimæ Matronæ, quæ altioris perfectionis desiderio totas se virtutum heroicarum exercitio, orationi & operibus misericordiæ impendebant, non sinè præclaro in totam urbem exemplo, & publicâ sanctitatis existimatione, ut earum domus & familia totidem viderentur esse Cœnobîa. Ad has ergo statis diebus collectas habebat exhortationes & alloquia spiritualia: vel ascesim Ignatianam obcuntibus explicabat meditationes, fructu tam solido, & nunquam interrupto, ut nulla earum à tramite perfectionis, etiam à morte Patris desciverit, sed constanter toti urbi in exemplum omnigenæ virtutis eluxerint, post fata etiam in opinione sanctitatis habitæ. Illarum filij plerique statum Religiosum complexi, filiæ partim Virginitatem perpetuam, partim Conjugium secutæ, pijs operibus pari constantiâ incubuerunt, quarum una quater nos, id est, omnes filios Societati consecravit. Neque verò lenem se illis exhibebat aut blandum, sed asperum magis & severum, exprobrando quoslibet defectus, objugando & increpando; neque rarò alloquio suo frustratas, cùm integras horas eum ad januam, vel ad templum devotum præstolarentur, vacuas domum relegando. Sed neque ita se illarum curando spiritui concedebat, ut quidquam alijs operationibus suis detraheret; quin sæpiissime plures etiam hebdomadas Missionibus occupatus, eas sibi relinquebat, ut ipsæ experirentur, quantum soliditatis ad constanter proprio Marte proficiendum essent affectu: neque ferebat aliquam de longiore suâ absentia queri, quin oggeret illud Apostoli 2. ad Timoth. 3. de mulieribus: *Semper discites, & nunquam ad scientiam veritatis pervenientes*; quam ejus in tractandis ejusmodi animabus cautelam visum est Cælum approbare. Accidit enim, ut Brunâ moventem Cæsareum militem ad recuperandam è manibus Svecorum Iglaviam, rogatu supremi Chiliarchæ, Pelinga sequeretur, futurus legionibus à sacris ministerijs; quo tempore una earum Matronarum ægritudinis violentiâ ad extrema fuerat deducta. Tenuit ea obsidio plures hebdomadas; neque tamen ægra, cum morte omni eo tempore acerbissimos inter cholicæ dolores luctata, emoriebatur, cui nunquam Medici vel unum diem vitæ attribuebant, magnâ Civium & Nostrum omnium



qui tunc in Collegio degebamus, admiratione: maximè cum illa constanter negaret, se ante reditum Patris emori posse, quod ipse vetuisset in sua absentia vitam finire. Expectatione tam miri eventus omnibus suspensis, adest tandem Pelinga, & ægram invisit, quo adstante, veluti vinculo soluta, eadem nocte animam DEO reddidit.

Mirâ dexteritate pollebat ad impedienda peccata, & bona promovenda absque omni violentia, jocos subinde etiam, & quæ fortuitò oculis se subjicerent ad persuadendum assumptis. Matrona erat Olomucij amplæ fortunæ, tabernæ & cellæ vinariæ Domina, eademque præcipitis & notæ per Civitatem, iracundiæ; cujus intolerans familia, vix ulla haberi amplius poterat, quæ conducere ad serviendum vellet: non sinè heræ ipsius molestia, ut jam sibimet gravis eâ naturæ asperitate displiceret, quam tamen exuere non posset. Invisit hanc aliquando Pater, prout omnes urbis domos per vices lustrare solebat, nè ulla culturæ suæ expers esset; cumque illa indomitum fervoris sui genium accusaret, Pater oculis in parietem fortuitò coniectis, vidit in eo lineas quàm plurimas cretâ, ab ænopola famulo signatas, indices mensurarum ab hospitibus epotatum, necdum tamen solutarum; quas digito demonstrans Pater, en Domina, inquit, hæc industria vestri ænopolæ artē vos docet iracundiæ brevi extirpandæ, & mansuetudinis faciliè consequendæ: nam si & vos quemlibet in iram lapsum ductâ lineolâ quotidie notaveritis, factòque subinde computu, diem cum die conferendo in id seriò incubueritis, ut numerus linearum & lapsum in dies minuat; fiet omnino ut non multò post edomitâ iracundiâ mansuetudinem induatis. Fecit illa, quod suggereretur, & magnâ vicinorum & familiarium admiratione, alia penitus ab se brevè apparuit. Maximus illi usus fuit aurei Thomæ à Kempis libelli, sinè quo nunquam prohibat ad urbem, cujus fortuitò aperti prælectione scitè colloquium spirituale inducebat, & quod communiter singulis prælegendus numerus contineret aliquid cujusvis conditioni & moribus emendandis mirè congruum, quasi ei objurgando destinatò repertus esset; jucundè simul & utiliter omnes delebat. Duellum inter primarios belli Duces subitò interveniens diremit solâ illius metri prolatione:

*Fortior est, qui se, quàm qui fortissima vincit*

*Mania.*

Cum verò in castris ad mensam Officialiū mi-

litæ cōmuniter adesse cogeretur, ubi sermones minùs pudicos aliquoties moveri expertus est, iisdem abstinere deinceps ita constanter decrevit, ut reduci aliter nequiverit, nisi in mulctam à singulis eos sermones inducendis pendendam unanimiter consentirent. Igitur, quoties quis in verbum aliquod infame incautus prorupisset, mulctam illi Pater in flagranti deponendam inclamabat, non sinè plausu & cachinnis accumbentium, & rei confusione. Aliquando cum hæreticis militiæ Præfectis, quorum complures castra sequebantur, de Fidei veritate disceptanti, cum illi argumentis pressi resistendo non essent, ad contumalias pro more versi objiciebant, Jesuitas specie quidem externâ oves, intus autem esse lupos rapaces: quos ille jocosè refutaturus, diductâ à pectore superiore veste, ut sub ea pellicem agnium (hyems enim erat) videri posset, certè Domini videtis, inquit, injuriam à vobis, nobis Jesuitis fieri, qui foris & intus vestimentis ovium utimur. Atque ejusmodi innocentibus in re seria facetijs semper sibi addictos retinebat, donec opportunè argumentorum pondere convictos Ecclesiæ adjungeret: quod illi in ipso Cæsarei Exercitus supremo Duce felicissimè successit, postquam tot annis omnem nostrorum, ipsius adeò Ven: P. Martini Stredonij laborem & operam lussisset, à P. Pelinga tandem, ejurato Calvino Catholicis adjunctus. Erat is Comes Ludovicus de Souches, celebris Brunæ contra Svecos tuendæ propugnator, multis victorijs clarus Heros, erroribus tamen Calvinii diu obstinatè addictus; hic in multorum militiæ Procerum corona aliquando venerationem Reliquiarum videbat ex eo, quod sæpè falsas pro veris, & supposititias pro legitimis necessariò honoremus, cum tot ex aliquibus Sanctis circumferantur, ut fidem superet genuinas omnes esse; imò ejusdem nō rarò Sancti corpus in diversis locis & Provincijs haberi asseratur. Si quis militum Domine, assumpsit Pater, pileum ipsius, in assultu nuper urbis Iglaviæ tam præclara facinora exhibentis, globo fortè trajectum nactus, rogatusque à fidei Dominationis vestræ amico eum ut sibi cedere vellet, retento illo, fictitium offerret; quem tamen amicus bonâ fide pari honore, ob memoriam Dominationis vestræ, atque si verus esset, aservaret, nōne id perinde gratum ipsi & æstimatum accideret? Ità planè, reposuit Comes; uti non minùs gravi injuriæ ducerem, si eidem suppositio galero, quem verè meum crederet, contemptum aliquem, pedibus eum proterendo, inferret. Quidni

er-



ergo, subjicit Pater, perinde placeat Sanctis, dum vident sui amore & reverentiâ honorem à Fidelibus exhiberi Reliquijs, quas esse suas bonâ fide persuadentur? fuitque id satis convincendo Comiti, ut alijs quoque Calvinii erroribus sensim confutatis, manus tandem veritati cum multis alijs dederit.

Et omninò quàm plurimos idem à varijs sectis Lutheri & Hussij convertit, etiam è militaribus viris, qui plerumque pervicaciùs erroribus suis adhærent: & quo tempore Olomucium à Svecis intercipi contigit, perrexit idem conciones ad populum pari libertate & zelo habere multo tempore, pronis auribus ab ipsismet auditus hostibus hæreticis, donec ob suspensiones prodendæ Cæsari urbis, indè exactus est. Proposuerat tunc dictionibus triduo antecinerale de peccati gravitate habendis, velut in thema oculis etiam spectabile, picturam hominis peccatoris, instar quadrupedis sub Dæmone sessore infranati, ferro manus & pedes adstricti, & onus septem peccatorum mortalium in binis sarcinis deportantis; cujus schema passim hodie in libello Exercitiorû S. IGNATII, meditationi de damnis peccati mortalis præfixa imago exprimere solet. Ejus mysteria cum triduo illo graphice Pelinga explicuisset, Præfectus urbis Svecicæ militiæ Antesignanus ita profundè animo eam veritatem impressit, ut ejus memoriæ perpetuò conservandæ eandem imaginem pro se depingi, & in cubiculo præ oculis semper habendam affigi fecerit. Atque hæc praxis, dicendorum ab se materiam sub schemate quopiam etiam per oculos auditorum mentibus imprimendi, frequens illi fuit, optimis effectibus ita comprobata, ut in usum per totam Provinciam, ob singularem suam utilitatem venerit, quoties ferè pluribus dictionibus veritas quæpiam, aut mysterium explanandum assumitur. Quo tempore Brunæ in addito urbi castello curam gessit copiosi ab recenti obsidione præsidij & captivorum, quoties ad eos sermonem habiturus non erat, excurrebat ad pagum uno ab urbe milliari distitum, instruendis catechesi Lingvâ Moravicâ, quàm nec mediocriter callebat, rusticis: licèt ex eo pedestri itinere vice qualibet tantis viscerum convulsionibus torqueretur, ut domum reduci decumbendum esset: quos tamen dolores studiosè celabat, nè si à socijs proderentur Superioribus, ejusmodi, excursionibus deinceps sibi prohiberentur. Et quidem hoc genus morbi ex summa debilitate, stomachi perfrequens illi fuit, & pænè familiare, simulque tam atrox & vehemens, ut

eum quandoque velut in globum convolveret, adigeretque leniendo cruciatui per terram reptare, in angulos, sub scamnum vel lectum se comprimere: nullo tamen clamore, vel etiam gemitu interim edito, nè prodere-tur, & remora laboribus suis Apostolicis injiceretur. Nec facilè dictu est, quanta perpessus sit Olomucij per solidum biennium, quo in manus Svecorum redactâ civitate solus ibidem ex Societate, velut in captivitate remansit, inter perpetua hostis omnia in suspensionem trahentis, & ex hæreticorum genio Jesuitis maximè infensi, pericula: cum ipse unicuique Civibus esset solatium & refugium, tum vel maximè in pauperum auxilium totum se expendens, licèt jam antè pater pauperum, & miserorum perfugium diceretur. Nec semel aliàs præsens vitæ discrimen quasi prodigiosè evasit. Erat inter eas, quas supra dixi, Viduas, altioris perfectionem in perpetua continentia sectantes, nobilior una, multis etiam potentioribus procis frustra expetita, qui repulsæ datæ auctorem Confessarium esse suspicati, vitæ ejus insidias struere, armati domo exiturum aliquoties locis solitarijs præstolantes non dubitarent. Contigit etiam aliquoties, ut Concionator Moravicè alicubi dicturus expeteretur: cum verò nullus Superioribus ad manum esset, ipse promptam suam ultro offerebat operam, licèt palam omnibus esset, quàm exiguam ejus lingvæ haberet notitiam & usum. Hinc minimè mirum est, qui DEI causâ tam exiguam sui honoris publicè prostituendi curam gessit, à DEO è contrâ ita honoratum, ut inter dicendum aliquando à terra sublimem conspectum fuisse quidam testarentur. Aliàs consuetam peregrinantium supplicationem ad S. Annam (Templum est, aliquot milliari-bus Olomucio distitum) comitatus, cum iter illud magno fervore exhortationibus ad populum, pijs cantibus ac precibus absolvisset, & ut erat oppidò lassus, ad Aram sacrificaturus accessisset, communis fama fuit, visum esse populo caput radiare.

Regularum sui Ordinis etiam minimarum uti erat observantissimus, ita in alijs quoque earum observantiam scitè promovebat. In eam rem selecta quædâ habebat in promptu è sacris paginis dictamina, ac veluti gnomas: ut si quem silentij negligentem, aut elatiore voce utentem (cujus defectus summus erat osor) deprehendisset, injiciebat illud vaticinium de Messia, Isaïæ c. 42. *Non clamabit, nec audietur vox ejus foris.* Satisque erat, si quem in hoc deficere observasset, ut nunquā



in ejus colloquium veniret. In tristitiam publicis maximè reprehensionibus dejectos, erigebat illo ejusdem: *non erit tristis, neque turbulentus*: talibus verò è contrà insultantes reprimebat; *calamum quassatum non conteres, linum fumigans non extinguēs*. Si quos notaret humanis respectibus faciliè à recto transverti, inculcabat illud Sap: 10. *Iustum deduxit Dominus per vias rectas*: innuens, minimè attendendum, quid alij agant, vel probent. Nec dissimulabat offendi se illo multorum ad rem quampiam agendam motivo, quòd hæc esset magni apud DEUM meriti: non enim decere ajebat, ut cordatus Religiosus DEO serviat ut mercenarius, sed magis ut filius. Audiens quendam familiariter querentem, quòd à multo tempore nullum in perceptione SS. Evcharistiæ gustum & solatium spirituale experiretur: mirari se vehementer declaravit, quomodo nos ambire possemus ibi solatia, ubi Christus maximam passus esset desolationem, cùm Evcharistia sit Memoriale mortis Domini? Optantibus sub mortem copiam habere Sacramentorum, non damnabat quidem votum, sed negabat esse verum DEI servum, qui non sit paratus mori quovis tempore & loco sinè Sacramentis. In sermonibus ad domesticos ardore perorabat supra humanum omnino majore, ut nobis Paulum quendam Apostolum audire videremus, præsertim si contra pusillanimitatem inveheretur, aut fervorem in divino obsequio svaderet; efficaciam dicentis quasi attoniti, cùm ipse Spiritus cœlici flammæ vix præcordijs continere posse, toto vultu inardescens videretur, quo aliquando obrutus dictionemque prosequi impotens, abrumpere imperfectam coactus est. Et quia oratio dicentis non ab oris, vel artis ingenio formata fundebatur, sed conceptis in cordis intimo sensu verbis, in eundem faciliè pertrahebat omnes, & quod intendere, persvadebat. Venerat ad domum Brunensem Nostorum aliquis ex Poësi alibi explicata, infimam Grammaticæ classem docere jussus: quâ destinatione mirè perturbatus non faciliè componendus videbatur, ut animum in obsequium obedientiæ inclinaret. Contigit interim, ut Pelinga exhortaretur domesticos, & excellentiam humilium in Societate munerum solitò fervore deprædicaret: sufficitque id, ut homo sedatâ penitus animi intemperie, nè verbo in oppositum prætenso, scholam præscriptam auspicaretur. Summo inter reliqua zelo ferebatur in exactissimam observantiam Regulæ de tactu custodiendo, ut nè jocosum quidem aut fortuitum disti-

... Societas Europæa.

mulanter ferret; quod Divinitati quantopere placuerit, patuit ex sequenti eventu. In Missionem quadam circa Olomucium ab se suscepta, contigit eum divertere in arcem quampiam, & ad nocturnam quietem decubiturum locari in cubiculo spectris obnoxio, quæ etiam sub primum somnum tumultu excitato, molestiam faceßere dormituro cœperunt. Sed ille nihil pensi habito tumulto quietus durabat, donec spectrum lectulum accedens, manu perfrigida vultui impositâ eum tetigit; tum enim ad indignitatem facti, veluti commotior, severè spectrum allocutus: *non decet, inquit, Viros Religiosos tam audacter attrectari*; ad quod dictum omnis tumultus desijt, & infestatio tota simul evanuit.

Neque virtutum ejus odor unius Provinciæ cancellis contineri potuit, quin foras, etiam Romam usque, fama pervolaret: de cujus præclaro zelo, & ingenti animarum proventu certior factus Præpositus Generalis, collaudatis ejus conatibus, quidlibet à se favoris postulandi copiam fecit, quo se juvari posse ad prosequendum præclarè cœpta crederet. Petijt hic dignum suâ humilitate & modestiâ præmium, ut potestas sibi quovis in loco degenti daretur, quam nemini inferiorum Superiorum præpedire liceret, omnium peregrinorum & hospitum fortè advenientium pedes abluendi. Quâ etiam constanter deinceps ita usus est, ut emeritus jam Concionator quibuslibet nostris peregrè venientibus, etiam non Sacerdotibus ac Scholasticis, humilis ad pedes accideret, & eâ reverentiâ atque accuratione lavaret, ut Christi personam in ijs respicere & agnoscere appareret. Et erat omnino vilibus ejusmodi & abjectis obsequijs semper addictissimus, nam in Tyrocinio Brunensi, nemo illo frequentior Novitiorum in eluendis patinis, purgandis ollis, cæterâque id genus suppellectili mundanda, adjutor & socius; cujus exactissimo fervore singula ob-euntis aspectus ingenti nobis fuit exemplo, & ad virtutem incentivo. Venerat aliquando negotij alicujus causâ Olomucio Brunam, eoque celeriter expedito mirè urgebat reditum, licet magno conatu & precibus rogaretur ad biduum saltè subsistendum, quòd nulla necessitas tantæ accelerationis appareret. Sed abnuic constanter ille, quòd post biduum sibi ex officio domi obeundum esset munus quodpiam in culina vel triclinio. Denique ex omnibus ansam capiebat sui deprimendi, velut cùm seriùs domum ex urbe redux ab Janitore subindè peteret, num quis interea se requisisset? & quando neminem comparuisse audivit.

Bbbbb



vit, conversus ad socium dicebat: ecce sic frequenter putamus nos à multis æstimari & desiderari, cum interim neq; nostri meminerint, aut de nobis inquirere curent. Antequam postremò cum Exercitu Cæsareo ad bellum in Imperio prosequendum, rogatu ejusdem Ludovici Comitis de Souches, è Moravia discederet, satis declaravit aliquot personis suis pœnitentibus, conscius se esse vicinæ mortis: & uni disertè asseruit, se alibi procul ab illa morituum, & quidem ità, ut obitus suus

diu fidem Brunæ non sit inventurus. Quod planè ità evenit; nam licèt vixà functum, communis fama ferret, diu tamen nemini istic credita est, donec eadem hæc persona per expressum Klattoviam in Boëmia expeditū nuncium, veritatem comperit. Ubi ipse hybernorum tempore ad curam valetudinis in Collegio Societatis moratus, contractà ex Missionis Castrensis supra vires laboribus & incommodis malignà febris, animam DEO reddidit 17. Dec: A. 1648. ætatis 45. Societatis 20.

*Ex Annuis Provinciæ Bohemiæ Societatis JESU.*



P. Edmundus Nevillus, S. I. illustri sanguine Anglus, vineæ Anglicanæ indefess. Cultor, usq; ad annum ætatis propè 90<sup>m</sup> Decessit ibidem, laboribus, et calamitatibus fractus. A. 1648.

166.

## P. EDMUNDUS NEVILLUS.



Obilis Christi in vinculis Confessor, & in libertate Apostolus Edmundus Nevillus, natione fuit Anglus, patriâ Lancastrensis.

Per illustri natum familiâ prædices manebat patrimonium in Westmorlandiæ Comitatu, si tempori obsecundare placuisset: sed spe æternorum, speciosam præsentium vincente ostentationem, prætulit opprobrium Christi Prin-



Principum delicijs, & relicta patriâ Romam navigavit. Ibi in Collegio Anglorum studiorum spatia emensus, cum DEO se consecrare in Societate, Sacerdotio jam initiatus percu-peret, nec posset eam ingredi sine licentia sacrae Congregationis de propaganda Fide, propter juramentum, quod præstabant Collegio-rum Pontificiorum Alumni de Clericali vita amplectenda, jussu ejusdem Sacrae Congrega-tionis translatus habitavit ad tempus apud alterius Ordinis Religiosos, ad probandam magis ejus vocationis firmitudinem. Eâ de-inde abundè exploratâ, cum facultate ejus-dem Sacrae Congregationis Romæ in monte Quirinali rudimentum vitæ religiosæ posuit ad S. Andreæ, & votorum quatuor professio-nem suo tempore emisit. Docuit annos ali-quot extra Angliam literas humaniores; ac subinde in illius labores missus, Operarium ibi magno zelo & fructu ad mortem usque egit, ob suavissimos mores, virtutem, ac doctrinam ubique amabilis, summèque utilis. Sed cum

civili bello, quo Rex ipse Carolus compre-hensus, & carnificis securi necatus est, arderet Anglia; suspectus de Sacerdotio, captus est à militibus Cromwelli, Rebellium coryphæi. Annorum tunc Pater erat 87. lectulo à multo retrò tempore affixus, ex quo à Parlama-tarijs crudeliter extractus, & navi impositus, in ea tanquam in custodia per asperrimam hye-mem detentus est, coactus perpeti & vincu-la & famem, & sitim & frigus, præter insolenti-ssimorum militum irrisiones, ludibria, & fannas. Tandem indè transmissus Londinum ad Tribunalia Judicum, cum nihil de Sacer-dotio legitimè probari posset, liber quidem è custodia, vix spiritum ampliùs trahens, di-missus est, sed paulò post oppressus morbo, quem contraxerat ex tot incommodis, in fun-do navis tamdiu invictâ patientiâ cum stupo-re militum toleratis, ex carcere hujus vitæ in libertatem filiorum DEI evolavit.

Londini Anno 1648.

*Ex Anglia Henrici Mori, & Bibliotheca Alegambe.*

## P. VINCENTIUS CARRAFA.

**E**ditus in lucem est P. Vin-centius Carrafa Andriæ in Re-gno Neapolitano An. 1585. die 9. Maji, Parentibus Cel-sissimis è Regio sanguine Un-gariæ & Sardinia profapia-m ducentibus, Patre quidem Fabricio Carrafa Duce de Andria, Comite Rubrorum: Matre Mariâ Carrafâ, Principe Stigliani, utroque ex familia & Domo per Italiam ab antiquitate, & tot ex ea satis Principibus celeberrimâ, at-que ad summum usque Pontificatum prove-cta. Fratrum suorum fuit tertio-genitus, Ma-tri tamen piissimæ Matronæ plus alijs dile-ctus, ob singularem ad omnia pietatis & vir-tutum officia, quasi ex utero materno, pro-pensionem. Totæ illius ab infantia deliciæ erant in arulis ex sacris imaginibus struendis, & in recitando ante illas de geniculis Rosa-rio, quod priùs evolvere didicerat, quàm lo-qui. Triennis cum esset, subducebat se à con-sortio fraterculorum, cum æqualibus lusui & jocis vacantium, in Matris oratorium, ibique de genibus durabat in precibus duas & tres horas, cum Aulae totius admiratione: eâ jam tunc mentis maturitate & prudentiâ, ut Con-fessarij Aulae censuerint pleno rationis usu, ante completum sexennium, fuisse à DEO præditum, ideòq; accessum ad sacram Com-Societas Europæa.

munionem indulserint. Atque hoc illorum arbitrium prodigio confirmavit Divinitas: cum enim S. Evcharistiam ei porrigeret in Au-læ Sacrario P. Julius Mancinellus, Vir à san-ctitate vitæ nominatissimus; vidit eundem, urî & alij quotquot ex Aula præsentés adfuê-re, totâ facie instar Angeli resplendere: unde & Angeli agnomen deinceps illi inter dome-sticos adhæsit. Nullo die intermittebat ad es-sè Missæ Sacrificio, & sub vespèram in Eccle-sia quapiam, ubi asservabatur S. Evcharistia, (quam deinde singulis 8. diebus sumebat) prolixè de genibus ante eam precabatur. Sin-gulis quoque diebus honori DEI paræ, cui im-pensissimè erat addictus, genus flexus dicebat Officium & Rosarium ipsius: ter in hebdo-made ferijs 4. & 6. ac Sabbatho jejunabat, & quidem hâc ultimâ omnibûsque festorum. Beatissimæ Virginis pervigilijs in solo pane & aqua. Est in suburbij Andriæ pervetusta. Beatissimæ Matris Ecclesia, parùm ab incolis visitari solita; huc ille frequentissimus diebus omnibus Dominæ suæ aderat ad prolixa ob-sequia, horis etiam compluribus in oratione perdurans, omniâque fidelis & humilis servi exhibens officia: nam & pavementum ever-rebat suis manibus, parietes à telis aranearum & pulveribus expurgabat, adornabat aras, & lampadem procurabat: exprobrantibus tam

Bbbbbb 2

vi-





P. Vincentius Carafa Soc: Iesu Generalis septim<sup>9</sup>, è Principum sanguine, vitæ sanctitate, et in proximum charitate insignis: post varios labores et opera in animarum salutem per omnem vitam exercita, obsequio contagiosorum immortuus Romæ 8. Junij 1649. Aetatis 64.  
169,

vilia munia personæ Ducali dedecori esse, respondere decennis pugio solitus, *nescire se majorem nobilitatem, quam in vilissimis servitijs DEI ac Deiparæ mancipium fieri & mediastrinum*. Nec minorem vicissim fidelis servuli curam se gerere declaravit gratiarum Mater, varia animæ & corporis amoliendo pericula. Accidit aliquando, ut jussu fratris senioris sclopum exploderet, ex quo scintilla exiliens incidit in capsam pulveribus plenam, momentoque incendit, simul etiam Vincentij vestes ita corripuit, ut repente totum se, involutum flammis cerneret. Ergo ad Matris DEI auxilium recurrens Mariam invocat, cujus præsidium ita in promptu adfuit, ut vel nomen illius pronunciâsse idem fuerit, ac omnes flammæ momento extinxisse.

Devotioni erga Cælites conjunxit cum

profundissima humilitate parem obedientiam & observantiam erga Matrem & Moderatores. Nunquam adduci potuit ad sedendum ipsâ præsentem, vel etiam ad standum simpliciter erectus, quam non alloquebatur nisi de genu, oculis simul in terram constanter defixis: ante decubitum & manè osculo manûs eam veneratus, bonam ejus appreciationem postulabat, & ordinem agendorum per diem: domo nunquam exibat sine ejus obtemperamento annutu. Eadem ferè exhibebat Prædagogis suis, & fratri seniori, sub cujus cura, Patre præmaturè è vivis sublato, potior in sæculo ætatem egit. Sed quæ celeberrimum illum populo Neapoli, & ubicunque habitasset, reddebat, erat charitas & misericordia in proximos, velut ab utero illi connata. Non ille de miseris audire, non illos cernere sine com-



commiseratione, non manus posse abstinere à largiendo videbatur: frequentissimè currebat ad fenestras, prospecturus, num qui pauperes adessent, continuòque singulorum necessitates non sinè pia amplificatione Matri recensebat, ut liberalem eleemosynam obtineret, quam suis semper manibus dispertiebat, tam dandi cupidus, quàm avarissimus quisque accipiendi. Et licet hæc maximum, Matri gaudium parerent, simulabat tamen aliquando, verabaturque cibos ab ipso in eum finem jam dissectos è mensa ad egenos mitti, ut nimirum majores ab eo preces extorqueret: at ipse precibus lachrymas etiam adjungebat. Cùm jam in procinctu esset ad Societatis JESU ingressum, multam suppellectilem rerum sibi recens curatam, ut vestes, indusia, aliàque ejusmodi in egenos erogavit: uni autem calamitatem suam miserabiliùs proponenti, pretiosum lecto suo detractum conopæum per fenestram dejecit. Par erat in ægros per Nosocomia charitas & liberalitas, quæ frequens invisebat, & suis manibus nummos, medicinas, edulia dispensabat, solabatur, & in DEUM erigebat. Atque hanc in proximos charitatem non inferior comitabatur sui contemptus & odium: nam carnem cilicijs & flagellationibus inclementer afflictabat, sui adeò despiciens, ut quas tulerunt fratres, ipse vestes præ novis non illibenter denuogestaret. Erat in Conventu vicino Capuccinorum Sacerdos, Modestus nomine, virtutis famâ conspicuus: hunc Vincentius ad colloquendum de rebus cælestibus quot hebdomadis tertio adibat, & post colloquium simul cum illo acriter ac diu se verberabat. Et hæc erat illius vitæ ante ingressum Religionis norma, ex qua uti in pueritia nomen sibi Angeli, ità in adolescentia Sancti promeruit.

Tam constanti virtutum ejus experimento tota Carafa gens erecta, illum supremis Ecclesiæ dignitatibus tacitè destinabat, ideòque volentem Clericali vestitu tempestivè, dum ad scholas Societatis Collegij Neapolitani mitteretur, induerat: sed ille quotidianà P. Hieronymi Plati de bono Statùs Religiosi lectione certus dignitates omnes Ecclesiasticas fugere, statuit unam ex duabus Religionibus, Capuccinorum vel Societatis JESU, amplecti: quarum illa vitæ & disciplinæ severioris rigore, hæc autem quòd curæ salutis propriæ parem etiam alienæ procurandæ conjungeret, ad se trahebant. Quia tamen post multam deliberationem in neutram partem satis animum inclinare poterat, Matris arbi-

trium, quam noverat Divinorum non minùs scientem, quàm salutis liberorum cupidam esse, inquisivit. Hæc sancto filij proposito mirè delectata non satìs habuit illum ad constantiam contra omnes Agnatorum insultus impensè cohortari, sed ad expediendum feliciter dubium eligendæ Religionis, auctor fuit voti peregrinationis ad Divæ Virginis Andriensis concipiendi. Paruit ille svadenti; & vix sacram illius ædem ingressus, sensit obortâ cælitus luce discussis animi perplexi tenebris, totum se ad Societatem inclinari, ut ex eo die desiderium illius quantocyus obtinendæ vix ferret. Itaque nihil morandum ultrà ratus, vorum hoc suum fratri majori Duci Andriæ aperit, tanto illius dolore, ut protinus linquente animo humi conciderit, jacueritque velut exanimis. Cujus obtestationes & argumenta omnia postquam invictâ constantiâ elisisset, graviolem haud paulò insultum à Patruo Vincentio Carafa Melitenisium Capuæ Priore passus est; cujus obstinatè impugnantis machinas cùm nullis deprecationibus posset revincere, factis expugnare tentavit. Ergo clam omnibus domesticis aliquando domo egressus, apud PP. Capuccinos in Conventu, qui suburbij adjacet, se abdidit, ut Patruus, nisi post dies aliquot, nihil de eo rescire potuerit: quem ibi conspicatus inediâ, vigilijs, alijsque voluntarijs pœnis, ad impetrandam cælitus missionem suscepis, jam exsuccum ac pallidum, ratus illum ibi sedem figere velle, auctor ultro ex oppugnatore fuit ineundæ potius Societatis, cùm tantæ severitati vitæ impar omnino esset, paucis diebus ità emarcidus, ut agnosci vix posset. Lætus tam optato eventu Vincentius cum Patruo domum redit, & tres ibi menses commoratus, dum Societatis Præsides liberum ei patere jam ingressum nunciarent, nemine amicorum, nè plagâ refricatâ malum recrudesceret, salutato, 4. die Octobris, S. Francisco sacrâ Tyrocinium Societatis JESU ingressus est anno 1604. ætatis 19. Mater interim sorte filij non minùs ac ipse gestiens, vestibibus ejus & omni suppellectili in pauperes divisâ, tenue colobium usu ipsius detritum uni ex famulatio domûs donavit: quod ubi filius ejus natu maximus induit, illico vitæ Religiosæ desiderio (quod nunquam antè senserat) exarsit, & paulò post Cœnobium inivit. Relictum colobium & minor frater induit, simul & mentem eandem, & Statum Religiosum amplexus est. Idem tertio genito evenit: qui omnes constanter Vincentij meritis id adscribebant, sanctè testati, priùs quàm colobium



induissent, nè in mentem quidem sibi venisse, ut Religiosi fieri vellent.

Tam adulta in sæculari Adolescente vir-  
tus, in Religionis tyrocinio in plenam sancti-  
tatem excrevit, ut fræno magis semper quàm  
stimulis opus habuerit. Omnes occasiones  
sui deprimendi & confundendi captabat avi-  
dissimè, & tanquam si natus esset ad famulan-  
dum in vilissimis quibusque servire omnibus  
gestiebat. Ipse in Peregrinationis experimen-  
to sarcinulas sociorum portare, calceos luto  
infectos purgare, lectos componere, ipse su-  
per humo aut nuda tabula somnum capere:  
Urbem Neapolim ostiatim stipem emendi-  
cando obire, & non rarò asellum sordibus  
hinc indè collectis onustum, per vicos & fora  
Nobilibus Viris frequentiora agitare: eà Nu-  
minis approbatione, ut inter mendicandum  
à Viro primæ Nobilitatis attentius observa-  
tus, visus sit toto vultu & capite cælestibus  
radijs coruscare: quibus similiter incinctum  
vidit P. Albizi, ejus in Collegio Neapolitano  
Confessarius. Religiosis post biennium votis  
DEO nuncupatis ad studia Philosophiæ ad-  
motus, illud inprimis studuit, ut potiùs ex  
JESU cruci suffixo virtutum usum, quàm ex  
libris ac dictatis arcana scientiarum edisce-  
ret: quare cum judicio Magistrì sui nulli con-  
discipulorum in penetrandis Philosophiæ ar-  
canis cederet, & ipse gustum quandam & ob-  
lectationem ex nova hac scientia in se deriva-  
ri sentiret, veritus nè periculum indè subiret  
DEUM, quem unicè in omnibus sibi quæren-  
dum statuerat, amittendi, & per scientias eva-  
nescendi, Moderatores missionem à studijs  
flagitavit, unaque descensum ad statum Fra-  
trum Laicorum. Sed nimirum rejectus, &  
in Studijs progredi jussus, nec de pietatis fer-  
vore, nec de cura uni DEO placendi quid-  
quam remisit, quin utrumque indies inten-  
dit. Festos dies totos uni DEO, nihil Studijs  
reddebat, meditando, orando, pios libros le-  
gendo. Vacationum autem quothebdoma-  
dis à scholis dies, vel iisdem negotijs divinis,  
vel ægrorum in Nosocomio ministerio, vel  
elemosynæ per urbem corrogationi impen-  
debat, atrocissimis eà causâ convitijs, & tan-  
tùm non fustibus à Patruo illo suo Meliten-  
sium Priore exceptus. Atque hìc virtutum  
ejus splendor, quò radios suos in plurium e-  
xempla dispergeret, permovit supremum So-  
cietatis Moderatorem, ut Vincenium ad Ro-  
manum Collegium Neapoli ad audiendan-  
Theologiam transferret: ubi licèt annum u-  
nicum ob adversum sibi Romanum cælum  
sit demoratus, pluribus tamen ad virtutem

profuit, nec paucos à mundo ad Religionem  
solo sui aspectu, prout ipsimet testati sunt,  
Neapoli præcipuè, traduxit: & quidem hìc  
scholarum auditores occupabant horis inte-  
gris earum tempus, ut ejus intrantis mode-  
stissimo habitu oculos animòsque pascere-  
nt: Condiscipuli verò in schola vix ab eo oculos  
avertere, mirarique Angelicam prorsus oris  
& gustuum omnium compositionem, ut nul-  
lo unquam verbo silentium in schola trans-  
gressus esse, in nullum curiosos oculos ad-  
vertisse, & nè importunas quidem muscas à  
facie abegisse observatus sit. Exacto Philoso-  
phiæ cursu post Grammaticam uno anno Sa-  
lerni explicatam, Theologiæ condiscendæ ad-  
motus est, eodem boni exempli tenore, cum  
prædicatione necdum posset, animarum salu-  
tem procurare satagens: donec sacerdotio  
suscepto Philosophiam publicè docere jussus,  
rete Apostolicum ad animarum lucra expan-  
dere cepit; ità cum Aristotele pias ad virtu-  
tem cohortationes conjungens, ut è discipu-  
lis plures 60. ad diversa Religionum ascete-  
ria se receperint. Ferijs à schola vacuis pro-  
currebat in publicum, & egenis vagisque in  
unum collectis, Fidei morumque doctrinam  
exponebat, & ad exomologesim conducebat,  
memorabili complurium ad vitam meliorem  
traductione.

Ex quibus aliisque ad lucrandas animas  
(de quibus §. sequenti loquemur) industrijs  
comperto satis Vincentij zelo, sodalitiū no-  
bilitium Equitum sub titulo Natæ Deiparæ in  
Domo Professæ erectum, ipsi postliminio Su-  
periores commiserunt; quod à primævo suo vi-  
gore ità defluerat, ut paucos jam numerares  
Sodales, nomen etiam Cætus vix ampliùs me-  
reretur: à cujus tamen vigore Nosocomio-  
rum & pauperum felicitas, quibus providen-  
dis peculiariter adstringebatur, & ferè totius  
populi ædificatio, qui Nobilitium exemplis  
plurimùm ad officium pertrahitur, depende-  
bat. Ab hoc arduo, scilicet collapsum semel  
vigorem restaurandi, munere, quòd viribus  
suis diffideret, cum summopere abhorreret,  
Beatissima Virgo personam sibi familiarem, &  
visis cælestibus illustrem submisit, & hume-  
ros oneri subjicere jussit: atque is ità illi tra-  
ctando se totum addixit, ut si aliud nihil in-  
vita agendum restaret. Ante omnia certum  
sibi præfixit, ut neminem omnino ad dandum  
sodalitiū nomen per se aliòsve quavis ratione  
alliceret: quare svadentibus nonnullis, ut  
præcipuum quandam è Regni Principibus ar-  
ctissimâ sibi propinquitate conjunctum ad il-  
lud invitaret, quòd ejus exemplum pleraque  
No-



Nobilitas secutura sperari posset, penitus recusavit, quod diceret, non esse ejusmodi illius vitam, ut tali Cætu dignus haberi posset, eam verò dissimulare in Sodali, non aliud esse, quàm tacitè approbare: quin neque si peteret admittendum, nisi desineret mancipium esse Veneris, qui filius Virginis haberi cuperet. Vix autem innotuit Vincentium Sodalitij Præfecturam suscepisse, cum certatim ex omni Nobilitate tantus Sodalium numerus increvit, ut multitudinem loci angustia non caperent: dictionum quoque ad omne genus virtutum exhortantis is fuit successus, ut Sabbatho quolibet cedere se volentium, multitudini flagella deessent; uti & Eucharistici Panis particularum copia festis diebus accumbentium numero. Revocata in usum pridem intermissa quavis feriâ 3. ægris in valetudinario incurabilium serviendi consuetudo, tanto Sodalium ardore, ut lecticas ægrorum vasæque famularia anteoccupare pro se quisque certarent: & crebrò plures ad famulandum Equites accederent, quàm ægri infrequentissimo alioqui Nosocomio censerentur. Itaque abluébant à capite usque pedes mendicabula squalore ac putore horrida, ulcerumque tabo putrescentia: omnibus lectos sternebant, elatósque prius suis humeris & manibus ijs reponebant; vitâ functis autem omnia vespillonum munia exhibebant, precibusque ac sacrificijs prosequabantur. Quæ omnia eâ præstabant animi demissione, pietate, alacritate, & redundantibus in animum ex insveto sui contemptu liquidissimis gaudijs, ut lachrymis neque ipsi, neque spectantes temperare possent. Quibus Vincentius uti exemplo, squalidissimos semper pro se eligendo præibat; ita exhortator efficacissimus aderat: *Si enim, ratiocinabatur quandoque, tantum voluptatis hauritur ex famularibus operis in fatidos ulcerosósque ægros, DEI causâ susceptis: quantò amplius ex perenni visu ac consuetudine Cæli Principum, Numinis, ac celestibus delicijs capietur?* Ut verò tanto Sodalium fervori velificaretur, statim illis hebdomadatim in præfato Nosocomio ministerijs adjecit extraordinaria celebrioribus anni temporibus, quibus videre erat totum valetudinarium aureis & bombycinis peristromatis investitum, mensas ex selectissima sindone mappis instratas, & ex eadem, lintea pedibus tergendis parata: quos ubi odoratis & pretiosis aquis Sodales abluissent, tum verò accumbentibus facti ab obsequijs, epulas regio sumptu copiosissimas & delicatissimas, omnes in argenteis scutellis & supellectili ministra-

bant, non sinè modulatione Musicorum exquisitissima, ad solatium afflictorum toto mense tempore personante. Demum ad distribuenda bellaria & dulciaria in singulos veniebat, tantâ illorum copiâ, ut aliquando 60. pelves argenteæ & capaces his refertæ numerarentur, & supputato calculo solius sacchari numerum ad mille libras pertigisse deprehensum fuerit. Sed his minimè exsatiatus Vincentij zelus, charitatem hanc ab ægris ad vinctos pariter extendit. Quoties *Catene* Neapolim adventarent (sic Reos insignes vocitant, qui ex toto collecti Regno puniendi, illuc vincti mittuntur) ipse prælatâ Cruce, sequentibus ritu supplicantium suis Equitibus, inter Litaniarum cantus obviam illis ibat, & in Vicarij deductis Aulam pedesque lotis, opiparæ deinde mensæ accumbentibus cum iisdem Nobilibus famulabatur. Tandem ad persuadendam pœnarum & carceris patientiam appositâ dictione confirmatis, Sodales largam eleemosynam addebant, quâ nonnulli subinde à diuturno carcere redimebantur, aut saltè prolixas ærumnas solabantur. Ad hæc triduo hilarium, Quadragesimæ prævio, quo SS. Eucharistia ad 40. horarum preces augustius ex more Societatis exponitur, instituit, ut 12. Equites continenter ante illam orarent, succedentibus post singulas horas novis ex eodem Sodalitio: quod deinceps eodem auctore ad 7. præcipua Beatissimæ Virginis festa derivatum est, quibus insuper grandis aureorum copia in pauperes, quos pudor occulit, dividebatur. Annis præterea singulis Exercitia S. IGNATII octidui spatio Sodalibus, & quotquot alij exerceri his vellent, tradebat, tanto hominum ex omni gradu Nobilitatis, imò & Religiosorum concursu, ut locus tametsi bene amplus capiendis non sufficeret. Verùm nulla ipsius industria Nobilibus illis fructuosior cessit institutione secreti Cætûs, quâque feriâ 6. sub vespem haberi soliti ab ijs, quos ardentius Christi imitandi studium capisset. Hoc die ipse soli DEO fixus, nulli hominum aurem præbebat, aut loquebatur: & priusquam cætum adiret, duas solidas horas in meditatione exigebat, itaque inflammatus ad ejus exercitia ingrediebatur. Aula Sodalitij nigris obtensa erat: medium obtinebat simulachrum Christi cruci affixi, magnitudine Viri erectum: exordium à lectione carcerum Joannis Climaci ducebatur: inde Sodales omnes spineâ acceptâ coronâ redimiti, è capsula schedulam singuli sorte ducebant, quâ cuique aut pœna quæpiam obeunda, aut idonea sententia per hebdomadam



dam ruminanda designabatur: tum officium de Christi vulneribus cantu alternis versibus recitatum, quo peracto unusquisque certi delicti pœnam publicè exposcebat. Demum Vincentius de aliquo è cruciatibus Christi verba faciebat, quæ plerumque lachrymis & singultibus excipiebantur; atque ita ad condolendum Christo accensi, longâ & acri omnes flagellatione finem conventui imponebant. Quæ cum in facie amplissimæ urbis fierent, dici vix potest, quantus in omnem populum fructus ex tam sanctis Nobilitatis exemplis dimanarit. Certè vir sapiens & ex primoribus affirmavit, Vincentium si aliud nihil egisset, quàm quòd in Sodalitij regimine emicuit, affatim esse, cur Sanctorum numero adscribi mereretur. Sodales autem præfagebant in Beatorum numerum sese adsciscendos, quòd sub cura tam sancti Viri in castris Marianis meruissent. Quanti verò DEUS ipse hos ejus conatus faceret, abundè patefecit, quando illum ex hac Præfectura ad Generalis universæ Societatis munus evexit.

Et verò ardentissimus hic animarum zelus (ut simul omnia huc spectantia prosequamur) ab ipso statim tyrocinio ita in ejus pectore exarsit, ut jam tunc Missionem Indicam ab Generali Claudio Aquaviva, suffragatore etiam Mutio Vitelesco, flagrantissimè expectierit. Quod cum non impetraret, abundè postea factus Generalis per alios compensavit, dum unâ simul vice 40. Operarios in Indiam destinavit. Porro qui longè remotis gentibus prodesse non poterat, totum se popularibus juvandis, mox primis Sacerdotij annis impendit. Itaque inter alia Sodalitium instituit ex Juvenibus malè antehac feriantibus, quibus tam scitè persvasit salutis suæ studium, ut multi è cæno vitiorum ad strictioris vitæ Religionem emerferint. Pueros & rudes per Neapolis plateas ad Catechesim tintinnabulo convocare, ganeas & helluones ab alearum lusu è tabernis ad Conciones vel Confessionem, cælestis eloquentiæ vi pellicere, usitatissimum illi fuit. Quo tempore morbus contagiosus inter milites grassabatur, totos dies illis omni genere charitatis juvandis & expiandis traducebat in armamentario. Idem præstitit in horrendo illo Vesuvij incendio, igneâ & saxosâ pluvîâ ultimum urbi excidium minitante, dum cinere coopertus & lachrymis madens, grandi signo Christi è cruce pendentis, manibus prælato, Neapolim rotam obibat, omnesque ad pœnitentiam invitans, etiam maximorum criminum reos obstinatosque ad eam è vestigio amplectendam

permovebat. Et dum etiam toti Provinciæ regendæ præesset, damnatos ad remum adibat, & confessiones omnium excipiebat. Imò & Societati toti Præpositus, Romæ in Domo Professæ cætum ad procurandam bonam mortem Christi agonizantis instituit, incredibili animarum tum ibi, tum alibi, quocunque ille per Societatis Provincias propagatus est, proventu. Neque minor in Missionibus obcundis ardor ejus & fructus enituit Neapoli, in Apulia, in suburbij Capuæ, quæ Incarnata vocant, à multitudine luparum infamibus: multas enim earum è prostibulis extractas ad frugem reduxit; tantâ dæmonis idcirco furentis rabie, ut Templo Domûs Professæ Neapolitanæ, cui tunc Vincentius præerat, flammæ DEO ita permittente subjecerit, tunc dum ornatissimum pretiosissimo apparatu, ad exponendum triduo antecinerali SS. Sacramentum prostaret.

Præscivit hoc infortunium Vincentius, cujus auctorem futurum dæmonem, & quidem ex ea Incarnatensis suburbij causa, Dominus illi sub meditatione matutina revelare dignatus est, ut illi mitius ferendo animum pararet. Tantæque fuit grassantis incendij violentia, ut apparatus omnem, peristromata, statuas, & vasa argentea, in cineres redegerit, & Basilicam illam fortè inter Europæ pulcherrimas numerandam, in tetrum ac triste Templi veluti cadaver deformarit. Sed nimirum calcar id non frænum illi fuit ad bellum tantò fortius contra dæmonem & vitia prosequendum, ad cujus sacrum Tribunal DEUS speciali instinctu maximos peccatores expiandos submittebat: hos ille fraterno prorsus amore excipiebat, & in certam salutis spem erigebat: & si quosdam ex scelerum assuetudine in desperationem vitæ melioris propendere adverteret, longè se illis deteriorem quondam fuisse, & profundius cæno vitiorum immersum fatebatur, DEI tamen ope, cujus efficaci gratiæ nihil resisteret, liberum evasisse: itaque in confidentiam animatis, & quævis remedia consiliâque sequi paratis, opportuna maximè præscribebat. Contigit Neapoli, Principem magni nominis in ipso ætatis flore capitis damnari, quantâ animi illius perturbatissimi consternatione, vel indè colligas, quòd constanter iniquâ sententiâ, criminis imputati innocentem se damnari protestaretur. Tam parum ad christianè moriendum dispositum, & ad ignoscendum necis auctoribus durissimum, Vincentius in curam accepit, eaque dexteritate tractavit, ut sub gladium iturus Princeps exclamant, nunquam hæc-



hactenus sibi melius fuisse & jucundius: cuius animam mox è corpore in Cælum volantem sibi visam Pater discretè Matri asseruit: & Sacerdoti piaculare sacrificium pro illo facere volenti; negavit ullis opus habere suffragijs: auditus sæpius exclamare, ô quàm est beatus! ô beatam illius sortem! Plus illi difficultatum fuit cum alio ad mortis confinia adducto, post vitam per vagas libidines pervicaciter exactam, etiam in Deum (uti communiter talibus accidit) facto adultero, ut neque illum, neque præmia bene & sanctè, aut supplicia perperam actis dari crederet. Hunc ille cum diu frustra verbis, obtestationibus, argumentis omnibus urgeri ad pœnitentiam expertus esset, ad secretius conclavè se propiciens Deum pro ipso exorare primum, & hanc animam sibi donari cum lacrymis ac gemitibus expetiit: tum horrendum in modum se diverberans, domesticos omnes attonuit, inque spem certam erexit, fore ut sic saltè victoriam de obstinato referret. Neque spe frustrati sunt: nam æger reverso facilis illico Patri manus dedit, & Sacramentis ultimis expiatus in Domino obiit. Nec minùs admirationis habuit profligatissimæ vitæ Equitis conversio, divortio à Coniuge, concubinato, & provocatorijs dimicationibus infamis. Reconciliare illum cum uxore, inimicis, Deo, tentaverunt complures Viri Religiosi, sed in cassum: ac enim Vincentius uno & primo alloquio sic immutavit, ut amandatis illico concubinis, in gratiam cum uxore redierit, & scriptum ediderit sapientiâ plenum, quod duella & provocaciones ejusmodi damnabat & confutabat. Palmare fuit quod illi cum depravato Sacerdote accidit. hic nullo sacri characteris respectu, nullo propudiosæ vitæ pudore in sceleribus volutabatur: donec hominem publicum Urbis scandalum miseratus Pater, dum pro illius salute ferventer Deum exorat, omnium secretorum ejus flagitiorum noticiam simul accepit. Quæ captato familiari alloquio sibi sigillatim exprobrari, ubi, quando, quibuscum patratæ, retegè audiens Clericus, consternatus supra modum, quod satis intelligeret horum noticiam Patri à solo Deo dari potuisse, totum se illius arbitrio permisit: cuius consilio, generali exomologesi institutâ, & Sancti Ignatii Exercitijs excultus, mores Sacerdotio dignos deinceps induit.

Huic in animas beneficentiæ, adjecit & beneficentiam in corpora eorundem; quæ cum illo ab infantia, uti hætenus vidimus, crevisse dici potest. In hos stipem à po-

*Societas Europæa.*

tentioribus corrogatam liberalissimè disper-  
tiebat, & integras non rarò familias susten-  
tabat. Si verò nihil porrigendum adesset, de-  
tractam secretò corpori interiorem vestem  
feminudo pauperi aliquoties donavit. Aliàs  
leproso mendico nudo obvius indusum su-  
um impertijt; quem constans fama est, eò  
inductò lepram exuisse. Certius adhuc est:  
30. argenteos nummos egenti impertitos,  
ubi primum pauperis manum attigere, in to-  
tidem aureos fuisse conversos. Novitiatum  
dum regeret, postularus ab ægro quopiam  
per famulum aliquot mala aurea mitia, ne-  
gavit hortulanus vel unum in horto id tem-  
poris autumnalis superesse. Ipse mente ad  
Deum paulisper erectâ, jubet nihilominus ea  
in arboribus quæri, Deum affore ut invenian-  
tur. Hortulanus certus nullum superesse,  
adeoque frustrâ quæsitum iri; paret tamen  
urgenti, & unicam arborem ostendit pomis  
adhuc gravidam, sed omnibus acerbis, quòd  
isto manè dulcia decerpta socijs in prandium  
dedisset. Sed jussus ex hac ipsa arbore  
nonnulla famulo dare, deprehendit omnia  
mitia & optimi saporis. Sive autem Colle-  
gio, sive Domui Professæ, quam ter guber-  
navit, præesset; seriò Janitori prohibebat ul-  
lum è mendicis vacuum dimitti, factâ ple-  
nissimâ illi potestate è penu auferendi, quid-  
quid opus haberent. Et quidem in Domo  
Professæ ex centum quibusque corrogatis au-  
reis, 20. in pauperes denuò expendendos de-  
cerpebat. Cum Provincialis Collegia in-  
specturus iter faceret, nunquam mendicum  
ullum obvium indonatum reliquit. Si æ-  
reus nummus deerat, dabat argenteum; si  
argenteus, aureum: & si nullus horum ad-  
esset, mantilia, strophia, indusia, cibum ori  
suo in mensa subtractum, quidquid demum  
in manus venisset. Fuit tamen nonnemo è  
socijs atctiore ipsi confidentiâ junctus, qui  
nimiam hanc in egenos profusionem (nam  
aliquando decem aureos ultimâ necessitate  
presso donasse audiverat) exprobraret, & ob-  
æratum exhaustumque Collegium (quod  
Neapoli tum administrabat) Successori reli-  
cturum ominaretur; cui ille: *Nè metue:  
non ita res habebit, quin è contra ararium au-  
gebimus, nec pecunia nobis deerit, neque debi-  
ta; sed plura aureorum millia successorì relin-  
quemus; faciamus aliquid Dei causâ, & ipse  
plura faciet nostrâ.* Et ita planè evenit; ut  
Dei liberalitas cum ipsius largitate certare vi-  
deretur, nunquam eum necessitate pressum  
opprimi patiendo. Ità cum binis vicibus  
Domus Professæ sub illo in extremam reda-

CCCC

Sta



eta esset necessitatem, ut neque panis, neque ulla pecunia adesset; Deus, unde minimè expectabatur, centum repentè aureos submisit. Prodigiosius etiam Domui Probationis sub illo panem suppeditavit, cum negligentia pistoris, sub ipsum tempus mensæ, pro 50. personis non plus panis, quàm pro 20. satiandis adesset. Jussit enim nihilominus horâ consuetâ ad prandium dari signum, & panem in omnes per frustra dividi: quò brevè absumptò, cum alij atque alij plus panis deposcerent, ipse mense inserviens & huic & illi panem è corbe, in triclinio palàm locari solito, defert. Cellarius prodigio attonitus, qui probè noverat corbem panis vacuum esse, ut tamen rem certius exploret, corbem occupato alibi Vincentio accedit, & vacuum denique videt. Et tamen Rector iterum iterumque ad eum accedens, panem omnibus deferebat in tanta copia, ut à mensa reliquæ panis istius collectæ, appositos initio panes amplitudine superaverint. Idem illi evenit in frumento, cujus cum duo solùm modij essent residui, monitus de defectu illius à pistore, jussit ex eo panem pinxi, Deum enim in posterum provisorum. Eò consumptò rogatus unde frumentum petendum esset, quòd in granario nihil reliquum esset? ad idem granarium remisit, ibi inventurum semper quantum necesse haberet. Et revera eodem loco & mensurâ, quâ primùm invenerat, secundò & tertio, donec tempus messis adesset, frumentum invenit. Porro in largiendo nunquam attendere voluit aut inquirere, estò facilè rescire posset, verène pauperes essent, an fictè egestatem prætenderent; allegans illud Apostoli: *Charitas omnia credit*. Imò Janitori quendam ejusmodi simulatorem deprehensum digito monstranti, svadentique ut indonatum dimitteret, quòd insuper alijs importunior stipem exigeret, non acquievit: satis sibi esse dicens, quòd Numinis gratiâ roganti tribueret: Christum enim, dum in pauperes benignitatem præciperet, non jussisse attendi verène forent an ficti?

His aliisque modis in proximorum salutis animæ & corporis cura occupatum, DEUS ad universæ Societatis Præfecturam, in locum defuncti Mutij Vitellesci evexit. Cum autem etiam ipse inter Electores à Provincia destinatus esset, clarè divinitus cognovit, & passim omnibus valedicens edixit, Neapolim se ampliùs non rediturum, & Romæ pauculis annis supervicturum. De supremo tamen Magistratu sibi conferendo nihil dum

divinitus acceperat (revelatus tamen fuit aliquot visionibus Sacerdoti Vibonensi Julio, magnæ sanctitatis Ecclesiastico: uti & alteri Clerico Sacerdoti spectatæ virtutis Montisleonis in Calabria, & ex vero Rectori Collegij ibidem ab illo præsignificatus) ita tamen de Patre Francisco Piccolomini, quem discretè asseruit Generalem futurum, non tamen hanc electione: & factus est post quadriennium, suffectus ipsimet Vincentio demortuo. Electus primo statim scrutinio, multis efficacissimè onus deprecatus est: sed omnibus in sententia persistentibus, arbitrium nihilominus intimi sibi Patris Caroli Sangrij scripto expetijt, an illud tutâ conscientiâ, nullis ad id gerendum talentis instructus, acceptare, annon resignare obstringeretur? quem animi sui sensum alteri, non finè miraculo Neapoli aperuit, prout ipse in testificatione jurejurando firmata hisce verbis asseruit: *Cum Neapoli gravi morbo laborarem, nocte quâdam inter somnum sensi me proprio nomine appellari? & evigilans vidi Patrem Carasam, qui tunc ita mecum: Versor in munere quod refugiebam. nollem hic esse, neque istic; DEUM pro me precare.* Postridie Neapolim Vincentium creatum esse Generalem Româ nuncius attulit, incredibili totius Urbis plausu, & festivo campanarum sono; à Ducibus verò Neoburgicis etiam tormentorum disposure domi celebratus. Verùm omnibus antecelluit Sodalitas Nobilium Equitum, quæ (ut nihil dicam de omnibus publicè datis applausibus) obtulit illi quod sciebat fore acceptissimum. Singuli scriptò consignavère quæ pro felici ejus gubernatione præstituri essent; fuerèque complura Sacrificiorum, synaxium, flagellationum, jejuniorum, precum millia: Nosocomiorum item famulares operæ, Eleemosynæ planè profusæ: ut crederes Equitum Sodalitatem, Vincentij operâ evasisse in familiam Religiosam. Hæc ille chirographa habebat pretiosissima, & permovendo ad sua postulata Numini, quoties difficiliora premerent negotia, in ejus conspectu expansa adducebat. Nihil hinc dicam de ejus sapientissima, & ad omnes Cæli leges exactissima gubernandi ratione, nè paginas impleam: peti hæc ex vita ejus per Bartoli scripta possunt: contentus strictim paucula ex multis referre, quæ propiùs Zelum & charitatem in proximum attingunt. Dum præesset sive Societati universæ, sive Provinciæ, aut domicilijs particularibus, quoties è domesticis aliquis (nulla enim in-  
ter



ter eos faciebat distinctionem) quamvis decumberet, non contentus diurnis eorum visitationibus, nocte qualibet, etiam frigidissima hyeme, lectulo confurgens singulos adibat, solaturus & morbi statum exploraturus, licet hic duobus & tribus mensibus ægrum attineret. Morientibus autem aderat ad ultimum halitum, & juvabat in ultimo agone luctantes tum precibus, tum pijs inspirationibus. Valetudinarij Curatorem ad delicatiora cœmenda nummis identidem instruens, præcipiebat semper in his expendendis nē parvus esset, sed ad delicias usque (has enim ægrotantium necessitates vocabat) illos lautē haberet. Denique eā charitate & materno prorsus amore, omniumque necessariorum ad corporis & animæ salutem providentiā, sanos æquē ac ægros habebat, ut sumpto jam sacro Viatico ægrē ampliùs loquentis, præter paucula alia, fuerint hæc ultima verba: semper se conatum, quantum fas esset, cuique satisfacere & solatio esse.

Sed ut nihil illi consummatæ in proximum charitatis deesset, vitam etiam ipsam in eorum obsequium posuit. Pridem ille, ex quo ipsi negatis Indijs spes Martyrij præcisa fuit, desiderabat in obsequio pestiferorum vitam ponere, ad quod etiam ante complures annos voto se obstrinxit: cujus explendi facultas cum nunquam eatenus obvenisset, in ipso tandem, mirum dictu! Generalis munere Romæ obligit Anno 1649. quo ob sterilitatem summa fuit Annonæ per Italiam difficultas, & innumeri pauperes Romam tanquam ad commune asylum confluerent. Sed cum tantæ multitudini & eleemosynæ sufficientes, & ipsa hospitia recipiendæ deessent, plurimi in medijs plateis jacebant languidi, miserij ac fame enecti. Mittebat quidem principiò quosdam è Domo Professæ Patres Fratresque panibus & vino onustos refocillandis ijs, quibus vires deerant ad mendicandum: tum agitare secum & cum alijs cœpit, quā ratione omnium pauperum eā calamitate in Urbe pascendorum curam sustinere posset. Quotquot consulebantur, negabant vel cogitationem prudenter de sustinenda tanta multitudine, & hospitij providenda, in tanta Annonæ caritate concipi posse: ipse nihilominus altiore in DEUM fiduciā erectus negotium aggredi statuit, centum autem nescio unde acceptis ad dandum operi initium mox conversis: nihil dubitans DEUM aliorum corda excitaturum, ut quod ipse per penuriam suam inchoabat,

*Societas Europæa.*

corrogatis undique eleemosynis perficeretur. Itaque illis qui hospitio omni exclusi in plateis jacebant, horrea Collegij Romani in diversorium aptari, & lectos centenis plures instrui juber: ac interim Assistentem Hispaniæ ad potentiores quosdam dimittit, subsidia in tantum tamque pium opus rogaturum. Et primus illico ex opulentissimis Hispanus plus quàm sperabatur obtulit. Cardinalis Albornos septingentos aureos è vestigio addidit, & 10. vini dolia, promisitque collaturum bis mille aureos, imò quantum Vincentio petere placeret, estò omnis Palatij supellex divendenda foret: quibus accessit Cardinalis Dela Cueva, donatis quingentis ducatis. Ergo ex his panis, caro, farina, legumina &c. cœmuntur, omnesque per Urbem pauperes ad stipem dictam accipiendam in Calendas Apriles ad forum Sancti Marci Domui Professæ vicinum invitantur: quò repagulis conclusò, fæminæ cum infantibus & pueris à Viris separabantur. Antequam stipem acciperent, decantabant Litaniae Lauretanæ & alia pia carmina, præcentoribus nostris è Romano Collegio scholasticis vel Novitijs: ac tum eosdem audiebant necessaria ad Fidem & vitam Christianè instituendam docentes. Dabantur postmodum singulis panes bini in diem, jusculum cum frusto carnis, & aliqua vini portio, quæ dispertiebant ipsi Patres Assistentes, & illustriores è Collegio Romano cæterisque Societatis domicilijs Sacerdotes; & inprimis Generalis ipse, cui plus omnibus faciebant negotij importuni pauperes. Et quia adverterat mendicabilis hisce immixtos non paucos ex honestioribus, Sacerdotes etiam ac Religiosos; jussit deinceps his lautius & decorè pascendis in ampliore Domus cubiculo parari triclinium centum ampliùs personis; dumque vescerentur pium librum legi. Insuper observavit in tanta turba nullos propè adfuisse cæcos, aut mutilos claudosve; quare illicò hos totā Urbe conquistum misit: & paulò post adducti sunt 122: ac deinceps longè plures. Languidis similiter & variè ægris stipem comparare impotentibus, quos intra Collegij horrea receperat, suos quotidie cibus & potus mittebatur, simul & Magistri Fidei & Virtutis: quos & ipse frequenter invisebat, cupedias quasdam ægris porrigebat, & quovis genere obsequij ministrabat. Excivit hæc charitas Præsules & Proceres haud pauculos pæne quotidie ad spectaculum, magno egentium lucro: submittebantur enim Vincentio currus pleni

Ccccc 2

pa-



pane vinoque onusti, & clanculum per ignotos homines magna pecuniæ summa à diversis oblata ad continuationem eleemosynæ, tam sanctè ad animarum etiam refectionem penetrantis: in quam pariter Georgius Comes ab Herberstein Canonicus Ratisbonensis, Passaviensis & Wratislaviensis, in Collegio Germanico vivis tum excedens, insignem pecuniæ summam legavit. Ipsi quin adeò Judæi maximā frequentiā spectatum affluebant, & nonnulli ex ijs tantā charitate commoti Christianam Fidem amplexi sunt: uti & Mahometanus quidam à Fide Christi per annos 40 obstinatus Apostata. Perstitit hæc quotidiana benignitas duos ipsos menses, & ad sequentem usque mensem eam perducere certum erat Vincentio, nisi tam bono ejus successu erectus Innocentius X. aliter, adjectā etiam Pontificiā munificentiā providisset. Edixit enim ut mendici, peregrini, vagique omnes per Urbem in Pontificium Lateranensem Palatium conducerentur, cujus superior pars Valerudinarij locò ægris cederet, reliquum habitationi Virorum, sæminis autem vetera ædificia, *Loco dipetra* dicto adlita assignavit: totum autem negotium administrandum Vincentio commisit. Hic denos è socijs per ordinem sibi eodem semper numero successuros assignavit, partim è Patribus partim ex alijs etiam Tyronibus, qui continuè à primo manè usque ad vespèrum aessent, animarum & corporum necessitatibus servituri. Irrepsit autem eodem cum mendicis morbus, qui inclusione tot corporum anhelitu & fætoribus auctus in contagiosum degeneravit, quò aliquot è socijs afflati vitam amiserunt. Adibat nihilominus locum Vincentius creberrimè quoties per negotia liceret, pœnitentes expiabat, & ultimis Sacramentis muniebat: deligebatque sordidissimos quosque & foetidissimos quibus inserviret. Dum periculo amittendi tam sancti Capitis commoti Assistentes, hortati sunt ut vitæ, ex qua salus totius Ordinis penderet, paritum vellet, ædèque à pestiferis parùm differentes expertæ fidei Curatoribus nostris committi satis haberet. Sed ille unicè his se delectari, & viribus etiam ad ferenda muneris sui onera instaurari reponebat: non videri fraudandum Generalem, continuis gravissimisque negotijs distentum, tam optato, & sibi proficuo, ac pæne unico *laxamento*. Exemplum adesse in Claudio Aquaviva æquè Generali, qui perinde ægris & pauperibus per se se inserviens, successoribus suis exemplum dede-

rit, & facultatem esse ostenderit idem faciendi. Cùm ergo nihil à suo hoc *oblectamento* remitteret, & persæpe totum diem inserviendo mendicabilis illis impenderet, solo pane, caseo & vino in prandium ipse contentus: accidit tandem ut morbo eodem fatali se correptum sentiret, ex quo paucis diebus decessit. Voluit nihilominus malo jam ictus primam Communionem generalem, quam indixerat, pauperculis omnibus impertiri: perrexitque eadem obsequia quoad potuit, ægris exhibere, in eos etiam angulos & cubacula penetrans, quo nemo alius absque remedio narium contra putidissimum fætozem ingredi poterat; offerentem autem sibi pommam auream ad odorandum, rejecit cum dicto, *non fætor, sed Paradisi odor est iste*. Postremum charitatis opus Vincentij fuit, quod centum aureos ad ornandum Sancti Ignacij sacellum à quodam nostro dicatos, in vestitum illorum, qui sanitate receptā è Lazaretto isto dimittebantur (cui necessitati nihil aliunde assignatum erat) impendendos destinavit.

Semper Vincentius mortem in præcipuis votis habebat, ut corpore dissolutus, esset cum CHRISTO, invidebatque decedentibus, beatam sortem illorum prædicans. Quoties morbo laboraret, gestiebat gaudio, si hic augeretur, mœrore tabescebat si remitteret: & ad quælibet mortis pericula exultabat, januas beatitatis illa solitus interpretari. Laborabat ille multis annis tibiā ex ulcere tabescente, unde gangrænæ adeoque mortis periculum sæpius timebatur: rogatus ut Cæli Reginæ pro ejus valetudine votum faceret, *avertat DEUS*, respondit, *nunquam sanitatis gratiā votum concipiam*. Itaque malo fatali, febre malignā ictum se sentiens, continere præ læticia animum non poterat, quin per indicia foris se proderet: cùmque suspiraret identidem, rogatus ecquid malè haberet? num quā re indigeret? nullā, respondit, *neque ista suspiria dolor, sed consolatio exprimit*. Nihil unquam durante morbo expetiit, nè quidem levando ætui ad proluendas fauces fontanam; nihil à Medicis portectum, quamlibet adversum, gravatè sumpsit: unicè expetens solus relinqui, ut paucas illas vitæ horas cum solo DEO agendo expenderet, oculis semper in CHRISTI Crucis affixi Imaginem, vel Beatissimæ Virginis defixus. Sub vitæ finem cùm mente aberraret, quod & Sancto Xaverio accidisse legimus, sermo illi tamen omnis de rebus divinis, atque ad Societatis regimen spectantibus:



bus : & cùm antè Sanctam Evcharistiam quotidie perciperet, præfagus turbandæ sibi mentis, etiam in Viaticum illâ refici voluit. Acceptâque à Pontifice supremâ cum Indulgentijs per Italiæ Assistentem benedictione, ipse pariter Universæ Societati bene precatus, & pauca deinceps prolocutus est. Donec Junij 8. ægritudinis verò undecimo die, Anno 1649. ætatis 64. inter suorum lachrymas, precésque totius Romæ degentis Societatis, mortem placidissimè oppetiit. A morte certatim expetita, & ad cultum distracta quæ illius erant omnia, etiam minima. Neapolitanæ Urbi cor ejus donatum; quæ etiam magnificentissimè illi tanquam Civi & Patri suo parentavit. Quo dolore quantâve sanctitatis ejus existimatione mors illius ubique à summis etiam Principibus, & utriusque statûs Proceribus accepta sit, explicari paucis non potest. Fuere qui conscientiæ ducebant, inter quos Monopolitanus Episcopus, Misam mortualem pro Defuncto dicere, igitur de Sanctissima TRINITATE in gratiarum actionem sacrificium obtulit & privatim domi; & publicè ad funebre officium in templum invitatus.

Quia verò tam fervidus in salutem proximorum Zelus, & defæcata ab omni terreno lucro charitas, ingentem solidarum virtutum apparatus ejus animo insitum fuisse arguit, unde veluti ex fonte in aliorum etiam commoda foras diffluerint: paucis, quoad in tanta earum redundantia fieri potest, aliquas perstringamus. Atque in primis charitas in DEUM, cujus imperio, impulsibus & auspicijs altera in proximum agitur, assiduè in ejus corde flagavit, nullis negotijs & actionibus externis impediri se passa, quemadmodum corporis respiratio. Siquidem à pueritia mentem assueverit DEUM ubique habere præsentem, quem in medijs etiam colloquijs suspirabat, non sinè crebro anhelitu vel gemitu: Itaque nonnunquam in congressibus ejusmodi abripiabatur, ut ei ad se & colloquentes revocando, vellicandum corpus aut vestis esset. Fatebatur certe nullam hac in vita voluptatem aliunde haurire se posse, quàm ex re ob DEI gratiam & amorem peracta; & nisi solatium hoc ex DEI amore suppeteret, vitam sibi morte ipsâ duriorem fore. Fuit qui in colloquio de peste diceret, illam sibi Cæli æstatem videri, quòd ejus terrore perculsis etiam salutis suæ alioquin obliuiofis, copiosissima Cæli horreis messis inferatur: Mortem nihilominus ejusmodi perhorridam esse, quòd omni sola-

tio etiam intimorum & præsentia in solitudine destitueretur. At Vincentius ex eo vel maximè optabilem defendit: *præ omnibus enim maximè expetendum esse ab omnibus & quoad omnia desitui, ut in ea solatij cujusvis inopia DEUM unicum inveniant, in illo omnia.* Itaque mentem ab omni creatura abstractam ità in unum solum DEUM colligendam, cui omnis pulchritudo per creaturas sparsim distracta longè nobiliori inesset modo, esse dicebat; velut si præter DEUM nihil omnino existeret, quemadmodum ante Orbem conditum: ità enim omnem amorem nostrum soli illi adhæsurum, quò etiam incredibili gaudio subinde exclamabat, *DEUS & ego, DEUS & ego!* Imò neque hic sistendum ratus, ità amandum censebat DEUM, quasi neque nos in rerum natura extaremus, solusque ille posset & deberet amari, aliud verò nihil nisi propter illum, & in quantum ipsi tanquam fonti omnium perfectiùs inesset. Indè si cuiuspiam favoris aliquid aut beneficii fecisset, vel à tribunalibus obtinuisset, molestè ferebat si gratiæ sibi rependerentur: si verò merces aliqua donumve offerretur, planè ad benefaciendum refrigescerebat: sentiens malè pensari ab hominibus, quod soli DEO fuerit præstitum. Atque huc creberrimè illud Sancti Ignatii cum intimo animi sensu & jubilo sibi occinebat: *amorem solum tuum mihi dones, & dives sum satis:* ultima præsertim verba ingeminans, *dives sum satis, dives sum satis!* Unicum ex innumeris exemplum afferam. Postquam, Dæmone auctore, templum nostrum Neapoli, (prout retulimus) cum omni ditissimo apparatu conflagrasset, miseratus infelicem casum Pro-Rex, ut subsidio aliquo mœrorem Vincentij solaretur, copiam illi fecit eximendi è carcere prædivitis Rei, ad redemptionem criminis non minùs quatuor millibus aureorum, Templo reparando obventuris, mulctandi. Gratias quidem egit Pater pro tanta munificentia, sed pro eximendo vinculis homine nè verbum: donec Pro-Rege Calendis Januarij templum ingresso, ultròque mentionem de rei eliberatione cum tanto templi lucro ingerebat, *quando Excellentia tua, subjecit, aliquem reum donare dignatur, hunc peto: & pauperrimum quendam nominavit, à quo nè teruncius sperari poterat.* Pro-Rex tam heroicâ charitate delectatus, quam nullâ mercede Vincentius pensari sustineret, miserum eò ipso die liberum illi transmisit: qui tamen maluisset illum ad suos, ut neque liberatorem suum nôset, domum remitti,



nè gratias etiam ab illo reciperet. Atque hæc illi ratio fuit tantopere mortem expetendi, ut impedimentis omnibus exutus animus puro amore in solum DEUM ferretur, qui inter tot creaturarum hinc avocamenta non nisi vi sibi viam facere per phantasmatum nubila ad illum, eumque caligini semper immistum cogeretur. DEI amorem in colloquijs omnibus habebat in ore, hunc in Exhortationibus potissimum imprimebat, de quo & librum, Seraphim à se vocatum, conscripsit.

Secundum DEUM maximo amore ferebatur in Jesum, communionem assumptæ carnis factum nobis cognatum, cui adsint omnes amandi causæ, summæque jura omnia. Ad ejus Nominis prolationem solam totus vultu hilarescebat, ac veluti absorbebatur: ex quo, potissimum in ejus Natalis pervigilio eundem amabilissimi puelli miro fulgore radiantis specie, brachijs & sinu exceperat, ut testatus est, qui vidit. In Sanctissimo Sacramento quoties hunc intueretur, peribat quodammodo sibi ipsi, ut aliud nihil adverteret vel sentiret: quocirca fulmine quondam juxta se ante Evcharistiam supplican-tem terræ alliso, fragorem non sensit, velut audiendi videndique facultate destitutus. Quot diebus adibat illam sæpius adoraturus: cumque Generalis Præfecturam gereret, noctu sine lumine accedebat, extra conspectum rerum sensibilem, Domino suo fruiturus. Prodebat autem se maximè flagrantia hæc amoris tempore Sacrificij, præcipuè sub consecrationem & synaxim, siquidem incredibili aviditate sugebat lambebatque è Calice CHRISTI sanguinem, ut os lateri ejus aperto inmersisse, illius corde se pascere dixisses: Quo tempore tota facies ardere, & oculi lacrymas, velut aggere rupto, maximâ copiâ effundere solebant. Hinc ab Altari non nisi quadam vi se abstraherebat: & quia necessario sacrificij tempus plerumque excedebat, ut liberiùs & prolixius Divinis influxibus se permittere liceret, litabat non raro in privato domi Sacello. Quare nihil mirum, si quamlibet irreverentiam in præsentia Evcharistiæ intolerabilem duceret. Consvenerant Nobiles aliqui, prout hodie propè solum Nobilitatis aliquorum Juvenum specimen est, procacitatem & lasciviam in templis ostentare & existimationem ex DEI contemptu captare; solebant, inquam, per templum nostrum inambulare, consistere, fabulari, quin & propudiosis oculis in puellas rei Divinæ intentas fixè liberèque,

ut in medio foro, evagari. Vincentius ut primùm administrationem Sodalitij Nobilium suscepit, totus in abusum hunc extirpandum incubuit, & donec plenè sublatum cerneret, nunquam in ejus Conventibus Sanctam Evcharistiam exponi passus est: at ubi voti se compotem sensit, morem hunc illico in Oratorium Cætus induxit, eò successu, ut Angelorum instar ac Cæli Procerum, Regi sæculorum immortalis universi Nobiles se fisterent. Infelicius actum est cum Juvene protervo, profapiâ quàm moribus nobiliore; frequentabat hic templum nostrum, diebus præsertim solennioribus, tam protervâ impudentiâ, impudicos ut amores propalam cum insigni populi offensione tractaret. Non dubitavit Vincentius similiter in omnium conspectu palam illum in templo accedere, & amicè paternèque arguere: sed monitionem insolenter contemnenti, divino quodam spiritu impulsus, vindictam à DEO citius quàm opinaretur illi impendere prædixit. Necdum annus abierat, cùm miser Adolescens inflicta punctim plagâ interijt, sine ullo Sacramentorum adminiculo. Par fuit erga CHRISTI cruciatu affectus; quorum memoria nè unquam excideret, diu super nudo pectore gestavit, sed sine Crucis signum ejus ex illa pendens sive quod Crucis loco cor suum illi fieri veller; si ve ut majorem molestiam inde sentiret. Nul- lum etiam existimabat potentius esse incitamentum ad heroicam virtutem, & voluntarias, dum aliunde non inferrentur, pœnas, exemplo passî Salvatoris: ut si etiam citra illius doloris tolerantiam Cælum obtineri posset, pudore tamen dignum esse, integrum & plagis intactum illuc recipi velle, cùm CHRISTUS suas eò intulerit; æternum inde percepturus solatium, si & in nobis ex sui imitatione plagarum vestigia intueatur. Huc ille libellum qui *fasciculus Myrrhæ* inscribitur, evulgavit; huc *Coronæ quinque vulnerum CHRISTI* usum toto Orbe per socios propagavit, quam & Pontifex Paulus V. identidem evolvendam de cingulo gestabat.

Amori in Divinum Filium junxit amorem in magnam Matrem, quo nomine eam vocare solebat. Cujus honori præter Sabbatina & pridiana ejus festorum jejunia, ceteraque quibus à puero insveverat pietatis exercitia, septies quotidie curvatis genibus dicebat hanc precaciunculam: *ô Domina mea S. MARIA me in tuam benedictam fidem &c.* quoties item posset, omnibus ejus pervigilijs publicum prandium egentibus manu suâ distri-



stribuebat : neque aliter se quam illius mancipium vocabat & habebat. Et quia sinceramoris est non tantum honori, quem amas, augendo studere ; sed & dedecus ac injuriam quamlibet procul avertere : dum praeesset Domui Professae Neapoli, rescivit quendam nefarium ganeonem amisso chartarum lusu omni peculio, desperandum ipsas chartas inter sacrilegas voces in faciem Virginis Matris conjecisse : incredibili dolore percitus Vincentius, ut tantum in Magnam Matrem admissum resarciat flagitium, ante omnia gurgustium illud lusorium, ubi id acciderat, parato aere coemit, & in aediculam Divae Virginis convertit : tum per Concionatorem Urbem totam ad generalem supplicationem illuc deducendam invitat ; & in ea Imaginem impiè habitam, at jam sumptuosissimè ornatam deferri, ibidèmq; decentissimè super ara reponi curat : ac demum collectam in cumulum magnam alearum, chartarum, & id genus tabularum lusoriarum copiam, ubi prius Ecclesiastes acriter in lusus & eorum damna detonuisset, igne supposito publicè concremat. Nec passa est gratiarum Mater beneficentiam suam ab obsequijs Vincentij superari, ad quam fatebatur nunquam irritas preces se fuisse. Incidit in ægritudinem primis, quibus Cætui Nobilium præfuit, annis ; & jam Medicorum sententiâ à morte non longè aberat : cum precanti apparens Deipara optionem illi fecit vitæ aut mortis. Sed ille in arbitrium Virginis electionem resignans, ad utrumque paratum se obtulit, quod nihil in vita se retinere posset, nisi quod ejus Sodalitatem Nobilium necdum in plenum fervorem restituisset. Itaque valetudini per Virginem edditus, ejusdem auspicijs, & ipse vigori suo sodalitium restituit. Visionem hanc ipse confidenti cuidam fratri aperuit, fassus insuper, sæpius se ejusmodi Deiparæ visitationibus perfrui. Neque id mirum, quando ipse Filius DEI Viro Cælestibus visis illustri cum Sanctissima Matre apparens, auditus est Vincentium illi tanquam sibi acceptissimum commendare, ex eo etiam, quod Virgineo ipsius cultui addictissimus esset.

Nihil Viro Apostolico ad proximorum curam accedenti magis ferè necessarium est, quam plena sui abnegatio, contemptus, & sub omnium pedes sincera abjectio ; quæ in Vincentio tanta fuit, ut se vilissimum omnium & pessimum ex corde sentiret ; & indignum cui quidquam boni à DEO vel hominibus exhiberetur ; superetque à DEO

se tamdiu in vivis sustineri, & pridem ad Orci tenebras non fuisse abjectum. Indè fiebat ut non nisi vilissima quæ domi erant pro se admitteret, & operam suam Coquo, etiam dum Provinciam & Societatem regeret, ad infima Culinæ obsequia addiceret : ipsisque cæmentarijs murum domus, cui tunc praeerat, ad plateam excitantibus, lapides, cæmentum, arenam comportarer. Quot diebus Sabbatinis templum per plures annos apertis januis, capite nudato verrebat : imò & furtivè domesticorum cellas, quin & stabulum, sordèsque manibus nudis efferebat. Princeps mulier Neapoli genuinam Vincentij effigiem desiderabat, & Antonius Riccius pictor negotium suscepit, dum ille audientis ad sacrum tribunal reis affideret. Sed brevè humillinus Vir dolum advertit : quem, manu & strophio faciem contegens, elusit. Pictor loco securiore, ubi observari à Patre nequiret, proviso, simulat se templo egredi ; & mox eodem regressus, opus ad votum inobservatus conficit. Domum re-dux imaginem armario includit, clavemque penes se retinet : dùmque postridie manè illud reseat, nihil in imagine expictum præter vestem & pileum deprehendit, facies integrè disparuit, neque colore neque ullo lineamento superstitie. Facile advertit Riccius lituram hanc ab humilitate Vincentij divinitus picturæ inductam ; cum quo amicè exostulans, senos sibi ab eo deberi aureos subridens queritur, quos pro effigie pingenda cum Principe illa pactus erat. Er reparavit quidem damnum copiosè Vincentius, ejus arte usus ad exornandum elegantissimis picturis Equitum Oratorium : adjecitque auctarij vice preciosissimum monitum, impostum ut magis gratiæ Divinæ augendæ studeret, parum enim vitæ illi superesse : & omnino eodem vaticinij accepti anno decessit. Quoties animo suo occurrebat servum se per vota Religiosa esse DEI, tanti eam dignitatem faciebat, ut vile duceret, & intimo pudore afficeretur, filium Ducis se recordari, quasi tantundem sibi de prærogativa servi DEI decerperetur, quantum Natalium splendor humanæ æstimationis in se refunderet. Nepotem suum ob rectam indolem cereamque ad omnem virtutem audiens à Nostis quibusdam commendari, quod natus ad Institutum Societatis videretur, subjecit, sibi sanè in votis esse, ut in numerum Laicorum Societatis JESU Fratrum reciperetur ; hunc enim statum & pro se aliquando expetijsse, quod hic genio & naturæ suæ suorumque esset maximè accommodatus.



Humilitati proximè accedit, æquè Viro Apostolico necessarius, multa patiendi pro DEO ardor & desiderium, quæ ità per omnem vitam illi affluebant, vel etiam spontè accersebantur, ut adversis saginari videretur. Nihil ille ardentius magisque assidue petebat à DEO, quàm dolorum CHRISTI Crucifixi communionem, quibus illi quàm maximè assimilaretur: *Sic enim mecum reputo, fatebatur ipse, quantum mihi amandus est DEUS, tantopere mihi ipse odio habendus sum, & frangendus affligendusque omni genere cruciamentorum animæ & corporis.* Et quia Crucem secretam potissimum & alijs invisam à DEO petebat, ut etiam solatio ex aliorum condolentia careret, concessit hanc illi DEUS perpetuam ab ipso ingressu Societatis usque ad mortem, ut cum in sæculo optimarum esset virium, in Religione nunquam esset sano absque acerbissimis doloribus corpore. Hoc enim illi à cingulo deorsum per pedes quasi glacie rigens, tanto algore semper premebatur, acsi mediâ hyeme gelanti fluvio immersum esset, ut familiaribus subinde diceret ad meditandas Inferni pœnas non aliud quàm frigus suum sibi proponendum esse. Nec meminerat tibias unquam, ex quo malo affectæ erant, recalcitas nisi semel fuisse, quando inter Vesuvij incendia per cineres spumâsque adhuc bullientes, ad opem miseris ex incendio elapsis ferendam, campos illos percurfabat. Atque hoc quidem frigus principio hebetem illum penitus effecerat, impotemque omnium corporis & mentis actionum: Sed ipse impetravit à DEO, ut usum quidem & vires utriusque ad quosvis labores reciperet, assiduis tamen cruciatibus nihil decederet. Cum verò temporis lapsu, pedum alter in atrocem illi atque incurabilem deinceps plagam hiaret, in maximis eam DEI beneficijs numerabat, quoties præsertim ad avertendum gangrænæ periculum oportebat vel vivam carnem incidi, vel pulverem exedendi vi præditum inspergi: tum verò velut ad optatissimas cupedias gaudio exultabat, & noctes quas doloris acerbitas insomnes illi reddebat, Paradisi noctes appellabat. His tamen maximè exfatiatus, spontaneas assumebat pœnas omnino atroces, jejunia pænè continua, & perpetuam ab omni eo quod palato arridebat abstinentiam, ut neque auratum citrinumve pomum (quo nihil in Italia communius) degustaret, nec persuaderi in gravissima ægritudine posset ad unum sacchari rosati cochlear sumendum. Frequen-

ter & graviter ex dentibus laborabat, quod sibi maximè gratulabatur, tum quia cibum mandi, tum quia multum sumi dolor non sineret: nec unquam alium facilioris molituræ, quàm omnibus communem, cibum admisit. Nunquam appositas in mensa herbas vel lactucas sale aceto vel oleo condivit, sed ut ex horto crudæ venerunt, sumebat. Nunquam non ante alios è lecto surgebat, quem modicum in nudo persæpe asserere, humi: vel super ligni fragmenta culitræ instrata capiebat: postquam noctibus omnino singulis flagellationem usque ad sanguinem præmisisset; ut tandem stupefactâ carne, vix ullum aliquâ parte corporis è flagris etiam ære ferrôque intertextis dolorem sentiret. Quare infigebat corpori calcaria & acuminatas rotulas, ciliciumque instar laxioris tunicæ, pilis asperrimis ad genua usque contextum, itaque horridum, ut robustus quidam è socijs illud piè experiri volens, per dimidium horæ citra deliquium sustinere nequiverit. In lavanda supellestili triclinij & culinæ (qui frequentissimus ei etiam Generali labor erat) aquam adhibebat ità fervidam, ut nullius alterius manus ferre illam vel obiter posset.

Præcipua virtus, quam Sanctus Ignatius in Viro Apostolico requirit, est; ut is DEO quàm maximè semper conjunctus sit, velut instrumentum causæ moventi & agenti. Id totâ vitâ tam constanter Vincentius præstitit, ut hæc ex vero dici possit continua fuisse oratio, & DEI ubique sibi præsentis contemplatio. Neque huic ad plures etiam horas intentissimè de genibus producendæ quidquam officiebant tot corporis emaciati ægritudines & dolores: quin etiam dum morbo aliquo prostratus langveret, reperiebatur in oratione genibus nitens, tantâ firmitate, ut è profundo contemplationis ad sensus revocando, opus esset eum concutere. Indè dicere solebat, *Carnem suam nec sibi prodesse sanam, nec agram obesse*: Orationem appellans, *negotium in otio, & otium in negotio*. Siquis verò negotio urgente eum Orationis tempore, aut mox ab ejus fine interpellabat, non sufficiebat eum compellare, ut quid proponeretur intelligeret, sed opus erat eum trahere & agitare, & ipse frontem manu perfri- cabat, ut mens à Cæli delicijs tandem avulsa humanis attendere posset. Fassus quandoque, transitum hunc à Divinis ad humana morti molestia parem videri, & posse esse lethale, veluti si quis è Cælo in tristissimam solitudinem dejiceretur: si verò sub Oratione casu aliquo egre-



egredi cogebatur, usque adeò inflammatus apparebat, ut è fornace ardenti vel incendio venire videretur. Sæpius repertus est à Janitoribus, urgente causâ cubiculum sub Orationem ingressis, Excitatoribus & Visitatoribus, in medio cubuli ut erat genibus flexis à terra elevatus, & modò facie totâ, modò integro corpore splendoribus coruscus, quibus totum conclave illustrabatur. Atque hoc DEUM ardentem & constanter orandi studium, ad insignes & copiosas animarum conversationes adeò sentiebat esse necessarium, ut proverbij instar illi fuerit effatum. Istud: ad reducendos peccatores & lucrandas DEO animas, aptior est bonus Orator, quàm disertus Concionator (Oratorem vocans Virum orationi deditum.)

Tam excellentes Vincentij virtutes & merita, innocentiam præsertim vitæ ab omni peccati umbra abhorrentem, placuit DEO varijs prodigijs in vita & à morte illustrare. Nam cum in omni vita castimoniam studiosissimus esset, remuneratus illum DEUS est tam rarò Angelicæ virtutis donò, ut non modò omnis tentationis expertus innocentiam Virginalem, quam natus Mundo intulerat, moriens extulerit, sed etiam solus aspectus, imò & res ipsæ usu illius vel contactu velut consecratæ, vim contraxerint genium impuritatis fugandi. Certe chirographum ipsius, & togæ laciniam super corde voluptatis pruritu concitato locatam, nefandos simul motus composuisse, simul fædas animo suo nubes discussisse plures testati sunt. Virgo Religiosa & puritatis omnimodæ studiosissima, biduum integrum assiduâ vehementique die & nocte libidinis tentatione percita, cum nec acri & crebrâ flagellatione ac cilicio, neque jejunio & utriusque noctis vigiliâ flammam extingveret, sed magis in horas exardescere sentiret: tandem recordata, penes se habere Vincentij chirographum, continuò arripit, fidenterque pectori, invocatâ DEI per merita Sancti Patris ope, apponit statimque illecebroso igne penitus extincto turpes animo imagines evanescunt. Nec dispar fuit sacerdotis alicujus curatio, qui fortius graviusque continentes dies noctesque intestinis naturæ rebellis prælijs vexatus, propè ad deditionem adigebatur: cum altiore impulsus instinctu veterem Vincentij amictum induit, simulque naturam Venereis armis, pace momento recuperatâ, exuit. Admirabilior etiam fuit & efficacior contactus Epistolæ Vincentij, cordi juvenis moribundi admotæ. Hic lethali-

*Societas Europæa.*

ter decumbens quidquid de confessione & pœnitentia à suis, de damnatione æternam certò secutura à Sacerdote è Collegio advocato moneretur, aliud non respondebat, quàm ut muliercula, cui sceleratè assueverat, sibi in cubile afferretur. Ergo sacerdos comperto non esse opis & artis suæ tam desperatam animi pestem curare, domum recurrit, & Epistolam Vincentij manu conscriptam secum referens, pectori hominis perditum admoveat. Mirum dictu! veluti momento in alud lapideo corde Juvenis immutato, cœpit omnia alia cogitare & loqui, in lachrymas & doloris singultus solvi, confessione flagitia diluere, tantâ pœnitentia, ut Pater opus habuerit (nè in diffidentia descisceret) moderari vehementiâ vitam priorem detestantis, propositâ Numinis certâ in peccatores omnes misericordiâ. Jam ut ex alijs innumeris prodigijs & vaticinijs pauca, juramenti de more apud Inquisitores legitimè firmata, carptim attingam, Donatus Perillus ex numero Sodalium Vincentij in febrim contagiosam iteratò lapsus, Vincentium evocarat: sed cum venisset, æger interim visum & loquelam amiserat. Agnitus tamen ex voce, ægrum in spem erectum jubet Beatissimæ Matri Sodalitij Patronæ se commendet, paucillòque Mannæ Sancti Nicolai ei impertitus, super corde crucis signum format: atque in digressu hæc ipsa certi vaticinij verba profatur; *die Dominicâ* (erat autem tum feria secunda) *ad Sodalitatem veni.* Vix egresso Vincentio febris è vestigio exterminatur, æger cibum petit, & valetudo 6. diebus ita confirmatur, ut Donatus ad Sodalitium Dominicâ pedes accedere potuerit. Currum critico onustum portæ Collegij invehebat famulus domesticus, & non observatis veteribus rotarum vestigijs in saxum prominens ita impiegit, ut curru everso temo pectori Aurigæ graviter impactus muro illum alliserit, ex qua compressione vim magnam sanguinis ore eiecitabat. Accurrit inter alios ad opem Vincentius, temonem ab ejus pectore celerrimè excutit, signatâque cruce læsi corporis parte manu apprehendit, eam, jubens, ad Vesperas, quæ tum penitus in templo canebantur. Ità momento redijt ad se, sanusque & integer ad Vesperas præeuntem secutus est. In vicinia sacelli, quod ad Catechesim faciendam Vincentius Neapoli delegerat, quatuor aliquando de trivio Juvenes ad lusum foliorum confederant, quorum jurgia & juramenta cum in sacello resonarent, misso ad eos socio rogari fecit, ludo id temporis ut abstinerent, vel certè ad re-

D d d d

mo.



motiora transferrent. Sed monitis socij petulantè obstrepentes accedit ipse, idèmq; ore blandissimò svadet & rogat. Tacentibus reliquis unus procacior varia DEI servo impudenter exprobrat: in quem ipse defixis oculis divino afflatus spiritu. *Non hæc, ait, talia mihi loqueris post octiduum. Consule animæ tuæ: & scito DEUM festos diès indixisse non lufibus, sed ut terrenis negotijs expediri DEI honori vacemus & saluti.* Biduo post insolens ille morbo corripitur tam acri, ut ipso illius vespere auguratus sit Medicus fore supremum, & Confessarium evocari svaserit: à quo ritè absolutus, & puellæ quæ triennio abusus fuerat, ad servandam ejusdem honestatem matrimonio copulatus, tertio morbi die feriâ sextâ mortuus est. Nobilem Virginem Beatricem Fontanarofam, Nobilitem Neapolitano Scipioni Barillo Parentes desponderant, nec aliud supererat quàm ut nuptiæ celebrarentur: id cum gratulabundæ Patri, tanquam utrique familiæ addicto, referrent earum duæ Cognatæ, aliquantisper animum colligens, subjecit, *quis novit, quid eâ sponsa fieri superis placitum sit?* quo Patris responso turbatis earum animis, addidit subridens, *Beatrix Sponsa erit JESU CHRISTI.* Cùmque altera joculari illum ex risu notato argueret: *Non jocos, inquit, Vestra Dominatio paret se ad excipiendum velut è DEI manu quidquid eventurum est, nec dubitet id omne ex ipsius gloria, réque nostrâ fore.* Pauci intercessere dies cùm puella casu prolapsa ex gradibus, accepto in capite vulnere fidem vaticinio fecit, atque ex eo non bene curata quadragesimo post die decessit: hoc illi encomium dante Vincentio; *fuisse Virginem tantâ vitæ innocentia, ut Mundus eâ potiri non mereretur.* Pater Philippus Rocca destinatione Provincialis debebat aliò Romæ demigrare, sed quia sequebatur Annus Jubilæus, spectandæ illius celebritatis desiderio inducias à Vincentio tunc Generali expectijt: qui tantisper meditabundus hærens, demum copiam remanendi indulfit hîsce verbis: *R. V. Romæ manebit, sed annum sanctum non videbit:* Anxium habuit Patrem perplexitas responsi: sed paucis diebus inopina superveniens febris eam dissolvit, & Pater certus sibi è vita migrandum, statim à morbi principio rebus animæ prospexit, decessitque post brevî Romæ in Collegio Germanico. Neapoli plaustrum lignis onustum pueri sub illud prolapsi ventrem rotis obriverat, sinè sensu, voce & halitu jacentem, & omnium iudicio mortuum: sorte bonâ transibat illæ

Pater, & apprehensâ oppressi manu, Matrem pueri cladem lamentantem alloquitur; *Soror mea, flere desine, nam filius mortuus non est, sed vivus & sanus: grates habe Deiparæ cui hanc gratiam debes; simulque puerum vegetum & plenè sanum illi tradit.* Perilustri prosapia Collegij Anglicani Romæ Alumnus Guilielmus nomine, periculosâ febris laborans, repentè Vincentium tunc Generalem lectulo suo vultu lætissimo adstantem vidit, qui aliquamdiu tacitus demum ex ægro quæsit, viverene an mori mallet? sed vitam (si tamen gloriæ DEI utilior futura esset) præoptanti, hæc sola verba prolocutus, *ita est,* evanuit. Ex quibus licet nihil certi colligi posset, ex hilaritate tamen, vultus Vincentij certum habebat Guilielmus, & omnibus asseverabat se consanandum; quamvis indies malum, & accedentibus novis stomachi doloribus usque ad delirium ingravesceret, ac noctem vix supervicturus crederetur. Sed ipse recuperandæ valetudinis certus unicè preces Vincentij per socios, qui moribundum identidem è domo Professâ invisebant, deposcebat. Spondit is manè sequenti, quòd noctem illi fatalem creditam excipiebat, sacrum facturum: & Guilielmus eò ipsò liber à febris, delirio, & cholici doloribus, sanitatem recepit. Neque paucis ad extrema jam deductis solâ perbrevis precatione, & crucis efformato signo, repentè vitam & valetudinem restituit: ita Patri Paulo Billi, Medicorum iudicio Romæ jam deposito: Franciscæ Porporæ sensuum jam experti, & Sacramentis ad ultimam luctam munitæ, ut die sequenti (Paschatis Dominica erat) in templo Divinis adesse potuerit. Quo tempore Neapolis Regnum intestino bello ardebat, Vincentius Romæ jam Generalis quâ precibus & lachrymis, quâ voluntarijs cruciatibus vindicem DEI manum avertere cõnatus, quories de illo funesta nuncia advenirent, funestiora adhuc expectanda esset tristis asseverabat. Sed die quodam, quo omnium tristissima, & omnis spes pacificationis extincta nunciabantur, colloquenti secum Secretario Societatis, hilari & gestiente contra morem suum vultu asseruit, tumultus illos brevî sedandos. Reponente Secretario, atqui nunciari Neapoli nunquam res longius à compositione abfuisse? iterum ac tertio, brevî esse sedandas affirmavit. Nec dubitavit Secretarius certitudinem hanc è Cælo Vincentium hausisse, quam & ipse pluribus alijs, tacito tamen auctore à quo hauserat, importijt. Nec ita multò post advenire



nère Cursores Sanctiæ pacis nunciij, patrocini Sancti Francisci Xaverij à toto Regno imputatæ, quem turbatissimis temporibus Regni Barones in totius gentis Patronum, sub *Protectoris* nomine elegerant, seq; communi consensu obstrinxerant ad præstandum ejus honori quidquid eorum nomine Vincentius pro obtinenda pace vovisset. Vovit autem ipse jejunium & stipem pervigilio ipsius festi publicè largiendam: & ipso Festo publicam synaxim, quæ eis ex Voti religione obeunda, Pace obtentâ, significavit. Antonio Rosico apud Brutios nato, brachium sinistrum scopi glande graviter læsum osse fracto erat, cujus 12. fragmenta bimestri curâ nullo sanitatis profectu excisa. Nul- lum ergo doloribus levamen inveniens, pro ea quam de Vincentij sanctimonia conceperat opinione, occasionem illius conveniendi inquit: reperitque feliciter in ædibus Johanne Fontanærosæ; post cujus tergum, cautè nè notaretur se insinuans, chlamydis ejus extrema vulnere appressit: Et ecce eodem temporis momento simul discussus dolor, simul brachio sanitas & vigor ad omnem deinceps usum restitutus: licet Chyrurgus evulsis adhuc ante duas horas duobus ossis fragmentis affirmasset, si fors curaretur, plagam tamen in fistulam perennem mutatum iri. Pari eventu Ducissa de Lauriano Julia de Monti filiolæ unicum mensem natæ, ex vehementi febris (cùm ob tenellam ætatem nullius pharmaci capax esset) jam deploratæ, chyrographum Vincentij cum sudario ejusdem sanguine tincto admovit, & è vestigio febris depulsâ sanam recepit. Idem experta est Victoria Miloni, bimestri dentium dolore propè ad insaniam redacta: Nam chyrographo Vincentij affectæ imposito: dolor mox omnis evanuit, & cibum quemlibet durissimum eodem adhuc die mandere potuit. Auditurus confessionem fæminæ Principis in suburbijs Chiaïæ degentis, minorem cymbam Vincentius conscenderat, remigantibus cum nauta duobus pueris; sed mare tunc exæstuans paulisper progressis fluctus insuperabiles effecerat, & neque progredi valentibus, certum interitum afferebat. Hic Vir sanctus ad precandum DEUM tantisper se colligens, cùm procellis jacta navicula pæne jam obrueretur, ardentibus oculis vocèque imperiosâ, *provehere cymba!* exclamat: & illa continuè divino impulsu aliquantum provecta substitit. Jube iterum illam Vincentius progredi & hæc denuo parer, & iterum hæret. Mandat teritiò pari-

*Societas Europæa.*

ter obsequenti, dum eos littori ubi securè ex-cenderent applicuit Sequi batur eos navis alia à sex fortissimis Viris acta; sed nullo viri-um connisu æstum superare potuit, redirè-que coacta est. Isabellæ de P. lma ad extrema deductæ jam Viaticum evocato binis Nuncijs Curato petebatur: sed ægræ maritus D. Michael Gomez in opem Vincentij spe firmi-ter defixâ, fratrem suum Carolum, ut pe-remptoriè adveniat, mittit. Induebat tum penitus vestes sacerdotales mox sacrum fa-cturus Pater, quibus properè exutus accur-rit, & Gomezium ad imos scalarum gradus cum lacrymis præstolantem reperit. Et hoc acceptâ repentinæ evocationis causâ; pleno divinæ fiduciæ vul-u, *non est ei*, inquit, *quid- quam tale metuendum. Jube sinè mora Para-cho nunciari nè cum Viatico veniat, nihil enim illo opus est.* Adest interim qui Parochum cum Viatico jam advenire nunciat: & alius ab ægræ lectulo, illam denique revera emori. At Vincentius constanter Curioni reditum indici jubens (cujus mandati causa ab even- tu patuit *an ignotum tibi est*, ait ad Gomezium, *me, dum verè periculum adest, instare so- litum, ut suprema sacramenta sumantur? hic verò nihil omnino illis opus est.* D. Isabella pro more suo communicandi quovis octavo die ad Ecclesiam JESU ipsamet veniet, & divino E- pulo accumbet. His in atrio domûs antequam ægram vidisset actis, gradus ascendit, lectu- lum accessit, & in DEUM erectâ Isabellâ Can- tharum grandem aquæ (cujus tamen vel le- vem haustum infirmæ lethalem fore Medici edixerant) afferri præcepit: ex qua bibere jussa, ubi illatâ sibi vi nonnihil haussisset è ve- stigio ad vomitum provocata, ejectis tetrîs ac fætidis humoribus amplum pelluvium, complevit, plenæque valetudinis com- pos intrâ octiduum templum nostrum adivit, & mensam Angelicam accessit, quâ in Viati- cum illam refici Pater secuturi vomitûs præ- sciens antè vetuerat. Florentius de Lannoy Fisci in Atrebatensi ditione Curator filias ha- bebat Duaci Marinam Margaretham anno- rum 25. etiamnum innuptam; & Cæciliam sexennem: quarum prior rupât venarum ali- quâ, conficiebatur à 20. mensibus vomitione ferè quotidianâ sanguinis, eâ coptâ, ut quan- doque ad tres pintas, unam ut minimum (vulgo ibi nomen mensuræ est, quælibet uncias medicas 12. continens) ejectaret. Accedebant dolores corporis ad pectus & latera præsertim acutissimi, ut non nisi se- dendo somnum capere posset. Curando ma- lo evocati adhibiti sunt peritissimi quique

D d d d 2

ex



ex Academijs & varijs Urbibus Medici, sed incurabile, & brevi securam puellæ mortem edixerunt. Ex tanta filiæ calamitate conceptum Parentum dolorem auxit incredibiliter filiæ alterius repentina sexennis excæcatio, adeo gravis, ut neque ardentem candelam ob oculos positam perciperet; ita pertinax, ut nullis Medicorum pharmacis & Chyrurgorum artibus vel minimùm cederet; neque invocatum Numinis & Cælitum auxilium, Virgo D. Ipara votis, peregrinationibus, novemdialibus precibus implorata remedium ferret. Tanta Familiæ honestissimæ ac peramicæ calamitate tactus Collegij Duaceni Rector Pater Hubertus Wiltheim, sensit intimos sibi stimulos subdi ad novum remedij genus ex reliquijs Vincent j, quarum particulam ex ejus præcordijs devotè asservabat, afflictis suggerendum. Ergo cum his domum adiens, familiam totam cum cæca puella convocat, lectisque nonnullis ex vita Vincentij (quæ jam retulimus) sanitarum beneficijs, omnes in spem ejusdem per illum impetrandi erigit, novemdialem devotionem ad implorandum per merita ejusdem Numinis auxilium persvadet, & deinceps quodlibet aliud humanum adhiberi remedium verat: Paruit pijsissima familia persanè diligenter, & singuli pio osculo reliquiam venerati, quotidie omnes certo tempore in Oratorio domestico ad preces conveniebant, & cæca ipsa venerabile pignus oculis applicans eundem piâ simplicitate inclamabat: *Beate Pater Carafa, cum oculis meos!* Necdum tertius susceptæ devotionis dies lapsus erat, cum puella videre iterum, at non sinè caligine quadam caput, quâ in dies magis magisque discussâ, ante finem Novemdialis spatij perfectâ videndi facultas est consecuta. Hoc tam miro sororculæ successu animata se-

*Ex Ejus Vita Patris Joannis Paulini.*

nior Maria, ingenti ad eundem sospitatorem conceptâ fiduciâ votum certarum devotionum, ipsâ ultimâ hujus novemdij luce, nuncupat: simulque è lecto prorepens ejus reliquias ex Oratorio secum aufert, & pectori applicatas tenet. Vix id fecerat, cum non sinè convulsione & acerbo cruciatu ejecto per os copioso sanguine, qui duas pelves implevit, omnis præter morem cessavit & evanuit sensus, ut Virgo corpus & interiora præsertim cum tota valetudinis habitudine planè commutata persentisceret. Exclamat ergo salvam se esse & incolumem, lecto exilit, sumptisque vestibus rectâ ad templum Societatis ad gratias DEO reddendas procurrit; atque ex eo die, qui fuit 11. Julij Anni 1653. nè sanguinis quidem guttam ejecit, sed vividum insuper corporis orisque colorem recepit. Atque ut tandem narrationi finem faciamus, claudat hæc juridico suo testimonio Illustrissimus Dominus Archi Episcopus Surrentinus, qui cum funebribus justis pro Vincentio Neapoli habitis interesset, & è reculis ejus aliquid ad piam memoriam habere perciperet, papyraceam CHRISTI Nascantis medium palmum non excedentem icunculam obtinuit, sanguine ejus conspersam: quam pio osculo excepturus, *tam suavem, adeoque sensilem, ac indubitatum odorem lilij* (verba illius sunt) *percepit, ut & animus permulceretur singulari voluptate, & odoratus à tam grato odore abstinere non posset.* Retinuitque constanter hunc odorem, etiam aliorum confessione assertum, quibus icunculam venerandam obtinuit. Faxit DEUS ut savis iste castusque Virtutum Vincentij odor animos nostros impleat, & post eum ad sequenda vitæ tam sanctis exemplis conspicuè vestigia trahat.

## P. PATRITIUS LEA cum alijs 4.



Ibernia Insula, Regni titulo coronata, patria fuit P. Patritio, in qua Viri sanctitate, & rerum gestarum pœne incredibili admirabilitate insignes floruerunt; quorum heroicas virtutes & Patritius non lentis passibus assequi conatus est. Primus hic ac veluti lapis fundamentalis fuit Kilkemiensis Tyrocinij, primus ad Societatem probandam, & suam vicissim constantiam illi approbandam, in id nuper admissus: quod ante-

quam ad finem deduceret, jam maturæ virtutis non tantum flores, sed adultos fructus luculenter prodidit. Invaserat Civitatem Anno 1650. mortifera lues, cum Tyrones certatim omnes ad ægrorum obsequia magno fervore operam suam superioribus detulerunt: sed primus laboris gloriosi prærogativam obtinuit Patritius, præjudicio ætatis & Sacerdotij, ac virtutis omnibus compertæ existimatione, quâ nostrorum juxta ac externorum opinione sanctimoniam præstans habebatur. Iacrat insuper Viro præter egre-

giam





P. Patritius Lea S. I. Hibernus, ex ipso Tyrocinio  
exorata pestiferis serviendi facultate, inter supre-  
mæ charitatis edita exempla demortuus Kilkenny  
24 Martij Anno 1650. cum 4. Socjjs in eodem ob-  
sequio per Hiberniam ereptis.

170

giam Philosophiæ Theologiæque scientiam, Medicæ quoque artis insignis pericia, ut idcirco votis omnium unice expeteretur. Ergo magnis animis opus arduum aggressus, periculis ipsis, & mortis discrimine excitari ad strenuè agendum videbatur, quando minimè dubius vitæ in hoc certamine amittendæ prænotione quadam expressit, & supremum sibi fore 24. Martij prædixit, quem semper habebat in votis, eò quòd veluti limen esset festi Annunciationis DEIPARÆ Virginis, & suæ cum Societate consociationis anniversarius rediret. Dum itaque nullâ sui curâ, qui ferè Novitiorum præcox est & inconsultus ardor, impendio magis calori suo præservido indulget, & se præfestinatis ubiq; omnia peragendi studijs impendit, adeò ut non contentus necessaria sola Sacramenta

Exomologesis & Evcharistiæ ministrare, extremo etiam oleo ungeret à peste cadentes, sordes & apostemata elueret, emplastra ipse applicaret, ipse fossam sepeliendo, sudore largo totis poris apertis foderet, & idem mox cadaver mortiferis ulceribus undequaque (ut refertur) plenum, nè odore retro auram funestaret, sublatum in humeros deferret: haurito indè mortuali malo, supremum hunc in vita laborem habuit. Incredibile populi studium, & propensio voluntatum erga illum fuit: Rapi se aiebant ab amabili quodâ odore suavissimæ virtutis, ex ejus fronte, oculis, ac totâ compositione fragrantis, ut tametsi in occursum, nè infectione afflarentur, alios à se dispelleret, accurrerent certatim tamen ad vestis fimbriam osculabundi, ac benedictione petitâ negabant sibi à Sancto

D d d d 3

ma-



mali aliquid posse affari : & si ægri essent, incolumitatem se potius ab illo relatu-  
rantur, dum obvio accepto consilio, aut  
herbulis, alióve facillimè parabili per eum  
suggerito remedio, desperatam etiam jam  
valetudinem recuperârunt. Quanto autem  
publici mœoris sensu Civitas eam plagam  
acceperit, comploratio publica, & illa plo-  
rantium verba manifestè ostenderunt, qui-  
bus malè sibi ominari cives dicebant, Patrij  
occasum, occasum Urbi portendere, nempe  
cujus clades à tanta jactura inciperet. Obijt,  
ut prædixit 24. Martij: inter alias heroicas  
virtutes & dona Cœlestia, uberrimo lachry-  
marum dono præditus, etiam inter manuales  
& externos labores, dum terram scopis ever-  
reret, (quod flexis humi genibus faciebat) eandem  
fufis affluentissimè lacrymis asper-  
gens. Modestia illi tanta fuit, ut ab exercitu  
Catholico (qui ab hæreticis profligatus, ultim-  
um Regno exterminium & Religioni cla-  
dem intulit) hâc notâ fuerit agnitus esse ex  
Societate, tametsi aliena in veste. Aliquando  
cùm naviculâ veheretur, plumbeus ab hære-  
ticis è littore imber in illum est missus; quem  
ille singulari DEI protectione illæsus natatu e-  
vasit.

Ejusdem meriti ac mortis consortione,  
rebus humanis in Hibernia ereptus est Wa-  
terfordiæ 4. Junij ejusdem anni P. Jacobus  
Valesius, vitæ intaminatæ, quam ad 33. æ-  
tatis constat, nullo unquam crimine lethali  
contaminasse. Illum, ad diem 4. Aug. ibi-  
dem secutus est Pater Georgius Dillonus,  
Comitis de Roscomman filius, non minor  
suis in Societate natalibus, & quæ nobilium  
apud nos ingeniorum hæreditas esse debet,  
tantâ virtutum ac scientiarum dote illustris-  
simus, ob excellentem prudentiam, animi-  
que moderationem, ad egregiam quamvis  
provinciam gubernandam visus idoneus.

*Ex Allegambe Victimis Charitatis.*

Watetfordensium conspectâ strage, quâ pe-  
stis complebat omnia, pestem, aiebat, esse  
nuncium à DEO missum, ad animas maximè  
DEO charas in Cœlum evocandas. Quod  
audiens Matrona illustris, ut video, inquiebat,  
non diu fruemur optimo meo cognato P.  
Georgio, nam quæ anima DEO charior est  
illius, sanctimonix famâ apud omnes tam  
illustris? Vaticinatio hæc fuit, eventu brevi  
firmata. Nam sequenti die Sancti Ignatij fe-  
stivâ Prætozem lue ictum Sacramento Pœni-  
tentix ac Viatici munivit, biduo deinde con-  
fertæ turbæ audiendæ operam navavit, & se  
pestiferè contactum sensit, biduóque ani-  
mam inter acerbissimos dolores egit. Nonâ  
demum Aug. Rosponi in eadem Hibernia,  
post extinctum Gasparem Brionium Coad-  
jutorem, ad Superos eadem charitate duce,  
abijt Pater Gregorius Dowdallus. Vir cujus  
vel aspectu bonum CHRISTI odorem spi-  
rante ad meliora permoti sunt plures. Tanta  
illi, tamque innocens sui demissio, tam com-  
paratus animorum Zelo ad ardua semper a-  
nimus, ut hostibus hæreticis Rospono poti-  
tis, cùm libera agendi cum Catholicis præ-  
clusa esset via, quò se in eorum ædes inob-  
servatus penetraret, olera per urbem vœnum  
circumferenda, olitoris veste, piam tegens  
fraudem, suscepit, peccata interim confes-  
surus aures clam præbens. Sed non potuit ita  
latenter diu id usurpare, quin observatus uni  
hæreticorum agnosceretur, quia sapius illum  
ad saniora hortatus Pater ad Fidem adducere  
n̄tebatur: hic igitur cùm illum jam sibi no-  
tum contento gradu insequeretur, ut arre-  
ptum hæretico tribunali sisteret tanquam  
Catholicum Sacerdotem, DEO fidelem pro-  
tegente; repente concidit, fractâ miserè ti-  
biâ: sicque ingrati animi scelus, & DEI  
vindictam, diu lecto inter acer-  
rimos dolores affixus agno-  
vit.

## P. ANDREAS METSCH.



Atus est Pater Andreas  
Metsch Ridlingæ in Svevia  
Anno 1586. venitque in Si-  
lesiam admodum puer, vo-  
catus unâ cum Parentibus  
ab Avunculo Jerino, qui po-  
stea sæculi hujus initio Wratislaviensem E-  
piscopatum adeptus est. Puer ab ipsis incu-  
nabilis infestis Orci lemures & Spectra fre-  
quenter passus; ubi primum Sacramentum

Confirmationis anno ætatis 9. suscepit, qua-  
si novus in hostes unctus athleta, larvæque  
illis jam ipse terribilis, infestari desijt. U-  
t primum Andreas ex ephebis excessit, statim  
ad Societatem animum adiecit: ob id sapi-  
simè à Parentibus, qui in eo spem collocabant  
suam, verbis, colaphis, & verberibus vapu-  
lans, avunculo pariter renitente, denique  
constantia evicit, ut Anno 1603. Brunæ bo-  
nâ omnium gratiâ in Societatem reciperetur.  
Ibi,





Joh: Christoph. Höfner. sc.

P. Andreas Metsch Soc: Iesu, è Svevia oriundus, omnibus zelantis Operarij dotibus præditus; multa hominum milia per Boëmiæ Provincias ab hæresi Ecclesiæ Romanæ restituit: in pueritia Catechesi imbuenda Adjutorem habere meritis, Episcopum Olomucensem Franciscum Cardinalem Dietrichstein. Obijt Glacy 23 Febr: 1651. æt: 65.

171.

Ibi, & deinceps per studiorum decursum, in id animi virtutibus excolti, naturæque robur excrevit, ut ferventissimi Concionatoris talentis instructus, Zeloque Apostolico plenus, annos totos 40. permagnis undequaque animarum lucris desudavit in vinea Domini, varijs in Austriæ, Moraviæ, Silesiæque domicilijs nostris, præter extraneas Missionum cathedras, excellentis semper Ecclesiæ loco & opinione habitus. Et quidem suæ hujus sacræ eloquentiæ præsidij, privatisque non minùs efficacibus inter. conversandum alloquijs, numeravit ex diversis hæresibus ad Catholicam Fidem ab se, opitulante DEI gratiâ, reductos, decies mille viginti duos, uti ab ipsomet accuratè annotati inter ejus adversaria post mortem reperti sunt. præter hæresum coryphæos Ministros Verbi novem,

atque à Religione apostatas 109. Jam quid de alijs fructibus inter fideles ex Verbo DEI ab ejus ore disseminato relatis dicam? pendebat enim ab ejus dictione populus, & in omnes quos ipse vellet affectus movebatur, exultabat cum eo, & flebat, & quamcunque in partem duceret svadendò, sequebatur. Brunæ Anno 1636. festo Natalis Domini, dum JESUM recens. natum, & ex eo nato Cæli & terræ, omniumque creaturarum lætitiâ, insolitâ eloquentiâ describeret, abreptus teneritudine affectum à se ipso exivisse videbatur. Cantillabat interpolatâ dictione versiculos infanti recens nato, & populus (quod nunquam aliàs acciderat) sequebatur cantando, quisque modulabatur: postque paululùm dante illo signum, conticescebant universi, tum interum ciebat ille lachry-



lachrymas, & gemitus eliciebat è cordibus, quorum imperium possidebat. Risus, fletus, cantus, gemitus, genua ponere, surgere, rursus flectere, repetere clarâ voce, quod repeti Pater volebat, idem erat populo, se ipsum in re adeò insolita miranti. Nec verò steriles ejusmodi erant affectus ut ignes fatui, sed usque ad contritionem cordium, filice duriorum, & penitus exurendas vitiorum consuetudines penetrabant: quando post ejus à pulpito discessum non pauci ad tribunalia Pœnitentiæ confugiebant, subinde totius vitæ errata ingenti dolore retexentes: cujusmodi generales exomologeses simili occasione solus ipse audivit 389. Atque his morum reformationibus incitari quidam Ecclesiastici Proceres, etiam Cœnobijs tam viro- rum quàm sæminarum, in quibus collapsa penitus erat religiosa disciplina, eidem imprimævum fervorem restituendæ, ipsum reformatorem adhibuerunt: felici sanè successu; quinque enim ex his, DEI misericordiâ opitulante, ad suum florem rediisse ipse annotavit. Pari successu, Zelóque non paucos in sæculo, quovis ubi degebat loco, ad insignem Virtutem provexit, Virgines etiam & viduas, quæ sese Voto castimonie DEO, extra claustra consecrarent: assiduus in pœnitentibus admittendis, & in spiritu provehendis, dirigendisque. Ad hæc Sodalitjs Marianis communiter idem præfuit administrandis, quorum nova diversis in locis ab se instituta octo, legibusque ac statutis pro diversa Sodalium conditione aptis firmata, Româ de more confirmari obtinuit. Nec difficile fuit Zelo honoris & cultûs Mariani alios inflammare, qui ejusdem amore & veneratione penitus conflagravit. Nemo unquam illum vidit cubiculo exeuntem, & foris agentem, quin manu Rosarium teneret, & Virginem saluaret, cui multas ejusmodi coronas quotidie pertexebat. Nihil operis inchoabat, quod non prius sacris JESU & MARIÆ nominibus initiaret: observatus pariter, plerumque conciones & exhortationes suas omnes ijsdem sanctis nominibus, vocali epiphonemate concludere. Supplicationes Sodalium, vel etiam populi peregrinationes ad diversas DEI paræ beneficas, aut thaumaturgas Icones, nisi fors alicunde præpeditus, comitabatur semper, Dux ipse Processionis, & Devotionis per viam crebris allocutionibus incentor. Habebat & alias devotionis omnigenæ species, ad eorum sanè stuporem, quibus arcana sua familiariùs confidebat; annique totius veluti festa privata,

quæ celebrabat in cubiculo varijs pœnitentijs & devotionibus, in memoriam præsertim gratiarum & beneficiorum tali mense, hebdomade & die cælitus acceptorum, puta, Natalis sui in Mundum, transitûs vicissim de Mundo ad Religionem, sacrorum Ordinum, & Sacramentorum similiter, quâ primo quodque susceperat die, Primitiarum Sacrificij, votorum Religiosorum & Professionis, aliâque id genus innumera privatim in se à benefica DEI manu collata munera, quæ grata memoriâ toto illo die relegebat, DEO-que seipsum in sacrificium laudis offerebat. In his tamen, quæ princeps in Apostolico Viro censeretur virtus, eminebat Charitas, quâ proximi commoda & utilitates animæ & corporis non minùs curabat quàm proprias, ut ex Ordine PP. Capuccinorum Ecclesiastes magni Nominis, observatâ ejus de pauperibus, ægris, captivis juvandis totum diem satagentis sollicitudine captus palam edixerit: *hujus Patris de Societate charitas est incomparabilis.* Et verò quis non miretur potuisse Virum, concionibus & tot spiritualibus munijs semper occupatum, difficilimis illis dominantis partim hæresis, partim sanguinei Martis Svecici temporibus ad juvandos egenos tantum industriæ conferre, ut præter collata ex domestica penu & aliunde victûs & vestitûs subsidia, solius pecuniæ à Misericordia Patronorum corrogatæ in eos expenderit (quod ipse annotatum reliquit) 9171. florenos. Quibus industriæ Zeli artibus mirè omnibus charum se reddidit, habitus in veneratione tum Politici, tum Ecclesiastici Ordinis Primoribus. Sanè Episcopus Olomucensis Franciscus Cardinalis à Diettrichstein, Patri perfamiliaris, illum appellare solebat *fidum suum in propaganda Fide & pietate adiutorem: verum Israëlitarum in quo dolus non est.* Placuitque pio Præsuli non semel, cum Pater Andreas teneram ætatem Christianæ Fidei elementis Brunæ institueret, in medias puerorum turmas se se inferre, & velut collegam adiutorem Patris ageret, præmiola inter diligentiores, qui feliciore memoriâ à Patre dicta retulissent, manu suâ dividere. Serenissimus Carolus, Archidux Austriæ, Episcopus Vratislaviensis, eundem in conversione sui Ducatûs Nissæ *manum suam dexteram* nuncupabat. Placuit autem Divinitati Virum ita omnibus approbatum adversis quoque exercere. nam Collegio Glogoviæ majoris, datus Rector, occupatâ à Svecis Anno 1642. eâ Urbe, captivus hæretici hostis factus est, neque ante

repra-



repræsentatum lytrum dimissus; unde postea toto septennio in Polonia exul hæsit, Germanis inibi degentibus ac Silesijs, arma Svecorum fugientibus solatio atque auxilio à DEO submissus. Tandem Boëmiæ restitutus, cum vitæ suæ annum 65. complevisset, ab emissâ quatuor votorum professione Anno 29. Glacij vitam absolvit 23. Febr. Anno 1651. unius diei langvore consumptus.

Nam cum ad populum feriâ antecinerali in precibus 40. horarum, vegetus adhuc, fervore consvero dixisset, feriâ sequente, apoplexiâ, nemine conscio, contactus, cum in prandio non cõpareret quæsitus, semianimis in cubiculo repertus est; sed fomētis aliquantisper recreatus, atque omnibus Sacramentis piè munitus, postero die ad beatitudinem, ut spes est, æternam excessit.

*Ex Annalibus Soc: JESU Boëmiæ, & Bohusl: Balbini Bohemiâ sancta.*



P. Nicolaus Lancicius Soc: Jesu, Polonus, magnæ in perpetuis adversis et persecutionib9 patientiæ, et in regendis conscientijs peritiæ Miris modis quàm plurimas animas ex omni hominum statu ad Deum perduxit. Mortu9 Carnæ in Lithuania 30. Mart. A. 1652. æt: 72.

## P. NICOLAUS LANCICIUS.



**P**ater Nicolaus Lancicius nobili Polono sanguine Dominorum Lancicky in Lithuania propè Vilnam factus, anno 1574. Parentibus Calvino additis, Christo

tamen per baptismum à Catholico Sacerdote, quoddam hæreticus Popa inveniri tum fortè non poterat, susceptum renatus est. Eodem DEI beneficio nutricem & gerulam Catholicam nactus, cum ab ea in Vilnense Sancti Joannis Baptistæ Templum quinquennis illatus

*Societas Europæa.*

Eeeee

latus



latus esset, Sacerdote in Missa SS. Eucharisti-  
am ad populi adorationem elevante, CHRIS-  
TUM in ea præsentem, cælesti quadam ob-  
ortâ luce agnovit, & de genibus primùm,  
tum toto corpore pronus, fronte etiam hu-  
mo gentis more impactâ adoravit: atque  
hanc primam fuisse actionem, quam cum ra-  
tionis usu egisset, ipse asseverabat. Quan-  
tum id Dæmoni doleret mox patuit, quando  
monstruosi gigantis instar, at sinè pedibus,  
in cubiculum jacentis pueruli illapsus, velut  
eundem rapturus minabatur, solo Crucis si-  
gno parvuli fronti à Nutrice impresso fuga-  
tus. Eiusdem maleficio factum creditur,  
quòd sub idem tempus è summis gradibus,  
fallente vestigio, in profundum fornicem  
prolapsus sit: ubi cum accurrentes domestici  
aut cervicem, aut certè manum pedémve  
fregisse crederent, ipse præter terrorem ni-  
hil passus, surrexit incolumis. E Nutricis  
Catholicæ potestate subinde abstractus, præ-  
dagogis Calvinistis educandus, & primis li-  
teris imbuendus traditur, cum quibus & vi-  
rus hæreticum combibit, non tamen ita, ut  
unquam hæreticam cœnam, urgente etiam  
Parentis præcepto, accederet. Et licet pla-  
citis Calvinii non tantum mordicus adhære-  
ret ipse, sed etiam adversum Catholicos, quæ  
per ætatem posset, eadem tueretur, sensim  
tamen cultum illius adeò incultum, & reli-  
gionem omni religione & sacro ornatu de-  
stitutam averfari cœpit, & majestatem Ca-  
tholicæ fidei suspicere: ut vel ideò post  
Grammaticam apud Calvinistas absolutam,  
ad Poësim in Academia Societatis Vilnæ au-  
diendam transierit, propiùs dogmata Ca-  
tholicorum experturus. Hic aliquando per  
otium de Fidei veritate cogitanti, tantâ cla-  
ritate Religionis Orthodoxæ veritas & san-  
ctitas objecta est, ut controversiæ omnes &  
dubia, nemine docente, momento evanes-  
cerent, atque ejuratâ hæresi Dominicam  
cœnam primùm adiret Anno 1590. die S.  
Nicolao sacrâ, cum annum ætatis ageret 16.  
Nec multò post eodem solo DEI lumine im-  
pellente, votum Castitatis perpetuæ emisit,  
servavitque ad sepulchrum usque intamina-  
tam, unâ cum innocentia baptismali, ab o-  
mni graviore noxa immuni. Mox & votum  
complectendæ Societatis JESU simul emi-  
sit, simul & in eam recipi apud Præpositum  
Provincialem expetiit: durâ ab eo conditio-  
ne positâ expeditus, non prius ad eam acces-  
sum speraret, quàm Patrem propè sexagena-  
rium à Calvino ad veram Ecclesiam traduce-  
ret. Ardua res Juveni visa, & quæ humanis

viribus expediri ab se nequiret, quo enim  
successu filius, vix pueritiam egressus, Patrem  
seniò & auctoritate gravem, Principi Radzi-  
vilio, Calvinistarum antesignato acceptissi-  
mum, stipendiarium Ministrum, & in ejus  
ditionibus redditu & fortunis locupletatum,  
à quo idcirco totus penderet, aggredieretur?  
Ergo totus ad divinum implorandum auxi-  
lium conversus, ex ipsa fortè sollicitudine in  
gravem morbum incidit, qui viam ad rem  
conficiendam aperuit. Inciderat fortè sa-  
cer Divo Nicolao dies, Lancicio natalis,  
quem Pater filio tenero sensu gratulatus, in-  
genti desiderio illius valetudinis teneri se de-  
clarabat: quam cum hic in manibus & po-  
testate Parentis repositam diceret, à quo vi-  
ta sua & mors unice penderet; Pater verò o-  
mnia, quæ ad eam conferre possent, prolixè  
sponderet: tandem filius uberrimas lachry-  
mas precibus admiscens; *per salutem tuam,*  
inquit, *meamque rogo, ut qui me tibi sanum,*  
*corpore reddi cupis, animo ipse consanescas; &*  
*cum ego me CHRISTO in Ecclesia Catholica*  
*donaverim, tu eidem te restituas; quo uno me-*  
*dio credo me sanitati & vitæ reddendum.* Pa-  
ter improvisi postulati novitate obrutus, nè  
diem illum unigenito & charissimo filio na-  
talem obnubilaret, & dolorem lachrymarum;  
repulsâ augetet, deliberatione sibi ad tantam  
rem saltèm tridui opus esse, respondet. Hoc  
exacto cum crederet petitionem nuperam  
excidisse filio, ille in primo Patris accessu pre-  
ces repetit & lachrymas, ac denique extor-  
quet, ut brevè à Patribus Societatis informa-  
tus hæresim ejurârit. Quo accepto Nun-  
cio, mirum dictum! sive nimia ex improvise  
lætitia venas omnes percurrente, sive fiducia  
illius Cælo annuente, sanus è lectulo con-  
surrexit, & rem suam apud Præpositum Pro-  
vincialem, conditione expletâ, mox urgere  
perrexerit. Verùm neque tunc impetravit ali-  
quid, quòd ille negaret recipi posse, nisi af-  
sensum votis ejus præberet Parens: id quod  
haud paulò gravius, evicit tamen constantiâ  
& invictis argumentis Nicolaus, ut Parens  
ultrò filium ad Provincialem adductum ei-  
dem donare se, & Societati dedicare profi-  
teretur.

Itaque in Societatem receptus An-  
no 1591. Cracoviam ad Tyrocinium se-  
conferre jubetur: quod ille iter nec saluta-  
to Parente pedes aggressus (nisi hic illum  
in Urbis porta affecutus fuisset) non diu  
Cracoviæ inter Novitios versatus est, ad Ro-  
manum Tyrocinium translatus; ubi tam ex-  
cellæ sanctitatis fundamenta posuit, obser-



variatione præcipuè minimorum, quæ ipse semper in maximis computabat. Nullam enim toto biennio quantumvis minutam Regulam, etiam de servando silentio transgressus est; quod deinceps per omnem vitam à se non fuisse violatum Superiori edixit: devotionis pariter minutissimas exercitationes consecutus. hinc quacunque incederet domi forisue, SS. Sacramentum vicini cuiusq; templi habebat præ oculis; in cubiculo quoque sedem, lectulum, mensam, & reliqua sic disponebat, ut nunquam tergum SS. Eucharistiæ, etiam inambulans aut inter colloquendum obverteret; quam consuetudinem in omnem deinceps vitam tenuit. In Philosophiæ & Theologiæ studiis miros DEI experiri circa se cœpit favores & ductus, elevatori quodam orandi & lachrymarum dono subito, nullo suo prævio conatu, præditus, ut jam & raptus sentiret, & divino amore cor sibi conflagrare miraretur. Sub quæ scrupulis & angoribus conscientiæ diu dirèque exagitatus, cum remedia nulla prodesse, CHRISTUS Dominus ei in Templo Domus Professæ Romanæ ante sacellum Sanctorum Angelorum precanti apparens, crucemque justæ magnitudinis ostentans, angustias omnes ab animo veluti spongiâ hisce verbis abstergit: *ista sunt tua Crux.* A suscepto Sacerdotio mox primis annis, famâ ejus Virtutum per Urbem vulgatâ, magni ad eum fiebant pœnitentium accessus, miris animorum ad vitam meliorem secutis conversionibus; ut Episcopi, Prælati & Abbates, sacris per eum exercitijs excoli percuperent: quibus in æstimationem Spiritûs illius adductus Præpositus Generalis Claudius Aquaviva, non dubitavit illum quinto Sacerdotij anno Collegio Romano Præfectum Spiritûs, & Confessarium Nostrorum designare. Donec post annos 14. Romæ exactos, Provinciæ suæ Polonæ eundem restituendum judicavit, ut eundem Sancti Ignatii spiritum propagaret inter domesticos socios: quod ille, multa Sanctorum corpora Pontificiâ donatione secum detulit, per varia Tempia & Collegia Societatis in Polonia, Lithuania, & Bœmiâ, ad cultum publicum distributa. Ibi post traditas omnes altiores disciplinas, Collegia subinde aliquot, ac tandem Provinciâ Poloniæ & Lithuanicæ gubernavit, in nullo tamen æquè diu ac sæpius munere versatus, quàm Præfecti Spiritûs, ut nimirum liberrimum campum haberet conscientias & animas domesticorum æquè ac extraneorum DEO lucrandi, & ad eximiam virtutem de-

*Societas Europæa.*

ducendi. Contulerat enim illi DEUS singulare quoddam donum animas dirigendi, & à peccatis quantumvis inveteratis abstractas ad viam perfectionis adducendi. Hinc ubique moraretur, frequentabatur ab omni hominum genere Confessionis gratiâ, etiam diverforum Ordinum alumnis directionem ejus in spiritu ambientibus, ut eidem conscientias suas aperire in lucro reponerent, quod nullibi majorem animi quietem & malaciam se consequi experirentur. Nam & pueros ac juventutem scholasticam Zelo suo complexus, devotionem & praxes virtutum teneras instillabat & excitabat, pijs ac frequentibus alloquijs suggerebat idonea ætati cuilibet consilia, quibus innumeri innocentiam, in lubrico inter sodalium insidias positam, illibatam se conservasse lætabantur, & quàm plurimi ad diversa Religionum asceteria transiverunt. A primis vitæ religiosæ annis nunquam ferè sponte deambulatum in agros vel hortos prodibat, sed tempus illud obsequijs aliorum domi forisve consecrabat, adibat nosocomia, rudes, ægrotos invisebat. Dum Collegijs præesset, suum esse munus credebat vel mediâ nocte, cum aliquis Sacerdos ad ægrum vocaretur, hanc per se operam præstare, ut Patrum suorum quieti consulere: Confessionibus similiter in templo audiendis perdius & pernox, ubi opus esset Rector affidebat: unâque à diverforum Ordinum Religiosis, ubicunque habitasset, ipsisque Cœnobiis Superioribus, consulebatur, dicere solitus, semper in votis sibi ad DEUM fuisse, ut rete quoddam ipse fieret, quod homines ex omni statu traheret, & concluderet ad eum amandum. Et verò traxit non tantum exemplis, sed & magisterio spiritûs quàm plurimos, nam solus sylabus eorum, quorum nomina secreto suo libello inscripserat, ut eos nominatim DEO commendaret, qui toto animæ suæ statu illi manifestato ejus in spiritu ductum sequebantur, multa millia æquabat, ex omni ordine, sexûque, nobilitate, munijs, rebus gestis, virtute & doctrinâ clarissimis. Sanè in Italia cum degeret, non erat ullus Religiosorum Ordo, ex quo non haberet filios spirituales, etiam in eo Ordine Viros summos: Parthenonibus etiam integris. seu ad disciplinam instaurandis, seu ad sanctitatem promovendis, operâ utilissimè impensâ; sub cujus directione Romæ Monasterium Turris speculorum, & alia passim magnam sibi famam virtutis & sancti noniæ compararunt. In Prussia Cœnobiū Virginum erat à Vitæ li-



centia, neglectu disciplinæ, discordijs malè commendatum, ut fama ferret, malæ duntaxat & desperatæ frugis mulierculas illuc fuisse compactas, cujus ad frugem revocatione frustrâ à Viris Religiosissimis tentatâ, Pater Nicolaus rogatu Antistitæ negotium suscepit, & sçavitare piisque artibus brevè rem confecit; ut exempla sanctitatis earum Virginum in vicinas latè Regiones vulgarentur, & quantum antea infamiæ, tantum postea laudum reciperetur. Vapulabat inter hæc Pater criminationibus & maledictis eorum præcipuè quorum sibi familiaritate & alloquijs virgines interdixerant; sed solatio fuit, & apud bonos & sapientes efficaci patrocinio, Monialium in bene cœptis constantia, uno virtutis colore omnibus vitæ annis deducta. Alibi mulier erat specie quidem DEO consecrata, & opinione Virgo, Dæmoni interim sceleratè devota, quæ jam 20. annis illi ex pacto, veluti marito insveverat. Huic ipse, multis ante precibus exorato DEO, confessionem, ac deinceps ascesim Sancti Ignatii cum persvasisset, planè sanctam, & fidelem DEI famulam effecit. Retulit hæc deinde Confessario suo, prænovisse hanc cladem suam pridem antè Dæmonem, cujus jussu nunquam licuit sibi Nicolai nomen, etiam Litanias in Choro cum alijs oranti proferre, quod capitalis ejus hostis foret. De traducta ad magnam vitæ sanctimoniam Maria Magdalena Bonaventura Virgine nobilissima, in Cœnobio Turris speculorum Romæ, refert ipse prolixè in suis opusculis, quæ hic referre non vacat: hæc à leviori & minùs regulari vita (nam viriis nunquam dedita erat) resiliens, absolutissimam perfectionem ità sectata est, ut miraculis & revelationibus suis dignam haberet Divinitas. Nec mirum est tanto accursu ex omni hominum statu, præsertim pœnitentiæ causâ, Patrem fuisse frequentatum, siquidem plurimis exemplis & experimentis communis opinio omnium, etiam inter nostros fuit, hanc illi gratiam cœlitus inesse, ut ritè an secùs confessio perageretur, an integra mutilâve fieret, ipse cognosceret. Quod illi respectu omnium pœnitentium concessum fuisse dicere non auisim, multos tamen & ipsè novi, qui hoc in se non semel experti sunt; & conscientia suæ arcanorum plenè conscium deprehenderant.

Jam verò difficile est explicare, quàm paternam & sollicitam curam gesserit eorum, etiam in alia Provincia longè diùque constitutus, qui suæ conscientia directionem ali-

quando illi ubivis terrarum considerant, illos summâ sçavitare admonens, & per literas excitans, pericula imminencia animæ & corporis, imò & vicinam mortem, quorum notitiam non nisi cœlitus haurire poterat, prædicens. Universim verò omnium calamitatibus indolebat ut suis, afflictos solabatur, & quibus malis remedium ferre non posset, dolenter ingemiscebat. Anno 1641. quò Pater in Domo Professorum Pragæ morabatur, contigit decem milites prædandi studio in alteram ripam per glaciatum flumen Moldavam præfidenter equis transitum tentare; cum in medium alvei jam progressis repentè glacies frangitur, & omnes unà cum equis gurgite hauriuntur. Triste hoc exitium ingenti mœrore Patrem complevit, ut totum eum diem à lachrymis & singultibus temperare nequiverit, non tam corporum quàm animarum in prædonibus jacturam deplorans. In pauperes dum Collegijs præfesset mîrè misericors, januæ custodi seriò identidem præcipiebat, ut nullum pauperè sinè stipe dimitteret: licèt & domesticis in necessarijs rebus deesse nihil à subordinatis ministris pateretur. Hanc in proximos charitatem cum profusione vocarent multi, Deus miraculo approbare voluit, dum Calissij Rectorem ageret. Defecerat ex continuata liberalitate vinum in unico, quod restabat, vase, ut non nisi ad dimidium palmum extaret reliquum. admonitus Rector vetuit quidquam de consuetæ charitatis mensura detrahi, imò liberaliùs etiam in ægros & egentes distribui. Et tamen pauxillum illud residuum, majore parte Anni suffecit in omnes usus, quibus integrum dolium sufficere non potuisset; donec scilicet novum cœmiliuisset: auctus insuper illi & additus gratissimus sapor; famaque per Provinciam vulgatâ, dolium illud *Vinum DEI*, passim appellari cœpit: veritatem hujus eventus attestante ipsomet Gnesnensi Archi-Episcopo, qui se de illo bibisse affirmavit. Quo tempore Provinciam universam Poloniae & iterum Lithuaniae seorsim gubernavit, gratiâ & auctoritate plurimùm valuit apud Reges Sigismundum III. & Vladislavum: quâ tamen nunquam in alios fines usus est, quàm in proximorum utilitates & animarum bonum, adhortando illos ad extirpanda vitia & hæreses, & Religionem propagandam. In Comitijs verò pro electione Vladislav, cum à Politicis nonnullis cœpisset moveri quiddam contra immunitatem Ecclesiasticam, ipse scriptum pro ea confectum Senatoribus Regni obtulit, quò omnes male-



malevolorum conatus feliciter elisi sunt. Sed & ad alia salutis & perfectioni animarum promovendæ conscribenda manum jam senex applicuit, quæ in duos tomos sub titulo, *Opusculorum* hodie redacta passim versantur in manibus, & abundè magisterij spiritûs excellentiam, quò plenus fuit, legentibus produnt: licet longè plura, quæ typum necdum viderunt, ipse parârit; admirabile DEI auxilium in ijs facile & celerrimè elucubrandis expertus, ut magis Cœlesti magisterio, quàm ejus marte & ingenio perfecta, censeri debeant. Cùm enim ipse à latronibus in sylva obrutus, scripta & notata sua omnia annorum 42. labore collecta, eorum direptione amisisset (quod fusiùs infrà referemus) miranti amico & confidenter quærenti, quo pacto jam senex notatis omnibus suis destitutus tot opuscula spiritualia edere, & quidquid scriberet Sanctorum Patrum testimonijs tam promptè confirmare posset? respondit, præmium hoc esse Sanctæ Obedientiæ: se enim præscivisse & damnum & spoliationem, & necem trium sui itineris sociorum, idque Superiori patefecisse, cui tamen quia visum fuerat, ut hâc & non aliâ viâ progredierentur, se prænotionem suam obediendiæ posthabuisse: atque ab eo tempore nullo annotationum suarum subsidio egere, & nè quidem curare ut recipiantur. Quod SS. Patres attineret, id verò nullo sibi labore constare; siquidem cuilibet argumento eorum auctoritate firmando, quælibet prima & fortuita Operum illorum apertio paginam & sententiam exhiberet, tam accommodatam materiæ, de qua scribit, ut in eam rem nata videatur. Simulque amicum provocavit, diceret argumentum aliquod, quod sibi è SS. Patribus confirmari vellet. Assignavit hic thema, quod parcissimè ab illis, nec à multis tractatum sciebat, de Sancto Angelo Custode; & quia videbat jacentia in ejus mensa aliquot Græcorum PP. volumina, petijt sibi ex Sancto Joanne Damasceno sententiam de eo argumento monstrari. Ille sublati paululùm in Cælum oculis Sanctum Damascenum temerè aperit, nullâ prorsus quæsitâ aut versâ paginâ; tum digito intento legere jubet perelegantem de Sancto Angelo tutelari sententiam. Idem facit & præstat in volumine Sancti Basilij, & Sancti Chrysostomi, ponè jacentibus; & quidem non unâ, sed pluribus ex quolibet, quamvis merè fortuitâ apertione repertis. Stupenti ad hæc amico, & facile sic libros conscribi posse dicenti, adjecit, idem sibi evenire in quo-

vis alio Bibliothecæ sibi vicinæ codicè, quoties lucubrationibus suis spiritualibus eos consuleret. Tam promptam habuit ad sui miraculum DEI sapientiam, cui soli scribebat, nihil aliud præter animarum salutem laboribus suis, & viribus omnibus quærens; his enim aures pro Tribunali pœnitentiæ pronissimas indefessus addixerat: linguam pro expediendis Conscientiæ intricatis dubijs, impertiendis consilijs, & directionibus spiritualibus incitandis ad perfectionis Christianæ studium, in plano & pro rostris, consecraverat: manum scriptioni salutari unicè dicaverat: opera adeò ipsa sua, afflictiones, actiones meritorias, & orationes ipsdem transcribens, solitus non tantùm ipse hæc omnia peragere, sed & alijs perpetuò faciendâ svadere, pro existentibus in peccato mortali, ut convertantur. Cæterùm aliter adhuc declaravit DEUS, quàm cordi sibi essent hæc Lancicij opuscula, nam plures ex eorum lectione repentè senserunt odore lili-  
orum ab ipsis dimanante se afflari: & Romæ Monialis Benedictina in Cœnobio Turris speculorum Æmilia Muta, soror Cardinalis Muti, & Marchionissæ Mutæ, cùm unum ex his reposuisset in Cella, ex situ loci humidioris tetrum odorem halante, ubi tamen illud in manus sumpsit ad legendum, sensit ex ipso effundi odorem instar lili-  
orum, quorum tunc neque tempus erat, neque locus per se graviter olens quidquam intus naturalis adoramenti servabat.

Ut verò idoneum gloriæ divinæ inter mortales propagandæ, & proximis ad DEUM adducendis, evaderet instrumentum, ijs maxime virtutibus animam expolire studuit, quæ Apostolis fuere magis propriæ. Ex quibus primum locum ea tenet, quæ hominem ab omni periculo contrahendi cujuslibet ab sæculo inquinamenti & vanitatis removet, humilitas; hæc tam profundè ejus animo radicata insedit, ut à primordijs ferè vitæ Religiosæ, per omnem vitam nullâ unquam inanis gloriæ dulcedine se vel titillari sentiret, imò stuperet, posse aliquem sibi blandiri de donis non suis, sed à DEO gratiam consecutū se crebebat ex heroica sui in Tyrocinio victoria, quâ post gravem animi luctam, conscriptos omnes vitæ sæcularis nævos, maxime qui majorem pudorem incutere poterant, Superiori exhibuit, paratus in publica mensa ad contemptum sui palam eas recitare. Et quia Superior desiderio juvenis, ut materiam sui penitus vincendi daret, annuit, ferio ipse accusationem sui palam auspicatus est, cum



repentè filere jubetur: eâ gratiâ à DEO, qui corda intuetur pro factis, donatus, ut ex illa hora summâ animi quiete & hilaritate omnem sui ferret contemptum, laudibus verò & æstimatione tristaretur; fassus, si optio sibi daretur, gravius fore bona sua, quàm vitia & perperam acta, alijs manifestare. Votum quin etiam emisit, nihil unquam quod ad laudem suam & æstimationem faceret, nisi manifestè id ad ædificationem & profectum proximi conducere, vel à Superioribus exigeretur, propalandi: quo tamen ipso casu dona sibi à DEO concessa aperiebat eò candore, ac simplicitate verborum & gestûs, quasi vilissima & obvia tantum narraret, ut manifestè adverteres, illum his nihil tangi, aut sibi complacere. Quin adeò leviculis quibusdam subinde actibus positivè despectum sui apud alios captabat; si per Institutum Societatis liceret, pronissimus ad simulandam etiam stultitiam, quorundam Sanctorum exemplo, ut pro nihilo vel nauci homine haberetur. Quod si adverteret se ab aliquo æstimari, modò effusus in risum leviculum aliquid proferrebat, quasi risum capteret, modò cholera & impatientiam simulabat, modò avidius cibo aliquo vesceretur, ut gulosus crederetur. Tàmque in suis ipse oculis vilis erat, ut pejorem se omnibus peccatoribus, ipsis adeò Dæmonibus, ex animo sentiret, & ut talem implacabiliter verberibus, pugnis, colaphis afficeret. Nunquam auditus est verbo aliquo quempiam contemnere, vilipendere, aut factum aliquod malè interpretari, sed laudare omnes, & quæ etiam vix excusari posse videbantur, præsertim si in ejus depressionem fierent, bene accipere. Ex eodem fonte conversationem cum primarijs domi Patribus nunquam ex se captabat, sed colloquia ejus & sermocinatio fuit cum simplicibus, aut junioribus, qui minimum auctoritatis haberent, ut neque ab his aliquid in ejus opinionem derivaretur: honore & capitis denudatione omnes, infimos quoque præveniebat, neque ullum apertò capite secum loqui, etiam cum Provincialis esset, patiebatur. Et licèt magnâ prudentiâ laude bis Provinciam, & Collegia aliquot gubernâisset, ipse tamen ineptum omnino & indignum, qui alijs præficeretur, se reputans, nè unquam deinceps Regimini admoveretur à Præposito Generali Mutio impetravit. Evitare tamen non potuit, quin à sua Provincia ad electionem Novi Generalis Vincentij Caraffa, demortuo Mutio Viteleschi (cujus pariter electioni ad-

fuerat) Anno 1645. mitteretur, à quo eandem à regendo immunitatem sibi confirmari obtinuit. Nè verò humilitas ejus tantum in speculatione, & in animi ad eam præparatione consisteret, permisit eum DEUS, quod ipsum ille perpetuis ab eo precibus flagitabat, gravissimis contemptibus & depressionibus per omnem vitam, ab omni hominum genere affici, nec ferè quidquâ boni ab eo, ex quo primùm Româ redivit, præstari, quod non sub virgam graviter censoriam revocatum, vapularet. Vix Româ Cracoviam intulerat pedem singulari favore Procerum Ecclesiastici & Politici Ordinis exceptus, à quibus partim ex fama, partim ex notitia Romæ contracta invisebatur, aut domum invitabatur; mox quidam interpretati ab eo favores & gratiam Magnatum captari, & in Aula mansionem affectari, Præsidentem Provinciæ impulerunt, ut conducto clam aurigâ, nè quid de suo discessu Patri suboleret, uno temporis articulo currum conscendere, & Warszawiam abire, juberetur. Warszawiam vix attigerat, cum ecce novo imperio Vilnam amandatur, ad munus Præfecti spiritûs; ipse animi tam potens, ut ad improvisum utrumque imperium singularem lætitiâ, & synceram promptitudinem declararet. Quia verò plurima, per vitæ decursum illi eveniebant, quæ naturæ vires superare videbantur (quorum nonnulla infrâ recensēbimus) multis habebatur pro illuso à Dæmone, quique spiritu peregrino, neque satis Instituto Societatis conformi duceretur. Similiter quia junioribus potissimū se in alloquijs adjungebat, & quos vitæ religiosæ parum observantes, vel etiam in proposito Vocationis vacillantes adverteret, ad se familiariter attrahebat, blandius alloquebatur, errata excusabat, fuere non pauci artificij ejus ignari, qui ipsorum defectus & morum dissolutionem ei imputarent, refractarijs & murmuratoribus favere crederent, planèque Juvēntuti nostræ noxiam ejus conversationem cavendamque, non semel Romam ad Patrem Claudium, Mutium, & Caraffam perscriberent: cum tamen eventus plerumque semper contrarium ostenderent, ut tales ejus alloquijs sensim mitescerent, & tramitem solidæ virtutis ingressi constanter tenerent, atque in perfectos Religiosos evaderent. Palmaris tamen calumnia fuit occasione Comitiorum Regni sub Wladislao Rege, ipsi per Poloniam & Romæ impacta; in quibus quia Religionis quoque causa tractanda erat, voluit Rex etiam Superiores Religiosorum, in quibus & Lan-

cici-



cicium Provinciale, adesse. Igitur articulo quodam in medium prolato iussus sententiam suam dicere, mitiorem secutus est, quam ipsum præcipui Antistites & Proceres, nè Regnum turbis involveretur, ante & post Patrem dixerant: statim malevoli, alijs qui idem senserant silentio præteritis, unum Lancicium, composita ad Regem & Patrem Generalem accusatione, invadunt, Schismaticis in Comitijs, nè Regno proscriberentur, favisse: apparere eum necdum penitus affectus, in schola Calvini olim imbibitos, exuisse. Atrocem calumniam passim per Regnum vulgatam an refelleret, tanquam Societati noxiam, an silentio concoqueret, dum dubitat, literæ ab Generali Româ supervenire, jubentes, quâ posset arte & testimonijs infamiam tantam ab se & Societate amoliri. Nec difficile fuit mendacium diluere. Nam & Rex diplomate publico, manu suâ signato, sub Regio, & altero Ducatus Lithuanæ sigillo, innocentiam Patris testatus est: quod idem suis sub chirographis & sigillis præstiteret Archi-Episcopus Gnesnensis, & omnes Episcopi Poloniae, Russiae, & Lithuaniae.

Tam profundè à se ipso exinanitus, nil mirum est, si plenus DEO fuerit, quovis loco & tempore illi intimè conjunctus, inque ejus conspectu ita ambulans, ut singulas suas actiones, passus, & motus corporis, actuali intentione illi offerret, omniâque non nisi propter illum ageret. In Oratione mentali, cui magis acquiescebat quàm vocali, post primam illam initio Religionis à scrupulis desolationem, nullum unquam tædium, sed suam voluptatem experiebatur: ad quam omni tempore, etiam post gravissima negotia, vel statim à mensa, mentem momento colligebat. Imò si mentem haberet à studijs & curis, vel corpus à laboribus fatigatum, oratione, ut alij amicorum colloquijs aut quiete solent, vires recreabat, & validiores referebat; omne ab alijs occupationibus tempus vacuum dulcissimè illi impendens. Precum, quas jaculatorias vocamus, usus illi omnino perpetuus, quacunque incederet, aut quidvis domi vel foris ageret, millies & millies iterando, illud præcipuè *Propter te Domine*. Et quia omnem accusationem & reverentiam ad orationem afferebat, tantum ei donum orandi DEUS, præter lachrymarum beneficium, contulit, ut de eo pro potestate requisitus Pragæ à Superiore, humiliter fassus sit, se à prima Religiosa viræ ætate, jam annis 59. nullius venja-

lis peccati in oratione admissi, seu distractionis conscius esse, neque satis scire, quid sit evagationes animi in oratione pati: quæ res ejus Confessarios, & familiares conscios, in stuporem rapiebat. Porro animi in ea gustus ac solatia continua erant, nec rarò tanta, inter adversa præcipuè & persecutiones, ut vitam ereptura sibi crederet. De raptibus autem ejus, revelationibus, & miris alijs quæ sub oratione patiebatur, diceretur infra. Ex nulla re creata solatium aliquod capiebat, totus in DEO & cœlestibus: & si vel solum hoc nomen *DEUS* dici audiret, totus incendebatur animo, & extra se rapi videbatur. Porro quantopere oratione ejus Dæmon uretetur, variè sæpiùs declaravit, nunc specie grandis molossi comparens orantem allatrando, nunc strepitus ciendo: aliàs verò in cubiculo precantis omnia super mensa suisque deque evertit, & tanto impetu dejecit, ut ferreæ forfices in partes dissilirent: Patre ad omnia immoto, neque ab oratione vel momento desistendo. In qua adeò deliciabatur, ut eam aliquando ad continuas 12. horas, interdum ad 16. & 18. extenderet: & quidem non sumpto per 35. horas nisi semel valde modico panis & mellis cibo, cum interea catenâ aculeatâ corpus stringente, triplici longâque flagellatione eadem die se attrivisset. Cum Missa aut Vesperæ canerentur in templo, nunquam facillè aberat: neque ullâ re faciliùs, in affectus seraphicos rapiebatur, quàm Musicis cantibus, qui voce peraguntur; ut non rarò ad pium aliquem textum extra se veluti raptus è Choro profugeret, & in clamores, ac varias brachiorum jactationes prorumperet, sudore interim rigidissimâ etiam hyeme totus diffuens. Præparationi ad Missam communiter tribuebat horam, & tantundem actioni gratiarum: ipsam verò tanto ardore perficiebat, ut non rarò viribus deficientibus sustinere se ad aram, nè concideret, cogeretur. Sub qua fervore spiritus corpori prædominante in sublime à terra elevatus, aliàs verò multo lumine coruscus apparuit: quod idem in cubiculo suo privatim oranti non semel evenit. Quia verò Orationis nutrix ac veluti alimentum est mortificatio, hanc ille corporis & animi sensibus adhibuit constantem, dum penitus edomitos in potestatem redegisset, nunquam refractarios. Plurimis annis lecto alio usus non est, quàm nudo vix tres palmas lato asserere, super quo præcinctus cilicio somnum capiebat, neque unquam diebus & noctibus deponebat, donec à Superio-



rioribus juberetur. Orationem peragebat flexis genibus, nunquam acclinis, sed ab omni quod corpus sustentare posset, remotus. Ingravescente ætate horas 4. somno dabat, reliquum noctis consumebat orando, ita ut ante horam consuetam meditationis duas præmitteret horas, & tertiam cum socijs finiret. In omni mensa quærebat abnegatione sui, abstinendo à grato aliquo cibigeneri, nil delicatius præter communia admittendo, solisq; vilioribus vescendo: nec quidquam eorum in se afflictando omisit, quæ in Opusculo de minimorum observantia evulgavit. Flagellationes corporis quinquies per diem, nullo vel Paschatis intermisso, longas & sævas adhibebat, singulas per spatium aliquot psalmorum, ita ut singula saltè quadrante horæ explerent. Internos autem animæ sensus ita subjugatos post ipsa Religiosæ vitæ principia habuit, ut licet naturæ esset fervidioris, mentem tamen habuerit omnino liberam à primis etiam motibus iræ, & aliorum inordinatorum affectuum, itémque ab omnibus peccatis merè internis, uti sunt cogitationes otiosæ, turpes, suspiciosæ, & his similia: corpus verò ab omni pravo motu, & tentationibus carnis: sed è contra animum sentiret ad omnia adversa & injurias ferendas ita experrectum, ut mox atq; aliquid ejusmodi irrogaretur, tenerrimo affectu ferretur in adversarios, & ardenti desiderio ijs benefaciendi. Nec ullum officium erat, aut occupatio quantumlibet distractiva, quæ mentem à DEO posset avellere, quin illi actualiter per varios actus internos unitus remaneret, non minùs ac in ferventi meditatione, & sacrificio Missæ. Indè tanta orandi facilitas, ut mox à somno, comestione, & quavis occupatione, perinde ad eam idoneus esset, atque post exquisitam præparationem. De qua requisitus à Superiore Pragæ Anno 1641. ut ediceret, quæ in se experiretur DEI dona, post alia quædam fassus est: *Concessum sibi esse à Divina Majestate ab annis ferè 50. ut sentiat in omnibus actionibus suis ferventem ardorem, etiam dum Mensa benedictionem & gratiarum actionem dicit, ut sæpe opus sit eum frenare, etiam dum per ambulacra incedit, sentiens quendam, ita loquendo, bullorem animi, ex interna devotione proveniente; & quod ei sæpe contingit, corpus à terra elevansem, & quasi ad calum evolare volentem.*

Jam verò, quæ Sanctitatis certissima nota & comes est, adversorum & injuriarum tolerantia, individue Lancicio adhæsit, sic, ut tota ejus vita meris & perpetuis crucibus

contexta fuisse videatur, partim malitiâ Dæmonis in eum excitatis, partim divini Beneficio permixtis, ut Filio suo similior redderetur. Priorem auctorem expressit ipse, dum concitatâ in se gravi persecutione; familiari sibi sacerdoti colloquens, *audistine*, inquit, *bat, quam in me tempestatem concitaverit Dæmon? scio ego, quanto in me odio feratur, adeo ut nè nomen quidem meum proferri toleret. Crede mihi, si posset, corpus meum in mille partes laceratum in mille patibulis suspenderet. Ego tamen eum, ut creaturam DEI, & meliorem me, sed infelicidrem, amarem, & propter DEUM, si possem, ipsi beneficerem.* DEO autem cruce ex paterno affectu permittenti, longè libentiùs imputabat; quod eas per patrocinia Sanctorum Martyrum, quorum multa corpora secum Româ attulerat, & per plurima templa Poloniæ, Lithuanix, Boëmiæ, & Moraviæ distribuerat, sibi immitti impetrasset; seque exauditum, ut perpetuis adversis exerceretur, divinitus rescivisset. Unde factum est, ut hæc illi in solatia transirent, & quoties sentiret in se grave aliquid instrui, toto animo atque etiam copore exiliebat, DEO grates reddebat, plausum manibus dabat, & atroces calumnias per jocum, *bolum pingvem sine ossè* vocabat: adversarios autem in verorum amicorum numero computabat, eos præ omnibus DEO commendabat, nihilque quod eis prodesset, intermittebat. Ad hanc rem precationem breviculam composuit, quam ad pedes Crucifixi in suo Oratorio subnexam habebat, identidem repetendam: *Domine, mi Pater amantissime, cum sciam quod tu soleas in eos animadvertere, qui affligunt servos tuos, rogo te propter infinitam bonitatem tuam, parce eis, & da illis in hac vita favores, & amores, & honores: sine eos apud omnes felicitate excellere, & copiosissimis tuæ bonitatis thesauris & gratijs abundare. In me verò converte omnia mala hæc, quæ ijs inferres. Ego solus conculcer, spernar, conspuar, & si am omnium pavimentum, propter quàm maximam dulcissimi cordis tui exultationem.* Solebat & sinceras DEO gratias referre, quod insectatores sui & infamatores id sinè DEI offensa agerent, quippe zelo boni communis, aut alio bono sinè incensi; neque injuriam sibi fieri ab ijs, sed DEO obsequium ex zelo innocente præstari, apud alios interpretabatur. Plerumque autem accidebat, ut imminente graviore quapiam calamitate, præviè nuncium ejus & indicium cælitus acciperet: sic Nesvisij apud Lithuanos dum fa-



sacrum faceret, totum altare crucibus instructum, planéque obiectum vidit: alio verò tempore totum Collegij Museum iisdem per omnes parietes depictum, simulque quid his significaretur intellexit: quibus ostentis recreatus, magnificè se se in animo efferebat, sibi que plaudebat, quòd conformior Crucifixo Domino evasurus esset: neque raro si adversitates ejusmodi differrentur, dolores indè capiebat. Alijs etiam haud paulò altioribus modis futura mala, quò dulciora ipsi evaderent, præsignificabat DEUS, impressis ejus animo varijs CHRISTI patientis imaginibus, repræsentando illum modò sub Crucis pondere fatiscentem, modò in Cruce inter mille opprobria morientem, modò vulneribus coopertum in linteo ad sepulturam delatum: quibus mirè excitabatur ad vivendum in perpetuo dolore, ipsique commoriendum; quod summam beatitudinem existimabat, & gaudijs Cœlestibus præponebat. Cavebat etiam sollicitè, nè coram hominibus quereretur, aut ullum dolorum lenimen admitteret: & nè quidem apud DEUM quereretur, aut solatium poscebat, nisi gratiam & auxilia postulando ad sufferendum, & pro immissis malis grates reddendo. Si quando Sanctorum suffragia imploraret ad proficiendum in sanctitate, hoc semper diserte excipiebat, nè dolores & crucis minuerentur, sed magis augerentur: *hoc*, inquit, & *non aliud Domine sit condimentum & solatium Crucis, dolorum, afflictionum, & angustiarum, novas & majores subire crucis, & nunquam cessantibus afflictionibus propter te DEUM meum semper abundare.* Hæc ultra ætatis septuagesimum añum quotidie, maxime post Sacrum, Dominum orabat. Maxime verò precabatur, ut in morte accumularer dolores, angustias, & omnis generis mala, ut Christo violentè & atrociter è vita exturbato conspeliatur, quod etiam abundè consecutus est. In Officij divini recitatione, quoties in psalmis Regius Propheta ab inimicis liberari petit, aut malè ijs imprecatur, vel à DEO auxilium contra illos implorat, nunquam hos versus ad suos adversarios accommodabat, sed vel ad Dæmones, vel ad Ecclesiæ persecutores, & DEI inimicos: pro suis autem insectatoribus, præter quotidianas preces, etiam sacrificium Missæ quotiensibus constanter celebrandum sibi indixit. Quorum si subinde literas, uti non semel contigit, adversum se scriptas acquireret, summo cum gaudio, postquam multis osculis honorasset, imponebat capiti, ingeminans; *isti sunt Societas Europæa.*

*veri amici, qui nos CHRISTO similes reddunt, & per crucis viam ad cælum complant! Tandem in ipsa morte illorum non immemor, residua pia munuscula, quæ in paupertina suppellectile sua habeat, bonâ Superiorum gratiâ illis transcripsit.*

Virtutes Theologicas, quàm profundè animo insculptas servaret, declarabat inprimis viva Fides, circa omnia CHRISTI mysteria & Ecclesiæ dogmata, sic ut nunquam, ex quo puer hæresim ejuravit, ullâ adversus Fidem cogitatione infestaretur. Hanc primo loco vivacissimam exercebat circa Sanctam Evcharistiam, non minùs acsi oculari-ter præsentem in ea CHRISTUM cerneret; in quam teneriore ferebatur affectu, quòd nullibi magis gloriam suam exinaniens DEI filius nobiscum maneret in terris, cum tamen à paucissimis colatur, & totis hebdomadis insalutatus, per tot templa solitarius absque ullo honore relinquatur, ab hæreticis autem etiam maledictis incessatur. Quas injurias compensaturus, mille modis eam venerabatur: ac manè statim lecto exiliens, versùs Evcharistiam in proximo templo genua ponebat adorans, eamque adorationem in omnia totius Orbis sacraria, maxime ubi CHRISTUS vix ab ullo salutaretur, extendebat. Ab ædituis multo ambitu in Collegijs obtinebat, ut quoties novis hostijs, post veteres consumptas, sacrum vas expurgandum esset, lavanda Corporalia & Purificatoria, sacra Hostia adorationi publicæ in hie-rotheca exponenda, Communio distribuenda, & hujusmodi curæ Evcharisticæ, ipsum his adhibere & evocare vellent, promptissimum quavis horâ experturi. Quoties Divino sacrificio necdum sacerdos interesset, eò se componebat locò ( si situs Templi pateretur ) unde CHRISTUM sub speciebus latentem semper intueretur; quo aspectu, fatebatur, nihil esse in terra sibi jucundius, & desideratius. Si ornamenta altarium, sacri apparatus, auro gemmisque fulgerent, statuis argenteis vel candelabris aræ ornarentur, præ teneritudine affectûs etiam in clamores erumpebat, quòd CHRISTO ad nos descendentem honorificè excipiendo talia pararentur. In omnibus Ecclesiæ ritibus & cæremonijs illas magis adhibebat, & tenerius afficiebatur, quæ hæreticis magis exosæ sunt & damnantur: hinc Octavam Corporis CHRISTI, in qua publico cultu per plateas & fora Sancta Evcharistia circumfertur, maximâ devotione recolebat, in qua si tubæ & tympana resonarent, & magnus No-bili-

F f f f f



bilitatis ac populi accursus, atque id genus quàm magnificentissimi celebritati & venerationi augendæ adessent apparatus, gestiebat usque ad signa & gestus animi parùm sui compotis, subsiliebat, brachia jactabat, gemit, in clamores erumpebat, ut plerumque publico se proriperet, quò liberè fræna affectibus contineri ultra non ferentibus, laxaret. Fidei tam ardenti spem & fiduciam adjunxit nihilo debiliorem, præsertim de æterna salute consequenda: credebátque injuriam DEO fieri ab ijs Religiosis, qui ex præscripto Regularum suarum viventes, anxie tamen novissima pertimescerent, cùm tam claram & liquidam à CHRISTO promissionem habeant Matth: 19. *Centuplum accipient, & vitam æternam possidebunt.* quæ certior esset, quàm omnia testatorum legata, Regum promissa, quàm omnes revelationes, & Angelorum apparitiones, utpote verbo & promissione divinâ in ipso Evangelio firmata. Pari fiduciâ ferebatur ad affutura sibi semper Divina auxilia, quorum ope planè sperabat se pœnas Purgatorij evasurum, ut è corpore rectà in Cælum evaderet: de quo etiam sponsonem deinceps à DEO accepit. Difficultate in negotijs, sæpius sibi ab obedientia impositis, repertâ, quæ humanâ industriâ superari non posse videbantur, tantò firmiorem de bono exitu spem concipiebat, & gaudebat, quòd totum negotium ad DEUM devolutum esset, nihil verò sibi relictum quàm orare DEUM, & cæleste auxilium indubitè expectare. Ità Vilnæ Anno 1608. cùm exortis inter Academiam nostram & schismaticos Ruthenos pertinacissimis dissidijs, isti controversiæ decisionem, contra omnia Academiarum jura & privilegia, ad Judicia quæ vocant Tribunalia derulissent, neque ulla exceptio nostra & protestatio contra illegitimum Judicem, ob potentiam hæreticorū proficeret, indubia erat Schismaticorum victoria in eo tribunali, in quo 27. hæretici præsidebant. Ergo Nicolaus causæ huic agendæ à Superioribus constitutus, dum ingenti fiduciâ ejus successum cælitibus commendat, adest illi per quietem conspicuus Edmundus Campianus S. I. pro Fide Catholica sanguine in Anglia fuso clarus, certâque & securam de schismaticis victoriam promittit: quæ etiam contra omnem expectationem secuta est. Huic non absimile est, quod ei Romæ sub Clemente VIII. contigit. Ardebat Pater mirum in modum imaginem Stanislai Kostka, necdum Beatorum Catalogo tunc inserti, publico cul-

tui exponere, cui perficiendo nulla humana via apparebat. Itaque spe in solo DEO erecta ardentè precanti, adest visibiliter DEI Filius vultu hilari & placido, protensaque dexterâ candidum folium dimittit, pulcherrimo caractere inscriptum his verbis: *Fiet tibi sicut vis*: tantâ simul certitudine animo illius impressâ, ut rem veluti jam confectam, pluribus ante eventum hebdomadis, Simoni Jenerio affirmaverit: quæ à Clemente Anno 1605. die 14. Augusti interveniente Ducisâ Sforciâ obtenta est. Quo ipso die tantis læticijs incedebat Pater, nihil dum de Pontificis concessione sciens, ut sese vix caperet, donec rem confectam cognovisset. In necessitatibus Collegiorum penuriâ oppressorum, solâ oratione & in DEUM fiduciâ, eadem sustentabat, impetratis pecuniarum summis, & in arca vel pluteo repertis, ut adhuc referemus. Indè maximè oderat Superiorum parsimoniam, qui inter angustias ex defectu Fiduciæ in DEUM, res ad victum necessarias parcè & malignè dispensant, vel in futuram necessitatem reservant: quam mirabili eventu in Præposito Lancicij damnavit ipsamet Divinitas. Miserat Domui, quam Lancicius tunc incolebat, Vir potens, eleemosynæ titulo magnam piscium vim pro Quadragesima; & jam tertia Jejunijs fluebat hebdomas, cùm necdum vel unus triclino illarus est. Cui tenacitati indolens Lancicius, & malè à DEO ominatus, familiari sibi socio edixit, fore, ut nullum ex eo piscium numero domus degustatura sit, quòd Numen eam paritatem impunitam latura non foret. Vix dies cum nocte intercesserat, quando fluvius aquis excrecens tanto impetu in cistam piscariam irruit, ut omnes catenas, quibus ripæ alligabatur, ruperit, secumque cistam ferens, & inobvia quæque impingens, totam confregerit, & pisces liberos in alveum fluminis effuderit.

Amoris Divini æstu ardebat continuè, & creberrimè prorsus ignescebat, ut videretur toto vultu flammam spirare, & præ vehementia affectuum vix posset in verba vocem formare. Ad hunc à DEO obtinendum, fovendumque deinceps & conservandum, necessarium esse ante omnia dicebat & sva-debat, animam ab omnibus peccatis & vitijs, magnis & parvis expurgare, & deinceps mundam ab ijs conscientiam omni studio conservare: in quo ipse tantum profecit, ut conscijs Moderatoribus votum ediderit, nullo veniali peccato deliberatè DEUM offendendi; quod ad mortem usque creditur inviolatè servasse, uti ipse non semel familia-



liaribus suis & Superioribus asseruit. Jam ergo cum DEO in oratione vel per jaculatoria suspiria agens toto vultu rubebat, quandoque ita exardescens, ut vestem à pectore diducere, portam & fenestras hyeme etiam aperire, vel pannos frigidâ madentes applicare pectori cogeretur. Ex hoc eodem divinæ charitatis affectu oriebatur, ut quoties de glorificando DEO, ejusve magnitudine aliquid legeret vel audiret, extra se rapi videretur, ut v. g. in Missa, *pleni sunt Cæli & terra gloria tua &c. & Regni ejus non erit finis &c.* Idem illi accidebat, quoties videbat DEUM honorari, adorari, ut cum campanis populus ad templum exciretur, & magno numero alacris afflueret &c. tū totus animo gestiebat, Deoq; gratulabatur quod adhuc invenirentur, qui in tanta mundi perversitate Divinæ gloriæ propagandæ studio tenerentur; optabātque fieri, quod olim Judæi per invidiam in Christo de-  
testabantur, *ecce totus mundus post eum abiit.* Ex eodem amoris motivo instanter desiderabat altissimum sanctitatis gradum consequi, atque ad eum omnia necessaria à DEO auxilia & gratias quotidie ardentem exorabat, ut tantò magis DEUS per illum glorificaretur. Ideò petebat flagrantius, quod aliquando in Missa legens ea verba: *ut quotquot ex hac Altaris participatione sacrosanctum Filij tui corpus & sanguinem sumpserimus, omni benedictione cælesti & gratiâ repleamur:* intellexerit divinitus, gratissimum DEO esse, si servi sui ad maximam sanctitatem anhelent, ut omnem in se benedictionem & gratiam attrahant, cum ex participatione Sanctissimi Sacramenti fiant membra & corpus CHRISTI. Indè etiam tenerrimè afficiebatur sanctis illis, qui vel nunquam aliquo peccato DEUM offendissent, vel heroico quopiam actu, martyrio, vel arduo facto illum honorassent. Purgatorij pœnas estò acerbissimas, negabat tamen esse ideo refugiendas; nisi quod occasio sint Dæmoni insultandi DEO, quod illi negligenter ab hominibus serviatur, ut ideo necessarium sit tam atrociter eorum socordiâ expiari. Hoc amore veluti ebrius videbatur, nonnunquam mente exerrare: ut cum Pragæ Anno 1641. primum inter Regios Boëmæ Proceres Ministrum invisens, sub medium colloquij de DEO rebûsque divinis sellâ consurgens se proripuit, apprehensumque utroque brachio Comitem Excellentissimum quàm arctissimè strinxit, iteratis vocibus inclamando, Excellentissime Comes, amando, amando, amando! Et cum Comes quæreretur, in  
*Societas Europæa.*

quo reponeret solidum erga DEUM amorem in homine sæculari, & curis Regni occupato? respondit, non peccare nisi levissimè & rarissimè, & patiēter ac fortiter adversa quæcunq; tolerare. Quod dictum, & extaticus ille amplexus, tam altè in animum Comitis descendit, ut copiosissimas profunderet lachrymas. In rebus creatis omnibus inveniebat & amabat Deum, & ex singulis decerpebat, unde illum laudaret & glorificaret: ipsum tonitru, & omniū maximè formidandum fulmen, ad illum summè exaltandum Patrem provocabat, ut præ lætitiâ cubiculo se proriperet, & obvijs ingeminaret, en! quàm magnum & potentem habemus Dominum, ad cujus vocem totus Mundus contremiscit! Sed neque aliunde majore affici poterat dolore, quàm si in oculos ejus vel aures gravis aliqua DEI offensa incurreret: sic ut aliquando toto triduo gemens & mœrens cubiculo inclusus hæreret, quod rescivisset apertum quoddam scelus in Urbe commissum. Accidit aliquando hominem prædivitem, & nobilissimo ex genere in Lithuania in lectulum mortalem dejici, qui auditis mirabilibus, quæ DEUS per Patrem operaretur, spem conceperat valetudinis ejus precibus recuperandæ; non obscurè promittens noto sibi Sacerdoti, à quo morti parabatur, si id fieret, amplas possessiones Collegio, cum aliquot millium annuo proventu se donaturum: Adfuit ægroto evocatus Lancicius, æquè hominis morum & vitæ, ac promissionis factæ ignarus; nihilq; morbi gravitate perterritus, preces ad DEUM suas pro ægri sanitate promisit. At ubi domū reversus intellexit hominem gravissimis & mali exempli, & longâ consuetudine inveteratis criminibus ac vitijs oneratum esse, DEUS bone, inquit, huic homini præstabilius est mori quàm vivere! nolim ego pro ejus vita orare, quâ ad DEI multiplicandas offensas abutatur! itaq; dives ille optimè tum ad mortem comparatus decessit.

Ex hoc eodem DEI amore & super omnia æstimatione, nascebatur in eo inextingvibilis quædam sitis annihilandi penitus sui, & in obsequium ejus quoad omnes potentias imolandi, ut nihil ad libitum proprium, aut suâ inclinatione agere sustineret, sed judicio suo & voluntati mortuus, alieno arbitrio totum se subiceret. Itaque quidquid circa se à Superioribus decerneretur, aut exequendum imponeretur, cæcâ obedientiâ acceptabat, pro omni ratione reputans, quod imperaretur. Mirumq; est, virum ætate, virtute, doctrinâ, rebus gestis, auctoritate partâ tam  
Fffff 2 con-



conspicuum, singulari DEI dispositione arduis quibusdam imperijs jactatum, tamen nè cogitationem quidem Majorum imperijs adversam passum esse, minùs admisisse. Unicum exemplum afferam, ex quo patebit, perfectam obedientiam posse Majorum jussu, etiam revelationi Divinæ cum merito præponere. Anno 1639. irrumpente in Boëmiam Svecico exercitu, omniâque rapinis, cædibus & incendijs vastante, Lancicius tum Kuttenbergæ in Collegio agens, jussus est cum aliquot socijs Novamdomum, tanquam securiorem locum se recipere, designato & itinere, & discessionis die 3. Maji. Accessit Rectorem Lancicius, monuitque, si eâ viâ proficiscerentur, periculum non evituros; se ea de re distractionem habuisse (itâ loqui solebat, cum ei aliquid cælitus revelaretur) foreque ut tres è socijs viâ mactarentur, reliqui ægrè mortem evaderent. Rector seu perturbatione non advertens quid à Patre diceretur, sive aliâ quâ causâ, jussit nihilominus viam præscriptam teneri. Curru vehebantur tres, Pater Joannes Meak, eum Fratribus Martino Ignatio, & Wenceslao Trnozka, Nicolaus equo: ceteri pedites sequebantur cum alterum à Kuttenbergæ milliæ ingressos armati hæretici latrones invadunt, à Nobili hæretico ad id conducti, & solutis bombardis tres in curru è vestigio necant: quos revera Fidei causâ cecidisse, in *Societate ad sanguinem usque militante*, ostendimus. Pater Nicolaus equo defiliens, pedes, nihil concitato cursu iter aliquamdiu relegit, nullo (quod miraculi loco habitum est) latronum insequente, donec à socijs fugitivis repertus, cum ipsdem Iglaviam tenuit: rebus omnibus vitâ sibi charioribus exutus, putâ scriptis exquisitissimis, centum ferè Tomi erant, multorum annorum labore, Romæ præsertim, in edenda aliquando opera collectis, quibus currum impleverat: item multorum Sanctorum lipsanis, quæ itâ disjecta & confusa postea avulsis inscriptionibus reperta sunt, ut omnino discerni non possent. Atque hanc ipsam rerum sibi charissimarum eo in itinere amissionem illi Kuttenbergæ ante discessum revelaverat Dominus, ut tantò perfectius de se faceret obedientiæ sacrificium. Cum enim eo die Missam in Basilica Sanctæ Barbaræ legeret, in ipsa SS. Eucharistiæ sumptione vocem audit ex Sacra Hostia ter se interpellantem: quid si tu omnia tua scripta amitteres? ad quod ille, Domine cum vita mea libenter tibi offero etiam omnia scripta, quæ tamen

quanti fecerim, tu nôsti. Condoluit huic jacturæ ipse Cæsar Ferdinandus III. cui Pater ob Sanctimoniam famam fuit charissimus, ac decretum triplici idiomate ad Capitaneos (ut vocant) districtus illius misit, jubens omni curâ in Patris scripta inquisitionem fieri, & quæ reperirentur, eidem restitui. Sed serum erat mandatum, siquidem hæc latè per viam disjecta, discerpta, & omnibus aëris injurijs & pluvij abjecta, inutilia evaserant. Efficaciùs tamen damnum omne compensavit DEUS, uti jam supra retulimus, ut Pater etiam de hac jactura magis gauderet, quàm tristaretur, & diem hunc rapinæ speciali devotione annuè tanquam festum recoleret. Neque mirum est tam excelso loco imperia Superiorum habuisse, qui in ijs DEUM semper agnoscebat; nec ferè aliud crebrius in ore habebat illo, *qui vos audit, me audit*: sic ut nullam rationem aut motivum ad obediendum attenderet, vel admitteret, nisi quia imperareretur. In ipsdem reverebatur DEUM, & quoties cubiculum eorum præteriret, ante januam licet clausam caput inclinatum denudabat; id quod deinceps semper observabat, estò desinerent esse Superiores: Literas ab eis acceptas, venerationis causâ, non nisi ferè in templo, aut ante suum Oratorium de genibus aperiebat & legebat. Ad primum campanæ ictum omnibus relictis cum se proriperet, mirabatur posse dari Religiosum aliquem, qui audiendo expressam Divinæ voluntatis significationem, eam tardius, & cunctando exequeretur. Neque contentus, per obedientiam, & alia communia Religionis vota, se ipsum penitus Divino amori immolare, adjecit illis alia haud paulò magis ardua, ut votum nunquam admittendi saltèm deliberato consensu peccatum veniale: nunquam propalandi divina dona sibi concessa, nisi obedientia, vel manifesta necessitas, vel certa & supernaturalis utilitas proximi exigeret; amandi ex corde inimicos omnes, quod hisce verbis concepit: *Voveo, me propter te dilectissime DEUS meus, semper & ubique omnes adversarios meos & inimicos, si qui fuerint, & qui fuerunt, vel adhuc erunt, & omnes quovis modo mihi ac rebus meis contrarios, ex corde amaturum, tanquam veros ac solidos, mihi que charos, & à me purè propter te expetitos amicos & insignes benefactores, magis exoptatos quàm eos, qui sunt mihi rebusque meis faventes, quibus semper & ubique propter te carere volo DEUS meus.*

Atque in his aliisque solidarum virtutum



rum exercitijs traductâ sanctè vitâ, ubi ex Boëmia in Poloniam rediisset Anno 1642. partim in ejus, partim in Lithuaniae diversis Collegijs confedit, eodem ubique animarum bono & lucro: nisi quòd iterum ad electionem Generalis Vincentij Carasæ Roman. missus est. Unde Anno 1646. redux, ad annum usque 1652. supervixit, donec eodem Caunæ Regiâ urbe, ad diem 30. Martij, quæ erat Dominica Passionis, ætatis verò anno 78. spiritum DEO reddidit. Optaverat ille multis apud DEUM votis, ut jam diximus; mortem cruciatibus & doloribus prolixis acerbissimam, fuissetque exaudium sequentia abundè probant. Nam morbo ultimo in lectulum prostratus, toto pæne semestri illo neque egredi, neque caput aut corpus erigere, neque situm unquam mutare potuit. Ergo lateri dextero continuè incumbenti, tabe gravi corporis partes aliæ exesæ, aliæ adeò confectæ, ut pedes digitalibus vermicibus scaterent, quos (incausum prius medicorum, jubentibus Superioribus, adhibitâ omni curâ) deinceps abigi non est passus, latè paritèrque profundè tibijs perforatis: per quarum cavernas ingredienti egredientesque læto semper, & nullos dolores sentienti simili spectabat vultu. Auditus eosdem placidè alloqui, & ut opus sibi à DEO impostum seridè exequerentur, monere, subindèque diutiùs per lectum se volutantes, ad se cruciandum in foramina invitare. Tanta Viri tolerantia neminem ex spectatoribus non attonitum dimisit: lætus continuò vultus, modestus sermo, omnis gemitûs expers, imò eum invisentibus etiam amœnus; inter quos Medicus externus Lutheranus spectaculo stupefactus, magnum Sanctum palàm per Urbem proclamavit: ex qua novi semper ad videndum prodigiosum hominem adventantes, per se vel amicos, se suâque negotia ægroto commendabant. Ex his præcipuus Caunæ civis Casimirus Zypla, cùm de periculo grassantis in vicinia pestis Patri loqueretur, respondit, ab incendio magis quàm à lue cavendum: quod mox secutum, potissimam Urbis partem absumpsit. Parocholoci, eidemque Canonico Vilnensi Nicolao Ilpsky, eo animo ægrum invisenti, ut aliquid ex rebus usu illius veluti sacratis, & nominatim pileolum obtineret, cùm id Reçtori in ipso januæ ingressu secretò aperuisset, nemine prorsus alio voti conscio, priùs ultrò oblatum à Patre tulit, quàm petere auderet. Quidquid temporis humanis officijs vacuum habuit, totum divinis impendebat, & sibi

veluti ereptus invehebatur Cœlis. Deficientibus jam viribus vocato Reçtori, Patri Florianio Malewsky, edixit, se pro misericordia DEI, ejusque iteratò sibi factis promissis, sperare rectum in Cœlos absque purgantibus flammis transitum, ideòque petere, ut suffragia Societatis pro defuncto de more peragenda, non pro se, sed pro existentibus in peccato mortali, & conversione hæreticorum offerrentur. Ultimo vitæ triduo impetravit, SS. CHRISTI corpus thecæ inclusum ità penès se locari, ut semper illud præ oculis haberet; in quod inconnivi obtutu defixus, solis lachrymis, labiorum motu, & continuis suspirijs prodebat, quid animus intus ageret; donec animam emissurus, factâ humili capitis illud versùs inclinatione, oculos ipse suis digitis in mortem conclusit, & manibus in crucem ante pectus compositis quietissimè expiravit. Porro tribus ultimis continuis noctibus cœlestis cantus, ipso Reçtore auditore & teste, toto cubiculo morientis resonabat, in tres veluti choros divisus, quasi præludens honoribus & venerationi, quæ demortui corpori certatim exhibita est. Siquidem frustra renitentibus socijs, ut primum in urbe mors Patris innotuit, congesta super corpus ab accurrente populo sunt rosaria, icones, & id genus pietatis instrumenta, velut ab ejus attactu sacrandæ, cùm tamen ijs Regionibus id nunquam usitatum, neque à memoria sæculorum in quoquam aliorum visum fuerit. Mox etiam de loco tumulandi corporis certamen exortum, cùm Episcopus Vilnensis apud se locò separato Vilnæ, thesaurum deponi vellet; renitente Principe Alberto Radzivilio, Lithuaniae Cancellario, & Caunæ Capiteano, causamque penitus evincente populo & civitate Caunenfi. Piam hominum existimationem mox varijs signis confirmavit cælum, redditâ ejus nominis invocatione quàm plurimis sanitate, variisque impertitis beneficijs. Albertus Thulibowsky Episcopus Poseniensis, nactus manu Lancicij conscriptam schedam, quâ Calvinismum in adolescentia ejuraverat, mira per eam patrata propriæ manûs chyrographo testatus est in hæc verba: Per ejus contactum multi ex familia mea, qui gravissimis febribus laborabant, & jam mori videbantur, repente sunt sanati. In particulari, puella annorum 15. in Cœnobio Præmonstratenfi Plociæ, non auditu tantum & visu, sed etiam sensu tactûs jacebat privata, nullis seu medicis, seu sacris remedijs quidquam proficientibus: perrexi tandem ad eum lo-



cum ipse, & in meritis Patris Lancicij implorando DEI auxilium, chartulam in fronte puellæ deposui, quæ mox à meo discessu, post mediam circiter horam, surrexit, hoc unicum anxie requirens, quis apud se ante mediam horam fuerit? In oppido Siepre, cum Sacramentum Confirmationis administrarem, accessit mulier energumena, quam malus hospes nullatenus confirmari sinebat: imposui igitur illius capiti prædictam schedam, & mox compressa est maligni violentia, & mulier confirmata. Puer meus in bonis meis Præda nuncupatis, gravissimo sæpius calculo enecabatur; imposita huic quoque scheda in fronte, estque ad hoc usque tempus ab eo malo liber. Ibidem uxor mei Vice-Capitanei gravissimè partu laborabat, ita ut fœtu mortuo enecari videretur, applicatâ chartâ & ipsa convaluit, & partum vivum est enixa. In Vilnensi Academia Stanislaus Dowgialo nobilis adolescens, gravissimis capitis doloribus cruciatus, reliquijs Patris Lancicij admotis, statim convaluit; uti & Wladislaus Giedroyc à febre tentatus. Plura ejusmodi qui volet, vitam ejus consulat; ego ad ea transeo, quæ DEUS per illum in vita mirabilia patravit.

Stanislaus Kuczborsky Castellanus Spircensis, Vir opibus & Senatoriâ Regni dignitate inter Proceres Poloniæ illustris, multis annis pedum dolore laborabat, ut domo ad Consilia & Senatoriâs functiones sellâ efferri necesse haberet, neque domi, nisi grallis indecore nixus, gressum figere posset. Hunc cum Nicolaus Anno 1633. familiariter adivisset, inter amica colloquia repente grallam, quâ nitebatur, illi ex manu surripuit, affirmans, non decere tantum Virum his fulcris inniti. Exclamat ille ad periculum, se jam concidere & ruere; cum inter ipsum ruinæ discrimen animadvertit robur in pedes subire, sanos fieri, ac se consistere, imò & progredi posse. Vixit diu ad omnia obsequentibus pedibus, & descriptâ rei ipsemet historiâ factum totâ Poloniâ evulgavit; utq; erat Vir magni & liberalis genij, Collegio Societatis Plocensi supra 10. millia, ultimâ voluntate gratus legavit. Semper tamen indicium aliquod præteritæ clauditis retinuit, licet sine impedimento, & integrâ pedum sanitate; quod ipsum illi Nicolaus in curatione prædixit, inquiens, Stanislaë, non plenè convaluisti, quia non plenè credidisti. Nec minùs beneficus in ejus filiam Marianam fuit, quæ postea Pomeraniæ Castellano in manus venit: hanc per annos plurimos videndi facultate destitutam

rogatu Parentis invifens, oculos cruce signavit, & illa momento lucem aspexit: per totam Poloniâ miraculo vulgato, & ingenti admiratione accepto. Nec minùs mirabilitatis habuit eorundem oculorum curatio in Patre Casimirio Koialowitz, quo tempore versabatur in tertia Probatione sub Instituto Lancicio, dolore & fluxu eorum ita per tres ferè menses invalescente, ut non leviter metueret, nè ad munia Societatis penitus inutilis redderetur. Cum igitur remedium sacræ benedictionis ab illo confidenter oculis suis petisset, risu primùm exceptus, ac deinde verbis ad increpandum compositis, quod miraculum à se fieri peteret, rejectus est. Crescente indies malo, ut jam nec quadrantis horæ spatio legere quidpiam posset, idque nonnisi oculorum altero per vices clauso, adest die quodam Lancicius, significans mandatum sibi ab Generali Patre Vincentio Carafa impositum, quò jubebatur omnia circa se DEI specialia dona scriptò Romam transmittere: pro quibus in justo libello describendis illum designat. Nihil excusavit Casimirus, quod mentem subiret cogitatio, hoc medium fortè in speciem oppositum & nocivum, à Nicolao adinventum, ad mali curationem. Igitur invocatâ per ejus merita DEI clementiâ, libellum characteris Nicolai conscriptum arripit, eoque oculos malè affectos abstergens, instantaneo succursu dolorem simul & fluxum omnem detergit. Recurrerunt quidem aliquoties inter describendum puncturæ prioris doloris, sed leves ac propè nullæ, ut vix sentirentur, & quæ solo medici characteris tactu prorsus diffugebant: donec re P. Nicolao ex vero relatâ, ipsi bene precatus, beneficium hoc perpetuum esse jussit, ut nunquam vel signum prioris vitij rediret. Minoris longè stetit sanatio hominis oculorum dolore penè ad insaniam redacti, qui Patri ex Provincialis officio Collegia visitanti, ad Stuckum (nomen est loci) occurrit, ejulans & lamentans; nam Pater curru desiliens ad ægrum, *non est*, inquit, *quòd ultra crucieris: sol nimis te perstringit, hinc ille dolor.* *En tibi meum strophium, quo oculos contra lucem obtegat: satis scio, malum omne sublatum iri;* Dixit, & curru conscenso iter resumpsit: simulque cæcutienti dolor omnis ab oculis evanuit, ut deinceps indemnis solem & lucem semper aspiceret, quam ferre tam diu non poterat. Et erat hoc semper illi solenne, ut ejusmodi beneficia sanitarum collaturus, ad obtegendam miraculi speciem, jo-

cum



cum aliquem, aut medium adhiberet minimè tali fini congruum. Cùm Provincialis Poloniæ munus gereret, Cracoviam Collegium visitaturus venit; pro more suo Valetudinarium primò omnium accedens, Professore Matheseos reperit à Medicis jam depositum, & extremè ad luctam sacro oleo unctum. Lectulum accedens, detractâ pedi suo crepidâ ægrotum attingit, ac confestim surgere jubet. Surrexit æger illico, nullo morbi vestigio retento. Ità Casimirum Tyskiewicz, Marefchalli Lithuanix filium, ex febris graviter ægriorem invisens, impacto levi colapho momento persanavit febris nunquam reversâ: testante miraculum Episcopo Vilnensi, & ægri cognato Georgio Tyskiewicz. Simili modo atrocissimos capitis dolores, ab illustissima Lithuanix ProCancellarij Casimiri Sapieha, Coniuge, & ab alijs multis varios langvores & morbos depulit. ut videre est vitæ illius l. 3. c. 6. & 11. Magis æstimandi sunt favores, quos à DEO percepit ipse circa suam personam: ut cùm Romæ existens vidit nomen suum libro vitæ inscriptum, & à CHRISTO Domino ad legendum oblatum hisce formalibus verbis, Sanctus Nicolaus Lancicius Societatis JESU, idque quatuor vel quinque diversis vicibus, post sumptam inter sacrificandum Sacram Hostiam. Cracoviæ cùm esset Rector, nescio quâ gravi lite oppugnatus, ad Crucifixi Salvatoris statuum supplex recurrit: cui Dominus primùm totius causæ exitum, qualem optabat, revelavit, atque insuper visibili portento declaravit, quàm promptus foret, potenti brachio suo in auxilium oppresso venire. Vidit enim Pater manum dexteram CHRISTI lentè à Cruce dimoveri, & usque ad genua demissam protendi, clavo illæso, quo affigebatur, in suo loco remanente, cujus tamen capitellum obtusum longè crassius est quàm manûs foramen. Ex hoc situ hodièque remanet idem Crucifixi simulachrum, magno honore asservatum Cracoviæ in Societatis Collegio. Idem ferè evenit ipsi Romæ in templo Sancti Chrysogoni, similiter ante Crucifixum in quadam necessitate precanti, qui illum disertis verbis allocutus & consolatus est: unde singularem affectum & devotionem erga idem templum Pater concepit, habuitque in quavis necessitate pro asylo, & domo refugij. Nam & aliàs ibi precanti, & gravis momenti negotium, totam Societatem concernens per Beatissimam Virginem DEO commendanti, adfuit spectabilis Augustissima Cæli Regina (quæ & aliàs sapius

plena Majestatis, illi visendam se exhibuit) & securum optimi eventus reddidit. Singulare imprimis est, quod cum eadem ipsi evenit Vilnæ, ubi primùm ab Italia illic pervenit. Obtinuerat is multa corpora sanctorum à summo Pontifice, & ingentem Reliquiarum thesaurum, ut jam dictum est, quæ unâ cum tomis scriptorum facillè 100. quò leviùs ipse iter conficeret, post se advehenda reliquerat in Italia: cùm repentè obortum Pontificem inter & Veneros bellum, meritò suspicionem illi & merum incussit, de interceptis tot sacris lipsanis. Ergo ad patrociniū DEIPARÆ toto animo conversus, sacerdoti nostro Patri Adamo Olorio peregrinationem ad miraculosam illius Imaginem in Troki, milliaribus 4. Vilnâ, instituenti, epistolam supplicem dat ad Divam exaratam, ad ejus pedes deponendam. Olorius rem Divinam facturus, in ipso accessu altaris epistolam ante imaginem deposuit; quam peracto sacrificio omni diligentia requirens, nusquam reperire potuit, nihil dubitans divinitus ablatam, in signum videlicet acceptæ Lancicij petitionis. Sed ecce eodem tempore in cubiculo domi moranti Lancicio, eadem epistola repentè super mensa sua apparet expansa responso felici subscripta, *Nicolae, quod petisti, impetrasti*. Eventu tam stupendo in reditu ab Olorio comperito, ac per eum toti Collegio manifestato, ingens admiratio omnium animos complevit: donec advectus paulò post integerrimè sacer thesaurus, plenam vaticinijs fidem asseruit.

Ut verò alia circa Nicolaum mira cursum, ac velut sinè ordine absolvam, Anno 1607. Romæ studijs operam dabat è Polonia missus Procopius Sambozeczky, actis ingenij, sed disciplinæ Religiosæ minis patientis. Discesserat jam Româ Nicolaus; qui juvenem suis monitis in officio continebat: quo absente ad genium reverso, adest repentè Pater severo vultu, multisque severe increpito graviter comminatur, nisi resipiscat, & seriam virtutis curam assumat. Scripsit hac de apparitione ipsemet Procopius in Poloniam: sed minis his parùm emendatus, paucis mensibus à Societate dimissus est. Meliorem exitum habuit Florianus Timinsky, vir eximiâ prudentiâ & integritate, de statu vitæ deligendo anxie deliberans, quòd licet ad Societatem vocari se sentiret, multa tamen occurrerent animo, quæ consilium difficile reddebant. Ergo Ecclesiam Societatis Lublini ingressus, ut ante CHRISTUM in loco

sa-



sacro deliberationem finiat, videt ante se-  
stantem Nicolaum, Cracoviæ tunc multis  
milliaribus degentem, cujus solo lætissimo  
vultu & aspectu sensit omne dubium ab ani-  
mo depelli: brevique Societatem ingressus,  
vitæ religiosissimæ actæ finem æquè sanctum  
moriens imposuit. Virgo Elisabeth Seni-  
awska, Marefchalli Poloniæ filia, in Chel-  
mensi Parthenone anno 1607. more Nobili-  
um Virginum piè educanda versabatur;  
cùm gravissimis exagitata mente Martio con-  
scientiæ tumultibus, ob molestissimas præ-  
cipuè Carnis tentationes, orationi se dedit;  
& ecce videt Patrem Nicolaum longissimè  
tunc dissitum, suæ orationis socium, & po-  
stea pro Confessionis tribunali sedentem.  
Quo aspectu omnes illecebrosæ imagines  
momento evanuerunt, neque unquam in-  
posterum redierunt. Quid de secretorum  
cordis, & futurorum notitia dicam? plurimi  
ubique inventi sunt, ubi illum vivere con-  
tigit, quibus, ipsismet de se narrantibus, oc-  
cultissima peccata non modò nominavit,  
sed etiam cum adjunctis omnibus, loci, tem-  
poris, complicum aperuit, & eâ ratione ad e-  
mendationem adduxit. Brunsbergæ cùm ad  
Cives diceret, cælesti instinctu (neque enim  
sponte suâ, sed quadam internâ vi coactum  
dixisse deinde affirmabat) civis cujusdam  
mores, & sceleratos conatus in juvenibus  
per illicita, quæ domi habebat, corruppen-  
dis descripsit, additis minis, nisi desisteret.  
Malè ista ab Auditoribus accepta sunt: ci-  
ves quæri, propudiosum civitati esse, con-  
civem habere adeò infamem; alij etiam Re-  
ligiosi damnare, propalam edici, quæ unum  
concernerent, donec DEUS sententiâ suâ  
hominum judicia diremit. Triduo enim  
necdum elapso, miser ille in corrumpenda  
innocentia obstinatus, repente concidit, ex-  
piravitque: quo tristi casu omnes illæ in Pa-  
trem querelæ conticuerunt. In numerofo  
quodam Societatis Collegio, Missam pro vo-  
ta renovaturis legebat: ubi ventum est ad  
illa symboli verba, *qui cum Patre & Filio si-  
mul adorantur*, tantam vim lachrymarum re-  
pentè effudit, ut nè verbum proloqui, neque  
progredi ultra posset dimidio circiter horæ  
quadrante, licet duo adstites Sacerdotes o-  
mnî conatu eum revocare tentarent. Tan-  
dem ad se reversus, à verbis interruptis Mis-  
sam prosecutus usque ad finem est. Roga-  
tus à pluribus, quid ei accidisset? edicere  
non voluit: sed uni confidentiori post horæ  
ferè spatium ultro aperuit; *DEUS bone in-  
quiens, qualem hodie in Missa distractionem*

*sum passus! ex omni numero renovantium vo-  
ta, septem in corde JESU non inveni, quia vo-  
cationis immemores Societatem deferent!*  
quod etiam re ipsa consecutum est. Acci-  
dit aliàs, ut sex sociorum cum Patre Nicolao  
colloquij à prandio de rebus divinis horam  
consumerent: quibus dilapsis, unus Patrum,  
qui nuper Præpositus Provinciæ fuerat, quæ-  
rit, an omnes illi juvenes nostri in Societate  
emorituri essent? ad quod ingemiscens Lan-  
cicius, *heu me!* inquit, *non omnes! quia Su-  
perioribus suis, à quibus possent juvari, con-  
scientiam suam non retegunt!* factum quod  
dixerat, & è sex illis biennio unus è Socie-  
tate discessit. Prædictionibus hujusmodi  
Cracoviæ, Vilmæ, Olomucij, Pragæ, alibique  
paginæ non sufficerent recensendis. Olo-  
mucij Juvenis operam dabat literis in speci-  
em modestus & pius, hic à Confessione in  
templo peracta in Lancicium incidit in am-  
bulacro Collegij, ad quem ille, *infelicissime  
juvenis!* *Estne hoc ritè confiteri? tacere pec-  
cata, quorum tepudet? cur subticuisti ante tri-  
duum patrata?* ubi is peccata sua enumerari  
audivit, tactus dolore in terram se abjicit, &  
absolvi legitime impetrat; paulò post Reli-  
gionem ingressus, in qua constanter piè vi-  
xit, & optimè defunctus est. Venerat ali-  
quando Brunam Olomucio Nicolaus, & in-  
terim dum Janitor ejus adventum Superiori  
nunciat, ipse Catalogum personarum ad ja-  
nuam pendentem accedit, cùmque ad No-  
vitiarum legendo nomina pervenisset, for-  
tuitò advenit ex illis unus, ejus directione  
& educatione nuper Societatem ingressus,  
cæpitque quosdam illi de nomine commen-  
dare, at Pater, quos tu, inquit, mihi com-  
mendas? hic, & iste & ille non manebunt  
in Societate, atque ita prorsus evenit. Com-  
plura ejusmodi cordium arcana ab illo de-  
tectæ etiam Romæ fuere, quæ vitæ l. 3. c. 4.  
& 7. referuntur. Brunæ item Nicolao Sa-  
crum facienti ministrabat adolescens è scho-  
lis Matthæus Renardus: is ab malo dæmone  
impuris cogitationibus fatigatus pæne jam  
succumbebat, cùm Pater nonnihil ab altari ad  
eum conversus, *relinque*, jubet, & *abjice has  
cogitationes*. Ictus veluti fulmine juvenis  
DEO se reddidit, & quod acciderat, Con-  
discipulis recensuit. Ibidem drama scho-  
lasticum exhibebat Magistrorum unus, ma-  
ximâ spectatorum commendatione & ap-  
plausu, Nicolao interim eorum in medio a-  
cerbas lachrymas fundente. causam roga-  
tus à confidentibus amicis, hanc reddidit,  
*quia Dominus mihi ostendit, Magistrum hunc*  
in



*in Societate non moriturum.* veritatem eventus ostendit. Anno 1640. Sacerdos Religiosus magnæ inter suos auctoritatis, & Ordinis sui deinde Provincialis, Patrem Glacij tum in Boëmia degentem accesserat, generalem de tota vita Confessionem facturum: cui in ipso cubiculi sui ingressu occurrens Pater, nè sollicitus sis, prior monet, de modo confitendi, nam DEUS mihi omnia revelavit: cœpitque omnia ex ordine recensere ejus peccata, quæ ipse magnâ sollicitudine, nè quid omitteret, anxius, multâ præparatione annotarat. Quod dum audiret, ingenua procidens absolutionem ab ijs cum ingenti animæ, inter ipsas doloris lachrymas, solatio & gaudio impetravit: ita ipsemet de se palàm retulit primo Smirzicij Anno 1641. & iterum Pragæ jam Provincialis, coram quatuor nostris Patribus in Domo Professa Anno 1644. Ubi & adjecit, cum ibidem Glacij in templo nostro pro festo Sancti Ignatii concionem habiturus esset, petijse à Lancicio quæpiam de laudibus Sancti sibi suggeri, qui ei mox totum integrum suorum de hoc argumento Notatorum obtulerit. Contigit interim nocte quadam, dum relicta ardente candelâ diutius à cubiculo abest, scintillam in eum librum decidere, à qua dimidio sui consumptus est: ut idcirco diu residuum Patri referre pudore & metu dieffrret; dum tandem timore superato Patrem adiit, quem ille in ipso limine prior affatus, *scio, inquit, scio, quid libro factum sit, scivi etiam quâ factum est hora.* Tum suaviter increpitum de negligentia, bono animo esse jussit, & benignè dimisit. Acerbissimè scrupulis vexabatur Franciscus Sziubowsky noster Scholasticus, quorum intolerantiâ sub ipsam noctem Patrem pro remedio accessit: cui ille necdum portam cubiculi ingresso, aut viso, *vade mi Frater in pace,* inclamat: *nihil est quod te excrucies; deponere inanes conscientia metus, & quietè dormi:* ad quas voces, & multò magis postquam die sequenti ultro advocato Pater inanes suos timores explicuit, plena animo hilaritas redijt. Eidem cum publica Philosophiæ defensio à Superioribus deferretur, multùm deliberabat, an religiosè honorem deprecaretur. venit iterum consilij causâ ad Patrem: qui subridens chartam illi suâ manu, antequam verbum ille protulisset, conscriptam obtulit, & ante SS. Evcharistiam præmissâ oratione legere mox jussit. Legit, & omnes cogitationes suæ deliberationis descriptas stupens vidit, adscriptumque Pa-

*Societas Europæa.*

tris in margine consilium, quod etiam secutus est.

Nec minùs verax aut parcior fuit in prædicendis futuris, ut propè nullus familiarius cum eo egerit, qui prædictum sibi ab eo quidpiam non haberet: multi graves morbos, alij statum vitæ, alij ætatem longam aut brevem &c. quæ singula ita penitus evenisse compertum est. Romæ dum moraretur, Clementis VIII. mortem, & tempus, diu antè prædixit: & Leonem XI. disertè primâ sacri Conclavis & electionis hebdomade illi successurum, neque tamen unum in Pontificatu mensem victurum. Quo die Nesvisium in Lithuaniam allata est electio Patris Alexandri Gottifredi in Generalem Societatis, Pater Lancicius elevatis tantisper in Cælum oculis subito exclamavit, electus est quidem, sed brevè ad suos Antecessores apponetur: itaque evenit. Anno 1638. rogatus à familiari sibi nostro Pragæ Sacerdote, Godefrido Schuberto, quemnam post mortem Patris Mutij Vitellesci crederet in Societatis Generalem eligendum? post aliquam moram his verbis respondit: *Habet Italia duos Viros admodum præstantes, alter Neapoli degit Vincentius Carafa, alter Romæ Franciscus Piccolomini; uterque erit Generalis, & tu utrumque supervives; Pater Carafa tamen Piccolominium præcedet.* Repetitque addens: *Ita est, tu vives post illos, ego interea post alterius obitum quiescam in terra.* Omnium veritatem tempus ostendit. Illustrissimæ Matronæ Ludmillæ Comitissæ de Sternberg 13. prius annis prædixit, filium ejus ad virilem ætatem non perventurum: ac tandem ipsum annum, quo piè decessit, ex Polonia Pragam perscribendo designavit. Ipsius verò Illustrissimo Conjugi Francisco de Sternberg, Regni Boëmiæ Supremo Judici, ex eadem Polonia scripsit: *Vestra Illustrissima Dominatio amet DEUM, brevi enim videbitur vita sua finem, & hoc non naturali, sed violentâ morte.* Non apparebat, unde illa violentia Viro togato afferri posset. Ecce tibi Königsmark Svecorum Ductor, post duos non ampliùs à prædictione menses, Arcem & Minorem Urbem Pragensem prodicione occupat Anno 1648. in quo tumultu Franciscus, dum temerè fenestram aperit, visurus quid tanto tumultu foris agatur, globo illi brachium sinistrum trajicitur, ex quo oëtidui spatium pijsimè decessit. Sacerdoti nostro, Teicher dicto, apud se coràm multis querenti, quòd corpore indies magis emaciaretur & deficeret; ridens subjecit, atqui bone Pater

Ggggg

tam



tam vasto ventre ante mortem apparebis , ut hæc porta ad exitum tibi futura sit angusta. Post annos plurimos Pater Teicher Pragæ ad hydropis curationem venit, & prædictionis veritatem & agnovit, & palam ipse narravit, ventre adeo tumefacto, ut 15. grandes amphoras ex eo Chirurghi ante mortem eduxerint. Anno 1638. Giczinio Boëmiæ ad Senatorem sibi familiarem Olomucium perscripsit: quia filiolum tuam nimis amas, DEO visum est, ut eâ post paucos dies careas, per mortem illius naturalem. quod ita evenit, non minus ac sequens, eodem anno illuc perscriptum in hæc verba: *Attendite Urbi vestræ, imminet enim illi grande malum!* cujus causas adjecit, occulta quædam & gravia in domibus, quas nominabat, patrata scelera. Paucis hebdomadis quadam Dominicâ in multis Urbis partibus excitatur incendium, quod supra 90. domos hausit: hausit enim fortè totam urbem, nisi numerosissimum ibi nostrum Collegium suppetias venisset, cui etiam à Senatu gratiæ actæ sunt. Sic & duplicem Pragæ obsidionem multò ante prædixit, nostròsque monuit, de annona Collegio providerent, duos brevi exercitus ad Pragam constitutos. quod evenit Panirio Svecorum Duce Pragam obsidione premente; quando Urbi in auxilium primò Harzfeldius, deinde Archi-Dux ipse Leopoldus, Cæsareæ militiæ Ductores, in auxilium venèrunt: unde factum, ut Pragenses à milite Cæsareo annonam enire cogerentur. Altera multò atrocior obsidio successit, post occupatam priùs cum Regia Arce minorem Pragam Anno 1648. quam pluribus variè diversis vicibus, sicut & intercipiendam & diripiendam Triurbis partem, præsignificavit. Sic Viro inter Regni Procures Illustrissimo, Scipionem ex Italicâ arundine, dedit, quasi per jocum, in manus, monens; *Scipionem hunc Illustrissime Domine diligenter serva; veniet tempus, cum valde illo egebis.* Pragâ captâ, Illustrissimus ille unâ cum alijs Dominis, rebus omnibus despoliatus, ut nè pallium quidem tegendo corpori relictum sit, Scipione illo nixus domos & Urbem obire cogebatur; quod ipse vaticinij Patris memor, passim referre solebat. Oppolium Silesiæ Urbem transeunti aliquando occurrit parvulus, lineam prætextam indutus, quem Pater fixius intuitus, Parentibus adstantibus edixit: puer hic postquam adoleverit, nigram mihi similem vestem feret, quâ in Societate induetur; quod & factum. Sed & plurimum ex obrectatoribus suis mortem, &

tempus & genus subitanæ mortis finè perceptione Sacramentorum, ex vero & de nomine prædixit. Quo tempore Sigismundus III. Poloniæ Rex, exercitum in Roxolanos misit, & eundem mox secuturus tantisper Vilnæ substitit, Lancicius ibidem tum moratus, die quodam Aram accessit Sacrum facturum, sub quo illi conflictus eadem horâ commissus, unâ cum victoriâ Polonorum revelatus est. Ergo post illud Regem accedens, totam prælii seriem, cum omnibus quæ Regem scire expediebat, illi retulit, victoriam in paucis gloriosam illi gratulatus. Post aliquot demum dies (nam prælii campus magnis centum levcis Vilna distabat) nuncij certatim advolantes, fidem plenissimam vaticinio fecerunt. Itaque quoque mortem amici & charissimi sibi Patris Georgij Meridies, Pragæ obitam, Lancicius Iglaviæ tunc Anno 1639. degens, ipsâ obitûs horâ cognovit, & edixit coram pluribus, in communi tunc à mensa colloquio unâ confidentibus, abruptâ colloquij materiâ subito exclamans, Pater Meridies est Pragæ mortuus! Nam post triduum ex literis inde allatis comperit, eadem horâ decessisse.

Sed & alterius vitæ arcana sæpius illi revelabat DEUS, præsertim animarum in Purgatorio existentium statum, quæ auxilij causâ ad eum recurrebant. Anno 1641. excesserat vitâ Warsaviæ Pater Casimirus Sarbievius, alter inter Poëtas Horatius, & Wladislai IV. Regis Poloniæ Concionator, quo tempore Pater Lancicius Glacij in Boëmia PP. Tertiarijs præerat: cum illâ ipsâ mortis horâ oranti illi adstitit suffragia postulans. Manè Pater non tantum ipse pro demortuo sacrificat, sed & PP. suis animam ejus commendat, quasi de ejus obitu nuncium è Polonia accepisset: sed supervenientes è Polonia ad diversos literæ, collatis temporibus Patrem convicerunt, coëgeruntque fateri, post primam noctis horam, Sarbievium statim à morte sibi apparuisse. Anno 1637. femineis ululatibus & gemitibus Collegium Olomucense implevit Sancti Monialis quædam Romana, quam è socijs multi ad januam Patris audire cum illo italicè loquentem. Hanc ille fateri coactus est fuisse è Cœnobio Turris speculorum, ob quosdam in via spiritali defectus, & peccata venialia, de quibus sæpius ab se fuisset admonita, ad pœnas Purgatorij tam atroces damnatam, ut comparuerit ardentibus prunis totum corpus ad mediam spithamam cooperta. Hæc postea suffragijs ejusdem pœnis exempta, hila-



hilaris ad liberatorem suum redijt, gratias redditura. Calissij dum munus Rectoris obiret, quoties è sacrario celebraturus prodibat, gemitus ex sepulchro nostri cujusdam percipiebat: donec iterum iterumque piaculari sacro adjutum, & sociorum precibus commendatum liberavit, & gemitus omnis conquievit. Facilius unico Patris sacrificio, mox ab obitu suo pro se oblato, adjuta fuit Romæ Anno 1630. Æmilia Muta, Turris speculorum Sanctimonialis, quæ gloriosa alteri comparens, gratias Patri referri pro beneficio jussit. Jam qui tam beneficus in pios manes fuit, non mirum est, si & ipse obsequiosos Cælestes Spiritus & benevolos expertus est. Anno 1636. Oppaviâ ad Olomucense Collegium delatus, postâ viatoriâ veste, advertit sibi deesse, quam semper in via de collo pendulam gestabat reliquiarum thecam, quam scilicet Oppaviæ incurius reliquerat. Tam nobilis cimelij jacturâ, dente scilicet Sancti Patris Ignatii & Sancti Benedicti, aliisque commotus, positus mox genibus DEO ferventer supplicat: cum repente invisibili manu super Oratorium sacer thesaurus deponitur; nemine dubitante. Angelico id factum ministerio, quod nullâ humanâ vi, à loco magnis 8. milliaribus distito, fieri poterat. Alia insuper fuere quasi perpetua Angelorum in ipsum beneficia, quæ videri possunt Vitæ l. 3. c. 9. ut taceam præsidia in periculis vitæ, & auxilia in qualibet necessitate patenter illi exhibita. Singulare fuit quod illi Calissij contigit, ubi renuciatus Rector, Collegium ita obæratum, & ab omnibus humanæ vitæ præsidij nudum invenit, ut nulla humana ratio appareret illud sustentandi. Ergo ad DEI opem implorandam ingenti, uti solebat, fiduciâ conversus, finitâ oratione ad cistam, quam paulò ante vacuum tristis reliquerat, accedit, aperit, & aliquot centenis florenorum onustam, quantum præsens necessitas exigebat, reperit: cum constaret nullum mortalium interea temporis locum accessisse, vel pecuniam tantillâ morâ inferre potuisse. Idem beneficium, Angelico sinè dubio ministerio, iterum expertus est, cum officium Provincialis Lithuanix deponeret. Angebatur maximopere, quod successori debitum septem millium florenorum relinqueret, quæ in necessitates diversorum Collegiorum mutuata expendebat. Præmissâ ad DEUM ardenti precatione, & certâ de ejus liberali manu conceptâ fiduciâ, dum literas archivi excutit, & suc-

cessori ordinat, quinque millia florenum repente apparent: & nè existimaretur antiquum aliquod depositum, & non recens donum esse, erat moneta tam floridi & fulvi metalli, quasi hodie è monetaria officina prodijisset. Deerant adhuc summæ requisitæ duo millia; igitur ut munus divinum esset completum, sub idem tempus adest Vir pius, qui tantum præcisè, licet necessitatis Patris omnino inconsciis, dono spontaneo obtulit. Concludo hæc mira simulque vitam Patris Lancicij, relatione de grano S. Joannæ mirabiliter illi oblato, ab ipsomet conscriptâ, quo innumeræ gratiæ & beneficia ubivis locorum exhibita sunt, & ab ipso vivente, & hodièque præstantur per totam Boëmiam, Poloniam & Lithuaniam, granis ejus actu sacratis. Anno 1630. Romæ degens Monasterium PP. Franciscanorum adiverat, in quo Ordinis Minister Generalis tum residens, neque aliquid de Patris adventu sciens (neque enim adhuc Patrem illum accersiri curaverat) interno & repentino monetur instinctu, ut unum aliquod granum ex Originalibus S. Joannæ secum deferat, & ei, quem primum in porta Monasterii offenderit, dono offerat. Dum descendit, referatâ Monasterij januâ accedentem reperit Patrem Lancicium, quo conspecto, nullâ salutatione aut petitione ab eo præventus, prior inquit, *hic habet R.V. quod petiturus venemur*: simulque ei candidè monitum cælestè aperit; ac nè dubius Pater hæreret, legitimo & publico desuper instrumento postea confecto, Notarij Apostolici Sacrorum Rituum sigillo communivit. Hujus grani beneficium primum se expertum fuisse, referebat Pater, in reditu ab Italia in Patriam, cum per mare Venetum navigaret: hoc enim in fluctus & periculofam tempestatem concitato, ut de vita universi desperarent, Pater in eorum conspectu granum S. Joannæ, (quod semper è collo cum alijs SS. lipsanis deferebat) eximit, eoque aliud simplex granum piè tactum in fluctus projicit. Vix merfum erat, detumuere fluctus, & optata quies mari redijt. Secuta sunt deinceps innumera alia in quovis ferè casuum adversorum, puta, incendiorum, præstigiæ, tempestatum, ægritudinum &c. genere, ita ut ab hoc, & alijs Originalibus S. Joannæ granis tacta alia, diversas Provincias, & gratijs ex pio eorum usu consecutis, Annales nostros impleverint, hodièque ubivis implere pergant.

*Ex ejus vita Robuslai Balbini, & Nadaſi Anno dierum memorabilium.*





P. Georgius Giedroycz S.I. è sanguine Ducum Lithu-  
aniae, vitæ innocentia, humilitate, amore proximi;  
pauperum maxime et miserorum conspectu; Charita-  
tis victima peste cecidit Vilnæ 12 Julij Anno 1653.  
ætatis 35.

173.

## P. GEORGIUS GIEDROYCZ cum alijs 15.

**L**ithuaniae Ducatus patria fuit Patri Georgio, & nati-  
vitatibus ejus origines ex ma-  
gnis illius Ducibus propa-  
gatae, ab ejusdem præcella  
virtute etiam nobilitatae sunt. Etenim 25,  
ferè annos natus Societatem JESU Philoso-  
phiæ emenso curriculo, Anno 1633. ample-  
xus, illud perpetua in laude retinuit, quod  
ab inchoata flagranter virtutis contentione  
nunquam elanguerit, silentij & parsimoniae  
in victu observantissimus. Ex magna ani-  
marum siti nullam elabi occasionem patie-  
batur, etiam necdum sacerdos, eas DEO lu-  
crandi: hinc Polociae inter docendum scho-  
las eousque industriam suam feliciter por-

rexit, ut Schismaticos aliquot ad Fidei uni-  
tatem adductos, præclaris cohortationibus  
ad religiosam etiam vitæ institutum permove-  
rit. Extra urbium mœnia concursatione,  
frequenti ostiatim pauperes ruricolos invise-  
bat, erudiebat, & corrogatâ stipe opitulaba-  
tur, ut ad illorum animas iter sibi latius ape-  
raret: exploratoribus etiam certis adhibitis,  
quorum operâ ad ægros investigandos, aliõs-  
que ad confessionem adducendos dextrè u-  
tebatur, diebus & noctibus quocunque spes  
lucris evocaret accurrere promptus, estò vita  
indè amittenda foret. Ità nocte excitus Cau-  
nae ad domum, in qua ebrius aut furore a-  
mens in quosvis stricto ense grassabatur, &  
jam faminae vulnus lethale infixerat, intre-  
pidus



pidus accurrit, & contempto furentis impetu auxilium illi sauciæ perneceſſarium tempore jam ſupremo attulit. In Miſſionibus ab auroſa uſque ad veſperam, citra ullum cibi vel quietis levamentum, ſacro tribunali ſe impendebat, ubi per iter cùm aliquando ad domum Viri hæretici diverſiſſet, noctu pervigil familiam, illo inconſcio, exomologeſi ſacrâ, non unâ vice expiavit. Modestia illi, ſuique infra omnes demiſſio ad omnium reverentiam, ſemper prompta: nec vetera ſuæ Familiæ decora audire, & quidquid in veſte vel officio ſplendere poſſet, religioſè declinare, ut primas etiam in conſeſſu quodam Nobilium ſocio non Sacerdoti concederet. Quo tamen adeò nihil illi de auctoritate decedebat, ut audirentur etiam quandoque nonnulli, facti cujuſpiam verecundiam alicui incuſſuri dicere, futurum ut id P. Giedroycz reſciſcat, eo nempe nomine velut fræno uſi. Anno 1653. è trimeſtri Miſſione Vilnam ad Collegium redux, cùm aliquem è Patribus inquiri audiviſſet, qui cladem in lue communem, quâ Civitas tum conflictabatur, ſuâ indiſtriâ & periculo ſolaretur, exarſit nimirum generoſo ſpiritu, & à Rectore eam pro ſe provinciam ſuſis primùm precibus, tum etiam lachrymis impetravit. Quod ubi foris Parochos inter Nobilèſque vulgatum eſt, non diſſimulanter improbatum eſt conſilium, & Rectoris facilitas, ac etiam illuſtris cujuſdam Viri apud hunc contra impenſè nitentis intervenit contentio: ſed obſtacula omnia perripit P. Georgij, periculum incredibili zelo ambiens, deſiderium. Quare generali priùs exomologeſi perſurgatus, totus æſtuans cupidine ſui DEO immolandi, operæ ſacræ ſe accinxit: quotidie bene manè Cœleſti ſacrificio operatus, reliquo verò die Urbem, & extra illam ad levæ integræ intervallum egreſſus, ut nullum eo malo preſſum operæ ſuæ vacuum omitteret. Nam & veſpillones, & corporum Curatores, datis quoque munuſculis occupabat, ut ab ijs certior fieret de domibus latentium contagioſorum: quos ſi egentes eſſent, nam horum potiſſima illi cura, Magiſtratum vel aliorum divitum, ac Noſocomij Præfeſtorum, & ubi hæc non ſufficerent, civium oſtiatim rogatorum liberalitate, ac eo etiam, quem è Collegio pro ſe miſſum accipiebat, cibo ſolabatur. Et verò poſt ſex ferè quàm palæſtram illam ingreſſus eſt menſes, pauperi cuidam accuratè ad ultima comparando intentum, teter halitus mortis prodromus, & brevè mors ſecuta oc-

cupavit, poſteaquam Sacramentis procuratus Biblia ſacra, quibus enixè delectabatur, pro ſuprema occupatione ſuæ vitæ paululum legit: mox enim aquâ luſtrali ſe aſpergens, in agonem & mortem ſolutus eſt 12. Julij ætatis 45. Societatis 20. anno. Vir præter virtutes alias eximias & ſelectas tantæ innocentie, ut uno ante mortem illius anno Vir è noſtris divinarum ſcientiâ probatus, & vitæ Patris apprimè gnarus, diſertè pronun- ciârit, exiſtimare ſe DEUM à Patre Georgio nunquam in Societate aliquo etiam veniali, quod plenè deliberatum & voluntarium dicimus, peccato fuiſſe offeſum. Mortem illius magnus omnium Ordinum luſtus excepit, etiam inter hæreticos & ſchiſmaticos: & Medicus, licet hæreticus, ubi peſte aſſatū intellexit, dixit, ſe ope omni ac impendijs curaturum, ut ille animarum adeò amans Pater, è periculo evaderet. Ajunt aliquando per iter cùm in hoſpitiū, ubi ille diverſeratur, ſæmina nobilis & ipſa hoſpes adveniſſet, Patrem Georgium ſe de ſtrato propinquiſſe: cùmque locum alium minimè reperiret, in pagum alium haud parū diſſitum, nocte illa, in Lithuanica hyeme, cum ſocio abiſſe, ac ibi miſerè, ferè inter pecudes, nè in eodem conclavi eſſet cum ſæmina, pernoctâſſe. Corpus præter alia incommoda, frequenti eaque peracri per horæ dimidium caſtigatone, hoſtiliter exercebat, nè dum pro alijs ſatagit, jaſturam ſui faceret, ſui proſectus indulgenter oblitus.

Eodem mortis compendio ibidem hoc anno 1653. æternitatem adeptus eſt 5. Aug. P. Adamus Slonczewsky, Maſovita, annorum 46. ſui pervincendi heros egregius. Cùm enim ardentioris eſſet ingenij, acrem illam vim ad mirum tranquillitatis modum redegit, niſu tanto ſe ſubigens, ut non ſemel iræ impetum frænans, victoriam non niſi cruentam, ſanguine ubertim de naribus erumpente retulerit. P. Adamum 15. Aug. ſecutus eſt ſocius, Chriſtophorus Kulkiewicz, Lithuanus Coadjutor: ſed eum antevertit, eodem die 5. Aug. P. Adamo comortuus, P. Paulus Proſczinsky, annorum 47. in Societate 26. Cujus pariter ſocium, Franciſcum Grabowsky, è medio ægrorum, quorum utilitatibus vitam unâ devoverat, dies 19. Aug. abſtulit. Fuit is natione Pruthenus, totâ propè Societatis vitâ Valitudinarij curæ naviter addictus: natus annos 53. in Societate 28. Vir miræ patientiæ & humilitatis, in commoda ægrorum ita domi, ita in calamitate urbica foris incumbens,



ut præter necessariam curam, infirmos etiam dulcissimè recrearet: noctes totas vigil ad eorū obsequia providenter adverteret, quidquid corporum & quidquid pro suo modulo animorum causâ posset, perquisitè perficeret. Si quâ ipse adversâ valetudine tentaretur, agebat, illam à se Mariani Rosarij pietate dispelli: ad quod devotionis genus omnes, quâ poterat animi contentione unicè hortabatur, eos potissimùm, qui ruri otium terunt, ad custodienda in pascuis pecora destinati. Nec diu post iisdem Charitatis itineribus evasit ad vitam unius è Sacerdotibus comes, Petrus Cizewsky, Coadjutor Novitius, in mortis tamen lectulo ad vota Religiosa admissus. Post quem 8. Nov. in eadem exercitatione sublati sunt P. Mathias Sobotniewiz, anno initæ Societatis 18. Vir uti in se omnino immitis, ita in alios, præsertim pro sacro tribunali facillimus, è quibus luendæ pro culpis pœnæ potiore & graviores partem in se transumebat; ipse conversationis tam integræ, ut creditus sit acceptam in baptismo innocentiam nullo unquam graviore nævo fordidâsse. Immortaliter horrebat omnia, quibus quoquo modo Charitas offendi potest; necquidquam illi parvum, aut vile censebatur, nisi ipse sibi ipsi. Vultus totus compositus ad modestiâ, os ad silentium, nisi dum in verba silentio meliora, loco suo & tempore pandendum esset: quam in discipulos adeo ipsos morum compositionem ita scitè transfundebat, ut character quidam illis proprius esset, quò faciliè internoscere, quis ex illius disciplina prodijset. Vilnam ad serviendum pestiferis, exorato Obedientiæ annutu, quò die pervenit, eò ipsò vespere operi sacro se accingens, civium passim obviantium lachrymis & laudibus honoratus est: in quo per solidum trimestre quid in Civium domibus, quid in sacris Cœnobijs eâ clade profligatis egerit, quid ærumnarum pertulerit; nil attinet referre. Fuit, cum operam navaret civi in conclavi decumbenti, in quo & calor à fornace, & tetrus à lue consumpti cadaver, mortem illi certissimam promittebant. Et verò hausit ibi virus, cui expellendo cum remedij nihil esset ad ma-

num, DEL Matris imaginem pectori fiducia insigni imposuit, & ab hoc Cœlesti emplastro sequenti diluculo extinctum carbonem persensit, seque labori eò ardentior restituit, in quo duravit adusque 8. diem Nov. quando mitescente jam in publicum malo, iterum se ictum advertit, & Sacramenta poposcit, veluti certus, nunc demum se dimittendum in pace. Viaticum dum afferretur, se ad expectandum Dominum suum supplex inter ardentissimos actus, mutato etiam decentius vestitu, composuit, & cum à famulis adstantibus impetrasset, ut morituro carmen Marianum, *O gloriosa Domina, excelsa super sidera*, accinerent, mirabili cordis ex eo hymno inardescens æstu, manus junctas, & totius corporis gestus, ad instar victimæ ultimum ictum expectantis aptavit, à Domini, qui in Evcharistia adferebatur, desiderio & expectatione suspensus. Et jam præ foribus aderat Cœleste Viaticum, cum Pater animam exhalavit; in venientis absque dubio Domini sinè velamine occursum propterans, ejus conspectu coram fruiturus. Eisdem addicti miserorum officijs hoc anno decessere, in Lithuania quidem Pultoviz Pater Thomas Porzecky, ex avita nobilitate Lithuanus, ibidem aliquando Collegij Rector: & Regiomonti in Prussia 21. Octobr. P. Joannes Kihn, Pruthenus. Quos omnes uno anno ejusdem obsequij contagiosis exhibitâ charitate, & in eo obitâ morte præcesserunt, Michaël Kuszewsky è familia Nobili, Coadjutor, Waravia 19. Octobr. anno 1652. & P. Nicolaus Trzcinsky 8. Nov. ibidem. Secuti verò sunt pari zelo & sorte anno 1657. P. Petrus Korzeniewsky Vilnæ 2. Jul. in Livonia natus, annorum 49. in Societate 32. in Coadjutorum gradu Operarij & Missionum munijs perpetuò ferè naviter occupatus. Lomzæ verò P. Alexander Grabowsky, ex Masovia ortus, denatus Mundo 11. Aug. socio laborum Coadjutore Joanne Kutonsky, 15. ejusdem consecuto. Quibus Gedani accessere, Albertus Plovinus Coadjutor 3. Sept. sexagenario major: & P. Joachimus Tideman Pruthenus 20. ejusdem.

Ex Alleg. Viêt. Charit.

## P. HENRICUS SCHACHTIUS.



Erissimè dixit Sapiens: *Fortis est ut mors dilectio*, ubi semel animum cujuspiam occupavit, sive ea in DEUM feratur, sive in proximum; nec quid-

quam est tam arduum aut vile, quod non promptè aggrediatur & subeat, si ad salutem proximo offerendam conducatur. Pater Henricus Schachtius in Rhēni inferioris Provincia Societatem JESU complexus, postquam in





P. Henricus Schachtius, S.I. Germanus, vitâ salutis  
proximorum afferendâ consecratâ, ut incognitus  
eam securi procuraret, muscipularum artificem  
simulavit. Captus, et equuleo ter excruciatus, atq; e  
Svecia proscriptus, decessit Hamburgi 2 Ian. 1657 æt. 71.  
174.

in ea trium votorum solennem Professionem  
emisisset, zelo animarum, DEO præsertim  
ab hæresi lucrandarum, in Sveciam penetra-  
vit. Utque lateret felicius, cum capitale  
esset Catholico Sacerdoti, maximè Jesuitæ  
in Regno morari, artificem muscipularum si-  
mulavit, quas in foro & per plateas circum-  
ferens nummo distrahebat: fidelibus interim  
in Religione confirmandis, & hæreticis capi-  
endis, velut ex insidijs intentus. Receptus  
est hospitio apud Zachariam Anthelium Up-  
saliæ Consulem, Catholicum occultum,  
apud quem mediastrini vilissima obsequia  
subiens, & cunas agitavit, gerulæque vices  
identidem obivit, nemine præter Catholi-  
cos, qui esset, diu conscio, vel suspicante, a-  
deò cautè & feliciter fabulam egit; donec  
sceleratus Apostata Aulæ Regiæ musicus, &

nihilominus se Catholicum simulans, homi-  
nem prodidit. Ergo intempestâ nocte à sub-  
missis apparitoribus è lecto in terrum carce-  
rem abripitur, vestibus omnibus plenè nuda-  
tur, frigore, pædore, catenis, ter equuleo a-  
cerbissimè torquetur, nihil jam dubius opta-  
tæ mortis, tot artibus quæsitæ, sententiam  
consecuturum. Neque dubium erat ipsiusmet  
iudicibus gladij supplicio expediendum, ni-  
sì incidisset non Civem, sed advenam hospi-  
tem esse, non tam rigidè legibus patriæ sub-  
jectum; indè vivere permissus, at Regno  
proscriptus est. Comprehenso non minùs in  
vincula fuère Anthelius Consul, & Gregori-  
us Ursinus Secretarius, & Juvenis quidam  
ex eorum fortè familia, simulque in odium  
Fidei Catholicæ capite plexi. Et quidem du-  
orum priorum felicem exitum, ultimi verò per-



perditionem, & sibi in manibus infringendæ palmæ infelicitatem, paucis antequam caperetur diebus, per quietem DEUS Patri re-  
præsentavit; quod ab ipsomet conscriptum, verbis illius dabo, de se velut de alio loquen-  
tis: *Dormiebat quartam inter & quintam ma-  
tutinam, cum raptari sibi visus est in aulam  
magnificè ornatam, atque inter confertam, quæ  
collecta illic erat, multitudinem collocari. Sta-  
bat in capite Aula ingens ara, cujus in opposito  
ad angulum sinistrum ex ostiolo progressus alta  
vir stature, vestem indutus attalicam albam,  
truci vultu turbam contemplatus, capite in-  
nuit Antbelio Consuli, mox & Ursino, ut ad a-  
rum pergant. Quorum, dum eunt, capita, mo-  
mento in ara collocata sunt, absque corporis  
trunco. Tertio dein adolescenti, dum idem in-  
nuit, ivoit & ipse; sed tristis admodum: cujus  
etiam caput dum eidem videtur aræ imponi,  
repente tanquam invisibili manu projectum vo-  
lutabatur in terra. Tandem idem ille truculen-*

*tus Vir Schachtium nostrum à summo ad imum  
aliquamdiu contemplatus, tibi, inquit tan-  
quam peregrino parcam. Hæc ille scripsit,  
& quoad omnia expertus est: nam adole-  
scens ille sub ictu gladii jam constitutus Fi-  
dem negavit, ut vitam impetraret: quâ ta-  
men denegatâ nihilominus in vestigio capite  
plexus, etiam æternam amisit. Pater è Sve-  
cia in Germaniam ejectus, per annos 24. su-  
pervixit, cujus tamen Apostolicos labores,  
& ex eis consecutos fructus, sigillatim de-  
scriptos nullibi reperire licuit: de quibusta-  
men facilis conjectura fieri potest ex uno jam  
relato, & velut ex ungve leo agnosci: siqui-  
dem ad mortem usque in varijs missionibus,  
partim inter fideles, partim heterodoxos oc-  
cupatus, etiam in Castris Cæsareis sub au-  
spicijs Tillianis Apostolicum Operarium e-  
git, laboribus tandem suis immortalis in mis-  
sione Societatis Hamburgi, die 2. Januarij*

Anno 1654. ætatis 71.

Ex Anno dierum Memorab. P. Nadasi.

## P. FRANCISCUS AGUADO.



Atus est Franciscus in  
Hispaniæ Castro Torrejon  
de Ardoz nuncupato, No-  
bili quidem & pervetusto  
sangvine Dominorum de  
Aguado, munijs olim illu-  
stribus in bello & Regia clarorum, cujus ta-  
men prosapiæ ramus temporis & paupertatis  
inurijs, in plebejum ferè statum redactus  
est. Parentes nihilominus virtute & Christi-  
anâ pietate semper inter suos claruerunt: &  
Mater horam partui vicinam sentiens, cum  
speciali desiderio audiendæ prius Missæ, &  
S. Evcharistiæ se incitari sentiret, utroque  
peracto domum è Templo redux, illico par-  
tu soluta est, modicum & brevem dolorem,  
sed maximum animi solatium experta. Ex  
quo etiam uterque Parens augurati prolem  
mirabili enixu editam DEO deberi, divino  
obsequio jam tum dedicatum destinârunt:  
& Pater vivis excedens cum sexennem relin-  
queret, Matri imposuit, ut studijs filium ad-  
diceret, unicéque procuraret quò divino ob-  
sequio manciparetur. Itaq; studia omnia sin-  
gulari doctrinæ & virtutis opinione emensus,  
& Compluti Philosophiæ Magister creatus,  
ad deliberandum de vitæ statu eligendo sacris  
Ignatij cõmentationibus exerceri voluit: in  
quibus ad Societatem JESU vocari se contra  
omnem priorem inclinationem sentiens, uti  
petijt, ita illico admissus est Anno 1589. æ-

tatis 17. in qua vixit 65. annis. In Tyroci-  
nio dum per heroicas virtutes ad omnem  
perfectionem studiosè connititur, ut Sodali-  
bus etiam in exemplum proponi mereretur,  
parùm absuit à naufragio, abstractus famili-  
aritate Nobilis Adolescentis Religiosi, qui  
ob graviores defectus remissus erat ad Tyro-  
cinium: quos tantùm absuit ut exemplis &  
fervore Novitiorum correctus emendaret,  
ut magis illos sæcularibus suis dictaminibus  
in transversum acturus fuisset, nisi in tempore  
à Societate rescinderetur. Atque tum  
demum Franciscus errore agnito, tantò fer-  
ventius virtutum solidarum studio se se red-  
didit: in quo non parum alio eventu con-  
firmatus est, dum ex more Tyronum Socie-  
tatis experimentum peregrinationis obiret.  
Fortuitò namque obvijs illi factus nobilis  
Adolescens, paulò antè Compluti perfamili-  
aris & Contubernalis, ubi pannosum & men-  
dicum advertit, obverso illi dorso, nec aspe-  
ctu vel salutatione dignatus est. ex quo tan-  
tum & ipse humanorum omnium contem-  
ptum animo hausit, ut deinceps in omnem  
vitam nullos nisi DEI solius favores atten-  
deret, vel consecraretur. A Tyrocinio re-  
missus Complutum Theologiam absolvit,  
cum perpetuis capitis & pectoris doloribus,  
immodicis æstibus, profluvio sanguinis, a-  
lijsque morbis luctatus, ut Sacerdotum mu-  
nijs ineptum se per valetudinem futurum  
cre-





P. Francisco Aguado S.I. Hispanus, Concionator  
Regius, honorum ac terrenorum omnium contem-  
ptor egregius, non tantum Vivorum, sed et Mortu-  
orum cœlo miserendorum efficax Zelator. Obijt  
Madridi 15. Jan. A<sup>o</sup> 1654. ætatis 82. ~

credens (nam alioqui theses ex universa Theologia propugnavit) impetraverit à Superioribus Coadjutorum temporalium officijs ad-  
moveri; missus ideo Madritum ad eadem in  
Janitoris, Sacristæ, & Socij exeuntium, a-  
liisque id genus infimis laboribus exercenda.  
Biennium in his perduravit, quanto animi  
sui in Divinam voluntatem plenè resignati  
solatio, tantâ domesticorum omnium ex e-  
jus humilitate ædificatione & profectu: cum  
remittente sensim morborum tor congerie  
(nam capitis & pectoris dolores nunquam  
remiserunt) Sacros Ordines suscipere jussus  
est. Nec mora: caput illicò Apostolicum  
suum zelum, & ingentem salutis animarum  
scitum palàm facere. Cum enim per idem  
tempus Procurator Sinarum Missionarios è  
Societate per Hispaniam illuc colligeret, in-  
*Societas Europæa.*

stantissimis ipse precibus à Superioribus ex-  
petijt illis accenseri: & jam pænè obtinuit,  
nisi DEUS magno Hispaniæ bono illum re-  
servans, aliam repente mentem Superiori-  
bus indidisset. Itaque Collegio Velmontij  
primùm Minister, tum Vianæ Vice-Rector  
datus, Concionatoris simul, Confessarij & O-  
perarij munera implevit: donec Occannensi  
Collegio Rector præpositus, plenum cam-  
pum exercendo zelo Apostolico nactus est.  
Vix enim illuc delatus est Anno 1598. cum  
pestilens contagio Hispaniam pervagata, e-  
tiam Ocannam corripuit, & in Collegium,  
infecto ex obsequijs Civitati præstitis Sa-  
cerdote Operario, irrepsit. Quid ageret re-  
cens & juvenis Superior? scissis in diversa  
consilia domesticis, ad Crucifixum Domi-  
num se contulit, consilium & auxilium im-  
plo-

H h h h



ploraturus: fuitque constans omnium sensus, Dominum illi sensibilibiter locutum ad ferendam calamitatem, & obsequium pestiferis exhibendum animasse, non absque sensione patrocini sui & præsidij. Siquidem illico veluti resumpto spiritu ad suos regressus, eos excitare, animos addere, & primus ipse exemplo ad omne genus ministerij peste, contactis exhibendum præire perrexit. Ubi verò malum instar diluvij latè per viciniam inundare advertit, relictâ socijs juvandâ Civitate, difficiliorem spartam procurandâ vicinæ, subsidio omni Sacerdotis destitutæ, assumpsit, quia nullis commodis, majoribus autem periculis ex remediis defectu obnoxiam. Ante digressum publicâ in triclinio præmissâ flagellatione, errores suos domesticis deprecatus, deosculatis singulorum pedibus, inter communem omnium explorationem discessit in Castrum Tarancon, ubi rara, aut magis nulla penitus fuit domus contagij expers. Primò semper manè litato Missæ sacrificio, in victimam se DEO pro salute proximi offerens, prodibat veste canabinâ indutus, sacras Evcharistiæ particulas intrâ sinum cum pyxide Olei Infirmorum deferens, præeunte cum lucerna ædituo, & campanulam agitante, ut vocari quolibet posset, ubi necessitas urgeret: serviebatque omnibus non tantum SS. Sacramentis, sed etiam corporalibus quibus posset medijs, & defunctorum pariter tumulandis corporibus operam dabat diu noctûque, DEO salutem & vires integras, dum penitus malum reledisset, illi conservante. Redeuntem ad Collegium cum socio Sacerdote Ocanna non admisit, nisi prius quarantanam in solitaria extra pomærium casa sanitatis experiundæ gratiâ, exegissent: quæ illis graviores ipsâ peste calamitates & incommoda peperit. Siquidem tuguriolū malè materiaturum, tecto & laqueari perpluo, neq; ab æstibus neq; ab imbribus, aliisque Cæli injurijs hospites tuebatur; victus exilis & miserrimus; incolæ penitus inhospitales, cimum nempe & vermiculorū exercitus, qui pro domicilio suo tuendō velut decertantes, diu noctûq; acerbissimè peregrinos nullis admissis inducijs morsicabant, ut in gravem uterq; ægritudinem deciderint: ex qua cum periculū vitæ manifestè subirent, concessum tandē est ipsos levare in Collegiū, ubi charitate suorum paucis diebus valetudinem, solis miserijs detritam, recuperarunt.

Datus subinde educandis Novitijs Magister, quod per virium imbecillitatem muneris magis actiuo addendus non videre-

tur; post quadriennium in eo exactum præfectus Collegio de Huete, campum iterum charitati in proximum exercendæ nactus est in fratre domestico Adjutore, cui pertinax cancer os cum faciei parte depastus pestilentem adeò mephitim exhalabat, ut nemo Chyrurgorum manum curando admovere, sustineret. Vicit tamen Francisci Charitas, dum & magnis impensis expugnavit Chyrurgorum horrorem, & ipse diu noctûque ægrum consolando, saniem terendo, curando, lautè habendo, constanter adfuit, donec malum exstingueretur. Sed cum iterum recrudesceret, & nemo ex loci chyrurgis quantovis stipendio ad curam reduci posset, Murcia alium medendi peritum conduxit; & ut commodissimè decessus per viam solatio non careret, ipse comitem & curatorem se adjunxit, lautè ibidem sui Collegij sumptibus illi providens; dum denique DEO placuit corruptionis corpore exemptum ad gloriam cælestem evocare. Ex ea gubernatione redditus formandis Tyronibus Rector, partim Villaregij, partim Madridi, in eo munere duravit usque ad annum 1616. nihil interim de suo etiam extraneos juvandi studio intermittens. Nam cum primus ipse domicilium Novitiati Madridi indebitam formam & disciplinā erexisset, ut etiam consuetas pietatis, mortificationis & fervoris exercitationes induceret, ipse præire in omnibus, & exemplo suo faciliores Novitijs reddere studuit, sive prædicandū & catechizandū esset in trivijs, sive ostiatim cum mantica mendicandum, aut publicæ confusiones captandæ; sive serviendum in hospitalibus & nosocomijs, quorum illi præcipua semper cura fuit. Utq; eundem spiritum Tyronibus implantaret, solebat eosdem certo numero per ordinem destinare ad generale Nosocomium, servitum ex vario morborum genere infirmis, quorum ibi plerumq; censi solent supra 500. quibus à primo manè usq; ad vesperam omni operâ naviter impensâ, domum se recipiebant. Ex his unus ferventiùs quàm cautiùs amplexu elatum, ut opportuniùs lectum componeret, contagiosum ægrum, dum eidem restituit, venenum simul visceribus haustum domum retulit, ex quo nullis medicamentis superabili non tantum ille decessit, sed diffundente se in omnes panè domesticos malo, tot unâ cum Rectore & Ministro infecit, ut deessent sani, quot necessarii forent ad serviendum ægris, undecim ex eo numero cum Ministro extinctis. Quid faceret tot funeribus afflicto, ipse etiam.



etiam contagione afflatus Rector? ad DEUM se totum convertit per imploratum Beatissimæ Virginis patrocinium: quæ illum per quietem consolata, reddendæ domui plenæ sanitatis certum reddidit, prout reipsa nemo deinceps morti succubuit. Inter reliquos ex prostratis Tyronibus fuit unus tantæ charitatis, ut DEO se vitamque suam pro Tyronibus magno animo immolaret, ad mortem se heroicâ virtute offerendo, dummodo viverent alij. Et ratum habuit sacrificium Divinitas, nam repente comparens illi JESUS cruci affixus, ut morti se impendenti pararet admonuit, quâ vitam reliquis omnibus obtenturus esset. Itaque prorsus evenit: siquidem visione suâ Superioribus manifestatâ, Sacramentis omnibus munitus ridenti similis ad Superos abiit, ægris autem domesticis omnibus plena sanitas redijt. Cubiculum verò illud instar Sacrarj in præcipua veneratione omnibus haberi cœpit, ut prætereuntes genua flecterent, venerati locum vestigijs CHRISTI Crucifixi consecratum. Multa alia non minoris admirationis Patri evenere in hac Tyronum gubernatione, quæ prolixè in ejus vita impressa Anno 1658. referuntur. Fuit inter eos Sacerdos magnæ doctrinæ & ætatis, singulari quidem fervore Tyrocinium auspicatus, sed ex longa imperandi magis, quàm parendi consuetudine ita sensim omnem Religiosæ vitæ consuetudinem pertæsus, ut cum à se impetrare nequiret, quò Superiori tentationem aperiret, decreverit furtim noctu se domo proripere. Jamque omnibus ad quietem compositis executurus sacrilegum propositum cubiculo digressus abibat, cum obvium habet suum Magistrum Aguado, qui nullo verbo dicto, sed eò severiore vultu & gestu pœnam divinam misero comminatus, receptum persvasit: adeò hinc consternato, ut totam eam noctem in acerbissimi doloris lachrymis & pœnitudinis traduxerit, & primo manè ad Pœnitentiæ Sacramentum recurrerit. Deprehensum autem est, Patrem Aguado eam quidem noctem in oratione pro salute & reductione miseri egisse, sed neque pedem cubiculo extulisse: unde vel Angelus in ejus forma, vel ipse divinitus in duplici loco existens, necesse est ut illi obvius fuerit. Duo alij erant uti voluntate & religioso affectu, ita pietate & observatione Regularum conjunctissimi, cum repentino morbo unus lethaliter prostratus, invidiam alteri tam beatæ sortis movit, quòd se in vita mortali relicto solus in Paradisum abiret. Itaque ani-

mam agentem impensè obtestatus est, ut in conspectum DEI admissus etiam sibi citam è corpore evocationem impetraret, nè in terris charitate & vitæ similitudine semper conjunctissimi, diu ab invicem fruitione beatitudinis seperarentur. Spondit prolixè moriens, & non sinè omnium stupore persanctè implevit; nam inter ipsa sepulturæ solennia præsens sodalis æstu febrili inardescens, modico intervallo lætissimus alterum sequitur, & ob vitæ innocentissimæ puritatem in eadem gloria omnium judicio consequitur. Sed levior fuit hæc Patris ex contagione afflictio, si compareretur cum tempestate in eum concitata, quâ apud Superiores imprudentiæ, indiscreti zeli, non bonæ Tyronum educationis, proprii & inflexibilis judicij, exagitatus est, ut jam de ipso à gubernatione removendo propè deliberaretur. Adfuit tamen & hanc calamitatem patiente silentio generosè toleranti Numen, & calumnias ita discussit, ut in munere confirmatus, præclari & sapientis Superioris nomen apud omnes indeptus sit.

Post decennium inter Tyrones transfatum Romam missus Procurator, & à morte Generalis Mutij Vitellefci Elector, & subinde socius Provinciali, bis Rector Alcalæ Collegio, iterumque Domui Professæ Madritensi, & binis vicibus toti Provinciæ Toletanæ datus Præpositus, in primis semper curis habuit instaurationem ministeriorum, quibus salus animarum procuratur, ut quàm plurimos Missionarios in varia loca, & ferventes Operarios in Vineam Domini, etiam inter Mauros ad confinia Africæ emitteret. Alcalæ cum ipso Officij ingressu reduxit in primævum vigorem doctrinam Christianam, & sermones per vicos & fora haberi solitos, itémque in carceribus & hospitalibus charitatis obsequia; ipse in omnibus primus exemplo alijs prælucens, ut novam planè faciem Collegium resumere, reviviscere animarum zelus, & fervore Apostolico omnia ardere viderentur. Inter alia præcipuam industriam adhibuit in pelliciendis ad Ignatianam Ascetism externis ex omni statu hominibus, quibus exercendis 20. conclavia destinavit commodissimè apparatus, assignato cui-libet ad obsequia uno è domesticis ministro, quibus ipse in unum collectis tradendam meditationis materiam, & omnem Exercitiorum directionem, exhortationes item & allocutiones, sibi assumebat; atque in hac occupatione rotam exigebat quadragesimam; siquidem post 20. sacris his commentationibus



bus exultos, alij semper novi eodem numero succedebant, ut non pauciores centum quolibet anno computarentur: Emolumento non tantum privato cujusque maximo, sed in totas familias, Curias, & Communitates redundante. Dum præesset Domui Professæ Madriti, assumptus est in Confessarium à Duce de Olivares primo Regiæ Ministro, & simul ab ipso Rege in Aula Concionatore; tam sanctè ijs muneribus annos 14. functus, ut nihil unquam peteret, & nè admitteret quidem lucri aut remunerationis temporalis pro se vel alijs, neque ullam in ejusmodi causis sæcularibus intercessionem præstaret. Venerant aliquando duo Nobiles ejusdem cum ipso nominis & familiæ de Aguado, licèt non ex eadem prosapia linea, ut per ejus tam alto loco in Aula positi patrocinium muneris aliquid obtinerent. Cumque in eam rem bene longam seriem Majorum & Agnatorum non enumerarent tantum, sed in tabulis & mappis genealogicis demonstrarent, ut ex eodem sanguine provenisse evincerent: ut breviter se Vir humillimus ab onere intercedendi expediret, negavit se posse agnoscere tantorum Heroum origine satum, cum omnibus constet, quam tenuibus & vilibus Parentibus humili loco natus sit. Quæ responsio, licèt spe suâ dejectos non modicè contristavit, longè tamen in majorem humilitatis admirationem & præconium erexit, cum certissimò constaret eadem secum stirpe oriundum. Quoties Aulam muneris sui causâ, vel evocatus accedebat, solebat tempus omne ante copiam accessus in Capella Regia cum DEO traducere; unicè dolens, quod in ea non asservaretur SS. Evcharistia, cui erat devotissimus. quare prolixo scripto complexus efficacissimas rationes, cur maximè congruum foret in Aula terreni Regis faveri locum Regi Cœlesti, illud Duci supplex exhibuit, & iste Regi, Rex autem Patriarchæ & suo Confessario; qui omnes rationum efficaciam convicti consilium cum approbarent, Rex singulari affectu & solatio complexus est. Itaque maximo sumptu & elegantia erecto asservandæ SS. Evcharistiæ intra Capellam Sacratio, publica omnium Ordinum, Statuum, totiusque Regiæ & Urbis indicta est supplicatio (quæ fuit inter præcipuas ejus sæculi solennitas) in cujus comitatu delata est in Aulam à Parochia Sancti Joannis Sanctissima Hostia. Cum verò statuisset Rex, ut assignata Concionatori suo annua aliquot millium pensio etiam Patri Aguado, more Ante-

cessorum, obveniret; scriptum ille Duci obtulit plurium paginarum, rationibus varijs confertum, quibus partim deprecabatur, partim demonstrabat, ejusmodi redditum statui suo & personæ minimè congruere. Verum coactus Regiæ voluntati & liberalitati acquiescere, nunquam indè vel teruncium in usus suos, sed in pauperum & miserabilium necessitates expendit: quorum curam, nunquam in ullo munere, in anima & corpore per se & alios juvandorum deposuit. Ter conatus erat, etiam scripto oblatis difficultatibus, expedire se à munere Confessarij Ducalis, partim conscientiaæ scrupulis, partim Aula morum tædio adductus; sed coactus durare, Aulam semper in præcipua sua cruce computavit; tantò horrore illam frequentans, quanto alij indè ejecti percelluntur. Nihil enim illo fuit humilior, & in vilissimis quibusvis domi culinæ obsequijs, & humilitatis actibus primus semper exemplo præluxit, & constanter ad usque mortem se exercuit: eam obedientiam & promptitudinem Coquo aliquid tunc imponenti exhibens, quâ proniorem nec imperanti Præposito Generali præstaret. Obtulerat illi Tyrocinium adhuc regenti plurium paginarum scriptum effrons aliquis è Novitijs, impudenter ex meris in eum calumnijs, & observatis perverso judicio defectibus confarcinatum, in quo prætextu filialis confidentia & informationis, etiam de ignorantia illum sugillabat, & minore ad informandos Tyrones habitudine. Legit Pater oculo mansuetissimo totam hominis malefani invektivam, & gratijs ad calcem libelli pro charitate subscriptis, svasit illam Præposito Provinciae reddi, ut sciret, quam malè Tyrocinio per suam personam esset provisum.

Quam altè animo ipsius infedisset contemptus sæculi, sanguinis, & omnium terrenorum, luculentè sæpius demonstravit, quando Duci de Olivares vacantia officia & promotiones pro ejus Cognatis offerenti, nunquam acquievit vel acceptavit. Dum Compluti Collegio præesset, impensè rogatus ut Consobrinio suo in magna egestate, constituto faveret partem eleemosynarum, quibus ex liberalitate piorum abundabat, exorari non potuit ut plus concederet, quam ut ei liceret ad Collegij januam cum alijs mendicis quotidie dividi solitam accipere eleemosynam. Madriti verò supplicantibus agnatis pro eleemosyna, ad justa funebria defunctæ pauperissimæ ejusdem sobrinæ persolvenda, contractis humeris respondit, pau-



pauperem se esse, nec habere unde Agnatis aliquid tribueret, sed memorem illius fore in precibus & sacrificijs. Cùm verò aliquot ex Patribus Collegij tunc fortuitò præsentis impensè intercederent, duos solos reales largitus est, ad curandum unum pro anima defunctæ piacularè Sacrificium. Cùm verò carceri mancipatus esset suus Patruelis, nullis precibus adduci passus est, ut libertatem illi apud Tribunal exoraret. Unicâ solùm vice intercessit pro minorenni Nepotulo suo egentissimo apud Rectorem Collegij Madritensis, ut admitteretur in adiutorem Sacristæ: tum quod eâ ratione sub disciplina magis & clausura continendus esset, tum quia ad maiorem sui humiliationem cederet, dum in omnium quotidie oculis versaretur puer despicibilis, proximâ agnatione Regium Concionatorem attingens. Invitatus aliquando Vir Religiosus pro Concione ad Aulam, acerbè multis mores & actiones P. Aguado traduxerat, cum omnium offensione: in quem ubi rescivit Superiores gravi pœnâ pro rei indignitate animadversuros, omni conatu intervenit, bene potiùs de se meritum allegando, quòd se puero Saniueli, primario legis veteris Prophetæ, comparasset. Contigit eidem Compluti Rectori, totum peculium Collegij, unde Domus sustentabatur, nocturno furto auferri: quo manè deprehensò nihil omnino perturbatus, lætior quin imò illud Jobi ingeminabat, *Dominus dedit, Dominus abstulit!* Atque hanc terrenorum omnium vilipensionem concepisse videtur ex assidua & profunda æternorum meditatione, cui quinas diebus singulis impendebat horas, ternas matutino tempore, duabus horis constanter ante alios lectulo consurgens; duas vespertino, unam ante cœnam, alteram dato signo ad decumbendum; sub quibus miras è Cælo percepisse illustrationes est in confesso. Orantem aliquando Madriti ante Imaginem Beatissimæ Virginis de bono consilio observavit quidam è domesticis miro splendore radiare, ad plantas verò ejusdem reptare omne genus serpentum, viperarum, & id genus insectorum: seu ad exprimendum Dæmonum in oratione illius perturbanda conatum, seu ad declarandum, quòd omnes Inferni molitiones pedibus substratas proculcasset. Quo tempore contagio inficiens ipsius Tyrocini-um Madritense Ministrum Domûs inter primos sustulit (ut supra retulimus) ipse multiplicatis pro defuncto suffragijs, tandem post tres hebdomadas sub oratione habuit con-

spicuum, in magna gloria ad Cælum tendentem, & pro sui è flammis piacularibus liberatione gratias referentem: qui insuper nomine DEI paræ iteratò certum reddidit, neminem ultrâ è domesticis decessurum. Anno 1638. lethaliter Madriti ægrotante P. Joanne Antonio Uson Viro doctissimo, P. Aguado suam pro illius vita DEO flagrantissimè obtulit: sed DEO aliter disponente cùm ille nihilominus decessisset, & Aguado multis precibus & pœnitentijs defunctum prosecutus esset, paucis diebus illi se videndum exhibuit multâ luce & gloriâ coruscus, significans ejus precibus se pœnis ereptum, nunc Cælum petere. Quærenti verò, num ità se res alterius vitæ haberent, prout hîc diceretur? respondit: *res sæculi futuri non possunt in vitâ mortali concipi prout sunt in se, dum experimentaliter videantur*; atque hoc dicto disparuit. Alius item Sacerdos olim Novitius Patris, in munere & æstimatione ferventis Operarij extinctus Madriti, comparuit illi ambulans super candentes prunas, graviter ità se torqueri declarans, quòd frequentius debito, prætextu officij sui & necessitatis, domo in Urbem prodijisset, re ipsâ tædij ex solitudine vitandi causâ.

Orationi adjunxit par studium perpetuæ in rebus omnibus mortificationis: lectum præbebat dura tabula, stragulis, nè id per diem observaretur, ante decubitus contacta: flagella usurpabat quotidie, & sæpe iteratò, nunquam sinè sanguine, quibus successivè in omnia corporis membra sæviebat, ut sæpiùs ad persananda vulnera necesse fuerit chyrurgos adhiberi. Cilicium nunquam deponebat diu noctuque, nisi gravi morbo teneretur; quorum varij generis integram suppellectilem servabat, quotidianum ex crasso canabino sacco ab humeris usque ad genua, unum è fetis instar thoracis, aliud è catenulis acuminatis, aliud è siccatis & pungentibus carduis, aliud è ferro instar loricæ, introrsum denticulis exasperatæ: pro brachijs autem, femoribus, & tibijs seorsim includendis, alia non minùs diversa. Quoties subditorum aliquem pœnâ affecturus esset, priùs eandem semper ipse subibat eâ intentione, ut æquanimiter & cum fructu à reo susciperetur: eratq; indicium domesticis pœnæ cuiquam infligendæ, si Rector illam extra solitos sibi dies in triclinio obiret. Sensus omnes ità domitos habuit, ut nihil ijs ad gustum indulgeret: omnis otij & superflue conversationis osor maximus, nunquam extra cubiculum, etiam dum Superior esset, visus, nisi ve-



ra necessitas aut utilitas exigeret: quod satis liquet ex rot libris ab eo propriâ manu conscripris, quorum septem typis editi, posthumi autem decem grandes in folio, & quindecim in quarto ab ejus morte sunt reperti, adeoque universim libri 32. quod in Viro, perperuâ ferè gubernatione & operationibus cum proximo distento, incredibile videri posset. Puritatem Angelicam ut servaret, nunquam oculos in vultu ullius, aut curiosum aliquid intuendū advertit; nunquam etiam per vestem contigit, vel benedictionis impertientæ causâ capiti manum applicuit: ab altero sexuitâ abhorrens, ut rem nullam à muliere contactam attingere sustineret. Quibus cautelis eam à DEO gratiam obrinuit, ut nullis unquam fædis imaginationibus etiam per somnium luderetur, & solo suo aspectu tentatos serenaret, & ad amorem Castimonix provocaret. Ut tamen etiam in altero sexu virtutis hujus observantiam promoveret, persuasit Madriti Polixenæ Espinola Marchionissæ de Leganes foundationem Orphanotrophij, in quo aluntur & piè educantur magno numero puellæ pauperes & pupillæ, usque ad nubilem ætatem, dum seu nuptui, seu malint Virginum Asceterijs cum dore, elocentur. Sed & aliud fundari ibidem obrinuit receptaculum mulieribus adultis, & viduis pauperibus, etiam honoraris & nobilibus, ubi subsidij temporalibus sufficienter perpetuis Regiæ & Procerum eleemosynis provisæ, discrimini omnium, quæ paupertas persuadere solet, scelerum subtrahuntur. Atque hæc erant ejus lucra, hi labores, quibus perficiendis utebatur dignitate Regij Concionatoris sibi delatâ, & munera eò applicanda admittebat libenter & ultro sva-debat.

Inter hæc tam præclara Charitatis in proximum opera & heroicas virtutes, annum ætatis attigit 82. inixæ Societatis 65. cum imminens mortis præsagium ac veluti prodromum accepit, ictum apoplexiæ similem subito passus in quadam Consultatione, nullâ præcedente infirmitate. Ex quo sibi restitutus nullam aliam admisit curam, nullum miscuit cum domesticis sermonem, nisi de morte & transitu ad æternitatem, prout solent iter disponentes ad desideratam Patriam; & ante omnia sacris Exercitijs ad illud ineundum prolixius animam præparavit. Quia tamen neque tunc destitit à juvandis proximis, audiendo Confessiones, & spiritualibus alloquijs eos erigendo, contigit ut confessionis gratiâ conveniretur à

quadâ filia spirituali gravissimo capitis dolore oppressa, ut vix pedibus consisteret. Hæc pro ea quam de sanctitate Patris conceperat æstimatione, furtivè ad latus sedentis, quin ipse adverteret, adrepens, pendulam è Superiore veste manicam capiti devotè applicuit, & dolorem omnem momento depulit. Eadem gravissimè afflicta à Dæmone formidandis sub larvis apparente, & gravissimis verberibus miseram discruciente, auxilij & consilij gratiâ ad Patrem accurrit, hic aliud remedium non præscripsit, quàm ut Dæmonem juberet se relictâ, ad Confessarium accedere, itaque factum est, & Pater omnem illam furentis Dæmonis rabiem & verbera in suo corpore diu pertulit, donec ultimâ ægritudine prosterneretur; cui condolens devota mulier cum noller revertentem Dæmonem ad eum remittere, adeò crudeliter vapulavit, ut nullum pænè membrum movere posset. Arreptâ nihilominus pennâ, ut potuit, Patri casum explicuit, qui oretenus responderi illi voluit modicam haberet patientiam, sperare se ubi in divinum veniret conspectum, plenam immunitatem ipsi impetraturum. Necdum integrè dies effluerat cum Pater animam DEO reddidit, & mulier ex illa hora ab omni Dæmonum infestatione libera permansit; manifesto indicio, quòd anima corpore soluta confestim in DEI conspectum admissa sit. Decessit autem ex catarrho in pectus defluente 15. Jan. Anno 1654. inter ea Psalmi 88. pronunciata verba, *misericordias Domini in æternum cantabo*, quariduo solo decumbens, & Sacramentis omnibus munitus. Eodem adhuc die gloriosus apparuit cuidam filiæ suæ spirituali, retulitque conatus infernalium spirituum, omni adnifu frustrâ laborantium se impedire à Cæli ingressu: cui iterum aliàs apparens in gravi quadam afflictione solariū attulit, & consilium eadem familiaritate impertivit, quâ vivens solebat. Mors illius communi omnium sensu & dolore tanquam Viri revera Sancti excepta est, & justa funebria in concursu omnium Aulæ Procerum, Ecclesiasticorum & sæcularium, à Regijs Musicis persoluta. Cujus innocentissimæ vitæ & consummatæ sanctitatis universim quidem apud omnes resonabant præconia, sed nullum fuit efficacius, quàm ita in munere Confessarij & Theologi Ducis de Olivares intaminatè per annos 14. egisse, ut nemo repertus sit, qui malum de eo verbum seu scriberet, seu proferrer. Ex quo enim Dux ille gradu suo dejectus gratiâ Regis & Aulæ mu-



neribus excidit, acuerunt lingvas suas & calamos innumeri, non tantum in ejus nomen & famam, sed & omnes illius Ministros & familiares (ut moris est furenti populo) atrocissime grassati, nemo tamen ex omnibus

reperitus est, qui vel apice aut verbo integritatem Patris Aguado sugillaret, aut ex actis gestisque Ducis, cum alioqui plurima Confessarijs Principum adscribi soleant, Patri imputaret.

*Ex Andrade Tomo VI.*



P. Andreas Vitus, S.J. Angli, in Anglia et Marilandia America Provincia, Apostolicis laboribus clarus. Obijt in Anglia prope octogenarius, A<sup>o</sup> 1655.

## P. ANDREAS VITUS.

**P**ater Andreas Vitus natione Anglus, unus ex primis sex Sacerdotibus fuit, qui in conducta Lovanii Equitum Melitensium domo ad probandos Societati ex ea gente Tyrones, consuetis Novitiatus exercitijs jam Sacerdos ita satisfecit, ut post emissam Religionis vota continuè ad labores & pericula Angliæ dimissus fuerit. Neque expe-

ctationem de se ullatenus fefellit, operam suam nulli sive hæreticorum ad Fidem docendam, sive Catholicorum ad virtutem instillandam, ministranda Sacramenta, subtrahens, quoad in Hispaniam evocatus est educandis Angliæ Alumnis, quorum legitima, etiam ad fundendum pro CHRISTO sanguinem institutio, majus credebatur jure merito operæ pretium ad conversionem Angliæ afferre, quàm immediata indigenarum pro-



procuratio, siquidem in illis tot Patriæ parabantur Apostoli, quot instituebantur Apostolicæ vitæ rudimentis discipuli. Transiens inde postliminiò in Belgium, pluribus annis Lovanij & Leodij Theologiam explicuit, non exiguâ laude ingenij: cum ardentiore iterum incitatus Zelo missionem in Angliam obtinuit, per animarum sollicitam curam viam sibi ad gloriosam mortem paraturus. Verum alibi utiliùs ejus operam impendi DEO placuit, quâ fructuosè in gentilium salutem navatâ fieret primus novi Orbis per illatum Evangelium Apostolus. Emissâ per id tempus numerosâ classe Rex Angliæ Carolus in Regionem Americæ, quasdam illius terras vicinas Virginæ suo subjecit imperio, quas de nomine Conjugis suæ Henricæ Mariæ, Christianissimæ Regis filię, desumptâ appellatione, Marilandiam indigitavit: suntque illæ ipsæ, ad quas post necatum publico supplicio Regem Carolum dominans Parlamentum, supra 30. millia Catholicorum ab Hybernica Religionis causâ ejectorum, in exilium crudeliter amandavit, prout in *Societate militante* in gestis Patris Joannis Bathæi retulimus. Tum verò recens detectis, Gubernatorem Carolus constituit Cæcilium Calvert Baronem Baltimerium, Virum Catholi-

cum: & rei militaris apprimè peritum. Tam opportunam rei Christianæ inter barbaros, & exules Hybernos, bene gerendæ occasionem cernens Andreas, singulari studio & cautelâ in navim irrepens trajecit, & totum decennium inter gentiles, & exules Catholicos, Apostolico Zelo insudavit, fructu planè uberrimo; quem seriùs tandem quam voluissent hæc occasione deprehenderunt hæretici. Post innumeros è vulgo sacro fronte Catholicè ablutos, præcipuum quendam ejus Regionis Dynastam Fide CHRISTI imbutum tinxerat; quod cum latere diu non posset, captus nimirum est Pater in vincula, & in Angliam Judicio Regio transmissus. Sed cum illud sub Carolo in Sacerdotes & Catholicos longè mitiùs ac prioribus annis exercebatur, nihil ultra relegationem ab Insula durius in eum actum est. Exulavit iterum tantisper in Belgio, veluti spiritum ad novos labores collecturus, unde nihilominus repetitâ Angliâ decennium aliud laborum illi impendit, firmandis maximè Catholicis, & lapsis Ecclesiæ conciliandis intentus; dum plenus annorum & meritorum migravit ad Patriam permanentem in Cœlis, propè octogenarius, An: 1655. 27. Sept.

*Ex Anglia Henr. Mori.*

## P. STANISLAUS WOYSZA cum alijs 28.



**P**opolis, egregia Regni Poloniæ in Russia Civitas, P. Stanislao patria fuit, Parentes inter ejusdem Cives honestissimi, nativitas tamen, nescio quo errore naturæ, parum felix, & planè monstrosa, ut videlicet divinâ manu prodigosè obstetricante tantò felicior evaderet & miraculosa, & reformatus in hominem abortivus infans, totum se deberet gratiæ, non naturæ. Editus siquidem in lucem apparuit vix formam humani referens infantis, necdum satis digestum in debita membra corpusculum, sinè cranio etiam supremo in capite; ut jam Parentes informem adeò fœtum genuisse pœniteret, & amici properum funus magis quàm parentelæ auctarium in eo expectarent. Sed non deficit ope cœlesti Divinitas, cujus instinctu in spem excitati Parentes, pusionem in templum istic Societatis deferunt, & Beato Stanislao Kostka singulari pietate devovent: cujus apud DEUM meritis & intercessione & formam, & cranium, & vitam obrinuit, quam unice ni-

mirum DEO debitam illius integrè obsequio impenderet, & in gratum aliquando sacrificium cadens ejus amoris victima offerret. Nam sedecim annos natus Societatem iniit, cum in sæculo innocentiam sospitatoris sui Stanislai ità feliciter imitatus esset, ut integritatem corporis & animi nullo unquam lethali peccato inquinatam, in ejus tyrociniū intulerit: vel ut phrasi Magistri illius in Novitiatu idem exprimam, cujus animam impurum Dæmonium nè quidem unquam afflaverit. Inter ceteras ejus virtutes, quibus bene & ad normam nostræ Religionis instructus vixit, post humilitatem, patientiam, modestiam, orandi studium, obedientiam, paupertatem, enituit maximè in eo Zelus animarum, in quo felix fuit ad omnes hominum status: & præcipuo quodam studio ferebatur ad obsequia pauperum & rudiorum: tum ad infirmorum & in nosocomijs morantium, incarcerationum, ac ultimo supplicio afficiendorum, denique peste affectorum. Anno 1653. cum Posnaniæ grassaretur pestis, impetraverat à Præposito Provin-

cia





P. Stanislaus Woyśza Soc: Iesu Ruthenus, cum in-  
formis, et prope monstrosus sine cranio nat, esset;  
ope B Stanislai Kostka plene reconstitutus, Vitam et  
mortem proximis juvans in Soc:te addixit; in  
eorum obsequio, præter alios 20. per Poloniam peste  
sublatus Poluanæ 20. Octob: A<sup>o</sup> 1655. ætat: 42.  
177

ciæ potestatem infectis serviendi; cum ne-  
scio quo obstaculo interveniente impeditus,  
infortunium hoc magno dolore sustinuit, qui  
tamen spem & animos proximam quamque  
occasionem prensandi acueret. Biennio post  
eâdem lue Urbem depascente, voti majori-  
bus precibus repetiti compos factus, post a-  
liquot hebdomadarum labores & pericula,  
tandem & ipse carbone ictus occubuit: ma-  
gno Civitatis luctu, quæ per 12. annos ob-  
sequia ejus fuerat experta: tantus Officij hu-  
jus, quod ægris serviendo impenditur, per  
omne Sacerdotij sui tempus amator & Ze-  
lator, ut nunquam illum propria ulla valetu-  
dinis aut temporis iniquitas abstereretur, quò  
minus quacunque diei vel noctis horâ &  
tempestate ad infirmum evocatus accurre-  
ret, cum sæpe vix pedibus ipse niteretur. Ad  
*Societas Europæa.*

confessiones audiendas in templum descen-  
debat primus, ultimus excedebat: etiam ho-  
ris diebusq; feriatis, quibus Confessionalia a-  
liorum vacabant, suum insidens; quod ex-  
perimento frequenti doctus esset, adfuisse  
tunc sibi pœnitentes auxilij maxime indigos.  
In corporis afflictatione, alias per se infirmi,  
& multis affectionibus obnoxij, non tam  
quotidianus quàm assiduus fuit, nullum in se  
defectum passus, quem quavis nocte non a-  
spere expiaret. In animas Purgatorij prolixè  
liberalis; easdem sæpiùs auxilij deposcendi  
causâ ad se ventitantes habuit. Incidit e-  
jus mors in diem 20. Octob. Anni 1655.  
cum ipse vivendo explevisset annos 42. in  
Societate 26. Spiritualis Adjutor. At pri-  
or ille annus 1653. quo P. Stanislao negatum  
fuit pestiferis addici, fortunatior fuit P. Jo-  
anni



anni Odorovio, itidem Spirituali Adjutori, qui post 25. annos continuos Posnanjensibus ad sacras operas pervigili curâ impigre impensos, iisdem in peste juvâdis vitam ipsam devovit, & sacrâ prodigalitate expendit 25. Aug. unâ cum P. Petro Gliniczky, extincto ad diem 22. Sept. & P. Joanne Gloninsky, Gedani in Prussia. Quos Anno 1657. in eodem certamine gloriosi athletæ secuti sunt, Varavia quidem duo, P. Thomas Steinberger 4. Octob. cum Fratre Andrea Krziczewsky 3. Sept. Plociæ vetò P. Albertus Kaczinsky 15. Octob. Professus 4. vocorum: cum Patre Alberto Peplonsky 14. Nov. itidem Professo; ac demum Nieszevia P. Georgius Dilewicz, Coadjutor Spiritualis 15. Decemb. extincti. His adde anno 1652. in eadem Polonia pro salute proximi demortu-

os, Cracoviæ tres, Patrem Jacobum Serbinium 14. Julij, Patrem Joannem Conrad 8. Aug. Patrem Joannem Starczewsky 12. ejusdem, multorum annorum apud Castubios Prussia Missionarium. Lublini Patrem Martinum Wroblewiz 8. Aug. Sendomiriæ, Paulum Kamborsky 30. Sept. sapius antè diversis contagionibus Sacerdotum peritum & navum Adjutorem. Torunij P. Joannem Koloswarsky 24. Sept. P. Joannem Slupecky, Cameneci 31. Octob. Ommitto reliquorum nomina, qui partim Anno 1630. partim 1645. numero tredecim in eodem Charitatis munere per Poloniam decelsere, quæ reperies apud Alegambe inter heroës illorum annorum, & victimas Charitatis.

*Ex Aleg: Viſt. Charit.*

### P. THOMAS LAITHWAITE vulgò Scottus.




Atus est Pater Thomas in Comitatu Angliæ Lancastrensi, habuitque in Societate fratres Sacerdotes tres, unum Coadjutorem temporalem & post literas humaniores domi combibitas, Philosophiam & Theologiam audivit Hispali. In Angliam redux jam Sacerdos Anno 1604. ut sacris ministerijs Patriæ prodesset, mensruâ navigatione Plinoam delatus est; isthic dum de equis inquit, quibus evaderet Exoniam, incidit in Warwicum Hele Irenarcham ex ordine Equestri hæreticum acerrimum, à quo de Religione rogatus, cum fateretur esse Catholicum, quæritur insuper, num jurare velit in primatum Regis Ecclesiasticum? negantem jubet spoliari ad indusium usque, ut omnia excutiantur: repertas cereas CHRISTI imagines & quædam scripta retinet, reliqua iterum cum pecunia restituit. Biduo apud se humaniter retentum rursus interrogat utrum secum velit templum adire? recusantem mittit sub satellitum custodia peditem ad carcerem Exonium 20. milliarum spatio: ibi à Custode carceris barbarum in modum ignominiosè acceptus, jubetur truncum in atrio obvium conscendere, ut esset omnium oculis Papista conspicuus. Eâ occasione usus Scottus, ad confluentem versus turbam intrepidè fidem profitetur: exceptus male-dicentiâ populi, oneratur ferreis gravissimis compedibus, & in ergastulum flagitiosis refertissimum compingitur: quâ ignominiâ felicem quidem se, quòd tam gloriosa de causa pateretur, reputabat, caput tamen post

tædere loci ob perditissimæ nequitie formas, quæ ob oculos continuè versabantur. Erant enim 80. viri fæminæque eundem in locum varia ob flagitia inclusi, viros à fæminis distinguebat clathrum ligneum, tam latis sparijs cratium divisum, ut non manibus solum & capiti, sed integro penè corpori pateret transitus, à quo tamen tentando retinebantur catenâ compedibus implicitâ muro adstricti. Ceterum transitu excepto, quàm sceleratè invicem factis & verbis egerint, facile cogitabit; cui libertas hæretica quid doceat compertum est. Pepigit igitur Scottus cum Custode de cubiculo separato, persoluto in hebdomadas singulas nummo aureo: cui tamen ex ea cum sceleratis habitatione tanta copia vermiculorum adhæsit, & tam pestilens aër, ut vultu, manibus & pedibus tumescentibus, somnus etiam ab eo fugerit. Interea adducuntur & Hyberni duo Catholici, Sacerdos alter juvenis, alter provecæ ætatis laicus; hi inter sceleratos nè locarentur, ægrè Pater obtinuit: & licet in habitationem sui cubiculi eos admitteret, obtinere tamen id à Custode non potuit, nisi pro singulis per hebdomadam similiter pacisceretur, cum hyberni nec obolum secum attulissent: id quod charitate Christianâ præstitit.

Trimestri in carcere exacto solennia celebrabantur judicia, in quibus testimonio unius, à quo in Lucarensi portu sacrificium offerre visus erat, damnatur Sacerdotij, velut criminis læsæ Majestatis; cujus & Hybernus Sacerdos condemnatus, tantâ indè consternatione affectus est, ut & Regi primatum Eccle-





P. Thomas Laithwaite, vulgò dictus Scottus, S. J. Angl., in conversione Angliæ, nullis adversitatib., et ærumnis absterri se passus est. Obijt ibidem octogenariò major, circa Annum 1655.

J. G. Hirsch del.

178.

J. Kilian sc.

clesiasticum juramento adstrueret, & abrenūciatā Fide Catholicā precibus hæreticorum publicè interesset. Quæ omnia detestanti Scotti, pœna tamen capitis intorta, nunquam irrogata fuit, sed in carcerem remissus, majore etiam studio Fidem alijs instillare laboravit. Cùm enim frater nati minor Eduardus, ex obstinatione in hæresi acerrimus Catholicorum insectator, facilè obtinuisset à Judice potestatem Thomam in carcere pro libitu conveniendi, octiduo apud illum commoratus hæresim dedoctus est, factaque apud Fratrem exomologesi Ecclesiæ reconciliatus, nè hæreticorum templa adire cogeretur, Ducum ad studia, ac deinceps in Societatem transivit, susceptoque Sacerdotio in Patriam redux, magnis de hæresi reportatis victorijs sanctè in Missione Devonienſi Superior

*Societas Europæa.*

obiit. Erat inter captivos ibidem ultimis Judicijs morti adjudicatus malefactor, tantùm eā sententiā perplexus, ut ipsā mortis recordatione pene exanimaretur: nemo tamen ex Ministrellis induci à Custode poterat, ut hominem solaretur. Ergo ad Scottum, quem Virum bonum nec illiteratum advertebat, conversus custos, rogat ut miserum, quem ei adducebat, erigendum suscipiat: quem duarum propè horarum colloquio, quantum necesse erat, in Fide institutum, & Sacramento expiatum, tantā complevit lætitiā, ut non mortis solùm sententiam leniter ferret, sed arctè complexus Scottum, fufis præ gaudio lachrymis fateretur, nunquam se in re qualibet tantum liquidi expertum esse solatij. Jussus tamen à Patre est rem in secreto habere ad locum usque supplicij; eo

liiii 2

loci



loci crucis signum frequenter pectori & fronti imprimens; fatetur se Catholicum, ringente Magistratu, & duobus, qui repentè ei pervertendo frustrà evocati fuerant, psevdo-ministris frendentibus. Redux à patibulo custos timore pœnæ insanit, minatur Scotto extrema: ille vicissim minanti exprobrat, nec ipsum immunem fore, si factum Judicibus prodatur, qui ad se hominem ultro adduxerit ad mortem comparandum. Ità sex ferè mensibus in carcere detentus exulare jubetur, sed consensâ mercatoriâ dum aliquot diebus navigat, turbida repentè tempestas in Angliam navim repellit ad Provinciam Hantonensem; ubi dissimulante Navarcho, & numeratâ illi pecuniâ, datur Scotto fugæ copia, qui rectâ ad Henricum Garnettum profectus expetit Societatem, datûrque P. Gerardo in Tyronem instituendus. Anno vix lapso erumpit infelix pulveraria conspiratio, ex qua cum nihil Socijs esset in Regno tutum, post Garnetti mortem Gerardum in Belgium secutus est. Peractis Tyrocinij anno altero probationibus in Angliam remissus, impeterritè rem Catholicam ubique promovit, nullis persecutorum minis, nullis periculis absterri se passus, ut patuit in agro Starffordiensis, ubi rescians ægrum jacere coementarium quendam Romualdum Calvinistam, eum adiit unâ cum Virgine nobili è domo vicina, quæ dextrè uxorem colloquio foris detinens, opportunitatem Patri fecit soli ægro in lectulo loquendi. Hunc ille proposito efficaciter ex hæresi damnationis periculo, & Fidei Catholicæ veritate, nequidquam frequenti januâ pulsu ingressum urgente conjuge, ità permovit, ut denique ritè confessum expiârit. Tum verò sœmina perditum ab illo maritum de-

plorat, filij ex agro reduces cum familia stomachantur, extrema Scotto minantur. At ille imperturbatus cum ex medico rescisset spem vitæ nullam superesse, etiam regredi ausus est, jubentemque ægrum domesticos ab injurijs desistere, postremis Sacramentis ad mortem, quæ brevè secuta est, communit.

In ejusmodi Apostolicis functionibus per varias missiones quadriennium insumpserat, cum à Sacerdote apostata Atkinsono proditus intercipitur, & in carcerem Portæ novæ Londini conjicitur. Paulò post ab Allobrogum Duce missus ad Regem Orator adornabat ex Insula reditum, cujus intercessionem donatur Scotus, unâ trans mare avendus. Sed remansit iterum solerti industriâ, & in proximum charitate; siquidem, alteri ejusdem secum nominis pro se navigij copiam cedens, nemini observatus ad missionem suam revertit. Vix autem tertius illi laborum mensis fluxerat, cum denuo ab eodem apostata proditus, ad carcerem Westminsteriensem amandatur, ubi à Custode inhumaniter habitus, consilium inivit cum reliquis captivis de fuga: successitque ad votum prosperè: ex qua deinceps ut securius lateret, in ædes Equitis Catholici secessit, mansitque reliquos vitæ totos 40. annos, ex ea veluti Missionum suarum specula quaquaversum singulis ferè hebdomadis ad alios juvandos procurrens, nemini propagandæ Religionis ardore vel industriâ secundus. Donec à Cælesti Patrefamilias ad mercedem recipiendam evocatus, ex eadem domo quadragenarius incola discessit, circa Annum 1655. in Societate Coadjutor Spiritualis formatus.

*Ex Anglia Henr. Mori.*

## P. LUCIUS PIGNATELLI & P. JOSEPHUS GUSTAPANE cum alijs facilè 60.



Eleberrimæ Urbi Neapolitanæ frequentius à Vesuvij incendijs ingentes clades perpeßæ, Annus 1656. à peste pœne mortalis fuit, adeò siquidem insolenter est grassata, ut mensibus Junio, Julioque, ad medium ferè Augustum, sæpe intrâ unius diei intervallum 800. fuisse enectos, imò nonnunquam supra duo vel tria millia cecidisse memoretur: universim verò internecinâ hujus anni clade supra ducenta triginta capitum millia demef-

sa fuisse scribit Hieronymus Brusonius, in Italica Europæ in hunc annum historia; esto addat, multos alios ope S. Xaverij fuisse in vita servatos. Ergo ubi in crescentis Maji exordio lues se prodere cœpit, morte necdum tam latè porrectâ, sociorum ex omnibus domicilijs major pars ad tutiora dimissa est, relictis intrâ Urbem 176. quâ Patribus, quâ alijs: è quibus centum & septem, lue domum illatâ, sunt perempti: ac demum extra hos facilè 60. qui ex ingenti competitorum numero ad obsequia pestiferis exhiben-





*J. G. Heintz del. J. C. Hefner sc.*  
P. Lucius Pignatelli, et P. Josephus Gustapane Soc. Iesu,  
aliq. facile 60. in peste Neapolitana A. 1656. victimæ  
charitatis ceciderunt: Auxiliarem Sancti Xaverij ma-  
num Civib. ita expertis; ut ideo inter Urbis Neapolitanæ  
et Aquilanae Patronos, Eum solenniter retulerint.  
179.

benda dimissi, in opere excelsæ hujus Cha-  
ritatis animas posuere. Res in hunc modum  
instituta est ordinatè, planè atque partitè.  
Pater Bernardinus Mazziotta Domûs Professæ  
Præpositus, cùm Provincialis abesset, habi-  
to longo Sociorum, qui sua nomina in expo-  
nendorum Album referri flagitabant, cata-  
logo, Pro-Regi primùm, ac deinde Cardina-  
li suam & Societatis operam obtulit, atque  
illicò rem aggressus, operas per singula No-  
socomia, & qui vicos omnes Civitatis con-  
cursarent, partitus est. Ad obsequia pu-  
blici extra Urbem Valetudinarij ( Lazare-  
tum vocabant ) destinati quinque, è quibus  
extinctis quaternis, unus novis totidem ope-  
ris auctus, integer usque in finem duravit.  
In Nosocomia intrà Urbem Sancti Jacobi  
pro Hispanis, & aliud privatum pro familia

Pro-Regis, ac tertium Principis de Cellama-  
re, pro ijs qui tabellionum munere funge-  
bantur, designati alij. Urbs multifariam di-  
stributa, ut nulli parti sui deessent auxilia-  
res, 15. Sacerdotes qui eam assiduè concur-  
sarent, occupavit. Præter hæc in Domo Pro-  
fessæ, in ipso templi aditu extemporali arâ e-  
rectâ, ad eam Patres divina Sacrificia celebra-  
bant, ut populus citra periculum à pressura  
& permistione suspectorum, è foro peram-  
plo & fenestris interesse posset: ad exomo-  
logesim tamen atque ad mensam Angelicam,  
omnibus accessu indulto. Et fuere ad obse-  
quia venientium semper prompti Patres 20.  
omnes ferè senes & decrepiti, è quo censu  
non nisi unus remansit illæsus, alter ictus  
quidem, sed superstes, mortui 18. Idem  
præstatur in Collegij majoris Templo, o-  
mni-



mnium accessui & participandis Sacramentis semper aperto, ex quorum obsequijs perire Sacerdotes octo. Ad hæc in Collegio Sancti Ignatii Gubernatores Montis Misericordiae, singulari pietatis industriâ, quot mensibus mille ducentos ducatos deponebant, delecto ad eorum inter egenos distributionem P. Francisco de Ferrarijs, qui octo alijs auxiliariis ascitis dividebat in singulos pauperes per sesqui Carolinum, id est plus quam Julium, nostrates plus quam decem cruciferos. Quam rem ubi accepit Pro-Rex, divinæ iræ magis placandæ, ac plebi egestate ferè non minus quam peste laboranti sublevandæ, alios quoque mille ac ducentos aureos adjecit similiter erogandos. Quæ stipis distributio, & exceptæ omnium promiscuè confessiones, P. Francisco pestem & mortem afflavere. Ad hæc rogatu Archiepiscopi Cardinalis, in Templo Cathedrali constanter assidebant, omnibus audiri & juvari volentibus prompti, Sacerdotes quaterni: & ad triremes quoque excursus, ut sua nauticæ turbæ, pestilentia pariter correptæ, atque omni solatio & remedio destitutæ, præberentur auxilia. Omnium horum ad hæc audenda & patranda stimulator perpetuus fuit DEI & proximi amor, qui quam latè stragem edidit in selectissimis quibusque Patrum, tam pretiosè illorum nomina æternitatis Albo inscripsit: quorum nomina & gesta quæ reperi, particularim nunc ex singulis nostris ibi domicilijs recensebo.

Primus fuit ex Professâ Domo P. Josephus Gustapane 28. Junij extinctus, senex annorum 68. in Societate 50. Professus 4. Votorum. Is Lupijs natus, post explicatam publicè octennio Theologiam Moralem, totidem annos Tyronibus, & in Tertia Probatione Patribus instituendis præfuit, ac deinceps Collegijs diversis per annos 18. Rector, & nuper Domui Professæ Neapoli Præpositus. Singularis de illo jam olim puero Angelicæ virtutis fama, in Societate postea usque ad Sanctimoniam opinionem increvit: Regularum omnium exactissima observantia; ut nè minimam quidem parvi duceret; quæ tamen disciplinæ Religiosæ tam retinens cura, nihil de serena vultus tranquillitate, ac placida erga omnes affabilitate decerpebat. Cubiculi, vestitus, & rerum omnium sancta, citra sordes tamen, paupertas, nihil superfluum aut elegantius admittens: sermocinatio omnis de DEO vel divinis: cum DEO autem longè prolixior & quidem flexis perpetuo more, ad contestandam animi sub-

missionem, genibus. Ægros pauperesque, visendi tanta aviditas & assiduitas, ut quo ipse potius evocaretur, & præ alijs mitteretur, expeditè se cum pallio sisteret ad exeundum accinctum. Utque etiam infimam plebem magis ad se attraheret, sedem in Templo ad confessiones excipiendas, cum alijs, tum in Præpositi munere constitutus, ultimam pro se reservabat. Divinæ Matris festa ut augustius coleret, pridie severo jejunio, non nisi panem & frigidam adhibebat: Sabbathis quoque ac per totum Adventum jejunio perseveranter addictus. Cilicio perquam rigido, flagris propè supra modum corpus atterebat, ut aliquando non sinè metu periculi decumbere coactus sit, quòd dorsum inclementius laniatum acerbo ulcere, rigeret: Nulla in Urbe præfuit Collegio, quæ pro illo retinendo non laborarit, ac etiam egerit, ut jam profectus rediret. Beneventi Archi-Episcopus illum in Theologum suum insuper adscivit, & Civitas ipsa tanti fecit, ut ejus istic retinendi gratiâ 2000. aureos quotannis illi alendo pendere Collegio destinaret. Eadem ipsius consilio SS. Ignatium & Xaverium sibi in Patronos delegit, celebritate tantâ, quantâ ab hominum annaliùmque memoria istic non fuisse visa dicitur: unde regimen ejus Collegij rogatu omnium, & jussu Præpositi Generalis iterum illi repetendum fuit. Ægros domesticos, ubicunque præfuit, fovebat læto ac explicato charitatis amplexu, & mediastini, patris, fratrisque implebat officia. Fuit cum S. Eucharistiâ passus æger sub illo Novitius, divinum Sacramentum stomacho indignante, vomitu reddidit: Pater nihil eas sordes detestatus, ore hilari ac pijsimâ reverentiæ significatione, totum hoc cum divina hostia resorbuit. Coortâ verò Neapoli pestilentia cum ad Nosocomium pestiferorum serviturus exiret, frequens illum collachrymantium Patrum corona illuc deduxit, maturam victimam arduæ heroum charitati: ipse verò cum alijs, tum P. Bernardino Mazziotæ Præposito, qui eam illi potestatem fecerat, ad sesquihoram effusè ploranti, serenus ajebat; lætandum esse potius quòd eâ potestate factâ clavem sibi ad Cælum porrigeret, aditum aperiret. Ibi in pertinaci labore pervigil & assiduus, precandi studio omnem laboris intercapedinem occupabat, nullâ propè somni curâ, cum hortantibus negaret somnum se in oculos possemittere, ubi tot istic mortales tantis ærumnis premi videret. Et quia vel senio & laboribus brevè succu-

bitu-



biturus tanto oneri videbatur, jussus est quiescere, in alium locum translatus: ubi acerbè spirans, & eorum Sociorum felicitati, qui in hoc charitatis munere vitam finiebant, sanctè invidens, gemebat ad Socium, heu nos infelices Pater, quibus hoc mortis decus velut in manibus infringitur! At ubi Domum Professam quoque Virus illud, ab ijs qui præ foribus templi animos expiabant illatum, corripuisse inauduit, pervicit sanctè importunis precibus ut ad ægros saltè domi juvandos convolare posset. Neque id tam flagranter postulanti negari potuit: quod ipse supremâ accuratione, ne quis opis suæ expers remaneret, propè supra vires præstitit, in quo labore illum occupavit contagio afflata beata mors, quam divinis mysterijs munitus, positis humi genibus Crucifixi Domini sui arcè complexus effigiem, incredibili suavissimæ pietatis significatione hilaris excepit. Ex eadem Domo Professæ in publici Lazareti cum Patre Josepho obsequijs, veneno infectus decessit P. Franciscus Dragus, & Donatus Carpentieri Coadjutor. In vestigandis autem juvandisque per Urbem, in domibus & vicis lue correptis, P. Lælius Antoglietta Lupienfis, & P. Franciscus Fulcus Neapolitanus: hic annos natus 45. votorum quatuor Professus: ille verò annorum 56. in Societate 42. similiter Professus, cum pridem à notæ sanctitatis P. Bernardino Reolino vaticinio accepisset, fore ut in Societate moreretur, adjunctis hisce expressis verbis, *propter egregium facinus in salutem animarum*. Ex quo in morte inexplicabili solatio affectus feliciter decessit.

At verò ex ijs, qui pro foribus templi Professorum, aut in ipso templo, promiscuæ multitudini Sacramenta ministrabant, longè plures lue infecti concidère. Atque imprimis ipse Præpositus Pater Bernardinus Mazziotta, 70. annos natus Capuæ, in Societate verò 52. in qua Neapoli à Grammatica omnes per ordinem disciplinas perdocuit, eoque ceu maximè idoneus ad generalis studiorum Præfecti munus, illud cum dignitate per annos plures gessit. Denum Rector ibidem, & Domus Professæ Præpositus, ac missus Romam anno superiore Procurator, Neapolim redux, cum glisceret pestis incendium, ipse pro potestate operas conscripsit, ipse singulis stationes designavit, & ipse quoque idem capitis periculum exambiens, cum alijs domi pro sacro tribunali sedit affiduus, & mori certus in opere tam præclaro, si periculum optatis responderet. Hæc a-

nimi destinatione id agenti (quæ & reliquorum omnium mens fuit) pretiosæ mortis occasio non defuit, lue ab illis quos expiabat acceptâ. Singularem quandam tenerioris in Sanctum Thomam de Aquino pietatis vim, & ingenium Angelicis ejus lucubrationibus egregiè tuendis addictum illi ingenuit DEUS, id quod luculentè elucet in duobus, quos typis edidit, tomis, primò, qui inscribitur, *Questiones selectæ Philosophicæ, ad mentem Doctoris Angelici*: & alterò, *Questiones selectæ Theologicæ*, ad mentem ejusdem. Secundum hunc in eodem pio ministerio infectus obiit P. Lucius Pignatellus Neapolitanus, annorum 42. in Societate 25. 4. vota quatuor Professus. Vir fuit sui despicientiæ tantò major, quantò illustriori Principum stirpe natus, magnis consanguinitatibus illigabatur. Frater fuit germanus Innocentij XII. ad summum Pontificatum modò electi, editus in lucem Matre Patris Vincentij Carafa sorore. Zelus illi animarum fortis adeò ampliusque, ut Europa concludi non ferens, transmarina etiam pericula in Orientis Indijs anhelaret. Quibus adeundis jam in Lusitaniam penetrârat, pro Angelo ibi celebratus; sed præclusi aditus Neapolim illum redire coegerunt, ubi gloriosam mortem, longâ navigatione fortè vix reperiendam, invenit, cum prius Romanum Collegium, ac deinceps Provinciam Neapolitanam gubernâisset. Secutus est P. Franciscus Corcionus, Neapoli ante annos 79. natus, Societati verò ante annos 62. Professus ejusdem ante 40. adscriptus. In Domo Professæ rei domesticæ procuracionem administravit, quò per multa simul Nobilitas ad Pœnitentiæ Sacramentum propensè utebatur. Undè illi administratio data est Sodalitij SS. Evcharistiæ, inter Sodalitates à Societate institutas vetustissimæ, utpote adhuc in vivis agente Sancto Ignatio erectæ, & postea à Gregor. XIII. approbatæ. Plurima in animarum salutem per hoc Sodalitium mirâ industriâ perfecit, ætatem latura: cujusmodi sunt duo illa domicilia, quæ *Conservatoria* nuncupârunt, alterum malè nuptarum, alterum Virginum, quæ pietatem ac artes, quibus vitam sustentent, edocentur. Providit etiam per eundem cætum, ut commoditas nè deesset pro quibusvis extrarijs, Exercitia S. Ignatii obire volentibus: & nostris viaticum ad missiones profecturis. Denique Sodalitatis illius, molem permagnam, eoque laboris plenam, provexit auxitque, magnis etiam purpuratis Proceribus, ipsòque Pro-Rege in illam adle-



cto, & Ferdinando III. Cæsare illi Præfecto. Inter eminentes perfecti Religiosi virtutes & dotes, etiam vaticinij gratiâ præditus à DEO videbatur, quando Patrum cuipiam, quem metus pestis propè mortuali quodam mœrore perculerat, angelico quodam vultu serenus citra dubitationem asseveranter atque ardentem prædixit, cave timeas, inquiens, fili hoc malum te de vita non auferet: quâ promissione mirum in modum tranquillatus, veritatem illius sanus & incolumis inter tot funera & pericula, omnibus superstes confirmavit. Eadem Charitas optabili exitio salutem peperit P. Francisco Cevola, Averfano, annos nato 75. Is Societatem impetravit Philosophiæ & Medicinæ jam Doctor, in ea factus Coadjutor spiritualis, & post sexennem Rectorum Procuratoris Provinciæ officio Neapoli tunc fungens. Idem evenit P. Vincentio de Colellis, Neapolitano, vota quatuor professo, annos nato 60. in Societate 43. cum post traditam Philosophiam & Theologiam non semel alibi, ac etiam Neapoli Collegio Rector præfuisset. Ut & P. Didaco Lainez, secundi nostri P. Generalis pronepoti, expectationis eximie, 36. annos nato Neapoli, in Societate 21. Hic inter Professos accensus, post Philosophiam Cosentini prælectam Rhegium Collegium præclarâ commendatione rexerat, unde Neapoli domui Professæ datus Minister, primum vulnus pestiferum infligi sibi sensit in templo, dum Sacramenta promiscuè accedentibus ministraret. In eodem opere lethaliter ictus cecidit Pater Silvanus Vicus, Beneventanus, annorum 71. in Societate 57. Professus 4. votorum, magni nominis Concionator, & post octennem in officio Rectoris gubernationem, Neapoli S. Officij Consultor. Item Pater Horatius Grossus, Neapolitanus, annorum 79. in Societate 61. vota 4. professus. Dixit ad populum singulari applausu decennio; gubernavit triennio; & ultimâ occupatione functus est Neapoli Operarij in Domo Professæ, toti Nobilitati perquam acceptus, & animarum bono perutilis. Et P. Franciscus Macedonius, Neapoli patritiâ domo natus ante annos 71. Societati adjunctus Anno 1619. post 4. votorum professionem sexennio Rector, & Patrum in tertia Probatione quinquennio Instructor. Pulcherrimum Seraphini agnomen, quod illi publica piorum vox & fama indiderat, vitæ illius tum domi tum foris, compendiarium elogium fuit. Neque ardebat ipse duntaxat amore velut sterili in-

DEUM, sed varijs industrijs eundem in alijs accendere studebat, carbone præsertim illo ignito à Cœlico Altari accepto, à cujus contactu ora quàm plurimorum inflammarentur. Nam Communionis generalis seu menstruæ, plenarijs indulgentijs privilegiatæ, accuratione zelo suo commissâ profectu maximo functus est, tum in animis nocte mortiferâ involutis in lucem optimâ eâ occasione eruendis, tum in missionibus per urbem providè instituendis, tum in numero sacræ synaxi accumbentium augendo, ut in una Communionem 12. & quandoque 13. millia censerentur. Quam populi vim appositis aspirationibus, magnâ pietatis ac vocis contentione incitabat ad panem cælicum dignè accipiendum, & grato animo fovendum. Jam tridui illius feriarum Bacchi licentiam mirâ industriâ, celebratis per varia Urbis forâ sex septemve ardentissimis concionibus, ad DEUM traducebat. Festis quin etiam per annum diebus prodibat cum manipulo sociorum è templo nostro, eosque scintillarum instar ad omnia incendenda dispergebat: nec semel pulsus circumforaneis ludionibus, ipse ludij & ludicæ locò theatrum occupabat, ac omnem illam populi concionem ad seria audienda convertebat, ducebâtque tandem in templum ad exomologesim, & simul plerumque ad pœnas verberatu spontaneo à corpore exigendas. Nihil illo pauperius, non cubiculum libro ullo nisi muneri suo perneccessario instructum, nulla nova vestis admissa: unde & pauperum singularis amicus & advocatus habebatur. Obedientia demum in illo semper prompta & expedita securos reddebat Superiores, ut eum supplemento cuilibet admoveere auderent, certi fore, ut citra ullam excusationis intercapedinem se commissis accingeret.

Ex eadem domo Professorum in pestiferis audiendis veneno afflatus occidit P. Angelus Olivetus, senex septuagenarius, cum ad Societatem jam maturus, & juris utriusque laureâ ornatus accessisset Anno 1621. tria vota in illa professus, & procuratoriæ economicæ diu præfectus. At non minùs in animabus procurandis peritiâ, dexteritate, fuit magnopere uti assiduus ita utilis; quàm plurimis Angelus pacificatorius tum in dissidijs, tum verò in conscientia perturbata, cuius tranquillandæ artes perscitè callebat. Fæminas plures à vitæ licentia abductas in tuto collocavit: unde fiebat, ut quidquid deploratorum & exulceratorum in scelèrum volutabro hominum erat in triremibus, ergastu-



gastulis & in Urbe, ad illum afflueret. Sed, & adolescentum religiosæ disciplinæ ejus operâ & ductu assertorum, numerus iniri vix potest. Ipse manè unâ ante alios horâ se de lecto proripiebat, & horâ meditandi expletâ, divinôque celebrato Sacrificio, reliquum omne matutinum tempus, imò diem ferè integrum sacro pœnitentiæ tribunali dabat fidus, amplissimâ etiam ad absolvendum à gravissimis sceleribus reos Cardinalis Archi-Episcopi auctoritate instructus. Cùm pestis æstuaret, & ipse in sacro munere funesto ulcere jam faucium se videret, tamen pœnitentiæ sedem non deseruit: diei ac horæ, quâ sibi decedendum esset, verus vates. Itaque eadem illâ supremâ vitæ die sacrificio divino adhuc operatus, cùm pro eodem sacro tribunali aliquamdiu sedisset, conclave repetijt, & illic ipsissimâ quâ prædixerat horâ, requievit in pace. Eandem requiem ibidem ex laboribus cum pestiferis DEO reconciliandis obtinuit Pater Franciscus de Maris, Genuensis, in Societate exactis 33. annis, Coadjutor spiritualis, pluribus annis Provinciæ Procurator; ac demum Operarius, unâ cùm Patre Joanne Baptista de Maris. Et P. Josephus Bonanni, Aquilæ ante 79. annos natus, in Societate exactis 53. Professus 4. votorum, subinde moralis Theologiæ Professor, Procurator, & Rector. Et P. Franciscus Campanili Neapolitanus, annorum 72. Coadjutor spiritualis, singulari gratiâ Nobilium in Sacramento Pœnitentiæ tractandorum à DEO præditus. Utî & P. Petrus Ferracuto, Siculus Messanensis septuagenario major, in Societate quinquagenarius, Coadjutor spiritualis, carcerum per annos 42. assiduus Neapoli Curator. Hos ille largè suppeditatis elemosynis utî juvabat in corpore, itâ erectis Sodalitijs promovebat in anima, ut Cænobijs quandam imaginem ergastula facinorosum, præferrent, multa licet adversa eâ causâ perpeffus. Eò autem cupidius id agebat, redimendis etiam è potestate infidelium Christianis mirè addictus, quò magis ipse ante initam Societatem apud Turcas vinculis constrictus expertus est, quid sit esse captivum, præter gravissimas ærumnas, ad deferendum CHRISTUM variè, sed in vanum sollicitatus. Item P. Joannes Ragusa Consentinus, annos natus 76. in Societate 59. quatuor vota professus, post Philosophicas Theologicâsq; doctrinas in scholis traditas, egregius animarum Operarius, felici tum in templo nostro, tum ad sanctimonialia dicendi ardore disertus ac potens.

Item P. Fabritius Elephantio, Barolitanus annorum 75. in Societate 59. quatuor vota professus, & per annos 21. in varijs Collegijs Rector, inque regenda & educanda nobili Seminarij juventute magnâ dexteritate pollens. Eadem cum Fabritio utî patria tulit, itâ mors abstulit, P. Leonardum Galibertum, anno ætatis 60. Societatis 43. quatuor vota professum. Hic explicatâ de moribus Theologiâ sexennio Rector, cùm domi nostræ, & Monialibus in Cœnobio quodam communi lue contactis sacra mysteria administraret, præclaram mortem in pretium operæ suæ retulit. Agmen clausit postrema Charitatis in Domo Professorum victima. P. Eustachius Paganus, anno ætatis 66. in Societate 51. luem, ex qua decessit, in templo cathedrali contraxisse creditus, ubi rogatu Cardinalis Archi-Episcopi, Cognati sui, confessiones durante peste excipiebat. Post Philosophiam & Theologiam in Italia traditam, rexit Collegium Viennense in Austria, Oeniponti etiam, & in Hispania in Regijs aulis versatus. Atque itâ sola Domus Professa in Charitatis obsequio, amisit personas 24. quarum nomina reperio, nullius tamen mortis die expresse.

E Collegijs Neapolitanis pari felicitate, pestiferorum servitio immortui sunt: ex Collegio majore, seu studiorum, P. Antonius Valcarel, obiit 21. Junij, Pali in Apulia natus, annorum 40. in Societate 20. Hic singulari zelo Turcarum ad CHRISTUM adducendorum, cùm idiomatico Turcico condiscendo studium utî pertinax itâ utile feliciter impendisset, plures eorum ad fidem pertraxit, & baptismo lustravit. Coortam pestilentiam adeò exhorruit, ut metum haud dissimulanter prodere cogeretur, at usque adeò se subegit, & horrorem illum fortiore proximi dilectione pervicit, ut inter primos juvandis per urbem pestiferis exponi magnis precibus impetrârit. Cùmque se jam expositus redeunte horrore à primo illo fervore relangvescere persensisset, palæstram majore strenuitate repetijt, nec prius ex illa, quàm è vita discessit. Sic pariter obiit in eodem labore ejus Sodalis postridie 28. Junij P. Joannes de Laurentijs, Neapolitanus, annorum 35. ex quarto anno Theologiæ ad nobilem spartam admissus. Sic & P. Jacobus Stea, Lyciensis, ex eodem Theologiæ anno nuper Sacerdotio initiatus, eodem mense decessit: tantis lætitijs ex impetrata eadem sorte incedens, quasi haud dubium prædestinationis pignus teneret. Exiturus è Collegio



legio ad commune Lazaretum extra Urbem, cum ante SS. Evcharistiam prostratus, tanquam non rediturus valediceret, in tenerrimi amoris lachrymas totus effusus: ita illuc se contulit, ut pactum inierit cum alijs Religiosis, ægris ijsdem spontè famulantibus, non prius miseros illos quàm vitam deserendi, quam post aditi ejus Valetudinarij dies 18. lætus amisit. Sic quoque abiit P. Joannes Cataneus, ante annos ferè 17. Societatem Mediolani ingressus: quò dum redire parat studijs Neapoli jam absolutis, interclusis itineribus remanere coactus, peste etiam correptus est, maximo indè dolore percussus, quòd non illà heroum inter infectorum obsequia, verùm ignavâ morte occumberet. Quare voti Sacramento spondit fore, ut si consanesceret, in publicam proximorum utilitatem se daret juvandis pestiferis. Consanuit, & voto respondit. nam & domi & in Cathedrali templo ad exomologesim accurrentibus aures præbuit, iterumque, sed gloriosius veneno ab charitate propinato læsus, plenus dulcis cujusdam fiduciæ decessit. Sic & Pater Vincentius Paganus, Eustachij germanus, Neapoli ante 60. annos natus, in eodem Cathedrali à pœnitentibus hausto toxico extinctus est, Concionator, Philosophiæ, & per annos 18. Theologiæ moralis, Professor insignis. Ex ijs verò qui domi, vel in cathedrali templo advenis pestiferis aures commodando, eorum contagio perierunt, fuere Pater Æmilius de Cardenas Collegij Rector, P. Joannes Moschetti, P. Carolus Campora, & P. Cæsar Vivus. Ex Coadjutoribus quoque temporalibus, corpora lue tactorum domi forisve in comitiva Sacerdotum eximiâ charitate procurantibus, cecidère Andreas Aquinus, Ignatius Carretta 26. Junij, Ignatius Elias 29. ejusdem; Onuphrius Comus, pictor egregius & Passioni Dominicæ mirè addictus, cujus cruciatus ita in horas partitè recalebat, ut si quota esset hora rogaretur, illius quod horæ præsentì assignârat mysterium promptè pro responso ediceret, hâc cædebatur ad columnam Dominus meus: hâc ad crucis mortem trahebatur &c. Suspiria interna, preculas jaculatorias, intimisque amoris actus, millies & millies per diem ad Cælum emittebat, fueruntque illi pro respirio. Ferreis cuspidibus, & horrido quodam cilicio in se ipsum sævus, aciculam ferè semper habebat ad manum, quâ se inter ambulandum, standum, aut colloquendum pungens, dolorem suum CHRISTI cruciatibus conjungebat. Indias ardentè expetebat,

eandem per Patrem Marcellum Mastrillum, Romam profectum, ut indè Japoniam peteret, efflictim urgens: sed non impetratas, in obsequia pestiferorum ardentissimo affectu mutavit, eorundem afflatu extinctus anno ætatis 40. Societatis 20.

E Collegio S. Ignatij primus omnium in hac acie victor cecidit Pater Franciscus Garganus, Neapoli claro sanguine oriundus, annorum 58. in Societate 40. Professus 4. votorum adscriptus: cui à pœnitente ritè absoluto virus tam atrox inhalatum est, ut eum quadrantis horæ vix elapso spatio extinxerit. P. Marinus de Simeone, ejusdem Collegij, cum jam alibi munus idem secundò obivisset, Rector, annorum 66. Societatis 47. labore & charitate insigni peste contactis impensâ. Item P. Franciscus de Ferrarijs, Bariensis, annos natus 47. in Societate 26. vota quatuor Professus, maximi zeli Missionarius & Ecclesiastes. Ex Novitiatus domo P. Josephus Rosa Neapolitanus, annorum 35. in Societate 17. Rectore cum Tyronibus ad securiora profecto, ad custodiam domûs relictus Vice Rector, ubi pestis circum vicinos grassata increbuit, erupit ferventer foras ut opitularetur. Sed & illi ab ijs, quos Sanctissimis Sacramentis juvabat, nata pestis, cum ineptum ad pedestres exitus reddidisset, curru quâ quâ vocabat necessitas circumvectus est, dum viribus omnino prostratis animam DEO redderet. Eadem gloria secuta est in eodem opere Patrem Joannem Campanilium anno ætatis 40. Intermontanum, post initam sexto abhinc anno Societatem, Juris utriusque Doctorem. Item P. Franciscus Salas. E Collegio Sancti Francisci Xaverij ijsdem Charitatis victimis additi sunt Pater Josephus Lamata in Aragonia natus, annorum 39. in Societate 17. vota quatuor Professus, militiæ Hispanicæ pestiferis, & Nosocomio Pro-Regis, ac Principis Cellamare à confessionibus. P. Joannes Ribadeneira itidem Hispanus Barolitanus, annorum 48. in Societate 33. similiter Professus, malo adeò virulento afflatus in ipsa Confessionali templi sede, ut super obvium scamnum reclinatus, & ultimis Sacramentis munitus, intrâ Ecclesiam expirârit. In eodem Charitatis obsequio obiit P. Didacus de Corduba, parentibus Hispanis Neapoli ante annos 56. ortus, & in Societate pariter Professus. Et P. Franciscus Maximi, Italus Navelensis, annorum 52. in Societate similiter Professus. Ac P. Franciscus Dragus, Panormi in Sicilia: domo illustri natus, 4. vota in Societate. Pro-



Professus. Hic ut Epidemicis opitularetur, Capuâ Neapolim accurrit, & in Valerudinario publico operam incredibili alacritate ad mortem usque impendit, in omnibus quibus vixit Collegijs Operarius indefessus. Creditur, animarum Purgatorij ope, quibus juvandis addictissimus erat, præsentissimum naufragij periculum aliquando evasisse, cum phaselo vectorum seu incuriâ, seu imperitiâ octies everso, & toties restituto, in mare ejectus fuit. E Collegio Sancti Josephi è pluribus cum ipso Collegij Rectore, ad idem Charitatis opus segregatis, unicus interiisse memoratur P. Joannes Coccia.

Atque hæc tam vividæ Charitatis exempla à primoribus Neapolitanæ Societatis viris, sive ætatem annis gravem, sive auctoritatem & munia in Societate gesta, sive præclaras virtutes & ab ingenio dotes expendas, in Civium salutem exprompta, in summam admirationem, & nominis nostri æstimationem Urbem nobilissimam traxere. Certè illustrissimum Deputatorum salutis publicæ Collegium, ad Goswinum Nickel Præpositum Generalem, amplissimas mense Augusto grati animi testes literas dedit, quibus singuli Deputati nomina subscripsere, verbis perquam efficacibus contestati se obligatione teneri ad gratias referendas, pro adjumentis supra expectationem exhibitis, tam in Xenodochio, quàm per domos & compita, ipsaq; templa, ad opitulandum ijs qui pestifero malo languebant, semper patentia. Nuncios item Apostolicos Julius Spinola 4. Sept. inter reliqua summæ commendationis in laudem Societatis plena, ut ea per modestiam nec referre liceat, hæc italicè ad eundem Præpositum perscripsit: *Quemadmodum, inquit, animo concepi semper, quòd unum è majoribus magisque conspicuis quæ habet DEI Ecclesia ornamentis, sit Societas JESU, ita infinite sum gavisus, cum undique personare audirem applausus quibus est celebrata, quòd in hisce quas Urbs ista perpeffa est calamitatibus, operam suam planè singularem ac præcellentem exhibu-*

*Ex Allegambe Victimis Charitatis.*

*erit, in exercitatione facinorum vera ac flagrantissima charitatis.* Sed, & Cælo quàm maximè approbari visi sunt conatus hi laboresque sociorum, in quorum suppetias etiam Societas triumphans adveniret, quando S. Franciscus Xaverius toto illo pestilitatis tempore tot tantæque in epidemicos effudit beneficia, & prodigiosas sanitarum gratias, ut ijs legitimè per testes juratos approbatis commota civitas, & Magistratus tam Ecclesiasticus, quàm Politicus, eundem in perpetuum Neapolis Patronum & Advocatum, cum DEI para immaculatè concepta elegerint, & solenni ritu 2. Julij hujus anni, statutam illius thesauro Patronorum suorum intulerint: ubi etiam Societatis nomine pro ea erga Sanctum reverentia, & erga Societatem propensione, gratias egit P. Bernardinus Mazziotta, Præpositus domus Professæ, ut refertur in Catalogo rerum tunc actarum, auctoritate publicâ typis italicis in lucem dato p. 13. Ex quo patet (ut hoc obiter notem) perperam obitûs illius diem in Bibliotheca Scriptorum Societatis JESU assignari 14. Junij: nisi fortè poni debuerit 14. Julij. Neque his Sancto grati animi honoribus exhibitis contenta Civitas, etiam super Urbis portas ejus effigiem, cum DEI para immaculatè concepta, SS. Januario & Rosalia locari fecit. Sed & CHRISTI in terris Vicarius, piam hanc Neapolitanorum in S. Xaverium voluntatem, per Sacram Rituum Congregationem, ratam habere voluit, Decreto Romæ typis Apostolicæ Cameræ Anno 1657. 15. Sept. in hæc verba impresso: *Sacrorum Rituum Congregatio pijs Neapolitanæ Civitatis precibus benignè inclinata, electionem Sancti Francisci Xaverij Confessoris in Patronum Civitatis habitam approbavit, deque eodem Sancto, tanquam de Patrono minùs Principali, Officium & Missam celebrari posse ad præscriptum Rubricarum, facultatem attribuit.* Idem Civitati Aquilanæ, in eodem Neapolitano Regno, fuit concessum.

## P. JOANNES De GVADARRAMA.

**P**ater Joannes Gvadarrama humili loco in Hispania, circa Toletum oriundus, ab ipsis incunabulis ad omnem pietatem & virtutem propensam indolem declaravit, fugiendo confortia & levitates æqualium, & multa

tas quotidie orationi horas impendendo: potissimum serviendo ad Missas in vicina Ecclesia Escuriali S. Laurentij PP. Hieronymianorum. Grammaticam sub eorundem magisterio & latinitatem edoctus, ut habilem se recipiendo Sacerdotio & animarum curæ redderet, in Toletana Universitate Studia Humaniora





*P. Ioannes Guadarrama S.I. Hispanus per Missionum  
et Concionum indefessos labores de proximis optimè  
meruit; et eà causâ à morte per Sicarium intentatâ mira-  
biliter ereptus Obijt Madriti 9 Nov. A. 1655. æt. 56.*

180.

niora & Philosophica profecutus, Theologi-  
am Scholasticam sub Præceptore Martino Ra-  
mirez, Viro per Hispanias ab omni sapientia,  
vitæ sanctimoniâ notissimo audivit; cui simul  
in Mystica Theologia ad sublimiorem virtu-  
tem instituendum se totum addixit. Neque  
adduci potuit, ut honores Academicos & in-  
signia Magisterij admitteret, quod hæc inter  
 sæculi ornamenta censeret: sed Sacerdotio  
 initiatus tenuem pagi, in quo natus erat, Pa-  
 rochiam suscepit, & decennium Apostolico  
 planè zelo procuravit, prædicando, & Sacra-  
 menta indefessè administrando, assistendo  
 diu noctûque infirmis, & catechesim sedulò  
 explanando. Horas laborum Parochiali-  
 um vacuas unicè impendebat orationi, & re-  
 rum cœlestium meditationi, sic ut domi quæ-  
 situs vix extra Ecclesiam deprehenderetur,

nisi foris occuparetur componendis dissidijs,  
aut æternitati præparandis ægris: omnia exili  
 sustentationi suæ superflua in pauperes erogare  
 solitus. His utiliter non minùs quàm sanctè  
 occupatum, vocavit DEUS ad arctius vitæ  
 Religiosæ genus, in qua non tantùm labores  
& fructus, sed arborem ipsam DEO con-  
 secraret, donando seipsum, & corpus ani-  
 màmque cum omni libertate & facultatibus  
 immolando. Et quia statutum ipsi à puero  
 erat, non suæ duntaxat, sed proximorum unâ  
 saluti operam impendere, Societatem JESU  
 elegit, admissus ad Tyrocinium Madriti anno  
 ætatis 36. cujus biennium, non ut Novitius,  
 sed consummatæ virtutis Veteranus Professus  
 absolvit. Missus Oropesam ad pueritiam ru-  
 dimentis Grammaticæ instituendam, aliquot  
 annos magnâ humilitate in eo munere transe-  
 git;



git; donec fortuito accidit, ut impedito repente ordinario Concionatore, iussus fuerit à Rectore sermonem ad populum habere; in quo cum omnium expectationem summo audientium applausu & fructu superasset, ad motus deinceps in omnem vitam est concionibus habendis, in Missionibus præsertim per diversos Hispaniæ Episcopatus institutis. In his præcipuè excoluit Diæceses Avilæ, Placentiæ, & Toletanæ, pedibus itinera omnia conficiens, nihil tibiæ plagas & vulnera, quibus ex perpetuo labore & contentione habebant, pensi habens: Breviario duntaxat & pijs in pueros dispartendis munusculis onustus; nec quidquam in viaticum à devotis personis admittens, nè confidentiæ in divinam providentiam aliquid detraheret. Diversorium illius commune erat pauperum Nosocomium; à quo si excluderetur (prout sæpius illi principio Missionum, dum magis populis notus fieret, accidit) pro domicilio erat vestibulum seu atrium cujuslibet Templi, in quo acquiescebat, non alio cibo quàm ostiatim corrogato victitans. Ejus laborum copiosis fructibus permotus Archi-Episcopus Toletanus, non tantum literis patentibus potestatem ei fecit, quovis Territorij sui loco divina omnia peragendi, sed etiam Indulgentias 80. dierum omnibus, qui apud Patrem peccatorum confessionem peragerent, concessit: quam tamen Vir humilis singularem gratiam, quod in gloriam & æstimationem suam cederet, nunquam evulgavit.

Maximi fuere fructus & conversiones, quas è laboribus suis retulit, nec minores coronæ, quas ex ærumnis adversisque fortiter toleratis obtinuit. In Diæcesi Toletanæ oppido prædicatione Patris commota mulier, turpi consortio Viri potentis se subduxerat, tanto istius sensu, & in Patrem concepto odio, ut ad ejus necem juramento se, nisi pelleret restitueretur, obstrinxerit. Itaque intempestà nocte armatus, & amens furore ad Hospitale accurrit, ac violentè perruptâ cubiculi januâ, Patrem genibus ante Oratorium nixum deprehendit: hic ad strepitum conversis infurentem oculis nihil turbatus, aut conterritus, ut erat flectens perlitit, & *non obtinebit hæc vice*, inquit, *Damon, quod intendit; feliciter ades mi Domine, & horâ opportuna, quâ ingens anima tua paratur bonum ab eo, qui te redemit; modicum præsolare dum orationem finiam.* perrexitque quartâ circiter horæ parte in oratione. Quo tempore immotus, ac veluti fideratus nobilis consistens, ubi Pater assurrexit, pedibus ejus supplex ac tremens ac-

cidit, in lachrymas tam copiosas effusus, ut diu verbum nullum profari potens, solis singultibus pœnitentiam testaretur. Quem Pater à terra levatum variè solatus, & in misericordiæ divinæ spem erigens, eadem nocte totius vitæ suæ peccata recensentem audivit, monitisque salutaribus & consilijs alium pœnitens reddidit. Alibi in Placentino Episcopatu altâ hyeme hospitio exceptus à Viro pio, repente medio noctis petijt sibi domum referari, stupente Hero, quorsum spissis tenebris, nullius accitu, discessurus esset; nec tamen inquirere, ob reverentiam hominis opinione suâ sancti, præsumente. Secutus nihilominus remotè & inobservatus ex oppido in campos profilientem, post confectum per medias segetes levæ quadrantem, observavit subijisse mapale pastoritium, ubi graviter læsus ex pridiana rixa jacebat pastor, quem ardentè ad pœnitentiam morte jamjam ingruente hortatus, vix ritè absolvit, cum is inter maxima synceræ contritionis signa animam in manibus Patris exhalavit. Neque exanime corpus destituit, sed quò sepulturâ Ecclesiasticâ fruere-  
tur, auxilio accurrentis hospitis ad oppidum detulit, & decenter humato ad Aras parentavit. Incolæ de toto rei eventu ab hospite capta notitiâ, summoperè ædificati, Patrem, ut hominem sanctum deinceps habuere, qui divinis impulsibus & secretorum revelationibus manifestè ageretur. Huic æstimationi augendæ accedebant altissimarum virtutum perpetuò in eo observata exempla, quibus fatebantur abundè sanctitatem Viri comprobari, ut nullis sibi opus esset insuper ad fidem roborandam miraculis. Cumque Lerenæ fortè moraretur, quo tempore omnem latè vicinam pestilentia occupabat, quod solum id oppidum intactum remansisset, meritis illius præsentis incolæ tribuebant. Tantæque fuit sanctimonis illius fama, ut Archi-Episcopus Toletanus ad confessiones suas illum adsciscere, nec remissius Episcopi Placentiæ & Avilæ penes se retinere decertarint: omnium verò maximè Comes Oropeza, cujus ditiones pluribus annis excoluerat; ideòque ejus meritis successus omnes & felicitatem suorum dominiorum adscribebat. Sub extrema vitæ tempora evocatus Madritum ad Operarij munus, præter sermones in hebdomade sæpius, etiam in plateis & foris publicè habitos, curam gessit Hospitalis Generalis sexcentorum facilè capitum, & trium Regiæ Urbis ergastulorum: Catechista idem pueritiæ & rudium per compita, & aliquot Cœnobiorum Virginum in spiritu moderator:  
Kkkkk 3 qui-



quibus laboribus brevī confectus, in morbum incidit adeo pertinacem, ut paucis diebus ex eo decesserit, plenus meritis & coronis 9. Novembris 1655. ætatis quinquagesimo sexto, susceptæ Religionis vigesimo.

Vir fuit disciplinæ Religiosæ & Instituti observantissimus, ut nullam unquam Ordinis Regulam violasse à quopiam toto vitæ tempore sit observatus, omnium sententiâ reputatus tanquam viva S. Ignatij Regula; eâ accuratione ad minimas quasque ordinationes & Superiorum nutus attentus, quâ exactius præcepta observare nequivisset. Tempore quo Grammaticam docebat, non semel accidit, ut per errorem signum daretur pro scholis, quo die non erant habendæ, adeoque discipulorum nemo, vel pauci admodum comparerent: ipse tamen ad pulsum cæcè obediens, velut è Cælo datum foret signum, Gymnasium adibat, solusque in schola toto lectionibus destinato tempore remanebat, eadem suâ satisfactione & gustu, ac si mille auditores numerasset. Prostrato aliquando calidis febribus svasit Sacerdotum quidam, excessivos illius æstus refrigeratis aquâ prolutisque faucibus temperare: cui obsecutus, ubi amphoram apprehendit, recogitans fieri posse ut aliquid aquæ, non habitâ bibendi facultate, deglutiret, penitus abstinuit. Nihil unquam Superiorum ulli, quidquid injungerent, excusavit, vel uno verbo deprecatus est, vel difficultatem quovis indicio prætulit: ad quodlibet evocantis campanæ signum imperfectâ literâ comparens. Puritatem Angelicam æmulatus, in alijs etiam amorem ejus & studium vel solo aspectu suo excitabat: nullam unquam fæminam, quarum tot pœnitentes numerabat, de facie, nisi de voce notam habens: Adeo oculorum custodiæ, quoad Viros etiam & alia quælibet intentus, ut Oropesæ quatuor solidos annos in tradenda Grammatica occupatus, nullius alterius classis locum vel Aulam, nisi quam ipse docebat, sciret: hinc si in quapiam publicum exercitium vel drama habendum esset, doceri prius locum debebat, ut compareret. Nunquam in campos, vel alio quolibet è domo prodire expetijt, nisi ultro mitteretur, vel pro exigentia muneris exequendi tene-

retur: quia neque domi extra cubiculum unquam visus est nisi præcisè necessitas, obedientia, vel devotio in templo obeunda exigeret: neque in horto, impluvio, aut quovis ambulacro, locove publico unquam observatus; ut verissimè cella ipsi esset pro Cælo, ubi cum DEO unicè & Cælitibus versatus, ardores toto spiritu concipiebat, quos foris eructaret; mirâ efficacîâ in quovis alloquio corda hominum incendens, in quâ nihil præter DEUM & cælestia inducebat. Huic virtuti muniendæ adhibebat varias corporis afflictationes, cilicium inprimis è ferreis aculeis cingendo corpori, quod nunquam diu nocturne, sanus & æger, etiam pedestri & prolixo itinere ponebat: flagella quotidiana spatio mediæ horæ usque ad sanguinem: pro lecto tabulam ligneam nodosam, & destinatò in colliculos extantes inæqualiter exasciatam: pro cervicali lapidem vel truncum. Indusium desiccando è concionum vel itinerum contentione sudori, mutabat nunquam: nunquam assidens corpus ullâ parte acclinabat, aut brachijs dorsove fulciebat: & non rarò per Missionum itinera nocte obrutus in solitudine, & imbris ad vivum penetrantibus madens, ubi manè pagum aliquem aut casam attigisset, neque mutatâ, neque extra corpus siccata veste, omnem illam molestiam hilaris exhauriebat. Cibus fuit pauperrimus, ut perpetuum dici posset jejunium, semel in die admissus: somnus perbrevis, qui præcisè sufficeret vitæ & viribus servandis; siquidem potiores noctis horas dabat meditationi & orationi, pronus in terram, communiter in modum Crucis: Et hæc quidem dici potest illi fuisse continua, semper in conspectu divino versanti, ejusque adoratione, deprecatione, laudibus, in medio etiam laborum occupato. Divinum Officium, Coronam Beatissimæ Virginis, cui erat devotissimus, dicebat semper de genibus: in nullo denique, nisi in DEO divinisque acquiescens; terrenorum omnium ita pertæsus, ut licet aliquando vim sibi inferret, non posset dissimulare nauseam, quam ex ijs perferret: verissimus Ignatij Filius, cui tantopere pariter sordebat terra, dum Cælum aspiceret.

*Ex Andrade Tomo VI.*







P. Aloysius La Nuza, S.I. Illustrissimis Natalibus Siculus, Patriæ suæ Apostolus, innumerabilium animarum lucris, prædicationibus, et signis ante et post mortem conspicuus, quâ sublat, est Panormi 21. Octob: A° 1656. Ætatis 65.

181.

## P. ALOYSIUS LA NUZA.

**A** Licata Urbs Siciliæ Aloysio Patria fuit, ab Illustrissimo sanguine Majorum descendenti, cujus Avus per annos undecim Pro-Regis titulo Siciliæ præfuit. Editus in lucem est Anno 1591. eodem scilicet quo Beatus Aloysius ab ea decessit, cui vitæ innocentis sanctimoniâ simillimus, laboribus Apostolicis etiam superior fuit. In prima pueritiâ à Parente Viro militari, in Hispaniam traductus, illam Cæsaraugustæ innocentissimè sub Pædagogo transiit, nullis alijs crepandijs quàm pietatis exercitijs delectatus. Cum Duce Feriæ destinato Siciliæ Pro-Rege reversus ad propria Parens, Aloysium

secum reduxit, datus & ipse Militiæ pedestri Præfectus, filiûmque ad scholas Societatis Panormi erudiendum destinavit. In harum progressu nactus historiam de vita gestisque Beati Aloysij Gonzagæ recens conscriptam, mirè ad illius virtutum æmulationem exarsit, & adeò exquisitè mores imitabatur, ut rogatus interdum cur hoc vel illud ageret, sincerè responderet, quia eodem modo faciebat suus Aloysius. Facile ex his observabat Parens quò filij mores, solitudinis amor, pietatis exercitationes inclinarent: quare severè increpitum monet, velle quidem se filium doctum cultûmque virtutibus, sed Aulicum, sed equitem, sed militiæ Candidatum, & similem sui hæredem:



dem : utque in talem formetur, opus esse luderet ex intervallo cum æqualibus, exerceret se venatione, equirando, saltando, arma tractando, si nollet à scholis omnino avelli. Territus his primum est puer, sed divino lumine instinctus ut Patri daret aliquid, nè totum amitteret, quoties in ejus oculis ab Regia revertentis versabatur, ita impigrè & solerter in similibus, pugilatu præcipuè, partes suas agebat, ut Pater incredibili aliquando voluptatè affectus, pretiosis vestibus, quò festivis Paschæ feriis cultior appareret, illum remuneraretur. Sed ipse spectaculum ex se æqualibus facturus, in quo risum & sannas referret, ipsà sacrâ patientis CHRISTI hebdomade illas induit, & torque aureo, aliisq; exquisitis & muliebribus munitijs cultum auxit, qui alias neglector sunitas & laceras affectabat vestes, & quando aliud non posset, pallium præpostere, quò derideretur, induebat : itaque ornatus ingressus est scholarum atrium. Dum eum spissa circumstat, velut ad insolens id temporis excita spectaculum, Juventus, miratur, ridet, & variè factum interpretatur : accedit & è Magistris quidam disciplinæ severioris, *heus tu, inquit, adolescens comptule, sic parentatur extincto pro nobis Redemptori? istis rependuntur vincula, chlamys coccinea, catena ferrea? sisapis, pone lacinias, sume lacernam, & pro aureo torque restè ex allio contextam collo injice, sicque ornatus redi* : Dictum factum. Remeat Aloysius lætus optato successu domum, & alterum de se heroicum spectaculum daturus, prorsus eò ornatu quem nolter svaserat, cum torque alliaro de collo pendulo ad scholas redit, stupente cum omnibus, etiam Magistro Censore, tantam juvenis de se victoriam, quâ sibi viam ad Societatem munivit.

Hanc autem penitus illi aperuit obitus Parentis, cum Aloysius 14. ætatis annum ingressus esset; ex quo conceptum gravissimum dolorem illud maximè temperabat, quòd videret se sui, hoc est divini juris factum, nullius alterius arbitrio in vitæ ineundæ ordinandæve ratione, præterquam DEI subjeci. Itaque ubi in Sodalitium Beatissimæ Virginis adscribi impetravit, & pia simul meditando methodum condidit, totum se devotioni, utrique orationi, exercendisque per omne genus virtutibus & corporis afflictationibus expendit, ut in Religioso plus requirere non posset. Quare moderari prolixitatem meditandi cælestia Confessarius debuit, nè ultra horam orando perseveraret : in qua

itâ acquiescebat, ut ab ea avelli non posse videretur; tanto divinorum solationum affluxu, ut jam tum cæperit sensibus eripi, & corpore etiam à terra levare. Quod cum non nemo aliquando sibi videre videretur, præstigias oculorum veritus, ratus in puerum, minimè illam sanctimoniam coronidem cadere, suspenso gradu accedens ut periculum rei faceret, interjectâ manu inter genua orantis & humum subjectam dimensus est quantum ab ea eminere. In jejunijs, ciliciorum flagellorumque usu, cæterisque omnibus asperitatibus quidquid in vita Beati Aloysij legisset imitandum constanter assumpsit. Solitus etiam à Præceptore verbera & oburgationes coram Condiscipulis expetere, & cum meritò negarentur, allatâ destinatione scholasticâ scripture lituris, atramentique defluvijs conspurcatâ, extorquere. Demum ætatis anno 18. sæculi 1609. in tyrocinium Societatis admissus Messanæ, multum de rigore suo excrucianti corporis, nè penitus contereretur, remittere obedientiæ imperio debuit : nam brevè patuit itâ jam labefactum macerationibus illis esse, ut vix expedire loqui, aut fixè ponere vestigia posset; ac propè deliberaretur de illo ad sæculum remittendo, quòd de viribus ad Religionis munia restaurandis conclamatum esset. Non latuit Aloysium hoc amittendæ Societatis discrimen, quo magis quàm à morbo cruciabatur; hanc siquidem omnium acceptorum à DEO bonorum Complementum & gratiarum cumulum vocabat, neque uspiam post Cælum melius sibi fore credebat. Adjutus nihilominus est maximis & tempestivis remedijs; sed vix malo corporis discusso, in alium haud paulò graviozem morbum animi, angores conscientiæ & scrupulos incidit : præ quo mors illi jucundior fuisset, & quivis alius cruciatus levior. Prodigio & commiserationi omnibus ejus Conscientiæ arbitris erat innocentissimam animam, nullâ unquam graviore noxâ inquinatam, tantis perplexitatibus agitari posse : sed compertum deinceps in Viro ex mira conscientiarum gubernatione est Arbitrum in illo, velut quondam in Ignatio, & Medicum extricandis animabus à DEO politum fuisse.

Ad studia Philosophiæ ac subinde Theologiæ digressus è tyrocinio, eadem constanter vivendi ratione retentâ nihil penitus de fervore Novitatus, & Regularum etiam minimarum observantia remisit : modestiâ vultus & totâ compositione morum Beato Aloy-



loysio suppar : in disciplinis tractandis, & quibuscumque exercitationibus exactus & accuratus. Hinc in domesticis ejus ad mensam concionibus tantus emicabat ardor, ut constans fuerit prudentum sensus, si singulis quibusque mensibus ad nostros inter cœnandum diceret, satis id superque fore ad maxima quæque Collegia in disciplina & sanctitate continenda. Cæpit autem jam tum DEUS futura & arcana cordium illi aperire, visibilem se exhibere & familiariter colloqui, ut tanquam Sanctum domestici omnes haberent, & per ejus preces ac merita quidlibet à DEO consecuturos sperarent. Scholas cum doceret, ejus Lyceum Seminarium videri poterat Religiosorum cœtuum, & præsertim Societatis : adeo major illorum pars calcatis mundi illecebris ad sacra refugit asceteria. Ex his quendam cum nimium procacem planeque indocilem videret, beatè cum illo actum iri prædixit, si vivis à DEO eximeretur : & brevi sublatus est. Theologiæ studio ad calcem quadriennij deducto insignitus sacerdotij caractere, post 17. vitæ Religiosæ annos 4. vota publicè professus est, & habendis ad populum Concionibus, licet multorum votis ad scholasticas exedras postularetur, destinatus. Ad hoc munus ingentem ille diuturnâ SS. Patrum, Scripturæ Interpretum, & omnis generis auctorum evolutione attulit apparatus, ex quo suas digere conciones : sed quo die dicendum erat, horas omnes concioni prævias in oratione transigebat cum DEO, quam flagellatione acris & prolixâ concludebat, & plerumque post Concionem repetebat. Ex quo fiebat, ut DEO plenus persæpe alia omnia ex pulpito diceret, quam quæ lucubratione paraverat. Dicturus Panormi per sacri Adventus ferias Anno 1626. paratas dictiones P. Petro Spucces Concionatori experto & eximio (ut erat humillimus) revidendas obtulerat : quarum ille soliditatem admiratus, etiam de pulpito eas declamantem audire voluit ; sed earum quas legerat nè verbum quidem, sed alia omnia percepit. Suspensus exinde aliquid hic divinum latere, Aloysium tertio jam auditum accedit, & conquerentis in modum rogat, cur ludere se voluerit, habendas conciones proximè sibi dijudicandas afferendo, ex quibus tamen nè verbum, sed alia omnia pronunciaturus esset ? tunc ille rubore suffusus, est quod mihi ignoscas, ait, in cubiculo trado me totum Concioni, in suggestu me concionemque DEO committo, dicturus si eam probet, omisurus si aliam in-

*Societas Europæa.*

spiret. Hinc frequenter illud usurpabat, à Concionatore oportere quidem scribi parariq. Concionem, *DEU M* verò concionari. Inde tanta dictionibus ejus vis flexanima, de qua cum audisset ex primis Oratoribus quidam, non posse Aloysium audiri sinè lachrymis : mulierum scilicet, inquit, audiam ego siccus omnino. Audivit, & in suspiria gemitusque effusus ita flevit, ut admirationi esset auditorio. Idem penitus alteri evenit, qui & ab eo die suam dicendi methodum execratus, Aloysium imitari, igni traditis suis scriptis, decrevit. Ornatum muliebrem in Urbe quadam illi nimium dedita, unicâ concione proscripsit ; uti & apud Leontinos, tribus, quæ id neglexerant, morte, non sinè Urbis horrore, extinctis. Aleas & chartas ut in perpetuum ejurarent, ijs etiam qui ludendo diebus noctes jungebant, persvasit. Sed vis maxima enituit in traducendis à cæno libidinibus infelicibus mulierculis & lenonibus, quas turmatim post se ad honestiora receptacula trahebat. Insignis præ alijs fuit conversio Viri, à quo rogatus Causidicus ut nescio quid susciperet causâ in judicio agendâ, negavit se facturum, nisi se comitaretur ad audiendum Aloysium jam jam euntem. Diu multisque reluctatus & varia urgentia obtinens, tandem vel invitatus nè Patronum litis amitteret, assensit : sed è templo latenter sub ipsum Concionis exordium sensim evasit. Digressus viam nullam evadendi reperit inter currus, aurigas & equos, quocumque se vertit urgetur à fronte, à lateribus, temonibus, succussis loris, excussis flagellis : acrius autem à tergo percutitur, & verberonem circumspiciens ut reperiatur, ecce Aloysium videt, quem in suggestu reliquerat, verberis auctorem, urgentem ad templum, minitantemque si secus faciat. Conturbatus prodigio simul & territus, bono suo ingenti pareretur : nam vix absolutâ concione ad pedes P. Francisci Morelli accidit, & cum lachrymis audiri pœnitens rogat, quod ab annis 14. in cæno vitiorum volutatus, & concionum, nè fortè confiteri cogeretur, fugitans, sed nunc Concionatoris manu & lingvâ adactus, DEO conciliari vellet. Audit Pater præ singultibus vix loqui sufficientem reum, & probè ad totius vitæ confessionem instructum reversurum dimittit, quam etiam pluribus continenter diebus, dignam tanto concionantis simul in templo, & foris verberantis Aloysij prodigio & vitæ impostum instituentem, absolvit.

Tanta autem ejus audiendi quacunque-  
L1111 aëris



aëris intemperie fuit cupiditas, ut audientes, & pluribus antè horis locum occupantes nulla templa caperent, licèt patulis semper foribus, quò longiùs à confertissimis turbis perciperetur, diceret: quare cogebatur vel concionari è suggestu in ipsa janua, quò audiretur utrimque, erecto; vel in apertis compitis & foris, ut audientium numerus octo millium aliquando censeretur. Neque semel accidit, ut premente invicem confertim multitudinem quidam non sinè vitæ discrimine pedibus irruentium protererentur: quod Drepani fæminæ contigit, nam conculcatam & sanguinem non unâ parte corporis effundentem, cum semimortuam erexissent, dum ad Concionatoris aspectum animam actura creditur, ad primas Aloysij voces repentè convaluit. Hinc etiam à principibus Sicilia Urbibus & Regni Dynastis certatim ad conciones postulabatur, tantòque impensius, si jam semel iterumque auditus esset. Et ipsum adeò Cælum nihil nisi CHRISTUM & hunc Crucifixum prædicanti auctoritatem faciebat, dum inter concionandum non raro visus quàm plurimis est Panormi, Nesi, Messanæ cælesti lumine radiare, quandoque solis instar, ut oculi intuentium fulgorem non ferrent. Alij Messanæ, Nesi, faciem totam vidère versam in ignem, labia verò in carbones ignitos dum de amore DEI prædicaret: adstantem alij dicenti Angelum incomparabili specie: alij denique insidentem capiti niveam columbam: & quidam eandem innocenti rostro frontem fodicantem, passisque alis obumbrantem. Sed longè majus erat lumen quo ipse divinitus in anima illustrabatur, ut ipsas conscientias latebras in alijs futuròsque eventus introspiceret, & quàm sæpissimè etiam pro concione palàm ediceret, oculis constanter in eos quos dicta concernebant, nè dubitare possent se ad pœnitentiam provocari, defixis: significans Auditorio suo interesse modò qui annos 16. modò 25. modò certo alio designato numero, à pœnitentiæ foro abstinuisset. Quorum unus audiens asserentem, adesse unum per sexennium inconfessum, ut exploraret casum, an in se destinato dictum foret, privatim Aloysium convenit, rogans num proficuum sibi fore crederet si generalem exomologesin institueret? imò quàm maxime, respondit, *sexennio enim confessus non fuisti*. In oppido Plana Græcorum dicto, inter dicendum repentè exclamavit: *Siccine miseri improvidè vivitis? imminet tam atrox tempestas, ut non sitis inventuri extra templum es-*

*fugium, quod tamen uni non proderit, qui fulmine ictus ibidem mortem & tumultum inveniet: & ita penitus evenit.* Syracusis in portu ad nauticam turbam perorantem deridebant aliquot Melitenenses equites: ad quos conversus, *ridetis nunc quidem*, ait, *& ipsa hæc nocte flebitis.* Noctè jam adultâ solvunt è portu Melitenenses, & in primo cursu hostilem mioparonem obvium naçti non prius expugnant, quàm explosis ab hoste tormentis ingenti suorum clade acceptâ, omnes illi Patris derisores trucidati sunt. Apud Leontinos contra injustos exactores detonans, inter alia repentè, *unus criminis reus*, exclamat, *intra annum, deinde bis se corrigens quasire melius expensâ, intra 6. menses, imò intra mensem hujus criminis pœnas dabit, adeò terribili morbi & lethi genere, ut futurus sit Medicis ipsis horrore & stupore*; planèque ita ad multorum emendationem evenit. Panormi cum Patre Thoma Clavello litus inambulans, & triremes ultra milliæ adhuc distantes conspiciat, *vidēsne Pater*, ait, *geminos Dæmones igneis cornibus Prætoriam ingressos?* neganti verò addidit, *atqui circumstant meretricem, quàm mille etiam inter homines DEUS mihi dedit discernere.* Apuliam deinde classem ardentè exhortatus, ut cum hac etiam è reliquis triremibus lupæ omnes depellerentur, persuasit. Atque ex his constans erat totâ Siciliâ sensus, perpetuâ plurimorum experienciâ comprobatus, omnium conscientias & arcana cordium ab eo perspicui; siquidem si quis crimine aliquo laborans concionem ejus adiret, ita graphice se describi, se designari sentiebat, quasi privatim sibi soli concio fieret: majore sanè prodigio, quàm si Privilegio Apostolis concessio audisset unusquisque lingvâ suâ illum loqui; dum è contra percipiebat quisque eadem unâ concione sua cujuslibet tam disparia vitia & secreta sibi exprobrari. Tentavit nonnemo mutando in concione locum experiri, num in se revera dirigerentur tela invehenti? mutato loco mox ad eundem convertitur Aloysius, ex quo iste agnoscit se deprehensum. Illud mirabilis, quòd quæ secum aliquis tacitus reputans vel deliberans in corde loquebatur, illud idem præsentans Aloysius enarrando diluebat, aut confutabat, inexplicabili animarum quæstu. Cum enim à respiscendo plerumque absterreat verecundia se prodendi, cur refugerent ei aperire, cui jam nota sua omnia experirentur? Panormi artifex quidam respicit, sed ad vomitum reversus numeros omnes ini-



iniquitatis absolvit, fugitans omnem Aloysij conspectum. Verum non potuit effugere sibi in platea obvium, dicentem ad populum, cujus sermone cælitus illustratus cum secum ipse diceret, *sagene alicujus veneficio in tot scelera ruo?* audit mox respondentem defixis in se oculis Aloysium, *non sage veneficio id accidit, sed legio Demonum peccantem ingressa non sinit miserum emergere.* A Concione Pater recta hominem inter sexcentos petit, & manu prehensum peccata confiteri jubet: consternatum audit serio cum lachrymis pœnitentem: ubi ille absolvit, monet multa adhuc esse quæ illi exciderint, & singula ex ordine quasi de tabella legeret enarrat: tum versâ veluti paginâ, omnia pietatis officia, preces, quibus à puero infuevisset, eidem nunquam sibi aliâs de facie vel nomine noto enumerat, ad constantiam & devotionem ad Matrem agonizantium, quotidianâ manè mortis memoriâ hortatur, & si id faciat, securum fore se demortuo ab omni peccato lethali promittit: acerrimè tamen verat, nè cui id se vivente aperiat. Hæc omnia à morte Aloysij homo in legitimo foro juratus asseruit, addens eundem sibi, si in periculo graviter peccandi fuisset, visibilem apparuisse, & illæsum servasse. Par fuit cum Adolescente nunquam illi cognito item Panormi congressus, quem manum sibi post concionem exosculantem similiter jussit peccata confiteri: & brevibus illa expedientem alloquens, *tu Saccensis es*, inquit, *tres ipsos annos Confessione abstinuisti fœdissimum habuisti cum femina illa commercium: quo tempore ex eo viperæ capite cuidam veneficium eo loci* (& singula hæc de nomine expressit) *abditum conficisti, & horum te oblivio capere potuerit?* Resipuit tunc demum ille probissimâ vitâ institutâ, non veritus in Sancti Viri honorem, hæc eadem publicis actis ab ejus obitu consignare. Monialis quædam in sermone ejus ad totum Parthenonem habito vivissimis coloribus se expressam, & animi noxas omnes detectas experta, è pulpito digressum ad crates evocat, rogâtque num se impetere voluerit? annuit ille, & clam acrius reprehensam ad frugem convertit. Idem alteri Moniali factum, cui debitas insuper pro erratis à DEO pœnas cum in se suscepisset, illa verò nova debita contraheret, epistolâ Panormo ad illam misâ his illam admonuit: *Dum ego æger decumbo ad exolvendas tibi debitas pœnas, tu cum sorore dissides ob pugillum farina, quam tamen DEUS in materiam Eucharistiæ, quæ est pacis symbolum, elegit.* Vul-

*Societas Europæa.*

gavit illa rem sororibus; admiratione indè defixis. Illud mirabilius colloquium, loquente sibi soli in corde Sanctimoniali, & Aloysio palam ab exedra illi respondente; quod tamen nemo alius (idque semper fiebat) nisi quem concerneret, advertebat. Invehebatur Pater in eam lucem Monialium, quæ frequentius cum Viris ad crates vel prolixius fabularentur. Hoc velut fulmine tacta una, cogitatione emendationem proponens dicebat in animo: *pœnitet me & vehementer pœnitet. atqui hoc non satis est*, excipit Aloysius, *emendatio sequatur necesse est*: Illa iterum secum non sinè lachrymis: *Non adibo amplius crates. non adibis?* resumit Pater, *hoc opus, hic labor est. id nisi fiat, fletus omnis inanis.* Sed redijt illa fragilis ad crates, & Aloysius ad concionem, priôrque intrâ dictionis decursum incipit, *siccine statur promissis?* flente iterum recidivâ; *ploratur incassum*, subdidit, *teneo jam prioris fletus exitum. obturande sunt Sirenibus, blandè per epistolas & munuscula canentibus aures.* Secuta quidem tunc sunt in Virgine promissa, firmissima: sed cum denuò recideret, adest ad crates paupercula mulier in specie rogantis stipem, vocatæque Moniali adesse se ab Aloysio, inquit, qui nunquam sperasset futurum, ut fides sibi DEO quæ data iteratò frangeretur. quo dicto abiit. Et Virgo admonita ita serio resipuit, ut toto deinceps vitæ spatio per 20. annos faciem Viri non viderit. Conscius divinitus victoriæ Aloysius dum redit ad Concionem, DEUM pro concessa laudat ex Dæmone victoriâ, monètque victricem (quæ sola sentiebat ad se unam hæc dirigi) his ipsis verbis ad Mariam Magdalenam, quæ in Effigie Crucifixi ex pariete suspensa ad pedes Domini depicta erat directis: *Maria* (id erat Monialis nomen) *à Crucifixi pedibus nunquam abscedas, alioquin indè digredientem anguis arripiet dilaniabitque.* Alibi Monialis erat observantiæ rigidioris studiosissima, hæc percupida removendi obices quos patiebatur in virtutum studio, Aloysium per epistolam rogavit, dignaretur per quadrantem tantum horæ aures sibi dare. Adest ille inexpectatus non ad colloquium, sed dicendum ad omnes: Dixerat per mediam horam, ac tum conversis fixisque in eam Monialem oculis, ita graphicè sigillatimque omnia quibus illa premebatur recensuit, diluîtque, ut ipsa plenè serenatam se, omniâque dubia soluta confiteretur.

Solebat Aloysius inter Conciones quædam

L1111 2



dam veluti intervalla, ab alijs in virium refocillationem per villas & prædia captari solita, excursionibus & Missionibus inter agrestes impendere: at in provectiore ætate seposito stabilis Concionatoris munere, totum se Apostolico huic labori per continuos 20. Annos impendit. Qui conditionem Missionum earum per Italiam novit, stupebit Virum perpetuis laboribus fractum potuisse tot annos in ijs durare, quæ robustos etiam & viribus valentissimos pauculis annis frangere solent. Pedibus enim hæ maximam partem, nec rarò nudis obeuntur, sinè viatico & pera; vivitur mendicato, & somnus brevissimus capitur ferè humi, aut nuda in tabula: dictiones interim & Catecheses quotidianæ, confessiones in longam & sæpe totam noctem excipiendæ. Incredibile est quas molestias & incommoda devorârît in tot itineribus Insulæ montuosæ, totque distinctæ fluminibus, ut multa, passim eveniant naufragia, in fame & siti, in æstu & frigore: quod Socij ex deciduis nivibus adeò acre urénsque fuisse memorant, ut spiritum quandoque intercluderet, cum ipse more suo nudo capite incedens totum exciperet. In locis Missionum, Urbibus præsertim, si quis delicatiora misisset obsonia, totum ad hospitalia, calamitosos vel ægros dividebat, ipse pauperrimo cibo contentus. Si verò interponendæ tot laboribus quietis ab amicis admoneretur, jucundè reponebat, quieturum se tamdiu in sepulchro, ut tædio futurum esset. Ubi porrò locum Missioni destinatum attingebat, adorato in æde principe, quam semper omnium primò petebat, Numine, pueros cogebat tintinabulo ad Catechesim, instruebátque quid interroganti sibi quædam inter concionandum, repentè præter Auditorum expectationem turmatim ipsi quantà maximâ possent voce responderent. Nam deinde conscenso pulpito ubi jam Auditorum animos videbat dictione commoveri, ut majorem adderet impressionem, seipsum interrogabat exempli causâ, *quò peccator tendit?* & pueri inter populum in omnes partes divisi statim clamando respondebant, *ad Infernum*: *Quid autem est Infernus?* *quæ ibi delicia?* cum illi ad singula optimè responderent, motus popellus agrestis erumpebat in singultus & lachrymas. Eadem praxis illi erat familiarissima ad vitia capitalia, Fidei dogmata, & quævis mysteria Concioni explananda, & odia inveteratissima, peccandi consuetudines dissolvendas. Expleto Missionis tempore aliò di-

gressurus, ut quæ DEO dante inseverat non statim interirent, ubique priùs statuebat in editiore aliquo loco Calvariæ Montem, erectâ præaltâ cruce, ad quam per designatas ab se stationes, Passionis mysteria referentes, in quavis necessitate refugerent. Et placuisse DEO hanc Patris industriam plurima approbârunt miracula, diversis locis consecrata. Drumetum ad exstruendam Calvariæ cum ingens hominum vis è vicinis pagis & oppidis confluxisset, jussit Pater æstu & viâ defessis vinum distribui, dolio unde haustum fuerat non modò non imminuto, verum etiam aucto. Apud Leontinos verò cum in Calvariæ erigeretur Crux prægrandis 40. palmos alta, incuriâ artollentium digressa à foramine, in Christophori Marini Sacerdotis sinistrum tempus toto pondere decidit, & semimortuum terræ affixit, sanguine undequaque fluentem, statimque à Medicis conclamatum. Eò eventu afflictissimus Pater ad templum 500. passus diffitum refugit, ubi ante Evcharistiæ thronum, cum lachrymis humi prostratus cum aliquamdiu orâisset, repentè hilaris surrexit, & ad Cyrillum Spadam ibidem precantem edixit, *subscriptus est prosperè supplex libellus Divinæ Majestati oblatus*. Die sequenti inter concionem abrupto repente filo, Sacerdos, exclamat, *nostrer convaluit*. *Crux enim vite origo & fons est, non mortis*: adnotatúmque est dum hæc ipse diceret, Medicos domi in ægri vulnere lustrando occupatos depren- disse plenè confanatum: ipsèque æger omnis mali expers, postridie discedentem Aloysium cum populo etiam comitari potuit. In Collesano dum foramen Cruci in calvarium figendæ excavaretur, fons saluberrimus statim erupit, omnibus morbis depellendis in remedium, multis prodigijs deinceps probatissimum. In oppido verò Acim Æthnæ monti subiecto fodientibus cruci figendæ terram, lapis ferreus occurrit, cui frangendo quinque jam horis latomi frustra insudabant. Itaque Aloysium implorant, qui subridens trinæque Cruce lapidem signans, in Nomine inquit, *Patris & Filij & Spiritus Sancti frangere*. Et ecce non tantum se ipso fractus dissilijt, sed in pulverem dissolutus abiijt. Jam verò quis enarret fructus ex hisce Missionibus collectos? omisso de quibus authenticè in actis constat sexcentis aliis, tria vel quatuor quæ magis eminenter attingam. Leontij sæmina quæ palam erat in Urbe ut quoddam Magdalena peccatrix, audito Aloysio, quò eandem per omnia sequeretur pœni-



rentem, antro se extra Urbem includit, & continuatâ ad mortem usque solitudine, perperuis lachrymis, flagellis, jejunijs, etiam Sanctæ existimationem promeruit: ubi re-  
perta ab ejus obitu imago DEIPARÆ maximæ est venerationi Leontinis, sacello ad deco-  
rem exstructo, & appellatione *Matris omni-um gratiarum* honorata. Nicosiæ capularis senex, idemque inveteratus libidinum, etiamnum pellicem domi alebat, & ut Aloysi-um quoad Missionis causâ ibi moraretur la-  
teret, & tutius concionibus ejus subducere-  
tur, in Monasterium PP. Dominicanorum se se abdedit; non minùs ijs imponens, quasi  
sacrationis & secretæ ascelsis causâ secessum à publico caparet. Sed non latuit Aloysi-um, qui die quodam illuc ingressus rectâ cu-  
biculum hospitis impudici petit, reperitque latrunculis ludentem: vultuque ad seriam  
Majestatem composito, *habeo*, inquit, *ad te DEI mandata quæ perferam, seorsim, & in e-  
jus intrâ Ecclesiam conspectu aperienda.* Eò deductum jubet flectere genua, & peccata  
quæ tot annis tacuerat confiteri. Ipse ve-  
ritus in Patre DEUM loquentem, narra-  
témque ultro sibi cuncta quæ commiserat,  
exomologesim ad quinq; horas extendit: &  
post eam rebus domi compositis, in Eremo  
vitæ reliquum solitarius in arctissima pœni-  
tentia traduxit, sanctoque sine conclusit.  
Celerius etiam Cælum invenit impurus Sa-  
cerdos. hic ab Aloysio persuasus ubi muli-  
rem domo ejecit, & exactissimam apud Pa-  
trem exomologesim perfecit, defectus re-  
pentè viribus in lectulum se composuit,  
sumptâque SS. Evcharistiâ è potestate men-  
tis discessit: non diutius sibi restitutus, quàm  
ut testamento pauperes nominare ex alle-  
hæredes posset, mox enim iterum è mente,  
& paulò post avolavit à corpore. Senem al-  
ium ut prædivitem ita spurcitij, & scelerib-  
us inquinatissimum, ut vulgo Atheus cre-  
deretur, cum ad se pellexisset, obferato cu-  
biculo nudatoque dorso, tantâ acerbitate  
flagellò in se desævijt, ut seni ipsi commiserationem & lachrymas excusserit, spondenti  
mutationem vitæ, & scorti è domo ejectionem.  
Sed dimissus ut Confessioni etiam  
faciendæ se pararet, pellice ab omnium ocu-  
lis in penitioribus ædibus abditâ ( ut Pater  
crederet jam domo ejectam ) ruebat in pe-  
jus: cum iste zelo divino succensus illum  
domi conveniens acerrimè increpat, quòd  
DEO mentitus esset: imò verò pellicem  
jam ejectam affirmanti, mentiris, ait, ma-  
nūque prehensum ad latibuli portam addu-

cit, *hic delitescit*, dicens, *quam mentiris ex-  
pulsam, non homini mentitus es, sed DEO.*  
quo dicto abscessit. Et statim apprehendit  
miserum vindex DEI manus; nescio enim  
quâ causâ in carcerem diurnum abreptus,  
è ditissimo mendicus in Nosocomio mortu-  
us est: pellice tanquam sagâ à sacra Inquisi-  
tione captâ, & ad publicam verberationem  
damnatâ. Anno 1650. Missionem Parthe-  
nici appetente jam nocte adveniens Pater in-  
dicebat, cum repente hominem ex ipsa con-  
cione mittit, qui Petrum quendam mille pas-  
sibus inde distantem ad se adducat: renu-  
entem, & differentem in sequentem diem  
adventum, remisso eodem nuncio statim ad-  
esse jubet: sed vacuo iterum nuncio rede-  
unte, Pater enixè DEUM orat, mittat ad se  
renitentem, quem salvum esse vellet. Venit  
tandem anhelus Petrus, ut præcipitâsse iter  
scires, & frugali cænulâ amicissimè refectus  
ultro exclamat, velle se hodie adhuc confi-  
teri crimina, quæ septem annos siluerat. Ab  
his ritè absolutus cum præ gaudio clamaret,  
jam Cælum ab se teneri, *verum dicis*, sub-  
dit Aloysius, *nec ego te frustra tantâ importu-  
nitate vocavi; hoc enim erat momentum à quo  
tua pendebat aternitas: & va tibi si renuissēs,  
ut caperēs.* Quid memorem alia sanitarum,  
curationum, & omnis generis beneficiorum  
prodigia, omnia ritè per Inquisitores cogni-  
ta & testibus juridicè probata: tantis illum  
inter hos Missionum labores tamque innume-  
ris ubique cumulavit DEUS, ut totus videri  
posset factus prodigium. Panormi homi-  
nem de potestate mentis dejectum: & alte-  
rum Messanæ ob inconditas gesticationes  
& insanos furores plebis ludibrium factum,  
sanitati mentis restituit; duos infantes o-  
mnium judicio mortuos, unum in Urbe Cor-  
neolensi, alterum verò Joannem Franciscum  
Foresta dictum in vitam reduxit. Solus ve-  
stium, pallij contactus, aqua manibus ejus  
abluendis affusa, reliquæ adeò ciborum à  
refectione superflua, & quidquid demum  
attactum vel in ejus usu fuisset, lepram, cæ-  
citatem, febres, & quodvis incurabilium e-  
tiam morborum genus depellebat: quæ id-  
circo tanquam certissima malis omnibus an-  
tidota locis omnibus expetebantur. Quid  
quòd dicente sub dio ad populum, cum Cælū  
undeunque effusissimè plueret ( id quod  
non semel contigit ) & imbres Auditorem  
undique instar muri cingerent, illotum ta-  
men neminem vel guttâ madefecit: ita fa-  
ctum propè Saponaram, & in villa Charta-  
falsa dicta. Vinum ab illo in pauperum ne-  
cessi-



cessitatem toties est auctum, ut non sæpius id à Sanctis Viris factum legamus: semel in Terra-Nova, Nari iterum, iterumque; Alicatæ, rursus ad Æthnam, idque non solo uno aucti vini miraculo, sed altero insuper annexo, quòd illius vini reliquiæ ipsùmque vasculum pellendis morbis erant in remedium.

Et hæc quidem erant Cæli Apostolicos ejus in Missionibus labores approbantis testimonia, quibus innumerabilium animarum erepta Orco præda quantam in rabiem Dæmonem egerit, non uno prodidit ostento. Castrobønum ad instituendam Missionem tendenti fædissimam tempestatem imbrium, ventorum, fulminum opposuerat, quam illuc appulso notæ virtutis persona uni ex Socijs tam disertè graphicèque recensuit, ac si comes fuisset viarum, addens fuisse eam auctore Dæmone excitatam: sed contra illius conatus vidit eadem concionanti Aloysio ingentis speciei Angelum adstantem opemque ferentem; atque ab Aloysij ore radium lucidissimum usque ad DEI thronum pertingentem, & quid quid vellet impetrantem. Apertius etiam Messanæ ausus est canis insanis latratibus dicentem turbare; sed jussus conticescere, statim paruit. Nec rarò iter cum Socijs seu terrâ seu mari agenti excitabat serenissimo cælo repentinos typhones, fulmina jaciebat, consternabat equos, sessorésque sternebat, & ipsum adeò Aloysium semel è suggestu præcipitem, & iterum ex equo egit in flumen, aliàs prostravit in terram: semper invictâ ejus oratione, nullo cujuscumque detrimento profigatus. Imò cum ex Missionem redeunti aliquando Blicus fluvius vehementer pluvijs auctus equo trajiciendus esset, & ductor itineris naufragij metu intrare prior diffideret, Pater signo Crucis factò illum & Socios se præeuntem sequi jussit: emensque fluvio stupentes advertère ex equorum pedibus, vix palmum unum in tam alto flumine aquam ingressos, super ipsas undas velut in fixo solo vestigia fixisse. Sicli dum ad populum diceret, ejulan ti per fæminam Dæmoni, quam obsederat, concionemque turbanti, Pater silentium indixit; & paruit quidem tunc ille; sed absolutâ concione ad inconditos clamores redijt. Ducta est mulier ad aram DEI paræ, jussusque sacris carminibus Dæmonisellam deferere, negavit facturum se nisi jussum ab Aloysio. Quæritur is toto templo, tandemque repertus in eodem orans ex quo dixerat suggestu, rogatur ut opem ferat afflicte. Negat ipse tanti esse apud se Dæ-

monem ut eum præsens expellat: suffecturum ad id præstandum cingulum quo vestem cohibebat: hoc præcincta mulier à tartareo hospite confestim liberata remansit.

Tot tantisque laborum & itinerum ærumnis, præcipuè tamen dolore tot injuriarum quas à mortalibus DEO quotidie irrogari ferebat ægerrimè, sensim tabescebat Aloysius, donec in morbum incidit fatalem, ex quo mors consecuta est qualem semper optabat, labores inter immodicos & sacros excursus. Recente enim ex morbo necdum bene valens, expeditionem à Superioribus Carinum, aliàs Hyccaram extorsit, & majoribus quàm vires ferebant animis aggressus, more suo cum tintinnabulo totum oppidum lustrans Missionem indixit, fructu animarum maximo, uti & corporum, quia postremo. Nam in ipso hospitij ingressu, quo illum exceperat Dominus Andreas Vecchij, famulæ ipsius Agathæ Gritti plenam ab inveterato morbo sanitatem, Crucis signo formato restituit: & Chyrurgi filiolæ cæcutienti chartæ frustulo, quo involutum fragmen Agni cerei servabat, ut oculis ejus admoveretur, visum contulit. Cum plateas in puerorum comitatu lustraret populum ad templum convocans, fortuitò equus in puerorum unum irruens, posteriores calces tam valenter elisit, ut ab omnibus haberetur pro mortuo: sed Aloysius accurrens manibus suis in pedes erectū sequi præeuntes jussit, & solo hoc imperio restituit. Et jam quartus erat Missionis dies cum Aloysius magno animi ardore agricolas diu allocutus, ut crastinæ Communionie eos præpararet, post secutam crudelē sui cum iisdem publicè diverberationem, eorundem Confessiones sub dio, ut erat sudore ex contentione dicendi madens, excepit usque ad quartam noctis horam: ex quo illico sentire cepit ardores febriles, consequente tanro frigore, ut totis artubus contremisceret. Tentavit nihilominus postridie pro suggestu dicere, sed ad prima verba omnino defecit, incredibili populi comploratione ad hospitium & lectulum deductus. Secuit jacentis venam Onufrius Chyrurgus, cujus filiolæ oculos sanaverat; semperque in pretio & veneratione servabat lanceolam illam & gossipium quo sanguinem venæ deterferat: nam sanguinem ipsum hospes Vecchius retinuit crytallo inclusum; quæ singula meris deinde sanationibus & prodigiosis effectibus servierunt. Cum verò morbus indies ingravesceret, Panormum illum reducere per 15. passuum millia properarunt Socij,



totâ omnino Urbe cum lachrymis ad profec-  
quendum abeuntem effusâ : unde reversus  
Vecchius, reperit domum novo prodigio di-  
tatam. nam famula dum lina quæ Patri fue-  
rant in usu abluit, odorem suavissimum ex  
ijs hauriens, & ideò in voces & clamores ad-  
mirationis erumpens, miraculum vicinæ  
prodidit : coactûsque est Dominus irruenti  
turbæ cuncta in frustra concisa partiri, lecto  
tantum integro sibi servato. Panormum in  
ædem Professorum delatus, intendente se in  
horas morbo voluit muniri sacro Viatico &  
Unctione supremâ : cùmque undatim Pro-  
ceres utriusque ordinis ad ultimum salutan-  
dum pænè irrumperent, exclusit omnes, so-  
lis admissis ijs mancipijs quæ à Mahometo  
ad CHRISTUM traduxerat. Cuidam me-  
moriâ sui in Cælo deposcenti, *timeo Do-  
mine Infernum*, reposuit, *& tu de Cælo loque-  
ris?* Idem socio Missionum individuo con-  
testatus est, *valde timeo*, inquit : Hilari-  
onis & maximorum Sanctorum exemplo,  
sub exitum vitæ summo horrore DEI judi-  
cium pavescentium. Maximas eò articulo  
expertus est impugnationes Dæmonis & ter-  
rores, hinc prælegi sibi voluit ad spem erigen-  
dam Domini Passionem : donec inter alter-  
nantes illos spem inter metûmque animi  
motus advertens idem Socius, rogavit, num  
occini sibi vellent psalmum illum, *Confitemini  
Domino quoniam bonus?* ita planè ait ; Cùm-  
que in illo psalmi Versu, *fortitudo mea & laus  
mea Dominus*, aliquamdiu immoraretur,  
mox ad socium conversus, *bene est*, inquit,  
*jam res in tuto est. latatus sum in his que di-  
cta sunt mihi, in domum Domini ibimus.* Re-  
liquum omne tempus in ardentissimis cum  
DEO, DEI para, colloquijs traduxit, donec  
placidissimè, oranti propior quàm morien-  
ti, obiit, die Sanctæ Ursulæ sacro 21. Oct.  
Anno ætatis 65. Sæculi 1656. Eodem nimi-  
rum, quò superiori Sæculo decessit Sanctus  
Ignatius Fundator; prout & eodem quo suo  
sæculo natus est Ignatius, posterioris sæculi  
anno in lucem venit Aloysius : uterque simi-  
liter 65. annos vivendo emensus. Ab ejus  
obitu vidit idem Aloysij Socius per quietem  
ipsum à SS. Ignatio & Xaverio associatum,  
comitante catervâ sociorum, omniumque e-  
jus operâ Cælo assertorum, deduci velut in  
triumpho inter Cælitum applausus ad thro-  
num Sanctissimæ Trinitatis. Diem mortis  
sux non semel antè prædixerat. Nam cùm  
aliquando Canonicus Vianisius eum ante A-  
ram Sanctæ Ursulæ diu vidisset precantem,  
quæsit an in eam speciali ferretur pietate?

imò quàm maximâ, respondit Pater, meminit  
enim probè Diva quibus illam promissis obstri-  
ctam habeam, quæq; sit mihi futura comes pro-  
pitia in itinere, quod die illi sacrâ simul habe-  
bimus. Cùm verò Panormo ad ultimam  
missionem Carinum discederet, Magdale-  
nam Græcam ex tertio Ordine S. Terefiæ  
alloquens, *S. Ursulæ die*, ait, *in Monte sancto*  
(Cænobium est Carmelitarum) *magna Vir  
sanctimonie evolabit ad Superos* (erat is P. F.  
Joannes Maria de Petralia, eò die persanctè  
vitâ functus) *eademq; die hic in Nostro templo  
erit frequentia nunquam ante hac visa cele-  
berrima.* Miranti verò, & nihil tale hoc die  
ibi vidisse dicenti, *Nè ultra quare*, dixit, *veni,  
& vide.* Venit illa, vidit & flevit defunctum,  
tanto populi, Procerum, omniumque Ordini-  
um ad funus concursu, ut iusta illi, occu-  
pante omnia multitudine, persolvi nequive-  
rint. Bis corpori exanimi nova induta ve-  
stimenta, bis directa sunt, tandem & fere-  
trum, & scamna, quibus hoc innitebatur,  
frustatim discerpta; & vix summâ adhibitâ  
vi impeditum nè corpus ipsum invaderetur.  
Maria Judici manum ejus ut primùm ad o-  
sculum apprehendit, dolores arthriticos qui-  
bus à novennio conflabatur amisit. An-  
na Badulata ex oculorum continuis ab in-  
fantia doloribus septennis penitus excæca-  
ta, ubi ad feretrum se penetravit, pedibus  
ejus apprehensis advoluta continuò visum  
recepit. Guilielmus Dogana applicitâ in-  
gvinâ rupto solâ chartulâ rejectitiâ è cubicu-  
lo Aloysij subductâ, integrè coaluisse sensit :  
utî & Franciscus Pica fistulam sub dexteram  
aurem purulentam, admoto vestis Aloysiæ  
fragmento : Christina verò Caccabensis ap-  
plicitis auriculæ flosculis è feretro sublati,  
auditum à semestri deperditum recepit. Il-  
lud mirabilius Catharina Genovasia feliciter  
partu soluta novis cæpit conflitari dolori-  
bus, quasi laniatis morfu visceribus & præ-  
cordijs, frustra medicorum & obstetricum  
toto biduo ope imploratâ : cùm è vicinâ  
mulier miserata porrigit vestis frustulum,  
quod jam jam è feretro Patris abstulerat; id  
utero impositum continuò ægram novo par-  
tu & doloribus simul solvit, sed horrendo &  
monstroso; nam enixa est lupinum caput,  
vivens, sævis armatum dentibus, rictûque  
tam horrido, ut benevalentem comminuere,  
nedum viscera puerperæ laniare potuisset.  
Vincentio Pulci natus erat infans Ignatius si-  
nè cranio, cerebro sub pellicula fluitante.  
Infelix parens frondem ex Aloysij feretro  
acceptam capiti Infantis applicat, duratâ  
mox



mox in cranium pelle. Joanna Elia mulier inops grandi malo ad feretrum Patris liberata, totum eum diem in Ecclesia gratijs DEO agendis cibi immemor expenderat; sub vesperum domum redux, ubi nec panis, neque vel obolus illi erendo suppetebat, etiam incanata decubitura erat: cum fortuito arculâ referatâ nummum argenteum reperit in cœnam suffecturum; quem nê cœlicus ab Aloysio datum posset ambigere, advertit recentissimè cufum, acceptâ itâ à Sancto Viro post pharmacum etiam eleemosynâ. D. Felix Syracusa infanti suo animam agenti, & tertium jam diem al ubere abstinenti funebria disponebat, cum adveniens ab Aloysij exequijs Amicus Dominus Franciscus Contari flores è tumba subreptos infantis collo alligat, & pupulus mox perfectè sanus ad Matris mammâs ultro adrepere, easque prensare & liberaliter sugere. Atque hæc, ut reliqua eo die patrata sileantur, abundè evincunt, quàm ex vero prædixerit diem Sanctæ Ursulæ in templo nostro maximâ frequentiam celebrandum.

Ut verò de ejusdem virtutibus, quæ solæ sanctitatis genuina sunt indicia, saltè obiter aliqua perstringamus, fuit is amore quodam in DEUM seraphico itâ incensus, ut totus eò colliquesceret: illiusque vi abreptus pluribus palmis à terra etiam corpore in altum levaretur, quod illi in Plana Græcorum sub sacrificio cœlestem hostiam elevanti contigisse testati sunt, quotquot sacrificio adfuerunt. Indè tanta illi cum DEO agendi consuetudo & delicia, ut post ternas quas somno indulgebat horas, totum reliquum tempus cum DEO suavissimè in meditatione transigeret; cui extra Missionum labores in Collegijs & itineribus duodecim solidas horas quotidie tribuebat. Quantis porrò in hac æstualet ardoribus, quibus Cœlitum & Numinis foveretur congressibus, & arcanorum ostentis reficeretur, sequentia sint documento. Didacus La Nuza non degener Aloysii frater affirmabat, sæpius se noctibus orantem observâsse ad fores, vidissequæ cum Angelis & DEI para familiarissimè agentem; ex qua tantus splendor promicabat, ut per ipsas valvarum rimas ejaculatus radios, suos spectantis oculos verberaret. Nec minùs sub oratione conveniebatur ab animabus, subsidia ex igne Purgatorio flagitantibus, aut suam è corpore migrationem, & statum vitæ alterius indicantibus. Itâ animam Lucij Pisani vidit è Purgatorio in Cælum migrantem: & Panormi mox ab Ora-

tione matutina incidens in Franciscum Figveroa, fratrem suum Didacum La Nuza vitâ defunctum esse significavit ( aberat autem is tum centum Panormo milliaribus Allicatæ. ) Neganti autem aliquid de hoc Allicatâ nunciari, nê dubita, inquit, hâc nocte migravit, mœque antequam decederet, convenit. Sed nê idcirco dolueris, intuto enim jam est, & cælum tenet. Figveroa lætus tam felici amici sorte, cujus mortem paulò post literæ significârunt, Est aliquid, inquit, quod diu à te & ego exopto, sed taceo: urgenti Patri ut diceret, metu non impetrandi, subdit, prohibeor. sed quoniam jubes, dicam. Vellem mori securus & cum gaudio; quod futurum certò credo, si mori te præsentè daretur. Hæsit aliquamdiu Aloysius; tum minimè hæsitans adero, inquit, morienti: Ultimam! subjicit Figveroa: Sed quo pacto id sperem te nullibi consistente, & semper evagante? adero tamen, adero, respondet Pater, claudamque oculos extincti. quod sexto post anno præstitit. In majore adhuc distantia Catanæ vidit & Ministrum Collegij aperuit mortem P. Raiate, Panormi eodem temporis puncto defuncti. Sed & damnatorum supplicia non rarò oranti repræsentabat DEUS. Semel discalceatis Augustinianis nescio quâ occasione in Choro immixtus, tacitè cum illis orabat; quos inter F. Marcellus à Sancto Dominico miræ austeritatis & orationis, vidit repentè in extasi millia hominum torrentis more ad tartara ruentium, altèque exclamavit quò scelersti, quò ruitis? Jussus deinde eâ causâ ab Superiore fracti sub oratione silentij pœnas luerè, & quid vidisset evulgare; rem aperuit: rogatusque an solus id vidisset? etiam Aloysium spectaculi socium fuisse asseruit. Experturus rei veritatem Superior, illico duos è suis ad Collegium mittit ad Aloysium: qui monitus à Janitore adesse duos ad Januam, ex PP. Augustinianis sui alloquium petentes; redi, inquit, & dic eis, nihil esse quòd me expectent: domum repetant, dicantque Præsidi, verissima esse quæ F. Marcellus retulit.

De charitate in proximum animarumque zelo abundè quidem ex jam relatis constare potest, sed ex innumeris quæ adhuc restant veluti spicilegium quoddam decerpamus. Dum Concionatoris etiam quotidiani munere fungeretur in Collegijs ( quo satis superque pensi se facere quidam existimant, ut etiam plùs alijs sibi deberi putent ) totum propè diei reliquum, nisi quod daret orationi, consumebat in Nosocomijs, ergastulis, triremibus, visendis ægris, exercendis sa-



sacrâ Ignatij Ascesi varijs Monasterijs, Virginum præferim, adeò feliciter, ut non paucæ nunquam Viro collocuturas voto sanxerint. Concionabatur in trivijs, tum ad milites in castris, erudiebat ad Fidem Maurica & Turcica mancipia, colligebat egentes puellas, maximè quæ ex formæ præstantia periclitarentur, & apud pias Matronas, & si major cresceret numerus, apud varias mulieres artifices collocabat, ad suum stipendium. Constârque exploratissimum, plura aureorum quotannis millia in ejusmodi proximorum utilitates fuisse per ipsum expensa: quæ cum deprehendi nunquam posset unde illi nihil ab ullo perenti obvenirent, credidum permultis est, à DEO illi indeficiens impleri marsupium. Nam & dores integras puellis illis jam adultis assignabat, & resipiscientium muliercularum turmas integras sustentabar: quæis autem continentiam obiens prostibula non pervaderet, pecuniam nihilominus erogabat, ut vel unâ nocte abstinerent, eodem conductæ à DEO pretio, quo à Dæmone per amastios scelus emeretur. Ad hæc luforias aleatorum lustrabat officinas, Agyrtarum obibat theatra, & si inter eos fæminas etiam nugari adverteret, mox arrepto Crucis (quod semper ad manus habebat) simulachro idem theatrum conscendens, loco dimovebat mimos & luctu. Neque præteribam nautas piscationi intentos, littus interim inambulans; quos aliquando in rabiem propè actos deprehendens, quod plures hebdomadas laborantes nihil cepissent, jussit DEO apud se sociumque reconciliari: cui obsequentes consilio, mox & pisces experti sunt certatim maximâ copiâ in retia sua irrumpentes. Idem remedium persuaferat infelici aleatori, postquam ære omni, ipsâ adeò veste perditâ, in eas redactus est angustias, ut laqueum jam circumspiceret in remedium. Nam diu per plateas conquisitum, tandèmq; deprehensum blandissimè non sinè commiserantis specie tractans, novum illi vestitum, cum jam nudus incederet, daturum pactus est, si peccata apud Socium confiteri, & aleâ de cætero abstinerere polliceretur. Spopondit liberaliter utrumq;: sed à peracta Confessione veste donatus, brevè ad aleam redijt, & annexas luforibus blasphemias: simulque vindice DEI manu pessimo exitu è vita sublatus est. Tanta autem non modò verbis, sed solis ejus oculis dum eos in peccatores figeret inerat efficaciacia, ut velur relis compungerentur ad poenitentiam. Sensit eorum vim Naucle.

*Societas Europæa.*

rus unius è triremibus, dum Aloysium è portu prospectantem in se unum tot inter constanter oculos obfirmasse vidit: nam ferre ultrâ illorum ictus impotens, ad pedes Aloysij factâ excensione accidit; quem ille amicissimè in vicinum Patrum de Mercede templum seductum ante omnia monuit, quàm grave crimen sit abjectâ uxore adhærere pellici; fatentem deinde crimina cœpit audire, usque adeò illis immersum, ut vix octava post die finitâ Confessione ritè absolutum dimiserit. Maxima tamen omnium vis illi fuit ad excindenda vel antiquissima odia, quæ sola justum volumen implerent. Unicum sufficiat de Lucio Pisano, fædissimo ab hoste vulnere accepto Syracusis mortuo: cujus viduam cum solaturus accessisset Pater, vix obtinuit ut in templo, ubi Vir jacebat, cum filiabus sumeret divinas dapes. Invisit eam secundò, nuncians Virum jam frui DEO, post trinum ab se pro illo litatum sacrificium: causamq; tam properatæ liberationis retulit in heroicam ejus virtutem, quâ ficario non modò ignovit, verum ejus vitæ consulens nunquam eum prodere voluit: imitaretur ergo sanctum Maritum Conjunx. Quo tamen sermone irritata illa exprobrat Aloysio, quòd futura toties prædicere solitus Virum occidendum non antè monuerit, ut sibi ab hoste caveret; cui denique ipsa in atroci facinore tot illata damna condonare non posset. simulq; quatuor digito designans filias præsentis, uterumque quintâ proletum, parvulumque Nepotem, & arcam ultimò frumentò semiplenam: conversaque pæne furens ad Aloysium, *aspice*, inquit, *tot om sine cibarijs, & suade deinde si potes ut ignoscam.* Pater videns totum odij pondus in angustias rei familiaris incumbere, DEOque fretus, *quid se*, ait, *& alenda familiæ, & filiabus elocandis idoneus sponsor accedat?* Simul homine major, DEOque plenus, ad arcam accedens, *hanc ego*, inquit, *est benedictione impertio, quâ DEUS benedixit Abraham Isaac & Jacob: Arca hæc nunquam deficiet in domo tua. Estne quod queras ulterius?* Flavia, hoc erat Viduæ nomen, attonita primùm, sensimque DEO illustrante mutata, publico instrumento hosti pepercit: & ex arca non modò nihil unquam defuit, sed res omnes modò arcam contingerent ita amplificabantur, ut & ædes indè extrueret, & filias in matrimonio honestissimè cum dote elocaret. Quarum natu maxima à morte Matris primogenituræ beneficio arcam in eandem hæreditatis portionem ele-

Mmmmm

git,



git, tantæ in ea familia æstimationis, ut nullâ re nisi indè prius extractâ uterentur, non cibo, non veste, non pecuniâ: & in quadam maxima annonæ caritate bini frumenti modij eâ inclusi, quadraginta modios reddidère. Denique quidquid suasionibus obtinere Pater non posset, prodigijs nunquam spem ejus fallentibus obtinebat. Itâ obfirmatum in secta Turcam emollire cùm non posset, ad cubiculum suum ut veniret persuasit, ubi apposito pane & pisciculorum obsonio solari famem amicè hortatur. Sed ferociter cœnulam aspernantem, cubiculi portam tantum egressus, trilibrem delicatum piscem è prunis recentem apponit; quærens num grandiores appeteret? confestim appositurum spondens. Stupefactus ille miraculo existentis repente piscis affi, cum pollicitatione majorum, non secus ac si eos ibi clausos haberet in nassa, imò assatos in craticula, victas prodigio manus dedit. Sed neque DEUS servo suo, Operario tam fideli, dum homines deessent, etiam per Angelos delicatè pascendo defuit. Unicum è multis referam. Josephum Cannellam Societatis Adjutorem Parthenici in prædio Tyrocinij Panormitani Oeconomiam curantem, formosus adolescens piscatoris in speciem sub noctem convenit, piscéque optimos venum obtulit. Neganti assvetum se ruri maritimis & tam delicatis piscibus vesci: emeret saltè pro alijs, hortatur adolescens; adfuturos enim serâ nocte hospites Patres aliquot, quibus eò gratiores futuri essent, quò minùs expectarent pisces in silvis. Denique adhuc Fratre tergiversante ab omni pretio remittens, modicâ panis buccellâ vinique haustu se contentum fore inquit. Acceptat Frater gratuitò oblatos raros pisces, suspicatus vios ab illo in via, adventantes Patres. Dum abit præmium saltè si non pretium ad petitam offulam additurus, & mox redit, nullum reperit: reputansque secum formam illam vultûs elegantiamque nunquam in piscatore visam, planè credidit (id quod erat) DEUM verè pium & misericordem alicui venturo famulo suo misisse cœnam. Dùmque hæc animo maximè, in eventum suspensus, versat, ecce Aloysius cum Socijs Missionum adest: ex cujus præsentia jam omnino prodigij certus, hilariùs de via fessos excepit, quos DEO itâ acceptos rescivit.

Neque indignum hæc DEI curâ æstimabit, qui summam ejus sui incuriam, & tanquam hostem persequentis abnegationem reputarit. Et quidem in sui afflictationibus

ultra modum, imò & fidem excessisse videri posset, nisi singula juratis testibus firmarentur; ut inter has & continuos Missionum Concionumque labores & ærumnas vivere potuisset, mero prodigio simile evadat. Ut enim nihil dicam de jejunijs, vestibibus cilicinis, sævissimis flagellationibus, multis passim in Societate communiter usurpatis: binis cuspidatis catenulis ferreis ab humeris hinc indè pendentibus usque ad ventriculum, ibique fibulâ junctis, quas tertia catena secabat totum corpus cingens, semper incedebat armatus, quarum cuspides vario motu aut allisu corporis altius in corpus adigebat. quæ etiam, uti & alia flagella ære asperata, quibus se in suggestu inter dicendum (more Missionarijs per Italiam receptissimo) coram multitudine diverberabat, plenæ sanguine cernebantur. In victu, omni delicato vel sapidioris cibo in perpetuum sibi interdixit: gestabátque penes se corrumendo eduliorum saporis amarissimas herbas, aut si ustula insipidorum corticum, quæ condimenta vocabat jecinori, pulmonibus aut ventriculo cumprimis conducentia: nec ulla erat potio vel cibus, quem sumpturus antè non corrumpere. Usitatissimum illi erat per vias dumetis & spinis manus immittere compungendas, quas sanguinolentas extrahebat: tormenti genus, quo multa cælitus impetrabat. Inter quæ illud, dum arator ab se persuasus Confessione agendæ animum parat, eamque apud Socium exequitur; nè quid lucri ei depereat admovent Aloysius stivæ manum; sed inter imperitam arationem bovis pes vomere vulneratur. Ergo Pater vulnere curaturus vulnus ad spinas currit, manibûsque lancinatis revertens, bovem sinè omni vulnere reperit. Nec rarò solitus est nudato umbilico tenus corpore in dumetis, Benedictum imitatus, se se volutare: bis in eo tormento propè Messanam ab oculatis testibus deprehensus. Quia verò duo in se advertebat, in quæ naturali genio summè inclinabatur, exquisitam munditiem, & delicatissimam in cibis & convictu nauseam: ut primum corrigeret, incedebat quoad licebat lacer, pannosâ veste malè præcinctus, illotus & impexus, oleo, jure, luto inspersus. Ad alterum, quod erat majus opus, innatum stomachi fastidium extirpandum, vescebatur rejectaneis, & ab alijs semimansis ciborum analectis, & calidam quâ lances eluebantur cum sordibus glutiebat. Cùmque ægerrimè ab se ferri sentiret labia admoveere poculo, in quo alter bibisset, ex osseo calice viatorio

quo



quo utebatur, bibendi copiam prius faciebat sordidissimis mendicabulis, bubulcis, agas- nibus, residuum ipse potaturus. Movebat illi nauseam quidam è Socijs immodicâ phlegmatis inter edendum excreatione: ut hanc frangeret, destinâtè illi assidere, & frustum panis seu casu, seu arte in stagnans phlegma deciduum resumere, atque ut erat sædâ salivâ sordidum, abligurare. Messanæ morienti mancipio assistens sordes faciesque cum anima egerenti, excipiebat eas suo sudario: utque sensit resitantem stomachum, domiturus rebellem, omnem illam sanie- exuxit è strophio, stupente æquè mancipio ac Aloysij Socio; qui Rectori, quantumlibet rogatus ab Aloysio ut sileret, factum referens, tanti Viri tanto exemplo ad omnia toleranda se paratum asseruit. Mænis quartam horæ partem lambendo scabiem ægri- entis insumpsit. Messanæ cubiculum quod- dam ingressus, offensûsque fæto- re intolerabili, ollam glutinis corrupti fætoris materi- am totam exhaust, tanto horrore viscerum, ut ea pæne cum vomitu effuderit, nec mi- nore æditui nausæâ, qui haurientem depre- hendit. Apud Leontinos cum ageret ver- ni jejuni Concionator Aloysius, nocte con- cubiâ audit in platea mendicum ejulantem. Corripit se è strato ad jacentem, cibûsque offert: negat pauper cibo se egere, optimè habitum apud Omodei Pharmacopolam, sub cujus cura fuisset, canrenâ pedes arro- dente & digitos jam depastâ: ignem, uni- cum morbi remedium intentandum, majori sibi horrore esse quàm mortem, idque se ti- mentem fugisse, & ultrâ progredi impotem hic concidisse. opem igitur ferret, & quo- niam sanctus esset, redderet sanitatem. Su- scepit id facturum Aloysius, modò silen- tium servaturum se promitteret. Id verò per- sanctè spondenti, detectis sædis & mephi- tim halantibus ulceribus, totum pus exuge- re perrexit, donec æger levatum se dolore, clamans, receptus in ædes & cænatus quie- vit. Postridie ægrum à Viro nobili domi suæ Aloysij rogatu exceptum invisens, remotis arbitris in speciem ejus solandi, ad teterrimi qui succreverat humoris suctû ficiens redijt, eundemque per dies 19. avidissimè repetijt, totidem nimirum quot adhuc in Urbe re- mansurus Pater erat, nè si citius sanaretur, fractâ fortasse fide rem proderet, præsentî adhuc Aloysio plausum in populo facturam. Discedens itaque plenè & ipsum incolumem dimisit, eâ lege, ut alium in locum ab Ur- be habiturus commigraret; nè scilicet in-

*Societas Europæa.*

ter Cives familiariter jam notos factum vul- gando, applausus sibi & existimationem cre- aret.

Tantus ergo sui debellator & victor quid mirum est si tam potens cælitus evasit in- morbos, dæmones, & desperatos peccato- res subjugandos? paucula è multis ritè in judicio Quæstorum firmatis adhuc innuam solùm, & finem ejus gestorum relationi imponam. Piâ quâdam fæminâ ad extrahen- dos è cæno turpitudinis mulierculas pluri- mum utebatur Aloysius, tanquam instru- mento: accidit ut cum de suo mercimonio aliquando colloquerentur, filiola per scalas corruens ad pedes utriusque velut mortua devolveretur. Matrem ad triste spectacu- lum tantum non dolore confectam misera- tus Pater, jacens corpusculum intrâ pallium accipit, & quasi luxata officula suis locis red- diturus attrectat: ubi verò ex Matris ejula- tibus filiolum inclamantis, fæmellam esse, advertit, velut ignem sinu excuteret, tanta erat innocentissimi Viri cum altero sexu cau- tela! matri reddidit nondum persanatam. Dùmque hæret præstèrne sanitatem conta- ctu reddere, an intactam finire mori; tan- dem chartâ interjectâ manum illi imposuit, & puella mox sana evasit; duplici prodigio, sanitatis & honestatis. Cujus adeò tenax fuit Aloysius, ut in medio fæminarum sæ- pissimè agens, nullius tamen vultum aspexe- rit, & occursum non necessarium etiam vi- am remetiendo declinârit. Cum autem ad Sanctimoniales diceret, oculis semper clau- sis perorabat, nisi dum feriendæ alicujus conscientie illorum tela evibrare zelus sva- deret. Vibone à fæmina quartanam ex qua laborabat, & ibidem à puero Leone Lucas capitis dolores, cum morbo comitali & san- gvinis è naribus fluxu: Avolæ à Didaco Me- dero Vicario duplicem tertianam: Ruri no- stro in Baghario à Stephano Societatis JESU Coadjutore luxationem solo amplexu de- pulit. Thermis Leonardum Zangara diffi- cili urinâ & hæmorrhoidè laborantem: Pa- normi Josephum Serium è testium tumore jacentem: Antonium Fortenome, & Julium Castelluccium, utrumque jam conclamatum ad mortem: in Parco rusticum incurvum in- validumque ad labores, integrè sanos reddi- dit. Catanæ à quadrimulo puero ad genua sua provoluto rogatus, dolorem dentium, signo crucis depulit. Mascari Antonie cu- jusdam exsuccis uberibus lac copiosum exo- ravit: & ibidem Annæ Barbagallo fractum ex casu brachium Crucis benedictione repa- ravit.



ravit. Id verò cùm omnes in stuporem adduceret, Vir ejus, *mirum quidem id, inquit, sed magis mirarer si homo tam sanctus miracula non patraret.* Atque hæc & id genus prodigia fuere inter vivos agentis; neque his minora aut pauciora terris erepti. Incipiamus ab eis quibus sanctitas ejus mortalibus cælitus approbatur. Castri Angela Luys papyraceæ attractu icunculæ Aloysium expressum referentis, è lethali desperatōque à Medicis morbo repente convaluerat, ideoque summa in veneratione habitam semper pectori applicitam gestabat. Semel verò fortè fortuna ad res domesticas se proripienti, in subjectas quibus assidebat prunas icuncula nec advertenti decedit. Labore perfuncta sentit primùm thesaurum cordi suo deesse, dùmque illum hæc illac cursitans requirit, post quartam horæ partem in igne tandem reperit, tota horrore confusa, nec aliud cogitans quàm Aloysij effigiem concrematam. At ubi propius accedit, illæsam penitus ab igne extrahit, absumente solos undequaque purioris chartæ margines & parerga, à coloribus verò effigiem conficientibus penitus abstinente. Exclamat in genua provoluta amens gaudio, effusisque lætitiæ vocibus vicinia primùm, mox tota propè Civitas conflinxit spectando prodigio. Iconem honorificè asservendam, dum in Sanctorum numerum accenso Aloysio publicæ venerationi exponi posset, suscepit Laurentius ab Alexandro Archi-Presbyter Urbis, omnibus ad remedia malis suis eam desideraturis futuram apud se in promptu. Eodem anno gemino prodigio furens ignis pepercit alteri gemellæ ex charta imagini, in pago cui Palma nomen. Hic Josephus Saccus cum alijs contribulibus rusticis purgando à senticetis agro flammam vepreto injecerat, relictis non longè indè in alio senticeto à flatu venti averso, adeoque ab igne securo, vestibus, sarcinis, cæteraque rurali supellectile, ut liberes alibi idem exequerentur. Sed mutato repente in adversum vento impulsus ignis tutam illam recularum stationem corripit, totamque cum omnibus ibi reconditis incinerat: ut sub meridiem reversi ad prandendū coloni præter cineres nihil invenerint. Saccus jacturâ præ alijs mœstior, quòd in sarcina nummos aliquot repositos habuerat, & effigiem Aloysij chartis alijs involutam, cineres

rimatur & excutit; & nummos quidem recepit, sed flammæ violentiâ in rude infectumque metallum, amisso pecuniæ signaculo redactos: penesque eos icunculam Aloysij, exustis omnino alijs omnibus, prorsus illæsam & intactam, octo præsentibus oculatis testibus visam. Quam in præcipuo thesauro habiturus Palmæ Dux, corruptam igne pecuniam multò largiore muneratus à Sacco redemit. Jam quæ his & similibus Aloysij iconibus, & quibusvis vestium, chartarū & id genus ejus utensilium frustulis mira venerint, numerum & calamum excedunt. Vix aliquod morbi & mali genus est cui non opitulata fuerint: à puerperis felici semper eventu perinde expetebantur ad leniendos partus, ad inversos in utero fatus reducendos & vivos edendos qui jam credebantur mortui &c. ut apud nos reliquæ Sancti Ignacij. Paria præstitere fragmenta ciborum, & miculæ panis ab Aloysij mensa superflue, quibus Anna La Ganæ depulsam ipsæ ab se in difficillimo partu mortem experta, reddidit sanitati primò equum, & mox integrum gregem porcorum lue correptum. Joannes Vecchius in sævissimo calculo opem Aloysij ex pulvinari, quo apud se illum ægrum confoverat, expertus; domò absens Panormi podagrâ repente oppressus, ad ejus se tumultū deduci obrinuit, super quo volutatus affrictis ad eundem pedibus, sanus abscessit. Salemi Catharinæ Antoninæ la Grutta septimo anno ex continuo per septenniū dolore oculorum penitus excæcata, & unâ gibbosa, utrumque malum depulit particula indusij à Matre applicita. Quam sanitatem prædixisse illi visus est Aloysius adhuc vivens, simulque voluisse ad obitum suum reservare, dum rogatus Salemi ab Antonina ut malo se liberaret, *nè desperes*, inquit, *nam citò voti compos eris*: quasi tunc sciret quid à morte facturus esset. Atque hæc ex innumeris paucula sufficiant, nemini futura incredibilia, qui reputaverit id quod sibi à DEO Anno 1653. revelatum fuisse de Aloysio edixit Vibonensis Sacerdos Julius Jorius (Vir DEO intimè & familiariter conjunctus, cui etiam Vincentij Carassæ, triennio jam defuncti, in Supremam Societatis Præfecturam futura electio non semel cælitus ostensa fuit, teste Bartolo in ejus vita) nullum id temporis in Societate sanctimoniam & virtutibus Aloysio parem fuisse.

*Ex Vita illius P. Andrea de Putzo.*





P. Januarius Pisa S.I. Italus, eximiae in pauperes charitatis, Dei vicissim prodigiosam in se liberalitatem expertus, vitam inter pestiferos constanter ab se procuratos prodegit Aquilæ cum Socys 24. A<sup>o</sup> 1656. per diversa Regni Neapolitani loca enectis.

## P. JANUARIUS PISA cum alijs 24.

**E** Metropoli Neapolitani Regni egressa pestilitas, alias quoque Civitates & loca eodem Anno 1656. corripuit, & ansam præbuit Collegijs quoque Societatis apud se erectis, glorioso certamini vitam suorum exponendi. Aquilæ imprimis hanc in gratiam lue infectorum posuit Pater Januarius Pisa Neapolitanus, ejusdem Collegij biennio Rector, annorum 39. Professus quatuor votorum, paupertatis & pauperum juvandorum apprimè studiosus, parcius etiam ideò fami suæ indulgens, quò plus egentium usui relinqueret: detractis quandoque secretò corpori femoralibus, cum aliud seminudo tegendo

non adesset. Celebrrioribus quibusque seu Ecclesiæ, seu Societatis festis, pauperes 12. accersebat, mensâ lautiorē tractandos: enixè cavens, nè quem opem implorantem, auxilij sui vel aliunde implorati vacuum dimitteret. Et indè ingens vicissim erga DEI liberalitatem nata in eo fiducia. Tectum Templi nostri totum corruerat; ausus est opus in integrum restituendum aggredi, aureis non plus 50. instructus, quod impensas exhaustis sexies mille & quingentorum aureorum, quos ille omnes DEO providenter suggerenti adscripsit: 600. potissimum aureos, quos supra eam quam adnotarat summam reperit, cum rationes revideret; illos enim nescius unde advenissent, occulto quodam

M m m m 3

mo-



modo sibi à DEO suppeditatos credidit, & testatus est. Inter sacrificandum pluribus visus est, persanctè id attestantibus, divina pati, Augusto quodam & Angelico vultu renitere, & in sublime à terra levare. Somnus illi durus, cum culcitram rarò ad quietem admitteret, rariùs vestes exueret, nisi quando inclementer planè se usque ad sanguinem laniaturus esset, acerrimò verberatu. India illi erat in primis votis: tum Missiones domi obeundæ: denique lue coortà nihil omisit, ut primus in arenam illam pro animarum ope descenderet: quod ubi obtinuit, nullam omisit industriam quâ prodesset, domos undique subintrans, ac per ipsas fenestras se penetrans ad eos, quos malum profigârat: non ignarus, brevem sibi fore laborum cursum, dum pluribus se obiturum asseruit, duobus potissimùm luculentius id ac disertè significans. Vitâ jam functus aspectabilem se cuidam exhibuit, vultu radijs glorioso, & pileo aureo tectus; cujus hortatu ut ad divina obsequia enixè prosequenda perseveranter incumberet, magnopere se in concepto erga divina studio confirmatum fuisse idem asseruit. Nec defuere probatæ fidei & oculati testes, quòd evolutò ab ejus obitu anno, corpus ejus integrum & incorruptum repertum sit, cum tamen & locus, ubi conditus jacebat, uliginosus fuerit, & arca omnino consumpta. Virginitatis gloriam illibatam ei constituisse, haud ex vano opinio est: quam ille tantâ modestissimi animi demissione ornavit, ut spiritualium rerum Præfectori & Confessario de se non infrequenter sit questus, quòd ausus fuerit pati se sacris initiari, quòd tam sublimi in Ecclesia gradu censeret se indignum. Ibidem ex pari charitate occubuit P. Joannes Francus Neapolitanus, 38. annorum, in Societate 18. vota 4. professus, in Missionibus sexennio fructu maximo versatus, Indiarum quas expetebat locò. Totus aptus natus videbatur ad genium Sancti Xaverij, ad expeditiones Apostolicas, ad ejusdem cultum; quem Potamij in Calabria, & Adriæ apud Samnites, & nunc Aquilæ mirè promovit, ut certatim aurum, vestem pretiosam & monilia ejus ad aram conferrent, eumque urbis in Patronum, approbante sede Apostolicâ eligerent. Creberrimas intendentibus se tenebris suis tempore, conciones celebrabat ad cætū Virorum, cum dies totos in templo Sacramentis administrandis daret: indè illi lues, & conscita mors. Fuit vir demissionis eximius, atque licet majora posset, ad rudes instruendos ultro se ab-

jiciens: ex quo ipso major illi auctoritas, & æstimatio supra ætatem, ut ad expiandas totius vitæ noxas à plurimis ipse potissimùm eligeretur.

Bariæ P. Joannes Pasqualinus ante annos 68. natus, ibidem in Civium suorum obsequijs hoc eodem anno denatus est, cum ante annos 46. illustrem Equitum Melitensium Crucem cum Societate commutasset, ad 4. votorum professionem admissus. Parum quidem is propositi primùm tenax, superbo quodam obtentu, utpote domi Nobilis & locuples, à Dæmone deceptus, ac speciosis majoris boni coloribus, & oblectamenti domesticis delusus, discessionem ab Societate extorsit. Sed octavo post anno, facti magnopere pœnitens, Romam ad Mutium Vitellescum jam Generalem, à quo prius Neapoli Præposito Provinciali susceptus fuerat, supplex contendit, tandèmq; ut reciperetur, superatis non paucis quæ obstabant, pervicit: omnibus deinceps sinceræ humilitatis factus exemplar. Nam speciosa omnia constanti declinatione averfatus, solis infimis Operarij inter rudes & despectos munijs delectari videbatur, Neapoli quidem in Domo Professorum per annos 12. Christianæ doctrinæ elementa pueris & rudibus tradens, & ad propria usque FE. Coadjutorum munia se dejiciens: Nam & hortum persæpe demissionis studio fodiebat, glebam versabat; & ad matronarum confessiones audiendas indè frequenter evocatus prodibat, illis quid egisset facillè advertentibus, & virtutem admiratis, cum ejus manus terræ tractatæ indicia præferentes conspicerent. Post explicatas pueritiæ toto sexennio Grammaticæ Institutiones, totis 15. annis Barij Operarij munia eâ satisfatione & industriâ gessit, ut pro amissi cuiusvis zelo animarum Curatori esse possint ac norma, seu missiones & institutionem rudium spectes, seu pauperum, carcerum, nosocomiorum procuracionem. Totis illis annis quoties nocte ære campano aliquem ad ægros evocari audiret, primus ipse se propiebat, & janitore excitato, atque ad superiorem pro Socio accersendo misso, ad exequendum paratus præstolabatur. Peste laborantibus serviendi obtendrâ facultate ut ad misericordiam divinam receptum quærent afflicti cives, magnâ & dicendi vi & exemplo egit, quando sub vesperum quotidie pro concione nudipes dixit, & divinæ iræ avertendæ modos ostendit. Nudipes pariter Urbem concursans, omni ope omnes suble-

vare



vare contendit, nullâ sui periculi curâ vel metu. Pater Franciscus Zuccaroni, ex ter-  
tia probatione Missionem obibat, magnâ o-  
mnium approbatione circa Beneventum,  
cû peste ab reditu Neapolim impeditus, in  
Urbem Batolitanam divertere jussus est, reli-  
quum Probationis in ejus Collegio comple-  
turus. Hic ille voto concepto, si Barolita-  
nos pestis incesceret, caput eorum obsequio  
perfanctè consecravit, cujus potestatem cû  
à Rectore non obtineret, ardentibus literis  
ad Moderatorem Provinciæ datis exoravit.  
In eo 29. diebus ingenti charitate versatus,  
30. die, quo se ad secessum per 40. dierum  
exercitia recipere Superiorum jussu debebat,  
eo ipso die peste illigatus, intrâ biduum con-  
sumptus est, ipso Sancti Michaëlis die 29.  
Sept. cû SS. Viaticum percepisset positus  
humi genibus intrâ cubiculi januam, & à  
Rectore, pètque illum ab alijs erratorum  
veniam supplex petijisset. Ortu erat Aquila-  
nus annorum 34. in Societate 18. Indica-  
rum ærumnarum non semel petitarum con-  
stans expetitor, merum zelum & ardorem  
spirans, ad quem audiendum tota Apulia  
confluebât, ut felices se æstimarent qui illum  
audissent. Tranensis Magistratus Barolita-  
num Rectorem impensè precatus est, ut si-  
bi hunc tantum Virum vel semel videndi fa-  
ceret potestatem. Barolitani autem tam No-  
biles, quàm Civium primores, aderant con-  
stanter ad portam cubiculi, nihil remedij ad  
ægrum in vita retinendum omittentes: cu-  
jus obitum tot lachrymis, tanto dolore, &  
Viri desiderio prosecuti sunt, ut concedi eis  
debuerit potestas, effigiem ipsius eâ formâ  
expingendi, & perpetuæ Civium memoriæ  
asservandi, quâ pestiferis opitulabatur. Hic  
quoque in eodem Charitatis munere virus  
mortale hausit P. Josephus Tipoldus Valli-  
noviensis, ex itinere, quo ad Collegium The-  
atinum Rector designatus tendebat, peste  
intercepto, coactus Barij resistere: Jam in  
Societate 29. annos, inter Professos 12. e-  
gerat, in vita 45. Philosophiam & Conscien-  
tiæ casus docuerat, Rectorem triennio ege-  
rat, à Barolitanis in ea calamitate tanquam  
Angelus vel Apostolus exceptus & æstima-  
tus. Beneventi acerbum sui desiderium Ur-  
bi reliquit, in eadem causa peste ereptus, P.  
Ignatius Palma, post Philosophiam insigni  
approbatione explicatâ Collegij istic Rector,  
annorum 35. in Societate 20. Professor 4.  
votorum, qui hoc epidemicis serviendi pri-  
vilegium primus sibi usurpavit. Ejus vesti-  
gia per eandem charitatem & mortem secu-

tus est P. Josephus Lentulus Rheginus, si-  
militer Professor, & ibi tunc Philosophiæ  
Magister, ætatis anno 36. Exinde P. Fran-  
ciscus Marenza Melphitenis, annorum 53.  
in Societate 26. Coadjutor Spiritualis, in-  
qua insigni humilitate Grammaticæ disci-  
plinas pueritiæ tradidit per annos facilè 20.  
Accessit Christophorus Aversanus, Neapoli  
ortus 52. in Societate 30. Coadjutor tempo-  
ralis, Civitati existimatione sanctitatis per-  
quam notus, domesticis verò à charitate fra-  
terna, sanctâ quadam simplicitate, vitæ in-  
taminatæ innocentia, & in DElparam exi-  
mio affectu æstimatus, quæ etiam spectabi-  
lem augustâ specie illi se exhibuisse credi-  
tur.

In Urbe Stabienfi Collegij Rector Pater  
Bartholomæus de Rogatis, & in eadem ante  
annos ampliùs 60. natus, cû diu frustra ex-  
petijisset promiscuè in Urbe pestiferis ope-  
ram navare, minimè tamen omisit, si quo-  
piam ad eam ferendam postularetur, prom-  
ptè se sistere. Itaque post eam ægto ex lue  
decumbenti, à quo accersebatur, navatam,  
porrecto suo ad ejus osculum Crucifixo vi-  
rulentum malo ictum se mox persensit, lætuf-  
que exclamavit; si ob Crucifixum ægro por-  
rectum moriendum est, nunc age moriamur!  
Quod evenit anno Societatis initæ 43. in-  
qua Philosophicas & Theologicas disci-  
plinas docuerat, & Ecclesiastæ munus cum lau-  
de obierat, typis quoq; vario ingenio in lucē  
datis clarus. E Collegio Theatino primus, qui  
mortuali lue contractis adjuvandis palam vitā  
exposuit, fuit P. Franciscus de Nicolas Bite-  
ctinus, annorum 33. in Societate 16. per-  
motis exemplo suo, cû aliquamdiu solus  
periculosam eam provinciam administrasset,  
ad laborum partem capeffendam pluribus  
quâ Religiosis, quâ è Clero Sacerdotibus.  
Mirabilis potissimùm fuit quinque juvenum,  
illius disciplinâ in Philosophia, quam ibi tum  
explanabat, educatorum, virtus magnanimi-  
tatis, qui divino impulsu ad funebria illa dif-  
ficillimæ charitatis officia miseris exhibenda,  
Magistro suo spontè adhæsere, è quibus ter-  
nis ad immortalem vitam evocatis, duo su-  
perstites totâ contagione duravêre. At Pa-  
ter admirationi & spectaculo toti Civitati  
fuit immenso suo omnibus opitulandi ardore;  
dum instar mediastini per vicos & do-  
mos concursans, etiam culciras humeris æ-  
grorum commodo deferret, séque Socium  
alijs ægros in sella gestantibus adjungeret,  
quorum non unum ità ad Nosocomium è  
publico deportati adjuvit, hinc bajulo quo-  
piam,



piam, indè verò Patre manibus proprijs infella locatum pestiferum gestante. Sed & foras remotis quoque opem laturus procurabat, fuitque cùm eadem die bis ad duo milia passuum extra urbem, equo obstinatè reiecto, pedes profectus est. Interim verò sibi nihil indulgebat, eâ inclementiâ corpus jejunijs, flagris, quâ semper aliàs persecutus. Ab omni enim, quod lenocinium aliquod gulæ facere posset, constanter abstinebat, & ipsis vulgaribus ita parcè vescabatur, ut Superiorum auctoritate adigi debuerit ad rigorem temperandum, nè se penitus frangeret, viribus jam indè multum attritis & extenuatis. Denique in omni genere virtutum ad summam perfectionem jam indè à Tyrocinio connisus, excelsam de se apud omnes sanctimoniam existimationem jam pridem excitavit. Undè cùm Neapoli Theologiæ studijs vacans morti proximus crederetur, multi

apud Rectorem enixè contenderunt, ut ejus effigiem depingi curaret, ad memoriam raræ, ac sic facilius ad imitationem transituræ virtutis. Agonem ultimum expertus est inter acerbos dolores perdifficilem, quinque pestiferis ulceribus dirè cruciatus, illud identidem ad fortiter ferendum repetens: age, age laboremus, & patiamur aliquid pro Paradiso. Exequiæ illi ab Urbe in templo principe, sonantibus omnium temploium campanis, magno & impendio, & affluentia populi celebratæ. His annumerandi veniunt 13. FF. Coadjutores, qui voluntariâ quoque vitæ impensæ liberalitate nostris funestâ illâ tabe afflatis, promptis obsequijs officia sua navârunt, & animas pro fratribus per hæc Neapolitani Regni Collegia posuerunt: quorum nomina recitat Alegambe ad hunc annum in victimis charitatis.

*Ex Aleg. Viſt. Charit.*

## P. ALPHONSUS PETRA cum alijs 5.



**P**X Neapolitano Regno in alias Italiæ partes propagata, ut fieri solet, pestilientia, eodem adhuc Anno 1656. Romam primum irrepsit, anno insequente furiosè demum sævitura. Primam ejus mali sementem dicebant fuisse annulum sericeis filis illigatum, quem Neapoli sibi missum accepit transtiberinus miles quispiam, primus ab eo istic peste enectus; alijs è domo illam, tum passim alijs à mutua consortione cum morte trahentibus, donec in citeriorem Urbis partem transivit, & scholas quoque Collegij Romani infecit, è quibus in Collegium ipsum penetravit. Igitur domesticis aliquot lue contactis, inque separatum ab alijs domi nosocomium reclusis, fraternam charitatem ut impenderent magnis precibus exorârunt aliquot Coadjutores, è quibus duo in victimas ceciderunt. Et primus quidem 7. Nov. rarâ felicitate, & DEI miserentis providentiâ, brevè alioquin è numero Sociorum delendus, cùm juvenili quâdam animi inconstantia id ipse exigeret; nisi potentiore DEI instinctu ad saniora consilia incitatus, huic operæ se addixisset; sæpe aliàs etiam auditus optare, ut pro pestiferis juvandis se suumque caput DEO offerre posset. Fuit is Mathæus le Front Gallo-Belga 28. annorum 8. in Societate; quem die mox altero securus est ejusdem laboris Socius, Benedictus Ber-

nardini, ad omnes instituti nostri, ac particulatim ad Coadjutorum leges à virtute factus, annorum 53. in Societate 25. Humili fortunâ natus, venalibus lactucis per urbem circumferendis vitam utcunque sustentabat, cùm in Societatem receptus, neque unquam sortis suæ immemor, insigni demissione, erga omnes reverentiâ & promptissimâ obedientiâ omnibus exemplo erat. Integra illi semper à puero consistit Virginitas, & conscientia in Societate ab omni graviore noxa, & veniali etiam plenè voluntaria immunis: quam asperimis corporis afflictationibus, quibus vires & valetudinem penè pessum dedit, fovebat & tuebatur. Nihil majore animi propensione ambiebat, quàm ægris seu domi, seu per Nosocomia deservire, omnibus Charitatis occasionibus finè cessatione imminens, & nè paululum quidem requietis, nisi Superiorum jussu admittens. Toti dies festi una illi erant oratio, toto animo divinis meditandis inter liquidissima Cœli solatia, adhærescens; à quibus tamen obsequentissimè avelli se quavis obedientiæ voce patiebatur. Ex ardentissimo quo in DEUM flagrabat amore nihil aliud formidabat nisi vivere, nil optabat impensius quàm mori, extra periculum nempe summi illius Boni offendendi futurus. In DEI Matrem fuit religione & fiduciâ insigni, crediturque Collegij Confessario suis ad eam precibus vitam servasse: nam ex peste inter alios decumbenti





P. Alphonsus Petra, S.I. illustrissimo sanguine Ital.,  
humilitate et animarum zelo spectabilis, Indicarum  
ærumnarum desiderium cum obsequio peste labo-  
rantium commutavit, in eodem Romæ cum quinque  
Socijs extinctus 4. Januarij A<sup>o</sup>. 1657. ætatis 45.  
183.

benti sæpius promittebat fore, ut eâ nequa-  
quam decederet, pro quo suas ad eam preces  
fudisset.

Jam verò anno insequente 1657. quæ  
priori serpsisse duntaxat videri potuit, pleno  
impetu erumpens pestis, variarum Religio-  
num Sacerdotes excitavit ad vitam & vires o-  
mnes ejus violentiæ opponendas. Hos inter  
primi in campum prodire Societatis Sacer-  
dotes quaterni, cum duobus Adjutoribus à  
Præposito Generali emissi; qui simul Ponti-  
fici Summo obtulit tot alios, quot vellet in  
publicum illud subsidium destinari: è quib-  
us duo peste quidem contractâ aliquandiu  
prostrati, receptis brevî viribus, cum tribus  
nullâ contagione læsis ad finem usque durâ-  
runt, & uti primi in arenam prodierant, itâ  
non nisi lue undique profligatâ ultimi ex ea  
*Societas Europæa.*

recesserunt. Unus solus in glorioso certami-  
ne pugil desideratus est P. Alphonsus Petra,  
ex illustri Papiensium Comitum Petrarum  
familia primogenitus annorum 39. in Socie-  
tate 22. Coadjutor Spiritualis. Post quin-  
quennium in pueritia Grammaticæ & Pietä-  
tis præceptis imbuenda rarâ humilitate & in-  
dustriâ expensum, in sacris ferè Missionum  
expeditionibus, magnâ fructuosorum labo-  
rum & patientiæ laude versatus est, utpote  
toto semper desiderio ad Indicos labores  
propensus, & pro ijs impetrandis Præposito  
Generali opportunè Romæ importunus:  
quorum aditum ubi præclusum sensit, exag-  
geratis precibus tandem ab eodem obtinuit,  
in peste Romana cum socijs suppetias labo-  
rantibus ire. Duos ferè menses in ea exerci-  
tatione posuit, perpetuo miseros juvandi,  
&  
Nnnnn



& in opere tam nobili mortem obeundi desiderio: quotidie interim, quod ei domi quoque consuetum erat, vesperi acriter & per diu in se flagris desaxiens, & incredibile ad S. Pauli cœmeterium, quo efferebantur cadavera peste cadentium, eundi desiderium comonstrans, maximè quando 30. Decemb. anni 1656. malo afflatus est, geminûsque anthrax, & feralis bubo cum ardentiore febre mortem vicinam nunciârunt, quâ etiam 4. Jan. extinctus, & ad S. Pauli campum, quem adeò desiderabat, tumulatus est. Novaculæ vulnera, & ignem non uni parti corporis inclementer admotum, fronte tulit adeò generosâ, ut nè quidem indicium doloris ullius ederet, affectibus ad DEUM flagranter & assiduè vibrandis unicè intentus. Quartâ Jan: nocte, absente fortè socio, se se è lecto collegit, & coram S. Ignatij imagine, venerabundus & supplex, manibus lecto nixus, ac velut in genua se demittens, repertus est extinctus, & immortalitati jam adscriptus. Vir fuit magnæ apud omnes de eminenti virtute existimationis, & quemadmodum ipse de nullo malè, ita nullus de illo non bene loqui auditus est. Ejus verò per septennium in Philosophia & Theologia Magister persanctè affirmavit, se in illo, quantumvis accuratè ad id adverterit, nihil unquam deprehendisse legibus nostris adversum, sed animum supra omnes respectus humanos excelsum, eorûmque turbamenta omnia contemptione generosâ supergressum. Quòd verò sævitia luis in uno Socio- rum capite demesso conquieverit, ac præcipuè nullum ex omnibus in Domo Professæ habitantibus corripuerit, S. Patri Ignatio unicè adscribebatur, ad cuius corpus universi solenni Sacramento se devoverant, favorem hunc illius in se votivâ deinceps tabellâ ejus sepulchro appensâ contestati. Atque hanc omnium incolumitatem miraculoso planè in filios beneficio deberi publica quoque omnium Ordinum admiratio affirmabat, cum templum Professorum aurêsq; Sacerdotum paterent semper omnibus ad Pœnitentiæ Sacramentum, & S. Synaxis omnibus porrigeretur, qui sanè frequentes accedebant, templis plerisque ferè clausis haud semel auctoritate publicâ, ob malum istuc se exerens: & cum nostri sæpiùs rogatu ægrorum domos adierint, nihil periculi suspicati, eosque confitentes & audierint & sæpiùs reviserint; quos tamen quid morbi habuerint ostendit mors brevè consecuta, & malum ab ijs in alios propagatum: & quia Sacerdotes extra-

nei omnes, unde unde ex Urbe adventantes, eodem cum nostris sacrificiali apparatu, & ijsdem aris uti permittebantur.

Genuam quoque atrociter eodem anno 1657. depasta lues, inter complures in auxilium miserorum accurrentes Socios, primum eripuit 17. Junij P. Hieronymum Reverta, Mediolani domo patritiâ natum, cui vehementer hanc provinciam expetenti, Nosocomium publicum sacrâ operâ procurandum datum est. Ubi contagio se ictum sensit, socio lætissimus dixit, habere se quod unicè optâset: nec Medico opus esse in malo sibi futuro ultimo & insanabili. Svadenti verò votum pro sanitate ad S. Ignatium concipiendum, negavit sibi esse in votis, vitam DEO semel devotam ab eodem repetere. Vixit P. Reverta annis 46. in Societate 30. vota 4. professus, animarum DEO vendicandarum avidissimus, quarum zelo in Paraquariam Indiæ Occidentalis Provinciam navigaturus jam Gades evaserat, insperatò indè rejectus in Italiam. Indè Paraquariæ locò illi Corsica Insula obtigit, quam universam Apostolicis laboribus gnaviter excoluit, assumptus à Pro-Rege & Episcopo ad sacra Pœnitentiæ arcana, & subinde Collegio Bastiensi triennio Rector datus: donec Genuam revocatus, glorioso fine vitam præclare actam conclusit. Dies Junij 27. P. Joannem Sertolum, diris per dies 7. doloribus exercitum, in ejusdem partem gloriæ vocavit, post multum laborem peste faucijs impensè datum. Nonnunquam unius vel alterius horæ spatio facilè 60. viatico Eucharistico muniebat, certatim hac atque illac in domos se penetrans, ut omnes in agone juvaret: face tamen piceâ aëri purgando munitus. Ex hac in dextram illius pupillam ignea aliquando gutta exiliens propè fecisset, ut post acerrimos oculi cruciatus ejus usum amitteret: quem feliciter restitutum unius Beati Aloysij, quem impensè venerabatur, beneficio adscripsit, tantòque avidius labori intermisso se reddidit. Brevi tamen arcanum primò virus illum corripuit, & quia ipso Beati Aloysij festo erumpente in genu carbunculo se prodidit, magnâ animi voluptate exinde affectus est, nihil dubitans à DEI provida manu id malum sibi immitti, quo ad cœlestē consortium à suo Beato evocaretur. Vallis Tellina in Sondrij oppido illi Patria fuit, ætas annorum 34. in Societate 14. fervor virtutis planè eximius, quo apud tres Præpositos Generales ardentissimè Indicos labores expetijt, pro his & ipse in Corsicam exerendis



dis missus. Subinde cum Genuensi classe divinis procuranda Olissiponem missus, ibi preces ardentissimas apud Præpositum Lusitanæ pro Indijs Orientalibus integravit: sed redire coactus, Genuam pestilentia interim correptam graviter laborareprehendit, & in illud periculum illico caput obtulit, ad caelestem portum pro Goano littore (ut spes est) appulsus. Ad eundem per coacervatas cadaverum strues, veluti scopulos, delatus est 4. Julij P. Carolus Anfaldus Genuensis, annorum 43. in Societate 28. Professus 4. votorum, vir potens opere & sermone, totique Urbi consuetis Operarij munijs, sed insueto fervore depromptis, notus æquè acceptus. Sæviente undique lue pars illa. Civicatis inferioris illi administranda obtingit, quæ ferè plebe constat, multis permista quiescentijs atque flagitijs inverecundæ infamiae muliercularum; eoque illam in partem atrocius mali funesta vis & clades incubuit. Ergo ille non minùs his, quàm pestilentiae malis obviàm ire, & ad omnem vagæ libidinis effrænationem adstringendam, ab ipsa rerum tam atroci imagine argumenta depromere, nè dissolutè quidpiam ageretur sub acie gladij, quem DEUS distringebat. Ità verò morientibus serviebat, ut sanos non omitteret: hinc ardentissimas in templo habebat ad populum allocutiones: hinc ad capita plateatum voces vibrabat & clamores in aures & animos, ingenti motu, cum divi-

num viaticum ad morientium præsidium deferret: divino verò sacrificio, concessu & voluntate Archi-Episcopi, sub dio operabatur, ubi quàm plurimis pateret aspectus è domibus ad adorandam SS. Hostiam. Nec remissiores erant allocutiones privatis apud ægrorum lectulos in ædibus, ut sæpe non sinè lachrymis, nunquam sinè insigni animorum commodo audiretur, cum quævis dictio præsentibus malis velut amentò ad feriendum robustior evadens, eò altius ictum imprimeret. Igitur procurfationes illius omnium animabus sospitales, nec paucorum corporibus salutare fuere: quo è numero fuit fæmina, cujus salus à Medico jam pro deposita habebatur, ut neglecto corpore, animæ certò brevè migraturæ duntaxat prospiceretur. Fecit id Pater sanè solerter, & simul spe quâdam surrectus fæminæ auctor fuit, ut divinam opem per S. Ignatij nomen imploreret. Ipse interea reliquias, seu numisma S. Ignatij aquæ immerfit, & eam ritè, invocato etiam ejus nomine, benedictam, fæminæ familiæque toti delibandam porrexit. Mirum dictu! cessit & mulieri ad extrema deductæ contumax malum, nec parvulo quem lactabat venenum haustum obfuit, neque ullum è domesticis tabes mali grassantis toto ejus tempore contigit. Medicus rem miraculo naturæ vires superanti adscripsit, eam dato jurejurando fide publicâ firmaturus, nisi lues illum quoque interim è vivis rapuisset.

*Ex Allegambe Victimis Charitatis.*

## P. HIERONYMUS LOPEZ.



Elantissimus animarum Venator Pater Hieronymus Lopez natus est in Urbe Gandia Regni Valentiae, honestis & à virtutibus magis & pietate, quàm divitijs

aut nobilitate conspicuis Parentibus, anno 1589. 21. Oct. à quibus in prima ætatula missus ad scholas nunquam ab ijs redibat domum, nisi salutato priùs prolixâ veneratione in Ecclesia Collegiata SS. Sacramento. Concionibus audiendis jam tum mirè delectabatur, & quæ audisset ad collectam puerorum multitudinem ex obvio scamno, gestus & ardorem Ecclesiasticis imitando, declamabat: prælagio non vano, quod & de S. Vincentio Ferrerio & S. Bernardino Senensi refertur, quantus olim evaderet Prædicator & Apostolus. Anno ætatis 14. cum Rhetorica com-

*Societas Europæa.*

pleto in Societatem receptus, & Tarragonæ consuetis Tyrocinij experimentis biennio probatus, post repetitam Gironæ per annum Rhetoricam cum parum solidæ virtutis præferret, & tepore langvescens Regularum observantiam minimi duceret, atque ad Philosophiam Mallorcæ audiendam missus nihilò plus Religiosæ perfectionis assumeret, in pœnam & emendationem obstinatæ jam in quartum annum tepiditatis (post frustrâ adhibitæ pœnitentias alias & monita) à prosecutione Philosophiæ primùm amotus, mox etiam aliò migrare Terram firmam iussus est. Et jam trajiciendo locus in navi Valentiam solutura (quâ illi transeundum fuit) conductus erat, quando precanti Alphonso Rodriguez, celeberrimo illi à revelationibus Fratri Coadjutori ostensum cælitus est, navigium istud in manus Turcarum venturum

Nnnnn 2

(quod

*Ms. Agda S. Ignatii*





P. Hieronymus Lopez, Soc: Iesu, Hispanus, post crudelem apud Mauros captivitatem ferventissim. animarum Zelator, Operari, in perpetuis Missionib, indefessus, Exercitij Actus Contritionis publicè eliciendi Auctor. Obijt Valentia 2. Feb: 1658. Aetatis 69.

(quod & evenit) quare retentus tantisper in aliam opportunitatem est Hieronymus. Nec multò post adfuit navis Ragusana, de cuius cursu Deum consulere iussus idem F. Alphonsus responsū à Deo retulit, *Discessuros in ea Religiosos habituros auream navigationem.* Conscendēre itaque, Rectore oraculi mysteriorum non penetrante, cum P. Blasio Baylo, & P. Petro Planes, inprimis Hieronymus ipse, & quinque recens auditā Philosophiā Scholastici, Joannes Alcober, Antonius Marqves, Onufrius Serra, Josephus Fuentes, & Gabriel Alegre: præterque binos Novitios, Ramon Gual, & Ramon Anglada, Michaël Sansaloni Societatis Candidatus. Et quidem prospero usi vento jam in conspectum Valentia portus venerant, cum ab aliquot Mahometanorum Algeriensium mjo-

paronibus, quēis præerat Simon Danza Lutheranus Hollandus, deprehensi, post atrox & sangvinolentum utrimque prælium, in quo tamen nemo ex nostris periit, navim dedere coacti sunt. Primò omnium manus singulis ad tergum revinctæ, mox etiam direptæ vestes, & in sentinam navis captivi retri. Atque hæc erat mirabilis DEI circa Hieronymum providentia, per durissimam servitutem illum ad eximiam sanctitatem provehentis; qui si Terram firmam attigisset, dimittendus erat à Societate, nisi mores alios & Religioso dignos assumeret: Eratque simul navigatio Socijs omnibus prorsus *aurea*, ad eruendos patientiæ opulentissimos thesauros, & ignitum charitatis aurum in miserrimos Algeri captivos Christianos dispartiendum. Algerium devecti (erant omnes



mnēs numero 130.) teterrimo ergastulo humido fœtidōque conclusi sunt, in cibum frusto panis hordeacei, in lectum durā humo, in vestitum adversus rigidum hyemis frigus, solo rudi centone à barbaris indulto: quibus incommodis consumptus Adolescens Michaël Sanfaloni, primis mox diebus in Natali Domini extinctus est. Enavi exscendentibus obviam occurrit Sacerdos Catalaunus, pridem deposito lytro sibi & libertati permisus, sed nē tot Christianorum animæ Sacerdote destitutæ ad Mahometem deficerent, sponte illis firmandis remanens: hic incredibili gaudio gestiens, tot sibi in desolatissimam excolendam vineam submissos Operarios gratulabatur, mœrentesque erigens veniam precabatur, quod precibus suis ipsorum infortunij causam se crederet, quotidie DEUM orare solitus, ut mitteret strenuos Operarios in messem suam. Septem diebus ita carcere emaciati adducuntur venales ut pecora in forum; & Hieronymum quidem in suam servitutem redemit ipse ille Capitaneus Piraticus Simon Danza 400. scutis: sed non multo post eodem pretio vendidit seni Hispano Renegato ( ita appellantur qui abnegato CHRISTO Mahometem profitentur ) quorum crudelem Dominatum eā patientia sustinuit & constantiā, ut in alium prorsus hominem transisse videretur. Et quidem prior Lutheranus severo supercilio edixit, transeundum illi omnino esse ad Mahometum aut Lutherum. *Si Mahometem eliges*, inquit, *libertate*; *si Lutherum, cum eadem etiam gratiā meā & protectionē, omnique felicitate potieris*. Sed utrumque animosē respicienti, & vitā citius quā religione privandum protestanti, mille contumelias oggessit, & durius ac severius deinceps habuit. Sed acriora fuere prœlia Castitatis sub dominio Renegati cum spurcissima illa Mahometanorum, in Sodomiticam præcipuè libidinem perditè prurientium, colluvie, cujus sentina Alger meritò dici potest: ut prodigij instar sit, si quis è captivis præsertim adolescentibus liberalioris formæ ( qualis erat Hieronymus ) illibatus persistat. Dum ergo non invitaretur solum, sed & imperio & per vim passim adigeretur ad scelus Juvenis castissimus, & non minore ipse vi manibus & dentibus, si aliter non posset, spurcas manus abigeret, referebat ex glorioso certamine victoriæ signa, colaphos, verbera, vulnera. Aperuit autem non semel Virgo Sanctissima Alphonso Rodriquez, quotidie plus centies hanc captivorum no-

strorum decadem illi in oratione commendanti, sibi eosdem peculiari curæ esse, iisque assistere, ut constantes in Fide & puritate perseverent. Tantum autem in se fœdissimorum Maurorum odium hâc vinci nesciâ castimoniâ excitavit Hieronymus, ut cum eam non possent, vitam illi eripere decernerent. Resciverant per id tempus punitum ultimo supplicio fuisse Valentia ab Inquisitionis tribunali unum è Mauris mancipium, gravissimorum scelerum convictum: ex quo in ultionem efferati statuunt, primum quem indè prehenderent captivum Christianum, incendio vivum concremare. Cum verò Hieronymum audissent Regno Valentia Gandiâ oriundum, rabiem hanc in illo exsaturaturi ingens pro illo pretium Domino offerunt: qui suspicatus illum non in servitutem, sed in necem tantâ ultro pecuniâ redimi, rejecit primum; sed majus adhuc pretium obtrudentibus, avaritiâ excæcatus cessit, nisi monitus alicunde Consul Gallicus venditionem impedivisset: maximo Hieronymi, ubi id rescivit dolore, quod tam præclara occasio sanguinis pro CHRISTO fundendi sibi erepta esset. Nimirum noluit DEUS tantum olim Apostolum, quem tot millibus animarum Orco eripiendis disponebat, igne consumi, sed per captivitatis duntaxat ærumnas velut in camino ad purum excōqui, & in fervidum operarium suæque gloriæ Zelotem parari.

Nec minora fuere reliquorum contra impurissimos heros pro retinenda Fide & castitate certamina & discrimina. Joannes Alcober ad infamem lasciviam à crudelissimo Mauro, cui in mancipium obvenerat invitatus, cum neque blanditijs nec minis cederet, barbarum arrepto pugione in se ruentem immoto pede persistens ita fregit, ut ictu suspensio solis colaphis & pugnis mulctatus abierit. Ramon Gual Novitius annorum 16. sæpius ad idem nefandum scelus à Domino suo, divitijs & auctoritate inter Algerienses præcipuo, tentatus, ubi blanditijs & promissis ( quibus illi, si Mahometem reciperet, adoptionem in totam hæreditatem, filio & uxore destitutus offerebat ) nihil profectum est, vulnera, suspendiū, & fatalem ferri ictum imperterritus collo excepit. Amens enim furore æquè ac libidine barbarus, & tories contemptum se non ferens, adeò crudeli fustigatione in castissimum Juvenem desæviit, ut baculus diffiliret. vidensque nec his emollitum, cum aliud nihil strangulando ad manum esset, fasciam quā suum Turbant im-



plicabatur evoluit, colloque innocentis injectam tantâ vi contorsit, ut rumperetur: manifesto miraculo, nam fascia è lino contexta, & ex ipso implexu torturâque quolibet fune robustior erat, quàm ut brachijs humanis lacera cederet. Sed hoc ipso efferrator Turca, cæco furore dentibus innocentem Agnum invadit, & rabidi canis instar in corpore, multo sanguine fluentem, commordet. Mox ad frameam profilit, ut cervicem victimæ rescindat: quam ubi seriò à furente vaginâ educi videt Novitius, totis viribus humo in genua se erigens, caput excipiendæ frameæ protenso collo objecit, tantâ animo illius cælitus infundente se lætitiâ, ut canere inciperet, *Te DEUM laudamus!* Ecce autem novum priore nihilo minus prodigium! quantovis impetu collo impacta framea casso vulnere resiliit, solo vestigio sui instar rubeæ zonæ relicto. Non suffecit ultrâ barbaro animus ad repetendum ictum: Novitius autem residuo noctis in gratijs DEO reddendis traducto, ubi P. Baylum convenit, in lachrymas effusus verbum nullum profari potuit: sed ubi Pater has à dolore & angustijs ortum habere interpretatus illum solari & erigere cæpit, *Pater mi*, respondit, *non hos mihi fletus cient calamitates, & tormenta hac nocte supplicia, sed quia gemo indignum me laureâ Martyrij, quæ in manibus jam tenta infructa est!* Neque hîc malorum finis. Rex enim Algeri perspectâ elegante Adolescentis formâ, parabat illum Constantinopolim Turcarum Tyranno in munus ad nefandas delicias transmittere: cujus admonitus à Consule Gallico P. Baylus, mutuato unde unde à Christianis Mercatoribus lytro, 700. scutis in libertatem redemptum discrimini subtraxit: pariterque Joannem Alcober, majoribus præ alijs animæ periculis subiectum, 500. scutis. Quo fructu autem animarum Patres ibidem captivos æquè ac inter Mercatores egerint, vel ex eo conjice, quòd Jubilæum Missionum indicare sint aucti, nemine Sacramentalis Absolutionis experte relicto, quorum multi à 30. & 40. annis vixere inconfessi. Plurimos etiam ex Renegatis, amplâ à Pontifice potestate instructi, CHRISTO reddidère, cautè in partes fidelium deinceps elapsos. E quibus nobilem quoque egit prædam Hieronymus noster, in muliere septuagenaria Itala ad CHRISTUM reducta, quæ malorum in sclavitate intolerantiâ ante 40. annos Renegato Turcæ nupserat, eò calamitosæ egestatis ab ejus morte redacta, ut cogeretur in famulam a-

put Turcam Mercatorem se elocare. Jamque annus illis in tristissima captivitate effluebat, cum ab Aragoniæ Provincia multo labore corrogatum advenit tandem redimendis lytrum, & in reditum viaticum, decem millium scutorum; beneficio præsertim Catholicæ Reginæ Margaretæ Austriacæ, itémque Francisci Gomez de Sandoval Ducis de Lerma, & aliorum Hispaniæ Procerum collatum: quo in libertatem quidem repositi, non tamen omnes in Hispaniam redire permisi sunt, sed obsides aliqui postulati eò usque, dum filiola Turcæ magni apud eos nominis ab Hispanis captiva redderetur. Tristi denunciatione mœstis omnibus, heroicâ charitate Joannes Alcober in obsidem remansurum se obtulit; cui futurus solatio & inter barbaros contra pericula præsidio Pater Baylus se addidit, reliquis primâ die Novembris navi Gallicâ domum remissis. Bientium insuper aliud tenuit hæc Alcober Algerij detentio, sub potestate sævissimi turpissimiq; Mauri, dum negotiû transigeretur, cum puella baptismum expetens infidelibus restitui non posset. Reduces autem ubi Mallorcæ in Collegio comparuère, eodem sclavorum quo Algeri rudium centonum habitu, nemo lachrymas doloris simul & gaudij tenere potuit; quæ pariter repetitæ sunt Gandiam perlatis captivis: statimque apparuit Hieronymum durissimâ eâ probatione in alium penitus hominem mutatum, quando Matrem ex filij reditu, nimio gaudij affectu obrutam, inque sui amplexum ruentem depulit, *Matrem quidem in ea se revereri, sed mulierem vereri*, inquires. Itaque audiendæ ex integro Philosophiæ, & mox Theologiæ addictus Valentia, omnibus ad heroicas virtutes exemplo fuit & incitamento: diebus à schola liberis Orationis tempora producere, catechesi instruere rudes, invisere Nosocomia, servire infirmis, omne denique genus edomandi sui deprimentisque amplecti. Sacris Ordinibus initiatus, Rhetoricam docere jussus est in Urbe Calatayud; eo discipulorum in virtute æquè ac literis profectu, ut magnam partem in varia Asceteria & ad solos Cappuccinos seni transierint. At verò in tertiâ Probationis anno, qui ex Instituto Societatis est repetitio Novitiatus, & re ipsa ab illo exactus inter Tyrones Tarraconæ, ut damna & teporem primi Tyrocinij sarciret, eo fervore omnia peragere, flagellis, cilicijs, jejunijs corpus macerare aggressus est, ut freno non calcari opus esset. Ità approbatâ Superioribus Virtute, ut quidvis etiam ar-



dui muneris ipsi confidi posset, datus est Sacerdoti socius ad Missionem in agro Tarraconensi instituendam: quam incredibili animarum fructu, miris obstinatorum conversionibus, & fervore in alio vix sibi viso, cum testaretur P. Missionarius ab ipso peractam, quæ sciebat improvise nullo concionum instructum apparatu sibi Socium obvenisse, ad periclitandum ejus etiam dicendi talentum & efficaciam, conciones in nostro Tarraconæ templo Quadragesimales habere jussus est. In his quia spēs etiam omnium superabat, & ingenti hominum accursu, profectu, morumque emendatione audiebatur, nullo præterea opus experimento ratus Provinciæ Præfex, cum Missionibus addixit; muneri uti fructuum feraci & omnium maximè Apostolico, ita patientiæ, laborum, & ærumnarum fertilissimo: singulari ita disponente Numinis providentiâ, non tantum ad innumerabilium salutem animarum, sed etiam ut perfectâ in ipso idæam Apostolici Operarii posteris exsculperet.

Aggressurus munus tam arduum, ut non verbis tantum & prædicationibus, sed & exemplis populos à vitijs ad virtutem traduceret, omnibus lautitijs & cibis delicatioribus in perpetuum sibi interdixit; & si quandoq; à pijs hominibus ad refocillandum laboribus fatiscentem offerrentur, neque delibatos ad carceres, ægrotos, aut hospitalia mittebat; plus virium eorum orationibus, quam pastu delicatiore sibi accessurum dicens. Et quidem per 39. annos constanter in Missionibus expensos, nullum unquam ex quovis altilium genere bolum degustavit, DEO abstinentiam hanc speciali prodigio comprobante. Cum enim in quodam Regni Navarræ vico operanti submissus è Collegio accessisset Sacerdos laborum socius, & persona devota in edulium parasset pullorum par, quibus ipse nullatenus vesci sustinebat, urgebant perhumaniter ut hospes saltè de via lassus his frueretur. Quo pariter excusante, & nisi Pater annueret gustaturum negante; ille à mensa consurgens positus humi genibus voluit omnes secum unum Ave MARIA orare ad lumen impetrandum, an DEO placeret in gratiam tam chari hospitis legem suam laxari (quod fuit Patri solenne in omnibus dubijs, ad consulendam pro legitimo responso Matrem DEI) necdum absolverant, cum irrumpens canis celerrimè, quin ab ullo posset prohiberi, arrepto faucibus pullo unde venerat profugit, & litem diremit. Itaque non nisi vilissimis, & ferè mendicato corrogatis reficiebatur: ut pri-

mum enim locum Operationi destinatum attingebat, partitus cum socijs pagi aut oppidi, vel Urbis vicos, à domo ad domum e-leemosynam mendicando obibat, nullâ aliâ re magis auctoritatem Prædicatori necessariam parari affirmans. Et cum omnibus illis annis nulli certo & stabili domicilio affixus, tanquam vagus & profugus erraret super terram, nunquam aliud admisit diverforium quàm pauperum & miserabilium (dummodo illic haberetur) Xenodochium: unâ solum vice persuaderi passus ut in aliud migraret diverforium, id quod peculiari DEI accedit providentiâ. Nam hospes concubiniarius pellicem domi uxoris instar alebat; hi dum Patrem noctibus singulis atrocissimè in corpus defævientem, ut ad eos usque ex remoto illius conclavi verberum strepitus distinctè pertingeret, observârunt, tantò Viri innocentissimi pœnitentiæ rigore salubriter exterriti, & quid pœnarum continuata sua scelera maneret si impœnitentes decedant, arguentes, dissoluto in perpetuum concubinato ad pœnitentiæ tribunal confugerunt. Vix autem ullum fuit totâ Hispaniâ Regnum aut Provincia, quam non adisset, & sacris suis expeditionibus excoluisset: in quibus annotavit mille trecentas partim Urbes, partim oppida & pagos, in quibus fixâ Missionem populos consuetis exercitationibus productius lustravit; & ex his non paucas iteratò, tertio, ac sæpius inductâ Missionem: non anumerando alia loca, quæ in transitu veluti cursim ex occasione paucis diebus subsistens, excolebat. Nullum enim hominum genus culturæ suæ expers relinquebat, nullum transibat otiosus locum, scholas puerorum ubiq; visitando, catechizando, passim etiâ in plateis occurrentes, in ipso etiam itinere obvios, in agris aratores colonos sale Apostolico condiens; ut plerumq; alloquijs ejus semper ignem spirantibus compuncti, eodem loco omnes conscientias apud illum vel socios emacularent. Qui ergo laborum & occupationum Missionibus hujusmodi annexarum gnarus, solas conciones in dies singulos, nec rarò binas aut ternas, easque omnes ad conterenda etiam obstinatissimorum peccatorum corda semper ignitas, confessiones diu nocturne excipi solitas, catecheses, pœnitentium supplicationes, aliâque sæpius jam in aliorum gestis inculcata Charitatis opera ponderaverit, facillè cogitabit quantum roboris, virtutis & constantiæ inesse Viro debuerit, ad ea tot annis exercenda. Ut nihil dicam de intercalaribus per 33. Quadragesi-



gesimas in primarijs Hispaniæ Urbibus ab ipso habitis Concionibus; quibus quidem totâ Hispaniâ gloriosum sibi Viri Apostolici, imò & Sancti nomen promeruit, qui in exemplar & speculum omnibus Operarijs proponi posset; & re ipsa non unum post se à cathedris scholasticis, etiam Theologicis (intérque eos Didacum Sanvitores Insularum Marianarum postea Apostolum & Martyrem) ad questum animarum per Missiones faciendum pertraxit. Sed & DEUS munerij tam arduo destinatum duplici Eliæ spiritu imbuat, fecitque potentem opere & sermone, ut ex audientium oculis & durioribus petrâ cordibus communiter eliceret torrentes lachrymarum, gemitusque minimè steriles, sed qui reos ad pedes è pulpito digressi mox sternerent, peccata confessuros: ut adeò in proverbium illic abierit, si quem in sceleribus perditè obfirmatum designare vellent, *Est homo qui non resipisceret, esto illi P. Lopez concionaretur.* In Regno Valentiae accolæ fluminis Xucar inveteratis adeò diffidebant odijs, ut unius anni 1638. spatio in solo pago Algemesi 40. circiter clandestinis necibus interierint: omnes unicâ Missionem extinctis penitus inimicitijs in mutuos amplexus & gratulationes reducti. Ubi resciscens in vicino monte latere multos grassatores, qui varijs sceleribus onusti pœnarum metu illuc refugerant, unico ad eos habito sermone ità infregit, ut universi apud eum crimina ingenti dolore expiarent, & sacro epulo resecti mores planè Christianos resumerent. Erat quidam multo tempore per omne genus vitiorum & libidinum volutatus, tandemque publicis latrocinijs & deprædationibus eò proterviâ redactus, ut desperatione veniæ apud DEUM obtinendæ, & timore supplicij si in manus incideret à Magistratu inferendi, decreverit ejurato CHRISTO Mahometem secuturus in Africam navigare. Dum ad portum navim inquisiturus tendit, in pagi cujusdam transitu videt insolitam multitudinem certatim ad templum undiq; convolare (Missionem tunc ibi prosequabatur P. Lopez) igitur curiositate experiundi quid intus ageretur, ingreditur, auditque Patrem de infinita DEI misericordia efficacissimis rationibus differentem; eo effectu, ut intimè contritus ad pedes Patris acciderit, totius vitæ crimina detecturus. Tam subitam in obstinato pectore mutationem miratus Pater, & ab altiore motu provenire suspicatus, quærit, num ullius in vita boni operis aut devotionis

peractæ sibi esset conscius? nullius alterius respondit, nisi quòd in medio etiam telerum quot diebus Virgini Matri supplex fuerim, precando nè me defereret. Neque dabitavit P. Lopez hunc DEI paræ quantumvis exilem cultum salutis ei causam fuisse: uti & alteri in quodam Nosocomio, dum illud lustraret, inter ægros deprehenso. Hic adhortationibus Patris ad pœnitentiam, quam per 55. annos nunquam Sacramentaliter obierat, persuasus, inter enormia scelera & latrocinia quibus plurimos bonis & vitæ exuebat, quoties tamen effigiem Matris DEI conspiceret, nunquam salutare, & mortem in peccato lethali deprecari omisit: addiditque sibi aliquando evenisse, ut ab hoste, quo cum diuturna exercebat odia, pluribus armatis stipato deprehenderetur, undique circumventus in arcta & profunda via; dùmque nè inultus occumberet educto ense invasores retundit, in ipso pugna æstu gladius illi fractus dissiliit. Ergo actum de vita jam videns, *exclamavi* (referebat ipse) *hæc dies me eheu! præcipitat in infernum! Mater DEI & peccatorum, nè me desinas!* Vix hæc protulit, & momento reperit se in plano & aperto campo, nesciens quomodo, vel ubi, nullo hostium ultrà viso: Atque hoc patrocinium non minore altero cumulavit Sanctissima Virgo, dum die decimo à peracta hac generali totius vitæ apud P. Lopez exomologesi, plenum bonæ spei ad Calum evocari apud DEUM obtinuit.

Præcipuum quod in suis concionibus ad pacem conscientiarum obtinendam svadebat, erat Confessio generalis (licet ipsi cum socijs labor indè immodicè excresceret) quòd longâ experienciâ didicerat, multas sæpe ex verecundia, vel erronea conscientia in non paucis fieri sacrilegas; vel ex ignorantia defectu doloris aut propositi invalidas: multoque efficacius ad seriâ emendationem conteri peccatores, revocatis ob oculos velut sub unum aspectum totius vitæ delictis: unde fiebat, ut non modò plerique, sed frequenter omnes ubi prædicabat incolæ, totaque Cœnobita recensitis totius vitæ peccatis conscientias emacularent. In quo genere mira illi sæpius evenêre. Fuit alicubi persona pietati & sanctis operibus addictissima, communiter omnibus ut sancta existimata, quæ audito Patre supplex illi facta, divinitus eò sui causâ missum asseruit, ut se omnium hominum scelestissimam orco eriperet, quod per 30. annos peccatum in sacro tribunali ex verecundia tacuisset. Incre-



credibile id Patri videbatur, quæsitque (ut tantò expeditior Confessio fieret) quòdnam id peccatum foret? blasphema, inquit, in DEUM cogitatio semel menti incidit, obstinatissimè inhærens, ut ab ea diu expedire me non possem; ergo, subjicit Pater, displicuerit tibi, & invitæ reluctantiq̃ue molesta fuerit? imò, reponit illa, quàm maximè, nec ullum tormenti genus est, quod non præoptâssem, ut eâ me eriperem. Atque hoc idem se expertum plus quàm in 300. personis annotavit ipse, dum non peccata pro peccatis erroneè reputantes, sacrilegè reticuerunt, beneficio generalis exomologesis adjuti. Et videbatur illum DEUS ad ejusmodi sacrilegos juvandos subinde etiam prodigiosè destinare. Proficiscenti aliquando ad certum locum, Missionis ibi statuendæ causâ, obvius factus Adolescens Venatoris habitu quæsit, quò iter institueret? nominanti terminum, non ibi sistendum, ait, sed ultrà ad proximè occursurum pagum pergendum est, ubi persona morti proxima opus habet tuâ præsentia. Et licèt Patri consilium parum pensi habenti fixum esset non ultra locum præfixum progredi, tamen quasi incogitans & immemor termini, ad pagum iter produxit: statimq̃ue monitus esse quendam ex morbo ad extrema deductum, eum invisit, paulò ante peractâ confessione Sacro Viatico jam provisum. Inter pia solatia & actus virtutum illi suggestos, divino planè instinctu monuit, an nullius peccati in Confessione celati conscius esset, aliter enim ultimò recepta Sacramenta nihil profutura. Et cum negaret ullius se conscius, digressus abibat: cum brevissimâ morâ revocatum, Angelum salutis suæ à DEO submissum æger appellat, ut qui per 33. annos verecundo silentio peccata quædam in Confessione reticendo, sacrilegè toties Evcharistiam sumpserit. Ergo bene prolixâ tot annorum & Confessionum retractatione expiatus, & pane cælesti refectus, velut huc unicè à DEO servaretur, brevè è vita dimissus est: ut Pater jam nihil dubitaret in viatore Adolescente Angelum latuisse, huc venire jubentem. In quadam Missionem magno ardore ponderabat Pater ex pulpito malitiam culpæ lethalis, & pœnarum Inferni quas mereretur acerbiter, tantâ duorum consternatione, & de venia scelerum suorum consequenda desperatione indè conceptâ, ut instar arreptitiorum è loco se proripuerint ad rupem vicinam, quò vitam præcipitio abrumperent. Sed non est passa DEI Mater, quæ plures sæ-

*Societas Europæa.*

piùs peccatores ad eum expiandos direxerat, ut salutaris ejus dictio ipsis esset in ruinam: nam in montis ascensu illis obvia scelus dissuasit, & ad Patrem veniâ impertiendos redire jussit. Eadem visibili pariter formâ comparens homini peccatorum suorum conscientia ad desperata consilia redacto, *vade ad talem locum*, jussit, *ubi obvium habebis Patrem è Societate Filij mei JESU; illi peccata confitere, & remedium tuorum malorum invenies.* Erat autem locus, quem Pater id temporis percolebat. Venit & obvium nactus Lopezium quærit, sitne ex JESU Societate? nunquam enim vel de nomine illi innotuerat, dari aliquam hujus appellationis Religionem: & audiens esse de Societate, retulit à quo missus veniret, multisq̃ue lachrymis peccata confessus, plenus solatij discessit. Mulier quædam ex filij morte afflictissima, ante imaginem B. Virginis multis lachrymis hanc deplorabat; illam Diva ex ipsa imagine allocuta, *præstaret magis*, inquit, *ut crimina tua deseres, & Sacerdoti aperires quæ tanto tempore sacrilego pudore Confessarios celasti.* Et venit hoc ipso tempore Missionem eò loci indicturus P. Lopez, cui mulier legitimè confessa monitum DEIPARÆ implevit. Frequens etiam illi erat in Concionis ingressu explanare unum è præceptis divinis: acciditq̃ue ut aliquando septimum explicando diceret: *ô insipiens peccator, nonne experieris te quantò magis sumaris, tantò fieri egentiorum?* Quo dicto perstrictum se aliquis sentiens Patrem convenit, fassus id prorsus evenire sibi; cæpi enim, ajebat, extremâ egestate pressus in vino, quod proprijs humeris in modico vase defererebam, negotiari; & quò auctiùs fieret lucrum, aquâ ex torrente, qui semper transeundus erat, liberaliter diluebam. Sensim hâc arte profeci, ut jumento, & mox insuper mulo coëmendo, ad majora vini deferenda onera pecunia suffecerit, pari semper fraude ex eodem torrente vitiata: donec aliquando hic aquis repentè in tantum excrevit, ut jumentum utrumque, dum à me desiderio properi lucri in torrentem nihilominus agitur, in undas eversum unâ cum vino hausert, meque unâ in graviolem primâ egestatem præcipitavit, qui hodie panem ostiatim corrogare adigor. Atque hæc eâ pœnitudine Patri retulit, ut etiam è pulpito, pluribus ejusdem farinæ emendandis, vulgari petierit. Quàm efficax autem fuerit conciliandis inimicis, & extirpandis capitalibus odijs, patuit in homine vitæ adversarij diu insidiante. Resci-

O o o o o

ens



ens itaque hunc suscepisse iter, unde necessariò transeunda reduci erat obscura silva, senis armatus sclopulis locum petit: cum illi occurrunt pastores aliquot, & alij super alios cumulativè sequaces agrestes, ad pagum nemori vicinum alacriter, tametsi de nocte properantes, quòd jam signum habendæ concioni à P. Lopez, ubi ab aliquot diebus labores suos exercebat, campana dedisset. Miratus iter tantâ alacritate urgentium petit, quâ causâ tempore intempestivo viam & longam & incommodam susciperent? *ut dicentem audiamus, respondent, & à peccatis conscientiam exonereemus, pollet enim Apostolicâ à quibusvis absolvendi cum Jubilei indulgentijs potestate.* Tantâ hæc verba pastorum in animum hominis penetrandi vim cælitus habuere, ut socium illis se se adjunxerit: sed insuetus longo itineri cum viribus & animo brevi deficeret, implorato DE IPARÆ auxilio robustior illud absolvit: audiitque ultimam solum Concionis partem, quæ erat de extremo judicio; & tamen verba ejus singula sagittæ sibi videbantur, ut impar earum ictibus ferendis totam Patri vitam ingenti pœnitentia recensuerit, alioqui per 26. annos, ob nunquam remissam inimicis offensam, sacrilegus & fictus pœnitens. Quin & arma omnia Patri reddidit, ut pecunia ex venditis accepta in egentes divideretur. Gemellum huic est, quod alteri evenit, dum hostem ex insidijs in nemore necaturus præstolatur. fortuitò enim an curiositate Ecclesiam in vicinia ingressus, Patrem istuc perorantem auscultavit, tantâ animi sui commotione, ut fixus DEUM sibi confestim plenè reconciliare, prius hostem ardentiore fervore quàm paulò antè furore inquisitum convenerit, ejusque pedibus accidens per CHRISTI JESU amorem & sanguinem veniam petierit, aut si reatum suum ulcisci magis vellet, nudatum pugionem ad sui necem obtulerit. Quo exemplo & hostem in amicissimum sui complexum excivit, & DEO lucratus est. Nec DEUS omisit multis etiam prodigiosis modis declarare, quantum sibi zelus hic Patris in extirpandis odijs placeret. Nobilis persona ab æmulo ignominiosè alapâ percussâ ita sui potens, ex memoria proximè auditæ Patris concionis, fuit, ut acceptam injuriam, quasi intulisset, deprecata remiserit. Sed domum reducem CHRISTUS Crucis trabe humeros oneratus gratulabundus excepit, quòd injuriam sui amore heroicè condonasset. Finem narrandi non invenirem, si solum hoc extirpari difficilli-

um viti genus pprosequer, cum vix aliquis dicentem audiverit, qui ad ponenda odia non fuisset emolitus. Ex quo facilis est ad alia vitia per eundem eliminata conjectura.

Ita autem hoc eripiendarum Orco animarum zelo ardebat, ut aliud neque mente vel sermone, neque manibus & quovis opere agitasse dici ex vero possit. Cum longâ tot annorum experienciâ comperisset id, quod etiam Sanctæ Teresiæ divinitus ostensum fuit, magnam partem Christianorum, damnari ob Confessiones sacrilegas & invalidas, partim doloris aut efficacis propositi, partim candoris in aperiendis integrè peccatis defectu, ita ut plurimos deprehenderit in ipso etiam mortis discrimine scelerato pudore victos, quamvis scirent jam jam Tartaro se addicendos, crimina reticuisse, & nova insuper sacrilegia sumpto Sacro Viatico & ultimâ unctione addidisse: quare non tantum quâvis ferè dictione abominabilem hanc insectabatur erubescientiam, sed scripto etiam persecutus est; edito libro (sub alterius tamen nomine, Patris Christophori de Vega, impresso) quem *Casus nros Confessionis* inscripsit, ad quos omnes malæ Confessionis causæ, effectus, & remedia facile reduci possent: qui mox in varias lingvas versus, & sæpius recusus, atque ob incredibiles inde secutos proventus in totas Indias propagatus, tantum boni operatus est, ut Pater Lopez ultimis in agone verbis unicum id voluerit suo nomine ab Archi-Episcopo Valenceno postulari, quòd dignaretur librum de novo typis jubere subjici. Similiter cum tot suis expeditionibus observasset supremam, locis præsertim minoribus, pagis & villis, Curatorum socordiâ rerum Fidei ignorantiam, catechesim in varia capita digestam evulgavit, ut quovis Dominico & festo die unum saltè populo à Parochis legeretur. Cum verò contigisset ante illius publicationem Patrem emori, ad extrema deductus supremo ardore ejus executionem adstantibus commendans dixit, *nihil sibi post animæ suæ salutem aquè in votis esse, quàm prælectionem illam catechesim apud Parochos in praxim deducti.* Planèque consecutus est, quando mox ab ejus morte à plurimis Episcopis & Prælati per suas Dioceses omnibus Curatis id demandatum fuit. Utque nullum hominum genus industriæ & culturæ suæ expers esset, instituebat Missiones cum suo Jubilæo non tantum ad Urbium incolas & pagorum in templis, sed seorsim ad Scholares in Academicis, ægros & pauperes in Xenodochijs,



vinctos in carceribus &c. spectabili ubique proventu, dum Valentia plures 500. studio si ejus monitis accensi, generales exomologeses instituere; 20. diversas Religiones amplexi, omnes ita moribus in melius mutati, ut novam faciem Universitas induisse videretur. Ipse primus Sanctum illud Exercitium eliciendi actus Contritionis, per Hispanias hodie usitatissimum non minus ac utilissimum, introduxit, quod illi *Missionem per vicos*, eo quod in compitis majorum Urbium & plateis, vel etiam in foro instituatur: ab ingenti autem durissima etiam pectora penetrandi efficacia, *assultum generale*, & *ultimam impressionem* vocant. Praxim illius P. Lopez hanc advenit, omnibusque in Missionibus aliquoties praticare est solitus. Intendentibus se primam nocte tenebris prodeunt e templo nostri aliquot plerumque lintheati, quorum primus campanula per intervalla pulsata vires incolas ad devotionem evocat (nam alter sexus nunquam interest) sequitur CHRISTI e Cruce pendentis grandius simulachrum, subinde a primis ex Nobilitate praelatum inter duos facigeros aut laternas; & post hoc ille, cui exercitij praticandi cura incumbit, ac denum populus actui contritionis eliciendo collectus, comitantibus non raro locorum Episcopis cum toto Capitulo, Prælati, Magistratibus Regijs & Urbicis, vel etiam longo flagellantium aut crucigerorum ordine. Præter campanulae sonum, alta & tristi voce interpolatim a Patre, per viam inclamantur brevissima quedam e Scriptura, de æternitate aut Novissimis, vel alia graves ad exterrandos peccatores sententia, dum ad locum Exercitio destinatum veniatur. Ibi omnes ante Crucifixum in genua provoluti monentur orare Pater & Ave, ad impetrandam in statu gratia mortem: ac tum confurgens Sacerdos efficacissima allocutione populum, quanto potest affectu disponit ad concipiendum intimum de peccatis dolorem: cujus paradigma communiter Patri Lopez usitatum lubet hic apponere.

*Reminiscere o Christiane tremendorum Redemptoris tui verborum, arcta via est qua ducit ad vitam, & pauci inveniunt eam, lata autem est qua ducit ad Infernum, & multi vadunt per illam: multi sunt vocati, pauci vero electi: si vis ad vitam ingredi, serva mandata: si nunquam peccare vis, recordare assidue judicij & inferni. Vita brevis, mors certa, bona incerta. Unicam habes animam, non plures, si hanc deperdas, ubi aliam invenies.*

*nies? age modo, quod egisse te in morte velles. Si quis es qui hæc audis lethalis peccati reus, sive illud sit consensus in faciam delectationem, sive odium proximi & vindicta cupido, sive imprecatio mali ex corde deliberata, sive falsum juramentum, sive injusta aliena rei detentio, sive peccatum in confessione celatum, sive inhonestas amicitia, aut quodvis aliud in DEI legem crimen, recollige te, & vide enorme salutis tue discrimen, erige animam tuam ad has voces & dicas: O anima mea ecce tu peccasti! jam Calum pro Inferno vendidisti, o quam stulta commutatio! Demonem pro CHRISTO elegisti, o quam mala electio! o cecitas! o demencia! o furor Christiani hominis! o imditio infanda! o injuria! Estne aliquid quod tanta nequitia possit conferri? redi in te ipsam o Anima mea, jam rea facta ut æternum ardeas in Inferno; jam securis ad radicem tuam posita est, omnis enim arbor qua non facit fructum bonum excidetur, & in ignem Inferni mittetur. Quomodo non expavescis? quomodo non horrore non contremiscis? quomodo non exardescis in amorem DEI, Salvatoris, Redemptoris Domini tui, tam boni, misericordis, qui non quarit mortem peccatoris, imò elegit mori pro illo in acerbissima Cruce, ut is viveret æternum in Cælo! O quoties Domine pulsasti ad ostium anime mee & ego te repuli! quot, quantisque beneficijs & bonis me prevenisti, & ego dorsum obverti! Agnosce o Christiane piissima viscera ineffabilis misericordie hujus Domini, dum toties a te offensus hodie nihilominus per vicos & plateas conquistum huc adduxit, ut remedium afferret. Attolle oculos o Anima mea ad JESUM Cruci affixum, & considera veniam ultro tibi offerentem, brachiis expansis ad amplexum, in cor ipsum apertum invitantem, te rogantem, & misericordiam per tot ora, quot in corpore hiant vulnere promittentem. Neque aliud exigit ut misereatur tui, nisi ut sincero corde de commissis doleas, & firmiter ad illam non reverti constituas. Vis o anima mea restitui Cælo, quod amisisti peccando? obstupesce bonitatem DEI, pro uno sincera Contritionis Actu id tibi offerentis! ne spernas hodie offerentem, fors alias penitentia tempus non daturum; advolvere ejus pedibus, pete ex corde veniam, cum firma spe de illius bonitate infinita, cui tanti constitisti, quanti sanguis ejus valuit; faciet enim quod minus est, ut jam redempto peccata condonet, teque salvet. Eja ergo dicamus omnes ex toto corde, ex tota anima, & toto affectu nostro in terram prostrati. Arque hic prælegebat orationem elicientibus Actum perfectæ Contritionis*



nis ad CHRISTUM Crucifixum, cujus devotissimæ passim habentur formulæ.

Multa fuere Patri superanda obstacula, & contradictiones Virorum in utroque statu, etiam prudentiâ & virtute maximè conspicuorum, ex eo præcipuè, quòd devotioni ex ipsa novitate exoticæ nocturnum tempus deligeretur, aptissimum quidem ipso silentij & tenebrarum horrore ciendis affectibus, æquè tamen opportunum excitandis turbis, & varijs improborum conatibus. Sed evicit Patris zelus, primùm quidem experiundi tantùm successus causâ admissus: at ubi incredibiles prorsus & nunquam expectati fructus apparuere, summo assensu plurium Cardinalium, Episcoporum, & totius Aulæ Regniq̃ue Magnatum approbatus & expetitus est; & hodie in majoribus Urbibus ternæ, quaternæ & senæ ejusmodi supplicationes eadem nocte in diversa compita è templis nostris educuntur, actui Contritionis eliciendo: vix tamen ultra ternam aut quaternam vicem per annum, nè frequentatione hebetatus vim amittat, usurpari solet. Inter alios quàm plurimos communis ac veluti ordinarius effectus hunc *assultum* sequitur, expugnatio & ruina obstinatissimorum cordium: siquidem eodem ordine & ritu domum revertentes Patres majorem populi partem post se, nec raro totam concionem trahunt, sacramentaliter absque dilatione expiari flagitantium, quibus audiendis subinde totam noctem plures Sacerdotes distinentur. Sed & unicum per viam ingeminatum terrifico sono, quo intima etiam domorum pervadat penetralia, Scripturæ effatum, vel alia Fidei veritas improvisò audita, conscientias frequenter acutissimi teli instar configit, ut nullam quietem capiant, donec ad remedium Poenitentiae accurrant. Venerat cum socijs suis Pater Lopez ad certum locum, & Missionem cum privilegio Jubilæi promulgat: quæ risu & scelesto joco explodens apud domesticos inveteratus quidam malorum, sinè dubio, agebat, Patres isti agyræ circumforanei Comœdiam nobis recreandis jucundam ludent: sed jactent illi quantum volent Jubilæum pro bona morte, mihi certum est illos nunquam audire, qui optimè valeo, neque indulgentijs egeo. Sed audivit eos vel invitatus domi suæ, dum cubitum se disponit: quæ causa potissimùm Patri fuit actum Contritionis eò ritu inducendi, ut quàm plurimi dedignati totos annos Conciones adire, vel inviti cogerentur eam domi ex improvviso audire, quantò breviorẽ,

tantò efficaciorẽ. Pater enim nescio quo altiore, ut eventus docuit, impulsu, cum alias soleret ultimam hanc impressionem ad finem Missionis differre, tunc ad primam illico noctem constituit. Prodit ergo solito apparatu, lugubri spectaculo, tristi campanulæ tinnitu, vexillum Crucifixi Domini; cujus sono & intercalari clamore excitus flagitiosus ille ad fenestram accurrit, visurus quid hoc rei, nunquam eatenus sibi observatæ, sit; & contigit prorsus tunc ad ejus fores inclamari à Patri sententiam in hunc ferè latinum sermonem: *O peccator confitere, mors instat ab nimis verè! quod scelestè tacuisti, sic aeternum perijisti!* Velut fulmine ictus à fenestra miser resilit, quòd hoc in se ex vero dici sentiret, diùque frustra tristissimâ cogitatione se eripere conatus, faciendæ manè integræ Confessionis, quam ab annis 11. sacrilego certi criminis silentio mutilaverat, animum præparat, ac denique in lectum se ad quietem componit. Sed dum nullam capere potest, advertit uxor ex multa jactatione Viri secretam animi luctam, hortata ut se componeret & dormiret. Sed quâ dormiam, reponit ille, dum etiamnum inclamari mihi audio, *Confitere quod celsi; mors instat, sic perijisti!* quæ vox non potuit esse Patrum, erat enim jam tempus mediæ noctis, & ipsi domum reversi tunc quieturi decubuerant. Ergo impos ultra ferre conscientiae stimulos lecto se proripit, hospitium Lopezij petit, fores pulsar, neque hospiti quietem Patrum turbare deprecanti acquiescit; dum strepitu excitatus Pater accurrit, & blandissimè exceptum introducit, generali Confessione tot sacrilegia bene prolixè tractantem audit, & gaudio Cælesti exultantem dimittit. Infinitâ profectò miseri felicitate, & Patris maximo ex divina providentia solatio, ubi intellexit 10. horarum à Confessione spatio apoplectico ictu vitâ decessisse. Idem penitus evenit obstinato per annos 11. Concupinario, dum in lecto transeuntis sub fenestras Crucifixi sonum cum pellice audit: nam ambo mirum quantum externati ad fenestrâ in genua proruunt, ejuratòque omni commercio primo manè Patri se expiandos sistunt. Innumera sunt hujus generis à quavis specie criminum, solo hoc pietatis exercitio vindicatorum exempla: quale est & illud hominis in necem Conjugis adulteræ & adulteri planè jurati, cui ipsâ nocte designatæ cædis obviis in platea cum Crucifixo tristis processus, auditæque sententia, *Qui condonat inimico, DEUM habet pro amico;* ita viscera omnia



omnia penetravit, ut in vestigio resistens, publicâ contestatione crimen utrique remiserit.

Redeo ad Missionum Patris labores & lucra. Cardinalis Augustinus Espinola Episcopus Tortosæ in Regno Catalauniæ, postea Archi-Episcopus Hispalis, quinque mensium visitatione Diæcesim suam perlustravit, præmissis semper aliquot diebus cum tribus socijs P. Lopez, habendæ in singulis inspiciendis locis Missioni; sub cujus finem sequebatur ipse, suâ manu in Generali Communione SS. Evcharistiâ impertiens; eò animæ suæ solatio, quod ex reformatione morum in suis Diæcesanis capiebat, ut nullum finem faceret laudandi & commendandi Missionum Institutum: quod ejus exemplo plurimi deinceps Episcopi in suis territorijs à Patre exerceri voluerunt. Quod tanto hominum fiebat ex omni vicinia accursu, ut nulla templa multitudinem caperent, sed in campis aut amplioribus foris concionem fieri oporteret. Fuit homo in Regno Catalauniæ eò nequitiae progressus, ut desperatâ enormium scelerum apud Deum veniâ, in Deum ipsum infernali rabie insurgeret, & Christum in sua Crucifixi statua, quod se redimere nolisset, igne cremaret. Sed hæc è flammis in altum exiliens mox disparuit, nullâ aliâ ipsum secutâ poenâ, nisi quod deinceps nunquam Sacram Hostiam, etiam dum in Missâ à Sacerdote in altum levata populo ostenderetur, conspiciere ipsi licuerit. Sed neque id suffecit homini reducendo; quin etiam crescente malitiâ laboravit omni studio Missionem eò loci indictam impedire, gravibus in Patrem Lopez jactatis calumnijs & criminatationibus, quibus cum nihil proficeret, pertinaciter ejus conciones refugere perrexit: donec mero humano respectu adactus, quod metueret se notandum, si omnibus ad audiendum affluentibus ipse solus semper abesset, semel tandem comparuit. Erat autem dicentis thema infinita DEI misericordia & bonitas, quæ nullâ scelerum atrocitate superari posset, imò ferè major & profusior in eos, qui gravioribus onerati essent. Fracta est hoc sermone scelesti pertinacia, & ingenti contritione recensitis apud P. Lopez peccatis expiatus, poenâ à DEO exemptus est, & gratiam videndæ semper deinceps Sanctæ Hostiæ recepit. Anno 1640. in communi illa per Regnum Catalauniæ rebellionem, quâ etiam Barcinone Comes de Sancta Coloma Pro-Rex à seditiosis interijt, contagione Tortosam, ubi id temporis Pater Apo-

stolico munere distinebatur, propagatâ, concitati in eandem rebellionem Cives, duos fidelissimos Regis Ministros, Joannem & Hyacinthum de Mirabal, in suis ædibus obsessos ad necem deposcebant; sed quia portam repagulis firmiter contra omnem vim obsessatam reperere, grandem pulverum saccum illi evertendæ supposuerunt. Tumultum ubi rescijt P. Lopez, sumptâ secum in sacra pyxide Evcharistiâ ad locum per medios seditiosos accurrit, & super ipso incendiario sacco consistens vehementi & acerbissimâ oratione in furias illorum invecus, perque eum quem manu gestabat conjurans, facinus exprobravit: pergerent porro rabientem suam innocentem sanguine explere, & pulveri subjecto faces immittere, DEUM & Redemptorem suum incendio abolituri; scirent enim loco se non movendum, nisi in auras cum DEI & MARIÆ filio ejectum. Viderent tamen quantum dedecus Urbi clarissimæ, Patrocinio Matris DEI specialiter subjectæ, quantum Nomini Hispano coram toto Orbe Christiano inurerent, habendos enim nequaquam pro Catholicis, sed infidelibus & Sacramentarijs hæreticis. Hæc & id genus plura tonantem potius quàm dicentem furiosi ita audierunt, ut consternati nec violentiæ aliquid inferrent, neque tamen pacifici discederent; quos Pater eousque iteratis exprobrationibus, & ingesto ob oculos identidem sacratissimo CHRISTI Corpore detinuit, donec Pater Hyacinthus Piquer obsessum utrumque, cum familiaribus & domesticis omnibus per posticum eductos, loco securo statuisset: tum enim admonitus Pater & ipse gloriosus Victor domum repetijt. Frequens etiam illi fuit in medio concionis cursu illam repentinè abrumpere (quoties nempe DEUS inspiraret, aut internus dictaret impulsus) peteréque unum Patrem vel Ave dici ab Auditorio, modò quidem pro aliquo ex præsentibus in sceleribus obdurato, qui tamen poenitere nollet: modò pro quodam alienis amoribus implicito, cui mors propinqua nisi resipiscat immineret, im-poenitentem abreptura, & sic de alijs: acciditque ut nunquam in vanum id fieret, quin ut plurimum mox à Concione sistebat se illi aliquis ejusmodi ad poenitentiae tribunal, qui eum se fateretur, pro quo suffragia precum petita sunt. Vix tamen aliud æquè tragicum illi evenit, quàm casus funestus Viri cum muliercula perditè conviventis, tantâ sceleratæ consuetudinis perviciâ, ut juratâ fide condixerint nuquam ab invicem,



nisi Inferno consortium dirimente, divelli: mutuoque sponderint ( nè alterutrius pœnitentiâ etiam in agone commercium rumpetur ) qui prior decederet, sinè confessione moriturum, æternis mactandum supplicijs; superstiti autem liberum fore ad DEUM converti, ut æternam salutem consequeretur. Ut scelerato fœdere conditum, ita iusto DEI iudicio factum. Quodam vespere à cœna auram & colloquia captaturi fenestram accedunt, & leno prior pellicem affatus, *Amica*, inquit, *tanto jam tempore unâ convivimus, jam nihil nos sejunget, nisi mors & sepulchrum.* Vixque hæc effatus, horribili edito rugitu in terram ruens, ah, ah, ah, exclamat, simulq; animam in Dæmonis manus exhalat. Consternata suprâ quàm dicipotes mulier ad Patrem accurrit, & num salutis spēs adhuc habere possit, rogat? erectâque animo in DEI infinitam misericordiam, exactissimâ confessione institutâ etiam alteram feliciorē, ut spes est, conventionis partem implevit.

Tantam fructuum ex animabus collectorum ubertatem, & inde parta solatia, temperabant variæ adversitates, contradictiones, & laboribus suis opposita impedimenta, à quibus maximè juvari oportuisset. In pluribus locis ab instituenda Missione per Curatos impeditus, alibi rejectus, nec rarò convitijs etiam affectus, vel negato ab incolis reficiendo corpori necessario subsidio contemptus fuit, licet nullò absque auctoritate & decretis Episcopalibus accederet. Accedenti certam Castiliæ Urbem collocuta persona raræ sanctitatis, & visionibus cælestibus clara, forti animo esse iussit: visos enim sibi fuisse innumeros Dæmones velut ad comitia celebranda in teterrimum specum concurrentes, varia in medium proferentes, quibus Missio instituenda turbari, aut saltè progressus impediri possent. Et quidem inter eos observâsse etiam quendam è statu Ecclesiastico consilia dantem & capientem: quem quia deinceps in laborum decursu maximum isthic Pater expertus est adversarium, planè credidit visionem veram fuisse. Sed quantò graviora undique Patri ponebantur obstacula & majores cumulabantur injuriæ, tantò uberior fuit animarum seges, prorsus ut eadem persona prædixerat; ut testaretur Pater se nuspiam alibi copiosiorē eatenus collegisse. Alibi in numero Castiliæ oppido totos 20. dies cum socijs frustra jam contriverat, quòd nemo Ecclesiam adire, minus Concioni adesse, vel Sacramenta lucrando Jubilæo accedere vellet; ipsi adeò

pueri nullis præmijs aut blanditijs ad Cathesim pellici possent. Accedebat crudelis ipsius eleemosynæ paritas, ut toto eo tempore ostiatim singuli mendicando, præter rejectitium panem nihil obsonij corrogarent, quo solo constanter victitantes, tridno Natalis Domini pauculas insuper vilissimas herbas collegere, & aquâ decoctas in delicijs habuere. Indè P. Lopez, sed maximè dolore frustrati omnis laboris, & tantâ incolarum perviciâ, in gravem morbum incidit: cui pellendo ut à Medico præscriptam solveret medicinam, debuit Pharmacopolæ Breviarium in pignus offerre. Sed patuit tandem obstinationis causâ auctoresque, penes quos Templi & Parochiæ erat procuratio, qui anno priore in Visitatione Episcopali de varijs reprehensi, mulctati, castigatiq; Oppidanis persvaserant Patres exploratum eò Missionis prætextu venisse, qualiter à Visitatore ordinata servarentur. Accessit nebulo quispiam peregrini habitu ( dæmonem ipsum fuisse postea credidè Cives melius edocti ) qui domos singulas his ipsis diebus percurans, atrocissima quæque contra Patres commenta, quasi eâ solâ causâ venisset, evulgabat. Itaque observatâ Patrum tam longanimi patientiâ Cives, & testimonio totius Nosocomij, ubi hospitium fixerant, decorum virtutibus firmati, mutatâ rerum facie Patres habuere ut Angelos à DEO missos: & repetitâ ex integro Missione vix ullus repertus est, qui Jubilæi expers manere vellet; auditæque sunt præter millenas aliàs, solæ generales exomologeses quingentæ. Prædicaverat aliquo in loco ardentius Pater contra vitium carnis, speciatim detestatus Concubinos; quorum aliquis interpretatus se perstrictum, vindicare existimatam injuriam constituit, cum Pater in genere solùm damnato vitio, nihil quod aliquem in particulari attingeret, dixerit. Itaque diu conquisito, ubi orantem horas Canonicas in diversorio suo Hospitali deprehendit liberalem colaphum infregit: Patrique etiam ad alapas utramque maxillam offerenti, furibundus recessit cum dicto, hoc habes, quia me palàm ex pulpito traduxisti. Sed gravius alibi ab ejusdem farinae homine impetitus fuit, quòd pellicem ipsi suis concionibus & consilijs abstraxisset, quam varijs artibus ad amores pristinos frustra reducere conatus, furore in auctorem consilij Patrem converso, venenum illi tollendo miscuit, quo orbem mensalem per subornatum famulum pransuro intoxicari fecit. Cujus

tant



ram rabida vis fuit & pestis, ut Pater receptum in viscera virus illico sentiret, & lethalibus paroxysmis experiretur. Frustraque fuit & serum, ipsum herum veneni auctorem ad Hospitale accurrisse, ut atrox facinus, pœnitundine tactus, jam peractum revocaret: nisi Pater ad DEUM in hoc discrimine recurrisset. Facto enim voto certa suffragia, pœnas, flagellationes, & id genus alia in subsidium animarum Purgatorii peragendi, toxicum omne unâ cum cibo confestim eiecit, plenæ simul valetudini & viribus, citra ullum aliud pharmacum restitutus. Nescio tamen an non gravissima omnium plaga fuerit, quam passus est à delatore (licet id fortè bonâ acciderit intentione) aliquot propositionum ab se in Quadragesimæ Concionibus alicubi prolatarum, ad tribunal S. Inquisitionis. Nam licet secretissimo judicio examinatæ nihil Fidei orthodoxæ repugnans continere pronunciata sint: Pater nihilominus durante judicio, usque ad ferendam sententiam jussus est intrâ parietes cujusdam Collegij, velut in libera custodia se continere: nè verbo unquam ea de re, vel existimationis ad munus Prædicatoris adeo necessariae indè jacturâ questus; solum dolens tempus sibi illud deperire ad prosequendum Apostolicos labores: ad quos, honorificè declaratus omnis doctrinæ suspectæ purus, eadem alacritate & promptitudine se retulit, perinde ac si nihil earum causâ passus foret. Non tamen semper impunis apud DEUM ejus, vel Missionum adversariis abiit temeritas, quin plerique gravissimis casibus & pœnis eam luerent. Ecclesiastes aliquis palam è pulpito non sinè Auditorij scandalo, zelum illius & conciones traduxerat, cum mox ijs ipsis diebus gravissimo casu oppressus est, ex quo de fama & nominis integritate periclitabatur. Sed quod ipso casu gravius premebat, erat, quòd nullum medium aut via suppeteret evadendi discriminis, nisi per interventionem Patris Lopezij, à se tam graviter & iniquè læsi. Coactus tamen est & injuriam illatam deprecari, & patrociniū implorare; eâ facilitate ab ipso oblatum, & efficacius interpositum, ut neque amicorum intimo præstari majus potuisset. Non æquè cessit alibi Pagi cujusdam Administratori, obstinatè Missionem ibi statui impediēti: nam subito aliquo malo ita prostratus est, ut dimidiæ horæ spatio extinctus, liberum morte suâ aditum Patri reddiderit. Alibi Curatus eadem quâ Patrem à se & Missionem exclusit horâ, in ipso exoneraudæ naturæ se-

cessu, ut alter Arius animam eiecit. Tòrque ejusmodi Adversarios tragicæ consecutæ sunt pœnæ, ut annotatum reliquerit P. Lopez, si omnes scriberentur, integrum volumen confecturos.

Haftenus recensitæ Missiones magnam partem per Catalauniæ duntaxat Regnum accidere. Nunc cursim duntaxat perstringemus, si quæ à prioribus diversa & nova in alijs Regnis illi evenerunt, nihil referendo de similibus, & ejusdem generis seu effectibus seu prodigijs, nè in volumen excrescat compendium. Regnum Aragoniæ laboribus suis exculturus, initium fecit à montibus Pireneis, tanquam culturæ magis indigis, & ob pagorum exilitatem, distantiam, viarum difficultatem & incolarum paupertatem, minùs per Curatos provisus. Ibi ad extirpandam in rudissima plebe jurandi imprecandique consuetudinem (quod deinde per omnes pagos illi solenne fuit) in singulis casis inscriptam statuebat rythmo vernaculo sententiam ex ver. 23. Eccl. *Ubi liberè juratur, nunquam DEUS diversatur, Dæmon illic hospitatur.* Alibi verò alias, prout maximè deprehendebat quolibet loco vitium aliquod vigere. In Urbe Alcañiz maxima per obstacula effecit, ut domus infamis receptaculum prostituerum eliminaretur. In Castro Monzon vatem egisse creditus est, minatus illi in quadam dictione, *Monzon, Monzon, nisi cesses à peccatis, ut places iram DEI, domus tue prosternentur in terram, & templum vertetur in stabulum equorum!* Utrumque non longè pòst evenit, quando locus ab hostili Gallorum exercitu Anno 1642. occupatus, amplius anno sub eorum potestate remansit. Saragozæ principe Regni Urbe inter alia incredibilia animarum lucra, per Missionis tempus sex hebdomadis exceptæ solæ Confessiones generales supra 12000. De cujus Missionis successu, ob multorum duritiem, anxia persona DEO singulariter conjuncta, dum eum ardenti oratione commendaret, comparens ei Dominus securam esse jussit: fore enim majorem fructum quàm ipsa credere possit, præterque alios in justis promovendos, decem millia peccatorum & hostium suorum conversum iri, in suam gratiam recipiendos, quorum 500. nunquam deinceps sint illam per lethale peccatum amissuri. Hospitio exceptus in transitu ad vicinam Urbem à Viris Religiosis in suo prædio, ipso vespere habito sermone ad familiam omnēque domesticos, manè sequenti universos expiavit, & Pane Angelico refecit: datòque  
viæ



vix duce & comite iter ad Urbem resumpsit. Jamque non procul ab Urbe distabant, cum Pater oraturus divinum Officium comitem rediturum dimittit, & ab oratione viam prosecutus dum in Urbem se tendere credit, post longam ambulationem prædio eidem vicinum se deprehendit. Ex quo illicò collegit, speciali aliquâ DEI providentiâ eò se remissum. Ergo ardentiore sub vesperam denovo habito sermone, primo manè pœnitentem quendam pedibus suis advolutum habuit, toto septennio Sacramentorum expertem, æternum periturum, nisi ipse redivisset. Mox enim à peracta Confessione maligno æstu obrutus, ex illius violentia, adstite semper ad lectulum Patre, triduo decessit. Ex Aragonia in Regnum Valentia transgressus, pares superioribus ubique progressus habuit. Singularis tamen fuit eventus conciliatæ pacis inter incolas Castri Bocayrente, capitaliter invicem dissidentes, ut neque ulli civium securè licuerit ingruentibus tenebris per compita ingredi; & Pater ab amicis monitus sit, frustraneum fore omnem istic laborem, nec si adusque extremum Judicij diem illis prædicaret, quidquam profecturum. At ille multis pœnitentij & precibus DEUM primò illis conciliare studens, Sanctum Stephanum hostium suorum amantissimum in Patronum Missionis delegit: primisque sermonibus, nè animos ab audiendo averteret, dissimulatâ omni hostilitatum mentione, quintâ demum concione blandissimè demonstravit, quanta laus & felicitas Urbis & loci cujusque sita esset in Civium concordia, quam ipse unicè optaret etiam ibi, Castro per totam Hispaniam adeò celebri, integrari. Sed quia frustra ad id esset omnis humanus conatus, electum esse ab se huic rei perficiendæ Mediatorem Sanctum Stephanum, grandem illum injuriarum condonatorem: planèque sperare desideratum eventum, si Ara ipsi in templo tanquam Pacis conciliatori statueretur: pro qua colligendis sumptibus adstituram Templi foribus quotidie nobilem & devotam personam, quæ se ad id sponte obtulerat. Rogare proinde, ut esse velint Eleemosynarij liberales. Aderat concioni Vir nobilis & potens inter suos, unus è præcipuis factionis capitibus, hic peculiari DEI instinctu motus, ultro Patri sumptum omnem in aram obtulit; sed quia illius structura longius requirebat tempus, rogavit Pater, ut vellet dispicere, annon alicubi in oppido haberetur imago S. Stephani, interim super extempo-

aneo Altari, durante Missione, quasi ad capiendam possessionem collocanda. Fecit is sanè accuratè; paulòque post retulit talem haberi apud Nobilem alium, caput & ducem contrariæ factionis. Miram DEI providentiam, in hoc personarum capitaliter invicem dissidentium, ad ejusdem Ara Sancti Stephani erectionem combinatione veneratus Pater, possessorem Imaginis accedit, sanctumque æmuli propositum de construendo Altari referens, rogat si interim Sancti effigiem publico cultui pro Ara exponendam commodare velit. Cùmque is annueret pronissimè, redit ad alterum, & narrat possessorem in Iconis commodationem assensisse, neque requiri aliud, quàm ut ipse Ara fundator hanc ab illo levaret. Nihil iste moratus, & DEO sic agente omnis hostilitatis immemor, ædes inimicas adit, & piam intentionem suam repetens, eandem Iconem exquisitâ humanitate concedi petit. Annuit ille majore quàm postulabatur urbanitate, totam domum suam ad ejus obsequia patere contestatus: cùmque effigiem à muro depositam Nobilis ipse qui exoraverat, devotionis causâ, ad templum deferre vellet, obstitit alter, & à famulo delatam unâ uterque piè secuti sunt; maximo Civium stupore & ædificatione, dum concorditer amantèrque inter se agentes progredi viderent, qui ante hac nec conspectum mutuum ferebant. Patentissimo S. Stephani prodigio invicem concordēs facti, dum neque conciliari inter se advertunt vel intendunt, uterque tamen interim suis manibus ejus imagini in Aram levandæ operam conjungunt. Eo successu incredibili gestiens gaudio Pater, reliquos omnes factionum primipilos primùm seorsim singulos accessit, dum pro se quisque privatim in pacem inclinaretur: mox ardentissimâ oratione in Templum simul collectos 30. circiter allocutus ( ut Socius testaretur Sanctum Paulum in eo sibi visum fuisse loquentem ) ubi denique expugnavit, extortâ ab ijs promissione ut se loco non moverent, neque quod acturus erat impeditum irent, singulorum pedibus advolutus eos osculatus est; dignos pronuncians Viros tam nobiles & honoratos exactu adeò heroico esse, ut omnium osculis pedes eorum basarentur. Quo Patri exemplo & ipsi invicem ad genua mutuo provoluti veniam precabantur, & mox in complexum ruentes pacem & amicitiam sanciebant. Cujus stabilitati provisurus Pater, ad Aram Sanctissimæ Virginis deductos voluit



luit singulos attractu altaris illam in testem remissarum in perpetuum offensarum vocare. Atque tunc primum apertis valvis aditus incolis omnibus patuit; & pax promulgata: atque die sequenti accessu communi omnium ad eandem Evcharisticam mensam confirmata, & hymno Ambrosiano conclusa. In civitate Segorba tanta omnium Ordinum è Concionibus Patris secuta est pœnitentia, ut supplicationibus pluribus pœnitentium institutis, alij flagellis sævirent in corpus, alij spinis coronati, ferro alij catenisque graves, nudis pedibus, nemo utriusque sexûs absque aliquo asperitatis exercitio & signo incederent, neque aliud quidlibet nisi gemitus, suspiria, fletus audiretur. Et in ipsa Regni Metropoli Valencia, senis per varia ejus loca institutis Missionibus, præter consuetam ubique vitiiorum & morum reformationem, pervasit omnes profanas & minus honestas picturas in ædium frontibus deleri. Ad extirpandam verò pessimam ibi jurandi consuetudinem pueros induxit, ut quoties aliquem jurare audirent, delicti commonefacerent, & si pœnam subeundam non persuaderent, terram ipsi procumbentes oscularentur, itaque reum de temeritate confunderent. Quod illi animosè deinceps, etiam finitâ Missionem, sanctâ quadam præstabant imprudentiâ, humoque deosculatâ prævaricatorem clamosè admonebant; *juravit, ergo osculetur terram, sicut Pater pro concione mandavit.*

Indè mari trajecit in Insulam & Regnum Majoricæ, nihil se absterri passus amicorum dehortationibus ex periculis novæ, quam expertus jam fuerat à Mauris Algierensibus, captivitatis; imò eam sibi in votis esse professus, quia plurimum captivis Christianis, quod in prima sclavitate Sacerdotij expers nequibat, prodesse posset. Post hanc in omnem partem Missionibus excultam, aliquoties tractum parabat in Ibizam, semper ob eadem magisq; vicina pericula impeditus: jamque semel de naulo cum Navarcho pactus clam discessurus erat, nisi is violatâ fide intempestâ nocte, insalutato Patre, solvisset: Deo saluti ejusdè manifestè ita providente, nam eò ipsò cursu navigium cum omnibus vectoribus in potestatem Maurorum devenit. Sed neque hoc deterritus, desiderio juvandi desertum maximè illic populum, tandem trajecit, & postquam omnes Ibizæ pagos castraque percurrisset, cum opportuna repetendæ Hispaniæ navis se offerret, maluit tantisper confirmando in bene. cæptis

*Societas Europæa.*

populo remanere; admirandâ iterum DEI circa illum se prodente curâ, siquidem & hoc navigium à pyratibus Mauris contigit intercipi. Tam copiosis utroque in loco collectis frugibus dives rediit Pater, ut eos primis per Hispaniam relatis accenseret. Nec desuere suæ obstinatis pœnæ. Erat quidam ab homicidijs & stupris notissimus, obstinatè conciones Patris & minas contemnens, non sinè multorum ejus exemplo pœnitentiam aspernantium scandalo; hic inter 20. suâ manu necatos etiam amicum suum, dum illi ejusque scorto lectum appararet, nequidquam Confessarij copiam flagitantem, confoderat. & ecce talionem illi DEUS reddidit, ut ab hoste in domo Amasiæ suæ deprehensus primo ictu occumberet, nec quidem spatio ad Sanctissimum JESU Nomen pronuncians indulto. Valuit id exemplum ad horrorem toti oppido incutiendum, ut deinceps saluti suæ prospecturi pronius consilia Patris admitterent. Transitu ad Regnum Navarræ factò, & urbibus ejus ac locis Missionum capacibus perculis, tantum collegit fructum, ut spem suam ipsius superarent: nam in computu suo annotavit, solas generales Confessiones exceptas 45000. & complures jam in articulo mortis versantium, qui scientes malebant S. Viatico & Extremâ unctione sacrilegè sumptâ ad Inferos detrudi, quàm de secretis peccatis apud Sacerdotem confundi. Stupendis adeò morum conversionibus per omnium ora totâ Hispaniâ sensim divulgatis, postulatus ultro est Pater Lopez in Regnum Castellæ, & quidem omnium primò ad Missionem Salmanticæ celebrandam: quam ibi in aliquot Urbis amplissimæ Parochijs, & in senis Monialium Ecclesijs repetitam, incredibili animarum proventu absolvit. Indè foras exiliens totum Regnum percurrit; tantique fiebant ad locum, ubi Missio fgebatur, undique ad lucrandum jubilæum accursus, ut in uno aliquando 60. pagorum populi comparuerint. Solenne illi etiam fuit inter dicendum, ubi jam populum ad affectus concitatum advertit, modò quidem simulachrum CHRISTI Crucifixi, modò figuram animæ damnatæ ad sumum horrorem expictæ, modò Calvariam defuncti repentè expromere, cum qua varia instituebat ad summam Auditorij commotionem colloquia, quærendo cujus caput fuisset? nobilis an plebeji? divitis an pauperis? Cæli an Tartari incolæ? & quid nunc illi omnes deliciæ prodesse? &c. responsaque similiter vice illius ad singula populo dabat; tantâ ple-

Ppppp



plerumque illius comploratione, gemitibus, rugitu, ut cogeretur concionem interrompere, dum tumultus resedisset. Denique rogatu Cardinalis Archi-Episcopi Toletani Balthasaris de Moscoso Madritum Urbem Regiam evocatus, pari successu tam illam, quam deinceps Alcalam excoluit, initio Missioni dato per exercitium Actus Contritionis. Fuitque sensus communis Confessoriorum Alcalæ, Virorumque doctrinâ, virtute & multâ experienciâ præstantium, plus ab illo 20. dierum spatio, quibus Missio duravit, boni in animabus profectum, quam omnes simul à 20. annis in vastissima Urbe Concionatores effecerint. Denique postremum ultimâ ætate à Patre Lopez excultum fuit Regnum Murcia, facto initio ab ejusdem nominis Metropoli Murcia; quæ duplici clade à DEO castigata, primò quidem pestilenti lue, intrâ breve tempus majorem Urbis partem depastâ; deinde immani exundatione fluminis Sigura, multis hominum præfocatis, & ruinatis ædibus: tertiam adhuc atrociorē superventuram formidabat. Nam personæ communi Urbis opinione sanctæ, & multis ex vero prædictionibus probatæ revelaverat DEUS, immissum iri ab se aliud diluvium, quod operiret omnia urbis tecta: neque aliter se placandum, nisi evocaretur Pater Lopez, ut ejus prædicatione Cives ad pœnitentiam & emendationem permoverentur. Hoc cum illa Confessario suo aperuisset, monendum is censuit ab se Pro-Episcopum (sede vacante) Franciscum Verden; hic verò continuo supplicibus datis ad Patrem, unâ cum Rectore Collegij Murcensis literis, evocandum statuit. Excusavit primùm Pater alibi actuali Missionē distentus, ob senium laboribus tot ferendis jam impar, cum in Urbe Alicante Quadragesimales sibi habendæ Conciones instarent; aliūque loco sui destinaturum promisit; cessit tamen intercessioni Episcopi Origvensis Ludovici Crespi, qui alternas in se per tempus Missionis conciones, sublevando P. Lopezio, susceperat. Venit igitur Murciam tum penitus, dum in comminatum diluvium flumen intumescere inciperet: eâ animorum conversione diætiones Patris consecutâ, ut pœnitentibus audiendis omnes Collegij Patres à primo manè usque ad seram noctem distinerentur. Neque parùm adjuvit fervor simul & profundissima animi demissio Episcopi Ludovici, qui alternis cum Patre Lopez dicebat: credidit enim plus auctoritatis concionibus suis accessurum, quam e-

xistimationi Episcopali decessurum, dum palam è pulpito protestatus est, *sermo, quem ex me auditis, inquit, totus integrè est Patris Hieronymi; nullo apice addito seu dempto; nè quidem uno jota: fixum enim mihi est dicere ipsiusmet verbis quibus credo suū à Deo inditum spiritum, prout abundè patescit ex tantis animarum lucris, per conciones ejus ubique reportatis.* Duabus Murcia in totidem Parochijs Missionibus absolutis, quinque insuper Virginum Cœnobijs eandem operam, uti & aliquot alijs per Regnum locis impendit.

Multas quidem adhuc alibi in Urbes & castra expolienda supremas senectæ vires exeruit, quæ ob similitudinem cum alijs nihil attinet referre, ut tandem fini prolixioris narrationis appropinquemus. Optabat ille quoties de morte in familiaribus colloquijs mentio incideret, non in lecto vel intrâ Collegium inter brachia & solatia Sociorum, sed in ipso æstu alicujus Missionis super exedra, vel in Nosocomio, aut ab omnibus derelictus in campo aliquo, vel sylva concidere: & quadamtenus consecutus est. Absolverat Missionis labores Pennarandæ & Villagarcia, cum intimo desiderio salutandi S. Jacobi Apostoli tactus, destinavit ad ejus sepulchrum peregrinatione institutâ, suam etiam operam ejus Civibus impertiri. Transientem per Villafrancam del Bierzo, tanquam Angelum Cælo lapsum excepere Socij, tota Civitas, & maximè Sanctimoniales Recolletæ, avidissimæ saltè unius exhortationis illius audiendæ. Sed cum negaret subsistere vel unum diem posse, ingens repentè decedens imber, quem precibus suis exorasse Religiosæ Virgines creditæ sunt, coëgit vel nolentem remanere. Igitur pijs earum nostrorumque votis, qui omnes dicturum unâ auscultaturi in Ecclesiam convenerant, vix sententiam Concionis thema protulerat, cum apoplectico malo ictus subsidere, planèque ruere cæpit: sed relatus in sella domum, & sensibus brevè redditus, sacrum Viaticum expetiit, à cujus sumptione, veluti efficacissimo pharmaco plenè revaluisse visus, dixit, casus hic minimè casu accidit, sed à DEO immisus est ad aliquorum prædestinatorum salutem, volente à me istic Missionem obiri: quam etiam paucis diebus auspicatus est. Interim Præpositus Provincialis Aragoniæ, cujus membrum erat P. Lopez, certior de hoc eventu redditus, peremptoriè illum Valenciam ad domum Professam revocavit, debitâ charitate & pharmacis emeritum se-



nem confovendum. Paruit is nullâ interpositâ morâ, & paucos ibi dies commoratus, repetito ictu dum cænæ in triclinio cum domesticis assideret, prosternitur: nihilominus efficaci Medicorum arte ita restitutus, ut sola virium remaneret debilitas. Porro aliquot ante recidivam diebus, ingenti mœrore, tristitiâ, & conscientiae angoribus obrutus, nullum reperiebat in Oratione, licet eam tunc maximè produceret, solatium: unicum refugium erat, quo animum horrore Judicii Divini prostratum in salutis spem erigebat, labores pro animarum salute per 39. annos constanter exantlati. Redeuntibus subinde in vigorem ita viribus, ut omnibus plenè sanus crederetur, parabat Pampelonam Caput Regni Navarrae expeditionem Apostolicam instituere: quando tertium apoplectico insultu 30. Januarij anni 1658. ita impetitus est, ut paucis horis moriturum Medici sentirent. Vixit tamen insuper tri-duo, ut sacro Viatico & oleo ad supremam luctam parari valuerit: die demum secundâ Febr. extinctus Purificatae Virgini sacro, cui semper erat devotissimus, anno ætatis 69. Corpus defuncti non est passa Civitas ritu duntaxat Societati consveto tumulari, sed in maximo Urbis totius, Magistratuum, Prælatorum, Ecclesiasticorum, & Religiosorum accursu, elatum funus est humeris primorum ex Nobilitate Sodalitij Beatæ Virginis Domûs Professæ: & frustra renitentibus nostris delatum publicâ plateâ, majore pietate quàm consilio. Omnis enim populi multitudo, pars inspiciendi aut deosculandi venerandive corporis studio, pars actu ejusdem veluti consecrandi Rosaria, aut auferendi vestium segmenta, impetu in feretrum facto, primùm portitores sistere, tum omni præcluso exitu idem humi deponere coëgit; ubi jam nullâ vi cum arceri possent, totus apparatus & vestes, quæ indutus erat, in piam prædam celsere, corpore omnino denudato relicto. Nec superfuit quod ex ejus utensilibus Venerabili Collegio PP. Orationis ad piam venerationem postulanti donari posset, præter vetustum thoracem, 31. annorum usu penitus detritum, sed vel ideo in maximo thesauro ipsis computatum. Sed & Segobia Cathedrali Capitulo quidpiam ex ejus rebus in memoriam flagitanti, non superfuit nisi unus calceus; ita omnia ab innumeris ex omni statu Competitoribus seu direpta seu præcibus extorta sunt, usque ad fragmenta chartarum, & rejecticia scruta; miris postea effectibus & beneficijs à DEO honorata. Sed & capilli

*Societas Europæa.*

ubivis Missionum ipsi aliquando detonsi, magno in pretio ab ejus obitu & veneratione fuere; quorum aliquid nacta Marchionissa de Villagarzia, tanquam pretiosum cimelion asservabat. Et Decanus Cathedralis Ecclesiæ Segobienensis scripto testatus est, uno detriti ejus calcei frusto piè in ægritudine sibi applicito, illico sanitatem recepisse. Videri autem possent hæc egentissimæ ipsius suppellectilis spolia virtutem quandam hausisse ab incredibili ejus Paupertatis studio, siquidem totos 13. annos ipsdem calceis peregrinatus est, ipse sibi futor & sartor, silacerum quid refarciendum foret. Pileum longissimo usu informiter pendulum, detritum, ut nec colorem amplius retineret, sæpius rogatus ut saltè religiosi decoris causâ mutari pateretur, nunquam acquievit: vocans illum suum & pauperum Advocatum, quod suo aspectu multos moveret ad eleemosynam ultro offerendam, quæ in pauperes deinde divideretur.

Fuit Pater Hieronymus Vir maximæ Orationis, nihil unquam operis sinè illa prævia aggressus, & communiter itinera omnia colloquijs cum solo DEO & Cælitibus peragere solitus. Quoties negotium gravius ingrueret, aut Missioni opratus successus duritie hominum, vel aliâ causâ deesset, ad animas Purgatorij recurrebat, & suffragia earum refrigerium per sacrificia, jejunia, preces & flagella multiplicabat, nunquam frustrato eventu. Et quidem sinè his rarus illi abibat dies, adeo sævis cruentisque, ut pavimentum sanguine inspergeretur. Sensuum custodiam ab omni curiositate quàm remotissimam prodebat, dum nullibi in tot peregratis Urbibus pervaderi potuit, ut celebriora quæpiam in ijs loca, ædificia, & id genus raritates inspicere vellet: nè quidem celeberrimum illud toto Orbe Regium Cœnobiû Escuriale, licet ponè ipsum iter Madrito Avilam haberet. In pauperum & miserorum necessitates prorsus gerebat viscera misericordiæ; omniâque quæ offerrentur, & vilissimo suo victui superessent, in eos partiebatur. Quoties ægrotanti à devotis personis meliora & lautiora edulia submitterentur, intacta omnino mittebat ad Nosocomia, eorum precibus certiùs sibi redituram sanitatem dicens: itaque penitus eveniebat. Sic alicubi dato Missioni initio repentè malignæ febris æstibus prostratus, desperabatur posse progredi; sed cum liberaliter submissa omnis generis cibaria & condituras nec delibatas remisisset ad Hospitale, illico valetudo



tudo cum integris viribus redijt. Quin etiam unicum quo indutus erat thoracem aliquando exiit, ut obvium in itinere seminudum mendicabulum vestiret. Sed & apud alios, ditiores præfertim, efficacissimus eorum fuit Advocatus; ut cum aliquando uni ex Curatis ob angores & scrupulos Conscientiæ de renunciando munere Parochiali deliberanti, auctor fuit nè faceret, sed proventus Parochiæ omnes ad sublevandos egentes converteret, patrimonio suo ad sustentationem domesticam contentus. Quod dum sequitur, omnibus angustiis animi liber, etiam rei familiaris incrementa sensit. In ægros autem major adhuc erat, teneriorque affectus. resciverat alicubi hominem ex cancro laborantem in antro delitescere, aliquot jam annos Sanctissimis Sacramentis destitutum, quod ob intolerabilem mephytim & horrorem abominandi cadaveris, nemo Sacerdotum fideret pœnitenti aures commodare. Hunc ille non patienter audivit solum, sed S. Evcharistiâ refectum eidem secum prandio convivam assidere voluit, eadem patinâ & orbe ad cibum, & eodem poculo ad sumendum potum usus. Ubique Missioni finem imponeret, ultimum sermonem pauperum emolumentis, misericordiæ opera commendando, dicabat; ac tum corrogatione de domo in domum institutâ, quidquid accepisset loci Curato assignabat, in eos; pro majore sua cujuscvis necessitatis notitia partiendum. Solebat etiam plurimum svadere ad singulare quidpiam à DEO impetrandum, Novenam Misericordiæ hac praxi instituendam; ut unus è magis desertorum numero mendicus aut æger domum assumeretur, novendio sustentandus fovendusque, pro cujus sanitate singuli domesticorum in-

super quotidie dicerent Rosarium; & hoc pietatis genere non rarò tam ægri hospitio excepti valetudinem, quàm hospites rei à DEO postulata gratiam recipiebant. Nihil ergo mirum, aliquando ipsum CHRISTUM vel Angelum habuisse pauperis specie obvium, dum Gandiam tenderet, ut fratrem suum germanum publico carcere liberaret. Quem ubi conspexit mendici habitu despicabilem, depromptum Realem neque petenti in elemosynam obtulit; sed pauper hunc deprecatus, jussit realem nummum sibi retinere, futurum necessarium solvendo hospitio, ad quod diversurus esset: simulque addidit, ante ingressum Gandiæ obvium habiturum illius Ducem, qui Patri ultro oblaturus esset missionem è vinculis sui fratris; atque ita prorsus utrumque evenit. Ad animæ nitorem ab omni specie peccati conservandum, quotidie Pœnitentiæ Sacramento conscientiam expiabat; quam satis constat nullo per omnem vitam peccato lethali, & per complures annos nec veniali deliberato inquinasse. Nihil addam de beneficijs cælestibus ejus ope in vita, & post mortem prodigiosè collatis, quibus DEUS servi sui merita palàm fieri voluit: sufficere dixisse, mortuum ab ipso etiamnum vivente fuisse resuscitatum, quod juramento omni exceptione major testis Romæ confirmare voluit, Ludovicus Crespi Episcopus tunc Placentinus, Catholici Regis ad Pontificem Legatus extraordinarius: ejusdemque mentionem fecit Pater Jacobus de SanVitores Apostolus Insularum Marianarum, fuso pro CHRISTO tandem sanguine clarus, in præfatione ad quintam editionem suprâ memorati libri de raris Casibus.

*Ex vita illius P. Joan: de Marinis.*

## P. RODERICUS DEZA.

**P**ater Rodericus Deza natione Hispanus, Xaveriano zelo incensus, totum se animarum saluti procurandæ impendit, ejusdem heroicarum virtutum præclarus æmulator. Humilitatis cum esset studiosissimus, in Tyrocinio impetravit ut in Coadjutorum temporalium classem referretur: sed compertis in eo eximijs naturæ & gratiæ dotibus, postea Scholasticorum ordini est restitutus, ac post studia præclare confecta Sacerdotio initiatus, & Professus adscriptus.

Concionatore evasit, si quis unquam alius, à dicendi præstantia, affectuum fervore, & persuadendi energiâ celebris, conciones suas è Sacra Scriptura & Patribus magno studio elaborare solitus; quibus velut anima accedebat ab oratione, quâ actiones omnes condiebantur. Manè abrumpebat somnum ante alios, ut unâ vel alterâ horâ meditationem auspicaretur ante illos, cum quibus nihilominus postea consuetam comprecandi horam peragebat svavissimâ continuatione: idque coram Sanctissimo Sacramento, vel ante aram Sancti Ignatii. Ut verò quoad pos-





P. Roderic<sup>o</sup> Deza S.I. Hispan<sup>9</sup>, magni nominis Eccle-  
siastes, et Operari<sup>9</sup> per Missiones Hispaniæ indefessus.  
Desiderio convertendi Iapones in Indiam frustra sus-  
ceptâ navigatione, vitam in Apostolicis laborib<sup>9</sup> con-  
sumptam finivit Madriti 15 Ian: A<sup>o</sup> 1660. ætat: 73.

posset Apostolicum Sancti Xaverij zelum exprimeret, quòd ille infidelium per Indiam & Japoniam conversioni decennium impendisset, ipse quoque per annos 10. Missiones per Hispaniam obiit absque omni sumptu & viatico, eleemosynâ pro se & Socio emendicatâ pauperimè vitam sustentans. Contigit per id tempus dæmonem in quodam loco sacris exorcismis è Religiosa energumena ad exitum urgeri, sed negabat infernalis hospes statione se migraturum, quàm diu non veniret è Societate JESU Apostolicus quidam S. Xaverij imitator. Appulit eò paulò post Deza, & religiosi Ecclesiæ carminibus adductus dæmon erupit. Habebat constanter penès se DEI parvulum CHRISTUM parvulum ulnis complexæ Imaginem, quam ei dederat Venerabilis Pater Marcellus Mastril-

lus, dum per Hispaniam iter ageret ad Japonem, mirabiliter à S. Xaverio illuc vocatus, & sanguine pro CHRISTO ibidem fuso celebris; quam in perennem memoriam sacris JESU & Mariæ Nominibus illi subscripserat, in pignus suarum precum, quas illi in perpetuum promiserat præsertim Goæ ad corpus Sancti Xaverij, & in hora à barbaris inferendæ pro CHRISTO (cujus sponsonem acceperat) necis. Hac ille velut amoris Mastrilliani obside, desideria sua solabatur, & zelum accendebat ad paria audenda: nam & Missionem in Japoniam ardentè & constanter per annos 20. expetijt, & cum tandem impetrasset, consensâ Ulyssipone navi in Indiam navigavit: sed cum nulla spes aut via penetrandi dareretur, in Lusitaniam redire coactus est. Ibi aliquamdiu moratus, prius quàm Hispaniam



niam repeteret, tanto fructu & plausu audiebatur ad concionem dicens, ut à septem levitis concurrerint ad audiendum, ejus famâ exciti: & Religiosus quidam petierit à Societatis Præposito Generali, eum istic relinquere, ut esset Lusitanæ Magister Concionatorum, quemadmodum ipse scribebat. In Hispaniam redux nihilo se minor apparuit: tanti à Sacra Inquisitione habitus, ut eum ad illud Tribunalis sui, quod Qualificatoris vocant, munus adsciverit. Sed neque seipsum negligebat in assidua illa seu pœnitentes audiendi, seu ad populum dicendi, seu ad animas variè juvandas excurrendi, contentione. Orandi studium armabat cruciatibus mirè excogitatis, fortitèrque susceptis, jejunijs in solo panis frustulo semel in die sumpto per decendium Exercitiorum: cubatione super arborum cortice, vel subere levissimè ad speciem cooperto: flagris adeò sævis & productis, ut horrendum esset audire strepitum

ictuum inclementer vibratorum. Habebat & cilicia diversi generis, alia alijs asperiora, præter varia è setis contexta; quorum aliud erat è ferro aculeis in humeros incumbente, de quo in pectus lignea Crux pendeat clavis confixa & armata: aliud è minutis veluti forcipibus textum, parvulis ceu canicularum dentibus è ferro invicem connexis, qui carnem altius penetrarent, ac mordicus acerbè adstringerent. Atque horum vestigia etiam in mortui postea corpore deprehensa sunt. Persvasit cuidam Sodalium de Congregatione, quam regebat, ut in tenebris ab eo caderetur ab humeris usque ad cingulum denudatus undequaque inclementer, solo capite excepto: quod ille tertio aliquando irrare jussus intrà diem, multis ictuum millibus P. Deza inflicto, tandem sibi ultrà id facere religioni duxit. Obijt Deza uti vixit, magnâ sanctitatis opinione Madriti, 15. Jan. Anno 1660. ætatis 73.

Ex Anno Dier. Memorab. Nadasi.

## P. ADAMUS KRAWARSKY.

**B**AVOROVIVM Silesiæ Superioris oppidum prope Ratiboriam, Diæcesis Wratislaviensis, Patria fuit Adamo, in lucem edito pietate magis quàm bonis fortunæ instructis Parentibus Anno 1585. Cùm adhuc domi puer versaretur, Sacerdos quidam ab vitæ innocentia, & virtutis fama multum ibi commendatus, nocte Natalis Domini vidit per quietem illum sibi sacrificanti ministrantem, sub corona cælestibus gemmis divite vertici ejus imminente: quo ostento nihil dubitans insignem aliquando Adami sanctitatem præsignari, non cessavit parentes perurgere, ut filium ad Societatis scholas Olomucium mitterent, quoad id evicit. Inde nescio quâ causâ ad Poëtica & Eloquentiæ studia Commotovium in Boëmiâ transfessus, conceptos amplectendæ Societatis stimulos pæne jam excusserat, cùm DEO ita faviviter disponente, in librum Evangeliorum incidens illum temerè aperuit, & primo intuitu in parabolam de quadruplici femine conjecto, ex ejus lectione (scribit ipse de se) *inhesit cordi meo vehementer explicatio illius feminis, quod cecidit inter spinas; inde nulla mihi dabatur quies, nisi mundo & Parentibus renunciarem.* Igitur admissionem in Societatem ibidem perurgens, rece-

ptus est Anno 1607. unâ cum Mathia Burnatio, qui postea pro fide ab hæreticis cæsus occubuit, ut in *Societate ad sanguinem usque militante*, retulimus. Novitijs Brunæ adjunctum permisit DEUS arcano Providentiæ suæ consilio, duris & alijs apud nos inconsvetis modis, ab ipso mox initio usque ad Sacerdotium exerceri, ut jam tum videretur in patientiæ camino coronam illam ipsi fabricare incipere, quam in pueri vertice pius Sacerdos conspexerat. Nam cùm adultior ad Societatem venisset, anno ætatis 22. nec ullum in eo appareret ingenium, nulla seu ad studia, seu ad alia Societatis munia aptitudo, sæpius idcirco Superiores de eo ad Sæculum remittendo cogitabant: cùm insuper perpetuis capitis doloribus, & invaliditudine conflictari observarent, ut idem, ipse ex ejus acerbissimis puncturis maniam sibi metueret. Cùm verò is dimissionem morte graviolem ducens, infimis precibus deprecaretur, Coadjutorum temporalium munijs admotum, si eorum saltè gradui idoneus appareret, varijs laboribus probare aggressi sunt. Itaque partim coquinæ discendæ, partim lavandæ domus supellectili lineæ, & curandis per hyemem fornacibus, uno amplius anno addictus est; mirâ in omnibus patientiâ & æquanimitate: donec ingresso in Boëmiâ, hostili ab Ungaris contra Cæsarem





P. Adam, Krawarsky S.I. Silesig, multis adversitatib; in Virum Apostolicum format; multa hæreticorum millia per Boëmiam ad Catholicæ Ecclesiæ Ovile reduxit; Cōcionator et Operari; inter varia vitæ discrimina pro Fide tolerata indefess; Obijt Pragæ in Domo Professæ 30. Aug. 1660. æt: 77. 166.

rem Rudolphum exercitu, dispersis in varia Novitijs, ipse Labacum pervenit, ibique feliciter completo tyrocinio remissus in Boëmiam, vota Religiosa Novædomi An: 1609. emisit. Indè Pragam evocatus, cum alij æquales Philosophiæ discendæ applicarentur, ipse infimam scholam, legere & scribere ferè incipientium ( quæ eatenus sæcularibus Adolescentibus committebatur ) docere iussus est, in eadem tradenda toto quadriennio, quasi alterius explicandæ incapax, occupatus, & in quintum adhuc continuaturus, nisi Pater Visitator Theodorus Busæus commodum Pragam delatus, intellecto jam septimum in Societate annum, ætatis verò 29. agere Adamum, ad Philosophiam audiendam Olomucium dimitti jussisset. Verùm novi hic illum errores, novæ cruces exceperunt: nam

Olomucenses viso Adamo, jam Viro, errorem fortè interpretati, quòd Philosophiæ applicandus diceretur, Casibus Conscientiæ audiendis hominem id ætatis admoverunt, ipso in oppositum nè quidem hiscente: donec errore post paulum deprehenso, à Casibus ad Philosophiæ studium traductus est. Atque hujus triennium ità feliciter illi processit, ut examinatorum judicio pro Theologia Scholastica approbari meruerit, ad eandem sinè mora, in favorem adultæ ætatis, audiendam, à Provinciali Petro Ximeno Græcium missus: tunc enim adhuc Boëmia cum Austria censebatur una Provincia. Sed ecce novus hic iterum error evertit omnia. Rector enim Theologiæ nomine, ( quæ fortè sola exprimebatur ) Moralem intellexit; quam Adamus in silentio & patientia, quantum-



quantumvis suæ doctrinæ conscius, audire, exorsus, Olomucij continuavit; cùm Provincialis eò delatus, errore intellecto, dolere se vicem ejus declaravit, eò quòd ad Theologiam Scholasticam admitti debuisset. *DEUS bone*, annotavit in secreto suo libello Adamus, *quantos in me motus animi ea narratio excitavit! ad quos componendos plures hebdomada, imò nec menses suffecerunt!* Vicit tamen Spartano silentio se ipsum, nè verbulo injuriam sibi factam prætendens, longè minùs ut Theologiam Speculativam sibi jure debitam postularet, aut ullam unquam ejus mentionem faceret! Quam sui ipsius, in re nostri Instituti maximè ardua, victoriam, bonis quæ per eum operatus est DEUS initium dedisse credo, cui proprium est *infirma Mundi eligere, ut confundat fortia, & ea quæ non sunt, ut ea quæ sunt destruat.* 1. Cor. 1.

Et quidem cœpit illico palàm facere Dominus, quorsum vas istud amore proprio penitus exinanitum, & omnis gloriæ splendorisque humani vacuum voluisset: ut nimirum sibi fieret vas electionis, zelo Paulino repletum, ad portandum nomen ejus coram gentibus & infidelibus: siquidem adhuc Casibus studens, postulatu Reverendissimi Præpositi Capituli Olomucensis D. Pillar (qui postea Societatem complexus est) in Templo Sanctæ Annæ, in Concionibus publicè ad populum habendis, vicariam constanter pro illo præstitit operam, magnâ omnium approbatione, & inter hæreticos, quibus tum redundabat Moravia, fructu. Indè Sacerdotio initiatus, totum se ad lucra animarum convertit, datûsque in Socium Missionis P. Alberto Chanowsky in dominio Wissowicensi, plurimos hæreticorum Ecclesiæ cum eodem lucri fecit. Interim Anno 1618. concitatâ in rebellionem contra Ferdinandum II. duce hæresi, Boëmiâ cum adjunctis sibi Provincijs, etiam Societas, ex Religiosis Ordinibus sola (nam in reliquos nihil attentatum est) tanquam perduellionis rea proscribitur, & capitis damnatur, datâ omnibus potestate, quemlibet ex Societate in Boëmia, Moravia, & Silesia deprehensum, necandi: quo fulmine ejectis in diversas regiones Socijs omnibus, Pater Adamus cum plerisque è Moravia in vicinam Ungariam se recepit, & Tyrnaviæ concionibus ad Slavicam gentem habendis destinatus, tantâ cupiditate audiri cœpit, ut templa multitudinem non caperent. Quare in eo jam erant, ut templum ædificatione amplius

redderent; fecisséntque omnino nisi Princeps Transilvaniæ Bethleem Gabor, & ipse in rebellionem actus, arma repentè contra Cæsarem Ungariæ intulisset, nostris iterum omnibus toto Regno ejectis & proscriptis. Inter hos Adamus Passavium effugiens, tempus reliquum duplicis exilij partim ibi, partim in varijs Baviaræ locis, ac tandem Ebersdorfij in Carinthia, Patribus in tertia probatione adjunctus, exegit. Ibi quàm solerter in officina virtutis arma Spiritûs in hostes Fidei exacerit, luculenter post reditum in Boëmiam ostendit, quando victoriâ de rebellibus hæreticis ad Pragam in Albo Monte Anno 1622. divinitus relatâ, ipse inter primos Pragam revenit, & bellum mox implacabile hæresi movit. Ante omnia sustinendis quàm maximo posset numero Socijs, tanquam triarijs in hæresim commilitonibus, annonam & necessaria paraturus, pro Collegio Sancti Clementis, eatenus haud sufficienter fundato, bona & fundos stabiles, centum ferè Socijs alendis suffecturos industriè procuravit, munificentia præsertim Jacobi Horcziczky Equitis, olim apud Rudolphum Imperatorem gratiosissimi, à quo pro ingenti pecunia in gravi necessitate Cæsari concessa, dominium Mielnicense Usufructuarij titulo possidebat. Hoc ille totum eodem quo tenebat jure, Collegio donavit; Collegium verò, ut invidiam publicam (quòd Arcem & dominium Reginæ dotalitium ita videretur possidere) evitaret, Ferdinando II. pro Aufschæ dominio non multo temporis lapsu restituit. A Collegio ad Seminarium, alendis pauperibus Studiosis, firmandum se convertens, illud à proximo ruinæ periculo ab se instauratum, novis redditibus & fundis auxit, & aliquamdiu regendû assumpsit: ubi res memorabilis ei accidit: Cùm enim experientiâ docti Socij, quantum incrementi Fidei Catholicæ per Boëmiam attulerit educatio juventutis in Scholis nostris, avebant quàm plurimos Adolescentum in Seminarium adlegi, quòd in Urbe magnam tum quidem partem Hussiticâ, secura hospitia haberi vix possent: cui voto, sponte etiam in id inclinatus, obsecundaturus Adamus, quotquot posset etiam ex vicinis Provincijs Adolescentes convenas, promiscuè sinè magno delectu recipiebat, unde factum, ut in ea extraneorum juvenum colluvie terni irreperint, qui longè alij Magistro insveverant: noctibus enim medijs in subterraneo quodam cellæ vetustæ specu conveniebant, ubi eos deprehendit Pater Magico in orbem cir-



circulo conclusos pædagogum Dæmonem auscultare, omne genus scelerum docentem; cælestique zelo correptus, in medium circuli audacter insiliit, lineas magicas omnes confudit, & dæmone in fugam acto sceleratos discipulos contubernio eiecit. Neque cessabat interim Pragensibus in hæresim lapsis opportunè importunè instare, Fidemque quâ publicis, quâ privatis alloquijs suadere, cuius ardenti, & in paucis ad reducendos Hussitas felici zelo comperto Superiores, eum deinceps Missionibus per varias Regni partes addixerunt. Itaque Czaştalovicium delatus, Conjugem loci Toparchæ Baronis ab Oppersdorff reperit, erroribus Hussij obstinate addictam, quam nulli Religiosorum Ecclesiasticorumve conatus, & neque Archiepiscopi Pragensis Lohelij auctoritas dimovere ab his poterat; hanc Adamus paucis alloquijs Ecclesiæ plenè restituit, & totam simul Aulam, & familiam Heræ exemplum secutam convertit, tanto Illustrissimi Mariti & agnatorum solatio, ut grati animi vicem in Patre Societati præstiturus, fundando Reginæhradecij Collegio de familiæ suæ bonis jam tunc initium fecerit, impulso Fratre suo Friderico, Melitenfi Equite, ut bonum suum Zampach, Societati cederet. Sed & Divinitas conversionem heroicam Dominæ, memorabili in totam familiam beneficio cumulavit; quæ cum ternas eatenus proles, sed omnes mortuas edidisset, novem deinceps utriusque sexûs jam Catholica, omnes vivas & sanas enixa est. Eiusdem Patris solerti industriæ debet Societas Collegium Giczini, cui in Residentiam primùm fundando Illustrissima Pruskowskiana amplissimas ibi suas ædes obtulit, deinceps verò Sagani Dux Albertus de Waldstein in Collegium insignè erexit, ac liberaliter dotavit.

Reginæhradecium, Urbem Reginæ Boëmiae dotalitiam transgressus, quò felicius ejus & vicinæ incolas, magnam partem Hussio addictos, Ecclesiæ svavi jugo subiceret, ante omnia Civium animos & affectum laboribus diu nocturnoque maximis lucrari conatus est: obire domos omnium, ægrorum præcipuè & miserorum, quorum potissima semper illi cura, mirâ svavitate & comitate agere cum omnibus, dicere ad populum ex loco altiore creberrimè, admittere omnes pronissimâ humanitate, & consulentibus nō modò de rebus salutis, sed & de alijs gerendis respondere, ut brevè unus ipse totius Urbis, id temporis post Pragam frequentissimæ, oraculum haberetur. Ibi cum aliquando pro concione.

*Societas Europæa.*

diceret, & prolatis sacrarum literarum sententijs de libro præcipua Fidei nostræ capita auctoritate firmaret, dimissâ concione Cives 80. hæretici qui aderant, intèrque eos Senatores Urbis, & primarij quique (quos alij deinceps facillè secuti sunt) manus dederunt, & statuto die per Patrem Ecclesiæ restituti sunt. Erat hoc illi solenne ad revincendos errorum suorum Hussitas, ut in pulpitu sacra biblia secum afferret, & ejus textus ac testimonia perpetuò crepantibus, ex originali per intervalla magnâ auctoritate adduceret, & quàm malignè ab ijs acciperentur, graviter, non rarò ex eorummet unâ allatis & confutatis Magistris, demonstraret: quæ praxis ingentem illi ubique sacræ doctrinæ existimationem, & auctoritatem quibusvis Theologiæ Doctoribus parem, toto Boëmiae Regno peperit, ut communiter non aliter quàm *maximus Sacra Scriptura Doctor* appellaretur. Expeditione hac tam felici jussus est Regis ipsius bonâ reformanda aggredi, & Trebonam, Krziwoklad, Carlstein &c. ab hæresi expurgare: quod eâ felicitate unus ipse solus perfecit, ut reductis ad Fidem orthodoxam novem millibus & quingentis (prout in adversarijs suis propriâ manu annotavit) famâ publicâ ejus rei gestæ ad Regem Ferdinandum III. delatâ (cui Ferdinandus II. ditionem Trebonensem cesserat) ipse Rex gratias suo nomine Patri reddi voluerit. Ubi inter reliqua memorandum ipsi accidit, dum Trebonæ Civitatem, toto sequente Senatu, quasi animi causâ obiret: nam ad locum venientes, ubi ruinæ minæque murorum ingentes pendebant, Seniores qui aderant rogati, Monasterium istic celebre olim ante Hussitica bella stetisse ex fide Majorum afferebant. Succedit muris Pater, si vestigium aliquod nostræ Religionis inveniat, quod Senatui confirmando in Fide exhibeat: Inveniunt in una parte ædium januam occlusam, ferro serisque munitam, quam advocato ferrario apertam dum ingrediuntur, vident peramplum & elegans Sacrarium, Ecclesiasticam supellectilem pretiosissimam circumquaque optimè compositam, casulas, calices, cum omni sacrificij, tanquam mox ad aram accessuris, apparatu. A sæculis pluribus ista jacuisse indicio fuit, quòd ad speciem integra, solo auræ afflatu, tactûs omnis impatientia, instar cineris diffuebant; folis pretiosis lapidibus & gemmis, quibus turgebant, remanentibus. Rex Ferdinandus ubi à P. Adamo de tota re edoctus est, inquisitione Patri in jura Monasterij, bonæ &

Qqqqq

pos-



possessores commissâ, Canonicis Regularibus Sancti Augustini legitimis quondam ejus Possessoribus, Monasterium cum omnibus juribus & bonis, sæcularium dominatui ereptis, restituit. Indè Adamus ad ipsam hæreseos arcem expugnandam translatus est Pragam, ad reliquorum in Ditionibus Regijs conversionem alijs Socijs succenturiatis. Ergo benedictione Archi-Episcopali ad opus tam arduum ab Eminentissimo Cardinali ab Harrach humiliter impetratâ, Novam Pragam primò Fidei Catholicæ restituendam, simulque Collegium Societati ibidem excitandum assumit; unicum enim eatenus Clementinum in Urbe Veteri numerabat. Necessarius ei rei ante omnia erat consensus Regius, quem Ferdinandus II. ad preces Adami tantò proniùs exhibuit, quanrò crebriore famâ de laboribus ejus Apostolicis per suas ditiones fausta omnia intelligebat, ut foundationi initium ipse facere voluerit, donatis in habitationem opportunis ædibus propè templum Corporis CHRISTI, & certis in alimenta agris cum vinea attributis: donec post aliquot annos idem Adamus plenam Collegij foundationem ab Illustrissima Maria Comitissâ de Sternberg obtinuit. Hic ergo interim velut Superior Residentiæ incolens cum pauculis Sociorum, annotavit suâ unus, extra Sociorum labores, operâ, restitutos Ecclesiæ Civium 4000. Iterum siquidem labores suos, novis ipsi suffectis Operarijs, transferre jussus est in Circulum Reginæhradecensem, ubi diversis in locis 1300. ad Fidem revocavit, novisque proventibus dotato illo Collegio, Pragam rursus ad stabiliendam Domûs Professæ, in tertia illius Urbe (Parva Pars dicta) initia revocatus est. Hic ille Urbem potiori Nobilitate, utpote sedem Regis & omnium Tribunalium, habitantem, nullo divitum pauperumque discrimine circumcursare, ægris diu noctûque adesse, manè tempus omne in Confessionali assidere, aut salutaria accedentibus impertiri consilia, eâ Ordinum omnium satisfactione, ut auctoritate & existimatione apud summos etiam Regni & Ecclesiæ Procures, faciliè Socios omnes anteiret, qui Viri intuitu & profusis eleemosynis Domum prosequabantur, & ejus præ alijs omnibus operâ, tanquam hæresi extirpandæ fatali, sicubi obstinator resisteret, per sua dominia utebantur. Ditio est ad Boëmiæ, quâ Moraviæ jungitur, confinia, Bistry dicta, quò sectæ omnes è planioribus Regni se velut ad asylum receperant, Hussitæ, Lutherani, Calvinistæ, Pic-

cardi, Anabaptistæ, atque etiam Arriani quidam: quorum ad Fidei integritatem reformatio ob pertinacem duritiem in desperatis habebatur, quòd crederentur omnes, si apud se quispiam è Societate Missionarius vel appareret, relictis fundis & domibus in vicinam Moraviam, & huic conterminam Ungariam, inter suos sectarios fugam arrepturi, irreparabili totius ditionis ruinâ. Pijsissima tamen loci Domina Lucia, Comes vidua de Kolowrat, nata de Martiniz, aliquid tentandum rata, negotium arduum Adamo commisit: hic absque mora illuc provolans, assidue hæreticorum tractandorum usu vires suas toties expertus, nullâ reformationis odiosâ mentione injectâ, incredibilem solum in omnes svavitatem, comitatem, cum affabili humilitate exerere cæpit, familiariter singulos alloqui, & in domicilijs casisque proprijs invisere, solari, juvare consilijs; dum conciliatis animis, positâ feritate, universi ad illum pro concionibus audiendum spontè affluerent. Ubi animos illorum humanitate jam delinitos, argumentorum è sacra Scriptura, more solito, efficaciam depromptâ itâ inflexit, ut brevi tempore supra 2000. incolarum Catholicis adjunxerit. Tam prosperum rerum successum ubi Illustrissima loci Domina ex Patre intellexit, incredibili affectu solatio, quæ non nisi proximum quemque nuncium de fuga colonorum, & desolatione Domini præstolabatur, nova indes gaudiorum sumebat incrementa, cum novis semper tabellionibus acciperet & conversiones recentiores perfidorum, & jam reductorum in Fidei & pietatis exercitijs fervoris & constantiæ exempla: quibus mirum quantum in ejusdem animo augebatur in Societatem affectus, & concepta pridem de ejus fructuosis laboribus succrescebat æstimatio, ut collatis cû Illustrissimo Fratre Georgio de Martinicz, Regni Boëmiæ deinde Cancellario, consilijs, Societati in Boëmia, tenue hætenus & angustum Clattoviæ Collegium, condito testamento liberalissimè fundarit: cuius iterum auspicia unius Patris Adami laboribus debentur.

In Rakonicensem Circulum, Cæsaris subinde mandato, cum aliquot Socijs Sacerdotibus missus, cû obstinati in hæresi rustici arma ad resistendum corripuissent, coactus Adamus locis munitioribus se continere, animos tamen efferatorum mirâ svavitate deliniebat. Hinc cû ad eum audiendum identidem, sed armis instructi adventarent, ejus capti lenissimis sermonibus & allo-



loquijs, non difficulter manus dabant, & toto latè districtu ejus agendi modum deprædicantes, tantum apud incolas in eum Sociosque amorem & confidentiam excitârunt, ut spatio unius anni peragrato illo circulo; supra decem animarum nullia Catholicis accesserint, singulari Cæsaris, ubi successum accepit, voluptate. Neque tamen omnes æquè placidè illi conatus, & citra vitæ periculum celsère. Quo tempore Carlsteineñsem ditionem excoluit, fœra silvestrium colonorum ingenia, si quod verbum Pater in eorum sectam proferret, lædè se interpretabantur, atque exinde ad conciones & instructionem non aliter, quàm armati comparebant; & si quid auribus seductis ingratum acciperent, è media ditione se proripientes, fœminæ quidem in domos suas, viri autem in abdita silvarum, atrociaminati diffugiebant. Præsentissimum autem vitæ discrimen incurrit in Tetin (locus est martyrio & sepulturâ S. Ludmillæ memorabilis) cùm in Ecclesia Catechismum rudibus explicaret; repentè siquidem duo valentissimi rustici securibus armati irruunt, & cum Patre exposculant; quid eò venisset? quid novæ doctrinæ afferret? ut clarè appareret non nisi rixæ serendæ causâ advenisse. Et quidem terrore diffugientibus ex templo omnibus desertus Pater, satis habuit in præsentia mollibus responsis delictos placare, ut innoxij abirent: ultro apud complices latrones fassi, in Sacerdotem adeo mitem & benignum non potuisse violentiam ullam expromere. Ità per diversâ Regni partes Apostolico zelo discurrens, etiam in ditione Zambergensi 2000. alibi 600. & in Kissberg 700. capita ab se Fidei restituta annotavit: donec tot de hæresi victorias pulcherrimo & immortalis facinore; octennio ante mortem conclusit: quod illius verbis referre placet: *Missus sui cum quinque nostris Patribus ad dominium Opoczna Illustrissimi Comitis Rudolphi Coloredi, Ordinis Equitum Melitensium per Boëmiam magni Prioris, & præsidij militaris Pragæ Supremi Chiliarche: quia Ordines Regni in Comitibus hoc an: 1652. collecti decreverant, ut Domini omnes ubiq; collaborent, quò subditi intra certum temporis spatium vel Fidem Catholicam complectantur, vel è Regno discedant. Hoc est illud rebelle Dominium, quod post reducta majorem partem totius Regni dominia, 27. annis in erroribus suis usque ad præsentem annum obstinatè perduravit; imò & armis in Dominum suum correptis, ænarium ipsius primùm Neostadij diripuit, ac deinde ad alia vicina dominia di-*  
*Societas Europæa.*

*ripiendi progressum, spoliare cepit. Sed à submissis milite Cæsareo rapinæ quidem inhibita sunt; sed ad hæresim extirpandam nihil profectum. Igitur illuc delati, divisis inter nos totâ ditione laboribus; præmissis concionibus & catechesi in templis, curijs, & privatis domibus; eam animorum mutationem, quinto post hujusmodi labores mense, advertimus, ut turmadini centeni & centeni Opocznam accurrerent, & susceptis Catholico ritu Sacramentis hæresim ejurarent, sex millia & quadringenta hominum capita. Miraculo simile communitè habebatur, quod armis effici non poterat, inermes Patres tantâ pace & celeritate perfecisse: ipsèque Opoczna Dominus tanto exinde affectu & æstimatione Patrem, usque ad illius obitum prosecutus est, ut quoties Pragâ ditiones suas inspecturus exiret, Patrem secum comitem obtinere laboraret; summopere illius zelo, quem per praxes admodum populares, imprimendis Fidei ad captum radium mysterijs, exerebat, delectatus. Ex quibus illam præcipuè in publicis etiam convivijs dilaudabat; fassus etiam ad suum profectum valuisse, quâ aliquando se præsentem, pagano popello in templum collecto, mysteria Sacrificij Missæ explanavit. Nam ad Aram accessurus, sacra apparatus palam proponi ponè Altarè fecit; quæ ex Ordine ad induendum sumens; singula quid significarent, & mysterij ex indumentis CHRISTI continerent, ad populum conversus ingenti affectu & devotione inculcabat, quid Alba, quid Cingulum, quid Manipulus, quid Stola, quid Casula, quid Calix, quid Patena &c. ac ita demum induebat. His ita ornatus, & summi Sacerdotis CHRISTI personam præferens, cùm ad Aram accessisset, iterum ad populum conversus, summam præcipuas Sacrificij mox inchoandi partes explanabat, & mysterijs Passionis Dominicæ applicans, quid Introitus ad pedem Altaris dicendus, quid Epistola, quid Evangelium ex alio Cornu Altaris legi solitum, quid Offertorium, Elevatio Corporis & Sangvinis Domini &c. signarent; Apostolicâ quadam Majestate ubi docuisset, tum demum Seraphico quodam affectu Missam dicere incepit; ut Illustrissimus Comes fateretur, nullam ab se hætenus majore teneitudine & devotione auditam fuisse. Porro ad tam mira in animis hæreticorum, radium præsertim, minúsque idcirco docilium; ac magis inde obstinatorum, perficienda; ita animam corpusque Adami aptaverat DEUS, ut ad hoc genus hominum pervincendum*  
*ni.*



nihil esset accommodatius. Magnanimitas quædam, & leonina species ac lineamenta in facie Viri relucebant, ad hæc corporis vastitas egregia, lati humeri, os magna sonaturum, species tota ad quandam gravitatem composita; atque ultima propè senectus, & regia oculorum vivacitas, addebat verbis auctoritatem & gratiam. Consiliorum maxima illi erat promptitudo, longo item usu collecta tractandorum animorum peritia. Cum locum superiorem conscendebat, flexo genu DEUM & Cælites contestabatur, ea sola ab se dictum iri, quæ saluti audientium necessaria forent: sanguinem istarum animarum in se recipere, & DEO vadem, in tremendo ejus Tribunali responsurum, fieri vellet, si sciens falleret; aliæque ejusmodi ardentia dicta addebat. Sequebatur flammata ad populum oratio, & quod probandum erat, ex Biblîorum aperto Codice, & subinde etiam ex Sanctorum PP. aliquo legebatur, vel etiam oppositi errores ex libris Sectatorum producti confutabantur: tum si quid ex græca vel hebræa lectione interpretandum occurreret, fiebat promptissimè, ut eum Sacre Paginæ Doctorem peritissimum plerique & communiter appellarent. Ex qua opinione maximus proveniebat fructus animarum, ut non aliâ ferè ratione, quàm concionibus, populorum animos occupârit, & DEO lucratus sit. Quas Adami artes, & Apostolicum Zelum secuti reliqui Societatis Operarij, per universum Regnum dispersi, plures centenis millibus ab omnigena hæresum & errorum colluvie, inchoando ab Anno 1622. ad ovile CHRISTI reducerunt, & in eum Catholicæ Religionis, quem hodie cernimus, nitorem & fervorem promoverunt. Adamus verò ultimos vitæ annos in Domo Professæ Pragensi, in Operarij constanter munere exegit, simulque Regium Parthenonem ad Sanctum Georgium Ordinis Sancti Benedicti spiritualibus obsequiis totos 13. annos procuravit, cum ferè quotidie id ætatis senex, altissimum Arcis Pragensis montem conscendere, spiritualis earum profectus studio cogeretur.

Ut verò paucula quædam de virtutibus ejus attingam, oratio inprimis & conversatio cum DEO Cælitibusque familiarissima illi fuit, tam in cubiculo privatim, quàm inter occupationes & itinera in publico: quocunque enim incedentem vidisses, audisses simul ex imo corde per intervalla suspirantem, aut Rosarij grana orando percurrentem, & ex cujusvis objecti aspectu ascensiones si-

bi ad DEUM in corde disponentem. Stata meditandi & conscientiam examinandi tempora, flexis semper genibus peragebat humi, nulli scabello, aut alteri fulcro innixus: uti & Divinum Officium, quod in medio cubiculi flectens, clarâ voce, ad augendam devotam attentionem ( nisi vicinos turbandos metueret ) persolvebat. Observatus est sæpenumero noctes integras insomnes traducere per cubiculum inambulando, paucissimis vocibus ruminandis, ut quidem apparebat, contentus, quæ identidem ad JESUM & MARIAM reperebat. Narrabat itineris ejus comes, deceptum aliquando, cum à nemine se observari crederet, tam familiariter inter orandum cum cælitibus locutum fuisse, ut sacer quidam atque insolens horror se audientem invaderet. JESUM ac Cæli Reginam alloquebatur, tanquam si aspectabili formâ præsentibus & colloquentibus haberet, in amœnum subinde risum & delicias solutus, & modò quasi percontantibus ad quædam respondens, modò ipse nonnulla rogans. Sæpe in itineribus clam ex hospitio stratoque egressus, plures horas sub Jove frigido, & in itinere quodam Ungarico super altas nives genibus nixus, orasse deprehensus est. Sanctissimum Sacramentum in Domo Professorum degens sæpius per diem adibat, etiam extremâ ætate, scipione nixus, licet non rarò viribus defectus in via collaberetur: per Octavam verò Corporis CHRISTI propemodum in templo habitabat, noctes ibidem & vigilias traducere solitus, ad Aulam Regis Cælestis excubias se agere, aut pro ejus Tribunali reum adstare cogitans: ubi se à nemine observari si crederet, humiliter se reum confitens, flagris atrocibus penam de se ipso sumebat. Sacrificium verò Missæ eâ devotione & inflammata peragebat pietate, ut hac unâ existimationem Sancti apud audientes obrineret: bina alia ante suum pro præparatione, & totidem post ingratiarum actionem audire solitus, semper de genibus, & nudò penitus senili vertice. Orationis irremissum studium profundissima animi humilitas, suique despicientia, cum plena abrenunciatione sequebatur. Vixit in Societate annos 53. neque tamen in cubiculo, mensæ, vestitu, ceteroque cultu quidquam admittebat, quod non omnibus etiam Tyronibus consuetum esset & commune: cubiculi pavementum everrere, frigidam usibus suis, & id genus omnia ipse afferre, lectum componere; extremo etiam in morbo ferè ægrius, si quid ejusmodi obsequij à Socijs sibi im-



impendi videret. Idem vivendi tenor & agendi fuit in Procerum Aulis, & Nobilium arcibus, quoties ad eas divertere cogebatur; nullus qui ad quælibet obsequia deserviret admittebatur famulus, nullum delicatius in mensa edulium, sed si quod offerretur, reverenter acceptatum post aliquam moram inobservatus famulanti integrum reddebat. Cum pauperibus & agrestibus agebat & propensius & majore affabilitate, suos filios, aut si grandævi essent, patres illos appellans, & matres suas: procul ab omni simulatione, ut ad fictè agendum aliquid vel loquendum planè ineptus videretur. Ex flagranti illo animarum zelo, quacunque iter ageret, etiam in Procerum non infrequenti comitatu, si quod oppidum occurreret vel pagus, exquirebat, an Curione provisi essent incolæ? an qui ægritudine prostrati? omnèque Viri Apostolici munus in misellos exequabatur, quantumlibet seriùs prægressos assequeretur. Domi verò Confessionale cubiculum ejus videri matutinis horis poterat, ità perpetuus hyeme & æstate illic assidebat, continuo quodam & constanti hominum ad eum affluxu. Cum verò postremis vitæ annis domesticus quidam, ipsique adeò Superiores censerent hoc labore sublevandum, quòd semio hebetatis auribus graviùs audiret; ubi id agi intellexit, mirè consternatus, fidentiori Sacerdoti conquestus, alto cum gemitu sublato, *quid hoc*, inquit, *DEUS bone! vitam mihi tollit, qui mihi tollit animas!* Quoties verò in novam aliquam animarum messem emittebatur, exultabat veluti reviviscens ad currendam viam, redibátque vegetior, tanquam robustiore & confirmatà valetudine, ut sanitas etiam corpori accessisse videretur. Indè tantus in Virum toto ferè Boëmiæ Regno affectus, tanta æstimatio (& memoria hodièque in benedictione) ut quocunque pænè Socij ad reliquias hæreticorum extirpandas, aut neophytos in Fide roborandos, Adamo jam decrepito, accederent, sollicitè rogerentur ab incolis de statu & valetudine sui Patris, à quo in CHRISTO per Evangelium fuissent geniti. Sanè Illustrissimus Comes Jaroslaus de Martinitz, in Regni pro Ferdinando II. & III. gubernatione Procerum primarius, si quando mentio Adami incideret, eum appellabat *verum Boëmiæ Apostolum*: Confessarius verò Cæsareus Pater Guilielmus Lamormayni, vocabat *Virum singulariter à DEO pro conversione Boëmiæ electum*: Quin Cæsar ipse Ferdinandus II. ingenti æstimatione labores Viri prosecutus, pro his

gratias illi referebat, clementissimam ab se in literis salutem adscribebat, Regiisque diplomatibus per omnes Missiones ad feliciores successus prosequabatur.

Nihil proinde mirum est, si tam fideliter pro animarum salute laborantem DEUS speciali curâ sibi tuendum, & in gravissimis vitæ periculis servandum assumpsit. Primâ Svecorum in Boëmiam irruptione, scribit ipse de se, *accidit aliquando Zampachij*, (dictio est Coll: Reginæhradecij, recens tum à P. illi impetrata) *ubi tunc inter tumultus bellicos venditū erat, multa pericula, spoliationes, & casus adversos expertus sum. Semel dum miles igne & ferro pradium nostrum vastaret, serisque omnibus diffractis pro libitu universa diriperet, ego quoque globo dislopi sclopi tactus, sensi ignitum globum viscera penetrantem: secedensque ut sanguinem (itâ mihi videbatur) profluentem è sinu effunderem, tangens vulneris locum, nullum tamen foramen in corpore reperi, sed signum impacti globi multis diebus conspiciendum etiam alijs ostendi. Rosarium, & ejus quotidie orandi consuetudo, refert alibi de se, *liberavit me à presentissimo vitæ periculo. Latrone enim in me bombardam collimante, subfisti uno passu, Rosarium è sacco ad orandum prensans; & ecce globus ante me prætervolavit, in quem prorsus incurrissem nisi promendo Rosario tantillum substitissem. Respicens verò vidi latronem in dumeto latentem, sensi que me potenti instinctu moneri, ut ad vicinum pagum refugerem. Quod verò sequitur, citra miraculum vix accidere potuisse videtur. Rediens aliquando ex templo in tenebris, incidi in foramen, in quod pedem unum jam intuleram, qui tamen in aëre tantisper sustentatus est, quoad pede altero à casu me eriperem. Aliàs equis terrore quopiam consternatis, curru excussus sub rotam, quæ etiam dorsum prolapsi cum toto pondere pertransijt, cum eam noctem ex gravi concussione insomnem traduxisset, primo manè scipione nixus ad vicinam Divæ Lauretanæ ædiculam adrepit, & per sacrum Missæ Officium ejus ope imploratâ, plenè sanus domum redijt, neque ex tanto casu unquam decubuit. Ex quantis me DEUS insidijs, narrat iterum ipse, *Budissinâ redeuntem* (civitas est vicinâ ad Boëmiam Lusatiæ) *eripuit!* ubi nimirum Cæsareo mandato in hæreticorum reductione aliquamdiu laborabat. *Præcesserunt aliquot ex Civitate, insidias mihi in via struendi, sic ut de vita mea post discessum apud amicos in Civitate jam conclamatum fuerit. Verum prius quàm in eorum manus inciderem,***



rem, occurrit tabellarius cum Cesareis literis ad Capitaneum Lusatiae. his acceptis redij Budissinam, & sic effugi manus insidiantium, de quibus tum rescivi. Anno 1631. captâ à Saxone Pragâ, Religiosis plerisque in diversa profugientibus, cum pauculis Adamus Pragæ ad solatium fidelium, in medio triumphantis hæresis remansit, tantâ fiduciâ vitæque contemptu, ut nè quidem vestitum Religiosum in publico posuerit; unde mille convitiatorum plaustra, maledictiones, atque etiam copiosam verberum segetem domum ex urbe referebat. Fortè ita accidit, ut per pontem ex Urbe nova domum redeunti, turma equitum Aulicorum Ducis Saxoniae occurreret, eo ipso loco, ubi æneum Crucifixi simulachrum propositum est: cum post varias contumelias, turnæ hæreticæ ductor crebris ictibus militari baculo caput Adami inclementer verberare cœpit, ut semianimis ad pontis marginem super saxum prominens conciderit: Post moram aliquam velut ex profundo deliquio sibi redditus, hoc solum, oculis in CHRISTUM Cruci affixum conversis, protulit, *habemus bonum testem!* Domum tumido capite reversum rogabant domestici, quid accidisset? quibus aliud non respondit, quàm *Equitem Nobilem in ponte, negotium sibi facessisse, ut cras cogatur pro illius salute hostiam DEO litare.* Non multi abierant dies, cum nostri omnes per Ducis sententiam, ante Solis occasum Pragâ exesse jubentur, carpentis in forum Parvæ Urbis cum militari custodia, nè ullus remanere posset, convecti, & velut in spectaculum ludibrijs omnium tantisper expositi. Quidquid militaris hæresi conjuncta procacitas & petulantia fingere per summam licentiam potuit, verbis & factis in DEI servos ibi exprompsit: nihil tamen molestius sibi accidisse deinde fatebatur Adamus, quàm puerorum & Adolescentum quorundam, nuper in scholis nostris educatorum, insolentiam, qui in se potissimum copiosos & amaros sales, gesticulationes, & opprobria, instar scurrarum CHRISTO spinis coronato illudentium, jaciebant. Evectis ita ex Urbe omnibus, cum reliqui in diversas Boëmiae partes dispergerentur, Adamus in vicinis pagis substitit, unâ cum Patre Swabensky, Viro nobilitate generis, auctoritate, sacrâ eloquentiâ, zelôq; Apostolico apud Catholicos notissimo. Hinc illi vestitu alieno redibant identidem Catholicis consolandis ad Urbem, & Carbonarij plerumque habitu assumpto, currum carbonibus plenum ad domos civium


Catholicorum devchebant, solabanur, & spe meliorum reficiebant. Præcipuus erat Raphaël Missowsky, Regni postea Sub-Camerarius, hic carbonibus plurimos emebat à Patribus, vel ad fideles, & pij doli conscios dirigebat: ad quem ubi cum plaustro bobus præ se actis venissent, deonerando carbonibus currui quopiam conducto, deducebantur in abditum conclave Sacelli instar exornatum, omnique ad sacrificium apparatu instructum; ubi domesticis, & fidis vicinis collectis, & Missam dicebant, & piâ cohortatione excitatis robur ad constantiam subiciebant. Non absque pio fidelium risu, quando posito sacratione apparatu, infuscatos utantè vultu manibusque, in rustico cultu à Carbonarijs non distinguebant.

Sed Annus 1648: longè Adamo, quippe jam senio multum debilitato, difficilior fuit & tristior. Nam Urbe minore Pragensi à Svecis proditione occupatâ, in communi ejus dirèptione etiam Domum & Templum Professorum, furiosus miles aggressus, cum expilaret omnia, & indumenta ipsa, pretiosâ Templi supellectile minimè satiat, domesticis detraheret: primus irruentibus per effractas januæ valvas in templum, obvius occurrit Adamus, victimam se se pro Socijs hosti furenti offerens; crudeliter verberibus, plagis & pugnis exceptus, ut miserandum omnibus fieret spectaculum. Solus etiam ipse cum Præposito Domus foras in publicum forum eductus est, in captivitatem abducendus, si quæ vis à Cæsareo milite fortè ingruens, interceptam nocturnâ fraude Urbem die illo deserere coëgisset. Multos dies optimus senex dolore, tumore, livoreque ex tot concussionibus debilitatus incessit: haud leviora sub diuturno deinceps hostium Pragæ dominatu, & reliquæ Urbis crudeli oppugnatione, consecutaque pestilente expertus; quem DEUS tum vel maximè ad solatium & auxilium afflictorum civium, Pragæ conservasse videtur. Paucis reliquis, quibus supervixit annis, sentiebat ætatem tot laboribus atque ærumnis pro salute proximorum exantlatis gravatam, quibus proinde ad beatam mortem parandam ferè usus est. Ergo nullo ferè alio, quàm delassatæ senectutis morbo, cum se ipso quotidie imbecillior redderetur, dejectus in lectulum, nihil nisi DEUM loquens & spirans, munitus omnibus Sacramentis, felicissimâ morte vitam in eadem Professorum Domo conclusit die 30. Aug. An. 1660. ætatis 75. eo populi, Regni Procerum, omniumque ex utroque sexu Ordinū con-



concurſu , ſed pauperum præcipuè lamen- um , elatus, qualem in nullius hætenus è no-  
tis, veriſſimum Patrem ſibi ereptum deſtenti- ſtris funere domeſtici vidiffe meminerant.

*Ex Anno dierum Memorabilium Nadaſi, & Bohemia Sancta Balbini.*



P. Antonius Brignole Soc: Ieſu, Italus, et Genuæ Sena-  
tor, in pauperum eleemoſynas omnino profuſus. Præmor-  
tuâ Coniuge Societatem complexus, Operarij et ardentis  
Concionatoris munera præclaro Zelo, ad mortem  
uſq; quam ex vero prædixit, implevit. Genuæ obijt  
20 Martij, Anno 1662. ætatis 57. 187.

## P. ANTONIUS BRIGNOLE.

**P**ater Antonius Brigno-  
le Genuæ ſplendidis ortus  
natalibus, ante initam Socie-  
tatem matrimonio ac prole  
nobili, opibus, publicis mu-  
nijs, legatione ad Philippum  
IV. Regem Catholicum, Reipublicæ nomi-  
ne laudatè obitâ, ac demum Senatoriâ Ge-  
nuæ dignitate ſpectabilis, ubiq; magnum  
ingenij, eloquentiæ, liberalitatis, Fidei & Sa-  
pientiæ ſpecimen dedit. Deinde Coniuge  
præmortuâ viduus, ad ſacros Ordines, deni-

que ad Societatem JESU tranſijt, ac magno  
& foris & inter nos exemplo ſanctum Sacer-  
dotis ac Religioſi Nomen implevit. Patre  
adhuc ſuperſtite donavit Reipublicæ Genu-  
enſi pecuniæ centum millia librarum ad u-  
ſus belli navalis: quam animi amplitudinem  
poſtea in eleemoſynis erogandis tam libera-  
liter oſtendit, ut vulgo appellaretur divini  
theſauri diſpensator. Fuit enim in pecunijs  
ad pauperum uſus & pias cauſas erogandis  
itâ profuſus, ut prodigalis omnibus appare-  
ret: neque moderationis ab amicis admoni-  
tus,



tus, ut etiam domus suæ & liberorum rationem haberet, quidquam remittebat, dicens: *Dabo ego DEO, quam diu dabit mihi DEUS, & illi curæ atque cordi erit domus mea & liberi*: Id quod quàm ex vero dixerit, satis ostendebant divitiæ, & florens fortuna illius domus & familiæ. Religiosis, aliisque indigentibus mittebat schedas, quas collybisticas vocant, magnâ vi auri inscriptas, quam è cambio acciperent. Postea Societatem amplexus, dolens dicebat, nihil ab se Societati datum; errore decepto, quod credidisset domicilia nostra subsidijs non egere, siquidem neque Confessarius, neque alij de Societate alioqui familiares, ea de re unquam mentionem apud se fecissent. Atque ut in particulari aliqua in exemplum afferam, cum in Hispania apud Regem esset Orator Reipublicæ Genuensis, Xenodochio Italorum eleemosynam stabilem & perpetuam assignavit: ibidemque aliàs, cum de imminuendo ægrorum in Xenodochium admittendorum numero deliberaretur, quingentos Hispanicos aureos (qui duobus nostratibus ferè æquivalent) donavit. Die quodam ingenioso spectaculo in theatrum dato Nobilitatem recreaverat, ignarus eo die consuevisse Nobilitatem ad Xenodochium pietatis causâ itare, quod illo spectaculo impeditum fuerit, adeoque pauperes consuetâ stipe caruerint. Quod ubi rescivit, ut jacturam compensaret, illico totidem aureas Coronas, seu scuta, Xenodochio misit, quot Spectatores in suo ludo numerârat. Aliàs in magna caritate annonæ, mille aureos Hispanicos dedit, qui in tenuioris fortunæ familias distributi, aliorum quoque divitum liberalitatem ad imitationem excitavere. Solent ab Hispania Genuam venire partim ex Indicis, partim alijs mercimonijs arculæ pecunijs fartæ, quarum singulæ continent facilè viginti millia Philippicorum, ferè nostratium Imperialium. Ipse nonnunquam totum illud argentum intrâ unius diei intervallum disperfit, dedit pauperibus. Unde cum aliquando Antonij Mater plures id genus arculas adhuc in conclavi esse opinaretur, ac de illis apud trapezitas collocandis ageret, nec ullam ex ijs inveniret: ubi intellexit, eas à filio in duorum Xenodochiorum subsidium fuisse distributas, obstupuit primùm, at (ut erat matrona cum primis pia & prudens) impensè postea gratulata est, id ab eo factum, dicens, pecuniam illam apud optimum trapezitam à filio collocatam, qui artem calleret auri è luto faciendi. Aliàs

quadraginta millia coronarum seu scutorum per Notarium inscripsit pauperibus: totidemque millia argenteorum, pretio coronas excedentium, unico die erogavit pauperum (ut ibi vocant) Officio. Ac denique Anno 1651. impendit eleemosynæ nomine plus quàm 240. millia librarum, id est plus quàm 42. millia scutorum seu coronarum, & 650. scuta. Ultimò tandem ante initam Societatem decennio, inventa sunt in libris Rationum (quibus tamen non nisi majores summas inferebat) erogata ab ipso in egenos plus quàm quadringenta sexaginta quinque millia librarum. Ubi verò Coniuge præmortuâ Viduum se vidit, sacris Sacerdotij Ordinibus initiatus, ut plus CHRISTO dare posset, veste valde vulgari pauperis instar contentus, parcebat expensis; dicere solitus: *Ego viâ Orationis vix possum pervenire ad Cælum, cum orare non sciam, videbo itaque ut per eleemosynas possum mihi facere amicos pauperes, ut me recipiant in æterna tabernacula*. Atque hæc erant Antonij in sæculo Charitatis in proximos, ad lucrificandas eorundem animas, occupationes, donec munere sapientissimi, atque ad omnia accuratissimi Senatoris, humilis, liberalis, ac animarum studiosissimi Sacerdotis munere perfunctus, ex voto jam antea concepto, Societatem, inconscia Matre suisque liberis, experijt & annuente Innocentio X. Pontifice (sinè cujus facultate ad Religiosum Tyrocinium tunc aditus non dabatur) Anno 1652. admissus est.

Felicitatem hanc tanti faciebat, ut majorem omnibus suis meritis duceret, palàm protestatus, magnæ DEI misericordiæ documentum in se exhiberi, quod non in Inferni supplicia pro suis delictis mitteretur, sed tanquam bene meritis ad JESU familiam adscisceretur. Interrogatus à magno quodam Viro, quàm contentus vocatione suâ viveret? reposuit, si totum mundum uni ovo inclusum haberet in manu, illud unâ cum omni Mundi gloria terræ allisurum. Indè acri per residuum vitæ dolore se perurgeri sentiebat, quod tam ferò ingressus esset in cætum, in quo aiebat, vitam duci non minore ferè innocentia, quàm duceretur in Paradiso terrestri: & maximopere gratulabatur ijs, qui Religionis jugum portare à teneris adolescentiæ annis inciperent. Eam jacturam ut pensaret, cor totum in holocaustum Divino a-miori consecravir, ac voti sacramento obstrinxit, facturum se quidquid Superiores melius esse judicaverint ad DEI gloriam, & su-



suum Majorem in virtute progressum. Illo amore condiebat summa & infima quæ ager, sic ut quamlibet patinam vel ollam in culina DEI amore lotam, sibi pretiosorem esse diceret quolibet unione, quantumlibet raro & charo, & quidquid auri ac opulentiæ haberet Mundus. Divino sacrificio religiosè adeò operabatur, ut Mediolani apud Cives, qui sacrificanti fortè aderant, & nomen illius ignorabant, Sancti Sacerdotis appellationem invenerit: quod nomen sæpe aliàs ei datum à pluribus, ob eximiam virtutis opinionem undique concitatum, præsertim ubi peracto Tirocinio totum se proximorum salutis procurandæ, concionibus, operationibus Apostolicis, usque ad mortem impendit. Et quidem conciones non tam studendo, quàm meditando & orando parabat, ad lumen Crucifixi, ante quem partim in genua, partim in faciem prostratus, meditationem multis cum lachrymis peragebat, brachiis semper in crucem expansis, vel ad pectus decussatis, corde in Divina ita absorptus, ut neque strepitum, si porta fortè aperiretur, adverteret. Frequens illi in mente, frequens in ore æternitas, è cujus ferè sinu videbatur petere, quæ ad concionem dicebat, serio adhortans ad pœnitentiam, & novissima inculcans, procul ab omnibus illecebris & fucis verborum. Vivebat in ejus pectore actiuosa, in pauperes præcipuè, quorum confessiones perlibenter magnâ assiduitate audiebat, solabaturque verbis longè suavissimis. Indias magnis precibus flaganter expetijt: & cum non impetraret, ut peste afflictorum obsequijs vitam posset impendere, maximè cum Genua Anno 1656. lue conflagraret, flexis genibus flagitavit. Cremonæ cum per Quadragesimam quotidie concionaretur, & Sabbato pro more quiesceret, ad Xenodochium itabat, ut ægris serviendo levamenti aliquid afferret: quibus domi invisendis perfrequens, ac in abjectis etiam circa illos obsequijs perdiligens erat. Cæterum cælestibus semper videbatur intentus, ut humana omnia tanquam res vi-

lissimas despiceret, neque aspectu dignas duceret: unde si prodiret in publicum ad opitulandum proximis, oculis ibat per plateas humi dejectis, ac vix ad discernendam viam apertis, quòd metueret, nè quid per oculos ingrederetur, quod amorem & quietem compositi cum DEO cordis interpellaret. Anno sancto Romam invisens, nihil splendoris, hortorum, aut Romanæ Majestatis spectare voluit; & pietate suâ perfunctus domum redijt, nè Pontifice quidem viso, licèt tunc esset sæcularis. Cum Anno 1662. Genuæ supremum per Quadragesimam diceret, fecit id Apostolicâ quadam libertate in corripiendo, & ardore majore quàm hactenus; disertè sub initium concionum pronuncians, finem resolutionis suæ instare. Ubi verò morbus eum è pulpito dejecit in lectulum, post duas ferè quotidianarum dictionum hebdomadas, exultavit; mirantibus Medicis causam lætitiæ professus, quòd speraret morbum hunc sibi fore postremum. Unde si quid de spe vitæ prorogandæ, à Medicis præsertim, afferretur, accipiebat ut ingratissimum nuncium: hoc enim non minùs triste sibi eventurum ajebat, quàm si nauclearum jam jam portum ingressurum, ventus adversus, in altum mare ac procellas rejiceret. Filijs suis amicisque nobilibus circa lectulum morientis flectentibus, & aliquod æternæ vitæ documentum petentibus, dixit: loqui nunc se in aditu æternitatis, ubi procul absint causæ fingendi. Scirent itaque, nihil sibi nunc esse jucundius, quàm quòd Religiosus in Societate JESU moreretur: ingressurum se illam adhuc, si hactenus ingressus non fuisset; unum se dolere, quòd tam serò id fecisset. Agerent ipsi quoque, & ita, ac eo in statu, ubi & prout mori vellent securiùs. Antequam extremo Viatico muniretur, quatuor Professorum vota nuncupavit, decimo Societatis initæ Anno expleto: quem 20. Martij mortuum Anno 1662. ætatis 57. frequentissima nobilitas, atque conferta vis populi honoravit.

*Ex An: dier: Memor: Nadañi.*

## P. JOANNES YONGUS.



Pater Joannes Tongus natione Hybernus, deq; sua natione post initam Societatem tum domi, tum Romæ optimè meritis. Post latinas & græcas literas per

*Societas Europæa.*

plures annos diligenter traditas, præfuit pluribus, ut vocant, Residentijs, ac deinde Hyberniæ missioni; ad quam illicò profectus est, cum evocaretur ab ipso Philosophici curriculi, cui docendo se præparabat, vestibulo. Novitios quoque ibidem, ac post

R r r r r

ca





P. Ioannes Yongus, Soc: Iesu, Hibernus, inter gravissimas persecutiones in Missionib; per Hiberniam, annis facile 30. versat; etiam Molitoris habitu farinam deportans, in domos Catholicorum penetrabat. Vitam posuit Romæ 13. Iulij, 1664. ætatis 75.

188.

ea Patres tertiæ Probationis in Romana Provincia instituit, verbo, ac exemplo, veluti ambabus manibus mutuò se se iuvantibus. Denique post annos facillè triginta in Missionibus ardua variè exantlatos, Romæ per octo annos Rector præfuit Collegio Hybernorum, optimo semper exemplo.

Legum nostrarum jam indè à tyrocinio usque in senectam, & senium fuit mirabili accurate observatione; nè in legem illam quâ jubetur quilibet ejus, in qua versatur, regionis, linguam ediscere, peccaret, in tyrocinio, facultate ad id ritè obtentâ, voto promissit, se latinè non locuturum. Etiam per sex illos menses quibus ultimùm æger decubuit, ut legi regulas singulis mensibus legere vel audire imperanti pareret, nullum mensem omisit, quin legentem quempiam

audiret Regulas communes, Sacerdotum, atque Rectoris. Si quid agendum esset, ante omnia legebat Regulas, quæ ad rem aggrediendam pertinere videbantur. Vestes illius locupletes fuere testes positæ ob omnium oculos paupertatis, quæ in illo splendebat, cum pura quadam luce maturæ perpetuæque modestiæ. Nè in legum accurate elangvesceret, admirabili ei stimulo fuit, id quod Lovanij contigit. Constituerat ille, cum Theologiæ studia inchoaret, ut ad illa esset magis expeditus, de tanto illo regularum observandarum rigore, Confessario etiam annuente, nonnihil remittere, cum ecce in triduo Renovationis votorum vidit in suo cubiculo parietes, ac omnia, & particulatim etiam regularum libellum, lurido colore mucescere: cumque attonitus mucorem è regularum pa-

gel-



gellis veller, nec posset abstergere, idèoque folium è libello evellere, sanguinem indè erumpentem vidit: ac se moneri ratus, decrevit ad amussim summâ contentione servare quicquid ullo regulæ cujusunque apice continetur; nullo studiorum aliòve obtentu ab ea mente abducendus.


Dicente quopiam, difficilem, & Metaphysicæ speculationi quàm praxi propiorem videri legem illam, quâ sancitur, ut majus ac impensius studium cujusque sit, quærere in Domino majorem sui abnegationem, & continuam in rebus omnibus, quoad poterit, mortificationem, respondit ille: Sanctiorem illam non esse speculativam tantum, sed verè posse executioni mandari: neque meminisse se illam unquam fuisse transgressum.

In Hybernia inter tot Missionis labores, duas quotidie horas dabat manè orationi quæ mente peragitur, quam sæpe de CHRISTI cruciatibus instituebat, plenam dulcium lachrymatum, quibus persæpe se in oratione perfusum testis est in gemino suo libello, in quem retulit arcanos suos sensus, quos in oratione de cælo hauriebat. Indè illi per triginta annos ad concionem dicenti efficax ad persuadendum nervus; Corcagiæ potissimum: ubi permolesta, sed longè utilissima adolescentum institutio plurimum debuit Patri Yongo; & nobilis illa civitas ab illo in fide firmata, magna dedit documenta constantiæ cum heroicis illis Ecclesiæ temporibus conferendæ. Ibidem cum lues in secretissimo ergastulo grassaretur, humi prostratus inter illa cædavera potius quàm corpora ægros expiabat pœnitentiæ Sacramento. Ibidem ut Catholicis adesse posset flagrante quàm maximè incendio persecutionis, molitoris personâ tectus, ad eorum domos cum equis & saccis penetrabat, & vigilantes hæreticorum oculos eludebat. Ibidem Anglum hæreticum ægrum sæpius invisit, juvit, solatus, ac demum lucratus est, & ille Sacramentis munitus, uno alteròve pòst die de vita migravit. Infantem vix natum baptizavit, sinè baptismo aliàs moriturum: id quod Joanni magno solatio, & in arduis quibusdam rebus illi suo parvulo commendatis, cum aliàs, tum illà ipsâ nocte, præsentissi-

mo auxilio fuit, ut ipse postea testabatur. Corcagia denique ab ore illius pendebat, & si quem abusum tolli vellet Joannes, efficacitate suâ id pervincebat. Romæ in Collegio Hibernorum, pios illos adolescentes ad insignem DEI paræ cultum excitare conabatur: & in morem induxit, ut quolibet die Sabbati exemplum unum narretur de Beata Virgine, tempore recreationis. Adjunt, illam ei aliquando exercitiorum tempore se dedisse spectandam: de quo tamen certiora expecto. In morbo SS. Evcharistiæ reficiebatur quotidie, quâ ultimùm perceptâ, & Oleo sancto unctus, ad Sanctissimum JESU Nomen manus bis elevavit, & expiravit Romæ: ac Superiorû jussu in loculo ligneo præter consuetum aliàs morem; & in Collegij Romani triclinio funebri laudatione, demum incisâ quoque æri effigie honoratus est, Vir dignus, qui vivat in omnium imitatione. Perfertur ad nos ex Hybernia, id quod magnus quidam Catholicus illius Regni Dynasta, Vir omni fide longè dignissimus affirmavit. Ait ille; se, cum quodam die manè Patrem Joannem in Hybernia tunc agentem invisisset, pulsatoque sæpius cubiculi ostio nihil responsi acciperet, pro veteri sua cum eo familiaritate ingressum, & repertum à se Patrem Joannem positis humi genibus orantem, cælesti lumine circumfusum, cum Angelo, qui oranti adstabat. Alius dixit; eum à terra visum in altum elevatum cum oraret. Etiam fœmina quædam de se falsa est, sibi peccatum quoddam tacere in Confessione volenti, à Patre Joanne illud, quod, & quale esset, disertè fuisse dictum, & fuisse peccatum cogitationis, neque alio modo, quàm divinitus innotescere potuisse.

Parvulum quendam, hominis hæretici ac obstinati filium, cum pro mortuo haberetur, P. Joannes mortuum non credebatur, sed præstolabatur orans, dum ederet aliquod signum vitæ: quo edito, paratâ ad id aquâ eum illico baptizavit, & cum ille confestim è vita migrasset, per innocentem illam animam rogavit P. Joannes DEUM, ut obstinati illius hæretici cor domaret, ac flecteret. Mirum dictu! Postridie manè, Vir ille hætenus pervicax ad Patrem Joannem ultrò adjit: ac instructus Ecclesiæ Catholicæ se adjunxit.

*Ex Anno dierum Memorabilium Nadæsi.*







P. Andreas Nigrinus, Soc. Jesu, Silesiæ, ad extirpandâ per Boëmiam hæresin cum alijs aliquot a Ferdinando III. petitis electis Missionarijs, et Oppaviæ Urbe Silesiæ inter non paucâ hominum millia peste enectâ constans Operarijs, ibidem Svecico Marte afflictis unicuique solatium, carcere detentis refugium, ægris auxilium fuit. Obijt Oppaviæ 1665. 25. Nov. æt. 64. 189.

## P. ANDREAS NIGRINUS.

**P**ost exactos peregrinationis vitæ suæ annos 64. plenus dierum & meritorum beatam, ut speramus, patriam attigit Pater Andreas Nigrinus anno post partum Virgineum 1665. 25. Novembris Oppaviæ, Silesiorum Urbe in Domino defunctus. Vivere is cœpit anno currentis sæculi primo, mense Novembri, Superioris Glogoviæ in Silesia honestis atque opulentis parentibus oriundus, optimam & potissimam ætatis partem, annos videlicet 45. Apostolicis pro DEI gloria proximique salutis laboribus impigrè in Societate impendit, ejus-

dem Societatis 4. Votorum professis 1638. 1. Novem: adscriptus. Eximia jam in puero relucebat indoles & maturæ olim virtuti, datis adhuc in tenera ætate speciminibus, præludebat. Quæ olim Admodum Reverendo Patri Nostro Mutio Vitellesco visa Scholasticorum nostrorum in publicum prodeuntium modestia, Societatis ineundæ animum iniecit; eadem in Tironibus Brunensibus sæpius à Patre Andrea studiosè observata, sic ejus animum occupavit; ut terrestres in illis Angelos videre sibi visus, in Societatis cælo illis aggregari unicè desideraret. Hujus pij desiderij cum Sanctissimam Virginem in summa Brunensis templi ara vener-



nerationi expositam faceret consciam, & quò facilius voti compos fieret, ejusdem sibi favorem recitatis sanctæ Brigittæ oratiunculis, aliisque in duas etiam horas protractis sapius precibus devinceret, visa est Mater boni consilij, non tantum pijs sui clientis desiderijs annuere; verum etiam ipsdem penè vocibus Andreæ nostrum, quibus olim Beatum Aloysium, ad Societatem invitare. Id certum; tantum eas voces, seu veræ, seu credulo amanti visæ fuerint, apud Andreæ nostrum pondus obtinuisse; ut ex hoc momento Vocationis suæ amore vitam in aperta etiam discrimina conjicere non dubitaverit. Patuit id, quando Anno 1619. quo Societas Brunâ exulare jussa, & incendij (quod sub ipsum Sociorum exitum in domo, prædio Collegij contigua, exortum fuerat) accusata, gravissimis insuper calumnijs militum, Socios insequentium furore ac rabie impetita fuit. Hic enim verò Andreas noster individuum se Patribus nostris, Fratribusque comitem adjungere, ab eorum latere, quæcunque fors Socios maneret, nusquam discedere, sparsa in illos convicia sibi arrogare, cum ipsdem in sacram Turzanensis Thaumaturgæ ædem se recipere, ad fatalem ictum pari cum socijs alacritate comparere, & expiatâ prius ad sacrum Tribunal conscientiam inter ardentissimos affectus mortem à furiosis militibus inferendam præstolari. Imò & Socios iterum Brunam, quasi ad dicendam causam retractos, comitari; utriusque tunc Societatis tam in cælo triumphantis per gloriosæ spem mortis, quam adhuc militantis in terra per ardens vitæ Religiosæ desiderium Candidatus. Crevit adversâ illâ tempestate vocationis amor in Andrea adeò, ut redux Brunam, oblatam opimam conditionem, spreverit, patriam, Parentes, spes & res deseruerit, spretisque eorum, qui Patribus nostris tunc malè ominabantur, consilij, Viam se cum ijs contulerit, ardentibus semper desiderijs metam votorum suorum anhelans. Nec videbatur tam probata & sinistris casibus multum exercita virtus ulterius differenda. Quate ipso Anno 1620. licet belli calamitatibus turbatissimo, in Styriam missus est, atque ad Religiosæ vitæ fundamenta jacienda in tirocinium receptus 24. Novembris. Factus jam voti compos, hoc suæ in Societatem admissionis beneficium quoad vixit, tanti fecit, quanti salutem suam. Hinc ubi fortè de dimisso aliquo inaudiret, altum ingemiscens, se ipsum alloquebatur: Andreas, si tu Societatem deferas, procerto ha-

be, esse te reprobatum à DEO. Hujus ergo beneficijs gratam in quotidianis sacrificijs atque examinibus relegebat memoriam; anniversarium verò vocationis, quâ privatis, quâ publicis, solidæ pietatis & mortificationis exercitijs reddebat solenniore. Imò mori citius noluit, nisi prius universæ Societati, tanquam charissimæ Matri, pro collatis in se beneficijs gratus filius, lachrymis & inter mortuis vocibus uberes gratias retulisset. Pacatis interea nonnihil belli & hæresis tumultibus, ex Styria Pragam missus ibidem 1622. 25. Novembris totum se se DEO per Religiosa vota consecravit. Scholasticus, quam puram & ab ijs, quæ se scientijs facile immiscunt, gloriæ cupiditatibus alienam in studijs intentionem habuerit, illud argumento sit, quòd solius obedientiæ nutu literas tractare videretur, paratus sive altioribus studijs à Superioribus admoveri, sive ab eis amoveri. Gravissimum duobus cum dimidio annis defluxum in oculis, cum Philosophiæ daret operam, passus; ipse ultrò à studijs iteratò petijt amoveri. Quod cum Superiores ob ea, quæ in illo non vulgaria suspiciebant talenta, negarent; ipse licet ægris oculis, parendi tamen studio, totum se Philosophiæ impendit. Visus est DEUS hanc parendi promptitudinem, animæque ad quævis mandata facilitatem prodigio comprobasse. Nam cum Mappam, in qua CHRISTUS ultimum cum Discipulis cænavit, in Metropolitana Pragensi Ecclesia quotannis publicæ venerationi exponi solitam, ipse quoque reverenti osculo honorasset; & quò studijs ab obedientia imperatis vacare melius posset, mixtas cum precibus lachrymas profudisset; simulque sacrâ mappâ affectos oculos conceptâ sanitatis spe absterfisset; omnem simul noxij humoris destillationem ab oculis feliciter absterfit. Missus deinde in Hispaniâ socius Sacerdotis Nostri, qui Legato Cæsareo erat à Confessionibus; per viam, ac deinceps, mediastini instar, eidem magnâ humilitate inservivit, obsequia omnia, quæ etiam Coadjutores fastidirent obeundo. Redux rursus in secundo Theologiæ anno, quòd scientiæ satis pro instructione rudium se comparasse putaret, speraretque se multarum linguarum, quas egregiè callebat beneficio, simpliciori plebeculæ multum prodesse posse, manumitti à studijs petijt, nec impetravit. Sacris initiatus ipso sanctissimæ Triados festo primam DEO Hostiam Olomucij 1633. litavit. Illico in Vineam Domini gnavus operarius evocatus; & mandato Ferdinandi III.



Augustissimæ memoriæ in Trebonense Dominium in Boëmiâ missus, quatuordecim pagos sic excoluit, ut nutantes in veræ Fidei proposito plurimos confirmaret, maximam verò heterodoxorum partem Catholicè credere persuaderet. Hic tam fructuosè collocatâ operâ, eodem adhuc anno ad alibi locandam videlicet Rubram Lhotam & Dessnam in Boëmiâ destinatus; ibi extirpatâ hæresi, abrogatis nefarijs abusibus, introductis sacris Ecclesiæ ritibus aliisque pro Ecclesiâ laudabiliter gestis, illustri suo exemplo docuit plus unum è strenuis operarijs etiam brevi temporis morâ posse, quàm mille ignavos & laborum impatientes. Perpetuam sibi apud Dessnenses memoriam conciliavit, quod Domino loci author fuerit, ut fontem, qui aquas DEI beneficio infirmis salutare propinabat, novo Sancti Joannis facello includeret; quod Pater Andreas potestate ab Eminentissimo Cardinali accepta benedixit, etiamnum incolarum devotione & advenarum frequentia, nec non gratijs ac beneficijs divinis celebre. Iisdem Dessnensibus lapillum Foyensem ab habitu suo reliquit, quo illi in potum immerso etiamnum diversis morbis, præsertim febribus, medentur.

Præ omnibus tamen illi Oppavia Silesiorum spectabilis Urbs, Apostolicarum virtutum palæstra & fertilis Evangelicorum manipulorum ager semper extitit. Hic ille quanta tulit fecitque, quantum sudavit & aluit! Post infelix Cæsari ad Svidnicium prælium, Oppaviam quoque Svedicus miles obsedit & expugnavit. Alijs Socijs ad tutiora se se recipientibus, periculosa in statione, ut sibi manere liceret, à Superiore exoravit. Paribulum, quod illi Svedicus Generalis Ericus Schlangius sæpius minabatur, tantum abest ut timuerit; ut etiam in eo pro asserendæ Fidei causâ emori, publicâ ad populum dictione se unicè desiderare promulgârit. Cura & sollicitudo, consilia & auxilia, quibus eo in statu afflictos & gravissimâ exactione oppressos cives recreavit, ipsos hostes in admirationem rapuerunt, qui novum in Patre Andrea Paulinum factum, pro captivis civibus obsidem suspexerunt, palamque edixerunt, nunquam Pastoribus suis tantum pro tuendo grege sup sollicitæ charitatis inesse. Post bellum, belli reliquæ pestifera videlicet lues exhaustam jam prius urbem, quadrimestri spatio sic afflixit, ut 5000. caput abstrulerit. Hoc in discrimine rursum Pater Andreas heroo animo se

Victimam charitatis pro populo obtulit, plurimisque qui à suis etiam deferebantur, corporis pariter & animæ opem attulit. Et quia ipse loci Decanus contagiosum morbum contraxit, tota moles Patri Andreæ & Socij humeris incumberebat. Ille igitur Sacramenta administrare, ægros invisere, desertos solari, pharmaca procurare, depositos ad beatum agonem disponere, mortuos sepelire, ut instar prodigij esset, tot inter pericula, non eum quoque pestifera lue correptum, interijisse. In sacris tribunalibus etiam cum malè haberet, assiduus, eâ prudentiâ dexteritatèque pœnitentium conscientias regebat; ut à compluribus levicis diffitæ illustres personæ, eum conscientia suæ arbitrium eligerent, & hac de causa quotannis aliquoties convenirent. Ipsa mater speciali in filium affectu & confidentiâ, totius vitæ arcana, Patri Andreæ auribus concredidit in sacro Pœnitentiæ Tribunali.

Ex Provinciali Congregatione Pragensi redux, in itinere illustrem quandam matronam sibi olim notam, in multos annos confessionem & pœnitentiam differentem docuit in tempore pœnitere, eamque magno utriusque solatio absolvit. Ad Kutenbergensis Collegij regimen cum Oppaviâ Superiorum imperio evocaretur, decem ante abitum diebus tantâ illius confessionale obfidebatur frequentia, ut Paschatis aut Jubilæi tempore majori non posset.

Jam pro sacris rostris ad concionem, quo fervore dixerit, testabantur affatim oculi, qui interdum ardere, facies quæ tota ignescere, caput quod fumare, sudor qui toto corpore adeo copiosè diffuere est solitus; ut testes oculati ex indusio zelosi Oratoris integrum sudoris gloriosi quadrantem Silesitici canthari, ut vocant, non semel fuisse expressum asseverent. Nec mirum adeo ferventer perorasse eum qui primo triennio nunquam suggestum conscendit, nisi ferreo ad lumbos cingulo munitus. Hujus zelo eximie plurimorum aut ad fidem aut ad frugem meliorem debentur conversiones. Sæpius à suggestu descendens pedibus advolvebant se se non pauci, qui vehementi sacri Oratoris dictione percussi inter singultus & lachrymas, vel expiabant conscientias, vel extra sacrum tribunal melioris vitæ spem stipulatâ manu promittebant. Non minus in privatis alloquijs & congressibus Apostolicus Patris Andreæ zelus enituit, in quibus adeo hominum in animos faviter, & cum res exigeret, fortiter se insinuat; ut obsti-



nata etiam pectora illius in agendo savi fortitudini cederent, sanctiores verò animæ illius alloquio non mediocriter in spiritu proficerent. Nobilem Turcam apud Illustrissimum Dominum Osvaldum de Lichtenstein Ordinis Teutonici Equitem crebriori alloquio ad Christiana sacra amplectenda induxit, & per quatuordecim hebdomadas de mysterijs nostræ Religionis probè instructum Freidenthalij in conferta Illustrium ac nobilium corona sacris undis abluit. Eadem dexteritate nefarium quendam avitæ Religionis desertorem, & factum apud A catholicos Prædicantem, postquam triginta annis per Boëmiæ & Silesiæ plurimas animas seduxisset, rursus veræ Ecclesiæ aggregavit, & ad abjurandam hæresim palam Oppaviæ in templo Sancti Georgij induxit. Virum, licet diu reluctata, tandem secuta est uxor, quæ cum fortè acum manu tenens eam respirando sic attraxisset; ut evelli amplius non posset, hortatu Patris ad Beatissimæ Virginis opem confugit, cui strophium acu pictum cum proposito suscipiendæ veræ Fidei obtulit, & mox acu cum copioso sanguine è naribus ejectâ Catholicè credidit. Hanc in conversando gratiam mirè commendavit charitas, quâ Pater Andreas omnes quasi in visceribus CHRISTI complexus prodesse cunctis, nocere nemini studebat. Experti sunt hanc præsertim ægri, carceribus mancipati, ad ultimum supplicium condemnati, orphani, pauperes, & vel maximè ij, quos aut pudor, aut fractæ senio vires stipem colligere vetabant. Ipsi hostibus Patris charitas in pretio fuit.

Recuperatâ à Cæsareo milite Oppaviâ, 130. Svedici captivi in vincula compacti magnâ victûs aliarumque rerum necessarium penuriâ laborabant. His ut Patris charitas subveniret, corrogatâ elemosynâ, faucios à vulneribus sanari, debiles refici, famelicos per quinque hebdomadas pasci fecit, aliasque eorum penurias sic relevavit, ut captivi sanctè asseverârunt se eximiam Patris charitatem, ubi libertate donati fuerint, apud supremum belli Svedici Præfectum miris laudibus celebraturos. Exsolvisse milites promissi fidem hinc licuit colligere, quod per captivos Oppavienses Cives, humanissimas Patri gratias referri Generalis Dux Leonardus Dorstenfonijs voluerit, omnemque Patri, & alijs de Societate, si caperentur, immunitatem promiserit, & lytrum insuper à Religiosis omnibus Oppaviæ pendendum, condonârunt.

Nescit angustias vera charitas: non tantum ad vivos, sed & ad mortuos, extendit Pater Andreas suæ spacia charitatis. Egentiorum cadavera, ut decenter loculis imposita terræ mandarentur, sategit in suspensis octo Svedicis, quibus ille ad mortem comes & hortator fuit. Cum jam per hebdomadas aliquot penderent, nec adhuc, sic volentibus Cæsareis Colonellis, è furca deponendi essent; Pater metuens, nè vel vicina Civitas corrupto à Cadaveribus aëre inficeretur; vel mali milites, pendulorum membris ad magias abuterentur; effecit ut tandem è furca deponerentur, & à carnifice oblatis in pretium laboris aliquot aureis, sepelirentur. Amplius defunctorum animabus profuit, pro quibus ille frequens hostiam propitiatoriam DEO obtulit, & quò eas particularibus pœnis, vel penitus eximeret, vel pœnarum saltè acerbiter imminueret, in se ipsum varijs afflictationibus sanctè crudelis deservijt.

Nunquam Regina Virtutum Charitas, sinè aliarum satellitio & consortio compareret. Humilitas Patris ut maximè latere voluerit, manifestis tamen indicijs se prodidit, cum sui confundendi studio nævos suos in Triclinio, non sinè lachrymis sæpius evulgavit; cum absoluto regimine se tanquam malè administrati officij reum arguit, & publicâ eaque acri diverberatione castigavit; cum ante mortem supplex veniam ab omnibus rogavit; cum in publicis ad Sanctam Annam supplicationibus ipse Vexillum magnum per Oppaviam & viciniam præferre non erubuit. Magnâ præterea in adversis & repentinis casibus in DEUM erat fiduciâ, animoque semper erecto. Quæ ad DEI cultum & pietatis augmentum facerent, sedulo procurabat. Decorem Domûs DEI in tantum dilexit, ut argentea templi Oppaveni suppellex, & præcipua Sacerdotum apparamenta, illius industrijs debeantur, in quibus procurandis miram DEI sæpe expertus est Providentiam, cum diceret se ipsum nescire, unde pecuniæ & necessarij pro rebus sacris sumptus suppeterent. Præcipua pietatis in populo Oppaviensi augendæ exercitia vel ipse instituit, vel antehac rectè instituta mirum in modum promovit. Anno 1648. pro necessitatibus publicis Glogoviam Superiorem ad Lauretanam ædem supplicationem instituit, secumque potissimam urbis partem traxit: eodem anno ad montem Calvariæ in Polonia facilè cum 200. jam senio gravis, dux sacri agminis pedes prævit, eo successu ut in pere-



peregrinatione illa Herula octennis Comitissæ de Guttenstein, & Colonelli de Wallis Filia crescentem strumam amiserit. Generosus verò Dominus Joannes Meltzer à Medicis jam depositus, pristinae sanitati fuerit restitutus. Ab hac peregrinatione redux, cum transiret Cracoviam, impetratâ facultate peregrinos suos in templo Domûs nostræ professæ adhortandi, id non tantum Polonorum accursu, sed & ipsius Episcopi præsentia perfecit. Aliàs ferè quotannis ad Sanctam Annam populum eduxit, atque ad viarum tædia levanda, varijs pietatis exercitijs recreavit. Quotannis quoque ad montem Oliveti prope Strambergam supplicationem comitabatur; ubi plurimorum Walachorum ad eum accurrentium Confessiones totis noctibus expiabat. Sanctissimæ Triados eximius cultor, semper ejus auditum Nomen humili inclinatione capitis est veneratus, seque, eo die, quo Ecclesia hoc Mysterium recolit, primam DEO litasse hostiam auditus est gloriari. CHRISTO Evcharistico impensè addictus, Octavam Corporis CHRISTI solenniter in templo nostro celebrandam instituit. Missæ Sacrificium magno affectu & reverentiâ semper legit, interdum etiam præ affectûs exuberantia, inter sacrificandum pijs colliquescere lachrymis est visus. Ab uno nostro & externis aliquot, cum hostiam sacram de more elevarer, visus est humanâ specie augustior in hostia latere infantulus. Tempore obsidionis Svedicæ quotidie exposito Venerabili Sacramento afflictissimum populum Germanicè & Moravicè ad placandam DEI vindicis iram est adhortatus; è cathedra descendens Litanias de Nomine JESU præorabat; populo magis singultibus & lacrymis, quàm vocibus respondente. Idem cum urbe jam captâ aliquamdiu fecisset, tandem è templo expulsus, facere id deinceps, vetante Generali Schlangio, est prohibitus. Visus est DEUS his Religionis obsequijs placari, siquidem non multo post urbe per Archiducem Leopoldum receptâ, hostis in fugam est compulsus.

Cum exorto ad S. Wenceslai Oppaviæ incendio, totam latè viciniam flamma corripuisset, jamque octodecim domos depopulata fuisset, ut proximum Parochiali Templo periculum timeretur; accurrit Pater Andreas, fusisque coram Venerabili ardentibus suspirijs, sacrum ferculum è templo elatum circumferens, datâ benedictione, non tantum à templo, sed etiam urbe reliqua incendium arcuit: exinde Cives repente exstin-

cto incendio, grates cum lachrymis retulerunt.

In DEI, Mariæque Filium qui tam pius fuit, non potuit non esse totus quoque; MARIÆ. Ejus honori congregatos Cœtus in diversis locis, magno Mariani cultûs incremento rexit. Moravicum Oppaviæ ipse erexit, atque ad comparandam Mariae Reipublicæ necessariam suppellectilem, aliquot florenorum centurias expendit. Ut latius Reginae Cælorum devotus cliens serviret, pluribus Sodalium Albis in diversis Provincijs nomen suum inseruit. Ad aram illius quoties sacrificaret, tanquam Filius cum Matre suavissimè deliciabatur. In monte Serrato, dum in Hispania, ageret, præmissa vitæ totius Exomologesi exemplo sancti Patris Ignatii totum se se eidem Virgini devovit & mancipavit. Hinc mirum non est quod maternam Virginis opem tam bonus Filius sæpius sit expertus, præsertim in Hispanico itinere, cum per Lombardiam ad ripam Padi fluvij, si unicum adhuc pedem equus movisset, fluctibus hauriendus fuisset. Sed nimirum manifesto hoc discrimine Patrem illa eripuit, de qua sumptum ex *Salve Regina* piæ commentationis argumento tunc meditabatur.

Primores nostros Patres Sanctos Ignatium & Franciscum Xaverium magno semper amore & veneratione est profecutus. In maximi beneficii loco reponebat, quod natalem domum Sancti Patris Ignatii, & Sancti Francisci; itémque montem Serratum, ubi Sanctioris vitæ fundamina jecerat; Compluti habitaculum, in quo studuerat; domum Nobilis temerè Ignatium ignibus adjudicantis combustam vidisset; dicebátque se visis Sanctorum Patrum Nostrorum sacris vestigijs sat grande operæ & susceptorum itinerum pretium retulisse. Erga reliquos Sanctos cælique indigenas quâ observantiâ fuerit, id argumento sit, quod Litanias eorum honori recitari quotidie solitas, semper compositis ad pectus manibus recitaret, atque hac precandi ratione ita sibi Sanctos devinxerit, ut eorum patrocinijs se à chiragra, cui eum aliàs obnoxium carnei in digitis noduli & Medicorum judicia prodebant, præservatum affirmaret.

Clausit tam præclaram vitam mors tantis laboribus digna, quam ipse licet adhuc nullis morbi indicijs, sibi paulò post obventuram, sæpius prædixit; & quam lumen in cubiculo, dum decumberet gravius, in corona omnium repente extinctum non obscure significavit. Desideravit tamen vitam eò usque;

sibi



fibi prorogari, dum argentea Crux, quam templo comparabat, perficeretur; eam cum perfectam intellexit, jam libenter, inquietabat, *Andreas cum Cruce moriar*. Ipse ad supremam luctam se ungi sollicitè expetivit, animam verò ut puriorem Conditori redderet, ter ante mortem de tota vita confessus expiavit. Ad hæc, ut paulò post rationem cum cælesti Patrefamilias positurus, pro fidei servo & strenuo operario agnosceretur, triduo ante obitum cilicio lumbos præcinxit, quasi dolorum ex invaletudine non satis haberet. Convocatis demum, cum mors instaret viciniore, Patribus ac Fratribus omnibus, suum agonem eorum precibus commendans, ipse mortem magis in sella, quam

in lecto opperiebatur, quasi non deceret in lecto jacentem emori, qui reliquam vitam omnem Apostolicis laboribus impendisset. Sub horam tandem vespertinam ad denarium strenui operarii accipiendum evocatus, eodem die anniversario mortuus est Oppaviæ, quo ante 43. annos in Societate nuncupatis votis religiosè DEO vivere cœpit. Parentatum est defuncto non Oppaviæ tantum, sed in compluribus vicinis urbibus, & paræcijs; qui quòd Patrem Andream Apostolum Oppaviensem in mortali carne non ampliùs essent visuri, eo luctu illius obitum profecuti sunt, quo olim Paulum illi dolentes quòd faciem ejus non essent ampliùs visuri.

*Ex ejus Elogio & Annalibus Provinciæ Boëmiæ Societatis JESU.*

## P. FRANCISCUS ANNA Beauuau (Bouò)



**F**idus in lucem est Franciscus nobilissimà in Lotharingia familià, sanguine Christianissimos Reges per Borbonios Duces attingente Anno 1617. die 26. Augusti in Castello di Novian, Patre Joanne di Beauuau; cognominato Marchione di Novian, cum Fratrum alter diceretur de Fleville, & tertius de Tremblecourt: Matre verò Antonietâ, filia D. di Commerci de Urre. Post sterile annis 11. matrimonium, multis à DEO votis filium hunc unicum per Sancti Francisci de Paula merita obtinere, Franciscum ab eodem, & Annam ex speciali erga illam affectu, nominatum, & septennium illius habitu indutum. Humanioribus literis primùm, tum Philosophicis, unaque militaribus & Nobilium exercitijs excultus Parisijs, animum applicuit probandæ militiæ, adhæsitque Comiti famoso di Fontenè Cognato suo, militari in Belgio Duci. Sed brevè in gravissimam collapsus Bruxellis ægritudinem, generali totius vitæ exomologesi ad mortem sanctè obeundam se disposuit: cujus efficax propositum in animo illius etiam sanitati jam redditici tantum potuit, ut ab impudica Domicella ad crimen tentatus, velut alter Joseph ex ejus manibus fugâ se proripuerit. Defuncto interim Parente, & Dominijs sui statûs in fiscum abreptis, ex eo quòd Bruxellas ad hostes Gallicæ Coronæ transisset, coactus est ad ea recuperanda & consolandam Matrem re-

*Societas Europæa.*

dire in Lotharingiam. Ejus consilio stabilendæ & propagandæ familiæ matrimonium iniit cum filia Bernardi de Ragecurt, Generalis rei tormentariæ Lotharingicæ Præfecti, cum esset 20. annorum, sponsa verò annorum 15. omnibus virtutibus ornatissima; ut semper DEO infinitè se obligatum agnosceret Franciscus, quòd talis sibi Conjunx obvenisset. Aulam instituit uti omni civilitate & elegantia, ita Pietate & honestate conspicuam; Marchio ipse mirè delectatus, usque ad aliquem excessum splendore & formâ conclavium, vestium, mensæ, familiæ, rerumque aliarum omnium, ut nihil videri posset ornatiùs magisque politum: Marchionissa verò parum his addicta, tota erat in lectione & volutatione librorum, maximè qui pietatem docerent, ut mirè doleret jacturam temporis, quod vestiendo ornandoque corpori impendere cogeatur. Quanquam & Marchio multum oblectabatur lectione historicorum, ac præcipuè eruditis discursibus: venatui, jocis, lusibus, potationibus nunquam deditus. Accidit tamen aliquando, ut ad sui statûs conservanda municipia coactus accipere militare ab vicino exercitu Imperij præsidium, semel aliquem in potu excessum in gratiam hospitem admisit, unde capite turbato periculum grave casus ab equo in flumen subijt. Tantus autè fœditatis istius horror & pœnitudo illum accepit, ut omni deinceps vini usu in perpetuū sibi interdixit, licet nec aliàs præterquam aquâ dilutum adhiberet. Ità jam tum Divina Providen-

S s s s s





P. Francisc, Anna Beauvau, S.I. è Regum Galliæ sanguine Lotharingus; Coniuge cum amplissimis fortunis relictâ, filium primogenitum et seipsum Deo consecrat, laborib, Missionum inter ruricolos imortu, Divione 23 May 1669. Atât: 52.  
190.

dentia per heroicos actus illum disponebat ad facinus sumè arduum, cuius adhuc nulla cogitatio animum subibat. Atq; hanc juvabat & ipse vitâ inculpatâ, ut nullius unquam vitij aut gravis peccati notari potuerit: mensruâ consuetudine adeundi Sanctissima Sacramenta, & peculiari ac tenerrimo in cultum Sanctissimæ Virginis affectu: licet multis inter hæc vanitatibus subiceretur, ambitioni, superflua conversationi, immoderato cultui corporis, & prensandis omnibus ejus commodis. Unum tamen evenit, quo totum ordinem Divinæ circa illum dispositionis everti natum erat, dum postulanti seriùs quàm ut concedi posset, unum è Patribus ex Collegio Pontamossón, habendæ in suo Castro Novian per quædam festa concioni, denegatus est, quod jam singuli alijs ex Nobilitate

Competitoribus fuissent adpromissi. Sensit eam repulsam, contemptum sui interpretatus, acerbùs quàm credi posset: & flammam igni addidit quidam è certa Religione Societati perinensus, exhibitis ad legendum infamibus aliquot contra illam scriptis: ex quibus tantum odium Societatis concepit, ut Conjugem ab alloquio Patrum avulsam omni violentiâ contestatus sit, nè unquam alicujus Jesuitæ operâ ad Confessiones, estò morti suæ superstes viveret, uteretur: malèque se utrumque filium videre ad pedes suos concidere exanimis, quàm ab alterutro Ordinem illorum complecti. Interea non longè pòst primogenitus gravi morbo opprimitur, cui applicata Medicorum pharmaca non nisi ad dolores & malum augendum proficiebant: jamque non procul ab ulti-



ultimo aberat discrimine, cum ei suggeritur à Coniuge, esse in vicino Societatis Collegio Frarrem, medendi arte inter paucos insignem & fortunatum, suadetque evocari. Perinvitus quidem, sed amore primogeniti servandi odium nominis Jesuitici superante, obsequitur: dumque eâ causâ plusculis diebus retento domi suæ cum Fratre familiarius agit, & mores rigidus Censor observat, facile advertit calumnias esse, quæ in famoso scripto legerat, dilurisque falsis impressionibus tantò ardentiore affectu ferri perrexit in eos, quos erroneâ persvasione oderat. Accidit & aliud, quo non parùm DEI Matrisque ejus favores sibi firmasse videtur. Quo tempore prædicatorij Germani Noviani versabantur, post largiorem computationem ad lulum confederant; quorum unus novercante fortunâ, omni perditio peculio in furias & blasphemias solutus, ubi Effigiem DEI paræ muro affixam conspicatur, in eam velut infortunij auctorem effunditur, & post mille injurias etiam ense invadit. Non defuit Cælum arrocifaciori in vestigio castigando. corruens siquidem humi toto corpore horrendum tremere, & occultis convulsionibus exagitatus præ dolore volutari per terram perrexit, quin totis quatuor vel quinque diebus bolus ullus aut pharmacum ori posset ingeri: superveniente mox Ducis mandato cum reliquo præsidio ad Castra deporratus: ut nunquam resciri potuerit, quid eo deinceps factum sit. Ad tam atrocem injuriam in sua Effigie Matri DEI resarciendam, svasu PP. Socieratis, voluit Marchio, assensiente Ordinario, solenni totius populi supplicatione illam ex privata Civis domo deferri ad Ecclesiam, publicæ venerationi in Ara exponendam. Sed casûne, an alicujus incuriâ, nemo designatus fuit deportandæ in solenni processu Sacræ Imagini: dumque omnes hærent, & nemo exequitur aut demandat, sensit Marchio arcano motu vehementer se ad subeundum munus impelli: dumque nonnihil validè se opponente cum respectu minuendi honoris, & prostituendæ dignitatis, luctatur, mox tamen eo generosè proculcato, ipse proprijs manibus sublatam quantâ potuit reverentiâ & devotione, toto supplicationis tempore per compita circumtulit, dum super Ara deponeret. Ab eò die, testabatur ipse persanctè, se peculiare Cæli favores experrum, cœpisse vehementius indies urgeri ad vitam sanctius instituendam, & ad apicem Christianæ perfectionis deducendam. Sed in-

*Societas Europæa.*

animo alijs penitus planèque oppositis, inter tot delicias & commodorum studia assveto, præter continuam ex pertinaci resistentia luctam, nihil nisi melancholiam, quam dissimulare nequirer, impulsus Cælici procreabant. Donec in spiritali quodam recessu, fortuito merè casu, nec cogitanti quid agendum suscipere, DEO ità paternè disponente, gratia de natura triumphavit, & ipse DEO vocanti totum se permisit. Habebat constanter in more annis singulis, per ultimos Sanctioris hebdomadæ dies, recipere se in Conventum Patrum Carmelitarum Nancæi, idèmq; Anno 1642. reperitur equo iter jam iniverat, cum ad Mosellam delatus, flumen deprehendit solito magis aquis tumidum, quàm ut equo rraji posset. Ergo depositâ eâ cogitatione domum revehitur, & obvium fortè nactus Abbatem amicum suum, itineris suscepri eventum enarrat. Hortatur ille nè idcirco pium morem intermitteret, sed eandem animi piè colligendi habiturus commoditatem, ad Collegium Mussipontanum divertat, eosdem dies Exercitijs S. Ignatii impensurus. Magnâ principio repugnantia paruit tamen piè consulenti, eumque fructum ex sanctis illis commentationibus retulit, ut novus homo exiverit.

Itaque domum redux aliam continuo faciè Aulæ suæ induxit, rescissis omnibus quæ dunraxat ad pompam erant & fastum; multa pariter corpori suo subtrahere, nihil superflui indulgere, mensam Dominicam octavo quoque die accedere, Ignatianâ Afcesi quotannis exerceri, meditationi, examini, spiritali lectioni quotidie certum dare tempus, denique negotia omnia destinatis horis ità tractare, ut nihil unquam de ordine reliquis agendis præfixo turbaretur; cui servando ità constanter inhæsit, ut ex eo die nunquam somnum, quantumcunque hospitum obsequijs in longam sæpe noctem derentus, ultra quartam matutinam produxerit. Magnam ea tam subita mutatio domesticis omnibus peperit admirationem, cum & in actionibus verbisque nullus ampliùs notaretur impetus, nulla præter rationem erumperet passio: quin adeò mox à reditu vicinum Nobilem, cum quo illi diuturna fuit similitas, adiit, arque in sinceram amicitiam pellecto non semel asyllum in Castro suo Novian, contra milirum per Provinciam grassationes, exhibuit. Oninium maximè Coniunx Marchionissâ tam sanctâ Mariti conversatione ad æmulationem provocata, voluit & ipsa tam mirabilem Exercitiorum vim

S s s s s 2

ex-



experiri; ex quorum primo gustatu eam hausit orexin, ut nullo deinceps vitæ suæ anno ipsdem refici intermiserit. Ex quo tempore pari zelo in omni virtutum genere certabant se exercere, & vale in perpetuum dicto omnibus superfluis & curiosis dandis vel recipiendis visitationibus & conventiculis, etiam familiæ numerum, dimissis aliquot ephelis & honorarijs Aulicis, retrinxerunt; in eleemosynas liberaliter profusi, ut pauperibus ægris in proprias ædes receptis de sua mensa cibum creberrimè ministrarent, & & morbis plagisve pharmaca propriis manibus apponerent, ulcera & saniem detergerent. Omnis cura versabatur in eo, ut nè ab ullo domesticorum offenderetur DEUS; cuius pœna rarò alia fuit, quàm à munere & Aula exauctoratio. Ea denique fuit Aulæ facies sive internam pietatem, sive conjunctam illi spectes externam civilitatem, ut toti Nobilitati proponi posset in exemplar. Neque inter hæc defuere graves illis persecutiones, & toleranda adversa, quibus suorum fidem experiri amat Divinitas: quin irruptione hostilis militiæ ditio illi aliquando tota vastata fuit: quam licet ex certis indicijs nosset instinctu primarij cujusdam Ministri evenisse, de quo ultionem sumendi multa illi suppetebant media, DEO nihilominus heroicè totum remisit. Nimirum his veluti experimentis durabatur in eam soliditatem, quæ sufficeret ad Mundum & se ipsum penitus calcandum, Ducemque JESUM per totalem sui abnegationem sequendum, quò illum tandem eidem vocare complacuit, ut ex sequentibus ipsiusmet verbis annotata confessione patet. *Sabbato, inquit, infra Octavam Visitationis Beate Virginis Anno 1652. cum flesterem in Choro templi Societatis JESU Pontamossion, & considerarem Effigiem SS. Ignatij & Xaverij depictam in vexillo è fornice pendulo, sensi repente intimè mihi inspirari, ut ingrederer Societatem JESU, & me sacrificarem ad serviendum in Missionibus India Orientalis: cui tamen inspirationi ego nullam causam vel occasionem præbueram. His Divinus instinctus, & meus in illum consensus, quantum ego comprehendere possum, fuit in uno eodem instanti: recordor tamen, me tum considerasse cum quadam reflexione solam vocationem ad Indias; sed ita celeriter & subito, ut exprimere non possim prout vellem: post quod mea voluntas ita firmiter abrepta fuit & adstricta ad eam cogitationem, ut nunquam deinceps animo evelli potuerit. Tantoque fervore sensi in eam omnia mea transfer-*

*ri desideria, ut viderer mihi plenè Dominium mei ipsius esse consecutus, quò licitè & securè possem facere si non votum, firmum saltè propositum ingrediendi Societatem, & ad Indos demigrandi, ut primùm licentia concederetur. Occurrebat quidem tunc, nihil aliud esse quò possem à Charissima mea Coniuge, in qua omnia mea reposita erant desideria, sepeari, præter mortem: verùm post atrocem unius & dimidij anni in corde meo pugnam, vim faciente hinc potente DEI inspiratione, inde repugnante affectu erga tam fortunatum Conjugium, DEUS suâ gratiâ mihi sensum aperuit, quâ ratione etiam necdum viduus fieri possem Religiosus. Id lumen tantopere cor mihi recreavit, ut dissimulare letitiam nec exterius possem; duravitque deinceps cum tanta voluntatis in Divinam conformitatem, ut remedio esset contra acediam & pusillanimitatem. Sola quin adeo rememoratio quod è numero Sociorum JESU unus futurus essem, omnem tristitiam, dolorem, & quamvis animi perturbationem serenabat, depellebat &c.*

Post tam heroicam resolutionem non satis impostero habuit vivere tanquam bonus Christianus, sed æmulari toto conatu studuit vitæ Religiosæ observantiam, etiam quoad vota religiosa, quantum per statum sui conditionem licebat. Toto siquidem affectu à rebus temporalibus avulso, non aliter se earum curæ impendebat, nisi ut prolium suarum Oeconomus, promptissimus quolibet momento, si per Superiores Societatis liceret, omnia relinquere. Quoad Castitatis votum cœpit jam tum tractare cum paris pietatis Coniuge, de perpetua ab usu matrimonij continentia: tantâ utriusque in id propensione, ut voto ad perpetuam Castitatis observantiam se se obstringere voluerint, nisi Confessarius obstitisset: cum tamen Marchio id temporis necdum 36. ipsa autem nec 30. ætatis annum complessent. Assensit nihilominus, ut citra obligationem voti, experiundi causâ, id observarent: & cum uno amplius anno inviolatè præstitissent, concessit potestatem voti nuncupandi, sed quo non ultra annum ad continentiam tenerentur: cumque & sic bene cessisset, in singulos annos idem repeti sinebantur; dum sufficienter ita approbatâ utriusque continentia, indultum est paucis ante ingressum Religionis annis, absolutum pariter Votum perpetuæ Castimonie emitte. Marchioni verò insuper, cum justis & prægnantibus ex causis necdum expediret actu Societatem complecti, per ejusdem Superiores licuit præter Votum



ejus amplectendæ, tria consveta Religionis vota quodam Purificatæ Virginis Matris festo profiteri: *ex quo die*, loquitur ipse in eodem superiore scripto, *audiendo Missam, maximo cordis mei jubilo consecrabam me in holocaustum Domino, intuendo me tanquam victimam illius gloriæ immolandam in Societate, ad quam me admirabilis sua Providentia vocabat. Nec ullum deinceps diem fluxisse memini, quo non vigesies ut minimum Vota eadem renovâssem, contestando simul promptitudinem meam, ad agendum & subeundum cecâ & humillimâ obedientiâ, quidquid mihi imponeretur; meque offerendo ad serviendum Societati in vilissimis munijs, cum in Domo DEI nihil vile esse possit: protestor enim quod abjectissimum in Societate officium tanti æstimem, ut præ illo totius Mundi Imperium acceptaturus non essem, si hoc mihi deferretur.* Et hoc quidem jam tunc in praxim deducebat, exactissimam obedientiam suo Spirituali Directori in omnibus exhibendo, ut majorem à Novitio exigere vel sperare non posses. Orationi, mentali præcipuè, senas quotidie de genibus, festis verò & Dominicis octonas, & die Communione denas impendebat horas coram SS. Sacramento, ad Chori fenestram Aræ majori ex suo Palatio obversam: mox etiam zelum animarum exerciturus, ubi filij è lectulis surrexissent, in rebus Fidei & Pietatis ipse erudiebat: & sub horam à meridie tertiam convocatâ totâ familiâ, Litanias Lauretanæ aliâsque preces unâ decurrebat. Binis quotidie Sacris aderat, Capellani sui & Castri Curati, & quotquot ab advenis creberrimè Ecclesiasticis Religiosisve celebrari contigisset. Denique omnem Domuum Societatis Ordinem, actionum seriem & dispositionem, utriusque Examinis generalis & particularis usum observabat; suis non minùs horis ante & post mensam ad tractanda sæcularia, & Marchionatus sui negotia ordinatissimè attributis. Nullis delectabatur audiendis sæculi novis, perinde ac si nihil ad se Mundus ultrâ spectaret: nisi fortè hospites adessent, erga quos omnem humanitatem & decorem ita exhibebat, ut sui Statûs nemo illi præcellere censeretur. Et quia in cibis ante-hac erat delicatissimus, & nausæ in viiores aut inspidos tenerimæ, non nisi plebeis posthac & palato ingratis vescabatur, ut Indicis miserijs genium assvefaceret: per Quadragesimam verò non nisi solis leguminibus vivebat, Cilicium induebat vestis instar toti corpori pungendo, è pilis morficantibus contextum: cui frequenter adde-

bat aliud è ferro, quatuor aculeatis catenularum ordinibus digestum: & demum nihil quod genio alluberet concedens, quidquid illi è contra molestum & ingratum accideret, avidè consecrabatur.

Nemo eâ ætate credebatur illo per Lotharingiam ex Nobilitate in omni fortuna felicior: florentissima & cultissima visebatur Aulâ; Conjux Sapientiâ & virtutibus supra sexum conspicua, duo filij, totidémque filia, omnes aspectu & formâ perelegantes, nobilissimæ & vivacis indolis: ditio tota populo refertissima, florentior quàm pacis tempore; & Castum Noviân incolis plenum, ob securitatem contra militum incursum, ita ut commune toti viciniæ haberetur asyllum: Facultates cuivis ejusdem Statûs & conditionis ad abundantiam pares, nullis debitis aut litibus obnoxia. Et tamen hæc omnia pro CHRISTO arbitrabatur mera detrimenta, ut illum lucrifaceret, & vitam cum sanguine in animarum salute inter barbaros procuranda expenderet. Hoc enim unicum illi erat motivum, hæc esca, quâ in nassam vitæ Religiosæ cælitus trahebatur; ita quidem, ut si per se idoneus non foret infidelibus convertendis, saltèm ad famularia præstanda obsequia (nam Sacerdotali muneri nunquam æstimabat se parem) Missionarijs apud Indos deserviret. Sed obstabant complura, quæ tamdiu vota ardentia differri persvadebant: Mater imprimis decrepita Filij unigeniti tenerimè amans, quam certum videbatur dolore emorituram, si Filium cerneret abdicato Marchionatu pupillas proles deferere. Hoc tamen obstaculum per illius mortem Anno 1660. sublatum est: & relicta lautissima hæreditas, quæ alium sæculo fortius alligasset, ipsi fuit in spei augmentum citæ à Mundo evasionis, ut præ lætitia in literis de hac felicitate ad Confessarium nuncijs exclamaret, *Dirupisti Domine vincula mea! Scribo hæc in aspectu cadaveris defunctæ Matris; venit optatissima hora, ut exequi possim vocationem DEI!* Quin & Filia natu major DEO in Ordine Religioso, à Visitatione DEI paræ nuncupato, consecrata, pauculis annis superstes cum opinione sanctitatis decesserat, etiam à miraculis post obitum celebrata. Filius quoque primogenitus, Josephus, quo anno Aviam à sæculo per mortem evocari contigit, ipse felicius in vivis eidem emori elegit, vitæ Religiosæ in Societate Tyrocinium auspica-tus Nancæi: tam prono Parentum assensu; ut Mater ultimo amplexu valedicens aliud non commendârit, quàm *vade mi Fili quò te*



*DEUS vocat, & conmittere ut evadas alter Aloysius Gonzaga! Pater verò ipse apud Provinciæ Præpositum Patrem le Blanc, pro Filio Advocatum egit, & Nancæum ad Novitiatum deduxit: unde rediens ad Divæ Virginis de bono successu divertit, totamque noctem genuflexus in ejus Ecclesia in gratijs DEO reddendis pervigil transegit. Duæ adhuc restabant proles providendæ, nè Matri curæ de ijs accrescerent, cujus assensus in separationem omnimodam necessariò requirebatur. Igitur tentare hunc & apud eam sollicitate placuit per illius Confessarium; quæ ad solam mentionem in amarissimum soluta fletum, totum eum diem, & aliquot in noctem horas in lachrymis consumpsit. Marchio videns incassum omnia solatia ab se adhiberi, bene video, inquit, actum me agere à Domina, & necesse esse ut ad DEUM recurram, modum lachrymis tuis imponi exoraturus. & cum dicto strato exiliens, ante SS. Evcharistiam prostratus non diu perstitit, cum subito illa omnem ab animo abstergi mœrorem, & liquidissimum subire solatiū sensit, ut singulari quadam cordis quiete & tranquillitate perfusa, depulso priore muliebri affectu Marchioni profiteretur, nolle se ultra obstaculo esse sancto illius proposito, cujus unicè DEUM esse auctorem tam patenter experiretur. Ergo jam sui juris undique factus, dum reliquis adhuc rebus, & mille se oggerentibus difficultatibus componendis curas omnes applicat, viribus deficere, pallorem toto vultu induere ita cœpit, ut vix sibi similis de facie agnosceretur. Proinde ad DEI implorandum auxilium conversus, totum Adventum jejunando, peregrinatione etiam ad Sanctum Nicolaum Lotharingiæ Tutelarem additâ, transegit: & velut cœlitus accepto lumine, quia necdum plenè Religiosum induere licebat, decrevit bonis omnibus se exuere, & juribus eorum in manus Conjugis & prolium resignatis, modicâ pensione in sui sustentationem reservatâ, in Domum Tyrocinij Societatis Nancæi se recipere, Religiosam vitam in habitu sæculari acturus. Atq; ita 17. Jan. An. 1661. solenni & publicâ Marchionatus renuntiatione factâ, inter suorum & totius Aulæ acerbissimos planctus solus ipse siccis oculis Vale supremum dixit: & nè uno quidem ex famulis ad obsequia retento, ipse sibi servus & mediastinus esse voluit, stratum componendo, everrendo cubiculum &c. tanquam omnium infimus foret & vilissimus. Tanto autem exinde implebatur gaudio, ut brevè pristino recepto colore viribus integrè resti-*

tueretur. Miros ea res totâ Lotharingiâ excitavit animorum motus & sermones: qui tamen omnes, ubi constantem in proposito durare patuit, in laudes & encomia, divinæ manus opus agnoscentibus, desierunt. Ad hunc modum aliquot menses probatâ omnibus suâ constantiâ, cum nihil ampliùs videretur metuendum Patribus ex ejus plena in Societate receptione, significavit illi Provinciæ Præses, si in animum induceret Sacerdotio initiari, sublatum iri omnia impedimenta & oppositiones, quarum intuitu hucusque non licebat illum in Ordinem admitti. Arripuit illico consilium, quamvis eò gradu indignissimum se reputaret; obtinuitque mox assensum Ordinarij, Andreæ di Sossè Episcopi Tulentis, si modò priùs Marchionissa Conjunx votū publicè ederet perpetuæ Castitatis. Neque ulla fuit in ipsa tergiversatio, quæ decennio circiter antè privatim id emiserat. Itaque die condito uterque ad Episcopum convenère, & Marchio quidem hospitio apud Patres Capuccinos capto, noluit aliter Conjugi, nisi ad januam Cœnobij colloqui. Ubi per Urbem res agenda vulgata est, omnes ad spectaculum tam rari exempli accurrere, ut multitudinem locus sacer non caperet: Episcopus autem tam excelsæ Nobilitatis par Conjugum ad suos pedes prosterni videns, tot variorum affectuum motibus obrutus est, ut præ lachrymis singultiens nè verbum profari ex ijs, quæ brevissimè prædicenda paraverat, potens fuerit. Sed & Nobilissima quædam persona, luxui cætenus & mundanis deditissima, ita spectaculo commutata est, ut vanitatibus omnibus nuncium è momento remisit. Ità in Sacerdotem ordinatus die Inventionis Sanctæ Crucis, mox die sequenti Nancæum repetijt, præmissisque sacris Exercitijs primam Missam, nemine ex Cognatis invitato, privatim absolvit, vices omnium supplente Filio suo, & jam etiam Fratre, Josepho, celebranti inserviente. Mirum autem fuit quod eodem Anno 1661. evenit; duo siquidem in Hispania paris Nobilitatis, æquè conjugati, quorum alter fuit Dux de Infantado, eodem prorsus tempore Societatem exambiebant, & dissolutionem Matrimonij sollicitabant.

Novitiatum suum auspicatus est Nancæi 1. Junij ejusdem anni 1661. factus sub eodem CHRISTI vexillo Commilito sui Filij Josephi, quem nunquam scripto dictove aliter appellabat quàm Fratrem suum, tantâ humilitate, & ejusdem, quia in Religione se-



senioris , observatione , ut in epistola quadam ad suum in spiritu Directorem adhuc sæcularis scriberet, *ô utinam citò veniat dies , in qua merear tam fortunatus esse , ut ab meo Josepho instruar , & me illius obedientiæ subditum videam!* Post repetita 15. diebus sancta Exercitia veste Religiosâ donatus , paucis elapsis diebus postulatur ad janua domûs à Marchionissa sua , & filia , cum Comitissa de Viange ; ad quas ita ut erat exhortationibus evocatus, veste desuper ex nigra rudique tela indutus prodivit , de pristino ornatûs luxu sic triumphaturus. Primis illico diebus tria à Superioribus obtinuit , ut ad hospitalia pro obsequijs infirmorum ordinarius visitator designaretur , ut pueris & mendicis ad janua elemosynæ causâ ventitantibus Catechesim explicaret , utque vilissimis semper in Tyrocinio munijs & laboribus admoveretur. Fueretq; deinceps illi hæc ferè quotidiana , adesse Coquo adiutorem , mundare culinam ejusque supellectilem , compo rare ligna , mendicare per forum & compita onustum sacco vel sportâ &c. quæ omnia tanta facilitate , simplicitate , procul omni erubescentiâ præstabat , quasi ad hæc natus , semperque in ijs versatus esset. Quoties in colloquijs adduceretur felicitas Religiosorum , non se capiebat præ gaudio & tripudio in ejus bonis enarrandis , ut aliquando exclamaret : *ô nos felices , dum nihil nos amplius remoratur ad deducenda in praxim , atque ad literam observanda consilia Evangelica ! quæ in seculo non nisi bonâ voluntate & voto desiderari possunt , in executione autem mille respectibus honoris , status , Officij . & alijs id genus reflexionibus intervertuntur . modò si quis me percutiat in dextram maxillam nihil obstat , cur ei non porrigam & sinistram .* Peregrinationis experimentum subiturus , cum duobus Connovitijs ad Divam de Consolatione propè Lucemburgi portas sitam , in quo solis mendicatò corrogatis elemosynis vivitur , ipse sociorum saccos deferendos sibi deposcebat : Ibi cum fortuito in quadam Societatis villa propè Verdunum incidisset in Sacerdotem , quem olim in sua ab Societate gravi aversione per Novian transeuntem inhumaniter exceperat ; fune collo inserto , & dexterâ Crucifixum præferens ejus cubiculum adiit , & pedibus accidens calcandum se , & fune illo strangulandum obtulit , illam injuriam cum lachrymis deprecans , eandemque per CHRISTI vulnera sibi condonari deposcens . Evoluta Tyrocinijs bienio , quod incredibili Perfectionis desiderio

in summo virtutum & domandæ carnis rigore , ut fræno perpetuo eguerit , transiegit , exerceri mox post nuncupata Religiosa vota à DEO cœpit varijs adversis & morbis . Divisionem ad Theologiæ Moralis studium , & capiendam Casuum conscientiæ noticiam missus , sub ultimum Filij sui Josephi amplexum veluti vaticinans , *mi charissime Frater , ait, nunquam amplius in hac vita conveniemus , voluntariè pro DEO facti tanquam purgamenta hujus Mundi .* Quanquam nec illud à vaticinio abluisse creditum fuit , dum Tyronibus peregrinationis socijs non semel cum gemitu & utriusque consternatione prædixit , *Frates mei , nequaquam omnes nos in Societate perdurabimus !* siquidem ante Novitiatus finem ambo ab Religione defecerunt . Iter habuit Divisionem primo vere ob altitudinē nivium , & primam earum dissolutionem ærumnosissimum , ex quo febrem continuam contraxit adeò gravem , ut post 40. dies ad extrema deduceretur . accessere enim dolores vitalium pertinaces , quibus cogebatur diu noctuque ingemiscere : cum summa totius Collegij super invicta ejus patientia admiratione , cum nihil ex ejus ore audiretur præter DEI laudes & mille benedictiones , sinè quavis vel minima querela . Post novem septimanas redeunte sensim valetudine necdum scholam adire permissus , adrepebat quotidie Vir tantus & quadragenario major ad ejus fenestram , excepturus Professoris lectiones , ut quantocyus audiendis Confessionibus idoneus fieret : nullum enim alium finem studijs suis præfigebat , quàm aptum DEO reddi instrumentum juvandis proximis . Casibus auditis jussus est operam dare in compendio saltē percipiendæ Theologiæ Scholasticæ , in ejus subtilitatibus penetrandis ex defectu scientiæ Philosophicæ , à tot annis superficietenus tantum auditæ , estò videret actum pænè se agere , progrediebatur tamen ex amore solius Obedientiæ omni studio & conatu : de quo ita Provinciæ Superiori perscripsit : *Non experior mihi adesse donum à Spiritu Sancto intellectûs ad penetranda mysteria tam sublimia . Melius hæc comprehendo per viam & lumen Fidei , quàm per speculationum connisum : applico tamen omnem conatum ex toto corde , nec pensi habeo quid lucri facturus sim meâ fatigatione , sed plenam habeo satisfactionem ex eo , quod exequar obedientiam , hoc est , voluntatem DEI .* Interim longè diversum aliorum erat per varia experimenta de ejus profectu judicium , adibatur enim jam tunc à plurimis consilij gra-



gratiâ in rebus ad conscientiam vel spiritum pertinentibus, mirantibus tantam in dissolvendis perplexis dubijs claritatem, & in homine vix à sæculo nuper divulso rerum divinarum tam perspicuam cognitionem. Dominicis omnibus vacabat audiendis Confessionibus in Sodalitio Artificum: festis verò & recreationum diebus operam dabat tradendæ Catechesi pueris & rudibus, invisen- dis hospitalibus & infirmis, instruendis per pagos ruricolis.

Sed tota ejus intentio & omne desiderium unice ferebatur ad missionum labores & ærumnas, in quibus cum propriæ virtutis profectu tam utiliter exerceretur zelus animarum, & procuratio salutis proximorum: solitus dicere de se: *Ego non valeo ad aliud, nec sum idoneus nisi ad agendum cum pauperibus & simplicibus, & discurrendum per campos & pagos.* Quate hujus ministerij copiam sibi fieri à Patre Provinciali postulans, ita scripsit: *Mibi videntur Missiones hujus Provinciae esse quoddam Tyrocinium Indicarum: & quantumvis inhabilitas mea maxima ponat obstacula huic designationi, spero tamen hæc à DEO superatum iri: quippe cum ex meribaldouxonato jam fecerit Sacerdotem, ex rudi, & indocto Jesuitam, poterit etiam ex eodem facere bonum Missionarium.* Et in alia ad eundem epistola: *Desiderium, quo R. V. novit me ferri ad Missiones, cogit me prevenire tempus, quò hæc instituendæ sunt, ut constet me in eodem proposito durare; humillimè precando, ut liceat tandem id in effectum deducere, nisi judicet id non fore ad DEI gloriam.* Cum enim ego non possim discernere, an verè divina sit hæc inspiratio, nisi per interpretationem & approbationem R. V. propono & subijcio desiderium meum cum tali indifferentia, ut totum plenè submittam determinationi in manus mei Superioris. *Mibi videor à DEO omnino stimulari & adigi ad consecrandum me arbitrio ejus cui scribo, non retentâ aliâ de me cogitatione: utque citra sollicitudinem de successu, adhibeam nihilominus omnia possibilia media ad eum obtinendum.* Neque ad proponendum has meas Rationes vel minimùm inducor proprio sensu aut spiritu, neque prius proponere deliberavi, quàm consulto meo Patre Rectore: ita ut certus sim, DEUM velle à me explicari R. V. tenerrimos animi sensus, quos mihi infundit, ut præ omnibus alijs Societatis munij operum meam dedicem pauperum & rudium obsequijs: & nimis clarè discerno hanc inclinationem provenire à DEO, quia impossibile est venire à mea natura vel propensione, siqui-

dem indoles mea & genius planè illi est oppositus &c. Igitur cum nullus dubitandi locus Superioribus relinqueretur, Vocationem hanc Apostolicam inspirari à DEO, fecere illi potestatem Expeditionis Apostolicæ tentandæ in Burgundiam, quo annis singulis Divisione aliquot Socij excurrebant ad Missiones, per quatuor vel quinque menses instituendas: sed Francisco per quinque residuos vitæ annos fuere diuturniores. Nihil hic repetam, quæ toties in aliorum gestis relata sunt de functionibus & laboribus Missionum, quæ illi cum alijs fuere communia: satis sit dicere, nihil minùs ab alijs fecisse, tulisse, exhaustisse, partésque omnes veri & consummati Operarij explevisse, superasse. Attulit enim secum ad opus hoc Apostolicum eminentem vitæ sanctitatem, per continuam sui in rebus omnibus mortificationem subjugatæ, & semper cum DEO conjunctæ: unde prædicationibus ejus ac familiaribus instructionibus, quibus corda omnium penetrabat, accedebat pondus ab exemplis tantæ in tanto Viro virtutis, & assiduæ, quâ DEO uniebatur, orationis. Indè procedebat illa fortitudo & dexteritas in tranquillandis quantumlibet implicatis conscientijs, in extingvendis odijs, in solandis afflictis, in reducendis ad DEUM obstinatissimis cordibus, & ad perfectionem sublimem perducendis pietati jam deditis. Si quis ergo revolverit ejus in omni vita summè inclinatam, & genio naturaliter inditum affectum, ad politum quendam in omni re & actione nitorem, facillè cogitabit quantum illi abhorrentiæ superandum fuerit, in perpetua conversatione & convictu omnis humanitatis & politiæ experte rudium ex ultima sorte hominum, in Nosocomijs, sædissimis ergastulis, rusticanis imundis gurgustijs. Erat idem genio ex natura cholérico & vehementiore (cujus & Sanctus Xaverius fuisse legitur) perpetuâ insuper imperus quosvis effundendi assuetudine in quandam asperitatem durato, quibus frangendis eundem Divum sibi in exemplar imitandum & Patronum elegit, ut quàm maximâ planèque maternâ mansuetudine peccatores tractaret, & potiorē pariter satisfactionis partem in suo corpore pro illis adimplendam assumeret. Sed non meliùs cognosci potest excelsa Virtus illius, quàm ex propria epistola, dum rogatus à nostro Sacerdote Missionum Candidato, ut pro habita jam experientia describeret, quibus doribus præditum esse oporteret eum, qui ad Missiones aspiraret: in



ea idæam sui perfectam depinxit, ita rescribens 6. Octobris 1668. Ut respondeam ad id quod quaritur, ante omnia necesse est, ut quàm certissimus fieri labore hanc ad Missiones vocationem provenire à DEO. nec desunt ipsi personæ idoneæ quas consulat, ut prudenter in negotio tanti ad gloriam DEI momenti procedat, requirente magnam animæ perfectionem. Non est autem opus multis ponderare debilitatem virium & valetudinis; plurimi enim debiliores & minùs valentes Missionibus se impenderunt: sed magis convenit advertere, an DEI impulsu agatur ad occupandum se sancto isto ministerio: cuius ut certus fiat, necesse est semper illum precari, qui est auctor Cælestium inspirationum, easque adimplendi copiam præstat, quando & quomodo vult. Atque ad hoc expendendum sufficiens tempus ipsi superest: quo etiam oportet conitari ad consequendam profundissimam cordis humilitatem, & talem de sui ipsius nihilo sensum, ut ipse vadat toleratu impossibile laudari & æstimari ab hominibus; statuendo firmissimè, nihil unquam facere vel aggredi ob captandum plausum vel æstimationem hominum. Est enim omnino necessarium ut desideremus, & afficiamur contemptui nostrum ipsorum velut proprio patrimonio, velimusque despici & contemni semper ab omnibus, & in rebus omnibus. Insuper requiritur, ut Missionarius præditus sit spiritu lenitatis & dulcedinis in agendo cum proximis, ut nullam præferat aversionem ab malis & sceleratis, cum quibus conversandum est, neque à rusticitate & indocilitate eorum, quorum servitijs se addixit. Denique necessum est animum obfirmari in his principijs, tolerare patienter omnia ab omnibus, & nihil è contra agere, quò ullus offendatur: amare collectionem & animi secessum, & conversationem in oratione cum DEO; neque aliter ad agendum cum proximis descendere quàm ex motivo charitatis & necessitatis, & nullatenus ad satisfaciendum amoris proprio per exteriorem distinctionem &c. Interim dum impensius maximo animarum emolumento se impendit Apostolicæ Operationi, malum aliquod aures ita occupavit, ut periculum surditatis incurreret, debueritque Divionem ad Medicorum curam revocari: nihil penitus inde animo turbatus, æquè promptus latere æger & discruciat in angulo, atque discurrere & negotiari in campo. Si Divina Bonitas mihi aperiatur aures cordis, rescribebat ipse Filio Josepho, suæ surditati condolenti, ut docilis evadere sua loquela, quid oberit malè affectum esse auribus corporis? In veritate dico charissimi Societas Europæa,

me mi Frater, parum refert qualiter nos constituti simus, dummodo placeamus illi Domino, qui nos ad suum obsequium vocavit. Quantum ad me, plenè acquiesco ejus voluntati, quidquid me fieri decreverit, considerando quid sim, & quid merear: & si non forem contentus ut per omnia in me adimpleatur voluntas DEI, essem omnium mortalium ingratus. Vos gratias loco mei reddite adorabili huic Benefactori, pro tantis mihi præstitis favoribus, & supplete defectum meum, serviendo Societati pro vobis & pro me: duplex enim vobis grande incumbit onus, satisfaciendi obligationi vestra & mea. Atque idcirco mi dilectissime Frater, reddite vos omni virtute conspicuum, & idoneum exolvendo duplici huic debito. Iterum iterumque ex toto corde simplex oro & obtestor, non sit aliud vestrum desiderium, quàm DEUM amare propter se solum: perque hunc ipsum amorem vos adjuro, misera mea desideria jungite desiderijs vestris, meamque voluntatem, quam habeo semper implendi placitum DEI, unite vestro conatui & studio idem præstandi, ut ita simul magis grati accedamus oculis Domini nostri &c.

Pereosdem in Missionibus labores jussus est Franciscus emittere solennia quatuor Professorum vota, in festo Assumptæ DEIPARÆ 1666. singularissimo apud nos privilegio, neque alioqui per Religionis ætatem, neque per studia Professorum gradui idoneus: sed ob eminentem virtutem, ut loquebatur in sua epistola Pater Generalis, ex speciali nempe Pontificis indulto, hunc ei gradum concedens. Ad tam improvisum nuncium, quòd gradu hoc semper credidisset se indignissimum, vehementer perturbatus, omnem lapidem, incassum tamen, etiam post Vota nuncupata movit, ut eò gradu absolveretur. Tanti enim faciebat Societatem, suamque inter Socios admissionem, ut vel minimis in ea accenseri supra omne suum meritum semper duxerit: nec ulla ferè fuit epistola, in qua non excurreret in laudes DEI pro hoc omnium maximo beneficio. Si contigisset me, scribit in quadam, ad Societatem non recipi, & necesse fuisset ad bonum hoc, quod nunc possideo, obtinendum peregrinari ad fines Mundi, sine omni dubio id fecissem, mendicando panem etiam ostiatim. Diem sui in eam ingressus celebrabat ut festum; vestem Religiosam dum exueret vel indueret, tenerrimè exosculabatur, ipsamque adeò cubiculi pavementum, quoties intraret aut exiret. Hinc ad Religiosum illum, qui calumniosa quædam scripta (de quibus sub initi-

T t t t

una



um meminimus) adhuc sæculari, ut eorum lectione à Societate averteretur, obtruse-  
rat, literas dedit affectu plenas, significando quantum diversa planèque opposita experi-  
retur in Societate, quàm in chartis illis infami-  
bus legisset: hortatus, nè vellet palmaria mendacia & calumnias deinceps de Ordine  
tam sancto spargere, nisi prius normam vitæ illius percepisset. Paupertatem Religiosam  
tanti faciebat, ut suis in sæculo relictis pro-  
libus dictitaret, nihil post se illis præter mi-  
serias obvenisse; cum tamen amplissima Do-  
minia, Novian, Tremblecourt, Vignot, plu-  
ræque alia ipsis reliquerit. Obedientiam Su-  
perioribus exhibebat tam promptam & cœ-  
cam, ac ipsi DEO; & quod stupeas, ipsi Fi-  
lio suo Josepho, qui illi cum reliquis Tyro-  
nibus ad præscribendam agendorum labo-  
rumque seriem datus erat Præfectus, nos Ma-  
nuctorem dicimus. Anno 1668. dum  
sacris Exercitijs vacaret, nunciatum illi fuit,  
filium Marchionē in Palatinatu adverso præ-  
lio occubuisse: quo eventu nihil conturba-  
tus, de sola animæ salute anxius fuit. Et  
quamvis rumor brevī compertus sit fuisse  
falsus, præfagus tamen fuit consecutæ post  
paucas hebdomadas mortis ex ægritudine  
fatali. Repetenti namque suam Missionem  
dum vale facerent Collegij Socij, mirati e-  
jusdem alacritatem ad excurrendum: fassus  
est, se ingenti gaudio perfundi in his expedi-  
tionibus: esse tamen aliquid in præfenti,  
quo illud temperari posset: visum enim sibi  
eâ nocte fuisse Marchionem filium feretro  
mortuali impositum: compertumque dein-  
de est, eâ ipsâ nocte mortalibus paroxysmis  
correptum fuisse, ut mox extremam illi Un-  
ctionem dari oportuerit. Mater quia despe-  
rabat Patri id in tempore, ob loci distanti-  
am, & violentiam morbi, nunciari posse, ut  
morienti adesset; ad Angelos utriusque Tu-  
telares conversa impensè precabatur, vellent  
id Patri manifestare: quod eâ visione præ-  
stitisse credi possunt. Ergo de illius morte  
in ipso ætatis flore, cum annum ætatis age-  
ret vigesimum, certior redditus, quam non  
tantum Christianè, sed sanctè, cum plurium  
adstantium Religiosorum admiratione ob-  
ivit, magis gaudio exiliit, quàm ut levissimè  
indoleret: præsertim ubi simul ex Matris e-  
pistola intellexit, idem ipsi solatium exinde  
proficisci. Ad cujus lectionem dulcissimè  
exclamavit, gaudere se, quòd non relinque-  
ret superstitem post se in Mundo ullum Fi-  
lium, qui DEUM posset offendere; nec fi-  
nem faciebat benedicendi DEUM, quòd

tam bene morti præparatum sustulisset; &  
quidem ante suum obitum, qui post quadri-  
mestre consecutus est. Cum enim inter affi-  
duos Missionis labores nihil sibi quietis in-  
dulgens, præter alias corporis asperitates,  
jejunium etiam totius Quadragesimæ in solo  
pane & vilissimo legumine traduxisset, vale-  
tudinem ità prostravit, ut ex accensione san-  
guinis varia passus symptomata, Divionem  
redire coactus sit. Et illico prodidit se gra-  
ve apostema inter vitalia succrescens, cor-  
pùsque totum hydropè intumescere cœpit;  
quam secuta est hernia aquosa monstrosæ  
magnitudinis, & hæmorrhoidum insupera-  
bile malum; tandèque in ipsis faucibus  
plagæ supernæ & infernæ gingivæ acerbissimè  
exulcerantes. Tot simul afflictus malis quia  
decumbere nequibat, plures hebdomadas  
coactus diu noctuque confidere, in nullam  
partem citra dolorem corpus acclinare po-  
tens, omnis ferè somni expers, adeò dolori-  
bus emaciatus, ut neque loqui nisi submissè,  
& cum oris vulnerum exasperatione posset;  
omni eò solatio privatus, quod ex colloquijs  
spiritualibus capi solet. Quidquid autem  
remedij adhiberetur, nihil proderat nisi ad  
augmentum morbi & dolorum. Atque tum  
demum paruit omnibus solida hominis vir-  
tus, & invicta Viri patientia, ut neque ver-  
bum querimonix, aut signum intolerantiæ,  
vel vocis quidpiam delicatius exigentis ad re-  
focillandum audiretur. Solum oleum è lam-  
pade intrâ sacellum Sancti Xaverij ardente,  
loco omnis pharmaci erat, quo identidem  
ungi petebat eâ parte, quâ doloris acerbitas  
prævaleret; sentiebátque continuò ejus le-  
nimen, ut cum DEO expeditius agere posset,  
quæ sola illi erat perpes occupatio unicùm-  
que solamen. Destinaverat Provinciæ Præ-  
positus supremum in vita præbiturus ipsi nec  
petenti, nec scienti solatium, ut Filius Jose-  
phus Rhemis ad Parentem ultimò invisen-  
dum accederet: sed Rector Rhemensis cre-  
dens morbum non esse adeò periculosum,  
ut ante communes à scholis vacationes vi-  
tam abrumperet, siquidem Josephi unam  
tunc ex ijs docentis opera sibi erat necessaria,  
mittere illum omisit: atque ità vaticinium  
Patris sibi constitit. Tandem rupto inter  
viscera apostemate ad limen æternitatis de-  
ducto, cum sanctum Viaticum petenti (nam  
aliàs quotidie Pane Cælico reficiebatur) con-  
cedi ob creberrimos vomitus non posset, o-  
leo morientium inunctus, dilapsis ex Infir-  
maria tantisper omnibus, solum se relictum  
credidit, latenter interim remanente suo  
Con-



Confessario. Ergo in gratias DEO reddendas, & amorosa cum DEO colloquia totis affectibus solutus, illa repetebat potissimum ponderabátque, *Ego mi DEUS, ego mi JESU, ego morior Jesuita? ó quas gratias rependere possim pro tanto favore? &c.* Tum petijt cervicali supponi sacculum, quem semper secum circumferebat: hic postea deprehensus est plenus benedicto cinere, ad imitationem Sanctæ Theresæ, ut perpetuam ex illo haberet memoriam sui nihili, & verè super cinere moreretur. Continuatísque cum DEO, Sanctíssima Matre, Sanctísque Ignatio, Xaverio, & Francisco Salesio ( quorum icones voluit sibi ad pedem lectuli affigi ) colloquiis, impetravit ab uno adstantium Sacerdotum pro se adiri Sanctissimum Sacramentum, & supremum in vita mortali nomine suo vale dici, benedictionémque pro via æternitatis peti: impetraséque plenissimam credi potest, ante Sacerdotis reditum placidissimè extinctus 23. Maji Anno 1669. ætatis 52. initæ Societatis 8. Vir erat pulchri aspectus, staturæ bene proportionatæ, complexionis vivacis & accensæ, morum & genij planè Nobilis, cui inerant spiritus & qualitates omnes Personæ. Principalis: ante conversionem tamen suam nihil his omnibus naturæ donis spirabat nisi Mundum, ejúsque splendidas vanitates, habitus per totam Lotharingiam ut fastui deditus, in iram præceps & ferox, sed vitijis nunquam addictus. Conversatione & loquelâ amabili, in discursu prudens & rationalis, magno & excelso animo, & ex natura inflexibili, sed per heroicam postea Virtutem & Obedientiam Superioribus subiectissimo.

Et quidem cum ingressu Religionis omnem mundanum affectum, quin omnem de sæculo cogitationem ab animo penitus exuit; & quales impetus habebat ad Mundum, talibus in Religione agebatur ad DEUM, ut nihil præter eum amaret, æstimaret, cogitaret. Cujus singulari favore evectus est ad sublime Orationis donum, nonnisi maximis DEI servis concessum, ut ferè citrà omnè discursum arctissimè illi uniretur, illo fruèretur, magisq; pateretur divina, quàm ipse orando aliquid ageret: perinde in medijs occupationibus illi conjunctus, atq; in solitaria meditatione. Ex quo flagrantissimo DEI amore nascebatur alter in proximū perinde purissimus, dum in eo non diligebat nisi DEUM, & extra DEUM nihil. Ità amorem, quem in proles suas olim habebat naturalem, mutavit plenè in supernaturalem, omniq; curâ & Societas Europæa.

cogitatione proculcatâ de statûs eorum conservatione aut elevatione, solam animæ salutē omnibus votis & conatibus procurabat; ità ut ex intimo corde optaret videre in illis familiam suam extingvi, dumodo allubuisse illis Religiosum statum amplecti. *Dicite vestro Fratri*, scribebat aliquando ad filium suum Josephum, *illum magis nunc in amore mihi esse, quàm unquam aliàs, sed amorem hunc totum esse in DEO: quòdque eum per amorem animæ suæ adjurem, ut nè attendat res mundanas eâ parte, quâ seducit Mundus & incantat Amatores suos, qui non perpendunt deceptionem & inconstantiam illius. Ego ipse delusus & infelix fui unus ex eorum numero, & non multò post expertus sum lucra meorum errorum. Fugiat per DEI amorem pravæ familiaritates, quæ ingenerant eos habitus, à quibus deinceps nemo se liberare potest, dum vult: sibi-que certò persvadeat, hujus consilij auctorem non nisi optima illi velle. Ego unice exopto, ut DEUS tangat cor vestri fratris, quò vobis se conjungat ad serviendum eidem Domino, qui fidem omnibus servat. Verùm ô DEUS! non est electus ipse, ut apparet, ad tantum consequendum bonum! Domina Mater illius mihi retulit, bonis esse præditum à natura dotibus: si non deluditur amore materno ad hoc asserendum, DEUM bonum! quò proderunt misero juveni hæc dona, si justus DEUS illum abjiciat, & fortè etiam ( ut non rarò fit ) Mundus? Hoc est, quo non recogitato ipse dementatur, & jam non parum opere comprobavit! Optimè memini, quantum & ego per talia aberrárim, & idèò non sine causa reformido, nè errores mei perseverent in ejus persona per me in illum derivati! ego sum origo mali, cui me-deri non remanet in mea potestate! perget ergo ille ità vivendo, nisi remedium afferant orationes sanctarum animarum. Eundem suum depuratum ab omnibus terrenis in unicam filiam amorem luculenter demonstravit, quando consultus de ea maritanda cum Comite de Viange, totum arbitrio Matris reliquit, nè ullatenus curandis terrenis implicaretur: nihil aliunde ex eo sibi connubio gratulatus, quàm ubi intellexit filiam in optimo Conjugio locatam maternis vestigijs inhærendo pietati colendæ & virtutibus Christianis unice deditam esse. Cùm autem nihilominus peractis sponsalibus Comes salutandum sibi Patrem duxisset, deprehendit illum in pago quodam Burgundiæ audiendis paganis palàm in Tempello aures dantem; cujus tamen suâ unice causâ, per tot annos non visi, & in sæculo alioqui perfamiliaris,*



adventus, non tantum apud illum valuit, ut ejus gratia ceptum laborem omitteret: nam brevissime data acceptaque gratulatione, & modico (quantum religiosa svadebat humanitas, ne contemni videretur) alloquio, mox ad Confessionale revertit. Ex eo solius salutis in proximis amore, nascebatur in ejus corde intimus dolor de perditione tot animarum, atque ex hoc ardentissimum desiderium & zelus earundem juvandarum: ex cujus motivo sicut unice ad deferendum sæculum, & eligendam præ alijs Societatis Religionem inductus fuit, ita in ea postmodum nihil quieti suæ indulgens, nullum conatum & laborem intermisit, quem utilem saluti proximorum futurum crederet; tandem ipsam in Missionis fervore, & desiderijs trahendi ad Indias immortalis. Zelo salutis animarum in vivis degentium, parem adjunxit sæculo jam solutarum, quibus è piacularibus flammis in possessionem beatitudinis asserendis omnem suam quorumlibet operum satisfactionem, omnes corporis afflictationes donavit, nullius penitus pretio extingvendis sibi debitis poenis reservato. Idem moriens fieri petijt omnibus suffragijs ex more Societatis per universum Orbem pro anima sua indicendis, ut non pro sua sed aliarum animarum è Purgatorio liberatione applicarentur, quæ multò se magis dignæ forent quantò citius cælo inferi. Maxime tamen hic zelus effervescebat, ubi agebatur de honore DEI, vel injuria rebus divinis illata sarcinda, ut ex vero dici de illo potuerit,

*Ex ejus vita Gallicè scripta à P. Ludovico di Nyel. & Italicè versa à P. Annibale Adam.*

## P. JOANNES DE ALMARZA.



**P**ater Joannes de Almarza natione Hispanus, ex oppido Viguera, Diœcesis Calaguritanæ, cum Juribus audiendis Compluti operam navaret, Deo cor illius sanctiore impulsu tangente, rebus humanis nunciū remisit, & aditum ad Soc: impetravit, Villaregij tyrocinio probatus. Mox Theologicis Compluti excultus doctrinis, licet altioribus tradendis disciplinis egregiè aptus videretur, Grammaticæ tamen rudimenta plures annos, magno animi gustu, pueris explicuit: coactus nihilominus postea, quatuor jam vota professus, quantumcunque deprecaretur, S. Scripturam Murciæ, iterumque Compluti interpretari. Fuit enim humilitatis stu-

zelus Domus tuæ comedit me. Accidit aliquando, ut gravis contemptus fuerit illatus SS. Evcharistiæ in quadam suæ ditionis, dum adhuc sæcularis esset, Ecclesia; de quo certior factus, quia aliter facinus vindicare, vel injuriam sarcire non poterat, novenam peregrinationis ad locum sacrilegio violatum, ut honorem DEO Evcharistico restitueret, sibi indixit: atque ita sub vesperum quotidie nudis pedibus, detecto capite, cum cereo accenso pagum illum satis ab Aula distantem adibat, totoque corpore in ejus Templo ante majorem aram prostratus, altâ voce obsequia infima Sanctissimo Sacramento reddebat. Universim verò sacris Ecclesiæ rebus omnibus & ritibus mirè addictus fuit, & sui baptismi anniversarium diem singulari devotione 26. Augusti, à prima sua in sæculo conversione constanter recoluit: nam mediâ nocte lectulo consurgens Ecclesiam Aulæ suæ adibat, ibique ad pedem fontis baptismalis prolixas de genibus DEO gratias, quod ibi spiritualiter renatus esset, reddebat: simulque verbis Ecclesiæ in Rituali baptismi renunciabat Diabolo, Mundo, & pompis ejus, & omnia, quæ Patrini pro se spondebant, suis verbis rata habebat, renovando protestationem vivendi & moriendi in Fide per baptismum percepta, proq; ea sanguinis fundendi gratiam postulando. quam licet DEUS non indulserit, concessit tamen mortem ex laboribus & ærumnis in propagatione Religionis conscitam opterere.

diosissimus, rerum suarum contemptor, omnibus se doctrinâ & virtute inferiorem ex animo reputans, & indignū, qui pedibus aliorum substerneretur: quorum cum omnia semper dilaudaret, de se tamen nunquam auditus est verbum ullum jactantius proferre; solitus vel ad aliorum de se opinionem mirè angi & erubescere. Atque hoc propriæ vilipensionis studio præclarum evasit DEO, qui infirma semper eligere amat, ut confundat fortia, suæ gloriæ instrumentum, ad quævis eximia in animarum salutem perficienda: quorum eventus ipsemet admirari solitus, aiebat, medium denique unicuique ad magna gerenda esse, seipsum deprimere, & indignum atque impotentem agnoscere. Unde licet à natura esset admodū timidus & pusillanimis, magno tamen





P. Joannes de Almarza Soc. Iesu, Hispanus, ardens  
Ecclesiastes contra Spectacula, et luxum vestium.  
Humilitatis, Orationis, et vincendi Sui studio præ-  
cellens. Animarum lucris locuples occubuit Com-  
pluti 4. Junij Anno 1669. Aetatis 51. J. Kilian sc.

tamen corde proximis DEO lucrando se ad-  
dicens, carcerum primum & hospitalium cu-  
ram assumpsit, & necessariâ prorsus charita-  
te non animis tantum, sed & corporibus op-  
portuna prospexit. Huic sedulam doctrinâ  
Christianâ per vicos & fora, rudibus &  
parvulis explicationem adjunxit: quam ut  
facilius memoriâ mandarent, versibus ver-  
naculis universam complexus est, eo Reli-  
gionis in rudi plebecula fructu, ut Cardina-  
lis Sandoval Archi-Episcopus Toletanus, e-  
am typis excudi, & per universam diœcesim  
spargi jussit. Ad expeditiones deinde, pa-  
ganas & rurales, exorâtâ magnis precibus à  
scholis sapius missione, animo adjecto, non  
tantum Apostolico zelo eas obibat ipse, sed  
alios etiam ad idem ministerium inflamabat:  
nam quò tempore vacabatur à studiis, Scho-

lasticos nostros ruri agentes exhortabatur ad  
pagos vicinos lustrandos, & rucolas do-  
ctrinâ Christianâ imbuendos, utque iisdem  
in campum aliquem collectis ferventem a-  
ctum contritionis præirent, quos ipse postea  
Sacramentaliter à peccatis absolvebat. Quod  
ut efficacius persvaderet, habebat semper ad  
manum ardentes Patrum Societatis ab Indijs  
litteras, laborum suorum, ærumnarum, &  
fructuum testes, quas eâ teneritudine & spi-  
ritûs dulcedine prælegebat, ut obortis præ-  
solatio lachrymis multum progredi vix pos-  
set. Quidquid autem ab alijs laboribus  
temporis superesset, in Confessionali transi-  
gebat, necessarijs etiam somno detractis ho-  
ris, ut paratum semper, qui audiri vellent  
& expiari, se invenirent. Quantum autem  
pro Sacro tribunali adhibebat lenitatis & mi-  
seri-



fericordiæ, tantum in concionibus & alloquijs, ac quoties DEUM offendi cerneret, depromebat severitatis & zeli: nam si fortè per urbem inambulans jurantem quempiam, aut diras vel obscenitates jacentem adverteret, illico delinquentem primum familiariter, mox severius reprehendens, vitij gravitatem ob oculos ponebat, ac plerumque emendatum dimittebat.

Id verò quod maximè persequabatur, erat vestitus ad luxuriam in oculis spectantium excitandam ornatus, Venerei cantus, inhonesta conventicula, & obscena spectacula, quæ ipse Dæmonis encœnia appellabat. Hæc non tantum verbis & concionibus insectari præfens, dum viveret contentus, ut etiam à morte sua ubivis eadem dissuaderet, tractatum ingentem conscripsit, rationibus efficacissimis, & Sacræ scripturæ Sanctorumque Patrum autoritatibus plenum, pestem hanc unice detestantium. Quoties autem horum aliquid in oculos transeuntis incidisset, nunquã sibi temperare potuit, quin zelo divini honoris accensus, in auctores tantæ impietatis inveheretur, licet eã re vitæ periculum faciendum esset. Cùm enim vice quãdam in civitatis Optæ foro, ubi avernales ejusmodi Comœdi spectaculum publicum adornabant, contra illicita hæc oculorum & animorum illicia detonaret, præfens concioni scenæ auctor contra dicentem adeo exarsit, ut stricto ense in medicum suæ animæ provolans, in vestigio necaturus fuerit, nisi à præsentis Nobilitate, stricto vicissim ferro in Patris tutelam prosiliente, inhibitus foret: à quorum ulticæ manu multum laborandum Patri fuit, ut miserum eriperet. Similem adversus ejusmodi dæmonis ludos zelum exeruit Murciæ, magno civium motu: ubi cùm magnus insuper Maurorum degeret numerus, eorum à Mahomete ad CHRISTUM adducendi desiderio, singulare studium erroribus ipsorum cognoscendis, & prolixo tractatu refutandis impendit, adjunctâ methodo cum illis fructuosè agendi, & ad Fidem Christianam traducendi. Nam & ipse plurimos eorum CHRISTO lucratus est, & quanto potuit apparatus splendore, corrogatis undique potentiorum ad eorum vestitum eleemosynis, baptizari fecit, quo & alij ad baptismi ambitum allicerentur. Præcipuo semper in pauperes ferebatur affectu, & piorum liberalitate constanter fovebat; lectulos in nosocomijs ipse componebat, & quidquid domi forisve offerretur, dulciaria, poma, & cujusvis generis fructus,

eorum commodis asservabat. Quo ipsius zelo latè vulgato, multi è ditioribus largas ad Patrem, etiam ab urbibus remotis, eleemosynas trans mittebant: quas ipse tantâ integritate in egenos partiebat, ut nè teruncium quidem in usus proprios converteret. Continuo Superioribus domi supplicabat, pro rejectitijs lineæ laneæque supellectilis segmentis, in pauperum usus dividendis: quorum vim maximam ad Missionem quampiam exiturus secum, præter corrogatam stipem, afferebat. Cùm verò in Residentia JESU de monte degenti, confluentibus ad ejus opem totâ regione Lorocanâ pauperibus, hæc omnia nequaquam ad omnes vestiendos sufficerent, unusque adhuc investitus remaneret annosus senex, Complutum secum illum adduxit, ex piorum conquisita liberalitate vestiendum. Tantâque fuit hæc Viri in egenos misratio, ut paulò antè mortem stipem rogatus, cùm præter quinque reales (nostrates ferè 17. cruciferos faciunt) certæ suæ necessitati concessos, nihil ultra haberet, illos ipsos integrè erogaverit.

Atque his ille virtutibus communiter apud omnes Viri Sancti existimationem & appellationem adeptus est: Murciæ verò & Compluti tanti fiebat, ut in gravissimis negotijs & difficultatibus preces ejus & consilia, crebris epistolis expeterentur; responsa verò perinde ac Sancti alicujus literæ æstimarentur, & magnâ veneratione ad excitandum spiritus fervorem lectitarentur: felices etiam cumprimis se existimarent, qui eum conscientiaë directorem habere possent. Neque inter hæc remissior erat propriæ perfectionis cura, ad cujus stadium decurrendum ut recalcitrantē carnem, veluti stimulis mortificationis adigeret, cilicio utebatur perpetuo & præter cruentas privatim flagellationes, omnibus Sabbatis, & festorū singulis pervigilijs, publicâ in triclinio verberatione. His addebat frequentia in pane & aqua jejunia, humi cubationes, unicam in die perquam tenuem refectionem, adversorum autem & persecutionum invictam adeo tolerantiam, ut eas renidenti ore, tum præcipuè hilari, exciperet. Gravi demum & prolixa infirmitate prostratus, cùm magnâ ciborum nauseâ, gustu penitus amaricato, & faucibus graviter exulceratis, laboraret, ut vix aliquid edulij aut medicaminis, citra acerbum cruciatum trajicere posset, quoties tamen id Superiorem aut Medicum jubere dicebant adstantes, sumebat totum avidissimè; tantâ



licet violentiâ & dolore, ut omnes ad commiserationem excitaret, rogaréntque iidem qui jusserant, vellent ut à vi sibi inferenda desistere, & reliquo cibo abstinere. Sed responderebat, totum exhaustum esse, quod DEUS per Superiores vellet, plurimùmque se illi amoris idcirco debere, quòd aliquam crucis suæ particulam in se derivaret. Refrigerandis ejusdem ardoribus frigida aliquando haustus porrigebatur, ad quam visus sibi naturali quodam appetitu ferri, nè vel tantillum ei minùs ordinatè indulgeret, applicatum jam ori scipsum velut indignabundus retraxit, ita protestatus: *si in hoc scipho mihi propinaretur integrum totius amaritudinis, quæ usquam in Mundo est, mare, & omnium peccatorum fel, totum id cum gustu DEI amore exhaustum.* Verùm volente DEO, ut refrigerio isto potiatur afflictum corpus meum, illud recipio quia DEO placet, nullo alio ex motivo, iterùmque ac iterum repetijt, nullo alio ex motivo. Quibus corporis afflictationibus ad perfectissimum Angelicæ puritatis gradum evasit, ut nè quidem motus ullos, vel pravas imaginationes pateretur. Annotaverat quidem in libello Examinum suorum particularium rari instar casûs, se die quodam tentatione minùs honestâ infestatum fuisse, sed implorato DEI per Joannis Bergmanni merita auxilio, nè quâ simili deinceps molestiâ pulsaretur, voti compotem evasisse. Idque etiam testabantur, quibus omnia conscientie suæ arcana confidebat; quòd licet quotidianâ confessione minutissimas etiam labeculas expiare consuevit, nunquam tamen de minùs honesta quapiam specie animo objecta reum se accusasset.

Obedientiæ cum observantissimus esset, non sustinebat vel de chartæ folio, sinè expressa Superiorum licentia, disponere: cumque aliquando pennam unam à Domûs Ministro roganti, ipse duas dedisset, Pater id primùm in cubiculo advertens, è vestigio redijt, anxius nè fortuitò præter intentionem duas pro una dedisset, cum unâ solùm opus haberet. Eademque promptitudine observabat nutus omnes subordinatorum Officialium, Sacristæ, Janitoris, Infirmarii, ut nè quidem extrema Sacramenta recipere, & animæ commendationem dici priùs vellet, quàm iste annuisset. Regularum omnium usque eò tenax fuit, ut nullam unquam ab eo violari animadversum fuisse domestici testarentur. Atque ex hac animi à rebus terrenis omnibus avulsione, magnam spiritûs libertatem, & cum DEO agendi familiarita-

tem assecutus est, cui adorando, præter consuetum omnibus tempus, sæpius in die vacabat, noctu præsertim, ante cujus dimidium nunquam ad somnum se componebat, licet eundem ad primum campanæ excitantis auditum ictum abrumperet. Porro gratias & favores cœlestes ab hoc assiduo orandi studio in eum derivatas, satis declarabant frequentes lachrymæ, tempore præsertim sacrificij; & tenerrimi in DEUM affectus, in quos totus veluti colliquescens à visitatoribus orationis reperiebatur, genibus semper nixus, vel toto corpore in terram pronus, itaque in divina absorptus, ut confessionis causâ ad eum subinde accedentibus expectandum fuerit, dum sibi restitueretur. Adiverat illum aliquando consilij causâ Universitatis Complutensis primarius Doctor, reperitque genibus humi nixum, in amplexu CHRISTI Cruci affixi, lachrymis ubertim manantem, & animo ita in cœlestia avulso, ut diu se colligere, & animum ad propositum negotium intendere non posset. Et quidem ad hunc modum sæpius interdum deprehendebatur ante quampiam Crucifixi, vel Sanctissimæ Virginis effigiem humi provolutus: unde tantam reperiendi in re qualibet, loco, & occupatione, DEI nactus est facilitatem, ut nullis negotijs aut distractionibus avelli posse videretur. Addictissimus fuit adorandis quàm sæpius Sanctissimæ Trinitatis Personis, eò etiam ardentius, quòd diceret Christianos plerisque ferè solius secundæ personæ venerandæ memores, Patrem & Spiritum Sanctum rarò implorare: quare speciale de Sancto Spiritu officium, & aliud de Sanctissima Trinitate, quàm creberrimè magnâ devotione recitabat. Secundùm has Virgini Matri devotissimus, Rosarium quotidiebus flexis genibus recitabat; Sabbatis & pervigilijs omnibus in pane & aqua jejunans, hæc ipsa non nisi de genibus, omnium priùs in triclinio pedes exosculatus, sumebat; totòque ejus festorum octiduo consuetum è Religiosa culina dimensum, pauperibus suâ manu dividebat. Dum Compluti, & in Residentia JESU de monte ageret, nunquam cubiculo egrediebatur, quin primò omnium thau-maturgam Virginis effigiem ex vicinia salutarer; cujus honori ut quàm plurima in ejus ara Litaniarum tempore luminaria arderent, singulari curâ providebat, & magnam perpetuò ceræ vim undique corrogatæ asservabat.

Tenerimo etiam post SS. Josephum, Joachimum & Annam, affectu ferebatur in  
San-



Sanctum P. Ignatium, cujus honori adornatū aliquando sacellum Compluti in Nosocomio Altezzana dicto (quod eo ipso loco Sanctus agris inserviens, DEUM precari solebat) cum injuriā temporum abolitum ferè esset, & dimidiā sui parte in usus Hospitalis conversum; Pater intentissimā curā in ejus restitutionem connisus, collectis undique magno studio eleemosynis locum alienatum non tantum redemit, sed & partem vestibuli Hospitalis ei adjecit. Orsusque nullā ferè præsentē pecuniā ædificium, quod plurimum millium sumptus requirebat, dubitantibus architectis fidenter asseruit, sumptus auxilio Sancti Ignatii ita constanter adfuturos, ut etiam superfluerent; quod re ipsa semper evenit, omnibus rei conscijs miraculo eam adscribentibus, cum tempora tum Hispaniæ essent difficillima, & præter eleemosynas à Patre corrogandas, alioqui minimè petaci, nihil aliunde subsidij offerretur. Fuit & illud, confessione ipsiusmet architecti prodigio simile, quod cum ob loci minus idoneum arcumque situm, absque omni planta & idæa ædificaretur, ac propè fortuito, ut postea deprehenderetur, quid tandem inde fieri posset: prodijt nihilominus fabrica juxta omnem symmetriam adeò perfecta & consummata, ut periti assererent, vix structuram æquè elegantem, & ad omnem exactam regulam se vidisse. Inciderat quidem Pater in gravem, necdum absoluto labore, ægritudinem, ex qua & depositus à medicis fuerat: verum ad patrociniū sui Sancti conversus, ubi primum votum emisit tantò intentiore curā sacelli perficiendi, continuo à febre maligna plenè liber evasit, lingvā nihilominus arente & asperā, faucibusque ficcis, cæterisque febris calidæ effectis remanentibus. Quod iterum citra prodigium e-

venire posse negabant medici, cum neque febris his durantibus naturaliter emanere, neque hi sinè illa subsistere diu possent: adeoque solum ad ostendendam miraculosæ curationis evidentiam relictos videri. Quod ipsum alio prodigio firmare voluisse videbatur Sanctus Ignatius, quando vitrea lampas ante ejus super arā imaginem in Sacrario pendula, ex alto in humum decidens, minimè tamen est contracta. Et quia nihil in terris præterea, nisi perfectionem ejus sacelli desiderabat, sub ejus sinem redeunte febris malignitate, cum æstibus perpetuis conflareret, nullum tamen doloris vel gemitu saltē ex eo indicium auditum est, nulla notata tristitia, sed continua quædam animi serenitas & lætitia, magnā medicorum admiratione. Et licet in vita arctioris semper & timidæ fuisset conscientiæ, hac tamen postremā ægritudine metus omnis expers, nullam de Judicii severitate curam, vel mentionem admittebat, sed velut de salute securus, de divina electorum prædestinatione, de cæli gaudijs, de propinqua DEI videndi sibi copia facienda dulcissimè differebat. Quin etiam rogatus, num DEUM extimesceret judicem? non se metuere respondit, nisi eo, quo filij patrem vererentur timore; plura siquidem adesse nunc bene sperandi, quàm verendi motiva. Denique mortis nuncium lætissimo ore & responso excepit, *quantò citius*, inquit, *tantò melius itur ad gloriam*: abiitque eadem ad ultimum usque halitum constantiā, Anno 1669. ætatis 51. die 4. Junij. Mors illius, tanquam Viri omnium opinione Sancti, magno dolore accepta est, & funus à Religiosis omnibus, & Collegijs Academicis celebratum, atque ab ipsdem sacra funebria in templo Societatis perfoluta.

*Ex ejus Elogio.*

## P. NICOLAUS ZUCCHI.



Atus est Pater Nicolaus Zucchi Parmæ, nobilissimā Italiæ Urbe Anno 1586. ipso sancti Nicolai die 6. Decembris, nobili utriusque Parentis, Petri Zucchi, & Franciscæ Giandemariæ familiā, cujus neutrius hodie extat posteritas. Inter 8. proles ipse quarto loco genitus, quatuor fratres & tres numerabat sorores; quæ omnes Virginitatem DEO consecrârunt. Fratrum solus natu minimus in sæculo remanens, improlis

decessit: maximus natu Ecclesiasticam, reliqui tres Religiosam in Societate JESU vitam amplexi sunt. Sortitus animam bonam, & sponte suā ad omnem pietatem & virtutem proclivem, ingenium pariter nactus est docile, quo omnibus condiscipulis constantes præminuit. Duodennis proprio sanguine se DEI Matri in Clientem & filium subscripsit, ejusdem tutelæ deinceps semper imputans, quod ab omni specie impuritatis illibatam innocentiam conservârit. Humanioribus literis anno ætatis 16. ad calcem deductis, con-





P. Nicolaus Zucchi S.I. Italus, magna Prædicator,  
et Vineæ Christi Operarius; innumeras Deo animas labo-  
ribus Apostolicis et prædicationibus, præsertim Bona  
Mortis, lucratus; quamvis podagrâ et morbis alijs dire-  
veratq. Obijt Romæ 21 May 1670. æt: 84.

192.

conceptum pridem ingrediendæ Societatis  
desiderium Præposito Provinciæ humiliter  
aperuit: à quo susceptus incredibili Matris  
solatio, Tyrocinium Paduæ auspicatus est  
28. Octobris 1602. Tanti verò beneficium  
hoc per omnem vitam fecit, ut Confessarium  
suum Patrem Octavium Beringucci quoties  
jam etiam Sacerdos conveniret, non nisi  
de genu utroque flexo salutarer, quòd se in  
impetranda Societate adjuvisset. Hic è con-  
tra gratulatus talem Societati filium educâs-  
se, cum Senas Nicolaus ad Conciones ha-  
bendas accessisset, ubi is jam cæcus & decre-  
pitus agebat, socium ejus ad conciones au-  
diendas, quas diebus singulis plures diversis  
locis & Monasterijs Nicolaus habebat, age-  
re voluit: erâtque jucundum & gratum Urbi  
spectaculum, videre à Concionatore socium  
*Societas Europæa.*

cæcum brachio sustentatū per plateas quo-  
tidie ductari. Tyrocinium eâ fervoris & vir-  
tutis constantiâ decurrit, ut inter 80. plures  
Sodales, judicio Superiorum, omnes perfe-  
ctionis soliditate & prærogativâ ingenij ante-  
celluerit. Neque unquam deinceps per o-  
mnem vitam intepuit; erâtque omnium de  
ipso persuasio, Nicolaum Juvenem, Virum,  
& Senem nunquam fuisse alium, nisi quòd  
cum granditate cresceret semper eadem in-  
parvo inchoatâ Virtus: quemadmodum in  
nascente sole exoriens lux, eadem in pro-  
gressu auctior, crescit usque in perfectum  
diem. Totum enim studium posuit in edo-  
mandis animi affectionibus, quæ cum reli-  
cto sæculo & rebus mundanis nequaquam a-  
mittuntur, nisi continuâ per omnem vitam  
mortificatione passionum rescentur; quo  
ille

V v v v v



ille meditationibus suis omnibus impensè collimabat, ut intellectum primis quibusdam Perfectionis Evangelicæ penetratis veritatibus plenè convictum haberet, quales sunt, *qui vult venire post me, abneget semetipsum, & tollat crucem suam quotidie. Item, quid prodest homini, si universum Mundum lucretur?* id genus vitæ sanctæ agendæ in perpetuum directivæ: quæ facile secuta convicto intellectu voluntas, ita passiones rationi subegit, ut cùm esset igneæ & ardentis complexionis, nulla tamen unquam in illo quovis ex eventu commotio, vel naturæ impetus sit notatus: & desideriorum ardorem ita compescuit, ut quidquid appetendum occurreret, etiam in rebus pijs, suisque depressionibus, perinde ipsi acciderent sive negarentur, sive concederentur. Eundem tenorem constanter tenuit septennio studij Philosophiæ & Theologiæ, ut nihil devotionum & pœnitentiarum omitteret, animo semper in DEUM erecto, & ad exactissimè singula perficienda fervente. Admotus subinde ijsdem tradendis, duplicem Philosophiæ cursum Parmæ sexennio docuit, vivacissimi & profundi ingenij opinione, nec minore, virtutis & moderationis existimatione; licet enim acriter instaret in certamine impugnandis opposita sentientibus, nullo tamen unquam sinistro verbo personam & doctrinam læsit: etiam ipse quandoque læsus neque vultum, neque vocis tenorem mutando, perinde quasi nihil dici contigisset. Cœpit autem jam tum discipulis haberi pro sancto, dum pari studio inculcabat Philosophiam Christianam, quæ Peripateticam: fueruntque alloquia ejus familiaria & discursus spirituales sabbathini in tanto pretio, ut sensim ad eos velut conciones accurrerent aliarum quoque classium Philosophi & Theologi, magisque compuncti recederent, quàm plurimum horarum magno apparatu dictione auditâ. Verùm ultra se porrigens, quo deinde totâ vitâ occupari elegit, ejus animarum zelus, visitabat carceres, eleemosynas miseris corrogabat, confessiones excipiebat, comitabatur eos ad supplicium, dicebat in Monasterijs & Confraternitatibus, serviebat in hospitalibus, in compitis catechesin explanabat, & ternis per annum productionibus à schola vacationibus procurabat in viciniam, Missionibus operam impensurus. Et hæc omnia nullo studiorum dispendio, siquidem jam tum naturam assuefecerat, ut somno quatuor summum horarum contenta esset. Qui in extraneos tam profusus fuit,

erga domesticos nequijt esse contractior. nâ ubi comperere Superiores ingentem ex ejus conversatione & colloquijs in domestica juventute subnasci ad cælestia ardorem, & spiritus incrementa, potestatem fecere certis diebus & horis cum eo de divinis rebus tractandi, unde in summum fervorem excitati, eosdem ignes in reliquos dispergebant, ut totum Collegium spiritu divino ardere videretur.

Terminato secundo Philosophiæ cursu Theologicum auspicari jussus est Ferrariæ, quod Parma gravi annonæ per id tempus caritate pressa, sustinendis ejus alumnis non sufficeret. Ubi satis est dixisse, eadem & impensius charitatis in proximos officia ab eo exhibita, quæ Parmæ. Interea venit Ravennam novus pro Pontifice Legatus, toti Romanæ præfuturus Alexander Ursinus Cardinalis, eo prorsus tempore, quo Societati Collegium isthic parabatur: cui etiam emissis Societatis votis nuper totum se Cardinalis mancipaverat, ut in ejus vita retulimus, quorum pars magna etiam ad Nicolaum spectat, ut frustra hic repetatur. Itaque huc delatus Cardinalis mox ab Generali Mutio Sacerdotem sibi dari petijt Confessarium, & in spiritualibus æquè ac consilijs Directorem, prudentiâ, spiritu & doctrinâ eximium: qui Zucchium Ferrariâ destinavit, simulque primum novo isti Collegio Rectorem præesse jussit. Præfuitque tantâ ad omne celeberrimæ illius Urbis genus hominum utilitate, primus ipse ad omnia præstanda obsequia domesticis exemplo præiens, ut Senatus publicas ei gratias agendas duxerit, confessus non tantum adæquatam, sed magnopere superatam esse Civitatis à Collegio expectationem. Jam verò in Cardinali omnia admiranda, omnia summa Patri videbantur, ut ipse magis ejus sibi in spiritu magisterio opus esse censeret, nec haberet quod in pœnitente tam excelssæ sanctitatis moderaretur, nisi fortè nimium afflicti corporis ardorem. Gratulabatur itaque sibi in eo reperiisse & calcar ad virtutem, & ad salutem plurimorum lucrandam Patronum & Auctorem, mulierum præsertim ab impuro questu vindicandarum, quibus stipendia dotisque liberaliter Princeps ministrabat. Quæ res non semel Patri periculum vitæ ab impuris lenonibus conscivit, frendentibus amores suos libidini subductos, partim sacris Asceterijs, partim legitimo thoro includi. Porro in ipso muneri sui apud Cardinalem aditu petijt Pater sibi imponi, ut nè liceret ullas apud illum intercessio-



fiones & tractatus sæculares per se expediendos admittere, sed unice DEUM & salutem animarum concernentia cum eo agere. quod Princeps summopere approbans, talem, respondit, Confessarium habebam in votis! iussūque repudiatis omnibus, quæ temporale aliquid prætenderent supplicationibus, omnia è contrà quæ DEUM & animas concernerent secum tractanda acceptate, certum reddidit, omnia à se, quæ quidem in sua forent potestate, in promptu habiturum. Habebat pridem in summis votis Pater Missionem Apostolicam ad Indias Orientales, Japoniam vel Sinas, & à primis Societatis annis conceptum DEO votum annuè certo die instaurabat, simulq; per epistolam desideria profectionis apud P. Generalem renovabat. Nec aliud ab annutu Superiores retrahebat, quàm nimia supplicis ita loquendo aptitudo, literarum & disciplinarum omnium cum sublimi talentorum copia eminentia, ob quæ illum subtrahere Italiæ refugiebant: ut adeò Missionem aliquando ferventiùs urgenti rescripserit Mutius Generalis, ad annuendum hac in re votis aliorum sufficere sibi piam inspirationem, at verò ad approbandum ejus desiderium requiri ab se claram DEI revelationem. Contigit autem Parmiani, ubi tum Zucchi Philosophiam docebat, venire Nicolaum Trigautium Sinarum Procuratorem ad Urbem, cui inter alios Chinæ competitores primus ille nomen dedit, præ omnibus à Trigautio desideratus, nisi à Principe Ranutio, cui erat in primis charus, obstaculum poneretur. Itaque Trigautius Principem convenit, & hic evocatum Zucchium seriò percontatus est, verène & ex animo profectionem Sinicam in votis haberet? imò verò nihil in vita optatius sibi evenire posse respondenti: operam suam ad Generalem & intercessionem obtulit; nè impetrandam eam gratiam dubitaret. Hic verò contrà protestatus Pater, negavit se favorem patrocinio Principis obtentum acceptaturum: desiderari quidem ab se Indicas ærumnas, sed si obedientiæ, adeoque DEI nutu deferantur; intercessione Principis concessas, humano magis favore, quàm ex DEI placito obventuras; neque securitatem sibi futuram, quòd id agendo faceret voluntatem DEI. Miratus Princeps integritatem & virtutem Patris, nec apicem ab se in hoc negotio interponendum promisit. Oppositum planè ipsi certamen fuit cum Cardinali, qui nescio unde subodoratus Patrem primà navigatione ad Indos cum reliquis Mis-

*Societas Europæa.*

sionarijs transmissurum, dolore tam chari & animæ suæ proficui capitis amittendi, calidissimis precibus obsistere, sed secretissimè parabat, ut nunquam resciri potuerit unde id Patri suboluerit. Quare Cardinalem de more Confessionis gratià quolibet manè accedentem, datà absolutione in pedes se erigens, etiamnum genuflexum his aggreditur: *Eminentissime Princeps, precor devotissimè non se immittat in negotia meam personam; suam autem nullatenus concernentia. aliter, per me licet, aliū sibi ex hac hora Confessarium provideat.* Intellexit illico, supra modum candore Viri delectatus, interfectionem Patris, falsusque ingenuè quod innocente zelo meditabatur, spondit de reliquo nullum obicem positurum. Exinde Cardinalem comitatus in Legatione ad Ferdinandum II. Cæsarem, toto tempore illi Pragæ adstetit, neque pauca in rem Catholicam molitus est & suggestit: nam & cum primario Judæo congressus ita confusum revicit, ut in fugam egerit: & Joannem Keplerum Cæsaris Mathematicum, Communionem sub utraque propugnantiem, in ipsa Cæsaris Anti-Camera confutavit; qui hæreticorum more argumentorum vim non ferens, non sinè adstantium risu ictum declinavit, *nè argumenteris, inquit, sed colloquendo suade.* Expediit legatione Cardinalem Romam secutus, mirà DEI providentià, contra omnem humanam dispositionem, deinceps ibi fixus ad maximum gloriæ divinæ incrementum hæsit. Septennio ibi moratus est ut hospes, licet semper intenderet Mutius, & persæpe in crastinum jam destinasset illum reddere Venetæ Provinciæ; cum vice qualibet repente aliquid intervenit, ut retineri necesse esset. Tandem Romanæ Provinciæ adscriptus; primum Mathesim explicuit in Collegio Romano, quod subinde Rector, ac deinde Pœnitentiariam, & demum Domum Professam ibidem gubernavit: subinde ad Congregationem Generalem novam destinatus à Romana Provincia Elector: à Congregatione verò Generali II. electus Admonitor Patris Generalis Joannis Pauli Oliva: & à Sacro Collegio Cardinalium post mortem Innocentij X. Confessarius Conclavis: ab Alexandro denique VII. in Concionatorem Pontificium assumptus.

Jam verò prædicandi verbi Divini vis in eo admirabilis divinitus eluxit, quanta fortasse ab hominum memoria vix in ullo alio, sive ingenij felicitatem ad inveniendum & disponendum, sive valorem & spiritum ad elo-



eloquendum spectes : cujus doni cælitus sibi infusi non inconscius, & de assistentia Spiritûs divini in quolibet eventu securus, necessitatem sibi à DEO & præceptum impositum credebat, quâlibet occasione prædicandi, nullâ præmeditatione, nullâ licet ad præcogitandum saltèm dictioni thema indultâ morulâ : illud Apostoli sibi applicans 1. Cor. 9. *Si evangelizavero, non est mihi gloria, necessitas enim mihi incumbit : vae enim mihi est, si non evangelizavero!* ideoque non modò invitatus nunquam excusavit, sed si desiderium purè ostenderetur, pro invitatione habuit; imò non rarò ultrò importunè se ingessit. Ità fortuitò ex itinere Bononiam die Purificationis delatus, ubi nullam apud nos haberi concionem intellexit, ultrò se Rectori ad eam obrulit : & ædituo tergiversanti populum campanâ ad rem insolitam evocare, quòd nemo compariturus esset : *Tuum est Frater, inquit Superiori parere ; nam me quod attinet, paratus sum etiam vacuis scamnis, etiam uni soli me audituro concionari.* Et accurrit ingens repentè multitudo : Pater verò incredibili omnium aviditate & admiratione auditus, velut si dicendo vires itineri restaurâssent, idem subitò resumpsit. Porro ab ipsis dicendi pro concione primordiis unum profundissimè animo suo fixit principium, & ut dici solet Maximam totâ vitâ observandam : nihil videlicet se posse ex se afferre prolatu dignum & idoneum, sed totum provenire & infallibiliter præstolandum esse à gratuita & benefica DEI manu. Ex quo certas in praxim deducebat, & semper exequabatur consequentias. 1. Quidquid ipsi imponerent, vel juxta perfectum obedientiæ gradum solo nutu declararent Superiores, DEI locum tenentes, quantumcunque imparato, & viribus suis majus agnoscanti, non debere ullatenus tergiversari, & talentis suis rem injunctam commensurare, sed oculis illico in DEUM id jubentem conversis, de illius infinita potentia securum esse, & cœcè negotium aggredi. 2. Non posse ullum successum, aut ex eo laudem sibi attribuerè, cum nihil ex eo suum foret, sed totum DEI, & ideo semper habebat in ore, quòd non viveret ex parato vel propria penâ, sed merâ eleemosynâ; indicare volens se unicè ex DEO pendere, suppeditante de vice invicem annonam, quâ de pulpito animas pasceret. Et videbatur delectari Divinitas hæc humillimâ in solam DEI providentiam & bonitatem abiectione, non enim rarò vacuum omnis bonæ suggestionis & suspensum.

ad ultimum momentum tenebat, ut se repulsum audire crederet illud mendicis oggeri pro stipe solitum, *Vade in pace* : quando nimirum coactus ex tempore, ob alia charitatis innumera distentus opera exedram improvisus conscendere, ubi jam sententiam in thema Concionis habendâ protulisset, necdum sentiebat ullum menti conceptum, & nè unam quidem periodum ad inchoandam dictionem succurrere : in quo articulo animum ad hanc ipsam suam pauperiem reflectens, subitò in uno momento implebatur tantò lumine, & dicendorum insuum ordinem & singula membra digestorum copiâ, ut plurium dierum impenso studio nequivisset vel ex dimidio parem concionem elucubrare, quam in ictu oculi paratam veluti legens comprehendebat. Ex quo fiebat ut hoc ipso semper humilior evaderet, quò majore satisfactione perorans plausibus dicta sua celebrari audiret; cum Viri etiam Sapientissimi in stuporem abrepti, non nisi longâ meditatione talia afferri posse censerent, & prodigium Concionatorum illum vocarent. Sed ipse tubam se inanimem alieno duntaxat spiritu inflatam liquidò sentiens, nunquam aliter, quàm hominem ad obturandas omnes vacuitates & hiatus natum vocitabat, ut ubicunque defectus aliquis irreperet, ipse suppletis vicem ageret; prout etiam ad implendos omnes angulos in subitaneis & desperatis eventibus à Superioribus adhibebatur. Ex quo cum alius superbiendi ansam fortè caperet, ipse scitissima infra omnes se deprimendi ratio cinia inveniebat. Quòd enim his casibus accideret humano ingenio majora ad omnium stuporem ab se afferri, evenire dicebat per obedientem potentiam ob periculum vacui, ad quod impediendum experimur etiam in natura, gravia quâlibet, ferrum & saxa, quasi naturaliter ferri sursum, & levia ponderare deorsum : ità perinde nè vacuum detur in cathedra ob defectum Ecclesiastæ, perinde esse quiscunque, aptus an ineptus, locum occupet; spectare enim ad vim extrinsecam potentiæ obedientialis ipsum contra dispositionem naturalem elevare. Atque ità se quidem concionari, non tamen idcirco esse Concionatorem, sicut saxum ab extrinseco evolans in altum non ideò est leve : sed manere tantum idoneum oppilando ubique vacuo, cui perinde esse debeat supplere dictionem ad Confraternitatem Opificum, & ad Sacrum Cardinalium Collegium. Quæ ejus philosophandi ratio scitè ipsi non tantum



tum ad sui depressionem, sed etiam ad mortificationem adhibebatur: si enim cibi aliquid præter omnibus communes, ut Concionatori, apponeretur, faceret rejiciebat, negans convenire, ut qui in exedra munere Prædicatoris functus non esset, in mensa frueretur. Habet Vaticana Sancti Petri Basilica certas per annum fundatas conciones, super determinato argumento designatis diebus habendas; quarum unam dicturus est præcipuis Urbis Oratoribus, ipsâ horâ Concionis repentino malo obrutus fuit. Convocato Capitulo Cardinalis Barberinus, ejus tunc Archiepiscopus, Zucchium suggestit, hunc enim vel solum, vel neminem alium acceptaturum. Reperit illum internuncius penitus Collegio digredientem ad aliud pium opus, cujus legatione, & themate dictionis habendæ de Providentia divina percepto, subridens Pater, *referto*, inquit, *Eminentissimo, adfuturum Zucchium, cum non sit ex munere Concionator, adeoque non habeat quod perdat, nec agatur de aliquo famæ ejus periculo, si impetratus pulpitum conscendat.* Et continenter adiens ædes quas invisurus domo exiverat, inde ad S. Petri discessit, dixitque super præscripto argumento eâ sublimitate & conceptuum copiam, spiritusque fervore, ut omnibus in stuporem datis Cardinalis Sancta Crucis constanter professus sit, nihil unquam simile in argumento adeo subtili se audivisse, sive ad ingenij ubertatem, sive ad motum animorum. Iterum ad mensam in triclinio jam confidentem alius interpellans, ad dictionem præcipuam celebritatis subito non tam invitat quam evocat: cui ille sæviter objiciens sero nimium id insinuari, ubi audivit fuisse alium in tempore admonitum, sed repentino malo impeditum ad has angustias redeisse: *Bene est*, inquit, *ut video suppletis vices mihi obeunda sunt, & locus a vacuo implendus, quod mihi omnium maxime convenit, & libens prestabo.* Similia frequenter illi evenire varijs Concionum Quadragesimæ casibus, cum esset universale ad omnes defectus refugium.

Accidit etiam triduo antecinerali, cum ingenti apparatu in Collegio Romano exposita esset SS. Eucharistia, venire ad ejus adorationem Cardinalem Ludovisium Gregorij Decimi Quinti Nepotem, qui significavit Patri Petro Gravita, desiderari ab se concionem aliquam audiri. Et erat designatus ad eam Sacerdos, sed is quia habendæ remotior adhuc erat hora, in abstruso aliquo loco illi condiscendæ se abdiderat, ut nullâ industriâ

reperiri posset. Incidit in his angustijs Gravita in obvium Patrem Zucchium, & casu exposito rogat, si pauculas saltè periodos satisfaciendo Cardinalis desiderio profari dignaretur. hic nè momentò (ut ita dicam) interposito, rectà Sacristiam petit, & de affectibus erga Sanctissimum Sacramentum tam inflammatè, copiosè, & summâ conceptuum ubertate disserit, ut miraculum ingenij & eloquentiæ omnes proclamarent. Cardinalis eodem adhuc vespere Generalem Mutium conveniens, cum pro Quadragesima ad Sancti Laurentij in Damaso Oratorem Patrem Ludovicum Albrizi (jam aliò promissum) obtinere non posset, illum sibi concedi petijt, cujus paulò antè concionem ad prodigium elegantem audisset, Sabaudum vocitans, quia sibi eatenus neque de nomine cognitum. Delatum sibi laborem, quem hactenus nunquam obierat, & nè unum Quadragesimæ sermonem paratum habebat, non aliter à se suscipi posse respondit Pater, nisi Generalis eam benedictionem & plenitudinem gratiæ præcepto adjungeret, quam DEUS in manibus Superiorum aliquid jubentium recondere, quâ acceptâ tridui solo intervallo dictiones quotidianas auspicatus, totam Quadragesimam absolvit, tantò Romæ totius accursu, fructu & applausu, ut anno sequente ad novam Quadragesimam in Templo Domûs Professæ prædicandam sit nominatus. Et hæc quidem prodigia erant assistentis gratiæ divinæ, quoties improvisè astringebatur ex tempore pulpitum ascendere; nam si tempus parando sermoni daretur, nunquam præsumpsit, & constanter alijs dissuasit extemporalem Oratorem agere. Sed non multo huc opus erat temporis spatium, cui mens erat refertissima cælestibus luminibus, exercitata perpetuâ rerum divinarum contemplatione & DEI amore, portiore noctis parte illi impensâ; unde intellectus veritatibus æternis plenissimus, & cor affectibus semper flagrans, quavis occasione tantam utriusque copiam lingvæ suppeditabat, ut æquè promptum esset animos audientium concitare, ac loqui. Pauci intra annum fluebant dies, quibus non quinquies, sexies, aut septies dixisset: & ipse hebdomadatim ordinarios numerabat sermones 34. præter extra ordinem admissos: ingenti Sociorum comitantium stupore, quod nunquam alio loco repetentem quidquam audirent ex ijs, quæ in prioribus attulisset. His autem præmeditandis non plus suppetebat spatij, quam intervallum ambulationis ex



una in aliam Ecclesia, vel Monasterio: neque idcirco anxio erat animo, certus divinæ promissionis sæpius sibi factæ, nunquam sibi defore loquendi materiâ laboranti ad profectum animarum, ac præsertim Virgines sacras ad Perfectionis studium, & DEI amorem exhortanti. At verò dicturus constanter per Quadragesimam vel per annum, conciones studiosè elaborabat saltè pridie: & si nihilominus quidpiam impedimenti obveniret à necessitate juvandi proximum, studiū promptè omittebat; quòd diceret, in tali eventu DEO incumbere apparare pro se dictionem. Atq; hoc ipsum didicerat ex ore Beatissimæ Virginis, jussus omnimodè diffidere sibi, & totus pendere ex DEO: concionibus parandis ità incumbere, ac si unice à suo penderent studio; de paratis ità parum confidere, ac si nihil fecisset: ità enim fore, ut semper illi favore suo assisteret, neque unquam à DEO in Apostolico illo munere destitueretur. Non rarò etiam accidebat, ut multas horas in concione laboranti, neque materia, neque dispositio, vel ullus idoneus conceptus succurreret; prout evenit dicturo in Festo Annuntiæ, toto pridiano vespere ad tertiam usque noctis frustra insudanti: quâ cubiculo digressus, obvio familiari Sacerdoti Angelico quodam risu questus dixit, *hoc vespere nullâ me eleemosynâ Dominus dignatus est.* & nihilominus manè ubertate & sublimitate dictionis omnes in admirationem rapiēbat, prout in Annuntiata Cardinalis Costaguti apud Urbinates Legatus Apostolicus planè attonitus remansit. Aliàs ad Sancti Laurentij in Damaso solennem dictionem habiturus, rogavit in via Socium Sacerdotem, an certam ex Isaia sententiam & locum (quorum neutrum verbotenus meminerat) sciret, quòd super ea differere intenderet: inficianti, & non minùs demiranti Oratorem, qui neque themate invento præsumeret rostra conscendere: ubi ad Sacristiam ventum est, Pater Missale primùm, tum Breviarium evolvit, locum Isaia requirens; cùm repente monetur, adesse jam Concioni Cardinalem Barberinum. Ergo coactus subitò conscendere, adductâ exactè Isaia sententiâ & locò, ità concinnè, ordinatè, & exuberantis ingenij facundiâ super ea disseruit, ut Socius admiratione attonitus in reditu fidenter quæreret, an credi posset ignorâsse dictionis instituentæ thema, super quo tantâ promptitudine, methodo, & ordinatissimâ sublimium conceptuum serie discursisset? Imò, respondit, paratus Concioni è Collegio dis-

cesseram, sed hæc quam dixi mera fuit DEI eleemosyna: ità enī in itinere dissipiebant à me præmeditata, ut non possem ad eadem proferenda me adigere. Sed determinato novo themate, ingerebant se animo novæ species, & cogitationes atque conceptus nunquam mihi cogniti: & inter dicendum exordium, digerebatur in ordinem & suos discursus in capite tota concionis series, perinde ac si eam in tabula propositam legerem, vel ex autographo describerem. Nec minus admirabilitatis habuit Panegyris pro Sancto Francisco Borgia ejus festo in Templo Professorum Romæ dicta, studiosè quidem pro singulari suo in Divum affectu pridie parata; ad quam ipso die nescio an Confessionibus audiendis, an quo alio opere distentus, campanæ sono (degebat enim in Collegio Romano) evocari se sentiens, dum properat, & Concionem scriptam secum auferre credit, ut ejus relectu memoriam fidat; ubi ad locum ventum est, aliam prorsus impertinentem chartam ab se acceptam deprehendit, speciebus insuper paratæ Orationis ità ab animo deletis, ut præter solam thematis sententiam nihil in memoriam reducere posset. Ergo ità improvisus nihilominus ad cathedram deducitur, dicturus ad selectissimum & confertissimum totius Urbis auditorem: cùm repente prolata (cujus solius meminerat) sententiâ, caput illi visum est implemum tantâ abundantia peregrinarum specierum, & conceptuum ità invicem ordinatè cohærentium, cum omni simul figurarum & elocutionis elegantia proferendorum, ut omnium judicio nihil unquam ullâ Concione produxerit nobilitate & copiâ subtilissimarum cogitationum ditius, neque utilium & sublimium observationum affluentia ingeniosius. Cùm verò admiratione inauditarum hæctenus reflexionum & animadversionum attonitis domesticis, nemo esset quin crederet improbo labore & tempore eam Concionem steterisse, Professor Rhetoricæ Romanæ ausus est ejus copiam expectere, ad artem Panegyricam indè hauriendam: sed ubi responsum accepit nihil in ea dictione fuisse suum, & nè periodum quidem ab se inventam aut præcogitatam; auditòque rei totius successu, in conscripto insuper elucubrata ab ipso Orationis exemplari nihil dictorum reperit, miraculosam planè & cælitus elaboratam credidit & prædicavit.

Major adhuc efficacia, ardor & peritia in tradendis Sancti Ignatij Exercitijs, cum-

sum-



summa ubertate & varietate puncta meditanda proponendi conjuncta, ut licet eadem semper mysteria quâlibet Ascesi expendenda recurrerent, ipse tamen nunquam iisdem luminibus, sensibus, & reflexionibus ad ea explananda uteretur, sed novos semper affectus, animadversiones, & methodum adhiberet. Quæ cum intima cordium penetrandi vim haberent, plerisque efficaciora ipsis meditationibus accidebant, & totis Communitatibus ac Monasterijs ad sanctiorem vitam reducendis sufficiebant. Sanè cum anno quodam Collegio Romano Exercitiorum Director datus esset, tantus ex ijs fructus consecutus est, ut in futuros annos hoc ei proprium, & ex officio obeundum munus impositum fuerit: cujus alloquijs & meditationum explanationibus non tantum aderant, qui Ascesi vacabant, sed Collegæ quasi universi, Sacerdotes & fenes, & quotquot recentissime eodem directore illam absolverant, sponte magnâ aviditate interveniebant; certi, omnia nova & recentia lumina in ordine altero se auditores, quam in primo exceperant, ad permovendos intimè animos servitura. Quia verò specialiter à DEO delectus fuit ad reformationem & instaurationem disciplinæ Religiosæ in Claustris Virginum, sicubi post longas ambages & varia consilia, conatusque, persuasit aliquot dierum ad Ignatianas Commentationes secessum, jam certus erat de victoria: constatque Romæ duntaxat & in vicinia supra 40. Monialium Asceteria ad eximiam per eum sanctitatem hæc arte fuisse provecta. Et licet omni die & quâvis horâ promptus esset ad subveniendum cuivis hominum generi in qualibet necessitate, præcipuam tamen curam ponebat in excolendis animabus DEO sacratis. 1. Quod illæ clausurâ adstrictæ nequirent, uti sæculares, circumeundo sibi pastum cælestis Verbi, directionem in conscientijs, consilia in dubijs conquirere, nisi ultro ijs domum afferrentur. 2. Quia sæpe extincto primævo fervore, & gustu sæculi deliciarum reviviscere, in teporem dejectæ, atque ita non minus Cæli quam Terræ solatijs vacuæ, si perito Medico destituantur, vitam ducerent amarissimam, & desperationi simillimam: quod si vel uni in aliquo contrubernio accideret, sufficere ad omnes alias in idem barathrum pertrahendas. 3. Quod experiretur passim inter eas reperiri non paucas ex se dispositas ad summam sanctitatem, & unionem cum DEO, nunquam tamen ex imis eluctari defectu idoneorum

Directorum, qui cælestium supra communem ordinem influxuum inexpertum, quomodo talium spiritum moderarentur? Itaque non semel divino jussu clarè monitus huic obsequio se addicere, cum id à Societatis vocatione maximè alienum sciret, ad Superiorum arbitrium detulit; qui compertâ Viri virtute, & clarâ DEI ad altissimos finè dubio fines vocatione, id ei imposuere; ita semper ab ipso obitum, ut nihilominus constanter laudaret morem sociorum, refugientium confessiones Monialium, nisi fortè rogatu Episcoporum ad pauculos illos dies, quibus à Concilio Tridentino extraordinarij Confessores Monialibus permittuntur. Primum hujus divinæ voluntatis argumentum expertus est, dum Parmæ in quartum annum Theologiæ studeret, delatis sibi ad numerosum Parthenonem per Quadragesimam bis terte in hebdomade habendis Concionibus: in quo à potiori laxioris observantiæ, seniores tamen aliquot Virgines rigidæ manebant disciplinæ, & una cumprimis etiam à cælestibus visis clara. Accidit interim ut dictionem in feriam sextam majoris hebdomadæ, in qua plurimum reponebat, majore studio parare volenti, totâ feriâ 2. & 3. nihil in mentè in materia omnium fecundissima venisset, planèque obtuso capite & sterili memoriâ se deprehenderet, nec unius sententiæ retinendæ capaci. In ea derelictione & ingenij siccitate evocatum ad Monasterium alloquitur Virgo illa DEO plena, nè te Pater, inquit, sollicitum habeat; quod etiamnum ignores quid post biduū dicturus sis, impenso inaniter hesternò & hodierno studio: non enim Concionem hanc facturus es de tuo, sed CHRISTUM Sinegram perficere vult de suo: inde futura est præstantior, & efficacior, quam ullo labore tuo consequi posses. Scito enim hæc nocte apparuisse mihi oranti CHRISTUM Dominum toto corpore vulneribus concisum; quorum causam roganti dixit, à culpis dissolutarum hujus loci Virginum inflata esse. Ubi subito vidi te Domino advolutum singulas ejus plagas linguâ allambere, & à qualibet linctura quodvis simul vulnus abolitum consanari. Id verò mihi summè dominanti dixit Dominus, iste est fructus Concionum hujus mei servi, qui tollendo culpas ab hac domo, tollit vulnera mihi illata. Et cùm opponerem: quid id futurum est ô Domine, siquidem Conciones jam sunt in exitu? Nequaquam, reposuit ille, ego enim paro ipsi unam concionem de mea Passione ita efficacem, & ad tantum Virginum motum, ut petita & obtenta sint illum sibi concedi usque post Pascha. Atque ita fiet,



conclufit Sanctimonialis, & tu noli refragari: imò specialiter te addicito iuvandis in spiritu Parthenonibus, ad quòd à DEO destinatus es & electus: & in premium huius opera, atque fructuum inde fecuturorum in hoc & alijs Virginum claustris, tibi spondeo, nunquam tibi defuturam materiam dicendi è pulpito. Tu solùm in ejus ascensu recita unum AVE ad honorem divini Oris CHRISTI Domini. His dictis à Patre discessit, & quoad omnia verissimam Vatem egit. fatebatur enim ille jam decrepitus, nullam unquam parem, aut saltèm similem ab se in omni vita concionem dici contigisse: & Monasterij totius ad omnem disciplinam reformatio planè miraculosa consecuta est. Idem mandatum à Domino per aliam revelationem accepit alibi, & iterum Romæ; quàmque id Cælo cordi esset, miraculoso eventu comprobavit Ferrariæ in Parthenone Sancti Antonij, ubi tunc Theologiam docens Pater Monialibus serviebat: quem proprio chirographo & juramento 20. pòst annis descripsit ipsa loci Abbatiſſa Seraphina Nigrelli Anno 1651. 20. Januarij. Feriâ 6. majoris hebdomadæ audiebat illum cum reliquo cætu dicentem solitò majore fervore de Domini Passione: cùm post horæ spatium voce & viribus defectus visus est vix pedibus niti posse: & ecce repentè vidit illum ab alio Societatis Sacerdote brachio aliquamdiu sustentari: ex quo ille ita confortatus apparuit, ut majore vigore & facundiâ quàm priùs, ad ipsas tres horas, omnibus in lachrymas solutis, sermonem produxerit. Digressum è pulpito rogat Abbatiſſa, quis ille debilitati beneficus succollator è Socijs illi adfuerit? solus, respondit, templum intravi, & in templo præter me nullus hominum adfuit. hoc verum est, expertum me fuisse ingentem virium defectum, sed subitam earundem plenam restaurationem. Atqui ego, reponit Virgo, nimis certa sum, visum mihi fuisse Societatis Patrem, obsequioso brachij sustentaculo tibi famulantem. Non longè pòst eadem Abbatiſſa confessionis gratiâ ingressa Audienciâ (itâ locum vocant Confessarijs extraordinarijs deputatum) videt eundem Socium, quem in pulpito observârat, Patri assistere; itaque nihil proloquens, unum & alterum fixius contuebatur. dum Pater exorsus, cur, inquit, nihil dicis, aut confiteris? quamdiu, inquit illa, Socius tuus non recedit, quomodo confitebor? atqui nullus hic adest, subjicit Pater, & omnino sum solus. Illa demissis tantisper pudore oculis, ubi eosdem levavit, neminem ampliùs præter Confessa-

rium vidit, & exomologesim absolvit. Semper autem credidit adstitem illum Socium fuisse S. Xaverium, & fixè observato illius vultu, quo passim in sua effigie exprimi solet.

Sicut autem in dictionibus vividum, & fortem adhibebat spiritum intima cordium penetrantem, ita in Confessionali tractandis pœnitentibus lenissimum summèque affabilem se exhibebat, perinde tamen utrobique efficacem: ajebátque dispare hunc agendi modum doceri à Salvatore, in ipsa utriusque ministerij dispare institutione. Nam initiaturus Apostolos die Pentecostes in Prædicatores totius orbis per Missionem Spiritus Sancti contulit hunc cum repentino sono, & in modum spiritus & flatûs vehementis, specie ignearum & urentium lingvarum: conferens autem potestatem remittendi & retinendi peccata, lenissimè duntaxat insufflavit super illos. Et satis erat ad multorum admirabilem conversionem vel semel apud illum exomologesim peregrisse. Erat inter Moniales Virgo juvenis vivacis & sanguineæ indolis, obstinata ad non parendum ejus directioni & consilijs, horrore vitæ austerioris, ut palàm protestaretur operam in se ab eo perdi: coacta tamen fortuitò semel licèt invita, quòd fortè nemo alius Sacerdotum adestet, illi confiteri, tantum in anima divini Spiritus in carnem pugnantis motum sensit, ut ex vehementia luctæ copioso sudore ad deliquium usque madens, tandem integrè DEO se permiserit: incredibili exinde perfusa solatio, & speculum observantiæ Religiosæ ac sanctitatis omnibus effecta. Ex Senioribus alia, non tamen sensu magis cana, mediam inter sæcularem & Religiosam vitam ducens, nè nomen quidem Patris citra indignationem & calumniam audire sustinebat: hæc pariter necessitate aliquando eidem confitendi adstricta, ita pauculis verbis Spiritu divino plenis in aliam mutata est, ut deinceps Patri in summa veneratione habito obsequentissimè in omnibus paruerit, & quivis alius Cōfessarius velut umbra hominis spiritualis, in comparatione Patris Zucchij, visus illi fuerit. Quàm plurimæ similiter tenerimæ, magnam partem è Nobilitate, Virgines, consilijs ejus & directione spretis nuptijs CHRISTI thalamum prætulère, quas cùm peculiari studio superis commendaret, indicabat ei plerumque DEUS exauditus esse. Itâ cùm binæ puellæ singularis innocentie Romam adductæ essent maritandæ, compertâ earum ad eximiam virtutem capacitate ardentissimè DEUM precatus est: &



mox exauditum se sentiens, *ô quantò melior, exclamavit, fors utramque manet, quàm veniendo huc ambiverint! Non est his dignus Mundus, quas Sponsus celestis pro se destinavit!* Atque ità factum, & contra omnem parentum, ipsarumque eatenus abhorrentiam diversis asceterijs se inclusere. Aliàs cum vidisset unam excitatissimam indolis, & vanitatum studiosissimam die quodam ingredi certum Monasterium, Magistram iussit illi recipiendæ parare locum, hanc enim exam-biri à Divino Sponso: *Et post paulò videbis, ajebat, illam mutare mores, vitam, & studia, dum denique fiat Religiosa.* quæ tunc mirè paradoxa, ad unguem completa sunt. Pejor fuit status unius jam Claustro receptæ, non tantum vitam, sed vel ipsum Monialis nomen exosæ; cui de repetendo sæculo jam certæ, cum Pater aliquando polliceretur in Religione constantiam, & insignem, de qua tunc nec cogitaret, sanctimoniam, illa delirare hominem credidit. Sed brevè suo ipsius stupore animo penitus mutata, longè propensius ad omnem rigorem & observantiam inclinari se experta est, quàm antè abhorruerit. Multa ejusmodi exempla sunt in promptu: ità enim solers & assiduus cuivis earum necessitati, nullas unquam molestias pertæsus, aderat, ut, nè illis è contrà in se evocando difficultas esset, juberet in qualibet suæ præsentis indigentia, Angelis duntaxat tutelaribus onus sui accersendi devotè committi; planèque fiebat, ut veluti ab Angelo excitus illico Patet adesset, vel si impediretur, dubij solutio & remedium à Patre suggerendum, sinè illo in mentem ijs veniret. Nec minor erat earundem in omnes casus & adversa tuendarum cura.

Tres sorores, pœnitentes suas amore Cælestis Sponsi incensas, certo Parthenonio consecrârat, quarum minimæ nuptias Nobilis proculus importunè aliquamdiu captans, etiâ Novitiæ molestus esse perrexit, varijs internuncijs & amatorijs pagellis ad sæculum, & suos amplexus allec-tando: quæ cum ipsa filialiter omnia P. aperiret, factus aliquando Nobili obvi-us, eum perhumaniter sed seriò admonuit, desineret Sponsis CHRISTI ab ejus amplexu divellendis nefariâ operam impendere, sed eam salubrius animæ suæ curandæ saluti donaret, quàm brevè ab ipso DEUS repetiturus esset. Quindecim non plures fluxere dies, cum è vivis sublatus est, ut apparet consilio Patris salubriter usus. nam tribus sororibus nocte quadam simul orationi mentali piè intentis, sensit minor ter aut quater se per vestem vel-

*Societas Europæa.*

licari, monerique, ut ad locum colloquijs sæcularium prope domus. januam destinatum veniret, expectari isthic ejus alloquium. Et suffecit puellæ animus, ut non timeret accensâ lucernâ sola descendere. illuc perveniens, videt hominem per cubiculum solitariè & silentio inambulantiem, ausaque prior interrogat, quis sit? quidve id intempestivæ horæ sibi velit? ille fixo in eam vultu consistens, illico agnitus est esse idem Nobilis quondam proculus: diductoque pallio exhibuit se ignitis catenis partim è collo in pectus pendulis, partim membra horrendo amplexu stringentibus excruciatum: solumque profatus: *Orate pro me*, ab oculis evanuit. Efficacius etiam erat contra Dæmonem, insidias misellis struentem, certamen. Impugnaverant illi totâ Natalis Dominici nocte Virginum unâ sædissimis & importunissimis phantasmatis ac suggestionibus, ut quidquid remediorum adhiberet, illa potiùs in augmentum infernalis hujus incendij servire viderentur: erantque insultus adeò per-vicaces, ut veluti enervis & exarmata illis se cedere, & ultrà non resistere crederet: imò, quod timoratis animabus in ejusmodi pertinaci assultu fieri solet, summopere angeretur, & propè vix dubitaret, se in consensum aliquem & delectationem prolapsam graviter in DEUM peccasse. Indè illi novum conscientie remordentis tormentum, tantusque ab animo in corpus redundans dolor, ut se animo relinquendam & morituram putaret. Cum superveniens Pater Zucchi illam primam omnium ad Confessionem acciri jubet: sed illa renes acerbissimo dolore sibi constringi sentiens, cum ad quemlibet passum exanimandam se crederet, extremâ tamen vi desiderio Patris alloquendi connisa adrepfit; dumque illi statum suum exponere parat, præveniens ipse, obstrictam ad secretò habenda quæ illi dicturus esset, his ipsis verbis affatur: *Nocte Natalis Dominici cum Orationi vacarem, speciale mihi à DEO lumen concessum est, quo animam tuam ob oculos habui cinctam multis & varijs hostibus, quorum modò hi, modò illi assiliebat impugnaturi. Et licet illa quandoque debilitate corporis gravata desciceret, gratiâ tamen DEI resumpto robore superior evadebat. Sub hac vidi Angelum tuum Custodem unâ cum meo venire in auxilium, & pugnandum pro anima tua: quam etsi adverterem interpolatim afflic-tam, plerumque tamen observavi alacrem, ex conscientia illæsa, & voluntate obfirmata non consentiendi ulli tentationi, erant enim ma-*

*X x x x*

*nife-*



*nifesta DEI offense. Ità mibi visa est pluribus horis, donec repulsis hostibus evanesceret. ò quantum gustum præbuisi DEO in hoc certamine, & quantum ego te illi recommendabam. Et licet replicaret illa, varij generis fuisse suggestiones, & in quibusdam victam sibi videri: omnium conscium se clarè ostendens, securam plenè esse iussit, & nulli penitus succubuisse. ex quo omni depulsà anxietate, incredibili rotum illum diem solatio incessit.*

Jam verò quantum Dæmoni doluerint fructus ejusmodi ex sacris Asceterijs collecti, luculentè declaravit per os energumenæ Sanctimonialis Luccæ, ubi sequente Anno per Quadragesimam prædicaturus Pater erat. Cum enim hæc ejus rei futuræ penitus ignara sacris exorcismis urgeretur, præfente Vicario Generali Flaminio Nobili, ex improvviso horrendum stridere, & inter desperantis ejulatus pugnis in se ipsam sævire cœpit, vociferans, *ab ut quid venit ad prædicandum Lucca ista maledicta Zucca!* ità per contumeliā illū cucurbitam vocitabat; *quantis detrimentis me affecit! quanta intulit damna! quot animas jã veluti pugno meo inclusas, & meas, meis è manibus eripuit:* & id genus multa questus, injurijs & contumelijs Patris nomen lacerare perrexit. Et licet his universim visus sit deplorare damna in quolibet hominum genere illata, videri tamen meritò potest præcipuè alluisse ad Cœnobium, pro conversis à prostitutione Mulierculis à Patre erectum, dum conciones haberet in Jesi: quarum tanta erat ex immunditiæ mancipijs mutatio & vitæ sanctimonialia, ut nihil cederent ferventissimis etiam Virginum Claustris. Neque è contrà defuit Numen severè plectendis refractarijs, & obstinatè contra Patris monita in cœno hærentibus mulierculis. Ibat aliquando ad Cœnobium Sanctæ Cæciliæ trans Tyberim, cum ad januam cujusdam domunculæ confidentes videt duas, senem & juvenulam, toto habitu & gestu meretricatum spirantes: sub quarum oculis consistens, paucis sed nervosis verbis memoriam Mortis, Inferni, & quòd animas in manu dæmonis repositas haberent, ingessit: sed risu procaci ab utraque ab sene autem, quæ juvenem ex stipendio venalem lupam alebat, etiam sibilis & dictarijs explosus est. Bi-horrio post circiter eādem viā revertens, ejulatus & lamenta ejusdem vetulæ, & clamores accurrentis viciniæ percipit, auxilium juveni meretriculæ poscentium: dum accurrit, & ex fatali apoplexiæ ictu animam agere, sinè sensu, sinè motu vidit, hæc paucula ad in-

veteratam malicam prolocutus discessit: *hujus animam Diabolus jam jam sepulturus est in Inferno, tu verò corpus ad murum tortum!* ità vocatur locus sepulturæ impœnitentium prostitutarum. At ex adverso directioni ejus obsequentes, manifestè experiebantur se ab ipso divino Spiritu Regi. Si quidem frequentissimè confessionem, vel rationem suæ conscientiæ facturis, prior ipse (quoties præsertim experiebantur animum perplexum & intricatum, ut satis se explicare non possent) arcana illarum omnia cum singulis adjunctis explicabat, diluebat perplexa cordis & anxietates omnes, ut non remaneret eis adjiciendum verbum unicum: inexplicabili earum solatio, & adservitium DEI excitamento. Cujus rei testimonia publica è singulis ferè conventibus sunt ad manum. Fuit in uno ex his Romæ persona consequendæ sanctitatis avidissima, sed animi angustijs ex diffidentia in DEUM, à quo sibi omnimode deferi videbatur, afflictissima. illi aliquando obviis, dum ab alterius ægræ Virginis lectulo rediret Pater, his solis verbis ex Apostolo 2. Thessal: 4. *Hæc est voluntas DEI, sanctificatio vestra,* insusurratis, animum ejus plenè serenavit, diffidentiam omnem absterisit, tantæque consolatione implevit, ut nunquam verbis eam exprimere posset. Nobilis puella in Monasterio Sanctæ Marthæ urgebatur aliquando magnis impulsibus ad certam sui victoriam & abnegationem, à qua summopere abhorrens pertinaciter non minùs resistit, quàm si esset Dæmonis tentatio. Manè sequenti advocatam Pater placidissimè rogat, quid satisfactum sit hesternæ divinæ inspirationi. tali horâ, & super hoc puncto cælitus illi suggestæ? nec expectato responso, eodem svavitatis tenore, *& tu,* prosequitur, *ausa es refragari? & ità opponere te suæ erno instinctui, quemadmodum oporteret suggestioni infernali!* &c. unde tota inhorrescens quòd videret se non nisi à DEO proditā, in vestigio rem executā est, maximis à DEO gratijs deinceps compensatam. Advocari aliàs jussit quandam, cui nunquā antè visus ipse, nec illa eidem nota fuerat; quæ errorem indè interpretata accessum excusavit; quòd alia sinè dubio acciretur. Sed iteratò admonita se, & non aliam desiderari, paruit. Erat hæc supra modum afflictæ conscientiæ, desperationi proxima, & quo remedium omne excludebatur, decreverat uti firmiter ità imprudenter, nemini Directorum angustiarum fontem confidere. Itaque fastidienti similis comparens, quærit, *num quid se velit?*



velit? & an revera evocari fecerit? cui ipse solitâ affabilitate subridens: *si scires à me per somnium duntaxat*, inquit *visum martyrium conscientia tua, quod antequam ulli hominum pandas, mavis cor tuum perpetuò lancinari, & vivere sinè remedio afflicta, non esset mihi sufficiens causa tui evocanda? & quis novit an non pro certo tibi afferendo veniam solatio? licet invicem omnino ignoti simus.* Illa videns, ipsum ex notitia merè divina loqui, captâ resolutione totam conscientiam illi expandit; ipse verò tenebris omnibus discussis non tantum in præsens serenavit, sed quoties cujuslibet generis fastidium & angores animam occuparent, sola memoria verborum & remedij à Patre Zucchi accepti, remedio afflicta fuit. Idem ferè expertus est: ut hoc continenter ob similitudinem addam) Sacerdos Pandolphus Ricci, Florentinus; hîc ingenti pressus angustia, cui remedium nullum inveniebat, quin magis ex eo intricaretur, nec ullum consulere sinè gravi suo periculo poterat, post omnia frustra tentata oculos & fiduciam in Patrem, de cujus sanctitate & integritate multa audiebat, conjecit. Sed Collegium accedens, illum ex morbo graviter decumbentem reperit, ut alloqui non posset. Redux paucis diebus, & melius aliquantò valentem deprehendens, admissus est, & ponè lectulum considerare humanissimè invitatus, licet eatenus nunquâ Patri cognitus, multò minùs perspecta ejus necessitas. Porro antequam verbum proferret hospes, exorsus P. illum solari super intricatissimo casu, omnes illius circumstantias & adjuncta minutim explicuit, & quidquid in singulis evenisset, quidve remediorum afflictus tentasset vel cogitasset, exactissimè & distinctissimè aperuit, plùs quàm horæ spatio solus super his discursu formato differens. Audiens hæc Pandolphus, quæ soli sibi cogitata sciebat, præter DEUM nemini comperta esse, fassus est deinde jurato scripto, inhorrentibus comis sacro quodam stupore omnia sibi ossa intremuisse: ubi verò singulis membratim enucleatis certa insuper & efficacissima remedia suggeri audivit, concessâ abeundi veniâ ità attonitus remansit, ut domum quadrihorio reversus à singulis rogaretur causam tantæ mutationis. At ille uti vix animi præ solatio compos erat ex præscriptis consilijs, ità singulorum desideratissimum successum & effectum expertus, eventum omnem Patri miraculoso imputabat. Exinde frequens Patrem adire, & filij instar omnia sua conferre pergens, vice qua-

*Societas Europæa.*

dam deliberare secum super certa de suo statu capienda resolutione capît; quâ nullidum mortalium, neque ipsi Patri manifestatâ illum invisens, novo & ingenti suo stupore audivit consilium illud sibi dissuadentem, & recensitis singulis deliberationis suæ, quasi eam intuitivè cognovisset, momentis, omnia diluentem, & argumenta oppositis rationibus confutantem. Revelabat autem frequenter illi Dominus quoslibet etiam minutos Parthenonum defectus, quos ab eo in quotidianis Exhortationibus cùm sorores audirent recenseri, & cum omnibus adjunctis loci, temporis, ipsa prolata verba adduci, suspicabantur infidam aliquam observatricem singula Patri deferre, aut perscribere. Contigit aliquando nonnullas ad ægræ sororis cubiculum invisentes, ut illam fortè recrearent, joculari, ac demum in colloquium etiam Præsidem suam adducere, & acta ejus quædam improbare & murmurare; cùm subito campanulæ signo ad Exhortationem Patris evocata, audiunt ab illo factum suum his verbis lenissimè adduci: *Statur in cubiculo infirmæ jocando, & inter garriendum venit ad murmura contra Superiorem: idque tantò liberius, quanto certiores se credunt nemini prodèdas. Unde verò tanta cecitas in personis religiosis, ut non videant Deum præsentē, & plùs vereatur resciri ab homine, quàm videri à Deo?* Facile advertebatur à reis, nec scripto, nec ore potuisse per ullam Patri deferri, nullâ morulâ inter factum & reprehensionem, vel ad simplicem ejus accessum intercedente. Similem petulantiam alibi in ipso itu ad audiendam exhortationem à juveniculis aliquot exercitam ità graphicè descripsit, ut majore pudore confusæ quàm ex qualibet pœna erubescerent. Jucundius est quod accidit in Cœnobio Sanctæ Mariæ in Campo Martio, ubi dato ad Patrem audiendum signo duæ ad furnum in pinsendis nescio quibus plastulis occupabantur: cùmque una, quæ erat Conversa, discedere vellet, altera Monialis ut remaneret persvasit, quòd labor sinè damno interrumpi nequiret; Patris autem quavis hebdomade audiendi copiam habitura esset. Cogitur interim nescio cujus rei afferendæ causâ Conversa aliquò abire, dùmque ponè locum Exhortationis transit, applicitâ ad storem januæ prætensam aure, ut per transennam aliquid ex dictis excipiat, audit illum iteratò sibi inculcare, *ausculta, ausculta Prædicatorem, quem ad laborem ad furnum audire noluisti!* & continenti sermone referre totum cum socia habitum colloquium & dis-



disceptionem, idque iisdem penitus verbis. Quod toti Monasterio ubi innotuit, ingens pondus servandæ exactius obedientiæ, & existimationi Patris adjecit. In alio numerosissimo cœtu præ alijs Patri dilecto, quod S. Ignatium Fundatorem haberet, procacior una & Patris pertæsa, audito Concionis signo petijt ab alijs unâ ad Chorum, ut dicentem audirent, tendentibus, quis dicturus esset? audiensque Patrem Zucchi, *va iterum*, exclamat, *quantum tedium! quæ nausea! ego sperem super illius sermonem!* Interim P. vix chorum ingressis conscenso pulpito ex abrupto incipiens: *tu speres*, ait, *super meum sermonem? atqui scito hunc non dici pro te, sed pro tot alijs libenter enim auscultantibus!* paucisq; insuper adjectis quæ solam ejus conscientiam attingebant, & à nemine alia intelligebantur, protolato sermonis themate dicere exorsus est.

Semper sanctitatis Apostolicæ comes fuit humilitas, non quod cæcutiens bona sua, & labores non cerneret, sed quod hos ad Deum & collatas ab eo gratias comparatos, neque computari dignos clarè perspiceret, juxta illud Luc. 17. *Cum omnia feceritis, dicite servi inutiles sumus.* Beatum aliquando in familiari colloquio dicebat Patrem Zucchi quidam ejus pœnitens, post tot annos in Religione, sanctis & indefessis laboribus, tantis animarum proventibus exactos: at ille toto vultu inhorrescens, & in amarissimas solutus lachrymas, hoc verò est verissimū mei improprium! dum in tot vitæ annis non invenio diem unicum, ex quo solatium capere possum, heu me miserrimum! Aliàs ad similia de se sensa profundissimo dolore tactus, in amarus erumpebat gemitus, & facie manibus præ confusione & horrore obductâ exclamabat; *heu mihi! quæ abominatio me manet, cum detractâ omni larvâ & exteriori apparentiâ, coram divinis oculis apparebo prout sum in me, & non qualis falsò reputor!* Sanè illius Superiores, Confessarij, & quotquot familiaris Virum noverant, testabantur tam sinceræ & ex corde intimo profundæ, planèque prodigiôsæ demissionis alium nunquam novisse, qui re ipsâ occurrentes quosvis sui à quocunque contemptus, adversa & depreffiones, tanquam sibi propriè debitas sufferret, absque ulla renitentia & sensu; imò tam sincero in contemptores suos affectu, ut præ alijs omnibus in eorum obsequia advigilaret. Atque hanc sui vilipensionem prodebat maximè, quoties ægritudine sterneretur, ut moriturum se crederet. Ità cum Pœnitentiariæ Rectorem in morbo Amicus

sæcularis inviseret, & totum in lachrymis & singultibus deprehensum attonitus rogaret, num fortè morbi & dolorum acerbitas hos exprimerent? ille verò id inficiatus, in horrorem divini Judicij, & conscientiam suæ ingratiitudinis hos rejiceret: *Ergone Pater, replicat iste, DEUM Judicem ita expavescis? quid eheu flet nobis peccatoribus? hæc sanè res me trahit in desperationem! non, non reponit Pater, non est paritas! tanta gratia & tanta ingratiitudo! tanta debita, & nulla responsio! hoc est mihi soli proprium malum!* Quæ cum in ultima ægritudine hisque similia perpetim sibi, magno adstantium horrore ingereret, multi eorū impotentem ista cum notoria ejus sanctitate componere, mente exerrare credebant. Cum verò tam assiduus esset per totam Romam Operarius, & vix domū redux sapius in Urbem revocaretur, nunquam designari sibi passus est stabilem pro exitu socium; quod maximi duceret illam submissionem ad petendum pro qualibet vice ab Superiore Comitem, & mortificationem in eo totâ subinde domo inquirendo, atque humilitatem in eodem non rarò ut comitari vellet rogando. Si quid subinde incidisset abjectivus, & cum periculo minuendæ auctoritatis exequendum, ut Superiores diffiderent id alicui deferre, illi communiter offerebatur. ità cum eatenus ex perpetuo more Arguentes in Academicis Collegij Romani disputationibus unicam thesim assumerent, totâ horâ impugnandam, visumque omnibus esset conducibilis futurum, præcipuè Auditorum utilitati, si binæ acciperentur, ut priori dimidiâ horâ sufficienter declarata altera in disceptionem succederet: difficile erat reperire aliquem sive inter Doctores extraneos, sive ex domesticis, qui primus aleam subiret, quod credi posset ex dissidentia unicam sententiam totâ horâ de more impugnandi, ad novam veluti subsidiariam refugere. Ergo ubi Pater Zucchi promptissimâ obedientiâ omnibus prævit, nemo deinceps tantum ingenium & sapientiam totâ Urbe celebratam sequi detrectavit. Si peregrè ad conciones abeundum esset, ipse sarcinam suam deferrebat: & dum Socius quandoque (eò casu semper Sacerdos ad varia animarum subsidia addi solitus) ad populum dicturus esset, ipse in Fratris munus succedens, eunti viam facturus humiliter ad suggestum, & redeunti ad Sacrarium præibat, atque ad pedes dicentis in gradibus totâ concione omni populo inspectante confidebat. Ut autem faceri erat amoniquè ingenij, & ad sales jucun-



jucundè inspergendos promptissimus, appositè cumprimis illis utebatur ad humilitatem contegendam. Prædicanti per vernalis æstatis aliquo loco asperâ & glaciali hyeme, volebat domesticorum quidam focum in conclavi refocillando succendere; *obsecro*, inquit, *nè feceris, prob quantum flammæ me præstolatur in altera vita! nè velis in me tam esse crudelis, ut eas in hac vita inferre incipias!* Perrexitque absque omni remedio frigoris injurias perpeti, ut exinde sensu perditito, tepidâ aquâ immerse manus refocillari ad usum debuerint. Offerebatur illi alicubi in summa pluvia ad concionem habendam ambulanti tegimen capitis, quo totum imbrem excipiebat: *nequaquam*, respondit, *expedit me bene complui.* & joco à cognomine suo accepto, *nam cucurbita*, ait, *non crescunt, nisi copiosè rigata.* Sæpissimè rogatus non sinè violentia à locorum Episcopis, Magistratibus, ut rheda ad id submissâ more aliorum Concionatorum uti vellet, saltè pluvioso, lutulento & rigido, in reditu ad Collegium, tempore: at ipse reponebat, *remitti illis ab se, tam sinistram existimationem, quasi adeò invitus ventitaret ad serviendum ipsis, ut trahi deberet à pari bestiarum.* Dominicâ Paschæ obvenerat illi aliquando delicatioris carnis frustum, quo intacto alijs vilioribus prandium absolvit: rogatûque cur ipse solus alijs edentibus abstinuisset? *bene factum ab alijs*, reposuit, *sed ego, qui ex me tam multum habeo de bestia, malè fecissem adjungendo mihi insuper amplius de ista.* Vestium nihil unquam induit quod novum esset, licet vile & paupertinum foret, nisi Superiores (quod rarissimè accidit) ita juberent. Sicut nec papyrum ad lucubrationes suas adhibebat recentem, sed vel epistolas ab amicis acceptas, & id genus chartas ab una facie jam conscriptas: prætendens, longè liberius in ejusmodi licere lituras facere, corrigere, delere, quod in munda fieri à Religioso paupere conscientia nondissimularet. Fuitque universim paupertatis Evangelicæ adeò tenax, ut post tot conciones in varijs templis, Monasterijs, Cathedralibus ac Principalibus Ecclesijs, per tot Quadragesimas ab se habitas, nihil unquam honorarij, viatici, vel etiam Eleemosynæ titulo acceptârit, sive hæc in pecunijs, sive etiam religiosi munusculis, labore Monialium paratis, consisterent: quæ licet ab Episcopis, Capitulis, Senatibus, ipsis adeò Cardinalibus mitterentur, nec visa nec attacta remittebat. Dum Pœnitentiariæ Rector exi-

stens Quadragesimæ dictiones in Vaticana Basilica absolvisset, Capitulum ei ducenta scuta in munus assignavit; quod ut admitteret, quia neque precibus adduci potuit, titulo Eleemosynæ clam donata sunt Procuratori Pœnitentiariæ, expendenda in quandam illius fabricam perficiendam. Id ubi Rectori suboluit, recepta ab Oeconomo ad Capitulares fortè simul collectos retulit, & magnâ omnium ædificatione super mensa reverentiam deprecatione depositis, discessit.

Obedientiæ Virtus Apostolicis Viris maximè propria, quando Dominus non nisi *missos* prædicandi munus aggredi, *missos* autem imperterritè ire, etiam *inter lupos*, etiam improvitos, *sinè sacculo & pera*, voluit, summo opere Zucchio cordi fuit. Ad hanc veluti regulam virtutes reliquas & actiones omnes metiebatur, huic soli profectum & successus singulos adscribebat, ejus auspicijs omnia, sinè illa nihil aggrediebatur, verè natus angulis omnibus implendis, & obstruendis vacuitatibus. Communis omnium sensus fuit, non esse alium parem illi talentis & habilitate ad munia, quæ excellentiam ingenij, varietatem scientiarum, virtutum eminentiam, & solertiam executionis requirunt: at ipse ex corde omnibus ineptiorem ad quælibet agenda se reputans, à Superiorum nutu unicè pendebat, quidquid innueretur, nullo alicui deliberationi vel minimæ reflexioni animo suo indulto spatio, cæcè & pronissimè acceptando; solitus dicere, DEO per quemcunque Superiorem aliquid imponenti, vel etiam minimo signo innuente, responsi omnis loco esse debere, facere quod dicitur. Et fiebat omnino, ut Superiores hujus promptitudinis & certissimæ executionis securi, in quolibet repentino casu, pro rei indigentia & necessitate quidlibet ei demandarent, & mox ad aliud avocarent, aliud & aliud officium assignando: nescias utrùm velut ad omnia, an tanquam ad nihil idoneo. Sanè duorum circiter mensium aliquando lapsu Concionibus primùm habendis admotus, & mox remotus ad docendam Philosophiam, atque ex hac ad Matheſim, tandem, nec hoc, nec illud agere permissus, infimo planèq; dispari ministerio peregrinè obeundo destinatus est. Ità pariter mox ab inchoata Theologia ad exile inchoatum Ravennæ Collegium regendum, & obsequia Cardinalis Ursini ductus, & ab his Romam translatus, toto septennio nulli certo officio, ac nè loco quidem vel Provinciæ applicatus est, nihil sui proprii muneris, omnia tamen simul agens,



nunc in exedra Concionator, nunc in Cathedra Theologiæ Speculativa, Morali, Philosophica, Mathematica, omnium vices supplens Professor. Atque hanc obediendi promptitudinem Societati ex suo Instituto propriam quanti æstimaret, palam fecit aliquando rogatus ab amicis parum Religionis nostræ gnaris, an Societas sit Ordo strictæ & rigidioris Regulæ? Respondit enim, uti solebat facere, & reipsa esse observantiæ in rigore omnium difficillimo strictissimæ, cui parem in nulla alia Religione sciret, ita demonstravit: si puerulo cuiuspiam primâ vice calceis induendo, minutis videlicet, & aptatis ad pedum exilium mensuram, diceretur, vide jam & profundè animo insculpe, hæc erit invariabilis & perpetua tuorum deinceps calceorum mensura, ut nunquam per omnem vitam vel uno ungue laxiores longioresve concedendi sint. Tu quidem ex puero cresces in Virum grandem, & pedes similiter grandescunt in quadruplo & sextuplo majorem, quàm hodie sint, mensuram, calcei tamen nunquam tibi concedentur ampliores, sed iisdem semper minutulis & arctissimis utendum erit; neque licebit nudipedi incedere, etiam ubi ex Viro senueris, & decrepitis evaseris. Hoc profectò videri posset uti factu impossibile, ita dictu incredibile: & tamen de Societate verissimè dicitur, & continuâ praxi in eadem servatur. Et iste est rigor qui nullâ assuetudine & usu fit mollior, neque tempore callum obducit, ut accidit rigori corpus duntaxat afficienti. Porro hæc calceamenta inducta Novitijs, qui sunt veluti infantes Religionis, portari in eadem mensura strictissima debent etiam à Viro in Societate centenario, esto in gigantem excreverit: antiquitas, merita, munia, cathedræ, exedræ, nobilitas, exantlati labores, sublimis doctrina, primæ gestæ Prælaturæ, & quidquid in æstimationem venire potest, non afferunt vel minimam exemptionem à qualibet communi observantia, magis quàm in Novitio unius diei: nec efficiunt unquam discretum, quin in omni simpliciter suo velle semper dependeat ab annutu Superioris cujuslibet, etiam subordinati, etiam non raro talentis, experienciæ, & rebus alijs subdito inferioris: nec pariunt quidquam laxamenti aut commodi ad habitationem, cibum, vestitum meliorem, vel ulla aliena obsequia, nisi per vires & valetudinem non possint. Accidit aliquando ipsi alijs munijs occupatissimo à Superiore committi ad aliquot solum dies prælectionem

punctorum meditationis pro FF. Coadjutoribus, sed dies hi pauci extensi sunt ad non paucos annos, dum nulli Superiorum incidit, eum à quotidiano hoc sub vesperam onere liberare, ipse autem Religioni duxit ultro deprecari. Aliàs Romæ sub vesperam ex Urbe ad Collegium reduci, & totius diei operatione, pluribusque per diversa Cœnobia habitis sermonibus fatigato, occurrit Sub-Minister desolatus & mœstus, quod nullum reperisset Sacerdotum Tusculum expediendum, ubi in crastinum manè indicta erat Communio generalis, ut domesticis Parribus subsidiariam in audiendis pœnitentibus opem ferret: jam verò ingruente nocte subveniendi modum non reperiret. Ille hoc Superioris desiderium, mandatum interpretatus, è vestigio ad eundum se obtulit, & 12. illa Tusculum milliaria Italica scipione viatorio nixus, pedetentim totam noctem ambulando, in continua Oratione solitarius confecit: & sub primum diluculum apertâ Ecclesiâ Confessionale ingressus, locò se non movit, donec universi pœnitentes absolventur. Tum demum sacris operatus, dum nemo impransum suspicatur abiturum, resumpto baculo Romam repetit; quod Sub-Minister Confessiones tantum audiendi, non autem etiam prandendi copiam vel mandatum dedisset. Neque hoc semel tunc, sed iterum ad Festa Natalis Domini evenit; ubi gelidissimâ nocte ambulans, duas integras horas, nè domesticorum somnum turbaret, ante januam Templi Tusculani constitit, donec ad surgendum dato signo illud ingressus, ut recepto calore, frigus expelleret, Aram sacrificaturus accessit: atque inde pœnitentibus ad primam usque post meridiem horam auditis, nec ad bolum sumendum induci se passus, Romam, uti venerat, ad consuetâ sua Operarij munia se retulit. Ingens etiam illi erat de virtute ab Obedientia dimanante fiducia, & felicitis successus, esto difficillima, imò humanis viribus perfici impossibilia juberentur, certa securitas; ut adeò huic unicè attribueret illam admirabilem conceptum, & elocutionis copiosam promptitudinem, quoties improvisus ex tempore dicere vel nutu aliquo Superioris cogeatur. Quam ipsam cujuslibet Superiorum placiti non minorem quàm expressi mandati observantiam ita remunerabatur DEUS, ut id sensibiliter ipse experiretur. *Si scires*, dicebat aliquando ad confidentem amicum, *quanta confusio & horror mihi sit ascendere pulpitum, nescienti quid di-*



*Eturus sim! & inter dicendum prolatâ unâ periodo, ignorantem qualem subnexurus sim! itâ anxium & angustiatum nunquam tamen destituit DEUS, infallibiliter semper subministrando eleemosynam.* Atque ex hoc principio consilium omnibus, è diversis Ordinum Religiosis id petentibus, dabat, ut quidquid à Superioribus imponeretur, esto vires & facultates suas manifestè excederet, cæcâ promptitudine acceptarent: solitus exclamare, *o quanta mimula, licet nobis minimè comperta, per Obedientiam DEUS operatur! efficiendo nos potentes ad alacriter & facile exequendum, quod nobis relictum nunquam perficeremus.* Itâ cùm in Cœnobio Sanctæ Marthæ Virginum cuiusdam impositum esset munus procurandæ dispensæ, petit hæc inducias consulendi Patris Zucchi: siquidem inimicissima ejus complexionis hyems ruptas frigore manus (quarum opera ad id munus maximè erat necessaria) miserrimè efficiebat, ut quidquid ferè tangeret, vestigia sanguinis relinqueret, coacta idcirco involutas per totum brumæ tempus servare, & identidem calore ignis & aquæ tepesactæ confovere. sed auctor nihilominus illi fuit Pater acceptandi citra excusationem muneris, fiducia in DEUM conjecit, qui auxilia specialia, etiam supra naturam, obedientibus exhibere consueverat. Planèque itâ evenit: nam licet eo anno frigus insolito gelu defœvijset asperissimum, illi tamen absque ulla custodia vel fomento nudis manibus sua omnia pertractanti, integræ absque omni hiatu & scabritie, ac propè impassibiles duravêre. Indè etiam semper Superioris partes ruebatur, neque sustinebat audire querulantium in eos lamenta, sed omnia excusando sive bene sive perperam juberent, obediendum esse concludebat: quod hoc evincerent rationes æternæ, quas præ humanis omnibus, utpote incertis & fallacibus, attendi oporteret; nam obedientiæ verissimè convenire illa psal. 138. *sicut tenebræ ejus, itâ & lumen ejus.* In rebus denique perplexis & dubijs omnibus affirmabat expertum se, quantum differret operari aliquid ex consilio & arbitrio Viri etiam sapientissimi, aut ex placito Superioris. quod enim fieret ex hoc, ibi semper intervenire DEUM, cujus auxilij certum non posse ambigere de successu; dum prudentissima è contra Sapientum consilia, quia merè humana, neque arbitrio in oppositum probabilitatem tollentia, ex nullo capite obstringerent DEUM, ad præstandum effectum. Ex quo etiam dolenter ferebat ad-

duci à Superioribus, si quid injungerent, rationes suæ ordinationis, quod hoc esset procedere ex principiis prudentiæ humanæ, possetque fieri non rarò, ut efficaciores in oppositum subito occurrerent: cùm Obedientiæ proprium parere idcirco præcisè, quia Superior id velit, cùm ejus velle agnoscat, esse velle DEI, cujus rationes nunquam expetuntur, sed est altius omnibus humanis rationibus, & meritò totum valorem conciliat: quod adducta insuper à Superiore suæ voluntatis argumenta & rationes perfundant, & ex actu Obedientiæ, actum meræ prudentiæ humanæ efficiunt.

Itâ animo comparatus ubi vocem Superiorum audijt, & in messem animarum Operarium se mitti sensit, nullam sibi quietem indulgens, *opportune, importune*, quod requirebat Apostolus à Timotheo ep. 2. c. 4. publice, privatim, è pulpito, de plano requisitus, & spontaneus prædicando, sermocinando, exhortando, svadendo, instabat operi, itâ ut quoties domo prodiret foras dici ex verò posset, *exit qui seminat seminare semen*, Luc. 8. Nec fuit ex ore ejus audire verbum quod caderet in terram, & non tenderet in DEUM, amorèque illius quo ipse deflagrabat, alios incenderet. id quod videre potissimum erat quâvis feriâ 6. in Templo Domûs Professæ Romanæ ab Giesù, in ejus lachrymis, quibus tot annis ibi perorando communiter ipse perfusus, in easdem omnes trahebat auditores sermonum de Bona Morte, sive Agonia CHRISTI. Quibus non tantum interveniebant constanter aliquot Cardinales, sed & Alexander VIII. eos sibi fideliter domi repeti faciebat. Erâtque indubitatum omnibus, per illum non nisi DEUM loqui; ut tamen acerbè vitia reprehenderet, nemo tamen se perstrictum sentiret vel indignaretur. Itâ cùm aliquando præter morem acrius in Palatio Apostolico, exaggeratis sigillatim quibusdam excessibus, perorâset, fuit qui diceret, *proh! quid fieret alteri cuiusdam, si vel tertiam partem eorum, quæ Pater Zucchi, dicere hoc loci præsumeret!* Cui Cardinalium unus, *non est paritas*, respondit; nam Pater Zucchi Vir est sanctus, & ut talis agnoscitur ab omnibus. Sed parùm illi erat labor in tot concionibus, sudoribus, cursitationibus exandatus, nisi ad multitudinem & perpetuitatem tot dictionum, ut dici posset infatigabilis, accessisset tot adverborum & incommodorum perpeffio, ut meritò videretur esse impassibilis. Antequam assumeretur ad Conciones Pontificas



ab Alexandro VII. quoties ad Conciones seu per Quadragesimam, seu alio tempore habendas peregrè accersebatur, iter faciebat solus, si Socieras ibi domum haberet: hoc autem ob multitudinem animarum, quarum Romæ curam gerebat, nunquam inibat citius, quàm ut pridie Cinerum, aut cujusvis dictionis, in loco adesset. Arque irà cum venisset Faventiam ultimo Anrecineralium die, à densissima nive & frigore totum illum diem saviente, & ad ipsa ossium inrima penetrante, apparuit quasi emortuus, & omni manuum sensu destitutus: quo per calidam aquam utcunque recepro, manè sequenti Quadragesimam exorsus est. Iter enim quodcunque peragebat pallio perrenui & detrito, veste levissimâ & solâ relâ suffulrà, nullo usus æstare umbraculo, manicâ hyeme vel chiorhecis, solo pane in diversorijs ad refectiorem contentus. Placentiam verò cum pridie Cinerum duabus horis in noctem ferrius adveniens nullis precibus ingressum impetraret, coactus est rotam eam noctem sub dio, aère perfrigido transigere. Sæpius illi contigit ita solitario per summas tenebras, viâ lurosâ & profundâ, asello vel equo ob summam lassitudinem progredienti, ut neque vestigia jumentî, & quoniam graderetur discerneret: cumque non semel deviâsser, etiam ad invia delatus præcipitia, unde non dabatur regressus, mirabiliter DEI ope ereptus est. Reducem à Quadragesimæ concionibus Luccæ habitis Romam, rogavit notæ sanctitatis persona, num tali die & horâ discriminis aliquid in via & periculi vitæ adiisset? fatentique & ipsa narravit eodem temporis puncto incitatam se insoliro & vehementi fuisse impulsu ad eum in oratione DEO commendandum: nihil tamen plus tunc sibi divinitus innotuisse, quàm illum in præcipitio versari, ex quo evadere nisi divinitus nequiret. Creditur autem fuisse discrimen illud, in quod ab equo præcipitatus est, dum hic posterioribus pedibus cespiciens, ipsâque in profundam voraginem delapsus, quia tamen prioribus calcibus fortiter in marginem voraginis defixis corpus attinebat, remansit unâ cum sessore in eam dependens. Accurrit equiso, qui tum fortè sequebatur, & Patrem eâ dexteritate & robore (urruque suppediranre Numine) arreptum sellâ extrahit, ut plantis terram marginis attingere, & præcipitium saltu evadere posset. Quo factò equus veluti deposiro solutus, subito delapsus in præceps ruit, raturus unâ & confracturus Patrem, si in sella

tantillum remansisset: quod naturaliter evenire prius omnino oportuisset, dum insuper pondere Parris gravabatur. Aliàs viam (ur ingrediendi apparebar) meliorem secutus, paulò post ad præcipitium per illius confragosa deductus est, unde nec progredi ultra, nec regredi dabatur: cum repente illi adstitit homo, quin prius adverreretur unde venisset, aut quâ causâ in loco deserto, inaccessible, & invio compareret: hic blandissimâ humanitate, nullum ramen prolocutus verbum, equum loris prehensum retraxit, & in semita stavit, quâ securè in viam rediret. Gratijs pro beneficio redditis & acceptis ita momento disparuit, ut oculis undique à Parre requisitus, nullibi vel recedentis vestigium appareret. Nec parùm molestiarum ferendum erat ab aëris injurijs, & qualibet Cæli intemperie, in habendis quotidie per Virginum Romæ Cœnobîa dictionibus, quia enim in singulis ceram designabar illis audiendis horam, ibat per summos etiam imbres, nè si pluvie finem expectaret, pabulo suo aliquod aliud per eam moram frustraretur: itaque uti quò venisset pluvîâ usque ad pellem madidus, irà exedram conscendebat, illius aquis suas è sudore Apostolico admisturus. Malum suum familiare & domesticum, podagram & chyragram, quancunque essent dolores & torturæ, & rotam noctem insomnem acerbitate suâ fecissent, non plus sibi impedimenti facessere ferebat, quàm quòd non suis, sed alienis pedibus locum dicendi subire cogeretur. Et sufficiebar vel hoc spectaculum ad excutiendas auditorio lachrymas, dum eum viderer octogenario majorem & podagricum, quavis nihilominus feriâ 6. ad dictionem Bonæ Morris ad templum deferri, & ante Aram majorem in gestatoria constitui. Idem illi evenit Luccæ per priorem Quadragesimam (duas enim illic absolvit) conciones habenti, ubi propè toto ejus decursu pertinaci podagrâ & chyagrâ occupatus, nullam ramen ullo die inermis. Et licet ejus doloribus summè extra cathedram cruciaretur, in hanc tamen illatus cum initio dictionis videbatur eorum penitus oblivisci, vel inducias obtinere, pari semper efficacîâ & spiritûs vigore perorans. Quin etiam quoridie faciebar se ad bina ejus Urbis Virginum Cœnobîa deportari, ad tradenda S. Ignatij exercitia, & habendos sermones, maximo earum in spiritu & observantia religiosa profectu. Si autem deessent dolores & afflictiones extrinsecæ, tantò magis spontaneas adungebat; vix unquam



quam toto dictionum Quadragesimæ decursu, & ut Placentiæ observatum fuit, nè unâ quidem nocte super strato, sed nuda in tabula decumbens: & quolibet manè, ut primum campanæ signum ad surgendum insonuisset, longâ & atroci flagellatione in corpus desævians. Nec à verberibus & molestiis afferendis abstinuere dæmones, indignati tot sibi animas per eum eripi. Itâ manè quodam ardentè pro salutè certi hominis precatus, ingenti tumultu, quasi totum conclave rueret, audito, vidit adstantem sibi terribili formâ dæmonem, qui immâni pugno super collum impacto humi primum dejecit, & crudeliter prostrato exprobravit, *hoc habes, inquit, quia præsumis mihi adversari, & animas omni jure jam meas eripere.* At Pater recedente spectro impigrè in genua consurgens, tantò impensius eidem orationi institit, quantò magis eam dæmoni invisam expertus est. Sapius aliàs visibili & multiplici formâ illi molestus, omnem lapidem incassum movebat, ut à conatu è scelerum barathro eripiendi inveteratos peccatores, veluti frustraneo, eum avèrteret: sed constanter aliquando pro certâ persona orare perseveranti, mox ubi dæmon disparuit, nuncius è cælo advēnit, exauditas preces significans, & personam illam post certâ Religionis ingressum, in professione sancta perseveraturam. Quis autem enumeret vitæ discrimina, quæ apud Venèris mancipia & insanis amoribus in mulierculas furentes lenones sapiissime incurrit? nam velut atrocem injuriâ interpretati ereptos sibi, & nè spem recuperandi haberent, Monasteriis conclusos amores, toties in ultionem ejus, verbera, & necem ipsam conjurârunt, ut prodigio simile videatur, illum indemnem semper evasisse.

Quemadmodum autem Pater in qualibet cum proximis actione, colloquio aut conversatione, in solum DEI honorem & animarum profectum intentus, nunquam intermisit de divinis rebus tractare, & quemlibet alium discursum tandem ad æviterna traducere; itâ DEUS verbis illius & consilij efficaciam pondusque admirabile imprimebat, ut nemo cum eo ageret, quin melior in aliquo saltè, quàm accederet, recesserit. Accessit illi quando Confessionis gratiâ Nobilis adolescens, è longa per varias Orbis partes infidelium, & omnis generis sectarum peregrinatione Romam delatus, quarum omnium vitia ubique collecta, præsertim omne genus spurcitiarum, videbantur in

*Societas Europæa.*

ejus pectore sedem fixisse. Audivit illum non aliter quàm filium prodigum à filiquis porcorum ad Patrem revertentem, ingenî patientiâ & compassione: & quia videbat tantâ assuetudine appetitus suos sequendi, & nihil corpori negandi obduratum, non tam facile & repente in eas spiritus vires assurrecturum, ut posset & veller inveteratas omnes consuetudines & suggestiones intrâ se, & occasiones foris excutere, impensè animatum hortatus est, nè quantovis in eadem & quævis alia scelera telapsu, animum aut spem emergendi abjiceret, sed ad Confessionis remedium constanter recurreret, promptum se reperturus quoties audiri vellet. Benignitate hæc plus quàm paternâ citra ullam sui reprehensionem vel acrimoniam, inescatus animus generosus, fideliter ad Patrem semper recurrit, licet nihilo aut parùm unâ quàm alterâ Confessione melior, in quo inveteratus habitus in quandâ necessitatē transiverat. Maximus Patri indè nascebatur dolor: qui tandem modum suggessit illius plenissime emendandi, ut videlicet eum intègre consignaret in manus Beatissimæ Virginis, quæ est Refugium peccatorum. Igitur proximè reversum ad faciendam exomologesin, illâ peractâ sic affatur: *Fili mi, pro bono & animæ salute, in vicem omnis satisfactionis & remedij, cupio tibi in Dominam & Matrem assignare Beatissimam Virginem, quam si acceperis, & reverentè cupis ei vicissim exhibere te servum & filium, experieris certissimè ejus protectionem, & auxilium emendandæ vitæ necessarium.* In signum autem sincerae acceptationis non plus exigo, quàm ut manè quolibet, ut primum consurgis, dicas unum AVE MARIA in honorem ejus purissimæ Virginitatis: & hæc addas: *Domina & Mater mea, in fidem & signum meæ subjectionis, consecro tibi hodiernum diem, & dono oculos meos, aures, linguam, cor, ac totum me: itaque per hunc diem tuus sum intègre, tu me defende & posside tanquam tuum.* Idem repetendum erit sub crepusculum vespertinum, adjucto triplici terra osculo. Quod si eò diè vel nocte sentias te carnis stimulo, aut demonis tentatione impelli ad quidpiam illicitum, dicito cōtinuè, *Domina recordare quod tuus sum, tueri me, tanquam rem tuam propriam!* Nobilis tam facili & teneræ pietatis remedio adversum tam enormia mala captus, pleno corde observaturum recepit, & paucis diebus aliàs adhuc lustraturus Regionēs cum æqualibus, acceptâ Patris benedictione, discessit. Post novum peregrinationis quadriennium

Y y y y

Ro-



Romam relatus, ad Patrem confessus redijt: cui aure concessâ, *videbar mihi*, aiebat Pater, *audire Confessionem sancti & innocentis hominis*; atque ex eo non finè stupore quærens, unde tanta esset morum mutatio? audiit in tenerrimas effusum lachrymas respondentem, devotionem erga Beatissimam Virginem ab ipso præscriptam, & ab se fideliter observatam id effecisse; sensissequæ ab ejus invocatione, quoties tentatio ingrueret, cor sibi & animos ad resistendum addi, ut nunquam succumberet. Hoc exemplum cum alicubi retulisset in Quadragesimali dictione, Tribunus militaris mulierculæ amoribus implicitus id audiens, quia imitatu facile judicabat, & è cæno abominabilis vitij emergere cupiebat, sequendum sibi proposuit. Et adfuit illico DEI paræ gratia, ut pariter Amasia intimè commota statuerit, inhonestæ consuetudini nuncium remittere. Ergo ipse institutâ ad proximum Pascha seriâ confessione, in quotidiana illa devotione, & inviolata propositi observantia constans permansit, donec semestri elapso cupiditas subijt experiendi, an pariter amica vitæ melioris tenax duraret, an fortè alterius cujuspiam amoribus se implicuisset? dùmque dæmonis fallaciâ in certum relabendi periculum se trahentis deceptus, vespere quodam domum ejus accedit, & à nemine observari se videns, manum jam aperiendæ januæ admovet, sentit se intimo animi remorsu ad abstinendum commoveri: quo compunctus, elatis ad Virginem oculis, *Domina adjuva*, exclamat, *quia sum tentatus*! Et ecce eodem momento advertit, se brachio invisibili manu prehensum à janua retrahi, & ad proprias usque portas reduci, ubi relictus sibi cum undique auditorem frustra circumspiceret, factum demum indubitatè Genij alicujus Cælestis credidit. Ex eadem devotione cum effrenis adolescens in morigerum prorsus evasisset, Mater illius gratias Patri multis lachrymis relatura Collegium accessit, quod filium ex Diabolo Angelum hoc medio (quod è filio fortè resciverat) effecisset. Nec minoris fuere efficaciz alia id genus consilia & dictamina. Evocatus die quodam ad moribundum juvenem est, solam ejus præsentiam & ultimam benedictionem ante obitum anhelantem, à quo rogatus Pater, num se agnosceret? cum inficiaretur: octo, inquit, menses hodie sunt, cum in Romano Collegio abs te petij edoceri praxim, vitam meam in obsequio & amore DEI sanctè traducendi; tu verò solam hanc suggessisti, *delectare*

*in Domino*: ut nimirum omnis mea delectatio foret in quærendo placere DEO: omnis mea recreatio, omnis consolatio, omne desiderium & velle in solis rebus DEO placitis. Hoc dictamen intimè animum cum penetrasset, quanta in me bona fideliter observatū hoc tempore patreverit, discas ex obsignato scripto, quod sub cervicali reperies, non tamè prius lecturus, quàm vivis me excessisse resciveris. Tū pro documento tã sublimi gratijs redditus, supremâ appreciatione donatus Patre dimisit, nec multò post placidissimè expiravit. At hic referatam chartam non semel aut iterum coram diversis legit & relegit, cum novo semper cordis júbilo & ad sanctitatem incitamento; siquidem hanc referebantur insolita, ex quo praxim illam adhibuit, animi solatia, & dulcissima cordis quies, tot tantisque Cæli favoribus & gratijs cumulata, ut ijs explicandis non sufficeret. Idem penitus dictamen suffecit ad plenam sanctitatem provehendæ Sanctimoniali certi Romæ Parthenonis, quem cum Pater Zucchi non adiret, utpote sui Ordinis Patrum directioni subjectū, ipsa sublimioris perfectionis cupidissima instanter à DEO precabatur, per aliquem instituendæ sanctius vitæ methodum edoceri. Cum multâ famâ de Patris Zucchi sanctitate permota, in spem venit, ex illo viam vitæ Cælestis audiendi. Sæpius vocatus, & per intercessionem amicorum rogatus, venire, nunquam voluit, donec precibus Virginis inclinatus ejus cognatus Societatis Generalis Mutius, accessum Patri imposuit. Hic illa pedibus ejus advoluta, *Pater*, inquit, *ego cupio fieri sancta, & ex te modum doceri, quo id assequar*. Cui ille: *Delectare in Domino, & dabit tibi petitiones cordis tui*: Psalm. 36. Nec ullo præterea adjecto verbo, colloquium solum est, nam effatum illud ignis fuit & lumen clarissimum, totum Virginis cor occupans, ut nihil ultra vel ab Angelo svaderi posse crederet. Itaque ingenti fervore dictamen illius in constantem usum deducens, altissimæ Perfectionis gradum brevè conscendit: quando paucis annis longam & ærumnosam DEUS ægritudinem virtuti ejus probandæ immisit; quam incredibili non jam patientiâ, sed gaudio & solatio ferens, ubi monita est parùm sibi vitæ superesse, potestatem obtinuit cui maximè vellet Sacerdoti supremum confitendi. Consideravit illa quempiam de Societate, illum præ reliquis, cui in Religionis ingressu generalem de Vita sæculari homologesin fecerat: sed DEO ita disponente, quia is non erat ad



manum, missus est Pater Zucchi. Ad cuius conspectum illa mirè exhilarata, noscine me Pater? inquit: neganti verò, totam historiam dati sibi consilij ad sanctitatem, per delectationem in solo DEO quærendam, recensuit: cuius unicè semper exambitæ medio, licet non possim dicere me evasisse sanctam, respectu tamen vitæ prius in Religione actæ, sanctam vixisse asserere cogor. Ac tum recensitis maximis à DEO receptis favoribus, inter uberrimas lachrymas à peccatis totius vitæ expiata, paucis diebus sanctè decessit.

Eadem cælestis vis illi adfuit in cordibus hominum obfirmatissimis subito ad meliora inflectendis. Quo tempore conciones habebat Luccæ, contigit Monialium, quandam ætate floridissimam 21. annorum, Nobilis prosapiæ, vivacis & excitati genij, repentino malo ita prostreri, ut Medici depositam voluerint à Confessario moneri, nullam spem vitæ nisi paucorum dierum superesse. Sed illa inexpectato nuncio adduci non potuit ut fidem adhiberet, multò verò minùs, ut ad transitum extremis Sacramentis muniri, & de morte aliquid audire vellet. Afflictis rei insolentiâ Sororibus, tandem in mentem venit expugnandæ obstinatæ Zucchium accersere: qui sinè mora accurrens, omnibus è cubiculo dimissis, alloquio non integri quadrantis horæ ita animum ejus immutavit, ut nihil aliud quàm citum è vitæ exitum anhelaret, nec aliud loqueretur, cogitaret vel ageret, nisi quæ ad beatam migrationem conducerent. Alia Virago sæcularis obstinatè averfa à statu Religioso (prouit ipsa jam Monialis referebat) accessit ejus Confessionale ipso Natalis Dominici die: ubi ipse me, agebat illa, verbis s'avitate plenis, sed simul efficacissimis stringebat, ut præ angustia spiritûs sudarem: interque alia dicebat, DEUS te tam constanter exambit & consequitur, tu verò dorso illi obverso refugis! Dúmque tandem impatiens reponerem, aliâ me causâ Romam venisse, quàm ut Monacha fierem: hoc ipsum sibi bene constare subjecit: sed DEUM intentione illius eversâ, aliud illâ fieri velle. Abivit tandem cum firmo proposito non ampliùs ad eum redeundi. Nec opus erat, aculeo jam animo tam profundè infixio, ut quietem nullam, donec Religiosa fieret, reperiret. Usitatissimum illi erat, tenerâ pietate in DEUM inescandis puellis, & Virginibus etiam sacris, incentivum, Imago JESU infantis, cujus Icones è Virgine cera ad omnem elegantiam

& pietatem (non sædè nudas, ut passim circumferuntur) decentissimè suis manibus Patri in hunc finem copiosè efformabat Principissa Burghesia, & ille liberaliter distribuebat, quotquot à mundi illecebris ad DEI amorem, vel insignem virtutem provehere intendebat. Erat Matrona in Urbe insignis pietatis & liberalitatis, commune Patri refugium, cujus educationi & custodiæ passim puellas periculis castimonie subductas committebat: huic, ut gratus vicem aliquam rependeret, optabat ex animo, procurabátque apud DEUM, ut filia ipsius animum inderet ad statum Religiosum. Verùm hæc licet optimæ & innocentis educationis, pro indole tamen sua nobili & vivacissima, tota erat in elegantia corporis, ornatus, & vanitatum illecebris, ut nihil minùs sperari posset, quàm ut vellet his omnibus in claustro inclusa nuncium remittere; neque adeò ullum locum seminandi in suo corde casti consilij Patri permitteret. Ergo multis precibus commendato negotij JESU infantis successu, Iconem ejusdem unam puellæ donat: ad quod munusculum illa subridens, quid autem faciam cum hocce Infantulo? nihil aliud, subjungit Pater, nisi ut eum testudini tuæ, quoties hanc tangere voles, superimponas. Ludebat autem hoc citharæ genere scitissimè, mirèque delectabatur, ut magnam diei partem in eo consumeret. Itaque tam facili pietati assentiens, dum ludendo JESULUM semper habet ob oculos, & identidem respicit, blandè contemplatur, cœpit subinde pio aliquo sensu & gustu Cælestium tangi, tantò sibi delectabiliore, quantò magis illi peregrina erant & insveta solaria spiritua- lia: quæ sensim bonas ei cogitationes, affectus in JESULUM teneriores, ac tandem illi placendi & sanctiùs vivendi desideria ingenerabant; sic ut barbitus magis fieret instrumentum adorando & canendo DEO, quàm animo suo vel aliorum recreando. Denique potenti aliquando instinctu tota in DEUM commota ad Patrem accurrit, & victoriam de se ab Infantulo Domino reportatam narravit, seque Religiosæ vitæ quantocyus addici experijt: magnâ Urbis admiratione & exemplo propositum executâ, & ad insignem perfectionis gradum constante adnifu provecta. Mirabilior successus fuit cum Sanctimoniali, à qua per similem puelli JESU effigiem mirè obtinuit, quod sæpius omni adhibito conatu nunquam extorquere potuit. Erat illi in delicijs animalculum, seu sciurus fuerit, seu caniculus, quod pro sua recreati-



one & distractione comparaverat, non aliter illi noxium, quàm quòd animum & cor occupando curas propè omnes ad se attraheret; & à cogitationibus divinis abstraheret, sic; ut plures horas illi colludendo, pascendo, & blandiendo consumeret. Nulla propè transijt occasio, nullum alloquium, quo non illam Pater (cujus erat filia pœnitens) hortaretur ad amandandam bestiolam, utque delectaretur potiùs in Domino, & ad placendum illi curas omnes & amores transferret, tempùsque illud quod velut herula sæcularis irrationali bruto fovendo, DEO per religiosa obsequia, prout illius servitio consecratam decebat, impenderet. Sed cùm frustra essent omnia, & quantumlibet illa semper relegationem bestiolæ polliceretur, primo tamen ejus conspectu ità intenescerebat, ut id à se impetrare non posset: tandem die quodam mox à Confessione cum illa agens super hoc ejus delicio, bene habet, inquit, quando ità placet, retine sis tibi hoc oblectamentum, sed ità, ut non aliter illud habeas quàm ego præscripsero: Cùmque illa mirè exhilarata omnia promitteret; quando, subdit Pater, cubitum concesseris, bestiolam mollissimâ lectuli parte unà compones, JESULUM autem hunc, quem tibi dono, sub lectulo nuda super humo collocabis. vide sis nè alitei facias. Sub tempus somni ubi ad reponendum humi Cælestem Infantulum, cubante in molli lecto bestiâ ventum est, remordente conscientia tota inhorrescens, impetrare ab se vix potuit ut obediret; & ingruente copiosa è cælo luce, ut abominationem suam pervideret, totam noctem insomnis, inter gemitus & lachrymas transegit: atque ubi dilucuit, bestiolam ab se & toto Cœnobio relegavit, & ab eo die veluti fascino soluta, corde in DEUM & cælestia expedito, totam se divinis obsequijs & arctissimæ observantiæ addixit. Atque his & similibus modis ingentia in cujuscvis sortis animabus bona perfecit, & mala præpedivit. Intellexerat alicunde Pater apparari certo loco in horas nocturnas convivalem cœnam, perpensaque loci, temporis, & convivarum qualitate, ominabatur, magnum apertum iri aditum varijs, nec levibus DEI offensis. Quare omnem lapidem movit turbando conventiculo, & avertendis ab accessu saltèm confidentioribus aliquot amicis; sed cùm frustra tentaret omnia, quòd nemo haberi vellet primus datæ fidei violator, observatâ horâ dum convivæ jam adessent, eò se intulit, & humanissimè consalutatis, inter officiosos

sermone, priusquam accumberetur, subintulit, alieno rogatu primariæ cujusdam Dominæ se advenisse, ambientis, ut inter convivantes admitteretur & ipsa hospes. Dùmque Cœnæ Patronus & invitati omnes perlibenter annuerent; Dominam hanc dixit esse Cæli Reginam; quæ nihil ipsis futura esset importuna, cœnarent ipsi, & hilariter ad omnem jucunditatem convivarentur, solum illi in capite mensæ, pro tantæ Reginæ dignitate, positâ ejus sacræ Imagini sellâ accubitum concederent. Assensere universi pro reverentia, quâ Virum observabant: cœnatique si unquam hilariter & jucundè, non fuit vel unus, qui verbum aut gestum indecentem; ob memoriam unâ convivantis Cæli Dominæ, auderet depromere.

Et hæc quidem opéra erant Zeli Apostolici in proximum spiritualia, nam corporalia & externa nihilo erant minora vel pauciora. Expendebat ille in omne genus pauperum, ægrorum, peregrinorum, sed maximè tot puellarum de pudicitia periclitantium, aut cœno libidinis ereptarum, inque easdem dotandas, elocandas, alenda & fundanda integra earum Cœnobija, aliisque pias causas, tot annorum decursu multa scutorum millia; & nullum defectum passus, tantundem & amplius semper à liberalibus Patronis recipiebat, certissimis, ea ritè pro DEI honore expendenda. Et ut prius videatur, quàm profusus fuerit in elargiendo de suo domestico (indè enim facilè conjicietur, quantò effusior fuerit ex aliunde commodato) post illius Collegij Romani gubernationem dici ex vero tria poterant, neminem ex ejus decessoribus majoribus Oeconomix damnis fuisse affectum, à nemine in dividendis liberalissimè eleemosynis superatum, & tamen in liberando ab ære alieno Collegio, potiore debitorum extinctâ parte, omnibus antecelluisse. In uno dominio Collegij interceptum illi est ab altiore potestate uno anno omne frumentum, & certa illius mensura, quæ tunc veniebat 18. scutis seu coronis, non nisi per 6. scuta persoluta. In alio dominio similiter omne granum interversum, & quantitas alioquin 42. Julijs æstimata (nostratibus 7. florenis) non nisi 13. Julijs, id est, 2. florenis 10. cruciferis repensâ: præter integram navim frumento onustam, quæ absque omni compensatione abrepta est. Recepto de tot damnis (unde toto anno Collegium sustinendum erat) nuncio, cùm modicè exterritus apparuisset, illico oculis in Cælum erectis totus alacer, reperi, inquit, modum reparan-



parandi tot illata detrimenta: obligandus est nobis DEUS liberalioribus eleemosynis, ad illa liberaliter refundenda. de reliquo ejus curæ omnia sunt relinquenda, qui potest quod vult, & quod voluerit certò futurum est, quantumlibet nobis videatur desperatum. Simulque perlustrari jussit omnes Collegij officinas & receptacula, & quidquid præter absolutè necessaria superflueret in unum colligi, & in pauperes cum adjuncto notabili ære distribui. Altero ejusdem Rectoratus anno, cum maximâ annonæ caritate panem tota premeretur Italia, & Roma præcipuè ob pauperum undique accursum laboraret, ut idcirco passim velut ex condito etiam ditissimi diurnum panis dimensum familiæ & Operarijs imminuerent, Zucchius nec unum granum detrahi passus est, ne quidem in panis 8. unciarum libunculis, quotidie è Collegio in pauperes magno numero distribui solitis. Quibus eleemosynis tantam à DEO liberalitatem promeruit, ut præter omnes Collegij absque ullo defectu expensas, supra viginti millia scutorum æris alieni, per Decessores suos contracti, exsolverit. Eodem stylo & fiducia in DEUM remuneratorem processit regendo Domum Professam, & prius Collegium Pœnitentiariæ ad Sanctum Petrum, ubi aliquando interpellatus à Procuratore anxio, & summo opere desolato, quòd in toto ærario, ex quo sustentandi erant tot Socij usque ad novos census, non remanerent nisi triginta scuta, quæ in unicum de præsentis summè necessarium sumptum non sufficiebant. Pater collecto tantisper in DEUM animo, & oculis mox in Procuratorem conjectis subridens, quid mihi rependes, ait, si ad manus præcisè sumendo tua 30. scuta, tibi reddidero 300. ? & te insuper artem idem efficiendi edocuero, in quovis simili casu, & pecuniæ indigentia? Nec mora, abit hic alacer, & alacrius multiplicandos affert nummos: quos in manum acceptos Rector eidem restituit, jubetque confestim omnes, nè teruncio reservato, in egenos distribui: sic enim, inquit, debitorem facimus DEUM, ut nobis juxta infallibile sumum promissum, restituere centuplum cogatur. Atque hoc ille semper à DEO expertus, non satis capiebat dementia Christianorum, tam parvè in pauperes inclinatum, cum ad firmandam suam fidem non dedignetur quandoque Dominus in propria persona, mendici formâ stipem accipere, ut certi redamur sibi mutuari, quod pauperibus erogatur. Et illi quidem summa erat cordis af-

flictio, si rogatus eleemosynam non haberet ad manum quod largiretur. Indè per tot annorum itinera, quæ per varias Urbes concionando obibat, nullum unquam præterire mendicum passus est, cui non aliquid de paupertinò suo viatico erogaret, jejunando ipse, parciusve edendo, ut plus distribuendum superesset. & cum aliquando ultimo dato obulo, propè viæ terminum alius insuper stipem rogasset, Breviarium illi tradidit oppignorandum aurigæ, dum ipse in terminò exolveret. Aliàs tribus è Germania peregrinis panem petentibus non habens quod largiretur, ipse pro illis mendicus factus, in proximo diversorio tantum panis corrogavit, quod in carnem ijs sufficeret. Atque hæc, in subveniendò corporum indigentis charitas longè profusior erat, quoties necessitati animæ simul medebatur. Accesserat ilium Juvenis Ultramontanus elegantis formæ, quam augebat exquisita modestia morèque cultissimi, nescio quo casu eò redactus, ut cogeretur aliorum captando gratiam victum conquirete, cui impetrando vel soli oculi corda intimè ferientes sufficerent. Pater exploratâ ejus conditione & innocentia, de qua manifestè ita periclitabatur, unaque desiderio repetendæ, si viaticum adesset, patriæ, tantum illi pecuniæ per tertiam manum suppeditavit, quantum in redditum honestum nobili adolescenti, citra alienæ gratiæ necessitatem, sufficeret. In hos & similes casus, fatebatur ipse, quoties ingruerent, & esset dotanda v.g. pupilla aliqua, vel conversa, ad nuptias vel Monasteriũ, semper unde unde obvenisse sibi quantum elocandæ requirebatur, neque minus aut amplius, idque submissum ultro à personis, quæ nullam necessitatis habebant notitiam. Ità aliquando sub vespere ex Urbe reduci ad Collegium Romanum, in ipsa aræ scholarum obviis adolescens elegantis formæ, bursam pecuniæ plenam in manum imposuit, nullo alio dicto verbo quàm accipe hanc eleemosynam: quem cum subito abeuntem circumspiceret gratias relaturus, nullibi totâ aræ comparuit, cum tamen ultra duos trésvé passus recedere nequivisset. Et erat præcisè tantum æris, quantum præsens certus usus, qui multum sollicitum Patrem tenebat, requirebat.

Inter præcipua ardentis animarum zeli, & utilissima Patris opera, erat impositum illi à Sacro Cardinalium Collegio munus Confessarij Conclavis, in quo totis 80. diebus inclusi detinebantur in electione Pontificis Alexandri VII. ad quod evocatus Pater non



parum contristatus est, otio sibi conterendum ibi tempus, post Confessiones manè auditas, metuens, qui Apostolicis operationibus totum diem insudare assuetus, plusquam alij ferventes quaterni Operarij laborum exhauriebat. Sed DEUS illi campum occupationum tam copiosum, ad summam totius Conclavis utilitatem, & simul fertilissimam patientiæ palæstram illic parabat, ut Confessiones excipiendæ minima esset laborum portio. Datis enim somno quaternis, quibus longo usu insueverat, horis, reliquum noctis ad usque diluculum meditationi impendebat & orationi: tum Confessionale in Sacratio Paulino ingressus non exibat, dum Cardinalibus scrutinium pro electione Pontificis ingressis, Sacerdotes pariter omnes & Clerici (quorum ingens ad obsequia Cardinalium aderat numerus) suas quoque absolvisent homologeses, quod vix ulli forent, qui non quotidie sacram hostiam DEO litarent; seque prius eidem reconciliarent. Quos inter & ipse absoluto sacrificio, ad quod illos invicem sibi ministrare oportebat, serviebat quotquot id obsequium admitterent alijs. Indè sensim familiaribus alloquijs & conversatione, cujus gratiâ ad miraculum pollebat, animos Conclavistarum (itâ eam Cardinalium familiam vocant) captare, & gustum rerum spiritualium prolicere; donec operâ aliquot divinis magis addictorum, fallendo velut tempori, in cætum coire sub vesperam recitando Rosario inciperent, dum Cardinales interim collecti de futura electione conferebant; cui Pater subungebat brevem super re quapiam divina discussum; donec itâ Exercitium in Templo nostro Professorum, quavis feriâ sextâ usurpari solitum, Bonæ Mortis, inluxit, cum expositione in Sacratio Sanctissimi Sacramenti. Eâ devotione mirificè affecti, orexim Cardinalibus illico excitârunt, ut & ipsi interesse vellent, debuisseque primùm hæc differri ad finem quotidiani eorum conventûs, itâ ut paulò post nē unicus è sacro Collegio, nisi ægritudine præpeditus, abesset; postea verò, quò fructus major & proprius ad singulos perveniret (nam Cardinalium & Conclavistarum duæ nimium diversæ sortes, aliud dictionis argumentum & rationum momenta requirebant) cœpit Pater duplex ejus pietatis Exercitium quotidie ad electionem usque Pontificis instituere, prius ad familiam Conclavis, ac tum ad Sacrum Collegium, propriâ ad singulorum conditionem additâ Exhortatione. Et verò prodigio simile erat diversum penitus super

eadem Evangelio argumentum deducentem audire quotidie, ut nihil penitus ad hos repeteretur, quod dictum foret ad illos: utrumque nihilominus tantâ conceptuum & profundissimorum sensuum varietate & ubertate, atque ad utriusque sortis Auditorum tam disparem instructionem appositissimè tractantem; cum tamen constaret omnibus præter unicum in ejus cubiculo, nullum ad manus illi adesse librum. Omnia nimirum erant igne divini Spiritûs per meditationem excocta, & cælitus suggesta dictamina, quibus eâ zeli efficacîâ & Spiritûs libertate corda feriebat, ut manifestum esset omnibus ab eo non tractari nisi causam DEI: unde fiebat, ut nullum ejus dictum, quantumlibet vehemens & liberum displiceret, suspectumque haberetur. Quin ab eo tempore adibat quotidie certatim & consulebatur à diversis Cardinalibus, sic ut cogeretur ferè semper in cubiculo remanere, nec ferè exiret, nisi pro DEI obsequio è cubiculo ad Sacellum, & de Sacello ad cubiculum. Præterquam quod sibi relictus aderat constanter piissimo Cardinali Petro Aloysio Caraffa supremum ægrotanti, qui eum diu noctûque sibi assistere cupiebat: maximum hoc sibi à DEO beneficium inter ultima verba gratulatus, quod in tam sanctis Patris Zucchi manibus (itâ loquebatur ipse) concederetur animam illi reddere. Tam fructuosæ & assidue operationi non defuit aspera & dura tolerandi materia. Cum enim Januarius & Februarius eâ hyeme solito essent à ventis Septemtrionalibus rigidiores, & ipsi in Conclavi obtigisset postica cella Septemtrionem versûs, extemporaneo opere ex asseribus & tela malè compaginata, multis idcirco hiatus & fissuris vento pervia, & ipse tenuissimâ veste tanquam medio ætatis esset indutus, experiebatur frigus adeò acerbum, ut plerumque reperiretur lectulo insidens, ejus acerbitate quasi sideratus & sensûs expers: magnâ omnium malo mederi cupientium commiseratione, nisi ipse constanter repugnasset. Demum tamen coactus est, saltè in Cardinalium commodum, qui ab eo recedebant veluti congelati, stoream admittere, ad investiendos arcendis ventorum flatibus parietes. Sed serum id minimèque sufficiens fuit avertendis chyagræ & podagræ acutissimis doloribus remedium, quorum tamen cruciatibus superior nihil de consuetis remisit laboribus, baculo & muro primùm nixus manibus adrepens, & ubi id non sufficebat, aliorum brachijs adductus ad locum cujuscvis functionis: sic, ut nē sacrum qui-



quidem dicere unquam intermiserit, ita apud Aram vegetus & expeditus, ut nemo attriticis doloribus oppressum suspicari posset, aut certe ab ijs durante Sacrificio dimissum crederet. Quodque in stuporem omnes rapiebat, multo laetior, & ad sales usque hilaris in colloquijs tunc apparebat, ridente semper & ameno vultu; malum hunc pedum manuūque inquilinum appellans, ex eo genere Dæmoniorum, *quod non ejicitur nisi in oratione & jejuniis*. Et hoc quidem eo prætextu adhibebat arctissimum, nullo alio cibi genere vires, plures subinde per dies reficiens, quam unâ scutellâ juris obvij.

His itaque modis cum insatiabili zelo totum se expenderet in bonum animarum, nullâ corporis, aut commodorum suorum, habitâ ratione, à DEO tamen ejusque adorabili præsentia nunquam recedebat, orationi præsertim mentali addictissimus: cui ex præscripto Societatis designatam horam matutinam omittere aut decurtare, dicebat idem esse, atque animam suam illi Davidicæ maledictioni exponere, *Nec ros, nec pluvia veniat super vos*. 2. Reg. 1. Sed neque in aliud ab hora præscripta tempus differendum suadebat suo exemplo; cum enim Theologiam docendo, varijs aliquando distentus occupationibus lectionem eo die dictandam parare nequisset, credidit licitum fore, horam illam meditationis, postea refarciendâ, illi impendere: sed quidquid ageret, nihil consuetæ devotionis & priorum affectuum ab animo exprimere potuit, vel saltè in DEUM colligere dissipatum cor; totus aridus, & veluti nebulis obfuscatam mentem, quod nunquam aliàs evenerat, expertus. id quod satis erat ut agnosceret, displicere DEO quidquid eâ horâ fieret aliud, ut nè unquam deinceps id attentaret. Meditationi præmittebat semper prolixam & acrem sui flagellationem, neque orationem horâ metiebatur, sed producebat & iterabat ad complures: nam signo ad surgendum dato reperiebatur ab Excitatore genibus ad Oratorium jam nixus, & frequenter observatus est totam noctem eodem situ meditando exegisse, in DEUM & divina ita abreptus, ut ad nullius sensus officium diu revocari posset. Similiter per diem si operationis vacuus domi adesset, quâlibet horâ ferè in cubiculo requireretur, inveniebatur in Oratione de genibus, toto animo in DEUM ita collectus, ut nullas unquam ejus evagationes experiretur, neque per multos annos vel de minima inorando distractione, accusare se apud Confes-

sarios posset. Atque ita prodibat à meditatione velut ignitum è camino ferrum, DEI amore incensus, DEOque plenus nihil nisi DEUM loqui & spirare noverat, verbis ita ardentibus, ut corda omnium penetraret. Nunquam tamen majores flammæ loquebatur, quam si incideret sermo de Martyrio, cujus spe dejectum se, licet toties à DEO ferventer Japoniam & Indias exambisset, terrerrimo sensu manantibus lachrymis deplorabat, ut cor illi nimio amoris affectu dissilire videretur: Idem fiebat quoties in colloquijs, sive concionibus tractabat de infinito DEI in homines amore, totus enim in fletus abibat & singultus, quibus abruptendis omnino impos, cogebatur sæpius à sermone desistere. Et licet videretur neque verba proportionata exprimendo suo sensui & tantæ granditati apta posse reperire, ex ipso tamen fervore & conatu cordibus auditorum imprimendi eosdem sensus, homine major, loquebatur instar Seraphini, ejusque ardorem toto vultu, oculis, contentione gestuum, & totius corporis prodebat, sic ut totum quandoque Auditorium in lachrymas, & eosdem traheret affectus. Nec opus erat ad persuadendum trahendumque ad Cælestia Auditorum multa loquentem Patrem percipere, solus ejus aspectus, quotquot eum familiarius domestici præcipue nôssent, sufficiebat; quorum communis sensus quotidianâ contractus expetentiâ fuit, nihil eum dicere vel docere, quod ipse non faceret.

Ita cum in vita esset omnibus ad consummatam virtutem & perfectionem non tantum Doctor, sed & exemplum, restabat ut & ad sanctè obeundam mortem, per longam & ærumnosam infirmitatem practicum ex se præberet documentum. Itaque placuit DEO illum supremo vitæ triennio exercere duplici acutissimo malo, podagræ & calculi, utroque atrociter corpus excruciantem, & proprijs viribus immobile reddente: quamvis neque tunc desisteret ipse à suis cum proximo operationibus, nisi vetuissent Superiores tam malè affectum ultra foras deportari: ex qua illorum voluntate intulit ipse, non amplius DEUM ab se exigere labores, sed patientiam & dolorum tolerantiam. Et hanc quidem servavit invincibilem, ut nè gemitu quidem unquam vel ullo suspirio cruciatum quemvis proderet, quem tamen abundè ad necessarios corporis motus manifestabat natura, subitâ vultus & coloris mutatione. Sacram Evcharistiam sumebat quotidie sub Sacrificio, ad quod audiendum in-



trusili sella promovebatur in vicinum Sacellum. Observatum autem fuit, adventantibus solennioribus anni diebus, auctiores illi semper ingruere solitos fuisse dolores: de quo cum illi amicorum confidentior sub Natalis Dominici festa compateretur, subridens ipse respondit: *Grates sint Sanctissimo meo Infanti, qui me hac dignatur Eleemosynâ.* Ab ejus mortē reperti sunt in vesica & renibus 85. calculi, singuli magnitudine globuli minoris sclopeti: quorum tamen immanes cruciatus non aliter erat deprehendere in vivente, nisi ex repentina oculorum & frequenti in Cælum contorsione, subita vultus excandescantis incensione, & digitorum in pugnum compressione. Neque unquam sustinuit petere à DEO, vel suspirare levamen cruciatuum: imò rescuens in eadem domo hospitem Patrem ex calculo ad extrema redigi, pudore suffusus, oculis & vultu dejecto suspirabat, indignum se haberi à DEO ut similia pateretur, rogatusque ab illo pro sanitate à DEO obtinenda, certam illi devotionem ad Reginam Angelorum præscripsit, quâ peractâ, absque ullo alio remedio mox omni dolore & ægritudine se liberatum fuisse scripto testatus est, solis Zucchij meritis sanitatem adscribens. At vero sibi nullum à DEO lenimen exoptans, cum supremis vitæ 40. diebus absque ulla interruptione calculo dirissime noctu diuque excrucietur, nullam aliam prodebat molestiam, quam quod videret magnâ sui commiseratione & intimo dolore domesticos tangi, quos ex animo precabatur, ut magis sibi & DEO torturas gratularentur, siquidem non minùs hædonum DEI essent & beneficium, ac sanitas & valetudo. Ex quo malorum indies accremento & virium defectu, vicinum sibi instare exitum auguratus, ut bonam mortem, quam tot annis constantissime quavis feriâ sextâ, etiam dum Romanum & Pœnitentiariæ Collegia regeret, in Professorum Templo prædicabat, obiret, qualibet aliâ dimissâ curâ, animum & cogitationes omnes illius præparationi applicuit. Atque inprimis omni ex animo abolitâ memoriâ & recordatione suorum per omnem vitam rectè factorum, & laborum Apostolicorum, vitæque in Religione tam sancte in summa innocentia per

sexaginta octo annos actæ, quæ omnia DEO acceptissima fuisse tot ab eo repensis favoribus & gratijs Cælestibus edoctus fuerat: nihilominus, inquam, horum omnium memoriâ ab oculis suis amorâ, nihil aliud de se cogitationis admittebat, quàm esse peccatorem ingratißimum, sistendum mox reddendæ DEO rigidißimæ rationi de 84. annis perperam transactis: quâ animi impressione firmiter persuasus, totus erat in deprecando assidue placandoque Numine, & petenda peccatorum venia. Cum verò ad erigendum è pusillanimitatis periculo ejus animum diceretur, non perinde immemorem ejus meritorum esse DEUM, ac foret ipse, reponebat, *mea merita non alia sunt, quàm Passio- nis mei Redemptoris, neque spes alia nisi in bonitate infinita & misericordia DEI: in his solis duobus & unice est omnis mea fiducia.* Duabus circiter ante obitum hebdomadis, quod deliquis obrui inciperet, apoplexiæ Medicorum judicio prodromis, censuerunt malo avertendo extremis obviandum per unctionem & vesicatoria remedijs: quæ licet nihil penitus roborandæ naturæ profutura diceret, quia tamen patientiæ materiam auctura essent, admisit pronissime, nullo doloris edito signo. Quibus supremis diebus petebat erigi plerumque in sedentis super lectulo situm, ut commodius veniam peccatorum à DEO precari posset: quod faciebat manibus ante pectus supplicis ritu compositis, demisso profundè vultu, & continuo lachrymarum profluvio. Ubi autem nuncium impendentis proximè mortis accepit, inclinato ad pedes Crucifixi capite, velut si facie Sacratissimis ejus pedibus incumberet, per quartam circiter horæ partem duravit in continuis lachrymis. Receptis summâ devotione supremis Sacramentis cum loquelam amisisset, jacebat oculis placidissime oclusis, perinde quasi in suavem somnum, vel DEUM absorptus: donec 21. Maij nullâ præviâ convulsione (ut morientibus accidere solet) vel quovis edito motu, spiritum DEO reddidit Anno 1670. ætatis 84. speciali criptâ extra commune Sociorum conditorium tumulatus, cujus merita multis variisque signis

DEUS palam facere non desinit.

*Ex ejus vita scripta à Patre Daniele Bartoli.*



P. FRAN-





P. Franciscus de Sylva S.I. Hispanus, eximiâ spirituum discretionem, et conscientias tranquillandi dono à Deo præditus; licet ipse magnis timoribus, et angoribus exerceretur. Obijt Hispali 28. Feb.uarij Anno 1673. Aetatis 81.

## P. FRANCISCUS DE SYLVA.



Atus est P. Franciscus Cordubæ in Hispania, honestis & admodum pijs parentibus, in Societatem anno ætatis 16. Grammaticæ duntaxat præceptis imbutus, admissus, Montillani tyrocinium posuit, jactis altè mortificationis, abnegationis suis ipsius, humilitatis, & devotionis fundamentis, ad inædificandam spiritualem perfectionis turrim, quæ citra propriæ ruinæ periculum, tot tantisque olim receptui esset animabus. Ad studia deinceps translatus, tantum cum industria Latinitati, Philosophiæ, & Theologiæ se impendit, ut palmam omnibus præriperet; testante ipsius in Theologia Pro-

fessore, se tot annis, quos in tradenda ea facultate consumpsit, parem ipsi discipulum ingenio & doctrinâ non habuisse. Unde ambiguo diu tenuit Superiores, an Sacerdotio initiatum anno 1618. Scholasticæ, an Ecclesiasticæ admoverent exedræ: donec consulto multis precibus DEO, speciali ejusdem (ut ex eventu paruit) instinctu, animabus verbo DEI pascendis illum addixerunt, eximij ad hoc cum dignitate præstandum à DEO talentis, & maximo inprimis animarum zelo nobilitatum. Et verò sustinuit munus ingenti omnium satisfactione per omnem deinceps vitam, incredibili audientium profectu, quorum animis ad omnem virtutem permovendis singulari pollebat gratiâ, & res

Z z z z z

alio-



alioquin fufas admirabili energiâ , ad omnium ftuporem , paucis verbis exprimere nove- rat. Innumeræ fuere inimicitia & odia quæ composuit , ufuræ & illiciti contractus quos proſcripfit , ſcandala & abufus quos fuſtulit , & admirandæ prorfus converſiones , non ſolum à peccatis ad vitam emendatiorem , ſed etiam è ſæculi vita cujuſlibet ſtatûs & conditionis hominum , ad religioſam & ſpiritu- alem. In explicandâ doctrina Chriſtiana eâ præſtabat gratiâ & magiſterio , ut audiendi cupidine illecta civitas , tota ad templum no- ſtrum conſueret ; nec ſatis capere viri eru- diti poſſent methodum illius , ſimilitudines & exempla , quibus altiffima Fidei myſteria ad captum , etiam rudibus facilem , propone- bat. Et quidem munus concionaroris ſuſti- nuit Cazorlæ , Moronæ , Oſtanæ , Montillæ , Granadæ , & in Xerez : primariò tamen Hi- ſpali , ubi ultra 30. annos conſtanter ad po- pulum dixit , ita prodigioſo ſemper applauſu , ut nunquam eo audiendo ſatiari poſſent : do- nec deficientibus ſenio & valetudine viribus , ſuggeſtum haud ampliùs aſcendere potuit. Certatim illum Archi- Epifcopi & Epifcopi ad metropolitanas ſuas preſabant ; quos æ- mulati Sanctæ Inquiſitionis tribunal , Regia Cancellaria Granatenſis , Prætorium Regium Hiſpalenſe , Quæſtura , & Magiſtratus omnis politicus , ſinguli principalium ſuorum feſto- rum ſolennitates , ſacundiâ ipſius Evâgelicâ exornari ambiebant.

Quia verò peritiſſimus ſimul evaſerat caſuum conſcientiæ , inque ea ſcientia exper- tiſſimus habebatur magiſter , exquirebantur undique ab omnibus , non Hiſpali tantum , ſed ex univerſa Boetica , illius placita , tan- quam indubitata oracula ; patuitque affa- tim , Patrem Franciſcum ad gubernandas om- nium conſcientias naſtum eſſe à Spiritu Sancto donum conſilij. Sanè multorum an- ñorum ſpatio , nullum gravioris momenti negotium , ſeu Archi-Præſulibus & Epifco- pis , ſeu Gubernatoribus alijs Eccleſiaſtici vel Politici fori , aut particularibus Reipubl: perſonis offerebatur , in cujus arbitrum & conſiliarium Pater non veniret , eratque ipſi- us ſententia certiffima omnibus & æquiſſi- ma ſequendi regula , etiam cum graves & ſubtiles Theologi diverſum ab eo ſentirent. In Archi-Epiſcopatu Hiſpalenſi multos an- nos examinador fuit Synodalis , adhibitus ad munus hoc , & ſua conſilia , à quinque Archi- Epifcopis. Excellentiffimus Comes de Wila umbroſa , Aſſiſtens primùm Hiſpalenſis , deinde totius Caſtiliæ Præſes , adeò Patria

virtute & conſortio delectabatur , ut cum per diem non poſſet , noctes propè integras cum eo tranſigeret , expetendi ejus arbitrij cauſâ , in rebus quibuſque graviffimis extri- candis. Nec minor erat Viro diſcretio Spiri- tuum , & dexteritas ad dirigendas animas in via perfectionis , quas in omni ſtatu ad inſi- gem virtutem & ſanctitatem provexit , ma- gno omnium ambitu , ut ab eo in filios & fi- lias ſpirituales admitterentur. Indè ad ejus confeſſionale innumeri conſtantiffimè afflu- ebant , ex nobilitate præcipuè , & quotquot anguſtijs conſcientiæ premerentur : quibus audiendis juvandisque , etiam ultimis vitæ diebus , cum ex valetudine vix conſidere poſſet , indefeſſas pro ſacro tribunali præbe- bat aures. Eâ cauſâ rariffimè domo exibat , ut continuè ad ſe accurrentibus ſemper præ- ſto adeſſet. Quæ omnia conſtanter unâ cum concionibus exequabatur , etiam dum Col- legia gubernaret. Rector , Fregenalenſe , ac poſtmodum Marchenenſe , & Domum Pro- feſſam Hiſpalenſem : tanti Marchenæ habi- tus à Duce de Arcos , ut nullam Patris con- cionem negligeret , etiam cum bis eodem die pro ſuggeſtu diceret. Rexit ibidem ſpiri- tum admirabilis Virginis & Servæ DEI Da- mianæ de las Vargas , Confeſſarius illi expreſ- ſo DEI juffu datus , quæ indè à 7. ætatis anno orationi mentali & mortificationi addicta , anno deinde vitæ 18. à CHRISTO Domino admirabili orationis & contemplationis do- no ornata fuit , plurimis revelationibus , ma- ximè de Societate , ejusque perſonis , quas ſibi ad confeſſiones deligere cœlitus jubeba- tur , illuſtris ; quæ in vita ipſius typis excuſa fuſè recenſentur.

Cum enim Pater Franciſcus Marchenam ad munus Rectoris acceſſiſſet , ſenſit illa re- pugnantiam aliquam ipſi conſitendi , & ſpi- ritum ſuum communicandi : verum iteratis illi vicibus Dominus in extaſi mandavit , id ut faceret , inque Patrem animæ ſuæ , à quo dirigeretur , deligeret , unâque in filiam , pro quo inſtanter Dominum oraret : cui etiam mira deinceps de Patre Franciſco , ad eximi- um ejusdem in ſanctitate proſectum , reve- lare dignatus eſt. Et quidem mox ſub initi- um Patris Marchenam adventûs , vidit illum Damiana inviſione intellectuâli ; velut invo- lutum & ligatum , qui non poſſet artus ex- tendere , & ſpiritum pectûſque dilatare : quod indicabat indolem ejus admodum timi- dam , & animi anguſtias , quibus multum impediabatur in acquirendis heroicis virtu- tibus , neceſſarijs ad res ſublimes pro DEI glo-



gloria moliendas. Aliâ die vidit ipsum velut aviculam decussatis in crucem & complicatis alis, in angulum pusillanimitatis abjectum. Aliâs verò in medio duorum gigantum, qui nonnisi phantasma erant, Patri tamen magno erant obstaculo ad summam perfectionem, & virtutem in alijs plantandam: cognovitque his duobus spectris representari æstimationem in illo propriam suorum talentorum, & quandam naturæ asperitatem in agendo cum proximo. Non eo quidem in gradu, ut malitiam quampiam attingerent culpæ venialis, sed inclinationes duntaxat habituales naturæ: vidit enim his non obstantibus, animam illius inter hosce gigantes mirâ pulchritudine fulgentem, labeculæ omnis expertem, summæque idoneam recipiendis magnis DEI favoribus, in qua etiam Dominus multum sibi complacebat. Quibus ille ex Damiana cognitis, itâ naturæ indolem continuâ mortificatione expugnavit, ut in vivum perfectæ virtutis speculum omnibus evaserit, & admirandos in animabus effectus deinceps ( hæc enim primis ferè annis contigerant ) produxerit. Vidit eadem initio sanctæ suæ vitæ orationi noctu vacans, amplissimum campum, & in illo magnum Religiosorum fusco habitu numerum, quorum ora & facies magno fulgore radiabant; quos Dominus dixit esse homines de Societate JESU, ex qua neminem eatenus ipsa conspexerat. addiditque: ego te ducam ad viros sanctos, & ad magistrum tuum, ubi tibi pro gustu tuo Evcharistiam ministrabunt: quod Dominus adjecit, quia in oppidulo ignobili degens, & magistri spiritualis expertus, à loci Parocho denegatione frequentis communionis multum affligebatur. Atque in ea visionem, cum unum præ alio majore fulgore illustratum conspexisset, affirmabat se clarè Patrem Franciscum intuitam, maximo splendore præ alijs plerisque coruscare. Fatebatur etiam magnis se à DEO favoribus affici, quoties majestatem ejus pro Patre Francisco precatura accederet, sentireque tunc ingentem lucem, & magnos in anima ardores, quibus explicandis non sufficeret; spiritus autem solatia tam exuberantia, ut in gloria sibi jam agere videretur: verbo; paria illis, quæ Evcharisticam mensam accedens experiretur. Imò affirmabat, omnium gratiarum sibi à DEO conferri solitarum, nullam superiorem hâc videri: unde conjiceret maximam Domini curam, quâ Patris Francisci sanctitatem anhelabat, & ardentem erga se amorem. Hæc autem omnia eò sibi eveni-

*Societas Europæa.*

re, ut ardentius apud illum pro Patris omnimoda sanctificatione instaret; siquidem sibi manifestare dignatus sit, Patrem sibi dilectum imprimis esse, atque ad magna gloriæ suæ augendæ munia, magnūque animarum profectum, delectum. Indè vix aliam esse in terris personam, quam toties illi in memoriam DEUS reduceret, sibi in oratione commendandam; sic, ut quoties pro alio quopiam precatura DEUM accederet, toties momentem illum audiret, *roga pro Patre tuo, offer mibi Patrem tuum.* Quare sentiens tantopere ad orandum pro Patre se à DEO impelli, exclamabat, *Domine, quid ergo facturum pro isto Benjamin? quid vis pro eo faciam?* Committebat & alios quidem Dominus Damianæ, pro quibus oraret, verum quòd fortè non responderent gratijs per eam impetratis, sensim illorum omittebat memoriam, id quod nunquam cum Patre Francisco illi evenit.

Similia cæli incendia experiebatur Damiana, quoties cum Patre de statu animæ suæ conferret, istèque vicissim ab ea redibat majore semper, & novo sanctitatis desiderio, & animarum zelo inflammatus. Vice quâdam post longam pro Patre, & alijs quibusdam, ad usque virium defectum, orationem, dixit confidenter Domino, *mi DEUS, multum me constant creature, quas mihi commendasti!* responditque Dominus, *sed non successit tibi malè cum illo, Patre scilicet Francisco, pro quo effusa oratio novas semper eidem Virgini gratias afferebat.* Nam Anno 1644. mense Majo, gravi conflictata ægritudine, & multis Dæmonum insultibus ac infestationibus vexata, quoties à Patre invisebatur, disperebant larvæ infernales, & depulsis doloribus succedebat magnum animæ solatium. Valde etiam perspicuè Dominus Virgini aperiebat, de quibus Patrem moneri vellet, ut nimirum *totum se daret orationi & contemplationi, haberet magnum animarum zelum, ipsius enim agendi modum plurimum illis profuturum, præsertim in familiari congressu loquendo de DEO: conaretur purgatissimum servare cor à terrenis affectibus, instaret multum humilitatis studio: blandius ageret cum animabus, quas Dominus illi submittebat, utque sine omni personarum acceptatione adducendis illis operam daret.* Aliàs eidem dici mandabat, *poneret oculos suos in CHRISTUM JESUM, eumque sequeretur, pedemque in ejusdem figeret vestigia, ac demum caput suum in palo ( crucis scilicet ) reclinaret, in eo moriturus: neque tamen hunc palum esse*

Z z z z z

esse



esse Japonicum vel Indicum, sed propriam sui ipsius mortificationem. Aliàs Patri dicebat, cupere Majestatem Divinam inutilibus superfederet colloquijs, magnas enim habere illum experientias, & lumina, quid sit mundus; neque alteri rei idoneum amplius esse, quàm ut DEO penitus totum se tradat. Et siquidem DEUS ipsi tantam scientiam & talenta contulisset, id quod ab eo vicissim reposceret, esse, cubiculum, suggestum, & Confessionale; extra qua nollet ipsum multum versari. Utq; omnes etiam seculares hortaretur ad multam orationem, & Virginitatem, hanc enim virtutem sibi esse acceptissimam. Vice alià dixit Dominus Damianæ: voca Patrem tuum indè ad præsepium, ut discat humilitatem, pauperem, & obedientiam meam; & indè ad hortum, ut discat agoniam, solitudinem, & desolationem meam, & indè ad crucem, ut moriatur mecum in illa. Quibus successivè & pedetentim Patri à Damiana DEI nomine relatis (itè enim præceperat Dominus, nè multis simul fatigatus obrueretur) incredibiliter ille ad perfectionis studium accendebatur, cum præsertim adderet Damiana, inter reliqua, quæ secum agerentur summè admiranda, esse id præcipuum, videre sollicitudinem & curam summi DEI, quâ maximam Patris desideraret sanctitatem, quàmque assiduos sibi stimulos ingereret ad orandum pro ipso. Quare summam sibi esse fiduciam impetrandæ Patri altissimæ sanctitatis, tum quòd oratio assidua possit & consequatur multum, tum quòd tantam sibi DEUS ad id unicè precandum imprimat constantiam, atque ob eam tot largiatur gratias, quas insuper diceret ob gratiam Patris sibi concedi.

Rursum aliàs explicuit Patri Damiana, quidquid ab eo Dominus desideraret, duabus rebus comprehendi: 1. magnam professionis propria haberet curam: 2. majorem DEI gloriam semper procuraret, quæ est salus animarum. Cùmque anima sint sanguis JESU CHRISTI, recogitare hunc sanguinem sparsum esse per terram, & contemptum: daret itaque operam illi colligendo, & Domini sui venis restituendo. Alià vice monuit Patrem DEI nomine: Palatia Magnatum, hos & illos, tanquam hostes devitaret. quod Pater intellexit ideo dici, quòd personæ illæ magis velent, ut Confessarius illis se, & earum gustui placitòque accommodaret, quam illæ ipsius directioni & consilij; cùm constet eum deinde Hispali tot annis personarum etiam Principum spiritualemente curam insigni emolumento gessisse, quin Dominus id reprehenderet.

Cùm verò Pater maximum à gubernatione horrorem præferret, jussit eidem dici Dominus, si idem illi aliquando deferretur onus, proponeret suas humiliter Superioribus, cum omni indifferentia in oppositum, rationes, quibus si Superiores non deferrent, subiret illud promptissimè; plus enim valere apud se diem unum obedientiæ, quàm integros annos quorumvis aliorum sanctorum laborum. Percellebatur etiam Pater ex passione quadam naturali & ingenta, maximo timore ex coruscationibus, fulgetris, & tonitruis, & ad primos eorum nuncios, nubila, & ventos, vehementi angustia opprimebatur; id quod etiam Angelicum Doctorem pati solitum legimus. De quo Dominus Patri per Damianam significavit, mitigaturum se illi pavores hos, non tamen penitus sublaturum, frenum enim hos esse salutare, ipsi convenientissimum, quo anima purificaretur, & in DEUM attolleretur. Quo intellecto Pater Divinæ voluntati se penitus conformans, quia angores illos & cordis afflictiones magno animo tolerabat, aperuit illi Dominus, metus illos & anxietates tam excessivas, esse ex præcipuis favoribus, cœlitus illi concessis: viditque Damiana cor ipsius spinis obseptum, & aculeis grandibus stipatum, ad munimentum & defensionem: Dominum autem dicentem audit, vides Cor Patris tui, quàm munitum sit ab his spinis & vallatum? tamen nisi cautus sit, vigilque attendat, irrepturi sunt hostes, qui subtiles admodum sunt & versuti: quod de inutilibus dici à se prodidit, cum hominibus sæculi conversationibus, etiamsi culpæ omnis immunes sint. Et verò ab his ita cavebat Pater; ut 80. jam natus annos nunquam tempusculum aliquod his concederet, de solo unicè DEO & cœlestibus, in actione cum proximis, tractans: aliàs verò perpetuò orationi, & sanctorum librorum lectioni in cubiculo deditus.

Utq; de ijs quæ sibi à Damiana jussu divino referebantur, fidem indubitatam adhiberet, Dominus quædam animi Patris secreta Damianæ aperiebat, quæ cùm ipsa rursus Patri proderet, non poterat ambigere, illam cœlitus familia rescivisse. Anno 1649. cùm gravis pestilentia per Hispaniam grassata, Boeticæ etiam Provinciæ minaretur, sapientes Prælati, & Religiosi viri judicabant, generalem dandam esse facultatem, edendi per Quadragesimam carnes, ad evitandas contagionis causas, quas ibi generant cibi esuriales. Et quia sub idem tempus fiebant multæ processiones, & supplicationes, maximo numero



mero in se flagris cruentè sævientium, iidem ad evitandum veneni ex mutuo congressu contagium censebant, interdicendos esse omnes ejusmodi publicos conventus. Itaque jussu Damiana Domini sententiam ea de re in oratione exquirere, enixè admodum DEO commendabat, ut dignaretur Prælati & Reipublicæ Gubernatoribus lumen indere, determinandi id, quod suæ Majestati magis acceptum gratumque foret. Et verò Dominus magnâ perspicuitate illi significavit, vocibusque repetitis inculcavit, *Pestilentiam esse flagellum Divinæ justitiæ, idèbque malum esse remedium ad illam placandam, vesci carnis in Quadragesima, & omittere supplicationes publicas, flagellationes, & similes devotiones, quæ plurimum valent ad exorandam DEI clementiam.* Quare eâ indulgentiâ Boetica abstinuit, ut refertur in vita Damianæ l. 2. c. 21. edita à Patre Joanne Cardenas Societatis JESU anno 1675. ultimo ejus Confessario. Posteaquam absoluto gubernationis Marchenæ triennio à Superioribus aliò Pater Franciscus destinatus est, doluit id magnopere Damianæ; cui posita in oratione Dominus veluti cõpatiens, *quomodo recedit*, ait, *aguellus?* & illa amanter querens, *vides*, inquit, *Domine, quomodo me deseris, tollendo mihi agnū, Patrem, & Filium!* filium vocans, utpote orationibus suis assiduis tantopere à Domino commendatum. Cui Dominus voce admodum efficaci dixit, *sine filia! istud nequaquam.* quia scilicet vellet perinde illum sibi à Damiana in oratione, atque præsentem indefinenter offerri. Unde vidit tunc Damiana speciali lumine cælesti illustrata, animam suam cum anima Patris in corde JESU CHRISTI indissolubili constrictam nexu, ut impossibile videretur illum dissolvi. Atque ità perrexit deinceps orationes pro Patre ad DEUM constanter fundere, magno ejusdem profectu, & insigni virtutum heroicarum incremento: idèmq; sanctis per eam DEI monitis egregiè respondens, modum orandi valde sublimem adeptus est, ad quam impossibilem semper sub mediam noctem assurgebat, & plures quotidie horas magno spiritu illi impendebat.

Eminebat præterea omni virtutum genere, à quibus vigor valòrque in externas cum proximo actiones dimanare solet: profundissimâ in primis humilitate, omnia sua ab oculis hominum subducendo, solius divini placiti, non verò plausuum humanorum cupidus. Magno deinde DEI, ejusque judiciorum timore tenebatur, hinc quoties remu-

giebant tonitrua, tanquam si forent iræ Divinæ indices & nuncij, adeò eor illius percellabatur, ut vix sibi constaret. Et licet viveret religiosissimè ad omnium prorsus exemplum, prædestinationis tamen suæ sollicitudine, propè nimia angebatur. Hanc diu noctūque animoolvebat, & quoties æquo amplius hac formidine affligebatur, recurrebat ad volvendum tractatum quendam, à Patre Andrea Cazorla conscriptum, super fundamenta credibilitatis, quæ debetur revelationibus S. Borgiæ, Alphonso Rodriguez, & pluribus alijs à DEO factis, de salute æterna illorum, qui in Societate moriuntur: legébātque eundem & relegebāt, donec animum ad certam fiduciam in DEUM reduceret. Hoc salutari timore affecutus fuit, ut in medio tot applausuum & honorum, quos illi apud omne genus hominum sublimia sua conciliabant talenta, nullo unquam vanæ gloriæ motu tangeretur. Imò sanctâ quadam Spiritus elatione neglectum præferebat, & fastidium personarum altioris statûs, à quibus æstimatio in se derivari, & plausus apud populum posset: cum tamen erga viles, agrestes, & plebejos, humanissimum se exhiberet, & eorum ultro alloquia prensaret. Ut aliorum obsequia in rebus cubiculi, vel strati componendi, etiam decrepitis jam admitteres, induci nunquam potuit: & ex Evangelico paupertatis Spiritu, vestitu semper utebatur vetusto, atque ab alijs attrito, multis panni hinc indè assutis frustulis sarto; cumque non nemo domesticorum id ei vitio daret, quòd minùs decens & conveniens Religioni nostræ censeret, respondit, *sat bonam esse vestem ejusmodi, ad mortem in illa præstolandam*: ità assidue mortis memoriam animo conservabat. Ex copiosis, quæ identidem ingerebantur muneribus, aut eleemosynis, nihil unquam in suos convertere usus sustinuit; pene scrupulosè in materia Paupertatis anxius, dum sinè Superioris scitu nè folium quidem chartæ accipiebat. Habebat quidem scripto à Provincialibus & Generalibus aliquot concessas facultates admittendi quæpiam, in remedium præcipuè plurium, quibus confictebatur, morborum; ipse tamen quoties his egeret, toties immediatos Superiores facultatis exorandæ causâ conveniebat. Multis item ante obitum annis obtentam scripto habebat licentiam, dandi sub horam mortis thecam reliquiarum ex aurichalco, & alteram ex cornu bubali, Crucem item Caravacensem, & Rosarium: quæ totus ejus thesaurus fuere & supellex.



Charitate in proximum omnino conflabat, neque solum in animarum salutem, sed & temporalem corporum opem solliqueſcebat, ut eam corrogatis unde unde eleemoſynis afferret, quam ſingulari quodam guſtu impertiebatur, ægris præſertim & oppreſſis ſolatia, & quodvis genus obſequij exhibendo. Nunquam viſus eſt tempus otio, aut minùs utili occupatione contereſſe, etiam cum domum inambularet, vel loco eminentiore captandæ liberioris aut gratiæ conſiſteret, vel enim globulos verſabat præcatorios, vel pium evolvebat libellum. Nunquam malè de quopiam auditus eſt loqui, ſed cujuſlibet dicta & facta bene interpretabatur: conſcientiæ puritatis adeò ſtudioſè tenax, ut ſatis conſtet, nunquam eum lethali culpâ animum maculâſſe. Huic tuendæ dupporiſſimum media adhibebat, continuam DEI præſentis in omnibus actionibus & locis memoriam, & jugem corporis per cilicia & acres flagellationes mortificationem. His aliſſque virtutibus conſtanter ad obitum uſque deditum, mors occupavit minimè improviſa, ad quam ægritudinis ultimæ diebus ſingulis ſacrâ animum comparabat Evchariſtiâ, atque inter ſerventiſſimos virtutum Theologicarum actus ſpiritum DEO reddidit. 28. Februarij Anno 1673. ætatis 81. Societatis 65. quatuor vota profeſſus. Senſit hanc ſibi aliquot antè annis ex gravi pecto-

ris oppreſſione ſenſim imminere, quâ reſpirandi facultas magno cruciatu, & vellicationibus cordis ita intercipiebatur, ut citra ſuſfocationis periculum ſomnum in lectulo capere nunquam poſſet; modicum id quod dabatur quietis, ſedendo capere coactus. Funus deſuncti magno dolore & lachrymis omnes perſecuti ſunt, & oſculis tenerrimis manus pedèſque venerati, etiam ipſe Urbis Archi-Præſul Ambroſius de Spinola & Guzman, qui ægrum magno affectu & amoris reneritudine inviſerat: ſingulis è reculis ejus quidpiam, aut ſaltem corporis attractu ſacratum, ad venerationem Viri tam ſancti ſibi depoſcentibus. Funebrem pompam & exequias illi, tanquam ſpiritus ſui Magiſtro, parandas ſuſcepere, inter multa Nobilitatis ſuper hoc certamina, Marchiones de Algava: in quibus non humilitatis Patris, aut modeſtiæ Societatis, ſed dignitatis ſuæ rationem ſpectandam cenſuere. Totum Eccleſiæ pavimentum, præter aras & parietes lugubre ornatos, nigris inſtravere pannis, collucentibus undique è cera virgine luminaribus. Officio divino Muſica deſervijt Metropolitanæ Eccleſiæ, in affluxu totius Nobilitatis, & Religioſorum omnium accuſſu, ac innumeri populi vi maximâ, ut communem omnes Patrem luctu acerbiffimo proſequi facile agnoſceres.

*Ex ejus Elogio.*

## P. FRANCISCUS PARDUS.



**P**ater Franciſcus Pardus natione Hiſpanus, Societatem complexus eſt Murciæ, & tyrocinio Villaregij exercitus, toto conatu ſe applicuit plantandæ in anima ſua Humilitati præſertim, Obedientiæ & Mortificationi, in quibus per omnem vitam egregiè excelluit. Et quia ſingulare ingenium quâ diſcendo literas humaniores, quâ ſtudento altioribus diſciplinis, Superioribus approbavit, applicatus illico à Theologiæ curſu abſoluto fuit docendæ Philoſophiæ, primùm Murciæ, ac iterum alio triennio Oropesæ, unde ad docendam Theologiam tranſijt Toletum. Verùm Apoſtolico zelo incitatus ad animarum lucra, & cathedras magis Eccleſiaſticas quàm Scholaſticas ambigendas, ingenti cœpit deſiderio, mox à ſtudijs abſolutis, ferri ad Indicas ærumnas, & ſalutem Ethnicorum procurandam: cui ut

quadantenus proluderet, nullam unquam occasionem elabi paſſus eſt, dum Scholas docuit, juvandi proximi; nam & in pœnitentibus audiendis erat aſſiduus, & dicendi ſimul ad populum munus ſuſcepit, dixitque conſtanter è ſuggeſtu, per omnes Quadrageſimæ ferias Oropesæ, præter alias feſtorum conciones, tantâ omnium ſatiſfactione, ut in ſchola nulli, præterquam Scholaſticis doctriſinis, impendi videretur, in ſuggeſtu verò nihil extra concionatoris munia tractare. Idem pari induſtriâ præſtitit Toleti, inſigni cum applauſu principum ejus Urbis virorum; ut jam tum notato hominis ingenti zelo, Excellentiffimus Comes de Oropesæ, eum ad miſſionem ditione ſuâ obeundam exoraverit, quam menſis ſpatio poſtquam maximo animarum fructu obivit, ternis alijs vicibus poſtulat, eandem pari ſucceſſu adminiſtravit in diverſis oppidis & pagis, exantlatiſ plurimis incommodis, ob locorum pauper-





P. Franciscus Pardus. S.I. Hispanus, Deiparæ Cultor singularis, Operarius indefessus, Missionibus per Hispaniam obitus clarus. Obijt Lerenæ 2 Octob. A 1677. Ætatis 38.  
1791.

peritatem, & hominum ruditatem : quæ fu-  
ere veluti præludia ad missiones ex professo  
deinceps, & unice suscipiendas. Expertus  
enim summam animarum, cœlestium rudi-  
um, indigentiam, & DEI ad suos conatus,  
qui manum ei utramque copiosis fructibus  
implebat, benignum respectum, nullum fa-  
ciebat finem primo statim Theologiæ expli-  
catæ anno, à Generali Societatis postulandi,  
ut liceret Apostolico interim muneri integrè  
se per Hispaniam, abdicatis in perpetuum  
scholis consecrare, donec in Indias, ad qua-  
rum expeditiones voto se pridem obstrinxe-  
rat, transire daretur. Itaque postulati factus  
compos, non sinè magno Scholasticæ rei  
Præsidum dolore, diem illum, quo literas  
Romæ desiderijs suis faventes recepit, omni-  
um aliorum in vita felicissimum appellabat,

siquidem majore cordis jubilo & hilaritate  
nunquam alias perfundi cœlitus animum sic  
expertus. Ante omnia decendiali per San-  
cti Ignatij Exercitia ascesi zelum animarum  
in se accendere, & quam in alijs meditaba-  
tur, in se primùm reformationem morum  
instituere laboravit : è quibus ignem con-  
ceptum in alios sparsurus, in Estremaduram  
discessit.

Initium Apostolico labori fecit in oppi-  
do Casatejada, ubi eum præstolabatur fu-  
turus expeditionum Socius Pater Petrus de  
Moran : & quidem sequente mox suum il-  
luc adventum diè, non obstante ingenti à se-  
ptiduo itinere fatigatione, concionem ad  
populum habuit fervore & spiritu prorsus E-  
vangelico. Et hoc gloriosum munus duos  
annos sinè interruptione per Estremaduram  
con-



continuavit, ubique locorum prædicando, rudimenta Fidei tradendo, Sacramenta ministrando: speciali tamen cum fervore, & incolarum veneratione Placentiæ, Casateiadæ, Coriæ, Zaraicij, Truxulli, Meridæ, Zafra, Clerenæ, Alcantaræ, & in urbibus Caceres, Albuquerque, &c. eminueruntque adeò in hoc sacro munere Evangelica in Patre talenta, ut à Superioribus Madritum evocatus sit, ad instituendam illic per Quadragesimam anni 1676. missionem, prout eandem anno superiore Toleti obierat, magno utrobique fructu. Has autem missiones, earumque labores, tam indefesso obibat zelo, ut nunquam ulla seu fatigatione, seu invaletudine ab ijs abstinere potuerit, acciditque aliquando, ut post 8. levcarum pedestre iter, in ipso oppidi ingressu plateas obierit, agmen populi post se trahens; cui in unum collecto ardentissimâ dictione dolorem de peccatis ubi persvasisset, contritionem de peccatis magno præibat affectu; eo plerumque eventu, ut omnes deinde, ubi ad templum ventum est, reos confitentes pro sacro tribunali habuerit. Accidit interdum, ut post duas concionis horas, & additam sub meridiem catechesim, ad excipiendos pœnitentes descendens, in longam noctem jejunos persisteret. Subinde verò habitâ sub vesperum ad populum dictione, cum necessariam corpori quietem dari oportuisset, arreptâ CHRISTI Crucifixi effigie in fora & plateas procurrebat obvios quosque supplicantium in modum per urbem deducens, quos in capitibus compitorum allocutionibus varijs ad ferventem pœnitentiam excitabat: quod genus exercitij vel solum, cum magnâ affectuum contentione opus habeat, etiam robustum egregiè fatigat. Aliquando febris oppressus, & alijs morborum affectionibus fractus, cum rogaretur à varijs, sibi ut parceret, & concionibus saltè abstinere: respondit, se animo præfagire, & illam ipsam dictionem remedio ad febrim exstinguendam fore; uti reipsa consecutum est, quando à concione finita malum omne discussum apparuit, eumque solitò etiam valentiorum ad labores reliquit.

Hæc ipsa patiendi sitis efficiebat, ut libentius eo loci rete Evangelicum tenderet, ubi amplius incommodorum & persecutionum imminere sciebat: & majore tunc fervore & instantiâ, cum pejùs corpore & viribus valeret. Aliquando gravi per noctem colicâ vexatus, manè tamen ad confessiones tam festinus surrexit, ac si nihil mali passus

esset: in quibus ad movendum pœnitentes tantum DEUS verbis ejus dabat efficaciam, ut quidvis ab obstinatis alioqui impetraret. Reprehenderat alicubi fœminam ornatu propè luxurioso incedentem, quæ monitis tam efficacibus icta, die postero dimissâ ab se pedissequâ ac pallio rejecto, in medium fori ad cisternam perrexit, domestico vase aquam, servilem in modum, haustura: magnam de se admirationem civibus præbens, & sui similibus exemplum ad ornatum muliebre castigandum. Nec pauci fuere, qui peccatorum suorum horrore ex Patris verbis concepto, Religiones austeras complexi sunt: alij heroicâ charitate diurnas hostibus offensas remisissent: è quibus vir illustris, cum nullis rationibus duci posset ad condonandam homicidæ cognati necem; institit Pater id sibi abituro præstari solatij petere, ut peccata apud se homologesi expiaret, sive deinde inimico conciliari vellet, sive abnueret. Verùm hic confessione peractâ, sinè mora ad perquirendum in urbe hostem discessit, inventumque palàm amplexatus, veniam tandem frustra petitam ultro obtulit. Atque hoc ille obtrinebat mirâ quâdam sævitate, quâ necessitatem reprehensionum condiebat: in se vicissim propè implacabiliter severus; somnum enim persæpe nudâ humo, quandoque sedens duntaxat brevissimè capiebat: neque unquam de re alia cum Socio illi fuit dissensio, nisi quòd in se deteriora omnia, commodiora verò in Socium derivaret. Jejunium per hebdomadam tribus diebus constanter observabat: aves, aut ejusmodi delicatiora edulia gustabat nunquam, tantâ hujus observantiæ constantiâ, ut cum subinde in missionibus ignari ejus abstinentiæ præter aves aliquas nihil apponerent, ipse mallet impransus remanere; nam in cœna vix modicum aliquid delibabat. Munerum quorumlibet fuit constanter abstinens, quæ si remitti donantis dignitas non sineret, præfente adhuc patroni internuncio ad nosocomium deferri, aut inter pauperes distribui faciebat. Flagelli & cilicij quotidianus illi usus, tanto plerumque verberum crepitu, ut vicinis audientibus condolentiam moveret: quam ut averteret, excogitabat instrumenta acerbi quidem doloris, sed nullius strepitus; & præter consuetum cilicium, triplicem catenam ferream corpori admovebat. Neque rarò, posteaquam sub vespertinam dictionem Viros ad publicam verberationem excitasset, digressis templo fœminis, primus ipse in denudatum tergum saviendo initium, & ultimus



mus finem facere consuevit; eâ vulnerum fœvitie, ut plerumque totâ nocte quietem capere vix posset.

Puritatem animæ illibatam servare summo studio nitebatur, cui perpurgandæ peccata quotidie confessione expiabat, ut mundissimus ad Altare accederet; in quo, nisi pœnitentium urgeret multitudo, horam integram sacrificium litabat. Preces Canonicas, aliâque omnes, in templo, si ejus vicini copiam haberet, coram SS. Eucharistia degenibus absoluebat: & si neminem consciunt haberet, magnis & sonoris suspirijs cor suum DEO effundebat. Itinera ferè omnia solâ oratione exigebat: quam si abrumpere mutuis colloquijs à viatoribus urgeretur, tempus nimis pretiosum esse respondebat, quod majoris momenti rebus impendi oporteret. Atque hoc ipsum perpetuò DEUM orandi, & per actus frequentes amoris DEI, similisque aspirationes cum cœlitibus versandi studium, conabatur insculpere animabus devotis, & Parthenonibus Virginum aliquot, operâ suâ ad meliorem disciplinam reformatis, qui etiamnum dictaminibus & principijs ejus egregiè in via perfectionis proficiunt. Erga Sanctissimam DEI Matrem præcipuâ devotione ferebatur, cui dicendis quotidie precibus horam insumebat; eratque admiratione digna ipsius in hoc genere pietatis constantia, dum sæpe totum diem confessionibus audiendis ultra mediam noctem distentus, nihilominus circa horam secundam à Confessionaliredux, recipiebat se se in locum secretum, atque in genua provolutus devotiones erga DEIpam absoluebat, estò post unam vel alteram horam redeundum sibi ad pœnitentes audiendos sciret. Plerisque etiam missionis locis morem induxit, recitandi alternatim per choros illius Rosarij, ad quod signo campanæ convocari omnes faciebat: & nè pium exercitium temporis lapsu interiret, quinque Sodalitia B. V. diversis locis instituit. Consueverat etiam necdum Sacerdos, Sabbato quolibet, & pervigilio DEIpæ, manum flagello armatus prodire in triclinium, ad publicam in se animadversionem: eosdè que dies perpetuo jejuniò celebrabat. Secundùm Virginem MARIAM, addictissimus erat Sancto Ignatio & Sancto Xaverio, quorum vicissim mirros experiebatur favores. Nam cum aliquando in autumnò, aliàs autem vere primò, terra imbrium esset sitientissima, sub finem exhortationis duo Ave MARIA honori dictorum Virorum dicenda prævit, & continuò

*Societas Europæa.*

eodem vespere pluvia decidens, noctem & diem sequentem constanter tenuit, dum plenè segetes & agri rigarentur. Ut nihil dicam, quòd ad puerperas quatrduo aliquando ex partu laborantes, evocatus, applicatâ post brevem orationem quapiam Sancti Ignatij effigie, illas repentiè doloribus & partu solvebat. Aliquando rapidum flumen mulâ trajiciens, præcipiti fluctu unâ cum jumento rapiebatur in exitium: sed recitatâ ad Sanctum Xaverium precatiunculâ, repentiè major quædam vis illum ab imo sustulit, & superiorem aquis reddidit. Rursum cum certo quodam loco pax inter hostiles animos conciliari nullâ Patris industriâ, & octidui labore potuisset, brevi oratione ad Sanctum Xaverium supplex, ubi ad persuadendum fœdus redijt, nullo negotio partes in id jam ultro propensas adduxit.

Cæterum in agendo sive de superiore loco, sive colloquijs, cum proximo, utebatur libertate Apostolicâ, vitia liberè, cum opus foret, reprehendendo: sicut nec tergiversabatur vicissim, si divinæ gloriæ ratio postularet, pedibus quorumcunque advolvi, quod aliquoties illi evenit, cum pœnitentiam obstinatis & confessionem, vel odio in proximum induratis offensæ condonationem, aliter persuadere nequivisset. Idem præstitit erga hominem graviter in se injurium, & alium quendam acerbum calumniatorem; ad cujus domum veniens, & in genua, ut pedes illi exoscularetur, procidens, magnâ humilitate veniam petijt, neque destitit majoribus deinceps supra alios obsequijs eundem colere. Neque tamen his expleri zelus & fides animarum in Patre poterat: quare missionem ad insulas Marianas, sive Latronum, magnis apud Superiores precibus urgebat, neque de alijs ferè miscere cum familiaribus colloquia noverat: fructuum quidem ex animabus non minùs in Hispania atque Indijs colligi dicens, sed non perinde ærumnarum, vitæque discriminum, quorum ambitu in-explebili tenebatur. Verùm aliter supremo visum Patrifamilias, qui labores biennij denario vitæ beatæ repensurus, in ipso missionum cursu, quod summis à DEO votis expe-tebat, illum ad se evocavit. Cum enim Estremaduræ tractu sufficienter exculto, & ad omne Christiani hominis munus abundè excitato, Lerenam ad Societatis domicilium se recepisset, ut Spiritum decendiali S. Ignatij secessu, ad novam in Episcopatu Cordubensi auspiciandam missionem instauraret, altero mox ab adventu die tentari corpus ægitudi-

A a a a a

ne



ne sensit, quæ mox in tertianam duplicem erupit, ac tandem in febrim malignam desijt. Et licet erumpentibus parotidibus spes aliqua superandi pestilentis mali affulgeret, nihil tamen proficere medicorum ars valuit, nisi quod rigidissimis adhibitis medijs egregiam patientiæ materiam Patri suggessit, pro qua DEO gratulari nunquam desinebat. Itaque Sacramentis omnibus in tempore præmunitus, in corona Sociorum comprecantium, animam Creatori suo reddidit, anno 1677. ætatis 38. Societatis, in qua vota 4. professus fuerat, 22. die 2. Octobris, quo ipso ante annos 38. in lucem venerat. Illius mors magno omnium, virorum etiam Principum dolore excepta est; fuit enim ob

perspectam vitæ sanctimoniam & zelum Apostolicum omnibus charus & æstimatus, Cardinali cumprimis Archi-Episcopo Toletano, D. Pasquali de Aragon, qui iteratò urgebat à Patre Francisco missionem in sua diæcesi institui; Episcopo Placentino Generali Inquisitori, Episcopo Coriensi, qui omnes præcipuo honore & affectu illum prosequēbatur. Funus ejusdem totius urbis concursu, & omnium Ecclesiarum æris campani sono celebratum est; deducuntibus trium Capitulorum Canonicis, non sine magno dolore super jactura viri adeo præclaro, cujus virtutem & zelum hoc ipso anno experti fuerant, dum missionis officia in vere ibidem exercuisset.

*Ex ejus Elogio.*

## P. JACOBUS SERRANUS.



**E**ditus in lucem fuit Pater Jacobus Serranus Riberæ in Hispania, Parentibus Christianâ virtute, & apud suos honore conspicuis, atque ab ipsa Grammatica Societatem ita adamavit, ut quotidie multis precibus cum Sancto Ignatio ante ipsius aram ageret, suos ut inter filios etiam se adscriptum vellet: dum tandem voti compos, humanioribus literis absolutis, effectus est. Quo tempore Philosophiæ & Theologiæ operam navavit, omnem captabat occasionem proximis opitulandi: quæ ejus desideria promoturi Superiores, munus ei Granatæ consuetum imposuerunt, colligendi personas per fora & compita otiosas, præsertim è tabernis & domibus lusorijs; quas ardenti zelo suo & allocutionibus compunctas, adducebat in templum ad audiendum divinum officium, & salutaribus consilijs atque hortatibus ad frequentanda Sacramenta instruebat. Et licet altioribus tradendis disciplinis inprimis idoneus censeretur, utpote quatuor postea solennia vota professus, multis nihilominus annis Grammaticam pueris explicare prælegit, eo discipulorum profectu, & ad omnem virtutem verbis & exemplis institutione, ut constanter ab omnibus Sancti Magistri loco haberetur, & appellaretur: inter reliqua sæpius ab ipsis observatus sub explicatione, & maximè rerum spiritualium narratione, toto vultu inflammari, ac velut extra se in DEUM abripi. Atque hæc virtutum Patris fragrantia, cum brevè Urbem

totam Freganalem (quam 30. ferè annis constanter incoluit) afflavisset, ingentem illi apud omnes existimationem, & quidvis persuadendi auctoritatem conciliavit, ut tanto auxilio spoliari se nequaquã ferre possent. Nam cum aliquando Montillam demigrare à Superioribus jussus esset, Fregalenses solitudinis hujus intolerantes, tres è Magistratu primarios ad Patrem Visitatorem & Provincialem ablegarunt, Patrem suum tutelarem repetitum; exceperuntque publico totius Urbis gaudio, tanquam è Cælo remissum, ad se omni felicitate cumulandos. Totus enim erat, Operarij deinceps verè Apostolici munere fungens, in extirpandis vitijs, in plantandis virtutibus; & cum amplissimo illius zelo urbs una angusta videretur, excurrebat indefessè in omnem viciniam, & missiones ingenti animarum emolumento instituebat, ubique prædicando, instruendo rudes, Sacramenta ministrando, cohibita feliciter jurandi & imprecandi licentiâ, sublati odijs & scandalis, & quovis alio genere vitiatorum: eo locis omnibus virtutum post se relicto odore, ut nemo unquam inventus sit, qui nævum aliquem in eo deprehendisset, sed universi ut Virum sanctum suspicerent & venerarentur. Adventanti certatim rusticolæ occurrebant vultu hilari, & quotquot obvij fortuitò in Patrem inciderent, & adulti, ad singularem quandam modestiam & pietatem illico mores componebant, & ad primum ejus intuitum orationes catecheticas recitare incipiebant. Neque ullus tam pròtervè audax inventus est, qui in ejus præsen-





P. Iacobus Serranus Soc: Iesu, Hispan<sup>9</sup>, per omnia Charitatis officia de proximis bene merit<sup>9</sup>, aspectu et amplexu Pueri Iesu in supremo morbo recreat<sup>9</sup>, quo decessit 19. Febr. A<sup>o</sup> 1680. Æt: 63.

sentia vel verbum aliquod inconcinnum efferre præsumeret : sed personæ etiam gravissimæ monitis illius salubriter compunctæ, si quando iracundiæ repentino æstu in iuramentum aut imprecationem erumperent, elicitō dolore mox factum detestabantur, & osculum terræ figebant, quæ erat communis ejusmodi excessibus imposita à viro DEI pœna. Quibus ejus artibus magno gaudio civitas sibi gratulabatur, se tum à vitijs reliquis & scandalis, tum præcipuè à maledicendi & dejerandi pravâ consuetudine esse perpurgatam.

Neque solùm vulgi hæc de Patris sublimi sanctitate fuit existimatio, sed & virorum doctrinâ & virtute, è diversis Religionibus, ipsâque Societate conspicuorum, qui illum hominem magni spiritûs, planèque Aposto-

*Societas Europæa.*

licum agnoscebant, primisque suo tempore per Hispaniam viris accensendum fatebantur : in quo præter diffidentiam sui & contemptum, vix aliquid de homine reperiebatur. Angelicâ enim puritate ad extremum spiritum illibatè conservatâ, obedientiæ tenacissimus ad minutissimos usque apices fuit, ut idcirco accuratè expendi à Superioribus quidpiam injungentibus oportuerit omnia præcepti sui verba, quòd ipse cæcâ simplicitate ad literam singula exequeretur. Exituro vice quâdam ad Collegij villam, jumentum Rector assignaverat, & quòd ipse sæpius notatus esset illo obviorum usibus concessō, pedes iter conficere, vetuerat equo per viam descendere; accidit interea, ut hic in lacunam prolapsus humi concideret, neque ob sessoris pondus eluctari in pedes posset,

A a a a a 2



set, mirantibus, qui fortuito occurrebant viatoribus, cur Pater ad illum sublevandum, non descenderet: quorum cuiuspiam idipsum monenti tandem respondit, id sibi per Superiores mandatum nequaquam licere. Nec quidquam adeo minutum, vel acum unam suis unquam usibus oblatam acceptavit, vel de fili frustillo disposuit, quin expressum Superiorum assensum semper exquireret, pro ipsa adeo lustrali aqua, recens cubiculo inferenda, solitus eum expetere, maximus ofor universalium facultatum. Eadem observantia parebat cuivis infimo ex subordinatis ministris, ipsi adeo in itineribus agasoni & famulo; qui si forte Patrem prolixius in agro erudiendis obvijs rusticis subsistentem monuisset, properandum esse, continuo velut ad DEI vocem, nullo superaddito verbo iter resumebat: alioquin viæ immemor, sæpius adusque tenebras in agris cum pastoribus & agricolis instituendis hære, solitus, nihil penitus habens, quod iter deinceps noctu agendum esset, sero hospitio, neque ullis ad reficiendas vires necessarijs rebus instructo. Paupertatis Religiosæ usque eò tenax fuit, ut pecuniam manibus tractare, nisi coactus, nollet: quare illam in viaticum subinde datam continuo in diversorio hospiti asservendam credebat; domum autem redux, si quid ejus superesset, primo omnium Superiori restituebat, quietis omnino impatiens, quamdiu vel obulus penes se remaneret. Cumque aliàs per oblivionem pauculos in suo cubiculo numos retinuisset, repente eorum nocte intempestâ memor surrexit, & ad limen portæ Superioris collocavit. Cum aliquando Superioris jussu lichnum gossipinum alendæ lampadi indidisset, scrupulo postmodum tactus quod gossipino uteretur, cum lineus sufficeret aut laneus, immemor idipsum Superiorem jussisse, profundâ nocte ad eum anxius accurrit, & facultatem ejus consumendi oravit. Austeritatum tantus fuit amator & sectator, ut tota ejus vita mera fuisse dici possit pœnitentia. Neque ulla res fuit vel actio & occupatio, in qua non mortificationem quæreret, nihil penitus gustui & naturali appetitui concedens. Cilicio constanter vestitus, flagellis corpus vexabat adeo atrociter, ut modum, à Superioribus imponi necesse fuerit: in missionibus decumbebat super sola storea humo instrata, vel inter paleas abjectus; & aliquando frigoris à CHRISTO pro nobis in sua nativitate tolerati experiundi avidus, horas aliquot beatæ illius noctis investitus sub

gelido Jove duravit, dum pene obrigesceret. Cibus quo utebatur parcissimum, corrumpebat nihilominus asperso cinere, sale vel aquâ affusâ, neque unquam bellaria, vel ferculum delicatius admittebat, nisi expressè à Superiore submitterentur; & hæc ipsa plerumque pauperibus elargiendi licentiam flagitabat.

Jam verò conversatio cum Cælitibus & oratio erat perpetua, neque ullis distractionibus & negotijs interrupta: præter enim horas, complures illi dari in secreto sui cubiculi quotidie solitas, nunquam à præsentia DEI animo exerrabat, ad quam ignitis ubique desiderijs & affectibus aspirabat, non sine crebris ab omni sensu alienationibus, & extaticis, qui in ejus inflammato vultu notabantur, raptibus; id quod potissimum advertebatur, dum gratias post Sacrificium, Missæ DEO referret, vel in mensa modico degustato cibo ceterâ otiosus accumberet. Et quidem sub ultimam ægritudinem necesse omnino fuit imperari, ut hos animi sacratiores impetus cohiberet, nè ardore spiritûs febris incendia augeret: nam vel ex sola DEI mentione, & perbrevis, quâ parvulos se invisentes ad pietatem hortatus est, admonitione, tanto amoris divini æstu incensus est, ut animo à terrenis avulsum necesse fuerit à sancto illo somno ad sensus revocari. Potissimum autem pietati suæ frenâ laxabat, cum peregrè in missionibus viam carperet; nam cælum simul & terram cum omnibus sigillatim creaturis, aves & pecora, montes & flumina, animata & inanima, ad laudes Creatori suo dicendas invitabat: sub quâ animi fervore abreptus, & torrente divinatorum lauticiarum ebrius, velut animi impositus volitabat, vociferabatur, ejulabat, súscue deque cursitabat, identidem in viam revocandus, & sæpius, nî in tempore præmoneretur, flumine obvio demergendus: ut si quis hominis ignarus viator occurreret, amentem, vel musto ebrium credidisset. Ex hoc amoris divini æstu dimanabat flagrantissima illa in proximum charitas, quâ omnium hominum generi pronissimè subveniebat, superatâ quâvis naturæ suæ, à quibusdam munijs exercendis, difficultate abhorrentiâ: nam licet conscientiæ esset ad scrupulos usque & perplexitates delicatæ, assiduus tamen pro tribunali Pœnitentiæ assidebat, neque hoc aurium obsequium ulli unquam postulanti quovis prætextu negavit, aut excusavit, quin ultro in vicis & compitis, ac per tabernas indagatos peccatores, sæpe annis plu-



pluribus impēnientes conquisivit, & ad exomologesim induxit. Nulla tanto cum affectu mater prolibus suis laborantibus assistit, quanto ipse aderat ægrotis & calamitosus, eosque tot artibus & modis tenerrimè noverat solari, & ad generosè subeundam mortem incendere, ut felicissimos se reputarent, si in ejus manibus animam agere daretur: atque idcirco præ alijs frequentissimè ad ægros evocabatur, diu noctūque ad eorum subsidium promptissimè expeditus, ad ultimum usque halitum à lectulo non discedens, omnis gravioris odoris, pestilentis morbi, & contagionis periculo contempto. Non semel vultu suo venerabili excipere visus est, quæ infirmi egerebant phlegmata, & foedissimum, quo interibant, virus; anno præsertim 1649. quo Carmonæ toto contagionis tempore pestiferis fuit ab obsequijs. Ex hac eadem proximi dilectione, promanabat illa de omnibus bene sentiendi, & manifesta etiam delicta excusandi facilitas. Inimicitias inter varias personas, & integras familias, ob cœdes amicorum conciliaturus, non tantum persuadere conabatur, sed ex animo sincerè semper credebat, illas præter intentionem & libertatem, sinè veniali etiam culpa intervenisse. Cùm iteratò in villa Collegij furto surrepti essent equi, verveces, & id genus diversa pecora; extremam in furibus haud dubiè intervenisse ajebat necessitatem, manifestum alioqui peccatum committere non ausuris: aliàs verò de equis subreptis intelligens, necessarium aliquod raptori præ manibus fuisse iter divinabat, quo confesto, eosdem possessori esset omnino reduturus. Atque ad hunc modum ad omnia aliorum vitia & lapsus advertendos cœcus, ad suos tamen minimos etiam nœvos erat linceus, quorum causâ ex animo sentiebat, se mortalium omnium deterimum, dignum ob sua in DEUM summè beneficium demerita, pedibus omnium proteri, & ad quodvis aptè agendum ineptum.

Verùm hæc aliâque omnigenarum virtutum decora longè clatiùs refulserunt in occasu, ut solent luculentius in occubitu micare luminaria. Hunc ei creavit febrilis malignitas, quam neque præstantium Medicorum pharmaca, neque publicæ ad DEUM urbis totius preces, votiva jejunia, peregrinationes, pauperum lachrymæ, vincere poterant, obnitente Patre flagrantissimis desiderijs, quibus dissolvi quantocyus, & esse cum CHRISTO cupiebat. In ardentissima, quâ cruciabatur siti, ut ei pluribus fissuris

lingva scinderetur, nullum unquam refrigerium, vel saltè eluendis frigidis faucibus adhibuit, sæpius adstantibus hilari vultu repetens: *quid mirum est, me criminum multorum reum siti emori, quando innocentissimus JESUS tantam in cruce moriens pro me sustinuit?* Quidquid autem temporis ab adeuntium humanitate & Medicorum cura sibi permetteretur, id totum in colloquijs cum DEO & Cœlitibus conterebat, incredibili cum affectu, ut cor ei colliquefcere videretur: dum denique in his ipsis animam DEO reddidit eadem, quâ prædixerat horâ, 19. Februarij 1680. ætatis 63. Societatis initæ 48. Ubi autem felicitis ejus transitus signum campanâ Ecclesiæ datum est, illico æra omnia totius urbis templorum personuerunt, maximèque ordinum omnium concursus ad Collegium fieri cœpti, ut Patris sancti exuvias venerarentur: neque aliud ferè per domos & plateas videre erat vel audire, quàm gemitus pauperum, suspiria & lachrymas civium, dolentium se præsidio tanti DEI servi privatos. Et quod sanè admiratione summâ est dignum, nemo fuit ex omnibus, cui etiam per inadvertentiam excideret id, quod aliàs communiter amicis recens vitâ functis precamur, orando DEUM illis fieri propitium: tam altè nimirum animis omnium insederat radicata de Patris sanctitate opinio, ut nullâ suffragiorum ope egere censerent, cœlo indubiè mox ab obitu receptum, ut ijs magis ipse Patronus apud DEUM esset. Neque resisti precibus piæ civitatis potuit, quin postridie corpus defuncti totum diem populo in templo spectandum exponeretur, ingenti hominum multitudine continuò, ex agris etiam & vicinis oppidis, affluente, ut exuvias, opinione suâ sacras, osculis, manuum, rosariorum, & id genus piarum recularum attactu venerarentur. Licèt autem quaterni feretro Sacerdotes constanter assisterent, impedire tamen nequiverunt, quin pia quædam furta, plurimis de veste Patris rescissis frustulis, admitterentur: quod idem rebus ipsius cubiculi omnibus factum est, usque ad lapidem, in quo laboribus fessus quiescere solebat, in pignus pietatis ipsius ablatum.

Hanc tam excelsam de Viro DEI opinionem, etiam cœlum testimonio suo firmare pluribus modis videbatur. Cùm enim nocte quâdam postremæ hujus ægritudinis Sociorum aliquis apud Patrem vigilias agens, advertisset post longum silentium cuipiam colloqui, & visurus quid rei id esset, propius



accessisset, audivit reductâ silentio tantisper cortinâ, illum cum parvulo JESU dulcissimè exoptulantem, cur præter moram tamdiu abesse voluisset? simulque svavissimo mirè fragrantium rosarum odore delibutus, vidit Patrem in vultum divini pusionis, velut ad caput suum assidentis, oculis inconnivis defixum; unde tantam animo suo devotionem imprimi sensit, ut sui impotens, erumpentibus per ora lachrymis, à lectulo recesserit. Nec ludibrium fuisse oculorum vel aurium, quod viderat, alteri cuidam personæ eadem exhibita probavit visio. Erat inter Cœnobij ejusdem urbis Sanctimonialis Virgo sanctitatis opinione percelebris, quæ nocte eadem divino in raptu clarissimè vidit divinum Pusionem ad ægri Patris caput assidentem, qui dextrâ capiti ægroto suppositâ, ejusdem faciem lævâ svavissimè demulcebat, tandèmq; sacro-sanctam faciem suam vultui Patris, osculantis in modum, applicabat; quo spectaculo abrepta in has voces erupit, *ubi talis adest morborum curator, nihil humanâ illic operâ opus est.* Eodem deinde, quo expiravit puncto temporis, priusquam ære campano signum ejus mortis daretur, Religiosa alia toti urbi ab excelsâ virtute notissima, audivit Patrem clarè & distinctè se appellantem, *vale filia:* cui illa hilari voce reposuit, *accipe & me tecum Pater mi!* quæ apparitio toti primùm Sacræ Familiæ, ac tum universæ civitati innotuit. Vulgatissimum ibidem & planè notorium est, plurimos morbis varijs detentos, applicatis solis floribus, quibus Patris feretrum inspersum erat, vel alijs ex ejus utensilibus reliquijs, pristinam illico recepisse sanitatem. Persona quædam chartas suas rejectitias igni exurendas injecerat, ignara in illis esse unam Patris manu & nomine inscriptam, quâ olim testatus fuerat domesticos ipsius apud se confessionem peregrisse. & ecce reliquis omnibus igne consumptis, sola hæc è flammis indemnitas

exiliit: iterumque in illas projecta quod casu elapsa crederetur, iterum resiliit: ac tum demum persona illa admiratione defixa, exploratura, quid chartæ illi inesset, quod ure re flamma refugeret, manum & nomen Patris in ea reperit, moxque ad Rectorem Collegij detulit, qui & ipse charactere quoad omnes literas indemnitas, solos undique margines ambustos deprehendit. Sed & viventis adhuc Patris operâ ad sanitatem ægris mirabiliter restituendam, DEO uti placuit. Sane cum tertianâ pertinaci nonnemo diu afflictus, remedia cetera frustra adhibuisset, spe tandem omni in Patris meritis locatâ, infimis precibus exoravit, ut super se sacra Evangelij verba recitaret; quo obtento, malo omni momento liberatus est.

Sam verò sepultura tam venerandi omnibus corporis totas 42. horas, præter Societatis morem, differri debuit, ob novum & perpetuum multitudinis ad illud affluxum: ad quam celebrandam adfuit Nobilitas & urbs tota, cum omni trium Ecclesiarum Clero, & Divi Francisci Religiosis, funusque præter morem per omnes Civitatis principales plateas ac fora deduxit, quasi exuvijs illis urbem expiatura; cum interim præter planctus & lachrymas, partim se ejus præsentia destitutos lugentium, partim auxiliarem è cælo manum implorantium, nihil aliud exaudiretur. Justa funebria cum diversis præcipuorum Concionatorum panegyribus, totis novem diebus illi persolvere magnificè voluerunt, primo quidem triduo Sodalitas S. Petri, quæ Clerum universum complectitur: altero triduo, ternæ Civitatis Parochiæ: septimo, primarius quidam è Clero, eadem suis sumptibus celebravit: octavo illustres Sodalitas Divæ Virginis sine macula conceptæ: tandèmq; novenam coronavit ipsa fidelis & nobilis Civitas, quæ aliàs, id supremi honoris nemini, præterquam solis Regibus Hispaniæ exhibere solet.

*Ex ejus Elogio.*

## P. JOANNES MALOBITZKY.



**S**I ex Dominico effato majorem hac dilectionem nemo habet, ut animam suam ponat pro amicis suis, Joan. 15. hanc ardente suo zelo affecurus meritò videtur Pater Joannes, dum anno 1680. crudeliter lue pestiferâ Pragam depascente, pro

salute proximorum tot moribus, quot ab ea vindictas Cælo asseruit, animam exposuit. Editus in lucem est Launæ, Regiâ Boëmiæ Civitate, Anno 1620. 11. Novembris triduo post debellatam decretorio in Albo Monte propè Pragam prælio, & deinceps è Boëmia proscriptam à Ferdinando II. hæresim. Primam pueritiam innocenter domi-  
tra-





P. Ioānes Malobitzky S.I. Bœm, in obsequio pestifero-  
rum singularis Mariani cultû propagator; humilitate,  
Animarum Zelo, et charitate proximi conspicuus.  
Obijt Pragæ 6. Augusti, Anno 1683. Ætatis 63.  
196.

traductam ad Gymnasium Societatis JESU Commorovium, humanioribus literis excolendam transtulit, à petulantia juvenili, & omni specie vitij semper alienus. Philosophiam verò triennio Pragæ, eodem vitæ innocentis, & ab omni sæculi corruptela intaminatæ, tenore decurrit; eâ ingenij & industriæ laude, ut inter multos Philosophici Gradûs Competitores, primam Magistrij lauream retulerit. Plurimum ad hoc indefessum virtutis & scientiæ studium contulit constans ineundæ Societatis propositum, quam Anno 1640. consecutus est, 18. Septembris Brunæ ad Tyrocinium receptus, quod illi amplissimum vincendi sui campum aperuit. Cum enim ex natura complexionis esset præfervidæ, & indolis supra modum in chole-ram propensæ, toto vitæ decursu in eam cer-

tandum ipsi fuit; & quidem propè ad sanguinem, dum contra subito erumpentes ejus impetus tanto ardore ipsum obniti, vel ex oculis totòque vultu apparebat, ut sudorem exprimeret. Ex hoc vincendi sui conatu, & affectuum in meditatione, quibus DEUM in vota sua flectere nitebatur, contentione, sub tertiam Novitiatus hebdomadam visus est Medicis fibrarum aliquam in pectore rupisse, coactus idcirco majore Tyrocinij parte meditandi studio abstinere, & savoribus precandi modis interim contentus esse. Itaque irremissâ ab ipso vitæ Religiosæ exordio luctâ, ita se ipsum perdomuit, ut affabilem omnibus & sævem se exhiberet, & quantumvis irritatus non excandesceret, possetque è leunculo videri in agnellum mutatus. Erat verò planè jucundum Socijs, licet



licet non absque condolentia, videre illum, quoties inter disputandum, aliòve certamine commoveri se primo aliquo impetu sentiret, ingenti mox violentiâ reniti, & collectis quasi viribus omnibus resistere, nè erumperet: vel certè sermone mox abrupto conticescere: & hunc ipsum tamen naturæ suæ minimè liberum) quem ille brutalem vocabat) fervorem, quasi offensam aliorum deprecari, non raro flexis genibus, & amaris cum lachrymis. Parum tamen foret animum ità perdomuisse, ut nè alios offenderet, nisi & injurias immeritò sibi illatas heroicè perferret. Ab impotente adolescente aliquando contumeliosis verbis, in magna Scholasticæ juventutis frequentia appetitus, aliud reposuit nihil, quàm animo pacatissimo admonens, vellet ut meminisse sui, & advertere quid ageret. Alibi haud paulò indignius, & quod acerbius sentiri solet, à domestico & Religioso, cujus & Minister domi, & in scholis Præfectus erat, in conspectu discipulorum audacter laceffit, nec verbo, nec animadversione, pro sua potestate, ultus est: quin paucis post diebus, gravi & quidem contagiosâ prostrato ægritudine, proprium cubiculum, (quia alijs commodius) inhabitandum cessit, magnâque charitate dies & noctes integras assilens, infimis quibusque obsequijs deservivit, dum eodem ab ipso afflatus contagio in lectulum decedit. Quoties tamen in vitia pugnandum esset, & causæ gravitas heroicam virtutem requireret, leonis induebat robur, nulla extimescens pericula. Ità cum Svecicus hæreticorum Mars Anno 1648. Minore Urbe Pragâ proditione occupatâ, reliquam pertinaci obsidione urgeret, & adversus hostem Catholico Nomini insensum Ecclesiastici & Religiosi diversi arma communiter sumpsissent; ipse pariter cum magno Sociorum numero, Theologiæ tum operam navans, ad tutanda mœnia Urbis, à qua totius Regni salus, & Fidei orthodoxæ conservatio pendebat, procurrit; eaque fortitudine propugnavit, ut inter primarios ejus defensores, Viròsque illustriores, ob servatum præcipuè dejectis indè hostibus propugnaculum, numeratus sit.

Atque hæc ferventioris indolis vivacitas omnium illi virtutum parens fuit & origo, humilitatis imprimis & abjectionis sui, quam sibi ab ipso Tyrocinio maximè cordi fuisse & fatebatur ipse, & opere constanter demonstrabat. Admotus à Novitiatu infimæ pueritiæ docendæ, cum evoluto anno altiori Classi destinaretur, magnis precibus à Supe-

rioribus obtinuit in Infima relinqui. In aliorum laboribus & actionibus dilaudandis, semperque bene interpretandis facundus: rerum suarum vulgandarum usque eò fuit parcus; ut qui ei multis annis convivere, non meminerint ullum verbum, quod in sui vergeret commendationem, ex eo audivisse. Sed neque ab alijs laudari sustinebat, etiam quæ in omnium oculis præclare gesta suspiciebantur: hinc cuiquam heroicè quædam ejus in obsequio pestiferorum acta prædicanti, rubore suffusus, filum sermonis abruptit, & ex imo cordis ducto gemitu magnopere se timere professus est, nè ob varios neglectus suos & culpas in eo obsequio admittas, supplicia apud DEUM mereretur. E contra si quis ætate etiâ & gradu inferior (erat enim 4. votorum Professus) culpæ alicujus argueret, aut defectus objiceret, nò solum æquo animo ausculta- bat, sed etiam exprobrantibus ultrò ridendi sui ansam præbebat, ea proferendo, quæ ruditatè, & eorum quæ in colloquio tractabantur, minùs intelligentem proderent. Ea quæ typis mandabat, aut edenda adhuc elucubrabat, alijs se longè inferioribus, etiam Philosophiæ studiosis judicanda, & liberè censuranda ultrò offerebat. De se suisque talentis omnino vilissimè sentiebat, errorèsque varios ab se admissos recensebat in aliorum gubernatione, ut se ad quodvis regimen non modò indignum, sed planè ineptum persvaderet. Coactus nihilominus administrationem Collegij Hradistij, post multas incassum deprecationes & excusationes, suscipere, illo se consolabatur, quòd eò tempore Rector destinaretur, dum morbus contagioni similis in Collegio tribus extinctis personis, serperet: *supicenter enim, aje- bat Vir humillimus, nolùere Superiores huic periculo aliquem dotibus magnis præditum; Collegio præscièdo exponere, nam me extincto nihil amitteretur.* Rexit autem eà omnium satisfacti- one, & prudentiæ ac sanctitatis commen- datione, ut domesticis æquè ac extraneis Vir sanctus haberetur & appellaretur, totique Nobilitati esset in amoribus & æstimatione. Eluxit in eo singularis, in suos, ægros præfer- tim, charitas & providentia; hos enim fre- quens diu, noctûque potissimùm revisebat, quòd hanc infirmis permolestam sciret: & si insomnes reperisset, recreabat pio alloquio dum sopor adveniret, quem indè sibi & pre- cibus ejus conciliari experiebantur. Cum verò plerique domi decumberent, non solum diverforum Medicorum consilia exqui- rebat, sed etiam cibum & potum eis præben- dum



dum quotidie ordinabat sollicitè & examinabat, maternâ prorsus indultâ. Omnia viliora pro se, in vestitu maximè, meliora pro domesticis curabat, interiora præsertim, & lineæ, quæ oculos effugiunt, ex rudi & crassa tela. In oratione noctibus pervigilabat in Oratorio domestico, quò post aliorum decubitus adrepebat ante SS. Evcharistiam, ubi prius, quod non rarò mediâ nocte factitabat, totam domum Visitatoris locò perlustrasset. Quibus cum placeret omnibus, minimè placebat sibi, ideòque naturæ suæ vehementioris ad regendum alios ineptæ obtentu, impetravit denique Româ ante evolutum triennium Officio absolvi, neque impofterum ulli Collegio præfici. Rogatus aliquando ut pro Rectore pauculis diebus abfuturo Vicarius domui præficeret, in lachrymas solutus humili candore excusavit, quòd indomabilis naturæ fervor non esset capax alios moderari, quin omnia perturbaret: imò se non capere, quomodo in Societatem admitti, & in ea hucusque tolerari potuerit. Denique quanto horrore præponi alijs refugiebat, tanto affectu subesse omnibus, & exactissimè parere in minimis, quæ tantum innuenter, studebat. Id quod magnâ præstabat promptitudine & observantiâ, quantumlibet genio & propensione importuna acciderent: solitus & alios ad promptè parendum vel ex eo hortari, ut in Superiore DEO gultum exhiberent.

Sed nunquam luculentius hoc promptè parendi, licet ad certam mortem eundum esset, declaravit studium, quàm cum latè per Tri-Urbem Pragensẽ grassante lue epidemicâ, pluribus jam Socijs in ejus obsequio extinctis, ad opitulandum infectis ipse quoque invitaretur Præpositi Provinciæ literis: eâdem siquidem horâ, quâ epistolam accepit, perinde ac si id mandatum, non oblatum foret, ad Lazaretum se contulit, quo pestiferi ex tota Urbe magno numero evehebantur quotidie ad curam, vel magis certam mortem, cujus tristis imago præ oculis sola undique obversabatur, quocunque obtutum inter tot jacentia cadavera magis quàm spirantia adhuc corpora obverteres, nullius fani validique conspectu aut consortio occurrente, nisi qui ministerio ægrorum unâ addicti erant. Hic ille semestri amplius, incredibili alacritate & hilaritate versatus, animam suam in manibus portabat semper, in DEI voluntatem quotidie resignatus, ita conatu omni, industriâ, & indefesso labore in procuracionem miserorum impenso, ut unus

*Societas Europæa.*

omnia charitatis officia peragere velle videretur. Quia verò in ternas veluti stationes seu habitacula Lazaretum divisum erat, ad fovendam in ægris pietatem & fiduciam in Matrem agonizantium, in singulis ectypon prodigiosa Imaginis Beatissimæ Virginis, quæ Piecarj in confinibus Silesiæ & Poloniæ colitur, decenter erexit, utque ad ejus patrocinium pijs identidem suspirijs recurrerent, verbo & exemplo auctor fuit, manè quidem & vespere ipse plerumque preces communes præorando, & virentibus ramis pictisque telis aras illius ornatiores reddendo. Remittente verò jam peste, solennem supplicationem instituit è Lazareto ad vicinum assumptæ Virginis Sacellum, festo ejusdem Nativitatis, delatis in maximo viciniæ concursu ternis velut in triumphum illis DEI paræ Iconibus. Porro contagiosis constanter diu noctuque aderat, & divinis humanisque medijs opitulabatur: & licet providentiâ Senatum Tri Urbis quoad remedia juvendis corporibus affatim prospectum foret, destinatis ægrorum procuracioni medicis, chirurgis, ceterisque ad singula obsequia ministris, ipse tamen in omnium partem, dum tantæ multitudini non sufficerent, & non pauci ex Curatorum numero afflati contagio, indies interirent, veniebat. Assisteat ægrotis, partitis cum Socio Sacerdote laboribus, indefessè, nè ullus absque ultimis Sacramentis decederet, disponebat agoni morientes, defunctos Ecclesiastico ritu, quoties per graviores occupationes posset, ad tumultum comitabatur: dumque nocte intempestâ quotidie currus ægrorum pleni ex Tri-Urbe adveherentur, illique per vices cum Socio obviandum, sive ad consolandos, sive debiliores expiandos, abrupto somno esset, ipse nè Socio necessaria quies turbaretur, illo neque advertente, foras ejus vice prorumperebat. Quidquid suis necessitatibus subtrahere posset, ægris suppeditabat, usque ad lecti operimenta, quæ svavius illis decubitus dispertijt: ipse proprijs manibus lectos sternebat, mundabat, & sordes efferebat. Et quia ægrorum pars magna superante multitudine, humi leviter stramine contextâ decumbebat, neque ob confertim prostratos commodè singulorum exomologeses secreto excipi aliter poterant, manibus & pedibus adrepebat, applicatâque ori auriculâ confessionem excipiebat. Neque mortem in obsequio tam sancto formidabat, sed exoptabat: & quamvis dysenteriam aliquando torqueretur, nihil tamen de solitis munijs omitebat

B b b b b b



rebat, sæpius auditus exoptare, utinam concederetur pro illis emori! Aliquando solito hilarior Socio observatus, cum lætitiæ causam rogaretur, post triduum palam fore respondit: hōc elapsō, pestiferum ulcus eō die sibi erupisse dixit, cujus maturitatem & lethales ardores cū interim crederet secuturos, illud ē contra penitus evanuisse: *ego, ingemiscens, quæro & anhele mortem, & illa me fugit!* Denique cū incolumis, pestilentia jam ubique extinctā, ē Lazareto revocatus abijisset, quoties ferē mentio ærumnarum ejus luis, in familiari colloquio fieret, solvebatur in gemitus, nec rarō in lachrymas, quōd ob peccata sua non fuisset dignus cum tot Fratribus suis, in eodem pestiferorum obsequio felicissimē extinctis, animam ponere. Neque intrā Lazareti repagula passus est charitatem suam contineri, quin identidem latē in paganorum agrestium casae, quorum non eadem providentia haberi poterat, procurreret; Certē in tugurijs vinearum undique per montana vitifera dispersis, quavis Cæli viarūque intemperie, lue prostratos vestigabat, non rarō ē domibus invias & publicum ejectos, & omni solatio subsidioque destitutos solabatur, divinisque & humanis remedijs adjuvabat: ut ex his præcipuē concursationibus creditus sit pedes malē affectos domum retulisse. Quanquam & vires corporis reliquas, antehac vegetus planē & robustus, itā prostravit, ut triennio reliquo, quo ferē supervixit, frequentibus defectionibus & morbis conflictaretur, nunquam solidā & constanti utens valetudine: assiduus tamen ad mortem usque, hyeme & æstate, pro Pœnitentiæ Tribunali, quamdiu aliquis adesset qui confiteri veller: & Sodalitio modō Civium, modō Studiosorum administrando incumbens, quorum etiam nutriendæ devotioni tres libellos singulari pietate edidit. Quoties etiam invisendis aut morti parandis ægris Sacerdos desideraretur, in promptu erat: & cupientibus foras exire domesticis, si socius deesset, rarā charitate promiscuē multō junioribus in comitem se offerebat. Quo tempore extinctā jam lue extra Lazaretum locō salubri & à contatione intacto, hebdomadas aliquot probandæ & firmandæ valetudini substitit, gravem rerum penuriam passus nemini queri sustinuit: quā ab invisente socio aliquando observatam impensē rogabat, nē Superioribus Collegij proderet, quōd non huic, sed Lazareti Præfectis cura sui incumberet. Cū verō Celsissima Princeps de Porcia redituro securē

ad Urbem & Collegium, vestitum omnem novum curare voluisset, studiosē deprecatus est, nē quid ex meliore panno, tela, vel alia materia fieret, à religiosa paupertate alienum: & cū nihilominus interula delicatior offerretur, eam acceptare renuit.

Fuit enim Evangelicæ hujus virtutis amator præcipuus, neque præter propria MSS. & libros Officij, quod gereret, & CHRISTI de Cruce pendentis rude simulachrum, DEI paræque iconem, quidquam in ejus cubiculo fuit videre: unde ad discedendum ex uno ad aliud domicilium fortē monitus, spatio quadrantis horæ expeditus apparebat. Oblatum sibi in triclinio meliorem supra aut præter ordinarium cibum, etiam ab affidente hospite, admisit nunquam: nec ægritudinis tempore quidquam delicatioris potūs vel edulij; quin nē medicinam quidem, si videretur alicujus pretij; debuitque in supremo morbo à Superiore & Medico adigi, quōd id sanitati recuperandæ necessariū esset. Itā omnia terrena aspernatus, etiam à sanguine & cognatis affectum omnem, qui spiritualis non esset, retraxit, nē literas quidem ab ijs recipere dignatus, dum à sorore transmissas, nec referatas igni injecit. Ejusdem filium juvenem dotibus insignem rogatus, ut ad Contubernium Convictorum promoveret, nec auxilio, nec responso dignatus est: imō Sacerdoti nostro ejus patrocinium suscipienti obstitit, nisi fortē sciret competitoribus alijs hoc beneficio esse digniorem. Ordinatam tamen in omnes charitatem cordi habuit quā maximē, erga domesticos & externos, nihil suis dum Rector vel Minister domibus præesset, passus desiderari, dicere solitus subordinatis rerum administris, demus servis DEI, itā enim nec DEUS quidquam nobis deesse permittet. Ipse sibi aliquando vestem detraxit, cū alia in vestiario ad manus non esset, eamque alteri obtulit. Dum in Olomucensi numerosissimo Collegio Præfectum Spiritūs ageret, rescivissetque unum ē domesticis Scholaribus, parum vitæ Religiosæ memorem, impatienter ferre, quōd deteriore alijs vestitum interiorem accepisset, sevocato ad cubiculum, sua cum illius indumenta permittenda obtulit: nihil tamen exinde modestiore, & in proposito vitæ Religiosæ solidiore reddito, siquidem paulō post ab Societate dimissus est. Universim autem in eos semper magis fuit beneficus, & ad serviendum promptior, à quibus aliquid passus esset, aut minus gratitudinis speraret. Defectus aliorum



rum mirè excusabat, benèque interpretabatur: sique animo turbatum quempiam adverteret vel afflictum, solatio demulcebat, & ad fortiter ferendum animabat. In eadem Olomucij Præfectura, cum Missionarij ad Indias, & deinceps in Ungariam Turcicam expeterentur, vehementer dolebat se ob graviolem ætatem his jam ineptum, quas eatenus ingenti desiderio frustra ambiebat: quare vehementer Scholasticos nostros ad ejusmodi Missiones animabat, in quibus plenior in proximos dilectio exerceretur. Devotionem erga CHRISTUM patientem fovebat tenerrimam, de cujus doloribus vix unquam sinè lachrymis loqui potuit: In octiduana certè, quam ex officio nostris tradebat, Sancti Ignatij asceti, ubi ad cruciatus Domini explanandos veniebat, ob lachrymarum affluentiam, & singultuum vehementiam abrumperet sermonem plerumque cogebatur. Idem eveniebat quoties de his ad Sodales in Conventibus, vel pro concione ad populum diceret: planè ut donum lachrymarum cælitis accepisse crederetur; siquidem in has non rarò etiam super mensa ex piæ lectionis auscultatione solvebatur; & Socius ejus in Lazareto observavit, vix unquam Sacramenta pestiferis, aliæque obsequia, sinè earum profusione, quantumcunque eas reprimere laboraret, administrasse. Solebat idem post quotidianum à prandio colloquium instituere alterum, quod secundam recreationem vocabat, cum CHRISTO Crucifixo, ante cujus simulachrum se collocabat; idemque practicandi alijs auctor erat, pollicitus magnis à DEO favoribus cumulandos, si vel quartam horæ partem tali colloquio impenderent. Neque siccus fuit illius & cruciatuum vacuus in patientem Dominum affectus, sed planè cruentus, ut sanguinem pro sanguine redderet, & mortificationem illius semper in corpore suo portaret. Viderat aliquando in ejus cubiculo ex confidentiortibus quidam tabellam è pariete pendulam, meris numeris conscriptam, cujus mysterium roganti fassus est, designari his numerum flagellationum, quas sibi peragendas pro peccatorum conversione statuisset. Miranti verò, quòd tanto disciplinarum solvendo censui nec annum sufficere, si quotidie aliquot fiant, reputaret; non est, inquit, una tantum corporis pars flagellis idonea, sed procedi potest ab uno membro ad singula reliqua; & ita facilè in una hebdomade notabilis numerus quotidianà flagrorum iteratione expungitur: addiditque quid obstarat, illa de-

*Societas Europæa.*

cies, aut vicies die unò repeti? Officium divinum ferè nunquam, nisi opportunitas deforet, dicebat alibi, quàm coram Sanctissimo Sacramento de genibus, quod etiam per diem crebrò invisebat: & ante id similiter meditationem matutinam peragebat. In omnibus per diem actionibus & occupationibus DEO conjunctus, cum identidem cælum exemplo Sancti Ignatij suspiceret, multis visus est continuæ orationi intendere: quod experientiâ aliquorum firmabat, asserentium, quoties ex causa aliqua cubiculum ejus, ab officij sui munijs liberi, accessissent, semper illum in genua ante Crucifixum prostratum, oculis & toto vultu ardentem deprehendisse.

Atque ex his facilè est colligere, quanto in DEUM flagraret amoris æstu, de quo omnes ejus sermones, etiam in familiaribus colloquijs, merum ignem spirabant & flammæ: quibus & aliorum corda ita accendebat, ut faceretur nonnemo, plus lachrymarum in octiduana asceti sub eo directore ab se profusum, quàm antea per omnem vitam. Ad quamvis offensæ divinæ umbram planè exhorrescebat, creditusque est vitæ suæ & arcanorum conscijs, vix intrâ complures annos plenè deliberato veniali peccato animam maculasse. Ad hoc obtinendum plurimum se juvari fatebatur opusculo Patris Nicolai Lancicij, super quatuor F. practicè observanda conscripto, Fuge, Fac, Fer, Feraris: quibus ille, veluti vitæ suæ regulis insistendo, ut fugeret omnia DEO displicentia, faceret quæcunque illi placitura nõset, adversa ferret hilariter, & ab obedientia semper ferti se pateretur, pulcherrimam Religiosi hominis ideam expressit. Eodem DEI amore incensus intimè optabat, pro illo vitam ponere, auditus in quodam colloquio in hæc verba prorumpere: ô si mihi pro DEO meo daretur in frustra diffindi, & articulatim concisum emori! qualia ejus vota, animum etiam ad moriendum semper paratum indicantia, audire fuit. Aliàs cum Socio inter colloquendum domi inambulans subitò vertiginem pati, atque in terram prolabi cœpit, unde tamen mox sui compos redditus, ô quàm feliciter mecum ageretur, exclamavit, si DEUS me hoc ipso momento à corpore dissolvi vellet! Et videtur omnino DEUS fidei servo prægustum Cælestium gaudiorum, ad quæ illum paulò post evocare parabat, dare voluisse, prout ipse in arcano suo Examinis particularis libello, quod omni accurate ad mortem usque annotabat, consignavit,

B b b b b a vit,



vit, die 18. Februarij inquiens, Anno ( quo ipse in Augusto decessit ) Paradisi delicia, & immensa DEI in suos benevolentia cuidam ostensa sunt in primo somno, per modum Cælestium nuptiarum. Quarum gaudia & præambulas svaitates etiam alias se expertum nonnemini aperuit. Mortem trium Collegij Sacerdotum, quos eò Rectore, Hradistij decessisse supra innuimus, clarè etiam prævidit, dum orationi sub vespertinum tempus vacanti trina vox allapsa est,

*Ex ejus Elogio, & Annis Societatis JESU Boëmia.*

## P. LUCAS KOLICH.



Ater Lucas Kolich in Moravia Ewancicij parentibus Catholicis civibus natus, ut in eadem Fide, Marchionatu illo hæresi passim adhuc depravato, à teneris educaretur, Orthodoxis præceptoribus commissus est: bonamque & docilem sortitus animam, pietate & primâ literaturâ ita se probavit, ut fortuito illac transeuntes Patres Societatis eum volentibus parentibus, secum Brunam ad Grammatica studia deductû, ad contubernium juventutis scholasticæ educandû susceperint. Hic ille cum ipso Gymnasij ingressu conceptum vitæ religiosæ in Societate desiderium nunquam dimisit; crevitque idem à puero in ejus animo tantis progressibus, ut vel ad solum Sociorum conspectum gestiret intimis solatijs, fatereturque sibi à risu quandoque ex redundantia cordis, temperare non potuisse, quod ex eorum aliquando numero futurum se speraret. Ita primâ adolescentiâ innocentissimè ad Rhetoricam usque deductâ, ut in vota sua animos Superiorum Societatis DEUS flectere vellet, precibus omnibus, & pietatis exercitijs, præsertim in Sancta Communione exorabat; cum receptum in eam flagitare paranti, bina objecta sunt impedimenta: præposterum inprimis sui incerta Classe Præceptoris consilium ( qui tamen paulò post Religione deserta ad sæculum redijt ) svadentis, ut propositum ingrediendæ Societatis in Philosophiæ decursum rejiceret, maturiore tunc judicio deliberaturus, quid rebus suis expediret. Sed deprehensâ constantibus ad DEUM precibus periculosâ consilij fraude, dum in vota sua expugnare Provinciæ Boëmiæ Moderatores omni conatu laborat, ecce tibi haud paulò gravior emergit obex à Marte Svecico, qui

Pater, Pater, Pater, ingeminans: sub quam accedenti ad suum conclave domesticorum cuidam edixit, tres eò anno Patres Collegio morte subtrahendum iri: prout reipsâ eventus docuit. Obijt Sacramentis omnibus munitus in Collegio Sancti Ignatii Neo-Pragæ 6. Augusti Anno 1683. ætatis 63. Professus quatuor Votorum, cum opinione eximie sanctitatis, ex cujus reculis multi ad privatam devotionem quædam velut in reliquias exambiverunt.

Anno 1645. post casum in Boëmia ad Janikow Cæsaris Ferdinandi 3. exercitum, pertinaci quatuor mensium obsidione Brunæ incubuit, eo planè tempore, quo Lucas Rhetoricæ finem, cum spe inchoandi religiosi Tyrocinij, imponebat. Ergo ad supplendum tuendæ Urbi cum vicino Castello necessarium militare præsidium, evocatis ad arma adultioribus Studiosis, coactus est etiam Lucas annum tunc 18. agens sclopum assumere; positurus, irâ DEO disponente, præticum militiæ rudimentum, quam sanctius olim secuturus erat 17. ferè annos Missionarius in Castris Cæsareis, Spiritualibus obsequijs milites procurans. Et quidem jam eâ ætate imperterriti ad omnia Bellonæ pericula animi heroica exhibuit specimina, deturbatis è summo Castri propugnaculo ( quod ei tuendum inter alios commilitones obvenerat ) aliisque eminens assaultum parantibus è sclopo neci datis hostibus, non sinè applausu & commendatione Urbis Præfecti Generalis Souches, qui servatam urbem, depulsûmque à mœnibus hostem, ipso Svecorum testimonio, studiosorum mascula post DEUM virtuti præcipuè, imputabat. Quadrimestri in armis quotidiana inter vitæ discrimina exacto, *Qua DEI est* ( annotavit ipse Numini gratias agens, in arcano quodam scripto ) *benignitas, inter media hostium tela permansi illo corpore, & quod solâ DEI bonitate factum confido, animo pariter intaminato: neq; etiam me à Societatis consequendæ desiderio deturbari passus est, sed in me illud misericorditer promovere dignatus est, ut hilari etiam animo mortem oppetere perciperem, si modo Jesuita forem.* Solutâ obsidione Rhetoricam anno secundo profectus est: ubi egregium æquanimis pati-





P. Lucas Kolich S.I. Moravus, Missionarij Castren-  
sis contra Turcas mirè industrius, et zelo ac fortitu-  
dine plenus. In expugnatione Budæ multos infantes  
per baptismum Christo lucratus est. Obijt Cibini  
in Transylvania 20 April: 1690. Aetatis 63.

patientiz specimen præbuit; dum ex insidijs, nullâ præbitâ injuriæ causâ, impacto gravi colapho à Contubernali percussus, nihil omnino commotus; injuriam in jocum & laudem etiam percussoris, quod dexterrimè ferire nôsset, vertit. Voto tandem sub finem ejus anni potitus, & pauculis alijs Tyronibus, ob temporis & belli injurias, accensus; studium hoc virtutis magnis animis ingressus est, constantique in actionibus omnibus fervore, & regularum etiam minimarum observantiâ præcurrebat omnes, ut in exemplar alijs, unde ad proficiendum calcar acciperent, proponi mereretur. Observabant singuli in ipso, & suspiciebant eundem semper in agendo tenorem, & summam in rebus omnibus moderationem, ut affectûs cujuslibet omnino expers videretur; æquè ab omni

tristitiâ, atque hilaritate vel levitate alienus, ut nemo esset, qui reprehensione dignum aliquid, aut cuilibet regulæ repugnans deprehenderet; idem semper & sui similis, ut neque adversis, neque prosperis ullis commoveri videretur. Silentij tenacissimus, cum solo DEO internè versari semper videbatur; verborum inter ipsa colloquia ita parcus, ut singula prius ad trutinam vocare appareret; neque ullus repertus est, qui in aliorum famam & detrimentum sinistrum aliquid, aut querelam contra Superiores ex eo audisset; sed neque coram se dici talia ferebat; excusabat omnia, & bene interpretabatur, & si non proficeret, à colloquio recedebat. Atque hanc vitæ in DEUM semper collectæ, & actionum normam constanter tenuit à Tyrocinio, per omnes studiorum, sacerdo-



tij, ad ipsum usque obitum annos; & quotquot ei longius aut sapius, per intervala conviximus, nunquam observavimus à primo fervore vel latum unguem discessisse, modestiâ, totius externi hominis compositione nihil sibi Novitio dissimilem; earundem devotionum, & exercitationum tenacissimum; ut miraculo simile nobis videretur, potuisse tum in ipso statim tyrociniio fundamenta tam sublimis perfectionis poni, tum per omnem deinceps ætatem ædificio illis superstruendo, nunquam à norma semel præfixa descivisse. Preces omnes, meditationes, & Examina non nisi de genibus, nulli scabello vel reclinatorio nixus, sed super nuda humo, peragebat, idque si opportunitas non deesset, coram SS. Sacramento; quod invisebat per diem crebrius, hærebátque in ejus adoratione prolixius, quamdiu per Officij occupationes non avocaretur. Antequam sacrificaturus ad Aram accederet ipse, Missam prius alterius audiebat tenerrimo affectu, quam deinceps absolvebat fervore invultum etiam redundante, inter ardentia suspiria delicijs supernis affluens, ut ex omni gestu patebat: ac post illud novo iterum sacrificio præsens, in dulcissima actione gratiarum perdurabat, non raro præ vehementia spiritus in clamosa prorumpens suspiria, quæ vicini audirent. Charitatis in omnes prorsus æqualis erat, & fraternæ, promptissimus ad obsequendum cuilibet, ægris præcipue ad infima quævis servitia, ut neminem vel verbo unquam læderet, aut contristaret. Humillimè de se sentiens omnibus se postponere, deteriora & viliora in officijs, vestibus, & victu ambiens, usque eò, ut vestigia aliorum, dum se minùs observari crederet, exoscularetur. Observavi ipse non semel dum gradus, etiam jam sacerdos & Rector, ascenderet, singulos eorum dexterâ devotè attingentem, in qua basio impresso, eosdem gressibus Sociorum veluti consecratos venerabatur. Munia culinæ & Triclinij obibat Mediastini instar, & parandis findendisque in ejus usus lignis laborem in publica area, etiam dum Rectorem ageret, per solidas non raro horas ad sudorem usque impendebat. Superiores tenerrimo prosequabatur affectu, & habebat in veneratione, ut ex omni gestu appareret in illis CHRISTUM respici & agnosci, neque majorem aut teneriorem observantiam vel in filijs erga parentes, vel Novitijs erga moderatores suos requireres. Ab eorum nutu pendebat unice, quidquid innuerent, citrà ullam ex-

cusationem aut tergiversationem semper pronissimè complectens, idque tantò propensius, si vilia & abjecta imponerentur. Amoris proprii, & comodorum hostis erat juratus, neque unquam per vitæ religiosæ annos, quamdiu in Collegijs egit, somnum ultra consuetâ horam produxit, sed bene frequentius orationis gratiâ antevertit. In cibo deterioribus duntaxat perparcè vesci solitus, delicatioribus constanter abstinuit, ità ut panem & legumine contentus, de carnibus vix quidpiam degustaret; ità gravatè & tardè cibum ingerens, ut nausèâ laborare, & appetitu destitui suspicari posset. Pœnitentiæ & afflictionum corporis cum esset studiosissimus, DEUS ipse multæ patientiæ continuam occasionem illi immisit, secreto quodam malo intercute in ipso Tyrocinijs decursu immisso, morbo pediculi quoad molestiam facessendam persimili; cuius molestissimo pruritu cum toto corpore vellicaretur, quovis tempore, & loco (quin idcirco in munijs suis & occupationibus impediretur) longum annis quam plurimis tulit martyrium. Rerum suarum, quæ quolibet modo opinionem virtutis creare possent, fuit occultator tenacissimus; constat tamen in flagellorum & cilicij usu fuisse frequentissimum, ad horrorem usque ponè illius cubiculum transeuntium, dum ante decubitus flagris in se deserviret. Zelo animarum ardentissimo flagrabat constanter, præcipue postquam per quatuor vota solennia arctius Societati auctoratus est, neque ullam proximos lucrandi negligebat opportunitatem, Catechesim rudibus explicando, ægros inviscendo, & consolando efficacissimè, ut sibi è vita decessurus illum præcipue adesse optarent. Nec facile ullus è rusticis, pauperibus, & pueris ei fuit obviis, quin ultrò blandè salutato, cælestium illico mentione injectâ, documentum aliquod spirituale, & practicam in rebus pietatis instructionem impertiret: non cum alijs propensius agens & familiaris, quam cum maximis peccatoribus, erga quos induenda dicebat DEI viscera, qui eos tantâ benignitate & patientiâ toleraret, neque post tot relapsus, licet æquissimè posset, disperderet. Scholasticus existens, per quadriennium Theologiæ constanter Pragæ numerosæ Collegij familiæ legebat ad mensam, privans se consuetâ recreationis horâ; quos simul pijs instructionibus in DEUM & animæ curam ità excitabat, ut plures ex illis Religiosi effecti, alij faterentur plus ex ejus alloquijs, quam ex Concionibus aliorum & exhortationibus proficere.

Re-



Reſtor Collegio Brezniceſi poſitus, monitum Eccl. 32. ad amuſſim explevit, nihil exinde *elatus*, ſed *quaſi unus ex iſſis*, verſatus inter illos, ita ſolicite *curam eorum habens*, ut ſui nullam greere videretur: teſtarenturque domeſtici, etiam poſt annos complures, nunquam parem ſub alio Superiore charitatem ſe expertos, curamque omnino maternam, qua neceſſitates ſingulorum etiam praeveniebat, & commoda, quae ratio Inſtituti permetteret, providebat. Principio ſtatim gubernationis Miniſtrum admonuit, & ſi omittere id videret, identidem inculcavit, ut ſtudium omne cogitationemque impenderet, qua ratione ſervis DEI charitas omnis religioſa exhiberi poſſet; idemque ſibi ſuggereret, quod executioni daretur. Cibi cum eſſet pauciſſimi, menſam tamen omnium ultimus, ut liberalius ſe reſcindi mora alijs ſuppeteret, abſolvebat, varie interim ſciſſione & partitione edulij aſſidentium oculos fallens, cum magis caeleſtibus interim cupedijs mentem reſciceret. In humilibus culinæ obſequijs, & publicis poenitentijs, exemplo & frequentia praeſtat, elucebat lances, & utenſilia, ſerviebat menſae, exoſculabatur accumbentium pedes, humi cibum capiebat. Eadem charitas elucebat in pauperes & mendicos, copioſe ad januam affluentes, quibus propria manu liberalem eleemoſynam partiebatur, ea animi teneritudine, ut cor ſuum inter eos dividere velle videretur. Quod ſi Religioſos, aut Clericos peregrinos (quorum illac frequens eſt tranſitus) accedere ad Collegium contigiſſet, occurrebat vultu hilari, & hoſpitio menſaque lautiore excipiebat, inviſebat cubiculo exceptos, & religioſo colloquio diſtrahebat, praecipue ſub noctem ante decubitus: nec unquam ſine viatico, ſaltem unius Imperialis, & largiore eleemoſynâ (ſi eam corrogatum veniſſent) dimittebat. Sed & divina ſuperari neſcia liberalitas, abunde charitatem hanc rependit; ſiquidem nunquam aliâs tot Collegio, ex fundatione ſua alioqui pertenui, obvenire eleemoſynae & donaria, proveniſſetque ex Oeconomia uberiores; quod domeſtici unice Reſtoris ſanctitati & liberalitati, praeter Collegij perſonas, decem facile adoleſcentes religioſos in repetenda Rhetorica occupatos, conſtanter ſuſtentanti, adſcribebant. Sed neque proſectus familiae ſervitiorum Collegij immemor, extra curas zeli ſui eos reliquit: nam & ordinem diurnum ſua manu ei praſcribebat, devotiones aſſignabat, pia allocutione aut catecheſi ſub menſam aut labores reſciebat; cogitando

verò in ſingulas horas alicui Paſſionis Dominicae myſterio, ſacrum horologium ad cuiuſvis officinae portam affixit. Quibus domiſque Apoſtolici Zeli induſtrijs, æſtimationem Viri eximie ſancti apud omnes promeruit, ut finito Reſtoratu abeuntem domeſtici & extranei lachrymis proſequerentur, & ſacerdotum nonnulli, æquiores virtutum ejus æſtimatores, humum genu flexionibus ejus per triennium notabiliter attritam exoſcularentur: communiter autem faterentur, nunquam in ejus converſatione & actionibus, defectum ullum, vel regulam cuiuſpiam violationem obſervâſſe: quod & ego per annos undenos ipſi convivens teſtari cogor.

Sed hæc omnia velut in umbra & Tyrocinio virtutum ab eo geſta computari poſſunt, donec in campum eduſtus eſt heroum verè Martialem anno 1673. adlectus in legionem militarem Comitum & Generalis Sereni, ut eandem Spiritualibus obſequijs in Imperiali Exercitu procuraret. Quanquã ille unius legionis adminiſtratione zelum ſuum contineri minimè ferens, pluribus alijs, quia Caſtrenſibus præſertim Capellaniſ deſtitui videbat, diu noctuque promptus aderat, nihil ſibi quietis indulgens, omnium ſtationes & tentoria concuſſans, ægros præſertim venatus, nè ſine Sacramentis decederent. Neque ullum inter morborum genera faciebat diſcrimen, peſtiferis æque ac contagioſis promptam exhibens operam, quocumque intempere noctis exciretur momento. Ad matutinas & veſpertinas preces publice dicendas, faciebat quotidie legionem totam ſigno militari convocari, quibus ipſe zelo & devotione ſingulari præorabat, pios hymnos præcinebat, excitabat ad eliciendum actum contritionis, quem prælegebat; & communiter nervoſum aliquem ſermonem addebat: Dominicis verò & feſtis omnibus à Sacro peracto prolixiorum ſubneſcebat. Dum indiſta migratione ſub ſignis militaribus exercitus progrediretur, ut à petulantibus & vitioſis exceſſibus utiliter miles contineretur, utrinque Ordines à primo ad ultimum, ſuſum deorſumque continuè pedes inambulans circumibat, Roſarium manibus geſtatum altâ voce præorans, cui tota legio reſpondebat: quo finito vernaculas præcinebat, omnibus pariter ſequentibus, pias cantiones: ac tum varias recenſebat ad ſingulas ſeorſim cohortes pariter aſſociatus, hiſtorias; ut magis votivam ſupplicationem, quam militarem progreſſum te videre crederes. Si verò in caſtris morarentur, ſive in obſidenda urbe, ſive in hoſte ad conſiſtum præſtolando occupa-



cupati, assiduus totâ die stationes singulorum, tentoria, excubias obibat, penetrabat in fossas, & loca periculi plenissima, nullo reboantium tormentorum, & volantium circa caput globorum, aut cujusvis proprii casus metu: in ipso quoque actuali praelio constanter suis præsens, ut in quamlibet partem, ubi læsum quempiam advertisset, accurre-  
ret, cadentibus ab utroque latere commilitonibus, & globis circum aures sibillantibus; ut adeo non raro milites ipsi dehortarentur, & rogarent, parceret suo capiti, & servatum se plurimum bono vellet. Tantusque fuit in eum affectus, & communis gregariorum æstimatio, ut non alio quam Viri sancti, Parentis sui nomine illum compellerent: siquidem affectu plus quam paterno experiebantur miserijs & necessitatibus suis condolentem, & subvenientem, quando totum suum stipendium in eorum subsidia expendebat, corrogabat in eorum usus liberales eleemosynas, pharmaca, edulia; porrigebat medicinas, ægros procurabat, omnium communis Mater, servus, & Infirmarius. Ipse verò sui penitus negligens, victu pertenui, & nisi à Generali suo mensæ adhiberetur, solo pane, aut obvio quovis legumine contentus; in potu pariter constantis temperantiæ, inter quælibet convivia: vestitu detrito, pannofo, & vilissimo, nec commodiore lecto utens; ut idcirco communi virorum militiæ Officialium, atque adeo ipsius Serenissimi Lotharingi, Sociorum & aliorum Castrensium Sacerdotum, vulgique voce, Neglector sui, & homo sine controversia Sanctus audiret. Ipse autem Generalis Sereni, non aliter quam suum Angelum Tutelarem vocabat, meritis ejus & sanctitati felices successus, & fortunam suam attribuens, & nisi obsequijs militum & ægrorum noctibus distineretur, proximum sibi accubare volens. Moribus inter tantam corruptionem remansit semper Angelicis, eam verbis, motibus, vultu, totoque corpore modestiam præferens, quam Sanctus Ignatius suis præscribit; neque blasphemias, verba obscæna, & id genus sceditates aut facinora coram se, citrà reprehensionem, admitti tolerans: quæ à legione suæ curæ commissæ feliciter ita proscriptis, ut pænè eliminârit. Accidit circa annum 1676. illum interesse prandio militari, in quo assidentium Tribunalium unus è primoribus, in verba obscæna, jocosisque parum honestos effusus, castas ejus aures ita offendit, ut collecto orbe cum cibo & cultris à mensâ recesserit, cum dicto, obscæna e-

jusmodi turpiloquia non decere Ductores militiæ. Et licet sanctam eam libertatem mensæ patronus, inurbanitatem contra hospitalitatis jura admissam interpretaretur, ipse tamen constanter è loco abscessit, esurire magis, quam cum ejusmodi vel cibum sumere eligens.

Uc verò tantò habiliorem plurimum, ex omni natione & gente animarum bono Ministrum se redderet, præter latinam & nativam Boëmicam, idioma condidit Germanicum, Italicum, Græcum, Hebraicum, ut singulis, si non pro concione dicere, confidentes tamen expeditè intelligere, & intelligi, ac Fidei dogmata explicare posset. Cum enim summus otij osor esset, tempus meridianum studijs ineptum, naviter, etiam dum Collegio præesset, huc impendebat. Quod ei maximo usui ad innumerabilem animarum salutem, non tantum in bello Imperiali, sed vel maxime Turcico fuit, cum non esset natio cui opitulari nesciret. Contigit illum cum suo Generali deferri aliquando Lipsiam, cujus honori improbo studio consarcinatum carmen hæretici Ministri cum obtulissent, ipse ex tempore nomine ejusdem multò prolixiore & nitidior versu respondit; non exiguo omnium literatorum stupore, ut per plateas & fora inambulantem digito monstrarent, inque tam vili vestitu doctissimum Jesuitam latere suspicerent: tantò amplius in ea opinione confirmati, ubi aliquoties ad Disputationes Academicas invitatum, acerrimum & subtilem tam in Philosophicis, quam Theologicis Thesis impugnatorem experti sunt.

Incredibile est quantum laborum, incommodorum, difficultatum bello Turcico per octennium ferè (cui immortuus est) in tot prælijs, urbium expugnationibus, Castrorum calamitatibus, expertus sit, Vir maiorum minimè fugitans, sed ipsdè avidè inhians; traductis ad Religionem Catholicam ex omni sectarum colluvie, Mahometanis, Schismaticis, Arrianis, Lutheranis, Calvinistis, & id genus errorum monstribus. In expugnatione Budæ Ungariæ Metropolis assilientium militum globo immistus, primos inter penetravit in Urbem; eo maxime consilio, ut in direptione Urbis assultu occupatæ, ubi nec infantibus à furioso milite parci solet, ipse animabus saltè eorum esset præsidio, & sacro latice tinctos Cælo transmitteret. Cessitque res ex voto; nam expugnatâ Urbe, dum miles furibundè obvijs quibusque cæsis, in domos tandem omnia diripiens se pene-



penetrat, neque ulli sexui aut ætati parcat, ipse infantibus inhians, quos adhuc ex vulneribus spirantes reperit, expressâ de strophio, ad eam rem copiosè aquis identidem imbuto, lymphâ baptizat; & aliquot minimè lethaliter saucijs, vitam insuper in Castra delatis conservat. Similia Zeli Apostolici prodigia cum & in alijs deinceps expugnationibus indefessus præstaret, tandem post Belgradi, seu Albæ Græcæ expugnationem, cum annum ageret ætatis 61. viribus ità deficere cœpit, ut tam legionarij, quàm Generalis ipse miseratione captus, apud Societatis in Boëmia Moderatorem pro ejus ad quietem revocatione, non tamen sinè dolore amittendi tanti Operarij, & eximijs Viri encomijs, inlitterit. Quod ubi pro se agi advertit, promptum quidem ad reditum sese obtulit, simul tamen dolorem suum, quod in obsequio tam arduæ, simul & Operariorum indigæ Missionis, vitam ponere non daretur, adeo tenerè explicuit, ut in eo munere relinqui pervaserit: sic tamen ut Castris sequendis vale dicto, præsidarium militem in Urbe, vel Castro quopiam procurare sat haberet. Et penitus sub id tempus Christiano Exercitu per occupatam Transylvaniam dispartito, Cibinum, Saxonicæ istic nationis metropolis, ipsi cum Sereniana legione tuendum obvenit; de quo mirabilieventu ità ipse ad eundem Superiorem perscripsit. *Annus hic 1688. secularis est, quo Societas nostra è tota Transylvania publico Regni edicto proscripta, æternum exulare iussa est, decretâ infami pœnâ, si quis Fidei suadendæ causâ ingressus deprehenderetur. Aliter visum summo Moderatori rerum DEO; qui gemini instar Jubilei, quo lege Divinâ veterum possessionum restitutio, & colonorum ad easdem redditus decretus erat, annum hunc esse voluit. Itaque magnæ Aquilæ Leopoldinæ victricibus auspicijs, etiam Societatis Missionarij non jam in occulto, sed manifesti Transylvaniam ingrediuntur. Patuit Claudiopolis Regni Caput, idque auspicio quodam Divino singulari, ipsâ illâ Dominicâ, quâ Evangelium CHRISTI legitur, jubentis reddi Casari quæ Cesaris sunt, & quæ DEI DEO, delato Sacræ Casaræ Majestati fidelitatis subjectionisque Sacramento, prius illud impleverunt. Spes est & alteri DEI mandato parituros, ut reddant DEO, quæ DEI sunt &c.* Et hoc quidem totis ille viribus, pauculo quo supervixit tempore, Cibini procuravit: ubi cum non reperisset Catholicum præter mulierem civem unicam, spatio non integri biennij ex varijs sectis fideles effecit 54.

*Societas Europæa.*

solus ibi ex sacerdotibus relictus; urbe totâ ex ejus prædicationibus ità in eandem fidem inclinatâ, ut promptissimè illi accessuros plurimi faterentur, si modò libertas ejus Religionis Statuum decreto sanciretur. Huc ipse ingressus, ante omnia Templum aliquod, vel oratorium, habendis ritu Catholico Divinis, in usum præsidij Casarei circumspexit: & quia hæreticorum fana partim ruinata, partim usibus profanis ità desædata reperit, ut aptari facilè vix possent; eò humanitæ suâ senatum heterodoxum permovit, ut Oratorium admodum capax, proprio multorum centenorum florenorum sumptu, erexerint, & ad omnem elegantiam pro illius placito adornârint. Hic ille piorum Tribunorum, & Matronæ illius Civis Catholicæ munificentia, sed præcipuè sumptibus ab Eminentissimo Cardinali Kolonitz, & aliquot Generalibus Militiæ Ductoribus, liberaliter suppeditatis præter fenestras, majorem CHRISTI Crucifixi, duoque ex lateribus spectabilia statuit Altaria, Matris dolorosæ, & Sancti Antonij Paduani; varijs ad pieratem movendam mysteriorum CHRISTI imaginibus toto fornice, cum ingeniosis inscriptionibus, lemmatis, & Chronographicis, depicto. Hujus nitore capti Civium summi infimique mirè oblectabantur, contemplan-do decorem Domûs DEI; sic ut scriberet ipse Anno 1688. *rarum temporis momentum intercedere, quo non reperirentur novi semper perpetuo affluxu illius spectatores.* Ludum quin etiam literarium aperuit, instituendæ ab se pueritiæ, in quem (scribebat ipse) *confluunt velut in Arcam Noë omnis generis animalia DEI, 40. facile capita; quotidianis intersunt ministrantque Sacris, pietatis & modestiæ exemplo Lutheranis hætenus hic non viso.* Idem præoranti quotidie post Missam Litanias de Sanctissimo Nomine JESU, devotè respondebant. Festivis autem diebus divina fiebant solenniter ad musicos concentus, quibus peragendis cantores Senatus suo stipendio conductos commodabat: Cantus verò ad teneram pietatem componere Pater ipse scitè noverat, artis Musicæ apprimè peritus.

Sed juvat reliquos ibi collectos fructus verbis ipsius recensere, tum ut modestia scribentis appareat, qui nunquam eos ut operâ suâ partos, sed in genere à quopiâ reportatos, enarrabat: tum etiam pietas, qui nec apicem unquam novorum sæcularium, aut curiositatum, de regionum aut urbium situ, elegantia, toto utriusque belli tempore, sive

C c c c c



de ejus eventibus in Provinciam misit; sola Spiritualia animarum lucra in solariū nostrorum referre contentus. Quæ singulis annis missæ illius epistolæ utinam asservatæ essent! consummatum ex ijs repræsentaremus animarum Zelotem, virūque cœlestem, meritō & animarum Deo partarum ditissimum. Itaque ultimis Cibino anno 1689. 4. Decembris Pragæ ad Domū Professæ Præpositum datis, hæc habet. *Unicus hic sum Operarius, donec alteri occasio & titulus accedendi offeratur. Templo anno superiori extructo, accessit jam lampas argentea ex 80. uncijis, igni perpetuo coram SS. Eucharistia alendo: urceoli pro sacrificio pariter argentei. Ignis ille lampadis perpetuus. Lutheranos suspensos reddit, præsertim dum intelligunt, mandatum tale datum à DEO Levit. 1. 6. 12. Procurata sunt alia Templo necessaria, sedilia, fenestræ, expensis amplius 300. fl. Altariū item ornamenta, pro Ministris 6. tunicellæ, & lineæ desuper vesticulæ: pro Organo itē brevi perficiendo in antecessum jam 300. floreni depensi sunt. Per anni decursum varia ad pietatem & instructionem sacra spectacula exhibuimus, Præsepe, Trium Regum adventum, sepulchrum Domini gloriosum, decantatā prius germanicè Passione Dominicā: omnia ad mimulum plebis Luthericæ, à seculo enim nil tale hic visum. Ingenue coram nobis ipsimet fatentur, priusquam Catholicorum conciones & vitam experti essent, magis quàm Turcas habuisse nos exosos: nunc verò contraria omnia vident. Juventus militaris sub disciplinam scholasticam revocata, ad pietatem & literaturam assidue exercetur: convolant etiam adolescentes, grandiusculi, & in Catecheticis instructionibus suā alacritate & peritiā concient Lutheranum populum, qui frequens avidè accurrit. Liberos suos mittunt ad accipiendā munusculā; ipsimet etiam Patres & Matres, vel accipiunt in Templo, vel efflagitant per alios sacras imagines, quarum explicationes cum admiratione excipiunt. Petit aliquis donari sibi Matris DEI septem dolores præferentis imaginem; & en, inquit, quàm graphicè proponunt divina mysteria Catholici in suis imaginibus, cum in edibus nostris nil nisi Ethnicorum Caesarum, aut aliæ profana icones reperiuntur. Coram simili imagine ad parietem à milite affixā, noctū visa est Mater familias procubuisse precabunda; & manè, quàm, inquit, devotam habent Catholici Religionem! cuperem & ego Catholica fieri. Quod itidem permulti tum inter se, tum nobis audientibus profiteri non dubitant, non se postremos fore, ubi libertas Religionis concessa fue-*

*rit. Facile est dijudicare, inquit ipsi, quinam DEUM querant, qui mundum. Catholicorum Sacerdotes edificandis templis, & ornandis altaribus student, nostri uxoribus & liberis curandis toti sunt dediti. Quod maxime commendabilem ipsis reddit Societatem nostram, est istud, dum vident non querere nos quæ nostra sunt, sed quæ proximorum, sublevandis egentibus, ægris, suppeditato etiam peculio nostro Castrensi. Unde ipsi etiam Lutheranī pauperes ad nos fidenter elemosynæ causā accedunt. Vicissim verò ipsi Urbis Primores omnī benevolentia & munificentia genere sacerdotem nostrum honorant. Regius Urbis Judex qui in Saxonica istic natione Comititis titulo & nobilitate gaudet ex nimio affectu emixè exoptat, extorsitque sacerdotis nostri manū, osculo honorandam: protestatus etiam coram suis Verbi Ministris, sincere intimèque se erga hunc Patrem affici, ejusque conversatione & colloquio unice teneri. Idem illi vestem de panno, quo ipse vestitur, confici curavit: pro versibus nonnullis gratulatorijs, 20. Imperialibus reddidit gratitudinem testatus est, neque ullam omittit eidem gratificandi occasionem. Idem faciunt reliqui Urbis primores, magnopere nos æstimaunt, observantque omnī officiorum genere: concionibus nostris tum ipsi, tum civium frequentes attendunt, & sacris cantionibus delectantur. Scholastica pueritia ter specimen dedit eruditionis & pietatis. Festo Corporis CHRISTI pro theatro venerata est latentem sub speciebus panis DEUM; bis Catecheticam repetitionem, summis infimisque spectantibus & approbantibus, pro suo modulo repræsentavit. Egregium demonstravit fervorem in condiscenda & proferenda Christiana doctrina. Unus ex eis parvulus calceamentis destitutus, non omisit nudipes, rigente licet calo, currere & perseverare: retulit in præmium indumenta, quibus caruerat: quæ erogantur & alijs, quorum non pauci numerantur. Melodrama, quod sacro Theophrastæ festo pro theatro per pusillam scholam nostræ juventutē exhibuimus, miram conciliavit estimationem: quid, inquebant, non faciunt Jesuitæ in proprijs sedibus, in juventute probè instructa, si in alieno unus Jesuita per rudem pueritiam talia efficit? Sacra officia concionum tenuere cursum continentem Dominicis & Festis singulis nunquam interruptum, DEO vires attemperante uni soli sacerdoti. Per Quadagesimam verò quartā quæque feriā post sacrificium Missæ, allocutio de Passione Domini ad populum habita fuit. Constitit suis concionibus fructus, quando pro Sacro tribus-*



tribunalis sue de ignominis, sive neglectis, rationes debite exposuerunt non pauci. Magica amuleta sic diffusa, ut maluerit Matrona præcipua sustinere diutinos continuos cruciatus, quam iisdem liberari ejusmodi remedio, quamvis in alia persona jam antebac feliciter probato. Miles quidam intemperis satana ex vetere quodam pacto agitatus, de re se ipsum pendulum fecerit; DEO disponente ab interuentibus exolutus, per nostrum ad maliciam reductus, & Sacramentis communitus est. Alius quidam tergiversabatur multum, diuque differebat ad Fidem conversionem, ad quam tamen hoc pacto perpulsum est. Vix buccellam è manu Ministri Lutherani acceptam glutientis, cum mox ei moveri nausæ stomachus, ita ut properè ex catu aliorum evadens, revomeret prophanum bolum. Delictum itaque agnoscens, veritati manus dare non distulit.

Observandum autem est, lampadi curandæ, cujus initio epistolæ P. Lucas fecit mentionem, Ducis militiæ cujusdam conjugem addixisse duntaxat 50. uncias, sed Pater ejus liberalitati confusus, alias 30. adjecit, ut major evaderet & decentior. Familiariter verò eidem expostulanti, reposuit, exilem nimium futuram fuisse pro tanta Domina: mereri majorem ab ea liberalitatem videri DEUM, quæ sæpius in Mundum ejusque ilecebras fuisset profusior. Quo tam apto monito tantum absuit ut illa commoveretur, ut è contrà supplementum illud de suo promptè illico adjecerit. Eadem libertate alias quoque Officialium præcipuas matronas, quoties opus erat, admonentem, patienter ad sui correctionem ferebant: ut cum garritionem in templo quibusdam modestè privatim exprobrans, per jocum minatus est, se in proxima, quam habiturus esset in hoc vitium concione invectiva, oculos destinato in eas fixurum, ut sciret populus, quibus emendandis hæc dicerentur: quod nè fieret, illæ culpam blandissimè deprecata, ut certum emendationis redderent, multam sibi ultro pendendam certæ pecuniæ, in pauperes dividendæ, imposuere, si relaberentur. Alias cum præcipuæ illarum peracti hyemetraxis per urbem sæpius obvolitarent, & die tamen sacro Nascentis Domini Sacrificium Missæ in calido cubiculo, ob vehementiam frigoris, sibi celebrari expererent: Pater zelo DEI accensus adfuit quidem tempestivus, sed ut improbum postulatū argueret; & possuntne inquit, Domina quatuor horis in summo frigore per plateas traxis invehi? & non dimidiâ horâ audiendo Sacro in Tem-

*Societas Europæa.*

plo interesse? omittere mille DEI amantiore animas, confiteri & concionem audire volentes, ut earum lenocinijs inserviam, & cooperer ad majus delictum? DEUS Judex justus scandalosam hanc libertatem vindicabit! Dixit, & ad templum se recepit; illæ verò salubriter compunctæ; pluris deinceps divina facere didicerunt.

Hæc qui ad trutinam revocâr; vix fidem habebit, potuisse ab uno homine ætate ac viribus per tot Castrenses ærumnas fracto (annum enim vitæ tunc penultimum agebat 62.) & aliorum sensu ad labores Missionis jam inutiles judicato, talia præstari; qui Concionatoris simul & Ludimagistri, Catechistæ, & Operarij, Confessarij & Ædilis, omnia simul Zeli Apostolici & Christianæ Charitatis munia, erga sanos & ægros, pauperesq; fideles & infideles, præsidarios & cives completens, animarum & corporum curam exequetur. Quibus si addas industrias alias, quarum partem aliquam observavit oculus testis alius noster sacerdos Missionarius, occasione hibernorum in vicina Walachia, aliquot hebdomadas Cibini moratus, planè obstupesces. Quolibet Dominico & Festo, testatur hic, concione peractâ, ad omnes Urbis portas per excubias & vigiliis Pater Lucas discurrit, concionem singulis repetendo; ut & illi, cum Ecclesiam adire per leges militiæ non possint, fiant participes Verbi DEI. Noxios per astatem fructus, quibus ea regio maxime abundat, obtinuit à Præsidij & Urbis Præscto diripi, & pessumdari, neque ullos deferri in urbem permitti, nisi quos lustratos Pater pronuntiaret innoxios, aut salubres. Fatenturque Tribuni præsidij, plerosque milites, hæc ejus industria, a morbis esse preservatos, dum alibi in varijs regionibus quam plurimi ex fructuum immoderantia perire. Prodeunt in vicis aut forum, occurrebant puelli & teneræ ætas, & ad osculum manus, Catholica pueritia more, unus alterum præcurrere gestiebant. Iidem turmatim ad divina, maxime Catechesim affluebant, nihil parentum prohibitionem, & vel ipsa verbera pensi habentes: & si donatas à Patre icunculas, cruculas, Parentes eripuissent, ad eundem recurrebant parentum accusatores, quod data sibi pia pignora combussissent. Ex quibus facile collegeris, quam fidelis DEI servus fuerit Pater Lucas, & Operarius industrius ætate vividâ & recenti, dum non rarò apud ternas & quaternas legiones, Curatis destitutas, solus ipse munia omnia sacerdotis Castrensis implebat: si enim hæc præstabat in arida, quid fiebat ætate viridi?

Ccc ccc 2

quo-



quorum tamen pleraque, quia sine socio, sine arbitro & teste, noticiam nostram effugere, nisi quod communiter in Exercitu haberetur & promulgaretur ut Sanctus; quin in particulari ex militibus, talia arbitrari nefcijs, aliquid exprimi posset. Similiter quædam illi supra naturæ vires evenisse in genere asseritur; unicum verò in particulari communi famâ ad nos afferebatur, visum fuisse Cibini, plurimis inspectantibus, sublimè à terra in aëra levatum.

Atque his Zelo Apostolico in hæretica Civitate dissentum, non tam vis morbi, quam fatiscentes continuis laboribus & curis vires, ad extrema deduxere; brevi ægritudi-

ne, & morte tantò felicior anno 1690. ætatis 63. Societatis 44. die 20. Aprilis confectum, quantò à solatijs terrenis omnibus, & suorum etiam consortio sejunctum, inque sola DEI providentia quiescentem. Funus ejus militari pompâ Præsidium Cæsareum deduxit, & præter Senatum tota ferè Civitas comitata est, non sine lugubri muscorum, quantumvis hæreticorum, concentu, & campanarum sono. Sepultus est in eodem Oratorio, quod suâ industriâ Catholicorum usibus construxerat: nec heterodoxis de æterna ejus salute dubitantibus, imò quàm plurimis Virum planè sanctum, & DEI Amicum appellantis.

*Ex ejus Elogio & Annis Societatis JESU Provinciae Boëmiae.*

## PROTESTATIO.



**I**ECTOR, adverte in Elogijs Virorum Illustrum, quos hoc libro complexus sum, nonnulla me obiter attingere, quæ sanctitatem illis videantur adscribere: perstringo nonnunquam aliqua ab ijs gesta, quæ cum vires humanas superent, miracula videri possunt: præagia futurorum, arcanorum manifestationes, revelationes, illustrationes, & si quæ sunt alia hujusmodi: beneficia item in miseros mortales eorum intercessione collata divinitus; demum nonnullis sanctimonie videor appellationem tribuere. Verum hæc omnia ita meis lectoribus propono, ut nolum ab illis accipi tanquam ab Apostolica sede examinata, atque approbata, sed tanquam, quæ à sola suorum Auctorum fide pondus obtineant, atque adeò non aliter, quàm humanam historiam. Proinde Apostolicum S. Congregationis S. R. & Universalis Inquisitionis Decretum Anno 1625. editum, & Anno 1634. confirmatum, integrè, atque inviolatè, juxta declarationem ejusdem Decreti à Sanctissimo D. N. D. URBANO Papa VIII. Anno 1631. factam, servari à me omnes intelligant, nec velle me, vel cultum, aut venerationem aliquam per has meas narrationes ulli arrogare; vel famam, & opinionem sanctitatis, inducere, seu augere; nec quidquam existimationi adjungere, nullumque gradum facere ad futuram aliquando ullius Beatificationem, aut miraculi probationem, sed omnia in eo statu à me relinqui, quem seculus à hæc meâ lucubratione obtineant, non obstante quocunque longissimi temporis cursu. Hoc tam sanctè profiteor, quàm decet eum, qui Sanctæ Sedis Apostolicæ obedientissimus haberi filius cupit, & ab eâ in omni sua scriptione & actione dirigi.

MATHIAS TANNER S. J.



# INDEX ALPHABETICUS,

## Juxta Cognomina Virorum Apostolico- rum, quorum acta in hoc Tomo fusiùs re- censentur.

P. Adornus Franciscus, paginâ	204	P. Coniers Thomas, pag.	689
P. Adriani Adrianus, pag.	171	P. Consalvius Ludovicus, pag.	151
P. Ægidius Alphonsus, pag.	114	P. Cordeses Antonius, pag.	339
P. Agvado Franciscus, pag.	797	P. Costerus Franciscus, pag.	521
P. Albergottus Marcellinus, p.	610	P. Cottonus Petrus, pag.	567
P. de Albotodo Joannes, pag.	157	P. Cyrianus Paulus, pag.	731
P. de Almarza Joannes, pag.	888	P. Dabischier Thomas, pag.	350
P. Alvarez Georgius, pag.	190	P. Deza Rodericus, pag.	856
P. Araozius Antonius, pag.	137	P. de S. Dominico Martinus, p.	247
P. Avellaneda Joannes, pag.	736	P. Emersonus Rudolphus, p.	399
P. Augerius Edmundus, pag.	232	P. Enriquez Leo, pag.	218
P. de Ávila Alphonsus, pag.	57	P. Espiga Petrus, pag.	250
P. de Azevedo Gaspar, pag.	106	P. Everardi Thomas, pag.	635
P. Balduinus Guilielmus, p.	626	P. Faber Petrus, pag.	31
P. Barradius Sebastianus, p.	464	P. Falco Joannes, pag.	572
P. Batheus Guilielmus, pag.	451	P. Fernandez Joannes, pag.	261
P. Baufek Adalbertus, pag.	116	P. de Florentia Hieronymus, pag.	29
P. Bayllius Guilielmus, pag.	531	P. Fodor Stephanus, pag.	638
P. Beauvau Franciscus Anna, pag.	877	P. Frias Joannes, pag.	276
P. Bellarminus Robertus S.R.E. Card. p.	532	P. Garcia Milan, pag.	280
P. Belly Balthasar, pag.	691	P. Gaudanus Nicolaus, pag.	103
P. Benassay Stephanus, pag.	523	P. Geidroicz Georgius, pag.	792
P. Bennettus Joannes, pag.	564	P. Gerardi Joannes, pag.	671
P. Bernal Petrus, pag.	346	Gilbertus Georgius, pag.	180
P. Blacannus Joannes, pag.	684	P. Gill Petrus, pag.	548
P. Blondus Richardus, p.	686	P. Gondinus Joannes, pag.	589
P. Bobadilla Nicolaus, p.	228	P. Gonzalez Joannes, pag.	202
P. Bordefius Joannes, pag.	527	P. Gonzalez Rodericus, pag.	170
S. P. Borgia Franciscus, p.	121	P. Good Guilielmus, pag.	210
P. Bovillet Ludovicus, pag.	596	P. Grillus Hyacinthus, pag.	598
P. Boutonus Franciscus, pag.	587	P. Gvadrama Joannes, pag.	815
P. Brignole Antonius, pag.	867	P. Gvillen Hernandus, pag.	149
P. Broëtus Paschasius, pag.	76	P. Gustapane Josephus, pag.	808
P. Bustamantius Bartholomæus, p.	108	P. Guzman Jacobus, pag.	357
P. Cajetanus Octavius, pag.	525	P. Guzman Ludovicus, pag.	353
P. Calatayud Josephus, pag.	655	P. Guzzonus Marcus, pag.	616
P. del Campo Joannes, pag.	370	P. Hartus Joannes, pag.	217
P. Canisius Petrus, pag.	285	P. Hayevod Gaspar, pag.	206
P. Capicius Ferdinandus, pag.	212	P. Herbestus Benedictus, pag.	245
P. Caraffa Vincentius, pag.	751	P. Hoffæus Paulus, pag.	382
P. Cardenas Antonius, pag.	468	P. Holtbeyus Richardus, pag.	694
P. Carlier Joannes, pag.	637	P. Hozius Jacobus, pag.	27
P. del Castillo Joannes, pag.	317	P. Hunneken Fridericus, pag.	740
P. Cathius Arnoldus, pag.	614	P. Jajus Claudius, pag.	41
P. Chanowsky Albertus, p.	713	P. Jongus Joannes, pag.	869
P. Ciarlut Quintinus, pag.	52	P. Justinellus Petrus, pag.	602
P. Codurius Joannes, pag.	29	P. Kaldi Georgius, pag.	644
P. Colnagus Bernardus, pag.	411.	P. Kaukal Melchior, pag.	727
		C c c c c 3	P. Kef-



10-82

P. Kesseliu Leonardus, pag.	146	P. Ramirez Joannes, pag.	205
P. Kolich Lucas, pag.	936	P. Realinus Bernardinus, p.	486
P. Krawarsky Adamus, pag.	858	P. Reginaldus Anatolius, pag.	173
P. Lainez Jacobus, pag.	89	P. Regis Joannes Franciscus, p.	696
P. Lancicius Nicolaus, p.	773	Renard Edmundus, pag.	710
P. Landinus Sylvester, p.	46	P. Rhem Jacobus, pag.	517
P. Lea Patritius, pag.	768	P. Ribera Franciscus, pag.	348
P. Lea Rogerius, pag.	472	P. Rodericius Simon, pag.	161
P. de Leon Petrus, pag.	622	P. Rosillo Franciscus, pag.	275
P. Leirwaythe Thomas, pag.	806	P. Ruiz de Montoya Jacobus, p.	619
Lillius Joannes, pag.	384	P. Saillius Thomas, pag.	550
P. Loarte Gaspar, pag.	159	P. Salmeron Alphonsus, pag.	193
P. Lopez Hieronymus, pag.	839	P. Sanchez Antonius, pag.	334
S. P. de Loyola Ignatius, pag.	1	P. Sanchez Blasius, pag.	155
P. de Madrito Antonius, p.	80	P. Sanchez Joannes, pag.	141
P. Maile Mathias, pag.	641	P. Sarmiento Sebastianus, pag.	442
P. Maldonatus Joannes, pag.	176	P. Scammaca Josephus, pag.	575
P. Malobiczky Joannes, p.	930	P. Schachtius Henricus, pag.	794
P. Mancinellus Julius, pag.	499	P. Schwihowsky Wenceslaus,	389
P. Manconius Joannes, pag.	653	P. Serranus Jacobus, pag.	926
P. Martincurtius Joannes, p.	584	P. Soldanus Marcus, pag.	448
P. Martinez Antonius, pag.	86	P. Sorefina Thomas, pag.	605
P. Martinez Ignatius, pag.	298	P. de Soto Thomas, pag.	329
P. Martinius Joannes, pag.	120	P. Sotomajor Jacobus, pag.	119
P. Martinius Petrus, pag.	84	P. Stanneus Thomas, pag.	497
P. Mascarenia Joannes, pag.	168	P. Stephensonus Thomas, p.	553
P. Mettsch Andreas, pag.	770	P. Stizius Jacobus, pag.	441
P. de Morales Franciscus, p.	258	P. Strada Franciscus, pag.	184
Moreno Franciscus, pag.	362	P. Strange Thomas, pag.	693
P. Nevillus Edmundus, pag.	750	P. Sturmius Wenceslaus, pag.	338
P. Nigrinus Andreas, pag.	871	P. de Sylva Franciscus, pag.	917
P. Ninno Rodericus, pag.	577	P. Tavora Georgius, pag.	314
P. de Noyelle Philippus, pag.	581	P. de Teyxeira Manuel, pag.	645
P. la Nuza Aloysius, pag.	819	P. Toletus Franciscus S.R.E. Cardin. p.	271
P. Ochioa Michaël, pag.	278	P. Tolgsdorff Erdtmannus, p.	529
P. Oliverius Bernardus, pag.	54	P. Valesius Dominicus, pag.	474
P. Orimbellus Angelus, pag.	607	P. Valier Georgius, pag.	275
P. Palmius Benedictus, pag.	308	P. Villanova Franciscus, pag.	61
P. Pardus Franciscus, pag.	922	P. Vishavaus Cornelius, pag.	71
P. Pavonus Franciscus, pag.	666	P. Urfinus Alexander R.S.E. Card. p.	570
P. Pazmanny Petrus S.R.E. Cardinalis, p.	669	P. de Urteaga Petrus, pag.	722
P. Pelinga Georgius, pag.	745	P. Walsinghamus Franciscus, p.	733
P. Pequertus Petrus, pag.	239	P. Warlawicius Stanislaus, p.	242
P. Percey Joannes, pag.	707	P. Wegelin Balthazar, pag.	651
P. Personius Robertus, pag.	390	P. Westonus Guilielmus, pag.	454
P. Petra Alphonsus, pag.	836	P. Worthingtonus Laurentius, p.	682
P. Pignatelli Lucius, pag.	808	P. Worthingtonus Thomas, p.	574
P. Pifa Januarius, pag.	833	P. Wouthe Paulus, pag.	662
P. Pizveda Salvator, pag.	554	P. Woyscza Stanislaus, pag.	805
Pondus Thomas, pag.	480	P. Zehender Joannes, pag.	445
P. Possevinus Antonius, pag.	401	P. Zuechi Nicolaus, pag.	893









K. 1111  
1009

10



941

JAB94.  
T1675  
1-SIZE

Part  
C

Anchor point  
1-24



